


ପୁସ୍ତକ ମଢ଼ରା



The New Testament in the Kuvi language of India: ପୁସ୍ତକ ମଢ଼ରା  
(Bible)

## ପୁସ୍ତକ ଶିକ୍ଷା

### **The New Testament in the Kuvi language of India: ପୁସ୍ତକ ଶିକ୍ଷା (Bible)**

copyright © 2020 The Word for the World International

Language: କୁବି (Kuvi)

Contributor: The Word for the World International

### **ପୁସ୍ତକ ଶିକ୍ଷା, କୁବି ପୁସ୍ତକ ଶିକ୍ଷା, 2020**

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

---

PDF generated using Haiola and XeLaTeX on 21 Feb 2024 from source files dated 13 Apr 2023  
081337bf-dba3-542b-bc85-280acfb14d33

## Contents

ମାତିୟୁ . . . . .	1
ମାକ୍ . . . . .	46
ଲୁକ୍ . . . . .	74
ଜହନ . . . . .	120
କାମା . . . . .	155
ରମିୟୁ . . . . .	198
ବେରନ୍ତୁ . . . . .	218
୨ବେରନ୍ତୁ . . . . .	236
ଗାଲାତିୟୁ . . . . .	248
ଏଫିସା . . . . .	255
ଫିଲିପି . . . . .	262
କଲସୀୟ . . . . .	267
୨ତେସଲନିକି . . . . .	272
୧ତିମତି . . . . .	275
୨ତିମତି . . . . .	281
ତିତିସ . . . . .	285
ଫିଲିମନ . . . . .	288
ଏବି . . . . .	290
ଜାକୁବ . . . . .	304
୧ପିତର . . . . .	309
୨ପିତର . . . . .	315
୧ଜହନ . . . . .	319
୨ଜହନ . . . . .	325
୩ଜହନ . . . . .	326
ଜୀହୁଦା . . . . .	327
ଝେକ୍ସି ରଲୁ . . . . .	329

# ମାଥିଉ ଲିଖିତ ସୁସମାଚାର ମାତିଲୁ ରାଚାମାନି ନେହୁ କାରୁ ମୂଲୁ ହାଡ଼ା

ପୁଃନି ମୋରାତି ସାରିଗଟା ନେହୁ କାରୁ ପତିୟା ବିତ୍ରାଟି ମାତିଲୁ ରାଚାମାନି ନେହୁ କାରୁ ଜୀସୁ କ୍ରୀସୁ ଜୀସୁତି କାତା ରାସ୍‌କି ଆହାମାନେ । ଇ ସାରିଗଟା ପତିୟାକ୍ ନେହୁ କାରୁ ଇନେରି । ଏ ପତିୟା ଜୀସୁ ହାଡ଼ି ତାୟୁ ମାତିଲୁ, ମାର୍କ, ଲୁକ ଅଡ଼େ ଜହନ ରାଚାମାନେରି । ମାତିଲୁ ରାଚିତି ନେହୁ କାରୁ ଏରେଲା ରାସ୍‌କି ଆହାମାନେ ଇଞ୍ଜି ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସୁ ଜାର୍ନାଆଡ଼ି ୬୦ ବାର୍ସା ତାୟୁ ରାସ୍‌କି ଆହାମାନେ, ଅଡ଼େ ଆମିନି ଟାୟୁତା ରାସ୍‌କି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହୁ କାରୁତି ପତି, ପାଲେସ୍‌ୟାୟିନି ଦେସାତି ଜିରୁସାଲମ ଗାଡ଼ାତା ରାସ୍‌କି ଆହାମାନେ ।

ଜୀସୁ ମାତିଲୁକ୍ ତାନି ସୀସୁ ଆହାଲି ହାଡ଼ିତି ନକେଏ ମାତିଲୁ ର. ସିସୁ ରାହ୍‌ନାସି ମାଚେସି, ଇଞ୍ଜା ତାନି ଅଡ଼େ ର. ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାଟି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଇ କାରୁ ରାଚାମାନେସି । ଜୀହୁଦିୟା ଜୀସୁକ୍, ଇ ରାଜିତା ସାଲୁଞ୍ଜି କିନି ରାଜା ଇଞ୍ଜି ଅଣ୍ଡିପାଚେରି, ସାମା ମାତିଲୁ ଏ. ନାମୁତି ବାଦଲି କିହାନା ରାଚାମାନେସି; ଜୀସୁ ଦାରୁତିତି ରାଜି ଆଏ, ସାମା ଲାକପୁରୁ ଜୀସୁତି ରାଜି କାତା ଷ୍ଟେସିହୁ ଜାଗ୍ରାତା କିହା ଷ୍ଟେସାମାନେସି, ମାହାପୁରୁ ଆଡ଼ିତି ଗେଲପିକିନି ରାଜା, ଆମିନି ଗାଟାଣି ତାକି ପୁଃଈ ମୋରାତି ଦାର୍ମ୍ ପତିତା ମାହାପୁରୁ ବଲୁ ଷ୍ଟେହ୍‌ନାରି ଷ୍ଟେସାମାନେରି, ଇଞ୍ଜିହୁ ପୁଣ୍ଡି କିହାଲି ଅଣ୍ଡିପାଚେସି, ଇ ଆକୁତା ମାହାପୁରୁ ରାଜିତି କାତା ହାରେକା ଷ୍ଟେସିମାନେସି ।

ମାତିଲୁ ରାଚିତି ନେହୁ କାରୁ ପୁଃନି ମୋରାତି ମୂଲୁ ପତି ଇଞ୍ଜି ତଞ୍ଜା ଆହାମାନେ, ଇଚିହୁ ପୁଃଈ ମୋରାତି ମାହାପୁରୁ ବଲୁ ହାରେକା ରାସ୍‌କି ଆହାମାନେ, ଇ ପତି ପୁଃଈ ମୋରା ପୁଃନି ମୋରା ତଲେ ଆଣ୍ଡାମାନେ, ଷ୍ଟେଡ଼ା ହପୁଞ୍ଜାକିତି ସଗୁପୁନାରି ଷ୍ଟେସିମାନେରି, ମାତିଲୁ ତାନି ଆକୁତା ମସାତି ମୋରା ପାରିନାୟି । ହରୁଲେକ ଜୀସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମୋରା ହାନାୟି ଷ୍ଟେ ମୋରା ୧୯:୩; ୨୩-୩୩ ।

### ପତିତା ମାନାୟି

୧. ଜୀସୁ କ୍ରୀସୁତି ଜାର୍ନା ଅଡ଼େ ତାନି ସେବା କାମା । ୧:୧-୪:୨୫

- ୨. ଜୀସୁ କ୍ରୀସୁତି ସେବା ଅଡ଼େ ତାନି ଜାପୁନାୟି । ୫:୧-୨୫:୪୭
- ୩. ଜୀସୁ କ୍ରୀସୁ ହାନାୟି ଅଡ଼େ ଷ୍ଟେଣ୍ଡେ ନିଜିନାୟି । ୨୬:୧-୨୮:୨୦

ଜୀସୁ କ୍ରୀସୁତି ଆକୁ ଆଚାୟା  
(ଲୁକ ୩:୨୩-୩୮)

୧ ଅବ୍ରାହାମ ମୀରୁଏସି ଅଡ଼େ ଦାଞ୍ଜୁଦତି ମୀରୁଏସି ଜୀସୁ କ୍ରୀସୁତି କୃଡ଼ା ।

୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜୀହୁଦା ଇଞ୍ଜା ତାମି ତାୟିୟା, ୩ ଜୀହୁଦା ଅଡ଼େ ତାମାର ମୀରୁଏସି ପେରସ ଅଡ଼େ ଜେରହ, ପେରସ ମୀରୁଏସି ହେସ୍ରାଣ, ହେସ୍ରାଣ ମୀରୁଏସି ଅରାମ, ୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ, ୫ ସଲମନ ଅଡ଼େ ରାହାବ ମୀରୁଏସି ବୟାଜ, ବୟାଜ ଅଡ଼େ ରୁତ ମୀରୁଏସି ଅବେଦ, ଅବେଦ ମୀରୁଏସି ଜିସି ।

୬ ଜିସି ମୀରୁଏସି ଦାଞ୍ଜୁଦ ରାଜା, ଦାଞ୍ଜୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡ଼େସି, ୭ ସଲମନ ମୀରୁଏସି ରିହବୟାମ, ରିହବୟାମ ମୀରୁଏସି ଅବିୟ, ଅବିୟ ମୀରୁଏସି ଅସା, ୮ ଅସା ମୀରୁଏସି ଜିହସାପାଟ୍, ଜିହସାପାଟ୍ ମୀରୁଏସି ଜରାମ, ଜରାମ ମୀରୁଏସି ଉଜିୟ, ୯ ଉଜିୟ ମୀରୁଏସି ଜତମ, ଜତମ ମୀରୁଏସି ଆହାଜ, ଆହାଜ ମୀରୁଏସି ହିଜକିୟ, ୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜସିୟ, ୧୧ ଇସ୍ରାୟେଲକ୍ ବାବିଲନ ଦେସାତା ଦସାନା ଅନି ବେଲାତା ଜସିୟ ମୀରୁକା ଜିକନିୟ ଇଞ୍ଜା ତାନି ତାୟିୟା ଜାର୍ନା ଆଡ଼େରି ।

୧୨ ବାବିଲନତା ଅଞ୍ଜିଆଡ଼ି ଜେଟ ଜିକନିୟ ସଲ୍‌ଟିୟେଲକ୍ ଜାନ କିଡେସି, ସଲ୍‌ଟିୟେଲ ମୀରୁଏସି ଜିରୁବାବେଲ, ୧୩ ଜିରୁବାବେଲ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ ମୀରୁଏସି ଅସର, ୧୪ ଅସର, ମୀରୁଏସି ସାଦକ, ସାଦକ ମୀରୁଏସି ଆକିମ, ଆକିମ ମୀରୁଏସି ଏଲିହୁଦ, ୧୫ ଏଲିହୁଦ ମୀରୁଏସି ଏଲିୟାଜର, ଏଲିୟାଜର ମୀରୁଏସି ମତାନ, ମତାନ ମୀରୁଏସି ଜାକୁବ, ୧୬ ଜାକୁବ ମୀରୁଏସି ମରିୟମନି ତକ୍ରା ଜସେପ, ଇ ମରିୟମନି ବାଣ୍ଡିଟି ଜୀସୁ ଜାର୍ନା ଆଡ଼େସି, ଏଞ୍ଜାଣାକ୍ କ୍ରୀସୁ ଇଣ୍ଡି ଆହିମାନେ ।

୧୭ ଇଲେଆହୁ ଅବ୍ରାହାମ ତାଣାଟିଏ ଦାଞ୍ଜୁଦ ପାଡେକା ସଡ଼ ଜାଣା ଆକୁୟା, ଅଡ଼େ ଦାଞ୍ଜୁଦ ତାଣାଟିଏ ବାବିଲନ ଅଞ୍ଜିଆଡ଼ି ପାଡେକା ସଡ଼ ମାଣ୍ଡି, ଇଞ୍ଜା ବାବିଲନ ଅଞ୍ଜିଆଡ଼ି ତାଣାଟିଏ ଜୀସୁ କ୍ରୀସୁତି ଜାର୍ନା ପାଡେକା ସଡ଼ ମାଣ୍ଡି ।

ଜୀସୁ କ୍ରୀସୁତି ଜାର୍ନା ଆନାୟି  
(ଲୁକ ୧:୨୬-୩୮; ୨:୧-୭)

୧୮ \*ଜୀସୁ କ୍ରୀସ୍ତ ତି ଜାର୍ନା ଇଲେକ୍ଟ ଆଡେ । ତାମି ଇୟା ମରିୟମ ଅଡେ ଜସେପ ତଲେ ବାହା ଆହାଲି ରାସ୍ପି ଆହାମାତି ଜେଟ, ଏଝି କାଲୁଝି ଆଆ ନଡେଏ, ଏଡି ସୁଦୁଜୀସୁ ତଲେ ପୁରାମାସା ଆହାମାନେ ଇଞ୍ଜି ପୁଣ୍ଠି ଆଡେ । ୧୯ ଏଚେଟିଏ ତାନି ଡକ୍ତା ଜସେପ ର ଦାର୍ମ୍ଭ ଲକୁ ମାତାକି, ଇଞ୍ଜା ଏଦାଣି ଲକୁ ନକିତା ଦହ ଗାଟାୟି ଇଞ୍ଜି ତହୁଆପେଏ ଇଞ୍ଜି ଏଦାନି ଡକ୍ତହାନା ପିସାଲି ତାରି କିଡେସି । ୨୦ ସାମା ଏଝାସି ଏଲେଇଞ୍ଜି ତାରିକିତି ତାୟ, ମେହ୍ଦୁ, ମାହାପୁରୁତି ର ଦୁହୁ ଏଝାଣାଇଁ ହାପାନାତା ଏଲେଇଚେସି, “ଆଡେ ଦାସୁଦ କୁଡାତି ଜସେପ, ମରିୟମନି ଡକ୍ତି କିହାଲିତାକି ଆଜାଆନି, ଏନାଆଁତାକି ଇଚିହୁଁ ମାହାପୁରୁତି ସୁଦୁଜୀସୁ ତଲେ ପୁରାମାସା ଆହାମାନେ । ୨୧\*ଏଡି ରକକାଣାଇଁ ଜାନ କିନେ, ଅଡେ ମାରୁ ଏଝାଣି ଦରୁ ଜୀସୁ ଇଞ୍ଜି ଇଟାଦୁ, ଇଚିହୁଁ ଏଝାସି ତାମି ଲକୁଇଁ ତାମି ବାରେ ପାପୁତି ଗେଲ୍ପିନେସି ।”

୨୨ ମାହାପୁରୁ ଅଣ୍ଟପୁତି ବଲୁ ଝେହ୍ନାରି ତାଣାଟି ପ୍ରବୁତି ଇ କାତା ଏନିକ୍ ପୁରା ଆନେ, ଇଦାଆଁତାକି ଇ ବାରେ ଆଡେ, ୨୩ “ମେହ୍ଦୁ ର ଡାଆ ମାଢା ପୁରାମାସା ଆହାନା ର କକାଣାଇଁ ଜାନ କିନେ, ଅଡେ ଲକୁ ଏଝାଣି ଦରୁ ‘ଇମାନୁୟେଲ’ ଇଚିନେରି ।” ଇ ଦରୁତି ଅଡି “ମାହାପୁରୁ ମା ତଲେ ମାନେସି ।”

୨୪ ଏମ୍ବାଟିଏ ଜସେପ ଇଦାଟି ନିଞ୍ଜିତି ତାୟ ପ୍ରବୁତି ଦୁହୁ ଏନିକ୍ ହୁକୁମି ହାହାମାଚେସି, ଏଲେକିହୁଁ ଏ କିଡେସି, ଏଝାସି ମରିୟମଇଁ ବାହା ଆଡେସି; ୨୫\*ସାମା ଏଡି କକାଣାଇଁ ଜାନ କିଆ ପାତେକା ଏଦାଣି ତଲେ କୁଡାଆଡେସି, ଅଡେ ଏ କକାଣି ଦରୁ ଜୀସୁ ଇଚିଡେରି ।

**୨**

**ଝେଡା ହପୁଝାକିତି ସଗୁପୁନାରି**

୧ ହେରଦ ରାଜା ବେଲାତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାର୍ନାଆଡି ତାୟ, ମେହ୍ଦୁ, ଝେଡା ହପୁ ଝାକିଟି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି, ୨ “ଆମିନି କକାସି ଜୀହୁଦିଞା ରାଜା ଆହାଲି ଜାର୍ନା ଆହାମାନାସି, ଏଝାସି ଆମ୍ବିୟା ? ମାମ୍ବୁ ଝେଡା ହପୁ ଝାକିଟି ତାନି ହୁକା ମେସାନା ଏଝାଣାଇଁ ଜହରା କିହାଲି ଝାହାମାନମି ।”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିଡେରି । ୪ ଅଡେ ଏଝାସି ଲକୁତି କାଜା ପୂଜେରାଞା ଇଞ୍ଜା ମେରା ପୁନାରାଇଁ କୁଡି

କିହାନା, କ୍ରୀସ୍ତ ଏମ୍ବିୟା ଜାର୍ନା ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଣ୍ଟିଡେସି ।

୫ ଏଝାରି ଏଝାଣାଇଁ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡାତା ମାହାପୁରୁ ଅଣ୍ଟପୁତି ବଲୁ ଝେହ୍ନାରି ତାଣାଟି ଇଲେଇଞ୍ଜି ରାସ୍ପି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ, ଜୀହୁଦାତି କାଜା ନାସ୍କା ବିଡ୍ରାଟି ନୀନୁ ଉଶା ଆଏ; ଇଚିହୁଁ ଆମ୍ବାଆସି ନା ଇସାୟେଲ ଲକୁଣି ପହି କିନେସି, ଏଲେତି ର ସାଲୁଝି କିନାସି ନୀ ତାଣାଟି ଝାନେସି ।”

୭ ତାୟ ହେରଦ ସଗୁ ପୁନାରାଇଁ ମେଣେଏ ହାଟାନା, ଏ ହୁକା ଏଚେଲା ତଞ୍ଜାଆଡେ ଏ କାତା ଏଝାରି ତାଣାଟି ନେହୁଁକ୍ ଝେଚେସି । ୮ ଇଞ୍ଜା ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମାରୁ ହାଜାନା ଏ କକାଣି କାତା ନେହୁଁକ୍ ସିନିକିହାନା ନାଞେ ଜିକେଏ ଝେସ୍ତାପୁ, ଇଚିହୁଁ ନାନୁ ଜିକେଏ ହାଜାନା ଜହରା କିକାଇଁ ।”

୯ ଏଚେଟିଏ ଏଝାରି ରାଜା କାତା ଝେଞ୍ଜାନା ହାଚେରି; ଅଡେ ମେହ୍ଦୁ, ଏଝାରି ଝେଡା ହପୁଝାକି ଆମିନି ହୁକା ମେସାମାଚେରି, ଏଡି ଏଝାରି ନକି ନକିତା ହାଜାନା, ଏମ୍ବିୟା କକାସି ମାଚେସି ଏ ଲାକ ହାଜାନା ନିଡେ । ୧୦ ଏ ହୁକା ମେସାନା ଏଝାରି ହାଚେରକା ରାହାଁତଲେ ରାହାଁ ଆଡେରି । ୧୧ ଏଝାରି ଇଲୁ ବିଡ୍ରା ହଡାନା ତାମି ଇୟା ମରିୟମ ଇଞ୍ଜା କକାଣି ତାଲୁଇଁ ମେସାନା, ଏଝାଣାଇଁ ମେଣ୍ଡାକୁତାନା ଜହରା କିଡେରି, ଇଞ୍ଜା ତାମ୍ବୁ ଡ୍ରାଟାମାଟି ପେଡାୟାଟି ବାଂଗାରା, ଦୁପା ଦୁପ୍ପା ଅଡେ ଗାନ୍ଦା ନିୟୁଁ ବେଟୁ ହାଡେରି ।

୧୨ ତାୟ ହେରଦ ରାଜା ତାଣା ଝେଣ୍ଡା ହାଲାଆପେରିଝା ଇଞ୍ଜି ମାହାପୁରୁ ଏଝାରାଇଁ ହାପାନାତା ହୁକୁମି ହାହାଲିଏ, ଏଝାରି ଅର ଜିରୁତି ତାମି ଦେସାତା ଝେଣ୍ଡାହାଚେରି ।

**ମିସର ଦେସାତା ହାନାୟି**

୧୩ ଏଝାରି ହାଟି ତାୟ, ମେହ୍ଦୁ, ମାହାପୁରୁତି ଦୁହୁ ଜସେପଇଁ ହାପାନାତା ଏଲେଇଚେସି, “ନିଞ୍ଜାମୁ କକାଣି ତାଲୁଇଁ ଅଡେ ତାମି ଇୟାନି ଅହୁଁ ମିସରତା ହାଲାମୁ, ନାନୁ ମିଞ୍ଚେ ଝେସ୍ତାଆ ପାତେକା ଏମ୍ବାଆଁ ମାଞ୍ଜୁ, ଇଚିହୁଁ କକାଣି ତାଲୁଇଁ ପାୟାଲି ହେରଦ ଅଣ୍ଟିମାନେସି ।”

୧୪ ଜସେପ ନିଞ୍ଜାନା କକାଣି ତାଲୁ ଇଞ୍ଜା ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହୁଁ ହାଚେସି, ୧୫ ହେରଦ ହାନ୍ତି ପାତେକା ଏମ୍ବାଆଁ ଏଝାରି ଡିୟିଡେରି, ଇ ବାରେ ଗଟଝି ଆନାଣି

\* ୧:୧୮ ୧:୧୮ ଲୁକ ୧:୨୭ \* ୧:୨୧ ୧:୨୧ ଲୁକ ୧:୩୧ \* ୧:୨୫ ୧:୨୫ ଲୁକ ୨:୨୧

ମାହାପୁରୁ ଅଶ୍ୱପୁତି ବଲୁ ଖେହନାରି ତାଶାଟି ଇ ମାହାପୁରୁ ଅଶ୍ୱପୁତି ବଲୁ ପୁରା ଆନେ, “ନା ମାର୍ବଣାଈ ନାନୁ ମିସର ଦେସାଟି ହାଡ଼ା ତାତେଏ ।”

**କକାରି ତାଲୁକାଣି ପାୟିନାୟି**

୧୭ ଖେଡ଼ା ହପୁ ଦେସାଟି ଖାହାମାଟି ସଗୁପୁନାରି ଏଞ୍ଜାଣାଈ ନାଡ଼ିକିହାନା ହାଜାମାନେରି ଇଞ୍ଜି ପୁଞ୍ଜାନା, ହେରଦ ହାରେକା କପା ଆଡେସି, ହୁକାତି ଉଜେଡ଼ି ଆମିନି ବେଲ୍ଲାତା ତଞ୍ଜାଆହାମାଟେ ସଗୁପୁନାରି ତାଶାଟି ନେହୁଁକିଁ ପୁଞ୍ଜାମାଟେସି, ଏଦାଆଁ ପୁଞ୍ଜାନା ବେତଲିହିମ ଅଡ଼େ ତାନି ତାଗେ ମାଟି ନାସକାତି ରୀ ବାର୍ଯାଟିଏ ଉଣା କକାରାଈ ପାୟାଲି ତାକି ହୁକୁମି ହୀତେସି ।

୧୭ ଏତିବେଲା ମାହାପୁରୁ ଅଶ୍ୱପୁତି ବଲୁ ଖେହନି ଜିରିମିୟ ଖେସ୍ତି ଇ ବଲୁ ସାତା ଆଡେ,

୧୮ “ରମାତା ହାଡ଼ା ଖେଜିମାନେ,  
ଡ଼ାକି ଅଡ଼େ ହାରେକା ଦୁକୁତି ଗିୟାଁ  
ରାହେଲ ତାନି ମାରକା ତାକି ଡ଼ାହିମାଟେ;  
ଅଡ଼େ ଏଞ୍ଜାରି ବାରେ ହାହାହାରେରି ଇଞ୍ଜିଁ,  
ଏଡ଼ି ଦୁକୁ ଡ଼ୁକହାଲି ମନ କିହି ହିଲାଆତେ ।”

**ମିସରଟି ଖେଶ୍ଟାଖାନାୟି**

୧୯ ହେରଦ ହାଡ଼ି ଡ଼ାୟୁ, ମେହୁଦୁ, ପ୍ରବୁତି ର ଦୁଡୁ ମିସରତା ଜସେପଇଁ ହାପାନାତା ତଞ୍ଜାଆହାନା ଏଲେଇଚେସି, ୨୦ “ନିଙ୍ଗାମୁ, କକାଣାଈ ଅଡ଼େ ତାନି ଇୟାନି ତଲେ ଇସାୟେଲ ଦେସାତା ହାଲାମୁ, ଇତିହୁଁ ଆମ୍ବାଆରି କକାଣି ଜୀଝୁ ଅହାଲି ତାକି ଅଶ୍ୱପିମାଟେରି ଏଞ୍ଜାରି ହାହାମାନେରି ।”

୨୧ ଏଚେଟିଏ ଜସେପ ନିଙ୍ଗାମା କକାଣାଈ ଇଞ୍ଜା ତାନି ଇୟାନି ଆସାନା ଇସାୟେଲ ଦେସାତା ଖାଡ଼େସି ।

୨୨ ସାମା ହେରଦ ଟାୟୁତା ତାନି ମାର୍ବସି ଆକିଲ୍ଲାୟ ଜୀହୁଦାତି ରାଜା ଆହାମାନେସି ଇଞ୍ଜିଁ ଖେଜାନା ଏଞ୍ଜାସି ଏମ୍ବାଆଁ ହାଜାଲି ଆଜିତେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି, ୨୩ ଇଞ୍ଜା ନାଜରିତଡ଼ି ଗାଡ଼ାତା ହାଜାନା ଡ଼ୟିତେରି, ଏନିକିହୁଁ ମାହାପୁରୁ ଅଶ୍ୱପୁତି ବଲୁ ଖେହନାରି ରାଡ଼ିତି କାତା ସାତା ଆନେ, “ଏଞ୍ଜାସି ନାଜରିତଡ଼ାସି ଇଞ୍ଜିଁ ଖେଜିନେସି ।”

**୩**

**ବାପ୍ତିସ୍ମା\* ହାନି ଜହନତି ଖେକନାୟି**

(ମାତି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲ୍ଲାତା ବାପ୍ତିସ୍ମାଁ ହାନି ଜହନ ଜୀହୁଦା ଦେସାଟି ବାଃଲି ବାଟାଟି ଖାହାନା ବଲୁ ଖେକହାଲି ମାଡ଼ହେସି । ୨ \*ପାପୁ ପିସାନା ମନ ଖେଡ଼ହା କଡ଼ାଦୁ, ଇତିହୁଁ ଲାକପୁରୁ ରାଜି ଏଗାଞ୍ଜାହିମାନେ ।” ୩ ମାହାପୁରୁ ଅଶ୍ୱପୁତି ବଲୁ ଖେହନି ଜିସାୟ ତାଶାଟି ଇ ହାଡ଼ା ଖେସ୍ତି ଆହାମାଟେ,

ଏଞ୍ଜାସିଏ ଇଞ୍ଜାସି; “ରଅଣି ହାଡ଼ା ଲକୁ ହିଲାଆ ଟାୟୁତା ଖେଜିମାନେ,

ପ୍ରବୁ ତାକି ଜିରୁ ତିୟି କିଦୁ ।”

୪ ଜହନ ଉରୁ ବାଶାୟାଁ ତଲେ କେପିତି ହିମ୍ବରିକା ତୁରହିମାଟେସି, ଇଞ୍ଜା ତାନି ଟେଡେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ିଡ଼େସି, ଗପ୍ସରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଟେ । ୫ ଏତିବେଲାତା ଜିରୁସାଲମ ଗାଡ଼ା ଇଞ୍ଜାଁ ବାରେ ଜୀହୁଦା ଦେସା ଅଡ଼େ ଜର୍ଦନ ଦାରିତି ନାସକାତି ବାରେ ଲକୁ ତାନି ତାଶା ଖାହାଲି ମାଡ଼ହେରି, ୬ ଏଞ୍ଜାରି ଜାହାରା ପାପୁ ଖେସାନା ଜହନ ତାଶାଟି ଜର୍ଦନ କାତାତା ବାପ୍ତିସ୍ମାଁ ଅଡ଼େରି ।

୭ \*ସାମା ହାରେକା ପାରୁସିୟାଁ ଅଡ଼େ ସାଦୁକିୟାଁ ବାପ୍ତିସ୍ମାଁ ଅହାଲି ଖାହିମାନାଣି ମେସାନା ଏଞ୍ଜାରାଈ ଏଲେଇଚେସି, “ଅଡ଼େ ରାସକା କୁଡ଼ାତାତେରି ମାହାପୁରୁ ତାଶାଟି ଖାହିମାନି କପାଟି ପିସ୍ପି କିହାକତାଲି ଆମ୍ବାଆସି ମିଙ୍ଗେ ସେଡନା ହିୟାତେସି ।” ଇଦାଆଁତାକି ମନ ଖେଡ଼ହାମାନାଣି ନେହୁଁ କାମାତା ତହୁଦୁ, ୯ \*ଅଡ଼େ ଅବ୍ରାହାମ ମା ଆବା ଇଞ୍ଜିଁ ମୀ ମନ ବିଡ଼ା ଅଶ୍ୱପାଆଦୁ, ଏନାଆଁତାକି ଇତିହୁଁ ନାନୁ ମିଙ୍ଗେ ଖେସିମାଞ୍ଜାଈ, ମାହାପୁରୁ ଇ ଖାଲକାଟି ଜିକେଏ ଅବ୍ରାହାମତି ମାରକାଣି ଗାଡ଼ି କିହାଲି ଆଡ଼ିମାନେସି । ୧୦ \*ଅଡ଼େ ନାଏଁ ଜିକେଏ ମାରନ୍ତୁ ତାକିତା କାଃଆଲି ଆଟାମାନେ, ଆମିନି ମାରନ୍ତୁ ନେହୁଁ ପାଡ଼େୟି ଆୟେଏ, ଏଦାନି ଟୁଣ୍ଡହାନା ହିରୁତା ମେଡ଼ପି ଆନେ । ୧୧ ନାନୁସାଁ ମିଙ୍ଗେ ପାପୁଟି ପିସ୍ପି କିହାଲି ଇଞ୍ଜାଁ ମନ ଖେଡ଼ପି କିହାଲି ଏୟୁତଲେ ବାପ୍ତିସ୍ମା\* ହାହିମାଞ୍ଜାଈ, ସାମା ନା ଡ଼ାୟୁ ରଅସି ଖାହିମାନେସି ଏଞ୍ଜାସି ନା କିହାଁ ହାରେକା ବାଡ଼ୟୁ ଗାଟାସି, ଏଞ୍ଜାଣି ସେପୁୟାଁ ହୁକହାଲି ଜିକେଏ ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ ସୁଦୁଜୀଝୁ ଇଞ୍ଜାଁ ହିରୁତଲେ ବାପ୍ତିସ୍ମାଁ ହିୟାନେସି । ୧୨ ଏଞ୍ଜାସି ତାନି କ୍ଳାନୁତି ନେହୁଁକିଁ ତାସାହାଁ, ତାନି ଆନାଟି କ୍ଳସାହାଁ ଗାଡ଼େୟିତା ଇଟାଲି ଏଞ୍ଜାଣି କେୟୁତା ହେଟି ମାନେ, ସାମା ଟାଟା ପଡ଼ଡ଼ି ଏଚେଲା ଡ଼ୁମ୍ବାଆଗାଟି ହିରୁତା ହୁଡ଼ା ତୁହନେସି ।”

\* ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫ \* ୩: ୩:୧ ମୁଞ୍ଜିନାୟି † ୩:୧ ୩:୧ ମୁଞ୍ଜିନାୟି \* ୩:୨ ୩:୨ ମାତି ୪:୧୭; ମାର୍କ ୧:୧୫ ‡ ୩:୨ ୩:୨ ମୁଞ୍ଜିନାୟି \* ୩:୨ ୩:୨ ମାତି ୧୨:୩୪; ୨୩:୩୩ § ୩:୨ ୩:୨ ମୁଞ୍ଜିନାୟି \* ୩:୯ ୩:୯ ଜହ ୮:୩୩ \* ୩:୧୦ ୩:୧୦ ମାତି ୭:୧୯ \* ୩:୧୧ ୩:୧୧ ମୁଞ୍ଜିନାୟି † ୩:୧୧ ୩:୧୧ ମୁଞ୍ଜିନାୟି ‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି

**ଜୀସୁ ଏୟତା ବାପ୍ତିସ୍ମା ଅନାୟି**  
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏତିବେଲା ଜୀସୁ ଗାଲିଲିତି ଖାହାନା ବାପ୍ତିସ୍ମା ଅହାଲି ତାକି ଜର୍ଦନ କାତାତା ଜହନ ତାଣା ଖାଡେସି । ୧୪ ସାମା ଜହନ ଜୀସୁଇଁ କାହିଁ କିହାଲି ଅଣ୍ଠାପାନା ଏଲେଇଚେସି, “ନୀ ତାଣାଟି ନାନୁ ବାପ୍ତିସ୍ମା\* ଅନାୟି ନା ଲତାମାନେ, ଇଞ୍ଜା ନାନୁ ନା ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଖାଣାଇଁ ଏଲେଇଚେସି, “ନା ହାଡା ଆହ୍ମନ୍, ଏନାଆଁତାକି ଇଚିହଁ ଇଲେ ତଲେ ମାହାପୁରୁ ଦାମ୍ଭୁତି କାମା କିନାୟିମାନେ ।” ଏଚେଟିଏ ଜହନ ମାନୁଞ୍ଜି ଆଡେସି ।

୧୬ ଜୀସୁ ବାପ୍ତିସ୍ମା ଅତି ଦେବୁଣିଏ ଏୟୁଟି ନିଙ୍ଗା ଖାଡେସି । ଏଚେଟିଏ ହାଗୁ ଦେପିଆଡେ, ଇଞ୍ଜା ମାହାପୁରୁତି ସୁଦୁଜୀଞ୍ଜୁ ପାରୁଖା ପଗାଲେହେଁ ଜୀସୁ ଲାକ ରେତା ଖାହିମାଚାଣି ଜହନ ମେସେସି ।

୧୭ \*ଅଡେ ମେହ୍ମୁ, ହାଗୁଟି ଇ ହାଡା ଆଡେ, “ଇଖାସି ନା ଜୀଞ୍ଜୁତି ମୀରୁଏସି ଇଖାଣି ତାଣା ନା ହାରେକା ରାହାଁ ମାନେ ।”

**୪**

**ଜୀସୁଇଁ ତାୟିପାରି କିନାୟି**  
(ମାର୍କ ୧:୧୨-୧୩; ଲୁକ ୪:୧-୧୩)

୧ \*ଏତିବେଲା ଜୀସୁ ସୟତାନ ତାଣାଟି ତାୟିପାରି କିଞ୍ଜି ଆହାଲି ସୁଦୁଜୀଞ୍ଜୁ ଲକୁ ହିଲାଆ ଚାୟୁତା ଅଡେ । ୨ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଡେସି । ୩ ଏତିବେଲା ସୟତାନ ତାନି ଦାରିତା ଖାହାନା ଏଲେଇଚେ, “ନାନୁ ମାହାପୁରୁ ମୀରୁଏଶାତି ଇଚିସାରେ ଇ ଖାଲକାଣି ରୁଟି ଆହାଲି ହୁକୁମି ହୀମୁ ।”

୪ ସାମା ଜୀସୁ ଏଲେଇଚେସି, “ଦାମ୍ଭୁ ସାସ୍ତେରିତା ରାସ୍କି ଆହାମାନେ ମାଣ୍ଠସି ଖାରଇ ରୁଟି ତିଞ୍ଜାନା ନୀତଅସି, ସାମା ମାହାପୁରୁ ଗୁଡିଟି ହଡ଼ିମାନି ବଲୁ ତଲେ ନୀଡିନେସି ।”

୫ ତାୟୁ ସୟତାନ ଜୀସୁଇଁ ସୁଦୁ ଗାଡା ଜିରୁସାଲମତା ଅହାନା, ମାହାପୁରୁ ଇଲୁ ତୁଡିୟା ଲାକ ନିପହାନା, ୬ ଏଲେଇଚେ, “ନାନୁ ମାହାପୁରୁ ମୀରୁଏଶାତି ଇଚିହଁ ଇମ୍ପାଟି ତୁଇକା ଗେମ୍ପାମୁ,” ଦାମ୍ଭୁ ସାସ୍ତେରିତା ରାସ୍କି ଆହାମାନେ,

ନିଙ୍ଗା ଜାତନ୍ତୁ କିହାଲିତାକି ମାହାପୁରୁ ତାନି ଦୁତୁୟାଇଁ ହୁକୁମି ହୀନେସି;  
“ନୀ କତାୟାଁ ଏନିକଁ ଖାଲକାଣା ଆଡାଉ ଇଞ୍ଜା  
ଦୁତୁୟା ନିଙ୍ଗା କେସ୍ମାତଲେ ପେରହା ଆସ୍ତାନୁ  
।”

୭ ଜୀସୁ ଏଦାନି ଏଲେଇଚେସି, “ଦାମ୍ଭୁ ସାସ୍ତେରିତା ରାସ୍କି ଆହାମାନେ, ନାନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୮ ଅଡେ ଖେଣ୍ଡେ ସୟତାନ ଜୀସୁଇଁ କାଜା ହରୁ ଲାକ ଅହାନା ଦାରତିତି ବାରେ ରାଜି ଅଡେ ଏମ୍ପାଟି ବାରେ ଅଡୁ ଅଡେ ଜୁପକା ତସାନା ଏଲେଇଚେ, ୯ “ନାନୁ ନାଙ୍ଗେ ମେଶ୍ଟାକୁତାନା ଜହରା କିୟାଦି ଇଚିହଁ ନାନୁ ଇ ବାରେ ନିଙ୍ଗା ହିୟାଇଁ ।”

୧୦ ଏମ୍ପାଟିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଟି ହେକ ହାଲାମୁ ! ଦାମ୍ଭୁ ସାସ୍ତେରିତା ରାସ୍କି ଆହାମାନେ, “ଖାରଇ ନୀ ପ୍ରବୁ ମାହାପୁରୁଇଁ ଜହରା କିଦି ଅଡେ ଖାରଇ ତାଙ୍ଗେଏ ସେବା କିଦି ।”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡେ ଦୁତୁୟାଁ ଖାହାନା ଏଖାଣି ସେବା କିତୁ ।

**ଜୀସୁ ଗାଲିଲିତା ତାନି କାମା ମାଟ୍ଟନାୟି**  
(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ \*ଜହନଇଁ କାୟିଦି ଇଲୁତା ଇଚିଚେରି ଇଞ୍ଜା ଖେଞ୍ଜାନା ଜୀସୁ ଏମ୍ପାଟିଏ ଗୁଚା ଆହାନା ଗାଲିଲିତା ଖାଡେସି; ୧୩ \*ଏଖାସି ନାଜରିତତା ତୁୟାଆଡେସି, ସାମା କପର୍ନାହୁମତା ତୁୟାଲି, ସୁବୁଲୁନ୍ ଅଡେ ନପୁଲିତା ମାନି ର ଗାଲିଲି ସାମ୍ପୁରି ଗାଟୁତା ମାନି ଗାଡାତା ହାଚେସି । ୧୪ ଏନିକିହଁ ମାହାପୁରୁ ଅଣ୍ଠପୁତି ବଲୁ ଖେହ୍ନି ଜିସାୟତି ହାଡା ସାତା ଆନେ, ଏଖାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡେ ନପୁଲି ଦେସା ସାମ୍ପୁରି ତାଗେ ଇଞ୍ଜା ଜର୍ଦନ କାତା ଆତାଲାଖାକିତି, ଜୀହୁଦିଆଆତି ଗାଲିଲି !

୧୬ ଆଦେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି ହାକିତି ନାସ୍କା ଅଡେ ସାହଡାତା ମାନି ଲକୁତାକି

ଉଜେଡ଼ି ତଞ୍ଜାଆନେ ।”

୧୭ \*ଏ ବେଲାଟିଏ ଜୀସୁ ତାନି କାତା ଖେକହାଲି ମାଟ୍ଟହେସି, “ମୀ ପାପୁ ପିସାନା ମନ ଖେଟ୍ଟହା କଡାପୁ, ଏନାଆଁତାକି ଇଚିହଁ ଲାକପୁରୁ ରାଜି ଏଗାଖାହିମାନେ ।”

**ସାରି ଜାଣା ମୀଶକା ଆହ୍ନାରାଇଁ ଜୀସୁ ହାଡ଼ିନାୟି**  
(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ପୁରି ଗାଟୁଟି ହାଜିମାଚାଟି ସିମନ ଇନି ପିତର ଅଡେ ତାନି ତାୟି ଆହିୟ, ଇ ତାୟି ରିଆରି ସାମ୍ପୁରିତା ଜାଲା ମେଡ଼ହି

\* ୩:୧୪ ୩:୧୪ ମୁଞ୍ଜିନାୟି † ୩:୧୭ ୩:୧୭ ମୁଞ୍ଜିନାୟି ✧ ୩:୧୭ ୩:୧୭ ମାତି ୧୭:୧୮; ୧୭:୫; ମାର୍କ ୧:୧୧; ଲୁକ ୯:୩୫ ✧ ୪:୧ ୪:୧ ଏଡ଼ି ୨:୧୮; ୪:୧୫ ✧ ୪:୧୭ ୪:୧୭ ମାତି ୧୪:୩; ମାର୍କ ୭:୧୭; ଲୁକ ୩:୧୯,୨୦ ✧ ୪:୧୩ ୪:୧୩ ଜହ ୨:୧୭ ✧ ୪:୧୭ ୪:୧୭ ମାତି ୩:୨

ମାତାଣି ମେସ୍ତେସି, ଏନାଆଁତାକି ଇଚିହଁ ଏଞ୍ଜାରି ମୀଣକା ଆହନାରି ମାତେରି ।<sup>୧୯</sup> ଜୀସୁ ଏଞ୍ଜାରାଇଁ ଏଲେଇଚେସି, “ନା ଜେଚ ଖାଦୁ, ନାନୁ ମିଙ୍ଗ ଲକୁଣି ଆହନାଣି ଜାପହାଇଁ ।”<sup>୨୦</sup> ଏଚେଟିଏ ଏଞ୍ଜାରି ଦେବୁଣିଏ ଜାଲ୍ଲା ପିସାନା ଏଞ୍ଜାଣି ଜେଚ ହାଚେରି ।  
<sup>୨୧</sup> ଏମ୍ବାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡେ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜା ଅଡେ ରିଆରି ତାୟିୟା ତାମି ଆବା ଜେବଦି ତଲେ ତଂଗତା ଜାଲ୍ଲା ମୁଦା କିହିମାତାଣି ମେସାନା ଏଞ୍ଜାରାଇଁ ଜିକେଏ ହାଟିଚେସି ।<sup>୨୨</sup> ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡେ ତାମି ଆବାଇଁ ପିସାନା ଜୀସୁ ଜେଚ ହାଚେରି ।

**ଜୀସୁ ସେବା କାମା ମାଟ୍‌ନାୟି**  
 (ଲୁକ ୭:୧୭-୧୯)

<sup>୨୩</sup> ✠ତାୟି ଜୀସୁ ଗାଲିଲି ଦେସାତା ରେଜି ରେଜିହଁ ଜୀହୁଦି ଲକୁଡି କୁଟମି ଇଲ୍‌କାଣା ଜାପହୁହଁ, ମାହାପୁରୁ ରାଜିତି ନେହଁ କାରୁ ଖେସିହଁ ରଗଗାଟି ଲକୁଣି ନେହଁ କିହାଲି ମାଟ୍‌ହେସି,<sup>୨୪</sup> ଅଡେ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାଚେ, ଇଞ୍ଜା ଲକୁ ବୁଡୁୟା ଆଲ୍‌ଗା ମାତାରାଇଁ, କାଟିଖେତାରାଇଁ, ଇଞ୍ଜା ଟଟ ଖାୟିତାରାଇଁ; ଇଲେତି ହାରେକା ରଗଟି କସ୍ତୁ ଆହିମାନାରାଇଁ ଜୀସୁ ନକିତା ତାଚେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହଁ କିଚେସି ।<sup>୨୫</sup> ଅଡେ ଗାଲିଲି, ଦସଗଟା ନାସ୍କା,\* ଜିରୁସାଲମ, ଜୀହୁଦା ଅଡେ ଜର୍ଦନତି ଏ ଗାଟୁତା ମାନି ନାସ୍କାଟି ହାରେକା ଲକୁ ଜୀସୁ ଜେଚ ହାଚେରି ।



**ହରୁ ଲାକ ଜାପ୍‌ନାୟି**

<sup>୧</sup> ଜୀସୁ ହାରେକା ଲକୁଇଁ ମେସାନା ର ହରୁ ଲାକ ହାଜାନା କୁଗିଚେସି, ଇଞ୍ଜା ସୀସୁୟା ଏଞ୍ଜାଣି ତାଗେ ଖାଚେରି ।<sup>୨</sup> ଏମ୍ବାଟିଏ ଏଞ୍ଜାସି ଗୁତି ଏକ୍‌ହାନା ଜାପହାଲି ମାଟ୍‌ହେସି ।

**ଆମ୍ବାଆରି ନେହଁରି**  
 (ଲୁକ ୭:୨୦-୨୩)

<sup>୩</sup> ଆମ୍ବାଆରି ଜୀସୁତା ଏନାଆଁ ହିଲ୍ଲାଆ ଗାଟାରାକି ନେହେଁ, ଏନିଇଚିହଁ ଲାକପୁରୁ ରାଜି ଏଞ୍ଜାରି ଖାଇଁ ।  
<sup>୪</sup> ଆମ୍ବାଆରି ଦୁକୁତା ଡାହିମାନି ଲକୁତାକି ନେହେଁ, ଏନାଆଁତାକି ଇଚିହଁ ମାହାପୁରୁ ଏଞ୍ଜାରି ଦୁକୁ ଡୁକ୍‌ନେସି ।

<sup>୫</sup> କପା ହିଲ୍ଲାଆ ଗାଟାରି ନେହେଁ, ଏନାଆଁତାକି ଇଚିହଁ ଦାର୍ତତିତା ଏଞ୍ଜାରି ଅଦିକାରା ଆନେରି ।

<sup>୬</sup> ମାହାପୁରୁ ଦାମ୍‌ତ କାମା କିହାଲି ହାକି ଏସ୍କି ଗାଟାରି ଏଞ୍ଜାରାକି ନେହେଁ, ଏନାଆଁତାକି ଇଚିହଁ ମାହାପୁରୁ ଏଞ୍ଜାରାକି ଲଡ଼ାମାନାଣି ବାରେ ହାନେସି ।

<sup>୭</sup> ଏଟ୍‌କା ଲକୁଣି କାମା ମେହ୍‌ନେରି, ଏଞ୍ଜାରାକି ନେହେଁ, ଏନିଇଚିହଁ ମାହାପୁରୁ ଏଞ୍ଜାରାଇଁ କାମା ମେହ୍‌ନେସି,

<sup>୮</sup> ଆମ୍ବାଆରି ସୁଦୁ ହିୟା ଗାଟାରି ଏଞ୍ଜାରାକି ନେହେଁ, ଏନିଇଚିହଁ ଏଞ୍ଜାରି ମାହାପୁରୁଇଁ ମେହ୍‌ନେରି ।

<sup>୯</sup> ହିଡ଼ଡି ଗାଟି ଲକୁ ନେହେଁ, ଏନିଇଚିହଁ ଏଞ୍ଜାରି ମାହାପୁରୁତି ମୀରକା ଇଞ୍ଜା ଖେଙ୍ଗିନେରି ।

<sup>୧୦</sup> ✠ମାହାପୁରୁ ଦାମ୍‌ କାତାତାକି ଦୁକୁ ବେଟାଆନାରି ଏଞ୍ଜାରାକି ନେହେଁ, ଏନିଇଚିହଁ ଲାକପୁରୁ ରାଜି ଏଞ୍ଜାରିଖାୟି ।

<sup>୧୧</sup> ✠ଏଚିବେଲ୍ଲା ଲକୁ ମିଙ୍ଗ ନା ତାକି ନିୟା କି ଲାଜା କିୟାନେରି, ଅଡେ ନା ତାକି ଉଜେ ଉଜେଏ ମୀ କପାଟି ମିଚି କାତା ଜଲ୍ଲାନେରି, ଆତିହଁ ମିଙ୍ଗେ ତାକି ନେହେଁ ।<sup>୧୨</sup> ✠ରାହାଁ ଆହାନା ଏନ୍ଦାଦୁ, ଏନାଆଁତାକି ଇଚିହଁ ଲାକପୁରୁତା ମୀ ତାକି ହାରେକା ଦାନା ମାନେ; ଏଲେକିହଁଏ, ମୀ ନକିତି ମାହାପୁରୁ ଅଣ୍ଡପୁଡି ବଲୁ ଖେହ୍‌ନାରାଇଁ ଜିକେଏ ଇଲେକିହଁ ନିୟା କିହାମାଚେରି ।

**ହାରୁ ଅଡେ ଉଜେଡି**  
 (ମାର୍କ ୯:୫୦; ଲୁକ ୧:୩୪-୩୫)

<sup>୧୩</sup> ✠ମୀରୁ ବାରେ ଦାର୍ତତି ହାରୁ ଲେହେଁ, ସାମା ହାରୁ ମୁଆତିହଁ, ଅଡେ ଏଦାଆଁ ଏନିୟା ଜିକେଏ ଲେମ୍ବାଲି ଆଏ, ଇଞ୍ଜା ଏଦି ଏନି କାମାତା ପାଡ଼ା ଆଏ, ଲକୁ ଏଦାଆଁ କଡ଼ା ଡୁଇ ଖିସା ହାନେରି ।

<sup>୧୪</sup> ✠ମୀରୁ ଦାର୍ତତି ଉଜେଡି ଚେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଦି ଏଚେଲ୍ଲା ଡୁଗୁନା ଡୁୟାଲି ଆଡେଏ ।<sup>୧୫</sup> ✠ଅଡେ ଦୀଞ୍ଜି ଡ଼ାସାନା ଆମ୍ବାଆରି ମାଣା ପୁକ୍‌ହାନା ଇଚଅରି, ସାମା ଏଦାନି ଦୀଞ୍ଜି ସଡ଼ାତା ଇଚିନେରି, ଆତିହଁ ଇଲୁତା ଖାନି ବାରେ ଲକୁ ଉଜେଡି ମେହ୍‌ନେରି ।<sup>୧୬</sup> ✠ଏଲେକିହଁଏ ମୀ ଉଜେଡି ଲକୁ ନକିତା ନେହଁକି ତଞ୍ଜାଆପେ, ଏନିକି ଏଞ୍ଜାରି ମୀ ନେହଁ କାମା ମେସାନା ଲାକପୁରୁତି ଆବାତି ଗାଞ୍ଜୁରମି କିନେରି ।

✠ ୪:୨୩ ୪:୨୩ ମାତି ୯:୩୫; ମାର୍କ ୧:୩୯      ✠ ୪:୨୫ ୪:୨୫ ଦେକାପଲି      ✠ ୫:୧୦ ୫:୧୦ ପିପିତ ୩:୧୪      ✠ ୫:୧୧ ୫:୧୧ ପିପିତ ୪:୧୪  
 ✠ ୫:୧୨ ୫:୧୨ କାମା ୭:୫୨      ✠ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪, ୩୫      ✠ ୫:୧୪ ୫:୧୪ ଜହ ୮:୧୨; ୯:୫      ✠ ୫:୧୫ ୫:୧୫  
 ମାର୍କ ୪:୨୧; ଲୁକ ୮:୧୬; ୧୧:୩୩      ✠ ୫:୧୬ ୫:୧୬ ପିପିତ ୨:୧୨



**ମେରାତି କାତା ଜାପ୍ନାୟି**

୧୭ ନାଙ୍ଗେ ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଖେହନାରି ମେରାତି ମ୍ଲେକହାଲି ଖାହାମାନେସି ଇଞ୍ଜି ଅଣପାଆଦୁ; ନାନୁ ମ୍ଲେକହାଲି ଖାହାହିଲଅଁ ସାମା ଇ ବାରେ ପୁରା କିହାଲି ଖାହାମାଇଁ । ୧୮ ଏନାଆଁତାକି ଇଚିହଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ହାଗୁପାକା ଅଡ଼େ ଦାରୁତି ମେଣ୍ଟାଆ ପାତେକା ଇଞ୍ଜା ଇ ବାରେ ଆଆପାତେକା ମସା ମେରାତି ଇଚାୟି ସିନା ଜିକେଏ ମେଣ୍ଟାଏ । ୧୯ ଏନାଆଁତାକି ଇଚିହଁ ଆମ୍ବାଆସି ଇ ହୁକୁମିଟି ର ଉଣା ହୁକୁମି ମାନଞ୍ଜି ଆଅସି ଅଡ଼େ ଲକୁଇଁ ଏଲେକିହଁ ଏ ଜାପ୍ନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜି ଖେଙ୍ଗିନେସି; ସାମା ଆମ୍ବାଆସି ମାନଞ୍ଜି ଆନେସି ଅଡ଼େ ଜାପ୍ନେସି ଏଞ୍ଜାସି ଲାକପୁରୁ କାଜାସି ଇଞ୍ଜି ଖେଙ୍ଗିନେସି । ୨୦ ଏନାଆଁତାକି ଇଚିହଁ ନାନୁ ମିଙ୍ଗେ ଖେସିମାଞ୍ଜାଇଁ, ମୀ ଦାମ୍ବୁ ମେରା ପୁନାରି ଅଡ଼େ ପାରୁସିୟାଁ ଦାମ୍ବୁ କିହାଁ ମୀ ନାମ୍ବୁ ହାଡ଼େକା ଆଆତିହଁ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅତେରି ।

**କପା ଗାଟାଣି ଜାପ୍ନାୟି**

୨୧ “ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଇଁ ଖେସପିଆହାମାଟେ, ‘ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ ପାୟିନେରି, ଏଞ୍ଜାସି ନୀହାୟି ପାଙ୍ଗାତା ତଣ୍ଡ ବେଟା ଆନେସି ।’” ୨୨ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତାୟି ଲାକ କପାଆନେସି, ଏଞ୍ଜାସି ନୀହାୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜା ଆମ୍ବାଆସି ତାନି ତାୟି କାରବିଗାଟାତି ଇଞ୍ଜି ଇନେସି, ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡ଼େ ଆମ୍ବାଆସି ପଲ୍ଲଆଗାଟାତି ଇଞ୍ଜି ଇନେସି, ଏଞ୍ଜାସି ହିରୁ ଗାଡ଼ୁୟିତା ମେଡ଼ପି ଆନେସି । ୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାତିମାନାତି ମୀ ତାୟି କପାଟି ଏନି ହାଡ଼ା ମାନେ ଇଞ୍ଜି ଏମ୍ବାଆଁ ଅଣପୁ ଖାଡ଼େ, ୨୪ ଆତିହଁ ଏଡ଼ିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜା ମୀ ତାୟିତଲେ ଆଣ୍ଡିତି ଜେତ ଖେଣ୍ଡା ଖାହାନା ମାହାପୁରୁ ନକିତା ଏ ଦାନା ହେରପାଦୁ ।

୨୫ ନାନୁ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲୁଞ୍ଜି ଆୟାଲି ଅଣପାମ୍, ଆଆତଁ ଏଞ୍ଜାସି ନିଙ୍ଗେ ନୀହାୟି କିନାଣି ତାଣା ହେରପାନେସି, ଅଡ଼େ ନୀହାୟି କିନାସି ନିଙ୍ଗେ ଜାମାନାଙ୍ଗା କେୟୁତା ହେରପାନେସି, ଅଡ଼େ ଏଞ୍ଜାରି କାୟିଦି ଇଲୁତା ସୁଣ୍ଡାନେରି । ୨୬ ନାନୁ ମିଙ୍ଗେ

ସାତା ଖେସିମାଞ୍ଜାଇଁ ମୀ ତାକି କିଞ୍ଜିଆହାମାନି ର କାନି ଜିକେଏ ହାଆପାତାକା ଏମ୍ବାଟି ଏନିଜିକେଏ ହଡ଼ାଖାହାଲି ଆଡ଼ଅତେରି ।

**ଦାରିକାମା କିଆଦୁ ଇଞ୍ଜି ଜାପ୍ନାୟି**

୨୭ ମୀରୁ ଖେଞ୍ଜାମାଞ୍ଜେରି, ଇଲେଇଞ୍ଜି ରାସ୍‌କି ଆହାମାନେ, ଦାରିକାମା କିଆଦୁ । ୨୮ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣପୁ ତଲେ ସିନିକିନେସି, ଇଞ୍ଜା ଏଞ୍ଜାସି ଏଦାନିତଲେ ମନ ମନତା ଦାରିକାମା କିଡେସିଏ । ୨୯ ଏଡ଼େ ମୀ ଚିଝନି କାନୁ ମିଙ୍ଗେ ପାପୁ କିଞ୍ଜିକିୟାନେ ଇଚିହଁ ଏ କାନୁ ଡେଞ୍ଜା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନି କିହାଁ, ଆଙ୍ଗାତି ର ବାଗା ହିଲାଆଗାଟାଇ ନେହେଁ । ୩୦ ଇଞ୍ଜା ମୀ ଚିଝନି କେୟୁ ମିଙ୍ଗେ ପାପୁ କିଞ୍ଜିକିୟାନେ ଇଚିହଁ ଏଦାଆଁ ଜାତାନା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନିବାଟା ଆଙ୍ଗାତି ର କେୟୁ ହିଲାଆଗାଟାୟି ନେହେଁ ।

**ତକ୍ତିନି ପିହ୍ନି କାତା**

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ଏଡ଼େ ରାସ୍‌କି ଆହାମାନେ, ଆମ୍ବାଆସି ତାନି ତକ୍ତିନି ପିହ୍ନେସି, ଇଚିହଁ ଏଞ୍ଜାସି ଏଦାନାକି ପିହ୍ନି ଆକୁ ରାତାନା ହାପେସି । ୩୨ ଏସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍ତିନି ଦାରି କାମାତି ଦହ ହିଲାଆନା ତକ୍ତିନି ପିହ୍ନେସି, ଏଞ୍ଜାସି ଏଦାନି ଦାରେଣି କିନେସି; ଅଡ଼େ ଆମ୍ବାଆସି ପିସ୍ତି ଇୟାନି ବୀହା ଆନେସି, ଏଞ୍ଜାସି ଜିକେଏ ଦାରେଲା ଆନେସି ।

**ପାର୍‌ମାଣା**

୩୩ ଅଡ଼େ ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଣି ଖେସପି ଆହିମାଟେ, ମୀରୁ ମିଟି ପାର୍‌ମାଣା କିଆଦୁ, ସାମା ପାର୍‌ମାଣା କିହାମାନାଣି ତିକ୍‌ଆନି, ମାହାପୁରୁ ନକିତା ପୁରା କିଦୁ । ୩୪ ଏସାମା ନାନୁ ମିଙ୍ଗେ ଖେସିମାଞ୍ଜାଇଁ ପାର୍‌ମାଣା କିଞ୍ଜୁଏ କିଆଦୁ; ପାର୍‌ମାଣା କିନି ବେଲା ଲାକପୁରୁତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହଁ ଏଡ଼ି ମାହାପୁରୁତି ସିଂଗାସାଣି; ୩୫ ଅଡ଼େ ଦାରୁତିତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହଁ ଏଡ଼ି ମାହାପୁରୁତି କଡାୟାଁ ଇଚିନି ଟାୟୁ; ଜିରୁସାଲମ ଦରୁତଲେ ପାର୍‌ମାଣା କିଆଦୁ, ଏଡ଼ି ଆହିମାନେ କାଜା ରାଜାତି ଗାଡ଼ା; ୩୬ ଇଞ୍ଜା ମୀ ତାୟି ତୁଁ ପାର୍‌ମାଣା କିଆଦୁ, ଇଚିହଁ ମୀ ତାୟି ତୁଁ ର ବାଣା କାଡ଼ିୟା ଆଆତଁ ଦବ୍‌ଲା କିହାଲିତାକି ମୀ ବାଡ଼ୁୟି ହିଲେଏ, ୩୭ ସାମା ମୀଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି

☆ ୫:୧୮ ୫:୧୮ ଲୁକ ୧୭:୧୭ ☆ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ☆ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ☆ ୫:୩୧ ୫:୩୧ ମାତି ୧୯:୭; ମାର୍କ ୧୦:୪ ☆ ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧କର ୭:୧୦,୧୧ ☆ ୫:୩୪ ୫:୩୪ ଜାକୁବ ୫:୧୨; ମାତି ୨୩:୨୨

କାତା ଆଏ ଆପେ; ଇଦାଆଁ ପିସପେ ଏନାଆଁ ଇଚାଣି ଆଗାଡ଼ା କାଲୁହିହି ଏଦି ଲାଗେଏ ତାଣାଟି ଝାନ୍ତେନ ।

**ରାକି ଆହନାୟି**  
(ଲୁକ ୬:୨୯-୩୦)

୩୮ ମୀରୁ ଇ କାତା ଝେଞ୍ଜାମାଞ୍ଜେରି, ରାସ୍ତକି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ । ୩୯ ସାମା ନାନୁ ମିଙ୍ଗେ ଝେସିମାଞ୍ଜାଲ୍, ମିଙ୍ଗେ ଲାଗେଏ କିୟାନାଣାଲ୍ ବାଦୁଲି ଅଥାଦୁ, ସାମା ଆମ୍ବାଆସି ନୀ ଚିଃନି ଗେଏଲାତା ସାପୁଡ଼ା ଝେତାନେସି, ଏଝାଣାକି ଅର୍ ଗେଏଲା ଜିକେଏ ତହୁଦୁ । ୪୦ ଇଞ୍ଜା ଆମ୍ବାଆସି ନାହାୟି ପାଙ୍ଗାତା ମୀ ସକା ଅହାଲି ମନ କିତିହି ଏଝାଣାକି ମୀ ହିମ୍ବରି ଜିକେଏ ହାଦୁ । ୪୧ ଆମିନି ଦେସା ସାଲୁଝି କିନାସି ମିଙ୍ଗେ ବଜୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଝାଣିତଲେ ରୀ କିଲମିଟର ହାଜୁ । ୪୨ ଆମ୍ବାଆସି ମିଙ୍ଗେ ରୀସ୍ତାନେସି, ଏଝାଣାକି ହାଦୁ, ଅଡେ ଆମ୍ବାଆସି ମୀ ତାଣାଟି ରୀଣା ଅହାଲି ମନ କିନେସି ଏଝାଣାଲ୍ ଆଏ ଇନାଆଦୁ ।

**ସାତୁୟାଲ୍ ଜୀଝୁନଦୁ**  
(ଲୁକ ୬:୨୭-୩୨)

୪୩ ମୀରୁ ଝେଞ୍ଜାମାଞ୍ଜେରି, ରାସ୍ତକି ଆହାମାନେ, ମୀ ପାଡିତାଣାଲ୍ ଜୀଝୁନଦୁ ଇଞ୍ଜା ସାତୁୟାଣି ଅପାଆଦୁ । ୪୪ ସାମା ନାନୁ ମିଙ୍ଗେ ଝେସିମାଞ୍ଜାଲ୍, ମୀ ସାତୁୟାଲ୍ ଜୀଝୁନଦୁ, ଇଞ୍ଜା ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଝାରି ତାକି ପ୍ରାତାନା କିଦୁ । ୪୫ ଏନିକି ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାରି ଅଡେ ଲାଗେଏ ପଡେଏତି ବାରେ ଲକୁତାକି ଝେଡ଼ା ଉଜେଡ଼ି ହାନାସି ଅଡେ ଦାମ୍ବୁଗାଗାରି ଅଡେ ଦାମ୍ବୁ ହିଲାଆ ଗାଟାରାକି ଜିକେଏ ପିୟୁ ହାନେସି । ୪୬ ଇଞ୍ଜା ଆମ୍ବାଆରି ମିଙ୍ଗେ ଜୀଝୁ ନୟାନେରି ଏ ଲକୁଇଦେଁ ଜୀଝୁ ନଡିହି ଏନାୟି ମେଡ଼ାଆୟାନେ ? ସିସ୍ତୁ ରାହନାରି ଜିକେଏ ଏଦାଆଁ କିଅରିକି ? ୪୭ ଅଡେ ମୀରୁ ମୀ ତାୟିୟାଲ୍ ଜହରା କିଦେରି, ଏମ୍ବାଟିଏ ଅଡେ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ? ୪୮ ଏଦାଆଁତାକି ମୀ ଲାକପୁରୁତି ଆବା ଏନିକି ବାରେକିହାଁ ନେହାସି ମୀରୁ ଜିକେଏ ଏଲେକି ନେହି ଆଦୁ ।



**ଦାନା ହାନାଣି ଜାପୁନାୟି**

୧ \*ଲକୁ ମେସାପେରିଝା ଇଞ୍ଜା ଲକୁ ନକିତା ଦାମ୍ବୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା

ଆଦୁ, ଆଆତିହି ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ ।

୨ ଏଦାଆଁତାକି ଦାନା ହାନାଟି କୁରୁ ଗାଟାରିଲେହେଁ ଜାହାରା ନକିତା ତୀଡ଼ି ଉକାଆଦୁ; ଏଝାରି ଲକୁ ତାଣାଟି ମାନି ବେଟାଆହାଲି ଜୀହୁଦି ଲକୁତି କୁଟମି ଇଲୁତା\* ଅଡେ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଲ୍ ଏଝାରି ତାମି ଦାନା ବେଟାଆହାମାନେରି । ୩ ସାମା ମୀରୁ ଦାନା ହାନାଟି ମୀ ଚିଃନି କେୟୁ ଏନାଆଁ କିହିମାନେ ମୀ ଚେବୁ କେୟୁ ପୁନାଆପେ, ୪ ଏନିକି ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହନାସି, ଏଝାସି ମିଙ୍ଗେ ଦାନା ହିୟାନେସି ।

**ପ୍ରାତାନା**  
(ଲୁକ ୧୧:୨-୪)

୫ \*ପ୍ରାତାନା କିନାଟି କୁରୁ ଗାଟାରିଲେହେଁ ଆଆଦୁ, ଏନାଆଁତାକି ଇତିହି ଏଝାରି ଲକୁଣି ତସାଲି ତାକି, ଜୀହୁଦି ଲକୁତି କୁଟମି ଇଲୁତା† ଅଡେ ଡେଡ଼ା ଜିରୁତି କନତା ନିଚାନା ପ୍ରାତାନା କିହାଲି ରାହାଁ ଆନେରି; ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଏଝାରି ତାମି ଦାନା ବେଟାଆହାମାନେରି । ୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିତ୍ରା ହାଜୁ, ଇଞ୍ଜା ଦାରା ସୁଣ୍ଡା କତାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ତ୍ତୁନା ମେସ୍ତାନେସି ଏଝାସି ମିଙ୍ଗେ ଦାନା ହିୟାନେସି ।

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେରେପେରେ ଜଲାଆଦୁ, ଏନାଆଁତାକି ଇତିହି ଏଝାରି ଅଣ୍ପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଝେଞ୍ଜାନେସି । ୮ ଏଦାଆଁତାକି ଏଝାରିଲେହେଁ ଆଆଦୁ, ଏନାଆଁତାକି ଇତିହି ମିଙ୍ଗେ ଏନାୟି ଲଡ଼ାମାନେ, ରୀହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡେ ମୀରୁ ଇଲେକିହି ପ୍ରାତାନା କିଦୁ;

- ଏ ମା ଲାକପୁରୁତି ଆବା,
- ନୀ ଦରୁ ନେହାୟି ଇଞ୍ଜା ମାନୁଝି ଆପେ;
- ୧୦ ନୀ ରାକି ଝାପେ;
- ଲାକପୁରୁତି ଲେହେଁ ଦାର୍ଡିତା ଜିକେଏ ନୀ କାତେଏ ଆପେ,
- ୧୧ ନୀଞ୍ଜୁ ମାଙ୍ଗେ ଲଡ଼ା ଆନି ରାନ୍ଦା ହିୟାମ୍ବୁ,
- ୧୨ ମା କପାତଲେ ଦହ କିହାମାନି ଲକୁଣି ମାମ୍ବୁ,
- ଏନିକିହି ଦହ ଆହୁଅମି,
- ଏଲେକିହି ମା ଦହ ବାରେ ମ୍ବେକ୍‌ହାମୁ ।

\* ୬:୧ ୬:୧ ମାତି ୨୩:୫    \* ୬:୨ ୬:୨ ସିନଗର୍    \* ୬:୫ ୬:୫ ଲୁକ ୧୮:୧୦-୧୪    † ୬:୫ ୬:୫ ସିନଗର୍

୧୩ ମାତ୍ରେ ପାନ୍ଦାତା ମେତ୍ତହାଆନି ଲାଗେଏ  
 ପଲେଏ ତାଣାଟି ପିସ୍ପି କିୟାମୁ,  
 ଏନିଇଚିହିଁ ରାଜି ବାଡ଼ୁୟୁ କାଜାପାଣା କାଲ୍ଲ  
 କାଲ୍ଲତାକି ନାଦିଏ ଆପେ । ଆମେନ ।  
 ୧୪ \*ଇଚିହିଁ ମୀରୁ ଏଟକା ଲକ୍ଷୁତି ପାପୁ ବାରେ  
 ମ୍ଲେକ୍‌ହିସାରେ, ମୀ ଲାକପୁରୁତି ଆବା ମାହାପୁରୁ  
 ଜିକେଏ ମୀ ପାପୁ ମ୍ଲେକ୍‌ହାନେସି; ୧୫ ସାମା ମୀରୁ  
 ଲକ୍ଷୁତି ପାପୁ ମ୍ଲେକ୍‌ଆସାରେ, ମୀ ଆବା ଜିକେଏ ମୀ  
 ପାପୁ ମ୍ଲେକ୍‌ହଅସି ।

**ଉପାସା କିନାଣି ଜାପ୍‌ନାୟି**

୧୬ ଉପାସା କିନାଟି କୁରୁ ଗାଟାରିଲେହେଁ ମୀ  
 ମୁମ୍‌ପୁଟି ଖାଡ଼ି କିଆଦୁ, ଏନାଆଁତାକି ଇଚିହିଁ  
 ଏଞ୍ଜାରି ଉପାସା କିହିମାନେରି ଇଞ୍ଜିଁ ଲକ୍ଷୁଣି  
 ତସାଲି ତାମି ମୁମ୍‌ପୁ ଖାଡ଼ି କିନେରି; ନାନୁ  
 ମିଙ୍ଗେ ସାତା ଖେସିମାଞ୍ଜାଇଁ ଏଞ୍ଜାରି ତାମି ଦାନା  
 ବେଟାଆହାମାନେରି । ୧୭ ସାମା ମୀରୁ ଉପାସା  
 କିନାଟି, ମୀ ତାୟଁ ତୁ ନିୟଁ ଉହ୍‌ଦୁ ଅଡେ ମୁମ୍‌  
 ନରହା କତାଦୁ । ୧୮ ଏନିକିଁ ମୀରୁ ଉପାସା  
 କିହିମାନେରି ଇଞ୍ଜିଁ ଲକ୍ଷୁ ନକିତା ତଞ୍ଜା ଆଆନା,  
 ପୁନାଆରେଟୁ ମାନି ମୀ ଲାକପୁରୁତି ଆବା ନକିତା  
 ତଞ୍ଜା ଆଦେରି; ଅଡେ ମୀ ଆବା ପୁନାଆରେଟୁ  
 ମେସାନା ମିଙ୍ଗେ ଦାନା ହିୟାନେସି ।

**ଲାକପୁରୁତି ଦନ  
(ଲୁକ ୧୨:୩୩-୩୪)**

୧୯ “ଏମ୍‌ୟା ସୀରନେ ଇଞ୍ଜା ଲୀମ୍‌ପୁ ତିନେ ଅଡେ  
 ସରକା କାତି ତୁକ୍‌ହାନା ସରୁ କିହା ଅନେରି,  
 ଇଲେତି ଦାରତିତା ମିଙ୍ଗେତାକି ଦନ କୁଡ଼ିକିହାଁ  
 ଇଟାଆଦୁ । ୨୦ ସାମା ଆମ୍‌ୟା ସୀରଏ ଇଞ୍ଜା ଲୀମ୍‌  
 ତିନେଏ ଅଡେ ସରକା କାତି ତୁକ୍‌ହାନା ମାଣଟା  
 ଅଅରି ଇଲେତି ଲାକପୁରୁ ମିଙ୍ଗେତାକି ଦନ କୁଡ଼ି  
 କିଦୁ, ୨୧ ଇଚିହିଁ ଆମ୍‌ୟା ମୀ ଦନ ଏମ୍‌େଏ ମୀ ମନ  
 ଜିକେଏ ମାନେ ।”

**ଆଜ୍ଞାତି ଉଜେଡ଼ି  
(ଲୁକ ୧୧:୩୪-୩୬)**

୨୨ କାନୁ ଆଜ୍ଞାତି ଦୀର୍ଘ ଲେହେଁ, ଇଚିହିଁ ମୀ  
 କାନୁ ନେହିଁ ମାନେ, ଆତିହିଁ ମୀ ବାରେ ଆଜ୍ଞା  
 ଉଜେଡ଼ି ଆନେ । ୨୩ ସାମା ମୀ କାନୁ ଲାଗେଏ  
 ମାନେ, ଆତିହିଁ ମୀ ବାରେ ଆଜ୍ଞା ଜିକେଏ  
 ଆନେରି ଆନେ । ଏନାଆଁତାକି ଇଚିହିଁ ମୀ  
 ଆଜ୍ଞାତି ଉଜେଡ଼ି ଆନେରି ଆତିହିଁ ଏ ଆନେରି  
 ଏଚେକା ଆଜିନାୟି ଆନେ ।

**ମାହାପୁରୁ ଅଡେ ଦନ  
(ଲୁକ ୧୬:୧୩; ୧୨:୨୨-୩୧)**

୨୪ ଆମ୍‌ଆସି ଜିକେଏ ରୀ ସାଞ୍ଜୁକାରି ତାଣା  
 ହଲେଏସି ଆହାଲି ଆଡ଼ଅସି; ଏନାଆଁତାକି ଇଚିହିଁ

ଏଞ୍ଜାସି ରଅଣାଇଁ ଜୀଞ୍ଜୁ ନନେସି, ଅଡେ ରଅଣାଇଁ  
 ଅପଅସି, ରଅଣାଇଁ ମାନି କିନେସି ଅଡେ ରଅଣାଇଁ  
 ମାନିଞ୍ଜି ଆଅସି, ମୀରୁ ମାହାପୁରୁ ଅଡେ ଦନତି  
 ହଲିୟାଜ୍ଞା ଆହାଲି ଆଡ଼ଅଡେରି ।

୨୫ ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ,  
 ଏନାଆଁ ତିନାୟି ଏନାଆଁ ଗହନାୟି, ଏଲେକିଁ ମୀ  
 ଜୀଞ୍ଜୁତାକି, ଏନାଆଁ ତୁରନାୟି ଇଲେକିଁ ମୀ ଆଜ୍ଞା  
 ତାକି ଅଣ୍‌ପାଆଦୁ, ରାନ୍ଦାକିହା ଜୀଞ୍ଜୁ, ହିମ୍‌ରିକା  
 କିହାଁ ଆଜ୍ଞା କାଜାୟି ଆଏକି ? ୨୬ ପଟାୟଁଣି  
 ସିନିକିଦୁ, ଏଞ୍ଜି ମାଟାଉ କି ଦାଡ଼ କି ଗାଦେୟିତା  
 କୁଡ଼ିକିହାଁ ଇଟାଉ, ଏଲେଆଡ଼ିଞ୍ଜା ଲାକପୁରୁତି ଆବା  
 ଏଞ୍ଜାସିକାକି ତାମି ରାନ୍ଦା ହାହିମାନେସି, ଏଞ୍ଜାସିକା  
 କିହାଁ ମୀରୁ କାଜାତେରି ଆଏକି ? ୨୭ ଅଡେ ମୀ  
 ବିତ୍ରାଟି ଆମ୍‌ଆସି ତାନି ଗାଡ଼ି ଅଣ୍‌ପୁ ତଲେ ତାନି  
 ଜୀଞ୍ଜୁତି ଆଗାଡ଼ା ପାଡ଼ିକିହାଲି ଆଡ଼ିମାନେସି ?

୨୮ ହିମ୍‌ରିକା ତାକି ଏନାଆଁତାକି ଅଣ୍‌ପିମାଞ୍ଜେରି ?  
 ଜାଡ଼ାତି ପୂଜାଣି ସିନିକିହାଁ ଅଣ୍‌ପାନା ଜାପାଦୁ, ଏଞ୍ଜି  
 ଏନିକିଁ ପାଡ଼ାଆନୁ; ଏଞ୍ଜି କସ୍ତ କିଉ କି ଲୁଲୁ ଦାଡ଼,  
 ୨୯ ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇଁ, ରାଜା  
 ସଲମନ ଗାଡ଼ି ଦାରାତି ହିମ୍‌ରିକା ହୁତିମାଟିହିଁ  
 ଜିକେଏ ଏ ପୂଜା ବିତ୍ରାଟି ର ପୂୟ ଲେହେଁ ଅଜା  
 ହିଲାଆଡେସି । ୩୦ ସାମା ଗୁତିୟାତା ତୁୟିନି ଗାକି  
 ଜାଡ଼ା ନୀଞ୍ଜୁ ମାନେ ଝିଏ ହଲୁତା ହୁଡ଼କିଆନେ,  
 ଏଦାନାକି ମାହାପୁରୁ ଇଚେକା ନେହିଁ ଅଜୁ  
 ହାଡ଼ିହିଁ, ଏ ନାମ୍‌ ହିଲାଆଗାଟାତେରି ମିଙ୍ଗେ  
 ହାରେକା ଗାଡ଼ି ହିମ୍‌ରିକା ହିୟଅସିକି ?

୩୧ ଏଦାଆଁତାକି ଏନାଆଁ ତିନମି, ଏନାଆଁ  
 ଗହନମି, ଏନାଆଁ ପରନମି ଏଲେକିହିଁ  
 ଅଣ୍‌ପାଆଦୁ । ୩୨ ଇଚିହିଁ ଜୀହୁତିଆଆତି  
 ଲକ୍ଷୁ ଇ ବାରେ ପାରିନେରି, ଅଡେ ଇ ବାରେ  
 ମିଙ୍ଗେ ଲଡ଼ାମାନେ ଇଞ୍ଜିଁ ମୀ ଲାକପୁରୁତି ଆବା  
 ପୂଜାମାନେସି । ୩୩ ସାମା ମୀରୁ ନଚେଏ ମାହାପୁରୁତି  
 ରାଜି ଅଡେ ଦାମ୍‌ୁତି ପାରାଦୁ, ଆତିହିଁ ମୀ  
 ଲଡ଼ାମାନି ବାରେ ହାପକିଆନେ । ୩୪ ଇଚିହିଁ  
 ଝିଏତାକି ଅଣ୍‌ପାଆଦୁ, ଏନାଆଁତାକି ଇଚିହିଁ  
 ଝିଏତି ଅଣ୍‌ପୁ ଝିଏ ମୀରୁ ମିଙ୍ଗେତାକି ଅଣ୍‌ପିଦେରି,  
 ଇଚିହିଁ ନୀଞ୍ଜୁତି କସ୍ତ ନୀଞ୍ଜୁତାକି ସାରି ।



**ଏଟକା ତାରାଇଁ ନୀହାଁୟି କିନାୟି  
(ଲୁକ ୬:୩୭-୩୮; ୪:୧-୪୨)**

୧ ମୀରୁ ଏନିକିଁ ନୀହାଁୟି କିଞ୍ଜି ଆଅଡେରି,  
 ଏଦାଆଁତାକି ମୀରୁ ଆମ୍‌ଆରାଇଁ ନୀହାଁୟି  
 କିଆଦୁ । ୨ \*ଇଚିହିଁ ମୀରୁ ଏନିକିଁ ଲକ୍ଷୁଣି  
 ନୀହାଁୟି କିଦେରି, ଏଲେକିହିଁ ଏ ମୀରୁ ଜିକେଏ  
 ନୀହାଁୟି କିଞ୍ଜିଆଦେରି; ଅଡେ ଆମିନି ମାଣାତଲେ

\* ୭:୧୪ ୭:୧୪ ମାର୍କ ୧୧:୨୫,୨୬ \* ୭:୨ ୭:୨ ମାର୍କ ୪:୨୪

ଲାଡ଼ିଦେରି ଏ ମାଣା ତଲେ ମିଙ୍ଗେ ଲାଟା ହିୟାନେରି ।<sup>୩</sup> ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ଡିପି ହିଲଅତି କି ?<sup>୪</sup> ଅଡ଼େ ନାନୁ ଏନିକି ମୀ ତାୟିକି ଏଲେଇଞ୍ଜି ଖାମ୍ବୁ, ନୀ କାନୁତି ଲାଟା ଡ଼େଖାଇ, ଅଡ଼େ ମେହ୍ମୁ ନୀ କାନୁତେଏ କାଜା ଲାଟା ମାନେ !<sup>୫</sup> ଆଡ଼େ କୁଟୁ ଗାଟାତି ତଲିଏ ନୀ କାନୁତି ଲାଟା ଡ଼େଖା କତାମୁ ଆଡ଼ିହୁଁ ମୀ ତାୟି କାନୁତି ଲାଟା ଡ଼େଖାଲି ନେହୁଁ କି ମେସାଲି ଆଡ଼ିଦି ।

<sup>୬</sup> “ନେହୁଁ ଆସ୍ତିତି ନେସକାକି ହୀଆଦୁ, ଏଞ୍ଜି ଖେଣ୍ଡେ ତିରୁଞ୍ଜାଁ କାତାନୁ ଇଞ୍ଜାଁ ବାଂଗାରା କିହାଁ ଆଗାଡ଼ା ଦାରାଗାଟି ହୀଙ୍ଗା ପାଜିୟାଁ ନକିତା ମେଡ଼ିଆଦୁ, ଏଞ୍ଜି ଏଦାନି କାଡ଼ତା ତୁଡ଼ବିନୁ ।”

**ରାହ୍ମଦୁ, ପାରାଦୁ ଅଡ଼େ ଦୁଞ୍ଜେରିତା ଖେଦୁ**  
(ଲୁକ ୧୧:୯-୧୩)

<sup>୭</sup> “ରାହ୍ମଦୁ ଆଡ଼ିହୁଁ ମିଙ୍ଗେ ହୀପକିଆନେ; ପାରାଦୁ ଆଡ଼ିହୁଁ ମିଙ୍ଗେ ମେଡ଼ିଆୟାନେ; ଦୁଞ୍ଜେରିତା ଖେଦୁ, ଏଚେଟିଏ ମିଙ୍ଗେତାକି ଦୁଞ୍ଜେରି ଦେପିଆନେ ।<sup>୮</sup> ଇତିହୁଁ ଆମ୍ବାଆସି ରାହ୍ମନେସି, ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଜାସି ମେଡ଼ିଆନେସି; ଅଡ଼େ ଆମ୍ବାଆସି ଦୁଞ୍ଜେରିତା ଖେନେସି ଏଞ୍ଜାଶାକି ଦାରା ଦେପିଆନେ ।<sup>୯</sup> ଇତିହୁଁ ମୀ ବିତ୍ତା ଆମ୍ବାଆସି ଇଲେତି ମାଣ୍ଡସି ମାନେସି, ତାନି ମୀରୁଏସି ରୁଟି ରୀସ୍ତିସାରେ ଏଞ୍ଜାଶାକି ଖାଲକା ହୀନେସି,<sup>୧୦</sup> ଅଡ଼େ ମୀନୁ ରୀସ୍ତିସାରେ ଏଞ୍ଜାଶାକି ରାଟୁ ହୀନେସି ?<sup>୧୧</sup> ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରୁକା ମାସକାକି ନେହାଁଣି ହୀହିମାଞ୍ଜେରି, ଆଡ଼ିହୁଁ ମୀ ଲାକପୁରୁତି ଆବା ନକିତା ରାହ୍ମନି ଲକୁକି ଏଚେକା ନେହା ନେହାଁଣି ହୀଅସି !”

<sup>୧୨</sup> “ଏଦାଆଁତାକି ଲକୁ ମିଙ୍ଗେ ତାକି ଏନିକିଁ ଲେମ୍ବାପେରି ଇଞ୍ଜିଁ ମୀରୁ ଅଣ୍ଡିପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହୁଁ କିଦୁ, ଏନାଆଁତାକି ଇତିହୁଁ ଇଦିଏ ମସାତି ମେରା ଅଡ଼େ ମାହାପୁରୁ ଅଣ୍ଡିପୁତି ବଲୁ ଖେହ୍ନି ଦାର୍ମୁ ପତିତି କାତା ।”

**ଜାକ୍ଣି ଦୁଞ୍ଜେରି**  
(ଲୁକ ୧୩:୨)

<sup>୧୩</sup> ଜାକ୍ଣି ଦୁଞ୍ଜେରିଟି ହାକୁ, ଏନାଆଁତାକି ଇତିହୁଁ ନକିତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାରେକା ଲକୁ ହାନେରି ।<sup>୧୪</sup> ଅଡ଼େ ଜୀଞ୍ଜୁତା ଅନି ଦୁଞ୍ଜେରି ଜାକ୍ଣି ଇଞ୍ଜାଁ ଏମ୍ବାଆଁ ହାନି ଜିରୁ କସ୍ତାଗାୟି ଏ ଜିରୁଟି ହାନି ଲକୁ ହାରେକା ଉଣା ।

**ମାର୍ନୁ ଅଡ଼େ ତାନି ପାଡ଼େୟି**  
(ଲୁକ ୭:୪୩-୪୪)

<sup>୧୫</sup> “ମାହାପୁରୁ ବଲୁ ଖେହ୍ନାତମି ଇଞ୍ଜିଁ ଖେସାନା ମିତି କାତା ଖେହ୍ନାରି ତାଣାଟି ଜାଗ୍ରାତା; ଏଞ୍ଜାରି ମେଣ୍ଡାୟାଁ ଖାଣା ଆସାନା ମୀ ତାଣା ଖାନ୍ନେରି, ସାମା ଏଞ୍ଜାରି ହିୟାତା କାରବି ଆଡ଼ି କୁଠନି !<sup>୧୬</sup> ଏଞ୍ଜାରି କାମା ମେସାନା ମୀରୁ ଏଞ୍ଜାରାଇଁ ପୁଞ୍ଜାଲି ଆଡ଼ିଦେରି, ଲକୁ ହାପକା ମାର୍ନୁତା ଅଙ୍ଗୁରି ପାଡ଼େୟି ଆଆଡ଼ିହୁଁ ଅଣ୍ଡାକି ମାର୍ନୁତା ତୟା ପାଡ଼େୟି ଏହ୍ନେରି ?<sup>୧୭</sup> ଏଲେକିହୁଁ ଏ ନେହୁଁ ମାର୍ନୁତା ବାରେ ନେହୁଁ ପାଡ଼େୟି ଅଡ଼େ ଲାଗେଏତି ମାର୍ନୁତା ବାରେ ଲାଗେଏତି ପାଡ଼େୟି ଆୟିନେ ।<sup>୧୮</sup> ନେହୁଁ ମାର୍ନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାର୍ନୁ ନେହୁଁ ପାଡ଼େୟି ଆୟାଲି ଆଡ଼େଏ ।<sup>୧୯</sup> \*ଆମିନି ମାର୍ନୁ ନେହୁଁ ପାଡ଼େୟି ଆୟେଏ, ଏଦାନି ଟୁଣ୍ଡି ଆହାନା ହିରୁତା ମେଡ଼ପି ଆନେ ।<sup>୨୦</sup> \*ଏଲେକିହୁଁ ଏ ମିତି ମାହାପୁରୁ ବଲୁ ଖେହ୍ନାରାଇଁ ତାମା କାମା ତଲେ ପୁଞ୍ଜାଲି ଆଡ଼ିନାୟି ।”

**ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ**  
(ଲୁକ ୧୩:୨୫-୨୭)

<sup>୨୧</sup> “ନାଙ୍ଗେ ‘ପ୍ରୁ, ପ୍ରୁ’ ଇଞ୍ଜିଁ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଖେସ୍ତି କାତା ମାନଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି ।<sup>୨୨</sup> ଏ ଦିନା ହାରେକା ନାଙ୍ଗେ ଏଲେଇଞ୍ଜାନେରି, ଏ ପ୍ରୁ ଏ ପ୍ରୁ ମାମ୍ବୁ ନୀ ଦରୁତଲେ ମାହାପୁରୁ ଅଣ୍ଡିପୁତି ବଲୁ ଖେହ୍ନାତମି କି ? ଅଡ଼େ ନୀ ଦରୁତଲେ ବୁଡୁୟାଁକି ପିସ୍ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନି କାମା କିଆତମି କି ?<sup>୨୩</sup> ଏଚିବେଲା ନାନୁ ଏଞ୍ଜାରାଇଁ ତୀରେତଲେ ଏଲେଇକିଁ ଏ ଲାଗେଏ ପଲେଏ ଗାଟାତେରି, ନା ତାଣାଟି ହେକ ଆଦୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ ।”

**ରୀ ଇଲକା କେପିନାରି**  
(ଲୁକ ୭:୪୭-୪୯)

<sup>୨୪</sup> “ଇଞ୍ଜାଁ ଆମ୍ବାଆସି ଇ ନା ହାଡ଼ା ଖେନେସି ଅଡ଼େ ମାନଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି ।<sup>୨୫</sup> ଗାଡ଼ି ପିୟୁ ରୀତେ ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁଡ଼ି ଗୁପିତେ, ସାମା ଏ ଇଲୁ ରିଆଡ଼େ, ଇତିହୁଁ ଏଡ଼ି ପାକାତା କାନ୍ଦା କାରହାନା ପୁନାଦି ଦସାମାଗାୟି ।”

<sup>୨୬</sup> “ଅଡ଼େ ଆମ୍ବାଆସି ଇ ନା ହାଡ଼ା ଖେଜାନା ମାନଞ୍ଜି ଆଅସି ଏଞ୍ଜାସି ବାଞ୍ଜାଲି ଲାକ ଇଲୁ କେପା ଡ଼ୟିନି ବୁଦି ହିଲାଆଗାଟି ଲକୁ ଲେହେଁତାସି

\* ୭:୧୨ ୭:୧୨ ଲୁକ ୭:୩୧    \* ୭:୧୯ ୭:୧୯ ମାତୃ ୩:୧୦; ଲୁକ ୩:୯    \* ୭:୨୦ ୭:୨୦ ମାତୃ ୧୨:୩୩

୧୭ ଗାତି ପିୟ ରୀତେ, ଝରୁ ଝାତେ ଅଡ଼େ ଗାଲି ଆଡ଼େ, ଏ ଇଲୁତି ଗୁପିତେ ଏମ୍ବାଟିଏ ଇଲୁ ତରଗାହାଜା ବୁମିତା ଆଣ୍ଡିତେ ।”

**ଜୀସୁତି କାଜାପାଣା**

୨୮ \*ଜୀସୁ ଇ ବାରେ କାତା ରାପୁହି କ୍ଳେତ ତାନି କାତା ଝେଟାରି କାବା ଆଡ଼େରି । ୨୯ ଇତିହୁ ଏଝାସି ତାନି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଟାଆହାମାନି ମାଣସିଲେହେଁ ଜାପୁହି ମାରେସି ।



**ଜୀସୁ କାଜା ରଗ ଗାଟାଣାଇଁ ନେହୁଁ କିନାୟି**  
(ମାର୍କ ୧:୪୦-୪୫; ଲୁକ ୫:୧୭-୧୭)

୧ ଜୀସୁ ହରୁ ଲାକଟି ରେଟା ଝାଡ଼ି ତାୟୁ ମାନ୍ଦା ଲକୁ ତାନି କ୍ଳେତ ହାରେରି । ୨ ଏତିବେଲା ର କାଜା ରଗ ଗାଟାସି ତାନି ନକିତା ଝାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରବୁ ନୀନୁ ମନ କିତିହୁଁ ନାଢେ ନେହୁଁ କିହାଲି ଆଡାଦି ।”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନୀନୁ ମନ କିହିମାଲ୍ ନୀନୁ ନେହୁଁ ଆମୁ ।” ଏ ଦେବୁଣିଏ କାଜା ରଗ ଗାଟାସି ନେହୁଁ ଆଡ଼େସି । ୪ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଝେହୁଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଙ୍ଗ ତସାକତାମୁ, ଅଡ଼େ ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ସାକି ହୀନିଲେହେଁ ହେର୍ପାମୁ ।”

**ଜୀସୁ ର ରମିୟ କସକା ହଲେଏଣାଇଁ ନେହୁଁ କିନାୟି**  
(ଲୁକ ୭:୧-୧୦)

୫ ଜୀସୁ କପରନାହୁମ ଗାଡାତା ହାଜାଲିଏ ର ରମିୟ ପାସାକଡ଼ି କସକା ମୁହେଁ କାଜାସି ଏଝାଣି ତାଣା ଝାହାନା ବାଡ଼ିମାଲିହୁଁ ଏଲେଇଚେସି, ୬ “ଏ ପ୍ରବୁ, ନା ହଲେଏସି ଟଟଝାୟାନା ହାରେକା କସ ଆହୁଁ ଇଜ କାଟେଲିତା ତୁରାମାନେସି ।”

୭ ଜୀସୁ ଏଝାଣାଇଁ ଏଲେଇଚେସି, “ନୀନୁ ଝାହାନା ଏଝାଣାଇଁ ନେହୁଁ କିଲ୍ ।”

୮ ସାମା ପାସାକଡ଼ି କସକା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନୀନୁ ନା ଇଜ ପାଝୁଲି ଇଟିଦି, ଏଲେତି ଜଗେ ଆଏ; ସାମା ନୀନୁ ର ପଦୁ ଝେସା ପାଣ୍ଡାମୁ, ନା ହଲେଏସି ନେହୁଁ ଆନେସି । ୯ ଇତିହୁଁ ନୀନୁ ରଅଣି ତାଣା କାମା କିନି ମାଣସି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସକା ମାନେରି; ନୀନୁ ରଅଣାଇଁ ହାଲାମୁ ଇତିହୁଁ ଏଝାସି ହାନେସି; ଅଡ଼େ ରଅଣାଇଁ ଝାମୁ ଇତିହୁଁ ଝାନେସି;

ଅଡ଼େ ନା ହଲେଏଣାଇଁ ଇଦାଆଁ କିମୁ ଇତିହୁଁ ଏଦାଆଁ କିନେସି ।”

୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆଡ଼େସି, ଅଡ଼େ ତାନି କ୍ଳେତ ଝାହିମାଟି ଲକୁଣି ଏଲେଇଚେସି, ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ଇସ୍ରାୟେଲ ବିତ୍ତା ଆମ୍ବାଆରି ତାଣା ଇଚେକା କାଜା ନୀନୁ ମେସାହିଲଅଁ । ୧୧ \*ସାମା ନୀନୁ ମିଙ୍ଗ ଝେସିମାଞ୍ଜାଇଁ, ହାରେକା ଲକୁ ଝେଡ଼ା ହପୁ ଝାକିଟି ଅଡ଼େ ଝେଡ଼ା କୁଡ଼ିନି ଝାକିଟି ଝାହାନା ଅବାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଡ଼ିତା ତିଞ୍ଜାଲି କୁଗିନେରି । ୧୨ \*ସାମା ରାଡ଼ିତି ମୀରକାଣି ପାଙ୍ଗାତି ଆନ୍ଦେରିତା ମେତୁପି ଆନେ ଏମ୍ବାଆଁ ଏଝାରି ପାଲକା ଟୀଟି କିହୁଁ ତୁନେରି । ୧୩ ଅଡ଼େ ଜୀସୁ ଏ କାଜାଣାଇଁ ଏଲେଇଚେସି, ଇଜ ହାଲାମୁ, ଏନିକିହୁଁ ନାମାମାଞ୍ଜି ନିଙ୍ଗେତାକି ଏଲେକିହୁଁ ଆପେ । ଏ ଦେବୁଣିଏ ଏ ହଲେଏସି ନେହୁଁ ଆଡ଼େସି ।

**ଜୀସୁ ହାରେକା ଲକୁଣି ନେହୁଁ କିନାୟି**  
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଝାହାନା ପିତରତି ପୟା ନମେରି ତାକି କାଟେଲିତା ତୁରାମାନାଣି ମେସେସି । ୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସେ, ଅଡ଼େ ନିଙ୍ଗାନା ଏଝାଣି ସେବା କିହାଲି ମାଟହେ ।

୧୬ ମିଡ଼ଅଲା ଆହାଲିଏ ଲକୁ ହାରେକା ବୁଡୁ ଆଲ୍‌ଗାମାଟି ଲକୁଣି ଜୀସୁ ତାଣା ତାତେରି, ଏଚେଟିଏ ଜୀସୁତି ର ବଲୁ ତାକି ବୁଡୁୟାଁ ଏଝାରି ତାଣାଟି ହଚାହାଚୁ, ଅଡ଼େ ହାରେକା ନମେରି ଗାଟାରାଇଁ ନେହୁଁ କିତେସି । ୧୭ ଏନିକିହୁଁ ମାହାପୁରୁ ଅଣପୁତି ବଲୁ ଝେହୁନି ଜିସାୟତି କାତା ସାତା ଆନେ, “ଏଝାସି ତାନୁଏ ମା ନମେରି ଦୁକା ଅଡ଼େସି ଅଡ଼େ ମା ରଗତି ଡ଼େକିତେସି ।”

**ଜୀସୁ ସୀସୁୟାଁ ଆହାଲି ମନ କିନାୟି**  
(ଲୁକ ୯:୫୭-୬୨)

୧୮ ଜୀସୁ ତାନି ସାରିଝାକି ଲକୁଣି ମେସାନା, ସୀସୁୟାଁଙ୍କ ସାମ୍‌ଦୁରି ଆତାଲା ହାଜାଲି ହୁକୁମି ହୀତେସି । ୧୯ ର ମେରା ଜାପୁନାସି ଝାହାନା ଜୀସୁଙ୍କ ଏଲେଇଚେସି, “ଗୁରୁ, ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଝାଲ୍ ।”

୨୦ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ନାକାୟାକି ତୁୟିନି ପାଝୁୟାଁ ମାନୁ, ହାଗୁ ଲାକ ଡ଼ମ୍ବିନି ପଟାୟାକି ବାସାଟାୟୁ ମାନେ, ସାମା ମାଣସି ମୀରଏଣାକି ତାୟୁଁ ଚୁନଟହାଲି ବାସାଟାୟୁ ହିଲେଏ ।”

\* ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨    \* ୮:୧୧ ୮:୧୧ ଲୁକ ୧୩:୨୯    \* ୮:୧୨ ୮:୧୨ ମାତୃ ୨୨:୧୩; ୨୫:୩୦; ଲୁକ ୧୩:୨୮

୨୧ ଇଞ୍ଜା ସୀସୁୟା ବିଭାତି ଅଡ଼େ ରଥସି ଜୀସୁଇଁ ଏଲେଇରେସି “ପ୍ରବୁ, ନକେଏ ହାଜାନା ନା ଆବାଇଁ ମାହୁଣିଣା ମୁସାଲି ହେଲ ହିୟାମୁ ।”

୨୨ ସାମା ଜୀସୁ ଏଞ୍ଜାଣାଇଁ ଏଲେଇରେସି, “ନା ଜେଚ ଖାମୁ, ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହ୍‌ଦୁ ।”

**ଜୀସୁ ଗାଲି ପିମୁ ସାପି କିନାୟି**  
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ଡ଼ଗତା ହରାଲିଏ ସୀସୁୟା ତାନି ଜେଚ ହାଚେରି । ୨୪ ଅଡ଼େ ମେହ୍‌ଦୁ ଦେବୁଣିଏ ସାମ୍‌ଦୁରିତା କାଜା ଗାଲି ଆଡେ, ଇଞ୍ଜା ଡ଼ଗ ଏୟୁତା ମୁଞ୍ଜାଲି ମାଟ୍‌ହେ, ସାମା ଜୀସୁ ଡ଼ଗତା ତୁରାମାଚେସି । ୨୫ ଏମ୍‌ଗାଟିଏ ଏଞ୍ଜାରି ତାଗେ ଖାହାଁ ନିକ୍‌ହାନା ଏଲେଇରେସି, “ପ୍ରବୁ, ମାଙ୍ଗ ଗେଲ୍‌ପାମୁ, ଆଆତ୍ ମାମୁ ହୁହିମାନମି ।”

୨୬ ଜୀସୁ ଏଞ୍ଜାରାଇଁ ଏଲେଇରେସି, “ଏ ଡ଼ଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍‌ଗାଟିଏ ଜୀସୁ ନିଜ୍ଞାନା ଗାଲି ଅଡ଼େ ଖାଡ଼ିମାଟି ସାମ୍‌ଦୁରିତି ଦାକା ହାଚେସି, ଇଞ୍ଜା ଦେବୁଣିଏ ସାପିଆଡେ ।

୨୭ ଏମ୍‌ଗାଟିଏ ଏଞ୍ଜାରି କାବା ଆହାଁ ଏଲେଇରେସି, “ଇଞ୍ଜାସି ଏନିଲେହେତି ମାଣ୍‌ସି ? ଗାଲି ଅଡ଼େ ସାମ୍‌ଦୁରି ଜିକେଏ ଇଞ୍ଜାଣି ହାଡ଼ା ମାନ୍‌ଞ୍ଜି ଆହିମାନେ ।”

**ବୁଡୁ ଆଲ୍‌ଗାମାଟି ରିଆରାଇଁ ଜୀସୁ ନେହ୍‌କିନାୟି**  
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମ୍‌ଦୁରି ଆତାଲାଞ୍ଜାକିତି ଗଦରିୟ ନାସ୍‌କାଣା ଏଗାହାଜାଲିଏ ରୀ ବୁଡୁୟା ଆଲ୍‌ଗା ମାଚାରି ମାଡ଼ହା ମୁହ୍‌ନି ଟାୟୁଟି ଖାହାନା ଜୀସୁ ବେଟାଆଡେରି, ଏଞ୍ଜାରି ଇଲେତି ଆଜିହ୍‌ପେତି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡ଼ିହିଲାଆଚେରି । ୨୯ ଇଞ୍ଜା ମେହ୍‌ଦୁ ଏଞ୍ଜାରି କିରଡ଼ିହ୍‌ ଏଲେଇରେସି, “ଏ ମାହାପୁରୁ ମୀରଏଣାତି ! ନୀ ତଲେ ନାଙ୍ଗେ ଏନାୟି ମାନେ ? ମା ବେଲା ଖାଆନେଏ ମାଙ୍ଗେ କସ୍ତ ହିୟାଲି ଇମ୍‌ଆଁ ଖାଡ଼ିକି ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍‌ ପାଜିୟା ମେୟିମାଚୁ । ୩୧ ଏ ଲକୁ ବିଭାତି ବୁଡୁୟା ଜୀସୁଇଁ ବାଡ଼ିମାଲିହ୍‌ ଏଲେଇରୁ, “ମାଙ୍ଗେ ପେର୍‌ହାଦି ଇଚିହ୍‌, ଏ ପାଜିୟା ମାନ୍‌ ବିଭା ପାଣ୍ଡାମୁ ।”

୩୨ ଜୀସୁ ଏଞ୍ଜାସିକାଣି ଏଲେଇରେସି, “ହାଜୁ ।” ବୁଡୁୟା ଏ ଦେବୁଣିଏ ଲକୁଇଁ ପିସାନା ପାଜିୟା ମାନ୍‌ ବିଭା ହରୁ; ଏ ପାଜିୟା ହରୁ କାଡ଼ିଟି ଦାବ୍‌ଡ଼ି ହଗାନା ଦାରିତି ସାମ୍‌ଦୁରିତା ମେଦାନା ହାହାହାଚୁ ।

୩୩ ପାଜିୟା ମେଟିମାଟି ଗଡ଼କା ହଚିହ୍‌ ହାଜାନା ଗାଡ଼ାତା ବାରେ କାବୁ ଇଞ୍ଜା ବୁଡୁୟା ଆଲ୍‌ଗା ମାଚାରି ଏନି ଆଡେରି ଏ ବାରେ ହାଡ଼ା ଖେସ୍‌ସେରି । ୩୪ ଅଡ଼େ ନାସ୍‌କାଟି ବାରେ ଲକୁ ଜୀସୁଇଁ ମେସାଲି ଖାଡେରି, ଇଞ୍ଜା ଜୀସୁଇଁ ମେସାନା ତାମି ହାନ୍‌ଡିଟି ହାଜାଲି ବାଡ଼ିମାଲିଚେରି ।



**ଜୀସୁ ର ଟଟଞ୍ଜାୟିତି ଲକୁଇଁ ନେହ୍‌କିନାୟି**  
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍‌ଗାଟିଏ ଜୀସୁ ଡ଼ଗତା ହରାନା ସାମ୍‌ଦୁରି ଗାଣ୍‌ରାହାଁ ତାନୁ ବାସାଆହାମାନି ଗାଡ଼ାତା ଖାଡେସି । ୨ ଅଡ଼େ ମେହ୍‌ଦୁ କାଚେଲିତା ତୁରାମାଟି ର ଟଟଞ୍ଜାୟିତି ଲକୁଇଁ ଡେକାନା ତାନି ତାଣା ତାଚେରି, ଇଞ୍ଜା ଏଞ୍ଜାରି ନାମୁ ମେସାନା ଜୀସୁ ଏ ଟଟ ଖାୟିତାଣାଇଁ ଏଲେଇରେସି, “ଏ ମୀରଏଣା, ସାସା ଆହିମୁ ନୀ ପାପୁ ବାରେ ମେଣ୍‌ଙ୍ଗାହାଚେ ।”

୩ ଏଚେକା ମେରା ଜାପ୍‌ନାରି ଇ ହାଡ଼ା ଖେଞ୍ଜାନା ଏଞ୍ଜାରି ଖେସ୍‌ପି ଆଡେରି, “ଇ ମାଣ୍‌ସି ମାହାପୁରୁଇଁ ନିନ୍‌ଦା କିହିମାନେସି ।”

୪ ଜୀସୁ ଏଞ୍ଜାରି ମନ୍‌ଡି ହାଡ଼ା ପୁଞ୍ଜାନା ଏଲେଇରେସି, “ମୀରୁ ମୀ ମନ୍‌ଡା ଏନାଆଁତାକି ଇଚେକା ଲାଗେଏତି ଅଣ୍‌ପୁ ଅଣ୍‌ପିମାଞ୍ଜେରି ? ୫ ଇଚିହ୍‌ ଏନାଆଁ ଇନାୟି ଡ଼ସାସା, ନୀ ପାପୁ ମେଣ୍‌ଙ୍ଗାହାଚେ, ଆଆତ୍ ନିଜ୍ଞାନା ତାକାମୁ ? ୬ ସାମା ଦାର୍‌ଡିତି ପାପୁ ମେଣ୍‌କହାଲି ତାକି ମାଣ୍‌ସି ମୀରଏଣାକି ଅଦିକାରା ମାନେ, ଇଦାଆଁ ଏନିକ୍ ପୁଞ୍ଜାଲି ଆଡ଼ିନେରି,” ଏଦାଆଁତାକି ଜୀସୁ ଟଟ ଖାୟିତାଣାଇଁ ଏଲେଇରେସି, “ନିଜ୍ଞାମୁ ନୀ କାଚେଲି ଡେକାନା ଇଜ ହାଲାମୁ ।”

୭ ଏମ୍‌ଗାଟିଏ ଏଞ୍ଜାସି ନିଜ୍ଞାନା ତାମି ଇଜ ହାଚେସି । ୮ ଇଦାଆଁ ମେସାନା ଲକୁ ଆଜିଚେରି, ଅଡ଼େ ଆମିନି ମାହାପୁରୁ ମାଣ୍‌ସିୟାକି ଇଲେତି ଅଦିକାରା ହାହାମାନେସି ଇଞ୍ଜିହ୍‌ ଏ ମାହାପୁରୁଟି ଗାଞ୍ଜୁରମି କିଚେରି ।

**ଜୀସୁ ମାଡ଼ିମୁଇଁ ହାଡ଼ିନାୟି**  
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍‌ଗାଟି ହାଜି ହାଜିହ୍‌ ମାଡ଼ିମୁ ଦରୁଗାଟି ର ସିସ୍ତୁରାହ୍‌ନାସି ତାନି ସିସ୍ତୁରାହ୍‌ନି ଟାୟୁତା କୁଗାମାନାଣି ମେସାନା ହାଡ଼ାନା ଏଲେଇରେସି, “ନା ଜେଚ ଖାମୁ ।”

ଏମ୍‌ଗାଟିଏ ମାଡ଼ିମୁ ନିଜ୍ଞାନା ତାନି ଜେଚ ହାଚେସି ।

୧୦ ଇଞ୍ଜା ଜୀସୁ ମାଡ଼ିମୁ ଇଜ ତାନି ବେଲା ଏଚେକା ସିସ୍ତୁରାହ୍‌ନାରି ଅଡ଼େ ପାପୁଗାଟି ଲକୁ ତାମି ସୀସୁୟା ତଲେ ତିଞ୍ଜାଲି କୁଟିଚେରି । ୧୧ ପାରୁସିୟା ଇଦାଆଁ ମେସାନା ସୀସୁୟାଇଁ ଏଲେଇରେସି, “ମୀ

☆ ୯:୧୦ ୯:୧୦ ଲୁକ ୧୫:୧,୨

ଗୁରୁ ଏନାଆଁତାକି ସିସୁ ରୀହନାରି ଅଡ଼େ ପାପୁ ଗାଟାରି ତଲେ ତିଞ୍ଜି ମାନେସି ।”

୧୨ ସାମା ଜୀସୁ ଏଞ୍ଜାରି ହାଡ଼ା ଖେଞ୍ଜାନା ଏଲେଇଚେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ । ୧୩ \*ଇଦାଆଁତାକି ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେ; ଇଚିହୁଁ ନାନୁ ଦାମ୍ବୁ ଗାଟାରାକି ଆଏ ସାମା ପାପୁ ଗାଟାରାକି ହାଟାଲି ଖାହାମାକି ।”

**ଉପାସା କିନାଣି ଖେନାୟି**  
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମ\* ହାନି ଜହନତି ସୀସୁୟାଁ ଜୀସୁକି ଖାହାନା ଖେଚେରି, “ମାମ୍ବୁ ଅଡ଼େ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାକି ଏଲେଇଚେସି, “ବୀହା ହନେଏସି ତୁୟିନି ପାତେକା ବୀହା ଲକୁ ବୁକୁ ଆଅରି, ସାମା ଦିନା ଖାନ୍ନେ, ଏଚିବେଲା ବୀହା ହନେଣାକି ଅନ୍ନେରି, ଏଚିବେଲା ଏଞ୍ଜାରି ଉପାସା କିନେରି ।”

୧୬ “ଆମ୍ବାଆସି ପୁଃଈ ହିମ୍ବୁରିତା ପୁଃନି ପାସକି ତାରଅସି, ଏନାଆଁତାକି ଇଚିହୁଁ ଏ ପାସକି ପୁଃଈ ହିମ୍ବୁରିତି ଗେସାଅନ୍ନେ, ଇଞ୍ଜା ଏଦି ହାଟେକା କାଜାୟି ଆହୁଁ ଗେଞ୍ଜିନେ । ୧୭ ଅଡ଼େ ଲକୁ ପୁଃନି ଅଜୁରି ରାସା ପୁଃଈ ଡକାତା† ଇଚିଅରି; ଇଚିହୁଁ ଏ ଡକା ଡାୟାହାନେ ଅଜୁରି ରାସା ବହାହାନେ, ସାମା ପୁଃନି ଅଜୁରି ରାସା ପୁଃନି ଡକାତା ଇଚିନେରି, ଆତିହୁଁ ଅଜୁରି ରାସା ଅଡ଼େ ଡକା ନେହୁଁ ତୁୟିନେ ।”

**ର କାଜାଣି ମାଜା ଅଡ଼େ ର ଇୟା ଜୀସୁ ହିମ୍ବୁରି କୁଜୁ ତୀଗାନା ନେହୁଁ ଆନାୟି**

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାକି ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଜା ନୀଏ ହାହାହାଚେ, ସାମା ନୀନୁ ଖାହାନା ତାନି ଲାକ କେୟୁ ଇଚିତିହୁଁ ଏଦି ନୀତିନେ ।”

୧୯ ଏମ୍ବାଟିଏ ଜୀସୁ ନିଜ୍ଞାନା ତାନି ସୀସୁୟାଁ ତଲେ ଏଞ୍ଜାଣି ଜେଟ ହାଚେରି ।

୨୦ ଅଡ଼େ ମେହୁଦୁ ବାର ବାର୍ସା ପାତେକା ନେତେରି ଖାଜିନି ରଗାଟାଟି ର ଇୟା ତାୟୁଖାକିତି ଖାହାନା ଜୀସୁତି ହିମ୍ବୁରି କୁଜୁ ତୀଗିତେ ।

୨୧ ଇଚିହୁଁ ଏ ଇୟା ମନତା ଅଣପିମାଚେ, “ଞ୍ଜାରୁକ ତାନି ହିମ୍ବୁରି ତୀଗିତିହୁଁ ନାନୁ ନେହୁଁ ଆକି ।”

୨୨ ସାମା ଜୀସୁ ଖେଣ୍ଡେ ତାୟୁଖାକି ସିନିକିହାନା ଏଲେଇଚେସି, “ମାଜା ସାସା ଆହୁମ୍ବୁ, ନୀ ନାମୁ ନିଜେ ନେହୁଁ କିହାମାଜାନେ” ଏ ଦେବୁଣିଏ ଏ ଇୟା ନେହୁଁ ଆଚେ ।

୨୩ ତାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡ଼ି ଉକିନାରାକି ଅଡ଼େ ଡ଼ାହୁଁ କାଲୁଞ୍ଜି ଆହିମାଟି ଲକୁଣି ମେସାନା ଏଲେଇଚେସି, ୨୪ ବାରେ ଇମ୍ବାଟି ପାଜାତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକହେରି । ୨୫ ସାମା ବାରେ ଲକୁ ପାଜାତା ହାଜାଲିଏ, ଜୀସୁ ଇଜ ବିତ୍ରା ହାଜାନା ପଦାନି କେୟୁ ଆସାନା ନିକହେସି ଅଡ଼େ ଏ ଦେବୁଣିଏ ନିଜିତେ । ୨୬ ଇଞ୍ଜା ଇ କାରୁ ଏ ଦେସାତି ସାରିଖାକି ଖେଜିତେ ।

**ଜୀସୁ ରିଆରି କାଣାୟାକି ନେହୁଁ କିନାୟି**

୨୭ ଜୀସୁ ଏମ୍ବାଟି ହାଜିମାଟି ବେଲାତା ରିଆରି କାଣାୟାଁ କାଜା ଗିୟାତଲେ ହାଟିହୁଁ ଏଲେଇଚେରି, “ଏ ଦାହୁଦ ମୀରୁଏଣାଟି ମାଜା କାର୍ମା ମେସାମୁ ।”

୨୮ ଇଞ୍ଜା ଜୀସୁ ଇଲୁ ବିତ୍ରା ହଡ଼ାଲିଏ ଏ କାଣାୟାଁ ଜିକେଏ ଏଞ୍ଜାଣି ତାଗେ ଖାଟେରି, ଇଞ୍ଜା ଜୀସୁ ଏଞ୍ଜାରାକି ଏଲେଇଚେସି, ମାଜେ ନେହୁଁ କିହାଲି ଆଡ଼ାନେସି ଇଞ୍ଜା ମୀରୁ ନାମିମାଜେରି ?

ଏଞ୍ଜାରି ଏଲେଇଚେରି “ହାଅ ପ୍ରବୁ ।”

୨୯ ଏଚେଟିଏ ଜୀସୁ ଏଞ୍ଜାରି କାଣୁକା ତୀଗାନା ଏଲେଇଚେସି, “ମୀ ନାମିନି ଲେହେ ମିଜେତାକି ଆପେ ।” ୩୦ ଏଚେଟିଏ ଏଞ୍ଜାରି ମେସାଲି ଆଡ଼ିତେରି, ଅଡ଼େ ଜୀସୁ ଏଞ୍ଜାରାକି ଜାଣ୍ଡେ ହୁକୁମି ହୀହାନା ଏଲେଇଚେସି, “ହେଣ୍ଡୁ ଇ ହାଡ଼ା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଞ୍ଜାରି ପାଜାତା ହାଜାନା ଜୀସୁତି ହାଡ଼ା ଦେସାତି ସାରିଖାକି ଖେସ୍ତେରି ।

**ଜୀସୁ ର ଗୁଲାକି ଜଲି କିତେସି**

୩୨ ଏଞ୍ଜାରି ହଡ଼ା ହାଜିମାଟାଟି ଲକୁ ର ଜଲାଲି ଆଡ଼ାଆଗାଟି ବୁଡୁ ଆଲଗା ମାଟାଣାକି ଜୀସୁ ନକିତା ତାଚେରି । ୩୩ ଜୀସୁ ବୁଡୁକି ପେରହା ପାଣ୍ଡିତି ଦେବୁଣିଏ ଏଞ୍ଜାସି ଜଲାଲି ଆଡ଼ିତେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ରାୟେଲ ଦେସାତା ମାମ୍ବୁ ଲଲେତି କାବାଆନି କାମା ଏଚେଲା ମେସାହିଲାଆତମି ।”

୩୪ \*ଏଚିବେଲା ପାରୁସିୟାଁ ଖେଚେରି. ଏଞ୍ଜାରି ଏଲେଇଚେରି, “ଇଞ୍ଜାସି ବୁଡୁୟାଁ ପିସପି

\* ୯:୧୩ ୯:୧୩ ମାତି ୧୨:୭ \* ୯:୧୪ ୯:୧୪ ମୁଞ୍ଜିନାୟି † ୯:୧୭ ୯:୧୭ ତଲୁ ତଲେ କେପିତି ଅଜୁରି ରାସା ଇଚିନି ବାସ୍ତା ତୁପୁ  
\* ୯:୩୪ ୯:୩୪ ମାତି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫

\* ୯:୩୫ ୯:୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪

କିହିମାନେସି” ଏନାଆଁତାକି ଇଚିହୁଁ ଏଞ୍ଜାସିକାଣି ସାଲୁଞ୍ଜି କିହିମାନି ବାଲୁପେନୁ ଏଞ୍ଜାଣାକି ବାଡ଼ୁୟୁ ହାହିମାନେ ଲାକା ଆଡ଼ିମାନେସି । ୩୫ \*ଏମ୍ବାଟିଏ ଜାସୁ ଏଞ୍ଜାରି ଜାହୁଦି ଲକୁଡ କୁଟମି ଇଲୁକାଣାଃ ଜାପୁହିହୁଁ ମାହାପୁରୁ ରାଜିତି ନେହୁଁ କାରୁ ଝେସିହୁଁ ବାରେଲେହେଡ଼ି ରଗ ନମେରି ଦୁକାଟି ନେହୁଁ କିହିହୁଁ, ବାରେ ଗାଡ଼ାୟା ଇଞ୍ଜା ନାସକାଣାଁ ରେଜାଲି ମାଟ୍‌ହେସି ।

**ଲକୁଡାକି ଜାସୁତି କାର୍ମା**

୩୬ \*ଅଡେ ବାରେ ଲକୁଣି ମେସାନା ଏଞ୍ଜାସି କାର୍ମା ଆଡେସି, ଇଚିହୁଁ ଏଞ୍ଜାରି ଗଡ଼ୁ ହିଲାଆ ମେଶ୍ଟାୟା ଲେହେଁ କାକୁଲିଟି ଇତାଲା ଆତାଲା ଆହିମାଟେରି । ୩୭ \*ଏଚିବେଲା ଜାସୁ ତାମି ସୀସୁୟାଁ ଏଲେଇଚେସି, “ପାଟି ହାରେକା ସାମା ଦାଃଆନାରି ଉଣା ଜାଣା । ୩୮ ଏଦାଆଁତାକି ପାଟି ଜାଟାଲି, ଲକୁଣି ପାଣ୍ଡାଲିତାକି ଗୁଡିୟାତି ସାଞ୍ଜୁକାରିଇଁ ବାଡିମାଲାଦୁ ।”

**୧୦**

**ବାରଜାଣା ସୀସୁୟାଁ**

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜାସୁ ତାମି ବାରଜାଣା ସୀସୁୟାଁଇଁ ତାଗେ ହାଟାନା ବୁଡୁୟାଁ ପିସପି କିହାଲି, ଇଞ୍ଜା ବାରେ ରଗ କସୁଟି ନେହୁଁ କିହାଲି ଏଞ୍ଜାରାକି ଅଦିକାରା ହାତେସି । ୨ ଏ ବାରଜାଣା ପାଣ୍ଡୁଞ୍ଜିଆଡ଼ି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡେ ତାମି ତାୟି ଆହିୟ, ଜେବଦି ମୀରଏସି ଜାକୁବ ଅଡେ ତାମି ତାୟି ଜହନ, ୩ ପିଲିପ ଅଡେ ବାର୍ତଲମି, ତମା ଅଡେ ସିସୁ ରୀହନି ମାଡିୟୁ, ଆଲେପି ମୀରଏସି ଜାକୁବ ଅଡେ ତଦିୟ, ୪ ଦେସାତି ଜାଞ୍ଜୁ ନନି ସିମନ ଅଡେ ଇସ୍ତାରିୟତ ଜାହୁଦା ଆମ୍ବାଆସି ଜାସୁଇଁ ସାଡୁ କେୟୁତା ହେରପିଚେସି ।

**ବାରଜାଣା ସୀସୁୟାଁଇଁ ପାଣ୍ଡିନାୟି**

(ମାର୍କ ୬:୭-୧୩; ଲୁକ ୯:୧-୬)

୫ ଜାସୁ ଇ ବାରଜାଣାତି ପାଣ୍ଡାନା ହୁକୁମି ହାହାଁ ଏଲେଇଚେସି, ମୀରୁ ଜାହୁଦିଆଆଡ଼ି ଲକୁଡାଣା ହାଲାଆଦୁ, ଅଡେ ଆମିନି ସମିରଣି ନାସକାଣାଁ ହଡ଼ୁଆଦୁ, ୬ ସାମା ଜାକ୍‌ମାନି ମେଶ୍ଟାୟା ଇଚିହୁଁ ଇସ୍ତାୟେଲ ଲକୁଡାଣା ହାଜୁ । ୭ ଏଞ୍ଜାରିତାଣା ହାଜୁ ଅଡେ ଝେକ୍‌ଦୁ ଲାକପୁରୁ ରାଜି ଏଗାଞ୍ଜାହିମାନେ । ୮ ଅଡେ ନମେରି ଗାଟାରାଇଁ ନେହୁଁ କିଦୁ, ହାଡାରାଇଁ ନିକଦୁ, କାଜା ରଗ ଗାଟାରାଇଁ ନେହୁଁ

କିଦୁ, ବୁଡୁୟାଁଇଁ ପେରୁଦୁ । ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହାଦୁ । ୯ ମୀ ତଲେ ବାଂଗାରା ଝେଣ୍ଡି କି ଅଟଡିତା ଟାକାୟାଁ ଅଆଦୁ, ୧୦ \*ଅଡେ ହାନାଟି ଲେଟା କଡିନି ମଣା, ରୀ ଜଡ଼ୁ ସକାୟାଁ କି ସେପୁୟାଁ କି କୁଡା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି ।

୧୧ ଅଡେ ମୀରୁ ଆମିନି ନାୟୁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡେ ଏମ୍ବାଟି ଝେଣ୍ଡାହାନି ପାଟେକା ଏଞ୍ଜାଣି ଇଜ ଡୟାଦୁ । ୧୨ ଅଡେ ଇଜ ହଡନାଟି ଏଞ୍ଜାରାଇଁ ହିଡ଼ି ଜାଞ୍ଜୁ ମିଜେ ଆୟାପେ ଇଞ୍ଜୁ; ୧୩ ଏଞ୍ଜାରି ଇଜତାରି ନେହାଁରି ଇଚିହୁଁ ଏଞ୍ଜାରିତଲେ ମୀ ହିଡ଼ି ଡୟାପେ, ସାମା ଏଞ୍ଜାରି ନେହାଁରି ଆଆଡ଼ି ମୀ ହିଡ଼ି ମିଜେ ଝେଣ୍ଡା ଝାପେ । ୧୪ \*ଅଡେ ଆମିନି ଲକୁଡାକି ନାସକାଣାଁ ମିଜା ଲକୁ ଅପଅରି, ମୀ କାତାତି ଝେନଅରି, ଏ ଲକୁଟି କି ଏ ଗାଡ଼ାଟି ହଡ଼ାଞ୍ଜାନାଟି ମୀ କତାତି ଦୁଡ଼ି ହାଣ୍ଡା କତାନା ଏ ଗାୟୁ ପିହୁଦୁ । ୧୫ \*\*ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁତି ନାହାଁୟି ଦିନାତା ଏ ଗାଡ଼ାତି ତଣ୍ଡୁ କିହାଁ ସଦମ ଅଡେ ଗମରା ଦେସାତି ତଣ୍ଡୁ ଉଣା କିଞ୍ଜିଆନେ ।

**ଞ୍ଜାହିମାନି କସୁ ଅଡେ ନିନ୍ଦା**

(ମାର୍କ ୧୩:୯-୧୩; ଲୁକ ୨୧:୧୨-୧୬)

୧୬ \*ହେଣ୍ଡୁ ମେଶ୍ଟାୟାଣି କ୍ଳାନ୍ତିୟାଁ ବିତ୍ତା ପାଣ୍ଡିନିଲେହେଁ ନାନୁ ମିଜେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାଡୁ ଲେହେଁ ବୁଦି ଗାଟାଟେରି, ଅଡେ ପାର୍‌ଞ୍ଜା ପଟାଲେହେଁ କପା ହିଲାଆ ଗାଟାଟେରି ଆଦୁ । ୧୭ \*ସାମା ମାଣ୍ଡସିୟାଁ ତାଣାଟି ଜାଗ୍ରାତା ଆହାନା ଡୟାଦୁ, ଏଦାଆଁତାକି ଇଚିହୁଁ ଏଞ୍ଜାରି ମିଜେ ଆସାନା ନାହାଁୟି କିନି ତାଣା ହେରପାନେରି, ଇଞ୍ଜା ଜାହୁଦି ଲକୁଡ କୁଟମି ଇଲୁକାଣା\* ଏଞ୍ଜାରି ମିଜେ ସାଟୁଣି ତଲେ ଝେତାନେରି, ୧୮ ଅଡେ ମୀରୁ ନା ତାକି ରାଜା ଅଡେ ସାଲୁଞ୍ଜି କିନି ଲକୁଡାଣା ଅହାନା ନାହାଁୟି କିଞ୍ଜିଆଦେରି; ଏଦି ଏଞ୍ଜାରାକି ଅଡେ ଜାହୁଦିଆଆଡ଼ି ଲକୁକି ମାହାପୁରୁତି ନେହୁଁ କାରୁ ଝେସାଲି ସାକି ଆନେ । ୧୯ ସାମା ଏଚିବେଲା ଏଞ୍ଜାରି ମିଜେ ହେରପାନେରି, ମୀରୁ ନାହାଁୟି ଆନିବେଲା ଏନାଆଁ ଜଲିଦେରି ଅଡେ ଏନିକିଁ ଜଲିଦେରି, ଏ କାତା ଅଣ୍ଡାପାଆଦୁ, ଇଚିହୁଁ ମୀରୁ ଏନାଆଁ ଜଲିଦେରି ଏ ବେଲାତେଏ ମିଜେ ଝେସ୍ତାନେସି । ୨୦ । ଇଚିହୁଁ ମୀରୁ ଜଲିନାଟେରି ଆଏ, ଆବା ମାହାପୁରୁତି

‡ ୯:୩୫ ୯:୩୫ ସିନଗଗ    \* ୯:୩୬ ୯:୩୬ ମାର୍କ ୬:୩୪    \* ୯:୩୭ ୯:୩୭ ଲୁକ ୧୦:୨    \* ୧୦:୧୦ ୧୦:୧୦ ୧କର ୯:୧୪; ୧ଡିମ ୫:୧୮    \* ୧୦:୧୪ ୧୦:୧୪ କାମା ୧୩:୫୧    \* ୧୦:୧୫ ୧୦:୧୫ ମାଡି ୧୧:୨୪    \* ୧୦:୧୫ ୧୦:୧୫ ଲୁକ ୧୦:୪-୧୨    \* ୧୦:୧୬ ୧୦:୧୬ ଲୁକ ୧୦:୩    \* ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧, ୧୨; ୨୧:୧୨-୧୫    \* ୧୦:୧୭ ୧୦:୧୭ ସିନଗଗ



ସୁଦୁଜୀଞ୍ଜୁ ମୀ ଗୁତି ହୀହୀନା ହାଡ଼ା ଜଲିନେ, ଏଡ଼ି ଜଲିନାୟି ।

୨୧ ☆ତାୟି ତାୟିଇଁ ଆବା ମୀରଏଣାଇଁ ପାୟାଲି ହେରପିନେସି, ମାସ୍କା, ମୀରକା ଏଞ୍ଜାରି ତାମି ଇୟା ଆବା କପାଟି ହଚାନା, ଏଞ୍ଜାରାଇଁ ପାୟିନେରି । ୨୨ ☆ଅଡ଼େ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନ୍ତି ପାତେକା ସାସା ତଲେ ମାନେସି ଏଞ୍ଜାସି ଗେଲପି ଆନେସି । ୨୩ ସାମା ଏଞ୍ଜାରି ଏଟିବେଲା ର ଗାଡ଼ାତା ମିଙ୍ଗେ ନିନ୍ଦା କିୟାନେରି, ଏଟିବେଲା ଏଟକା ଗାଡ଼ାତା ହାଜୁ, ଇଚିହିଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଇସ୍ତାୟେଲତି ବାରେ ଗାଡ଼ାୟାତା କାମା ରାପ୍ତା ନକେଏ ମାଣସି ମୀରଏସି ଝାନେସି ।

୨୪ ☆“ସାସୁ ତାନି ଗୁରୁ କିହାଁ ହଲେଏସି ସାଞ୍ଜୁକାରି କିହାଁ କାଜାସି ଆଏ । ୨୫ ସାସୁ ତାନି ଗୁରୁ ଅଡ଼େ ହଲେଏସି ତାନି ସାଞ୍ଜୁକାରି ଲେହେଁ ଆତିହିଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁତି ସାଞ୍ଜୁକାରିଇଁ ବାଲଜିବୁଲ୍ ଇନେରି ଇଚିହିଁ ଏଞ୍ଜାଣି ଇଲୁତି ଲକୁବାକାଆଁ ହାରେକା ପଲ୍ତା କାତା ଜଲିନେରି !”

**ଆମ୍ବାଆରାଇଁ ଆଜିନାୟି ?**  
(ଲୁକ ୧୨:୨-୭)

୨୬ ☆“ଏଦାଆଁତାକି ଲକୁଇଁ ଆଜାଆଦୁ; ଇଚିହିଁ ତରୁମାନାୟି ଏନାୟିଞ୍ଜା ର ଦିନା ତଞ୍ଜାଆନେ, ଏଲେକିଁ ତଞ୍ଜାଆଆନା ତରୁମାନାୟି ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଟାୟି ଇଲେକିଁ ଏନାୟି ତରୁମା ହିଲେଏ । ୨୭ ନାନୁ ମିଙ୍ଗ ଏନାଆଁ ଆନେରିତା ଝେସ୍ତାଇଁ ଏଦାଆଁ ଉଜେଡ଼ିତା ଝେହ୍ଦୁ, ଅଡ଼େ ଏନାଆଁ ତରୁମାନା ଝେଞ୍ଜେରି ଏଦାଆଁ ଇଲୁ ତୁଡ଼ିୟା ଲାକ ହଚାନା ଝେହ୍ଦୁ । ୨୮ ଅଡ଼େ ଆମ୍ବାଆରି ଝାରଇ ଆଙ୍ଗାତି ପାୟିନେରି, ସାମା ଜୀଞ୍ଜୁତି ପାୟାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ; ସାମା ଆମ୍ବାଆସି ମୀ ଜୀଞ୍ଜୁ ଅଡ଼େ ଆଙ୍ଗା ବାରେତି ନର୍କତା ନାସା କିହାଲି ଆଡ଼ିମାନେସି ଏଞ୍ଜାଣାଇଁ ଆଜାଦୁ । ୨୯ ରୀ ଜେତା ପଟାୟାଁ ର କାନ୍ତି ତାକି ପାରପି ଆଡ଼ କି ? ଅଡ଼େ ମୀ ଲାକପୁରୁତି ଆବା ହେଲ ହୀଆତି ଏଞ୍ଜାସିକା ବିତ୍ରାଟି ରଣ୍ଡି ଜିକେଏ ତୁଇ ତରଗେଏ । ୩୦ ସାମା ମୀ ତାୟିଁ ତୁି ବାରେ ବାଣାୟାଁ ଜିକେଏ ଏଜିକିଞ୍ଜି ଆହାମାନୁ । ୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟାଁ ତାଣାଟି ମୀ ଦାରୀ ହାରେକା ।”

**ଲକୁ ନକିତା ଜୀସୁଇଁ ଝେକନାୟି**  
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡ଼େ ଆମ୍ବାଆସି ଲକୁ ନକିତା ନାଙ୍ଗେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ । ୩୩ ☆ସାମା ଆମ୍ବାଆସି ଲକୁ ନକିତା ନାଙ୍ଗେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

**ହିଡ଼ି ପିସପେ କାଣ୍ଡା**  
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରତିତା ହିଡ଼ି ହୀହାଲି ଝାହାମାଇଁ ଇଞ୍ଜାଁ ମନ କିଆଦୁ; ହିଡ଼ି ହୀହାଲି ଝାଆନା, କାଣ୍ଡା ହୀହାଲି ଝାହାମାଇଁ । ୩୫ ଇଚିହିଁ ନାନୁ ଆବା କପାଟି ମୀରଏଣାଇଁ, ଅଡ଼େ ଇୟାନି କପାଟି ମାଙ୍ଗା ଇଞ୍ଜା ପୟାନି କପାଟି କୁଡ଼ିୟାନି ଗଡ଼ହା କିହାଲି ଝାହାମାଇଁ । ୩୬ ଅଡ଼େ ମାଣସିତି ତାମି ଇଲୁତି ଲକୁଏ ବାରେକାଣା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଞ୍ଜୁ ନନେସି, ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଙ୍ଗା କି ମୀରଏଣାଇଁ ହାରେକା ଜୀଞ୍ଜୁ ନନେସି ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି । ୩୮ ☆ଆମ୍ବାଆସି ନିଜେତି କୁସ ଡେକାନା ନା ଜେତ ଝାଅସି, ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି । ୩୯ ☆ଆମ୍ବାଆସି ନିଜେତି ଜୀଞ୍ଜୁ ନୀଟହା କଡ଼ିନେସି ଏଞ୍ଜାସି ହାନେସି, ଅଡ଼େ ଆମ୍ବାଆସି ନା ତାକି ନିଜେତି ଜୀଞ୍ଜୁ ହାନେସି, ଏଞ୍ଜାସି ନୀଡିନେସି ।”

**ଦାନା ପାଣ୍ଡନାୟି**  
(ମାର୍କ ୯:୪୧)

୪୦ ☆“ଆମ୍ବାଆସି ମିଙ୍ଗେ ଆବାନେସି, ଏଞ୍ଜାସି ନାଙ୍ଗେ ଆବାନେସି; ଆମ୍ବାଆସି ନାଙ୍ଗେ ଆବାନେସି, ଏଞ୍ଜାସି ନାଙ୍ଗେ ପାଣ୍ଡାତାଣାଇଁ ଆବିନେସି । ୪୧ ଆମ୍ବାଆସି ମାହାପୁରୁ ଅଣ୍ଡପୁତି ବଲୁ ଝେହ୍ନାରାଇଁ, ମାହାପୁରୁ ବଲୁ ଝେହ୍ନାରି ଇଞ୍ଜାଁ ଆବିନେସି, ଏଞ୍ଜାସି ଏ ବଲୁ ଝେହ୍ନାରି ଦାନା ବେଟା ଆନେସି, ଅଡ଼େ ଆମ୍ବାଆସି କି ତୀରିଗାଟାରାଇଁ, ତୀରିଗାଟାସି ଇଞ୍ଜାଁ ଆବିନେସି ଏଞ୍ଜାସି ତୀରିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍ବାଆସି ନା ସୀସୁୟାଁ ବିତ୍ରାଟି ରଅଣାଇଁ ନା ସୀସୁ ଇଞ୍ଜାଁ ଗିନାତା ଏୟୁ ଗସାଲି ହୀନେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଞ୍ଜାସି ତାନି ଦାନାତି ଜାକ୍ଅସି ।”

☆ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ ☆ ୧୦:୨୨ ୧୦:୨୨ ମାତି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତି ୨୪:୧୩; ମାର୍କ ୧୩:୧୩ ☆ ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୬; ୧୫:୨୦ ☆ ୧୦:୨୫ ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭ ☆ ୧୦:୩୩ ୧୦:୩୩ ୨ତିମ ୨:୧୨ ☆ ୧୦:୩୮ ୧୦:୩୮ ମାତି ୧୬:୨୪; ମାର୍କ ୮:୩୪; ଲୁକ ୯:୨୩ ☆ ୧୦:୩୯ ୧୦:୩୯ ମାତି ୧୬:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫ ☆ ୧୦:୪୦ ୧୦:୪୦ ଲୁକ ୧୦:୧୬; ଜହ ୧୩:୨୦; ମାର୍କ ୯:୩୭; ଲୁକ ୯:୪୮

# ୧୧

## ଜହନତି କାରୁ ହୀନାରି (ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାଁଇଁ ଇ ବାରେ ହେଲ ହୀତି ତାୟୁ ଗାଲିଲି ଦାରିତା ମାନି ନାସକାଣାଁ ହାଜାନା ମାହାପୁରୁତି ହାଡ଼ା ଜାପୁହିହିଁ ଖେସିହିଁ ଏ ଗାୟୁଟି ହାରେସି । ୨ ଏଚିବେଲା ବାପୁସ୍ତା\* ହାନି ଜହନ କାୟିଦିତା ମାଞ୍ଜାନା କ୍ରୀସ୍ତୁତି କାମା କିହିମାନାଣି ଖେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିତେସି । ୩ ଏଞ୍ଜାରି ହାଜାନା ଜୀସୁଇଁ ଖେଚେରି, “ଆମିନି ଲକୁ ଖାନ୍ଦେସି ଇଞ୍ଜିଁ ଜହନ ଖେସାମାଚେସି, ନୀନୁ କି ଏଞ୍ଜାତି ? କି ଅଡ଼େ, ଆମ୍ବାଆରି ତାକି କାଡ଼ାନା ତୁୟିନମି ?”

୪ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଖେଣ୍ଡା ହାଜାନା ଏନାଆଁ ଖେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଖେହ୍ଦୁ । ୫ କାଣାୟାଁ ମେସିମାନେରି, ସଗାୟାଁ ତାକି ମାନେରି, କାଜା ରଗ ଗାଟାରି ନେହିଁ ଆହିମାନେରି, ବେରାୟାଁ ଖେଞ୍ଜିମାନେରି, ହାଡ଼ାରି ନିଜିମାନେରି ଅଡ଼େ କାଜାଲା ଗାଟାରି ନେହିଁ କାରୁ ଖେଞ୍ଜିମାନେରି; ୬ ନା ତାଣା ଆମ୍ବାଆରି ଆନାମାନା ଆଅରି ଏଞ୍ଜାରି ନେହେଁ ।”

୭ ଜହନତି ସୀସୁୟାଁ ଖେଣ୍ଡାହାଜିମାତି ବେଲା ଜୀସୁ ଲକୁଇଁ ଜହନତି କାତା ଏଲେଇଚେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଜିନି ତାଣ୍ଡି ଆକୁ ? ୮ ଏଦାଆଁ ଆଆତିହିଁ ଏନାଆଁ ମେସାଲି ହାଜାମାଚେରି ? ନେହିଁ ଅଜିତି ପାଡ଼ାଡ଼ା ହିମ୍ବରି ହୁଚାମାନି ର ଲକୁଇଁ ? ମେହ୍ଦୁ ଅଜିତି ହିମ୍ବରି ହୁଚିତି ଲକୁ ରାଜା ଗାଡ଼ାତା ତୁୟିନେରି । ୯ ଏଦାଆଁ ଆଆତୁଁ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣପୁତି ବଲୁ ଖେହ୍ନାଣାଇଁ ? ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁ ଅଣପୁତି ବଲୁ ଖେହ୍ନାରି କିହାଁ ହାରେକା କାଜାଣାଇଁ; ୧୦ ଇଚିହିଁ ଏ ଜହନତି କାତା ରାସକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନୀନୁ ନକେଏ ନା ଦୁତୁଇଁ ପାଣ୍ଡାଇଁ, ଏଞ୍ଜାସିଏ ଇ ମାଣ୍ଡସି । ୧୧ ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାରତିତା ଏଚେକା ଜାର୍ନା ଆହାମାନେରି, ଏ ବାରେଜାଣା କିହାଁ ବାପୁସ୍ତା† ହାନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଞ୍ଜାସି ଜହନ କିହାଁ କାଜାସି । ୧୨ \*ବାପୁସ୍ତା‡ ହାନି ଜହନତି କାତା ଖେହ୍ନି ଦିନାଟିଏ ନୀଞ୍ଜୁପାତେକା ଲାକପୁରୁ

ରାଜି ବାଡ଼ୁୟୁ ତଲେ ପାତାଆହିମାନେ; ଇଞ୍ଜାଁ ବାଡ଼ୁୟୁଟି ଆସାମାନାରି ଏଦାଆଁ ବେଟାଆହାଲି ଅଣପିମାନେରି । ୧୩ ଇଚିହିଁ ବାରେ ମସାତି ମେରାତା ଅଡ଼େ ମାହାପୁରୁ ଅଣପୁତି ବଲୁ ଖେହ୍ନାରି ତାଣା ଜହନତି ଖାନି ଦିନା ପାତେକା ଖେସପି ଆହାମାଚେ । ୧୪ \*ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ ମାଚିହିଁ ଆମିନି ଏଲିୟ ଖାନାୟି ମାଚେ ଜହନଏ ଏଞ୍ଜାସି । ୧୫ ଆମ୍ବାଆରି କୀର୍କା ମୀରୁ ଏଞ୍ଜାସି ଖେଣ୍ଡାୟି ।”

୧୬ “ସାମା ନୀନୁ ଆମ୍ବାରିତଲେ ଇ ଦୁଗୁତି ଲକୁଣି ତୁକଇଁ, ଆମିନି ହାଟା ମାଦି କୁଗାନା କାହି ତୁୟିନି କକାରି ଲେହେଁ, ର ଗଚିତି କକାରି ଅର ଗଚିତି ଏଲେଇନେରି, ୧୭ ମାମ୍ବୁମୀ ନକିତା ପୀରୁଡ଼ି ଉକିତମି, ସାମା ମୀରୁ ଏଦାଆତେରି; ମାମ୍ବୁ ଦୁକୁତି ପାରୁ ପାଡ଼ିତମି ସାମା ମୀରୁ ତାଆତେରି, ନୀର୍ବତି ଲକୁ ଏଲେତାରି । ୧୮ ଇଚିହିଁ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଣାଇଁ ଏଲେଇଚେରି ବୁତୁ ଆଲଗାମାନାସି । ୧୯ ସାମା ମାଣ୍ଡସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଇଞ୍ଜାଁ ଲକୁ ବାରେଜାଣା ଏଲେଇଚେରି, ଇଞ୍ଜାସି ଚିଣ୍ଡିକାସ୍ତୁ, କାଡ଼ୁତୁ, ଏଞ୍ଜାସି ସିସ୍ତୁ ରୁାହନାରି ଅଡ଼େ ପାପୁ ଗାଟାରି ତଣେଏସି; ସାମା ମାହାପୁରୁଟି ବୁଦି ଏଞ୍ଜାଣି କାମାଟି ସାତା ଇଞ୍ଜିଁ ଖେଜିନେ ।”

## ନାମାଆଗାଟି ଗାଡ଼ାୟାଁ (ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଜି ଆହାମାଚେ, ଏ ଗାଡ଼ାତି ଲକୁ, ତାନି ପାପୁଟି ତାମା ମନ ଖେଚ୍ଚହା ହିଲାଆତେରି, ଇଞ୍ଜାଁ ଜୀସୁ ଏ ଗାଡ଼ାୟାଁତି ଲକୁଇଁ ଦାକା ହୀହାନା ଏଲେଇଚେସି, ୨୧ ଆୟତା ତଣ୍ଡ ପାଣ୍ଡିନି କରାଜିନି ଅଡ଼େ ବେଡ଼ସାୟିଦା, ଏନାଆଁତାକି ଇଚିହିଁ ମୀ ତାଣା ଆମିନି ବାଡ଼ୁୟୁତି କାମା କିଞ୍ଜିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଜିଆହାମାଚିହିଁ ମା; ଏମ୍ବାତି ଲକୁ ଆଜାତା ବାସ୍ତାୟାଁ ପର୍ହାନା ଦାରମ୍ବତୁା କୁଗାନା ମନ ଖେଚ୍ଚହାଲି ଅଣପିତେରିମା ୨୨ ଆଡ଼ିଜିକେଏ ନୀନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁଟି ନୀହାଁୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅର୍ହିନାୟି ଆନେ । ୨୩ ଏ କପର୍ନାହୁମ, ନୀନୁ ଏନାଆଁ ଲାକପୁରୁ ପାତେକା ପାତାଆଡ଼ି ? ନୀନୁ ହାଡ଼ାରି ମାନି ରାଜିତା ଅଞ୍ଜିଆଡ଼ି, ନୀ ତାଣା ଆମିନି ବାଡ଼ୁୟୁତି କାମା କିଞ୍ଜିଆହାମାନେ, ଏଦାଆଁ ସଦମତା କିଞ୍ଜିଆଡ଼ିହିଁ ମା, ଏ ଗାଡ଼ା ନୀଞ୍ଜୁପାତେକା ତୁୟିତେମା । ୨୪ \*ଆଡ଼ିଜିକେଏ ନୀନୁ ମିଙ୍ଗେ ଖେସିମାଞ୍ଜାଇଁ “ମାହାପୁରୁଟି ନୀହାଁୟି

\* ୧୧:୨ ୧୧:୨ ମୁଞ୍ଜିନାୟି † ୧୧:୧୧ ୧୧:୧୧ ମୁଞ୍ଜିନାୟି ☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି  
 ☆ ୧୧:୧୪ ୧୧:୧୪ ମାତି ୧୭:୧୦-୧୩; ମାର୍କ ୯:୧୧-୧୩ ☆ ୧୧:୨୪ ୧୧:୨୪ ମାତି ୧୦:୧୫; ଲୁକ ୧୦:୧୨

ଦିନାତା ମୀ ତଣ୍ଡ କିହଁ ସଦମ ଦେସାତି ତଣ୍ଡ ଅରହିନାୟି ଆନେ ।”

ନା ତାଣା ଖାହାନା ଜମାଦୁ  
(ଲୁକ ୧୦:୨୧-୨୨)

୨୫ ଏ ବେଲାତା ଜୀସୁ ପ୍ରାତାନା କିହଁ ଏଲେଇଚେସି; “ଏ ଆବା, ଲାକପୁରୁ ଅଡେ ଦାରତିତି ପ୍ରବୁ, ଇ ବାରେ ହାଡା ନାନୁ ବୁଦି ଅଡେ ପୁନି ଲକୁତାଣାଟି ଡକୁହା ଇଟାନା, ଇ ବାରେ କାତା ପୁନାଆଗାଟି ଲକୁତାଣା ତସିମାନାକି ନାନୁ ନିଜା ଜହରା କିହିମାଜାଇ । ୨୬ ହାଅ ଆବା, ଇଦି ନୀ ନକିତା ରାହଁତି କାତା ଆହିମାନେ ।”

୨୬ “ନା ଆବା ନାଜେ ବାରେ ହାହାମାଜାନେସି, ଆବା ପିସପେ ଆମ୍ବାଆରି ମୀରଏଣାଇ ପୁନଅରି ଅଡେ ମୀରଏଣା ପିସପେ ଆମ୍ବାଆରି ଆବାଇ ପୁନଅରି, ମୀରଏସି ଆମ୍ବାଆରି ତାଣା ତହନେସି ଏଝାସି ପୁନେସି ।”

୨୮ “ଏ ଝାହୁ ରାଡା ଗାଟି ଲକୁ, ବାରେ ନା ତାଣା ଝାଦୁ, ନାନୁ ମିଜେ ଜମିକିୟାଇ । ୨୯ ନା ଜୁଖେଡି ମୀ ବମିତା ଡେକାନା ନା ତାଣାଟି ଜାପାଦୁ, ଇଚିହଁ ନାନୁ କପା କାରବି ହିଲାଆନା ସୁଦୁ ହିୟା ଗାଟାତେସି, ଇଞ୍ଜା ମୀରୁ ନା ତାଣାଟି ମୀ ଜୀଝୁତା ଜମିଦେରି; ୩୦ ଇଚିହଁ ନା ଜୁଖେଡି ଡସାସା ଅଡେ ବଜୁ ଡଣା ମାନେ ।”

### ୧୨

ଜମିନି ଦିନାତି ମାନି

(ମାର୍କ ୨:୨୩-୨୮; ଲୁକ ୬:୧-୫)

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡିୟାଟି ହାଜିମାଚେସି, ଇଞ୍ଜା ତାନି ସୀସୁୟା ହାକି ଆହାମାଚାକି ଗହଁ ଜେକା ତାପହାନା ତିଞ୍ଜାଲି ମାଟହେରି । ୨ ସାମା ପାରୁସିୟା ଏଦାଆଁ ମେସାନା ଜୀସୁଇଁ ଏଲେଇଚେରି, “ମେହ୍ନୁ ଜମିନି ଦିନାତା ଏଦାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟା କିହିମାନେରି ।”

୩ ସାମା ଜୀସୁ ଏଝାରାଇଁ ଏଲେଇଚେସି, “ର ଦିନା ଦାଝୁଦ ଅଡେ ତାନି ତଣେସିଜା ହାକି ଆହାଲିଏ ଏନାଆଁ କିହାମାଚେରି, ମୀରୁ ସାସ୍ତେରିତା ପଡ଼ଝି ଆହାହିଲଅତେରି ?” ୪ ଏଝାସି ଏନିକଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପାମାନି ରୁଟି ପୂଜେରାଜା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଝୁଦ ଅଡେ ତାନି ତଣେସିଜା ତିନାଆଗାଟାୟି ମାଚେ, ଏଦାଆଁ ଏଝାରି ତିଚେରି । ୫ ଅଡେ ଜମିନି ଦିନାତା ମାହାପୁରୁ ଇଲୁ ବିତ୍ତା ପୂଜେରାଜା ମେରା ଡରିତି ଜିକେଏ ଦହଗାଚାରି ଆଅରି, ମୀରୁ ଏନି ଏଦାଆଁ ପଡ଼ଝି ଆହାହିଲଅତେରି କି ? ୬ ସାମା ନାନୁ ମିଜେ ସାତା

ଝେସିମାଜାଇଁ, ଇ ଟାୟୁତା ମାହାପୁରୁ ଇଲୁ କିହଁ ହାଚେକା କାଜାୟି ଇମ୍ବାଆଁ ମାନେ । ୭ “ସାସ୍ତେରି ଝେସିମାନେ, ସାମା ପୂଜା ହାନାୟି ଲଡାଆଏ, ସାମା ଲକୁଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଚିହଁ ମା ଇ ଦହ ହିଲାଆ ଗାଟାଣାଇଁ ଦହ କିଆତେରିମା; ୮ ଇଚିହଁ ମାଣ୍ଡସି ମୀରଏସି ଜମିନି ଦିନାତି ପ୍ରବୁ ଆନେସି ।”

ଝାୟିତି କେୟୁଗାଚାସି ନେହଁ ଆନାୟି  
(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି ଲକୁତି କୁଟମି ଇଲୁତା\* ହାଚେସି । ୧୦ ଅଡେ ମେହ୍ନୁ ଏମ୍ବାଆଁ ରଅସି ମାଚେସି, ଏଝାଣି ର କେୟୁ ଝାୟାହାଜାମାଚେ, ଜୀସୁଇଁ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଝାରି ଜୀସୁଇଁ ଝେଚେରି, “ଜମିନି ଦିନାତା ନେହଁ କିନାୟି ମେରା ମାନେକି ?”

୧୧ “ସାମା ଜୀସୁ ଏଝାରାଇଁ ଏଲେଇଚେସି, “ମୀ ବିତ୍ତା ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୟୁତା ତରୁଗିନେ, ଇଞ୍ଜା ଆମ୍ବାଆସି ଏଦାନି ନିକଅସି, ଇଲେତି ଲକୁ ଆମ୍ବାଆସି ମୀ ବିତ୍ତା ମାନେସି ? ୧୨ ଆତିହଁ ର ମେଣ୍ଡାତି ଦାରା କିହଁ ମାଣ୍ଡସିତି ଦାରା ହାଚେକା । ଏଦାଆଁତାକି ଜମିନି ଦିନାତା ନେହଁ କାମା କିନାୟି ମେରାତି କାମା ।” ୧୩ ଏତିବେଲା ଏଝାସି କେୟୁ ଝାୟିତାଣାଇଁ ଏଲେଇଚେସି, “କେୟୁ ଦାହ୍ନୁ ।”

୧୪ ଇଞ୍ଜା ଏଝାସି ଏ କେୟୁ ଦାସ୍ତେସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହଁ ଆଚେ । ୧୫ ସାମା ପାରୁସିୟା ପାଜାତା ହାଜାନା ଜୀସୁଇଁ ପାୟାଲି ଏଝାଣି କପାଟି ପାରୁ ପାରାତେରି ।

ମାହାପୁରୁ ଆଚାମାନି ହଲେଏସି

୧୬ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏଚକା ଆହାନା ହଚାହାଚେସି, ଇଞ୍ଜା ହାଚେକା ଲକୁ ତାନି ଜେଚ ହାଚେରି, ଅଡେ ଏଝାସି ବାରେଜାଣାଟି ରଗାଟି ନେହଁ କିଚେସି । ୧୭ ଇଞ୍ଜା ତାଜେ ଲକୁଇଁ ଝେକଆଦୁ ଇଞ୍ଜା ହୁକୁମି ହୀଚେସି । ୧୮ ଏନିକିହଁ ମାହାପୁରୁ ଅଣ୍ଡପୁତି ବଲୁ ଝେହ୍ନି ଜିସାୟତି କାତା ସାତା ଆନେ,

୧୮ “ମେହ୍ନୁ ନା ହଲେଏସି, ଆମ୍ବାଆରାଇଁ ନାନୁ ଆଚାମାଇଁ; ଏଝାସି ନା ଜୀଝୁତି ମୀରଏସି, ଆମ୍ବାଆରିତାଣା ନା ହାଚେକା ରାହଁ ମାନେ; ନାନୁ ଏଝାଣିଲାକ ନା ସୁଦୁଜୀଝୁ ହୀଇଁ, ଅଡେ ଏଝାସି ଜୀହୁଦିଆଆତି ଲକୁତାଣା ନୀହାୟିତି କାତା ଝେକନେସି ।

୧୯ ଏଝାସି ଗଡ଼ହା କିଅସିକି କାଲୁଝି ଆଅସି,

☆ ୧୧:୨୨ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫ ☆ ୧୨:୬ ୧୨:୭ ମାତି ୯:୧୩ \* ୧୨:୯ ୧୨:୯ ସିନଗର ☆ ୧୨:୧୧ ୧୨:୧୧ ଲୁକ ୧୪:୫

ଇଞ୍ଜା ଆଂଗେଶିତା ଏଞ୍ଜାଣି ହାଡ଼ା ଆମ୍ବାଆରି  
 ଖେନଅରି ।  
 ୨୦ ନୀହାଁୟିତା ଜୀଣା ଆଆପାତେକା,  
 ଏଞ୍ଜାସି ଖାୟିତି ତାଣ୍ଡିତି ତିକଅସି  
 ବୟି ଆହୁଁ ତୀଞ୍ଜିମାନି ଦୀଞ୍ଜିତି ତୁପଅସି ।  
 ୨୧ ଅଡ଼େ ଏଞ୍ଜାଣି ଦରୁତା ଜୀହୁଦିଆଆତି ଲକୁ ବାସୁଁ  
 ଇଚିନେରି ।”

ଜୀସୁ ଅଡ଼େ ବାଲ୍‌ଜିବୁଲ୍ ବୁତୁ  
 (ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁତୁ ଆଲ୍‌ଗାମାଟି ର କାଣାକ୍  
 ତାତେରି ଏଞ୍ଜାଣାକ୍ ବୁତୁ ଆଲ୍‌ଗା ମାଚାକି ଗୁଲ୍  
 ଆହାମାତେସି । ଜୀସୁ ଏଞ୍ଜାଣାକ୍ ନେହୁଁ କିତେସି;  
 ଇଞ୍ଜା ଏଞ୍ଜାସି ମେସାଲି ଅଡ଼େ ଜଲ୍‌ଲି ଆଡ଼ିତେସି ।  
 ୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି,  
 “ଇଞ୍ଜାସି ଏନାଆଁ ଏ ଦାଞ୍ଜୁଦ କୁଡ଼ାତାସି ଆଏକି ?”

୨୪ \*ପାରୁସିୟାଁ ଇ କାତା ଖେଞ୍ଜାନା  
 ଏଲେଇଚେରି, ଇ ମାଣସି ବୁତୁୟାଁ କିହାଁ କାଜା  
 ବାଲ୍‌ଜିବୁଲ୍ ବୁତୁ ହିଲ୍‌ଆନା ବୁତୁୟାଁ ପେରଅସି ।

୨୫ ସାମା ଜୀସୁ ପାରୁସିୟାଁ ମନତି ଅଣ୍‌ପୁ  
 ପୁଞ୍ଜାନା ଏଞ୍ଜାରାକ୍ ଏଲେଇଚେସି, “ର ରାଜି ତାନୁ  
 ତାନୁଏ ଆସପି ଆହାନା ରୀ ବାଗା ତାନି ବାଗା  
 ଆଡ଼ିସାରେ ଏ ରାଜି ଅଡ଼େ ତୀରିତଲେ ମାଞ୍ଜାଲି  
 ଆଡ଼େଏ, ଇଞ୍ଜା ର ଗାଡ଼ା କି ର ଇଲୁ କୁଟମି  
 ତାମ୍‌ତାମ୍‌ସୁ ଆସପି ଆହାନା ବାଗା ଆଡ଼ିସାରେ  
 ତୀରିତଲେ ମାଞ୍ଜାଲି ଆଡ଼େଏ । ୨୬ ଇଞ୍ଜା ସୟତାନ  
 ସୟତାନକ୍ ପିସପି କିନେ ଆତିହୁଁ ଏଦି ବାଗା  
 ଆହାନା ତାନି କପାଟି ନିଜିତେୟିଏ, ଆତିହୁଁ  
 ଏଦାନି ରାଜି ଏନିକିଁ ତୀରିଆହାଁ ଡ଼ୟିନେ ?  
 ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲ୍‌ଆ ବୁତୁୟାଁ  
 ବାଲ୍‌ଜିବୁଲ୍ ତଲେ ବୁତୁୟାଁ ପିସପି କିହିମାକ୍,  
 ଆତିହୁଁ ମୀ ମୀରକା ଆମ୍ବାଆରି ବାଡ଼ୟୁ ତଲେ  
 ବୁତୁୟାଁ ପେରନେରି । ଇଦାଆଁତାକି ଏଞ୍ଜାରିଏ ମୀ  
 ନୀହାଁୟି କିୟାନାରି ଆନେରି । ୨୮ ସାମା ନାନୁ  
 ମାହାପୁରୁ ଜୀଞ୍ଜିତି ବାଡ଼ୟୁ ତଲେ ବୁତୁୟାଁ ପେରହି  
 ମାକ୍, ଆତିହୁଁ ମାହାପୁରୁତି ରାଜି ମୀ ତାଣା  
 ଏଦାତେୟିଏ ।”

୨୯ “ଇଞ୍ଜା ଆମ୍ବାଆସି ର ବାଡ଼ୟୁଗାଟି ଲକୁକ୍  
 ତଲିଏ ଦହୁଆନା, ଏନିକିହୁଁ ଏଞ୍ଜାଣି ଇଜ ହଡ଼ାନା  
 ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ?  
 ଏଞ୍ଜାଣାକ୍ ତଲିଏ ଦସ୍ତିହୁଁ ଦେ ଏଞ୍ଜାଣି ଇଲୁ କାଣ୍ଡା  
 ସରୁ ଆହାଲି ଆଡ଼ିନେସି ।”

୩୦ \* “ଆମ୍ବାଆସି ନା ଖାକିଟି ଆଆଗାଟାସି, ଏଞ୍ଜାସି  
 ନା ସାତୁ, ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି  
 ଏଞ୍ଜାସି ଆଲାରା କିନେସି । ୩୧ ଇଦାଆଁତାକି ନାନୁ

ମିଙ୍ଗେ ଖେସିମାଞ୍ଜାକ୍, ମାଣସି ଲକୁତି ବାରେ  
 ପାପୁ ଅଡ଼େ ଲାଗେଏ ପଡ଼େଏଟି ଲକୁଣି ନିନ୍ଦା  
 କାତା ଜଲ୍‌ମାନାଣି ମେକ୍‌ହା ତୁସପିଆନେ, ସାମା  
 ମାହାପୁରୁତି ସୁଦୁଜୀଞ୍ଜୁ ଦରୁତଲେ ଜଲିନାଣା  
 ପାପୁ ମେଣ୍‌ଜି କିଞ୍ଜିଆଏ । ୩୨ \*ଅଡ଼େ ଆମ୍ବାଆସି  
 ମାଣସି ମୀରଏଣା କପାଟି ଜଲିନେସି, ଏଞ୍ଜାଣି ପାପୁ  
 ମେଣ୍‌ଜି କିଞ୍ଜିଆନେ, ସାମା ଆମ୍ବାଆସି ମାହାପୁରୁତି  
 ସୁଦୁଜୀଞ୍ଜୁତି କପାଟି ଜଲିନେସି, ଇ କାଲ୍‌ତା କି  
 ତାୟୁ କାଲ୍‌ତା ଜିକେଏ ଏଞ୍ଜାଣି ପାପୁ ମେଣ୍‌ଜି  
 କିଞ୍ଜିଆଏ ।”

ମୀରୁ ଅଡ଼େ ତାନି ପାଡ଼େୟି  
 (ଲୁକ ୬:୪୩-୪୫)

୩୩ \* “ମୀରୁତି ନେହାୟି ଇଞ୍ଜୁ ଅଡ଼େ ତାନି  
 ପାଡ଼େୟିତି ନେହାୟି ଇଞ୍ଜୁ, ଆଆତୁଁ ମୀରୁତି  
 ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି  
 ଲାଗେଏତାୟି ଇଞ୍ଜୁ, ଇଚିହୁଁ ପାଡ଼େୟି ତଲେ  
 ମୀରୁତି ପୁଣ୍‌କି ଆନେ । ୩୪ \*ଆଡ଼େ ରାମ୍‌କା  
 କୁଡ଼ାତେରି, ମୀରୁ ପଲ୍‌ଆ ଗାଟାତେରି ଆହାଁ  
 ଏନିକିଁ ମୀରୁ ନେହୁଁ ହାଡ଼ା ଖେସାଲି ଆଡ଼ିଦେରି  
 ? ଇଚିହୁଁ ହିୟାଁତା ମାନି କାତା ଗୁତି ଜଲିମାନେ  
 । ୩୫ ନେହୁଁ ଲକୁ ନେହୁଁ ମନ ବିତ୍ରାଟି ନେହୁଁ  
 କାତା ହପ୍‌ନେସି, ଇଞ୍ଜା ପଲ୍‌ଆ ଗାଟାସି ପଲ୍‌ଆ ମନ  
 ବିତ୍ରାଟି ପଲ୍‌ଆ କାତା ହପ୍‌ନେସି ।”

୩୬ “ସାମା ନାନୁ ମିଙ୍ଗେ ସାତା ଖେସିମାଞ୍ଜାକ୍,  
 ବାରେଜାଣା ତାମ୍‌ତୁଞ୍ଜିଆମାନି ଉଜେଏତି କାତାତାକି  
 ବିଚାରା କିନି ଦିନାତା ଏମ୍ବାତି କାତା ଜଲିନେରି;  
 ୩୭ ଇଦାଆଁତାକି ମୀ ଗୁତିତି ହାଡ଼ାତଲେ ନୀହାଁୟି  
 ଦିନାତା ମୀରୁ ଦହୁ ଗାଟାତେରି ଅଡ଼େ ଦହୁ  
 ହିଲ୍‌ଆଗାଟାତେରି ଆଦେରି ।”

ସିନା ପାରିନାୟି  
 (ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ \*ଏଚିବେଲା ମେରା ପୁନାରି ଅଡ଼େ ପାରୁସିୟାଁ  
 ବିତ୍ରାଟି ଏତରଜାଣା ଜୀସୁକ୍ ଏଲେଇଚେରି, “ଗୁରୁ,  
 ମାମ୍‌ନୁନୀ ତାଣାଟି ର କାବାଆନି ସିନା ମେସାଲି  
 ଅଣ୍‌ପିମାନମି ।”

୩୯ \*ସାମା ଜୀସୁ ଏଞ୍ଜାରାକ୍ ଏଲେଇଚେସି,  
 “ପଲ୍‌ଆ ଗାଟାରି ଅଡ଼େ ମାହାପୁରୁକ୍ ନାମାଆ  
 ଗାଟାରିଦେହେଁ ସିନାୟାଁ ପାରିନେରି, ସାମା  
 ମାହାପୁରୁ ଅଣ୍‌ପୁତି ବଲୁ ଖେହୁନି ଜୁନସତି ସିନା  
 ପିସପେ ଏଞ୍ଜାରାକି ଏନି ସିନା ହାପ୍‌କି ଆଏ ।  
 ୪୦ ଇଚିହୁଁ ଜୁନସ ଏନିକିଁ ତାନିଦିନା ତାନି  
 ଲାଆଁୟାଁ କାଜା ମୀନୁ ବାଣ୍ଡି ବିତ୍ରା ମାତେସି,  
 ଏଲେକିଁ ମାଣସି ମୀରଏସି ଜିକେଏ ବୁମି ବିତ୍ରା  
 ତାନିଦିନା ତାନି ଲାଆଁୟାଁ ଡ଼ୟିନେସି । ୪୧ ନୀହାଁୟି

\* ୧୨:୨୪ ୧୨:୨୪ ମାତୃ ୯:୩୪; ୧୦:୨୫ \* ୧୨:୩୦ ୧୨:୩୦ ମାର୍କ ୯:୪୦ \* ୧୨:୩୨ ୧୨:୩୨ ଲୁକ ୧୨:୧୦ \* ୧୨:୩୩ ୧୨:୩୩  
 ମାତୃ ୭:୨୦; ଲୁକ ୬:୪୪ \* ୧୨:୩୪ ୧୨:୩୪ ମାତୃ ୩:୭; ୨୩:୩୩; ଲୁକ ୩:୭; ମାତୃ ୧୫:୧୮; ଲୁକ ୬:୪୫ \* ୧୨:୩୮ ୧୨:୩୮ ମାତୃ  
 ୧୭:୧; ମାର୍କ ୮:୧୧; ଲୁକ ୧୧:୧୭ \* ୧୨:୩୯ ୧୨:୩୯ ମାତୃ ୧୭:୪; ମାର୍କ ୮:୧୨

ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ କିନେରି, ଇଚିହ୍ ଏଞ୍ଜାରି ଜୁନସ ଖେସ୍ତି କାତା ଆସାନା ପାପୁଟି ମନ ଖେଟ୍‌ହା ମାରେରି, ଅଡେ ମେହ୍‌ଦୁ ଜୁନସକିହ୍ କାଜାସି ଇମ୍ପାଆଁ ମାନେସି । ୪୨ ନୀହ୍‌ୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ କିନେ, ଇଚିହ୍ ସଲମନତି ବୁଦିତିକାତା ଖେଞ୍ଜାଲି ଦାରତିତି ହେକ ଦେସାତି ଖାହାମାରେ, ଇଞ୍ଜା ମେହ୍‌ଦୁ ସଲମନକିହ୍ କାଜା କାତା ଇମ୍ପାଆଁ ମାନେ ।”

**ଲାଗେଏ ପଲେଏତି ବୃତୁ ଖେଣ୍ଡାଞ୍ଜାନାୟି**  
(ଲୁକ ୧୧:୨୪-୨୬)

୪୩ “ର ପଲୁଆ ବୃତୁ ର ମାଣ୍‌ସି ତାଣାଟି ହଟା ହାଜାନା ଏମ୍ପୁ ହିଲାଆ ଟାମ୍ପୁ ବାରେ ରେଜିହ୍ ଜମାଲି ଟାମ୍ପୁ ପାରୀତେ, ଇଞ୍ଜା ଏଦାଆଁ ପୁଃଆତେ, ୪୪ ଏଚେଟିଏ ଏଡି ଏଲେଇନେ, ନାନୁ ଆମିନି ଇଲୁଟି ହଟା ଖାହାମାଲ୍, ନା ଏ ଇଲୁତା ଖେଣ୍ଡେ ହାଇଁ; ଇଞ୍ଜା ଖେଣ୍ଡା ଖାହାନା ଖାରଆଣି ଇଞ୍ଜା ଅଜିତାଣି ମେହ୍‌ନେ । ୪୫ ଏଚିରେଲା ଏଡି ହାଜାନା ତାନିକିହ୍ ଆଗାଡା ପଲୁଆଗାଟି ସାଡାଗଟା ଜୀଝୁୟାଁ ଆସାନା ଖାନ୍, ଇଞ୍ଜା ଏଞ୍ଜି ବାରେ ଏମ୍ପାଆଁ ହଟାନା ବାସା କିନୁ, ଅଡେ ଏ ଲକୁତି ତଲିତି କସ୍ତ କିହ୍ ତାମ୍ପୁତି କସ୍ତ ହାଟ୍‌ରେକା ଆନ୍, ଇ କାଲାତି ପଲୁଆ ଗାଟାରାକି ଜିକେଏ ଏଲେଆହ୍ ଏ ଆନ୍ ।”

**ଜୀସୁତି ଇୟା ଅଡେ ତାୟିୟାଁ**  
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡା ଆହିମାଟାଟି ତାନି ଇୟା ଅଡେ ତାୟିୟାଁ ପାଙ୍ଗାତା ନିଚାନା ହାଡା ଆହାଲି ମନ କିହିମାରୁ । ୪୭ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହ୍‌ମୁ, ମୀ ଇୟା ଅଡେ ନୀ ତାୟିୟାଁ ପାଙ୍ଗାତା ନିଚାନା ହାଡା ଆହାଲି ମନ କିହିମାନେରି ।”

୪୮ ସାମା ଇ କାତା ଖେସ୍ତାଣାଇଁ ଜୀସୁ ଏଲେଇଚେସି, “ଆମ୍ପାଆୟି ମା ଇୟା ଇଞ୍ଜା ଆମ୍ପାଆରି ନା ତାୟିୟାଁ ?” ୪୯ ଅଡେ ସୀସୁୟାଁ ଖାକି କେୟୁ ଦାସାନା ଏଲେଇଚେସି, “ମେହ୍‌ଦୁ ମାୟା ଇଞ୍ଜା ମା ତାୟିୟାଁ, ୫୦ ଇଚିହ୍ ଆମ୍ପାଆୟି ଜିକେଏ ନା ଲାକପୁରୁତି ଆବା କାତା ଆହ୍‌ନେସି ଏଞ୍ଜାସି ନା ତାୟି ଏଡି ନା ତାଜି ଅଡେ ମା ଇୟା ।”

**୧୩**

**ବିଚା ମାଟିନାଣି ପୁଣ୍ଡିକିନି କାତା**  
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଟି ହଟା ହାଜାନା ସାମ୍‌ଦୁରି ତାକିତା ଲକୁଇଁ ଜାପ୍‌ହାଲି କୁଗିତେସି

। ୨ \*ଏଚେଟିଏ ହାଟ୍‌ରେକା ଲକୁ କୃତା ଆହାଲିଏ, ଏଞ୍ଜାସି ହାଜାନା ର ଡଂଗତା କୁଗିତେସି, ଇଞ୍ଜା ଲକୁ ବାରେ ସାମ୍‌ଦୁରି ଗାଟୁତା ନିଚାମାରେରି । ୩ ଅଡେ ଜୀସୁ ପୁଣ୍ଡିକିନି କାତା ହାଟ୍‌ରେକା ଖେସ୍ତେସି, ଏଞ୍ଜାସି ଏଲେଇଚେସି । “ମେହ୍‌ଦୁ ର ବିଚା ମାଟିନାସି ମାଟାଲି ହଡେସି । ୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରୀତେ ଇଞ୍ଜା ପଟାୟାଁ ଖାହାନା ଏ ପାଡେୟି ପେରହା ତିରୁ । ୫ ଅଡେ କଚେକା ବିଚା ଖାଲକାତି ପାଡାଡା ବୁମିତା ରୀତେ, ଇଞ୍ଜା ଇର୍‌ଆ ଗାଡି ହିଲାଆତାକି ପାଡେୟି ତବେ ଗଜା ଆଡେ । ୬ ସାମା ଖେଡା ହଟାଲିଏ, ଗଜା ଆହାମାଟାୟି ଖେହା ହାଚେ, ଇଞ୍ଜା ତାନି ହୀରୁ ଗାଡି ଡ଼ଇକା ହାଲାଆତାକି ଖାୟାହାଚେ । ୭ ଅଡେ କଚେକା ବିଚା ହାପ୍‌କା ବୁଟା ଡ଼ଇ ରୀତେ, ଇଞ୍ଜା ହାପ୍‌କା ବୁଟାୟାଁ ବାରେ ପାତାଆହାନା ଆନା ତାକିତି ପୁକ୍‌ହାତୁସ୍ତେ । ୮ ଅଡେ କଚେକା ବିଚା ନେହ୍ ବୁମିତା ରୀତେ, ଇଞ୍ଜା କାମ୍ପାନା ର ପାଡେୟିଟିଏ ପାସାକଡି, ତାନିକଡି ଇଞ୍ଜା କଡେଦସ ପାଡେୟିକା କାମ୍ପିରୁ ।”

୯ “ଆମ୍ପାଆରାକି କୀର୍କା ମାନୁ ଏଞ୍ଜାସି ଖେଣ୍ଡାମ୍ପାସି ।”

**ପୁସ୍‌ପନି ପୁଣ୍ଡିକିନାୟି**  
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ପାଟିଏ ସୀସୁୟାଁ ଜୀସୁ ତାଣା ଖାହାନା ଖେଚେରି, “ଲକୁଣି ଜାପ୍‌ନାଟି ନୀନୁ ଏନାଆଁତାକି ପୁଣ୍ଡିକିନି କାତାୟାଁ ଖେସିହ୍ ଜାପ୍‌ହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି ଇଚିହ୍ ଲାକପୁରୁ ରାଜିତି ବାରେ ଡ଼ଗୁମାନି ହାଡା ପୁଞ୍ଜାଲି ମିଙ୍ଗେ ବାଡ଼ୁୟୁ ହାପ୍‌କି ଆହାମାଞ୍ଜାନେ, ସାମା ଏଞ୍ଜାରାକି ହାପ୍‌କି ଆହା ହିଲେଏ । ୧୨ \*ଇଞ୍ଜା ଏମ୍ପାଆରାକି ମାନେ, ଏଞ୍ଜାରାକି ହାପ୍‌କିଆନ୍ ଅଡେ ଏଞ୍ଜାଣାକି ଗାଡିଆନ୍; ସାମା ଆମ୍ପାଆରାକି ହିଲେଏ ତାନିତାଣା ଏନାୟି ମାନେ, ଏଦାଆଁ ଜିକେଏ ଅଞ୍ଜିଆନ୍ ।” ୧୩ ଏଞ୍ଜାରି ମେସି ମେସିହ୍ ମେସାଲି ଆଡ଼ଅରି, ଅଡେ ଖେଞ୍ଜିଖେଞ୍ଜି ଖେନଅରି କି ପୁନଅରି; ଏଦାଆଁତାକି ନାନୁ ଏଞ୍ଜାରାଇଁ ପୁଣ୍ଡିକିନି କାତାତଲେ ଖେସିମାଇଁ । ୧୪ ଅଡେ ମାହାପୁରୁ ବଲୁ ଖେହ୍‌ନି ଜିସାୟତି ଇ କାତା ଏଞ୍ଜାରାକି ସାତା ଆନ୍ ।

୧୫ ଲକୁ ଖେଞ୍ଜିଖେଞ୍ଜିହ୍ ଖେନେରି, ଏନାଆଁ ତେଲ୍‌ହଅରି, ମେସି ମେସିହ୍ ମେହ୍‌ନେରି ସାମା ଏନାଆଁ ପୁନଅରି;

୧୬ ଇଚିହ୍ ଇ ଲକୁତି ହିୟାଁ ଅଣ୍‌ପାଲି ଆଡ଼ାଆ ଗାଟାୟି, ଏଞ୍ଜାରି କସ୍ତ କୀର୍କା ତଲେ ଖେଚେରି,

\* ୧୩:୨ ୧୩:୨ ଲୁକ ୫:୧-୩    \* ୧୩:୧୨ ୧୩:୧୨ ମାତି ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭

ଇଞ୍ଜା ତାମି କାଣ୍ଡକା ପଟିତେରି,  
 ଏନିକି ଏଞ୍ଜାରି କାଣ୍ଡକା ତଲେ ମେହୁଅରି,  
 ଅଡେ କୀର୍କା ତଲେ ଖେନଅରି,  
 ଅଡେ ହିୟା ତଲେ ତେଲହଅରି  
 ଇଞ୍ଜା ଏଞ୍ଜାରି ନା ତାଣା ଖେଣ୍ଡା ଖାଅରି,  
 ଅଡେ ନାନୁ ଏଞ୍ଜାରାଇଁ ନେହୁ କିଅଁ ।

୧୭ ✨“ସାମା ନେହେଁ ମୀ କାଣ୍ଡକା ଇଚିହୁଁ ଏଞ୍ଜି ମେସି ମାନୁ, ନେହେଁ ମୀ କୀର୍କା ଇଚିହୁଁ ଏଞ୍ଜି ଖେଞ୍ଜିମାନୁ । ୧୭ ଇଚିହୁଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ ହାରେକା ମାହାପୁରୁ ଅଣ୍ଟପୁତି ବଲୁ ଖେହନାରି ଇଞ୍ଜା ତାରିଗାଟାରି ମେସାଲି ମନ କିତେରି, ସାମା ମେସାଲି ଆଡାଆତେରି; ଅଡେ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି, ସାମା ଖେଞ୍ଜାଲି ଆଡାଆତେରି ।”

**ଜୀସୁ ବିଚା ମାଟିନି କାତା ପୁଣ୍ଡିକିନାୟି**  
 (ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହୁଁ ମୀରୁ ବିଚା ମାଟିନି ପୁଣ୍ଡିକିନି କାତା ଖେଞ୍ଜୁ । ୧୯ ଆମ୍ବାଆସି ମାହାପୁରୁ ରାଜିତି କାତା ଖେଞ୍ଜାନା ପୁନାଆ ଗାଟାସି, ଏଞ୍ଜାଣି ହିୟାତା ଖେସାମାନି ମାହାପୁରୁ ବଲୁ ସୟତାନ ଖାହାନା ମୀଞ୍ଜା ଅନେସି, ଏଞ୍ଜାସି ଜିରୁ ଦାରି ମାଟାମାନି ବିଚା ଲେହେଁତାସି । ୨୦ ଅଡେ ଆମ୍ବାଆସି ଖାଲକା ବୁମିତା ମାଟିତି ବିଚା ଏଞ୍ଜାସି ଇଲେତାସି, ଆମ୍ବାଆସି ମାହାପୁରୁତି କାତା ଖେଞ୍ଜାନା ରାହାଁତଲେ ନାମିନେସି, ୨୧ ସାମା ଏଞ୍ଜାଣି ତାଣା ହୀରୁ ଜୀଆତାକି ଗାଡେକେଏ ତାରିଆହାନା ମାନେସି, ତାୟୁ ମାହାପୁରୁ କାତାତାକି ବାଦା ଅଡେ ନିନ୍ଦା ବେଟାଆଡିସାରେ ଏ ବାରେ ପିସାଡୁହୁନେସି, ଏଞ୍ଜାସି ଖାଲକା ବୁମିତା ରିତି ବିଚା ଲେହେଁତାସି । ୨୨ ଆମ୍ବାଆସି ମାହାପୁରୁତି କାତା ଖେନେସି, ଇଞ୍ଜା ଦାରତତି ଅଣ୍ଟପୁ ଦନତି ଜୁପକା ଏଞ୍ଜାସି ଖେଞ୍ଜାମାନି କାତାତି ପୁକହା ତୁସାଲିଏ, ତାନି ଜୀଞ୍ଜୁତା ପାଡେୟି କାମ୍ବାଆତେ, ଏଞ୍ଜାସି ହାପୁକା ବୁଟା ଡ଼ଇ ରିତି ବିଚା ଲେହେଁତାସି । ୨୩ ସାମା ଆମିନିଗାଟାସି କାତାତି ଖେନେସି ଇଞ୍ଜା ନେହୁଁ କି ପୁନେସି, ଅଡେ ନେହୁଁ ପାଡେୟି କାମିନେସି, ଆମ୍ବାଆସି ପାସାକଡ଼ି, ଆମ୍ବାଆସି ତାନିକଡ଼ି, ଆମ୍ବାଆସି କଡେଦସ ପାଡେୟିକା, ଏଞ୍ଜାସି ନେହୁଁ ବୁମିତା ରିତି ବିଚା ଲେହେଁତାସି ।

**ଚଲି ଜାଡାତି ପୁଣ୍ଡିକିନି କାତା**

୨୪ ଜୀସୁ ଏଞ୍ଜାରାଇଁ ଅଡେ ର ପୁଣ୍ଡିକିନି କାତା ଖେସେସି, ଲାକପୁରୁ ରାଜି ରଅସି ତାନି ଗୁଡିୟାତା ନେହୁଁ ବିଚା ମାଟାମାନି ମାଣ୍ଡିଲେହେଁ; ୨୫ ସାମା ଲକୁ ତୁରାମାନାଟି ତାନି ସାଡୁ ଖାହାନା

ଏ ଗହଁୟା ବିଚା ଚଲି ଜାଡାତି ବିଚା ମାଟାମାନା ହାରେସି । ୨୬ ଏଚିବେଲା ଗହଁୟା ପାତାଆହାନା ଜେକା ଆନିବେଲା ଚଲି ଜାଡା ଜିକେଏ ତଞ୍ଜାଆଡେ । ୨୭ ଏଚେଟିଏ ସାଞ୍ଜୁକାରିତି ହଲିୟାଞ୍ଜା ତାନି ତାଣା ଖାହାନା ଏଲେଇଚେରି, ବାବୁ, ନୀନୁ ଏନାଆଁ ନୀ ଗୁଡିୟାତା ନେହୁଁ ବିଚା ମାଟା ହିଲାଆତି ? ସାମା ଇ ଚଲି ଜାଡା ବାରେ ଏମ୍ବିତି ଖାଡେ ? ୨୮ ଏଞ୍ଜାସି ଏଞ୍ଜାରାଇଁ ଏଲେଇଚେସି, ର ସାଡୁ ଇଦାଆଁ କିହାମାନେସି । ଅଡେ ହଲିୟାଞ୍ଜା ଏଞ୍ଜାଣାଇଁ ଏଲେଇଚେରି, ନୀ ମନ ଏନାୟି, ମାମୁ ହାଜାନା ଚଲି ରେଜାନା କୁଡ଼ି କିନମି, ୨୯ ସାମା ଏଞ୍ଜାସି ଏଲେଇଚେସି, ଆଏ ଏଚେତା ମୀରୁ ଚଲି ଜାଡା ରେଜି ରେଜିହୁଁ ଗହଁୟା ଜିକେଏ ରେଜେରି । ୩୦ ଗହଁ ଦାଃନି ପାତେକା ଗହଁ ଅଡେ ଚଲି ଜାଡା ରହେଁଏ ପାତାଆପୁ, ଅଡେ ଆନା ଦାଃନି ବେଲାତା ଦାଃଆନାରାଇଁ ନାନୁ ଏଲେଇଇଁ, ତଲିଏ ଚଲି ଜାଡା ଦାଟାନା ହୁଡାଲିତାକି ପେଣ୍ଡାୟା ଏଟକା କିଦୁ, ସାମା ଗହଁୟା କୁଡ଼ି କିହାନା ନା ଗାଡେୟିତା ଇଟାଦୁ ।

**ହାସୁ ପାଡେୟିତି ପୁଣ୍ଡିକିନାୟି**

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜାରାଇଁ ଅଡେ ର ପୁଣ୍ଡିକିନି କାତା ଖେସେସି, ଲାକପୁରୁ ରାଜି ର ହାସୁ ପାଡେୟି ଲେହେଁତାୟି, ଏଦାଆଁ ଅହାନା ରଅସି ତାନି ବାଡାତା ମାଟିତେସି । ୩୨ ଏ ପାଡେୟି ବାରେ ପାଡେୟିକା କିହାଁ ଡ଼ଶା, ସାମା ଏଦି ପାତା ଆଡିସାରେ ବାରେ କୁଟା କିହାଁ କାଜାୟି ଆହାଁ ଇଲେତି ମାରୁନୁ ଆନେ, ଇଞ୍ଜା ହାଗୁତା ଡ଼ମ୍ବିମାନି ପଟାୟାଁ ଖାହାନା ଏଦାନି କମାତା ବଣ କିହାନା ବାସା କିନୁ ।

**ପୁଲା ଏୟୁତି ପୁଣ୍ଡିକିନାୟି**

(ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜାରାଇଁ ଅଡେ ର ପୁଣ୍ଡିକିନି କାତା ଖେସେସି, ଲାକପୁରୁ ରାଜି ର ପୁଲା ଏୟୁଲେହେଁତାୟି; ର ଇୟା ଗହଁୟା ଗୁଣ୍ଡାତା ପୁଲାଏୟୁ କାଲହାନା ଇଚିତେ, ଏଚେଟିଏ ଏ ଗୁଣ୍ଡା ପଞ୍ଜାମାନା ବାରେ ପୁଲା ଆଡେ ।

**ଜୀସୁ ପୁଣ୍ଡିକିନି କାତାତି ଅର୍ଡ ଖେହନାୟି**

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ଡିକିନି କାତାତଲେ ଜୀସୁ ଲକୁଣି ଖେସେସି, ଇଞ୍ଜା ପୁଣ୍ଡିକିନି କାତା ଆଟ୍‌ଆନା ଏନାଆଁଞ୍ଜା ଲକୁଣି ଖେସି ହିଲାଆତେସି, ୩୫ ଏନିକି ମାହାପୁରୁ ଅଣ୍ଟପୁତି ବଲୁ ଖେହନାଣି ତାଣାଟି ଇ କାତା ସାତା ଆନେ, “ନାନୁ ନା ଗୁଡି ଏକହାନା ପୁଣ୍ଡିକିନି କାତାତଲେ ଖେହଇଁ;

✨ ୧୩:୧୭ ୧୩:୧୭ ଲୁକ ୧୦:୨୩,୨୪

ଦାରୁତ ଗାଡ଼ି ଆଡ଼ି ଦିନାଟିଏ ଡ଼ଗୁମାନି କାତା ବାରେ ଖେହ୍ଲି ।”

**ଜୀସୁ ଟଲି ଜାଡ଼ାତି ପୁଣ୍ଡିକିନି କାତାତି ଅର୍ଡ଼ ଖେହ୍ନାୟି**

୩୭ ଡ଼ାୟୁ ଜୀସୁ ମାୟା ଲକ୍ଷୁଣି ପିସାନା ଇଲୁ ବିତ୍ରା ହାଚେସି, ଇଞ୍ଜା ତାମି ସୀସୁୟାଁ ତାଗେ ଖାହାନା ଏଲେଇଚେରି, “ଗୁଡ଼ିୟାତି ଟଲି ଜାଡ଼ାତି ପୁଣ୍ଡିକିନି କାତା ମାଙ୍ଗେ ନେହ୍ କିଁ ଖେସ୍ତାମୁ ।”

୩୮ ଜୀସୁ ଏଲେଇଚେସି, “ନେହ୍ ବିଚା ମାଟିନାସି ଏଞ୍ଜାସି ମାଣ୍ଡିସି ମୀରୁଏସି; ୩୮ ଇ ଦାରୁତି ଆହିମାନେ ଗୁଡ଼ିୟା, ନେହ୍ ବିଚା ମାହାପୁରୁ ରାଜିତି ମୀରକା ମାୟକା; ଟଲି ଜାଡ଼ା ସୟତାନତି ମୀରକା ମାୟକା; ୩୯ ଆମିନି ସାଡୁ ଏଦାଆଁ ମାଟିଚେସି ଏଞ୍ଜାସି ସୟତାନ; ଆନା ଦାଃନି ଦିନା ଇଚିହ୍ ଜୁଗୁ ରାନ୍ତି ଦିନା, ଇଞ୍ଜା ଆନା ଦାଃଆନାରି ମାହାପୁରୁତି ଦୁଡୁୟାଁ । ୪୦ ଇଚିହ୍ ଟଲି ଜାଡ଼ାତି ଏନିକି ର ତାଣା କୁଡ଼ି କିହାନା ହିରୁତା ହୁଡିନାୟି, ଜୁଗୁ ରାନ୍ତି ଦିନାତା ଜିକେଏ ଏଲେକିହ୍ ଆନେ । ୪୧ ମାଣ୍ଡିସି ମୀରୁଏସି ତାନି ଦୁଡୁୟାଁଣି ପାଣ୍ଡିନେସି, ଇଞ୍ଜା ଏଞ୍ଜାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି । ୪୨ ଅଡ଼େ ଏଞ୍ଜାରାଇଁ ହିରୁ ଗାଡ଼ୁୟୁତା ମେଡ଼ନେରି, ଏମ୍ପାଆଁ ଏଞ୍ଜାରି ଡ଼ାହ୍ ପାଲକା ଟୀଟି କିନେରି । ୪୩ ଏଚିବେଲା ତୀରିଗାଟାରି ତାମି ଆବା ରାଜିତା ଖେଡ଼ାଲେହେଁ ଡ଼ାଞ୍ଜିହ୍ ଡ଼ାଞ୍ଜାଆନେରି । ଆମ୍ପାଆରାକି କୀକା ମାନୁ ଏଞ୍ଜାରି ଖେଣ୍ଡାରି ।”

**ଡ଼ଗୁମାନି ଦନ ପୁଣ୍ଡିକିନି କାତା**

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ ଲେହେଁତାୟି, ରଅସି ଏଦାଆଁ ମେସାନା ଡ଼କ୍ଷୁହା ଇଚିଚେସି, ଅଡ଼େ ରାହାଁଟି ହାଜାନା ତାନି ଇସିତାସି ଆସ୍ତି ପାରତାନା ଖେଣ୍ଡେ ହାଜାନା ଏ ଗୁଡ଼ିୟାତି କଡ଼ିଚେସି ।”

**ଦାରାଗାଟି ଅପ୍ନି ଖାଲିତି ପୁଣ୍ଡିକିନି କାତା**

୪୫ “ଅଡ଼େ ଲାକପୁରୁ ରାଜି ନେହ୍ ଅପ୍ନି ଖାଲି ପାରିମାନି ର ବେବାରା କିନାଣିଲେହେଁ । ୪୬ ର ଦାରାଗାଟି ଅପ୍ନି ଖାଲି ମେସାନା ଏଞ୍ଜାସି ହାଜାନା ତାନି ଇସିତାସି ଆସ୍ତି ପାରତାନା ଏ ଅପ୍ନି ଖାଲିତି କଡ଼ିଚେସି ।”

**ମୀଣକା ଆହ୍ନି ଜାଲାତି ପୁଣ୍ଡିକିନି କାତା**

୪୭ “ଅଡ଼େ ଜିକେଏ ଲାକପୁରୁ ରାଜି ସାମଦୁରିତା ବାରେ କୁଡ଼ାତି ମୀଣକା ଆସାଲି ମେଡ଼ନି ଜାଲା ଲେହେଁତାୟି । ୪୮ ଏ ଜାଲା ନେଞ୍ଜାଲିଏ ମୀଣକା ଆହ୍ନାରି ଏଦାଆଁ ସାମଦୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହାଁଆଁ ବାରେ ରୁଣ୍ଡା

କିହାନା ଡ଼ିରିତା ଇଚିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହ୍ନେରି । ୪୯ ଜୁଗୁ ରାନ୍ତି ଦିନାତା ଏଲେକିହ୍ ଆନେ; ଦୁଡୁୟାଁ ହଡ଼ାଖାହାନା ତୀରିଗାଟାରି ତାଣାଟିଏ ଲାଗେଏ ପଲେଏତାରାଇଁ ଏଟକା କିନେରି । ୫୦ ଅଡ଼େ ଏଞ୍ଜାରାଇଁ ହିରୁ ଗାଡ଼ୁୟୁତା ମେଡ଼ହା ତୁହ୍ନେରି, ଏମ୍ପାଆଁ ଡ଼ାନାୟି ଅଡ଼େ ପାଲକା ଟୀଟି କିନାୟି ଆନେ ।”

**ପୁଃଆଣି ଅଡ଼େ ପୁଃନାଣି ଜାପ୍ନାୟି**

୫୧ ଜୀସୁ ସୀସୁୟାଁଇଁ ଖେଚେସି, “ମୀରୁ ଇ ବାରେ କାତା ପୁଚେରି ?”

ଏଞ୍ଜାରି ଏଲେଇଚେରି, “ହାଅ ପୁରୁ ।”

୫୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼ିହ୍ ଆମିନି ଇଲୁଗାଟାସି ତାନି ଇଲୁଟି ପୁଃନାଣି ପୁଃଆଣି ହପ୍ନେସି, ଲାକପୁରୁ ରାଜିତି ସୀସୁ ଆହ୍ମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି ।”

**ଜୀସୁଇଁ ନାଜରିତତା ଅପାଆଗାଟାୟି**

(ମାର୍କ ୭:୧-୭; ଲୁକ ୪:୧୭-୩୦)

୫୩ ଜୀସୁ ଇ ବାରେ ପୁଣ୍ଡିକିନି କାତା ଖେସାଲି ଆଡ଼ାଲିଏ, ଡ଼ାୟୁ ଏମ୍ପାଟିଏ ହାଚେସି । ୫୪ ଇଞ୍ଜା ଏଞ୍ଜାସି ତାନୁ ପାତାଆଡ଼ି ନାୟୁତା ଖାହାନା ଲକ୍ଷୁଣି ତାମି ଜୀହୁଦି ଲକ୍ଷୁଣି କୁଟମି ଇଲୁତା\* ଇଲେକିହ୍ ଜାପ୍ନେସି, ଇଞ୍ଜା ଏଞ୍ଜାରି କାବାଆହାନା ଏଲେଇଚେରି, “ଇଞ୍ଜାଣାକି ଇଲେତି ବୁଦି ଇଞ୍ଜା ଇଲେତି କାବାଆନି କାମା କିହାଲି ଆମ୍ପିଟି ବାଡ଼ୁୟୁ ବେଟାଆଡ଼େସି ? ୫୫ ଇଞ୍ଜାସି ଏ ବାଡ଼ିୟାତି ମୀରୁଏସି ଆଏକି ? ଇଞ୍ଜାଣି ଇୟା ମରିୟମ ଆଏ ? ଅଡ଼େ ଇଞ୍ଜାଣି ତାୟିୟାଁ ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ? ୫୬ ଅଡ଼େ ଇଞ୍ଜାଣି ତାଜିମ୍ମା ମା ତଲେ ହିଲାଡ ? ଇଞ୍ଜାହାଁ ଇଞ୍ଜାସି ଏ ବାରେ ଆମ୍ପିଟି ମେଡ଼ାଆଡ଼େସି ?” ୫୭ \*ଇଞ୍ଜା ଏଞ୍ଜାରି ଜୀସୁଇଁ ଅପାଆଡ଼େରି । ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍ଡପୁତି ବଲୁ ଖେହ୍ନାରି ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟମିତା ମାନି ପୁଃଆରି ।” ୫୮ ଅଡ଼େ ଏଞ୍ଜାରି ନାମାଆତାକି ଏଞ୍ଜାସି ଏମ୍ପାଆଁ ହାରେକା କାବାଆନି କାମା କିଆଡ଼େସି ।

**୧୪**

**ବାପ୍ତିସ୍ମ\* ହାନି ଜହନ ହାନାୟି**

(ମାର୍କ ୭:୧୪-୨୯; ଲୁକ ୯:୭-୯)

୧ ଏଚିବେଲାତା ଗାଲିଲିତି ସାଲ୍ମୁଡ଼ି କିନି ରାଜା ହେରଦ ଜୀସୁତି କାରୁ ଖେଚେସି, ୨ ଅଡ଼େ ତାନି ହଲିୟାଜାଣି ଏଲେଇଚେସି, “ଇଞ୍ଜାସି ବାପ୍ତିସ୍ମ† ହାନି ଜହନ ଏଞ୍ଜାସି ହାଡ଼ାରି ତାଣାଟି ନିଜାମାନେସି,

\* ୧୩:୪୪ ୧୩:୪୪ ସିନଗର୍ ☆ ୧୩:୫୭ ୧୩:୫୭ ଜହ ୪:୪୪ \* ୧୪: ୧୪:୧ ମୁଞ୍ଜିନାୟି † ୧୪:୨ ୧୪:୨ ମୁଞ୍ଜିନାୟି

ଏଦାଆଁତାକି ଇ ବାରେ ବାଡ଼ୁୟୁ ଏଝାଣି ତାଣା କାମା କିହିମାନେ ।”

୩ ✱ ଇଚିହିଁ ତଲି ହେରଦ ତାମି ତାୟି ପିଲିପ ତକ୍ତି ହେରଦିୟାନି ତାକି ଜହନଇଁ ଦସପା ତାଚାନା କାୟିଦି ଇଲୁତା ଇଟାମାରେସି । ୪ ଇଚିହିଁ ଜହନ ତାଙ୍ଗ ଏଲେଇଞ୍ଜିମାରେସି, ହେରଦିୟାନି ଇଚିନାୟି ନୀ ମେରା ହିଲେଏ । ୫ ଅଡ଼େ ହେରଦ ଏଝାଣାଇଁ ପାୟାଲି ମନ କିତି ଜିକେଏ ଲକୁଣି ଆଜିମାରେସି, ଏଦାଆଁତାକି ଇଚିହିଁ ଏଝାଣାଇଁ ର ମାହାପୁରୁ ଅଣ୍ଡପୁତି ବଲୁ ଖେହନାସି ଇଞ୍ଜିଁ ମାନ୍ତି କିହିମାରେଚି ।

୬ ସାମା ହେରଦତି ଜାନ୍ନା ଦିନା ଖାହାଲିଏ, ହେରଦିୟାତି ମାଙ୍ଗା ରୁଣ୍ଡା ଆହାମାତି ଲକୁ ନକିତା ଏଦାନା ହେରଦଇଁ ରାହାଁ କିଝିକିତେ । ୭ ଏଚେଟିଏ ଏଝାସି ପାରମାଣା କିହାନା ଆଞ୍ଜିତେସି, ନାନୁ ନାଙ୍ଗେ ଏଦାଆଁ ରାସ୍ତାତିହିଁ ଏଦି ନିଙ୍ଗ ହାପକିଆନେ ।

୮ ଇଞ୍ଜାଁ ଏଦି ତାମି ଇୟାନି କାତା ଆସାହାଁ ଏଲେଇଚେ, “ବାପିସ୍ତୁଁ ହାନି ଜହନତି ତାୟିଁ ନୁଏଁ ଇମ୍ପାଆଁ ର ସାଡ଼ଝାତା ନାଙ୍ଗେ ହିୟାମୁ ।”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହିଁ ଜିକେଏ ତାନୁ ପାରମାଣା କିହାଁ ଆଞ୍ଜାମାଚାକି ଅଡ଼େ ତାନିତଲେ ବଜିତା କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ ହାହାଲି ହୁକୁମି ହୀତେସି । ୧୦ ଇଞ୍ଜାଁ ଲକୁଣି ପାଣ୍ଡାନା କାୟିଦି ଇଲୁତା ଜହନତି ତାୟିଁ ଦାପିକିତେସି, ୧୧ ଅଡ଼େ ଏଝାଣି ତାୟିଁ ର ସାଡ଼ଝାତା ତାଚାନା ଏ ପଦାକି ହୀତେଚି, ଇଞ୍ଜାଁ ଏଦି ଅହାନା ତାମି ଇୟାନି ତାଣା ଅଡ଼େ । ୧୨ ଏଚେଟିଏ ଜହନତି ସୀସୁୟାଁ ଖାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁ ଖେସ୍ତେରି ।

**ଜୀସୁ ପାସାମାଣା ଲକୁକି ତିଞ୍ଜାଲି ହାନାୟି**  
(ମାର୍କ ୬:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାରୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକୁ ହିଲାଆ ଟାୟୁତା ହାଚେସି, ଲକୁ ଇ କାତା ଖେଞ୍ଜାନା ଗାଡ଼ାୟିତି ଖାହାନା ତାକି ତାକିହିଁ ଏଝାଣି ଜେଚ ହାଚେଚି; ୧୪ ଅଡ଼େ ଏଝାସି ତଂଗତି ରେଚାନା ମାନ୍ଦା ଲକୁଣି ମେସାନା କାର୍ମା ଆହାନା ଏଝାରି ରଗ ଗାଚାରାଇଁ ନେହିଁ କିତେସି ।

୧୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଖାହାନା ଏଲେଇଚେଚି, “ଇ ଟାୟୁ ଲକୁ ହିଲାଆ ଟାୟୁ ଇଞ୍ଜାଁ ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକିଁ ନାସକାଣାଁ ହାଜାନା ତାମ୍ବେ ତାକି ଲହଡ଼ି ପାରିନେଚି, ଏଦାଆଁତାକି ଏଝାରାଇଁ ହାଜାଲି ହେଲ ହୀମୁ ।”

୧୬ ସାମା ଜୀସୁ ଏଝାରାଇଁ ଏଲେଇଚେସି, “ଏଝାରି ହାନି ଲଡ଼ା ଆଏ, ମୀରୁ ଏଝାରାକି ତିଞ୍ଜାଲି ହୀମୁ ।”

୧୭ ଏଝାରି ଏଝାଣାଇଁ ଏଲେଇଚେଚି, “ମାଙ୍ଗେ ଇମ୍ପାଆଁ ପାସାଗଟା ରୁଟି ଇଞ୍ଜାଁ ରୀ ମୀଣକା ମାନୁ ।”

୧୮ ଜୀସୁ ଏଝାରାଇଁ ଏଲେଇଚେସି, “ଏଝାଆଁ ଇମ୍ପାଆଁ ନା ତାଣା ତାଦୁ ।” ୧୯ ଅଡ଼େ ଏଝାସି ଲକୁଣି ଗାକିଁ ଜାଡ଼ା ଲାକ କୁଗାଲି ହୁକୁମି ହୀତେସି, ଅଡ଼େ ଏ ପାସାଗଟା ରୁଟି ଇଞ୍ଜାଁ ରୀ ମୀଣକାଣି ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜାଁ ରୁଟି ଡ଼ିକହାନା ତାମି ସୀସୁୟାଁକି ହୀତେସି, ଏଚେଟିଏ ସୀସୁୟାଁ ବାରେ ଲକୁକି ହୀତେଚି । ୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେଚି, ଇଞ୍ଜାଁ ସୀସୁୟାଁ ହାରାମାତି ରୁଟି ଗାଣ୍ଡାୟାଁ କୁଡ଼ି କିହାନା ବାରଗଟା ତାଲିତା ନେଞ୍ଜିକିତେଚି । ୨୧ ରାନ୍ଦା ତିଟି ଲକୁ ଇୟାସିକା ଇଞ୍ଜାଁ କକାରି ପଦାଣି ପିସାନା ବାରେ ପାସାମାଣା ଆବାୟାଁ ମାଚେଚି ।

**ଜୀସୁ ଏୟୁ ଲାକ ତାକିନାୟି**  
(ମାର୍କ ୬:୪୫-୫୨; ଜହ ୬:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଁଣି ତଂଗତା ଏକହାନା ସାମ୍ବୁରି ଆତାଲାଝାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକୁଣି ହାଜାଲି ହେଲ ହୀତେସି । ୨୩ ଜୀସୁ ଲକୁଣି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜାଁ ମିଡ଼ଅଲା ଆହାଲିଏ ଏଝାସି ଏମ୍ପାଆଁ ରଅସିଏ ମାଚେସି । ୨୪ ସାମା ଏଚିବେଲା ତଂଗ ସାମ୍ବୁରି ଗାଚୁଟିଏ ହାରେକା ହେକ ମାଚେ, ଇଞ୍ଜାଁ ସାମ୍ବୁରିତା ଗାଲି ଖେଚାଲିଏ ଏ ତଂଗ ଖୀଡ଼ିମାଚେ ।

୨୫ ସାମା ଖେୟା ନେକେଚି ଜୀସୁ ଏୟୁ ଲାକ ତାକି ତାକିହିଁ ସୀସୁୟାଁ ତାଗେ ହାଚେସି । ୨୬ ଅଡ଼େ ସୀସୁୟାଁ ଏଝାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେଚି, ଇଞ୍ଜାଁ ଏଲେଇଚେଚି, “ଇଦି ର ବୁଡ଼ୁ !” ଇଞ୍ଜାଁ ଆଜିତାକି କିରଡ଼ିତେଚି ।

୨୭ ସାମା ଜୀସୁ ଦେବୁଣିଏ ଏଝାରାଇଁ ଏଲେଇଚେସି, “ସାସା ଆହଦୁ ଆଜାଆଦୁ ନାନୁ ଜୀସୁଚେଏଁ !”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାଚେଏ ନୀନୁ ଇଚିହିଁ ଏୟୁଲାକଟି ତାକିହିଁ ନୀପ ଖାହାଲି ହୁକୁମି ହିୟାମୁ ।”

୨୯ ଜୀସୁ ଏଲେଇଚେସି “ଝାମୁ !” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାକଟି ତାକିହିଁ ହାଚେସି । ୩୦ ସାମା ଗାଲି ମେସାନା ଆଜିତେସି, ଇଞ୍ଜାଁ ଏୟୁଣାଁ ମୁଞ୍ଜିହିଁ ଏଲେଇଚେସି, “ଏ ପ୍ରବୁ ନାଙ୍ଗେ ଗେଲିପାମୁ ।”

✱ ୧୪:୩ ୧୪:୩ ଲୁକ ୩:୧୯,୨୦ ‡ ୧୪:୮ ୧୪:୮ ମୁଞ୍ଜିନାୟି



୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଟାଟି ! ଏନାଆଁ ତାକି ଆନାମାନା ଆଡ଼ି ?”

୩୨ ଅଡ଼େ ଏଞ୍ଜାରି ତଂଗତା ହଚାଲିଏ ଗାଲି ତୁଲିତେ । ୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରଏଶାଟି ।”

ଗେନେସର ରାଜିତା ଜୀସୁ ରଚା ଗାଟାରାଇଁ ନେହୁଁକିନାୟି

(ମାର୍କ ୭:୫୩-୫୬)

୩୪ ଏଞ୍ଜାରି ସାମପୁରି ଗାଣ୍ଡାନା ଗେନେସର ରାଜିତା ଏତେରି । ୩୫ ଅଡ଼େ ଏମ୍ବାତି ଲକୁ ଜୀସୁଇଁ ପୁଞ୍ଜାନା ସାରିଝାକି ମାନି ବାରେ ରାଜିତା କାତୁ ପାଣ୍ଡିତେରି, ଇଞ୍ଜାଁ ଲକୁ ବାରେ ରଚା ଗାଟାରାଇଁ ଜୀସୁ ତାଣା ତାତେରି; ୩୬ ଅଡ଼େ ରଚା ଗାଟାରି ଜୀସୁଟି ହିମ୍ବୁରି କୁଞ୍ଜୁ ତାଗିନେରି, ଏଦାଆଁତାକି ଜୀସୁଇଁ ବାତିମାଲିତେରି, ଇଞ୍ଜାଁ ଏଚେକା ଲକୁ ତାଗିତେରି ବାରେ ନେହୁଁ ଆଡ଼େରି ।

### ୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୭:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜାଁ ମେରାପୁନାରି ଜୀସୁ ତାଣା ଝାହାନା ଏଲେଇଚେରି, ୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିଲଅରି ? ଇଚିହୁଁ ରାନ୍ଦା ତିନାଟି କେସ୍ତା ନରଅରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁଟି ହୁକୁମି ମାନୁଝି ଆହି ହିଲଅତେରି ?”

୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିପୁ, ଇଞ୍ଜାଁ ଆମ୍ବାଆସି ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନି ତଣ୍ଡ ବେଟା ଆନେସି । ୫ ସାମା ମୀରୁ ଏଲେଇଞ୍ଜାମାଞ୍ଜେରି, ଆମ୍ବାଆସି ଆପେସି ତାମି ଇୟା କି ଆବାଇଁ ଏଲେଇନେସି,

ନା ତାଣାଟି ମିଙ୍ଗେ ଏନାଆଁ ହିୟାତିହୁଁ ନେହେଁ ଆଡ଼େମା, ଏ ବାରେ ମାହାପୁରୁକି ହେରପି ଆହାମାନେ, ୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନି କିଅସି । ଇଲେକିହୁଁ ମୀରୁ ମୀ ପାଣାପାଟୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି । ୭ ଅଡ଼େ କୁରୁ ଗାଟାତେରି, ମାହାପୁରୁ ଅଣ୍ଡପୁତି ବକୁ ଝେହୁନି ଜିସାୟ ମିଙ୍ଗେତାକି ନେହୁଁ କୁଁ ଇ କାତା ଝେସାମାନେସି ।

୮ ଇ କୃତାତାରି ଝାରଇ ଗୁଡି ତଲେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟି ହେକ ତୁୟିନେ ।

୯ ଏଞ୍ଜାରି ମାଣ୍ଡସି କେପିତି ପାଣା ପାଟୁଟି ଦାମୁଡି ନେହୁଁ କାତା ଇଞ୍ଜାଁ ଜାପୁହାନା, ଉଜେଏ ନାଙ୍ଗେ ସେବା କିହିମାଞ୍ଜାନେରି ।

ମାଣ୍ଡସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅଡ଼େ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଝେଞ୍ଜୁ ଇଞ୍ଜାଁ ପୁଞ୍ଜୁ ।” ୧୧ ମାଣ୍ଡସି ଗୁଡି ବିତ୍ରା ଏନାୟି ହଡ଼ନେ ଏଡ଼ି ଏଞ୍ଜାଣାଇଁ ଲାଗେଏ କିଏ, ସାମା ଗୁଡି ବିତ୍ରାଟି ଏନାୟି ହଡ଼ନେ ଏଡ଼ି ମାଣ୍ଡସିଇଁ ଲାଗେଏ କିନେ ।

୧୨ ଏଚିବେଲା ସୀସୁୟାଁ ଜୀସୁ ତାଣା ଝାହାନା ଏଲେଇଚେରି, ପାରୁସିୟାଁ ଇ କାତା ଝେଞ୍ଜାନା କସୁ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା ଲାକପୁରୁଟି ଆବା ଆମିନି ମୀରୁନୁ ଉହା ହିଲଅସି ଏ ବାରେ ରେଝି ଆନୁ ।” ୧୪ \*ପାରୁସିୟାଁ କାତା ଝେନାଆପୁ, ଏଞ୍ଜାରି କାଣାୟାଁ ଆହାନା କାଣାୟାଁଇଁ ଜିରୁ ତହୁନେରି, ଇଞ୍ଜାଁ କାଣା ଅର କାଣାଇଁ ଜିରୁ ତସୁହୁଁ ରିଆରି ଜିକେଏ ଗାଡ଼ୁୟୁତା ତରଗିନେରି ।

୧୫ ପିତର ଏଲେଇଚେସି, “ଏ ପୁଣ୍ଡିକିନି କାତା ମାଙ୍ଗେ ଝେସ୍ତାମୁ ।”

୧୬ ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାତେକା ପୁନାଆ ଗାଟାତେରି ?” ୧୭ ଏନାୟି ଗୁଡିଟି ହଡ଼ନେ ଏଡ଼ି ବାଣ୍ଡିତା ହାଜାନା ଏଡ଼ି ବାଣ୍ଡିହାନିଲେହେଁ ହଚା ହାନେ, ଇଦାଆଁ ପୁଞ୍ଜି ହିଲଅତେରି ? ୧୮ \*ସାମା ଗୁଡିଟି ଏନାୟି ହଡ଼ିମାନେ ଏଡ଼ି ହିୟାଟି ହଡ଼ିମାନେ ଏଡ଼ିଏ ମାଣ୍ଡସିଇଁ ଲାଗେଏ କିହିମାନେ । ୧୯ ଇଚିହୁଁ ହିୟାଟି ଲାଗେଏତି ଅଣ୍ଡପୁ ହଡ଼ନେ, ଇଚିହୁଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପରେଏ କାମା କିହାଲି, ସରୁ କାମା କିହାଲି, ମିଟି ସାକି ହୀହାଲି ଇଞ୍ଜାଁ ନିନ୍ଦା କାତା ଜଲାଲି; ୨୦ ଇ ବାରେ କାମା ମାଣ୍ଡସିଇଁ ଲାଗେଏ କିନେ, ସାମା କେୟୁ ନରଆନା ତିନାୟି ମାଣ୍ଡସିଇଁ ଲାଗେଏ କିଏ ।

ର ଇୟାନି ନାମୁ

(ମାର୍କ ୭:୨୪-୩୦)

୨୧ ଜୀସୁ ଏ ଟାୟୁ ପିସାନା ସର ଅଡ଼େ ସିଦନ ରାଜିତା ହାଚେସି । ୨୨ ଅଡ଼େ ମେହୁଦୁ ଏ ହାନ୍ଦିଟି କିଶାନ ଦେସାତି ର ଇୟା ଝାହାନା କାଜା ଗିୟାତଲେ ଏଲେଇଚେ, “ଏ ପ୍ରବୁ ଦାଝୁଦ ମୀରଏଶାଟି ନାଙ୍ଗେ କାର୍ମା ମେସ୍ତାମୁ ଇଚିହୁଁ ନା ମାଙ୍ଗାନି ହାରେକା ଆଜିହପେତି ବୁଡୁ ଆସାନା କସୁ ଆହିମାନେ ।”

\* ୧୫:୧୪ ୧୫:୧୪ ଲୁକ ୭:୩୯ \* ୧୫:୧୮ ୧୫:୧୮ ମାତି ୧୨:୩୪

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲିଆତେସି । ଇଞ୍ଜା ତାନି ସୀସୁୟାଁ ଖାହାନା ଏଞ୍ଜାଣାଇଁ ଏଲେଇଚେରି, “ଇଦାନି ହେଲ ହାହାନା ପାଣ୍ଡାତୁହମ୍, ଏନାଆଁତାକି ଇଚିହିଁ ଇଦି ମା ଜେଚ କାଲୁଞ୍ଜି ଆହିମାନେ !”

୨୪ ସାମା ଜୀସୁ ଏଲେଇଚେସି, “ନାନୁ ଇସ୍ତାୟେଲ କୃତାତା ଜାଙ୍ଗାମାନି ମେଣ୍ଡାୟାଁ ପିସ୍ପେ ଅଡେ ଆମ୍ବାଆରି ତାଣା ପାଣ୍ଡା ଆହାହିଲଅଁ ।”

୨୫ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଜେ କାର୍ମା ମେସ୍ତାମୁ ।”

୨୬ ସାମା ଜୀସୁ ଏଲେଇଚେସି, “ମୀରକା ମାସକା କାଦି ଅହାନା ନେସକା ତାଗେ ମେଡନାୟି ନେହେଁ ଆଏ ।”

୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହିଁ ନେସକା ତାମି ସାଞ୍ଜକାରିୟାଁ ତାଣାଟି ତରଗାମାନି ଜୁଟା ରାନ୍ଦା ପେରହା ତିନୁ ।”

୨୮ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଜ ଆୟାପେ ।” ଏ ଦେବୁଣିଏ ତାନି ମାଜା ନେହେଁ ଆଡେ ।

**ଜୀସୁ ହାରେକା ଲକୁଣି ନେହିଁକିନାୟି**

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍ବୁରି ତାଗେ ଖାଡେସି, ଅଡେ ହରୁ ଲାକ ହାଜାନା କୁରିଚେସି । ୩୦ ଅଡେ ହାରେକା ଲକୁ ସଗାୟାଁ, ରୁଡୁଖାୟାଁ, କାଣାୟାଁ, ଗୁଲାଇୟାଁ, ହାରେକା ଲକୁଇଁ ତାମିତଲେ ତାତାନା ଜୀସୁ କଡାଁ ତୁଇ ଇଚିଚେରି, ଅଡେ ଏଞ୍ଜାସି ଏଞ୍ଜାରାଇଁ ନେହିଁ କିଚେସି । ୩୧ ଇଲେକିହିଁ ବେଦ୍ତାୟାଁ ଜଲିମାନେରି, ରୁଡୁଖାୟାଁ ନେହିଁ ଆହିମାନେରି, ସଗାୟାଁ ତାକି ମାନେରି ଅଡେ କାଣାୟାଁ ମେସିମାନେରି; ଇ ବାରେ ମେସାନା ଲକୁ କାବା ଆଡେରି, ଇଞ୍ଜା ଇସ୍ତାୟେଲତି ମାହାପୁରୁଇଁ ଜହରା କିଚେରି ।

**ଜୀସୁ ସାରି ମାଣା ଲକୁଣି ତାସ୍ତେସି**

(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଁଇଁ ତାଗେ ହାତାନା ଏଲେଇଚେସି, “ଇ ବାରେ ଲକୁତାକି ନାଜେ କାର୍ମା ହଡିମାଞ୍ଜାନେ, ଏନାଆଁତାକି ଇଚିହିଁ ଇଞ୍ଜାରି ତାନିଦିନା ଆଡେରିଏ ନା ତଲେ ମାଞ୍ଜାମାନେରି, ଅଡେ ଇଞ୍ଜାରି ତାଣା ଏନାୟିଖା ତିଞ୍ଜାଲି ହିଲେଏ; ଇଞ୍ଜାରି ହାନାଟି ଜୀସୁ ହଡା ହାଡିଲେହେଁ ଜିରୁତା ତରଗିନେରି, ଏନାଆଁତାକି ହାକିଟି ପାଣ୍ଡାଲି ନା ମନ ହିଲେଏ ।”

୩୩ ସୀସୁୟାଁ ଏଞ୍ଜାଣାଇଁ ଏଲେଇଚେରି, “ଇଚେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲଆ ଟାୟୁତା ଏମ୍ବିଟି ରୁଟି ପାଣ୍ଡନାୟି ।”

୩୪ ଜୀସୁ ଏଞ୍ଜାରାଇଁ ଖେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଞ୍ଜାରି ଏଲେଇଚେରି, “ସାଡାଗଟା ଇଞ୍ଜା ଏଚରଗଟା ଉଣା ମୀଣ୍ଡକା ମାନୁ ।”

୩୫ ଏଚେଟିଏ ଜୀସୁ ଲକୁଣି ବୃମିତା କୁଗାଲି ହୁକୁମି ହୀଚେସି, ୩୬ ଅଡେ ଜୀସୁ ଏ ସାଡାଗଟା ରୁଟି ଇଞ୍ଜା ମୀଣ୍ଡକାଣି ମାହାପୁରୁ ତାଣା ଜହରା କିହାନା ସୀସୁୟାଁକି ହୀଚେସି; ଏଞ୍ଜାରି ଲକୁତାକି ହୀଚେରି । ୩୭ ଅଡେ ଲକୁ ତିଞ୍ଜାନା ପାଞ୍ଜିତି ତାୟୁ, ତାଗିତି ରୁଟି ସାଡା ତାଲି ହାରିତାଣି କୁଡି କିଚେରି । ୩୮ ରୁଟି ତିଟି ଲକୁ ଇୟାସିକା ଅଡେ ଉଣା କକାରି ପଦାଣି ପିସାନା ସାରି ମାଣା ଆଦାୟାଁ ମାରେରି ।

୩୯ ଏଚେଟିଏ ଏଞ୍ଜାସି ଲକୁଣି ହେଲ ହାହାନା ତଂଗତା ହଡାନା ମଗଦାନ ହାଦିତା ଖାଡେସି ।



**କାବାଆଦି କାମା ତସାଲି ଏଲେଇନାୟି**

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ☆ଏଚେକା ପାରୁସି ଅଡେ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସାମୁ ଇଞ୍ଜା ବାଡିମାଲିଚେରି । ୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମିଡ଼ଅଲ୍ଲା ବେଲା ଏଲେଇଞ୍ଜେରି, ଝିଏ କାରା ଆନେ, ଇଚିହିଁ ହାଗୁ ଗାଦଗା ଆହାମାନେ ।” ୩ ଅଡେ ଲାଲୁ ବେଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହିଁ ହାଗୁ ଗାଦଗା ଅଡେ ଦୁହାଁ ମୁଟାମାନେ । ମୀରୁ ହାଗୁତି ପାଗା ମେସାନା ନକିତି କାତା ପୁଞ୍ଜାଲି ଆଡି ମାଞ୍ଜେରି, ସାମା ନୀର୍ବତି କାତା ଅଡେ ସିନାୟାଁ ପୁଞ୍ଜି ହିଲଅଚେରି । ୪ ☆ପଲଆ ଗାଟାରି ଇଞ୍ଜା ମାହାପୁରୁଇଁ ଅଣ୍ପାଆଗାଟି କୃତାତାରି ସିନାୟାଁ ପାରିନେରି, ସାମା ଜୁନସତି ସିନା ପିସପେ ଅଡେ ଏଚକାଟି ସିନା ଏଞ୍ଜାରାକି ହୀପୁକି ଆଏ, ଇଞ୍ଜା ଏଞ୍ଜାସି ଏଞ୍ଜାରାଇଁ ପିସାନା ହାଚେସି ।

**ପାରୁସିୟାଁ ଅଡେ ସାଦୁକିୟାଁ ତାଣାଟି ଜାଗ୍ରାତା**

(ମାର୍କ ୮:୧୪-୨୧)

୫ ସୀସୁୟାଁ ସାମ୍ବୁରି ଆତାଲା ହାଜାନା ସିନିକିଚେରି, ଏଞ୍ଜାରି ରୁଟି ଅହାଲି ବାଣା ଆହା ହାଜାମାନେରି । ୬ ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଆଦୁ, ପାରୁସିୟାଁ ଅଡେ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହା ମାଞ୍ଜୁ ।”

୭ ଏମ୍ବାଟିଏ ଏଞ୍ଜାରି ତାମ୍ବୁ ତାମ୍ବୁସୁ ଜଲୁକି ଆହାଲି ମାଟ୍‌ହେରି, “ମୀର ରୁଟି ତାଗା ହିଲଆୟି ଇଞ୍ଜା ଏଞ୍ଜାସି ଏଲେଇଞ୍ଜିମାଞ୍ଜାନେସି ।”

୮ ସାମା ଜୀସୁ ଏନାଆଁ ପୁଞ୍ଜାନା ଏଲେଇଚେସି, “ଆଡେ ଉଣା ନାମୁ ଗାଟାଚେରି, ମୀ ବିତ୍ରା ରୁଟି

☆ ୧୭:୧ ୧୭:୧ ମାତି ୧୨:୩୮; ଲୁକ ୧୧:୧୭ ☆ ୧୭:୪ ୧୭:୪ ମାତି ୧୨:୩୯; ଲୁକ ୧୧:୨୯ ☆ ୧୭:୬ ୧୭:୬ ଲୁକ ୧୨:୧ ☆ ୧୭:୯ ୧୭:୯ ମାତି ୧୪:୧୭-୨୧

ହିଲେଏ ଇଞ୍ଜିମ୍ ଏନାଆଁତାକି ଖେସପି ଆହିମାଞ୍ଜେରି ? ୯ \*ମୀରୁ ନୀର୍ବ ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକ୍ଷୁତି ପାସାଗଟା ରୁଟି ଡିକହାନା ହୀହା ମାରେଏ, ଇଞ୍ଜିମ୍ ମୀରୁ ଏଚର ତାଲି ହାରିତାଣି କୁଡ଼ି କିତେରି, ୧୦ \*ଇଞ୍ଜିମ୍ ଏ ସାରି ମାଣା ଲକ୍ଷୁତି ସାତା ଗଟା ରୁଟି, ଇଞ୍ଜିମ୍ ଏଚର ତାଲି ହାରିତାଣି କୁଡ଼ି କିତେରି, ଏ ବାରେ ମିଙ୍ଗେ ଅଣ୍ପୁ ହିଲେଏ ? ୧୧ ନାନୁ ମିଙ୍ଗେ ରୁଟି କାତା ଖେସାମାଞ୍ଜାଆତେଏ, ଇଦାଆଁ ଏନିକ୍ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡ଼େ ସାଦୁକିୟାଁ ପୁଲା ଏମୁଟି ଜାଗ୍ରାତା ଆହାନା ମାଞ୍ଜୁ ।”

୧୨ ଏଝାସି ରୁଟି ତାକି ଲଡ଼ାମାନି ପୁଲା ଏମୁତାକି ଜାଗ୍ରାତା ଆହାନା ମାଞ୍ଜାଲି ଖେହୁଆନା, ପାରୁସିୟାଁ ଅଡ଼େ ସାଦୁକିୟାଁ ଜାପୁନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଝାରାକ୍ ଖେସାମାରେସି, ଏଦାଆଁ ଏଝାରି ଏଚିରେଲା ପୁରେରି ।

**ଜୀସୁକ୍ ପିତର ସାତା ଇଞ୍ଜିମ୍ ଖେହୁନାୟି**  
(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାମୁ ଜୀସୁ କାୟିସରିୟା ପିଲିପି ରାଜିତା ଖାହାନା ତାନି ସୀସୁୟାଁକ୍ ଖେରେସି, “ମାଣ୍ଡସି ମୀରୁଏସି ଆମ୍ବାଆସି ଇଞ୍ଜିମ୍ ଲକ୍ଷୁ ଖେସିମାନେରି ?”

୧୪ \*ଏଚେଟିଏ ଏଝାରି ଏଲେଇଚେରି, “ଆମ୍ବା ଆମ୍ବାଆରି ବାପୁସ୍ତ\* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଥାତ୍ ମାହାପୁରୁ ଅଣ୍ପୁତି ବଲୁ ଖେହୁନାରି ତାଣାଟି ରଅସି ।”

୧୫ ଜୀସୁ ଏଝାରାକ୍ ଖେରେସି, “ସାମା ନାନୁ ଆମ୍ବାଆତେଏଁ ଇଞ୍ଜିମ୍ ମୀରୁ ଖେସିମାଞ୍ଜେରି ?”

୧୬ \*ସିମନ ପିତର ଏଲେଇଚେସି, “ନୀନୁ ଜୀସୁ, ଜୀସୁଗାଟି ମାହାପୁରୁ ମୀରୁଏଶାତି ।”

୧୭ ଏଚେଟିଏ ଜୀସୁ ଏଝାଣାକ୍ ଏଲେଇଚେସି, “ଏ ଜୁନସ ମୀରୁଏଶାତି ସିମନ, ନୀନୁ ନେହେଁ, ଇଚିହୁଁ ମାଣ୍ଡସି ନୀ ତାଣାଟି ଇଦାଆଁ ଖେକହାମାଞ୍ଜାଅସି, ସାମା ନା ଲାକପୁରୁତି ଆବା ଖେକହାମାଞ୍ଜାନେସି । ୧୮ ଅଡ଼େ ନାନୁ ଜିକେଏ ନିଙ୍ଗେ ଖେସିମାଞ୍ଜାକ୍, ନୀନୁ ପିତରତି†, ଇଞ୍ଜିମ୍ ଇ ଖାଲି ଲାକ ନାନୁ ନା କୁଲମିତି କେପିକ୍, ଅଡ଼େ ହାକିତି ବାଡ଼ୁୟୁ ଏଦାଆଁ ମ୍ପେକହାଲି ଆଡ଼େଏ । ୧୯ \*ନାନୁ ନିଙ୍ଗେ ଲାକପୁରୁତି କୁଟିକାଡ଼ି ହିୟାକ୍, ଅଡ଼େ ନୀନୁ ଦାରତିତା ଏନାଆଁ ସୁଣ୍ଡି, ଏଡ଼ି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡ଼େ ଦାରତିତା ଏନାଆଁ ଦେଏଡ଼ି ଏଡ଼ି ଲାକପୁରୁ ଜିକେଏ ଦେପି ଆନେ ।”

୨୦ ଏଚିରେଲା ଏଝାସିଏ ଜୀସୁ ଇଞ୍ଜିମ୍ ଆମ୍ବାଆରାକ୍ ଖେହୁଆଦୁ ଇଞ୍ଜିମ୍ ଏଝାସି ତାନି ସୀସୁୟାଁଣି ଜାଣେ କିହୁଁ ହୁକୁମି ହୀତେସି ।

**ଜୀସୁ ତାନି ଦୁକୁ ବେଟାଆନାଣି ଅଡ଼େ ହାନାଣି ଖେହୁନାୟି**

(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଚିରେଲାଟିଏ ଜୀସୁ ତାନି ସୀସୁୟାଁଣି ଖେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜିମ୍ ପ୍ରାତିନାଙ୍ଗା, କାଜା ପୂଜେରାଙ୍ଗା ଅଡ଼େ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜିମ୍ ତାନି ଦିନାଟିଏ ଖେଣ୍ଡେ ନିଙ୍ଗନାୟି ମାନେ ।

୨୨ ଏଚେଟିଏ ପିତର ଏଝାଣାକ୍ ଅରଝାକି ଅହାନା ଲାଗାନା ଏଲେଇଚେସି, “ଏ ପ୍ରବୁ, ମାହାପୁରୁ ନିଙ୍ଗେ କାର୍ମା ଆୟାପେସି, ଇଲେତାୟି ନିଙ୍ଗେ ଏଚେଲାଝା ଆୟାଆପେ ।”

୨୩ ସାମା ଜୀସୁ ତାମୁଝାକି ସିନିକିହାନା ପିତରକ୍ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାତୁ ଲେହେଁ, ଇଚିହୁଁ ନୀନୁ ମାହାପୁରୁ କାତା ଅଣ୍ପାଆନା ମାଣ୍ଡସିତି କାତା ଅଣ୍ପିମାଞ୍ଜି ।”

୨୪ \*ଏଚିରେଲା ଜୀସୁ ତାନି ସୀସୁୟାଁଣି ଏଲେଇଚେସି, “ଆମ୍ବାଆସି ନା ଜେଟ ତାକାଲି ମନ କିତିହୁଁ, ଏଝାସି ତାନୁଏ ତାଙ୍ଗେ ଅପାକତାଆନା ତାନି କୁସ ଡେକାନାହାଁ ନା ଜେଟ ତାକାପେସି । ୨୫ \*ଇଚିହୁଁ ଆମ୍ବାଆସି ତାନି ଜୀସୁ ନୀଟହା କତାଲି ମନ କିନେସି, ଏଝାସି ହାଝି କିନେସି; ସାମା ଆମ୍ବାଆସି ନା ତାକି ତାନି ଜୀସୁ ହୀନେସି ଏଝାସି ନୀଟହା କଡିନେସି । ୨୬ ଅଡ଼େ ମାଣ୍ଡସି ଇ ଦାରତିତା ମାନାଣି ବାରେ ମେଡ଼ି କିହାନା ତାନି ଜୀସୁତି ହାଝି କିନେସି, ଆତିହୁଁ ଏଝାଣାକି ଏନି ଲାବା, ଇଞ୍ଜିମ୍ ମାଣ୍ଡସି ତାନି ଜୀସୁତି ବାଦୁଲି ଏନାଆଁ ହୀନେସି ? ୨୭ \*ଇଞ୍ଜିମ୍ ମାଣ୍ଡସି ମୀରୁଏସି ତାନି ଆବାତି ଗାଝୁରମିତି ତାନି ଦୁଡୁୟାଁ ତଲେ ଖାନେସି, ଏଚିରେଲା ଏଝାସି ବାରେ ଲକ୍ଷୁକି ତାନି କାମାତି ଲେକା ତଲେ ପାଡ଼େୟି ହୀନେସି । ୨୮ ନାନୁ ମିଙ୍ଗେ ସାତା ଖେସିମାଞ୍ଜାକ୍, ମାଣ୍ଡସି ମୀରୁଏସି ତାନି ରାଜିତା ରାଜାଆହାଁ ଖାନାଣି ମେହୁଆ ପାତେକା ଇମ୍ବାଆଁ ମାନି ଲକ୍ଷୁ ବିତ୍ରାଟି ଏଚରଜାଣା ହାଅରି ।”

**୧୭**

**ଜୀସୁ ଅର ଖାଣା ଆନାୟି**  
(ମାର୍କ ୯:୨-୧୩; ଲୁକ ୯:୨୮-୩୬)

\* ୧୭:୧୦ ୧୭:୧୦ ମାଟି ୧୫:୩୪-୩୮    \* ୧୭:୧୪ ୧୭:୧୪ ମାଟି ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮    \* ୧୭:୧୪ ୧୭:୧୪ ମୁଞ୍ଜିନାୟି  
 \* ୧୭:୧୭ ୧୭:୧୭ ଜହ ୬:୨୮,୨୯    † ୧୭:୧୮ ୧୭:୧୮ ପିତର ଇଚିହୁଁ ଖାଲି    \* ୧୭:୧୯ ୧୭:୧୯ ମାଟି ୧୮:୧୮; ଜହ ୨୦:୨୩  
 \* ୧୭:୨୪ ୧୭:୨୪ ମାଟି ୧୦:୩୮; ଲୁକ ୧୪:୨୭    \* ୧୭:୨୫ ୧୭:୨୫ ମାଟି ୧୦:୩୯; ଲୁକ ୧୭:୩୩; ଜହ ୧୨:୨୫    \* ୧୭:୨୭ ୧୭:୨୭ ମାଟି ୨୫:୩୧; ରମି ୨:୭

୧ ଜୀସୁ ସ ଦିନା ଡାମ୍ଭୁ ପିତର, ଜାକୁବ, ଅଡ଼େ ତାନି ତାୟି ଜହନଇଁ ଏଟକା କିହାନା ଏଞ୍ଜାରାଇଁ ର ପାତାଆଡ଼ି ହରୁ ଲାକ ଅଡ଼େସି । ୨ ଅଡ଼େ ଏଞ୍ଜାସି ଏଞ୍ଜାରି ନକିତା ତାନି ଖାଣା ବାଦଲଞ୍ଜି ଆହାନା ତାନି ମୁମ୍ବୁ ଖେଡ଼ାଲେହେଁ ଉଜେଡ଼ି ଇଞ୍ଜା ତାନି ହିମ୍ବୁରି ଉଜେଡ଼ି ଲେହେଁ ଦବଲ୍ଲା ଆଡ଼େ । ୩ ଇଞ୍ଜା ମେହଦୁ ମସା ଅଡ଼େ ଏଲିୟ ଜୀସୁତଲେ କାତା ଆହିମାଗାଣି ମେସ୍ତେରି । ୪ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରବୁ ମାର ଇ ଟାମ୍ଭୁତା ମାନାୟି ନେହେଁ; ନୀ ମନ ଆତିହଁ ନାନୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିଇଁ, ନିଜେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ ।”

୫ ✠✠✠ ଇ କାତା ଖେସ୍ପପିନିଏ ମେହଦୁ ଇଚାୟି ହାଗୁ ଖାହାନା ଏଞ୍ଜାରାଇଁ ପିକହେ, ଇଞ୍ଜା ଏ ହାଗୁଟି ଇ ହାଡ଼ା ଖେଜିଚେ, “ଇଞ୍ଜାସି ନା ଜୀସୁତି ମୀରଏସି ଇଞ୍ଜାଣି ତାଟେଏ ନା ରାହାଁ ମାନେ, ଇଞ୍ଜାଣି ବଲୁ ଖେଞ୍ଜୁ ।”

୬ ଇ ହାଡ଼ା ଖେଞ୍ଜାହାଁ ସୀସୁୟାଁ ମୁନୁ କୁତିହଁ ରାଚେରି ଇଞ୍ଜା ହାଟେକା ଆଜିଚେରି । ୭ ଏମ୍ବାଟିଏ ଜୀସୁ ଖାହାନା ଏଞ୍ଜାରାଇଁ ତୀଗାନା ଏଲେଇଚେସି, “ନିଜାପୁ ମୀରୁ ଆଜାଆଦୁ ।” ୮ ଇଞ୍ଜା ଏଞ୍ଜାରି ଲାକ ସିନିକିହାଲିଏ ଜୀସୁ ପିସ୍ପେ ଆମ୍ବାଆରାଇଁ ମେହ୍ଆଚେରି ।

୯ ଏଞ୍ଜାରି ହରୁ ଲାକଟି ରେଟା ଖାହିମାଗାଟି ଜୀସୁ ଏଞ୍ଜାରାଇଁ ହୁକୁମି ହାହାନା ଏଲେଇଚେସି, “ମାଣ୍ଡସି ମୀରଏସି ହାଡ଼ାରି ତାଣ୍ଡାଟି ନିଜାଆ ପାତେକା ଇ ମେସାମାନି କାତା ଆମ୍ବାଆରାଇଁ ଖେହ୍ଆଚେରି ।”

୧୦ ଏଡ଼ାଆଁତାକି ସୀସୁୟାଁ ଏଞ୍ଜାଣାଇଁ ଖେଚେରି, “ଆତିହଁ ନକେଏ ଏଲିୟ ଖାନ୍ଦାୟି ମାନେ ଇଞ୍ଜାଁ ମେରାପୁନାରି ଏନାଆଁତାକି ଖେସିମାନେରି ?”

୧୧ ଏଞ୍ଜାସି ଏଲେଇଚେସି, “ଏଲିୟ ଖାହାନା ବାରେ ଅଡ଼େ ଖେଣ୍ଡେ ଇଟିନାୟି ସାତା” ୧୨ ✠ସାମା ନାନୁ ମିଜେ ଖେସିମାଞ୍ଜାଇଁ, “ଏଲିୟ ଖାହା ରାଡ଼େସିଏ, ସାମା ଲକୁ ଏଞ୍ଜାଣାଇଁ ପୁନାଆନା ଏନିକିହାଲି ମନ ଏଲେକିଚେରି । ଏଲେକିହଁଏ ମାଣ୍ଡସି ମୀରଏସି ଜିକେଏ ଏଞ୍ଜାରି କେୟୁତା ଦୁକୁ ବେଟାଆହାଲି ହାଜିମାନେସି ।”

୧୩ ଏଚିବେଲା ଏଞ୍ଜାରାଇଁ ବାପ୍ତିସ୍ମ\* ହାନି ଜହନତି କାତା ଖେସିମାନେସି, ଏଚିବେଲା ସୀସୁୟାଁ ପୁଚେରି ।

**ଜୀସୁ ବୃତ୍ତ ଆଲ୍‌ଗାମାଟି କକାଣାଇଁ ନେହଁକିନାୟି**  
(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ଡାମ୍ଭୁ ଏଞ୍ଜାରି ଲକୁତାଣା ଖାହାଲିଏ, ରଅସି ଜୀସୁ ତାଣ୍ଡା ଖାହାଁ ମେଣ୍ଡାକୁତାନା ଏଲେଇଚେସି,

୧୫ “ପ୍ରବୁ ନା କକାଣାଇଁ କାର୍ମା ମେହ୍ମୁ, ଇଚିହଁ ଏଞ୍ଜାସି କାଟିଖେନି ନମେରି ତାକି ହାରେକା କସ୍ତୁ ଆହିମାନେସି, ଏଞ୍ଜାସି ଏଚର ପାଲି ହିଚୁତା ଅଡ଼େ ଏୟୁଣାଁ ତରଗା ହାଜିମାନେସି । ୧୬ ନାନୁ ମୀ ସୀସୁୟାଁ ତାଣ୍ଡା ଏଞ୍ଜାଣାଇଁ ତାଟାମାଚେଏଁ, ସାମା ଏଞ୍ଜାରି ଏଞ୍ଜାଣାଇଁ ନେହଁ କିହାଲି ଆଡ଼ାଆଚେରି ।”

୧୭ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଲାଗେଏ ପଲେଏ କାମା କିନି କୁଡ଼ାତାଚେରି, ଏଚର କାଲା ପାତେକା ନାନୁ ମୀ ତଲେ ଡ଼ୟିଇଁ ? ଏଚର କାଲା ମୀ ଲେମ୍ବାନାଣି ଅରୁହିଇଁ ? କକାଣାଇଁ ଇମ୍ବାଆଁ ନା ତାଣ୍ଡା ତାଦୁ ।”

୧୮ ଅଡ଼େ ଜୀସୁ ବୃତ୍ତଇଁ ଦାକା ହାହାଲିଏ, ବୃତ୍ତ ଏଞ୍ଜାଣାଇଁ ପିସା ହାଡୁସ୍ତେ, ଏ ଦେବୁଣିଏ କକାସି ନେହଁ ଆଡ଼େସି ।

୧୯ ଏଚେଟିଏ ସୀସୁୟାଁ ମେଣେଏ ଜୀସୁ ତାଣ୍ଡା ଖାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୃତ୍ତ ପିସ୍ପି କିହାଲି ଆଡ଼ାଆଚମି ?”

୨୦ ✠ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ଉଣା ନାମୁ ତାକି, ଇଚିହଁ ନାନୁ ମିଜେ ସାତା ଖେସିମାଞ୍ଜାଇଁ, ର ହାସ୍ତୁ ପାଡ଼େୟି ସମାନା ମୀ ନାମୁ ମାଟିହଁ, ଇ ହରୁତି ଇମ୍ବାଟି ଏମ୍ବାଆଁ ଗୁଟାଆମୁ ଇଚିହଁ, ଏଡ଼ି ଗୁଟାଆନେ, ଅଡ଼େ ଏନାୟି ଜିକେଏ ଆଆଗାଟାୟି ହିଲେଏ । ୨୧ ସାମା ପ୍ରାତାନା ଅଡ଼େ ଉପାସା ପିସ୍ପେ ଅଡ଼େ ଏଡ଼ି ଉପେୟିଟି ଇଲେଡ଼ି ବୃତ୍ତ ହଟା ହାଲେଏ ।”

**ଜୀସୁ ତାନି ହାନି କାତାଟି ଅଡ଼େ ଖେଣ୍ଡେ ଖେହ୍ନାୟି**

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡ଼େ ଏଞ୍ଜାରି ଗାଲିଲିତା ରୁଣ୍ଡା ଆଡ଼ି ବେଲାତା ଜୀସୁ ଏଞ୍ଜାରାଇଁ ଖେସ୍ତେସି, “ମାଣ୍ଡସି ମୀରଏସି ମାଣ୍ଡସିୟାଁ କେୟୁତା ହେରପି ଆହାଲି ହାଜିମାନେସି, ୨୩ ଇଞ୍ଜା ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଖେଣ୍ଡେ ନିଜିନେସି ।”

ଏଚେଟିଏ ଏଞ୍ଜାରି ହାଟେକା ଦୁକୁ ଆଡ଼େରି ।

**ମାହାପୁରୁ ଇଲୁତାକି ସିସୁ ହୁନାୟି**

୨୪ ଏମ୍ବାଟିଏ ଏଞ୍ଜାରି କପରନାହୁମତା ଖାହାଲିଏ ମାହାପୁରୁ ଇଲୁତି ସିସୁ ରୁହନାରି ପିତରଇଁ ଖାହାନା ଖେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହାଅସିକି ?” ୨୫ ପିତର ଏଲେଇଚେସି, “ହାଅ ହାନେସି ।”

ଅଡ଼େ ଏଞ୍ଜାସି ଇଜ ଖାହାଲିଏ ଜୀସୁ ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍ଡୁ ଏନାୟି, ଦାରତିତି ରାଜାୟାଁ ଆମ୍ବାଆରି ତାଣ୍ଡାଟି ସିସୁ ରାହନେରି, ଏଞ୍ଜାରି ମୀରକା ତାଣ୍ଡାଟି କି

✠ ୧୭:୫ ୧୭:୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ ✠ ୧୭:୫ ୧୭:୫ ୨ପିତ ୧:୧୭,୧୮ ✠ ୧୭:୧୨ ୧୭:୧୨ ମାତି ୧୧:୧୪  
\* ୧୭:୧୩ ୧୭:୧୩ ମୁଞ୍ଜିନାୟି ✠ ୧୭:୨୦ ୧୭:୨୦ ମାତି ୨୧:୨୧; ମାର୍କ ୧୧:୨୩; ୧କର ୧୩:୨

ଏବଂ ଦେସାତି ଲକ୍ଷ୍ମୀ ତାଣ୍ଡାଟି ?” ୨୭ ଏହାସି ଏବଂ ଦେସାତି ଲକ୍ଷ୍ମୀ ତାଣ୍ଡାଟି ଏଲେଇଞ୍ଜାଲିଏ, ଜୀସୁ ଏହାଣାଇଁ ଏଲେଇଚେସି, “ଆତିହ୍ମି ମୀରକା ହିୟାଲି ଲଡ଼ାଆଏ ।” ୨୭ ସାମା ମାର ଏନିକ୍ ଏହାରାକି ବାଦା ହୀନାତାୟି ଆଆୟି, ଏଦାଆଁତାକି ସାମ୍ବୁରିତା ହାଜାନା କାଟା ମେଡ଼ମ୍, ଇଞ୍ଜା ତଲିଏ ଆମିନି ମୀନୁ ଆହଦି, ଏଦାଣି ଆସାନା ତାନି ଗୁଡ଼ି ଏକ୍‌ହିସାରେ ର ଖେଣ୍ଡି ଟାକା ବେଟାଆଡ଼ି; ଏଦାଆଁ ଅହାନା ନାଙ୍ଗେ ଅଡ଼େ ନିଙ୍ଗେତାକି ଏହାରାକି ହୀମ୍ ।

## ୧୮

ଲକ୍ଷ୍ମୀର ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ \*ଏତିବେଲା ସୀସୁୟାଁ ଜୀସୁ ତାଣ୍ଡା ଖାହାନା ଖେଚେରି, “ଆତିହ୍ମି ଲକ୍ଷ୍ମୀର ରାଜିତା ଆମ୍ବାଆସି କାଜାସି ?”

୨ ଏହାସି ର ଉଣା କକାଣାଇଁ ତାଗେ ହାଟାହାଁ ନିପହାନା ଏଲେଇଚେସି, ୩ \*ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଖେଣ୍ଡେ ର ଉଣା କକାଣି ଲେହେଁ ଆଆତିହ୍ମି, ଏନିଜିକେଏ ଲକ୍ଷ୍ମୀର ରାଜିତା ହଡ଼ାଲି ଆଡ଼ଅତେରି । ୪ ଇଦାଆଁତାକି ଆମ୍ବାଆସି ଇ ଉଣା କକାଣି ଲେହେଁ ତାଙ୍ଗେତାକି ଉଣା କିହାକତିନେସି, ଏହାସି ଲକ୍ଷ୍ମୀର ରାଜିତା କାଜାସି । ୫ ଅଡ଼େ ଆମ୍ବାଆସି ଜିକେଏ ନା ଦରୁତି ଇ ଉଣା କକାଣାଇଁ ଆବିନେସି, ଏହାସି ନାଙ୍ଗେ ଆବାନେସି ।”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୨-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣ୍ଡା ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଞ୍ଜି କିନେସି, ଏହାଣି ହେରକିତା ର କାଜା ଜେତାଖାଲି ଦସାନା ସାମ୍ବୁରିତି କୁଡ଼ନି ଏୟୁଣାଁ ମେଡ଼ହ୍ମି ଏହାଣାକି ନେହେଆଡେମା । ୭ ଆୟତା, ଦାରୁତିତି ଲାଗେଏ କିନାକି ତଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ ଆନେ, ଆୟତା ଆମିନି ଲକ୍ଷ୍ମୀ ତାଣ୍ଡାଟି ଲାଗେଏ ଆନେ ଏହାସି ତଣ୍ଡ ବେଟା ଆନେସି !”

୮ \*ମୀ କେୟୁ କି କତା ମିଙ୍ଗେ ପାପୁ କିଞ୍ଜିକିୟାନେ, ଇତିହ୍ମି ଏଦାଆଁ ରାଡ଼ହାନା କୁତାପୁ, ରୀ କେୟା ଅଡ଼େ ରୀ କତାୟାଁ ଆସାନା କାଲିକାଲି ତାଞ୍ଜିମାନି ହିରୁତା ହଡ଼ନି କିହାଁ କଲା ଅଡ଼େ ସଟା ଆହାନା କାଲେଏତି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ । ୯ \*ଅଡ଼େ ମୀ କାନୁ ମିଙ୍ଗେ ଲାଗେଏ କିଞ୍ଜିକିୟାତିହ୍ମି, ଏଦାଆଁ ଡ଼େଖା କୁତାପୁ; ରୀ କାଣକା ଆସାନା କାଲେଏ

ତାଞ୍ଜିମାନି ହିରୁ ଗାଡ଼ୟୁତା ମେଦିନି କିହାଁ ର କାନୁ ତଲେ କାଲେଏତି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ ।”

ଜାଜିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

୧୦ \*ହେଣ୍ଡୁ ଇ ଉଣା କକାରି ବିତ୍ରାଟି ରଅଣାଇଁ ଜିକେଏ ହୀଣି ମେହ୍‌ଆପୁ, ଇତିହ୍ମି ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଲକ୍ଷ୍ମୀର ମାନି ଏହାରି ଦୂରୁୟାଁ ବାରେଦିନା ଲକ୍ଷ୍ମୀରୁତି ମା ଆଡ଼ାତି ମୁମ୍ ମେସେ ମାନୁ । ୧୧ ଇତିହ୍ମି ଏନାୟି ଜାଙ୍ଗାମାନେ ଏଦାଆଁ ପାରାନା ଗେଲ୍‌ପାଲି ମାଣ୍ଡିସି ମୀରଏସି ଖାହାମାନେସି ।”

୧୨ “ମୀରୁ ଏଦାଆଁ ଅଣ୍ଡିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାତିହ୍ମି, ଏହାସିକା ବିତ୍ରାଟି ରଣ୍ଡି ଜାଙ୍ଗାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏହାସି ହାଜାନା ଏ ଜାଙ୍ଗାମାନି ମେଣ୍ଡାତି ପାରଅସି ? ୧୩ ଅଡ଼େ ଏହାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଜାଙ୍ଗା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଙ୍ଗାମାଟି ର ମେଣ୍ଡା ତାକି ହାରେକା ରାହାଁ କିନେସି । ୧୪ ଏଲେକିହ୍ମି ଏ ଇ ଉଣାୟାଁ ବିତ୍ରାଟି ରଣ୍ଡି ଜିକେଏ ନସ୍ତୁ ଆଆପେ ଇଞ୍ଜି ମୀ ଲକ୍ଷ୍ମୀରୁତି ଆଡ଼ାତି ମନ ।”

ପାପୁ କିତି ର ତାୟି

୧୫ \*ନୀ ତାୟି ପାପୁ କିତିହ୍ମି, ନୀନୁ ଏହାଣାଇଁ ମେଣ୍ଡେଏ ଏଲେକିଆନି ଇଞ୍ଜି ଖେସାନା ତାନି ପାପୁ ତହ୍‌ମ୍; ଏହାସି ନୀ କାତା ଆସିହ୍ମି ନୀନୁ ଏହାଣାଇଁ ନୀ ତାୟିଲେହେଁ ଖେଣ୍ଡେ ବେଟାଆଡ଼ି । ୧୬ ସାମା ଏହାସି ନୀ କାତା ଖେନାଆତିହ୍ମି, ନୀ ତଲେ ରଅଣାଇଁ କି ରିଆରାଇଁ ଅହିହ୍ମି ହାଲାମ୍, ଏନିକିହ୍ମି ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତାରି ଆନେ । ୧୭ ଏହାସି ଏହାରି କାତା ଜିକେଏ ଆହ୍‌ଆତିହ୍ମି କୁଲମିତି ଖେହ୍‌ମ୍, ଅଡ଼େ ଜିକେଏ କୁଲମି କାତା ଖେନଅସି, ଆତିହ୍ମି ଏହାସି ମୀ କାନୁତା ଜୀହୁଦିଆଆତାରି କି ସିସ୍ତୁ ରୁଆହ୍‌ନାରି ଲେହେଁ ଆପେସି ।”

ଅଦିକାରା ହାନାୟି

୧୮ \*ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଦାରୁତିତା ଏନାଆଁ ସୁଣ୍ଡିଦେରି, ଲକ୍ଷ୍ମୀରୁ ଜିକେଏ ସୁଣ୍ଡିକିଆନେ, ଅଡ଼େ ଦାରୁତିତା ଏନାଆଁ ହେଲ ହୀଦେରି, ଲକ୍ଷ୍ମୀରୁ ଜିକେଏ ହେଲ ହୀପକି ଆନେ ।”

୧୯ “ଅଡ଼େ ମିଙ୍ଗେ ସାତା ଖେସିମାଞ୍ଜାଇଁ, ଦାରୁତିତା ମୀ ବିତ୍ରାଟି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରୀସିହ୍ମି ଏଦି ଲକ୍ଷ୍ମୀରୁତି ଆଡ଼ା

\* ୧୮:୧ ୧୮:୧ ଲୁକ ୨୨:୨୪ \* ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭ \* ୧୮:୮ ୧୮:୮ ମାତି ୫:୩୦ \* ୧୮:୯ ୧୮:୯ ମାତି ୫:୨୯ \* ୧୮:୧୦ ୧୮:୧୦ ଲୁକ ୧୯:୧୦ \* ୧୮:୧୫ ୧୮:୧୫ ଲୁକ ୧୭:୩ \* ୧୮:୧୮ ୧୮:୧୮ ମାତି ୧୭:୧୯; ଜହ ୨୦:୨୩

ତାଣାଟି ଏଝାରାକି ହାପକିଆନେ । ୨୦ ଇତିହ<sup>୯୯</sup> ଏମ୍ବିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ବାଆଁ ନାନୁ ଏଝାରିତଲେ ମାଇଁ ।”

**କାର୍ମା ମେହୁଆ ହଲେଏଣି କାତା ପୁଣ୍ଡିକିନାୟି**

୨୧ \*ଏତିବେଲା ପିତର ଜୀସୁ ତାଗେ ଝାହାନା ଖେରେସି, “ଏ ପ୍ରବୁ ନା ତାୟି ଏଚର ପାଲି ନା କପାଟି ପାପୁ କିତିସାରେ ନାନୁ ଏଝାଣି ପାପୁ ମ୍ଲେକ୍‌ଇଁ ?”

୨୨ ସାତା ଦେବା ପାତେକା କି ? ଜୀସୁ ଏଝାଣାଇଁ ଏଲେଇରେସି, ଝାରୁଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ଲେକ୍‌ନାୟି ମାନେ । ୨୩ ଇତିହ<sup>୯୯</sup> ଲାକପୁରୁ ରାଜି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେତାୟି । ୨୪ ଏଝାସି ଲେକା କିହାଲି ମାଟ୍‌ହାଲିଏ, ତାନି ଗାରହା ଦସ ମାଣା ଟାକାୟି ରୀଣା ଆହାମାନି ର ହଲେଏଣାଇଁ ଏଝାଣାଇଁ ତାଣା ତାତେରି । ୨୫ ସାମା ଏ ବାରେ ଡିକ୍‌ହାଲି ଏଝାଣି ତାଣା ଏନାୟି ହିଲାଆତାକି ଏ ସାଝୁକାରି ଏଝାଣାଇଁ ଅଡ଼େ ତାନି ତକ୍‌ଜିନି ଇଞ୍ଜା ତାନି କକାରି ପଦାଣି ଇଞ୍ଜା ତାନି ଇଲୁତି ଆସି ପାରତାନା ରୀଣା ଡିକ୍‌ହାଲି ହୁକୁମି ହାତେସି । ୨୬ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇରେସି, ନୀନୁ କାର୍ମାମେସାନା କାତାମୁ, ନାନୁ ନିଙ୍ଗେ ବାରେ ଡିକ୍‌ହା ତୁସ୍ତାଇଁ । ୨୭ ଏଚେଟିଏ ସାଝୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସ୍‌ପି କିଝିଆଡ଼େ ଇଞ୍ଜା ତାନି ରୀଣା ମେଣ୍ଡାହାତେ ।

୨୮ ସାମା ଏ ହଲେଏସି ଏମ୍ବାଟି ପାଙ୍ଗାତା ହାଜାନା ତାନିତାଣାଟି ରୀ କଡ଼ି ଦସଟାକା ରୀଣା ଅହାମାନି ତାନି ତଲେତି ର ହଲେଏଣାଇଁ ମେସାନା ଏଝାଣି ହେରକିତା ଆସାନା ଏଲେଇରେସି, ନୀନୁ ଅହାମାନି ରୀଣା ଡିକ୍‌ହା ତୁସ୍ତାମୁ । ୨୯ ଏଚେଟିଏ ତାନି ତଲେତି ହଲେଏସି ମେଣ୍ଡାକୁତାନା ଜହରା କିହ<sup>୯୯</sup> ଏଲେଇରେସି, ନୀନୁ ନାଙ୍ଗେ କାର୍ମାମେସାନା କାତାମୁ ନାନୁ ନିଙ୍ଗେ ବାରେ ଡିକ୍‌ହାଇଁ ୩୦ ସାମା ଏଝାସି ରାଜି ଆଆତେସି, ଇଞ୍ଜା ରୀଣା ଡିକ୍‌ଆ ପାତେକା ଏଝାଣାଇଁ କାୟିଦି ଇଲୁତା ସୁଣ୍ଡିତେସି । ୩୧ ଇଞ୍ଜା ତାନି ତଲେତି ହଲିୟାଙ୍ଗା ଏଦାଆଁ ମେସାନା ହାରେକା ଦୁକୁ କିତେରି ଅଡ଼େ ହାଜାନା ସାଝୁକାରିଇଁ ବାରେ କାତା ଖେସ୍ତେରି । ୩୨ ଏମ୍ବାଟିଏ ସାଝୁକାରି ଏଝାଣାଇଁ ତାଗେ ହାଟାନା ଏଲେଇରେସି, ଆଡ଼େ କାମାତା ଝାଆଗାଟି ହଲେଏଣାତି ନୀନୁ ନାଙ୍ଗେ ବାଡ଼ିମାଲିଏ ନାନୁ ନୀ ବାରେ ରୀଣା ପିସ୍ତାତେସି; ୩୩ ନାନୁ ଏନିକ<sup>୯୯</sup> ନିଙ୍ଗେ କାର୍ମା ଆୟାତେସି, ଏଲେକିହ<sup>୯୯</sup> ଏ ନୀନୁ ଜିକେଏ ନୀ ତଲେତି ହଲେଏଣାଇଁ କାର୍ମାମେହୁନାୟି ମାଚେ । ୩୪ ଅଡ଼େ ତାନି ପ୍ରବୁ ହାରେକା କପା ଆହାନା ବାରେ

ରୀଣା ଡିକ୍‌ଆ ପାତେକା ଏ ହଲେଏଣାଇଁ କସ୍ତୁ ହାନି ଲକୁ କେୟୁତା ହେରପିତେସି ।

୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମ୍ଲେକ୍‌ଆତିହ<sup>୯୯</sup> ଲାକପୁରୁତି ମୀ ଆବା ଜିକେଏ ମିଙ୍ଗେ ଏଲେ କିୟାନେସି ।

**୧୯**

**ଜୀସୁ ତକ୍‌ଜିନି ପିହନାଣି ଜାପ୍‌ନାୟି**

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଖେସାଲି ରାପ୍‌ହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାତି ଜୀହୁଦା ରାଜିତି ହାୟିତା ଏତେସି । ୨ ଇଞ୍ଜା ହାରେକା ଲକୁ ତାନି ଜେଚ ହାଚେରି, ଅଡ଼େ ଏଝାସି ଏମ୍ବାଆଁ ଏଝାରି ରଗଟି ନେହ<sup>୯୯</sup> କିତେସି ।

୩ ଏମ୍ବାଟିଏ ପାରୁସିୟାଁ ଏଝାଣି ତାଣା ଝାହାନା ଏଝାଣାଇଁ ତାୟିପାରିକିହ<sup>୯୯</sup> ଖେଚେରି, “ରଅସି ଜାହାରା ତକ୍‌ଜିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇରେସି, “ମୀରୁ ପଡ଼ୁଝି ଆହାହିଲଅତେରି ? ଗାଡ଼ି କିନାସି ନକେଏଟିଏ ଏଝାରାଇଁ ଇୟା ଅଡ଼େ ଆବା କିହ<sup>୯୯</sup> ଗାଡ଼ିକିତେସି, ୫ ଅଡ଼େ ଏଦାଆଁତାକି ତକ୍‌ଜା ତାଲି ତାଞ୍ଜିଇଁ ପିସାନା ତାନି ତକ୍‌ଜି ତଲେ ଆଣ୍ଡିନେସି, ଅଡ଼େ ଏଝାରି ରଣ୍ଡିଏ ଆଙ୍ଗା ଆନେରି, ୬ ଏଦାଆଁତାକି ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି । ଇଞ୍ଜା ମାହାପୁରୁ ଏନାଆଁ ଆଣ୍ଡୁଝି କିହାମାନେସି, ମାଣ୍ଡସି ଏଦାଆଁ ଏଚକା କିଆପେସି ।”

୭ \*ପାରୁସିୟାଁ ଏଝାଣାଇଁ ଖେଚେରି, “ଆତିହ<sup>୯୯</sup> ମସା ଏନାଆଁତାକି ପିହନି ଆକୁ ରାଟାନା ତକ୍‌ଜିନି ପିସାଲି ହେଲ ହାହାମାନେସି ?”

୮ ଜୀସୁ ଏଝାରାଇଁ ଏଲେଇରେସି, “ଇତିହ<sup>୯୯</sup> ମୀ ଆଟ୍‌ଝା ହିୟାଟି ମେସାନା ମସା ମିଙ୍ଗେ ମୀ ତକ୍‌ଜିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହ<sup>୯୯</sup> ହିଲାଆତେ । ୯ \*ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍‌ଜିନି ଦାରି ଦହ ହିଲାଆନା ଏନି କାତାତାକି ପିସାନା ଅର୍ ତକ୍‌ଜିନି ତାତିହ<sup>୯୯</sup>, ଏଝାସି ଦାରିକାମା କିନେସି ।”

୧୦ ସାୟୁୟାଁ ଏଝାଣାଇଁ ଏଲେଇରେସି, “ତକ୍‌ଜିନି ତଲେ ମାଣ୍ଡସିକି ଇଲେତାୟି ମାତିହ<sup>୯୯</sup>, ଏଝାସି ବାହା ଆଆତିହ<sup>୯୯</sup> ନେହେଁ ଆଡ଼େମା ।”

୧୧ ଜୀସୁ ଏଝାରାଇଁ ଏଲେଇରେସି, “ବାରେଜାଣା ଇ କାତାତି ଆସାଲି ଆଡ଼ଅରି, ଇତିହ<sup>୯୯</sup> ଆମ୍ବାଆରାକି ମାହାପୁରୁ ବାଡ଼ୁୟୁ ହାହାମାନେସି, ଝାରୁଇ ଏଝାରିଦେହେଁ ଆସାଲି ଆଡ଼ିନେରି । ୧୨ ଇତିହ<sup>୯୯</sup> ଆମ୍ବା ଆମ୍ବାଆରି ଇୟାନି ବାଣ୍ଡିଟିଏ ବାହା ଆହାଲି ଆଡ଼ାଆରେଟୁ ଜାନି ଆହାମାନେରି;

\* ୧୮:୨୧ ୧୮:୨୧ ଲୁକ ୧୭:୩,୪    \* ୧୯:୭ ୧୯:୭ ମାତି ୫:୩୧    \* ୧୯:୯ ୧୯:୯ ମାତି ୫:୩୨; ୧କର ୭:୧୦,୧୧

ଇଞ୍ଜା ଆମ୍ବା ଆମ୍ବାଆରି ଲକୁ ତାଣାଟି ଏଲେକିଞ୍ଜି ଆହାମାନେରି, ଅଡ଼େ ଆମ୍ବା ଆମ୍ବାଆରି ଲାକପୁରୁ ରାଜିତାକି ତାମ୍ବୁ ତାମ୍ବୁ ଏଲେ ଆହାମାନେରି, ଆମ୍ବାଆସି ଏ କାତାତି ଆସାଲି ଆଡ଼ିନାସି ଆସପାସି ।”

ଜୀସୁ କକାରି ପଦାଁକି ବର ହାନାୟି  
(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏରିବେଲା ଜୀସୁ କକାରି ପଦାୟା ମୁହେଁ କେୟୁ ଇଟାନା ପ୍ରାତାନା କିନେସି, ଏଦାଆଁତାକି ଲକୁ ଏଞ୍ଜାରାଇଁ ତାନି ତାଣା ତାତେରି, ସାମା ସୀସୁୟା ତାଟିମାଟି ଲକୁଣି ଦାକା ହୀତେରି । ୧୪ ସାମା ଜୀସୁ ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହୀଦୁ, ଏଞ୍ଜାରାଇଁ ଆଂଗାଆଦୁ, ଏନାଆଁତାକି ଇତିହୁଁ ଲାକପୁରୁ ରାଜି ଏଲେତାରିଞ୍ଜାୟି ।”

୧୫ ଅଡ଼େ ଏଞ୍ଜାସି ଏଞ୍ଜାରି ଲାକ କେୟୁ ଇଟାନା ଏମ୍ବାଟି ହାଚେସି ।

ର ଦନଗାଟି ଦାଂଗଣେସସି  
(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡ଼େ ମେହଦୁ ରଅସି ଜୀସୁ ତାଣା ଖାହାନା ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହୁଁ କାମା କିଇଁ?”

୧୭ ଜୀସୁ ଏଞ୍ଜାଣାଇଁ ଏଲେଇଚେସି, “ନେହାୟି ଇନି କାତାତି ନାଜେ ଏନାଆଁତାକି ଖେଞ୍ଜିମାଞ୍ଜାଦି ? ଖାରଇ ରଅସିଏ ନେହାସି; ସାମା ନାନୁ ଜୀସୁ ବେଟାଆହାଲି ମନ କିତିହୁଁ, ବାରେ ହୁକୁମି ମାନଞ୍ଜି ଆମ୍ବା ।”

୧୮ ଏଞ୍ଜାସି ଜୀସୁଇଁ ଏଲେଇଚେସି, “ଏନିଲେହେଁତି ହୁକୁମି?”

ଜୀସୁ ଏଲେଇଚେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହୀଆନି, ୧୯ ତାଲି ତାଞ୍ଜି କାତା ଆହମ୍ବୁ, ନୀ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍ବୁ ।”

୨୦ ଏ ଦାଂଗଣେସସି ଜୀସୁଇଁ ଏଲେଇଚେସି, “ନାନୁ ଇ ବାରେ ମାନଞ୍ଜି ଆହାମାଇଁ, ନାଜେ ଅଡ଼େ ଏନଞ୍ଜା ଉଣା ମାନେ ?” ୨୧ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନେହାଁତି ଆହାଲି ମନ କିତିହୁଁ, ହାଜାନାହାଁ ନୀ ବାରେ ଦନ ପାରତାନାହାଁ ହିଲାଆ ଗାଟାରାକି ଦାନା ହୀମ୍ବୁ, ଇଞ୍ଜା ନା ଜେଚ ଖାମ୍ବୁ, ଏଚେଟିଏ ଲାକପୁରୁ ନାନୁ ଦନ ବେଟାଆଦି ।”

୨୨ ଇ କାତା ଖେଞ୍ଜାନା ଦାଂଗଣେସସି ଦୁକୁ ଆହାନା ହାଚେସି, ଇତିହୁଁ ଏଞ୍ଜାଣାକି ହାରେକା ଦନି ମାଚେ ।

୨୩ ଏଚେଟିଏ ଜୀସୁ ତାନି ସୀସୁୟାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ଦନ ଗାଟାରି ଲାକପୁରୁ ରାଜିତା ହଡ଼ାଲି ହାରେକା

କସୁ ଆଚେନ । ୨୪ ଅଡ଼େ ଖେଣ୍ଡେ ନାନୁ ମିଜେ ଖେସିମାଞ୍ଜାଇଁ, ମାହାପୁରୁତି ରାଜିତା ଦନଗାଟାରି ହାନି କିହାଁ ଉରୁ ସୁଜା କାଣିଟି ହଡ଼ା ହାନାୟି ଉସାସା ଆଚେନ ।”

୨୫ ସୀସୁୟା ଇ କାତା ଖେଞ୍ଜାନା କାବାଆହାନା ଏଲେଇଚେରି, “ଆତିହୁଁ ଆମ୍ବାଆସି ଗେଲୁପି ଆହାଲି ଆଡ଼ିନେସି?”

୨୬ ଜୀସୁ ଏଞ୍ଜାରାଇଁ ସିନିକିହାନା ଏଲେଇଚେସି, “ଇଦି ମାଣସିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆଚେନ ।”

୨୭ ଏଚେଟିଏ ପିତର ଏଲେଇଚେସି, “ମେହମ୍ବୁ ମାମ୍ବୁ ବାରେ ପିସାନା ନୀ ଜେଚ ଖାହାମାନମି; ଆତିହୁଁ ମାମ୍ବୁ ଏନାଆଁ ବେଟାଆନମି?”

୨୮ \*ଜୀସୁ ଏଞ୍ଜାରାଇଁ ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ପୁଃନି ଜୁଗୁ ଆନାଟି ଏଚେତା ମାଣସି ମୀରଏସି ତାନି ଗାଞ୍ଜୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଚ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୃତାତି ସାଲୁକି କିଦେରି । ୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଜିସ୍ତା, ତାଲି ତାଞ୍ଜି, କକାରି ପଦାୟା, ଇଞ୍ଜା ବୁମି ବାଡ଼ା ପିସାମାନେସି, ଏଞ୍ଜାସି ଏ ବାରେକିହାଁ ହାରେକା ଗାତି ବେଟା ଆଚେସି, ଇଞ୍ଜା କାଲାକାଲାତି ଜୀସୁତି ବେଟା ଆଚେସି । ୩୦ \*ସାମା ନକିତା ମାନି ହାରେକା ଲକୁ ତାୟୁ ଆଚେରି, ଇଞ୍ଜା ତାୟୁତା ମାନି ହାରେକା ଲକୁ ନକିତା ଆଚେରି ।

### ୨୦

#### ଅଜୁରି ବାଡ଼ାତା କାମାକିନାରି

୧ ଇତିହୁଁ ଲାକପୁରୁ ରାଜି ଇଲେତି ର ସାଞ୍ଜୁକାରି ଲେହେଁତାୟି, ଲାଇ ଖେୟାଲିଏ ତାନି ଅଜୁରି ବାଡ଼ାତା କୁଲି କାମା କିଞ୍ଜିକିହାଲି ହାଚେସି । ୨ ଅଡ଼େ ଏଞ୍ଜାସି କୁଲି ଗାଟାରାଇଁ ଦିନାତାକି ର ଖେଣ୍ଡି ଟାକା ହିୟାଇଁ ଇଞ୍ଜୁଁ ଏଞ୍ଜାରାଇଁ ତାନି ଅଜୁରି ବାଡ଼ାତା ପାଣ୍ଡିତେସି । ୩ ଅଡ଼େ ନ ଗଂଟା ବେଲାତା ଏଞ୍ଜାସି ପାଞ୍ଜାତା ହାଜାନା ଏଚକାତାରି କାମା ପୁଃଆନା ନିଚାମାଟାଣି ମେସାନା ଏଞ୍ଜାରାଇଁ ଜିକେଏ ଏଲେଇଚେସି, ୪ ମୀରୁ ଜିକେଏ ଅଜୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକୁଁ ତୀରି ଆହାମାନେ, ଏଲେକିହୁଁ ମିଜେ ହିୟାଇଁ; ଇଞ୍ଜା ଏଞ୍ଜାରି ହାଚେରି । ୫ ଅଡ଼େ ମାଦେନା ବାର ଗଂଟା ଇଞ୍ଜା ତାନି ଗଂଟା ବେଲାତା ପାଞ୍ଜାତା ହାଜାନା ଏଲେକିତେସି । ୬ ଇଞ୍ଜା ମିଡ଼ିଆଲା ପାସା ଗଂଟା ବେଲାତା ପାଞ୍ଜାତା ହାଜାନା ଏଚରଜାଣା ନିଚାମାନାଣି ମେସାନା ଖେଚେସି, ମୀରୁ ଏନାଆଁତାକି ମାଦେନା ଖେଡ଼ାଡ଼ୁମ୍ବେ କାମା କିଆନା

\* ୧୯:୨୮ ୧୯:୨୮ ମାତି ୨୫:୩୧; ଲୁକ ୨୨:୩୦ \* ୧୯:୩୦ ୧୯:୩୦ ମାତି ୨୦:୧୭; ଲୁକ ୧୩:୩୦

ଉଦ୍ଦେଶ୍ୟ ନିରାମାଞ୍ଜେରି ? ୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଙ୍ଗେ କାମା ହେରପା ମାଞ୍ଜଅରି । ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଙ୍ଗୁରି ବାଡ଼ାତା ହାଜୁ ।

୮ ତାୟୁ ମିଡ଼ଅଲ୍ଲା ଆହାଲିଏ, ଅଙ୍ଗୁରି ବାଡ଼ାତି ସାଞ୍ଜୁକାରି ତାନି ଗୁମୁସ୍ତାଇଁ ଏଲେଇଚେସି, କୁଲି ଗାଟାରାଇଁ ହାଟାନା ତାୟୁ ଖାଡ଼ି ଲକୁ ତାଣାଟିଏ ମାଟ୍‌ହାନା ନକିତା ଖାଡ଼ି ଲକୁ ପାତେକା କୁଲି ହୀମୁ । ୯ ଏଚେଟିଏ ଆମିନି ଗାଟାରି ପାସା ଗଟା ବେଲାତା କାମାତା ପାଣ୍ଡୁଝି ଆହାମାଚେରି, ଏଝାରି ଖାହାନା ର ଖେଣ୍ଡି ଟାକା ଲାକା ବେଟାଆଡେରି । ୧୦ ଇଞ୍ଜା ନକେଏ କାମାତା ପାଣ୍ଡୁଝି ଆହାମାନାରି ଖାହାନା ଗାଡ଼ି ବେଟାଆନେରି ଇଞ୍ଜା ଅଣପିତେରି; ସାମା ଏଝାରି ଜିକେଏ ଏ ର ଖେଣ୍ଡି ଟାକା ଲାକା ବେଟାଆଡେରି । ୧୧ ସାମା ଏଲେକ୍‌ ବେଟାଆହାନା ଏଝାରି ସାଞ୍ଜୁକାରିକ୍‌ କପା ଆହାନା ଲାଗିତେରି । ୧୨ ଇ ତାୟୁତି ଲକୁ ଖାରଇ ର ଗଟା କାମା କିତେରି, ଇଞ୍ଜା ମାମୁ ଖେଡ଼ା ତୁମ୍ବେ ଖାହୁ ଆହୁ କାରା ଖେହୁ କାମା କିତିହୁ ଜିକେଏ ନୀନୁ ଏଝାରାକି ମା ସମାନା କିତି । ୧୩ ଏଝାରି ବିତ୍ରାଟି ରଅଣାଇଁ ସାଞ୍ଜୁକାରି ଏଲେଇଚେସି ଏ ତଟେ, ଖେନାମୁ, ନୀନୁ ନିଙ୍ଗେ ନାଡ଼ି କିହିମାଞ୍ଜଅ; ନୀନୁ ନା ତଲେ ର ଖେଣ୍ଡି ଟାକା ତାକି ରାଜି ଆହାହିଲିଆତି କି ? ୧୪ ନୀନୁ ଏଚେକା ପାଣ୍ଡୁନାୟି ମାନେ ଏଚେକା ଆସାନା ହାଜାତୁହମୁ, ସାମା ଇ ତାୟୁତି ଲକୁକି ଜିକେଏ ନୀ ଲେହେକି ହିୟାଲି ନା ମନ । ୧୫ ନା ଦନତି ନା ମନ ଲେହେଁ ଲେମ୍ବାଲି ନା ଅଦିକାରା ହିଲେଏ କି ? ନୀନୁ କାମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ ଏଲେକିହୁଏ ତାୟୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜୀସୁ ତାନି ପାଲି ଖେହନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଟାଟି ବାରଜାଣ୍ଡାଟି ସୀସୁୟାଁଇଁ ଏଟକା କିହାନା, ଜିରୁତା ଏଝାରାଇଁ ଏଲେଇଚେସି, ୧୮ ମେହଦୁ ମାର ଜିରୁସାଲମତା ହାଜିମାନାୟି, ମାଣ୍ଡସି ମୀରୁଏସି କାଜା ପୂଜେରାଙ୍ଗା ଅଡ଼େ ମେରାପୁନାରି କେୟୁତା ହେରପିଆନେସି, ୧୯ ଅଡ଼େ ଏଝାରି ଏଝାଣାଇଁ ହାନି ତଣ୍ଡୁ ହାହାନା ଏଟକା କୁଡ଼ାତାରି କେୟୁତା ହେରପିନେରି, ଏଚେଟିଏ ଏଝାରି ଏଝାଣାଇଁ କିଜଝି କିନେରି, ସାଟ୍‌ଣି ଡ଼ରିତଲେ ଖେନେରି, ଅଡ଼େ ପାସି ମୁଣ୍ଡାତା ଏକହାନା ପାୟିନେରି, ଇଞ୍ଜା ତାନି ଦିନାଟିଏ ହାକିଟି ଖେଣ୍ଡେ ନିଙ୍ଗିନେସି ।

ର ଇୟାନି ବାଡ଼ିମାଲିନାୟି (ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀରୁକା ତଲେ ଜୀସୁ ତାଣା ଖାହାନା ଜହରା କିହାନା ଏଝାଣି ତାଣା ବାଡ଼ିମାଲିହୁଏ ଏଲେଇଚେ ।

୨୧ ଏଚେଟିଏ ଜୀସୁ ଏଡ଼ାନି ଖେଚେସି, “ନୀନୁ ଏନାଆଁ ମନ କିହିମାଞ୍ଜ ?”

ଏଡ଼ି ଏଲେଇଚେ, “ନୀ ରାଜିତା ନା ରୀ ମୀରୁକା ବିତ୍ରାଟି ରଅସି ନୀ ଟିଝନିଝାକି ଅଡ଼େ ରଅସି ନୀ ଟେବୁଝାକି କୁଗିନେରି ଇଞ୍ଜା ହୁକୁମି ହୀମୁ ।”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଡ଼ାଆଁ ପୁଞ୍ଜିହିଲଅଡେରି । ନୀନୁ ଆମିନି ସଲ୍ଲାତା ଗସାଲି ହାଜିମାଇଁ, ଏଡ଼ାଆଁ ମୀରୁ ଗସାଲି ଆଡ଼ିଦେରି ?”

ଏଝାରି ଏଝାଣାଇଁ ଏଲେଇଚେରି, “ଆଡ଼ିନମି ।”

୨୩ ଜୀସୁ ଏଝାରାଇଁ ଏଲେଇଚେସି, “ମୀରୁ ନା ସଲ୍ଲାତା ଗହ୍‌ଦେରି ସାତା, ସାମା ନା ଟିଝନି କି ଟେବୁଝାକି କୁଗାଲି ହାନି ନା ଅଦିକାରାତି କାତା ଆଏ, ଇଚିହୁଏ ଆମିନି ଗାଟାରାକି ନା ଆବା ତାଣାଟି ଟାୟୁ କିଝିଆହାମାନେ ଏଝାରି କୁଗିନେରି ।”

୨୪ ଏଟକାତି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଇଁ କପା ଆଡେରି । ୨୫ ଏସାମା ଜୀସୁ ଏଝାରାଇଁ ତାଗେ ହାଟାନା ଏଲେଇଚେସି, “ଏଟକା କୁଡ଼ାତାରି ସାଲୁଝି କିନାରି କାଜା ବାଡ଼ୁୟୁ ତଲେ ତାନି କାଜାପାଣା ତହୁନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୬ ଏମୀ ବିତ୍ରା ଏଲେକିହୁ ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣ୍‌ପିନେସି, ଏଝାସି ମୀ ସେବା କିନାସି ଆପେସି; ୨୭ ଅଡ଼େ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଝାସି ମୀ ହଲେଏସି ଆପେସି, ୨୮ ଏଡ଼ିକ୍‌ ମାଣ୍ଡସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡ଼େ ହାଟେକା ଲକୁଣି ଗେଲ୍‌ପାଲି ଜୀସୁ ହୀହାଲି ଖାହାମାନେସି ।”

ରୀ କାଣାୟାଣି ମେସାଲି ହୀନାୟି

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡ଼େ ତାନି ସୀସୁୟାଁ ଜିରିହଟି ହାଜିମାଟାଟି ହାଟେକା ମାନ୍ଦା ଲକୁ ତାନି ଜେଟ ହାଚେରି । ୩୦ ଅଡ଼େ ଜିରୁ ଦାରିତା ରିଆରି କାଣାୟାଁ ଜୀସୁ ଏ ଜିରୁଟି ହାଜିମାନେସି ଇଞ୍ଜା ଖେଞ୍ଜାନା, କାଜା ଗିୟାଁତଲେ ଏଲେଇଚେରି, “ଏ ପ୍ରବୁ ଦାଞ୍ଜୁଦ ମୀରୁଏଶାତି ! ମାଙ୍ଗେ କାର୍ମା ମେସ୍ତାୟୁ !”

୩୧ ସାମା ଲକୁ ଏଝାରାଇଁ ପାଲେଏ ଆହାଲି ଦାକା ହୀଚେରି, ସାମା ଏଝାରି ଅଡ଼େ କାଜା ଗିୟାଁତଲେ

☆ ୨୦:୧୭ ୨୦:୧୭ ମାତି ୧୯:୩୦; ମାର୍କ ୧୦:୩୧; ଲୁକ ୧୩:୩୦ ୨୩:୧୧; ମାର୍କ ୯:୩୫; ଲୁକ ୨୨:୨୭

☆ ୨୦:୨୫ ୨୦:୨୫ ଲୁକ ୨୨:୨୫,୨୬

☆ ୨୦:୨୬ ୨୦:୨୬ ମାତି



ଏଲେଇଚେରି, “ଏ ପ୍ରଭୁ ଦାସ୍ତଦ ମୀରଏଶାତି ! ମାଜେ କାର୍ମା ମେସ୍ତାମୁ !”

୩୨ ଏମ୍ବାଟିଏ ଜୀସୁ ନିଚାନା ଏଝାରାଇଁ ହାଟାନା ଝେଚେସି, “ନାନୁ ମିଜେତାକି ଏନାଆଁ କିଇଁ ଇଞ୍ଜିଁ ମୀରୁ ଅଣ୍ପିମାଞ୍ଜେରି ?”

୩୩ ଏଝାରି ଏଝାଶାଇଁ ଏଲେଇଚେରି, “ଏ ପ୍ରଭୁ ଏନିକିଁ ମା କାଶକା ଦେପି ଆନୁ ।”

୩୪ ଅଡେ ଜୀସୁ କାର୍ମା ଆହାନା ଏଝାରି କାଶକା ତୀଗିତେସି, ଇଞ୍ଜା ଏ ଦେବୁଣିଏ ଏଝାରି ମେସ୍ତେରି ଇଞ୍ଜା ଏଝାଣି ଜେଟ ହାଚେରି ।

### ୨୧

#### ଜିରୁସାଲମତା ଜୀସୁ ରାହାଁଟି ହଡନାୟି (ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡେ ତାନି ସୀସୁୟାଁ ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡପାଗି ଏଜାଲିଏ ଏଚିବେଲା ଜୀସୁ ତାନି ରା ସୀସୁୟାଁଣି ଏଲେଇଞ୍ଜା ପାଣ୍ଡିତେସି । ୨ “ମୀରୁ ନକିତା ମାନି ନାୟୁଁତା ହାଜୁ, ଇଞ୍ଜା ହାଲ୍‌ଝନିଏ ଦସାମାନି ର ଗାଡ଼ଦେ ଇଞ୍ଜା ତାଲୁ ମେହ୍‌ଦେରି; ଏଝାଆଁ ହୁକହାନା ନା ତାଶା ତାଦୁ । ୩ ଅଡେ ଆମ୍ବାଆରି ଏନାଆଁ ଇଞ୍ଜାତିହିଁ, ଝେହ୍‌ଦୁ, ଇଝାସିକା ତାଶା ମା ପ୍ରଭୁକି ଲଡ଼ାମାନେ, ଏ ଦେବୁଣିଏ ଏଝାସିକାଣି ପାଣ୍ଡାନେସି ।”

୪ ମାହାପୁରୁ ଅଣ୍ପୁତି ବଲୁ ଝେହ୍‌ନାରି କାତା ଏନିକିଁ ସାତା ଆନେ, ଏଦାଆଁତାକି ଇ ବାରେ ଆଡେ;

୫ “ସିୟନତି ଗାଡ଼ାଇଁ ଝେହ୍‌ଦୁ ମେହ୍‌ମୁ ନୀ ରାଜା ନୀ ତାଶା ଝାହିମାନେସି ! ଏଝାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ କୁଗାମାନେସି ଇଚିହିଁ ଗାଡ଼ଦେ ତାଲୁ ଲାକ କୁଗାମାନେସି ।”

୬ ଏମ୍ବାଟିଏ ସୀସୁୟାଁ ହାଜାନା ଜୀସୁ ଝେସ୍ତିଲେହେଁ କାମା କିତେରି, ୭ ଅଡେ ଗାଡ଼ଦେ ଇଞ୍ଜା ତାଲୁତି ତାଚାନା ଏଝାସିକା ଲାକ ହିମ୍ବରିକା ପାସ୍ତେରି, ଇଞ୍ଜା ଜୀସୁଇଁ କୁଗିକିତେରି । ୮ ଅଡେ ହାରେକା ଲକୁ ତାନି ହିମ୍ବରିକା ଜିରୁତା ପାସ୍ତେରି, ଅଡେ ଏଚେକା ଲକୁ ମାରକାତି ଗାୟାଁ ତାଚାନା ଜିରୁତା ପାସ୍ତେରି । ୯ ଅଡେ ଜୀସୁତି ତାୟୁତା ନକିତା ହାଜିମାଟି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା ଦାସ୍ତଦ ମୀରଏସି ! ମାହାପୁରୁ ଦରୁଟି ଝାହିମାନେସି ନେହାଁସି ! ମାହାପୁରୁ ଏଝାଶାଇଁ ବର ହୀପାସି, ଲାକପୁରୁ ହସାନା !”

୧୦ ଅଡେ ଏଝାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଶା “ଇଝାସି ଆମ୍ବାଆସି ?” ଇଞ୍ଜିଁ କାବାଆହାନା ଏଲେଇଚେରି ।

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାଜ୍‌ରିତତି ମାହାପୁରୁ ଅଣ୍ପୁତି ବଲୁ ଝେହ୍‌ନି ଜୀସୁ ।”

#### ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାୟୁତା ଏମ୍ବାଆଁ ଆସ୍ତି ମାସ୍‌କି ମାଚାରାଇଁ ବାରେତି ପାଙ୍ଗାତା ପେର୍‌ହା ପାଣ୍ଡିତେସି, ଇଞ୍ଜା ଟାକାୟାଁ ବେବାରା ଗାଟାରି କୁଚିଁୟାଁ ଅଡେ ପାର୍‌ଝା ପଟାୟାଁ ବେବାରା ଗାଟାରି ଜମ୍ବାୟାଁ ତିରିମ୍ବୁପ୍‌ହେସି, ୧୩ ଅଡେ ଏଝାସି ଏଝାରାଇଁ ଏଲେଇଚେସି, ମାହାପୁରୁ ଦାମ୍‌ପତିତା ରାସ୍‌କି ଆହାମାନେ, “ନା ଇଲୁ ପ୍ରାତାନା ଇଲୁ ଇଞ୍ଜିଁ ଝେଜିନେ, ସାମା ମୀରୁ ଏଦାଆଁ ତଂଗାୟାଁ ପାସ୍ତୁ ମ୍ବୁପ୍‌ହା ମାଞ୍ଜେରି ।”

୧୪ ଇଞ୍ଜା ମାହାପୁରୁ ଇଲୁତା କାଶାୟାଁ, ସଟାୟାଁ ତାନି ତାଶା ଝାଡେରି ଇଞ୍ଜା ଏଝାରାଇଁ ନେହିଁ କିତେସି । ୧୫ ସାମା କାଜା ପୂଜେରାଙ୍ଗା ଅଡେ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡେ “ମାହାପୁରୁ ଇଲୁତା ହସାନା ଦାସ୍ତଦ ମୀରଏସି” ଇଞ୍ଜିଁ କାଜା ଗିୟାଁତଲେ କକାରି ଜଲିମାନାଣି ଝେଞ୍ଜାନା କପା ଆଡେରି । ୧୬ ଏଝାରି ଜୀସୁଇଁ ଝେଚେରି, “ଇଝାରି ଏନାଆଁ ଇଞ୍ଜିଁ ମାନେରି, ନୀନୁ ଏଦାଆଁ ଝେଞ୍ଜିମାଞ୍ଜି ?”

ଜୀସୁ ଏଝାରାଇଁ ଏଲେଇଚେସି, “ହାଅ, ଝେଞ୍ଜିମାଇଁ, ମୀରୁ କକାରି ଇଞ୍ଜା ପାଲୁ ଗହନରାଇଁ ନିଜ୍‌ ଜହରା ପାରୁ ପାଟାଲି ଜାପ୍‌ହାମାଞ୍ଜି, ଦାମ୍‌ ପତିତି ଇ କାତାତି ମୀରୁ ଏଚେଲା ପଡ଼ିଁ ଆହାହିଲଅଡେରି ?”

୧୭ ଅଡେ ଏଝାସି ଏଝାରାଇଁ ପିସାନା ଗାଡ଼ାଟି ହଟାନା ବେତନିୟାଁତା ହାଜାନା ଏମ୍ବାଆଁ ଲାଆୟାଁ ଡ଼ୟିତେସି ।

#### ଜୀସୁ ତୟା ମାର୍‌ନୁଇଁ ବାକା ଇଚିନାୟି (ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଝେଶ୍ଟା ହାଜିମାଟାଟି ହାକି ଆଡେସି, ୧୯ ଅଡେ ଜିରୁ ଦାରିତା ର ତୟା ମାର୍‌ନୁ ମେସାନା ଦାରିତା ହାଚେସି, ଇଞ୍ଜା ଝାରୁଇ ଆକା ପିସ୍‌ପେ ଏମ୍ବାଆଁ ଏନାଆଁ ମେହ୍‌ଆଡେସି ଇଞ୍ଜା ଏଦାନି ବାକା ଇଟାନା ଏଲେଇଚେସି, “ନୀ ତାଶା ଏଚେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାର୍‌ନୁ ଝାୟାହାଚେ ।

☆ ୨୧:୨୧ ୨୧:୨୧ ମାତୃ ୧୭:୨୦; ୧କର ୧୩:୨

୨୦ ସୀସୁୟା ଏଦାଆଁ ମେସାନା କାବାଆହାନା ଏଲେଇଚେସି, “ତୟା ମାର୍‌ନୁ ଏନିକ୍ ଏ ଦେବୁଣିଏ ଖାୟା ହାଚେ ।”

୨୧ \*ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ନାନୁ ମାଚିହ୍, ଅଡେ ମୀରୁ ଆନାମାନା ଆଆନା, ଇ ତୟା ମାର୍‌ନୁତି ଏନି କିଝିଆହାମାନେ, ଏଲେକିହ୍ ଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନୀନୁ ନିଙ୍ଗାନା ସାମ୍‌ଦୁରିତା ତରଗାମ୍’ ଇଞ୍ଜେରି, ଆତିହ୍ ଏଦି ଆବେନ । ୨୨ ଇଞ୍ଜା ନାନୁତଲେ ପ୍ରାତାନାତା ଏନାଆଁ ରୀହ୍‌ଦେରି ଏ ବାରେ ମିଙ୍ଗେ ମେଡାଆୟାନେ ।”

**ଜୀସୁତି ଅଦିକାରା**

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡାନା ଜାପ୍‌ହି ମାଚାଟି, କାଜା ପୁଜେରାଙ୍ଗା ଅଡେ ଲକୁତି କାଜାରି ଏଝାଣି ତାଣା ଖାହାନା ଖେଚେରି, “ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ବାଆସି ହିୟାଚେସି ?”

୨୪ ଜୀସୁ ଏଝାରାଇଁ ଏଲେଇଚେସି, “ନାନୁ ଜିକେଏ ମିଙ୍ଗେ ର. କାତା ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ ଖେସ୍ତାତିହ୍, ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଇଁ, ନାନୁ ଜିକେଏ ମିଙ୍ଗେ ଖେସ୍ତାଇଁ । ୨୫ ଜହନ ବାପ୍‌ସ୍ତୁ\* ହୀହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଣାଟି ?”

ଏଚେଟିଏ ଏଝାରି ତାମ୍ବୁ ତାମ୍ବୁସୁ ଜଲୁକି ଆଡେରି, “ମାହାପୁରୁ ତାଣାଟି ଇଞ୍ଜି ଖେସ୍ତାହ୍, ଏଝାସି ମାଙ୍ଗେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଝାଣାଇଁ ନାମାଆଚେରି ?’ ୨୬ ସାମା ମାଣ୍‌ସିୟା ତାଣାଟି ଇନାୟି, ଲକୁତାକି ଆଜି, ଇଚିହ୍ ବାରେ ଲକୁ ଜହନଇଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନାସି ଇଞ୍ଜିହ୍ ମାନ୍‌ଡି ଆହିମାନେରି ।” ୨୭ ଏଦାଆଁତାକି ଏଝାରି ଜୀସୁଇଁ ଏଲେଇଚେରି, “ମାମ୍‌ସୁଞ୍ଜାହିଲଅମି ।”

ଏଝାସି ଜିକେଏ ଏଝାରାଇଁ ଏଲେଇଚେସି, “ଆତିହ୍ ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏଦାଆଁ ନାନୁ ଜିକେଏ ମିଙ୍ଗେ ଖେସ୍ତାଆଁ ।”

**ରୀ ମୀରୁକାତି ପୁଣ୍ଡିକିନି କାତା**

୨୮ ମୀରୁ ଏନାଆଁ ଅଣ୍‌ପିମାଞ୍ଜେରି ? ରଅଣାକି ରୀ ମୀରୁକା ମାଚେରି, ଏଝାସି କାଜା ମୀରୁଏଣି ତାଣା ଖାହାନା ଏଲେଇଚେସି, “ମୀରୁଏଣା ନୀଞ୍ଜୁ ଅଞ୍ଜୁରି ବାଡାତା ହାଜାନା କାମା କିମ୍ ।” ୨୯ ଏଝାସି ଏଲେଇଚେସି, “ନାଙ୍ଗେ କାମା କିହାଲି ମନ୍ ହିଲେଏ” ସାମା ତାୟୁ ଏଝାସି ଅଣ୍‌ପାନା କାମା

କିହାଲି ହାଚେସି । ୩୦ ଇଞ୍ଜା ଉଣା ମୀରୁଏଣା ତାଣା ଖାହାନା ଏଲେଇଞ୍ଜି ଖେସ୍ତେସି, ଏଝାସି ଏଲେଇଚେସି, “ହାଅ ଆବା ନାନୁ ହାଜିମାଇଁ, ସାମା ଏଝାସି ହାଲାଆଚେସି । ୩୧ ଇ ରିଆରି ବିତ୍ରାଟି ଆମ୍ବାଆସି ଆବା ମନ୍ ଲେହେଁ କିଚେସି ?”

ଏଝାରି ଏଲେଇଚେରି “କାଜାସି ।”

ଜୀସୁ ଏଝାରାଇଁ ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ସିସୁ ରୀହ୍‌ନାରି ଇଞ୍ଜା ଦାରେଣିସିକା ମୀ ନକେଏ ମାହାପୁରୁ ରାଜିତା ହଡନ୍ତୁ । ୩୨ \*ବାପ୍‌ସ୍ତୁ† ହୀନି ଜହନ ଖାହାନା ମୀ ତାଣା ଦାମ୍‌ପୁତି ଜିରୁ ତସ୍ତାଚେସି, ଅଡେ ମୀରୁ ଏଝାଣାଇଁ ନାମାଆଚେରି, ସାମା ସିସୁ ରୀହ୍‌ନାରି ଇଞ୍ଜା ଦାରେଣିସିକା ଏଝାଣାଇଁ ନାମିତୁ, ସାମା ମୀରୁ ଏନିକ୍ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟା ବାଦଲି କିଆଚେରି ।

**ଅଞ୍ଜୁରି ବାଡାତା କାମାକିନାରି ପୁଣ୍ଡିକିନି କାତା**

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡେ ର. ପୁଣ୍ଡିକିନି କାତା ଖେଞ୍ଜୁ, ର. ବୁମି ଗାଟାସି ମାଚେସି, ଏଝାସି ର. ଅଞ୍ଜୁରି ବାଡା କିହାନା ସାରିଝାକି ବେୟ୍ ଗୁରୁଚେସି, ଇଞ୍ଜା ଅଞ୍ଜୁରି ପାଡେୟି ପୀଚାଲି ର. ଗାଡୁୟୁ କାରୁହାନା ର. ଗାଣା ହଲୁଲେହେଁ କିଚେସି, ଇଞ୍ଜା କାଃଆନି ଇଲୁ କେପାନା କାମା କିନାରାକି ଏ. ବାଡାତି ବାଗା ହୀହାନା ହେକ ଦେସାତା ହାଚେସି । ୩୪ ତାୟୁ ପାଡେୟି କାମ୍‌ବି ବେଲା ଆୟାଲିଏ, ଏଝାସି ତାନି ପାଡେୟି ବାଗା ବେଟାଆହାଲି, ବାଡାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିଚେସି । ୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାଇଁ ଖେଚେରି ଇଞ୍ଜା ଅର ରଅଣାଇଁ ପାୟିଚେରି, ଅଡେ ରଅଣାଇଁ ଖାଲୁକା ଖେଚାନା ପାୟି କୁତାତୁସ୍ତେରି । ୩୬ ଅଡେ ଏଝାସି ତଲିତି କିହା ହାରେକା ଜାଣା ହଲିୟାଙ୍ଗାଣି ପାଣ୍ଡିଚେସି, ଅଡେ ଏଝାରି ଏଝାରାଇଁ ଜିକେଏ ଏଲେକିଚେରି । ୩୭ ସାମା ନା ମୀରୁଏଣାଇଁ ଏଝାରି ମାନି କିନେରି ଇଞ୍ଜି ଅଣ୍‌ପାନା, ଏଝାସି ତାୟୁ ତାନି ମୀରୁଏଣାଇଁ ଏଝାରିତାଣା ପାଣ୍ଡିଚେସି । ୩୮ ସାମା ଏ କାମାକିନାରି ମୀରୁଏଣାଇଁ ମେସାନା ତାମ୍‌ସୁ ତାମ୍‌ସୁ ଖେସ୍‌ପି ଆଚେରି, ଇଝାସିତ ବାଡାତି ଅଦିକାରା ଗାଟାସି; ଖାତୁ ଇଝାଣାଇଁ ପାୟାନା ଅଞ୍ଜୁରି ବାଡାତି ଅଦିକାରା କିହାକଡିନ । ୩୯ ଇଞ୍ଜା ଏଝାରି ଏଝାଣାଇଁ ଅଞ୍ଜୁରି ବାଡା ଆତାଲା ମେଡହାନା ପାୟିଚେରି ।

୪୦ ଜୀସୁ ଏଝାରାଇଁ ଖେଚେସି, “ଇଚିହ୍ ଏଚିବେଲା ଏ ଅଞ୍ଜୁରି ବାଡାତି ସାଝୁକାରି ଖାନ୍ଦେସି, ଏଚିବେଲା ଏ କାମା କିନାରାଇଁ ଏନାଆଁ କିନେସି ।”

୪୧ ଏଝାରି ଏଝାଣାଇଁ ଏଲେଇଚେରି, “ଏ ଲାଗେଏ ପଲେଏତି କାମା କିନାରାଇଁ କସ୍ତୁ ହୀହ୍”

\* ୨୧:୨୫ ୨୧:୨୫ ମୁଞ୍ଜିନାୟି    † ୨୧:୩୨ ୨୧:୩୨ ଲୁକ ୩:୧୨; ୭:୨୯, ୩୦    † ୨୧:୩୨ ୨୧:୩୨ ମୁଞ୍ଜିନାୟି

ପାୟିନେସି, ଇଞ୍ଜା ଏଝାଣାକି କାମ୍ବିନିସାରି ବାଗା ହାନି ଏଟକାତି କାମା କିନାରାକି ଅଜୁରି ବାଡ଼ାତି ହେରପିନେସି ।”

୪୭ ଜାସୁ ଏଝାରାଈଁ ଏଲେଇଚେସି, “ମୀରୁ ଦାମ୍ବୁ ପତିତି ଈ କାତା ଏଚେଲାଝା ପଡ଼ଝି ଆହାହିଲଅଡେରି କି ?”

ଇଲୁ ଦହନାରି ଆମିନି ଝାଲିତି ମିଶ୍ୱ ଇଞ୍ଜୁଁ କୁଡେରି,

ଏଦିଏ ଇଲୁ କନତି ମୁଲୁ ଝାଲି ଆଡେ;  
ମାହାପୁରୁ ତାଣାଟି ଇଦି ଆଡେ,

ଇଞ୍ଜା ଏଦି ମା କାନୁତାକି କାବା ଆନାୟି ।

୪୮ “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁତି ରାକ୍ତି ମୀ ତାଣାଟି ମୀଞ୍ଜା ଅଝିଆଡେନ, ଇଞ୍ଜା ଆମିନି ଜାଡିତି ଲକୁ ନେହଁ ପାଡେୟି କାମ୍ବି କିନେରି ଏଝାରାକି ହାନେସି । ୪୪ ଅଡେ ଆମ୍ବାଆସି ଈ ଝାଲି ଲାକ ରିନେସି ଏଝାସି କାଣ୍ଡାମୁକା ଆନେସି, ଇଞ୍ଜା ଈ ଝାଲି ଆମ୍ବାଆରି ଲାକ ରିନେ ଏଦି ଏଝାଣାଇଁ ନାସାକିନେ ।”

୪୫ କାଜା ପୁଜେରାଞ୍ଜା ଅଡେ ପାରୁସିୟାଁ ଇଝାଣି ଈ ବାରେ ପୁଣ୍ଡିକିନି କାତା ଝେଞ୍ଜାନା, ଏଝାସି ଏଝାରି କାତା ଝେସିମାନେସି ଇଞ୍ଜୁଁ ପୁଚେରି, ୪୬ ଇଞ୍ଜା ଏଝାରି ଏଝାଣାଇଁ ଆସାଲି ଅଣପିମାଚେରି, ସାମା ଲକୁଇଁ ଆଜିଡେରି, ଏନାଆଁତାକି ଇଚିହଁ ଏଝାଣାଇଁ ର ମାହାପୁରୁ ଅଣପୁତି ବଲୁ ଝେହନାସି ଇଞ୍ଜୁଁ ମାନି କିହିମାଚେରି ।

### ୨୨

ବୀହା ବଜିତି ପୁଣ୍ଡିକିନି କାତା

(ଲୁକ ୧୪:୧୫-୨୪)

୧ ଅଡେ ଝେଣ୍ଡେ ଜୀସୁ ପୁଣ୍ଡିକିନି କାତାତଲେ ଏଲେଇଚେସି, ୨ ଲାକପୁରୁତି ରାକ୍ତି ଇଲେତାୟି, ର ରାଜା ଲେହେଁ, ଏଝାସି ତାନି ମୀରୁଏଣା ବୀହା ବଜି କିଡେସି, ୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି ବଜିତା ଝାଡପେରିଝା ଇଞ୍ଜୁଁ ତାନି ହଲିୟାଞାଣି ପାଣ୍ଡିଡେସି, ସାମା ଏଝାରି ଝାହାଲି ମନୁ କିଆଡେରି । ୪ ଅଡେ ଝେଣ୍ଡେ ଏଟକାତି ହଲିୟାଞାଣି ପାଣ୍ଡାନା ଏଲେଇଚେସି, ହାଟି କିହାମାନି ଲକୁଣି ଝେହଦୁ, ମେହଦୁ ନାନୁ ନା ବଜି ଝାଜା ମାଇଁ, ଆଞ୍ଜା ଆଡି କଡିୟାଁ ପାୟୁଝି ଆହାମାନୁ, ବାରେ ରାନ୍ଦା ଆଡେୟିଏ, ମୀରୁ ବୀହା ବଜିତା ଝାଦୁ । ୫ ସାମା ଏଝାରି ଏଦାଆଁ ଅଣପାଆନା ଆମ୍ବାଆରି ତାନି ତାସା କାମାତା ହାଚେରି, ଇଞ୍ଜା ଆମ୍ବା ଆମ୍ବାଆରି ତାନି ବେବାରା କିୟାଲି ହାଚେରି, ୬ ଅଡେ ଏଚରଜାଣା ଲକୁ ତାନି ହଲିୟାଞାଣି ଆସାନା ପାୟିଡେରି । ୭ ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ ପାୟିତାରାଇଁ ପାୟି କିଡେସି ଇଞ୍ଜା ଏଝାରି ନାସକା ମ୍ବେକହା ତୁସ୍ତେରି । ୮ ଏମ୍ବାଟିଏ

ଏଝାସି ତାନି ହଲିୟାଞାଣି ଏଲେଇଚେସି, ବୀହା ବଜି ଆହାମାନେ, ସାମା ହାଟକି ଆହାମାନି ଲକୁ ପାଡ଼ା ଆଆତାରି, ୯ ଏଦାଆଁତାକି ନୀର୍ବ ମୀରୁ ଗାଡ଼ାତି କାଜା ତାଣ୍ଡେଣାଁ ହାଜାନା, ଏଚରଜାଣାତି ମେହଦେରି, ଏଝାରାଇଁ ବୀହା ବଜିତା ହାଟା ତାଦୁ । ୧୦ ଏମ୍ବାଟିଏ ଏ ହଲିୟାଞା କାଜା ତାଣ୍ଡେଣାଁ ହାଜାନା ଲାଗେଏ ପଲେଏତାରାଇଁ ଇଞ୍ଜା ଏଚେକା ନେହାଁରାଇଁ ମେସ୍ତେରି, ଏ ବାରେଡି ରୁଣ୍ଡି କିହାନା ବୀହା ଇଲୁତା ତାଡେରି, ଇଞ୍ଜା ଝାହାମାନି ଲକୁ ବୀହା ଇଲୁତା ନେଞ୍ଜିଡେରି ।

୧୧ ସାମା ରାଜା ବୀହା ବଜିତା ଝାହାମାନି ଲକୁଣି ସିନିକିହାଲି ବିତ୍ରା ଝାହାନା ଏମ୍ବାଆଁ ବୀହା ହିମ୍ବୁରି ହୁତାଆନା କୁଗାମାନି ରଅଣାଇଁ ମେସାନା ଏଝାଣାଇଁ ଏଲେଇଚେସି, ୧୨ ଏ ତଣେ, ନୀରୁ ବୀହା ହିମ୍ବୁରି ହୁତାଆନା ଏନିକିଁ ଇମ୍ବାଆଁ ଝାଡି ? ସାମା ଏଝାସି ଏନି ହାଡ଼ା ଆଆନା ତୁୟିଡେସି । ୧୩ ଏମ୍ବାଟିଏ ରାଜା ଏମ୍ବାଆଁ ହଲିୟାଞାଈଁ ଏଲେଇଚେସି, ଇଝାଣି କେସ୍ତା କଡାୟାଁ ଦସାନା ପାଞ୍ଜାତି ଆନ୍ଦେରିତା ମେଡହା ତୁହଦୁ, ଏମ୍ବାଆଁ ତୁହଁ ପାଲକା ଟୀଟି କିନେସି ।

୧୪ ଇଚିହଁ ହାଟକି ଆଡି ଲକୁ ହାରେକା ଜାଣା ସାମା ଆଡିତି ଲକୁ ହାରେକା ଉଣା ଜାଣା ।

### ସିସୁ ହାନାଣି ଝେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏଚିବେଲା ପାରୁସିୟାଁ ହାଜାନା ଜୀସୁଇଁ ତାନି ଝେସ୍ତି କାତାଟି ଦହ ଦସାଲି ପାରୁ ପାରାଡେରି । ୧୬ ଇଞ୍ଜା ଏଝାରି ହେରଦ ଗତି ବିତ୍ରାଟି ଏଚେକା ଲକୁତଲେ ତାନି ସୀସୁୟାଁଇଁ ଜୀସୁ ତାଣା ଝେସା ପାଣ୍ଡିଡେରି, “ଏ ଗୁରୁ ମାମ୍ବୁ ପୁଞ୍ଜାମାନମି ନୀରୁ ସାତା ଝେହନାତି ଇଞ୍ଜା ସାତା କିହଁ ମାହାପୁରୁତି ଜିରୁ ଜାପୁନାତି, ଇଞ୍ଜା ଆମ୍ବାଆରାଇଁ ଆଜଅଡି ଅଡେ ଆମ୍ବାଆରି ପାରଡ଼ା ବାଟିକିହଁ ଜଲିନାତି ଆଏ । ୧୭ ଇଦାଆଁତାକି ନୀରୁ ମାଙ୍ଗେ ଝେସ୍ତାମ୍ବୁ, ନୀ ଅଣପୁତା ଏନାୟି ମାନେ ? କାୟିସରକି ସିସୁ ହାନାୟି ମେରା କି ଆଏ ?”

୧୮ ସାମା ଜୀସୁ ଏଝାରି କାରବି ପୁଞ୍ଜାନା ଏଲେଇଚେସି, “ଆଡେ କୁଚୁ ଗାଟାଡେରି ନାଙ୍ଗେ ଏନାଆଁତାକି ତାୟିପାରି କିହିମାଞ୍ଜାଦେରି ? ୧୯ ଏ ସିସୁ ହାନି ଟାକା ନାଙ୍ଗେ ହିୟାଦୁ ।” ଏମ୍ବାଟିଏ ଏଝାଣି ତାଣା ର ଟାକା ଆଦଲି ହାଡେରି । ୨୦ ଜୀସୁ ଏଝାରାଇଁ ଝେଚେସି, “ଇ ଆଦଲି ଲାକ ଆମ୍ବାଆରି ଦରୁ ଅଡେ ତାୟିଁ ବମା ମାନେ ?” ୨୧ ଏଝାରି ଏଲେଇଚେରି, “କାୟିସରଝାୟି ।”

ଜୀସୁ ଏଝାରାଇଁ ଏଲେଇଚେସି, “ଆଡିହଁ ଆମିନାୟି କାୟିସରଝାୟି ଏଦାଆଁ କାୟିସରକି

☆ ୨୨:୧୩ ୨୨:୧୩ ମାତି ୮:୧୨; ୨୫:୩୦; ଲୁକ ୧୩:୨୮

ହୀନୁ, ଅଡ଼େ ଆମିନାୟି ମାହାପୁରୁଖାୟି ଏଦାଆଁ ମାହାପୁରୁକି ହୀନୁ ।”

୨୨ ଏଞ୍ଜାରି ଏଦାଆଁ ଝେଞ୍ଜାନା କାବାଆହାନା ଏଞ୍ଜାଣାଇଁ ପିସାଁ ହାଜାତୁସ୍ତେରି ।

**ହାକିଟି ଝେଣ୍ଡେ ନିଜିନି କାତା**  
(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ \*ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣା ଝାହାନା ଝେଚେରି । ୨୪ “ଏ ଗୁରୁ ମସା ଝେସାମାଞ୍ଜାନେସି, ରଅସି ପଦି ପଦା ଆଆନା ହାଡ଼ିହଁ ତାନି ତାୟି ତାନି ତକ୍ତିନି ଇଚାନା ଏ ହାଡ଼ାଣି କୂଡ଼ା ଏପାକିନେସି । ୨୫ ମେହ୍ମୁ ମା ତାଣା ସାଡ଼ା ଜାଣା ତାୟିୟାଁ ମାଚେରି; ତଲି ମୁଲୁ ତାସି ବୀହା ଆହାନା ହାହାହାଚେସି, ଇଞ୍ଜାଁ କକାରି ପଦାୟାଁ ହିଲାଆତାକି ଏଞ୍ଜାସି ତାନି ତକ୍ତିନି ତାନି ତାୟିକି ପିସାହାଚେସି; ୨୬ ଏଞ୍ଜାଣି ଜେଚତାସି ଅଡ଼େ ଏଞ୍ଜାଣି ଜେଚତାସି ଏଲେକିହଁ ସାଡ଼ା ଜାଣା ଜିକେଏ ହାଡ଼େରି । ୨୭ ବାରେଡି ତାୟି ଏ ଇୟାଟି ଜିକେଏ ହାଡ଼େ । ୨୮ ଆଡ଼ିହଁ ଝେଣ୍ଡେ ନିଜିନାଟି ଏ ସାଡ଼ା ଜାଣା ବିତ୍ତା ଆମ୍ବାଆରି ତକ୍ତି ଆନେ? ଇଡ଼ିହଁ ବାରେଜାଣା ଏଦାନି ବୀହା ଆହାମାଚେରି ।”

୨୯ ଜୀସୁ ଏଞ୍ଜାଣାଇଁ ଏଲେଇଚେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୁୟି ପୁନାଆନା ନାଡ଼ି ଆହିମାଞ୍ଜେରି । ୩୦ ଇଡ଼ିହଁ ହାହାନା ଝେଣ୍ଡେ ନିଜିସାରେ ଲକୁ ବୀହା ଆଅରି, କି ବୀହା ହୀଅରି, ସାମା ଲାକପୁରୁତି ଦୂଡ଼ୁୟାଲେହେଁ ଆନେରି । ୩୧ ସାମା ହାଡ଼ାରି ଝେଣ୍ଡେ ନିଜିନି କାତା ମାହାପୁରୁ ମିଙ୍ଗେ ଏନାଆଁ ଝେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅଚେରି ? ୩୨ ନାନୁ ଅଦ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁଚେସି, ଏଞ୍ଜାସି ହାଡ଼ି ଲକୁତି ମାହାପୁରୁ ଆଏ ସାମା ଜାଞ୍ଜୁଗାଟାରି ମାହାପୁରୁ ।”

୩୩ ଲକୁ ବାରେ ଏଞ୍ଜାଣି ଜାପ୍ନାଣି ଝେଞ୍ଜାନା କାବା ଆହାହାଚେରି ।

**କାଜା ହୁକୁମି**  
(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁଙ୍କ ସାଦୁକିୟାଁ ଝେଣ୍ଡେ ଝେସାଲି ଆଡ଼ି ହିଲଅରି ଇଞ୍ଜାଁ ପୁଞ୍ଜାନା ପାରୁସିୟାଁ ବିତ୍ତାଟି ରୁଣ୍ଡା ଆଚେରି, ୩୫ ଅଡ଼େ ଏଞ୍ଜାରି ବିତ୍ତାଟି ମେରା ପୁନାସି ରଅସି ଜୀସୁଙ୍କ ତାୟିପାରିକିହଁ ଝେଚେସି, ୩୬ “ଗୁରୁ ବାରେ ହୁକୁମିକା ବିତ୍ତାଟି ଆମିନି ହୁକୁମି କାଜାୟି?”

୩୭ ଜୀସୁ ଏଞ୍ଜାଣାଇଁ ଏଲେଇଚେସି, ନୀନୁ ନୀ ବାରେ ହିୟାଁ, ନୀ ବାରେ ଜୀସୁ ବାରେ ଅଣ୍ଡପୁ ତଲେ ପ୍ରବୁ ନୀ ମାହାପୁରୁଙ୍କ ଜୀସୁ ନମ୍ବୁ । ୩୮ ଇଦିଏ ବାରେ

ହୁକୁମିକା କିହଁ କାଜାୟି ଇଞ୍ଜାଁ ତଲିତି ହୁକୁମି । ୩୯ ଏଦାଣି ଜେଚତି ହୁକୁମି ଜିକେଏ ଏଲେକିହଁ ଏ, ନୀନୁ ନୀ ପାଡ଼ିତି ଲକୁଣି ନୀ ଜୀସୁତି ଜୀସୁ ନହଁ କଡ଼ିନି ଲେହେଁ ଜୀସୁ ନମ୍ବୁ । ୪୦ \*ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହ୍ନାରି କାତା ମାଞ୍ଜାମାନେ ।

**କ୍ରୀସୁ ଆମ୍ବାଆସି**  
(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଟାଟି ଜୀସୁ ଏଞ୍ଜାଣାଇଁ ଝେଚେସି, ୪୨ “କ୍ରୀସୁଙ୍କ ମୀରୁ ଆମ୍ବାଆସି ଇଞ୍ଜାଁ ମୀରୁ ଅଣ୍ଡପିମାଞ୍ଜେରି ? ଏଞ୍ଜାସି ଆମ୍ବାଆରି ମୀରୁଏସି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି “ଦାଞ୍ଜୁଦ ମୀରୁଏସି ।”

୪୩ ଜୀସୁ ଏଞ୍ଜାଣାଇଁ ଏଲେଇଚେସି, “ଆଡ଼ିହଁ ଦାଞ୍ଜୁଦ ଏନିକଁ ସୁଦୁଜୀସୁ ତଲେ ଏଞ୍ଜାଣାଇଁ ପ୍ରବୁ ଇଞ୍ଜାଁ ମାଚେସି ?” ଦାଞ୍ଜୁଦ ଏଲେଇଚେସି,

୪୪ “ପ୍ରବୁ ନା ପ୍ରବୁଙ୍କ ଝେସ୍ତେସି, ନାନୁ ନୀ ସାଡ଼ୁୟାଁଣି ନୀ କଡ଼ାୟାଁ ତୁଇ ଇଚାଆ ପାଡ଼େକା ନା ଚିଃନି ଚଚତା କୁଗାମାନାମୁ ।

୪୫ ଇଡ଼ିହଁ ଦାଞ୍ଜୁଦ ତାନ୍ତୁଏ ଏଞ୍ଜାଣାଇଁ ପ୍ରବୁ ଇଡ଼ିହଁ, କ୍ରୀସୁ ଏନିକଁ ଦାଞ୍ଜୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାଇଁ ଝେଣ୍ଡେ ଝେସାଲି ଆଡ଼ାଆଚେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜୀସୁଙ୍କ ଏନି କାତା ଝେଞ୍ଜାଲି ସାସା କିଆଚେରି ।

**୨୩**

**ମେରାପୁନାରି ଇଞ୍ଜାଁ ପାରୁସିୟାଁ ତାଣାଟି ଜାଗ୍ରାତା ଆନାୟି**

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଚିବେଲାତା ଜୀସୁ ବାରେ ଲକୁଙ୍କ ଇଞ୍ଜାଁ ତାନି ସୀସୁୟାଁଙ୍କ ଏଲେଇଚେସି, ୨ ମେରାପୁନାରି ଅଡ଼େ ପାରୁସିୟାଁ ମସାତି ମେରା ଜାପ୍ନାଲି ପାଣା ବେଟାଆହାମାନେରି । ୩ ଏଦାଆଁତାକି ଏଞ୍ଜାରି ମିଙ୍ଗେ ଏନାଆଁ ଝେସ୍ତାଡ଼ିହଁ ଏଦାଆଁ ମାନୁଡ଼ି ଆଦୁ, ଅଡ଼େ ଏଞ୍ଜାରି ଝେସିଲେହେଁ କିଦୁ, ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇଡ଼ିହଁ ଏଞ୍ଜାରି ଏନାଆଁ କିନାୟିମାନେ ଇଞ୍ଜାଁ ଝେହ୍ନେରି ସାମା ଏଞ୍ଜାରି କିଅରି । ୪ ଏଞ୍ଜାରି ବଜୁଗାଟି କାସକା ଦସାନା ଲକୁ ବମିତା ଏକନେରି ସାମା ତାମ୍ବୁ ତାନି ର ଝାଞ୍ଜୁ ତଲେ ଜିକେଏ ପେରହାଲି ମନ କିଅରି । ୫ \*ଏଞ୍ଜାରି ଲକୁଣି ତସାଲି ତାନି କିନି କାମା ବାରେ କିନେରି, ଇଡ଼ିହଁ ଏଞ୍ଜାରି ପାଟାୟାଁଣା ଦାମ୍ବୁ ପଡ଼ିତି କାତା

☆ ୨୨:୨୩ ୨୨:୨୩ କାମା ୨୩:୮ ☆ ୨୨:୪୦ ୨୨:୪୦ ଲୁକ ୧୦:୨୫-୨୮ ☆ ୨୩:୫ ୨୩:୫ ମାତି ୬:୧

ରାଜାମା ମପା ଅଡ଼େ ମୁଞ୍ଚୁତା ଦସା କଡ଼ିନେରି, ଇଞ୍ଜା ତାମି ହିମ୍ବରକାତି ପୁରଡ଼େୟା କାଜା କାଜାଆଁ କିନେରି, ୭ ଅଡ଼େ ବଜିତା ନେହଁ ଚାନ୍ନୁ ଇଞ୍ଜା ଜୀହୁଦି ଲକ୍ଷୁତି କୁଟମି ଇଲୁତା\* ନେହଁ କାଜା ଚାନ୍ନୁ ପାରିନେରି, ୮ ଇଞ୍ଜା ହାଟା ବାଜାରାତା ଜହରା ବେଟାଆହାଲି ଅଡ଼େ ଲକ୍ଷୁ ତାଣାଟି ଗୁରୁ ଇଞ୍ଜା ମାନି ବେଟାଆହାଲି ନେହାୟି ଇଞ୍ଜା ଅଣ୍ପିନେରି । ୮ ସାମା ମୀରୁ ଗୁରୁ ଇଞ୍ଜା ମାନି ବେଟାଆହାଲି ଅଣ୍ପିପାଆଦୁ, ଇତିହଁ ମୀ ଗୁରୁ ରଅସି ମାନେସି, ଇଞ୍ଜା ମୀରୁ ବାରେତାୟି ତାୟିୟାତେରି । ୯ ଅଡ଼େ ଦାରତିତା ଆମ୍ବାଆରାଲ୍ ଜିକେଏ ଆବା ଇଞ୍ଜା ମାନି କିଆଦୁ, ଇତିହଁ ମୀ ଆବା ରଅସିଏ ଲାକପୁରୁ ମାନେସି । ୧୦ ଅଡ଼େ ମୀରୁ ସାଲ୍ଡି କିନାତମି ଇଞ୍ଜା ମାନି ପ୍ଲାଃଆଦୁ, ଇତିହଁ ମିଜେ ସାଲ୍ଡି କିୟାନାସି ରଅସିଏ ଏଞ୍ଜାସି କ୍ରୀସ୍ତ । ୧୧ \*ସାମା ମୀ ବିତ୍ରା ଆମ୍ବାଆସି କାଜାସି ଏଞ୍ଜାସି ମୀ ସେବା କିନାସି ଆନେସି । ୧୨ \*ଅଡ଼େ ଆମ୍ବାଆସି ତାଜେ କାଜାତେଏ ଇଞ୍ଜା ଇଞ୍ଜା କଡ଼ିନେସି, ଏଞ୍ଜାଣାଲ୍ ଉଣା କିଞ୍ଜିଆନେ, ଇଞ୍ଜା ଆମ୍ବାଆସି ତାଜେ ଉଣା କିହାକଡ଼ିନେସି, ଏଞ୍ଜାଣାଲ୍ କାଜାସି କିଞ୍ଜିଆନେ ।

**ପାରୁସିୟା ଅଡ଼େ ମେରା ପୁନାରାଲ୍ ଦହ ଦହନାୟି**

(ମାର୍କ ୧୨:୪୦; ଲୁକ ୧୧:୩୯-୪୨,୪୪,୪୬; ୨୦:୪୭)

୧୩ ଆୟତା ତଣ୍ଡ ପାଣ୍ଡି କୁଟୁଗାଟି ପାରୁସିୟା ଅଡ଼େ ମେରା ପୁନାତେରି, ଇତିହଁ ମୀରୁ ଲକ୍ଷୁତାକି ଲାକପୁରୁ ରାଜିତି ଦାରା ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡ଼ି ହିଲଅତେରି, ଇଞ୍ଜା ହଡ଼ାଲି ମନ୍ ଗାଟି ଲକ୍ଷୁଣି ଜିକେଏ ହଡ଼ାଲି ହାହି ହିଲଅତେରି । ୧୪ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଅଡ଼େ ପାରୁସିୟାତେରି, ଇତିହଁ ମୀରୁ ଉଜେ ଉଜେଏ ଲାମ୍ବା ପ୍ରାତାନା କିହାନା ରାଣ୍ଡେଣିସିକା ଇଲକା ସେସିନାତେରି; ଏଦାଆଁତାକି ମୀରୁ ହାରେକା ତଣ୍ଡ ବେଟାଆଦେରି ।

୧୫ ଆୟତା ତଣ୍ଡ ପାଣ୍ଡି କୁଟୁଗାଟି ପାରୁସିୟା ଅଡ଼େ ମେରା ପୁନାତେରି, ଇତିହଁ ମୀରୁ ରଅଣାଲ୍ ଜୀହୁଦି ଦାମ୍ବୁତା ଆଟହାଲି ସାମ୍ବୁରି ଆତାଲା ଗାଣ୍ଡିଚାନା ଦେସା ରେଜେରି, ଇଞ୍ଜା ଏଟିବେଲା ଏଞ୍ଜାସି ଆଣ୍ଡାନେସି, ଏଟିବେଲାତା ମୀରୁ ଏଞ୍ଜାଣାଲ୍ ମୀ କିହାଁ ହାରେକା ଆଗାତା ନର୍ଜତା ମେଡ଼ପି ଆନାସି କିହାନା ଲାଗେଏ କିଦେରି ।

୧୬ ଆୟତା ତଣ୍ଡ ବେଟା ଆନାତେରି କାଣାୟାଲ୍ ଜିରୁ ତହନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାର୍ମାଣା କିତିହଁ ଏନାୟି ହିଲେଏ, ସାମା ଆମ୍ବାଆସି ଇଲୁତି

ବାଂଗାରାତି ପାର୍ମାଣା କିତିହଁ ଏଞ୍ଜାସି ପାର୍ମାଣା କିତିଲେହେଁ ତାପାଆନା କାମା କିନାୟିମାନେ । ୧୭ ଆଡ଼େ କାଣାୟା ଅଡ଼େ ରୁଦି ହିଲଆଗାଟାତେରି ବାଂଗାରା କିଏ ବାଂଗାରାତି ସୁଦୁ କିହାମାନି ଦେଝୁଡ଼ି, ଇ ରୀ ବିତ୍ରାଟି ଆମିନାୟି କାଜାୟି ? ୧୮ ଅଡ଼େ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାର୍ମାଣା କିତିହଁ ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାର୍ମାଣା କିତିହଁ, ପାର୍ମାଣା କିତିଲେହେଁ ତାପାଆନା କାମା କିନାୟିମାନେ । ୧୯ ଆଡ଼େ କାଣାୟାତେରି, ଦାନା କିଏ ଦାନାତି ସୁଦୁ କିହିମାନି ମାହାପୁରୁ ଇଲୁତି ପୂଜାପିଣ୍ଡା, ଇ ରୀ ବିତ୍ରାଟି ଆମିନାୟି କାଜାୟି ? ୨୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାର୍ମାଣା କିନେସି, ଏଞ୍ଜାସି ଏ ପିଣ୍ଡା ଅଡ଼େ ପିଣ୍ଡାତା ମାନି ଦାନାତି ପାର୍ମାଣା କିହିମାନେସି; ୨୧ ଅଡ଼େ ଆମ୍ବାଆସି ମାହାପୁରୁ ଇଲୁତି ପାର୍ମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜା ଏମ୍ବାଆଁ ବାସାଆହାମାନି ମାହାପୁରୁଲ୍ ପାର୍ମାଣା କିନେସି; ୨୨ \*ଅଡ଼େ ଆମ୍ବାଆସି ଲାକପୁରୁତି ପାର୍ମାଣା କିନେସି, ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜା ଏମ୍ବାଆଁ କୁଗାମାନି ମାହାପୁରୁଲ୍ ପାର୍ମାଣା କିନେସି ।

୨୩ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟା, ଇତିହଁ ମୀରୁ କୁମ୍ବୁ କୁଟା, ରାୟି, ଜିରା ଇନି ଉଣା ତାସା ବିତ୍ରାଟି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅଡ଼େ ମସା ମେରାତି କାଜା କାତାୟା ଇତିହଁ ସାତା ନୀହାୟି କିନାୟି, କାର୍ମା ତହନାୟି, ଇଞ୍ଜା ନାମ୍, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଞ୍ଜି ଆହାନା ଅଡ଼େ ଏ ବାରେ ପିହାୟି ମାନେ । ୨୪ ଆଡ଼େ କାଣାୟା ଜିରୁ ତହନାତେରି, ମୀରୁ ଖାହାଁତି ହାଣି କିଦେରି ସାମା ଉଚୁଲ୍ ଗୁହଦେରି ।

୨୫ “ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟାତେରି, ଇତିହଁ ମୀରୁ ଗିନା ଅଡ଼େ ସାଡ଼ଞ୍ଜାତି ପାଙ୍ଗାତା ନରୁହି ମାଞ୍ଜେରି, ସାମା ଏ ବିତ୍ରା ଜୁପକା ଆହାଁ ସରୁ କିତି ଆସ୍ତି ବାରେ ନେଞ୍ଜି କିହାମାଞ୍ଜେରି । ୨୬ ଆଡ଼େ କାଣ୍ଡା ମେହୁଆଗାଟି ପାରୁସିୟା, ନକେଏ ଗିନାତି ବିତ୍ରାତାଣି ନରୁଦୁ, ଏନିକଁ ପାଙ୍ଗାତା ଜିକେଏ ନରୁଞ୍ଜି ଆନେ ।”

୨୭ \*ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଇଞ୍ଜା ପାରୁସିୟା, ଏନାଆଁତାକି ଇତିହଁ ମୀରୁ ହୁନୁ ଉସପିତି ମାଡ଼ହା ମୁହନି ଚାନ୍ନୁଲେହେଁ ତାତେରି । ଏଡ଼ି ପାଙ୍ଗାତା ଅଜିକଁ ତଞ୍ଜାଆନେ, ସାମା ବିତ୍ରା ହାଡ଼ାରି ପେଣ୍ଡାକା ଇଞ୍ଜା ସୀର୍ତାୟି ନେଞ୍ଜାମାନେ; ୨୮ ଏଲେକିହଁଏ ମୀରୁ ଜିକେଏ

\* ୨୩:୭ ୨୩:୭ ସିନଗର    ✨ ୨୩:୧୧ ୨୩:୧୧ ମାତି ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭    ✨ ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪    ✨ ୨୩:୨୨ ୨୩:୨୨ ମାତି ୫:୩୪    ✨ ୨୩:୨୭ ୨୩:୨୭ କାମା ୨୩:୩

ପାଞ୍ଚାତି ଲକ୍ଷ୍ମୀ ନକିତା ଦାମ୍ଭିଗାଟାରେ ଲେହେଁ ତଞ୍ଜା ଆଦେରି, ସାମା ମୀ ହିୟା ବିତ୍ରା କୁରୁ ଅଡ଼େ ପାପୁ ନେଞ୍ଜାମାନେ ।

**ଜୀସୁ ଏଞ୍ଜରାଲ୍ ତଣ୍ଡ ପାଣ୍ଡି କାତା ଖେହ୍ନାୟି (ଲୁକ ୧୧:୪୭-୫୧)**

୨୯ ଆୟତା ତଣ୍ଡ ପାଣ୍ଡି କୁରୁଗାଟି ମେରା ପୁନାତେରି ଇଞ୍ଜା ପାରୁସିୟା, ଇତିହିଁ ମୀରୁ ମାହାପୁରୁ ଅଣ୍ଡପୁତି ବଲୁ ଖେହ୍ନାରି ମାଡ଼ହା ମୁହ୍ନି ଟାୟୁ କେପାନା, ଦାମ୍ଭିଗାଟାରି ମାଡ଼ହା ମୁହ୍ନି ଟାୟୁତି ମୁଣ୍ଡା ଅଜିକିଁ କିହାନା ଏଲେଇଞ୍ଜିମାଞ୍ଜେରି; ୩୦ ମାୟୁ ମୁଆ ଆକୁ ଆବାୟା ବେଲାତା ମାତିହିଁ ମା, ମାହାପୁରୁ ଅଣ୍ଡପୁତି ବଲୁ ଖେହ୍ନାରାଲ୍ ପାୟାଲି ଆଣ୍ଡାଆତମିମା । ୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଡପୁତି ବଲୁ ଖେହ୍ନାରାଲ୍ ପାୟାମାନି ଲକ୍ଷ୍ମୀ ମୀରକାତେରି, ଏ କାତାତାକି ମୀରୁଏ ମିଙ୍ଗେ ସାକି ହାହା କଡ଼ିମାଞ୍ଜେରି । ୩୨ ମୀରୁ ହାଜାନା ମୀ ଆକୁ ଆବାୟା କିତି କାମା ରାପୁଦୁ । ୩୩ ଆଡ଼େ ରାସକାତେରି, ଇଞ୍ଜା ବାସା ଗାଟି ରାସକା କୁଡ଼ାତି ମୀରକାତେରି, ମୀରୁ ବିଚାରା ଦିନାତା ଏନିକିଁ ହିରୁ ଗୁଦ୍‌ଝାତି ତଣ୍ଡି ପିସପି ଆଦେରି ? ୩୪ ଏଦାଆଁତାକି ମେହ୍ନୁ ନାନୁ ମୀ ତାଣା ମାହାପୁରୁ ଅଣ୍ଡପୁତି ବଲୁ ଖେହ୍ନାରାଲ୍, ବୁଦି ଗାଟାରାଲ୍, ଇଞ୍ଜା ଜାପୁନି ଗୁରକାଲ୍ ପାଣ୍ଡିମାଞ୍ଜାଲ୍; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଲ୍ ପାୟିଦେରି, ପାସି ମୁଣ୍ଡାତା ଏକ୍‌ହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଲ୍ ଜୀହୁଦି ଲକ୍ଷ୍ମୀ କୁଟମି ଇଲୁତା† ସାଟ୍‌ଣି ତ୍ତରିତଲେ ଖେଦେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି । ୩୫ ଏନିକିଁ ଦାମ୍ଭିଗାଟି ହେବଲଲ୍ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରୁଏସି ଜିକରିୟଲ୍ ପାୟିତି ପାତେକା, ଦାରତିତା ଏଚେକା ନେହ୍ନାରାଲ୍ ପାୟାମାଞ୍ଜେରି, ଏ ବାରେ କାମାତି ତଣ୍ଡ ମୀ ମୁହେଁ ଖାନ୍ତେ । ୩୬ ନାନୁ ମିଙ୍ଗେ ସାତା ଖେସିମାଞ୍ଜାଲ୍, ଇ କାଲାତି ଲକ୍ଷ୍ମୀ ମୁହେଁ ଇ ବାରେ ତଣ୍ଡ ରିନେ ।

**ଜିରୁସାଲମତି ଜୀସୁ ଜୀଞ୍ଜନନ୍ଦାୟି (ଲୁକ ୧୩:୩୪-୩୫)**

୩୭ ଏ ଜିରୁସାଲମ, ଏ ଜିରୁସାଲମ ! ମାହାପୁରୁ ଅଣ୍ଡପୁତି ବଲୁ ଖେହ୍ନାରାଲ୍ ପାୟିନାତି ନୀ ତାଣା ପାଣ୍ଡି ଆଡ଼ାରାଲ୍ ଖାଲକାତଲେ ଖେନାତି, କୟୁ ଏନିକିଁ ତାନି ହାପାୟାଣି କୁଡ଼ି କିହାନା ମାରାୟା ତ୍ତଇ ପିକ୍‌ହାନା ଜିଙ୍ଗିନେ, ନାନୁ ନୀ ଲକ୍ଷ୍ମୀ ଏଚେର ପାଲି ଏଲେକିଁ କୁଡ଼ିକିହାଲି ମନ୍ନ କିତେଏଁ, ସାମା ଏଞ୍ଜାରି ମନ୍ନ ହାଆତେରି । ୩୮ ଅଡ଼େ ମେହ୍ନୁ ମୀ ମାହାପୁରୁ ଇଲୁ ମୀ

କେୟୁତା ହାପୁକି ଆହାମାଞ୍ଜାନେ । ୩୯ ଇତିହିଁ ନାନୁ ମିଙ୍ଗେ ଖେସିମାଞ୍ଜାଲ୍, ମାହାପୁରୁ ଦରୁଟି ଆମ୍ବାଆସି ଖାହିମାନେସି, ଏଞ୍ଜାସି ନେହ୍ନାସି, ମୀରୁ ଏ କାତା ଜଲ୍‌ଆ ପାତେକା ନୀଞ୍ଜୁଟିଏ ନାଙ୍ଗେ ଅଡ଼େ ମେସୁଅତେରି ।

**୨୪**

**ମାହାପୁରୁ ଇଲୁ ନସୁ ଆନି କାତା (ମାର୍କ ୧୩:୧-୨; ଲୁକ ୨୧:୫-୬)**

୧ ଜୀସୁ ମାହାପୁରୁ ଇଲୁଟି ହରା ହାଜିମାଟାଟି ତାନି ସୀସୁୟା ମାହାପୁରୁ ଇଲୁଟି ବାରେ ଇଲ୍‌କାଣି ତସାଲି ତାନି ତାଣା ଖାଡ଼େରି, ୨ ସାମା ଜୀସୁ ଏଞ୍ଜରାଲ୍ ଏଲେଇଚେସି, “ମୀରୁ ଇ ବାରେ ମେସି ହିଲଅତେରି ? ନାନୁ ମିଙ୍ଗେ ସାତା ଖେସିମାଞ୍ଜାଲ୍, ଇମ୍ବାଆଁ ମାନି ର ଖାଲି ଅର ଖାଲି ଲାକ ତ୍ତୟେଏ, ଇ ବାରେଏ ମେଶିଙ୍ଗାହାନୁ ।”

**କସୁ ଅଡ଼େ ନିନ୍ଦା ଖାନ୍ତି କାତା (ମାର୍କ ୧୩:୩-୧୩; ଲୁକ ୨୧:୭-୧୯)**

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟା ମେଶେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ଅଡ଼େ ନୀନୁ ଖାନ୍ଦାୟି ଇଞ୍ଜା ଜୁଗୁ ରାନ୍ତି ଦିନାତି ସିନା ଏନ୍ଦାୟି ଏଦାଆଁ ମାଙ୍ଗେ ଖେସ୍ତାମୁ ।”

୪ ଏମ୍ବାଟିଏ ଜୀସୁ ଏଞ୍ଜରାଲ୍ ଏଲେଇଚେସି, “ଜାଗ୍ରାତା ଏନିକିଁ ଆମ୍ବାଆରି ମିଙ୍ଗେ ନାଡ଼ି କିୟଅରି । ୫ ଇତିହିଁ ହାରେକା ନା ଦରୁଟି ଖାହାନା ନାନୁ କ୍ରୀସୁତେଏଁ ଇଞ୍ଜା ଖେସାନା ହାରେକା ଲକ୍ଷ୍ମୀ ନାଡ଼ି କିନେରି । ୬ ଅଡ଼େ ମୀରୁ ଜୁଜୁତି କାତା ଇଞ୍ଜା ଜୁଜୁତା କାଲ୍‌ଝି ଆହିମାନି ଲକ୍ଷ୍ମୀ ହାଡ଼ା ଖେଞ୍ଜେରି; ଜାଗ୍ରାତା କିଲିବିଲି ଆଆଦୁ । ଏଦାଆଁତାକି ଇତିହିଁ ଇ ବାରେ ଆନ୍ଦାୟି ମାନେ, ସାମା ଏ କାଲ୍‌ଆ ଜୁଗୁ ରାନ୍ଦାୟି ଆଏ । ୭ ଇତିହିଁ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଙ୍ଗିନେ, ଇଞ୍ଜା ଆସି ଆସିୟା କାର୍‌ଝୁ ଆନେ, ଅଡ଼େ ବୁନି ଖୀତିନେ । ୮ ସାମା ଇ ବାରେ କକାରି ପଦାୟା ବେଟାଆନାଟି ତଲିଏ ଲୁଞ୍ଜିନି ବାସାଲେହେଁତାୟି ।”

୯ “ଏଚିବେଲାତା ଲକ୍ଷ୍ମୀ ମିଙ୍ଗେ କସୁ ହିୟାଲି ହେରପାନେରି, ଇଞ୍ଜା ମିଙ୍ଗେ ପାୟାନେରି, ଇଞ୍ଜା ନା ଦରୁ ତାକି ମୀରୁ ବାରେ କୁଡ଼ାତି ଲକ୍ଷ୍ମୀ ତାଣା ଅପାଆ ଗାଟାତେରି ଆଦେରି । ୧୦ ଏଚିବେଲା ହାରେକା ଲକ୍ଷ୍ମୀ ତାନି ନାମୁତି ପିହ୍ନେରି, ଅଡ଼େ ରଅସି ରଅଶାଲ୍ ଆସପି କିଞ୍ଜି କିନେରି, ଅଡ଼େ ରଅସି ରଅଶାଲ୍ ଅପ୍‌ଝି ଆଅରି, ୧୧ ଅଡ଼େ ହାରେକା ମାହାପୁରୁଟି ମିତି ବଲୁ ଖେହ୍ନାରି ନିଙ୍ଗାନା ହାରେକା ଲକ୍ଷ୍ମୀ ନାଡ଼ି କିନେରି, ୧୨ ଅଡ଼େ ଲାଗେଏ ପଲେଏ କାମା ଗାଡ଼ି ଆଡ଼ିସାରେ, ହାରେକା ଲକ୍ଷ୍ମୀ

☆ ୨୩:୩୩ ୨୩:୩୩ ମାତି ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗଗ୍ ☆ ୨୪:୯ ୨୪:୯ ମାତି ୧୦:୨୨ ☆ ୨୪:୧୩ ୨୪:୧୩ ମାତି ୧୦:୨୨

ତାମି ଜୀବୁନନାୟି ଉଣା ଆନେ । ୧୩ ✨ସାମା ଆମ୍ବାଆସି ରାନ୍ତି ପାତେକା ସାସା ଆସାନା ତୟିନେସି ଏଞ୍ଜାସି ଗେଲ୍ପି ଆନେସି । ୧୪ ଅଡେ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହଁ କାରୁ ବାରେ ଦାର୍ତତିତା ଝେପ୍ପକିଆନେ, ତାୟୁ ଜୁଗୁ ରାନ୍ଦେ ।”

**ନାସାକିନି ଅପାଆଗାଟି କାତା**  
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏତିବେଲା ମାହାପୁରୁ ଅଣ୍ଡପୁତି ବଲୁ ଝେହ୍ନି ଦାନିୟେଲ ଝେସ୍ତି କାତାଲେହେଁ ନାସାକିନି ଅପାଆଗାଟି ଆସ୍ତିତି ସୁଦୁ ଟାୟୁତା ଇଟାମାନାଣି ମେହ୍ଦେରି” ପଡ଼଼ି ଆନାସି ଜାଗ୍ରାତା ଆହାନା ପୁଣ୍ଡେସି ୧୬ ଏତିବେଲା ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜାରି ହରକା ଲାକ ହଣ୍ପାରି; ୧୭ ✨ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍ତି ତାକାହାଜାଲି ରେତା ଝାଆପେସି; ୧୮ ଅଡେ ଆମ୍ବାଆସି ଗୁଡିୟାତା ମାନେସି, ଏଞ୍ଜାସି ତାନି ହିମ୍ପରି ଅହାଲି ଝେଶ୍ଟେ ହାଲାଆପେସି । ୧୯ ଏତିବେଲାତା ପୁରାମାସା ଆହାମାନାଇ ଇଞ୍ଜା ପାଲୁ ଉଟ୍ଟହମାନାଇ ଆୟତା ଏଞ୍ଜି ଉଣେଏ କସ୍ତ ପାଣ୍ଡୁ, ୨୦ ସାମା ମୀ ହଣ୍ଡନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ । ୨୧ ✨ଇତିହଁ ଏତିବେଲାତା ଇଲେତି କସ୍ତ ଆନେ, ମାହାପୁରୁ ଦାର୍ତତି ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକଁ ଆହା ହିଲେଏ, ଇଞ୍ଜା ଏଲେକଁ ଏତେଲାଞ୍ଜା ଆଏ । ୨୨ ଅଡେ ମାହାପୁରୁ ଏ ବେଲାତି ଉଣା କିହା ହିଲାଆତିହଁମା; ଦାର୍ତତିତା ଆମ୍ବାଆସି ଜିକେଏ ଗେଲ୍ପି ଆଆତେସିମା, ସାମା ତାନି ଆଡ଼ିତି ଲକୁତାକି ଏ କସ୍ତ ଉଣା କିନେସି ।

୨୩ “ଏତିବେଲା, ‘ମେହ୍ଦୁ କ୍ରୀସ୍ତ ଇମ୍ବାଆଁ ମାନେସି ଆଆତଁ ଏମ୍ବାଆଁ ମାନେସି’ ଇଞ୍ଜା ଆମ୍ବାଆସି ମିଙ୍ଗେ ଏଲେକିହଁ ଝେସ୍ତାନେସି ଇତିହଁ ଏଦାଆଁ ନାମାଆଦୁ । ୨୪ ଇତିହଁ ନାଡ଼ିକିନି କ୍ରୀସ୍ତୟାଁ ଅଡେ ମାହାପୁରୁ ବଲୁ ମିତି ଝେହ୍ନାରି ନିଙ୍ଗାନା ହାରେକା କାଜା ସିନା ଅଡେ କାବାଆନି କାମାୟାଁ ତହ୍ନେରି, ଆଡ଼ିତିହଁ ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି । ୨୫ ମେହ୍ଦୁ ନାନୁ ମିଙ୍ଗେ ତଲିଏ ଝେସାମାଞ୍ଜାଇ ।”

୨୬ ✨“ଇଦାଆଁତାକି ‘ମେହ୍ଦୁ ଏଞ୍ଜାସି ବାଟାତା ମାନେସି’ ଇଞ୍ଜା ଲକୁ ଝେସ୍ତାତିହଁ ହାଲାଆଦୁ; ‘ମେହ୍ଦୁ ବିତ୍ରା ବାକ୍ରାତା ମାନେସି’ ଇଞ୍ଜା ଝେସ୍ତାତିହଁ ଏଦାଆଁ ନାମାଆଦୁ । ୨୭ ଇତିହଁ ହାଗୁ ମିହ୍ନି ବେଲାତି ଉଜେଡ଼ି ଏନିକଁ ଝେଡ଼ା

ହପୁ ଝାକିଟି ହତାନା ଝେଡ଼ା କୁଡ଼ିନି ପାତେକା ତଞ୍ଜାଆନେ, ଏଲେଆହଁଏ ମାଣ୍ଡସି ମୀରୁଏସି ଝାନେସି ।”

୨୮ ✨ଏମ୍ବିୟା ମାଡ଼ହା ରିହାମାନେ ଏମ୍ବାଆଁ ରାମ୍ପାୟାଁ ରୁଣ୍ଡା ଆନୁ ।

**ମାଣ୍ଡସି ମୀରୁଏସି ଝାନାୟି**  
(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ✨“ସାମା ଏତିବେଲାତି କସ୍ତ ତାୟୁ ଦେରୁଣିଏ ଝେଡ଼ା ଆନେରି ଆନେ, ଅଡେ ଲେଞ୍ଜୁ ଉଜେଡ଼ି ହୀଏ, ଅଡେ ହାଗୁଟି ହୁକାୟାଁ ତରଗିନୁ, ଇଞ୍ଜା ହାଗୁ ଲାକତି ବାଡ଼ୁୟୁ ବାରେ ଝାଡ଼ିନେ । ୩୦ ✨ଏତିବେଲା ହାଗୁ ଲାକତି ମାଣ୍ଡସି ମୀରୁଏସି ସିନା ତଞ୍ଜାଆନେ, ଇଞ୍ଜା ମାଣ୍ଡସି ମୀରୁଏଣାଇଁ କାଜା ବାଡ଼ୁୟୁ ଅଡେ ଗାଞ୍ଜୁରମିଗାଟି ଉଜେଡ଼ି ତଲେ ହାଗୁଟି ଦୁହାଟି ଝାନାଣି ମେସାନା ଦାର୍ତତି ବାରେ କୁଡ଼ାତି ଲକୁ ହାରେକା ଦୁକୁ ତଲେ ତାନେରି । ୩୧ ଅଡେ ଏଞ୍ଜାସି ତାଡ଼ି ମହ୍ପରି ହାଡ଼ାତଲେ ତାନି ଦୁତୁୟାଁଣି ପାଣ୍ଡିନେସି ଇଞ୍ଜା ଏଞ୍ଜାରି ଦାର୍ତତି ମୁଟ୍ପେତି ହାନ୍ଦିଟିଏ ହାଗୁଲାକତି ମୁଟ୍ପେ ହାନ୍ଦି ପାତେକା ସାରିଝାକିଟି ତାନି ଆଟାମାନି ଲକୁଣି ରୁଣ୍ଡା କିନେରି ।”

**ତୟା ମାର୍ଡୁତି କାତା**  
(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାର୍ଡୁ ପୁଣ୍ଡି କିନି କାତାଟି ଜାପାଦୁ; ଏତିବେଲା କମାତା ଆକା ଗାଲ୍ଲନାଣି ମେସ୍ତିହଁ କାରାୟାଁ ଝେଡ଼ା ଝାଡେ ଇଞ୍ଜା ପୁଞ୍ଜେରି । ୩୩ ଏଲେକିହଁଏ ମୀରୁ ଜିକେଏ ଇ ବାରେ ମେସ୍ତିସାରେ ଏଞ୍ଜାସି ଦୁଞ୍ଜେରି ତାଗେ ମାନେସି ଇଞ୍ଜା ପୁଞ୍ଜେରି । ୩୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ ବାରେ ଗଟ଼ି ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଡ଼ଅରି । ୩୫ ହାଗୁପାକା ଦାର୍ତତି ବାରେ ମେଣ୍ଡ଼ାନେ, ସାମା ନା ବଲୁ ଏତେଲାଞ୍ଜା ମେଣ୍ଡ଼ାକେଏ ।”

**ଝାନି ଦିନା ଅଡେ ତଣ୍ଡୁତି ଆମ୍ବାଆସି ପୁନଅସି**  
(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୭ ସାମା ଏ ଦିନା ତଣ୍ଡୁତି କାତା ଆମ୍ବାଆସି ପୁନଅସି, ଲାକପୁରୁତି ଦୁତୁୟାଁ କି ମୀରୁଏସି ଜିକେଏ ପୁନଅସି, ଝାରଇ ଆବାଦେ ପୁନେସି । ୩୮ ଅଡେ ନହ୍ ବେଲାତା ଏନିକଁ ଆହାମାତେ, ମାଣ୍ଡସି ମୀରୁଏସି ଝାନି ବେଲାତା ଏଲେକଁ ଆନେ । ୩୯ ଇତିହଁ ଝାରୁ କୁପ୍ପି ନକେଏ, ନହ୍ ତଂଗତା ହଡ଼ିନି ଦିନା ପାତେକା ଲକୁ ଏନିକଁ ତିଞ୍ଜି ଉଣ୍ଡିହଁ, ବୀହା କିୟାଲି ବୀହା ହିୟାଲି ହେରାମାଚେରି, ୩୯ ଇଞ୍ଜା କାଜା ପିୟୁତଲେ ଝାରୁ ଝାହାନା କୁପ୍ପହା ଅନି

✨ ୨୪:୧୭ ୨୪:୧୭ ଲୁକ ୧୭:୩୧ ✨ ୨୪:୨୧ ୨୪:୨୧ ଝେ ବଲୁ ୭:୧୪ ✨ ୨୪:୨୬ ୨୪:୨୬ ଲୁକ ୧୭:୨୩, ୨୪ ✨ ୨୪:୨୮ ୨୪:୨୮ ଲୁକ ୧୭:୩୭ ✨ ୨୪:୨୯ ୨୪:୨୯ ଝେ ବଲୁ ୭:୧୨; ଝେ ବଲୁ ୭:୧୩ ✨ ୨୪:୩୦ ୨୪:୩୦ ଝେ ବଲୁ ୧:୭

ପାତେକା ଏନିକ୍ ଏଞ୍ଜାରି ପୁଞ୍ଜାହିଲିଆତେରି, ମାଣ୍ଠି ମୀର୍ଏଣା ଖାନାୟି ଜିକେଏ ଏଲେଆହ୍ ଏ ଆନେ । ୪୦ ଏତିବେଲ୍ଲାତା ରିଆରି ଗୁଡିୟାତା ମାନେରି, ରଅସି ଅଞ୍ଜିଆନେସି ରଅସି ଏମ୍ବାଆଁ ତ୍ରିୟିନେସି । ୪୧ ରୀ ଇୟାସିକା ଜେତାତା ନୁୟ୍ ମାନୁ ରଣ୍ଡି ଅଞ୍ଜିଆନେ ଅଡେ ରଣ୍ଡି ଏମ୍ବାଆଁ ତ୍ରିୟିନେ । ୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏନାଆଁତାକି ଇଚିହ୍ ମୀ ପ୍ରବୁ ଆମିନି ଦିନା ଖାନେସି, ଏଦାଆଁ ମୀରୁ ପୁଞ୍ଜାହିଲିଆତେରି । ୪୩ ✱ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଖାନେସି, ଏଦାଆଁ ସାଞ୍ଜୁକାରି ପୁଞ୍ଜାମାଚିହ୍ ମା, ଜାଗ୍ରାତା ଆହାନା ତାନି ଇଲୁତି କାତି ତୁଡହାଲି ହାଆତେସିମା । ୪୪ ଏଦାଆଁତାକି ମୀରୁ ଜିକେଏ କାଚାନା ମାଞ୍ଜୁ, ଇଚିହ୍ ଆମିନି ବେଲ୍ଲାତା ମୀରୁ ଅଣପା ହିଲିଆତେରି, ଏ ବେଲ୍ଲାତା ମାଣ୍ଠି ମୀର୍ଏସି ଖାନେସି ।

ଟିକାଣା ଗାଟାସି ଅଡେ ଟିକାଣା ହିଲିଆଗାଟି ହଢଲଏସି

(ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାନ୍ଦା କାରୁତା ରାନ୍ଦା ହାହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହାହାମାନେସି, ଇଲେତି ନାମୁ ଅଡେ ବୁଦିଗାଟି ଗୁମୁସ୍ତା ଆମ୍ବାଆସି, ୪୬ ପ୍ରବୁ ଖାହାନା ତାନି ଆମିନି ହଲେଏଣାଈ ଏଲେକିହ୍ ମାନାଣାଈ ମେହନେସି, ଏଞ୍ଜାସି ନେହାସି ! ୪୭ ନାନୁ ମିଜେ ସାତା ଖେସିମାଞ୍ଜାଈ, ଏଞ୍ଜାସି ଏଞ୍ଜାଣାଈ ତାନି ବାରେ ଦନତି ମୁହେଁ ଗୁମୁସ୍ତା କିନେସି । ୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜି ତାନି ମନତା ଅଣପାନା, ୪୯ ଏଞ୍ଜାସି ତାନି ତଲେତି ହଲିୟାଙ୍ଗାଣି ଖେଚିହ୍, କାତୁ ଗହନାରି ତଲେ ଡିଞ୍ଜିହ୍ ଗସିହ୍ ମାନେସି, ୫୦ ଆତିହ୍ ଆମିନି ନେହୁ ହଲେଏସି କାଚାହିଲିଆସି ଅଡେ ଏମିନି ବେଲ୍ଲା ପୁଞ୍ଜାହିଲିଆସି ଏ ଦିନା ଏ ବେଲ୍ଲାତା ତାନି ପ୍ରବୁ ଖାନେସି । ୫୧ ଇଞ୍ଜା ଏଞ୍ଜାଣାଈ ରୀ ବାଗା କିହ୍ ଦାଚାନା କୁଚୁ ଗାଟାରି ତଲେ ତାନି ବାଗା କିନେସି; ଏମ୍ବାଆଁ ଡାନାୟି ଅଡେ ପାଲ୍ଲକା ଟାଟି କିନାୟିମାନେ ।

**୨୫**

ଦସ ଜାଣା ଡାଆ ପଦାୟାଁତି ପୁଣ୍ଠିକିନି କାତା

୧ ✱ଏତିବେଲ୍ଲା ଲାକପୁରୁତି ରାଜି ଦସ ଜାଣା ଡାଆ ପଦାୟାଁ ଲେହେଁ ଆନେ; ଏଞ୍ଜି ତାନି ଦୀଞ୍ଜିୟା ଆସାନା ବାହା ହନେଏଣାଈ ବେଟାଆହାଲି ହାରୁ । ୨ ଏଞ୍ଜାସିକା ବିତ୍ତା ପାସା ଜାଣା ବୁଦି ହିଲିଆଗାଟାକି ଇଞ୍ଜା ପାସା ଜାଣା ବୁଦି ଗାଟାକି ମାରୁ । ୩ ବୁଦି

ହିଲିଆଗାଟାକି ତାନି ଦୀଞ୍ଜିୟା ଅତୁ ସାମା ଏଟକା ନିୟ୍ ଅଆତୁ, ୪ ସାମା ବୁଦି ଗାଟାକି ତାନି ଦୀଞ୍ଜିୟା ତଲେ ଗାଜୁତା ନିୟ୍ ଅହ୍ ହାରୁ । ୫ ବାହା ହନେଏସି ଖାନାୟି ଖେଡା ଆୟାଲିଏ, ବାରେଜାଣା କଟଣି ହଚିହ୍ ତୁରାତୁସ୍ତୁ ।

୬ ସାମା ମାଦି ଲାଆଁୟା ମେହ୍ତୁ ବାହା ଦାଂଗୁଣେଏସି ଖାହିମାନେସି, ବେଟାଆହାଲି ଖାଦୁ ଇଞ୍ଜି ର କାଜା ହାଡା ଆଡେ ! ୭ ଏମ୍ବାଟିଏ ଡାଆସିକା ନିଜ୍ଜାନା ତାନି ଦୀଞ୍ଜିୟା ପ୍ରତହୁ । ୮ ସାମା ବୁଦି ହିଲିଆଗାଟାକି ବୁଦିଗାଟି ଡାଆସିକାଣି ଏଲେଇରୁ, ମୀ ନିୟ୍ ଇଚାଣି ଲାକା ମାଜେ ହିୟାଦୁ, ଇଚିହ୍ ମା ଦୀଞ୍ଜିୟା ତୁମ୍ବାଜିମାନୁ । ୯ ସାମା ବୁଦିଗାଟାୟି ଏଲେଇରୁ, ଆଏ ମିଜେ ଅଡେ ମାଜେତାକି ନିୟ୍ ଏଦେଏ, ବାଜାରାତା ହାଜାନା ମିଜେତାକି ନିୟ୍ କତା ତାଦୁ । ୧୦ ସାମା ଏଞ୍ଜି ନିୟ୍ କଡାଲି ହାଜିମାଟାଟି ହନେଏସି ଖାଡେସି; ଇଞ୍ଜା ଆମିନି ଗାଟାକି ତିୟାରା ଆହାନା କାଚାମାରୁ, ଏଞ୍ଜି ହନେଏଣି ତଲେ ବାହା ବଜି ଇଲୁତା ହଚୁ, ଅଡେ ଦାଚା ସୁଣ୍ଡିତେରି ।

୧୧ ✱ଏଚେଟିଏ ତାୟୁ ଅର ଡାଆ ପଦାୟାଁ ଜିକେଏ ଖାହାନା ଏଲେଇରୁ, ଏ ପ୍ରବୁ ଏ ପ୍ରବୁ ମାଜେତାକି ଦାଚା ଦେତାମୁ ଇଞ୍ଜି ହାଟିତୁ । ୧୨ ଏଚେଟିଏ ବାହା ହନେଏସି ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଈ, ନାନୁ ମିଜ୍ ପୁଞ୍ଜାମାଞ୍ଜୁଅଁ ।”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ଡଣ୍ଡ ଆମ୍ବାଆରି ପୁନଅରି ।

ତାନି ଜାଣା ହଲିୟାଙ୍ଗାଟି ପୁଣ୍ଠିକିନି କାତା (ଲୁକ ୧୯:୧୧-୨୭)

୧୪ ✱ଲାକପୁରୁ ରାଜି ଇଲେତାୟି, ଇଚିହ୍ ହେକ ରାଜି ହାଜିମାନି ର ମାଣ୍ଠି, ଏଞ୍ଜାସି ତାନି ହଲିୟାଙ୍ଗାଣି ହାଚାନା ତାନି ଦନତି ହେରପିତେସି । ୧୫ ଏଞ୍ଜାସି ରଅଣାକି ପାସାମାଣା, ଅଡେ ରଅଣାକି ରୀ ମାଣା, ଇଞ୍ଜା ଅଡେ ରଅଣାକି ର ମାଣା ଇଲେକିହ୍ ବାରେତାକି ତାନି ଆଡିନି ବାଡୁୟୁ ତଲେ ହାହାନା ହେକ ରାଜିତା ହାଚେସି । ୧୬ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଏଞ୍ଜାଆଁ ଅହାନା ବେବାରା କିହାନା ଅଡେ ପାସାମାଣା ଲାଚା କିତେସି । ୧୭ ଏଲେକିହ୍ ଏ ଆମିନିଗାଟାସି ରୀ ମାଣା ବେଟା ଆହାମାଚାସି ଏଞ୍ଜାସି ଜିକେଏ, ଅଡେ ରୀ ମାଣା ଲାଚା କିତେସି । ୧୮ ସାମା ଆମିନିଗାଟାସି ର ମାଣା ବେଟା ଆହାମାଚେସି, ଏଞ୍ଜାସି ହାଜାନା ବୁଦି କାରହାନା ତାନି ସାଞ୍ଜୁକାରି ଟାକାୟାଁଣି ମୁସାନା ଡୁକୁହା ଇଚିତେସି ।

୧୯ ହାରେକା ଦିନା ହାଟି ତାୟୁ ଏ ହଲିୟାଙ୍ଗାଟି ସାଞ୍ଜୁକାରି ଖାହାନା, ଏଞ୍ଜାରିତଲେ ଲେକା କିତେସି

✱ ୨୪:୪୩ ୨୪:୪୩ ଲୁକ ୧୨:୩୯,୪୦ ✱ ୨୫:୧ ୨୫:୧ ଲୁକ ୧୨:୩୫ ✱ ୨୫:୧୧ ୨୫:୧୧ ଲୁକ ୧୩:୨୫ ✱ ୨୫:୧୪ ୨୫:୧୪ ଲୁକ ୧୯:୧୧-୨୭



। ୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାରେସି, ଏଞ୍ଜାସି ଅଡ଼େ ପାସାମାଣା ତାଚାନା ଏଲେଇରେସି, ପ୍ରବୁ ନାନୁ ନାଙ୍ଗେ ପାସାମାଣା ହାହାମାଞ୍ଜାତି; ମେହ୍ମୁ ନାନୁ ଅଡ଼େ ପାସାମାଣା ଲାବା କିହାମାଙ୍ଗ । ୨୧ ତାନି ସାଞ୍ଜୁକାରି ତାଙ୍ଗେ ଏଲେଇରେସି, ଆୟ୍ଲେତା ନେହ୍ ଟିକାଣାଗାଟି ହ୍ରେଲଏଣାତି, ନାନୁ ଉଣା କାମାତା ନାନୁ ଗାଟାତି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଇ, ନାନୁ ନା ତଲେ ରାହ୍ କିହାଲି ଖାମୁ । ୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାରେସି, ଏଞ୍ଜାସି ଜିକେଏ ଖାହାନା ଏଲେଇରେସି, ଏ ପ୍ରବୁ ନାନୁ ନାଙ୍ଗେ ରୀ ମାଣା ହାହାମାଞ୍ଜାତି; ମେହ୍ମୁ ନାନୁ ଅଡ଼େ ରୀ ମାଣା ଲାବା କିହାମାଙ୍ଗ । ୨୩ ତାନି ସାଞ୍ଜୁକାରି ଏଞ୍ଜାଣାଙ୍ଗ ଜିକେଏ ଏଲେଇରେସି, ଆୟ୍ଲେତା ନେହ୍ ଇଞ୍ଜା ଟିକାଣାଗାଟି ହ୍ରେଲଏଣାତି, ନାନୁ ଉଣା କାମାତା ନାନୁ ଗାଟାତି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଇ, ନାନୁ ନା ତଲେ ରାହ୍ କିହାଲି ଖାମୁ । ୨୪ ତାୟ୍ ର ମାଣା ଟାକାୟ୍ ଅହାମାଟି ହ୍ରେଲଏସି ଏଲେଇରେସି, ସାଞ୍ଜୁକାରି, ନାନୁ ପୁଞ୍ଜାମାଙ୍ଗ, ନାନୁ ର ଆଟ୍ଝା ହିୟ୍ ଗାଟାତି । ମାଟାଆତି ବୁମିତା ନାନୁ ଦାଃଆନାତି । ବିଚା ମାଟାଆନା ଆନା କୁଡ଼ି କିନାତି । ୨୫ ଏଦାଆଁତାକି ଆଜାହ୍ ନାନୁ ନୀ ଟାକାୟ୍ ବୁମିତା ମୁସାନା ଡୁକୁହା ଇଚିତେସ୍; ମେହ୍ମୁ ନୀ ଦନ ନାନୁ ବେଟାଆତି । ୨୬ ସାମା ତାନି ସାଞ୍ଜୁକାରି ଏଞ୍ଜାଣାଙ୍ଗ ଏଲେଇରେସି, ଆଡ଼େ ଲାଗେଏ ଅଡ଼େ ନିସ୍ତଗାଟି ହ୍ରେଲଏଣାତି, ନାନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଃଆନାତେସ୍, ଇଞ୍ଜା ଆମ୍ବିୟା ଆନା ଉପହା ହିଲଅଁ ଏମ୍ବାଆଁ କୁଡ଼ି କିନାତେସ୍, ଇଦାଆଁ ନାନୁ ପୁଞ୍ଜାମାଟି ? ୨୭ ଆତିହ୍ ବେବାରା କିନାରି ତାଣା ନା ଟାକାୟ୍ ନାନୁ ଇଚିନାୟ୍ ମାଟେ; ଆତିହ୍ ନାନୁ ଖାହାନା ଅଡ଼ିତଲେ ନା ଦନ ନାନୁ ବେଟାଆତେସ୍ମା । ୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟ୍ ଅହାନା ଆମିନି ଗାଟାଣାକି ଦସ ମାଣା ମାନୁ ଏଞ୍ଜାଣାକି ହୀବୁ । ୨୯ ଇଚିହ୍ ଆମ୍ବାଆରାକି ମାନୁ, ଏଞ୍ଜାଣାକି ହୀପକିଆନେ, ଇଞ୍ଜା ଏଞ୍ଜାଣିଞ୍ଜାୟ୍ ହାରେକା ଗାଡ଼ିଆନେ; ସାମା ଆମ୍ବାଆରି ତାଣା ହିଲେଏ, ଏଞ୍ଜାଣି ତାଣା ଏନାୟ୍ ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ । ୩୦ ଅଡ଼େ ମୀରୁ ଇ କାମା କିଆଗାଟି ହ୍ରେଲଏଣାଙ୍ଗ ପାଙ୍ଗାତି ଆନ୍ଦେରିତା ମେଡ଼ହା ତୁହ୍ତୁ, ଏମ୍ବାଆଁ ଡୀହ୍ ପାଲକା ଟୀଟି କିନେସି ।

**ରାନ୍ତି ବେଲାତି ନୀହ୍ଲି**

୩୧ ✧ ମାଣ୍ସି ମୀରୁଏସି ଏଚିବେଲା ବାରେ ଦୂତୁୟ୍

ତଲେ ତାନି କାଜାପାଣାଟି ଖାନ୍ଦେସି, ଏଚିବେଲା ଏଞ୍ଜାସି ତାନି ଗାଞ୍ଜୁରମିଗାଟି ସିଂଗାସାଣିତା କୁଚିନେସି, ୩୨ ଇଞ୍ଜା ତାନି ନକିତା ବାରେ କୁଡ଼ାତି ଲକୁଣି କୁଡ଼ି କିଞ୍ଜିଆନେ, ଇଞ୍ଜା ମେଣ୍ଡାୟ୍ ଗଡ଼ ଏନିକ୍ ଗରିୟ୍ ତାଣାଟି ମେଣ୍ଡାୟ୍ଣି ଏଟକା କିନେସି, ଏଲେକିହ୍ ଏଞ୍ଜାସି ଏଞ୍ଜାରାଙ୍ଗ ଏଟକା କିହାନା, ୩୩ ମେଣ୍ଡାୟ୍ଣି ତାନି ଚିଃନି ଟଟତା ଇଞ୍ଜା ଗରିୟ୍ଣି ତାନି ଚେବ୍ ଟଟତା ଇଚିନେସି । ୩୪ ଏଚିବେଲା ରାଜା ତାନି ଚିଃନି ଟଟତି ଲକୁଣି ଏଲେଇନେସି, ଖାଦୁ ନା ଆବାତି ବର ବେଟା ଆନାତେରି, ମିଙ୍ଗେତାକି ଦାର୍ତି ଗାଡ଼ି ଆଡ଼ି ଦିନାଟିଏ ଆମିନି ରାଜି ଗାଡ଼ି କିଞ୍ଜିଆହାମାନେ ଏମ୍ବାତି ଅଦିକାରା ଆଦୁ । ୩୫ ଇଚିହ୍ ନାନୁ ହାକିଟି ମାଟେସ୍, ମୀରୁ ନାଙ୍ଗେ ଡିଞ୍ଜାଲି ହିୟାତେରି; ଏସ୍କିଟି ମାଟେସ୍, ନାଙ୍ଗେ ଗସାଲି ଏୟ୍ ହିୟାତେରି; ଏଟକା ମାଟେସ୍ ନାଙ୍ଗେ ଆଟ୍ଝାତେରି; ୩୬ ନାଗ୍ଡାଟି ମାଟେସ୍ ନାଙ୍ଗେ ହିମ୍ବୁରି ହୁଟି କିୟାତେରି; ନଫେରି ମାଟେସ୍ ନାଙ୍ଗେ କେରହାତେରି; କାୟ୍ଦିଦିତା ମାଟେସ୍ ନାଙ୍ଗେ ବେଚି ଖାଡ଼େରି ।

୩୭ ଏମ୍ବାଟିଏ ଦାମ୍ବୁଗାଟାରି ଏଞ୍ଜାଣାଙ୍ଗ ଏଲେଇନେରି, ଏ ପ୍ରବୁ ଏଚେଲା ହାକିଟି ମାନାଣି ମେସାନା ନିଙ୍ଗେ ଡିଞ୍ଜାଲି ହିୟାଆତମି ? ଏଚେଲା ଏସ୍କି ଆଡ଼ାଣି ମେସାନା ଏୟ୍ ହିୟାଆତମି ? ୩୮ ଅଡ଼େ ଏଚେଲା ଏଟକା ମାଟାଣି ମେସାନା ଆଟ୍ଝାତମି ? ଏଚେଲା ନାଗ୍ଡା ମେସାନା ହିମ୍ବୁରି ହୁଟି କିୟାଆତମି ? ୩୯ ଅଡ଼େ ଏଚେଲା ନଫେରିତା ଇଞ୍ଜା କାୟ୍ଦିଦି ମାନାଣି ମେସାନା ନୀ ତାଣା ଖାଡ଼ମି ? ୪୦ ଇଞ୍ଜା ରାଜା ଏଞ୍ଜାରାଙ୍ଗ ଏଲେଇନେସି, ନାନୁ ମିଙ୍ଗେ ସାତା ଖେସିମାଞ୍ଜାଙ୍ଗ, ମୀରୁ ନା ଇ ଉଣା ତାୟ୍ଣିୟାଙ୍ଗ ରଅଣାଙ୍ଗ ଏନାଆଁ କିହାମାଞ୍ଜେରି ଏ ବାରେ ନାଙ୍ଗେତାକି କିହାମାଞ୍ଜାଦେରି ।

୪୧ ଏମ୍ବାଟିଏ ତାନି ଚେବ୍ ଦାରିତି ଲକୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୂତୁୟ୍ କିହାମାନି କାଲାକାଲା ଡୀଞ୍ଜିମାନି ହିଚୁ ଗାଡ଼ୁୟ୍ତା ହାଜୁ । ୪୨ ଇଚିହ୍ ନାନୁ ହାକିଟି ମାଟେସ୍ ନାଙ୍ଗେ ଡିଞ୍ଜାଲି ହିୟାଆତେରି; ଏସ୍କିଟି ମାଟେସ୍ ନାଙ୍ଗେ ଗସାଲି ଏୟ୍ ହିୟାଆତେରି; ୪୩ ଏଟକା ମାଟାଟି ନାଙ୍ଗେ ଆଟ୍ଝାଆତେରି; ନାଗ୍ଡା ମାଟାଟି ନାଙ୍ଗେ ହିମ୍ବୁରି ହୁଟି କିୟାଆତେରି; ନଫେରି ଇଞ୍ଜା କାୟ୍ଦିଦିତା ମାଟାଟି ନାଙ୍ଗେ କେରହାଆତେରି । ୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରବୁ ଏଚେଲା ମାମ୍ବୁ ନିଙ୍ଗେ ହାକି କି ଏସ୍କି, ଏଟକା କି ନାଗ୍ଡା, ନଫେରି କି କାୟ୍ଦିଦିତା ମାନାଣି ମେସାନା ନିଙ୍ଗେ ସେବା କିୟାଆତମି ? ୪୫ ଏଚେଟିଏ ରାଜା ଏଞ୍ଜାରାଙ୍ଗ

ଏଲେଇନେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନା ଇ ଉଣା ଲକୁ ବିତ୍ରାଟି ରଥଣାଇଁ କିହାହିଲାଆକି ନାଙ୍ଗେ କିହାମାଞ୍ଜଅତେରି । ୪୭ ଅଡ଼େ ଇଞ୍ଜାରି କାଲ୍ଲକାଲ୍ଲାତି ସାସ୍ତି ବେଟାଆନେରି, ସାମା ତୀରିଗାଟାରି କାଲ୍ଲକାଲ୍ଲାତି ଜୀଞ୍ଜୁ ବେଟାଆନେରି ।”

**୨୭**

ଜୀସୁ କପାଟି ପାରୁ ପାରିନାୟି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପୁହାନା ତାନି ସୀସୁୟାଁଇଁ ଏଲେଇଚେସି, ୨ “ରାଇନି ଜେତ ପିସ୍ପିଆନ୍ତି ପାରୁଁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜାଁ ମାଣସି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି ।”

୩ ଏଚିବେଲାତା କାଜା ପୂଜେରାଙ୍ଗା ଅଡ଼େ ଲକୁତି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆଡ଼େରି, ୪ ଅଡ଼େ ଜୀସୁଇଁ ଆସାନା ପାୟାଲି ପାରୁ ପାରିତେରି; ୫ ସାମା ଏଞ୍ଜାରି ଏଲେଇଚେରି, “ପାରୁଁ ବେଲାତା ଆଏ ଇଚିହଁ ଏଡେତା ଲକୁ ଗଡ଼ହା କିନେରି ।”

ବେତନିୟାତା ଜୀସୁ ତାୟୁଁ ତୁ ନିୟୁଁ ଖାକ୍ନାୟି  
(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗାଟି ସିମନ ଇଜ ତିଞ୍ଜାଲି କୁଗାମାଟାଟି, ୭ \*ର ଇୟା ର ଗାଜୁତା ହାରେକା ଦାରାଗାଟି ଗାନ୍ଦା ନିୟୁଁ ତାତାନା ଜୀସୁ ତାୟୁଁ ତୁ ଖାକ୍ନେ । ୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁଁ ? ୯ ଇଦାଆଁ ହାରେକା ଟାକାୟାତାକି ପାରପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସ୍ତ ହାହିମାଞ୍ଜେରି ? ଏଡି ନାଙ୍ଗେତାକି ହାରେକା ନେହଁ କାମା କିହାମାନେ । ୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ । ୧୨ ଇଞ୍ଜାଁ ଏଡି ନା ଆଙ୍ଗାତା ନଚେଏ ନିୟୁଁ ଖାକ୍ନାୟା ମୁସାଲି ତାକି ନଚେଏ ତିୟାରା କିହିମାନେ । ୧୩ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ବାରେ ଦାରଡିତା ଆମିନି ଟାୟୁତା ଇ ନେହଁ କାରୁ ଖେପକି ଆନେ, ଏମାଆଁ ଏ ଇୟାନି ଅଣ୍ଡପାଲି ଏଦାନି ଇ କାମା ଜିକେଏ ଖେସ୍ପି ଆନେ ।”

ଜୀହୁଦା ଜୀସୁଇଁ ଆସ୍ପି କିହାଲି ରାଜି ଆନାୟି  
(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିତ୍ରାଟି ଇୟାରିୟତ ଜୀହୁଦା ଦରୁଗାଟାସି କାଜା ପୂଜେରାଙ୍ଗା ତାଣା ହାଜାନା ଏଲେଇଚେସି, ୧୫ “ନାଙ୍ଗେ ଏନାଆଁ ହିୟାଦେରି ଖେସ୍ତାଦୁ ? ନାନୁ ଜୀସୁଇଁ ଆସ୍ପି କିୟାଇଁ ।” ଏମାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଖେଣ୍ଡି ଟାକାୟାଁ ଏଜିକିହାନା ହାତେରି । ୧୬ ଅଡ଼େ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେରପାଲି ତାକି ପାରୁ ପାରିଲି ମାଟ୍‌ହେସି ।

ଜୀସୁ ଅଡ଼େ ସୀସୁୟାଁ ପିସ୍ପିଆନ୍ତି ପାରୁଁ କିନାୟି

୧୭ ତାୟୁ ପୁଲ୍ଲାଏୟୁ ଆଣ୍ଡାଆତି ରୁଟି ତିନି ପାରୁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଖେଚେରି, “ମାୟୁ ଆମିନି ଟାୟୁତା ନିଙ୍ଗେତାକି ପିସ୍ପିଆନ୍ତି ପାରୁତି ବଜି କିନମି ଇଞ୍ଜାଁ ନାନୁ ଅଣ୍ଡପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡ଼ାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଖେସା ପାଣ୍ଡାତେସି, ନା କାରୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସ୍ପିଆନ୍ତି ପାରୁତି ବଜି କିନମି ।”

୧୯ ଏମାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସ୍ପିଆନ୍ତି ପାରୁତି ବଜି କିତେରି ।

୨୦ ତାୟୁ ମିଡ଼ଅଲ୍ଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବଜିତା କୁଗିତେସି । ୨୧ ଏଞ୍ଜାରି ତିଞ୍ଜିମାଟି ବେଲାତା ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଥସି ନାଙ୍ଗେ ସାତୁୟାଁ କେୟୁତା ହେରପାନେସି ।”

୨୨ ଏମାଟିଏ ଏଞ୍ଜାରି ହାରେକା ଦୁକୁ ଆହାନା ରଥ ରଥସି ଜୀସୁଇଁ ଖେଚେରି, “ଏ ପ୍ରବୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇଚେସି, “ନା ତଲେ ଆମ୍ବାଆସି ସାଡ଼ଞ୍ଜାତା କେୟୁ ପାରକି ମାନେସି, ଏଞ୍ଜାସି ନାଙ୍ଗେ ସାତୁୟାଁ କେୟୁତା ହେରପାନେସି । ୨୪ ମାଣସି ମୀରୁଏଣି କାତା ଏନିକଁ ରାସ୍‌କି ଆହାମାନେ ଏଲେକଁ କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେରପି ଆହିମାନେସି, ଆୟୁତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାର୍ନା ଆହାହିଲାଆତିହଁ ଏଞ୍ଜାଣାକି ନେହେଁ ଆଡେମା ।”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେରପିତେସି, ଏଞ୍ଜାସି ଏଲେଇଞ୍ଜି ଇଚେସି, “ଏ ଗୁରୁ ଏଞ୍ଜାତେଏଁ ନାନୁ କି ?”

ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁତ ଏଲେ ଇଞ୍ଜିମାଞ୍ଜି ।”

ପ୍ରବୁତି ବଜି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

\* ୨୭:୭ ୨୭:୭ ଲୁକ ୭:୩୭,୩୮

୨୬ ଅଡ଼େ ଏଝାରି ତିଞ୍ଜିମାଟି ବେଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡିକହାନା ସୀସୁୟାକି ହାହାନା ଏଲେଇରେସି, “ଇଦାଆଁ ଅଦୁ ଇଞ୍ଜା ତିଞ୍ଜୁ ଇଦି ନା ଆଙ୍ଗା ।”

୨୭ ଅଡ଼େ ଏଝାସି ଗହୁନି ସଲା ଆସାନା ମାହାପୁରୁଇଁ ଜହରା କିତେସି ଇଞ୍ଜା ସୀସୁୟାକି ହାହାନା ଏଲେଇରେସି: “ଇଦାଆଁ ବାରେତେରି ଗହୁଦୁ” ୨୮ “ଇଚିହୁଁ ଆମିନି ନେତେରିତି ରାଜିମାନା ହାରେକା ଲକୁତାକି ପାପୁତି ମେକହାଲି ଝାକହାମାନି ଇଦି ଏ ନା ନେତେରି । ୨୯ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମିନି ଦିନା ନା ଆବାତି ରାଜିତା ମୀ ତଲେ ପୁଝନି ଅଙ୍ଗୁରି ରାସା ଗହୁଆ ପାତେକା ନୀଞ୍ଜୁଟିଏ ଏଚେଲାଝା ଅଙ୍ଗୁରି ରାସା ଗହୁଅଁ ।”

୩୦ ଅଡ଼େ ଏଝାରି ଜହରା ପାରୁ ପାଟିତି ତାମୁ ଜୀତ ହରୁତା ହଡ଼ା ହାଚେରି ।

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା ତଲିଏ ଝେହୁନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏଚିବେଲା ଜୀସୁ ଏଝାରାଇଁ ଏଲେଇରେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଙ୍ଗେ ପିସାନା ହାଜାଦେରି, ଇଚିହୁଁ ରାସକି ଆହାମାନେ, ନାନୁ ମେଣ୍ଡାୟାଁ ଗଡ଼ୁଁ ଝେଇଁ ଅଡ଼େ ମାଦାତି ମେଣ୍ଡାୟାଁ ଆଲାରା ଆହାହାନୁ । ୩୨ ସାମା ନାନୁ ହାହାନା ନିଜିତି ତାମୁ ମୀ ନକିତା ଗାଲିଲିତା ହାଇଁ ।”

୩୩ ସାମା ପିତର ଜୀସୁଇଁ ଏଲେଇରେସି, “ବାରେଜାଣା ନିଙ୍ଗେ ପିସୁତିହୁଁ ଜିକେଏ, ନାନୁ କଡ଼େ ନିଙ୍ଗେ ଏଚେଲାଝା ପିସୁଅଁ ।”

୩୪ ଜୀସୁ ପିତରଇଁ ଏଲେଇରେସି, “ନାନୁ ନିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଶୁଆ ନକେଏ ନାନୁ ନାଙ୍ଗେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜୁଁ ଝେହୁଦି ।”

୩୫ ପିତର ଏଝାଣାଇଁ ଏଲେଇରେସି, “ନାନୁ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଙ୍ଗେ ଏଚେଲା ପୁଞ୍ଜାହିଲଅଁ ଇଞ୍ଜୁଁ ଇନଅଁ!” ଇଞ୍ଜା ବାରେ ସୀସୁୟା ଜିକେଏ ଏଲେଇରେରି ।

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀସୁ ତାନି ସୀସୁୟା ତଲେ ଗେଡ଼ସିମନି ଇନି ର ଗାମୁତା ହାଜାନା ଏଝାରାଇଁ ଏଲେଇରେସି, “ନାନୁ ଏମ୍ବାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ବାଆଁ କୁଗା ମାଞ୍ଜୁ ।”

୩୭ ଅଡ଼େ ଏଝାସି ପିତର ଇଞ୍ଜା ଜେବଦିତି ରୀ ମୀରକାଣି ଅହାନା ହିୟାତା କିଲିବିଲି ଆଡ଼େସି,

୩୮ ଇଞ୍ଜା ଏଚିବେଲା ଏଝାରାଇଁ ଏଲେଇରେସି, “ନା ଜୀସୁ ହାନିଲେହେଁ ହାରେକା କିଲିବିଲି ହଡ଼ି ମାଞ୍ଜାନେ, ମୀରୁ ଇମ୍ବାଆଁ ତୟାନା ନା ତଲେ କାଚିହୁଁ ମାଞ୍ଜୁ ।”

୩୯ ଇଞ୍ଜା ଏଝାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହୁଁ ଏଲେଇରେସି, “ଏ ନା ଆବା ଆଡ଼ିହୁଁ ଇ ନା ଦୁକୁ କସୁଗାଟି ସଲାତି ହେକ କିମ୍ପୁ; ସାମା ନା ମନ କଡ଼େ ଆଏ ନୀ କାତେଏ ଆପେ ।”

୪୦ ଅଡ଼େ ଏଝାସି ସୀସୁୟାତାଣା ଝାହାନା ଏଝାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇରେସି, “ମୀରୁ ନା ତଲେ ଗାଡ଼େକା ଜିକେଏ କାଚାଲି ଆଡ଼ାଆତେରି ? ୪୧ ପାନ୍ଦାତା ଏନିକଁ ହେରୁଅତେରି, ଏଦାଆଁତାକି କାଚାହାଁ ପ୍ରାତାନା କିହେମାଞ୍ଜୁ; ଇଚିହୁଁ ମନ ମାନେ ସାମା ଆଙ୍ଗାତା ବାଡ଼ୁୟୁ ହିଲେଏ ।”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହୁଁ ଏଲେଇରେସି, “ଏ ନା ଆବା ଇ ନା ଦୁକୁ କସୁଗାଟି ସଲା ନା ତାଣାଟି ହେକ ଆହାଲି ଆଡ଼ାଆତି, ନାନୁ ଏଦାଆଁ ଗହୁଇଁ ନା ମନ କଡ଼େ ଆଏ ନୀ କାତେଏ ଆପେ ।” ୪୩ ଅଡ଼େ ଏଝାସି ଝାହାନା ଏଝାରାଇଁ ଇଦା କିହାମାନାଣି ମେସ୍ତେସି; ଇଚିହୁଁ ଏଝାରି କଚଣି ହଡ଼ି ମାଚେରି ।

୪୪ ଏମ୍ବାଟିଏ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ହାଜାନା ଅଡ଼େ ଏ ପ୍ରାତାନା ତାନିପାଲି ତାକି କିତେସି । ୪୫ ତାମୁ ସୀସୁୟା ତାଣା ଝାହାନା ଏଲେଇରେସି, “ଗାଡ଼େକା ତୁରାନା ଜମାଦୁ, ଇଚିହୁଁ ମାଣ୍ଡସି ମୀରୁଏସି ପାପୁ ଗାଟାରି ତାଣା ହେରୁପି ଆନିବେଲା ଏଦାତେୟିଏ । ୪୬ ନିଙ୍ଗାଦୁ ମୀର ହାନ, ଇଞ୍ଜା ମେହୁଦୁ ଆମ୍ବାଆସି ନାଙ୍ଗେ ସାତୁୟାଁ କେୟୁତା ହେରୁପାନେସି, ଏଝାସି ତାଗେ ଝାଡ଼େସିଏ !”

ଜୀସୁଇଁ ସାତୁୟାଁ କେୟୁତା ହେରୁପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀସୁ ଇ କାତା ଝେସିମାଟି ବେଲାତା, ମେହୁଦୁ, ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ଏଝାଣିତଲେ କାଜା ପୂଜେରାଙ୍ଗା ଅଡ଼େ ଲକୁତି କାଜାରି ତାଣାଟି ପାଣ୍ଡୁଆହାମାନି ହାରେକା ଲକୁ କାଣ୍ଡାୟାଁ ଅଡ଼େ ବାଡ଼ୁଗାୟାଁ ଆସାନା ଝାଡ଼େରି । ୪୮ ଜୀସୁଇଁ ସାତୁୟାଁ କେୟୁତା ହେରୁପିନାସି ଏଝାରାଇଁ ଇ ସିନା ଝେସାମାଚେସି, “ନାନୁ ଆମ୍ବାଆରାଇଁ ନଣ୍ଡିଇଁ ଏଝାସିଏ ଏଝାସି, ଏଝାଣାଇଁ ଆହଦେରି ।”

☆ ୨୭:୩୨ ୨୭:୩୨ ମାଟି ୨୮:୧୭

୪୯ ଇଞ୍ଜା ଏଝାସି ଏ ଦେବୁଣିଏ ଜୀସୁ ତାଣା ଖାହାନା, “ଏ ଗୁରୁ ଜହରା ଇଚେସି” ଅଡ଼େ ଏଝାଣାଇଁ ହାରେକା ନଶ୍ଚିତେସି ।

୫୦ ସାମା ଜୀସୁ ଏଝାଣାଇଁ ଏଲେଇଚେସି, “ଏ ତଣେ ଏନାଆଁ କିହାଲି ଖାହାମାଞ୍ଜି ଏଦାଆଁ କିମୁ ।”

ଏମ୍ବାଟିଏ ଏଝାରି ତାଗେ ଖାହାନା ଜୀସୁଇଁ ଆସ୍ତେରି । ୫୧ ଅଡ଼େ ମେହ୍‌ଦୁ, ଜୀସୁତଲେ ମାଚାରି ବିତ୍ତାଟି ରଅସି କାଣ୍ଡା ହପ୍‌ହେସି ଇଞ୍ଜା କାଜା ପୂଜେରା ହଲେଏଣାଇଁ କିୟ୍ ରାଡ଼ହେସି ।

୫୨ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନୀ କାଣ୍ଡା ୱେଣ୍ଡେ ନୀ ପାଡ଼କାତା ଇଚାମ୍, ଇଚିହ୍ ଆମ୍ବାଆରି କାଣ୍ଡା ଆହ୍‌ନେରି ଏଝାରି କାଣ୍ଡା ତଲେଏ ହାନ୍‌ନେରି । ୫୩ ନୀନୁ ଏନାଆଁ ଅଣପିମାଞ୍ଜି, ନୀନୁ ନା ଆବାଇଁ ବାତିମାଲିତିହ୍ ଇ ଦେବୁଣିଏ ବାରୁ ଗତି ରିଜାରି କସକା କିହ୍ ହାରେକା ଦୁଦୁୟାଁଇଁ ପାଣ୍ଡାସି ?” ୫୪ ଇଚିହ୍ ଇଲେକ୍ ସାତେଏ ଆନ୍‌ନେ ଇଞ୍ଜାମାନି ଦାମ୍ ପଡ଼ିତି କାତା ଏନିକ୍ ସାତା ଆନ୍‌ନେ ?

୫୫ ଏଚେଟିଏ ଜୀସୁ ମାନ୍ଦା ଲକୁଣି ଏଲେଇଚେସି, ତଂଗା ଗାଚାରାଇଁ ଆହ୍‌ନିଲେହେଁ କାଣ୍ଡାୟାଁ ଅଡ଼େ ଚେଙ୍ଗାୟାଁ ଆସାନା ମୀରୁ ନାଙ୍ଗେ ଆସାଲି ଖାହାମାଞ୍ଜେରି ? ନୀନୁ ବାରେଦିନା ମାହାପୁରୁ ଇଲୁତା କୁଗାନା ଜାପ୍‌ହି ମାଚେଏ, ସାମା ମୀରୁ ନାଙ୍ଗେ ଆସ୍ତାଆତେରି ! ୫୬ ସାମା ମାହାପୁରୁ ଅଣପୁତି ବଲୁ ୱେହ୍‌ନାରି ରାଡ଼ିତି ସାସ୍ତେରି କାତା ଏନିକ୍ ସାତା ଆନ୍‌ନେ, ଏଦାଆଁତାକି ଇ ବାରେ ଆହିମାନେ । ଏଚିବେଲ୍ଲା ବାରେଜାଣା ସାସୁୟାଁ ଏଝାଣାଇଁ ପିସାନା ହଗାଡୁସ୍ତେରି ।

**ବେରଣିମାଣ୍ଡାତା ଜୀସୁତି ନାହାଁୟି**

(ମାର୍କ ୧୪:୫୩-୬୫; ଲୁକ ୨୨:୫୪,୫୫,୬୩-୬୯; ଜହ ୧୮:୧୩-୧୪,୧୯-୨୪)

୬୬ ଡାୟୁ ଏମିନିଗାଚାରି ଜୀସୁଇଁ ଆସାମାଚେରି, ଏଝାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡ଼େରି; ଏ ଚାୟୁତା ମେରାପୁନାରି ଅଡ଼େ ଲକୁତି କାଜାରି ରୁଣ୍ଡା ଆହାମାଚେରି । ୬୭ ସାମା ପିତର ହେକ ଡୟାନା କାଜା ପୂଜେରା ଆଂଗେଣି ପାତେକା ଏଝାରି ଜେଚ ହାଚେସି, ଇଞ୍ଜା ଡାୟୁ ଏନି ଆନ୍‌ନେ, ଏଦାଆଁ ସିନିକିହାଲି ଏଝାସି ବିତ୍ତା ହାଜାନା ଜାମାନାଙ୍ଗା ତଲେ କୁଗାମାଚେସି । ୬୮ ଏମ୍ବାଟିଏ କାଜା ପୂଜେରାଙ୍ଗା ଅଡ଼େ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଝାଣି କପାଟି ମିଚି ସାକିୟାଁ ପାରାତେରି, ୬୯ ଇଞ୍ଜା ହାରେକା ସାକିୟାଁ ୱେସ୍ତୁ ଜିକେଏ, ଏଝାଣି ଏନି ଦହ୍ ପ୍ଲାଞ୍ଚାତେରି । ଇଞ୍ଜା ଡାୟୁ ରିଆରି ନିଚାନା ୱେସ୍ତେରି, ୭୦ ଏଝାସି

ଏଲେଇଞ୍ଜାମାଚେସି, “ନୀନୁ ମାହାପୁରୁତି ଇଲୁ ଡିକ୍‌ହାନା ତାନି ଦିନାଟିଏ କେପାଲି ଆଡ଼ିଇଁ ।”

୭୧ ଏମ୍ବାଟିଏ କାଜା ପୂଜେରା ନିଙ୍ଗାନା ଏଲେଇଚେସି, “ନୀ କପାଟି ଜଲିମାନାରାକି ୱେଣ୍ଡେ ୱେସାଲି ନୀ ଏନି କାତା ହିଲେଏ କି ?” ୭୨ ସାମା ଜୀସୁ ପାଲେଏ ଆହାମା ଡୟିତେସି । ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇଚେସି, “ନୀନୁ ଜୀସୁତି ମାହାପୁରୁ ଦରୁତଲେ ପାରମାଣା କିଝି କିହାନା ୱେଞ୍ଜିମାଞ୍ଜାଇଁ, ନାଙ୍ଗେ ୱେସ୍ତାମ୍, ନୀନୁ ସାତେଏ ମାହାପୁରୁ ମୀରୁଏଣାଟି କ୍ରୀସୁତିକି ?”

୭୩ ଜୀସୁ ଏଝାଣାଇଁ ଏଲେଇଚେସି, “ନୀନୁତ ୱେସିମାଞ୍ଜି; ଅଡ଼େ ନୀନୁ ନିଙ୍ଗେ ୱେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣ୍ଡିଏ ମୀରୁଏଣାଇଁ ବାଡ଼ୁୟାଗାଟି ମାହାପୁରୁ ଚିଞ୍ଚିକି ନିଚାମାନାଣି ଅଡ଼େ ହାଗୁ ଦୁନ୍ଦାଟି ଖାନାଣି ମେହ୍‌ଦେରି !”

୭୪ ଏମ୍ବାଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇଚେସି, “ଇଝାସି ମାହାପୁରୁ ନିନ୍ଦା କିହିମାନେସି, ଇଞ୍ଜା ମାଙ୍ଗେ ଅଡ଼େ ଏନି ସାକିୟାଁ ଲଡ଼ାମାନେ ? ମେହ୍‌ଦୁ ନୀଏଁ ଜିକେଏ ମାହାପୁରୁ ନିନ୍ଦା କିତାଣି ୱେଚେରି, ୭୫ ମୀ ଅଣପୁତା ଏନାୟି ମାନେ ?” ଏମ୍ବାଟିଏ ଏଝାରି ଏଲେଇଚେରି ଏଝାସି ହାନ୍‌ଡି ତଣ୍ଡ ପାଣ୍ଡାୟି ମାନେ !

୭୬ ଏଚିବେଲ୍ଲା ଏଝାରି ଏଝାଣି ମୁମ୍‌ଦୁ ହୁପିତେରି, ବିଦା ୱେଚେରି; ଇଞ୍ଜା ଆମ୍ବା ଆମ୍ବାଆରି ସାପ୍‌ଡ଼ା ୱେଚାନା ଏଲେଇଚେରି, ୭୭ “ଏ କ୍ରୀସୁ ନୀନୁସାଁ ମାହାପୁରୁ ଅଣପୁତି ବଲୁ ୱେହ୍‌ନାଟି, ମାଙ୍ଗେ ୱେସ୍ତାମ୍ ନିଙ୍ଗ ଆମ୍ବାଆସି ୱେଚାତେସି ।”

**ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି**

(ମାର୍କ ୧୪:୨୬-୨୭; ଲୁକ ୨୨:୫୬-୬୨; ଜହ ୧୮:୧୫-୧୮,୨୫-୨୬)

୭୮ ଏମ୍ବାଟିଏ ପିତର ପାଙ୍ଗାଟି ଆଂଗେଣିତା କୁଗାମାଚେସି, ଇଞ୍ଜା ର ହଲେଣି ପିତର ତାଗେ ଖାହାନା ଏଲେଇଚେ, “ନୀନୁ ଜିକେଏ ଗାଲିଲିତି ଜୀସୁତଲେ ମାଟି ।”

୭୯ ସାମା ଏଝାସି ବାରେଡି ନକିତା “ନୀନୁ ଏଝାଣାଇଁ ପୁଞ୍ଜାହିଲଅଁ ନୀନୁ ଏନାଆଁ ୱେସିମାଞ୍ଜି ନୀନୁ ପୁଞ୍ଜାହିଲଅଁ ।” ୮୦ ଅଡ଼େ ପିତର ଆଂଗେଣି ଦୁଝେରିତା ହାଜାଲିଏ ଅଡ଼େ ର ହଲେଣି ଏଝାଣାଇଁ ମେସାନା ଏ ଚାୟୁତି ଲକୁଣି ଏଲେଇଚେ, “ଇଝାସି ନାଜ୍‌ରିତ ଜୀସୁତଲେ ମାଚେସି ।”

୮୧ ପିତର ପାରମାଣା କିହାନା ଅଡ଼େ ଏଲେଇଚେସି, “ନୀନୁ ଏଝାଣାଇଁ ପୁଞ୍ଜାହିଲଅଁ ।”

୮୨ ଅଡ଼େ ର ଗାଡ଼େକା ହାଜାଲିଏ ଦାରିତା ନିଚାମାଚାରି ପିତର ତାଗେ ଖାହାନା ଏଝାଣାଇଁ ଏଲେଇଚେରି, “ନୀନୁ ଜିକେଏ ସାତେଏ ଏଝାରି

ବିଦ୍ରାଠି ରଅତି, ଇଚିହଁ ନୀ ହାଡ଼ାଟି ପୁଣି ଆହିମାନେ ।”

୭୪ ଏମ୍ବାଟିଏ ପିତର ପାରମାଣା ଅଡ଼େ ବାକା ଇଚିହଁ ଏଲେଇଚେସି, “ନାନୁ ଏଞ୍ଜାଣାଇଁ ପୁଞ୍ଜାହିଲଅଁ ।”

ଏ ଦେବୁଣିଏ କୟ୍ କେଣ୍ଡେ । ୭୫ ଏଚେଟିଏ “କୟ୍ କେଣ୍ଡା ନକେଏ ନାଙ୍ଗେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜଁ ଜୀସୁ ଖେପ୍ରି ଇ କାତା ପିତର ଅଣ୍ପୁତା ଖାଡ଼େ, ଇଞ୍ଜଁ ଏଞ୍ଜାସି ପାଙ୍ଗାତା ହାଜାନା ହାଡ଼େକା କିଲିବିଲି ଦୁକୁଆହଁ ଡୀତେସି ।

### ୨୭

#### ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଇ ଖେୟାଲିଏ ବାରେ କାଜା ପୂଜେରାଙ୍ଗା, ଇଞ୍ଜଁ ଲକୁତି କାଜାରି ଜୀସୁଇଁ ପାୟାଲି ଏଞ୍ଜାଣି କପାଟି କାତା ଆଡ଼େରି, ୨ ଇଞ୍ଜଁ ଏଞ୍ଜାରି ଏଞ୍ଜାଣାଇଁ ଦସା ଅହାନା ପିଲାତ ଇନି ସାଲୁଞ୍ଜି କିନାଣି ତାଣା ହେର୍ପିତେରି ।

#### ଇସ୍ପାରିୟତ ଜୀହୁଦା ହାନାୟି (କାମା ୧:୧୮-୧୯)

୩ ଏଚିବେଲା ଜୀସୁଇଁ ସାତୁ କେୟୁତା ହେର୍ପିତି ଜୀହୁଦା, ଜୀସୁ ହାନି ତଣ୍ଡ ବେଟା ଆହାମାନେସି ଇଞ୍ଜଁ ପୁଞ୍ଜାନା, ଜୀହୁତା ଅଣ୍ପାଦାନା କାଜା ପୂଜେରାଙ୍ଗା ଅଡ଼େ ଲକୁତି କାଜାରି ତାଣା ଏ କଡ଼େଦସ ଟାକା ଖେଣ୍ଡେ ତାଚାନା ଏଲେଇଚେସି, ୪ “ନାନୁ ଦହ ହିଲାଆଗାଟାଣି ନେତେରି ହେର୍ପାଦାନା ପାପୁ କିହାମାଇଁ ।”

ସାମା ଏଞ୍ଜାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ? ଏଦାଆଁ ନାନୁ ଅଣ୍ପାପାମୁ ।”

୫ ଏମ୍ବାଟିଏ ଏଞ୍ଜାସି ଟାକାୟାଣି ମାହାପୁରୁ ଇଲୁ ବିଡ୍ରା କୁତାଦୁସାନା ହାଚେସି, ଇଞ୍ଜଁ ହାଜାନା ହେର୍କି ଲେଜା ହାଡ଼େସି ।

୬ ସାମା କାଜା ପୂଜେରାଙ୍ଗା ଏ ଟାକାୟାଁ ଅହାନା ଏଲେଇଚେରି, “ଇଞ୍ଜାଆଁ ମାହାପୁରୁ ଇଲୁତି ଦନ ତଲେ ଇଚିନାୟି ମେରା ହିଲେଏ, ଇଚିହଁ ଇଞ୍ଜି ନେତେରିତି ଟାକାୟାଁ ।” ୭ ଇଞ୍ଜଁ ଏଞ୍ଜାରି କାତା ଆହାନା ଏଟକା ଦେସାତି ଲକୁତି ମାଡ଼ହା ମୁହନି ଟାୟୁ ତାକି ଏ ଟାକାୟାଁ ହାହାନା ର କୁମ୍ପେଏଣା ବୁମି କଡ଼ିତେରି । ୮ ଏଦାଆଁତାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜଁ ଇନେରି ।

୯ ଏମ୍ବାଟିଏ ମାହାପୁରୁ ଅଣ୍ପୁତି ବଲୁ ଖେହନି ଜିରିମିୟ ତାଣାଟି ରାଡ଼ିତି ଇ କାତା ସାତା ଆଡ଼େ, ଇସ୍ରାୟେଲ ମୀରକା ଆମ୍ବାଆରି ତାକି ଏଚେକା ଲେକା ହାନାୟି ମାନେ, ଏଞ୍ଜାଣି ଲେକାତଲେ ଏ

କଡ଼େଦସ ଟାକା ଅହାନା, ୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ପେଏଣା ବୁମି ତାକି ହୀତେରି ।

#### ପିଲାତ ଜୀସୁଇଁ ଖେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲୁଞ୍ଜି କିନାଣି ନକିତା ଜୀସୁଇଁ ନିପ୍ତହେରି, ଇଞ୍ଜଁ ସାଲୁଞ୍ଜି କିନାସି ଏଞ୍ଜାଣାଇଁ ଖେଚେସି, “ନାନୁ ଜୀହୁଦି ଲକୁତି ରାଜାଟି ?”

ଜୀସୁ ଏଲେଇଚେସି, “ନାନୁତ ଏଲେ ଇଞ୍ଜିମାଞ୍ଜି ।” ୧୨ ସାମା କାଜା ପୂଜେରାଙ୍ଗା ଇଞ୍ଜଁ ଲକୁତି କାଜାରି ଏଞ୍ଜାଣି କପାଟି ଖେସାଲିଏ, ଜୀସୁ ଏନାଆଁ ଇନାଆତେସି ।

୧୩ ଏଚେଟିଏ ପିଲାତ ଏଞ୍ଜାଣାଇଁ ଏଲେଇଚେସି, “ଇଞ୍ଜାରି ନୀ କପାଟି ହାଡ଼େକା କାତା ଖେସିମାନେରି, ଏଦାଆଁ ଖେଞ୍ଜି ହିଲଅତି କି ?”

୧୪ ସାମା ଏଞ୍ଜାସି ର କାତା ଜିକେଏ ଏଞ୍ଜାଣାଇଁ ଜଲ୍ଲାଆତେସି, ଏମ୍ବାଟିଏ ସାଲୁଞ୍ଜି କିନାସି ହାଡ଼େକା କାବା ଆଡ଼େସି ।

#### ଜୀସୁତି ହାନି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୧୫ ପିସ୍ପିଆନି ପାରୁଁ ବେଲାତା ଲକୁ, ଆମିନି କାୟିଦିତା ଇଟାମାନାରାଇଁ ରାସିମାଚେରି ଏଞ୍ଜାଣାଇଁ ପିସାଲି ସାଲୁଞ୍ଜି କିନାଣି ମେରା ମାଚେ । ୧୬ ଏଚିବେଲା ଏଞ୍ଜାରି ଜୀସୁ-ବାରବା ଦରୁଗାଟି ର କାଜା ଖେଞ୍ଜିତି କାୟିଦି ଗାଟାସି ମାଚେସି । ୧୭ ଏଦାଆଁତାକି ଏଞ୍ଜାରି ରୁଣ୍ଡା ଆହାମାନି ବେଲାତା ପିଲାତ ଏଞ୍ଜାରାଇଁ ଖେଚେସି, ନାନୁ ମିଙ୍ଗେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜଁ ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସୁ ଇଞ୍ଜଁ ମାଞ୍ଜେରି ଏ ଜୀସୁଇଁ ? ୧୮ ଇଚିହଁ ଏଞ୍ଜାରି ଏଞ୍ଜାଣାଇଁ କପାଟି ହେର୍ପା ମାନେରି ଇଞ୍ଜଁ ପିଲାତ ପୁଞ୍ଜାମାଚେସି ।

୧୯ ଇଞ୍ଜଁ ପିଲାତ ନୀହାୟି କିନି ଟାୟୁତା କୁଗାମାଚାଟି ତାନି ତକ୍ତି ତାନି ତାଣା ଖେସା ପାଣ୍ଡିତେ, “ଏ ଦାମ୍ବୁଗାଟି ମାଣ୍ଡିଇଁ ଏନାଆଁ କିଆନି, ଇଚିହଁ ଏଞ୍ଜାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାଡ଼େକା କସ୍ତୁ ଆହାମାଇଁ ।”

୨୦ ସାମା କାଜା ପୂଜେରାଙ୍ଗା ଅଡ଼େ ଲକୁତି କାଜାରି, ବାରବାଇଁ ରାସାଲି ଇଞ୍ଜଁ ଜୀସୁଇଁ ନାସା କିହାଲି ଲକୁଣି ଜାପ୍ତହେରି । ୨୧ ସାମା ପିଲାତ ଏଞ୍ଜାରାଇଁ ଏଲେଇଚେସି, “ନାନୁ ଇ ରିଆରି ବିଦ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜଁ ମୀରୁ ମନ କିହିମାଞ୍ଜେରି ?”

ଏଞ୍ଜାରି ଏଲେଇଚେରି, “ବାରବାଇଁ ।”

✧ ୨୭:୩ ୨୭:୩ କାମା ୧:୧୮,୧୯

୨୨ ପିଲାତ ଏଝାରାଇଁ ଖେରେସି, ଆତିହୁଁ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଝାରି ବାରେଜାଣା ଏଲେଇରେରି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୩ ସାମା ପିଲାତ ଖେରେସି, “ଏନାଆଁତାକି, ଏଝାସି ଏନି ଦହୁ କିହାମାନେସି ?”

ସାମା ଏଝାରି ହାରେକା କାଲଝି ଆହୁଁ ଏଲେଇରେରି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୪ ଏଟିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏଟିବେଲା ଲକୁ ନକିତା ଏମୁ ଅହାନା କେସ୍ତା ନରହାଁ ଏଲେଇରେସି, “ଇଝାଣି ପାୟିନି ତାଣା ନା ଦହୁ ହିଲେଏ, ମୀରୁ ଏଦାଆଁ ପୁଞ୍ଜୁ ।”

୨୫ ଏମ୍ବାଟିଏ ବାରେ ଲକୁ ଏଲେଇରେରି, “ଏଝାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଖାପେ ।”

୨୬ ଏମ୍ବାଟିଏ ପିଲାତ ଏଝାରାକି ବାରବାଇଁ ପିସା ହାତେସି, ଇଞ୍ଜା ଜୀସୁଇଁ ସାଟୁଣି ଖେଚାନା ପାସି ମୁଣ୍ଡାତା ଏକହାଲି ହେରପିତେସି ।

**କସକା ଜୀସୁଇଁ ନିନ୍ଦାକିହୁଁ କାକନାୟି**

(ମାର୍କ ୧୫:୧୭-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲଝି କିନାଣି କସକା ଜୀସୁଇଁ ମେଡ଼ା ଇଲୁ ବିତ୍ତା ଅହାନା ବାରେ କସକା ଏଝାଣି ନକିତା କୁଡ଼ା ଆଡେତରି । ୨୮ ଇଞ୍ଜା ଏଝାରି ଏଝାଣି ହିମ୍ବୁରି ହୁକହାନା ଏଝାଣାଇଁ ହେୟାଁ ଖାଣାଗାଟି ହିମ୍ବୁରି ହୁଟିକିତେରି, ୨୯ ଇଞ୍ଜା ହାପକା ଚପେରି ଆଲାନା ଏଝାଣି ତାୟୁଁ ତୁ ଇଟିତେରି ଅଡେ ଏଝାଣି ଚିଝନି କେୟୁତା ର ବାଡ଼ଗା ଆସପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁଡିହୁଁ “ଏ ଜୀହୁଦି ଲକୁତି ରାଜା ଜହରା” ଇଞ୍ଜା ଲାଜାକିହୁଁ କାକହେରି । ୩୦ ଅଡେ ଏଝାଣିଲାକ ହୁପିତେରି, ଅଡେ ଏ ବାଡ଼ଗା ଆସାନା ଏଝାଣି ତାୟୁଁ ତୁ ଖେତେରି । ୩୧ ଅଡେ ଏଝାରି ଏଝାଣାଇଁ ଲାଜାକିହୁଁ କାକହି ତାୟୁ, ଏ ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଟିକିତେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକହାଲି ଅଡେରି ।

**ଜୀସୁ ପାସି ମୁଣ୍ଡାତା**

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଟାଟି ସିମନ ଦରୁଗାଟି ର କୁରିଣି ଦେସାତି ଲକୁଇଁ ମେସାନା ଜୀସୁତ ପାସିମୁଣ୍ଡା ତେକାଲି ଏଝାଣାଇଁ ବାଲାମାତମି କିତେରି । ୩୩ ଇଞ୍ଜା ଏଝାରି ଗଲଗତା ଇନି ଚାୟୁତା ଇଟିହୁଁ ଏମିନାଣି ତାୟୁଁ ରୁପାଁ ଇନେରି ଏମ୍ବାଆଁ ଅଡେରି ।

୩୪ ଏମ୍ବାଆଁ ଏଝାରି ଏଝାଣାକି କାମେଲି ଏମୁ ଆବୁହି ଅଞ୍ଜୁରି ରାସା ଗସାଲି ହାତେରି, ସାମା ଏଝାସି ଏଝାଆଁ ଖାଣ୍ଡାନା ଗସାଲି ମନ କିଆଡେସି ।

୩୫ ତାୟୁ ଏଝାରି ଏଝାଣାଇଁ ପାସି ମୁଣ୍ଡାତା ଏକହାନା ତାନି ହିମ୍ବୁରିକା ପାଦି କିହାନା ତାନି ବିତ୍ତା ବାଟି କିହା ଅଡେରି, ୩୬ ଇଞ୍ଜା ଏମ୍ବାଆଁ କୁଗାନା ଏଝାଣାଇଁ କାଟିମାଚେରି । ୩୭ ଇଞ୍ଜା ଏଝାରି ଏଝାଣି ତାୟୁଁ ଲାକଟି ଇଲେଇଞ୍ଜା ରାଚାନା ଲେତେରି, “ଇଝାସି ଜୀହୁଦି ଲକୁତି ରାଜା ଜୀସୁ ।” ୩୮ ଏଟିବେଲା ତାନି ଚିଝନିଝାକି ରଅସି ଇଞ୍ଜା ତାନି ଚେବୁଝାକି ରଅସି ଇଲେକିହୁଁ ରୀ ସରକାଣି ତାନିତଲେ ପାସି ମୁଣ୍ଡାତା ଏକହେରି ।

୩୯ ଇଞ୍ଜା ଏ ଜିରୁଟି ହାଜିମାନି ଲକୁ ତାନି ତାର୍କା ଗୁଟକିକିହୁଁ ଏଝାଣାଇଁ ନିନ୍ଦାକିହୁଁ ଏଲେଇରେରି, ୪୦ “ଆଡେ ମାହାପୁରୁ ଇଲୁ ଡିକନାତି ଇଞ୍ଜା ତାନି ଦିନାଟିଏ ଏଦାଆଁ ଖେଣ୍ଡେ କେପିନାତି, ନାନୁ ମାହାପୁରୁ ମୀରଏଣାତି ଇଟିହୁଁ, ନାନୁ ନିଜେ ଗେଲପା କତାନା ପାସି ମୁଣ୍ଡାଟି ରେଚା ଖାମୁ ।”

୪୧ କାଜା ପୂଜେରାଜା ଜିକେଏ ଏଲେକିହୁଁ ଏ ମେରାପୁନାରି ଇଞ୍ଜା ଲକୁତି କାଜାରି ତଲେ କିଜଝିକିହୁଁ କାକହିହୁଁ ଏଲେଇରେରି, ୪୨ “ଏଝାସି ଏଟକା ଲକୁଣି ପିସପି କିତେସି ତାଙ୍ଗେ ଗେଲପାଲି ଆଡ଼ିହିଲଅସି । ଏଝାସିତ ଇସାୟେଲତି ରାଜା, ଏଝାସି ଦେବୁଣିଏ ପାସି ମୁଣ୍ଡାଟି ରେଚା ଖାପେସି, ଆତିହୁଁ ମାର ଏଝାଣି ତାଣା ନାମିନ । ୪୩ ଏଝାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଝାଣାଇଁ ଜୀସୁ ନହାଁ ମାନେସି, ଆତିହୁଁ ଏ ଦେବୁଣିଏ ଏଝାଣାଇଁ ଗେଲପାପେସି, ଏଝାସି ଖେସାମାଚେସି ନାନୁ ମାହାପୁରୁ ମୀରଏଣାତେଏଁ ।”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଲେକି ନିନ୍ଦା କିହାଲି ମାଟହେରି ।

**ଜୀସୁତି ହାନାୟି**

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଟାଟିଏ ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାହାଚେ । ୪୬ ମିଡ଼ଅଲା ତାନି ଗଂଟା ବେଲାତା ଜୀସୁ କାଜା ଗିୟାତଲେ ହାଟାନା ଏଲେଇରେସି, “ଏଲି, ଏଲି, ଲାମା ସାବକ୍ତାନି ?” ଇଟିହୁଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଙ୍ଗେ ଏନାଆଁତାକି ପିସାଟି ?”

୪୭ ଇ ହାଡ଼ା ଖେଞ୍ଜାନା ଦାରିତା ନିଚାମାଟି ଲକୁ ଏଲେଇରେରି, “ଇଝାସି ଏଲିୟଇଁ ହାଟି ମାନେସି ।” ୪୮ ଅଡେ ଏ ଦେବୁଣିଏ ରଅସି ଏଝାରି ବିତ୍ତାଟି ହଟିହୁଁ ହାଜାନା ର ଡ୍ରାଃଆଲି ପୁଲା ଅଞ୍ଜୁରି

☆ ୨୭:୪୦ ୨୭:୪୦ ମାତୃ ୨୭:୨୧; ଜହ ୨:୧୯

ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀସୁକି ଗସାଲି ହୀତେସି ।

୪୯ ସାମା ଏରେକା ଲକୁ ଏଲେଇଚେରି, “ହେଶୁ ଏଲିୟ ଇଝାଣାକ୍ ଗେଲ୍ପାଲି ଖାହିମାନେସି କି ଆଏ ସିନିକିନ ।”

୫୦ ସାମା ଜୀସୁ ଅଡ଼େ ଖେଶ୍ଟେ କାଜା ଗିୟାତଲେ ହାଟାନା ହାଡ଼େସି ।

୫୧ ଇଞ୍ଜା ମେହ୍ଦୁ ମାହାପୁରୁ ଇଲୁତା ଲେଟାମାନି ହିମ୍ବରି ଲାକଟିଏ ଡଳ ପାତେକା ଗେଞ୍ଜାନା ରୀ ବାଗା ଆଡ଼େ, ଇଞ୍ଜା ବୁମି ବାରେ ଖୀତିତେ ଅଡ଼େ ଖାଲ୍‌କା ଅୟାହାରୁ, ୫୨ ଇଞ୍ଜା ମାଡ଼ହା ମୁହ୍ନି ଟାମ୍ଲା ବାରେ ଦେପିଆଡୁ, ଅଡ଼େ ହାହାମାଟି ହାରେକା ସୁଦୁ ଲକୁଡି ଆଜା ମାଡ଼ହା ମୁହ୍ନି ଟାମ୍ଲୁଟି ନିଜାମା ଖାଡ଼େରି, ୫୩ ଇଞ୍ଜା ଜୀସୁ ଖେଶ୍ଟେ ନିଜିତି ତାମ୍ଲୁ ଏଝାରି ମାଡ଼ହା ମୁହ୍ନି ଟାମ୍ଲୁଟି ହଟାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡ଼େରି ।

୫୪ ପାସାକଡ଼ି କସକା ମୁହେଁ କାଜାସି ଇଞ୍ଜା ତାନିତଲେ ଜୀସୁକ୍ କାଟାମାଟାରି, ଏଝାରି ବୁମି ଖୀତିତାଣି ଅଡ଼େ ଏମ୍ବାଆଁ ଗଟଞ୍ଜି ଆଡ଼ାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଝାସି ମାହାପୁରୁ ମୀରଏସି ମାଚେସି !”

୫୫ ଅଡ଼େ ହାରେକା ଇୟାସିକା ଜିକେଏ ଏମ୍ବାଆଁ ମାଞ୍ଜାନା ହେକଟି ସିନିକିହିମାରୁ; ଏଞ୍ଜି ଜୀସୁତି ସେବା କିହିଁ ଗାଲିଲିଟି ଏଝାଣିତଲେ ଖାହାମାରୁ; ୫୬ ଏଝାସିକା ବିତାଟି ମଗ୍ଦଲିନି ମରିୟମ, ଜାକୁବ ଅଡ଼େ ଜସେପ ତାମି ଇୟା ମରିୟମ, ଅଡ଼େ ଜେବଦି ତାମି ଇୟା ମାରୁ ।

**ଜୀସୁକ୍ ମୁହ୍ନାୟି**

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଟାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଟାସି ଖାଡ଼େସି, ଏଝାସି ଜିକେଏ ଜୀସୁତି ର ସୀସୁ ଆହାମାଚେସି । ୫୮ ଏଝାସି ପିଲାତ ତାଣା ହାଜାନା ଜୀସୁତି ଆଜା ରୀସ୍ତେସି, ପିଲାତ ଜୀସୁତି ମାଡ଼ହା ଏଝାଣାକି ହେର୍ପାଲି ହୁକୁମି ହୀତେସି । ୫୯ ଜସେପ ମାଡ଼ହା ଆଜାତି ଅହାନା ନେହିଁ ପୁଃନି ପାଡ଼ାଡ଼ା ଦବ୍‌ଲା ହିମ୍ବରି ରୁପିତେସି, ୬୦ ଇଞ୍ଜା ତାନୁ ତାଜେତାକି ହରୁତା କାର୍ଡ଼ି କିହାମାନି ମାଡ଼ହା ମୁହ୍ନି ପୁଃନି ଟାମ୍ଲୁତା ମାଡ଼ହାତି ଇଟିତେସି, ଇଞ୍ଜା ମାଡ଼ହାତି ମୁହ୍ନି ଟାମ୍ଲୁତି ଦୁଖେରିତା ର କାଜା ଖାଲି ପ୍ଲିକ୍‌ହାନା ହାଜାଡୁସ୍ତେସି । ୬୧ ମଗ୍ଦଲିନି ମରିୟମ ଅଡ଼େ ଏଟକାତି ମରିୟମ ଏ ମାଡ଼ହା ମୁହ୍ନି ଟାମ୍ଲୁତା କୁଗା ଡ଼ୟିଡୁ ।

**ମାହୁଣି ମାଣ୍ଡାତା କସକା**

୬୨ ତାନି ଅର ଦିନା, ଇଚିହିଁ ତିୟାରା ଆନି ଦିନାତି ତାମ୍ଲୁତି ଦିନା କାଜା ପୂଜେରାଜା ଅଡ଼େ ପାରୁସିୟା ପିଲାତ ତାଣା ରୁଣ୍ଡା ଆହାନା ଏଲେଇଚେରି, ୬୩ “ବାବୁ, ଏ ନାଡ଼ି କିନାସି ଜୀସୁତା ମାଟାଟି, ‘ନାନୁ ତାନି ଦିନାଟିଏ ଖେଶ୍ଟେ ନିଜିକ୍’ ଇଞ୍ଜା ଖେସାମାଟାଣି ନୀଏଁ ମାମ୍ଲୁ ଅୁଣ୍ଡପିମାନମି । ୬୪ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହ୍ନି ଟାମ୍ଲୁତା କାଟାଲି ତାକି ହୁକୁମି ହୀମ୍ଲୁ, ଆଆଡ଼ ତାନି ସୀସୁୟା ଖାହାନା ମାଡ଼ହାତି ତଂଗା ଆହାଁ ଏଝାସି ହାକିଟି ନିଜାମାନେସି ଇଞ୍ଜା ଲକୁଣି ଖେହ୍ନେରି; ଆଡ଼ିହିଁ ତଲି ନାଡ଼ି କିତାଣି କିହିଁ ତାମ୍ଲୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୬୫ ପିଲାତ ଏଝାରାକ୍ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆଡୁ ।”

୬୬ ଏଦାଆଁତାକି ଏଝାରି ହାଜାନା କାଃଆନାରି ତଲେ ଏ ଖାଲି ଗୁଟା ଆଆପେଝା ଇଞ୍ଜା ଖାଲିତି ଜାଣି କିହିଁ ସୀଲି ଖେଚାନା ମାଡ଼ହା ମୁହ୍ନି ଟାମ୍ଲୁତା କାଃନାରାକ୍ କାପି କିତେରି ।

**୨୮**

**ଜୀସୁ ଖେଶ୍ଟେ ନିଜିନାୟି**

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାତି ତାମ୍ଲୁ ଖାରାତି ତଲିତି ଦିନାତା ଲାକ୍ ଲାକ୍‌ସିଏ ମଗ୍ଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହ୍ନି ଟାମ୍ଲୁତି ସିନିକିହାଲି ହାରୁ । ୨ ଅଡ଼େ ମେହ୍ଦୁ ଏ ଦେବୁଣିଏ ବୁମି ଖୀତିତେ, ଇଚିହିଁ ମାହାପୁରୁତି ର ଦୁଡୁ ଲାକପୁରୁଟି ରେଟାଝାହାନା ଏ ଖାଲିତି ଗୁଟି କିହାନା ଏଦାଣି ଲାକ କୁଟିତେସି । ୩ ତାନି ଖାଣା ମିଣ୍ଡିମାନି ହାଗୁଲେହେଁ ମାଚେ ଅଡ଼େ ତାନି ହିମ୍ବରି ପେଣ୍ଡିଲେହେଁ ଦବ୍‌ଲା ମାଚେ । ୪ ଇଞ୍ଜା କାଃଆନାରି ଆଜିତାକି ତୀରୁଗିହିଁ ହାଡ଼ିଲେହେଁ ଆଡ଼େରି ।

୫ ସାମା ଦୁଡୁ ଇୟାସିକାଣି ଏଲେଇଚେସି, “ମୀରୁ ଆଜାଆଡୁ, ଇଚିହିଁ ମୀରୁ ପାସି ମୁଣ୍ଡାତା ହାଡ଼ି ଜୀସୁକ୍ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାକ୍ ।” ୬ ଏଝାସି ଇମ୍ବାଆଁ ହିଲଅସି; ଇଚିହିଁ ଏଝାସି ଏନିକ୍ ଖେସାମାଚେସି, ଏଲେକିହିଁ ଏ ନିଜାମାନେସି, ଖାଦୁ ଏଝାସି ଆମିନି ଟାମ୍ଲୁତା ତୁରାମାଚେସି ଏ ଟାମ୍ଲୁତି ସିନିକିଦୁ । ୭ ଅଡ଼େ ମୀରୁ ତବେ ହାଜାନା ତାନି ସୀସୁୟାଣି ଖେହ୍ନୁ, ଏଝାସି ହାଡ଼ାରି ତାଣାଟି ନିଜାମାନେସି, ଅଡ଼େ ମେହ୍ଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମୀରୁ ଏଝାଣାକ୍ ମେହ୍ଦେରି; ନାନୁ ଖେସ୍ତାତାଣି ଅଣ୍ଡପାଦୁ ।

☆ ୨୭:୨୩ ୨୭:୨୩ ମାତି ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୮ ଏମ୍ପାଟିଏ ଆଜି ଅଡ଼େ ରାହାଁଟି ମାହାଣି ମାଣ୍ଡାଟି ତବେ ହାଜାନା ତାମି ସୀସୁୟାଣି ଖେସାଲି ଦାବ୍‌ଡ଼ି ହୁଟୁ ।

୯ ଅଡ଼େ ମେହ୍‌ଦୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଙ୍ଗେ ହିତୁଡ଼ି ଆୟାପେ” ଏମ୍ପାଟିଏ ଏଝି ତାଗେ ଖାହାନା ଏଝାଣି କତାୟା ଆସାନା ଏଝାଣାଇଁ ଜହରା କିତୁ ।  
୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟାୟାଁଇଁ ଖେହ୍‌ଦୁ, ଏଝାରି ଗାଲିଲିତା ହାଲାପେରି; ଏମ୍ପାଆଁ ଏଝାରି ନାଙ୍ଗେ ମେସ୍ତାନେରି ।”

### ମାହାଣି ମାଣ୍ଡା କାଞ୍ଚିଆନାରି

୧୧ ଆୟାସିକା ହାଜିମାଟାଟି, କାପୁ କାଟାମାଟି କସକା ବିତ୍ରାଟି ଏଚେରଜାଣା ଗାଡ଼ାତା ହାଜାନା ଏ ବାରେ ଗଟଝି ଆଡ଼ାଣି କାଜା ପୂଜେରାଙ୍ଗାଣି ଖେସେରି । ୧୨ ଏଝାରି ଲକୁଡ଼ି କାଜାରି ତଲେ ରୁଣ୍ଡା ଆହାନା ଅଣ୍ଡିପିହ୍ କାତା ତାରିକିତି ତାୟୁ, ଏ କସକାକି ହାରେକା ଟାକାୟାଁ ହାହାନା ଏଲେଇଚେରି, ୧୩ “ମୀରୁ ଏଲେଇଞ୍ଜୁ, ମାମ୍ପୁ ତୁରାମାଟି ବେଲ୍‌ତା ତାମି ସୀସୁୟାଁ ଲାଆଁୟାଁ ଖାହାନା ଏଝାଣାଇଁ ସରୁ ଆହାନା ଅଡ଼େରି । ୧୪ ଅଡ଼େ ଇ କାତା ସାଲଝି କିନାଣି କିୟ୍‌ତୁ ହାରିହ୍, ମାମ୍ପୁ ଏଝାଣାଇଁ ନେହ୍‌କ୍ ଖେସାନା ମୀ ଅଣ୍ଡିପୁଟି ପିସପି କିୟାନମି ।”

୧୫ ଏଝାରି ଟାକାୟାଁ ଅହାନା ଏନିକ୍ ହୁକୁମି ବେଟାଆହା ମାଚେରି, ଏଲେକିହ୍ କିଚେରି । ଏଦାଆଁତାକି ଇ କାତା ଜୀହୁଦି ଲକୁଡ଼ାଣା ଖେଙ୍ଗା ହାଜାନା ନୀଏଁ ପାତେକା ମାନେ ।

### ଜୀସୁ ତାମି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

୧୬ ✱ସାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଝାରାଇଁ ଖେସାମାଚେସି, ଏ ହରୁତା ହାଚେରି । ୧୭ ଅଡ଼େ ଏଝାରି ଏଝାଣାଇଁ ମେସାନା ଜହରା କିଚେରି, ସାମା ଆମ୍ବା ଆମ୍ବାଆରି ନାମାଆଡେରି । ୧୮ ଇଞ୍ଜା ଜୀସୁ ଏଝାରି ତାଗେ ଖାହାନା ଏଲେଇଚେସି, “ଲାକପୁରୁ ଅଡ଼େ ଦାର୍‌ତିତି ଅଦିକାରା ନାଙ୍ଗେ ମେଡ଼ା ଆହାମାଞ୍ଜାନେ । ୧୯ ✱ଏଦାଆଁତାକି ମୀରୁ ହାଜାନା ବାରେ କୁଡ଼ାତି ଲକୁଣି ଆବା, ମୀର୍‌ଏସି ଅଡ଼େ ସୁଦୁଜୀଝୁ ଦରୁଟି ବାପ୍ତିସ୍ମ\* ହାହାନା, ୨୦ ନାନୁ ମିଙ୍ଗେ ହାହାମାଞ୍ଜାନି ହୁକୁମି ବାରେ ମାନଝି ଆହାଲି ଜାପୁହାନା ଏଝାଣାଇଁ ନା ସୀସୁୟାଁ କିଦୁ; ମେହ୍‌ଦୁ ଜୁଗୁ ରାନି ପାତେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ ।”

✱ ୨୮:୧୭ ୨୮:୧୭ ମାଡ଼ି ୨୭:୩୨; ମାର୍କ ୧୪:୨୮

✱ ୨୮:୧୯ ୨୮:୧୯ କାମା ୧:୮

\* ୨୮:୧୯ ୨୮:୧୯ ମୁଞ୍ଜିନାୟି



# ମାର୍କ ଲିଖିତ ସୁସମାଚାର ମାର୍କ ରାଫାମାନି ନେହୁଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାର୍ତତିତା ମାତି ତାନି କାତା ମାର୍କ ରାଫାମାନି ନେହୁଁ କାବୁ; ପୁଃନି ମେରାତି ସାରିଗଟା ନେହୁଁ କାବୁ ପତିୟା ବିତ୍ରାଟି ଇଦି ଆହିମାନେ ର ପତି । ଏ ବାରେ ନେହୁଁ କାବୁ ଇନେରି । ଏ ପତିୟା ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଫାମାଚେରି । ମାର୍କ ରାଫାମାନି ନେହୁଁ କାବୁ ସାରିଗଟା ନେହୁଁ କାବୁ ବିତ୍ରାଟି ବାରେତି କିହାଁ ସଚୁ କାବୁ । ଇ ନେହୁଁ କାବୁ ବାରେ କିହାଁ ନକେଏ ଇତିହୁଁ ଜୀସୁ ଜାର୍ନାଆଡ଼ି ତାୟୁ ୨୫-୭୦ ବାର୍ଯା ବିତ୍ରା ରାସ୍କି ଆହାମାନେ ଇଞ୍ଜୁଁ ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି । ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଫାମାଚେସି ।

ମାର୍କ ଅର ଦରୁ ଜହନ ମାର୍କ, ଏଞ୍ଜାସି ପାଞ୍ଜୁଲ ଅଡ଼େ ବର୍ନବା ତଣେ ମାଚେସି । ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଡଣା ଆହାମାଚେ କାମା ୧୩:୧୩ । ମାର୍କ ଅଡ଼େ ଖେଣ୍ଡେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ । ମାର୍କ ପିତରତି ନେହୁଁ ଜାବୁ ମାଚେସି ୧ପିତ ୫:୧୩ । ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମେସା ହିଲାଆଚେସି, ବୁଦିଗାଟାରି ନାମିମାନେରି ମାର୍କ ରାଫାମାନି ନେହୁଁ କାବୁତା ପିତରତି କାତା ହାରେକା ରାଫାମାନେସି । ମାର୍କ ସୀସୁୟାତି କାମା ଇଞ୍ଜାଁ ଜୀସୁ ରାନ୍ତି ଦିନାତି କାତା ଜାପୁନାଣି ରାଫାମାନେସି ।

### ପତିତା ମାନାୟି

- ୧. ମାର୍କ ପତିତି ମୂଲୁ ହାଡ଼ା । ୧:୧-୧୩
- ୨. ଗାଲିଲିତା ଜୀସୁ କ୍ରୀସ୍ତତି ସେବା କାମା । ୧:୧୪-୮:୨୧
- ୩. ଜୀସୁ କ୍ରୀସ୍ତ ଜିରୁସାଲମତା ହାନାୟି । ୮:୨୨-୧୦:୫୨
- ୪. ଜିରୁସାଲମତି କାତା, ଜୀସୁ କ୍ରୀସ୍ତ ହାନି କାତା ଅଡ଼େ ଖେଣ୍ଡେ ନିଜିନି କାତା ରାଫାନା ରାପୁନାୟି । ୧୧:୧-୧୭:୨୦

ବାପ୍ତିସ୍ମା\* ହାନି ଜହନ ଖେକନାୟି  
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମାର୍ସସି ଜୀସୁ କ୍ରୀସ୍ତତି ନେହୁଁ କାବୁ ଇଲେକି ଆଡେ, ୨ ମାହାପୁରୁ ଅଣ୍ଟପୁତି ବଲୁ ଖେହୁନି ଜିସାୟ ସାଢ଼ସ୍ତେରିତା ଏନିକି ରାସ୍କି ଆହାମାନେ;

“ମାହାପୁରୁ ଏଲେଇଞ୍ଜି ମାନେସି, ମେହମୁ ନାନୁ ନା କାବୁ ଖେହୁନାଣାକ୍ ନୀ ନକିତା ପାଣ୍ଡିମାଞ୍ଜାକ୍,

ଏଞ୍ଜାସି ନିଜୋତାକି ଜିରୁ ତିୟାରା କିନେସି;

୩ ଲକୁ ହିଲାଆ ଟାୟୁତା ରଅଣି ହାଡ଼ା ଖେକିମାନେ, ପ୍ରବୁତି ଜିରୁ ତିୟାରା କିଦୁ,

ଏଞ୍ଜାସି ତାକାଲି ତାକି ଜିରୁ ତିୟି କିଦୁ ।”

୪ ଏମ୍ବାଟିଏ ବାପ୍ତିସ୍ମା\* ହାନି ଜହନ ଲକୁ ହିଲାଆ ଟାୟୁତା ଖାହାନା ବଲୁ ଖେକହେସି, ଅଡ଼େ ବାପ୍ତିସ୍ମା\* ହାହାନା ଏଲେଇଚେସି, “ଜାହାରା ପାପୁତି ପିସପି ଆୟାଲିତାକି ମନ ଖେଟହାନା ବାପ୍ତିସ୍ମା\* ଅଦୁ, ଆତିହୁଁ ମାହାପୁରୁ ମୀ ପାପୁ ମେକହାନେସି ।”

୫ ଏମ୍ବାଟିଏ ଜୀହୁଦା ଦେସା ଇଞ୍ଜାଁ ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଖାହାଲି ମାଟହେରି, ଇଞ୍ଜାଁ ତାୟୁତାମି କିତି ପାପୁତି ଖେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମା\* ଅଡ଼େରି ।

୬ ଜହନ ଡରୁ ବାଣାୟାଁ ତଲେ କେପିତି ହିମ୍ବରିକା ତୁରହିମାଚେସି, ଅଡ଼େ ଟେଡେଲିତା ର ତଲୁତି ବୁଡ଼ପା ମାଡ଼ା କିହାଁ ଦସା କଡ଼ଞ୍ଜିଚେସି, ଗପ୍‌ବରିକା ଅଡ଼େ ଜାଡ଼ାତି କିୟାଁ ଏଞ୍ଜାଣି କାଡ଼ି ମାଚେ । ୭ ଜହନ ଏଲେଇଞ୍ଜି ଖେକହାଲି ମାଟହେସି, “ଆମ୍ବାଆସି ନା କିହାଁ ହାରେକା ବାଡ଼ୟୁ ଗାଟାସି ଏଞ୍ଜାସି ନା ତାୟୁ ଖାହିମାନେସି; ନାନୁ ମେଣ୍ଡାକୁତାନା ଏଞ୍ଜାଣି ସେପୁୟାତି ତୁକା ଜିକେଏ ହୁକହାଲି ପାଡ଼ାଆଅଁ ।  
୮ ନାନୁ ମିଜୋ ଏୟୁତଲେ ବାପ୍ତିସ୍ମା\* ହାହିମାଞ୍ଜାକ୍, ସାମା ଏଞ୍ଜାସି ମିଜୋ ସୁଦୁଜୀସୁ ତଲେ ବାପ୍ତିସ୍ମା\* ହିୟାନେସି ।”

ଜୀସୁ ବାପ୍ତିସ୍ମା\* ଅନାୟି ଇଞ୍ଜାଁ ତାୟିପାରି କିଞ୍ଜି ଆନାୟି

(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏଚିବେଲାତା ଜୀସୁ ଗାଲିଲିତି ନାଜରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମା\* ଅଡ଼େସି । ୧୦ ଜୀସୁ ଏୟୁଟି ନିଜା ଖାହିମାଚାଟି ଦେବୁଣିଏ ଲାକପୁରୁ ଦେପି ଆଡେ ଇଞ୍ଜାଁ ସୁଦୁଜୀସୁ ପାଢ଼ା ପଟାଲେହେଁ ତାନି ଲାକ ରେଟା ଖାହିମାଚାଣି ମେସେସି । ୧୧ ଅଡ଼େ ଲାକପୁରୁଟି

\* ୧: ୧:୧ ମୁଞ୍ଜିନାୟି † ୧:୪ ୧:୪ ମୁଞ୍ଜିନାୟି ‡ ୧:୪ ୧:୪ ମୁଞ୍ଜିନାୟି § ୧:୪ ୧:୪ ମୁଞ୍ଜିନାୟି \* ୧:୫ ୧:୫ ମୁଞ୍ଜିନାୟି  
† ୧:୮ ୧:୮ ମୁଞ୍ଜିନାୟି ‡ ୧:୮ ୧:୮ ମୁଞ୍ଜିନାୟି § ୧:୮ ୧:୮ ମୁଞ୍ଜିନାୟି \* ୧:୯ ୧:୯ ମୁଞ୍ଜିନାୟି ☆ ୧:୧୧ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨

ଇ ହାଡ଼ା ଆଡ଼େ, “ନୀନୁ ନା ଜୀଞ୍ଜୁତି ମୀରୁଏଣାତି, ନୀ ତାଣେଏ ନା ହାରେକା ରାହାଁ ମାନେ ।” ୧୨ ଏ ଦେବୁଣିଏ ସୁଦୁଜୀଞ୍ଜୁ ଏଞ୍ଜାଣାକ୍ ଲକୁ ହିଲାଆ ଚାୟୁତା ଅଡ଼େ, ୧୩ ଜୀସୁ ଲକୁ ହିଲାଆ ଚାୟୁତା ରୀ କଡ଼ି ଦିନା ପାତେକା ଡ଼ୟାନା ସୟତାନ ତାଣାଟି ତାୟିପାରି କିଞ୍ଜିଆଡ଼େସି; ଏଞ୍ଜାସି ଜାଡ଼ାତି ଜନ୍ତୁ ତଲେ ଡ଼ୟିଡ଼େସି, ଇଞ୍ଜା ଲାକପୁରୁତି ଦୁଦୁୟାଁ ଖାହାନା ଏଞ୍ଜାଣି ସେବା କିହିମାରୁ ।

**ଜୀସୁ ସାରି ଜାଣା ମୀଣ୍ଟକା ଆହନାରାକ୍ ହାଟିନାୟି**

(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନକ୍ କାୟିଦି ଇଲୁତା ଇଗାଲିଏ ଜୀସୁ ଗାଲିଲିତା ଖାଡ଼େସି ଇଞ୍ଜା ମାହାପୁରୁତି ନେହ୍ କାରୁ ଖେକ୍‌ହେସି । ୧୫ \*କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଞ୍ଜାହିମାନେ, ପାପୁତି ପିସାନା ମନ ଖେଟ୍‌ଦୁ ଇଞ୍ଜା ମାହାପୁରୁତି ନେହ୍ କାରୁତି ନାମାଦୁ ।”

୧୬ ଜୀସୁ ଗାଲିଲି ସାମ୍‌ଦୁରି ଗାରୁଟି ହାଜିମାଚାଟି ସିମନ ଅଡ଼େ ତାମି ତାୟି ଆହିୟକ୍ ସାମ୍‌ଦୁରିତା ମୀଣ୍ଟକା ଜାଲା ମେଡ଼ହ ମାଚାଣି ମେସ୍‌ସେସି, ଇଚିହ୍ ଏଞ୍ଜାରି ମୀଣ୍ଟକା ଆହନାରି ମାଚେରି । ୧୭ ଜୀସୁ ଏଞ୍ଜାରାକ୍ ହାଟାନା ଏଲେଇଡ଼େସି, “ନା ଜେଟ ଖାଦୁ ନୀନୁ ମିଙ୍ଗେ ଲକୁଣି ଆହନାଣି ଜାପୁହାକ୍ ।” ୧୮ ଏଞ୍ଜାରି ଦେବୁଣିଏ ଜାଲାୟାଁ ପିସାନା ଜୀସୁତି ଜେଟ ହାଚେରି ।

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାମି ତାୟି ଜହନକ୍ ଡ଼ଗତା ଜାଲା ମୁଦା କିହିମାଚାଣି ମେସ୍‌ସେସି । ୨୦ ମେସ୍‌ପନିଏ ଜୀସୁ ଏଞ୍ଜାରାକ୍ ହାଟିଡ଼େସି, ଇଞ୍ଜା ଏଞ୍ଜାରି ତାମି ଆବା ଜେବଦିକ୍ ହଲିୟାକ୍ଷା ତଲେ ଡ଼ଗତା ପିସାନା ଜୀସୁ ଜେଟ ହାଚେରି ।

**ବୁଡୁ ଆଲଗା ମାଚାସି (ଲୁକ ୪:୩୧-୩୭)**

୨୧ ଜୀସୁ ଅଡ଼େ ତାମି ସାୟୁୟାଁ କପରନାହୁମ ଗାଡ଼ାତା ଖାଡ଼େରି, ଇଞ୍ଜା ଅର ନେରୁ ଜମିନି ଦିନା ମାଚାକି ଜୀସୁ ଜୀହୁଦି ଲକୁତି କୁଟମି ଇଲୁତାଁ ହାଜାନା ଜାପୁହାଲି ମାଟ୍‌ହେସି । ୨୨ \*ଲକୁ ତାନି ଜାପୁନାଣି ଖେଞ୍ଜାନା କାବା ଆହାହାଚେରି; ଇଚିହ୍ ଏଞ୍ଜାସି ସାସ୍‌ସେରି ଖେହନାରି ଲେହେଁ ଜାପୁଆନା ଅଦିକାରା ବେଗାଆହାମାନି ଲେହେଁ ଜାପୁହି ମାଚେସି ।

୨୩ ଜୀସୁ ଜାପୁହି ମାଚିବେଲାତା ଜୀହୁଦି ଲକୁତି କୁଟମି ଇଲୁଟିଃ ର ବୁଡୁ ଆଲଗା ମାଚାସି କାଲୁଞ୍ଜି ଆହ୍ ଏଲେଇଡ଼େସି, ୨୪ “ଏ ନାଜରିତଡ଼ି ଜୀସୁ ନୀ ତଲେ ମାଙ୍ଗେ ଏନି କାମା ମାନେ, ନୀନୁ କି ମାଙ୍ଗେ

ନାସା କିହାଲି ଇମ୍‌ଆଁ ଖାହାମାଞ୍ଜି ? ନୀନୁ ଆମ୍‌ଆତି ନୀନୁ ପୁଞ୍ଜାମାକ୍; ନୀନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣ୍‌ସିତି ।”

୨୫ ଜୀସୁ ଏଦାନି ଦାକା ହାହାନା ଏଲେଇଡ଼େସି, “ପାଲେଏ ଆମ୍‌ ଇଞ୍ଜା ଇଞ୍ଜାଣି ତାଣାଟି ହଡ଼ାହାଲମ୍‌ ।”

୨୬ ଏଚେଟିଏ ଏ ପଲୁଆ ବୁଡୁ ଏଞ୍ଜାଣାକ୍ ମୁଡ଼ମୁଡ଼ା କିହାନା, କାଜା ଗିୟାତଲେ କିରଡ଼ିହ୍ ଏଞ୍ଜାଣି ତାଣାଟି ହଡ଼ାହାଚେ ।

୨୭ ଏମ୍‌ାଟିଏ ବାରେଜାଣା ହାରେକା କାବା ଆଡ଼େରି, ଇଞ୍ଜା ଇଲେକ୍ ଜଲୁକି ଆଡ଼େରି, “ଇଦି ଏନିଲେହେଁତାୟି ? ଇଦି ଅଦିକାରା ବେଗାଆହାମାନି ଲେହେଁତି ପୁଞ୍ଜି ଜାପୁନାୟି, ଏଞ୍ଜାସି ପଲୁଆ ବୁଡୁୟାକ୍ ଜିକେଏ ହୁକୁମି ହାହିମାନେସି, ଅଡ଼େ ଏଞ୍ଜି ଏଞ୍ଜାଣି କାତା ଆସିମାନୁ ।”

୨୮ ଏମ୍‌ାଟିଏ ଏଞ୍ଜାସି କିତି କାମାତି କାରୁ ଏ ରେଟୁଏ ଗାଲିଲି ରାଜିତି ସାରିଖାକିତି ନାସ୍‌କାଣାଁ ଖେଞ୍ଜାହାଚେ ।

**ଜୀସୁ ହାରେକା ଲକୁଣି ନେହ୍ କିନାୟି (ମାତି ୮:୧୪-୧୬; ଲୁକ ୪:୩୮-୪୧)**

୨୯ ଏମ୍‌ାଟିଏ ଏଞ୍ଜାରି ଜୀହୁଦି ଲକୁତି କୁଟମି ଇଲୁଟିଃ ହଡ଼ାନା ଜାକୁବ ଅଡ଼େ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆହିୟ ଇଜ ହାଚେରି । ୩୦ ସିମନ ପୟା ନମେରି ତାକି ତୁରାମାଚେ, ଅଡ଼େ ଏଞ୍ଜାରି ଏଦାଣି କାତା ରେଟୁଏ ଜୀସୁକ୍ ଖେସ୍‌ସେରି । ୩୧ ଏମ୍‌ାଟିଏ ଏଞ୍ଜାସି ତାଗେ ହାଜାନା ତାନି କେୟୁ ଆସାନା ଏଦାନି ନିକ୍‌ହେସି, ଅଡ଼େ ଏଦାନି ନମେରି ପିସ୍‌ସେ, ଇଞ୍ଜା ଏଦି ଏଞ୍ଜାରି ସେବା କିଡ଼େ ।

୩୨ ମିଡ଼ଅଲା ବେଲା ଖେଡ଼ା କୁଡ଼ହାଲିଏ ଲକୁ ରଗ ଗାଟାରାକ୍ ଇଞ୍ଜା ବୁଡୁୟାଁ ଆଲଗା ମାଚାରାକ୍ ଜୀସୁ ତାଣା ତାଚେରି, ୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାଚି ଇଲୁ ଦୁଞ୍ଜେରିତା ରୁଣ୍ଡା ଆଡ଼େରି । ୩୪ ଏମ୍‌ାଟିଏ ଜୀସୁ ବାରେଲେହେଁତି ରଗ ଗାଟାରାକ୍ ନେହ୍ କିଡ଼େସି, ଇଞ୍ଜା ହାରେକା ବୁଡୁଣି ପିସ୍‌ପି କିଡ଼େସି, ଇଞ୍ଜା ଏଞ୍ଜାସି ବୁଡୁୟାଁଣି ଜଲାଲି ହାଆଡ଼େସି, ଇଚିହ୍ ଏଞ୍ଜି ଏଞ୍ଜାଣାକ୍ ପୁଞ୍ଜିମାରୁ ।

**ଜୀସୁ ଗାଲିଲିତା ମାହାପୁରୁ କାତା ଖେକ୍‌ନାୟି (ଲୁକ ୪:୪୨-୪୪)**

୩୫ ଖେୟାଆ ମାଚାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଞ୍ଜାସି ନିକ୍ଷା ହଡ଼ା ହାଜାନା ର ଲକୁ ହିଲାଆ ଚାୟୁତା ହାଜାନା ପ୍ରାଡ଼ାନା କିହିମାଚେସି । ୩୬ ସିମନ ଇଞ୍ଜା ତାନି ଆଡ଼ିହଡ଼ାରି ଏଞ୍ଜାଣାକ୍ ପାରାଲି ମାଟ୍‌ହେରି, ୩୭ ଏଞ୍ଜାଣାକ୍

\* ୧:୧୫ ୧:୧୫ ମାତି ୩:୨ † ୧:୨୧ ୧:୨୧ ସିନଗର ‡ ୧:୨୨ ୧:୨୨ ମାତି ୭:୨୮,୨୯ † ୧:୨୩ ୧:୨୩ ସିନଗର § ୧:୨୯ ୧:୨୯ ସିନଗର

ବେଗାଆହାନା ଏଲେଇରେସି, “ବାରେଜାଣା ନିଜେ ପାରିମାଞ୍ଜାନେରି ।”

୩୮ ଏମ୍ବାଟିଏ ଜୀସୁ ଏଝାରାଇଁ ଏଲେଇରେସି, “ଝାନ୍ସୁ ମାର୍ ଏଟ୍‌କା ଗାଡ଼ାତା, ଇଚିହିଁ ଦାରିମାରି ନାୟକାଣାଁ ହାନ; ଏମ୍ବାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍‌କଇଁ, ଇଚିହିଁ ଏଦାଆଁତାକି ନାନୁ ଝାହାମାଇଁ ।”

୩୯ \*ଇଞ୍ଜା ଜୀସୁ ବାରେ ଗାଲିଲି ନାୟକାଣାଁ ରେଜି ରେଜିହିଁ ଏଝାରି ବାରେ ଜୀହୁଦି ଲକୁଡି କୁଟମି ଇଲକାଣା\* ମାହାପୁରୁ ବଲୁ ଝେକ୍‌ହେସି ଇଞ୍ଜା ବୁଡୁୟାଣି ପିସପି କିତେସି ।

**କାଜା ରଗ ଗାଟାଣାଇଁ ଜୀସୁ ନେହିଁ କିନାୟି**  
(ମାତି ୮:୧-୪; ଲୁକ ୫:୧୨-୧୬)

୪୦ ଏମ୍ବାଟିଏ ର କାଜା ରଗ ଗାଟାସି ଜୀସୁ ତାଣା ଝାହାନା ମେଣ୍ଡାକୁତାନା ବାତିମାଲିହିଁ ଜୀସୁଇଁ ଏଲେଇରେସି, “ନାନୁ ମନ କିତିହିଁ ନାଜେ ନେହିଁ କିହାଲି ଆଡାଦି ।”

୪୧ ଏମ୍ବାଟିଏ ଜୀସୁ ଏଝାଣାଇଁ କାର୍ମା ମେସେସି, ଇଞ୍ଜା କେୟୁ ଦାସାନା ଏଝାଣାଇଁ ତାଗାନା ଏଲେଇରେସି, “ନାନୁ ମନ କିହିମାଇଁ ନାନୁ ନେହିଁ ଆମ୍ବୁ ।” ୪୨ ଏ ଦେବୁଣିଏ ଏଝାଣି ତାଣାଟି କାଜା ରଗ ଗୁରାଆଡେ, ଇଞ୍ଜା ଏଝାସି ନେହିଁ ଆଡେସି । ୪୩ ଇଞ୍ଜା ଏଝାସି ଏଝାଣାଇଁ ଜାଣେ ହୁକୁମି ହାହାନା ଝେସା ପାଣ୍ଡିତେସି, ୪୪ “ଜାଗ୍ରାତା ଆମ୍ବାଆରାଇଁ ଏନାଆଁ ଝେହୁଆନି, ସାମା ହାଲମ୍ବୁ ଇଞ୍ଜା ପୁଜେରା ତାଣା ହାଜାନା ନିଜ୍ଠ ତସାକତାମ୍ବୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ନେହିଁ ଆଡାକି ସାକି ହାନିଲେହେଁ ହେରପାମ୍ବୁ ।”

୪୫ ସାମା ଏଝାସି ପାଞ୍ଜାତା ହାଜାନା ତାନୁ ନେହିଁ ଆଡି କାତାତି ସାରିଝାକି ଝେକ୍‌ହାଲି ମାଟ୍‌ହେସି, ଇଞ୍ଜା ଜୀସୁ ଆମିନି ଗାଡ଼ାତା ପୁଣ୍ଡେ ହଡାଲି ଆଡାଆଡେସି, ସାମା ପାଞ୍ଜାତା ଲକୁ ହିଲାଆ ଟାମ୍ବାଣା ଡୁୟିତେସି; ଅଡେ ସାରି ଝାକଟି ଲକୁ ଜୀସୁ ତାଣା ଝାହାଲି ମାଟ୍‌ହେରି ।

**୨**

**ଜୀସୁ ଟଟ ଝାୟିତାଣାଇଁ ନେହିଁ କିନାୟି**  
(ମାତି ୯:୧-୮; ଲୁକ ୫:୧୭-୨୬)

୧ ଏଚରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାରେସି, ଇଞ୍ଜା ଏଝାସି ଇଜ ମାନେସି ଇଞ୍ଜା ସାରିଝାକି ଝେଜାହାରେ । ୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲାଆଡେ, ଇଞ୍ଜା ଏଝାସି ଏଝାରାଇଁ ମାହାପୁରୁ କାତା ଝେକ୍‌ହେସି । ୩ ଏମ୍ବାଟିଏ ସାରି

ଜାଣା ର ଟଟ ଝାୟିତାଣାଇଁ କାଚେଲିତା ଜୀସୁ ତାଣା ଡେକା ତାଡେରି । ୪ ସାମା ହାରେକା ଲକୁ ମାଚାକି ଏଝାଣି ତାଣା ତାଚାଲି ଆଡାଆଡେରି, ଇଞ୍ଜା ଆମିନି ଟାୟୁତା ଜୀସୁ ମାଚେସି, ଏମ୍ବାଆଁ ଇଲୁଡି ଡେପରି ରିକ୍‌ହେରି, ଇଞ୍ଜା ଏ ଟଟ ଝାୟିତାଣାଇଁ କାଚେଲି ଝେଣ୍ଡେଏ ଇଲୁ ବିତ୍ତା ରେପ୍‌ହେରି । ୫ ଜୀସୁ ଏଝାରି ନାମ୍ବୁ ମେସାନା, ଏ ଟଟ ଝାୟିତାଣାଇଁ ଏଲେଇରେସି, “ଏ ମାର୍‌ଏଣା ନୀ ପାପୁ ବାରେ ମେଣ୍ଡାହାଚେ ।”

୬ ସାମା ଏମ୍ବାଆଁ ମାତି ଏଚେକା ମେରା ଜାପ୍‌ନାରି କୁଗାନା ତାମି ମନତା ଅଣ୍ଡପିହିଁ କାତାବାର୍ତା ଆହିମାଚେରି, ୭ “ଇଝାସି ଏନାଆଁତାକି ଏଲେଇଞ୍ଜି ମାନେସି? ଇଝାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସପେ ଆମ୍ବାଆସି ପାପୁ ମ୍ବେକ୍‌ହାଲି ଆଡିନେସି?”

୮ ଏଝାରି ମନତା ଇଲେକ୍‌ ଅଣ୍ଡପିମାନାଣି ଜୀସୁ ଦେବୁଣିଏ ଜୀଝୁତା ପୁଞ୍ଜାନା ଏଝାରାଇଁ ଏଲେଇରେସି, “ମୀରୁ ମୀ ମନ ବିତ୍ତା ଏନାଆଁତାକି ଇଲେକ୍‌ ଅଣ୍ଡପିମାଞ୍ଜେରି? ୯ ଏନାଆଁ ଇନାୟି ଡସାସା? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍ଡାଜିତେ ଇନାୟି କି ନିଜାମ୍ବୁ ନୀ କାଚେଲି ଡେକାନା ତାକାମ୍ବୁ ଇନାୟି ଡସାସା?’ ୧୦ ସାମା ଦାର୍‌ତିତା ପାପୁ ମ୍ବେକ୍‌ହାଲି ମାଣ୍‌ସି ମାର୍‌ଏଣା ଅଦିକାରା ମାନେ, ଏଦାଆଁ ନାଏଁ ମୀରୁ ପୁଞ୍ଜାଲି ଆଡିଦେରି ।” ଏଦାଆଁତାକି ଏ ଟଟ ଝାୟିତାଣାଇଁ ଏଲେଇରେସି, ୧୧ “ନାନୁ ନିଜେ ଝେସିମାଞ୍ଜାଇଁ ନିଜାମାନା ନୀ କାଚେଲି ଡେକାନା ନୀ ଇଜ ହାଲମ୍ବୁ ।”

୧୨ ଏଚେଟିଏ ଏଝାସି ଦେବୁଣିଏ ନିଜାମାନା କାଚେଲି ଡେକାନା ବାରେଜାଣା ନକିଟି ହଡାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁତି ଜହରା କିହିଁ ଏଲେଇରେସି, “ମାମ୍ବୁ ଇଲେଡି କାବାଆନି କାମା ଏଚେଲା ଜିକେଏ ମେସାହିଲାଆତମି ।”

**ଜୀସୁ ଲେବିଇଁ (ମାତିୟୁ) ହାଟିନାୟି**  
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡେ ଝେଣ୍ଡେ ସାମ୍‌ଦୁରି ଗାଟୁତା ହାଚେସି, ଇଞ୍ଜା ଲକୁ ଏଝାଣି ତାଣା ଝାହାଲିଏ, ଏଝାରାଇଁ ଜାପ୍‌ହାଲି ମାଟ୍‌ହେସି । ୧୪ ଅଡେ ଜିରୁଡି ହାଜି ହାଜିହିଁ ଜୀସୁ ଆଲେପି ମାର୍‌ଏସି ଲେବିଇଁ\* ସିସୁ ରୁାହୁନି ତାଣା କୁଗାମାନାଣି ମେସେସି, ଇଞ୍ଜା ଏଝାଣାଇଁ ଏଲେଇରେସି, “ନା ଜେଟ ଝାମ୍ବୁ” ଏଚେଟିଏ ଲେବି ନିଜାମାନା ଏଝାଣି ଜେଟ ହାଚେସି ।

୧୫ ଅଡେ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଚାଟି ହାରେକା ସିସୁ ରୁାହୁନାରି ଇଞ୍ଜା ପାପୁ

\* ୧:୩୯ ୧:୩୯ ମାତି ୪:୨୩; ୯:୩୫ \* ୧:୩୯ ୧:୩୯ ସିନଗଗ \* ୨:୧୪ ୨:୧୪ ମାତିୟୁ

ଗାଟାରି ତାମି ସୀସୁୟାଁ ତଲେ କୁଗିତେରି; ଇଚିହୁଁ ଏଞ୍ଜାରି ହାରେକା ମାଚେରି ଇଞ୍ଜା ଏଞ୍ଜାଣି କ୍ଳେଟ ହାଜିମାଚେରି । ୧୭ ଜୀସୁ ପାପୁ ଗାଟାରି ଇଞ୍ଜା ସିସୁ ରୀହନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଚିତି ମେରାପୁନାରି ତାନି ସୀସୁୟାଁଣି ଏଲେଇଚେରି, “ଏଞ୍ଜାସି ଏନାଆଁତାକି ପାପୁ ଗାଟାରି ଅଡେ ସିସୁ ରୀହନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ଖେଞ୍ଜାନା ଏଞ୍ଜାରାଇଁ ଏଲେଇଚେସି, “ନେହୁଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ; ନାନୁ ଦାମ୍ବୁ ଲକୁତାକି ଖାହାହିଲଅଁ ସାମା ପାପୁ ଗାଟାରାକି ଖାହାମାଇ ।”

**ଉପାସା କିନାଣି ଖେହନାୟି**  
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଚାଟି, ଏଚେକା ଲକୁ ଜୀସୁ ତାଣା ଖାହାନା ଏଲେଇଚେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ଲକୁତଲେ ବୀହା ହନେଏସି ମାନି ପାତେକା ବୀହା ଲକୁ ହାକିଟି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଞ୍ଜାରିତଲେ ମାନି ପାତେକା ଏଞ୍ଜାରି ଉପାସା କିଅରି । ୨୦ ସାମା ଦିନା ଖାନ୍ତେ ଏଚିବେଲା ଏଞ୍ଜାରି ତାଣାଟି ବୀହା ହନେଏଶାଇଁ ହପହା ଅଡ଼ିସାରେ ଏଚିବେଲା ଏଞ୍ଜାରି ଉପାସା କିନେରି ।”

୨୧ “ଆମ୍ବାଆସି ପୁଃଇ ହିମ୍ବରିତା ପୁଃନି ପାସକି ତାଟଅସି; ତାଟିସାରେ ପୁଃଇ ହିମ୍ବରିତି ପୁଃନି ପାସକି ମୁଦା ଆହାଁ ଗାତି ଗେଞ୍ଜିକିନେ । ୨୨ ଆମ୍ବାଆସି ପୁଃନି ଅଞ୍ଜୁରି ରାସା ପୁଃଇ ଡକାତାଠି ଇଟଅସି; ଇଟିସାରେ ଡକା ଡାୟାହାନେ, ଇଞ୍ଜା ଅଞ୍ଜୁରି ରାସା ଅଡେ ଡକା ରିଣ୍ଡିଖା ନସୁ ଆନୁ, ଏଦାଆଁତାକି ପୁଃନି ଅଞ୍ଜୁରି ରାସା ପୁଃନି ଡକାତା ଇଟିନାୟି ମାନେ ।”

**ଜମିନି ଦିନାତି କାତା ଖେହନାୟି**  
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା ତାନି ସୀସୁୟାଁ ତଲେ ଗହଁ ଗୁଡ଼ିୟାଟି ହାଜିମାଚେସି, ତାନି ସୀସୁୟାଁ ହାଜି ହାଜିହୁଁ ଗହଁୟାଁ କେକା ତାପହାଲି ମାଟହେରି । ୨୪ ଏମ୍ବାଟିଏ ପାରୁସିୟାଁ ଜୀସୁଇଁ ଏଲେଇଚେରି, “ମେହମ୍ବୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଞ୍ଜାରାଇଁ ଏଲେଇଚେସି, “ଦାଝୁଦ ଅଡେ ତାନି ତଡ଼େସିକ୍ଷା ହାକି ଆହାମାଚାଟି ଏଞ୍ଜାରି

ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ୁଡ଼ି ଆହାହିଲଅତେରି, ୨୬ ଅବିୟତର କାଜା ପୂଜେରା ମାଚିବେଲାତା ଏଞ୍ଜାସି ଏନିକଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପିତି ରୁଟି କାଜା ପୂଜେରାକ୍ଷା ପିସ୍ପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଝୁଦ ତିଞ୍ଜା ମାଚେସି ଇଞ୍ଜା ତାନି ଆଟ୍‌ହି ତାରାକି ଜିକେଏ ତିଞ୍ଜାଲି ହାହାମାଚେସି ।”

୨୭ ତାୟୁ ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି ଦିନା ମାଣସିତାକି ଆହାମାନେ; ସାମା ମାଣସି ଜମିନି ଦିନାତାକି ଆହାହିଲଅସି ।” ୨୮ ଏଦାଆଁତାକି ମାଣସି ମୀରୁଏସି ଜମିନି ଦିନାତି ପ୍ରବୁ ଆନେସି ।

**୩**

**ଖାୟିତି କେୟୁଗାଟାସି ନେହୁଁ ଆନାୟି**  
(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡେ ଖେଣ୍ଡେ ଜୀହୁଦି ଲକୁତି କୁଟମି ଇଲୁତା\* ହାଚେସି, ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଖାୟାହାଜାମାଚେ । ୨ ଜୀସୁ ଏଞ୍ଜାଣାଇଁ ଜମିନି ଦିନାତା ନେହୁଁ କିନେସିକି ଆଏ, ଏଞ୍ଜାଣି କପାଟି ଦହ ଦସାଲିତାକି ଗୁରି କିହାନା ସିନିକିହିମାଚେରି । ୩ ଏମ୍ବାଟିଏ ଜୀସୁ ଆମିନି ଲକୁତି କେୟୁ ଖାୟାହାଜାମାଚେ, ଏଞ୍ଜାଣାଇଁ ଜୀସୁ ଏଲେଇଚେସି, “ଖାୟୁ ମାଦି ନିମୁ ।” ୪ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ଜମିନି ଦିନାତା ଏନାଆଁ କିନାୟି ମେରା ମାନେ ? ନେହୁଁ କିନାୟି କି ଲାଗେଏ କିନାୟି ? ଜୀଝୁତି ଗେଲ୍‌ପିନାୟି କି ନାସା କିନାୟି ?” ସାମା ଏଞ୍ଜାରି ଖେଣ୍ଡେ ହାଡ଼ା ଆୟାଲି ଆଡ଼ାଆତେରି ।

୫ ଏମ୍ବାଟିଏ ଜୀସୁ ଏଞ୍ଜାରି ଆଟ୍‌ଖା ହିୟାଁତି ମେସାନା ଦୁକୁ ଆଡେସି, ଇଞ୍ଜା କପାଟି ସାରିଖାକି ଏଞ୍ଜାରାଇଁ ସିନିକିହାନା ଏଲେଇଚେସି, “କେୟୁ ଲାକ ଦାହମ୍ବୁ” ଏଞ୍ଜାସି ତାନି କେୟୁ ଦାସ୍‌ପନିଏ ଏଡ଼ି ନେହୁଁ ଆହାହାଚେ । ୬ ଏଚେଟିଏ ପାରୁସିୟାଁ ହଡ଼ା ହାଜାନା ଜୀସୁଇଁ ପାୟାଲି ତାକି ହେରଦ ଗଚିତି ଲକୁତଲେ କାଲ୍‌ହାନା କାତା ଆଡେତି ।

**ସାମଦୁରି ଗାଟୁତା ମାନ୍ଦା ଲକୁ**  
(ମାତି ୪:୨୫; ମାର୍କ ୪:୧; ଲୁକ ୫:୧-୩)

୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମଦୁରି ଗାଟୁତା ହାଚେରି, ଇଞ୍ଜା ହାଚେକା ଲକୁ ଏଞ୍ଜାଣି କ୍ଳେଟ ହାଚେରି; ଏଞ୍ଜାରି ଜୀହୁଦା, ୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରୁଖାକି, ସର ଅଡେ ସିଦନ ଗାଡ଼ା ଖାକିତି ଲକୁ ତାନି ବାରେ କିତି କାମାତି କାତା ଖେଞ୍ଜାନା ତାନି ତାଣା ଖାଚେରି । ୯ ଏମ୍ବାଆଁ ଇଚେକା ମାନ୍ଦା ଲକୁ ଆଡେତି ଏ

† ୨:୨୨ ୨:୨୨ ତଲୁ ତଲେ କେପିତି ଅଞ୍ଜୁରି ରାସା ଇଟିନି ବାସ୍ତା ଚୁପୁ \* ୩:୧ ୩:୧ ସିନଗର ☆ ୩:୯ ୩:୯ ମାର୍କ ୪:୧; ଲୁକ ୫:୧-୩

ମାୟା ଏନିକ୍ ଏଞ୍ଜାଣିଲାକ ଓହ୍ଲିଅରି, ଏଦାଆଁତାକି ଏଞ୍ଜାସି ତାନି ସୀସୁୟାଣି ତାଙ୍ଗେତାକି ର. ଡ଼ଣା ତଂଗ ପାରା ଇଗାଲି ଖେସ୍ତେସି; ୧୦ ଏଞ୍ଜାସି ହାରେକା ଲକୁଣି ନେହ୍ କିହାମାଚାକି ରଗ୍ଟ ଗାଟାରି ବାରେ ଏଞ୍ଜାଣାକ୍ ତୀଗାଲି ଏଞ୍ଜାଣି ମୁହେଁ ମୁହେଁ ଆହିମାଚେରି । ୧୧ ଇଞ୍ଜା ପଲ୍ଲଆ ବୁଡୁୟା ଆସାମାନାରି ଏଞ୍ଜାଣାକ୍ ମେସ୍ପଦିଏ, ଏଞ୍ଜାଣି ନକିତା ରିହାନା କାଲ୍ଲଓ ଆହ୍ ଏଲେଇଞ୍ଜି ମାରୁ, “ନାନୁଏ ମାହାପୁରୁ ମୀର୍ଏଶାତି ।”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାକ୍ ଖେହ୍ଆଦୁ ଇଞ୍ଜି ଜୀସୁ ପଲ୍ଲଆ ବୁଡୁୟାକ୍ ଦାକା ହାହାନା ହୁକୁମି ହୀତେସି ।

**ଜୀସୁ ବାରଜାଣା ସୀସୁୟାଣି ଆଡିନାୟି**  
(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଟାରାକ୍ ମନ କିତେସି ଏଞ୍ଜାରାକ୍ ତାଗେ ହାଡିତେସି, ଇଞ୍ଜା ଏଞ୍ଜାରି ତାଗେ ଖାଡେତରି । ୧୪ ଇଞ୍ଜା ଏଞ୍ଜାସି ବାରଜାଣାତି ଆଚାନା ପାଣ୍ଡୁଓ ଆଡାରି ଇଞ୍ଜାନା, ଏଞ୍ଜାରାକ୍ ଏଲେଇଚେସି, “ନା ତଲେ ଡୟାଲି ନାନୁ ମିଙ୍ଗେ ଆଚାମାଞ୍ଜାକ୍, ଇଞ୍ଜା ଖେକ୍ହାଲି ପାଣ୍ଡାକ୍ । ୧୫ ଇଞ୍ଜା ମୀରୁ ବୁଡୁୟା ପେର୍ହାଲି ଜିକେଏ ଅଦିକାରା ବେଟାଆଦେରି ।”

୧୬ ଜୀସୁ ଇ ବାରଜାଣାତି ଆଡିତେସି, ଏଞ୍ଜାରି ଆଡେରି ସିମନ ଆମ୍ବାଆରାକ୍ ଜୀସୁ ପିତର ଇଞ୍ଜି ଇଚିତେସି; ୧୭ ଜେବଦି ରୀ ମୀରକା ଜାକୁବ ଅଡେ ତାନି ତାୟି ଜହନ ଆମ୍ବାଆରାକ୍ ବିନେରିଗସୁ ଇଚିହ୍ ଗୁଣ୍ଡିମାନି ହାଗୁଡି ମୀରକା ଇଞ୍ଜିହ୍ ଦରୁ ଇଚିତେସି; ୧୮ ଆହିୟ, ପିଲିପ, ବାର୍ତଲମି, ମାଡିୟୁ, ତମା, ଆଲେପି ମୀର୍ଏସି ଜାକୁବ, ତଦିୟ, ଦେସାତି ଜୀସୁ ନନ୍ଦି ସିମନ, ୧୯ ଅଡେ ଇସ୍ପାରିୟତ ଜୀହୁଦା, ଆମ୍ବାଆସି ଜୀସୁକ୍ ସାଡୁୟା କେନ୍ଦୁତା ହେର୍ପିତେସି ।

**ଜୀସୁ ଅଡେ ବାଲ୍ଲଜିବୁଲ୍**  
(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ଖାଡେତସି; ଅଡେ ଖେଣ୍ଡେ ଇଚେକା ଲକୁ ରୁଣ୍ଡା ଆଡେରି ଜୀସୁ ଇଞ୍ଜା ତାନି ସୀସୁୟାକି ଡିଞ୍ଜାଲି ଜିକେଏ ଆଆଡେ । ୨୧ “ଜୀସୁ ବାୟା ଆଡେସି” ଇଞ୍ଜି ଲକୁ ଏଲେଇନାଣି ଖେଞ୍ଜାନା ତାନି କୁଟମି ଜୀସୁକ୍ ଅହାଲି ଖାଡେରି । ୨୨ ଅଡେ ଜିରୁସାଲମଟି ଖାହାମାନି ମେରାପୁନାରି ଏଲେଇଚେରି, “ଇଞ୍ଜାଣାକ୍ ବାଲ୍ଲଜିବୁଲ୍ ବୁଡୁ ଆଲ୍ଗାମାନେ, ଲାକା ଇଞ୍ଜାସି ବୁଡୁୟାଣି ପିସ୍ପି କିହିମାନେସି ।”

୨୩ ଏମ୍ବାଟିଏ ଜୀସୁ ଏଞ୍ଜାରାକ୍ ତାଗେ ହାଟାନା ପୁଣ୍ଡିକିନି କାତାତଲେ ଖେସ୍ତେସି, “ସୟତାନ

ଏନିକ୍ ସୟତାନକ୍ ପେର୍ହାଲି ଆଡିନେ ? ୨୪ ର ରାଡି ବାଗା ଆହାନା ତାନି କପାଟି ନିଙ୍ଗିନେ, ଇଚିହ୍ ଏ ରାଡି ଅଡେ ତାରିତଲେ ଡୟାଲି ଆଡେଏ । ୨୫ ଇଞ୍ଜା ର ଇଲ୍ଲୁ କୁଟମିତାରି ବାଗା ଆହାନା ତାମ୍ବୁତାମି କପାଟି ନିଙ୍ଗିନେରି ଇଚିହ୍ ଏ ଇଲ୍ଲୁତାରି ତାରିତଲେ ଡୟାଲି ଆଡଅରି । ୨୬ ଏଲେକିହ୍ ଏ ସୟତାନ ବାଗା ଆହାନା ତାନି କପାଟି ନିଙ୍ଗାମାନେ, ଆଡିହ୍ ଏଡି ଅଡେ ତାରିତଲେ ଡୟାଲି ଆଡେଏ, ସାମା ଏଦାନି ବାରେ ନାସା ଆହିମାନେ ।”

୨୭ “ସାମା ଆମ୍ବାଆସି ନଡେଏ ବାଡୁୟୁ ଗାଟାଣାକ୍ ଦହ୍ଆଡିହ୍ ତାନି ଇଜ ହଡାନା ତାନି ଇଜତି ଆସି ସରୁ କିହାଲି ଆଡଅସି; ଏଞ୍ଜାଣାକ୍ ତଲିଏ ଦସ୍ତ୍ରହ୍ ଦେ ଏଞ୍ଜାସି ଏଞ୍ଜାଣି ଇଜତାଣି ସରୁ କିନେସି ।”

୨୮ “ନାନୁ ମିଙ୍ଗ ସାତା ଖେସିମାଞ୍ଜାକ୍, ଲକୁଡି ବାରେ ପାପୁ ଇଞ୍ଜା ଏଞ୍ଜାରି ଏଚେକା ନିୟା କାତାତଲେ ମାହାପୁରୁ ନିୟା କିନେରି ଏ ବାରେ ପାପୁ ମେଣ୍ଡିନେ । ୨୯ ସାମା ଆମ୍ବାଆସି ସୁଡୁଜାସୁ କପାଟି ନିୟା କାତା ଜଲିନେସି, ଏଞ୍ଜାଣି ଆମିନି କାଲାତା ଜିକେଏ ଦହ୍ ମେଣ୍ଡିନେଏ, ସାମା ଏଞ୍ଜାସି କାଲାକାଲାତି ପାପୁଡି ଦହ୍ଗାଟାସି ଆନେସି ।”

୩୦ ଜୀସୁକ୍ ବୁଡୁ ଆଲ୍ଗାମାନେ ଇଞ୍ଜି ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ଖେସ୍ତେସି ।

**ଜୀସୁତି ଇୟା ଅଡେ ତାୟିୟା**  
(ମାତି ୧୨:୪୨-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡେ ତାୟିୟା ଖାହାନା ଇଲ୍ଲୁ ପାଙ୍ଗାତା ନିଚାନା ଜୀସୁକ୍ ହାଡି କିତେରି । ୩୨ ଏମ୍ବାଟିଏ ସାରିଞ୍ଜାକି କୁଗାମାଟି ଲକୁ ଏଲେଇଚେରି, “ମେହ୍ମୁ ମୀ ଇୟା, ତାୟିୟା ଅଡେ ତାଙ୍ଗିସ୍ମା ପାଙ୍ଗାତା ନିଚାନା ନିଙ୍ଗେ ପାରିମାଞ୍ଜାନେରି ।”

୩୩ ଜୀସୁ ଏଞ୍ଜାରାକ୍ ଏଲେଇଚେସି, “ନା ଇୟା ଇଞ୍ଜା ନା ତାୟି ତାଙ୍ଗିସ୍ମା ଆମ୍ବାଆୟି ?” ୩୪ ଇଞ୍ଜା ଏଞ୍ଜାସି ତାନି ସାରିଞ୍ଜାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍ମୁ ନା ଇୟା ଅଡେ ନା ତାୟି ତାଙ୍ଗିସ୍ମା । ୩୫ ଆମ୍ବାଆସି ମାହାପୁରୁଡି କାତା ଆହ୍ନେସି ଏଞ୍ଜାସିଦେଁ ନା ତାୟି, ତାଙ୍ଗି ଅଡେ ନା ଇୟା ।”

**୪**

**ବିଚା ମାଟିନାଣି ପୁଣ୍ଡିକିନି କାତା**  
(ମାତି ୧୩:୧-୯; ଲୁକ ୮:୪-୮)

୧ \*ଜୀସୁ ଗାଲିଲି ସାମ୍ବୁରି ଗାଟୁତା ଅଡେ ଖେଣ୍ଡେ ଜାପ୍ହାଲି ମାଟ୍ହେସି, ଅଡେ ହାରେକା ଲକୁ ଏଞ୍ଜାଣି ତାଣା ରୁଣ୍ଡା ଆଡେରି ଇଞ୍ଜା ଜୀସୁ ସାମ୍ବୁରିତା ମାନି ର. ତଂଗତା ହାଜାନା କୁଚିତେସି

☆ ୩:୨୯ ୩:୨୯ ଲୁକ ୧୨:୧୦ ☆ ୪:୧ ୪:୧ ଲୁକ ୫:୧-୩

ଇଞ୍ଜାଁ ଲକ୍ଷ୍ମୀ ସାମୁଦ୍ରି ଗାଟୁତା ନିରାମାରେରି ।  
୨ ଏମ୍ବାଟିଏ ଜୀସୁ ଏଞ୍ଜାରାଇଁ ହାରେକା ପୁଣ୍ଡିକିନି କାତା ଜାପୁହିହି ଏଲେଇରେସି ।

୩ “ଖେଞ୍ଜୁ, ମେହ୍ଦୁ ର ବିଚା ମାଟିନାସି ବିଚା ମାଟାଲି ହଡେସି । ୪ ଇଞ୍ଜାଁ ଏଞ୍ଜାସି ମାଟିମାଟାଟି କରେକା ବିଚା ଜିରୁତା ରାତେ, ଇଞ୍ଜାଁ ପଟାୟାଁ ଖାହାନା ଏ ପାଡେୟି ପେରହା ତିରୁ । ୫ ଅଡେ କରେକା ବିଚା ଇଚାୟି ଇରଥା ମାନି ଖାଲକା ଲାକ ରାତେ, ଇଞ୍ଜାଁ ଉଣା ଇରଥା ମାଟାକି ଗାଡେକେଏ ନେୟି ତେ, ୬ ସାମା ଖେଡା ଆଡାଲିଏ ନେୟାଁ ମାଟାୟି ଖେହା ହାଚେ ଇଞ୍ଜାଁ ହାରୁ ଜୀଆତାକି ଖାୟାନା ହାହାହାଚେ । ୭ ଅଡେ କରେକା ବିଚା ହାପକା ବୁଟାତା ରାତେ, ଇଞ୍ଜାଁ ହାପକା ବୁଟା ପାତାଆହାନା ଆନା ତାକିତି ପୁକ୍ହାତୁସ୍ତେ ଇଞ୍ଜାଁ ପାଡେୟି ଆୟାଆତେ । ୮ ଅଡେ କରେକା ବିଚା ନେହିଁ ବୁମିତା ରାତେ, ଏଡି ନେୟାହାଁ ପାତାଆହାନା, କଡେଦସ, ତାନିକଡି, ପାସାକଡି ପାଡେୟି କାମ୍ବିତେ ।”

୯ ଅଡେ ଏଞ୍ଜାସି ଏଲେଇରେସି, “ଖେଞ୍ଜାଲି ଆମ୍ବାଆରାକି କୀର୍କା ମାନୁ ଏଞ୍ଜାସି ଖେଣ୍ଡାମ୍ବାସି ।”

**ପୁଣ୍ଡିକିନି କାତାତି ଖେହ୍ନାୟି**  
(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀସୁ ରଅସିଏ ମାଟାଟି ତାନି ତଲେତି ଏତରଜାଣା ଇଞ୍ଜାଁ ବାରଜାଣା ସୀସୁୟାଁ ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜୁଁ ଖେଚେରି । ୧୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ଏଲେଇରେସି, ମାହାପୁରୁ ରାଜିତି ତରୁମାନାଣି ପୁଞ୍ଜାଲି ମିଙ୍ଗେ ବାଡୁୟୁ ହାପକି ଆହାମାନେ, ସାମା ପାଙ୍ଗାତି ବାରେ ଲକ୍ଷ୍ମୀତାକି ଇ ପୁଣ୍ଡିକିନି କାତାତଲେ ଖେସ୍ପି ଆହମାନେ, ୧୨ ଏନିକ୍

“ଏଞ୍ଜାରି ମେସି ମେସିହିଁ,  
ମେହ୍ଅରି;  
ଇଞ୍ଜାଁ ଖେଞ୍ଜିଖେଞ୍ଜିହିଁ,  
ତେଲ୍ଲହଅରି,

ଏଞ୍ଜାରି ମାହାପୁରୁ ତାଣା ଖେଣ୍ଡା ଖାଡିହିଁମା,  
ପାପୁଟି ପିସ୍ପି ଆଡେରିମା ।”

**ବିଚା ମାଟିନି କାତା ପୁଣ୍ଡିକିନାୟି**  
(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀସୁ ଅଡେ ଖେଣ୍ଡେ ଏଞ୍ଜାରାଇଁ ଏଲେଇରେସି, “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅତେରି ? ଆତିହିଁ ନା ପୁଣ୍ଡିକିନି କାତା ଏନିକ୍ ପୁଞ୍ଜେରି ? ୧୪ ଆମ୍ବାଆସି ମାହାପୁରୁ ବଲୁ ଖେହ୍ନାସି ଏଞ୍ଜାସି ବିଚା ମାଟିନାସି । ୧୫ ଆମିନି ଗାଟାରି ଖେନେରି, ଇଞ୍ଜାଁ ଖେଟି ଦେବୁଣିଏ ସୟତାନ ଖାହାନା ଏଞ୍ଜାରିତାଣା ଖେଣ୍ଡା ଆହାମାନି ବଲୁ ମୀଞ୍ଜାଅନେ,

ଏଞ୍ଜାରି ଜିରୁ ଦାରିତା ରିତି ବିଚାଲେହେତାରି । ୧୬ ଏଲେକିହିଁଏ ଖାଲି ଲାକ ରିହାମାନି ବିଚାଲେହେତାରି, ଏ ବଲୁ ଖେଣ୍ଡାମିଏ ରାହାଟି ନାମିନେରି, ୧୭ ସାମା ଏଞ୍ଜାରିତାଣା ହାରୁ ଜୀଆତାକି ଗାଡେକା ତାକି ତୀରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଡା ଖାଡିସାରେ ଦେବୁଣିଏ ପିହ୍ନେରି, ଏଞ୍ଜାରି ଉଣା ଇରଥା ମାନି ଖାଲକା ଲାକତି ବିଚାଲେହେତାରି । ୧୮ ହାପକା ବୁଟାତା ମାଟିତି ବିଚା ଏଞ୍ଜାରି, ଆମ୍ବାଆରି ବଲୁତି ଖେନେରି, ୧୯ ଦାର୍ଡିତି ଅଣ୍ଡାପୁ ଦନତି ବାରେ ଜୁପକା ହତାନା ଏଞ୍ଜାରାଇଁ ପୁକ୍ହାତୁହ୍ନେ, ଇଞ୍ଜାଁ ଏଡି ପାଡେୟି ଆୟାଲି ଆଡେଏ । ୨୦ ଅଡେ ଆମିନି ଗାଟାରି କାତା ଖେନେରି, ଇଞ୍ଜାଁ ନାମିନେରି, ଅଡେ କଡେଦସ, ତାନିକଡି, ଇଞ୍ଜାଁ ପାସାକଡି ପାଡେୟି କାମ୍ବିନେରି, ଏଞ୍ଜାରି ନେହିଁ ବୁମିତା ମାଟିତି ବିଚାଲେହେତାରି ।”

**ମାଣା ପୁକ୍ହା ଦୀଞ୍**  
(ଲୁକ ୮:୧୭-୧୮)

୨୧ \*ଜୀସୁ ଅଡେ ଖେଣ୍ଡେ ଏଞ୍ଜାରାଇଁ ଏଲେଇରେସି, “ଆମ୍ବାଆସି ଦୀଞ୍ ତୀସାନା ମାଣା ପୁକ୍ହାନା କି କାଟେଲି ତୁଇ ଇଟିନେସି ? ଏଦାଆଁ ଏନାଆଁ ଦୀଞ୍ ସତାତା ଇଟଅସି ? ୨୨ \*ଇଟିହିଁ ତଞ୍ଜା ଆଆଗାଟାୟି ଏନାୟି ଜିକେଏ ତରୁନା ତୟେଏ; ଏନାୟି ତରୁନା ଆହାମାନେ, ଏଡି ତଞ୍ଜାଆହାଲି ତରୁମାନେ । ୨୩ ଇଟିହିଁ ଆମ୍ବାଆରାକି ଖେଞ୍ଜାଲି କୀର୍କା ମାନୁ ଏଞ୍ଜାସି ଖେଣ୍ଡାମ୍ବାସି ।”

୨୪ \*ଜୀସୁ ଅଡେ ଏଲେଇରେସି, “ଏନାଆଁ ଖେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଡିଦେରି, ଏ ମାଣା ତଲେ ମିଙ୍ଗେ ଲାଡା ହିୟାନେରି, ଅଡେ ମୀରୁ ହାରେକା ବେଟାଆଡେରି । ୨୫ \*ଇଟିହିଁ ଆମ୍ବାଆରାକି ମାନେ ଏଞ୍ଜାଣାକି ହାପକି ଆନେ; ଅଡେ ଆମ୍ବାଆରାକି ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ ।”

**ପାତାଆନି ବିଚାତି ପୁଣ୍ଡିକିନାୟି**

୨୬ ଜୀସୁ ଅଡେ ଏଲେଇରେସି, “ମାହାପୁରୁ ରାଜି ଇଲେତାୟି, ଏନିକ୍ ର ମାଣସି ବୁମିତା ବିଚା ମାଟିନେସି; ୨୭ ଇଞ୍ଜାଁ ଲାଆୟାଁ ଇଦା କିନେସି ଅଡେ ମାଦେନା ତେଃଏଲିନେସି, ଅଡେ ବିଚା ଏନିଆହିଁ ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି । ୨୮ ଗହିଁ ବୁମିତି ତାନୁଏ ନେୟି ନେ, ତଲିଏ ଆକୁ ଆନେ ତାୟୁ କେକୁ ଅଡେ ତାୟୁ କେକୁତି ପାଡେୟି ଆନେ । ୨୯ ସାମା ଆନା କାମ୍ବିସାରେ ମାଟିତାସି ଏ ଆନାତି କଡାତଖେଲି ତଲେ ଦାଃଆନେସି ।”

☆ ୪:୨୧ ୪:୨୧ ମାତି ୫:୧୫; ଲୁକ ୧୧:୩୩ ☆ ୪:୨୨ ୪:୨୨ ମାତି ୧୦:୨୬; ଲୁକ ୧୨:୨ ☆ ୪:୨୪ ୪:୨୪ ମାତି ୭:୨; ଲୁକ ୬:୩୮  
☆ ୪:୨୫ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୬

ରାୟି ପାଡ଼େୟି କାତା  
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି, “ମାର ମାହାପୁରୁ ରାଜି ଏନାଆଁତଲେ ତୁକ୍ନାୟି ? ଇଞ୍ଜା ଏନିଲେହେତି ପୁଣ୍ଠିକିନି କାତାତଲେ ଖେହ୍ନାୟି ? ୩୧ ଏଡ଼ି ର ହାସ୍ତୀ ପାଡ଼େୟି ଲେହେ; ବୁମିତା ମାଟିନି ବେଲାତା ଏଡ଼ି ଦାରତିତି ବାରେ ପାଡ଼େୟି କିହାଁ ଉଣା, ୩୨ ସାମା ମାଟିତି କେଚ ପାତାଆହାନା ବାରେ କୁଚା କିହାଁ କାଜାୟି ଆନେ, ଇଞ୍ଜା ଏଦାନି କମାୟାଁ ଇଲେକିଁ କାଜାଇ ଆନୁ, ଇଞ୍ଜା ହାଗୁ ଲାକ ଉମ୍ବିନି ପଗାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ ।”

୩୩ ଜୀସୁ ଇଲେକିହ୍ଁ ହାରେକା ପୁଣ୍ଠିକିନି କାତା ଖେସିହ୍ଁ ଏଞ୍ଜାରି ପୁନିଲେହେକିଁ ମାହାପୁରୁ କାତା ଖେସିମାଚେସି, ୩୪ ଅଡ଼େ ପୁଣ୍ଠିକିନି କାତା ଆଟ୍‌ଆନା ଜୀସୁ ଏନାଆଁଖା ଖେସି ହିଲାଆଚେସି, ସାମା ଲକୁ ହିଲାଆ ବେଲାତା ତାନି ସୀସୁୟାଁଣି ବାରେ ପୁଣ୍ଠି କିହିମାଚେସି ।

ଜୀସୁ କାଜା ଗାଲିତି ସାପି କିନାୟି  
(ମାତି ୮:୨୩-୨୭; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲ୍ଲା ବେଲା ଜୀସୁ ତାନି ସୀସୁୟାଁଇଁ ଏଲେଇଚେସି, “ଖାତୁ ମାର ସାମ୍‌ଦୁରି ଆତାଲା ହାନ ।” ୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକିଁ ତଂଗତା ମାଚେସି ଏଲେକିହ୍ଁ ଏ ଅଡ଼େରି, ଇଞ୍ଜା ଏମ୍ବାଆଁ ଏଚରଗଟା ତଂଗାୟାଁ ଜିକେଏ ମାରୁ । ୩୭ ଇଞ୍ଜା ଦେବୁଣିଏ ହାରେକା କାଜା ଗାଲି ଆଡେ, ଇଞ୍ଜା ତଂଗ ସାମ୍‌ଦୁରିତି ଗାଲିତାକି ମୁଞ୍ଜାଲି ମାଟ୍‌ହେ । ୩୮ ଏଚିବେଲା ଜୀସୁ ତଂଗତି ତାୟୁଞ୍ଜାକି ର ମୁଲାତା ତାରପୁ ଆଂଗାନା ଇଦା କିହାମାଚେସି; ଇଞ୍ଜା ସୀସୁୟାଁ ଏଞ୍ଜାଣାଇଁ ନିକ୍‌ହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିକ୍‌ଜେ ଅଣ୍‌ପୁ ହିଲେଏ କି ?”

୩୯ ଏମ୍ବାଟିଏ ଜୀସୁ ନିଜ୍ଞାନା ଗାଲିତି ଦାକା ହାହାନା ଏଲେଇଚେସି, “ତୁଙ୍ଗାମୁ” ଇଞ୍ଜା ସାମ୍‌ଦୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ ଗାଲି ପାଲେଏ ଆଡେ ଇଞ୍ଜା ବାରେ ସୁସ୍ତି ଆଡେ । ୪୦ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମାରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

୪୧ ଏମ୍ବାଟିଏ ଏଞ୍ଜାରି ହାରେକା ଆଜାନା ତାମୁ ତାମୁସୁ କାତା ଆଡେରି, “ଇଞ୍ଜାସି ଆମ୍ବାଆସି ? ଗାଲି ଅଡ଼େ ସାମ୍‌ଦୁରି ଜିକେଏ ଇଞ୍ଜାଣି ହାଡା ମାନୁଞ୍ଜି ଆହିମାନୁ ।”



ଜୀସୁ ବୁଡୁୟାଁ ଆଲ୍‌ଗିତାଣାଇଁ ନେହ୍ଁକିନାୟି  
(ମାତି ୮:୨୮-୩୪; ଲୁକ ୮:୨୬-୩୯)

୧ ତାୟୁ ଜୀସୁ ଅଡ଼େ ସୀସୁୟାଁ ଗାଲିଲି ଆତାଲାତି ଗରାସିୟା\* ରାଜିତା ଏଗାହାଚେରି । ୨ ଜୀସୁ ତଂଗତି ରେପନିଏ ର ବୁଡୁ ଆଲ୍‌ଗା ମାଚାସି ମାଡ଼ହା ମୁହ୍‌ନି ଚାୟୁଟି ହଚାଞ୍ଜାହାନା ଜୀସୁଇଁ ବେଟାଆଡେସି । ୩ ଏଞ୍ଜାସି ମାଡ଼ହା ମୁହ୍‌ନି ଚାୟୁତା ବାସା କିହିମାଚେସି, ଇଞ୍ଜା ଆମ୍ବାଆସି ଜିକେଏ ଏଞ୍ଜାଣାଇଁ ହିକ୍‌ଣିୟାଁ ତଲେ ଦସାଲି ଆଡ଼ିହିଲାଆଚେରି; ୪ ଇଚିହ୍ଁ ଏଞ୍ଜାଣାଇଁ ହାରେକା ଦେବା ହିକ୍‌ଣିୟାଁ ତଲେ ଦସାମାଚେରି, ସାମା ଏ ହିକ୍‌ଣିୟାଁ ତାପ୍‌ହାନା କୁଟୁକୁଟା କିଚେସି, ଇଞ୍ଜା ଏଞ୍ଜାଣାଇଁ ଦସା ଇଟାଲି ଆମ୍ବାଆରାକି ଜିକେଏ ବାଡ଼ୟୁ ହିଲାଆଚେ । ୫ ଏଞ୍ଜାସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହ୍‌ନି ଚାୟୁତା ଅଡ଼େ ହରୁତା ତୟାନା କିରଡ଼ି ମାଚେସି, ଇଞ୍ଜା ଖାଲ୍‌କାତଲେ କଡ଼ହା କଡ଼ିହ୍ଁ ରାଶାରାକା କିହା କଡ଼ିମାଚେସି ।

୬ ଏଞ୍ଜାସି ହେକଟିଏ ଜୀସୁଇଁ ମେସାନା ହଟି ହଟିହ୍ଁ ଖାହାନା ଏଞ୍ଜାଣି କଡାଣା ରିହାଁ ଜହରା କିଚେସି, ୭ ଅଡ଼େ କାଜା ଗିୟାତଲେ କିରଡ଼ିହ୍ଁ ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମାର୍‌ଏଣାତି ଜୀସୁ, ନୀ ତଲେ ନାକ୍‌ଜେ ଏନାୟି ମାଚେ ? ନିକ୍‌ଜେ ମାହାପୁରୁ ଦରୁତଲେ ପାର୍‌ମାଣା କିହିମାଞ୍ଜାଇଁ, ନାକ୍‌ଜେ କସ୍ତ ହିୟାଆନି ।” ୮ ଏନାଆଁତାକି ଇଚିହ୍ଁ ଜୀସୁ ଏଞ୍ଜାଣାଇଁ ଏନାଆଁ ଇଞ୍ଜାଲି ହାଜିମାଚେସି, “ଏ ପଲ୍‌ଆ ବୁଡୁତି ଇଞ୍ଜାଣି ତାଶାଟି ହଚାହାଲାମୁ ।”

୯ ଜୀସୁ ଏଞ୍ଜାଣାଇଁ ଖେଚେସି, “ନୀ ଦରୁ ଏନାୟି ?” ଏଞ୍ଜାସି ଏଲେଇଚେସି, “ନା ଦରୁ ‘ମାନ୍ଦା’ ଇଚିହ୍ଁ ମାମୁ ହାରେକା ଜାଶାତମି ।” ୧୦ ଇଞ୍ଜା ଜୀସୁ ଏନିକିଁ ଏ ପଲ୍‌ଆ ବୁଡୁୟାଁଣି ଏ ରାଜିଟି ଅର ରାଜିତା ପାଣ୍ଡୁଅସି, ଏଦାଆଁତାକି ଏଞ୍ଜି ଜୀସୁଇଁ ହାରେକା ବାତିମାଲିତୁ ।

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିଁମାରୁ । ୧୨ ଅଡ଼େ ଏ ବୁଡୁୟାଁ ବାତିମାଲିହ୍ଁ ଏଲେଇଚୁ, “ମାକ୍‌ଜେ ଏ ପାଜିୟାଁ ମାନ୍ଦାତା ହଡାଲି ପାଣ୍ଡାମୁ ।” ୧୩ ଏଞ୍ଜାସି ଏଞ୍ଜାରାଇଁ ହୁକୁମି ହାହାଲିଏ, ଏ ପଲ୍‌ଆ ବୁଡୁୟାଁ ଏଞ୍ଜାଣି ତାଶାଟି ହଚାନା ପାଜିୟାଁ ମାନ୍ଦା ବିଡ଼ା ହଚୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଚାନା ତାଗେ ମାତି ସାମ୍‌ଦୁରିତା ମେଦାନା ହାହାହାଚୁ, ବାରେ ରୀ ମାଣା ପାଜିୟାଁ ମାରୁ ।

୧୪ ଏ ପାଜିୟାଁ ମେଟିମାତି ଗଡ଼କା ଗାଡ଼ାତା ଅଡ଼େ ନାସ୍‌କାଣାଁ ଏ କାତା ଖେସ୍‌କା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜିଁ ସିନିକିହାଲି

\* ୫:୧ ୫:୧ କଚେକା ସାସ୍ତ୍ରରିତା ଗଦରିୟ ରାସ୍‌କି ଆହାମାନେ

ଝାଡ଼େରି । ୧୫ ଅଡ଼େ ଏଝାରି ଜୀସୁ ତାଗେ ଝାହାନା, ଏ ବୁଡୁ ଆଲଗା ମାଚାଣାକ୍ ଇଚିହ୍ ଆମ୍ବାଆରାକି ନକେଏ ମାନ୍ଦା ବୁଡୁୟା ଆସାମାରୁ, ଏଝାଣାକ୍ ହିମ୍ବରି ହୁଚାନା ନେହ୍ ମନତଲେ କୁଗାମାଚାଣି ମେସାନା ଆଜିତେରି । ୧୬ ଆମ୍ବାଆରି ମେସାମାଚେରି, ବୁଡୁ ଆଲଗା ମାଚାସି ଏନିକ୍ ନେହ୍ ଆଡେସି, ଅଡ଼େ ପାଜିୟା ଏନିକ୍ ନାସା ଆତୁ ଏ ବାରେ ଝେସ୍ପେରି ।

୧୭ ଏମ୍ବାଟିଏ ଏଝାରି ଜୀସୁକ୍ ତାନି ହାନ୍ଦିଟି ହାଜାଲି ବାତିମାଲିତେରି ।

୧୮ ତାୟୁ ଜୀସୁ ତଂଗତା ହଟିମାଚାଟି ଆମିନି ଗାଟାଣାକି ବୁଡୁ ଆଲଗାମାଚେ, ଏଝାସି ତାନିତଲେ ତୟାଲି ତାକି ବାତିମାଲିତେସି ।

୧୯ ସାମା ଜୀସୁ ହେଲ ହାଆନା ଏଝାଣାକ୍ ଏଲେଇଚେସି, “ନୀ ଇଜ ନୀ ଲକୁତାଣା ହାଲାମ୍, ଇଞ୍ଜା ପ୍ରବୁ ନିକ୍ଷେତାକି ଏନି କାମା ଅଡ଼େ ନିକ୍ଷେତାକି ଏମିନି କାର୍ମା କିହାମାଞ୍ଜାନେସି, ଏ ବାରେ ଏଝାରାକ୍ ଝେହ୍ମୁ ।”

୨୦ ଏମ୍ବାଟିଏ ଏଝାସି ହାଜାନା, ଜୀସୁ ଏଝାଣାକି ଏନି କାମା କିହାମାଚେସି, ଏଝାସି ଦେକାପଲିତାଠ ଝେକ୍ ହାଲି ମାଟ୍ ହେସି; ଏମ୍ବାଟିଏ ବାରେଜାଣା କାବା ଆଡେରି ।

**ଜାୟିରସ ମାଜ୍ମାନି ଜୀସୁ ଇଞ୍ଜା ନେତେରି ଝାଜ୍ମିମାଟି ଇୟା ନେହ୍ ଆନ୍ଦାୟି**  
(ମାତି ୯:୧୮-୨୬; ଲୁକ ୮:୪୦-୫୬)

୨୧ ଜୀସୁ ତଂଗଟି ଗାଣ୍ଡାନା ଅରଝାକି ଝେଣ୍ଡେ ଝାଡ଼େସି, ମାନ୍ଦା ଲକୁ ଏଝାଣି ତାଣା ରୁଣ୍ଡା ଆଡ଼େରି; ଇଞ୍ଜା ଏଝାସି ସାମ୍ବୁରି ଗାଟୁତା ତୟିତେସି ।

୨୨ ଏଚିବେଲା ଜୀହୁଦି ଲକୁତି କୁଟମି ଇଲୁଡିଃ କାଜାରି ବିତ୍ରାଟି ଜାୟିରସ ଦରୁଗାଟାସି ରଅସି ଜୀସୁକ୍ ମେସାନା ଏଝାଣି କଡାଣା ରୀତେସି, ୨୩ ଇଞ୍ଜା ହାରେକା ବାତିମାଲିହ୍ ଏଲେଇଚେସି, “ନା ମାଜ୍ମା ହାନ୍ଦିହରେ ଆହାମାନେ; ଏଦି ଏନିକ୍ ନେହ୍ ଆହାନା ନୀତିନେ, ଏଦାଆଁତାକି ନୀନୁ ଝାହାନା ଏଦାନି ଲାକ କେୟୁ ଇଟାମୁ ।”

୨୪ ଏମ୍ବାଟିଏ ଜୀସୁ ଏଝାଣିତଲେ ହାଚେସି, ଇଞ୍ଜା ହାରେକା ଲକୁ ଏଝାଣିତଲେ ହାଜାଲି ମାଟ୍ ହେରି, ଇଞ୍ଜା ଏଝାଣି ମୁହେଁ ମୁହେଁ ଝିସ୍ପି ଆହିମାଚେରି ।

୨୫ ଏଚିବେଲାତା ର ଇୟା ବାର ବାର୍ସା ପାତେକା ନେତେରି ଝାଜ୍ମିନି ରଗତା ନେତେରି ତୁଜାଆନା ନେହ୍ ଆହି ହିଲାଆତେ, ୨୬ ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟା କାର୍ତୁ କିହାମାଚେ, ଅଡ଼େ ଜିକେଏ ନେହ୍ ଆହାହିଲାଆତେ, ସାମା ହାରେକା କସ୍ତ ବେଟାଆହି ମାଚେ । ୨୭ ଏଦି ଜୀସୁତି କାତା ଝେଞ୍ଜାନା ଲକୁ ମାନ୍ଦାତା ଝାହାନା ତାୟୁ ଝାକିଟି ଏଝାଣି ହିମ୍ବରି

ତୀଗିତେ; ୨୮ ଇଚିହ୍ ଏଦି ଏଲେ ଇଞ୍ଜିମାଚେ, “ଏଝାଣି ହିମ୍ବରି ତୀଗିତିହ୍ ନେହ୍ ଆକ୍ ।”

୨୯ ଏ ଦେବୁଣିଏ ଏଦାଣି ନେତେରି ବନ୍ଦାୟି ତୁଜିତେ, ଇଞ୍ଜା ଏଦି ରଗଟି ନେହ୍ ଆହାମାନେ ଏଦାଆଁ ତାନି ଆଜ୍ମାତା ପୁଞ୍ଜା କଡିତେ ।

୩୦ ଦେବୁଣିଏ ଜୀସୁ ତାନି ଆଜ୍ମାଟି ବାଡୁୟୁ ହାଚାଣି ହିୟାତା ପୁଞ୍ଜାନା, ଲକୁ ମାନ୍ଦାତା ଝେଣ୍ଡେ ସିନିକିହାନା ଏଲେଇଚେସି, “ଏମ୍ବାଆୟି ନା ହିମ୍ବରି ତୀଗାତେ?”

୩୧ ଏମ୍ବାଟିଏ ତାନି ସାସୁୟା ଏଲେଇଚେରି, “ନୀନୁତ ମେସିମାଞ୍ଜି ଲକୁ ଏନିକ୍ ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜିମାଞ୍ଜି ଆମ୍ବାଆୟି ନାକ୍ଷେ ତୀଗାତେ?”

୩୨ ସାମା ଏମ୍ବାଆୟି ତାକ୍ଷେ ତୀଗିତେ ଏଦାଆଁ ମେସାଲି ଜୀସୁ ସାରିସୁରୁ ସିନିକିତେସି । ୩୩ ଏମ୍ବାଟିଏ ଏ ଇୟା ଝାହାନା ତାକ୍ଷେତାକି ଏନ୍ଦାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରଗିହ୍ ଝାହାଁ ତାନି କୁଡାଣା ରିହାନା ବାରେ ସାତା କାତା ଏଝାଣାକ୍ ଝେସ୍ପେ । ୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇଚେସି, “ଆଲ ମାଜ୍ମା ନୀ ନାମୁ ନିକ୍ଷେ ନେହ୍ କିହାମାଞ୍ଜାନେ; ହିଡ଼ି ତଲେ ହାଲାମୁ ଇଞ୍ଜା ନୀ ରଗଟି ନେହ୍ ଆମୁ ।”

୩୫ ଜୀସୁ ଇ କାତା ଝେସିମାଚାଟି, ଜୀହୁଦି ଲକୁତି କୁଟମି ଇଲୁଡି କାଜାଣା ଇଜଟି ରଅସି ଝାହାନା ଏଲେଇଚେସି, “ନୀ ମାଜ୍ମା ହାଡେୟିଏ ଗୁରୁକ୍ ଅଡ଼େ ଏନାଆଁତାକି କସ୍ତ ହାହିମାଞ୍ଜି?”

୩୬ ସାମା ଜୀସୁ ଏ କାତା ଝେଞ୍ଜାନା ଝେନାଆତିଲେହେଁ ଆହାନା ଜାୟିରସକ୍ ଏଲେଇଚେସି, “ଆଜାଆନି ସାମା ନାମାମୁ ।” ୩୭ ଅଡ଼େ ଏଝାସି ପିତର, ଜାକୁବ, ଅଡ଼େ ତାନି ତାୟି ଜହନ ପିସ୍ପେ ଆମ୍ବାଆରାକ୍ ତାନିତଲେ ଅଆତେସି । ୩୮ ଏଝାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାରେକା କାଲ୍ଡି ଆହ୍ ତୀହିମାନାଣି ମେସ୍ପେସି, ୩୯ ଇଞ୍ଜା ବିତ୍ରା ହାଜାନା ଏଝାସିକାଣି ଏଲେଇଚେସି, “ଏନାଆଁତାକି କାଲ୍ଡି ଆହ୍ ତୀହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଝାରି ଏଝାଣାକ୍ କାକ୍ ହେରି ।

୪୦ ଏଝାରି ଏଝାଣାକ୍ ଲାଜା କିହାନା କାକ୍ ହେରି, ସାମା ଏଝାସି ବାରେଟି ପାଜ୍ମାତା ପାଣ୍ଡାନା ପଦାନି ଇୟା ଆଡା ଅଡ଼େ ତାନି ତାନି ଜାଣା ସାସୁୟା ତଲେ ଏ ପଦା ମାଟି ତାଣା ହାଚେରି, ୪୧ ଇଞ୍ଜା ଏ ପଦାନି କେୟୁ ଆସାନା ଏଦାନି ଏଲେଇଚେସି, “ଟଲିତା କୁମ୍ ଇଚିହ୍” “ଆଲ ମାଜ୍ମା ନାନୁ ନିକ୍ଷେ ଝେସିମାଞ୍ଜାକ୍ ନିଜାମୁ ।”

୪୨ ଏ ଦେବୁଣିଏ ପଦା ନିଜ୍ମାନା ତାକିତେ (ଇଚିହ୍ ଏଦି ବାର ବାର୍ସା ଆହାମାଚେ) ଏମ୍ବାଟିଏ ଏଝାରି ହାରେକା କାବା ଆଡେରି । ୪୩ ଇଞ୍ଜା ଇ

† ୫:୨୦ ୫:୨୦ ଦସଗଟା ନାସ୍କା ‡ ୫:୨୨ ୫:୨୨ ସିନଗର



କାତା ଏନିକି ଆମ୍ବାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜାରାଇଁ ଜାଣେ ହୁକୁମି ହୀତେସି, ଇଞ୍ଜା “ପଦାନାକି ଏନାଆଁ ତିଞ୍ଜାଲି ହୀଦୁ” ଇଚେସି ।



**ଜୀସୁଇଁ ନାଜରିତତା ଅପାଆଗାଗାୟି**  
(ମାତି ୧୩:୫୩-୫୮; ଲୁକ ୪:୧୭-୩୦)

୧ ଜୀସୁ ଏ ଚାୟୁ ପିସାନା ତାନୁ ପାତାଆଡ଼ି ନାୟୁଁତା ହାଚେସି ଇଞ୍ଜା ତାନି ସୀସୁୟାଁ ତାନି ଜେଚ ହାଚେରି । ୨ ଜମିନି ଦିନା ଖାହାଲିଏ, ଏଞ୍ଜାସି ଜୀହୁଦି ଲକୁଡି କୁଟମି ଇଲୁତା\* ଜାପୁହାଲି ମାଟ୍‌ହେସି; ଇଞ୍ଜା ହାଚେରକା ତାନି କାତା ଖେଞ୍ଜାନା କାବା ଆହାଁ ଏଲେଇଚେରି, “ଇଞ୍ଜାଣାକି ଇ ବାରେ ଏମ୍ବିଟି ଆଚେ ? ଇଞ୍ଜାସି ଇଲେତି ବୁଦି ଏନିକି ପୁଚେସି ? ଇଞ୍ଜା ଇଲେତି କାବାଆନି କାମା ଏନି ବାଡ଼ୟୁ ତଲେ କିହିମାନେସି ?” ୩ ଇଞ୍ଜାସି ଏ ବାଡ଼ିୟାତି ମୀରଏସି ଆଏକି ? ଇଞ୍ଜାସି ମରିୟମନି ମୀରଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନତି ତାୟି ଆଏକି ? ଇଞ୍ଜା ତାନି ତାଜିୟା ଇମ୍ବାଆଁ ମା ତଲେ ହିଲାଡ କି ? ଅଚେ ଏଞ୍ଜାରି ଏଞ୍ଜାଣାଇଁ ଅପାଆଚେରି ।

୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍ଟପୁତି ବଲୁ ଖେହନାରି ଏଚକା ଲକୁ ତାଣାଟି ମାନି ବେଟାଆଚେରି ସାମା ତାନି ନାୟୁଁତି ଲକୁ ଇଞ୍ଜା ତାନି ଇଲୁ କୁଟମିତି ଲକୁ ଏଞ୍ଜାଣାଇଁ ମାନି କିଅରି ।”

୫ ଇଞ୍ଜା ଏଚରଜାଣା ରଗ ଗାଟାରାଇଁ କେୟୁ ଇଚାନା ନେହଁ କିନାଣି ପିସପେ ଏ ଚାୟୁତା ଏନି ବାଡ଼ୟୁତି କାମା କିହାଲି ଆଡାଆଚେସି । ୬ ଇଞ୍ଜା ଏଞ୍ଜାରି ନାମାଆତାକି ଜୀସୁ ହାଚେରକା କାବା ଆଚେସି ଏମ୍ବାଟି ବାରେ ନାସକାଣାଁ ହାଜାନା ଜାପୁହେସି ।

**ଜୀସୁ ବାରଜାଣା ସୀସୁୟାଁଣି ପାଣ୍ଡିନାୟି**  
(ମାତି ୧୦:୫-୧୫; ଲୁକ ୯:୧-୭)

୭ ତାୟୁ ଏଞ୍ଜାସି ନାସକା ନାସକାଣାଁ ରେଜି ରେଜିହଁ ଜାପୁହାଲି ମାଟ୍‌ହେସି, ଏମ୍ବାଟିଏ ବାରଜାଣାତି ତାଗେ ହାଚାନା ଏଞ୍ଜାରାଇଁ ରିଆରି ଲାକା କିହାନା ପାଣ୍ଡାଲି ମାଟ୍‌ହେସି ଇଞ୍ଜା ଲାଗେଏ ପଲେଏତି ଜୀହୁୟାଁ ଲାକ ଏଞ୍ଜାରାକି ଅଦିକାରା ହାଚେସି, ୮ ଅଚେ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଚଡ଼ିତା ଟାକାୟାଁ ଅଆଦୁ ଇଞ୍ଜା ହୁକୁମି ହୀତେସି; ୯ ସାମା ଏଞ୍ଜାରାଇଁ କତାତା ସେପୁୟାଁ ତୁରହାଲି ଏଲେଇଚେସି, ଇଞ୍ଜା ରୀ ସକାୟାଁ ତୁରହାଲି କାହି କିଚେସି । ୧୦ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମିଙ୍ଗ ଆମିନି ଇଲୁତା ହାଚାନେରି, ଏମ୍ବାଟି ଖେଶ୍ଟା ଖାଆ ପାଚେକା ଏମ୍ବାଆଁ

ତୟାଦୁ । ୧୧ ଏସାମା ଆମିନି ଚାୟୁତି ଲକୁ ମିଙ୍ଗ ଆବଅରି, କି ମୀ କାତା ଖେନଅରି, ଏମ୍ବାଟି ଖେଶ୍ଟା ଖାନାଟି ଏଞ୍ଜାରି ନକିତା ସାକି ହୀହାଲି ତାକି ମୀ କତାତି ଦୁଡ଼ି ହାଣଦୁ ।”

୧୨ ଏମ୍ବାଟିଏ ଏଞ୍ଜାରି ରେଜି ରେଜିହଁ ପାପୁ ପିସାନା ମନ ଖେଚନି କାତା ଖେକ୍‌ହେରି, ୧୩ ଇଞ୍ଜା ହାଚେରକା ବୁଡୁଣି ପିସପି କିଚେରି, ଇଞ୍ଜା ହାଚେରକା ରଗ ଗାଟାରାଇଁ ନିୟୁଁ ରୁବାନା ନେହଁ କିଚେରି ।

**ବାପ୍ତିସ୍ମାଁ ହାନି ଜହନତି ହାନାୟି**  
(ମାତି ୧୪:୧-୧୨; ଲୁକ ୯:୭-୯)

୧୪ ଏମ୍ବାଟିଏ ଜୀସୁ ଦରୁ ସାରି ଖାକି ଖେଜା ହାଜାଲିଏ ହେରଦ ରାଜା ଏଞ୍ଜାଣି କାତା ଖେଚେସି, ଇଞ୍ଜା ଲକୁ ଏଲେଇଞ୍ଜିମାଚେରି, “ବାପ୍ତିସ୍ମାଁ ହାନି ଜହନ ହାଚାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ କାବାଆନି ବାଡ଼ୟୁତି କାମା ଏଞ୍ଜାଣି ତାଣା ଆହିମାନେ ।”

୧୫ ସାମା ଏଚକାତାରି ଏଲେଇଞ୍ଜିମାଚେରି, “ଇଞ୍ଜାସି ଏଲିୟ ।”

ଇଞ୍ଜା ଅଚେ ଏଚରଜାଣା ଏଲେଇଞ୍ଜିମାଚେରି, “ମାହାପୁରୁ ଅଣ୍ଟପୁତି ବଲୁ ଖେହନାରି ଲେହେଁ ଇଞ୍ଜାସି ଜିକେଏ ମାହାପୁରୁ ଅଣ୍ଟପୁତି ବଲୁ ଖେହନାସି ।”

୧୬ ସାମା ହେରଦ ଇଦାଆଁ ଖେଞ୍ଜାନା ଏଲେଇଚେସି, “ଆମିନି ଜହନତି ତାୟୁଁ ନାନୁ ଦାପି କିହାମାଇଁ, ଏଞ୍ଜାସି ନିଙ୍ଗାମାନେସି !”

୧୭ ଇଚିହଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାଚାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଇଁ ଦସପା ତାତାନା କାୟିଦିତା ଇଚାମାଚେସି । ୧୮ ଇଚିହଁ ଜହନ ହେରଦଇଁ ଏଲେଇଞ୍ଜାମାଚେସି, “ନୀ ତାୟି ତକ୍ତିନି ଇଚିନାୟି ନୀ ମେରା ହିଲାଆଚେ ।”

୧୯ ଏମ୍ବାଟିଏ ହେରଦିୟା କାର୍‌ବି ଆହାନା ଜହନଇଁ ପାୟାଲି ମନ କିହିମାଚେ ସାମା ଏଦି ଏନାଆଁ କିହାଲି ଆଡ଼ିହିଲାଆଚେ । ୨୦ ଇଚିହଁ ହେରଦ ଜହନଇଁ ର ଦାମ୍‌ଗାଟାସି ଅଚେ ସୁଦୁଗାଟାସି ଇଞ୍ଜା ଆଜିମାଚେସି, ଇଞ୍ଜା ଏଞ୍ଜାଣାଇଁ ଗେଲ୍‌ପାଲି ଅଣ୍ଟପିମାଚେସି, ଏଞ୍ଜାଣି କାତା ଖେଞ୍ଜାନା ଆଜିତିହଁ ଜିକେଏ ଏଞ୍ଜାଣି କାତା ଖେଞ୍ଜାଲି ମନ କିହିମାଚେସି ।

୨୧ ତାୟୁ ହେରଦିୟାକି ର ପାରୁ ମୋଡାଆଚେ, ହେରଦ ତାନି ଜାନି ଦିନାତା କାଜା କାଜା ମନ୍ଦ୍ରିୟାଁଣି ଇଞ୍ଜା ଗାଲିଲିତି କାଜା କାଜାରାଇଁ ଲାଆଁ ବେଲାତା ର ବଜିତା ହାଚିଚେସି; ୨୨ ଇଞ୍ଜା ହେରଦିୟାନି ମାଙ୍ଗା ବିତ୍ରା ହାଜାନା ଏଦାହାଁ ହେରଦ ଇଞ୍ଜା ତାନିତଲେ ବଜିତା କୁଗାମାଟି ଲକୁଣି ରାହାଁ କିଞ୍ଜିକେଚେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ

\* ୭:୨ ୭:୨ ସିନଗର୍ ୬:୪ ୭:୪ ଜହ ୪:୪୪ ✨ ୭:୧୧ ୭:୧୧ କାମା ୧୩:୫୧ ✨ ୭:୧୧ ୭:୧୧ ଲୁକ ୧୦:୪-୧୧ ✨ ୭:୧୩ ୭:୧୩ ଜାକୁବ ୫:୧୪ † ୭:୧୩ ୭:୧୪ ମୁଞ୍ଜିନାୟି ✨ ୭:୧୪ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ‡ ୭:୧୪ ୭:୧୪ ମୁଞ୍ଜିନାୟି ✨ ୭:୧୭ ୭:୧୭ ଲୁକ ୩:୧୯,୨୦

ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିକ୍ଷେ ହିୟାଲ୍ ।” ୨୩ ଇଞ୍ଜା ଏଝାସି ପଦା ନକିତା ପାରମାଣା କିତେସି, “ନାନୁ ନାକ୍ଷେ ଏନାଆଁ ରାସ୍ତାଦି, ରାକିତି ଆଦା ଜିକେଏ ନାନୁ ନିକ୍ଷେ ହିୟାଲ୍ !”

୨୪ ଏମ୍ବାଟିଏ ଏ ପଦା ହାଜାନା ତାମି ଇୟାନି ଝେତେ, “ନାନୁ ଏନାଆଁ ରାହଲ୍ ?”

ଏମ୍ବାଟିଏ ଏଦି ଏଲେଇଚେ, “ବାପ୍ତିସ୍ମା ହାନି ଜହନତି ତାୟ୍ ୁ”

୨୫ ଏ ଦେବୁଣିଏ ରାଜା ତାଣା ତବେ ଝାହାନା ଏଲେଇଞ୍ଜି ରାସ୍ତେ, “ନାକ୍ଷେ ନାନୁ ବାପ୍ତିସ୍ମା\* ହାନି ଜହନତି ତାୟ୍ ୁ ରୁ ସାଡ଼ଝାତା ନାଏଁ ନାକ୍ଷେ ହିୟାମୁ ।”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହ୍ ଜିକେଏ, ତାନୁ କିତି ପାରମାଣା ଅଡ଼େ ବକ୍ତିତା କୁଗାମାଚାରି ତାକି ଆଏ ଇଞ୍ଜାଲି ଆଡ଼ାଆଡେସି ।

୨୭ ଏଦାଆଁତାକି ରାଜା ଦେବୁଣିଏ ର କହ୍‌ଏଣାଲ୍ ପାଣ୍ଡାନା ତାନି ତାୟ୍ ୁ ତାଚାଲି ହୁକୁମି ହୀତେସି, ଏମ୍ବାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟ୍ ୁ ଦାଡେସି; ୨୮ ଅଡ଼େ ଏଦାଆଁ ର ସାଡ଼ଝାତା ତାଚାନା ପଦାନାକି ହୀତେସି, ଇଞ୍ଜା ପଦା ଏଦାଆଁ ଅହାନା ତାମି ଇୟାନାକି ହୀତେ । ୨୯ ଇଞ୍ଜା ଜହନତି ସୀସୁୟାଁ ଏ କାତା ଝେଞ୍ଜାନା ଝାଡେରି, ଇଞ୍ଜା ତାନି ମାଡ଼ହାତି ଅହାନା ମାଡ଼ହା ଇଚିନି ଟାୟ୍‌ତା ଇଚିତେରି ।

**ଜୀସୁ ପାସାମାଣା ଲକୁତାକି ତାହନାୟି**

(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

୩୦ ତାୟ୍ ପାଣ୍ଡାଣି ଆହାମାଚାରି ଜୀସୁ ତାଣା ଝାଡେରି, ଇଞ୍ଜା ଏଝାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପୁହା ମାଚେରି, ଏ ବାରେ ଏଝାଣାଲ୍ ଝେସ୍ତେରି । ୩୧ ଏମ୍ବାଟିଏ ଜୀସୁ ଏଝାରାଲ୍ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଟାୟ୍‌ତା ହାନ, ଏମ୍ବାଆଁ ମାରୁ ଗାଡ଼େକା ଜମାଦୁ ।” ଇଚିହ୍ ହାରେକା ଲକୁ ହାଜି ଝାହି ଆହିମାଚାକି ଏଝାରାକି ତିଞ୍ଜାଲି ଜିକେଏ ମୁଆଡେ । ୩୨ ଏମ୍ବାଟିଏ ଏଝାରି ଏଟକା ଆହାନା ର ଡଂଗତା ହଚାନା ଲକୁ ହିଲାଆ ଟାୟ୍‌ତା ହାଚେରି ।

୩୩ ସାମା ହାରେକା ଲକୁ ଏଝାରି ହଚା ହାଚାଣି ମେସ୍ତେରି ଅଡ଼େ ପୁଚେରି, ଇଞ୍ଜା ଲକୁ ବାରେ ଗାଡ଼ାୟାଁତି ତାକିହ୍ ହାଜାନା ଏଝାରି ନକିତା ଏଗାହାଚେରି । ୩୪ ଏଝାସି ଡଂଗତି ରେଚାନା ହାରେକା ଲକୁଣି ମେସାନା ଏଝାରାଲ୍ କାର୍ମା ଆଡେସି, ଇଚିହ୍ ଏଝାରି ଗଡ଼ ହିଲାଆ ମେଣ୍ଡାୟାଁ ଲେହେଁ ମାଚେରି; ଇଞ୍ଜା ଏଝାସି ଏଝାରାଲ୍ ହାରେକା କାତା ଜାପୁହେସି । ୩୫ ଗାଡ଼ି ଝେଡ଼ାଆୟାଲିଏ ତାନି

ସୀସୁୟାଁ ତାନି ତାଣା ଝାହାନା ଏଲେଇଚେରି, “ଇ ଟାୟ୍ ଲକୁ ହିଲାଆ ଟାୟ୍ ଇଞ୍ଜା ଆଦେରି ଜିକେଏ ଆହିମାଚେ; ୩୬ ଲକୁ ଏନିକ୍ ସାରିଝାକି ମାନି ଝାଲହାଝାଡ଼ି ଅଡ଼େ ଗାଡ଼ାତା ହାଜାନା ତାମ୍‌ଲେ ତାକି ତିଞ୍ଜାଲି ରାନ୍ଦା କତାପେରିଝା, ଏଦାଆଁତାକି ଏଝାରାଲ୍ ହେଲ ହୀହାନା ପାଣ୍ଡାମୁ ।”

୩୭ ସାମା ଜୀସୁ ତାନି ସୀସୁୟାଁଲ୍ ଏଲେଇଚେସି, “ମାରୁ ଏଝାରାକି ତିଞ୍ଜାଲି ହୀଦୁ ।”

ଏଝାରି ଏଲେଇଚେରି, “ମାର ରୀ ଝାଞ୍ଜା ଝେଣ୍ଡି ଟାକାୟାଁତି† ରୁଚି ତାଚାନା ଇଝାରାକି ତିଞ୍ଜାଲି ହୀନାୟି କି ?”

୩୮ ଜୀସୁ ଏଝାରାଲ୍ ଏଲେଇଚେସି, “ମୀ ତାଣା ଏଚେରଗଟା ରୁଚି ମାନୁ ? ହାଜାନା ସିନିକିଦୁ ।”

ଏଝାରି ଝେଞ୍ଜା ଝାହାନା ଜୀସୁଲ୍ ଏଲେଇଚେରି, “ପାସାଗଟା ରୁଚି ଇଞ୍ଜା ରୀ ମୀଣ୍‌କା ମାନୁ ।”

୩୯ ଇଞ୍ଜା ଜୀସୁ ତାନି ସୀସୁୟାଁଲ୍ ଏଲେଇଚେସି, ବାରେ ଲକୁଲ୍ ଗତି ଗତି କିହ୍ କୁଗି ଜାଡ଼ା ଲାକ କୁଗିକିହାଲି ଝେସ୍ତେସି । ୪୦ ଏଚେଟିଏ ଏଝାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହ୍ କୁଗିତେରି । ୪୧ ତାୟ୍ ଜୀସୁ ଏ ପାସାଗଟା ରୁଚି ଇଞ୍ଜା ରୀ ମୀଣ୍‌କା ଅହାନା ଲାକପୁରୁ ଝାକି ସିନିକିହାଁ ମାହାପୁରୁଲ୍ ଜହରା କିତେସି, ଅଡ଼େ ରୁଚି ଡ଼ିକହାନା ଲକୁତାକି ବାଟି କିହା ହୀହାଲି ତାନି ସୀସୁୟାଁକି ହୀତେସି, ଇଞ୍ଜା ରୀ ମୀଣ୍‌କା ଜିକେଏ ଏଲେକିହ୍ ଏ ବାଗା କିହାନା ହୀତେସି । ୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିତେରି, ୪୩ ଇଞ୍ଜା ଏଝାରି ହାରାମାଟି ରୁଚି ଅଡ଼େ ମୀଣ୍‌କା କୁଡ଼ି କିହାନା ବାରଗଟା ଡାଲିତା ନେଞ୍ଜିକିତେରି । ୪୪ ରୁଚି ତିତି ଲକୁ ପାସାମାଣା ଝାରଲ ଆବାୟାଁ ମାଚେରି ।

**ଜୀସୁ ଏୟ୍ ଲାକ ତାକିନାୟି**

(ମାତି ୧୪:୨୨-୩୩; ଜହ ୬:୧୫-୨୧)

୪୫ ଏ ଦେବୁଣିଏ ଏଝାସି ତାନି ସୀସୁୟାଁଣି ଡଂଗତା ହଚାନା ଆତାଲାଝାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିତେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହୀହାଁ ପାଣ୍ଡିତେସି । ୪୬ ଏଝାରି ତାଣାଟି ହେଲ ଅଡ଼ି ତାୟ୍ ଏଝାସି ପ୍ରାଡ଼ାନା କିହାଲି ହରୁତା ହାଚେସି । ୪୭ ମିଡ଼ଅଲା ଆହାଲିଏ ଡଂଗ ସାମ୍‌ଦୁରି ମାଦିଏ ମାଚେ, ଇଞ୍ଜା ଜୀସୁ ସାମ୍‌ଦୁରି ଗାରୁତା ରଅସିଏ ମାଚେସି । ୪୮ ଏମ୍ବାଟିଏ ହାରେକା ଗାଲି ଏଝାରି ଝାକି ଝେଟିମାଚାକି ଡଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଝାସି ଝେୟା ନେକେରି ସାମ୍‌ଦୁରି ଏୟ୍ ଲାକ ତାକିହ୍ ଏଝାରି ତାଗେ ଝାଡେସି, ଇଞ୍ଜା ଏଝାରି ତାଗେଟି ଆଗାଡ଼ା ହାଜାଲି ଅଣ୍‌ପାମାଚେସି, ୪୯ ସାମା ଏଝାରି ଏଝାଣାଲ୍ ସାମ୍‌ଦୁରି ଲାକ ତାକି ମାନାଣି

§ ୭:୨୪ ୭:୨୪ ମୁଞ୍ଜିନାୟି \* ୭:୨୫ ୭:୨୫ ମୁଞ୍ଜିନାୟି ☆ ୭:୩୪ ୭:୩୪ ମାତି ୯:୩୭ † ୭:୩୭ ୭:୩୭ ର ଦିନାତି ବୁଡ଼ି ର ଝେଣ୍ଡି ଗାକା

ମେସାନା ବୁଡୁ ଇଞ୍ଜି ଅଣପାନା କାଲୁଞ୍ଜି ଆଡେରି । ୫୦ ଇଚିହିଁ ବାରେଜାଣା ଏଞ୍ଜାଣାଇଁ ମେସାନା ଆଜାହାଜା ମାଚେରି ।

ସାମା ଜୀସୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରିଇଁ ଏଲେଇଚେସି, “ସାସା ଆହୁଦୁ ନାନୁଏ ଏଞ୍ଜାଚେସି, ଆଜାଆଦୁ ।” ୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ଡଂଗତା କୁରିତେସି, ଇଞ୍ଜା ଗାଲି ତୁଲିତେ, ଏମ୍ବାଟିଏ ଏଞ୍ଜାରି ମନ ମନତା ହାରେକା କାବା ଆଡେରି । ୫୨ ଇଚିହିଁ ଏଞ୍ଜାରି ରୁଚିୟାଁ କାତା ପୁଣ୍ଡୁସୁ ପୁଞ୍ଜାହିଲାଆଡେରି, ଏନାଆଁତାକି ଇଚିହିଁ ଏଞ୍ଜାରି ହିୟାଁ ଆଡ଼ଞ୍ଜା ଆହାମାଚେ ।

**ଗେନେସର ରଗ ଗାଟାରାଇଁ ନେହିଁ କିନାୟି**  
(ମାତି ୧୪:୩୪-୩୬)

୫୩ ଏଞ୍ଜାରି ସାମଦୁରି ଗାଟାନା ଗେନେସର ରାଜିତା ଏଜାନା କାତା ଗାଟୁତା ଡଂଗତି ଦସ୍ତେରି । ୫୪ ଅଡେ ଏଞ୍ଜାରି ଡଂଗଟି ରେଚାଲିଏ, ଦେବୁଣିଏ ଲକୁ ଏଞ୍ଜାଣାଇଁ ପୁଞ୍ଜାନା, ୫୫ ଏ ରାଜିତି ସାରିଞ୍ଜାକି ହାରେରି, ଏଞ୍ଜାରି ଆମିନି ଚାମୁତା ମାନେରି ଇଞ୍ଜି ଖେଚେରି, ଅଡେ ଜୀସୁ ମାନି ଚାମୁତା ରଗ ଗାଟାରାଇଁ କାଚେଲିତା ଡେକା ତାଚାଲି ମାଟହେରି । ୫୬ ଇଞ୍ଜା ଏଞ୍ଜାସି ଆମିନି ନାସକା, ଅଡେ ଗାଡ଼ାତା ହାଚେସି, ଲକୁ ଏ ବାରେ ଚାମୁତି ହାଟା ବାଜାରାଟି ରଗ ଗାଟାରାଇଁ ଏଞ୍ଜାଣି ନକିତା ଏଞ୍ଜାରିଇଁ ଇଚିତେରି, ଏଞ୍ଜାରି ଏନିକିଁ ଏଞ୍ଜାଣି ହିମ୍ବରି କୁଞ୍ଜୁ ଡାଗିନେରି, ଏନାଆଁତାକି ଏଞ୍ଜାଣାଇଁ ବାତିମାଲିତେରି; ଇଞ୍ଜା ଏଚେକା ଲକୁ ଏଞ୍ଜାଣାଇଁ ଡାଗିତେରି ଏଞ୍ଜାରି ବାରେ ନେହିଁ ଆଡେରି ।



**ଆକୁ ଆବାୟାତି ପାଣାପାଟୁ**  
(ମାତି ୧୫:୧-୯)

୧ ତାମୁ ପାରୁସିୟାଁ ଅଡେ ଜିରୁସାଲମଟି ଖାହାମାନି ଏଚରଜାଣା ମୋରାପୁନାରି ଜୀସୁ ତାଣା ରୁଣ୍ଡା ଆଡେରି । ୨ ଏଞ୍ଜାରି ସାସୁୟାଁ ବିତ୍ରାଟି ଏଚରଜାଣାଟି କେସ୍ତା ନରୁଆନା ତିଞ୍ଜି ମାଚାଣି ମେସ୍ତେରି । ୩ ପାରୁସିୟାଁ ଅଡେ ବାରେ ଜୀହୁଦି ଲକୁ ଆକୁ ଆବାୟାଁ ଇଚାମାନି ମୋରାତି ମାନୁଞ୍ଜି ଆହାନା ନେହିଁକିଁ କେୟୁ ନରୁଆସାରେ ତିଞ୍ଜି ହିଲାଆଡେରି, ୪ ଇଞ୍ଜା ହାଟା ବାଜାରାଟି ଖାହାନା ତାନି ଲାକ ଏୟୁ ଡାଞ୍ଜା କତାଆନା ତିଞ୍ଜି ହିଲାଆଡେରି; ଅଡେ ଗିନା ମୁତା ଇଞ୍ଜା ପିତାଡ଼ା ଡକାୟାଁ, ପାସ୍ପନି ନରୁନାୟି, ଇଲେତି ହାରେକା ମୋରା ମାନୁଞ୍ଜି ଆହାଲି ହୁକୁମି ବେଟା ଆହାମାନେରି ।

୫ ଏନାଆଁତାକି ପାରୁସିୟାଁ ଅଡେ ମୋରାପୁନାରି ଜୀସୁଇଁ ଖେଚେରି, “ନୀ ସୀସୁୟାଁ ତଲିତି ଆକୁ ଆବାୟାଁ ମୋରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି?”

୬ ଜୀସୁ ଏଞ୍ଜାରିଇଁ ଏଲେଇଚେସି, “ଆଡେ କୁଟୁ ଗାଟାଚେରି, ମାହାପୁରୁ ଅଣ୍ଟପୁତି ବଲୁ ଖେହୁନି ଜିସାୟୁ ନେହିଁକିଁ ଇ କାତା ଖେସାମାନେସି, ଏନିକିଁ ରାସ୍ତକି ଆହାମାନେ;

ଇ କୁଡ଼ାତାରି ଖାରଇ ଗୁତି ତଲେ ନାଚେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟିଏ ହାରେକା ହେକ ଡୟିନେ ।

୭ ଏଞ୍ଜାରି ମାଣସିୟାଁ କେପିତି ମୋରାତି ଦାମୁତି ନେହିଁ କାତା ଇଞ୍ଜି ଜାପୁହାନା, ଉଜେଏ ନା ସେବା କିୟାନେରି ।

୮ ମୀରୁ ମାହାପୁରୁତି ହୁକୁମି ପିସାନା ମାଣସିୟାଁ ମୋରାତି ଆସାମାଞ୍ଜେରି ।”

୯ ଅଡେ ଜୀସୁ ଏଞ୍ଜାରିଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅଡେରି

। ୧୦ ଇଚିହିଁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜୀଞ୍ଜୁନଦୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିଇଁ ବାକା ଇଚିନେସି, ଏଞ୍ଜାସି ହାନି ତଣ୍ଡ ବେଟା ଆନେସି ।’ ୧୧ ମୀରୁ ଜାପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇନେସି, ନା ତାଣାଟି ଏନାଆଁ

ହିୟାତିହିଁ ନିଚେ ନେହେଁ ଆଡେମା, ଏଦି କର୍ବାନ ଇଚିହିଁ ମାହାପୁରୁ ତାକି ହେରୁପି ଆହାମାନାୟି

। ୧୨ ଇଞ୍ଜା ମୀରୁ ଏଲେକିହିଁ ତାନି ଇୟା କି ଆବାଇଁ ଏନି ସାୟେମି କିହାଲି ହାହି ହିଲଅଡେରି;

୧୩ ଏଲେକିହିଁଏ ମୀରୁ ମୀ ତାଣା ମାନି ମୋରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହିଁ ହାରେକା କାମା କିହିମାଞ୍ଜେରି ।”

**ମାଣସିଇଁ ଲାଗେଏ କିନାୟି**  
(ମାତି ୧୫:୧୦-୨୦)

୧୪ ଜୀସୁ ଅଡେ ଖେଣ୍ଡେ ଲକୁଣି ତାଗେ ହାଟାନା ଏଞ୍ଜାରିଇଁ ଏଲେଇଚେସି, “ମୀରୁ ବାରେ ନା କାତା ଖେଞ୍ଜୁ ଅଡେ ତେଲହାଦୁ । ୧୫ ମାଣସିତି ପାଙ୍ଗାତା ଇଲେତି ଏନାୟି ହିଲେଏ, ଏଦି ମାଣସି ବିତ୍ରା

ହଡାନା ଏଞ୍ଜାଣାଇଁ ଲାଗେଏ କିହାଲି ଆଡିନେ, ସାମା ଏନା ଏନାୟି ମାଣସି ତାଣାଟି ହଡିମାନେ, ଏ ବାରେ ଏଞ୍ଜାଣାଇଁ ଲାଗେଏ କିହିମାନେ ।”\* ୧୬ ଖେଞ୍ଜାଲି କୀର୍କା ମାନସି ଖେଣ୍ଡାସି ।

୧୭ ଅଡେ ଏଞ୍ଜାସି ଲକୁ ତାଣାଟି ଇଲୁ ବିତ୍ରା ଖାହାଲିଏ ତାନି ସୀସୁୟାଁ ଏଞ୍ଜାଣାଇଁ ପୁଣ୍ଡିକିନି କାତାତି ଅର୍ଡ ଖେଚେରି । ୧୮ ଏମ୍ବାଟିଏ ଜୀସୁ

\* ୭:୧୫ ୭:୧୫ ଏଚେକା ସାସ୍ତେରିତା ୧୫ ପଦ ଜେତ ଡଇକା ମାନି ବଲୁତି ୧୭ ପଦୁତା ରାସ୍ତକି ଆହାମାନେ;

ଏଞ୍ଜେଲ୍ ଏଲେଇରେସି, “ମୀରୁ ଜିକେଏ ଏଲେକିହି ଏ ପୁନାଆ ଗାଟାରେରି ? ଏନାୟି ପାଙ୍ଗାଟି ମାଣସି ବିତ୍ରା ହଟିହି ଏଦି ଏଞ୍ଜେଲ୍ ଲାଗେଏ କିହାଲି ଆଡେଏ, ୧୯ ଇଚିହି ଏଦି ଏଞ୍ଜେଲି ହିୟାତା ହଡୁଆନା ବାଣ୍ଡିତା ହଡୁନେ ଇଞ୍ଜା ବାଣ୍ଡିହାନିଲେହେ ହଡାହାନେ ଇଲେଆହି ବାରେ ରାନ୍ଦା ଅଟ୍ଟି ଆହିମାନେ, ଇଦାଆ ପୁଞ୍ଜି ହିଲଅତେରି ?”

୨୦ ଅଡେ ଏଞ୍ଜେସି ଏଲେଇରେସି, “ଏନାୟି ମାଣସି ତାଣ୍ଡାଟି ହଟିମାନେ ଏଦି ଏଞ୍ଜେଲ୍ ଲାଗେଏ କିହିମାନେ । ୨୧ ଇଚିହି ମାଣସି ହିୟା ବିତ୍ରାଟି ଲାଗେଏତି ଅଣ୍ଡୁ ହନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି, ୨୨ ଜୁପକା, ଲାଗେଏ ପଲେଏ କାମା, ନାଡ଼ିକିନାୟି, ତାହାରା, ନିନ୍ଦା କିନାୟି, ତାହାରା ଆନାୟି, କାରବି ଆନାୟି; ୨୩ ଏଲେତି ଲାଗେଏତାୟି ବିତ୍ରାଟି ହଡାଞ୍ଜାହାନା ମାଣସିଲ୍ ଲାଗେଏ କିହିମାନେ ।”

**ର ଇୟାନି ନାମୁ  
(ମାତି ୧୫:୨୧-୨୮)**

୨୪ ଏମ୍ବାଟିଏ ଜୀସୁ ଏ ଚାୟୁ ପିସାନା ସରତି ହାନ୍ଦି ଖାକି ହାରେସି, ଇଞ୍ଜା ର ଇଲୁତା ହଡାନା ଏନିକ୍ ଆମ୍ବାଆରି ପୁନଅରି ଇଞ୍ଜି ଅଣ୍ଡପିମାରେସି, ସାମା ଏଞ୍ଜେସି ତ୍ତୁନା ତୟାଲି ଆଡାଆତେସି । ୨୫ ଏ ଦେବୁଣିଏ ର ଇୟା, ଆମ୍ବାଆରି ମାଙ୍ଗାନି ବୁଡୁ ଆଲଗାମାରେ, ଏଦି ଜୀସୁ କାତା ଖେଞ୍ଜାନା ଖାହା ଏଞ୍ଜେଲି କତାଣା ରାତେ । ୨୬ ଏ ଇୟା ସୁରପୟିନିକି ଜାଡିତି ର ଗ୍ରିକ ଇୟା ମାରେ, ତାନି ମାଙ୍ଗାନି ତାଣ୍ଡାଟି ବୁଡୁ ପିସପି କିହାଲି ଏଦି ଜୀସୁଲ୍ ବାଡିମାଲିତେ । ୨୭ ଏମ୍ବାଟିଏ ଜୀସୁ ଏଦାନି ଏଲେଇରେସି, “ତଲିଏ କକାରି ପଦାଣି ପାଞ୍ଜି କିଦୁ, ଇଚିହି କକାରି ପଦାୟା ରାନ୍ଦା ଅହାନା ନେସକା ନକିତା ମେଡନାୟି ନେହେ ଆଏ ।”

୨୮ ସାମା ଏଦି ଏଞ୍ଜେଲ୍ ଏଲେଇରେ, “ହାଅ ପ୍ରବୁ ନେସକା ଜିକେଏ କକାରି ପଦାୟା ତ୍ରକହାମାନି ଲିତାତି ପେରହା ତିନୁ ।”

୨୯ ଏମ୍ବାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଙ୍ଗାନି ତାଣ୍ଡାଟି ବୁଡୁ ହଡା ହାରେୟିଏ, ହାଲାନୁ ।”

୩୦ ଇଞ୍ଜା ଏଦି ଇଜ ହାଜାନା ତାନି ମାଙ୍ଗା ପାସପନିତା ହୁଞ୍ଜାମାନାଣି ଇଞ୍ଜା ବୁଡୁ ହଡା ହାଜା ମାନାଣି ମେସ୍ତେ ।

**ର ବେରା ଅଡେ ଗୁଲାଲ୍ ଜୀସୁ ନେହିକିନାୟି**

୩୧ ଅଡେ ଖେଶ୍ତେ ଏଞ୍ଜେସି ସର ହାନ୍ଦିଟି ହାଜାନା ସିଦନ ଅଡେ ଦସଗଟା ନାସକା† ହାନ୍ଦି ହାହାନା ଗାଲିଲି ସାମଦୁରି ତାଗେ ଖାଡେସି । ୩୨ ଇଞ୍ଜା ଲକୁ ର ବେରା ଅଡେ ଗୁଲାଲ୍ ଏଞ୍ଜେଲି ନକିତା ତାଗାନା

ଏଞ୍ଜେଲିଲକ କେୟୁ ଇଚାଲି ବାଡିମାଲିତେରି । ୩୩ ଜୀସୁ ଲକୁ ତାଣ୍ଡାଟି ରଅଣାଲ୍ ଏଟକା କିହା ଅହାନା ଏଞ୍ଜେଲି ରୀ କୀକାଣା ତାନି ଖାସକା ଇଚିତେସି ଅଡେ ହୁପାନା ଏଞ୍ଜେଲି ଖେନ୍ଦରି ତାଗିତେସି, ୩୪ ଅଡେ ଲାକପୁରୁ ଖାକି ସିନିକିହାନା ଗାଡିକିହି ନେଞ୍ଜାନା ଏଞ୍ଜେଲ୍ ଏଲେଇରେସି, “ଇପପତ” ଇଚିହି “ଦେପି ଆମୁ ।”

୩୫ ଏମ୍ବାଟିଏ ଏଞ୍ଜେଲି କୀକା ଦେପିଆଡୁ, ଇଞ୍ଜା ଖେନ୍ଦରିତି ଜାଲା ଏ ଦେବୁଣିଏ ଗୁଟାଆଡେ, ଇଞ୍ଜା ଏଞ୍ଜେସି ନେହିକି ଜଲାଲି ଆଡିତେସି । ୩୬ ଇଞ୍ଜା ଏ କାତା ଆମ୍ବାଆରାଲ୍ ଖେହୁଆଡୁ ଇଞ୍ଜି ଏଞ୍ଜେଲ୍ ଗାଡିକିହି ହୁକୁମି ହୀତେସି; ସାମା ଏଞ୍ଜେସି ଏଞ୍ଜେଲ୍ ଏରେକା କାହି କିତେସି, ଏଞ୍ଜେରି ଏରେକା ଗାଡି ଖେକହେରି । ୩୭ ଅଡେ ଲକୁ କାବାଆହାନା ଏଲେଇରେରି, “ଏଞ୍ଜେସି ବାରେ କାମା ନେହିକି କିହିମାନେସି; ଏଞ୍ଜେସି ବେରାୟାଲ୍ ଖେଞ୍ଜାଲି ଗୁଲାୟାଲ୍ ଜଲିନି ବାଡୁୟୁ ଜିକେଏ ହାହିମାନେସି ।”



**ଜୀସୁ ସାରି ମାଣା ଲକୁକି ତିଞ୍ଜାଲି ହାନାୟି  
(ମାତି ୧୫:୩୨-୩୯)**

୧ ଏଚିବେଲା ହାରେକା ମାନ୍ଦା ଲକୁ ରୁଣ୍ଡା ଆଡେରି, ଅଡେ ଏଞ୍ଜେରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସୀସୁୟାଣି ତାଗେ ହାଟାନା ଏଞ୍ଜେଲ୍ ଏଲେଇରେସି, ୨ “ଲକୁତାକି ନାଙ୍ଗେ କାମା ହଟିମାଞ୍ଜାନେ, ଇଚିହି ଇଞ୍ଜେରି ତାନିଦିନା ଆଡେରିଏ ନା ତଲେ ମାଞ୍ଜାମାନେରି, ଅଡେ ଇଞ୍ଜେରି ତାଣା ଏନାୟି ତିନାୟି ହିଲେଏ । ୩ ଏଞ୍ଜେଲ୍ ତୀହୁଆନା ପାଣ୍ଡିସାରେ, ଖେଶ୍ତାହାନାଟି ଏଞ୍ଜେରି ହାହା ଜିକେଏ ହାନ୍ଦେରି । ଏଞ୍ଜେରି ବିତ୍ରାଟି ଏରେଜାଣା ହେକଟି ଖାହାମାନେରି ।”

୪ ସୀସୁୟା ଏଞ୍ଜେଲ୍ ଏଲେଇରେରି, “ଇମ୍ବାଆଁ ଇ ଲକୁ ହିଲାଆ ଚାୟୁତା ଆମ୍ବାଆସି ଆମ୍ବିଟି ରୁଟି ତାଗାନା ଇଞ୍ଜେଲ୍ ପାଞ୍ଜି କିନେସି ?”

୫ ଜୀସୁ ଏଞ୍ଜେଲ୍ ଖେରେସି, “ମୀ ତାଣା ଏଚରଗଟା ରୁଟି ମାନୁ ?”

ଏଞ୍ଜେରି ଏଲେଇରେରି, “ସାଡାଗଟା ।”

୬ ଏମ୍ବାଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି; ଅଡେ ଏଞ୍ଜେସି ସାଡାଗାଟା ରୁଟି ଅହାନା ଜହରା କିହାନା ଏ ବାରେ ଡିକହାନା ବାଡ଼ି କିହାଲି ତାନି ସୀସୁୟାକି ହୀତେସି, ଅଡେ ଏଞ୍ଜେରି ଲକୁତାକି ବାଡ଼ି କିହା ହୀତେରି । ୭ ଇଞ୍ଜା ଏଞ୍ଜେରିତାଣା ଏଚରଗଟା ଉଣା ମୀଣକା ମାଡୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଡ଼ି କିହା ହୀହାଲି ସୀସୁୟାଲ୍ ଏଲେଇରେସି ।

୮ ଏମ୍ବାଟିଏ ଏଞ୍ଜେରି ତିଞ୍ଜାନା ପାଞ୍ଜିତେରି ଇଞ୍ଜା

† ୭:୩୧ ୭:୩୧ ଦେକାପଲି

ହାରିତାଣି ସାତା ଡାଲି କୁଡ଼ି କିତେରି । ୯ ଏଝାରି ବାରେ ସାରି ମାଣା ଲକୁ ମାଚେରି । ଏଚେଟିଏ ତାୟୁ ଏଝାରାଇଁ ହେଲ ହୀତେସି, ୧୦ ଇଞ୍ଜା ଦେବୁଣିଏ ତାନି ସୀସୁୟାଁ ତଲେ ଡଂଗତା ହଡ଼ାନା ଦଲ୍‌ମନୁ ଗାଡ଼ାତା ହାଚେରି ।

**ପାରୁସିୟାଁ ସିନା ରାହ୍‌ନାୟି**  
(ମାତି ୧୭:୧-୪)

୧୧ \*ତାୟୁ ପାରୁସିୟାଁ ଖାହାନା ଜୀସୁତଲେ ବାଦିବାଦା କିହାଲି ମାଟ୍‌ହେରି ଇଞ୍ଜା ଏଝାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍‌ପେରି । ୧୨ \*ଜୀସୁ ଜୀଝୁତା କିଲିବିଲି ଆହାନା ଗାଡ଼ି ନେଞ୍ଜାନା ଖେସ୍‌ସେସି, “ଇ ଜୁଗୁଡି ଲକୁ ଏନାଆଁତାକି ସିନା ପାରିମାନେରି ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଏତି ମାଣସିକି ଏନି ସିନା ହୀପକି ଆଏ ।”

୧୩ ଅଡ଼େ ଏଝାସି ଏଝାରାଇଁ ପିସାନା ଅଡ଼େ ଖେଶ୍‌ଶେ ଡଂଗତା ହଡ଼ାନା ଆତାଲାଝାକି ହାଚେସି ।

**ହେରଦ ଅଡ଼େ ପାରୁସିୟାଁ ପୂଲାଗୁଣ୍ଡା**  
(ମାତି ୧୭:୫-୧୨)

୧୪ ଏଚିବେଲାତା ସୀସୁୟାଁ ରୁଟି ଅହାଲି ବାଣାଆଡ଼େରି; ଡଂଗତା ଏଝାରିତାଣା ରଣ୍ଡିଏ ରୁଟି ମାଚେ । ୧୫ \*ତାୟୁ ଜୀସୁ ଏଝାରାଇଁ ଜାଣେ ହୁକୁମି ହୀତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତି ପୂଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।”

୧୬ ଏଚେଟିଏ ଏଝାରି ତାୟୁ ତୁମ୍‌ସୁ ଖେସ୍‌ପିଆହ୍‌ ଏଲେଇଞ୍ଜାଲି ମାଟ୍‌ହେରି, “ମା ତାଣା ରୁଟି ହିଲେଏ ଇଞ୍ଜା ଏଝାସି ମାଙ୍ଗେ ଏଲେଇଞ୍ଜିମାଞ୍ଜାନେସି ।”

୧୭ ଜୀସୁ ଏନାଆଁ ପୁଞ୍ଜାନା ଏଝାରାଇଁ ଏଲେଇଚେସି, “ମୀ ତାଣା ରୁଟି ହିଲେଏ ଇଞ୍ଜା ଏନାଆଁତାକି ମୀରୁ ମୀରୁ ଖେସ୍‌ପି ଆହିମାଞ୍ଜେରି ? ମୀରୁ ନୀଏଁ ପାତେକା ପୁଞ୍ଜି ହିଲଅତେରି କି ତେଲ୍‌ହି ହିଲଅତେରି ? ୧୮ \*କାଣକା ମାଞ୍ଜାନା ମେସି ହିଲଅତେରି ? ଅଡ଼େ, କୀକା ମାଞ୍ଜାନା ଖେଞ୍ଜି ହିଲଅତେରି ? ମୀରୁ ଇଦାଣି ଅଣ୍ଡିପି ହିଲଅତେରି ? ୧୯ ଏ ପାସାମାଣା ଲକୁ ବିତ୍ରା ନାନୁ ଏଚିବେଲା ପାସାଗଟା ରୁଟି ଡ଼ିକହା ମାଚେଏଁ, ଏଚିବେଲା ମୀରୁ ଏଚର ଡାଲି ହାରିତାଣି କୁଡ଼ି କିତେରି, ଏଦି ମୀ ଅଣ୍ଡିପୁତା ହିଲେଏ କି ?” ଏଝାରି ଏଝାଣାଇଁ ଏଲେଇଚେରି, “ବାର ଡାଲି ।”

୨୦ “ଅଡ଼େ ଏ ସାରି ମାଣା ଲକୁ ବିତ୍ରା ନାନୁ ଏଚିବେଲା ସାତାଗଟା ରୁଟି ଡ଼ିକହା ମାଚେଏଁ, ଏଚିବେଲା ମୀରୁ ଏଚର ଡାଲି କୁଡ଼ି କିହାମାଚେରି ?” ଏଝାରି ଏଲେଇଚେରି, “ସାତା ଡାଲି ।”

୨୧ ଏଚିବେଲା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀଏଁ ପାତେକା ତେଲ୍‌ହାଲି ଆଡ଼ିହିଲଅତେରି ?”

**ବେଡ଼ସାୟିଦାତା ର କାଣାଇଁ ମେସ୍‌ପିକିନାୟି**

୨୨ ତାୟୁ ଏଝାରି ବେଡ଼ସାୟିଦାତା ଖାଚେରି, ଅଡ଼େ, ଲକୁ ର କାଣାଇଁ ଏଝାଣି ତାଣା ତାତାନା ଏଝାଣାଇଁ ତୀଗାଲି ତାକି ଜୀସୁଇଁ ବାଡ଼ିମାଲିତେରି । ୨୩ ଏନାଆଁତାକି ଜୀସୁ କାଣାତି କେୟୁ ଆସାନା ଏଝାଣାଇଁ ନାୟୁଁ ପାଙ୍ଗାତା ଅଡ଼େସି, ଇଞ୍ଜା ଏଝାଣି କାଣକାଣାଁ ହୁପକା ରୁବାନା ଅଡ଼େ ଏଝାଣିଲାକ କେୟୁ ଇଟାନା ଏଝାଣାଇଁ ଖେଚେସି, “ନୀନୁ ଏନାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଝାସି ସିନିକିହାନା ଏଲେଇଚେସି, “ନାନୁ ମାଣସିୟାଁଇଁ ମେସିମାଇଁ, ଇଚିହ୍‌ ନାନୁ ମାରୁକା ଲେହେଁ ଏନାଇ ତାକି ମାନାଣି ମେସିମାଇଁ ।”

୨୫ ତାୟୁ ଜୀସୁ ଅଡ଼େ ଖେଶ୍‌ଶେ ଏଝାଣି କାଣକାଣାଁ କେୟୁ ଇଚିତେସି; ଏମ୍‌ପାଟିଏ ଏଝାସି ନେହ୍‌ କ୍‌ ମେସାଲି ଆଡ଼ିତେସି, ନେହ୍‌ ଆହାନା ବାରେ ତୀରିତଲେ ସିନିକିହାଲି ମାଟ୍‌ହେସି । ୨୬ ତାୟୁ ଜୀସୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ଖେଶ୍‌ଶେ ହାଲାଆନି ।”

**ପିତର ଜୀସୁଇଁ କ୍ରୀସୁ ଇଞ୍ଜାଁ ଖେକ୍‌ନାୟି**  
(ମାତି ୧୭:୧୩-୨୦; ଲୁକ ୯:୧୮-୨୧)

୨୭ ଏଚେଟିଏ ଜୀସୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାଜିତି ନାସ୍‌କାଞ୍ଜାକି ହାଚେରି, ଅଡ଼େ ଜିରୁତା ଏଝାସି ତାନି ସୀସୁୟାଁଇଁ ଖେଚେସି, “ନାନୁ ଆମ୍ବାଆତେଏଁ ଇଞ୍ଜାଁ ଲକୁ ଏଲେଇଞ୍ଜି ମାଞ୍ଜାନେରି ?”

୨୮ \*ଏମ୍‌ପାଟିଏ ଏଝାରି ଏଝାଣାଇଁ ଏଲେଇଚେରି, “ବାପ୍ତିସ୍ମ\* ହାନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଡିପୁତି ବଲୁ ଖେହ୍‌ନାରି ବିତ୍ରାଟି ରଅସି ।”

୨୯ \*ଏଝାସି ଏଝାରାଇଁ ଖେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜାଁ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଝାଣାଇଁ ଏଲେଇଚେସି, “ନୀନୁ କ୍ରୀସୁତି ।”

୩୦ ଏମ୍‌ପାଟିଏ ଜୀସୁ ଏଝାରାଇଁ ତାନି କାତାତି ଆମ୍ବାଆରାଇଁ ଏନାଆଁ ଖେହ୍‌ଆଦୁ ଇଞ୍ଜାଁ ଜାଣେ କିହ୍‌ ହୁକୁମି ହୀତେସି ।

**ଜୀସୁ ତାନି ଦୁକୁ ଇଞ୍ଜାଁ ତଣ୍ଡ ପାଣ୍ଡି କାତା ଖେହ୍‌ନାୟି**  
(ମାତି ୧୭:୨୧-୨୮; ଲୁକ ୯:୨୨-୨୭)

\* ୮:୧୧ ୮:୧୧ ମାତି ୧୭:୩୮; ଲୁକ ୧୧:୧୭    \* ୮:୧୨ ୮:୧୨ ମାତି ୧୭:୩୯; ଲୁକ ୧୧:୨୯    \* ୮:୧୫ ୮:୧୫ ଲୁକ ୧୨:୧    \* ୮:୧୮ ୮:୧୮ ମାର୍କ ୪:୧୨    \* ୮:୨୮ ୮:୨୮ ମାର୍କ ୭:୧୪,୧୫; ଲୁକ ୯:୭,୮    \* ୮:୨୮ ୮:୨୮ ମୁଞ୍ଜିନାୟି    \* ୮:୨୯ ୮:୨୯ ଜହ ୭:୨୮,୨୯

୩୧ ଅତ୍ତେ, ଜୀସୁ ଏଞ୍ଜରାଈଁ ଜାପୁହାଲି ମାଟ୍‌ହେସି, “ଇଚିହିଁ ମାଣସି ମୀରୁଏସି ହାରେକା ଦୁକୁ କସ୍ତ ବେଟାଆନାୟି ମାନେ ଇଞ୍ଜା ପ୍ରାଚିନାଙ୍ଗା, କାଜା ପୂଜେରାଙ୍ଗା, ଇଞ୍ଜା ମୋରାପୁନାରି ତାଣାଟି ଅପାଆଗାଟାସି ଆହାନା ପାୟୁଞ୍ଜି ଆନାୟି ମାନେ, ଅତ୍ତେ ତାନିଦିନା ଜେଟ ଖେଣ୍ଡେ ନିଜିନାୟି ମାନେ ।” ୩୨ ଈ କାତା ଏଞ୍ଜାସି ତୀରପୁତଲେ ଖେସ୍ତେସି । ଏମ୍ବାଟିଏ ପିତର ଏଞ୍ଜାଣାଇଁ ଅରଞ୍ଜାକି ଅହାନା ଦାକା ହାହାନା ଲାଗାଲି ମାଟ୍‌ହେସି । ୩୩ ସାମା ଏଞ୍ଜାସି ତାୟୁଞ୍ଜାକି ତିରଞ୍ଜାହାଁ ତାନି ସୀସୁୟାଁସି ସିନିକିହାନା ପିତରଇଁ ଦାକା ହାହାନା ଏଲେଇଚେସି, “ସୟତାନ, ନା ନକିଟି ହେକ ହାଲାମ୍, ଇଚିହିଁ ନୀନୁ ମାହାପୁରୁ କାତା ଅଣପାଆନା ମାଣସିୟାଁ କାତା ଅଣପିମାଞ୍ଜି ।”

୩୪ \*ଏମ୍ବାଟିଏ ଜୀସୁ ତାନି ସୀସୁୟାଁ ତଲେ ଲକୁଣି ହାଟାନା ଏଲେଇଚେସି, “ଆମ୍ବାଆସି ନା ଜେଟ୍ ଖାହାଲି ମନ କିନେସି, ଆତିହିଁ ଏଞ୍ଜାସି ଜାହାରାଇଁ ପିସ୍‌ପେସି, ଇଞ୍ଜା ଏଞ୍ଜାସି ତାନି କୁସ୍‌ ଡେକାନା ନା ଜେଟ ଖାପେସି । ୩୫ \*ଇଚିହିଁ ଆମ୍ବାଆସି ତାନି ଜୀସୁ ଗେଲପାଲି ମନ କିନେସି, ଏଞ୍ଜାସି ଏଦାଆଁ ହାଞ୍ଜି କିନେସି; ସାମା ଆମ୍ବାଆସି ନା ତାକି ଇଞ୍ଜା ନେହିଁ କାରୁତାକି ତାନି ଜୀସୁ ହୀନେସି, ଏଞ୍ଜାସି ଏଦାଆଁ ନୀଟ୍‌ନେସି । ୩୬ ଅତ୍ତେ, ମାଣସି ଈ ଦାରୁତିତା ମାନାଣି ବାରେ ମେଡି କିହାନା ତାନି ଜୀସୁତି ହାଞ୍ଜି କିନେସି, ଆତିହିଁ ଏଞ୍ଜାଣାକି ଏନି ଲାବା ? ୩୭ ଅତ୍ତେ, ମାଣସି ତାନି ଜୀସୁତି ବାଦୁଲି ଏନାଆଁ ହାହାଲି ଆଡିନେସି ? ୩୮ ଏଦାଆଁତାକି ଆମ୍ବାଆସି ଈ କାଲାତି ଦାରି କିନାରି ଅତ୍ତେ ପାପୁଗାଟି ଲକୁ ବିତ୍ରା ନାଙ୍ଗେ ଅତ୍ତେ ନା ବଲୁ ତାକି ଲାଜା ଆନେସି, ମାଣସି ମୀରୁଏସି ଏଚିବେଲା ସୁଦୁ ଦୁଦୁୟାଁ ତଲେ ତାନି ଆବାତି ଗାଞ୍ଜୁରମି ତଲେ ଖାନ୍‌ନେସି, ଏଚିବେଲା ଏଞ୍ଜାସି ଜିକେଏ ଏଞ୍ଜାଣି କାତାତାକି ଲାଜା ଆନେସି ।”



୧ ଅତ୍ତେ ଜୀସୁ ତାନି ସୀସୁଣି ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇମ୍ବାଆଁ ଏଚରଜାଣା ମାନେରି ମାହାପୁରୁତି ରାଜି ବାଡୁୟୁ ତଲେ ଖାନ୍‌ନାଣି ମେହ୍‌ଆ ପାତେକା ହାଅରି ।”

ଜୀସୁ ଅର ଖାଣା ଆନାୟି  
(ମାତି ୧୭:୧-୧୩; ଲୁକ ୯:୨୮-୩୭)

୨ \*ସ୍‌ ଦିନା ତାୟୁ ଜୀସୁ ଖାରୁଇ ପିତର, ଜାକୁବ ଅତ୍ତେ ଜହନଇଁ ତାନିତଲେ ଏଟ୍‌କା କିହାନା ଏଞ୍ଜରାଈଁ ର ପାତାଆଡି ହରୁତା ଅତ୍ତେସି । ୩ ଅତ୍ତେ ଏଞ୍ଜାସି ଏଞ୍ଜାରି ନକିତା ଅର ଖାଣା ଆତେସି, ଏଞ୍ଜାଣି ହିମ୍‌ରି ଇଲେକ୍‌ ଉଜେଡି ଆହାନା ହାରେକା ଦବ୍‌ଲା ଆତେ, ଈ ଦାରୁତିତା

ଆମ୍ବାଆସି ଏଲେତି ଦବ୍‌ଲା କିହାଲି ଆଡୁଅସି । ୪ ମସା ଅତ୍ତେ ଏଲିୟ ଜୀସୁତଲେ ହାଡାକାତା ଆହିମାଟାଣି ତାନି ଜାଣା ସୀସୁୟାଁ ମେସ୍ତେରି । ୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମାର ଈ ଟାୟୁତା ମାନାୟି ହାରେକା ନେହାୟି; ମାର ତାନିଗଟା ଗୁଡାୟାଁ କେପିନ, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅତ୍ତେ ଏଲିୟକି ରଣ୍ଡାଆଁ ।” ୬ ପିତର ଏନାଆଁ ଜଲାଇଁ ଆନେ ଇଞ୍ଜା ପୁଞ୍ଜା ହିଲାଆତେସି, ଏନାଆଁତାକି ଇଚିହିଁ ଏଞ୍ଜାରି ହାରେକା ଆଜାମାଚେରି ।

୭ \*ଇଞ୍ଜା, ଇଚାୟି ଦୁହା ଖାହାନା ଏଞ୍ଜରାଈଁ ପୁକ୍‌ହେ, ଅତ୍ତେ ଏ ଦୁହାଟି ଈ ହାଡା ଖାତେ, “ଇଞ୍ଜାସି ନା ଜୀସୁତି ମୀରୁଏସି, ଇଞ୍ଜାଣି ବଲୁ ଖେଞ୍ଜୁ ।” ୮ ଦେବୁଣିଏ ଏଞ୍ଜାରି ସାରିଞ୍ଜାକି ସିନିକିତେରି, ତାନିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହ୍‌ଆତେରି ।

୯ ଏଞ୍ଜାରି ହରୁଟି ରେଟା ଖାହି ମାଟାଟି ଜୀସୁ ଏଞ୍ଜରାଈଁ ଜାଣେ ହୁକୁମି ହାହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡାରି ବିତ୍ରାଟି ମାଣସି ମୀରୁଏସି ଖେଣ୍ଡେ ନିଙ୍ଗାଆ ପାତେକା ଆମ୍ବାଆରାଇଁ ଖେହ୍‌ଆଦୁ ।”

୧୦ ଏମ୍ବାଟିଏ ଏଞ୍ଜାରି ଏ କାତା ଆସାନା “ହାଡାରି ବିତ୍ରାଟି ଖେଣ୍ଡେ ନିଜିନାୟି ଏନାୟି ?” ଏ କାତାତି ତାନି ବିତ୍ରା ଖେସ୍‌ପି ଆତେରି । ୧୧ \*ଅତ୍ତେ ଏଞ୍ଜାରି ଜୀସୁଇଁ ଖେଚେରି, “ନକେଏ ଏଲିୟ ଖାନ୍‌ନାୟି ଆନେ, ମୋରାପୁନାରି ଏନିକ୍‌ ଈ କାତା ଖେହ୍‌ନେରି ?”

୧୨ ଏମ୍ବାଟିଏ ଜୀସୁ ଏଞ୍ଜରାଈଁ ଏଲେଇଚେସି, “ଏଲିୟ ନକେଏ ଖାହାନା ବାରେ ମୋରା ଅତ୍ତେ ଖେଣ୍ଡେ ଇଚିନାୟି ସାତା, ସାମା ମାଣସି ମୀରୁଏସି ହାରେକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକ୍‌ ଏଞ୍ଜାଣି କାତା ରାସ୍‌କି ଆହାମାନେ ? ୧୩ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଏଲିୟ ଖାତେସିଏ, ଅତ୍ତେ ଏଞ୍ଜାଣି କାତା ଏନିକ୍‌ ରାସ୍‌କି ଆହାମାନେ, ଏଲେକିହିଁ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି ।”

ବୃତ୍ତୁ ଆଲଗାମାଟି କକାଣାଇଁ ନେହିଁ କିନାୟି  
(ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀସୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଞ୍ଜାକି ହାରେକା ମାନ୍ଦା ଲକୁ ଅତ୍ତେ ମୋରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି । ୧୫ ଲକୁ ବାରେ ଏଞ୍ଜାଣାଇଁ ମେସ୍‌ପନିଏ ହାରେକା କାବାଆହାନା ଅତ୍ତେ ଦାବ୍‌ଡି ଖାହାନା ଜହରା କିତେରି । ୧୬ ଏମ୍ବାଟିଏ

\* ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ \* ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ \* ୯:୨ ୯:୨ ପିତ ୧:୧୭,୧୮ \* ୯:୭ ୯:୭ ମାତି ୩:୧୭; ମାର୍କ ୧:୧୧; ଲୁକ ୩:୨୨ \* ୯:୧୧ ୯:୧୧ ମାତି ୧୧:୧୪

ଜୀସୁ ଏଝାରାଇଁ ଝେରେସି, “ମୀରୁ ଏଝାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିଦ୍ରାଟି ରଅସି ଏଝାଣାଇଁ ଏଲେଇରେସି, “ଏ. ଗୁରୁ, ନାନୁ ନା. ମୀରୁଏଣାଇଁ ନୀ ତାଣା ତାରାମାରେଏ; ଏଝାଣାଇଁ ର. ଗୁଲା ବୁତୁ ଆଲଗାମାନେ । ୧୮ ଏମିନି ଟାୟୁତା ଏଦି ଏଝାଣାଇଁ ଆହନେ, ଏଝାଣାଇଁ ତୁଇ ତୁକନେ, ଇଞ୍ଜା ଏଝାଣି ଗୁଡିଟି ପମ୍ବୁଲି ହନେ, ଅଡେ ଏଦି ପାଲକା ଟୀଟି କିନେ, ଇଞ୍ଜା ଏଝାସି ଝାୟାହାଜି ମାନେସି; ଏଝାଣାଇଁ ପିସପି କିହାଲି ନାନୁ ନୀ ସୀସୁୟାଲି ଏଲେଇରେଏ, ସାମା ଏଝାରି ଆଡାଆତେରି ।”

୧୯ ଜୀସୁ ଏଝାରାଇଁ ଏଲେଇରେସି, “ଆଡେ ନାମାଆଗାଟି କୁଡାତାତେରି, ଏଚରଦିନା ନାନୁ ମୀ ତଲେ ତୁୟିଲ ? ଏଚରଦିନା ମୀ ଲେମ୍ବାନାଣି ଅରୁହିଲ ? କକାଣାଇଁ ନା. ତାଣା ତାଦୁ ।”

୨୦ ଏମ୍ବାଟିଏ ଏଝାଣାଇଁ ଜୀସୁ ତାଣା ତାତେରି । ଅଡେ, ଜୀସୁଲ୍ ମେସପନିଏ ଏ. ବୁତୁ ଏଝାଣାଇଁ ହାରେକା ତିରୁଝି କିତେ ଇଞ୍ଜା ବୁମିତା ତରଗାନା ଗୁଡିଟି ପମ୍ବୁଲି ହପ୍ପହାନା ଉସାଲି ମାରୁହେସି ।

୨୧ ଏଚିବେଲା ଜୀସୁ ତାନି ଆବାଇଁ ଝେରେସି, “ଏଚରଦିନା ଆଡେ ଇଝାଣାଇଁ ଇଲେ କିହିମାନେ ?” ଏଝାସି ଏଲେଇରେସି, “ଊଣା ଝେଡାଟିଏ

୨୨ ଏଦି ଏଝାଣାଇଁ ହାଝି କିହାଲି ଏଚେ ଏଚେତା ହିରୁତା ଅଡେ ଏୟୁଣା ମେଡହାମାନେ; ସାମା ନୀନୁ ଏନାଆଁ କିହାଲି ଆଡିତ, ମାଜେ କାର୍ମା ଆହାନା ମା ସାୟେମି ଆୟାମୁ ।”

୨୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇରେସି, “ଏନାଆଁ ଇଚି ? ଇଚିହ କିହାଲି ଆଡିତ ! ଆମ୍ବାଆସି ନାନିନେସି ଏଝାଣାକି ବାରେଏ ଆନେ ।”

୨୪ ଏ. ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇରେସି, “ନାନୁ ନାନିମାଇଁ ନା. ନାମାଆଗାଟାଣି ଗୁଡି କିହାଲି ସାୟେମି କିୟାମୁ ।”

୨୫ ତାୟୁ ମାୟା ଲକୁ ରହେଏ ହଚିହ ଝାହି ମାଚାଣି ମେସାନା, ଜୀସୁ ଏ. ପଲୁଆ ବୁତୁଡି ଦାକା ହାହାନା ଏଲେଇରେସି, “ଆଡେ ଗୁଲା ଅଡେ ବେରା ବୁତୁଡି, ନାନୁ ନିଜେ ହୁକୁମି ହାହିମାଞ୍ଜାଇଁ, ଇଝାଣି ତାଣାଟି ହଚାହାଲାମୁ, ଇଞ୍ଜା ଏଚେଲା ଜିକେଏ ଇଝାଣି ତାଣା ହଡ଼ଆନି ।”

୨୬ ଏମ୍ବାଟିଏ ଏଦି ହାଚେରକା କିରୁଡିହ କକାଣାଇଁ ତିରୁଝି କିହାନା ବୁମିତା ତୁକହାନା ହଚାହାଚେ, ଅଡେ କକାସି ହାଡିଲେହେ ଆଡେସି, ଇଲେକିହ ହାଚେରକା ଲକୁ ଏଲେଇଞ୍ଜିମାଚେରି, “କକାସି ହାଡେସି ।” ୨୭ ସାମା ଜୀସୁ ଏଝାଣି କେୟୁ ଆସାନା ନିକହେସି, ଇଞ୍ଜା ଏଝାସି ନିତେସି ।

୨୮ ଇଞ୍ଜା ଜୀସୁ ଇଜ ଝାହାଲିଏ ତାନି ସୀସୁୟା ମେଣେଏ ଝେଚେରି, “ମୀମ୍ବା ଏନାଆଁତାକି ଏଝାଣାଇଁ ପିସପି କିହାଲି ଆଡାଆତମି ?”

୨୯ ଜୀସୁ ଏଝାରାଇଁ ଏଲେଇରେସି, “ପ୍ରାତାନା\* କିଆନା ଅଡେ ଏନିକ ଜିକେଏ ଇଲେଡି ବୁତୁ ପେରହାଲି ଆଡାଆୟି ।”

ତାନି ହାକିଡି କାରୁ ଅଡେ ଝେଣ୍ଡେ ଝେହ୍ନାୟି (ମାଡି ୧୭:୨୨-୨୩; ଲୁକ ୯:୪୩-୪୫)

୩୦ ଏଝାରି ଏ. ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜା ଏଝାଣି ମନ ହିଲାଆତେ; ୩୧ ଇଚିହ ଜୀସୁ ତାନି ସୀସୁୟାଣି ଇ କାତା ଝେସିହ ଜାପୁହି ମାଚେସି, “ମାଣ୍ଡି ମୀରୁଏସି ମାଣ୍ଡିୟା କେୟୁତା ହେରପିଆନେସି, ଅଡେ ଏଝାରି ଏଝାଣାଇଁ ପାୟିନେରି, ଇଞ୍ଜା ଏଝାସି ହାଡି ତାୟୁ ତାନିଦିନା ଜେତ ଝେଣ୍ଡେ ନିଜିନେସି ।”

୩୨ ସାମା ଏଝାରି ଏ. କାତାଟି ତେଲହାଆତେରି, ସାମା ଏଝାଣାଇଁ ଝେଞ୍ଜାଲି ଆଜିମାଚେରି ।

ଆମ୍ବାଆସି କାଜାସି (ମାଡି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଝାରି କପରନାହୁମତା ଝାଡେରି । ଜୀସୁ ଇଜ ଏଜାନା ସୀସୁୟାଣି ଝେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ☆ସାମା ଏଝାରି ହାଡା ଆଆନା ପାଲେଏ ତୁୟିତେରି, ଇଚିହ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି । ୩୫ ☆ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଡିତେସି ଇଞ୍ଜା ଏଝାରାଇଁ ଏଲେଇରେସି, “ଇଚିହ ଆମ୍ବାଆସି କାଜାସି ଆହାଲି ମନ କିନେସି, ଆଡିହ ଏଝାସି ବାରେଡି କିହା ଊଣା ଅଡେ ବାରେଡି ସେବା କିନାସି ଆପେସି ।” ୩୬ ଅଡେ ଏଝାସି ର ଊଣା କକାଣାଇଁ ଅହାନା ଏଝାରି ମାଦି ନିପହେସି ଇଞ୍ଜା ଏଝାଣାଇଁ ପମାନା ଏଝାରାଇଁ ଏଲେଇରେସି, ୩୭ ☆“ଆମ୍ବାଆସି ନା. ଦରୁ ତାକି ଇଲେଡି ଊଣା କକାରି ବିଦ୍ରାଟି ରଅଣାଇଁ ଆବିନେସି, ଏଝାସି ନାଜେ ଆବାନେସି; ଅଡେ ଆମ୍ବାଆସି ନାଜେ ଆବାନେସି, ଏଝାସି ଝାରଇ ନାଜେ ଆବଅସି, ସାମା ନାଜେ ପାଣ୍ଡାତାଣାଇଁ ଜିକେଏ ଆବିନେସି ।”

ମା କପାଟି ନିଜାଆ ଗାଗାସି ମା ତଲେତାସି (ଲୁକ ୯:୪୯-୫୦)

୩୮ ଜହନ ଏଝାଣାଇଁ ଏଲେଇରେସି, “ଏ. ଗୁରୁ ମା ଗଡିତା ହିଲାଆଗାଟାସି ରଅସି ନୀ ଦରୁତଲେ ବୁତୁଣି ପେରହି ମାଚାଣି ମେସୁମି, ଇଞ୍ଜା ଏଝାସି ମା ଗଡିତା ହିଲାଆତାକି ଏଝାଣାଇଁ କାହିକିଡମି ।”

\* ୯:୨୯ ୯:୨୯ ଏଚେକା ସାସ୍ତେରିତା ପ୍ରାତାନା ଇଞ୍ଜା ଉପାସା ରାସ୍ତକି ଆହାମାନେ । ☆ ୯:୩୪ ୯:୩୪ ଲୁକ ୨୨:୨୪ ☆ ୯:୩୫ ୯:୩୫ ମାଡି ୨୦:୨୭,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୭ ☆ ୯:୩୭ ୯:୩୭ ମାଡି ୧୦:୪୦; ଲୁକ ୧୦:୧୨; ଜହ ୧୩:୨୦

୩୯ ସାମା ଜୀସୁ ଏଲେଇରେସି, “ଏଝାଣାଇଁ କାହିକିଆଦୁ; ଇଚିହିଁ ନା ଦରୁତଲେ କାବାଆନି କାମା କିହାନା ୱେଣ୍ଡେ ନାଙ୍ଗେ ନିନ୍ଦା କିୟାନେସି, ଇଲେତି ଲକୁ ଆମ୍ବାଆସି ହିଲଅସି; ୪୦ \*ଇଚିହିଁ ଆମ୍ବାଆସି ମା କପାଟି ନିଙ୍ଗାଆ ଗାଟାସି ଏଝାସି ମା ତଲେତାସି । ୪୧ \*ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମୀରୁ କ୍ରୀସ୍ତତି ଲକୁ ଇଞ୍ଜିଁ ଆମ୍ବାଆସି ଜିକେଏ ମିଙ୍ଗେ ଜାଟେକା ଏୟୁ ଗସାଲି ହିୟାନେସି, ଏଝାସି ଏନିଜିକେଏ ତାନି ଦାନାତି ଜାକ୍ଅସି ।”

**ନାମୁତା ପାପୁ କିଞ୍ଚି କିନାଣି ତଣ୍ଡ**  
(ମାତି ୧୮:୭-୯; ଲୁକ ୧୭:୧-୨)

୪୨ ଅଡେ ଆମ୍ବାଆସି ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ପାପୁ କିଞ୍ଚି କିନେସି, ଏଝାଣି ହେରକିତା କାଜା ଜେତାଞ୍ଜାଲି ଦସାନା ଏଝାଣାଇଁ ସାମ୍ବୁରିତା ମେଡ଼ହିହିଁ ନେହେଁ ଆଡେମା । ୪୩ \*ମୀ କେୟୁ ମିଙ୍ଗେ ପାପୁ କିଞ୍ଚିକିୟାନେ, ଇଚିହିଁ ଏଦାଆଁ ଜାଟାନା କୁତାଦୁ; ରୀ କେସ୍ତା ମାଞ୍ଜାନା ନର୍କ ଇଚିହିଁ ତୁମ୍ବାଆଗାଟି ହିରୁ ଗାଡ଼ୁୟୁତା ମେଡ଼ପି ଆନି ବାଟା କଲା ଆହାନା ଜୀଞ୍ଜୁତା ହଡ଼ନାୟି ମିଙ୍ଗେ ତାକି ନେହେଁ । ୪୪ ଇଚିହିଁ ନର୍କତା ଏମ୍ବାତି ପିଡ଼କା ଏରେଲା ହାଡ଼, ଅଡେ ହିରୁ ଏରେଲା ତୁମ୍ବେଏ ।† ୪୫ ଅଡେ ମୀ କତା ମିଙ୍ଗେ ପାପୁ କିଞ୍ଚିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟାଁ ନେହେଁ ମାଞ୍ଜାନା ନର୍କତା ମେଡ଼ପି ଆନି ବାଟା ସଟା ଆହାନା ଜୀଞ୍ଜୁତା ହଡ଼ନାୟି ମିଙ୍ଗେ ତାକି ନେହେଁ । ୪୬ ଇଚିହିଁ ନର୍କତା ଏମ୍ବାତି ପିଡ଼କା ଏରେଲା ହାଡ଼, ଅଡେ ହିରୁ ଏରେଲା ତୁମ୍ବେଏ ।‡ ୪୭ \*ଇଞ୍ଜାଁ ମୀ କାନୁ ମିଙ୍ଗେ ପାପୁ କିଞ୍ଚିକିୟାନେ ଇଚିହିଁ ଏଦାନି ଡେଞ୍ଜା କୁତାଦୁ, ରୀ କାଣ୍ଟକା ନେହେଁ ମାଞ୍ଜାନା ନର୍କତା ମେଡ଼ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଙ୍ଗେ ତାକି ନେହେଁ । ୪୮ ଇଚିହିଁ ନର୍କତା ଏମ୍ବାତି ପିଡ଼କା ଏରେଲା ହାଡ଼, ଅଡେ ହିରୁ ଏରେଲା ତୁମ୍ବେଏ ।

୪୯ “ହାରୁ ତଲେ ଏନିକିଁ ପୂଜା ହୀନାୟି ସୁଦୁ ଆନେ, ଏଲେକିହିଁ ଏ ହିରୁତଲେ ବାରେ ସୁଦୁ କିଞ୍ଚିଆନେ ।”

୫୦ \* “ହାରୁ ନେହାୟି, ସାମା ହାରୁ ମୁଆସାରେ ଆତିହିଁ ଏନିକିଁ ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡେ ରଅତେରି ରଅଣାକି ହିଡ଼ଡ଼ି ଜୀଞ୍ଜୁତଲେ ନେହିଁ ଆହିଁ ତୁୟାଦୁ ।”

**୧୦**

**ଡକ୍ରି ତକ୍ରା ପିସ୍ପିଆନି କାତା ଜୀସୁ ଜାପ୍ନାୟି**  
(ମାତି ୧୯:୧-୧୨; ଲୁକ ୧୭:୧୮)

୧ ଏ ଗାୟୁଟି ଜୀସୁ ହାଜାନା ଜୀହୁଦା ରାଜିତି ହାହି ଅଡେ ଜର୍ଦନ କାତା ଆତାଲାଞ୍ଜାକି ୱାଡେସି; ଇଞ୍ଜାଁ ଲକୁ ଅଡେ ୱେଣ୍ଡେ ଏଝାଣି ତାଣା ରୁଣ୍ଡା ଆହାଲିଏ, ଏଝାସି ତାନି ମେରା ଲେହେଁ ଏଝାରାଇଁ ଅଡେ ଜାପ୍ନାହାଲି ମାଟ୍‌ହେସି ।

୨ ଏମ୍ବାଟିଏ ପାରୁସିୟାଁ ଏଝାଣି ତାଣା ୱାହାନା ଏଝାଣାଇଁ ତାୟିପାରିକିହିଁ ୱେଡେରି, “ଜାହାରା ଡକ୍ରିନି ପିସାଲି ଆବାୟାକି ମେରା କି ?”

୩ ଜୀସୁ ଏଝାରାଇଁ ଏଲେଇରେସି, “ମସା ମିଙ୍ଗେ ଏନି ହୁକୁମି ହୀହାମାଞ୍ଜାନେସି ?”

୪ \*ଏଝାରି ଏଲେଇରେସି, “ପିହିନି ଆକୁ ରାଟାନା ଡକ୍ରିନି ପିସାଲି ମସା ହେଲ ହୀହାମାଞ୍ଜାନେସି ।”

୫ ଏମ୍ବାଟିଏ ଜୀସୁ ଏଝାରାଇଁ ଏଲେଇରେସି, “ମୀ ଆଡ଼ଞ୍ଜା ହିୟାତି ମେସାନା ଏଝାସି ମିଙ୍ଗେତାକି ଇ ହୁକୁମି ରାଟାମାନେସି । ୬ ସାମା ମାଣ୍ଡି ଗାଡ଼ି ଆଡ଼ି ବେଲାଟିଏ ଏଝାସି ଏଝାରାଇଁ ଇୟା ଅଡେ ଆବା କିହିଁ ମାହାପୁରୁ ଗାଡ଼ିକିଡେସି । ୭ ଏଦାଆଁତାକି ଆବା ତାଲି ତାଞ୍ଜିଇଁ ପିହିନେସି, ଇଞ୍ଜାଁ ତାନି ଡକ୍ରି ତଲେ ଆଣ୍ଡିନେସି, † ଇଞ୍ଜାଁ ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି । ୮ ଇଞ୍ଜାଁ ମାହାପୁରୁ ଏଦାଆଁ ଆଣ୍ଡି କିହାମାନେସି, ମାଣ୍ଡି ଏଦାଆଁ ଏଟକା କିଆପେସି ।”

୯୦ ତାୟୁ ସାୟୁୟାଁ ଇଜ ଇ କାତାତି ଜୀସୁଇଁ ଅଡେ ୱେଣ୍ଡେ ୱେଡେରି । ୯୧ \*ଏମ୍ବାଟିଏ ଜୀସୁ ଏଝାରାଇଁ ଏଲେଇରେସି, “ଆମ୍ବାଆସି ତାନି ଡକ୍ରିନି ପିସାନା ଏଟକାତାଣି ବୀହା ଆନେସି, ଏଝାସି ତଲିତି ଡକ୍ରିନି କପାଟି ଦାରିକାମା କିନେସି । ୯୨ ଅଡେ ଡକ୍ରି ତାନି ଡକ୍ରିଇଁ ପିସାନା ଏଟକାତାଣାଇଁ ବୀହା ଆନେ, ଆତିହିଁ ଏଡ଼ି ଦାରିକାମା କିନେ ।”

**କକାରି ପଦାଁଣି ଜୀସୁ ବର ହୀନାୟି**  
(ମାତି ୧୯:୧୩-୧୫; ଲୁକ ୧୮:୧୫-୧୭)

୯୩ ଏଝାସି ଏନିକିଁ କକାରି ପଦାଁଣି ତୀଗିନେସି, ଏଦାଆଁତାକି ଲକୁ ଏଝାରାଇଁ ଜୀସୁ ତାଣା ତାଚାଲି ମାଟ୍‌ହେରି; ସାମା ସାୟୁୟାଁ ଏଝାରାଇଁ ଦାକା ହୀତେରି । ୯୪ ଜୀସୁ ଏଦାଆଁ ମେସାଁ କାର୍‌ବି ଆହାନା ଏଝାରାଇଁ ଏଲେଇରେସି, “କକାରି ପଦାଁଣି ନା ତାଣା ୱାହାଲି ହୀଦୁ, ଏଝାରାଇଁ ଆଂଗାଆଦୁ; ଇଚିହିଁ ମାହାପୁରୁତି ରାଜି ଇଲେତି ଲକୁତାୟି । ୯୫ \*ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଆମ୍ବାଆସି କକାରି ପଦାୟାଁ ଲେହେଁ ମାହାପୁରୁତି ରାଜି ଆବଅସି,

\* ୯:୪୦ ୯:୪୦ ମାତି ୧୨:୩୦; ଲୁକ ୧୧:୨୩    † ୯:୪୧ ୯:୪୧ ମାତି ୧୦:୪୨    ‡ ୯:୪୩ ୯:୪୩ ମାତି ୫:୩୦    † ୯:୪୪ ୯:୪୪ କରେକା ସାପ୍ତେରିତା ଇ କାତା ରାସ୍ତି ଆହାହିଲେଏ ।    ‡ ୯:୪୬ ୯:୪୬ କରେକା ସାପ୍ତେରିତା ଇ କାତା ରାସ୍ତି ଆହାହିଲେଏ ।    \* ୯:୪୭ ୯:୪୭ ମାତି ୫:୨୯    \* ୯:୫୦ ୯:୫୦ ମାତି ୫:୧୩; ଲୁକ ୧୪:୩୪, ୩୫    \* ୧୦:୪ ୧୦:୪ ମାତି ୫:୩୧    \* ୧୦:୧୧ ୧୦:୧୧ ମାତି ୫:୩୨; ୧କର ୭:୧୦, ୧୧    \* ୧୦:୧୫ ୧୦:୧୫ ମାତି ୧୮:୩



ଏହାସି ଏନିଜିକେଏ ଏମ୍ବାଆଁ ହଡ଼ାଲି ଆଡ଼ଅସି ।”  
୧୭ ଇଞ୍ଜା ଏହାସି ଏହାରାଇ କଡ଼ାଣା ଜଙ୍ଗାନା ଏହାରି  
ଲୀକ କେୟୁ ଇଟାନା ବର ହୀତେସି ।

**ର ଦନ ଗାଟି ଦାଂଗଣେଏସି**  
(ମାତି ୧୯:୧୭-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଖେଣ୍ଡେ ହାଜିମାଟାଟି ରଅସି  
ଦାବଡ଼ି ଖାହାନା ଏହାଣି ନକିତା ମେଣ୍ଡାକୁତାନା  
ଏହାଣାଇଁ ଖେଚେସି, “ଏ ନେହଁଁ ଗୁରୁ  
କାଲ୍ଲୀକାଲ୍ଲୀତି ଜୀସୁ ବେଟାଆହାଲି ନାନୁ ଏନାଆଁ  
କିଇଁ?”

୧୮ ଏମ୍ବାଟିଏ ଜୀସୁ ଏହାଣାଇଁ ଏଲେଇଚେସି,  
“ନାଜେ ନେହଁଁତି ଇଞ୍ଜାଁ ଏନାଆଁତାକି ଏଲେଇଞ୍ଜି  
ମାଞ୍ଜାଦି ? ରଅଣି ପିସପେ ଇଚିହଁଁ ମାହାପୁରୁ  
ପିସପେ ଅଡ଼େ ଆମ୍ବାଆସି ନେହଁଁସି ହିଲଅସି ।  
୧୯ ନାନୁ ସାସ୍ତେରିତି ବାରେ ହୁକୁମିକା ପୁଞ୍ଜାମାଞ୍ଜି,  
ଲକୁଣି ପାୟାଆଦୁ, ଦାରିକାମା କିଆଦୁ, ସରୁ  
କିଆଦୁ, ମିଟି ସାକି ଜଲ୍ଲୀଆଦୁ, ଲକୁଣି ନାଡ଼ି କିଆଦୁ,  
ଇଞ୍ଜା ତାଲି ତାଞ୍ଜିଇଁ ଜୀସୁନଦୁ ।”

୨୦ ଏହାସି ଏହାଣାଇଁ ଏଲେଇଚେସି, “ଏ ଗୁରୁ ଇ  
ବାରେ ନାନୁ ଉଣା ଖେଡ଼ାଟିଏ ମାନୁଞ୍ଜି ଆହିମାଇଁ ।”

୨୧ ଜୀସୁ ଏହାଣାଇଁ ତୀରେ ସିନିକିହଁଁ ଜୀସୁ  
ନଡ଼େସି ଇଞ୍ଜାଁ ଏଲେଇଚେସି, “ନାନୁ ର କାମାତା  
ଉଣା ମାଞ୍ଜି, ନାନୁ ହାଜାନା ନୀ ଦନ ବାରେ  
ପାରଗାନାହଁଁ ହିଲଆ ଗାଟାରାକି ଦାନା ହୀମୁ, ଅଡ଼େ  
ନା ଜେଟ ଖାମୁ, ଇଞ୍ଜାଁ ନାନୁ ଲୀକପୁରୁ ଦନ  
ବେଟାଆଦି ।” ୨୨ ସାମା ଇ କାତାତା ଏହାଣି ମୁମ୍  
ହାପଲି ଆହାହାଚେ, ଇଞ୍ଜାଁ ଏହାସି ଦୁକୁ ଆହାନା  
ହାଚେସି, ଇଚିହଁଁ ଏହାଣାକି ହାଚେକା ଦନ ମାଚେ  
।

୨୩ ଏମ୍ବାଟିଏ ଜୀସୁ ସାରିଖାକି ସିନିକିହାନା ତାନି  
ସୀସୁୟାଣି ଏଲେଇଚେସି, “ଦନ ଗାଟାରି ହାଚେକା  
କସ୍ତଲେ ମାହାପୁରୁ ରାଜିତା ହଡ଼ନେରି ।”

୨୪ ଏହାଣି କାତା ଖେଞ୍ଜାନା ସୀସୁୟାଁ କାବା  
ଆଚେରି, ସାମା ଜୀସୁ ଅଡ଼େ ଖେଣ୍ଡେ ଏହାଣାଇଁ  
ଏଲେଇଚେସି, “ଆଡ଼େ କକାଚେରି ମାହାପୁରୁ  
ରାଜିତା ହଡ଼ନାହିଁ ହାଚେକା କସ୍ତ । ୨୫ ମାହାପୁରୁତି  
ରାଜିତା ଦନ ଗାଟାରି ହଡ଼ନି କିହଁଁ ସୁଜା କାଣିଟି ଉଚୁ  
ହଡ଼ନାହିଁ ଉସାସା ।”

୨୬ ଏମ୍ବାଟିଏ ଏହାରି ହାଚେକା କାବାଆହାନା  
ତାମ୍ବୁ ଡ୍ରାମ୍ବୁ କାତା ଆଚେରି, “ଆଡ଼ିହଁଁ ଆମ୍ବାଆସି  
ଗେଲ୍ପି ଆହାଲି ଆଡ଼ିନେସି ?”

୨୭ ଜୀସୁ ଏହାଣାଇଁ ତୀରିତଲେ ସିନିକିହାନା  
ଏଲେଇଚେସି, “ଇଦି ମାଣସିକି ଆଡ଼ାଆଗାଟାହିଁ,  
ସାମା ମାହାପୁରୁକି ଆଏ; ଇଚିହଁଁ ମାହାପୁରୁ ବାରେ  
କିହାଲି ଆଡ଼ିନେସି ।”

୨୮ ପିତର ଏହାଣାଇଁ ଏଲେଇଚେସି, “ମେହ୍ମୁ  
ମାମ୍ବୁ ରୁାରେ ପିସାନା ନୀ ଜେଟ ଖାହାମାନମି ।”

୨୯ ଜୀସୁ ଏଲେଇଚେସି, “ନାନୁ ମିଜେ ସାତା  
ଖେସିମାଞ୍ଜାଇଁ, ଆମିନି ଲକୁ ନା ନେହଁଁ କାବୁତାକି  
ଇଲୁ କି ତାୟିକି ତାଜି କି ତାଲି, ତାଞ୍ଜି, କକାରି  
ପଦାଣି କି ବୁମି ବାଡ଼ା ପିସାମାନେରି, ୩୦ ଅଡ଼େ ଇ  
କାଲ୍ଲୀତା କସ୍ତ ବେଟାଆହଁଁ, ଖାଞ୍ଜା ଗୁଣୁତି ଇଲ୍ଲକା,  
ତାୟି, ତାଜି, ତାଲି ତାଞ୍ଜି, କକାରି ପଦାୟାଁ ଅଡ଼େ  
ବୁମି ବାଡ଼ା, ଇଞ୍ଜାଁ ଖାନି ଜୁଗୁତା କାଲ୍ଲୀକାଲ୍ଲୀତି  
ଜୀସୁ ବେଟାଆଅସି, ଇଲେତି ଲକୁ ଆମ୍ବାଆସି  
ହିଲଅସି । ୩୧ ☆ସାମା ନକିତା ମାନି ହାଚେକା ଲକୁ  
ତାୟୁ ଆନେରି, ଇଞ୍ଜାଁ ତାୟୁ ମାନି ହାଚେକା ଲକୁ  
ନକିନେରି ।”

**ଜୀସୁ ତାନି ପାଲି ତାନି ହାନି କାତା ଖେହ୍ନାୟି**  
(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏହାରି ଜିରୁସାଲମତା ହାଜିମାଟାଟି ଜିରୁତା  
ମାଚେରି ଇଞ୍ଜାଁ ଜୀସୁ ଏହାରି ନକି ନକିତା  
ହାଜିମାଚେସି, ଅଡ଼େ ଏହାରି କାବାଆହାନା ତାୟୁ  
ଖାହିମାନି ଲକୁ ଆଜାମାଚେରି, ଇଞ୍ଜାଁ ଏହାସି ଖେଣ୍ଡେ  
ବାରଜାଣାତି ଏଟକା କିହାନା ତାଜେତାକି ଏନା  
ଏନାୟି ଆହାଲି ହାଜିମାନେ, ଏ ବାରେ ଏହାଣାଇଁ  
ଖେସାଲି ମାଚ୍‌ହେସି । ୩୩ ଜୀସୁ ଏଲେଇଚେସି,  
“ମେହ୍ମୁ ମାରୁ ଜିରୁସାଲମତା ହାଜିମାନାୟି;  
ମାଣସି ମୀର୍‌ଏସି କାଜା ପୂଜେରାଜା ଅଡ଼େ  
ମୋରାପୁନାରି କେୟୁତା ହେଚ୍‌ପିଆନେସି, ଅଡ଼େ  
ଏହାରି ଏହାଣାଇଁ ହାନି ତଣ୍ଡ ହାହାନା ଏଟକା  
କୃତାତାରି କେୟୁତା ହେଚ୍‌ପିନେରି, ୩୪ ଇଞ୍ଜାଁ  
ଏହାରି ଏହାଣାଇଁ କିଜଞ୍ଜି କିନେରି, ଏହାଣିଲୀକ  
ହୁପିନେରି, ଏହାଣାଇଁ ସାଚ୍‌ଣି ତଲେ ଖେନେରି,  
ଇଞ୍ଜାଁ ପାୟିନେରି, ଅଡ଼େ ତାନି ଦିନାଟିଏ ଖେଣ୍ଡେ  
ନିଜିନେସି ।”

**ଜାକୁବ ଅଡ଼େ ଜହନ ବାତିମାଲିନାୟି**  
(ମାତି ୨୦:୨୦-୨୮)

୩୫ ତାୟୁ ଜେବଦି ମୀର୍‌କା ଜାକୁବ ଅଡ଼େ ଜହନ  
ଜୀସୁ ତାଣା ଖାହାନା ଏଲେଇଚେରି, “ଏ ଗୁରୁ ମା,  
ଅଣ୍ଡପୁ ମାମ୍ବୁ ନୁୀ ତାଣାଟି ଏନାଆଁ ରୀହ୍‌ନମି ଏଦାଆଁ  
ମା ତାକି ନାନୁ କିମୁ ।”

୩୬ ଇଞ୍ଜାଁ ଜୀସୁ ଏହାଣାଇଁ ଖେଚେସି, “ନାନୁ ମୀ  
ତାକି ଏନାଆଁ କିଇଁ ଇଞ୍ଜାଁ ମୀରୁ ଅଣ୍ଡପିମାଞ୍ଜେରି ?”

୩୭ ଏହାରି ଏହାଣାଇଁ ଏଲେଇଚେରି, “ନାନୁ  
ଗାଖୁରମିଗାଟି ରାଜିତା କୁରିସାରେ ଏନିକଁଁ ମା,  
ବିତ୍ରାଟି ରଅତମି ନୀ ଟିଝନି ଟଟ ଅଡ଼େ ରଅତମି ନୀ  
ଟେବ୍‌ଟି ଟଟ କୁରିନମି ଇ ବର ମାଜେ ହିୟାମୁ ।”

୩୮ ☆ସାମା ଜୀସୁ ଏହାଣାଇଁ ଏଲେଇଚେସି,  
“ମୀରୁ ଏନାଆଁ ରୀସିମାଞ୍ଜେରି ଏଦାଆଁ ପୁଞ୍ଜାହିଲଅଚେରି

☆ ୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦ ☆ ୧୦:୩୮ ୧୦:୩୮ ଲୁକ ୧୨:୫୦ \* ୧୦:୩୮ ୧୦:୩୮ ମୁଞ୍ଜିନାୟି

। ନାନୁ ଆମିନି ସଲ୍ଲତା ଗସିମାଲ୍, ଏମ୍ବାଆଁ ମୀରୁ ଗସାଲି ଆଡ଼ିଦେରି? ଇଞ୍ଜା ନାନୁ ଆମିନି ବାପ୍ତିସ୍ମତା\* ବାପ୍ତିସ୍ମା† ଅହିମାଲ୍ ଏମ୍ବାଆଁ ମୀରୁ ବାପ୍ତିସ୍ମା‡ ଆହାଲି ଆଡ଼ିଦେରି?”

୩୯ ଏଞ୍ଜାରି ଏଲେଇଚେରି, “ଆଡ଼ିନମି ।”

ଜୀସୁ ଏଞ୍ଜାରାଲ୍ ଏଲେଇଚେସି, “ନାନୁ ଆମିନି ସଲ୍ଲତା ଗସିମାଲ୍ ଏମ୍ବାଆଁ ଗସାଲି ଆଡ଼ିଦେରି, ଇଞ୍ଜା ନାନୁ ଆମିନି ବାପ୍ତିସ୍ମତା‡ ବାପ୍ତିସ୍ମା\* ଆହିମାଲ୍ ମୀରୁ ଏମ୍ବାଆଁ ବାପ୍ତିସ୍ମା† ଆଦେରି; ୪୦ ସାମା ନା ଚିଃନି ଅଡ଼େ ଚେବୁଝାକି କୁଗାଲି ହାହାଲି ନା ଅଦିକାରାତି କାତା ଆଏ, ଆମ୍ବାଆରାକି ମାହାପୁରୁ ଚାୟୁ କେପାମାନେସି ଏଞ୍ଜାରି କୁଗିନେରି ।”

୪୧ ଏଚକାତି ଦସ ଜାଣା ଇଦାଆଁ ଖେଞ୍ଜାନା ଜାକୁବ ଅଡ଼େ ଜହନଲ୍ କାରବି ଆହାଲି ମାଟ୍‌ହେରି । ୪୨ \*ଏମ୍ବାଟିଏ ଜୀସୁ ଏଞ୍ଜାରାଲ୍ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଚକା କୃତାତି ସାଲୁଝି କିନାରି ଲେହେଁ ଆହାମାନେରି, ଏଞ୍ଜାରି ଲାକ ସାଲୁଝି କିନେରି, ଅଡ଼େ ଏଞ୍ଜାରି କାଜାପାଣା ଗାଟାରି ଏଞ୍ଜାରି ମୁହେଁ ସାଲୁଝି କିନେରି, ଇଦାଆଁ ମୀରୁ ପୁଞ୍ଜୁ । ୪୩ \*ସାମା ମୀ ବିତ୍ରା ଏଲେକିହିଁ ଆଏ; ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ମୀ ସେବା କିପେସି, ୪୪ ଅଡ଼େ ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ବାରେତି ହଲେଏସି ଆପେସି । ୪୫ ଇଚିହିଁ ମାଣ୍‌ସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଇଞ୍ଜା ହାଟେକା ଲକୁଣି ପାପୁଟି ପିସପି କିହାଲିତାକି ତାନି ଜୀସୁ ହାହାଲି ଖାହାମାନେସି ।”

ଜୀସୁ ବାଟିମୟ କାଣାଲ୍ ନେହିଁକିନାସି

(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାୟୁ ଏଞ୍ଜାରି ଜିରିହତା ଏଗାଡେରି, ଅଡ଼େ ଏଞ୍ଜାସି ତାନି ସୀସୁୟାଁ ଇଞ୍ଜା ମାୟା ଲକୁତଲେ ଜିରିହତି ହାଜିମାନି ବେଲ୍‌ତା ଚିମାୟ ମୀରୁଏସି ବାଟିମୟ ଦରୁଗାଟି ର କାଣା, ରୀସପାଲି ଜିରୁ ଦାରିତା କୁଗାମାରେସି । ୪୭ ଏଞ୍ଜାସି ନାଜରିତତି ଜୀସୁ, ଇମ୍ବାଟି ହାଜିମାନେସି ଇଞ୍ଜାଁ ଖେଞ୍ଜାନା ଏଞ୍ଜାସି କାଜା ଗିୟାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୮ ଏମ୍ବାଟିଏ ହାଟେକା ଲକୁ ଏଞ୍ଜାଣାଲ୍ ପାଲେଏ ଆହାଲି ଦାକା ହାଟେରି, ସାମା ଏଞ୍ଜାସି ଅଡ଼େ କାଜା ହାଡାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୯ ଏମ୍ବାଟିଏ ଜୀସୁ ନିଚାନା ଏଲେଇଚେସି, “ଏଞ୍ଜାଣାଲ୍ ହାଟାଦୁ ।” ଏଞ୍ଜାରି ଏ କାଣାଲ୍ ହାଟାନା

ଏଲେଇଚେରି, “ସାସା ଆହାନା ନିଙ୍ଗାମୁ, ଏଞ୍ଜାସି ନିଜେ ହାଟିମାଞ୍ଜାନେସି ।”

୫୦ ଏମ୍ବାଟିଏ ଏଞ୍ଜାସି ନିଙ୍ଗାନା ତାନି ହିମ୍ବୁରି କୁତାନା ଜୀସୁ ତାଣା ଖାଡେସି ।

୫୧ ଜୀସୁ ଏଞ୍ଜାଣାଲ୍ ଏଲେଇଚେସି, “ନାନୁ ନିଜେତାକି ଏନାଆଁ କିଲ୍ ଇଞ୍ଜାଁ ନାନୁ ଅଣ୍‌ପିମାଞ୍ଜି ?” ଏ କାଣା ଏଞ୍ଜାଣାଲ୍ ଏଲେଇଚେସି, “ଏ ଗୁରୁ ନାନୁ ଏନିକିଁ ମେସାଲି ଆଡ଼ିଲ୍ ।”

୫୨ ଜୀସୁ ଏଞ୍ଜାଣାଲ୍ ଏଲେଇଚେସି, “ହାଲାମୁ ନୀ ନାମୁ ନିଜେ ନେହିଁ କିୟାତେ ।” ଏ ଦେବୁଣିଏ ଏଞ୍ଜାସି ମେସାଲି ଆଡ଼ିତେସି, ଇଞ୍ଜା ଏଞ୍ଜାରି ଢେଟ ଢେଟ ହାଚେସି ।

## ୧୧

ଜୀସୁ ଜିରୁସାଲମତା ହଡ଼ନାସି

(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲା ଏଞ୍ଜାରି ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେଡ଼ପାଗି ଇଞ୍ଜା ବେତନିୟାଁ ତାଗେ ଖାଡେରି, ଏଚିବେଲା ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାଲ୍ ଇ କାତା ଖେସା ପାଣ୍ଡିତେସି, ୨ “ମୀ ନକିତା ମାନି ଏ ନାୟୁତା ହାଜୁ; ଏ ନାୟୁତା ହଡ଼ଞ୍ଜିଏ ଆମିନି ଲାକ ଆମ୍ବାଆରି ଏଚେଲା ହଡ଼ା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାନି ହୁକହାନା ତାଦୁ । ୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜାଁ ମିଜେ ଖେଞ୍ଜାନେସି, ଆତିହିଁ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଖେଣ୍ଡେ ଇଦାଣି ଖେଡ଼ାକିଆନା ପାଣ୍ଡାନେସି ।”

୪ ଏଞ୍ଜାରି ହାଜାନା ଦୁଝେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାନା ଏଦାଣି ହୁକହେରି, ୫ ଏମ୍ବାଟିଏ ଏମ୍ବାଆଁ ନିଚାମାଟି ଲକୁ ବିତ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକିଁ ଖେସାମାରେସି, ଏଞ୍ଜାରି ଏଲେକିଁ ଏଞ୍ଜାରାଲ୍ ଏଲେଇଚେରି; ଏମ୍ବାଟିଏ ଏଞ୍ଜାରି ଏଞ୍ଜାରାଲ୍ ହେଲ ହାଟେରି । ୭ ଜୀସୁ ନକିତା ଗାଡ଼ଦେ ତାଲୁତି ତାଚାନା ଏଞ୍ଜାରି ଏଦାଣି ଲାକ ତାନି ହିମ୍ବୁରିକା ପାସ୍ତେରି, ଅଡ଼େ ଜୀସୁ ଏଦାନିଲେକ କୁଗିତେସି । ୮ ଅଡ଼େ ହାଟେକା ଜିରୁତା ତାନି ହିମ୍ବୁରିକା ପାସ୍ତେରି ଅଡ଼େ ଏଚକାତାରି ଜାଡ଼ାତି ଗଚାୟାଁ ଟୁଣ୍‌ହା ତାଚାନା ପାସ୍ତେରି । ୯ ଇଞ୍ଜା ନକିତା ତାୟୁଝାକି ହାଜିମାନି ଲକୁ କାଜା ହାଡାତଲେ ଏଲେଇଚେରି, “ହସାନା ମାହାପୁରୁ ଦରୁଟି ଆମ୍ବାଆସି ଖାହିମାନେସି, ଏଞ୍ଜାସି ନେହାସି

† ୧୦:୩୮ ୧୦:୩୮ ମୁଞ୍ଜିନାସି    ‡ ୧୦:୩୮ ୧୦:୩୮ ମୁଞ୍ଜିନାସି    § ୧୦:୩୯ ୧୦:୩୯ ମୁଞ୍ଜିନାସି    \* ୧୦:୩୯ ୧୦:୩୯ ମୁଞ୍ଜିନାସି  
† ୧୦:୩୯ ୧୦:୩୯ ମୁଞ୍ଜିନାସି    ☆ ୧୦:୪୨ ୧୦:୪୨ ଲୁକ ୨୨:୨୫,୨୬    ✨ ୧୦:୪୩ ୧୦:୪୩ ମାତି ୨୩:୧୧; ମାର୍କ ୯:୩୫; ଲୁକ ୨୨:୨୬

। ୧୦ ମା ଆକୁ ଦାସ୍ତଦତି ଆମିନି ରାଜି ଖାହିମାନେ, ଏଦି ଜହରା, ଲାକପୁରୁତି ହସାନା ।”

୧୧ ତାମ୍ଭୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଖାକି ମାନାଣି ବାରେ ସିନକିହାନା ମିଡ଼ଅଲ୍ଲା ଆହାଲିଏ ବାରଜାଣା ସୀସୁୟା ତଲେ ବେତନିୟାତା ହାଚେସି ।

**ଜୀସୁ ତୟା ମାର୍ଚ୍ଚୁତି ବାକା ଇଟିନାୟି**  
(ମାତି ୨୧:୧୮-୧୯)

୧୨ ତାନି ଅର ଦିନା ବେତନିୟାତି ଖାହିମାଚାତି ଜୀସୁ ହାକି ଆଡେସି; ୧୩ ଇଞ୍ଜା ହେକଟି ଆକା ମାନି ର ତୟା ମାର୍ଚ୍ଚୁତି ଆକା ମେସାନା ଏମ୍ବାଆଁ ପାଡ଼େୟି ବେଗାଆନ୍ତି ଆସା ତଲେ ତାଗେ ହାଚେସି । ସାମା ତାଗେ ଖାହାନା ଏଝାସି ଆକା ପିସ୍‌ପେ ଅଡ଼େ ଏନାଆଁ ପୁଃଆତେସି, ଇତିହ୍ ଏଦି ତୟା ଆୟିନି ଖେଡ଼ା ହିଲାଆତେ । ୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି ।” ଏଝାଣି କାତା ତାମି ସୀସୁୟା ଖେଞ୍ଜାମାଚେରି ।

**ଜୀସୁ ମାହାପୁରୁ ଇଲୁତା ହାନାୟି**  
(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାମ୍ଭୁ ଏଝାରି ଜିରୁସାଲମତା ଖାଡ଼େରି, ଅଡ଼େ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାମ୍ଭୁତା ବେବାରା କିହିମାତି ଲକୁଣି ପାଙ୍ଗାତା ପେର୍‌ହାଲି ମାଟ୍‌ହେସି, ଇଞ୍ଜା ଟାକାୟା ବେବାରା ଗାଟାରି କୁଚିୟା ଅଡ଼େ ପଟାୟା ବେବାରା କୁଚିୟା ତିରିମ୍ବୁପ୍‌ହେସି । ୧୬ ଇଞ୍ଜା ପ୍ରାତାନା ଇଲୁ ବିତ୍ରାଟି ଆମ୍ବାଆରାକି ଏନାଆଁ ଅହାଲି ତାତାଲି ହେଲ୍ ହାଆତେସି, ୧୭ ତାମ୍ଭୁ ଜୀସୁ ଏଝାରାଇଁ ଜାପ୍‌ହିହ୍ ଏଲେଇଚେସି, “ଦାମ୍ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାତି ଲକୁତାକି ପ୍ରାତାନା ଇଲୁ ଇଞ୍ଜା ଖେଞ୍ଜାନେ ? ସାମା ମୀରୁ ଏଦାଆଁ ଡ଼ାଗାୟା ପାସ୍ତୁ କିହାମାଞ୍ଜେରି ।”

୧୮ ଇ କାତା ଖେଞ୍ଜାନା କାଜା ପୂଜେରାଙ୍ଗା ଅଡ଼େ ମେରାପୁନାରି ଏଝାଣାଇଁ ଏନିକ୍ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହ୍ ଲକୁ ଏଝାଣି ଜାପ୍‌ନି ତାଣା କାବା ଆହିମାଚାକି ଏଝାରି ଏଝାଣାଇଁ ଆଜିମାଚେରି ।

୧୯ ଏ ଦିନା ମିଡ଼ଅଲ୍ଲା ବେଲା ଜୀସୁ ଅଡ଼େ ସୀସୁୟା ଗାଡ଼ାଟି ହାଚେରି ।

**ଝାୟିତି ତୟା ମାର୍ଚ୍ଚୁତି ଜାପିନାୟି**  
(ମାତି ୨୧:୨୦-୨୨)

୨୦ ଅର ଦିନା ଲାକ୍‌ଏ ଏ ଜିରୁତି ହାଜିମାଚାତି ଏଝାରି ତୟା ମାର୍ଚ୍ଚୁ ତାକିଟିଏ ଝାୟିତାଣି ମେସ୍ତେରି । ୨୧ ଏମ୍ବାଟିଏ ପିତର ତଲିତି କାତା ଅଣ୍‌ପାନା

ଏଲେଇଚେସି, “ଏ ଗୁରୁ ମେହ୍‌ମୁ ନୀନୁ ଆମିନି ତୟା ମାର୍ଚ୍ଚୁତି ବାକା ହୀହାମାତି ଏଦି ଖାୟାହାଚେୟିଏ ।”

୨୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ । ୨୩ ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଇ ହରୁତି ନୀନୁ ନିଙ୍ଗାନା ସାମ୍‌ଦୁରିତା ତର୍‌ଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଦି ଆଡ଼େ ଇଞ୍ଜା ନାମିନେସି, ଏଝାଣାକି ଏଦି ଆଡ଼େ । ୨୪ ଏଦାଆଁତାକି ନୀନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା କିଦେରି ଅଡ଼େ ରୀହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାତେ ଇଞ୍ଜା ନାମାଦୁ, ଏଚେଟିଏ ଏ ବାରେ ସାତେଏ ବେଟାଆଦେରି । ୨୫ ଇଞ୍ଜା ମୀରୁ ଆମିନି ବେଲାତା ପ୍ରାତାନା କିହାଲି ନିଦେରି, ଇଞ୍ଜା ଆମ୍ବାଆରି କପାଟି ଏନି କାତା ମାତିହ୍, ଏଝାଣି ପାପୁ ମ୍ଲେକ୍‌ଦୁ, ଏନିକ୍ ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ଲେକ୍‌ହାନେସି । ୨୬ ସାମା ମୀରୁ ଏଝାଣି ପାପୁ ମ୍ଲେକ୍‌ଅଚେରି, ଆତିହ୍ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ଲେକ୍‌ହଅସି ।”\*

**ଜୀସୁତି ଅଦିକାରା**  
(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାମ୍ଭୁ ଏଝାରି ଅଡ଼େ ଖେଣ୍ଡେ ଜିରୁସାଲମତା ଖାଡ଼େରି; ଇଞ୍ଜା ଏଝାସି ପ୍ରାତାନା ଇଲୁତା ହଡ଼ିମାତି ବେଲାତା କାଜା ପୂଜେରାଙ୍ଗା ମେରାପୁନାରି ଇଞ୍ଜା ପ୍ରାତିନାଙ୍ଗା ଏଝାଣି ତାଣା ଖାହାନା ଖେଚେରି, ୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜା ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି ?”

୨୯ ସାମା ଜୀସୁ ଏଝାରାଇଁ ଏଲେଇଚେସି, “ନୀନୁ ମିଙ୍ଗେ ର କାତା ଖେଞ୍ଜାଇଁ, ନାଙ୍ଗେ ଖେସ୍ତାଦୁ, ଆତିହ୍ ନୀନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଙ୍ଗେ ଖେସ୍ତାଇଁ । ୩୦ ଜହନତି ବାପ୍ତିସ୍ତା ଲାକପୁରୁତି କି ମାଣ୍‌ସିୟା ତାଣାଟି ଆହାମାଚେ ? ଏଦାଆଁ ନାଙ୍ଗେ ଖେସ୍ତାଦୁ ।”

୩୧ ଏଚେଟିଏ ଏଝାରି ତାମ୍ଭୁ ତାମ୍ଭୁ କାତା ଆହାଲି ମାଟ୍‌ହେରି, “ଲାକପୁରୁତି ଇନାୟି, ଆତିହ୍ ଏଝାସି ଏଲେଇଞ୍ଜାନେସି ମୀରୁ ଏନାଆଁତାକି ଏଝାଣାଇଁ ନାମାଆତେରି ? ୩୨ ଅଡ଼େ ମାଣ୍‌ସି ତାଣାଟି ଇନାୟି, ଏଝାରି ଲକୁଣି ଆଜିମାଚେରି; ଇତିହ୍ ବାରେଜାଣା ଜହନ ସାତା ମାହାପୁରୁ ଅଣ୍‌ପୁତି ବଲୁ ଖେହ୍‌ନାସି ଇଞ୍ଜା ମାନ୍‌ଝି ଆହିମାଚେରି ।”

୩୩ ଏଦାଆଁତାକି ଜୀସୁଇଁ ଏଝାରି ଏଲେଇଚେରି, “ମାମ୍ ପୁଞ୍ଜାହିଲଅମି ।” ଜୀସୁ ଏଝାରାଇଁ ଏଲେଇଚେସି, “ନୀନୁ ଆମିନି ଅଦିକାରା ତଲେ

☆ ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨ ☆ ୧୧:୨୫ ୧୧:୨୫ ମାତି ୬:୧୪, ୧୫ \* ୧୧:୨୭ ୧୧:୨୭ କଚେକା ସାପ୍ତେରିତା ଇ କାତା ରାସ୍‌କି ଆହାହିଲେଏ । † ୧୧:୩୦ ୧୧:୩୦ ମୁଞ୍ଜନାୟି

କିହିମାଙ୍କ ଏଦାଆଁ ନାନୁ ଜିକେଏ ମିଙ୍ଗେ ୱେସ୍ତୁଅଁ ।”

**୧୨**

ଅଙ୍ଗୁରି ବାଡ଼ାତା ଲାଗେଏତି ବାଗା କାମାକିନାରି  
(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଝାସି ଏଝାରାଙ୍କ ପୁଣ୍ଡିକିନି କାତାତଲେ ୱେସାଲି ମାଟ୍‌ହେସି, “ରଅସି ର ଅଙ୍ଗୁରି ବାଡ଼ା କିହାନା ବାଡ଼ା ସାରିଝାକି ବେୟଁ ଗୁରତେସି, ଇଞ୍ଜା ଅଙ୍ଗୁରି ପାଡ଼େୟି ପାଚାଲି ର ଗାଡ଼ୟି କାରହାନା ଏମ୍ବାଆଁ କାଝିଆନାରକି କାଝିଆନି ଇଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହାହାନା ହେକ ରାକି ହାରେସି । ୨ ତାୟୁ କାମାକିନାରି ତାଣାଟି ଅଙ୍ଗୁରି ବାଡ଼ାତି ପାଡ଼େୟି ବାଗା ବେଟାଆହାଲି ଏଝାସି ର ହଲେଏଶାଙ୍କ ପାଡ଼େୟି କାମ୍ବିନିଝେଡ଼ା ଏଝାରିତାଣା ପାଣ୍ଡିତେସି । ୩ ସାମା ଏଝାରି ଏଝାଶାଙ୍କ ଆସାନା ୱେତେରି ଇଞ୍ଜା ୱାଉଇ କେୟୁଟି ପାଣ୍ଡିତେରି । ୪ ଏଝାସି ଅଡ଼େ ଏଝାରିତାଣା ଅଡ଼େ ର ହଲେଏଶାଙ୍କ ପାଣ୍ଡିତେସି; ଏଝାରି ଏଝାଶାଙ୍କ ଜିକେଏ ତାୟୁଁ ତାୟେ ୱେଚାନା ହାଣି କିତେରି । ୫ ଏଝାସି ଅଡ଼େ ରଅଶାଙ୍କ ପାଣ୍ଡିତେସି; ଏଝାରି ଏଝାଶାଙ୍କ ଜିକେଏ ପାୟିତେରି, ଏମ୍ବାଟିଏ ଏଝାସି ଅଡ଼େ ହାରେକା ଜାଣାତି ପାଣ୍ଡିତେସି; ଏଝାରି ବିତ୍ତାଟି ଏଚରଜାଣାତି ୱେତେରି ଇଞ୍ଜା ଏଚରଜାଣାତି ପାୟିତେରି । ୬ ତାନି ତାଣା ରଅସିଏ ତୁୟିତେସି, ଏଝାସି ତାନି ଜାଝୁତି ମାରଏସି, ତାୟୁ ଅଣ୍ପିତେସି ଏଝାରି ନା ମାରଏଶାଙ୍କ ମାନି କିନେରି ଇଞ୍ଜା ଏଝାସି ଏଝାଶାଙ୍କ ପାଣ୍ଡିତେସି । ୭ ସାମା ଏ କାମାକିନାରି ତାୟୁ ତାୟୁ କାତା ଆଡ଼େରି, ‘ଇଝାସିତ ଅଦିକାରା ଗାଟାସି, ୱାଦୁ ଇଝାଶାଙ୍କ ପାୟିନ; ଆତିହଁ ବାଡ଼ାତି ଅଦିକାରା ମାଦି ଆନେ ।’ ୮ ଏମ୍ବାଟିଏ ଏଝାରି ଏଝାଶାଙ୍କ ଆସାନା ପାୟିତେରି ଇଞ୍ଜା ଅଙ୍ଗୁରି ବାଡ଼ାତି ପାଙ୍ଗାତା ମେଡ଼ହାତୁସ୍ତେରି ।”

୯ ଜାୟୁ ଏଝାରାଙ୍କ ୱେଚେସି, “ଝେସ୍ତାଦୁ, ଇଦାଆଁ ତାୟୁ ଏ ଅଙ୍ଗୁରି ବାଡ଼ାତି ସାଝୁକାରି ଏନାଆଁ କିନେସି ? ଏଝାସି ୱାହାନା କାମା କିନାରାଙ୍କ ନାସା କିନେସି ଇଞ୍ଜା ଏଚକାତି କାମା କିନାରାକି ଏ ଅଙ୍ଗୁରି ବାଡ଼ା ହାନେସି । ୧୦ ମାରୁ ଦାମ୍ବୁ ପତିତା ଇ କାତା ପଡ଼ଝି ଆହାହିଲଅତେରି ?

ଇଲୁ କେପିନାରି ଆମିନି ୱାଲିତି ମିଶ୍‌ଏ ଇଞ୍ଜା ଅପାଆତେରି,  
ଏଦିଏ ଇଲୁତି ମୁଲୁ ୱାଲି ଆଡ଼େ ।

୧୧ ମାହାପୁରୁ ତାଣାଟି ଇଦି ଆଡ଼େ,  
ଇଞ୍ଜା ଏଦି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜାହୁଦି ଲକୁଡି କାଜାରି ଏଝାଶାଙ୍କ ଆସାଲି ଅଣ୍ପିମାରେରି, ସାମା ଏଝାରି ଲକୁଣି

ଆଜିତେରି; ଇଚିହଁ ଏ ପୁଣ୍ଡିକିନି କାତା ଏଝାରାଙ୍କ ସିନିକିହାନା ୱେସିମାଚେସି ଇଞ୍ଜା ପୁଚେରି, ଇଞ୍ଜା ଏଝାରି ଏଝାଶାଙ୍କ ପିସାନା ହାଜାତୁସ୍ତେରି ।

ସିସୁ ହୁାନାଣି ୱେନାୟି  
(ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାୟୁ ଜାୟୁ କାତାତି ଦହ ଆସାଲି ତାକି ଏଝାରି ପାରୁସି ଅଡ଼େ ହେରଦ ଗତିତି ଏଚେକା ଲକୁଣି ଏଝାଣି ତାଣା ପାଣ୍ଡିତେରି । ୧୪ ଏଝାରି ୱାହାନା ଏଝାଶାଙ୍କ ଏଲେଇଚେରି, “ଏ ଗୁରୁ ମାୟୁ ପୁଞ୍ଜାମାନମି, ନାନୁ ସାତା କାତା ୱେହନାତି ଅଡ଼େ ଆମ୍ବାଆରାଙ୍କ ଆଜାଆ ଗାଟାତି; ଇଚିହଁ ନାନୁ ମାଣ୍ଡିତି ମୁୟୁ ମେସାନା ଜଲାଆ ଗାଟାତି ଇଞ୍ଜା ସାତା ତଲେ ମାହାପୁରୁତି ଜିରୁ ଜାପୁନାତି, କାୟିସରକି ସିସୁ ହୁାନାୟି ମେରା କି ଆଏ, ମାୟୁ ହାନମି କି ଆଏ ?”

୧୫ ସାମା ଏଝାସି ଏଝାରି କାରବିତି ପୁଞ୍ଜାନା ଏଝାରାଙ୍କ ଏଲେଇଚେସି, “ଏନାଆଁତାକି ନାଙ୍ଗେ ତାୟିପାରି କିହିମାଞ୍ଜାଦେରି ? ର ୱେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନିକିଲି ।”

୧୬ ଏଚେଟିଏ ଏଝାରି ଏଦାଆଁ ତାତେରି, ଏଝାସି ଏଝାରାଙ୍କ ୱେଚେସି, “ଇ ବମା ଅଡ଼େ ଦରୁ ଆମ୍ବାଆରାଝାୟି ?” ଏଝାରି ଏଝାଶାଙ୍କ ଏଲେଇଚେରି, “କାୟିସରଝାୟି ।”

୧୭ ଏମ୍ବାଟିଏ ଜାୟୁ ଏଝାରାଙ୍କ ଏଲେଇଚେସି, “କାୟିସରଝାୟି ଏନାୟି ଏଦାଆଁ କାୟିସରକି ହାଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହାଦୁ ।” ଏଚେଟିଏ ଏଝାରି ଏଝାଣି କାତାତାକି କାବା ଆଡ଼େରି ।

ସାଦୁକିୟାଁ ହାକିଟି ୱେଣ୍ଡେ ନିଙ୍ଗିନି କାତା  
ଝେନାୟି  
(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ଏମ୍ବାଟିଏ ହାକିଟି ୱେଣ୍ଡେ ନିଙ୍ଗିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜାୟୁ ତାଣା ୱାହାନା ୱେଚେରି, ୧୯ “ଏ ଗୁରୁ ମସା ମାଙ୍ଗେତାକି ରାତାମାନେସି, ଇଚିହଁ ଆମ୍ବାଆରି ତାୟି ହାନେସି ଇଞ୍ଜା ତାନି ତକ୍ତି ନୀତାମାନେ ଇଞ୍ଜା ଏଦାନି ଏନି କକାରି ପଦାୟାଁ ହିଲାତ ଆତିହଁ ତାନି ତାୟି ତାନି ତକ୍ତିନି ଇଗାନା ତାନି ତାୟିକି କୁଡ଼ା ଏପାକିନେସି । ୨୦ ମେହ୍‌ମୁ ସାତା ଜାଣା ତାୟିୟାଁ ମାଚେରି; କାଜାସି ର ଆୟାନି ବୀହା ଆଡ଼େସି, ଇଞ୍ଜା କକାରି ପଦାଁ ଆଆନା ହାଡ଼େସି; ୨୧ ଏଝାଣି ଜେଚତାସି ଏ ଇୟାନି ଇଚିତେସି ଇଞ୍ଜା କକାରି ପଦାଁ ଆଆନା ହାଡ଼େସି; ଅଡ଼େ ଜେଚତାସି ଏଲେକିତେସି, ୨୨ ଇଞ୍ଜା ସାତା ଜାଣା ଜିକେଏ କକାରି ପଦାଁ ଆଆନା ହାଡ଼େରି; ବାରେତି ତାୟୁ ଏ ଇୟା ଜିକେଏ ହାଡ଼େ । ୨୩ ୱେଣ୍ଡେ

☆ ୧୨:୧୮ ୧୨:୧୮ କାମା ୨୩:୮

ନିଜିନି ବେଲତା ଏତିବେଲା ଏଞ୍ଜାରି ନିଜିନେରି, ଏତିବେଲା ଏଞ୍ଜାରି ବିତାଟି ଆମ୍ବାଆରି ତକ୍ତି ଆନେ ? ସାତା ଜାଣା ଜିକେଏ ଇଟାମାଚେରି ।”

୨୪ ଜୀସୁ ଏଞ୍ଜାରାଇଁ ଏଲେଇଚେସି, “ମିଜେ ହାରେକା ନାଡ଼ିକିନି ଅଣ୍ଟୁ ମାନେ । ଦାମ୍ବୁ ସାପ୍ତେରି, ଇଞ୍ଜା ମାହାପୁରୁତି ବାଡ଼ୁରୁତି କାତା ପୁଞ୍ଜାହିଲଅଚେରି । ୨୫ ଏନାଆଁତାକି ଇଚିହିଁ ହାଡ଼ାରି ନିଜିତି ତାୟୁ ଲକୁ ବାହା ଆଅରି କି ବାହା ହାଅରି, ସାମା ଲାକପୁରୁତି ଦୁତୁୟାଲେହେଁ ତୟିନେରି । ୨୬ ଇଞ୍ଜା ହାଡ଼ାରି ନିଜିନେରି ଏ କାତାତି ମୀରୁ ମସା ରାଡ଼ିତି ପତିତା ଖେହିମାନି ବୁଗାତି କାବୁ ପଡ଼ୁଞ୍ଜି ଆହାହିଲଅଚେରି କି ? ମାହାପୁରୁ ଏନିକିଁ ଏଲେଇଞ୍ଜା ମାନେସି, ‘ନାନୁ ଅବାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁଚେଏଁ ।’ ୨୭ ଏଞ୍ଜାସି ହାଡ଼ାରି ମାହାପୁରୁ ଆଏ, ସାମା ଜୀଞ୍ଜୁଗାଟାରି ମାହାପୁରୁ ମୀରୁ ହାରେକା ନାଡ଼ିକିଞ୍ଜି ଆହାମାଞ୍ଜରି ।”

**କାଜା ହୁକୁମି**  
(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏତିବେଲା ର ମେରା ଜାପୁନାସି ତାଗେ ଖାହାନା ଏଞ୍ଜାରି ବାଦିବାଦା ଆହିମାଚାଣି ଖେଞ୍ଜାନା ଅଡ଼େ ଜୀସୁ ସାଦୁକି ଲକୁଇଁ ସମାନା କାତା ଖେଣ୍ଡେ ଖେସିମାଚାଣି ଖେଞ୍ଜାନା ଜୀସୁଇଁ ଖେଚେସି, “ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି ?”

୨୯ ଜୀସୁ ଏଲେଇଚେସି, “କାଜା ହୁକୁମି ଇଦି ‘ଏ ଇସାୟେଲ ଖେଞ୍ଜୁ; ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି; ୩୦ ଅଡ଼େ ନାନୁ ନୀ ବାରେ ହିୟାଁ ବାରେ ଜୀଞ୍ଜୁ ମନ ହାହାନା ଅଡ଼େ ବାରେ ବାଡ଼ୁରୁ ତଲେ ପ୍ରବୁ ନୀ ମାହାପୁରୁଇଁ ଜୀଞ୍ଜୁ ନମୁ ।’ ” ୩୧ ଅଡ଼େ ରଣ୍ଡି ଇଦି ନାନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜୀଞ୍ଜୁ ନମୁ । ଇ ହୁକୁମିକା ପିସପେ ଅଡ଼େ ଆମିନି କାଜା ହୁକୁମି ହିଲେଏ ।

୩୨ ଏମାଟିଏ ଏ ମେରା ପୁନାସି ଜୀସୁଇଁ ଏଲେଇଚେସି, “ଏ ଗୁରୁ ଏଦି ସାତା ମାହାପୁରୁ ରଅସିଏ ଇଞ୍ଜା ଏଞ୍ଜାଣି ପିସପେ ଅଡ଼େ ଆମ୍ବାଆସି ହିଲଅସି, ଏଦାଆଁ ନାନୁ ନେହିଁକିଁ ଖେସ୍ତାତି; ୩୩ ଇଞ୍ଜା ବାରେ ହିୟାଁ, ବାରେ ବୁଦି, ବାରେ ବାଡ଼ୁରୁ ହାହାନା ଏଞ୍ଜାଣାଇଁ ଜୀଞ୍ଜୁନନାୟି ଇଞ୍ଜା ପାଡ଼ିତାଣାଇଁ ମା ଜାହାରାଲେହେଁ ଜୀଞ୍ଜୁନନାୟି ବାରେ ଜଡ଼ିତି ପୂଜା ହାନି\* କିହାଁ କାଜାୟି ।”

୩୪ \*ଏଞ୍ଜାସି ବୁଦିତଲେ ଜଲ୍ଲାମାଞ୍ଜାନେସି ଇଞ୍ଜାଁ ମେସାନା ଜୀସୁ ଏଞ୍ଜାଣାଇଁ ଏଲେଇଚେସି, “ମାହାପୁରୁତି ରାଜିତି ନାନୁ ହେକ ହିଲଅତି ।

ଏଚେଟିଏ ଆମ୍ବାଆସି ଜୀସୁଇଁ ଏନାଆଁ ଖେଞ୍ଜାଲି ସାସା କିଆଚେସି ।”

**ଜୀସୁ ଆମ୍ବାଆରି ମୀରୁଏସି**  
(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜୀସୁ ପ୍ରାତାନା ଇଲୁତା ଜାପୁହି ମାତିବେଲତା ଏଲେଇଚେସି, “ଜୀସୁ ଦାଞ୍ଜୁଦ ମୀରୁଏସି, ଇଦାଆଁ ମେରାପୁନାରି ଏନିକିଁ ଏଲେଇନେରି ? ୩୬ ତାନୁଏ ଦାଞ୍ଜୁଦ ମାହାପୁରୁତି ସୁଦୁଜୀଞ୍ଜୁ ବେଟାଆହାନା ଖେସାମାଚେସି,

‘ପ୍ରବୁ ନା ପ୍ରବୁଇଁ ଏଲେଇଚେସି, ନାନୁ ଏଚେ ପାଚେକା ନୀ ସାତୁୟାଁଇଁ ନୀ କଡ଼ାଁ ତଇ କିହାହିଲଅଁ, ଏଚେ ପାଚେକା ନା ଚିଃନିଞ୍ଜାକି କୁଗାମାନାମୁ ।’ ୩୭ ଦାଞ୍ଜୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜିମାନେସି; ଆତିହିଁ ଏଞ୍ଜାସି ଏନିକିଁ ଦାଞ୍ଜୁଦ ମୀରୁଏସି ।” ।

**ମେରାପୁନାରି ତାଣାଟି ଜାଗ୍ରାତା କିନାୟି**  
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକୁ ରାହାଁଟି ତାନି କାତା ଖେଞ୍ଜିମାଚେରି, ଅଡ଼େ ଖେଣ୍ଡେ ଏଞ୍ଜାସି ତାନି ଜାପୁହି ମାତି କାତାତା ଏଲେଇଚେସି, “ମେରାପୁନାରି ତାଣାଟି ଜାଗ୍ରାତା, ଏଞ୍ଜାରି ଲାମ୍ବା ହିମ୍ବୁରିକା ହୁତାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଟାଆହାଲି ରାହାଁ ଆନେରି, ୩୯ ଜୀହୁଦି ଲକୁତି କୁଟମି ଇଲୁତାଁ କାଜା କୁଟି, ବଜିତା ନେହିଁ ଟାୟୁତା କୁଗାଲି ପାରିନେରି; ୪୦ ଏଞ୍ଜାରି ରାଣ୍ଡେଣିସିକା ଇଲୁକା ସେଦିନେରି, ଲକୁଣି ତସାଲି ଲାମ୍ବା ପ୍ରାତାନା କିନେରି; ଏଞ୍ଜାରି ହାରେକା ତଣ୍ଡୁ ବେଟାଆନେରି ।”

**ରାଣ୍ଡେଣି ଇୟାନି ଦାନା**  
(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ କୁଗାନା ଲକୁ ଏମ୍ବାଆଁ ଏନିକିଁ ଦାନା ହାହିମାନେରି, ଏଦାଆଁ ସିନିକିହିମାଚେସି । ଏତିବେଲତା ହାରେକା ଦନ ଗାଟାରି ଗାଡ଼ି ମେଡ଼ହେରି; ୪୨ ଅଡ଼େ ର ହାକି କାକୁଲିଗାଟି ରାଣ୍ଡେଣି ଇୟା ଖାହାନା ରୀ ଡ଼ଣା ତାମ୍ବାତି ଆଦଲି; ଏ ପେଡ଼ାତା ମେଡ଼ହେ । ୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି ବାରେ ଲକୁ କିହାଁ ଇ ହାକି କାକୁଲିଗାଟି ରାଣ୍ଡେଣି ଇୟା ଗାଡ଼ି ମେଡ଼ହାମାନେ; ୪୪ ଇଚିହିଁ ବାରେଜାଣା ତାନି ହାରେକା ଦନଟି ଇଚାଣି ମେଡ଼ହା ମାନେରି, ସାମା ଇଦି ତାନି

\* ୧୨:୩୩ ୧୨:୩୩ ହେବପିନାୟି    ✱ ୧୨:୩୪ ୧୨:୩୪ ଲୁକ ୧୦:୨୫-୨୮    † ୧୨:୩୯ ୧୨:୩୯ ସିନଗର୍    ‡ ୧୨:୪୨ ୧୨:୪୨ ରୀ ଡ଼ଣା ତାମ୍ବାତି ଆଦଲି, ରୀ ଆଟାଅଣା ର ଗାକାତି କାଜା ଆଦଲି ସମାନା, ଏଦି ଗ୍ରିକ୍ ତଲେ ଡ଼ଣା ଆଦଲିତି “ଲେପଟସ୍” କାଜା ଆଦଲିତି “କତ୍ରାନ୍‌ଟସ୍” ଇନେରି ।

ହିଲୀଆବେଲାତା ତାଙ୍ଗେ ନୀତାଲି ତାଙ୍ଗେ ଏନାୟି ମାଟେ, ଏ ବାରେ ମେଡ଼ହାମାନେ ।”

### ୧୩

ପ୍ରାତାନା ଇଲୁ ନସ୍ତୁ ଆନାଣି ଜୀସୁ ଖେହ୍ନାୟି  
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଗାଟି ତାନି ସୀସୁୟା ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମେହ୍ନୁ ଏନିଲେହେତି ଅଜିତି ଖାଲକା ଅଡ଼େ ଏନିଲେହେତି ଅଜିତି ମେଡ଼ା ଇଲକା !”

୨ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଏନାଆଁ ଇ କାଜା ମେଡ଼ା ମେସିମାଞ୍ଜି ? ର ଖାଲି ଅର ଖାଲି ଲାକ ଡ଼ୟେଏ, ବାରେ ମେଣ୍ଡାଙ୍ଗାହାନୁ ।”

କସ୍ତୁ ଅଡ଼େ ସାସ୍ତି କାତା ଖେହ୍ନାୟି  
(ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାତାନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆହିୟୁ ତାନି ତାଣା ମେଣେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ୪ ଅଡ଼େ ଆମିନି ବେଲାତା ଇ ବାରେ ଗଟଞ୍ଜି ଆନେ ଏ ବେଲାତି ସିନା ଏନାୟି, ଏଦାଆଁ ମାଙ୍ଗେ ଖେସ୍ତାମୁ ।”

୫ ଏମାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକି ମିଙ୍ଗେ ନାଡ଼ି କିୟଅସି । ୬ ହାରେକା ନା ଦରୁତଲେ ଖାହାନା, ‘ନାନୁ ଏଞ୍ଜାତେଏଁ’ ଇଞ୍ଜି ହାରେକା ଲକୁଣି ନାଡ଼ି କିନେରି । ୭ ସାମା ମୀରୁ ଏଚିବେଲା ଜୁଜୁତି କାତା ଅଡ଼େ ଗଡ଼ହାତି ହାଡ଼ା ଖେଞ୍ଜେରି, ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲା ଜିକେଏ ଜୁଗୁ ରାନାୟି ଆଏ । ୮ ଇଚିହ୍ନି ଦେସା କପାଟି ଦେସା, ରାଜି କପାଟି ରାଜି ନିଙ୍ଗନେ, ବାରେଖାକି ବୁମି ଖାଡ଼ିନେ ଅଡ଼େ କାଡ଼ାରା ଆନେ; ଇ ବାରେ କକାରି ପଦାୟା ଆନାଟି ଲୁଞ୍ଜିନି ବାସା ଲେହେଁ ।”

୯ \*ସାମା ମୀରୁ ମିଙ୍ଗେ ତାକି ଜାଗ୍ରାତା ଆହାମାଞ୍ଜୁ; ଲକୁ ମିଙ୍ଗେ ନୀହାୟି କିନି ତାଣା ଦସାନା ଅୟାନେରି, ଅଡ଼େ ମିଙ୍ଗେ ଜୀହୁଦି ଲକୁତି କୁଟମି ଇଲକାଣା\* ଖେତାନେରି, ଇଞ୍ଜା ନା ତାକି ସାଲଞ୍ଜି କିନାରି ତାଣା ରାଜାୟା ନକିତା ନିଦେରି, ଏଞ୍ଜାରି ନକିତା ସାକି ଆଦେରି । ୧୦ ଇଞ୍ଜା ବାରେ କୁଡ଼ା ନକିତା ନେହ୍ନି କାଟୁ ନକେଏ ଖେସ୍ପି ଆନେ । ୧୧ ଇଞ୍ଜା ଏଚିବେଲା ଲକୁ ମିଙ୍ଗେ ଅହାନା ହେରପାନେରି, ଏଚିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ ଅଣପାଆଦୁ, ସାମା ଏ ବେଲାତା ମିଙ୍ଗେ ଏନାଆଁ ଜଲଲି ହୀପକିଆନେ

ଏଦାଆଁ ଖେହ୍ନୁ; ଇଚିହ୍ନି ମୀରୁ ଜଲିନାତେରି ଆଏ ସାମା ସୁଦୁଜୀଞ୍ଜୁ ଜଲିନାୟି । ୧୨ ତାୟି ତାୟିଇଁ ଅଡ଼େ ତାଞ୍ଜି ମୀରୁଏଣାଇଁ ହାହାଲି ତାକି ହେରପାନେରି; ଇଞ୍ଜା ମୀରକା ତାଲି ତାଞ୍ଜି କପାଟି ନିଙ୍ଗନା ଏଞ୍ଜାଣାଇଁ ପାୟିନେରି; ୧୩ \*ଅଡ଼େ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି; ସାମା ଆମ୍ବାଆସି ରାଜି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲପି ଆନେସି ।

ନାସା ଆନି କାଲମି  
(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହ୍ନଦେରି (ପଡ଼ଞ୍ଜି ଆନାରି ତେଲହାପେରି) ଏଚିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣ୍ଡପେରି; ୧୫ \*ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରା ଖାହାନା ଏନି ଦିଶସୁ ଅହାଲି ରେଚା ଖାଆପେସି କି ବିତ୍ରା ହାଲାଆପେସି; ୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ବରି ଅହାଲି ଖେଣ୍ଡେ ଖାଆପେସି । ୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜା ପାଲୁ ଡ଼ହ୍ନିମାନୁ, ଏ ଦିନା ଆୟତା ଏଞ୍ଜି ଏଚେକା କସ୍ତୁ ବେଟାଆନୁ । ୧୮ ସାମା ଏଦି ଏନିକି ପେନି ବେଲାତା ଆଏ ଏଦାଆଁତାକି ପ୍ରାତାନା କିଦୁ । ୧୯ \*ଇଚିହ୍ନି ଏ କାଲାତା ଇଲେତି କସ୍ତୁ ଖାନେ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକି ଆହା ହିଲେଏ, ଇଞ୍ଜା ଏଲେକି ଏଚେଲାଞ୍ଜା ଆଏ । ୨୦ ସାମା ପ୍ରବୁ ଏ ଲାଗେଏତି କାଲାଇଁ ଡ଼ଣା କିହାମାନେସି । ଏଲେ କିହାହିଲାଆତମା, ଏଦି ଏମ୍ବାଟି ଆମ୍ବାଆରି ଗେଲପି ଆଆତେରିମା । ତାନି ଆଡ଼ଞ୍ଜିଆଡ଼ି ଲକୁତାକି ଏ କାଲା ଡ଼ଣା କିହାମାନେସି ।

୨୧ “ଏଚିବେଲା ‘ମେହ୍ନୁ କ୍ରୀସ୍ତ ଇମ୍ବାଆଁ’ ଅଡ଼େ ଏମ୍ବାଆଁ ଇଞ୍ଜି ଲକୁ ମିଙ୍ଗେ ଖେସ୍ତାନେରି, ଆତିହ୍ନି ମୀରୁ ଏଦାଆଁ ନାମାଆଦୁ । ୨୨ ନାଡ଼ିକିନି କ୍ରୀସ୍ତ ଅଡ଼େ ମାହାପୁରୁ ବଲୁ ମିଟି ଖେହ୍ନାରି ନିଙ୍ଗନା ଇଲେତି ସିନା ଅଡ଼େ କାବାଆନି କାମାୟା ତହ୍ନେରି, ଆଡ଼ିତିହ୍ନି, ଆଡ଼ଞ୍ଜିଆଡ଼ି ଲକୁଣି ଜିକେଏ ନାଡ଼ି କିନେରି । ୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଇଁ ।

ମାଣ୍ଡସି ମୀରୁଏସି ଖେଣ୍ଡେ ଖାନ୍ଦାୟି  
(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ \*ସାମା ଏ ବେଲାତି ଏ କସ୍ତୁ ତାୟୁ ଖେଡ଼ା ଆନେରି ଆନେ ଅଡ଼େ ଲେଞ୍ଜୁ ଡ଼ଜେଡ଼ି ହୀଏ,

\* ୧୩:୯ ୧୩:୯ ମାତି ୧୦:୧୭-୨୦; ଲୁକ ୧୨:୧୧,୧୨ \* ୧୩:୯ ୧୩:୯ ସିନଗର \* ୧୩:୧୩ ୧୩:୧୩ ମାତି ୧୦:୨୨ \* ୧୩:୧୫ ୧୩:୧୫ ଲୁକ ୧୭:୩୧ \* ୧୩:୧୯ ୧୩:୧୯ ଖେ ବଲୁ ୭:୧୪ \* ୧୩:୨୪ ୧୩:୨୪ ଖେ ବଲୁ ୭:୧୨ \* ୧୩:୨୫ ୧୩:୨୫ ଖେ ବଲୁ ୭:୧୩

୨୫ \*ହୁକାୟାଁ ହାଗୁଟି ତରଗାଲି ମାଟୁନୁ ଅଡ଼େ ହାଗୁ ଲାକଟି ବାଡ଼ୁୟୁ ବାରେ କିଲିବିଲି ଆନେ ।  
 ୨୬ \*ଏଚିବେଲା ଲକୁ ମାଣସି ମୀରୁଏଣାକ୍ କାଜା ବାଡ଼ୁୟୁଟି କାଜାପାଣା ତଲେ ହାଗୁ ଲାକଟି ଖାନାଣି ମେହନେରି । ୨୭ ଏଚିବେଲା ଏଝାସି ଦୁଡୁୟାଁଣି ପାଣ୍ଡାନା ଦାରତି ମୁଟପେତି ସାରିଝାକିଟି ତାନି ଆଚାମାନି ଲକୁଣି ରୁଣ୍ଡା କିନେସି ।

**ତୟା ମାରୁନୁଟି ଜାପିନାୟି**  
 (ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାରୁନୁ ପୁଣ୍ଡି କିନି କାତାଟି ଜାପାଦୁ । ଏଚିବେଲାତା ଏ ମାରୁନୁତା କଡ଼ଗି କମାୟାଁ ଅଡ଼େ ଗଞ୍ଜେଡ଼ି ଗାଲୁନୁ, କାରା କାଲମି ଖାଡ଼େ ଇଞ୍ଜି ପୁଞ୍ଜେରି । ୨୯ ଏଲେକିହିଁ ଏ ମୀରୁ ଜିକେଏ ଇ ବାରେ ମେସିସାରେ ଏଝାସି ଦୁଝେରି ତାଗେ ମାନେସି ଇଞ୍ଜି ପୁଞ୍ଜେରି । ୩୦ ନାନୁ ମିଙ୍ଗେ ସାତା ଝେସିମାଞ୍ଜାକ୍ ଇ ବାରେ ଆଆପାତେକା ଇ କାଲାଟି ଲକୁ ଏନିଜିକେଏ ମେଣ୍ଡାକ୍ ଅରି । ୩୧ ହାଗୁପାକା ଦାରତି ବାରେ ମେଣ୍ଡାକ୍ ନେ, ସାମା ନା ବଲୁ ଏଚେଲାଝା ମେଣ୍ଡାକ୍ ଏ ।”

**ଆମ୍ବାଆସି ଇ ଦିନା ଅଡ଼େ ବେଲାଟି ପୁନଅସି**  
 (ମାତି ୨୪:୩୬-୪୪)

୩୨ \*ସାମା ଏ ଦିନା କି କାଲାଟି କାତା ଆମ୍ବାଆରି ପୁନଅସି, ଲାକପୁରୁଟି ଦୁଡୁୟାଁ କି ମୀରୁଏସି ଜିକେଏ ପୁନଅସି, ଝାରଇ ଆବାଦେଁ ପୁନେସି । ୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇଚିହିଁ ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅତେରି । ୩୪ \*ଏଦି ଇଲେକିହିଁ, ର ମାଣସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହୀତେସି ଇଞ୍ଜା ଦୁଝେରିତା କାଚାଲି ଜିକେଏ ହୁକୁମି ହୀତେସି । ୩୫ ଏଦାଆଁତାକି କାଚାନା ତୟାମୁ; ଇଚିହିଁ ନାନୁ ପୁଞ୍ଜାହିଲଅତି ଇଲୁଟି ସାଝୁକାରି ଏଚେଲା ଝାନେସି, ମିଡ଼ଅଲା କି ମାଦି ଲାଆଁୟାଁ, ଝେୟାଆ ନକେଏ କି ଝେଡ଼ା ହନି ବେଲାତା ଏଝାସି ଝାନେସି । ୩୬ ଏଝାସି ଦେରୁଣିଏ ଝାଡ଼ିସାରେ ମୀରୁ ହୁଞ୍ଜାମାନାଣି ମେସାଆପେସି । ୩୭ ନାନୁ ମିଙ୍ଗେ ଏନାଆଁ ଝେସିମାଞ୍ଜାକ୍, ଏଦାଆଁ ବାରେତି ଝେସିମାକ୍, ଜାଗ୍ରାତା ମାଞ୍ଜୁ ।

**୧୪**

**ଜୀସୁକ୍ ଆସାଲି ପାରୁ ପାରିନାୟି**  
 (ମାତି ୨୬:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସପିଆନି ପାରୁ ଇଞ୍ଜା ପୁଲାଏୟୁ ଆଣ୍ଡାଆତି ରୁଟି ତିନି ପାରୁ ଆହାଲି ରୀ ଦିନା ମାଚେ ।

ଏଚିବେଲାତା କାଜା ପୂଜେରାଙ୍ଗା ଇଞ୍ଜା ମେରା ପୁନାରି ଏନିକିଁ ଏଝାଣାକ୍ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି । ୨ ଇଚିହିଁ ଏଝାରି ଏଲେଇଚେରି, “ପାରୁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।”

**ବେତନିୟାଁତା ଜୀସୁ ତାୟିଁ ତୁ ନିୟୁଁ ଝାକ୍ନାୟି**  
 (ମାତି ୨୬:୬-୧୩; ଜହ ୧୨:୧-୮)

୩ ଜୀସୁ ବେତନିୟାଁତା କାଜା ରଗଗାଟି ସିମନ ଇଜ ଡିଞ୍ଜାଲି କୁଗାମାଚାଟି ର ଇୟା ର ଗାଜୁତା ହାଚେକା ଦାରାତି ଗାନ୍ଦା ନିୟୁଁ ତାଚାନା ଗାଜୁତି ଦେତାନା ଜୀସୁ ତାୟିଁ ତୁ ଝାକ୍ନାଲି ମାଟୁହେ । ୪ ସାମା ଏଚେକା ଲକୁ କାରୁବି ଆହାନା, ତାମ୍ବୁ ତାମ୍ବୁ ଝେସପି ଆଡ଼େରି, “ନିୟୁଁ ଏନାଆଁତାକି ନସ୍ତୁ ଆଡ଼େ ? ୫ ଇ ନିୟୁଁ ସାଡ଼ାକଡ଼ି ଦସଟାକା କିହାଁ ଆଗାଡ଼ା ପାରୁପି ଆହାନା ହାକି ଗାଚାରାକି ହୀପକି ଆହାଲି ଆଡ଼ିତେମା” ଏଦାଆଁତାକି ଏଝାରି ଏ ଇୟାନି ଲାଗାଲି ମାଟୁହେରି ।

୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ; ଏନାଆଁତାକି କସ୍ତୁ ହୀହିମାଞ୍ଜେରି ? ଏଦି ନାଙ୍ଗେତାକି ନେହିଁ କିହାମାନେ । ୭ ଇଚିହିଁ ହାକି ଗାଚାରି କାଚେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଚେତା ମନ ଏଚେତା ଏଝାରି ସାୟେମି କିହାଲି ଆଡ଼ିଦେରି; ସାମା ନାନୁ କାଚେଏ ମୀ ତାଣା ତୟଅଁ । ୮ ଏଦି ଏନାଆଁ ଆଡ଼ିନାୟି ମାନେ ଏଦାଆଁ କିହାମାନେ; ଏଦି ନା ଆଙ୍ଗାଟି ମୁସାଲି ତାକି ତଲିଏ ନିୟୁଁ ଝାକ୍ନାହାନା ତିୟାରା କିହାମାନେ । ୯ ନାନୁ ମିଙ୍ଗେ ସାତା ଝେସିମାଞ୍ଜାକ୍, ବାରେ ଦାରତିତା ଆମ୍ବିୟା ଜିକେଏ ନେହିଁ କାରୁ ଝେକ୍ନେରି, ଏ ଚାୟୁତା ଇ ଇୟାନି ଅଟାପାଲିତାକି ଏଦାନି ଇ କାମାତି କାତା ଜିକେଏ ଝେସପି ଆନେ ।”

**ଜୀହୁଦା ଜୀସୁ ଆସପି କିହାଲି ରାଜି ଆନାୟି**  
 (ମାତି ୨୬:୧୪-୧୬; ଲୁକ ୨୨:୩-୬)

୧୦ ଏମ୍ବାଟିଏ ବାରଜାଣା ବିତାଟି ଇୟାରିୟତ ଜୀହୁଦା ଦରୁଗାଚାସି ରଅସି ଜୀସୁକ୍ କାଜା ପୂଜେରାଙ୍ଗା କେୟୁତା ହେରପାଲି ଏଝାରିତାଣା ହାଚେସି । ୧୧ ଏଝାରି ଏଦାଆଁ ଝେଞ୍ଜାନା ରାହାଁ ଆଡ଼େରି, ଇଞ୍ଜା ଏଝାଣାକି ଟାକାୟାଁ ହୀହାଲି ଆଞ୍ଜିତେରି, ଏମ୍ବାଟିଏ ଏଝାସି ଏଝାଣାକ୍ ଆସପି କିହାଲି ନେହିଁ ପାରୁ ପାରିତେସି ।

**ତାନି ସୀସୁୟାଁ ତଲେ ପିସପିଆନି ପାରୁଟି ବଜି**  
 (ମାତି ୨୬:୧୭-୨୫; ଲୁକ ୨୨:୬-୧୪, ୨୧-୨୩; ଜହ ୧୩:୨୧-୩୦)

୧୨ ତାୟୁ ପୁଲାଗୁଣ୍ଡା ଆଣ୍ଡାଆତି ରୁଟି ତିନି ପାରୁଟି ମଲୁ ଦିନାତା ଆମିନି ନେଚୁ ପିସପିଆନି ପାରୁଟି ମେଣ୍ଡା ତାଲୁଟି ହେରପିଆନେ, ଏ ଦିନା ତାନି

☆ **୧୩:୨୬** ୧୩:୨୬ ଝେ ବଲୁ ୧:୬ ☆ **୧୩:୩୨** ୧୩:୩୨ ମାତି ୨୪:୩୬ ☆ **୧୩:୩୪** ୧୩:୩୪ ଲୁକ ୧୨:୩୬-୩୮

ସୀସୁୟାଁ ଏଝାଣାଇଁ ଝେଚେରି, “ମାମୁଁ ହାଜାନା ଆମିନି ଚାୟୁତା ନିଜେତାକି ପିସ୍ପିଆନ୍ତି ପାରୁତି ବକ୍ତି କିନମି ଇଞ୍ଜିଁ ନାନୁ ଅଣ୍ଡପିମାଞ୍ଜି ?”

୧୩ ଏମ୍ବାଟିଏ ଏଝାସି ତାନି ସୀସୁୟାଁ ବିତ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମୀରୁ ଗାଡ଼ାତା ହାଜୁ ଇଞ୍ଜା ଏମୁ ଡକା ଅହିମାନି ରଅସି ମିଜେ ବେଟାଆୟାନେସି; ଏଝାଣି ଜେଚ ଜେଚ ହାଜୁ; ୧୪ ଏଝାସି ଆମିନି ଇଜ ହଡ଼ନେସି, ଏ ଇଲୁ ଗାଟାଣାଇଁ ଝେଞ୍ଜୁ, ‘ଗୁରୁ ଝେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆମିନି ଚାୟୁତା ପିସ୍ପିଆନ୍ତି ପାରୁତି ବକ୍ତି କିହାଲି ଆନେ ଏ ବାକ୍ରା ଆମିନାୟି ?’ ୧୫ ଏଚେଟିଏ ଏଝାସି ମିଜେ ନେହଁକଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ରା ତସ୍ତାନେସି; ଏମ୍ବାଆଁ ମାଜେତାକି ରାନ୍ଦା ଝାଜାଦୁ ।”

୧୬ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହଚେରି, ଇଞ୍ଜା ଏଝାସି ଏଝାରାଇଁ ଏନିକଁ ଝେସାମାଚେସି, ଏଲେକଁ ମେସାନା ପିସ୍ପିଆନ୍ତି ପାରୁତି ବକ୍ତି ଝାଜିତେରି ।

୧୭ ମିଡ଼ଅଲିଆ ଆହାଲିଏ ଜୀସୁ ବାରେଜାଣା ସୀସୁୟାଁ ତଲେ ଝାଚେସି । ୧୮ ଏଝାରି କୁଗାନା ରାନ୍ଦା ତିଞ୍ଜି ମାଚାଟି ଜୀସୁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ମୀ ବିତ୍ରାଟି ରଅତେରି ନାଜେ ସାତୁ କେୟୁତା ହେରପାଦେରି ।”

୧୯ ଏମ୍ବାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଝେଞ୍ଜାଲି ମାଟ୍‌ହେରି, “ନାନୁ ଏଝାଚେଏଁ କି ?”

୨୦ ଜୀସୁ ଏଝାରାଇଁ ଏଲେଇଚେସି, “ବାରେଜାଣା ବିତ୍ରାଟି ରଅସି, ଆମ୍ବାଆସି ନା ତଲେ ସାଡ଼ଝାତା କେୟୁ ମେଡ଼ହି ମାନେସି । ୨୧ ମାଣସି ମୀରଏଣା କାତା ଏନିକଁ ରାସ୍‌କି ଆହାମାନେ, ଏଲେକିହଁ ଏ ହାନେସି ସାତା, ସାମା ଆମିନି ଲକୁ ତାଣାଟି ମାଣସି ମୀରଏସି ସାତୁ କେୟୁତା ହେରପିଆନେସି, ଆୟତା ଏଝାଣି ତଣ୍ଡ ! ଏ ଲକୁତି ଜାନା ଆହାହିଲିଆତିହଁ ଏଝାଣାକି ନେହେଁ ଆଡେମା ।”

**ପ୍ରବୁତି ବକ୍ତି**

(ମାତି ୨୬:୨୬-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଚାଟି ଜୀସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ଡିକହା ହାହାନା ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆଙ୍ଗା ।”

୨୩ ଇଞ୍ଜା ଏଝାସି ଗହନି ସଲ୍ଲା ଆସାନା ମାହାପୁରୁଇଁ ଜହରା କିହାଁ ଏଝାରାକି ହାତେସି, ଇଞ୍ଜା ବାରେଜାଣା ଏଦାଆଁ ଗସ୍ତେରି । ୨୪ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ଆମିନି ରାଜିମାନା ନେତେରି ହାରେକା ଲକୁତାକି ଝାଙ୍ଗାମାନେ, ଇଦି ଏ

ନା ନେତେରି । ୨୫ ନାନୁ ମିଜେ ସାତା ଝେସିମାଞ୍ଜାଇଁ, ଆମିନି ଦିନା ମାହାପୁରୁଟି ରାଜିତା ପୁଃନି କିହଁ ଅଙ୍ଗୁରି ପାଡ଼େୟିତି ରାସା ଗହଇଁ ଏ ଦିନା ପାତେକା ଇଦାଆଁ ଅଡେ ନାନୁ ଏଚେଲା ଗହଅଁ ।”

୨୬ ଇଞ୍ଜା ଏଝାରି ଜହରା ପାରୁ ପାଡ଼ିତି ତାୟୁ ଜୀତ ହରୁତା ହଡ଼ା ହାଚେରି ।

**ପିତର ଜୀସୁଇଁ ପୁଞ୍ଜାହିଲଅଁ ଇନି କାତା**

(ମାତି ୨୬:୩୧-୩୫; ଲୁକ ୨୨:୩୧-୩୪; ଜହ ୧୩:୩୬-୩୮)

୨୭ ଏଚିଚେଲା ଜୀସୁ ଏଝାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହଁ ରାସ୍‌କି ଆହାମାନେ, ନାନୁ ମେଣ୍ଡା ଗଡ଼ୁ ପାୟିଇଁ ଇଞ୍ଜା ମେଣ୍ଡାୟାଁ ଆଲାରା ଆହାହାନୁ । ୨୮ ଝାମା ନାନୁ ହାହାନା ଝେଣ୍ଡେ ନିଜିତି ତାୟୁ ମୀ ନକିତା ଗାଲିଲିତା ହାଇଁ ।”

୨୯ ଏମ୍ବାଟିଏ ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡେ ନିଜେ ଏଚେଲା ପିସ୍ତଅଁ ।”

୩୦ ଜୀସୁ ପିତରଇଁ ଏଲେଇଚେସି, “ନାନୁ ନିଜେ ସାତା ଝେସିମାଞ୍ଜାଇଁ, ନୀଞ୍ଜୁ ଇ ଲାଆଁୟା କୟୁ ରୀ ଦେବା କେଣ୍ଡାଆ ମାନାଟିଏ, ନାନୁ ଏଝାଣାଇଁ ପୁଞ୍ଜାହିଲଅଁ ଇଞ୍ଜିଁ ତାନିପାଲି ଏଲେଇଞ୍ଜି ।”

୩୧ ସାମା ପିତର ଆଡ଼ଝା ତଲେ ଏଲେଇଚେସି, “ନାଜେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଜେ ଏଚେଲା ପୁଞ୍ଜାହିଲଅଁ ଇଞ୍ଜିଅଁ ।” ଇଞ୍ଜା ବାରେଜାଣା ଜିକେଏ ଏଲେଇଚେରି ।

**ଜୀସୁ ଗେଡ଼ସିମନିତା ପ୍ରାତାନା କିନାୟି**

(ମାତି ୨୬:୩୬-୪୬; ଲୁକ ୨୨:୩୯-୪୬)

୩୨ ତାୟୁ ଏଝାରି ଗେଡ଼ସିମନି ଇନି ର ଚାୟୁତା ଝାଡ଼େରି, ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ନାନୁ ପ୍ରାତାନା କିହିମାନି ପାତେକା ଇମ୍ବାଆଁ କୁଗାନା ମାଞ୍ଜୁ ।” ୩୩ ଇଞ୍ଜା ଏଝାସି ପିତର, ଜାକୁବ ଅଡେ ଜହନଇଁ ତାନିତଲେ ଅଡେସି । ଏଝାସି ହାରେକା ଦୁକୁତି କସ୍ତ ତାକି କିଲିବିଲି ଆଡେସି । ୩୪ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ନା ଜୀସୁ ହାନ୍ତିଲେହେଁ ହାରେକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ବାଆଁ ତେଃଏଲାନା କାଟାମାଞ୍ଜୁ ।”

୩୫ ଜୀସୁ ନକିତା ହାଜାନା ବୁମିତା ମୁନୁ କୁତିଚେସି, ଅଡେ ଆହାଲି ଆଡ଼ିତିହଁ, ଏ ଦୁକୁ ଏଝାଣି ତାଣାଟି ଏନିକଁ ହେକ ଆନେ, ଏଦାଆଁତାକି ପ୍ରାତାନା କିଚେସି । ୩୬ ଇଞ୍ଜା ଜୀସୁ ଏଲେଇଚେସି, “ଆବା, ନାନୁ ବାରେଏ କିହାଲି ଆଡ଼ିଦି; ଇ କସ୍ତ ବାଦା ନା ତାଣାଟି ହେକ କିମ୍ବୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ ।”

✦ ୧୪:୨୮ ୧୪:୨୮ ମାତି ୨୮:୧୭



୩୭ ଇଞ୍ଜା ଏଝାସି ଖାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନୀନୁ ତୁରିତିକି ? ଗାଡ଼େକା ଜିକେଏ କାଚାଲି ଆଡାଆତେରି ? ୩୮ ଏଦାଆଁତାକି କାଚାନା ପ୍ରାତାନା କିଦୁ; ଏନିକିଁ ମୀରୁ ପାନ୍ଦାତା ହେରଅତେରି, ମନ ମାନେ ସାତା, ଆଙ୍ଗାତା ବାଡ଼ୁରୁ ହିଲେଏ ।”

୩୯ ଏଝାସି ଅଡ଼େ ଖେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି । ୪୦ ଅଡ଼େ ଖେଣ୍ଡେ ଖାହାନା ଏଝାସି ଏଝାରାଇଁ ଇଦା କିହାମାନାଣି ମେସ୍ତେସି, ଇଚିହୁଁ ଏଝାରି କାଣକା ପଜୁଝି ଆହିମାଚୁ, ଇଞ୍ଜା ଏଝାରି ଏଝାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡାଆତେରି ।

୪୧ ଜୀସୁ ତାନି ଦେବା ଖାହାନା ସୀସୁୟାଁଇଁ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଡ଼େୟିଏ, ଏ ବେଲା ଏଗାଝାହିମାନେ; ମେହୁଦୁ ମାଣସି ମୀରୁଏସି ସାତୁୟାଁ କେୟୁତା ହେରପି ଆହିମାନେସି । ୪୨ ନିଙ୍ଗାଦୁ, ମାର ହାନ, ମେହୁଦୁ ଆମ୍ବାଆସି ନାଙ୍ଗେ ସାତୁୟାଁ କେୟୁତା ହେରପାନେସି ଏଝାସି ଏଗାଝାଡ଼େସିଏ ।”

**ଜୀସୁ ସାତୁ କେୟୁତା ହେରପି ଆନାୟି**

(ମାତି ୨୨:୪୭-୫୨; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଖେସିମାଟି ବେଲାତା, ବାରଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଙ୍ଗା, ମୋରା ପୁନାରି ଇଞ୍ଜା ଲକୁତି କାଜାରି ତାଣାଟି କାଣ୍ଡା ଟେଙ୍ଗା ଆସାନା ଖାଡ଼େରି । ୪୪ ଜୀସୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଇ ସିନା ଖେସାମାଚେସି, “ନାନୁ ଆମ୍ବାଆରାଇଁ ନଶ୍ଟିଇଁ ଏଝାସିଏ ଏଝାସି । ଏଝାଣାଇଁ ଦସାନା ଜାଗ୍ରାତା ତଲେ ଅଦୁ ।”

୪୫ ଇଞ୍ଜା ଏଝାସି ଏ ଦେବୁଣିଏ ଏଝାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଝାଣାଇଁ ନଶ୍ଟିତେସି । ୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅଡ଼େରି । ୪୭ ସାମା ତାଗେ ନିଚାମାଟି ଲକୁ ବିତ୍ରାଟି ରଅସି କାଣ୍ଡା ହପୁହେସି ଇଞ୍ଜା କାଜା ପୂଜେରା ହଲେଏଣା କିୟୁଁ ଦୁାଡ଼େସି । ୪୮ ଜୀସୁ ଏଝାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡ଼େ ଟେଙ୍ଗା ଆସାନା ମୀରୁ ନାଙ୍ଗେ ଆସାଲି ଖାଡ଼େରି ? ୪୯ ନାନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପୁହି ମାଞ୍ଜାତେଏଁ, ସାମା ମୀରୁ ନାଙ୍ଗେ ଆସାଆତେରି; ସାମା ଦାମ୍ବୁ ପଡ଼ିତି ରାସୁକି ଆଡ଼ି ବଲୁ ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ ।”

୫୦ ଏଚିବେଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହାଚେରି ।

୫୧ ର ଦାଂଗଣା କକାସି ର ହିମ୍ବୁରି ପିଡ଼ଗାହାଁ ଜୀସୁ ଜେତ ଜେତ ହାଜିମାଚେସି; ଏଝାରି ଏଝାଣାଇଁ ଆସାଲି ହାଜାଲିଏ, ୫୨ ଏଝାସି ଏ ପାଡାଡା ହିମ୍ବୁରି ପିସାନା ଖାରଇ ଆଙ୍ଗାଟି ହଟାଡୁସ୍ତେସି ।

**ଜୀସୁଇଁ ବେରଣିମାଣ୍ଡାତା ନୀହାୟି କିନାୟି**

(ମାତି ୨୬:୫୭-୬୮; ଲୁକ ୨୨:୫୪-୫୫, ୬୩-୬୧; ଜହ ୧୮:୧୩-୧୪, ୧୯-୨୪)

୫୩ ତାୟୁ ଏଝାରି ଜୀସୁଇଁ କାଜା ପୂଜେରା ନକିତା ଅଡ଼େରି, ଇଞ୍ଜା କାଜା ପୂଜେରା, ଲକୁତି କାଜାରି ଅଡ଼େ ମୋରା ପୁନାରି ବାରେ ଖାହାନା ରୁଣ୍ଡା ଆଡ଼େରି । ୫୪ ପିତର ହେକ ମାଞ୍ଜାନା ଏଝାଣି ଜେତ ଜେତ କାଜା ପୂଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଙ୍ଗା ତଲେ କୁଗାନା ହିରୁ କେରୁଞ୍ଜି ମାଚେସି । ୫୫ ଏମ୍ବାଟିଏ କାଜା ପୂଜେରାଙ୍ଗା ଇଞ୍ଜା ବେରଣି ମାଣ୍ଡାତି ବାରେଜାଣା ଜୀସୁଇଁ ପାୟାଲି ଏଝାଣି କପାଟି ସାକିୟାଁ ପାରିତେରି, ସାମା ଏନି ଦହ ବେଟାଆଆତେରି; ୫୬ ଇଚିହୁଁ ହାରେକା ଏଝାଣି କପାଟି ମିଟି ସାକିୟାଁ ହାତି ଜିକେଏ ଏଝାରି ହାତି ସାକି ଆଣ୍ଡାଆତେ ।

୫୭ ତାୟୁ ଏଚରଜାଣା ହଟାନା ଏଝାଣି କପାଟି ମିଟି ସାକି ହାହାନା ଏଲେଇଚେରି, ୫୮ “ମାମ୍ବୁ ଲୁଝାଣାଇଁ ଇ କାତା ଖେସିମାଚାଣି ଖେଞ୍ଜାମାନମି, ନାନୁ ଇ କେୟୁଟି କେପିତି ପ୍ରାତାନା ଇଲୁତି ଡିକହାନା ତାନିଦିନା ବିତ୍ରା ଅଡ଼େ ମାଣସି କେପାଆତି ପ୍ରାତାନା ଇଲୁ କେପିଇଁ । ୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆତେ ।”

୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଇଁ ଖେଚେସି, “ନୀ କପାଟି ଇଝାରି ଆମିନି ସାକି ହାହିମାନେରି, ଖେଣ୍ଡେ ଜଲାଇଁ ଏନି କାତା ହିଲେଏ କି ?”

୬୧ ସାମା ଏଝାସି ପାଲେଏ ଆହାନା ଏନି କାତା ଜଲାଇଆତେସି, କାଜା ପୂଜେରା ଅଡ଼େ ଖେଣ୍ଡେ ଏଝାଣାଇଁ ଖେଚେସି, “ନୀନୁ କି ମାନିଗାଟି ମାହାପୁରୁ ମୀରୁଏଣାଟି କ୍ରୀସୁ ?”

୬୨ ଜୀସୁ ଏଲେଇଚେସି, “ନାନୁ ଏଝାତେଏଁ, ମୀରୁ ମାଣସି ମୀରୁଏଣାଇଁ ବାଡ଼ୁରୁଗାଟି ଟିଝନିଝାକି କୁଗାମାନାଣି ମେହୁଦେରି ଇଞ୍ଜା ହାଗୁ ଦୁନ୍ଦ୍ରାଟି ଖେଣ୍ଡେ ଖାନାଣି ମେହୁଦେରି ।”

୬୩ ଏଚେଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇଚେସି, “ମାଙ୍ଗେ ଅଡ଼େ ଏନି ସାକିୟାଁ ଲଡ଼ା ହିଲେଏ । ୬୪ ମୀରୁ ମାହାପୁରୁ ନିନ୍ଦା ଖେଚେରି; ମୀ ଅଣ୍ଡୁଏ ନୀୟି ?”

ଏମ୍ବାଟିଏ ବାରେଜାଣା ଏଝାସି ହାନି ତଣ୍ଡ ବେଟାଆପେସି ଇଞ୍ଜା ଏଲେଇଚେରି ।

୬୫ ଇଞ୍ଜା ଆମ୍ବା ଆମ୍ବାଆରି ଏଝାଣିଲକ ହୁପିତେରି ଇଞ୍ଜା ଏଝାଣି କାଣକା ପଜାନା ଏଝାଣାଇଁ ଖେଚାନା ଖେଚେରି, “ମାହାପୁରୁ ଅଣ୍ଡୁପୁତି ବଲୁ ଖେହନାଟି

☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

ଆତ୍ମାଆସି ନିଜେ ଖେତାଦେସି, ଖେସ୍ତାମ୍ନୁ !” ଜାମାନାଜା ଜିକେଏ ଆସାନା ସାପ୍ତା ଖେଟିହିଁ ଅଡ଼େରି ।

ପିତର ଜୀସୁଇଁ ପୁଞ୍ଜାହିଲଅଁ ଇନାୟି

(ମାତି ୨୭:୨୯-୩୫; ଲୁକ ୨୨:୫୬-୬୨; ଜହ ୧୮:୧୫-୧୮,୨୫-୨୭)

୨୭ ଏମ୍ବାଟିଏ ପିତର ଆଂଗେଣିତା ମାଟିବେଲତା କାଜା ପୂଜେରା ହଲେଣି ଖାହାନା ପିତର ହିରୁ କେରୁଞ୍ଜି ମାଟାଣି ମେସ୍ତେ, ୨୭ ଇଞ୍ଜା ପିତରଇଁ ସିନିକିହାନା ଏଲେଇଚେ, “ନୀନୁ ଜିକେଏ ନାଜ୍ଜରିତ ଜୀସୁତଲେ ମାଟି ।”

୨୮ ସାମା ଏଝାସି, ନାନୁ ଏଝାଣାଇଁ ପୁଞ୍ଜାହିଲଅଁ, ନୀନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜାହିଲଅଁ, ତାମ୍ନୁ ଏଝାସି ଆଂଗେଣି ଦୁଖେରିତା ହାଚେସି, ରେଟୁଏ କମ୍ପୁ କେଣିତେ ।

୨୯ ଇଞ୍ଜା ଏ ହଲେଣି ଏଝାଣାଇଁ ମେସାନା ଦାରିତା ନିଚାମାନି ଲକୁଣି ଅଡ଼େ ଖେଣ୍ଡେ ଖେସାଲି ମାଟ୍‌ହେ, “ଇଝାସି ଏଝାରି ବିତାଟି ରଅସି ।”

୩୦ ସାମା ଏଝାସି ଅଡ଼େ ଖେଣ୍ଡେ ପୁଞ୍ଜାହିଲଅଁ ଇଚେସି, ଅଡ଼େ ଗାଡ଼କା ଆହାଲିଏ ଦାରିତା ମାଟି ଲକୁ ପିତରଇଁ ଏଲେଇଚେରି, “ନୀନୁ ସାଚେଏ ଏଝାରି ବିତାଟି ରଅତି, ଇଚିହିଁ ନୀନୁ ର ଗାଲିଲି ଲକୁତି ।”

୩୧ ସାମା ଏଝାସି ପାରମାଣା ଇଞ୍ଜା ବାକା ଇଚାନା ଏଲେଇଚେସି, ମୀରୁ ଆମିନି ଲକୁତି କାତା ଖେସିମାଞ୍ଜେରି, ନାନୁ ଏଝାଣାଇଁ ପୁଞ୍ଜାହିଲଅଁ ।

୩୨ ଏ ଦେବୁଣିଏ କମ୍ପୁ ରୀ ଦେବା କେଣିତେ । ଏମ୍ବାଟିଏ କମ୍ପୁ ରୀ ଦେବା କେଣିଆ ନଚେଏ ନୀନୁ ନାଜେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାଚେସି, ଏଦି ଏଝାଣି ମନତା ଖାଚେ, ଇଞ୍ଜା ଏଝାସି ଏ କାତା ଅଣ୍ଡିପିହିଁ ହାରେକା ଡାହାଲି ମାଟ୍‌ହେସି ।

**୧୫**

ପିଲାତ ନକିତା ଜୀସୁ

(ମାତି ୨୭:୧-୨,୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଈ ଖେୟାଲିଏ ବେରଣି ମାଣ୍ଡାତାରି, ଇଚିହିଁ ଲକୁତି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଜା ବେରଣି କିହାନା କାତା ଆଚେରି । ଜୀସୁଇଁ ଦସ୍‌ପା ଅହାନା ପିଲାତ କେୟୁତା ହେରପିଚେରି । ୨ ପିଲାତ ଏଝାଣାଇଁ ଖେଚେସି, “ନୀନୁ କି ଜୀହୁଦି ଲକୁତି ରାଜା ?”

ଜୀସୁ ଏଝାଣାଇଁ ଏଲେଇଚେସି, “ନୀନୁଏ ଏଲେ ଇଞ୍ଜିମାଞ୍ଜି ।”

୩ ଇଞ୍ଜା କାଜା ପୂଜେରାଜା ଜୀସୁ କପାଟି ହାରେକା କାତାୟା ଖେସ୍ତେରି । ୪ ଏମ୍ବାଟିଏ ପିଲାତ ଅଡ଼େ ଖେଣ୍ଡେ ଏଝାଣାଇଁ ଖେଚେସି, “ନୀନୁ

ଏନାଆଁତାକି ଖେସିମାଞ୍ଜଅତି ? ମେହ୍‌ମୁ ଇଝାରି ନୀ କପାଟି ହାରେକା କାତା ଜଲିମାନେରି ।”

\* ସାମା ଜୀସୁ ଏଦି ହାଡ଼ା ଜଲ୍ଲାଆଚେସି, ଏଚେଟିଏ ପିଲାତ କାବା ଆଡ଼େସି ।

ଜୀସୁ ହାନ୍ତି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୨ ସାମା ପାର୍ବୁ ବେଲତା ଲକୁ ଆମିନି କାୟିଦିତା ମାଟାଣାଇଁ ରାସିମାଚେରି, ଏଝାଣାଇଁ ପିଲାତ ଏଝାରି ତାକି ପିସିମାଚେସି । ୩ ଆମିନି ଗଡ଼ହା ଗାଟାରି ଗଡ଼ହା ବେଲତା ଲକୁଣି ପାୟାମାଚେରି, ଏଝାରିତଲେ ବାରବା ଦରୁଗାଟାସି କାୟିଦିତା ମାଚେସି । ୪ ଏଦାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାତିମାଲିଚେରି । ୫ ଏମ୍ବାଟିଏ ପିଲାତ ଏଝାଣାଇଁ ଏଲେଇଚେସି, “ମୀରୁ ଏନାଆଁ ଅଣ୍ଡିପିମାଞ୍ଜେରି ? ନାନୁ ମିଜେତାକି ଜୀହୁଦି ଲକୁତି ରାଜାଇଁ ପିସାହିୟାଇଁ ?” ୧୦ ଇଚିହିଁ କାଜା ପୂଜେରାଜା ଏଝାଣାଇଁ ଡାହାରା ତଲେ ହେରପାମାଚେରି, ଏଦାଆଁ ଏଝାସି ପୁଚେସି ।

୧୧ ସାମା ଏଝାସି ଏନିକିଁ ଏଝାରି ତାକି ବାରବାଇଁ ପିହ୍‌ନେସି, ଏଦାଆଁତାକି କାଜା ପୂଜେରାଜା ଲକୁଣି ଖେସ୍ତେରି । ୧୨ ସାମା ପିଲାତ ଖେଣ୍ଡେ ଏଝାଣାଇଁ ଏଲେଇଚେସି, “ଆତିହିଁ ଆମ୍ବାଆରାଇଁ ଜୀହୁଦି ଲକୁତି ରାଜା ଇଞ୍ଜିଁ ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ ?”

୧୩ ଲକୁ ବାରେ କାଲ୍‌କି ଆହାନା ଏଲେଇଚେରି, “ଏଝାଣାଇଁ ପାସି ଏକ୍‌ଦୁ ।”

୧୪ ଏମ୍ବାଟିଏ ପିଲାତ ଏଝାଣାଇଁ ଖେଚେସି, “ଏନାଆଁତାକି ଏଝାସି ଏଦି ଦହ କିହାମାନେସି ?”

ସାମା ଏଝାରି ଗାଡ଼ି କାଲ୍‌କି ଆହାନା ଏଲେଇଚେରି, “ଏଝାଣାଇଁ ପାସି ଏକ୍‌ଦୁ ।”

୧୫ ଏଚେଟିଏ ପିଲାତ ଲକୁଣି ରାହାଁ କିହାଲି ମନ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜା ଜୀସୁଇଁ ସାଟ୍‌ଣି ତଲେ ଖେପି କିହାନା ପାସି ମୁଣ୍ଡାତା ଏକ୍‌ହାଲି ହେରପିଚେସି ।

କସ୍‌କା ଜୀସୁଇଁ ନିନ୍ଦାକିହିଁ କାକ୍‌ନାୟି

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମ୍ବାଟିଏ କସ୍‌କା ଜୀସୁଇଁ ଆଂଗେଣିଚି ମେଡ଼ା ଇଲୁ ବିତା ଅହାନା ବାରେ କସ୍‌କାଣି ହାଟାନା ରୁଣ୍ଡା କିଚେରି । ୧୭ ଏଝାରି ଏଝାଣାଇଁ ହେୟାଁ ଖାଣା ହିମ୍ବରି ହୁଚିକିଚେରି ଇଞ୍ଜା ହାପ୍‌କା ଟପେରି ଆଲାନା ଏଝାଣି ତାୟୁଁ ତୁା ତୁରୁକି କିଚେରି; ୧୮ ଅଡ଼େ “ଏ ଜୀହୁଦି ଲକୁତି ରାଜା ଜହରା” ଇଞ୍ଜିଁ ଏଝାଣାଇଁ ନିନ୍ଦାକିଚେରି । ୧୯ ଇଞ୍ଜା ଏଝାରି ର ବାଡ଼ଗା ଆସାନା ଏଝାଣି ତାୟୁଁ ତୁା ଖେଚେରି ଇଞ୍ଜା ମେଣ୍ଡାକୁତାନା ଜହରା କିଚେରି । ୨୦ ଏଝାରି ଏଝାଣାଇଁ ଲାଜାକିହିଁ କାକ୍‌ହି ତାୟୁ, ଏ ହେୟାଁ

ଝାଣାଗାଟି ହିମ୍ବର ହୁକହା ଅହାନା ତାନି ହିମ୍ବର ହୁଟିକିତେରି । ଇଞ୍ଜା ଏଝାରି ଏଝାଣାଙ୍କ ପାସି ମୁଣ୍ଡାତା ଏକହାଲି ପାଞ୍ଜାତା ଅଡ଼ତେରି ।

**ଜୀସୁଇଁ ପାସି ଏକନାୟି**

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ ✧ ଏତିବେଲା ଆଲେକଜାଣ୍ଡାର ଇଞ୍ଜା ରୁପତାମି ଆବା ସିମନ ଦରୁଗାଟି ର କୁରିଣିୟ ଲକୁ ନାୟୁଟି ଝାହାନା ଏ ଜିରୁଟି ହାଜିମାତେସି; ଏଝାରି ଏଝାଣାଙ୍କ ଜୀସୁଟି ପାସିମୁଣ୍ଡା ତେକାଲି ବାଲାମାତମି କିତେରି । ୨୨ ଇଞ୍ଜା ଏଝାରି ଏଝାଣାଙ୍କ ଗଲଗତା ଇତିହୁଁ “ତାୟୁଁ ଗୁପା” ଇନି ଟାୟୁତା ତାତେରି । ୨୩ ଇଞ୍ଜା ଏଝାରି ଏଝାଣାକି ପୁଲା ଆଣ୍ଡିତି ଅଞ୍ଜୁରି ରାସା ଗସାଲି ହାତେରି, ସାମା ଏଝାସି ଏଝାଆଁ ଗହୁଆତେସି । ୨୪ ଏଚେଟିଏ ଏଝାରି ଏଝାଣାଙ୍କ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବରକା ତାମ୍ବୁତାମ୍ବୁବାଟି କିହାନା ଅତେରି । ୨୫ ଦିନା ନ ଗଂଟା ବେଲାତା ଏଝାରି ଏଝାଣାଙ୍କ ପାସି ମୁଣ୍ଡାତା ଏକହେରି । ୨୬ ଇଞ୍ଜା ଏଝାଣିଲାକ ଇଲେଇଞ୍ଜୁଁ ରାସକି ଆହାମାରେ, “ଇଝାସି ଜୀହୁଦି ଲକୁଡି ରାଜା ।” ୨୭ ଇଞ୍ଜା ଏଝାଣି ଟିଝନିଝାକି ରଅଣାଙ୍କ ଅଡ଼େ ଟେବୁଝାକି ରଅଣାଙ୍କ, ଇଲେକିହୁଁ ରୀ ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି । ୨୮ ଏଚେଟିଏ ଦାମ୍ବୁ ପଡିତି କାତା ସାତା ଆଡ଼େ, ଏଝାସି ପାପୁ ଗାଟାରି ତଲେ ଲେକା କିଝିଆଡ଼େସି ।\*

୨୯ ✧ ଏ ଜିରୁଟି ହାଜିମାନି ଲକୁ ତାନି ତାକା ଗୁଟକିକିହୁଁ ଏଝାଣାଙ୍କ ନିନ୍ଦାକିହୁଁ ଏଲେଇତେରି, “ଆବା, ମାହାପୁରୁ ଇଲୁଡି ଡିକନାତି ଇଞ୍ଜା ତାନି ଦିନାଟିଏ ଏଦାଆଁ କେପିନାତି, ୩୦ ପାସି ମୁଣ୍ଡାଟି ରେଚାଝାହାନା ନିଞ୍ଜେ ଗେଲପା କତାମୁ ।”

୩୧ କାଜା ପୂଜେରାଞ୍ଜା ଜିକେଏ ଏଲେକୁଁ ମେରାପୁନାରି ତଲେ ତାମ୍ବୁ ତାମ୍ବୁ ଏଝାଣାଙ୍କ ନିନ୍ଦାକିହୁଁ ଏଲେଇତେରି, “ଏଝାସି ଅର ଲକୁଇଁ ଗେଲପିତେସି, ସାମା ତାଞ୍ଜେ ଗେଲପାଲି ଆଡ଼ିହୁଲଅସି । ୩୨ ଇସ୍ରାୟେଲତି ରାଜା କ୍ରୀସୁତି ଇତିହୁଁ ଦେବୁଣିଏ ପାସି ମୁଣ୍ଡାଟି ରେଚା ଝାମ୍ବୁ, ଏନିକୁଁ ମାମ୍ବୁ ଏଦାଆଁ ମେସାନା ନାମାନମି ।”

ଇଞ୍ଜା ଆମିନି ଗାଟାରାଙ୍କ ଜୀସୁତଲେ ପାସି ମୁଣ୍ଡାତା ଏକହା ମାତେରି, ଏଝାରି ଜିକେଏ ଏଝାଣାଙ୍କ ନିନ୍ଦାକିତେରି ।

**ଜୀସୁ ହାନାୟି**

(ମାତି ୨୭:୪୫-୫୨; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଟା ବେଲା ଏ ଦେସା ଆନ୍ଦେରି ଆହାନା ତାନି ଗଂଟା ପାତେକା ତୁୟିତେ । ୩୪ ତାନି ଗଂଟା ବେଲାତା ଜୀସୁ କାଜା ହାଡ଼ାତଲେ ହାଟାନା ଏଲେଇତେସି, “ଏଲହି ଏଲହି ଲାମା ସାବକ୍ତାନି ?” ଇତିହୁଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଞ୍ଜେ ଏନାଆଁତାକି ପିସ୍ତାତି ?”

୩୫ ଇ ହାଡ଼ା ଝେଞ୍ଜାନା ଦାରିତା ନିଚାମାନି ଲକୁ ଆମ୍ବା ଆମ୍ବାଆରି ଏଲେଇତେରି, “ମେହୁଦୁ ଏଝାସି ଏଲିୟୁଇଁ ହାଟି ମାନେସି ।” ୩୬ ଇଞ୍ଜା ରଅସି ହୁଟିହୁଁ ହାଜାନା ର ଡ୍ରାଝଆଲି ପୁଲା ଅଞ୍ଜୁରି ରାସାତା ମେଡ଼ହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇତେସି, “ହେଶୁ ଏଲିୟୁ ଇଝାଣାଙ୍କ ଗେଲପାଲି ଝାହିମାନେସି କି ଆଏ ସିନିକିନ ।”

୩୭ ସାମା ଜୀସୁ କାଜା ଗିୟାତଲେ ଜଲାନା ହାଡ଼େସି ।

୩୮ ଇଞ୍ଜା ମାହାପୁରୁ ଇଲୁତା ଲେଚାମାନି ହିମ୍ବର ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଟା ଆଡ଼େ । ୩୯ ଏଝାଣି ନକିତା ନିଚାମାନି ପାସାକଡ଼ି କସକା ମୁହେଁ କାଜାସି ଏଝାଣି ଇଲେଡି ହାଡ଼ାଣି ମେସାନା ଏଲେଇତେସି, “ସାତେଏ, ଇଝାସି ମାହାପୁରୁତି ମୀରଏସି ମାତେସି ।”

୪୦ ✧ ଏଚେକା ଇୟାସିକା ଜିକେଏ ହେକଟି ସିନିକିହିମାତୁ; ଏଝାସିକା ବିତ୍ରାଟି ମଗଦଲିନି ମରିୟମ, ଡ଼ଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡ଼େ ସାଲମି ମାତୁ; ୪୧ ଏଝାସି ଗାଲିଲିତା ମାଟାଟି ଏଝି ଏଝାଣି ଜେଚ ହାଜାନା ଏଝାଣି ସେବା କିହିମାତୁ; ଏଝାସିକା ତଲେ ଜିରୁସାଲମତା ଝାହାମାନି ହାରେକା ଇୟାସିକା ସିନିକିହିମାତୁ ।

**ଜୀସୁଇଁ ମାହଣି ମାଣ୍ଡାତା ମୁହନାୟି**

(ମାତି ୨୭:୫୨-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଝେଡ଼ା ହାଜିମାଟାଟି, ଏ ଦିନା ତିୟାରା ଆନି ଦିନା ଇତିହୁଁ ଜମିନି ଦିନାତି ନକିତି ଦିନା ମାଟାକି, ୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନି ଗାଟାସି ମାତେସି, ଇଞ୍ଜା ଆମିନିଗାଟାସି ତାନ୍ତୁଏ ମାହାପୁରୁତି ରାଜି କାଟିମାତେସି, ଏଝାସି ସାସାତଲେ ପିଲାତ ତାଣା ହାଜାନା ଜୀସୁଟି ଆଞ୍ଜା ରୀସେସି । ୪୪ ସାମା ଏଝାସି ହାଡ଼େସିଏ ଇ କାତା ପିଲାତ ଝେଞ୍ଜାନା କାବା ଆଡ଼େସି, ଇଞ୍ଜା ପାସାକଡ଼ି କସକା ମୁହେଁ କାଜାଣାଙ୍କ ଡାଗେ ହାଟାନା ଝେଡ଼େସି, “ଏଝାସି ହାହାନା ହାରେକା ବେଲା ଆଡ଼େୟିଏ ?” ୪୫ ପାସାକଡ଼ି କସକା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଞ୍ଜାଟି ଅହାଲି ଜସେପଇଁ ହେଲ ହାତେସି । ୪୬ ଏଝାସି ର ପାଡ଼ାଡ଼ା ହିମ୍ବର କତାନା ଏଝାଣାଙ୍କ

✧ ୧୫:୨୧ ୧୫:୨୧ ରମି ୧୭:୧୩ ✧ ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାସ୍ତେରିତା ଇ କାତା ରାସକି ଆହାହିଲେଏ । ✧ ୧୫:୨୯ ୧୫:୨୯ ମାର୍ଚ୍ଚ ୧୫:୫୮; ଜହ ୨:୧୯ ✧ ୧୫:୪୦ ୧୫:୪୦ ଲୁକ ୮:୨,୩

ରେପହା ତାଗାନା ଏ ହିମ୍ବର ରୂପିତେସି ଇଞ୍ଜା ହରୁତା କାରହାମାନି ମାଡ଼ହା ମୁହନି ଚାୟୁତା ଏଞ୍ଜାଣାଇଁ ଇଚାନା ଦୁଝେରିତା ର କାଜା ଖାଲି ଉସି କିତେରି । ୪୭ ଏଞ୍ଜାଣାଇଁ ଆମିନି ଚାୟୁତା ଇଚକି ଆହାମାନେ, ଏଦାଆଁ ମଗ୍ଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାତୁ ।

**୧୭**

**ଜୀସୁ ଖେଣ୍ଡେ ନିଜିନାୟି**

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗ୍ଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାନ୍ଧାଗାଟି ନିୟୁଁ କଡ଼ିତୁ, ଏନିକିଁ ଏଞ୍ଜି ହାଜାନା ଜୀସୁ ଆଙ୍ଗାତା ରୁବାଲି ଆଡ଼ିନୁ । ୨ ଏଞ୍ଜି ଖାରାତି ମୁଲୁ ଦିନା ଲାଲୁ ଖେଡ଼ା ହନି ବେଲତା ମାହଣି ମାଣ୍ଡାତା ହାତୁ । ୩ ଏଞ୍ଜି ତାମ୍ବୁ ତାମ୍ବୁ ଖେସପି ଆହିମାତୁ, “ଆମ୍ବାଆସି ମାଙ୍ଗେତାକି ମାହଣି ମାଣ୍ଡା ଦୁଝେରିତି ଖାଲି ଉସିକିହା ହିୟାନେସି ?” ଏନାଆଁତାକି ଇଚିହଁ ଏ ଖାଲି ହାରେକା କାଜାୟି ମାତେ । ୪ ସାମା ଏଞ୍ଜି ଏମ୍ବାଆଁ ସିନିକିନି ବେଲତା, ଖାଲି ଉସିକିଞ୍ଜି ଆହାମାତେ । ୫ ଏଞ୍ଜି ମାହଣି ମାଣ୍ଡାତା ହଡ଼ାନା ଦବଲା ହିମ୍ବର ହୁଟାମାନି ର ଦାଂଗଣେଏଣାଇଁ ଚିଝନିଖାକି କୁଗାମାନାଣି ମେସାନା ହାରେକା କାବାଆତୁ ।

୬ ଏମ୍ବାଟିଏ ଏଞ୍ଜାସି ଏଞ୍ଜାସିକାଣି ଏଲେଇଚେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାଜରିତ ଜୀସୁଇଁ ପାରିମାଞ୍ଜେରି; ଏଞ୍ଜାସି ନିଜାମାନେସି, ଏଞ୍ଜାସି ଇମ୍ବାଆଁ ହିଲଅସି, ସିନିକିଦୁ ଇମ୍ବାଆଁ ଏଞ୍ଜାଣାଇଁ ଇଚାମାଚେରି । ୭ \*ସାମା ମୀରୁ ହାଜାନା ତାମି ସୀସୁୟାଁ ଇଞ୍ଜା ପିତରଇଁ ଖେହୁଦୁ, ଏଞ୍ଜାସି ମୀ ନକି ନକିତା ଗାଲିଲିତା ହାଜିମାନେସି; ଏଞ୍ଜାସି ମିଙ୍ଗେ ଏନିକିଁ ଖେସାମାଞ୍ଜାତେସି, ଏଲେକିହଁ ଏ ମୀରୁ ଏଞ୍ଜାଣାଇଁ ଏମ୍ବାଆଁ ମେହଦେରି ।”

୮ ଏମ୍ବାଟିଏ ଏଞ୍ଜି ମାହଣି ମାଣ୍ଡାଟି ହରୁ, ଇଚିହଁ ଏଞ୍ଜି କାବା ଆହାମା ଆଜିତାକି ତୀରଗିମାତୁ, ଇଞ୍ଜା ଆମ୍ବାଆରାଇଁ ଏନାଆଁ ଖେହୁଆତୁ\* ।

**ଜୀସୁ ମଗ୍ଦଲିନି ମରିୟମଇଁ ତଞ୍ଜା ଆନାୟି**

(ମାତି ୨୮:୯-୧୦; ଜହ ୨୦:୧୧-୧୮)

୯ ଖାରାତି ମୁଲୁତି ଦିନା ଲାଲସିଏ ଏଞ୍ଜାସି ଖେଣ୍ଡେ ନିଜାମା, ଆମିନିଗାଟାଣି ସାଡ଼ାଗଟା ବୁଡୁୟାଁ ପିସପି କିହାମାଚେସି, ଏ ମଗ୍ଦଲିନି ମରିୟମନି ତଲିଏ ତଞ୍ଜାଆଡେସି । ୧୦ ଏଦି ହାଜାନା ଆମିନି

ଗାଟାରି ତାମିତଲେ ମାଚେରି, ଏଞ୍ଜାରାଇଁ ଖେସ୍ତେ; ଇଚିହଁ ଏଞ୍ଜାରି ଦୁକୁଟି ଡାହି ମାଚେରି । ୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହାମାନେସି, ଇଦାଆଁ ଖେଞ୍ଜାନା ଏଞ୍ଜାରି ନାମାଆତେରି ।

**ଜୀସୁ ରୀ ସୀସୁୟାଁଣି ତଞ୍ଜା ଆନାୟି**

(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡ଼ି ତାୟୁ ଏଞ୍ଜାରି ବିତ୍ରାଟି ରୀ ସୀସୁୟାଁ ର ନାୟୁତା ହାଜିମାଚାଟି ଏଞ୍ଜାସି ଅର ଖାଣା ତଲେ ଏଞ୍ଜାରାଇଁ ତଞ୍ଜାଆଡେସି, ୧୩ ଇଞ୍ଜା ଏଞ୍ଜାରି ହାଜାନା ଏଚକା ତାରାଇଁ ଖେସ୍ତେରି; ସାମା ଏଞ୍ଜାରି କାତା ଜିକେଏ ଏଞ୍ଜାରି ନାମାଆତେରି ।

**ଜୀସୁ ଏଗାର ଜାଣା ସୀସୁୟାଁଇଁ ତଞ୍ଜା ଆନାୟି**

(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଚାଟି ଜୀସୁ ଏଞ୍ଜାରାଇଁ ତଞ୍ଜାଆଡେସି ଇଞ୍ଜା ଏଞ୍ଜାରି ନାମିହିଲାଆତାକି ଇଞ୍ଜା ହିୟାତି ଆଡ଼ଞ୍ଜାତାକି ଏଞ୍ଜାରାଇଁ ଦାକା ହୀତେସି, ଇଚିହଁ ଆମିନି ଗାଟାରି ଏଞ୍ଜାଣି ଖେଣ୍ଡେ ନିଜିତାଣି ମେସାମାଚେରି, ଏଞ୍ଜାରି କାତା ଏଞ୍ଜାରି ନାମା ହିଲାଆତେରି । ୧୫ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ବାରେ ଦାରୁଡିତା ହାଜାନା ବାରେ କୁଡ଼ାତି ଲକୁତାଣା ନେହଁ କାରୁ ଖେହୁଦୁ । ୧୬ ଆମ୍ବାଆସି ନାମାନା ବାପ୍ତିସ୍ମା ଅନେସି ଏଞ୍ଜାସି ଗେଲ୍ପି ଆନେସି; ସାମା ଆମ୍ବାଆସି ନାମଅସି ଏଞ୍ଜାସି ତଣ୍ଡ ବେଟାଆନେସି । ୧୭ ଇଞ୍ଜା ନାମିନାରାକି ଇ ସିନାୟାଁ ଆନୁ, ଏଞ୍ଜାରି ନା ଦରୁତଲେ ବୁଡୁୟାଁ ପିସପି କିନେରି, ପୁଝନି ପୁଝନି ହାଡ଼ାତଲେ ଜଲିନେରି, ୧୮ କେସ୍ମାତଲେ ରାସ୍ତା ଆହନେରି, ଇଞ୍ଜା ହାନି ଅସ ଗସ୍ତିହଁ ଜିକେଏ ଏଞ୍ଜାରି ଏନାଆଁ ଆଅରି; ଏଞ୍ଜାରି ନମେରି ଦୁକା ଗାଟାରି ଲାକ କେୟୁ ଇଚିଡିହଁ ଏଞ୍ଜାରି ନେହଁ ଆନେରି ।”

**ଜୀସୁ ଲାକପୁରୁ ଅଞ୍ଜିଆନାୟି**

(ଲୁକ ୨୪:୫୦-୫୩; କାମା ୧:୯-୧୧)

୧୯ \*ଇଲେକିହଁ ଏଞ୍ଜାରାଇଁ ବାରେ କାତା ଖେସ୍ତି ତାୟୁ ଜୀସୁ ଲାକପୁରୁ ଅଞ୍ଜିଆହାନା ମାହାପୁରୁତି ଚିଝନିଖାକି କୁଗିତେସି । ୨୦ ସାମା ଏଞ୍ଜାରି ହାଜାନା ବାରେଖାକି କାରୁ ଖେସ୍ତେରି, ଇଞ୍ଜା ପ୍ରବୁ ଜୀସୁ ଏଞ୍ଜାରିତଲେ କାମା କିହାନା ତାନି ବାରେ ସିନାୟାଁ ତଲେ ଏଞ୍ଜାରି ଖେକ୍‌ହାମାନାଣି ସାତା ଇଞ୍ଜା ତସ୍ତେସି ।

\* ୧୭:୭ ୧୭:୭ ମାତି ୨୭:୩୨; ମାର୍କ ୧୪:୨୮ \* ୧୭:୮ ୧୭:୮ ଏଞ୍ଜି ପିତର ତଲେ ମାତି ବାରେ ଲକୁତାଣା ଏ କାତା ଖେସ୍ତୁ ୧୭:୨୦ ଇଦାଆଁ ତାୟୁ, ଜୀସୁ ତାୟୁ ଜିକେଏ ଏଞ୍ଜାସିକା ତଲେ ସୁଦୁ ଅଡେ କାଲାକାଲାତି ଗେଲ୍ପି ଆନାଣି ଖେକ୍‌ହାଲି ତାକି ଖେଡ଼ା ହପୁ ଖାକିଟି ଖେଡ଼ା ହାନି ଖାକି ପାଣ୍ଡିତେସି । † ୧୭:୧୭ ୧୭:୧୭ ମୁଞ୍ଜିନାୟି \* ୧୭:୧୯ ୧୭:୧୯ କାମା ୧:୯-୧୧

## ଲୁକ ଲିଖିତ ସୁସମାଚାର ଲୁକ ରାଜାମାନି ନେହୁଁ କାବୁ ମୂଲୁ ହାଡ଼ା

ଲୁକ ରାଜାମାନି ନେହୁଁ କାବୁତା ଜୀସୁ କ୍ରୀସ୍ତ ଜୀସୁଟି କାତା ରାସ୍ତକି ଆହାମାନେ । ପୁଃନି ମେରାତି ସାରିଗଟା ନେହୁଁ କାବୁ ପତିୟା ବିତ୍ରାଟି ଇଦି ରଣ୍ଡି “ନେହୁଁ କାବୁ” ଇନେରି । ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଜାମାନେରି । ଲୁକ ଜୀସୁ ମାହାପୁରୁଖାଣି ଏନାଆଁ ଗଟ଼ି ଆହାମାନେ ଅଡ଼େ ଜୀସୁ ହାହାନା ଖେଣ୍ଡେ ନିଜିତି ତାୟୁ ଲାକପୁରୁ ହାଚାଣି ଇଞ୍ଜା ତାମି ସୀସୁୟା ଏନିକିଁ କାମା କିତେରି ଏ ବାରେ ରାଜାମାନେସି । ଏ ପତିଇଁ “ପାଣ୍ଡି ଆହାମାନାରି କାମା” ଇଞ୍ଜୁ ଇନେରି । ଇ ପତି ଏଡ଼େତା ରାସ୍ତକି ଆହାମାନେ, ଅଡ଼େ ଆମିନି ଗାୟୁତା ରାସ୍ତକି ଆହାମାନେ, ଏ କାତା ଆମାଆସି ନେହୁଁ କାବୁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ସା ତାୟୁ ରାସ୍ତକି ଆହାମାନେ ।

ଇ ପତିତା ଜୀସୁ ଇସ୍ରାୟେଲତି ଗେଲପିନାସି ଅଡ଼େ ବାରେ କୁଡ଼ାତି ଲକୁଣି ଗେଲପିନାସି ଇଞ୍ଜୁ ଲୁକ ତାନି ନେହୁଁ କାବୁତା ରାଜାମାନା ତସାମାନେସି । ହିଲାଆ ଗାଟାରି ତାଣା ନେହୁଁ କାବୁ ଖେକହାଲି, ମାହାପୁରୁତି ସୁଦୁଜୀସୁ ଜୀସୁଇଁ ଆଚାମାତେ, ଇଞ୍ଜା ଜୀସୁ ଏନିକିଁ ହାରେକା ଦେବା ଦୁକୁ କସ୍ତ ଗାଟାରେଇଁ ଅଡ଼େ ହିଲାଆଗାଟାରେଇଁ ସାୟେନି କିହାମାତେସି ଲୁକ ରାଜାମାନେସି ।

ଜୀସୁ ଜାର୍ନାଆଡ଼ି ବେଲାତା ଦୁତୁୟା ପାଚୁ ପାଡ଼ିନାୟି ଅଡ଼େ ମେଣ୍ଡା ଗଡ଼କା ଜୀସୁଇଁ ବେତି ହାନାୟି, ଜୀସୁ ବାର ବାର୍ସା ଆହାମାଚାଟି ମାହାପୁରୁ ଇଲୁତା ହାନାୟି, ଇଞ୍ଜା ନେହୁଁ ସମିରଣି ଅଡ଼େ ଜାଜିତି ମୀରଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହୁଁ କାବୁ ରାଜାମାନାରି ବିତ୍ରା ଲୁକ ନେହୁଁ କାବୁ ରାଜାମାନା ତସାମାନେସି । ଅଡ଼େ ମାହାପୁରୁ ତାଣା ପ୍ରାତାନା କିନାଣି ଜିକେଏ ଲୁକ ହାରେକା ରାଜାମାନା ତସାମାନେସି ୩:୨୧; ୬:୧୭; ୬:୧୨; ୧୧:୧-୧୨ । ସୁଦୁଜୀସୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମେଲୁକିନି କାତା ଇ ବାରେ କାତା ଲୁକ ହାରେଏ ନେହୁଁ କାବୁ ରାଜାମାନା ଖେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

### ପତିତା ମାନାୟି

\* ୧:୪ ୧:୫ ମୁଞ୍ଜନାୟି

- ୧. ଲୁକ ଖେକନାୟି ଅଡ଼େ ଏନାଆଁତାକି ରାଜାମାନାଣି ଖେହନାୟି । ୧:୧-୪
- ୨. ଜୀସୁ କ୍ରୀସ୍ତ ଜାର୍ନା ଅଡ଼େ ସେବା କାମା ମାଚ୍ନାୟି । ୧:୫-୪:୧୩
- ୩. ଜୀସୁ କ୍ରୀସ୍ତ କାବାଆନି କାମାୟାଁ ଅଡ଼େ ଜାପୁନାୟି । ୪:୧୪-୨୧:୩୮
- ୪. ଜୀସୁ କ୍ରୀସ୍ତ ହାନାୟି, ମାହାଣିଶା ମୁହନାୟି ଅଡ଼େ ଖେଣ୍ଡେ ନିଜିନାୟି । ୨୨:୧-୨୪

### ମାଚ୍ନି କାତା

୧ ମୂଲୁଟିଏ ଆମାଆରି ତୀରେ ମେସ୍ତାରି ଇଞ୍ଜା ବଲୁ ଖେକନାରି, ଏଞ୍ଜାରି ମାଜେ ହେରପା ମାଞ୍ଜାନି ଲେହେଁ, ୨ ମା ବିତ୍ରା ଆହାମାନି କାମା ବାରେ ହାରେକା ନେହୁଁ କାବୁ ରାଜାଲି ଜାଗ୍ରାତା ଆହାମାନେରି । ୩ ଜୀସୁଟି ତିୟପିଲ, ମୂଲୁଟିଏ ବାରେ କାତା ନେହୁଁ କାବୁ ସିନିକିହାନା ଏମାଆଁ ଏନାୟି ମାନେ ଏନାଆଁ ନିଜେତାକି ରାଜାଲି ନାନୁ ଜିକେଏ ନେହେଁ ଇଞ୍ଜୁ ଅଣ୍ଡପିତେଏ । ୪ ଏନିକିଁ ନାନୁ ଏ ବାରେ କାତା ଜାପାମାଞ୍ଜି, ଏଡ଼ି ସାତା ଇଞ୍ଜୁ ପୁଞ୍ଜାଲି ଆଡ଼ିଦି ।

### ବାପ୍ତିସ୍ତା\* ହାନି ଜହନତି ଜାର୍ନାତି କାବୁ

୫ ଜୀହୁଦା ଦେସାତି ରାଜା ହେରଦ ବେଲାତା ଅବିୟ କୁଡ଼ାତି ଜିକରିୟ ଦରୁଗାଟି ର ପୂଜେରା ମାତେସି; ତାନି ତକ୍ତି ହାରଣ କୁଡ଼ାତି ମାଜ୍ଜା, ଏଦାନି ଦରୁ ଏଲିସାବେତ । ୬ ଜିକରିୟ ଅଡ଼େ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ ହିଲାଆଗାଟାଲ ଆହାନା ମାହାପୁରୁ ନକିତା ଦାମ୍ନୁ ଗାଟାଲ ମାରୁ । ୭ ସାମା ଏଞ୍ଜାଗାକି କକାରି ପଦାୟାଁ ହିଲାଆତୁ, ଇଚିହୁଁ ଏଲିସାବେତ ବାଖେଣି ମାତେ, ଅଡ଼େ ତକ୍ତି ତକ୍ତା ରିଆରି ଜିକେଏ ଗାଡ଼ି ବୁଡ଼ହି ବୁଡ଼ହା ଆହାମାତେରି ।

୮ ର ଦିନା ଜିକରିୟ ତାମି ଗଟିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲାତା, ୯ ପୂଜେରା କାମାତି ମେରା ତଲେ ଆଡ଼ି ଆହାନା ଏଞ୍ଜାଗାକି ମାହାପୁରୁ ଇଲୁତା ହଡାନା ଦୁପ୍ପଣି ହୀହାଲି ଆଡେ, ୧୦ ଇଞ୍ଜା ଦୁପ୍ପଣି ହାନି ବେଲାତା ବାରେ ଲକୁ ପାଜାତା ପ୍ରାତାନା କିହିମାତେରି ।

୧୧ ଏଚିବେଲା ମାହାପୁରୁତି ର ଦୁତୁ ଦୁପ୍ପଣି ପିଣ୍ଡା ଟିଃନିଞ୍ଜାକି ନିଚାନା ଏଞ୍ଜାଗାଲ୍ ତଞ୍ଜାଆଡେ । ୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି । ୧୩ ସାମା ଦୁତୁ ଏଞ୍ଜାଗାଲ୍ ଏଲେଇତେ, “ଜିକରିୟ, ଆଜାଆନି, ଇଚିହୁଁ ମୀ ଗହାରା ଖେଣ୍ଡି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଜେତାକି ର କକାଣାଲ୍ ଜାନ କିନେ, ଇଞ୍ଜା ଏଞ୍ଜାଣି ଦରୁ ଜହନ ଇଞ୍ଜୁ ହୀଦେରି । ୧୪ ଇଚିହୁଁ ଏଞ୍ଜାସି ମୀ ରାହାତି ରାହା ଆନେସି, ଇଞ୍ଜା ହାରେକା

ଏଞ୍ଜାଣି ଜାନ୍ନାତା ରାହାଁ କିନେରି । ୧୫ ଇଞ୍ଜା ଏଞ୍ଜାସି ମାହାପୁରୁ ନକିତା କାଜାସି ଆନେସି; ଏଞ୍ଜାସି ଅଙ୍ଗୁରି ରାସା କି କାଡୁ ଏଚେଲାଞ୍ଜା ଗହୁଅସି, ଇଞ୍ଜା ତାଲିନି ବାଣ୍ଡିଟିଏ ସୁଦୁଜୀଞ୍ଜୁତା ବେଟାଆନେସି, ୧୬ ଏଞ୍ଜାସି ଇସାୟେଲ ମୀରକା ବିତ୍ରାଟି ହାରେକା ଲକୁଇଁ ମାହାପୁରୁ ଖାକି ଖେଟୁହା ତାନେସି । ୧୭ ତାଞ୍ଜିୟାଁ ହିୟାଁ ମୀରକା ଖାକି ଇଞ୍ଜା କାତା ମାନୁଞ୍ଜି ଆଆଗାଟାରାଇଁ ତୀରିଗାଟି ବୁଦିତା ତାକାଲି ଖେଟୁହା ତାଚାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି କୁଲମି ଜାଗ୍ରାତା କିହାଲି ବାପ୍ତିସ୍ତାଁ ହାନି ଜହନ ଏଲିୟତି ଜୀଞ୍ଜୁ ଅଡେ ବାଡୁୟୁ ତଲେ ପ୍ରବୁତି ନକିତା ତାକିନେସି ।”

୧୮ ଏଚେଟିଏ ଜିକରିୟ ଦୁତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହୁଁ ନାନୁ ବୁଡୁହାଚେଏଁ, ଇଞ୍ଜା ନା ତକ୍ତିନି ବାସା ଗାତି ଆଚେୟିଏ ।”

୧୯ ଦୁତୁ ଏଞ୍ଜାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଚା ତୟିନାଚେଏଁ, ଇଞ୍ଜା ନିଚେ ଖେସାଲି ଅଡେ ଇ ନେହୁଁ କାରୁ ପୁଣ୍ଡି କିହାଲି ନାନୁ ପାଣ୍ଡୁଞ୍ଜି ଆହାମାଇଁ । ୨୦ ମେହମୁ ଇ ବାରେ ଆଆପାଚେକା ନାନୁ ବେବଡା ଆହାନା ତୟିଦି, ଇଚିହୁଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାଚେରି, ଇଞ୍ଜା ମାହାପୁରୁ ଇଲୁତା ଇଚେକା ଖେଡା ଆଡାକି କାବା ଆହିମାଚେରି । ୨୨ ସାମା ଏଞ୍ଜାସି ପାଙ୍ଗାତା ଖାହାନା ଏଞ୍ଜାରାଇଁ କାତା ଆହାଲି ଆଡାଆଚେସି; ଏମ୍ବାଟିଏ ଏଞ୍ଜାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜୁଁ ଏଞ୍ଜାରି ପୁଚେରି, ଇଞ୍ଜା ଏଞ୍ଜାସି ଏଞ୍ଜାରାଇଁ କେୟୁ ହୁଟିହୁଁ ତସାଲି ମାଟୁହେସି ଇଞ୍ଜା ବେବଡା ଆହାନା ତୟିଚେସି ।

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଞ୍ଜାସି ତାମି ଇଜ ହାଚେସି । ୨୪ ଏଚରଦିନା ହାଟି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡେ ଅଡେ ଏଦି ପାସା ଲେଞ୍ଜୁ ପାଚେକା ଲକୁଣି ତଞ୍ଜା ଆଆଚେ । ୨୫ ଏଦି ଏଲେଇଚେ, “ନୀଏଁ ନାଚେ ପ୍ରୁ କାର୍ମାମେସାନା ଲକୁ ନାଚେ ଲାଜା କିହିମାଞ୍ଜାତାଣି ପିସ୍ପି କିହାଲି ନାଚେ ଇଲେକଁ କିହାମାଞ୍ଜାନେସି !”

**ଜୀସୁ ଜାନ୍ନାତି କାରୁ**

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣାଟି ଗାଲିଲିତି ନାଜରତ ଗାଡାତି ର ଡାଆ ପଦାନି ତାଣା ପାଣ୍ଡୁଆଡେ; ୨୭ ଏ ଡାଆ ପଦାନି ଦାଞ୍ଜୁଦ କୁଡାତି ଜସେପ ଇନାଣାକି ରୀସା ମାଚେରି; ଏ ଡାଆ ପଦା

ଦରୁ ମରିୟମ । ୨୮ ଦୁତୁ ପଦା ତାଣା ଖାହାନା ଏଲେଇଚେ, “ଆଲ ମାହାପୁରୁତି କାର୍ମା ମେହନାତି ନିଚେ ହିଡଡି ଆୟାପେ !”

୨୯ ମରିୟମ ଏ ହାଡା ଖେଞ୍ଜାନା ଇଦି ଏନିଲେହେତି କାତା ଇଞ୍ଜୁଁ ଆଜାନା ମନତା ଅଣ୍ପିଚେ । ୩୦ ଏମ୍ବାଟିଏ ଦୁତୁ ଏଲେଇଚେ, “ଆଲ ମରିୟମ ଆଜାଆନି; ନିଚେ ମାହାପୁରୁ କାର୍ମା ମେସାମାଞ୍ଜାନେସି । ୩୧ ନାନୁ ପୁରାମାସା ଆହାନା ର ମୀରଏଣାଇଁ ବେଟାଆଡି ଏଞ୍ଜାଣି ଦରୁ ଜୀସୁ ଇଞ୍ଜୁଁ ଇଚିଦେରି । ୩୨ ଏଞ୍ଜାସି କାଜାସି ଆନେସି ଇଞ୍ଜା ମାହାପୁରୁ ମୀରଏସି ଇଞ୍ଜୁଁ ଖେଜିନେସି; ପ୍ରୁ ମାହାପୁରୁ ଏଞ୍ଜାଣାକି ତାମି ଆକୁ ଦାଞ୍ଜୁଦତି ସିଂଗାସାଣି ହୀନେସି, ୩୩ ଏଞ୍ଜାସି ଜାକୁବ କୁଡାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜା ଏଞ୍ଜାଣି ରାଜି ଏଚେଲାଞ୍ଜା ରାଏ !”

୩୪ ସାମା ମରିୟମ ଦୁତୁଇଁ ଏଲେଇଚେ, “ଇଦି ଏନିକଁ ଆନେ ? ନାନୁ ତକ୍ତିଇଁ ଜିକେଏ ପୁଞ୍ଜାହିଲଅଁ ।”

୩୫ ଦୁତୁ ଏଲେଇଚେ, “ସୁଦୁଜୀଞ୍ଜୁ ନୀ ଲାକ ରେଟାଞ୍ଜାନେ ଅଡେ ମାହାପୁରୁତି ବାଡୁୟୁ ଖାନେ, ଏଦାଆଁତାକି ନୀ ତାଣାଟି ଜାନ୍ନା ଆନେସି, ଏଞ୍ଜାସି ମାହାପୁରୁତି ମୀରଏସି ଇଞ୍ଜୁଁ ଖେଜିନେସି । ୩୬ ଅଡେ ମେହମୁ ନୀ କୁଡାତି ଏଲିସାବେତ ଜିକେଏ ବୁଡୁହୁ ବେଲାତା ପୁରାମାସା ଆହାମାନେ । ଆମିନି ଇୟା ବାଞ୍ଜେଣି ଇଞ୍ଜୁଁ ଖେଜାମାନେ, ଏଦି ନୀଏଁ ସ ଲେଞ୍ଜୁ ଆହାମାନେ; ୩୭ ଇଚିହୁଁ ମାହାପୁରୁତି ବଲୁ ବାଡୁୟୁ ହିଲାଆଗାଟାୟି ଆଏ ।”

୩୮ ଏମ୍ବାଟିଏ ମରିୟମ ଏଲେଇଚେ, “ନାନୁତ ପ୍ରବୁତି ହଲେଣିଚେଏଁ; ନୀ କାଚେଏ ନାଚେତାକି ଆୟାପେ ।” ଏମ୍ବାଟିଏ ଦୁତୁ ଏଦାନି ତାଣାଟିଏ ହାଚେ ।

**ମରିୟମ ଏଲିସାବେତ ଇଜ ହାନାୟି**

୩୯ ଏମ୍ବାଟିଏ ମରିୟମ ନିଜାମା ଜୀହୁଦା ଦେସାତି ହରକା ରାଜିତି ର ଗାଡାତା ତବେ ହାଚେ, ୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିଚେ । ୪୧ ଅଡେ ଏଲିସାବେତ ମରିୟମନି ଜହରା ଖେଣ୍ଡମ୍ପନିଏ ତାନି ବାଣ୍ଡିତି ମୀଲା ଖୀଡିଚେ, ଇଞ୍ଜା ଏଲିସାବେତ ସୁଦୁଜୀଞ୍ଜୁଟି, ୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାଟି ନାନୁ ହାରେକା ନେହାଁତି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି ! ୪୩ ଅଡେ ନା ପ୍ରବୁତି ଇୟା ନା ତାଣା ଖାନେ ଇ କାର୍ମା ନାଚେ ଏମ୍ପିଟି ଖାଡେ ? ୪୪ ଇଚିହୁଁ ନୀ ଜହରା ହାଡା ନା କିୟୁଁ ଖେଣ୍ଡମ୍ପନିଏ ନା ବାଣ୍ଡିତି ମୀଲା ରାହାଁଟି ଖୀଡିଚେ ୪୫ ଆମିନି ଗାଟାୟି ନାମିଚେ ଏଦାନାକି ନେହେଁ, ଇଚିହୁଁ ପ୍ରୁ ତାଣାଟି

† ୧:୧୭ ୧:୧୭ ମୁଞ୍ଜିନାୟି    ✨ ୧:୨୭ ୧:୨୭ ମାତି ୧:୧୮    ✨ ୧:୩୧ ୧:୩୧ ମାତି ୧:୨୧

ଏଦାନାକି ଏନାଆଁ ଖେସ୍‌ପି ଆହାମାନେ ଏ ବାରେ ପୂରା ଆନେ !”

**ମରିୟମତି ଜହରା ପାଟୁ**

୪୭ ଏଚେଟିଏ ମରିୟମ ଏଲେଇଚେ,  
“ନା ଜୀଝୁ ପ୍ରବୁତି ଜହରା କିହିମାନେ;

୪୭ ଅଡେ ନା ଜୀଝୁ ନାଙ୍ଗେ ଗେଲ୍‌ପାନି  
ମାହାପୁରୁ ତାଣା ରାହାଁ ଆହିମାନେ,

୪୮ ଇଚିହିଁ ଏଝାସି ତାନି ହଲେଣିନି କାର୍ମା  
କାକୁଲି ମେସାମାନେସି ।

ଏନିଇଚିହିଁ ନୀଞ୍ଜୁଟିଏ ବାରେ ଲକୁ ନାଙ୍ଗେ  
ନେହାୟି ଇଞ୍ଜିଁ ଜଲାନେରି,

୪୯ ଇଚିହିଁ ଆମ୍ବାଆସି ବାରେକିହାଁ  
ବାଡ଼ୟୁଗାଟି ମାହାପୁରୁ ଏଝାସି ନା ତାକି  
କାଜା କାମା କିହାମାନେସି,

ଏଝାଣି ଦରୁ ସୁଦୁ;

୫୦ ଇଞ୍ଜା ତାଙ୍ଗେ ଆଜିନାରାକି ପାଟୁ ପାଟୁ ତାକି  
ତାନି କାର୍ମାମେହନାୟି ଡୟିନେ ।

୫୧ ଏଝାସି ତାନି ବାଡ଼ୟୁଗାଟି କେୟୁଟି କାଜା କାମା  
କିହାମାନେସି,

ତାହାରା ଗାଟାରାଇଁ ଏଝାରି ହିୟାଁତି ଅଣ୍‌ପୁତା  
ମାନାଣି ଗୁଟି କିହାମାନେସି;

୫୨ ଏଝାସି ସାଲୁଝି କିନାରାଇଁ ତାନି ରାଜା ଗାଦି  
ପିସପି କିହାମାନେସି,

କାକୁଲି ଗାଟାରାଇଁ ନିକିହାମାନେସି,

୫୩ ଏଝାସି ହାକି ଗାଟାରାଇଁ ନେହିଁ ଆସ୍ତି ହାହାନା  
ପାଞ୍ଜି କିହାମାନେସି,

ଇଞ୍ଜା ଦନ ଗାଟାରାଇଁ ଖାରଇ କେୟୁଟି  
ପାଣ୍ଡାମାନେସି ।

୫୪ କାଲାକାଲା ତାକି ଅଣ୍‌ପାଲି ତାନି ହଲେଏସି  
ଇସ୍ରାୟେଲତି କାର୍ମା ଆହାମାନେସି ।

୫୫ କାଲାକାଲା ତାକି ଅବ୍ରାହାମ ଅଡେ ତାନି ବାରେ  
କୁଡାତାରାଇଁ କାର୍ମାମେହନାଣି ବାଣା  
ଆହାହିଲଅସି ।”

୫୬ ଅଡେ ମରିୟମ ତାନି ଲେଞ୍ଜୁ ଏଲିସାବେତ  
ତଲେ ଡୟାନା ତାନି ଇଜ ଖାଡେ ।

**ବାପ୍ତିସ୍ମାଃ ହାନି ଜହନତି ଜାର୍ନା**

୫୭ ତାୟୁ ଏଲିସାବେତ ପୂରାମାସା ଏଜାଲିଏ ର  
କକାସି ଜାର୍ନା ଆଡେସି, ୫୮ ଅଡେ ମାହାପୁରୁ ଏଦାନି  
ହାରେକା କାର୍ମା ମେସାମାନାଣି ଖେଞ୍ଜାନା ତାନି  
କୁଡାତାରି ଇଞ୍ଜା ଅଡେ ଆଟ୍‌ହିତାରି ଏଦାନିତଲେ  
ହାରେକା ରାହାଁ କିଡେରି ।

୫୯ କକାସି ଖାରେକା ଆହାଲିଏ, ଏଝାରି ତଲୁ  
ଦାଟାଲି ଖାହାନା ତାନି ଆବା ଦରୁଲେହେଁ ତାନି ଦରୁ  
ଜିକରିୟ ଇଟାଲି ମନ କିଡେରି । ୬୦ ସାମା ତାନି  
ଇୟା ଏଲେଇଚେ, “ଆଏ ! ଏଝାଣି ଦରୁ ଜହନ  
ଆନେ ।”

‡ ୧:୫୭ ୧:୫୭ ମୁଞ୍ଜିନାୟି

୬୧ ଏଝାରି ଏଲେଇଚେରି, “ମୀ କୁଡାତା  
ଆମ୍ବାଆରାକି ଏଲେତି ଦରୁ ହିଲେଏ !” ୬୨ ଏମ୍ବାଟିଏ  
ଏଝାରି ତାଞ୍ଜିଗାଟାଣାଇଁ କେୟୁ ହୁଟାନା କକାଣାଇଁ  
ଏନି ଦରୁ ଇଟିନାୟି ଇଞ୍ଜିଁ ଖେଚେରି ।

୬୩ ଜିକରିୟ ର ରାଟିନି ପାଟା ରାସାନା ଏଝାଣି  
ଦରୁ ଜହନ ଇଞ୍ଜିଁ ରାଟିଡେସି, ଏଦାଆଁ ମେସାନା  
ବାରେଜାଣା କାବା ଆଡେରି ! ୬୪ ଅଡେ ଏ  
ଦେବୁଣିଏ ଏଝାଣି ଗୁଟି ଅଡେ ଖେନ୍‌ରି ପିସପି  
ଆଡେ ଅଡେ ଏଝାସି ଜଲିହିଁ ମାହାପୁରୁତି  
ଜହରା କିଡେସି । ୬୫ ଏମ୍ବାଟିଏ ତାନି ଲକୁ  
ବାରେ ଆଜାହାଚେରି, ଅଡେ ଇ କାତା ଜୀହୁଦା  
ଦେସାତି ହରକା ରାଜିତା ବାରେଖାକି ଖେଞ୍ଜିଡେ,  
୬୬ ଇଞ୍ଜା ଖେନି ବାରେ ଲକୁ ଏ କାତା ତାନି ମନତା  
ଇଟାନା ଏଲେଇଚେରି, “ଆଡହିଁ ଇ କକାସି  
ଏନିଲେହେଁତାସି ଆନେସି ?” ଏନିଇଚିହିଁ ପ୍ରବୁ  
ଇଝାଣି ତଲେ ମାନେସି ଇଞ୍ଜିଁ ପୁଚେରି ।

**ଜିକରିୟତି ତାୟୁ ଆନି କାତା ଖେକନାୟି**

୬୭ ଅଡେ ଜିକରିୟ ସୁଦୁଜୀଝୁ ତଲେ ଇ ତାୟୁ  
ଆନି କାତା ଏଲେଇଚେସି,

୬୮ ଇସ୍ରାୟେଲତି ମାହାପୁରୁ ଜହରା !  
ଏନିଇଚିହିଁ ଏଝାସି ତାନି ଲକୁଣି  
କାର୍ମାମେସାନା ଗେଲ୍‌ପି କିହାମାନେସି;

୬୯ ଏଝାସି ତାନି ହଲେଏସି ଦାଝୁଦ କୁଡାଟି ମା ତାକି  
ର ଗେଲ୍‌ପିନାଣାଇଁ ହାହାମାଞ୍ଜାନେସି ।

୭୦ ତଲି କାଲାଟିଏ ତାନି ନେହିଁ ମାହାପୁରୁ  
ଅଣ୍‌ପୁତି ବଲୁ ଖେହନାରି ଗୁଟି ତଲେ  
ଏନିକିଁ ଜଲ୍ଲା ମାଚେରି,

୭୧ ଏଲେକିହିଁ ଏ ମାଙ୍ଗେ ମା ସାଡୁୟାଁ ତାଣାଟି  
ଅଡେ ମାଙ୍ଗେ ଅପାଆଗାଟାରି ତାଣାଟି  
ଗେଲ୍‌ପି କିହାମାଞ୍ଜାନେସି,

୭୨ ଏଝାସି ଏଲେ ଇଞ୍ଜାମାନେସି, ଏଝାସି ମା  
ଆକୁୟାଣି କାର୍ମା ମେସାମାଇଁ ଅଡେ ତାନି  
ସୁଦୁଗାଟି ରାଜିମାନାତି ଅଣ୍‌ପିନେସି ।

୭୩ ମା ଆବା ଅବ୍ରାହାମ ତାଣା ଏନିନି  
ପାରମାଣା କିହାଁ ଆଞ୍ଜାମାନାଣି ଅଣ୍‌ପାନା  
ପୂରା କିହାମାନେସି, ୭୪ ଅଡେ ମା  
ସାଡୁୟାଁ ତାଣାଟି ଗେଲ୍‌ପି ଆହାନା,  
ଆଜାଆନା କାଲେଏ ତାଙ୍ଗେ ସେବା  
କିହାଲି ଆଡିନାୟି,

୭୫ ତାନି ନକିତା ମାର ନୀତାମାନି ପାଡେକା ସୁଦୁ  
ଅଡେ ଦାର୍ମୁ ଗାଟାତାୟି ଆହାନା ଡୟିନାୟି  
।

୭୬ ଏ ନା ମୀରଏଣାତି ନୀନୁ ବାରେତି କିହାଁ  
ବାଡ଼ୟୁଗାଟି ମାହାପୁରୁ ଅଣ୍‌ପୁତି ବଲୁ  
ଖେହନାତି ଇଞ୍ଜିଁ ଖେଞ୍ଜିଡି;

୭୭ ପାପୁ ମ୍ବେପକି ଆହାନା ଏଝାରି ଗେଲ୍‌ପି  
ଆନାଣି ବେଟାଆନେରି, ଏ କାତା ପୁଣ୍ଡି

କିହାଲି ତାକି ତାନି ଲକ୍ଷ୍ମୀତାଣା ହାଜି ।  
୨୮ ଇଞ୍ଜା ମାଞ୍ଜେ ହିତ୍ତି ଜିରୁତା ତାଚାଲି  
ମା ମାହାପୁରୁତି ଜୀଞ୍ଜନନି କାର୍ମାତଲେ  
ଲକ୍ଷ୍ମୀପୁରୁତି ମାଞ୍ଜେତାକି ଖେଡ଼ା ହତିମାନି  
ଲେହେ ଆନେ,

୨୯ ଆମ୍ବାଆରି ହାନିଲେହେତି ତାଣା ବାସା  
କିନେରି, ହିତ୍ତି ଜିରୁତା ଅହାଲି ତାକି  
ଏଞ୍ଜାସି ବାରେତି ଲକ୍ଷ୍ମୀ ଲକ୍ଷ୍ମୀପୁରୁତି  
ଉଜେଡ଼ି ହାନେସି । ୩୦ ଇଞ୍ଜା ଏ  
କକାସି ଆଙ୍ଗାତା ଜୀଞ୍ଜତା ପାତାଆହାନା  
ଇସ୍ରାୟେଲ ଲକ୍ଷ୍ମୀତାଣା ଖେଙ୍ଗାଆ ପାତେକା  
ଲକ୍ଷ୍ମୀ ହିଲ୍ଲାଆ ଗାୟତା ଡୟିତେସି ।

୨

ଜୀସୁତି ଜାନୀ

(ମାତି ୧:୧୮-୨୫)

୧ ଏତିବେଲାତା ରମ୍ ଦେସାତି ବାରେ ଲକ୍ଷ୍ମୀ ଦରୁ  
ରାଡ଼ି କିହାଲି କାୟିସର ଅଗସ୍ତସ୍ ତାଣାଟି ହୁକୁମି  
ଆଡେ । ୨ ସିରିୟାତି ସାଲ୍ଲଖି କିନାସି କୁରିଣିୟ  
ବେଲାତା ତଲି ମୁଲୁ ଦରୁ ରାସ୍‌କି ଆହାମାରେ ।

୩ ଏଦାଆଁତାକି ବାରେଜାଣା ଦରୁ ରାଡ଼ି କିହାଲି  
ନାୟୁତିଏ ଜାହାରା ଗାଡ଼ାତା ହାରେରି ।

୪ ଜସେପ ଜିକେଏ ଦରୁ ରାଡ଼ି କିହାଲି ମରିୟମନି  
ତଲେ ଗାଲିଲିତି ନାଜରିତ ଗାଡ଼ାଟି ଜୀହୁଦା ରାଜିତି  
ବେତଲିହିମ ଇନି ଦାଞ୍ଜୁଦ ଗାଡ଼ାତା ହାରେସି,  
ଇତିହି ଏଞ୍ଜାସି ଦାଞ୍ଜୁଦ କୁଡ଼ା ଇଞ୍ଜାହାଁ ଏ  
ଗତିତାସି ମାରେସି; ୫ ଏଞ୍ଜାସି ଦରୁ ରାଡ଼ି କିହାଲି  
ମରିୟମନି ତଲେ ହାରେସି, ଏଦି ଏଞ୍ଜାଶାକି  
ବାହା ଆହାଲି ରାସ୍‌ପି ଆହାମାରେ ଅଡେ ଏଦି  
ପୁରାମାସା ଆହାମାରେ । ୬ ଅଡେ ଏ ଲକ୍ଷ୍ମୀ  
ବେତଲିହିମତା ମାନିବେଲା, ଏଦାନାକି ଜାନି କିନି  
କାଟୁ ଏଗାଞ୍ଜାଡେ, ୭ ଇଞ୍ଜା ଏଦି ତାନି ପାଶ୍‌ଖା  
ମୀରଏଶାଲ୍ ଜାନି କିତେ ଇଞ୍ଜା ହିମ୍ବରି ପ୍ଲୁକ୍‌ହାନା  
କଡ଼ିୟାଁ ଗହନି ତଂଗତା ତ୍ରିପ୍‌ହେ, ଇତିହି ଏ  
ଲକ୍ଷ୍ମୀତାକି ବାସାଟାୟୁ ହିଲ୍ଲାଆଡେ ।

ମେଣ୍ଡା ଗଡ଼କା ଅଡେ ଦୂତୁୟାଁ

୮ ଏ ଦାରିମାରି ନାସ୍‌କାଣାଁ ମେଣ୍ଡା ଗଡ଼କା  
ଲାଆଁୟାଁ ପାଙ୍ଗାତା ଡୟାନା ମେଣ୍ଡାୟାଁ କାଡ଼ିମାରେରି  
। ୯ ପ୍ରବୁତି ର ଦୂତୁ ଏଞ୍ଜାରିତାଣା ଖାଡେ ଇଞ୍ଜା ପ୍ରବୁତି  
ଗାଞ୍ଜୁରମିତି ଉଜେଡ଼ି ଏଞ୍ଜାରି ସାରିଞ୍ଜାକି ତଞ୍ଜାଆଡେ,  
ଅଡେ ଏଞ୍ଜାରି ହାରେକା ଆଜିତେରି । ୧୦ ଏମ୍ବାଟିଏ  
ଦୂତୁ ଏଞ୍ଜାରାଲ୍ ଏଲେକରେ, “ମୀରୁ ଆଜାଆଦୁ !  
ନାନୁ ମୀ ବାରେ ଲକ୍ଷ୍ମୀତାକି ହାରେକା ରାହାଁତି କାଡୁ  
ମିଙ୍ଗେ ଖେସିମାଞ୍ଜାଲ୍, ୧୧ ଇତିହି ନୀଞ୍ଜୁ ଦାଞ୍ଜୁଦ  
ଗାଡ଼ାତା ମିଙ୍ଗେ ଗେଲ୍‌ପାନାସି ଜାନୀ ଆହାମାନେସି,  
ଏଞ୍ଜାସି କ୍ରୀସ୍ତ ପ୍ରବୁ । ୧୨ ଅଡେ ଇଦି ମିଙ୍ଗେତାକି

ସିନାଲେହେଁ ଆନେ, ମୀରୁ ର କକାଶାଲ୍ ହିମ୍ବରି  
ପ୍ଲୁକ୍‌ହାନା କଡ଼ିୟାଁ ଗହନି ତଂଗତା ତୁରାମାନାଣି  
ମେହ୍‌ଦେରି ।”

୧୩ ଦେବୁଶିଏ ଏ ଦୂତୁ ତଲେ ଲକ୍ଷ୍ମୀପୁରୁତି  
ହାରେକା ଦୂତୁୟାଁ ଖାହାନା ମାହାପୁରୁଲ୍ ଜହରା  
ପାରୁ ପାଡ଼ିତୁ, ୧୪ “ଲକ୍ଷ୍ମୀପୁରୁ ମାହାପୁରୁତି ଗାଞ୍ଜୁରମି,  
ଅଡେ ଦାରୁତିତା ଏଞ୍ଜାଣି ରାହାଁ ଇଞ୍ଜା ମାଣ୍‌ସିୟାଁ  
ବିତ୍ତା ହିତ୍ତି ।”

୧୫ ଦୂତୁୟାଁ ଏମ୍ବାଟି ଲକ୍ଷ୍ମୀପୁରୁ ହାଜାଲିଏ ମେଣ୍ଡା  
ଗଡ଼କା ତାମ୍ନୁ ତାମ୍ନୁ କାତା ଆଡେତି, “ମୀରୁ  
ବେତଲିହିମ ପାତେକା ହାଜାନା ପ୍ରବୁ ମାଞ୍ଜେ ଆମିନି  
କାତା ଖେସାମାଞ୍ଜାନେସି ଏଦାଆଁ ସିନି କିକାନ ।”

୧୬ ଏମ୍ବାଟିଏ ତବେ ହାଜାନା ପାରାନା ମରିୟମ  
ଅଡେ ଜସେପ ଇଞ୍ଜା କଡ଼ିୟାଁ ଗହନି ତଂଗତା ପୁଃନି  
ଜାନୀଆଡ଼ି କକାଶାଲ୍ ତୁରାମାନାଣି ମେସ୍‌ପେରି ।

୧୭ ଏଞ୍ଜାରି ଇ ବାରେ ମେସାନା ଏ କକାଣି କାତା  
ଏନାଆଁ ଇଣ୍‌ସ୍‌ମି ଆହାମାରେ ଏଦାଆଁ ଖେକ୍‌ହେରି ।

୧୮ ଅଡେ ଏତେକା ଲକ୍ଷ୍ମୀ ମେଣ୍ଡା ଗଡ଼କା ତାଣାଟି  
ଏ ବାରେ କାତା ଖେତେରି, ଏଞ୍ଜାରି ବାରେ ଏ  
କାତାତାକି କାବା ଆଡେତି । ୧୯ ସାମା ମରିୟମ ଇ  
ବାରେ କାତା ହିୟାତା ଇଚାନା ହାରେକା ଅଣପାଲି  
ମାଟ୍‌ହେ । ୨୦ ଅଡେ ମେଣ୍ଡା ଗଡ଼କାକି ଏନିକ  
ଖେସ୍‌ପି ଆହାମାରେ, ଏଲେକିହି ଏ ଏଞ୍ଜାରି ଏନା  
ଏନାଆଁ ଖେରେରି ଇଞ୍ଜା ମେସ୍‌ପେରି ଏ ବାରେତାକି  
ମାହାପୁରୁତି ଗାଞ୍ଜୁରମି ଅଡେ ଜହରା କିହି ଖେଣ୍ଡା  
ହାରେରି ।

ଜୀସୁଲ୍ ଦରୁ ଇଚିନାୟି

୨୧ ଏଞ୍ଜାଶାକି ଆଟାଦିନା ଆଡେ ଅଡେ ତଲୁ  
ଦାଃନି ଦିନା ଖାଡେ ଇଞ୍ଜା ଏଞ୍ଜାଣି ଦରୁ ଜୀସୁ ଇଞ୍ଜା  
ଇଚିତେରି; ଇ ଦରୁ ତାନି ପୁରାମାସା ଆନି ନକେଏ  
ଦୂତୁ ତାଣାଟି ଖେସ୍‌ପି ଆହାମାରେ ।

ମାହାପୁରୁ ଇଲୁତା ଜୀସୁ

୨୨ ଅଡେ ଏଡେତା ମସାତି ମେରା ତଲେ  
ଏଞ୍ଜାରି ଅଡ଼ହା କଡ଼ିନି ଦିନା ଏଗାଞ୍ଜାଡେ, ଏତେଟିଏ  
ଜସେପ ଅଡେ ମରିୟମ ଜୀସୁଲ୍ ମାହାପୁରୁ ନକିତା  
ଜିରୁସାଲମତା ଅହିଁ ହାରେରି । ୨୩ ଏନିକ  
ମାହାପୁରୁତି ସାସ୍‌ପେରିତା ରାସ୍‌କି ଆହାମାନେ,  
“ବାରେ ପାଶ୍‌ଖା ମୀରକା ପ୍ରବୁ ତାକି ସୁଦୁଗାଟାରି  
ଇଞ୍ଜା ଖେଙ୍ଗିନେରି ।” ୨୪ ଅଡେ ମେରାତା ରାସ୍‌କି  
ଆହାମାନି ଇ ମେରା ତଲେ ରୀ କୁଗୁରି ପଗାୟାଁ  
ଆଆଡ଼ି ରୀ ପାର୍‌ଖା ପଗାୟାଁ ମାହାପୁରୁ ନକିତା  
ପୂଜା କିହାଲି ଏଞ୍ଜାଶାଲ୍ ଜିରୁସାଲମତା ଅଡେରି ।

୨୫ ଏତିବେଲା ଜିରୁସାଲମତା ସିମିୟନ ଦରୁଗାଟି  
ର ମାଣ୍‌ସି ମାରେସି; ଏଞ୍ଜାସି ର ଦାମ୍‌ଗାଟାସି ଅଡେ  
ମାହାପୁରୁଲ୍ ଆଜିନାସି ମାରେସି, ଅଡେ ଇସ୍ରାୟେଲ  
ଲକ୍ଷ୍ମୀ ବାସ୍‌ ବେଟାଆନାଣି କାଡ଼ିମାରେସି, ଇଞ୍ଜା

☆ ୨:୨୧ ୨:୨୧ ଲୁକ ୧:୩୧



ସୁଦୁଜୀଝୁ ଏଝାଣି ତାଣା ମାଚେ । ୨୭ ମାହାପୁରୁ ପାଣ୍ଡାନ୍ତି କ୍ରୀସୁଇଁ ମେହୁଆ ପାଚେକା ଏଝାସି ହାଅସି ଇଞ୍ଜି ସୁଦୁଜୀଝୁ ତଲିଏ ଝେସାମାଚେ । ୨୭ ସିମିୟନ ସୁଦୁଜୀଝୁଟି ମାହାପୁରୁ ଇଲୁତା ଝାଡେସି; ଅଡେ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଇଁ ବିତ୍ତା ତାତୁ, ୨୮ ଏଚିବେଲା ସିମିୟନ କକାଣାଇଁ ପମାନା ମାହାପୁରୁଇଁ ଜହରା କିତେସି;

୨୯ “ଏ ପୁରୁ ନୀଏଁ ନୀନୁ ଝେସୁଲେହେଁ ନୀ ହଲେଏଣା ଜୀଝୁ ହିଡ଼ଡ଼ିତଲେ ଅମୁ; ୩୦ ନା କାନୁ ନୀ ଗେଲୁପିନାଣାଇଁ ମେସାମାନେ । ୩୧ ଏନିଇଚିହଁ ବାରେ ଲକୁତାକି କେପାମାନି ୩୨ ଜୀହୁଦିଆଆତାରାକି ସାତା ତହୁନି ର ଉଜେଡ଼ି ଆନେସି, ଅଡେ ନୀ ଇସ୍ରାୟେଲ ଲକୁତି ଗାଝୁରମି ଲେହେଁ କିହାମାଞ୍ଜି ।”

୩୩ ଇଞ୍ଜା ତାମି ଇୟା ଅଡେ ଆବା ଏଝାଣି ତାକି ଝେସପି ଆହିମାନି ବାରେ କାତାତାକି କାବା ଆହିମାଚେରି । ୩୪ ଏଚେଟିଏ ସିମିୟନ କକାଣାଇଁ ବର ହୀହାନା ତାମି ଇୟା ମରିୟମନି ଏଲେଇଚେସି, “ମେହୁମୁ ଇଝାସି ଇସ୍ରାୟେଲତି ହାରେକା ଲକୁଣି ନାସା କିହାଲି ଅଡେ ଗେଲୁପାଲି ଆଚୁଝି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି । ଏଝାସି ମାହାପୁରୁ ତାଣାଟି ର ସିନାଲେହେଁ ଆନେସି । ୩୫ ଆଆତଁ ନୀ ଜୀଝୁତା ଜିକେଏ କାଣ୍ଡାତଲେ ଗୁକ୍‌ହିସାରେ ହଚାହାନି ଲେହେଁ, ଏ କସୁ ନୀ ହିୟାତା ଆୟାନେ ।”

୩୬ ଅଡେ ହାନା ଦରୁଗାଟି ର ମାହାପୁରୁ ଅଣପୁତି ବଲୁ ଝେହୁନାୟି ମାଚେ; ଏଡି ଆସେର୍ କୁଡାତି ପନୁଏଲ ମାଙ୍ଗା । ଏଦାନାକି ହାରେକା ବାର୍ସା ଆହାମାଚେ; ଏଡି ତାଆ ଆଡି ଜେଚ ସାତା ବାର୍ସା ତକ୍ରାତଲେ ବାସା କିହାମାଚେ, ଅଡେ ସାରିକଡ଼ି ସାରି ବାର୍ସା ରାଣ୍ଡେଣି ଆହାନା ନୀତାମାଚେ । ୩୭ ଏଡି ମାହାପୁରୁ ଇଲୁ ପିହୁଆନା ବାଡିମାଲିହଁ ଲାଆଁ ମାଦେନା ରାନ୍ଦା ତିନାଆନା ପ୍ରାତାନା କିହିମାଚେ । ୩୮ ଏ ଦେବୁଣିଏ ଏଡି ଝାହାନା ମାହାପୁରୁତି ଜହରା କିହଁ ଜିରୁସାଲମତି ଗେଲୁପିନାଣାଇଁ କାଡି ମାନାରାଇଁ ଏଝାଣି କାତା ଝେସାଲି ମାଚୁହେ ।

**ନାଜରିତତା ଝେଣ୍ଡା ଝାନାୟି**

୩୯ ଡାୟୁ ଜସେପ ଅଡେ ମରିୟମ ମାହାପୁରୁତି ମେରା ତଲେ ବାରେ କାମା ରାପୁହାନା ଗାଲିଲିତି ତାମି ଗାଡ଼ା ନାଜରିତତା ଝେଣ୍ଡା ଝାଡେରି ୪୦ ଅଡେ ଜୀସୁ ଆଙ୍ଗାତା ବୁଦିତା ଅଡେ ବାଡ଼ୟୁତା ପାତା ଆଡେସି, ଅଡେ ମାହାପୁରୁତି କାର୍ମା ଏଝାଣିଲାକ ମାଚେ ।

**ଜୀସୁ ମାହାପୁରୁ ଇଲୁତା**

୪୧ ତାମି ଇୟା ଆବା ବାରେ ବାର୍ସା ପିସପିଆନି ପାର୍ବୁତାକି ଜିରୁସାଲମତା ହାଜିମାଚେରି ।

୪୨ ଜୀସୁ ବାର ବାର୍ସା ଆହାଲିଏ ଏଝାରି ପାର୍ବୁତି ମେରାଲେହେଁ ଜିରୁସାଲମତା ହାଚେରି । ୪୩ ଅଡେ ପାର୍ବୁତି ଦିନା ରାପୁହାନା ଏଚେତା ଏଝାରି ଝେଣ୍ଡା ଝାହିମାଚେରି, ଏଚିବେଲାତା ଉଣା କକାସି ଜୀସୁ ଜିରୁସାଲମତା ଡୟାହାଚେସି, ସାମା ତାମି ଇୟା ଆବା ପୁଞ୍ଜାହିଲାଆଚେରି; ୪୪ ସାମା ଏଝାରି ତାମିତଲେ ଝାହାମାଟି ଲକୁତଲେ ମାନେସି ଇଞ୍ଜି ଅଣପାନା ର ଦିନାତି ଜିରୁ ହାଚେରି, ଅଡେ ତାମି ଲକୁ ଇଞ୍ଜା ପୁଟି ଲକୁତାଣା ପାରାଲି ମାଚୁହେରି, ୪୫ ଇଞ୍ଜା ଏଝାଣାଇଁ ମେଡା ଆଆନା ପାରି ପାରି ଜିରୁସାଲମତା ଝେଣ୍ଡା ହାଚେରି । ୪୬ ତାମିଦିନା ତାୟୁ ଏଝାରି ଏଝାଣାଇଁ ମାହାପୁରୁ ଇଲୁତା ବେଟାଆଡେରି; ଏଝାସି ମେରାପୁନାରି କାତା ଝେଞ୍ଜିହଁ ଏଝାରାଇଁ ଝେଣ୍ଡେ କାତା ଝେଞ୍ଜିମାଚେସି, ୪୭ ଅଡେ ଏଚେକା ଲକୁ ଏଝାଣି କାତା ଝେଞ୍ଜିମାଚେରି, ବାରେଜାଣା ଏଝାଣି ବୁଦିତା ଅଡେ ଝେହୁନି କାତାତା କାବା ଆହିମାଚେରି । ୪୮ ଏଚିବେଲା ତାମି ଇୟା ଆବା କକାଣାଇଁ ମେସାନା କାବାଆତୁ ଇଞ୍ଜା ତାମି ଇୟା ଏଝାଣାଇଁ ଏଲେଇଚେ, “ମୀରଏଣା ମାଙ୍ଗେ ଏନାଆଁତାକି ଇଚେକା ଦୁକୁ ହିୟାତି ? ମେହୁମୁ ନାନୁ ଅଡେ ମୀ ଆବା ଏଚେକା ଦୁକୁଆହଁ ନିଙ୍ଗେ ପାରିମାଞ୍ଜାନମି ।”

୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଙ୍ଗେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅଚେରି ?” ୫୦ ସାମା ଏଝାସି ଆମିନି କାତା ଜଲିତେସି, ତାମି ଇୟା ଆବା ପୁଞ୍ଜାଲି ଆଡାଆଚେରି ।

୫୧ ତାୟୁ ଜୀସୁ ତାମି ଇୟା ଆବା ତଲେ ଝେଣ୍ଡେ ନାଜରିତତା ଝାଡେସି, ଇଞ୍ଜା ଏଝାରି କାତା ମାନୁଝି ଆହାନା ଡୟିତେସି, ଅଡେ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାଚେ ।

୫୨ ଅଡେ ଜୀସୁ ଆଙ୍ଗାତା, ବୁଦିତା ଇଞ୍ଜା ମାହାପୁରୁ ଅଡେ ମାଣ୍ଡସିୟା କାର୍ମାଟି ପାତା ଆଡେସି ।

**୩**

**ବାପ୍ତିସ୍ମା\* ହାନି ଜହନ ଝେକ୍‌ନାୟି**

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ଡିବିରିୟା କାୟିସରତି ସାଲୁଝି କିନି ପନ୍ଦର ବାର୍ସା ଆୟାଲିଏ, ଏଚିବେଲା ପନ୍ତ୍ରୟ ପିଲାତ ଜୀହୁଦା ରାଜିତି ସାଲୁଝି କିନାସି ଅଡେ ହେରଦ ଗାଲିଲି ରାଜିତି ରାଜା ମାଚେସି, ଅଡେ ତାମି ତାୟି ପିଲପ ଇଡୁରିୟା ଅଡେ ତ୍ରାକନିତି ରାଜି ଅଡେ ଲୁସାନିୟା ଅବିଲିନିତି ରାଜା ମାଚେସି ।

୨ ହାନାନ ଅଡେ କୟାପା କାଜା ପୂଜେରା ମାଚେରି, ଏଚିବେଲାତା ମାହାପୁରୁତି ବଲୁ ଲକୁ ହିଲାଆ ଚାୟୁତା ଜିକରିୟ ମୀରଏସି ଜହନ ତାଣା ଝାଡେ

☆ ୨:୩୯ ୨:୩୯ ମାତି ୨:୨୩ \* ୩: ୩:୧ ମୁଞ୍ଜିନାୟି † ୩:୩ ୩:୩ ମୁଞ୍ଜିନାୟି

୧୩ ଏମ୍ବାଟିଏ ବାପ୍ତିସ୍ମା ହାନି ଜହନ ଜର୍ଦନ ଦାରିତି ବାରେ ନାୟକାଞ୍ଜକି ହାଜାନା ପାପୁ ମ୍ବେପ୍ବକି ଆହାଲି ମନ ଖେଟ୍‌ହାନା ବାପ୍ତିସ୍ମା ଅନି କାତା ଖେକ୍‌ହାଲି ମାଟ୍‌ହେସି,

୪ ଏନିଇଟିହିଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଜିସାୟ ପତିତା ରାସ୍‌କି ଆହାମାନେ,

“ଲକୁ ହିଲାଆ ଟାୟୁତା ରଅଣି ହାଡା ଖେକ୍‌ମାନେ; ପ୍ରବୁତି ଜିରୁ ନେହିଁ କେପାଦୁ; ଅଡେ ଏଞ୍ଜାଣି କାଜା ଆଂଗେଣି ତିୟି କିଦୁ !

୫ ବାରେ ଗାଡ଼ଙ୍ଗା ନେଞ୍ଜି କିଞ୍ଜିଆନୁ, ବାରେ ହରକା ମେଟାୟାଁ ଉଣା କିଞ୍ଜିଆନୁ, ତଂଗିତି ଜିରୁ ତିୟି କିଞ୍ଜିଆନେ, କାଡ଼ଦି ତେପା ବୁମିତି ବାରେ ସମାନା କିଞ୍ଜିଆନେ ।

୬ ବାରେ ଦାରତିତି ଲକୁ ମାହାପୁରୁତି ଗେଲ୍‌ପିନାଣି ମେହ୍‌ନେରି ।”

୭ \*ଏଲେକିହିଁ, ଜହନ ତାଣାଟି ବାପ୍ତିସ୍ମା ଅହାଲି ଖାହିମାନି ଲକୁଣି ମେସାନା ଏଞ୍ଜାରାଇଁ ଏଲେଇଚେସି, “ଆଡେ ରାସ୍‌କା କୃତାତାତେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସପି ଆହାଲି ମାଙ୍ଗେ ଆମ୍ବାଆସି ସେଡନା ହିୟାତେସି ?

୮ \*ଏଦାଆଁତାକି ମନ ଖେଟ୍‌ହାକତିତି ନେହିଁ କାମା ତହ୍‌ଦୁ; ଅଡେ ଅବ୍ରାହାମ ମା ଆବା ଇଞ୍ଜିହିଁ ଅଣ୍‌ପାଆଦୁ, ନାନୁ ମିଙ୍ଗା ଖେସିମାଞ୍ଜାଇଁ, ମାହାପୁରୁ ଇ ଖାଲ୍‌କାଟି ଜିକେଏ ଅବ୍ରାହାମତି ମୀରକାଣି ଗାଡ଼ି କିହାଲି ଆଡ଼ିମାନେସି ! ୯ \*ଅଡେ ନୀଏଁ ଜିକେଏ ମୀରନ୍ତୁ ତାକିତା କାଃଆଲି ଆଟାମାନେ; ଆମିନି ମୀରନ୍ତୁ ନେହିଁ ପାଡେୟି ଆୟେଏ ଏଦାନି ଚୁଣ୍‌ହାନା ହିରୁତା ମେଡପି ଆନେ ।”

୧୦ ଏମ୍ବାଟିଏ ଲକୁ ଏଞ୍ଜାଣାଇଁ ଖେଚେରି, “ଆଡିହିଁ ମାମ୍ବୁ ଏନାଆଁ କିନମି ?”

୧୧ ଏଞ୍ଜାସି ଏଲେଇଚେସି, “ଆମ୍ବାଆରାକି ଜଡେକା ସକାୟାଁ ମାନୁ, ଏଞ୍ଜାସି ଆମ୍ବାଆରାକି ହିଲାଉ ଏଞ୍ଜାଣାକି ରଣ୍ଡାଆଁ ହୀପେସି; ଇଞ୍ଜା ଆମ୍ବାଆରାକି କାଡ଼ି ମାନେ ଏଞ୍ଜାସି ଜିକେଏ ଏଲେକିପାସି ।”

୧୨ \*ସିସ୍ତୁ ରୀହ୍‌ନାରି ଜିକେଏ ବାପ୍ତିସ୍ମା\* ଅହାଲି ଖାହାନା ଏଲେଇଚେରି, “ଏ ଗୁରୁ ମାମ୍ବୁ ଏନାଆଁ କିନମି ?”

୧୩ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମିଙ୍ଗେତାକି ଏଚେକା ମେରା ମାନେ ଏଚେକାଟିଏ ଆଗାଡା ରାହିଆଦୁ ।”

୧୪ ଏଚରଜାଣା ରିଜାରି କସ୍‌କା ଖାହାନା ଏଲେଇଚେରି, “ମାମ୍ବୁ ଏନାଆଁ କିନମି ?”

ଏଞ୍ଜାସି ଏଞ୍ଜାରାଇଁ ଏଲେଇଚେସି, “ବାଡ଼ୁଟି କି ନାଡ଼ିକିହାନା ଆମ୍ବାଆରି ଦନ ମାଞ୍ଜା ଅଆଦୁ, ଅଡେ ମୀରୁ ଏଚେକା ବେଟାଆଡେଦି ଏଚେକା ତଲେଏ ନୀତାଦୁ ।”

୧୫ ଲକୁ ମସିହାଇଁ କାଡ଼ିମାଚେରି, ଇଞ୍ଜା ଜହନଏ କ୍ରୀସ୍ତୁ ହାରୁଲା ଇଞ୍ଜି ଅଣ୍‌ପାମା ବାରେଜାଣା ତାମି ମନତା କାତା ଆହିମାଚାକି, ୧୬ ଜହନ ଏଞ୍ଜାରାଇଁ ଏଲେଇଚେସି, “ନାନୁସାଁ ଏୟୁତଲେ ବାପ୍ତିସ୍ମା ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡ଼ୁଟି ଗାଟାସି ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟାଁତି ଡର୍କା ଜିକେଏ ହୁକ୍‌ହାଲି ନାନୁ ପାଡାଆଅଁ; ଏଞ୍ଜାସି ମିଙ୍ଗେ ସୁଦୁଜାଖୁ ଅଡେ ହିରୁତଲେ ବାପ୍ତିସ୍ମା ହିୟାନେସି । ୧୭ ତାନି କ୍ଳାନୁତି ତାସାଲି ଅଡେ ତାନି ଆନାତି କ୍ଳସାହାଁ କୃଡ଼ି କିହାନା ଗାଡେୟିତା ଇଟାଲି ଏଞ୍ଜାଣି କେୟୁତା ହେତି ମାନେ, ଇଞ୍ଜା ଟାଟା ପଡ଼ୁତି ଏଚେଲା ତୁମ୍ବାଆଗାଟି ହିରୁତା ହୁଡା ତୁହ୍‌ନେସି ।”

୧୮ ଏଞ୍ଜାସି ଇଲେତି ହାରେକା କାତା ଖେସିହିଁ ଅଡେ ରାହାଁତି କାତା ଜଲିହିଁ ଲକୁତାଣା ନେହିଁ କାରୁ ଖେକ୍‌ହି ମାଚେସି; ୧୯ \*ସାମା ରାଜା ହେରଦ ତାମି ତାୟି ତକ୍ତି ହେରଦିୟାନି କାତା ଅଡେ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାଚାକି, ୨୦ ହେରଦ ଜହନଇଁ ଦସ୍‌ପାନା କାୟିଦିତା ଇଟାନା ହାରେକା ଲାଗେଏତି କାମା କିତେସି ।

ଜୀସୁତି ବାପ୍ତିସ୍ମା

(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକୁ ବାପ୍ତିସ୍ମା\* ଅଡ଼ି ତାୟୁ ଜୀସୁ ଜିକେଏ ବାପ୍ତିସ୍ମା ଅହାନା ପ୍ରାତାନା କିହିମାଚାଟି ହାଗୁ ଦେପିଆଡେ, ୨୨ \*ଅଡେ ସୁଦୁଜାଖୁ ପାର୍‌ଞ୍ଜା ପଟାଲେହେଁ ଏଞ୍ଜାଣିଲାକ ରେଟାଞ୍ଜାଡେ; ଇଞ୍ଜା ହାଗୁଟି ଇ ହାଡା ଆଡେ, “ନୀନୁ ନା ଜୀସୁତି ମୀରଏଣାତି ନୀ ତାଣା ନା ରାହାଁ ମାନେ ।”

ଜୀସୁତି ଆକୁ ଆବାୟା

(ମାତି ୧:୧-୧୭)

୨୩ ଜୀସୁ ସେବା କାମା ମାଟ୍‌ହି ବେଲାତା ଏଞ୍ଜାଣାକି କଡେଦସ ବାର୍ଯା ଆହାମାଚେ; ଲକୁତି କାତାତଲେ ଏଞ୍ଜାସି ଜସେପ ମୀରଏସି; ଜସେପ ଏଲି ମୀରଏସି, ୨୪ ଏଲି ମତାତ ମୀରଏସି, ମତାତ ଲେବି ମୀରଏସି, ଲେବି ମଲ୍‌କି ମୀରଏସି, ମଲ୍‌କି ଜନୟ ମୀରଏସି, ଜନୟ ଜସେପ ମୀରଏସି, ୨୫ ଜସେପ ମତିତିୟା ମୀରଏସି, ମତିତିୟା ଆମସ ମୀରଏସି, ଆମସ ନାହୁମ ମୀରଏସି, ନାହୁମ ହେସ୍‌ଲି ମୀରଏସି, ହେସ୍‌ଲି ନଗୟ ମୀରଏସି,

‡ ୩:୩ ୩:୩ ମୁଞ୍ଜିନାୟି    ✧ ୩:୭ ୩:୭ ମାତି ୧୨:୩୪; ୨୩:୩୩    § ୩:୭ ୩:୭ ମୁଞ୍ଜିନାୟି    ✧ ୩:୮ ୩:୮ ଜହ୍ ୮:୩୩    ✧ ୩:୯ ୩:୯ ମାତି ୭:୧୯    ✧ ୩:୧୨ ୩:୧୨ ଲୁକ ୭:୨୯    \* ୩:୧୨ ୩:୧୨ ମୁଞ୍ଜିନାୟି    † ୩:୧୨ ୩:୧୨ ମୁଞ୍ଜିନାୟି    ‡ ୩:୧୨ ୩:୧୨ ମୁଞ୍ଜିନାୟି    ✧ ୩:୧୯ ୩:୧୯ ମାତି ୧୪:୩,୪; ମାର୍କ ୭:୧୭,୧୮    § ୩:୨୦ ୩:୨୧ ମୁଞ୍ଜିନାୟି    \* ୩:୨୧ ୩:୨୧ ମୁଞ୍ଜିନାୟି    † ୩:୨୧ ୩:୨୧ ମୁଞ୍ଜିନାୟି    ✧ ୩:୨୨ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

୨୬ ନଗୟ ମହତ ମୀରୁଏସି, ମହତ ମତିତିୟସ୍ ମୀରୁଏସି, ମତିତିୟସ୍ ସିମିୟି ମୀରୁଏସି, ସିମିୟି ଜସେକ ମୀରୁଏସି, ଜସେକ ଜଦା ମୀରୁଏସି, ୨୭ ଜଦା ଜହନ ମୀରୁଏସି, ଜହନ ରେସା ମୀରୁଏସି, ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍ଲତିୟେଲ୍ଲ ମୀରୁଏସି, ସଲ୍ଲତିୟେଲ୍ଲ ନେରି ମୀରୁଏସି, ୨୮ ନେରି ମଲ୍ଲକି ମୀରୁଏସି, ମଲ୍ଲକି ଅଦ୍ଦି ମୀରୁଏସି, ଅଦ୍ଦି କସାମ ମୀରୁଏସି, କସାମ ଏଲ୍ଲାଦାନ ମୀରୁଏସି, ଏଲ୍ଲାଦାନ ଏର ମୀରୁଏସି, ୨୯ ଏର ଜିହସୁୟ ମୀରୁଏସି, ଜିହସୁୟ ଏଲିୟାଜର ମୀରୁଏସି, ଏଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି, ୩୦ ଲେବି ସିମିୟନ ମୀରୁଏସି, ସିମିୟନ ଜୀହୁଦା ମୀରୁଏସି, ଜୀହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲିୟାକିମ ମୀରୁଏସି, ୩୧ ଏଲିୟାକିମ ମଲ୍ଲାହ ମୀରୁଏସି, ମଲ୍ଲାହ ମନ୍ନା ମୀରୁଏସି, ମନ୍ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାବୁଦ ମୀରୁଏସି, ୩୨ ଦାବୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି, ୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦ୍ମିନି ମୀରୁଏସି, ଅଦ୍ମିନି ଅର୍ନି ମୀରୁଏସି, ଅର୍ନି ହେସ୍ରା ମୀରୁଏସି, ହେସ୍ରା ପେରସ ମୀରୁଏସି, ପେରସ ଜୀହୁଦା ମୀରୁଏସି, ୩୪ ଜୀହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହର ମୀରୁଏସି, ୩୫ ନାହର ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି, ୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ ମୀରୁଏସି, ନହ ଲେମକ ମୀରୁଏସି, ୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି, ୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୂରୁ ମୀରୁଏସି ।

**୪**

**ଜୀସୁଇଁ ତାୟିପାରି କିନାୟି**  
(ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦୁଜୀଝୁ ବେଟାଆହାନା ଜର୍ଦନ କାତାଟି ଝେଣ୍ଡାଝାଡେସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜୀଝୁ ତଲେ ଲକୁ ହିଲାଆ ଟାୟୁଡା ହାଚେସି । ୨ ଏମ୍ପାଆଁ ଏଝାସି ସୟତାନ ତାଣାଟି ତାୟିପାରି

\* ୪:୧୫ ୪:୧୫ ସିନଗଗ୍

କିଞ୍ଜିଆଡେସି । ଇ ରୀ କଡ଼ି ଦିନା ଏଝାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଝାସି ହାକି ଆଡେସି ।

୩ ଏମ୍ପାଟିଏ ସୟତାନ ଏଝାଣାଲ୍ ଏଲେଇଚେ, “ନୀନୁ ମାହାପୂରୁ ମୀରୁଏଶାତି ଇଚିହ୍ ଇ ଝାଲ୍ଲକାଣି ରୁଟି ଆହାଲି ହୁକୁମି ହୀମୁ ।”

୪ ସାମା ଜୀସୁ ଏଲେଇଚେସି, “ଦାମ୍ପୁ ସାସ୍ତେରିତା ରାସ୍କି ଆହାମାନେ, ମାଣସି ଝାଝୁଇ ରୁଟି ତିଞ୍ଜାନା ନୀତଅସି ।”

୫ ଅଡେ ସୟତାନ କାଜା ହରୁ ଲାକ ଅହାନା ଗାଡେକା ତାକି ଦାରୁତିତି ବାରେ ରାଜି ଏଝାଣାଲ୍ ତସ୍ତେ । ୬ ଇଞ୍ଜା ସୟତାନ ଏଝାଣାଲ୍ ଏଲେଇଚେ, “ନୀନୁ ନିଙ୍ଗେ ଇ ବାରେ ଦନତି ଅଦିକାରା କିୟାଲ୍, ଏନାଆଁତାକି ଇଚିହ୍ ବାରେ ନାଙ୍ଗେ ହେରପି ଆହାମାଞ୍ଜାନେ, ଅଡେ ନୀନୁ ଆମ୍ପାଆରାକି ମନ ଏଝାଣାକି ହୀଲ୍ । ୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହ୍ ଇ ବାରେ ନୀଦି ଆନେ ।”

୮ ଜୀସୁ ଏଲେଇଚେସି, “ରାସ୍କି ଆହାମାନେ, ‘ନୀନୁ ନୀ ମାହାପୂରୁଇଁ ଜହରା କିଦି, ଅଡେ ଝାଝୁଇ ଏଝାଣି ସେବା କିଦି ।”

୯ ଅଡେ ସୟତାନ ଏଝାଣାଲ୍ ଜିରୁସାଲମତା ଅହାନା ମାହାପୂରୁ ଇଲ୍ଲୁ ତୁଡିୟା ଲାକ ନିପହାନା ଏଲେଇଚେ, “ନୀନୁ ମାହାପୂରୁତି ମୀରୁଏଶାତି ଇଚିହ୍ ଇମ୍ପାଟି ତୁଇକା ଗେମ୍ପାମ୍ପୁ; ୧୦ ଇଚିହ୍ ରାସ୍କି ଆହାମାନେ, ‘ନିଙ୍ଗେ ଗେଲ୍ପାଲିତାକି ମାହାପୂରୁ ତାନି ଦୁତୁୟାଲ୍ ହୁକୁମି ହୀନେସି ।’ ୧୧ ଅଡେ ରାସ୍କି ଆହାମାନେ, ‘ନୀ କଡାୟାଁ ଏନିକ୍ ଝାଲ୍ଲକାଣା ଆଡାଉ ଏଦାଆଁତାକି ଏଞ୍ଜି ନିଙ୍ଗେ କେସ୍ତାତଲେ ପେର୍ହା ଆସ୍ତାନୁ ।”

୧୨ ସାମା ଜୀସୁ ଏଦାନି ଏଲେଇଚେସି, “ଦାମ୍ପୁ ସାସ୍ତେରିତା ରାସ୍କି ଆହାମାନେ, ନୀନୁ ପ୍ରବୁ ନୀ ମାହାପୂରୁଇଁ ତାୟିପାରି କିଆନି ।”

୧୩ ସୟତାନ ଜୀସୁଇଁ ବାରେ ତାୟିପାରି କିନାଣି ରାପହାନା ଗାଡେକା ତାକି ଏଝାଣାଲ୍ ପିସାନା ହାଚେ ।

**ଜୀସୁ ଗାଲିଲିତା ସେବା କାମା ମାଟ୍ନାୟି**  
(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ଡାୟୁ ଜୀସୁ ସୁଦୁଜୀଝୁତି ବାଡୁୟୁ ତଲେ ଗାଲିଲିତା ଝାଡେସି, ଅଡେ ସାରିଝାକି ଏଝାଣି କାତା ଝେଞ୍ଜିତେ । ୧୫ ଅଡେ ଏଝାସି ଏଝାରି ଜୀହୁଦି ଲକୁଡି କୁଟମି ଇଲ୍ଲକାଣା\* ଜାପୁହିହ୍ ବାରେ ଲକୁ ତାଣାଟି ଗାଝୁରମି ବେଟାଆଡେସି ।

**ଜୀସୁଇଁ ନାଜରିତତା ଅପାଆଡେରି**  
(ମାତି ୧୩:୫୩-୫୮; ମାର୍କ ୬:୧-୬)

୧୭ ଅତେ ଏଝାସି ଆମିନି ନାଜରିତତା ପହିପାତି ଆହାମାରେସି, ଏତେତା ଏ ଚାୟୁତା ହାରେସି ଅତେ ତାମି ମେରାଲେହେଁ ଜମିନି ଦିନାତା ଜୀହୁଦି ଲକୁତି କୁଟମି ଇଲୁତା† ହାରେସି ଇଞ୍ଜା ପଡ଼଼ି ଆହାଲି ନିତେସି, ୧୭ ଏମ୍ବାଟିଏ ମାହାପୁରୁ ଅଣ୍ପୁତି ବଲୁ ଝେହ୍ନି ଜିସାୟତି ପତି ହାତେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍‌କି ଆହାମାନେ ଏ କାତା ବେଟାଆତେସି;

୧୮ “ପ୍ରବୁତି ଜୀସୁ ନା ତାଣା ମାନେ, ଏନିଇତିହ୍ ଝିଲାଆ ଗାଟାରି ତାଣା ନେହ୍ କାରୁ ଝେକହାଲି ଏଝାସି ନାଜେ ଆଚାମାଞ୍ଜାନେସି;

କାୟିଦିତା ମାନାରାଇଁ ପିସ୍‌ପି ଆନାଣି ଝେକହାଲି, କାଣ୍‌କା ମେହ୍‌ଆଗାଟାରାଇଁ ମେସ୍‌ପି କିହାଲି, ଦୁକୁ ବେଟାଆହି ମାନାରାଇଁ ଗେଲ୍‌ପାଲି,

୧୯ ଇଞ୍ଜା ମାହାପୁରୁ କାର୍ମା ମେସ୍‌ପାନି ବେଲାତି କାତା ଝେକହାଲି

ପ୍ରବୁ ନାଜେ ପାଣ୍ଡାମାଞ୍ଜାନେସି ।”

୨୦ ଏମ୍ବାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହାହାନା କୁଗିତେସି । ଅତେ ଜୀହୁଦି ଲକୁତି କୁଟମି ଇଲୁତା‡ କୁଗାମାନି ବାରେ ଲକୁ ଜୀସୁ ଝାକି ସିନିକିତେରି । ୨୧ ଇଞ୍ଜା ଜୀସୁ ଏଝାରାଇଁ ଏଲେଇତେସି, “ନୀଞ୍ଜୁଟିଏ ଦାମ୍ନୁ ପତିତି ଇ କାତା ମୀରୁ ଝେଣ୍‌ମୁନିଏ ପୁରା ଆତେ ।”

୨୨ ଅତେ ବାରେଜାଣା ତାନି କାତାତାକି ସାକି ହାତେରି, ଅତେ ତାନି ଗୁତିଟି ହରିମାନି କାର୍ମାତି ବଲୁତା କାବା ଆତେରି ଇଞ୍ଜା ଏଲେଇତେରି, “ଇଝାସି ଏନାଆଁ ଜସେପ ମୀରୁଏସି ଆଏକି ?”

୨୩ ଏମ୍ବାଟିଏ ଏଝାସି ଏଝାରାଇଁ ଏଲେଇତେସି, “ମୀରୁ ସାତେଏ ନାଜେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଜେ ନେହ୍ କିହାକତାମ୍; କପରନାହୁମତା ଏନା ଏନାଆଁ କିହାମାଞ୍ଜି ଇଞ୍ଜା ମାମ୍ ଝେଞ୍ଜାମାନମି ଏଲେକ୍ ମୀ ଆକୁ ଆଚାୟା ନାୟୁତା ଜିକେଏ କିମ୍ ।” ୨୪ ଅତେ ଏଝାସି ଏଲେଇତେସି, “ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁ ଅଣ୍ପୁତି ବଲୁ ଝେହ୍‌ନାରି ତାନୁ ପାତାଆତି ନାୟୁତି ଲକୁ ଅପଅରି । ୨୫ ସାମା ନାନୁ ମିଜେ ସାତା ଝେସିମାଞ୍ଜାଇଁ, ଏଲିୟ ବେଲାତା ଏନିକ୍ ତାନି ବାସା ସି ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା କାର୍‌ସୁ ଆହାମାରେ, ଏତିବେଲାତା ଇସ୍ରାୟେଲତା ହାରେକା ରାଣ୍ଡେଣିସିକା ମାଟିହ୍ ଜିକେଏ; ୨୬ ଏଲିୟ ଏଝାସିକା ତାଣା ପାଣ୍ଡୁଝି ଆଆନା ସିଦନ ଦେସାତି ସାରିପତ ନାୟୁତି ରି ରାଣ୍ଡେଣିନି ତାଣା ପାଣ୍ଡୁଝି ଆତେସି । ୨୭ ଅତେ ମାହାପୁରୁ ଅଣ୍ପୁତି

ବଲୁ ଝେହ୍‌ନି ଏଲିସାୟ ମାଟାଟି ଇସ୍ରାୟେଲ ବିତ୍ରା ହାରେକା କାଜା ରଗ ଗାଟାରି ମାରେରି; ଆଡ଼ିଜିକେଏ ଏଝାରି ବିତ୍ରାଟି ରଅସି ଜିକେଏ ନେହ୍ ଆଆତେସି, ସାମା ସିରିୟା ଦେସାତି ନାମାନ ନେହ୍ କିଝିଆତେସି ।”

୨୮ ଜୀହୁଦି ଲକୁତି କୁଟମି ଇଲୁତା§ ଇ ବାରେ କାତା ଝେଞ୍ଜାନା ବାରେଜାଣା କାର୍‌ବି ଆତେରି, ୨୯ ଅତେ ଏଝାରି ନିଜ୍ଜାନା ଏଝାଣାଇଁ ଗାଡ଼ାଟି ପାଙ୍ଗାତା ପେରହେରି ଇଞ୍ଜା ଏଝାରି ଏମିନି ଗାଡ଼ା ହରୁଲେକ ଦସାମାରେରି ଏ ହରୁ ଲାକଟି ତୁଇକା ମେଡ଼ହାଲି ଏଝାଣାଇଁ ଅତେରି; ୩୦ ସାମା ଏଝାସି ଏଝାରି ମାଦିଟି ହଚାହାରେସି ।

**ଜୀସୁ ବୁତୁ ଆଲଗା ମାଟାଣାଇଁ ନେହ୍ କିନାୟି (ମାର୍କ ୧:୨୧-୨୮)**

୩୧ ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡ଼ାତା ଝାତେସି, ଇଞ୍ଜା ଜମିନି ଦିନା ଲକୁଣି ଜାପୁହି ମାରେସି, ୩୨ ଅତେ ଏଝାରି ଏଝାଣି ଜାପୁନି ତାଣା କାବା ଆତେରି, ଏନାଆଁତାକି ଇତିହ୍ ଏଝାଣି ଜଲିନାୟି ଅଦିକାରା ଗାଟାୟି ଲେହେଁ ମାରେ । ୩୩ ର ଦିନା ଜୀହୁଦି ଲକୁତି କୁଟମି ଇଲୁତା\* ର ପଲ୍‌ଆ ବୁତୁ ଆଲଗାମାଟି ଲକୁ ମାରେସି; ଏଝାସି କିରଡ଼ିହ୍ ଏଲେଇତେସି, ୩୪ “ଏ ନାଜରିତତି ଜୀସୁ ନୀ ତଲେ ମାଜେ ଏନାୟି ମାନେ ? ନୀନୁ ମାଜେ ନାସା କିହାଲି ଝାହାମାଞ୍ଜି କି ? ନୀନୁ ଆମ୍ବାଆତି ନାନୁ ପୁଞ୍ଜାମାଇଁ; ନୀନୁ ମାହାପୁରୁଟି ସୁଦୁ ମାଣ୍‌ସିତି ।”

୩୫ ଜୀସୁ ଏଦାନି ଦାକା ହାହାନା ଏଲେଇତେସି, “ପାଲେଏ ଆମ୍ବୁ ଇଞ୍ଜା ଇଝାଣି ତାଣାଟି ହଚାହାଲାମ୍ ।” ଏମ୍ବାଟିଏ ଏ ବୁତୁ ଏଝାଣାଇଁ ମାଦିଏ ତୁକହାନା ଏଝାଣାଇଁ ଏନାଆଁ କିଆନା ହଚାହାତେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଣ୍ଡି ଆତେରି, “ଇଦି ଏନିଲେହେଁତି କାତା ? ଏଝାସି ବୁତୁୟାଁଇଁ ଅଦିକାରା ଅତେ ବାଡ଼ୟୁଟି ହୁକୁମି ହାହିମାନେସି ଇଞ୍ଜା ଏଝି ହଚା ହାଜିମାନୁ !” ୩୭ ଏମ୍ବାଟିଏ ଏଝାଣି ହାଡ଼ାତି କାରୁ ଦେସାତି ସାରିଝାକି ଝେଞ୍ଜାହାତେ ।

**ଜୀସୁ ହାରେକା ଲକୁଇଁ ନେହ୍ କିନାୟି (ମାଟି ୮:୧୪-୧୭; ମାର୍କ ୧:୧୯-୩୪)**

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟି† ହଚାନା ସିମନ ଇଜ ହାରେସି । ସିମନ ପୟା ଗାଡ଼ି ନମେରି ଆହାମାରେ, ଅତେ ଏଝାରି ଇ କାତା ଜୀସୁଇଁ ଏଲେଇତେରି । ୩୯ ଏମ୍ବାଟିଏ ଏଝାସି ଏଦାନି ତାଗେ ନିତାନା ନମେରିତି ଦାକା ହାତେସି, ଇଞ୍ଜା ଏଦାନାକି ନମେରି ପିସ୍ତେ, ଏଦି ଏ ଦେବୁଣିଏ ନିଜ୍ଜାନା ଏଝାରି ସେବା କିତେ ।

† ୪:୧୭ ୪:୧୭ ସିନଗର୍ ‡ ୪:୨୦ ୪:୨୦ ସିନଗର୍ \* ୪:୨୪ ୪:୨୪ ଜହ ୪:୪୪ § ୪:୨୮ ୪:୨୮ ସିନଗର୍ ☆ ୪:୩୨ ୪:୩୨ ମାଟି ୭:୨୮, ୨୯ \* ୪:୩୩ ୪:୩୩ ସିନଗର୍ † ୪:୩୮ ୪:୩୮ ସିନଗର୍

୪୦ ଖେଡ଼ା କୃତ୍ୱି ମାଗଟି ଆମ୍ବାଆରି ତାଣା ଏନିଲେହେତି ରଗ ମାରେ, ଏଲେତି ରଗ ଲକୁଣି ଜୀସୁ ତାଣା ତାରେରି, ଇଞ୍ଜା ତାମି ତାକାଣା କେୟୁ ଇଚାନା ବାରେତି ନେହଁ କିତେସି । ୪୧ ଅଡ଼େ ବୁଡୁୟା ଜିକେଏ କିରଡ଼ିହଁ ହାରେକା ଲକୁ ତାଣାଟି ଏଲେଇଞ୍ଜି ହରାହାରୁ, “ନୀନୁ ମାହାପୁରୁ ମୀରଏଶାତି ।”

ଅଡ଼େ ଜୀସୁ ଏ ବାରେତି କାତା ଆହାଲି ହୀଆନା ଦାକା ହୀତେସି, ଇଚିହଁ ଏଞ୍ଜାସି କ୍ରୀସୁ ଇଦାଆଁ ଏଞ୍ଜି ପୁଞ୍ଜାମାରୁ ।

**ଜୀସୁ ଜୀହୁଦି ଲକୁତି କୁଟମି ଇଲୁତା ଝେକନାୟି**

(ମାର୍କ ୧:୩୫-୩୯)

୪୨ ଲାଇ ଝେୟାଲିଏ ଏଞ୍ଜାସି ହଚାନା ଲକୁ ହିଲାଆ ଚାୟୁତା ହାରେସି; ଅଡ଼େ ଲକୁ ଏଞ୍ଜାଶାଇ ପାରି ପାରିହଁ ଏଞ୍ଜାଣି ତାଣା ଝାତେରି, ଅଡ଼େ ଏଞ୍ଜାସି ଏନିକଁ ଏଞ୍ଜାରି ତାଣାଟି ହାଲଅସି, ଏଦାଆଁତାକି ଏଞ୍ଜାଶାଇ ମାଞ୍ଜାଲି ବାତିମାଲିତେରି । ୪୩ ସାମା ଏଞ୍ଜାସି ଏଞ୍ଜାରାଇ ଏଲେଇଚେସି, “ଏଚକା ଗାଡ଼ାତା ଜିକେଏ ନାନୁ ମାହାପୁରୁ ରାଜିତି ନେହଁ କାରୁ ଝେକନାୟି ମାନେ, ଇଚିହଁ ଏଦାଆଁତାକି ନାନୁ ପାଶୁଞ୍ଜି ଆହାମାଇ ।”

୪୪ ଇଞ୍ଜା ଏଞ୍ଜାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲକାଶାଃ ହାଜାନା ନେହଁ କାରୁ ଝେକହେସି ।



**ଜୀସୁ ମୀଶକା ଆହନାରାଇଁ ହାଟିନାୟି**

(ମାତି ୪:୧୮-୨୨; ମାର୍କ ୧:୧୭-୨୦)

୧ \*ର ଦିନା ଜୀସୁ ଗେନେସର ବାନ୍ଦା ଗାଟୁତା ନିଚାମାଗାଟି ହାରେକା ଲକୁ ମାହାପୁରୁତି କାତା ଝେଞ୍ଜାଲି ଏଞ୍ଜାଣି ସାରିସୁରୁ ରୁଣ୍ଡା ଆଡ଼େରି । ୨ ଇଞ୍ଜା ଏଞ୍ଜାସି ବାନ୍ଦା ଗାଟୁତା ରୀ ତଂଗାୟା ମାନାଣି ମେସେସି; ଏମ୍ବାଟି ମୀଶକା ଆହନାରି ଏମ୍ବାଟି ରେଚାନା ତାମି ଜାଲାଇଁ ନରୁହି ମାରେରି । ୩ ଏ ତଂଗ ବିତ୍ରାଟି ଏମିନାୟି ସିମନଖାୟି ମାରେ, ଏ ତଂଗତା କୁଗାନା ଗାଟୁଟିଏ ହିରେ ହେକ ହାଜାଲି ବାତିମାଲିତେସି; ଇଞ୍ଜା ଏଞ୍ଜାସି କୁଗାନା ଲକୁଣି ଜାପୁହେସି ।

୪ ଏଞ୍ଜାସି ତାନି କାତା ରାପୁହାଲିଏ ସିମନଇଁ ଏଲେଇଚେସି, “ମୀଶକା ଆସାଲି କୃତ୍ୱି ଏୟୁଞ୍ଜାକି ହାଜାନା ମୀ ଜାଲାଇଁ ମେଡ଼ୁ ।”

୫ \*ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମ୍ବୁ ଲୁଆଁ ଝେୟେ କସ୍ତ କିଡ଼ିଞ୍ଜା ର ମୀନୁ ଜିକେଏ ବେଟାଆଆତମି; ସାମା ନୀ କାତା ଆସାନା ଜାଲାଇଁ

ମେଡ଼ୁଇଁ ।” ୬ \*ଇଞ୍ଜା ଏଞ୍ଜାରି ଜାଲାଇଁ ମେଡ଼ୁହାଲିଏ ଏମ୍ବାଆଁ ଜାଲାଇଁ ନେଞ୍ଜେ ମୀଶକା ହଚୁ, ଇଞ୍ଜା ଏଞ୍ଜାରି ଜାଲାଇଁ ତାମ୍ବାଲି ମାଟୁହେ । ୭ ଏମ୍ବାଟିଏ ଏଞ୍ଜାରି ଆମିନି ତଡ଼ଗୁଗାରି ଅର ତଂଗତା ମାରେରି, ଏଞ୍ଜାରି ଏନିକଁ ଝାହାନା ସାୟେମି କିନେରି, ଏଦାଆଁତାକି ଏଞ୍ଜାରି ଏଞ୍ଜାରାଇଁ କେୟୁ ଜୀଞ୍ଜିତେରି, ଏମ୍ବାଟିଏ ଏଞ୍ଜାରି ଝାହାନା ରୀ ତଂଗାଣା ମୀଶକା ନେଞ୍ଜି କିୟାଲିଏ ଏ ତଂଗାୟା ମୁଞ୍ଜିମାରୁ । ୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାତୁହ୍ମୁ ଏଦାଆଁତାକି ଇଚିହଁ ନାନୁ ପାପୁଗାଟି ମାଶିସିତେସି ।”

୯ ଇଚିହଁ ଏଞ୍ଜାରି ହାରେକା ମୀଶକା ଆସାମାଗାକି ତାନୁ ଅଡ଼େ ତାନିତଲେ ମାଗାରି କାବା ଆହାହାଚେରି; ୧୦ ଜେବଦିତି ରୀ ମୀରକା ଜାକୁବ ଅଡ଼େ ଜହନ, ଆମ୍ବାଆରି ସିମନ ଆଟୁହିତାରି ମାରେରି, ଏଞ୍ଜାରି ଜିକେଏ କାବା ଆହାହାଚେରି । ଅଡ଼େ ଜୀସୁ ସିମନଇଁ ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକୁଣି ଆହୁଦି ।” ୧୧ ଏଚେଟିଏ ଏଞ୍ଜାରି ତଂଗାୟା ଗାଟୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେଟ ହାଚେରି ।

**କାଜା ରଗ ଗାଟାଶାଇଁ ନେହଁ କିନାୟି**

(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଡ଼ାତା ମାଗାଟି ମେହ୍ମୁ ଏମ୍ବାଆଁ ଗୁଡ଼ା ଆଜ୍ଞା କାଜା ରଗ ଗାଟାସି ମାରେସି; ଏଞ୍ଜାସି ଜୀସୁଇଁ ମେସାନା ମୁନୁ କୁତାନା ଏଞ୍ଜାଶାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡାଦି ।”

୧୩ ଏଚେଟିଏ ଏଞ୍ଜାସି କେୟୁ ଦାସାହାଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନୀନୁ ନେହଁ ଆମ୍ବୁ ।” ଏ ଦେବୁଣିଏ କାଜା ରଗଟି ଏଞ୍ଜାସି ନେହଁ ଆଡ଼େସି । ୧୪ ଜୀସୁ ଏଞ୍ଜାଶାଇଁ ହୁକୁମି ହୀହାନା ଏଲେଇଚେସି, “ଆମ୍ବାଆରାଇଁ ଝେହ୍ମୁଆନି, ସାମା ହାଜାନା ପୂଜେରାଜାଣି ତହ୍ମୁ, ଅଡ଼େ ମସାତି ମେରାଲେହେଁ ନୀନୁ ନେହଁ ଆଡାଣି ସାକି ହୀହାଲି ପୂଜା ହୀମୁ ।”

୧୫ ସାମା ଏଞ୍ଜାଣି କାତା ହାରେକା ଝେଞ୍ଜାହାଚେ, ଅଡ଼େ ହାରେକା ଲକୁ ଝେଞ୍ଜାଲିତାକି ଅଡ଼େ ରଗଟି ନେହଁ ଆହାଲିତାକି ରୁଣ୍ଡା ଆଡ଼େରି । ୧୬ ସାମା ଜୀସୁ ଲକୁ ହିଲାଆ ଚାୟୁତା ହାଜାନା ପ୍ରାତାନା କିହିମାଚେସି ।

**ଜୀସୁ ର ଚଟ ଝାୟିତାଶାଇଁ ନେହଁ କିନାୟି**

(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାପୁହି ମାଗାଟି, ଗାଲିଲି ଦେସାତି ବାରେ ନାସକାଟି, ଜୀହୁଦା ଦେସା

‡ ୪:୪୪ ୪:୪୪ ସିନଗର    ✧ ୫:୧ ୫:୧ ମାତି ୧୩:୧,୨; ମାର୍କ ୩:୯,୧୦; ୪:୧    ✧ ୫:୫ ୫:୫ ଜହ ୨୧:୩    ✧ ୫:୭ ୫:୭ ଜହ ୨୧:୭

ଇଞ୍ଜା ଜିରୁସାଲମଟି ଖାହାମାନି ପାରୁସିୟା ଅଡ଼େ ମେରାପୁନାରି ଜୀସୁ ତାଣା କୁଗାମାଚେରି, ଇଞ୍ଜା ଏଝାସି ଏନିକି ନେହୁ କିନେସି ଇଦାଆଁତାକି ପ୍ରବୁତି ନେହୁ କିନି ବାଡ଼ୟୁ ଜୀସୁ ତାଣା ମାଚେ । ୧୮ ଏଚରଜାଣା ଲକୁ ର ଟଟ ଖାୟିତାଣାଇଁ କାଚେଲିତା ଡେକା ତାଚାନା ଜୀସୁ ନକିତା ବିତ୍ରା ଅହାଲି ଅଶ୍ପିତେରି । ୧୯ ସାମା ଏମ୍ବାଆଁ ହାଚେକା ଲକୁ ମାଚାକି ଜିରୁ ବେଟାଆଆତେରି, ଇଞ୍ଜା ଏଝାରି ଇଲୁ ଡେପରିତା ଡେକା ଅହାନା ତୁଡ଼ିୟାତି ଟାୟିଲି ହୁକ୍‌ହାନା କାଚେଲି ତଲେ ଜୀସୁ ନକିତା ରେପହେରି । ୨୦ ଜୀସୁ ଏଝାରି ନାମୁ ମେସାନା ଟଟ ଖାୟିତାଣାଇଁ ଏଲେଇଚେସି, “ତଣେ ନୀ ପାପୁ ବାରେ ମେଶ୍‌ଜାମାନେ ।”

୨୧ ଏଚେଟିଏ ମେରା ଜାପୁନାରି ଅଡ଼େ ପାରୁସିୟା କାତା ଆହୁ ଏଲେଇଶ୍‌ମ୍ବି ଆଚେରି, “ଇଝାସି ମାହାପୁରୁ ନିନ୍ଦା କିହିମାନେସି, ଇଝାସି ଆମ୍ବାଆସି ! ମାହାପୁରୁ ପିସପେ ଅଡ଼େ ଆମ୍ବାଆସି ପାପୁ ମ୍ଲେକ୍‌ହାଲି ଆଡ଼ିମାନେସି !”

୨୨ ସାମା ଜୀସୁ ଏଝାରି କାତାବାର୍ତ୍ତା ଆହିମାନାଣି ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକି ଅଶ୍ପିମାଞ୍ଜେରି ? ୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଶ୍‌ଜାତେ ଇନାୟି କି ନିଜ୍ଞାନା ତାକାମୁ ଇନାୟି ?’ ୨୪ ଦାରୁତିତା ପାପୁ ମ୍ଲେକ୍‌ହାଲି ମାଶ୍‌ସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକି ପୁଞ୍ଜାଲି ଆଡ଼ିଦେରି” ଇଦାଆଁତାକି ଟଟ ଖାୟିତାଣାଇଁ ଏଲେଇଚେସି, “ନାନୁ ନିଜ୍ଞେ ଖେସିମାଞ୍ଜାଇଁ, ନିଜ୍ଞାନା ନୀ କାଚେଲି ଡେକାନା ନୀ ଇଜ ହାଲାମୁ !”

୨୫ ଏଚେଟିଏ ଏଝାସି ଏ ଦେବୁଣିଏ ଏଝାରି ନକିତା ନିଜ୍ଞାନା ଆମିନି କାଚେଲିତା ତୁରାମାଚେସି, ଏଦାଆଁ ଡେକାନା ମାହାପୁରୁଇଁ ଜହରା କିହୁ ତାମି ଇଜ ହାଚେସି । ୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେରି, ଅଡ଼େ ଆଜିତଲେ ଏଲେଇଚେରି, “ନୀଞ୍ଜୁ ମାମୁ କାବାଆନି କାମା ମେସୁମି ।”

**ଜୀସୁ ଲେବିଇଁ ହାଡ଼ିନାୟି**  
(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଞ୍ଜାତା ହାଜାନା ଲେବି\* ଦରୁଗାଟି ର ସିସୁ ରାହନାସି ସିସୁ ରାହନି ଗାୟୁତା କୁଗାମାନାଣି ମେସାନା ଏଝାଣାଇଁ ଏଲେଇଚେସି, “ନା ଜେଚ ଖାମୁ ।” ୨୮ ଏମ୍ବାଟିଏ ଏଝାସି ବାରେ ପିସାନା ନିଜ୍ଞାନା ଏଝାଣି ଜେଚ ହାଚେସି ।

୨୯ ଅଡ଼େ ଲେବି ତାମି ଇଜ ର କାଜା ବଜ୍ଜି କିଚେସି, ଇଞ୍ଜା ହାଚେକା ସିସୁ ରାହନାରି ଅଡ଼େ

ଏଚକାଟି ଲକୁ ବାରେ ଏଝାରିତଲେ ତିଞ୍ଜାଲି କୁରିଚେରି । ୩୦ ଏଚେଟିଏ ପାରୁସିୟା ଅଡ଼େ ଏଝାରି ଗତିତି ମେରାପୁନାରି ତାମି ସୀସୁୟାଁଇଁ ଏଲେଇଚେରି, “ମୀରୁ ଏନାଆଁତାକି ସିସୁ ରାହନାରି ଅଡ଼େ ପାପୁ ଗାଟାରି ତଲେ ତିଞ୍ଜି ଉଣ୍ଡି ମାଞ୍ଜେରି ?”

୩୧ ଜୀସୁ ଏଝାରାଇଁ ଏଲେଇଚେସି, “ନେହୁ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ । ୩୨ ନାନୁ ତାରିଗାଟାରାଇଁ ହାଟାଲି ଖାହାହିଲଅଁ, ସାମା ମନ ଖେଟ୍‌ପି କିହାଲି ପାପୁ ଗାଟାରାଇଁ ହାଟାଲି ଖାହାମାଇଁ ।”

**ଉପାସା କିନି କାତା ଖେନାୟି**  
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁଇଁ ଖେଚେରି, “ଜହନତି ସୀସୁୟାଁ ଅଡ଼େ ପାରୁସିୟାତି ସୀସୁୟାଁ ଅଲେ ଅଲେ ଉପାସା ଅଡ଼େ ପ୍ରାତାନା କିହିମାନେରି, ସାମା ନୀ ସୀସୁୟାଁ ତିଞ୍ଜି ଉଣ୍ଡି ମାନେରି ।”

୩୪ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ବୀହା ଲକୁତଲେ ହନେଏସି ମାନି ପାଚେକା ବୀହା ଲକୁ ଉପାସା ମାଞ୍ଜାଲି ଆଡ଼ିନେରି ? ୩୫ ସାମା ର ଦିନା ଖାନ୍ଦେ; ଏଝାରି ତାଣାଟି ହନେଏସି ହାନେସି, ଏଚେଟିଏ ଏଝାରି ଉପାସା କିନେରି ।”

୩୬ ଇଞ୍ଜା ଏଝାସି ର ପୁଣ୍ଡିକିନି କାତା ଜିକେଏ ଖେସୁସି, “ଆମ୍ବାଆସି ପୁଞ୍ଜଇ ହିମ୍ବିରିତା ପୁଞ୍ଜି ପାସକି ତାଚଅସି; ତାଡ଼ିତିଖା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜଇ ପାସକି ତଲେ ଆଣ୍ଡେଏ । ୩୭ ଅଡ଼େ ଆମ୍ବାଆସି ପୁଞ୍ଜି ଅଞ୍ଜୁରି ରାସା ପୁଞ୍ଜଇ ଡକାତା ଇଚଅସି; ଇଚିତହୁଁ ଅଞ୍ଜୁରି ରାସା ଡକାତି ଅୟି କିହାନା ବହାହାନେ ଅଡ଼େ ଡକା ଜିକେଏ ନସୁ ଆନ୍ଦେ, ୩୮ ସାମା ପୁଞ୍ଜି ଅଞ୍ଜୁରି ରାସା ପୁଞ୍ଜି ଡକାତା ଇଚିନାୟି ମାନେ ।

୩୯ ଆମ୍ବାଆସି ପୁଞ୍ଜଇ ଅଞ୍ଜୁରି ରାସା ଗସ୍ତି ତାୟୁ ପୁଞ୍ଜି ଅଞ୍ଜୁରି ରାସା ଗହଅଚେରି । ପୁଞ୍ଜିଆୟି ନେହେ ଇଞ୍ଜେରି ।”



**ଜମିନି ଦିନାତି ପ୍ରବୁ**  
(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହଁ ଗୁଡ଼ିୟାଟି ହାଜିମାଚାଟି ସୀସୁୟାଁ ଗହଁ ଜେକା ତାପହାନା କେୟୁତଲେ ରାକ୍‌ହା ତିଞ୍ଜିମାଚେରି । ୨ ସାମା ପାରୁସିୟା ବିତ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।”

୩ ଜୀସୁ ଏଝାରାଇଁ ଏଲେଇଚେସି, “ଦାହୁଦ ଅଡ଼େ ତାନି ତଣେସିଜା ହାକି ମାଚାଟି ଏନାଆଁ

\* ୫:୨୭ ୫:୨୭ ମାତିୟୁ    ✱ ୫:୩୦ ୫:୩୦ ଲୁକ ୧୫:୧,୨    † ୫:୩୭ ୫:୩୭ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସ୍ତା ଚୁପୁ

କିହାମାରେରି, ଏଦାଆଁ ମୀରୁ ଏଚେଲା ପଡ଼ୁଝି ଆହାହିଲଅତେରି ?

୪ ଏଝାସି ମାହାପୁରୁ ଇଲୁତା ହଡ଼ାନା ଆମିନି ହେର୍ପିଆହାମାନି ରୁଟି ପୂଜେରାଜା ପିସପେ ଆମ୍ବାଆରି ତିନି ମେରା ହିଲାଆତେ ଏଦାଆଁ ତିଚେସି ଇଞ୍ଜା ତାନି ତଢ଼େସିଜାକି ଜିକେଏ ହୀତେସି ।”

୫ ଅଡ଼େ ଏଝାସି ଏଝାରାଇଁ ଏଲେଇଚେସି, “ମାଣ୍ଡସି ମୀରୁଏସି ଜମିନି ଦିନାତି ପ୍ରୁ ଆନେସି ।”

**ଝାୟିତି କେୟୁ ଗାଗାଣାଇଁ ନେହୁଁକିନାୟି**  
(ମାତି ୧୨:୯-୧୪; ମାର୍କ ୩:୧-୭)

୬ ଏଝାସି ର ଜମିନି ଦିନାତା ଜୀହୁଦି ଲକୁତି କୁଟମି ଇଲୁତା\* ହାଜାନା ଜାପୁହି ମାଚେସି; ଏମ୍ବାଆଁ ରଅସି ମାଚେସି ଏଝାଣି ଟିଝନି କେୟୁ ଝାୟାହାଜାମାଚେ । ୭ ଅଡ଼େ ଏଝାସି ଜମିନି ଦିନାତା ନେହୁଁ କିନେସିକି ଆଏ ଏଦାଆଁ ସିନକିହାଲି ମେରାପୁନାରି ଅଡ଼େ ପାରୁସିୟା କୁଗାନା ସିନକିହାମାଚେରି, ଏନିକିଁ ଏଝାଣାଇଁ ଦହ ଆସାଲି ପାରୁ ବେଟାଆନେରି । ୮ ସାମା ଏଝାସି ଏଝାରି ହିୟାତି ଅଣପୁ ପୁଞ୍ଜାନା ଆମିନି ଲକୁତି କେୟୁ ଝାୟାହାଜାମାଚେ ଏଝାଣାଇଁ ଏଲେଇଚେସି, “ନିଜାମୁ ମାଦି ନିମୁ ।” ଏଚେଟିଏ ଏଝାସି ନିଚେସି । ୯ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜେ ଝେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହୁଁକିନାୟି କି ଲାଗେଏ କିନାୟି ? ଜୀହୁତି ଗେଲପିନାୟି କି ନାସା କିନାୟି ?” ୧୦ ଅଡ଼େ ଏଝାସି ସାରିଝାକି ଲକୁଣି ସିନକିହାନା ଏଝାଣାଇଁ ଏଲେଇଚେସି, “ନୀ କେୟୁ ଦାହୁମୁ ।” ଏମ୍ବାଟିଏ ଦାସ୍ତେସି, ଇଞ୍ଜା ଏଝାଣି କେୟୁ ନେହୁଁ ଆହାହାଚେ । ୧୧ ଏଦାଆଁ ମେସାନା ଏଝାରି କାରବି ଆହାହାଚେରି ଅଡ଼େ ଜୀସୁଇଁ ଏନିକିହାଲି ଆନେ ଇଞ୍ଜାଁ ତାମ୍ବୁତାମ୍ବୁ କାତା ଆଡ଼େରି ।

**ଜୀସୁ ବାରଜାଣା ସୀସୁୟାଁଇଁ ଆଡ଼ିନାୟି**  
(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲାତା ଏ ଦିନା ପ୍ରାତାନା କିହାଲି ହରୁ ଲାକ ହାଚେସି ଇଞ୍ଜାଁ ଲାଆଁ ଝେୟେ ମାହାପୁରୁ ତାଣା ପ୍ରାତାନା କିଚେସି । ୧୩ ଲାକ ଝେୟାଲିଏ ଏଝାସି ତାନି ସୀସୁୟାଁ ତାଗେ ହାଟାନା ଏଝାରି ବିତ୍ରାଟି ବାରଜାଣାତି ଆଡ଼ିଚେସି; ଇଞ୍ଜାଁ ଏଝାରାଇଁ ପାଣୁଝି ଆଡ଼ାରି ଇଞ୍ଜାଁ ଦରୁ ଇଚିଚେସି, ୧୪ ଏଝାରି ଆଡ଼େରି ସିମନ ଆମ୍ବାଆରାଇଁ ଏଝାସି ପିତର ଦରୁ ହୀତେସି, ଅଡ଼େ ତାନି ତାୟି ଆୟିୟ, ଜାକୁବ ଅଡ଼େ ଜହନ, ପିଲିପ, ବାର୍ତଲମି, ୧୫ ମାତିୟୁ ଅଡ଼େ ତମା, ଆଲେପି ମୀରୁଏସି ଜାକୁବ ଅଡ଼େ ସିମନ, ଆମିନି ଗାଗାଣାଇଁ ତାନି ଦେସାତି ଜୀହୁ ନନାସି ଇନେରି, ୧୬ ଜାକୁବ

ମୀରୁଏସି ଜୀହୁଦା ଅଡ଼େ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁ କେୟୁତା ହେର୍ପିଚେସି ।

**ଜୀସୁତି ଜାପୁନାୟି ଅଡ଼େ ରଗଟି ନେହୁଁକିନାୟି**  
(ମାତି ୪:୨୩-୨୫)

୧୭ ଅଡ଼େ ଏଝାସି ଏଝାରିତଲେ ରେଟାଝାହାନା ନିମା ଗାଟି ଗାୟୁତା ନିଚେସି, ଇଞ୍ଜାଁ ତାନି ହାରେକା ସୀସୁୟାଁ ଅଡ଼େ ବାରେ ଜୀହୁଦା ଦେସା ଜିରୁସାଲମ ଇଞ୍ଜାଁ ସର ଅଡ଼େ ସିଦନ ଦାରିଟି ହାରେକା ଝାଡ଼େରି । ୧୮ ଏଝାରି ଜୀସୁତି କାତା ଝେଞ୍ଜାଲି ଅଡ଼େ ତାନି ରଗଟି ନେହୁଁ ଆହାଲି ଝାହାମାଚେରି, ଅଡ଼େ ଆମିନି ଗାଗାରି ବୁଡୁୟାଁ ତାଣାଟି କସ୍ତୁ ବେଟାଆହି ମାଚେରି, ଏଝାରି ଜିକେଏ ନେହୁଁ ଆଡ଼େରି; ୧୯ ବାରେଜାଣା ଏଝାଣାଇଁ ତୀଗାଲି ମନ କିହିମାଚେରି, ଇଚିହୁଁ ଏଝାଣି ତାଣାଟି ବାଡ଼ୁୟୁ ହଟାନା ବାରେଜାଣାତି ନେହୁଁ କିହିମାଚେ ।

**ଆମ୍ବାଆରି ନେହେଁ**  
(ମାତି ୫:୧-୧୨)

୨୦ ଏଚିବେଲାତା ଜୀସୁ ତାନି ସୀସୁୟାଣି ସିନକିହାନା ଏଲେଇଚେସି, “ହିଲାଆଗାଟାଚେରି ମୀରୁ; ମିଜେ ନେହେଁ, ଇଚିହୁଁ ମାହାପୁରୁ ରାଜି ମୀଦିଏ । ୨୧ ନୀଏଁ ହାକି ଗାଟାଚେରି ମୀରୁ; ମିଜେ ନେହେଁ, ଇଚିହୁଁ ମୀରୁ ତାୟୁ ପାଞ୍ଜିଦେରି । ନୀଏଁ ତାହିମାନାଚେରି ମୀରୁ; ମିଜେ ନେହେଁ, ଇଚିହୁଁ ମୀରୁ ତାୟୁ କାକଦେରି ।”

୨୨ \*ଏଚେଟା ଲକୁ ମିଜେ ଅପଅରି ଅଡ଼େ ମାଣ୍ଡସି ମୀରୁଏଣା ତାକି ଏଟକା କିୟାନେରି, ଅଡ଼େ ନିୟା କିୟାନେରି ଇଞ୍ଜାଁ ମୀ ଦରୁତି ଲାଗେଏତାୟି ଇଞ୍ଜାଁ ଅପଅରି, ଆତିହୁଁ ମୀରୁ ନେହେଁ । ୨୩ \*ଏ ବେଲାତା ରାହାତଲେ ଏନ୍ଦାଦୁ, ଏନିଇଚିହୁଁ ଲାକପୁରୁ ମିଜେତାକି ହାରେକା ଦାନା ମାନେ; ଅଡ଼େ ଏଲେକିହୁଁଏ ଏଝାରି ଆକୁ ଆବାୟାଁ ମାହାପୁରୁ ଅଣପୁତି ବଲୁ ଝେହନରାଇଁ କିହିମାଚେରି ।”

୨୪ “ସାମା ଆୟତା ତଣ୍ଡ ବେଟାଆନି ଦନ ଗାଟାଚେରି ମୀରୁ; ମୀରୁ ମୀ ଅଣପିମାଟି ସୁକୁ ବେଟା ଆହାମାଞ୍ଜେରି !

୨୫ ଆୟତା ତଣ୍ଡ ବେଟାଆନାଚେରି ନୀଏଁ ପାଞ୍ଜାମାନାଚେରି ମୀରୁ; ଇଚିହୁଁ ତାୟୁ ମୀରୁ ହାକି ଆଦେରି । ଆୟତା ନୀଏଁ କାକହି ମାନାଚେରି ମୀରୁ; ଇଚିହୁଁ ତାୟୁ ମୀରୁ ଦୁକୁ ଆହାନା ତୀଦେରି ।”

୨୬ “ଏଚିବେଲା ବାରେ ଲକୁ ମିଜେ ନେହୁଁଚେରି ଇଞ୍ଜାନେରି, ଏଚିବେଲା ଆୟତା ତଣ୍ଡ ବେଟା

\* ୨:୨ ୨:୨ ସିନଗର    ✨ ୨:୨୨ ୨:୨୨ ୧ପିତ ୪:୧୪    ✨ ୨:୨୩ ୨:୨୩ କାମା ୭:୫୨

ଆନାତେରି; ଏଲେକିହି ଏ ଏଞ୍ଜାରି ଆକୁ ଆବାୟା ମିତି ବଲୁ ଖେହନାରାଇଁ କିହିମାତେରି ।”

**ସାତୁୟାଁଇଁ ଜୀଝୁନନାୟି**  
(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଖେଞ୍ଜିମାଞ୍ଜେରି, ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଇଁ ଜୀଝୁନଦୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହିଁ କିଦୁ; ୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଙ୍ଗେ ଲାଗେଏ କିହିଁ ଲେମ୍ବାନେରି ଏଞ୍ଜାରି କସମି ପ୍ରାଡାନା କିଦୁ । ୨୯ ଆମ୍ବାଆସି ମିଙ୍ଗେ ର ଗେଏଲାତା ସାପଡ଼ା ଖେଡାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜା ଆମ୍ବାଆସି ମୀ ହିମ୍ବୁରି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ । ୩୦ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜା ଆମ୍ବାଆସି ଦନ ଅନେସି, ଏଞ୍ଜାଣାଇଁ ଖେଶ୍ଟେ ରାହିଆଦୁ । ୩୧ ଲକୁ ମିଙ୍ଗେ ଏନିକିଁ ଲେମ୍ବାପେରି ଇଞ୍ଜିଁ ଅଣ୍ଡିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହିଁ ଲେମ୍ବାଦୁ ।

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀଝୁ ନୟାନେରି, ଏଞ୍ଜାରାଇଁ ଜୀଝୁ ନଡ଼ିହିଁ ଏନି ବର ବେଟାଆଦେରି ? ଇତିହିଁ ପାପୁ ଗାଟାରି ଜିକେଏ ତାମଙ୍ଗେ ଜୀଝୁ ନନାରାଇଁ ଜୀଝୁ ନଡ଼େରି । ୩୩ ଅଡ଼େ ଆମ୍ବାଆରି ମିଙ୍ଗେତାକି ନେହିଁ କିୟାନେରି, ମୀରୁ ଏଞ୍ଜାରି ନେହିଁ କିଦେରି, ଆତିହିଁ ମୀରୁ ଏନି ବର ବେଟାଆଦେରି ? ଇତିହିଁ ପାପୁ ଗାଟାରି ଜିକେଏ ଏଲେକିନେରି । ୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରୀଣା ହୀତିସାରେ ମୀରୁ ଏନି ବର ବେଟାଆଦେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଣା ହୀନେରି । ୩୫ ସାମା ମୀ ସାତୁୟାଁଣି ଜୀଝୁନଦୁ ଇଞ୍ଜା ଏଞ୍ଜାରି ନେହିଁ କିଦୁ, ଖେଶ୍ଟେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହିଁ ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା ମାହାପୁରୁତି ମୀରକା ଆଦେରି, ଇତିହିଁ ଏଞ୍ଜାସି ଜୀଝୁ ନଆଗାଟାରାଇଁ ଅଡ଼େ ପାପୁ ଗାଟାରାଇଁ ଜିକେଏ ଜୀଝୁ ନନାସି । ୩୬ ମୀ ଲାକପୁରୁତି ଆବା ଏନିକିଁ କାର୍ମା ମେହନାସି ମୀରୁ ଜିକେଏ ଏଲେକିହିଁ ଏ କାର୍ମା ମେହନାତେରି ଆଦୁ ।

**ଏଟକା ତାରାଇଁ ନୀହାଁୟି କିଆଦୁ**  
(ମାତି ୭:୧-୫)

୩୭ “ଅଡ଼େ ନୀହାଁୟି କିଆଦୁ, ଆତିହିଁ ମୀରୁ ମାହାପୁରୁ ତାଣା ନୀହାଁୟି କିଞ୍ଚି ଆଅତେରି; ଦହ ଦହଆଦୁ, ଆତିହିଁ ମୀରୁ ମାହାପୁରୁ ତାଣା ଦହ

ଗାଟାତେରି ଆଅତେରି; ଦହ ମେକ୍‌କଦୁ, ଆତିହିଁ ମାହାପୁରୁ ମୀ ଦହ ଜିକେଏ ମେକ୍‌କହାନେସି; ୩୮ ହୀଦୁ ଆତିହିଁ ମିଙ୍ଗେ ଜିକେଏ ହୀପକିଆନେ; ଲକୁ ମାଣାତି ନେଞ୍ଜିକିହାନା ଏଦାନି ନାବଗାନା ଦାକ୍‌ହାନା ତେଲି କିହାନା ମୀ ଅଟଡ଼ିତା ହିୟାନେରି; ଇତିହିଁ ଆମିନି ମାଣାତଲେ ଲାଡ଼ିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଟା ହିୟାନେରି ।”

୩୯ ☆ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେଇତେସି, “ର କାଣା ଅର କାଣାଇଁ ଜିରୁ ତସାଲି ଆଡ଼ିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡ଼ୁୟୁତା ତରଗଅରି କି ? ୪୦ ☆ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହିଁକିଁ ଜାପାଲି ଆଡ଼ିସାରେ ତାନି ଗୁରୁ ସମାନା ଆନେରି ।”

୪୧ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣ୍ଡି ହିଲଅତି ? ୪୨ ନୀନୁ ନୀ କାନୁତା ମାନି କାଜା ଲାଟା ଅଣ୍ଡିପାଆନା, ଏନିକିଁ ନୀ ତାୟିଇଁ ଏଲେଇଞ୍ଜାଲି ଆଡ଼ିଦି, ତାୟି ଝାମୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡ଼େ କୁଟୁ ଗାଟାତି ତଲିଏ ନୀ କାନୁତି କାଜା ଲାଟା ଡେଞ୍ଜା କଡାମୁ, ତାୟି ମୀ ତାୟି କାନୁତି ଲାଟା ନେହିଁକିଁ ମେସାଲି ଆଡ଼ିଦି ।

**ମାର୍‌ନୁ ଅଡ଼େ ତାନି ପାଡ଼େୟି**  
(ମାତି ୭:୧୭-୨୦; ୧୨:୩୩-୩୫)

୪୩ “ଇତିହିଁ ଇଲେତି ଏନି ର ନେହିଁ ମାର୍‌ନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରଞ୍ଜାକି ଇଲେତି ଏନି ମାର୍‌ନୁ ହିଲେଏ ଏମିନାୟି ନେହିଁ ପାଡ଼େୟି ଆୟିନେ । ୪୪ ☆ଇତିହିଁ ବାରେ ମାର୍‌କାଣି ତାନି ପାଡ଼େୟି ତଲେ ପୁନାୟି; ହାପକା ମାର୍‌ନୁଟି ଲକୁ ତୟା ପାଡ଼େୟି ଏହଅରି, ଇଞ୍ଜା ହାପକା ବୁଟାଟି ଅଞ୍ଜୁରି ପାଡ଼େୟି ଏହଅରି ।

୪୫ ☆ନେହିଁ ଲକୁ ନେହିଁ ମନ ବିତ୍ରାଟି ନେହିଁ କାତା ହପ୍‌ନେସି, ଇଞ୍ଜା ପଲ୍‌ଆ ଗାଟାସି ପଲ୍‌ଆ ମନ ବିତ୍ରାଟି ପଲ୍‌ଆ କାତା ହପ୍‌ନେସି; ଇତିହିଁ ହିୟାଁ ବିତ୍ରା ମାନାଣି ଗୁଡ଼ିଟି ଜଲିନେସି ।

**ରୀ ଇଲକା କେପିନାରି**  
(ମାତି ୭:୨୪-୨୭)

୪୬ ଅଡ଼େ ମୀରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜିଁ ମାଞ୍ଜାଦେରି, ସାମା ନା କାତା ମାନଞ୍ଚି ଆହି ହିଲଅତେରି ? ୪୭ ଆମ୍ବାଆସି ନା ତାଣା ଝାହାନା ନା କାତା ଖେଞ୍ଜାନା ବାରେ ମାନଞ୍ଚି ଆନେସି, ଏଞ୍ଜାସି ଏନିଲେହେତାସି, ନାନୁ ମିଙ୍ଗେ ଖେସ୍ତାଇଁ । ୪୮ ଏଞ୍ଜାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାଡ଼ି ଗାଡ଼ୁୟୁ କାର୍‌ହାନା

☆ ୭:୩୧ ୭:୩୧ ମାତି ୭:୧୨ ☆ ୭:୩୯ ୭:୩୯ ମାତି ୧୫:୧୪ ☆ ୭:୪୦ ୭:୪୦ ମାତି ୧୦:୨୪,୨୫; ଜହ ୧୩:୧୭; ୧୫:୨୦ ☆ ୭:୪୪ ୭:୪୪ ମାତି ୧୨:୩୩ ☆ ୭:୪୫ ୭:୪୫ ମାତି ୧୨:୩୪



ପୁନାଦି ଖାଲକାତଲେ କାତି ନିପନେସି; କାଜା କାତା ଖାହାନା ଏ ଇଲୁତି ଗୁପିତେ, ଖାଲକାତଲେ ଇଲୁ ଦସାମାଚାକି କାତା ଇଲୁତି ଦାକ୍‌ହାଲି ଆଡ଼ାଆତେ । ୪୯ ସାମା ଆମ୍ବାଆସି ଖେଞ୍ଜାନା ମାନଞ୍ଜି ଆଅସି ଏଝାସି ଗାଡ଼ୁୟୁଟିଏ ପୁନାଦି କିଆନା ଲାକ ଲାକ ଇରଥା ଲାକ ଇଲୁ କିହାମାନି ଲକୁ ଲେହେଁତାସି; କାଜା କାତା ଖାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜା କୁଡ଼ପୁନାସା ଆହାହାଚେ ।”



**ଜୀସୁ ର ରମିୟ ହଲେଏଣାଇଁ ନେହୁଁ କିନାୟି (ମାତି ୮:୫-୧୩)**

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରନାହୁମ ଗାଡ଼ାତା ହାଚେସି । ୨ ଏଚିବେଲାତା ରଅସି ପାସାକଡ଼ି କସକା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାଚେସି; ଏ ହଲେଏଣାଇଁ ଏଝାସି ହାଚେକା ଜୀସୁ ନହୁଁ ମାଚେସି । ୩ ଏଝାସି ଜୀସୁ କାତା ଖେଞ୍ଜାନା, ଏଝାସି ଏନିକିଁ ଖାହାନା ତାନି ହଲେଏଣାଇଁ ନେହୁଁ କିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାଟି ଏଚରଜାଣାତି ଏଝାଣି ତାଣା ପାଶ୍ଚାନା ବାତିମାଲିତେସି । ୪ ଏଝାରି ଜୀସୁ ତାଣା ଖାହାନା ହାଚେକା ବାତିମାଲିହୁଁ ଖେସ୍ତେରି, “ଏଝାସି ନୀ ତାଣାଟି ହାଚେକା ସାୟେମି ବେଟାଆହାଲି ପାଡ଼ା ଆନାସି; ୫ ଇଚିହୁଁ ଏଝାସି ମା ଜୀହୁଦି ଲକୁଣି ଜୀସୁ ନନେସି ଅଡ଼େ ତାନୁଏ ମାଜେତାକି ଜୀହୁଦି ଲକୁତି କୁଚମି ଇଲୁ\* କିହାମାନେସି ।”

୬ ଏମ୍ବାଟିଏ ଜୀସୁ ଏଝାରିତଲେ ହାଚେସି, ଏଝାସି କାଜାଣି ଇଲୁଟିଏ ହିରେ ହେକ ମାଚାଟିଏ ତାନି ତଣେସିକାଣି ଖେସା ପାଶ୍ଚିତେସି, “ଏ ପ୍ରବୁ ନୀନୁ ଅଡ଼େ କସ୍ତ ପୁଃଆନିଦେ; ଇଚିହୁଁ ନୀନୁ ନା ଇଜ ପାସୁଲି ଇଚିଦି ଇଲେକିଁ ପାଡ଼ାଆଆତାତେସି; ୭ ଇଦାଆଁତାକି ନୀନୁ ନୀ ତାଣା ଖାହାଲି ପାଡ଼ାଆଆଁ ଇଞ୍ଜି ଅଣପିତେସି; ସାମା ନୀନୁ ର ପଦୁ ଖେସା ପାଶ୍ଚାମୁ ନା ହଲେଏସି ନେହୁଁ ଆନେସି । ୮ ଇଚିହୁଁ ନୀନୁ ରଅଣି ତାଣା କାମା କିନି ମାଣସି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସକା ମାନେରି; ଅଡ଼େ ନୀନୁ ରଅଣାଇଁ ହାଲାମୁ ଇଚିହୁଁ ହାନେସି; ରଅଣାଇଁ ଖାମୁ ଇଚିହୁଁ ଖାନେସି; ଇଞ୍ଜା ନା ହଲେଏଣାଇଁ ଇଦାଆଁ କିମୁ ଇଚିହୁଁ ଏଝାସି କିନେସି ।”

୯ ଜୀସୁ ଇ ବାରେ କାତା ଖେଞ୍ଜାନା କାବା ଆଚେସି, ଅଡ଼େ ଜେଚ ଖାହିମାନି ଲକୁଖାକି ସିନିକିହାନା ଏଲେଇଚେସି, “ନୀନୁ ମିଜେ ଖେସିମାଞ୍ଜାଇଁ

ଇସ୍ତାୟେଲ ଲକୁ ବିତ୍ରା ଜିକେଏ ନୀନୁ ଇଲେତି ନୀମୁ ମେସାହିଲଅଁ ।”

୧୦ ଅଡ଼େ ପାଶ୍ଚି ଆହାମାଟି ଲକୁ ଇଜ ଖାହାନା ହଲେଏସି ନେହୁଁ ଆହାମାନାଣି ମେସ୍ତେରି ।

**ରାଶ୍ଚେଣି ଇୟାନି ମୀରଏଣାଇଁ ଜୀସୁ ହୀନାୟି**

୧୧ ଏମ୍ବାଟିଏ ନାଇନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜା ହାଚେକା ଲକୁ ଏଝାଣିତଲେ ହାଜିମାଚେରି । ୧୨ ଏଝାସି ଗାଡ଼ାଟି ଗଲିମୁଚାତା ଏଜାଲିଏ ଲକୁ ର ମାଡ଼ହାତି ପାଙ୍ଗାତା ଡେକା ତାଟି ମାଚେରି, ଏଝାସି ତାନି ଇୟାନି ରଣିଏ ମୀରଏସି ମାଚେସି, ଇଞ୍ଜା ଏ ଇୟା ରାଶ୍ଚେଣି ମାଚେ; ଅଡ଼େ ଗାଡ଼ାଟି ହାଚେକା ଲକୁ ଏଦାନିତଲେ ମାଚେରି । ୧୩ ଏଦାନି ମେସାନା ଜୀସୁ ହାଚେକା କାର୍ମା ଅଣପାନା ଏଦାନି ଏଲେଇଚେସି, “ଡ଼ୀଆନି ।” ୧୪ ଅଡ଼େ ଏଝାସି ତାଗେ ହାଜାନା ଡେକାମାଟି ଚେଚେଣିତି ତୀଗିତେସି, ଇଞ୍ଜା ଡେକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡ଼େ ଦାଂଗ୍‌ଶେଣାଁତି ! ନୀନୁ ଏଲେଇଞ୍ଜିମାଞ୍ଜାଇଁ ନିଜାମୁ !” ୧୫ ଏଚେଟିଏ ହାହାମାଟି ଦାଂଗ୍‌ଶେଏସି ନିଜାମା କୁଗିତେସି ଇଞ୍ଜା ଜଲିତେସି, ଇଞ୍ଜା ଏଝାସି ତାନି ଇୟାନି କେୟୁତା ହେରପିତେସି ।

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ ଜହରା କିହୁଁ ଏଲେଇଚେରି; “ମା ବିତ୍ରା ର ମାହାପୁରୁ ଅଣପୁତି ବଲୁ ଖେହନାସି ହଚାମାନେସି, ଇଚିହୁଁ ମାହାପୁରୁ ତାନି ଲକୁଣି କାର୍ମା ମେସାମାନେସି !”

୧୭ ଇଞ୍ଜା ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡ଼େ ସାରିସୁଚୁ ମାନି ରାଜିତା ଖେଜାହାଚେ ।

**ବାପ୍ତିସ୍ମାଁ ହୀନି ଜହନତି କାରୁ ଖେହନାରି (ମାତି ୧୧:୨-୧୯)**

୧୮ ତାୟୁ ବାପ୍ତିସ୍ମାଁ ହୀନି ଜହନତି ସୀସୁୟାଁ ଇ ବାରେ କାତା ଏଝାଣାଇଁ ଖେସ୍ତେରି । ୧୯ ଏଚେଟିଏ ଜହନ ତାନି ରୀ ସୀସୁୟାଁଇଁ ତାଗେ ହାଚାନା ପ୍ରବୁ ତାଣା ଏଲେଇଞ୍ଜା ପାଶ୍ଚିତେସି, “ଆମ୍ବାଆସି ଖାନାୟି ମାଚେ, ନୀନୁଏ ଏଝାଟିକି, ଆଆତ ମାମ୍ବୁ ଅର ରଅଣାଇଁ କାଃଆନମି ?”

୨୦ ଏଝାରି ଜୀସୁ ତାଣା ଖାହାନା ଏଲେଇଚେରି, “ବାପ୍ତିସ୍ମାଁ ହୀନି ଜହନ ମାଜେ ଏଲେଇଞ୍ଜା ପାଶ୍ଚାତେସି, ଆମ୍ବାଆସି ଖାନାୟି ମାଚେ ଏଝାଟି ନୀନୁଏ କି ଆଆତ ମାମ୍ବୁ ଅର ରଅଣାଇଁ କାଃଆନମି ?”

୨୧ ଏଚିବେଲା ଏଝାସି ହାଚେକା ରଗ, କସ୍ତ ଅଡ଼େ ପଲଆ ବୁଡୁୟାଁ ତାଣାଟି ହାଚେକା ଲକୁଣି ନେହୁଁ କିତେସି, ଇଞ୍ଜା ହାଚେକା କାଣକା ମେହୁଆଗାଗାରାଇଁ ମେହୁନି ବାଡ଼ୁୟୁ ହୀତେସି

\* ୭:୫ ୭:୫ ସିନଗର୍ † ୭:୧୭ ୭:୧୮ ମୁଞ୍ଜିନାୟି ‡ ୭:୧୮ ୭:୧୮ ମୁଞ୍ଜିନାୟି § ୭:୨୦ ୭:୨୦ ମୁଞ୍ଜିନାୟି

। ୨୨ ଏଞ୍ଜେଲି ଏଞ୍ଜେରାଇଁ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଞ୍ଜେରି ଅଡେ ଖେଞ୍ଜାମାଞ୍ଜେରି, ଏ ବାରେ ଜହନଇଁ ଖେହ୍ଦୁ; କାଣ୍ଡକା ମେହ୍‌ଆଗାଟାରି ମେସାଲି ଆଡ଼ିମାନେରି, ସଟାୟଁ ତାକାଲି ଆଡ଼ିମାନେରି, କାଜା ରଗ ଗାଟାରି ନେହ୍ ଆହିମାନେରି, ବେରାୟଁ ଖେଞ୍ଜାମାନେରି, ହାତାରି ନୀଡ଼ିମାନେରି, ଅଡେ ହିଲାଆ ଗାଟାରି ନେହ୍ କାରୁ ଖେଞ୍ଜାମାନେରି; ୨୩ ନା ତାଣା ଆମ୍ବାଆରି ଆନାମାନା ଆଆନା ନାମାନେରି, ତାମ୍‌ଲେଏ ନେହ୍ ।”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏମ୍ବାଆଁ ଏନାଆଁ ମେସାଲି କାଟାମାଚେରି ? ଏନାଆଁ ଗାଲି ତଲେ ଖାଲିମାନି ତାଣ୍ଡିତି ? ୨୫ ଏନାଆଁ ଆଆତିହ୍ ଏନାଆଁ ମେସାଲି ହାଜାମାଚେରି ? ନେହ୍ ଅଜିତି ପାଡ଼ାଡ଼ା ହିମ୍ବରି ହୁଟାମାନି ର ମାଣ୍ଡିଇଁ ? ମେହ୍‌ଦୁ ଆମ୍ବାଆରି ନେହ୍ ନେହ୍ ହିମ୍ବରିକା ହୁଟାନା ସୁକୁ ତଲେ ଡ଼ୟିନାରି ଏଞ୍ଜାରି ରାଜା ଗାଡ଼ାତା ଡ଼ୟିନେରି ! ୨୬ ଏନାଆଁ ଆଆତିହ୍ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଡପୁତି ବଲୁ ଖେହ୍‌ନାଣାଇଁ ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁ ବଲୁ ଖେହ୍‌ନାରି କିହାଁ କାଜାଣାଇଁ । ୨୭ ଆମ୍ବାଆରି କାତା ରାସ୍‌କି ଆହାମାନେ, ‘ହେଶୁ ନାନୁ ନା କାରୁ ଖେହ୍‌ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନୀ ନକିତା ଜିରୁ ତିୟାରା କିନେସି, ଏଞ୍ଜାସି ଏ ମାଣ୍ଡିସି ।’ ୨୮ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଇୟାନି ବାଣ୍ଡିତି ଜାନା ଆହାମାନାରି ବିତ୍ତା ଜହନ ବାରେକିହାଁ କାଜାସି; ଆଡ଼ିଜିକେଏ ମାହାପୁରୁ ରାଜିତା ଆମ୍ବାଆସି ଡ଼ଣା ଏଞ୍ଜାସି ଏଞ୍ଜାଣି କିହାଁ କାଜାସି ।”

୨୯ \*ବାରେଜାଣା ଇ କାତା ଖେଞ୍ଜାନା, ସିସୁ ରାହ୍‌ନାରି ଜିକେଏ ଜହନ ତାଣ୍ଡାଟି ବାପ୍ରିସ୍ତ\* ଅହାମାଚାକି ମାହାପୁରୁଇଁ ସାତା ଇଞ୍ଜି ଇଚେରି; ୩୦ ସାମା ପାରୁସିୟାଁ ଅଡେ ମେରାପୁନାରି ଏଞ୍ଜାଣି ତାଣ୍ଡାଟି ବାପ୍ରିସ୍ତ† ପ୍ଲାଃଆନାହାଁ ତାମ୍‌ଲେ ତାକି ମାହାପୁରୁ ଅଣ୍ଡପିମାଚାଣି କୁଡେରି ।

୩୧ “ଇ କାଲାତି ଲକୁଣି ଆମ୍ବାଆରି ତଲେ ତୁକ୍‌ଇଁ, ଇଞ୍ଜା ଏଞ୍ଜାରି ଆମ୍ବାଆରି ଲେହ୍ ? ୩୨ ଏମିନି କକାରି ହାଟା ବାଜାରାତା କୁଗାନା ତାମ୍‌ ଏଲେଇଣ୍ଡି ଆନେରି, ‘ମାମ୍‌ ମିଙ୍ଗତାକି ପୀରୁଡ଼ି ଡ଼କିତମି, ମୀରୁ ଏନାଆଡେରି; ମାମ୍‌ ତୁକୁ ତଲେ ଡ଼ାତମି ମୀରୁ ଡ଼ାଆଡେରି !’ ଏଞ୍ଜାରି ଇଲେତାରି ଇଞ୍ଜି ଜୀସୁ ଖେସ୍‌ସି । ୩୩ ଇଚିହ୍ ବାପ୍ରିସ୍ତ‡ ହାନି ଜହନ ଖାହାନା ରାନ୍ଦା ତିନାଆଡେସି କି ଅଞ୍ଜୁରି

ରାସା ଗହ୍‌ଆଡେସି, ଅଡେ ମୀରୁ ଏଲେଇଚେରି, ‘ଏଞ୍ଜାଣାଇଁ ବୁଡୁ ଆଲ୍‌ଗାମାଚେ ।’ ୩୪ ମାଣ୍ଡିସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଅଡେ ମୀରୁ ଏଲେ ଇଞ୍ଜାମାଞ୍ଜେରି, ‘ମେହ୍‌ଦୁ ଇଞ୍ଜାସି ଚିଣ୍ଡିକାଞ୍ଜୁ, କାଡ଼ବୁଡୁ, ସିସୁ ରାହ୍‌ନାରି ଅଡେ ପାପୁ ଗାଟାରି ତଣ୍ଡେଏସି ।’ ୩୫ ମାହାପୁରୁତି ବୁଦି ତାନି ବାରେ ମୀରୁକା ତାଣ୍ଡାଟି ସାତା ଇଞ୍ଜି ତଞ୍ଜାଆନେ ।”

**ପାରୁସି ସିମନ ଇଜ ଜୀସୁ ହାନାୟି**

୩୬ ଅଡେ ପାରୁସିୟାଁ ବିତ୍ତାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହଡାନା ରାନ୍ଦା ତିଞ୍ଜାଲି କୁଗିଡେସି । ୩୭ \*ମେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜି ପୁଞ୍ଜାନା ଏଡି ର ଗାଜୁତା ଗାନ୍ଦାଗାଟି ନିୟୁଁ ତାତାନା, ୩୮ ତାୟୁଞ୍ଜାକି ଜୀସୁ କତାୟାଦାରି ନିଚାନା ଡ଼ାହି ଡ଼ାହି କାଣ୍ଡୁ ବକ୍‌ହାନା ଏଞ୍ଜାଣି ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଜୀସୁ ପାଃଆନାୟାଁ କେଜିହ୍ ଏଞ୍ଜାଣି ପାଃଆନାୟାଁ ନଣ୍ଡିତେ ଅଡେ ଗାନ୍ଦା ନିୟୁଁ ରୁବିଡେ । ୩୯ ଏନାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜାସି ମନ ମନତା ଅଣ୍ଡପିଡେସି, “ଇଞ୍ଜାସି ମାହାପୁରୁ ଅଣ୍ଡପୁତି ବଲୁ ଖେହ୍‌ନାସି ଆହାମାଚିହ୍ ମା, ତାଙ୍ଗେ ତାଗିମାନି ଇୟାଟି ଏଡିଲେହ୍‌ତାୟି ପୁଚେସିମା, ଇଚିହ୍ ଏଡି ପାପୁ ଗାଟାୟି ।”

୪୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆଡେ ସିମନ ନାନୁ ମିଙ୍ଗେ ର କାତା ଖେସ୍‌ସୁନାୟିମାନେ ।”

ଏଞ୍ଜାସି ଏଲେଇଚେସି, “ହାଏ ପ୍ରୁ ଖେସ୍‌ସାମ୍ ।”

୪୧ “ର ସାଞ୍ଜୁକାରି ତାଣା ରିଆରି ରୀଣାଗାଟାରି ମାଚେରି; ରଅସି ପାସାଞ୍ଜା ଅଡେ ରଅସି ରୀ କଡ଼ି ଦସଟାକା ରୀଣା ଗାଟାସି । ୪୨ ଏଞ୍ଜାରି ରୀଣା ତିକ୍‌ହାଲି ଆଡ଼ାଆଲିଏ, ଏଞ୍ଜାରି ସାଞ୍ଜୁକାରି ରିଆରି ରୀଣାତି ଜିକେଏ ପିସାଡୁସ୍‌ସେସି । ଇଞ୍ଜା ଏଞ୍ଜାରି ବିତ୍ତାଟି ଆମ୍ବାଆସି ଏଞ୍ଜାଣାଇଁ ହାରେକା ଜୀସୁ ନନେସି ?”

୪୩ ସିମନ ଏଲେଇଚେସି, “ନା ଅଣ୍ଡପୁତା ଆମ୍ବାଆରାକି ଗାତି ରୀଣା ପିସ୍‌ପିଆଡେ ଏଞ୍ଜାସି ।”

ଜୀସୁ ଏଲେଇଚେସି, “ନାନୁ ନେହ୍ ଅଣ୍ଡପାମାଞ୍ଜି ।” ୪୪ ଅଡେ ଏଞ୍ଜାସି ଏ ଇୟାନିଞ୍ଜାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନାନୁ ମୀ ଇଜ ଖାଡେଏ, ନା କତାୟାଁ ତାକି ଏୟୁ ହିୟାଆତି, ସାମା କାଣ୍ଡୁ ତଲେ ନା ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ କେଜାଡେ । ୪୫ ନାନୁ ନାଙ୍ଗେ ନଣ୍ଡାଆତି ? ସାମା ନାନୁ ବିତ୍ତା ଖାଞ୍ଜିନିଏ ନା

\* ୭:୨୯ ୭:୨୯ ମାତି ୨୧:୩୨; ଲୁକ ୩:୧୨ \* ୭:୨୯ ୭:୨୯ ମୁଞ୍ଜିନାୟି † ୭:୩୦ ୭:୩୦ ମୁଞ୍ଜିନାୟି ‡ ୭:୩୩ ୭:୩୩ ମୁଞ୍ଜିନାୟି  
 \* ୭:୩୭ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

ପାଠ୍ୟାୟା ନଶ୍ଚାଲି ପିସିମାଞ୍ଜେଏ । ୪୭ ନୀନୁ ନା ତାୟୁଁ ତୁ ନିୟୁଁ ରୁବାଆତି ? ସାମା ଇଦି ନା ପାଠ୍ୟାୟାଣା ଗାନ୍ଦା ନିୟୁଁ ରୁବାତେ । ୪୮ ଇଦାଆଁତାକି ନାନୁ ନିଜା ଖେସିମାଞ୍ଜାଇଁ, ଇଦାନି ହାରେକା ପାପୁ ମେଶଜାମାନେ ଏଦାଣିତାକି ଏଦି ହାରେକା ଜୀଝୁନହୁଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଶଜାମାନେ ଏଝାସି ଉଣା ଜୀଝୁ ନନେସି ।” ୪୮ ଅଡ଼େ ଜୀସୁ ଏ ଇୟାନି ଏଲେଇରେସି, “ନୀ ପାପୁ ବାରେ ମେଶଜାମାନେ ।” ୪୯ ଏମ୍ବାଟିଏ ଏଝାଣିତଲେ ତିଞ୍ଜାଲି କୁଗାମାଚାରି ମନ ମନତା ଏଲେଇରେରି, “ପାପୁ ଜିକେଏ ମେଶଜା କିହିମାନେସି ଇଝାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇରେସି, “ନୀ ନାମୁ ନିଜେ ଗେଲପାମାଞ୍ଜାନେ; ହିଡ଼ଡ଼ି ତଲେ ହାଲାମୁ ।”

**୮**

**ଜୀସୁତଲେ ଡ଼ୟିନି ଇୟାସିକା**

୧ ଏଚରଦିନା ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ମାହାପୁରୁ ରାଜିତି ନେହୁଁ କାରୁ ଖେକହେସି, ଅଡ଼େ ବାରଜାଣା ସୀସୁୟାଁ ଏଝାଣିତଲେ ମାଚେରି, ୨ ଅଡ଼େ ଏମିନିଗାଟି ଇୟାସିକା ପଲୁଆ ବୁଡୁୟାଁ ତାଣାଟି ରଗଟି ନେହୁଁ କିଞ୍ଜି ଆହାମାରୁ, ଇଚିହୁଁ ମଗଦଲିନି ମରିୟମ, ଆମ୍ବାଆରି ତାଣାଟି ସାଡ଼ାଗାଟା ବୁଡୁୟାଁ ହଚାହାଜାମାରୁ, ୩ ହେରଦ ଇଜତି ଗୁମୁସା କୁଜା ଅଡ଼େ ତାନି ଡକ୍ତି ଜହାନା, ସସାନା ଅଡ଼େ ହାରେକା ଇୟାସିକା ଏଝାଣିତଲେ ମାଞ୍ଜାନା ତାମି ଦନ ହାହାନା ଏଝାରି ସେବା କିହିମାରୁ ।

**ବିଚା ମାଟିନି ପୁଶ୍ମିକିନି କାତା**  
(ମାତି ୧୩:୧-୧୯; ମାର୍କ ୪:୧-୯)

୪ ଲକୁ ବାରେ ଗାଡ଼ାୟାଁଟି ଝାହିମାଚାକି ହାରେକା ଲକୁ ଏଝାଣି ତାଣା ରୁଣ୍ଡା ଆଡେରି ଇଞ୍ଜା ଏଝାସି ଏଝାରାଇଁ ପୁଶ୍ମିକିନି କାତାତଲେ ଖେସ୍ତେସି ।

୫ “ରଅସି ବିଚା ମାଟିନାସି ବିଚା ମାଟାଲି ହଡ଼େସି । ଏଝାସି ମାଟି ମାଟିହୁଁ କଚେକା ବିଚା ଜିରୁତା ରୀତେ ଏଦାଆଁ ଲକୁ ଡିସାତୁସ୍ତେରି, ଅଡ଼େ ହାଗୁ ଲାକ ଉମ୍ବିନି ପଟା କାଟି ପେରହା ତିରୁ । ୬ ଅଡ଼େ କଚେକା ଝାଲକା ଲାକ ରୀତେ, ଇଞ୍ଜା ନେୟାନା ବୁମି ଅଲୁ ହିଲାଆତାକି ଝାୟାହାଚେ । ୭ ଅଡ଼େ କଚେକା ହାପକା ବୁଗାତା ରୀତେ, ଇଞ୍ଜା ହାପକା ବୁଗା ପାତାଆହାନା ଆନାଁ ତାକିତି ପୁକ୍‌ହାତୁସ୍ତେ । ୮ ଅଡ଼େ କଚେକା ବିଚା ନେହୁଁ ବୁମିତା ରୀତେ, ଇଞ୍ଜା ପାତାଆହାନା ପାସାକଡ଼ି ପାଡ଼େୟି ଆୟିତେ ।” ଏଚେଟିଏ ଜୀସୁ କାଜା ଗିୟାତଲେ

ଏଲେଇରେସି, “ଆମ୍ବାଆରାକି ଖେଞ୍ଜାଲି କୀକାଁ ମାନୁ ଏଝାରି ଖେଶ୍ମାରି ।”

**ପୁଶ୍ମିକିନି କାତାତି ଅଶ୍ପୁ**

(ମାତି ୧୩:୧୦-୧୭; ମାର୍କ ୪:୧୦-୧୭)

୯ ତାମି ସୀସୁୟାଁ ଇ ପୁଶ୍ମିକିନି କାତାତି ଅର୍ତ୍ତ ଏନାୟି ଇଞ୍ଜା ଖେଚେରି, ୧୦ ଏଝାସି ଏଲେଇରେସି, “ମାହାପୁରୁ ରାଜିତି କାତା ପୁଞ୍ଜାଲି ମିଜେ ବାଡ଼ୁୟୁ ହାପକି ଆହାମାନେ, ସାମା ଏଟକା ତାରାଇଁ ପୁଶ୍ମିକିନି କାତାତଲେ ଖେସ୍‌ପିଆନେ, ଇଚିହୁଁ ଏଝାରି ମେସି ମେସିହୁଁ ମେହୁଅରି ଅଡ଼େ ଖେଞ୍ଜାଖେଞ୍ଜା ତେଲହୁଅରି ।”

**ଜୀସୁ ବିଚା ମାଟିନି କାତାତି ପୁଶ୍ମିକିନାୟି**

(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଶ୍ମିକିନି କାତା ଅର୍ତ୍ତ ଇଦି, ବିଚା ମାହାପୁରୁ ବଲୁ, ୧୨ ଜିରୁ ଦାରିତି ପାଡ଼େୟି ଇଲେତାରି, ଏଝାରି ମାହାପୁରୁ କାତା ଖେନେରି; ତାୟୁ ସୟତାନା ଝାହାନା ଏଝାରି ଏନିକଁ ନାମାଆପେରିଝା ଅଡ଼େ ଗେଲପି ଆଆପେରିଝା ଇଞ୍ଜା ଏଝାରି ହିୟାତା ଖେଞ୍ଜାମାନାଣି ମାଞ୍ଜାଅନେ । ୧୩ ଝାଲକା ବୁମିତା ରିତି ଲକୁ ଇଲେତାରି, ଏଝାରି କାତା ଖେଞ୍ଜାନା ରାହାଁଟି ଆହନେରି; ଏଝାରିତାଣା ହୀରୁ ଜୀଆତାକି ଗାଡ଼େକା ତାକି ନାମିନେରି, ଅଡ଼େ ତାୟିପାରି କିନାୟି ଝାଡ଼ିସାରେ ମାହାପୁରୁଇଁ ପିସା ତୁହନେରି । ୧୪ ଅଡ଼େ ହାପକା ବୁଗାତା ରିତି ଲକୁ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାରତିତି ଦୁକୁ କାକୁଲି, ଦନତି ଜୁପକା ଅଡ଼େ ଦାରୁତିତି ରାହାଁ ଏଝାରାଇଁ ପୁକ୍‌ହାତୁସାମାନାକି ନେହୁଁ କଁ କାମ୍ବାଲି ଆଡ଼ଅରି । ୧୫ ନେହୁଁ ବୁମିତା ରିତି ପାଡ଼େୟି ଇଲେତାରି, ଏମିନିଗାଟାରି ନେହୁଁ ସୁଦୁଜୀଝୁ ହିୟାଟି କାତା ଖେଞ୍ଜାନା ଆହନେରି, ଅଡ଼େ ବାରେ ଅରହାନା କାମା କିହାନା ପାଡ଼େୟି ଆୟିନେରି ।

**ମାଣା ପୁକ୍‌ହି ଦୀଝି**

(ମାର୍କ ୪:୨୧-୨୫)

୧୬ \*ଦୀଝି ଡ଼ୀସାନା ଆମ୍ବାଆରି ମାଣା ପୁକ୍‌ହାନା କି କାଚେଲି ଡ଼କକା ଇଚଅରି, ସାମା ଦୀଝି ସଡ଼ାତା ଇଚିନେରି, ଏନିକଁ ଇଜଝାନି ଲକୁ ଉଜେଡ଼ି ମେହନେରି ।

୧୭ \*ଡ଼ଗୁାମାନାୟି ଏନାୟିଝା ହିଲେଏ, ଏନାୟି ତଞ୍ଜା ଆଏ ଇଲେକଁ ଏନାୟି ଜିକେଏ ହିଲେଏ, ଖେସ୍‌ପି ଆହାନା ତଞ୍ଜା ଆଏ ଇଲେତି ଡ଼ଗୁାମାନାୟି ଏନାୟି ହିଲେଏ ।

୧୮ ଏନିକଁ ଖେଞ୍ଜାମାଞ୍ଜେରି ଏଦାଆଁତାକି ଜାଗାତା; ଇଚିହୁଁ ଆମ୍ବାଆରାଝାୟି ମାନେ ଏଝାଣାକି ହାପକିଆନେ, ଅଡ଼େ ଆମ୍ବାଆରାଝାୟି

\* ୮:୧୭ ୮:୧୭ ମାତି ୫:୧୫; ଲୁକ ୧୧:୩୩    \* ୮:୧୭ ୮:୧୭ ମାତି ୧୦:୨୭; ଲୁକ ୧୨:୨

ହିଲେଏ ଏଞ୍ଜିଲି ନାହିଁ ମାନେ ଇଞ୍ଜିଲି  
ଅନ୍ତର୍ଯ୍ୟାମନେସି, ଏଦାଆଁ ଜିକେଏ ଅଞ୍ଜିଆନେ ।

**ଜୀସୁତି ଇୟା ଅଡ଼େ ତାୟିୟାଁ**  
(ମାତି ୧୨:୪୭-୫୦; ମାର୍କ ୩:୩୧-୩୫)

୧୯ ଜୀସୁତି ଇୟା ଅଡ଼େ ତାୟିୟାଁ ଏଞ୍ଜିଲି  
ତାଣା ଖାଡ଼େରି, ସାମା ଲକୁ ମାନ୍ଦା ମାତାକି ଏଞ୍ଜିଲି  
ତାଣା ହାଜାଲି ଆଡ଼ାଆଡ଼େରି । ୨୦ ଏମ୍ବାଟିଏ ଜୀସୁଇଁ  
ଝେସ୍ତେରି, “ମୀ ଇୟା ଅଡ଼େ ମୀ ତାୟିୟାଁ ନିଜେ  
ମେସାଲି ପାଞ୍ଜାତା ନିଚାମାନେରି ।”

୨୧ ସାମା ଏଞ୍ଜିଲି ବାରେତି ଏଲେଇଚେସି, “ମାୟା  
ଅଡ଼େ ମା ତାୟିୟାଁ ଏଞ୍ଜିରି, ଆମ୍ବାଆରି ମାହାପୁରୁତି  
କାତା ଝେନେରି ଅଡ଼େ ମାନଞ୍ଜି ଆନେରି ।”

**ଜୀସୁ କାଜା ଗାଲିତି ସାପି କିନାୟି**  
(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାନି ସାୟୁୟାଁ ତଂଗତା  
କୁଗିତେରି, ଇଞ୍ଜି ଜୀସୁ ଏଞ୍ଜିରାଇଁ ଏଲେଇଚେସି,  
“ଞ୍ଜାଦୁ ମାର ସାମ୍ବୁରି ଆତାଲା ହାନ ।” ଏମ୍ବାଟିଏ  
ଏଞ୍ଜିରି ତଂଗଟି ହାଚେରି । ୨୩ ସାମା ଏଞ୍ଜିରି  
ତଂଗତା ହାଜିମାନି ବେଲତା ଜୀସୁ ତୁରାତେସି ।  
ଏତିବେଲା ସାମ୍ବୁରିତା କାଜା ଗାଲି ଆଡ଼େ, ଅଡ଼େ  
ଏୟୁ ତଂଗତା ହଡ଼ିମାତାକି ଏଞ୍ଜିରି ହାଚେକା କସ୍ତ  
ଆଡ଼େରି ଇଞ୍ଜି ଆଜିତେରି । ୨୪ ଏଚେଟିଏ ସାୟୁୟାଁ  
ତାଗେ ଖାହାନା ନିକହାଁ ଏଲେଇଚେରି, “ଏ ଗୁରୁ ଏ  
ଗୁରୁ ମାର ହାଜିମାନାୟି !”

ଏମ୍ବାଟିଏ ଏଞ୍ଜିଲି ନିଜ୍ଞାନା କାଜା ଗାଲିତି ଦାକା  
ହାଡେସି, ଇଞ୍ଜି ଏ ବାରେ ସାପି ଆହାନା ସୁସ୍ତି  
ଆଡେ । ୨୫ ଇଞ୍ଜି ଏଞ୍ଜିଲି ଏଞ୍ଜିରାଇଁ ଏଲେଇଚେସି,  
“ମୀ ନାମୁ ଆମ୍ବିୟା ?” ସାମା ଏଞ୍ଜିରି ଆଜି ଅଡ଼େ  
କାବାଆହାନା ତାମ୍ବୁ ଏଲେଇଶ୍ଚି ଆଡ଼େରି, “ଇଞ୍ଜିଲି  
ଏନିଲେହେତାସି ଇତିହାଁ ଗାଲି ଅଡ଼େ ଖାଡ଼ିମାନି  
ଏୟୁଣି ଜିକେଏ ହୁକୁମି ହାଜିମାନେସି ।”

**ବୁଡୁୟାଁ ଆଲ୍‌ଗା ମାଚାଣାଇଁ ଜୀସୁ ନେହଁ କିନାୟି**  
(ମାତି ୮:୨୮-୩୪; ମାର୍କ ୫:୧-୨୦)

୨୬ ତାୟୁ ଏଞ୍ଜିରି ଗାଲିଲି ନକିତି ଆତାଲାଞ୍ଜାକି  
ଗରାସିୟ ଦେସାତା ଏଡେରି । ୨୭ ଜୀସୁ ତଂଗଟି  
ରେଚାନା ଗାଟୁତା ଖାହାଲିଏ, ଏ ଗାଡ଼ାତି ର ବୁଡୁ  
ଆଲ୍‌ଗା ମାଚାସି ଖାହାନା ଏଞ୍ଜିଣାଇଁ ବେଟାଆଡେସି;  
ଏଞ୍ଜିଲି ଗାଡୁ ଦିନାଟିଏ ହିମ୍ବିରିକା ହୁଚାଆନା  
ଅଡ଼େ ଇଜ ମାନାଆନା ମାଡ଼ହା ମୁହନି ଚାୟୁତା  
ଡ଼ୟିମାଚେସି । ୨୮ ଏଞ୍ଜିଲି କିରଡ଼ିହଁ ଜୀସୁ  
କତାଣା ରିହାନା କାଜା ଗିୟାତଲେ ଏଲେଇଚେସି,  
“ଏ ବାଡ଼ମୁଗାଟି ମାହାପୁରୁ ମୀରଏଶାତି ଜୀସୁ  
ନୀ ତଲେ ନାଜେ ଏନାୟି ମାନେ ? ନାନ୍ତୁ  
ବାଡ଼ିମାଲିମାଞ୍ଜାଇଁ ନାଜେ ଅଡ଼େ କସ୍ତ ହିୟାଆନି  
।” ୨୯ ଇତିହାଁ ଜୀସୁ ଏ ପଲ୍‌ଆ ବୁଡୁତି ଏ ମାଣସି  
ତାଣାଟି ହଚା ହାଜାଲି ହୁକୁମି ହାହାଲି ହାଜିମାଚେସି

। ଏ ପଲ୍‌ଆ ବୁଡୁ ହାଚେକା ପାଲି ଏଞ୍ଜିଣାଇଁ  
ଆଲ୍‌ଗାମାଚେ, ଇଞ୍ଜି ଲକୁ ଏଞ୍ଜିଣାଇଁ କେସ୍ତା  
କତାଣା ହିକଣିୟା ତଲେ ଦସ୍‌ପା ଇଚିମାଚେରି,  
ସାମା ଏ ଦସ୍‌ପା ମାଚାଣି ତାପହାନା ବୁଡୁ ତଲେ  
ବାୟା ଆହାନା ଲକୁ ହିଲାଆ ଚାୟୁତା ହଚିମାଚେସି  
।

୩୦ ଜୀସୁ ଏଞ୍ଜିଣାଇଁ ଏଲେଇଚେସି, “ନୀ ଦରୁ  
ଏନାୟି ?”

“ନୀ ଦରୁ ମାନ୍ଦା” ଇଞ୍ଜି ଇଚେସି, ଏନାଆଁତାକି  
ଇଚିହଁ ହାଚେକା ବୁଡୁୟାଁ ଆଲ୍‌ଗାମାରୁ । ୩୧ ଇଞ୍ଜି  
ଜୀସୁ ଏଞ୍ଜିଲିକାଣି ତାଡ଼େପୁରୁ ପାଣ୍ଡାଲି ହୁକୁମି  
ହାଅସି, ଇଦାଆଁତାକି ଏଞ୍ଜିଣାଇଁ ବାଡ଼ିମାଲିତୁ ।

୩୨ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ  
ମେୟାଁମାରୁ, ଇଞ୍ଜି ଜୀସୁଇଁ ଏ ବୁଡୁୟାଁ ପାଜିୟାଁ  
ମାନ୍ଦା ବିତ୍ତା ହାଜାଲି ହେଲ ରାସ୍ତା ୩୩ ଏଞ୍ଜିଲି ହେଲ  
ହାହାଲିଏ, ବୁଡୁୟାଁ ଏ ମାଣସି ତାଣାଟି ହଚା ହାଜାନା  
ପାଜିୟାଁ ବିତ୍ତା ହଚୁ; ଏଚେଟିଏ ଏ ପାଜିୟାଁ ଏ ହରୁଟି  
ଦାବଡ଼ି ହାଜାନା ଦାରିତା ମାଟି ସାମ୍ବୁରିତା ମେଦା  
ହାହାହାଚୁ ।

୩୪ ଏ ପାଜିୟାଁ ମାନ୍ଦା ମେଟିମାଟି ଗଡ଼କା ଏଦାଆଁ  
ମେସାନା ହଚେରି ଇଞ୍ଜି ଗାଡ଼ା ଅଡ଼େ ନାସ୍‌କାଣାଁ ଏ  
କାତା ଝେସ୍ତେରି । ୩୫ ଏନାୟି ଆହାମାନେ ଏଦାଆଁ  
ମେସାଲି ଲକୁ ହଚାଞ୍ଜାଡେରି; ଇଞ୍ଜି ଏଞ୍ଜିରି ଜୀସୁ  
ତାଗେ ଖାହାନା, ଆମିନି ମାଣସି ତାଣାଟି ବୁଡୁୟାଁ  
ହଚା ହାଜାମାରୁ, ଏଞ୍ଜିଣାଇଁ ନେହଁ ହିମ୍ବିରିକା  
ହୁଚାନା ନେହଁ ମନତଲେ ଜୀସୁ କଡ଼ା ଡ଼ଇ  
କୁଗାମାଚାଣି ମେସାନା ଆଜିତେରି । ୩୬ ଅଡ଼େ  
ଆମିନି ଗାଗାରି ମେସାମାଚେରି ଏଞ୍ଜିରି ଏ ବୁଡୁ  
ଆଲ୍‌ଗା ମାଚାସି ଏନିକଁ ନେହଁ ଆଡେସି,  
ଏଦାଆଁ ଏଞ୍ଜିରାଇଁ ଝେସ୍ତେରି । ୩୭ ଏମ୍ବାଟିଏ  
ଗରାସିୟ ବାରେ ନାସ୍‌କାତି ସାରିଞ୍ଜାକି ବାରେ ଲକୁ  
ଜୀସୁଇଁ ତାମି ଦେସାଟି ହାଜାଲି ବାଡ଼ିମାଲିତେରି,  
ଇଚିହଁ ଏଞ୍ଜିରି ହାଚେକା ଆଜିମାଚେରି । ଇଞ୍ଜି  
ଏଞ୍ଜିଲି ର ତଂଗତା ହଚାନା ଝେଶ୍ଚାହାଚେସି ।  
୩୮ ସାମା ଏମିନିଗାଚାଣି ତାଣାଟି ବୁଡୁୟାଁ ହଚା  
ହାଜାମାରୁ, “ନାଜେ ନୀ ତଲେ ହାଜଲି ହେଲ  
ହିୟାମୁ” ଇଞ୍ଜି ବାଡ଼ିମାଲିତେସି; ୩୯ ସାମା ଜୀସୁ  
ଏଞ୍ଜିଣାଇଁ ହେଲ ହାହାନା, “ମୀ ଇଜ ଝେଶ୍ଚା  
ହାଲାନୁ, ଇଞ୍ଜି ମାହାପୁରୁ ନିଜେତାକି ଆମିନି କାମା  
କିହାମାଞ୍ଜାନେସି ଏ କାତା ଝେକ୍‌ମୁ ।” ଏଚେଟିଏ  
ଏଞ୍ଜିଲି ହାଜାନା ଜୀସୁ ତାଜେତାକି ଆମିନି କାମା  
କିହାମାଚେସି, ଏ ବାରେ ଗାଡ଼ାତା ଝେକ୍‌ହେସି ।

**ଜାୟିରସତି ମାଜା ଅଡ଼େ ଜୀସୁତି ହିମ୍ବିରି କୁକୁ  
ତାଗିତି ଇୟା**

(ମାତି ୯:୧୮-୨୭; ମାର୍କ ୫:୨୧-୪୩)

୪୦ ଜୀସୁ ଝେଶ୍ଚା ଖାହାଲିଏ ମାନ୍ଦା ଲକୁ ଏଞ୍ଜିଣାଇଁ  
ରାହାତଲେ ବେଟାଆଡେରି, ଇଚିହଁ ଏଞ୍ଜିରି

ବାରେଜାଣା ଏଞ୍ଜାଣାଙ୍କ କାଟିମାରେରି ।<sup>୪୧</sup> ଏମ୍ବାଟିଏ ଜାୟିରସ ଦରୁଗାଟାସି ଖାଡେସି; ଏଞ୍ଜାସି ଜୀହୁଦି ଲକୁଡି କୁଟମି ଇଲୁଡି\* କାଜାସି ମାରେସି । ଏଞ୍ଜାସି ଜୀସୁ କଡାଣା ରିହାନା ତାମି ଇଜ ହାଜାଲି ବାଡିମାଲିଡେସି, <sup>୪୨</sup> ଇଡିହି<sup>୩</sup> ଏଞ୍ଜାଣାକି ବାରୁ ବାସୀଡି ରଣ୍ଡିଏ ମାଜ୍ଜା ମାରେ, ଏଡି ହାନିଲେହେ ନମେରି ଆହାମାରେ ।

ସାମା ଏଞ୍ଜାସି ହାଜିମାଟାଟି ଲକୁ ଏଞ୍ଜାଣି ମୁହେଁ ମୁହେଁ ଆହିମାରେରି । <sup>୪୩</sup> ଏଡିବେଲାତା ବାରୁ ବାସୀ ପାଡେକା ନେଡେରି ଖାଜ୍ଜିନି ରଗୁଗାଟି ର ଇୟା, ଏମିନି ଗାଟାୟି ଆମ୍ବାଆରି ତାଣାଟି ଜିକେଏ ନେହି<sup>୪</sup> ଆହାଲି ଆଡିହିଲିଆଡେ, <sup>୪୪</sup> ଏଡି ତାୟୁ ଖାକିଟି ଖାହାନା ଜୀସୁଡି ହିମ୍ବରି କୁଜ୍ଜୁ ତାରିଡେ, ଏ ଦେବୁଣିଏ ଏଦାନି ନେଡେରି ବନାୟି ପିସ୍ତେ । <sup>୪୫</sup> ଏମ୍ବାଟିଏ “ନାଜେ ଆମ୍ବାଆୟି ତାଗାଡେ” ଇଞ୍ଜି<sup>୫</sup> ଜୀସୁ ଖେଡେସି ?

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇରେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।”

<sup>୪୬</sup> ସାମା ଜୀସୁ ଏଲେଇରେସି, “ନାଜେ ଆମ୍ବାଆୟିମା ତାଗାଡେ, ଇଡିହି<sup>୬</sup> ନା ତାଣାଟି ର ବାଡୁୟୁ ହଡାକି ନାନୁ ପୁରେଏ ।” <sup>୪୭</sup> ଏମ୍ବାଟିଏ ଏ ଇୟା ଖାହାନା ଅଣ୍ଡପିଡେ ନାନୁ ଅଡେ ଡଗୁନା ମାଞ୍ଜାଲି ଆଡୁଅଁ ଇଞ୍ଜି<sup>୭</sup> ଅଣ୍ଡପାନା ଆଜିତାକି ତାରା ତାରା ଆହି<sup>୮</sup> ଜୀସୁ କଡାଣା ରିହାନା, ଏନାଆଁତାକି ତାରିଡେ ଇଞ୍ଜା ଦେବୁଣିଏ ଏନିକ<sup>୯</sup> ନେହି<sup>୧୦</sup> ଆଡେ, ବାରେ ଲକୁ ନକିତା ଖେସ୍ତେ । <sup>୪୮</sup> ଏମ୍ବାଟିଏ ଜୀସୁ ଏଦାନି ଏଲେଇରେସି, “ମାଜ୍ଜା ନୀ ନାମୁ ନିଜେ ନେହି<sup>୧୧</sup> କିହାମାଞ୍ଜାନେ, ହିଡ଼ିଡି ହାଲାମୁ ।”

<sup>୪୯</sup> ଜୀସୁ ଇ କାତା ଖେସିମାଟି ବେଲାତା ଜୀହୁଦି ଲକୁଡି କୁଟମି ଇଲୁଡି† କାଜାଣା ଇଜଡି ରଅସି ଖାହାନା ଜାୟିରସଇ ଏଲେଇରେସି, “ନୀ ମାଜ୍ଜା ହାହାହାରେୟିଏ ଗୁରୁଇ ଅଡେ କସ୍ତ ହୀଆନିଦେହେ ।”

<sup>୫୦</sup> ସାମା ଜୀସୁ ଏ କାତା ଖେଞ୍ଜାନା ଏଞ୍ଜାଣାଙ୍କ ଏଲେଇରେସି, “ଆଜାଆନି ନାମାମୁ ଏଡି ନୀଡିନେ ।”

<sup>୫୧</sup> ଅଡେ ଜୀସୁ ଇଜ ଖାହାନା ପିତର, ଜହନ ଅଡେ ଜାକୁବ ଇଞ୍ଜା ପଦାନି ତାମି ଆବା ଇୟାନି ପିସ୍ତେ ଆମ୍ବାଆରାଙ୍କ ବିତ୍ରା ହାଜାଲି ହୀଆଡେସି । <sup>୫୨</sup> ସାମା ବାରେଜାଣା ଡାହି ଡାହି<sup>୧୨</sup> ବକତା ଖେଡା କଡିମାରୁ । ଏମ୍ବାଟିଏ ଜୀସୁ ଏଲେଇରେସି, “ଡୀଆଡୁ; ଏଡି ହାହାହିଲେଏ, ସାମା ତୁରାମାନେ ।”

<sup>୫୩</sup> ସାମା ପଦା ହାହାମାନାଣି ପୁଞ୍ଜାନା ଏଡି ଏଞ୍ଜାଣାଙ୍କ କାକ୍‌ହୁ । <sup>୫୪</sup> ସାମା ଜୀସୁ ପଦାନି କେୟୁ

ଆସାନା ହାଟାହାଁ ଏଲେଇରେସି, “ଆକେ ପଦା, ନିଜାମୁ ।” <sup>୫୫</sup> ଏମ୍ବାଟିଏ ପଦାନି ଜୀହୁ ଖେଣ୍ଡା ଖାଡେ ଅଡେ ଏ ଦେବୁଣିଏ ନିଜାଡେ, ଇଞ୍ଜା ଇଟାଣି ତିଞ୍ଜାଲି ହୀଦୁ ଇରେସି । <sup>୫୬</sup> ଏମ୍ବାଟିଏ ତାମି ତାଲି ତାଞ୍ଜି କାବାଆଡୁ; ସାମା ଇ ପଦା ନେହି<sup>୧୩</sup> ଆଡାଣି ଆମ୍ବାଆରାଙ୍କ ଖେହ୍‌ଆଦୁ ଇଞ୍ଜି<sup>୧୪</sup> ଏଞ୍ଜାସିକାଣି ହୁକୁମି ହୀଡେସି ।



**ଜୀସୁ ବାରେଜାଣା ସୀସୁୟାଙ୍କ ପାଣ୍ଡିନାୟି**  
(ମାଡି ୧୦:୫-୧୫; ମାର୍କ ୬:୭-୧୩)

<sup>୧</sup> ଏରେଟିଏ ଜୀସୁ ବାରେଜାଣାଟି ହାଟାନା ରୁଣ୍ଡା କିହାନା ଏଞ୍ଜାଣାଙ୍କ ବାରେ ବୁଡୁୟା ଲାକ ଅଡେ ରଗଟି ନେହି<sup>୧</sup> କିହାଲି ବାଡୁୟୁ ଅଡେ ଅଦିକାରା ହୀଡେସି । <sup>୨</sup> ଅଡେ ଏଞ୍ଜାସି ଏଞ୍ଜାଣାଙ୍କ ମାହାପୁରୁଡି ରାଜିଡି କାତା ଖେକ୍‌ହାଲି ଅଡେ ରଗ ଗାଟାରାଙ୍କ ନେହି<sup>୨</sup> କିହାଲି ପାଣ୍ଡିଡେସି <sup>୩</sup> ଇଞ୍ଜା ଏଞ୍ଜାଣାଙ୍କ ଏଲେଇରେସି, “ମୀରୁ ହାଜାଲିତାକି କୁତା ବାଡୁଗା କି ମଣା କି ରୁଟି କି ଏନି ଟାକାୟା ଜିକେଏ ଅଆଡୁ, ଅଡେ ଜଡେକା ସକାୟା ଜିକେଏ ଅଆଡୁ । <sup>୪</sup> ଅଡେ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାଡେକା ଏମ୍ବାଆଁଡୟାଡୁ; <sup>୫</sup> ଅଡେ ଏରେକା ଲକୁ ମିଜେ ଆବଅରି ଏଞ୍ଜାରି କପାଟି ସାକି ହୀହାଲି ଏ ଗାଡାଟି ହଡା ଖାନାଟି ମୀ କତାଡି ଦୁଡି ହାଣ୍ଡାହାନା ଖାଡୁ ।”

<sup>୬</sup> ଏମ୍ବାଟିଏ ଏଞ୍ଜାରି ହାଜାନା ସାରିଖାକି ନେହି<sup>୬</sup> କାବୁ ଖେକ୍‌ହିହି<sup>୬</sup> ରଗ ଗାଟାରାଙ୍କ ନେହି<sup>୭</sup> କିହିହି<sup>୭</sup> ନାୟୁ ନାୟୁତା ରେରେରି ।

**ହେରଦ ରାଜା ବିଲକି ଆନାୟି**  
(ମାଡି ୧୪:୧-୧୨; ମାର୍କ ୬:୧୪-୨୯)

<sup>୧</sup> ଏମ୍ବାଟିଏ ଏ ଦେସାଟି ରାଜା ହେରଦ ଇ ବାରେ କାତା ଖେଞ୍ଜାନା କାବା ଆଡେସି, ଇଡିହି<sup>୮</sup> ବାପ୍ତିସ୍ତା\* ହାନି ଜହନ ହାଡାରି ତାଣାଟି ନିଜାମାନେସି ଇଞ୍ଜି<sup>୯</sup> ଆମ୍ବା ଆମ୍ବାଆରି ଏଲେଇଞ୍ଜିମାରେରି; <sup>୧୦</sup> ଅଡେ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଟକାତାରି ତଲିକାଲାଡି ମାହାପୁରୁ ଅଣ୍ଡପୁଡି ବଲୁ ଖେହ୍‌ନାରି ବିତ୍ରାଟି ରଅସି ନିଜାମାନେସି ଇଞ୍ଜି<sup>୧୧</sup> ଖେସିମାନେରି । <sup>୧୨</sup> ସାମା ହେରଦ ଏଲେଇରେସି, “ଜହନଡି ତାୟୁ<sup>୧୨</sup> ମାରତ ଦାଟା ମାନାୟି, ସାମା ଆମ୍ବାଆରି କାତା ମାର ଖେଞ୍ଜିମାନାୟି ଏଞ୍ଜାସି ଆମ୍ବାଆସି ?” ଅଡେ ଏଞ୍ଜାସି ଏଞ୍ଜାଣାଙ୍କ ମେସାଲି ମନ କିହିମାରେସି ।

**ଜୀସୁ ପାସାମାଣା ଲକୁଣି ତାହନାୟି**  
(ମାଡି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

\* ୮:୪୧ ୮:୪୧ ସିନଗର † ୮:୪୯ ୮:୪୯ ସିନଗର ☆ ୯:୫ ୯:୫ କାମା ୧୩:୫୧ ☆ ୯:୫ ୯:୫ ଲୁକ ୧୦:୪-୧୧ ☆ ୯:୭ ୯:୭ ମାଡି ୧୭:୧୪; ମାର୍କ ୮:୨୮; ଲୁକ ୯:୧୯ \* ୯:୭ ୯:୭ ମୁଞ୍ଜିନାୟି

୧୦ ତାମ୍ଭୁ ପାଣ୍ଡୁଞ୍ଜି ଆହାମାଗାରି ଖାହାନା ଏନା ଏନାଆଁ କିହାମାଚେରି, ଏ ବାରେ ଏଞ୍ଜାଣାଇଁ ଖେସ୍ତେରି । ଅଡ଼େ ଏଞ୍ଜାସି ଏଞ୍ଜାରିତଲେ ଏଟକା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି । ୧୧ ସାମା ଲକୁ ଏଦାଆଁ ପୁଞ୍ଜାନା ଏଞ୍ଜାଣି ଜେଟ ଜେଟ ହାଚେରି; ଇଞ୍ଜା ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଖେସ୍ତେସି, ଅଡ଼େ ଏମିନିଗାଟାରି ରଗଟି ନେହଁ ଆନାୟି ମାଚେ, ଏଞ୍ଜାରାଇଁ ନେହଁ କିଚେସି ।

୧୨ ଏଚେଟା ମିଡ଼ଅଲ୍ଲା ଆହାଲି ମାଟ୍‌ହେ; ଏଚେଟିଏ ବାରଜାଣା ସାମୁୟାଁ ତାନି ତାଣା ଖାହାନା ଏଲେଇଚେରି, “ଲକୁ ଏନିକଁ ନାସ୍‌କା ଅଡ଼େ ଗାଡ଼ାତା ହାଜାନା ବାସାଗାୟି ଅଡ଼େ ତିଞ୍ଜାଲି କାଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହେଲ ହାମୁ ଇଚିହଁ ମାର ଲକୁ ହିଲ୍ଲାଆ ଟାୟୁତା ମାନାୟି ।”

୧୩ ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାରୁ ଏଞ୍ଜାରାକି ତିଞ୍ଜାଲି ହାମୁ ।”

ଏଞ୍ଜାରି ଏଲେଇଚେରି, “ମା ତାଣା ପାସାଗଟା ରୁଟି ଇଞ୍ଜା ରା ମୀଣକା ପିସ୍‌ପେ ଆଗାଡ଼ା ହିଲ୍ଲାଭ; ଏନାଆଁ ମାର ହାଜାନା ଇ ବାରେତାକି କାଡ଼ି କଡ଼ିନାୟି ?” ୧୪ ଇଚିହଁ ଏଞ୍ଜାରି ପାସାମାଣା ଆବାୟାଁ ମାଚେରି ।

ଇଞ୍ଜା ଏଞ୍ଜାସି ତାନି ସାମୁଣି ଏଲେଇଚେସି, “କଡ଼େଦସ ଜାଣା ଲାକା କୁରିକିଦୁ ।”

୧୫ ଏଚେଟିଏ ଏଞ୍ଜାରି ଏଲେକିହଁଏ ବାରେଡି କୁରିକିଚେରି । ୧୬ ଅଡ଼େ ଏଞ୍ଜାସି ପାସାଗଟା ରୁଟି ଅଡ଼େ ରା ମୀଣକାଣି ଆସାନା ଲାକପୁରୁ ଖାକି ସିନିକିହାନା ବର ହାଚେସି, ଇଞ୍ଜା ରୁଟି ଡିକ୍‌ହାନା ଲକୁକି ହାସ୍‌ପାଲି ସାମୁୟାଁକି ହାଚେସି । ୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡ଼େ ହାରିତାଣି ବାର ତାଲି ରୁଟି କୁଡ଼ି କିଚେରି ।

**ଜୀସୁଇଁ ପିତର କ୍ରୀସ୍ତ ଇଞ୍ଜାଁ ଖେକ୍‌ନାୟି**

(ମାତି ୧୭:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜୀସୁ ରଅସିଏ ପ୍ରାଡାନା କିନି ବେଲ୍ଲାତା ସାମୁୟାଁ ଏଞ୍ଜାରିତଲେ ମାଚେରି, ଅଡ଼େ ଏଞ୍ଜାସି ଏଞ୍ଜାରାଇଁ ଖେଚେସି, “ନାନୁ ଆମ୍ବାଆଚେଏଁ ଇଞ୍ଜାଁ ଲକୁ ଏଲେଇଞ୍ଜିମାନେରି ?”

୧୯ ☆ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବାଆରି ବାପ୍ତିସ୍ମାଁ ହାନି ଜହନ, ଆମ୍ବାଆରି ଏଲିୟ, ଅଡ଼େ ଆମ୍ବାଆରି ତଲିକାଲାତି ମାହାପୁରୁ ଅଣପୁଡି ବଲୁ ଖେହ୍‌ନାରି ବିତ୍ରାଟି ରଅସି ନିଙ୍ଗାମାନେସି ।”

୨୦ ☆ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଆମ୍ବାଆଚେଏଁ ମାରୁ ଏନାଆଁ ଇଞ୍ଜାଁ ମାଞ୍ଜେରି ?”

ପିତର ଏଲେଇଚେସି, “ନାନୁ ମାହାପୁରୁତି କ୍ରୀସ୍ତ ।”

**ଜୀସୁ ତାନି ଦୁକୁ ଅଡ଼େ ହାକିତି କାତା ଖେହ୍‌ନାୟି**

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ଖେହ୍‌ଆଦୁ ଇଞ୍ଜାଁ ଜାଣେ କିହଁ ହୁକୁମି ହାଚେସି, ୨୨ “ମାଣ୍‌ସି ମୀରଏସି ହାରେକା ଦୁକୁ ପାଣ୍ଡନାୟି ମାନେ ଇଞ୍ଜାଁ ଲକୁତି କାଜାରି, କାଜା ପୂଜେରାଙ୍ଗା ଇଞ୍ଜାଁ ମେରାପୁନାରି ତାଣାଟି ଅପାଆନା ଏଞ୍ଜାଣାଇଁ ପାୟିନେରି, ଇଞ୍ଜାଁ ତାନି ଦିନାଟିଏ ନିଙ୍ଗିନେସି ।”

୨୩ ☆ଏଚେଟିଏ ଏଞ୍ଜାସି ବାରେଡି ଏଲେଇଚେସି, “ଆମ୍ବାଆସି ନା ଜେଟ ତାକାଲି ମନ କିନେସି, ଏଞ୍ଜାସି ତାଙ୍ଗେ ଅପାଆନା ବାରେଦିନା ତାନି କୁସ୍‌ଡେକାନାହାଁ ନା ଜେଟ ତାକାପେସି । ୨୪ ଇଚିହଁ ଆମ୍ବାଆସି ଜାହାରା ଜୀସୁ ଗେଲ୍‌ପାଲି ମନ କିନେସି ଏଞ୍ଜାସି ନାସା କିନେସି; ସାମା ଆମ୍ବାଆସି ନା ତାକି ନିଜେଡି ଜୀସୁ ନାସା କିନେସି ଏଞ୍ଜାସି ଗେଲ୍‌ପି କିହାକଡିନେସି । ୨୫ ଅଡ଼େ ମାଣ୍‌ସି ଇ ଦାଡ଼ିତା ମାନାଣି ବାରେ ମେଡ଼ି କିହାନା ତାନି ଜୀସୁତି ନାସା କିନେସି, ଇଚିହଁ ଏଞ୍ଜାଣାକି ଏନି ଲାବା ? ୨୬ ଇଚିହଁ ଆମ୍ବାଆସି ନାଙ୍ଗେତାକି ଅଡ଼େ ନା କାତାତାକି ଲାଜା ଆନେସି, ମାଣ୍‌ସି ମୀରଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡ଼େ ତାନି ସୁଦୁଗାଟି ଦୂଡୁୟାଁ ତଲେ କାଜାପାଣାଟି ଖାନେସି ଏଚିବେଲା ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି । ୨୭ ସାମା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁତି ରାଜି ମେହ୍‌ଆ ପାଚେକା ଇମ୍ବାଆଁ ନିଚାମାନାରି ଏଚରଜାଣା ହାଅରି ।”

**ଜୀସୁ ଅର ଖାଣା ଆନାୟି**

(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଖେସାନା ଆଟ୍‌ଦିନା ହାଜାଲିଏ ପିତର, ଜହନ ଅଡ଼େ ଜାକୁବଇଁ ଅହଁ ହାଜାନା ପ୍ରାଡାନା କିହାଲି ହରୁତା ହାଚେସି । ୨୯ ଅଡ଼େ ଏଞ୍ଜାସି ପ୍ରାଡାନା କିହିମାଟାଟି ତାନି ମୁମ୍‌ଡୁଁ ଖାଣା ତିରିମ୍‌ହେ ଇଞ୍ଜାଁ ତାନି ହିମ୍‌ରି ଦବ୍‌ଲା ଆହାନା ହାରେକା ତଜେଡ଼ି ଆଚେ । ୩୦ ମସା ଅଡ଼େ ଏଲିୟ ଏଞ୍ଜାଣିତଲେ କାତା ଆହିମାଚେରି; ୩୧ ଏଞ୍ଜାରି ଗାଞ୍ଜୁରମିଟି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲ୍‌କି ଆହିମାଚେରି । ୩୨ ଏଚିବେଲା ପିତର ଅଡ଼େ ତାନି ତଡ଼େସିଙ୍ଗାକି ଗାଡ଼ି ଇଦାକାଣ୍‌କା ହଡ଼ିମାଡୁ; ସାମା ଏଞ୍ଜାରି ଇଦାଟି ନିଙ୍ଗାଲିଏ ତାନି ଗାଞ୍ଜୁରମି ଇଞ୍ଜାଁ ଏଞ୍ଜାଣିତଲେ ରିଆରି ନିଚାମାନାଣି ମେସ୍ତେରି । ୩୩ ଇଞ୍ଜାଁ ଏଞ୍ଜାରି ତାଣାଟି ହାଜିମାଟାଟି ପିତର ଜୀସୁଇଁ ଏଲେଇଚେସି,

☆ ୯:୧୯ ୯:୧୯ ମାତି ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮ † ୯:୧୯ ୯:୧୯ ମୁଞ୍ଜିନାୟି ☆ ୯:୨୦ ୯:୨୦ ଜହ ୭:୨୮,୨୯ ☆ ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ ☆ ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫

“ଗୁରୁ ମାମ୍ବୁ ଇମ୍ବାଆଁ ମାନାୟି ନେହେଁ; ମାମ୍ବୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିନମି, ନିଲୋତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।” ସାମା ତାନୁ ଏନାଆଁ ଇଞ୍ଜିମାରେସି ତାନୁଏ ପୁଞ୍ଜି ହିଲିଆତେସି ।

୩୪ ଏଝାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁହା ଖାହାନା ଏଝାରାଇଁ ପିକ୍‌ହେ, ଇଞ୍ଜା ଏଝାରି ଦୁହାତା ହଡ଼ି ମାଚାଟି ଆଜିତେରି । ୩୫ ☆☆ଇଞ୍ଜା ଏ ଦୁହାଟି ଇ ହାଡ଼ା ଖାଡ଼େ, “ଇଝାସି ନା ମୀରଏସି, ନାନୁ ଆଡ଼ିତାସି, ଇଝାଣି ବଲୁ ଝେଞ୍ଜୁ ।”

୩୬ ଏଲେଇଞ୍ଜି ଝେସ୍ତି ତାୟୁ ଜୀସୁ ରଅସିଏ ତଞ୍ଜାଆଡ଼େସି । ଏଝାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାରେରି ଏ ବେଲୀତା ଆମ୍ବାଆରାଇଁ ଜିକେଏ ଝେହ୍‌ଆଡ଼େରି ।

**ଜୀସୁ ବୁଡୁ ଆଲଗାମାଟି କକାଣାଇଁ ନେହଁକିନାୟି**

(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡ଼େ ର ନେରୁ ହରୁଟି ରେଟା ଖାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ଖାଡ଼େତରି । ୩୮ ଅଡ଼େ ଏ ମାନ୍ଦା ଲକୁ ବିତ୍ରାଟି କାଜା ଗିୟାତଲେ ହାଟାନା ଏଲେଇଚେସି, “ଏ ଗୁରୁ ନାନୁ ବାଡ଼ିମାଲିମାଞ୍ଜାଇଁ ନା ମୀରଏଶାଇଁ କାର୍ମା ଆମ୍ବୁ, ଇଚିହଁ ଏଝାସି ନା ରଣ୍ଡିଏ ମୀରଏସି; ୩୯ ଏଝାଣାଇଁ ର ବୁଡୁ ଆଲଗାମାରେ, ଇଞ୍ଜା ଏଝାସି ପେଦରାହାଁ ଦେବୁଣିଏ କିରଡ଼ି ମାନେସି, ଇଞ୍ଜା ଏଝାଣାଇଁ ଇଲେକି ବୁମିତା ତୁକ୍‌ହାନା ଗୁଡ଼ିଟି ପମ୍ବୁଲି ହପ୍‌ହ ମାନେ, ଇଞ୍ଜା ଏଝାଣାଇଁ ଗାଡ଼ି ବାଦା କିହାନା ଏଝାଣି ତାଣାଟି କାକୁଲିଟି ହଚାହାନେ । ୪୦ ନାନୁ ବୁଡୁଟି ପିସପି କିହାଲି ନୀ ସୀସୁୟାଁ ବାଡ଼ିମାଲିତେସି, ସାମା ଏଝାରି ପିସପି କିହାଲି ଆଡ଼ାଆଡ଼େରି ।”

୪୧ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଏଟକା ଜିରୁ ଆହ୍‌ନି କୁଡ଼ା, ନାନୁ ଅଡ଼େ ଏଚେକା ମୀ ତଲେ ମାଞ୍ଜାନା ମୀ କାତା ଅରହାଇଁ ? ନୀ ମୀରଏଶାଇଁ ଇମ୍ବାଆଁ ତାମ୍ବୁ ।”

୪୨ ବୁଡୁ ଆଲଗାମାଟି କକାସି ଖାହିମାଚାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପ୍‌ହାତୁସ୍ତେ, ସାମା ଜୀସୁ ଏ ପଲ୍‌ଆ ବୁଡୁଟି ଦାକା ହାତେସି ଇଞ୍ଜା କକାଣାଇଁ ନେହଁକିହାନା ତାମି ଆବା କେୟୁତା ହେର୍‌ପିତେସି । ୪୩ ଏଚେଟିଏ ବାରେ ଲକୁ ମାହାପୁରୁଟି ବାଡ଼ୁୟୁ ମେସାନା ଜାଗଲା ଆଡ଼େରି । ସାମା ଏଝାସି କିହାମାନି ବାରେ କାମାତାକି ଜାଗଲା ଆହିମାଚାକି ଜୀସୁ ତାନି ସୀସୁୟାଁଇଁ ଏଲେଇଚେସି ।

**ଜୀସୁ ତାନି ହାକିଡ଼ି କାତା ଅଡ଼େ ଝେଶ୍‌ଶ୍‌ ଝେହ୍‌ନାୟି**

(ମାତି ୧୭:୨୨,୨୩; ମାର୍କ ୯:୩୦-୩୨)

☆ ୯:୩୫ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨  
☆ ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

୪୪ “ଇ ବାରେ କାତା ମୀ କାର୍ମା ଅତାନ୍ତା ଝେଞ୍ଜୁ; ଇଚିହଁ ମାଣସି ମୀରଏସି ସାଡୁୟାଁ କେୟୁତା ହେର୍‌ପିଆନେସି ।” ୪୫ ସାମା ଏଝାରି ଏ କାତା ତେଲ୍‌ହାଆଡ଼େରି, ଏଝାରି ତେଲ୍‌ହାଲି ଆଡ଼ାଆରେଟୁ ଏଝାରି ତାଣାଟି ତୁଗାମାରେ, ଇଞ୍ଜା ଏଝାରି ଏ କାତା ଜିକେଏ ଜୀସୁଇଁ ଝେଞ୍ଜାଲି ଆଜିମାଚେରି ।

**ବାରେକିହାଁ କାଜାସି ଆମ୍ବାଆସି (ମାତି ୧୮:୧-୫; ମାର୍କ ୯:୩୩-୩୭)**

୪୬ ☆ଏଝାରି ବିତ୍ରାଟି ଆମ୍ବାଆସି କାଜାସି, ଇ କାତାତାକି ଏଝାରି ବିତ୍ରା ବାଡ଼ିବାଦା ଆଡ଼େରି । ୪୭ ସାମା ଜୀସୁ ଏଝାରି ବିତ୍ରା ବାଡ଼ିବାଦା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପ୍‌ହାନା ଏଝାରାଇଁ ଏଲେଇଚେସି, ୪୮ ☆“ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଲେ ଆବାନେସି, ଅଡ଼େ ଏଝାସି ନାଲେ ପାଣ୍ଡାତାଣାଇଁ ଆବିନେସି; ଇଚିହଁ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି ।”

**ମୀ କପାଟି ନିଙ୍ଗାଆ ଗାଟାସି ମୀ ତଲେତାସି (ମାର୍କ ୯:୩୮-୪୦)**

୪୯ ଏଚେଟିଏ ଜହନ ଏଲେଇଚେସି, “ଗୁରୁ, ମାମ୍ବୁ ନୀ ଦରୁଟି ବୁଡୁୟାଁ ପେର୍‌ହେ ମାଚାଣି ମେସ୍‌ମି ଇଞ୍ଜା ଏଝାସି ମା ତଲେ ନୀ ଜେଟ ଖାଆଲିଏ କାହିକିଡ଼ିମି ।”

୫୦ ସାମା ଜୀସୁ ଏଝାରାଇଁ ଏଲେଇଚେସି, “କାହିକିଆଦୁ, ଇଚିହଁ ଆମ୍ବାଆସି ମୀ କପାଟି ନିଙ୍ଗା ହିଲଅସି ଏଝାସି ମୀ ତଲେତାସି ।”

**ସମିରଣି ନାୟକାଣାଁ ଜୀସୁଇଁ ଆବାଆତାୟି**

୫୧ ଏଚିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାଚାକି ଏଚିବେଲା ଜୀସୁ ଜିରୁସାଲମତା ହାଜାଲି ମନତି ତୀରି କିତେସି ।

୫୨ ଅଡ଼େ ତାନି ନକେଏ କସ୍‌କାଣି ପାଣ୍ଡିତେସି, ଏଝାରି ହାଜାନା ର ସମିରଣ ନାୟୁତା ଜୀସୁ ଖାନ୍‌ନେସି ଇଞ୍ଜା ଜାଗାତା କିହାନା କାଡ଼େରି; ୫୩ ସାମା ଏଝାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜା ପୁଞ୍ଜାନା ଏଝାଣାଇଁ ଆବାଆଡ଼େରି । ୫୪ ଇଦାଆଁ ମେସାନା ଜାକୁବ ଅଡ଼େ ଜହନ ଇ ରୀ ସୀସୁୟାଁ ଏଲେଇଚେରି, “ଏ ପ୍ରବୁ ଏଲିୟ ଏନିକି ଏଲେଇଞ୍ଜାମାରେସି, ଏଲେକିହଁ ଏ ହାଗୁଲକାଟି ହିରୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଝାସି ଝେଶ୍‌ଶ୍‌ ସିନିକିହାନା ଏଝାରାଇଁ ଲାଗାନା ଏଲେଇଚେସି, “ମୀରୁ ଏନିଲେହେଁତି ଜୀସୁ ଗାଟାଡ଼େରି, ମୀରୁ ପୁଞ୍ଜାହିଲଅଡ଼େରି ମାଣସି ମୀରଏସି ମାଣସିୟାଁତି ଜୀସୁ ନାସା କିହାଲି ଖାଆନା

☆ ୯:୩୫ ୯:୩୫ ୨ପିତ ୧:୧୭,୧୮ ☆ ୯:୪୭ ୯:୪୭ ଲୁକ ୨୨:୨୪

ଗେଲ୍‌ପାଲି ଖାହାମାନେସି । ୫୭ ଏବେଟିଏ ଏଞ୍ଜାରି ଅର ନାୟୁତା ହାଚେରି ।”

**ଜୀସୁଟି ସୀସୁ ଆହାଲି ପାଡ଼ା ଆନାୟି**  
(ମାତି ୭:୧୯-୨୨)

୫୭ ଏଞ୍ଜାରି ଜିରୁତା ହାଜିମାଗାଟି ରଅସି ଖାହାନା ଜୀସୁଇଁ ଏଲେଇଚେସି, “ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଖାଉଁ ।”

୫୮ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାକି ତୟିନି ପାଖୁୟାଁ ମାନୁ, ହାଗୁ ଲାକ ଉମ୍ବିନି ପଗାୟାକି ବାସାଟାୟୁ ମାନେ, ସାମା ମାଣ୍‌ସି ମୀରଏଣାକି ତାୟୁଁ ଚୁନଟହାଲି ଟାୟୁ ହିଲେଏ ।”

୫୯ ଇଞ୍ଜା ଏଞ୍ଜାସି ଅଡେ ରଅଣାଇଁ ଏଲେଇଚେସି, “ନା ଜେଟ ଖାମୁ ।” ସାମା ଏଞ୍ଜାସି ଏଲେଇଚେସି, “ପ୍ରୁ ନକେଏ ହାଜାନା ନା ଆବାଇଁ ମାହାଣିଣା ମୁସାଲି ହେଲ ହିୟାମୁ ।”

୬୦ ଜୀସୁ ଏଲେଇଚେସି, “ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହୁଡୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଖେହୁଡୁ ।”

୬୧ ଅଡେ ରଅସି ଖାହାନା ଏଲେଇଚେସି, “ପ୍ରୁ ନୀନୁ ଜେଟ ଖାଉଁ ସାମା ନକେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ ।”

୬୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ନାଜେଲି କେୟୁତା ଆସାନା ତାୟୁଖାକି ସିନିକିନେସି ଏଞ୍ଜାସି ମାହାପୁରୁ ରାଜିତା ପାଡ଼ା ଆଅସି ।”

**୧୦**

**ଜୀସୁ ତାନିକଡ଼ି ବାରଜାଣାଟି ପାଣ୍ଡିନାୟି**

୧ ଏମ୍ବାଟିଏ ପ୍ରୁ ଅଡେ ତାନିକଡ଼ି ବାରଜାଣାଟି ଆଚାନା ତାନୁ ଆମିନି ଗାଡ଼ା ଅଡେ ନାୟକାଣାଁ ହାଜାଲି ମନ କିହାମାଚେସି, ଏ ନାୟକା ଅଡେ ଗାଡ଼ାୟାଣା ରିଆରି ଲାକା କିହାଁ ପାଣ୍ଡିଚେସି । ୨ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ପାଟି ହାଡ଼େକା ସାମା ଦାଃଆନାରି ଉଣା ଜାଣା; ଇଦାଆଁତାକି ଗୁଡ଼ିୟାତା କାମା କିନାରାଇଁ ପାଣ୍ଡାଲିତାକି ଗୁଡ଼ିୟାତି ସାଖୁକାରିଇଁ ବାଡ଼ିମାଲ୍ଲୀଦୁ । ୩ ମୀରୁ ହାଜୁ; ନୀନୁ ମିଙ୍ଗ କ୍ଷାନ୍‌ନିୟାଁ ବିତ୍ତା ମେଣ୍ଡା ତାଲ୍‌କା ଲେହେଁ ମିଙ୍ଗେ ପାଣ୍ଡିମାଞ୍ଜାଇଁ । ୪ ତାବୁୟାଁ, ମଣା କି ସେପୁୟାଁ ଜିକେଏ ଅଥାଦୁ, ଅଡେ ଜିରୁତା ଆମ୍ବାଆରାଇଁ ଜହରା କିଆଦୁ । ୫ ଅଡେ ମୀରୁ ଆମିନି ଇଲୁତା ହଡ଼ଦେରି ନକେଏ ଇ ଇଲୁତାକି ହିଡ଼ଡ଼ି ଆଡ଼େ ଇଞ୍ଜୁ । ୬ ଅଡେ ଏ ଇଜ ହିଡ଼ଡ଼ିଟି ମାଣ୍‌ସି ରଅସି ମାଟିହୁଁ ମୀ ହିଡ଼ଡ଼ି ଏଞ୍ଜାଣାକି ଆଡ଼େ; ଅଡେ ହିଲ୍ଲାଆତିହୁଁ

ମୀ ହିଡ଼ଡ଼ି ମିଙ୍ଗେ ଖେଣ୍ଡେ ଖାନ୍‌ନେ । ୭ ଇଞ୍ଜା ଏଞ୍ଜାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇଟିହୁଁ କାମାକିନାସି ତାନି କାମାତି ବୁଡ଼ି ମେଡ଼ା ଆନାୟି ମାନେ । ଏ ଇଜ ପିସାନା ଅର ଇଜ ହାଲ୍ଲାଆଦୁ । ୮ ଅଡେ ଆମିନି ଗାଡ଼ାତା ହାଜେରି ଅଡେ ଲକୁ ମିଙ୍ଗେ ଅପାନେରି ଅଡେ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ । ୯ ଏମ୍ବାଆଁ ମାନି ରଗ ଗାଟାରାଇଁ ନେହୁଁ କିଦୁ, ଅଡେ ଏଞ୍ଜାରାଇଁ ଏଲେଇଞ୍ଜୁ ‘ମାହାପୁରୁଟି ରାଜି ମୀ ତାଣା ଏଦାଚେୟିଏ ।’ ୧୦ ସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜା ଲକୁ ମିଙ୍ଗେ ଅପଅରି, ଏମ୍ବାତି ଆଂଗେଣିକାଟି ପାଙ୍ଗାତା ହାଜାନା ଏଲେଇଞ୍ଜୁ, ୧୧ ମୀ ଗାଡ଼ାଟି ଆମିନି ଦୁଡ଼ି ମା କତାୟାଣା ଆଚାମାଚେ, ଏଦାଆଁ ଜିକେଏ ମିଙ୍ଗେ ତାକି ହାଣ୍ଡି ମାନମି; ସାମା ମାହାପୁରୁଟି ରାଜି ଏଗାଞ୍ଜାହିମାନେ ଇଦାଆଁ ପୁଞ୍ଜୁ ।’ ୧୨ ନୀନୁ ମିଙ୍ଗେ ଖେସିମାଞ୍ଜାଇଁ, ନୀହାୟି ଦିନାତା ଏ ଗାଡ଼ାଟି ତଣ୍ଡୁ କିହାଁ ସଦମତି ଗାଡ଼ାଟି ତଣ୍ଡୁ ଉଣା କିଞ୍ଜିଆନ୍‌ନେ ।

**ନାମାଆଗାଟି ନାୟକା**  
(ମାତି ୧୧:୨୦-୨୪)

୧୩ ଆୟତା ତଣ୍ଡୁ ପାଣ୍ଡିନି କରାଜିନ୍ ଅଡେ ବେଡ଼ସାୟିଦା ଇଟିହୁଁ ମୀ ତାଣା ଆମି ଆମିନି କାବାଆନି କାମାୟାଁ କିଞ୍ଜିଆହାମାନୁ, ଏ ବାରେ ସର ଅଡେ ସିଦନତା କିଞ୍ଜି ଆହାମାଟିହୁଁ ମା, ଏଞ୍ଜାରି ହାଡ଼େକା ଦିନା ନକେଏ ବାସ୍ତାୟାଁ ପରହାଁ ଦାରମ୍ବୁଡ଼ା କୁଗାନା ମନ ଖେଟ୍‌ହେରିମା । ୧୪ ଆଡ଼ିଜିକେଏ ନୀହାୟି ଦିନାତା ସର ଅଡେ ସିଦନତି ତଣ୍ଡୁ ଉଣା କିଞ୍ଜିଆନ୍‌ନେ । ୧୫ ଏ କପର୍‌ନାହୁମ ନୀନୁ ଲାକପୁରୁ ପାଚେକା ପାତାଆଦି ? ହାଡ଼ାରି ମାନି ରାଜିତା ମେଡ଼ପି ଆଦି ।”

୧୬ ଇଞ୍ଜା ଏଲେଇଚେସି “ଆମ୍ବାଆସି ମୀ କାତା ଖେନେସି, ଏଞ୍ଜାସି ନା କାତା ଖେନେସି, ଇଞ୍ଜା ଆମ୍ବାଆସି ମିଙ୍ଗେ ଅପଅସି ଏଞ୍ଜାସି ନାଜେ ଅପଅସି, ଅଡେ ଆମ୍ବାଆସି ନାଜେ ଅପଅସି ଏଞ୍ଜାସି ନାଜେ ପାଣ୍ଡାତାଣାଇଁ ଅପଅସି ।”

**ତାନିକଡ଼ି ବାରଜାଣା ଖେଣ୍ଡା ଖାନ୍‌ନାୟି**

୧୭ ଏମ୍ବାଟିଏ ତାନିକଡ଼ି ବାରଜାଣା ଖେଣ୍ଡା ଖାହାନା ରାହାଁଟି ଏଲେଇଚେରି, “ପ୍ରୁ ବୁଡ଼ୁୟାଁ ଜିକେଏ ନୀ ଦରୁଟି ମା ତୁଇକା ହେରପି ଆହିମାନୁ ।”

୧୮ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ହାଗୁ ମୁହନିଲେହେଁ ଲାକଟି ସୟତାନ ରିହିମାନାଣି ମେସ୍ତେସି । ୧୯ ମେହୁଡୁ ନୀନୁ ମିଙ୍ଗେ ରାୟକା, କାତାକୁପିୟାଁ ମୁହେଁ ତାକାଲି ଅଡେ ସାତୁଡ଼ି ବାରେ ବାଡ଼ୁୟୁ ମୁହେଁ ଜିକେଏ ଅଦିକାରା ହାହିମାଞ୍ଜାଇଁ,

✧ ୧୦:୨ ୧୦:୨ ମାତି ୯:୩୭,୩୮ ✧ ୧୦:୩ ୧୦:୩ ମାତି ୧୦:୧୭ ✧ ୧୦:୭ ୧୦:୭ ୧କର ୯:୧୪; ୧ଡିମ ୫:୧୮ ✧ ୧୦:୧୦ ୧୦:୧୦ କାମା ୧୩:୫୧ ✧ ୧୦:୧୧ ୧୦:୧୧ ମାତି ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫ ✧ ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫ ✧ ୧୦:୧୬ ୧୦:୧୬ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦



ଅଡ଼େ ଏନାୟି ଜିକେଏ ମିଙ୍ଗେ ନସ୍ତୁ କିହାଲି ଆଡ଼େଏ । ୨୦ ସାମା ପଲ୍ଲଆ ବୁଡୁୟା ବାଡ଼ୁୟୁ ମୀ ଡ଼ଇକା ମାନେ ଇଞ୍ଜି ରାହାଁ ଆଆଦୁ, ସାମା ମୀ ଦରୁ ଲାକପୁରୁ ରାସ୍‌କି ଆହାମାନେ ଏଦାଆଁତାକି ରାହାଁ କିଦୁ ।”

**ଜୀସୁତି ରାହାଁ  
(ମାତି ୧୧:୨୫-୨୭; ୧୩:୧୬, ୧୭)**

୨୧ ଏଟିବେଲା ଜୀସୁ ସୁଦୁଜୀସୁ ତଲେ ରାହାଁ ଆହାନା ଏଲେଇରେସି, “ଆବା ଲାକପୁରୁ ଅଡ଼େ ଦାରୁତିତି ପ୍ରୁ, ନୀନୁ ବୁଦିଗାଟି ଲକୁତାଣା ଇ ବାରେ କାତା ଡ଼କୁହାନା ଡ଼ଣା କକାରି ତାଣା ତସାମାଞ୍ଜି, ଇଦାଆଁତାକି ନିଙ୍ଗେ ଜହରା କିହିମାଞ୍ଜାଇ; ଏ ଆବା ଇଦିଏ ନୀ ନକିତା ନେହାୟି ଆଡ଼େ ।”

୨୨ ☆“ନା ଆବାତି ବାରେ ଅଦିକାରା ନାଙ୍ଗେ ହେରପି ଆହାମାନେ; ଅଡ଼େ ମୀରଏସି ଆମ୍ବାଆସି, ଇଦାଆଁ ଆବା ପିସପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ ମୀରଏଣା ପିସପେ ଆମ୍ବାଆସି ପୁନଅସି, ଇଞ୍ଜା ମୀରଏସି ଆମ୍ବାଆରି ତାଣା ଏଞ୍ଜାଣାଇଁ ତସାଲି ମନ କିନେସି, ଏଞ୍ଜାସିଦେଁ ପୁନେସି ।”

୨୩ ଅଡ଼େ ଜୀସୁ ତାୟୁ ସିନିକିହାନା ତାମି ସାସୁୟାଲ ଏଟକେଏ ଏଲେଇରେସି, “ହାରେକା ନେହେଁ ଏ କାଣ୍‌କା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି । ୨୪ ଇତିହଁ ନୀନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ଅଡ଼େ ରାଜାୟା ମେସାଲି ମନ କିହାମାଚେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି ସାମା ଖେଞ୍ଜାଲି ଆଡ଼ାଆତେରି ।”

**ନେହଁ ସମିରଣତି ପୁଣ୍ଡିକିନି କାତା**

୨୫ ☆ମେହ୍‌ଦୁ ର ମସାତି ମୋରା ଜାପୁନାସି ଖାହାନା ଜୀସୁଇଁ ତାୟିପାରିକିହଁ ଖେରେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନୀନୁ ଏନାଆଁ କିଇଁ?”

୨୬ ଏରେଟିଏ ଜୀସୁ ଏଲେଇରେସି, “ମସାତି ମୋରାତା ଏନାଆଁ ରାସ୍‌କି ଆହାମାନେ, ନୀନୁ ଏନିକଁ ପଡ଼ୁଞ୍ଜି ଆହିମାଞ୍ଜି ?”

୨୭ ଏଞ୍ଜାସି ଏଲେଇରେସି, “ନୀନୁ ନୀ ବାରେ ହିୟାଁ, ବାରେ ଜୀସୁ, ବାରେ ବାଡ଼ୁୟୁ ଅଡ଼େ ବାରେ ମନ ହୀହାନା ପ୍ରୁ ନୀ ମାହାପୁରୁଇଁ ଜୀସୁନମ୍‌; ଅଡ଼େ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍‌ ।”

୨୮ ଏରେଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ନୀନୁ ନେହଁ କଁ ଖେସାମାଞ୍ଜି; ଏଲେଏ କିମ୍‌ ଆତିହଁ ଏ ଜୀସୁ ମୋଡ଼ା ଆଡ଼ି ।”

୨୯ ସାମା ଏଞ୍ଜାସି ତାଙ୍ଗେ ତୀରିତାସି କିହାକତାଲି ମନ କିହାନା ଜୀସୁଇଁ ଖେରେସି, “ଆତିହଁ ନା ପାଡ଼ିତାସି ଆମ୍ବାଆରି ?”

୩୦ ଜୀସୁ ଏ କାତା ଆସାନା ଏଲେଇରେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି । ଏଞ୍ଜାରି ଏଞ୍ଜାଣି ହିମ୍‌ପୁରିଦୁକି ମୀଞ୍ଜାନା ହାନ୍‌ଲେହେଁ ମାଡ଼ା ଖେଚାନା ପିସା ହାଚେରି । ୩୧ ଏଟିବେଲାତା ର ପୁଜେରା ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାସି ଏଞ୍ଜାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି । ୩୨ ଏଲେକିହଁ ଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଖାହାନା ଏଞ୍ଜାଣାଇଁ ମେସାନା ଅର ଜିରୁ ହୀହାନା ହାଚେସି । ୩୩ ସାମା ର ସମିରଣ ଲକୁ ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାଣାଇଁ ମେସାନା ହାରେକା କାର୍ମା ଆଡ଼େସି, ୩୪ ଅଡ଼େ ତାଚେ ହାଜାନା ଏଞ୍ଜାଣି ଗାହାଁୟାଁ ବାରେ ନିୟୁଁ ଅଡ଼େ ଅଙ୍ଗୁରି ରାସା ରୁବାନା ଗାହାଁୟାଁଣା ଦସପାନା ଏଞ୍ଜାଣାଇଁ ର ଗାଡ଼ଦେ ଲାକ କୁଟିକିହାନା ର ସେବାକିନି ଇଲୁତା ଅହାନା ଏଞ୍ଜାଣି ସେବା କିତେସି । ୩୫ ଅର ଦିନା ସେବାକିନି ଇଲୁ ଗାଟାଣାକି ରା କାନି ହୀହାନା ଏଲେଇରେସି, ‘ଇଞ୍ଜାଣି ସେବା କିମ୍‌ ଅଡ଼େ ଏଚେକା ଗାଡ଼ି କାରୁଁ ଆନୁ, ଖେଶ୍‌ ଖାନ୍‌ଟି ବାରେ ହିୟାଇଁ ।’”

୩୬ ଜୀସୁ ଏଲେଇରେସି, “ଇ ତାନି ଜାଣାତି ବିଡ଼ା ଆମ୍ବାଆସି ସରକାତାଣା ହେରହା ମାଟାଣି ପାଡ଼ିତାସି ଇଞ୍ଜି ଅଣ୍‌ପିମାଞ୍ଜେରି ?”

୩୭ ଏ ମୋରା ଜାପୁନାସି ଏଲେଇରେସି, “ଆମ୍ବାଆସି ଏଞ୍ଜାଣାଇଁ କାର୍ମା ଆଡ଼େସି ଏଞ୍ଜାସି ।”

ଜୀସୁ ଏଲେଇରେସି, “ହାଲାମ୍‌ ନୀନୁ ଜିକେଏ ଏଲେଏ କିମ୍‌ ।”

**ଜୀସୁ ମାର୍ତ୍ତା ଅଡ଼େ ମରିୟମନି ଇଜ**

୩୮ ☆ଏଞ୍ଜାରି ହାଜିମାନି ବେଲାତା ର ନାୟୁତା ହାଚେରି, ଇଞ୍ଜା ମାର୍ତ୍ତା ଦରୁଗାଟି ର ଇୟା ଜୀସୁଇଁ ତାମି ଇଜ ହାଟିତେ । ୩୯ ଏଦାନାକି ର ତାଙ୍ଗି ମାଚେ ଏଦାନି ଦରୁ ମରିୟମ, ଏଡ଼ି ପ୍ରବୁତି କଟାଁ ଡ଼ଇ କୁଗାନା ଏଞ୍ଜାଣି କାତା ଖେଞ୍ଜିମାଚେ । ୪୦ ସାମା ମାର୍ତ୍ତା ରାନ୍‌ ଖାଜାଲି ହାରେକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଖାହାନା ଏଲେଇଚେ, “ଏ ପ୍ରୁ ନା ତାଙ୍ଗି ଖାଜିନି କାମା ବାରେ ନା ଲାକ ହେରପା ମାଞ୍ଜାନେ ଇଦାଆଁ ଅଣ୍‌ପି ହିଲଅତି କି ? ଇଦାଆଁତାକି ନାଙ୍ଗେ ସାଢ଼େମି କିହାଲି ଏଲେଇନାମ୍‌ ।”

☆ ୧୦:୨୨ ୧୦:୨୨ ଜହ ୩:୩୫; ଜହ ୧୦:୧୫ ☆ ୧୦:୨୫ ୧୦:୨୫ ମାତି ୨୨:୩୫-୪୦; ମାର୍କ ୧୨:୨୮-୩୪ ☆ ୧୦:୩୮ ୧୦:୩୮ ଜହ ୧୧:୧

୪୧ ସାମା ପ୍ରଭୁ ଏଲେଇରେସି, “ମାର୍ତ୍ତା, ମାର୍ତ୍ତା ନୀନୁ ହାରେକା କାମାତା ଅଣ୍ଡିହି କିଲିବିଲି ଆହିମାଞ୍ଜି,  
 ୪୨ ସାମା ଖାରୁଇ ରକାତା ଲଡ଼ାମାନେ । ମରିୟମ ଏ ନେହି କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଞ୍ଜି ଆଏ ।”

### ୧୧

#### ଜୀସୁ ଜାପୁହାମାନି ପ୍ରାତାନା

(ମାତି ୬:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଚାନ୍ଦୁତା ପ୍ରାତାନା କିହିମାଚେସି; ଏଞ୍ଜାସି ପ୍ରାତାନା କିହାଲି ରାପୁହାଲିଏ, ତାନି ସୀସୁୟାଁ ବିଦ୍ରାଟି ରଅସି ଏଲେଇରେସି, “ଏ ପ୍ରଭୁ, ଜହନ ଏନିକି ତାନି ସୀସୁୟାଁଙ୍କ ପ୍ରାତାନା କିହାଲି ଜାପୁହି ମାଚେସି, ନୀନୁ ଜିକେଏ ମାଙ୍ଗେ ଏଲେକିହି ଏ ପ୍ରାତାନା କିହାଲି ଜାପୁହାମୁ ।”

୨ ଏଚେଟିଏ ଜୀସୁ ଏଞ୍ଜାରାଙ୍କ ଏଲେଇରେସି, “ଏଚିବେଲା ମୀରୁ ଏଲେଇଞ୍ଜି ପ୍ରାତାନା କିଦୁ; ଏ ଆବା

ନୀ ଦରୁ ନେହାୟି ଇଞ୍ଜି ମାନଞ୍ଜି ଆପେ;

ନୀ ରାଜି ଖାପେ ।

୩ ବାରେଦିନା ମାଙ୍ଗେ ଲଡ଼ା ଆନି ରାନ୍ଦା ହିୟାମୁ ।

୪ ମା ଦହ ବାରେ ମେକ୍‌ହାମୁ,

ଇଚିହି ମାମୁ ଜିକେଏ ମା ଦହ କିତାରାଙ୍କ ମେକ୍‌ନମି ।

ମାଙ୍ଗେ ପାନ୍ଦାତା ମେଡ଼ହାଆନି ।”

୫ ଅଡ଼େ ଏଞ୍ଜାସି ଏଞ୍ଜାରାଙ୍କ ଏଲେଇରେସି, “ମୀ ତାଣା ଆମ୍ବାଆସି ଇଲେତି ତ଼ଣେଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତ଼ଣେ ନାଙ୍ଗେ ତାନିଗଟା ରୁଟି ହିୟାମୁ, ୬ ଇଚିହି ନା ଗତାଗାଟି ତ଼ଣେଏସି ନା ତାଣା ଖାହାମାନେସି, ଏଞ୍ଜାଣାକି ତିଞ୍ଜାଲି ହାହାଲି ନା ତାଣା ଏନାୟିଖା ହିଲେଏ !” ୭ ଅଡ଼େ ବିଦ୍ରାଟି ଏଲେଇନେସି, ‘ନାଙ୍ଗେ କସ୍ତ ହିୟାଆନି; ଦାରା ସୁଶୁକି ଆଡ଼େୟିଏ, ଇଞ୍ଜା ନା ମୀରକା ନା ତଲେ ତୁରା ମାନେରି; ନାନୁ ନିଙ୍ଗାନା ହାହାଲି ଆଡ଼ଆଁ ।’ ୮ ନାନୁ ମିଙ୍ଗେ ଝେସିମାଞ୍ଜାଙ୍କ, ଏଞ୍ଜାସି ତାନି ତ଼ଣେଏସି ଆହାମାନାକି ଲାଜା ପିସାନା ଅଲେ ଅଲେ ରୀସ୍ତାକି ଏଞ୍ଜାସି ନିଙ୍ଗାନା ଏଞ୍ଜାଣି ଲଡ଼ାମାନି ପାତେକା ଏଞ୍ଜାସି ଏଞ୍ଜାଣାକି ହୀନେସି ।”

୯ ନାନୁ ଜିକେଏ ମିଙ୍ଗେ ଝେସିମାଞ୍ଜାଙ୍କ, ରୀହୁଦୁ ଆଡ଼ିହି ମିଙ୍ଗେ ହୀପକିଆନେ; ପାରାଦୁ ଆଡ଼ିହି ମେଡ଼ା ଆଡ଼େରି; ଦୁଞ୍ଜେରିତା ଝେଦୁ ଆଡ଼ିହି ମିଙ୍ଗେତାକି ଦାରା ଦେପି ଆନେ । ୧୦ ଇଚିହି ଆମ୍ବାଆସି ରୀହନେସି ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି ଏଞ୍ଜାସି ମେଡ଼ାଆନେସି; ଅଡ଼େ

ଆମ୍ବାଆସି ଦୁଞ୍ଜେରିତା ଝେନେସି ଏଞ୍ଜାଣି ତାକି ଦାରା ଦେପିଆନେ ।

୧୧ “ଅଡ଼େ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରୀସ୍ତାସାରେ ଏଞ୍ଜାସି ମୀନୁତି ବାଦୁଲି ରାଚୁ ହୀନେସି ? ୧୨ ଅଡ଼େ ଗୁଡୁ ରୀସ୍ତାସାରେ ଏଞ୍ଜାଣାକି କାଚାକୁପି ହୀନେସି ? ୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍‌କାକି ନେହାଁଣି ହାହିମାଞ୍ଜେରି, ଆଡ଼ିହି ଆମିନି ଆବା ଲାକପୁରୁଟି ହାହିମାଞ୍ଜାନେସି, ଏଞ୍ଜାସି ତାନି ତାଣା ରୀହନି ଲକୁକି ଏଚେ ହାରେକା ସୁଦୁଜୀଞ୍ଜୁ ହୀଅସି !”

#### ଜୀସୁ ଅଡ଼େ ପଲୁଆ ବୁଡୁ

(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜୀସୁ ର ପାଲି ବୁଡୁ ପେରହି ମାଚେସି ଏ ବୁଡୁ ଗୁଲା । ବୁଡୁ ଏଞ୍ଜାଣି ତାଣାଟି ହଡ଼ା ହାଜାଲିଏ ଏ ଗୁଲା ଜଲିତେସି; ଏମ୍ବାଟିଏ ଲକୁ ବାରେ କାବା ଆଡ଼େରି । ୧୫ ସାମା ଏଞ୍ଜାରି ବିଦ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଏଞ୍ଜାସି ପଲୁଆ ବୁଡୁୟାଁ କାଜା ପେନୁ ବାଲ୍‌ଜିବୁଲ୍ ବୁଡୁ ତଲେ ବୁଡୁୟାଁ ପିସପି କିହିମାନେସି ।”

୧୬ ଇଞ୍ଜା ଏଚକାତାରି ଏଞ୍ଜାଣାଙ୍କ ତାୟିପାରି କିହାଲିତାକି ଏଞ୍ଜାଣି ତାଣାଟି ହାଗୁଟି ର ସିନା ରୀସ୍ତେରି । ୧୭ ସାମା ଏଞ୍ଜାସି ଏଞ୍ଜାରି ମନଡି ଅଣ୍ଡୁ ପୁଞ୍ଜାନା ଏଞ୍ଜାରାଙ୍କ ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଙ୍ଗିନେ ଏଦି ନାସା ଆହାହାନେ ଇଞ୍ଜା ଇଲୁ ଲାକ ବାରେ ରିହାହାନେ । ୧୮ ଇଞ୍ଜା ସୟତାନ ବାଗା ଆହାନା ଜାହାରା କପାଟି ନିଙ୍ଗିନେ, ଇଚିହି ତାନି ରାଜି ଏନିକି ତାରିଆହାନା ତୟିନେ ? ନାନୁ ପଲୁଆ ବୁଡୁୟାଁ ବାଲ୍‌ଜିବୁଲ୍ ତଲେ ବୁଡୁୟାଁ ପିସପି କିହିମାଙ୍କ ଇଞ୍ଜିମାଞ୍ଜେରି । ୧୯ ସାମା ନାନୁ ପଲୁଆ ବୁଡୁୟାଁ ବାଲ୍‌ଜିବୁଲ୍ ତଲେ ବୁଡୁୟାଁ ପିସପି କିହିମାଙ୍କ, ଆଡ଼ିହି ମୀ ମୀରକା ଆମ୍ବାଆରି ବାଡ଼ୁ ତଲେ ପିସପି କିନେରି ? ଇଞ୍ଜା ଏଞ୍ଜାଏ ମିଙ୍ଗେ ନୀହାଁୟି କିୟାନ୍ତୁ । ୨୦ ସାମା ନାନୁ ମାହାପୁରୁ ବାଡ଼ୁ ତଲେ ବୁଡୁୟାଁ ପିସପି କିହିମାଙ୍କ ଇଚିହି ମାହାପୁରୁଟି ରାଜି ମୀ ତାଣା ଏଗାଞ୍ଜାଡ଼େୟିଏ ।

୨୧ ବାଡ଼ୁଗାଟି ଲକୁ ଏଚେପାତେକା ଆସ୍ତି ଆସାନା ତାନି ଗାଡ଼ାତି ଗେଲ୍‌ପିନେସି, ଏଚିବେଲା ପାତେକା ତାନି ଦନ ଗେଲ୍‌ପିଆହାନା ତୟିନେ; ୨୨ ସାମା ଏଚିବେଲା ଏଞ୍ଜାଣି କିହାଁ ହାରେକା ବାଡ଼ୁଗାଟି ଲକୁ ଏଞ୍ଜାଣିତଲେ ଜୁଜୁ କିହାନା ଜୀଣା ଆନେସି, ଏଚିବେଲା ଏଞ୍ଜାସି ଆମିନି ଆସ୍ତି ବାର୍ଣ୍ଣ କିହାମାଚେସି, ଏ ବାରେ ଏଞ୍ଜାସି ମୀଞ୍ଜା ଅନେସି, ଇଞ୍ଜା ମୀଞ୍ଜା ଅହାମାନି ଦନ ବାଟିକିହା ଅନେରି ।

☆ ୧୧:୧୫ ୧୧:୧୫ ମାତି ୯:୩୪; ୧୦:୨୫ ☆ ୧୧:୧୭ ୧୧:୧୭ ମାତି ୧୨:୩୮; ୧୨:୧; ମାର୍କ ୮:୧୧ ☆ ୧୧:୨୩ ୧୧:୨୩ ମାର୍କ ୯:୪୦

୨୩ ✨ଆମ୍ଭାଆସି ନା ଖାକିଟି ଆଆଗାଗସି ଏଝାସି ନା ସାତୁ; ଇଞ୍ଜା ଆମ୍ଭାଆସି ନା ତଲେ କୂଡ଼ି କିଅସି ଏଝାସି ଆଲାଗା କିନାସି ।

**ପଲ୍ଲଆ ବୃତୁ ଝେଣ୍ଡା ଖାନାୟି**  
(ମାତି ୧୨:୪୩-୪୫)

୨୪ “ର ପଲ୍ଲଆ ବୃତୁ ର ମାଣସି ତାଣାଟି ହଚା ହାଜାନା ଏୟୁ ହିଲାଆ ଖାୟିତି ଟାୟୁତା ଜମାଲି ପାରିନେ, ଇଞ୍ଜା ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଚା ଖାହାମାଚେସି, ଏ ଇଲୁତା ଝେଣ୍ଡା ହାଇ ।’ ୨୫ ଇଞ୍ଜା ଏଡ଼ି ଝେଣ୍ଡା ଖାହାନା ଏଦାଆଁ ଅଜିହୁ ନେହୁ ଆହାମାନାଣି ମେହନେ । ୨୬ ଏତିବେଲା ଏଡ଼ି ହାଜାନା ତାନିକିହାଁ ହାରେକା ପଲ୍ଲଆଗାଟି ସାଡ଼ାଗଟା ବୃତୁୟାଁ ଆସାନା ଖାବେ, ଅଡ଼େ ବାରେଜାଣା ଏମ୍ବାଆଁ ହଡ଼ାନା ବାସା କିନୁ, ଇଞ୍ଜା ଏ ମାଣସିତି ତଲିତି କସୁ କିହାଁ ତାୟୁତି କସୁ ହାରେକା ଆବେ ।”

**ଆସୁଲି ରାହାଁ**

୨୭ ଜୀସୁ ଇ ବାରେ କାତା ଝେସିମାଗାଟି ଲକୁ ମାନ୍ଦା ବିତ୍ରାଟି ର ଇୟା କାଜା ଗିୟାତଲେ ଏଲେଇଚେ, “ଆମିନିଗାଟି ଇୟା ନିଜେ ଜାନ କିହାନା ପାଲୁ ଉଟ୍‌ହାତେ ଏ ଇୟା ହାରେକା ନେହେଁ ।”

୨୮ ସାମା ଜୀସୁ ଏଲେଇଚେସି, “ଆମ୍ଭାଆରି ମାହାପୁରୁତି ବଲୁ ଝେନେରି ଅଡ଼େ ମାନୁଝି ଆବେରି ଏଝାରାକିଦେହେଁ ନେହେଁ ।”

**ସିନା ପାରିନାୟି**  
(ମାତି ୧୨:୩୮-୪୨)

୨୯ ✨ଲକୁ ମାନ୍ଦା ମାନ୍ଦା ଆହାନା ଏଝାଣି ତାଣା ରୁଣ୍ଡା ଆହାଲିଏ ଜୀସୁ ଏଝାରାଇଁ ଝେସେସି, “ଇ କାଲାତି ଲକୁ ହାରେକା ଲାଗେଏତାରି; ଇଝାରି ବାରେ ସିନାୟାଁ ପାରିନେରି, ସାମା ଏଝାରାକି ଜୁନସତି ସିନା ପିସପେ ଏନି ସିନା ହୀପକିଆଏ । ୩୦ ଇତିହୁଁ ଜୁନସ ଏନିକୁଁ ନିନିବି ଲକୁତାକି ର ସିନାଲେହେଁ, ମାଣସି ମାରୁଏସି ଜିକେଏ ଏଲେକିହୁଁ ଏ ଇ ଜୁଗୁତି ଲକୁତାକି ଆବେ । ୩୧ ନୀହାୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଝାରି କପାଟି ସାକିହୀନେ, ଇତିହୁଁ ଏଡ଼ି ସଲମନତି ବୁଦିତିକାତା ଝେଞ୍ଜାଲି ଦାରତିତି ହେକ ଦେସାଟି ଖାହାମାଚେ; ମେହଦୁ ସଲମନକିହାଁ କାଜାସି ଇମ୍ବାଆଁ ମାନେସି । ୩୨ ନୀହାୟି ଦିନାତା ନିନିବି ଗାଡ଼ାତି ଲକୁ ନିଚାନା ଏଝାରି କପାଟି ସାକି ହୀନେରି, ଇତିହୁଁ ଏଝାରି ଜୁନସ ଝେସି କାତା ଝେଞ୍ଜାନା ଅଣ୍ପା କତାନା ମନ ଝେଟ୍‌ହେରି; ମେହଦୁ ଜୁନସକିହାଁ ହାରେକା କାଜାସି ଇମ୍ବାଆଁ ମାନେସି ।”

**ଆଜ୍ଞାତି ଉଜେଡ଼ି**  
(ମାତି ୫:୧୫; ୭:୨୨, ୨୩)

୩୩ ✨“ଆମ୍ଭାଆସି ଦୀଝୁଁ ତୀସାନା ତକୁନି ଟାୟୁତା କି ମାଣା ପ୍ଲୁକହାନା ଇଟଅରି, ସାମା ଦୀଝୁଁ ସଡ଼ାତା ଇଚିନେରି, ଏନିକୁଁ ଇଲୁ ବିତ୍ରା ଖାନି ଲକୁ ଉଜେଡ଼ି ମେହନେରି । ୩୪ ମୀ କାଣ୍ଡକା ଆଜ୍ଞାତି ଦୀଝୁଁ ଏଚେତା ମୀ କାଣ୍ଡକା ନେହୁଁ ମାନୁ ଏତିବେଲା ପାଚେକା ମୀ ଆଜ୍ଞା ବାରେ ଉଜେଡ଼ି ଆବେ; ସାମା ଏଚେତା ନୀ କାଣ୍ଡକା ନେହୁଁ ହିଲାଉ ଇଚିହୁଁ ଏଚେତା ମୀ ଗୁଡ଼ା ଆଜ୍ଞା ଜିକେଏ ଆହେରି ଆବେ । ୩୫ ଇଦାଆଁତାକି ଜାଗ୍ରାତା ଏନିକୁଁ ମୀ ହିୟାତା ମାନି ଉଜେଡ଼ି ଆହେରି ଆଏ । ୩୬ ଏନାଆଁତାକି ଇଚିହୁଁ ମୀ ଗୁଡ଼ା ଆଜ୍ଞା ବାରେ ଉଜେଡ଼ି ଆବେ ଇଞ୍ଜା ଏମ୍ବାଆଁ ଏନି ଆହେରି ତୟେଏ, ଆତିହୁଁ ଦୀଝୁଁ ଏନିକୁଁ ମିଜେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହୁଁ ଏ ମୀ ଗୁଡ଼ା ଆଜ୍ଞା ଉଜେଡ଼ି ଆବେ ।”

**ଜୀସୁ ପାରୁସି ଅଡ଼େ ମେରା ଜାପ୍‌ନାରାଇଁ ଦହ ଦହନାୟି**

(ମାତି ୧୩:୧-୩୬; ମାର୍କ ୧୨:୩୮-୪୦)

୩୭ ଜୀସୁ ଇ କାତା ଝେସି ତାୟୁ ର ପାରୁସି ଏଝାଣାଇଁ ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜା ଏଝାସି ଇଜ ହାଜାନା ତିଞ୍ଜାଲି କୁଗିଚେସି । ୩୮ ସାମା ତିଞ୍ଜାଲି କୁଗିନି ନକେଏ ଏଝାସି କେସ୍ତା କତାୟାଁ ନରୁହା ହିଲାଆଚେସି, ଇଦାଆଁ ମେସାନା ଏ ପାରୁସି କାବା ଆଚେସି । ୩୯ ଏଚେଟିଏ ପ୍ରବୁ ଏଝାଣାଇଁ ଏଲେଇଚେସି, “ମୀ ପାରୁସିୟାତେରି ଗିନାୟାଁ ଅଡ଼େ ସାଡ଼ାୟାଁ ପାଜ୍ଞାତା ନରୁହି ମାଞ୍ଜେରି, ସାମା ମୀ ବିତ୍ରା ଜୁପକା ଅଡ଼େ ଲାଗେଏତାୟି ନେଞ୍ଜାମାନେ । ୪୦ ଆଡ଼େ ବୁଦି ହିଲାଆଗାଟାଚେରି, ଆମ୍ଭାଆସି ପାଜ୍ଞାତାଣି ଗାଡ଼ିକିଚେସି, ଏଝାସି ବିତ୍ରାତାଣି ଜିକେଏ ଗାଡ଼ି କିହାହିଲଅସି କି ? ୪୧ ସାମା ମୀ ସାଡ଼ାୟାଁ ଅଡ଼େ ଗିନାୟାଁଣା ମାନାଣି ହିଲାଆ ଗାଗାରାକି ହୀତିହୁଁ ମିଜେତାକି ବାରେଏ ଅଟ୍‌ହାୟି ଆବେ ।”

୪୨ ସାମା ଆୟତା ତଣ୍ଡ ପାଣ୍ଡିନି ପାରୁସିୟାତେରି, ଇଚିହୁଁ ମୀରୁ ହାୟୁଁ ରାୟି ଇଞ୍ଜା ବାରେ କୁଗାତି ଦସ ବାଗାଟି ର ବାଗା ହୀହିମାଞ୍ଜେରି, ସାମା ନୀହାୟିତା ଅଡ଼େ ମାହାପୁରୁତି ଜୀସୁ ନନି ତାଣା ଅଣ୍ପି ହିଲଅଚେରି; ସାମା ଇ ବାରେ ମାନୁଝି ଆହାନା ଏଟ୍‌କାତାଣି ହେଲା ଆନାୟି ହିଲେଏ ।

୪୩ “ଆୟତା ତଣ୍ଡ ପାଣ୍ଡିନି ପାରୁସିୟାତେରି, ଇଚିହୁଁ ମୀରୁ ମାହାପୁରୁ ଇଲୁତା କାଜା ଟାୟୁ ଇଞ୍ଜା ହାଟା ବାଜାରାତା ଜହରା ବେଟାଆହାଲି ନେହେଁ ଅଣ୍ପିଦେରି । ୪୪ ଆୟତା ମୀରୁ ତଣ୍ଡ ବେଟା ଆନାଚେରି, ଇଚିହୁଁ ମୀରୁ ତଞ୍ଜା ଆଆଗାଟି

✨ ୧୧:୨୯ ୧୧:୨୯ ମାତି ୧୭:୪; ମାର୍କ ୮:୧୨ ✨ ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

ମାଡ଼ହା ମୁହନି ଟାୟୁଲେହେଁ ତାତେରି; ଇତିହଁ ପୁନାଆନା ଲକୁ ଲାକ ତାକି ମାନେରି ।”

୪୫ ଏଚେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଜେ ଲାଜା କିହିମାଞ୍ଜାଦି ।”

୪୬ ଜୀସୁ ଏଲେଇଚେସି, ଆୟତା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି, ଇତିହଁ ମୀରୁ ମାଣସିୟାଁ ଲାକ ବଜୁଗାଟି କାସକା ଏକ୍‌ହି ମାଞ୍ଜେରି ଅଡେ ଏ ବଜୁତି ମୀରୁ ର ଖାଞ୍ଜୁ ତଲେ ଜିକେଏ ତୀଗଅତେରି ।

୪୭ ଆୟତା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣପୁତି ବଲୁ ଖେହନାରାଇଁ ପାୟାନା ଏଞ୍ଜାରି ମାଡ଼ହା ମୁହନି ଟାୟୁ ତିୟାରା କିହିମାଞ୍ଜେରି ।

୪୮ ଇତିହଁ ମୀରୁ ମୀ ଆକୁ ଆଦାୟାଁ କାମାତା ସାକି ତସି ମାଞ୍ଜେରି ଇଞ୍ଜା ଏଞ୍ଜାରିଲେହେଁ ଆହିମାଞ୍ଜେରି; ଇତିହଁ ଏଞ୍ଜାରିସାଁ ଏଞ୍ଜାରାଇଁ ପାୟାମାଚେରି, ସାମା ମୀରୁ ଏଞ୍ଜାରି ମୁହନି ଟାୟୁତି କାତିୟାଁ ନିପ୍‌ହି ମାଞ୍ଜେରି ।

୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣପୁତି ବଲୁ ଖେହନାରାଇଁ ଅଡେ ପାଣ୍ଡି ଆହାମାନାରାଇଁ ପାଣ୍ଡି; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜା ନିନ୍ଦା କିନେରି,

୫୦ ଇ ଜୁଗୁତି ଲକୁ ଦାରତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣପୁତି ବଲୁ ଖେହନାରି ପାୟିତାକି ତଣ୍ଡ ବେଟାଆନେରି, ୫୧ ଏନିକଁ ହେବଲଇଁ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାଇଁ ମାହାପୁରୁ ଇଲୁତି ତାକିନି ପିଣ୍ଡା ଅଡେ ସୁଦୁ ବାକ୍ତା ମାଦିଏ ପାୟିତି ଆହାମାଚେ । ହାଅ, ନାନୁ ମିଜେ ସାତା ଖେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି ।

୫୨ ଆୟତା ତଣ୍ଡ ପାଣ୍ଡିନି ମେରା ପୁନାତେରି ମୀରୁ, ଇତିହଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଡିପି ମାନାରାଇଁ ଆଂଗିମାଞ୍ଜେରି ।

୫୩ ଜୀସୁ ଏ ଇଜଟି ହାଜାଲିଏ ପାରୁସିୟାଁ ଅଡେ ମେରାପୁନାରି ହାରେକା ତାହାରା ଆହାନା ।

୫୪ ଏଞ୍ଜାଣି ଜଲିନି ହାଡ଼ାତା ଦହ ଆସାଲି ଏଞ୍ଜାଣାଇଁ ହାରେକା କାତା ଖେଚେରି ।

### ୧୨

କୁରୁ ଗାଟାରି ତାଣ୍ଡାଟି ଜାଗ୍ରାତା

(ମାତି ୧୦:୨୬,୨୭)

୧ \*ଏଚିବେଲାତା ମାଣା ମାଣା ଲକୁ ରୁଣ୍ଡା ଆହାନା ଖିସ୍‌ପି ଆହିମାଚେରି; ଏଚିବେଲା ଏଞ୍ଜାସି ନକେଏ ତାନି ସୀସୁୟାଁ ଏଲେଇଚେସି,

ପାରୁସିୟାଁ ଲାଗେଏତି କୁରୁଗାଟି ତାଣ୍ଡାଟି ଜାଗ୍ରାତା ଆହାନା ମାଞ୍ଜୁ । ୨ \*ସାମା ଏନାୟି ତଞ୍ଜା ଆଏ, ଇଲେକଁ ପୁପକି ଆହା ହିଲେଏ, ଅଡେ ଏନାୟି ପୁନାଆରେଟୁ ଇଲେକଁ ତରୁମାନାୟି ଏନାୟି ହିଲେଏ । ୩ ଇତିହଁ ମୀରୁ ଏନା ଏନାଆଁ ଆନ୍ଦେରିତା ଖେସାମାଞ୍ଜେରି, ଏ ବାରେ ଉଜେଡ଼ିତା ଖେଣ୍ଡିଆନେ, ଏନା ଏନାଆଁ ପୁନାଆ ରେଟୁ ଇଲୁ ବିତ୍ରା ତରୁମାନା ଖେସାମାଞ୍ଜେରି, ଏଦାଆଁ ଇଲୁ ତୁଡ଼ିୟାତା ଖେପକି ଆନେ ।

ଆମ୍ବାଆରାଇଁ ଆଜିନାୟି

(ମାତି ୧୦:୨୮-୩୧)

୪ ଇତିହଁ ନା ତଣ୍ଡେସିଙ୍ଗାତେରି ମୀରୁ, ନାନୁ ମିଜେ ଖେସିମାଞ୍ଜାଇଁ, “ଆମ୍ବାଆରି ଆଜ୍ଞାତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ । ୫ ସାମା ଆମ୍ବାଆରାଇଁ ଆଜିଦେରି ଏଦାଆଁ ମିଜେ ଖେସାୟି; ପାୟିତି ଜେଚ ହିରୁ ଗାଡ଼ୟୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଞ୍ଜାଣାଇଁ ଆଜାଦୁ; ହାଅ ନାନୁ ମିଜେ ସାତା ଖେସିମାଞ୍ଜାଇଁ, ଏଞ୍ଜାଣାଇଁ ଆଜାଦୁ ।”

୬ ପାସାଗଟା ଜେତା ପଟାୟାଁ ରୀ କାନି ତାକି ପାରପି ଆଡ଼ କି ? ଆଡ଼ିଜିକେଏ ଏଞ୍ଜାସିକା ବିତ୍ରାଟି ରଣ୍ଡାଣି ଜିକେଏ ମାହାପୁରୁ ବାଣା ଆଅସି । ୭ ସାମା ମୀ ତାୟୁଁ ତୁ ବାରେ ବାଣାୟାଁ ଜିକେଏ ଏଜିକିଞ୍ଜି ଆହାମାନୁ । ଆଜା ଆଦୁ; ଏନାଆଁତାକି ଇତିହଁ ମୀରୁ ଜେତା ପଟାୟାଁ କିହାଁ ହାରେକା ଦାରା ଗାଟାତେରି ।

ଲକୁ ନକିତା ଜୀସୁଇଁ ଖେକନାୟି

(ମାତି ୧୦:୩୨,୩୩; ୧୨:୩୨; ୧୦:୧୯-୨୦)

୮ “ଅଡେ, ନାନୁ ମିଜେ ଖେସିମାଞ୍ଜାଇଁ, ଆମ୍ବାଆସି ଲକୁ ନକିତା ନାଜେ ଖେକହାନେସି, ମାଣ୍ଡିସି ମୀରୁଏସି ଜିକେଏ ମାହାପୁରୁତି ଦୁତୁୟାଁ ନକିତା ଖେକନେସି । ୯ ସାମା ଆମ୍ବାଆସି ଲକୁ ନକିତା ନାଜେ ଖେକହଅସି, ଏଞ୍ଜାଣାଇଁ ଜିକେଏ ମାହାପୁରୁ ଦୁତୁୟାଁ ନକିତା ଖେକଅସି ।

୧୦ \*ଇଞ୍ଜା ଆମ୍ବାଆସି ମାଣ୍ଡିସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡିନେ; ସାମା ଆମ୍ବାଆସି ସୁଦୁଜୀସୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ପାପୁ ମେଣ୍ଡିନେଏ ।

୧୧ \*ଏଚିବେଲା ଏଞ୍ଜାରି ମିଜେ ଜୀହୁଦି ଲକୁତି କୁଟମି ଇଲକାଣା\*, ସାଲ୍‌ଞ୍ଜି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପ୍‌ହାନେରି ଏଚିବେଲା ନା ଖାକିଟି ଆହାନା ଏନା ଏନାଆଁ ଜଲିନି ଇଞ୍ଜା ଅଣ୍ଡିପିଆଦୁ; ୧୨ ଇତିହଁ

\* ୧୨:୧ ୧୨:୧ ମାତି ୧୭:୬; ମାର୍କ ୮:୧୫    \* ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭    \* ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯  
\* ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫    \* ୧୨:୧୧ ୧୨:୧୧ ସିନଗର

ଏନାଆଁ ଜଲିନାୟି ମାନେ, ଏଦାଣି ଏଚିବେଲ୍ଲାତେଏ ସୁଦୁଜାଝୁ ମିଙ୍ଗେ ଜାପ୍‌ହାନେସି ।”

**ବୁଦି ହିଲାଆ ଦନ ଗାଗାସି**

୧୩ ଲକୁ ମାନ୍ଦା ବିତ୍ରାଟି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ବାଆସି ନାଙ୍ଗେ ମୀ ମୁହେଁ ନୀହାୟି କିହାଲି ମାଦି କିହାନା ଆଚାମାଞ୍ଜାନେସି ? ୧୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, ଜାଗ୍ରାତା, ବାରେଞ୍ଜାକିତି ଜୁପକାଟି ମିଙ୍ଗେ ଗେଲ୍‌ପିକିହା କତାଦୁ, ଇଚିହଁ ର ମାଣ୍‌ସିତି ଜୀଝୁ ତାନି ଦନତି ବାସୁଁ କିନେ ।

୧୬ ଜୀସୁ ଏଞ୍ଜାରାଇଁ ଇ ପୁଣ୍‌ମିକିନି କାତା ଝେସ୍‌ସେସି, “ର ସାଝୁକାରିକି ବୁମିତା ଗାତି ତାସା କାମ୍‌ପିତେ । ୧୭ ଏମ୍ବାଟିଏ ଏଞ୍ଜାସି ମନୁ ମନତା ଅଣପାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆନା କୁଡ଼ି କିହାନା ଇଟାଲି ଟାୟି ହିଲେଏ ।’ ୧୮ ଅଡେ ଏଲେଇଚେସି; ‘ନୀଏଁ ଇଲେ କିଇଁ ମାନି ଗାଡେୟିକା ରିକ୍‌ହାନା କାଜାଆଁ କିହାନା ଏମ୍ବାଆଁ ଗହଁୟାଁ ଇଞ୍ଜା ଏନି ଏନି ଆନା କୁଡ଼ି କିହାନା ଇଚିଇଁ, ୧୯ ଅଡେ ନା ଜୀଝୁତି ଏଲେଇଇ, ଏ ଜୀଝୁ, ହାରେକା ବାସା ତାକି ନିଙ୍ଗେ ତାକି ଗାତି ଆନା କୁଡ଼ି କିଞ୍ଜିଆହାମାନେ, ନୀଏଟି ଜମାନା ମନକିତି ଲେହେଁ ତିଞ୍ଜା ଉଣ୍‌ୟାନା ରାହାଁ କିମୁ ।’ ୨୦ ସାମା ମାହାପୁରୁ ଏଞ୍ଜାଣାଇଁ ଏଲେଇଚେସି, ଆଡେ ବୁଦି ହିଲାଆଗାଗାଟି, ନୀଞ୍ଜୁ ଲାଆଁୟାଁ ନୀ ଜୀଝୁ ନୀ ତାଣାଟି ଅଞ୍ଜିଆନେ; ଏଚେଟିଏ ନୀନୁ କୁଡ଼ିକିହା ଇଟାମାନି ବାରେ ଦନ ଆମ୍ବାଆରାଞ୍ଜାୟି ଆନେ ।”

୨୧ ଜୀସୁ ଏଲେଇଚେସି, “ଆମ୍ବାଆସି ତାଙ୍ଗେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଗାସି ଆଅସି, ଏଞ୍ଜାସି ଇଞ୍ଜାଣି ଲେହେଁତାସି ।”

**ଅଣ୍‌ପାଆଦୁ (ମାତି ୭:୨୫-୩୪)**

୨୨ ଜୀସୁ ତାନି ସୀସୁୟାଣି ଏଲେଇଚେସି, ଇଦାଆଁତାକି ମିଙ୍ଗେ ଝେସିମାଞ୍ଜାଇଁ, ଏନାଆଁ ତିନାୟି, ଇଲେକଁ ମୀ ଜୀଝୁତାକି, ଏନାଆଁ ତୁରନାୟି ଇଲେକଁ ମୀ ଆଙ୍ଗା ତାକି ଜିକେଏ ମୀରୁ ଅଣ୍‌ପାଆଦୁ । ୨୩ ଇଚିହଁ ରାନ୍ଦା କିହାଁ ଜୀଝୁ କାଜାୟି ଅଡେ ହିମ୍‌ରିକା କିହାଁ ଆଙ୍ଗା କାଜାୟି । ୨୪ ପଟାୟାଁସି ସିନିକିଦୁ, ଏଞ୍ଜି ମାଟାଉ କି ଦାଉ, ଇଞ୍ଜା ଏଞ୍ଜାସିକା ଗାଡେୟିକା ହିଲାଉ, ଅଡେ ମାହାପୁରୁ ଏଞ୍ଜାସିକାକି ତିନି କାଦି ହୀନେସି; ମୀରୁ ପଟାୟାଁ କିହାଁ ଏଚେକା କାଜାତେରି ! ୨୫ ଅଡେ ମୀ ବିତ୍ରାଟି ଆମ୍ବାଆତେରି ଅଣ୍‌ପି ଅଣ୍‌ପିହଁ ମୀ ଜୀଝୁତି

ଆଗାଡା ପାଡିକିହାଲି ଆଡିଦେରି ? ୨୬ ମୀରୁ ର ଉଣା କାମାତି କିହାଲି ଆଡିହିଲଅତେରି, ଆଡିହଁ ଏଚକାତି କାତା ଏନାଆଁତାକି ଗାତି ଅଣ୍‌ପିମାଞ୍ଜେରି ? ୨୭ ଜାଡାତି ପୁଙ୍ଗାଣି ସିନିକିହାଁ ଅଣ୍‌ପାଦୁ, ଏଞ୍ଜି ଏନି କାମା କିଉ; ଆଡିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ସଲମନକି ବାରେ ଅଡିତାୟି ମାଚିହଁ ଜିକେଏ ଏଞ୍ଜାଣାକି ଇ ପୁଙ୍ଗା ଏଚେକା ଅଡିତି ହିମ୍‌ରିକା ହିଲାଆଡୁ । ୨୮ ଆମିନି ଜାଡା ନୀଞ୍ଜୁ ମାନେ, ଝିଏ ଝାୟା ହାନେ ଅଡେ ହଲୁତା ହୁଡକିଆନେ, ମାହାପୁରୁ ଏ ଜାଡାତି ଇଲେତି ଝାଣା ହୀନେସି, ଏନାଆଁ ଏଞ୍ଜାସି ମିଙ୍ଗେ ହିମ୍‌ରିକା ପରଞ୍ଜି କିୟଅସି ? ମୀ ନାନୁ ଏଚେକା ଉଣା !

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହଁନାୟି, ଏଦାଆଁ ମୀରୁ ପାରିହଁ ଚେଆଦୁ କି ଅଣ୍‌ପାଆଦୁ, ୩୦ ଇଚିହଁ ଦାରତିତି ଜୀହୁଦିଆଆତାରି ଏ ବାରେ ପାରିହଁ ଚେନେରି; ସାମା ଇ ବାରେ ମୀ ଲଡାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୧ ମୀରୁ ମାହାପୁରୁତି ରାଜି ପାରାଦୁ, ଆଡିହଁ ଇ ବାରେ ମିଙ୍ଗେ ହୀପକିଆନେ ।

**ଲାକପୁରୁତି ଦନ (ମାତି ୭:୧୯-୨୧)**

୩୨ ଏ ଉଣା ମେଣ୍ଡା ମାନ୍ଦାତେରି ଆଜାଆଦୁ, ଇଚିହଁ ମିଙ୍ଗେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ । ୩୩ ମୀରୁ ମୀ ଦନତି ପାରତାନା ହିଲାଆ ଗାଗାରାକି ହୀଦୁ; ମୀରୁ ମିଙ୍ଗେତାକି ଇଲେତି ବଞ୍‌ଝା କେପାଦୁ; ଇଚିହଁ ଏମ୍‌ୟା ସରୁ ଝାଅସି ଅଡେ ଲୀମ୍‌ଜୁ ତିନେଏ ଇଲେତି ଲାକପୁରୁ ଦନ କୁଡ଼ି କିଦୁ, ୩୪ ଇଚିହଁ ଆମ୍‌ୟା ଦନ ଏମ୍‌ଏଏ ଜିକେଏ ମୀ ମନ ମାଞ୍ଜେମାନେ ।

**ଜାଗ୍ରାତା ହଲେଏସି**

୩୫ ☆“ମୀ ଚେଡେଲି ଦସା କତାନା ମାଞ୍ଜୁ ଅଡେ ମୀ ଦୀଞ୍‌ୟାଁ ତୁଞ୍ଜିହଁ ମାଣ୍‌ମୁ; ୩୬ ☆ଅଡେ ପ୍ରବୁ ବାହା ଇଜ ହାଜାନା ଝେଣ୍ଡା ଝାନାଟି ଏଞ୍ଜାଣାଇଁ ଦାରା ଦେନମିଞ୍ଜା ଇଞ୍ଜୁ କାଟାମାନାରି, ମୀରୁ ଜିକେଏ ଏଞ୍ଜାରିଲେହେଁ କାଟାହାଁ ମାଞ୍ଜୁ । ୩୭ ପ୍ରବୁ ଝାହାନା ଆମିନି ହଲିୟାଙ୍ଗାଣି ଜାଗ୍ରାତା ମାନାଣି ମେହ୍‌ନେସି, ଏଞ୍ଜାରି ନେହେଁ; ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଞ୍ଜାସି ତାନି ଚେଡେଲି ରୁପାନା ଏଞ୍ଜାରାଇଁ ତିଞ୍ଜାଲି କୁଗି କିହାଁ ତାଗେ ହାଜାନା ସେବା କିନେସି । ୩୮ ଅଡେ ଏଞ୍ଜାସି ମାଦି ଲାଆଁୟାଁ କି ଝେୟା ନେକେରିତା ଜିକେଏ ଝାହାନା ଏଞ୍ଜାରାଇଁ ଏଲେକଁ କାଟାମାନାଣି ମେହ୍‌ନେସି ଏ ହଲିୟାଙ୍ଗା ନେହେଁ । ୩୯ ☆ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲ୍ଲାତା ସରୁ ଝାଡନସି, ଇଦାଆଁ

ଇଲୁଗାଟାସି ପୁଟିହୁଁ ଏଝାସି ତାନି କୁଡୁ ତୁଡହାଲି ହାଆତେସିମା । ୪୦ ମୀରୁ ଜିକେଏ ଜାଗ୍ରାତା ଆହାନା ମାଞ୍ଜୁ, ଇତିହୁଁ ମୀରୁ ଆମିନି ବେଲାତା ଅଣପା ହିଲଅତେରି, ଏତିବେଲାତା ମାଣସି ମୀରଏସି ଖାନ୍ଦେସି ।”

**ଟିକାଣା ହିଲାଆଗାଟି ହଲେଏସି**  
(ମାତି ୨୪:୪୫-୫୧)

୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନୀନୁ ପୁଣ୍ଡିକିନି କାତା ମାଜେ କି ବାରେତାକି ଝେସିମାଞ୍ଜୁ ?”

୪୨ ପ୍ରବୁ ଏଲେଇଚେସି, “ସାଝୁକାରି ତାନି ଇଲୁତି ଲକୁଡାକି ତାନି ରାନ୍ଦା କାଟୁତା ରାନ୍ଦା ହାହାଲି ତାନି ଗୁମୁସ୍ତା ପାଣା ହେରପିନେସି, ଇଲେତି ଟିକାଣାଗାଟି ଅଡେ ବୁଦିଗାଟି ହଲେଏସି ଆମ୍ବାଆସି ?” ୪୩ ପ୍ରବୁ ଖାହାନା ତାନି ଆମିନି ହଲେଏଶାଈ ଏଲେ କିହିମାନାଣି ମେହନେସି ଏଝାସି ନେହେଁ । ୪୪ ନୀନୁ ମିଜେ ସାତା ଝେସିମାଞ୍ଜାଈ, ଏଝାସି ଏଝାଶାଈ ତାନି ବାରେ ଦନତି ମୁହେଁ ଗୁମୁସ୍ତା କିହା ଇତିନେସି । ୪୫ ସାମା ଏ ହଲେଏସି ନା ସାଝୁକାରି ଖାନ୍ଦାୟି ମାନେୟିଏ ଇଞ୍ଜୁଁ ମନତା ଅଣପାନା ହଲିୟାଜା ହଲେଣିସିକାଣି ଝେଚାଲି ଇଞ୍ଜା ତିଞ୍ଜି ଉଣିହୁଁ କାଡୁ ହୁଚାଲି ମାଟନେସି, ୪୬ ଆତିହୁଁ ଏମିନି ଦିନା ହଲେଏସି କାଟାହିଲଅସି ଇଞ୍ଜା ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଖାନ୍ଦେସି, ଇଞ୍ଜା ଏଝାସି ଏଝାଶାଈ ରୀ ବାଗା କିହାନା ନାମୁ ହିଲାଆଗାଟାରି ତଲେ ଏଝାଶାଈ କାଲନେସି ।

୪୭ ଅଡେ ଆମିନି ହଲେଏସି ତାନି ସାଝୁକାରିତି ମନ ଅଣପାନା ଜାଗ୍ରାତା ଆଅସି କି ଏଝାଣି ମନତଲେ କାମା କିଅସି, ଏଝାସି ଗାତି ମାଡା ବେଟା ଆନେସି; ୪୮ ସାମା ଆମ୍ବାଆସି ପୁନାଆନା ମାଡା ପାଣିନି କାମା କିନେସି, ଏଝାସି ଉଣା ମାଡା ବେଟା ଆନେସି । ଆମ୍ବାଆରାକି ଗାତି ହୀପକି ଆହାମାନେ, ଏଝାଣି ତାଣାଟି ହାରେକା ରାହନାୟି ମାନେ; ଇଞ୍ଜା ଲକୁ ଆମ୍ବାଆରାକି ଗାତି ହାହାମାନେରି ଏଝାଣି ତାଣାଟି ହାରେକା ଆଗାଡା ରାହନେରି ।

**ଜୀସୁ ଲକୁଣି ବାଗା କିଞ୍ଜିକିନାୟି**  
(ମାତି ୧୦:୩୪-୩୬)

୪୯ “ନୀନୁ ଇ ଦାର୍ଡିତା ହିତୁ ପ୍ରଡହାଲି ଖାହାମାଈ, ଇଦି ନୀଏଁ ଗୁଡୁ ଗୁଡୁ ଆହିମାନେ ଆତିହୁଁ ନାଜେ ଏନି ଅଣପୁ ? ୫୦ \*ସାମା ନୀନୁ ର ବାପ୍ତିସ୍ତା† ପାଣନାୟି ମାନେ, ଅଡେ ଏଦି ରାଆ ପାତେକା ନାଜେ ଏଚେକା କସ୍ତ ହଚି ମାଞ୍ଜାନେ । ୫୧ ନୀନୁ ଦାର୍ଡିତା ହିଡଡି ହାହାଲି ଖାହାମାଈ ଇଞ୍ଜୁଁ ମୀରୁ ଅଣପିମାଞ୍ଜେରି ? ନୀନୁ ମିଜେ ଝେସିମାଞ୍ଜାଈ, ଆଏ, ବାଗା କିହାଲି ଖାହାମାଈ ।

\* ୧୨:୫୦ ୧୨:୫୦ ମାର୍କ ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି

୫୨ ଇତିହୁଁ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡେ ତାନିଜାଣା କପାଟି ରିଆରି ଏଟକା ଆନେରି । ୫୩ ମୀରଏଶା କପାଟି ତାଞ୍ଜି, ତାଞ୍ଜି କପାଟି ମୀରଏସି, ମାଜା କପାଟି ତାଲି, ତାଲି କପାଟି ମାଜା, କୁଡିୟାନି କପାଟି ପୟା, ଅଡେ ପୟା କପାଟି କୁଡିୟା ଏଟକା ଆନୁ ।”

**କାଲାତି ପୁନାୟି**  
(ମାତି ୧୨:୨,୩)

୫୪ ଇଞ୍ଜା ଏଝାସି ଲକୁଣି ଜିକେଏ ଏଲେଇଚେସି, “ଝେଡା କୁଡନିଝାକି ହାଗୁ ନିଜାଁ ମାନାଣି ମେସ୍ତ୍ରସାରେ ଦେବୁଣିଏ ଏଲେଇଞ୍ଜେରି ପିୟୁ ଖାନ୍ଦେ, ଅଡେ ଏଲେକିହୁଁଏ ଆନେ; ୫୫ ଅଡେ ଚିଝନି ଝାକିଟି ଗାଲି ଝେନାଣି ମେସ୍ତ୍ରସାରେ ମୀରୁ ଏଲେଇଞ୍ଜେରି, ଗାତି କାରା ଆନେ, ଅଡେ ଏଲେଏ ଆନେ । ୫୬ ଆଡେ କୁଟୁ ଗାଟାତେରି, ମୀରୁ ଦାର୍ଡି ଅଡେ ହାଗୁତି ସିନାୟି ପୁଞ୍ଜିମାଞ୍ଜେରି, ସାମା ଇ କାଲାତି ସିନାୟି ଏନିଲେହେତାଇ ପୁଞ୍ଜି ହିଲଅତେରି ?”

**ଗଡହା ଆଡାଣି ତଲେ ଆଣିନାୟି**  
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜୁଁ ମୀରୁ ଏନାଆଁତାକି ମୀ ବିତ୍ରା ନୀହାୟି କିହିହିଲଅତେରି ? ୫୮ ଇତିହୁଁ ମୀ ଗଡହା ଆଡାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲଞ୍ଜିଆନି ଉପେୟି ଅଣପାମୁ, ଏଲାଆଆତିହୁଁ ଏଝାସି ନିଜେ ଅଡେ ଝେଣେ ନୀହାୟି କିନାଣି ତାଣା ରେଜା ଅୟାନେସି, ଅଡେ ନୀହାୟି କିନାସି କସ୍ତକା କେୟୁତା ହେରପାନେସି, ଅଡେ କସ୍ତକା ନିଜେ କାୟିଦି ଇଲୁତା ଇଟାନେରି । ୫୯ ନୀନୁ ମିଜେ ଝେସିମାଞ୍ଜାଈ, “ମୀରୁ ର କାନି ଜିକେଏ ପିହଆନାହା ହାତିହୁଁଦେଁ ଏମ୍ବାଟି ହଚା ଖାହାଲି ଆଡିଦେରି ।”

**୧୩**

**ମନ ଝେଟ୍‌ଆତିହୁଁ ନାସା ଆନାୟି**

୧ ଏତିବେଲାତା ଏଚେକା ଲକୁ ଖାହାନା, ପିଲାତ ଏମିନି ଗାଲିଲି ଲକୁତି ନେତେରି ଏଝାରି ପୂଜା ତଲେ ଆଟହାମାଚେସି, ଏ କାତା ଜୀସୁଈ ଝେସ୍ତେରି । ୨ ଏମ୍ବାଟିଏ ଜୀସୁ ଏଝାରାଈ ଏଲେଇଚେସି, “ଏ ଗାଲିଲିତାରି ତଣ୍ଡୁ ବେଟାଆହାଲିଏ ଏଝାରି ଅର ଗାଲିଲିତାରି କିହାଁ ହାରେକା ପାପୁ ଗାଟାରି ଇଞ୍ଜୁଁ ମୀରୁ ଅଣପିମାଞ୍ଜେରି ? ୩ ନୀନୁ ମିଜେ ଝେସିମାଞ୍ଜାଈ, ଏଲେକ୍ ଆଏ, ସାମା ମୀରୁ ମନ ଝେଟ୍‌ଆତିହୁଁ ବାରେଜାଣା ତେରି ଏଝାରିଲେହେଁ ହାଡେରି । ୪ ସିଲହତା ଆମିନି ଅଟର ଜାଣାତି ଲାକ ପାତାଆଡି କଟା ଇଲୁ ରିହାନା ହାତେରି, ଏଝାରି ବାରେଜାଣା ଜିରୁସାଲମତି ଲକୁ କିହାଁ ହାରେକା

ପାପୁ ଗାଗାରି ଇଞ୍ଜି ମୀରୁ ଅଣ୍ଟାପିମାଞ୍ଜେରି ?  
୫ ନାନୁ ମିଙ୍ଗେ ଖେସିମାଞ୍ଜାଇ, ଏଲେକି ଆଏ,  
ମୀରୁ ମନ ଖେଟ୍‌ଆତିହ ବାରେଜାଣା ତେରି  
ଏଲେକିହ ଏ ନାସା ଆଦେରି ।”

**ପାଡ଼େୟି ଆୟାଆଗାଟି ତୟା ମାର୍‌ନୁ**

୬ ଜୀସୁ ଇ ପୁଣ୍ଡିକିନି କାତା ଖେସ୍‌ସେସି, ରଅଣି  
ଅଜ୍ଜୁରି ବାଡ଼ାତା ର ତୟା ମାର୍‌ନୁ ଉହି ଆହାମାଚେ  
। ଏଞ୍ଜାସି ଖାହାନା ପାଡ଼େୟି ପାରୀତେସି ସାମା  
ମେଡ଼ାଆଆତେସି । ୭ ଇଞ୍ଜା ଏଞ୍ଜାସି କାମା କିନାଣାଇ  
ଏଲେକରେସି, “ମେହମୁ ନାନୁ ତାନି ବାର୍‌ସା  
ଆଡେୟିଏ ଇ ତୟା ମାର୍‌ନୁତା ଖାହାନା ପାଡ଼େୟି  
ପାରିମାଇ, ସାମା ମେଡ଼ା ଆହି ହିଲଅଁ; ଏଦାଣି  
ଚୁଣ୍ଡା ହୁହମୁ, ଇଦି ଏନାଆଁତାକି ବୁମିତି ପାଡ଼ିୟା  
କିନେ ?” । ସାମା କାମାକିନାସି ଏଲେକରେସି,  
“ପ୍ରବୁ ଇଦି ଇୟନା ତାକି ମାଣ୍‌ମେ, ନାନୁ ଇଦାଣି  
ସାରିସୁଟା କାରହାନା ଗାତା ହାଇ, ୯ ଅଡ଼େ ତାୟୁ  
ପାଡ଼େୟି ଆୟିତିହ ନେହେ ଆୟାଆତିହ  
ଏଦାଣି ଚୁଣ୍ଡା ହୁହମୁ ।”

**ଜୀସୁ ଜମିନି ଦିନା ର ଚୁଡ଼ୁଞ୍ଜା ଇୟାନି  
ନେହ କିନାୟି**

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁତି  
କୁଟମି ଇଲୁତା\* ଜାପୁହି ମାଚେସି । ୧୧ ଏମ୍‌ଆଁ  
ର ଇୟା ମାଚେ, ଏଦି ଅଟର ବାର୍‌ସା ପାତେକା  
ପଲ୍‌ଆ ବୁଡୁ ତଲେ କସ୍ତୁ ଆହିମାଚେ, ଏଦି ଚୁଡ଼ୁଞ୍ଜା  
ଆହାନା ସଲ୍‌କେ ଆହି ତାକାଲି ଆଡ଼ିହିଲାଆତେ  
। ୧୨ ଜୀସୁ ଏଦାନି ମେସାନା ତାଗେ ହାଡ଼ାନା  
ଏଲେକରେସି, “ଏ ଇୟା ନାନୁ ନୀ ଆଡ଼ାଆ କସ୍ତୁଟି  
ନେହ ଆଡ଼ି ।” ୧୩ ଅଡ଼େ ଏଞ୍ଜାସି ଏଦାନିଲେକ  
କେୟୁ ଇଚିତେସି, ଏମ୍‌ଟିଏ ଏଦି ଏ ଦେବୁଣିଏ  
ସଲ୍‌କେ ଆହାନା ମାହାପୁରୁତି ଜହରା କିତେ ।

୧୪ ସାମା ଜୀସୁ ଜମିନି ଦିନାତା ନେହ  
କିହିମାଚାକି ଜୀହୁଦି ଲକୁତି କୁଟମି ଇଲୁତି† କାଜାସି  
କାର୍‌ବି ଆହାନା ଲକୁଣି ଏଲେକରେସି, “କାମା  
କିହାଲି ସ ଦିନା ମିଙ୍ଗେ ମାନେ; ଏଦାଣିତାକି ସ ଦିନା  
ନେହ ଆହାଲି ଖାଦୁ, ଜମିନି ଦିନାତା ଖାଆଦୁ ।”

୧୫ ସାମା ପ୍ରବୁ ଏଞ୍ଜାଣାଇ ଏଲେକରେସି, “ଆଡ଼େ  
କୁଟୁ ଗାଟାତେରି, ମୀରୁ ବାରେଜାଣା ତେରି ଜମିନି  
ଦିନାତା ମୀ କଡ଼ି କି ଗାଡ଼ଦେତି ହାଃଅଲାଟି ଅହାନା  
ଏୟୁ ଉଚ୍‌ହି ହିଲଅତେରି କି ? ୧୬ ଅଟର ବାର୍‌ସା  
ପାତେକା ସୟତାନ ତାଣାଟି ଦସପି ଆହାମାନି  
ଅବ୍ରାହାମ କୁଡ଼ାତି ଇ ଇୟାନି ଜମିନି ଦିନାତା  
ନେହ କିନାୟି ହିଲାଆତେ କି ?” ୧୭ ଏଞ୍ଜାସି ଇ  
ବାରେ କାତା ଖେସାଲିଏ, ତାନି ସାଡୁୟା ବାରେ  
ଲାଜା ବେଟାଆଡେରି, ସାମା ଜୀସୁ କିହାମାନି କାମା  
ମେସାନା ଲକୁ ରାହାଁ ଆଡେରି ।

**ହାସୁ ପାଡ଼େୟି**

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜୀସୁ ଏଲେକରେସି, “ମାହାପୁରୁ ରାଜି  
ଏନିଲେହେତାୟି ? ଆମ୍‌ପାରିତଲେ ଏଦାନି ତୁକ୍‌ଇ  
? ୧୯ ଏଦି ଇଲେତି ର ହାସୁ ପାଡ଼େୟି ଲେହେ,  
ଏଦାଆଁ ଅହାନା ରଅସି ତାନି ବାଡ଼ାତା ମାଚିତେସି,  
ଅଡ଼େ ଏଦି ପାତାଆହାନା ର ମାର୍‌ନୁ ଆଡେ, ଅଡ଼େ  
ହାଗୁ ଲାକ ଉମ୍‌ନି ପଚାୟା ଖାହାନା ଏ କମାତା  
ବାସା କିତୁ ।”

**ପୁଲାଏୟୁ**

(ମାତି ୧୩:୩୩)

୨୦ ଜୀସୁ ଅଡ଼େ ଏଲେକରେସି, “ନାନୁ  
ଆମ୍‌ପାରିତଲେ ମାହାପୁରୁତି ରାଜି ତୁକ୍‌ଇ ? ୨୧ ଏଦି  
ପୁଲା ଏୟୁଲେହେତାୟି, ର ଇୟା ତାନିମାଣା  
ଗୁଣ୍ଡାତା କାଲ୍‌ହା ଇଚିତେ, ତାୟୁ ବାରେ ଗୁଣ୍ଡା ପୁଲା  
ଆଡେ ।”

**ଜାକଣି ଦୁଖେରି**

(ମାତି ୭:୧୩,୧୪,୨୧-୨୩)

୨୨ ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁ ତାକି  
ନାୟୁ ରେଜିହ ଜାପୁହିହ ଜିରୁସାଲମ ଖାକି  
ହାଜିମାଚେସି । ୨୩ ରଅସି ଏଞ୍ଜାଣାଇ ଖେଚେସି,  
“ପ୍ରବୁ ଗେଲ୍‌ପି ଆନାରି ଖାର୍‌ଇ ଇଚରା ଜାଣାକି ?”

ଜୀସୁ ଏଞ୍ଜାରାଇ ଏଲେକରେସି, ୨୪ “ଜୀସୁ  
ତୁସାନା ଜାକଣି ଦୁଖେରିତି ହାଜୁ; ଇଚିହ  
ନାନୁ ମିଙ୍ଗେ ଖେସିମାଞ୍ଜାଇ, ହାରେକା ହଡ଼ାଲି  
ଅଣ୍ଟପନେରି, ସାମା ହଡ଼ାଲି ଆଡ଼ଅରି । ୨୫  
ଇଲୁଗାଟାସି ନିଜ୍ଞାନା ଦାରା ସୁଣ୍ଡିତି ତାୟୁ  
ଏଚେତା ମୀରୁ ପାଙ୍ଗାତା ନିଚାନା ଦାରା ତୀ ତୀ  
ଖେଚିହ ଏ ପ୍ରବୁ ମାଙ୍ଗେତାକି ଦାରା ଦେତାମ୍‌  
ଇଞ୍ଜି ହାଚିଦେରି, ଏଚେତା ଏଞ୍ଜାସି ମିଙ୍ଗେ  
ଏଲେକଞ୍ଜାନେସି, ‘ମୀରୁ ଏମ୍‌ପାତେରି ନାନୁ  
ପୁଞ୍ଜାମାଞ୍ଜଅଁ ।’ ୨୬ ଏଚିବେଲା ମୀରୁ ଏଲେକଞ୍ଜେରି,  
‘ଏ ପ୍ରବୁ ମାୟୁ ନୀ ତଲେ ତିଚା ଉଟାତମି, ଅଡ଼େ  
ନାନୁ ମା ଆଂଗେଣିକାଣା ଜାପୁହିମାଞ୍ଜାତି ।’ ୨୭ ଅଡ଼େ  
ଏଞ୍ଜାସି ମିଙ୍ଗେ ଏଲେକଞ୍ଜାନେସି, ‘ମୀରୁ ଆମିନି  
ଚାୟୁତି ଲକୁତେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ  
ପଲେଏ ତାତେରି ନା ତାଣାଟି ହେକ ଆଦୁ ।’

୨୮ ☆☆ଏଚିବେଲା ମୀରୁ ଅବ୍ରାହାମ, ଇସାହାକ,  
ଜାକୁବ ଇଞ୍ଜା ବାରେ ମାହାପୁରୁ ଅଣ୍ଟପୁତି ବଲୁ  
ଖେହନାରାଇ ମାହାପୁରୁ ରାଜିତା ମାନାଣି ଅଡ଼େ  
ମିଙ୍ଗେ ପାଙ୍ଗାତା କୁତା ମାଞ୍ଜାନାଣି ଅଣ୍ଟପାନା  
ପାଲ୍‌କା ଟାଟି କିହ ତୀଦେରି । ୨୯ ଅଡ଼େ  
ହାରେକା ଲକୁ ଖେଡ଼ା ହପୁ ଖାକିଟି ଅଡ଼େ ଖେଡ଼ା  
କୁଡ଼ନି ଖାକିଟି, ଟିଃନି ଖାକିଟି ଚେଟ୍‌ଟି ଖାକିଟି ଖାହାନା

\* ୧୩:୧୦ ୧୩:୧୦ ସିନଗର୍ † ୧୩:୧୪ ୧୩:୧୪ ସିନଗର୍ ☆ ୧୩:୨୮ ୧୩:୨୮ ମାତି ୨୨:୧୩; ୨୫:୩୦ ☆ ୧୩:୨୮ ୧୩:୨୮ ମାତି ୮:୧୧,୧୨ ☆ ୧୩:୩୦ ୧୩:୩୦ ମାତି ୧୯:୩୦; ୨୦:୧୨; ମାର୍କ ୧୦:୩୧

ମାହାପୁରୁତି ରାଜିତି ବଢ଼ିତା କୁଗିନେରି । ୩୦ ଅଡ଼େ ମେହ୍‌ଦୁ ଡାୟୁତା ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ଡାୟୁତା ଆନେରି ।”

**ଜୀସୁ ଜିରୁସାଲମତି ଜୀସୁନନାୟି (ମାତି ୨୩:୩୭-୩୯)**

୩୧ ଏଚିବେଲାତେଏ ଏଚରଜାଣା ପାରୁସିୟାଁ ଖାହାନା ଜୀସୁଇଁ ଖେସ୍ତେରି, “ନୀନୁ ଇ ଟାୟୁ ପିସାନା ହାଜାତୁହ୍‌ମୁ ଏନାଆଁତାକି ଇଚିହ୍‌ ହେରଦ ନିଜେ ପାୟାଲି ଅଣ୍‌ପିମାନେସି ।”

୩୨ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ହାଜାନା ଏ ନାକାଇଁ ଖେହ୍‌ଦୁ, ‘ମେହ୍‌ମୁ ନୀନୁ ନୀଞ୍ଜୁ ଅଡ଼େ ଓଁଏ ବୃତୁୟାଁ ପିସପି କିହିମାଇଁ ଅଡ଼େ ନେହ୍‌ କିହିମାଇଁ ଇଞ୍ଜା ତାନି ଦିନାଟିଏ ନା କାମା ରାପୁଇଁ ।’ ୩୩ ଏନିଜିକେଏ ନୀଞ୍ଜୁ ଓଁଏ ଅଡ଼େ ମାର୍‌ ନାଜେ ତାକିହ୍‌ ହାଜାଲି ଆନେ, ଇଚିହ୍‌ ମାହାପୁରୁ ଅଣ୍‌ପୁତି ବଲୁ ଖେହ୍‌ନାସି ଜିରୁସାଲମ ପିସପେ ପାଙ୍ଗାତା ହାନାୟି ନେହ୍‌ଆଏ ।”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରାଇଁ ପାୟିନାତି ଅଡ଼େ ନୀ ତାଣା ପାଣ୍ଡୁଓଁ ଆହାମାନାରାଇଁ ଖାଲକାତଲେ ଖେନାତି, ତାଲି କୟୁ ଏନିକ୍‌ ତାନି ହୀପାୟାଣି ତାନି ମାରାୟାଁ ତୁଇ ଜକ୍‌ନେ, ଏଲେକ୍‌ ଏଚର ଦେବା ନୀ ପଡ଼ି ପଡ଼ାତି ପ୍ଳୁକ୍‌ହାନା ଇଚିଇଁ ଇଞ୍ଜୁ ଅଣ୍‌ପିମାଚେଏଁ ସାମା ମୀରୁ ଏଲେକିହାଲି ହିୟାଆତେରି । ୩୫ ମେହ୍‌ଦୁ ମୀ ଇଲୁ ମୀ କେୟୁତା ହୀପକି ଆହିମାଞ୍ଜାନେ; ଅଡ଼େ ନୀନୁ ମିଜେ ଏଲେଇଞ୍ଜିମାଞ୍ଜାଇଁ ମାହାପୁରୁ ଦରୁଟି ଆମ୍ବାଆସି ଖାହିମାନେସି ଏଞ୍ଜାସି ନେହ୍‌ସି ଇଞ୍ଜୁ ଏମିନି ନେଚୁ ଇ କାତା ଏଲେଇଞ୍ଜେରି ଏ ଦିନା ଖାଆ ପାତେକା ମୀରୁ ଅଡ଼େ ନାଜେ ମେସୁଅତେରି ।”

**୧୪**

**ଜୀସୁ ରଚା ଗାଗାଣାଇଁ ନେହ୍‌କିନାୟି**

୧ ଜୀସୁ ର ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିତ୍ରାଟି ର କାଜାଣି ଇଜ ହଡ଼ାଲିଏ ଏଞ୍ଜାରି ଏଞ୍ଜାଣାଇଁ ଦହ୍‌ ଦସାଲି ପରୁହି ମାଚେରି । ୨ ଅଡ଼େ ମେହ୍‌ଦୁ ଏଞ୍ଜାଣି ନକିତା କେସ୍‌ କଡାୟାଁ ପଂଗିତାସି ରଅସି ମାଚେସି । ୩ ଏମ୍ବାଟିଏ ଜୀସୁ ମସାତି ମେରାପୁନାରି ଅଡ଼େ ପାରୁସିୟାଁଇଁ ଏଲେଇଚେସି, “ଜମିନି ଦିନାତା ରଅଣାଇଁ ନେହ୍‌କିନି ମେରା ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ ଆଡ଼େରି । ଇଞ୍ଜା ଜୀସୁ ଏଞ୍ଜାଣାଇଁ ତାଗାହାଁ ନେହ୍‌କିହାନା ମୀ ଇଜ ହାଲାମୁ ଇଞ୍ଜୁ ହେଲ ହୀତେସି । ୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ବିତ୍ରାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିଚିହ୍‌ ଏ ଦେବୁଣିଏ ତେଞ୍ଜା କଡ଼ଅସି କି ?”

୬ ଅଡ଼େ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲାଲି ଆଡ଼ାଆତେରି ।

**ସେବା କିନାୟି ଅଡ଼େ ତାମ୍‌ଜେ ଡ଼ଣା କିହା କଡ଼ିନାୟି**

୭ ବଢ଼ିତା ହାଟ୍‌କି ଆହାମାଚାରି ନେହ୍‌ ନେହ୍‌ ଟାୟୁତା କୁଗାଲି ବାଟି କିହିମାଚାଣି ମେସାନା, ଏଞ୍ଜାରାଇଁ ର ପୁଣ୍‌ମିକିନି କାତା ଖେସ୍ତେସି, ୮ “ଏଚିବେଲା ରଅସି ମିଜେ ବାହା ବଢ଼ିତା ହାଟ୍‌ନେସି, ଏମ୍ବାଆଁ ନେହ୍‌ ଟାୟୁତା କୁଗାଆଦୁ, ଇଚିହ୍‌ ଏମ୍ବାଆଁ ନୀ କିହାଁ କାଜାସି ଜିକେଏ ହାଟ୍‌କି ଆହାଡ଼ୟିନେସି, ୯ ଏଚେତା ନିଜେ ଅଡ଼େ ଏଞ୍ଜାଣାଇଁ ହାଟ୍‌ ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଟାୟୁ ପିସାହୀମୁ ଇଞ୍ଜାନେସି, ଏଚେତା ନୀନୁ ଲାଜାତଲେ ଡ଼ଣା ଟାୟୁତା କୁଗିଦି । ୧୦ ସାମା ଏଚିବେଲା ନୀନୁ ହାଟ୍‌କି ଆହାମାନି ତାଣା ହାଜାନା ତୁଇତି ଟାୟୁତା କୁଗାମୁ, ଏଚେଟିଏ ନିଜେ ହାଟ୍‌ କିହାମାଞ୍ଜାନାସି, ଏତେଣେ ନୀନୁ ଇ ନେହ୍‌ ଟାୟୁତା କୁଗାମୁ ଇଞ୍ଜୁ ହାଟ୍‌ସାରେ ଏଚିବେଲା କୃଡ଼ା ଆହାମାନି ଲକୁ ନକିତା ଗାତି ମାନ୍ତି ବେଟାଆଡ଼ି । ୧୧ ଇଚିହ୍‌ ଆମ୍ବାଆସି ନୀନୁ କାଜାତେଏଁ ଇଞ୍ଜୁ ଇଞ୍ଜା କଡ଼ିନାଣାଇଁ ଡ଼ଣା କିଓଁଆନେ, ଅଡ଼େ ଆମ୍ବାଆସି ତାଜେ ଡ଼ଣା କିହାକଡ଼ିନେସି ଏଞ୍ଜାଣାଇଁ କାଜାସି କିଓଁଆନେ ।”

୧୨ ଇଞ୍ଜା ଜୀସୁ ତାଜେ ହାଟ୍‌ କିହା ମାଚାଣାଇଁ ଜିକେଏ ଏଲେଇଚେସି, “ନୀନୁ ବଢ଼ି ହୀନାଟି ନୀ ତେଣେସିଙ୍ଗାଣି, ତାୟିୟାଁ, ସାମ୍‌ହିୟାଁ କି ନୀ ନାୟୁତା ମାନି ଦନ ଗାଗାରାଇଁ ହାଟ୍‌ଆନି, ଇଚିହ୍‌ ଏଞ୍ଜାରି ଜିକେଏ ନିଜେ ହାଟ୍‌ଲି ଆଡ଼ାନେରି ଅଡ଼େ ନୀନୁ ଖେଣ୍ଡେ ବେଟାଆଡ଼ି । ୧୩ ସାମା ବଢ଼ି କିଡ଼ିସାରେ ହିଲାଆ ଗାଗାରି, କଲାୟାଁ, ସଚାୟାଁ, କାଣାୟାଁଣି ହାଟ୍‌ମୁ; ଆତିହ୍‌ ନୀନୁ ନେହ୍‌ତି ଆଡ଼ି, ୧୪ ଆତିହ୍‌ ନିଜେତାକି ନେହ୍‌, ଇଚିହ୍‌ ନିଜେ ଖେଣ୍ଡେ ହୀହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜା ତାରିଗାଗାରି ଖେଣ୍ଡେ ନିଜିନାଟି ମାହାପୁରୁ ନିଜେ ଖେଣ୍ଡେ ହିୟାନେସି ।”

**କାଜା ବଢ଼ିତି ପୁଣ୍‌ମିକିନାୟି (ମାତି ୨୨:୧-୧୦)**

୧୫ ଇ କାତା ଖେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଚାରି ବିତ୍ରାଟି ରଅସି ଜୀସୁଇଁ ଏଲେଇଚେସି, “ଆମିନିଗାଗାସି ମାହାପୁରୁ ରାଜିତା ବଢ଼ି ତିନାସି ଏଞ୍ଜାସି ନେହ୍‌ସି ।”

୧୬ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ରଅସି ର କାଜା ବଢ଼ି ଲକୁକି ହୀଇଁ ଇଞ୍ଜୁ ଅଣ୍‌ପାନା ହାରେକା ଲକୁଇଁ ହାଟ୍‌ତେସି; ୧୭ ଅଡ଼େ ତିନି କାରୁ ଆୟାଲିଏ, ଏଞ୍ଜାସି ହାଟ୍‌ମାନି ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ

✧ ୧୪:୫ ୧୪:୫ ମାତି ୧୨:୧୧ ✧ ୧୪:୧୧ ୧୪:୧୧ ମାତି ୨୩:୧୨; ଲୁକ ୧୮:୧୪



ଆଡେଇଏ ନୀଏଟି ମୀରୁ ତିଞ୍ଜାଲି ଖାଦୁ ।’ ୧୮ ସାମା ବାରେଜାଣା ଏଞ୍ଜାଣାକ୍ ରଣ୍ଡିଏ କାତା ଏଲେଇଚେରି, ରଅସି ଖେସ୍ତେସି, ‘ନାନୁ ଇଚାଣି ବୁମି କତାମାକ୍ ଏଦାଆଁ ସିନିକିହାଲି ହାନାୟିମାନେ; ଏଦାଆଁତାକି ନାଜେ କାର୍ମା ଅଣ୍ପାମୁ ନାନୁ ଖାହାଲି ଆଡଅଁ ।’ ୧୯ ଅଡେ ରଅସି ଏଲେଇଚେସି, ‘ନାନୁ ପାସା ହେରୁ କଡ଼ିୟାଁ କତାମାକ୍, ନାନୁ ଏଞ୍ଜାସିକାଣି ମାଡନାୟି ମାନେ ଏଦାଣିତାକି ନାଜେ କାର୍ମା ଅଣ୍ପାମୁ ନାନୁ ଖାହାଲି ଆଡଅଁ ।’ ୨୦ ଅଡେ ରଅସି ଏଲେଇଚେସି, ‘ନାନୁ ନୀଞ୍ଜୁ ବୀହା ଆହାମାକ୍ ଏଦାଆଁତାକି ନାନୁ ଖାହାଲି ଆଡଅଁ ।’ ୨୧ ଇଞ୍ଜା ଏ ହଲେଏସି ଖାହାନା ବାରେ ତାନି ସାଞ୍ଜୁକାରିକ୍ ଖେସ୍ତେସି । ଏଚେଟିଏ ଏ କାତା ଖେଞ୍ଜାନା ଏଞ୍ଜାସି କାରବି ଆହାନା ତାନି ହଲେଏଣାକ୍ ଏଲେଇଚେସି, ନାନୁ ତବେ ଗାଡାତି ସାହଡାୟାଁ ଅଡେ ତାଣ୍ଡେଣାଁ ହାଜାନା ହିଲାଆଗାଟାରାକ୍, କଲାୟାକ୍, ସଟାୟାକ୍ ଇଞ୍ଜା କାଣାୟାକ୍ ଇମ୍ପାଆଁ ହାଟାତାମୁ । ୨୨ ତାୟୁ ଏ ହଲେଏସି ଏଲେଇଚେସି, ‘ଏ ପ୍ରବୁ ନୀ କାତାତଲେ ବାରେ କିତମି ସାମା ଇଲୁ ନେଞ୍ଜା ହିଲେଏ ।’ ୨୩ ଏମ୍ପାଟିଏ ସାଞ୍ଜୁକାରି ହଲେଏଣାକ୍ ଟାଣ୍ଡିଚେସି, ‘କାଜା ଆଂଗେଣି ଅଡେ ମାରୁନୁ ଡକ ହାଜାନା ନା ଇଲୁ ଏନିକ୍ ନେଞ୍ଜେନେ ଏଦାଆଁତାକି ଲକୁଣି ଖାହାଲି ଏଲେଇନାମୁ । ୨୪ ନାନୁ ଖେସିମାଞ୍ଜାକ୍ ତଲି ହାଟାମାଟାରି ବିତ୍ରାଟି ରଅସି ଜିକେଏ ନା ବଡ଼ି ଖାଣ୍ଡାଲି ବେଟାଆଅସି ।’ ”

**ଏନିଲେହେତାସି ଜୀସୁତି ସୀସୁ ଆନେସି**  
(ମାତି ୧୦:୩୭,୩୮)

୨୫ ମାୟା ଲକୁ ଜୀସୁତଲେ ହାଜିମାଚେରି, ଏଞ୍ଜାସି ତାୟୁଖାକି ସିନିକିହାନା ଏଞ୍ଜାଚାକ୍ ଏଲେଇଚେସି, ୨୬ \*ଆମ୍ପାଆସି ନା ତାଣା ଖାହାନା ତାନି ତାଲି, ତାଞ୍ଜି, ତକ୍ତି, ମୀରକା, ମାସ୍କା, ତାୟି ତାଞ୍ଜିସ୍ପାଣି ଅଡେ ତାନି ଜୀସୁତି ଜିକେଏ ଅପଅସି ଏଞ୍ଜାସି ନା ସୀସୁ ଆୟାଲି ଆଡଅସି । ୨୭ \*ଆମ୍ପାଆସି ତାନି କୁସ ଡେକାନା ନା ଡେଟ ଡେଟ ଖାଅସି, ଏଞ୍ଜାସି ନା ସୀସୁ ଆୟାଲି ଆଡଅସି । ୨୮ ମୀ ବିତ୍ରାଟି ଆମ୍ପାଆସି ପାଡିକିହଁ କଟା ଇଲୁ ଦସାଲି ଅଣ୍ପିନେସି, ଦହନି କାମା ରାପ୍ତହାଲି ଟାକାୟାଁ ଏନୁ କି ଏଡ ଇଞ୍ଜିହଁ ଏମ୍ପାତି ଲେକା କିଅସିକି ? ୨୯ ଏଚେତା ଏଞ୍ଜାସି ପୁନାଦି ନିପହାନା ରାପ୍ତହାଲି ଆଡାଆସାରେ, ଏଚେକା ଲକୁ ଏଦାଆଁ ମେହନେରି, ବାରେଜାଣା ଏଞ୍ଜାଣାକ୍ କାକନେରି, ୩୦ ଲକୁ ଏଞ୍ଜାଣାକ୍ ଲାଜାକିହଁ ଏଲେଇନେରି, ଇଞ୍ଜାସି ଇଲୁ ଦସାଲି ମାଟ୍ତହେସି ରାପ୍ତହାଲି ଆଡାଆଚେସି । ୩୧ ର ରାଜା ଅର ରାଜା କପାଟି ଦୁଜୁ କିହାଲି ହାଜିମାନାଟି ଦସ ମାଣା କସ୍କା ଏଞ୍ଜାଣି କଡେ ମାଣା କସ୍କା

କପାଟି ଦୁଜୁ କିହାଲି ଆଡିନେରିକି ଆଏ ଇଞ୍ଜି ଅଣ୍ପଅସିକି ? ୩୨ ଆଡାଆଲେହେଁ ଇଚିହଁ ଏ ରାଜା ହେକ ମାନାଟିଏ ଏଞ୍ଜାସି ରାଜିମାନା ଆୟାଲି କସ୍କାଣି ହିଡ଼ଡ଼ି ତାକି ଏଲେଇଞ୍ଜା ପାଣ୍ଡିନେସି । ୩୩ ଏଲେକିହଁ ଏ ମୀ ବିତ୍ରାଟି ଜିକେଏ ଆମ୍ପାଆସି ତାନି ବାରେ ପିହ୍ଆତିହଁ ଏଞ୍ଜାସି ନା ସୀସୁ ଆୟାଲି ଆଡଅସି ।”

**ମୁଆ ହାରୁ**

(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୁଆସାରେ ଏଦାଆଁ ଏନିକ୍ ଅଡେ ଏନାଆଁତଲେ ହାରୁ ଲେହେଁ ମୁପି କିନାୟି ? ୩୫ ଏଡ଼ି ବୁମିତା କି ଗାତା କଟୁତା କୁଡୁସାଲି ଜିକେଏ ଜଡ଼େ ଆଏ । ଲକୁ ଏଦାନି ପାଞ୍ଜାତା କୁତା ତୁହନେରି । ଆମ୍ପାଆରି ଖେଞ୍ଜାଲି କାର୍ମା ମାଟିହଁ, ଖେଞ୍ଜୁ ।”

**୧୫**

**ଜାଞ୍ଜିତି ମେଣ୍ଡା**

(ମାତି ୧୮:୧୨-୧୪)

୧ \*ର ଦିନା ସିସୁ ରୁୀହନାରି ଅଡେ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାଚେରି । ୨ ଏଚେଟିଏ ପାରୁସିୟାଁ ଅଡେ ମେରାପୁନାରି ଜୀସୁକ୍ ଗୁରୁମୁରୁ ଆହଁ ଏଲେଇଚେରି, “ଇଞ୍ଜାସି ପାପୁ ଗାଟାରାକ୍ ଆବିମାନେସି, ଇଞ୍ଜା ଏଞ୍ଜାରିତଲେ ତିଞ୍ଜି ଉଣ୍ଡି ମାନେସି !” ୩ ଏମ୍ପାଟିଏ ଜୀସୁ ଏଞ୍ଜାଚାକ୍ ଇ ପୁଣ୍ଡିକିନି କାତା ଖେସ୍ତେସି ।

୪ “ମୀ ବିତ୍ରାଟି ଆମ୍ପାଆଚେରି ଇଲେତି ଲକୁ ମାଞ୍ଜେରି, ଏଞ୍ଜାଣାକି ପାସାକଡ଼ି ମେଣ୍ଡାୟାଁ ମାଟିହଁ, ଏଞ୍ଜାସିକା ବିତ୍ରାଟି ରଣ୍ଡି ଜାଞ୍ଜିତିହଁ ଏଞ୍ଜାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଞ୍ଜାମାନି ମେଣ୍ଡା ପାଣ୍ଡିନି ପାତେକା ପାରଅସି କି ? ୫ ଇଞ୍ଜା ବେଟାଆଡ଼ିସାରେ ରାହାଁତଲେ ଡେକାନା ଇଜ ତାନେସି, ୬ ଇଞ୍ଜା ତାନି ତଣ୍ଡେସିକାଣି ଅଡେ ନାୟୁତାରାକ୍ ହାଟାନା ଏଲେଇନେସି, ମୀରୁ ନା ତଲେ ରାହାଁ କିଦୁ, ଏନାଆଁତାକି ଇଚିହଁ ଜାଞ୍ଜାମାଟି ନା ମେଣ୍ଡା ବେଟାଆଡେଏଁ । ୭ ନାନୁ ମିଙ୍ଗେ ଖେସିମାଞ୍ଜାକ୍, ଏଲେକିହଁ ଏ ମନ ଖେଟ୍ତହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତୀରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟ୍ତହା କଡ଼ିତିହଁ, ଏଞ୍ଜାଣି କସିମି ଲାକପୁରୁ ହାରେକା ରାହାଁ ଆନେ ।”

**ଜାଞ୍ଜିତି ଟାକା**

୮ “ଅଡେ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାଟିହଁ ରଣ୍ଡାଆଁ ଜାକ୍ତହଁ ଏଡ଼ି ଏନାଆଁ କିନେ, ଦୀଞ୍ଜି ଡସାନା

\* ୧୪:୨୨ ୧୪:୨୨ ମାତି ୧୦:୩୭ \* ୧୪:୨୭ ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩ \* ୧୫:୧ ୧୫:୧ ଲୁକ ୫:୨୯,୩୦

ଇଲୁ ହେପାନା ଏ ଜାକ୍‌ହି ଟାକା ପାଣ୍ଡି ପାତେକା ଜାତନ୍ତୁ ତଲେ ପାରେଏକି ? ୯୮ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଡ଼ି ତାନି ତଡ଼ୁଲକୁଣି ଇଞ୍ଜା ନାମ୍‌କାତି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇଚିହୁଁ ଜାକ୍‌ହାମାତି ଟାକା ବେଟାଆଡ଼େଏ । ୧୦ ନାନୁ ମିଙ୍ଗ ଖେସିମାଞ୍ଜାଇଁ, ଏଲେକିହୁଁ ଆମ୍ବାଆସି ମନ ଖେଟନେସି, ଇଲେତି ପାପୁ ଗାଟାରାକି ମାହାପୁରୁତି ଦୂତୁୟା ନକିତା ରାହାଁ ଆନେ ।”

**ଜାକ୍‌ତି ମୀରୁଏସି**

୧୧ ଜୀସୁ ଅଡ଼େ ଏଲେଇଚେସି, ରଅଣାକି ରିଆରି ମୀରୁକା ମାଚେରି । ୧୨ ଏଞ୍ଜାରି ବିଦ୍ରାତି ଉଣା ମୀରୁଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଞ୍ଜେ ଆୟାନି ବାଗା ହିୟାମୁ । ଏଚେଟିଏ ତାନି ଆବା ତାନି ଦନ ବାଟି କିହାନା ରୀ ମୀରୁକାକି ହୀଚେସି । ୧୩ ଏମ୍ବାଟିଏ ଏଚରଦିନା ହାଜାଲିଏ ଇଚି ମୀରୁଏସି ଇଲୁ ବାଗା ହୀହାମାଗାଣି ପାରୁରାହାଁ ଟାକାୟା ଆସାହାଁ ହେକରାକି ହାଜାତୁସ୍ତେସି, ଇଞ୍ଜା ଲେନିପନିଏ ଡାମୁ ଏସ୍‌କି ଅଣପାଆନା ଲାଗେଏତି କାମାତା ତାନି ଦନ ରାପୁହେସି । ୧୪ ସାମା ବାରେ ଦନ ରାପୁହି ଜେଟ ଏ ଦେସାତା କାରୁଖୁ କାଡ଼ାରା ଆହାଲିଏ ଏଞ୍ଜାସି କାକୁଲି ଆଚେସି । ୧୫ ଏଚେଟିଏ ଏଞ୍ଜାସି ହାଜାନା ଏ ଦେସାତି ର ସାଞ୍ଜୁକାରି ତାଣା ଗତି ତୁୟିଚେସି, ଏଞ୍ଜାସି ଏଞ୍ଜାଣାକି ପାଜିୟା ମେଚାଲି ଗୁଡ଼ିୟାତା ପାଣ୍ଡିଚେସି; ୧୬ ଇଞ୍ଜା ପାଜିୟା ଆମିନି କାକ୍‌ମା ସାଲିୟା ତିଞ୍ଜି ମାରୁ, ଏଞ୍ଜାଆଁ ତିଞ୍ଜାଲି ମନ କିଚେସି, ସାମା ଆମ୍ବାଆରି ଏଞ୍ଜାଣାକି ତିଞ୍ଜାଲି ହୀହି ହିଲାଆଚେରି । ୧୭ ର ଦିନା ତୀରପୁ ଆହାନା ଅଣପିଚେସି, ମା ଆବା ତାଣାତି ଗତି ରୁତି ତିନି ରାନ୍ଦେଏ ହାବା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ । ୧୮ ନାନୁ ନିଙ୍ଗନା ମା ଆବା ତାଣା ହାଇଁ ଇଞ୍ଜା ଏଞ୍ଜାଣାଇଁ ଖେହୁଇଁ, “ଲକପୁରୁତି ଆବା କପାଟି ଅଡ଼େ ନୀ ନକିତା ନାନୁ ପାପୁ କିଚେଏ; ୧୯ ନୀ ମୀରୁଏଣାଚେଏଁ ଇଞ୍ଜୁଁ ନାନୁ ଅଡ଼େ ପାଡ଼ା ଆଅଁ; ନାଞ୍ଜେ ର ହଚେଲଏଣା ଲେହେଁ ଇଚାମୁ ।” ଏମ୍ବାଟିଏ ଏଞ୍ଜାସି ନିଙ୍ଗନା ତାନି ଆବା ଖାକି ହାଚେସି ।

୨୦ ସାମା ଆବା ତାନି ମୀରୁଏଣା ଖାହିମାନାଣି ହେକଟିଏ ମେସାନା କାର୍ମା ଆହାନା ହଚି ହଚିହୁଁ ହାଜାନା ପମାହାଁ ନଣ୍ଡିଚେସି । ୨୧ ଏମ୍ବାଟିଏ ମୀରୁଏ ଗାଟାସି ଏଲେଇଚେସି, “ଲକପୁରୁ ଆବା କପାଟି ଅଡ଼େ ନୀ ନକିତା ନାନୁ ପାପୁ କିଚେଏ, ନୀ ମୀରୁଏଣାଚେଏଁ ଆୟାଲି ପାଡ଼ା ଆଅଁ ।” ୨୨ ସାମା ଆବା ତାନି ହଲିୟାକାଣି ଏଲେଇଚେସି, “ଅକିତି ହିମ୍ବିରି ତବେ ତାଚାନା ଇଞ୍ଜାଣାଇଁ ହୁଚି କିଦୁ, ଇଞ୍ଜାଣି କେୟୁତା ମୁଦି ଅଡ଼େ କତାୟାଣା ସେପୁୟା ତୁରୁଞ୍ଜି

କିଦୁ, ୨୩ ଇଞ୍ଜାହାଁ ଆକ୍‌ମା ଆଡ଼ି କଡ଼ି ତାଲୁ ତାକା ହାଜାନା ପାୟାଦୁ; ମାର ତିଞ୍ଜା ଉଣ୍ଡାନା ରାହାଁ କିନ, ୨୪ ଇଚିହୁଁ ନା ମୀରୁଏସି ହାହା ହାଜାମାଚେସି, ଖେଣ୍ଡେ ନୀତାମାନେସି; ଜାକ୍‌ମା ହାଜାମାଚେସି ଅଡ଼େ ମେଡ଼ା ଆୟାଚେସି ।” ଏମ୍ବାଟିଏ ଏଞ୍ଜାରି ରାହାଁ କିହିମାଚେରି ।

୨୫ ଏଚିବେଲାତା କାଜା ମୀରୁଏସି ଗୁଡ଼ିୟାତା ମାଚେସି, ଏଞ୍ଜାସି କାମା କିହାଁ ଇଲୁ ତାଗେ ଖାୟାଲିଏ, ତାନି ଇଜ ବାଜାଗାଜା ଅଡ଼େ ରାହାଁ କିହିମାନି ହାଲି ଖେଞ୍ଜାନା, ୨୬ ର ହଚେଲଏଣାଇଁ ହାଟାନା ଖେଚେସି, “ମାଜ ଏନାଆଁ କିହିମାନେରି ।” ୨୭ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ନୀ ଉଣା ତାୟି ଖେଣ୍ଡା ଖାହାମାନେସି, ଅଡ଼େ ଏଞ୍ଜାସି ନେହୁଁ ଆକ୍‌ମା ତଲେ ଖେଣ୍ଡା ଖାଡ଼ାଣି ମେସାନା ମୀ ଆବା ଆକ୍‌ମା ଆଡ଼ି କଡ଼ି ପାୟାମାନେସି ।”

୨୮ ଏମ୍ବାଟିଏ କାଜା ତାୟି କାରବି ଆହାନା ଇଜ ହାଲାଆଚେସି; ସାମା ତାନି ଆବା ପାକ୍‌ମାତା ଖାହାନା ଏଞ୍ଜାଣାଇଁ କାହିବା କପା ଆଆନି ଇଜ ଖାମୁ ଇଞ୍ଜୁଁ ବାତିମାଲିଚେସି । ୨୯ ଇଞ୍ଜା ଏଞ୍ଜାସି ତାନି ଆବାଇଁ ଏଲେଇଚେସି, “ମେହୁମୁ ନାନୁ ଇଚର ବାର୍ଯା ଆଡ଼େ ନୀ ହଚେଲଏଣା ଲେହେଁ କାମା କିହିମାଇଁ, ଏଚେଲା ଜିକେଏ ନୀ ହୁକୁମି ଉରାହିଲଅଁ, ଆଡ଼ିଜିକେଏ ନା ତଚେସିକ୍‌ମା ତଲେ ବଡ଼ି କିହାଲି ନୀନୁ ନାଞ୍ଜେ ର ଗରି ତାଲୁ ଜିକେଏ ହୀହାମାଞ୍ଜଅତି; ୩୦ ସାମା ଇ ନୀ ମୀରୁଏସି ଇଲୁତି ବାରେ ଦନ ଅହାନା ସାନେଣିୟାତଲେ ମାଞ୍ଜାନା ବାରେ ରାପୁହେସି, ଏଚେତା ଇଞ୍ଜାସି ଖେଣ୍ଡାଖାଡ଼େସି, ଏଚେତା ଏଞ୍ଜାଣାକି ଆକ୍‌ମା ଆଡ଼ି କଡ଼ି ପାୟାମାଞ୍ଜି ।” ୩୧ ଏଚେଟିଏ ତାଞ୍ଜି ଗାଟାସି ଏଲେଇଚେସି, “ମୀରୁଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡ଼େ ଏନା ଏନାୟି ନାଦି ଏ ବାରେତ ନାଦି; ୩୨ ସାମା ଇ ନୀ ତାୟି ହାହା ହାଜାମାଚେସି, ଖେଣ୍ଡେ ନୀତାମାନେସି, ଜାକ୍‌ମା ହାଜାମାଚେସି, ମେଡ଼ା ଆୟାଚେସି, ଏଦାଆଁତାକି ରାହାଁ କିନାୟି ମାଚେ ।”

**୧୭**

**ଲାଗେଏତି ଗୁମୁସ୍ତା**

୧ ଜୀସୁ ତାନି ସାସୁୟାଁଇଁ ଏଲେଇଚେସି, “ର ଦନଗାଟାସି ମାଚେସି; ଏଞ୍ଜାଣାକି ର ଗୁମୁସ୍ତା ମାଚେସି, ଏଞ୍ଜାସି ତାନି ଦନତି ଆଲାବା କିହାମାନାଣି ପୁଞ୍ଜାନା, ୨ ଏଞ୍ଜାସି ଏଞ୍ଜାଣାଇଁ ହାଟାନା ଏଲେଇଚେସି, ‘ନାନୁ ନୀ କାତା ଖେଚେଏଁ ନୀନୁ ନୀ ଗୁମୁସ୍ତା କାମା ଏନି କିହିମାଞ୍ଜି ଲେକା ତସାମୁ, ଇଚିହୁଁ ନୀନୁ ଅଡ଼େ ଗୁମୁସ୍ତା ଆହା ମାଞ୍ଜାଲି ଆଡ଼ଅତି ।’ ୩ ଏମ୍ବାଟିଏ ଏ ଗୁମୁସ୍ତା ଅଣପା କଡ଼ିଚେସି, ‘ନା ସାଞ୍ଜୁକାରି ନା ଗୁମୁସ୍ତା କାମା ପିସପି କିହିମାଞ୍ଜାନେସି, ନାନୁ ଏନାଆଁ କିଇଁ ? ଇରୁଆ କାରୁହାଲି ନାଞ୍ଜେ ବପୁ ହିଲେଏ, ଅଡ଼େ ରାସପା

ତିଞ୍ଜାଲି ଲାଜା ହଡ଼ି ମାଞ୍ଜାନେ । ୪ ନୀର୍ବ ପୁଚେର୍, ନାଜେ ଗୁମୁସ୍ତା ପାଣାଟି ପିସ୍ପି କିୟାତି ତାୟୁ ଲକୁ ନାଜେ ତାମି ଇଲକାଣା ଆବାନିଲେହେଁ କିଇଁ । ୫ ଇଞ୍ଜା ଏଞ୍ଜାସି ତାମି ସାଞ୍ଜୁକାରି ତାଣାଟି ରୀଣା ଅହାମାତାରାଇଁ ହାଟାନାହାଁ ତଲିତାଣାଇଁ ଖେଚେସି, ‘ନା ସାଞ୍ଜୁକାରି ତାଣା ନୀ ରୀଣା ଏଚେକା ମାନେ ?’ ୬ ଏଞ୍ଜାସି ଏଲେଇଚେସି, ‘ପାସାକଡ଼ି ତାବା ନିୟୁଁ ଗୁମୁସ୍ତା ଏଞ୍ଜାଣାଇଁ ଏଲେଇଚେସି, ‘ନୀନୁ ତବେ ଇମ୍ବାଆଁ କୁଗାନା ରୀ କଡ଼ି ଦସ ଇଞ୍ଜା ରାଟାମୁ ।’ ୭ ତାୟୁ ଅଡ଼େ ରଅଣାଇଁ ଖେଚେସି, ‘ନୀନୁ ଏଚେକା ରୀଣା ଅହାମାଞ୍ଜି ?’ ଏଞ୍ଜାସି ଏଲେଇଚେସି, ‘ର ମାଣା ବାସ୍ତା ଗହଁୟାଁ’ ଗୁମୁସ୍ତା ଏଞ୍ଜାଣାଇଁ ଏଲେଇଚେସି, ‘ନୀନୁ ତବେ ଇମ୍ବାଆଁ କୁଗାନା ଆଟା ଖାଞ୍ଜା ଇଞ୍ଜା ରାଟାମୁ ।’ ୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଞ୍ଜୁକାରି ଏଞ୍ଜାଣାଇଁ ନୀନୁ ନେହଁ କାମା କିହାମାଞ୍ଜି ଇଚେସି; ଏନାଆଁତାକି ଇଚିହଁ ଉଜେଡ଼ିତି ମୀରକା କିହାଁ ଇ ଦାରତିତାରି ତାମି କାମାତା ହାଚେକା ବୁଦିଗାଟାରି ।”

୯ ନୀନୁ ଜିକେଏ ମିଜେ ଖେସିମାଞ୍ଜାଇଁ, “ମୀରୁ ଦାରତିତି ଲାଗେଏତି ଦନ ତଲେ ତଣେ ଦହ୍ଦୁ, ଏଡ଼ି ରାଡ଼ିସାରେ ମିଜେ କାଲାକାଲାତି ବାସା ଟାୟୁତା ମିଜେ ଆବାନେରି । ୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆଅସି । ୧୧ ଲାଗେଏତି ଦନତା ନାମୁ ଗାଟାଚେରି ଆହାହିଲଅଚେରି, ଆତିହଁ ଆମ୍ବାଆସି ମିଜେ ନାମାହାଁ ସାତା ଦନ ମୀ କେୟୁତା ହେରପାନେସି ? ୧୨ ମୀରୁ ଏଟକାତାଣା ଦନତି ନାମୁତଲେ ଲେୟା ହିଲାଆସାରେ ମିଜେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩ \* “ର ହଲେଏସି ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ୁଅସି; ଇଚିହଁ ରଅଣାଇଁ ଜୀଞ୍ଜୁ ନନେସି ରଅଣାଇଁ ଜୀଞ୍ଜୁ ନନେସି, ଆଆତଁ ରଅଣାଇଁ ମାନଞ୍ଜି ଆନେସି ରଅଣାଇଁ ଅପଅସି । ମୀରୁ ମାହାପୁରୁ ଅଡ଼େ ଦନତି ହଲିୟାଜା ଆହାଲି ଆଡ଼ୁଅଚେରି ।”

**ଜୀସୁ ଖେସି କାତାୟାଁ**

(ମାତି ୧୧:୧୨, ୧୩; ୫:୩୧, ୩୨; ମାର୍କ ୧୦:୧୧, ୧୨)

୧୪ ଇ ବାରେ କାତା ଖେଞ୍ଜାନା ଦନ ଜୁପକା ପାରୁସିୟାଁ ଜୀସୁଇଁ କାକହେରି । ୧୫ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆମ୍ବାଆରି ମାଣ୍ଡସି ନକିତା ତାରିଗାଟାରି ଇଞ୍ଜା ତସା କଡ଼ିମାନେରି, ମୀରୁ ଏଲେତି ଲକୁ, ସାମା ମାହାପୁରୁ ମୀ ହିୟାଁତି

ପୁନାସି ଇଚିହଁ ଏନାୟି ମାଣ୍ଡସି ଅଣ୍ପୁତା କାଜାୟି ଲେହେଁ ତଞ୍ଜା ଆନେ, ଏଡ଼ି ମାହାପୁରୁ ନକିତା ଅପାଆଗାଟାୟି ।”

୧୬ \* “ମସାତି ମେରା ଅଡ଼େ ମାହାପୁରୁ ଅଣ୍ପୁତି ବଲୁ ଖେହ୍ନାରି ରାଡ଼ିତି ପତି ଜହନ ପାତେକା ସାଲୁଞ୍ଜି ଆହିମାରୁ; ଏଚିବେଲାଟିଏ ମାହାପୁରୁ ରାଡ଼ିତି ନେହଁ କାରୁ ଖେକହି ମାନେରି ଇଞ୍ଜା ବାରେଜାଣା ତାମି ବାଡ଼ୁ ତଲେ ମାହାପୁରୁ ରାଡ଼ିତା ହଡ଼ିମାନେରି । ୧୭ \* ହାଗୁପାକା ଅଡ଼େ ଦାରତି ବାରେ ମେଣ୍ଡାଜିନେ ସାମା ମେରାତି ଇଚାୟି ସିନା ଜିକେଏ ମେଣ୍ଡାଜିଏ ।”

୧୮ \* “ଆମ୍ବାଆସି ତାନି ଡ଼କ୍ରିନି ପିସାନା ଏଟକାତାଣି ବାହା ଆନେସି, ଏଞ୍ଜାସି ଦାରି କିନେସି; ଇଞ୍ଜା ଆମ୍ବାଆସି ପିସି ଡ଼କ୍ରିନି ବାହା ଆନେସି, ଏଞ୍ଜାସି ଦାରେଲା ଆନେସି ।”

**ଦନ ଗାଟାସି ଅଡ଼େ ଲାଜର**

୧୯ “ର ଦନ ଗାଟାସି ମାଚେସି, ଏଞ୍ଜାସି ହାଚେକା ଅଜିତି ହିମ୍ବରିଦୁକି ହୁଚାନା ନେହଁ ରାୟା ଡ଼ିଞ୍ଜିହଁ ହାଚେକା ରାହାତଲେ ଡ଼ୟିମାଚେସି । ୨୦ ସାମା ଏଞ୍ଜାଣି ଦୁଖେରି ଦାରିତା ଲାଜର ଦରୁଗାଟି ରାସ୍ପା ତିନାସି ଡ଼ୟାମାଚେସି, ୨୧ ଗୁଡ଼ା ଆଜା ଗାହାଁୟାଁ ଆହାମାଚେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହିମାଚେସି; ଇଞ୍ଜା ନେସକା ଖାହି ତାନି ଗାହାଁୟାଁ ନାକିମାରୁ । ୨୨ ର ଦିନା କାର୍ମାଗାଟି ଲାଜର ହାହାହାଚେସି ଇଞ୍ଜା ଲାକପୁରୁତି ଦୁଡ଼ୁୟାଁ ତଲେ ଅବ୍ରାହାମ ମାଟିତାଣା ଅଞ୍ଜିଆଡ଼େସି; ତାୟୁ ଏ ଦନ ଗାଟାସି ଜିକେଏ ହାହାହାଚେସି ଇଞ୍ଜା ମାହଣି ମାଣ୍ଡାତା ମୁସପି ଆଡ଼େସି, ୨୩ ଅଡ଼େ ଏଞ୍ଜାସି ହାଡ଼ାରି ମାନି ରାଡ଼ିତି କସ୍ତଲେ କିଲିବିଲି ଆହଁ ଲାକ ସିନିକିହାଲିଏ ହେକଟି ଅବ୍ରାହାମ ଅଡ଼େ ତାନିତଲେ ଲାଜରଇଁ ମେସ୍ତେସି । ୨୪ ଏଚେଟିଏ ଏଞ୍ଜାସି ହାଡ଼ିଚେସି, ‘ଏ ଆବା ଅବ୍ରାହାମ, ନାଜେ କାର୍ମା ଅଣ୍ପାପାନା ଲାଜରଇଁ ନା ତାଣା ପାଣ୍ଡାମୁ, ଏଞ୍ଜାସି ତାନି ଖାଞ୍ଜୁତା ଏୟୁ ବନ୍ଦା ତାଚାନା ନା ଖେନ୍ଦରିତି ହିଡ଼ି କିୟାପେସି, ଇଚିହଁ ନୀନୁ ଇ ହିଚୁତା କିଲିବିଲି ଆହିମାଇଁ ।’

୨୫ ସାମା ଅବ୍ରାହାମ ଏଲେଇଚେସି, ‘ମୀରୁଏଣା ନୀନୁ ନୀତାମାଟି ବେଲାତା ନୀ ନେହାଁଣି ବେଟାଆଡ଼ି, ଇଞ୍ଜା ଲାଜର ଏଲେକିହଁଏ ପଲୁଆ ଗାଟାଣି ବେଟାଆଡ଼େସି, ଇଦାଆଁ ଅଣପାମୁ; ସାମା ନୀର୍ବ ଏଞ୍ଜାସି ଇମ୍ବାଆଁ ସୁକୁ ବେଟାଆହି ମାନେସି, ଅଡ଼େ ନୀନୁ କିଲିବିଲି ଆହିମାଞ୍ଜି । ୨୬ ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼ୁୟୁ ମାନେ, ଆମ୍ବାଆରି ଇ ଟାୟୁଟି ମୀ ତାଣା ହାଜାଲି ମନ କିନେରି, ଏଞ୍ଜାସି ହାଜାଲି ଆଡ଼ୁଅରି ଆଆତଁ ଏ ଟାୟୁଟି ଇ ଟାୟୁତା ଗାଣ୍ଡାଚାନା ଖାୟାଲି ଆଡ଼ୁଅରି

\* ୧୭:୧୩ ୧୭:୧୩ ମାତି ୭:୨୪ \* ୧୭:୧୭ ୧୭:୧୭ ମାତି ୧୧:୧୨, ୧୩ \* ୧୭:୧୭ ୧୭:୧୭ ମାତି ୫:୨୮ \* ୧୭:୧୮ ୧୭:୧୮ ମାତି ୫:୩୨; ୧କର ୭:୧୦, ୧୧

୧୭ ଏମ୍ବ୍ରାଟିଏ ଦନ ଗାଗାସି ଏଲେଇରେସି, ଏ ଆବା, ଆତିହ୍ ନାନୁ ନିଙ୍ଗେ ବାତିମାଲିମାଞ୍ଜାଇ, ଲାଜରଇଁ ମା ଆବା ଇଜ ପାଣ୍ଡାମ୍, ୨୮ ଇତିହ୍ ନା ପାସାଜାଣା ତାୟିୟାଁ ମାନେରି; ଏଞ୍ଜାରି ଜିକେଏ ଏନିକ୍ ଇ କସ୍ତଗାଟି ଟାୟୁତା ଖାଅରି, ଏଦାଆଁତାକି ଏଞ୍ଜାସି ଏଞ୍ଜାରିତାଣା ସାକି ହାନେସି । ୨୯ ସାମା ଅବ୍ରାହାମ ଏଲେଇରେସି, ଏଞ୍ଜାରିତାଣା ମସା ଅଡେ ମାହାପୁରୁ ଅଣ୍ପୁତି ବଲୁ ଖେହନାରି ପତିୟାଁ ମାନୁ, ଏଞ୍ଜାରି ଏ କାତାତି ଖେଣ୍ଡାମ୍ବାରି । ୩୦ ଏମ୍ବ୍ରାଟିଏ ଦନ ଗାଗାସି ଏଲେଇରେସି, ଏ ଆବା ଅବ୍ରାହାମ, ଏରେକେଏ ସାରି ଆଏ, ସାମା ହାଡାରି ବିତ୍ରାଟି ରଅସି ଏଞ୍ଜାରିତାଣା ହାନେସି ଆତିହ୍ ଏଞ୍ଜାରି ମନ ଖେଟ୍ରେନେରି । ୩୧ ସାମା ଅବ୍ରାହାମ ଏଲେଇରେସି, ଏଞ୍ଜାରି ମସା ଅଡେ ମାହାପୁରୁ ଅଣ୍ପୁତି ବଲୁ ଖେହନାରି କାତା ଖେନଅରି, ଆତିହ୍ ହାଡାରି ବିତ୍ରାଟି ଖେଣ୍ଡେ ନିଙ୍ଗିତ୍ ଜିକେଏ ଏଞ୍ଜାଣି କାତା ନାମଅରି ।”

### ୧୭

#### ପାପୁ

(ମାତି ୧୮:୨,୭,୨୧,୨୨; ମାର୍କ ୯:୪୨)

୧ ଜୀସୁ ତାନି ସୀସୁୟାଁଇଁ ଏଲେଇରେସି, “ଏମିନି ତାୟିପାରି କିନି ତାଣାଟି ଲକୁ ପାପୁତା ହେରନେରି, ଏ ବାରେ ପିଟ୍ଟିଆଏ, ସାମା ତାୟିପାରି କିଞ୍ଜି କିନାସି ଆୟତା ଏଞ୍ଜାସି ଗାତି ଡଣ୍ଡି ବେଟାଆନେସି; ୨ ଡଣ୍ଡା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେରକିତା କାଜା ଜେତାଖାଲି ଦସାନା ସାମ୍ବୁରିତା ମେଡ୍‌ହିହ୍ ଏଞ୍ଜାଣାକି ନେହେଁ ଆଡେମା ।

୩ \*ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ ।” “ନୀ ତାୟି ପାପୁ କିନେସି, ଆତିହ୍ ଏଞ୍ଜାଣାଇଁ ଲାଗାମ୍; ଏଞ୍ଜାସି ନାନୁ ପାପୁ କିତେଏଁ ଇଞ୍ଜିଁ ମନ ଖେଟ୍‌ହିହ୍, ଏଞ୍ଜାଣି ପାପୁ ମ୍ଲେକ୍‌ହା ତୁହ୍ମୁ । ୪ ଅଡେ ଏଞ୍ଜାସି ସାତା ପାଲି ନୀ କପାଟି ପାପୁ କିନେସି ଅଡେ ସାତା ପାଲି ନୀ ତାଣା ଖେଣ୍ଡା ଖାହାନା ନାନୁ ମନ ଖେଟ୍‌ହିମାଇଁ ଇଞ୍ଜିଁ ଇଞ୍ଜାନେସି ଆତିହ୍ ଏଞ୍ଜାଣି ପାପୁ ମ୍ଲେକ୍‌ହା ତୁହ୍ମୁ ।”

#### ନାମ୍

୫ ଏରେଟିଏ ପାଣ୍ଡୁଞ୍ଜି ଆହାମାନାରି ପ୍ରବୁଇଁ ଏଲେଇରେରି, “ମା ନାମ୍‌ତି ପାତି କିୟାମ୍ ।”

୬ ପ୍ରବୁ ଏଲେଇରେସି, “ର ହାସ୍‌ସୁ ପାଡେୟି ଏରେକା ମୀ ନାମ୍ ମାତିହ୍ ମା, ଇ ତୁଡୁକଲି ମାର୍‌ନୁତି ହୀରୁତଲେ ମେଗାହାଜାନା ସାମ୍ବୁରିତା ଉହି ଆମ୍ ଇତିହ୍ ଏଡି ମୀ କାତା ମାନ୍‌ଡି ଆଡେନ ।”

#### ର ହଲେଏସି କିନି କାମା

୭ “ସାମା ମୀ ବିତ୍ରାଟି ଇଲେତାସି ଆମ୍‌ଆସି ମାନେସି, ତାନି ହଲେଏସି ହେରୁ ଡହାନା କି

କଡିୟାଁ ମେତାନା ଖାଡିସାରେ ଏଞ୍ଜାସି ଏଞ୍ଜାଣାଇଁ ଜୁରୁୟାଁ ଗହ୍‌ମୁଦେଁ ଇନେସି ? ୮ ନାଙ୍ଗେ ତିଞ୍ଜାଲି ହିୟାମ୍, ନାନୁ ତିଞ୍ଜାଲି ଆଡାଆ ପାତେକା ଟେଡେଲି ହିମ୍ବୁରି ରୁପାନା ନା ସେବା କିୟାମ୍, ଇଞ୍ଜାଁ ତାୟୁ ନୀନୁ ତିନାମ୍ ଇଞ୍ଜିଁ ଏଞ୍ଜାଣାଇଁ ଏଲେଇନଅସି ? ୯ ର ହଲେଏସି ସାଞ୍ଜୁକାରି କାତା ମାନ୍‌ଡି ଆହାନା କାମା କିନାକି ଏଞ୍ଜାଣାଇଁ ଜହରା କିନେସିକି ? ୧୦ ଏଲେକିହ୍ ଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ‘ମାମ୍ ପ୍ରାଡା ଆଆ ହଲିୟାଙ୍ଗାତମି; ଏନାୟି ମାମ୍ କିନାୟି ମାତେ ଏଦାଆଁ କିହାମାନମି’ ଇଞ୍ଜେରି ।”

#### ଜୀସୁ ଦସଜାଣା କାଜା ରଗ ଗାଗାରାଇଁ ନେହ୍ କିନାୟି

୧୧ ଜୀସୁ ଜିରୁସାଲମତା ହାଜିମାଟାଟି ଗାଲିଲି ଅଡେ ସମିରଣି ଦେସା ମାଦିଟି ହାଜିମାରେସି । ୧୨ ଏମ୍ବ୍ରାଟିଏ ଏଞ୍ଜାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଗାରି ଏଞ୍ଜାଣାଇଁ ବେଟାଆଡେରି; ୧୩ ଏଞ୍ଜାରି ହେକ ନିତାନା କାଜା ଗିୟାତଲେ ଏଲେଇରେରି, “ଏ ଜୀସୁ ଗୁରୁ ମାଙ୍ଗେ କାର୍ମା ମେସ୍ତାମ୍ !”

୧୪ ଜୀସୁ ଏଞ୍ଜାରାଇଁ ମେସାନା ଏଲେଇରେସି, “ମୀରୁ ହାଜାନା ପୂଜେରାଙ୍ଗା ତାଣା ତଞ୍ଜା ଆକାମ୍ ।” ଅଡେ ଏଞ୍ଜାରି ହାଜି ହାଜିହ୍ ନେହ୍ ଆଡେରି । ୧୫ ସାମା ଏଞ୍ଜାରି ବିତ୍ରାଟି ରଅସି ତାନୁ ନେହ୍ ଆଡାଣି ମେସାନା କାଜା ଗିୟାତଲେ ମାହାପୁରୁତି ଜହରା କିହ୍ କିହ୍ ଖେଣ୍ଡା ଖାହାନା, ୧୬ ଜୀସୁତି କଡାୟାଁ ଡଇ ମୁନୁ କୁତାନା ଜହରା କିତେସି; ଏଞ୍ଜାସି ସମିରଣି ଲକୁ ମାତେସି । ୧୭ ଏରେଟିଏ ଜୀସୁ ଏଲେଇରେସି, “ଦସଜାଣା ନେହ୍ ଆଆଡେରିକି ? ଅଡେ ନ ଜାଣା ଏମ୍‌ୟା ମାନେରି ? ୧୮ ମାହାପୁରୁଇଁ ଜହରା କିହାଲି ଇ ଜୀହୁଦିଆଆତି ଲକୁ ପିସ୍‌ପେ ଆମ୍‌ଆସି ଖେଣ୍ଡା ଖାଆଡେସି ?” ୧୯ ଇଞ୍ଜାଁ ଜୀସୁ ଏଞ୍ଜାଣାଇଁ ଏଲେଇରେସି, “ନିଙ୍ଗାନା ହାଲାମ୍ ନୀ ନାମ୍ ନିଙ୍ଗେ ନେହ୍ କିହାମାଞ୍ଜାନେ ।”

#### ମାହାପୁରୁ ରାଜି ଖାନାୟି

(ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏରେଲା ଖାହିମାନେ, ଇ କାତା ପାରୁସିୟାଁ ଖେଞ୍ଜାଲିଏ ଏଞ୍ଜାସି ଏଞ୍ଜାରାଇଁ ଏଲେଇରେସି, “ମାହାପୁରୁତି ରାଜି ତଞ୍ଜା ଆହ୍ ଖାଏ; ୨୧ ଇମ୍‌ଆଁ ମାନେକି ଏମ୍‌ଆଁ ମାନେ ଇଞ୍ଜିଁ ଲକୁ ଖେସ୍ତଅରି; ଇତିହ୍ ମାହାପୁରୁତି ରାଜି ମୀ ବିଡ୍ରେଏ ମାନେ ।”

୨୨ ଇଞ୍ଜାଁ ଜୀସୁ ତାନି ସୀସୁୟାଁଇଁ ଏଲେଇରେସି, “ଇଲେତି ବେଲା ଖାଡେନ, ଏତିବେଲା ମାଣ୍‌ସି ମୀରୁଏଣାତି ର ଦିନା ମେସାଲି ମନ କିତିହ୍ ଜିକେଏ ମେହ୍‌ଅଡେରି । ୨୩ ଏତିବେଲା ଲକୁ

☆ ୧୭:୩ ୧୭:୩ ମାତି ୧୮:୧୫

ମିଙ୍ଗେ ଖେସ୍ତାନେରି, ଏଝାସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଝାରି କାତା ଆହୁଆଦୁ କି ଏଝାରିତଲେ ତାକାଆଦୁ । ୨୪ ଏନିଇଚିହିଁ ହାଗୁ ମ୍ବୁହ୍ନାଟି ର କନଟି ଅର କନଝାକି ଉଜେଡି ଆନେ, ଏଲେକିହିଁ ଏ ମାଣ୍ଠସି ମାର୍‌ଏଣା ଦିନାତା ଆନେ । ୨୫ ସାମା ଏଝାସି ଗାଡି କସ୍ତ ପାଣ୍ଠନାୟି ମାନେ, ଇଞ୍ଜା ଇ କାଲ୍‌କାତି ଲକୁ ଏଝାଣାଇଁ ଅପଅରି । ୨୬ ଅଡେ ନହ୍ ବେଲ୍‌କାତା ଏନିକ୍ ଆହାମାରେ, ମାଣ୍ଠସି ମାର୍‌ଏସି ଝାନ୍ତି ଦିନାତା ଜିକେଏ ଏଲେକିହିଁ ଏ ଆନେ; ୨୭ ନହ୍ ଜାଜାତା ହଡୁନି ଦିନା ପାତେକା ଲକୁ ତିଞ୍ଜି ଉଣ୍ଡିହିଁ ବାହା କିୟାଲି ବାହା ହିୟାଲି ହେରାମାରେରି, ଏଚିବେଲା କାଜା ପିୟୁ ଝାଡେ ଇଞ୍ଜା ବାରେଡି କୁପହାଡୁସ୍ତେ । ୨୮ ଲଟ ବେଲ୍‌କାତା ଜିକେଏ ଏଲେଏ ଆଡେ, ଲକୁ ତିଞ୍ଜି ଉଣ୍ଡି ମାରେରି, କଡି ମାରେରି, ପାର୍‌ଟି ମାରେରି, ମାର୍‌କା ଉହି ମାରେରି ଅଡେ ଇଲ୍‌କା କିହାଲି ହେରାମାରେରି, ୨୯ ସାମା ଲଟ ସଦମ ଗାଡାଟି ହଡା ହାଲ୍‌ଝନିଏ, ଲାକପୁରୁଟି ହିରୁ ଅଡେ ଗାନ୍ଦାଗୁଣ୍ଡା ଝାହାନା ବାରେଡି ନାସା କିଡେ । ୩୦ ମାଣ୍ଠସି ମାର୍‌ଏସି ଝାନ୍ତି ଦିନାତା ଜିକେଏ ଏଲେଆହିଁ ଏ ଆନେ ।”

୩୧ ☆“ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିଡ଼ାମାନି ତାନି ଆସି ଅହାଲି ରେଟା ଝାଆପେସି; ଏଲେକିହିଁ ଏ ଆମ୍ବାଆସି ନେଝଏଲାତା ମାନାସି ଇଜ ଝେଣ୍ଡା ଝାଆପେସି । ୩୨ ଲଟ ତକ୍ତିନି କାତା ଅଣ୍ଡପାଦୁ ! ୩୩ ☆ଆମ୍ବାଆସି ତାନି ଜାଝୁତ ନାଟହାଲି ମନ କିନାସି, ଏଝାସି ନାସା ଆନେସି, ଅଡେ ଆମ୍ବାଆସି ତାନି ଜାଝୁତି ଆସା କିଆଗାଟାସି ଏଝାସି ନାତିନେସି । ୩୪ ନାନୁ ମିଙ୍ଗେ ଝେସିମାଞ୍ଜାଇଁ, ଏ ଲାଆଁୟାଁ ରିଆରି କାଟେଲିତା ତୁରା ତୁୟିନେରି, ରଅସି ଅଝିଆନେସି ଅଡେ ରଅସି ଏମ୍ବାଆଁ ତୁୟିନେସି । ୩୫ ରା ଇୟାସିକା ରଣ୍ଡିଏ ତାଣା ନୁୟିମାନୁ, ରଣ୍ଡି ଅଝିଆନେ ରଣ୍ଡି ଏମ୍ବାଆଁ ତୁୟିନେ । ୩୬ ରିଆରି ନେଝଏଲାତା ମାନେରି, ରଅସି ଅଝିଆନେସି, ରଅସି ଏମ୍ବାଆଁ ତୁୟିନେସି ।”

୩୭ ଏଚେଟିଏ ସାମୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା ?” ଜାସୁ ଏଲେଇଚେସି, “ମାଡ଼ହା ଏମ୍ବିୟାମାନେ ଏମ୍ବାଆଁ ରାମ୍‌ଣାୟାଁ ରୁଣ୍ଡା ଆନୁ ।”

## ୧୮

### ରାଣ୍ଡେଣି ଇୟାନି ନାହାଁୟି

୧ ଝାହାଆନା ଅଲେ ଅଲେ ପ୍ରାଡାନା କିନାୟିମାନେ, ଇ କାତାତି ଜାସୁ ସାମୁୟାଁଇଁ ପୁଣ୍ଡିକିନି କାତାତଲେ ଝେସ୍ତେସି ୨ “ର ଗାଡାତା ର ନାହାଁୟି କିନାସି ମାରେସି, ଏଝାସି ମାହାପୁରୁଇଁ ଆଜି ହିଲାଆତେସି କି ମାଣ୍ଠସିୟାଁଇଁ ଜିକେଏ ଅଣ୍ଡପି ହିଲାଆତେସି । ୩ ଏ ଗାଡାତା ର ରାଣ୍ଡେଣି

ମାରେ, ଏଡି ନାହାଁୟି କିନାଣି ତାଣା ଅଲେ ଅଲେ ହାଜିହିଁ ନାନୁ ନେହିଁ ନାହାଁୟି କିହିଁ ନା କପାଟି ନିଙ୍ଗିମାଞ୍ଜାନାଣା ତାଣାଟି ଗେଲ୍‌ପାମୁ ଇଞ୍ଜା ବାଡିମାଲିମାରେ । ୪ ଅଡେ ଏଝାସି ଏଦାନି କାତା ଝେଞ୍ଜି ହିଲାଆତେସି; ତାୟୁ ଏଝାସି ମନ ମନତା ଅଣ୍ଡପିତେସି, ନାନୁ ମାହାପୁରୁଇଁ ଆଜିହିଲଅଁ କି ମାଣ୍ଠସିଇଁ ଅଣ୍ଡପି ହିଲଅଁ, ୫ ଆଡିଜିକେଏ ଇ ରାଣ୍ଡେଣି ନାଙ୍ଗେ କସ୍ତ ହାହିମାଞ୍ଜାନାକି ନାନୁ ତାନି କପାଟି ନିଙ୍ଗିମାନି ନାହାଁୟି ତିକହାଡୁହଇଁ, ଆଆତ୍ ଏଡି ନାଙ୍ଗେ ବାରେବେଲା ଗିଜିଗିଜା କିହେମାଞ୍ଜାନେ ।”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏଡି ନାହାଁୟି କିନାଣି କାତା ଅଣ୍ଡପାଦୁ । ୭ ଆଡିହିଁ ମାହାପୁରୁ ଆଡିତି ଲକୁ ଲାଆଁ ମାଦେନା ଏଝାଣାଇଁ ହାଡିହିଁ ତୁୟିନେରି, ଏଝାସି କି ଏଝାରି ନାହାଁୟି କିଅସି ? ଆଡିଜିକେଏ ଏଝାସି ଏଝାରି ସାତୁୟାଁକି ହାଡେକା ଅରୁହିନାସି ଆନେସି କି ? ୮ ନାନୁ ମିଙ୍ଗେ ଝେସିମାଞ୍ଜାଇଁ, ଏଝାସି ତବେ ଏଝାରି ତାକି କିଝି ଆହାମାନି ପଲ୍‌ଆ କାମାତି ନାହାଁୟି କିନେସି, ଆଡିଜିକେଏ ମାଣ୍ଠସି ମାର୍‌ଏସି ଦାର୍‌ଡିତା ଝାହାନା ନାମୁଡି ମେହ୍‌ନେସିକି ?”

### ପାରୁସି ଅଡେ ସିସୁ ରାହ୍‌ନାଣି ପୁଣ୍ଡିକିନି କାତା

୯ ତାମ୍‌ଙ୍ଗେ ତାରିଗାଟାମି ଇଞ୍ଜା ଅଣ୍ଡପାନା ଏଟକା ତାରାଇଁ ହାଣି କିନି ଲକୁଣି ଜାସୁ ଇ ପୁଣ୍ଡିକିନି କାତା ଝେସ୍ତେସି, ୧୦ ରିଆରି ପ୍ରାଡାନା କିହାଲି ର ପ୍ରାଡାନା ଇଲୁତା ହାଚେରି, ରଅସି ପାରୁସି ଅଡେ ରଅସି ସିସୁ ରାହ୍‌ନାସି । ୧୧ ପାରୁସି ନିଚାନା ଇଲେକିହିଁ ପ୍ରାଡାନା କିଡେସି, “ଏ ମାହାପୁରୁ ନାନୁ ନିଙ୍ଗେ ଜହରା କିହିମାଞ୍ଜାଇଁ, ନାନୁ ଏଟକା ଲକୁ ଲେହେଁ ଦାମ୍‌ ହିଲାଆ ଗାଟାତେଏଁ ଆଏ, ସରୁ, ଦାରି ଗାଟାତେଏଁ ଆଏ କି ଇ ସିସୁ ରାହ୍‌ନାଣି ଲେହେଁ ଜିକେଏ ଆଏ; ୧୨ ନାନୁ ଝାଟା ତାକି ରା ଦେବା ଉପାସା କିହିମାଇଁ, ଅଡେ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ ।” ୧୩ ସାମା ସିସୁ ରାହ୍‌ନାସି ହେକ ନିଚାନା ତାନି କାନୁ ଲାକପୁରୁ ଝାକି ଜିକେଏ ପେରହାଁ ସିନିକିହାଲି ସାସା କିଆତେସି, ସାମା ତାନି ବକତା ଝେଟା କଡାନା ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଟାତେଏଁ ନାଙ୍ଗେ କାର୍‌ମା ମେସ୍ତାମୁ ।”

୧୪ ☆“ନାନୁ ମିଙ୍ଗେ ଝେସିମାଞ୍ଜାଇଁ, ଏଝାସି ଆଏ ସାମା ସିସୁ ରାହ୍‌ନାସି ତାରିଗାଟାସି ଆହାନା ତାମି ଇଜ ହାଚେସି; ଏନିଇଚିହିଁ ଆମ୍ବାଆସି ନାନୁ କାଜାତେଏଁ ଇଞ୍ଜା କଡିନେସି, ଏଝାଣାଇଁ ଉଣା କିଝିଆନେ, ସାମା ଆମ୍ବାଆସି ନାନୁ ଉଣାତେଏଁ ଇନେସି, ଏଝାଣାଇଁ କାଜାସି କିଝିଆନେ ।”

☆ ୧୭:୩୧ ୧୭:୩୧ ମାଡି ୨୪:୧୭,୧୮; ମାର୍କ ୧୩:୧୫,୧୬ ☆ ୧୭:୩୩ ୧୭:୩୩ ମାଡି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହ ୧୨:୨୫ ☆ ୧୮:୧୪ ୧୮:୧୪ ମାଡି ୨୩:୧୨; ଲୁକ ୧୪:୧୧

**ଜୀସୁ ଉଣା ପଦି ପଦାୟାଣି ବର ହୀନାୟି  
(ମାତି ୧୯:୧୩-୧୫; ମାର୍କ ୧୦:୧୩-୧୬)**

୧୫ ଏଞ୍ଜାସି ଏନିକି କକାରି ପଦାୟାଣି ତାଗିନେସି, ଏଦାଆଁତାକି ଲକୁ ଏଞ୍ଜାରାଇଁ ଜୀସୁ ତାଣା ତାଚାଲି ମାଟ୍‌ହେରି; ସାମା ସାସୁୟାଁ ଏଦାଆଁ ମେସାନା ଏଞ୍ଜାରାଇଁ ଦାକା ହୀତେରି । ୧୬ ସାମା ଜୀସୁ କକାରି ପଦାୟାଣି ତାଗେ ହାଟାନା ଏଲେଇରେସି, “କକାରି ପଦାୟାଣି ନା ତାଗେ ଖାହାଲି ହୀଦୁ, ଏଞ୍ଜାରାଇଁ କାହିକିଆଦୁ; ଏନିଇଚିହିଁ ମାହାପୁରୁତି ରାଜି ଇଲେତାରାଞ୍ଜାୟି । ୧୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହୁଅସି ଏଞ୍ଜାସି ଏନିକିଁ ଜିକେଏ ଏମ୍ବାଆଁ ହଡ଼ାଲି ଆଡ଼ଅସି ।”

**ର ଦନ ଗାଟାସି  
(ମାତି ୧୯:୧୬-୩୦; ମାର୍କ ୧୦:୧୭-୩୧)**

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଇଁ ଖେରେସି, “ଏ ନେହିଁ ଗୁରୁ କାଲ୍ୟାକାଲ୍ୟାତି ଜୀସୁ ବେଟାଆହାଲି ନାନୁ ଏନାଆଁ କିଇଁ?”

୧୯ ଜୀସୁ ଏଞ୍ଜାଣାଇଁ ଏଲେଇରେସି, “ନାଙ୍ଗେ ନେହାଁତି ଇଞ୍ଜିଁ ଏନାଆଁତାକି ଏଲେଇଞ୍ଜିମାଞ୍ଜି ? ଇଚିହିଁ ମାହାପୁରୁ ରଅସିଏ ନେହାଁସି ମାନେସି ଏଞ୍ଜାଣି ପିସପେ ଆମ୍ବାଆସି ନେହାଁସି ହିଲଅସି । ୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଟିସାକି ହୀଆନି, ତାଲି ତାଞ୍ଜି କାତା ମାନ୍ତି କିମୁ ।’”

୨୧ ଦନଗାଟାସି ଏଲେଇରେସି, “ନାନୁ ଇ ବାରେ ଉଣାଖେଡ଼ାଟିଏ କିହିମାଇଁ ।”

୨୨ ଜୀସୁ ଇ କାତା ଖେଞ୍ଜାନା ଏଞ୍ଜାଣାଇଁ ଏଲେଇରେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାରଚାନାହାଁ ହିଲାଆ ଗାଟାଚାକି ଦାନା ହୀମୁ, ଇଞ୍ଜାଁ ତାୟୁ ନାନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜେଟ ଜେଟ ଖାମୁ ।” ୨୩ ସାମା ଏଞ୍ଜାସି ଇ ବାରେ କାତା ଖେଞ୍ଜାନା ହାରେକା ଦୁକୁ ଆଡେସି, ଇଚିହିଁ ଏଞ୍ଜାସି ବାଡ଼କୁ ଗାଟାସି ମାଚେସି ।

୨୪ ଏଚେଟିଏ ଜୀସୁ ଏଞ୍ଜାଣାଇଁ ମେସାନା ଏଲେଇରେସି, “ଆମ୍ବାଆରି ଦନ ମାନେ, ଏଞ୍ଜାରି ହାରେକା କସୁତଲେ ମାହାପୁରୁତି ରାଜିତା ହଡ଼ନେରି ! ୨୫ ଇଚିହିଁ ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉଟୁ ସୂଜା କାଣିଟି ହଡ଼ାହାନାୟି ଉସାସା ।”

୨୬ ଏ କାତା ଖେଞ୍ଜିମାଟାରି ଏଲେଇରେରି, “ଆଡିହିଁ ଆମ୍ବାଆସି ଗେଲପି ଆହାଲି ଆଡିନେସି ?”

୨୭ ଜୀସୁ ଏଲେଇରେସି, “ଏନାଆଁ ଲକୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିମାନେସି ।”

୨୮ ଏଚେତା ପିତର ଜୀସୁଇଁ ଖେରେସି, “ମେହୁମୁ ମାମୁ ରୁାରେ ପିସାନା ନୀ ଜେଟ ଖାହିମାନମି ।”

୨୯ ଜୀସୁ ଏଞ୍ଜାରାଇଁ ଖେସୁସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍ରିନି, ତାୟି, ତାଲି ତାଞ୍ଜି, ଅଡେ ମୀରକା ମାସ୍କାଣି ପିସାମାନେରି, ୩୦ ଏଞ୍ଜାରି ଇ ଜୁଗୁତା ହାରେକା ଆଗାଡ଼ା ବେଟାଆହାନା, ଖାନ୍ତି ଜୁଗୁତା କାଲ୍ୟାକାଲ୍ୟାତି ଜୀସୁ ବେଟା ଆନେସି ।”

**ଜୀସୁ ତାନି ଦେବା ତାନି ହାକିତି ଖେହନାୟି  
(ମାତି ୨୦:୧୭-୧୯; ମାର୍କ ୧୦:୩୨-୩୪)**

୩୧ ଜୀସୁ ତାନି ବାରଜାଣା ସାସୁୟାଁଇଁ ହାଟାନା ଖେସୁସି, “ମେହୁଦୁ ମାର ଜିରୁସାଲମତା ହାଜିମାନାୟି, ଏମ୍ବାଆଁ ମାଣ୍‌ସି ମୀରଏଣି ତାକି ମାହାପୁରୁ ଅଣ୍‌ପୁତି ବଲୁ ଖେହନାରି ଏନା ଏନାଆଁ ରାଟାମାନେରି, ଏ ବାରେ ମାଣ୍‌ସି ମୀରଏଣା ତାଣା ସାତା ଆନେ; ୩୨ ଇଚିହିଁ ଏଞ୍ଜାଣାଇଁ ଏଟକା କୁଡ଼ାତାରି କେୟୁତା ହେରପିଆନେସି, ଇଞ୍ଜାଁ ଏଞ୍ଜାରି ଏଞ୍ଜାଣାଇଁ କାକନେରି, ଏଞ୍ଜାଣାଇଁ ହୀଣି କିହାନା ହୁପିନେରି, ୩୩ ଏଞ୍ଜାଣାଇଁ ସାଟ୍‌ଣି ତ୍ରିତଲେ ଖେଚାନା ପାୟିନେରି, ଇଞ୍ଜାଁ ତାନି ଦିନାଟିଏ ନିଙ୍ଗିନେସି ।”

୩୪ ସାମା ସାସୁୟାଁ ଇ ବାରେ କାତା ପୁଞ୍ଜାଲି ଆଡ଼ାଆଚେରି; ଇ କାତା ଏଞ୍ଜାରିତାଣା ତ୍ରିଗୁାନା ମାଚେ, ଏନାଆଁ ଖେସପି ଆହିମାଚେ ଏ ବାରେ ପୁଞ୍ଜିହିଲାଆଚେରି ।

**ରୀସପାତିନି କାଣାଇଁ ଜୀସୁ ନେହିଁକିନାୟି  
(ମାତି ୨୦:୨୪-୩୪; ମାର୍କ ୧୦:୪୬-୫୨)**

୩୫ ଜୀସୁ ଜିରିହିଁ ଗାଡ଼ାତା ଏଜିମାଟାଟି ର କାଣା ଜିରୁତା କୁଗାନା ରୀସପିମାଚେସି । ୩୬ ଏଞ୍ଜାସି ଲକୁତି ହାଜିମାନି ହାଡ଼ା ଖେଞ୍ଜାନା, “ଇଦି ଏନାୟି ଆହିମାନେ ଇଞ୍ଜିଁ ଖେରେସି ।” ୩୭ “ନାଜିରିତତି ଜୀସୁ ଇମ୍ପାଟି ହାଜିମାନେସି” ଇଞ୍ଜିଁ ଖେସୁସି ।

୩୮ ଏଚେଟିଏ କାଣା କାଜା ଗିୟାତଲେ ଏଲେଇଞ୍ଜି ଇଚେସି, “ଏ ଜୀସୁ ଦାସୁଦ ମୀରଏଣାଟି ନାଙ୍ଗେ କାର୍ମା ମେସାମୁ ।”

୩୯ ସାମା ନକିତା ହାଜିମାଟାରି ଏଞ୍ଜାଣାଇଁ ପାଲେଏ ମାଞ୍ଜାଲି ଦାକା ହୀତେରି, ସାମା ଏଞ୍ଜାସି ଅଡେ କାଜା ଗିୟାତଲେ ଏଲେଇରେସି, “ଏ ଜୀସୁ ଦାସୁଦ ମୀରଏଣାଟି ନାଙ୍ଗେ କାର୍ମା ମେସାମୁ ।”

୪୦ ଏଚେଟିଏ ଜୀସୁ ଏମ୍ବାଆଁ ନିଚାନା କାଣାଇଁ ତାନି ଦାରିତା ତାଚାଲି ଟାଣ୍ଡିତେସି; ଏଚେତା କାଣା ତାଗେ ଖାଡ଼େସି ଇଞ୍ଜାଁ ଜୀସୁ ଏଞ୍ଜାଣାଇଁ ଖେରେସି, ୪୧ “ନାନୁ ନିଙ୍ଗେତାକି ଏନାଆଁ କିଇଁ ଇଞ୍ଜିଁ ମନ କିହିମାଞ୍ଜି ?”

କାଣା ଏଲେଇରେସି, “ଏ ପ୍ରବୁ ନାନୁ ଏନିକିଁ ମେସାଲି ଆଡ଼ିଇଁ ।”

୪୨ ଜୀସୁ ଖେପେସି, “ନୀନୁ ମେହମ୍, ନୀ ନାମୁ ନିଙ୍ଗେ ନେହଁ କିୟାତେ ।”

୪୩ ଏ ଦେବୁଣିଏ ଏଝାସି ମେସାଲି ଆଡ଼ିତେସି ଇଞ୍ଜା ମାହାପୁରୁତି ଜହରା କିହଁ କିହଁ ଜୀସୁ ଜେଟ ହାଚେସି, ଅଡ଼େ ଲକୁ ଏଦାଆଁ ମେସାନା ମାହାପୁରୁଇଁ ଜହରା କିତେରି ।

### ୧୯

#### ଜୀସୁ ଅଡ଼େ ଜକିୟ

୧ ଜୀସୁ ଜିରିହତା ହତାନା ଗାଡ଼ା ମାଦିଟି ହାଜିମାଚେସି । ୨ ଏମ୍ବାଆଁ ଜକିୟ ଦରୁଗାଟାସି ରଅସି ମାଚେସି, ଏଝାସି ସିସ୍ତୁରାହନାରି ବିତ୍ରାଟି କାଜାସି ଅଡ଼େ ଏଝାଣାକି ହାରେକା ଦନ ମାଚେ । ୩ ଜୀସୁ ଏନିଲେହେଁତାସି ଇଞ୍ଜା ଏଝାଣାଇଁ ମେସାଲି ହାରେକା ମନ ମାଚେ, ସାମା ହାରେକା ଲକୁ ମାଚାକି ମେସାଲି ଆଡ଼ିହିଲାଆଚେସି, ଏନାଆଁତାକି ଇଚିହଁ ଏଝାସି କୁଜା ମାଚେସି । ୪ ଏମ୍ବାଟିଏ ଏଝାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଝାଣାଇଁ ମେସାଲି ର ତୟା ମାରୁନୁତା ହଡ଼େସି, ଇଚିହଁ ଜୀସୁ ଏ ଜିରୁଟି ହାନାୟି ମାଚେ । ୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଟିତେସି, “ଆଡ଼େ ଜକିୟ ତବେ ରେଚାଝାମୁ ଇଚିହଁ ନୀଞ୍ଜୁ ନାନୁ ମୀ ଇଜ ଗତା ଝାନାୟି ମାନେ ।”

୬ ଏଝାସି ତବେ ରେଚାଝାହାନା ଏଝାଣାଇଁ ରାହାଁଟି ତାମି ଇଜ ହାଟିତେସି । ୭ ଇଦାଆଁ ମେସାନା ବାରେ ଲକୁ ମୁରୁ ମୁରୁ ଆହଁ କାତା ଆଚେରି, “ଇଝାସି ର ପାପୁ ଗାଟାରି ଇଜ ଗତା ହାଜିମାନେସି ।”

୮ ସାମା ଜକିୟ ନିଚାନା ପ୍ରବୁଇଁ ଏଲେଇଚେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାରିକି ହାଇଁ, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଚାମାଟିହଁ ସାରି ବାଗା ଆଗାଡ଼ା ଝେଟ୍ଟଇଁ ।”

୯ ଏମ୍ବାଟିଏ ଜୀସୁ ଏଲେଇଚେସି, “ନୀଞ୍ଜୁ ଇ ଇଜତି ଲକୁତାକି ଗେଲ୍ପିନାୟି ଝାହାମାନେ, ଇଚିହଁ ଇଝାସି ଜିକେଏ ଅବ୍ରାହାମତି କୁଡ଼ାତାସି । ୧୦ ଇଚିହଁ ଏନାୟି ଜାକ୍ମା ହାଜାମାନେ ଏଦାଆଁ ପାରାନା ଗେଲ୍ପାଲି ମାଣ୍ଠସି ମୀର୍ଏସି ଝାହାମାନେସି ।”

#### ବାଂଗାରା ଟାକା (ମାତି ୨୫:୧୪-୩୦)

୧୧ ଲକୁ ଇ କାତା ଝେଞ୍ଜି ମାଚାଟି ଏଝାସି ଅଡ଼େ ର ପୁଣ୍ଠିକିନି କାତା ଝେପେସି, ଇଚିହଁ ଏଝାସି ଜିରୁସାଲମ ତାଗେ ଆହାମାଚେସି, ଇଚିହଁ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜା ଅଣ୍ଠିମାଚେରି । ୧୨ ଏଝାସି ଏଲେଇଚେସି, “ର କାଜା କୁଡ଼ାତାସି ରାଜା ପାଣା ବେଟାଆହାଁ ଝେଣ୍ଡା

ଝାଇଁଝା ଇଞ୍ଜା ର ହେକ ରାଜି ହାଚେସି । ୧୩ ଏଝାସି ତାନି ଦସଟାଣା ହଲିୟାକ୍ମାଣି ହାଟାନା ଏଝାରିକି ଦସଟା ଝେଣ୍ଡି ଟାକା ଲାକା ହାହାନା ଏଲେଇଚେସି, ‘ନାନୁ ଝେଣ୍ଡା ଝାନି ପାତେକା ମୀରୁ ଇ ଟାକା ତଲେ ବେବାରା କିଦୁ ।’ ୧୪ ସାମା ତାନି ଦେସାତାରି ଏଝାଣାଇଁ ଅପିହିଲାଆଚେରି, ‘ଇଝାସି ମାଙ୍ଗେତାକି ରାଜା ଆୟାଆପେସି’ ଇଞ୍ଜା ତାନି ଜେଟଏ କସକାଣି କାରୁ ଝେସା ପାଣ୍ଡିଚେରି ।”

୧୫ ତାୟୁ ଏଝାସି ରାଜା ପାଣା ବେଟାଆହାନା ତାନି ରାଜିତା ଝେଣ୍ଡାଝାଚେସି, ଇଞ୍ଜା ତାନୁ ଟାକାୟାଁ ହାହାମାଟି ହଲିୟାକ୍ମା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଝାରିଇଁ ହାଟିକିତେସି, ଇଞ୍ଜା ଝେଚେସି । ୧୬ ତଲିତାସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାଇଁ ।” ୧୭ ଏଝାସି ଏଝାଣାଇଁ ଏଲେଇଚେସି, “ନେହଁ ଟିକାଣାଗାଟି ନାମୁତି ହଲେଏଣାତି, ନୀନୁ ଉଣା କାମାତାକି ନେହଁ କାମା କିହାମାନାକି ନାନୁ ନିଙ୍ଗେ ଦସଟା ଗାଡ଼ାୟାଁ ସାଲୁଝି କିନି ଅଦିକାରା କିମୁ ।” ୧୮ ଅଡ଼େ ରଅସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାଇଁ ।” ୧୯ ଏଝାସି ଏଝାଣାଇଁ ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମୁ ।” ୨୦ ଅଡ଼େ ରଅସି ଝାହାନା ଏଲେଇଚେସି, “ପ୍ରବୁ ମେହମ୍ ଇଦି ନୀନୁ ହାହାମାଞ୍ଜାତି ଟାକା; ଇଦାଆଁ ନାନୁ ଡ଼ାଝାଆଲିତା ରୁପାନା ଇଟାମାଚେଏଁ । ୨୧ ଇଚିହଁ ନାନୁ ନିଙ୍ଗେ ଆଜାଚେଏଁ, ନୀନୁ ର ଗିରିଗିରା ଗାଟାଟି, ଇଟା ହିଲାଆଗାଟାଣି ପାରିନାଟି, ମାଟା ହିଲାଆତାଣା ଦାଝାଆନାଟି ।” ୨୨ ଏଝାସି ଏଝାଣାଇଁ ଏଲେଇଚେସି, ଆଡ଼େ ପଲ୍ଲଆଗାଟି ହଲେଏଣାତି, ନୀ ଗୁଡିତି ହାଡ଼ାତଲେ ନୀ ନୀହାୟି କିୟାଇଁ, ନାନୁ ଗିରିଗିରା ଗାଟାଚେଏଁ, ଇଟାହିଲାଆ ତାଣା ପାରିନାଚେଏଁ ମାଟାଆତି ତାଣା ଦାଝାଆନାଚେଏଁ ଇଦାଆଁ ପୁଞ୍ଜାମାଟି ? ୨୩ ଆତିହଁ ଏନାଆଁତାକି ନା ଟାକାଟି ରାଣା ଅନାରାକି ହାଆତି, ନାନୁ ଝାହାନା ଅଡ଼ିତଲେ ବେଟାଆଚେଏଁମା । ୨୪ ଇଞ୍ଜା ଦାରିତା ନିଚାମାଚାରାଇଁ ଝେପେସି, “ଇଝାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ବାଆରିକି ଦସଟାକା ମାନୁ ଏଝାଣାକି ହୀଦୁ ।” ୨୫ ଏଚେଟିଏ ଏଝାରି ଝେପେସି, “ପ୍ରବୁ ଏଝାଣାକି ଦସଟାକା ମାନୁ ।” ୨୬ ନାନୁ ନିଙ୍ଗେ ଝେସିମାଞ୍ଜାଇଁ, “ଆନିନିଗାଟାଣାକି ମାନେ, ଏଝାଣାକି ଗାଡ଼ି ହୀପ୍ପକିଆନେ । ସାମା ଆମ୍ବାଆରାଝାୟି ହିଲେଏ ଏଝାଣି ତାଣା ଏନାୟି ମାନେ ଏଦାଆଁ ଜିକେଏ ଏଝାଣି ତାଣାଟି ଅଝିଆନେ । ୨୭ ଝାମା ନାଙ୍ଗେ ତାନି ରାଜା ଆହାଲି

☆ ୧୯:୧୦ ୧୯:୧୦ ମାତି ୧୮:୧୧ ☆ ୧୯:୨୭ ୧୯:୨୭ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ ☆ ୧୯:୨୭ ୧୯:୨୭ ମାତି ୨୫:୧୪-୩୦

କୃତ୍ୱାମାଜ୍ଞାନି ସାତୁୟାଁଇଁ ଇମ୍ବାଆଁ ତାକା ହାଜାନା ଏଝାରାଇଁ ନା ନକିତା ଚୁଣ୍ଡାତୁହୁଦୁ ।”

**ଜୀସୁ ଜିରୁସାଲମତା ରାହାଁଟି ହାନାୟି**

(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଇ ବାରେ କାତା ୱେସ୍ତ୍ରି ତାୟୁ ଜୀସୁ ଜିରୁସାଲମ ଝାକି ହାଚେସି । ୨୯ ଏଝାସି ଜୀତ ହରୁ ଦାରିତା ମାନି ବେତନିୟାଁ ଅଡେ ବେତପାଗି ନାୟକାଣାଁ ଏଜାନା ତାନି ସୀସୁୟାଁ ବିତ୍ରାଟି ରିଆରାଇଁ ଇ କାତା ୱେସା ପାଣ୍ଡିତେସି । ୩୦ “ମୀରୁ ହାଜାନା ମୀ ନକିତି ନାୟୁତା ହତଦୁ ଇଞ୍ଜା ଲକୁ ଏଚେଲା ହଟା ହିଲଅରି; ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାଆଁ ଦାଝାଁ ହୁକହା ନା ତାଣା ତାଟିହୁଁ ୱାଦୁ । ୩୧ ଆମ୍ବାଆସି ଏନାଆଁତାକି ହୁକହିମାଞ୍ଜେରି ଇଞ୍ଜୁଁ ୱେଞ୍ଜାତିହୁଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜୁଁ ୱେହୁଦୁ ।”

୩୨ ଏମ୍ବାଟିଏ ଜୀସୁ ପାଣ୍ଡାମାଚାରି ଏଝାସି ଏନିକିଁ ୱେସାମାଚେସି, ଏଲେହେଁ ମେସ୍ତେରି । ୩୩ ଇଞ୍ଜା ଏଝାରି ଗାଡ଼ଦେ ତାଲୁତି ଦାଝାଁ ହୁକହିମାଚାଟି ଗାଡ଼ଦେ ସାଝୁକାରିୟାଁ “ଏନାଆଁତାକି ହୁକହିମାଞ୍ଜେରି ଇଞ୍ଜୁଁ ୱେଚେରି?”

୩୪ ଏଝାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ ।” ୩୫ ଏମ୍ବାଟିଏ ଗାଡ଼ଦେ ଜୀସୁ ତାଣା ତାଚାନା ଏଦାନିଲେକ ହିମ୍ବରିକା ପାସାନା ଜୀସୁଇଁ ଲାକ କୁଗିକିତେରି । ୩୬ ଅଡେ ଏଝାସି ନକିତା ହାଜିମାଚାଟି ଲକୁ ଜିରୁତା ତାନି ହିମ୍ବରିକା ପାସ୍ତେରି ।

୩୭ ଇଞ୍ଜା ଏଝାସି ଜିରୁସାଲମ ତାଗେ ମାନି ଜୀତ ହରୁଟି ୱାନି ଚେଲତା ଏଝାସି ଇଞ୍ଜା ତାନି ସୀସୁୟାଁ ଜୀସୁ କିତି ବାଡ଼ୁୟୁତି କାମାତାକି ମାହାପୁରୁଇଁ ଜହରା କିହିହୁଁ ରାହାଁଟି ପାରୁ ପାଟିଚେରି । ୩୮ “ପ୍ରବୁତି ଦରୁଟି ଆମିନି ରାଜା ୱାହୁମାନେସି ଏଝାଣାକି ନେହେଁ । ଲାକପୁରୁ ହିଡ଼ଡି ଅଡେ ଲାକପୁରୁଟି ମାହାପୁରୁଇଁ ଗାଝୁରମି ଆପେ ।”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ ଲାଗାମୁ ।”

୪୦ ନାନୁ ମିଜେ ୱେସିମାଞ୍ଜାଇଁ, “ଇଝାରି ପାଲେଏ ଆଡ଼ିସାରେ, ୱାଲକା ହାଲେହେଁ କାଜା ଗିୟାତଲେ ଜଲିତୁମା ।”

**ଜୀସୁ ଜିରୁସାଲମ ତାକି ଡାନାୟି**

୪୧ ଅଡେ ଏଚେତା ଗାଡ଼ା ତାଗେ ୱାଡେସି, ଏଚିବେଲା ଗାଡ଼ାଟି ମେସାନା ଡାହିହୁଁ ଏଲେଇଚେସି, ୪୨ “ନାନୁ ହାଅ, ନାନୁ ନୀଞ୍ଜୁ ହିଡ଼ଡି ଜିରୁ ପୁଟିହୁଁ ଅଜିତେମା ! ସାମା

ଏଦି ନୀ ତାଣାଟି ଡରୁମାନେ ! ୪୩ ଏଚିବେଲା ମାହାପୁରୁ ନିଜେ ଗେଲପାଲି ଅଣ୍ଡାମାଞ୍ଜାଚେସି ଏଦାଆଁ ପୁନାଆତାକି ଏଚିବେଲତା ନୀ ସାତୁୟାଁ ନୀ ସାରିସୁଟୁ କାଜା କଟା ଦସାନା ମୁଚାନେରି, ୪୪ ଇଞ୍ଜା ନିଜେ ଅଡେ ନୀ ତାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡେ ର ୱାଲିତି ଅର ୱାଲି ଲାକ ତାରି ଆହାଲି ହିୟଅରି, ଇଲେତି ଦିନା ୱାହିମାନେ ।”

**ମାହାପୁରୁ ଇଲୁତା ଜୀସୁ ହଡ଼ନାୟି**

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡ଼ନାହାଁ ବେବାରା କିନାରାଇଁ ଏମ୍ବାଟି ହାସା ପେରହାତୁସ୍ତେସି, ୪୬ ଦାମ୍ବୁପତିତା ରାସକି ଆହାମାନେ, “ନା ଇଲୁ ପ୍ରାଡ଼ାନା ଇଲୁ ଆନେ, ସାମା ମୀରୁ ଏଦାଆଁ ତଂଗାଁୟାଁ ପାଝୁ ମୁପହାତୁସ୍ତେରି ।”

୪୭ \*ଅଡେ ଜୀସୁ ଦିନାତାକି ଦିନା ପ୍ରାଡ଼ାନା ଇଲୁତା ଜାପୁହି ମାଚେସି, ସାମା କାଜା ପୂଜେରାଜା ଅଡେ ମେରାପୁନାରି ଲକୁତି କାଜାରି ତଲେ ଜୀସୁଇଁ ପାୟାଲି ଅଣ୍ଡାପିମାଚେରି, ୪୮ ସାମା ଲକୁ ରାହାଁଟି ଏଝାଣି ଜାପୁନାଣି ୱେଞ୍ଜିମାଚାକି ଏଝାରି ଏନିକିହାଲି ଆନେ ପାରୁ ବେଟାଆହି ହିଲାଆଚେରି ।

**୨୦**

**ଜୀସୁତି ଅଦିକାରା**

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡେ ନେହୁଁ କାରୁ ୱେକ୍‌ହି ମାଚେସି, ଏଚିବେଲା କାଜା ପୂଜେରାଜା ଅଡେ ମେରାପୁନାରି ପ୍ରାଟିନାଜା ତଲେ ୱାହାନା ୱେଚେରି, ୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି, ମାଜେ ୱେସ୍ତାମୁ ।”

୩ ସାମା ଜୀସୁ ଏଝାରାଇଁ ଏଲେଇଚେସି, “ନାନୁ ଜିକେଏ ର କାତା ୱେଞ୍ଜାଇଁ, ନାଜେ ୱେସ୍ତାପୁ ୪ ଜହନଇଁ ବାପ୍ତିସ୍ତ\* ହୀମୁ ଇଞ୍ଜୁଁ ଆମ୍ବାଆସି ଚାଣ୍ଡିତେସି, ଲାକପୁରୁଟି କି ମାଣସି ତାଣାଟି?”

୫ ଏଚେଟିଏ ଏଝାରି ତାମ୍ବୁ ତାମ୍ବୁ ଜଲୁକି ଆଡେରି, “ଲାକପୁରୁଟି ଇନାୟି, ଆଡିହୁଁ ଏଝାସି ଏଲେଇଞ୍ଜାନେସି ଏନାଆଁତାକି ଏଝାଣାଇଁ ନାମାଆଚେରି ? ୬ ସାମା ମାଣସି ତାଣାଟି ଇନାୟି, ଇଞ୍ଜା ଲକୁ ମାଜେ ୱାଲକାତଲେ ପାୟାନେରି, ଇଚିହୁଁ ଜହନଇଁ ମାହାପୁରୁ ଅଣ୍ଡାପୁତି ବଲୁ ୱେହନାରି ତାଣାଟି ରଅସି ଇଞ୍ଜୁଁ ହାଡ଼େକା ନାମାମାନେରି ।” ୭ ଏଝାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି ଏଦି ଏମ୍ବାଟି ଆହାମାନେ ।”

\* ୧୯:୪୭ ୧୯:୪୭ ଲୁକ ୨୧:୩୭ \* ୨୦:୪ ୨୦:୪ ମୁଞ୍ଜିନାୟି



୮ ଜୀସୁ ଏଝାରାଇଁ ଏଲେଇରେସି, “ଆତିହୁଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଖେସୁଅଁ ।”

ଅଜୁରି ବାଡ଼ାତା ବାଗା କାମାକିନାରି ପୁଣ୍ଡିକିନି କାତା

(ମାତି ୨୧:୩୩-୪୭; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା ଖେସୁସି, “ରଅସି ର ଅଜୁରି ବାଡ଼ା କିହାନା କାମା କିନାରାକି ବାଗା ହାହାନା ହାରେକା ଦିନାତାକି ଅର ଦେସାତା ହାରେସି । ୧୦ ଅଜୁରି ପାଡ଼େୟି କାମ୍ବି ବେଲା ଏଝାସି ତାନି ବାଗା ବେଗାଆହାଲି ର ହଲେଏଶାଇଁ ପାଣ୍ଡିତେସି, ସାମା ଅଜୁରି ବାଡ଼ାତା କାମାକିନାରି ଏଝାଶାଇଁ ମାଡ଼ା ଖେତାନା ଖାରଇ କେୟୁଟି ପେରହାତୁସ୍ତେରି । ୧୧ ଏଝାସି ଅଡ଼େ ର ହଲେଏଶାଇଁ ପାଣ୍ଡିତେସି; ଏଝାରି ଏଝାଶାଇଁ ଜିକେଏ ଖେତାନା ନିନ୍ଦା କିହାଁ ଖାରଇ କେୟୁଟି ପେରହା ପାଣ୍ଡିତେରି; ୧୨ ତାୟୁ ଅଡ଼େ ରଅଶାଇଁ ପାଣ୍ଡିତେସି, ସାମା ଏଝାଶାଇଁ ଜିକେଏ ରାଶାରକା କିହାନା ବାଡ଼ାତି ପାଙ୍ଗାତା ମେଡ଼ହାତୁସ୍ତେରି । ୧୩ ଏମ୍ବାଟିଏ ଅଜୁରି ବାଡ଼ାତି ସାଝୁକାରି ନୀଏଟି ଏନାଆଁ କିଇଁ ଇଞ୍ଜୁଁ ଅଣ୍ପାନା, ନା ଜୀଝୁତି ମୀରଏଶାଇଁ ପାଣ୍ଡିଇଁ ଆତିହୁଁ ଏଝାଶାଇଁ ମାନୁ କିନେରି । ୧୪ ସାମା କାମାକିନାରି ଏଝାଶାଇଁ ମେସାନା ତାୟୁ ତାୟୁ ଏଲେଇଶ୍ଚି ଆଡ଼େରି ‘ଇଝାସି ଅଦିକାରା ଗାଟାସି, ଇଝାଶାଇଁ ପାୟାତୁହନ, ଆତିହୁଁ ଇ ଅଜୁରି ବାଡ଼ା ମାଙ୍ଗେ ଆୟାନେ ।’ ୧୫ ଅଡ଼େ ଏଝାଶାଇଁ ଅଜୁରି ବାଡ଼ା ପାଙ୍ଗାତା ମେଡ଼ହାନା ପାୟିତେରି ।”

“ଆତିହୁଁ ଅଜୁରି ବାଡ଼ାତି ସାଝୁକାରି ଏଝାରାଇଁ ଏନାଆଁ କିନେସି ? ୧୬ ଏଝାସି ଝାହାନା ଇ କାମା କିନାରାଇଁ ପାୟାତୁହନେସି, ଅଡ଼େ ଏଟକାତାରାକି ଏ ଅଜୁରି ବାଡ଼ା ହାନେସି ।”

ଲକୁ ଇ କାତା ଖେଞ୍ଜାନା ଏଲେଇରେରି, “ଏଲେକିହୁଁ ଆଝୁଏ ଆଆପେ ।”

୧୭ ସାମା ଜୀସୁ ଏଝାରାଇଁ ଖେସୁସି, “ଆତିହୁଁ ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଝାଲିତି କୁଡ଼େରି, ଏଦି ଇଲୁ କନତି ମୁଲୁ ଝାଲି ଆଡ଼େ ।

୧୮ ଆମ୍ବାଆସି ଏ ଝାଲି ଲାକ ତରଗିନେସି, ଏଝାସି କାଣ୍ଡାମୁକା ଆନେସି; ଇଞ୍ଜା ଏ ଝାଲି ଆମ୍ବାଆରି ମୁହେଁ ତରଗିନେ ଏଝାଶାଇଁ ଗୁଣ୍ଡୁଗୁଣ୍ଡା କିନେ ।”

ସିସୁ ହୁନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଚେଟିଏ ମେରାପୁନାରି ଅଡ଼େ କାଜା ପୂଜେରାଙ୍ଗା ଦେବୁଣିଏ ଜୀସୁଇଁ ଆସାଲି ଅଣ୍ପିତେରି, ସାମା ଲକୁ ମାନ୍ଦାତି ଆଜିତେରି,

ଇଚିହୁଁ ଏଝାସି ଏ ପୁଣ୍ଡିକିନି କାତା ଏଝାରାଇଁ ସିନିକିହାନା ଖେସାମାଚେସି ଇଞ୍ଜୁଁ ଏଝାରି ପୁଚେରି । ୨୦ ଏମ୍ବାଟିଏ ଏଝାରି ଜୀସୁଇଁ ପାଣା ଅଡ଼େ ବାଡ଼ୟୁଗାଟି ସାଲଝି କିନାରି କେୟୁତା ଏଝାଶାଇଁ ହେରପାଲି ପାରୁ ପାରାତେରି, ଇଞ୍ଜା ଏଚରଜାଣା ତାୟୁ ତାମଙ୍ଗେ ଦାମ୍ବୁଗାଟାରି ଇଞ୍ଜୁଁ ତସା କଡ଼ିନି ନାଡ଼ିକିନାରି ଜୀସୁଇଁ ତାନି ଖେହନି କାତାତା ଦହ ଦସାଲି ଏଝାଣି ତାଣା ପାଣ୍ଡିତେରି । ୨୧ ଏଝାରି ଜୀସୁଇଁ ଖେଚେରି, “ଗୁରୁ, ମାୟୁ ପୁଞ୍ଜାମାନମି, ନାନୁ ଏନାଆଁ ଖେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଇଁ ପାରଡ଼ା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପୁଦି । ୨୨ ଆତିହୁଁ କାୟିସରକି ସିସୁ ହୁନାୟି ମେରା ମାନେକି ଆଏ ।”

୨୩ ସାମା ଜୀସୁ ଏଝାରି ନାଡ଼ିକିନି ଅଣ୍ପୁତି ପୁଞ୍ଜାନା ଏଝାରାଇଁ ଖେସୁସି, “ନାଙ୍ଗେ ର ଖେଣ୍ଡି ଟାକା ହିୟାଦୁ ।” ୨୪ ଏ ଖେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଖେସୁରି, “କାୟିସରଖାୟି ।” ୨୫ ଏଚେଟିଏ ଜୀସୁ ଏଝାରାଇଁ ଖେସୁସି, “ଆତିହୁଁ କାୟିସରଖାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀଦୁ ।” ୨୬ ଏଚେଟିଏ ଏଝାରି ଲକୁ ନକିତା ଏଝାଶାଇଁ ଏଦି ଦହ ଦସାଲି ଆଡ଼ାଆତେରି, ଇଞ୍ଜା ଏଝାରି ଜୀସୁ ଖେସି କାତାତାକି ଆଡ଼ାଜାକା ଆହାନା ପାଲେଏ ମାଚେରି ।

ହାଡ଼ାରି ଖେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏମ୍ବାଟିଏ ହାଡ଼ାରି ଖେଣ୍ଡେ ନିଜିନାଣି ନାମିହିଲାଆଗାଟି ଏଚରଜାଣା ସାଦୁକିୟା ଜୀସୁତାଣା ଝାହାନା ଖେଚେରି, ୨୮ “ଏ ଗୁରୁ ମସା ମାଙ୍ଗେତାକି ରାଟାମାନେସି, ରଅସି ବୀହା ଆହୁଁ କକାରି ପଦାଁ ଆଆନା ହାଡ଼ିହୁଁ, ଏଝାଣି ତାୟି ତାନି ତକ୍ତିନି ଇଟାନା ଏଝାଣି କୁଡ଼ା ଏପିକିୟାଲି ଆନେ । ୨୯ ସାତା ଜାଣା ତାୟିୟା ମାଚେରି; କାଜାସି ବୀହା ଆହାନା କକାରି ପଦାଁ ଆଆନା ହାଡ଼େସି; ୩୦ ତାୟୁ ଏଝାଣି ନେଚତାସି ଇଚିତେସି, ଅଡ଼େ ଏଝାଣି ନେଚତାସି ଇଚିତେସି; ୩୧ ଏଲେକିହୁଁ ଏ ସାତା ଜାଣା ଜିକେଏ କକାରି ପଦାଁ ଆଆନା ହାଡ଼େରି । ୩୨ ତାୟୁ ଏ ଇୟା ଜିକେଏ ହାଡ଼େ । ୩୩ ଆତିହୁଁ ଖେଣ୍ଡେ ନିଜିନି ଦିନା ଏଝାରି ବିତ୍ତାଟି ଏ ଇୟା ଆମ୍ବାଆରି ତକ୍ତି ଆନେ ? ଇଚିହୁଁ ସାତା ଜାଣା ଜିକେଏ ଏଦାନି ଇଟାମାଚେରି ।”

୩୪ ଜୀସୁ ଏଝାରାଇଁ ଏଲେଇରେସି, “ଇ ଦାରଡ଼ିତି ଲକୁ ବୀହା କିନେରି ଅଡ଼େ ଆନେରି, ୩୫ ସାମା ଝାନି ଜୁଗୁତାକି ଇଞ୍ଜା ହାକିଟି ନିଙ୍ଗାଲିତାକି ପାଡ଼ା ଆନାରି ବୀହା ଆଅରି କି ବୀହା ହୀଅରି; ୩୬ ଇଚିହୁଁ

☆ ୨୦:୨୨ ୨୦:୨୭ କାମା ୨୩:୮

ଏଞ୍ଜାରି ଦୃଢ଼ତାଲେହେଁ ଆହାମା ଏଚେଲାଞ୍ଜା ହାଅରି, ଇଞ୍ଜା ହାକିଟି ନିଙ୍ଗାମାନାକି ଏଞ୍ଜାରି ମାହାପୁରୁତି ମୀରକା ଆନେରି । ୩୭ ସାମା ହାଡ଼ାରି ସାତେଏ ନିଙ୍ଗିନେରି ଇଞ୍ଜା ମସାଇଁ ଜିକେଏ ଖେହିମାନି ବୁଟାଟି କାରୁତଲେ ନେହଁକଁ ତସାମାଚେସି, ଇଚିହଁ ଏଞ୍ଜାସି ପ୍ରବୁଇଁ ଅଭାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାଚେସି । ୩୮ ଏଞ୍ଜାସି ହାଡ଼ାରି ମାହାପୁରୁ ଆଏ ସାମା ଜୀଞ୍ଜାଗାଟାରି ମାହାପୁରୁ; ଇଚିହଁ ମାହାପୁରୁ ନକିତା ବାରେଜାଣା ନୀତାମାନେରି ।”

୩୯ ଏମ୍ବାଟିଏ ମେରାପୁନାରି ବିତ୍ରାଟି ଏଚେଲାଣା ଏଲେଇଚେରି, “ହାଅ, ଗୁରୁ ନୀନୁ ଅଜେ ଖେସ୍ତାତି ।” ୪୦ ଇଚିହଁ ଏଞ୍ଜାଣାଇଁ ଅଡ଼େ ଏନାଆଁ ଖେଞ୍ଜାଲି ଏଞ୍ଜାରାକି ସାସା ହିଲାଆତେ ।

**କ୍ରୀସ୍ତ ଆମ୍ବାଆସି**

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, କ୍ରୀସ୍ତ ଦାଞ୍ଜୁଦ ମୀରଏସି, ଲକୁ ଏନିକଁ ଏଲେଇନେରି ? ୪୨ ଇଚିହଁ ଦାଞ୍ଜୁଦ ତାନୁଏ ପାରୁ ପତିତା ଏଲେଇଞ୍ଜି ମାନେସି, ପ୍ରବୁ ନା ପ୍ରବୁଇଁ ଖେସ୍ତେସି,

୪୩ ନାନୁ ନୀ ସାତୁୟାଣି ନୀ କତାୟା ତୁଇ ଇଟାଆ ପାତେକା,

ନାନୁ ନା ଚିଃନିଞ୍ଜାକି କୁଗାମାନାମୁ ।

୪୪ ଦାଞ୍ଜୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜା ମାନେସି; ଆତିହଁ କ୍ରୀସ୍ତ ଏନିକଁ ଏଞ୍ଜାଣି ମୀରଏସି ?

**ମେରାପୁନାରି ତାଣାଟି ଜାଗ୍ରାତା**

(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାୟୁ ବାରେ ଲକୁ ନକିତା ସୀସୁୟାଁଇଁ ଖେସ୍ତେସି, ୪୬ “ମେରା ଜାପୁନାରି ତାଣାଟି ଜାଗ୍ରାତା ! ଇଚିହଁ ଏଞ୍ଜାରି ଲାମ୍ବା ଲାମ୍ବା ହିମ୍ବୁରିକା ହୁତାନା ତିରୁଞ୍ଜିହଁ ରେଜାଲି, ଅଡ଼େ ହାଟା ବାଜାରାତା ଜହରା ବେଟାଆହାଲି, ପ୍ରାତାନା ଇଲ୍ଲକାଣା ନେହଁ ନେହଁ କୁଟିୟାଁ ଅଡ଼େ ବଜିତା ନେହଁ ଟାୟୁ ବେଟାଆହାଲି ଅଣ୍ପିନେରି; ୪୭ ଏଞ୍ଜାରି ରାଣ୍ଡେଣିସିକା ଇଲ୍ଲୁ ସେନିନେରି ଅଡ଼େ ଉଜେ ଉଜେଏ ଲାମ୍ବା ଲାମ୍ବା ପ୍ରାତାନା କିନେରି; ଏଞ୍ଜାରି ହାରେକା ତଣ୍ଡ ବେଟାଆନେରି ।”

**୨୧**

**ରାଣ୍ଡେଣି ଦାନା**

(ମାତି ୧୨:୪୧-୪୪)

୧ ଏଚିବେଲା ଦନଗାଟାରି ଦାନା ପେଡ଼ାତା ତାନି ଦାନା ମେଡ଼ହଁ ମାଟାଣି ଜୀସୁ ସିନିକିହିମାଚେସି, ୨ ଅଡ଼େ ର କାର୍ମାଗାଟି ରାଣ୍ଡେଣି ଖାହାନା ଏମ୍ବାଆଁ ରୀ ଉଣା ତାମ୍ବାତି ଆଦଲି ମେଡ଼ହାଣି ମେସାନା

ଏଲେଇଚେସି, ୩ “ନାନୁ ମିଙ୍ଗ ସାତା ଖେସିମାଞ୍ଜାଇଁ ଇ କାର୍ମାଗାଟି ରାଣ୍ଡେଣି ଗାତି ଦାନା ହାହାମାନେ, ୪ ଇଚିହଁ ଦନ ଗାଟାରି ତାନି ଗାତି ଦନଟି ଇଚାଣି ତାଚାନା ବେଟୁ ହାହାମାନେରି, ସାମା କାର୍ମାଗାଟି ରାଣ୍ଡେଣି ତାନି ହିଲାଆବେଲାତା ତାଙ୍ଗେ ନୀତାଲିତାକି ଏନାୟି ମାଚେ ଏ ବାରେ ହାହାମାନେ ।”

**ମାହାପୁରୁ ଇଲ୍ଲୁ ନସ୍ତ ଆନି କାତା**

(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ ଇଲ୍ଲୁ ଅକି ଅକିଟି ଖାଲକା ଅଡ଼େ ଦାନା ହୀନାଣି ତଲେ ଅଜିକଁ ଆଜାମାନେ ଇଞ୍ଜା ଇଞ୍ଜାଲିଏ ଜୀସୁ ଏଲେଇଚେସି, ୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଖାନ୍, ଏଚିବେଲା ର ଖାଲି ଅର ଖାଲି ଲାକ ତୁୟେଏ, ଇ ବାରେ ମେଣ୍ଡାଞ୍ଜାହାନେ ।”

**କସ୍ତ ଅଡ଼େ ନିନ୍ଦା ଖାନ୍ କାତା**

(ମାତି ୨୪:୩-୧୪; ମାର୍କ ୧୩:୩-୧୩)

୭ ଏଚିବେଲା ଏଞ୍ଜାରି ଏଞ୍ଜାଣାଇଁ ଖେଚେରି, “ଏ ଗୁରୁ ଆତିହଁ ଇ ବାରେ ଏଚେଲାଆନେ ? ଇଞ୍ଜା ଇ ବାରେ ଆମିନି ବେଲାତା ଆନେ, ଏ ବେଲାଟି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକଁ ଆନ୍ଦା ଆଅତେରି; ଇଚିହଁ ହାରେକା ନା ଦରୁଟି ଖାହାନା ନାନୁ ଏଞ୍ଜାଚେଏଁ ଅଡ଼େ ଏ ଦିନା ଏଦାଚେୟିଏ ଇଞ୍ଜା ଇଞ୍ଜାନେରି; ଏଞ୍ଜାରି ଜେଟ ହାଲାଆଦୁ । ୯ ଇଞ୍ଜା ମୀରୁ ଏଚେତା ଜୁଜୁ ଇଞ୍ଜା ମେଲି ଆହିମାନାଣି ଖେଚିସାରେ ଆଜାଆଦୁ; ଏନିଇଚିହଁ ଇ ବାରେ ନକେଏ ଆୟାଲି ଆନେ, ଆଡ଼ିଜିକେଏ ଏଚିବେଲା ଜୁଗୁ ରାଏ ।”

୧୦ ତାୟୁ ଏଞ୍ଜାରାଇଁ ଏଲେଇଚେସି, “ଦେସା କପାଟି ଦେସା, ରାଜି କପାଟି ରାଜି ମେଲି ନିଙ୍ଗିନେ, ୧୧ ଇଞ୍ଜା ଇମ୍ବାଆଁ ଏମ୍ବାଆଁ ବୁନି ଖାଡିନେ, ହାରେକା ଟାୟୁତା ମରଡ଼ି ଇଞ୍ଜା କାର୍ଖୁ ଖାନ୍, ଅଡ଼େ ହାଗୁ ପାକାତା ଆଜିହପେତି ସିନାୟାଁ ତଞ୍ଜା ଆନୁ । ୧୨ ସାମା ଇ ବାରେ ଆଆ ନକେଏ ଲକୁ ମିଙ୍ଗେ ଆସାନା ନା ଦରୁ ତାକି ନିନ୍ଦା କିହାନା ଜୀହୁଦି ଲକୁଟି କୁଟି ଇଲ୍ଲକାଣା\*, କାୟିଦି ଇଲ୍ଲକାଣା, ରାଜା ଇଞ୍ଜା ନୀହାୟି କିନାରି ତାଣା ହେରୁପାନେରି; ୧୩ ଇଦି ମିଙ୍ଗେତାକି ସାକି ଆନେ । ୧୪ \*ଇଞ୍ଜା ଏନାଆଁ ଜଲିଇଁ ଏନାଆଁ ଖେହ୍ଇଁ ଇଞ୍ଜା ତଲିଏ ମନତା ଅଣ୍ପାଆଦୁ; ୧୫ ଏନାଆଁତାକି ଇଚିହଁ ମୀ ସାତୁୟାଁ ମିଙ୍ଗେ ଖେଣ୍ଡେ ଜଲାଲି କି ଖେସାଲି ଆଡ଼ାଆପେରିଞ୍ଜା ଇଞ୍ଜା ନାନୁ ମିଙ୍ଗେ ଏଚିବେଲାତା ନେହଁ ବୁଦି ଅଡ଼େ ସୁଞ୍ଜା ହିୟାଇଁ । ୧୬ ସାମା ମୀ ତାଲି ତାଞ୍ଜି ତାୟିୟାଁ ସାମ୍ବଦିୟାଁ ଇଞ୍ଜା

\* ୨୧:୧୨ ୨୧:୧୨ ସିନଗର୍ ☆ ୨୧:୧୪ ୨୧:୧୪ ଲୁକ ୧୨:୧୧,୧୨

ମୀ ତଣେସିଙ୍ଗା ଜିକେଏ ମିଙ୍ଗେ ହେରୁପାନେରି, ଅଡ଼େ ମୀ ବିତ୍ରାଟି ଆମ୍ବା ଆମ୍ବାଆରାଇଁ ଇର୍ହାନା ପାୟିନେରି, ୧୭ ଇଞ୍ଜା ନା ଦରୁ ତାକି ବାରେ ଲକୁତାଣା ଲାଜା ବେଟାଆଦେରି ଅଡ଼େ ଅପଅରି । ୧୮ ସାମା ମୀ ତାୟ୍ ତ୍ରି ର ବାଣା ଜିକେଏ ନସ୍ତୁ ଆଏ; ୧୯ ଅର୍ହୁନି ତାଣାଟି ମୀରୁ ମୀ ଜୀହୁତି ଗେଲ୍ପିକିହା କଡ଼ିଦେରି ।”

**ଜିରୁସାଲମ ନାସା ଆନି କାତା**  
(ମାତି ୨୪:୧୫-୨୧; ମାର୍କ ୧୩:୧୪-୧୯)

୨୦ “ସାମା ମୀରୁ ଏଚିବେଲା ସାତୁୟ୍ ଜିରୁସାଲମ ଗାଡ଼ାତା ମୁଟାମାନାଣି ମେହ୍ଦେରି, ଏଚିବେଲା ଏଦି ନାସା ଆନି କାଲା ଏଦାତେ ଇଞ୍ଜି ପୁଞ୍ଜୁ । ୨୧ ଏଚିବେଲା ଏମିନିଗାଟାରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣ୍ପାରି; ଇଞ୍ଜା ଏମିନିଗାଟାରି ଗାଡ଼ା ବିତ୍ରା ମାନେରି, ଏଞ୍ଜାରି ହରା ହାଲ୍ବେରି; ଏମିନିଗାଟାରି ନାସ୍‌କାଣା ମାନେରି, ଏଞ୍ଜାରି ଗାଡ଼ାତା ହଡ଼ଆପେରି; ୨୨ ଏନିଇଚିହ୍ ଏଦାପୁରୁ ପତିତା ରାସ୍‌କି ଆହାମାନି ବାରେ କାତାଲେହେଁ ଆୟାଲିତାକି ଏଦି ତଣ୍ଡ ହାନି କାଲା । ୨୩ ଆୟତା ଏଚିବେଲା ପୁରାମାସା ଆହାମାନୁ କି ପାଲୁ ଉର୍ହମାନୁ ଏଞ୍ଜି ଉଣେଏ କସ୍ତୁ ପାଣିନୁକି ! ଏନିଇଚିହ୍ ଏଚିବେଲା ଇ ଦାର୍ତତିତା କାଜା ତଣ୍ଡ ଅଡ଼େ ଇ ଲକୁତାକି ମାହାପୁରୁତି କପା ଆନେ, ୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନେରି, ଇଞ୍ଜା ଏଚର ଜାଣାଇଁ ଦସ୍‌ପି କିହା ଏଚକା କୁଡ଼ାତି ଲକୁତାଣା ଅନେରି, ଇଞ୍ଜା ଏଚକା ଜାଡ଼ିତି ଲକୁତି କଲା ଏଆ ପାତେକା ଏଞ୍ଜାରି କଡ଼ାୟ୍ ତୁଲ୍ ଜିରୁସାଲମ ଗାଡ଼ା ଓସ୍‌ପିଆହ୍ ତୁୟିନେ ।”

**ମାଣ୍ଡି ମୀରୁଏସି ଖେଣ୍ଡା ଖାନାୟି**  
(ମାତି ୨୪:୨୯-୩୧; ମାର୍କ ୧୩:୨୪-୨୭)

୨୫ “ଏମ୍ବାଟିଏ ଖେଡ଼ା ଲେଞ୍ଜୁ ଅଡ଼େ ହୁକାୟ୍ ବିତ୍ରାଟି ଏନି ଏନି ସିନାୟ୍ ତଞ୍ଜାଆନେ, ସାମ୍‌ଦୁରି ଗାଜ୍‌ନାଣି ଇଞ୍ଜା ଏୟ୍ ନିଙ୍ଗିନାଣି ମେସାନା ଦାର୍ତତିତ ବାରେ ଦେସାତି ଲକୁ ଆତାଜାକା ଆନେରି, ୨୬ ଇଞ୍ଜା ଦାର୍ତତିତା ଏନା ଏନାୟି ଗଟଞ୍ଜି ଆହିମାନେ ଇଞ୍ଜି କାଟାନା ଲକୁ ଆଜିତାକି ଜୀହୁ ପିସ୍ତଲେହେଁ ଆନେରି, ଏନିଇଚିହ୍ ହାଗୁ ପାକାତି ବାଡ଼ୟ୍ ବାରେ ଖୀତିନେ । ୨୭ ଏଚିବେଲା ମାଣ୍ଡି ମୀରୁଏସି କାଜା ବାଡ଼ୟ୍ ଅଡ଼େ ଗାଞ୍ଜୁରମି ତଲେ ହାଗୁ ଲାକତି ଦୁହାଟି ଖାନାଣି ମେହ୍ଦେରି । ୨୮ ସାମା ଇ ବାରେ ଗଟଞ୍ଜି ଆୟାଲି ମାଟୁହିସାରେ ମୀରୁ ଲାକ ସିନିକିଦୁ ଏନିଇଚିହ୍ ମିଙ୍ଗେ ଗେଲ୍ପିନି କାତା ଏଜିମାଞ୍ଜାନେ ।”

**ତୟା ମାରୁନୁଟି ଜାପିନାୟି**  
(ମାତି ୨୪:୩୨-୩୫; ମାର୍କ ୧୩:୨୮-୩୧)

୨୯ ଅଡ଼େ ଜୀସୁ ଏଞ୍ଜାରାଇଁ ର ପୁଣ୍ଡିକିନି କାତା ଖେସ୍ତେସି, “ତୟା ମାରୁନୁ ଅଡ଼େ ବାରେ ମାରୁକାଣି ସିନିକିଦୁ; ୩୦ ଏଚିବେଲା ଏଞ୍ଜି ଗଞ୍ଜେଡ଼ି ଗାଲୁନୁ, ଏ ଗଞ୍ଜେଡ଼ି ଗାଲୁନାଣି ମେସାନା କାରା ଖେଡ଼ା ଖାଡ଼େ ଇଞ୍ଜି ମୀରୁ ପୁଞ୍ଜେରି; ୩୧ ଏଲେକିହ୍ ଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜି ପୁଞ୍ଜେରି ।”

୩୨ “ନାନୁ ମିଙ୍ଗ ସାତା ଖେସିମାଞ୍ଜାଇଁ, ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଡାଅରି । ୩୩ ହାଗୁପାକା ଦାର୍ତତି ବାରେ ମେଣ୍ଡାଜିନେ, ସାମା ନା ବଲୁ ଏଚେଲାଖା ମେଣ୍ଡାଜାତ ।”

**କାଡ଼ିହ୍ ମାନାୟି**  
(ମାତି ୨୪:୩୬-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗାତା ଆହାନା ମାଞ୍ଜୁ, ଆଆତିହ୍ ତିନାଣି ଉନାଣି ଅଡ଼େ ବାଡ଼କିନି ଅଣ୍ପୁ ମୀ ହିୟାତା ନେଞ୍ଜିନେ ଅଡ଼େ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ଖାନେ; ୩୫ ଏନିଇଚିହ୍ ଏଦି ପାନ୍ଦା ଲେହେଁ ଦାର୍ତତିତ ବାରେ ଜାଡ଼ିତି ଲକୁ ମୁହେଁ ଖାନେ । ୩୬ ସାମା ମୀରୁ ଏନିକ୍ ଇ ବାରେ ଖାହିମାନି ତଣ୍ଡଟି ଗେଲ୍ପି ଆହାଲି ଅଡ଼େ ମାଣ୍ଡି ମୀରୁଏସି ନକିତା ନିଚାଲି ଆଡ଼ିଦେରି, ଏଦାଆଁତାକି ବାରେବେଲା କାଟାନା ପ୍ରାଡାନା କିହେମାଞ୍ଜୁ ।”

୩୭ “ଜୀସୁ ଏଚିବେଲା ପ୍ରାଡାନା ଇଲୁତା ଜାପୁହି ମାଚେସି, ଇଞ୍ଜା ଲାଆୟ୍ ଗାଡ଼ାଟି ହରା ହାଜାନା ଜୀତ ଇନି ହରୁତା ମାଣ୍ଡିଦେସି । ୩୮ ଅଡ଼େ ବାରେ ଲକୁ ପ୍ରାଡାନା ଇଲୁତା ଜୀସୁ କାତା ଖେଞ୍ଜାଲି ଲାକ ଲାଈସିଏ ରୁଣ୍ଡା ଆହିମାଚେରି ।



**ଜୀସୁଇଁ ପାୟାଲି ପାରୁ ପାରିନାୟି**  
(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍‌ପିଆନି ପାରୁ ଦରୁଗାଟି ପୁଲ୍‌ଏୟ୍ ଆଣ୍ଡାଆତି ରୁଟି ତିନି ପାରୁ ତାଗେ ଆହିମାଚେ । ୨ ଇଞ୍ଜା କାଜା ପୂଜେରା ଅଡ଼େ ମେରାପୁନାରି, ଜୀସୁଇଁ ଏନିକ୍ ପାୟାଲି ଆଡ଼ିନେରି, ଏଦାଆଁତାକି ପାରୁ ପାରିମାଚେରି, ସାମା ଏଞ୍ଜାରି ଲକୁଣି ଆଜିମାଚେରି ।

**ଜୀହୁଦା ଜୀସୁଇଁ ଆସ୍‌ପି କିହାଲି ରାଜି ଆନାୟି**  
(ମାତି ୨୨:୧୨-୨୨; ମାର୍କ ୧୪:୧୦,୧୧)

୩ ଏଚିବେଲା ବାରଜାଣା ସୀସୁୟା ବିତ୍ରାମାନି ଇସ୍‌ପାରିୟତ ଦରୁଗାଟି ଜୀହୁଦା ହିୟାତା ସୟତାନ

☆ ୨୧:୨୫ ୨୧:୨୫ ଖେ ବଲୁ ୬:୧୨,୧୩ ☆ ୨୧:୨୭ ୨୧:୨୭ ଖେ ବଲୁ ୧:୭ ☆ ୨୧:୩୭ ୨୧:୩୭ ଲୁକ ୧୯:୪୭

ହଚେ; ୪ ଅଡ଼େ ଜୀହ୍ୱଦା ହାଜାନା ଏନିକି କାଜା ପୂଜେରାଜା ଅଡ଼େ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସପି କିନେସି, ଏଦାଆଁତାକି ଏଞ୍ଜାରିତଲେ କାତାବାର୍ତ୍ତା ଆଡେସି । ୫ ଏମ୍ବାଟିଏ ଏଞ୍ଜାରି ରାହାଁ ଆହାନା ଏଞ୍ଜାଣାକି ଟାକାୟାଁ ହାହାଲି ଆଞ୍ଜିତେରି । ୬ ଅଡ଼େ ଜୀହ୍ୱଦା ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଞ୍ଜାରି କେୟୁତା ହେରପାଲି ପାରୁ ପାରାତେସି ।

**ପିସ୍ପିଆନ୍ତି ପାରୁତି ବଜି ତିୟାରା କିନାୟି**

(ମାତି ୨୭:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆମିନି ଦିନା ପୁଲାଏୟୁ ଆଣ୍ଡାଆତି ରୁଟି ତିନି ପିସ୍ପିଆନ୍ତି ପାରୁତାକି ମେଣ୍ଡା ତାଲୁକାଣି ପୂଜା କିନି ଦିନା ଏଡେ; ୮ ଏଚେଟିଏ ଜୀସୁ ପିତର ଅଡ଼େ ଜହନଇଁ ଇ କାତା ଝେସା ପାଣ୍ଡିତେସି, “ମୀରୁ ହାଜାନା ମାଜେତାକି ପିସ୍ପିଆନ୍ତି ପାରୁତାକି ରାନ୍ଦା ଖାଜାଦୁ ମାର ତିନିଖା ।”

୯ ଏମ୍ବାଟିଏ ଏଞ୍ଜାରି ଜୀସୁଇଁ ଝେଚେରି, “ମାୟୁ ଆମ୍ବିୟା ହାଜାନା ରାନ୍ଦା ଖାଜିହାଲାପାରି ଇଞ୍ଜି ନାନୁ ଅଣ୍ଡିପାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଗାଡ଼ା ହଟିସାରେ ଡକାତା ଏୟୁ ଅହିମାନାଣାଇ ମେହ୍‌ଦେରି; ଏଞ୍ଜାଣି ଜେଚ ଜେଚ ହାଜାନା ଏଞ୍ଜାସି ଆମିନି ଇଜ ହଡ଼ନେସି ଇଲୁ ଗାଟାଣାଇଁ ଝେହ୍‌ଦୁ, ୧୧ ଗୁରୁ ନିଙ୍ଗ ଇଲେଇଞ୍ଜିଁ ଝେସା ପାଣ୍ଡାମାଞ୍ଜାନେସି, ନାନୁ ନା ସୀସୁୟାଁ ତଲେ ପିସ୍ପିଆନ୍ତି ପାରୁତି ବଜି ଏମିନି ଇଲୁତା ତିଇଁ ଏ ବାକ୍ସା ଆମିନାୟି ତସ୍ତାମ୍ବୁ ? ୧୨ ଏମ୍ବାଟିଏ ଏଞ୍ଜାସି ନେହଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ସା ତସ୍ତାନେସି; ଏମ୍ବାଆଁ ମାଜେତାକି ରାନ୍ଦା ଖାଜାଦୁ ।”

୧୩ ଏଞ୍ଜାରି ହାଜାନା ଜୀସୁ ଏଞ୍ଜାରାଇଁ ଏନିକିଁ ଝେସାମାଚେସି, ଏଲେକିଁ ମେସାନା ପିସ୍ପିଆନ୍ତି ପାରୁତି ରାନ୍ଦା ଖାଜିତେରି ।

**ପ୍ରବୁତି ବଜି**

(ମାତି ୨୭:୨୭-୩୦; ମାର୍କ ୧୪:୨୨-୨୬; ୧କର ୧୧:୨୩-୨୫)

୧୪ ପିସ୍ପିଆନ୍ତି ପାରୁତି ବେଲା ଆୟାଲିଏ, ଜୀସୁ ଅଡ଼େ ତାନି ପାଣ୍ଡି ଆଡ଼ି ସୀସୁୟାଁ ତଲେ ତିଞ୍ଜାଲି କୁଗିତେରି । ୧୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଦୁକୁ କସ୍ତ ପ୍ଲାଃଆ ନକେଏ ମୀ ତଲେ ଇ ପିସ୍ପିଆନ୍ତି ପାରୁତି ବଜି ତିଞ୍ଜାଲି ହାରେକା ଅଣ୍ଡିପାମାଚେଏ ! ୧୬ ଏନିଇଚିହଁ ନାନୁ ମିଜେ ଝେସିମାଞ୍ଜାଇଁ, ମାହାପୁରୁ ରାଜିତା ଇ କାତା

ବାରେ ପୁରା ଆଆପାତେକା ନାନୁ ଅଡ଼େ ଏଚେଲାଞ୍ଜା ଏଦାଆଁ ତିନିଆଁ ।”

୧୭ ଇଞ୍ଜାଁ ଏଞ୍ଜାସି ର ସଲା ଆସାନା ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିତ୍ରା ବାଟିକିଦୁ । ୧୮ ଇଚିହଁ ନାନୁ ମିଜେ ଝେସିମାଞ୍ଜାଇଁ, ମାହାପୁରୁ ରାଜି ଖାଆ ପାତେକା ନାନୁ ନୀଞ୍ଜୁଟିଏ ଅଞ୍ଜୁରି ରାସା ଏଚେଲାଞ୍ଜା ଗହଁ ।”

୧୯ ଅଡ଼େ ଏଞ୍ଜାସି ରୁଟି ଅହାନା ମାହାପୁରୁଇଁ ଜହରା କିହାଁ ଡିକ୍‌ହାନା ହାହାଁ ଏଲେଇଚେସି, “ମିଜେତାକି ହୀପକି ଆହାମାନି ନା ଆଜା ଇଦି; ନାଜେ ଅଣ୍ଡିପାଲି ଇଦାଆଁ କିଦୁ ।”

୨୦ ଏଲେକିହଁଏ ତିଟି ତାୟୁ ଏଞ୍ଜାସି ଗହନି ସଲା ଆସାନା ଏଲେଇଚେସି, “ଇ ସଲାତା ମିଜେତାକି ଖାକ୍‌ହିମାନି ନା ନେତେରିତି ପୁଃନି ରାଜିମାନା ।”

୨୧ “ସାମା ମେହ୍‌ଦୁ ଆମ୍ବାଆସି ନାଜେ ସାତୁ କେୟୁତା ହେରପିମାଞ୍ଜାନେସି, ଏଞ୍ଜାସି ନା ତଲେ ବଜିତା କୁଗାମାନେସି । ୨୨ ଏନିଇଚିହଁ ମାହାପୁରୁ ତୀରି କିହାମାଟି ଲେହେଁ ମାଣ୍ଡିସି ମୀରୁଏସି ହାନେସି, ସାମା ଏଞ୍ଜାଣାଇଁ ସାତୁ ତାଣା ହେରପିନେସି ଆୟତା ଏଞ୍ଜାସି ଉଣେଏ ତଣ୍ଡ ବେଟା ଆନେସି ।”

୨୩ ଏମ୍ବାଟିଏ ଏଞ୍ଜାରି ମା ବିତ୍ରାଟି ଆମ୍ବାଆସି ଇଲେତି କାମା କିନେସି ଇଞ୍ଜିଁ ତାୟୁ ତ୍ତାୟୁ ଲୁକି ଆଡେରି ।

**ଆମ୍ବାଆସି କାଜାସି ଇଞ୍ଜିଁ ବାଡ଼ିବାଦା**

୨୪ ଇଞ୍ଜାଁ ଏଞ୍ଜାରି ବିତ୍ରାଟି ଆମ୍ବାଆସି କାଜାସି ଆନେସି ଇଞ୍ଜିଁ ସୀସୁୟାଁ ବିତ୍ରା ଆସପି ଆଡେରି । ୨୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଟକା କୁଡ଼ାତି ରାଜାୟାଁ ଏଞ୍ଜାରି ମୁହେଁ ସାଲୁଝି କିନେରି, ଅଡ଼େ ଆମିନି ଗାଟାରି ଏଞ୍ଜାରାଇଁ ସାଲୁଝି କିନେରି, ଏଞ୍ଜାରି ଲକୁତାଣା ନେହାଁରି ଇଞ୍ଜିଁ ଝେଙ୍ଗାଲି ଅଣ୍ଡିନେରି । ୨୬ ଶୁସାମା ମୀ ବିତ୍ରା ଏଲେଆଆଦୁ ଇଚିହଁ ମୀ ବିତ୍ରା ଆମ୍ବାଆସି କାଜାସି ଏଞ୍ଜାସି ଉଣା ଆଡେସି, ଇଞ୍ଜାଁ ଆମ୍ବାଆସି ସାଲୁଝି କିନାସି ଏଞ୍ଜାସି ସେବା କିନାସି ଆଡେସି । ୨୭ ଶୁଆମ୍ବାଆସି କାଜାସି ? ତିଞ୍ଜାଲି କୁଗିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁଗିନାସି କାଜାସି ଆଏକି ? ସାମା ନାନୁ ମୀ ବିତ୍ରା ସେବା କିନାତେଏଲେହେଁ ଆହାମାଇଁ ।”

୨୮ “ସାମା ମୀରୁ ନା ବାରେ କସ୍ତା ନା ତଲେ ମାଞ୍ଜାମାଞ୍ଜେରି; ୨୯ ଇଞ୍ଜାଁ ନା ଆବା ଏନିକିଁ ନାଜେ ସାଲୁଝି କିହାଲି ପାଣା ହୀହାମାଞ୍ଜାନେସି, ନାନୁ ଜିକେଏ ଏଲେକିହଁଏ ମିଜେ ହିୟାଇଁ, ୩୦ ଏନିକିଁ ମୀରୁ ନା ରାଜିତା ନା ତଲେ କୁଗାନା

☆ ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭ ☆ ୨୨:୨୬ ୨୨:୨୬ ମାତି ୨୩:୧୧; ମାର୍କ ୯:୩୫ ☆ ୨୨:୨୭ ୨୨:୨୭ ମାତି ୨୦:୨୫-୨୬; ମାର୍କ ୧୦:୪୨-୪୪ ☆ ୨୨:୨୭ ୨୨:୨୭ ଜହ ୧୩:୧୨-୧୫ ☆ ୨୨:୩୦ ୨୨:୩୦ ମାତି ୧୯:୨୮

ତିଞ୍ଜେରି, ଇଞ୍ଜା ସିଂଗାସାଣିତା କୁଗାନା ଇସ୍ରାୟେଲତି ବାର କୁଡ଼ାତି ସାଲୁଖି କିଦେରି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜିଁ ଖେହ୍ନି କାତା

(ମାତି ୨୨:୩୧-୩୫; ମାର୍କ ୧୪:୨୭-୩୧; ଜହ ୧୩:୩୬-୩୮)

୩୧ “ସିମନ, ସିମନ ମେହ୍ନୁ ସୟତାନ ଗହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ; ୩୨ ସାମା ନୀ ନାନୁ ଏନିକିଁ ମେଣ୍ଡାକେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିତେଏ; ଇଞ୍ଜା ନାନୁ ନେହଁ ଆହାନା ଖେଣ୍ଡାସାରେ ନୀ ତାୟିୟାଣି ତୀରପୁକିମ୍ନୁ ।”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଲି ।”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଲି, ନୀଞ୍ଜୁ କୟୁ କେଣ୍ଡାଆ ନକେଏ ନାନୁ ନାକେ ତାନିପାଲି ପୁଞ୍ଜାହିଲଅଁ ଇଞ୍ଜିଁ ଖେହ୍ନି ।”

ଟାକାୟାଁ ମଣା ଅଡ଼େ କାଣ୍ଡା

୩୫ ☆ଜୀସୁ ଏଞ୍ଜାରାଇଁ ଏଲେଇଚେସି, “ଏଚିବେଲା ନାନୁ ମିକେ ତାରୁୟାଁ ମଣା ଇଞ୍ଜା ସେପୁୟାଁ ଅଆନା ହାକୁ ଇଞ୍ଜିଁ ପାଣ୍ଡା ମାଞ୍ଜାତେଏ ଏ ବେଲା ମିକେ ଏନାୟି ଉଣା ଆୟାତେକି ?” ଏଞ୍ଜାରି ଏଲେଇଚେରି, “ଏନାୟି ଆଏ ।”

୩୬ ଏମ୍ବାଟିଏ ଜୀସୁ ଏଲେଇଚେସି, “ସାମା ନୀଏ ଆମ୍ବାଆରାକି ତାରୁୟାଁ ମାନୁ ଏଞ୍ଜାସି ଏଞ୍ଜାଆଁ ଅପେସି, ଏଲେକିହଁଏ ମଣା ଜିକେଏ ଅପେସି, ଅଡ଼େ ଆମ୍ବାଆରାକି କାଣ୍ଡା ହିଲେଏ ଏଞ୍ଜାସି ତାନି ହିମ୍ବୁରି ପାରଗାନା କଡାପେସି । ୩୭ ଇଚିହଁ ନାନୁ ମିକା ଖେସିମାଞ୍ଜାଲି, ମାହାପୁରୁ ପତିତା ରାସ୍ତକି ଆହାମାନାୟି ସାତେଏ ନାକେତାକି ଆନାୟି ମାନେ, ଏଞ୍ଜାସି ପାପୁ ଗାଟାରି ତଲେ ଲେକା ଆନେସି, ଏଲେଆହଁଏ ଏ ବାରେ ନାକେ ଏଜାତାଟିମାନେ ।”

୩୮ ଏମ୍ବାଟିଏ ଏଞ୍ଜାରି ଏଲେଇଚେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ ।” ଇଞ୍ଜା ଏଞ୍ଜାସି ଏଲେଇଚେସି, “ହାଅ, ଏଞ୍ଜିଏ ସାରି ଆନୁ ଇଚେସି ।”

ଜୀସୁ ଜୀତ ହରୁତା ପ୍ରାତାନା କିନାୟି

(ମାତି ୨୨:୩୬-୪୨; ମାର୍କ ୧୪:୩୨-୪୨)

୩୯ ଏଞ୍ଜାସି ଗାଡ଼ାଟି ହଡ଼ା ହାଜାନା ତାନୁ ହାଲୁଡ଼ିଲେହେଁ ଜୀତ ହରୁତା ହାଚେସି, ଅଡ଼େ ସୀସୁୟାଁ ଜିକେଏ ଏଞ୍ଜାଣି ଜେଚ ହାଚେରି । ୪୦ ଏମ୍ବାଆଁ ଏଜାନା ଏଞ୍ଜାସି ତାନି ସୀସୁୟାଁଲି

ଖେସ୍ତେସି, “ମୀରୁ ଏନିକିଁ ପାନ୍ଦାତା ହେରୁଞ୍ଜି ଆଅତେରି, ଇଦାଆଁତାକି ପ୍ରାତାନା କିଦୁ ।”

୪୧ ଅଡ଼େ ଏଞ୍ଜାସି ଏଞ୍ଜାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହଁ ଖେସ୍ତେସି, ୪୨ “ଏ ଆବା ନାନୁ ମନ କିତିହଁ ଇ ଦୁକୁ କସ୍ତୁ ନା ତାଣାଟି ଗୁଚି କିମ୍ନୁ; ସାମା ନା ମନ କଡ଼େ ଆଏ ନୀ କାତେଏ ଆପେ ।” ୪୩ ଅଡ଼େ ଲାକପୁରୁତି ର ଦୁହୁ ତଞ୍ଜାଆହାନା ଏଞ୍ଜାଣାକି ବାଡ଼ୁୟୁ ହାତେ । ୪୪ ଏଚେଟିଏ ଏଞ୍ଜାସି ହାଚେକା ଦୁକୁ ତଲେ ଅଡ଼େ ଗାଡ଼ିକିହଁ ପ୍ରାତାନା କିତେସି, ଇଞ୍ଜା ଏଞ୍ଜାଣି ଗାମା ନେଚେରିଲେହେଁ ବୁମିତା ତରଗିମାଚେ ।

୪୫ ଅଡ଼େ ଏଞ୍ଜାସି ପ୍ରାତାନାଟି ନିକା ଖାହାନା ତାନି ସୀସୁୟାଁଣି ଦୁକୁ ତଲେ ଇଦା କିତାଣି ମେସ୍ତେସି; ୪୬ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକିଁ ହେରୁଞ୍ଜିଅତେରି ଏଦାଆଁତାକି ନିକାମା ପ୍ରାତାନା କିଦୁ ।”

ଜୀସୁଇଁ ଦହ୍ନି କାତା

(ମାତି ୨୨:୪୭-୫୨; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଞ୍ଜାସି ଜଳିମାଚାଟି ର ମାନ୍ଦା ଲକୁ ଏମ୍ବାଆଁ ଏଗା ଖାଚେରି, ଅଡ଼େ ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଚାସି ଏଞ୍ଜାରି ନକିତା ଖାହାନା ଜୀସୁଇଁ ନଣ୍ଡାଲି ତାନି ତାଣା ହାଚେସି । ୪୮ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ଏ ଜୀହୁଦା ନଣ୍ଡାନା ମାଣ୍ଡସି ମୀରଏଣାଇଁ ସାତୁୟାଁ କେୟୁତା ହେରପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଚାରି ଇଦି ଏନାୟି ଇଞ୍ଜିଁ ପୁଞ୍ଜାନା ଜୀସୁଇଁ ଏଲେଇଚେରି, “ଏ ପ୍ରବୁ ମାମ୍ବୁ ଇଞ୍ଜାରାଇଁ କାଣ୍ଡାତଲେ ପାୟିନମି କି ?” ୫୦ ଅଡ଼େ ଏଞ୍ଜାରି ରଅସି କାଜା ପୂଜେରା ହଲେଏଣାଇଁ ଇରହାନା ତାନି ଚିଃନି କିୟୁଁ ଦାଡ଼ାତୁସ୍ତେସି ।

୫୧ ସାମା ଜୀସୁ ଏଲେଇଚେସି, “ଇଚେକେଏ ଆଡ଼େ” ଇଞ୍ଜାନା ଏଞ୍ଜାଣି କିୟୁଁ ତୁୀଗାନା ନେହଁ କିତେସି ।

୫୨ ଅଡ଼େ ଜୀସୁ ତାକେ ଆସାଲି ଖାହାମାଟି କାଜା ପୂଜେରା, ମାହାପୁରୁ ଇଲୁତି କାପୁଗାଟାରି ଅଡ଼େ ଲକୁତି କାଜାରାଇଁ ଏଲେଇଚେସି, “ମୀରୁ ସରୁଇଁ ଆହ୍ନିଲେହେଁ ଇଟା କାଣ୍ଡା ଅଡ଼େ ଚେକାୟାଁ ଆସାନା ଖାହାମାଞ୍ଜେରି ? ୫୩ ☆ନାନୁ କାଲେଏ ମୀ ତଲେ ମାହାପୁରୁ ଇଲୁତା ମାଚେଏ, ଏଚିବେଲା ମୀରୁ ନାକେ ଆସ୍ରାଆତେରି; ସାମା ଇ ଦିନା ମୀଦିଏ ଅଡ଼େ ଆନ୍ଦେରିତି ବାଡ଼ୁୟୁ ରାଜିକିନି ଦିନା ।”

☆ ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪

☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

ପିତର ଜୀବୁଇଁ ପୁଞ୍ଜାହିଲଅଁ ଇଞ୍ଜିଁ ଇନାୟି  
(ମାତି ୨୭:୫୭, ୫୮, ୬୯-୭୫; ମାର୍କ ୧୪:୫୩, ୫୪, ୬୭-୭୯; ଜହ ୧୮:୧୨-୧୮, ୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଇଁ ଅହାନା କାଜା ପୂଜେରା ଇଜ ତାତେରି; ସାମା ପିତର ହେକ ମାଞ୍ଜାନା ଜେଟ ଜେଟ ହାଚେସି । ୫୫ ଅଡେ ଏଞ୍ଜାରି ଆଂଗେଣିତା ହିରୁ ତାସାନା ହିରୁ ସାରିସୁରୁ କୁରିତେରି, ଇଞ୍ଜାଁ ପିତର ଜିକେଏ ଏଞ୍ଜାରିତଲେ କୁରିତେସି । ୫୬ ଏମ୍ବାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଇଁ ସିନିକିହାନା ଏଲେଇଚେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଚାସି ।”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଞ୍ଜାଣାଇଁ ପୁଣ୍ଠମ୍ବୁ ପୁଞ୍ଜାହିଲଅଁ ।”

୫୮ ଅଡେ ଗାଡେକା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଞ୍ଜାରି ବିତ୍ରାଟି ରଅତି ।” ସାମା ପିତର ଏଲେଇଚେସି, “ଆଏ ତାୟି ନାନୁ କଡେ ଆଏ ।”

୫୯ ଅଡେ ର ଗଂଟା ହାଜାଲିଏ ଅର ରଅସି ଏଲେଇଚେସି, “ସାତେଏ ଇଞ୍ଜାସି ଏଞ୍ଜାରିତଲେ ମାଚାସି, ଏନିଇଚିହଁ ଇଞ୍ଜାସି ଗାଲିଲି ଦେସାତାସି ।”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏଦାଆଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଣ୍ଡେ; ୬୧ ଏମ୍ବାଟିଏ ପ୍ରବୁ ମୁମ୍ବୁ ପେରହାନା ପିତରଇଁ ସିନିକିତେସି; ଏମ୍ବାଟିଏ ନୀଞ୍ଜୁ କୟୁ କେଣ୍ଡା ନବେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସ୍ତି ଇ କାତା ତାନି ମନତା ଖାଡେ, ୬୨ ଇଞ୍ଜାଁ ଏଞ୍ଜାସି ପାଙ୍ଗାତା ହାଜାନା ଗାତି ଦୁକୁ ଆହାନା ତାତେସି ।

**ଜୀବୁଇଁ ନିନ୍ଦାକିହଁ କାକ୍ନାୟି ଅଡେ ଖେନାୟି**  
(ମାତି ୨୭:୬୭, ୬୮; ମାର୍କ ୧୪:୬୫)

୬୩ ଅଡେ ଆମିନିଗାଟାରି ଜୀବୁଇଁ ଆସା ଇଟାମାଚେରି, ଏଞ୍ଜାରି ଏଞ୍ଜାଣାଇଁ ଖେଚି ଖେଚିହଁ କାକ୍ନାହେରି, ୬୪ ଅଡେ ଏଞ୍ଜାଣି ମୁମ୍ବୁତା ହିମ୍ବୁରି ପୁକ୍ହାନା ଖେଚେରି, “ନାନୁସାଁ ମାହାପୁରୁ ଅଣପୁତି ବଲୁ ଖେହନାତି ! ଖେସ୍ତାମ୍ବୁ ନିଙ୍ଗେ ଆମ୍ବାଆସି ଖେତାତେସି ?” ୬୫ ଅଡେ ଏଞ୍ଜାରି ହାରେକା କାତା ଏଞ୍ଜାଣି କପାଟି ଜଲ୍ଲାନା ଏଞ୍ଜାଣି ନିନ୍ଦାକିତେରି ।

**ବେରଣିମାଣ୍ଡା ନକିତା ଜୀବୁ**

(ମାତି ୨୭:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୬୬ ଲାଇ ଖେୟାଲିଏ ଲକୁତି କାଜାରି, କାଜା ପୂଜେରାଙ୍ଗା ଅଡେ ମେରାପୁନାରି ରୁଣ୍ଡା ଆହାନା ତାମି ବେରଣିମାଣ୍ଡାତା ଜୀବୁଇଁ ଅହାନା ଖେଚେରି, ୬୭ “ନାନୁ କ୍ରୀସ୍ତତିକି ମାଙ୍ଗେ ଖେସ୍ତାମ୍ବୁ ।” ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ମିଙ୍ଗେ ଖେସ୍ତାସାରେ ମୀରୁ ନାମଅତେରି; ୬୮ ଅଡେ ନାନୁ

ଖେଞ୍ଜାତିହଁ ମୀରୁ ଖେସାଲି ଆଡଅତେରି । ସାମା ନୀଏଟିଏ ମାଣ୍ଡି ମୀରୁଏସି ବାଡ଼ୁୟୁଗାଟି ମାହାପୁରୁ ଚିଝନି ଟଟତା କୁରିନେସି ।”

୬୯ ଏମ୍ବାଟିଏ ବାରେଜାଣା ଖେଚେରି, “ଆତିହଁ ନାନୁ ମାହାପୁରୁ ମୀରୁଏଣାତିକି ?”

ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁତ ଖେସିମାଞ୍ଜାଦେରି, ନାନୁ ଏଞ୍ଜାତେଏଁ ।”

୭୦ ଏଚେଟିଏ ଏଞ୍ଜାରି ଏଲେଇଚେରି, “ମାଙ୍ଗେ ଅଡେ ଏନି ସାକି ଲଡ଼ା, ମୀରତ ଇ କାତା ତାନି ଗୁଡିଟିଏ ଖେଚାୟି ।”

**୨୩**

**ପିଲାତ ନକିତା ଜୀବୁ**

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଙ୍ଗାନା ଜୀବୁଇଁ ପିଲାତ ନକିତା ଅଡେରି । ୨ ଇଞ୍ଜାଁ ଏଞ୍ଜାରି ଜୀବୁ କପାଟି ଦହ ଦସାନା ଏଲେଇଚେରି, “ମାମ୍ବୁ ପୁଟମି ଇଞ୍ଜାସି ମା କୁଡାତି ଲକୁଣି ପଲ୍ଲଆ ଜାପୁହିମାନେସି, ଇଚିହଁ ଇଞ୍ଜାସି କାୟିସରକି ସିସୁ ହୁଆଦୁ, ତାନୁ ନାନୁଏ କ୍ରୀସ୍ତ ଅଡେ ରାଜାତେଏଁ ଇଞ୍ଜିଁ ଖେସା କଡିମାନେସି ।”

୩ ଏଚେଟିଏ ପିଲାତ ଜୀବୁଇଁ ଖେଚେସି, “ନାନୁ କି ଜୀହୁଦି ଲକୁତି ରାଜାତି ?”

ଜୀବୁ ଖେସ୍ତେସି, “ନାନୁତ ଖେସିମାଞ୍ଜି ।”

୪ ଏଚେଟିଏ ପିଲାତ କାଜା ପୂଜେରା ଅଡେ ବାରେ ଲକୁଣି ଏଲେଇଚେସି, “ନାନୁ ଇଞ୍ଜାଣି ତାଣା ଏନି ଦହ ପ୍ଲାଃଆତେଏଁ ।”

୫ ସାମା ଏଞ୍ଜାରି ଗାଡିକିହଁ ଜଲିତେରି, “ଇଞ୍ଜାସି ଗାଲିଲିଟିଏ ମାଟୁହାନା ଇମ୍ବା ପାଡେକା ବାରେ ଜୀହୁଦା ଦେସାତି ଲକୁଣି ଜାପୁହାନା ଲାଗେଏ କିହିମାନେସି ।”

**ହେରଦ ନକିତା ଜୀବୁ**

୬ ସାମା ପିଲାତ ଇ କାତା ଖେଞ୍ଜାନା ଖେଚେସି, “ଇଞ୍ଜାସି ଗାଲିଲିତାସିକି ?” ୭ ଇଞ୍ଜାଁ ଏଞ୍ଜାସି ହେରଦ ରାଜା ରାଜି ତାସି ଇଞ୍ଜିଁ ପୁଞ୍ଜାନା ଏଞ୍ଜାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ ଏଚିବେଲା ହେରଦ ଜିରୁସାଲମତା ମାଚେସି । ୮ ହେରଦ ଜୀବୁଇଁ ମେସାନା ହାରେକା ରାହାଁ ଆଡେସି, ଏନିଇଚିହଁ ଏଞ୍ଜାସି ଏଞ୍ଜାଣି କାତା ଖେଞ୍ଜା ମାଚାକି ଏଞ୍ଜାଣାଇଁ ହାରେକା ଦିନାଟିଏ ମେସାଲି ମନ କିହିମାଚେସି, ଇଞ୍ଜାଁ ଏଞ୍ଜାଣି ତାଣାଟି ଏନି କାବାଆନି କାମାକିନାଣି ମେହୁଇଁ ଇଞ୍ଜିଁ ଆସା କିହିମାଚେସି । ୯ ହେରଦ ଜୀବୁଇଁ ଏନି ଏନି କାତାୟାଁ ଖେଚେସି, ସାମା ଜୀବୁ ଏଞ୍ଜାଣାଇଁ ଏନି କାତାଞ୍ଜା ଖେଣ୍ଡେ ଖେହୁଆତେସି । ୧୦ ସାମା କାଜା ପୂଜେରାଙ୍ଗା ଅଡେ ମେରାପୁନାରି ନିଚାନା ଏଞ୍ଜାଣି କପାଟି ଆଜିହପେତି କାତାୟାଁ ଜଲିମାଚେରି । ୧୧ ଏଚେଟିଏ ହେରଦ

ତାନି କସ୍କା ତଲେ ଏଝାଣାଲ୍ କାକ୍‌ହି କାକ୍‌ହିହିଁ ନିନ୍ଦାକିତେରି ଏତେଟିଏ ର ପାରୁ ହିମ୍‌ରି ଏଝାଣାଲ୍ ହୁଟି କିହାନା ପିଲାତ ତାଣା ଝେଣ୍ଡେ ପାଣ୍ଡିତେରି । ୧୨ ଏ ଦିନାଟିଏ ପିଲାତ ଅଡ଼େ ହେରଦ ତଟେଣ ଆଡ଼େରି; ଏଝାରି ନକେଏ ସାତୁୟାଲେହେଁ ମେସ୍‌ପି ଆଝିତେରି ।

**ଜୀସୁକି ହାନି ଡଣ୍ଡ**

(ମାତି ୨୭:୧୫-୨୬; ମାର୍କ ୧୫:୨-୧୫; ଜହ ୧୮:୩୯; ୧୯:୧୬)

୧୩ ଏମ୍ବାଟିଏ ପିଲାତ କାଜା ପୁଜେରା ଜୀହୁଦି ଲକୁଡି କାଜାରି ଅଡ଼େ ବାରେ ଲକୁଲ୍ ହାଟି କିହାନା ଏଝାରାଲ୍ ଏଲେଇଚେସି, ୧୪ “ଇଝାସି ଲକୁଣି ପଲ୍‌ଆ ଜାପୁହିମାନେସି ଇଞ୍ଜିଁ ମୀରୁ ନା ତାଣା ତାତେରି; ସାମା ନାନୁ ଏଝାଣାଲ୍ ମୀ ନକିତା ତାୟିପାରି କିତେଏଁ ଇଞ୍ଜାଁ ମୀରୁ ଝେସାମାଞ୍ଜାତି ଏନ୍ଦି ଦହ ଏଝାଣି ତାଣା ପୁଃଆତେଏଁ, ଇଞ୍ଜାଁ ହେରଦ ଜିକେଏ ପୁଃଆତେସି, ୧୫ ଏନ୍ଦିଇଚିହିଁ ହେରଦ ଅଡ଼େ ଝେଣ୍ଡେ ନା ତାଣା ପାଣ୍ଡାତେସି; ଇଞ୍ଜାଁ ମେହ୍‌ପୁ ଇଝାସି ହାନି ଡଣ୍ଡ ପାଣ୍ଡି ଏନ୍ଦି ଦହଝା କିହାହିଲଅସି; ୧୬ ଏଦାଆଁତାକି ନାନୁ ଇଝାଣାଲ୍ ସାଟୁଣି ତଲେ ଝେଚାନା ପିହ୍‌ଲ୍ ।” ୧୭ ପିସ୍‌ପିଆନ୍ଦି ପାରୁ ବେଲା କାୟିଦି ମାନାରି ବିତ୍ରାଟି ରଅଣାଲ୍ ଏଝାରାକି ପିସାଲି ମେରା ମାଚେ ।

୧୮ ସାମା ଏଝାରି ରହେଏ ଗାଡିକିହିଁ ଏଲେଇଚେରି, “ଇଝାଣାଲ୍ ପାୟାଦୁ ବାରବାଲ୍ ମାଙ୍ଗେ ପିସାହିୟାମୁ !” ୧୯ ଇ ବାରବାଲ୍ ଗାଡାତି ଗଡ଼ହା ତାକି ଇଞ୍ଜାଁ ରଅଣାଲ୍ ପାୟାମାଚାକି କାୟିଦି ଇଚାମାଚେରି ।

୨୦ ସାମା ପିଲାତ ଜୀସୁଲ୍ ପିସାଲି ଅଣ୍‌ପାନା ଲକୁ ମାନ୍ଦାତି ଅଡ଼େ ପୁଣ୍ଡି କିହାଲି ଝେସ୍‌ସେସି । ୨୧ ସାମା ଏଝାରି କାଜା ହାଡାତଲେ ଏଲେଇଚେରି, “ଏଝାଣାଲ୍ ପାସି ମୁଣ୍ଡାତା ଏକ୍‌ଦୁ ପାସି ମୁଣ୍ଡାତା ଏକ୍‌ଦୁ ଇଞ୍ଜିଁ ଇଚେରି ।”

୨୨ ଇଞ୍ଜାଁ ଏଝାସି ଅଡ଼େ ତାନି ପାଲି ଝେସ୍‌ସେସି, “ଏଦାଆଁତାକି, ଏଝାସି ଏନ୍ଦି ଦହ କିହାମାନେସି ? ନାନୁ ଏଝାଣି ତାଣା ଏନ୍ଦି ହାନିହଗେତି ଦହ ପୁଃଆତେଏଁ; ଏଦାଆଁତାକି ନାନୁ ଏଝାଣାଲ୍ ସାସ୍ତି ହାହାନା ପିହ୍‌ଲ୍ ।”

୨୩ ସାମା ଏଝାରି କାଜା ଗିୟାତଲେ ଏଝାଣାଲ୍ ପାସି ମୁଣ୍ଡାତା ଏକ୍‌ହାଲି ଝେସ୍‌ସେରି, ତାୟୁ ଏଝାରି ଝେସ୍‌ସାୟିଏ ଆଡ଼େ । ୨୪ ଇଞ୍ଜାଁ ଏଝାରି ଝେସ୍‌ସିଲେହେଏ କିୟାଲି ପିଲାତ ହୁକୁମି ହୀତେସି; ୨୫ ସାମା ଆନିନିଗାଟାସି ଗଡ଼ହା ଅଡ଼େ ଲକୁଣି ପାୟାଲିଏ କାୟିଦିତା ଇଚାମାଚାଣାଲ୍ ରାସା ମାଚେରି ପିସ୍‌ସେସି, ଅଡ଼େ ଜୀସୁଲ୍ ଏଝାସି

ଏଝାରି ଅଣ୍‌ପିତି ଲେହେଁ କିୟାଲି ଏଝାରିତାଣା ହେରପିତେସି ।

**ଜୀସୁଲ୍ ପାସି ଏକ୍‌ନାୟି**

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୬ ଏଝାରି ଜୀସୁଲ୍ ଅହିମାଚାଟି ସିମନ ଦରୁଗାଟି କୁରିଣି ଦେସାତି ର ନାୟୁଟି ଝାହିମାଚେସି, ଏଝାରି ଏଝାଣାଲ୍ ପାସିମୁଣ୍ଡା ଡେକି କିହାନା ଜୀସୁ ଜେତ ଜେତ ଅଡ଼େରି ।

୨୭ ମାନ୍ଦା ଲକୁ ଜୀସୁ ଜେତ ହାଜିମାଚେରି ଅଡ଼େ ତାନି ତାକି ବକତା ଝେଚା କଡିହିଁ ଡାହି ଡାହିଁ ଏତରଜାଣା ଇୟାସିକା ଜିକେଏ ଏଝାଣି ଜେତ ହାଜିମାଚୁ । ୨୮ ସାମା ଜୀସୁ ଏଝାସିକାଝାକି ସିନିକିହାନା ଏଲେଇଚେସି, “ଆଲ, ଜିରୁସାଲମତି ମାସ୍କାତେରି ନା ତାକି ଡାଆଦୁ ସାମା ମୀ ତାକି ଅଡ଼େ ମୀ କକାରି ପଦାଁ ତାକି ଡାଦୁ; ୨୯ ହେଣ୍ଡୁ ଇଲେତି ଦିନା ଝାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏଚେଲା ପୁରାମାସା ଆହାହିଲାଡ ଅଡ଼େ ପାଲୁ ଉଟ୍‌ହା ହିଲାଡ ଲକୁ ଏଝାସିକାଣି ମିଙ୍ଗେଏ ନେହେଁ ଇଞ୍ଜାନେରି । ୩୦ ଏଚିବେଲା ଲକୁ ହରକାଣି ଏଲେଇଚେରି ମା ଲାକ ତରଗାଦୁ ଅଡ଼େ ଉଣା ହରକାଣି ଏଲେଇଚେରି ମାଙ୍ଗେ ପୁକ୍‌ହାନା ଡକୁହାଦୁ । ୩୧ ଏନ୍ଦିଇଚିହିଁ ଲକୁ ହିଲି ମାରୁନ୍‌ଡି ଏଲେକିଡିହିଁ, ଏନ୍ଦି ଝାୟିସାଚେ ଏଦାଆଁ କିହାଁ ଆଗାଡା କିଅରିକି ?”

୩୨ ଦହଗାଟାରି ରିଆରି ଜିକେଏ ପାସି ଏକ୍‌ହାଲି ଜୀସୁତଲେ ଅଝିଆଡ଼େରି । ୩୩ ଏମ୍ବାଟିଏ ଏଝାରି ତାୟୁଁ ରୁପା ଇନି ଟାୟୁତା ଏଜାନା ଏମ୍ବାଆଁ ଜୀସୁଲ୍ ପାସି ମୁଣ୍ଡାତା ଏକ୍‌ହାନା ଏ ରୀ ଦହଗାଟାରି ବିତ୍ରାଟି ରଅଣାଲ୍ ଏଝାଣି ଚିଃନିଝାକି ଅଡ଼େ ରଅଣାଲ୍ ଏଝାଣି ଚେବିଝାକି ପାସି ଏକ୍‌ହେରି । ୩୪ ଏଚିବେଲା ଜୀସୁ ଏଲେଇଚେସି, “ଏ ଆଡା ଏଝାରି ଦହ ଆହ୍‌ଆନି, ଇଚିହିଁ ଏଝାରି ଏଦାଆଁ କିହିମାନେରି ଏଦାଆଁ ପୁଞ୍ଜାହିଲଅରି ।”

ଅଡ଼େ ଏଝାରି ଏଝାଣି ହିମ୍‌ରି ବାଟିକିହାଲି ପାଦି କିତେରି । ୩୫ ଇଞ୍ଜାଁ ଲକୁ ବାରେ ନିଚାନା ସିନିକିହିମାଚେରି, ଏଝାରି ବିତ୍ରାଟି କାଜାରି ଜିକେଏ ନିନ୍ଦାକିହିଁ ଏଲେଇଚେରି, “ଏଝାସି ଏଟକା ଲକୁଣି ଗେଲ୍‌ପିତେସି; ଏଝାସି ମାହାପୁରୁ ଆଟିତି କ୍ରୀସୁ ଇଚିହିଁ ତାନୁଏ ତାଙ୍ଗେ ଗେଲ୍‌ପିକିହା କତାପେସି ।”

୩୬ କସ୍କା ଜିକେଏ ଏଝାଣି ତାଗେ ହାଜାନା ପୁଲାଏୟୁ ଗସାଲି ହାହାଁ ଏଝାଣାଲ୍ କାକ୍‌ହିହିଁ ଏଲେଇଚେରି, ୩୭ “ନାନୁ ଜୀହୁଦି ଲକୁଡି ରାଜାତି ଇଚିହିଁ ନାନୁଏ ନିଙ୍ଗେ ପିସ୍‌ପି କିହାକଡାମୁ ।”

☆ ୨୩:୩୦ ୨୩:୩୦ ଝେ ବଲୁ ୬:୧୭

୩୮ ଇଞ୍ଜା ଏଝାଣି ପାସିମୁଣ୍ଡା ଲାକ ଇଲେଇଞ୍ଜି ରାସ୍‌କି ଆହାମାରେ, “ଇଝାସି ଜୀହୁଦି ଲକୁଡି ରାଜା ।”

୩୯ ଅଡେ ପାସି ମୁଣ୍ଡାତା ପାସି ଏକହାମାଟି ଦହଗାଟାରି ବିତ୍ରାଟି ଜିକେଏ ରଅସି ଏଝାଣାଇଁ ନିନ୍ଦାକିହିଁ ଏଲେଇରେସି, “ନୀନୁ କ୍ରୀସ୍ତତି ଆଏକି ? ନିଜେ ଅଡେ ମାଜେ ପିସ୍‌ପି କିୟାମୁ ।”

୪୦ ସାମା ଅଡେ ରଅସି ଏଝାଣାଇଁ ଦାକା ହାହାନା ଏଲେଇରେସି, “ନୀନୁ ଏଝାଣିଲେହେଁ ତଣ୍ଡ ବେଟାଆହିଁ ଜିକେଏ ନିଜେ ମାହାପୁରୁଇଁ ଆଜି ହିଲେଏ ? ୪୧ ଅଡେ ମାରସା ନୀହାୟି ତଲେ ତଣ୍ଡ ବେଟାଆହିଁ ମାନାୟି, ଇତିହିଁ ମା କିତି କାମାଟି ପାଡେୟି ବେଟାଆହିଁ ମାନାୟି; ସାମା ଇଝାସି ଏନି ଦହ କିହାହିଲଅସି ।” ୪୨ ଇଞ୍ଜା ଏଝାସି ଜୀସୁଇଁ ଏଲେଇରେସି, “ଏ ଜୀସୁ ନୀନୁ ନୀ ରାଜିତା ହାଟିସାରେ ନାଜେ ଅଣ୍‌ପାମୁ ।”

୪୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇରେସି, “ନୀନୁ ନିଜ ସାତା ଝେସିମାଞ୍ଜାଇଁ, ନୀଞ୍ଜୁ ନୀନୁ ଲାକପୁରୁତା ନା ତଲେ ମାଞ୍ଜି ।”

**ଜୀସୁତି ହାକି**

(ମାତି ୨୭:୪୫-୪୭; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏଟିବେଲା ସମାନା ବାରଗଂଟା ଆହାମାରେ, ଅଡେ ଝେଡ଼ା ଉଜେଡ଼ି ହାଆତାକି ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାମାରେ, ୪୫ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବରି ରୀ ବାଗା ଆହିଁ ଗେଞ୍ଜା ହାଟେ । ୪୬ ଅଡେ ଜୀସୁ କାଜା ଗିୟାତଲେ ହାଟିହିଁ ଏଲେଇରେସି, “ଏ ଆବା ନୀ କେୟୁତା ନା ଜୀସୁତି ହେର୍‌ପିମାଞ୍ଜାଇଁ !” ଏଲେଇଞ୍ଜି ଜଲାନା ତାନି ଜୀସୁ ହାଟେ ।

୪୭ ଏଦାଆଁ ମେସାନା ପାସାକଡ଼ି କସକା ମୁହେଁ କାଜାସି ମାହାପୁରୁଇଁ ଜହରା କିହିଁ ଏଲେଇରେସି, “ଇଝାସି ସାତେଏ ତାରିଗାଟାସି ମାରେସି ।”

୪୮ ଇଞ୍ଜା ଏଝାଣାଇଁ ମେସାଲି ରୁଣ୍ଡା ଆହାମାଟି ବାରେ ଲକୁ ଇ ବାରେ ମେସାନା ବକତା ଝେଟା କଡ଼ିହିଁ ଝେଣ୍ଡା ହାଟେରି । ୪୯ ସାମା ଜୀସୁଇଁ ପୁଞ୍ଜାମାଟି ବାରେ ଲକୁ ଇଞ୍ଜା ଗାଲିଲିଟି ରହେଏ ଆଣ୍ଡାନା ତାନି ଜେଟ ଜେଟ ଝାହାମାଟି ଇୟାସିକା ହେକ ନିଚାନା ଏ ବାରେ ସିନିକିହିଁମାତୁ ।

**ଜୀସୁଇଁ ମୁହନାୟି**

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜା ଜୀହୁଦି ଦେସାଟି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକୁଡି କାଜା କୁଲମିତି ରଅସି ମାରେସି; ଏଝାସି ନେହାସି ଇଞ୍ଜା ତାରିଗାଟାସି ମାରେସି । ୫୧ ଜୀହୁଦାତି ହାରାମାତିୟା

ଇନି ନାୟୁତି ଜସେପ ଇନାସି ର ମାଣ୍ଡସି ମାରେସି । ଏଝାସି ଦାମ୍‌ଗାଟାସି ଇଞ୍ଜା ମାନି ଗାଟାସି ମାରେସି ଅଡେ ମାହାପୁରୁତି ରାଜି ଝାନାଣି କାଟିମାରେସି । କାଜା ବେରଣିତି ମାଣ୍ଡସି ମାଟିହିଁ ଜିକେଏ, ଏଝାସି ଏଝାରି କାତା ଅଡେ କାମାତା ଆଣ୍ଡିହିଲିଆତେସି । ୫୨ ଏଝାସି ପିଲାତ ତାଣା ହାଜାନା ଜୀସୁ ମାଡ଼ହାଟି ରାସ୍‌ସେସି, ୫୩ ଇଞ୍ଜା ମାଡ଼ହାଟି ରେପ୍‌ହାନା ନେହିଁ ପାତାତା ହିମ୍ବରି ରୁପାନା ଏମ୍ବାଆଁ ହରୁତା କାରହାମାଟି ଏରେଲା ଆମ୍ବାଆରି ମୁସାହିଲିଆ ମାଡ଼ହା ମୁହନି ଟାୟୁତା ଏଝାଣାଇଁ ମୁସ୍‌ସେରି । ୫୪ ଏ ଦିନା ତିୟାରା ଆନି ଦିନା ମାରେ ଅଡେ ଜମିନି ଦିନା ଏଗା ଝାହିମାରେ ।

୫୫ ଅଡେ ଗାଲିଲିଟି ଝାହାମାନି ଇୟାସିକା ଜେଟ ଜେଟ ହାଜାନା ମାହଣି ମାଣ୍ଡା ଅଡେ ତାନି ମାଡ଼ହା ଏନିକିଁ ମୁସାମାଟାଣି ମେସୁ, ୫୬ ଇଞ୍ଜା ଏଝି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜା ଗାନ୍ଦାଗାଟି ଆସ୍ତି ତିୟାରା କିତୁ । ଇଞ୍ଜା ଜମିନି ଦିନାତା ତାନି ମେରାଲେହେଁ ଜମିତୁ ।

**୨୪**

**ଜୀସୁ ହାହାନା ଝେଣ୍ଡେ ନିଜିନାୟି**

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡେ ଜମିନି ଦିନାତି ମେରା ତଲେ ଜମିତୁ, ସାମା ଝାଟାତି ତଲିତି ଦିନାତା ଜୁଲୁପୁଲୁ ଝେୟାଲିଏ ଏଝି ତାମ୍‌କୁକିହାମାଟି ଗାନ୍ଦାନିୟୁଁ ଆସାନା ମାହଣି ମାଣ୍ଡାତା ହାରୁ । ୨ ଇଞ୍ଜା ମାହଣି ମାଣ୍ଡାତା ପୁକ୍‌ହାମାଟି ଝାଲି ଗୁଟା ଆହାମାନାଣି ମେସୁ, ୩ ସାମା ଏଝି ବିତ୍ରା ହାଜାନା ପ୍ରବୁ ଜୀସୁତି ମାଡ଼ହା ଏମ୍ବାଆଁ ମେହ୍‌ଆତୁ । ୪ ଏଝି ଏଦାଆଁତାକି ବିଲକି ଆହିମାଟି ଦେବୁଣିଏ ମୁହନି ହିମ୍ବରି ହୁଟାମାଟି ରିଆରି ଏଝାସିକା ନକିତା ନିଚାମାନେରି । ୫ ଏମ୍ବାଟିଏ ଏଝି ଆତାଜାକା ଆହାନା ବୁନିତା ତାର୍କା ଲେସୁ ଇଞ୍ଜା ଏଝାରି ଏଝାସିକାଣି ଏଲେଇରେରି, “ମୀରୁ ଏଦାଆଁତାକି ହାଡ଼ାରି ବିତ୍ରାଟି ନୀତାମାନାରାଇଁ ପାରିମାଞ୍ଜେରି ? ୬ ଏଝାସି ଇମ୍ବାଆଁ ହିଲଅସି, ଏଝାସି ନିଜାମାନେସି, ଏଝାସି ଗାଲିଲିତା ମାଟାଟି ଝେସାମାଞ୍ଜାତାଣି ଅଣ୍‌ପାଦୁ । ୭ ମାଣ୍ଡସି ମୀରଏସି ପାସି ମୁଣ୍ଡାତା ହାୟାଲି ପାପୁ ଗାଟାରି ତାଣା ହେର୍‌ପି ଆନାୟି ମାନେ ଇଞ୍ଜା ତାନି ଦିନାଟିଏ ହାକିଟି ଝେଣ୍ଡେ ନିଜିନେସି ।”

୮ ଏମ୍ବାଟିଏ ଏଝି ଏଝାଣି ଝେସ୍ତି କାତା ଅଣ୍‌ପିତୁ, ୯ ଇଞ୍ଜା ଏଝି ମାହଣି ମାଣ୍ଡାଟି ଝେଣ୍ଡା ହାଜାନା ଏଗାର ଜାଣା ସୀସୁୟାଁ ଅଡେ ଏଟକା ତାରାଇଁ ଇ ବାରେ କାତା ଝେସୁ । ୧୦ ଏଝି ମଗ୍‌ଦଲିନି ମରିୟମ, ଜହାନା, ଜାକୁବ ତାନି ଇୟା ମରିୟମ ଅଡେ ଏଝାସିକାତଲେ ମାଟି ଏଟକାତି ଇୟାସିକା; ଇଝି

☆ ୨୪:୬ ୨୪:୬ ମାତି ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩



ପାଣ୍ଡୁ ଆହାମାନାରାଇଁ ଇ ବାରେ କାତା ଖେସ୍ତୁ ।  
 ୧୧ ସାମା ଇ ବାରେ କାତା ଏଞ୍ଜାରି ନକିତା ମନତା  
 ଗାଡ଼ିକିତି ର ପୁସ୍ତପନି ଲେହେଁ ଆଡେ, ଅଡେ ଏଞ୍ଜାରି  
 ଏଞ୍ଜାସିକାଣି ନାମାଆଡେରି । ୧୨ ସାମା ପିତର  
 ନିଜ୍ଞାନା ମାଡ଼ହା ମୁହନି ଟାମୁତା ହଟି ହଟିହ  
 ହାଚେସି, ଇଞ୍ଜା କାପାନା ସିନିକିତେସି ଏମ୍ବାଆଁ  
 ପାଡ଼ାଡ଼ା ହିମ୍ବରିକା ମେସ୍ତେସି, ଇଞ୍ଜା ଇଦି ଏନି ଆଡେ  
 ଇଞ୍ଜା କାବାଆହାନା ତାନି ଇଜ ହାଚେସି ।

**ଇମାୟୁତା ହାନାୟି**  
 (ମାଡ଼ି ୧୭:୧୨, ୧୩)

୧୩ ଏ ନେରୁ ଏଞ୍ଜାରି ବିତ୍ରାଟି ରିଆରି  
 ଜିରୁସାଲମଟିଏ ଏଗାର କିଲମିଟରଲେହେଁ ହେକ  
 ମାଡ଼ି ଇମାୟୁ ଇନି ନାୟୁତା ହାଜିମାଚେରି ।  
 ୧୪ ଅଡେ ହାଜି ହାଜିହଁ ଇ ବାରେ କାତା ଜଲ୍ଲକି  
 ଆହିମାଚେରି । ୧୫ ଏଲେକଁ ଖେସ୍ତପି ଆହ  
 ତାମ୍ବୁତାମ୍ବୁ ଜଲ୍ଲକି ଆହିମାଚାଟି ଜୀସୁ ତାମ୍ବୁଏ  
 ଏଞ୍ଜାରିତାଣା ଖାହାନା ଏଞ୍ଜାରିତଲେ ହାଚେସି;  
 ୧୬ ସାମା ଏଞ୍ଜାରି ଏଞ୍ଜାଣାଇଁ ମେସ୍ତ୍ର ଜିକେଏ ପୁଞ୍ଜାଲି  
 ଆଡ଼ାଆଡେରି । ୧୭ ଜୀସୁ ଏଞ୍ଜାରାଇଁ ଖେଚେସି,  
 “ମୀରୁ ହାଜି ହାଜିହଁ ଏନା ଏନାଆଁ ଜଲ୍ଲକି  
 ଆହିମାଖେରି ?” ଏମ୍ବାଟିଏ ଏଞ୍ଜାରି ମୁମ୍ବୁଞ୍ଜାଡ଼ି  
 କିହାନା ନିତେରି । ୧୮ ଅଡେ ଏଞ୍ଜାରି ବିତ୍ରାଟି  
 କ୍ଲେୟାପା ଇନାସି ରଅସି ଏଞ୍ଜାଣାଇଁ ଖେସ୍ତେସି,  
 “ଇ ଖାଚା ବିତ୍ରା ଜିରୁସାଲମତା ଏନା ଏନାୟି  
 ଆଡେ ଏମ୍ବାଆଁ ମାନାରି ବିତ୍ରାଟି ନୀନୁ ରଅତିଏ  
 ପୁଞ୍ଜାହିଲଅତିକ ?”

୧୯ ଏଞ୍ଜାସି ଏଞ୍ଜାରାଇଁ ଖେଚେସି, “ଏନା ଏନାୟି  
 ଆଡେ ?”

ଏଞ୍ଜାରି ଏଞ୍ଜାଣାଇଁ ଖେସ୍ତେରି, “ନାକରିତ ଜୀସୁତି  
 କାତା; ମାହାପୁରୁ ନକିତା ଅଡେ ବାରେ ଲକୁ ନକିତା  
 ଏ ଜୀସୁ କାମାତା ଅଡେ କାତାତା ର ବାଡ଼ୟୁଗାଟି  
 ମାହାପୁରୁ ଅଣପୁତି ବଲୁ ଖେହ୍ନାସି ମାଚେସି,  
 ୨୦ ଅଡେ ମା କାଜା ପୂଜେରାଜା ଅଡେ ସାଲ୍ଲକି  
 କିନାରି ଏଞ୍ଜାଣାଇଁ ହାକି ତଣ୍ଡ ହାହାଲି ହେରପାନା  
 ଏଞ୍ଜାଣାଇଁ ପାସି ମୁଣ୍ଡାତା ଏକହାନା ପାୟିତି କାତା  
 । ୨୧ ସାମା ଏଞ୍ଜାସି ଇସ୍ରାୟେଲ ଲକୁଣି ପିସ୍ତପି  
 କିନାସି ଇଞ୍ଜା ମାମ୍ବୁଆସା କିହାମାଚମି; ସାମା ଇ  
 ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ  
 । ୨୨ ଅଡେ ଜିକେଏ ମା ବିତ୍ରାଟି ଏଚରଜାଣା  
 ଇୟାସିକା ମାଜେ ଆତାଜାକା କିହାମାଞ୍ଜାନୁ; ଏଞ୍ଜି  
 ଲାଇସିଏ ମାଡ଼ହା ମୁହନି ଟାମୁତା ହାଜାମାଡୁ,  
 ୨୩ ଏମ୍ବାଆଁ ଏଞ୍ଜି ଏଞ୍ଜାଣି ମାଡ଼ହା ମେହ୍ଆନା  
 ଖାହାନା ଖେସ୍ତାଡୁ, ଇଞ୍ଜା ଦୁରୁୟା ତଞ୍ଜାଆହାନା  
 ଖେସ୍ତାଚେରି, ଏଞ୍ଜାସି ନୀତାମାନେସି । ୨୪ ଅଡେ  
 ମା ବିତ୍ରାଟି ଏଚରଜାଣା ମାଡ଼ହା ମୁହନି ଟାମୁତା  
 ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା  
 ଏଞ୍ଜାଣାଇଁ ମେହ୍ଆଚେରି ।”

୨୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି,  
 “ଆଡେ ବୁଦି ହିଲିଆଗାଟାଚେରି, ଅଡେ ମାହାପୁରୁ  
 ଅଣପୁତି ବଲୁ ଖେହ୍ନାରି ବାରେ କାତାଟି ନାମାଲି  
 ଆଡ଼ାଆଲେହେଁତି ହିୟାଁ ଗାଟାଚେରି, ୨୬ କ୍ରୀସ୍ତ  
 ଇ ବାରେ କସ୍ତ ବେଟାଆହାନା ତାନି ଗାଞ୍ଜୁରମିତା  
 ହଡ଼ନାୟି ହିଲିଆଚେ କି ?” ୨୭ ମସା ଇଞ୍ଜା  
 ବାରେଜାଣା ମାହାପୁରୁ ଅଣପୁତି ବଲୁ ଖେହ୍ନାରି  
 ତାଣାଟି ମାଡ଼ହାନା ଦାମ୍ବୁ ସାସ୍ତେରିତା ତାନି ତାକି  
 ରାସ୍ତକି ଆହାମାନି ବାରେ କାତା ଏଞ୍ଜାସି ଏଞ୍ଜାରାଇଁ  
 ପୁଣ୍ଡି କିଚେସି ।

୨୮ ଏଞ୍ଜାରି ହାଜିମାଟି ନାୟୁଁ ତାଗେ ଏଜାଲିଏ  
 ଜୀସୁ ଅଡେ ନକିତା ହାନି ଅଣପୁ ତସ୍ତେସି । ୨୯ ସାମା  
 ଏଞ୍ଜାରି ଏଞ୍ଜାଣାଇଁ ଆଂଗିହଁ ଏଲେଇଚେରି,  
 “ମା ତଲେ ତୟାହାଲୀମ୍ବୁ ଏନିଇଚିହଁ ଆନ୍ଦେରି  
 ଆହିମାନେ, ଖେଡ଼ାହାଚେୟିଏ ।” ଏମ୍ବାଟିଏ ଏଞ୍ଜାସି  
 ଏଞ୍ଜାରିତଲେ ତୟାଲି ଇଲୁ ବିତ୍ରା ହାଚେସି ।  
 ୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିତି  
 ତାୟୁ ଏଞ୍ଜାସି ରୁଟି ଆସାଁ ମାହାପୁରୁଇଁ ଜହରା  
 କିଚେସି, ଇଞ୍ଜା ଡ଼ିକହାନା ଏଞ୍ଜାରାକି ହୀଚେସି ।  
 ୩୧ ଏମ୍ବାଟିଏ ଏଞ୍ଜାରି କାଣକା ଦେପିଆଡୁ ଇଞ୍ଜା  
 ଏଞ୍ଜାରି ଏଞ୍ଜାଣାଇଁ ପୁଚେରି; ଅଡେ ଏ ଦେବୁଣିଏ  
 ଏଞ୍ଜାସି ଏଞ୍ଜାରି କାଣକାତା ତଞ୍ଜା ଆଆଚେସି ।  
 ୩୨ ଏଚେଟିଏ ଏଞ୍ଜାରି ତାମ୍ବୁତାମ୍ବୁ ଏଲେଇଚେରି,  
 “ଏଚିବେଲା ଜିରୁତା ଏଞ୍ଜାସି ମାଜେ ଜିରୁତା  
 କାତାବାର୍ତ୍ତା ଆହିମାଚେସି ଅଡେ ମାଜେ ଦାମ୍ବୁ  
 ସାସ୍ତେରି ତେଲ୍ଲହି କିହିମାଞ୍ଜାଚେସି, ଏଚିବେଲା ମା  
 ହିୟାଁ କାଡ଼ି ମାଞ୍ଜାଆଚେ କି ?”

୩୩ ଅଡେ ଏଞ୍ଜାରି ଦେବୁଣିଏ ନିଜ୍ଞାନା  
 ଜିରୁସାଲମତା ଖେଣ୍ଡା ହାଜାନା କୁଡ଼ା ଆହାମାଇଁ  
 ଏଗାର ଜାଣା ସୀସୁୟାଁ ଅଡେ ଏଞ୍ଜାରି ଆଟ୍ଟିତାରାଇଁ  
 ମେସ୍ତେରି; ୩୪ ଏଞ୍ଜାରି ଏଲେଇଞ୍ଜିମାଚେରି,  
 “ପୁରୁ ସାଚେଏ ନିଜ୍ଞାମାନେସି ଅଡେ ସିମନଇଁ  
 ତଞ୍ଜାଆଚେସି ।”

୩୫ ଅଡେ ଏଞ୍ଜାରି ଜିକେଏ ଜିରୁତି ବାରେ କାତା  
 ଅଡେ ରୁଟି ଡ଼ିକହାଟିଏ ଏଞ୍ଜାରି ପୁଞ୍ଜାଲି ଆଡ଼ିତମି  
 ଇଞ୍ଜା ଏଞ୍ଜାରି ଖେସ୍ତେରି ।

**ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି**

(ମାଡ଼ି ୨୮:୧୬-୨୦; ମାର୍କ ୧୬:୧୪-୧୮; ଜହ  
 ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା ଜଲ୍ଲକି  
 ଆହିମାଚାଟି ଜୀସୁ ଏଞ୍ଜାରି ମାଦି ନିଚାନା  
 ଏଲେଇଚେସି, “ମିଜେ ହିଡ଼ଡ଼ି ଆୟାପେ ।”

୩୭ ଏମ୍ବାଟିଏ ଏଞ୍ଜାରି ବୁଡୁ ମେସ୍ତମି ଇଞ୍ଜା  
 ଅଣପାନା ଆତାଜାକା ଆଡେରି । ୩୮ ଏଚେଟିଏ  
 ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ହିୟାଁତା  
 ଏନାଆଁତାକି ଆଜିମାଖେରି, ଇଞ୍ଜା ମୀ ହିୟାଁ  
 ଏନାଆଁତାକି ଆନାମାନା ଆହିମାନେ ? ୩୯ ନାମ୍ବୁଏ

ଏଞ୍ଜେଲ୍‌ସ୍ ନା କେନ୍ଦ୍ରା କତାୟା ମେହ୍‌ଦୁ, ନାଙ୍ଗେ ତୀଗାଦୁ ମୀରୁ ନାଙ୍ଗେ ଉଙ୍ଗା ପେଟ୍‌କା ମାନାଣି ମେସ୍‌ଲେହେ ବୁଡୁକି ହିଲାଉ ।”

୪୦ ଅଡ଼େ ଏଞ୍ଜେଲ୍‌ସ୍ ଏଲେଇଞ୍ଜାନା ଏଞ୍ଜେରାଲ୍ ତାନି କେନ୍ଦ୍ରା କତାୟା ତସ୍‌ସେସି । ୪୧ ଏଲେଜିକେଏ ଏଞ୍ଜେରି ରାହାତାକି ନାମାଲି ଆଡ଼ାଆନା ଆନାମାନା ଆହାଁ କାବା ଆହିମାଚାକି ଜୀସୁ ଏଲେଇଚେସି, “ମିଙ୍ଗେ ଇମ୍‌ପାଆଁ ଏନି ରାନ୍ଦା ମାନେକି?” ୪୨ ଏମ୍‌ପାଟିଏ ଏଞ୍ଜେରି ଏଞ୍ଜେଣାକି ର ଝାସ୍ତି ମୀନୁ ହୀତେରି, ୪୩ ଅଡ଼େ ଏଞ୍ଜେସି ଏଦାଆଁ ଆସାନା ଏଞ୍ଜେରି ନକିତା ତିଚେସି ।

୪୪ ଇଞ୍ଜା ଏଞ୍ଜେସି ଏଞ୍ଜେରାଲ୍ ଏଲେଇଚେସି, “ମସାତି ମେରା ପତିତା ଇଞ୍ଜା ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ପତିତା ଅଡ଼େ ପାରୁ ପତିତା ନାଙ୍ଗେତାକି ଏନାୟି ରାସ୍‌କି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଚାଟି ଇ ବାରେ ଝେସାମାଞ୍ଜାତେଏଁ ।”

୪୫ ଏଚେଟିଏ ଏଞ୍ଜେରି ଏନିକ୍ ଦାମ୍‌ସ୍ ସାସ୍‌ସେରି ତେଲ୍‌ହାଲି ଆଡ଼ିନେରି, ଏଦାଆଁତାକି ଏଞ୍ଜେରି ହିୟାତି ଦାରା ଦେତେସି; ୪୬ ଅଡ଼େ ଏଞ୍ଜେସି ଏଞ୍ଜେରାଲ୍ ଏଲେଇଚେସି, “ଏଲେଆହ୍ ରାସ୍‌କି ଆହାମାନେ, କ୍ରୀସ୍ତୁ ଦୁକୁ କସ୍ତୁ ବେଟା ଆନେସି ଅଡ଼େ ତାନି ଦିନାଟିଏ ହାଡ଼ାରି ତାଣାଟି ଝେଶ୍‌ସେ ନିଙ୍ଗିନେସି, ୪୭ ଇଞ୍ଜା ଜିରୁସାଲମଟିଏ ମାଟ୍‌ହାନା ବାରେ କୃଡ଼ା ତାଣା ଏଞ୍ଜେଣି ଦରୁଟି ପାପୁ ମ୍‌ପୁକି ଆୟାଲି ମନ ଝେଟ୍‌ନି କାତା ଝେକ୍‌ନାୟି ମାନେ । ୪୮ ମୀରୁ ଇ ବାରେତାକି ସାକି ଆଦେରି । ୪୯ ଅଡ଼େ ହେଶ୍‌ସୁ ଆଡ଼ା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଲ୍, ସାମା ଲାକପୁରୁଟି ବାଡ଼ୁଲୁ ପ୍ଲାଃଆ ପାତେକା ମୀରୁ ଇ ଗାଡ଼ାତେଏଁ ମାଞ୍ଜୁ ।”

**ଜୀସୁ ଲାକପୁରୁ ଅଞ୍ଜିଆନାୟି**  
(ମାର୍କ ୧୬:୧୯, ୨୦; କାମା ୧:୯-୧୧)

୫୦ ଏମ୍‌ପାଟିଏ ଜୀସୁ ଏଞ୍ଜେରାଲ୍ ବେତନିୟା ପାତେକା ଅଡ଼େସି ଇଞ୍ଜା ତାନି କେନ୍ଦ୍ରା ପେର୍‌ହାନା ଏଞ୍ଜେରାଲ୍ ବର ହୀତେସି । ୫୧ ଇଞ୍ଜା ଏଞ୍ଜେରାଲ୍ ବର ହୀହି ହୀହି ଏଞ୍ଜେସି ଏଞ୍ଜେରି ତାଣାଟି ଏଟ୍‌କା ଆହାନା ଲାକପୁରୁ ଅଞ୍ଜିଆଡ଼େସି । ୫୨ ଏଚେଟିଏ ଏଞ୍ଜେରି ଏଞ୍ଜେରାଲ୍ ଜହରା କିହାନା ହାଚେକା ରାହାତଲେ ଜିରୁସାଲମତା ଝେଶ୍‌ସା ହାଚେରି, ୫୩ ଇଞ୍ଜା ଏ ଦିନାଟିଏ କାଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଲ୍ ଜହରା କିହେମାଚେରି ।

# ଯୋହନ ଲିଖିତ ସୁସମାଚାର ଜହନ ରାଚାମାନି ନେହ କାରୁ ମୂଲୁ ହାତା

ଜୀସୁ କ୍ରୀସ୍ତ ଜୀସୁ ଅଡେ ଇ ଦାର୍ତତା ମାଟି କାତା ଜହନ ରାଚାମାନି ନେହ କାରୁ; ପୁଃନି ମେରାତି ସାରିଗଟା ନେହ କାରୁ ପତିୟା ବିତ୍ରାଟି ଇଦି ଆହିମାନେ ର ପତି । ଏ ବାରେ ପତିୟାଲ ନେହ କାରୁ ଇନେରି । ଏ ପତିୟା ଜୀସୁ କ୍ରୀସ୍ତ ହାତି ତାୟୁ ମାତିୟୁ, ମାର୍କ, ଲୁକ ଅଡେ ଜହନ ରାଚାମାରେରି । ପାଣ୍ଡୁଆଡ଼ି ଜହନ ଜୀସୁ କ୍ରୀସ୍ତ ଜାର୍ନାଆଡ଼ି ୯୦ ବାର୍ସା ତାୟୁ ଜହନ ରାଚାମାନି ନେହ କାରୁ ରାଚାମାରେସି । ଇ ପତିତା ଜହନ ରାଚିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ । ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍କି ଆହାମାନେ ଇଞ୍ଜହ ଇନେରି ।

ଜୀସୁଲ କ୍ରୀସ୍ତ ଜୀସୁତି ମାହାପୁରୁ ମୀର୍ଏସି ଇଞ୍ଜହ ଲକୁ ଏନିକ ନାମିନେରି, ଏଦାଆଁତାକି ଜହନ ଇ ପତି ରାଚାମାରେସି ୨୦:୩୧ । ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାରୁ ଜୀସୁ ବେଟାଆନାୟି । ଇ ପତି ଜୀହୁଦି ଅଡେ ଜୀହୁଦିଆଆତି ଲକୁତାକି ରାସ୍କି ଆହାମାରେ । ଜହନ ରାଚାମାନି ନେହ କାରୁ ଏ ତାନିଗଟା ନେହ କାରୁ କିହାଁ ରଲେ ମାନେ । ଜହନ ଜୀସୁ କିତି କାବାଆନି କାମାୟାଁ ହାରେକା ରାଚାମାନେସି ସାମା ପୁଣ୍ଡିକିନି ପୁସପନିକା ହାରେକା ରାଚାହିଲଅସି । ଏଟକା ପତିୟାଣା ଜୀସୁ ବାପ୍ତିସ୍ତ ଅନାଣି ଅଡେ ଲକୁ ହିଲାଆ ଗାୟୁତା ତାୟିପାରି ଆତାଣି ରାସ୍କି ଆହାମାନେ ଏଦାଆଁ ଇ ପତିତା ରାସ୍କି ଆହା ହିଲେଏ ।

**ପତିତା ମାନାୟି;**

- ୧. ତଲିତି ହାତା । ୧:୧-୧୮
- ୨. ବାପ୍ତିସ୍ତ ହାନି ଜହନ ଅଡେ ଜୀସୁତି ମୂଲୁ ସାସୁୟାଁ । ୧:୧୯-୫୧
- ୩. ଜୀସୁ ସେବା କାମା ମାରୁନାୟି । ୨:୧-୧୨:୫୦
- ୪. ଜିରୁସାଲମ ଅଡେ ଦାରିମାରି ଜୀସୁତି କାମା । ୧୩:୧-୧୯:୪୨
- ୫. ଜୀସୁ ହାକିଟି ଖେଣ୍ଡେ ନିଜିନାୟି ଅଡେ ସାସୁୟାଲ ତଞ୍ଜା ଆନାୟି । ୨୦:୧-୩୧
- ୬. ଗାଲିଲିତା ଖେଣ୍ଡେ ତଞ୍ଜା ଆନାୟି । ୨୧:୧-୨୫

ଜୀସୁତି ବଲୁ

☆ ୧:୨ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨

୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି । ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ । ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିଡେସି; ଅଡେ ଏନାୟି ବାରେ ଗାଡ଼ି ଆହାମାନେ, ଏ ବିତ୍ରାଟି ରଣ୍ଡି ଜିକେଏ ଏ ବଲୁ ପିସପେ ରାଚି ଆହା ହିଲେଏ । ୪ ଏ ବଲୁତା ଜୀସୁ ମାଚେ ଅଡେ ଏ ଜୀସୁ ମାଣ୍ଡିୟାତି ଉଜେଡ଼ି । ୫ ଏ ଉଜେଡ଼ି ଆନ୍ଦେରିତା ତାଞ୍ଜିହୁଁ ଖାହିମାନେ, ଇଞ୍ଜା ଆନ୍ଦେରି ଏଦାଆଁ ଏଚେଲା ଜିକେଏ ଅପାହିଲେଏ ।

୬ \*ମାହାପୁରୁ ତାଣାଟି ତାନି କାରୁ ଖେହନାଣାଲ ପାଣ୍ଡାଡେସି; ଏଞ୍ଜାଣି ଦରୁ ଜହନ । ୭ ଏଞ୍ଜାସି ଉଜେଡ଼ିତି କାତା ଲକୁଲ ଖେସାଲି ଖାଡେସି, ଅଡେ ଏନିକିହୁଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହାହାଲି ଖାଡେସି । ୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆଡେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଡେସି । ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଞ୍ଜାସି ଦାର୍ତତା ଖାଡେସି ।

୧୦ ଏଞ୍ଜାସି ଦାର୍ତତା ମାଚେସି ଅଡେ ଏଞ୍ଜାଣି ତାଣାଟି ଦାର୍ତତି ବାରେ ରାଚି ଆଡେ, ଆଡିଜିକେଏ ଇ ଦାର୍ତତି ଏଞ୍ଜାଣାଲ ପୁଞ୍ଜାଲି ଆଡାଆଡେ । ୧୧ ଏଞ୍ଜାସି ତାନି ରାକିତା ଖାଡେସି, ଆଡିଜିକେଏ ତାନି ଜାହାରା ଲକୁ ଏଞ୍ଜାଣାଲ ଆବାଆଡେରି । ୧୨ ଆମ୍ବାଆରି ଏଞ୍ଜାଣାଲ ଆବିଡେରି ଇଞ୍ଜା ଏଞ୍ଜାଣି ତାଣା ନାମିଡେରି; ଏଞ୍ଜାସି ଏଞ୍ଜାରାଲ ମାହାପୁରୁତି ମୀର୍କା ମାସ୍କା ଆହାଲି ଅଦିକାରା ହୀଡେସି । ୧୩ ମାଣ୍ଡିସିତ ତାଞ୍ଜିୟାଁ ତାଣାଟି ଜାର୍ନା ଆତାକି ଏଞ୍ଜାରି ମାହାପୁରୁତି ମୀର୍କା ଆହାହିଲଅରି, ମାହାପୁରୁ ତାନୁଏ ଏଞ୍ଜାରି ତାଞ୍ଜି ଆଡେସି ।

୧୪ ଅଡେ, ଏ ବଲୁ ମାଣ୍ଡି ଖାଣା ଆଡେ, ମାହାପୁରୁତି କାର୍ନା ଇଞ୍ଜା ସାତା ତଲେ ମା ତାଣା ବାସା କିଡେସି, ଅଡେ ଆବା ତାଣାଟି ଖାହାମାନି ରଣ୍ଡିଏ ମୀର୍ଏଗାତି ଗାଞ୍ଜୁରିମି ଲେହେଁ ମାର ଏଞ୍ଜାଣି ଗାଞ୍ଜୁରିମି ମେସ୍ତାୟି ।

୧୫ ଜହନ ଏଞ୍ଜାଣି କାତାଟି ସାକି ହାହାନା କାଜା ଗିୟାତଲେ ଏଲେଇଡେସି, “ଆମ୍ବାଆସି ନା ତାୟୁ ଖାହିମାନେସି, ଏଞ୍ଜାସି ନା କିହାଁ କାଜାସି, ଏନାଆଁତାକି ଇତିହୁଁ ଏଞ୍ଜାସି ନାନୁ ଜାର୍ନାଆଡ଼ି ନଟେଏ ମାଚେସି, ଇଞ୍ଜା ଏଞ୍ଜାଣି କାତା ନାନୁ ତଲିଏ ଏଲେଇଞ୍ଜି ଖେସାମାଞ୍ଜାଡେସି, ଏଞ୍ଜାସିଏ ଇଞ୍ଜାସି ।”

୧୬ ଏଦାଆଁତାକି ତାନୁ ପୁରା କିନି ତାଣାଟି ମାରୁ ବାରେ ଜାଣାତାୟି ବାରେ ବେଟାଆହାନା, କାର୍ନା ମୁହେଁ କାର୍ନାମେହନାଣି ବେଟାଆହାମାନାୟି । ୧୭ ମାହାପୁରୁ ମସା ତାଣାଟି ମେରା ହିୟାଡେସି, ସାମା ଜୀସୁ କ୍ରୀସ୍ତ ତାଣାଟି କାର୍ନାମେହନାୟି ଅଡେ

ସାତା ଖାତେ । ୧୮ ଆତ୍ମାଆସି ଏଚେଲା ମାହାପୁରୁଙ୍କୁ  
ମେସାହିଲଅସି, ତାନିତଲେ ମାନି ରଣ୍ଡିଏ ମୀରଏସି  
ଏଞ୍ଜାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି  
।

**ବାପ୍ତିସ୍ମ\* ହାନି ଜହନତି କାରୁ**

(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନୀନୁ ଆତ୍ମାଆତି ଇଞ୍ଜିଁ ଜହନଇଁ ଖେଞ୍ଜାଲି  
ଜାହୁଦିୟାଁ ଏଚିବେଲା ଜିରୁସାଲମଟି କାଜା  
ପୂଜେରାଜା ଇଞ୍ଜାଁ ଲେବିୟଜାଣି ଜହନ ତାଣା  
ପାଣ୍ଡିତେରି, ଏଞ୍ଜାସି ଇ କାତା ଖେସ୍ତେସି ।

୨୦ ଜହନ ସାତା କାତା ଖେସ୍ତେସି, ଆଏ ଇଞ୍ଜିଁ  
ଇନାଆତେସି, ତୀରପୁତଲେ ଖେସ୍ତେସି, “ନାନୁ  
ମସିହା ଆଏ ।”

୨୧ ଏଞ୍ଜାରି ଏଞ୍ଜାଣାଇଁ ଖେଚେରି, ଆତିହୁଁ “ନାନୁ  
ଆତ୍ମାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟତେଏଁ ଆଏ  
।”

ଏଞ୍ଜାରି ଖେଚେରି, “ନାନୁ ଏନାଆଁ ମାହାପୁରୁ  
ଅଣ୍ଡପୁତି ବଲୁ ଖେହନାତି କି ?” ଏଞ୍ଜାସି  
ଏଲେଇଚେସି, “ନାନୁ ଆଏ ।”

୨୨ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଏଲେଇଚେରି,  
“ମାଜେ ଖେସ୍ତାମ୍, ମାମ୍ ମୁଜାଜେ ପାଣ୍ଡା ମାଞ୍ଜାନାରାଇଁ  
ଏନି କାତା ଖେହନମି । ନାନୁ ଆତ୍ମାଆତେଏଁ ଇଞ୍ଜିଁ  
ଖେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ଡପୁତି  
ବଲୁ ଖେହନି ଜିସାୟ ଏନିକିଁ ଜଲମାଚେସି,

‘ନାନୁ ଲକୁ ହିଲାଆ ଚାୟୁତା କାଜା ଗିୟାତଲେ  
କାଲଞ୍ଜି ଆହିମାନି ରଅଣି ହାଡ଼ାଲେହେଁ  
ତାତେଏଁ,

ପ୍ରବୁତି ଜିରୁ ସଲକେ କିଦୁ ।’ ”

୨୪ ଅଡ଼େ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡୁଞ୍ଜି  
ଆହାମାଚେରି, ୨୫ ଏଞ୍ଜାରି ଜହନଇଁ ଖେଚେରି,  
“ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି  
ବଲୁ ଖେହନାତି ଆଏ, ଆତିହୁଁ ନାନୁ ଏନାଆଁତାକି  
ବାପ୍ତିସ୍ମାଁ ହାହିମାଞ୍ଜି ?”

୨୬ ଜହନ ଏଞ୍ଜାରାଇଁ ଏଲେଇଚେସି, “ନାନୁ  
ଏୟୁତା ବାପ୍ତିସ୍ମାଁ ହାହିମାଇଁ; ଆତ୍ମାଆରାଇଁ ମୀରୁ  
ପୁଞ୍ଜାହିଲଅଚେରି, ଏଞ୍ଜାସି ମୀ ବିତ୍ରା ମାନେସି ।

୨୭ ଏଞ୍ଜାସି ନା ତାୟୁ ଖାହିମାନେସି, ନାନୁ ଏଞ୍ଜାଣି  
ସେପୁୟାଁତି ଡ଼କା ଜିକେଏ ହୁକହାଲି ଜଡ଼େ ଆଏ ।”

୨୮ ଏମିନି ଜର୍ଦନ କାତାତି ଖେଡ଼ା ହପୁଞ୍ଜାକିତି  
ବେତନିୟାତା ଜହନ ବାପ୍ତିସ୍ମାଁ ହାହିମାଚେସି, ଏ  
ଚାୟୁତା ଇ ବାରେ ଆହାମାଚେ ।

**ମାହାପୁରୁତି ମେଣ୍ଡା ତାଲୁ**

୨୯ ଏ ଅର ନେରୁ ଜହନ ଜୀସୁଇଁ ତାନି  
ଞ୍ଜାକି ଖାହିମାନାଣି ମେସାନା ଏଲେଇଚେସି,  
“ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି  
ଇ ଦାରତିତି ପାପୁ ବାରେ ଡେକା ଅନେସି  
। ୩୦ ଇଞ୍ଜାସିଏ ଏଞ୍ଜାସି, ଆତ୍ମାଆରି କାତା  
ନାନୁ ଖେସାମାଞ୍ଜାତେଏଁ, ‘ର ମାଣ୍ଡିସି ନା ତାୟୁ  
ଖାହିମାନେସି, ସାମା ଏଞ୍ଜାସି ନା କିହାଁ କାଜାସି,  
ଇଞ୍ଜା ଏଞ୍ଜାସି ନାନୁ ଜାର୍ନାଆତି ନକେଏ ମାଚେସି ।’  
୩୧ ନାନୁ ଜିକେଏ ଏଞ୍ଜାଣାଇଁ ପୁଞ୍ଜା ହିଲାଆତେଏଁ,  
ସାମା ଏଞ୍ଜାସି ଏନିକିହୁଁ ଇସ୍ତାୟେଲ ଲକୁ ନକିତା  
ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ମାଁ  
ହାହାଲି ଖାହାମାଇଁ ।”

୩୨ ଅଡ଼େ ଜହନ ସାକି ହାହାନା ଖେସ୍ତେସି, “ନାନୁ  
ସୁଦୁଜୀଞ୍ଜୁ ପାରୁଖା ପଚାଲେହେଁ ଲାକପୁରୁତି ରେଚା  
ଖାହିମାନାଣି ମେସ୍ତେଏଁ, ଇଞ୍ଜା ଏଦି ଏଞ୍ଜାଣିଲାକ  
କୁଗିତେ । ୩୩ ନାନୁ ଜିକେଏ ଏଞ୍ଜାଣାଇଁ ପୁଞ୍ଜା  
ହିଲାଆତେଏଁ, ସାମା ଆତ୍ମାଆସି ନାଜେ ଏୟୁତା  
ବାପ୍ତିସ୍ମାଁ ହାହାଲି ପାଣ୍ଡାମାଞ୍ଜାନେସି, ଏଞ୍ଜାସି ନାଜେ  
ଖେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀଞ୍ଜୁ  
ରେଚା ଖାହାଣି ଅଡ଼େ କୁଗିନାଣି ମେହୁଦି, ଆତ୍ମାଆସି  
ସୁଦୁଜୀଞ୍ଜୁ ତଲେ ବାପ୍ତିସ୍ମାଁ ହାନେସି, ଏଞ୍ଜାସି ଏ  
ମାଣ୍ଡିସି ।’ ” ୩୪ ଜହନ ଏଲେଇଚେସି, “ନାନୁ ଏନାଆଁ  
ମେସାମାଇଁ, ଏଦାଆଁତାକି ନାନୁ ମିଜା ଖେସିମାଞ୍ଜାଇଁ,  
ଏଞ୍ଜାସି ମାହାପୁରୁ ମୀରଏସି ।”

**ଜୀସୁତି ମୂଲୁ ସୀସୁ**

୩୫ ତାନି ଅର ନେରୁ ଜହନ ତାନି ରୀ ସୀସୁୟାଁ  
ତଲେ ନିଚାମାଚେସି; ୩୬ ଏଞ୍ଜାସି ଜୀସୁଇଁ ଏ ଜିରୁଟି  
ହାଜିମାନାଣି ମେସାନା ଏଲେଇଚେସି, “ସିନିକିଦୁ  
ମାହାପୁରୁତି ମେଣ୍ଡା ତାଲୁ !”

୩୭ ଏ ରୀ ସୀସୁୟାଁ ଏଞ୍ଜାଣି ହାଡ଼ା ଖେଞ୍ଜାନା ଜୀସୁ  
ଜେଚ ଜେଚ ହାଚେରି । ୩୮ ଜୀସୁ ଖେଣ୍ଡେ ଡିରୁଞ୍ଜାନା  
ଏଞ୍ଜାରାଇଁ ତାନି ଜେଚ ଜେଚ ହାଜିମାନାଣି ମେସାନା  
ଖେଚେସି, “ମୀରୁ ଏନାଆଁ ପାରିମାଞ୍ଜେରି ?” ଏଞ୍ଜାରି  
ଖେଚେରି, “ରାବିର୍ସି ନାନୁ ଆମ୍ବିୟା ଡ଼ୟିମାଞ୍ଜି ?”

୩୯ ଜୀସୁ ଏଞ୍ଜାରାଇଁ ଏଲେଇଚେସି, ଖାଦୁ,  
ମେହୁଦେରି । ଏମ୍ବାଟିଏ ଏଞ୍ଜାରି ହାଜାନା ତାନି  
ଡ଼ୟିନି ଚାୟୁ ମେସ୍ତେରି, ଇଞ୍ଜା, ଏ ଦିନା  
ଏଞ୍ଜାଣିତଲେ ଡ଼ୟିତେରି; ଏନାଆଁତାକି ଇଚିହୁଁ  
ଏଚିବେଲା ଲାଈତି ଦସ ଗଂଟା ଆହାମାଚେ ।

୪୦ ଜହନତି କାତା ଖେଞ୍ଜାନା ଆମିନି ରିଆରି  
ଜୀସୁ ଜେଚ ଜେଚ ହାଜାମାଚେରି, ଏଞ୍ଜାରି ବିତ୍ରା  
ରଅସି ସିମନ ପିତରତି ତାୟି ଆହିୟ ମାଚେସି ।

୪୧ ଏଞ୍ଜାସି ତଲିଏ ତାନି ତାୟି ସିମନଇଁ ମେସାନା  
ଏଲେଇଚେସି, “ମାମ୍ ମସିହାଇଁ\* ମେସ୍ତମି ।”

\* ୧:୧୮ ୧:୧୯ ମୁଞ୍ଜିନାୟି † ୧:୨୫ ୧:୨୫ ମୁଞ୍ଜିନାୟି ‡ ୧:୨୭ ୧:୨୭ ମୁଞ୍ଜିନାୟି § ୧:୨୮ ୧:୨୮ ମୁଞ୍ଜିନାୟି \* ୧:୩୧ ୧:୩୧  
ମୁଞ୍ଜିନାୟି † ୧:୩୩ ୧:୩୩ ମୁଞ୍ଜିନାୟି ‡ ୧:୩୩ ୧:୩୩ ମୁଞ୍ଜିନାୟି § ୧:୩୮ ୧:୩୮ ଗୁରୁ \* ୧:୪୧ ୧:୪୧ ମସିହାତି ଇଚିହୁଁ  
କ୍ରୀସ୍ତ

୪୭ ଆତ୍ମିୟ ସିମନଙ୍କ ଜୀସୁ ତାଣା ତାତେସି । ଜୀସୁ ଏଞ୍ଜାଣାଙ୍କ ଆଟେ ସିନିକିହାନା ଏଲେଇଚେସି, “ନୀନୁ ଜହନ ମୀରଏଣା ସିମନତି । ନୀନୁ କେପା† ଦରୁଟି ଖେଳିଦି ।”

**ଜୀସୁ ପିଲିପ ଅଡ଼େ ନିତନିୟେଲଙ୍କ ହାଟିନାୟି**

୪୮ ଅର ନେରୁ ଜୀସୁ ଗାଲିଲିତା ହାଜାଲି ଅଣ୍ଡପିତେସି, ଏଞ୍ଜାସି ପିଲିପଙ୍କ ମେସାନା ଏଲେଇଚେସି, “ନା କ୍ଲେଟ ଖାମୁ !” ୪୪ ପିଲିପ ବେଡ଼ସାୟିଦା ଗାଡ଼ାତାସି ମାଟେସି, ଏଦି ଆତ୍ମିୟ ଇଞ୍ଜା ପିତରତି ଗାଡ଼ା ମାଟେ । ୪୫ ପିଲିପ ନିତନିୟେଲଙ୍କ ମେସାନା ଏଞ୍ଜାଣାଙ୍କ ଏଲେଇଚେସି, “ଆମ୍ବାଆରି କାତା ମସାତି ମେରାତା ରାଟାମାନେରି, ଅଡ଼େ, ମାହାପୁରୁ ଅଣ୍ଡପୁତି ବଲୁ ଖେହନାରି ଜିକେଏ ରାଟାମାନେରି, ମାମ୍ବୁ ଏଞ୍ଜାଣାଙ୍କ ବେଟାଆହାମାନମି । ଏଞ୍ଜାସି ଜସେପ ମୀରଏସି ନାଜରିତତି ଜୀସୁ ।”

୪୭ ନିତନିୟେଲ ଏଞ୍ଜାଣାଙ୍କ ଖେଚେସି, “ନାଜରିତତା କି ଏଦି ନେହ କାମା ଆହିମାନେ ?”

ପିଲିପ ଏଲେଇଚେସି, “ଝାହାନା ସିନିକିମୁ ।”

୪୭ ଜୀସୁ ନିତନିୟେଲଙ୍କ ତାନି ତାଣା ଝାହିମାନାଣି ମେସାନା ଜୀସୁ ଏଞ୍ଜାଣି କାତା ଖେସ୍ତେସି, “ମେହ୍ତୁ ଇଞ୍ଜାସି ସାତା ତଲେ ଇସ୍ରାୟେଲତି ଲକ୍ତୁ; ଇଞ୍ଜାଣି ତାଣା ଏନାୟି ନାଡ଼ିକିନି ବୁଦି ହିଲେଏ !”

୪୮ ନିତନିୟେଲ ଜୀସୁଙ୍କ ଖେଚେସି, “ନୀନୁ ନାଜେ ଏନିକିହ କୁଞ୍ଜାତି ?”

ଜୀସୁ ଏଲେଇଚେସି, “ପିଲିପ ନିଜେ ହାଟାତି ନକେଏ ନୀନୁ ତୟା ମାରନ୍ତୁ ଡ଼ଇ ମାଟି, ଏଡେତା ନୀନୁ ନିଜା ମେସାମାଞ୍ଜାତେଏ ।”

୪୯ ନିତନିୟେଲ ଏଲେଇଚେସି, “ଏ ଗୁରୁ ନୀନୁ ମାହାପୁରୁ ମୀରଏଣାତି ! ନୀନୁଏ ଇସ୍ରାୟେଲ ରାଜାତି ।”

୫୦ ଜୀସୁ ଏଲେଇଚେସି, “ନୀନୁ ନିଜେ ତୟା ମାରନ୍ତୁ ଡ଼ଇ ମେସାତେଏ ଇଞ୍ଜା ଖେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହ୍ଦି । ୫୧ ଜୀସୁ ନିତନିୟେଲଙ୍କ ଏଲେଇଚେସି, “ନୀନୁ ନିଜେ ସାତା ଖେସିମାଞ୍ଜାଙ୍କ ନୀନୁ ଲାକପୁରୁ ଦେପିଆହାମାନାଣି ଇଞ୍ଜା ମାଣ୍ଡସି ମୀରଏଣା ତାଣା ମାହାପୁରୁତି ଦୁଡୁୟାଁ ଲାକ ହାଜିମାନାଣି ଅଡ଼େ ଡ଼ଇ ଝାହିମାନାଣି ମେହ୍ଦି ।”

**୨**

**କାନା ଗାଡ଼ାତି ବାହା ବଜିତା ଜୀସୁ**

୧ ତାନି ଦିନା କ୍ଲେଟ ଗାଲିଲିତି କାନା ଗାଡ଼ାତା ର ବାହା ମାଟେ, ଜୀସୁ ତାମି ଇୟା ମରିୟମ ଜିକେଏ ଏମ୍ବାଆଁ ମାଟେ; ୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟକି ଆହାମାଟେସି ।

୩ ଏଚିବେଲା ଅଜୁରି ରାସା ରାହାହାରୁ, ଜୀସୁଙ୍କ ତାମି ଇୟା ଏଲେଇଚେ, “ଏଞ୍ଜାରି ଅଜୁରି ରାସା ରାହାହାରୁ ।”

୪ ଏମ୍ବାଟିଏ ଜୀସୁ ତାମି ଇୟାନି ଏଲେଇଚେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି ? ନା କାଲା ନୀଏଁ ପାତେକା ଝାହାହିଲେଏ ।”

୫ ଜୀସୁ ତାମି ଇୟା କାମା କିନାରାଙ୍କ ଏଲେଇଚେ, “ଏଞ୍ଜାସି ମିଜେ ଏନାଆଁ ଖେସ୍ତାନେସି ଏଲେକିହ ଏ କିଦୁ ।”

୬ ଅଡ଼େ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରୁନି ମେରାତାକି ସ ଗଟା କାଜା ଝାଲକାତି ଏୟୁ ଗୁନାୟାଁ ମାରୁ । ୭ ଜୀସୁ ହଲିୟାକାଣି ଏଲେଇଚେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ ।” ଏଞ୍ଜାରି ଏମ୍ବାଆଁ ନେଞ୍ଜିକିଚେରି । ୮ ଜୀସୁ ଏଞ୍ଜାରାଙ୍କ ଏଲେଇଚେସି, “ଇମ୍ବାଟି ଇଚରା ଅହାନା ବଜିତି ଗୁମୁସାକି ହୀଦୁ ।” ଏମ୍ବାଟିଏ ଏଞ୍ଜାରି ଅଡେରି । ୯ ବଜିତି ଗୁମୁସା ଅଜୁରି ରାସା ଆହାମାନି ଏ ଏୟୁତି ଝାଣ୍ଡାହାଁ ଏଞ୍ଜି ଏମ୍ବାଟି ତାପିଆଡୁ, ପୁଞ୍ଜା ହିଲାଆତେସି । ସାମା ଏ ହଲିୟାକା ଏୟୁ ଝାକ୍ତାହା ମାଟାରି ପୁଞ୍ଜାମାଟେରି ଏଦାଆଁତାକି ହନେଏଣାଙ୍କ ହାଟାହାଁ ଏଲେଇଚେସି । ୧୦ ବାରେଜାଣା ତଲିଏ ନେହ ଅଜୁରି ରାସା ହୀନେରି ଅଡ଼େ ଏମ୍ବାଆଁ ଝାହାଡ଼ୟିନି ଲକ୍ତୁ ହଡ଼ିସାରେ ତାୟୁ ଲାଗେଏତି ଅଜୁରି ରାସା ହୀନେରି; ସାମା ମୀରୁ ବାରେ ନେହ ଅଜୁରି ରାସା ନୀଏଁ ପାତେକା ଇଟାମାଞ୍ଜେରି ।

୧୧ ଜୀସୁ ଇଲେକ ଗାଲିଲିତି କାନା ଗାଡ଼ାତା କାବାଆନି କାମା ମାଟହାନା ତାନି ଗାଝୁରମି ତସ୍ତେସି, ଅଡ଼େ ସୀସୁୟାଁ ଏଞ୍ଜାଣି ତାଣା ନାମିଚେରି ।

୧୨ ଏଦାଆଁ ତାୟୁ ଜୀସୁ ତାମି ଇୟା, ତାୟିୟାଁ ଅଡ଼େ ସୀସୁୟାଁ ତଲେ କପରନାହୁମତା ହାଚେରି; ଇଞ୍ଜା ଏମ୍ବାଆଁ ହାରେକା ଦିନା ଡ଼ୟାଆତେରି ।

**ଜୀସୁ ଜିରୁସାଲମତା ହାନାୟି**

(ମାତି ୨୧:୧୭-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏଚିବେଲାତା ଜୀହୁଦିକା ପିସ୍ପିଆନି ପାର୍ବୁ ତାଗେ ଆହାମାଟେ, ଅଡ଼େ ଜୀସୁ ଜିରୁସାଲମତା ହାଚେସି । ୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ରା ଲକ୍ତୁ କଡ଼ିୟାଁ ମେଣ୍ଡାୟାଁ ଅଡ଼େ ପଟାୟାଁ ବେବାରା କିନାରି ଅଡ଼େ ତାବୁୟାଁ ବେବାରା କିନାରି କୁଗାମାଟେରି; ୧୫ ଏମ୍ବାଟିଏ ଜୀସୁ ଡ଼ରିତି ସାଟ୍‌ଣି କେପାନା କଡ଼ିୟାଁ, ମେଣ୍ଡାୟାଁ ମାହାପୁରୁ ଇଲୁଟି ପାଙ୍ଗାତା ପେର୍‌ହା ପାଣ୍ଡାନା ଟାକାୟାଁ ବେବାରା ଗାଟାରି କୁଟିୟାଁ ତିରିମ୍ବୁପହାନା ଟାକାୟାଁ ବାରେ ଡ଼ାଞ୍ଜିଚେସି । ୧୬ ପଟାୟାଁ ବେବାରା ଗାଟାରାଙ୍କ ଏଲେଇଚେସି, “ଇ ବାରେତି ଇମ୍ବାଟି ଅହାଡ଼ହୁଦୁ,

† ୧:୪୭ ୧:୪୭ କେପା ଇଚିହ ପିତର \* ୨:୧୭ ୨:୧୭ ମାତି ୪:୧୩

ନା ଆବା ଇଲୁତି ବେବାରା ଇଲୁ କିଆଦୁ ।”  
୧୭ ଇଦାଆଁ ମେସାନା ସାଢ଼ସ୍ତରିତା ରାସ୍‌କି ଆହାମାନି  
ର କାତା ସାସୁୟାଁ ମନତା ଖାଡ଼େ, “ନୀ ଇଲୁତାକି ନା  
ରାହାଁ ନାଜେ ହାରେକା ନାସା କିୟାନେ ।”

୧୮ ଜୀହୁଦିୟାଁ ଜୀସୁଇଁ ଖେଚେରି, “ନୀନୁ  
ଇ ବାରେ କାମା କିହାଲିତାକି ଅଦିକାରା  
ବେଟାଆହାମାଞ୍ଜି, ଏମ୍ବାତି ସିନା ମାଜେ ଏନାଆଁ  
ତସିମାଞ୍ଜାଦି ?”

୧୯ \*ଜୀସୁ ଏଲେଇଚେସି, “ଇ ଦେଖୁଡ଼ିତି ନାସା  
କିଦୁ, ଅଡ଼େ ତାନି ଦିନାଟିଏ ନାନୁ ଏଦାଆଁ ଖେଣ୍ଡେ  
କେପିଇଁ ।”

୨୦ ଏଚେଟିଏ ଜୀହୁଦି ଲକୁ ଏଲେଇଚେରି,  
“ଏନାଆଁ ତାନିଦିନା ବିତ୍ରା ନୀନୁ ଇଦାଆଁ କେପାଲି  
ଆଡ଼ିଦି ? ଇ ଦେଖୁଡ଼ି କିହାଲିତାକି ରୀ କଡ଼ି ସ  
ବାର୍ସା ଆହାମାନେ ।”

୨୧ ସାମା ଜୀସୁ ଜାହାରା ଆଜ୍ଞା ଲେହେଁତି  
ଦେଖୁଡ଼ିତି ତସାନା ଇଦାଆଁ ଖେସାମାଚେସି ।

୨୨ ଇଦାଆଁତାକି ଜୀସୁ ହାହାନା ନିଜାଲିଏ ତାନି  
ସାସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜି  
ଅଣପିଚେରି; ଅଡ଼େ ଦାମ୍ବୁ ସାଢ଼ସ୍ତରି ଅଡ଼େ ଜୀସୁ  
ଖେସାମାଚି କାତାତି ନାମିଚେରି ।

**ଜୀସୁ ଲକୁତି ଗୁଣୁ ପୁନାସି**

୨୩ ପିସପିଆନି ପାର୍ବୁ ଆହିମାଚି ବେଲୀତା  
ଜିରୁସାଲମତା ଜୀସୁ ମାଚାଟି ହାରେକା ତାନି  
କାବାଆନି କାମା ମେସାନା ତାନି ଦରୁତା ହାରେକା  
ଜାଣା ନାମିଚେରି । ୨୪ ସାମା ଜୀସୁ ଏ ଲକୁଣି  
ନାମାଆନା ଏଞ୍ଜାରି ତାଣାଟି ଏଚକା ଡ଼ୟିଚେସି,  
ଏନାଆଁତାକି ଇଚିହଁ ଏଞ୍ଜାରାଇଁ ନେହଁକ  
ପୁଞ୍ଜାମାଚେସି । ୨୫ ଅଡ଼େ ଆମ୍ବାଆସି ମାଣ୍‌ସି କାତା  
ସାକି ହାନେସି, ଇଦି ଏଞ୍ଜାଣାକି ଲଡ଼ା ହିଲାଆଡେ,  
ଇଚିହଁ ମାଣ୍‌ସି ବିତ୍ରା ଏନାୟି ମାନେ ଏଞ୍ଜାସି  
ତାନୁଏ ପୁଞ୍ଜାଲି ଆଡ଼ିମାଚେସି ।

**୩**

**ଜୀସୁ ଅଡ଼େ ନିକଦିମ**

୧ ପାରୁସିୟାଁ ଗଚିଟି ନିକଦିମ ଇଞ୍ଜି ର  
ମାଣ୍‌ସି ମାଚେସି, ଏଞ୍ଜାସି ଜୀହୁଦି ଲକୁଣି ସାଲଖି  
କିନାସି ମାଚେସି । ୨ ଏଞ୍ଜାସି ଲାଆଁ ବେଲୀତା  
ଜୀସୁ ତାଣା ଖାହାନା ଏଲେଇଚେସି, “ଏ ରାବି,\*  
ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି  
ଗୁରୁ । ନୀନୁ ଆମିନି ବାରେ କାବାଆନି କାମା  
କିହିମାଞ୍ଜି, ମାହାପୁରୁ ସାୟେମି ହିଲାଆସାରେ  
ଏଦାଆଁ ଆମ୍ବାଆରି କିହାଲି ଆଡ଼ଅରି ।”

୩ ଜୀସୁ ଏଞ୍ଜାଣାଇଁ ଏଲେଇଚେସି, ସାତା ସାତା  
ନାନୁ ନିଜା ଖେସିମାଞ୍ଜାଇଁ, ଅଡ଼େ ଖେଣ୍ଡେ ଜାର୍ନା

ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି  
ଆଡ଼ଅସି ।

୪ ନିକଦିମ ଏଞ୍ଜାଣାଇଁ ଖେଚେସି, “ବୁଡ଼ହା  
ଆଡ଼ିସାରେ ମାଣ୍‌ସି ଅଡ଼େ ଖେଣ୍ଡେ ଏନିକ  
ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା  
ଏଞ୍ଜାସି ଖେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ  
ନିଜା ଖେସିମାଞ୍ଜାଇଁ” ଏୟୁ ଅଡ଼େ ସୁଦୁଜୀଞ୍ଜୁଟି  
ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା  
ହଡ଼ାଲି ଆଡ଼ଅସି । ୬ ଆଜ୍ଞାଟି ଏନାୟି ଜାର୍ନା, ଏଦି  
ଆଜ୍ଞା; ଅଡ଼େ ସୁଦୁଜୀଞ୍ଜୁଟି ଏନାୟି ଜାର୍ନା ଆନେ,  
ଏଦି ସୁଦୁଜୀଞ୍ଜୁ । ୭ ନିଜେ ଖେଣ୍ଡେ ଜାର୍ନା ଆନାୟି  
ଲଡ଼ାମାନେ ଇଞ୍ଜି ନାନୁ ନିଜା ଖେସାଚେସି,  
ଏଦାଆଁତାକି କାବା ଆଆନି । ୮ ଗାଲି ଆମ୍ବିୟାଞ୍ଜାକି  
ମନ କିନେ, ଏତାଲା ଖାକି ହାନେ, ଅଡ଼େ ନୀନୁ  
ଞ୍ଜାରଇ ଏଦାନି ହାଡ଼ା ଖେଞ୍ଜାଲି ଆଡ଼ିଦି, ସାମା  
ଏଦି ଏମିନି ତାଣାଟି ଖାଚେ ଅଡ଼େ, ଏମ୍ବିୟା ହାନେ,  
ଏଦାଆଁ ପୁନଅତି; ସୁଦୁଜୀଞ୍ଜୁଟି ଜାର୍ନା ଆହାମାନି  
ବାରେଜାଣା ଏଲେକିହଁଏ ।

୯ ନିକଦିମ ଏଞ୍ଜାଣାଇଁ ଏଲେଇଚେସି, “ଏଦି  
ଏନିକ  
ଆହାଲି ଆଡ଼ିନେ ?”

୧୦ ଜୀସୁ ଏଞ୍ଜାଣାଇଁ ଏଲେଇଚେସି; “ନୀନୁ  
ଇସାୟେଲତି ଗୁରୁ ଆହାନା ଜିକେଏ, ଇ ବାରେ  
ଚେଲ୍‌ହି ହିଲଅତି କି ? ୧୧ ନାନୁ ନିଜା ସାତା  
ଖେସିମାଞ୍ଜାଇଁ, ନାନୁ ଏନାଆଁ ପୁଞ୍ଜାମାଇଁ, ଏଦାନି  
କାତା ଖେସିମାଞ୍ଜାଇଁ, ଏନାଆଁ ମେସାମାଇଁ, ଅଡ଼େ  
ନୀନୁ ନା କାତା ନାମିହିଲଅତି । ୧୨ ନାନୁ ଦାର୍‌ତି  
କାତାତି ଖେସାସାରେ ନୀନୁ ନାମଅତି, ଆତିହଁ  
ଲାକପୁରୁତି ହାଡ଼ା ଖେସାସାରେ ଏନିକ  
ନାମିଦି ? ୧୩ ଆମିନି ମାଣ୍‌ସି ମୀରଏସି ଲାକପୁରୁଟି  
ରେଟା ଖାଡ଼େସି, ଏଞ୍ଜାଣି ପିସପେ ଅଡ଼େ ଆମ୍ବାଆସି  
ଲାକପୁରୁ ହାଜାହିଲଅସି ।”

୧୪ ଅଡ଼େ, ମସା ଏନିକ  
ଲକୁ ହିଲାଆ  
ଚାୟୁତା ପିତାଡ଼ା ରାଚୁତି ଲାକ ପେରହା ମାଚେସି,  
ମାଣ୍‌ସି ମୀରଏସି ଜିକେଏ ଏଲେକିହଁଏ ଲାକ  
ପେରଞ୍ଜି ଆନେସି । ୧୫ ଏନିକଚିହଁ ଆମ୍ବାଆସି  
ତାନି ତାଣା ନାମିନେସି, ଏଞ୍ଜାସି କାଲାକାଲାତି  
ଜୀଞ୍ଜୁ ବେଟା ଆନେସି । ୧୬ ଇଚିହଁ ମାହାପୁରୁ  
ଦାର୍‌ତିତି ଏଚେକା ଜୀଞ୍ଜୁ ନଡ଼େସି, ଏଞ୍ଜାସି  
ତାନି ରଣ୍ଡିଏ ମୀରଏଶାଇଁ ଦାନା ହୀଚେସି,  
ଏନିକଚିହଁ ଏଞ୍ଜାଣି ତାଣା ନାମିନାସି ନାସା  
ଆଆନା କାଲାକାଲାତି ଜୀଞ୍ଜୁ ବେଟା ଆନେସି  
। ୧୭ ଇଚିହଁ ଦାର୍‌ତିତା ନୀହାୟି କିହାଲିତାକି  
ମାହାପୁରୁ ତାନି ମୀରଏଶାଇଁ ଦାର୍‌ତିତା ପାଣ୍ଡାଆନା,  
ଦାର୍‌ତି ଏନିକ  
ତାନିତାଣାଟି ଗେଲପିଆନେ,  
ଏଦାଆଁତାକି ତାନି ମୀରଏଶାଇଁ ପାଣ୍ଡାଚେସି ।

\* ୨:୧୯ ୨:୧୯ ମାତି ୨୭:୭୧; ୨୭:୪୦; ମାର୍କ ୧୪:୫୮; ୧୫:୨୯ \*

୩:୨ ୩:୨ ଗୁରୁ

୧୮ ଆତ୍ମାଆସି ତାନି ତାଣା ନାମିନେସି, ଏଝାସି ନାହାଁୟି କିଝି ଆଅସି ଆତ୍ମାଆସି ନାମଅସି, ଏଝାସି ନାହାଁୟି କିଝି ଆଡେସିଏ, ଏନାଆଁତାକି ଇଚିହିଁ ମାହାପୁରୁତି ରଣିଏ ମୀରୁଏଣା ଦରୁତି ନାମାହିଲଅସି । ୧୯ ଅଡେ ଏ ନାହାଁୟି ଇଦି, ଇ ଦାରତିତା ଉଜେଡି ତଞ୍ଜା ଆହାମାନେ, ଅଡେ ଲକୁ ଉଜେଡି ପିସାନା ଆନ୍ଦେରିତି ଜୀଝୁ ନଡେରି, ଏଦାଆଁତାକି ଏଝାରି ବାରେ କାମା ଲାଗେଏତାୟି । ୨୦ ଇଚିହିଁ ଆତ୍ମାଆରି ଲାଗେଏତି କାମାକିନାରି, ଉଜେଡିତି ଅପଅରି, ଅଡେ ଏଡେତା ତାମି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡିତା ଝାଅରି । ୨୧ ସାମା ଆତ୍ମାଆରି ସାତା କାମା କିନେରି, ଏଝାରି ଉଜେଡିତା ଝାନ୍ନେରି, ଏନିକିଁ ତାମି କାମା ବାରେ ମାହାପୁରୁ ତାଣାଟି ତାରି ଆଡାୟି ଇଞ୍ଜିଁ ତଞ୍ଜାଆନେ ।

**ଜୀସୁ ଅଡେ ଜହନ**

୨୨ ଇଦାଆଁ ତାୟୁ ଜୀସୁ ଅଡେ ତାନି ସୀସୁୟାଁ ଜୀହୁଦା ରାକିତା ହାଚେରି, ଅଡେ ଏଝାସି ଏ ଚାୟୁତା ଡୟାନା ବାପ୍ତିସ୍ମାଁ ହାହାଲି ମାରୁହେସି । ୨୩ ଜହନ ଜିକେଏ ସାଲମତି ତାଗେ ଏନନ୍ତା ବାପ୍ତିସ୍ମାଁ ହାହିମାଚେସି, ଇଚିହିଁ ଏମ୍ବାଆଁ ଗାତି ଏୟୁ ମାରୁ, ଅଡେ ଲକୁ ଝାହାନା ବାପ୍ତିସ୍ମ ଅହିମାଚେରି । ୨୪ ଏଚିବେଲା ପାତେକା ଜହନ କାୟିଦିତା ହାଜାହିଲାଆଡେସି ।

୨୫ ଏମ୍ବାଟିଏ ଜହନତି ଏଚରଜାଣା ସୀସୁୟାଁ ର ଜୀହୁଦି ତଲେ ମେରାତାକି ନରନି କାତାତାକି ବାଦିବାଦା ଆଡେରି । ୨୬ ଏଝାରି ଜହନଇଁ ଏଲେଇଚେରି, “ଗୁରୁ ଆତ୍ମାଆସି ଜର୍ଦନ କାତାତି ଅରଝାକି ନୀ ତଲେ ମାଚେସି, ଆତ୍ମାଆରି କାତା ନୀନୁ ସାକି ହାହାମାଞ୍ଜାତି, ମେହମୁ ଏଝାସି ବାପ୍ତିସ୍ମାଁ ହାହିମାଚେସି ଅଡେ ବାରେଜାଣା ଏଝାଣି ତାଣା ହାଜିମାନେରି ।”

୨୭ ଜହନ ଏଲେଇଚେସି, “ଲାକପୁରୁତି ମାହାପୁରୁ ହାଆସାରେ ମାଣ୍ସି ଏନାଆଁ ମେଡାଆହାଲି ଆଡଅସି । ୨୮ ନୀନୁ କ୍ରୀସ୍ତତେଏଁ ଆଏ, ସାମା ଏଝାଣି ନକିତା ପାଣ୍ଡି ଆହାମାଇଁ, ଇ କାତା ନୀନୁ ମିଙ୍ଗେ ଝେସାମାଞ୍ଜାତେଏଁ ଇଞ୍ଜିଁ ମୀରୁ ନା ସାକି । ୨୯ ମାଙ୍ଗାନି ଅନାସି, ଏଝାସି ହନେଏସି, ସାମା ହନେଏଣି ଏମିନି ତଡୁ ନିଚାନା ତାନି ହାଡା ଝେନେସି, ଏଝାସି ହନେଏଣି ହାଡା ଝେଞ୍ଜାନା ହାଚେକା ରାହାଁ ଆନେସି । ଏଲେକିହିଁ ଏ ନା ରାହାଁ ଜିକେଏ ପୁରା ଆଡେ । ୩୦ ସାତେଏ ଏଝାସି କାଜାସି ଆନାୟି ମାନେ, ଅଡେ ନାଙ୍ଗେ ଡଣା ଆନାୟି ମାନେ ।”

**ଲାକପୁରୁତି ଝାନ୍ଦାସି**

୩୧ ଆତ୍ମାଆସି ଲାକପୁରୁତି ଝାନ୍ନେସି, ଏଝାସି ବାରେକିହାଁ କାଜାସି, ଆତ୍ମାଆସି ଦାରତିତି ଜାର୍ନା ଆନେସି, ଏଝାସି ଦାରତିତି କାତା ଝେହନେସି; ଆତ୍ମାଆସି ଲାକପୁରୁତି ଝାନ୍ନେସି ଏଝାସି ବାରେଜାଣା କିହାଁ କାଜାସି । ୩୨ ଏଝାସି ଏନାଆଁ ମେସାମାନେସି ଅଡେ ଏନାଆଁ ଝେଞ୍ଜାମାନେସି, ଏଦାଆଁ ଏଝାସି ସାକି ହାହିମାନେସି, ସାମା ଆତ୍ମାଆସି ତାନି ହାଡାତି ଅପଅସି । ୩୩ ଇଞ୍ଜା ଆତ୍ମାଆସି ତାନି କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜିଁ ଏ କାତାତି ଆବା ମାନେସି । ୩୪ ସାମା ମାହାପୁରୁ ଆତ୍ମାଆରାଇଁ ପାଣ୍ଡାମାଞ୍ଜାନେସି, ଏଝାସି ମାହାପୁରୁ ବଲୁ ଝେହନେସି, ଏଝାଣାକି ମାହାପୁରୁ ସୁଦୁଜୀଝୁ ହାନେସି । ୩୫ ଆବା ମୀରୁଏଣାଇଁ ଜୀଝୁ ନନେସି, ଅଡେ ବାରେ ତାନି କେୟୁତା ହେରପା ମାନେସି । ୩୬ ଆତ୍ମାଆସି ମୀରୁଏଣାଇଁ ନାମିନେସି, ଏଝାସି କାଲାକାଲାତି ଜୀଝୁ ବେଟାଆହାମାନେସି, ସାମା ଆତ୍ମାଆସି ମୀରୁଏଣାଇଁ ଅପଅସି, ଏଝାସି ଜୀଝୁ ଜିକେଏ ମେହଅସି, ସାମା ଏଝାସି ମାହାପୁରୁତି ତଣ୍ଡତା ଡୟିନେସି ।

**୪**

**ଜୀସୁ ଅଡେ ସମିରଣ ଇୟା**

୧ ପାରୁସିୟାଁ ଝେଚେରି, ଜୀସୁ ଜହନ କିହାଁ ଗାତି ସୀସୁୟାଁ କିହିମାନେସି ଅଡେ ବାପ୍ତିସ୍ମାଁ ହାହିମାନେସି । ୨ ଜୀସୁ ତାନୁ ବାପ୍ତିସ୍ମାଁ ହାହିହିଲାଆଡେସି, ସାମା ତାନି ସୀସୁୟାଁ ବାପ୍ତିସ୍ମାଁ ହାହିମାଚେରି, ଇ କାତା ପାରୁସିୟାଁ ଝେଞ୍ଜାମାନେରି ଇଞ୍ଜିଁ ପ୍ରବୁ ଏଡେତା ପୁଚେସି, ୩ ଏଡେତା ଜୀହୁଦା ଦେସା ପିସାନା ଅଡେ ଝେଣ୍ଡେ ଗାଲିଲିତା ହାଚେରି । ୪ ସାମା ତାଙ୍ଗେ ସମିରଣ ଜିରୁତି ହାଜାଲି ଲାଗିତେ ।

୫ ଅଡେ ଏଝାସି ହାଜାନା ଜାକୁବ ତାନି ମୀରୁଏସି ଜସେପକି ଏମିନି ବୁମି ହାହାମାଚେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାଚେସି । ୬ ଏ ଚାୟୁତା ଜାକୁବତି କୁହି ମାଚେ, ଇଞ୍ଜା ଜୀସୁ ଝାହାହାଜାମାଚାକି ଏ କୁହି ତାଗେ କୁଗିତେସି । ଏଡେତା ମାଦେନା ଆହାମାଚେ ।

୭ ଅଡେ ର ସମିରଣ ଇୟା ଏୟୁ ଅହାଲି ଝାଡେ । ଜୀସୁ ଏଦାନି ଏଲେଇଚେସି “ନାଙ୍ଗେ ଏୟୁ ଗସାଲି ହିୟାମୁ ।” ୮ ତାନି ସୀସୁୟାଁ କାଡି କତାଲି ଗାଡାତା ହାଜାମାଚେରି ।

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇଚେ, “ନୀନୁ ର ଜୀହୁଦି ଲକୁ ଆହାଁ, ନୀନୁ ସମିରଣ ଆୟାତେଏଁ, ଏନିକିଁ ନା କେୟୁତି ଏୟୁ ଗସାଲି ରାସି ମାଞ୍ଜାଦି ?” ଏନିକିହିଁ ଜୀହୁଦିୟାଁ ତଲେ ସମିରଣ ଲକୁତି ଲେମ୍ବିନାୟି ହିଲେଏ ।

† ୩:୨୨ ୩:୨୨ ମୁଞ୍ଜିନାୟି ‡ ୩:୨୩ ୩:୨୩ ମୁଞ୍ଜିନାୟି § ୩:୨୭ ୩:୨୭ ମୁଞ୍ଜିନାୟି ☆ ୩:୨୮ ୩:୨୮ ଜହ ୧:୨୦ \* ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

୧୦ ଜୀସୁ ଏଦାନି ଏଲେଇରେସି, “ମାହାପୁରୁତି ଦାନା ଅଡେ ନାଙ୍ଗେ ଗସାଲି ହିୟାମ୍ବୁ ଇଞ୍ଜି ଆମ୍ବାଆସି ନିଙ୍ଗେ ଏଲେଇଞ୍ଜିମାଞ୍ଜାନେସି, ଏଞ୍ଜାସି ଆମ୍ବାଆସି, ଇଦାଆଁ ନାନୁ ପୁଚିହ୍ମା, ନାନୁ ଏଞ୍ଜାଣାଈଁ ରାସିମା, ଅଡେ ଏଞ୍ଜାସି ନିଙ୍ଗେ ଜୀଞ୍ଜୁତି ଏୟୁ ହିୟାଡେସିମା ।”

୧୧ ଏ ଆୟାଟି ଏଲେଇରେ, “ଗୁରୁ ନୀ ତାଣା ଏୟୁ କତାଲି ତାକି ନକି ହିଲେଏ, ଅଡେ ଇ କୁହି କୁଡ଼ହାମାନେ; ଆତିହ୍ମ ନାନୁ ଏମିଟି ଏ ଜୀଞ୍ଜୁଗାଟି ଏୟୁ ବେଗାଆହାମାଞ୍ଜି ? ୧୨ ମା ଆକୁୟାଁତି ଆବା ଜାକୁବ ଇ କୁହି ମାଙ୍ଗେ ହାହାମାଞ୍ଜାଡେସି, ଅଡେ, ତାନି ମାରକା ଅଡେ ତାନି କଡ଼ି ଗରି ଇମ୍ବାତି ଏୟୁ ଗସିମାରୁ, ଏଞ୍ଜାଣି କିହ୍ନାଁ ନାନୁ କି କାଜାତି ?”

୧୩ ଜୀସୁ ଏଲେଇରେସି, “ଆମ୍ବାଆସି ଇ ଏୟୁ ଗହ୍ନେସି, ଅଡେ ଝେଣ୍ଡେ ଏସ୍‌କି ଆନେସି; ୧୪ ସାମା ନାନୁ ଏମିନି ଏୟୁ ହିୟାଈଁ, ଏଞ୍ଜାଆଁ ଆମ୍ବାଆସି ଗହ୍ନେସି, ଏଞ୍ଜାସି ଏଚେଲାଞ୍ଜା ଏସ୍‌କି ଆଅସି, ଇଚିହ୍ମ ନାନୁ ଏମିନି ଏୟୁ ହାଈଁ, ଏଦି କାଲାକାଲାତି ଜୀଞ୍ଜୁତି ଡସା ଲେହେଁ ଏଞ୍ଜାଣି ତାଣାଟି ଡେଲାବୟା ହାନୁ ।”

୧୫ ଆୟାଟି ଏଲେଇରେ, “ଗୁରୁ, ନାଙ୍ଗେ ଏନିକ୍ ଏସ୍‌କି ଆୟେଏ, ଅଡେ ଏୟୁତାକି ଇଚେକା ହେକ ଇ କୁହିତା ଝାୟାଲି ଆଏ, ଏଦାଆଁତାକି ଏ ଏୟୁ ନାଙ୍ଗେ ହିୟାମ୍ବୁ ।”

୧୬ ଜୀସୁ ଏଦାନି ଏଲେଇରେସି, “ହାଲାମ୍ବୁ, ନୀ ତକ୍ରାଈଁ ହାଟାତାମ୍ବୁ ।”

୧୭ ଏ ଆୟାଟି ଏଲେଇରେ, “ନା ତକ୍ରା ହିଲଅସି ।” ଜୀସୁ ଏଦାନି ଏଲେଇରେସି “ନୀ ତକ୍ରା ହିଲଅସି ଇଞ୍ଜି ସାତା ଝେସାମାଞ୍ଜି । ୧୮ ନିଙ୍ଗେ ପାସାଜାଣା ତକ୍ରାୟାଁ ମାରେରି, ଅଡେ ନୀଏଁ ନୀ ତଲେ ଆମ୍ବାଆସି ମାନେସି ଏଞ୍ଜାସି ନୀ ତକ୍ରା ଆଏ ଇଦାଆଁ ସାତା ଝେସାମାଞ୍ଜି ।”

୧୯ ଆୟାଟି ଏଲେଇରେ, “ଗୁରୁ, ନାନୁ ପୁଞ୍ଜିମାଈଁ ନାନୁ ର ମାହାପୁରୁ ଅଣ୍‌ପୁତି ବଲୁ ଝେହ୍ନାତି, ଇଦାଆଁ ନାନୁ ପୁଞ୍ଜିମାଈଁ । ୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାତାନା କିହିମାରେରି; ଅଡେ ମୀ ଜୀହୁଦି ଲକୁ ଏଲେଇନେରି, ପ୍ରାତାନା କିନି ଚାୟୁ ଆହିମାନେ ଜିରୁସାଲମ ।”

୨୧ ଜୀସୁ ଏଦାନି ଏଲେଇରେସି, “ଇୟା ନା ହାଡାତି ନାମାମ୍ବୁ, ଏମିନି ବେଲାତା ମୀରୁ ଇ ହରୁତା କି ଜିରୁସାଲମତା ଆବା ତାଣା ପ୍ରାତାନା କିଅଡେରି ଇଲେତି କାଲମି ଝାନ୍ତେ । ୨୨ ଆମ୍ବାଆରାଈଁ ମୀରୁ ପୁଞ୍ଜାହିଲଅଡେରି, ଏଞ୍ଜାଣାଈଁ ପ୍ରାତାନା କିହିମାଞ୍ଜେରି; ଆମ୍ବାଆରାଈଁ ମୀରୁ ପୁଞ୍ଜାମାନାୟି, ଏଞ୍ଜାଣାଈଁ ପ୍ରାତାନା କିହିମାନାୟି, ଇଚିହ୍ମ ଗେଲପିନାୟି ଜୀହୁଦି ଲକୁ ତାଣାଟି ଝାନ୍ତେ । ୨୩ ସାମା ଏମିନି କାଲମିତା ସାତା ତଲେ ପ୍ରାତାନା

କିନି ଲକୁ ଜୀଞ୍ଜୁତଲେ ଅଡେ ସାତା ତଲେ ଆବାଈଁ ପ୍ରାତାନା କିନେରି, ଇଲେତି କାଲମି ଝାହିମାନେ; ଅଡେ, ନୀଏଁ ଜିକେଏ ମାନେ; ଇଚିହ୍ମ ଆବା ଇଲେତି ପ୍ରାତାନା କିନାରାଈଁ ପାରିମାନେସି । ୨୪ ମାହାପୁରୁ ସୁଦୁଜୀଞ୍ଜୁ ଗାଟାସି, ଅଡେ ଆମ୍ବାଆରି ତାନି ପ୍ରାତାନା କିନେରି, ଏଞ୍ଜାରି ଜୀଞ୍ଜୁ ଇଞ୍ଜା ସାତା ତଲେ ତାନି ପ୍ରାତାନା କିନାୟିମାନେ ।”

୨୫ ଏ ଆୟାଟି ଜୀସୁଈଁ ଏଲେଇରେ, “ନାନୁ ପୁଞ୍ଜାମାଈଁ, ମସିହା, ଆମ୍ବାଆରାଈଁ କ୍ରୀସ୍ତ ଇନେରି, ଏଞ୍ଜାସି ଝାନ୍ତେସି; ଏଚେତା ଏଞ୍ଜାସି ଝାନ୍ତେସି ମାଙ୍ଗେ ବାରେ କାତା ପୁଣ୍ଡାସି କିୟାନେସି ।”

୨୬ ଜୀସୁ ଏଦାନି ଏଲେଇରେସି, “ନୀଏଁ ନୀ ତଲେ ହାଡା ଆହିମାନାଡେଏଁ ନାନୁ, ନାନୁ ଏଞ୍ଜାଡେଏଁ ।”

୨୭ ଏଚିବେଲାତା ତାନି ସୀସୁୟାଁ ଝାହାନା ତାନୁ ର ଆୟାଟି ତଲେ ହାଡା ଆହିମାନାଣି ମେସାନା କାବା ଆଡେରି, ଆଡ଼ିଜିକେଏ ନାନୁ ଏନାଆଁ ମନ କିହିମାଞ୍ଜି, ଆଆତ୍ ଏନାଆଁତାକି ଏଦାନିତଲେ ହାଡା ଆହିମାଞ୍ଜି ଇଞ୍ଜି ? ଆମ୍ବାଆରି ଝେନାଆଡେରି ।

୨୮ ଏମାଟିଏ ଆୟାଟି ଏମ୍ବାଆଁ ତାନି ଏୟୁ ତକା ପିସାନା ଗାଡାତା ହାଜାନା ଲକୁଣି ଝେସ୍ତେ, “ଝାଦୁ, ରଅଣାଈଁ ମେହ୍‌ଦେରି, ୨୯ ନାନୁ ଏନା ଏନାଆଁ ନା ଜୀଞ୍ଜୁତା କିହିମାଈଁ, ଏଞ୍ଜାସି ନାଙ୍ଗେ ବାରେ ଝେସ୍ତାଡେସି; ଏଞ୍ଜାସି ମସିହା ଆହାଡ଼ୟିନେସି ?” ୩୦ ଏମାଟିଏ ଏମାଟି ଲକୁ ଗାଡାଟି ହଟାନା ଜୀସୁ ତାଣା ହାଚେରି ।

୩୧ ଏଚିବେଲାତା ସୀସୁୟାଁ ବାଡ଼ିମାଲିହ୍ ଏଲେଇରେରି, “ଏ ଗୁରୁ, ତିନାମ୍ବୁ ।”

୩୨ ସାମା ଜୀସୁ ଏଞ୍ଜାରାଈଁ ଏଲେଇରେସି, “ଡିଞ୍ଜାଲି ତାକି ଏମିନି କାଦି ନା ତାଣା ମାନେ, ମୀରୁ ଏ କାଦିତି କାତା ପୁଞ୍ଜାହିଲଅଡେରି ।”

୩୩ ସୀସୁୟାଁ ତାମ୍ବୁ ତାମ୍ବୁ ହାଡାକାତା ଆଡେରି, “ଆମ୍ବାଆୟି ତାଙ୍ଗେତାକି କାଦି ତାତା ହାହାମାନେ ହାବୁଲା ?”

୩୪ ଜୀସୁ ଏଞ୍ଜାରାଈଁ ଏଲେଇରେସି, “ନାଙ୍ଗେ ପାଣ୍ଡାମାଞ୍ଜାନାଣା ଅଣ୍‌ପୁ ଅଡେ ତାନି କାମା ରାପ୍‌ନାୟି ଏଦିଏ ନା କାଦି । ୩୫ ଆର୍ନା ଦାଟାଲି ଅଡେ ସାରି ଲେଞ୍ଜୁ ମାନେ, ଇ କାତା ମୀରୁ ଝେସିହିଲଅଡେରି ସାମା ନାନୁ ମିଙ୍ଗେ ଝେସିମାଞ୍ଜାଈଁ, ଗୁଡ଼ିୟାକା ବାରେ ସିନିକିଦୁ ଏ ବାରେ ଦାଟାଲି ତାକି କାମ୍ବାହାଚେୟିଏ । ୩୬ ନୀଏଁ ଜିକେଏ ଦାଃଆନାରାକି କୁଲି ହୀପ୍‌କି ଆହିମାନେ ଅଡେ କାଲାକାଲାତି ଜୀଞ୍ଜୁତାକି ପାଡେୟି କୁଡ଼ି କିହିମାନେରି, ଏନିକିହ୍ ଦାଃଆନାସି ଅଡେ କୁଡ଼ିକିନାସି ରହେଏ ରାହାଁ କିନେରି । ୩୭ ଏନାଆଁତାକି ଇଚିହ୍ ରଅସି ମାଟିନେସି ଅଡେ ଅର ରଅସି ଦାଃଆନେସି ଇ କାତା ସାତା । ୩୮ ମୀରୁ ଏନାଆଁତାକି କାମା କିହିହିଲଅଡେରି, ଏଦାଆଁ



ଦାଢ଼ାଲି ତାକି ନାନୁ ପାଶ୍ଚାତେର୍; ଏବଂକାତାରି କାମା କିହାମାନେରି, ଅଡ଼େ ମୀରୁ ଏଞ୍ଜାରି କାମାତି ଲାଢ଼ା ବେଗାଆହିମାଞ୍ଜେରି ।”

୩୯ “ନାନୁ ଏନା ଏନାଆଁ କିହାମାଲ୍, ଏ କାତା ଏଞ୍ଜାସି ନାଜେ ବାରେ ଖେସ୍ତାତେସି” ଇଞ୍ଜି ଏମିନି ଆୟାତି ସାକି ହାହାମାରେ, ଏଦାନି କାତାତାକି ଏ ଗାଡ଼ାତି ସମିରଣ ଲକୁ ବିତ୍ରାଟି ହାରେକା ଜୀସୁଲ୍ ନାମିତେରି । ୪୦ ଅଡ଼େ ସମିରଣ ଲକୁ ଜୀସୁ ତାଣା ଖାହାନା ତାମିତଲେ ଡ଼ୟାଲି ତାକି ତାଜେ ବାତିମାଲିତେରି ଜୀସୁ ଏଞ୍ଜାରିତଲେ ଅଡ଼େ ରୀ ଦିନା ଡ଼ୟିତେସି ।

୪୧ ଜୀସୁତି ବଲୁ ଖେଞ୍ଜାନା ହାରେକା ଲକୁ ନାମିତେରି । ୪୨ ଏଞ୍ଜାରି ଏ ଆୟାତିଲ୍ ଏଲେଇଚେରି, “ଝାଠଇ ନୀନୁ ଏଲେଇଞ୍ଜାତାକି ମାମ୍ନୁ ନାମାହିଲଅମି, ସାମା ମାମ୍ନୁ ଖେଞ୍ଜାମାନମି, ଅଡ଼େ, ଇଞ୍ଜାସି ସାତେଏ ଦାର୍ତ୍ତିତି ଗେଲ୍ପିନାସି, ଇଦାଆଁ ମାମ୍ନୁ ପୁଞ୍ଜାମାନମି ।”

**ଜୀସୁ ସାଲଞ୍ଜି କିନାଣି ମୀର୍ଏଶାଲ୍ ନେହ୍ କିନାୟି**

୪୩ ରୀ ଦିନା ତାୟୁ ଜୀସୁ ଏମ୍ବାଟି ହତାନା ଗାଲିଲିତା ହାଚେସି । ୪୪ ଇଚିହ୍ ଜୀସୁ ତାଜେତାକି ସାକି ହାହ୍ ଏଲେଇଚେସି, “ମାହାପୁରୁ ଅଣ୍ପୁତି ବଲୁ ଖେହ୍ନାରି ଜାହାରା ଦେସାତା ମାନ୍ଦି ବେଗାଆଅରି ।” ୪୫ ଅଡ଼େ ଏଞ୍ଜାସି ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଶାଲ୍ ଆବିତେରି, ଇଚିହ୍ ପିସ୍ପିଆନ୍ଦି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଞ୍ଜାରି ଜିକେଏ ପାର୍ବୁତା ହାଜାମାଚେରି ।

୪୬ ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଶ୍ତେ ହାଚେସି, ଏମ୍ବିୟା ଜୀସୁ ଏୟୁଣି ଅଜୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସକା ମୁହେଁ କାଜାସି ରଅସି ମାଚେସି, ତାନି ମୀର୍ଏସି କପରନାହୁମତା ଆଡ଼ିହିଲିଆତେସି । ୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଖାହାମାନେସି ଇଞ୍ଜି ଖେଞ୍ଜାନା, ତାନି ତାଣା ହାଜାନା ଏଞ୍ଜାସି ଖାହାନା ଏନିକ୍ ତାନି ମୀର୍ଏଶାଲ୍ ନେହ୍ କିନେସି ଏଦାଆଁତାକି ବାତିମାଲିତେସି, ଇଚିହ୍ ଏଞ୍ଜାସି ହାନ୍ଦିହଗେ ଆହାମାଚେସି ୪୮ ଜୀସୁ ଏଞ୍ଜାଶାଲ୍ ଏଲେଇଚେସି, “ସିନା ଅଡ଼େ କାବାଆନ୍ଦି କାମାୟାଁ ମେହ୍ଆତିହ୍ ମୀରୁ ଏନିଜିକେଏ ନାମଅତେରି ।”

୪୯ ଏ ସାଲଞ୍ଜି କିନାସି ଏଲେଇଚେସି, “ଏ ପ୍ରବୁ, ନା ମୀର୍ଏସି ହାନ୍ଦି ନକେଏ ନା ତଲେ ଖାମ୍ନୁ ।”

୫୦ ଜୀସୁ ଏଞ୍ଜାଶାଲ୍ ଏଲେଇଚେସି, “ହାଲମ୍ନୁ, ନୀ ମୀର୍ଏସି ନୀତିନେସି ।” ଏ ମାଣ୍ଡିଲ୍ ଜୀସୁ

ଏମିନି ହାଡ଼ା ଖେସ୍ତେସି, ଏଞ୍ଜାସି ଏଦାଆଁ ନାମାନା ହାଚେସି । ୫୧ ଅଡ଼େ, ଏଞ୍ଜାସି ହାଲଞ୍ଜିଏ ତାନି ହଲିୟାଜା ଜିରୁତେଏ ନୀ ମୀର୍ଏସି ନୀତିତେସି ଇଞ୍ଜି ଖେସ୍ତେରି ।

୫୨ ଏଚିବେଲାତା କକାସି ନେହ୍ ଆଡ଼େସି, ଏଦାଆଁ ଏଞ୍ଜାସି ଖେଚେସି । ଏମ୍ବାଟିଏ ଏଞ୍ଜାରି ଏଲେଇଚେରି, “ରେଝଏନି ସାଡ଼ା ଗଂଗା ବେଲାତା ନମେରି ପିସ୍ତେ ।” ୫୩ ଏମ୍ବାଟି ତାମି ଆବା ପୁଚେସି ଜୀସୁ ଆମିନି ବେଲାତା “ନୀ ମୀର୍ଏସି ନୀତିତେସି” ଇଞ୍ଜି ଖେସାମାଚେସି, ଏଚିବେଲାତେଏ ଏଦି ଗଟଞ୍ଜି ଆଡ଼େ । ଏମ୍ବାଟିଏ, ଏଞ୍ଜାସି ଅଡ଼େ ତାମି ଇଜତି ବାରେ ଇଲୁ କୁଟମି ଜୀସୁ ତାଣା ନାମିତେରି ।

୫୪ ଜୀହୁଦାଟିଏ ଗାଲିଲିତା ଖେଶ୍ତା ଖାହାଁ, ଜୀସୁ ରୀ ପାଲି ତାକି ଇ କାବାଆନ୍ଦି କାମା କିତେସି ।



**ଜୀସୁ କଡ଼େ ଅଟର ବାର୍ସା ତାଣାଲ୍ ନେହ୍ କିନାୟି**

୧ ଇଦାଣି ତାୟୁ ଜୀହୁଦି ଲକୁତି ର ପାର୍ବୁ ଆଡ଼େ, ଅଡ଼େ ଜୀସୁ ଜିରୁସାଲମତା ହାଚେସି । ୨ ଜିରୁସାଲମତି ମେଶ୍ତାୟାଁ ଦୁଖେରି ତାଗେ ର ବାନ୍ଦା ମାନେ; ଏବି ହାଡ଼ାତଲେ ବେଡ଼ସାୟିଦା ଇନେରି, ଏ ବାନ୍ଦାତା ପାସାଗଟା ପିଶ୍ତାୟାଁ ମାନୁ । ୩ ଏମ୍ବାଆଁ କାଶାୟାଁ, ସଗାୟାଁ ଅଡ଼େ ଆଜ୍ଞା ଖାୟିତି ରଗ୍ଟା ଗାଟାରି ହାରେକା ଜାଣା ନେହ୍ ଆୟାଲି କାଟାହାଁ ମାଣ୍ଡିତେରି; ୪ ଇଚିହ୍ ଏଚିବେଲାତା ପ୍ରବୁତି ର ଦୁଡୁ ବାନ୍ଦାତା ରେଚାନା ଏୟୁ ଖାଟିହସାରେ, ଅଡ଼େ ଏୟୁ ଖାତିତି ତାୟୁ ଆମ୍ବାଆସି ତଲିଏ ହଡ଼ନେସି, ଏଞ୍ଜାଶାକି ଏନି ରଗ୍ଟା ଆହାମାତି ଜିକେଏ ନେହ୍ ଆହିମାଚେସି\* । ୫ କଡ଼େ ଅଟର ବାର୍ସା ପାତେକା ରଗ୍ଟା ଗାଟାସି ରଅସି ଏମ୍ବାଆଁ ମାଚେସି । ୬ ଜୀସୁ ଏଞ୍ଜାଶାଲ୍ ଡ଼ୟାମାନାଣି ମେସାନା ଗାଡୁ ଦିନାତି ରଗ୍ଟା ଗାଟାସି ଇଞ୍ଜି ପୁଞ୍ଜାହାଁ ଏଞ୍ଜାଶାଲ୍ ଖେଚେସି, “ନୀନୁ ଏନାଆଁ ନେହ୍ ଆହାଲି ମନ୍ଦ କିହିମାଞ୍ଜି ?”

୭ ରଗ୍ଟା ଗାଟାସି ଏଞ୍ଜାଶାଲ୍ ଏଲେଇଚେସି, “ବାବୁ, ଏୟୁ ଖାତିନାଟି ନାଜେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନାନୁ ହାନିବେଲାତା ଅଡ଼େ ରଅସି ନା ନକେଏ ହଡ଼ାହାନେସି ।”

୮ ଜୀସୁ ଏଞ୍ଜାଶାଲ୍ ଏଲେଇଚେସି, “ନିଜ୍ଞାମ୍ନୁ, ନୀ ପାସ୍ପପନି ଡ଼େକାହାଁ ତାକାମ୍ନୁ ।” ୯ ଏ ଦେବୁଣିଏ ଏଞ୍ଜାସି ନେହ୍ ଆଡ଼େସି ଅଡ଼େ ତାନି ପାସ୍ପପନି ଡ଼େକାନା ତାକାଲି ମାଟ୍ତହେସି ।

ଏ ଦିନା ଜମିନି ଦିନା ମାଚେ । ୧୦ ଇଦାଆଁତାକି, ଜୀହୁଦିୟାଁ ନେହ୍ ଆହାମାନି ମାଣ୍ଡିଲ୍

☆ ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ☆ ୪:୪୫ ୪:୪୫ ଜହ ୨:୨୩ ☆ ୪:୪୬ ୪:୪୬ ଜହ ୨:୧-୧୧ \* ୫:୪ ୫:୪ ଇ କାତା ପୁଞ୍ଜଇ ପତିତା ହିଲେଏ ।

ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍‌ପନି ଡେକା ଅହାଲି ନିଞ୍ଜେତାକି ମେରା ଆଏ ।”

୧୧ ସାମା, ଏଝାସି ଏଝାରାଇଁ ଏଲେଇଚେସି, “ଆମ୍ବାଆସି ନାଞ୍ଜେ ନେହୁଁ କିୟାତେସି, ଏଝାସି ନାଞ୍ଜେ ଏଲେଇଞ୍ଜାତେସି, ନୀ ପାସ୍‌ପନି ଡେକାନା ତାକାମୁ ।”

୧୨ ଏଝାରି ଏଝାଣାଇଁ ଝେଚେରି, “ନୀ ପାସ୍‌ପନି ଡେକାନା ତାକାମୁ ଇଞ୍ଜୁଁ ଏଲେଇଞ୍ଜାତାସି, ଏଝାସି ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହୁଁ ଆଡାସି ପୁଞ୍ଜା ହିଲାଆତେସି, ଇଚିହୁଁ ଏମ୍ବାଆଁ ଲକୁ ମାନ୍ଦା ମାତାକି ଜୀସୁ ମେହୁଆରେଚୁ ହାଜାମାଚେସି ।

୧୪ ଇଦାଆଁ ତାୟୁ ଜୀସୁ ମାହାପୁରୁ ଇଲୁତା ଏଝାଣାଇଁ ମେସାନା ଏଲେଇଚେସି, “ମେହୁମୁ ନୀନୁ ନେହୁଁ ଆହାମାଞ୍ଜି, ଅଡେ ପାପୁ କିଆନି, ଏନିକଁ ନିଞ୍ଜେତାକି ଗାଡି କସୁ ଝାଏ ।”

୧୫ ଏ ମାଣ୍ଡସି ଝେଣ୍ଡା ହାଜାନା, ଆମ୍ବାଆସି ତାଞ୍ଜେ ନେହୁଁ କିହାମାଚେସି, ଏଝାସି ଜୀସୁ ଇଞ୍ଜୁଁ ଜୀହୁଦିଙ୍ଗାଣି ଝେସେସି । ୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାଚାକି ଜୀହୁଦିଙ୍ଗା ଏଝାଣାଇଁ ନିନ୍ଦା କିହାଲି ମାଟ୍‌ହେରି । ୧୭ ସାମା ଜୀସୁ ଏଝାରାଇଁ ଏଲେଇଚେସି, “ନା ଆବା ନୀଏଁ ପାତେକା କାମା କିହିମାନେସି, ଅଡେ ନାନୁ ଜିକେଏ କାମା କିହିମାଇଁ ।”

୧୮ ଇ ହାଡା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡେ ଗାଡି ଅଣ୍ଡପିତେରି, ଏଝାସି ଜମିନି ଦିନାତି ମେରାତି ଉରିତେସି ଝାରଇ ଏଡି ଆଏ, ସାମା ମାହାପୁରୁଇଁ ନା ଆବା ଇଞ୍ଜୁଁ ଝେସାନା ତାଞ୍ଜେ ମାହାପୁରୁ ତଲେ ସମାନା କିହିମାଚେସି ।

**ମୀରୁଏଣି ଅଦିକାରା**

୧୯ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଞ୍ଜେ ଝେସିମାଞ୍ଜାଇଁ, ମୀରୁଏସି ଆବାଇଁ ଏନାଆଁ କିହିମାନାଣି ମେହୁନେସି, ଏଦାଆଁ ପିସ୍‌ପେ ଏଝାସି ତାନୁଏ ଏନାଆଁ କିହାଲି ଆଡଅସି । ଇଚିହୁଁ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହୁଁଏ କିନେସି । ୨୦ ଇଚିହୁଁ ଆବା ମୀରୁଏଣାଇଁ ଜୀଝୁ ନନେସି, ଅଡେ ଏଝାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଣାଇଁ ତହୁନେସି, ଅଡେ ମୀରୁ ଏନିକଁ କାବା ଆଦେରି, ଏଦାଆଁତାକି ଏଝାସି ଏଝାଣି ତାଣାଟି ଇଦାନି କିହାଁ ଆଡେ କାଜା କାଜା କାମା ତହୁନେସି । ୨୧ ଆବା ଏନିକଁ ହାଡି ଲକୁଣି ନିକହାନା ଜୀଝୁ ହାନେସି, ଏଲେକିହୁଁଏ ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଝାରାଇଁ ଜୀଝୁ ହାନେସି । ୨୨ ଆବା ତାନୁଏ ଆମ୍ବାଆରାଇଁ ନୀହାୟି କିଅସି, ସାମା ବାରେଜାଣା ଏନିକଁ

ଆବାଇଁ ମାନି କିହିମାନେରି, ଏଲେକିହୁଁଏ ମୀରୁଏଣାଇଁ ଜିକେଏ ମାନି କିନେରି, ଏଦାଆଁତାକି ମୀରୁଏଣାକି ବାରେ ନୀହାୟି କିହାଲି ଅଦିକାରା ହୀହାମାନେସି । ୨୩ ଆମ୍ବାଆସି ମୀରୁଏଣାଇଁ ମାନି କିଅସି, ଏଝାସି ତାଞ୍ଜେ ପାଣ୍ଡାତି ଆବାଇଁ ଜିକେଏ ମାନି କିଅସି ।”

୨୪ “ନାନୁ ମିଞ୍ଜେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଞ୍ଜେ ପାଣ୍ଡାତାଣାଇଁ ନାମିନାସି, ଏଝାସି କାଲକାଲତି ଜୀଝୁ ବେଟା ଆହାମାନେସି, ଅଡେ, ଏଝାସି ନୀହାୟି କିଝିଆଆନା ହାକିତି ଜୀଣାଆହାନା ରାଆଗାଟି ଜୀଝୁତା ହଡାମାନେସି । ୨୫ ନାନୁ ମିଞ୍ଜେ ସାତା ଝେସିମାଞ୍ଜାଇଁ, ର ଦିନା ଝାନେ ନୀଏଁ ଜିକେଏ ଏଦାତେୟିଏ, ଏମିନି ଦିନାତା ହାଡାରି ମାହାପୁରୁ ମୀରୁଏଣି ହାଡାତି ଝେନେରି ଅଡେ ଆମ୍ବାଆରି ଝେନାରି ଏଝାରି ନୀତିନେରି । ୨୬ ଇଚିହୁଁ ଆବା ଏନିକଁ ତାନୁଏ ଜୀଝୁ ଗାଟାସି, ଏଲେକିହୁଁଏ ଏଝାସି ମୀରୁଏଣାଇଁ ଜିକେଏ ଜୀଝୁ ଗାଟାସି ଆହାଲି ହୀହାମାନେସି । ୨୭ ଅଡେ, ଏଝାସି ମାଣ୍ଡସି ମୀରୁଏସି ଆହାମାନାକି ଏଝାସି ଏଝାଣାକି ନୀହାୟି କିନି ଅଦିକାରା ହୀତେସି । ୨୮ ଇଦାଆଁତାକି କାବା ଆଆଦୁ, ଇଚିହୁଁ ଏଚିବେଲା ହାଡି ଲକୁ ମାହୁଣି ମାଣ୍ଡାଟି ତାନି ଗିୟାଁ ଝେନେରି ଅଡେ ଆମ୍ବାଆରି ସାତା କାମା କିହିମାନେରି, ୨୯ ଏଝାରି ଜୀଝୁତା ଝେଣ୍ଡେ ନୀତାଲିତାକି ଅଡେ ଆମ୍ବାଆରି ଲାଗେଏତି କାମା କିହିମାନେରି, ଏଝାରି ନୀହାୟିତି ତଣ୍ଡୁ ତାକି ଝେଣ୍ଡେ ନିଙ୍ଗା ଝାନେରି, ଇଲେତି ଦିନା ଝାହିମାନେ ।”

**ଜୀସୁ ଝାକିଟି ସାକି**

୩୦ “ନାନୁ ନା ତାଣାଟି ଏନାଆଁ କିହାଲି ଆଡଅଁ; ନାନୁ ଏନିକଁ ଝେଇଁ, ଏଲେକିହୁଁଏ ନୀହାୟି କିଇଁ, ଅଡେ ନା ନୀହାୟି ଟିକଣାତାୟି, ଇଚିହୁଁ ନାନୁ ନା ମନତଲେ କିହାଲି ଅଣ୍ଡପାଆନା, ନାଞ୍ଜେ ପାଣ୍ଡାତାଣା ମନ ଲେହେଁ କିହାଲି ଅଣ୍ଡପିମାଇଁ ।”

୩୧ “ନାନୁ ନାଞ୍ଜେତାକି ସାକି ହାଇଁ, ଆଡିଜିକେଏ ନା ସାକି ସାତା ଆଏ । ୩୨ ନା କାତାଟି ଆମ୍ବାଆସି ସାକି ହୀନେସି, ଏଝାସି ଅର ରଅସି; ଅଡେ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଇଁ । ୩୩ ☆ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡେ ଏଝାସି ସାତା ତାକି ସାକି ହୀହାମାନେସି । ୩୪ ସାମା ନାଞ୍ଜେ ମାଣ୍ଡସି ତାଣାଟି ସାକି ଲଡା ଆଏ, ସାମା ମୀରୁ ଏନିକଁ ଗେଲପି ଆଦେରି, ଏଦାଆଁତାକି ଇ ବାରେ ଝେସିମାଞ୍ଜାଇଁ । ୩୫ ଜହନ ଡୀଞ୍ଜିତି ମିଣ୍ଡସିମାନି ଦୀଝିଁ ମାଚେସି, ଇଞ୍ଜା ମୀରୁ ଏଝାଣି ଉଜେଡିତା ଗାଡେକା ତାକିଏ ରାହାଁ ଆହାଁ ମାଞ୍ଜାଲି ମନ କିହିମାଚେରି । ୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇଚିହୁଁ ଆବା ନାଞ୍ଜେ ଏନି ଏନି

☆ ୫:୩୩ ୫:୩୩ ଜହ ୧:୧୯-୨୭; ୩:୨୭-୩୦

କାମା ରାପ୍ତହାଲି ହୀହାମାଞ୍ଜାନେସି, ନାନୁ ଏମିନି କାମା କିହିମାଲ୍, ଆବା ନାଙ୍ଗେ ପାଣ୍ଡାମାଞ୍ଜାନେସି ଇଞ୍ଜି ଏ ବାରେ ନା ଖାକିଟି ସାକି ହୀହିମାନେସି । ୩୭ ଅଡ଼େ ଏମିନି ଆବା ନାଙ୍ଗେ ପାଣ୍ଡାତେସି, ଏଞ୍ଜାସି ନା ତାକି ସାକି ହୀହାମାନେସି । ମୀରୁ ଏତେଲା ଏଞ୍ଜାଣି ହାଡ଼ା ଖେଞ୍ଜା ହିଲଅତେରି କି ତାନି ମୁମ୍ ମେସା ହିଲଅତେରି । ୩୮ ଅଡ଼େ ଏଞ୍ଜାଣି ବଲୁ ମୀ ହିୟାତା ଇଗାହିଲଅତେରି, ଇଚିହି ଏଞ୍ଜାସି ଆମ୍ବାଆରାଲ୍ ପାଣ୍ଡାତେସି ମୀରୁ ଏଞ୍ଜାଣାଲ୍ ନାମିହିଲଅତେରି । ୩୯ ମୀରୁ ଦାମ୍ବୁ ପତିତି କାତା ପାରିମାଞ୍ଜେରି, ଇଚିହି ଏମ୍ବାଆଁ କାଲ୍ଲକାଲ୍ଲତି ଜୀଝୁ ବେଟାଆହାମାନମି ଇଞ୍ଜି ଅଣ୍ଡପମାଞ୍ଜେରି ଅଡ଼େ ଏ ଦାମ୍ବୁ ପତି ନା ଖାକିଟି ସାକି ହୀହିମାନେ । ୪୦ ସାମା ମୀରୁ ଜୀଝୁ ବେଟାଆହାଲି ତାକି ନା ତାଣା ଖାହାଲି ମନ କିହିହିଲଅତେରି ।”

୪୧ “ନାନୁ ମାଣ୍ଡସିୟାଁ ତାଣାଟି ଗାଝୁରମି ପାରିହିଲଅଁ । ୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଲ୍, ମୀ ହିୟାତା ମାହାପୁରୁତି ଜୀଝୁନନାୟି ହିଲେଏ । ୪୩ ନାନୁ ନା ଆବା ଦରୁଟି ଖାହାମାଲ୍, ଅଡ଼େ ମୀରୁ ନାଙ୍ଗେ ଅପିମାଞ୍ଜଅତେରି; ଅର ରଅସି ତାନି ଦରୁଟି ଖାଡ଼ିହିଁ, ମୀରୁ ଏଞ୍ଜାଣାଲ୍ ଅପିଦେରି । ୪୪ ମୀରୁ ଏନିକିଁ ନାମିମାଞ୍ଜେରି ? ମୀରୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡ଼େ ଏମିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଦାଆଁ ବେଟାଆହାଲି ମନ କିହିହିଲଅତେରି ୪୫ ନାନୁ ଆବା ନକିତା ମୀ କପାଟି ଦହ ଦସ୍ତାଲ୍, ଏଲେଇଞ୍ଜି ଅଣ୍ଡପାଆଦୁ; ଆମିନି ମସା ତାଣା ମୀରୁ ବାସୁଁ ଇଟାମାଞ୍ଜେରି, ଏଞ୍ଜାସିଏ ମୀ କପାଟି ଦହ ଦସି ମାଞ୍ଜାନେସି । ୪୬ ଇଚିହିଁ ମୀରୁ ମସାଲ୍ ନାମା ମାତିହିଁ, ନାଙ୍ଗେ ଜିକେଏ ନାମାତେରିମା, ଇଚିହିଁ ଏଞ୍ଜାସି ନା କାତେଏ ରାଟାମାନେସି । ୪୭ ସାମା ମୀରୁ ଏଞ୍ଜାଣି ରାଟାମାନି କାତା ନାମା ହିଲଅତେରି, ଆତିହିଁ ନା କାତା ଏନିକିଁ ନାମିଦେରି ?”



**ଜୀସୁ ପାସାମାଣା ଲକୁଣି ତାହନାୟି**

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍ବୁରି, ଇଚିହିଁ ତିବିରିୟା ସାମ୍ବୁରି ଆତାଲାଖାକି ହାଚେସି । ୨ ଅଡ଼େ ଏଞ୍ଜାସି ରଗ ଗାଟାରାଲ୍ ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାରେକା ଲକୁ ଏଞ୍ଜାଣି ଜେତ ଜେତ ହାଚେରି । ୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁଗିତେସି । ୪ ଏଚିବେଲା ଜୀହୁଦି ଲକୁତି ପିସପିଆନି ପାର୍ବୁ ତାଗେ ଆହାମାଚେ ।

୫ ହାରେକା ଲକୁ ତାନି ତାଣା ଖାହିମାନାଣି ମେସାନା, ଜୀସୁ ପିଲିପଲ୍ ଏଲେଇଚେସି, “ଇଞ୍ଜାରାକି ତିଞ୍ଜାଲି ମାର ଆମ୍ବିଟି ରାନ୍ଦା କଡିନାୟି ?” ୬ ସାମା ଏଞ୍ଜାସି ପିଲିପଲ୍ ତାୟିପାରି କିୟାଲି ଏଲେଇଚେସି, ଇଚିହିଁ ଏଞ୍ଜାସି ଏଦାଆଁ କିନାୟିମାନେ, ଏଦାଆଁ ତାନ୍ତୁଏ ପୁଞ୍ଜାମାଚେସି ।

୭ ପିଲିପ ଏଞ୍ଜାଣାଲ୍ ଏଲେଇଚେସି, “ବାରେ ଲକୁତାକି ଇଟା ଇଟାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାତି\* ରୁଟି ଜିକେଏ ହାଲ୍ଲାଉ ।”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆହିୟ ଦରୁଗାଟାସି ଜୀସୁଲ୍ ଏଲେଇଚେସି, ୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣକା ରିଣ୍ଡି ମାନୁ, ସାମା ଇଚେକା ଲକୁତାକି ଏଞ୍ଜି ହାଲ୍ଲିନୁ କି ?”

୧୦ ଜୀସୁ ଏଲେଇଚେସି, “ଲକୁଣି କୁପକି କିଦୁ ।” ଏ ଟାୟୁତା ହାରେକା ଗାକି ଜାଡ଼ା ମାଚେ । ଏମ୍ବାଆଁ ପାସାମାଣା ଆବାୟାଁ କୁଗିତେରି । ୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଲ୍ ଜହରା ହୀହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହୀତେରି, ମୀଣକା ଜିକେଏ ଏଲେକିହିଁ ଏ ବାଟିକିତେରି, ଏଚେକା ମନ କିତେରି ଏଞ୍ଜାରାକି ଏଚେକା ହୀତେରି । ୧୨ ଅଡ଼େ ଏଞ୍ଜାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଲ୍ ଏଲେଇଚେସି, “ଏଚେକା ହୀରାମାନେ, ଏଦାଆଁ ବାରେ କୁଡ଼ି କିଦୁ ଏନିକିଁ ଇଟାୟି ଜିକେଏ ନସ୍ତୁ ଆଏ ।” ୧୩ ଏଚେଟିଏ ଲକୁ ତିଟି ତାୟୁ ପାସାଗଟା ରୁଟି ବିତ୍ରାଟି ହୀରାମାଟି ମୁକାୟାଁ ବାର ତାଲି କୁଡ଼ି କିତେରି ।

୧୪ ଜୀସୁତି ଇ କାବାଆନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣ୍ଡପୁତି ବଲୁ ଖେକନାସି ଦାରତିତା ଖାନ୍ଦାୟି ମାଚେ, ଏଞ୍ଜାସି ସାତେଏ ଇଞ୍ଜାସି ।” ୧୫ ଏଦାଆଁତାକି ଏଞ୍ଜାରି ଖାହାନା ରାଜା କିୟାଲି ବାଲ୍ଲମିଟି ଆସା ଅୟାନେରି ଇଞ୍ଜି ପୁଞ୍ଜାନା ଜୀସୁ ଏଟକା ଆହାନା ରଅସିଏ ଦାରିତା ମାଟି ହରୁ ଲାକ ହଟାହାଚେସି ।

**ଜୀସୁ ଏୟୁ ଲାକ ତାକିନାୟି**

(ମାତି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲା ଆହାଲିଏ ତାନି ସୀସୁୟାଁ ସାମ୍ବୁରି ଗାରୁତା ହାଚେରି । ୧୭ ଅଡ଼େ ସାମ୍ବୁରି ଆତାଲା ମାନି କପରନାହୁମ ଖାକି ହାଜାଲି ତଂଗତା ହଚେରି । ଆନ୍ଦେରି ଆହାହାଚେ, ଅଡ଼େ, ଜୀସୁ ଏଚିବେଲା ପାତେକା ଏଞ୍ଜାରିତାଣା ଖାହା ହିଲାଆତେସି । ୧୮ ଇଞ୍ଜା କାଜା ଗାଲି ଖେଟିମାଟାକି ସାମ୍ବୁରିତା ଆଜିହପେତି ଏୟୁ ଉଣ୍ଡାୟାଁ ନିଙ୍ଗିମାରୁ । ୧୯ ଏଚିବେଲା ଏଞ୍ଜାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହିଁ ତଂଗ ଖାକି

\* ୬:୭ ଖେଣ୍ଡି ଟାକା ର ରୁପାଟାକା ର ଦିନାତି କୁଲି ମାତି ୨୦:୨

ଝାହିମାନାଣି ମେସାନା ଆଜିତେରି । ୨୦ ସାମା ଜୀସୁ ଏଝାରାଇଁ ଏଲେଇରେସି, “ଆଜାଆଦୁ ଇଝାତେଏଁ ନାନୁ ।” ୨୧ ଏମ୍ବାଟିଏ ଏଝାରି ଏଝାଣାଇଁ ତଂଗତା ଅହାଲି ମନ କିତେରି, ଅଡ଼େ, ଏମିନି ସାମ୍ବୁରି ଗାଟୁତା ହାଜିମାଚେରି, ଦେବୁଣିଏ ଏ ଟାୟୁତା ତଂଗ ଏତେ ।

**ଜୀସୁଇଁ ଲକ୍ଷୁ ପାରିନାୟି**

୨୨ ଏ ଟାୟୁତା ର ତଂଗ ପିସ୍ପେ ଏଟକାତି ତଂଗୟାଁ ହିଲାଆଡୁ, ଅଡ଼େ ଏମ୍ବାଆଁ ଜୀସୁ ତାନି ସାୟୁୟାଁ ତଲେ ହାଜାହିଲାଆତେସି, ସାମା ଝାରଇ ସାୟୁୟାଁ ହାଜାମାଚେରି, ଇଦାଆଁ ଆମିନି ଲକ୍ଷୁ ତାନି ଅର ନେରୁ ସାମ୍ବୁରି ଆତାଲା ନିରାମାଚେରି ଏଝାରି ମେସାମାଚେରି । ୨୩ ଆମିନି ତାଣା ଜୀସୁ ଜହରା କିହାନା ଲକ୍ଷୁଣି ରୁଟି ତିଞ୍ଜାଲି ହାହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗାୟାଁ ଏ ଟାୟୁତା ଝାଡୁ । ୨୪ ଇଞ୍ଜା ଜୀସୁ ତାନି ସାୟୁୟାଁ ଏମ୍ବାଆଁ ହିଲାଆତେରି, ଇଦାଆଁ ମେସାନା ବାରେ ଲକ୍ଷୁ ଇ ତଂଗତା ହଟାନା ଜୀସୁଇଁ ପାରି ପାରିହଁ କପରନାହୁମତା ଝାଡ଼େରି ।

**ଜୀସୁ ଜୀଝୁତି ରାନ୍ଦା**

୨୫ ଏଝାରି ସାମ୍ବୁରି ଆତାଲା ଜୀସୁଇଁ ବେଟାଆହାନା ଝେଚେରି, ଏ. “ଗୁରୁ, ନୀନୁ ଏଚିବେଲା ଇମ୍ବାଆଁ ଝାଡ଼ି ?”

୨୬ ଜୀସୁ ଏଝାରାଇଁ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନା କାବାଆନି କାମା ମେସ୍ତାକି ନାଙ୍ଗେ ପାରିମାଞ୍ଜାଦେରି ଏଦି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଙ୍ଗେ ପାରିମାଞ୍ଜାଦେରି । ୨୭ ସୀରୁନି ରାନ୍ଦା ତାକି କାମା କିଆନା, କାଲାକାଲାତି ଜୀଝୁତାକି ତୁୟିନି ରାନ୍ଦା ତାକି କାମା କିଦୁ, ଏ ରାନ୍ଦା ମାଣ୍ଡସି ମୀରୁଏସି ମିଙ୍ଗେ ହିୟାନେସି, ଇତିହଁ ତାନି ଆବା ମାହାପୁରୁ ଏଝାଣାକି ଅଦିକାରା ହାହାମାନେସି ।”

୨୮ ଏମ୍ବାଟିଏ ଏଝାରି ଏଝାଣାଇଁ ଝେଚେରି, “ମାହାପୁରୁତି ବାରେ କାମା କିହାଲିତାକି ମାଙ୍ଗେ ଏନାଆଁ କିହାଲି ଆନେ ?”

୨୯ ଜୀସୁ ଏଝାରାଇଁ ଏଲେଇରେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଝାଣି ତାଣା ନାମିନାୟି ମାହାପୁରୁତି କାମା ।”

୩୦ ଏଚେଟିଏ ଏଝାରି ଏଝାଣାଇଁ ଝେଚେରି, “ଆତିହଁ ନାନୁ ସିନାଲେହେଁ ଏନାଆଁ କିହିମାଞ୍ଜି, ଏଦାଆଁ ମେସାନା ମାମ୍ବୁ ନିଙ୍ଗେ ନାମାନମି ? ୩୧ ମା ଆକୁ ଆବାୟାଁ ଲକ୍ଷୁ ତୟାଆ ଟାୟୁତା ‘ମାନା’† ତିଞ୍ଜା ମାଚେରି, ଦାମ୍ବୁପତିତା ରାସ୍ତକି ଆହାମାନେ, ତିଞ୍ଜାଲି ଏଝାସି ଏଝାରାକି ଲାକପୁରୁଟି ରାନ୍ଦା ହାତେସି ।”

୩୨ ଏଚେଟିଏ ଜୀସୁ ଏଝାରାଇଁ ଏଲେଇରେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ମସା ମିଙ୍ଗେ ଲାକପୁରୁଟି ରାନ୍ଦା ହାହାମାଞ୍ଜାଅସି, ସାମା ନା ଆବା ମିଙ୍ଗେ ଲାକପୁରୁଟି ସାତା ରାନ୍ଦା ହିୟାନେସି; ୩୩ ଇତିହଁ ଆମିନି ରାନ୍ଦା ଲାକପୁରୁଟି ଝାହାନା ଦାରୁତିତି ଲକ୍ଷୁଣି ଜୀଝୁ ହୀନେ, ଏଦି ମାହାପୁରୁ ହିୟାତି ରାନ୍ଦା ।”

୩୪ ଏଝାରି ଜୀସୁଇଁ ଏଲେଇରେସି, “ପ୍ରବୁ, ମାଙ୍ଗେ ବାରେଦିନା ଏ ରାନ୍ଦା ହିୟାମୁ ।”

୩୫ ଏମ୍ବାଟିଏ ଜୀସୁ ଏଝାରାଇଁ ଏଲେଇରେସି, “ନାନୁଏ ଜୀଝୁତି ରାନ୍ଦାତେଏଁ; ଆମ୍ବାଆସି ନା ତାଣା ଝାନ୍ନେସି, ଏଝାସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସ୍ତକି ଆଅସି । ୩୬ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ନାଙ୍ଗେ ମେସ୍ତାତି ଜିକେଏ ନାମିମାଞ୍ଜାଅତେରି । ୩୭ ଆବା ନାଙ୍ଗେ ଆମ୍ବାଆରାଇଁ ହିୟାନେସି, ଏଝାରି ବାରେଜାଣା ନା ତାଣା ଝାନ୍ନେରି; ଅଡ଼େ ନା ତାଣା ଝାନାଣାଇଁ, ନାନୁ ଏଚେଲାଝା ପାଙ୍ଗାତା ପିହଁଅଁ । ୩୮ ଇତିହଁ ନାନୁ ଅଣ୍ଡପିନି ଲେହେଁ କିହାଲି ଝାହାହିଲଅଁ, ସାମା ନାଙ୍ଗେ ପାଣ୍ଡାତାଣା ଅଣ୍ଡପୁ ତଲେ କିହାଲି ଲାକପୁରୁଟି ଝାହାମାଇଁ । ୩୯ ଅଡ଼େ ନାଙ୍ଗେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଙ୍ଗେ ହିୟାନେସି, ଏଝାରି ବିତ୍ତାଟି ଆମ୍ବାଆରାଇଁ ଜିକେଏ ଏନିକଁ ନାନୁ ଜାକ୍ଅଁ, ସାମା ରାନି ଦିନାତା ଏଝାରାଇଁ ହାଡ଼ାରି ତାଣାଟି ନିକ୍ଇଁ, ଇଦି ଏଝାଣି ଅଣ୍ଡପୁ । ୪୦ ଇତିହଁ ଆମ୍ବାଆସି ମୀରୁଏଣାଇଁ ମେସାନା ଏଝାଣି ତାଣା ନାମିନେସି, ଏଝାସି ଏନିକଁ କାଲାକାଲାତି ଜୀଝୁ ବେଟା ଆନେସି, ଇଦି ନା ଆବାତି ଅଣ୍ଡପୁ ଅଡ଼େ ନାନୁ ଏଝାଣାଇଁ ରାନି ଦିନାତା ହାଡ଼ାରି ତାଣାଟି ନିକ୍ଇଁ ।”

୪୧ ନାନୁ ଲାକପୁରୁଟି ରେଟା ଝାହାମାନି ରାନ୍ଦାତେଏଁ ଇଞ୍ଜିଏ ଏଝାସି ଏଲେଇଞ୍ଜାଲିଏ ଜୀହୁଦିୟାଁ ଏଝାଣି କପାଟି ଏଲେଇଞ୍ଜି ଜଲ୍ଲକି ଆଡ଼େରି । ୪୨ “ଇଝାସି ଜସେପ ମୀରୁଏସି ଜୀସୁ ଆଏକି, ଅଡ଼େ ମାର ଇଝାଣି ଇୟା ଆବାତି ପୁଞ୍ଜାହିଲାଆୟି କି ? ଆତିହଁ ନାନୁ ଲାକପୁରୁଟି ରେଟା ଝାହାମାଇଁ ଇଞ୍ଜିଏ ଏଝାସି ନୀଏଁ ଏନିକଁ ଝେସିମାନେସି ?”

୪୩ ଜୀସୁ ଏଝାରାଇଁ ଏଲେଇରେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ ।” ୪୪ ନାଙ୍ଗେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କଡିନେସି, ଏଝାସିଦେଁ ନା ତାଣା ଝାହାଲି ଆଡିନେସି, ଅଡ଼େ ନାନୁ ରାନି ଦିନାତା ଏଝାଣାଇଁ ହାଡ଼ାରି ତାଣାଟି ନିକ୍ଇଁ । ୪୫ ମାହାପୁରୁ ଅଣ୍ଡପୁତି ବଲ୍ଲୁ ଝେହନାରି ଦାମ୍ବୁପତିତା ରାସ୍ତକି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି । ଆମ୍ବାଆସି ଆବାତି

† ୨:୩୧ ୨:୩୧ ମାନା ଇତିସାରେ ଇସ୍ରାୟେଲ ଲକ୍ଷୁକି ମାହାପୁରୁ ହାହାମାଟି କାଡ଼ିତି ବରୁ

କାତା ଖେଜାନା ଜାପାମାନେସି, ଏଝାସି ନା ତାଣା ଖାନେସି । ୪୭ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାରଇ ଏଝାସି ମେସାମାନେସି । ୪୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ନାମିନେସି, ଏଝାସି କାଲାକାଲାତି ଜୀଝୁ ବେଟା ଆହାମାନେସି । ୪୮ ନାନୁ ଜୀଝୁତି ରାନ୍ଦାତେସି । ୪୯ ମୀ ଆକୁ ଆବାୟା ଲକୁ ଡୟାଆ ଚାୟୁତା ମାନା ତିଞ୍ଜାନା, ହାତେରି । ୫୦ ଆମ୍ବାଆରି ଏନିକିଁ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଖାନି ରାନ୍ଦା ଇଦି ।

୫୧ ନାନୁ ଲାକପୁରୁଟି ଖାହାମାନି ଏ ଜୀଝୁଗାଟି ରାନ୍ଦାତେସି; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନୀତିନେସି; ହାଅ, ନାନୁ ଏମିନି ରାନ୍ଦା ହାଇଁ, ଏଝି ନା ଡଙ୍ଗା, ନାନୁ ଏଝାଆଁ ଦାର୍ତତି ଜୀଝୁତାକି ହାଇଁ ।”

୫୨ ଇ ହାତା ଖେଜାନା ଜୀହୁଦିୟାଁ କାରୁବି ଆହାନା ଏଲେଇଶ୍ୱା ଆତେରି, “ଇଝାସି ଏନିକିଁ ମାଙ୍ଗେ ତାନି ଡଙ୍ଗା ତିଞ୍ଜାଲି ହିୟାଲି ଆଡାନେସି ?”

୫୩ ଜୀସୁ ଏଝାରାଇଁ ଏଲେଇଚେସି, “ନାନୁ ସାତା ଖେସିମାଞ୍ଜାଇଁ, ମାଣ୍ସି ମୀରଏଣି ଡଙ୍ଗା ତିନାଆସାରେ ଅଡେ ତାନି ନେତେରି ଗହଆସାରେ, ମୀ ତାଣା ଜୀଝୁ ହିଲେଏ । ୫୪ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେତେରି ଗହନେସି, କାଲାକାଲାତି ଜୀଝୁ ବେଟା ଆନେସି, ଅଡେ ନାନୁ ଏଝାଣାଇଁ ରାନି ଦିନାତା ହାତାରି ତାଣାଟି ନିକଇଁ । ୫୫ ଇଚିହଁ ନା ଡଙ୍ଗା ସାତା ରାନ୍ଦା ଅଡେ ନା ନେତେରି ସାତା ଗହନାୟି । ୫୬ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେତେରି ଗହନେସି, ଏଝାସି ନା ତାଣା ଡୟିନେସି ଅଡେ ନାନୁ ଏଝାଣି ତାଣା ଡୟିଇଁ । ୫୭ ଜୀଝୁତି ଆବା ନାଙ୍ଗେ ଏନିକିଁ ପାଣ୍ଡାମାଞ୍ଜାନେସି ଅଡେ ନାନୁ ତାନିତାଣାଟି ନୀତାମାଇଁ, ଏଲେକିହଁ ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଝାସି ଜିକେଏ ନା ତାଣାଟି ନୀତିନେସି । ୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଦି ଇଦି; ମୀ ଆକୁ ଆବାୟା ଏନିକିଁ ତିଞ୍ଜାନା ହାତେରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଝାସି କାଲାକାଲା ତାକି ଜୀଝୁତଲେ ଡୟିନେସି ।”

୫୯ ଜୀସୁ କପରନାହୁମତି ର ଜୀହୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଖେସିମାଟାଟି ଇ ବାରେ କାତା ଖେସୁସି ।

**କାଲାକାଲା ଜୀଝୁତି ବଲୁ**

୬୦ ଜୀସୁତି ସୀସୁୟାଁ ବିତ୍ରାଟି ହାରେକା ଇ ବାରେ କାତା ଖେଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଖେଜାଲି ଆଡନେସି ?”

୬୧ ଏଝାରି ଇ କାତାତାକି ଖେସୁପି ଆହିମାନେରି ଇଞ୍ଜିଁ ଜୀସୁ ପୁଞ୍ଜାନା ସୀସୁୟାଁଇଁ ଏଲେଇଚେସି,

“ଇ କାତା ମିଙ୍ଗେ ଅପାଆଗାଟାୟି ଆହିମାନେ କି ? ୬୨ ଆତିହଁ ମାଣ୍ସି ମୀରଏସି ତଲିଏ ମାଟି ଚାୟୁତା, ଖେଣ୍ଡେ ହାନାଣି ମେସୁହଁ, ଏନାଆଁ ଇଞ୍ଜେରି ? ୬୩ ମାହାପୁରୁଟି ଜୀଝୁ ନୀତାଲି ହୀନାୟି; ମାଣ୍ସିତି ଆଙ୍ଗା ଏନାଆଁ କିୟାଲି ଆଡେଏ; ନାନୁ ମିଙ୍ଗେ ଖେସୁତି ବଲୁ ବାରେ, ସୁଦୁଜୀଝୁ ଅଡେ ନୀତିନି ବଲୁ । ୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇଚିହଁ ଆମ୍ବାଆରି ନାମି ହିଲାଆତେରି ଅଡେ ଆମ୍ବାଆସି ଏଝାଣାଇଁ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି । ୬୫ ଅଡେ ଏଝାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ଆବା ହେଲ ହାଆତିହଁ ଆମ୍ବାଆସି ନା ତାଣା ଖାୟାଲି ଆଡଅସି ।”

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାରେକା ଜାଣା ଅପାଆନାହାଁ ହାଜାତୁସେରି, ଇଞ୍ଜା, ଏଝାଣିତଲେ ଅଡେ ହାଲାଆତେରି । ୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଖେଚେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି ?”

୬୮ ଏସିମନ ପିତର ଏଝାଣାଇଁ ଏଲେଇଚେସି, “ପ୍ରୁ ଆମ୍ବାଆରି ତାଣା ହାନମି ? କାଲାକାଲାତି ଜୀଝୁତି ବଲୁ ନୀ ତାଣା ମାନେ । ୬୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣ୍ସିତି ଇଦାଆଁ ମାୟୁ ନାମା ମାନମି ଅଡେ ପୁଞ୍ଜାମାନମି ।”

୭୦ ଜୀସୁ ଏଝାରାଇଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାତେରି ମିଙ୍ଗେ ଆଚାମାଞ୍ଜାଆଁ କି ? ଅଡେ ମୀ ବିତ୍ରାଟି ରଅସି ସୟତାନ ।” ୭୧ ଏଝାସି ଇସ୍ତାରିୟତ ସିମନ ମୀରଏସି ଜୀହୁଦାଈଁ ସିନିକିହାନା ଏଲେଇଚେସି, ଇଚିହଁ ଏଝାସି ବାରଜାଣା ସୀସୁୟାଁ ବିତ୍ରାଟି ରଅସି, ଅଡେ ଏଝାସି ଜୀସୁଇଁ ସାତୁ କେୟୁତା ହେରପାଲି ହାଜିମାଚେସି ।



**ଜୀସୁ ଅଡେ ତାନି ତାୟିୟାଁ**

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାଚେସି, ଇଚିହଁ ଜୀହୁଦିୟାଁ ଏଝାଣାଇଁ ପାୟାଲି ଅଣପି ମାତାକି ଏଝାସି ଜୀହୁଦା ରାଜିତା ରେଜାଲି ମନ କିହି ହିଲାଆତେସି । ୨ ସାମା ଜୀହୁଦି ଲକୁତି “ଗଚାୟାଁ ଗୁଡାତା ବାସାଆନ୍ତି” ପାରୁଁ ତାଗେ ଖାହିମାତାକି । ୩ ଜୀସୁତି ତାୟିୟାଁ ଏଝାଣାଇଁ ଏଲେଇଚେରି, “ନାନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହନେରି ଇଦାଆଁତାକି ନାନୁ ଇମ୍ବାଟି ହଟା ହାଜାନା ଜୀହୁଦା ରାଜିତା ହାଲାମୁ । ୪ ଇଚିହଁ ଲକୁତାଣା ଖେଜାଲି ମନ କିନାସି ତାନି କାମା ଡଗୁଆଁ କିଅସି । ନାନୁ ଇ ବାରେ କାମା କିହିମାଞ୍ଜି, ଆତିହଁ ନାନୁ ଦାର୍ତତି ନକିତା ତସାକତାମୁ ।”

‡ ୭:୫୯ ୭:୫୯ ସିନଗର    ✱ ୭:୬୮ ୭:୬୮ ମାତି ୧୭:୧୭; ମାର୍କ ୮:୨୯; ଲୁକ ୯:୨୦

୫ ଇତିହାସ ତାମି ତାୟିୟା ଜିକେଏ ତାଙ୍ଗେ ନାମି ହିଲାଆତେରି ।

୬ ଏମ୍ବାଟିଏ ଜୀସୁ ଏଞ୍ଜରାଲ୍ ଏଲେଇଚେସି, “ନୀର୍ବ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ ।”

୭ ଦାର୍ତ୍ତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇତିହାସ ତାମି କାମା ବାରେ ଲାଗେଏତାୟି ଇଞ୍ଜ ନାନୁ ସାକି ହୀହାନା ତସିମାଲ୍ । ମୀରୁ ଇ ପାର୍ବୁତା ହାଜୁ, ନାନୁ ନୀର୍ବ ଇ ପାର୍ବୁତା ହାଜିହିଲଅ, ଇତିହାସ ନା ଦିନା ଖାହାହିଲେଏ । ଏଞ୍ଜସି ଏଞ୍ଜରାଲ୍ ଇ ବାରେ କାତା ଖେସାନା ଗାଲିଲିତା ଡୟିତେସି ।

**ଗଟାୟା ଗୂଡାତା ବାସାଆନ୍ତି ପାର୍ବୁତା ଜୀସୁ**

୧୦ ଜୀସୁତି ତାୟିୟା ଏ ପାର୍ବୁତା ହାତି ତାୟୁ, ଜୀସୁ ଜିକେଏ ହାଚେସି ସାମା ଲକୁ ମେହୁଆରେନୁ ମେଣେଏ ହାଚେସି । ୧୧ ପାର୍ବୁ ବେଲାତା ଜୀହୁଦି ଲକୁ ଏଞ୍ଜାଣାଲ୍ ପାରି ପାରିହୁ, “ଏଞ୍ଜସି ଏମ୍ବିୟା ମାନେସି ଇଞ୍ଜ ଖେଚେରି ?”

୧୨ ବାରେ ଲକୁ ଏଞ୍ଜାଣି ତାକି କିଲିବିଲି ଆହିମାଚେରି, ଏଚରଜାଣା “ଏଞ୍ଜସି ନେହୁ ମାଣସି” ଇଚେରି; ଅଡେ ଏଚରଜାଣା “ଆଏ, ଏଞ୍ଜସି ଲକୁଣି ନାଡ଼ି କିହିମାନେସି” ଇଞ୍ଜ ଇଚେରି । ୧୩ ସାମା ଜୀହୁଦିୟା ଆଜିତାକି ଆମ୍ବାଆରି ତାନି କାତା ପାଙ୍ଗାଞ୍ଜେ ଖେସି ହିଲାଆତେରି ।

୧୪ ସାମା ପାର୍ବୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପହାଲି ମାଟ୍‌ହେସି । ୧୫ ଏମ୍ବାଟିଏ ଜୀହୁଦିୟା କାବାଆହାନା ଏଲେଇଚେରି, “ଇଞ୍ଜସି ପାଟା ଜାପାଆନାହା ଏନିକ ଇଚେକା ବୁଦି ପୁଚେସି ?”

୧୬ ଜୀସୁ ଏଞ୍ଜରାଲ୍ ଏଲେଇଚେସି, “ନାନୁ ଜାପହିମାନାୟି ନା ତାଣାଟି ଆଏ, ସାମା ନାଙ୍ଗେ ପାଣ୍ଡାତାଣାଞ୍ଜାୟି । ୧୭ ଆମ୍ବାଆସି ତାନି ଅଣ୍‌ପୁ ତଲେ କିହାଲି ଅଣ୍‌ପିନେସି, ଆଡ଼ିସାରେ ଇ ଜାପ୍‌ନାୟି ମାହାପୁରୁ ତାଣାଟି ଖାହାମାନେ, କି, ନା ତାଣାଟି ଖେସିମାଲ୍, ଏଦାଣି ଏଞ୍ଜସି ପୁନେସି । ୧୮ ଆମ୍ବାଆସି ନାଦିଏ ଇନେସି, ଏଞ୍ଜସି ତାନି ଗାଞ୍ଜୁରମି ପାରିନେସି, ସାମା ଆମ୍ବାଆସି ତାଙ୍ଗେ ପାଣ୍ଡାମାଞ୍ଜାନାଣା ଗାଞ୍ଜୁରମି ପାରିନେସି, ଏଞ୍ଜସି ସାତା, ଅଡେ ଏଞ୍ଜାଣି ତାଣା ଏନାୟି ଲାଗେଏ କିନାୟି ହିଲେଏ । ୧୯ ମସା ମିଙ୍ଗେ ମେରା ହୀହାମାଞ୍ଜାଅସି କି ? ଆଡ଼ିଜିକେଏ ମୀ ବିତ୍ରାଟି ଆମ୍ବାଆତେରି ମେରାଡ଼ି ମାନୁଞ୍ଜି ଆହି ହିଲଅତେରି, ମୀରୁ ଏନାଆଁତାକି ନାଙ୍ଗେ ପାୟାଲି ଅଣ୍‌ପିମାଞ୍ଜାଦେରି ?”

୨୦ ଲକୁ ବାରେ ଏଲେଇଚେରି, “ନିଙ୍ଗେ ବୁତୁ ଆଲ୍‌ଗାମାଞ୍ଜାନେ, ନିଙ୍ଗେ ଆମ୍ବାଆସି ପାୟାଲି ଅଣ୍‌ପି ମାଞ୍ଜାନେସି ?”

୨୧ ଜୀସୁ ଏଞ୍ଜରାଲ୍ ଏଲେଇଚେସି, “ନାନୁ ର କାବାଆନ୍ତି କାମା କିଚେଏ, ଅଡେ ମୀରୁ ବାରେ କାବା ଆଡେରି । ୨୨ ଇଦାଆଁତାକି ମସା ମିଙ୍ଗେ ତଲୁ ଦାପି କିନି ମେରା ହୀହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଡ଼ି ଆଏ, ସାମା ଆକୁ ଆବାୟା ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ? ୨୩ ଇଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାତି ମେରା ଉରିହିଲଅତେରି, ଆଡ଼ିହୁ ନାନୁ ଜମିନି ଦିନାତା ର ମାଣସିତି ଗୁଡ଼ା ଆଙ୍ଗା ନେହୁ କିୟାଲିଏ ମୀରୁ ନାଙ୍ଗେ ଏନାଆଁତାକି କପା ଆହିମାଞ୍ଜାଦେରି ? ୨୪ ଖାଚ୍‌ଇ ଲାକ ଲାକ କାତା ମେସାନା ନୀହାୟି କିଆଦୁ ସାତା ତଲେ ନୀହାୟି କିଦୁ ।”

**ଇଞ୍ଜସି ଏନାଆଁ ମସିହା ?**

୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା ଖେସପି ଆଡେରି, “ଆମ୍ବାଆରାଲ୍ ଇଞ୍ଜାରି ପାୟାଲି ଅଣ୍‌ପିମାନେରି ଇଞ୍ଜସି ଏଞ୍ଜସି ଆଏକି ? ୨୬ ଅଡେ ମେହୁଦୁ, ଏଞ୍ଜସି ଲକୁ ପୁଣ୍‌ମେ କାତା ଖେସିମାନେସି, ଇଞ୍ଜା ଏଞ୍ଜାଣାଲ୍ ସାଲୁଞ୍ଜି କିନାରି ଏନାଆଁ କିହିହିଲଅରି । ଏଞ୍ଜସି କ୍ରୀସୁ ଇଞ୍ଜ ଏଞ୍ଜାରି ଏନାଆଁ ସାତା ତଲେ ପୁଚେରି କି ? ୨୭ ଆଡ଼ିହୁ ଏଞ୍ଜସି, ଆମ୍ବିଟି ଖାହାମାନେସି, ଇଦାଆଁ ମାର ପୁଞ୍ଜାମାନାୟି, ସାମା କ୍ରୀସୁ ଏଚିବେଲା ଖାଚେସି, ଏଚିବେଲାତା ଆମ୍ବାଆସି ପୁନଅସି, ଇତିହାସ ଏଞ୍ଜସି ଆମ୍ବିଟି ଖାହାମାନେସି ।”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଖେସି ଖେସିହୁ କାଜା ଗିୟାତଲେ ଏଲେଇଚେସି, “ମୀରୁ ସାତେଏ ନାଙ୍ଗେ ପୁଞ୍ଜାମାଞ୍ଜାଦେରି ଅଡେ ନାନୁ ଏମ୍ବିଟି ଖାହାମାଲ୍ ଏଦାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଣ୍‌ପୁ ତଲେ ଖାହାହିଲଅ, ସାମା ନାଙ୍ଗେ ପାଣ୍ଡାତାସି ଏଞ୍ଜସି ସାତା, ମୀରୁ ଏଞ୍ଜାଣାଲ୍ ପୁଞ୍ଜାହିଲଅତେରି । ୨୯ ନାନୁ ଏଞ୍ଜାଣାଲ୍ ପୁଞ୍ଜାମାଲ୍, ଇତିହାସ ନାନୁ ଏଞ୍ଜାଣି ତାଣାଟି ଖାହାମାଲ୍, ଅଡେ ଏଞ୍ଜସି ନାଙ୍ଗେ ପାଣ୍ଡାତେସି ।”

୩୦ ଏମ୍ବାଟିଏ ଜୀସୁଲ୍ ଆସାଲି ତାକି ଅଣ୍‌ପିଚେରି; ସାମା ଆମ୍ବାଆରି କେନ୍ଦୁ ଏଞ୍ଜାଣି ମୁହେଁ ଏଆତେ, ଇତିହାସ ଏଞ୍ଜାଣାଲ୍ ଆହୁନି କାଟୁ ଏଚେତା ଏଜାହିଲାଆତେ । ୩୧ ସାମା ଲକୁ ବିତ୍ରାଟି ହାଚ୍‌ରେକା ଏଞ୍ଜାଣି ତାଣା ନାମାନା ଏଲେଇଚେରି, “ଇଞ୍ଜସି ଏନି ଏନି କାବାଆନ୍ତି କାମା ବାରେ କିହିମାନେସି, କ୍ରୀସୁ ଖାହାନା ଇଞ୍ଜାଣି କିହାଁ ଏନାଆଁ ଆଗାଡ଼ା କିନେସି ?”

**ଜୀସୁଲ୍ ଦସାଲି କସକାଣି ପାଣ୍ଡିନାୟି**

୩୨ ଲକୁ ଜୀସୁ କାତା ତାମି ବିତ୍ରା ଖେସପି ଆହିମାଚାଣି ପାରୁସିୟା ଖେଚେରି ଅଡେ ପାରୁସିୟା ଅଡେ କାଜା ପୂଜେରାଙ୍ଗା ଜୀସୁଲ୍ ଦସାଲି

☆ ୭:୨୩ ୭:୨୩ ଜହ ୫:୯

ଜାମାନାକ୍ଷଣି ପାଣ୍ଡିତେରି । ୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମୀ ତଲେ ଗାଡ଼େକା ତାକି ଡ଼ୟାହାଁ ନାକ୍ଷେ ପାଣ୍ଡାତାଣା ତାଣା ହାକ୍ । ୩୪ ମୀରୁ ନାକ୍ଷେ ପାରାଦେରି, ସାମା ମେଡ଼ାଆୟଅତେରି; ଅଡ଼େ, ନାନୁ ଏମ୍ବିୟା ମାକ୍, ମୀରୁ ଏମ୍ବାଆଁ ଖାହାଲି ଆଡ଼ଅତେରି ।”

୩୫ ଜୀହୁଦିୟାଁ ତାମ୍ବୁତାମ୍ବୁସୁ ଖେସ୍ପି ଆଡ଼େତେରି, “ଇଖାସି ଆମ୍ବିୟା ହାଜିମାନେସି, ମାର ଏଞ୍ଜାଣାକ୍ ବେଟାଆହାଲି ଆଡ଼ାଆୟି ଏନାଆଁ ଇଖାସି ଇତାଲା ଆତାଲା ଜାକ୍ଷାହାଜାମାନି ଗ୍ରିକ୍ ଲକ୍ଷୁକ୍ ଜାପ୍ହାଲି ହାଜିମାନେସି କି ?” ୩୬ “ମୀରୁ ନାକ୍ଷେ ପାରାଦେରି, ସାମା ବେଟାଆୟଅତେରି, ଅଡ଼େ ନାନୁ ଏମ୍ବିୟା ମାକ୍, ମୀରୁ ଏମ୍ବାଆଁ ଖାହାଲି ଆଡ଼ଅତେରି, ଇଞ୍ଜି ଏଞ୍ଜାସି ଖେସ୍ପାତି ଇ କାତା ଏନାୟି ଇଞ୍ଜି ଖେସ୍ପି ଆଡ଼େତେରି ?”

**ଜୀହୁହାନି ଜାରଣା ଏୟୁ**

୩୭ ରାନ୍ତି ଦିନା, ଇତିସାରେ ପାର୍ବୁତି କାଜା ଦିନା, ଜୀସୁ ନିଚାନା କାଜା ଗିୟାତଲେ ଏଲେଇଚେସି, ଆମ୍ବାଆସି ଏସ୍କି ଆଡ଼ିହ, ଏଞ୍ଜାସି ନା ତାଗେ ଖାହାନା ଗସ୍ପେସି । ୩୮ ଅଡ଼େ ଆମ୍ବାଆସି ନା ତାଣା ନାନିନେସି, “ଦାମ୍ବୁ ପତିତା ରାସ୍କି ଆହାମାନି ଲେହେଁ, ଏଞ୍ଜାଣି ହିୟାଟି ଜୀହୁତି ଜାରଣା ଏୟୁ ହନ୍\* ।” ୩୯ ଜୀସୁ ସୁଦୁଜୀହୁତି କାତା ଖେସିମାଚେସି, ଆମିନି ଗାଟାରି ଜୀସୁ ତାଣା ନାନି ମାଚେରି, ଏଞ୍ଜାରି ସୁଦୁଜୀହୁ ବେଟାଆନାୟି ମାଚେ, ଜୀସୁ ଗାଞ୍ଜୁରମି ବେଟାଆହା ହିଲାଆତାକି ଏଞ୍ଜାରାକି ଏଡ଼େତା ସୁଦୁଜୀହୁ ହାପକି ଆହାହିଲାଆଡେ ।

**ଲକ୍ଷୁ ବିତ୍ରା ବାଗା ଆନାୟି**

୪୦ ଏଡ଼େତା, ଲକ୍ଷୁ ଏ କାତା ଖେଚେରି, ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇଖାସି ସାତେଏ ମାହାପୁରୁ ଅଣ୍ଟପୁତି ବଲୁ ଖେହନାସି ।”

୪୧ ଏଡ଼କାତାରି ଏଲେଇଚେରି, “ଏଞ୍ଜାସି ମସିହା !”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା !‡ ଏନାଆଁ ଗାଲିଲିଟି ଖାନ୍ନେସି କି ? ୪୨ ଦାମ୍ବୁ ସାସ୍ପେରିତା ରାସ୍କି ଆହାମାନେ, କ୍ରୀସ୍ତ ଦାଞ୍ଜୁଦ ରାଜା କୁଡ଼ାଟି ଇଞ୍ଜା ଦାଞ୍ଜୁଦ ଏମିନି ଚାୟୁତା ବାସା ଆହାମାଚେସି, ଏ ବେତଲିହିମ ନାୟୁଟି ଖାନ୍ନେସି ।” ୪୩ ଇଦାଆଁତାକି ଲକ୍ଷୁ ତାନି ବିତ୍ରାଟି ଏଞ୍ଜାଣି ତାକି ବାଗା ଆଡ଼େରି; ୪୪ ଅଡ଼େ, ତାନି ବିତ୍ରାଟି ଆମ୍ବା ଆମ୍ବାଆରି ଏଞ୍ଜାଣାକ୍ ଆସାଲି ଅଣ୍ଟପି ମାଚେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଗାଲି ଆଡ଼ାଆଡେରି ।

**ସାଲ୍‌କ୍ସି କିନି ଜୀହୁଦିୟାଁ ନାମାଆ ଗାଟାୟି**

୪୫ ଏଚେଟିଏ ଜାମାନାକ୍ଷ କାଜା ପୂଜେରା ଅଡ଼େ ପାରୁସିୟାଁ ତାଣା ଖେଣ୍ଡା ହାଚେରି, ଅଡ଼େ ଏଞ୍ଜାରି ଏଞ୍ଜାରାକ୍ ଖେଚେରି, “ଏଞ୍ଜାଣାକ୍ ଏନାଆଁତାକି ଆସା ତାଆଡେରି ?”

୪୬ ଜାମାନାକ୍ଷ ଏଞ୍ଜାରାକ୍ ଏଲେଇଚେରି, “ଇ ମାଣ୍ଡସି ଏନିକ୍ ହାଡ଼ା ଖେହନାସି, ଏଲେକିହ ଏମିନି ମାଣ୍ଡସି ଏଚେଲା ଖେସାହିଲଅସି ।”

୪୭ ପାରୁସିୟାଁ ଏଞ୍ଜାରାକ୍ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଞ୍ଜି ଆଡ଼େତେରି ? ୪୮ ପାରୁସିୟାଁ ବିତ୍ରାଟି କି ସାଲ୍‌କ୍ସି କିନାରି ବିତ୍ରାଟି ଆମ୍ବାଆରି ଏଞ୍ଜାଣି ତାଣା ନାମାମାନେରି କି ? ୪୯ ସାମା ଇ ଏମିନି ଲକ୍ଷୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଞ୍ଜାରି ବାକା ଗାଟି ଲକ୍ଷୁ ।”

୫୦ ଏମିନି ନିକଦିମ ଇଦାଆଁ ନକେଏ ଜୀସୁକ୍ ମେସାଲି ତାକି ଖାହାମାଚେସି ଇଞ୍ଜା ଏଞ୍ଜାସି ଏଞ୍ଜାରି ବିତ୍ରାଟି ପାରୁସି ମାଚେସି, ଏଞ୍ଜାସି ଏଞ୍ଜାରାକ୍ ଖେଚେସି, ୫୧ “ରଅଣି ତାଣାଟି ନକେଏ ଖେନାଆନା ଇଞ୍ଜା ତାନି ମାଣ୍ଡକି ପୁନାଆନା ମା ମସାତି ମେରା ଏନାଆଁ ଏଞ୍ଜାଣାକ୍ ଦହ କିନେ ?”

୫୨ ଏଞ୍ଜାରି ଏଞ୍ଜାଣାକ୍ ଏଲେଇଚେରି, “ନାନୁ ଜିକେଏ ଏନାଆଁ ଗାଲିଲି ଲକ୍ଷୁ କି ? ଗାଲିଲିଟି ଏନି ମାହାପୁରୁ ଅଣ୍ଟପୁତି ବଲୁ ଖେହନାରି ଏଚେଲା ଖାହାଲି ଆଡ଼ଅରି, ଇଦାଆଁ ସାସ୍ପେରିତା ସିନିକିମ୍ବୁ ।” ୫୩ ଅଡ଼େ ଏଞ୍ଜାରି ବାରେଜାଣା ଜାହାରା ଇଜ ହାଚେରି ।

**୮**

**ଦାରେଣି ଆୟାଟି**

୧ ସାମା ଜୀସୁ ଜୀତ ହରୁତା ହାଚେସି । ୨ ଅର ଦିନା ଲାକ୍ ଏଞ୍ଜାସି ମାହାପୁରୁ ଇଲୁତା ଖେଣ୍ଡା ଖାଡ଼େସି, ଅଡ଼େ, ବାରେ ଲକ୍ଷୁ ଏଞ୍ଜାଣି ତାଣା ଖାହାଲିଏ, ଏଞ୍ଜାସି କୁଗାନା ଜାପ୍ହାଲି ମାଟ୍‌ହେସି । ୩ ମେରା ଜାପ୍‌ନାରି ଅଡ଼େ ପାରୁସିୟାଁ ଦାରି କାମାତା ଆସପି ଆହାମାନି ର ଇୟାନି ତାଡେରି, ବାରେଜାଣା ନକିତା ନିପ୍‌ହାନା ଜୀସୁକ୍ ଏଲେଇଚେରି । ୪ “ଗୁରୁ, ଇ ଇୟା ଦାରିକାମା କିହିମାଟାଟି ଆସପି ଆଡେ । ୫ ଇଲେଡି ଇୟାସିକାଣି ଖାଲକା କୁତାନା ଖେଚାଲିତାକି ମସା ମା ମେରାତା ହୁକୁମି ହୀହାମାଞ୍ଜାନେସି; ଆଡ଼ିହ ନାନୁ ଏନାଆଁ ଖେସିମାଞ୍ଜାଦି ?” ୬ ଏଞ୍ଜାରି ଜୀସୁକ୍ ଏନିକ୍ ପାନ୍ଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଞ୍ଜାରି ଏଞ୍ଜାଣାକ୍ ତାୟିପାରି କିହାଲି ଖେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁନିତା ରାଟାଲି ମାଟ୍‌ହେସି ।

୭ ଏଞ୍ଜାରି ଏମ୍ବାଆଁ ନିଚାନା ଖେଣ୍ଡେ ଖେଞ୍ଜାଲିଏ, ଜୀସୁ ତାୟି ହୁପର୍‌ହାନା ଏଞ୍ଜାରାକ୍ ଏଲେଇଚେସି,

\* ୭:୩୮ ୭:୩୮ ଇ କାତା ପୁଞ୍ଜଇ ପତିତା ହିଲେଏ † ୭:୪୧ ୭:୪୧ କ୍ରୀସ୍ତ ‡ ୭:୪୧ ୭:୪୧ କ୍ରୀସ୍ତ ☆ ୭:୫୦ ୭:୫୦ ଜହ ୩:୧,୨

“ମୀ ବିଭାତି ଆମ୍ବାଆସି ଏରେଲା ଏନ୍ ପାପୁ କିହାହିଲଅସି, ଏଞ୍ଜାସି ମୂଲୁ ଖାଲି କୁତାପେସି ।”  
 ୮ ଅଡ଼େ ଖେଣ୍ଡେ ଜୀସୁ ମୁନୁକାପାନା ବୁମିତା ରାଚାଲି ମାଟ୍‌ହେସି । ୯ ଜୀସୁତି ହାଡ଼ା ଖେଞ୍ଜାନା ଏଞ୍ଜାରି କାଜାରିଟିଏ ମାଟ୍‌ହାଁ ରଅଣି ଜେଚ ରଅସି ହାଜାଲି ମାଟ୍‌ହେରି, ଏମ୍ବାଆଁ ଖାରୁଇ ଜୀସୁ ଅଡ଼େ ମାଦି ମାନି ଏ ଇୟା ଡ଼ୟିତେ । ୧୦ ଜୀସୁ ତାୟ୍ ପେର୍‌ହାନା ଏଦାନି ଏଲେଇରେସି, “ଏ ଇୟା ଏଞ୍ଜାରି ଏମ୍ବିୟା ? ଆମ୍ବାଆରି ନିଙ୍ଗେ ଡ଼ଣ୍ଡ ହାହାଲି ହିଲଅରି କି ?”

୧୧ ଏଦି ଏଲେଇରେ, “ଆଏ, ପ୍ରୁ, ଆମ୍ବାଆରି ହିଲଅରି ।”

ଏମ୍ବାଟିଏ ଜୀସୁ ଏଦାନି ଏଲେଇରେସି; “ନାନୁ ଜିକେଏ ନିଙ୍ଗେ ଡ଼ଣ୍ଡ ହିୟଅଁ; ହାଲାମୁ, ସାମା ଅଡ଼େ ପାପୁ କିଆନି\* ।”

**ଜୀସୁ ଦାରୁତି ଉଜେଡ଼ି**

୧୨ \*ଜୀସୁ ଖେଣ୍ଡେ ପାରୁସିୟାଁଇଁ ଏଲେଇରେସି, “ନାନୁ ଦାରୁତି ଉଜେଡ଼ି, ଆମ୍ବାଆସି ନା ଜେଚ ଖାନେସି, ଏଞ୍ଜାସି ଜୀସୁତି ଉଜେଡ଼ି ବେଟା ଆନେସି ଅଡ଼େ ଏରେଲା ଜିକେଏ ଆନେରିତା ତାକଅସି ।”

୧୩ \*ପାରୁସିୟାଁ ଏଞ୍ଜାଣାଇଁ ଏଲେଇରେରି, “ନୀଏଁ ନାନୁ ନିଙ୍ଗେତାକି ସାକି ହାହିମାଞ୍ଜି, ନାନୁ ଏନାଆଁ ଏଲେ ଇଞ୍ଜିମାଞ୍ଜି ଏଦି ସାତା ପାରମାଣା ହିଲାଆଗାଗାୟି ।”

୧୪ ଜୀସୁ ଏଞ୍ଜାରାଇଁ ଏଲେଇରେସି, “ଆଏ ନାନୁ ନା ତାକି ସାକି ହାତି ଜିକେଏ, ନାନୁ ଏନାଆଁ ଖେସିମାଞ୍ଜାଇଁ ଏଦି ସାତା, ଇଚିହିଁ ନାନୁ ଆମ୍ବିଟି ଖାହାମାଇଁ ଅଡ଼େ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅତେରି ଏମ୍ବାଟି ଖାକୁ ଅଡ଼େ ଏମ୍ବିୟା ହାଇଁ । ୧୫ ମୀରୁ ଖାରୁଇ ମାଣ୍‌ସିୟାଁ ଲେହେଁ ବିଚାରା କିହିମାଞ୍ଜେରି, ନାନୁ ଆମ୍ବାଆରି ବିଚାରା କିଅଁ । ୧୬ ସାମା ନାନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇଚିହିଁ ନାନୁ ରଅତେଏଁ ଆଏ ସାମା ଏମିନି ଆବା ନାଙ୍ଗେ ପାଣ୍ଡାମାଞ୍ଜାନାସି ନା ତଲେ ମାନେସି । ୧୭ ମୀ ମସାତି ମୋରାତା ରାସ୍‌କି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଦି ସାତା । ୧୮ ନାନୁ ନାଙ୍ଗେତାକି ସାକି ହାହିମାଇଁ, ଅଡ଼େ, ନାଙ୍ଗେ ପାଣ୍ଡାମାଞ୍ଜାନି ଆବା ଜିକେଏ ନା ଖାକିଟି ସାକି ହାହିମାନେସି ।”

୧୯ ଏଞ୍ଜାଣାଇଁ ଏଞ୍ଜାରି ଖେରେରି, “ନୀ ଆବା ଏମ୍ବିୟା ?” ଜୀସୁ ଏଲେଇରେସି, “ନାଙ୍ଗେ କି ନା ଆବାଇଁ ମୀରୁ ପୁଞ୍ଜାହିଲଅତେରି; ନାଙ୍ଗେ ପୁଞ୍ଜାଡ଼ିହିଁ ମା, ନା ଆବାଇଁ ଜିକେଏ ପୁରେରିମା ।”

୨୦ ମାହାପୁରୁ ଇଲୁତି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜାପ୍‌ହିମାରେସି, ସାମା ଆମ୍ବାଆରି

ଜିକେଏ ଏଞ୍ଜାଣାଇଁ ଆହାଆତେରି ଏନାଆଁତାକି ଇଚିହିଁ ତାନି ବେଲା ଖାହା ହିଲାଆତେ ।

**ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି**

୨୧ ଜୀସୁ ଅଡ଼େ ଖେଣ୍ଡେ ଏଞ୍ଜାରାଇଁ ଏଲେଇରେସି, “ନାନୁ ହାଜିମାଇଁ, ମୀରୁ ନାଙ୍ଗେ ପାରାଦେରି, ଅଡ଼େ ମୀରୁ ମୀ ପାପୁତା ହାଡ଼େରି । ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅତେରି ।”

୨୨ ଇଞ୍ଜା ଜୀହୁଦିୟାଁ ଏଲେଇରେରି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜାରାଇଁ ଏଲେଇରେସି, “ମୀରୁ ଇ ଡ଼ଇପୁରୁଟି ଜାନା ଆହାମାଞ୍ଜେରି, ସାମା ନାନୁ ଲାକଟି ଖାହାମାଇଁ । ମୀରୁ ଇ ଦାରୁତିଟି, ନାନୁ ଇ ଦାରୁତିଟି ଆଏ । ୨୪ ଏଦାଆଁତାକି ନାନୁ ଖେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଡ଼େରି । ନାନୁ ଏଞ୍ଜାତେଏଁ ଇଞ୍ଜିଁ ଖେସାସାରେ ମୀରୁ ନାମାଆସାରେ, ମୀ ପାପୁତା ହାଡ଼େରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେରେରି, “ନାନୁ ଆମ୍ବାଆତି ?”

ଜୀସୁ ଏଞ୍ଜାରାଇଁ ଏଲେଇରେସି, “ଇ ହାଡ଼ା ନାନୁ ମୂଲୁଟିଏ ଖେସାମାଞ୍ଜାଇଁ । ୨୬ ମିଙ୍ଗେତାକି କାତା ଜଲାଇଁ ଅଡ଼େ ବିଚାରା କିହାଲି ନା ତାଣା ହାଡ଼େକା କାତା ମାନେ; ସାମା ନାଙ୍ଗେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡ଼େ ନାନୁ ଏନାଆଁ ଖେଞ୍ଜାମାଇଁ; ଏ ବାରେ ଦାରୁତିଟି ଖେସିମାଇଁ ।”

୨୭ ଏଞ୍ଜାସି ମାହାପୁରୁ ଆବା କାତା ଖେସିମାରେସି, ଏଞ୍ଜାରି ତେଲ୍‌ହାଲି ଆଡ଼ାଆତେରି । ୨୮ ଏଦାଆଁତାକି ଜୀସୁ ଏଲେଇରେସି; “ଏରେତା ମୀରୁ ମାଣ୍‌ସି ମୀରୁଏଣାଇଁ ଗାଧୁରମି ହାଡ଼େରି, ଏରେତା ନାନୁ ଏ ମାଣ୍‌ସିତେଏଁ ଅଡ଼େ ନାନୁ ଜାହାରାଖାଣି ଏନାଆଁ କିଆନା, ଆବା ନାଙ୍ଗେ ଏନିକିଁ ଜାପ୍‌ହା ମାଞ୍ଜାନେସି, ଏଲେକିଁ ଇ ବାରେ କାତା ଖେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି । ୨୯ ଆମ୍ବାଆସି ନାଙ୍ଗେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଙ୍ଗେ ରଅତେଏଁ କିହିଁ ପିସାମାଞ୍ଜଅସି, ଇଚିହିଁ ନାନୁ ତାନି ରାହାଁ ଆନି କାମା କିଇଁ ।”

୩୦ ଜୀସୁ ଇ ବାରେ ହାଡ଼ା ଖେଞ୍ଜାନା ହାଡ଼େକା ଜାଣା ତାନି ତାଣା ନାମିତେରି ।

**ପିସ୍‌ପିଆଡ଼ି ଲକୁ ଅଡ଼େ କଡ଼ିତି ହଲିୟାଙ୍ଗା**

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିକାଣି ଏଲେଇରେସି, “ନା ବଲୁତା ତାରିଆହାଁ ଡ଼ୟିଦେରି, ଆଡ଼ିହିଁ ମୀରୁ ସାତେଏ ନା ସୀସୁୟାଁତେରି । ୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାନେ ।”

\* ୮:୧୧ ୮:୧୧ ଇ ବାରେ କାତା ବାରେ ପଡ଼ିଣାଁ ହିଲେଏ    ✨ ୮:୧୨ ୮:୧୨ ମାତି ୫:୧୪; ଜହ ୯:୫    ✨ ୮:୧୩ ୮:୧୩ ଜହ ୫:୩୧  
 ✨ ୮:୩୩ ୮:୩୩ ମାତି ୩:୯; ଲୁକ ୩:୮



୩୩ ଏଞ୍ଜେଲ୍ ଏଞ୍ଜେଲ୍ ଏଲେଇରେ, “ମାମୁ ଅବ୍ରାହାମତି କୁଡ଼ାତମି, ଅଡ଼େ ଏଚେଲା ଆମ୍ବାଆରି ହଲିୟା ଆହାହିଲଅମି, ଆତିହିଁ ମୀରୁ ମୁକ୍ଲଖି ଆଦେରି ଇଞ୍ଜିଁ ଏନିକ୍ ଝେସିମାଞ୍ଜାତି?”

୩୪ ଜୀସୁ ଏଞ୍ଜେରାଲ୍ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଆମିନିଗାଟାସି ପାପୁ କିନେସି, ଏଞ୍ଜାସି ପାପୁତି ହଲେଏସି । ୩୫ ହଲେଏସି କାଲେଏ ତାକି ଇଲୁ କୁଟମିତା ତୟଅସି, ମୀରୁଏସି ଇଲୁ କୁଟମିତା କାଲେଏ ତାକି ତୟନେସି । ୩୬ ମୀରୁଏସି ମିଙ୍ଗେ ମୁକ୍ଲଖି କିୟାନେସି, ମୀରୁ ସାତେଏ ମୁକ୍ଲଖି ଆଦେରି । ୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଲ୍; ସାମା ନା ବଲୁ ମୀ ହିୟାତି ଚାୟୁତା ହିଲାଆକି ମୀରୁ ନାଙ୍ଗେ ପାୟାଲି ଅଣ୍ପିମାଞ୍ଜେରି । ୩୮ ନା ଆବା ତାଣା ନାନୁ ଏନାଆଁ ମେସାମାଲ୍, ଏ ବାରେ ନାନୁ ଝେସିମାଞ୍ଜାଲ୍ । ଏନାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଝେଞ୍ଜାମାଞ୍ଜେରି ଏ ବାରେ କିଦୁ ।”

୩୯ ଏଞ୍ଜେରି ଏଞ୍ଜେରାଲ୍ ଏଲେଇରେ, “ଅବ୍ରାହାମ ମୀ ଆବା ।” ଜୀସୁ ଏଞ୍ଜେରାଲ୍ ଏଲେଇରେସି, “ମୀରୁ ଅବ୍ରାହାମତି ମୀରକା ମାସକାତେରି, ଆତିହିଁ ଅବ୍ରାହାମ କିହାମାତି କାମା କିଦୁ; ୪୦ ମାହାପୁରୁ ତାଣାଟି ଝେଞ୍ଜାମାନି ସାତାତି ମିଙ୍ଗେ ଝେସିମାଞ୍ଜାଲ୍, ନାନୁ ଇଲେତି ଲକୁ, ମୀରୁ ନାଙ୍ଗେ ପାୟାଲି ତାକି ଅଣ୍ପିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି । ୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

ଏଞ୍ଜେରି ଜୀସୁଲ୍ ଏଲେଇରେ; “ମାମୁ ଦାରିକାମାଟି ଜାର୍ନା ଆହାହିଲଅମି; ମା ରଣ୍ଡିଏ ଆବା, ଏଞ୍ଜାସି ମାହାପୁରୁ ।”

୪୨ ଜୀସୁ ଏଞ୍ଜେରାଲ୍ ଏଲେଇରେସି, “ମାହାପୁରୁ ସାତେଏ ମୀ ଆବା ଆତିହିଁ ମା, ମୀରୁ ନାଙ୍ଗେ ଜୀସୁ ନୟାତେରିମା, ଇତିହିଁ ନାନୁ ମାହାପୁରୁ ତାଣାଟି ଝାହାମାଲ୍; ନାନୁ ନା ତାଣାଟି ଝାହାହିଲଅ, ସାମା ଏଞ୍ଜାସି ନାଙ୍ଗେ ପାଣ୍ଡାତେସି । ୪୩ ନାନୁ ଏନାଆଁ ଝେସିମାଞ୍ଜାଲ୍, ମୀରୁ ଏନାଆଁତାକି ନା ହାଡ଼ାତି ତେଲହାଲି ଆଡ଼ିହିଲଅତେରି ? ଇଦାନି କାତା ଆହିମାନେ ମୀରୁ ନା ବଲୁତି ଝେଞ୍ଜାଲି ଆଡ଼ିହିଲଅତେରି । ୪୪ ମୀରୁ ମୀ ଆବା ସୟତାନତି ମୀରକା ମାସକାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ପୁ । ଏଞ୍ଜାସି ମୁଲୁଟିଏ ଲକୁଣି ପାୟନାସି, ଅଡ଼େ ଏଞ୍ଜାସି ସାତାତା ତୟଅସି, ଇତିହିଁ ଏଞ୍ଜାଣି ତାଣା ସାତା ହିଲେଏ । ଏତିବେଲା ଏଞ୍ଜାସି ମିତି ଜଲିନେସି, ଏତେତା ତାନିତାଣାଟି ଜଲିନେସି; ଇତିହିଁ ଏଞ୍ଜାସି ମିତି ଗାଟାସି ଇଞ୍ଜା ମିତିତି ତାଞ୍ଜି । ୪୫ ସାମା ନାନୁ ସାତା ଜଲିମାନାକି, ମୀରୁ ନାଙ୍ଗେ ନାମିମାଞ୍ଜଅତେରି । ୪୬ ନାନୁ ପାପୁ ଗାଟାତେଏଁ

ଇଞ୍ଜିଁ ମୀ ବିଡ଼ାଟି ଆମ୍ବାଆତେରି ପାରମାଣା କିହାଲି ଆଡ଼ିଦେରି ? ନାନୁ ସାତା ଝେସାସାରେ, ନାଙ୍ଗେ ମୀରୁ ଏନାଆଁତାକି ନାମିମାଞ୍ଜଅତେରି ? ୪୭ ଆମ୍ବାଆସି ମାହାପୁରୁ ତାଣାଟି ଝାହାମାନେସି, ଏଞ୍ଜାସି ମାହାପୁରୁତି ବଲୁ ଝେନେସି; ମୀରୁ ମାହାପୁରୁ ତାଣାଟି ଝାହାହିଲଅତେରି, ଏନାଆଁତାକି ଇ ବଲୁ ଝେଞ୍ଜିହିଲଅତେରି ।”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦିୟାଁ ଜୀସୁଲ୍ ଏଲେଇରେ, “ନାନୁ ସମିରଣାତି ଇଞ୍ଜା ନିଙ୍ଗେ ବୁଡୁ ଆଲଗାମାଞ୍ଜାନେ, ଏନାଆଁ ମାମୁ ସାତା ଝେସି ହିଲଅମି କି ?”

୪୯ ଜୀସୁ ଏଞ୍ଜେରାଲ୍ ଏଲେଇରେସି, “ନାଙ୍ଗେ ବୁଡୁ ଆଲଗା ମାଞ୍ଜେଏ, ନାନୁ ନା ଆବାଲ୍ ମାନି କିହିମାଲ୍, ସାମା ମୀରୁ ନାଙ୍ଗେ ଲାଜା କିହିମାଞ୍ଜାଦେରି । ୫୦ ନାନୁ ନା ଗାଞ୍ଜୁରମି କିହାଲି ଅଣ୍ପି ହିଲଅ; ରଅସି ଅଣ୍ପିମାନେସି ଏଞ୍ଜାସି ନା ଝାକିଟି ବିଚାରା କିନେସି । ୫୧ ନାନୁ ସାତା ଝେସିମାଞ୍ଜାଲ୍, ଆମ୍ବାଆସି ନା ବଲୁତି ମାନଞ୍ଜି ଆନେସି, ଏଞ୍ଜାସି ଏଚେଲା ହାଅସି ।”

୫୨ ଜୀହୁଦିୟାଁ ଏଞ୍ଜେରାଲ୍ ଏଲେଇରେ, “ନାଏଁ ମାମୁ ପୁଟମି, ନିଙ୍ଗେ ବୁଡୁ ଆଲଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣ୍ପୁତି ବଲୁ ଝେହନାରି ବାରେଜାଣା ହାଡ଼େରି, ଅଡ଼େ ନାନୁ ଝେସିମାଞ୍ଜି, ଆମ୍ବାଆସି ନା ବଲୁ ମାନଞ୍ଜି ଆନେସି, ଏଞ୍ଜାସି ଏଚେଲା ଜିକେଏ ହାଅସି । ୫୩ ମା ଆକୁ ଅବ୍ରାହାମ ହାଡ଼େସି, ନାନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜିଁ ଅଣ୍ପିମାଞ୍ଜି ? ମାହାପୁରୁ ଅଣ୍ପୁତି ବଲୁ ଝେହନାରି ଜିକେଏ ହାଡ଼େରି; ନାନୁ ଆମ୍ବାଆତି ଇଞ୍ଜିଁ ଝେସିମାଞ୍ଜି ?”

୫୪ ଜୀସୁ ଏଲେଇରେସି, “ନାନୁ ନା ଗାଞ୍ଜୁରମି କିହିମାଲ୍, ଆତିହିଁ ନା ଗାଞ୍ଜୁରମି ଏନାୟି ଆଏ; ଆମ୍ବାଆସି ନାଙ୍ଗେ ଗାଞ୍ଜୁରମି କିୟାନେସି ଏଞ୍ଜାସି ନା ଆବା ଆମ୍ବାଆରାଲ୍ ମୀରୁ ମୀ ମାହାପୁରୁ ଇଞ୍ଜିଁ ଏଲେ ଇଞ୍ଜିମାଞ୍ଜେରି; ୫୫ ମୀରୁ ଏଞ୍ଜେରାଲ୍ ଏଚେଲା ପୁଞ୍ଜାହିଲଅତେରି, ସାମା ନାନୁ ଏଞ୍ଜେରାଲ୍ ପୁଞ୍ଜାମାଲ୍ । ଏଞ୍ଜେରାଲ୍ ପୁଞ୍ଜାହିଲଅଁ ଇଞ୍ଜିଁ ନାନୁ ଝେସିହିଁ, ମୀ ଲେହେଁ ନାନୁ ଜିକେଏ ମିତି ଗାଟାତେଏଁ ଆଲ୍, ସାମା ନାନୁ ଏଞ୍ଜେରାଲ୍ ପୁଞ୍ଜାମାଲ୍ ଅଡ଼େ ତାନି ବଲୁତି ମାନଞ୍ଜି ଆଲ୍ । ୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିତେସି, ଅଡ଼େ ଏନାଆଁ ମେସାନା ଏଞ୍ଜାସି ରାହାଁ ଆଡ଼େସି ।”

୫୭ ଜୀହୁଦିୟାଁ ଏଞ୍ଜେରାଲ୍ ଏଲେଇରେ, “ନିଙ୍ଗେ ରୀ କଡ଼ି ଦସ ବାସା ଆହାମାଞ୍ଜେଏ, ନାନୁ ଏନାଆଁ ଅବ୍ରାହାମଲ୍ ମେସାମାଞ୍ଜି ?”

୫୮ ଜୀସୁ ଏଞ୍ଜେରାଲ୍ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଅବ୍ରାହାମତି ଜାର୍ନା ନକେଏ ନାନୁ ମାଲ୍ ।”

୫୯ ଏଞ୍ଜେଲ୍ ଏଞ୍ଜେଲ୍ ଶ୍ରେଣୀତାକି ଖାଲକା ପେରହା କଡ଼ିତେରି, ସାମା ଜୀସୁ ମାହାପୁରୁ ଇଲୁଟି ମେହୁଆରେରୁ ହରାହାରେସି ।



ଜୀସୁ ଜାର୍ନାଟିଏ କାଣାକ୍ ନେହୁଁ କିନାୟି

୧ ଜୀସୁ ହାଜିମାଚାଟି ର ଜାର୍ନାଟିଏ କାଣାକ୍ ବେଟାଆରେସି । ୨ ତାନି ସୀସୁୟାଁ ଖେରେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଞ୍ଜେଲ୍ କାଣା ଆହାନା ଜାର୍ନା ଆରେସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇରେସି, “ଇଞ୍ଜେଲ୍ କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁତି କାମା ଏନିକ୍ ଇଞ୍ଜେଲ୍ ତାଣାଟି ତସ୍ପିଆନେ, ଏଦାଆଁତାକି ଇଦି ଆହାମାନେ । ୪ ଦିନା ମାଞ୍ଜା ମାଞ୍ଜାନା, ନାକେ ପାଣ୍ଡାମାଞ୍ଜାନାଣି କାମା କିନାୟିମାନେ; ଏନିକି ବେଲତା ଆମ୍ବାଆସି କାମା କିହାଲି ଆଡ଼ଅସି, ଇଲେତି ଲାଆଁ ଖାହିମାନେ । ୫ ନାନୁ ଏରେପାତେକା ଦାର୍ତତିତା ମାଇଁ, ଏରେପାତେକା ନାନୁ ଦାର୍ତତିତ ଉଜେଡିତେଏଁ ।”

୬ ଇ କାତା ଏଲେଇଞ୍ଜାନା, ଜୀସୁ ଇର୍ଆତା ହୁପାନା ହୁପକା ତଲେ କାଦ କିତେସି; ଅଡ଼େ ତାନି ରୀ କାଣକାଣାଁ ରୁବିତେସି ଅଡ଼େ ଏଞ୍ଜେଲ୍ ଏଲେଇରେସି, ୭ ହାଲାନୁ “ସିଲହ\* ବାନ୍ଦାତା ମୁମ୍ ନରହା ଖାମୁ ।” ଏମ୍ବାଟିଏ ଏଞ୍ଜେଲ୍ ହାଜାନା ନରହା କତାନା ଖେଣ୍ଡା ଖାହିମାଚାଟି ମେସାଲି ଆଡ଼ିତେସି ।

୮ ତାନି ପାଡ଼ିତାରି, ଅଡ଼େ ଏନିକିଗାଟାରି ଏଞ୍ଜେଲ୍ ନକେଏ ରାସ୍ପି ମାଚାଣି ମେସାମାରେରି, ଏଞ୍ଜେରି ଖେରେରି, “ଇଞ୍ଜେଲ୍ ଏନାଆଁ କୁଗାନା ରାସ୍ପି ମାରେସି ଏଞ୍ଜେଲ୍ ଆଏକି ?”

୯ ଏଚରଜାଣା ଏଲେଇରେରି, “ଇଞ୍ଜେଲ୍ ଏଞ୍ଜେଲ୍;” ଅଡ଼େ ଏଚରଜାଣା ଏଲେଇରେରି, “ଆଏ, ଏଞ୍ଜେଲ୍ ଲେହେ ତାସି ।” ଏଞ୍ଜେଲ୍ ଏଲେଇରେସି, “ନାନୁଏ ଏଞ୍ଜେଲ୍ ।”

୧୦ ଲକୁ ଏଞ୍ଜେଲ୍ ଖେରେରି, “ଆଡିହୁଁ, ନାନୁ ନୀଏଁ ଏନିକ୍ ମେସାଲି ଆଡ଼ିମାଞ୍ଜି ?”

୧୧ ଏଞ୍ଜେଲ୍ ଏଲେଇରେସି, “ଆମ୍ବାଆରାଇଁ ଜୀସୁ ଇନେରି, ଏଞ୍ଜେଲ୍ ଇର୍ଆତି କାଦ କିହାନା ନା କାଣକାଣାଁ ରୁବାତେସି ଅଡ଼େ ସିଲହତା ହାଜାହାଁ ମୁମ୍ ନରହା କତାମୁ ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମ୍ ନରହାଲିଏ ମେସାଲି ଆଡ଼ିତେଏଁ ।”

୧୨ “ଏଞ୍ଜେଲ୍ ଆମ୍ବିୟା ?” ଇଞ୍ଜେଲ୍ ଏଞ୍ଜେଲ୍ ଖେରେରି, ଏଞ୍ଜେଲ୍ ଏଲେଇରେସି, “ନାନୁ, ପୁଞ୍ଜାହିଲଅଁ ।”

ପାରୁସିୟାଁ ଇ କାମାତି ତାୟିପାରି କିନାୟି

୧୩ ଆମ୍ବାଆସି ନକେଏ କାଣା ମାରେସି, ଏଞ୍ଜେଲ୍ ପାରୁସିୟାଁ ତାଣା ତାତେରି । ୧୪ ଜୀସୁ ଏନିକି ଦିନା କାଦ କିହାନା ତାନି କାଣକା ନେହୁଁ କିହାମାରେସି, ଏ ଦିନା ଜମିନି ଦିନା ମାରେ । ୧୫ ପାରୁସିୟାଁ ଏଞ୍ଜେଲ୍ ଖେରେରି, ଏନିକ୍ ଏଞ୍ଜେଲ୍ ମେସାଲି ଆଡ଼ିତେସି ? ଏଞ୍ଜେଲ୍ ଏଲେଇରେସି, “ନା କାଣକାଣାଁ ଏଞ୍ଜେଲ୍ ଇଚାଣି କାଦ ରୁବାତେସି, ନାନୁ ହାଜାନା ମୁମ୍ ନରହାନା ଖାଡ଼େଏଁ ଅଡ଼େ ମେସାଲି ଆଡ଼ିମାଇଁ ।”

୧୬ ପାରୁସିୟାଁ ତାନି ବିତ୍ରାଟି ଏଚରଜାଣା ଏଲେଇରେରି, “ଏଞ୍ଜେଲ୍ ମାହାପୁରୁ ତାଣାଟି ଖାହିଲଅସି, ଇଡିହୁଁ ଏଞ୍ଜେଲ୍ ଜମିନି ଦିନାତି ମାନଞ୍ଜି ଆହିଲଅସି ।” ଅଡ଼େ ଏଚରଜାଣା ଏଲେଇରେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକ୍ କିହାଲି ଆଡ଼ିନେସି ?” ଇଲେଆହୁଁ ଏଞ୍ଜେଲ୍ ତାନି ବିତ୍ରା ବାଗା ଆଡ଼େ ?

୧୭ ପାରୁସିୟାଁ ଅଡ଼େ ଖେଣ୍ଡେ ଏ କାଣାକ୍ ଖେରେରି, “ଏଞ୍ଜେଲ୍ ନୀ କାଣକା ନେହୁଁ କିୟାତେସି, ଏଞ୍ଜେଲ୍ କାତା ନାନୁ ଏନାଆଁ ଇଞ୍ଜିମାଞ୍ଜି ?” ଏଞ୍ଜେଲ୍ ଏଲେଇରେସି “ଏଞ୍ଜେଲ୍ ର ମାହାପୁରୁ ଅଣ୍ପୁତି ବଲୁ ଖେହନାସି ।”

୧୮ ଏଞ୍ଜେଲ୍ ଜାର୍ନାଟିଏ କାଣା ମାରେସି ଅଡ଼େ ନୀଏଁ, ଇ ହାଡ଼ା ତାନି ଇୟା ଆବାତି ଖେନାଆ ପାତେକା, ଜୀହୁଦିୟାଁ ନାମାଆତେରି । ୧୯ ଏଞ୍ଜେଲ୍ ତାନି ଇୟା ଆବାତି ଖେରେରି, “ମୀ ଆନିନି ମୀରଏସି କାଣା ଆହାନା ଜାର୍ନା ଆହାମାରେସି ଇଞ୍ଜେଲ୍ ଏଲେଇଶ୍ମିତେରି ଇଞ୍ଜେଲ୍ ଏନାଆଁ ଏ ମୀ ମୀରଏସି ? ଆଡିହୁଁ ଏଞ୍ଜେଲ୍ ନୀଏଁ ଏନିକ୍ ମେସାଲି ଆଡ଼ିମାନେସି ?”

୨୦ ଏମ୍ବାଟିଏ ତାନି ଇୟା ଆବା ଏଲେଇରୁ, “ହାଅ, ଏଞ୍ଜେଲ୍ ମୀ ମୀରଏସି, ଏଞ୍ଜେଲ୍ କାଣା ଆହାନା ଜାର୍ନା ଆହାମାରେସି ଏଦାଆଁ ମାମ୍ ପୁଞ୍ଜାମାନମି; ୨୧ ସାମା ଏଞ୍ଜେଲ୍ ନୀଏଁ ଏନିକ୍ ମେସାଲି ଆଡ଼ିମାନେସି, ଏଦାଆଁ ମାମ୍ ପୁଞ୍ଜାହିଲଅମି, ଅଡ଼େ ଆମ୍ବାଆସି ଏଞ୍ଜେଲ୍ ମେସ୍ପି କିହାମାନେସି, ମାମ୍ ଏଦାଆଁ ଜିକେଏ ପୁଞ୍ଜାହିଲଅମି; ଏଞ୍ଜେଲ୍ ଖେଣ୍ଡୁ, ଏଞ୍ଜେଲ୍ କାଜାସି ଆଡ଼େସିଏ, ଏଞ୍ଜେଲ୍ ତାନି କାତା ତାନୁଏ ଖେସାଲି ଆଡ଼ିନେସି ।” ୨୨ ଏଞ୍ଜେଲ୍ ତାନି ଇୟା ଆବା ଜୀହୁଦି ଲକୁତି କାଜାରାଇଁ ଆଜିମାଚାକି ଇ ବାରେ କାତା ଖେସ୍ପୁ ଏନାଆଁତାକି ଇଡିହୁଁ ଆମ୍ବାଆସି ଜୀସୁକ୍ କ୍ରୀସ୍ ଇଞ୍ଜେଲ୍ ଇନେସି, ଏଞ୍ଜେଲ୍ ଜୀହୁଦି ଲକୁତି କୁଟମି ଇଲୁଟିଠି ପେରଞ୍ଜି ଆନେ ଇଞ୍ଜେଲ୍ ଜୀହୁଦି ଲକୁ ଏ ନକେଏ କାତା ଆହାମାରେରି । ୨୩ ଏଦାଆଁତାକି ତାନି ଇୟା ଆବା ଏଲେଇରୁ, “ଏଞ୍ଜେଲ୍ କାଜାସି ଆଡ଼େସିଏ, ଏଞ୍ଜେଲ୍ ଖେଣ୍ଡୁ ।”

୨୪ ପାରୁସିୟାଁ ଏ ଜାର୍ନାଟିଏ କାଣାକ୍ ଅଡ଼େ ଖେଣ୍ଡେ ହାଚାନା ଏଲେଇରେରି, “ମାହାପୁରୁକ୍ ଗାଧୁରମି

\* ୯:୫ ୯:୫ ମାତି ୫:୧୪; ଜହ ୮:୧୨ \* ୯:୭ ୯:୭ ସିଲହ ଇଡିସାରେ ପାଣ୍ଡି ଆହାମାନାୟି † ୯:୨୨ ୯:୨୨ ସିନଗଗ

କିହାନା ଏଲେଇନାମ୍, ଆମ୍ବାଆସି ନିଙ୍ଗେ ନେହ୍ କିହାମାଞ୍ଜାନେସି, ଏଞ୍ଜାସି ର ପାପୁ ଗାଟାସି ଇ କାତା ମାମ୍ ପୁଞ୍ଜାମାନମି ।”

୨୫ ଏଞ୍ଜାସି ଏଲେଇରେସି, “ଏଞ୍ଜାସି ପାପୁ ଗାଟାସି କି ଆସ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଈ; ନାନୁ କାଶା ମାରେଏ, ନୀଏଁ ମେସାଲି ଆଡ଼ିମାଈ ।”

୨୬ ଏଞ୍ଜାରି ଏଞ୍ଜାଶାଈ ଏଲେଇରେରି, “ଏଞ୍ଜାସି ନିଙ୍ଗେ ଏନାଆଁ କିୟାତେସି ? ଏନିକ୍ ଏଞ୍ଜାସି ନୀ କାଶକା ଦେପି କିୟାତେସି ?”

୨୭ ଏଞ୍ଜାସି ଏଲେଇରେସି, “ନକେଏ ଝେସା ରାହାମାଞ୍ଜାଈ, ଅଡେ ମୀରୁ ଝେନାଆତେରି; ଅଡେ ଝେଶ୍ଟେ ଏନାଆଁତାକି ଝେଞ୍ଜାଲି ଅଶ୍ପିମାଞ୍ଜେରି ? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଶ୍ପିମାଞ୍ଜେରି ।”

୨୮ ଏଞ୍ଜାରି ଏଞ୍ଜାଶାଈ ଲାଗାନା ଏଲେଇରେରି, “ନାନୁ ତାନି ସୀସୁତି, ସାମା ମାମ୍ ମସାତି ସୀସୁୟାତମି । ୨୯ ମାମ୍ ପୁଞ୍ଜାମାନମି, ମାହାପୁରୁ ମସାଈ କାତା ଆହାମାରେସି, ସାମା ଇ ମାଶ୍ପି ଆମ୍ବିଟି ଖାହାମାନେସି, ଏନାଆଁ ମାମ୍ ପୁଞ୍ଜାହିଲଅମି ।”

୩୦ ଏଞ୍ଜାସି ଏଞ୍ଜାରାଈ ଏଲେଇରେସି, “ଇଦି ରଣ୍ଡି କାବାଆନି କାତା ଏଞ୍ଜାସି ଏମ୍ବିଟି ଖାହାମାନେସି, ମୀରୁ ପୁଞ୍ଜାହିଲଅତେରି, ସାମା ଏଞ୍ଜାସି ନାଙ୍ଗେ କାଶକା ଦେପି କିୟାତେସି । ୩୧ ମାମ୍ ପୁଞ୍ଜାମାନମି, ମାହାପୁରୁ ପାପୁଗାଟି ଲକୁତି ହାଡ଼ା ଝେନଅସି, ଆମିନି ଗାଟାରି ମାହାପୁରୁଈ ମାନି କିନେରି ଅଡେ ତାନି ଅଶ୍ପୁ ତଲେ କାମା କିନେରି, ଏଞ୍ଜାରି ହାଡ଼ାତି ଏଞ୍ଜାସି ଝେନେସି । ୩୨ ତଲି କାଲ୍ଲାଟିଏ ଆମ୍ବାଆସି ଜାର୍ନା କାଶାଈ ମେସ୍ପିକିତି କାତା ଏତେଲା ଝେଶ୍ପି ଆହାହିଲଆତେ । ୩୩ ଇଞ୍ଜାସି ମାହାପୁରୁ ତାଶାଟି ଖାହା ହିଲଆତ, ଏନାଆଁ କିହାଲି ଆଡ଼ାଆତେସିମା ।”

୩୪ ଏଞ୍ଜାରି ଏଞ୍ଜାଶାଈ ଏଲେଇରେରି, “ପାପୁ ତଲେ ନାନୁ ଜାର୍ନା ଆହାନା ପାପୁ ତଲେ ପାଡ଼ାଆଡ଼ି, ନାନୁ ମାଙ୍ଗେ ଜାପୁହି ମାଞ୍ଜାଦି ?” ଏନାଆଁତାକି ଏଞ୍ଜାରି ଏଞ୍ଜାଶାଈ ଜୀହୁଦି ଲକୁତି କୁଟମି ଇଲୁଟିଃ ପେରହାଡୁସ୍ତେରି ।

**ସୁଦୁଗାଟି ମାଶ୍ପି ମେହ୍ଆ ଗାଟାୟି**

୩୫ ଏଞ୍ଜାରି ଏଞ୍ଜାଶାଈ ପେରହା ମାନେରି, ଇଞ୍ଜା ଜୀସୁ ଇ କାତା ଝେଞ୍ଜାନା, ଏଞ୍ଜାଶାଈ ମେସାନା ଏଲେଇରେସି, “ନାନୁ ଏନାଆଁ ମାଶ୍ପି ମୀରୁଏଣି ତାଶା ନାମିମାଞ୍ଜି ?”

୩୬ ଏଞ୍ଜାସି ଏଞ୍ଜାଶାଈ ଏଲେଇରେସି, “ପ୍ରୁ, ଝେସ୍ତାମ୍ ଏଞ୍ଜାସି ଆମ୍ବାଆସି, ଆଡିହ୍ ନାନୁ ଏଞ୍ଜାଶାଈ ନାମିଈ ।”

୩୭ ଜୀସୁ ଏଞ୍ଜାଶାଈ ଏଲେଇରେସି, “ନାନୁ ଏଞ୍ଜାଶାଈ ମେସାମାଞ୍ଜି, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି, ଏଞ୍ଜାସିଏ ।”

୩୮ ଏମ୍ବାଟିଏ ଏଞ୍ଜାସି ଏଲେଇରେସି, “ନାନୁ ନାମିମାଈ, ପ୍ରୁ !” ଇଞ୍ଜା ଜୀସୁ ନକିତା ମେଶ୍ଟାକୁତାନା ଜହରା କିତେସି ।

୩୯ ଜୀସୁ ଏଲେଇରେସି, “ମେହ୍ଆଗାଟି ଲକୁ ଏନିକ୍ ମେହ୍ନେରି ଇଞ୍ଜା ମେହ୍ନି ଲକୁ ଏନିକ୍ କାଶା ଆଟ୍ଟେରି, ଇ ବିଚାରା କିହାଲି ନାନୁ ଦାଡ଼ିତା ଖାହାମାଈ ।”

୪୦ ଏମ୍ବାଆଁ ମାଟି ଏଚରଜାଶା ପାରୁସିୟା ଇ କାତା ଝେଞ୍ଜାନା, ଏଞ୍ଜାଶାଈ ଏଲେଇରେରି, “ମାମ୍ ଜୁକେଏ ଏନାଆଁ କାଶାୟାତମି ?”

୪୧ ଜୀସୁ ଏଞ୍ଜାରାଈ ଏଲେଇରେସି, “କାଶାୟା ଆହାମାଟିହ୍ ମୀରୁ ଦହ୍ ହିଲଆଗାଟାତେରି ଆଡେରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାଡ଼େକା ପାପୁତା ମାଞ୍ଜେରି ।”



**ମେଶ୍ଟାୟା ଅଡେ ଗଡୁ**

୧ ଜୀସୁ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଈ, ଆମ୍ବାଆସି ଦାରା ଖାକିଟି ମେଶ୍ଟାୟା ମାନ୍ଦାତା ହଡ଼ଅସି, ସାମା ଅର ଖାକିଟି ଡେଞ୍ଜାନା ହଡ଼ନେସି, ଏଞ୍ଜାସି ସରୁ ଇଞ୍ଜା ତଂଗେଏସି; ୨ ସାମା ଆମ୍ବାଆସି ଦାରା ଖାକିଟି ହଡ଼ନେସି, ଏଞ୍ଜାସି ମେଶ୍ଟା ଗଡୁ । ୩ ଦାରାତା କାଃଆନାସି ଏଞ୍ଜାଶାକି ଦାରା ଦେଟା ହାନେସି, ଅଡେ, ଏଞ୍ଜାସି ତାନି ମେଶ୍ଟାୟା ଦରୁ ଆସାନା ହାଟିନେସି, ଏଞ୍ଜା ତାନି ହାଟିନାଣି ଝେନୁ ଅଡେ ଏଞ୍ଜାସି ଏ ମାନ୍ଦାତି ପାଙ୍ଗାତା ଜିରୁ ନକି କିହାନା ଅନେସି । ୪ ମେଶ୍ଟାୟାଣି ପାଙ୍ଗାତା ଅନାଟି ମେଶ୍ଟାୟା ଗଡୁ ନକି ନକିତା ତାକିନେସି, ଅଡେ ମେଶ୍ଟାୟା ତାନି ଜେଟ ଜେଟ ତାକିନୁ, ଇଡିହ୍ ଏଞ୍ଜି ଏଞ୍ଜାଣି ଗିୟା ତେଲହାଡ । ୫ ସାମା ଏଞ୍ଜି ପୁନାଆତି ଲକୁ ଜେଟ ଏତେଲା ଜିକେଏ ତାକାଡ, ସାମା ଏଞ୍ଜାଣି ଦାରି ଦାରିଟି ହଟାଡୁହନୁ, ଇଡିହ୍ ଏଞ୍ଜି ପୁନାଆତାରି ଗିୟା ତେଲହିନୁ ।”

୬ ଜୀସୁ ଏଞ୍ଜାରାଈ ଇ ପୁଶ୍ପିକିନି କାତା ଝେସାନା ଏଲେଇରେସି, ସାମା ଏଞ୍ଜାସି ଏନା ଏନାଆଁ ଝେସିମାରେସି, ଏ ବାରେ ଏନାୟି ଇଞ୍ଜି ଏଞ୍ଜାରି ପୁନାଆତେରି ।

**ଜୀସୁ ନେହ୍ ମେଶ୍ଟାୟା ଗଡୁ**

୭ ଜୀସୁ ଅଡେ ଝେଶ୍ଟେ ଏଲେଇରେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଈ, ନାନୁ ମେଶ୍ଟାୟା ଦୁଝେରିତେଏଁ । ୮ ଏଚରଜାଶା ନା ନକିତା ଖାହାମାନେରି, ଏଞ୍ଜାରି ବାରେ ସରକା ଅଡେ ତଂଗାୟା, ସାମା ମେଶ୍ଟାୟା ଏଞ୍ଜାରି କାତା ଝେନାଆଡୁ

‡ ୯:୩୪ ୯:୩୪ ସିନଗର୍

୧୯ ନାନୁ ଆହିମାଲ୍ ଦାରା । ଆମ୍ବାଆସି ନା ତାଣାଟି ହଡ଼ନେସି, ଏଝାସି ଗେଲ୍ପି ଆନେସି ଇଞ୍ଜା ବିତ୍ରା ଖାହାନା ଅଡ଼େ ପାଙ୍ଗାତା ହାଜାନା ହାରା ବେଗାଆନେସି । ୧୦ ସରୁ ଖାର୍ଇ ସରୁ କିହାଲି, ପାୟାଲି ଅଡ଼େ ନାସା କିହାଲି ଖାନେସି; ଏଝାରି ଏନିକ୍ ନୀଝୁ ବେଗାଆନେରି ଅଡ଼େ ହାରେକା ବେଗାଆନେରି ଏଦାଆଁତାକି ନାନୁ ଖାହାମାଲ୍ ।”

୧୧ “ନାନୁ ନେହ୍ ମେଣ୍ଡାୟାଁ ଗଡ଼ୁତଏଁ; ନେହ୍ ମେଣ୍ଡାୟାଁ ଗଡ଼ୁ ମେଣ୍ଡାୟାଁ ତାକି ତାନି ନୀଝୁ ହାନେସି । ୧୨ ଆମ୍ବାଆସି ମେଣ୍ଡାୟାଁ ଗଡ଼ୁ ଆଏ, ଗତି ଦାଂଗଣେଏସି, ଜାହାରା ମେଣ୍ଡାୟାଁ ହିଲାଉ ଏଝାସି କ୍ଷାଠନି ଖାନାଣି ମେସାନା ମେଣ୍ଡାୟାଁ ପିସା ହଣନେସି ଅଡ଼େ କ୍ଷାଠନି ଖାହାନା ଏ ବାରେତି ସିନାସାତ୍ରା କିନେ, ୧୩ ଇତିହ୍ ଏଝାସି ଗତି ଦାଂଗଣେଏସି, ଇଞ୍ଜା ମେଣ୍ଡାୟାଁକି ଅଣ୍ପୁ ହିଲେଏ, ୧୪ ନାନୁ ନେହ୍ ମେଣ୍ଡାୟାଁ ଗଡ଼ୁ । ଆବା ଏନିକ୍ ନାଙ୍ଗେ ପୁଞ୍ଜାମାଞ୍ଜାନେସି ଅଡ଼େ ନାନୁ ଆବାଇଁ ପୁଞ୍ଜାମାଲ୍, ୧୫ ଏନିକ୍ ଆବା ନାଙ୍ଗେ ପୁଞ୍ଜାମାଞ୍ଜାନେସି, ଅଡ଼େ ନାନୁ ଆବାଇଁ ପୁଞ୍ଜାମାଲ୍, ଏଲେକିହ୍ ଏ ନାନୁ ନା ମେଣ୍ଡାୟାଁଇଁ ପୁଇଁ, ଅଡ଼େ ନା ମେଣ୍ଡାୟାଁ ଜିକେଏ ନାଙ୍ଗେ ପୁଞ୍ଜାନୁ, ଅଡ଼େ ମେଣ୍ଡାୟାଁ ତାକି ନାନୁ ନା ନୀଝୁ ହାଇଁ । ୧୬ ଏମିନି ମେଣ୍ଡାୟାଁ ଇ ମାନ୍ଦାତାଇ ଆଏ, ନା ଇଲେତି ମେଣ୍ଡାୟାଁ ମାନୁ, ଏଝାଆଁ ଜିକେଏ ନାଙ୍ଗେ ତାନାୟି ଆନେ, ଅଡ଼େ ଏଝି ନା ହାଡ଼ା ତେଲ୍‌ହିନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡ଼େ ରଣ୍ଡିଏ ଗଡ଼ୁ ଆନେସି ।”

୧୭ “ନାନୁ ନା ନୀଝୁ ହାନାକି ଆବା ନାଙ୍ଗେ ନୀଝୁ ନୟାଁନେସି, ଅଡ଼େ ନାନୁ ନା ନୀଝୁ ଖେଣ୍ଡେ ଅହାକତାଲି ନାନୁ ଏଦାଆଁ ହାଇଁ । ୧୮ ନା ନୀଝୁ ଏଟକାତାରି ଆମ୍ବାଆରି ଅହାଲି ଆଡ଼ଅରି, ଏଦାଆଁ ନାନୁ ନା ଅଣ୍ପୁ ତଲେ ହାଇଁ, ନା ନୀଝୁ ହାହାଲିତାକି ଅଡ଼େ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁରୁ ନାଙ୍ଗେ ହୁକୁମି ହାହାମାଞ୍ଜାନେସି ।”

୧୯ ଜୀସୁତି ଇ ବାରେ କାତାତାକି ଜୀହୁଦି ଲକୁତାଣା ଗଡ଼ହା ହଡ଼େ । ୨୦ ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଏଝାଣାଇଁ ବୁଡୁ ଆଲ୍‌ଗାମାନେ, ଏଝାସି ବାୟା ଆହାମାନେସି, ଏଦାଆଁତାକି ଏଝାଣି କାତା ଖେଞ୍ଜିମାଞ୍ଜେରି ?”

୨୧ ଏଟକାତାରି ଏଲେଇଚେରି, “ଇ ବାରେ କାତା ବୁଡୁ ଆଲ୍‌ଗାମାନାରି କାତା ଆଏ; ବୁଡୁ ଏଦାଆଁ କାଣାତି କାଣକା ମେସ୍‌ପି କିହାଲି ଆଡ଼ିନେ ।”

**ଜୀସୁଇଁ ଅପାଆଗାଚାୟି**

୨୨ ଏତିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଟି ହେରପିନି ପାର୍ଶୁ ଆଡ଼େ; ଏଡ଼ି ପେନିବେଲା ମାରେ, ୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି । ୨୪ ଏମ୍ବାଟିଏ ଜୀହୁଦି ଲକୁ ସାରିଝାକି ମୁଚାନା ଖେଞ୍ଜାଲି ମାଟୁହେରି, “ଏଚରଦିନା ପାତେକା ମା ମନତା ଆନାମାନା କିୟାଦି ? ନୀନୁ ଜୀସୁତି ଇଚିହ୍ ମାଙ୍ଗେ ନେହ୍ କି ଖେସ୍ତାମୁ ।”

୨୫ ଜୀସୁ ଏଝାଣାଇଁ ଏଲେଇଚେସି, “ନାନୁ ମିଙ୍ଗେ ଖେସାମାଞ୍ଜାଇଁ, ସାମା ମୀରୁ ନାମିହିଲଅଚେରି; ନା ଆବା ଦରୁଟି ନାନୁ ଏମିନି ବାରେ କାମା କିହିମାଲ୍, ଏ ବାରେ ନା ଖାକିଟି ସାକି ହାହିମାନେ; ୨୬ ଆଡ଼ିଜିକେଏ ମୀରୁ ନାମିହିଲଅଚେରି, ଇଚିହ୍ ମୀରୁ ନା ମେଣ୍ଡାୟାଁଚେରି ଆଏ । ୨୭ ନା ମେଣ୍ଡାୟାଁ ନା ହାଡ଼ା ଖେନୁ ଅଡ଼େ ନାନୁ ଏଝାଆଁ ପୁଇଁ, ଅଡ଼େ ଏଝି ନା ଜେଚ ଜେଚ ତାକିନୁ, ୨୮ ଅଡ଼େ ନାନୁ ଏଝାସିକାକି କାଲ୍‌କାଲ୍‌ତି ଜୀଝୁ ହାଇଁ, ଅଡ଼େ ଏଝି ଏଚେଲା ଜିକେଏ ନାସା ଆଡ଼, ଆମ୍ବାଆସି ନା କେୟୁଟି ଏଝାଆଁ ମୀଞ୍ଜା ଅୟଅସି । ୨୯ ନା ଆବା ନାଙ୍ଗେ ଏଦାଆଁ ହାହାମାଞ୍ଜାନେସି, ଏଡ଼ି ବାରେକିହାଁ ଦାରାଗାଚାୟି,\* ଇଞ୍ଜା ଆବା ତାଣାଟି ଆମ୍ବାଆସି ମୀଞ୍ଜାଲି ଆଡ଼ଅସି । ୩୦ ଆବା ଅଡ଼େ ନାନୁ ରଅତମିଏ ।”

୩୧ ଜୀହୁଦି ଲକୁ ଏଝାଣାଇଁ ଖେଟାଲି ଅଡ଼େ ଖେଣ୍ଡେ ଖାଲ୍‌କା ତାଚିହ୍ ଖାଡ଼େରି । ୩୨ ଜୀସୁ ଏଝାଣାଇଁ ଏଲେଇଚେସି, “ନାନୁ ଆବା ତାଣାଟି ହାରେକା ନେହ୍ କାମାୟାଁ ମିଙ୍ଗେ ତସାମାଞ୍ଜାଇଁ; ଏ ବାରେ କାମାୟାଁ ବିତ୍ରାଟି ଏମିନି କାମାତାକି ନାଙ୍ଗେ ଖାଲ୍‌କା ଖେଟି ମାଞ୍ଜାଦେରି ?”

୩୩ ଜୀହୁଦିୟାଁ ଏଝାଣାଇଁ ଏଲେଇଚେରି, “ନେହ୍ କାମାତାକି ମିଙ୍ଗେ ଖାଲ୍‌କା ଖେଟିମାଞ୍ଜାଅମି, ସାମା ମାହାପୁରୁ ନିନ୍ଦା କିହିମାନାକି, ନୀନୁ ମାଣ୍ଡି ଆହାନା ମାହାପୁରୁତେଏଁ ଇଞ୍ଜିମାନାକି ।”

୩୪ ଜୀସୁ ଏଝାଣାଇଁ ଏଲେଇଚେସି, “ମୀ ମସା ମେରାତା ରାସ୍‌କି ଆହାହିଲେଏ, ନାନୁ ଏଲେଇଞ୍ଜାତେଏଁ ‘ମୀରୁ ମାହାପୁରୁୟାଁଚେରି ।’ ୩୫ ଆମ୍ବାଆରି ତାଣା ମାହାପୁରୁଟି ବଲ୍ଲୁ ତଞ୍ଜାଆଡ଼େ, ଏଝାରି ମାହାପୁରୁୟାଁ ଇଚିହ୍ ଦାମ୍ବୁ ସାସ୍ତେରି ଉଜେଏ କିହାଲି ଆଡ଼ଅସି, ୩୬ ଆବା ମାହାପୁରୁ ନାଙ୍ଗେ ସୁରୁ କିହାନା ଦାର୍‌ତିତା ପାଣ୍ଡାମାଞ୍ଜାନେସି । ଇଞ୍ଜା ନାନୁ ନାଙ୍ଗେ ମାହାପୁରୁ ମୀରୁଏଣାତେଏଁ ଇଞ୍ଜିମାନାକି ମାହାପୁରୁ ନିନ୍ଦା କିହିମାଞ୍ଜି ଇଞ୍ଜି ଏନିକ୍ ଏଲେଇଞ୍ଜି ମାଞ୍ଜାଦେରି ? ୩୭ ନାନୁ ନା ଆବାତି ବାରେ କାମା କିହା ହିଲାଆଡ଼ିହ୍ ନାଙ୍ଗେ ନାମାଆଦୁ; ୩୮ ସାମା ନାନୁ କିହିମାଲ୍, ଆଡ଼ିହ୍ ମୀରୁ ନାଙ୍ଗେ ନାମି ମାଞ୍ଜାଅଚେରି, ଆଡ଼ିଜିକେଏ

\* ୧୦:୧୪ ୧୦:୧୪ ମାତି ୧୧:୨୭; ଲୁକ ୧୦:୨୨ \* ୧୦:୨୯ ୧୦:୨୯ ଆବା ନାଙ୍ଗେ ଏଦାଆଁ ହାହାମାଞ୍ଜାନେସି, ଏଡ଼ି ବାରେକିହାଁ ଦାରାଗାଚାୟି, ଇଦାଣି ଅର୍ତ୍ତ ଆମିନି ଆବା ନାଙ୍ଗେ ଇ ଲକୁଇଁ ହାହାମାଞ୍ଜାନେସି, ଏଝାସି ଏଝାରି କିହାଁ କାଜାସି ।

ଆବା ନା ତାଣା ମାନେସି ଅଡ଼େ ନାନୁ ଆବା ତାଣା ମାଇଁ, ଇଦାଆଁ ମୀରୁ ଏନିକିଁ ପୁଞ୍ଜେରି ଅଡ଼େ ତେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ ।”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣ୍ପିତେରି, ସାମା ଏଞ୍ଜାସି ଏଞ୍ଜାରି କେୟୁତା ହେର୍ପି ଆଆନା ଏମ୍ବାଟି ହଚାହାରେସି ।

୪୦ ☆ଏମ୍ବାଟି ଏଞ୍ଜାସି ଅଡ଼େ ୱେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଟାୟୁତା ବାପ୍ତିସ୍ମା ହାହିମାରେସି, ଏ ଟାୟୁତା ୱାହାନା ଡୟିତେସି । ୪୧ ଅଡ଼େ ହାରେକା ଲକୁ ଏଞ୍ଜାଣି ତାଣା ୱାହାନା ଏଲେଇରେରି, “ଜହନ ଏନି କାବାଆନି କାମା କିଆତେସି, ସାମା ଇ ମାଣ୍ଡସି କାତା ଜହନ ଏନା ଏନାଆଁ ୱେସାମାରେସି, ଏ ବାରେ ସାତା ।” ୪୨ ଏମ୍ବାଆଁ ହାରେକା ଲକୁ ଏଞ୍ଜାଣି ତାଣା ନାମିତେରି ।

### ୧୧

#### ଲାଜର ହାନାୟି

୧ ☆ବେତନିୟାତି ଲାଜର ଦରୁଗାଟାସି ରଅସି ନଫେରି ଆହାମାରେସି; ତାମି ତାଜିସ୍ମା ମରିୟମ ଅଡ଼େ ମାର୍ତା ଏ ନାୟୁତା ଡୟିମାରୁ । ୨ ☆ଏମିନି ଇୟା ପ୍ରୁଇଁ ନିୟୁଁ ୱାକ୍‌ହାନା ତାନି ତାୟୁଁ ବାଣାୟାଁ ତଲେ ଏଞ୍ଜାଣି ପାଃଆନାୟାଁ କେଜା ମାରେ, ଇଦି ଏ ମରିୟମ; ତାମି ତାୟି ଲାଜର ନଫେରି ଆହାମାରେସି । ୩ ଏଦାଆଁତାକି ଏ ତାଜିସ୍ମା ଜୀସୁ ତାଣା କାବୁ ପାଣ୍ଡିତୁ, “ପ୍ରୁ, ନାନୁ ଆମ୍ବାଆରାଇଁ ଜୀସୁ ନହୁଁ ମାଞ୍ଜି ଏଞ୍ଜାସି ନଫେରି ଆହାମାନେସି ।”

୪ ସାମା ଜୀସୁ ଇ କାତା ୱେଞ୍ଜାନା ଏଲେଇରେସି, “ଇ ନଫେରି ହାହାଲି ତାକି ଆଏ, ସାମା ମାହାପୁରୁତି ଗାଞ୍ଜୁରମି ତାକି, ଏନିକିଁ ଏମ୍ବାଟି ମାହାପୁରୁତି ମୀର୍‌ଏସି ଗାଞ୍ଜୁରମି ବେଟା ଆନେସି ।”

୫ ଜୀସୁ ମାର୍ତା, ତାନି ତାଜି ମରିୟମଇଁ ଅଡ଼େ ଲାଜରଇଁ ଜୀସୁ ନହୁଁ ମାରେସି । ୬ ଏଚେତା ଏଞ୍ଜାସି ନଫେରି ଆହାମାନେସି ଇଞ୍ଜୁଁ ୱେରେସି, ଏଚେତା ଏଞ୍ଜାସି ଏମିନିତାଣା ମାରେସି, ଏ ଟାୟୁତା ରୀ ଦିନା ଡୟିତେସି । ୭ ଏଚେଟିଏ ଏଞ୍ଜାସି ସୀସୁୟାଁଇଁ ଏଲେଇରେସି, “ଜୀସୁ ମୀର୍ ୱେଣ୍ଡେ ଜୀସୁଦା ରାଜିତା ହାନ ।”

୮ ସୀସୁୟାଁ ଏଞ୍ଜାଣାଇଁ ଏଲେଇରେରି, “ଏ ଗୁରୁ ଜୀସୁଦିୟାଁ ନୀର୍ବି ନିଜେ ୱାଲକାତଲେ ୱେଚାଲି ଅଣ୍ପି ମାଞ୍ଜାତେରି, ଅଡ଼େ ୱେଣ୍ଡେ ନୀସୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇରେସି, “ଦିନାତାକି ବାର ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହୁଁ ଏଞ୍ଜାସି ଦାରତିତି ଉଜେଡ଼ି; ୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି,

ଇଚିହୁଁ ଏଞ୍ଜାଣି ହିୟାଁତା ଉଜେଡ଼ି ହିଲେଏ ।” ୧୧ ଇ ବାରେ କାତା ୱେସି ତାୟୁ ଏଞ୍ଜାଣାଇଁ ଅଡ଼େ ଏଲେଇରେସି, “ମା ତଣେ ଲାଜର ଇଦା କିହାମାନେସି, ସାମା ଏଞ୍ଜାଣାଇଁ ଇଦାଟି ନିକ୍‌ହାଲି ନାନୁ ହାଜିମାଇଁ ।”

୧୨ ଏମ୍ବାଟିଏ ସୀସୁୟାଁ ଏଞ୍ଜାଣାଇଁ ଏଲେଇରେସି, “ପ୍ରୁ ଏଞ୍ଜାସି ତୁରାନା ଇଦା କିହାମାଟିହୁଁ ନେହୁଁ ଆନେସି ।”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇରେସି, ସାମା ଏଞ୍ଜାଣି ଇଦା କିହାମାନି କାତା ୱେସାତେସି ଇଞ୍ଜୁଁ ଅଣ୍ପିମାରେରି । ୧୪ ଏଚିବେଲା ଜୀସୁ ତୀରେତଲେ ଏଲେଇରେସି, “ଲାଜର ହାହାମାନେସି; ୧୫ ଅଡ଼େ ନାନୁ ଏମ୍ବାଆଁ ହିଲାଆତେର୍ବି, ଏଦାଆଁତାକି ମୀ ତାକି ରାହାଁ କିହିମାଇଁ, ଏନିକିଁ ମୀରୁ ନାମିଦେରି; ସାମା ଜୀସୁ ମୀର୍ ଏଞ୍ଜାଣି ତାଣା ହାନ ।”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିଦୁମ ଇଞ୍ଜୁଁ ଇନେରି, ଏଞ୍ଜାସି ତାମି ତଣେ ସୀସୁୟାଁଇଁ ଏଲେଇରେସି, “ଜୀସୁ, ମୀର୍ ଜିକେଏ ହାଜାନା ଏଞ୍ଜାଣିତଲେ ହାନ ।”

#### ଜୀସୁଏ ୱେଣ୍ଡେ ନିଜିନାସି ଅଡ଼େ ଜୀସୁ

୧୭ ଜୀସୁ ବେତନିୟାତା ଏଜାନା ୱେରେସି, ଏଞ୍ଜାସି ସାରି ଦିନା ଆଡେସି ମାହାଣି ମାଣ୍ଡାତା ଇଟାମାନେରି । ୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାରେ, ୧୯ ଅଡ଼େ ଜୀସୁଦିୟାଁ ବିତାଟି ହାରେକା ମାର୍ତା ଇଞ୍ଜାଁ ମରିୟମଇଁ ତାମି ତାୟିତି ଦୁକୁ ତୁକ୍‌ହାଲି ଏମ୍ବାଆଁ ୱାହାମାରେରି ।

୨୦ ଜୀସୁ ୱାହିମାନେସି ଇଞ୍ଜୁଁ ଏଚେତା ମାର୍ତା ୱେରେ, ଏଚେତା ମାର୍ତା ଏଞ୍ଜାଣାଇଁ ବେଟାଆୟାଲି ହାରେ, ସାମା ମରିୟମ ଇଜ କୁଗାନା ଡୟିତେ ।

୨୧ ମାର୍ତା ଜୀସୁଇଁ ଏଲେଇରେ, “ପ୍ରୁ ନାନୁ ଇମ୍ବାଆଁ ମାଟିହୁଁ ମା, ନା ତାୟି ହାଆତେସିମା, ୨୨ ସାମା ନୀସୁ ମାହାପୁରୁଇଁ ଏନାଆଁ ରୀହୁଦି, ମାହାପୁରୁ ନିଜେ ଏଦାଆଁ ହିୟାନେସି, ଏଦାଆଁ ନୀର୍ବି ଜିକେଏ ପୁଞ୍ଜାମାଇଁ ।”

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡ଼େ ୱେଣ୍ଡେ ନିଜିନେସି ।”

୨୪ “ମାର୍ତା ଜୀସୁଇଁ ଏଲେଇରେ, ଏଞ୍ଜାସି ତାୟୁ ୱେଣ୍ଡେ ନିଜିନି ଦିନାତା ନିଜିନେସି, ଇଦାଆଁ ନାନୁ ପୁଞ୍ଜାମାଇଁ ।”

୨୫ ଜୀସୁ ଏଦାନି ଏଲେଇରେସି, “ନାନୁ ୱେଣ୍ଡେ ନିଜିନାତେର୍ବି ଅଡ଼େ ଜୀସୁତେର୍ବି; ଆମ୍ବାଆସି ନାଜେ ନାମାନେସି, ଏଞ୍ଜାସି ହାଡ଼ି ଜିକେଏ ନୀତିନେସି, ୨୬ ଆମ୍ବାଆସି ନୀତିନେସି ଅଡ଼େ ନାମିନେସି, ଏଞ୍ଜାସି ଏଚେଲା ଜିକେଏ ହାଅସି; ଇ କାତା ନାମିମାଞ୍ଜି ?”

☆ ୧୦:୪୦ ୧୦:୪୦ ଜହ ୧:୨୮ † ୧୦:୪୦ ୧୦:୪୦ ମୁଞ୍ଜିନାୟି ☆ ୧୧:୧ ୧୧:୧ ଲୁକ ୧୦:୩୮,୩୯ ☆ ୧୧:୨ ୧୧:୨ ଜହ ୧୨:୩

୨୭ ମାର୍ତ୍ତା ଏଲେଇଚେ, “ଏ ପ୍ରବୁ ଆମ୍ବାଆସି ଦାରତିତା ଖାନାୟି ମାଚେ, ନାନୁ ଏ କ୍ରୀସୁ ମାହାପୁରୁ ମାର୍ବଣାତି, ଇ କାତା ନାମିମାଇଁ ।”

**ଜୀସୁ ତୀତେସି**

୨୮ ଇ କାତା ଖେସାନା ମାର୍ତ୍ତା ହାଜାନା ତାନି ତାଙ୍ଗି ମରିୟମଇ ଏଟକା ହାଚାନା ଏଲେଇଚେ, “ଗୁରୁ ଖାଚେସିଏ ନିଙ୍ଗେ ପାରିମାଞ୍ଜାନେସି ।” ୨୯ ମରିୟମ ଇ କାତା ଖେଞ୍ଜାନା ଦାପେ ନିଙ୍ଗାନା ଏଞ୍ଜାଣି ତାଣା ହାଚେ । ୩୦ ଏତିବେଲା ଜୀସୁ ନାୟୁଁ ବିତ୍ତା ଖାହାହିଲାଆତେସି, ସାମା ମାର୍ତ୍ତା ଏଞ୍ଜାଣାଇଁ ଏମିନି ଚାୟୁତା ବେଟାଆହାମାଚେ, ଏଚେପାତେକା ଏ ଚାୟୁତେଏ ମାଚେସି । ୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ତୁକ୍‌ହିମାଚେରି, ଏଞ୍ଜାରି ମରିୟମ ଦାପେ ନିଙ୍ଗାନା ପାଙ୍ଗାତା ହାଚାଣି ମେସାନା, ଏଦି ମାହଣି ମାଣ୍ଡାତା ତୀହାଲି ହାଜିମାନେ, ଇ କାତା ଅଶ୍‌ପାନା ଏଦାନି ଜେଚ କେଚ ହାଚେରି ।

୩୨ ଏମ୍ବାଟିଏ ଜୀସୁ ଏମିନି ଚାୟୁତା ମାଚେସି, ମରିୟମ ଏ ଚାୟୁତା ହାଜାନା ଏଞ୍ଜାଣାଇଁ ମେସାନା ଏଞ୍ଜାଣି କତାୟାଁ ତୁଇ ରିହାନା ଏଲେଇଚେ, “ପ୍ରବୁ ନାନୁ ଇମ୍ବାଆଁ ମାଚିହିଁମା ନା ତାୟି ହାଆତେସିମା ।”

୩୩ ଜୀସୁ ମରିୟମ ଅଡେ ତାନିତଲେ ଖାହାମାନି ଜୀହୁଦି ଲକୁ ତୀହିମାନାଣି ମେସାନା ଜୀହୁତା ହାଚେକା ଦୁକୁ ଆହାନା ଖେଚେସି, ୩୪ “ଏଞ୍ଜାଣାଇଁ ଆମ୍ବିୟା ଇଚାମାଞ୍ଜେରି ?” ଏଞ୍ଜାରି ଏଲେଇଚେରି, “ପ୍ରବୁ, ଖାହାନା ସିନିକିମୁ ?”

୩୫ ଜୀସୁ ତୀତେସି । ୩୬ ଏଚେଟିଏ ଜୀହୁଦି ଲକୁ ଏଲେଇଶିମ୍ବି ଆଚେରି, “ଏଞ୍ଜାସି ଏଞ୍ଜାଣାଇଁ ଏଚେକା ଜୀହୁ ନହିଁମାଚେସି ।”

୩୭ ସାମା ଏଞ୍ଜାରି ବିତ୍ତାଟି ଏଚରଜାଣା ଏଲେଇଚେରି, “ଇ ମାଣ୍ଡିଏ ଏ କାଣାଇଁ ମେସପି କିହାମାଚେସି, ଏଞ୍ଜାସି ଇଞ୍ଜାଣାଇଁ ହାକିଟି ଗେଲ୍‌ପାଲି ଆଡିତେସିମା ?”

**ହାଡି ଲାଜରଇଁ ଜୀହୁ ହାନାୟି**

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହଣି ମାଣ୍ଡା ତାଗେ ଖାଚେସି; ଏଦି ର ପାଞ୍ଜୁ ମାଚେ, ଇଞ୍ଜା ପାଞ୍ଜୁ ଦୁଖେରିତା ର କାଜା ଖାଲି ମାଚେ । ୩୯ ଜୀସୁ ଏଲେଇଚେସି, “ଇ ଖାଲି ଗୁଟି କିଦୁ ।” ହାତାଣି ତାଙ୍ଗି ମାର୍ତ୍ତା ଏଲେଇଚେ, “ପ୍ରବୁ, ଏଞ୍ଜାସି ଗାନ୍ଦା ଆହାହାଚେସିଏ, ଇଚିହିଁ ହାହାନା ସାରି ଦିନା ଆଚେସିଏ ।”

୪୦ ଜୀସୁ ଏଦାନି ଏଲେଇଚେସି, “ନାନୁ ନାମିଦି, ଆଡିହିଁ ମାହାପୁରୁଟି ଗାଞ୍ଜୁରମି ମେହ୍‌ଦି, ଇ କାତା ନାନୁ ନିଙ୍ଗେ ଖେସାମାଞ୍ଜାଆତେଏ ?” ୪୧ ଅଡେ ଏଞ୍ଜାରି ଖାଲି ଗୁଟି କିଚେରି । ଅଡେ ଜୀସୁ ଲାକଖାକି ସିନିକିହାନା ଏଲେଇଚେସି, “ଆଚା

ନା ପ୍ରାତାନା ଖେଚି ଇଞ୍ଜାଁ ନାନୁ ନିଙ୍ଗେ ଜହରା କିହିମାଞ୍ଜାଇଁ । ୪୨ ନାନୁ କାଲେଏ ନା ପ୍ରାତାନା ଖେଞ୍ଜିମାଞ୍ଜି, ଇ କାତା ନାନୁ ପୁଞ୍ଜାମାଇଁ; ସାମା ଏମିନି ଲକୁ ସାରିସୁଟୁ ନିଚାମାନେରି, ନାନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜାଁ ଏଞ୍ଜାରି ଏନିକିଁ ନାମିନେରି, ଏଦାଆଁତାକି ଏଞ୍ଜାରି ତାକି ନାନୁ ଏଲେଇଚେଏ ।” ୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାତଲେ ଏଲେଇଚେସି, “ଲାଜର ପାଙ୍ଗାତା ହଚା ଖାମୁ ।” ୪୪ ଦେବୁଣିଏ ଲାଜର ପାଙ୍ଗାତା ହଚାଖାଚେସି; ତାନି କେସ୍ତା କତାଣା ମାହଣି ମାଣ୍ଡାତି ହିମ୍ବରିକା ତଲେ ରୁପି ଆହାମାରୁ, ଇଞ୍ଜାଁ ତାନି ମୁମ୍ବୁତୁ ଇଚାୟି ପାସ୍‌କି ପିଡ଼ଗିଞ୍ଜି ଆହାମାଚେ । ଜୀସୁ ଏଞ୍ଜାରିଇଁ ଏଲେଇଚେସି, “ହିମ୍ବରିକା ହୁକ୍‌ଦୁ ଏଞ୍ଜାସି ତାକାପେସି ।”

**ଜୀସୁଇଁ ପାୟାଲି ପାରୁ ପାରିନାୟି**

(ମାଡି ୨୬:୧-୫; ମାର୍କ ୧୪:୧,୨; ଲୁକ ୨୨:୧,୨)

୫୫ ହାଚେକା ଜୀହୁଦି ଲକୁ, ଇଚିହିଁ ଆମ୍ବାଆରି ମରିୟମ ତାଣା ଖାହାମାଚେରି ଅଡେ ଜୀସୁଟି କାମା ମେସାମାଚେରି, ଏଞ୍ଜାରି ଏଞ୍ଜାଣାଇଁ ନାମିଚେରି । ୫୬ ଅଡେ ଏଞ୍ଜାରି ବିତ୍ତାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାଚେସି ଏ ବାରେ ଏଞ୍ଜାରିଇଁ ଖେସ୍ତେରି । ୫୭ ଇ କାତା ଖେଞ୍ଜାନା ପାରୁସିୟାଁ ଅଡେ କାଜା ପୂଜେରାଙ୍ଗା କାଜା ବେରଣିମାଣ୍ଡାତା ଏଲେଇଚେରି, “ମାରୁ ଏନି କିନାୟି ଇ ମାଣ୍ଡିଏ ହାଚେକା କାବାଆନି କାମାୟାଁ କିହିମାନେସି । ୫୮ ମାରୁ ଏଞ୍ଜାଣାଇଁ ଏଲେକିହିଁ ପିସ୍ତୁହିଁ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡେ ରମିୟ ଲକୁ ଖାହାନା ଇ ଚାୟୁ କୃତା ବାରେଡି ନାସା କିନେରି ।”

୫୯ ସାମା ଏଞ୍ଜାରି ବିତ୍ତାଟି ର କାଜା ପୂଜେରା, ଇଚିହିଁ କୟାପା ଏ ବାର୍ସାତି କାଜା ପୂଜେରା ଏଞ୍ଜାରିଇଁ ଏଲେଇଚେସି, “ମାରୁ ଏନାଆଁ ପୁଞ୍ଜାହିଲଅଚେରି ? ୬୦ ବାରେ କୃତାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ, ଇଦାଆଁ ମାରୁ ଅଣପି ହିଲଅଚେରି ।”

୬୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲାଆତେସି, ସାମା ଏଞ୍ଜାସି ଏ ବାର୍ସାତି କାଜା ପୂଜେରା ମାଚାକି ଇ ତାୟୁ ଆନି କାତା ତାନି ଗୁଟିଟି ହଚାମାଚେ, ଜୀସୁ ଏ କୃତାତ ଲକୁ ତାକି, ୬୨ ଅଡେ ଖାରଇ ଏ କୃତା ତାକି ଆଏ, ସାମା ମାହାପୁରୁଟି ଇତାଲା ଆତାଲା ଆହାମାନି ମାରକାଣି ଜିକେଏ କୃଡି କିହାନା ରଣିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ଖେକ୍‌ହେସି ।

୬୩ ଇଞ୍ଜାଁ ଏ ଦିନାଟିଏ ଏଞ୍ଜାଣାଇଁ ପାୟାଲି ତାକି ପାରୁ ପାରିଚେରି । ୬୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ତା ପାଙ୍ଗାଖେଙ୍ଗେ ରେଆତେସି, ସାମା ଏଞ୍ଜାସି ଏ ଚାୟୁଟି ହଚା ହାଜାନା ଲକୁ ହିଲାଆ ଚାୟୁ

ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାରେସି, ଅଡ଼େ ସୀସୁୟାଁ ତଲେ ଏମ୍ପାଆଁ ଡ଼ୟିତେସି ।

୫୫ ଏଚିବେଲା ଜୀହୁଦି ଲକ୍ଷୁତି ପିସ୍ପିଆନ୍ତି ପାର୍ବୁ ତାଗେ ମାଚେ, ଅଡ଼େ ନାସ୍‌କାଟି ହାରେକା ଲକ୍ଷୁ ଜାହାରାଇଁ ଅଡ଼ହା କତାଲି ପିସ୍ପିଆନ୍ତି ପାର୍ବୁ ନକେଏ ଜିରୁସାଲମତା ହାଚେରି । ୫୬ ଏମ୍ପାଟିଏ ଏଞ୍ଜାରି ଜୀସୁଇଁ ପାରି ପାରିହୁଁ ମାହାପୁରୁ ଇଲୁତା ନିଚାମାଚାଟି ତାମ୍ନୁ ତାମ୍ନୁ ଏଲେଇଶ୍‌ମ୍ବି ଆଚେରି, “ମାରୁ ଏନାଆଁ ଅଣ୍ଡିମାଞ୍ଜେରି ? ଏଞ୍ଜାସି କି ପାର୍ବୁତା ଖାଅସି ?” ୫୭ କାଜା ପୂଜେରାଜା ଅଡ଼େ ପାରୁସିୟାଁ ଏଞ୍ଜାଣାଇଁ ଆସାଲି ତାକି, ଏଞ୍ଜାସି ଏମ୍ପିୟା ମାନେସି, ଇ କାତା ଆମ୍ପାଆସି ପୁଞ୍ଜାମାନେସି, ଏ କାତା ଖେସାଲି ତାକି ହୁକୁମି ହୀହାମାଚେରି ।

**୧୨**

**ଜୀସୁଇଁ ନିୟୁଁ ରୁବିନାୟି**

(ମାତି ୨୬:୬-୧୩; ମାର୍କ ୧୪:୩-୯)

୧ ଏମ୍ପାଟିଏ ଜୀସୁ ପିସ୍ପିଆନ୍ତି ପାର୍ବୁତି ସ ଦିନା ନକେଏ ବେତନିୟାତା ଖାଚେସି; ଏମିନି ଲାଜରଇଁ ହାଡ଼ାରି ତାଣାଟି ନିକହା ମାଚେସି, ଏଞ୍ଜାସି ଏ ଚାୟୁତା ମାଚେସି । ୨ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଚାୟୁତା ଲାଆଁୟାଁ ର ବଜି କିଚେରି; ମାର୍ତ୍ତା ବାଟି କିହିମାଚେ, ଅଡ଼େ ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି କୁଗାମାଚେରି, ଲାଜର ଏଞ୍ଜାରି ବିତ୍ରାଟି ରଅସି ମାଚେସି ।

୩ ଏଚିବେଲା ମରିୟମ ଆଦା ଗାଜୁ ଗାନ୍ଦା ନିୟୁଁ ତାଚାନା ଜୀସୁ କତାଣା ରୁବାନା ତାନି ତାୟୁଁ ବାଣାୟାଁ ତଲେ ତାନି କତାଣି ଜେତେ, ଅଡ଼େ ବାରେ ଇଲୁତା ନିୟୁଁ ଗାନ୍ଦା ଆଚେ । ୪ ସାମା ତାନି ସୀସୁୟାଁ ବିତ୍ରାଟି ଇସ୍‌ସାରିୟତ ଜୀହୁଦା ଆମିନି ସୀସୁ ଜୀସୁଇଁ ସାତୁୟାଁ କେୟୁତା ହେରପାଲି ହାଜିମାଚେସି, ଏଞ୍ଜାସି ଏଲେଇଚେସି, ୫ “ଇ ନିୟୁଁ ତାନି ଖାଞ୍ଜା ଟାକାୟାଁ ତାକି ପାର୍ପି ଆହାନା ଏନାଆଁତାକି କାକୁଲି ଗାଟାରାକି ହୀପକି ଆଆଚେ ?” ୬ ଏଞ୍ଜାସି କାକୁଲି ଗାଟାରାଇଁ ଅଣ୍ଡିମାଚେସି ଇଞ୍ଜୁଁ ଏଲେଇଚେସି, ଏଡ଼ି ଆଏ, ସାମା ଏଞ୍ଜାସି ର ସରୁ ଅଡ଼େ ଏଞ୍ଜାଣି ତାଣା ଟାକାୟାଁ ମଣା ମାଚାକି, ଏମ୍ପାଆଁ ଏନା ଏନାଆଁ ଇଚକି ଆହିମାଚେ, ଏଦାଆଁ ସରୁ କିହିମାଚେସି ।

୭ ସାମା ଜୀସୁ ଏଲେଇଚେସି, “ଇଦାଆଁ ପିହୁଦୁ, ଏନିକ୍ ନା ମାଡ଼ହା ମୁହନି ଦିନାତାକି ଏଡ଼ି ଏଦାଆଁ ଇଚାଲି ଆଡ଼ିନେ । ୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନୁ ବାରେବେଲା ମୀ ତଲେ ମାନଅଁ ।”

**ଲାଜର କପାଟି ପାରୁ ପାରିନାୟି**

୯ ଏଚେଟିଏ ହାରେକା ଜୀହୁଦି ଲକ୍ଷୁ ଏଞ୍ଜାସି ଏମ୍ପାଆଁ ମାନେସି ଇଞ୍ଜୁଁ ପୁଞ୍ଜାନା ଖାରଇ ଜୀସୁ

ତାକି ଆଏ, ସାମା ଏମିନି ଲାଜରଇଁ ଏଞ୍ଜାସି ହାକିଟି ନିକହା ମାଚେସି, ଏଞ୍ଜାଣାଇଁ ମେସାଲି ଖାଚେରି । ୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଜା ପାରୁ ପାରିଚେରି, ୧୧ ଇଚିହୁଁ ଏଞ୍ଜାଣି ତାକି ଜୀହୁଦିୟାଁ ବିତ୍ରାଟି ହାରେକା ହାଜାନା ଜୀସୁ ତାଣା ନାମି ମାଚେରି ।

**ଜୀସୁ ଜିରୁସାଲମତା ରାହାଟି ହଡ଼ନାୟି**

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଖାହାମାନି ହାରେକା ଲକ୍ଷୁ ଜୀସୁ ଜିରୁସାଲମତା ଖାହାମାନେସି ଇଞ୍ଜୁଁ ଖେଚେରି ୧୩ ଇଞ୍ଜା କାକୁରି ମାଟାୟାଁ ଆସାନା ଜୀସୁଇଁ ବେଟାଆହାଲି ଖାଚେରି ଅଡ଼େ କାଜା ଗିୟାତଲେ ଏଲେଇଚେରି, “ହସାନା । ପ୍ରବୁତି ଦରୁତଲେ ଆମ୍ପାଆସି ଖାହିମାନେସି, ଏଞ୍ଜାସି ନେହେଁ; ଇସ୍ରାୟେଲତି ରାଜାୟାଁ ମାହାପୁରୁ ବର ହୀପାସି ।”

୧୪ ଜୀସୁ ର ଗାଡ଼ଦେ ତାକୁ ଲାକ କୁଗାନା ଖାହିମାଚେସି, ଏନିକ୍ ରାସ୍‌କି ଆହାମାନେ,

୧୫ “ଆକେ ସିୟନତି ମାସ୍କା, ଆଜାଆଦୁ

ମେହୁଦୁ ମୀ ରାଜା ଖାହିମାନେସି,

ଏଞ୍ଜାସି ଗାଡ଼ଦେ ତାକୁ ଲାକ କୁଗାନା ଖାହିମାନେସି ।”

୧୬ ଏଚିବେଲା ସୀସୁୟାଁ ଏଦାନି କାତା ପୁଞ୍ଜାଲି ଆଡାଆଚେରି, ସାମା ଜୀସୁ ଗାଞ୍ଜୁରମିଟି ଖେଣ୍ଡେ ନିଙ୍ଗାଲିଏ ଏଞ୍ଜାରି ଅଣ୍ଡପୁତା ଖାଚେ, ଇ ବାରେ କାତା ସାଞ୍ଜୁରିତା ରାସ୍‌କି ଆହାମାନେ, ଇଚିହୁଁ ଏଲେକିହୁଁ ଏ ଏଞ୍ଜାରି କାମା କିହାମାଚେରି ।

୧୭ ଜୀସୁ ହାଡ଼ି ଲାଜରଇଁ ମାହୁଣି ମାଣ୍ଡାଟି ହାଟାନା ନିକହାମାଟି ବେଲାତା ଏମିନିଗାଟାରି ଏଞ୍ଜାଣିତଲେ ମାଚେରି, ଏଞ୍ଜାରି ଇ ବାରେ କାତା ସାରିଞ୍ଜାକି ଖେକହା ମାଚେରି । ୧୮ ଇଦାଆଁତାକି ଲକ୍ଷୁ ବାରେ ଏଞ୍ଜାଣାଇଁ ବେଟାଆହାଲି ହାଜାମାଚେରି, ଅଡ଼େ ଏଞ୍ଜାସି ଇ କାବାଆନ୍ତି କାମା କିହାମାଚେସି ଇଞ୍ଜୁଁ ଖେଞ୍ଜାମାଚେରି । ୧୯ ଇଦାଆଁ ମେସାନା ପାରୁସିୟାଁ ତାନି ବିତ୍ରା କାତା ଆଚେରି, “ମେସିମାଞ୍ଜେରି ମାରୁ ଏନାଆଁ କିହାଲି ଆଡ଼ିହିଲାଆୟି; ଦାରତିତି ବାରେ ଲକ୍ଷୁ ଏଞ୍ଜାଣି ଜେତ ହାଜିମାନେରି ।”

**ଏଚେକା ଗ୍ରିକ୍ ଲକ୍ଷୁ ଜୀସୁଇଁ ପାରିନାୟି**

୨୦ ପାର୍ବୁ ବେଲାତା ପ୍ରାଡାନା କିହାଲି ଜିରୁସାଲମତା ଖାହାମାନି ଲକ୍ଷୁ ବିତ୍ରା ଏଚେକା ଗ୍ରିକ୍ ଲକ୍ଷୁ ମାଚେରି । ୨୧ ଏଞ୍ଜାରି ଗାଲିଲିତି ବେଦସାୟିଦାତି ପିଲିପ ତାଣା ଖାହାନା ବାଡ଼ିମାଲିହୁଁ ଏଲେଇଚେରି, “ବାବୁ, ମାମ୍ନୁ ଜୀସୁଇଁ ମେସାଲି ଅଣ୍ଡିମାନମି ।”

☆ ୧୨:୩ ୧୨:୩ ଲୁକ ୭:୩୭,୩୮

୨୭ ପିଲିପ ହାଜାନା ଆନ୍ଦ୍ରିୟଙ୍କ କାରୁ ହୀତେସି ଅଡେ ରିଆରି ହାଜାନା ଜୀସୁଙ୍କ ଝେସ୍ତେରି । ୨୩ ଜୀସୁ ଏଝାରାଇଁ ଏଲେଇରେସି, “ମାଣସି ମୀରୁଏସି ଗାଝୁରମି ଆନି ବେଲା ଝାହାମାନେ । ୨୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଗହଁ ପାଡ଼େୟି ବୁମିତା ରିହାନା ହାନି ପାତେକା ଏଦି ରଣ୍ଡିଏ ପାଡ଼େୟି ଆହାନା ଡୟିନେ, ସାମା ଏଦି ହାଡ଼ିସାରେ ଏମ୍ବାଟି ହାରେକା ପାଡ଼େୟିକା ଆନୁ । ୨୫ \*ଆମ୍ବାଆସି ଜାହାରା ଜୀଝୁତି ଜୀଝୁ ନରେସି, ଏଝାସି ଏଦାଆଁ ହାରେଝି କିନେସି, ଆମ୍ବାଆସି ଜାହାରା ଜୀଝୁତି ଇ ଦାରତିତା ଅପଅସି, ଏଝାସି ଏଦାଆଁ କାଲକାଲା ତାକି ଗେଲପିନେସି । ୨୬ ଆମ୍ବାଆସି ନା ସେବା କାମାକିନାସି ଆନେସି, ଆଡିହଁ ଏଝାସି ନା ଜେଚ ଝାପେସି; ଅଡେ ନାନୁ ଆମ୍ବିୟା ଡୟିଇଁ, ନା ସେବା କାମାକିନାସି ଜିକେଏ ଏମ୍ବାଆଁ ଡୟିନେସି; ଆମ୍ବାଆସି ନା ସେବା କିନେସି, ଆଡିହଁ ଆବା ଏଝାଣାଇଁ ମାନି କିନେସି ।

**ଜୀସୁ ତାନି ହାକିତି କାତା ଏଲେଇନାୟି**

୨୭ ନୀଏଁ ନା ଜୀଝୁ କିଲିବିଲି ଆହିମାନେ, ଇଞ୍ଜା ନାନୁ ଏନାଆଁ ଇଞ୍ଜାଇଁ ? ଆବା ଇ ଲାଗେଏ ତାଣାଟି ଗେଲପାମ୍ବୁ, ସାମା ଏଦାଆଁତାକି ନାନୁ ଇ ଟାୟୁତା ଝାହାମାଇଁ ।

୨୮ ଆବା ନୀ ଦରୁ ଗାଝୁରମି ଆପେ ।”

ଏଚିବେଲାତା ହାଗୁ ଲାକଟି ଇ ହାଡ଼ା ଆଡେ ନାନୁ ଏଝାଣାଇଁ ଗାଝୁରମି କିହାମାଇଁ ଅଡେ ଗାଝୁରମି କିଇଁ ।

୨୯ ଇଞ୍ଜା ଏମ୍ବାଆଁ ଦାରି ନିଚାମାଟି ଲକୁ ବାରେ ଇ ହାଡ଼ା ଝେଞ୍ଜାନା ଏଲେଇରେରି, “ଇଦି ହାଗୁ ଗୁଣ୍ଡିମାନେ ।” ଅଡେ ଏଚକାତାରି ଏଲେଇରେରି, “ଲାକପୁରୁତି ଦୁଡୁ ଏଝାଣିତଲେ କାତା ଆହିମାନେ ।”

୩୦ ଜୀସୁ ଏଲେଇରେସି, “ଇ ହାଡ଼ା ନାଙ୍ଗେତାକି ଆହା ହିଲେଏ, ସାମା ଇ ହାଡ଼ା ମିଙ୍ଗେତାକି ଆହାମାନେ । ୩୧ ନୀଏଁ ଇ ଦାରତି ବିଚାରା କିନି ଦିନା; ନୀଏଁ ଇ ଦାରତିତି ସାଲଝି କିନାଇ ଡଇ ମେଡପିଆନୁ । ୩୨ ନାନୁ ଏଚିବେଲା ଦାରତିଟି ଲାକପୁରୁ ଅଝିଆଇଁ, ଏଚିବେଲା ବାରେଡି ନା ତାଣା ରେଜା ଅଇଁ ।” ୩୩ ଏଝାସି ଏନିକଁ ହାହାଲି ହାଜିମାନେସି, ଏଝାସି ଇ କାତାତା ଏଲେଇରେସି ।

୩୪ ଲକୁ ଏଝାଣାଇଁ ଏଲେଇରେରି, “ମସିହା କାଲେଏ ଡୟିନେସି ଇଞ୍ଜାଁ ମାମ୍ବୁ ମୁସାତି ମେରାତା ଝେଞ୍ଜାମାନମି, ଆଡିହଁ ମାଣସି ମୀରୁଏସି ଲାକ ପେରଝି ଆନେସି ଇଞ୍ଜାଁ ନାନୁ ଏନିକଁ ଏଲେ ଇଞ୍ଜିମାଞ୍ଜି ? ଏ ମାଣସି ମୀରୁଏସି ଆମ୍ବାଆସି ?”

୩୫ ଜୀସୁ ଏଝାରାଇଁ ଏଲେଇରେସି, “ଅଡେ ଗାଡ଼େକା ତାକି ଉଜେଡି ମୀ ତାଣା ମାନେ । ଆନ୍ଦେରି ମିଙ୍ଗେ ଏନିକଁ ଗୁସ୍ତେଏ, ଏଦାଆଁତାକି

ମୀ ତାଣା ଉଜେଡି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଝାସି ଆମ୍ବିୟା ହାଜିମାନେସି ପୁଞ୍ଜାଲି ଆଡଅସି । ୩୬ ମୀରୁ ଏନିକଁ ଉଜେଡିତି ମୀରୁକା ମାସକା ଆଦେରି, ଏଦାଆଁତାକି ଉଜେଡି ମୀ ତାଣା ମାଞ୍ଜା ମାଞ୍ଜାନା ଉଜେଡିତା ନାମାଦୁ ।” ଜୀସୁ ଇ ବାରେ କାତା ଝେସାନା ହାଚେସି ଇଞ୍ଜା ଏଝାରି ତାଣାଟି ଡଗୁନା ଡୟିତେସି ।

**ଲକୁ ନାମାଆ ଗାଟାୟି**

୩୬ ଏଝାରି ନକିତା ଏଚେକା କାବାଆନି କାମାୟଁ କିହାମାରେସି, ଆଡିଜିକେଏ ଏଝାରି ଏଝାଣି ତାଣା ନାମା ହିଲାଆତେରି, ୩୮ ଏନିକଁ ମାହାପୁରୁ ଅଣ୍ପୁତି ବଲୁ ଝେହ୍ନି ଜିସାୟ ତାଣାଟି ରାଚାମାନି କାତା ପୁରା ଆନେ,

“ପୁରୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?

ଆମ୍ବାଆରି ତାଣା ପ୍ରବୁ ତାନି ବାଡ଼ୟୁ ତସାମାନେସି ?”

୩୯ ଇଦାଆଁତାକି ଏଝାରି ନାମାଲି ଆଡିହିଲାଆତେରି, ଇଞ୍ଜା ଜିସାୟ ଏଲେଇଞ୍ଜାମାରେସି,

୪୦ ସାତେଏ ମାହାପୁରୁ ଏଝାରି କାଣ୍ଡକା କାଣା କିହାମାନେସି ।

ଏଦାଆଁତାକି ଏଝାରି ହିୟଁତା ଏନାଆଁ ମେସାଲି ଆଡଅରି, ଇଞ୍ଜା ହିୟଁତା ଏନାଆଁ ତେଲହାଲି ଆଡଅରି

ମାହାପୁରୁ ଏଲେଇଞ୍ଜି ମାନେସି,

“ନେହଁ ଆହାଲିତାକି ଏଝାରି ନା ତାଣା ଝେଣ୍ଡା ଝାହିଲଅରି ।”

୪୧ ଜିସାୟ ଜୀସୁ କ୍ରୀସ୍ତତି ଗାଝୁରମି ମେସ୍ତେସି ଏଦାଆଁତାକି ଏଝାସି ଏଝାଣି କାତା ଝେସ୍ତେସି ।

୪୨ ଆଡିଜିକେଏ ଜୀହୁଦି ଲକୁତି କାଜାରି ହାରେକା ଏଝାଣି ତାଣା ନାମିତେରି, ସାମା ଏଚେତା ଜୀହୁଦି କୁଲମିଟି ପେରହାନେରି ଇଞ୍ଜାଁ ପାରୁସିୟାଁ ଆଜିତାକି ବାରେଜାଣା ଏ କାତାବାର୍ତା ଆହି ହିଲାଆତେରି, ୪୩ ଇଚିହଁ ଏଝାରି ମାହାପୁରୁ ତାଣାଟି ଗାଝୁରମି କିହାଁ ମାଣସିୟାଁ ତାଣାଟି ଗାଝୁରମି ଜୀଝୁ ନହିମାରେରି ।

**ମାଣସିୟାଁ ତାଣାଟି ଜୀସୁତି କାତା ବିଚାରା କିନାୟି**

୪୪ ଜୀସୁ କାଜା ଗିୟାତଲେ ଏଲେଇରେସି, “ଆମ୍ବାଆସି ନା ତାଣା ନାମିନେସି, ଏଝାସି ନା ତାଣା ନାମଅସି, ସାମା ନାଙ୍ଗେ ପାଣ୍ଡାତାଣାଇଁ ନାମିନେସି; ୪୫ ଆମ୍ବାଆସି ନାଙ୍ଗେ ମେସ୍ତାନେସି, ଏଝାସି ନାଙ୍ଗେ ପାଣ୍ଡାତାଣାଇଁ ମେହ୍ନେସି । ୪୬ ଆମ୍ବାଆସି ନା ତାଣା ନାମିନେସି, ଏଝାସି ଏନିକଁ ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାରତିତା ଉଜେଡି ଆହାନା ଝାହାମାଇଁ । ୪୭ ଆମ୍ବାଆସି ନା ବଲୁ ଝେଞ୍ଜାନା ମାନଝି ଆଅସି, ଆଡିହଁ ନାନୁ ଏଝାଣି

☆ ୧୨:୨୫ ୧୨:୨୫ ମାତି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩



ବିଚାରା କିଅଁ; ଇଚିହଁ ନାନୁ ଦାରତିତା ବିଚାରା କିହାଲି ଖାଆନା ଦାରତିତି ଗେଲପାଲି ଖାହାମାଲ୍ । ୪୮ ଆମ୍ବାଆସି ନାଜେ ଅପଅସି ଅଡେ ନା ବଲୁତି ଆବଅସି, ନାନୁ ଏମିନି ବଲୁ ଜଲମାଲ୍, ନା ଗୁତିତି ବଲୁ ତାୟୁତି ଦିନାତା ଏଝାଣି ବିଚାରା କିନେ; ୪୯ ଇଚିହଁ ନାନୁ ନା ତାଣାଟି ଜଲ୍ଲ ହିଲଅଁ, ସାମା ନାନୁ ଏନାଆଁ ଜଲ୍ଲିକ୍ ଅଡେ ଏନାଆଁ ଝେକକ୍, ଏଦାଆଁ ନାଜେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି ୫୦ ଇଞ୍ଜା ନାନୁ ପୁଞ୍ଜାମାଲ୍ ତାନି ହୁକୁମି କାଲାକାଲାତି ଜାଝୁ ହୀନେ । ନା ଆବା ନାଜେ ଏନାଆଁ ଜଲ୍ଲି ହୁକୁମି ହାହାମାଞ୍ଜାନେସି, ଖାରଇ ଏଲେକିହଁ ଏ ଝେହ୍ଲି ।”

### ୧୩

#### ଜୀସୁ ସୀସୁୟାଁ କତାୟାଁ ନରନାୟି

୧ ପିସପିଆନି ପାର୍ବୁ ନକେଏ ଜୀସୁ ଇ ଦାରତିତି ଆବା ତାଣା ହାନି କାଚୁ ଆହାଲିଏ, ଦାରତିତା ମାନି ତାନି ଲକୁଣି ଏଝାସି ଜୀଝୁ ନହଁମାଚେସି, ଏଝାରାଇଁ ହାରେକା ଜୀଝୁ ନନାଣି ତସାମାଚେସି ।

୨ ଜୀସୁ ତାନି ସୀସୁୟାଁ ତଲେ ଲାଆଁୟାଁ ତିନି ବେଲାତା ସୟତାନ ସିମନ ମୀରଏସି ଇସ୍ପାରିୟତ ଜୀହୁଦା ହିୟାଁତା ଜୀସୁକ୍ ସାତୁ କେୟୁତା ହେର୍ପାଲି ଅଣପି କିହାମାଚେ । ୩ ଏଚିବେଲା ଆବା ତାନି କେୟୁତା ବାରେ ହେର୍ପା ମାନେସି ଅଡେ ଏଝାସି ମାହାପୁରୁ ତାଣାଟି ଖାହାମାନେସି, ଅଡେ ମାହାପୁରୁ ତାଣା ହାଜିମାନେସି, ୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଜ୍ଜାନା, ତାନି ହିମ୍ବରି ଇଚିତେସି ଇଞ୍ଜା ର ତୁଝାଲା ତାନି ଚେତେଲିତା ରୁପା କତିତେସି । ୫ ତାୟୁ ଏଝାସି ମୁତାତା ଏୟୁ କତିତେସି, ଅଡେ ସୀସୁୟାଁତି କତାୟାଁ ନରହାନା ତାନି ଚେତେଲିତା ମାନି ତୁଝାଲା ତଲେ ଜେଜାଲି ମାଟ୍‌ହେସି । ୬ ଏଚିବେଲା ଜୀସୁ ସିମନ ପିତର ଦାରିତା ଖାଡେସି; ଏଝାସି ଏଝାଣାଇଁ ଏଲେଇଚେସି, “ପ୍ରୁ ନୀନୁ ନା କତାୟାଁ ନରହି ମାଞ୍ଜାଦି ?”

୭ ଜୀସୁ ଏଝାଣାଇଁ ଏଲେଇଚେସି, “ନାନୁ ଏନାଆଁ କିହିମାଲ୍ ନୀନୁ ନୀଏଁ ଏଦାଆଁ ପୁଞ୍ଜାଲି ଆଡଅତି, ତାୟୁ ପୁଞ୍ଜି ।”

୮ ପିତର ଏଲେଇଚେସି, “ଆଏ, ନା କତାୟାଁ ଏଚେଲାଝା ନରହଅତି ।” ସାମା ଜୀସୁ ଏଲେଇଚେସି, “ନାନୁ ନୀ କତାୟାଁ ନରହାଆତିହଁ ନାନୁ ଅଡେ ନା ସୀସୁ ଆୟାଲି ଆଡଅତି ।”

୯ ସିମନ ପିତର ଏଲେଇଚେସି, “ପ୍ରୁ, ଆତିହଁ କତାୟାଁ ଏନାଆଁକି, ନା କେସ୍ତା ଅଡେ ତାୟୁ ଜିକେଏ ନରହାମୁ ।”

୧୦ ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ଏୟୁ ମୀହାମାନେସି, ଏଝାଣି କତାୟାଁ ନରନି କିହାଁ ଏନାୟି ଲଡ଼ା ହିଲେଏ, ମୀରୁ ଅଡ଼ି ଆହାମାଞ୍ଜେରି; ସାମା ବାରେଜାଣା ଆଏ ।” ୧୧ ଇଚିହଁ ଆମ୍ବାଆସି ଏଝାଣାଇଁ ସାତୁୟାଁ କେୟୁତା ହେର୍ପିନେସି ଜୀସୁ ତଲିଏ ଏଝାଣାଇଁ ପୁଞ୍ଜାମାଚେସି; ଏଦାଆଁତାକି ଏଝାସି ଏଲେଇଚେସି, “ମୀରୁ ବାରେଜାଣା ଅଡ଼ି ଆହାହିଲଅରି ।”

୧୨ ତାୟୁ ଜୀସୁ ଏଝାରି କତାୟାଁ ନରହାନା ତାନି ହିମ୍ବରି ପରହାନା ଝେଣ୍ଡେ ତିଞ୍ଜାଲି କୁଚିତେସି ଇଞ୍ଜା ଝେଚେସି, “ନାନୁ ମିଜେ ତାକି ଏନାଆଁ କିହାମାଲ୍ ମୀରୁ ପୁଞ୍ଜାଲି ଆଡିତେରି କି ? ୧୩ ମୀରୁ ନାଜେ ଗୁରୁ ଇଞ୍ଜା ହାଟିମାଞ୍ଜାଦେରି, ଏଦି ସାତା; ଇଚିହଁ ନାନୁ ଏଝାଚେଏଁ । ୧୪ ମୀ ଗୁରୁ ଅଡେ ପ୍ରୁଚେଏଁ ନାନୁ, ନାନୁ ମୀ କତାୟାଁ ନରହାମାଞ୍ଜାଇଁ ଆତିହଁ ମୀରୁ ଜିକେଏ ରଅତେରି ରଅଣି କତାୟାଁ ନରନାୟି ମାନେ । ୧୫ ଇଚିହଁ ନାନୁ ମିଜେତାକି ଏନିକଁ କିହାମାଲ୍ ମୀରୁ ଜିକେଏ ଏଲେକିହଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଇଁ । ୧୬ ସାତା ସାତା ନାନୁ ମିଜ ଝେସିମାଞ୍ଜାଇଁ, ହଲେଏସି ତାନି ସାଝୁକାରି କିହାଁ କାଜାସି ଆଏ, ଅଡେ ପାଣ୍ଡୁଝି ଆଡାସି ତାନି ପାଣ୍ଡିତାଣା କିହାଁ କାଜାସି ଆଏ । ୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି ଇଚିହଁ ମୀରୁ ନେହାଁତେରି ।”

୧୮ “ନାନୁ ମୀ କାତା ଝେସିହିଲଅଁ; ଏନିଲେହେଁତି ଲକୁଣି ନାନୁ ଆଡାମାଲ୍, ଏ କାତା ନାନୁ ପୁଞ୍ଜାମାଲ୍; ସାମା ଦାମ୍ବୁ ପତିତି ଇ ବଲୁ ଏନିକଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା କାଦି ତିନେସି ଏଝାସି ନା କପାଟି ନିଜ୍ଜିତେସି ।’ ୧୯ ଏଦି ଗଟଝି ଆନାଟି ନାନୁ ଏଝାଚେଏଁ ଇଞ୍ଜା ମୀରୁ ନାମିଦେରି, ଏଦାଆଁତାକି ଗଟଝି ଆନି ନକେଏ ନାନୁ ମିଜେ ଝେସିମାଞ୍ଜାଇଁ । ୨୦ ସାତା ସାତା ନାନୁ ମିଜ ଝେସିମାଞ୍ଜାଇଁ, ଆମ୍ବାଆସି ନା ତାଣାଟି ପାଣ୍ଡୁଝି ଆଡାଣାଇଁ ଆବିନେସି, ଏଝାସି ନାଜେ ଆବାନେସି, ଅଡେ ଆମ୍ବାଆସି ନାଜେ ଆବାନେସି ଏଝାସି ନାଜେ ପାଣ୍ଡାତାଣାଇଁ ଆବିନେସି ।”

#### ସାତୁୟାଁ କେୟୁତା ହେର୍ପିନି କାତା ଝେହ୍ନାୟି

(ମାତି ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀସୁ ଇ ବାରେ କାତା ଝେସି ତାୟୁ ଜୀଝୁତା ହାରେକା ଦୁକୁ ଆହାନା ବାରେତି ନକିତା ଝେକହେସି, “ନାନୁ ମିଜେ ସାତା ଝେସିମାଞ୍ଜାଇଁ ମୀ ବିତ୍ରାଟି ରଅସି ନାଜେ ସାତୁୟାଁ କେୟୁତା ହେର୍ପାନେସି ।”

☆ ୧୩:୧୨ ୧୩:୧୨ ଲୁକ ୨୨:୨୭ ☆ ୧୩:୧୭ ୧୩:୧୭ ମାତି ୧୦:୨୪; ଲୁକ ୭:୪୦; ଜହ ୧୫:୨୦ ☆ ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭

୨୭ ଏଞ୍ଜେଲ୍ ଆମ୍ଭାଆରି କାତା ଏଲେଇରେସି, ପୁନାଆନା କାବାଆହାନା ସୀସୁୟାଁ ତାମ୍ଭୁ ତାମ୍ଭୁ ସିନିକିଞ୍ଚି ଆଡେରି । ୨୮ ଏଞ୍ଜେଲ୍ ବିଭ୍ରାଟି ଏମିନି ସୀସୁୟାଁ ଜୀସୁ ହାରେକା ଜୀସୁ ନହୁଁ ମାରେସି, ଏଞ୍ଜେଲ୍ ଜୀସୁଟି ଚିଃନିଞ୍ଜାକି କୁଗାନା ତିଞ୍ଜିମାରେସି । ୨୯ ସିମନ ପିତର ଏଞ୍ଜେଲ୍ କେୟୁତଲେ ଏଲେଇରେସି, “ଏଞ୍ଜେଲ୍ ଆମ୍ଭାଆରି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ ।”

୩୦ ଏ ସୀସୁ ଅଡେ ତାଗେ ଆହାନା ଜୀସୁୟାଁ ଖେରେସି, “ଏଞ୍ଜେଲ୍ ଆମ୍ଭାଆସି ପ୍ରବୁ ।”

୩୧ ଜୀସୁ ଏଲେଇରେସି, “ଇ ରୁଟି ଗିନାତା କୁଟି କିହାନା ହାଇଁ ଏଞ୍ଜେଲ୍ ।” ଏଲେଇଞ୍ଜାନା ଜୀସୁ ରୁଟି ଗିନାତା କୁଟି କିହାନା ସିମନ ମୀର୍ଏସି ଇସ୍ତାରିୟତ ଜୀହୁଦାକି ହାତେସି । ୩୨ ରୁଟି ରାସାଲିଏ ସୟତାନା ଏଞ୍ଜେଲ୍ ହିୟାଁତା ହଡେ । ଏରେଟିଏ ଜୀସୁ ଏଲେଇରେସି, “ଏଦାଆଁ କିନାୟିମାନେ ତବେ କିମ୍ପୁ ।” ୩୩ ଜୀସୁ ଏଞ୍ଜେଲ୍ ଇ କାତା ଏଦାଆଁତାକି ଏଲେଇରେସି ଏଟକାତାରି ଆମ୍ଭାଆରି ପୁଞ୍ଜାଲି ଆଡାଆତେରି । ୩୪ ଜୀହୁଦା କେୟୁତା ଟାକାୟାଁ ମଣା ମାଚାକି, ପାରୁତାକି ଏଦା ଏଦାଆଁ ଲଡାମାନେ, ଏଦାଆଁ କତାଲି ଆଆତ କାକୁଲି ଗାଟାରାକି ହାହାଲିତାକି ଜୀସୁ ଏଞ୍ଜେଲ୍ ଏଲେଇରେସି ଇଞ୍ଜି ଆମ୍ଭା ଆମ୍ଭାଆରି ଅଣ୍ପିତେରି ।

୩୫ ରୁଟି ତିଞ୍ଜାନା ଜୀହୁଦା ଏ ଦେରୁଣିଏ ପାଞ୍ଜାତା ହାଚେସି, ଏଡେତା ଲାଆୟାଁ ଆହାମାଚେ ।

**ପୁଃନି ମେରା**

୩୬ ଜୀହୁଦା ପାଞ୍ଜାତା ହାଜାଲିଏ ଜୀସୁ ଏଲେଇରେସି, “ନୀଏଁ ମାଣ୍ଡି ମୀର୍ଏସି ଗାଞ୍ଜୁରମି ଆନ୍ତି ବେଲା ଖାହାମାନେ; ଅଡେ ତାନିତାଣାଟି ମାହାପୁରୁ ଗାଞ୍ଜୁରମି ଆନେସି । ୩୭ ମାହାପୁରୁ ମାଣ୍ଡି ମୀର୍ଏଶା ତାଣାଟି ଗାଞ୍ଜୁରମି ଆଡିହୁଁ; ମାହାପୁରୁ ତାନୁଏ ଗାଞ୍ଜୁରମିଟି ମାଣ୍ଡି ମୀର୍ଏଶାକାଁ ଗାଞ୍ଜୁରମି କିନେସି । ତବେ ଏଞ୍ଜେଲ୍ ଗାଞ୍ଜୁରମି କିହାଲି ହାଜିମାନେସି । ୩୮ କକାତେରି ନାନୁ ଅଡେ ଗାତି ଦିନା ତ୍ତୟଅଁ, ମୀରୁ ନାଞ୍ଜେ ପାରାଦେରି, ସାମା ନାନୁ ଆମ୍ଭିୟା ହାଜିମାକାଁ ମୀରୁ ଏମ୍ଭାଆଁ ହାଜାଲି ଆଡାଆତେରି, ଇ କାତା ଜୀହୁଦି ଲକୁଟି କାଜାରାକାଁ ଏଲେଇଞ୍ଜା ମାଚେଏଁ ଏଲେକିହୁଁ ମିଞ୍ଜେ ଜିକେଏ ଖେସିମାଞ୍ଜାକାଁ । ୩୯ ମୀରୁ ରଅତେରି ରଅଣାକାଁ ଜୀହୁନଦୁ, ଇ ପୁଃନି ମେରା ମିଞ୍ଜେ ହାହିମାଞ୍ଜାକାଁ; ନାନୁ ଏନିକିଁ ମିଞ୍ଜେ ଜୀହୁନହାଁମାଞ୍ଜାକାଁ, ମୀରୁ ଜିକେଏ ଏଲେକିହୁଁଏ ରଅତେରି ରଅଣାକାଁ ଜୀହୁନଦୁ । ୪୦ ମୀ ତାଣା ରଅସି ରଅଣାକାଁ ଜୀହୁନନାୟି ମାନେ, ଆଡିହୁଁ

ମୀରୁ ନା ସୀସୁୟାଁତେରି, ଇ କାତା ବାରେଜାଣା ପୁନେସି ।”

ପିତର ପୁଞ୍ଜାହିଲଅଁ ଇନି କାତା ତଲିଏ ଖେହୁନାୟି

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଞ୍ଜେଲ୍ ଖେରେସି, “ପ୍ରବୁ ନୀନୁ ଆମ୍ଭିୟା ହାଜିମାଞ୍ଜି ?”

ଜୀସୁ ଏଲେଇରେସି, “ନାନୁ ଆମ୍ଭିୟା ହାଜିମାକାଁ, ନୀନୁ ନୀଏଁ ନା ଦେଟ ଦେଟ ହାଜାଲି ଆଡାଆତ, ସାମା ତାୟୁ ହାଜି ।”

୩୭ ପିତର ଏଞ୍ଜେଲ୍ ଏଲେଇରେସି, “ପ୍ରବୁ ନୀଏଁ ନାନୁ ଏଦାଆଁକି ହାଜାଲି ଆଡାଆତ? ନାନୁ ନୀ ତାକି ନା ଜୀସୁ ଜିକେଏ ହାଇଁ ।”

୩୮ ଜୀସୁ ଏଲେଇରେସି, “ଏଦାଆଁ ନୀନୁ ନା ତାକି ନୀ ଜୀସୁ ହାଦି ? ନାନୁ ନିଞ୍ଜେ ସାତା ଖେସିମାଞ୍ଜାକାଁ, କୟୁ କେଣ୍ଡା ନଟକେଏ ନୀନୁ ନାଞ୍ଜେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି ।”

**୧୪**

**ଜୀସୁ ଜିରୁ, ସାତା ଅଡେ ଜୀସୁ**

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡେ ନା ତାଣା ଜିକେଏ ନାମାଦୁ । ୨ ନା ଆଡାଆତ ଇଜ ହାରେକା ବାସାଟାୟୁ ମାନେ; ବାସାଟାୟୁ ହିଲାଆଡିହୁଁ ମା ନାନୁ ମିଞ୍ଜେ ଖେସ୍ତାଆତେଏଁମା, ନାନୁ ମିଞ୍ଜେତାକି ଟାୟୁ ତିୟାରା କିହାଲି ହାଜିମାକାଁ; ୩ ଅଡେ ନାନୁ ହାଜାନା ମିଞ୍ଜେତାକି ଟାୟୁ କେପିତି ତାୟୁ, ଖେଣ୍ଡେ ଖାକାଁ, ଅଡେ ନାନୁ ଆମ୍ଭିୟା ମାକାଁ, ମୀରୁ ଜିକେଏ ଏନିକିଁଏ ଟାୟୁତା ତ୍ତୟଦେରି, ଏଦାଆଁତାକି ମିଞ୍ଜେ ଏ ଟାୟୁତା ଅହୁଁ ହାଜାକାଁ । ୪ ନାନୁ ଆମ୍ଭିୟା ହାଜିମାକାଁ ଏ ଜିରୁ ପୁଞ୍ଜାମାଞ୍ଜେରି ।”

୫ ତମା ଏଲେଇରେସି, “ପ୍ରବୁ, ନୀନୁ ଆମ୍ଭିୟା ହାଜିମାଞ୍ଜି, ମାମ୍ଭୁ ପୁଞ୍ଜାହିଲଅମି, ଏମ୍ଭିୟା ହାଜି ଏ ଜିରୁଟି ଏନିକିଁ ପୁନମି ?”

୬ ଜୀସୁ ଏଲେଇରେସି, “ନାନୁ ଜିରୁ, ସାତା ଅଡେ ଜୀସୁତେଏଁ; ନା ତାଣାଟି ତାକାଆସାରେ ଆମ୍ଭାଆସି ଆଡା ତାଣା ହାଜାଲି ଆଡାଆତ । ୭ ମୀରୁ ନାଞ୍ଜେ ପୁଞ୍ଜାଡିହୁଁ ମା, ନା ଆଡାକାଁ ଜିକେଏ ପୁରେରିମା; ନୀଏଁ ଜିକେଏ ଏଞ୍ଜେଲ୍ ପୁଞ୍ଜିମାଞ୍ଜେରି ଅଡେ ଏଞ୍ଜେଲ୍ ମେସାମାଞ୍ଜେରି ।”

୮ ପିଲିପ ଏଞ୍ଜେଲ୍ ଏଲେଇରେସି, “ପ୍ରବୁ, ମାଞ୍ଜେ ଆଡାକାଁ ତସ୍ତାମ୍ଭୁ, ଏରେକେଏ ମାଞ୍ଜେତାକି ସାରି ।”

☆ ୧୩:୩୩ ୧୩:୩୩ ଜହ ୭:୩୪ ☆ ୧୩:୩୪ ୧୩:୩୪ ଜହ ୧୫:୧୨, ୧୭; ୧ଜହ ୩:୨୩; ୨ଜହ ୧:୫

୯ ଜୀସୁ ଏଲେଇରେସି, “ପିଲିପ ଇଚର ଦିନା ନାନୁ ମୀ ତଲେ ଡୟାମାଲ୍, ମୀରୁ ଏନାଆଁ ନାଙ୍ଗେ ପୁଞ୍ଜାଆତେରି ? ଆମ୍ବାଆସି ନାଙ୍ଗେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଙ୍ଗେ ଆବାଇଁ ତସ୍ତାମୁ ଇଞ୍ଜି ଏନିକ୍ ଏଲେ ଇଞ୍ଜିମାଞ୍ଜି ? ୧୦ ନାନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି ? ନାନୁ ମିଙ୍ଗେ ଏମିନି କାତା ୱେସିମାଞ୍ଜାଇଁ, ଏ ବାରେ ନା ତାଣାଟି ୱେସିମାଞ୍ଜାଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି । ୧୧ ନାନୁ ଆବା ତାଣା ମାଇଁ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆତ୍ କାମାଟି ମେସାନା ନାମାଦୁ । ୧୨ ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଇଁ, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହାଁ ହାରେକା କାଜା କାମା କିନେସି, ଇତିହ୍ ନାନୁ ଆବା ତାଣା ହାଜିମାଇଁ । ୧୩ ଆବା ଏନିକ୍ ମୀରୁଏଣା ତାଣା ଗାଞ୍ଜୁରମି ଆନେସି, ଏଦାଆଁତାକି ମୀରୁ ନା ଦରୁଟି ଏନାଆଁ ରାହ୍‌ଦେରି, ଏ ବାରେ ନାନୁ ହିୟାଇଁ । ୧୪ ମୀରୁ ନା ଦରୁଟି ଏନାଆଁ ନାଙ୍ଗେ ରାସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଇଁ ।”

**ସୁଦୁଜାଞ୍ଜୁତି ହାହାଲି ଆଞ୍ଜିନାୟି**

୧୫ “ମୀରୁ ନାଙ୍ଗେ ଜୀଞ୍ଜୁନହ୍ ମାଞ୍ଜାଦେରି, ଆତିହ୍ ନା ହୁକୁମି ମାନଞ୍ଜି ଆଦୁ । ୧୬ ଅଡ଼େ ନାନୁ ନା ଆବାଇଁ ବାତିମାଲିଇଁ, ଅଡ଼େ ମୀ ତଲେ କାଲେଏ ଡୟାଲି ତାକି ଏଞ୍ଜାସି ମିଙ୍ଗେ ଅଡ଼େ ସାୟେମି କିନାଣାଇଁ, ୧୭ ଇତିହ୍ ଏ ସାତା ଜୀଞ୍ଜୁତି ହିୟାନେସି । ଦାରୁତି ଏଦାଣି ଆବାଲି ଆଡେଏ, ଇତିହ୍ ଦାରୁତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇତିହ୍ ଏଦି ମୀ ତଲେ ମାନେ, ଅଡ଼େ ଏଦି ମୀ ହିୟାଁତା ଡୟିନେ ।”

୧୮ “ନାନୁ ମିଙ୍ଗେ କାମା କିହା ହାଜଅଁ, ନାନୁ ମୀ ତାଣା ୱେଣ୍ଡା ୱାଇଁ । ୧୯ ଗାଡ଼େକା ଜେଚ ଦାରୁତି ଅଡ଼େ ନାଙ୍ଗେ ମେସାଲି ଆଡ଼େଏ; ସାମା ମୀରୁ ନାଙ୍ଗେ ମେସାଦେରି, ଇତିହ୍ ନାନୁ ନୀତାମାଇଁ, ଅଡ଼େ ମୀରୁ ଜିକେଏ ନୀତାନା ଡୟିଦେରି । ୨୦ ନାନୁ ନା ଆବା ତାଣା ଅଡ଼େ ମୀରୁ ନା ତାଣା ଅଡ଼େ ନାନୁ ମୀ ତାଣା ଡୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନଞ୍ଜି ଆନେସି, ଏଞ୍ଜାସି ନାଙ୍ଗେ ଜୀଞ୍ଜୁ ନୟାନେସି, ଅଡ଼େ ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣାଇଁ ଜୀଞ୍ଜୁ ନଇଁ ଅଡ଼େ ଏଞ୍ଜାଣି ତାଣା ତସାକଡ଼ଇଁ ।”

୨୨ ଜୀହୁଦା\* ଏଞ୍ଜାଣାଇଁ ଏଲେଇରେସି, “ଏ ପ୍ରୁରୁ, ଏନାଆଁ ଆଡେ, ନୀନୁ ଦାରୁତିତା ନିଙ୍ଗେ ତସା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇରେସି, “ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି ଆତିହ୍ ଏଞ୍ଜାସି ନା ବଲୁତି ମାନଞ୍ଜି ଆନେସି, ଅଡ଼େ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣି ତାଣା ୱାହାନା ଏଞ୍ଜାଣିତଲେ ବାସା କିଇଁ । ୨୪ ଆମ୍ବାଆସି ନାଙ୍ଗେ ଜୀଞ୍ଜୁ ନୟାଅସି, ଏଞ୍ଜାସି ନା ବଲୁତି ମାନଞ୍ଜି ଆଅସି, ଅଡ଼େ ମୀରୁ ଏମିନି ବଲୁ ୱେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଙ୍ଗେ ପାଣ୍ଡାମାଞ୍ଜାନି ଆବା ମାହାପୁରୁଞ୍ଜାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଙ୍ଗେ ଇ କାତା ୱେସ୍ତାଡେଏ । ୨୬ ସାମା ଏ ସାୟେମି କିନାୟି, ଇତିହ୍ ଏମିନି ସୁଦୁଜୀଞ୍ଜୁ ଆବା ନା ଦରୁଟି ହିୟାନେସି, ଏଦି ମିଙ୍ଗେ ବାରେ ଜାପୁହାନେ, ଅଡ଼େ ନାନୁ ମିଙ୍ଗେ ଏନା ଏନାଆଁ ୱେସାମାଞ୍ଜାଇଁ, ଏ ବାରେ ମିଙ୍ଗେ ଅଣ୍ଡପି କିୟାନେ ।”

୨୭ “ନାନୁ ମିଙ୍ଗେ ହିଡ଼ଡ଼ି ହାହାନା ହାଜିମାଇଁ, ନା ହିଡ଼ଡ଼ି ମିଙ୍ଗେ ଦାନା କିହିମାଞ୍ଜାଇଁ; ଦାରୁତି ଏନିକ୍ ଦାନା କିନେ ନାନୁ ମିଙ୍ଗେ ଏଲେକ୍ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡ଼େ ଆଜି ଗାଟାୟି ଆଆପେ । ୨୮ ନାନୁ ହାଜିମାଇଁ ଅଡ଼େ ମୀ ତାଣା ୱେଣ୍ଡା ୱାଇଁ, ଇ ନା କାତା ୱେଞ୍ଜାମାଞ୍ଜେରି । ମୀରୁ ନାଙ୍ଗେ ଜୀଞ୍ଜୁ ନୟାତିହ୍ ମା, ନାନୁ ନା ଆବା ତାଣା ହାଜିମାଇଁ ଇଞ୍ଜି ରାହାଁ କିତେରିମା, ଇତିହ୍ ଆବା ନା କିହାଁ କାଜାସି । ୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନଡ଼େଏ ନାନୁ ମିଙ୍ଗେ ୱେସ୍ତାଡେଏ । ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଙ୍ଗେ ନାମାଦେରି । ୩୦ ନାନୁ ମୀ ତଲେ ହାରେକା କାତା ଆୟଅଁ, ଇତିହ୍ ଦାରୁତିତି ସାଲଞ୍ଜି କିନାୟି ୱାହିମାନେ; ଅଡ଼େ ନା ତାଣା ତାନିଞ୍ଜାୟି ଏନାୟି ହିଲେଏ; ୩୧ ସାମା ଆବା ନାଙ୍ଗେ ଏନିକ୍ ହୁକୁମି ହାହାମାଞ୍ଜାନେସି, ଏଲେକିହ୍ ନାନୁ କାମା କିଇଁ । ଆତିହ୍ ନାନୁ ଆବାଇଁ ଜୀଞ୍ଜୁ ନହ୍ ମାଇଁ ଇଞ୍ଜି ଦାରୁତି ପୁନେ ।”

“ଞ୍ଜାଦୁ ମାର, ଇମ୍ବାଟି ହାନ ।”

**୧୫**

**ଜୀସୁ ସାତା ଅଞ୍ଜୁରି ମାଡ଼ା**

୧ “ନାନୁ ସାତା ଅଞ୍ଜୁରି ମାଡ଼ା, ଅଡ଼େ ନା ଆବା କାମାକିନାସି । ୨ ନା ତାଣା ମାନି ଏମିନି କମା ପାଡ଼େୟି ଆୟେଏ, ଏଦାନି ଏଞ୍ଜାସି ଚୁଣ୍ଡାହାତୁହନେସି; ଅଡ଼େ ଏମିନି କମା ପାଡ଼େୟି ଆୟିନେ, ଗାଡ଼ି ପାଡ଼େୟି ଆୟାଲି ତାକି ଜାଡ଼ନୁ କିନେସି । ୩ ନାନୁ ମିଙ୍ଗେ ଏମିନି ବଲୁ ୱେସାମାଞ୍ଜାଇଁ, ଏଦାଆଁତାକି ଜାଡ଼ନୁ ଆହାମାଞ୍ଜେରି

\* ୧୪:୨୨ ୧୪:୨୨ ଇସ୍ପାରିୟତ ଜୀହୁଦା ଆଏ

। ୪ ନା ତାଣା ଡୟାଦୁ ଆତିହୁଁ ନାନୁ ମୀ ତାଣା ଡୟିଲ୍ । କମା ଏନିକିଁ ଅଜୁରି ମାଡାତା ଡୟାଆସାରେ ତାନିତାଣାଟି ପାଡ଼େୟି ଆୟାଲି ଆଡେଏ, ଏଲେକିହୁଁଏ ମୀରୁ ଜିକେଏ ନା ତାଣା ଡୟାଆସାରେ ପାଡ଼େୟି ଆୟାଲି ଆଡ଼ଅଡେରି ।”

୫ “ନାନୁ ଅଜୁରି ମାଡା ମୀରୁ କମାୟା, ଆମ୍ବାଆସି ନା ତାଣା ଡୟିନେସି ଅଡେ ନାନୁ ଆମ୍ବାଆରି ତାଣା ଡୟିଲ୍, ଏଞ୍ଜାସି ହାରେକା ପାଡ଼େୟି ଆୟିନେସି; ଇତିହୁଁ ନା ପିସପେ ମୀରୁ ଏନାଆଁ କିହାଲି ଆଡ଼ଅଡେରି । ୬ ଆମ୍ବାଆସି ନା ତାଣା ଡୟଅସି, ଆତିହୁଁ ଏଞ୍ଜାସି କମା ଲେହେଁ ପାଙ୍ଗାତା ମେଡ଼ପି ଆନେସି ଅଡେ ଖାୟା ହାନେସି, ଇଞ୍ଜା ଲକୁ ଏଞ୍ଜାଆଁ କୁଡ଼ି କିହାନା ହିରୁତା ମେଡ଼ନେରି ଅଡେ ଏଞ୍ଜି ବାରେ ଖେହାହାନୁ । ୭ ମୀରୁ ନା ତାଣା ଡୟିଦେରି, ଅଡେ ନା ବଲୁ ମୀ ତାଣା ଡୟିନେ, ଆତିହୁଁ ମୀରୁ ଏନାଆଁ ମନ କିଦେରି, ଏଦାଆଁ ରାହୁଦୁ, ଆତିହୁଁ ଏଡ଼ି ମିଙ୍ଗେତାକି କିଞ୍ଜିଆନେ । ୮ ମୀରୁ ହାରେକା ପାଡ଼େୟି ଆୟିସାରେ ନା ଆବା ଗାଞ୍ଜୁରମି ଆନେସି, ଅଡେ ମୀରୁ ନା ସାତା ସୀସୁ ଆନେରି । ୯ ଏନିକିଁ ଆବା ନାଙ୍ଗେ ଜୀଞ୍ଜୁ ନହାମାଞ୍ଜାନେସି, ନାନୁ ଜିକେଏ ଏଲେକିହୁଁଏ ମିଙ୍ଗେ ଜୀଞ୍ଜୁନହାମାଞ୍ଜାଇ; ନା ଜୀଞ୍ଜୁ ନଞ୍ଜୁତା ତାରିଆହାନା ଡୟାଦୁ । ୧୦ ନାନୁ ଏନିକିଁ ନା ଆବାତି ହୁକୁମି ମାନଞ୍ଜି ଆହାନା ତାନି ଜୀଞ୍ଜୁ ନଞ୍ଜୁତା ତାରିଆହାନା ଡୟିମାଲ୍, ଏଲେକିହୁଁଏ ମୀରୁ ଜିକେଏ ନା କାତା ମାନଞ୍ଜି ଆନେରି, ଆତିହୁଁ ନା ଜୀଞ୍ଜୁ ନଞ୍ଜୁତା ତାରିଆହାନା ଡୟିଦେରି ।”

୧୧ “ଏନିକିଁ ନା ରାହାଁ ମୀ ତାଣା ଡୟିନେ, ଅଡେ ମୀ ରାହାଁ ଏନିକିଁ ପୁରାଆନେ, ଏଦାଆଁତାକି ଇ ବାରେ ମିଙ୍ଗେ ଖେସ୍ତାଡେଏ । ୧୨ ନାନୁ ଏନିକିଁ ମିଙ୍ଗେ ଜୀଞ୍ଜୁନହାମାଞ୍ଜାଇ, ମୀରୁ ଜିକେଏ ଏଲେକିହୁଁଏ ରଅଡେରି ରଅଣାଇଁ ଜୀଞ୍ଜୁନଦୁ, ଇଦି ନା ହୁକୁମି । ୧୩ ଜାହାରା ତଡ଼େସିଙ୍ଗା ତାକି ଜୀଞ୍ଜୁହାନି କିହାଁ ଅଡେ କାଜା ଜୀଞ୍ଜୁନନାୟି ହିଲେଏ । ୧୪ ନାନୁ ମିଙ୍ଗେ ଆମିନି ହୁକୁମି ହାହାମାଞ୍ଜାଇ, ଏଦାଆଁ ମୀରୁ ମାନଞ୍ଜି ଆନେରି ଆତିହୁଁ ମୀରୁ ନା ତଡ଼େସିଙ୍ଗା । ୧୫ ନାନୁ ମିଙ୍ଗେ ଅଡେ ହଲେଏସି ଇଞ୍ଜୁଁ ମାଞ୍ଜୁଆଁ, ଇତିହୁଁ ସାଞ୍ଜୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଙ୍ଗେ ତଡ଼େ ଇଞ୍ଜିମାଞ୍ଜାଇ, ଇତିହୁଁ ନାନୁ ନା ଆବା ତାଣାଟି ଏନା ଏନାଆଁ ଖେଞ୍ଜାମାଲ୍, ଏ ବାରେ ମିଙ୍ଗେ ଖେସାମାଞ୍ଜାଇ । ୧୬ ମୀରୁ ନାଙ୍ଗେ ଆଚା ମାଞ୍ଜଅଡେରି, ସାମା ନାନୁ ମିଙ୍ଗେ ଆଚାମାଞ୍ଜାଇ, ଅଡେ ମୀରୁ ଏନିକିଁ ପାଡ଼େୟି ଆୟାଲି ଆଡ଼ିଦେରି ଅଡେ ମୀ ପାଡ଼େୟି ତାରିଆହାନା ଡୟିନେ, ଏଦାଆଁତାକି ମିଙ୍ଗେ ଆଚାମାଞ୍ଜାଇ । ଏଚେଟିଏ

ମୀରୁ ନା ଦରୁତଲେ ଆବାଇଁ ଏନାଆଁ ରାହୁଦେରି ଏଞ୍ଜାସି ମିଙ୍ଗେ ହିୟାନେସି । ୧୭ ମୀରୁ ଏନିକିଁ ରଅଡେରି ରଅଣାଇଁ ଜୀଞ୍ଜୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି ହାହିମାଞ୍ଜାଇ ।”

**ଦାର୍ତ୍ତି ଅପାଆଗାଟାୟି**

୧୮ “ଦାର୍ତ୍ତି ମିଙ୍ଗେ ଅପେଏ, ଆତିହୁଁ ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ । ୧୯ ମୀରୁ ଦାର୍ତ୍ତିତାଡେରି ଆହାମାଟିହୁଁମା, ଦାର୍ତ୍ତି ମିଙ୍ଗେ ନା ଲକୁ ଇଞ୍ଜୁଁ ପୁଞ୍ଜାନା ଜୀଞ୍ଜୁ ନୟାଡେମା; ମୀରୁ ଦାର୍ତ୍ତିଟି ଖାହା ହିଲଅଡେରି, ସାମା ନାନୁ ମିଙ୍ଗେ ଦାର୍ତ୍ତିଟି ଆଚାମାଞ୍ଜାଇ, ଏଦାଆଁତାକି ଦାର୍ତ୍ତି ମିଙ୍ଗେ ଅପେଏ । ୨୦ ହଲେଏସି ସାଞ୍ଜୁକାରି କିହାଁ କାଜାସି ଆଏ, ନାନୁ ମିଙ୍ଗେ ଏମିନି ବଲୁ ଖେସାମାଞ୍ଜାଇ, ଏଦାଆଁ ଅଣପାଦୁ । ଏଞ୍ଜାରି ନାଙ୍ଗେ ସାସି ହାହାମାଞ୍ଜାନେରି, ଆତିହୁଁ ମିଙ୍ଗେ ଜିକେଏ ସାସି ହିୟାନେରି; ଅଡେ ଏଞ୍ଜାରି ନା ବଲୁଟି ମାନଞ୍ଜି ଆହାମାନେରି, ଆତିହୁଁ ମୀ ବଲୁ ଜିକେଏ ମାନଞ୍ଜି ଆନେରି । ୨୧ ସାମା ଏଞ୍ଜାରି ନାଙ୍ଗେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ମିଙ୍ଗେ ଇ ବାରେ ଆନେ । ୨୨ ନାନୁ ଖାହାନା ଏଞ୍ଜାରାଇଁ ଖେହୁଆତିହୁଁ, ଏଞ୍ଜାରି ପାପୁ ଗାଟାରି ଆଆଡେରିମା; ସାମା ନୀଏଁ ଇ ପାପୁ ତାକି ଏନି ମିଟି କାତା ଖେସାଲି ଆଡ଼ଅରି ୨୩ ଆମ୍ବାଆସି ନାଙ୍ଗେ ଅପଅସି, ଏଞ୍ଜାସି ନା ଆବାଇଁ ଜିକେଏ ଅପଅସି । ୨୪ ନାନୁ ଏଞ୍ଜାରିତାଣା ଏନି କାବାଆନି କାମା କିହାହିଲାଆତ, ଏଞ୍ଜାରି ପାପୁ ଗାଟାରି ଇଞ୍ଜୁଁ ଏଜିକିଞ୍ଜି ଆଆଡେରିମା । ସାମା ନା ବାରେ କାମା ମେସାନା ଜିକେଏ ଏଞ୍ଜାରି ନାଙ୍ଗେ ଅଡେ ନା ଆବାଇଁ ଅପାହିଲଅରି । ୨୫ ସାମା ଏଞ୍ଜାରି ନାଙ୍ଗେ ଉଜେଏ ଅପାମାଞ୍ଜଅରି, ମସା ମେରାତା ରାସକି ଆହାମାନାୟି ଏନିକିଁ ପୁରା ଆନେ ଇଦାଆଁତାକି ଇ ବାରେ ଆହିମାନେ ।”

୨୬ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି ପାଣ୍ଡାଇ, ଆବା ତାଣାଟି ଖାନ୍ତି ଏ ସାତା ଜୀଞ୍ଜୁ ଖାଡ଼ିହୁଁ ନା କାତା ସାକି ହିୟାନେ; ୨୭ ମୀରୁ ଜିକେଏ ନା କାତାତାକି ସାକି ହାଦେରି, ଇତିହୁଁ ମୂଲୁଟିଏ ମୀରୁ ବାରେ ନା ତଲେ ମାଡେରି ।”

**୧୭**

୧ “ମୀ ନାମୁଡି ଏନିକିଁ ପିହୁଅଡେରି, ଇଦାଆଁତାକି ଇ ବାରେ କାତା ଖେସାମାଞ୍ଜାଇ । ୨ ଏଞ୍ଜାରି ମିଙ୍ଗେ କୁଲମଟି ହପୁହାନେରି, ଇଲେଡି ଦିନା ଖାହିମାନେ, ଏଚେତା ଆମ୍ବାଆସି ମିଙ୍ଗେ ପାୟାନେସି, ଏଞ୍ଜାସି ମାହାପୁରୁ ତାକି ଜହରାଡି ପୂଜା କିହିମାଲ୍ ଇଞ୍ଜୁଁ ଅଣପିନେସି । ୩ ଲକୁ

☆ ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫ ☆ ୧୫:୨୦ ୧୫:୨୦ ମାଡି ୧୦:୨୪; ଲୁକ ୬:୪୦; ଜହ ୧୩:୧୨

ଇ ବାରେ କିୟାନେରି, ଇଚିହିଁ ଏଞ୍ଜାରି ଆବା ଆଆତ୍ ନାଙ୍ଗେ ପୁଞ୍ଜାମାଞ୍ଜଅରି । ୪ ଇ ବାରେ ଗଚଝି ଆଡ଼ିସାରେ, ନାନୁ ମିଙ୍ଗେ ୱେସାମାଞ୍ଜାତେଏଁ ଇ କାତା ମୀରୁ ଏନିକ୍ ଅଣ୍ପିଦେରି, ଇଦାଆଁତାକି ଇ ବାରେ କାତା ମିଙ୍ଗେ ୱେସାମାଞ୍ଜାକ୍ । ନାନୁ ମୀ ତଲେ ମାଚାକି ମୁଲୁଟିଏ ଇ ବାରେ କାତା ମିଙ୍ଗେ ୱେସାମାଞ୍ଜାଅଁ ।”

**ସୁଦୁଜାଝୁତି କାମା**

୫ “ସାମା ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାକ୍, ଅଡ଼େ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜି ମୀ ବିତ୍ରାଟି ଆମ୍ବାଆତେରି ନାଙ୍ଗେ ୱେଞ୍ଜି ମାଞ୍ଜାଅତେରି । ୬ ସାମା ନାନୁ ଇ ବାରେ କାତା ୱେସାମାଞ୍ଜାନାକି ମୀ ହିୟାଁ ହାରେକା ଦୁକୁ ଆହିମାନେ । ୭ ସାମା ନାନୁ ମିଙ୍ଗେ ସାତା ୱେସିମାଞ୍ଜାକ୍, ନାନୁ ହାନାୟି ମିଙ୍ଗେତାକି ନେହେଁ, ଇଚିହିଁ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣା ଖାଏ, ସାମା ନାନୁ ହାଚିସାରେ ଏଦାଣି ମୀ ତାଣା ପାଣ୍ଡାକ୍ । ୮ ଏଡ଼ି ଖାହାନା ପାପୁ, ଦାମ୍ବୁ ଅଡ଼େ ମାହାପୁରୁତି ବିଚାରାତି କାତା ଇ ଦାରୁତିତି ଲକୁଣି ୱେହ୍ନେ; ୯ ପାପୁତି କାତା, ଇଚିହିଁ ଏଞ୍ଜାରି ନା ତାଣା ନାମା ହିଲଅରି; ୧୦ ଦାମ୍ବୁତି କାତା, ଇଚିହିଁ ନାନୁ ଆବା ତାଣା ହାଜିମାକ୍ ମୀରୁ ଅଡ଼େ ନାଙ୍ଗେ ମେସୁଅତେରି; ୧୧ ବିଚାରାତି କାତା, ଇଚିହିଁ ଇ ଦାରୁତି ସାଲୁଝି କିନାରି ବିଚାରା କିଝି ଆହାମାନେରି ।”

୧୨ “ମିଙ୍ଗେ ନାନୁ ଅଡ଼େ ହାରେକା କାତା ୱେସୁନାୟିମାନେ, ସାମା ନୀଏଁ ମୀରୁ ଏ ବାରେ ଅରୁହାଲି ଆଡ଼ଅତେରି ୧୩ ସାମା ସାତାତି ଜୀଝୁ ଖାଡ଼ିସାରେ, ଏଡ଼ି ବାରେ ସାତାତି ତେଲହାଲି ବାଡ଼ୁୟି ହିୟାନେ, ଏଡ଼ି ମିଙ୍ଗେ ଜିରୁ ତସାନା ତାନିତାଣାଟି ଏନାଆଁ ୱେହ୍ନେ, ମାହାପୁରୁ ତାଣାଟି ଏନା ଏନାଆଁ ୱେଞ୍ଜାମାନେ ଖାଉଇ ଏଚେକେଏ ୱେହ୍ନେ, ଅଡ଼େ ଏନାୟି ଆହାଲି ହାଜିମାନେ ଏଦାଆଁ ଏଡ଼ି ୱେସୁନେ । ୧୪ ଏଞ୍ଜାସି ନାଙ୍ଗେ ଗାଝୁରମି କିୟାନେସି, ଇଚିହିଁ ନା ତାଣାଟି ବାରେ କାତା ପୁଞ୍ଜାନା ଏଡ଼ି ଏଦାଆଁ ମୀ ତାଣା ୱେସୁନେ । ୧୫ ଏନା ଏନାୟି ଆବାଞ୍ଜାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଞ୍ଜାସି ନା କାତା ଅହାନା ମିଙ୍ଗେ ୱେସୁନେସି ।”

**ଦୁକୁ ଅଡ଼େ ରାହାଁ**

୧୬ “ଗାଡ଼େକା ଜେତ ମୀରୁ ଅଡ଼େ ନାଙ୍ଗେ ମେସୁଅତେରି, ସାମା ଏଚରଦିନା ଜେତ ମେସୁାଦେରି ।”

୧୭ ଏଚେଟିଏ ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେତ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଚି ତାୟୁ ନାଙ୍ଗେ ମେସୁାଦେରି, ନାନୁ ଆବା ତାଣା ହାଜିମାକ୍,

ଏଞ୍ଜାସି ଏମିନି କାତା ମାଙ୍ଗେ ୱେସୁାତେସି, ଇଦି ଏନାୟି ?” ୧୮ ଏଞ୍ଜାସି ଏଲେଇଚେରି, “ଗାଡ଼େକା ଇଞ୍ଜି ଏନାଆଁ ଏଲେଇଞ୍ଜି ମାନେସି ? ଏଞ୍ଜାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ତେଲହାଲି ଆଡ଼ିହିଲଅମି ।”

୧୯ ସୀସୁୟାଁ ତାଙ୍ଗ ୱେଞ୍ଜାଲି ଅଣ୍ପିମାନେରି ଇଞ୍ଜି ପୁଞ୍ଜାନା ଜୀସୁ ଏଞ୍ଜାରାକ୍ ଏଲେଇଚେସି, “ଗାଡ଼େକା ଜେତ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଚି ତାୟୁ ନାଙ୍ଗେ ମେସୁାଦେରି, ନାନୁ ଇ ଏମିନି କାତା ମିଙ୍ଗେ ୱେସୁାତେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ? ୨୦ ନାନୁ ମିଙ୍ଗେ ସାତା ୱେସିମାଞ୍ଜାକ୍, ମୀରୁ ଦୁକୁଆହିଁ ତୀଦେରି, ସାମା ଦାରୁତି ରାହାଁ କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ତିରି ମୀଣ୍ଡନେ । ୨୧ ଜାନି କିନି ବେଲା ଖାଡ଼ିସାରେ ଇୟା ଦୁକୁ ବେଟାଆନେ; ସାମା ଏଡ଼ି କକାଣାକ୍ ଜାନି କିତି ତାୟୁ ଦାରୁତିତା ର ମାଣ୍ଡସି ଜାନି ଆହାମାନେସି, ଇ ରାହାଁତାକି କସୁତି ଅଣ୍ଡପେଏଦେଁ । ୨୨ ଏଲେକିହିଁ ଏ ମୀରୁ ନୀଏଁ ଦୁକୁ ବେଟାଆହିମାଞ୍ଜେରି, ସାମା ନାନୁ ଅଡ଼େ ୱେଶ୍ଟେ ମିଙ୍ଗେ ତଞ୍ଜା ଆୟାକ୍, ଅଡ଼େ ମୀ ହିୟାଁ ରାହାଁ ଆନେ ଅଡ଼େ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟଅସି ।”

୨୩ “ଏ ଦିନା ମୀରୁ ନାଙ୍ଗେ ଏନାଆଁ ୱେଞ୍ଜାଅତେରି । ନାନୁ ମିଙ୍ଗେ ସାତା ୱେସିମାଞ୍ଜାକ୍, ମୀରୁ ଆବାକ୍ ଏନାଆଁ ରୀହ୍ନେଦେରି, ଏଞ୍ଜାସି ନା ଦରୁତଲେ ମିଙ୍ଗେ ହିୟାନେସି । ୨୪ ନୀଏଁ ପାତେକା ନା ଦରୁତଲେ ଏନାଆଁ ରୀସା ହିଲଅତେରି; ରୀହ୍ନୁ, ଏନିକ୍ ମୀ ରାହାଁ ଗାତି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଦେରି ।”

**ଦାରୁତିତା ଜୀଣା ଆନାୟି**

୨୫ “ନାନୁ ମିଙ୍ଗେ ପୁଣ୍ଡିକିନି କାତାତଲେ ଇ ବାରେ ୱେସାମାଞ୍ଜାକ୍; ଦିନା ଖାହିମାନେ, ଏଚିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଙ୍ଗେ ୱେସୁଅଁ, ଆବାତି କାତା ତୀରେତଲେ ୱେସୁାକ୍ । ୨୬ ଏ ଦିନା ମୀରୁ ନା ଦରୁତଲେ ରୀହ୍ନେଦେରି; ଅଡ଼େ ନାନୁ ମୀ ଖାକିଟି ଆବାକ୍ ବାଡ଼ିମାଲିକ୍, ଇ କାତା ନାନୁ ମିଙ୍ଗେ ୱେସିମାଞ୍ଜାଅଁ; ୨୭ ଇଚିହିଁ ଆବା ତାନୁଏ ମିଙ୍ଗେ ଜୀଝୁ ନହାଁମାଞ୍ଜାନେସି, ମୀରୁ ନାଙ୍ଗେ ଜୀଝୁନହିଁ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ଖାହାମାକ୍, ଏଦାଆଁ ମୀରୁ ନାମାମାଞ୍ଜେରି । ୨୮ ନାନୁ ଆବା ତାଣାଟି ଦାରୁତିତା ଖାହାମାକ୍; ଦାରୁତି ପିସାନା ୱେଶ୍ଟେ ଆବା ତାଣା ହାଜିମାକ୍ ।”

୨୯ ଇ ହାଡ଼ା ୱେଞ୍ଜାନା ସୀସୁୟାଁ ଏଞ୍ଜାଣାକ୍ ଏଲେଇଚେରି, “ନୀଏଁ ନାନୁ ପୁଣ୍ଡିକିନି କାତା ଲେମ୍ବାଆନା ତୀରେତଲେ ୱେସିମାଞ୍ଜି । ୩୦ ନାନୁ

ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ନିଙ୍ଗେ  
ଝେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀର୍ବ୍ୟ ମାମ୍ବୁ  
ପୁରମି; ମାହାପୁରୁ ତାଣାଟି ଝାହାମାଞ୍ଜି ଇଞ୍ଜି ମାମ୍ବୁ  
ଇ କାତା ନାମି ମାନମି ।”

୩୧ ଜୀସୁ ଏଝାରାଇଁ ଏଲେଇଚେସି, “ମୀରୁ  
ଏଦାଆଁ ନୀର୍ବ୍ୟ ନାମିମାଞ୍ଜେରି ? ୩୨ ମେହୁଦୁ ଦିନା  
ଝାହିମାନେ, ଏ ବେଲା ଝାଡେୟିଏ, ଏଚିବେଲା  
ମୀରୁ ଇତାଲା ଆତାଲା ଆହାନା ବାରେଜାଣା  
ଜାହାରା ଇଜ ହାଜେରି, ଅଡେ ନାଙ୍ଗେ ରଅଡେଏ  
କିୟାଦେରି; ଆଡିଜିକେଏ ନାନୁ ରଅଡେଏ ଆଏ,  
ଇଚିହଁ ଆବା ନା ତଲେ ମାନେସି । ୩୩ ମୀରୁ  
ଏନିକଁ ନା ତାଣାଟି ହିଡ଼ଡି ବେଟାଆଡେରି,  
ଏଦାଆଁତାକି ନାନୁ ମିଙ୍ଗେ ଇ ବାରେ କାତା  
ଝେସାମାଞ୍ଜାଇଁ । ଦାରଡିତା ମିଙ୍ଗେତାକି ହାରେକା  
ସାସ୍ତି ମାନେ, ସାମା ସାସା ଆହୁଦୁ; ଇଚିହଁ ନାନୁ  
ଦାରଡିତି ଜାଣା ଆହାମାଇଁ ।”

**୧୭**

**ଜୀସୁ ତାନି ସୀସୁୟାକି ପ୍ରାତାନା କିନାୟି**

୧ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ  
ଝାକି ସିନିକିହାନା ଏଲେଇଚେସି, “ଆବା, ବେଲା  
ଆଡେୟିଏ; ନୀ ମୀରଏଶାଇଁ ଗାଝୁରମି କିମ୍ବୁ,  
ଏନିକଁ ମୀରଏସି ନିଙ୍ଗେ ଗାଝୁରମି କିୟାନେସି  
। ୨ ନୀନୁ ଏଝାଣାଇଁ ବାରେ ମାଣସି କୁଡାଡି  
ମୁହେଁ ଅଦିକାରା ହାହାମାଞ୍ଜି । ଅଡେ ଆମ୍ବାଆରାଇଁ  
ଏଝାଣି କେୟୁତା କାଲାକାଲାତି ଜୀସୁ ହାହାଲିତାକି  
ହେରପାମାଞ୍ଜି ଏଝାଣାକି ବାଡ଼ୟୁ ହାହାମାଞ୍ଜି ।  
୩ ଅଡେ ରଣିଏ ସାତା ମାହାପୁରୁତି ନୀନୁ, ନିଙ୍ଗେ  
ଅଡେ ନୀ ତାଣାଟି ପାଣୁଝିଆହାମାନି ଜୀସୁ କ୍ରୀସୁଇଁ  
ପୁନାୟି ଆହିମାନେ କାଲାକାଲାତି ଜୀସୁ । ୪ ନୀନୁ  
ନାଙ୍ଗେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ  
ନାନୁ ରାପୁହାନା ଦାରଡିତା ନିଙ୍ଗେ ଗାଝୁରମି  
କିହାମାଞ୍ଜାଇଁ । ୫ ଏ ଆବା ଦାରଡି ଗାଡି ଆଆ  
ନକେଏ ନୀ ତଲେ ନା ଏମିନି ଗାଝୁରମି ମାଡେ,  
ଏମାଟି ନୀନୁ ନାଙ୍ଗେ ନୀ ତଲେ ଗାଝୁରମି କିୟାମ୍ବୁ  
।”

୬ “ନୀନୁ ନାଙ୍ଗେ ଦାରଡି ବିତ୍ରାଟି ଏମିନି ଲକୁଣି  
ନାଙ୍ଗେ ହାହାମାଞ୍ଜାଦି, ନାନୁ ନୀ ଦରୁ ଏଝାରି ନକିତା  
ତସାମାଇଁ; ଏଝାରି ନୀ ଲକୁ ମାଡେରି ଅଡେ ନୀନୁ  
ଏଝାରାଇଁ ନାଙ୍ଗେ ହାହାମାଞ୍ଜାଟି, ଏଝାରି ନୀ ବଲୁଡି  
ମାନୁଝିଆହାମାନେରି । ୭ ନୀନୁ ନାଙ୍ଗେ ଏନା ଏନାଆଁ  
ହାହାମାଞ୍ଜାଦି, ଏ ବାରେ ନୀ ତାଣାଟି ଝାହାମାନେ,  
ଇଦାଆଁ ନୀର୍ବ୍ୟ ଏଝାରି ପୁଞ୍ଜାମାନେରି । ୮ ଇଚିହଁ  
ନୀନୁ ନାଙ୍ଗେ ହାହାମାଞ୍ଜାନି ବଲୁ ନାନୁ ଏଝାରାକି  
ହାହାମାଇଁ, ଅଡେ ଏଝାରି ଆବା ମାନେରି ଇଞ୍ଜା  
ନାନୁ ନୀ ତାଣାଟି ଝାହାମାଇଁ, ଏଦାଆଁ ସାତା ତଲେ

ପୁଞ୍ଜାମାନେରି, ଅଡେ ନୀନୁ ନାଙ୍ଗେ ପାଣ୍ଡାମାଞ୍ଜାଦି  
ଇଞ୍ଜି ଏଝାରି ନାମାମାନେରି ।”

୯ “ନାନୁ ଏଝାରି ତାକି ପ୍ରାତାନା କିହିମାଇଁ; ଦାରଡି  
ତାକି ପ୍ରାତାନା କିହିହିଲଅଁ, ସାମା ନୀନୁ ନାଙ୍ଗେ  
ଏମିନି ଗାଟାରାଇଁ ହାହାମାଞ୍ଜାଦି, ଏଝାରି ତାକି  
ପ୍ରାତାନା କିହିମାଇଁ, ଇଚିହଁ ଏଝାରି ନୀ ଲକୁ;  
୧୦ ଏନା ଏନାୟି ନାଦି ମାନେ ଏ ବାରେ ନୀଦି,  
ଅଡେ ଏନା ଏନାୟି ନୀଦି ମାନେ, ଏ ବାରେ ନୀଦି  
ଅଡେ ଏଝାରି ତାଣାଟି ନାନୁ ଗାଝୁରମି ଆହିମାଇଁ  
। ୧୧ ନାନୁ ଅଡେ ଇ ଦାରଡିତା ଡ଼ୟିହିଲଅଁ,  
ସାମା ଇଝାରି ଦାରଡିତା ଡ଼ୟିମାନେରି, ଇଞ୍ଜା  
ନାନୁ ନୀ ତାଣା ଝାହିମାଇଁ; ସୁଦୁଗାଟି ଆବା  
ଆମିନି ଗାଟାରାଇଁ ନୀ ଦରୁଡି ବାଡ଼ୟୁ ତଲେ  
ନାଙ୍ଗେ ହେରପା ମାଞ୍ଜାଦି ଏଝାରାଇଁ ଗେଲପାମ୍ବୁ,\*  
ନୀନୁ ଅଡେ ନାନୁ ଏନିକଁ ରଣିଏ ଆହାମାନାୟି  
ଏଲେକିହଁ ଏ ଏଝାରାଇଁ ଜିକେଏ ରଣିଏ କିହାଲି  
ସାୟେମି କିମ୍ବୁ । ୧୨ \*ଏଝାରିତଲେ ମାଟିବେଲାତା  
ନାନୁ ଏଝାରାଇଁ ନୀ ଦରୁତଲେ ଗେଲପାମାଇଁ,  
ଆମିନି ଦରୁ ନୀନୁ ନାଙ୍ଗେ ହାହାମାଞ୍ଜାଦି, ଅଡେ  
ନାନୁ ଏଝାରାଇଁ ଜାଗ୍ରାତା ତଲେ ଗେଲପାମାଇଁ,†  
ଦାମ୍ବୁ ପତି ଏନିକଁ ପୁରା ଆନେ, ଏଦାଆଁତାକି  
ଏଝାରି ନାସା ଆନାୟି ମାଟି ଜିକେଏ, ରଅସି  
ଜିକେଏ ନାସା ଆହାହିଲଅସି । ୧୩ ସାମା ନୀର୍ବ୍ୟ  
ନାନୁ ନୀ ତାଣା ଝାହିମାଇଁ, ଅଡେ ଦାରଡିତା ମାଞ୍ଜା  
ମାଞ୍ଜାନା ନା ରାହାତା ଏଝାରି ହିୟା ଏନିକଁ  
ରାହା ଆନେ, ଏଦାଆଁତାକି ନାନୁ ଇ ବାରେ  
କାତା ଝେସିମାଞ୍ଜାଇଁ । ୧୪ ନାନୁ ଏଝାରାକି ନୀ  
ବଲୁ ହାହାମାଇଁ, ଏଦାଆଁତାକି ଦାରଡି ଏଝାରାଇଁ  
ଅପିହିଲେଏ, ନାନୁ ଏନିକଁ ଦାରଡିଟି ଝାହିହିଲଅଁ  
ଏଝାରି ଜିକେଏ ଇ ଦାରଡିତାରି ଆଏ । ୧୫ ନୀନୁ  
ଏଝାରାଇଁ ଇ ଦାରଡିଟି ଅହଁ ହାଲାମ୍ବୁ ଇଞ୍ଜି  
ବାଡିମାଲି ମାଞ୍ଜଅଁ, ସାମା ଏଝାରାଇଁ ଲାଗେଏଡି  
ପାହାଟି ଗେଲପାମ୍ବୁ ଇଞ୍ଜି ବାଡିମାଲିମାଞ୍ଜାଇଁ ।  
୧୬ ନାନୁ ଏନିକଁ ଦାରଡିଟି ଝାହିହିଲଅଁ, ଏଝାରି  
ଏଲେକଁ ଦାରଡିଟି ଝାହିହିଲଅରି । ୧୭ ସାତା  
ତଲେ ଏଝାରାଇଁ ସୁଦୁ କିମ୍ବୁ, ଇଚିହଁ ନୀ ବଲୁଏ  
ସାତା । ୧୮ ନୀନୁ ଏନିକଁ ନାଙ୍ଗେ ଦାରଡିତା  
ପାଣ୍ଡାମାଞ୍ଜାଦି, ନାନୁ ଜିକେଏ ଏଝାରାଇଁ ଦାରଡିତା  
ପାଣ୍ଡାମାଇଁ । ୧୯ ଅଡେ ଏଝାରି ଜିକେଏ ଏନିକଁ  
ସାତା ତଲେ ସୁଦୁ ଆନେରି, ଏଦାଆଁତାକି ନାନୁ  
ଏଝାରି ତାକି ନାଙ୍ଗେ ସୁଦୁ କିହିମାଇଁ ।”

୨୦ “ନାନୁ ଝାରଇ ଏଝାରି ତାକି ପ୍ରାତାନା  
କିହିହିଲଅଁ, ଏଝାରି ବଲୁ ଝେଞ୍ଜାନା ଆମ୍ବାଆସି  
ନା ତାଣା ନାମିନେସି, ଏଝାରି ତାକି ଜିକେଏ  
ପ୍ରାତାନା କିହିମାଇଁ । ୨୧ ଏନିକଁ ଏଝାରି ବାରେ

\* ୧୭:୧୧ ୧୭:୧୧ ଇ କାତା ପୁଞ୍ଜାଇ ପତିତା ହିଲେଏ । † ୧୭:୧୨ ୧୭:୧୨ ଜହ ୧୩:୧୮ ‡ ୧୭:୧୨ ୧୭:୧୨ ଇ କାତା ପୁଞ୍ଜାଇ ପତିତା ହିଲେଏ ।

ରଣିଏ ଆନେରି; ଏ, ଆବା ନୀନୁ ଏନିକି ନା ତାଣା ମାଞ୍ଜି ଅଡ଼େ ନୀନୁ ନୀ ତାଣା ମାଞ୍ଜି, ଏଞ୍ଜାରି ଜିକେଏ ଏଲେକିହି ଏ ମା ତାଣା ଡ଼ୟାପେରି, ଏନିକି ନୀନୁ ନାଞ୍ଜେ ପାଣ୍ଡାତି ଇଞ୍ଜି ଦାରତି ନାମିନେ ।<sup>୨୨</sup> ଅଡ଼େ ନୀନୁ ନାଞ୍ଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନୀନୁ ଏଦାଆଁ ଏଞ୍ଜାରିକି ହାହାମାଞ୍ଜି, ମାର ଏନିକି ରଣିଏ ଏଞ୍ଜାରି ଏଲେକି ରଣିଏ ଆନେରି; <sup>୨୩</sup> ନୀନୁ ଏନିକି ନା ତାଣା ନୀନୁ ଏଲେକିହି ଏଞ୍ଜାରିତାଣା ଡ଼ୟିକି । ଏନିକି ଏଞ୍ଜାରି ମାନି ତଲେ ରଣିଏ ଆନେରି, ଇଞ୍ଜା ଦାରତି ପୁନେ କି ନୀନୁ ନାଞ୍ଜେ ପାଣ୍ଡାମାଞ୍ଜାଦି, ନାଞ୍ଜେ ଏନିକି ଜୀଞ୍ଜୁ ନହଁମାଞ୍ଜାଦି ଏଞ୍ଜାରିକି ଜିକେଏ ଏଲେକିହି ଏ ଜୀଞ୍ଜୁ ନହଁମାଞ୍ଜି ।”

<sup>୨୪</sup> “ଏ ଆବା ! ନୀନୁ ଏଞ୍ଜାରିକି ନା କେୟୁତା ହାହାମାଞ୍ଜାଦି । ନୀନୁ ଆମ୍ବିୟା ଡ଼ୟିକି, ଏଞ୍ଜାରି ଜିକେଏ ଏନିକି ଏମ୍ବାଆଁ ଡ଼ୟିନେରି ଅଡ଼େ ଦାରତି ଗାଡ଼ି ଆଆ ନକେଏ ନୀନୁ ନାଞ୍ଜେ ଜୀଞ୍ଜୁ ନହଁମାଞ୍ଜାନାକି ନାଞ୍ଜେ ଏମିନି ଗାଞ୍ଜୁରମି ହାହାମାଞ୍ଜାଦି, ନା ଏ ଗାଞ୍ଜୁରମି ଏନିକି ଏଞ୍ଜାରି ମେସାଲି ଆଡ଼ିନେରି ଇଦି ନା ଅଣ୍ଡପୁ । <sup>୨୫</sup> ଏ ଦାମ୍ବୁଗାଟି ଆବା, ଦାରତି ନିଞ୍ଜେ ପୁଞ୍ଜାମାଞ୍ଜେଏ, ସାମା ନୀନୁ ନିଞ୍ଜେ ପୁଞ୍ଜାମାଞ୍ଜାକି; ଅଡ଼େ ନୀନୁ ନାଞ୍ଜେ ପାଣ୍ଡାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି; <sup>୨୬</sup> ନୀନୁ ନାଞ୍ଜେ ଏମିନି ଜୀଞ୍ଜୁ ନହଁମାଞ୍ଜାଦି, ଏଦି ଏନିକି ଏଞ୍ଜାରିତାଣା ଡ଼ୟିନେ ଅଡ଼େ ନୀନୁ ଏଞ୍ଜାରିତାଣା ଡ଼ୟିକି, ଏଦାଆଁତାକି ନୀନୁ ଏଞ୍ଜାରିକି କ୍ଷେସାମାଞ୍ଜି ଅଡ଼େ କ୍ଷେହକି ।”

## ୧୮

ଜୀସୁ ସାତୁୟାଁ କେୟୁତା ହେରପି ଆନାୟି

(ମାତି ୨୭:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

<sup>୧</sup> ଜୀସୁ ଇ ପ୍ରାତାନା ରାପୁହି ତାୟୁ ତାନି ସୀସୁୟାଁ ତଲେ କିଦୁଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଞ୍ଜାରି ତାନି ସୀସୁୟାଁ ତଲେ ଏମ୍ବାଆଁ ହଚେରି । <sup>୨</sup> ଏମିନି ଜୀହୁଦା ଏଞ୍ଜାରିକି ସାତୁୟାଁ କେୟୁତା ହେରପିତେସି, ଏଞ୍ଜାରି ଜିକେଏ ଏ ଚାୟୁତି ପୁଞ୍ଜାମାଚେସି, ଇଚିହି ଜୀସୁ ହାଚେରକା ପାଲି ସୀସୁୟାଁ ତଲେ ଏ ଚାୟୁତା ହାଜାମାଚେସି । <sup>୩</sup> ଏଦାଆଁତାକି ଜୀହୁଦା ଜାମାନାଞ୍ଜା ଇଞ୍ଜା କାଜା ପୁଜେରା ଅଡ଼େ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଞ୍ଜା ଲକୁ ଦୀଞ୍ଜି, ହିଚୁ ବନ୍ଦାୟାଁ ଅଡ଼େ ଚେଞ୍ଜା ବାଲାୟାଁ ଆସାନା ଏମ୍ବାଆଁ ଖାଚେରି । <sup>୪</sup> ଏମ୍ବାଟିଏ ଜୀସୁ ତାଞ୍ଜେତାକି ଏନା ଏନାଆଁ

ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜାରିକି କ୍ଷେଚେସି, “ମୀରୁ ଆମ୍ବାଆରାକି ପାରିମାଞ୍ଜେରି ?”

<sup>୫</sup> ଏଞ୍ଜାରି ଏଲେକଚେରି, “ନାଜରିତତି ଜୀସୁ ।” ଜୀସୁ ଏଞ୍ଜାରିକି ଏଲେକଚେସି, “ନୀନୁ ଏଞ୍ଜାଚେସି ?”

ଏମିନି ଜୀହୁଦା ଏଞ୍ଜାରିକି ସାତୁୟାଁ କେୟୁତା ହେରପିତେସି, ଏଞ୍ଜାରି ଜିକେଏ ଏଞ୍ଜାରିତଲେ ଏମ୍ବାଆଁ ନିଚାମାଚେସି । <sup>୬</sup> ଜୀସୁ ଏଚିବେଲା ଏଞ୍ଜାରିକି ଏଲେକଚେସି, “ନୀନୁ ଏଞ୍ଜାଚେସି” ଏଚିବେଲା ଏଞ୍ଜାରି ତାୟୁଞ୍ଜାକି ଗୁଚା ଆହାନା ବୁମିତା ତରଗା ହାଚେରି । <sup>୭</sup> ଜୀସୁ କ୍ଷେଣ୍ଡେ କ୍ଷେଚେସି, “ମୀରୁ ଆମ୍ବାଆରାକି ପାରିମାଞ୍ଜେରି ?” ଏଞ୍ଜାରି ଏଲେକଚେରି, “ନାଜରିତତି ଜୀସୁକି ।”

“ଜୀସୁ ଏଲେକଚେସି, “ନୀନୁ କ୍ଷେସାମାଞ୍ଜାକି, ନୀନୁ ଏଞ୍ଜାଚେସି । ମୀରୁ ନାଞ୍ଜେ ପାରିମାଞ୍ଜାଦେରି ଇଚିହି ଇଞ୍ଜାରିକି ପିହୁଦୁ । <sup>୮</sup> ଆମ୍ବାଆରାକି ନାଞ୍ଜେ ହାହାମାଞ୍ଜାଦି, ଏଞ୍ଜାରି ବିତ୍ରାଟି ରଅଣାକି ଜିକେଏ ଜାକହା ହିଲଅଁ ।” ଏନିକି ଦାମ୍ବୁ ପତିତି କାତା ସାତା ଆନେ ଏଦାଆଁତାକି ଏଲେକଚେସି ।

<sup>୧୦</sup> ସିମନ ପିତର ତାନି ତାଣା କାଣ୍ଡା ମାଚାକି ଏଞ୍ଜାରି କାଜା ପୁଜେରା ହଲେଏଣା ଚିଠିନି କିୟାଁ ଦାଚେସି, ଏଞ୍ଜାରି ଦରୁ ମାଲକସ୍ । <sup>୧୧</sup> ଏଚେଟିଏ ଜୀସୁ ପିତରକି ଏଲେକଚେସି, “କାଣ୍ଡା, କାଣ୍ଡା ଇଚିନି ଚାୟୁତା ଇଚାମ୍ବୁ; ନୀନୁ ଏନାଆଁ ଅଣ୍ଡପିମାଞ୍ଜି, ଆବା ମାହାପୁରୁ ନାଞ୍ଜେ ହାହାମାଞ୍ଜାନି ଦୁକୁତି ସଲାତା ଗସାଲି ଆଡ଼ଅଁ କି ?”

### ହାନାନ ନକିତା ଜୀସୁ

<sup>୧୨</sup> ଏମ୍ବାଟିଏ ରମିୟ କସକା, ଇଞ୍ଜା ରିଜାରି କସକା ମୁହେଁ କାଜାସି, ଅଡ଼େ ଜୀହୁଦି ଲକୁତି କସକା ଜୀସୁକି ଆସାନା ଦସପିତେରି । <sup>୧୩</sup> ଏଞ୍ଜାରିକି ଦସପାନା ମୂଲୁଏ ହାନାନ ତାଣା ଅଚେରି, ଇଚିହି ଏଞ୍ଜାରି ଏ ବାସାଟି କାଜା ପୁଜେରା କୟାପାତି ପଡ଼ଲେଏସି ମାଚେସି । <sup>୧୪</sup> ଏ କୟାପା ବାରେ ଲକୁ ତାକି ରଅସି ହାନାୟି ମିଞ୍ଜେ ତାକି ନେହେଁ ଇଞ୍ଜା ଜୀହୁଦି ଲକୁଣି କ୍ଷେସାମାଚେସି ।

### ପିତର ଜୀସୁକି ପୁଞ୍ଜାହିଲଅଁ ଇନାୟି

(ମାତି ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୯)

<sup>୧୫</sup> ସିମନ ପିତର ଅଡ଼େ ର ସୀସୁ ଜୀସୁତି କ୍ରେଚ କ୍ରେଚ ହାଜିମାଚେରି । ଏ ସୀସୁ କାଜା ପୁଜେରା ତଲେ ପୁଣ୍ଡି ଆହାମାଚେରି ଅଡ଼େ ଜୀସୁତଲେ କାଜା ପୁଜେରା ଆଂଗେଣିତା ହାଚେସି; <sup>୧୬</sup> ସାମା ପିତର ପାଞ୍ଜାତି ଦୁଞ୍ଜେରି ଦାରିତା ନିଚାନା ଡ଼ୟିତେସି

☆ ୧୮:୧୧ ୧୮:୧୧ ମାତି ୨୭:୩୯; ମାର୍କ ୧୪:୩୬; ଲୁକ ୨୨:୪୭ ☆ ୧୮:୧୪ ୧୮:୧୪ ଜହ ୧୧:୪୯,୫୦

। ସାମା ଏମିନି ସୀସୁ କାଜା ପୂଜେରା ତଲେ ପୁଣ୍ଡି ଆହାମାରେରି, ଏଝାସି ପାଙ୍ଗାତା ହାଜାନା ଦୁଝେରିତା କାଝଆନାଣାଲ୍ ଏଲେଇଞ୍ଜାନା ପିତରଇଁ ବିତ୍ରା ଅଡେସି । ୧୭ ଏମ୍ବାଟିଏ ଦୁଝେରିତା କାଝଆନାଣି ହଲେଣି ପିତରଇଁ ଏଲେଇରେ, “ନୀନୁ ଜିକେଏ ଏନାଆଁ ଇ ଲକୁଡି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇରେସି, “ନୀନୁ ଏଝାଡେଏଁ ଆଏ ।”

୧୮ ଏରିବେଲାତା ପେନି ଆହିମାଚାକି ହଲିୟାଙ୍ଗା ଅଡେ କାଝଆନାରି ହିରୁ ତାସାନା ସାରିଝାକି ନିଚାନା କେରଞ୍ଜି ମାରେରି; ପିତର ଜିକେଏ ଏଝାରିତଲେ ନିଚାନା ହିରୁ କେରଞ୍ଜି ମାରେସି ।

**କାଜା ପୂଜେରା ଜୀସୁଇଁ ଝେନାୟି**

(ମାତି ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୂଜେରା ଜୀସୁଇଁ ତାନି ଜାପୁନାଣି ଇଞ୍ଜା ସୀସୁୟାଁଟି କାତା ଝେରେସି । ୨୦ ଜୀସୁ ଏଲେଇରେସି, “ନୀନୁ ବାରେ ଦାରତିତି ନକିତା ତସାନା ଜାପୁହାମାଇଁ, ଆମ୍ବିୟା ବାରେ ଜୀହୁଦି ଲକୁ କୁଡା ଆନେରି, ମାହାପୁରୁ ଇଲୁତା ଅଡେ ଜୀହୁଦି ଲକୁଡି କୁଟମି ଇଲକାଣା\*, ଲକୁ କୁଡା ଆହାମାନି ବେଲାତା ନୀନୁ ଜାପୁହାମାଇଁ, ତକୁହାନା ଏନାଆଁ କିହାହିଲଅଁ । ୨୧ ନାଙ୍ଗେ ଏନାଆଁତାକି ଝେଞ୍ଜିମାଞ୍ଜାଦି ? ନୀନୁ ଏଝାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଝେଞ୍ଜାମାନେରି ଏଝାରାଇଁ ଝେନାମ୍; ନୀନୁ ଏନା ଏନାଆଁ ଏଲେଇଞ୍ଜାମାଇଁ, ଏଝାରି ବାରେ ପୁଞ୍ଜାମାନେରି ।”

୨୨ ଜୀସୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଚାମାଟି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଝାଣାଇଁ ସାପୁଡା ଝେଚାନା ଏଲେଇରେସି, “ନିଙ୍ଗେ ଇରେକା ସାସା କାଜା ପୂଜେରାଇଁ ଏଲେ ଇଞ୍ଜିମାଞ୍ଜି ?”

୨୩ ଜୀସୁ ଏଝାଣାଇଁ ଏଲେଇରେସି, “ନୀନୁ ଲାଗେଏ ଜଲାମାଟିହିଁ, ଏ ଲାଗେଏତି ପାରମାଣା ହିୟାଦୁ; ନେହିଁ ଜଲାମାଇଁ ଇତିହିଁ ଏନାଆଁତାକି ନାଙ୍ଗେ ଝେଚିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜୀସୁଇଁ ଏଲେକିହିଁ ଏ ଦସପି ଆହାମାନାଣାଇଁ କାଜା ପୂଜେରା କୟାପା ତାଣା ପାଣ୍ଡିତେସି ।

**ପିତର ଜୀସୁଇଁ ଅଡେ ଝେଣ୍ଡେ ପୁଞ୍ଜାହିଲଅଁ ଇନାୟି**

(ମାତି ୨୭:୬୧-୭୫; ମାର୍କ ୧୪:୬୯-୭୧; ଲୁକ ୨୨:୫୮-୬୨)

୨୫ ସିମନ ପିତର ହିରୁ ତାଗେ ନିଚାନା ହିରୁ କେରଞ୍ଜି ମାରେସି, ଏମ୍ବାଟିଏ ଏଝାରି ଏଝାଣାଇଁ

ଝେରେରି, “ନୀନୁ ଜିକେଏ ଏଝାଣି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇରେସି, “ନୀନୁ ଆଏ ।”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟଁଁ ଦାଡା ମାରେସି, ଏଝାଣି କୁଟମିତାସି ଏଲେଇରେସି, “ନୀନୁ ନିଙ୍ଗେ ବାଡାତା ଏଝାଣିତଲେ ମାଚାଣି ମେସାମାଞ୍ଜାଆଡେଏଁ କି ?”

୨୭ ପିତର ଅଡେ ଝେଣ୍ଡେ ଏଲେଇରେସି, “ଆଏ ପୁଞ୍ଜାହିଲଅଁ ।” ଏରିବେଲାତା କୟୁ କେଶ୍ତେ ।

**ପିଲାତ ତାଣା ଜୀସୁ**

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଲ୍ ଏଝାରି ଜୀସୁଇଁ କୟାପା ଇଲୁଟି ଅହାନା ରମିୟ ରାକି ସାଲ୍ଝି କିନାଣି ମେଡା ଇଲୁତା ଏଡେରି, ଜୀହୁଦି ଲକୁ ମେଡା ଇଲୁ ବିତ୍ରା ହାଲାଆଡେରି, ଇତିହିଁ ଏନାଆଁ ତଲେ ପିସପିଆଡି ପାରୁଡି ବକି ତାକି ତାମ୍ଲେ ଲାଗେଏ କିହାକତାଲି ଅଣପି ହିଲାଆଡେରି । ୨୯ ଏନାଆଁତାକି ସାଲ୍ଝି କିନି ପିଲାତ ଏଝାରିତାଣା ପାଙ୍ଗାତା ଝାହାନା ଝେରେସି, “ଇ ମାଣସି କପାଟି ମୀ ଏନିଲେହେଡି ଦାଝା ମାନେ ?”

୩୦ ଏଝାରି ଏଝାଣାଇଁ ଏଲେଇରେରି, “ଇ ମାଣସି ଲାଗେଏତି କାମା କିହା ହିଲାଆଡିହିଁ ମା, ମାମ୍ ଏଝାଣାଇଁ ନୀ ତାଣା ତାଆଡମିମା ।”

୩୧ ପିଲାତ ଏଝାରାଇଁ ଏଲେଇରେସି, “ଆଡିହିଁ ଇଝାଣାଇଁ ଅହାନା ମୀ ମେରା ତଲେ ନୀହାୟି କିଦୁ ।” ଜୀହୁଦିୟାଁ ଏଝାଣାଇଁ ଏଲେଇରେରି, “ଆମ୍ବାଆରାଇଁ ହାନି ତଣ୍ଡ ହୀହାଲି ମା ଅଦିକାରା ହିଲେଏ ।” ୩୨ ଜୀସୁ ଏନିକିଁ ହାହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାରେସି, ଏଡି ଏନିକିଁ ପୁରା ଆନେ, ଏନାଆଁତାକି ଏଝାରି ଏଲେଇରେରି ।

୩୩ ପିଲାତ ଝେଣ୍ଡା ମେଡା ଇଲୁ ବିତ୍ରା ହାଜାନା ଜୀସୁଇଁ ଝେରେସି, “ଏନାଆଁ ନୀନୁ ଜୀହୁଦି ଲକୁଡି ରାଜାଡି ?”

୩୪ ଜୀସୁ ଏଲେଇରେସି, “ଇ କାତା ନୀ ମନଟି ଝେଞ୍ଜିମାଞ୍ଜାଦି କି ଏଚକାତାରି ନା କାତାଡି ନିଙ୍ଗେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇରେସି, “ନୀନୁ ଏନାଆଁ ଅଣପାମାଞ୍ଜି, ନୀନୁ ର ଜୀହୁଦିଡେଏଁ ? ନୀ କୁଡାଡି ଲକୁ ଇଞ୍ଜା କାଜା ପୂଜେରାଙ୍ଗା ନିଙ୍ଗେ ତାଚାନା ନା କେୟୁତା ହେରପା ମାଞ୍ଜାନେରି । ଝେସ୍ତାମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇରେସି, ନା ରାକି ଇ ଦାରଡିତାୟି ଆଏ; ନା ରାକି ଦାରଡିତାୟି ଆଡିହିଁ ମା, ନୀନୁ ଜୀହୁଦି ଲକୁଡାଣା ହେରପି ଆଆରେରୁ ନାଙ୍ଗେ

\* ୧୮:୨୦ ୧୮:୨୦ ସିନଗର୍ ☆ ୧୮:୩୭ ୧୮:୩୭ ଜହ ୩:୧୪; ୧୨:୩୨



ସେବା କିୟାନାରି ନା ତାକି ଜୁକୁ କିତେରିମା, ସାମା ନା ରାଜି ସାତେଏ ଛ ଦାରୁତିତାୟି ଆଏ । ୩୭ ପିଲାତ ଏଞ୍ଜାଣାକ୍ ଖେରେସି, “ଆତିହୁଁ ନାନୁ ଜୀହୁଦି ଲକୁତି ରାଜାତି ?”

ଜୀସୁ ଏଲେଇରେସି, “ନାନୁ ଏଲେ ଇଞ୍ଜିମାଞ୍ଜି ନାନୁ ର ରାଜାତେଏ । ନାନୁ ସାତା ଖାକିଟି ସାକି ହାହାଲି ଜାର୍ନା ଆହାମାକ୍ ଅଡ଼େ ଦାରୁତିତା ଖାହାମାକ୍ । ଆମ୍ବାଆସି ସାତାତି ମୀରଏସି ଏଞ୍ଜାସି ନା କାତା ଖେନେସି ।”

**ଜୀସୁକ୍ ହାନି ତଣ୍ଡ ହାନାୟି**

(ମାତି ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୩୮ ପିଲାତ ଖେରେସି, “ସାତା ଏନାୟି ?”

ପିଲାତ ପାଙ୍ଗାତା ହାଜାନା ଜୀହୁଦି ଲକୁଣି ଏଲେଇରେସି, “ନାନୁ ଇଞ୍ଜାଣି ତାଣା ଏନି ଦହ ବେଟାଆହି ହିଲଅଁ ।

୩୯ ସାମା ନାନୁ ପିସ୍ପିଆନି ପାରୁଁ ବେଲାତା ମିଙ୍ଗେତାକି କାୟିଦିତା ମାନାରାକ୍ ରଅଣାକ୍ ପିସାଲି ତାକି ମୀ ମେରା ମାନେ, ଏଦାଆଁତାକି ଜୀହୁଦି ଲକୁତି ରାଜାକ୍ ମାଙ୍ଗେତାକି ପିସା ହିୟାପେସି ଇଞ୍ଜୁଁ ମୀ ମନୁ ମାନେକି ?” ୪୦ ଏମ୍ବାଟିଏ ଏଞ୍ଜାରି କାଲୁଝି ଆହୁଁ ଏଲେଇରେସି, “ଇଞ୍ଜାଣାକ୍ ଆଏ, ସାମା ବାରବାକ୍ ପିସାହିୟାମୁ ।”

**୧୯**

୧ ତାୟୁ ପିଲାତ ଜୀସୁକ୍ ଅହାନା ସାଟୁଣି ମାଡ଼ା କିଝି କିତେସି । ୨ ଅଡ଼େ ରିଜାରି କସ୍‌କା ହାପୁକା ଟପେରି ଆଲାମା ଜୀସୁ ତାୟୁଁ ତୁା ଇଚିତେରି, ଅଡ଼େ ଏଞ୍ଜାଣାକ୍ ହେୟାଁ ଖାଣା ହିମ୍ବରି ହୁଚିକିତେରି; ୩ ଏଞ୍ଜାରି ଏଞ୍ଜାଣି ତାଣା ଖାହାନା ଏଲେଇରେସି, “ଏ ଜୀହୁଦିୟାଁ ରାଜା ଜହରା;” ଇଞ୍ଜାଁ ଏଞ୍ଜାରି ଏଞ୍ଜାଣାକ୍ ସାପୁଡ଼ା ଖେତେରି ।

୪ ପିଲାତ ଖେଣ୍ଡେ ପାଙ୍ଗାତା ହାଜାନା ଏଲେଇରେସି, “ନାନୁ ଏଞ୍ଜାଣି ତାଣା ଏନି ଦହ ବେଟାଆହି ହିଲଅଁ, ଇଦାଆଁ ଏନିକ୍ ମୀରୁ ପୁଞ୍ଜେରି, ଇଦାଆଁତାକି ନାନୁ ଏଞ୍ଜାଣାକ୍ ମୀ ତାଣା ତାଟିମାକ୍ ।” ୫ ଏମ୍ବାଟିଏ ଜୀସୁ ଏ ହାପୁକା ଟପେରି ଅଡ଼େ ହେୟାଁ ଖାଣା ହିମ୍ବରି ପରହାନା ପାଙ୍ଗାତା ଖାଡ଼େସି, ପିଲାତ ଏଞ୍ଜାରାକ୍ ଏଲେଇରେସି, “ମେହୁଦୁ ଇଞ୍ଜାସି ଏ ମାଣ୍ଡସି ।”

୬ ଏମ୍ବାଟିଏ କାଜା ପୂଜେରାଙ୍ଗା ଅଡ଼େ ମାହାପୁର ଇଲୁ କାଝିଆନି ଜାମାନାଙ୍ଗା ଏଞ୍ଜାଣାକ୍ ମେସାନା କାଲୁଝି ଆହୁଁ ଏଲେଇରେସି, “ଏଞ୍ଜାଣାକ୍ ପାସି ଏକ୍‌ଦୁ ପାସି ଏକ୍‌ଦୁ ।” ପିଲାତ ଏଞ୍ଜାରାକ୍ ଏଲେଇରେସି, “ମୀରୁ ଏଞ୍ଜାଣାକ୍ ଅହାନା ପାସି

ଏକ୍‌ଦୁ, ଇଚିହୁଁ ନାନୁ ଏଞ୍ଜାଣି ତାଣା ଏନି ଦହ ବେଟାଆହି ହିଲଅଁ ।”

୭ ଜୀହୁଦି ଲକୁ ଏଞ୍ଜାଣାକ୍ ଏଲେଇରେସି, “ଇଚିହୁଁ ମାଙ୍ଗେ ରଣ୍ଡିଏ ମେରା ମାନେ, ଏ ମେରାଲେହେଏ ଏଞ୍ଜାସି ହାନି ତଣ୍ଡ ବେଟାଆନାୟି ମାନେ, ଇଚିହୁଁ ଏଞ୍ଜାସି ତାଙ୍ଗେ ମାହାପୁରୁତି ମୀରଏସି ଇଞ୍ଜୁଁ ଖେସାମାନେସି ।”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାତି ଆଜିତେସି । ୯ ଖେଣ୍ଡେ ମେଡ଼ା ଇଲୁତା ହାଜାନା, ଜୀସୁକ୍ ଖେରେସି, “ନାନୁ ଆମ୍ବିଟି ଖାହାମାଞ୍ଜି ?” ସାମା ଜୀସୁ ସାପି ଆହାନା ତୁୟିତେସି । ୧୦ ପିଲାତ ଏଲେଇରେସି, “ନାଙ୍ଗେ ଜଲିମାଞ୍ଜିଅତି ? ନିଙ୍ଗ ଗେଲୁପାଲି ନା ଅଦିକାରା ମାନେ ଅଡ଼େ ପାସିତା ଏକ୍‌ହାଲି ନା ଅଦିକାରା ମାନେ ଇ କାତା ନାନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇରେସି, “ମାହାପୁରୁ ତାଣାଟି ନିଙ୍ଗେ ଅଦିକାରା ହାଆତିହୁଁ, ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜାଁ ଆମ୍ବାଆସି ନାଙ୍ଗେ ନୀ କେୟୁତା ହେରପା ମାଞ୍ଜାନେସି ଏଞ୍ଜାଣି ପାପୁ ହାରେକା ।”

୧୨ ଇ କାତା ଖେଞ୍ଜାନା ପିଲାତ ଜୀସୁକ୍ ପିସାଲି ତାକି ଅଣ୍ପିତେସି, ସାମା ଜୀହୁଦି ଲକୁ କାଲୁଝି ଆହୁଁ ଏଲେଇରେସି, “ନାନୁ ଇଞ୍ଜାଣାକ୍ ପିହୁଦି ଆତିହୁଁ ନାନୁ କାୟିସରତି ତଣ୍ଡେତି ଆଏ; ଆମ୍ବାଆସି ଜାହାରାକ୍ ରାଜା ଇନେସି ଏଞ୍ଜାସି କାୟିସର କପାଟି କାତା ଜଲିମାନେସି ।”

୧୩ ପିଲାତ ଇ କାତା ଖେଞ୍ଜାନା ଜୀସୁକ୍ ପାଙ୍ଗାତା ଖାଲୁକାତି ବେରଣିମାଣ୍ଡା ତାତେରି । ଏମିନାଣି ଏବୁ ହାଡ଼ାତଲେ “ଗବ୍‌ବତା” ଇଞ୍ଜୁଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁଗିତେସି । ୧୪ ଏ ଦିନା ପିସ୍ପିଆନି ପାରୁଁତି ତଲିତି ଦିନା ମାଟେ, ଏତିବେଲା ଲାଲ ସ ଗଂଟା ଆହାମାଟେ । ଇଞ୍ଜାଁ ଏଞ୍ଜାସି ଜୀହୁଦି ଲକୁଣି ଏଲେଇରେସି, “ଇଞ୍ଜାସି ମେହୁଦୁ ମୀ ରାଜା ।” ୧୫ ଏମ୍ବାଟିଏ ଏଞ୍ଜାରି ଏଲେଇରେସି, “ଏଞ୍ଜାଣାକ୍ ପାୟାଦୁ, ପାୟାଦୁ, ପାସି ଏକ୍‌ଦୁ ।” ପିଲାତ ଏଞ୍ଜାରାକ୍ ଏଲେଇରେସି, “ନାନୁ ମୀ ରାଜାକ୍ ପାସିତା ଏକ୍‌କ୍ ?” କାଜା ପୂଜେରାଙ୍ଗା ଏଲେଇରେସି, “କାୟିସର ପିସ୍‌ପେ ମା ରାଜା ଆମ୍ବାଆସି ହିଲଅସି ।”

୧୬ ତାୟୁ ପିଲାତ ଜୀସୁକ୍ ପାସି ମୁଣ୍ଡାତା ଏକ୍‌ହାଲି ତାକି ଏଞ୍ଜାରି କେୟୁତା ହେରପିତେସି, ଇଞ୍ଜାଁ ତାୟୁ ଏଞ୍ଜାରି ଜୀସୁକ୍ ଅହୁଁ ହାଟେରି ।

**ଜୀସୁତି ପାସି ଆନାୟି**

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

† ୧୮:୪୦ ୧୮:୪୦ ଇ ବାରବା ର ତଂଗେସି ମାରେସି

୧୭ ଏଚେଟିଏ ଏଞ୍ଜାରି ଜୀସୁଇଁ ଅଡେରି; ଅଡେ ଜୀସୁ ଜାହାରା ପାସିମୁଣ୍ଡା ଡେକାନା “ତାୟ୍ ରୁପା” ଇନି ଗାୟାତା, ଇଚିହ୍ ଏମିନାଣି ଏବୁ ହାଡାତଲେ “ଗଲ୍‌ଗତା” ଇଞ୍ଜି ଇନେରି ଏମ୍ବାଆଁ ହାଚେସି । ୧୮ ଏମ୍ବାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକହେରି, ଏଞ୍ଜାଣିତଲେ ଅଡେ ରିଆରାଇ ପାସି ମୁଣ୍ଡାତା ଏକହେରି, ରିକଞ୍ଜାକି ରିଆରି ଅଡେ ମାଦିଏ ଜୀସୁ । ୧୯ ଅଡେ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍‌କି ଆହାମାଚେ, “ନାଜୁରିତତି ଜୀସୁ ଜୀହୁଦିୟାଁ ରାଜା ।” ୨୦ ଜୀହୁଦିୟାଁ ବିତ୍ରାଟି ହାରେକା ଏ ଆକୁତି ପଡ଼଼ି ଆଡେରି, ଇଚିହ୍ ଜୀସୁଇଁ ଏମିନିତାଣା ପାସି ଏପକି ଆହାମାଚେ, ଏଦି ଗାଡ଼ା ତାଗେ ମାଚେ; ଇଞ୍ଜା ଏ ଆକୁ ଏବୁ, ଲାଟିନ୍ ଅଡେ ଗ୍ରିକ୍ ହାଡାତଲେ ରାସ୍‌କି ଆହାମାଚେ । ୨୧ ଜୀହୁଦି ଲକୁତି କାଜା ପୂଜେରାଜା ପିଲାତଇଁ ଏଲେଇଚେସି, “ଜୀହୁଦିୟାଁ ରାଜା ଇଞ୍ଜି ରାଚାଆନା, ନାନୁ ଜୀହୁଦି ଲକୁତି ରାଜା ଇଞ୍ଜିମାଚେସି ଇଞ୍ଜି ରାଚାମୁ ।” ୨୨ ସାମା ପିଲାତ ଏଲେଇଚେସି, “ନାନୁ ଏନାଆଁ ରାଚାମାଇଁ ଏଲେକିହ୍ ଏ ଡୟିନେ ।”

୨୩ ରିଜାରି କସ୍‌କା ଜୀସୁଇଁ ପାସିତା ଏକହ୍ ଜେଚ ଏଞ୍ଜାଣି ହିମ୍‌ରିକା ଅହାନା ସାରି ବାଗା କିତେରି, ର ର କହ୍‌ଏଣାକି ରଣ୍ଡାଲାକା, ଅଡେ ଏଞ୍ଜାଣି ଲାମ୍ବା ସକା ଜିକେଏ ଅଡେରି । ଏ ଲାମ୍ବା ସକା ତାଚାନା ହେରକି ଟିଏ ପାଠଆନା କତାୟାଁ ପାଚେକା କିଞ୍ଚି ଆହାମାଚେ । ୨୪ ଏଦାଆଁତାକି ଏଞ୍ଜାରି ଏଲେଇଚେସି, “ଇଦାଆଁ ଗେହ୍‌ଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଦାଆଁତାକି ପାଦି କିନ ।” ଏନିକ୍ ଦାମ୍ବୁ ପତିତି କାତା ପୁରା ଆନେ,

“ଏଞ୍ଜାରି ତାମି ବିତ୍ରା ନା ହିମ୍‌ରିକା ବାଗା କିତେରି,  
ଅଡେ ନା ଲାମ୍ବା ସକାତାକି ପାଦି କିତେରି  
।” ରିଜାରି କସ୍‌କା ସମାନା ଏଲେକିହ୍ ଏ  
କିତେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କୁପାତି ତକ୍ତି ମରିୟମ ଅଡେ ମଗ୍‌ଦଲିନି ମରିୟମ ନିଚାମାଚୁ । ୨୬ ଜୀସୁ ତାମି ଇୟା ଅଡେ ଏମିନି ସୀସୁଇଁ ଜୀସୁ ନହ୍ ମାଚେସି, ଏଞ୍ଜାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହ୍‌ମୁ ନୀ ମୀରଏସି !”

୨୭ ତାୟ୍ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡେସି ।

**ଜୀସୁ ହାକି**

(ମାତି ୨୭:୪୫-୫୨; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟ୍ ଜୀସୁ ଦାମ୍ବୁ ପତିତି ବଲୁ ଏନିକ୍ ପୁରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜି ପୁଞ୍ଜାନା ଏଲେଇଚେସି, “ନାଜେ ଏସ୍‌କି ହରିମାଞ୍ଜାନେ ।”

୨୯ ଏମ୍ବାଆଁ ପୁଲାଏୟ୍ ନେଞ୍ଜାମାନି ର ଡକା ମାଚେ; ଏଞ୍ଜାରି ଏମ୍ବାଆଁ ର ଡ୍ରାଃଆଲି ମୁସାନା ବାଲାତି ମୁନୁତା ରୁପାନା ଜୀସୁତି ଗୁତିତା ହୀତେରି । ୩୦ ଏଚେଟିଏ ଜୀସୁ ଏ ପୁଲାଏୟ୍ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟ୍ ଚୁଲସାନା ହାଡେସି ।

**ଜୀସୁ ପାଡ଼କା ଚଟତା ବାଲା ତଲେ ଉହ୍‌ନାୟି**

୩୧ ପାସି ଏପକି ଆହାମାନାରି କତାୟାଁ ଡିକ୍‌ହାନା ଏଞ୍ଜାରି ହାଡି ମାଡ଼ହାଡି ପାସି ମୁଣ୍ଡାଟି ରେପହା ତାଚାଲି ଜୀହୁଦି ଲକୁଇଁ କାଜାରି ପିଲାତଇଁ ବାଡିମାଲିତେରି, ଇଚିହ୍ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହିହଲିଆତେରି । ୩୨ ଇଞ୍ଜା ରିଜାରି କସ୍‌କା ଖାହାନା ଜୀସୁତଲେ ପାସି ମୁଣ୍ଡାତା ଏକହାମାଚି ରିଆରି କତାୟାଁ ଡିକ୍‌ହେରି । ୩୩ ସାମା ଏଞ୍ଜାରି ଜୀସୁ ତାଣା ଖାହାନା ଏଞ୍ଜାସି ହାହାମାନାଣି ମେସ୍‌ସେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟାଁ ଡିକ୍‌ଆତେରି । ୩୪ ଆଡିଜିକେଏ କସ୍‌କା ବିତ୍ରାଟି ରଅସି ଜୀସୁତି ପାଡ଼କା ଚଟତା ବାଲା ତଲେ ଗୁକ୍‌ହେସି ଇଞ୍ଜା ଦେବୁଣିଏ ଏମ୍ବାଟି ଏୟ୍ ଅଡେ ନେତେରି ହଡେ । ୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହୀହାମାନେସି, ଏନିକ୍ ମୀରୁ ଜିକେଏ ନାମିଦେରି; ଇଞ୍ଜା ଏଞ୍ଜାଣି ସାକି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି । ୩୬ ଇଚିହ୍ ଦାମ୍ବୁ ପତିତି କାତା ପୁରା ଆହାଲିତାକି ଇ ବାରେ ଆଡେ, “ଏଞ୍ଜାଣି ର ଡୁମୁ ଜିକେଏ ଡିକ୍‌ଅରି ।” ୩୭ ଦାମ୍ବୁ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଇଁ ବାଲା ତଲେ ଗୁକ୍‌ହା ମାଚାରି ଜିକେଏ ଏଞ୍ଜାଣାଇଁ ସିନିକନେରି ।”

**ଜୀସୁଇଁ ମୁହ୍‌ନାୟି**

(ମାତି ୨୭:୫୨-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇଦାଆଁ ତାୟ୍ ହାରାମାଡିୟାଡି ଜସେପ ଇନାସି ପିଲାତ ତାଣା ହାଜାନା ଜୀସୁତି ଆଜା ଅହାଲି ବାଡିମାଲିତେସି । ଇ ଜସେପ ଜୀସୁତି ର ସୀସୁ ମାଚେସି, ସାମା ଜୀହୁଦି ଲକୁତି କାଜାରି ଆଜିତାକି ଡଗୁନା ମାଚେସି, ପିଲାତ ଏଞ୍ଜାଣାଇଁ ହେଲ ହୀହାଲିଏ ଏଞ୍ଜାସି ଜୀସୁତି ଆଜା ମୁସାଲି ଅଡେସି । ୩୯ ଏଞ୍ଜାଣିତଲେ ନିକଦିମ ମାଚେସି । ଇ ନିକଦିମ ର ଦିନା ଲାଆଁୟାଁ ଜୀସୁତଲେ କାତା ଆହାଲି ଖାହାମାଚେସି, ଏ ନିକଦିମ କଡେଦସ

କେଜି ଗାନ୍ଧୀ ନିମ୍ନୁଁ ତାରିହୁଁ ଖାହାମାରେସି ।  
 ୪୦ ଏଞ୍ଜାରି ଜୀସୁତି ଆଜ୍ଞା ଅହାନା ଜୀହୁଦି ଲକ୍ଷୁତି  
 ମୁହନି ମେରା ତଲେ ଏଦାଆଁ ଗାନ୍ଧୀ ନିମ୍ନୁଁତଲେ  
 ପାଡ଼ାଡ଼ା ହିମ୍ବରି ରୁପିତେରି । ୪୧ ଜୀସୁ ଏମିନି  
 ଟାୟୁତା ପାସି ମୁଣ୍ଡାତା ଏପକି ଆହାମାରେସି ଏ  
 ଦାରିତା ର ବାଡ଼ା ମାରେ, ଏ ବିତ୍ତା ର ପୁଃନି ମାହଣି  
 ମାଣ୍ଡା ମାରେ, ଏମ୍ବାଆଁ ନକେଏ ଆମ୍ବାଆରାଇଁ ଇଟ୍ଠି  
 ଆହାହିଲାଆତେ । ୪୨ ଏ ଦିନା ଜୀହୁଦି ଲକ୍ଷୁତି  
 ଜମିନି ଦାନାତି ନକିତି ଦିନା ମାଗାକି, ଗାଡ଼ି ହେକ  
 ହାଲାଆନା ଏଞ୍ଜାରି ଜୀସୁତି ଆଜ୍ଞା ଅହାନା ମାହଣି  
 ମାଣ୍ଡାତା ଇଟିତେରି ।

### ୨୦

#### ଝାରଇ ମାହଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଝାରାତି ମୁଲୁ ଦିନା ଲାଇ ଲାଇ ଆନ୍ଦେରି  
 ମାଞ୍ଜା ମାଞ୍ଜାନା ମଗଦଲିନି ମରିୟମ ମାହଣି ମାଣ୍ଡା  
 ଦାରିତା ଝାହାନା ଏମ୍ବାତି ଝାଲି ଗୁଟା ଆହାମାନାଣି  
 ମେସ୍ତେ । ୨ ଇଞ୍ଜା ଏଡ଼ି ହଟି ହଟି ହାଜାନା ସିମନ  
 ପିତର ଆମ୍ବାଆରାଇଁ ଜୀସୁ ଜୀହୁ ନହୁଁ ମାରେସି, ଏ  
 ସୀସୁୟାଁଇଁ ଏଲେଇରେ, “ଆମ୍ବାଆରି ପ୍ରବୁଇଁ ମାହଣି  
 ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଟାମାନେରି  
 ଏଦାଆଁ ମାମ୍ ପୁଞ୍ଜାହିଲଅମି ।”

୩ ଇ କାତା ଝେଞ୍ଜାନା ପିତର ଅଡ଼େ ଅର ସୀସୁ  
 ମାହଣି ମାଣ୍ଡା ଝାକି ହଟେରି । ୪ ଏଞ୍ଜାରି ରିଆରି  
 ରହେଏ ହଟେରି, ଅର ସୀସୁ ପିତରଇଁ ତାୟୁ  
 ପିସାନା ତଲିଏ ମାହଣି ମାଣ୍ଡା ଏତେସି । ୫ ଏଞ୍ଜାସି  
 ବଜାହାଁ ଏମିନି ପାଡ଼ାଡ଼ା ହିମ୍ବରି ଆଜ୍ଞାତା ରୁପା  
 ମାରେରି ଏମ୍ବାଆଁ ରିହାମାଗାଣି ମେସ୍ତେସି, ସାମା  
 ବିତ୍ତା ହାଲାଆତେସି । ୬ ତାୟୁ ସିମନ ପିତର  
 ଜିକେଏ ଝାଡ଼େସି ଇଞ୍ଜା ମାହଣି ମାଣ୍ଡା ବିତ୍ତା ହଡ଼ାନା  
 ସିନିକିତେସି ଏମ୍ବାଆଁ ପାଡ଼ାଡ଼ା ହିମ୍ବରିକା ମାନୁ,  
 ୭ ଇଞ୍ଜା ତାନି ତାୟୁଁତା ଦସାମାଟି ଏ ପାଡ଼ାଡ଼ା  
 ହିମ୍ବରିକା ତଲେ ହିଲାଆତେ ଏଡ଼ି ଏଟ୍ଟକା ମାରେ  
 । ୮ ଏଟିବେଲା ଏମିନି ସୀସୁ ତଲିଏ ମାହଣି ମାଣ୍ଡା  
 ତାଗେ ଝାହାମାରେସି, ଏଞ୍ଜାସି ଜିକେଏ ବିତ୍ତା ହଡ଼ାନା  
 ମେସ୍ତେସି ଅଡ଼େ ନାମିତେସି; ୯ ଇଟିହୁଁ ହାଡ଼ାରି  
 ବିତ୍ତାଟି ଏଞ୍ଜାଣାକି ନିଜାଲି ଆନ୍ଦେ, ଦାମ୍ ପତିତି ଇ  
 ବଲୁ ଏଚେ ପାତେକା ତେଲହା ହିଲାଆତେରି ।  
 ୧୦ ତାୟୁ ସୀସୁୟାଁ ଝେଣ୍ଡେ ଇଜ ହାଚେରି ।

#### ଜୀସୁ ମଗଦଲିନି ମରିୟମଇଁ ତଞ୍ଜା ଆନାୟି

(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ଡ଼ାହି ଡ଼ାହି ପାଜାତା ନିଟା  
 ଡ଼ୟିତେ; ଇଞ୍ଜା ଡ଼ାହି ଡ଼ାହି ବଜାହାଁ ମାହଣି ମାଣ୍ଡା  
 ବିତ୍ତା ସିନିକିତେ, ୧୨ ଜୀସୁତି ଆଜ୍ଞା ଏମିନି ଟାୟୁତା

ଇଟ୍ଟକି ଆହାମାରେ, ଏମ୍ବାଆଁ ତାୟୁଁ ଝାକି ରଅସି  
 ଅଡ଼େ କଡ଼ାୟାଁ ଝାକି ରଅସି ଦବ୍‌ଲା ହିମ୍ବରିକା  
 ପରହାନା ରିଆରି ଦୂଡ଼ୁୟାଁ କୁଗାମାନାଣି ମେସ୍ତେ  
 । ୧୩ ଏଞ୍ଜାରି ଏଦାନି ଏଲେଇଚେରି, “ଏ ଇୟା  
 ଏନାଆଁତାକି ଡ଼ାହିମାଞ୍ଜି ?” ଏଡ଼ି ଏଞ୍ଜାରାଇଁ  
 ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି,  
 ଅଡ଼େ ଏଞ୍ଜାଣାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ  
 ।”

୧୪ ଏଡ଼ି ଏଲେଇଞ୍ଜାନା ତାୟୁଝାକି ସିନିକିହାନା  
 ଜୀସୁଇଁ ମେସ୍ତେ, ସାମା ଏଞ୍ଜାସି ଜୀସୁ ପୁଞ୍ଜାଲି  
 ଆଡ଼ାଆତେ । ୧୫ ଜୀସୁ ଏଦାନି ଏଲେଇଚେସି, “ଏ  
 ଇୟା ଏନାଆଁତାକି ଡ଼ାହିମାଞ୍ଜି ? ଆମ୍ବାଆରାଇଁ  
 ପାରିମାଞ୍ଜି ?”

ଏଡ଼ି ଏଞ୍ଜାଣାଇଁ ବାଡ଼ା ଗାଟାସି ଇଞ୍ଜା ଅଶ୍‌ପାନା  
 ଏଲେଇଚେ, “ବାବୁ ନାନୁ ଏଞ୍ଜାଣାଇଁ ଅହାମାଞ୍ଜି  
 ଇଟିହୁଁ ଆମ୍ବିୟା ଇଟାମାଞ୍ଜି, ନାଜେ ଝେସ୍ତାମୁ ନାନୁ  
 ଅଇଁ ।”

୧୬ ଜୀସୁ ଏଦାନି ଏଲେଇଚେସି, “ମରିୟମ !”  
 ମରିୟମ ଏଞ୍ଜାଣି ଝାକି ସିନିକିହାନା ଏଡ଼ି ହାଡ଼ାତଲେ  
 ଏଲେଇଚେ, “ରାବ୍‌ବୁନି” ଇଟିହୁଁ ଏ ଗୁରୁ ।

୧୭ ଜୀସୁ ଏଦାନି ଏଲେଇଚେସି, “ନାଜେ ଆସା  
 ଇଟାଲି ଅଶ୍‌ପାଆନି, ଇଟିହୁଁ ନାନୁ ନୀଏଁ ପାତେକା  
 ଆବା ତାଣା ହାଜାହିଲଅଁ; ସାମା ନା ତାୟୁୟାଁ ତାଣା  
 ହାଜାନା କାରୁ ହାମ୍, ନାନୁ ନା ଆବା ମୀ ଆବା ନା  
 ମାହାପୁରୁ ମୀ ମାହାପୁରୁ ତାଣା ହାଜିମାଇଁ ।”

୧୮ ମଗଦଲିନି ମରିୟମ ହାଜାନା, ନାନୁ ପ୍ରବୁଇଁ  
 ମେସାମାଇଁ ଏଞ୍ଜାସି ନାଜେ ଇ ବାରେ କାତା  
 ଝେସାମାଞ୍ଜାନେସି ଇଞ୍ଜା ସୀସୁୟାଁଇଁ କାରୁ ହାଚେ  
 ।

#### ଜୀସୁ ସୀସୁୟାଁଇଁ ତଞ୍ଜା ଆନାୟି

(ମାତି ୨୮:୧୬-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଟିହୁଁ ଝାରାତି ତଲିତି ଦିନା  
 ମିଡ଼ଅଲା ବେଲା ଏଚେତା ସୀସୁୟାଁ ଏମିନି  
 ଇଲୁତା ଜୀହୁଦି ଲକ୍ଷୁତି ଆଜିତାକି ଦାରାୟାଁ  
 ସୁଣ୍ଡାମାରେରି, ଏଟିବେଲା ଜୀସୁ ଝାହାନା ମାଦିଏ  
 ନିଟାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ  
 ।” ୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା,  
 ପାଡ଼କା ଡ଼ଇକା ତସ୍ତେସି, ଏମ୍ବାଟିଏ ସୀସୁୟାଁ  
 ପ୍ରବୁଇଁ ମେସାନା ରାହାଁ ଆଡ଼େରି । ୨୧ ଜୀସୁ  
 ଝେଣ୍ଡେ ଏଲେଇଚେସି, “ମିଜେ ହିଡ଼ଡ଼ି ଆୟାପେ  
 ଆବା ଏନିକିଁ ନାଜେ ପାଣ୍ଡାମାଞ୍ଜାନେସି, ନାନୁ  
 ଜିକେଏ ମିଜେ ଏଲେକିହୁଁଏ ପାଣ୍ଡିମାଞ୍ଜାଇଁ  
 ।” ୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା  
 ଏଲେଇଚେସି, “ସୁଦୁଜୀହୁଇଁ ଆବାକତାଦୁ,  
 ୨୩ \*ମାରୁ ମାଣ୍ଡିୟାଁ ପାପୁ ମ୍ଲେକ୍‌ହିସାରେ,  
 ମାହାପୁରୁ ଜିକେଏ ଏଞ୍ଜାରି ପାପୁ ମ୍ଲେକ୍‌ନେସି; ଇଞ୍ଜା

☆ ୨୦:୨୩ ୨୦:୨୩ ମାତି ୧୬:୧୯; ୧୮:୧୮

ଆତ୍ମାଆରି ପାପୁ ମୋକ୍ଷଅତେରି, ଇତିହ ଏଝାଣି ପାପୁ ମୋକ୍ଷକ୍ଷେଏ ।”

**ଜୀସୁ ଅଡ଼େ ତମା**

୨୪ ସାମା ଜୀସୁ ଏଚିବେଲା ଖାହାମାରେସି, ଏଚିବେଲାତା ବାରଜାଣା ବିତ୍ତା ତମା ଆତ୍ମାଆରାକ୍ ଦିଦୁମ ଇନେରି, ଏଝାସି ଏଝାରିତଲେ ହିଲାଆତେସି । ୨୫ ଏଚକାତି ସୀସୁୟା ଏଲେଇଚେସି, “ମାମୁ ଜୀସୁକ୍ ମେସୁମି ।” ଇଞ୍ଜା ଏଝାସି ଏଝାରାକ୍ ଏଲେଇଚେସି, “ଏଝାଣି କେୟୁତି କୁଟିୟା ସିନା ମେହୁଆତିହୁ ଅଡ଼େ ଏ ବାରେ ତାଣା ନା ଖାଞ୍ଜୁ ଉହୁଆନା ଇଞ୍ଜା ଏଝାଣି ପାଡ଼କା ଡ଼ଇକା ତୀଗାଆନା ନାନୁ ଏଚେଲା ଜିକେଏ ନାମଅଁ ।”

୨୬ ଆଚାଦିନା ଜେଚ ତାନି ସୀସୁୟା ଏ ଇଲୁତେଏ ମାଚେରି, ଅଡ଼େ ତମା ଜିକେଏ ଏଝାରିତଲେ ମାଚେସି, ଦାରାୟା ସୁଣୁକି ଆହାମାରୁ, ସାମା ଜୀସୁ ଖାହାମା ଏଝାରି ମାଦି ନିଚାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ।” ୨୭ ତାୟୁ ଏଝାସି ତମାକ୍ ଏଲେଇଚେସି, “ଇମ୍ପାଆଁ ନୀ ଖାଞ୍ଜୁ ଉସାନା ସିନିକିମୁ, କେୟୁ ଦାସାନା ନା ପାଡ଼କା ଡ଼ଇକା ତୀଗାମୁ; ଆନାମାନା ଆଆନା ନାମାମୁ ।”

୨୮ ତମା ଜୀସୁକ୍ ଏଲେଇଚେସି, “ନା ପ୍ରବୁ ନା ମାହାପୁରୁ ।”

୨୯ ଜୀସୁ ଏଝାଣାକ୍ ଏଲେଇଚେସି, “ନାନୁ ନାଙ୍ଗେ ମେସାନା ନାମିମାଞ୍ଜାଦି, ଆତ୍ମାଆରି ମେହୁଆନା ନାମିନେରି ଏଝାରି ନେହେଁ ।”

**ଇ ପତି ଏନାଆଁତାକି ରାସ୍‌କି ଆହାମାନେ**

୩୦ ଜୀସୁ ସୀସୁୟା ନକିତା ହାରେକା କାବାଆନି କାମାୟା କିହାମାଚେସି, ଏଞ୍ଜି ବାରେ ଇ ପତିତା ରାସ୍‌କି ଆହାହିଲାତ; ୩୧ ସାମା ମାରୁ ଏନିକ୍ ନାମିଦେରି, ଜୀସୁ ମାହାପୁରୁ ମାର୍‌ଏସି ମସିହା,\* ଇ କାତା ନାମାହାଁ ଏନିକ୍ ମାରୁ ଏଝାଣି ଦରୁଟି ଜୀସୁ ବେଟାଆଦେରି, ଏଦାଆଁତାକି ଇ ବାରେ ରାସ୍‌କି ଆହାମାନେ ।

**୨୧**

**ସାତା ଜାଣା ସୀସୁୟାକ୍ ଜୀସୁ ତଞ୍ଜା ଆନାୟି**

୧ ଇଦାଆଁ ତାୟୁ ଜୀସୁ ତିବିରିୟା ସାମ୍‌ଦୁରି ଗାଟୁତା ସୀସୁୟାକ୍ ଖେଶ୍ଟେ ତଞ୍ଜାଆଡ଼େସି; ୨ ଏମ୍ପାଆଁ ସିମନ ପିତର ତମା ଆତ୍ମାଆରାକ୍ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମାର୍‌କା ଅଡ଼େ ତାନି ସୀସୁୟା ବିତ୍ତାଟି ରିଆରି କୁଡ଼ା ଆହାମାଚେରି । ୩ \*ସିମନ ପିତର ଏଝାରାକ୍ ଏଲେଇଚେସି, “ନାନୁ ମୀଶ୍‌କା ଆସାଲି ହାଜିମାକ୍ ।” ଏଝାରି ଏଝାଣାକ୍ ଏଲେଇଚେରି, “ମାମୁ ଜିକେଏ ନୀ ତଲେ ଖାନମି ।” ଏଝାରି ହାଜାନା ତଂଗତା ହଡ଼େରି, ଏ ଲାଆଁୟା ଏଝାରି ଏନାଆଁ ଜିକେଏ

ବେଟାଆଆତେରି । ୪ ସାମା ଜୁଲୁପୁଲୁ ଆହାଲିଏ ଜୀସୁ ଗାଟୁତା ନିତେସି; ଆତିଜିକେଏ ଏଝାସି ଜୀସୁ ଇଞ୍ଜାଁ ସୀସୁୟା ପୁନାଆତେରି । ୫ ଜୀସୁ ଏଝାରାକ୍ ଏଲେଇଚେସି, “ଏ କକାତେରି ମୀ ତାଣା ଏନାଆଁ ମୀଶ୍‌କା ମାନୁ କି ?” ଏଝାରି “ଆଏ” ଇଚେରି ।

୬ \*ଏଝାସି ଏଝାରାକ୍ ଏଲେଇଚେସି, “ତଂଗତି ଚିଃନିଝାକି ଜାଲା ମେଡ଼ଦୁ, ଆତିହୁଁ ମାରୁ ବେଟାଆଦେରି ।” ଏମ୍ପାଟିଏ ଏଝାରି ଜାଲା ମେଡ଼ହେରି, ଏମ୍ପାଆଁ ଇଚେକା ମୀଶ୍‌କା ଖାତୁ ଏଝାରି ଏଦାଆଁ ରେଜାଲି ଆଡ଼ାଆତେରି ।

୭ ଏମ୍ପାଟିଏ ଜୀସୁ ଏମିନି ସୀସୁକ୍ ଜୀସୁ ନହୁଁମାଚେସି, ଏ ପିତରକ୍ ଏଲେଇଚେରି, “ଇଝାସିତ ପ୍ରବୁ ।” ସିମନ ପିତର ଇ କାତା ଖେଞ୍ଜାନା ତୁମ୍‌ଶ୍ଟା ମାଚାକି ତାନି ସକା ତୁରହାନା ସାମ୍‌ଦୁରିତା ଡେଞ୍ଜିତେସି; ୮ ସାମା ଏଚକାତି ସୀସୁୟା ନେଞ୍ଜାମାନି ମୀଶ୍‌କା ଜାଲାତି ରେଜି ରେଜି ତଂଗତି ଗାଟୁତା ତାତେରି, ଇତିହ ଏଝାରି ଗାଟୁଟିଏ ହାରେକା ହେକ ହାଜା ହିଲାଆତେରି । ୯ ଏଝାରି ସାମ୍‌ଦୁରି ଗାଟୁତା ରେଚାନା, ଏମ୍ପାଆଁ ରାଙ୍ଗାୟାତି ହିତୁ ଇଞ୍ଜା ହିତୁ ଲାକ ମୀଶ୍‌କା ଅଡ଼େ ରୁଟି ଇଟାମାନାଣି ମେସ୍ତେରି । ୧୦ ଜୀସୁ ଏଝାରାକ୍ ଏଲେଇଚେସି, “ମାରୁ ନାଏଁ ଏମିନି ମୀଶ୍‌କା ଆସାମାଞ୍ଜେରି ଏମ୍ପାଟି ଇଚରା ତାତିହୁଁ ଖାତୁ ।”

୧୧ ସିମନ ପିତର ହାଜାନା ସାତାକଡ଼ି ଡେରଗଟା ମୀଶ୍‌କା ମାଟି ଜାଲାତି ଗାଟୁତା ରେଜା ତାତେସି; ଇଚେକା ମୀଶ୍‌କା ତାକି ଜିକେଏ ଜାଲା ତାମ୍ପାଆତେ । ୧୨ ଜୀସୁ ଏଝାରାକ୍ ଏଲେଇଚେସି, “ଖାତୁ ତିଞ୍ଜୁ ।” ସୀସୁୟା ବିତ୍ତାଟି ଆତ୍ମାଆରି ଏଝାଣାକ୍ ନାନୁ ଆତ୍ମାଆତି ଇଞ୍ଜାଁ ଖେଞ୍ଜାଲି ସାସା କିଆତେରି, ଇତିହ ଏଝାସି ପ୍ରବୁ ଇ କାତା ଏଝାରି ପୁଞ୍ଜାମାଚେରି । ୧୩ ଜୀସୁ ଖାହାମା ରୁଟି ଅହାନା ହୀତେସି, ଇଞ୍ଜାଁ ମୀଶ୍‌କା ଜିକେଏ ଏଲେକିହ ଏ ହୀତେସି । ୧୪ ଜୀସୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସୀସୁୟାକ୍ ତଞ୍ଜାଆଡ଼େସି ।

**ଜୀସୁ ଅଡ଼େ ପିତର**

୧୫ ଏଝାରି ତିଞ୍ଜାଲି ଆଡ଼ିତି ଜେଚ ଜୀସୁ ସିମନ ପିତରକ୍ ଖେଚେସି, “ଏ ଜହନତି ମାର୍‌ଏଶା ସିମନ ଏନାଆଁ ନାନୁ ନାଙ୍ଗେ ଇଝାରି କିହା ହାରେକା ଜୀସୁ ନହୁଁମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନାନୁ ନିଙ୍ଗେ ଜୀସୁନହୁଁ ମାଞ୍ଜାକ୍ ନାନୁ ଏଦାଆଁ ପୁଞ୍ଜାମାଞ୍ଜି ।” ଜୀସୁ ଏଝାଣାକ୍ ଏଲେଇଚେସି, “ନା ମେଶ୍ଟା ତାଲକାଣି ତୀହୁମୁ ।” ୧୬ ଜୀସୁ ଖେଶ୍ଟେ ରୀ ପାଲି ତାକି ଖେଚେସି, “ଏ ଜହନତି ମାର୍‌ଏଶା ସିମନ ଏନାଆଁ ନାନୁ ନାଙ୍ଗେ ଜୀସୁ ନହୁଁମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନାନୁ ନିଙ୍ଗେ

\* ୨୦:୩୧ ୨୦:୩୧ କ୍ରୀସୁ ☆ ୨୧:୩ ୨୧:୩ ଲୁକ ୫:୫ ☆ ୨୧:୬ ୨୧:୬ ଲୁକ ୫:୬

ଜୀଝୁନହୁଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି ।” ଏଝାସି ଏଝାଣାଇଁ ଏଲେଇଚେସି, “ନା ମେଶ୍ଟାୟାଣି ପହିକିମୁ ।” ୧୭ ଜୀସୁ ଅଡେ ତାନି ପାଲି ତାକି ଝେଚେସି, “ଏ ଜହନତି ମୀରଏଣା ସିମନ ଏଦାଆଁ ନୀନୁ ନାଞେ ଜୀଝୁ ନହୁଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଝେଞ୍ଜାଲିଏ ଏଝାସି ଦୁକୁ ଆହାନା ଏଲେଇଚେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନୀନୁ ନିଞେ ଜୀଝୁନହୁଁ ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି ।” ଜୀସୁ ଏଝାଣାଇଁ ଏଲେଇଚେସି, “ନା ମେଶ୍ଟାୟାଣି ଜାତନୁ ଅମୁ ।”

ଇତିହୁଁ ନା ଅଣ୍ପୁତା ବାରେ ଦାର୍ତ୍ତିତା ଜିକେଏ ଏ ବାରେ ଇଟାଲି ଟାୟୁ ଆଆତେମା ।

୧୮ ନୀନୁ ମିଞେ ସାତା ଝେସିମାଞ୍ଜାଇଁ, ନୀନୁ ଦାଂଗଣା ମାନି ବେଲାତା ନୀ ଟେଡେଲି ରୁପା କତାନା ଆମ୍ବିୟାଞ୍ଜାକି ନୀ ମନ ଏନିକା ରେଜିମାତି, ସାମା ବୁଡ଼ହା ଆଡ଼ିହୁଁ ନୀନୁ ନୀ କେସ୍ତା ଦାହୁଦି ଇଞ୍ଜା ଅର ରଅସି ନୀ ଟେଡେଲିତା ଦସାନା ଆମ୍ବିୟା ନୀ ମନ ହିଲେଏ ଏନିକା ରେଜା ଅୟାନେସି । ୧୯ ପିତର ଏନିଲେହେତି ହାକି ତଲେ ମାହାପୁରୁଇଁ ଗାଝୁରମି କିନେସି, ଏଦାଆଁ ପୁଣ୍ଠି କିହାଲି ଏଲେଇଞ୍ଜାମାଚେସି । ଏଲେଇଚି ତାୟୁ ଏଝାସି ଏଝାଣାଇଁ ଏଲେଇଚେସି, “ନା ଜେଚ ଝାମୁ ।”

**ଜୀସୁ ତାନି ଜୀଝୁତି ସୀସୁ**

୨୦ \*ଜୀସୁ ଏମିନି ସୀସୁଇଁ ଜୀଝୁ ନହୁଁ ମାଚେସି, ଅଡେ ଲାଆଁୟାଁ ବଜି ବେଲାତା ତାନି ବକତା ଲାବାନା ପ୍ରବୁ ନିଞେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜାଁ ଝେଞ୍ଜାମାଚେସି, ଏ ସୀସୁ ଜେଚ ଝାହିମାନାଣି ପିତର ଝେଣ୍ଡେ ତିରଝାନା ମେସେସି । ୨୧ ପିତର ଏଝାଣାଇଁ ମେସାନା ଜୀସୁଇଁ ଝେଚେସି, “ପ୍ରବୁ ଇଝାଣି କାତା ଏଦାଆଁ ଇଞ୍ଜାମାଞ୍ଜି ?”

୨୨ ଜୀସୁ ଏଝାଣାଇଁ ଏଲେଇଚେସି, “ନା ଝାନ୍ତି ଦିନା ପାତେକା ତୟାପେସି ଇଞ୍ଜାଁ ନୀନୁ ମନ କିଇଁ, ଆଡ଼ିହୁଁ ଏମ୍ବାଆଁ ନୀଦି ଏନାୟି ମାନେ ? ନୀନୁ ନା ଜେଚ ଝାମୁ ।”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟାୟାଁ ବିତ୍ତା ଝେଞ୍ଜାହାଚେ, ସାମା ଏଝାସି ହାଅସି ଇଞ୍ଜାଁ ଜୀସୁ ଏଝାଣାଇଁ ଏଲେଇଞ୍ଜା ହିଲାଆଚେସି, ସାମା ନା ଝାନ୍ତି ଦିନା ପାତେକା ଏଝାସି ତୟାପେସି ଇଞ୍ଜାଁ ନୀନୁ ମନ କିଇଁ, ଆଡ଼ିହୁଁ ଏମ୍ବାଆଁ ମୀ ଏନାୟି ମାନେ ଇଞ୍ଜାଁ ଝେସାମାଚେସି ।

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡେ ଇ ବାରେ ରାଟାମାନେସି, ଏଝାସି ଏ ସୀସୁ; ଅଡେ ଏଝାଣି ସାକି ସାତା ଇଦାଆଁ ମାମ୍ବୁ ପୁଞ୍ଜାମାନମି ।

**ରାନ୍ତି ହାଡ଼ା**

୨୫ ଜୀସୁ ହାରେ ହାରେକା କାମାୟାଁ କିହାମାଚେସି; ଏ ବାରେ ରଣ୍ଡା ରଣ୍ଡାଆଁ କିହୁଁ ରାଡ଼ିତିହୁଁ ମା, ଇଚେକା ପତିୟାଁ ରାସ୍କି ଆତୁମା,

☆ ୨୧:୨୦ ୨୧:୨୦ ଜହ ୧୩:୨୫

# ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାର କାମା ମୂଳ ହାତୀ

ପାଣ୍ଡୁ ଆହ୍ୱାନ କାମାତି ପତି କୁଲମିକା ମାଟ୍ଟି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଝେସାମାତି ଲେହେଁ, ଏନିକ୍ ଜିରୁସାଲମଟିଏ ଜୀହୁଦା, ସମିରଣ, ଅଡ଼େ ସାରିଖାକି ଏତେ, ଏ କାତାତି ପୁସ୍ପନି ୧:୮ ଇ ପତି ଲୁକ ରାଚାମାଚେସି, ଆମ୍ବାଆସି ଲୁକ ରାଚାମାନି ନେହ୍ କାରୁ ରାଚାମାଚେସି । ଏଝାସି ତାଙ୍କାଦର ମାଚେସି ଇଞ୍ଜା ବାରେ କାତା ଜାତୁନୁ ତଲେ ରାଚାମାଚେସି । ଏଝାସି ତାନି ଲୁକ ନେହ୍ କାରୁ ପାଣ୍ଡୁ ଆହ୍ୱାନାର କାମା ଇ ରୀ ପତିତା ଜିକେଏ ତିୟପିଲ ଇଞ୍ଜା ଝେସାମାନେସି, ଏଝାସି ଗ୍ରିକ୍ ଲକୁ ମାଚେସି, ସାମା ଗ୍ରିକ୍ ଅଡ଼େ ଜୀହୁଦି ଲକୁଣି ଆଟ୍ଟି କ୍ରୀସ୍ତୀନା ଲକୁକି ଜିକେଏ ଇ ପତି ରାସ୍ତକି ଆହ୍ୱାନାଚେ ୧:୧ ।

କ୍ରୀସ୍ତ ଜାର୍ନାଆଡ଼ି ତାୟ ୨୦-୨୪ ବାର୍ସା ବିତ୍ତା ପାଣ୍ଡୁଆଡ଼ି ପତି ରାସ୍ତକି ଆହ୍ୱାନାଗ୍ରିନେ, ଏନାଆଁତାକି ଇଚିହ୍ ପାଞ୍ଜୁଲ କାୟିଦିଟି ପିସ୍ପିଆଡ଼ି ନକେଏ ପତି ରାଚାଲି ରାହାମାଚେ । ଲୁକ ଜିକେଏ ପାଣ୍ଡୁଆଡ଼ି ପାଞ୍ଜୁଲ ତଲେ ରେଜିମାଚେସି ଅଡ଼େ ଆଡ଼ିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାର କାମା ପତି ରାଚାମାଚେସି । ପାଣ୍ଡୁ ଆହ୍ୱାନ କାମା ପତି “ଲୁକ ରାଚାମାନି ନେହ୍ କାରୁ” ରାଚିତି କେଚ କେଚ ଜୀସୁ ଲାକପୁରୁ ହାଜାଲିଏ ରାଚାଲି ମାଟ୍ଟି ମାଚେସି । ଲୁକ ତାନି ନେହ୍ କାରୁ ଏନାଆଁତାକି ରାଚାମାଚେସି, ଏଲେକିହ୍ ଏ ଇ ପାଣ୍ଡୁ ଆହ୍ୱାନାର କାମା ପତି ରାଚାମାଚେସି । ଏଝାସି ତିୟପିଲ ଅଡ଼େ ଗାଡ଼ି ଜାନା ଆହ୍ୱାନ କ୍ରୀସ୍ତୀନା ଲକୁକ୍ ଏନାଆଁ ଜାପ୍ଡି ଆହ୍ୱାନାଚେ, ଏମ୍ବାଆଁ ତୀରି ଆହ୍ୱାଲି ଅଗ୍ପିମାଚେସି, ଏନାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତୀନା ଲକୁ ବାରେଖାକି ଆହ୍ୱାନା କାତା ରାଚାମାନେସି ।

ପାଣ୍ଡୁ ଆହ୍ୱାନାର କାମା ପତି ମୂଲୁଏ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହ୍ ତଞ୍ଜା ଆନାୟି ଏନାଆଁ ମାଙ୍ଗେ ଝେସ୍ତାନେ । ସୁଦୁଜୀଞ୍ଜୁତି ବାଡ଼ୁ ତଲେ ଏନିକିହ୍ ଏଚକା ଲକୁତାଣା ନେହ୍ କାରୁ ଏପାନାୟି ପାଣ୍ଡୁ ଆହ୍ୱାନ କାତା ଝେସ୍ତାନେ ।

### ପତିତା ମାନାୟି

- ୧. ମୂଲୁଏ ସୀସୁୟାଁ ଲାକ ସୁଦୁଜୀଞ୍ଜୁ ଝାନାୟି ଅଡ଼େ କୁଲମି ପାତାଆନାୟି । ୧:୧-୮:୧
- ୨. କୁଲମି ସାସ୍ତି ବେଗାଆନାୟି ଅଡ଼େ ଜିରୁସାଲମ ସାରିଖାକି ଏନାୟି । ୮:୨-୧୨:୨୩
- ୩. ପାଞ୍ଜୁଲ ମୂଲୁଏ ତାନି ସେବା କାମାତାକି ହାନାୟି । ୧୨:୨୪-୧୪:୨୮
- ୪. ଜିରୁସାଲମତା କୁଟମି କୁଟିନାୟି । ୧୪:୧-୩୫
- ୫. ପାଞ୍ଜୁଲ ରୀ ପାଲି ତାନି ସେବା କାମାତା ହାନାୟି । ୧୫:୩୭-୧୮:୨୨
- ୬. ପାଞ୍ଜୁଲ ତାନି ପାଲି ତାନି ସେବା କାମାତା ହାନାୟି । ୧୮:୨୩-୨୦:୩୮
- ୭. ପାଞ୍ଜୁଲ ଜିରୁସାଲମତା ଦସ୍ପି ଆନାୟି । ୨୧-୨୨
- ୮. ରମ୍ପତା ପାଞ୍ଜୁଲକ୍ ପାଣ୍ଡୁନାୟି । ୨୭-୨୮

### ସୁଦୁଜୀଞ୍ଜୁ ତାକି ଆଞ୍ଜିନାୟି

୧ \*ଏ ଜୀଞ୍ଜୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାଚାମାକ୍, ଜୀସୁ ଏମିନି କାମା ମାଟ୍ଟିହେସି ଅଡ଼େ ଜାପ୍ଡିହେସି, ୨ ଏ ଦିନା ପାତେକା ଏଝାସି ପାଣ୍ଡୁ ଆହ୍ୱାନାକ୍ ଆଚାମାଚେସି, ସୁଦୁଜୀଞ୍ଜୁ ତଲେ ହୁକୁମି ହୀହାନା ଲାକପୁରୁ ଅଡ଼ିଆହ୍ୱାନାଚେସି । ୩ ଏତେଟିଏ ଜୀସୁ ତାନି ଦୁକୁ ବେଗାଆଡ଼ି ତାୟ ହାଚେରକା ଦିନା ଏଝାସି ଜୀଞ୍ଜୁତଲେ ମାଚେସି ଇଦାଆଁ ପାଣ୍ଡୁ ଆହ୍ୱାନାର ତାଣା ପାରମାଣା କିତେସି, ଇଞ୍ଜା ରୀ କଡ଼ି ଦିନା ପାତେକା ହାଚେରକା ଦେବା ତଞ୍ଜାଆହ୍ୱାନା ମାହାପୁରୁ ରାଜିତି କାତା ଜାପ୍ଡିହେସି । ୪ \*ର ଦିନା ଏଝାରି ରଣ୍ଡିଏ ତାଣା ତିଞ୍ଜାଲି କୁଡ଼ା ଆହ୍ୱାନାତି ବେଲତା ଜୀସୁ ଏଝାରାକି ଇ ହୁକୁମି ହୀତେସି; “ମୀରୁ ଜିରୁସାଲମ ପିସ୍ତା ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆବାଡ଼ି ଆଞ୍ଜାମାନାଣି ନା ତାଣାଟି ଝେଞ୍ଜା ମାଞ୍ଜେରି, ଏନାଆଁ ପାଣ୍ଡୁନି ପାତେକା କାଚାନା ତୟାଦୁ; ୫ \*ଇଚିହ୍ ଜହନ ଏୟୁତା ବାପ୍ତିସ୍ତ\* ହୀତେସି ସାତା, ସାମା ମୀରୁ ଏଚରଦିନା କେଚ ସୁଦୁଜୀଞ୍ଜୁ ତଲେ ବାପ୍ତିସ୍ତା ବେଗାଆଡ଼େରି ।”

### ଜୀସୁ ଲାକପୁରୁ ହାନାୟି

(ମାର୍କ ୧୭:୧୯-୨୦; ଲୁକ ୨୪:୫୦-୫୩)  
୨ ର ଦିନା ପାଣ୍ଡୁ ଆହ୍ୱାନି ରୁଣ୍ଡା ଆହ୍ୱାନାତି ବେଲା ଜୀସୁକ୍ ଝେଚେରି, “ପ୍ରବୁ, ନୀନୁ ଏନାଆଁ ନୀର୍ବ ଇସ୍ରାୟେଲ କେୟୁତା ଅଡ଼େ ଝେଣ୍ଡେ ଇ ରାଜିତି ହେବପିଦି ?”  
୩ ଜୀସୁ ଏଝାରାକ୍ ଏଲେଇଚେସି, “ଆମିନି ଦିନା ଅଡ଼େ କାଲ୍ଲା ନା ଆବା ତାନି ଅଦିକାରାତା ଇଚାମାନେସି, ଏ ବାରେ ମିଙ୍ଗେ ପୁଞ୍ଜାଲି ଲଡ଼ା ଆଏ । ୮ \*ସାମା ସୁଦୁଜୀଞ୍ଜୁ ମୀ ତାଣା ଝାଡ଼ିସାରେ,

\* ୧:୧ ୧:୧ ଲୁକ ୧:୧-୪    \* ୧:୪ ୧:୪ ଲୁକ ୨୪:୪୯    \* ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩    \* ୧:୫ ୧:୫ ମୁଞ୍ଜିନାୟି    † ୧:୫ ୧:୫ ମୁଞ୍ଜିନାୟି    \* ୧:୮ ୧:୮ ମାତି ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮    \* ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧

ମୀରୁ ବାଡ଼ୁୟୁ ବେଟାଆଦେରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି ମୁଟପେ ତାକି ନା ସାକି ଆଦେରି ।”<sup>୯୯</sup> \*ଏଝାସି ଇ ବାରେ କାତା ଖେସ୍ତି ତାୟୁ ଏଝାରି ମେସପନିଏ ଜୀସୁ ଲାକପୁରୁ ହାଚେସି, ଅଡ଼େ ଇଚାୟି ଦୁହା ଏଝାଣାଇଁ ଏଝାରି ତାଣାଟି ଅହୁଁ ହାଚେ, ଏଝାରି ଅଡ଼େ ଏଝାଣାଇଁ ମେହୁଆଚେରି ।

<sup>୧୦</sup> ଏଝାସି ଲାକପୁରୁ ହାଜାଲିଏ ଜିକେଏ ଏଝାରି ହାଗୁଝାକି ମୁମ୍ବୁ କ୍ରିହାନା ସିନିକିହି ମାନେରି; ଏଚିବେଲା ଦବଲା ହିମ୍ବୁରିକା ହୁଟାମାନି ରିଆରି ଦେବୁଣିଏ ଏଝାରି ନକିତା ନିତେରି, <sup>୧୧</sup> ଇଞ୍ଜା ଏଝାରି ଏଲେଇଚେରି “ଏ ଗାଲିଲିତି ଲକୁଚେରି, ଏନାଆଁତାକି ହାଗୁଝାକି ମୁମ୍ବୁ କ୍ରିହାନା ନିଚାମାଞ୍ଜେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଝିଆଡେସି, ଏଝାଣାଇଁ ଏନିକିଁ ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ ଏଲେକିହିଁ ଏ ଖେଣ୍ଡେ ଖାନାଣି ମେହୁଦେରି ।”

**ଜୀହୁଦା ଟାୟୁତା ମାଡ଼ିୟୁଇଁ ଆଡ଼ିନାୟି**

<sup>୧୨</sup> ଏମ୍ବାଟିଏ ତାୟୁ ଏଝାରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଡାଝାଡ଼େରି, ଏ ଜୀତ ହରୁଟିଏ ଜିରୁସାଲମ ର କିଲମିଟର ହେକ ମାଚେ ।<sup>୧୩</sup> \*ଇଞ୍ଜା ଏଝାରି ପିତର, ଜହନ, ଜାକୁବ, ଆନ୍ଦ୍ରିୟ, ପିଲିପ, ତମା, ବାର୍ତଲମି, ମାଡ଼ିୟୁ, ଆଲେପି ମୀରୁଏସି ଜାକୁବ, ଦେସାତି ଜୀସୁ ନନ୍ଦି ସିମନ ଅଡ଼େ ଜାକୁବ ମୀରୁଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମ୍ବାଆଁ ହାଚେରି ।<sup>୧୪</sup> ଏଝାରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡ଼େ ତାମି ତାୟିୟା ତଲେ ରଣ୍ଡିଏ ଅଣ୍ଡୁ ତଲେ ପ୍ରାଡାନା କିହିଁ ରୁଣ୍ଡା ଆହାମାଚେରି ।

<sup>୧୫</sup> ଏଚରଦିନା ତାୟୁ ନାମିତାରି କୃଡ଼ା ଆହାମାଚେରି, ଏମ୍ବାଆଁ ସ କଡ଼ି ଜାଣା ଲକୁ କୃଡ଼ା ଆହାମାଚେରି, ପିତର ତାୟିୟା ବିତ୍ରାଟି ନିଚାନା ଏଲେଇଚେସି, <sup>୧୬</sup> “ଜୀସୁତି ତାୟିୟା ଅଡ଼େ ତାଜିସ୍ତା, ଆମିନି ଇସ୍ତାରିୟତ ଜୀହୁଦା ଜୀସୁଇଁ ସାଡ଼ୁୟା କେୟୁତା ଆସ୍ପି କିହାଲିତାକି ଜିରୁ ତସାମାଚେସି, ଏଝାଣି ତାକି ସୁଦୁଜୀସୁ ନକେଏ ଦାସୁଦ ଗୁଡ଼ିଟି ଏନାଆଁ ଖେସାମାଚେସି, ଏ ଦାମ୍ବୁ ସାସ୍ତେରି ପୁରା ଆନାୟି ମାଚେ; <sup>୧୭</sup> ଇଚିହିଁ ଏଝାସି ମା ବିତ୍ରାଟି ରଅସି ଇଞ୍ଜା ଏଜିକିଝି ଆହିମାଚେସି, ଅଡ଼େ ଇ ସେବା କାମାତା ପାଣା ବେଟାଆହା ମାଚେସି ।”

<sup>୧୮</sup> \*ଇ ଇସ୍ତାରିୟତ ଜୀହୁଦା ଲାଗେଏ କାମା କିତି ତାରୁୟା ତଲେ ରଚାଣି ବୁମି କଡ଼ି ଆହାମାଚେ,

ଅଡ଼େ ଏଝାସି ହାଡ଼ି ତାଣା ତାୟୁଁ ଡ଼ଇ କିହିଁ ତରଗାଲିଏ ତାନି ବାଣ୍ଡି ତାୟାହାଚେ ଇଞ୍ଜା ଖାହିୟା ହଚାହାଚୁ ।<sup>୧୯</sup> ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଝାରି ହାଡ଼ାତଲେ “ହକଲଦାମା” ଇଚିହିଁ “ନେତେରି ବୁମି” ଇଞ୍ଜା ଖେଜିତେ ।

<sup>୨୦</sup> ଅଡ଼େ ପାରୁ ପତିତା ରାସ୍କି ଆହାମାନେ, “ଏଝାଣି ବାସାଟାୟୁ ଖାରଆୟି ଆପେ; ଏମ୍ବାଆଁ ଆମ୍ବାଆରି ବାସା କିଆପେରି ।” ଅଡ଼େ ଜିକେଏ ରାସ୍କି ଆହାମାନେ;

“ଏଝାଣି କାମାତି ପାଣା ଅର ରଅସି ବେଟା ଆପେସି ।”

<sup>୨୧</sup> \*ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଜିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାୟି ମାନେ । <sup>୨୨</sup> ଜୀସୁ ଜହନ ତାଣାଟି ବାପିସ୍ତା ଅଡ଼ି ବେଲାଟିଏ ଲାକପୁରୁ ହାନି ପାତେକା ପ୍ରବୁ ଜୀସୁ ମା ତଲେ ନୀତାମାଟି ବେଲାତା, ଆମିନି ଲକୁ ମା ଗତିତା ମାଚେରି, ଏଝାରି ତାଣାଟି ରଅସି ଖେଣ୍ଡେ ନିଜିନି ସାକି ଆନାୟି ମାନେ ।”

<sup>୨୩</sup> ଏଚେଟିଏ ଏଝାରି ରିଆରାଇଁ ଇଚିହିଁ ଜସେପଇଁ, ଆମ୍ବାଆରାଇଁ ବର୍ସବା ଇନେରି ଅଡ଼େ ଆମ୍ବାଆରି ହାଟା ଦରୁ ଜୁସ୍ତ ଏଝାଣାଇଁ ଇଞ୍ଜା ମଡ଼ିୟୁଇଁ ବାଟି କିହାନା, <sup>୨୪</sup> ଇ ପ୍ରାଡାନା କିଚେରି, “ପ୍ରବୁ ନୀନୁ ବାରେଟି ହିୟାତି ଅଣ୍ଡୁ ପୁନାତି, ଜୀହୁଦା ଏମିନି ଟାୟୁତା ଡ଼ୟିନାୟି ମାନେ ଏଝାସି ହାଜାଲିଏ, ଏଝାଣି ଟାୟୁତା ଇ ରିଆରି ବିତ୍ରାଟି ନୀ ତାଣାଟି ଆଡ଼ିତାସି ଆମ୍ବାଆସି, <sup>୨୫</sup> ଏ ପାଣ୍ଡୁଝି ଆହାମାନାରି ସେବା କାମା କିହାଲି ଆମ୍ବାଆରାଇଁ ଜୀହୁଦା ପାଣାତା ବାଟି କିହାମାଞ୍ଜି ତସ୍ତାମୁ ।” <sup>୨୬</sup> ଅଡ଼େ ଏଝାରି ଏ ରିଆରି ତାକି ପାଦି କିହାଲିଏ ମଡ଼ିୟୁ ଦରୁତଲେ ଆଡେ; ଅଡ଼େ ଏଝାସି ଏଗାର ଜାଣା ପାଣ୍ଡୁଝି ଆହାମାନାରି ଗତିତା ଆଣ୍ଡିଚେସି ।

**୨**

**ସୁଦୁଜୀସୁ ରେଟା ଖାନାୟି**

<sup>୧</sup> ପେଡ଼ିକସ୍ତ\* ଦିନାତା କ୍ରୀସ୍ତଇଁ ନାମିତି ବାରେଜାଣା ର ଟାୟୁତା ରୁଣ୍ଡା ଆହାମାଚେରି । <sup>୨</sup> ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡ଼ା ଲାକପୁରୁଟି ଖାହାଁ, ଆମିନି ଇଲୁତା ଏଝାରି କୁଗାମାଚେରି, ଏ ଇଲୁତି ବାରେଖାକି ଖେଜିତେ । <sup>୩</sup> ଇଞ୍ଜା ହିରୁ ଗୁଦ୍‌ଝା ଲେହେଁ ତଞ୍ଜାଆହାନା ଏଝାରି ନକିତା ରଣ୍ଡି ରଣ୍ଡି ଆହୁଁ ଏ ବାରେଜାଣାଟି ଲାକ ରେଟାଝାଡ଼େ । <sup>୪</sup> ଏମ୍ବାଟିଏ ଏଝାରି ବାରେଜାଣା ସୁଦୁଜୀସୁ ବେଟାଆହାନା ଏ ଜୀସୁ ଏନିକିଁ ଜଲାଲି ବାଡ଼ୁୟୁ ହାଚେ, ଏଲେକିଁ ଏଝାରି ଏଟକା ଏଟକା ହାଡ଼ାତଲେ ଜଲାଲି ମାଟ୍‌ହେରି ।

\* ୧:୧୩ ୧:୧୩ ମାଡ଼ି ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬ \* ୧:୧୮ ୧:୧୮ ମାଡ଼ି ୨୭:୩-୮ \* ୧:୨୧ ୧:୨୧ ମାଡ଼ି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧ † ୧:୨୨ ୧:୨୨ ମୁଞ୍ଜନାୟି \* ୨:୧ ୨:୧ ପିସ୍‌ପିଆନ୍ତି ପାର୍ବୁତି ରା କଡ଼ି ଦସ ଦିନା

୫ ଏତିବେଳାତା ପେଡ଼ିକସ୍ତ୍ର ପାର୍ଶ୍ୱତାକି ହାଗୁ ଡ଼ଇତି ଏଟକା ଏଟକା ଦେସାତି ଖାହାମାତି ଜାହୁଦି ଲକୁ ଜିରୁସାଲମତା ଡ଼ୟା ମାଚେରି; ୬ ଅଡ଼େ, ଏ ହାଡ଼ା ଖେଞ୍ଜାଲିଏ, ହାଚେରକା ଲକୁ କୃତା ଆହାନା ବାରେଜାଣା ଜାହା ଜାହାରା ହାଡ଼ାତଲେ ଏଞ୍ଜାରି ଜଲିମାନାଣି ଖେଞ୍ଜାନା କାବା ଆହାହାଚେରି । ୭ ଇଞ୍ଜା ଏଞ୍ଜାରି ଆତାଜାକା ଅଡ଼େ କାବାଆହାନା ଏଲେଇଚେରି, “ମେହ୍‌ପୁ ଇ ଆମିନି ଲକୁ ହାଡ଼ା ଜଲିମାନେରି, ଏଞ୍ଜାରି ବାରେ ଗାଲିଲିତାରି ଆଏକି ? ୮ ଆତିହ୍, ମାର୍ ଏନିକ୍ ବାରେଜାଣା ଜାହା ଜାହାରା ଜାନା ଗାୟୁତି ହାଡ଼ାତଲେ ଜଲିମାନାଣି ଖେଞ୍ଜିମାନାୟି ? ୯ ପାତୟ, ମାଦିୟ, ଏଲାମିୟ, ଅଡ଼େ ମେସପଟାମିୟା, ଜାହୁଦା ଦେସା, କାପାଦକିୟା; ପନ୍ଥ ଅଡ଼େ ଆସିୟା, ୧୦ ପୁଗୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ଡ଼ଇନି ଲିବିୟା ନାସ୍କାଣା ବାସା କିନାରି, ଇଞ୍ଜା ରମ୍‌ଟି ଖାହାମାନି ଜାହୁଦି, ୧୧ ଅଡ଼େ ଏଟକା କୃତାତି ଲକୁ ଜାହୁଦି ଦାମ୍‌ଫୁତି ନାମାହାଁ ଡ଼ୟାମାନାରି; ଅଡ଼େ କ୍ରିତି ଇଞ୍ଜା ଆରବିୟ ଦେସାତି ଲକୁତାୟି ମାର୍, ମାର୍ ଜାହା ଜାହାରା ହାଡ଼ାତଲେ ମାହାପୁରୁତି କାଜା କାଜା କାମାତି କାତା ଜଲିମାନାଣି ଖେଞ୍ଜିମାନାୟି ।” ୧୨ ଅଡ଼େ ବାରେଜାଣା ଆତାଜାକା ଅଡ଼େ କାବାଆହାନା ତାମ୍‌ଗୁ ତାମ୍‌ଗୁ ହାଡ଼ାକାତା ଆଡ଼େରି, “ଇଦାଣି ଅର୍ତ୍ତ ଏନାୟି ?”

୧୩ ସାମା ଏଟକାତାରି ଲାଜାକିହ୍ ଏଲେଇଚେରି, “ଇଞ୍ଜାରି ପୁଃନି ଡ଼ାକ୍‌ହି ଅଜ୍ଜୁରି ରାସା ଗସାନା ହଚା ହାଜାମାନେରି ।”

**ପିତର କାରୁ ଖେକ୍‌ନାୟି**

୧୪ ସାମା ପିତର ଏଗାର ଜାଣା ସୀସୁୟା ତଲେ ନିଚାନା କାଜା ଗିୟାତଲେ ଏଲେଇଚେସି, “ଜାହୁଦି ତାୟିୟା ଅଡ଼େ ଜିରୁସାଲମତା ବାସା କିହିମାନାଚେରି, ମୀରୁ ନା କାତାତି ଖେଞ୍ଜାଡୁ ଅଡ଼େ ଇଦାଆଁ ପୁଞ୍ଜୁ । ୧୫ ଇତିହ୍ ମୀରୁ ଏନିକ୍ ଅଣ୍‌ପିମାଞ୍ଜେରି, ଇଞ୍ଜାରି ଏଲେକିହ୍ ଅଜ୍ଜୁରି ରାସା ଗସାହାଁ ହଚା ହିଲଅରି; ଇଦି ଆଡ଼େ ଲାଜୁତି ନ ଗଂଟା ଆହାମାନେ । ୧୬ ସାମା ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଆମିନି ଜୟେଲ ତାଣାଟି ରାସ୍କି ଆହାମାନେ ଇଦି ଆହିମାନେ ଏଦି;

୧୭ ‘ମାହାପୁରୁ ଖେସିମାନେସି ରାନି ଦିନାତା ଇ ବାରେ ଗଟଞ୍ଜି ଆନେ, ନାନୁ ବାରେ ଲକୁତାକି ନା ଜୀଞ୍ଜୁ ପାଣ୍ଡାକ୍, ଏଚେଟିଏ ମୀ ମୀରକା ମାସ୍କା ମାହାପୁରୁ ଅଣ୍‌ପୁତି ବଲୁ ଖେହ୍‌ନେରି, ମୀ ଦାଂଗଣାୟାଁ କାବା ଆନାଣି ମେହ୍‌ନେରି, ଅଡ଼େ ମୀ ବୁଡ଼ହାୟାଁ ହାପାନା ହେଣ୍‌ନେରି ।

୧୮ ହାଅ, ଏ କାଲାତା ନା ହଲିୟାଜା ଇଞ୍ଜା ହଲେଣିସିକା ଲାକ, ନାନୁ ନା ଜୀଞ୍ଜୁତି ଏଞ୍ଜାରି ଲାକ ଖାକ୍‌କ୍, ଏଚେଟିଏ ଏଞ୍ଜାରି ମାହାପୁରୁ ଅଣ୍‌ପୁତି ବଲୁ ଖେହ୍‌ନେରି ।

୧୯ ନାନୁ ହାଗୁ ଲାକ କାବାଆନି କାମା; ଅଡ଼େ ଡ଼ଇ ଦାରତିତା କାବାଆନି ସିନାୟାଁ, ଏମ୍‌ଆଁ ନେଚେରି, ହିରୁ ଇଞ୍ଜା ହାଚେରକା ବୟ୍‌ ଡ଼ହ୍‌କ୍;

୨୦ ପ୍ରବୁତି କାଜା ଗାଞ୍ଜୁରମି ଦିନା ଖାନ୍ତି ନକେଏ, ଖେଡ଼ା ଆନ୍ଦେରି ଆନେ, ଅଡ଼େ ଲେଞ୍ଜୁ ନେଚେରିଲେହେଁ ଆନେ ।

୨୧ ଅଡ଼େ ଇଲେକିହ୍ ଆନେ, ଆମ୍‌ଆସି ପ୍ରବୁ ଦରୁ ଆସାନା ପ୍ରାତାନା କିନେସି, ଏଞ୍ଜାସି ଗେଲ୍‌ପି ଆନେସି ।”

୨୨ “ଇସ୍ରାୟେଲ ଲକୁଚେରି, ଇ ବାରେ କାତା ଖେଞ୍ଜୁ ! ନାଜରିତ ଜୀସୁ ହାଚେରକା ବାଡ଼ୟୁତି କାମା, କାବାଆନି କାମା ଇଞ୍ଜା ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡୁଞ୍ଜି ଆଡ଼ାସି ଇଞ୍ଜୁ ପାରମାଣା ଆହାମାନେସି, ଏଞ୍ଜାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହିମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୩ ଏ ଜୀସୁ ମାହାପୁରୁ କିହିମାନି ଅଣ୍‌ପୁ ଅଡ଼େ ତଲିତି କାତାତଲେ ହେରପି ଆହାଲିଏ, ମୀରୁ ଏଞ୍ଜାଣାକ୍ ପାପୁ ଗାଟାରି କେୟୁଟି ପାସି ମୁଣ୍ଡାତା ଏକ୍‌ହାନା ପାୟାମାଚେରି । ୨୪ ସାମା ମାହାପୁରୁ ଏଞ୍ଜାଣାକ୍ ହାକିତି ବାଡ଼ୟୁଟି ଗେଲ୍‌ପାନା ନୀଟ୍‌ହା ମାଚେସି, ଇତିହ୍ ଏଞ୍ଜାସି ହାକିତା ଦସ୍‌ପି ଆହା ଡ଼ୟିନେସି ଏଦି ଆହାଲି ଆଡ଼େଏ ।”

୨୫ ଦାଞ୍ଜୁଦ ଏ କାତାତି ଖେସାମାନେସି, “ନାନୁ ବାରେବେଲା ନା ନକିତା ପ୍ରବୁକ୍ ମେସିମାଚେଏ; ଇତିହ୍ ନାନୁ ଏନିକ୍ କିଲିବିଲି ଆଅଁ, ଏଦାଆଁତାକି ଏଞ୍ଜାସି ନା ଚିଃନି ଚଟତା ମାନେସି ।

୨୬ ଏଦାଆଁତାକି ନା ହିୟାଁ ରାହାଁ ଅଡ଼େ ନା ଖେନ୍‌ରି ରାହାଁ ଆଡ଼େ, ଅଡ଼େ ନା ଆଜା ଜିକେଏ ବାସ୍‌ ତଲେ ବାସା କିନେ,

୨୭ ଇତିହ୍ ନାନୁ ନା ଜୀଞ୍ଜୁତି ହାକିପୁରୁତା ପିହ୍‌ଅତି; ଅଡ଼େ ନୀ ନାମୁ ଅଡ଼େ ସୁଦୁ ଗାଟାଣାକ୍ ମାହ୍‌ଣି ମାଣ୍ଡାତା ସୀରହାଲି ହାଅତି ।

୨୮ ନାନୁ ନାଜେ ଜୀଞ୍ଜୁତି ଜିରୁ ତସାମାଞ୍ଜାଦି, ଅଡ଼େ ନାନୁ ନାଜେ ନୀ ନକିତା ରାହାଁତା ନେଞ୍ଜିକିୟାଦି ।”

୨୯ “ଇସ୍ରାୟେଲତି ତାୟିୟାଁ ଅଡ଼େ ତାଜିସ୍‌ତାଚେରି, ମା ଆକୁ ଦାଞ୍ଜୁଦତି କାତା ନାନୁ ମିଜେ କାଜା

☆ ୨:୨୩ ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮ ☆ ୨:୨୪ ୨:୨୪ ମାତି ୨୮:୫,୬; ମାର୍କ ୧୭:୬; ଲୁକ ୨୪:୫



ହାତାତଲେ ଝେସାଲି ଆଡାଲ୍, ଇଚିହ୍ ଏଝାସି ହାଡେସି ଇଞ୍ଜା ମୁସପି ଆଡେସି, ଇଞ୍ଜା ଏଝାଣି ମାହଣି ମାଣ୍ଡା ନୀର୍ବ ପାତେକା ଇମ୍ପାଆଁ ମା ବିତ୍ତା ମାନେ । ୩୦ ରାଜା ଦାଝୁଦ ର ମାହାପୁରୁ ଅଣପୁତି ବଲୁ ଝେହ୍ନାସି ଲେହେ, ତାନି ନେତେରି ତଲେ ଜାନି ଆଡାଣାଲ୍ ମାହାପୁରୁ ତାନି ସିଂଗାସାଣିତା କୁରିକିହାଲି ତାନି ତାଣା ଆଞ୍ଜାମାଚେସି ଇଞ୍ଜା ପୁଞ୍ଜାମାଚେସି । ୩୧ ଦାଝୁଦ ଇଦାଆଁ ପୁଞ୍ଜାମାଚାକି, କ୍ରୀସ୍ତତି ଝେଣ୍ଡେ ନିଜିନି କାତା ଝେସାମାଚେସି ।”

“ଇଚିହ୍ ଏଝାସି ହାଡାରି ତାଣା ଡୟାଆତେସି; ଇଞ୍ଜା ଏଝାଣି ଆଜ୍ଞା ମାହଣି ମାଣ୍ଡାତା ସୀରୁଆତେ ।”

୩୨ ମାହାପୁରୁ ଇ ଜୀସୁଇଁ ଅଡେ ଝେଣ୍ଡେ ହାକିଟି ନିକହାମାନେସି ଇଦାଣି ତାକି ମାମୁ ବାରେ ସାକି । ୩୩ ଏଦାଆଁତାକି ଆବା ମାହାପୁରୁ ଜୀସୁଇଁ କାଜାସି କିହାନା ତାନି ଚିଃନିଝାକି କୁରିକିହାନା ତାନିତଲେ ସାଲୁଝି କିହାଲି ହାଡେସି, ଇଞ୍ଜା ଏଝାସି ମାଜେ ଆଞ୍ଜାମାଚି ସୁଦୁଜୀଝୁ ହିୟାଡେସି, ଇଦି ମୀରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜା ଝେଞ୍ଜିମାଞ୍ଜେରି । ୩୪ ଇଚିହ୍ ଦାଝୁଦ ଲାକପୁରୁ ହାଜାହିଲାଆତେସି; ଏଝାସି ତାନୁଏ ଝେସାମାଚେସି, “ପ୍ରବୁ ନା ପ୍ରବୁଇଁ ଏଲେଇଚେସି;

୩୫ ନାନୁ ନୀ ସାଡୁୟାଣି ନୀ କଡାୟା ଡଇ ଇଟାଆ ପାତେକା, ନାନୁ ନା ଚିଃନିଝାକି କୁଗାମାନାମୁ ।”

୩୬ “ଇଦାଆଁତାକି ବାରେ ଇସ୍ରାୟେଲତି ଲକୁ ସାତେଏ ପୁନାପେରି, ଇଚିହ୍ ଆମିନି ଜୀସୁଇଁ କୁସତା ପାୟିତେରି, ସାତେଏ ଏଝାଣାଲ୍ ମାହାପୁରୁ, ପ୍ରବୁ ଅଡେ ମସିହା ପାଣା ହାଡେସି ।”

୩୭ ଇ କାତା ଝେଞ୍ଜାନା ଲକୁତି ହିୟାଁ ତାହାହାଚେ, ଇଞ୍ଜା ଏଝାରି ପିତର ଅଡେ ଏମ୍ପାଆଁ ମାଚି ପାଣ୍ଡୁଝି ଆଡାରାଲ୍ ଏଲେଇଚେରି, “ତାୟିୟାଁ ମାମୁ ଏଦାଆଁ କିନମି ?”

୩୮ ପିତର ଏଝାରାଲ୍ ଏଲେଇଚେସି, “ମୀରୁ ମୀ ହିୟାଁ ଝେଟ୍ଟହା କତାପୁ, ଅଡେ ଜାହାରା ପାପୁତି ମେକହାଲି ବାରେଜାଣା ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମାଁ ଅଦୁ; ଆଚିହ୍ ଦେଁ ମୀରୁ ସୁଦୁଜୀଝୁତି ଦାନା ବେଟାଆଦେରି । ୩୯ ଇଚିହ୍ ମାହାପୁରୁ ଆଞ୍ଜାମାନାୟି ମିଜେତାକି, ଇଞ୍ଜା ମୀ ମୀରକା ମାସ୍କା ତାକି, ଅଡେ ହେକତି ଏଚେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଚିନେସି, ଏ ବାରେ ଲକୁତାକି ଆଚେ ।”

୪୦ ଅଡେ ପିତର ଏଝାରାଲ୍ ହାରେକା କାତାତଲେ ବାତିମାଲିହ୍ ଅଡେ ଏଝାରାଲ୍ ଜାପୁନି ହାଡା ଝେସିହ୍ ସାକି ହାଡେସି, “ଇ କୁଟୁଗାଟି କୁଡାତି ଲକୁଟିଏ ମୀରୁ ଗେଲ୍ପି ଆଦୁ ।” ୪୧ ହାରେକା ଲକୁ

ଏଝାଣି ହାଡା ନାମିତେରି ଇଞ୍ଜା ବାପ୍ତିସ୍ମାଁ ଅଡେରି, ଅଡେ ଏ ଦିନା ବାରେ ତାନି ମାଣା ଲକୁ କୁଲମି ତଲେ ଆଣ୍ଡିତେରି । ୪୨ ଏ ଦିନାଟିଏ ଏଝାରି ପାଣ୍ଡୁଝି ଆଡାରି ଜାପୁନି ତାଣା, ଏଝାରିତଲେ ଆଣ୍ଡାନା ରୁଟି ଡିକହାଲି, ପ୍ରାଡାନା କିହାଲି ଆଣ୍ଡିଆହାଁ ଡୟିତେରି ।

**ନାମୁଗାଟାରି ମାଣକି**

୪୩ ପାଣ୍ଡୁଝି ଆଡାରି ତାଣାଟି ହାରେ ହାରେକା କାବାଆନି କାମା ଇଞ୍ଜା ସିନାୟାଁ ତଞ୍ଜାଆହାଲି ମାଟ୍ଟହେ; ଅଡେ, ଲକୁ ବାରେ ଆଜାଲି ମାଟ୍ଟହେରି । ୪୪ ସାମା ବାରେ ନାମିତାରି, ଏଝାରି ବାରେଜାଣା ରଣ୍ଡିଏ ତାଣା ଡୟାନା ବାରେ ଦନତି ବାରେତାୟି ଇଞ୍ଜା ଅଣ୍ପିତେରି, ୪୫ ଅଡେ ଏଝାରି ଜାହାରା ଦନତି ଆସ୍ତି ମାଚାଣି ପାରୁଚାନା, ଆମ୍ପାଆରାକି ଏନାୟି ଲଡାମାନେ, ଏଲେକିହ୍ ବାରେତାକି ବାଟିକିହାଁ ହାହାଲି ମାଟ୍ଟହେରି । ୪୬ ଅଡେ, ଏଝାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାଡାନା ଇଲୁତା ରୁଣ୍ଡା ଆହାନା ଡୟିମାଚେରି, ଇଞ୍ଜା ଇଲୁତାକି ଇଲୁ ରୁଟି ଡିକହ୍ ରାହାଁ ଅଡେ ହିଡଡି ହିୟାଁ ତଲେ ଡିଞ୍ଜି ଉଣ୍ଡିହ୍, ୪୭ ମାହାପୁରୁତି ଜହରା କିହିମାଚେରି ଇଞ୍ଜା ବାରେ ଲକୁତି ଜୀଝୁ ନନାରି ଆହିମାଚେରି । ଅଡେ ପ୍ରବୁ ତାଣା ଗେଲ୍ପି ଆହିମାନି ଲକୁଣି ବାରେଦିନା କୁଲମି ତଲେ କାଲହାଲି ମାଟ୍ଟହେରି ।

**୩**

**ପିତର ସଟାଲ୍ ନେହ୍ କିନାୟି**

୧ ପିତର ଅଡେ ଜହନ ର ଦିନା ପ୍ରାଡାନା କିନି କାରୁତା ଇଚିହ୍ ତାନି ଗଟା ବେଲାତା ପ୍ରାଡାନା ଇଲୁତା ହାଜିମାଚେରି । ୨ ଏଚିବେଲାତା ଜାନାଟିଏ ସଟା ରଅସି ଡେକି କିଝି ଆହାଁ “ଅଜିତି” ଦରୁଗାଟି ଦୁଝେରିତା ଇଟ୍ଝି ଆହିମାଚେସି; ଇଞ୍ଜା ଏଝାସି ପ୍ରାଡାନା ଇଲୁତା ଝାନ୍ତି ଲକୁଣି ରାସିମାଚେସି । ୩ ଅଡେ ଏଝାସି ପିତର ଇଞ୍ଜା ଜହନଇଁ ପ୍ରାଡାନା ଇଲୁ ବିତ୍ତା ହାଜିମାନାଣି ମେସାନା ଏଝାରାଲ୍ ରାସାଲି ମାଟ୍ଟହେସି । ୪ ପିତର ଅଡେ ଜହନ ଏଝାଣାଲ୍ ଆଚେ ସିନିକିତେରି, ଇଞ୍ଜା ପିତର ଏଲେଇଚେସି “ମା ଝାକି ସିନିକିୟାମୁ ।” ୫ ଏମ୍ପାଟିଏ ଏଝାସି ଏଝାରି ତାଣାଟି ଇଟାଣି ବେଟାଆହାଲି ଏଝାରି ଝାକି ସିନିକିତେସି । ୬ ସାମା ପିତର ଏଲେଇଚେସି, “ନା ତାଣା ବାଂଗାରା କି ଝେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଲ୍; ନାଜିରିତ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଲ୍ ନିଜାମା ତାକାମୁ !” ୭ ଅଡେ, ଏଝାସି ଏଝାଣି ଚିଃନି କେୟୁ ଆସାନା ଏଝାଣାଲ୍ ନିକହେସି, ଏଚେଟିଏ ଏ ଦେବୁଣିଏ ଏଝାଣି କଡାୟାଁତି ହାନ୍ଦୁଲିକା ବାଡୁୟୁ ଆଦୁ; ୮ ଏଝାସି ଡେଝ୍ ଡେଝ୍ ତାନି କତାତଲେ ନିଡେସି, ଅଡେ ତାକାଲି ମାଟ୍ଟହେସି । ଏଚେଟିଏ

† ୨:୩୮ ୨:୩୮ ମୁଞ୍ଜିନାୟି ‡ ୨:୪୧ ୨:୪୧ ମୁଞ୍ଜିନାୟି ✱ ୨:୪୪ ୨:୪୪ କାମା ୪:୩୨-୩୫

ଏଞ୍ଜେଲ୍ ଏଞ୍ଜେଲ୍‌ରେ ପ୍ରାଚୀନ ଇଲୁଡା ତାକହ୍ ଅଡେ ଡେଞ୍ଜିହ୍ ଇଞ୍ଜା ମାହାପୁରୁଇଁ ଗାଞ୍ଜୁରମି କିହ୍ ହାରେସି । ୯ ଏମ୍‌ଆଁ ମାନି ଲକୁ ବାରେ ଏଞ୍ଜେଲ୍ ତାକିନାଣି ଅଡେ ମାହାପୁରୁତି ଗାଞ୍ଜୁରମି କିହିମାନାଣି ମେସ୍ତେରି; ୧୦ ଅଡେ ଆମିନିଗାଟାସି ପ୍ରାଚୀନ ଇଲୁଡା ଅଜିତି ଦୁଞ୍ଜେରିତା କୁଗାନା ରାସିମାରେସି, ଏଞ୍ଜେଲ୍ ଇଞ୍ଜେଲ୍ ଇଞ୍ଜେଲ୍ ପୁରେରି, ଏଞ୍ଜେଲ୍ ଏମ୍‌ଆଁ କିଞ୍ଜି ଆହାମାରେ ଏମ୍‌ଆଁ ମେସାନା ଆଡାଜାକା ଆହାନା କାବା ଆଡେତି ।

**ପ୍ରାଚୀନ ଇଲୁଡା ପିତର ଡେଞ୍ଜନାୟି**

୧୧ ଏଞ୍ଜେଲ୍ ପିତର ଇଞ୍ଜା ଜହନ ତଲେ ସଲମନତି ପିଶ୍ଟାତା ମାନାଣି ମେସାନା, ବାରେ ଲକୁ ଆଡାଜାକା ଆହାନା ଏଞ୍ଜେଲ୍ ତାଗେ ହଟାଡେରି । ୧୨ ପିତର ଏଞ୍ଜେଲ୍ ମେସାନା ଏଲେଇଡେସି, “ଇସାୟେଲ ଲକୁଡେରି, ମୀରୁ ଏମ୍‌ଆଁତାକି ଆଡାଜାକା ଆହିମାଞ୍ଜେରି ? ମାମ୍‌ମୁ ମା ବାଡ଼ୁୟୁ କି ମାହାପୁରୁ ଆଜିତଲେ ଇଞ୍ଜେଲ୍ ତାକାଲି ବାଡ଼ୁୟୁ ହାହାମାନମି, ଏମ୍‌ଆଁ ଅଣ୍‌ପାନା ମାଞ୍ଜେ ରଣ୍ଡିଏ ଅଣ୍‌ପୁ ତଲେ ଏମ୍‌ଆଁତାକି ସିନିକିହିମାଞ୍ଜାଡେରି ? ୧୩ ଅବ୍ରାହାମ, ଇସାହାକ ଅଡେ ଜାକୁବତି ମାହାପୁରୁ, ମା ଆକୁ ଆବାୟାତି ମାହାପୁରୁ, ତାନି ହଲେଏସି ଜାସୁଇଁ ମାହାପୁରୁତି ଗାଞ୍ଜୁରମି ହାହାମାନେସି । ସାମା ଜାସୁଇଁ ମୀରୁଏ ସାଲଞ୍ଜି କିନାରି କେୟୁତା ହେରପିଡେରି, ଏତିବେଲା ପିଲାତ ଜାସୁଇଁ ପିସାଲି ଅଣ୍‌ପା ମାଟିହ୍ ଜିକେଏ, ଏଞ୍ଜେଲ୍ ମୀରୁ ପିଲାତ ନକିତା ଅପାଆଡେରି । ୧୪ ଏଞ୍ଜେଲ୍ ସୁଦୁ ଅଡେ ଦାମ୍‌ଗାଟାସି ମାରେସି, ସାମା ମୀରୁ ଏଞ୍ଜେଲ୍ ଅପାଆଡେରି, ଅଡେ ଏଞ୍ଜେଲ୍ ଟାୟୁତା ର ଲକୁଣି ପାୟିନାଣାକି ପିସାଲି ପିଲାତଇଁ ବାଡିମାଲିଡେରି, ୧୫ ଆମ୍‌ଆସି ଜାଞ୍ଜୁତି ଜିରୁ ତହ୍‌ନାସି ଏଞ୍ଜେଲ୍ ମୀରୁ ପାୟିଡେରି; ଏଞ୍ଜେଲ୍ ମାହାପୁରୁ ହାଡାରି ତାଣ୍ଡାଟି ନିକହାମାନେସି, ମାମ୍‌ମୁ ଇଦାଣି ସାକି । ୧୬ ଏଞ୍ଜେଲ୍ ଦରୁତି ବାଡ଼ୁୟୁ ଇ ସଗାଇଁ ନେହ୍ କିହାମାନେ, ମୀରୁ ଏମ୍‌ଆଁ ମେସାନା ସାତା ଇଞ୍ଜେଲ୍ ପୁଞ୍ଜାମାଞ୍ଜେରି, ଏଞ୍ଜେଲ୍ ଦରୁତଲେ ନାମିତାକି ଆହାମାନେ । ଜାସୁଇଁ ନାମିତାକି ଏଞ୍ଜେଲ୍ ନେହ୍ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।”

୧୭ “ଅଡେ ନାଏଁ ଇସାୟେଲତି ତାୟିୟାଁ ଅଡେ ତାଜିସ୍ତାଡେରି, ମୀ କାଜାରି ଏନିକ୍, ମୀରୁ ଜିକେଏ ଏଲେକ୍ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜେଲ୍ ନାମ୍‌ ପୁଞ୍ଜାମାଇଁ । ୧୮ ତଲି କାଲାଟିଏ ମାହାପୁରୁ ଅଣ୍‌ପୁତି ବଲୁ ଡେହ୍‌ନାରି ତାଣ୍ଡାଟି ମାହାପୁରୁ ଡେସାମାରେସି ମସିହାତି ଦୁକୁ ପାଣ୍ଡନାୟି ମାନେ; ଏ ବାରେ ଏଞ୍ଜେଲ୍ ଇଲେକ୍ ପୁରା କିହାମାନେସି । ୧୯ ଇଡିହ୍, ଏନିକ୍ ମୀ

ପାପୁ ମେଣ୍ଡିନେ, ଏମ୍‌ଆଁତାକି ମନ୍ ଡେହ୍‌ହାନା ମାହାପୁରୁ ତାଣ୍ଡା ଡେଣ୍ଡା ଡାଦୁ, ୨୦ ପ୍ରୁ ତାଣ୍ଡାଟି ମୀରୁ ଜାଞ୍ଜୁତି ବାଡ଼ୁୟୁ ବେଟାଆଡେରି, ମାହାପୁରୁ ମିଞ୍ଜେତାକି ତଲିଏ ଆଡାମାନି ମସିହା ଜାସୁଇଁ ପାଣ୍ଡାନେସି । ୨୧ ବାରେ କାତାତି ଡେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣ୍‌ପୁତି ବଲୁ ଡେହ୍‌ନାରି ତାଣ୍ଡାଟି ଡେକହା ମାରେସି, ଏ କାଲା ଡାଆ ପାଡେକା ଏଞ୍ଜେଲ୍ ସାଡେଏ ଲାକପୁରୁ ହାଜାଲି ଆଡେ । ୨୨ ମସା ଡେସାମାରେସି, ‘ପ୍ରୁ ମାହାପୁରୁ ମୀ ତାୟିୟାଁ ବିଡ୍ରାଟି ମିଞ୍ଜେତାକି ନା ଲେହେକି ର ମାହାପୁରୁ ଅଣ୍‌ପୁତି ବଲୁ ଡେହ୍‌ନାଣାକି ନିକ୍‌ନେସି; ଏମ୍‌ ଏମ୍‌ଆଁ ମିଞ୍ଜେ ଡେସ୍ତାନେସି, ଏ ବାରେ ମୀରୁ ଏଞ୍ଜେଲ୍ କାତା ଡେଞ୍ଜେରି । ୨୩ ଆମିନିଗାଟାସି ମାହାପୁରୁ ଅଣ୍‌ପୁତି ବଲୁ ଡେହ୍‌ନାରି କାତା ନାମଅରି ଏଞ୍ଜେଲ୍ ମାହାପୁରୁତି ଲକୁ ତାଣ୍ଡାଟି ଏଡକା କିଞ୍ଜିଆଡେରି ଅଡେ ନାସା କିଞ୍ଜିଆଡେରି ।’ ୨୪ ସାମ୍‌ୟେଲ ଇଞ୍ଜା ତାନି ତାୟୁତି ଏତରଜାଣା ମାହାପୁରୁ ଅଣ୍‌ପୁତି ବଲୁ ଡେହ୍‌ନାରି ଡେସାମାନେରି, ଏଞ୍ଜେଲ୍ ବାରେ ଇ କାଲାତା ଆହିମାନି କାତା ଡେସାମାନେରି । ୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣ୍‌ପୁତି ବଲୁ ଡେହ୍‌ନାରି ତାଣ୍ଡାଟି ମିଞ୍ଜେତାକି ନେହେଁ, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଞ୍ଜେରି । ଏନିକ୍ ଏଞ୍ଜେଲ୍ ଅବ୍ରାହାମଇଁ ଏଲେଇଡେସି, ‘ନାମ୍‌ ମୀ କୁଡାଟି ବାରେ ଦାରୁଡି ଲକୁକି ବରୁ ହାଇଁ ।’ ୨୬ ମାହାପୁରୁ ତଲିଏ ତାନି ହଲେଏଣାକି ମିଞ୍ଜେତାକି ବାଡି କିହାନା ପାଣ୍ଡାଡେସି, ଏନିକ୍ ଏଞ୍ଜେଲ୍ ମୀ ବାରେଜାଣା ତେରି ମିଞ୍ଜେ ଲାଗେଏ ଜିରୁତି ଡେହ୍‌ହାନା ବର ହିୟାନେସି ।”

**୪**

**ପିତର ଅଡେ ଜହନ ବେରଣିମାଣ୍ଡାତା**

୧ ପିତର ଅଡେ ଜହନ ଲକୁ ନକିତା ଡେସିମାଟି ବେଲାତା ପୁଜେରାଜା, ମାହାପୁରୁ ଇଲୁଡା କାଜାରି ଇଞ୍ଜା ସାଦୁକିୟାଁ ଏଞ୍ଜେଲ୍ ନକିତା ଡାଡେରି । ୨ ଏଞ୍ଜେଲ୍ କପା ଆହିମାରେରି, ଇଡିହ୍ ପାଣ୍ଡୁଡି ଆହାମାନାରି ଲକୁଣି ଜାପୁହି ମାରେରି, ଇଞ୍ଜା ଜାସୁତି କାତା ଆସାନା ହାଡାରି ବିଡ୍ରାଟି ଡେଣ୍ଡେ ନିଞ୍ଜିତି କାତା ଡେକହି ମାରେରି । ୩ ଏତିବେଲା ମିଡ଼ଅଲା ଆହିମାରେ, ଏମ୍‌ଆଁତାକି ଏଞ୍ଜେଲ୍ ସାସୁୟାଣି ଦସ୍‌ପାନା ଅର ନେରୁ ପାଡେକା କାୟିଦି ଇଲୁଡା ଇଡିଡେରି । ୪ ସାମା ଏଡେକା ଲକୁ ବଲୁ ଡେହ୍‌ନାରି ନାମିଡେରି, ଇଞ୍ଜା ଡାଡ଼ଇ ଆବାୟାଁ ପାସାମାଣା ଆଡେରି ।

\* ୩:୧୪ ୩:୧୪ ମାତି ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

୫ ତାନି ଅର ଦିନା ଜୀହ୍ୱଦିକ୍ଷାତି କାଜାରି, ଇଞ୍ଜା ପ୍ରାଚିନାକ୍ଷା, ଜାପ୍ନାରି ଅଡ଼େ ମୋରାପୁନାରି ଜିରୁସାଲମତା କୃତ୍ତା ଆଡ଼େରି । ୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକ୍‌ଜାଣ୍ଡାରତି କାଜା ପୂଜେରାକ୍ଷା କୃତ୍ତାତି ବାରେ ଲକୁ କୃତ୍ତା ଆଡ଼େରି । ୭ ଏଞ୍ଜାରି ପାଣ୍ଡୁଞ୍ଜି ଆଡ଼ାରାଇ ମାଦିଏ ନିପହାନା ଖେଚେରି, “ଏନିକିହିଁ କିତେରି ? ଏନି ବାଡ଼ୟ୍ ଇଞ୍ଜା ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି ?”

୮ ଏମ୍ବାଟିଏ ପିତର ସୁଦୁଜୀଞ୍ଜୁତା ନେଞ୍ଜାନା ଏଞ୍ଜାରାଇ ଏଲେଇଚେସି, “ଲକୁତି କାଜାତେରି ଇଞ୍ଜା ପ୍ରାଚିନାକ୍ଷାତେରି, ୯ ନୀଞ୍ଜୁ ମାମ୍ବୁ ସପାକି କିହାମାନି ନେହିଁ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଞ୍ଜାସି ଏନିକିହିଁ ନେହିଁ ଆଡ଼େସି ଇଞ୍ଜା ପୁଞ୍ଜାଲି ଅଣ୍ଡପିମାଞ୍ଜେରି, ୧୦ ଆତିହିଁ ମୀରୁ ବାରେଜାଣା ତେରି ପୁନିକାତା, ଇସ୍ରାୟେଲତି ବାରେ ଲକୁ ପୁନାୟିମାନେ, ଆମିନି ନାକ୍‌ରିତ ଜୀସୁ କ୍ରୀସ୍ତାଇଁ ମୀରୁ କ୍ରସତା ପାୟିତେରି, ଆମ୍ବାଆରାଇଁ ମାହାପୁରୁ ହାକ୍‌ଟି ନିକ୍‌ହାମାନେସି ଏ ଜୀସୁ ଦରୁଟି ଇ ମାଣ୍ଡସି ନେହିଁ ଆହାନା ମୀ ନକିତା ନିଚାମାନେସି ।” ୧୧ ଜୀସୁ ରଅସିଏ, ଦାମ୍‌ସି ସାସ୍ତେରି ଖେସିମାଞ୍ଜାନେ, “ଇଲୁ କେପିନାତେରି ମୀରୁ, ମୀ ତାଣାଟି ଆମିନି ଖାଲି ଲାଗେଏତାୟି ଆହାମାଚେ, ସାମା ଆମିନାୟି କନତି କାଜା ଖାଲି ଆଡ଼େ, ଏଞ୍ଜାସି ଏ ଖାଲି ।”

୧୨ ଏଞ୍ଜାଣି ପିସପେ ଅଡ଼େ ଆମ୍ବାଆରି ତାଣା ଗେଲ୍‌ପିନାୟି ହିଲେଏ; ଇତିହିଁ ଆମ୍ବାଆରି ତାଣାଟି ମାର ଗେଲ୍‌ପି ଆନାୟି ଆନେ, ହାଗୁ ଡ଼ଇ ମାଣ୍ଡସିୟା ବିତ୍ତା ଏନି ଦରୁ ହାପ୍‌କି ଆହା ହିଲେଏ ।

୧୩ ଏଞ୍ଜାରି ପିତର ଅଡ଼େ ଜହନତି ସାସା ମେସାନା ଇଞ୍ଜା ଏଞ୍ଜାରି ଏନାଆଁ ପୁନାଆତାରି ଅଡ଼େ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜା ଏଞ୍ଜାରି ଜୀସୁତଲେ ମାଚେରି ଇଞ୍ଜା ପୁଚେରି, ୧୪ ସାମା ଏ ନେହିଁ ଆହାମାଚାସି ଜହନ ଇଞ୍ଜା ପିତର ତଲେ ନିଚାମାଚାଣି ମେସାନା ଏଞ୍ଜାରି କପାଟି ଏନାଆଁ ଜଲ୍‌ଲି ଆଡ଼ାଆତେରି । ୧୫ ତାୟ୍ ଏଞ୍ଜାରାଇଁ ବେରଣି ମାଣ୍ଡାଟି ହଚା ହାଜାଲି ହୁକୁମି ହାହାନା ଏଞ୍ଜାରି ତାମ୍ବୁ ତାମ୍ବୁ ଖେସପି ଆଡ଼େରି ୧୬ “ଇ ଲକୁଣି ଏନାଆଁ କିନାୟି ?” ଏଞ୍ଜାରି ଏଲେଇଚେରି, “ଇତିହିଁ ଇଞ୍ଜାରି ତାଣାଟି କାବାଆନି କାମା କିଞ୍ଜିଆହାମାନେ, ଇଦି ଜିରୁସାଲମତି ବାରେଜାଣା ନକିତା ତଞ୍ଜା ଆହାମାନେ, ଇଞ୍ଜା ମାର ଏଦାଆଁ ଆଏ ଇଞ୍ଜାଲି ଆଡ଼ାଆୟି; ୧୭ ସାମା ଇ କାତା ଲକୁତାଣା ଏନିକିଁ ଗାଡ଼ି ଖେଞ୍ଜେଏ, ଏଦାଆଁତାକି ଏଞ୍ଜାରାଇଁ ଜୀସୁ ଦରୁ ଏତେଲା ଆମ୍ବାଆରି ନକିତା ଆସାଲି ଏଞ୍ଜାରାଇଁ କାହିକିନାୟି ମାନେ ।”

୧୮ ତାୟ୍ ଏଞ୍ଜାରି ଜହନ ଅଡ଼େ ପିତରଇଁ ହାଚାନା ଜୀସୁତି ଦରୁ ଖେହ୍‌ଆଦୁ କି ଜାପ୍‌ଆଦୁ ଇଞ୍ଜା ହୁକୁମି ହୀତେରି । ୧୯ ସାମା ପିତର ଅଡ଼େ ଜହନ ଏଞ୍ଜାରାଇଁ ଏଲେଇଚେରି, “ମାହାପୁରୁ କାତା ଖେନିକିହିଁ ମୀ କାତା ଖେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍ଡପା କତାଦୁ । ୨୦ ଇତିହିଁ ମାମ୍ବୁ ଏନାଆଁ ମେସାମାନମି ଇଞ୍ଜା ଖେଞ୍ଜାମାନମି, ଏ ବାରେ ଖେହ୍‌ଆନା ଡ଼ୟାଲି ଆଡ଼ଅମି ।” ୨୧ ସାମା ଏ ବେରଣି ମାଣ୍ଡାତାରି ଏଞ୍ଜାରାଇଁ ଅଡ଼େ ହାରେକା ଆଜି କିହାନା ପିସ୍ତେରି, ଏଞ୍ଜାରାଇଁ ତଣ୍ଡ ହାହାଲି ଆଏ ଇଞ୍ଜା ଏଞ୍ଜାରି ପୁଚେରି, ଏନାଆଁତାକି ଇତିହିଁ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିତେରି । ୨୨ ଇତିହିଁ ଆମିନିଗାଟାଣି ତାଣା କାବାଆନି ନେହିଁ କାମା କିଞ୍ଜି ଆହାମାଚେ, ଏଞ୍ଜାସି ରୀ କଡ଼ି ବାସାଟିଏ ଲାକ ମାଚେସି ।

**ପାଣ୍ଡୁଞ୍ଜି ଆହାମାନାରି ବାଡ଼ୟ୍ ତାକି ପ୍ରାଡ଼ାନା**

୨୩ ପିତର ଅଡ଼େ ଜହନ ପିସପିଆଡ଼ି ଦେବୁଣିଏ ତାମି ତଣ୍ଡେସିକ୍ଷା ତାଣା ହାଚେରି ଇଞ୍ଜା କାଜା ପୂଜେରାକ୍ଷା ଅଡ଼େ ପ୍ରାଚିନାକ୍ଷା ଏନାଆଁ ଖେସାମାଚେରି, ଏ ବାରେ ଏଞ୍ଜାରାଇଁ ଖେସ୍ତେରି । ୨୪ ଏଞ୍ଜାରି ଏଦାଆଁ ଖେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାଡ଼ାନା କିହିଁ ଏଲେଇଚେରି, “ପ୍ରୁ ନୀନୁ ହାଗୁ, ଦାର୍‌ଡି, ସାମଦୁରି ଇଞ୍ଜା ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି ! ୨୫ ସୁଦୁଜୀଞ୍ଜୁ ତଲେ ନୀନୁ ମାଆକୁ ଦାଞ୍ଜୁଦ ନୀ ହଲେଏଣା ଗୁଡିଟି, ଇ କାତା ଖେସାମାଚି; ‘ଜୀହ୍ୱଦିଆଆତାରି ଏନାଆଁତାକି କାର୍‌ବି ଆଡ଼େରି; ଇଞ୍ଜା ଲକୁ ଏନାଆଁତାକି ଉଜେଏତାଣି ଅଣ୍ଡପିତେରି ?

୨୬ ପ୍ରୁ ଅଡ଼େ ତାନି ବର ବେଗାଆହାମାନି ମସିହା କପାଟି, ଦାର୍‌ଡିଟି ରାଜାୟାଁ ନିଜିତେରି, ଇଞ୍ଜା ସାଲ୍‌ଞ୍ଜି କିନାରି କୃତ୍ତା ଆଡ଼େରି ।”

୨୭ ଇତିହିଁ ନୀ ସୁଦୁଗାଟି ହଲେଏସି ଜୀସୁଇଁ ବର ହୀତି, ସାତେଏ ଏଞ୍ଜାଣି କପାଟି ହେରଦ ଅଡ଼େ ପଡ଼ିୟ ପିଲାତ ଇ ରିଆରି ଜୀହ୍ୱଦିଆଆତାରି ଅଡ଼େ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିତେରି, ୨୮ ମୀ ଅଣ୍ଡପୁ ତଲେ ଏନାୟି ବାରେ ଗଟଞ୍ଜି ଆନେ ଇଞ୍ଜା ତଲିଟିଏ କିଞ୍ଜି ଆହାମାଚେ, ଏଦାଆଁ କିହାଲି କୃତ୍ତା ଆଡ଼େରି । ୨୯ ଅଡ଼େ ନୀଏ, ଏ ପ୍ରୁ, ଏଞ୍ଜାରି ମାଞ୍ଜେ ଆଜି କିହିମାଞ୍ଜାନାଣି ସିନିକିୟାମ୍ବୁ; ଅଡ଼େ ନୀ ହଲିୟାକ୍ଷାଣି ହାଚେକା ସାସାତଲେ ନୀ ବଲୁ ଖେସାଲି ବାଡ଼ୟ୍ ହୀମ୍ବୁ, ୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହିଁ କିହାଲି ଅଡ଼େ ସିନାୟାଁ ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟ୍ ଦାସା ଡ଼ୟାମ୍ବୁ ।

୩୧ ଏଞ୍ଜରୀ ପ୍ରାଚୀନା ରାପୁହି ତାୟୁ, ଆମିନି ଟାୟୁତା ରୁଣ୍ଡା ଆହାମାଚେରି, ଏଦି ଖୀତିତେ । ଇଞ୍ଜା ବାରେଜାଣା ସୁଦୁଜୀଝୁ ତଲେ ନେଞ୍ଜାନା ବାଡ଼ୟୁ ତଲେ ମାହାପୁରୁତି ବଲୁ ଝେକହାଲି ମାଟ୍‌ହେରି ।

**ନାମୁଗାଟି ଦନ୍ତତି ସମାନା ବାଟା ବେଟାଆଡେରି**

୩୨ ✧ ନାମୁଗାଟି ଲକୁ ରଣ୍ଡିଏ ହିୟା ରଣ୍ଡିଏ ମନତଲେ ମାଚେରି; ଏଞ୍ଜରୀ ବିତ୍ରାଟି ଆମ୍ବାଆରି ଜିକେଏ ତାନି ଦନ୍ତତି ମାଦି ଇଞ୍ଜି ଅଣ୍ଡପି ହିଲାଆଡେରି, ସାମା ଏଞ୍ଜରୀଝାୟି ବାରେ ସମାନା ଇଞ୍ଜି ଅଣ୍ଡପିମାଚେରି । ୩୩ ପାଣ୍ଡୁଝି ଆହାମାନାରି ଗାଡି ବାଡ଼ୟୁ ତଲେ ପ୍ରବୁ ଜୀସୁତି ଝେଣ୍ଡେ ନିଜିତି କାତା ଝେସାଲି ମାଟ୍‌ହେରି, ଇଞ୍ଜା ବାରେତି ଲାକ ମାହାପୁରୁତି ହାରେକା କାର୍ମା ମାଚେ । ୩୪ ଇଚିହିଁ ଏଞ୍ଜରୀ ବିତ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଡେ, ଇଚିହିଁ ଏଚେକା ଲକୁତି ବୁମି ଇଞ୍ଜା ଇଲକା ମାରୁ ପାରୁତି ମାଚେରି ୩୫ ଅଡେ ପାଣ୍ଡୁଝି ଆଡାରି କଡ଼ା ଡ଼ଇକା ଏ ତାବୁୟା ହାହିମାଚେରି, ଅଡେ ବାରେ ଲକୁତାକି ତାନି ଲଡ଼ାମାନି ଲେହେଁ ଏ ତାବୁୟା ବାଟିକିଝି ଆହିମାଚେ ।

୩୬ କୁପ୍ର ଇନି ଟାୟୁତା ଜାର୍ନା ଆହାମାଟି ଲେବି କୁଡ଼ାତି ଜସେପ, ଆମିନାଣାଲ୍ ପାଣ୍ଡୁଝି ଆଡାରି ବର୍ନବା ଇଞ୍ଜି ମାଚେରି, ଇ ଦରୁ ଅର୍ତ୍ତ “ବାୟୁ ହାନାସି,” ୩୭ ଏଞ୍ଜାଣିଝାୟି ଇଚାୟି ବୁମି ମାଚେ, ଏଞ୍ଜାସି ଏଦାଆଁ ପାରଚାନା ଏମ୍ବାତି ଟାକାୟା ତାଚାନା ପାଣ୍ଡୁଝି ଆଡାରି କଡ଼ାୟା ଡ଼ଇ ଇଚିତେସି ।

**୫**

**ହନନିୟ ଅଡେ ସପିରା**

୧ ହନନିୟ ଦରୁଗାଟାସି ରଅସି ମାଚେସି, ଏଞ୍ଜାସି ତାନି ତକ୍ତି ସପିରା ତଲେ ଇଚାଣି ବୁମି ପାରୁତେସି । ୨ ହନନିୟ ତାନି ତକ୍ତି ତଲେ ଏ ଟାକାୟା ବିତ୍ରାଟି କଚେକା ଡ଼କୁହା ଇଚାନା କଚେକା ତାଚାନା ପାଣ୍ଡୁଝି ଆଡାରାକି ହାଚେସି । ୩ ପିତର ଏଞ୍ଜାଣାଲ୍ ଏଲେଇଚେସି, “ହନନିୟ, ସୁଦୁଜୀଝୁ ନକିତା ମିଚି ଜଲଲି ଇଞ୍ଜା ବୁମି ପାରଚାନା କଚେକା ଡ଼କୁହା ଇଚାଲି ସୟତାନ ଏନାଆଁତାକି ମୀ ହିୟାତି ଲକହାମାନେ ? ୪ ପାରୁନି ନକେଏ ଏଦି ନୀ ଅଦିକାରାତା ହିଲାଆଡେ କି ? ପାରୁତି ତାୟୁ ଜିକେଏ ଏମ୍ବାତି ଟାକାୟା ଜିକେଏ ନୀଝି ଆହାହିଲାଆଡୁ କି ? ଆଡିହିଁ ନୀନୁ ଏନିକିଁ ନୀ ହିୟାତା ଇ ଅଣ୍ଡପୁ ଅଣ୍ଡପିତି ? ଏଦାଆଁ ନୀନୁ ମାଣ୍ଡସି ନକିତା ମିଚି ଜଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିଚି ଜଲିମାଞ୍ଜି !” ୫ ହନନିୟ ଇ ହାଡ଼ା ଝେଣ୍ଡମ୍ବନିଏ ଡ଼ଇ ତରଗାନା ହାହାହାଚେସି; ଏମ୍ବାଆଁ ଏଚେକା ଲକୁ ଇ କାତା ଝେଚେରି, ଏଞ୍ଜାରି ବାରେ

ହାରେକା ଆଜିତେରି । ୬ ଅଡେ, ଦାଂଗଣାୟା ବିତ୍ରା ଝାହାନା ହିମ୍ବରି ପୁକ୍‌ହେରି ଇଞ୍ଜା ପାଙ୍ଗାତା ଅହାନା ମାହାଣି ମାଣ୍ଡାତା ମୁସ୍ତେରି ।

୭ ତାନି ଗଂଟା ତାୟୁ ତାନି ତକ୍ତି ଝାଡେ, ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲାଆଡେ । ୮ ପିତର ଏଦାନି ଝେଚେସି, “ନୀନୁ ଅଡେ ନୀ ତକ୍ତା ଇଚେକା ଟାକାୟାତାକି କି ମୀ ବୁମି ପାରୁତେରି ?” ଏଦି ଏଲେଇଚେ, “ହାଅ ଏଚେକା ତାକିଏ ।”

୯ ପିତର ଏଦାନି ଏଲେଇଚେସି, “ପ୍ରବୁତି ଜୀଝୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡେରି ? ମେହ୍‌ମୁ ଆମିନି ଗାଟାରି ନୀ ତକ୍ତାଲ୍ ମୁସାନା ଝାହିମାନେରି, ଏଞ୍ଜାରି ଦୁଝେରିତା ଝାଡେରିଏ, ଇଞ୍ଜା ଏଞ୍ଜାରି ନିଜେ ପାଙ୍ଗାତା ଡେକା ଅୟାନେରି ।” ୧୦ ଏ କାତା ଝେଣ୍ଡମ୍ବନିଏ ଏଦି ପିତର କଡ଼ା ଡ଼ଇ ତରଗାନା ହାହାହାଚେ, ଇଞ୍ଜା ଦାଂଗଣାୟା ବିତ୍ରା ଝାହାନା ହାହାମାନାଣି ମେସ୍ତେରି ଇଞ୍ଜା ପାଙ୍ଗାତା ଡେକା ଅହାନା ତାନି ତକ୍ତା ଗଟତା ମୁସ୍ତେରି । ୧୧ ଏମ୍ବାଟିଏ ବାରେ କୁଲମି ଇଞ୍ଜା ଏଚେକା ଲକୁ ଇ ବାରେ କାତା ଝେଚେରି, ଏଞ୍ଜାରି ବାରେ ହାରେକା ଆଜିତେରି ।

**କାବାଆନି ସିନାୟା**

୧୨ ପାଣ୍ଡୁଝି ଆଡାରି ତାଣାଟି ହାରେକା କାବାଆନି କାମାୟା ଅଡେ ସିନାୟା ଆହାଲି ମାଟ୍‌ହେ, ଇଞ୍ଜା ବାରେ ନାମିତାରି ରଣ୍ଡିଏ ଅଣ୍ଡପୁ ତଲେ ସଲମନତି ପିଣ୍ଡାତା କୁଡ଼ା ଆହିମାଚେରି, ୧୩ ସାମା ଏଟକାତି ଲକୁ ଆମ୍ବାଆରି ଏଞ୍ଜାରିତଲେ କୁଡ଼ାଲି ସାସା କିହିହିଲାଆଡେରି; ଆଡିଜିକେଏ ଲକୁ ଏଞ୍ଜାରି ଗାଝୁରମି କିହିମାଚେରି, ୧୪ ଇଞ୍ଜା, ହାରେ ହାରେକା ଇୟାସିକା ଅଡେ ଆବାୟା ନାମାହାଁ ପ୍ରବୁ ତାଣା କୁଡ଼ାଲି ଆଣ୍ଡିତେରି, ୧୫ ପାଣ୍ଡୁଝି ଆଡାରି କାମା ଦିନାତାକି ଦିନା ପାଡାଆଡେ, ଇଲାଆହିଁ, କି ପିତର ଝାନ୍ତି ବେଲାତା ଏନିକିଁ ତାନି ସାୟୁଁ ରଗ ଗାଟାରି ଲାକ ଆଡିନେ, ଏଦାଆଁତାକି ରଗ ଗାଟାରାଲ୍ ଆଂଗେଣିତା ଡେକା ତାଚାନା କାଚେଲି ଇଞ୍ଜା ପାସ୍‌ପନିତା ଇଚିମାଚେରି । ୧୬ ଜିରୁସାଲମତି ସାରିସୁରୁ ଗାଡ଼ାୟାତି ହାରେକା ଲକୁ ରଗ ଗାଟାରାଲ୍ ଅଡେ ବୁଡୁୟା ଆଲଗିତାରାଲ୍ ତାଚିହିଁ ଝାଡେରି, ଅଡେ ଏଞ୍ଜାରି ବାରେଜାଣା ନେହିଁ ଆଡେରି ।

**ପାଣ୍ଡୁଝି ଆଡାରାଲ୍ ସାସ୍ତି**

୧୭ ଏଚେଟିଏ କାଜା ପୁଜେରାଙ୍ଗା ଅଡେ ଏଞ୍ଜାଣି ବାରେ ତଡ଼ୁ ଲକୁ, ନାୟୁତି ସାଦୁକିୟା ଗଚିତାରି ପାଣ୍ଡୁଝି ଆଡାରାଲ୍ ତାହାରା ଆହାନା ଏଞ୍ଜାରି କପାଟି ନିଜିତେରି । ୧୮ ଏଞ୍ଜାରି ପାଣ୍ଡୁଝି ଆହାମାନାରାଲ୍ ଆସାନା କାୟିଦି ଇଲୁତା ଇଚିତେରି । ୧୯ ସାମା ଲାଆୟା ବେଲାତା ପ୍ରବୁତି ର ଦୁଡୁ କାୟିଦି ଇଲୁତି

✧ ୪:୩୨ ୪:୩୨ କାମା ୨:୪୪,୪୫

ଦାରାୟା ବାରେ ଦେଚାତୁସ୍ତେ, ଇଞ୍ଜା ଏଞ୍ଜାରାକ୍ ପାଞ୍ଜାତା ତାଚାନା ଏଲେଇଚେ, ୨୦ “ହାନ୍ତୁ, ଇଞ୍ଜା ମାହାପୁରୁ ଇଲୁତା ନିଚାନା ଲକୁଣି ଇ ଜାଞ୍ଜୁତି ବାରେ କାତା ଝେହ୍ଦୁ ।” ୨୧ ଇ କାତା ଝେଞ୍ଜାନା ଏଞ୍ଜାରି ଲାଈଅଲି ମାହାପୁରୁ ଇଲୁତା ହତାନା ଜାପହାଲି ମାଟହେରି ।

ଏମ୍ବାଟିଏ କାଜା ପୂଜେରାଞ୍ଜା ଅଡେ ତାନି ତଡେସିଞ୍ଜା ଝାହାନା କୁଟମିତି କାଜାରାକ୍ ଅଡେ ଇସ୍ତାୟେଲ ଲକୁତି ପ୍ରାଚିନାଞ୍ଜାଣି ହାଟାନା କୃତି କିତେରି; ଇଞ୍ଜା ପାଶୁଝି ଆଡାରାକ୍ ତାଚାଲି କାୟିଦି ଇଲୁତା ଲକୁଣି ପାଶୁତେରି । ୨୨ ସାମା କାମାକିନାରି ହାଜାନା କାୟିଦି ଇଲୁତା ପାଶୁଝି ଆଡାରାକ୍ ବେଗାଆଆନା ଝେଶ୍ଟା ଝାହାନା ବେରଣି ମାଶ୍ଟାତାରାକ୍ ଝେସ୍ତେରି, ୨୩ “ମାମ୍ବୁ କାୟିଦି ଇଜ ହାଜାନା ସିନିକିତମି, କାୟିଦି ଇଲୁ ଦାରା ଆଟଞ୍ଜା ତଲେ ସୁଶୁଝିଆହାମାଚେ; ଇଞ୍ଜା ଦୁଝେରିକାଶା କାଟାମାଟି କସ୍କା ନିଚାମାଚେରି, ସାମା ଦାରା ଦେଚାଲିଏ ବିତ୍ରା ଆମ୍ବାଆରାକ୍ ଜିକେଏ ବେଗାଆଆତମି !” ୨୪ ଇ ହାଡା ଝେଞ୍ଜାନା କାଜା ପୂଜେରାଞ୍ଜା ଅଡେ ମାହାପୁରୁ ଇଲୁତି କସ୍କା ମୁହେଁ କାଜାସି ପାଶୁଝି ଆଡାରାକି ଏନାଆଁ ଆଡେ ଅଶ୍ପାପାନା ଏଞ୍ଜାରି କାତାତା ଆତାଜାକା ଆହାହାଚେରି । ୨୫ ଏଚିବେଲା ରଅସି ଝାହାନା ଏଞ୍ଜାରାକ୍ ଏଲେଇଚେସି, “ମେହ୍ଦୁ ମୀରୁ ଆମିନି ଗାଟାରାକ୍ କାୟିଦି ଇଲୁତା ଇଗାମାଚେରି, ଏଞ୍ଜାରି ମାହାପୁରୁ ଇଲୁତା ଜାପହାମାନେରି ।” ୨୬ ଏଚେଟିଏ କସ୍କା ମୁହେଁ କାଜାସି, କାମାକିନାରି ତଲେ ହାଜାନା ପାଶୁଝି ଆଡାରାକ୍ ଝେଶ୍ଟେ ହାଟା ତାଚେରି, ସାମା ବାଡ଼ୟୁ ତଲେ ଆଏ, ଇଚିହ୍ ଲକୁ ଝାଲକାତଲେ ଝେତାନେରି ଜିକେଏ ଇଞ୍ଜା ଆଜିମାଚେରି ।

୨୭ ଏଞ୍ଜାରି ଏଞ୍ଜାରାକ୍ ତାଚାନା କୁଲମି ପାଞ୍ଜାତା ନିପହେରି, ଏମ୍ବାଟିଏ କାଜା ପୂଜେରା ଏଞ୍ଜାରାକ୍ ଝେଚେସି । ୨୮ “ଇ ମାଶ୍ଟାସି ଦରୁତଲେ ଆମ୍ବାଆରାକ୍ ଜିକେଏ ଝେହ୍ଆଦୁ ଇଞ୍ଜା ମାମ୍ବୁ ଜାଶ୍ଟେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି ! ଜିରୁସାଲମତି ସାରିଝାକି ମୀରୁ ଏ କାତା ଜାପହା ମାଞ୍ଜେରି ଇଞ୍ଜା ଏଞ୍ଜାଶାକ୍ ନେତେରିତି ଦହ୍ ମା ମୁହେଁ ଏକହାଲି ଅଶ୍ପାପାଞ୍ଜେରି ।”

୨୯ ସାମା ପିତର ଇଞ୍ଜା ଏଟକାତି ପାଶୁଝି ଆହାମାନାରି ଏଲେଇଚେରି, “ମାଶ୍ଟାସିୟାତି ହୁକୁମି ମାନ୍ତି କିନି କିହାଁ ମାହାପୁରୁତି ହୁକୁମି ମାନ୍ତି କିନାୟିମାନେ । ୩୦ ଆମିନି ଜୀସୁକ୍ ମୀରୁ ପାସି ମୁଶ୍ଟାତା ଏକହାନା ପାୟାମାଚେରି, ମା ଆକୁ ଆବାୟାତି ମାହାପୁରୁ ଏଞ୍ଜାଶାକ୍ ଝେଶ୍ଟେ ନିକହାମାନେସି । ୩୧ ଇଞ୍ଜା ଏଞ୍ଜାସି

ଏନିକ୍ ଇସ୍ତାୟେଲତି ମନ୍ ଝେଟପି କିହାଁ ପାପୁ ମେଶ୍ଟାକି କିନେସି, ଏଦାଆଁତାକି ମାହାପୁରୁ ତାନି ଚିଝନି କେମ୍ବୁତଲେ ଏଞ୍ଜାଶାକ୍ କାଜାପାଶା ଇଞ୍ଜା ଗେଲ୍ପିନାଶା ଲେହେଁ କାଜାସି କିହାମାନେସି । ୩୨ ଅଡେ, ମାମ୍ବୁ ଇ ବାରେତି ସାକି, ଇଞ୍ଜା ଆମିନି ସୁଦୁଜାଞ୍ଜୁକ୍ ମାହାପୁରୁ ତାନି ହୁକୁମି ମାନଝି ଆନାରାକି ହାହାମାଞ୍ଜାନେସି, ଏଡି ଜିକେଏ ସାକି ।”

୩୩ ଇ କାତା ଝେଞ୍ଜାନା କୁଟମିତି କାଜାରି ହାରେକା କାରୁବି ଆହାହାଚେରି, ଇଞ୍ଜା ଏଞ୍ଜାରାକ୍ ପାୟାଲି ତାକି କାତା ଆଡେଚେରି । ୩୪ ସାମା ଗମଲିୟେଲ ଦରୁଗାଟି ର ମାନ୍ତିଗାଟି ପାରୁସି, ଆମିନିଗାଟାସି ମସାତି ମେରା ଜାପନାସି ମାଚେସି, ଏଞ୍ଜାସି ବେରଣିମାଶ୍ଟାତା ନିଚାନା ପାଶୁଝି ଆହାମାନାରାକ୍ ଗାଡେକା ତାକି ପାଞ୍ଜାତା ପାଶୁଲି ହୁକୁମି ହାତେସି । ୩୫ ଇଞ୍ଜା ଏଞ୍ଜାସି ଏଞ୍ଜାରାକ୍ ଏଲେଇଚେସି “ଏ ଇସ୍ତାୟେଲ ଲକୁତେରି, ଇଞ୍ଜାରି ତାକି ମୀରୁ ଏନାଆଁ କିହାଲି ଅଶ୍ପାପାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ । ୩୬ ଇଚିହ୍ ଇଦାଆଁ ନକେଏ ତିଝୁଦା ଇନାସି ହତାନା ତାନୁ ର କାଜା ମାଶ୍ଟାସି କିହା କଡିତେସି, ଇଞ୍ଜା ସାରି ଝାଞ୍ଜା ଲକୁ ଏଞ୍ଜାଣିତଲେ ଆଶୁତେରି; ଏଞ୍ଜାସି ପାୟୁଝି ଆଡେସି, ଇଞ୍ଜା ଏଚେକା ଲକୁ ଏଞ୍ଜାଣି ତାଶା ବାସୁଁ କିହାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାଁ ଏନି କାମାତା ହାଆତେରି । ୩୭ ଏ ଲକୁତି ଜେଟ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହତାନା ଲକୁଣି ତାନି ଝାକି ରେଜା ଅହାନା ତାନି ସୀସୁୟାଁ କିତେସି; ଏଞ୍ଜାସି ଜିକେଏ ପାୟୁଝି ଆଡେସି, ଇଞ୍ଜା ଏଚେକା ଲକୁ ଏଞ୍ଜାଣି ଜେଟ ଆଶ୍ଟାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାହାଚେରି । ୩୮ ଇଞ୍ଜା ନୀର୍ବନାମ୍ବୁ ମିକ୍ଳେ ଝେସିମାଞ୍ଜାକ୍, ମୀରୁ ଇ ଲକୁଣି ଏନାଆଁ କିଆନା ଏଞ୍ଜାରାକ୍ ପିସାଡୁହ୍ଦୁ, ଇଚିହ୍ ଇ କାତା କି କାମା ମାଶ୍ଟାସି ତାଶାଟି ଆହାମାନେ, ଇଚିହ୍ ଏଡି ଉଜେଏ ଆନେ; ୩୯ ସାମା ଏଡି ମାହାପୁରୁ ତାଶାଟି ଆହାମାନେ, ଇଚିହ୍ ମୀରୁ ଏଞ୍ଜାରାକ୍ ଜୀଶା ଆନି ସାସା ହିଲେଏ, ଇଚିହ୍ ମୀରୁ ମାହାପୁରୁ କପାଟି ଜୁକୁ କିହାମାଞ୍ଜେରି ଇଞ୍ଜା ତଞ୍ଜା ଆଡେରି !” ଏ ବାରେ କୁଟମି ଗମଲିୟେଲ କାତାତି ଝେଚେରି । ୪୦ ଇଞ୍ଜା ପାଶୁଝି ଆଡାରାକ୍ ବିତ୍ରା ହାଟାନା ସାଟଣି ମାଡା ଝେଚାନା ଜୀସୁ ଦରୁତି କାତା ଝେହ୍ଆଦୁ ଇଞ୍ଜା ହୁକୁମି ହାହାନା ପିସ୍ତେରି । ୪୧ ମାହାପୁରୁ ନକିତା ଏଞ୍ଜାରି ଜୀସୁ ଦରୁ ତାକି ଲାଜା ବେଗାଆହାଲି ଜଟେ ଇଞ୍ଜା ଅଶ୍ପାପାଚେରି, ଏଦାଆଁତାକି ଏଞ୍ଜାରି ରାହାଁ କିହ୍ କୁଟମି ବିତ୍ରାଟି ହଟାଝାଡେଚେରି; ୪୨ ଅଡେ, ଏଞ୍ଜାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜା ଇଲୁତାକି ଇଲୁ ଜାପହାଲି

☆ ୫:୨୮ ୫:୨୮ ମାତି ୨୭:୨୫

ଇଞ୍ଜା ଜୀସୁଏ ମସିହା, ଇ ନେହଁ କାରୁ ଝେକହାଲି ଉଣା ଆଥାତେରି ।



ସାତା ଜାଣାତି କାମା ହେରପିନାୟି

୧ ଏମ୍ବାଟିଏ ସୀସୁୟାଁ ହାରେ ହାରେକା ଜାଣା ଆହାଲି ମାଟ୍‌ହେରି, ଗ୍ରିକ୍ ଜଲିନି ଜୀହୁଦି ଲକୁ ଏବ୍ରି ଜଲିନି ନାମିତି ଲକୁଣି ଲାଜା କିହାଲି ମାଟ୍‌ହେରି, ଏନାଆଁତାକି ଇତିହଁ ଦିନାତାକି ଦିନା କାଦିକଣ୍ଡା ବାଟିକିନି ବେଲାତା ରାଣ୍ଡେଣିସିକାକି ହୀହି ହିଲାଆତେରି । ୨ ଏମ୍ବାଟିଏ ବାରଜାଣା ସୀସୁୟାଁ ବାରେ ନାମିତି ଲକୁଇଁ ର. ତାଣା କୁଡି କିହାନା ଏଲେଇଚେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତିହଁ ନେହେଁ ଆଏ । ୩ ଇଦାଆଁତାକି ଏ. ତାୟିୟାଁ ଅଡେ ତାଜିସ୍ତା, ମୀ ବିତ୍ରାଟି ନେହାଁରି ଇଞ୍ଜା ଝେକ୍‌ଡି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାତା ଜାଣାଇଁ ଆଡାଦୁ, ଏଝାରାକି ଇ ବାଟିକିନି କାମା ହେରପାଦୁ । ୪ ଆତିହଁ ମାମ୍ବୁ ପ୍ରାତାନାତା ଇଞ୍ଜା ବଲୁ ଝେହ୍‌ନି ସେବା କାମାତା ରଣ୍ଡିଏ ଅଣ୍‌ପୁ ତଲେ ତୟିନମି ।”

୫ ଇ କାତା ବାରେ ଲକୁଡି କାନୁତା ନେହଁ ତଞ୍ଜାଆଡେ, ଇଞ୍ଜା ଏଝାରି ନାମ୍ବୁ ଅଡେ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଜା ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡେ ଆନ୍ତିୟକିୟାତି ତଲି ଜୀହୁଦି ଦାମ୍ବୁତା ଆଣ୍ଡାମାଟି ନିକଲାଇଁ ଆଡିତେରି, ୬ ଏଝାରି ଏଝାରାଇଁ ପାଣ୍ଡୁଝି ଆଡାରି ତାଣା ତାତେରି, ଇଞ୍ଜା ଏଝାରି ଲାକ କେସ୍ତା ଇଟାନା ପ୍ରାତାନା କିତେରି ।

୭ ଏଚେଟିଏ ମାହାପୁରୁତି ବଲୁ ହାରେକା ଝେକ୍‌ଡେ, ଇଞ୍ଜା ଜିରୁସାଲମତା ସୀସୁୟାଁ ହାରେକା ପାତାଆହାଲି ମାଟ୍‌ହେରି; ଅଡେ ପୂଜେରାଜା ବିତ୍ରାଟି ହାରେକା ଜାଣା କ୍ରୀସ୍ତାଇଁ ନାମାଲି ମାଟ୍‌ହେରି ।

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାମାଁ ଇଞ୍ଜା ବାଡ଼ୁୟେ ବେଟାଆହାନା ଲକୁ ବିତ୍ରା କାଜା କାଜା କାବାଆନି କାମା ଅଡେ ସିନାୟାଁ କିହାଲି ମାଟ୍‌ହେସି । ୯ ସାମା ଲିବର୍ତନ, କୁରିଣି ଅଡେ ଆଲେକ୍‌ଜାଣ୍ଡ୍ରିୟା ଗାଡାୟାଁଣା ବାସା କିହାନାନି ଦରୁତା ଝେକ୍‌ମାନି ଜୀହୁଦି ଲକୁଡି ପ୍ରାତାନା ଇଲୁଡି ଏଚେକା ଲକୁ ଅଡେ କିଲିକିୟା ଇଞ୍ଜା ଆସିୟା ଦେସାତି ଏଟକା ଜୀହୁଦିଜା ନିଜ୍ଜାନା ସ୍ତ୍ରୀପାନ ତଲେ ବାଦିବାଦା ଆଡେରି । ୧୦ ସାମା ଏଝାସି ଆମିନି ସୁଦୁଜୀଝୁ ଅଡେ ବୁଦିତଲେ ଜଲିମାଚେସି, ଏଝାରି ଏ କାତାତି ଝେଣ୍ଡେ ଜଲାଇଁ ସାସା କିହିଲିଆତେରି । ୧୧ ଏଚେଟିଏ ଏଝାରି ଏଚରଜାଣାତି ମାଡ଼ଝି କିହାନା ଏଲେଇଞ୍ଜି ଝେସାଲି ଜାପ୍‌ହେରି, “ମାମ୍ବୁ ଇଝାଣି ତାଣାତି

ମସା ଅଡେ ମାହାପୁରୁ ନିନ୍ଦା କାତା ଜଲିମାଚାଣି ଝେଞ୍ଜାମାନମି ।” ୧୨ ଅଡେ, ଏଝାରି ବାରେ ଲକୁଣି, ଇଞ୍ଜା ପ୍ରାତିନାଜାଣି ଅଡେ ମେରା ପୁନାରାଇଁ କାର୍‌ବି କିହାନା ଏଝାଣାଇଁ ବାଡ଼ୁୟେ ତଲେ ଆସାନା ବେରଣିମାଣ୍ଡାତା ତାତେରି, ୧୩ ଇଞ୍ଜା ମିତି ସାକି ହୀନାରାଇଁ ନିପହାନା; ଏଝାରାଇଁ ଏଲେଇଚେରି, “ଇଝାସି ଇ ସୁଦୁ ପ୍ରାତାନା ଇଲୁ ଇଞ୍ଜା ମସା ମେରାତି କପାଟି ଜଲାଇଁ ଉଣା ଆହିଲିଅସି, ୧୪ ଇତିହଁ ନାଜ୍‌ରତ ଜୀସୁ ମାହାପୁରୁ ଇଲୁଡି ମ୍ଲେକ୍‌ନେସି, ଇଞ୍ଜା ମସା ମାଜେ ଆମିନି ମେରା ହୀହାମାଞ୍ଜାନେସି, ଏ ବାରେ ତିରିମ୍ବୁପନେସି ଇଞ୍ଜିଁ ଝେସିମାଚାଣି ମାମ୍ବୁ ଝେଞ୍ଜାମାନମି ।” ୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଚେ ସିନିକିତେରି, ଏଝାଣି ମ୍ବୁଦୁଡୁଡି ମ୍ବୁଦୁ ଲେହେଁ ଉଜେଡି ତଞ୍ଜାଆଡେ ।



ସ୍ତ୍ରୀପାନ ଝେହ୍‌ନାୟି

୧ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି ?”

୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡେ ଆବାୟାତେରି ଝେଞ୍ଜୁ ! ମା. ଆବା ଅବାହାମ ହାରଣତା ବାସାଆନି ନକେଏ ଏଚିବେଲା ଏଝାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଝାଣାଇଁ ତଞ୍ଜାଆଡେସି, ୩ ଅଡେ ଏଲେଇଚେସି ‘ନୀନୁ ମୀ ଇଲୁ କୁଟମି ଇଞ୍ଜା ମୀ ଦେସାଟି ହଟା ଝାମ୍ବୁ, ଇଞ୍ଜା ନୀନୁ ଆମିନି ଦେସା ତସ୍ତାଇଁ ଏ ଦେସାତା ହାଲାମ୍ବୁ ।’ ୪ ଏଚେଟିଏ ତାନି କଲ୍‌ଦିୟାୟାଁ ଦେସାଟି ହଟାଝାହାନା ହାରଣତା ବାସା କିତେସି, ଇଞ୍ଜା ଅବାହାମତି ଆବା ହାଡି ତାୟୁ ଏମ୍ବାଟିଏ ମୀରୁ ନୀର୍ବ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଝାଣାଇଁ ତାତିହଁ ଝାଡେସି, ୫ ଅଡେ, ମାହାପୁରୁ ଅବାହାମକି ଏମ୍ବାଆଁ ଏନି ଅଦିକାରା ହୀଆତେସି, ଅଡେ ର ପାଝୁଲି ଝିହ୍‌ନି ବୁଦିଗାରି ଜିକେଏ ହୀଆତେସି, ଇଞ୍ଜା ଏଚିବେଲା ଏଝାଣାକି ପଦି ପଦା ହିଲାଆତି ଜିକେଏ ଏଝାସି ଏଝାଣାଇଁ ଇଞ୍ଜା ତାନି ଝାହିମାନି କୃତାତାରିକି ଏଦାଆଁ ଅଦିକାରା କିହାଲିତାକି ହୀଇଁ ଇଞ୍ଜିଁ ଆଞ୍ଜିତେସି । ୬ ଇଞ୍ଜା ମାହାପୁରୁ ଇଲେଇଞ୍ଜିଁ ଝେସ୍ତେସି, ‘ତାନି କୃତାତାରି ଏଟକା ଦେସାତା ବାସା କିନେରି ଇଞ୍ଜା ଏ ଟାୟୁଡି ଲକୁ ଏଝାରାଇଁ ସାରି ଝାଞ୍ଜା ବାସା ପାତେକା ହଲିୟାଜା କିହାଁ ଏଝାରାଇଁ ଝେଟି କାମା କିଝି କିହାନା ସାସ୍ତ୍ରୀ ହୀନେରି ।’ ୭ ଅଡେ ମାହାପୁରୁ ଏଲେଇଚେସି, ନୀନୁ ଏଝାରାଇଁ ହଲିୟା କାମା କିଝିକିନାରାଇଁ ବିଚାରା କଇଁ; ଅଡେ ତାୟୁ ମୀ କୃତାତାରି ଏ ଦେସାଟି ହଟା ଝାନେରି ଅଡେ ଇ ଟାୟୁତା ନାଜେ ପ୍ରାତାନା କିୟାନେରି । ୮ ଅଡେ

ମାହାପୁରୁ ଅବ୍ରାହାମକି ତଲୁ ଦାଃନି ରାଜିମାନା ସିନାତି ହୀତେସି, ଇଞ୍ଜା ଏଲେକିହି ଏ ଅବ୍ରାହାମ ଇସାହାକଇଁ ଜାନି କିହାନା ଆଟାଦିନା ଆହାଲିଏ ଏଝାଣି ତଲୁ ଦାତେସି; ଇସାହାକ ଜାକୁବଇ, ଅଡେ ଜାକୁବ ବାରଜାଣା ଝେଜିତି ଆକୁ ଆବାୟାଣି ଜାନି କିହାନା ତଲୁ ଦାପିକିତେସି ।”

୯ “ଜାକୁବ ମୀରଏସି ଜସେପଇଁ ତାମି ତାୟିୟାଁ ତାହାରା ଆହାନା ମିସର ଦେସାତା ଅଝିଆୟାଲି ଏଝାଣାଇଁ ପାରତେରି; ସାମା ମାହାପୁରୁ ଏଝାଣିତଲେ ମାରେସି, ୧୦ ଅଡେ ବାରେ କସ୍ତୁଟି ଜସେପଇଁ ଗେଲ୍ପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହୀତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜା ତାମି ଇଲୁତି ସାଲ୍ଝି କିହାଲି ଅଦିକାରା ହୀତେସି । ୧୧ ତାୟିୟାଁ ମିସର ଇଞ୍ଜା କିଶାନ ଦେସାତା କାର୍ଝୁ କାତାରା ଆଡେ, ଲକୁ ହାରେକା କସ୍ତୁ ଆଡେରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଠା ବେଟାଆଆଡେରି, ୧୨ ସାମା ମିସର ଦେସାତା ଆନାଁ ମାନେ ଇଞ୍ଜା ଝେଞ୍ଜାନା, ଜାକୁବ ତାନି ମୀରକା ଇତିହିଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି । ୧୩ ଏଝାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କଡିତେସି, ଇଞ୍ଜା ମିସରତି ରାଜା ପାର ଜସେପ କୁଡାତାରି ଇଞ୍ଜା ପୁରେସି । ୧୪ ଏମ୍ବାଟିଏ ଜସେପ ତାମି ଆବା ଜାକୁବ ଇଞ୍ଜା ତାନିକଡି ପନ୍ଦର ଜାଣା ତାମି କୁଟମିତି ହାଟାଲି ପାଣ୍ଡିତେସି, ୧୫ ଏମ୍ବାଟିଏ ଜାକୁବ ମିସର ଦେସାତା ହାରେସି; ଇଞ୍ଜା ଏଝାସି ଅଡେ ତାନି ମୀରକା ଏମ୍ବାଆଁ ହାଡେରି । ୧୬ ଇଞ୍ଜା ଏଝାରି ମାଡୁହା ସିକିମତା ଅଝିଆଡେ, ଇଞ୍ଜା ଅବ୍ରାହାମ ଏମ୍ବାଆଁ ହମର ମୀରକା ତାଣାଟି ଆମିନି ମାହଣି ମାଣ୍ଠା ଟାକାୟାଁ ହାହାଁ କତାମାରେସି, ଏମ୍ବାଆଁ ମୁସ୍ପି ଆଡେରି ।”

୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଝାହାଲିଏ ମା ଲକୁ ମିସର ଦେସାତା ହାରେକା ଗାଡି ପାତା ଆଡେରି । ୧୮ ତାୟିୟାଁ ମିସର ଦେସାତା ଅଡେ ର ରାଜା ଆଡେସି, ଏଝାସି ଜସେପଇଁ ପୁଞ୍ଜା ହିଲାଆଡେସି । ୧୯ ଏଝାସି ମା ଆକୁ ଆବାଣି ଝେପିକିତେସି ଅଡେ ସାସ୍ତି ହୀତେସି, ତାମି କକାରି ହାପାରିଝା ଇଞ୍ଜା ଇଲୁଟି ପାଞ୍ଜାତା କୁଡୁସାଲି ହୁକୁମି ହୀତେସି । ୨୦ ଏରିବେଲାତା ମସା ଜାର୍ନା ଆଡେସି, ଏଝାସି ମାହାପୁରୁ ନକିତା ହାରେକା ଅଡିତାସି ଇଞ୍ଜା ତାନି ଲେଞ୍ଜୁ ପାଡେକା ତାମି ଆବା ଇଜ ପହିକିଝି ଆଡେସି । ୨୧ ତାୟିୟାଁ ଏରିବେଲା ଏଝାସି ପାଞ୍ଜାତା ମେଡପି ଆଡେସି, ଏରିବେଲା ପାର ରାଜା ମାଞ୍ଜା ଏଝାଣାଇଁ ଅହାନା ତାନି ମୀରଏଶା ଲେହେଁ ପହିକିତେ । ୨୨ ଅଡେ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡେ

କାମାତା ଝେଜିତେସି ।”

୨୩ “ମସାକି ରୀ କଡି ବାର୍ସା ଆୟାଲିଏ ତାମି ତାୟିୟାଁ ଇତିହିଁ ଇସ୍ରାୟେଲ ଲକୁତି ମାସ୍କା ମୀରକାଣି ଏନିକିହିଁ ଲେମ୍ବୁଝି ଆହିମାନେ ଇଞ୍ଜା ପୁଞ୍ଜାଲି ଅଣ୍ପିତେସି । ୨୪ ଏଝାସି ରଅଣାଇଁ ମିସରତାସି ଗଡୁହା କିହିମାତାଣି ମେସ୍ତେସି, ଏଝାଣାଇଁ ସାୟେମି କିହାଲି ହାରେସି ଅଡେ ବାଦୁଲି ଅହାନା ଏଝାଣାଇଁ ପାୟିତେସି । ୨୫ ଏଝାଣି କେୟୁଟି ମାହାପୁରୁ ତାମି ତାୟିୟାଁଣି ଗେଲ୍ପି ମାନେସି, ଇଦାଆଁ ଏଝାରି ପୁଞ୍ଜାଲି ଆଡିନେରି ଇଞ୍ଜା ଅଣ୍ପିମାରେସି, ସାମା ଏଝାରି ପୁଞ୍ଜାଲି ଆଡାଆଡେରି । ୨୬ ତାନି ଅର ଦିନା ଇସ୍ରାୟେଲ ଲକୁ ରିଆରି ମାଡା ଆହିମାତାଣି ମେସ୍ତେସି, ଇଞ୍ଜା ଏଝାଣାଇଁ ଆଣ୍ଡୁଝି କିହାଲି ମାଦି ଆହାଁ ଏଲେଇତେସି, ‘ଆଡେ, ମୀରୁତ ଇସ୍ରାୟେଲ ତାୟିୟାଁତେରି; ଏନାଆଁତାକି ଇଲେଆହିଁ ଗଡୁହା ଆହିମାଞ୍ଜେରି ?’ ୨୭ ସାମା ଆମିନିଗାଟାସି ପାଡିତାଣାଇଁ ଲାଗେଏ କିହିମାରେସି, ଏଝାସି ମସାଇଁ ମେଡାନା ଏଲେଇତେସି, ‘ଆମ୍ବାଆସି ନିଞ୍ଜେ ମା ଲାକ ସାଲ୍ଝି କିହାଲି ଅଡେ ନୀହାୟି କିହାଲି ହିୟାତେସି ?’ ୨୮ ‘ରେଃଏନି ଏନିକିହିଁ ମିସର ତାଣାଇଁ ପାୟାମାଟି, ଏଲେକିହିଁ କି ନୀନୁ ନାଞ୍ଜେ ପାୟାଲି ଅଣ୍ପିମାଞ୍ଜାଦି ?’ ୨୯ ଇ କାତା ଝେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜା ଏମ୍ବାଆଁ ରୀ ମୀରକା ଜାର୍ନା ଆଡେରି ।”

୩୦ ତାୟିୟାଁ ରୀ କଡି ବାର୍ସା ଆୟାଲିଏ, ସିନୟ ହରୁ ତାଗେତି ଜାଡାତା ର ଦୁଡୁ ର ବୁଟାତା ହିରୁ ତଞ୍ଜାନା ତଞ୍ଜାଆଡେସି । ୩୧ ମସା ଏଡାଆଁ ମେସାନା ଆଡାଜାକା ଆଡେସି, ଇଞ୍ଜା ନେହିଁ କିହିଁ ସିନିକିହାଲି ତାଗେ ହାଜିମାଟି ବେଲାତା ପ୍ରବୁତି ଇ ହାଡା ଝେତେସି, ୩୨ “ନାନୁ ମୀ ଆକୁ ଆବାୟାଁ ମାହାପୁରୁ, ଅବ୍ରାହାମତି, ଇସାହାକ ଅଡେ ଜାକୁବତି ମାହାପୁରୁ” ଏତେଟିଏ ମସା ଆଜିତାକି ନେହିଁ କିହିଁ ସିନିକିହାଲି ସାସା କିଆଡେସି । ୩୩ ପ୍ରବୁ ଏଝାଣାଇଁ ଏଲେଇତେସି, “ନୀ କଡାତି ସେପୁୟାଁ ହୁକୁମି, ଇତିହିଁ ନୀନୁ ଆମିନି ଟାୟିୟାଁ ନିଟାମାଞ୍ଜି ଏଡି ସୁଦୁଗାଟି ଟାୟିୟାଁ । ୩୪ ମିସରତା ନା ଆମିନି ଲକୁ ମାନେରି, ନାନୁ ଏଝାରି କସ୍ତୁ ମେସାମାଇଁ, ଅଡେ ଏଝାରି ତାହିମାନାଣି ଝେଞ୍ଜାମାଇଁ, ଇଞ୍ଜା ଏଝାଣାଇଁ ଗେଲ୍ପାଲି ରେଟା ଝାହାମାଇଁ; ଇଞ୍ଜା ନୀଏଁ ଝାମ୍ବୁ ନାନୁ ନିଞ୍ଜେ ମିସର ଦେସାତା ପାଣ୍ଡାଇଁ ।”

୩୫ “ମସାଇଁ ଇସ୍ରାୟେଲତି ଲକୁ ଅପାଆଡେରି । ଏଝାରି ଏଝାଣାଇଁ ଏଲେଇତେରି, ‘ମାଞ୍ଜେ ସାଲ୍ଝି କିହାଲି ଅଡେ ନୀହାୟି କିହାଲି ଆମ୍ବିତି ଅଦିକାରା ବେଟାଆଡି ? ଏଝାଣାଇଁ ମାହାପୁରୁ ଲକୁଣି ସାଲ୍ଝି କିହାଲି ଅଡେ ମୁକଲ୍ଝି କିହାଲି ଦୁଡୁତି ସାୟେମି ତଲେ ହିରୁ ତଞ୍ଜିମାନି ବୁଟାତା ତଞ୍ଜାଆହାନା

ପାଶ୍ଚାତେସି । ୩୭ ଏଞ୍ଜେଲ ଲକ୍ଷ୍ମଣ ମିସର ଦେସାଟି, ସୁପ ସାମନ୍ତୁରି, ଇଞ୍ଜା ରୀ କଡ଼ି ବାସୀ ପାତେକା ବାଟାତା ହାରେକା କାବାଆନି କାମା ଅଡ଼େ ସିନାୟା ତସାହାଁ ଏଞ୍ଜରାୟା ହପୁହା ତାତେସି । ୩୭ ଏ ମସା ତାନୁଏ ଇସ୍ରାୟେଲ ମୀରକାଣି ଏଲେଇତେସି, ମାହାପୁରୁ ମୀ ତାୟାୟା ବିତ୍ରାଟି ମିଲୋତାକି ନା ଲେହେକି ର ମାହାପୁରୁ ଅଣ୍ପୁତି ବଲୁ ଖେହନାଶାୟା ହିୟାନେସି । ୩୮ ଏ ମସା ବାଃଲି ବାଟାତା କୁଡ଼ା ଆହାମାନି ଇସ୍ରାୟେଲ ଲକ୍ଷ୍ମଣଲେ ମାଚେସି । ସିନୟ ହରୁତା ତାନିତଲେ କାତା ଆହିମାଟି ଦୁତୁ ଇଞ୍ଜା ମା ଆକୁ ଆବାୟା ବିତ୍ରା ମାଦିତସି ମାଚେସି; ଏଞ୍ଜେଲ ମିଲୋ ହାହାଲିତାକି ମାହାପୁରୁ ତାଣାଟି ଜାହୁତି ବଲୁ ବେଟାଆଡ଼େସି ।”

୩୯ “ସାମା ମା ଆକୁ ଆବାୟା ଏଞ୍ଜେଲି କାତା ଆହୁଆନା ଏଞ୍ଜେଲାଇ ଅପାଆତେରି, ଅଡ଼େ ମିସର ଦେସାତା ଖେଶ୍ଟା ହାଜାଲି ମନ କିତେରି, ୪୦ ଏଦାଆଁତାକି ଏଞ୍ଜେଲି ହାରଣାଇ ଏଲେଇତେରି । ‘ମା ନକି ନକିତା ହାଜାଲି ମାଲୋତାକି ପେଶକାଣି କେପାମୁ, ଇତିହୁଁ ମାଲୋ ମିସର ଦେସାଟି ହପୁହା ତାତାଟି ମସାକି ଏନାଆଁ ଆଡ଼େ ମାମୁ ପୁଞ୍ଜାହିଲଅମି ।’ ୪୧ ଅଡ଼େ, ଏତିବେଲାତା ଏଞ୍ଜେଲି ର କଡ଼ି ତାଲୁତି ବମା କେପାନା ଏ ବମା ତାକି ପୂଜା ହାହାନା ତାନି କେୟୁଟି କେପିତି ଆସ୍ତି ତାକି ରାହାଁ କିତେରି । ୪୨ ସାମା ମାହାପୁରୁ ଏଞ୍ଜେଲି ତାଣାଟି ଏଡ଼କା ଆହାନା ଏଞ୍ଜେଲାଇ ହାଗୁଲକତି ହୁକାୟାଣି ସେବା କିୟାଲି ପିସ୍ତେସି, ଏନିକଁ ମାହାପୁରୁ ଅଣ୍ପୁତି ବଲୁ ଖେହନାରି ପତିତା ରାସ୍ତକି ଆହାମାନେ;

ଏ ଇସ୍ରାୟେଲ କୁଡ଼ାତେରି,  
ବାଟାତା ରୀ କଡ଼ି ବାସୀ ପାତେକା  
ମୀରୁ ନାଲୋତାକି କଡ଼ି ଗରି ପୂଜା  
କିହାହିଲାଆତେରି ।

୪୩ ମୀରୁ ପୂଜା କିହାଲି ଆମିନି ବମାୟା କେପାମାଚେରି,

ଏ ମଲକ ପେନୁତି ତୁମୁ ଅଡ଼େ ରମ୍ପାନ  
ପେନୁତି ହୁକାତି ମୀରୁ ଆସାନା ସେବା  
କିତେରି,  
ଏଦାଆଁତାକି ନାନୁ ମିଲୋ ବାବିଲନ ଆତାଲା  
ବାସା ଆୟାଲି ପାଶ୍ଚାୟା ।”

୪୪ “ନାନୁ ଏନିକଁ ମେସାମାଞ୍ଜି, ଏଲେକିହୁଁ ଏ ସାକି ହାନି ତୁମୁ ଇଲୁ କେପାମୁ ଇଞ୍ଜୁଁ ମସାକି ଆମାଆସି ଖେସାମାଚେସି, ଏଞ୍ଜେଲି ହୁକୁମି ତଲେ ମା ଆକୁୟାଁ ବାଟାତା ସାକି ହାନି ତୁମୁ ଇଲେ କେପାମାଚେରି । ୪୫ ତାୟା ମା ଆକୁ ଆବାୟା ଏଦାଆଁ ତାନି ଆବାୟା ତାଣାଟି ବେଟାଆଡ଼େରି ଇଞ୍ଜା ଜିହସ୍ତୟ ତଲେ ତାକିମାଟିବେଲା ଏଞ୍ଜେଲି ଏଦାଆଁ ତେକା ଅଡ଼େରି, ଏମାଟିଏ ମାହାପୁରୁ ଏଞ୍ଜେଲି ନକିତା ମାଟି ବାରେ କୁଡ଼ାଟି ଲକ୍ଷ୍ମଣି

ପେରୁହା ତୁସାଲିଏ, ଇସ୍ରାୟେଲ ଲକ୍ଷ୍ମଣ ଇଞ୍ଜେରି ଦେସା ଜୀଶାଆହାନା ଇ କୁଡ଼ାଆନି ତୁମୁ ଇଲୁ ଏମାଆଁ ତାଚାନା ଇଟିତେରି, ଇଞ୍ଜା ଏଦି ଦାହୁଦ ରାଜା ପାତେକା ଏମାଆଁ ତୁୟିତେ । ୪୬ ଦାହୁଦ ମାହାପୁରୁ ନକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଗାୟା କିହାଲି ପ୍ରାତାନା କିତେସି । ୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।”

୪୮ “ସାମା ବାଡ଼ୁୟା ଗାଟି ମାହାପୁରୁ ମାଣସି କେୟୁତଲେ କେପିତି ଇଲୁତା ବାସା କିଅସି; ଏନିକଁ ମାହାପୁରୁ ଅଣ୍ପୁତି ବଲୁ ଖେହନାରି ଖେସାମାନେରି ।”

୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି,

ଦାର୍ତ ନା କତା ଇଟିନି ଟାୟା,  
ମୀରୁ ନା ତାକି ଏନିଲେହେତି ଇଲୁ କେପିଦେରି ?  
ଇଞ୍ଜା ନା ଜମିନି ଟାୟା ଏମିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇତେସି, “ମୀରୁ ଏତେକା ମୁଣ୍ଡି ଗାଟାତେରି, ଇଞ୍ଜା ଅଡ଼ହା କତାଆତି ହିୟାଁ ଗାଟାତେରି ଅଡ଼େ ମାହାପୁରୁଟି ବଲୁ ତାକି କାର୍ମା ଖେନାଆ ଗାଟାତେରି, ମୀରୁ କାଲେଏ ସୁଦୁଜାହୁତି କସ୍ତ ହାହିମାଞ୍ଜେରି; ମୀ ଆକୁ ଆବାୟା ଏନିକଁ ମୀରୁ ଜିକେଏ ଏଲେତାତେରି । ୫୨ ମାହାପୁରୁ ଅଣ୍ପୁତି ବଲୁ ଖେହନାରାୟା ଆମାଆରାୟା ଜିକେଏ ମୀ ଆକୁ ଆବାୟା ନିନ୍ଦା କିହାହିଲାଆତେରି ? ଆମିନି ଗାଟାରି ଏ ଦାମୁଗାଟାସି ଖାନି କାତା ନକେଏ ଖେସାମାଚେରି, ଏଞ୍ଜେଲାଇ ଏଞ୍ଜେଲି ପାୟିତେରି; ନୀର୍ବ ମୀରୁ ଏଞ୍ଜେଲାଇ ସାତୁୟା କେୟୁତା ହେରପାନା ପାୟିତେରି । ୫୩ ମୀରୁ ମାହାପୁରୁଟି ମେରା ବେଟାଆହା ମାଚେରି, ଏ ମେରା ଦୁତୁୟାଁ ତାଣାଟି ହାପକି ଆହାମାଚେ, ଆଡ଼ିଜିକେଏ ମୀରୁ ଏଦାଆଁ ନାମାଆତେରି ।”

**ଞ୍ଜାଲକାତଲେ ସ୍ତ୍ରୀପାନଇଁ ପାୟିନାୟି**

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକ୍ଷ୍ମଣ ଇ ବାରେ କାତା ଖେସେସି, ଏମାଆଁ ମାଟି ପାରୁସି ଇଞ୍ଜା ବାରେ କୁଡ଼ା ଆହାମାଚାରି କାର୍ବି ଆହାଁ ପାଲକା ଟୀଟି କିହାଲି ମାଟୁହେରି । ୫୫ ସାମା ସ୍ତ୍ରୀପାନ ସୁଦୁଜାହୁ ତଲେ ନେଞ୍ଜାନା ଲାକପୁରୁ ଖାକି ସିନିକିତେସି, ଇଞ୍ଜା ମାହାପୁରୁଟି ଗାହୁରମି ଅଡ଼େ ଜାସୁଇଁ ମାହାପୁରୁଟି ଟିଃନିଖାକି ନିଚାମାନାଣି ମେସାନା ଏଲେଇତେସି । ୫୬ “ମେହୁଦୁ ନାନୁ ଲାକପୁରୁ ଦେପିଆହାମାନାଣି ଅଡ଼େ ମାଣସି ମୀରୁଏସି ମାହାପୁରୁଟି ଟିଃନିଖାକି ନିଚାମାନାଣି ମେସିମାଇଁ !”

୫୭ ଏ କାତା ଖେନାଆପ ଇଞ୍ଜୁଁ କାଲୁଝି ଆହୁଁ ବେରଣି ମାଣ୍ଡାତାରି କାର୍ମା ମୁଚାକତିତେରି



। ତାହୁଁ ବାରେଜାଣା ରୁଣ୍ଡା ଆହାନା ଏଞ୍ଜାଣାଲ୍ ମୁଚିତେରି । ୫୮ ଅଡ଼େ ଏଞ୍ଜାରି ଏଞ୍ଜାଣାଲ୍ ଗାଡ଼ାଟିଏ ପାଙ୍ଗାତା ରେଜା ଅହାନା ଏଞ୍ଜାଣାଲ୍ ଖାଲୁକାତଲେ ଝେଟାଲି ମାଟ୍‌ହେରି; ଅଡ଼େ ସାକିୟାଁ ବିତ୍ରାଟି ସାଞ୍ଜୁଲ କତାୟାଁ ଡ଼ଇ ହିମ୍ବରକା କାଟିମାଚେସି । ୫୯ ଏଚିବେଲା ଏଞ୍ଜାରି ସ୍ତ୍ରୀପାନଲ୍ ଖାଲୁକା ଝେଟି ମାଚେରି, ଏଚିବେଲା ଏଞ୍ଜାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରୁ ଜୀସୁ ନା ଜୀଞ୍ଜୁତି ଅହାକତାମୁ !” ୬୦ ଇଞ୍ଜା ଏଞ୍ଜାସି ମେଣ୍ଡାକୁତାନା କାଜା ଗିୟାଁତଲେ ଏଲେଇଚେସି, “ପ୍ରୁ ! ଇ ପାପୁ ଇଞ୍ଜାରି ତାଣା ଲେକା କିଆନି” ଏଲେଇଞ୍ଜାହାଁ ହାଡେସି ।



**ସାଞ୍ଜୁଲ କ୍ରୀସ୍ତାନା କୁଲମିତି ସାସ୍ତି ହାନାୟି**

୧ ସ୍ତ୍ରୀପାନଲ୍ ପାୟିତାୟି ନେହେଁ ଆଡେ ଇଞ୍ଜାଁ ସାଞ୍ଜୁଲ ଅଣ୍ଡିମାଚେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତି ଖାଡେ; ଏମ୍ବାଟିଏ ପାଣ୍ଡୁଞ୍ଜି ଆହାମାନାରି ପିସ୍‌ପେ ବାରେ ନାମିତାରି, ଜୀହୁଦା ଦେସା ଇଞ୍ଜାଁ ସମିରଣ ନାସ୍‌କା ସାରିସୁଟୁଁ ଇତାଲା ଆତାଲା ଆଡେରି । ୨ ଆଡିଜିକେଏ ଏଚେକା ନାମୁଗାଟି ଲକୁ ସ୍ତ୍ରୀପାନଲ୍ ମୁସ୍ତେରି ଇଞ୍ଜାଁ ହାରେକା ଦୁକୁ ତଲେ ଡୀଡେରି ।

୩ ✱ସାମା ସାଞ୍ଜୁଲ କୁଲମିତା ହାଜିହେଁ ଇଲୁତାକି ଇଲୁ ହଡ଼ିହେଁ ନାମିତି ଆୟାସିକା, ଆବାଣି ରେଜା ତାଚାନା କାୟିଦି ଇଲୁତା ହେର୍‌ପିହେଁ କୁଲମିତି ନାସା କିହାଲି ମାଟ୍‌ହେସି ।

**ସମିରଣତା ନେହେଁ କାରୁ ଝେକ୍‌ନାୟି**

୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା ଆହାମାଚେରି, ଏଞ୍ଜାରି ସାରିସୁଟୁଁ ରେଜି ରେଜି ନେହେଁ କାରୁ ଝେକ୍‌ହେରି । ୫ ଇଞ୍ଜାଁ ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାତି କାତା ଝେକ୍‌ହେସି । ୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜାଁ ଏଞ୍ଜାସି କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି କାତାତି ଝେଞ୍ଜିମାଚେରି । ୭ ଇଚିହେଁ ଆଲଗାମାଟି ପଲୁଆ ବୁଡୁ ହାରେକା ଲକୁ ତାଣାଟି କାଜା ଗିୟାଁତଲେ କିରଡ଼ିହେଁ ହଚାହାଚୁ, ଇଞ୍ଜାଁ ଟଟ ଖାୟିତାରି ଅଡ଼େ ସଗାୟାଁ ହାରେକା ଜାଣା ନେହେଁ ଆଡେରି । ୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଡେ ।

୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡ଼ାତା ଗାରଡ଼ି କିହେଁ ନାନୁ କାଜାତେଏଁ ଇଞ୍ଜାଁ ଝେସା କଡ଼ିହେଁ ସମିରଣତି ଲକୁଣି କାବା କିହିମାଚେସି । ୧୦ ମାହାପୁରୁତି ଆମିନି ବାଡ଼ୁୟୁତି

କାଜାୟି ଇଞ୍ଜାଁ ଇଣ୍ଡି ଆନେ, ଡ଼ଶାଟିଏ କାଜାରି ପାଡେକା ବାରେଜାଣା ଇଞ୍ଜାସିଏ ଏଞ୍ଜାସି ଇଞ୍ଜାଁ ଏଞ୍ଜାଣାଲ୍ ମାନି କିହିମାଚେରି । ୧୧ ଏଞ୍ଜାରି ଏଞ୍ଜାଣାଲ୍ ମାନି କିହିମାନାୟି ଆଡେ, ହାରେକା ଦିନାଟିଏ ତାନି ଗାରଡ଼ି କାମା ତଲେ ଏଞ୍ଜାରାଲ୍ କାବା କିହିମାଚେସି । ୧୨ ସାମା ପିଲିପ ମାହାପୁରୁତି ରାଜି ଇଞ୍ଜାଁ ଜୀସୁ କ୍ରୀସ୍ତ ଦରୁଡ଼ି ନେହେଁ କାରୁ ଝେକ୍‌ହାଲିଏ ଏଞ୍ଜାରି ଏଚିବେଲା ଏଞ୍ଜାଣି କାତାତା ନାମିତେରି, ଇଞ୍ଜାଁ ଆୟାସିକା ଅଡ଼େ ଆବାୟାଁ ବାପ୍ତିସ୍ମା\* ଅହାଲି ମାଟ୍‌ହେରି । ୧୩ ଅଡ଼େ ସିମନ ତାନ୍ଦୁଏ ନାମିତେସି ଇଞ୍ଜାଁ ବାପ୍ତିସ୍ମା† ଅଡେସି, ଇଞ୍ଜାଁ ପିଲିପ ତଲେ ଡ଼ୟିତେସି, ଅଡ଼େ ହାରେକା ସିନାୟାଁ ଇଞ୍ଜାଁ ହାରେକା ବାଡ଼ୁୟୁତି କାବାଆନି କାମାୟାଁ ମେସାନା କାବା ଆହାହାଚେସି ।

୧୪ ସମିରଣତି ଲକୁ ଜିକେଏ ମାହାପୁରୁ ବଲୁଡ଼ି ନାମିମାନେରି, ଇଞ୍ଜାଁ ଜିରୁସାଲମତା ମାନି ପାଣ୍ଡୁଞ୍ଜି ଆଡ଼ାରି ଝେଚେରି, ଏମ୍ବାଟିଏ ଏଞ୍ଜାରି ପିତର ଅଡ଼େ ଜହନଲ୍ ଏଞ୍ଜାରିତାଣା ପାଣ୍ଡୁଚେରି । ୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକିଁ ସୁଦୁଜୀଞ୍ଜୁ ବେଟାଆନେରି, ଏଦାଆଁତାକି ଏଞ୍ଜାରି ତାକି ପ୍ରାତାନା କିଚେରି । ୧୬ ଇଚିହେଁ ନୀର୍‌ଏଁ ପାଡେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀଞ୍ଜୁ ରେଟା ହିଲାଆଡେ, ଇଚିହେଁ ଏଞ୍ଜାରି ଖାରଇ ପ୍ରୁ ଜୀସୁ ଦରୁତଲେ ବାପ୍ତିସ୍ମା‡ ଅହାମାଚେରି । ୧୭ ପିତର ଅଡ଼େ ଜହନ ଏଞ୍ଜାରି ଲାକ କେୟୁ ଇଚିତେରି ଇଞ୍ଜାଁ ଏଞ୍ଜାରି ସୁଦୁଜୀଞ୍ଜୁ ବେଟାଆଡେରି ।

୧୮ ପାଣ୍ଡୁଞ୍ଜି ଆଡ଼ାରି କେୟୁ ଇଚିସାରେ ସୁଦୁଜୀଞ୍ଜୁ ଖାହିମାନାଣି ମେସାନା, ସିମନ ଏଞ୍ଜାରାକି ଟାକାୟାଁ ହାହାନା ଏଲେଇଚେସି, ୧୯ “ନାଙ୍ଗେ ଜିକେଏ ଇ ବାଡ଼ୁୟୁ ହିୟାଦୁ, ଏନିକିଁ ନାନୁ ଆମିନିଗାଟାଣି ଲାକ କେୟୁ ଇଚିଲ୍ ଏଞ୍ଜାସି ସୁଦୁଜୀଞ୍ଜୁ ବେଟାଆନେସି ।”

୨୦ ସାମା ପିତର ଏଞ୍ଜାଣାଲ୍ ଏଲେଇଚେସି “ନୀ ଟାକାୟାଁ ନୀ ତଲେ ନସ୍ତ ଆପୁ, ଇଚିହେଁ ନାନୁ ଟାକାୟାଁ ହାହାନା ମାହାପୁରୁତି ଦାନା କତାଲି ଅଣ୍ଡିପିତି । ୨୧ ଇ କାମାତା ନୀଦି ଏନି ବାଗା କି ଅଦିକାରା ହିଲେଏ, ଇଚିହେଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ । ୨୨ ଇଦାଆଁତାକି ନୀ ଲାଗେଏତି ଅଣ୍ଡିପୁଟି ମନ ଝେଚ୍‌ହାଁ ପ୍ରୁ ତାଣା ପ୍ରାତାନା କିମୁ, ଏନିଆଡ଼ିହେଁ ନୀ ହିୟାଁତା ମାନି ଲାଗେଏତି ଅଣ୍ଡିପୁ ମ୍ବେକ୍‌ନେସି; ୨୩ ଇଚିହେଁ ନାନୁ ମେସିମାଞ୍ଜାଲ୍ ନୀ ହିୟାଁ ବିତା ତାହାରା ଆନାୟି ମାନେ, ନାନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି ।”

୨୪ ଏଚେଟିଏ ସିମନ, ପିତର ଅଡ଼େ ଜହନଲ୍ ଏଲେଇଚେସି, “ମୀରୁ କାର୍ମା ଅଣ୍ଡିପାନା ନା ଡାକି

✱ ୮:୩ ୮:୩ କାମା ୨୨:୪,୫; ୨୨:୯-୧୧ \* ୮:୧୨ ୮:୧୨ ମୁଞ୍ଜିନାୟି † ୮:୧୩ ୮:୧୩ ମୁଞ୍ଜିନାୟି ‡ ୮:୧୨ ୮:୧୨ ମୁଞ୍ଜିନାୟି

ପ୍ରବୁ ତାଣା ପ୍ରାତାନା କିଦୁ, ମାରୁ ଏନାଆଁ ଜଲିତେରି ଏ ବାରେ ଏନିକିଁ ନାଜେତାକି ଏଲେଆହିଁ ଆଏ ।”

୨୫ ଇଲେକିହିଁ ପିତର ଅଡେ ଜହନ ସାକି ହୀହିଁ ପ୍ରବୁତି ବଲୁ ଖେସିହିଁ, ହାରେକା ସମିରଣ ନାସକାଣା ନେହିଁ କାରୁ ଖେସି ଖେସିହିଁ ଜିରୁସାଲମତା ଖେଣ୍ଡା ହାଚେରି ।

**ପିଲିପ ଅଡେ ଇତିୟପିୟାତି କାମାକିନାସି**

୨୬ ତାୟୁ ପ୍ରବୁତି ର ଦୁତୁ ପିଲିପଇଁ ଏଲେଇଚେସି, “ନିଜାମୁ ଇଞ୍ଜା ଚିଃନି ଖାକିତି ଆମିନି ଜିରୁ ଜିରୁସାଲମତିଏ ଗଜା ଖାକି ମାନେ ଏ ଜିରୁତା ହାଲାମୁ ।” ଏ ଜିରୁତି ଅଡେ ଲକୁ ତାକିହିଲଅରିଃ ।

୨୭ ଏମ୍ବାଟିଏ ଏଞ୍ଜାସି ନିଜାମା ହାଚେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ତୁଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇତିୟପିୟା ରାଣିନି ବାରେ ଦନତି ଗୁମୁସ୍ତା ମାଚେସି, ଏଞ୍ଜାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା ଖାହାମାଚେସି; ୨୮ ଏଞ୍ଜାସି ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟତି ପତି କାଜା ଗିୟାତଲେ ପଡ଼଼ି ଆହିଁ ରାତାତା କୁଗାନା ଖେଣ୍ଡା ହାଜିମାଚେସି । ୨୯ ଏଚିବେଲା ସୁଦୁଜୀଞ୍ଜୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ତାଣା ହାଲାମୁ;” ୩୦ ଏଚେଟିଏ ପିଲିପ ହଟି ହଟି ହାଜାନା ଜିସାୟତି ପତି କାଜା ଗିୟାତଲେ ମାହାପୁରୁ ଅଣ୍ଟପୁତି ବଲୁ ପଡ଼଼ି ଆହିମାନାଣି ଖେଞ୍ଜାନା ଖେଚେସି, “ନୀନୁ ଆମିନିଗାଟାଣି ପଡ଼଼ି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ବାଆସି ନାଜେ ଖେସ୍ତାଆସାରେ ନାନୁ ଏନିକିଁ ପୁଇଁ ?” ଇଞ୍ଜା ଏଞ୍ଜାସି ପିଲିପଇଁ ରାତାତା ହଚାନା ତାନିତଲେ କୁଗାଲି ଏଲେଇଚେସି । ୩୨ ଏଞ୍ଜାସି ଦାମ୍ବୁ ପତିତା ପଡ଼଼ି ଆହିମାଟି କାତା ଇଦି; “ଏଞ୍ଜାସି ପାୟିଞ୍ଜିଆନି ମେଣ୍ଡା ତାଲୁ ଲେହେଁ ଅଞ୍ଜିଆଚେସି,

ଇଞ୍ଜା ମେଣ୍ଡା ତାଲୁ ବାଣାୟାଁ ଦାଃନି ବେଲାତା ମେଣ୍ଡା ତାଲୁ ଏନିକିଁ ତୀଆନା ପାଲେଏ ତୟିନେ, ଏଲେକିହିଁଏ ଏଞ୍ଜାସି ତାନି ଗୁତି ଏକ୍‌ଆଚେସି ।

୩୩ ଏଞ୍ଜାଣାଇଁ ଉଣା କିହାଁ ନୀହାଁୟି କିଆଚେରି, ଏଞ୍ଜାଣି କୁଡ଼ାତି କାତା ଆମ୍ବାଆସି ଖେସାଲି ଆଡ଼ଅସି, ଇତିହିଁ ତାନି ଜୀଞ୍ଜୁ ଦାର୍‌ତିତା ରାଡେ ।”

୩୪ ଏ ପେଜୁ ପିଲିପଇଁ ଏଲେଇଚେସି, “ନାଜେ ଖେସ୍ତାମୁ, ମାହାପୁରୁ ଅଣ୍ଟପୁତି ବଲୁ ଖେହ୍ନାସି

ଆମ୍ବାଆରି କାତା ଖେସିମାନେସି ? ତାନି କାତା କି ଅର ରଅଣି କାତା ?” ୩୫ ଏମ୍ବାଟିଏ ପିଲିପ ଗୁତି ଦେତାନା ଦାମ୍ବୁ ସାତ୍‌ସ୍ତୁରିଟିଏ ମାଟ୍‌ହାନା ଏଞ୍ଜାଣି ତାଣା ଜୀସୁତି ନେହିଁ କାରୁ ଖେସ୍ତେସି । ୩୬ ଏଞ୍ଜାରି ଜିରୁତା ହାଜିମାଟାଟି ଏୟୁ ମାନି ର ଟାୟୁତା ଏଗାହାଚେରି; ଏଚେଟିଏ ପେଜୁ ଏଲେଇଚେସି, ୩୭ “ଇମ୍ବାଆଁ ଏୟୁ ମାନୁ, ଏନାଆଁ ନାନୁ ବାପ୍ତିସ୍ତା\* ଅହାଲି ଆଡ଼ିଇଁ ?”

୩୮ ଇଞ୍ଜା ଏଞ୍ଜାସି ରାତା ନିପହାଲି ହୁକୁମି ହୀଚେସି, ଇଞ୍ଜା ପିଲିପ ଅଡେ ପେଜୁ ଏୟୁଣାଁ ରେଚେରି, ଇଞ୍ଜା ପିଲିପ ଏଞ୍ଜାଣାଇଁ ବାପ୍ତିସ୍ତାଃ ହୀଚେସି । ୩୯ ଏଞ୍ଜାରି ଏୟୁଟି ହଚା ଖାଡ଼ି ତାୟୁ, ପ୍ରବୁତି ସୁଦୁଜୀଞ୍ଜୁ ପିଲିପଇଁ ଅହିଁ ହାଚେ, ଇଞ୍ଜା ପେଜୁ ଅଡେ ଏଞ୍ଜାଣାଇଁ ମେହ୍‌ଆଚେସି; ଆଡ଼ିଜିକେଏ ରାହାଁ କିହିଁ ତାନି ଜିରୁତା ହାଚେସି । ୪୦ ସାମା ପିଲିପ ଅସଦଦ୍ ଗାଡ଼ାତା ତଞ୍ଜାଆଚେସି; ଇଞ୍ଜା ଏଞ୍ଜାସି ଗାଡ଼ାତାକି ଗାଡ଼ାତା ହାଜାହାଁ ନେହିଁ କାରୁ ଖେସ୍ତେସି ଇଞ୍ଜା କାୟିସରିୟାତା ଏଗାହାଚେସି ।



**ସାଞ୍ଜୁଲ ମନ ଖେଟ୍‌ନାୟି (କାମା ୨୨:୭-୧୬; ୨୬:୧୨-୧୮)**

୧ ସାମା ସାଞ୍ଜୁଲ ନୀର୍ବ ପାଚେକା ପ୍ରବୁତି ସୀସୁୟାଁ କପାଟି ଆଜି ତସାନା ଅଡେ ଜୀଞ୍ଜୁ ନାସାକିନି କାତାୟାଁ ଜଲିହିଁ କାଜା ପୁଜେରାଙ୍ଗା ତାଣା ହାଚେସି । ୨ ଅଡେ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସିହିଁ, ବାରେଜାଣାତି ଦସ୍‌ପାନା ଜିରୁସାଲମତା ତାଚାଲି ଆଡ଼ିମାନେସି, ଏଦାଆଁତାକି ଏଞ୍ଜାସି କାଜା ପୁଜେରାଙ୍ଗା ତାଣା ହାଜାନା ଦମେସକତା ମାନି ଜୀହୁଦି ଲକୁତି କୁଟି ଇଲ୍‌କାଣା\* ହିୟାଲି ଏଞ୍ଜାରି ତାଣାଟି ଆକୁ ରୀସ୍ତେସି ।

୩ ସାଞ୍ଜୁଲ ଦମେସକ ତାଗେ ଖାହିମାଟାଟି ଦେବୁଣିଏ ର ଉଜେଡ଼ି ହାଗୁଲାକଟି ତାନି ସାରିଞ୍ଜାକି ମ୍ବୁସ୍ତେ । ୪ ଏମ୍ବାଟିଏ ଏଞ୍ଜାସି ବୁମିତା ତରଗା ହାଚେସି ଇଞ୍ଜା ତାଜେତାକି ଇ ହାଡ଼ା ଖେଚେସି, “ଏ ସାଞ୍ଜୁଲ, ଏ ସାଞ୍ଜୁଲ ! ନୀନୁ ଏନାଆଁତାକି ନାଜେ ନିନ୍ଦା କିହିମାଞ୍ଜାଦି ?”

୫ ଏଞ୍ଜାସି ଏଲେଇଚେସି, “ପ୍ରବୁ, ନୀନୁ ଆମ୍ବାଆଡ଼ି ?” ଏଞ୍ଜାସି ଏଲେଇଚେସି, “ନୀନୁ ଆମ୍ବାଆରାଇଁ ନିନ୍ଦା କିହିମାଞ୍ଜି ଏ ଜୀସୁଚେସିଁ ନାନୁ । ୬ ସାମା ନିଜାମୁ ଇଞ୍ଜା ଗାଡ଼ାତା ହାଲାମୁ, ଏନାଆଁ କିହାଲି ଆନେ, ଏମ୍ବାଆଁ ନିଜେ ଖେସ୍‌ପି ଆୟାନେ ।”

§ ୮:୨୨ ୮:୨୬ ଲକୁ ହିଲାଆ ଟାୟୁ \* ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନୀନୁ ବାରେ ହିୟାଁ ତଲେ ନାନିସାରେ ଅହାଲି ଆଡ଼ିଦି” ଏମ୍ବାଟିଏ ଏଞ୍ଜାସି ଏଲେଇଚେସି, “ଜୀସୁ ଜୀସୁ ମାହାପୁରୁତି ମାର୍‌ସସି ଇଦାଆଁ ନାନୁ ନାନିମାଇଁ ।” ‡ ୮:୩୮ ୮:୩୮ ମୁଞ୍ଜିନାୟି \* ୯:୨ ୯:୨ ସିନଗଗ

୭ ଏଞ୍ଜାଣିତଲେ ଆମିନି ଲକୁ ହାଜିମାଚେରି, ଏଞ୍ଜାରି ଏ ହାଡ଼ା ଝେଞ୍ଜାନା ଆମ୍ବାଆରାଇଁ ମେହ୍‌ଆଚେରି, ଇଞ୍ଜା ଆଡ଼ାଜାକା ଆହାହାଚେରି । ୮ ଅଡ଼େ ସାଞ୍ଜୁଲ ବୁମିଟି ନିଙ୍ଗାନା ତାନି କାଶକା ଦେତେସି, ସାମା ଏଞ୍ଜାସି ଏନାଆଁ ମେସାଲି ଆଡ଼ାଆଚେସି । ଇଞ୍ଜା ଏଞ୍ଜାରି ତାନି କେୟୁ ଆସାନା ଦମେସକତା ଅଡ଼େରି । ୯ ଅଡ଼େ ତାନିଦିନା ପାତେକା ଏଞ୍ଜାସି ଏନାଆଁ ମେସାଲି ଆଡ଼ାଆଚେସି, ଅଡ଼େ ଏନାଆଁ ତିନାଆଚେସି ଏନାଆଁ ଗହ୍‌ଆଚେସି ।

୧୦ ଦମେସକତା ହନନିୟ ଦରୁଗାଟାସି ର ସାସୁ ମାଚେସି; ପ୍ରୁ ଏଞ୍ଜାଣାଇଁ ତଞ୍ଜାଆହାଁ ଏଲେଇଚେସି, “ଏ ହନନିୟ !” ଏଞ୍ଜାସି ଏଲେଇଚେସି, “ଏ ପ୍ରୁ ନାଙ୍ଗେ ଝେସ୍ତାମୁ ।”

୧୧ ଏଚେଟିଏ ପ୍ରୁ ଏଞ୍ଜାଣାଇଁ ଏଲେଇଚେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁଡା ତାର୍ସ ଗାଡ଼ାତି ସାଞ୍ଜୁଲ ଇନାଣାଇଁ ପାରାମୁ; ଇଚିହ୍ ଏଞ୍ଜାସି ପ୍ରାଡ଼ାନା କିହିମାନେସି; ୧୨ ଅଡ଼େ, ଏଞ୍ଜାସି ସେୟାଁଣା ହାପାନା ମେସାମାନେସି, ହନନିୟ ଇନାସି ର ମାଣ୍ଡସି ଝାହାନା ତାନି ଲାକ କେୟୁ ଇଚିମାନେସି, ଏନିକ୍ ଏଞ୍ଜାସି ମେସାଲି ଆଡ଼ିମାନେସି ।”

୧୩ ହନନିୟ ଏଲେଇଚେସି, “ପ୍ରୁ, ଜିରୁସାଲମତା ମାହାପୁରୁ ଲକୁଇଁ ଇଞ୍ଜାସି ଏଚେକା ନିନ୍ଦା କିହାମାନେସି ଇଞ୍ଜା ନାନୁ ହାରେକା ଲକୁ ତାଣାଟି ଇ ଲକୁତି କାତା ଝେଞ୍ଜାମାଇଁ । ୧୪ ଅଡ଼େ ଇ ଗାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାଟି ଦସା ଅୟାଲି ଏଞ୍ଜାସି କାଜା ପୂଜେରାଙ୍ଗା ତାଣାଟି ଅଦିକାରା ଆକୁ ବେଟାଆହାମାନେସି ।”

୧୫ ସାମା ପ୍ରୁ ଏଞ୍ଜାଣାଇଁ ଏଲେଇଚେସି, “ହାଲାମୁ; ଇଚିହ୍ ଏଞ୍ଜାସି ଏଟକା କୁଡ଼ାତି ରାଜାୟାଁ ଅଡ଼େ ଇସ୍ତାୟେଲ ଲକୁତି ମାସ୍କା ମୀରୁକା ନକିତା ନା ଦରୁ ଝେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆଚାମାଇଁ; ୧୬ ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆନେସି, ଏଦାଆଁ ନାନୁ ଏଞ୍ଜାଣାଇଁ ଝେହ୍‌ଇଁ ।”

୧୭ ଏଚେଟିଏ ହନନିୟ ହାଜାନା, ଏ ଇଲୁଡା ହଚେସି, ଇଞ୍ଜା ତାନି ଲାକ କେୟୁ ଇଚାନା ଏଲେଇଚେସି, “ତାୟି ସାଞ୍ଜୁଲ, ଇମ୍ବାଆଁ ଝାନି ଜିରୁତା ଆମିନି ପ୍ରୁ ଜୀସୁ ନିଙ୍ଗେ ତଞ୍ଜା ଆୟାଚେସି, ଏଞ୍ଜାସି ନାଙ୍ଗେ ପାଣ୍ଡାମାଞ୍ଜାନେସି, ନୀନୁ ଏନିକ୍ ଝେଣ୍ଡେ ମେହ୍‌ମୁ ଇଞ୍ଜା ସୁଦୁଜାଞ୍ଜୁ ବେଟାଆମୁ ।” ୧୮ ଏ ଦେବୁଣିଏ ଏଞ୍ଜାଣି କାଶକାଟି ମୀନୁ ହିପି ଲେହେଁତାୟି ତୁଲିଚେ, ଇଞ୍ଜା ଏଞ୍ଜାସି ଝେଣ୍ଡେ ମେସାଲି ଆଡ଼ିଚେସି, ଅଡ଼େ ନିଙ୍ଗାନା ବାପ୍ତିସ୍ତା ଅଡ଼େସି, ୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୁୟୁ

ବେଟାଆଚେସି, ଏଚେଟିଏ ସାଞ୍ଜୁଲ ଏଚରଦିନା ସୀସୁୟାଁ ତଲେ ଦମେସକତା ଡ଼ୟିଚେସି ।

**ଦମେସକତା ସାଞ୍ଜୁଲ ଝେକ୍‌ନାୟି /**

୨୦ ଅଡ଼େ, ଜୀସୁ ମାହାପୁରୁତି ମୀରୁଏସି ଇଞ୍ଜା ଆଟ୍‌ଝା ତଲେ ଜୀହୁଦି ଲକୁତି କୁଟମି ଇଲ୍‌କାଣାଃ ଝେସାଲି ମାଟ୍‌ହେସି ।

୨୧ ଅଡ଼େ, ଆମିନି ଗାଟାରି ତାନି ହାଡ଼ା ଝେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାଡ଼ାନା କିନି ଲକୁଣି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାଣାଇଁ ଦସ୍‌ପାହାଁ କାଜା ପୂଜେରାଙ୍ଗା ତାଣା ଅହାଲି ତାକି ଇମ୍ବାଆଁ ଝାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ଝେକ୍‌ନାୟି ହାରେକା ବାଡ଼ୁୟୁ ଗାଟାୟି ମାଚେ, ଅଡ଼େ ଏଞ୍ଜାସି ପାରମାଣା କିହାଁ ଝେସ୍ତେସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକୁଣି ଝେଣ୍ଡେ ଝେସାଲି ଆଡ଼ାଆଚେରି ।

୨୩ ✨ଏଚରଦିନା ହାଚି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି; ୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟାଁ ତୁ ହାଚେ, ଅଡ଼େ ଏଞ୍ଜାରି ଏନିକ୍ ସାଞ୍ଜୁଲଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଝେରିକାଣା କାଚିହ୍ ଡ଼ୟିଚେରି । ୨୫ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ତାଲିତା ରସାହାଁ କଟା କାତିଟି ଡ଼ଇ ରେପ୍‌ହେରି ।

**ଜିରୁସାଲମତା ସାଞ୍ଜୁଲ**

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡିମାଚେସି; ସାମା ଏଞ୍ଜାସି ର ସୀସୁ ଇଞ୍ଜା ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି । ୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଝି ଆଡ଼ାରି ତାଣା ତାଚେସି, ଇଞ୍ଜା ଜିରୁତା ଏଞ୍ଜାସି ଏନିକ୍ ପ୍ରୁଇଁ ମେସ୍ତେସି ଇଞ୍ଜା ପ୍ରୁ ଏନାଆଁ ତାଙ୍ଗେ ହାଡ଼ା ଆଚେସି, ଦମେସକତା ଜୀସୁ ଦରୁଟି ସାସାତଲେ ସାଞ୍ଜୁଲ ଏନିକ୍ ଝେସାମାଚେସି, ଇ ବାରେ କାତା ଏଞ୍ଜାରି ନକିତା ଝେସ୍ତେସି । ୨୮ ଅଡ଼େ ସାଞ୍ଜୁଲ ଏଞ୍ଜାରିତଲେ ଡ଼ୟିଚେସି ଅଡ଼େ ଜିରୁସାଲମତି ବାରେଝାକି ହାଜାନା ସାସାତଲେ ପ୍ରୁଟି ଦରୁ ଝେକ୍‌ହେସି । ୨୯ ଇଞ୍ଜା ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକୁତଲେ ବାଦିବାଦା କିହିମାଚେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାଚେରି । ୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା ଅହାନା ଏମ୍ବାଟି ଏଞ୍ଜାଣାଇଁ ତାର୍ସତା ପାଣ୍ଡିଚେରି ।

† ୯:୧୮ ୯:୧୮ ମୁଞ୍ଜିନାୟି ‡ ୯:୨୦ ୯:୨୦ ସିନଗର୍ ✨ ୯:୨୩ ୯:୨୩ ୨କର ୧୧:୩୨,୩୩

୩୧ ଇଲେଆହୁଁ ଏ ବାରେ ଜୀହ୍ୱଦା ରାଜି, ଗାଲିଲି ଅଡ଼େ ସମିରଣତି କୁଲମି ବାସୁ ଆହାନା ପ୍ରବୁଇଁ ଆଜାନା ହିଡ଼ଡ଼ି ଜୀହ୍ୱତଲେ ମାଚେରି, ଇଞ୍ଜା ସୁଦୁଜୀହ୍ୱତି ସାୟେମି ତଲେ ପାତାଆହାଲି ମାଟ୍‌ହେରି ।

ଦିନା ପାତେକା ଜାପତି ସିମନ ଦରୁଗାଟି ତଲୁକା କାମାକିନାଣି ଇଜ ଡ଼ୟିତେସି ।

### ୧୦

#### ଲୁଦ ଅଡ଼େ ଜାପତା ପିତର

୩୨ ଏଚେଟିଏ ପିତର ବାରେ ରାଜିତା ରେଜି ରେଜିହୁଁ ଲୁଦତା ଡ଼ୟିନି ମାହାପୁରୁ ଲକୁଣି ଆଣ୍ଡାଲି ହାଚେସି । ୩୩ ଏମ୍‌ଆଁ ଏଝାସି ଏନିୟ ଦରୁଗାଟି ରଅଣାଇଁ ବେଟାଆଡ଼େସି, ଏଝାସି ଆଟା ବାସା ପାତେକା ଟଟ ଝାୟିତି ରଗ ଆହାନା କାଟେଲିଟି ନିଙ୍ଗାଲି ଆଡ଼ିହଲିଆଡେସି । ୩୪ ପିତର ଏଝାଣାଇଁ ଏଲେଇଚେସି, “ଏନିୟ, ଜୀସୁ ଜ୍ରୀସୁ ନିଙ୍ଗେ ନେହୁଁ କିହାମାଞ୍ଜାନେସି; ନିଙ୍ଗାମୁ ନୀ ପାସପନି ମୁଦା କିମୁ” ଏଚେଟିଏ ଏଝାସି ଏ ଦେବୁଣିଏ ନିଙ୍ଗିତେସି । ୩୫ ଏଚେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକୁ ଏଝାଣାଇଁ ମେସାନା, ପ୍ରବୁ ତାଣା ହିୟାଁ ଝେଟ୍‌ହେରି ।

#### ଦର୍କା ଝେଣ୍ଡେ ନୀତିନାୟି

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାଚେ, ଗ୍ରିକ୍ ତଲେ ଦର୍କା ଇଚିସାରେ ତାନି ଦରୁ “ର କୁର୍ଣ୍ଣୁ ।” ଏଡ଼ି ବାରେବେଲା ନେହୁଁ କାମା କିହୁଁ, ହିଲାଆ ଗାଟାରାକି ସାୟେମି କିହିମାଚେ । ୩୭ ଏଚିବେଲାତା ଏଡ଼ି ନଚେରି ଆହାନା ହାହାହାଚେ, ଲକୁ ଏଦାନି ଏୟୁ ମାଡ଼ହାନା ଲାକନି ପାରୁତି ର ବାକ୍ରାତା ତ୍ରିପହୁ । ୩୮ ଇଞ୍ଜା ଲୁଦ ଜାପ ତାଗେ ମାଚାକି ସୀସୁୟାଁ ପିତର ଜାପତା ମାନେସି ଇଞ୍ଜାଁ ଝେଞ୍ଜାନା, ରୀ ଲକୁଣି ଏଝାଣି ତାଣା ପାଣ୍ଡାନା ଇ କାତା ବାଡ଼ିମାଲିତେରି, “ମା ତାଣା ଝାହାଲି ଝେଡ଼ା କିଆନି ।” ୩୯ ପିତର ନିଙ୍ଗାନା ଏଝାରିତଲେ ହାଚେସି, ଏମ୍‌ଆଁ ଏଝାସି ଝାହାଲିଏ ଏଝାଣାଇଁ ଲାକନି ପାରୁତି ବାକ୍ରାତା ଅଡ଼େରି, ଅଡ଼େ ରାଣ୍ଡେଣିସିକା ସାରିସୁଟୁ ମୁଚାନା ଡ଼ାହି ଡ଼ାହିଁ ଦର୍କା ନୀତାମାଟି ବେଲାତା କେପାମାଟି ହିମ୍‌ରିକା ବାରେ ଏଝାଣାଇଁ ତସୁ । ୪୦ ସାମା ପିତର ବାରେଜାଣାତି ପାଙ୍ଗାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇଞ୍ଜା ମାଡ଼ହା ଝାକି ତିରଝାନା ଏଲେଇଚେସି, “ଟାବିତା, ନିଙ୍ଗାମୁ” ଏଚେଟିଏ ଏଡ଼ି କାଶକା ଦେଚାନା ପିତରଇଁ ମେସ୍ତେ ଇଞ୍ଜା ନିଙ୍ଗାନା କୁରିତେ । ୪୧ ଇଞ୍ଜା ପିତର କେୟୁ ଦାସାନା ଦର୍କାଲି ନିକହେସି, ଇଞ୍ଜା ମାହାପୁରୁ ଲକୁ ଅଡ଼େ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ତସ୍ତେସି । ୪୨ ଇ କାତା ଜାପତି ସାରିସୁଟୁ ଝେଙ୍ଗାହାଚେ ଅଡ଼େ ହାରେକା ଲକୁ ପ୍ରବୁଇଁ ନାମିତେରି । ୪୩ ଅଡ଼େ, ପିତର ହାରେକା

#### ପିତର ଅଡ଼େ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାଚେସି, ଏଝାସି ଇତାଲିକ ଦରୁଗାଟି ରମିୟ ରିଜାରି କସକାତି ପାସାକଡ଼ି କସକା ମୁହେଁ କାଜାସି ମାଚେସି । ୨ ଏଝାସି ର ଦାମୁଁ ଲକୁ ମାଚେସି; ତାନି ଲକୁ କୁଟମି ତଲେ ମାହାପୁରୁଇଁ ଆଜିମାଚେସି, ଏଝାସି କାକୁଲି ଲକୁତାକି ଦାନା ହାହିମାଚେସି, ଅଡ଼େ ମାହାପୁରୁ ତାଣା କାଲେଏ ପ୍ରାତାନା କିହିମାଚେସି । ୩ ର ଦିନା ମିଡ଼ଅଲା ତାନି ଗଂଟା ବେଲାତା ଏଝାସି ସେୟାଁଣା ହାପାନାତା ତୀରପୁତଲେ ମେସ୍ତେସି, ର ମାହାପୁରୁତି ଦୁଡ଼ୁ ଝାହାନା ଏଝାଣାଇଁ ଝେସ୍ତେସି “କର୍ନଲିୟ !”

୪ ଏଝାସି ଆଜିତଲେ ଦୁଡ଼ୁ ଝାକି ସିନିକିତେସି ଅଡ଼େ ଝେଚେସି, “ଇଦି ଏନାୟି ପ୍ରବୁ ?” ଦୁଡ଼ୁ ଏଝାଣାଇଁ ଏଲେଇଚେ, “ନୀ ପ୍ରାତାନା ଅଡ଼େ ଦାନା ହୀନାୟି ଲାକ ମାହାପୁରୁ ନକିତା ଏଜାମାନେ । ୫ ନୀଏଁ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି ଲକୁଇଁ ହାଟାତାମୁ, ଏଝାଣି ହାଟା ଦରୁ ପିତର ଇନେରି; ୬ ଏଝାସି ସିମନ ଦରୁଗାଟି ର ତଲୁକା କାମାକିନାଣି ଇଜ ଗତାଗାଟାସି ଆହାମାନେସି, ଏଝାଣି ଇଲୁ ସାମଦୁରି ଗାଟୁତା ।” ୭ ତାନିତଲେ କାତା ଆହିମାଟି ଦୁଡ଼ୁ ହାଜାଲିଏ, ଏଝାସି ତାନି ଇଜ କାମା କିନି ରୀ ହଲିୟାଙ୍ଗାଣି ଇଞ୍ଜା ତାଙ୍ଗେ ସେବାକିନି ରିଜାରି କସକା ବିତ୍ରାଟି ର ଦାମୁଁତି କହୁଏଁଣାଇଁ ହାଟିତେସି, “ଅଡ଼େ ଏଝାସି ଏଝାଣାଇଁ ଏମ୍‌ଆଁ ଆହାମାଟି ବାରେ କାତା ଝେସାନା ଜାପତା ପାଣ୍ଡିତେସି ।

#### ପିତର ସେୟାଁଣା ହାପାନା ହେଣ୍ଡନାୟି

୧ ଅର ଦିନା ଏଝାରି ହାଜି ହାଜିହୁଁ ଏ ଗାଡ଼ାତି ତାଗେ ଆଡ଼େରି, ଏଚିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଲକୁ ଲାକ ହାଚେସି, ୧୦ ଏଝାସି ହାକି ଆଡ଼େସି ଅଡ଼େ ଏନାଆଁ ତିଞ୍ଜାଲି ମନ କିତେସି; ସାମା ଏଝାରି ରାଦା ଝାଜିମାଟି ବେଲାତା, ଏଝାସି ସେୟାଁଣା ହାପାନା ମେସ୍ତେସି, ୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକ୍ ର ହିମ୍‌ରିତି ସାରି କନତା ଆସପି ଆହାନା ଦାରୁତି ଲାକ ରେଟା ଝାହିମାନେ; ୧୨ ଏମ୍‌ଆଁ ଦାରୁତି ବାରେ କୁଡ଼ାତି ସାରିଗଟା କଡା ଗାଟି ଜନ୍ତୁ ଜିଝେଡ଼ିକା, ରାସକା ତ୍ରଗିୟାଁ ଅଡ଼େ ହାଗୁତି ପଗାୟା ମାନୁ । ୧୩ ଇଞ୍ଜା ଏଝାଣାକି ଇ ହାଡ଼ା ଆଡ଼େ, “ପିତର; ନିଙ୍ଗାମୁ, ପାୟାନା ତିନାମୁ !”

୧୪ ସାମା ପିତର ଏଲେଇରେସି, “ଆଏ ପୁରୁ, ନାନୁ ଏରେଲାଞ୍ଜା ଏନି ଲାଗେଏ ପରେଏତି ଦିଶସୁ ତିଞ୍ଜାହିଲଅଁ ।”

୧୫ ଅଡେ ର ପାଲି ଇ ହାଡା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି ।” ୧୬ ଇଲେକିହିଁ ତାନି ପାଲି ଆଡେ, ତାୟୁ ଏ ହିମ୍ବୁରି ଲାକପୁରୁ ଅଞ୍ଜିଆଡେ ।

୧୭ ପିତର ଏନାଆଁ ସେୟାଣା ହାପାନା ହେଶ୍ଟାମାରେସି, ଏଡି ଏନାୟି, ଇଞ୍ଜିଁ ଅଣ୍ଡପିହିଁ ଆତାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡୁଞ୍ଜି ଆହାମାନାରି ସିମନ ଇଲୁ ପାରିହିଁ ଦୁଝେରିତା ନିକା ଖାଡେରି, ୧୮ ଇଞ୍ଜା ଏଞ୍ଜାରି ଝେରେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗଡେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଟାଣି ଅଣ୍ଡପିମାଟି ବେଲାତା ଜାଞ୍ଜୁ ଏଞ୍ଜାଣାଈଁ ଏଲେଇରେ, “ମେହ୍ମୁ ! ତାନି ଜାଣା ଲକୁ ନିଞ୍ଜେ ପାରିମାଞ୍ଜାନେରି । ୨୦ ଏଦାଆଁତାକି ତିୟାରା ଆମ୍ବୁ ଅଡେ ଡଇ ହାଲାମ୍ବୁ, ଅଡେ ଆନାମାନା ଆଆନା ଏଞ୍ଜାରିତଲେ ହାଲାମ୍ବୁ, ଏନାଆଁତାକି ଇଚିହିଁ ନାନୁ ଏଞ୍ଜାରାଈଁ ପାଣ୍ଡାମାଞ୍ଜାଈଁ ।” ୨୧ ଏରେଟିଏ ପିତର ଏ ଲକୁତାଣା ରେଟାଞ୍ଜାହାନା ଏଲେଇରେସି, “ମୀରୁ ଆମ୍ବାଆରାଈଁ ପାରିମାଞ୍ଜେରି, ନାନୁ ଏଞ୍ଜାଡେଏଁ । ମୀରୁ ଏନାଆଁତାକି ଖାହାମାଞ୍ଜେରି ?”

୨୨ ଏଞ୍ଜାରି ଏଲେଇରେରି, “କର୍ନଲିୟ ଦରୁଗାଟି ପାସାକଡ଼ି କସକା ମୁହେଁ କାଜାସି ମାଞ୍ଜେ ପାଣ୍ଡାମାଞ୍ଜାନେସି, ଏଞ୍ଜାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଈଁ ଆଜିନାସି, ଅଡେ ବାରେ ଜାହୁଦି କୁଡାତା ଝେଙ୍ଗାଟାସି, ଏଞ୍ଜାସି ନିଞ୍ଜେ ତାନି ଇଜ ହାଟାନା ନୀ ଜାପୁନାଣି ଝେଞ୍ଜାଲିତାକି ମାହାପୁରୁଡି ଦୁଡୁ ତାଣାଟି ହୁକୁମି ବେଟା ଆହାମାନେସି ।”

୨୩ ପିତର ବିତ୍ରା ହାଟା ଅହାନା ଏଞ୍ଜାରାଈଁ ସେବା କିଡେସି । ଅର ନେରୁ ନିଞ୍ଜାନା ତିୟାରା ଆହାନା ଏଞ୍ଜାରିତଲେ ହାରେସି; ଜାପତି ଏଚରଜାଣା ନାମିତି ତାୟିୟାଁ ଏଞ୍ଜାରିତଲେ ହାରେରି । ୨୪ ଅର ନେରୁ ଏଞ୍ଜାରି କାୟିସରିୟାତା ଏଡେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜା ଅଡେ ଜାଟୁଡି ତଢେସିଞ୍ଜାଣି ହାଟାହାଁ କୁଡ଼ି କିହାନା ଏଞ୍ଜାରାଈଁ କାଡ଼ିମାରେରି । ୨୫ ପିତର ବିତ୍ରା ହାଜାଲିଏ କର୍ନଲିୟ ଏଞ୍ଜାଣି କଡାଁ ଡଇ ମୁରୁ କୁଡାନା ଜହରା କିଡେସି ।

୨୬ ସାମା ପିତର ତାଞ୍ଜେ ନିକହାନା ଏଲେଇରେସି, “ନିଞ୍ଜାମ୍ବୁ, ନାନୁ ଜିକେଏ ର ମାଣ୍ଡିଡେଏଁ ।”

୨୭ ଏରେଟିଏ ପିତର କର୍ନଲିୟ ତଲେ କାତା ଆହିଁ ଆହିଁ ଇଲୁ ବିତ୍ରା ହାଜାନା ଏମ୍ବାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି । ୨୮ ଅଡେ ଏଞ୍ଜାସି ଏଞ୍ଜାରାଈଁ ଏଲେଇରେସି, “ଏଟକା କୁଡାତି

ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜାହୁଦି ଲକୁତାକି ଏନିକିହିଁ ମେରା ହିଲେଏ, ଏଦାଆଁ ମୀରୁ ନେହିଁ କିଁ ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଈଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହିଁ ଇନାଆନି ଇଞ୍ଜିଁ ମାହାପୁରୁ ନାଞ୍ଜେ ତସାମାଞ୍ଜାନେସି । ୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଣ୍ଡପାଆନା ଖାଡେଏଁ । ଇଦାଆଁତାକି ନାନୁ ଝେଞ୍ଜିମାଞ୍ଜାଈଁ, ଏନାଆଁ କିହାଲି ମୀରୁ ନାଞ୍ଜେ ହାଟାଡେରି ?”

୩୦ କର୍ନଲିୟ ଏଲେଇରେସି, “ତାନିଦିନା ନଚେଏ ଇ ବେଲାତା ମିଡ଼ଅଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାଡେଏଁ; ମେହ୍ମୁ ଏମ୍ବାଆଁ ଉଡେଡ଼ିଗାଟି ଦବଲା ହିମ୍ବୁରିକା ତୁରହାମାନି ର ଲକୁ ନା ନକିତା ନିଡେସି, ୩୧ ଅଡେ ଏଞ୍ଜାସି ଏଲେଇଞ୍ଜାଡେସି, ‘କର୍ନଲିୟ ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜା ହିଲାଆ ଗାଟାରାକି ନୀ ଦାନା ହାନାୟି ବାରେ ମାହାପୁରୁ ନକିତା ନେହିଁ ତଞ୍ଜା ଆହାମାନେ । ୩୨ ଇଦାଆଁତାକି ସିମନ ଦରୁଗାଟି ପିତରଈଁ ହାଟା ତାତାଲି ଜାପତା ଲକୁଈଁ ପାଣ୍ଡାମ୍ବୁ, ଏଞ୍ଜାସି ସାମ୍ବୁରି ଗାଟୁତା ଡୟିନି ତଲୁକା କାମା କିନି ସିମନ ଇଜ ଗତାଗାଟାସି ଆହାମାନେସି ।’ ୩୩ ଏଦାଆଁତାକି ଝେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାଡେଏଁ, ଅଡେ ନାନୁ ଖାହାମାଞ୍ଜି ନେହିଁ କିହାମାଞ୍ଜି, ଇଚିହିଁ ପ୍ରୁ ନିଞ୍ଜେ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମ୍ବୁ ବାରେ ମାହାପୁରୁ ନକିତା କୁଡା ଆହାମାନମି ।”

ପିତର ଜାପୁନାୟି

୩୪ ଏରେଟିଏ ପିତର ଗୁଡି ଏକହାନା ଏଲେଇରେସି, “ମାହାପୁରୁ ସାଡେଏ ବାରେ ଲକୁଣି ପାରଡ଼ା ବାଟି କିଅସି, ୩୫ ଆମିନି ଲକୁ ଏଞ୍ଜାଣାଈଁ ଆଜିନେରି ଅଡେ ଏଞ୍ଜାସି ଅପିନି ଲେହେଁ ନେହିଁ କାମା କିନେରି ଏଞ୍ଜାରି ଆମିନି କୁଡାତାରି ଇଚିହିଁ ଜିକେଏ, ଏଞ୍ଜାସି ଆବିନେସି । ୩୬ ଏଞ୍ଜାସି ଜାସୁ କ୍ରୀସୁ ତାଣାଟି ହିଡ଼ଡ଼ିତି ନେହିଁ କାରୁ ଝେସାନା ଇସ୍ରାୟେଲ ମୀରକା ନକିତା ଇ ବଲୁ ପାଣ୍ଡିଡେସି; ଏ ଜୀସୁ କ୍ରୀସୁ ବାରେଡି ପ୍ରୁ । ୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମ\* କାତା ଝେକହି ତାଣାଟିଏ ଏ ନେହିଁ କାରୁ ଗାଲିଲିଟିଏ ମାଟହାନା ବାରେ ଜାହୁଦା ରାଜିତି ଲକୁତାଣା ଝେଙ୍ଗାମାନେ, ୩୮ ଇଚିହିଁ ନାଜରିତ ଜୀସୁଡି କାତା ପୁଞ୍ଜାମାଞ୍ଜେରି, ଏନିକିଁ ମାହାପୁରୁ ଏଞ୍ଜାଣାକି ସୁଦୁଜାଞ୍ଜୁ ଇଞ୍ଜା ବାଡ଼ୟୁ ହାହାନା ବର ହୀଡେସି, ଇଞ୍ଜା ନେହିଁ କାମା କିହିଁ ସୟତାନ ପାନ୍ଦାତା ଦସ୍ପି ଆହାମାନି ଲକୁଣି ନେହିଁ କିହିଁ ବାରେଖାକି ରେଡେସି, ଇଚିହିଁ ମାହାପୁରୁ ଏଞ୍ଜାଣିତଲେ ମାରେସି ।

\* ୧୦:୩୭ ୧୦:୩୭ ମୁଞ୍ଜିନାୟି

୩୯ ଏଞ୍ଜାସି ଜୀହୁଦି ଲକୁଡି ଦେସାତା ଅଡ଼େ ଜିରୁସାଲମତା ଏନା ଏନାଆଁ କିତେସି, ମାମ୍ବୁ ଏ ବାରେଡି ସାକି; ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହାନା ପାୟିତେରି । ୪୦ ସାମା ମାହାପୁରୁ ଏଞ୍ଜାଣାଇଁ ତାନି ଦିନାତା ନିକହେସି ଅଡ଼େ ତଞ୍ଜାଆଞ୍ଜି କିତେସି; ୪୧ ବାରେଜାଣା ତାକି ଆଏ, ଖାରୁଇ ମାହାପୁରୁ ଆଡ଼ିତି ସାକି, ଇଚିହଁ ମା ନକିତା ତଞ୍ଜାଆଡ଼େସି । ମାହାପୁରୁ ଏଞ୍ଜାଣାଇଁ ହାକିଟି ନିକହଁ କେଚ ମାମ୍ବୁ ଏଞ୍ଜାଣିତଲେ ତିଚମି ଉଚମି । ୪୨ ଅଡ଼େ ଲକୁ ନକିତା ଇ ନେହଁ କାରୁ ଖେକହାଲି, ଇଞ୍ଜା ହାଡ଼ାରି ଅଡ଼େ ଜୀହୁତା ନୀତାମାନାରି ନାହାଁୟି କିନାସି ଆହାଲି ମାହାପୁରୁ ଏଞ୍ଜାଣାଇଁ ଆଚାମାନେସି ଇଞ୍ଜାଁ ସାକି ହାହାଲି ଏଞ୍ଜାସି ମାଜେ ହୁକୁମି ହିୟାତେସି । ୪୩ ଆମ୍ବାଆସି ଏଞ୍ଜାଣି ତାଣା ନାମିନେସି, ଏଞ୍ଜାସି ଏଞ୍ଜାଣି ଦରୁତଲେ ପାପୁ ମ୍ବେପକି ଆନେସି, ଇଦାଆଁ ବାରେ ମାହାପୁରୁ ଅଣପୁଡି ବଲୁ ଖେହନାରି ଏଞ୍ଜାଣି କାତାଡି ସାକି ହାହାମାନେରି ।”

**ଜୀହୁଦିଆଆଡି ଲକୁ ସୁଦୁଜୀଞ୍ଜୁ ବେଟାଆନାୟି**

୪୪ ପିତର ଇ ବାରେ କାତା ଖେସିମାଟି ବେଲାତା ଆମିନି ଗାଟାରି ତାନି ବଲୁ ଖେଞ୍ଜିମାଚେରି, ଏ ବାରେଜାଣାଟି ମୁହେଁ ସୁଦୁଜୀଞ୍ଜୁ ରେଚାଞ୍ଜାଡେ । ୪୫ ଜୀହୁଦିଆଆଡି ଲକୁତାଣା ଜିକେଏ ସୁଦୁଜୀଞ୍ଜୁ ରେଚା ଖାଡ଼ାଣି ମେସାନା ପିତର ତଲେ ଜାପଟି ଖାହାମାଟି ତଲୁ ଦାପି ଆଡି ନାମିତି ଜୀହୁଦିୟାଁ, ଏଞ୍ଜାରି ବାରେଜାଣା କାବା ଆଡେରି । ୪୬ ଇଚିହଁ ଏଞ୍ଜାରି ଏଟକା ଏଟକା ହାଡ଼ାତଲେ କାତା ଆହିମାଚାଣି ଇଞ୍ଜାଁ ମାହାପୁରୁଡି ଜହରା କିହିମାନାଣି ଖେଚେରି । ଏଚିବେଲା ପିତର ଏଲେଇଚେସି । ୪୭ “ଇଞ୍ଜାରି ଆମିନି ଲକୁ ମା ଲେହେଁ ସୁଦୁଜୀଞ୍ଜୁ ବେଟାଆହାମାନେରି, ଇଞ୍ଜାରି ଏୟୁତଲେ ବାପ୍ତିସ୍ମା† ବେଟାଆହାଲି ଆମ୍ବାଆସି କାହି କିୟାଲି ଆଡିମାନେସି ?” ୪୮ ଇଞ୍ଜାଁ, ଏଞ୍ଜାସି ଏଞ୍ଜାରାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମା‡ ହାହାଲି ହୁକୁମି ହାତେସି, ତାୟୁ ଏଞ୍ଜାରି ଏଚରଦିନା ଡୟାଲି ଏଞ୍ଜାଣାଇଁ ବାଡିମାଲିଚେରି ।

**୧୧**

**ପିତର କାମାଟି କାତା ଜିରୁସାଲମ କୁଲମିତା ଖେହନାୟି**

୧ ଜୀହୁଦିଆଆଡାରି ଜିକେଏ ମାହାପୁରୁଡି ବଲୁ ନାମିଚେରି, ଇ କାତା ପାଣ୍ଡୁଞ୍ଜି ଆଡ଼ାରି ଇଞ୍ଜାଁ ଜୀହୁଦା ରାଜିତା ମାନି ତାୟିୟାଁ ଖେଚେରି । ୨ ପିତର ଏଚିବେଲା ଜିରୁସାଲମତା ଖାଡେସି, ଏଚିବେଲା ତଲୁ ଦାପି ଆଡି ସୀସୁୟାଁ ପିତର ତଲେ ବାଦିବାଦା ଆଡେରି, ୩ “ନାନୁ ଜୀହୁଦିଆଆଡି ଲକୁ ଇଲକାଣା

ହାଜାନା ଏଞ୍ଜାରିତଲେ ଡିଞ୍ଜାମାଞ୍ଜି !” ୪ ସାମା ପିତର ଇ ବାରେ କାତାଟି ମୁଲୁଟିଏ ଖେସାଲି ମାଟହାନା ଏଲେଇଚେସି ।

୫ “ନାନୁ ଜାପ ଗାଡ଼ାତା ପ୍ରାଡ଼ାନା କିହିମାଚେଏଁ, ଇଞ୍ଜାଁ ସେୟାଁଣା ହାପାନାତା ମେସେଏଁ, ଏନିକଁ ର କାଜା ହିମ୍ବୁରିତି ସାରି କନତା ଆସାହାଁ ଲାକପୁରୁଟି ଡ଼ଇ ରେଚା ଖାହିମାଚେ, ଅଡ଼େ ଏଡ଼ି ନା ପାଚେକା ଖାଡେ; ୬ ନାନୁ ଏମ୍ବାଆଁ ସିନିକିହାନା ଅଣପାଲି ମାଟହେଏଁ, ଏମ୍ବାଆଁ ଦାରୁଡିତି ସାରିଗଟା କତାୟାଁ ତଲେ ତାକିନି ନାସକାତି ଜନ୍ତୁ ଇଞ୍ଜାଁ ଜାଡ଼ାତି ଜନ୍ତୁ ଡୁଗିୟାଁ ରାସକା ଅଡ଼େ ହାଗୁଡି ପଟାୟାଁ ମେସେଏଁ, ୭ ଅଡ଼େ ନାଜେ ଖେସାମାଞ୍ଜାନି ଇ ହାଡ଼ା ଜିକେଏ ଖେଚେଏଁ, ‘ପିତର; ନିଜାମ୍ବୁ ପାୟାନା ତିନାମ୍ବୁ !’ ୮ ସାମା ନାନୁ ଏଲେଇଚେଏଁ, ‘ଆଏ ପ୍ରବୁ ! ତୀଗାଆଗାଟି ଲାଗେଏ ପଲେଏଡି କାଦି ନାନୁ ଏଚେଲାଞ୍ଜା ନା ଗୁଡିତା ଅହାହିଲଅଁ ।’ ୯ ସାମା ଅର ଦେବା ଲାକପୁରୁଟି ଇ ହାଡ଼ା ଖେସ୍ତାଡେ, ‘ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି ।’ ୧୦ ଇଲାଆହଁ ତାନି ପାଲି ଆଡେ, ଅଡ଼େ ତାୟୁ ଏ ବାରେ ଖେଶ୍ତେ ଲାକପୁରୁ ଅଞ୍ଜିଆଡେ । ୧୧ ଅଡ଼େ ମେହଦୁ, ଦେବୁଣିଏ ତାନି ଜାଣା ଲକୁ ମାମ୍ବୁ ଆମିନି ଇଲୁତା ମାଚମି ଏମ୍ବାଆଁ ଖାହାନା ନିଚେରି, ଏଞ୍ଜାରି କାୟିସରିୟାଟିଏ ନା ତାଣା ପାଣ୍ଡୁଞ୍ଜି ଆହାମାଚେରି । ୧୨ ଇଞ୍ଜାଁ ଆନାମାନା ଆଆନା ଏଞ୍ଜାରିତଲେ ହାଜାଲି ଜୀହୁ ନାଜେ ଖେସ୍ତାଡେ, ଅଡ଼େ ଇ ସ ଜାଣା ତାୟିୟାଁ ଜିକେଏ ନା ତଲେ ଜାପଟି କାୟିସରିୟାତା ଖାଡେରି, ଇଞ୍ଜାଁ ମାମ୍ବୁଏ କର୍ନଲିୟ ଇଜ ହାଚମି । ୧୩ ଏଞ୍ଜାସି ଏନିକଁ ର ଦୁଡୁଇଁ ସେୟାଁଣା ହାପାନାତା ମେସାମାଚେସି, ଏଦାଆଁ ମାଜେ ଖେସ୍ତାଡେସି, ଏ ଦୁଡୁ ଏନିକଁ ଏଞ୍ଜାଣି ଇଜ ନିଚାନା ଖେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି ସିମନଇଁ ହାଟାତାମ୍ବୁ; ୧୪ ଏଞ୍ଜାସି ମିଜେ ଖେସ୍ତାନି କାତାତଲେ ‘ମୀରୁ ଅଡ଼େ ମୀ ବାରେ କୁଟମି ଗେଲପି ଆଦେରି ।’ ୧୫ ତାୟୁ ନାନୁ ଜଲଲି ମାଟହାଲିଏ ସୁଦୁଜୀଞ୍ଜୁ ମା ଲାକ ଏନିକଁ ରେଚାଞ୍ଜାଡେ, ଏଲେକଁ ଏଞ୍ଜାରି ଲାକ ଜିକେଏ ରେଚାଞ୍ଜାଡେ । ୧୬ ଏଚିବେଲା ପ୍ରବୁ ଖେସ୍ତି ଇ ହାଡ଼ା ନା ଅଣପୁତା ଖାଡେ; ‘ଜହନ ଏୟୁତଲେ ବାପ୍ତିସ୍ମା\* ହାତେସି ସାତା, ସାମା ମୀରୁ ସୁଦୁଜୀଞ୍ଜୁ ତଲେ ବାପ୍ତିସ୍ମା† ଆଦେରି ।’ ୧୭ ଇଚିହଁ ମାର ପ୍ରବୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକଁ ମାଜେ ଆମିନି ଦାନା ହାହାମାଞ୍ଜାଡେସି, ଏଲେକିହଁ ଏ ଏଞ୍ଜାରାକି ଜିକେଏ ସମାନା ଦାନା ହାତେସି; ନାନୁ ଆମ୍ବାଆଡେଏଁ ମାହାପୁରୁଇଁ କାହି କିହାଲି ଆଡିଇଁ !”

୧୮ ଏଞ୍ଜାରି ଇ ବାରେ କାତା ଖେଞ୍ଜାଲିଏ ଏଞ୍ଜାରି

† ୧୦:୪୭ ୧୦:୪୭ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି \* ୧୧:୧୭ ୧୧:୧୭ କାମା ୧:୫ \* ୧୧:୧୭ ୧୧:୧୭ ମୁଞ୍ଜିନାୟି

ପାଲେଏ ଆଡେରି, ଇଞ୍ଜା ମାହାପୁରୁଙ୍କ ଜହରା କିହି ଏଲେଇଚେରି, “ଆତିହି ମାହାପୁରୁ ଜୀହୁଦିଆଆତି ଲକୁକି ଜିକେଏ ହିୟା ଖେଟ୍‌ହାଲି ଅଡେ ନୀତାଲି ପାରୁ ହୀହାମାନେସି ।”

**ଆନ୍ତ୍ରିୟକିୟା କୁଲମି**

୧୯ ✧ଏଚେଟିଏ ସ୍ତ୍ରୀପାନ ହାଡି ତାୟୁ, ଏଚେକା ନାମୁଗାଟାରି କସ୍ତୁ ନିନ୍ଦା ଆଡାକି ଆଲାଋ ଆହାମାଟାରି ବିତାଟି, ପୟିନିକିୟା, କୁପ୍ର ଅଡେ ଆନ୍ତ୍ରିୟକିୟା ପାତେକା ରେଜାନା ଖାରଇ ଜୀହୁଦି ଲକୁ ପିସପେ ଅଡେ ଆମ୍ବାଆରି ତାଣା ନେହି କାରୁ ଖେସିହିଲାଆଡେରି । ୨୦ ସାମା ଏଞ୍ଜାରି ବିତାଟି ଏଚରଜାଣା କୁପ୍ର ଅଡେ କୁରିଣିୟ ଲକୁ ଆନ୍ତ୍ରିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହି ପ୍ରୁ ଜୀସୁତି ନେହି କାରୁ ଖେକ୍‌ହେରି । ୨୧ ଅଡେ, ଏଞ୍ଜାରିତଲେ ପ୍ରୁତୁତି ବାଡ଼ୁୟ ମାଚେ, ଅଡେ ହାରେ ହାରେକା ଲକୁ ନାମାହାଁ ପ୍ରୁ ଖାକି ଖେଣ୍ଡାଖାଡେରି ।

୨୨ ଏଞ୍ଜାରି ହାଡା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଞ୍ଜାରି ଆନ୍ତ୍ରିୟକିୟା ପାତେକା ବର୍ନବାଇଁ ପାଣ୍ଡାଡେରି । ୨୩ ଏଞ୍ଜାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡେସି, ଇଞ୍ଜା ଏଞ୍ଜାରି ଏନିକ୍ ହିୟାତା ରଣ୍ଡିଏ ରାହାଁତଲେ ପ୍ରୁ ତାଣା ମାନାପେରି ଇଞ୍ଜା ଏଞ୍ଜାରାକି ବାସୁଁ ହୀଡେସି । ୨୪ ବର୍ନବା ର ନେହି ଲକୁ, ନାମୁତା ଇଞ୍ଜା ସୁଦୁଜାଞ୍ଜୁ ବେଟାଆହାମାନାସି ମାଚେସି, ଇଞ୍ଜା ଇଲେତି ବଲୁ ଖେକ୍‌ନି ତାଣା ହାରେକା ଲକୁ ପ୍ରୁ ତାଣା ଆଣ୍ଡିଡେରି ।

୨୫ ତାୟୁ ବର୍ନବା ସାଞ୍ଜୁଲଇଁ ପାରାଲି ତାର୍ସ ଗାଡାତା ହାଚେସି, ୨୬ ଇଞ୍ଜା, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତ୍ରିୟକିୟାତା ତାଟିହି ଖାଡେସି, ଏଞ୍ଜାରି ର ବାର୍ସା ପାତେକା କୁଲମି ତଲେ ମାଞ୍ଜାନା ହାରେକା ଲକୁଣି ଜାପ୍‌ହେରି, ଅଡେ ଆନ୍ତ୍ରିୟକିୟାତି ସୀସୁୟାଁ ତଲିଏ କ୍ରୀସ୍ତାନା ଇଞ୍ଜା ଖେଜିଡେରି ।

୨୭ ଏଚିବେଲାତା ଏଚରଜାଣା ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି ଜିରୁସାଲମତି ଆନ୍ତ୍ରିୟକିୟାତା ଖାଡେରି । ୨୮ ✧ଏଞ୍ଜାରି ବିତାଟି ଆଗାବ ଦରୁଗାଟି ର ଲକୁ ନିଜ୍ଜାନା ବାରେ ଦାର୍ତତିତା କାଜା କାଡାରା ଆନେ ଇଞ୍ଜା ଜୀଞ୍ଜୁତି ବାଡ଼ୁୟ ତଲେ ଖେସ୍ତେସି; ଏଦି କ୍ଲାଞ୍ଜୁଦିୟା ସାଲଞ୍ଜି କିନାଣି ବେଲାତା ଆଡେ । ୨୯ ଏମ୍ବାଟିଏ ସୀସୁୟାଁ ତାମ୍ବୁ ତାମି ଆଡିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାଁକି ସାୟେମି କିୟାଲି ତୀରି କିଡେରି, ୩୦ ଅଡେ, ଏଞ୍ଜାରି ଜିକେଏ ଟାକାୟାଁ କୁଡି କିହାନା ଏ କୁଲମିତି ପ୍ରାଟିନାଜା କେୟୁତା ହୀହାଲି ବର୍ନବା ଅଡେ, ସାଞ୍ଜୁଲ କେୟୁତା ଟାକାୟାଁ ପାଣ୍ଡିଡେରି ।

**୧୨**

**ହାରେକା ସାସ୍ତ୍ରୀ ପାଣ୍ଡନାୟି**

୧ ଏଚିବେଲାତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତ୍ରୀ ହୀହାଲି ମାଟ୍‌ହେସି । ୨ ଏଞ୍ଜାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିଡେସି । ୩ ଅଡେ, ଜୀହୁଦି ଲକୁ ଏଞ୍ଜାଣି ତାକି ରାହାଁ ଆହାମାନାଣି ମେସାନା ଏଞ୍ଜାସି ପିତରଇଁ ଜିକେଏ ଆସ୍ତେସି, ଏଚିବେଲାତା ପୁଲା ଆଣ୍ଡାଆତି ରୁଟି ତିନି ପାରୁ ମାଚେ । ୪ ଏଚେଟିଏ ଏଞ୍ଜାସି ପିତରଇଁ ଦସ୍‌ପାନା କାୟିଦି ଇଲୁତା ଇଟିଡେସି, ଇଞ୍ଜା ପିସ୍‌ପିଆନି ପାରୁ ରାଡି ତାୟୁ ଏଞ୍ଜାଣାଇଁ ବାରେ ଲକୁ ନକିତା ତାଚାଲି ଅଣ୍ଡପାନା ଏଞ୍ଜାଣାଇଁ କାଟାଲି ସାରି ଜାଣା ଲାକା ସାରି ଗଟି କସ୍‌କା କେୟୁତା ହେରପିଡେସି । ୫ ପିତରଇଁ କାୟିଦିତା ସୁଣ୍ଡିଡେରି, ସାମା ଏଞ୍ଜାଣି ତାକି କୁଲମି ରଣ୍ଡିଏ ହିୟା ତଲେ ମାହାପୁରୁ ତାଣା ପ୍ରାଡାନା କିହିମାଚେରି ।

**ପିତର କାୟିଦି ଇଲୁଟି ଗେଲ୍‌ପି ଆନାୟି**

୬ ତାୟୁ ହେରଦ ଆମିନି ଦିନା ପିତରଇଁ ହପ୍‌ହାଲି ଅଣ୍ଡପାମାଚେସି, ଏ ନେରୁ ଲାଆଁୟାଁ ପିତର ରୀ ହିକ୍‌ଣିୟାଁ ତଲେ ଦସ୍‌ପି ଆହାନା ରୀ କସ୍‌କା ମାଦି ତୁରାମାଚେସି, ଅଡେ କାଞ୍ଜାଆନାରି କାୟିଦି ଇଲୁ ଦୁଖେରିତା କାଟାମାଚେରି । ୭ ଅଡେ ମେହ୍‌ଦୁ, ଦେବୁଣିଏ ପ୍ରୁତୁତି ର ଦୁଡୁ ଏମ୍ବାଆଁ ତଞ୍ଜାଆଡେ, ଇଞ୍ଜା ଇଲୁ ବିତ୍ରା ଉଜେଡି ଆହାହାଚେ, ଅଡେ ପିତରଇଁ ବମିତା ତୀଗାହାଁ ନିକ୍‌ହାନା ଏଲେଇଚେ, “ତବେ ନିଜ୍ଜାମୁ” ଏମ୍ବାଟିଏ ଏଞ୍ଜାଣି କେସ୍ତାତି ହିକ୍‌ଣିୟାଁ ହୁଜାହାଚୁ । ୮ ଏଚେଟିଏ ଦୁଡୁ ଏଞ୍ଜାଣାଇଁ ଏଲେଇଚେ, “ଟେଡେଲି ରୁପା କତାମୁ ଇଞ୍ଜା ସେପୁୟାଁ ତୁରମୁ” ଇଞ୍ଜା ପିତର ଏଲେକିଡେସି, ଅଡେ ଦୁଡୁ ଏଲେଇଚେ, “ନୀ ହିମ୍ବୁରି ପରହାନା ନା ଜେଚ ଜେଚ ଖାମୁ ।” ୯ ପିତର ହଡାନା ଏଞ୍ଜାଣି ଜେଚ ଜେଚ ହାଚେସି; ସାମା ଦୁଡୁ ତାଣାଟି ଏନାଆଁ କିଞ୍ଜିଆଡେ, ଏଦି ସାଚେଏ ଏଦାଆଁ ପୁନାଆନା ଏଞ୍ଜାସି ହାପାନା ହେଣ୍ଡିମାଇଁ ଇଞ୍ଜା ଅଣ୍ଡପିମାଚେସି । ୧୦ ଏଚିବେଲାତା ଏଞ୍ଜାରି ନକିତି ଅଡେ ଏଦାଣି ତାୟୁ କାଟାମାଚାରାଇଁ ଗାଣ୍ଡଗାନା ଆମିନି ଲହ୍ ଦୁଖେରି ହୀହାନା ଗାଡାତା ହଡାଲି ଆନେ, ଏଦାଆଁ ତାଗେ ଖାହାଲିଏ, ଏଚେତା ଏ ଦୁଖେରି ତାନୁ ତାନୁଏ ଏଞ୍ଜାରାକି ଦେପି ଆହାହାଚେ, ଅଡେ ଏଞ୍ଜାରି ହଡା ହାଜାନା ର ଆଂଗେଣି ମୁଟ୍‌ହାମାନି ପାତେକା ହାଚେରି, ଇଞ୍ଜା ଦେବୁଣିଏ ଏ ଦୁଡୁ ଏଞ୍ଜାଣାଇଁ ପିସା ହାଚେ ।

୧୧ ଏଚେଟିଏ ପିତର ସେଡନା ଆହାନା ଏଲେଇଚେସି, “ପ୍ରୁ ତାନି ଦୁଡୁଇଁ ପାଣ୍ଡାନା ହେରଦ କେୟୁଟି ଅଡେ ବାରେ ଜୀହୁଦି ଲକୁ ଅଣ୍ଡପିମାଟି

✧ ୧୧:୧୯ ୧୧:୧୯ କାମା ୮:୧-୪ ✧ ୧୧:୨୮ ୧୧:୨୮ କାମା ୨୧:୧୦

ତାଣାଟି ପିସପି କିହାଁ ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁଚେଏ ।”

୧୭ ଏଞ୍ଜାସି ଇ କାତା ଅଣ୍ଡପିହଁ ମାର୍କ ଦରୁଗାଟି ଜହନ ତାମି ଇୟା ମରିୟମନି ଇଜ ହାରେସି; ଏମ୍ବାଆଁ ହାରେକା ଲକୁ ରୁଣ୍ଡା ଆହାନା ପ୍ରାତାନା କିହିମାଚେରି । ୧୮ ପିତର ପାଙ୍ଗାତି ଦୁଖେରିତା ଖେଚାଲିଏ, ରଦା ଦରୁଗାଟି ର ହଲେଣି ଆମ୍ବାଆତେରି ଇଞ୍ଜି ଖେଞ୍ଜାଲି ହାଚେ । ୧୯ ଏଦି ପିତରତି ହାଡ଼ା ଖେଞ୍ଜାନା ରାହାଁତାକି ଦାରା ଦେଃଆନା ବିତ୍ରା ଦାବ୍ଡି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜି ଖେସ୍ତେ । ୨୦ ଏଞ୍ଜାରି ଏଦାନି ଏଲେଇଚେରି, “ନାନୁ ବାୟା ଆଡ଼ିକି ଇଞ୍ଜି ଇଚେରି,” ସାମା ଏଦି ଏଦାଆଁ ସାତା ଇଞ୍ଜି ଗାଡ଼ିକିହଁ ଖେସ୍ତେ, ଇଞ୍ଜା ଏଞ୍ଜାରି ଏଲେଇଚେରି, “ଏଦି ଏଞ୍ଜାଣି ଦୂତୁ ।”

୧୭ ସାମା ପିତର ଦାରାତା ଅଲେ ଅଲେ ଖେଚିମାଚାକି, ଏଞ୍ଜାରି ଦାରା ଦେଚାନା ଏଞ୍ଜାଣାଲ୍ ମେସାନା କାବା ଆଚେରି । ୧୭ ସାମା ଏଞ୍ଜାସି ଏଞ୍ଜାରାଲ୍ ପାଲେଏ ମାଞ୍ଜାଲି କେୟୁ ଜୀଞ୍ଜିଚେସି, ଇଞ୍ଜା ପ୍ରବୁ ଏଞ୍ଜାଣାଲ୍ ଏନିକଁ କାୟିଦି ଇଲୁଟି ହପୁହା ତାଚେସି ଏଞ୍ଜାରାଲ୍ ଖେସ୍ତେସି, ଅଡ଼େ ଏଞ୍ଜାସି ଏଲେଇଚେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଲ୍ ଖେହ୍ଦୁ,” ଇଞ୍ଜା ଏଞ୍ଜାସି ତାକିହଁ ଅର ଗାୟୁତା ହାଜାତୁସ୍ତେସି ।

୧୮ ଲାଈ ଖେୟାଲିଏ ପିତର ଆମ୍ବିୟା ହାଚେସି ଇଞ୍ଜି କାପୁ କାଃଆନି କସକା କାବାଆହାନା ହାରେକା ବିଲ୍ଲକି ଆଚେରି ? ୧୯ ଅଡ଼େ, ହେରଦ ଏଞ୍ଜାଣାଲ୍ ପାରି କିହାନା ପ୍ଲାଃଆଲିଏ, କାପୁ କାଃନାରାଲ୍ ଖେଚି ତାୟୁ, ଏଞ୍ଜାରାଲ୍ ପାୟାଲି ହୁକୁମି ହାଚେସି । ଏଦାଆଁ ତାୟୁ ହେରଦ ଜାହୁଦା ରାକିଟି କାୟିସରିୟାତା ହାଜାନା ଏମ୍ବାଆଁ ଡ଼ୟିଚେସି ।

**ହେରଦ ହାନାୟି**

୨୦ ଏଚିବେଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡ଼େ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣା ଖାଚେରି, ଇଞ୍ଜା ରାଜା ଇଲୁତି ଗ୍ଲାସ୍ତସ୍ ଇନି ସାଲ୍ଡି କିନାଣାଲ୍ ତାମି ଖାକି କିହାନା, ରାଜାଲ୍ ହିଡ଼ଡ଼ି ତାକି ବାଡ଼ିମାଲିଚେରି, ଇଚିହଁ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆନା ହାଜିମାଚେ ।

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଚିନି ହିମ୍ବରକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଖେସ୍ତେସି; ୨୨ ଏଚେଟିଏ ଲକୁ କାଲ୍ଡି ଆହଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡିତି ଗିୟାଁ ଆଏ !” ୨୩ ଏ ଦେବୁଣିଏ ପ୍ରବୁତି ର ଦୂତୁ ହେରଦଲ୍ ତାଗିଚେ, ଇଚିହଁ

ଏଞ୍ଜାସି ମାହାପୁରୁଲ୍ ଜହରା କିଆଚେସି, ଇଞ୍ଜା ଏଞ୍ଜାଣାଲ୍ ପିଡ଼ୟୁଲି ତିଞ୍ଜାଲିଏ ଏଞ୍ଜାସି ହାଚେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଖେଚିଚେ ।

୨୫ ତାୟୁ ବର୍ନବା ଅଡ଼େ ସାଞ୍ଜୁଲ ତାମି ସେବା କାମା ରାପୁହାନା ଜହନ ଇନି ମାର୍କଲ୍ ତଡ଼ କ୍ରିହାନା ଜିରୁସାଲମଟି ଖେଣ୍ଡା ହାଚେରି ।

**୧୩**

**ବର୍ନବା ଅଡ଼େ ସାଞ୍ଜୁଲଲ୍ ଆଚାନା ପାଣ୍ଡିନାୟି**

୧ ଏଚିବେଲା ଆନ୍ତିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାତି ଲୁକିୟ, ହେରଦ ରାଜା ତାୟିଲେହେଁ ପାତାଆଡ଼ି ମନହେମ ଅଡ଼େ ସାଞ୍ଜୁଲ, ଆନ୍ତିୟକିୟାତା ମାଟି କୁଲମିତା ମାହାପୁରୁ ଅଣ୍ଡପୁତି ବଲୁ ଖେହ୍ନାରି ଅଡ଼େ ଜାପନାରି ମାଚେରି । ୨ ଏଞ୍ଜାରି ପ୍ରବୁତି ସେବା ଅଡ଼େ ଉପାସା କିହିମାଚାଟି, ସୁଦୁଜୀଞ୍ଜୁ ଏଞ୍ଜାରାଲ୍ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡ଼େ ସାଞ୍ଜୁଲଲ୍ ହାଚାମାଲ୍, ଏ କାମାତାକି ଏଞ୍ଜାରାଲ୍ ଏଟକା କିଦୁ ।”

୩ ଏଚେଟିଏ ଏଞ୍ଜାରି ଉପାସା ଅଡ଼େ ପ୍ରାତାନା କିତି ତାୟୁ ଏଞ୍ଜାରି ତାର୍କାଣା କେସ୍ତା ଇଚାନା ଏଞ୍ଜାରାଲ୍ ହେରପାନା ପାଣ୍ଡିଚେରି ।

**କୁପ୍ରତା କାମା**

୪ ଇଲେଆହଁ ବର୍ନବା ଅଡ଼େ ସାଞ୍ଜୁଲ ସୁଦୁଜୀଞ୍ଜୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜା ର ସାମ୍ବୁରି ଜାଜାତା ହଚାନା କୁପ୍ରତା ହାଚେରି । ୫ ଏଞ୍ଜାରି ସାଲମି ଗାଡ଼ାତା ଏଗାହାଜାଲିଏ ଜାହୁଦି ଲକୁତି ବାରେ ଜାହୁଦି ଲକୁତି କୁଟମି ଇଲକାଣା\* ମାହାପୁରୁତି ବଲୁ ଖେକହାଲି ମାଟୁହେରି; ଅଡ଼େ, ଜହନ ମାର୍କ ଜିକେଏ ସାୟେମି କିୟାଲି ଏଞ୍ଜାରିତଲେ ମାଚେସି ।

୬ ଇଞ୍ଜା ଏଞ୍ଜାରି ଏ ଦେସା ମାଦିଟି ରେଜିହଁ ପାପସ୍ ଗାଡ଼ାତା ହାଚେରି; ଏମ୍ବାଆଁ ଏଞ୍ଜାରି ବାର୍-ଜୀସ୍, ଦରୁଗାଟି ର ଜାହୁଦି ଗାରଡ଼ି ଗାଟାଣାଲ୍ ବେଟାଆଚେରି, ଏଞ୍ଜାସି ମିଟି ମାହାପୁରୁ ବଲୁ ଖେହ୍ନାସି । ୭ ଏ ଦେସା ସାଲ୍ଡି କିନି ସେଗର୍-ୟ ପାଞ୍ଜୁଲ ତଲେ ମାଚେସି, ଏ ସାଲ୍ଡି କିନାସି ର ବୁଦିଗାଟାସି, ଏଞ୍ଜାସି ସାଞ୍ଜୁଲ ଅଡ଼େ ବର୍ନବାଲ୍ ହାଟି କିହାନା ମାହାପୁରୁତି କାତା ଖେଞ୍ଜାଲି ଅଣ୍ଡପିମାଚେସି । ୮ ସାମା ଏ ଗାରଡ଼ିଗାଟି “ଏଲିମା” ଇଦି ଗ୍ରିକ୍ ଦରୁ ଏ ସାଲ୍ଡି କିନାଣାଲ୍ ନାମୁଟି ପିସପିକିନି ଅଣ୍ଡପୁ ତଲେ ଏଞ୍ଜାରାଲ୍ ବାଦା ହାଚେସି । ୯ ସାମା ସାଞ୍ଜୁଲ ଆମ୍ବାଆରାଲ୍ ପାଞ୍ଜୁଲ ଜିକେଏ ଇନେରି, ସୁଦୁଜୀଞ୍ଜୁଟି ନେଞ୍ଜାନା; ଏଲିମାଲ୍ ସିନିକିଚେସି, ୧୦ ଅଡ଼େ

\* ୧୩:୫ ୧୩:୫ ସିନଗଗ୍



ଏଲେଇଚେସି, “ଆଡ଼େ ସୟତାନ ମୀରଏଣାତି, ବାରେଲେହେତି ନାଡ଼ିକିନି ଲାଗେଏତି ଅଣ୍ଠପୁତା ନେଞ୍ଜାମାନାତି, ଅଡ଼େ ବାରେ ନେହୁଁ କାମାତି ସାତୁ, ନୀନୁ ପ୍ରବୁତି ସଲକ ଜିରୁତି ଲାଗେଏ କିହାଲି ପିହୁଅତି କି ? ୧୧ ଅଡ଼େ ନୀଏଁ ମେହୁଁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜା ନୀନୁ କାଣା ଆହାନା ଗାଡ଼େକା ତାକି ଖେଡ଼ାତି ଉଜେଡ଼ି ମେହୁଅତି ।” ଏ ଦେବୁଣିଏ ଏଲିମା କାଣକାତା ଦୁହା ପଜିତି ଲେହେଁ ଆଡ଼େ ଇଞ୍ଜା ତାନି କେୟୁ ଆର୍ଯା ଜିରୁ ତସାଲି ରଅଣାଲ୍ ପାରାତେସି । ୧୨ ଇଦାଆଁ ମେସାନା ସାଲୁ଼ି କିନାସି ପ୍ରବୁତି ଜାପ୍ନାଣି ଖେଞ୍ଜାନା କାବାଆହାନା ନାମିତେସି ।

**ପିସିଦିୟାତି ଆନ୍ତ୍ରିୟକିୟାତା କାମା**

୧୩ ତାୟୁ ପାଞ୍ଜୁଲ ଅଡ଼େ ତାନି ତଣେସିଙ୍ଗା ପାପସଟିଏ ସାମ୍ବୁରି ଜିରୁଟି ହାଜାନା ପଂପୁଲିୟା ଗାଡ଼ାତି ପଗିତା ଖାଡ଼େରି; ସାମା ଜହନ ମାର୍କ ଏଞ୍ଜାରାଲ୍ ପିସାନା ଜିରୁସାଲମତା ଖେଣ୍ଡାହାଚେସି । ୧୪ ଏଞ୍ଜାରି ପଗିଟି ହାଜାନା ପିସିଦିୟାତି ଆନ୍ତ୍ରିୟକିୟାତା ଏଗାହାଚେରି, ଅଡ଼େ ଜମିନି ଦିନା ଜାହୁଦି ଲକୁଡି କୁଟମି ଇକୁଡାଁ ହାଜାନା କୁରିତେରି । ୧୫ ଅଡ଼େ, ମସା ରାଡ଼ିତି ମେରା ଇଞ୍ଜା ମାହାପୁରୁ ଅଣ୍ଠପୁତି ବଲୁ ଖେହୁନାରି ପତି ପଡ଼ି ଆଡ଼ି ତାୟୁ, ପ୍ରାତାନା ଇକୁଡି କାଜାରି ଏଞ୍ଜାରିତାଣା ଏଲେଇଞ୍ଜି ଖେସା ପାଣ୍ଡିତେରି; “ତାୟିୟାଁ, ଲକୁଡାକି ବାସୁଁ ହାନି କାତା ମାଡିହୁଁ ଖେହୁଦୁ ।”

୧୬ ଏଚେଟିଏ ପାଞ୍ଜୁଲ ନିଚାନା ଲକୁଣି କେୟୁ ତସିହୁଁ ଏଲେଇଚେସି; “ଇସ୍ରାୟେଲ ଲକୁଡେରି ଇଞ୍ଜା ଜାହୁଦିଆଆତି ଲକୁଡେରି ଅଡ଼େ ମାହାପୁରୁଲ୍ ଆଜିନେରି ନା କାତା ଖେଞ୍ଜୁ ।” ୧୭ ଇ ଇସ୍ରାୟେଲ କୁଡାତି ମାହାପୁରୁ ମା ଆକୁ ଆବାୟାଣି ଆଡ଼ିତେସି, ଅଡ଼େ ଏଞ୍ଜାରି ମିସର ଦେସାତା ବାସା କିହାମାନି ବେଲାତା, ଏଞ୍ଜାରାଲ୍ ପାଡି କିତେସି, ଇଞ୍ଜା ବାଡ଼ୁୟୁ ଗାଟି କେୟୁତଲେ ଏଞ୍ଜାରାଲ୍ ହପୁହା ତାତେସି, ୧୮ ତାୟୁ ରୀ କଡ଼ି ବାସା ପାତେକା ବାଃଲି ବାଟାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହିତେସି । ୧୯ ଏଞ୍ଜାସି କିଶାନ ଦେସାତି ସାତାଗଟା କୁଡାତି ଲକୁଣି ନାସା କିହାନା ତାନି ଆଡ଼ାମାନି ଲକୁକି ଏ ଦେସାତି ଅଦିକାରା ହାତେସି ।

୨୦ ସାରି ଖାଞ୍ଜା ରୀ କଡ଼ି ଦସ ବାସା ବିତ୍ରା ଇ ବାରେ ଆଡ଼େ । ଏଚେଟିଏ ମାହାପୁରୁ ଅଣ୍ଠପୁତି ବଲୁ ଖେହୁନି ସାମୁୟେଲ ପାତେକା ବିଚାରା କିନାରାଲ୍ ଆଡ଼ିତେସି । ୨୧ ଏମ୍ବାଟିଏ ଏଞ୍ଜାରି ର ରାଜାଲ୍ ହିୟାମୁ ଇଞ୍ଜୁଁ ରାସାଲିଏ ମାହାପୁରୁ ରୀ କଡ଼ି ବାସା ପାତେକା ବିନପାନିନ୍ କୁଡାତି କିସ

ମୀରଏସି ସାଞ୍ଜୁଲ୍ ରାଜା ଆହାଲି ହାତେସି । ୨୨ ତାୟୁ ମାହାପୁରୁ ଏଞ୍ଜାଣାଲ୍ ରାଜା ପାଣା ପିସପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଲ୍ ଆଡ଼ିତେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହାହାନା ଏଲେଇଚେସି; “ନୀନୁ ଜିସି ମୀରଏସି ଦାଞ୍ଜୁଦଲ୍ ବେଟାଆହାମାଲ୍, ଏଞ୍ଜାସି ନା ହିୟାତି ଅଣ୍ଠପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାନୁ଼ି ଆଡ଼େନସି ।” ୨୩ ଏଞ୍ଜାଣି କୁଡାତି ମାହାପୁରୁ ଆଞ୍ଜାମାତି ଲେହେଁ ଇସ୍ରାୟେଲ ଲକୁଡାକି ର ଗେଲ୍ପିନାଣାଲ୍ ଇଡିହୁଁ ଜୀସୁଲ୍ ଜାନ କିହାମାନେସି । ୨୪ \*ଜୀସୁ ତାନି କାମା ମାଟୁନି ନକେଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁଟି ଖେଣ୍ଡିନି କାତା ଅଡ଼େ ବାପ୍ରିସ୍ଟା ଅନି କାତା ଖେକହା ମାଚେସି । ୨୫ \*ଅଡ଼େ ଜହନ ତାନି କାମା ରାପ୍ରିମାତି ବେଲାତା ଲକୁଣି ଏଲେଇଚେସି, “ନାଞ୍ଜେ ମୀରୁ ଆମ୍ବାଆସି ଇଞ୍ଜୁଁ ଅଣ୍ଠପିମାଞ୍ଜାଦେରି ନୀନୁ ଏଞ୍ଜାତେଏଁ ଆଏ, ସାମା ମେହୁଦୁ ନା ତାୟୁ ରଅସି ଖାହିମାନେସି, ଏଞ୍ଜାଣି କତାତି ସେପୁୟା ହୁକହାଲି ନୀନୁ ଜଗେ ଆର୍ଯା ।”

୨୬ ଏ ତାୟି ତାଙ୍ଗିସ୍ତା, ଅବ୍ରାହାମ କୁଡାତି ମୀରକା ମାସକାଚେରି, ଅଡ଼େ ମୀ ତାଣାଟି ମାହାପୁରୁଲ୍ ଆଜିମାନି ଜାହୁଦିଆଆତି ଲକୁଡେରି; ମା ତାଣା ଇ ଗେଲ୍ପିଆନି ବଲୁ ପାଣ୍ଡି ଆହାମାଞ୍ଜାନେ । ୨୭ ସାମା ଏଞ୍ଜାସି ଗେଲ୍ପିନାସି, ଜିରୁସାଲମତା ମାନାରି ଅଡ଼େ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡ଼େ ବାରେ ଜମିନି ଦିନା ପଡ଼ି ଆହିମାନି ମାହାପୁରୁ ଅଣ୍ଠପୁତି ବଲୁ ଖେହୁନାରି କାତା ପୁଞ୍ଜାହିଲାଆତେରି, ଆଡ଼ିଜିକେଏ ଜୀସୁଲ୍ ଦହ କିହାନା ମାହାପୁରୁ ବଲୁ ଖେହୁନାରି କାତା ପୁରା କିତେରି । ୨୮ \*ଅଡ଼େ ଏଞ୍ଜାଣାକି ହାନି ତଣ୍ଡି ଏନି ଦହ ପୁଞ୍ଜାଆତି ଜିକେଏ ଏଞ୍ଜାଣାଲ୍ ପାୟାଲି ପିଲାତଲ୍ ବାଡିମାଲିତେରି । ୨୯ \*ଏଞ୍ଜାଣି ତାକି ଦାମ୍ବୁଁ ସାସ୍ତେରିତା ବାରେ କାତା ରାସକି ଆହାମାନେ, ଏଲେଆହୁଁ ବାରେ ଗଟ଼ି ଆଡ଼ି ଜେତ ଏଞ୍ଜାରି ଏଞ୍ଜାଣାଲ୍ ପାସି ମୁଣ୍ଡାଟି ରେପୁହା ତାତାନା, ମାଡ଼ୁହା ଇଡିନି ଚାୟୁତା ଇଡିତେରି । ୩୦ ସାମା ମାହାପୁରୁ ଏଞ୍ଜାଣାଲ୍ ହାଡାରି ତାଣାଟି ନିକହେସି, ୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଖାହାମାଚେରି, ଏଞ୍ଜାରି ହାଡ଼େକା ଦିନା ପାତେକା ଏଞ୍ଜାଣାଲ୍ ମେସ୍ତେରି; ଏଞ୍ଜାରି ଇସ୍ରାୟେଲ ଲକୁଡାଣା ନୀଏଁ ଏଞ୍ଜାରି ସାକି । ୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମ୍ବୁଁ ମିଜେଁ ଇ ନେହୁଁ କାବୁ ଖେସିମାଞ୍ଜାନମି; ୩୩ ଜୀସୁଲ୍ ମାହାପୁରୁ ନିକହାନା

† ୧୩:୧୪ ୧୩:୧୪ ସିନଗର୍ \* ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ ‡ ୧୩:୨୪ ୧୩:୨୪ ମୁଞ୍ଜିନାୟି \* ୧୩:୨୫ ୧୩:୨୫ ଇହ ୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୭; ଇହ ୧:୨୭ \* ୧୩:୨୮ ୧୩:୨୮ ମାତି ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଇହ ୧୯:୧୫ \* ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨; ଇହ ୧୯:୩୮-୪୨

ଏଞ୍ଜାରି ମୀରକାତାୟି ମାର, ମାଙ୍ଗେତାକି ଏ ଆଞ୍ଜାମାନାଣି ପୂରା କିହାମାନେସି, ଏନିକ ରା ଲମ୍ବର ପାରୁ ପତିତା ରାସ୍ତକି ଆହାମାନ,

“ନୀନୁ ନା ମୀରଏଣାତି;

ନୀଞ୍ଜୁଟିଏ ନୀନୁ ନୀ ଆବାତେଏ ।”

୩୪ ଏଞ୍ଜାସି ହାଡ଼ାରି ତାଣାଟି ଝେଣ୍ଡେ ନିକହାମାନେସି, ଏଞ୍ଜାସି ସୀରନି ତାଣା ହାଲଅସି ଇଞ୍ଜୁ ମାହାପୁରୁ ଝେସାମାନେସି;

“ନୀନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ,

ଇଞ୍ଜା ତାରି ଆନି ବର ମିଙ୍ଗେ ସାତେଏ ହିୟାଲ୍

୩୫ ଇଞ୍ଜା ଏଞ୍ଜାସି ଅଡ଼େ ର ପତିତା ଏଲେଇଞ୍ଜା ମାନେସି,

“ନୀନୁ ନୀ ତୀରି ଗାଗାଣାଲ୍ ସୀରହାଲି ହୀଅତି ।”

୩୬ ଦାଞ୍ଜୁଦ ତାନୁ ରାଜି କିହିମାଟି ବେଲତା ଲକୁ ବିତ୍ରା ମାହାପୁରୁ ଅଣ୍ଡପୁ ତଲେ ସେବା କାମା କିତି ତାୟୁ ହାଡ଼େସି, ଇଞ୍ଜା ତାମି ଆକୁ ଆବାୟା ଟଟତା ମୁସପି ଆହାନା ସୀରହେସି । ୩୭ ସାମା ମାହାପୁରୁ ଆମ୍ବାଆରାଲ୍ ହାକିଟି ନିକହାମାନେସି ଏଞ୍ଜାସି ସୀରହା ହିଲଅସି । ୩୮ ଇଦାଆଁତାକି ଏ ତାୟିୟା ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁତି ମ୍ଲେକନି କାତା ଝେସପି ଆହାମାନେ;

୩୯ ଅଡ଼େ ମସାତି ଆମିନି ମେରାତି ବାରେ ତାଣାଟି ମୀରୁ ପିସପି ଆହାଁ ଦାମ୍ବୁଗାଗାତେରି ଆହାଲି ଆଡ଼ାଆତେରି, ଇଞ୍ଜା ନାମିମାନି ବାରେ ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି ପିସପି ଆହାନା ଦାମ୍ବୁଗାଗାରି ଆନେରି । ୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଡପୁତି ବଲୁ ଝେହ୍ନାରି ସାପ୍ତେରିତା ଏନାୟି ଝେସପି ଆହାମାନେ, ଏଦି ଏନିକ ମିଙ୍ଗେତାକି ଆୟେଏ;

୪୧ “ମାହାପୁରୁଲ୍ ଅପାଆ ଗାଗାତେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇତିହ ମୀ ବେଲତା ମାମ୍ବୁରୁ କାମା କିହିମାନମି, ଅଡ଼େ ଏ କାମାତି ଆମ୍ବାଆସି ମୀ ନକିତା ଝେସ୍ତାନେସି,

ଏଦାଆଁ ମୀରୁ ଏନିଜିକେଏ ନାମଅତେରି ।”

୪୨ ପାଞ୍ଜୁଲ ଅଡ଼େ ବର୍ନବା ଜୀହୁଦି ଲକୁତି କୁଟମି ଇଲୁଟି ହିଡ଼ାହାନି ବେଲତା ଝାନି ଜମିନି ଦିନାତା ମାଙ୍ଗେ ଇ ବାରେ କାତା ଅଡ଼େ ଝେସ୍ତାଦୁ ଇଞ୍ଜୁ ଲକୁ ଏଞ୍ଜାରାଲ୍ ବାତିମାଲିତେରି । ୪୩ ବେରଣି ରାଡ଼ି ତାୟୁ ଏଚେକା ଜୀହୁଦି ଅଡ଼େ, ଜୀହୁଦି ଦାମ୍ବୁ ନାମିତି ଏଚକା କୁଡ଼ାତି ଲକୁ ବିତ୍ରାଟି ହାରେକା ପାଞ୍ଜୁଲ ଅଡ଼େ ବର୍ନବା ଜେଚ ହାଚେରି; ପାଣ୍ଡୁଝି ଆଡ଼ାରି ଏଞ୍ଜାରିତଲେ କାତାବାଡ଼ା ଆହୁ ମାହାପୁରୁ

କାର୍ମାତା ତୀରପୁ ଆହୁ ମାଞ୍ଜାଲି ଏଞ୍ଜାରାଲ୍ ଝେସ୍ତେରି ।

୪୪ ଇଞ୍ଜା ଅର ଜମିନି ଦିନାତା ଗାଡ଼ାତି ବାରେ ଲକୁ ମାହାପୁରୁ ବଲୁ ଝେଞ୍ଜାଲି ରୁଣ୍ଡା ଆଡ଼େରି । ୪୫ ସାମା ଜୀହୁଦିୟା ଲକୁ ମାନ୍ଦାତି ମେସାନା ତାହାରା ଆଡ଼େରି, ଇଞ୍ଜା ପାଞ୍ଜୁଲ କାତା କପାଟି ନିନ୍ଦାକିହୁ ବାଦିବାଦା ଆଡ଼େରି । ୪୬ ଏଚେଟିଏ ପାଞ୍ଜୁଲ ଅଡ଼େ ବର୍ନବା ସାସା ଆସାନା ଝେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ ଝେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀହୁ ବେଗାଆହାଲି ପାଡ଼ା ଆଅମି ଇଞ୍ଜୁ ଅଣ୍ଡପି ମାନାକି ମେହ୍ଦୁ ମାମ୍ବୁ ମିଙ୍ଗେ ପିସାନା ଜୀହୁଦିଆଆତି ଲକୁତାଣା ହାଜିମାନମି । ୪୭ ଇତିହୁ ପ୍ରୁ ମାଙ୍ଗେ ଇ ହୁକୁମି ହୀହାମାଞ୍ଜାନେସି;

“ନୀନୁ ମିଙ୍ଗେ ଜୀହୁଦିଆଆତି ଲକୁତାକି ଉଜେଡ଼ି ଲେହେଁ କିହାମାଞ୍ଜାଲ୍,

ଆତିହୁ ବାରେ ଦାର୍ଡି ଗେଲପିଆନେ ।”

୪୮ ଜୀହୁଦିଆଆତାରି ଇ ହାଡ଼ା ଝେଞ୍ଜାନା ରାହାଁ ଆଡ଼େରି; ଅଡ଼େ ମାହାପୁରୁତି ବଲୁତି ଗାଞ୍ଜୁରମି କିହାଲି ମାଟହେରି, ଅଡ଼େ ଏଚେକା ଲକୁ କାଲ୍ଲକାଲ୍ଲାତି ଜୀହୁତାକି ଆଡ଼ଝି ଆହାମାଚେରି, ଏଞ୍ଜାରି ନାମିତେରି ।

୪୯ ଇଞ୍ଜା ପ୍ରୁତି ବଲୁ ଏ ରାଜିତା ବାରେଞ୍ଜାକି ଏଜାହାଚେ । ୫୦ ସାମା ଜୀହୁଦି ଲକୁ ଗାଡ଼ାତି ଆବାୟାଣି ଅଡ଼େ ମାହାପୁରୁଲ୍ ମାନି କିହିମାନି ପାଙ୍ଗାଝେଙ୍ଗେତି ଆୟାସିକାଣି ରୁଣ୍ଡି କିହାନା ପାଞ୍ଜୁଲ ଅଡ଼େ ବର୍ନବାଲ୍ ସାସ୍ତି ହୀହାନା ତାମି ରାଜିଟି ପେରହାଡୁସ୍ତେରି । ୫୧ ଏଚେଟିଏ ପାଣ୍ଡୁଝି ଆଡ଼ାରି ଜାହାରା କତାୟାତି ଦୁଡ଼ି ଏଞ୍ଜାରି କପାଟି ହାଣହାଁନା ଇକନିୟତା ହାଚେରି । ୫୨ ଅଡ଼େ ଆଡ଼ିୟକିୟାତି ସୀସୁୟା ସୁଦୁଜୀହୁ ବେଗାଆହାନା ରାହାଁତଲେ ଡ଼ୟିତେରି ।

### ୧୪

#### ଇକନିୟତା ସେବା କାମା

୧ ଇକନିୟତା ଜିକେଏ ଏଲେଆହୁ ଏ ଆଡ଼େ; ପାଞ୍ଜୁଲ ଅଡ଼େ ବର୍ନବା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତା\* ହାଜାନା ଇଲେକ ଝେସ୍ତେରି, ଇଞ୍ଜା ଜୀହୁଦି ଅଡ଼େ ଜୀହୁଦିଆଆତି ଲକୁ ବିତ୍ରାଟି ହାରେକା ନାମିତେରି । ୨ ସାମା ଆମିନି ଜୀହୁଦିକା ନାମାଆତେରି, ଜୀହୁଦିଆଆତି ଲକୁତି ମନତି କିଲିବିଲି କିହାନା, ଏଞ୍ଜାରାଲ୍ ନାମିତି ତାୟିୟା କପାଟି ଲାଗେଏତି ଅଣ୍ଡପୁ ଅଣ୍ଡପି କିତେରି । ୩ ପାଞ୍ଜୁଲ ଅଡ଼େ ବର୍ନବା ହାରେକା ଦିନା ପାତେକା ଏ ଗାୟୁତା ଡ଼ୟାନା ପ୍ରୁ ତାଣା ବାସ୍ତୁ

୧ ୧୩:୪୨ ୧୩:୪୨ ସିନଗରୁ ☆ ୧୩:୫୧ ୧୩:୫୧ ମାତି ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧ \* ୧୪:୧ ୧୪:୧ ସିନଗରୁ

ଇଚାନା ସାସାତଲେ ପ୍ରବୃତ୍ତି କାତା ଖେସ୍ତେରି; ଇଞ୍ଜା ଏଞ୍ଜାରି ତାଣାଟି ହାରେକା ସିନାୟା ଅଡେ କାବାଆନି କାମାୟା କିହାନା ତାନି କାର୍ମାତି ବଲୁ ସାତା ଇଞ୍ଜା ସାକି ହାତେରି । ୪ ସାମା ଗାଡ଼ାତି ଲକୁ ରୀ ବାଗା ଆଡେରି ର ବାଗା ଜାହୁଦି ଲକୁ ଖାକି ଅଡେ ର ବାଗା ପାଣୁଝି ଆହାମାନାରି ଖାକି ଆଡେରି ।

୫ ଏଚିବେଲା ଜାହୁଦିଆଆତି ଲକୁ ଅଡେ ଜାହୁଦି ଲକୁ ତାନି କାଜାରି ତଲେ ଆଣ୍ଡାନା, ପାଣୁଝି ଆହାମାନାରାଇଁ ଲାଗେଏ କିୟାଲି ଅଡେ ଖାଲକାତଲେ ଇରହାଲି ଅଣପିତେରି, ୬ ଏଚିବେଲା ପାଞ୍ଜୁଲ ଅଡେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡେ ଦବ ଗାଡ଼ା ଅଡେ ସାରିଖାକିତି ନାସ୍‌କାଣା ହରେରି, ୭ ଅଡେ ଏଞ୍ଜାରି ଏମ୍ବାଆଁ ନେହଁ କାରୁ ଖେକହାଲି ମାଟ୍‌ହେରି ।

**ଲୁସ୍ତା ଅଡେ ଦବ ଗାଡ଼ା ସେବା କାମା**

୮ ଲୁସ୍ତାତା ର ଲକୁ ମାରେସି, ଏଞ୍ଜାସି ସଗା ମାରେସି, ଏଞ୍ଜାସି ଜାର୍ନାଟିଏ ସଗା, ଏଞ୍ଜାସି ଏଚେଲାଖା ତାକା ହିଲାଆତେସି । ୯ ଏଞ୍ଜାସି ପାଞ୍ଜୁଲ ଖେହନି କାତା ଖେଞ୍ଜିମାରେସି, ଏଞ୍ଜାସି ହିୟାତା ନାମା ମାନେସି ଇଞ୍ଜା ଏଞ୍ଜାସି ନେହଁ ଆହାଲି ଆଡିମାନେସି ଇଞ୍ଜା ପୁଞ୍ଜାନା ଆଗେ ସିନକିତେସି, ୧୦ ଏଞ୍ଜାଣାଇଁ କାଜା ଗିୟାତଲେ ଏଲେଇଚେସି, “ନୀ କତାତି ବାଡ଼ୟୁ ହାହାନା ସଲକେ ନିମୁ” ଏଚେଟିଏ ଏଞ୍ଜାସି ଡେଝିହଁ ତାକାଲି ମାଟ୍‌ହେସି । ୧୧ ପାଞ୍ଜୁଲ ଏଦାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟା ମା ତାଣା ରେଚା ଖାହାମାନୁ ।” ୧୨ ଏଞ୍ଜାରି ବର୍ନବାଇଁ ବୁହସ୍‌ପତି ଇଞ୍ଜା ଇଚେରି, ଅଡେ ପାଞ୍ଜୁଲ ଗାଡ଼ି କାତା ଖେହନାସି ମାଚାକି ଏଞ୍ଜାଣାଇଁ ବୁଦ ଇଞ୍ଜା ଇଚେରି । ୧୩ ଗାଡ଼ା ତାଗେ ମାନି ବୁହସ୍‌ପତି ଦେଞ୍ଜୁଡିତି ପୂଜେରାଜା ଏଚେକା ଡକ୍ତି କଡ଼ିୟା ଇଞ୍ଜା ପୂଜା ପେତାୟା ଗାଡ଼ା ଦୁଝେରିତା ତାଚାହାଁ ଏଞ୍ଜାସି ବାରେ ଲକୁତଲେ ଆଣ୍ଡାନା ପାଣୁଝି ଆଡାରି ନକିତା ପୂଜା ହାହାଲି ଅଣପିମାରେସି ।

୧୪ “ସାମା ପାଣୁଝିଆହାମାନି ବର୍ନବା ଅଡେ ପାଞ୍ଜୁଲ, ଇଦାଆଁ ଖେଞ୍ଜାନା ତାନି ହିମ୍ବରକା ଗେସାନା ଲକୁ ମାଦିଟି ହଟି ହଟି ହାଜାନା କାଜା ଗିୟାତଲେ ଏଲେଇଚେରି, ୧୫ ଏ ମାନିଗାଟି ଲକୁତେରି, ଏଦାଆଁତାକି ଇ ବାରେ କିହିମାଞ୍ଜେରି, ମାମୁ ଜିକେଏ ମୀ ଲେହେଟି ମାଣ୍‌ସିୟାତମି, ମୀ ତାଣା ଇ ନେହଁ କାରୁ ଖେସିମାଞ୍ଜାନମି, ଏନିକଁ ମୀରୁ ଇ ବାରେ ଉଜେଏତି ପେଶକା ବମାୟାଟି ହେକ ଆହାନା ଜାଞ୍ଜୁଗାଟି ମାହାପୁରୁ ତାଣା ଖେଣ୍ଡା ଖାଦେରି, ଏଞ୍ଜାସି ହାଗୁପାକା ଦାରତି, ସାମଦୁରି ଅଡେ ଏମ୍ବାଆଁ ମାନି ବାରେତି ରାଡ଼ି କିହାମାନେସି;

୧୬ ମାହାପୁରୁ ତଲିଏ ବାରେ ଲକୁଣି ତାନି ମନତଲେ ଡୟାଲି ପିସାମାଚେସି । ୧୭ ସାମା ଏଞ୍ଜାସି ବାରେ ନେହଁ କାମାଟି ଏଞ୍ଜାସି କାଲେଏ ତାନି ଗୁଣୁତି ତସାମାନେସି; ଏଞ୍ଜାସି ହାଗୁଟି ପିୟୁ ଅଡେ ସମାନା ବେଲାତା ଆର୍ନା ହିୟାନାସି, କାଡ଼ି ଅଡେ ମୀ ହିୟାତା ରାହାଁ ହିୟାନାସି ।” ୧୮ ଇ ବାରେ କାତା ଖେସାନା ପାଣୁଝି ଆହାମାନାରି ଲକୁ ମାନ୍ଦାତି ହାରେକା କସ୍ତଲେ ତାମ୍‌ଲେ ତାକି ପୂଜା କିହାଲି କାହି କିହାଲି ଆଡିତେରି ।

୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡେ ଇକନିୟତି ଏଚେକା ଜାହୁଦି ଏମ୍ବାଆଁ ଖାଡେରି, ଏଞ୍ଜାରି ଲକୁ ମାନ୍ଦାତି ତାନି ଖାକି କିହାନା ପାଞ୍ଜୁଲଇଁ ଖାଲକାତଲେ ଇରହାନା ଏଞ୍ଜାସି ହାହାହାଚେସି ଇଞ୍ଜା ଅଣପାନା ଗାଡ଼ାତି ପାଞ୍ଜାତା ରେଜା ଅଡେରି । ୨୦ ସାମା ନାମିତି ସୀସୁୟା ସାରି ଖାକିତି ନିଚାମାଚାକି ଏଞ୍ଜାସି ନିଜାମା ଗାଡ଼ା ବିତ୍ରା ହାଚେସି, ଅର ନେଚୁ ବର୍ନବା ତଲେ ଦବ ଗାଡ଼ା ହାଚେସି ।

**ସିରିୟାତି ଆନ୍ତ୍ରିୟକିୟାତା ଖେଣ୍ଡାଖାନାୟି**

୨୧ ପାଞ୍ଜୁଲ ଅଡେ ବର୍ନବା ଦବ ଗାଡ଼ା ନେହଁ କାରୁ ଖେସାହାଁ ହାରେକା ସୀସୁୟା କିତି ତାୟୁ ଏଞ୍ଜାରି ଲୁସ୍ତା, ଇକନିୟ ଅଡେ ପିସିଦିୟାତି ଆନ୍ତ୍ରିୟକିୟାତା ଖେଣ୍ଡାହାଚେରି । ୨୨ ଅଡେ, ଏ ଚାୟୁତି ନାମିତି ସୀସୁୟା ମନତି ସୂସି କିହାନା ନାମୁତା ଗାଡ଼ିକିହଁ ଆଡ଼଼ା ତଲେ ଡୟାଲି ବାର୍ଣ୍ଣ ହାହାନା ଏଲେଇଚେରି, “ମାହାପୁରୁ ରାଜିତା ହଡାଲି ତାକି ହାରେକା କସ୍ତ ପାଣୁନାୟି ମାନେ ।” ୨୩ ଅଡେ, ବାରେ କୁଲମିତା ଏଞ୍ଜାରି ପ୍ରାତିନାଜାଣି ଆଚାନା ଉପାସା ତଲେ ପ୍ରାତାନା କିଚେରି, ଅଡେ ଆମିନି ପ୍ରୁ ତାଣା ନାମା ମାଚେରି, ଏଞ୍ଜାଣି କେୟୁତା ଏଞ୍ଜାରାଇଁ ହେର୍ପିତେରି ।

୨୪ ତାୟୁ ଏଞ୍ଜାରି ପିସିଦିୟା ନାସ୍‌କାଟି ପଂପୁଲିୟାତା ଖାଡେରି, ୨୫ ଅଡେ ପଗ ଗାଡ଼ା ନେହଁ କାରୁ ଖେସାନା ଆତାଲିୟାତା ହାଚେରି । ୨୬ ଏମ୍ବାଟି ଏଞ୍ଜାରି ଜାଜାତା ହଚାନା ଆନ୍ତ୍ରିୟକିୟାତା ହାଚେରି; ଏଞ୍ଜାରି ଆମିନି କାମା କିହାମାଚେରି, ଏଦାଆଁ କିହାଲି ମାହାପୁରୁତି କାର୍ମାତା ହେର୍ପି ଆହାନା ଏମ୍ବାଟି ହାଚେରି ।

୨୭ ଏଚିବେଲା ଏଞ୍ଜାରି ଆନ୍ତ୍ରିୟକିୟାତା ଏଗାହାଜାନା କୁଲମିତି ଲକୁଣି କୃଡ଼ି କିଚେରି; ଅଡେ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଟି କାମାତାକି, ଅଡେ ଜାହୁଦିଆଆତି ଲକୁ ନାମାଲି ଦୁଝେରି ଦେଚାମାଚାଣି ବାରେ ଏଞ୍ଜାରାଇଁ ଖେସ୍ତେରି । ୨୮ ଅଡେ ଏଞ୍ଜାରି ନାମିତି ସୀସୁୟା ତଲେ ହାରେକା ଦିନା ଡୟିତେରି ।



**ଜିରୁସାଲମତା ନାମିତାରି ବେରଣି କିନାୟି**

୧ ଏମ୍ବାଟିଏ ଏଚରଜାଣା ଲକୁ ଜୀହୁଦା ରାଜିତି ଆନ୍ତ୍ରିୟକିୟାତା ଖାହାନା ନାମିତି ତାୟିୟାଣି ଇ କାତା ଖେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲ୍ପିଆୟାଲି ଆଡ଼ଅତେରି ।” ୨ ଏମ୍ବାଟିଏ ପାଖୁଲ ବର୍ନବା ତଲେ ହାରେକା ଆସପି ଆହାନା ବାଦିବାଦା ଆୟାଲିଏ ପାଖୁଲ, ବର୍ନବା ଅଡ଼େ ଆନ୍ତ୍ରିୟକିୟାତି ଏଚରଜାଣା ତାୟିୟା ଇ କାତା ଆସାନା ଜିରୁସାଲମତା ମାନି ପାଶୁଓ ଆଡ଼ାରି ଇଞ୍ଜା କୁଲମିତି ପ୍ରାଚିନାଙ୍ଗା ତାଣା ହାଲ୍ବେରି ଇଞ୍ଜା ତାୟିୟା ତୀରି କିତେରି ।

୩ ଏଚେଟିଏ କୁଲମି ଏଞ୍ଜାରାଇଁ ପାଶୁଲି ଜିରୁ ତସ୍ତି କେଚ, ଏଞ୍ଜାରି ପୟିନିକିୟା ଅଡ଼େ ସମିରଣ ଖାକି ହାଜି ହାଜିହଁ ଜୀହୁଦିଆଆତି ଲକୁ ହିୟା ଖେଟହାମାଟି କାତା ଖେସିହଁ ବାରେ ତାୟିୟାଙ୍କ ହାରେକା ରାହଁ କିତେରି । ୪ ତାୟୁ ଏଞ୍ଜାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା, ପାଶୁଓ ଆଡ଼ାରି ଅଡ଼େ ପ୍ରାଚିନାଙ୍ଗା ଏଞ୍ଜାରାଇଁ ଆବିତେରି, ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି କାମା କିହାମାଚେସି, ଏ ବାରେ କାତା ଏଞ୍ଜାରାଇଁ ଖେସ୍ତେରି । ୫ ସାମା ପାରୁସିୟା ଗତିଟି ଏଚେକା ନାମୁଗାଟାରି ନିଗନା ଏଲେଇଚେରି, “ନାମାମାନି ଜୀହୁଦିଆଆତାରି ତଲୁ ଦାପି କିନାୟିମାନେ, ଅଡ଼େ ମସାତି ମେରା ମାନୁଓ ଆୟାଲି ଏଞ୍ଜାରାଇଁ ହୁକୁମି ହୀନାୟି ମାନେ ।”

୬ ତାୟୁ ଇ କାତା, କାତା ଆହାଲିତାକି ପାଶୁଓ ଆଡ଼ାରି ଅଡ଼େ ପ୍ରାଚିନାଙ୍ଗା ରୁଶ୍ଟା ଆଚେରି । ୭ ହାରେକା ଜଲ୍ଲକି ଆଡ଼ି ତାୟୁ ପିତର ନିଙ୍ଗନା ଏଞ୍ଜାରାଇଁ ଏଲେଇଚେସି, “ତାୟିୟା ଅଡ଼େ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଡିଟି ଜୀହୁଦିଆଆତାରି ନେହଁ କାରୁ ଖେଞ୍ଜାନା ନାମାପେରିଖା ଇଞ୍ଜା ହାରେକା ଦିନା ନକେଏ ମାହାପୁରୁ ନାଙ୍ଗେ ଆଚାମାଞ୍ଜାଚେସି । ୮ ବାରେ ଲକୁତି ହିୟା ପୁନି ମାହାପୁରୁ ମାଙ୍ଗେ ଏନିକଁ ସୁଦୁଜାଖୁ ହାହାମାଞ୍ଜାନେସି, ଜୀହୁଦିଆଆତି ଲକୁକି ଜିକେଏ ଏଲେକିହଁ ହୀହାନା ଏଞ୍ଜାରି ତାକି ସାକି ହୀହାମାନେସି । ୯ ଅଡ଼େ ଏଞ୍ଜାସି, ମା ବିତ୍ରା ଅଡ଼େ ଏଞ୍ଜାରି ବିତ୍ରା ଏନି ପାରଡ଼ା ବାଟି କିହାମାଞ୍ଜାଅସି; ଇଞ୍ଜା ନାମୁତଲେ ଏଞ୍ଜାସି ଏଞ୍ଜାରି ହିୟା ସୁଦୁ କିହାମାନେସି । ୧୦ ଇଦାଆଁତାକି ଆମିନି ଜୁଞ୍ଜେଡ଼ି ମା ଆକୁ ଆବାୟା ଅଡ଼େ ମାର ଡେକାଲି ଆଡ଼ାଆତାୟି, ଏ ଜୁଞ୍ଜେଡ଼ି ସୀସୁୟା ବନିତା ଏକ୍ହାନା ମୀରୁ ଏନାଆଁତାକି ମାହାପୁରୁଙ୍କ ତାୟିପାରି କିହମାଞ୍ଜେରି ? ୧୧ ଇଦି ନେହେଁ ଆଏ, ସାମା ଏଞ୍ଜାରି ଏନିକିହଁ ନାମାହାଁ ଗେଲ୍ପି ଆହାମାନେରି ମାର ଜିକେଏ ଏଲେକିହଁ ଏ ନାମାହାଁ ପ୍ରୁ ଜୀସୁତି

କାର୍ମାମେହନାଣି ତଲେ ଗେଲ୍ପି ଆହାମାନାୟି ।”

୧୨ ଏଚେଟିଏ ଏମ୍ବାଆଁ ରୁଶ୍ଟା ଆହାମାଚାରି ବାରେ ଲକୁ ପାଲେଏ ଆଚେରି, ଇଞ୍ଜା ପାଖୁଲ ଅଡ଼େ ବର୍ନବା ତାଣାଟି ଜୀହୁଦିଆଆତି ଲକୁତାଣା ମାହାପୁରୁ ତାଣାଟି ଆହିମାନି ସିନାୟା ଅଡ଼େ କାବାଆନି କାମାୟା କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଖେଞ୍ଜାଲି ମାଟ୍ହେରି । ୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ ନିଙ୍ଗନା ଏଲେଇଚେସି; “ତାୟିୟା ଅଡ଼େ ତାଜିସ୍ତା, ନା କାତା ଖେଞ୍ଜା, ୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକୁ ବିତ୍ରାଟି ତାନି ଲକୁ କିୟାଲି ଏଞ୍ଜାରାଇଁ କାର୍ମାମେସାନା ଆଚାମାନେସି ଇଞ୍ଜା ସିମନ ଖେସାମାଞ୍ଜାନେସି । ୧୫ ଅଡ଼େ, ମାହାପୁରୁ ଅଣ୍ପୁଡ଼ି ବଲୁ ଖେହନାରି କାତାତଲେ ଆଶ୍ୱିମାନେ, ଏନିକଁ ଦାର୍ମୁ ସାଟ୍ସ୍ତେରିତା ରାସକି ଆହାମାନେ ।”

୧୬ ପ୍ରୁ ଏଲେଇଞ୍ଜା ମାନେସି,  
 “ତାୟୁ ନାନୁ ଖେଶ୍ଟା ଖାହାନା, ଦାଖୁଦ ବାସାଗାୟୁ ଖେଶ୍ଟେ ଗେଲ୍ପିଇଁ,  
 ଇଞ୍ଜା ଏମ୍ବାଟି ବିଡ଼ହାମାନି କାତିୟା ବାରେ ଖେଶ୍ଟେ କେପାନା ଆଟ୍ଝା କିଇଁ,

୧୭ ଏନିକଁ ଡୟାମାଟି କୃତାଟି ଲକୁ ଅଡ଼େ ଏଚେକା ଜୀହୁଦିଆଆତାରି ନା ଦରୁଟି ଖେଙ୍ଗାମାନେରି,  
 ଏଞ୍ଜାରି ବାରେ ପ୍ରୁଇଁ ପାରିନେରି, ବାରେ ଗାଡ଼ିକିତି ପ୍ରୁ ଏଲେ ଇଞ୍ଜାମାନେସି ।

୧୮ ପ୍ରୁ ଇ କାତା ଏଲେଇଞ୍ଜା ମାନେସି, ଆମ୍ବାଆସି ତଲି କାଲ୍ଲାଟିଏ ଇ କାତା ତସାମାନେସି ।”

୧୯ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଣ୍ପୁ ଇଦି, ଜୀହୁଦିଆଆତି ଲକୁ ବିତ୍ରାଟି ଆମ୍ବାଆରି ମାହାପୁରୁ ଖାକି ଖେଶ୍ଟା ଖାନ୍ନେରି, ଏଞ୍ଜାରାକି ମାର ବଲୁ ହୀଆପ; ୨୦ ସାମା ଏଞ୍ଜାରାକି ଇଲେକଁ ଆକୁ ରାଚାନା ଖେହନ, ପେଶ୍ଟାକ ବମାୟା ତାକି ପୂଜା କିହାମାନି ଲାଗେଏତାଣି ତିନାଆଦୁ; ଦାରିକାମାଟି ଏଚକା ଆଦୁ; ହେରକି ଦାଆନା ପାୟିତି ଜଡ଼ଡ଼ି ଡଙ୍ଗା ଅଡ଼େ ନେତେରି ତିନାଆଦୁ । ୨୧ ଏନାଆଁତାକି ଇଚିହଁ ତଲି କାଲ୍ଲାଟିଏ ବାରେ ଗାଡ଼ାଣା ମସା ମେରାତି କାତା ଖେକ୍ନାରି ମାନେରି, ଇଞ୍ଜା ବାରେ ଜମିନି ଦିନାତା ଜୀହୁଦି ଲକୁତି କୁଟମି ଇଲ୍ଲକାଣା\* ଏଞ୍ଜାଣି ମେରାତି କାତା ପଡ଼ଓ ଆହିମାନେ ।”

**ଜୀହୁଦିଆଆତି ନାମିତି ଲକୁତାକି ଆକୁ**

୨୨ ଏଚିବେଲା ପାଶୁଓ ଆହାମାନାରି ଅଡ଼େ ପ୍ରାଚିନାଙ୍ଗା ବାରେ କୁଲମି ତଲେ ତାନି ବିତ୍ରାଟି ଲକୁଇଁ, ଇଚିହଁ ତାୟିୟା ବିତ୍ରାଟି ମାନିଗାଟି ବସିବା, ଦରୁଗାଟି ଜୀହୁଦା ଇଞ୍ଜା ସିଲାଇଁ ଆଚାନା ପାଖୁଲ ଅଡ଼େ ବର୍ନବା ତଲେ, ଆନ୍ତ୍ରିୟକିୟାତା

☆ ୧୫:୭ ୧୫:୭ କାମା ୧୦:୧-୪୩ ☆ ୧୫:୮ ୧୫:୮ କାମା ୧୦:୪୪; ୨:୪ \* ୧୫:୨୧ ୧୫:୨୧ ସିନଗଗ

ପାଣ୍ଡୁଲି ତୀରି କିତେରି । ୨୩ ନାମିତାରି ତାଣ୍ଡାଟି ରାସ୍ତକି ଆହାମାନି ଆକୁ ଏ ରିଆରି କେୟୁତା ପାଣ୍ଡୁତେରି

“ମାମ୍ନୁ ପାଣ୍ଡୁଓ ଆଡାତମି ଅଡେ ପ୍ରାଚିନାଙ୍ଗା, ମୀ ତାୟିୟାତମି ମା ବାରେ ଜାହୁଦିଆଆତି ତାୟିୟା ଆମିନି ଗାଗାରି ଆନ୍ତିୟକିୟା, ସିରିୟା ଅଡେ କିଲିକିୟାତା ମାନେରି ଏଞ୍ଜାରାକି ଜହରା । ୨୪ ମାମ୍ନୁ ଝେଞ୍ଜାମାନମି, ମାମ୍ନୁ ଆମିନି ଲକୁଇଁ ଏନି ହୁକୁମି ହାହାହିଲଅମି, ମା ତାଣ୍ଡାଟି ଏଲେତି ଏତେକା ଲକୁ ମୀ ତାଣ୍ଡା ଝାହାନା ତାମି କାତାତଲେ ମୀ ମନତି ଏଟକା କିହାନା କିଲିବିଲି କିହାମାଞ୍ଜାନେରି; ୨୫ ଅଡେ ମାମ୍ନୁ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟା ତଲେ ଏଚରଜାଣାଟି ଆଚାନା ମୀ ତାଣ୍ଡା ପାଣ୍ଡୁଲି ତୀରି କିହାମାନମି, ଏଞ୍ଜାରି ମା ଜୀଝୁତି ତଡେ ବର୍ନବା ଅଡେ ପାଝୁଲ ତଲେ ହାନେରି । ୨୬ ଏଞ୍ଜାରି ଇଲେତି ମାଣ୍ଡିୟା ମା ପ୍ରବୁ ଜୀସୁ କ୍ରୀସ୍ତ ଦରୁ ତାକି ଜୀଝୁ ତୁସାନା କାମା କିହାମାନେରି । ୨୭ ଏଡାଆଁତାକି ମାମ୍ନୁ ଜୀହୁଦା ଅଡେ ସିଲାଇଁ ମୀ ତାଣ୍ଡା ପାଣ୍ଡୁମାଞ୍ଜାନମି । ମାମ୍ନୁ ଏନାଆଁ ରାଚାମାନମି, ଏଞ୍ଜାରି ମିଙ୍ଗେ ଝେସ୍ତାନେରି । ୨୮ ଏଚରଗଟା ଲଡାମାନି ମେରା ପିସ୍ପେ ମୀ ଲାକ ଅଡେ ଏନି ବକୁ ହେରପାଲି ମାମ୍ନୁ ସୁଦୁଜୀଝୁତି ହୁକୁମି ବେଟାଆହାମାନମି । ୨୯ ଏ ମେରାୟା ଆହିମାମ୍ନୁ, ପେଣକା ବମାୟାକି ହେରପିଆହାମାନି ରାହା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟୁଓ ଆହାମାନି ଜନ୍ତତି ଉଙ୍ଗା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଟିହଁ ମିଙ୍ଗେ ନେହେଁ ଆନେ । ନେହଁ କଁ ମାଞ୍ଜୁ ।”

୩୦ ଏଚେଟିଏ କାରୁ ଅନାରାଇଁ ପାଣ୍ଡୁଲିଏ ଆନ୍ତିୟକିୟାତା ହାଚେରି, ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହୀତେରି । ୩୧ ଏ ଲକୁ ବାରେ ଏଡାଆଁ ପଡ଼ଓ ଆହାନା ବାସୁଁ ବେଟାଆହାନା ରାହାଁ ଆଡେରି । ୩୨ ଜୀହୁଦା ଅଡେ ସିଲା ତାମ୍ନୁ ଜିକେଏ ମାହାପୁରୁ ଅଣ୍ଡପୁତି ବଲୁ ଝେହ୍ନାରି ମାଟାକି ହାରେକା କାତାତଲେ ତାୟିୟାଇଁ ବାସୁଁ ହାହାନା ସୁସ୍ତି କିତେରି । ୩୩ ଅଡେ, ଏଞ୍ଜାରି ଏମ୍ବାଆଁ ଏଚରଦିନା ମାଟି ତାୟୁ ଏଞ୍ଜାରାଇଁ ପାଣ୍ଡାମାଟି ଲକୁତାଣା ଝେଣ୍ଡାହାଜାଲି ତାୟିୟା ତାଣ୍ଡାଟି ହେଲ ବେଟାଆହାନା ହିଡ଼ଡ଼ି ଜୀଝୁତଲେ ଝେଣ୍ଡା ହାଚେରି । ୩୪ ସାମା ସିଲା ଏମ୍ବାଆଁ ତୁୟାଲି ତୀରି କିହାମାଚେସି† ।

୩୫ ପାଝୁଲ ଅଡେ ବର୍ନବା ଆନ୍ତିୟକିୟାତା ମାଞ୍ଜାନା ଏଟକାଟି ଏତେକା ଲକୁତାଣା ଜିକେଏ ପ୍ରବୁତି ନେହଁ ବଲୁ ଜାପୁହାନା ଝେକହାଲି ମାଟହେରି ।

**ପାଝୁଲ ଅଡେ ବର୍ନବା ଏଟକା ଆନାୟି**

୩୬ ଏଚରଦିନା ହାଜାଲିଏ ପାଝୁଲ ବର୍ନବାଇଁ ଏଲେଇଚେସି, “ଞ୍ଜାମ୍ନୁ, ମାର ପ୍ରବୁତି ବଲୁ ଝେକହାମାନି ବାରେ ଗାଡ଼ାୟାଣା ଝେଣ୍ଡା ହାଜାନା, ତାୟିୟା ନୀଏଁ ଏନିଆହଁ ମାନେରି ଇଞ୍ଜା ବେଟିହାନ ।” ୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାମିତଲେ ଅୟାଲି ବର୍ନବା ଅଣ୍ଡପିମାଚେସି । ୩୮ ଶାମା ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଟି ଝେଣ୍ଡାହାଚାସି ଅଡେ କାମା ରାନ୍ତି ପାତେକା ଏଞ୍ଜାରିତଲେ ମାନାଆତାକି ତାମିତଲେ ଅୟାଲି ପାଝୁଲ କୁତେସି । ୩୯ ଏମ୍ବାଟିଏ ଏଞ୍ଜାରି ହାରେକା ବାଡ଼ିବାଡ଼ା ଆୟାଲିଏ ତାମ୍ନୁ ଏଟକା ଆଡେରି, ଇଞ୍ଜା ବର୍ନବା ଜହନ ମାର୍କଇଁ ତାନିତଲେ ଅହଁ ଜାଜାତା ହଚାନା କୁପ୍ରତା ହାଚେରି, ୪୦ ସାମା ପାଝୁଲ ସିଲାଇଁ ଆଚାନା ତାୟିୟା ତାଣ୍ଡାଟି ପ୍ରବୁତି କାର୍ମାତଲେ ହେରପି ଆହାନା ହାଚେରି, ୪୧ ଅଡେ ଏଞ୍ଜାସି ସିରିୟା ଅଡେ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆଟ୍ଝା କିତେସି ।



**ପାଝୁଲ ଅଡେ ସିଲା ତଲେ ତିମତି ହାନାୟି**

୧ ତାୟୁ ପାଝୁଲ ଦବଁ ଅଡେ ଲୁସ୍ତାତା ହାଚେସି, ଏମ୍ବାଆଁ ତିମତି ଦରୁଗାଚାସି ର ସୀସୁ ମାଚେସି, ଏଞ୍ଜାସି ର ନାମିତି ଜୀହୁଦି କ୍ରୀସ୍ତାନା ଇୟାନି ମୀରଏସି ମାଚେସି, ସାମା ତାମି ଆବା ର ଗ୍ରିକ୍ ଲକୁ । ୨ ଲୁସ୍ତା ଅଡେ ଇକନିୟତା ମାନି ବାରେ ନାମିତି ତାୟିୟା ଏଞ୍ଜାଣାଇଁ ନେହାଁସି ଇଞ୍ଜା ଏଲେଇଚେରି । ୩ ପାଝୁଲ ତାନିତଲେ ତିମତିଇଁ ଅହାଲି ଅଣ୍ଡପିଚେସି, ଅଡେ ଏ ନାସ୍ତକାଣାଁ ମାନି ଜୀହୁଦି ଲକୁତାକି ଏଞ୍ଜାଣି ତଲୁ ଦାପିକିତେସି; ଇତିହଁ ତାମି ଆବା ଗ୍ରିକ୍ ଲକୁ ଇଞ୍ଜା ବାରେ ପୁଞ୍ଜାମାଚେରି । ୪ ଇଞ୍ଜା ଏଞ୍ଜାରି ଗାଡ଼ାୟାଟି ହାଜି ହାଜିହଁ ଜିରୁସାଲମତି ପାଣ୍ଡୁଓ ଆଡାରି ଅଡେ ପ୍ରାଚିନାଙ୍ଗା ତାଣ୍ଡାଟି କିଓି ଆହାମାନି ମେରା ମାନଓି ଆହାଲି ଏଞ୍ଜାରିତାଣା ହେରପି ମାଚେସି । ୫ ଏଲେକିହଁ କୁଲମିକା ବାରେ ନାମୁତା ଆଟ୍ଝା ଆହାନା ଦିନାତାକି ଦିନା ପାତା ଆତୁ ।

**ତୁୟାତା ପାଝୁଲ ହାପାନା ହେଣ୍ଡାନାୟି**

୬ ଏଞ୍ଜାରି ଆସିୟାତା ମାହାପୁରୁ କାତା ଝେସାଲି ସୁଦୁଜୀଝୁ କାହି କିୟାଲିଏ, ଏଞ୍ଜାରି ପୁଗଁୟା ଅଡେ ଗାଲାତିୟ ରାଜି ମାଦିଟି ରେଜିହଁ ହାଚେରି । ୭ ଅଡେ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି ଅଣ୍ଡପିଚେରି, ସାମା ଜୀସୁତି ଜୀଝୁ ଏଞ୍ଜାରାଇଁ ହାଜାଲି ହେଲ ହୀଆତେ । ୮ ଏଞ୍ଜାରି ମୁସିଆ ମାଦିଟି ହାଜାନା ତୁୟାତା ଝାଡେରି

† ୧୫:୩୪ ୧୫:୩୪ ଇ କାତା ପୁଞ୍ଜଇ ପତିତା ହିଲେଏ । ☆ ୧୫:୩୮ ୧୫:୩୮ କାମା ୧୩:୧୩

। ୯ ଅଡ଼େ ଲାଆଁ ବେଲାତା ପାଞ୍ଜୁଲ ର ସେୟାଣା ହାପାନା ହେଚେସି, ମାକିଦନିୟାତି ର ଲକୁ ନିତାନା ଏଞ୍ଜାଣାକ୍ ବାତିମାଲିହି ଏଲେଇଚେସି, “ମାଙ୍ଗେ ସାୟେମି କିୟାଲି ମାକିଦନିୟାତା ଗାଣତା ଖାମୁ ।” ୧୦ ଏଞ୍ଜାସି ସେୟାଣା ହାପାନାତା ମେସାଲିଏ ମାମୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆଡ଼ମି, ଇଚିହି ଏଞ୍ଜାରିତାଣା ନେହି କାବୁ ଖେସାଲି ତାକି ମାହାପୁରୁ ମାଙ୍ଗେ ହାଟାମାଞ୍ଜାନେସି ଇଞ୍ଜି ମାମୁ ପୁଚମି ।

**ଲୁଦିୟା ମନ ଖେଚନାୟି**

୧୧ ଏଚେଟିଏ ମାମୁ ତୁୟାତି ଜାଜାତା ହଟାନା ତିୟତି ଜିରୁଟି ହାଜାନା ସାମତ୍ରାକିତା ଅଡ଼େ ଅର ନେଚୁ ନୟାପଲିତା ଏଗାହାଚମି । ୧୨ ଏମ୍ବାଟିଏ ପିଲିପିତା ହାଚମି, ଇଦି ମାକିଦନିୟା ଜିଲାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ତୁୟନି ଚାୟୁ ମାଚେ; ଏ ଗାଡ଼ାତା ମାମୁ ଏଚରଦିନା ମାଚମି । ୧୩ ଜମିନି ଦିନାତା ମାମୁ ଗାଡ଼ାଟି ହଟାନା କାତା ତାଗେ ହାଚମି, ଏମ୍ବାଆଁ ପ୍ରାତାନା କିନି ଚାୟୁ ମାଚେ ଇଞ୍ଜି ଅଣ୍ପାମାଚମି, ଅଡ଼େ ମାମୁ କୁଗାନା ରୁଣ୍ଡା ଆହାମାଚି ଇୟାସିକା ତଲେ କାତା ଆଡ଼ମି । ୧୪ ଅଡ଼େ, ତୁୟାତିରା ଗାଡ଼ାତି ହେୟାଁ ଖାଣା ହିମ୍ବରକା ପାରୁନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାଚେ, ଏଦି ମାହାପୁରୁ ସେବା କିନାୟି, ଏଦି ଏନିକ୍ ପାଞ୍ଜୁଲତି କାତାତି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ ଦେଚାମାଚେସି । ୧୫ ଅଡ଼େ ଏଦି ଇଞ୍ଜା ତାମି କୁଚମି ବାପ୍ତିସ୍ମ\* ଅଡ଼ି ତାୟୁ ମାଙ୍ଗେ ବାତିମାଲିହି ଏଲେଇଞ୍ଜାତେ, “ମାରୁ ନାଙ୍ଗେ ପ୍ରବୁ ତାଣା ନାମୁଗାଚାୟି ଇଞ୍ଜି ଅଣ୍ପିମାଚିହି, ନା ଇଜ ଖାହାନା ବାସା ଆଦୁ,” ଇଞ୍ଜି ବାଲାମାଚମି କିହାଁ ହାଟା ଅୟାତେ ।

**ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା**

୧୬ ର ଦିନା ମାମୁ ପ୍ରାତାନା ଚାୟୁତା ହାନିବେଲାତା ର ହଲେଣି ପଡ଼ାଇ ବେଟାଆଡ଼ମି ଏଦି ପଲ୍ଲଆ ପେନୁ ଆଲ୍‌ଗାନା ତାୟୁ ଆନି କାତାୟାଁ ଖେସାଲି ଆଡ଼ିମାଚେ । ତାୟୁ ଆନି କାତାୟାଁ ଖେସାନା ତାନି ସାଞ୍ଜୁକାରିକି ହାଚେକା ତାବୁୟାଁ କୃଡ଼ି କିହିମାଚେ । ୧୭ ଏଦି ପାଞ୍ଜୁଲ ଅଡ଼େ ମା ଜେଚ ଜେଚ ଖାହାନା କିଚଡ଼ିହି ଏଲେଇଞ୍ଜାଲି ମାଚହେ, “ଇ ଲକୁ ବାରେକିହାଁ କାଜା ମାହାପୁରୁତି ହଲିୟାକ୍ଷା, ଏଞ୍ଜାରି ମିଙ୍ଗେ ଗେଲ୍‌ପିଆନି ଜିରୁତି ଖେକ୍‌ହି ମାଞ୍ଜାନେରି ।” ୧୮ ଏଦି ହାଚେକା ଦିନା ପାଚେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଖେଶ୍ରେ ସିନିକିହାନା ଏ ବୃତୁକ୍ ଏଲେଇଚେସି, “ଏଦାନି ତାଣାଟି ହଟା ହାଜାଲି ନାନୁ ନିଙ୍ଗେ ଜୀସୁ କ୍ରୀସୁ ଦରୁତଲେ ହୁକୁମି ହାହିମାଞ୍ଜାଇ,” ଏ ଦେବୁଣିଏ ଏଦି ହଟାହାଚେ

। ୧୯ ସାମା ଏଦାନି ସାଞ୍ଜୁକାରିୟାଁ ତାମି ଲାବା ପାଣ୍ଡି ଆସା ହାଚେ, ଇଞ୍ଜି ପୁଞ୍ଜାନା ପାଞ୍ଜୁଲ ଅଡ଼େ ସିଲାକ୍ ଦସାନା ବେରଣିମାଣ୍ଡାତା ସାଲ୍‌ଖି କିନାରି ତାଣା ରେଜା ଅଡ଼େରି । ୨୦ ଅଡ଼େ, ଏଞ୍ଜାରି ରମିୟ ସାଲ୍‌ଖି କିନାରି ତାଣା ତାଚାନା ଏଲେଇଚେରି, “ଇଞ୍ଜାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି । ୨୧ ମାର ରମିୟ ଲକୁତି ମେରା ପାଣାପାଟୁ ଆବାଲି କି ମାନଖି ଆହାଲି ମେରା ହିଲେଏ, ଏଦାଆଁ ଇଞ୍ଜାରି ଖେସିମାନେରି ।” ୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଙ୍ଗିଚେରି । ଅଡ଼େ ନୀହାଁୟି କିନାରି ପାଞ୍ଜୁଲ ଅଡ଼େ ସିଲା ହିମ୍ବରକା ହୁକ୍‌ହାନା ଏଞ୍ଜାରାଇଁ ବାଡ଼ଗା ତଲେ ଖେଚାଲି ହୁକୁମି ହାଚେରି । ୨୩ ଏଞ୍ଜାରି ଏଞ୍ଜାରାଇଁ ହାଚେକା ଖେଡ଼ି ତାୟୁ କାୟିଦି ଇଲୁତା ଇଚିଚେରି, ଇଞ୍ଜା ଏଞ୍ଜାରାଇଁ ଜାଗାତା କିହି କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହାଚେରି । ୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା ମେଡ଼ହାନା ଏଞ୍ଜାରି କତାଣା ବଜୁଗାଟି ମାରୁ କୁଡ଼ୁଲିକା ଦସା ପିସ୍ତେସି ।

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାରୁ ପାଡ଼ିମାଚେରି, ଇଞ୍ଜା ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ ଖେଞ୍ଜିମାଚେରି । ୨୬ ଏଚିବେଲାତା ଦେବୁଣିଏ ବୁମି ଖୀଡ଼ିତେ, ଇଞ୍ଜା କାୟିଦି ଇଲୁତି ପୁନାଦି ଜିକେଏ ଖୀଡ଼ାଲିଏ ବାରେ ଦୁଖେରିକା ଦେପି ଆହାହାରୁ, ଇଞ୍ଜା ବାରେଜାଣାତି ଦସାମାଚି ହିକ୍‌ଣିୟାଁ ହୁକ୍‌ହାରୁ । ୨୭ ଏଚେଟିଏ କାୟିଦି ଇଲୁ କାଃଆନାସି ଇଦାଟି ନିଙ୍ଗାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଶପି ଆଚେରି ଇଞ୍ଜି ଅଣ୍ପାମା, କାଣ୍ଡା ହପ୍‌ହାନା ଗୁକ୍‌ହା କଡ଼ିମାଚେସି । ୨୮ ସାମା ପାଞ୍ଜୁଲ କାଜା ଗିୟାଁତଲେ ହାଟାନା ଏଲେଇଚେସି, “ନୀନୁ ନିଙ୍ଗେ ନାସା କିହା କତାଆନି, ଏନାଆଁତାକି ଇଚିହି ମାମୁ ବାରେଚମି ଇମ୍ବାଆଁ ମାନମି ।”

୨୯ କାୟିଦି ଇଲୁ କାଃଆନାସି ଦୀଞ୍ଜି ତାଚାଲି ଏଲେଇଚେସି, ତବେ ବିତ୍ରା ହାଚେସି ଇଞ୍ଜା ତୀରୁଟି ତୀରୁଗିହି ପାଞ୍ଜୁଲ ଅଡ଼େ ସିଲା କତାୟାଁ ତୁଇ ରୀଚେସି । ୩୦ ଅଡ଼େ ଏଞ୍ଜାରାଇଁ ପାଙ୍ଗାତା ତାଚାନା ଏଲେଇଚେସି, “ବାବୁୟାଁ ଗେଲ୍‌ପିଆୟାଲି ନାନୁ ଏନାଆଁ କିଇଁ?”

୩୧ ଏଞ୍ଜାରି ଏଲେଇଚେରି, “ପ୍ରବୁ ଜୀସୁ ତାଣା ନାମାଦୁ, ଆଡ଼ିହି ନୀନୁ ଅଡ଼େ ନୀ ଇଲୁ କୁଚମି ବାରେ ଗେଲ୍‌ପି ଆଦେରି ।” ୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡ଼େ ଏଞ୍ଜାଣି ଇଜ ମାଚି ବାରେ ଲକୁଣି ମାହାପୁରୁତି ବଲୁ ଖେସ୍ତେରି । ୩୩ ଅଡ଼େ, ଏ

\* ୧୭:୧୫ ୧୭:୧୫ମୁଞ୍ଜିନାୟି

କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟାଁ ବେଲାତା ଅହାନା ଏଞ୍ଜାରି ଗାହାଁୟାଁ ନରହେସି, ଇଞ୍ଜା ଏଞ୍ଜାସି ଅଡ଼େ ଏଞ୍ଜାଣି ଇଲୁ କୁଟମି ବାରେ ଏ ଦେବୁଣିଏ ବାପ୍ତିସ୍ତାଁ ଅଡ଼େରି । ୩୪ ଏଚେଟିଏ ଏଞ୍ଜାସି ଏଞ୍ଜାରାଇଁ ତାନି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହାତେସି, ଅଡ଼େ ବାରେ କୁଟମି ମାହାପୁରୁ ତାଣା ନାମାନା ହାରେକା ରାହାଁ ଆଡ଼େରି ।

୩୫ ଲାଇ ଝେୟାଲିଏ ରମିୟ ଲକୁତି କାଜାରି ରିଜାରି କସକାଣି ଇଲେଇଞ୍ଜାଁ ଝେସା ପାଣ୍ଡିତେରି, “ଏ ଲକୁଣି ପିସାତୁହୁ ।”

୩୬ ଏଚେଟିଏ କାୟିଦି ଇଲୁ କାଃଆନାସି ପାଞ୍ଜୁଲଇଁ ଇ କାତା ଝେସେସି, “ନାହାଁୟି କିନାରି ନିଙ୍ଗେ ଅଡ଼େ ସିଲାଇଁ ପିସାଲି କାତୁ ପାଣ୍ଡା ମାଞ୍ଜାନେରି, ଇଞ୍ଜା ନୀଏଁ ହଡ଼ାଞ୍ଜାହାନା ହିଡ଼ଡ଼ି ତଲେ ହାକୁ ।”

୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାମ୍ ରମିୟ ଦେସାତ ଲକୁତମି, ମାଙ୍ଗେ ନାହାଁୟି କିଆନା ଝେତାତି ତାୟୁ କାୟିଦି ଇଲୁତା ସୁଣ୍ଡାତେରି, ଅଡ଼େ ନୀଏଁ ତକୁହାନା ପିସିମାଞ୍ଜାନେରି, ଏଦି ମିଣ୍ଡଏ, ସାମା ଏଞ୍ଜାରି ତାମ୍ବୁ ଝାହାନା ମାଙ୍ଗେ ପାଙ୍ଗାତା ଅୟାପେରି ।”

୩୮ ଏଚେଟିଏ କସକା ହାଜାନା ନାହାଁୟି କିନାରାଇଁ ବାରେ କାତା ଝେସେରି, ଇଞ୍ଜା ଇଞ୍ଜାରି ରମିୟ ଲକୁ ଇଞ୍ଜାଁ ପୁଞ୍ଜାନା ଆଜିତେରି, ୩୯ ଏମ୍ବାଟିଏ ଏଞ୍ଜାରି ଝାହାନା ମାମ୍ ପୁନାଆନା ଏଲେକିତମି ଇଞ୍ଜାଁ ବାତିମାଲିହଁ ଏଞ୍ଜାରାଇଁ ପାଙ୍ଗାତା ହପୁହା ତାଚାନା, ଗାଡ଼ା ପିସାନା ହାଜାଲି ବାତିମାଲିତେରି । ୪୦ ଏଚେଟିଏ ପାଞ୍ଜୁଲ ଅଡ଼େ ସିଲା କାୟିଦି ଇଲୁଟି ହଡ଼ାନା ଲୁଦିୟା ଇଜ ହାଚେରି, ଅଡ଼େ ତାୟିୟାଁ ତଲେ ଆଣ୍ଡାନା ଏଞ୍ଜାରାଇଁ ବାସୁଁ ହାହାନା ହାଜାତୁସେରି ।

### ୧୭

#### ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅଡ଼େ ଆପଲନିୟା ହାହାନା ତେସଲନିକିତା ଝାଡ଼େରି; ଏମ୍ବାଆଁ ଜୀହୁଦି ଲକୁତି ର ଜୀହୁଦି ଲକୁତି କୁଟମି ଇଲୁ\* ମାଚେ । ୨ ଅଡ଼େ, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୁତି କୁଟମି ଇଲୁତା† ହାଚେସି, ଇଞ୍ଜା ତାନିଗଟା ଜମିନି ଦିନା ପାଚେକା ଦାମ୍ ପତିତି କାତା ଆସାନା ଲକୁତଲେ ଜଲକି ଆଡ଼େସି, ୩ ଦାମ୍ ସାସ୍ତେରି ତେଲହି କିହାନା ଏ କାତା ଇଦି ଇଞ୍ଜାଁ ଇଚେସି, ମସିହା ସାସ୍ତି ପାଣ୍ଡନାୟି ଅଡ଼େ ହାକିଟି ନିଙ୍ଗିନାୟି ଲଡ଼ାମାନେ । ପାଞ୍ଜୁଲ ଏଲେଇଚେସି, “ଆମିନି ଜୀସୁତି କାତା ଝେସିମାଞ୍ଜାଇଁ, ଏଞ୍ଜାସି ଏ ମସିହା ।” ୪ ଏମ୍ବାଟିଏ ଏଞ୍ଜାରି ବିତ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଡ଼େ ସିଲା କାତାତା ଆଣ୍ଡିତେରି; ଅଡ଼େ,

ଜୀହୁଦି ଦାମ୍ ନାମାମାନି ଗ୍ରିକ ଲକୁ ବିତ୍ରାଟି ହାରେକା ଲକୁ ଅଡ଼େ ମାନିଗାଟି ହାରେକା ଇୟାସିକା ବିତ୍ରାଟି ଏଞ୍ଜାରିତଲେ ମାହାପୁରୁ ସେବାତା ଆଣ୍ଡିତୁ ।

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାଞ୍ଜୁଲିତା କୃଡ଼ି କିଚେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା ଗଡ଼ହା ହପୁହେରି, ଇଞ୍ଜା ପାଞ୍ଜୁଲ ଅଡ଼େ ସିଲାଇଁ ସାଲ୍ଡି କିନାରି ନକିତା ହପୁହାତାଚାଲି ଏଞ୍ଜାରି ହାଜାନା ଜାସନ ଇଲୁତି ମୁଗାନା ପାରିତେରି । ୬ ସାମା ଏଞ୍ଜାରାଇଁ ବେଟାଆଆଲିଏ ଏଞ୍ଜାରି ଜାସନ ଅଡ଼େ ଏଚେକା ତାୟିୟାଁ ଗାଡ଼ାତି ସାଲ୍ଡି କିନାରି ନକିତା ରେଜା ତାଚାନା କାଜା ଗିୟାତଲେ କାଲ୍ଡି ଆହଁ ଏଲେଇଚେରି, “ଆମିନି ଲକୁ ଦାରତିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ଝାହାମାନେରି; ୭ ଜାସନ ଏଞ୍ଜାରାଇଁ ଆବାମାନେସି, ଜୀସୁ ଦରୁଗାଟି ଅଡ଼େ ର ରାଜା ମାନେସି ଇଞ୍ଜାଁ ଝେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନ୍ଡି କିହିହିଲଅରି ।” ୮ ଇ କାତା ଆସାନା ଲକୁ ଅଡ଼େ ସାଲ୍ଡି କିନାରି ବିତ୍ରା ହାରେକା କାରବି ଆଡ଼େରି ଅଡ଼େ ଗଡ଼ହା ଆଡ଼େ । ୯ ତାୟୁ ସାଲ୍ଡି କିନାରି ଜାସନ ଅଡ଼େ ଏଚକା ଲକୁଣି ତାୟୁୟାଁ ରାସାନା ଜାମ୍ଲି ତଲେ ଏଞ୍ଜାରାଇଁ ପିସ୍ତେରି ।

#### ବେରିୟାତା କାମା

୧୦ ଅଡ଼େ, ତାୟିୟାଁ ଝେଡ଼ାକିଆନା ପାଞ୍ଜୁଲ ଅଡ଼େ ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତା‡ ହାଚେରି । ୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଟାରି ମାଚେରି, ଇଞ୍ଜାରି ହାରେକା ରାହାଁତଲେ ମାହାପୁରୁ କାତା ଝେଚେରି, ଅଡ଼େ ପାଞ୍ଜୁଲ ଝେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ ପତି ପଡ଼ଞ୍ଜି ଆହିମାଚେରି । ୧୨ ଇଦାଆଁତାକି ଏଞ୍ଜାରି ବିତ୍ରାଟି ହାରେକା ଲକୁ ନାମିତେରି ଅଡ଼େ ଗ୍ରିକ ଲକୁତି କାଜାରି ବିତ୍ରାଟି ହାରେକା ଇୟାସିକା ଅଡ଼େ ଆବାୟାଁ ଜିକେଏ ନାମିତେରି । ୧୩ ସାମା ଏଚିବେଲା ତେସଲନିକିତି ଜୀହୁଦିଜା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁତି ବଲୁ ଝେସ୍ତି ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ଝାହାନା ଲକୁ ମାନ୍ଦାତି ନିକହାନା ଗଡ଼ହା କିଞ୍ଜିକିତେରି । ୧୪ ଏଚେଟିଏ ତାୟିୟାଁ ଝେଡ଼ାକିଆନା ପାଞ୍ଜୁଲଇଁ ସାମ୍ତୁରି ଝାକି ହାଜାଲି ପାଣ୍ଡିତେରି; ଇଞ୍ଜା ସିଲା ଅଡ଼େ ତିମତି ବେରିୟାତା ତୁୟିତେରି । ୧୫ ସାମା ଆମ୍ବାଆରି ପାଞ୍ଜୁଲଇଁ ଇଚିହାଚାରି ଏଞ୍ଜାରି ଆତିନି ପାଚେକା ହାଚେରି, ଇଞ୍ଜା ସିଲା ଅଡ଼େ ତିମତି ତବେ ନା ତାଣା ଝାଡ଼େରି ଇଞ୍ଜାଁ ପାଞ୍ଜୁଲ

† ୧୭:୩୩ ୧୭:୩୩ମୁଞ୍ଜନାୟି \* ୧୭:୧ ୧୭:୧ ସିନଗର † ୧୭:୨ ୧୭:୨ ସିନଗର ‡ ୧୭:୧୦ ୧୭:୧୦ ସିନଗର

ତାଣାଟି ହୁକୁମି ବେଟାଆହାନା ଏଞ୍ଜାରି ବେରିୟାତା  
ଝେଣ୍ଡେ ଖାଡ଼ତରି ।

**ଆତିନିତା ପାଞ୍ଜୁଲତି ସେବା କାମା**

୧୭ ଆତିନିତା ପାଞ୍ଜୁଲ, ସିଲା ଅଡ଼େ ତିମତିଇଁ  
କାଟିମାରେସି, ଏଞ୍ଜାସି ଏ ଗାଡ଼ାତା ହାରେକା  
ପେଣ୍ଡକା ବମାୟାଁ ମାନାଣି ମେସାନା ତାନି ଜୀଝୁ  
ହାରେକା ଖାଡ଼ିତେ । ୧୭ ଏଦାଆଁତାକି ଏଞ୍ଜାସି  
ଜୀହୁଦି ଲକ୍ଷୁତି କୁଟମି ଇଲୁତାଽି ଜୀହୁଦି ଲକ୍ଷୁତଲେ  
ମାହାପୁରୁଇ ନାମାମାନି ଜୀହୁଦିଆଆତି ଲକ୍ଷୁତଲେ  
ଇ କାତା ବାରେଦିନା ଝେକହେସି । ଗାଡ଼ାତି  
ଜିରୁ ଗାଟାତା ହାଜି ଖାହିମାନି ଲକ୍ଷୁତଲେ ଏ  
କାତାତି ଝେସ୍ତେସି । ୧୮ ଏଚରଜାଣା ଏପିକୁରିୟା  
ଇଞ୍ଜା ସ୍ତୟିକ୍ ଜାପୁନି ଗୁରକା ତଲେ ଏଞ୍ଜାରି  
ରୁଜୁବାଡ଼ି ଆଡ଼େ । ଏଞ୍ଜାରି ବିତ୍ରାଟି ଏଚରଜାଣା  
ଏଲେଇଚେରି, “ଇ ବୁଦି ହିଲାଆ ହାଡ଼ାକାଣ୍ଡୁ ଧୁନାଆଁ  
ଝେସାଲି ଅଣପିମାନେସି ?” ଅଡ଼େ ଏଚରଜାଣା  
ଏଲେଇଚେରି, “ଏଞ୍ଜାସି ପୁନାଆତି ପେଣ୍ଡକାତି କାତା  
ଝେହନିଲେହେଁ ଝେସିମାନେସି;” ଇତିହୁଁ ଏଞ୍ଜାସି  
ଜୀସୁ ଅଡ଼େ ତାନି ଝେଣ୍ଡେ ନିଜିତି କାତାତି ନେହୁଁ  
କାରୁ ଝେକହୁ ମାଚେସି । ୧୯ ଏଦାଆଁତାକି ଏଞ୍ଜାରି  
ପାଞ୍ଜୁଲଇଁ ଆରିୟପାଗ ଗାଡ଼ାତି ବେରଣି ନକିତା  
ତାତେରି, “ନାନୁ ଆମିନି ପୁଝନି କାତା ଜାପୁହିମାଞ୍ଜି  
ଏଦି ଏନାୟି ଇଞ୍ଜୁଁ ମାମୁ ପୁଞ୍ଜାଲି ଆତିନମି କି ?  
୨୦ ଇତିହୁଁ ନାନୁ ଏଚେକା କାବାଆନି କାତା ମାଙ୍ଗେ  
ଝେଣ୍ଡମ୍ବି କିହିମାଞ୍ଜାଦି; ଇ ବାରେ କାତା ଏନାୟି  
ଏଦାଆଁ ମାମୁ ପୁଞ୍ଜାଲି ଅଣପିମାନମି ।” ୨୧ ଆତିନି  
ଗାଡ଼ାତି ଲକ୍ଷୁ ଅଡ଼େ ଏମ୍ବାଆଁ ବାସାଆହାମାନି ଏଚକା  
ଦେସାତି ଲକ୍ଷୁ ପୁଝନି କାତା ଝେସାଲି ଇଞ୍ଜା ଝେଞ୍ଜାଲି  
ରାହାଁ ଆହିମାଚେରି । ଏମ୍ବାଆଁ ଏଞ୍ଜାରି ଦିନା ରାପୁହି  
ମାଚେରି ।

୨୨ ଏଚେଟିଏ ପାଞ୍ଜୁଲ ଆରିୟପାଗତି ବେରଣି  
ମାଦିଏ ନିଚାନା ଏଲେଇଚେସି, “ଏ ଆତିନିତି  
ଲକ୍ଷୁ, ମୀରୁ ବାରେ ଗାଡ଼ି ଦାମ୍ବୁଗାଟାତେରି, ଇଞ୍ଜା  
ହାରେକା ପେଣ୍ଡକାଣି ସେବା କିନାଚେରି, ଏଦାଆଁ  
ନାନୁ ମେସିମାଇଁ । ୨୩ ଇତିହୁଁ ନାନୁ ମୀ ଗାଡ଼ାଟି  
ହାଜିମାଚେସି, ଅଡ଼େ ମୀରୁ ପୂଜା କିନି ଚାୟୁତା  
ସିନିକିଚେସି, ନାନୁ ପୂଜା ପିଣ୍ଡାତା ମେସ୍ତେସି  
ଏମ୍ବାଆଁ ରାସକି ଆହାମାନେ, ‘ପୁନାଆତି ମାହାପୁରୁ  
।’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି,  
ଏଦାଆଁ ମୀରୁ ପୁଞ୍ଜାହିଲାଆତିହୁଁ ଜିକେଏ,  
ଏଦେଏ ନାନୁ ମିଙ୍ଗେ ଝେସିମାଞ୍ଜାଇଁ । ୨୪ ✨ଆମିନି  
ମାହାପୁରୁ ଦାରତି ଅଡ଼େ ଏମ୍ବାଆଁ ମାନି ବାରେ ରାଟି  
କିହାମାନେସି, ଏଞ୍ଜାସି ଲାକପୁରୁ ଅଡ଼େ ଦାରତିତି  
ପ୍ରବୁ ଆହାମାନାକି ମାଣ୍ଡସି କେୟୁଟି କେପିତି  
ଦେଝୁଡ଼ିତା ବାସା କିଅସି । ୨୫ ଇତିହୁଁ ଏଞ୍ଜାଣାକି

ଏନାୟି ଲଡ଼ା ମାନାୟି ହିଲାଆକି ମାଣ୍ଡସି କେୟୁଟି  
ସେବା ଆଅସି, ଇତିହୁଁ ଏଞ୍ଜାସି ତାନୁଏ ବାରେତାକି  
ଜୀଝୁ, ନେଞ୍ଜାଲି ଇଞ୍ଜା ବାରେ ଲଡ଼ାମାନାଣି ଇନେସି  
। ୨୬ ମାଣ୍ଡସି ତାଣାଟି ଏଞ୍ଜାସି ବାରେ ଲକ୍ଷୁ ବାକାଇଁ  
ରାଟି କିହାମାନେସି; ଇଞ୍ଜା ଏଞ୍ଜାଣି ହୁକୁମି ତଲେ  
ଏଞ୍ଜାରି ଦାରତିତି ବାରେଞ୍ଜାକି ବାସା କିହାମାନେରି  
। ଆମିନି ବେଲାତା, ଆମ୍ବାଆସି ଆମିନି ତାଣା  
ବାସା କିନେସି, ମାହାପୁରୁ ମୁକୁଟିଏ ଏଦାଆଁ  
ତୀରି କିହାମାନେସି । ୨୭ ମାହାପୁରୁତି ଅଣପୁ  
ମାଚେ, ବାରେଜାଣା ଏନିକିହୁଁ ଏଞ୍ଜାଣାଇଁ ପାରାନା  
ବେଟାଆନେରି । ସାମା ମାହାପୁରୁ ଆମ୍ବାଆରି  
ତାଣାଟି ହେକ ହିଲଅସି ।” ୨୮ ଏନିଇତିହୁଁ ରଅସି  
ଝେସାମାନେସି,  
“ଏଞ୍ଜାଣି ତାଣା ମାର ନୀତିନାୟି, ତାକିନାୟି ଅଡ଼େ  
ଡ଼ୟିନାୟି ।

ଇଞ୍ଜା ମୀ ବିତ୍ରାଟି ଜିକେଏ ଏଚରଜାଣା  
ଝେସାମାନେରି,  
ମାର ଜିକେଏ ଏଞ୍ଜାଣି ମୀରକା ମାସକା ।”

୨୯ “ଇତିହୁଁ ମାର ମାହାପୁରୁତି ମୀରକା ମାସକା  
ଆଡ଼ାକି ଇ ମାହାପୁରୁ ଲେହେଁ ମାଣ୍ଡସି ବୁଦି  
ଅଡ଼େ ଅଣପୁ ତଲେ କେପିତି ବାଂଗାରା, ଝେଣ୍ଡି  
କି ଖାଲକାତି ବମା ଲେହେଁ ଅଣପିନାୟି ଆଏ ।  
୩୦ ଲକ୍ଷୁ ମାହାପୁରୁଇଁ ପୁଞ୍ଜା ହିଲାଆ ବେଲାତା  
ଏଞ୍ଜାସି ଦହ ଆସା ହିଲାଆଚେସି, ସାମା ନୀଏ ଏଞ୍ଜାସି  
ବାରେଜାଣାତି ବାରେଞ୍ଜାକି ତାମି ପାପୁ ଜିରୁଟି ଝେଣ୍ଡା  
ଞ୍ଜାହାଲି ଝେସିମାନେସି । ୩୧ ଇତିହୁଁ ଆମିନି  
ଦିନା ତାନୁ ଆଡ଼ିତି ମାଣ୍ଡସି ତାଣାଟି ଦାମ୍ବୁତଲେ  
ଦାରତିତି ନୀହାୟି କିନେସି, ଇଲେତି ର ଦିନା ତୀରି  
କିହାମାନେସି, ଇଞ୍ଜା ଇ ବାରେ ସାତା ଇଞ୍ଜୁଁ ତସାଲି  
ଏଞ୍ଜାସି ଏଞ୍ଜାଣାଇଁ ହାଡ଼ାରି ତାଣାଟି ନିକହାମାନେସି  
।”

୩୨ ପାଞ୍ଜୁଲ ତାଣାଟି ହାଡ଼ାରି ଝେଣ୍ଡେ ନିଜିନି  
କାତା ଝେଞ୍ଜାନା ଏଚରଜାଣା ଲାଜା କିଚେରି, ଅଡ଼େ  
ଏଚରଜାଣା ଏଲେଇଚେରି, “ମାଙ୍ଗେ ଅଡ଼େ ଝେଣ୍ଡେ  
ଝେସ୍ତାମୁ, ନୀ ତାଣାଟି ଇ କାତା ଝେନମି ।”  
୩୩ ଏଚେଟିଏ ପାଞ୍ଜୁଲ ବେରଣିଟି ହଚାହାଚେସି ।  
୩୪ ଏରିୟପାଗିୟ ଦିୟନୁସିୟ ଗତିତି ଦାମାରି ଇନି  
ର ଇୟା ଇଞ୍ଜା ଅଡ଼େ ଏଚେକା ଲକ୍ଷୁ ନାମିଚେରି  
ଇଞ୍ଜା ଏଞ୍ଜାଣିତଲେ ଆଣ୍ଡିଚେରି ।

**୧୮**

**କରନ୍ତିତା ପାଞ୍ଜୁଲତି କାମା**

୧ ଏମ୍ବାଟିଏ ପାଞ୍ଜୁଲ ଆତିନି ଗାଡ଼ା ପିସାନା  
କରନ୍ତିତା ହାଚେସି । ୨ ଇଞ୍ଜା ଏଞ୍ଜାସି ଆକ୍ଝିଲା  
ଦରୁଗାଟି ର ଜୀହୁଦି ଲକ୍ଷୁଇଁ ବେଟାଆଡ଼େସି,  
ପନ୍ତ ଏଞ୍ଜାଣି ଜାନା ଚାୟୁ; ଏଚରଦିନା ନକେଏ  
ଏଞ୍ଜାସି ତାନି ତକ୍ତି ପ୍ରିସ୍ତିଲା ତଲେ ଇଟାଲିଟି

§ ୧୭:୧୭ ୧୭:୧୭ ସିନଗର୍ ☆ ୧୭:୨୪ ୧୭:୨୪ କାମା ୭:୪୮



ଝାହାମାରେସି, ଇଚିହଁ କ୍ଳାଞ୍ଜୁଦିୟା ବାରେ ଜୀହୁଦି ଲକ୍ଷୁଇଁ ରମ୍ ପିସା ହାଜାଲି ହୁକୁମି ହୀହାମାରେସି, ପାଞ୍ଜୁଲ ଏଞ୍ଜାସିକାଣି ବେଟି ହାରେସି, <sup>୩</sup> ଅଡ଼େ ଏଞ୍ଜାରି ଏଞ୍ଜାଣିଲେହେଁ ତୁମ୍ ବେବାରା କିନାରି ମାଚାକି ଏଞ୍ଜାରିତଲେ ଡ଼ୟିତେସି, ଅଡ଼େ ଏଞ୍ଜାରି କାମା କିହାଲି ମାଚୁହେରି, ଏନାଆଁତାକି ଇଚିହଁ ବେବାରାତା ଏଞ୍ଜାରି ତୁମ୍ କିନାରି ମାଚେରି । <sup>୪</sup> ଅଡ଼େ ବାରେ ଜମିନି ଦିନାତା ଏଞ୍ଜାସି ଜୀହୁଦି ଲକ୍ଷୁତି କୁଟମି ଇଲୁତା\* ଜଲ୍ଲକି ଆହଁ ଜାପୁହେସି, ଜୀହୁଦି ଅଡ଼େ ଗ୍ରିକ୍ ଲକ୍ଷୁଣି ନାମି କିଞ୍ଜିକିହାଲି ଅଣ୍ଡପିମାରେସି ।

<sup>୫</sup> ଏଚିବେଲା ସିଲା ଅଡ଼େ ତିମତି ମାକିଦନିୟାଟି ଖାଡ଼େରି, ଏଚିବେଲା ପାଞ୍ଜୁଲ ନେହଁ ବଲୁ ଝେକ୍ନି କାମା ଜମାଆନା କିହିମାରେସି, ଅଡ଼େ ଜୀହୁଇଁ ମସିହା ଇଞ୍ଜଁ ଜୀହୁଦି ଲକ୍ଷୁତାଣା ସାକି ହାହିମାରେସି । <sup>୬</sup> ସାମା ଏଞ୍ଜାରି ଅପାଆନା ନିନ୍ଦା କିହାଲିଏ ଏଞ୍ଜାସି ତାନି ହିମ୍ପୁରି ହାଣ୍ଡାନ୍ନା ଏଲେଇଚେସି, “ମୀରୁ ନାସା ଆତିହଁ ଏଦାଆଁତାକି ମୀରୁ ଦାୟି ଆଦେରି । ଏଦାଆଁତାକି ନାନୁ ଦାୟି ଆଏ, ନୀର୍ବଁ ନାନୁ ଜୀହୁଦିଆଆତି ଲକ୍ଷୁତାଣା ହାଜିମାଇଁ ।” <sup>୭</sup> ଏମ୍ପାଟିଏ ଏଞ୍ଜାସି ଏ ଗାୟୁଟି ହଚା ହାଜାନା ତିତସ ଜୁସ୍ତ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଞ୍ଜାଣି ଇଜ ହାରେସି, ଏଞ୍ଜାଣି ଇଲୁ ଜୀହୁଦି ଲକ୍ଷୁତି କୁଟମି ଇଲୁ† ତାଗେ ମାଚେ । † ସାମା ଜୀହୁଦି ଲକ୍ଷୁତି କୁଟମି ଇଲୁ‡ କାଜାସି କ୍ରିସପ ବାରେ ଇଲୁ କୁଟମି ତଲେ ପ୍ରବୁ ତାଣା ନାମିତେରି, ଅଡ଼େ କରନ୍ତି ଗାଡ଼ାତି ଲକ୍ଷୁ ବିଦ୍ରାଟି ହାରେକା ପାଞ୍ଜୁଲତି କାତା ଝେଞ୍ଜାନା ନାମିତେରି ଅଡ଼େ ବାପ୍ତିସ୍ମଟି ଅଡ଼େରି ।

<sup>୮</sup> ଅଡ଼େ ପ୍ରବୁ ଲାଆଁୟାଁ ବେଲାତା ସେୟାଣା ହାପାନାତା ପାଞ୍ଜୁଲଇଁ ଏଲେଇଚେସି, “ଆଜାଆନି, ସାପି ଡ଼ୟାଆନା ଜଲ୍ଲାମ୍, <sup>୧୦</sup> ଇଚିହଁ ନାନୁ ନୀ ତଲେ ମାଇଁ, ଆମିନି ଲକ୍ଷୁ ଜିକେଏ ନୀ କପାଟି ନିଜ୍ଜାନା ନିଜ୍ଜେ ନାସା କିହାଲି ଆଡ଼ଅସି, ଇଚିହଁ ଇ ଗାଡ଼ାତା ହାରେକା ନା ଲକ୍ଷୁ ମାନେରି ।” <sup>୧୧</sup> ଇଞ୍ଜା ପାଞ୍ଜୁଲ ଏଞ୍ଜାରିତାଣା ମାହାପୁରୁତି କାତା ଜାପୁହିହଁ ର ବାସୀ ସ ଲେଞ୍ଜୁ ଡ଼ୟିତେସି ।

<sup>୧୨</sup> ସାମା ଗାଲିୟ ଆକାୟାତି ରମିୟ ସାଲ୍ଲକ୍ସି କିନାସି ମାଚିବେଲାତା, ଜୀହୁଦି ଲକ୍ଷୁ ପାଞ୍ଜୁଲ କପାଟି ନିଜ୍ଜାନା ଏଞ୍ଜାଣାଇଁ ନୀହାଁୟି କିନାରି ତାଣା ଦସା ଅହାନା ଏଲେଇଚେରି, <sup>୧୩</sup> “ଇଞ୍ଜାସି ମସାତି ମେରା କପାଟି ଅର ରକେକଁ ମାହାପୁରୁତି ସେବା କିହାଲି ଲକ୍ଷୁଣି ଜାପୁହିମାନେସି ।”

<sup>୧୪</sup> ସାମା ପାଞ୍ଜୁଲ ଗୁତି ଏକ୍ସହାନା ଜଲ୍ଲାଲି ମାଚୁହି ମାଚାଟି, ଗାଲିୟନ ଜୀହୁଦି ଲକ୍ଷୁଣି ଏଲେଇଚେସି, “ଆଡ଼େ ଜୀହୁଦି ଲକ୍ଷୁତେରି ଏନିଲେହେଁତି ଦହ୍ କି

ଲାଗେଏତି କାମା ଆତିହଁ ମା ସୁସ୍ତି ତଲେ ମୀ କାତା ଝେନାୟି ନାଜେତାକି ନେହେଁ ଆଡ଼େମା, <sup>୧୫</sup> ସାମା ଇଦି ଖାରଇ ବଲୁ ଅଡ଼େ ଦରୁ ଅଡ଼େ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ । ଇଲେତି କାତାତି ନାନୁ ନୀହାଁୟି କିର୍ଥୀ !” <sup>୧୬</sup> ଏଲେଇଞ୍ଜାନା ଏଞ୍ଜାସି ଏଞ୍ଜାରାଇଁ ନୀହାଁୟି କିନି ତାଣାଟି ପେରହା ତୁସ୍ତେସି । <sup>୧୭</sup> ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକ୍ଷୁତି କୁଟମି ଇଲୁତି\* କାଜାଣାଇଁ ଆସାନା ନୀହାଁୟି ପାଞ୍ଜାତା ଝେତେରି; ସାମା ଗାଲିୟନ ଏ ବାରେ କାତାତା ମନ୍ ହୀଆତେସି ।

**ପାଞ୍ଜୁଲ ଆନ୍ତ୍ରିୟକିୟାତା ଝେଣ୍ଡାଞ୍ଜାନାୟି**

<sup>୧୮</sup> ପାଞ୍ଜୁଲ କରନ୍ତିତା ନାମିତି ତାୟି ତାଜିୟା ତଲେ ହାରେକା ଦିନା ଡ଼ୟାନା ତାୟିୟାଁ ତାଣାଟି ହେଲ ବେଟାଆହାନା ଏୟୁ ଜାଜାଟି ସିରିୟାତା ହାରେସି, ପ୍ରିସ୍ତିଲା ଅଡ଼େ ଆକ୍ସିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି ଏଞ୍ଜାସି କେକ୍କେୟାତା ତାନି ତାୟି ହୁଣ୍ଡିହେସି । <sup>୧୯</sup> ତାୟୁ ଏଞ୍ଜାରି ଏପିସିୟତା ଖାଡ଼େରି, ଅଡ଼େ ଏଞ୍ଜାସି ଏ ଗାୟୁତା ଆକ୍ସିଲା ଅଡ଼େ ପ୍ରିସ୍ତିଲାଇଁ ହେଲ ହୀହାନା ପାଞ୍ଜୁଲ ରଅସିଏ ଜୀହୁଦି ଲକ୍ଷୁତି କୁଟମି ଇଲୁତା† ହଡ଼ାନା ଜୀହୁଦିୟାଁ ତଲେ ହାଡ଼ାକାତା ଆଡ଼େରି । <sup>୨୦</sup> ଇଞ୍ଜା ଏଞ୍ଜାରି ଏଞ୍ଜାଣାଇଁ ହାରେକା ଦିନା ଡ଼ୟାଲି ବାତିମାଲିତିହଁ ଖା ଏଞ୍ଜାସି ଡ଼ୟାଲି କୁଡେସି । <sup>୨୧</sup> ସାମା ଏଞ୍ଜାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ୍ ଆତିହଁ ଅଡ଼େ ର ଦେବା ମୀ ତାଣା ଝେଣ୍ଡା ଖାଇଁ,” ଇଞ୍ଜା ଏଞ୍ଜାସି ଏପିସିୟଟି ହାଚେସି ।

<sup>୨୨</sup> କାୟିସିରିୟାତା ଏଗାହାଜାନା ଏମ୍ପାଟି ଜିରୁସାଲମତା ହାଚେସି, ଅଡ଼େ କୁଲମିତି ଜହରା କିହାନା ଏମ୍ପାଟିଏ ଆନ୍ତ୍ରିୟକିୟାତା ହାଚେସି । <sup>୨୩</sup> ଏମ୍ପାଆଁ ଏଚରଦିନା ଡ଼ୟିତି ତାୟୁ, ଏଞ୍ଜାସି ଅଡ଼େ ଝେଣ୍ଡେହାଜାନା ଗାଲାତିୟ ଇଞ୍ଜା ପୁର୍ଗୟା ନାମ୍କା ହୀହାନା ହାଚେସି, ଅଡ଼େ ଜିରୁତା ସୀସୁୟାଣି ତାମି ନାମୁତା ଆଟ୍ଝା ତଲେ ଡ଼ୟାଲି ରାହାଁ ହୀତେସି ।

**ଏପିସିୟ ଅଡ଼େ କରନ୍ତିତା ଆପଲ**

<sup>୨୪</sup> ଏମ୍ପାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡ଼େସି, ଏଞ୍ଜାସି ଆଲେକ୍ଜାଣ୍ଡିୟାତା ଜାର୍ନା ଆହାମାରେସି, ଏଞ୍ଜାସି ନେହଁକଁ ଝେସାଲି ଆଡ଼ିନାସି ଅଡ଼େ ଦାମ୍ ପତିତି କାତା ଗାତି ପୁନାସି ମାଚେସି । <sup>୨୫</sup> ଇଞ୍ଜାସି ପ୍ରବୁ ଜିରୁତି କାତା ନେହଁକଁ ଜାପାମାରେସି, ଇଞ୍ଜା ଜୀହୁତଲେ ବାଡ଼ୟୁ ବେଟାଆହାନା ଜୀସୁତି କାତା ନେହଁକଁ ଜାପୁହି ମାଚେସି, ଏଞ୍ଜାସି ଖାରଇ ଜହନତି ବାପ୍ତିସ୍ମ‡ କାତା ପୁଞ୍ଜାମାରେସି । <sup>୨୬</sup> ଏଞ୍ଜାସି

\* ୧୮:୪ ୧୮:୪ ସିନଗର୍ † ୧୮:୭ ୧୮:୭ ସିନଗର୍ ‡ ୧୮:୮ ୧୮:୮ ସିନଗର୍ § ୧୮:୮ ୧୮:୮ ମୁଞ୍ଜିନାୟି \* ୧୮:୧୭ ୧୮:୧୭ ସିନଗର୍ † ୧୮:୧୯ ୧୮:୧୯ ସିନଗର୍ ‡ ୧୮:୨୫ ୧୮:୨୫ ମୁଞ୍ଜିନାୟି § ୧୮:୨୬ ୧୮:୨୬ ସିନଗର୍

ସାସାତଲେ ଜୀହୁଦି ଲକ୍ଷ୍ମି କୁଟମି ଇଲୁତାଽ ଜଲଲି ମାଟ୍‌ହେସି, ସାମା ଆକ୍‌ଝିଲା ଅଡେ ପ୍ରିସ୍‌ଲି ଏଝାଣି କାତା ଝେଞ୍ଜାନା ଏଝାଣାଇଁ ତାମି ଇଜ ଅହାନା ଏମ୍‌ଆଁ ହାରେକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିତୁ । ୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟିୟା ଏଝାଣାଇଁ ସାୟେମି କିତେରି, ଇଞ୍ଜା ଏଝାଣାଇଁ ରାହାତଲେ ଆବାଲି ଆକାୟାତା ମାନି ସାୟୁୟାକି ର ଆକୁ ରାଡିତେରି, ଏଝାସି ଏମ୍‌ଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାରେକା ସାୟେମି କିତେସି । ୨୮ ଇତିହ୍‌ ଜୀସୁଏ ମସିହା ଇଞ୍ଜି ଦାମ୍‌ ପତିଟି ନେହ୍‌କ୍‌ ତସାହାଁ ଏଝାସି ବାରେଜାଣା ନକିତା ତାନିତଲେ ଆସ୍‌ପି ଆହ୍‌ମାନି ଜୀହୁଦି ଲକ୍ଷ୍ମି ହାଡ଼ଝି କିତେସି ।

**୧୯**

**ଏପିସିୟତା ପାଞ୍ଜୁଲ**

୧ ଆପଲ କରନ୍ତିତା ମାଟିବେଲତା ପାଞ୍ଜୁଲ ଝେଡ଼ା ହପୁଞ୍ଜାକିତି ରାଜି ରେଜାନା ଏପିସିୟ ଗାଡ଼ାତା ଏଗାଞ୍ଜାତେସି । ଏମ୍‌ଆଁ ଏଚରଜାଣା ସାୟୁୟାଣି ବେଟାଆତେସି, ୨ ଏଝାସି ଏଝାରାଇଁ ଝେଚେସି, “ମୀରୁ ନାମିତି ରେଚୁଏ ସୁଦୁଜୀଞ୍ଜୁ ବେଟାଆହା ମାଚେରି କି ?” ଏଝାରି ଏଲେଇଚେରି, “ଆଏ ସୁଦୁଜୀଞ୍ଜୁ ମାନେ ଇଞ୍ଜି ମାମ୍‌ ଝେଞ୍ଜା ଜିକେଏ ହିଲଅମି ।”

୩ ପାଞ୍ଜୁଲ ଏଝାରାଇଁ ଝେଚେସି, “ଆତିହ୍‌ ମୀରୁ ଏନିଲେହେଁଟି ବାପ୍ରିସ୍‌\* ବେଟାଆହା ମାଚେରି ।” ଏଝାରି ଏଲେଇଚେରି, “ମାମ୍‌ ଜହନତି ବାପ୍ରିସ୍‌† ଅହାମାଚମି ।”

୪ ✨ଏମ୍‌ଆଁଏ ପାଞ୍ଜୁଲ ଏଲେଇଚେସି, “ଜହନତି ବାପ୍ରିସ୍‌‡ ହିୟାଁ ଝେଚ୍‌ପି କିଞ୍ଜିକିନି ବାପ୍ରିସ୍‌;§ ଜହନ ଇସାୟେଲ ଲକ୍ଷ୍ମି ବାପ୍ରିସ୍‌\* ହାହାନା ଏଲେଇଚେସି, ନା ଜେଚ ଆମ୍‌ଆସି ଝାହିମାନେସି, ଏଝାଣାଇଁ ଇତିହ୍‌ ଜୀସୁଇଁ ନାମାତୁ ଇଞ୍ଜି ଝେସିମାଚେସି ।”

୫ ଇଦାଆଁ ଝେଞ୍ଜାନା ଏଝାରି ପ୍ରବୁ ଜୀସୁ ଦରୁତଲେ ବାପ୍ରିସ୍‌† ଅଡେରି । ୬ ଅଡେ ପାଞ୍ଜୁଲ ଏଝାରି ଲାକ କେସ୍‌ ଇଟାଲିଏ ସୁଦୁଜୀଞ୍ଜୁ ଏଝାରି ଲାକ ରେଟାଞ୍ଜାଡେ, ଇଞ୍ଜା ଏଝାରି ଏଚ୍‌କା ଏଚ୍‌କା ହାଡ଼ାତଲେ କାତା ଜଲାନା ମାହାପୁରୁତି ତାୟୁ ଆନି କାତା ଜିକେଏ ଝେକ୍‌ହେରି । ୭ ଏଝାରି ବାରେ ବାରେଜାଣା ଆବାୟାଁ ମାଚେରି ।

୮ ତାୟୁ ପାଞ୍ଜୁଲ ଜୀହୁଦି ଲକ୍ଷ୍ମି ଜୀହୁଦି ଲକ୍ଷ୍ମି କୁଟମି ଇଲୁତାଁ ହାଜାନା ତାନି ଲେଞ୍ଜୁ ପାତେକା ସାସାତଲେ ମାହାପୁରୁ ରାଜିତି କାତା ଝେକ୍‌ହିହ୍‌

ଲକ୍ଷ୍ମି ମନତି ନାମି କିହାଲି ଅଣ୍ଡପିତେସି । ୯ ସାମା ଏଚିବେଲା ଏଚେକା ଲକ୍ଷ୍ମି ଆଚ୍‌ଝା ହିୟାଁ ଅଡେ ମୁଣ୍ଡି ଆହାନା ଲକ୍ଷ୍ମି ନକିତା ପ୍ରବୁ ଜିରୁ କପାଟି ନିଜ୍ଞାନା ନିନ୍ଦା କାତା ଝେସ୍‌ପେରି, ଏଚିବେଲା ପାଞ୍ଜୁଲ ଏଝାରାଇଁ ପିସାନା ସାୟୁୟାଁ ଏଚ୍‌କା କିତେସି, ଇଞ୍ଜା ତୁରାନନ୍ ଇନି ଜାପ୍‌ନି ଇଲୁତା ବାରେଦିନା ଜାପ୍‌ହି ମାଚେସି । ୧୦ ଇଲେଆହ୍‌ ରୀ ବାସା ପାତେକା ଆଡେ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡେ ଜୀହୁଦିଆଆତି ଲକ୍ଷ୍ମି ବାରେଜାଣା ପ୍ରବୁତି କାତା ଝେଚେରି ।

**ସ୍ଲେବା ମୀରକା**

୧୧ ଅଡେ, ମାହାପୁରୁ ପାଞ୍ଜୁଲ ତାଣାଟି ହାରେକା ବାଡ଼ୟୁତି କାମାୟାଁ କିହିମାଚେସି । ୧୨ ଇଲେଆହ୍‌ ପାଞ୍ଜୁଲ ଲେମ୍‌ମାନି ପାଜ୍ଞାତା ତୁରନି ସକା କି ତୁଞ୍ଜାଲା ରଗ ଗାଟାରି ତାଣା ତାଡିସାରେ ଏଝାରି ତାଣାଟି ରଗ ପିସିମାଚେ ଅଡେ ବୁତୁୟାଁ ହଟା ହାଜିମାତୁ । ୧୩ ସାମା ରେଜି ରେଜିହ୍‌ ବୁତୁୟାଁ ପେରନି ଜୀହୁଦିୟାଁ ବିତ୍ରାଟି ଏଚରଜାଣା ପଲ୍‌ଆ ବୁତୁୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେରହାଲି ଅଣ୍ଡପାନା ଏଲେଇଚେରି, “ପାଞ୍ଜୁଲ ଆମିନି ଜୀସୁଇଁ ଝେକ୍‌ହି ମାନେସି ନାନୁ ଏଝାଣି ଦରୁଟି ନିଜେ ହୁକୁମି ହାହିମାଞ୍ଜାଇଁ ।” ୧୪ ସ୍ଲେବା ଦରୁଗାଟି ର ଜୀହୁଦି କାଜା ପୂଜେରାତି ସାଡ଼ା ଜାଣା ମୀରକା ଏଲେ କିହିମାଚେରି ।

୧୫ ସାମା ପଲ୍‌ଆ ବୁତୁୟାଁ ଏଝାରାଇଁ ଏଲେଇଚୁ, “ନାନୁ ଜୀସୁଇଁ ପୁଞ୍ଜାମାଇଁ ଅଡେ ପାଞ୍ଜୁଲଇଁ ପୁଞ୍ଜାମାଇଁ; ସାମା ମୀରୁ ଆମ୍‌ଆତେରି ?”

୧୬ ଏଚେଟିଏ ଏ ପଲ୍‌ଆ ବୁତୁ ଆଲ୍‌ଗା ମାଗାସି ଏଝାରି ଲାକ ଡେଞ୍ଜାନା ଏଝାରାଇଁ ଇଚ୍‌ହାଲିଏ ଏଝାରି ନାଗ୍‌ଡ଼ା ଉଗ୍‌ଡ଼ା ରାଣାରାକା ଆହାନା ଏ ଇଲୁଟି ହଚେରି । ୧୭ ଇ କାତା ଏପିସିୟତା ମାନି ଜୀହୁଦି ଅଡେ ଜୀହୁଦିଆଆତି ଲକ୍ଷ୍ମି ବାରେଜାଣା ପୁଚେରି, ଇଞ୍ଜା ବାରେଜାଣା ଆଜିତେରି, ଅଡେ ଏମ୍‌ଆଁ ପ୍ରବୁ ଜୀସୁତି ଦରୁ ହାରେକା ଗାଞ୍ଜୁରମି କିତେରି । ୧୮ ଅଡେ ନାମ୍‌ଗାଟାରି ବିତ୍ରାଟି ହାରେକା ଝାହାନା ତାମ୍‌ କୁହାମାନି ପଲ୍‌ଆ କାମାଟି ଝେସ୍‌ପେରି । ୧୯ ଅଡେ ଗାର୍‌ଡ଼ି କାମା କିହିମାଟି ହାରେକା ଜାଣା ତାମ୍‌ ତୁଡାମି ପତିୟାଁ ତାତିହ୍‌ ରୁଣ୍ଡା କିହାନା ବାରେଜାଣା ନକିତା ହୁଡିତେରି; ଏଝାରି ଏ ବାରେଡି ଲେକା କିହାଲିଏ ରୀ କଡ଼ି ଦସ ମାଣା ଝେଣ୍ଡି ଟାକାୟାଁତି ପତିୟାଁ ମାତୁ । ୨୦ ଇଲେଆହ୍‌ ପ୍ରବୁତି ବଲ୍‌ ବାଡ଼ୟୁ ତଲେ ପାଡ଼ାଆଡେ ସାରିସୁଟ୍‌ ଝେଜିତେ ।

\* ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି ✨ ୧୯:୪ ୧୯:୪ ମାଟି ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହ ୧:୨୭,୨୭  
‡ ୧୯:୪ ୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି \* ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି ‡ ୧୯:୮ ୧୯:୮ ସିନଗଗ

ଏପିସିୟ ଗାଡ଼ାତା ଗଡ଼ହା

୨୧ ଇ ବାରେ କାତା ରାଡ଼ି ତାୟ ପାଞ୍ଜଲ ମାକିଦନିୟା ଅଡ଼େ ଆକାୟା ମାଦିଟି ଜିରୁସାଲମତା ହାଜାଲି ମନତା ତୀରି କିତେସି । ଏଞ୍ଜାସି ଏଲେଇଚେସି, “ଏମ୍ବାଆଁ ହାଟି ତାୟ ନାନୁ ରମତା ଜିକେଏ ହାନାୟିମାନେ ।” ୨୨ ଅଡ଼େ ଆମ୍ବାଆରି ଏଞ୍ଜାଣି ସେବା କିହିମାଚେରି, ଏଞ୍ଜାରି ବିତ୍ରାଟି ତିମତି ଅଡ଼େ ଏରାସ୍ତ ଇ ରିଆରାଇଁ ମାକିଦନିୟାତା ପାଣ୍ଡାନା ଏଞ୍ଜାସି ଏଚରଦନା ପାତେକା ଆସିୟାତା ତୁୟିତେସି ।

୨୩ ଏଚିବେଲାତା ପ୍ରବୁ ତସାମାନି ଜିରୁତି କାତା ଅହାନା ଏପିସିୟତା ହାରେକା ଗଡ଼ହା ଆଡେ । ୨୪ ଦିମିତ୍ରିୟ ଦରୁଗାଟି ର ଖେଣ୍ଡି କାମାକିନାସି ଆଚେନି ପେନୁତି ର ଖେଣ୍ଡିତ ଦେଞ୍ଜୁଡ଼ି କିହିମାଚେସି, ଇଞ୍ଜା ଏଞ୍ଜାଣି ଇ ବେବାରା କାମା କିନାରାକି ହାରେକା ଲାବା ଆହିମାଚେ । ୨୫ ଏମ୍ବାଟିଏ ଏଞ୍ଜାସି ଇଞ୍ଜା ଏଞ୍ଜାରିଲେହେଁ କାମା କିନାରାଇଁ ହାଟାନା ଏଲେଇଚେସି, “ବାବୁୟାଁ ଇ କାମାଟି ମାର ଦନ ବେଟାଆହି ମାନାୟି ଇଞ୍ଜା ମୀରୁ ବାରେ ପୁଞ୍ଜାମାଞ୍ଜେରି; ୨୬ ଅଡ଼େ, କେସ୍ମାତଲେ କେପିତି ପେଶକା ମାହାପୁରୁ ଆଏ ଇଞ୍ଜା ଖେସାନା ପାଞ୍ଜଲ ଖାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପୁହାନା ଏମ୍ବାଟି ମାଡ଼଼ି କିହିମାନେସି, ଇଦାଆଁ ମୀରୁ ମେସାମାଞ୍ଜେରି ଅଡ଼େ ଖେଞ୍ଜାମାଞ୍ଜେରି । ୨୭ ଇମ୍ବାଆଁ ଖାରଇ ମା ବେବାରା କାମା ଲାଗେଏ ଆନେ, ଏଡ଼ି ଆଏ, ସାମା ଆମିନି କାଜା ପେନୁ ଆଚେନିଇଁ ବାରେ ଆସିୟା ଅଡ଼େ ଦାରତିତି ଲକୁ ପୂଜା କିହିମାନେରି, ଏଦାନି ଦେଞ୍ଜୁଡ଼ିତ ଜିକେଏ ଲକୁ ମାନି କିଅରି, ଇଞ୍ଜା ଆଚେନି ପେନୁତି ଦରୁ କାଜା ଦରୁ ଇଞ୍ଜା ଖେଞ୍ଜେଏ ।”

୨୮ ଇ କାତା ଖେଞ୍ଜାନା ବାରେଜାଣା କାର୍ବି ଆହାନା କାଜା ଗିୟାତଲେ ଏଲେଇଚେରି, “ଏପିସିୟ ଲକୁତି ଆଚେନିଏ କାଜା ପେନୁ ।” ୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡେ, ଇଞ୍ଜା ଲକୁ ବାରେ କାଲ଼ି ଆହାନା ପାଞ୍ଜଲ ତଲେ ହାଜିମାଟି ମାକିଦନିୟାତି ଗାୟ ଅଡ଼େ ଆରିସ୍ତାର୍କଇଁ ଦସାନା କାହିନି ବାଟାତା ହଚେରି । ୩୦ ଏମ୍ବାଟିଏ ପାଞ୍ଜଲ ଲକୁ ମାନ୍ଦା ବିତ୍ରା ହାଜାଲି ଅଣପିତେସି, ସାମା ସୀସୁୟାଁ ଏଞ୍ଜାଣାଇଁ ହାଜାଲି ହୀଆଡେରି । ୩୧ ଅଡ଼େ ଆସିୟାତି ସାଲ଼ି କିନାରି ବିତ୍ରାଟି ଜିକେଏ ଏଞ୍ଜାରି ତଡ଼ୁ ଗାଟାରି ମାଟାକି କାହିନି ବାଟା ମାଦି ହାଲାଆପେସି ଇଞ୍ଜା ଲକୁଣି ଖେସା ପାଣ୍ଡାନା ଏଞ୍ଜାଣାଇଁ ବାତିମାଲିତେରି । ୩୨ ଏଚିବେଲା ହାରେକା ଗଡ଼ହା ଆହିମାଚେ, ଇଞ୍ଜା ଲକୁ ମାନ୍ଦା ମାନ୍ଦା ଆହିଁ ଏଚରଜାଣା ଇ କାତା ଅଡ଼େ ଏଚରଜାଣା ଏ କାତା ଇଞ୍ଜା କାଲ଼ି ଆହିମାଚେରି, ଅଡ଼େ ଏଞ୍ଜାରି ଏଦାଆଁତାକି ରୁଣ୍ଡା

ଆହାମାନେରି ହାରେକା ଲକୁ ପୁଞ୍ଜାହିଲାଆଡେରି । ୩୩ ଲକୁ ବିତ୍ରାଟି ଏଚରଜାଣା ଏଲେଇଚେରି, ଆଲେକଜାଣ୍ଡାର ଇଦାଆଁତାକି ଦାୟି, ଇଚିହିଁ ଜୀହୁଦି ଲକୁ ଏଞ୍ଜାଣାଇଁ ନକିତା ନିପହା ମାଚେରି, ଆଲେକଜାଣ୍ଡାର କେୟୁ ପେରହାନା ଲକୁଣି ପାଲେଏ ଆହାଲି କେୟୁ ଜୀଞ୍ଜିତେସି, ଅଡ଼େ ନାମୁଗାଟାରି ଖାକିଟି ଖେସାଲି ଅଣପିତେସି । ୩୪ ସାମା ଏଞ୍ଜାସି ର ଜୀହୁଦି ଇଞ୍ଜା ଏଚିବେଲା ଏଞ୍ଜାରି ପୁଚେରି; ଏଚିବେଲା ବାରେଜାଣା କାଜା ଗିୟାତଲେ ରୀ ଗଂଟା ପାତେକା କାଲ଼ି ଆହାନା ଏଲେଇଚେରି, “ଆଚେନିଏ ଏପିସିୟ ଲକୁତି କାଜା ପେନୁ ।”

୩୫ ତାୟ ଗାଡ଼ାଟି କାଜାସି ଲକୁଣି ସୁସ୍ତି କିହାଲି ଖେସେସି, “ଏ ଏପିସିୟତା ମାନି ତାୟିୟାତେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାଟି କାଜା ପେନୁ ଆଚେନିତି ଦେଞ୍ଜୁଡ଼ି ଇଞ୍ଜା ହାଗୁଲାକଟି ରେଟା ଖାହାମାନି ସୁଦୁତି ବମା ଗେଲପିକି଼ି ଆହାମାନେ । ୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମୀରୁ ବାରେ ସୁସ୍ତି ଆଦୁ, ଏନି ବୁଦି ହିଲାଆ କାମା କିଆଦୁ । ୩୭ ଇଚିହିଁ ଇ ଆମିନି ଲକୁଇଁ ମୀରୁ ଦସା ତାଟାମାଞ୍ଜେରି, ଇଞ୍ଜାରି ଦେଞ୍ଜୁଡ଼ିତ ସରୁ କିହାହିଲଅରି, ଇଞ୍ଜା ମା ପେଶକା କପାଟି ଏନି ନିନ୍ଦା କାତା ଜଲ୍ଲା ହିଲଅରି । ୩୮ ଏଦାଆଁତାକି ଦିମିତ୍ରିୟ ଅଡ଼େ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାଟିହିଁ, ନୀହାୟି କିହାଲି ନୀହାୟି ଇଲୁ ଦେପିଆହାମାନେ, ଇଞ୍ଜା ନୀହାୟି କିନାରି ମାନେରି, ଏଞ୍ଜାରି ନକିତା ତାମ୍ବୁତାମି ଦାଞ୍ଜା କିପେରି । ୩୯ ଇଦାଣିକିହାଁ ଆଗାଡ଼ା ଅଣପିମାଟିହିଁ, ଲକୁ ତାଣାଟି ମେରା କି଼ି ଆହାମାନି ନୀହାୟି କିନି ତାଣା ଏଦାଆଁ ଡିକନାୟି ଆନେ । ୪୦ ଇଚିହିଁ ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନିଇଚିହିଁ ଏ ଗଡ଼ହା ଏନାଆଁତାକି ହଡ଼େ ଏଦାଆଁ ମାର ଏନି କାତାତଲେ ତସାଲି ଆଡ଼ାଆୟି ।” ୪୧ ଇ ବାରେ କାତା ଖେସାନା ଲକୁଣି ସୁସ୍ତି କିହାନା ନୀହାୟି ତୁକହେସି ।

୨୦

ମାକିଦନିୟା ଅଡ଼େ ଆକାୟାତା ହାନାୟି

୧ ଏ ଗଡ଼ହା ତୁଜିତି ତାୟୁ ପାଞ୍ଜଲ ସୀସୁୟାଣି କୃତି କିହାନା ଏଞ୍ଜାରାଇଁ ବାର୍ସୁତି କାତା ଖେସେସି, ଏଞ୍ଜାରି ତାଣାଟି ହେଲ ଅହାନା ମାକିଦନିୟାତା ହାଚେସି । ୨ ଏଞ୍ଜାସି ବାରେ ନାସ୍କାଟି ହାଜିହିଁ, ହାରେକା ସୀସୁୟାଣି ବାର୍ସୁ ହୀହାନା ଗ୍ରିସ୍ ଦେସାତା ହାଚେସି । ୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ତୁୟିତେସି, ଏଞ୍ଜାସି ସିରିୟାତା ହାଜାଲି ତିୟାରା ଆହିମାଟି ବେଲାତା, ଜୀହୁଦି ଲକୁ ଏଞ୍ଜାଣାଇଁ ପାୟାଲି ତୀରି

କିହାମାନେରି ଇଞ୍ଜି କାରୁ ପୁଞ୍ଜାନା ମାକିଦନିୟା  
 ଖାକିଟି ଖେଣ୍ଡେ ହାଜାଲି ତୀରି କିତେସି । ୪ ଅଡ଼େ  
 ବେରିୟା ତାସି ପୁରୁତି ମାରୁଏସି ସପାତର, ଅଡ଼େ  
 ତେସଲନିକି ଗାଡ଼ାତି ଆରିସ୍ତାକି, ସେକ୍ସୁନ୍, ଦବିତି  
 ଗାୟ, ତିମତି ଅଡ଼େ ଆସିୟାତି ଲକୁ ବିତ୍ରାତି ତୁକିକ  
 ଅଡ଼େ ତୁପିମ ଏଞ୍ଜାଣିତଲେ ହାଚେରି । ୫ ଏଞ୍ଜାରି  
 ବାରେଜାଣା ନକେଏ ହାଜାନା ତ୍ରୟାତା ମାଙ୍ଗେ  
 କାଡ଼ିମାଞ୍ଜାତେରି । ୬ ଅଡ଼େ ପୁଲା ଗୁଣ୍ଡା ଆଣ୍ଡାଆତି  
 ରୁଟି ତିନି ପାର୍ବୁ ତାୟୁ ମାମ୍ବୁ ପିଲିପିଟି ଏୟୁ ଜାକାଟି  
 ହାଚମି, ଇଞ୍ଜା ପାସା ଦିନା ତାୟୁ ତ୍ରୟାତା ଏଞ୍ଜାରାଇଁ  
 ବେଟାଆହାନା; ଏମ୍ବାଆଁ ର ଖାରା ଡୟିତମି ।

**ତ୍ରୟାତା ପାଞ୍ଜୁଲ ତାୟୁ ପାଲି ହାନାୟି**

୭ ଖାରାତି ମୁଲୁ ଦିନାତି ମିଡ଼ଅଲ୍ଲା ରାନ୍ଦା  
 ତିଞ୍ଜାଲି ରୁଣ୍ଡା ଆହାମାଚମି, ପାଞ୍ଜୁଲ ଅର ନେଚୁ  
 ହାନାୟି ମାଚାକି ଏଞ୍ଜାସି ଲକୁଣି ମାଦି ନେକେରି  
 ପାତେକା ନେହୁଁ କାତା ଖେସିମାଚେସି । ୮ ମାମ୍ବୁ  
 କୁଡ଼ା ଆହାମାନି ଲାକନି ପାରୁତି ଇଲୁତା ଏମ୍ବାଆଁ  
 ହାଚେରକା ଦୀର୍ଘୟା ତୀଞ୍ଜିମାରୁ । ୯ ଅଡ଼େ ଇଞ୍ଜୁତୁକ  
 ଇନି ର ଦାଂଗଣେଏସି କିଡ଼କି ଲାକ କୁଗାମାଚେସି,  
 ଏଞ୍ଜାଣାକି ହାଚେରକା ଇଦା ଖାହିମାଚେ; ଇଞ୍ଜା  
 ପାଞ୍ଜୁଲ କାତା ହାଚେରକା ଲାମ୍ବା କିହୁଁ ଖେସିମାଚାକି  
 ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି  
 ଡ଼ଇ ରୀତେସି, ଏଚିବେଲା ଏଞ୍ଜାରି ଇଞ୍ଜୁତୁକଇଁ  
 ନିକହେରି, ଏଞ୍ଜାସି ହାହାମାଚେସି । ୧୦ ସାମା ପାଞ୍ଜୁଲ  
 ଡ଼ଇ ରେଟାଖାହାନା ଏଞ୍ଜାଣି ମୁହେଁ ମାରହାନା  
 ଏଞ୍ଜାଣାଇଁ ପମାନା ଏଲେଇଚେସି, “ଆଜାଆଦୁ  
 ଇଚିହୁଁ ଇଞ୍ଜାଣି ତାଣା ଜୀଞ୍ଜୁ ମାନେ ।” ୧୧ ତାୟୁ  
 ଲାକ ହାଜାନା ରୁଟି ବାଡ଼ିକିହାଁ ତିଚେରି, ଇଞ୍ଜା ଲାକ  
 ଖେୟିନି ପାତେକା ହାଡ଼ାକାତା ଆହାନା ପାଞ୍ଜୁଲ  
 ହାଚେସି । ୧୨ ଅଡ଼େ ଲକୁ ଏ ଦାଂଗଣା କକାଣାଇଁ  
 ଜୀଞ୍ଜୁତଲେ ଇଜ ଅହୁଁ ହାଚେରି ଇଞ୍ଜା ଏଞ୍ଜାରି  
 ହାଚେରକା ବାସୁଁ ବେଟାଆଡ଼େରି ।

**ତ୍ରୟାଟିଏ ମିଲିତତା ହାନାୟି**

୧୩ ସାମା ମାମ୍ବୁ ନକେଏ ଜାକାତା ହଚାନା  
 ଆସସ୍ତା ହାଚମି, ଏମ୍ବାଟିଏ ମାମ୍ବୁ ପାଞ୍ଜୁଲଇଁ ଅହାଲି  
 ଅଣପାମାଚମି, ଇଚିହୁଁ ଏଞ୍ଜାସି ତାନୁଏ ତାକିହୁଁ  
 ହାଜାଲି ତୀରି କିହାମାଚେସି । ୧୪ ଏଚିବେଲା  
 ଏଞ୍ଜାସି ଆସସ୍ତା ମାଙ୍ଗେ ବେଟା ଆୟାଲିଏ, ମାମ୍ବୁ  
 ଜାକାତା ଏଞ୍ଜାଣାଇଁ ମିତିଲିନିତା ତାଚିହୁଁ ଖାଡ଼ମି,  
 ୧୫ ଅଡ଼େ ଏମ୍ବାଟି ହାଜାନା ଏ ଅର ନେଚୁ କିଅସତା  
 ଏଗାହାଚମି, ଅଡ଼େ ର ଦିନାତି ଜେଟ ସାମସ୍ତା  
 ଏଜାହାଁ, ତାନି ଅର ନେଚୁ ମିଲିତତା ଏଗାହାଚମି  
 । ୧୬ ଇଚିହୁଁ ପାଞ୍ଜୁଲ ଆସିୟା ରାଜିତା ହାଚେରକା  
 ଦିନା ତ୍ରୟାଆନା, ଇଦାଆଁତାକି ଏଞ୍ଜାସି ଏପିସିୟ  
 ପିସାନା ହାଜାଲି ତୀରି କିହାମାଚେସି, ଆଡ଼ିସାରେ  
 ପେଡ଼ିକସ୍ତ ଦିନା ଜିରୁସାଲମତା ଏଗାହାଜାଲି ଦାଗା  
 ଆହିମାଚେସି ।

**ଏପିସିୟ କୁଲମିତି କାଜାରାଇଁ ପାଞ୍ଜୁଲ  
 ଖେହନାୟି**

୧୭ ମିଲିତଟିଏ ପାଞ୍ଜୁଲ ଏପିସିୟ କୁଲମିତି  
 କାଜା ଲକୁଣି କାରୁ ପାଣ୍ଡାନା ହାଟିକିତେସି ।  
 ୧୮ ଏଞ୍ଜାରି ତାନି ତାଣା ଖାୟାଲିଏ, ଏଞ୍ଜାସି  
 ଏଞ୍ଜାରାଇଁ ଏଲେଇଚେସି, “ଆସିୟାତା ନାନୁ ଏଦାତି  
 ଦିନାଟିଏ ମୀ ତଲେ ଏନିକିହୁଁ ମାଚେସୁଁ ମୀରୁ  
 ପୁଞ୍ଜାମାଞ୍ଜେରି, ୧୯ ପ୍ରଚୁତି ହଲେଏଣା ଆହାନା  
 ଜାହାରାଇଁ ଉଣା କିହା ଅଡ଼େ କାଣ୍ଡୁ ବକହାଁ  
 ନାଙ୍ଗେ ସାସ୍ତି ଖାଡ଼ାଟି ନାନୁ ପ୍ରଚୁତି ସେବା କିତେସୁଁ,  
 ଏନାଆଁତାକି ଇଚିହୁଁ ଏଚରଜାଣା ଜୀହୁଦି ଲକୁତି  
 ପାରୁ ପାରିମାଚାକି । ୨୦ ମୀରୁ ପୁଞ୍ଜାମାଞ୍ଜେରି,  
 ନାନୁ ପାଙ୍ଗାଞ୍ଜେଙ୍ଗେ ଲକୁତାଣା ଖେହନାଟି ଅଡ଼େ  
 ମିଙ୍ଗେତାକି ଇଲୁତା ଖେସ୍ତାନି ବେଲାତା ମୀ  
 ନେହେଁ ଆନିଲେହେଁତି ଏନାଆଁ ଜିକେଏ ଡ଼କୁହା  
 ହିଲାଆଚେସୁଁ, ୨୧ ଜୀହୁଦି ଅଡ଼େ ଜୀହୁଦିଆଆତି  
 ଲକୁ ନକିତା ଜାଗ୍ରାତା କିହୁଁ ସାକି ହାହାନା  
 ଖେସାମାଚେସୁଁ, ଏଞ୍ଜାରି ପାପୁଟି ଏଚକା ଆହାନା  
 ମାହାପୁରୁ ଖାକି ମନ ଖେଟହା କତାନା ମା ପ୍ରଚୁ  
 ଜୀସୁଇଁ ନାମିନେରି । ୨୨ ନୀସୁଁ ମେହ୍ଡୁ, ନାନୁ  
 ସୁଦୁଜୀଞ୍ଜୁଇଁ ମାନଞ୍ଜି ଆହାନା ଜିରୁସାଲମତା  
 ହାଜିମାଇଁ, ଏମ୍ବାଆଁ ନାଙ୍ଗେତାକି ଏନାଆଁ ଆନେ  
 ନାନୁ ପୁଞ୍ଜାହିଲଅଁ; ୨୩ ସୁଦୁଜୀଞ୍ଜୁ ନାଙ୍ଗେ ଜାଗ୍ରାତା  
 କିହା ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି  
 ଆହାନା କସ୍ତ ବେଟାଆଇଁ । ୨୪ ସାମା ନାନୁ ଏନିକି  
 ନା ତୀରିଆହାମାନି ଟାୟୁ ପାତେକା ହଚାଲି ଆଡ଼ିଇଁ,  
 ଅଡ଼େ ମାହାପୁରୁତି କାମାଟି ନେହୁଁ କାରୁତାକି ସାକି  
 ହାହାଲିତାକି ଜୀସୁ ତାଣାଟିଏ ଏମିନି ସେବା କାମା  
 ବେଟାଆହାମାଇଁ, ଏଦାଆଁ ଏନିକି ରାପହାଲି  
 ଆଡ଼ିଇଁ, ଏଦାଆଁତାକି ନା ଜୀଞ୍ଜୁତି କାଜାୟି ଇଞ୍ଜି  
 ଅଣପି ହିଲଅଁ ।”

୨୫ “ଅଡ଼େ ନୀସୁଁ ନାନୁ ପୁଞ୍ଜିମାଇଁ ମୀରୁ ଅଡ଼େ  
 ନାଙ୍ଗେ ଖେଣ୍ଡେ ମେସ୍ତଅତେରି । ନାନୁ ମୀ  
 ବାରେ ତାଣା ମାହାପୁରୁ ରାଜିତି କାତା ରେଜିହୁଁ  
 ଖେସାମାଞ୍ଜାଇଁ । ୨୬ ଏଦାଆଁତାକି ନାନୁ ନୀଞ୍ଜୁତି ଇ  
 ପାରୁତାକି ଆଟ୍ଠା ତଲେ ଖେସିମାଇଁ, ମୀ ବିତ୍ରାଟି  
 ଆମ୍ବାଆସି ନାସା ଆତିହୁଁ ଏମ୍ବାଟି ଦାୟି ନାନୁ ଆଏ  
 ୨୭ ଇଚିହୁଁ ମାହାପୁରୁ ଅଣପିମାନାଣି ବାରେ ମିଙ୍ଗେ  
 ଖେସାଲି ନାନୁ ପିସା ହିଲଅଁ । ୨୮ ମୀରୁ ମିଙ୍ଗେ  
 ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ  
 ତାନି ନେତେରି ତଲେ କତାମାନେସି, ତାନି ଏ  
 କୁଲମିତି ପହି ପାଡ଼ିକିହାଲିତାକି ସୁଦୁଜୀଞ୍ଜୁ ବାରେ  
 ମାନ୍ଦା ବିତ୍ରାଟି ଗୁମୁସ୍ତା କିହାଁ ମିଙ୍ଗ ଆଟାମାଞ୍ଜାନେସି,  
 ଏଞ୍ଜାରାଇଁ ଜାଗ୍ରାତା କିଦୁ । ୨୯ ନାନୁ ହାଟି ତାୟୁ  
 ଆଜିହପେତି ଗାଡ଼ଦେ କ୍ଳାଞ୍ଜନୁଁ ଖାନୁ, ଅଡ଼େ  
 ମେଣ୍ଡାୟା ମାନ୍ଦାତି ରାଣାରାକା କିଆନା ପିହୁଡ଼,  
 ୩୦ ଦିନା ଖାଚେନ, ଏଚିବେଲା ମୀ ଗଚିତି ଏଚେକା

ସାମୁୟାଁ ନିଜ୍ଞାନା ନାମ୍ନୁ ଗାଗରାୟିଁ ମିତି କାତା  
ଝେସାନା ଏଟକା ଜିରୁତା ଅନେରି, ୩୧ ଏତିବେଲ୍ଲ  
ଜାଗ୍ରାତା ତୁୟାଦୁ, ନାମ୍ନୁ ଲାଆଁ ମାଦେନା କାଣ୍ଡୁ  
ଝାକ୍‌ହିହିଁ ତାନି ବାସା ପାତେକା ବାରେତେରି  
ମିଜେ ଜାପୁହା ମାଞ୍ଜାଇଁ, ଇ କାତା ଅଣ୍‌ପୁତା ଇଟାଦୁ  
।”

୩୨ ନାଏଁ ନାମ୍ନୁ ମିଜେ ମାହାପୁରୁ ଇଞ୍ଜା ତାନି  
କାର୍ମାମେହନି ବଲ୍ଲୁ ନକିତା ହେରପିମାଞ୍ଜାଇଁ,  
ଇ କାର୍ମାତି କାତା ମିଜେ ବାଡୁମ୍ମୁ ତଲେ  
ପାଡିକିହାଲିତାକି ଅଡେ ସୁଦୁ ଆହାମାନି ବାରେ  
ଲକୁ ବିତ୍ରା ଅଦିକାରା ହାହାଲି ଆଡାନେସି । ୩୩ ନାମ୍ନୁ  
ଆମ୍ନାଆରି ବାଂଗାରା, ଝେଣ୍ଡି କି ହିମ୍ବୁରିକା ଜୁପକା  
ଆହାହିଲିଆତେଏଁ । ୩୪ ମୀରୁ ପୁଞ୍ଜାମାଞ୍ଜେରି ଇ ନା  
ରୀ କେସ୍ତାତଲେ କାମା କିହାନା ନାଜେ ଅଡେ ନା  
ତଡୁ ଲକୁଡି ବାରେ ଲଡାମାନାଣି ବେଟାଆହାମାଇଁ  
। ୩୫ ଇଲେକିହିଁ କସୁ କିହାନା ଆଡାଆ ଗାଟାରି  
ସାୟେମି କିନାୟି, “ଇତିହିଁ ରାହନି କିହାଁ ହାନାୟି  
ହାରେକା ନେହାୟି” ପ୍ରବୁ ଜୀସୁ ତାନୁଏ ଇ କାତା  
ଝେସାମାଞ୍ଜାନେସି, ଇ କାତା ମୀରୁ ଅଣ୍‌ପିନାୟି  
ମାନେ, ଇ ବାରେ କାତାତଲେ ମିଜେ ପୁଣ୍ଡି  
କିହିମାଞ୍ଜାଇଁ ।

୩୬ ଇ ବାରେ କାତା ଝେସାଲି ରାପୁହି ତାମ୍ନୁ  
ପାଞ୍ଜୁଲ ମେଣ୍ଡାକୁତାନା ବାରେଜାଣା ତଲେ ପ୍ରାଡାନା  
କିତେସି । ୩୭ ଅଡେ, ଏଞ୍ଜାରି ବାରେଜାଣା ଡାହି  
ଡାହିଁ ପାଞ୍ଜୁଲଇଁ ପମାହାଁ ନଣ୍ଡିତେରି । ୩୮ ଏଞ୍ଜାରି  
ଅଡେ ତାନି ମୁମ୍ବୁ ଝେଣ୍ଡେ ମେସାଲି ଆଡଅରି, ଏଞ୍ଜାସି  
ଝେସାମାଟି କାତାତାକି ହାରେକା ଦୁକୁ କିତେରି,  
ତାମ୍ନୁ ଏଞ୍ଜାରି ଏଞ୍ଜାଣାଇଁ ଏମ୍ନୁ ଜାକା ପାତେକା ଇତି  
ହାଚେରି ।

### ୨୧

#### ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ନୁ  
ଏମ୍ନୁ ଜାକାତା ହଟାହାଁ ସଲକେ ଜିରୁଟି କସତା  
ଞ୍ଜାଡମି, ତାନି ଅର ନେରୁ ରଦାତା, ଇଞ୍ଜା ଏମ୍ନାଟିଏ  
ପାତାରାତା ଞ୍ଜାଡମି । ୨ ଏମ୍ନାଟିଏ ପୟିନିକିୟା  
ହାନି ଏମ୍ନୁ ଜାକା ବେଟାଆହାନା ଏମ୍ନାଆଁ ହଟାହାଁ  
ହାଚମି । ୩ ତାମ୍ନୁ କୁପୁ ତଞ୍ଜା ଆହାଲିଏ ତାନି  
ଟେବ୍ରିଞ୍ଜାକି ପିସାନା ମାମ୍ନୁ ସ୍ଥିରିୟାତା ହାଜାନା ସରତା  
ଏଗାଡମି, ମାମ୍ନୁ ଗାୟରତା ଜାକାଟି ରେଡମି,  
ଇତିହିଁ ଏମ୍ନାଆଁ ଜାକାଟି ଆସ୍ତି ରେପନାୟି  
ମାଚେ । ୪ ଏମ୍ନାଆଁ ନାମିତି ସାମୁୟାଁସି ପାରାନା  
ଏଞ୍ଜାରାଇଁ ବେଟାଆହାନା ଏମ୍ନାଆଁ ସାଡା ଦିନା  
ଡୟିତମି; ଇଞ୍ଜା ପାଞ୍ଜୁଲ ଏନିକିଁ ଜିରୁସାଲମତା  
ହାଲଅସି ଏଡାଆଁତାକି ଏଞ୍ଜାରି ସୁଦୁଜୀଞ୍ଜୁ ତଲେ  
ବାଡିମାଲିତେରି । ୫ ମାମ୍ନୁ ସାଡା ଦିନା ଡୟିତି  
ତାମ୍ନୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି,

ଅଡେ ମାଜେ ହେଲ ହିୟାଲି ଏଞ୍ଜାରି ବାରେଜାଣା  
ଇୟାସିକା କକାରି ପଦାୟାଁ ତଲେ ଗାଡାଟି ପାଜାତା  
ମାନି ସାମ୍‌ଦୁରି ଗାଟୁ ପାତେକା ଇତି ଞ୍ଜାଡେରି,  
ଏମ୍ନାଆଁ ମେଣ୍ଡାକୁତାନା ମାମ୍ନୁ ବାରେତମି ପ୍ରାଡାନା  
କିଡମି, ୬ ତାମ୍ନୁ ମାମ୍ନୁ ବାରେଜାଣାଟି ହେଲ ହାହାନା;  
ଜାକାତା ହଡମି, ଇଞ୍ଜା ଏଞ୍ଜାରି ତାନି ଇଜ ଝେଣ୍ଡା  
ହାଚେରି ।

୭ ମାମ୍ନୁ ସୁର ଗାଡାଟି ପତଲମାୟିତା ଏଗାହାଚମି,  
ଇଞ୍ଜା ଏମ୍ନାଆଁ ତାୟିୟାଁଣି ଜହରା କିହାନା ଏମ୍ନାଆଁ  
ର ଦିନା ଏଞ୍ଜାରିତଲେ ଡୟିତମି । ୮ \*ଅଡେ  
ଅର ନେରୁ ହାଜାନା କାୟିସରିୟାତା ଏଗାହାଚମି,  
ଏମ୍ନାଆଁ ମାମ୍ନୁ ନେହିଁ ବଲ୍ଲୁ ଝେକ୍‌ନି ପିଲିପ  
ଇଜ ହାଜାନା ଡୟିତମି, ଜିରୁସାଲମତା ସେବା  
କାମା କିହାଲି ଆଟାମାନି ସାଡା ଜାଣା ବିତ୍ରାଟି  
ଏଞ୍ଜାସି ରଅସି ମାଚେସି । ୯ ଏଞ୍ଜାଣାକି ସାରି  
ଜାଣା ଡାଆ ମାସ୍‌କା ମାରୁ, ଏଞ୍ଜି ବାରେ ମାହାପୁରୁ  
ଅଣ୍‌ପୁତି ବଲ୍ଲୁ ଝେହ୍‌ନାଇଁ ମାରୁ । ୧୦ \*ଏମ୍ନାଆଁ  
ହାରେକା ଦିନା ଡୟିତି ତାମ୍ନୁ ଆଗାବ ଦରୁଗାଟି  
ର ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାସି ଜାହୁଦା  
ଦେସାଟି ଞ୍ଜାଡେସି । ୧୧ ଏଞ୍ଜାସି ମା ତାଣା ଞ୍ଜାହାନା  
ପାଞ୍ଜୁଲତି ଜାଟି ଡରି ଅହାନା ତାନି କେସ୍ତା  
କତାଣା ଦସା କତାନା ଏଲେଇଚେସି, “ସୁଦୁଜୀଞ୍ଜୁ  
ଏଲେଇଞ୍ଜି ଝେସିମାଞ୍ଜାନେ, ଇଦାଆଁ ଦସା କଡିନି  
ଜାଟି ଡରି ଗାଗାଣାଇଁ ଜିରୁସାଲମତି ଜୀହୁଦି  
ଲକୁ ଇଲେକିଁ ଦସାନା ଜୀହୁଦିଆଆତି ଲକୁଡି  
କେମ୍ନୁତା ହେରପିନେରି ।”

୧୨ ଇ ବାରେ କାତା ଝେଞ୍ଜାନା ଜିରୁସାଲମତା  
ହାଲାଆନି ଇଞ୍ଜିଁ ମାମ୍ନୁ ଅଡେ ଏମ୍ନାଟି ଲକୁ  
ବାଡିମାଲିତମି । ୧୩ ସାମା ପାଞ୍ଜୁଲ ଏଲେଇଚେସି,  
“ମୀରୁ ଡାହି ଡାହିଁ ଏନାଆଁତାକି ନା ହିୟାଁତି କାଡି  
କିହିମାଞ୍ଜେରି, ଏନିଇତିହିଁ ନାମ୍ନୁ ପ୍ରବୁ ଜୀସୁ ତାକି  
ଜିରୁସାଲମତା ଦସପି ଆହାଲି ଆଏ ସାମା ହାହାଲି  
ଜିକେଏ ଅଣ୍‌ପିମାଇଁ, ଇଞ୍ଜିଁ ଇଚେସି ।”

୧୪ ଏଞ୍ଜାସି ମା କାତା ମାନୁଞ୍ଜି ଆଆତାକି ମାମ୍ନୁ  
ବାରେ ପାଲେଏ ଆଡମି, ଇଞ୍ଜା “ପ୍ରବୁତି କାତେଏ  
ଆପେ” ଇଞ୍ଜିଁ ଇଚମି ।

୧୫ ଏମ୍ନାଆଁ ଏଚରଦିନା ମାଟି ତାମ୍ନୁ ମାମ୍ନୁ ମା  
ଆସ୍ତି ଆସାନା ଜିରୁସାଲମତା ହାଚମି । ୧୬ ଅଡେ  
କୁପୁତି ମନାସନ ଦରୁଗାଟି ର ନାମ୍ନୁଗାଟାସି ଅଡେ  
କାୟିସରିୟାଟି ଏଚରଜାଣା ସାମୁୟାଁ ମା ତଲେ  
ହାଚେରି; ମନାସନ ଇଜ ମାମ୍ନୁ ଡୟିନାୟି ମାଚେ ।

#### ଜାକୁବ ତଲେ ପାଞ୍ଜୁଲ ବେଟାଆହାନାୟି

୧୭ ମାମ୍ନୁ ଜିରୁସାଲମତା ଏଗାହାଜାଲିଏ ନାମିତି  
ତାୟିୟାଁ ମାଜେ ରାହାଁଟି ହାଟା ଅୟାତେରି ।  
୧୮ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ  
ହାଚେସି; ଅଡେ ବାରେ ପ୍ରାଟିନାଜା ଏମ୍ନାଆଁ କୂଡା

ଆଡେରି । ୧୯ ପାଞ୍ଚଲ ଏଝାରାଇଁ ଜହରା କିତି ତାମ୍ଭୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁଡାଣା ଏନ୍ଦି ଏନ୍ଦି କାମା କିହାମାନେସି ଏ ବାରେ ଝେସେସି । ୨୦ ଏଝାରି ଏଦାଆଁ ଝେଞ୍ଜାନା ମାହାପୁରୁତି ଜହରା କିତେରି, ଅଡେ ଏଝାଣାଇଁ ଏଲେଇଚେରି, “ଏ ତାୟି, ପାଞ୍ଚଲ ନୀର୍ବ ମେସିମାଞ୍ଜି ଜୀହୁଦିୟା ବିତ୍ରାଟି ମାଣା ମାଣା ଲକୁ ନାମିମାନେରି, ଏଝାରି ବାରେଜାଣା ମେରାତି ମାନଞ୍ଜି ଆହିମାନେରି । ୨୧ ଏଝାରି କାରୁ ବେଟାଆହା ମାନେରି, ନୀନୁ ଏଚକା କୃତାତାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ମେରା ପିସାଲି, ଏଝାରି କକାରି ତଲୁ ଦାଦୁ, ଅଡେ ଜୀହୁଦି ଲକୁତି ପାଣାପାଟୁ ମାନଞ୍ଜି ଆଆଦୁ ଇଞ୍ଜି ଜାପୁହିମାଞ୍ଜି । ୨୨ ନୀନୁ ଇମ୍ମାଆଁ ଝାହାମାନି କାରୁ ସାତେଏ ଏଝାରି ଝେନେରି, ଆତିହୁଁ ଏନ୍ଦି କିନାୟି ? ୨୩ ଏଦାଆଁତାକି ମାମ୍ଭୁ ନିଙ୍ଗେ ଏନାଆଁ ଝେସିମାଞ୍ଜାନମି ଏଦାଆଁ କିମ୍ଭୁ, ମା ତାଣା ସାରି ଜାଣା ମାନେରି, ଏଝାରି ପାରମାଣା କିହାମାନେରି; ୨୪ ଏଝାରିତଲେ ହାଲାନୁ ଇଞ୍ଜି ଏଝାରିତଲେ ଆଣ୍ଡାନା ନିଙ୍ଗେ ଅଚହା କତାମ୍ଭୁ, ଇଞ୍ଜି ଏଝାରି ତାକା ହିଣ୍ଡି କାରୁ ହୀମ୍ଭୁ, ଆତିହୁଁ ବାରେ ଲକୁ ମେସାନା ଏଝାରି ନୀ କପାଟି ଝେସାମାନି କାତା ଏନ୍ଦି ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି ଇଞ୍ଜି ପୁଞ୍ଜାମାନେରି । ୨୫ ସାମା ଆମିନି ଏଚକା କୃତାତାରି ନାମାମାନେରି, ଏଝାରି ପେଣ୍ଡକା ବମାୟାକି ପୂଜା ହୀହାମାନି ବଗ୍ଗୁ, ନେତେରି ଇଞ୍ଜି ହେଚକି ତିଣ୍ଡାନା ପାୟିତି ଜନ୍ତତି ଉଙ୍ଗା ତିନାଆଦୁ, ଇଞ୍ଜି ଦାରିକାମାଟି ଏଚକା ଆଦୁ, ଇଞ୍ଜି ମାମ୍ଭୁ ତାରିକିହାଁ ଏଝାରାକି ର ଆକୁ ରାଚାମାନମି ।”

୨୬ ଏମ୍ମାଟିଏ ପାଞ୍ଚଲ ଅର ଦିନା ଏଝାରିତଲେ ହାଜାନା ଅଚହା କତିନି ମେରା ମାନଞ୍ଜି ଆଡେସି, ଇଞ୍ଜି ମାହାପୁରୁ ଇଲୁତା ହାଜାନା ତାନି ଅଚହା କତିନି ଦିନାୟା ଏଚେଲା ରାନେ ଅଡେ ବାରେଜାଣା ତାକି ଏନ୍ଦି ଏନ୍ଦି ପୂଜା କିନାୟିମାନେ ଏ ବାରେ ଝେସେସି ।

**ମାହାପୁରୁ ଇଲୁତା ପାଞ୍ଚଲ ଦସ୍ପି ଆନାୟି**

୨୭ ଏ ସାତା ଦିନା ପୁରା ଆହିମାଗାଟି ଆସିୟା ଦେସାଟି ଏଚେକା ଜୀହୁଦି ଲକୁ ମାହାପୁରୁ ଇଲୁତା ପାଞ୍ଚଲଇଁ ମେସାନା ଏଝାରି ଏମ୍ମାଆଁ କୃତା ଆହାମାନି ମାନ୍ଦା ଲକୁଣି ମାଡ଼ଞ୍ଜି କିତେରି, ଅଡେ ଏଝାଣାଇଁ ଆସାନା କାଲଞ୍ଜି ଆହୁଁ ଏଲେଇଚେରି । ୨୮ “ଏ ଇସାୟେଲତି ଲକୁ ସାୟେମି କିୟାଦୁ; ଇଝାସି ସାରିଞ୍ଜାକି ହାଜାନା ଇସାୟେଲ ଲକୁତି କପାଟି ଅଡେ ମସା ହୀତି ମେରା ଇଞ୍ଜି ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜି ନୀର୍ବ ଏଚରଜାଣା

ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ ଟାୟୁତି ପଲୁଆ କିହିମାନେସି ।” ୨୯ ଇଚିହୁଁ ଏଝାରି ଗାଡ଼ାତା ଏପିସିୟତି ତ୍ରପିମଇଁ ପାଞ୍ଚଲ ତଲେ ମେସାମାଚେରି, ଅଡେ ଏଝାଣାଇଁ ମାହାପୁରୁ ଇଲୁତା ତାଚାମାନେସି ଇଞ୍ଜି ଅଣପିମାଚେରି ।

୩୦ ଏମ୍ମାଟିଏ ବାରେ ଗାଡ଼ା କିଲିବିଲି ଆଡେ, ଇଞ୍ଜି ଲକୁ ମାନ୍ଦା ମାନ୍ଦା ଆହୁଁ ହଚାନା ପାଞ୍ଚଲଇଁ ଆସାନା ମାହାପୁରୁ ଇଲୁତି ରେଜା ତାଚେରି; ଇଞ୍ଜି ଏ ଦେବୁଣିଏ ମାହାପୁରୁ ଇଲୁତି ଦାରାୟା ସୁଣ୍ଡିତେରି । ୩୧ ଅଡେ ଏଝାରି ପାଞ୍ଚଲଇଁ ପାୟାଲି ଅଣପିତେରି, ଇଞ୍ଜି ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜି ରିଜାରି କସକାତି କାଜାଣି ତାଣା କାରୁ ହୀତେରି । ୩୨ ଏମ୍ମାଟିଏ ଏଝାସି ଦେବୁଣିଏ ରିଜାରି କସକା ଇଞ୍ଜି ପାସାକତି କସକା ମୁହେଁ କାଜାରାଇଁ ଆସାନା ଏଝାରିତାଣା ଦାବଡ଼ି ହାଚେସି, ଲକୁ ରିଜାରି କସକା ଅଡେ କସକା ମୁହେଁ କାଜାରାଇଁ ମେସାନା ଏଝାରି ପାଞ୍ଚଲଇଁ ଝେଚାଲି ପିସେରି । ୩୩ ଏମ୍ମାଟିଏ କସକା ମୁହେଁ କାଜାସି ପାଞ୍ଚଲ ତାଗେ ହାଜାନା ଏଝାଣାଇଁ ଆସାନା ରୀ ହିକ୍‌ଣିୟା ତଲେ ଦସାଲି ହୁକୁମି ହୀତେସି, ଅଡେ “ଇଝାସି ଆମ୍ମାଆସି ? ଏନାଆଁ କିହାମାନେସି ଇଞ୍ଜି ଝେଚେସି ?” ୩୪ ଏଚେଟିଏ ଲକୁ ବାରେ ଆମ୍ମାଆରି ଇ କାତା ଆମ୍ମାଆରି ଏ କାତା ଇଞ୍ଜି କାଲଞ୍ଜି ଆଡେରି, ଇଞ୍ଜି ଏନାଆଁ ଆହାମାନେ ଇଞ୍ଜି ତୀରପୁତି କାତା ପୁନାଆନା ପାଞ୍ଚଲଇଁ କଟା ଇଲୁତା ଅହାଲି କସକାଣି ହୁକୁମି ହୀତେସି । ୩୫ ଏଚିବେଲା ଏଝାସି ପାଞ୍ଚଲ ପିଣ୍ଡାଣା ଏଗାହାଜାଲିଏ, ଲକୁତି ମାନ୍ଦା କାରବିଟି କାଲଞ୍ଜି ଆୟାଲିଏ କସକା ପାଞ୍ଚଲଇଁ ଇଲୁ ବିତ୍ରା ଡେକା ଅଡେରି । ୩୬ ଇଚିହୁଁ ମାନ୍ଦା ମାନ୍ଦା ଲକୁ ଜେଚ ଝାହିହୁଁ “ଏଝାଣାଇଁ ପାୟାଦୁ” ଇଞ୍ଜି କାଲଞ୍ଜି ଆହିମାଚେରି ।

**ପାଞ୍ଚଲ ତାନୁଏ ତାଙ୍ଗେତାକି ଝେହନାୟି**

୩୭ ଏଝାରି ପାଞ୍ଚଲଇଁ କଟା ଇଲୁ ବିତ୍ରା ଅହିମାଗାଟି ଏଝାସି କସକା ମୁହେଁ କାଜାଣାଇଁ ଏଲେଇଚେସି, “ନୀନୁ ନିଙ୍ଗେ ର କାତା ଝେସାଲି ଆଡାଲ୍ କି ?” ଏମ୍ମାଟିଏ କାଜାସି ଏଲେଇଚେସି “ନୀନୁ ଗ୍ରିକ୍ ହାଡ଼ା ପୁଞ୍ଜି କି ? ୩୮ ଆତିହୁଁ ଇଦାଆଁ ନଚେଏ ଏମିନି ମିସରତି ଲକୁ ଗଡ଼ହା ହପୁହାନା ସାରି ମାଣା କାଗଂରାଣି ଲକୁ ହିଲାଆ ଟାୟୁତା ଅହାମାଗାଟି ନୀନୁ ଏଝାତି ଆଏ କି ?”

୩୯ ଏମ୍ମାଟିଏ ପାଞ୍ଚଲ ଏଲେଇଚେସି “ନୀନୁତ ର ଜୀହୁଦି କିଲିକିୟା ଦେସାଟି ତାର୍ସ ଇଞ୍ଜିହୁଁ ଝେଜିତି ଗାଡ଼ାତା ଜାର୍ନା ଆଡାତେସି; ଇ ଲକୁଣି କାତା ଝେସାଲି ନାଙ୍ଗେ ହେଲ ହିୟାମ୍ଭୁ ।”

☆ ୨୧:୨୫ ୨୧:୨୫ କାମା ୧୫:୨୯ ☆ ୨୧:୨୯ ୨୧:୨୯ କାମା ୨୦:୪

୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଜିକାଣା ନିତାନା ଲକୁଣି କେୟୁତଲେ ସାପି କିତେସି; ଇଞ୍ଜା ବାରେଜାଣା ସାପି ଆହାଲିଏ ଏଞ୍ଜାସି ଏବୁ ହାଡାତଲେ ଏଞ୍ଜାରାଇଁ ଏଲେଇଚେସି ।

**୨୨**

୧ “ଏ ତାୟିୟାଁ ଅଡେ ତାଞ୍ଜିୟାଁତେରି, ନାନୁ ନୀର୍ବୀ ମୀ ନକିତା ନା ଖାକିଟି କାତା ଖେସିମାଞ୍ଜାଇଁ, ଖେଞ୍ଜାଦୁ !” ୨ ପାଞ୍ଜୁଲ ଏଞ୍ଜାରି ନକିତା ଏବୁ ହାଡାତଲେ ଜଲିମାନାଣି ଖେଞ୍ଜାନା; ଏଞ୍ଜାରି ହାଡା ଆଆନା ପାଲେଏ ଆଡେରି, ଅଡେ ପାଞ୍ଜୁଲ ଜଲାଇଁ ମାଟୁହେସି ।

୩ \*ଏମ୍ବାଟିଏ ଏଞ୍ଜାସି ଏଲେଇଚେସି, “ନାନୁ ର ଜୀହୁଦି ଲକୁତେସି, କିଲିକିୟାତି ତାର୍ସତା ନା ଜୀର୍ନା, ସାମା ନାନୁ ଇ ଜିରୁସାଲମ ଗାଡାତା ପହିପାତି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାତି ମେରାତି ନେହଁକଁ ଜାପାମାଇଁ; ମୀରୁ ଏନିକଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହଁ ମାନୁଞ୍ଜି ଆନାତେସି ମାଚେସି; ୪ ନାନୁ ଇ ଜିରୁତା ତାକିମାନି ଇୟାସିକା ଆବାୟାଣି ହାନି ପାତେକା ସାସ୍ତି କିହିମାଚେସି, ଅଡେ ଦସ୍ପାନା କାୟିଦି ଇଲକାଣା ହେରପିମାଚେସି । ୫ ନା ଇ କାତା ସାତା, କାଜା ପୂଜେରାଙ୍ଗା ଅଡେ କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାଁକି ଆକୁ ରାସାନା ଲକୁଣି ହିକଣିୟାଁ ତଲେ ଦସ୍ପାନା ଜିରୁସାଲମତା ତାଚାଲି ତାକି ନାନୁ ଦମେସକତା ମାନି ଜୀହୁଦି ଲକୁତାଣା ହାଜାମାଚେସି ।”

**ପାଞ୍ଜୁଲ ତାନି ମନୁ ଖେଟୁହାଣି ଖେହନାୟି (କାମା ୯:୧-୧୯; ୨୨:୧୨-୧୮)**

୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲତା ଦେବୁଣିଏ ନା ସାରିଖାକି ହାଗୁଲକଟି ର ତାହାଣା ଉଜେଡି ଡାଞ୍ଜିତେ । ୭ ଏମ୍ବାଟିଏ ନାନୁ ବୁମିତା ତରୁଗିତେସି, ଇଞ୍ଜା ନାଚେ ତାକି ଖେସିମାଟି ଇ ହାଡା ଖେଚେସି, ‘ସାଞ୍ଜୁଲ, ସାଞ୍ଜୁଲ ଏନାଆଁତାକି ନାଚେ ସାସ୍ତି ହାହିମାଞ୍ଜାଦି?’ ୮ ନାନୁ ଏଲେଇଚେସି, ‘ପ୍ରବୁ ନାନୁ ଆମ୍ବାଆତି?’ ଏମ୍ବାଟିଏ ଏଞ୍ଜାସି ନାଚେ ଏଲେଇଞ୍ଜାତେସି, ‘ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାଜରିତତି ଜୀସୁତେସି ନାନୁ ।’ ୯ ନା ତଲେ ମାଟି ଲକୁ ଏ ଉଜେଡି ମେସ୍ତେରି ସାତା, ସାମା ନାଚେ ଖେସ୍ତାତି ହାଡା ଖେନାଆତେରି । ୧୦ ଏଚେଟିଏ ନାନୁ ଏଲେଇଚେସି, ‘ପ୍ରବୁ ନାନୁ ଏନାଆଁ କିଇଁ?’ ଏଚେଟିଏ ପ୍ରବୁ ନାଚେ ଖେସ୍ତାତେସି, ‘ନିଙ୍ଗାନା ଦମେସକତା ହାଲାମ୍ବୁ, ଅଡେ ନିଙ୍ଗେ ଏନାଆଁ କିହାଲି ଆନେ ଏନାଆଁ ଏମ୍ବାଆଁ

ଖେସ୍ତାଇଁ ।’ ୧୧ ଏ ଉଜେଡି ମିଣସି ମାଚାକି ନାନୁ କାଣା ଆହାହାଚେସି, ଇଞ୍ଜା ନା ତଲେ ଖାହିମାଚାରି ନାଚେ କେୟୁ ଆସାନା ଦମେସକତା ଅୟାତେରି ।”

୧୨ “ଏ ଗାଡାତା ହନନିୟ ଇଞ୍ଜିହଁ ର ଦାମ୍ବୁଗାଟାସି ମାଚେସି, ଏଞ୍ଜାସି ମା ମେରାତି ମାନୁଞ୍ଜି ଆନାସି, ଇଞ୍ଜା ଦମେସକତି ଜୀହୁଦି ଲକୁତାଣା ମାନି ଗାଟାସି ଅଡେ ଖେଞ୍ଜିତାସି ମାଚେସି । ୧୩ ଏଞ୍ଜାସି ନା ତାଣା ଖାହାନା ଦାରିତା ନିତାନା ନାଚେ ଏଲେଇଞ୍ଜାତେସି, ‘ଏ ସାଞ୍ଜୁଲ ତାୟି ମେହ୍ମୁ’ ଏ ଦେବୁଣିଏ ନା କାଣକା ଦେପିଆଡୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡିତେସି । ୧୪ ଏଞ୍ଜାସି ଏଲେଇଞ୍ଜାତେସି, ‘ମା ଆକୁ ଆବାୟାତି ମାହାପୁରୁ ତାନି କାତା ପୁଞ୍ଜାଲି ଅଡେ ଏ ତାରି ଗାଟାଣାଇଁ ମେସାଲି, ଅଡେ ତାନି ଗୁଡିଟି ହଡିମାନି ହାଡା ଖେଞ୍ଜାଲି ଆଚାମାଞ୍ଜାତେସି । ୧୫ ଇଚିହଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଦି । ୧୬ ଅଡେ ନୀର୍ବୀ ଏନାଆଁତାକି ଖେଡା କିହିମାଞ୍ଜି, ନିଙ୍ଗାମୁ ବାପ୍ତିସ୍ତ\* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରୁଞ୍ଜି କିହାକତାମୁ ।”

**ପାଞ୍ଜୁଲ ଜୀହୁଦିଆଆତି ଲକୁତାଣା ପାଣ୍ଡୁଞ୍ଜି ଆନାୟି**

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାତାନା କିହିମାଚାଟି, ସେୟାଣା ହାପାନାତା ମେସ୍ତେସି, ୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେସି, ଏଞ୍ଜାସି ନାଚେ ଏଲେଇଞ୍ଜାତେସି, ‘ତବେ ଜିରୁସାଲମ ପିହ୍ମୁ, ଇଚିହଁ ଇମ୍ବାତି ଲକୁ ନା ସାକି ହାନାଟି ନୀ କାତା ଆହୁଅରି ।’ ୧୯ ଏମ୍ବାଟିଏ ନାନୁ ଏଲେଇଚେସି ‘ପ୍ରବୁ ନାନୁ ଜୀହୁଦି ଲକୁତି କୁଟମି ଇଲକାଣା† ହାଜାନା ନିଚେ ନାମାନାରାଇଁ ଖେଚାନା କାୟିଦି ଇଲୁତା ସୁଣ୍ଡିମାଚାଣି ଏଞ୍ଜାରି ନେହଁକଁ ପୁଞ୍ଜାମାନେରି; ୨୦ \*ଅଡେ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେସି; ଇଞ୍ଜା ବେଲେଏ ହାପେସି ଇଞ୍ଜି ଅଣପିମାଚେସି, ଅଡେ ପାୟିମାଚାରି ହିମ୍ବିକା କାଟିମାଚେସି ।’ ୨୧ ସାମା ପ୍ରବୁ ନାଚେ ଏଲେଇଞ୍ଜାତେସି, ‘ହାଲାମ୍ବୁ ଇଚିହଁ ନାନୁ ନିଚେ ହେକ ଦେସାତି ଜୀହୁଦିଆଆତି ଲକୁତାଣା ପାଣ୍ଡାଇଁ ।’”

୨୨ ପାଞ୍ଜୁଲ ଏଲେଇଞ୍ଜି ଖେହନି ପାତେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାଁତଲେ କାଲୁଞ୍ଜି ଆହାନା ଏଲେଇଚେରି, “ଏଞ୍ଜାଣାଇଁ ପାଙ୍ଗାତା ତାଚାହାଁ ପାୟାନା ଦାବୁଡିଟି ମ୍ଲେକହା ତୁହ୍ମୁ, ଏଞ୍ଜାସି ନୀତାଲି ପାଡାଆଅସି ।”

\* ୨୨:୩ ୨୨:୩ କାମା ୫:୩୪-୩୯    \* ୨୨:୪ ୨୨:୪ କାମା ୮:୩; ୨୨:୯-୧୧    \* ୨୨:୧୨ ୨୨:୧୨ମୁଞ୍ଜିନାୟି    † ୨୨:୧୯ ୨୨:୧୯ ସିନଗର    \* ୨୨:୨୦ ୨୨:୨୦ କାମା ୭:୫୮

୨୩ ଅଡ଼େ ଏତିବେଲା ଏଝାରି କିଲଡ଼ି କିହଁ ତାନି ହିମ୍ବରକା କୁଡ଼ିହଁ ଲାକଞ୍ଜାକି ଦୂଡ଼ି ଡ଼ାଞ୍ଜିତେରି,  
 ୨୪ ଏତିବେଲା ପାସାକଡ଼ି କସକା ମୁହେଁ କାଜାସି ପାଝୁଲଇଁ କଟା ଇଲୁ ବିତ୍ରା ଅହାଲି ହୁକୁମି ହୀତେସି,  
 ଅଡ଼େ ଜୀହୁଦି ଲକୁ ଏନାଆଁତାକି ଏଝାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଝୁଲଇଁ ସାଟ୍‌ଣି ତଲେ ଝେଚାନା ଝେଞ୍ଜୁ ଇଞ୍ଜୁଁ ହୁକୁମି ହୀତେସି । ୨୫ ସାମା ଏଝାରି ଏଝାଣାଇଁ ସାଟ୍‌ଣି ତଲେ ଝେଚାଲି ଡ଼ରିତଲେ ଦସାଲିଏ, ପାଝୁଲ ଦାରିତା ମାଟି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, “ଏମିନି ଦହତା ନୀହାଁୟି କିଝି ଆହାହିଲାଆ ର ରମ୍ ଦେସା ତାଣାଇଁ ସାଟ୍‌ଣି ତଲେ ଝେଚାଲି ଏନି ମେରା ମାନେ କି ?”

୨୬ ଇଦାଆଁ ଝେଞ୍ଜାନା କହୁଏସି ପାସାକଡ଼ି କସକା ମୁହେଁ କାଜାଣା ତାଣା ହାଜାନା ଏଲେଇଚେସି, “ନୀନୁ ଏନାଆଁ କିହାଲି ହାଜିମାଞ୍ଜି, ଇଚିହଁ ଇଝାସି ରମିୟ ଲକୁ ।”

୨୭ ଏମ୍ପାଟିଏ ପାସାକଡ଼ି କସକା ମୁହେଁ କାଜାସି ଝାହାନା ପାଝୁଲଇଁ ଝେଚେସି, “ନୀନୁ ନାଞ୍ଜେ ଝେସ୍ତାମୁ ନୀନୁ ରମ୍ ଦେସାତାତି କି ?” ପାଝୁଲ ଏଲେଇଚେସି “ହାଅ ।”

୨୮ ଏମ୍ପାଟିଏ ପାସାକଡ଼ି କସକା ମୁହେଁ କାଜାସି ଏଲେଇଚେସି, “ନୀନୁ ହାରେକା ଟାକାୟାଁ ହୀହାନା ରମ୍ ଦେସାତାତେଏଁ ଆହାମାଇଁ ।” ସାମା ପାଝୁଲ ଏଲେଇଚେସି, “ନାନୁତ ଜାନାଟିଏ ।”

୨୯ ଏମ୍ପାଟିଏ ଆମ୍ପାଆରି ପାଝୁଲଇଁ ଝେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଟା ଆହାହାଚେରି, ଇଚିହଁ ପାଝୁଲ ରମ୍ ଦେସାତାସି ଇଞ୍ଜୁଁ ପୁଞ୍ଜାନା ର ମାଣା କସକା ମୁହେଁ କାଜାସି ଏଝାଣାଇଁ ହିକଣିୟାଁ ତଲେ ଦସପି କିହାମାଟାକି ତାନୁଏ ଆଜିତେସି ।

**କାଜା ବେରଣିମାଣ୍ଡା ନକିତା ପାଝୁଲ**

୩୦ ଜୀହୁଦି ଲକୁ ପାଝୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସକା ମୁହେଁ କାଜାସି ତାନି ଅର ନେରୁ ପାଝୁଲତି ହିକଣିୟାଁ ହୁକହାନା କାଜା ବେରଣିମାଣ୍ଡାଟି ବାରେଜାଣାଟି କୁଡ଼ିକିହାଲି ପୂଜେରାଞ୍ଜାଣି ହୁକୁମି ହୀତେସି । ତାୟୁ ପାଝୁଲଇଁ ଏଝାରି ନକିତା ନିପହେସି ।

**୨୩**

୧ ପାଝୁଲ ଜୀହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନୀନୁ ନୀଞ୍ଜୁପାତେକା ମାହାପୁରୁ ନକିତା ନେହଁ ଅଣ୍ଟପୁ ତଲେ

ନୀତାମାଇଁ, ଏଦାଆଁତାକି ନା ହିୟାଁ ହାରେକା ଅତିତାୟି ।” ୨ ଇ କାତା ଝେଞ୍ଜାନା କାଜା ପୂଜେରା ହାନାନ ପାଝୁଲ ଦାରିତା ନିଚାମାନି ଲକୁଇଁ ତାନି ଗୁତିତା ଝେଦୁ ଇଞ୍ଜୁଁ ହୁକୁମି ହୀତେସି । ୩ ପାଝୁଲ ଏଝାଣାଇଁ ଏଲେଇଚେସି, “ଏ ହୁନୁ ଉସପିତି ଦବଲା କାତି ମାହାପୁରୁ ନିଞ୍ଜେ ଝେତାନେସି, ନୀନୁ ମସାତି ମେରା ଲେହେ ନାଞ୍ଜେ ନୀହାଁୟି କିହାଲି କୁଗାମାଟି ଜିକେଏ, ନୀନୁ ନାଞ୍ଜେ ଝେଚାଲି ହୁକୁମି ହୀହାନା ନୀନୁଏ ମସାତି ମେରା ଉରିମାଞ୍ଜି !”

୪ ଏଚେଟିଏ ଦାରିତା ନିଚାମାଟି ଲକୁ ପାଝୁଲଇଁ ଏଲେଇଚେରି, “ନୀନୁ ମାହାପୁରୁତି କାଜା ପୂଜେରାଇଁ ଲାଜା କିହିମାଞ୍ଜି ।”

୫ ପାଝୁଲ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ଏଝାଣାଇଁ ନୀନୁ କାଜା ପୂଜେରା ଇଞ୍ଜୁଁ ପୁଞ୍ଜା ହିଲାଆତେଏଁ; ଇଚିହଁ ଦାମ୍‌ପତିତା ରାସକି ଆହାମାନେ, ‘ମୀରୁ ମୀ ସାଲଝି କିନାରାଇଁ ବାକା ଇଟାଆଦୁ ।’”

୬ ସାମା ପାଝୁଲ ର ବାଗା ସାଦୁକିୟାଁ ଅଡ଼େ ର ବାଗା ପାରୁସିୟାଁ ମାନେରି ଇଞ୍ଜୁଁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନୀନୁ ର ପାରୁସିତେଏଁ ଇଞ୍ଜା ପାରୁସି ମୀରଏଣାତେଏଁ; ଇଞ୍ଜା ହାତାରି ଝେଣ୍ଡେ ନିଞ୍ଜିନେରି ଇଞ୍ଜୁଁ ଆସା କିହିମାନାକି ମୀରୁ ନାଞ୍ଜେ ନୀହାଁୟି କିହିମାଞ୍ଜାଦେରି ।”

୭ ଏଝାସି ଇ କାତା ଏଲେଇଶମ୍ବନିଏ ପାରୁସି ଅଡ଼େ ସାଦୁକି ଲକୁ ବିତ୍ରା ଗଡ଼ହା ହଡ଼େ, ଇଞ୍ଜା କାଜା ବେରଣି ମାଣ୍ଡାତାରି ଗୁଟି ଗଟି ଆହାଁ ରୀ ବାଗା ଆଡ଼େରି । ୮ ଇଚିହଁ ସାଦୁକିୟାଁ ଝେଣ୍ଡେ ନିଞ୍ଜିନାୟି ହିଲେଏ, ଦୂତୁୟାଁ ଅଡ଼େ ଜୀଝୁୟାଁ ହିଲାଉ ଇନେରି, ସାମା ପାରୁସିୟାଁ ଏ ବାରେତି ନାମିନେରି । ୯ ଏମ୍ପାଟିଏ କାଜା ଗଡ଼ହା ଆଡ଼େ, ଅଡ଼େ ପାରୁସିୟାଁ ବିତ୍ରାଟି ଏଚରଜାଣା ମେରାପୁନାରି ନିଞ୍ଜାମା ଏଲେଇଚେରି; “ମାମ୍ପୁ ଛୁଞ୍ଜାଣି ତାଣାଟି ଏନି ଦହ ବେଟାଆଆଡ଼ମି, ସାତେଏ ଏଝାଣି ତାଣାଟି ର ଜୀଝୁ ଆଆତୁଁ ଲାକପୁରୁତି ଦୂତୁ କାତା ଝେସାମାନେ ।”

୧୦ ଇଲେଆହଁ କାଜା ଗଡ଼ହା ଆହାଲିଏ, ପାଝୁଲଇଁ ଏଝାରି କାଣ୍ଡାମୁକା କିନେରି ଇଞ୍ଜୁଁ ଆଜିତାକି ର ମାଣା କସକା ମୁହେଁ କାଜାସି ପାଝୁଲଇଁ ଏଝାରି ତାଣାଟି ଗେଲପାନା ବାଲ୍‌ମିଟି କଟା ଇଲୁ ବିତ୍ରା ଅହାଲି କସକାଣି ହୁକୁମି ହୀତେସି ।

୧୧ ଏ ନେରୁ ଲାଆଁୟାଁ ପ୍ରବୁ ପାଝୁଲଇଁ ଏଲେଇଚେସି, “ଆଜାଆନି, ସାସା ଆହମୁ ଇଚିହଁ ନୀନୁ ଜିରୁସାଲମତା ଏନିକଁ ନା ସାକି ହୀତି, ରମ୍

☆ ୨୩:୩ ୨୩:୩ ମାତି ୨୩:୨୭,୨୮ ☆ ୨୩:୬ ୨୩:୬ କାମା ୨୬:୫; ପିଲିପି ୩:୫ ☆ ୨୩:୮ ୨୩:୮ ମାତି ୨୨:୨୩; ମାର୍କ ୧୨:୧୮; ଲୁକ ୨୦:୨୭



ଗାଡ଼ାତା ଜିକେଏ ଏଲେକିହିଁ ନା ସାକି ହାନାୟି ମାନେ ।”

**ପାଞ୍ଚୁଲଇଁ ପାୟାଲି ଅଣ୍ଠପିନାୟି**

୧୭ ଅର ଦିନା ଲାଲ, ଜୀହୁଦିୟାଁ ଜାଟୁ ଆହାନା ପାଞ୍ଚୁଲଇଁ ପାୟାଆ ପାତେକା ଏନି ରାନ୍ଦା କି ଏୟୁ ତାଗାଆପ ଇଞ୍ଜିଁ ତାମ୍ବୁତାମ୍ବୁ ପାରମାଣା କିହାମାରେରି । ୧୩ ଏଲେଇଞ୍ଜି ଅଣ୍ଠପି ମାଚାରି ରୀ କଡ଼ି ଜାଣାଟିଏ ଆଗାଡ଼ା ମାରେରି । ୧୪ ଏଞ୍ଜାରି କାଜା ପୂଜେରାଜା ଅଡ଼େ ପ୍ରାତିନାଜା ତାଣା ଖାହାଁ ଏଲେଇଚେରି, “ମାମ୍ବୁ ପାଞ୍ଚୁଲଇଁ ପାୟାଲି ଆଡ଼ାଆ ପାତେକା ଏନାଆଁ ତିନଅମି କି ତାଗଅମି ଇଞ୍ଜିଁ ମାମ୍ବୁ ମାଙ୍ଗେତାକି ପାରମାଣା କିହାମାନମି । ୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସକା ମୁହେଁ କାଜାଣାଇଁ ନାଡ଼ି କିହିଁ ଏଲେଇଞ୍ଜୁ, ମାମ୍ବୁ ପାଞ୍ଚୁଲ ଏନାଆଁ କିହାମାନାଣି ନେହିଁ କିଁ ଝେନମି ଇଞ୍ଜିହିଁ ମୀ ତାଣା ହାଟିକିପୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନଚେଏ ପାୟାଲି ଜାଗ୍ରାତା ଆହା ତୁୟିନମି ।”

୧୬ ସାମା ପାଞ୍ଚୁଲ ତାମି ବାଣଞ୍ଜା କସକା ଜଲକି ଆହିମାଟି କାତା ତୁଗୁନା ଝେଚେସି; ଇଞ୍ଜା କଟା ଇଲୁ ବିତ୍ତା ଖାହାନା ପାଞ୍ଚୁଲଇଁ ଇ ବାରେ କାତା ଝେସ୍ତେସି । ୧୭ ଏଚେଟିଏ ପାଞ୍ଚୁଲ ର ରମିୟ କହୁଏଁଶାଲ୍ ହାଟାନା ଏଲେଇଚେସି, “ଇ ଦାଂଗଣେଶାଲ୍ ର ମାଣା କସକା ମୁହେଁ କାଜାଣି ତାଣା ଅମ୍ବୁ, ଇଚିହିଁ ଇଞ୍ଜାସି ର କାତା ଏଞ୍ଜାଣାଇଁ ଝେହନାୟି ମାନେ ।” ୧୮ ଏଚେଟିଏ ଏଞ୍ଜାସି ର ମାଣା କସକା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଚୁଲ ନାଙ୍ଗେ ହାଟାନା ନୀ ତାଣା ଇ ଦାଂଗଣେଶାଲ୍ ତାଚାଲି ବାତିମାଲ୍ଲାତେସି, ନିଙ୍ଗେ ଝେସାଲି ଇଞ୍ଜାଣାକି ର କାତା ମାନେ ।”

୧୯ ର ମାଣା କସକା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ ହିଲ୍ଲାଆ ତାଣା ଅହାନା ଝେଚେସି, “ନାଙ୍ଗେ ନୀନୁ ଏନାଆଁ ଝେସ୍ତାନାୟିମାନେ ଝେସ୍ତାମ୍ବୁ ।”

୨୦ ଏଞ୍ଜାସି ଏଲେଇଚେସି, “ପାଞ୍ଚୁଲ ଏନାଆଁ କିହାମାନେସି ଏଦାଆଁ ନେହିଁ କିଁ ପୁଞ୍ଜାଲି ଏଞ୍ଜାଣାଇଁ ଝିଏ କାଜା ବେରଣିମାଣ୍ଡାତା ମା ତାଣା ତାମ୍ବୁ ଇଞ୍ଜିଁ ଜୀହୁଦି ଲକୁତି କାଜାରି ନାଡ଼ିକିହାନା ନିଙ୍ଗେ ବାତିମାଲ୍ଲାନେରି, ୨୧ ସାମା ନୀନୁ ଏଞ୍ଜାରି କାତା ମାନଝି ଆଆନି, ଇଚିହିଁ ଏଞ୍ଜାଣାଇଁ ପାୟାଲି ଆଡ଼ାଆ ପାତେକା ରାନ୍ଦା ତିଚିହିଁ କି ତାଗିତିହିଁ ମାଙ୍ଗେ ବାକା ଆଟାପେ ଇଞ୍ଜିଁ ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ତୁଗୁହାଁ କାଟାମାନେରି, ନାଏଁ ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଟିମାନେରି ।”

୨୨ ଏଚେଟିଏ ର ମାଣା କସକା ମୁହେଁ କାଜାସି ଏଲେଇଚେସି, “ନୀନୁ ନାଙ୍ଗେ ଝେସ୍ତାତି କାତା

ଆମ୍ବାଆରାଇଁ ଝେହଆନି” ଇଞ୍ଜିଁ ଝେସାନା ଏ ଦାଂଗଣେଶାଲ୍ ପାଣ୍ଡିତେସି ।

**ପେଲିକସ୍ ତାଣା ପାଞ୍ଚୁଲଇଁ ପାଣ୍ଡିନାୟି**

୨୩ ର ମାଣା କସକା ମୁହେଁ କାଜାସି ତାନି ତୁଇ କାମା କିନି ପାସାକଡ଼ି କସକା ମୁହେଁ କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା ବାଲ୍ଲାଁ ଗାଟାରି ତଲେ ରୀ ଖାଞ୍ଜା କସକାଣି ତିୟାରା କିପୁ । ୨୪ ଅଡ଼େ ଏଞ୍ଜାରି ଏନିକିଁ ପାଞ୍ଚୁଲଇଁ ଗଡ଼ା ଲାକ କୁଟିକିହାନା ସାଲଝି କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏଦାଆଁତାକି ବାରେ କିହାଲି ହୁକୁମି ହୀତେସି ।” ୨୫ ର ମାଣା କସକା ମୁହେଁ କାଜାସି ଇଲେଇଞ୍ଜିଁ ର ଆକୁ ରାଟିତେସି;

୨୬ “ଏ ମାନିଗାଟି ଦେସା ସାଲଝି କିନି ପେଲିକସ୍ କ୍ଲାଝୁଦିୟା ଲୁସିୟାତି ଜହରା । ୨୭ ଜୀହୁଦିୟାଁ ଇ ଲକୁଇଁ ଆସାନା ପାୟାଲି ଅଣ୍ଠପିମାଟି ବେଲତା, ଏଞ୍ଜାସି ର ରମିୟ ଲକୁ ଇଞ୍ଜିଁ ପୁଞ୍ଜାନା, ନୀନୁ କସକା ତଲେ ହାଜାନା ଏଞ୍ଜାଣାଇଁ ପିସପି କିତେସି । ୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନୀନୁ ଏଞ୍ଜାଣାଇଁ ତାମି କାଜା ବେରଣିମାଣ୍ଡାତା ଅହାମାଚେସି । ୨୯ ସାମା ଏଞ୍ଜାସି ହାନ୍ତି ତଣ୍ଡୁ କି କାୟିଦି ତଣ୍ଡୁ ବେଟାଆନି ଲେହେତି ଏନି ଦହ କିହାହିଲଅସି ଇଞ୍ଜିଁ ନୀନୁ ପୁଚେସି, ତାନି କପାଟି ଖାରଇ ତାମି ମେରାତି କାତାତାକି ଏଞ୍ଜାଣାଇଁ ଦହ ଦସାମାନେରି । ୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଇଁ ପାୟାଲି ଅଣ୍ଠପିମାନେରି ଇଞ୍ଜିଁ ନାଙ୍ଗେ କାବୁ ହିୟାଲିଏ ନୀନୁ ଇଞ୍ଜାଣାଇଁ ଝେଡ଼ାକିଆନା ନୀ ତାଣା ପାଣ୍ଡାତେସି; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହୀହାଲି ଝେସା ପାଣ୍ଡାତେସି ।”

୩୧ ଏମ୍ବାଟିଏ କସକା ହୁକୁମି ବେଟାଆହାନା ପାଞ୍ଚୁଲଇଁ ଅହାନା ଲାଆଁୟାଁ ବେଲତା ଏଞ୍ଜାଣାଇଁ ଆଡ଼ିପାଡ଼ିତା ତାତେରି । ୩୨ ଅର ଦିନା ଗଡ଼ାୟାଁ ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା, କସକା କଟା ଇଲୁତା ଝେଶ୍ଟା ଖାଚେରି । ୩୩ ଗଡ଼ାୟାଁ ଗାଟାରି କାୟିସରିୟାତା ଖାହାନା, ସାଲଝି କିନି ପେଲିକସ୍ କି ଆକୁ ହୀହାନା ପାଞ୍ଚୁଲଇଁ ଏଞ୍ଜାଣି ତାଣା ହେରପିତେରି । ୩୪ ଏଞ୍ଜାସି ଏ ଆକୁ ପଡ଼ଝି ଆଡ଼ି ତାୟୁ ନୀନୁ ଏନିନି ରାଜିତାତି ଇଞ୍ଜିଁ ଝେଚେସି; ଅଡ଼େ ଏଞ୍ଜାସି କିଲିକିୟାତି ଲକୁ ଇଞ୍ଜିଁ ପୁଚେସି, ୩୫ ଇଞ୍ଜା ଏଞ୍ଜାସି ଏଲେଇଚେସି, “ନିଙ୍ଗେ ଦହ ଦସାମାଞ୍ଜାନାରି ଇମ୍ବାଆଁ ଖାଡ଼ିସାରେ ନୀନୁ ନୀ କାତା ଝେଞ୍ଜାଇଁ” ଅଡ଼େ ଏଞ୍ଜାସି ପାଞ୍ଚୁଲଇଁ ହେରଦତି ଇଜ ଇଟାଲି ହୁକୁମି ହୀତେସି ।

### ୨୪

ଜୀହ୍ୱଦି ଲକ୍ଷ୍ମ ପାଞ୍ଚୁଲ କପାଟି ଦାଞ୍ଜା କିନାୟି

<sup>୧</sup> ପାସା ଦିନା ତାୟୁ କାଜା ପୂଜେରା ହାନାନ, ଏଚେକା ପ୍ରାଚିନାଜା ଅଡ଼େ ତରତୁଲ ଦରୁଗାଟି ଅକିଲା ତଲେ କାୟିସରିୟାତା ଖାଡ଼େରି, ଅଡ଼େ ଏଞ୍ଜାରି ପାଞ୍ଚୁଲ କପାଟି ସାଲୁଞ୍ଜି କିନି ପେଲିକସ୍ ତାଣା ଦାଞ୍ଜା କିତେରି । <sup>୨</sup> ପାଞ୍ଚୁଲଇଁ ଏମ୍ବାଆଁ ତାଚାଲିଏ, ତରତୁଲ ଏଞ୍ଜାଣି କପାଟି ଏଲେଇଚେସି, “ଏ ମାନିଗାଟି ପେଲିକସ୍ ନୀ ତାଣାଟି ମାମ୍ବୁ ହାରେକା ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜା ନୀନୁ ମା ଦେସାତାକି କିହାମାନି କାମା ବାରେ ଇ କୃତା ତାରାକି ହାରେକା ନେହେଁ ଆହାମାନେ । <sup>୩</sup> ଇଦାଆଁ ମାମ୍ବୁ ବୁରେକାଣା ତଲେ ବାରେ ତାଣା ହାରେକା ମାନିତଲେ ପେଲିକସ୍ ମାନୁଞ୍ଜି ଆହିମାନମି । <sup>୪</sup> ସାମା ନାନୁ ନିଜେ ଏନିକିଁ ହାରେକା ବିତିବିତା କିୟଅଁ, ଇଦାଆଁତାକି ନାନୁ ନାଜେ କାର୍ମାମେସାନା ମା ଏଚରଗଟା କାତା ଖେଞ୍ଜାଲିତାକି ନିଜେ ବାଡ଼ିମାଲିମାଞ୍ଜାଇଁ । <sup>୫</sup> ଇଚିହଁ ଇ ମାଣସି ଆଜିହପେତି ଗଡ଼ହା ଗାଟାସି, ଏଞ୍ଜାସି ଦାରତିତି ବାରେଞ୍ଜାକି ମାନି ଜୀହ୍ୱଦିୟାଁ ତାଣା ଗଡ଼ହା ହପୁନାସି, ଅଡ଼େ ନାକ୍ରିତ ଗତିତି ର କାଜାସି ଇଞ୍ଜା ମାମ୍ବୁ ପୁଞ୍ଜାମାନମି; <sup>୬</sup> ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଣପାମାଚେସି, ଏଚିବେଲା ମାମ୍ବୁ ଇଞ୍ଜାଣାଇଁ ଆସୁମି, ଅଡ଼େ ମା ମେରାତି ଲେହେଁ ଇଞ୍ଜାଣାଇଁ ନାହାଁୟି କିୟାଲି ଅଣପାମାଚମି । <sup>୭</sup> ସାମା ର ମାଣା କସକା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୟୁ ତଲେ ମାଞ୍ଜା ଅୟାଚେସି, <sup>୮</sup> ଅଡ଼େ ଇଞ୍ଜାଣାଇଁ ଦହ ଦସିମାନାରାଇଁ ନୀ ତାଣା ଖାହାଲି ହୁକୁମି ହୀଚେସି, ଇ ବାରେ କାତାତାକି ନାନୁ ଇଞ୍ଜାଣାଇଁ ଖେଚିହଁ ମାମ୍ବୁ ଏଞ୍ଜାଣି କପାଟି ଦାଞ୍ଜା କିହାମାନାଣି ପୁଞ୍ଜାଲି ଆଡ଼ିଦି ।” <sup>୯</sup> କୃତା ଆହାମାଟି ଜୀହ୍ୱଦିୟାଁ ଜିକେଏ ଦାଞ୍ଜା କିହାମାନାରି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜାଁ ଇଚେରି ।

ତାନି ଖାକିଟି ପାଞ୍ଚୁଲ ପେଲିକସ୍ ନକିତା ଖେହନାୟି

<sup>୧୦</sup> ଏଚେଟିଏ ସାଲୁଞ୍ଜି କିନାସି ଖାଞ୍ଜୁ ହୁଟାନା ପାଞ୍ଚୁଲଇଁ ଜଲ୍ଲାଲି ହେଲ ହୀଚେସି, ଇଞ୍ଜା ପାଞ୍ଚୁଲ ଏଲେଇଚେସି, “ନାନୁ ହାରେକା ବାର୍ଯା ଆଡ଼େ ଇ କୃତାତାରାଇଁ ନୀହାଁୟି କିନାଟି ଆହାମାଞ୍ଜି ଇଞ୍ଜା ପୁଞ୍ଜାନା, ନାନୁ ସାସାତଲେ ନା ଖାକିଟି ଖେସିମାଞ୍ଜାଇଁ । <sup>୧୧</sup> ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି ଜିରୁସାଲମତା ହାଜାମାଚେସି, ଇଦାଆଁ ନାନୁ ଖେଞ୍ଜାନା ପୁଞ୍ଜାଲି ଆଡ଼ିଦି । <sup>୧୨</sup> ଅଡ଼େ ଇଞ୍ଜାରି ମାହାପୁରୁ ଇଲୁତାକି

ଜୀହ୍ୱଦି ଲକ୍ଷ୍ମ କୁଟମି ଇଲୁତା\* କି ଗାଡ଼ାତି ଆମିନି ଚାୟୁତା ଆମ୍ବାଆରି ତଲେ ବାଡ଼ିବାଦା କିତାଣି କି ଗଡ଼ହା ହପୁହାଣି ଇଞ୍ଜା ଜୀହ୍ୱଦିୟାଁଣି ମାଡ଼ଞ୍ଜି କିହିମାଚାଣି ଇଞ୍ଜାରି ମେସାମାଞ୍ଜାଅରି, <sup>୧୩</sup> ଇଞ୍ଜା ନୀଏଁ ନା କପାଟି ତାଚାମାନି ଦହ ତାକି, ଏଞ୍ଜାରି ନୀ ନକିତା ଏନି ପାରମାଣା ତସାଲି ଆଡ଼ଅରି । <sup>୧୪</sup> ସାମା ନାନୁ ନିଜେ ଇଦାଆଁ ଖେସିମାଞ୍ଜାଇଁ; ଇଞ୍ଜାରି ଏମିନି ଜିରୁତି ମିତି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାତି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଖେହନାରି ପତିତା ଏନାୟି ରାସକି ଆହାମାନେ ଏ ବାରେ ନାମିମାଇଁ; <sup>୧୫</sup> ଇଞ୍ଜାରି ଲେହେଁ ମାହାପୁରୁ ତାଣା ନା ଏ ରଣିଏ ଆସା ମାନେ ଦାମ୍ବୁଗାଟାରି ଅଡ଼େ ଦାମ୍ବୁ ହିଲାଆ ଗାଟାରି ବାରେ ଲକ୍ଷ୍ମ ହାଡ଼ାରି ତାଣାଟି ଖେଶ୍ରେ ନିଜିନେରି ଇଞ୍ଜାଁ ନୀ ନକିତା ଖେସିମାଞ୍ଜାଇଁ । <sup>୧୬</sup> ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକ୍ଷ୍ମ ନକିତା ବାରେଦିନା ନେହଁ ଅଣପୁ ତଲେ ଡ଼ୟାଲି ଅଣପିମାଇଁ ।”

<sup>୧୭</sup> “ହାରେକା ବାର୍ଯା ଜେଟ ନାନୁ ମା ଲକ୍ଷ୍ମତାଣା ଦାନା ତାଚାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଖାହାମାଚେସି । <sup>୧୮</sup> ଏଚିବେଲାତା ନାନୁ ମାହାପୁରୁ ଇଲୁତା ଅଡ଼ହା କତିନି ମେରା ରାପୁହିମାଟି ବେଲାତା ଇଞ୍ଜାରି ନାଜେ ମାହାପୁରୁ ଇଲୁତା ମେସାଚେରି; ଏଚିବେଲା ନା ତଲେ ମାନ୍ଦା ଲକ୍ଷ୍ମ ହିଲାଆଚେରି କି ଏମ୍ବାଆଁ ଏନି ଗଡ଼ହା ହିଲାଆଚେ, <sup>୧୯</sup> ସାମା ଆସିୟାତି ଏଚରଜାଣା ଜୀହ୍ୱଦିୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଚିହଁ ଏଞ୍ଜାରି ନୀ ନକିତା ଖାହାନା ଦାଞ୍ଜା କିତିହଁ ନେହେଁ ଆଚେମା । <sup>୨୦</sup> ନାନୁ କାଜା ବେରଣିମାଣ୍ଡା ନକିତା ନିଚାମାଟି ବେଲାତା ଏନି ଦହ ମେସାମାଚିହଁ ଇମ୍ବାଆଁ ମାନି ଇ ଲକ୍ଷ୍ମ ନାଜେ ଖେସ୍ତାପେରି, <sup>୨୧</sup> ନାନୁ ରଣିଏ କାତା ଖେସାମାଚେସି ଏଞ୍ଜାରି ନକିତା ନିଚାମାଟି ବେଲାତା ନାନୁ ଆଡ଼ଞ୍ଜାତଲେ ଏଲେଇଞ୍ଜା ମାଚେସି, ‘ହାଡ଼ାରି ଖେଶ୍ରେ ନିଜିନେରି ଇଞ୍ଜାଁ ନାନୁ ନାମାମାନାକି ନୀଞ୍ଜୁ ମା ତାଣାଟି ନୀହାଁୟି କିଞ୍ଜି ଆହିମାଇଁ ।”

<sup>୨୨</sup> ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସକା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମା ନୀହାଁୟି ଡିକହାଇଁ,” ଇଞ୍ଜାଁ ଖେସା ପାଣ୍ଡିଚେସି । <sup>୨୩</sup> ଏଞ୍ଜାସି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, ତାନି ଲକ୍ଷ୍ମ ଅଡ଼େ ତଣେସିଜା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜାଁ ଗେଲପାନା ଏଞ୍ଜାଣାଇଁ ହିଡ଼ଡ଼ି ତଲେ ଲେମ୍ବାଲି ଏଲେଇଚେସି ।

\* ୨୪:୧୨ ୨୪:୧୨ ସିନଗର୍ ☆ ୨୪:୨୧ ୨୪:୨୧ କାମା ୨୩:୬

**ପେଲିକସ୍ ଅଡ଼େ ଦୁସିଲା ନକିତା ପାଞ୍ଚୁଲ**

୨୪ ଏଚରଦିନା ତାମ୍ଭୁ ପେଲିକସ୍ ଦୁସିଲା ଦରୁଗାଟି ଜାହୁଦି ତାନି ଡକ୍ତି ତଲେ ଖାଡ଼େସି, ଏଞ୍ଜାସି ପାଞ୍ଚୁଲଇଁ ହାଟି କିହାନା କ୍ରାସ୍ ଜୀସୁ ତାଣା ନାମିନି କାତା ଏଞ୍ଜାଣି ତାଣାଟି ଖେରେସି । ୨୫ ସାମା ପାଞ୍ଚୁଲ ଦାମ୍ବୁତି କାତା, ତୀରପୁ ହିୟାଁ ଅଡ଼େ ଖାହୁମାନି ନାହାଁୟି ଦିନାତି କାତା ଖେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀର୍ବ ନୀନୁ ହାଲାମ୍ଭୁ ବେଲା ସିନିକିହାନା ଅଡ଼େ ର ଦିନା ହାଟି କିୟାଇଁ ।” ୨୬ ପାଞ୍ଚୁଲ ନାଙ୍ଗେ ଟାକାୟାଁ ହିୟାନେସି ଇଞ୍ଜିଁ ଏଞ୍ଜାସି ଆସା କିହାମାଚେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଇଁ ହାଟି କିହାନା ଏଞ୍ଜାଣିତଲେ କାତା ଆଡ଼ିଚେସି ।

୨୭ ଏଲେକିହିଁ ରୀ ବାସୀ ଆଡ଼ି ତାମ୍ଭୁ ପକ୍ତିୟ ପେସ୍ସ, ପେଲିକସ୍ ଟାମ୍ଭୁତା ସାଲୁଞ୍ଜି କିନାସି ଆଡ଼େସି, ଅଡ଼େ ପେଲିକସ୍ ଜାହୁଦିୟାଁ ନେହାଁସି ଇଞ୍ଜିଁ ଇଞ୍ଜାପେରିଞ୍ଜା ଇଞ୍ଜିଁ ଅଶ୍ପାଦନା ପାଞ୍ଚୁଲଇଁ କାୟିଦିତା ଇଟାନା ହାଚେସି ।

**୨୫**

**ସାଲୁଞ୍ଜି କିନାଣି ତାଣା ପାଞ୍ଚୁଲ ଗହାରା କିନାୟି**

୧ ଏମ୍ବାଟିଏ ପେସ୍ସ ଇ ରାଜିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି, ୨ ଅଡ଼େ ଏମ୍ବାଆଁ କାଜା ପୂଜେରାଜା ଇଞ୍ଜାଁ ଜାହୁଦି ଲକ୍ଷୁତି କାଜାରି ପାଞ୍ଚୁଲ କପାଟି ପେସ୍ସ ତାଣା ଖେଣ୍ଡେ ଦାଞ୍ଜା କିଚେରି, ୩ ଅଡ଼େ ଏଞ୍ଜାସି ଏନିକ୍ ପାଞ୍ଚୁଲଇଁ ଜିରୁସାଲମତା ହାଟା ପାଣ୍ଡାନେସି, ଏଦାଆଁତାକି ଗହାରା କିହାନା ଏଞ୍ଜାଣି କପାଟି କାର୍ମାଆନି ଲେହେଁ ପେସ୍ସଇଁ ବାତିମାଲିଚେରି; ଇଞ୍ଜାଁ ଏଞ୍ଜାରି ଜିରୁତା ଡ଼ଗୁହାଁ ପାୟାଲି ଅଶ୍ପାପିମାଚେରି । ୪ ପେସ୍ସ ଏଲେଇଚେସି, “ପାଞ୍ଚୁଲ କାୟିସରିୟାତା କାୟିଦିତା ମାନେସି, ଇଞ୍ଜାଁ ନାନୁ ଜିକେଏ ତବେ ଏମ୍ବାଆଁ ଖେଣ୍ଡା ହାଜିମାଇଁ, ୫ ଏଞ୍ଜାସି ଏନି ଦହ କିହାମାନେସି, ଆତିହିଁ ମୀ କାଜାରି ନା ତଲେ କାୟିସରତା ହାଲାପେରି ଅଡ଼େ ଏଞ୍ଜାଣି କପାଟି ତାନି ଦାଞ୍ଜା କିପାରି ।”

୬ ପେସ୍ସ ଏମ୍ବାଆଁ ଆଟା କି ଦସ ଦିନା ଏଞ୍ଜାରିତଲେ ଡ଼ୟାହାଁ କାୟିସରିୟାତା ଖେଣ୍ଡେ ହାଚେସି, ଏ ଅର ନେରୁ ନାହାଁୟି କିନି ଟାମ୍ଭୁତା କୁଗାନା ପାଞ୍ଚୁଲଇଁ ତାଚାଲି ହୁକୁମି ହାଚେସି । ୭ ପାଞ୍ଚୁଲ ଖାହାଲିଏ ଜିରୁସାଲମଟି ଖାହାମାନି ଜାହୁଦିୟାଁ ତାନି ସାରିସୁଟୁ ନିଗାନା ଏଞ୍ଜାଣି କପାଟି ହାରେକା ଦହ ଦସାଲି ମାଟ୍‌ହେରି, ସାମା ଏଞ୍ଜାରି ଏ ବାରେତି ପାରମାଣା କିହାଲି ଆଡ଼ାଆଚେରି । ୮ ଏଚେଟିଏ ପାଞ୍ଚୁଲ ତାନି ଖାକିଟି ଖେସାକତାନା ଏଲେଇଚେସି, “ଜାହୁଦିୟାଁ ମେରା କପାଟି

ଆଆଡ଼ିଁ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ କିହାହିଲଅଁ ।”

୯ ସାମା ପେସ୍ସ, ଜାହୁଦି ଲକୁ ନକିତା ନେହାଁସି ଆୟାଲି ପାଞ୍ଚୁଲଇଁ ଖେଚେସି, “ନୀନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେତାକି ନାହାଁୟି ଆୟାଲି ମନ କିହିମାଞ୍ଜି କି ?”

୧୦ ସାମା ପାଞ୍ଚୁଲ ଏଲେଇଚେସି, “ନାନୁ କାୟିସର ନକିତା ନାହାଁୟି କିନି ଟାମ୍ଭୁତା ନିଚାମାଇଁ, ଏମ୍ବାଆଁ ନା ନାହାଁୟି ଆନାୟି ମାନେ, ନାନୁ ଜାହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନୀନୁ ଜିକେଏ ନେହିଁ କିଁ ପୁଞ୍ଜାମାଞ୍ଜି । ୧୧ ମେରା ମାନି କିଆନା ଲାଗେଏତି କାମା କିହାମାଟିହିଁ, ନାନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହିମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆତିହିଁ, ଆମ୍ବାଆସି ଏଞ୍ଜାରି କେୟୁତା ନାଙ୍ଗେ ହେରପାଲି ଆଡ଼ଅସି, ନାନୁ କାୟିସର ନକିତା ନାହାଁୟି କିଞ୍ଜିଆୟାଲି ଗହାରା କିହିମାଇଁ ।”

୧୨ ଏମ୍ବାଟିଏ ପେସ୍ସ ତାନି ନାହାଁୟିତି କାଜାରି ତଲେ ଜଲକି ଆହାନା ଏଲେଇଚେସି, “ନୀନୁ କାୟିସର ନକିତା ନାହାଁୟି କିଞ୍ଜିଆୟାଲି ରାସିମାଞ୍ଜି, ଆତିହିଁ ନୀନୁ କାୟିସର ତାଡ଼େଏ ହାଜି ।”

**ଆଗ୍ରିପା ଅଡ଼େ ବନିକି ନକିତା ପାଞ୍ଚୁଲ**

୧୩ ଏଚରଦିନା ତାମ୍ଭୁ ରାଜା ଆଗ୍ରିପା ଅଡ଼େ ବନିକି କାୟିସରିୟାତା ଖାହାନା ପେସ୍ସଇଁ ଆଣ୍ଡାଲି ହାଚେରି । ୧୪ ଏଞ୍ଜାରି ଏମ୍ବାଆଁ ଏଚରଦିନା ଡ଼ୟିତି ତାମ୍ଭୁ, ପେସ୍ସ ରାଜା ନକିତା ପାଞ୍ଚୁଲ କାତା ଖେସ୍ତେସି, “ପେଲିକସ୍ କାୟିଦିତା ଇଟାମାନାସି ରଅସି ଇମ୍ବାଆଁ ମାନେସି; ୧୫ ନାନୁ ଏତିବେଲା ଜିରୁସାଲମତା ହାଜାମାଚେଏଁ ଏତିବେଲାତା ଜାହୁଦି ଲକ୍ଷୁତି କାଜା ପୂଜେରାଜା ଅଡ଼େ ପ୍ରାଟିନାଜା ଏଞ୍ଜାଣି କପାଟି ଖେସାନା ଏଞ୍ଜାଣାଇଁ ଡ଼ଣ୍ଡ ହାହାଲି ନାଙ୍ଗେ ବାତିମାଲି ମାଞ୍ଜାଚେରି । ୧୬ ସାମା ନାନୁ ଏଞ୍ଜାରାଇଁ ଏଲେଇଚେଏଁ, ଦହଗାଟାସି ତାନି ଦହ ଦସାମାନାରା ନକିତା ନିଆ ପାତେକା ଇଞ୍ଜାଁ ତାଙ୍ଗେ ତାନି ଖାକିଟି ଜଲାଇଁ ହୀଆ ପାତେକା ଏଞ୍ଜାଣାଇଁ ଡ଼ଣ୍ଡ ହାହାଲି ମା ରମ୍ ଲକ୍ଷୁତି ମେରା ହିଲେଏ । ୧୭ ଏଞ୍ଜାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଖେଡ଼ାକିଆନା ତାନି ଅର ନେରୁ ନାହାଁୟି କିନି ତାଣା କୁଗାନା, ଏଞ୍ଜାଣାଇଁ ତାଚାଲି ହୁକୁମି ହାଚେସି । ୧୮ ଏଞ୍ଜାଣାଇଁ ଦହ ଦସାମାନାରି ଖାହାନା ନିଚେରି, ସାମା ଏଞ୍ଜାରି ଏନିଲେହେଁତି ଦାଞ୍ଜା କିନେରି ଇଞ୍ଜିଁ ନାନୁ ଅଶ୍ପାପିମାଚେଏଁ, ଏଞ୍ଜାରି ଏନି ଦହ ଏଞ୍ଜାଣି କପାଟି ଖେସ୍ତାଆଚେରି । ୧୯ ଏଞ୍ଜାରି ଖାଉଇ ତାନି ଦାମ୍ବୁତି କାତା ଇଞ୍ଜାଁ ଜୀସୁ ଦରୁଗାଟି ଏମିନି ହାଡ଼ାଣାଇଁ ପାଞ୍ଚୁଲ ନୀତାମାନେସି ଇଞ୍ଜିଁ ଖେସିମାନେସି, ତାନି କାତାତାକି ଆସ୍ପି ଆଡ଼େରି

। ୨୦ ଈ ବାରେ କାତା ନେହୁଁକଁ ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତାରି କିହାଲି ଆଡ଼ାଆନା ଈ ଦାଝା ତାକି ନାହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଖେଚେଏ । ୨୧ ସାମା ପାଞ୍ଜୁଲ ସାଲୁଝି କିନି କାୟିସର ନକିତା ନାହାଁୟି କିଞ୍ଚିଆୟାଲି ନାନୁ ହାଲୁ ଈଞ୍ଜି ଖେସିମାତାକି, ନାନୁ ଏଝାଣାଲୁ କାୟିସର ତାଣା ପାଣ୍ଡିନି ପାତେକା କାୟିଦିତା ଈଟାଲି ହୁକୁମି ହୀତେଏ ।”

୨୨ ଆଗ୍ରିପା ପେସ୍ତସ୍ ଶଲେଇଚେସି, “ନାନୁ ଜିକେଏ ଈଝାଣି କାତା ଖେଞ୍ଜାଲି ମନ କିହିମାଲୁ । ହାଅ ଓଏ ନାନୁ ଏଝାଣି କାତା ଖେଞ୍ଜି” ଈଞ୍ଜି ପେସ୍ତସ୍ ଶଲେଇଚେସି ।

୨୩ ତାନି ଅର ଦିନା ଆଗ୍ରିପା ଈଞ୍ଜା ବନି କି କାଜାପାଣା ଅଡ଼େ ଗାଞ୍ଜୁରମିଗାଟି କସକା ଈଞ୍ଜା ଗାଡ଼ାତି କାଜାରି ତଲେ ହାଜାନା ନାହାଁୟି କିନି ଟାୟୁତା ଝାଡ଼େସି, ଏମ୍ବାଟିଏ ପେସ୍ତସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆଡ଼େସି । ୨୪ ଏମ୍ବାଟିଏ ପେସ୍ତସ୍ ଶଲେଇଚେସି, “ଏ ରାଜା ଆଗ୍ରିପା ଅଡ଼େ ଈମ୍ବାଆଁ ମାନି ମାନିଗାଟି କାଜାତେରି, ମୀରୁ ବାରେ ଈଝାଣାଲୁ ମେସିମାଞ୍ଜେରି; ଈଝାଣି କପାଟି ଜିରୁସାଲମ ଈଞ୍ଜା ଈମ୍ବାଆଁ ମାନି ଜୀହୁଦି ଲକୁ ନା ତାଣା ଦାଝା କିହାମାନେରି, ଈଝାସି ନୀତାମାନାୟି ଲଡ଼ା ହିଲେଏ ଈଞ୍ଜି ବାରେଜାଣା କାଲୁଝି ଆଡ଼େରି । ୨୫ ସାମା ଈଝାସି ହାନିଲେହେତି ଏନି ଦହ କିହାମାନାଣି ନାନୁ ମେସାହିଲଅଁ ଈଞ୍ଜା ଏଝାସି ତାନୁଏ କାୟିସର ତାଣା ନାହାଁୟି କିଞ୍ଚିଆୟାଲି ବାଡ଼ିମାଲୁତାକି ନାନୁ ଏଝାଣାଲୁ ଏମ୍ବାଆଁ ପାଣ୍ଡାଲି ତାକି ତାରି କିତେଏ । ୨୬ ସାମା ରାଜା କାୟିସର ତାଣା ଏଝାଣି ତାକି ରାଟାଲି ନାଞ୍ଜେ ଏନି କାତା ହିଲେଏ, ଏଦାଆଁତାକି ନାନୁ ଏଝାଣାଲୁ, ବାରେକିହାଁ ରାଜା ଆଗ୍ରିପା ନୀ ତାଣା ଏଝାଣାଲୁ ତାଟାମାଲୁ, ଏନିକଁ ଏଝାଣି କାତା ଖେଞ୍ଜାନା, ପୁଟିତାୟୁ ନାନୁ ଏଝାଣାକି ଈଟାଣି ରାଟାଲି ଆଡ଼ିଲୁ । ୨୭ ଈଚିହଁ ର କାୟିଦି ଗାଟାଣାଲୁ ପାଣ୍ଡିନି ବେଲାତା ତାନି କପାଟି କିହାମାନି ଦାଝା ନେହୁଁକଁ ତହୁଆନା ପାଣ୍ଡାଲି ନେହେ ଆଏ ଈଞ୍ଜି ନାନୁ ଅଶ୍ପିମାଲୁ ।”

### ୨୨

ରାଜା ଆଗ୍ରିପା ନକିତା ପାଞ୍ଜୁଲ ତାଞ୍ଜେତାକି ଖେହନାୟି

୧ ଆଗ୍ରିପା ପାଞ୍ଜୁଲଲୁ ଶଲେଇଚେସି, “ନିଞ୍ଜେ ନୀ ଝାକିଟି କାତା ଜଲୁଲି ହେଲ ହୀପକିଆଡ଼େ” ଏମ୍ବାଟିଏ ପାଞ୍ଜୁଲ କେୟୁ ଦାସାନା ତାନି ଝାକିଟି ଶଲେଇଚେସି ।

୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନି ଦହ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ ହେଲ ବେଟାଆହାମାନାକି ନାନୁ ନାଞ୍ଜେ କପଲ ଗାଟାତେଏଁ ଈଞ୍ଜି ଅଶ୍ପା କଡ଼ିମାଲୁ, ୩ ଏନାଆଁତାକି ଈଚିହଁ, ନାନୁ ଜୀହୁଦିୟାଁ ପାଣାପାଟୁ ଅଡ଼େ କାତା ନେହୁଁକଁ ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଖେଞ୍ଜାଲି ନିଞ୍ଜେ ବାଡ଼ିମାଲୁମାଞ୍ଜାଲୁ ।”

୪ “ନା ଦାଂଗ୍‌ଶା ଖେଡ଼ାଟିଏ ନୀଏଁ ପାତେକା ନାନୁ ତଲି ମା କୁଡ଼ାତାରି ତଲେ ଅଡ଼େ ଜିରୁସାଲମତା ଏନିଆହୁଁ ନୀତା ମାଚେଏଁ ଏଦାଆଁ ଜୀହୁଦିୟାଁ ବାରେ ନେହୁଁକଁ ପୁଞ୍ଜାମାନେରି; ୫ ନାନୁ ମା ମାହାପୁରୁତି ମେରା ହାରେକା ନେହୁଁକଁ ମାନୁଝି ଆହିମାନି ପାରୁସିୟାଁ ଗତିତା ମାଚେଏଁ, ଏଝାରି ନାଞ୍ଜେ ତଲିଟିଏ ପୁଞ୍ଜାମାଞ୍ଜାନେରି, ଏଝାରି ମନ କିଚିହଁ ସାକି ହୀହାଲି ଆଡ଼ିନେରି । ୬ ମାହାପୁରୁ ମା ଆକୁ ଆବାୟାଁଣି ଏମିନି କାତା ଆଞ୍ଜାମାଚେସି, ଏ କାତା ହୀହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଈମ୍ବାଆଁ ନାହାଁୟି କିଞ୍ଚିଆୟାଲି ନିଟାମାଲୁ ୭ ମା ଲକୁତି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣ୍ଡିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁଁ ତାକି ଜୀହୁଦିୟାଁ ନାଞ୍ଜେ ଦହ କିହିମାଞ୍ଜାନେରି । ୮ ମାହାପୁରୁ ହାଡ଼ାରାଲୁ ନିକନେସି, ଈଦାଆଁ ନାମାଲି ଆଡ଼ାଆ ଗାଟାୟି ଈଞ୍ଜି ମୀରୁ ଏନାଆଁତାକି ଅଶ୍ପିମାଞ୍ଜେରି ?”

୯ “ନାଜରିତ ଜୀସୁ ଦରୁ କପାଟି ନାଞ୍ଜେ ହାରେକା କାମା କିନାୟିମାନେ ଈଞ୍ଜି ନାନୁ ଅଶ୍ପିମାଚେଏଁ । ୧୦ ଜିରୁସାଲମତା ନାନୁ ଶଲେଜିକେଏ କିତେଏଁ । କାଜା ପୂଜେରାଞ୍ଜା ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାରେକା ଜାଣାଲୁ କାୟିଦିତା ସୁଣ୍ଡିକିହାମାଚେଏଁ ଈଞ୍ଜା ଏଝାରାଲୁ ପାୟିନାଟି ନାନୁ ଜିକେଏ ଆଣ୍ଡିମାଚେଏଁ । ୧୧ ହାରେକା ଦେବା ଜୀହୁଦି ଲକୁତି କୁଟମି ଈଲକାଣା\* ନାନୁ ଏଝାରାଲୁ ଲାଜାକିହଁ ତଣ୍ଡୁ ହୀହିମାଚେଏଁ ଈଞ୍ଜା ଏଝାରି ନାମୁତି ଏଟକା କିହାଲି ଅଶ୍ପାମାଚେଏଁ, ନାନୁ ଏଝାରି କପାଟି ହାରେକା କାର୍‌ବି ଆହାମାଚେଏଁ, ଏଝାରାଲୁ ସାସ୍ତି ହୀହାଲି ଏଟକା ଦେସାତା ଜିକେଏ ହାଜାମାଚେଏଁ ।”

ପାଞ୍ଜୁଲ ତାନି ମନ ଖେଟ୍‌ହି କାତା ଖେହନାୟି (କାମା ୯:୧-୧୯; ୨୨:୬-୧୬)

୧୨ ଈଦାଆଁତାକି କାଜା ପୂଜେରାଞ୍ଜା ତାଣାଟି ଅଦିକାରା ଆକୁ ଅଡ଼େ ହୁକୁମି ବେଟାଆହାନା ନାନୁ ଦମେସକ ହାଜାମାଚେଏଁ । ୧୩ ଏ ରାଜା ଆଗ୍ରିପା,

☆ ୨୬:୫ ୨୬:୫ କାମା ୨୩:୬; ପିଲିପି ୩:୫ ☆ ୨୬:୯ ୨୬:୯ କାମା ୮:୩; ୨୨:୪,୫ \* ୨୬:୧୧ ୨୬:୧୧ ସିନଗ୍‌ଗ

ର ଦିନା ମାଦେନା ବେଲା ଜିରୁତା ହାଗୁଲକଟି  
 ଝେଡାକିହାଁ ହାରେକା ଉଜେଡି ମେସ୍ତେସ୍, ଏ  
 ଉଜେଡି ନାଈ ଅଡେ ନା ତଲେ ହାଜିମାଚାରି  
 ସାରିଝାକି ତଞ୍ଜାଆଡେ । ୧୪ ମାମ୍ବୁ ବାରେଜାଣା  
 ବୁମିତା ତରଗାଲିଏ, ଏବି ହାଡାତଲେ ନାଈତାକି  
 ଈ ହାଡା ଝେଚେସ୍, “ଆଡେ ସାଝୁଲ ଆଡେ ସାଝୁଲ  
 ଏନାଆଁତାକି ନାଈ ସାସ୍ତି ହାହିମାଞ୍ଜାଦି ? ଏନିକ  
 ତକ୍ତି କଡି ହେରୁ ତନୁଣି ହୁତୁ ବାଡଗାତା ଦୟିନେ  
 ଏଲେକିହ୍ ନୀନୁ ତାୟୁଝାକି ଦୟାହାଁ ଜାହାରା  
 କଡାତା ଗାଣ୍ଡି ମାଞ୍ଜି ।” ୧୫ ଏମ୍ବାଟିଏ ନାନୁ  
 ଝେଚେସ୍, “ପ୍ରବୁ ନୀନୁ ଆମ୍ବାଆତି ?” ଏଚେଟିଏ  
 ପ୍ରବୁ ଏଲେଇଞ୍ଜାତେସି “ନୀନୁ ଆମ୍ବାଆରାଈ ସାସ୍ତି  
 ହାହିମାଞ୍ଜି ନାନୁ ଏ ଜାସୁତେସ୍ । ୧୬ ସାମା ନିଙ୍ଗାମ୍ବୁ  
 କଡାତା ବାଡ଼ୁୟୁ ହାହାନା ନିମ୍ବୁ ଇଚିହ୍ ନାନୁ  
 ନିଙ୍ଗେ ନା ସେବା କାମା କିହାଲିତାକି ତଞ୍ଜା  
 ଆହାମାଞ୍ଜାଇ, ନୀଞ୍ଜୁ ନାନୁ ଏନାଆଁ ମେସାମାଞ୍ଜି  
 ତାୟୁ ନାନୁ ନିଙ୍ଗେ ଏନାଆଁ ତସ୍ତାଇ ଏ କାତା  
 ଏଚକା ତାରାଇ ସାକି ହାଦି । ୧୭ ଜାହୁଦି ଅଡେ  
 ଜାହୁଦିଆଆତି ଲକୁତାଣା ନାନୁ ନିଙ୍ଗେ ପାଣ୍ଡାଇ,  
 ଏଝାରି ତାଣାଟି ନାନୁ ନିଙ୍ଗେ ଗେଲପାଇ । ୧୮ ନିଙ୍ଗେ  
 ଏଝାରି କାଣକା ଦେଚାଲି ଆନେ, ଅଡେ ଏଝାରାଇ  
 ଆନେରିଚି ଉଜେଡିତା ଅଡେ ସୟତାନ ପାନ୍ଦାଟି  
 ମାହାପୁରୁ ତାଣା ଝେଚହା ତାନାୟି ଆନେ, ଏନିକ  
 ନା ତାଣା ନାମିନି ତାଣାଟି ସୁଦୁ କିଝି ଆହାନା ଏଝାରି  
 ପାପୁ ମେଣ୍ଡାକିନେ ଅଡେ ମାହାପୁରୁ ଆଡିତି ଲକୁ  
 ବିତ୍ତା ଏଝାରି ଟାୟୁ ବେଚାଆନେରି ।”

**ପାଝୁଲ ତାନି କାମାତି ଝେହ୍ନାୟି**

୧୯ “ରାଜା ଆଗ୍ରିପା, ଏ ଲାକପୁରୁଟି ମେସ୍ତାଣି  
 ନାନୁ ଉରାଆତେସ୍, ୨୦ ତଲିଏ ଦମେସକତା  
 ଈଞ୍ଜା ଜିରୁସାଲମତି ଲକୁତାଣା ତାୟୁ ଜାହୁଦା  
 ରାଜିତି ବାରେ ନାସକାଣା, ଅଡେ ଜାହୁଦିଆଆତି  
 ଲକୁତାଣା ଜିକେଏ ଝେକହେସ୍, ଏନିକ ଏଝାରି  
 ମନ ଝେଚହା ମାହାପୁରୁ ତାଣା ଝାନେରି, ଈଞ୍ଜା  
 ଏଝାରି ମନ ଝେଚହା କଡାମାନେରି, ଏଦାଆଁ  
 କାମାତା ତହ୍ନେରି । ୨୧ ଏଦାଆଁତାକି ନାନୁ  
 ମାହାପୁରୁ ଈଲୁତା ମାଚାଟି ଜାହୁଦିୟା ନାଈ  
 ଆସାନା ପାୟାଲି ଅଣ୍ଡି ମାଞ୍ଜାତେରି । ୨୨ ସାମା  
 ନୀଞ୍ଜୁପାତେକା ମାହାପୁରୁ ନାଈ ସାୟେମି  
 କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା  
 କାଜାରି ବାରେତି ନକିତା ସାକି ହାହାଲି ନିଚାମାଇ  
 । ମାହାପୁରୁ ଅଣ୍ଡି ବଲୁ ଝେହ୍ନାରି ଅଡେ ମସା  
 ଏନାଆଁ ଆନେ ଈଞ୍ଜା ଝେସାମାନେସି ନାନୁ ଏ କାତା  
 ଝେସିମାଇ, ୨୩ ☆ଇଚିହ୍ ମସିହା ସାତେଏ ଦୁକୁ  
 ବେଚାଆହାନା ହାଡାରି ବିତ୍ତାଟି ତଲିଏ ନିଙ୍ଗାମା  
 ଜାହୁଦି ଲକୁ ଈଞ୍ଜା ଜାହୁଦିଆଆତି ଲକୁ ନକିତା  
 ଗେଲପିନି ଉଜେଡି ତହ୍ନେସି ।”

୨୪ ପାଝୁଲ ଇଲେକିହ୍ ତାନି ଝାକିଟି  
 ଜଲିମାଚାଟି ପେସ୍ତସ୍ କାଜା ଗିୟାତଲେ  
 ଏଲେଇଚେସି, “ପାଝୁଲ ନୀନୁ ବାୟା ଆଡି; ଗାଡି  
 ଜାପିତାକି ନୀନୁ ବାୟା ଆହାମାଞ୍ଜି ।”

୨୫ ସାମା ପାଝୁଲ ଏଲେଇଚେସି, “ଏ ମାନ୍ଦିଗାଟି  
 ପେସ୍ତସ୍ ନାନୁ ବାୟା ଆହାହିଲଅଁ; ସାମା ନାନୁ  
 ଏନାଆଁ ଜଲିମାଇ ଏଡି ସାତା, ତାରି ବୁଦିତଲେ  
 ଝେସିମାଇ । ୨୬ ରାଜା ଆଗ୍ରିପା ନୀନୁ ଈ ବାରେ  
 ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା  
 ଜଲିମାଇ, ନାନୁ ସାତେଏ ନାମିମାଇ, ଈ ବାରେ  
 ନୀନୁ ପୁନାଆରେତୁ ଆହା ହିଲେଏ; ଅଡେ ଈ ବାରେ  
 କାତା ତଗୁନା ମେଣେଏ ଆହାହିଲେଏ । ୨୭ ଏ ରାଜା  
 ଆଗ୍ରିପା, ନୀନୁ ମାହାପୁରୁ ଅଣ୍ଡି ବଲୁ ଝେହ୍ନାରି  
 କାତା ନାମିମାଞ୍ଜି କି ? ହାଅ ନୀନୁ ନାମିମାଞ୍ଜି ଈଞ୍ଜା  
 ନାନୁ ପୁଞ୍ଜାମାଇ ।”

୨୮ ଆଗ୍ରିପା ପାଝୁଲଇ ଏଲେଇଚେସି, “ନୀନୁ  
 ନାଈ ଗାଡେକେଏ କ୍ରୀସ୍ତାନା କିଇଁ ଈଞ୍ଜା  
 ଅଣ୍ଡିମାଞ୍ଜାଦି ?”

୨୯ ପାଝୁଲ ଏଲେଇଚେସି, “ଗାଡେକା ତାକି  
 ଆପେ କି ଗାଡିତାକି ଆପେ ମାହାପୁରୁ ତାଣା  
 ଈଚେକେଏ ନା ପ୍ରାତାନା, ନୀନୁ, ଅଡେ ଏଚିରଜାଣା  
 ନୀଞ୍ଜୁ ନା କାତା ଝେଞ୍ଜିମାନେରି, ବାରେଜାଣା  
 ନାଈଲେହେ ଆପେରି ସାମା ନାଈଲେହେ ହିକ୍ଣିୟା  
 ତଲେ ଦସ୍ପି ଆପେରି ଈଞ୍ଜା ନାନୁ ଝେସିମାଞ୍ଜିଅଁ  
 ।”

୩୦ ଏଚେଟିଏ ରାଜା, ସାଲଝି କିନାସି ଅଡେ  
 ବନିକି ଈଞ୍ଜା ଏଚକାତାରି ବାରେ ହାଜାଲି  
 ନିଙ୍ଗିଚେରି, ୩୧ ଏଝାରି ହାନିବେଲାତା ତାୟୁ ତାୟୁ  
 ଜଲୁକି ଆଡେରି, “ଈ ମାଣ୍ଡି ଈଲେତି ଏନି  
 କାମା କିହାହିଲଅସି ଏନାଆଁତାକି ଏଝାସି ଦସ୍ପି  
 ଆନେସି କି ପାୟୁଝି ଆନେସି ।” ୩୨ ଅଡେ ଆଗ୍ରିପା  
 ପେସ୍ତସ୍ ଏଲେଇଚେସି, “ଈ ମାଣ୍ଡି କାୟିସର  
 ତାଣା ନୀହାୟି କିଝିଆୟାଲି ବାଟିମାଲୁଆଡିହ୍ ମା  
 ମାମ୍ବୁ ଏଝାଣାଇ ପିସାଲି ଆଡିତମିମା ।”

**୨୭**

**ପାଝୁଲ ସାମ୍ବୁରିଚି ରମ୍ପା ହାନାୟି**

୧ ମାମ୍ବୁ ଈଚାଲି ଦେସାତା ଏୟୁ ଜାଜା ତଲେ  
 ହାଜାଲି ତାରି କିଝିଆଡି ତାୟୁ ପାଝୁଲ ଅଡେ  
 ଏଚରଜାଣା କାୟିଦିତା ମାଚାରାଇ, ରାଜାଟି କସକା  
 ଜୁଲିୟସ୍ ଦରୁଗାଟି ପାସାକଡି କସକା ମୁହେଁ  
 କାଜାଣି କେୟୁତା ହେରପିଚେରି । ୨ ଏମ୍ବାଟିଏ ମାମ୍ବୁ  
 ଆସିୟା ଦେସାତି ଏଚକା ଏଚକା ଟାୟୁତା ହାନି  
 ଏୟୁ ଜାଜା ନିନି ଟାୟୁଟି ଆଦାମୁଡିୟ ଜାଜାତା  
 ହଡମି; ଈଞ୍ଜା ମାକିଦନିୟା ଦେସାତି ତେସଲନିକି  
 ଗାଡାଡି ଆରିସ୍ତାର୍କ ମା ତଲେ ମାଚେସି । ୩ ତାନି ଅର  
 ନେତୁ ମାମ୍ବୁ ସିଦନତା ଏଗାତମି, ଅଡେ ଜୁଲିୟସ୍

☆ ୨୭:୨୩ ୨୭:୨୩ ୧କର ୧୫:୨୦

ପାଞ୍ଚୁଲଙ୍କ କାର୍ମା ଆହାନା ତାନି ତଣ୍ଡେସିଙ୍ଗା ତାଣା ହାଜାନା ଲତ୍ତାମାନାଣି ସେବା ବେଟାଆହାଲି ହେଲ ହାତେସି । ୪ ଏମ୍ବାଟି ଜାଜାତା ହଟାମାଟାଟି ମା ଖାକି ଗାଲି ଖେଟାଲିଏ ମାମ୍ବୁକୁପ୍ର ଦାରି ଦାରିଟି ହାଟମି, ୫ କିଲିକିୟା ଅଡେ ପଂପୁଲିୟା ନକିତା ମାନି ସାମ୍ବୁରି ଗାଣ୍ଟାନା ଲୁକିୟାତି ମୁରାତା ଖାତମି । ୬ ଏମ୍ବାଆଁ ପାସାକଡ଼ି କସକା ମୁହେଁ କାଜାସି, ଇଟାଲିତା ହାଜିମାନି ର ଆଲେକଜାଣ୍ଡିୟା ଏୟୁ ଜାଜା ବେଟାଆହାନା ମାଙ୍ଗେ କୁରି କିୟାତେସି ।

୭ ତାୟୁ ହାଟେକା ଦିନାତାକି ଦୀରେ ଦୀରେ ହାଜାନା କସ୍ତଲେ କ୍ଳିଦ ଗାଡ଼ା ତାଗେ ହାଟମି । ନକିତି ଗାଲି ମାଙ୍ଗେ ନକିତା ହାଜାଲି ହିୟାଆଲିଏ ସାଲମନିତି ଅରୁଖାକି କ୍ଳିତି ଦାରି ଦାରିଟି ହାଟମି । ୮ ଅଡେ କସ୍ତଲେ ଗାଟୁ ଗାଟୁଟି ହାଜାନା “ଅକ୍ଳିତି ବାନ୍ଦା” ଇନି ଟାୟୁତା ହାଟମି, ଏଦି ଲାସାୟା ଗାଡ଼ାତି ତାଗେ ମାଟେ ।

୯ ଇଲାଆହୁଁ ହାଟେକା ଦିନା ଆହାହାଟେ, ଇଞ୍ଜା ସାମ୍ବୁରିଟି ହାନାୟି କସ୍ତ ଆହାହାଟେ, ଇଟିହୁଁ ଏଟିବେଲା ଉପାସା ପାରୁଁ ରାହାମାଟେ, ଏଦାଆଁତାକି ପାଞ୍ଚୁଲ ଜାଗ୍ରାତା କିହାନା ଏଲେଇଟେସି । ୧୦ “ବାବୁୟାଁତେରି ଇ ସାମ୍ବୁରିଟି ହାନାଟି ଜାଜାତି ଆସ୍ତି ଅଡେ ଏୟୁ ଜାଜା ନସ୍ତ ଆନେ ଏଦି ଆଏ, ସାମା ଜାଜାତା ହାଜିମାନାରି ଜୀଞ୍ଜୁ ଜିକେଏ ନସ୍ତ ଆନେ ନାନୁ ପୁଞ୍ଜିମାଙ୍ଗୁ ।” ୧୧ ସାମା ପାସାକଡ଼ି କସକା ମୁହେଁ କାଜାସି, ପାଞ୍ଚୁଲତି କାତା କିହାଁ ଜାଜାତି ସାଲୁଞ୍ଜି କିନାଶାଙ୍ଗୁ ଇଞ୍ଜା ସାଞ୍ଜୁକାରି କାତାତି ହାଟେକା ନାମିତେସି । ୧୨ ଇ ବାନ୍ଦାତା ପେନିଞ୍ଜେଡ଼ା ତୁୟାଲି ନେହେଁ ହିଲାଆତେ, ଇଦାଆଁତାକି ଜାଜାତା ହାଜିମାଟାରି ହାଟେକା ସାମ୍ବୁରିଟି ହାଜାନା ପିନିକସ୍ତା ପେନିବେଲା ରାପୁହାଲି ଅଣ୍ଡପିମାଟେରି, ଏପିନିକସ୍ତ କ୍ଳିତିତି ର ଜାଜାୟାଁ ନିନି କାଜା ଟାୟୁ ମାଟେ, ଏଦି ଞ୍ଜେଡ଼ା କୁଡ଼ନି ଟିଞ୍ଜିନିଖାକି ଅଡେ, ଞ୍ଜେଡ଼ା କୁଡ଼ନି ଟେବୁଞ୍ଜାକି ମୁମ୍ବୁ କୁହାମାଟେ ।

**ସାମ୍ବୁରିତା ଗାଲି ପିୟୁ**

୧୩ ଏଟିବେଲା ଟିଞ୍ଜିନି ଖାକିତି ଗାଲି ଦୀରେ ଦୀରେ ଖାଟେ, ହାଜିମାଟାରି ନୀଏଟି ମା ଅଣ୍ଡପିମାଟି ଲେହେଁ ଆଟେ ଇଞ୍ଜାଁ ଅଣ୍ଡପିତେରି, ଜାଜା ନିପହାମାଟି କାଜା ଲହତି ରେଜାନା କ୍ଳିତିତି ଗାଟୁ ଗାଟୁଟି ହାଜାଲି ମାଟୁହେରି, ୧୪ ସାମା ଗାଟେକା ହାଜାଲିଏ ଇୟୁରକ୍ଞିଲ୍ ଇନି ଆଜିହପେତି କାଜା ଗାଲି ଞ୍ଜେଡ଼ା ହନି ଟେବୁଞ୍ଜାକିଟି ହଟାନା ଜାଜା ମାଟିଖାକି ଖାଟେ । ୧୫ ଗାଲି ଜାଜାତି ଞ୍ଜେଟାଲିଏ, ଜାଜାତି ଗାଲିଖାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଞ୍ଜିଆୟାଲି ପିସ୍ତମି । ୧୬ ମାମ୍ବୁ କ୍ଳାଞ୍ଜୁଦାତି ସାମ୍ବୁରି ମାଦି ମାନି ଉଣା ବୁମିତି ଜମିନି ଟାୟୁ ବେଟାଆଡ଼ମି । ଏମ୍ବାଟି ହାଟେକା କସ୍ତଟି ଏୟୁ ଜାଜାତି ଉଣା ତଂଗ ତଲେ ଗେଲ୍ପି ଆଡ଼ମି । ୧୭ ଜାଜା ସାଲୁଞ୍ଜି କିନାରି ଏଦାଆଁ ଜାଜା ଲାକ ଅଡ଼ି ତାୟୁ ଡ଼କା ତଲେ ଜାଜା

ସାରିସୁଟୁ ଦସ୍ତେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଃଲି ଡିବାତା ଗୁପିନେ ଇଞ୍ଜାଁ ଆଜିତାକି ଜାଜା ସାଲୁଞ୍ଜି କିନାରି ଜାଜାତା ଗଞ୍ଜାମାଟି ହିମ୍ବୁରିକା ହୁକହାନା ଜାଜାତି ଗାଲି ତଲେ ସାମ୍ବୁରି ବିଡ଼ା ତୁୟାଲି ପିସ୍ତେରି । ୧୮ କାଜା ଗାଲି ପିୟୁ ତାକି ହାଟେକା କସ୍ତ ଆହାଲିଏ ତାନି ଅର ନେଟୁ ଜାଜାତି ସାଲୁଞ୍ଜି କିନାରି ଜାଜାତା ମାଟି ଆସ୍ତିତି ସାମ୍ବୁରିତା ମେଡ଼ହାଲି ମାଟୁହେରି, ୧୯ ଅଡେ ତାନିଦିନା ନେଟୁ ଏଞ୍ଜାରି ତାନି ଜାଜାତି କଟେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି । ୨୦ ହାଟେକା ଦିନା ପାତେକା ଞ୍ଜେଡ଼ା କି ହୁକାୟାଁ ମେସାଲି ଆଡ଼ାଆତମି, ଅଡେ ହାଟେକା ଗାଲି ପିୟୁ ପିହୁଆଲିଏ ମାମ୍ବୁ କୁମ୍ବାଟି ଗେଲ୍ପିଆନି ଆସା ପିସାତୁସ୍ତମି ।

୨୧ ବାରେଜାଣା ହାଟେକା ଦିନା ପାତେକା ରାନ୍ଦା ତିନାଆନା ତୁୟିତି ତାୟୁ, ପାଞ୍ଚୁଲ ଏଞ୍ଜାରି ବିଡ଼ା ନିଟାନା ଏଲେଇଟେସି, “ବାବୁୟାଁ ନା କାତା ଆସାନା କ୍ଳିତିଟି ସାମ୍ବୁରି ଜାଜା ହୁକହା ହିଲାଆତିହୁଁ ମାଦି ଏନାୟିଞ୍ଜା ନସ୍ତ ଆଆତେମା । ୨୨ ସାମା ନୀଏଁ ନାନୁ ମିଙ୍ଗେ ଞ୍ଜେସିମାଞ୍ଜାଙ୍ଗୁ, ସାସା ଆହୁଦୁ, ଇଟିହୁଁ ମୀ ବିଡ଼ା ଆମ୍ବାଆରି ଜୀଞ୍ଜୁ ଜିକେଏ ନାସା ଆଏ; ଖାଟୁଇ ଜାଜାଦେ ନସ୍ତ ଆନେ । ୨୩ ଇଟିହୁଁ ନାନୁ ଏମିନି ମାହାପୁରୁତି ସେବା କିହିମାଙ୍ଗୁ, ନୀଞ୍ଜୁ ଲାଆଁୟାଁ ଏଞ୍ଜାଣି ର ଲାକପୁରୁତି ଦୁଟୁ ନା ତାଗେ ଖାହାନା ଏଲେଇଞ୍ଜାତେ, ୨୪ ଏ ପାଞ୍ଚୁଲ ‘ଆଜାଆନି; ନୀନୁ ସାଲୁଞ୍ଜି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଖାହିମାନି ବାରେଡ଼ି ଜୀଞ୍ଜୁ ଏଞ୍ଜାସି ଗେଲ୍ପିନେସି ।’ ୨୫ ଏଦାଆଁତାକି ଏ ବାବୁୟାଁତେରି ସାସା ଆହୁଦୁ ଇଟିହୁଁ ନାନୁ ମାହାପୁରୁ ତାଣା ନା ନାମୁ ମାନେ, ନାଙ୍ଗେ ଏନିକଁ ଞ୍ଜେସ୍ପି ଆହାମାନେ, ଏଲେଆହୁଁଏ ଆନେ । ୨୬ ସାମା ମାଙ୍ଗେ ର ସାମ୍ବୁରି ମାଦିଏ ମାନି ଦେସାତା ଏଗାହାନାୟି ମାନେ ।”

୨୭ ଇଲେକିହୁଁ ମାମ୍ବୁ ଆଦିଆ ସାମ୍ବୁରି ଇତାଲା ଆତାଲା ଆହୁଁ ରୀ ଖାଟା ଆୟାଲିଏ, ମାଦି ଲାଆଁୟାଁ ଜାଜା ସାଲୁଞ୍ଜି କିନାରି ର ବୁମି ଦାରିତା ଏଜିମାନାୟି ଇଞ୍ଜାଁ ଅଣ୍ଡପିମାଟେରି । ୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଟାଲିଏ ପନ୍ଦର ହାଡ଼ା ଏୟୁ କୁଡ଼ହା ମାଟୁ, ଇଞ୍ଜା ଅଡେ ନକିତା ହାଜାନା ଞ୍ଜେଣ୍ଡେ ଲାଟାଲିଏ ଏଗାର ହାଡ଼ା ଏୟୁ କୁଡ଼ହା ମାଟୁ । ୨୯ ମାଟୁ ହାଜାନା ଜାଜା ଖାଲକା ବୁମିତା ଗୁପିକିନାୟି ଇଞ୍ଜାଁ ଅଣ୍ଡପାନା ଆଜିତାକି ଏଞ୍ଜାରି ଜାଜାତି ତାୟୁଖାକି ସାରିଗଟା ବଜୁ ଗାଟି ଲହୁ ମୁଣ୍ଡାୟାଁ ରେପହାନା ଏଟେଲା ଞ୍ଜେୟିନେ ଇଞ୍ଜାଁ ପ୍ରାଡାନା କିହିମାଟେରି । ୩୦ ଇଞ୍ଜା ଜାଜାତି ସାଲୁଞ୍ଜି କିନାରି ଜାଜାତି ରେଟାନା ହଟାତୁସାଲି ଅଣ୍ଡପାନା ନାଡ଼ିକିହାଁ ଜାଜାତି ନକିଖାକି ଲହୁ ମୁଣ୍ଡାୟାଁ ରେପନି ଲେହେଁ

ଓଶା ଡଂଗତି ସାମ୍ବୁରିତା ରେପୁହେରି । ୩୧ ସାମା ପାଞ୍ଚୁଲ ପାସାକଡ଼ି କସକା ମୁହେଁ କାଜାଣାଇଁ ଇଞ୍ଜା କସକାଣି ଏଲେଇଚେସି, “ଜାଜା ସାଲୁ଼ି କିନାରି ଜାଜାତା ମାନାଆତିହୁଁ ମୀରୁ ଗେଲ୍‌ପିଆନ୍ତି ଆସା ହିଲେଏ ।” ୩୨ ଏମ୍ବାଟିଏ ଜାମାନାଜା ଓଶା ଡଂଗତି ଡ଼କା ଦାଚାନା ସାମ୍ବୁରିତା ପିସ୍ତେରି ।

୩୩ ଲାଲ୍ ଜୁଲୁପୁଲୁ ଝେୟି ମାଗଟି ପାଞ୍ଚୁଲ ଏଞ୍ଜାରାଇଁ ଏନ୍ତି ରାନ୍ଦା ମାଟିହୁଁ ତିଞ୍ଜାଲି ବାସୁଁ ହାହାନା ଏଲେଇଚେସି, “ନୀଞ୍ଜୁଟିଏ ରୀ ଝାରା ଆଚେ ମୀରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି । ୩୪ ବାତିମାଲିମାଞ୍ଜାଇଁ, ନୀଏଁ ଇଚାଣି ତିଞ୍ଜୁ, ମୀ ଜୀଞ୍ଜୁ ଗେଲ୍‌ପାଲିତାକି ତିନାୟିମାନେ, ଆଜାଆଦୁ, ମୀ ତାକାତି ର ବାଣା ଜିକେଏ ନାସା ଆଏ ।” ୩୫ ପାଞ୍ଚୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡ଼ିକହାନା ତିଞ୍ଜାଲି ମାଟୁହେସି । ୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିଚେରି । ୩୭ ମାମ୍ବୁ ଜାଜାତା ରୀ ଝାଞ୍ଜା ତାନିକଡ଼ି ସଡ଼ ଜାଣାତମି ମାଟମି । ୩୮ ଏଞ୍ଜାରି ପାଞ୍ଜେ ତିତି ତାୟୁ ଜାଜାତି ବନ୍ତୁ ଓଶା ଆପେଞ୍ଜା ଇଞ୍ଜୁଁ ଜାଜାତି ବାରେ ଗହୁଁୟାଁ ସାମ୍ବୁରିତା ମେଡ଼ହେରି ।

**ଜାଜା ତାନାୟି**

୩୯ ଅର ନେରୁ ଲାଲ୍ ଝେୟାଲିଏ ଏଞ୍ଜାରି ଏମିନି ଦେସାତି ଟାୟୁତା ଝାଡ଼େରି ପୁଞ୍ଜାଲି ଆଡ଼ାଆଚେରି, ସାମା ଏଞ୍ଜାରି ଗାଟୁ ଦାରି ର ବାଞ୍ଜାଲି ଟାୟୁ ମେସାନା ଏନିକ୍ ଜିକେଏ ଏମ୍ବାଆଁ ଜାଜାତି ନିପହାଲି ଅଣ୍ଡପିଚେରି । ୪୦ ଏଦାଆଁତାକି ଏଞ୍ଜାରି ଲହ ମୁଣ୍ଡାୟାଁତି ଡ଼କା ଦାଚାନା ସାମ୍ବୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏୟୁ ଜାଜାତି ହାଚଞ୍ଜା ବାଡ଼ଗାୟାଁତି ଡ଼କା ବାରେ ହୁକହାନା ଜାଜା ନକିତା ଗାଲିଞ୍ଜାକି ହିମ୍ବରିକା ଗଞ୍ଜାନା ଗାଟୁଞ୍ଜାକି ହାଜାଲି ଅଣ୍ଡପିଚେରି । ୪୧ ସାମା ଏଞ୍ଜାରି ରୀ ସାମ୍ବୁରିକା କାଲୁ଼ି ଆହିମାନି ଟାୟୁତା ଏଜାଲିଏ ଜାଜା ସାମ୍ବୁରି ଗାଟୁତି ର ବାଞ୍ଜାଲି ତିବାତା ଗୁପିଚେ, ଜାଜାତି ନକି ଝାକିତାୟି ଜାଣ୍ଡାନା ଡ଼ୟାହାଚେ, ସାମା ଡାୟୁତାୟି ସାମ୍ବୁରିତି ଏୟୁ ଉଣ୍ଡାୟାଁ ଗୁପାଲିଏ ତୀହାଲି ମାଟୁହେ ।

୪୨ କାୟିଦି ଗାଟାରି ସାମ୍ବୁରି ଗାଟୁଟି ପରହୁଁ ପରହୁଁ ହଣ୍ଡନେରି ଇଞ୍ଜୁଁ ଅଣ୍ଡପାନା କସକା ଏଞ୍ଜାରାଇଁ ପାୟାଲି ଅଣ୍ଡପିଚେରି । ୪୩ ସାମା ପାସାକଡ଼ି କସକା ମୁହେଁ କାଜାସି ପାଞ୍ଚୁଲଇଁ ଗେଲ୍‌ପାଲି ମନ କିହାନା, ଏଞ୍ଜାରି ଅଣ୍ଡପୁତି କାହି କିହାନା ଏଲେଇଞ୍ଜି ହୁକୁମି ହୀଚେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମ୍ବୁରିତା ଡେଞ୍ଜାନା ତଲିଏ ଗାଟୁତା ହାଲାପେରି; ୪୪ ଡ଼ୟାମାନାରି

ଜାଜାତି ମାଟୁକା ପାଟାୟାଁ ଇଞ୍ଜା ଏନ୍ତି ଏନ୍ତି ତୀତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହୁଁ ବାରେଜାଣା ନେହୁଁ ଆହୁଁ ଗାଟୁତା ଏଚେରି ।

**୨୮**

**ମେଲିତି ଦେସାତା ପାଞ୍ଚୁଲ**

୧ ମାମ୍ବୁ ଏମ୍ବାଟି ଗେଲ୍‌ପିଆତି ତାୟୁ ସାମ୍ବୁରି ମାଦି ମାନି ଟାୟୁ ମେଲିତି ଇଞ୍ଜିହୁଁ ପୁଟମି । ୨ ଏମ୍ବାଆଁ ବାସାଆହାମାନି ପାଞ୍ଜାତି ଲକୁ ମାଞ୍ଜେ ତଣ୍ଡେସିଞ୍ଜା ଲେହେଁ କାର୍ମା ଆୟାଚେରି, ଇତିହୁଁ ପିୟୁ ଇଞ୍ଜା ପେନି ଆହିମାଟାକି ଏଞ୍ଜାରି ମାଞ୍ଜେ ହିଟୁ ତାସାନା କେରଞ୍ଜାଲି ହିୟାଚେରି । ୩ ସାମା ପାଞ୍ଚୁଲ ର ପେଣ୍ଡା ଝେସକା ହିଟୁତା କୁମ୍ବାଲିଏ, ଉସମି ତାକି ର ରାଟୁ ହଚାନା ପାଞ୍ଚୁଲ କେୟୁତା କାଟାହାଁ ଆଟା ଡ଼ୟିଚେ । ୪ ଏମ୍ବାଆଁ ବାସା ଆହାମାଟି ପାଞ୍ଜାତି ଲକୁ ପାଞ୍ଚୁଲ କେୟୁତା ଏ ରାଟୁ ଲେଜା ମାନାଣି ମେସାନା ତାୟୁ ତାୟୁ ଝେସପି ଆଚେରି, “ଇ ମାଣ୍ଡସି ସାଚେଏ ଲକୁଣି ପାୟିନାସି, ସାମ୍ବୁରିତି ଗେଲ୍‌ହାଲିଏ ଜିକେଏ ଦାମ୍ବୁ ନୀତାଲି ହାହି ହିଲେଏ ।” ୫ ସାମା ପାଞ୍ଚୁଲ ଏ ରାଟୁତି ହିଟୁତା ହାଣ୍ଡାଁନା ମେଡ଼ହା ତୁସ୍ତେସି, ଇଞ୍ଜା ଏଞ୍ଜାଣାକି ଏନ୍ତି ନସ୍ତୁ ଆଆଚେ । ୬ ଏଞ୍ଜାଣି ଆଞ୍ଜା ପଞ୍ଜା ହାନେ ଆଆତୁଁ ଦେବୁଣିଏ ହାଡ଼ନସି ଇଞ୍ଜୁଁ କାଡ଼ିମାଚେରି; ସାମା ହାରେକା ବେଲା ଆଡ଼ି ତାୟୁ ଏଞ୍ଜାଣାକି ଏନ୍ତି ନସ୍ତୁ ଆଆତାଣି ମେସାନା ଏଞ୍ଜାରି ତାନି ହିୟାଁ ଝେଡ଼ହାନା ଏଲେଇଚେରି, “ଇଞ୍ଜାସି ର ମାହାପୁରୁ ।”

୭ ଏ ଟାୟୁ ତାଗେ ପୁଲ୍ଲିୟ ଦରୁଗାଟି ଏ ଟାୟୁତି କାଜାଣି ଇଲୁ ଅଡ଼େ ବୁମି ମାଚେ; ଏଞ୍ଜାସି ମାଞ୍ଜେ ହାଟା ଅହାନା ତାନିଦିନା ପାଚେକା କାର୍ମା ଆହାନା ରାହାଁଟି ସେବା କିୟାଚେସି । ୮ ଏତିବେଲାତା ପୁଲ୍ଲିୟ ତାନି ଆବା ନମେରି ଇଞ୍ଜା ନେଚେରି ବାଣ୍ଡି ତାକି ପାସ୍‌ପନିତା ତୁରାମାଚେସି, ଇଞ୍ଜା ପାଞ୍ଚୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଚାନା ନେହୁଁ କିଚେସି । ୯ ଇଦି ଆଡ଼ି ତାୟୁ ଏମ୍ବାଆଁ ମାନି ରଗ ଗାଟାରି ବାରେ ପାଞ୍ଚୁଲ ତାଣା ଝାହାନା ନେହୁଁ ଆଚେରି; ୧୦ ଏଞ୍ଜାରି ମାଞ୍ଜେ ଜିକେଏ ହାରେକା ମାନି ତଲେ ଜୀଞ୍ଜୁ ନୟାଚେରି, ଅଡ଼େ ମାମ୍ବୁ ହାଜିମାଟାଟି ମା ଲଡ଼ାମାନାଣି ହାହାନା ପାଣ୍ଡାଚେରି ।

**ମେଲିତିଟିଏ ରମ୍ବତା ପାଞ୍ଚୁଲ ହାନାୟି**

୧୧ ତାନି ଲେଞ୍ଜୁ କ୍ରେଟ ମାମ୍ବୁରୁ ଆଲେକକାଣ୍ଡିୟାତି ଏୟୁ ଜାଜାତା ହଚାନା ହାଚମି, ଏୟୁ ଜାଜା ପେନିବେଲା ହାଲ୍‌ଝେ ଏ ଟାୟୁତା ଡ଼ୟାମାଚେ, ଏଦାନି ଦରୁ “ଜାଣ୍ଡା ପେଣ୍ଡକା,” ଇଞ୍ଜିମାଚେରି । ୧୨ ସୁରାକୁସା ଗାଡ଼ାତା ଏଜାନା ଏମ୍ବାଆଁ ମାମ୍ବୁ ତାନିଦିନା ମାଟମି । ୧୩ ଅଡ଼େ ଏମ୍ବାଟି ଏୟୁ

ଜାଜା ତଳେ ହାଜାନା ରେଶିୟା ଗାଡ଼ାତା ଏତମି, ତାନି ଅର ଦିନା ଚିଃନି ଝାକିଟି ଗାଲି ଝେରାଲିଏ ଅଡ଼େ ରୀ ଦିନା ତାୟୁ ପୁତେଅଲି ଗାଡ଼ାତା ଏତମି; ୧୪ ଏମ୍ବାଆଁ ମାମ୍ବୁ ଏଚେକା କ୍ରୀସ୍ତାନା ତାୟିୟାଁ ଅଡ଼େ ତାଜିସ୍ତାଣି ବେଗାଆଡ଼ମି, ଏଝାରିତଲେ ର ଝାରା ଡ଼ୟାଲି ମାଜେ ବାତିମାଲାତେରି; ଇଲାଆହିଁ ମାମ୍ବୁ ରୁମ୍ବତା ଏଗାତମି । ୧୫ ରମ୍ବତା ମାନି ତାୟିୟାଁ ଅଡ଼େ ତାଜିସ୍ତା ମା କାବୁ ପୁଞ୍ଜାନା ଏମ୍ବାଟିଏ ଅପିୟତି ହାଟା ଇଞ୍ଜା ତାନିଗଟା ବାଡ଼ା ଇଲକା ପାତେକା ମାଜେ ମେସାଲି ଝାଡ଼େରି, ଇଞ୍ଜା ପାଞ୍ଜୁଲ ଏଝାରାଇଁ ମେସାନା ମାହାପୁରୁଇଁ ଜହରା କିହାନା ବାସ୍ତୁ ବେଗାଆଡ଼େସି ।

**ରମ୍ବ ଗାଡ଼ାତା ପାଞ୍ଜୁଲ**

୧୬ ମାମ୍ବୁ ରମ୍ବ ଏଜାଲିଏ, ପାଞ୍ଜୁଲଇଁ କାଃଆନି କସକା ତଳେ ତାନି ମନତଲେ ବାସା ଆୟାଲି ହେଲ ହୀପକିଆଡ଼େ ।

୧୭ ତାନିଦିନା ତାୟୁ ପାଞ୍ଜୁଲ ଜୀହୁଦିୟାଁତି କାଜାରାଇଁ ହାଟାନା କୁଡ଼ି କିତେସି, ଅଡ଼େ ଏଝାରି ରୁଣ୍ଡା ଆୟାଲିଏ, ପାଞ୍ଜୁଲ ଏଝାରାଇଁ ଏଲେଇଚେସି, “ଏ ଇସ୍ତାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାଁତି ପାଣାପାଟୁ କପାଟି ଏନାଆଁ କିହା ହିଲାଆତି ଜିକେଏ ଜିରୁସାଲମତା ଦସପି ଆହାନା ରମ୍ବ ଦେସାତି ଲକୁତାଣା ହେରପି ଆହାମାଇଁ । ୧୮ ଏଝାରି ନାଜେ ନୀହାୟି କିହାନା ନା ତାଣାଟି ହାନି ତଣ୍ଡ ପାଣ୍ଡନି ଏନି ଦହ ବେଗାଆଆଲିଏ ନାଜେ ପିସାଲି ଅଣ୍ଡପାମାଚେରି; ୧୯ ଯାମା ଜୀହୁଦିକ୍ଷା ଏଦାଣି କପାଟି ଝେସାଲିଏ ନାନୁ କାୟିସର ନକିତା ନୀହାୟି କିୟାଦୁ ଇଞ୍ଜାଁ ବାତିମାଲିତେସି; ଏଲେଆଡ଼ି ଜିକେଏ ନାଜେ ମା ଲକୁ କପାଟି ଏନି କାତା ଝେସାଲି ହିଲାଆତେ, ଏଦି ଆଏ । ୨୦ ଏଦାଆଁତାକି ନାନୁ ମିଜେ ନା ତଲେ ବେଗାଆହାନା ଜଲକି ଆହାଲି ବାତିମାଲାତେସି, ଏନାଆଁତାକି ଇତିହିଁ ଆମ୍ବାଆରି ଲାକ ଇସ୍ତାୟେଲ ଲକୁ ବାସ୍ତୁ କିହାମାନେରି, ଏଝାରି ତାକି ନାନୁ ନୀଞ୍ଜୁ ଇ ହିକ୍‌ଶିୟାଁ ତଲେ ଦସପି ଆହାମାଇଁ ।”

୨୧ ଏଝାରି ଏଲେଇଚେରି, “ମାମ୍ବୁ ଜୀହୁଦା ଦେସାଟି ନୀ କପାଟି ଏନି ଆକୁ ବେଗାଆହା ହିଲଅମି, ଅଡ଼େ ନୀ କାବୁ ଆସାନା କି ନୀ କପାଟି ଦହ ଦସାନା ଝେସାଲି ମା ତାୟିୟାଁ ବିତ୍ରାଟି ଆମ୍ବାଆରି ଇମ୍ବାଆଁ ଝାହାହିଲଅରି । ୨୨ ସାମା ନୀ ଅଣ୍ଡପୁ ଏନାୟି ଏଦାଆଁ ମାମ୍ବୁ ନୀ ତାଣାଟି ଝେଞ୍ଜାଲି ମନ କିହିମାନମି, ଇତିହିଁ ବାରେଝାକିତି ଲକୁ ଇ ଗଟି କପାଟି କାତା ଝେସିମାନେରି ଇଞ୍ଜାଁ ମାମ୍ବୁ ପୁଞ୍ଜମାନମି ।”

୨୩ ଏଚେଟିଏ ଏଝାରି ର ଦିନା ତୀରି କିହାନା ହାରେକା ଲକୁ ପାଞ୍ଜୁଲ ମାଟି ଇଲୁତା ଝାଡ଼େରି,

ଅଡ଼େ ଏଝାସି ଲାଲୁଟିଏ ଲାଆଁ ପାତେକା ଏଝାରି ନକିତା ମାହାପୁରୁତି ରାଜିତି କାତାତାକି ସାକି ହୀତେସି, ଅଡ଼େ ମସାତି ମେରା ଇଞ୍ଜା ମାହାପୁରୁ ଅଣ୍ଡପୁଟି ବଲୁ ଝେହନାରି କାତା ଆସାନା ଏଝାସି ଜୀହୁଇଁ ନାନି କିଝି କିୟାଲି ଅଣ୍ଡପିତେସି । ୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଝେସ୍ତି କାତାତି ନାନିତେରି ଇଞ୍ଜାଁ ଆମ୍ବା ଆମ୍ବାଆରି ନାମାଆତେରି । ୨୫ ଏ କାତାତାକି ଏଝାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଡ଼େରି; ଏଝାରି ହାନି ନଚେଏ ପାଞ୍ଜୁଲ ର କାତା ଝେସ୍ତିସି, “ସୁଦୁଜୀଞ୍ଜୁ ମୀ ଆକୁ ଆବାୟାଁଣି ମାହାପୁରୁ ଅଣ୍ଡପୁଟି ବଲୁ ଝେହନି ଜିସାୟ ତାଣାଟି ଝେସାମାଚେସି ।”

୨୬ ଏଝାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଝେହମ୍ବୁ, ମୀରୁ ଝେଞ୍ଜିଝେଞ୍ଜି ଝେଞ୍ଜେରି, ସାମା ଏନାଆଁ ତେଲ୍‌ହଅ ତେରି,

ଇଞ୍ଜାଁ ମୀରୁ ମେସି ମେସି ମେହ୍‌ଦେରି, ସାମା ଏନାଆଁ ପୁଞ୍ଜାଲି ଆଡ଼ଅତେରି,

୨୭ ଇତିହିଁ ଇ ଲକୁ ହିୟାଁତା ଡ଼ଣା ବୁଦିଗାଟାରି, ଏଝାରି ଜାହା ଜାହାରା କୀକା କାଣ୍‌କା ମୁତା କତାମାନେରି,

ଏଲେଆହାଁ ହିଲାଆତିହିଁ ମା,

ଏଝାରି କାଣ୍‌କା ଦେଚାନା ମେସାଲି ଆଡ଼ିତେରିମା, ଅଡ଼େ କୀକା ତଲେ ଝେଞ୍ଜାଲି ଆଡ଼ିତେରିମା । ଏଝାରି ହିୟାଁତା ତେଲ୍‌ହାଲି ଆଡ଼ିନି ବାଡ଼ୁୟୁ ଡ଼ୟିତେମା;

ଏଝାରି ମାହାପୁରୁ ଝାକି ଝେଣ୍ଡା ଝାଡ଼େରିମା, ଅଡ଼େ ନାନୁ ଏଝାରାଇଁ ନେହିଁ କିତେସିମା ।”

୨୮ ତାୟୁ ପାଞ୍ଜୁଲ ଏଲେଇଚେସି, “ଏଦାଆଁତାକି ମାହାପୁରୁତି ଇ ଗେଲ୍‌ପିନାଣି ଏଚକା କୁଡ଼ାତି ଲକୁତାଣା ପାଣ୍ଡୁଝି ଆହାମାନେ, ଇଦାଆଁ ମୀରୁ ପୁଞ୍ଜୁ; ଏଝାରି ଜିକେଏ ଝେନେରି ।” ୨୯ ପାଞ୍ଜୁଲ ଇ ବାରେ କାତା ଝେସାଲିଏ, ଜୀହୁଦିୟାଁ ତାମ୍ବୁତାନି ବିତ୍ରା ବାଦିବାଦା ଆହିଁ ହାଚେରି\* ।

୩୦ ପାଞ୍ଜୁଲ ରୀ ବାସା ପାତେକା ତାନି ବାଡ଼ା ଇଲୁତା ଡ଼ୟିତେସି, ଅଡ଼େ ଏଚେକା ଲକୁ ଏଝାଣି ତାଣା ଝାହିମାଚେରି, ବାରେତି ଇଜ ହାଟା ଅହିମାଚେସି । ୩୧ ଇଞ୍ଜାଁ ସାସାତଲେ ନୀରାସା ଆଆନା ମାହାପୁରୁ ରାଜିତି କାତା ଝେସିମାଚେସି, ଇଞ୍ଜାଁ ପ୍ରବୁ ଜୀସୁ କ୍ରୀସ୍ତତି କାତା ଜାପ୍‌ହି ମାଚେସି ।

\* ୨୮:୧୯ ୨୮:୧୯ କାମା ୨୫:୧୧ \* ୨୮:୨୯ ୨୮:୨୯ ଇ କାତା ପୁଞ୍ଜଇ ପତିତା ହିଲେଏ ।



# ରମିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ରମିୟ କୁଲମିକି ପାଖୁଲ ରାଚାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ଯା ବିତ୍ତା ପାଣ୍ଡୁଆଡ଼ି ପାଖୁଲ ରାଚାମାତେସି ଇଞ୍ଜିଁ ଇନେରି । ପାଖୁଲ ରମ୍ଭତା ହାନି ନକେଏ ଜୀହୁଦି ଅଡେ ଜୀହୁଦିଆଆଡ଼ି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାତେସି । ବାରେ କୁଡ଼ାତି ଲକୁ ଏନିକିଁ ଜୀସୁ କ୍ରୀସ୍ତଇଁ ନାମିନେରି ଇଞ୍ଜା ମାନି କିନେରି ୧୨:୨୭ ଏଦାଆଁତାକି ପାଖୁଲ କରନ୍ତି ଗାଡ଼ାତା ମାଚାଟି ରମ୍ଭତା ମାନି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଚାମାତେସି ।

ବାରେ ଟାୟୁତି ବାରେ ବେଲାତି କ୍ରୀସ୍ତାନା ଲକୁଡାକି ରମିୟ ର ଲଡ଼ାମାନି ପତି, ଏନାଆଁତାକି ଇତିହଁ ମାର ଏନିକିଁ ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାଲି ଆଡ଼ିନାୟି, ପାଖୁଲ ଅଜିକିହଁ ରଚାଣି ପିହୁଆନାହାଁ ତେଲ୍ହି କିହାମାନେସି । ପାଖୁଲ ପୁଃଈ ମେରାତି ଜୀସୁ କ୍ରୀସ୍ତତି ନେହଁ ବଲୁ ତଲେ ଆବୁହାମାନେସି । ଇ ପତିତି ୧-୧୭ ପଦୁତି ହାରେକା ବୁଦିଗାଗାରି ନେହଁ କିଁ ଅଣପାନା ଖେସାମାନେରି, ଇ ବଲୁ ମାଦିତାୟି । ଇମ୍ପାଆଁ ଖେସ୍ପି ଆହାମାନେ, “ନାନୁ ନେହଁ ବଲୁ ଖେକ୍‌ହାଲି ଲାଜା ଆଅଁ ଏନାଆଁତାକି ଇତିହଁ ଆମିନି ଗାଗାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁୟୁ । ନକେଏ ଜୀହୁଦି ଲକୁକି ତାୟୁ ଜୀହୁଦିଆଆଡ଼ି ଲକୁଡାକି ଜିକେଏ ।”

ମୂଲୁ ବାଗା ୧-୧୨ ହାରେକା ମାହାପୁରୁତି କାତା ଅଡେ ଅର ବାଗା ୧୩-୧୫ କ୍ରୀସ୍ତାନା ଜୀସୁତା ଲଡ଼ାମାନି କାତା ଜାପିନାୟି ମାନେ ।

### ପତିତା ମାନାୟି

- ୧. ପାଖୁଲ ତାନି କାତା ପୁଣ୍ଡି କିହାନା, ଆମ୍ପାଆରାକି ଆକୁ ରାଚିମାତେସି ଏଦାଆଁ ଖେସାନା ଆକୁ ରାଚିନାୟି । ୧:୧-୧୫
- ୨. ମାଣସି କୁଡ଼ାତି ରାଜି ଅଡେ ଜୀସୁ କ୍ରୀସ୍ତ ତାଣାଟି ଗେଲ୍ପି ଆନାୟି । ୧:୧୭-୧୧:୩୭
- ୩. କ୍ରୀସ୍ତାନା ଲକୁ ଏନିକିଁ ନୀତିନାୟି ଏ କାତା ହାରେକା ଜାପୁହାମାନେସି । ୧୨:୧-୧୫:୧୩
- ୪. ରମ୍ଭତା ମାନି କୁଲମିକାଣି ଜହରା କିହାନା ରାପୁନାୟି । ୧୬

ପାଖୁଲତି ଜହରା ଖେହ୍ନି କାତା

\* ୧:୪ ୧:୪ କ୍ରୀସ୍ତ

୧ କ୍ରୀସ୍ତ ଜୀସୁତି ହଲେଏସି ଅଡେ ମାହାପୁରୁ ହୀହାମାନି ନେହଁ ବଲୁ ଖେକ୍‌ହାଲି ପାଣ୍ଡୁ ଆହାଁ ଆଚାନା ହାଟୁକି ଆହାମାନି ସୀସୁ ପାଖୁଲତି ଆକୁ ।

୨ ଦାମ୍ପୁ ସାସ୍ତେରିତା ରାସ୍‌କି ଆହାମାନି ଲେହେଁ ଇ ନେହଁ କାବୁତି କାତା ତଲି କାଲାଟିଏ ମାହାପୁରୁ ଅଣ୍ପୁତି ବଲୁ ଖେହ୍ନାରି ତାଣାଟି ଆଞ୍ଜାମାତେସି ।

୩ ଇଦି ମାହାପୁରୁ ମୀରଏଣାତି କାତା, ମା ପ୍ରବୁ ଜୀସୁ କ୍ରୀସ୍ତ ମାଣସି ଆହାଁ ଏଞ୍ଜାସି ଦାଖୁଦ କୁଡ଼ାତା ଜାନା ଆଡେସି । ୪ ସାମା ତାନି ଲାକପୁରୁତି ସୁଦୁଜୀସୁ ତାକି, କାଜା ହାକିଟି ନିଜାନା ଏଞ୍ଜାସି ବାଡ଼ୁୟୁ ତଲେ ଜୀସୁ ମାହାପୁରୁତି ମୀରଏସି ମସିହା\* ଇଞ୍ଜିଁ ଖେଜିତେସି, ୫ କ୍ରୀସ୍ତ ତାକି, ମାହାପୁରୁ ନାଲେ ପାଣ୍ଡୁଆହାମାନି ସୀସୁ ଲେହେଁ ହାଚାନା, ବାରେ କୁଡ଼ାତି ଲକୁଡାଣା ନେହଁ ବଲୁ ଖେକ୍‌ହାଲି ପାରୁ ହୀହାମାଞ୍ଜାନେସି, ଏନିକିହଁ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଲେ ମାନିଞ୍ଜି ଆହାନା ଡ଼ୟିନେରି । ୬ ରମ୍ଭ ଗାଡ଼ାତା ବାସାଆହାମାନି ଲକୁଡେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକୁ ଆହାଲି ହାଟୁକି ଆହାମାଞ୍ଜେରି ।

୭ ରମ୍ଭି ଆମିନି ଲକୁଣି ମାହାପୁରୁ ଜୀସୁ ନହାମାନେସି ଇଞ୍ଜା ତାନି ଲକୁ ଆହାଲିତାକି ହାଚାମାନେସି, ଏ ବାରେ ଲକୁଡାକି ନାନୁ ଇ ଆକୁ ରାଚିମାଲ୍, ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହ୍ନାୟି ଅଡେ ହିଡ଼ି ଆୟାପେ ।

### ଜହରା କିନି ପ୍ରାଚାନା

୮ ମୂଲୁଏ, ମୀ ନାମୁତି ନେହଁ ହାଡ଼ା ବାରେ ଦାରତିତା ଖେଜିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଇଁ ଜହରା କିହିମାଲ୍ । ୯ ନା ବାରେ ହିୟାଁ ଜୀସୁତଲେ ନାନୁ ଆମିନି ମାହାପୁରୁତି ସେବା କିହିମାଲ୍ ଇଞ୍ଜା ଆମିନି ମାହାପୁରୁତି ମୀରଏଣାତି ନେହଁ କାବୁ ଖେକ୍‌ହିମାଲ୍, ଏ ମାହାପୁରୁ ନା ସାକି । ୧୦ ପ୍ରାଚାନା କିନାଟି ନାନୁ କାଲେଏ ମିଜେ ଅଣ୍ପାଲ୍ ଇଞ୍ଜା ମୀ ତାଣା ଖାହାଲି ନାଲେ ପାରୁ ହିୟାନି ମାହାପୁରୁ ତାଣା ବାତିମାଲିମାଲ୍ । ୧୧ ଇତିହଁ ନାନୁ ମିଜେ ଆଣ୍ଡାଲି ହାରେକା ମନ କିହିମାଲ୍, ଇଞ୍ଜା ମିଜେ ର ଜୀସୁତି ବର ହିୟାଲ୍, ଏନିକିଁ ମୀରୁ ତୀରିଆହାନା ମାଞ୍ଜେରି । ୧୨ ଇଦାଆଁ ତଲେ ମାର ରଅତଞ୍ଜି ରଅଣା ନାମୁତି ଆଟ୍‌ଞ୍ଜା କିହାଲି ଆଡ଼ିନାୟି ।

୧୩ ଏ ତାୟିୟାଁ ଅଡେ ତାଜିସ୍ତାତେରି, ମୀ ତାଣା ଖାହାଲି ତାକି ନାନୁ ହାରେକା ଦେବା ଅଣ୍ପାମାଲ୍, ସାମା ହାରେକା ବାଡ଼ା ବେଟାଆଡାକି, ନୀଏଁ ପାତେକା ଖାହାଲି ଆଡ଼ାଆତେଏଁ । ଏଟକା କୁଡ଼ାତି ଲକୁଡାଣା ଜିକେଏ ବଲୁ ଖେକ୍‌ହାନା

ଏନିକିହିଁ ପାଡ଼େୟି ବେଟାଆହାମାଇଁ, ମୀ ତାଣା ଜିକେଏ ଏଲେକିହାଲି ନା ଅଣ୍ପୁ ।\*  
 ୧୪ ଏନାଆଁତାକି ଇଚିହିଁ ବୁଦିଗାଟାରି† ଅଡ଼େ ପାଞ୍ଜାତାରି‡ ଜାପିତାରି ଅଡ଼େ ଜାପାଆତି ଲକୁ ବାରେ ଗଚିତି ଲକୁତାକି ନା ଦାୟିପତି ମାନେ ।  
 ୧୫ ଏଦାଆଁତାକି ରମ୍ ଗାଡ଼ା ତାତେରି ମୀରୁ, ମୀ ତାଣା ଜିକେଏ ନେହିଁ ବଲୁ ଝେକ୍‌ହାଲି ନା ଅଣ୍ପୁ ।

**ନେହିଁ କାରୁତି ବାଡ଼ୁୟୁ**

୧୬ ଇଚିହିଁ ନାନୁ ନେହିଁ କାରୁ ଝେକ୍‌ହାଲି ଲାଜା ଆର୍ଥ, ଏଦି ନାମିମାନି ବାରେ ଲକୁତାକି ଗେଲ୍‌ପି ଆହାଲିତାକି ମାହାପୁରୁତି ବାଡ଼ୁୟୁ, ମୂଲୁଏ ଜାହୁଦି ଅଡ଼େ ତାୟୁ ଜାହୁଦିଆଆତି ନାମିତି ଲକୁତାକି ।\* ୧୭ ମାଣ୍‌ସି ଏନିକିହିଁ ମାହାପୁରୁ ନକିତା ଦାମ୍‌ଗାଟାସି ଇଞ୍ଜିଁ ତଞ୍ଜାଆନେସି, ଏ ଉପେୟି ଏମ୍‌ଆଁ ତସ୍‌ପି ଆହାମାନେ । ମୂଲୁଟିଏ ରାନ୍ତି ପାତେକା ଗେଲ୍‌ପିଆନାଣି ବେଟାଆନ୍ତି ଉପେୟି ନାମୁ । ଦାମ୍‌ ସାସ୍‌ପୁରିତା ରାସ୍‌କି ଆହାମାନେ, “ଦାମ୍‌ଗାଟାସି ନାମୁତଲେ ନୀତିନେସି ।”\*

**ପାପୁ ତାକି ମାହାପୁରୁତି କାର୍‌ବି**

୧୮ ଆମିନି ଲକୁ ବାରେ ଲାଗେଏ କାମାଟି ସାତାଇଁ ଆଜ୍‌ମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି କାର୍‌ବି ତଞ୍ଜା ଆହାମାନେ ।  
 ୧୯ ଏନାଆଁତାକି ଇଚିହିଁ ମାହାପୁରୁତି କାତା ଏନାଆଁ ପୁନାୟି ମାଟେ, ଏଦାଆଁ ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ ଝେସାମାନେସି । ୨୦ ମାହାପୁରୁ ଦାର୍‌ତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍‌ୟାଁ, ତାନି ରାଆଗାଟି ବାଡ଼ୁୟୁ ଅଡ଼େ ଲାକପୁରୁତି ଗୁଣ୍‌, ନେହିଁକିଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡ଼ିନାୟି । ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜିଁ ଇଞ୍ଜାଲି ଆଡ଼ଅରି । ୨୧ \*ଏଞ୍ଜାରି ମାହାପୁରୁଇଁ ପୁଞ୍ଜା ଜିକେଏ ଏଞ୍ଜାଣାଇଁ ଗାଞ୍ଜୁରମି କିଆତେରି କି ଏଞ୍ଜାଣାଇଁ ଜହରା କିଆତେରି । ସାମା ଏଞ୍ଜାରି ଅଣ୍ପୁ ବାରେ ଉଜେଏତି ଅଣ୍ପୁ ଅଡ଼େ ଏଞ୍ଜାରି ତେଲ୍‌ହାଆଗାଟି ମନ ଆନ୍ଦେରି ଆହାମାନେ ।\* ୨୨ ଏଞ୍ଜାରି ଜାହାରାଇଁ ବୁଦିଗାଟାଟମି ଇଞ୍ଜିଁ ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲାଆ ଗାଟାରି; ୨୩ ଅଡ଼େ ନାସା ଆଆଗାଟି ମାହାପୁରୁତି ଗାଞ୍ଜୁରମିତି ନାସା ଆନ୍ତି ମାଣ୍‌ସି, ସାରିଗଟା କତାୟାଁ ଗାଟି ଜଡ଼, ପଟାୟାଁ ଅଡ଼େ ରାସ୍‌କା କୁଡ଼ାତି ବମାୟାଁ କିହାନା ଏଞ୍ଜାଆଁତି ପୂଜା କିହିମାନେରି ।\*

୨୪ ଏଦାଆଁତାକି ମାହାପୁରୁ ଏଞ୍ଜାରାଇଁ ହିୟାଁତି ଲାଗେଏତି ଜୁପକାତାକି ଏଞ୍ଜାରାଇଁ ଲାଗେଏତି ତାଣା ହେରପିତେସି, ଏନିକିହିଁ ଏଞ୍ଜାରି ଆଞ୍ଜା ରଅସି ରଅଣି ତଲେ ଲାଜାଗାଟି କାମା କିହିମାନେରି ।\* ଏଞ୍ଜାରି ମାହାପୁରୁ କାତାତି ସାତା ପସାନା ମିଚିତି ବାସ୍‌ କିହିମାନେରି । ଗାଡ଼ିକିତି ମାହାପୁରୁଇଁ ପୂଜା କିଆନା, ଗାଡ଼ିଆଡ଼ି ଦିଣ୍‌ସୁ ପୂଜା କିହିମାନେରି; ଏ ଗାଡ଼ି କିତାଣାଇଁ କାଲାକାଲାତାକି ଜହରା । ଆମେନି ।

୨୬ ଏଞ୍ଜାରି ଏଲେକିତାକି ମାହାପୁରୁ ଏଞ୍ଜାରାଇଁ ଲାଜାଗାଟି ପାପୁ କାମାତା ହେରପିତେସି, ଇଚିହିଁ ଏଞ୍ଜାରି ତକ୍‌ସିକା ତକ୍‌ୟାଁ ତଲେ କୁଡ଼ାଲି ପସାନା ଏଞ୍ଜି ତାମ୍‌ତାମ୍‌ସୁ କିଆଗାଟି ଲାଜା କାମାୟାଁ କିଡ଼ୁ ୨୭ ଏଲେକିହିଁଏ ଆବାୟାଁ ଜିକେଏ ଜାହାରା ତକ୍‌ ତଲେ କୁଡ଼ାଆନା ଜାହା ଜାହାରା ବିତ୍ରା ଲାଗେଏତି କାମା କିତେରି । ଆବା ଆବାୟାଁ ତଲେ ଲାଜା ଆନ୍ତି କାମା କିତେରି, ଏଦାଆଁତାକି ଏଞ୍ଜାରି ଲାଗେଏ କାମାତି ତଣ୍‌ ବେଟା ଆହିମାନେରି ।

୨୮ ଅଡ଼େ ଏନିକିହିଁ ଏଞ୍ଜାରି ମାହାପୁରୁତି ବୁଦିତି କୁହାଲିଏ, ଏଲେକିହିଁଏ ମାହାପୁରୁ କିଆଗାଟି କାମା କିହାଲି ଏଞ୍ଜାରାଇଁ ଲାଗେଏତି ଅଣ୍‌ପୁତା ହେରପିତେସି । ୨୯ ଏଞ୍ଜାରି ଦାମ୍‌ ହିଲାଆଗାଟାୟି, ଲାଗେଏ ପଲେଏ, ଜୁପକା ଅଡ଼େ ଇର୍‌ସା, ଲକୁଇଁ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ; ୩୦ ଏଞ୍ଜାରି ଉଡ଼ୁପାତି, ନିନ୍‌ୟା କିନାରି, ମାହାପୁରୁଇଁ ଅପାଆଗାଟାୟି, ଲାଗେଏତି କାମା କିନାୟି, ଏଞ୍ଜାରି ଲାଗେଏ କାମା କିହାଲି ପାରୁ ପାରିନେରି; ଏଞ୍ଜାରି ତାଲି ତାଞ୍ଜିଇଁ ମାନ୍ତି କିଆଗାଟାରି, ୩୧ ଏଞ୍ଜାରି ବୁଦି ହିଲାଆ ଗାଟାରି, ଜାହାରା ହାଡ଼ିକାତା ଆହିଅରି । ଇଞ୍ଜା ଏଟକାତାରାକି ଇଟାଣି କାର୍‌ମା ହିଲେଏ । ୩୨ ଏଞ୍ଜାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକୁ ହାନ୍ତି ତଣ୍‌ ପାଣ୍‌ନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜାରି ଏଲେକିହିଁଏ ଲାଗେଏତି କାମା କିହିମାନେରି, ଅଡ଼େ ଏଲେତି କାମା କିହିମାନି ଲକୁତଲେ ରାହାତଲେ ଆଣ୍‌ନେରି ।

**୨**

**ମାହାପୁରୁତି ନୀହାଁୟି**

୧ \*ଏ. ତାୟି ଅଡ଼େ ତାଞ୍ଜି, ମୀମ୍‌ ଏନାଆଁ ଏଟକା ଲକୁଣି ନୀହାଁୟି କିହିମାଞ୍ଜେରି ? ମୀରୁ ଆମ୍‌ଆତେରି ଆଡ଼ିଜିକେଏ, ଇଲେ କିନାୟି ମିଙ୍ଗେ ତାକି ନେହେଁ ଆଏ, ଏଟକା ଲକୁଣି ଦହ ଦସାନା ମୀମ୍‌ସୁ ଏଲେତି କାମା କିହାନା ଏମ୍‌ାଟି ମୀରୁଏ

\* ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ୍ ‡ ୧:୧୪ ୧:୧୪ ବୁଦି ହିଲାଆ ଗାଟାରି, \* ୧:୧୭ ୧:୧୭ ମାର୍କ ୮:୩୮  
 \* ୧:୧୭ ୧:୧୭ ଏବ୍ରି ୨:୪ \* ୧:୨୧ ୧:୨୧ ଏପିସି ୪:୧୭,୧୮ \* ୧:୨୧ ୧:୨୧ ଏପିସି ୪:୧୭,୧୮ \* ୧:୨୩ ୧:୨୩ ଝେ ମେରା ୪:୧୭-୧୮ \* ୨:୧ ୨:୧ ମାତି ୭:୧; ଲୁକ ୭:୩୭ \* ୨:୧ ୨:୧ ମାତି ୭:୧; ଲୁକ ୭:୩୭

ଦହ କିହିମାଞ୍ଜେରି ।\* ୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ ନୀହାୟି କିନେସି, ଇଦାଆଁ ମାମ୍ବୁ ପୁଞ୍ଜାମାନମି । ୩ ଏ ତାୟି ଅଡେ ତାଈ, ଆମିନି ଗାଟାରି ଲାଗେଏତି କାମା କିନେରି, ଏଝାରାଇଁ ନୀହାୟି କିହାନା, ମାମ୍ବୁ ଏଲେତି କାମା କିହିମାଞ୍ଜେରି, ମାରୁ ମାହାପୁରୁତି ନୀହାୟିତି ଜାଣା ଆନାୟି ଇଞ୍ଜି ଅଣ୍ପିମାଞ୍ଜେରି କି ? ୪ ଆଆତ, ମାହାପୁରୁତି ହାରେକା କାର୍ମାମେହନାୟି ମୀ ହିୟାଁ ବାଦଲି କିନି ଝାକି ଅହାଲି ଅଣ୍ପିନେ, ଇଦାଆଁ ପୁନାଆନା ମାରୁ କି ତାନି କାର୍ମାମେହନାଣି, ସାସା, ଅରୁହାନା ଡୟିନି ଲେହେତି ଦନଇଁ ଅପିହିଲଅତେରି କି ? ୫ ସାମା ମାରୁ ମୀ ଆଟ୍ଟା ଅଡେ ବାଦଲଞ୍ଜି ଆଆଗାଟି ହିୟାଁ ଲେହେଁ, ଆମିନି ଦିନା ମାହାପୁରୁତି ନୀହାୟି ତଞ୍ଜାଆନେ, ଏ କାର୍ବିତି ଦିନାତାକି ଜାହାରାତାକି କାର୍ବି କୃଡ଼ି କିହିମାଞ୍ଜେରି; ୬ ଏଝାସି ବାରେ ଲକୁତାକି ତାମି କିହାମାନି କାମାତି ପାଡେୟି ହୀନେସି; ୭ ଆମିନି ଗାଟାରି ସାସାତଲେ ନେହଁ କାମା କିହାନା ଗାଝୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଝାରାକି କାଳାକାଳାତି ଜାଝୁ ହୀନେସି, ୮ ଆମ୍ବାଆରି ଝାରଇ ତାମ୍ବେ ଅଣ୍ପିନେରି, ଇଞ୍ଜା ସାତାତି ମାନଞ୍ଜି ଆଅରି, ସାମା ଲାଗେଏତାଣି ମାନଞ୍ଜି ଆନେରି; ଏଝାରାକି କାର୍ବି ଅଡେ କପା ଝାନେ, ୯ ଆମ୍ବାଆରି ଲାଗେଏତି କାମା କିହିମାନେରି ଏଝାରାକି କାକୁଲି ଅଡେ କସୁତି ଦିନା ଝାହିମାନେ, ମୂଲୁଏ ଜାହୁଦି ଲକୁତାକି ଇଞ୍ଜା ତାମ୍ବୁ ଜାହୁଦିଆଆତି ଲକୁତାକି ଆନେ । ୧୦ ସାମା ମୂଲୁଏ ଜାହୁଦି ଲକୁକି ଅଡେ ଜିକେଏ ଜାହୁଦିଆଆତି ଲକୁତାକି, ନେହଁ କାମା କିହାମାନି ବାରେଜାଣା ତାକି ଗାଝୁରମି, ମାନି ଇଞ୍ଜା ହିଡ଼ି ହିୟାନେସି । ୧୧ ଇତିହଁ ମାହାପୁରୁ ତାଣା ପାରଡ଼ା ବାଟି କିନାୟି ହିଲେଏ ।\*

୧୨ ଜାହୁଦିଆଆତି ଲକୁକି ମସାତି ମେରା ହିଲାଆନା ପାପୁ କିହାମାନେରି; ଏଝାରି ଜିକେଏ ମସାତି ମେରା ହିଲାଆନା ନାସା ଆନେରି, ଅଡେ ଏତେକା ଜାହୁଦି ଲକୁକି ମସାତି ମେରା ପୁଞ୍ଜାମାନାକି; ଏଝାରି ପାପୁ କିହାମାନେରି ଅଡେ ଏ ମେରା ତଲେ ନୀହାୟି କିଞ୍ଜିଆନେରି । ୧୩ ଇତିହଁ ମେରାତି ଝେଞ୍ଜାନା ଲକୁ ମାହାପୁରୁ ନକିତା ଦାମ୍ବୁଗାଟାରି ଆଅରି, ସାମା ମେରାତି ମାନଞ୍ଜି ଆଡ଼ିସାରେ ଦାମ୍ବୁଗାଟାରି ଆନେରି । ୧୪ ଜାହୁଦିଆଆତି ଲକୁକି ମେରା ହିଲାଆତିହଁ ଜିକେଏ ଏତିବେଲା ଏଝାରି ମେରାତା ମାନି ଲେହେଁ କାମା କିନେରି, ଏତିବେଲା ଏଝାରି ମେରା ବେଟା ଆଆତିହଁ ଜିକେଏ ତାମ୍ବେ ମେରା ଲେହେଁ ଆନେ; ୧୫ ଏଝାରି କିହିମାନି କାମାତି ଇଦି

ନେହଁ ତଲେ ତଞ୍ଜା ଆହିମାନେ, ମେରାତି ମାନି ଏଝାରି ହିୟାତା ରାସ୍କି ଆହାମାନେ । ଇ କାତାତି ସାତା ଏଝାରି ଅଣ୍ପୁତା ଜିକେଏ ପାରମାଣା ସାତା ତଲେ ଅଣ୍ପିନାଟି ଅଣ୍ପିନି ଅଣ୍ପୁ ଏଝାରି କାତାତା ରାଡ଼ି ଆହିମାନେ, ସାତା ଅଣ୍ପୁ ଅଣ୍ପିନାଟି ଅଣ୍ପୁ ଏଝାରାଇଁ ନେହଁରି କିନେ, ଲାଗେଏତି ଅଣ୍ପୁ ଅଣ୍ପିନାଟି ଦହ କିହିମାନେ । ୧୬ ଏମିନି ଦିନା ମାହାପୁରୁ କ୍ରାସୁ ଜାସୁ ତାଣାଟି ମାଣ୍ଡିତି ଡଗୁମାନି କାତା ବାରେ ନୀହାୟି କିନେସି, ଏ ଦିନା ନାନୁ ଝେକିହିମାନି ନେହଁ କାରୁ ଲେହେଁ ଇ ବାରେ ଆନେ ।

**ଜାହୁଦି ଲକୁ ଅଡେ ମେରା**

୧୭ ମାରୁ ଜାହାରାଇଁ ଜାହୁଦିତମି ଇଞ୍ଜାକତିମାଞ୍ଜେରି; ମେରାତି ବାସ୍ତୁ ଇଟାମାଞ୍ଜେରି ଅଡେ ମାହାପୁରୁ ତାଣା ବତପଣ କିହିମାଞ୍ଜେରି; ୧୮ ଅଡେ ମସାତି ମେରାଟି ଜାପାନା ଏଝାଣି ଅଣ୍ପୁ ପୁଞ୍ଜାମାଞ୍ଜେରି, ଇଞ୍ଜା ନେହଁଣି ଲାଗେଏତାଣି ବାଟି କିହିମାଞ୍ଜେରି, ୧୯ ସାତେଏ ମାରୁ ନେହଁ କିହିଁ ପୁଞ୍ଜାମାଞ୍ଜେରି, ମାରୁ କାଣାୟାଣି ଜିରୁ ତହନାତେରି, ଆନ୍ଦେରିତା ମାନି ଲକୁତାକି ଉଜେଡ଼ି ଲେହେଁ, ୨୦ ବୁଦି ହିଲାଆ ଲକୁଣି ଝେହନାତେରି, ପୁନାଆତି ଲକୁଣି ଜାପନାତେରି । ମୀ ନାମ୍ବୁ, ମେରାଟି ମାରୁ ସାତା ଅଡେ ବୁଦି ମେଡ଼ା ଆହାମାଞ୍ଜେରି । ୨୧ ମାରୁ ଏଟକାତି ଲକୁଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି? ସରୁ କିଆବୁ ଇଞ୍ଜି ଜାପୁହାନା ମାରୁଏ ଏନାଆଁତାକି ସରୁ କିହିମାଞ୍ଜେରି ? ୨୨ ଦାରି କିଆବୁ ଇଞ୍ଜି ଇଞ୍ଜାନା ମାରୁଏ ଦାରି କିହିମାଞ୍ଜେରି ? ମାରୁ ପେଣକା ବମାୟା ପୂଜା ଅପାଆନା ଦେଝୁଡ଼ିକାତି ଦିଣ୍ଡୁ ମାଣ୍ଡି ହିଲଅତେରି କି ? ୨୩ ମାରୁ ମାହାପୁରୁତି ମେରା ବେଟା ଆହାମାନମି ଇଞ୍ଜି ବତପଣ ଆହିମାଞ୍ଜେରି, ସାମା ଏଦାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡି କିହିମାଞ୍ଜେରି କି ? ୨୪ ସାସ୍ତେରିତା ରାସ୍କି ଆହାମାନେ, “ମିଙ୍ଗେ ତାକି ଜାହୁଦିଆଆତି ଲକୁତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ ।”\*

୨୫ ମାରୁ ମେରାତି ମାନି କିହିମାଟିସାରେ, ମୀ ତଲୁ ଦାପିଆନାୟି ଲାଡ଼ା ମାନେ । ସାମା ମେରାତି ମାନି କିଆସାରେ, ମୀ ତଲୁ ଦାପି ଆଡ଼ାୟି ତଲୁ ଦାପିଆଆତି ଲକୁତଲେ ସମାନା । ୨୬ ର ଜାହୁଦିଆଆତି ଲକୁ ମେରାତି ହୁକୁମିକା ମାନି କିତିସାରେ ମାହାପୁରୁ ଏଝାଣାଇଁ ତଲୁ ଦାପି ଆଡ଼ାସି ଲେହେଁ ଇନଅସି କି ? ୨୭ ଏଦାଆଁତାକି ଆଙ୍ଗା ତଲେ ତଲୁ ଦାପିଆଆତି, ଆମିନି ଜାହୁଦିଆଆତାରି ମସାତି ମେରା ମାନି କିନେରି, ଆଡ଼ିହଁ ମସା ରାଡ଼ିତି ମେରା ଅଡେ ତଲୁ ଦାପି ଆଡ଼ିଜିକେଏ

\* ୨:୨ ୨:୨ ପାରୁ ୨୨:୧୨

\* ୨:୧୧ ୨:୧୧ ଝେ ମେରା ୧୦:୧୭

\* ୨:୨୪ ୨:୨୪ ଜିସା ୫୨:୫

ମେରା ମାନି କିହିଲିଲଅତେରି, ଏଝାରି ମିଙ୍ଗେ ବିଚାରା କିୟାନେରି । ୨୮ ୱାରଇ ଆଙ୍ଗା ତଲେ ତଲୁ ଦାପି ଆହାନା ପାଙ୍ଗାତା ଜୀହୁଦି ଇଞ୍ଜିହିଁ ତସାକତିମାନି ଲକୁ ଜୀହୁଦି ଆଏ । ୨୯ ଆମ୍ବାଆସି ହିୟାଁ ବିତ୍ରା ଜୀହୁଦି, ଏଝାସି ସାତା ତଲେ ଜୀହୁଦି, ଅଙ୍କରି ତଲେ ଆଏ, ଜୀଝୁ ଅଡ଼େ ହିୟାଁ ତଲେ ଆମ୍ବାଆସି ତଲୁ ଦାପି ଆତାସି, ଏଦି ସାତା ତଲୁ ଦାପି ଆନାୟି । ଏଲେତି ଲକୁ ମାଣ୍ଠସି ତାଣାଟି ମାନି ବେଟାଆଅସି, ସାମା ମାହାପୁରୁ ତାଣାଟି ମାନି ବେଟା ଆନେସି ।

**୩**

୧ ଆତିହିଁ ଜୀହୁଦିଆଆତି ଲକୁ କିହାଁ ଜୀହୁଦି ଲକୁକି ଏନାୟି ଗାତି ଲାଟା ମାନେ ? ତଲୁ ଦାଃନାୟି ଏଦି ଲଡ଼ାମାନେ ? ୨ ହାରେକାତି, ମୁଲୁଏ ମାହାପୁରୁ ତାନି ନେହିଁ କାରୁ ଝେକ୍‌ହାଲି ଦାୟିପତି ଜୀହୁଦି ଲକୁକି ହେରପିତେସି । ୩ ଆତିହିଁ ଏନାୟି ? ଜୀହୁଦିଙ୍ଗା ତାଣାଟି ଏତରଜାଣା ନାମାଆସାରେ, ଏଝାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ ? ୪ ଏଲେଆହିଁ ଆଆପେ, ଲକୁ ବାରେଜାଣା ମିତିତାରି ଆତିହିଁ ଜିକେଏ ମାହାପୁରୁ ସାତା । ସାସ୍ତେରିତା ରାସ୍‌କି ଆହାମାନେ; “ନୀ ବଲୁ ତଲେ ନାନୁ ଦାମ୍ବୁ ଗାଟାଟି ଇଞ୍ଜିଁ ଝେକ୍‌ଦି, ନୀହାୟି ଆନି ବେଲତା ନାନୁ ଜୀଣା ଆଦି ।”

୫ ମା ଲାଗେଏତି କାମା ମାହାପୁରୁତି ନେହିଁ କାମାତି ପାରମାଣା କିନେ, ଆତିହିଁ ମାର ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହୀନେସି, ଏଝାସି କି ଦାମ୍ବୁ ହିଲାଆଗାଟାସି ? ନାନୁ ମାଣ୍ଠସିଲେହେଁ ଝେସିମାଇ । ୬ ଏଲେଆହିଁ ଆଏ । ମାହାପୁରୁ ଦାମ୍ବୁଗାଟାସି ଆଆତିହିଁ, ଏଝାସି ଏଦିକିହିଁ ଦାର୍ତ୍ତିତ ନୀହାୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଝୁରମି ତାକି ହାରେକା ଗାତି ଆଡ଼େ, ଆତିହିଁ ନାନୁ ପାପୁ ଗାଟାତେଏଁ ଇଞ୍ଜିଁ ଏନାଆଁତାକି ନୀହାୟି କିଝି ଆଇଁ ? ୮ ମାର ଏନାଆଁତାକି ଏଲେଇନାଆୟି, “ଝାଦୁ ମାର ଲାଗେଏତି କାମା କିନ, ଆତିହିଁ ମାଙ୍ଗେତାକି ନେହେଁ ଆନେ ?” ନାନୁ ଇଲେତି କାତା ଝେସିମାନାକି ଦାଝା କିହାନା ଏତେକା ଲକୁ ନାଙ୍ଗେ ନିନ୍ଦା କିହିମାଞ୍ଜାନେରି, ଏଝାରି ଇଦାଆଁତାକି ଆମିନି ତଣ୍ଡ ପାଣ୍ଠନାୟି ମାନେ, ସାତାତଲେ ବେଟାଆନେରି ।

**ଦାମ୍ବୁଗାଟାସି ଆମ୍ବାଆସି ହିଲଅସି**

☆ ୩:୪ ମା:୪ ପାରୁ ୫୧:୧୫ ☆ ୩:୧୦ ମା:୧୦ ପାରୁ ୧୪:୧-୩; ୫୩:୧-୩ ୧୦:୭ ☆ ୩:୧୫ ମା:୧୫ ଜିସା ୫୯:୭,୮ ☆ ୩:୧୮ ମା:୧୮ ପାରୁ ୩୭:୧ ଗାଲା ୨:୧୭ ☆ ୩:୨୨ ମା:୨୨ ଗାଲା ୨:୧୭

୯ ଆତିହିଁ ଜୀହୁଦି ଲକୁ ଜୀହୁଦିଆଆତି ଲକୁ କିହାଁ ହାରେକା ନେହାଁରି ମାନେରି ? ଏତେଲାଝା ଆଏ, ନାନୁ ନକେଏ ଝେସାମାଞ୍ଜାଇଁ ଜୀହୁଦି ଅଡ଼େ ଜୀହୁଦିଆଆତି ଲକୁ ପାପୁତି ବାଡ଼ୁଲୁତା ମାନେରି, ୧୦ ଦାମ୍ବୁ ସାସ୍ତେରିତା ରାସ୍‌କି ଆହାମାନେ; “ଦାମ୍ବୁଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି,☆

୧୧ ରଅସି ଜିକେଏ ବୁଦିଗାଟାସି ହିଲଅସି; କି ମାହାପୁରୁଇଁ ପାରିନାସି ହିଲଅସି ।

୧୨ ଏଝାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଝାରି ବାରେଜାଣା ଲାଗେଏ ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି ସାତାପାଣାତି କାମାକିନାସି ହିଲଅସି ।

୧୩ ଏଝାରି ହାତା ଦେପିଆଡ଼ି ମାଡ଼ହା ମୁହନି ଚାୟୁ, ଏଝାରି ଗୁତିଟି ମିତି କାତା ହଡ଼ିମାନେ,

ଲୁଡ଼ା ଡ଼ଇ ଅଟୁ କାଟାମାନି ରାଚୁତି ବୀସାମାନେ ।☆

୧୪ ଏଝାରି ଗୁତିଟି କାତା କାମ୍ବେଲି ଗାଟାୟି ଇଞ୍ଜାଁ ବାକା ତଲେ ନେଞ୍ଜାମାନେ ।☆

୧୫ ଏଝାରି ଇରହାଲି ଅଡ଼େ ପାୟାଲି ଦେବୁଣିଏ ହଡ଼ନେରି ।☆

୧୬ ଏଝାରି ଆମ୍ବିୟାଝାକି ହାନେରି, ଏମ୍ବାଆଁ ନାସା ଇଞ୍ଜାଁ ସାସ୍ତି ବେଟାଆନେରି ।

୧୭ ଏଝାରି ହିଡ଼ଡ଼ିତି ଜିରୁ ପୁଞ୍ଜାହିଲଅରି, ୧୮ ମାହାପୁରୁଇଁ ଆଜିନାୟି ଏଝାରିତାଣା ହିଲେଏ ।”☆

୧୯ ମାର ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଝାରି ମାନି କିନାୟିମାନେ । ମାହାପୁରୁ ଏତିବେଲା ବାରେ ଦାର୍ତ୍ତିତ ବିଚାରା କିନେସି, ମେରାତି ମାନି କିଆଗାଟି ଲକୁ ଜାହାରାଇଁ ଦହ ହିଲାଆ ଗାଟାତମି ଇଞ୍ଜିଁ ଇଞ୍ଜାଲି ଆଡ଼ଅରି । ୨୦ ☆ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡ଼ଅସି । ଇତିହିଁ ମେରାଟି ମାଣ୍ଠସି ୱାରଇ ପାପୁତି ପୁଞ୍ଜାଲି ଆଡ଼ିମାନେସି ।☆

**ନାମୁତଲେ ଦାମ୍ବୁଗାଟି ଲକୁ ଆନାୟି**

୨୧ ମାହାପୁରୁ ମାଣ୍ଠସିଇଁ ତାନିତଲେ ନେହିଁକିଁ ଆଣ୍ଡାଲି ତାକି ମେରା ପିସପେ ଏନାଆଁ କିହାମାନେସି, ଏଦି ନୀଏଁ ତଞ୍ଜା ଆହିମାନେ । ଏ କାତା ମସାତି ମେରା ଇଞ୍ଜାଁ ମାହାପୁରୁ ଅଣ୍ଡପୁତି ବଲୁ ଝେହନାରି ଜିକେଏ ସାକି ହୀହାମାନେରି । ୨୨ ☆ଝାରଇ ଜୀସୁ କ୍ରୀସ୍ତ ତାଣା ନାମିତାକି

☆ ୩:୧୩ ମା:୧୩ ପାରୁ ୫:୯; ୧୪୦:୩ ☆ ୩:୧୪ ମା:୧୪ ପାରୁ ୧୦:୭ ☆ ୩:୧୫ ମା:୧୫ ଜିସା ୫୯:୭,୮ ☆ ୩:୧୮ ମା:୧୮ ପାରୁ ୩୭:୧ ☆ ୩:୨୦ ମା:୨୦ ଗାଲା ୨:୧୭ ☆ ୩:୨୦ ମା:୨୦ ପାରୁ ୧୪୩:୨; ଗାଲା ୨:୧୭

ଲକୁ ମାହାପୁରୁ ନକିତା ଦାମ୍ଭିଗାଟାରି ଆନେରି । ମାହାପୁରୁ ଆମ୍ବାଆରାଇଁ ପାର୍ଡ଼ା ବାଟି କିଆନା କ୍ରୀସ୍ତାଇଁ ନାମିତି ବାରେ ଜାଣାକି ର ପାରୁ ହୀନେସି ।<sup>୬୩</sup> ବାରେଜାଣା ପାପୁ କିହାମାନେରି ଅଡ଼େ ମାହାପୁରୁତି ଗାଞ୍ଜୁରମିଟି ହେକ ଆହାମାନେରି ।<sup>୬୪</sup> ସାମା, ଏଞ୍ଜାରି ଉଜେଏ ମାହାପୁରୁତି କାର୍ମାମେହ୍ନି ଦାନା ତଲେ କ୍ରୀସ୍ତ ଜୀସ୍ତ ତାଣା ଆମିନି ଗେଲ୍ପି ଆନାୟି ମାନେ, ଏଦାଆଁ ତଲେ ଦାମ୍ଭିଗାଟାରି ଆନେରି ।<sup>୬୫</sup> ମାହାପୁରୁ ଜୀସ୍ତାଇଁ ଦାନା ହୀତେସି, ଏନିକ୍ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଣ୍ଟିନି ଉପେୟି ଆନେ । ମାହାପୁରୁ ଅରହାନା ଲକୁ କିହାମାନି ତଲିତି ପାପୁତି ତସାହିଲଅସି ।<sup>୬୬</sup> ସାମା ନାଏଁ ଏଞ୍ଜାସି ଜାହାରା ଦାମ୍ଭି ଗାଟାଣି ତସାଲି ତାକି ପାପୁ ମ୍ବେକ୍ନି ମେରା କିହାମାନେସି । ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାମ୍ଭିଗାଟାସି ଇଞ୍ଜା ଆମ୍ବାଆସି ଜୀସ୍ତ ତାଣା ନାମିନେସି, ଏଞ୍ଜାସି ବାରେଜାଣାତି ଦାମ୍ଭି ଗାଟାରିଲେହେଁ ଆବିନେସି ।

<sup>୬୭</sup> ଆତିହ୍ ଆମିନି କାତାତା ମାର ବଡ଼ପଣ ଆନାୟି ? ଆଏ, ଏଲେତି କାତା ଏନାୟି ହିଲେଏ । ବଡ଼ପଣ ଆହାଲିତାକି ମା ତାଣା ଏନାୟି ମାନେ ? ମାର ବାରେ ହୁକୁମି ମାନୁଞ୍ଜି ଆହିମାନାୟି ଇଞ୍ଜିହ୍ କି ? ଆଏ, ଖାରୁଇ ନାମୁଏ ମା ବଡ଼ପଣ ଆନେ ।<sup>୬୮</sup> ମାର ନେହ୍ କି ତେଲ୍ହାଲି ଆଡ଼ିନାୟି, ରଅସି ଖାରୁଇ ତାନି ନାମୁତଲେ ମାହାପୁରୁ ନକିତା ଦାମ୍ଭିଗାଟାସି ଇଞ୍ଜି ହେକ୍ନେସି, ମେରାତି ମାନି କିତିସାରେ ଆଏ ।<sup>୬୯</sup> ମାହାପୁରୁ ଖାରୁଇ ଜୀହୁଦି ଲକୁତି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକୁତି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକୁତି ମାହାପୁରୁ ।<sup>୭୦</sup> ଏନାଆଁତାକି ଇତିହ୍, ମାହାପୁରୁ ରଅସିଏ, ଅଡ଼େ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁତି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାମ୍ଭି ଗାଟାରିଲେହେଁ ଆବିନେସି ।<sup>୭୧</sup> ଆତିହ୍, ମାର କି ନାମୁତଲେ ମସାତି ମେରା ମ୍ବେକ୍ନି ମାନାୟି ? ଏଡ଼ି ଏରେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଇଁ ଜାଣେ ତାରି କିହିମାନାୟି ।

### ୪

#### ଅବ୍ରାହାମତି ମାଣକି

<sup>୧</sup> ଆତିହ୍ ଆଜ୍ଞା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହ୍ ମାର ଏଲେଇନାୟି ? <sup>୨</sup> ଅବ୍ରାହାମ ତାନି ଜାହାରା କାମାଟି ମାହାପୁରୁ ତାଣା ଦାମ୍ଭିଗାଟାସି ଆହା

ମାତିହ୍ ମା, ଏଞ୍ଜାଣାକି ବଡ଼ପଣ କିନି କାତା ମାତେ । ସାମା ମାହାପୁରୁ ଖାକିଟି ଏଡ଼ି ଆହାହିଲାଆତେ ।<sup>୩</sup> ଦାମ୍ଭି ସାତ୍ସେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡ଼େ ଏ ନାମୁତାକି ମାହାପୁରୁ ଏଞ୍ଜାଣାଇଁ ଦାମ୍ଭି ଗାଟାଣି ଲେହେଁ ଅପିତେସି ।”<sup>୪</sup> ଆମ୍ବାଆସି କାମା କିନେସି, ଏଞ୍ଜାଣାକି ତାନି କୂଲି ମେଡାଆନେ, ଏଡ଼ି ଦାନା ହୀନାୟି ଆହାଲି ଆଡ଼େଏ, ଏଡ଼ି କାମାତି ପାଡ଼େୟି ଇଞ୍ଜି ଇଣ୍ଡି ଆନେ ।<sup>୫</sup> ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ଭି ହିଲାଆଗାଟାଣାଇଁ ଏମିନି ମାହାପୁରୁ ଦାମ୍ଭିଗାଟାସି ଇଞ୍ଜି ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାମ୍ଭିଗାଟାୟି ଇଞ୍ଜି ହେକ୍ନେ ।<sup>୬</sup> ଆମିନି ଲକୁଇଁ କାମା ଲଡ଼ାତି ସିନି କିଆନା ମାହାପୁରୁ ଏଞ୍ଜାଣାଇଁ ଦାମ୍ଭିଗାଟାସି ଇଞ୍ଜି ଆବିନେସି, ଏଞ୍ଜାଣାଇଁ ନେହ୍ସି ଇଞ୍ଜି ଦାଞ୍ଜୁଦ ଏଲେଇଞ୍ଜା ମାନେସି;

<sup>୭</sup> “ଆମ୍ବାଆରି ଦହ ମେଣ୍ଟି କିଞ୍ଜିଆହାମାନେ, ଆମ୍ବାଆରି ପାପୁ ମେଣ୍ଟି କିଞ୍ଜିଆହାମାନେ, ଏଞ୍ଜାରାକି ନେହେଁ ।

୮ ପ୍ରବୁ ଆମ୍ବାଆରି ପାପୁ ଆହ୍ଅସି, ଏଞ୍ଜାଣାକି ନେହେଁ !”

<sup>୯</sup> ଇମ୍ବାଆଁ ଦାଞ୍ଜୁଦ ଆମ୍ବାଆରାଇଁ ନେହେଁ ଇଞ୍ଜି ହେସାମାନେସି, ଏଞ୍ଜାରି କି ଖାରୁଇ ତଲୁ ଦାପି ଆଡ଼ି ଲକୁ ମାତେରି ? କି, ତଲୁ ଦାପିଆଆତି ଲକୁ ଜିକେଏ ନେହ୍ସି ଆହାଲି ଆଡ଼ିନେରି । ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ଭିଗାଟାସି ଇଞ୍ଜି ହେକ୍ନେସି ।”<sup>୧୦</sup> ଆତିହ୍ ଏଡ଼ି ଏରେଲା ଆହାମାତେ ? ଅବ୍ରାହାମ ତଲୁ ଦାପି ଆଡ଼ି ତାୟୁ କି, ତାନି ନକେଏ ? ତଲୁ ଦାପି ଆଆନକେଏ, ତାୟୁ ଆଏ ।<sup>୧୧</sup> ତଲୁ ଦାପି ଆଡ଼ି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଇଁ ଦାମ୍ଭି ଗାଟାଣା ଲେହେଁ ଆବା ମାତେସି । ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆଡ଼ି ମେରା ବେଟାଆହା ମାତେସି, ଇତିହ୍, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାତି ଦାମ୍ଭିଗାଟାସି ଇଞ୍ଜିହ୍ ଆବିତାସି, ସୁଦୁ ମାଣକିଟି ଅବ୍ରାହାମ ଏଞ୍ଜାରି ତାଞ୍ଜି ।<sup>୧୨</sup> ଆବା ଅବ୍ରାହାମ ତଲୁ ଦାପି ଆଡ଼ି ନକେଏଟିଏ ଆମିନି ନାମୁତି କାତା ତସାମାତେସି, ତଲୁ ଦାପିଆଆତି ଲକୁ ଜାହାରା ଜୀହୁତା ଏଲେତି ନାମୁ ତସାଲି ଆଡ଼ିସାରେ, ଅବ୍ରାହାମ ଏଞ୍ଜାରାକି ଜିକେଏ ତାଞ୍ଜି ଆନେସି ।

#### ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

<sup>୧୩</sup> ଅବ୍ରାହାମ ମେରାତି ମାନି କିହାମାନାକି ଆଏ । ଖାରୁଇ ତାନି ନାମୁ ତାକି ମାହାପୁରୁ

☆ ୩:୨୨ ୩:୨୨ ଗାଲା ୨:୧୭ ☆ ୩:୩୦ ୩:୩୦ ଖେ ମେରା ୨:୪; ଗାଲା ୩:୨୦ ☆ ୪:୩ ୪:୩ ମୂଲୁ ୧୫:୨; ଗାଲା ୩:୨ ☆ ୪:୭ ୪:୭ ପାରୁ ୩୨:୧,୨ ☆ ୪:୧୧ ୪:୧୧ ମୂଲୁ ୧୭:୧୦ ☆ ୪:୧୩ ୪:୧୩ ଗାଲା ୩:୨୯

ତାଣାଟି ଦାମ୍ଭିଗାଟାସି ଇଞ୍ଜିଁ ଝେଙ୍ଗାମାରେସି ଇଞ୍ଜିଁ ଏଦାଆଁତାକି ତାନି ମାରକା ମାସକା ଦାର୍ତତି ଅଦିକାରା ବେଟାଆନେରି ଇଞ୍ଜିଁ ମାହାପୁରୁ ଆଞ୍ଜାମାରେସି ।<sup>୧୪</sup> \*<sup>୧୪</sup> ଆମ୍ବାଆରି ମେରାତି ମାନି କିନାରି, ଖାରଇ ଏଞ୍ଜାରି ମାହାପୁରୁତି ଦାମ୍ଭା ବେଟାଆନେରି ଇଚିସାରେ, ମାଣସିତି ନାମ୍ନ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ ।<sup>୧୫</sup> \*<sup>୧୫</sup> ଇଚିହଁ ମସାତି ମେରା ଉରିନି ତାଣାଟି ମାହାପୁରୁତି କାରବି ଗାଟାସି ଆନେସି, ସାମା ଆମ୍ବିୟା ମେରା ହିଲେଏ, ଏମ୍ବାଆଁ ମେରା ଉରିନି କାତା ହିଲେଏ ।

<sup>୧୬</sup> \*ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମ୍ନ ଅଡେ କାର୍ମାତି ଲାକ ଇଚ୍ଚି ଆହାମାନେ । ଆମିନି ଗାଟାରି ମେରାତି ମାନି କିନେରି, ଖାରଇ ଏଞ୍ଜାରକିଦେହେଁ ମାହାପୁରୁତି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏନାଆଁତାକି ଇଚିହଁ ଅବ୍ରାହାମ ଏଞ୍ଜାରି ସୁଦୁ ମାଣକିତି ତାଞ୍ଜି;<sup>୧୬</sup> \*<sup>୧୬</sup> ଆମିନି ମାହାପୁରୁଇଁ ଅବ୍ରାହାମ ନାମିମାରେସି, ଆମ୍ବାଆସି ହାଡାରାଇଁ ଝେଣ୍ଡେ ଜୀଝୁ କିନେସି, ଅଡେ ହିଲାଆଗାଟି ଦିଶ୍ସୁତି ମାନି ଲେହେଁ ହାଟିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ କାତା ଦାମ୍ଭି ସାସ୍ତେରିତା ରାସ୍ତକି ଆହାମାନେ, “ନିଙ୍ଗେ ହାରେକା କୃତାତି ଲକୁତି ତାଞ୍ଜି କିହାମାଞ୍ଜାନମି ।”<sup>୧୭</sup> \*<sup>୧୭</sup> ଆସା କିନାୟି ଏନାୟି ହିଲାଆତି ଜିକେଏ ଅବ୍ରାହାମ ନାମିତେସି ଇଞ୍ଜିଁ ଆସା ଇଚିତେସି, ଏଦାଆଁତାକି “ହାରେକା କୃତାତି ତାଞ୍ଜି” ଆଡେସି । ଦାମ୍ଭି ସାସ୍ତେରିତା ରାସ୍ତକି ଆହାମାନେ, “ନୀ କୃତା ହୁକାୟି ଲେହେଁ ଏପାଆନେରି ।”<sup>୧୮</sup> \*<sup>୧୮</sup> ଏଞ୍ଜାଣାକି ଏଚିବେଲା ପାସାକଡ଼ି ବାସୀ ଆହାମାଟାକି ଏଞ୍ଜାସି ତାନି ଆଙ୍ଗାତି ହାଡାୟି ଇଞ୍ଜା ସାରା ଅଡେ କକାରି ପଦାଁ ଆନି ଗାରା ଜିକେଏ ହାଡାୟି ଇଞ୍ଜିଁ ଅଶ୍ପତି ଜିକେଏ ନାମୁତା ଉଣା ଆଆଡେସି ।<sup>୧୯</sup> \*<sup>୧୯</sup> ଏଞ୍ଜାସି ତାନି ନାମ୍ନ ପିହ୍ଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି । ଏଞ୍ଜାସି ନାମୁତା ବାଡ଼ୁୟି ଆଡେସି ଇଞ୍ଜା ମାହାପୁରୁଇଁ ଜହରା କିତେସି ।<sup>୨୦</sup> ମାହାପୁରୁ ଏନାଆଁ ଆଞ୍ଜାମାରେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜିଁ ଏଞ୍ଜାଣାକି ଜାଣ୍ଡେ ନାମ୍ନ ମାଟେ ।<sup>୨୧</sup> \*<sup>୨୧</sup> ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ଭିଗାଟାସି ଆହାମାରେସି ।”<sup>୨୨</sup> \*<sup>୨୨</sup> “ଅବ୍ରାହାମ ଦାମ୍ଭିଗାଟାସି ଇଞ୍ଜିଁ ଝେଙ୍ଗାମାଟି” କାତା ଖାରଇ ଏଞ୍ଜାଣି ତାକିଏଦେଁ ରାସ୍ତକି ଆହାହିଲେଏ ।<sup>୨୩</sup> \*<sup>୨୩</sup> ସାମା ଇ

କାତା ମାଙ୍ଗେତାକି ଜିକେଏ ରାସ୍ତକି ଆହାମାନେ; ଇଚିହଁ ଆମ୍ବାଆସି ମା ପ୍ରବୁ ଜୀସୁଇଁ ହାଡାରି ତାଣାଟି ନିକହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଙ୍ଗେତାକି ଜିକେଏ ଏଦି ଆନେ ।<sup>୨୪</sup> \*<sup>୨୪</sup> ଏ ପ୍ରବୁ ଜୀସୁ ମା ପାପୁତି ବାଦୁଲି ହାହାଲି ହେରପିଆହା ମାଟେସି ଇଞ୍ଜା ମାହାପୁରୁ ନକିତା ମାଙ୍ଗେ ଦାମ୍ଭି ଗାଟାତାୟି କିହାଲି ଝେଣ୍ଡେ ନିଙ୍ଗିତେସି ।<sup>୨୫</sup> \*<sup>୨୫</sup>

**୫**

**ମାହାପୁରୁ ନକିତା ନେହଁ ତଞ୍ଜା ଆନାୟି**

<sup>୧</sup> ନୀଏଁ ନାମୁତଲେ ମାର ମାହାପୁରୁ ନକିତା ଦାମ୍ଭି ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ ଜୀସୁ ତାଣାଟି ମାହାପୁରୁ ତଲେ ମାର ହିଡ଼ିତେ ତଲେ ମାନାୟି;<sup>୨</sup> ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁତି ଗାଝୁରମିତି ବାସ୍ତୁତା ବତପଣ କିହିମାନାୟି ।<sup>୩</sup> ଖାରଇ ଏଦି ଆଏ, ବାରେ ଦୁକୁ କସ୍ତା ଜିକେଏ ମାର ରାହାଁ କିହିମାନାୟି, ଇଚିହଁ କସ୍ତି ସାସା ଖାନେ,<sup>୪</sup> ସାସାଟି ବାଡ଼ୁୟି ମାଣକି ଖାନେ ଇଞ୍ଜା ବାଡ଼ୁୟି ମାଣକିଟି ବାସ୍ତୁ ଖାନେ ।<sup>୫</sup> ବାସ୍ତୁ ମାଙ୍ଗେ ହାଣି ଆହାଲି ହିୟେଏ, ଏନାଆଁତାକି ଇଚିହଁ ମାହାପୁରୁ ମାଙ୍ଗେ ସୁଦୁଜୀଝୁ ହାହାନା ମା ହିୟାତା ତାନି ଜୀଝୁ ନନାଣି ହାହାମାଞ୍ଜାନେସି ।

<sup>୬</sup> ଏଚିବେଲାତା ମାର ଏନି ଉପେୟି ହିଲାଆଗାଟାତାୟି ମାଟାୟି, ଏଚିବେଲା ମାହାପୁରୁ ତାରି କିହାମାଟି ବେଲାତା ଜୀସୁ ପାପୁ ଲକୁତାକି ହାଡେସି ।<sup>୭</sup> ଦାମ୍ଭି ଲକୁତାକି ଆମ୍ବାଆସି ଜିକେଏ ହାଅସି, ନେହଁ ଲକୁତାକି ଆମ୍ବାଆସି ଜୀଝୁ ହାହାଲି ଅଶ୍ପିନେସି ।<sup>୮</sup> ସାମା ମାର ପାପୁଗାଟି ଲକୁ ମାଟାଟି ଜିକେଏ ଜୀସୁ ମା ତାକି ତାନି ଜୀଝୁ ହାଡେସି, ଇଦାଆଁ ତଲେ ମାହାପୁରୁ ମାଙ୍ଗେ ଏଚେକା ଜୀଝୁନହଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି ।<sup>୯</sup> ଏଦାଆଁତାକି ଇ କାତା ସାତା, ମାର ନୀଏଁ ଏଞ୍ଜାଣି ନେଡେରି ତଲେ ଦାମ୍ଭି ଗାଟାତଞ୍ଜି ଆହାମାନାକି ଏଞ୍ଜାଣି ତାଣାଟି ମାହାପୁରୁତି କପାଟି ଗେଲ୍ପି ଆହାଲି ଆଡିନାୟି ।<sup>୧୦</sup> ମାର ମାହାପୁରୁତି ସାଡୁୟି ମାଟାୟି, ସାମା ମାର ତାନି ମୀର୍ଏଣା ହାକିଟି ତାନିତଲେ ଆଣ୍ଡିତାୟି, ନୀଏଁ ମାର ମାହାପୁରୁ ତଲେ ଆଣ୍ଡାନା ଜୀସୁତି ଜୀଝୁତଲେ ଗେଲ୍ପି ଆନାୟି ।<sup>୧୧</sup> ଖାରଇ ଏଚେକା ଆଏ, ସାମା ପ୍ରବୁ ଜୀସୁ ଜୀସୁତି ତାକି ମାର ନୀଏଁ ମାହାପୁରୁ ତଲେ ଆଣ୍ଡାନାୟି; ଏଞ୍ଜାଣି

\* ୪:୧୩ ୪:୧୩ ମୂଲୁ ୧୭:୪-୬; ୨୨:୧୭,୧୮; ଗାଲା ୩:୨୯ \* ୪:୧୪ ୪:୧୪ ଗାଲା ୩:୧୮ \* ୪:୧୫ ୪:୧୫ ଗାଲା ୩:୧୮ \* ୪:୧୬ ୪:୧୬ ଗାଲା ୩:୭ \* ୪:୧୭ ୪:୧୭ ମୂଲୁ ୧୭:୫ \* ୪:୧୮ ୪:୧୮ ମୂଲୁ ୧୫:୫ \* ୪:୧୯ ୪:୧୯ ମୂଲୁ ୧୭:୧୭ \* ୪:୨୨ ୪:୨୨ ମୂଲୁ ୧୫:୬ \* ୪:୨୫ ୪:୨୫ ଜିସା ୫୩:୪,୫

ତାଣାଟି ମାର ମାହାପୁରୁ ତାଣା ବଡ଼ପଣ ଜିକେଏ ଆହିମାନାୟି ।

**ଆଦମ ଅଡ଼େ କ୍ରୀସ୍ତ**

୧୨ ରଅଣି ତାଣାଟି ପାପୁ ଦାର୍ତ୍ତିତା ଖାଡ଼େ ଅଡ଼େ ପାପୁ ତଲେ ହାକି ଖାଡ଼େ, ବାରେଜାଣା ପାପୁ କିତାକି ହାକି ବାରେ ମାଣ୍ଡିତାକି ଖାଡ଼େ, ଇଞ୍ଜା ବାରେଜାଣା ପାପୁ କିତେରି । \* ୧୩ ମେରା ହୀପକି ଆଡ଼ି ନକେଏ ଦାର୍ତ୍ତିତା ପାପୁ ମାତେ; ସାମା ମେରା ହିଲାଆଟି ପାପୁଟି ଏଜିକିଞ୍ଚି ଆହି ହିଲାଆତେ । ୧୪ ଆଦମ ତାଣାଟିଏ ମସା ପାତେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲାଆତେ ଜିକେଏ ବାରେଜାଣା ହାକିତି ଡ଼ଇ ମାତେରି; ଆମିନିଗାଟାସି ଖାନାୟି ମାତେ, ଆଦମ ଏଞ୍ଜାଣି ର ଖାଣା ।

୧୫ ସାମା ଦହ ଏନିକିହ, ମାହାପୁରୁଟି କାର୍ମା ଜିକେଏ ଏଲେକିହ, ଏଦି ଆଏ, ଇତିହ ରଅଣି ଦହ ତାକି ହାରେକା ଲକୁଡ଼ି ହାକି ଆଡ଼େ, ଆଡ଼ିହ ମାହାପୁରୁଟି କାର୍ମା ଅଡ଼େ ର ମାଣ୍ଡିସି ଇତିହ ଜୀସୁ କ୍ରୀସ୍ତ ହୀତି କାର୍ମାଟି ଦାନା ହାରେକା ଲକୁଡ଼ାକି ହାରେକା ଗାଡ଼ି ଆଡ଼େ । ୧୬ ର ମାଣ୍ଡିସି ପାପୁ କିତାକି ଏନିକିହ ପାଡ଼େୟି ଆଡ଼େ, ଇ ଦାନାଟି ପାଡ଼େୟି ଏଲେକିହ ଆଏ, ଇତିହ ରଅଣି ତାକି ଏମିନି ନୀହାୟି, ଏମ୍ବାଟି ପାଡ଼େୟି ତଣ୍ଡି ଆଡ଼େ, ସାମା ହାରେକା ଲକୁଡ଼ି ଦହ ତାକି ଏମିନି କାର୍ମାଟି ଦାନା, ଏମ୍ବାଟି ପାଡ଼େୟି ଦହ ହିଲାଆଗାଟାୟି ଆଡ଼େ । ୧୭ ର ମାଣ୍ଡିସି ପାପୁ ତାକି, ହାକି ସାଲୁଞ୍ଚି କିତେ; ସାମା ଅର ରଅସି ଇତିହ ଜୀସୁ କ୍ରୀସ୍ତ ଏନାଆଁ କିହାମାନେସି, ଏଦି ଏତେକା କାଜାୟି । ଆମିନି ବାରେଜାଣା ମାହାପୁରୁଟି ହାରେକା କାର୍ମାମେହନାୟି ଉଜେଏ ମେଡ଼ା ଆନାଣି ତଲେ ମାହାପୁରୁଟି ନକିତା ଦାର୍ମୁଗାଟାରି ଇଞ୍ଜା ଝେଙ୍ଗିନେରି, ଏଞ୍ଜାରି କ୍ରୀସ୍ତ ତଲେ ଜୀଣାଆହାନା ନୀଡ଼ିନେରି ।

୧୮ ରଅଣି ପାପୁ ଏନିକିହ ବାରେ ମାଣ୍ଡିସି କୁଡ଼ାଈ ତଣ୍ଡି ବେଟା ଆଞ୍ଜିକିତେ, ଏଲେକିହ ଏ ରଅଣି ଦାର୍ମୁଟି କାମା ବାରେ ମାଣ୍ଡିସି କୁଡ଼ା ତାକି ଗେଲ୍ପି ଆନାଣି ଇଞ୍ଜା ରାଆଗାଟି ଜୀଞ୍ଜୁ ତାଟାହୀତେ । ୧୯ ରଅସି ମାନି କିଆତାକି ଏନିକିହ ହାରେକା ଲକୁ ପାପୁ ଗାଟାରି ଆଡ଼େରି, ଏଲେକିହ ଏ ରଅଣି ମାନି କିନାଣି ତଲେ ବାରେଜାଣା ମାହାପୁରୁ ନକିତା ଦାର୍ମୁଗାଟାରି ଆନେରି ।

୨୦ ଇଦାଆଁ ପିସ୍ପେ ମେରା ଜିକେଏ ଖାଡ଼େ, ଏନିକିହ ଦହ ହାରେକା ଗାଡ଼ିଆନେ; ସାମା ଆମ୍ବିୟା ପାପୁ ପାତାଆଡ଼େ, ଏମ୍ବାଆଁ ମାହାପୁରୁଟି

କାର୍ମାମେହନାୟି ଜିକେଏ ହାରେକା ପାତାଆଡ଼େ । ୨୧ ଏନିକିହ ପାପୁ ହାକି ତଲେ ସାଲୁଞ୍ଚି କିତେ, ଏଲେକିହ ଏ ମାହାପୁରୁଟି କାର୍ମାମେହନାୟି ଜୀସୁ କ୍ରୀସ୍ତ ତାଣାଟି ମାଙ୍ଗେ ଦାର୍ମୁ ଗାଟାଟାୟି କିହାଁ ରାଆଗାଟି ଜୀଞ୍ଜୁ ହିୟାତେ ।



**ପାପୁଟି ହାକି କ୍ରୀସ୍ତ ତାଣାଟି ଜୀଞ୍ଜୁ**

୧ ଆଡ଼ିହ ମାର ଏନାଆଁ ଇନାୟି ? ମାହାପୁରୁଟି କାର୍ମାମେହନାୟି ଏନିକିହ ହାରେକା ଆନେ, ଏଦାଆଁତାକି କି ପାପୁତେଏ ମାଞ୍ଜେମାନାୟି ? ୨ ଏଦି ଏତେଲା ଜିକେଏ ଆଆପେ । ପାପୁ ତାକି ମାର ହାହାମାନାୟି, ଏନିକିହ ଏମ୍ବାଆଁ ଅଡ଼େ ମାର ନୀଡ଼ିନାୟି ? ୩ ମାର ଏତେକା ଲକୁଡ଼ାୟି କ୍ରୀସ୍ତ ଜୀସୁ ତାଣା ବାପ୍ତିସ୍ତ\* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ତ† ଅହାମାନାୟି, ଇଦାଆଁ କି ମୀରୁ ପୁଞ୍ଜାହିଲଅତେରି ? ୪ ଏଦାଆଁତାକି ମାର ବାପ୍ତିସ୍ତ‡ ଅହାନା ହାକିତା ତାନିତଲେ ମୁସପି ଆହାମାନାୟି, କ୍ରୀସ୍ତ ଏନିକିହ ଆବାତି ଗାଞ୍ଜୁରମି ତଲେ ହାଡ଼ାରି ତାଣାଟି ଝେଣ୍ଡେ ନିଞ୍ଜିତେସି, ମାର ଜିକେଏ ଏଲେକିହ ଏ ପୁଞ୍ଜି ଜୀଞ୍ଜୁଟି ମାଣ୍ଡିକି ତଲେ ନୀଡ଼ିନ ।\*

\* ଏନାଆଁତାକି ଇତିହ ମାର ଏଞ୍ଜାଣି ହାକିତା ଆଣ୍ଡାନା ଏଞ୍ଜାଣିତଲେ ରଣ୍ଡିଏ ଆହାମାନାୟି, ଆଡ଼ିହ ସାତେଏ ଏଞ୍ଜାସି ଝେଣ୍ଡେ ନିଞ୍ଜିତି ଲେହେଁ ମାର ଜିକେଏ ନିଞ୍ଜାନା ଏଞ୍ଜାଣିତଲେ ରଣ୍ଡିଏ ଆନାୟି । ୬ ମାର ପୁଞ୍ଜାମାନାୟି, ପାପୁଟି ହଲିୟାଙ୍ଗା ଆଆପ, ଇଦାଆଁତାକି ପାପୁଟି ଆଙ୍ଗା ନାସା କିହାଲିତାକି ମା ପୁଞ୍ଜଇ ମାଣ୍ଡିକି ତାନିତଲେ ପାସି ମୁଣ୍ଡାତା ହାହାମାନେ । ୭ ଏନାଆଁତାକି ଇତିହ ମାଣ୍ଡିସି ହାଡ଼ିସାରେ, ପାପୁଟି ବାଡ଼ୁରୁଟି ଗେଲ୍ପି ଆନେସି । ୮ ସାମା ମାର କ୍ରୀସ୍ତ ତଲେ ହାଡ଼ାକି, ତାନିତଲେ ମାର ଜିକେଏ ନୀଡ଼ିନାୟି ଇଞ୍ଜା ନାମାମାନାୟି । ୯ ମାର ପୁଞ୍ଜାମାନାୟି, କ୍ରୀସ୍ତ ହାକିଟି ନିଞ୍ଜାମାନାକି, ଏଞ୍ଜାସି ଅଡ଼େ ଝେଣ୍ଡେ ହାଅସିଦେଁ, ଏଞ୍ଜାଣାଈ ଅଡ଼େ ହାକି ସାଲୁଞ୍ଚି କିହାଲି ଆଡ଼େଏ । ୧୦ ଏଞ୍ଜାସି ଆମିନି ହାକିତା ହାଡ଼େସି, ଏଦାଆଁ ତଲେ ପାପୁଟି ବାଡ଼ୁରୁଟି ରଣ୍ଡିଏ ଦେବେଏ ଜୀଣା ଆଡ଼େସି । ଅଡ଼େ ନୀଏ ଆମିନି ଜୀଞ୍ଜୁତଲେ ନୀତାମାନେସି, ଏଦି ମାହାପୁରୁ ତଲେ ଆଣ୍ଡିତି ଜୀଞ୍ଜୁ । ୧୧ ଏଲେକିହ ଏ ମୀରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜା ଅଣ୍ଡାପାଦୁ । ସାମା କ୍ରୀସ୍ତ ଜୀସୁ ତାଣାଟି ଆଣ୍ଡାନା ମାହାପୁରୁ ତାକି ଜୀଞ୍ଜୁ ଗାଟାତମି ଇଞ୍ଜୁ ।

୧୨ ମୀ ହାନି ଆଙ୍ଗାତା ପାପୁ ସାଲୁଞ୍ଚି କିୟାଆପେ; ମୀରୁ ଅଡ଼େ ଆଙ୍ଗାତି ଲାଗେଏଡ଼ି ଅଣ୍ଡପୁ ତଲେ ତାକାଆଦୁ । ୧୩ ମୀ ଆଙ୍ଗା ଉଡ଼େଲିତି ଲାଗେଏ

\* ୫:୧୨ ୫:୧୨ ମୁଲୁ ୩:୨    \* ୬:୩ ୬:୩ମୁଞ୍ଜିନାୟି    † ୬:୩ ୬:୩ମୁଞ୍ଜିନାୟି    \* ୬:୪ ୬:୪ କଲସି ୨:୧୨    ‡ ୬:୪ ୬:୪ମୁଞ୍ଜିନାୟି  
\* ୬:୪ ୬:୪ କଲସି ୨:୧୨

କାମାତି ଜୁତି ଲେହେଁ ପାପୁ କାମାତା ହେର୍ପାଆଦୁ, ସାମା ହାଡ଼ାରି ତାଣାଟି ନୀତାମାନି ଲେହେଁ ଜାହା ଜାହାରାଇଁ ମାହାପୁରୁ ନକିତା ହେର୍ପା କତାଦୁ, ଇଞ୍ଜା ଜାହା ଜାହାରା ଆଙ୍ଗା ଉଡେଲିତି ଦାମ୍ବୁତି ଜୁତି ଲେହେଁ ମାହାପୁରୁ ନକିତା ହେର୍ପାଦୁ । ୧୪ ପାପୁ ମିଙ୍ଗେ ସାଲୁଖି କିୟାଆପେ, ମୀରୁ ଅଡେ ମସାତି ମେରା ତୁଇ ହିଲଅତେରି, ସାମା ମାହାପୁରୁତି କାମାତି ତୁଇ ମାଞ୍ଜେରି ।

**ଦାମ୍ବୁତି ହଲିୟାଙ୍ଗା**

୧୫ ଆତିହୁଁ ଏନାଆଁ ? ମାରୁ ମସାତି ମେରା ତୁଇ ହିଲଆୟି, ସାମା ମାହାପୁରୁତି କାମାମେହୁନି ତୁଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହୁଁ ଏଚେଲା ଜିକେଏ ଆଆପେ । ୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଅଣି ହଲିୟାଙ୍ଗା ଆହାନା ଏଞ୍ଜାଣି କାତା ମାନୁଞ୍ଜି ଆଡ଼ିସାରେ, ଆତିହୁଁ ମୀରୁ ଏଞ୍ଜାଣି ହଲିୟାଙ୍ଗାତେରି, ପାପୁତି ହଲିୟାଙ୍ଗା ଆଡ଼ିସାରେ, ପାପୁ ମାଣକିଟି ହାକି ଖାନେ; ଦାମ୍ବୁତି କେଚ ହାଡ଼ିସାରେ, ଜୀଝୁ ବେଟାଆଦେରି । ୧୭ ସାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଙ୍ଗାତେରି ମାଚେରି, ମୀରୁ ନୀର୍ବ ନେହୁଁ ବଲୁତି ଜାପୁନି ତାଣା ହେର୍ପାଆହା ମାଞ୍ଜେରି, ଅଡେ ହିୟାଁ ତଲେ ଏମାତି ମାନି କିହିମାଞ୍ଜେରି । ୧୮ ପାପୁତି ପିସପି ଆହାନା ଦାମ୍ବୁତି ହଲିୟାଙ୍ଗା ଆହାମାଞ୍ଜେରି । ୧୯ ମୀ ଆଙ୍ଗାତି ବାଡୁୟୁ ହିଲଆକି ମାଣସିତି ହାଡ଼ାତଲେ ଝେସିମାଞ୍ଜାଇଁ; ମୀରୁ ଏନିକିହୁଁ ଲାଗେଏତି କାମାତାକି ଜାହାରା ଆଙ୍ଗା ଉଡେଲିତି ପଲେଏତି ଇଞ୍ଜା ଦାମ୍ବୁ ହିଲଆତାଣା ହଲିୟାଙ୍ଗା ଲେହେଁ ହେର୍ପାମାଚେରି, ଏଲେକିହୁଁଏ ନୀର୍ବ ଜାହାରା ଆଙ୍ଗା ଉଡେଲିତି ସୁଦୁଜୀଝୁ ତାକି ଦାମ୍ବୁତି ନକିତା ହଲିୟାଙ୍ଗା ଲେହେଁ ହେର୍ପାଦୁ ।

୨୦ ମୀରୁ ପାପୁତି ହଲିୟାଙ୍ଗା ମାଚାଟି, ଦାମ୍ବୁତାକି ମେଲା ପିସପି ଆହାମାଚେରି । ୨୧ ଆତିହୁଁ ନୀର୍ବ ମିଙ୍ଗେ ଆମିନି କାମା କିହାଲିତାକି ଲାଜା ହଡ଼ିମାଞ୍ଜାନେ, ଏତିବେଲା ବାରେ କିହିମାଚେରି, ଏଡ଼ି ଏମାତି ଏନାଆଁ ଲାବା ବେଟାଆତେରି ? ଏ ବାରେ କାମାତି ପାଡ଼େୟି ହାକି । ୨୨ ସାମା ନୀର୍ବ ମୀରୁ ପାପୁତି ପିସପି ଆହାନା ମାହାପୁରୁତି ହଲିୟାଙ୍ଗା ଆହାମାଞ୍ଜେରି । ଇଦାଆଁତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଝୁ ତଲେ ହେର୍ପା ଆନାୟି ଇଞ୍ଜା ରାଆଗାଟି ଜୀଝୁ ବେଟାଆନାୟି । ୨୩ ଏନାଆଁତାକି ଇତିହୁଁ ପାପୁତି କୁଲି ହାକି, ସାମା ମାହାପୁରୁତି କାମାମେହୁନି ଦାନା ମା ପ୍ରୁ ଜୀସୁ କ୍ରୀସୁ ତଲେ ଆଣ୍ଡିନି ତାଣା ରାଆଗାଟି ଜୀଝୁ ମାନେ ।



**ବୀହା ଆନି କାତା**

୧ ତାୟି ତାଙ୍ଗିସ୍ତାତେରି, ନୀର୍ବ ଏନାଆଁ ଝେସାଲି ଅଣ୍ଡିମାଇଁ, ଏଦାଆଁ ମୀରୁ ତେଲହିଦେରି, ଏନାଆଁତାକି ଇତିହୁଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି । ମାଣସି ଖାରୁଇ ତାନି ନୀତାମାନି ପାତେକା ମେରାତି ତୁଇ ତୁୟିନେସି । ୨ ତକ୍ରା ନୀତାମାନି ପାତେକା ତାନି ତକ୍ତି ଏଞ୍ଜାଣିତଲେ ବୀହା ମେରା ତଲେ ଦସପି ଆହାନା ତୁୟିନେ । ସାମା ତକ୍ରା ହାଡ଼ିସାରେ, ଏଞ୍ଜାଣି ତକ୍ତି ଇ ମେରାଟି ପିସପି ଆଚେନ । ୩ ତକ୍ରା ନୀତା ମାନାଟିଏ, ତକ୍ତି ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜାଁ ଇନେରି; ସାମା ତକ୍ରା ହାଡ଼ି ତାୟୁ ମେରାଟି ପିସପି ଆଚେନ, ଅଡେ ଏଡ଼ି ଅର ରଅଣାକି ବୀହା ଆଡ଼ିସାରେ, ଏଡ଼ି ଦାରେଣି ଆଏ । ୪ ଇଦାଆଁତାକି ତାୟି ତାଙ୍ଗିସ୍ତାତେରି, କ୍ରୀସୁତି ଆଙ୍ଗା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହୁଁ ମୀରୁ ଏଟକାତାରି ତଲେ ଆଣ୍ଡିଦେରି, ଇତିହୁଁ ମା ମାହାପୁରୁ ତାକି ପାଡ଼େୟି ଆୟାଲି ଆମ୍ବାଆସି ହାଡ଼ାରି ତାଣାଟି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ । ୫ ଏଚରଦିନା ପାତେକା ମାରୁ ଆଙ୍ଗାତି ମାଣକି ତଲେ ମାଚାୟି, ଏଚରଦିନା ପାତେକା ମସା ମେରାଟି ପାପୁତି ଜୁପକା ମା ଆଙ୍ଗା ବିତ୍ରା ଜୀଝୁତି ହାଡ଼ି କିହାଲି କାମା କିହିମାଚେ । ୬ ସାମା ଏନାଆଁତଲେ ଦସପି ଆହାମାଚାୟି, ଏମାତି ହାହାନା ନୀର୍ବ ମାରୁ ମେରାତି ଅଦିକାରାଟି ମୁକଲୁଞ୍ଜି ଆହାମାନାୟି; ମାରୁ ଅଡେ ତଲିତିଲେହେଁ ରାସକି ଆହାମାନି ମେରାତି ସେବା କିହି ହିଲଆୟି, ସୁଦୁଜୀଝୁ ତସାମାଞ୍ଜାନି ପୁଞ୍ଜି ଜିରୁତା ନୀର୍ବ ତାକି ମାନାୟି ।

**ମେରା ଅଡେ ପାପୁ**

୭ ଆତିହୁଁ ଏନାଆଁ ଇନାୟି, ମେରା ପାପୁ ଗାଚାୟି ? ଏଡ଼ି ଏଚେଲାଞ୍ଜା ଆଏ । ସାମା ପାପୁ ଏନାୟି, ଏଦାଆଁ ମେରା ନାଙ୍ଗେ ଝେସା ମାଞ୍ଜାନେ, “ଏଟକା ଲକୁତି ଦିଶ୍‌ସୁ ଜୁପକା ଆଆଦୁ,” ଇ ହୁକୁମି ମେରା ଝେସା ମାଞ୍ଜାଆତିହୁଁ ମା, ଜୁପକା ଏନାୟି, ନାନୁ ପୁନାଆତେଏମା । \* ୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ, ମେରା ପିସପେ ପାପୁ ହାଡ଼ାୟି । ୯ ର ଦିନା ନାନୁ ମେରା ପୁନାଆନା ନୀତିମାଚେଏଁ, ସାମା ହୁକୁମି ଖାହାଲିଏ ପାପୁ ନୀତିତେ, ଇଞ୍ଜା ନାନୁ ହାଡ଼େଏଁ; ୧୦ ଆମିନି ମେରା ଜୀଝୁ ହାହାଲିତାକି ଟିକାଣା ତାୟି ମାଚେ, ଏଡ଼ି ନା ଜୀଝୁତା ହାକି ଖାଡ଼େ । ୧୧ ଇତିହୁଁ ପାପୁ ପାରୁ ବେଟାଆହାନା ହୁକୁମିଟି ନାଙ୍ଗେ ନାଡ଼ି କିୟାତେ ଇଞ୍ଜା ଏମାତି ନାଙ୍ଗେ ପାୟାତେ । \*

\* ୭:୭ ୭:୭ ହାନାୟି ୨୦:୧୭; ଝେ ମେରା ୫:୨୧ \* ୭:୧୧ ୭:୧୧ ମୂଲୁ ୩:୧୩



୧୭ ଫେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଇ, ଦାମ୍ବୁଗାଟାୟି ଇଞ୍ଜା ନେହାୟି । ୧୩ ଆତିହୁ, ଏନାୟି ନେହାୟି, ଏଦି କି ନାଙ୍ଗେ ହାଞ୍ଜି କିୟାନେ ? ଏଦି ଏଚେଲାଖା ଆଆପେ, ପାପୁଏ ଏଦାଆଁ କିତେ, ନେହୁ ଫେରାତି ଲେମ୍ବାନା ପାପୁ ନାଙ୍ଗେ ହାଞ୍ଜି କିୟାତେ, ଏଦାଆଁ ତଲେ ପାପୁତି ସାତା ଖାଣା ତଞ୍ଜାଆତେ, ଏଦାଆଁତାକି ଫେରା ତଲେ ପାପୁ ହାରେକା ଆଜିହପେତାୟି ପୁଣ୍ଠିଆତେ ।

**ମାଣ୍ଠି ଆଜ୍ଞାତା ମାନି ଗଡ଼ହା**

୧୪ ମସାତି ଫେରା ସୁଦୁଜୀଘୁ ଗାଟାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଞ୍ଜିଆଡ଼ି ହଲେଏଣାତେଏ । ୧୫ ନାନୁ ଏଦାଆଁ କିହିମାଇ, ଏଦାଆଁ ନାନୁ ପୁଞ୍ଜିହିଲଅଁ; ଏଦାଆଁ କିହାଲି ନା ଅଣ୍ଠପୁ, ଏଦାଆଁ ନାନୁ କିଅଁ; ସାମା ଏଦାଆଁ ଅପଅଁ, ଏଦାଆଁ କିଇଁ । ୧୬ ସାମା ଏଦାଆଁ ନାନୁ ଅଣ୍ଠପଅଁ, ଏଦାଆଁ କିତିସାରେ, ଆତିହୁ ମସାତି ଫେରା ନେହାୟି ଏଦାଆଁ ନାନୁ ଜଲିମାଇ । ୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତାମାନି ପାପୁଏ ଏଦାଆଁ କିହିମାନେ । ୧୮ ନାନୁ ପୁଞ୍ଜାମାଇ, ନା ବିତା ଇତିହୁ ମାଣ୍ଠି ମାଣ୍ଠିକିତା ନେହାୟି ଏନାୟି ଜିକେଏ ହିଲେଏ, ଇତିହୁ ନେହୁ କାମା କିହାଲି ନାଙ୍ଗେ ଅଣ୍ଠପୁ ମାତିହୁ ଜିକେଏ ଏଦାଆଁ କିହାଲି ଆଡ଼ଅଁ । ୧୯ ଇତିହୁ ଏମିନି ନେହୁ କାମା କିହାଲି ନାନୁ ମନ କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଇଁ । ୨୦ ନାନୁ ଏଦାଆଁ ଅଣ୍ଠପ ହିଲଅଁ, ଏଦାଆଁ କିହିମାଇ, ଆତିହୁ ଏଦାଆଁ ନାନୁ ଅଡ଼େ କିଅଁ, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ ।

୨୧ ଏଦାଆଁତାକି ନାନୁ ନେହୁ କାମା କିହାଲି ମନ କିହିମାଇ, ଏତିବେଲା ନା ତାଣା ଖାରଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ଫେରାତା ମେସିମାଇ । ୨୨ ଇତିହୁ ହିୟାତା ଅଣ୍ଠପିନି ମାଣ୍ଠିଲେହେ, ମାହାପୁରୁତି ଫେରା ମାନି କିହାଲି ନାଙ୍ଗେ ରାହାଁ, ୨୩ ସାମା ନାନୁ ନା ଆଜ୍ଞାତା ଅର ରଲେତି ଫେରା ତଞ୍ଜା ଆହିମାନେ, ଏଦି ନା ମନତି ଫେରା କପାଟି ହୁକୁ କିହିମାନେ, ଅଡ଼େ ନା ଆଜ୍ଞାତା ଏମିନି ପାପୁତି ଫେରା ମାନେ, ନାଙ୍ଗେ ଏମ୍ବାଆଁ ଦସପାନା । ୨୪ ଆୟତା, କାର୍ମା କପଲ ହିଲାଆଗାଟି ମାଣ୍ଠିତେଏଁ ନାନୁ ! ଇ ହାଞ୍ଜିକିନି ଆଜ୍ଞାଟି ନାଙ୍ଗେ ଆମ୍ବାଆସି ଗେଲପାନେସି ? ୨୫ ମା ପ୍ରୁ ଜୀସୁ ଜୀସୁ ତାଣାଟି ଗେଲପି ଆହାମାନାକି ମାହାପୁରୁଇ ଜହରା ଆପେ । ଏଦାଆଁତାକି ଇତିହୁ ନାନୁଏ ନା ମନତଲେ ମାହାପୁରୁତି ଫେରାତି ହଲେଏଣାତେଏ,

ସାମା ଆଜ୍ଞା ତଲେ ପାପୁ ଫେରାତି ହଲିୟା ଆହାମାନେ ।



**ସୁଦୁଗାଟି ଜୀଘୁ**

୧ ଆମିନି ଗାଟାରି କ୍ରୀସୁ ଜୀସୁତଲେ ଆଣ୍ଠାନା ନୀତିମାନେରି, ଏଞ୍ଜାରାକି ନୀଏଁ ଏନି ତଣ୍ଡ ହିଲେଏ । ୨ ଇତିହୁ ଜୀଘୁ ହିୟାନି ଜୀଘୁତି ଫେରା କ୍ରୀସୁ ଜୀସୁ ତାଣା ଆଣ୍ଠାନା ମିଙ୍ଗେ ପାପୁ ଅଡ଼େ ହାଞ୍ଜିକିନି ଫେରାଟି ମୁକଲଞ୍ଜି କିହାମାଞ୍ଜାନେ । ୩ ମାଣ୍ଠିତି ଆଜ୍ଞାତା ବାଡ଼ୁରୁ ହିଲାଆକି ମସା ହାହାମାନି ଫେରା ଏନାଆଁ କିହାଲି ଆଡ଼ାଆତେ, ମାହାପୁରୁ ଏଦାଆଁ ତାନି ମାରଏଣାଇଁ ପାପୁଗାଟି ମାଣ୍ଠିଲେହେଁ ପାପୁଇଁ ନାସା କିହାଲି ପାଣ୍ଠାନା ଆଜ୍ଞାତି ପାପୁତି ତଣ୍ଡ ହାହାଲି କିତେସି । ୪ ଏଦାଆଁତାକି ମାର ମାଣ୍ଠିତି ମାଣ୍ଠିକିତା ମାନାଆନା ସୁଦୁଜୀଘୁତି ମାଣ୍ଠିକିତା ମାଞ୍ଜାନା ଇଞ୍ଜା ଇଦାଆଁ ତଲେ ମାର ଫେରାତି ପାଣାପାରୁ ମାନି କିହିମାନାୟି । ୫ ଆମିନି ଗାଟାରି ଆଜ୍ଞାତି ମାଣ୍ଠିକି ତଲେ ନୀତିନାରି ଏଞ୍ଜାରି ଆଜ୍ଞାତି ମାଣ୍ଠିକିତି କାତାତା ମନ ହାନେରି, ସାମା ଆମିନି ଗାଟାରି ସୁଦୁଜୀଘୁତି ମାଣ୍ଠିକି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀଘୁତି କାତାତା ମନ ହାନେରି । ୬ ଇତିହୁ ଆଜ୍ଞାତି ମାଣ୍ଠିକିତି ମନ ହାଞ୍ଜିକିନେ; ସାମା ସୁଦୁଜୀଘୁତି ମାଣ୍ଠିକିତି ମନ ଜୀଘୁ ଇଞ୍ଜା ହିତଡ଼ି ହିୟାନେ । ୭ ଇତିହୁ ଆଜ୍ଞାତି ମନତଲେ ନୀତିନାସି ମାହାପୁରୁ କପାଟି ସାତୁ ଆନେସି; ଇତିହୁ ଏଞ୍ଜାସି ମାହାପୁରୁ ଫେରାତି ମାନି କିଅସି; ଇଞ୍ଜା ଏଞ୍ଜାସି ମାନୁଞ୍ଜି ଆହାଲି ଆଡ଼ଅସି । ୮ ଆମିନି ଗାଟାରି ଆଜ୍ଞାତି ମାଣ୍ଠିକି ତଲେ କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆଡ଼ଅରି ।

୯ ମାହାପୁରୁତି ସୁଦୁଜୀଘୁ ସାତା ତଲେ ମୀ ତାଣା ମାତିସାରେ, ମୀରୁ ଅଡ଼େ ଆଜ୍ଞାତି ମାଣ୍ଠିକି ଲେହେଁ ନୀତଅଡ଼େରି, ସାମା ସୁଦୁଜୀଘୁତି ହୁକୁମି ମାନି କିହିମାଞ୍ଜେରି । କ୍ରୀସୁତି ଜୀଘୁ ଆମ୍ବାଆରି ତାଣା ହିଲେଏ, ଏଞ୍ଜାସି ଏଚେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି । ୧୦ ସାମା କ୍ରୀସୁ ମୀ ତାଣା ମାତିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାତିହୁ ଜିକେଏ, ସୁଦୁଜୀଘୁ ମିଙ୍ଗେ ଜୀଘୁ ହୀୟାନେ, ଏନାଆଁତାକି ଇତିହୁ ମାହାପୁରୁ ନକିତା ମୀରୁ ଦାମ୍ବୁଗାଟାତେରି ଆହାମାଞ୍ଜେରି । ୧୧ ଆମ୍ବାଆସି ହାଡ଼ାରି ତାଣାଟି ଜୀସୁଇଁ ନିକହେସି, ଏଞ୍ଜାଣି ଜୀଘୁ ମୀ ତାଣା ମାତିସାରେ, ଆତିହୁ ଆମ୍ବାଆସି ହାଡ଼ାରି ତାଣାଟି କ୍ରୀସୁ ଜୀସୁଇଁ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀଘୁତଲେ ମୀ ହାଡ଼ି ଆଜ୍ଞାତି ଜିକେଏ ନୀଟନେସି ।

☆ ୭:୧୫ ୭:୧୫ ଗାଲା ୫:୧୭ ☆ ୭:୧୫ ୭:୧୫ ମୂଲୁ ୫:୧୭ ☆ ୮:୧୧ ୮:୧୧ ୧କର ୩:୧୭

୧୭ ଏଦାଆଁତାକି, ତାୟି ତାଜିମ୍ବାତେରି, ମାର ରୀଣାଗାଟାତାୟି, ସାମା ଆଜ୍ଞାତି ମାଣ୍ଡକି ତଲେ ନୀଡାଲିଆଏ । ୧୮ ଇତିହିଁ ଆଜ୍ଞାତି ମାଣ୍ଡକି ତଲେ ମୀରୁ ନୀଡିଦେରି, ଆତିହିଁ ସାତେଏ ହାଦେରି, ସାମା ସୁଦୁଜୀଝୁତି ସାୟେମି ତଲେ ଆଜ୍ଞାତି କାମା ବାରେ ନାସା କିଦେରି, ଆତିହିଁ ନୀଡିଦେରି । ୧୯ ଆମିନି ଗାଟାରି ମାହାପୁରୁତି ସୁଦୁଜୀଝୁ ତଲେ ତାକିନେରି, ଏଝାରି ମାହାପୁରୁତି ମୀରକା ।

୧୫ ✨ଇତିହିଁ ମୀରୁ ଝେଣ୍ଡେ ଆଜାଲି ହଲିୟାଜାତି ଜୀଝୁ ବେଟାଆହା ହିଲଅତେରି, ସାମା ମୀରୁଏଣାତି ଜୀଝୁ ବେଟାଆହାମାଞ୍ଜେରି; ଏମାଟି ମାର “ଆବା ତାଞ୍ଜି” ଇଞ୍ଜିଁ ହାଟିମାନାୟି । ୧୬ ମାର ମାହାପୁରୁତି ମୀରକା ମାସ୍କା ଇଞ୍ଜିଁ ଏ ଜୀଝୁଏ ମା ଜୀଝୁତଲେ ଆଣ୍ଡାନା ସାକି ହାହିମାନେ । ୧୭ ଏଦାଆଁତାକି ଇତିହିଁ ମାର ମାହାପୁରୁତି ମୀରକା ମାସ୍କାତାୟି, ତାନି ଲକୁତାକି ଲଡ଼ାମାନି ବରତି ବାଟା ପାଣ୍ଡନାୟି, ଇଞ୍ଜା କ୍ରୀସ୍ତ ତଲେ ଗାଝୁରମି ବେଟାଆହାଲି ମାର ଜିକେଏ ଏଝାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହିଁ ମାହାପୁରୁତି ବରତି ବାଟା ଅଡେ କ୍ରୀସ୍ତ ତଲେ ବାଟାତା ଆଣ୍ଡାଲି ଆଡିନାୟି ।

**ଝାହିମାନି ଗାଝୁରମି**

୧୮ ଅଣ୍ପାଦୁ, ଆମିନି ଗାଝୁରମିତା ଝାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନୀଏଁତି ଦୁକୁ କାକୁଲି ଇଟାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରକା ମାସ୍କାଣି ତହୁନେସି । ୧୯ ମାହାପୁରୁ ତାନି ମୀରକା ମାସ୍କାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡାୟି କାପୁ କାଟାମାନେ । ୨୦ ଏଦାଆଁତାକି ଇତିହିଁ ଗାଡ଼ିଆଡାୟି ମାହାପୁରୁ ତାଣାଟି ବାକା ବେଟାଆହାନା ତାନି ଏଗାହାନି ଟାୟୁ ବାଣା ଆହାମାନେ । ଆଡିଜିକେଏ ତାନି ଆସା ମାନେ, ୨୧ ଅଡେ ଏଡି ବାର୍ସୁ ବେଟାଆଡେ, ଇଞ୍ଜା ଗାଡ଼ି ଆଡାୟି ତାନୁଏ ଜିକେଏ ମାହାପୁରୁତି ମୀରକା ଗାଝୁରମି ତାକି ପିସ୍ପି ଆହାଲିତାକି ନାସା ଆନି ହଲିୟାଟି ପିସ୍ପି ଆନେ ୨୨ ସାମା ନୀଏଁ ପାତେକା ବାରେ ଦାରତି ଜାନା କିନି ବାସା ତଲେ କସ୍ତ ପାଣ୍ଡନି ଲେହେଁ କସ୍ତ ତାକି ଡାହିମାନେ । ୨୩ ✨ସାମା ମାର ମୂଲୁତି ପାଡେଡୟି ଲେହେଁ ସୁଦୁଜୀଝୁତି ବେଟାଆହାମାନାୟି, ଆତିହିଁ ଜିକେଏ ମାର ମାହାପୁରୁତି ମୀରକା ଇତିହିଁ ଜାହା ଜାହାରା ଆଜ୍ଞାଟି ବାରେଜାଣା ଗେଲ୍ପି ଆୟାଲିତାକି କାପୁ କାଟାନା ମା ହିୟାଁତା ଡାହି ମାନାୟି । ୨୪ ଏଦାଆଁତାକି ଇତିହିଁ ବାର୍ସୁଟି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାର୍ସୁ ଇତିନାୟି ଏଡି ସାତାତି ବାର୍ସୁ

ଆଏ, ଇତିହିଁ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାର୍ସୁ ଇତିନାୟି ? ୨୫ ସାମା ମାର ଏନାଆଁ ମେସି ହିଲାଆୟି ଏଦାଆଁତାକି ବାର୍ସୁ ଇତିନାୟି, ଆତିହିଁ ମାଜେ ସାସାତଲେ କାପୁ କାଝୁଆନାୟି ମାନେ ।

୨୬ ମାର ବାଡ଼ୟୁ ହିଲାଆଗାଟାତାୟି, ସାମା ସୁଦୁଜୀଝୁ ମାଜ ସାୟେମି କିୟାନେ; ଏନିକିହିଁ ପ୍ରାତାନା କିନାୟି, ଏଦାଆଁ ମାର ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଝୁ ଜଲିନି ହାଡାତଲେ ମା ତାକି ମାହାପୁରୁଟି ଗହାରା କିନେ; ୨୭ ଆମ୍ବାଆସି ମା ହିୟାଁ ବିଡା ମାନାଣି ପୁନାସି, ଏଝାସି ସୁଦୁଜୀଝୁତି ଅଣ୍ପୁ ଏନାୟି ଏଦାଆଁ ପୁନେସି, ଇତିହିଁ ଏଝାସି ମାହାପୁରୁତି ଅଣ୍ପୁ ତଲେ ମାହାପୁରୁ ଲକୁତାକି ଗହାରା କିନେସି । ୨୮ ମାର ପୁଞ୍ଜାମାନାୟି, ଆମିନି ଗାଟାରି ମାହାପୁରୁଟି ଜୀଝୁ ନନେରି ଇଞ୍ଜା ମାହାପୁରୁତି ଲଡ଼ା ତାକି ବାଟି କିଞ୍ଜି ଆହାମାନେରି, ଏଝାରାକି ବାରେ ନେହାୟି ଆନେ । ୨୯ ଆମ୍ବାଆରାୟି ମାହାପୁରୁ ହାଟାମାନେସି, ଏଝାରାକି ତାନି ମୀରୁଏଣା ଝାଣା ଲେହେଁ ଆହାଲି ତଲିଟିଏ ତୀରି କିହାମାନେସି, ଆତିହିଁ ମାହାପୁରୁତି ମୀରୁଏସି, ଏନିକିହିଁ ଏଝାସି ହାରେକା ତାୟି ତାଜିମ୍ବା କିହାଁ ମୂଲୁ ଜାନା ଆଡାସି ଆନେସି । ୩୦ ଆମ୍ବାଆରାୟି ନକେଏ ଆଟାମାତେସି, ଏଝାରାୟି ଏଝାସି ହାଟିତେସି, ଏଝାରି ମାହାପୁରୁ ନକିତା ଦାମ୍ବୁଗାଟାରି ଇଞ୍ଜିଁ ତଞ୍ଜି କିତେସି, ଅଡେ ଆମିନି ଗାଟାରାୟି ଦାମ୍ବୁଗାଟାରି ଇଞ୍ଜିଁ ତଞ୍ଜି କିତେସି ଏଝାରାୟି ଜିକେଏ ଏଝାସି ଗାଝୁରମି କିତେସି ।

**ମାହାପୁରୁତି ଜୀଝୁନନାୟି**

୩୧ ଆତିହିଁ ଇ ବାରେଡି ମେସାନା ମାର ଏନାଆଁ ଇନାୟି ? ମାହାପୁରୁ ମା ଝାକି ମାଟିସାରେ, ଆମ୍ବାଆସି ମା କପାତଲେ ନିଜିନେସି ? ୩୨ ଆମ୍ବାଆସି ତାନି ମୀରୁଏଣାୟି ଜିକେଏ ଗେଲ୍ପାଆତେସି, ସାମା ମା ବାରେତାକି ଏଝାଣାୟି ହେରପିତେସି, ଏଝାସି ଏନିକିହିଁ ଏଝାଣିତଲେ ମାଜେ ଜିକେଏ ବାରେ କାମାଟି ଦାନା ହିୟଅସିକି ? ୩୩ ମାହାପୁରୁ ହାଟାମାନି ଲକୁ କପାତଲେ ଆମ୍ବାଆସି ଦହ ଦସାଲି ଆଡିନେସି ? ଏଝାରି ଦହ ହିଲାଆ ଗାଟାରି ଇଞ୍ଜିଁ ମାହାପୁରୁ ତାନୁଏ ଝେକହା ମାନେସି । ୩୪ ଆମ୍ବାଆସି ତଣ୍ଡ ହୀନେସି ? କ୍ରୀସ୍ତ ଜୀସୁ ହାଡାରି ତାଣାଟି ଝେଣ୍ଡେ ନିଜ୍ଞାନା ମାହାପୁରୁତି ଟିଝନି ଟଟତା ମାଞ୍ଜାନା ମାଜେତାକି ଗହାରା କିହିମାନେସି । ୩୫ ଆତିହିଁ ଆମ୍ବାଆସି ମାଜେ କ୍ରୀସ୍ତ ଜୀଝୁ ନନି ତାଣାଟି ଏଟକା କିୟାନେସି ? ଦୁକୁ, କସ୍ତ, କାକୁଲି କି କାଟାରା, ହାକି, ଏସ୍କି, ସନି କି କାଣ୍ଡା, ଏନାୟି

✨ ୮:୧୫ ୮:୧୫ ଗାଲା ୪:୫-୭ ✨ ୮:୧୫ ୮:୧୫ ମାର୍କ ୧୪:୩୭; ଗାଲା ୪:୭ ✨ ୮:୨୩ ୮:୨୩ ୨କର ୫:୨-୪

ଜିକେଏ ଏଦାଆଁ କିହାଲି ଆଡେଏ । ୩୭ ସାଢ଼େସ୍ତରତା ରାସ୍ତକି ଆହାମାନେ;

“ମିଜେ ତାକି ମାମ୍ବୁ ବାରେଦିନା ହାକିତି ନକିତା, ହାହାଲି ହାଜିମାନି ମେଶ୍ଟା ଲେହେଁ ମାମ୍ବୁ ତୁଞ୍ଜା ଆହିମାନମି ।”

୩୭ ଆଡ଼ିଜିକେଏ ଆମ୍ବାଆସି ମାଜେ ଜୀଝୁ ନୟାତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜୀଣା ଆହାମାନାୟି । ୩୮ ନାନୁ ସାତେଏ ନେହୁଁକିଁ ପୁଞ୍ଜାମାଲ୍ ତାନି ଜୀଝୁ ନନି ତାଣାଟି ମାର ଏଚେଲା ଜିକେଏ ଏଟକା ଆଆୟି, ହାକି କି ଜୀଝୁ, ଲାକପୁରୁତି ଦୁତୁୟାଁ କି ସାଲୁଞ୍ଜି କିହିମାନାଲ କି ବାଡ଼ୁୟୁ ଗାଟାଲ, ନୀଏଁ କି ଖାନି ଦିନା କି ଏନି ବାଡ଼ୁୟୁ, ୩୯ ଲାକପୁରୁତି କାତା କି ତୁଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶସୁ ପ୍ରବୁ କ୍ରୀସୁ ଜୀସୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଝୁ ନନି ତାଣାଟି ମାଜେ ଏଟକା କିୟାନେ ।



**ମାହାପୁରୁ ଅଡ଼େ ତାନି ଲକୁ**

୧ ନାନୁ କ୍ରୀସୁତି ଲକୁ ଆହାମାନାକି ସାତା ଝେସିମାଲ୍, ମିତି ଝେସିହିଲଅଁ । ସୁଦୁଜୀଝୁତି ସେଡ଼ନା ହୀନାଣି ତଲେ ନା ଅଣ୍ପୁ ଇଦାଣିତି ସାକି । ୨ ନାନୁ ଏଚେକା ଦୁକୁ ଅଡ଼େ କସୁତଲେ ନା ହିୟାଁତା ଏଚେକା ବକୁ ଆହାମାନେ, ଇଦାଆଁ ନାଡ଼ିକିହାଁ ଝେସିହିଲଅଁ । ୩ ନା ଜାହାରା କୁଡ଼ାତି ତାୟିୟାକି ନାନୁ କ୍ରୀସୁ ତାଣାଟି ଏଟକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣ୍ପୁ, ଇଚିହୁଁ ଏଞ୍ଜାରି ମାହାପୁରୁତି ଲକୁ । ୪ ଏଦାଆଁତାକି ଇଚିହୁଁ ଏଞ୍ଜାରି ଇସାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଝୁରମି ତସାମାଚେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା ହୀହାମାଚେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି; ୫ ଏଞ୍ଜାରି ବାରେଜାଣା ଝେଙ୍ଗାମାନି ଆକୁ ଆବାୟାଁତି ମୀରକା ଇଞ୍ଜା ମାଣ୍ଡସି ଖାଣାଟି କ୍ରୀସୁ ଏଞ୍ଜାରି ତାଣାଟି ଜାର୍ନା ଆହାମାଚେସି; ବାରେ ଅଦିକାରାଗାଟି ମାହାପୁରୁକି କାଲାକାଲାତାକି ଜହରା ଆପେ । ଆମେନ୍ ।

୬ ମାହାପୁରୁତି ବଲୁ ଉଜେଏ ଆହାମାନେ ଇଞ୍ଜୁଁ ନାନୁ ଝେସିହିଲଅଁ, ଇଚିହୁଁ ଇସାୟେଲ କୁଡ଼ାତି ବାରେ ଲକୁ ମାହାପୁରୁତି ଲକୁ ଆଏ, ୭ ଅବ୍ରାହାମ କୁଡ଼ାତି ବାରେ ଲକୁ ମାହାପୁରୁ ମୀରକା ମାସକା ଏଦି ଆଏ; ମାହାପୁରୁ ଅବ୍ରାହାମଲ୍ ଝେସାମାଚେସି, “ଇସାହାକ ତାଣାଟି ନୀ କୁଡ଼ା ଝେଙ୍ଗାମେରି ।” ୮ ଇଦାଣି କାତା ଇଦି, ମାଣ୍ଡସି ମୀରକା ମାସକା ମାହାପୁରୁ ମୀରକା ମାସକା ଆହାଲି ଆଡ଼ଅରି,

ମାହାପୁରୁତି ଆଞ୍ଜାମାନି ଲେହେଁ ଜାର୍ନା ଆହାମାନି ମୀରକା ମାସକା ମାହାପୁରୁ ନକିତା ସାତା ମୀରକା ମାସକା ଲେହେଁ ଆମେରି । ୯ ମାହାପୁରୁ ଇଦାଆଁ ଆଞ୍ଜାମାଚେସି, “ଇ କାଲମିତା ମାମ୍ବୁ ଝେଶ୍ଟେ ଖାନମି, ଏଚିବେଲାତା ସାରା ର ମୀରଏଣାଲ୍ ଜାର୍ନା କିହାମାଣ୍ଡିନେ ।” ୧୦ ଅଡ଼େ ଖାରଇ ଏଚେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରକା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାଚେରି, ୧୧ ଏଞ୍ଜାରି ଜାର୍ନା ଆନି ନକେଏ, ଅଡ଼େ ଏଞ୍ଜାରି ନେହାଁଣି ଲାଗେଏତାଣି କିନି ନକେଏ, ଇଞ୍ଜାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଟି କିଞ୍ଜିଆଡ଼େସି, ୧୨ ରିବିକାଲ୍ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଣା ତାୟିତି ସେବା କିନେସି ।” ମାହାପୁରୁ ଏଦାଆଁ ଝେସାମାଚେସି ଏଞ୍ଜାରି କାମା କିତି ତାଣାଟି ଆଏ, ଖାରଇ ମାହାପୁରୁ ଆଡ଼ିତାକି ଏଞ୍ଜାରି ହାଟକି ଆଡ଼େରି । ୧୩ ସାଢ଼େସ୍ତରତା ରାସ୍ତକି ଆହାମାନେ, “ନାନୁ ଜାକୁବଲ୍ ଜୀଝୁ ନଡ଼େଏଁ, ସାମା ଏସାଝୁଲ୍ ଅପାଆତେଏ ।”

୧୪ ଆଡ଼ିହୁଁ ଏଦାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଦି ଏଚେଲା ଜିକେଏ ଆଆପେ । ୧୫ ଏଦାଆଁତାକି ମସାଲ୍ ଏଲେଇଚେସି, “ଆମ୍ବାଆରାଲ୍ ନା କାର୍ନା ଆନାୟି ମାନେ ଏଞ୍ଜାଣାଲ୍ କାର୍ନା ଆଲ୍, ଆମ୍ବାଆରାଲ୍ ସାୟେମି କିନାୟିମାନେ ଏଞ୍ଜାଣାଲ୍ ନାନୁ ସାୟେମି କିଲ୍ ।” ୧୬ ଏଦାଆଁତାକି ଆମ୍ବାଆସି ମନ କିନେସି, ଆଆତୁଁ ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡ଼େଏ, ସାମା କାର୍ନାମେହନି ମାହାପୁରୁ ତାଣାଟି ଆନେ । ୧୭ ଦାର୍ମ୍ବ ସାଢ଼େସ୍ତରତା ରାସ୍ତକି ଆହାମାନି ଲେହେଁ, ମାହାପୁରୁ ମିସରତି ରାଜା ପାରୁଲ୍ ଏଲେଇଚେସି, “ନୀ ତାଣାଟି ନା ବାଡ଼ୁୟୁ ତସାଲି ଇଞ୍ଜା ବାରେ ଦାର୍ଡିତା ନା ଗାଝୁରମି ତସାଲି ତାକି ନାନୁ ନିଜେ ରାଜା କିହାମାଞ୍ଜାଲ୍ ।” ୧୮ ଏଦାଆଁତାକି ମାହାପୁରୁତି ଅଣ୍ପୁ ଲେହେଁ ଆମ୍ବାଆରାଲ୍ କାର୍ନା ମେହନେସି ଇଞ୍ଜା ଆମ୍ବାଆରାଲ୍ ଆଟ୍ଝା ହିୟାଁ କିନେସି ।

**ମାହାପୁରୁତି କାର୍ବି ଇଞ୍ଜା କାର୍ନାମେହନାୟି**

୧୯ ଏମ୍ବାଟିଏ ନାନୁ ନାଜେ ଏଲେଇଞ୍ଜାଦି, “ମାହାପୁରୁ ଏଦାଆଁତାକି ଦହୁ ଆହନେସି ? ଆମ୍ବାଆସି ମାହାପୁରୁତି କପାତଲେ ଏଦାଆଁ କିହାଲି ଆଡ଼ିମାନେସି ?” ୨୦ ସାମା ଏ ସୟି, ନାନୁ ଆମ୍ବାଆତି, ମାହାପୁରୁଲ୍ ଝେଶ୍ଟେ ଝେସାଲି ନିଜେ ସାସା ମାନେକି, ଗାଡ଼ି ଆଡ଼ି ଆସ୍ତି ଗାଡ଼ି କିତାଣାଲ୍ “ନାଜେ ଏଦାଆଁତାକି ଇଲେକିଁ ଗାଡ଼ି କିୟାତି ଇଞ୍ଜୁଁ ଏଲେଇଞ୍ଜାଲି ଆଡ଼ିନେ କି ?” ୨୧ ର ଇରଆ ତେପୁଲାଟି ଜାହାରା ଇଚା ତଲେ ତକା କେପାଲି କୁମ୍ବେଏଣାକି ବାରେ ଅଦିକାରା ମାନେ, ରଣ୍ଡାଆଁ

ବାରେ କାମାତି ଦିନାତା ଲେମ୍ବାଲି ଅଡ଼େ ରଣ୍ଡାଆଁ  
ଉଦେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକ୍ କିହାମାନେସି,  
ତାନି କାର୍ବି ତସାଲି ଇଞ୍ଜା ବାଡ଼ୁୟୁତି ପୁଣ୍ଡି କିହାଲି  
ଅଣ୍ଡିମାଚେସି, ସାମା ଆମିନି ଗାଟାରି ଏଞ୍ଜାଣି  
କପାତଲେ ନାସା ଆନାୟି ମାଚେ, ଏଞ୍ଜାରି ତାକି  
ମାହାପୁରୁ ହାରେକା କାର୍ମା ଆହାନା ଅରହା ମାନେସି  
। ୨୩ ଅଡ଼େ ଗାଞ୍ଜୁରମି ତାକି ତାନିତାଣାଟି ନକେଏ  
ଆହାମାନି ସାଝେମିତି ଲକୁ ମାରୁ ଇଚିହୁଁ, ମା  
ତାଣା ତାନି ଗାଞ୍ଜୁରମିତି ଦନ ତସାଲି କିହାମାନେସି,  
ଆତିହୁଁ ନାନୁ ଏନାଆଁ ଇଞ୍ଜୁ ? ୨୪ ଏଦାଆଁତାକି  
ଏଞ୍ଜାସି ଖାରଇ ଜୀହୁଦି ଲକୁ ତାଣାଟି ମାଞ୍ଜେ  
ହାଟା ମାଞ୍ଜଅସି, ସାମା ଜୀହୁଦିଆଆତି ଲକୁ ତାଣାଟି  
ଜିକେଏ ମାଞ୍ଜେ ହାଟାମାଞ୍ଜାନେସି, ୨୫ ଇ କାତାତି  
ହସେୟ ପତିତା ମାହାପୁରୁ ଖେସାମାନେସି;

“ଆମ୍ବାଆସି ମା ଲକୁ ହିଲାଆତେରି, ଏଞ୍ଜାରାଇଁ ‘ମା  
ଲକୁ’ ଲେହେଁ ହାଟା କଡ଼ିତମି;

ଆମିନି କୁଡ଼ାତାରାଇଁ ଜୀହୁ ନହାଁ ହିଲାଆତମି  
ଏଞ୍ଜାରାଇଁ ମା ‘ଜୀହୁତି ଲକୁ’ ଇଚମି,

୨୬ ଆମିନି ଗାୟୁତା ଏଞ୍ଜାରାଇଁ ଖେସାମାଚମି, ‘ମୀରୁ  
ମା ଲକୁ ଆଏ’

ଏମ୍ବାଆଁ ଏଞ୍ଜାରି ଜୀହୁଗାଟି ମାହାପୁରୁତି ମୀରକା  
ଇଞ୍ଜୁଁ ଖେଜିନେରି ।”

୨୭ ଇଞ୍ଜା ଇସ୍ରାୟେଲ ଲକୁତି କାତା ଜିସାୟ  
କାଜା ଗିୟାତଲେ ଖେସାମାନେସି, “ଇସ୍ରାୟେଲତି  
ଲକୁ ସାମ୍ବୁରିତି ଏଜିକିହାଲି ଆଡ଼ାଆଗାଟି ବାଠଲି  
ଲେହେଁ ଆତିହୁଁ ଜିକେଏ, ଏଞ୍ଜାରି ବିତ୍ରାଟି ଏଚେର  
ଜାଣାଦେଁ ଗେଲ୍ପି ଆନେରି; ୨୮ ଏନାଆଁତାକି  
ଇଚିହୁଁ ପ୍ରୁ ତବେ ଦାର୍ତତିତା ବାରେ ନୀହାଁୟି  
ବିଚାରା କିନେସି ।” ୨୯ ଏନିକିହୁଁ ଜିସାୟ ତଲିଏ  
ଅଡ଼େ ଖେସାମାଚେସି, “ବାରେ ବାଡ଼ୁୟୁ ଗାଟି ପ୍ରୁ  
ଏଚେକା ମା କୁଡ଼ାତି ଲକୁଣି ଗେଲ୍ପାଆତିମାଁ,  
ସଦମ ଅଡ଼େ ଗମରାତି ଲକୁଲେହେଁ ମାଞ୍ଜେ  
ଜିକେଏ ଆୟାତେମା ।”

**ପାଞ୍ଚଲ ଇସ୍ରାୟେଲ ତାକି ପ୍ରାତାନା**

୩୦ ଏଦାଆଁତାକି ଜୀହୁଦିଆଆତି ଲକୁତି କାତାତା  
ଇଲେ ଇଞ୍ଜାଲି ଆଡ଼ିନାୟି, ଏଞ୍ଜାରି ଦାର୍ମୁଗାଟାରି  
ଆହାଲି ଅଣ୍ଡି ହିଲାଆତେରି, ସାମା ଏଞ୍ଜାରି  
ନାମୁ ତାକି ଦାର୍ମୁଗାଟାରି ଆଡ଼େରି । ୩୧ ସାମା  
ଇସ୍ରାୟେଲ ଲକୁ ଦାର୍ମୁଗାଟାରି ଆହାଲି ଅଣ୍ଡିପାନା  
ମେରା ତଲେ ଦାର୍ମୁଗାଟାରି ଆହାଲି ଆଡ଼ାଆତେରି  
। ୩୨ ଏନାଆଁତାକି ? ଇଚିହୁଁ ଏଞ୍ଜାରି ନାମୁତଲେ  
ଏଦାଆଁ ପାରାଆନା, କାମା ତଲେ ପାରିମାଚେରି  
। ଏଦାଆଁତାକି ଏଞ୍ଜାରି ଆଜ୍ଞିମାନି ଖାଲିତା ପୁଟି  
କିହାନା ତରଗିତେରି । ୩୩ ସାଝେରିତା ରାସ୍‌କି  
ଆହାମାନେ;

“ସିନିକିଦୁ, ମାମ୍ବୁ ସୁୟନତା ର ପୁଟିକିନି କଟା ଖାଲି

ଇଞ୍ଜା ଆଜ୍ଞିନି ପାକା ଖାଲି କେପାମାନମି,  
ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା  
ବେଟାଆଅସି ।”

**୧୦**

୧ ଏ ତାୟି ତାଜିସ୍ତାତେରି, ମା ଲକୁ ଏନିକିହୁଁ  
ଗେଲ୍ପି ଆନେରି, ଏଦି ନା ହିୟାତି ଅଣ୍ଡିପୁ, ଇଞ୍ଜା  
ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଣ୍ଡିପୁ ତଲେ  
ନା ପ୍ରାତାନା । ୨ ଇଚିହୁଁ ମାହାପୁରୁ ସେବା କିହାଲି  
ଏଞ୍ଜାରାକି ହାରେକା ମନ ଅଡ଼େ ରାହାଁ ମାନେ,  
ଇଦାଆଁ ନାନୁ ଏଞ୍ଜାରି ଖାକିଟି ଖେସିମାଇଁ, ସାମା ଏ  
ମନ ଅଡ଼େ ରାହାଁ ବୁଦିଗାଟାୟି ଆଏ । ୩ ମାହାପୁରୁ  
ହୀତି ଦାର୍ମୁତି ଜିରୁ ପୁନାଆନା ଜାହାରା ତୀରି  
କିହାମାନି ଦାର୍ମୁତି ଜିରୁଟି ତାକାନା ମାହାପୁରୁ ହୀତି  
ଦାର୍ମୁତି ଜିରୁତ ଆସିହିଲଅରି । ୪ କ୍ରୀସ୍ତ ମେରାତି  
ରାପ୍‌ନାସି, ଖାରଇ ଏଞ୍ଜାଣି ତାଣା ନାମିସାରେ ମାଣ୍ଡିସି  
ମାହାପୁରୁ ନକିତା ଦାର୍ମୁଗାଟାସି ଆନେସି ।

**ବାରେ ଜାଣାକି ଗେଲ୍ପି ଆନାୟି**

୫ ମସା ରାଡ଼ାମାନେସି, “ଆମିନି ମାଣ୍ଡିସି ମେରା  
ମାନି କିହାନା ଦାର୍ମୁଗାଟାସି ଆନେସି, ଏଞ୍ଜାସି ଏମ୍ବାଟି  
ନୀତିନେସି ।” ୬ ସାମା ନାମୁତଲେ ଦାର୍ମୁ ଗାଟାତାୟି  
ଆନାୟି ଇଞ୍ଜୁଁ ସାଝେରିତା ରାସ୍‌କି ଆହାମାନେ,  
“କ୍ରୀସ୍ତୁଇଁ ରେପୁହା ତାତାଲି ତାକି ଆମ୍ବାଆସି  
ଲାକପୁରୁ ହାଜାଲି ଆଡ଼ିନେସି ?” ମୀରୁ ଇ କାତା  
ଏଲେଇନାଆଦୁ । ୭ ଇଞ୍ଜା “କ୍ରୀସ୍ତୁଇଁ ହାଡ଼ାରି ତାଣାଟି  
ନିକହା ତାତାଲି, ଆମ୍ବାଆସି ତାଡ଼େପୁରୁ ହାନେସି  
? ଇ କାତା ଜିକେଏ ମୀରୁ ଏଲେଇନାଆଦୁ  
।” ୮ ଏନାଆଁତାକି ଇଚିହୁଁ ସାଝେରିତା ରାସ୍‌କି  
ଆହାମାନି ଲେହେଁ, “ମାହାପୁରୁତି ବଲୁ ମୀ ତାଣା  
ମାନେ, ଅଡ଼େ ମୀ ଗୁତି ଇଞ୍ଜା ହିୟାତା ମାନେ,  
ଆମିନି ନାମୁତି ବଲୁ ମାମ୍ବୁ ଖେକ୍‌ହି ମାନମି, ଏ  
ବଲୁ ।” ୯ ମୀରୁ ଜୀସୁଇଁ ଗୁତି ତଲେ ପ୍ରୁ ଇଞ୍ଜୁଁ  
ଜଲିଦେରି, ଇଞ୍ଜା ମାହାପୁରୁ ଏଞ୍ଜାଣାଇଁ ହାଡ଼ାରି  
ତାଣାଟି ନିକହାମାନେସି ଇଞ୍ଜୁଁ ହିୟା ତଲେ  
ନାମିସାରେ, ଆତିହୁଁ ମୀରୁ ଗେଲ୍ପି ଆଦେରି;  
୧୦ ଇଚିହୁଁ ଦାର୍ମୁଗାଟି ଲକୁ ଆହାଲି ମାଣ୍ଡିସି  
ହିୟା ତଲେ ନାମିନେସି, ଇଞ୍ଜା ଗେଲ୍ପି ଆହାଲି  
ଗୁତି ତଲେ ଜଲିନେସି । ୧୧ ଦାର୍ମୁ ସାଝେରିତା  
ରାସ୍‌କି ଆହାମାନେ, “ଆମ୍ବାଆସି ଜିକେଏ ତାନି  
ତାଣା ନାମିନେସି, ଏଞ୍ଜାସି ଲାଜା ବେଟାଆଅସି ।”  
୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିତ୍ରା ପାରଡ଼ା  
ବାତି କିନାୟି ହିଲେଏ; ବାରେଜାଣା ତାକି ରଣ୍ଡିଏ  
ପ୍ରୁ, ଏଚେକା ଲକୁ ଏଞ୍ଜାଣି ତାଣା ପ୍ରାତାନା କିନେରି,  
ବାରେ ଜାଣାକି ଏ କାର୍ମାମେହନାୟି ଆନେ ।  
୧୩ “ଆମ୍ବାଆସି ପ୍ରୁ ଦରୁ ଆସାନା ପ୍ରାତାନା କିନେସି,  
ଏଞ୍ଜାସି ଗେଲ୍ପି ଆନେସି ।”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହିଁ ଏଞ୍ଜାରି ଏଞ୍ଜାଣି ତାଣା ପ୍ରାତାନା କିନେରି ? ଇଞ୍ଜା ଏଞ୍ଜାଣି ନେହିଁ ବଲୁ ଝେନାଆନା ଏଞ୍ଜାରି ଏନିକିହିଁ ନାମିନେରି ? ଝେକ୍ନାରି ଝେକ୍ନାଆସାରେ ଏ ବଲୁ ଏଞ୍ଜାରି ଏନିକିହିଁ ଝେନେରି ? ୧୫ ଅଡ଼େ ବଲୁ ଝେକ୍ନାହିଲି ତାକି ପାଣୁଝି ଆଆସାରେ ରଅସି ଏନିକିହିଁ ବଲୁ ଝେକ୍ନେସି ? ଇ କାତା ସାଢ଼େସ୍ରିତା ରାସ୍କି ଆହାମାନେ, “ଆମିନି ଗାଗାରି ନେହିଁ ବଲୁତି କାରୁ ତାନେରି ଏଞ୍ଜାରି କତାୟା ଏଚେକା ଅଡ଼ିତାଇ !” ୧୬ ସାମା ବାରେଜାଣା ଏ ନେହିଁ ବଲୁ ଆଡ଼ା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜା ମାନେସି, “ପ୍ରୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?” ୧୭ ଏନିକିହିଁ ନାମୁ ଝେନି ତାଣାଟି ଝାଡ଼େନ, ଅଡ଼େ ଝେନାୟି କ୍ରୀସ୍ତୁତି ନେହିଁ ବଲୁଟି ।

୧୮ ସାମା ନାନୁ ଏଲେଇଇଁ, ଏଞ୍ଜାରି ଏନାଆଁ ଏ ବଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି ଇଚିହିଁ ସାଢ଼େସ୍ରିତା ରାସ୍କି ଆହାମାନେ;

“ଏଞ୍ଜାରି ହାଡ଼ା ବାରେ ଦାରୁତିତା ଝେଞ୍ଜାମାନେ, ଏଞ୍ଜାରି କାତା ବାରେ ଦାରୁତି ମୁଟ୍ପୁଲି ପାତେକା ଝେଞ୍ଜାମାନେ ।”

୧୯ ଅଡ଼େ ର ଦେବା ନାନୁ ଝେଞ୍ଜାଲି ଅଣ୍ଡ଼ିମାଇଁ, ଇସ୍ତାୟେଲ ଲକୁ ଏଦାଆଁ ତେଲହାଲି ଆଡ଼ାଆତେରି କି ? ହାରେକା ବାର୍ସା ନକେଏ ମସା ଇ କାତା ଝେସାମାନେସି,

“ମା ଲକୁଣି କାରୁବି କିହାଲିତାକି ର ଉଣା କୁଡ଼ାତି ଲେମ୍ବିନମି,

ଏଲେକିହିଁ ଏ ବୁଦି ହିଲାଆଗାଟି କୁଡ଼ା ତଲେ ଏଞ୍ଜାରାଇଁ କାରୁବି କିଝି କିନମି ।”

୨୦ ଅଡ଼େ ଜିସାୟ ସାସାତଲେ ଝେସାମାନେସି, “ଆମିନି ଗାଗାରି ମାଞ୍ଜେ ପାରିମାଞ୍ଜାଆତେରି, ଏ ଲକୁ ମାଞ୍ଜେ ବେଟାଆୟାତେରି;

ଆମିନି ଗାଗାରି ମା କାତା ଝେଞ୍ଜାମାଞ୍ଜାଆତେରି, ଏଞ୍ଜାରି ନକିତା ମାମୁ ତୁଞ୍ଜାଆଡ଼ମି ।”

୨୧ ସାମା ଏଞ୍ଜାସି ଇସ୍ତାୟେଲ ଲକୁତି କାତା ଝେସାମାନେସି, “ର ମାନି କିଆନା ନା କପାଟି ନିଞ୍ଜିନି କୁଡ଼ାତି ନାନୁ ଝେଡ଼ା ତୁମ୍ବେ କେୟୁ ଦାସା ମାଇଁ ।”

## ୧୧

### ଇସ୍ତାୟେଲ ଲକୁଣି ମାହାପୁରୁତି କାର୍ମା

୧ \*ଅଡ଼େ ନାନୁ ଝେଞ୍ଜାଲି ଆଡ଼ିଇଁ, ଆଡ଼ିହିଁ ମାହାପୁରୁ ତାନି ଲକୁଣି ପିସାମାନେସି କି ? ଏଲେଆହିଁ ଏଚେଲା ଜିକେଏ ଆଆପେ, ଏନାଆଁତାକି ଇଚିହିଁ ନାନୁ ଜିକେଏ ଅଦ୍ରାହାମତି କୁଡ଼ାତା ଜାର୍ନାଆଡ଼ି ବିନ୍ୟାମିନ୍ ଗତିତି ଇସ୍ତାୟେଲ ଲକୁତେଏଁ । ୨ ମାହାପୁରୁ ତଲିଟିଏ ବାଟି କିହାଁ

ହାଟାମାନି ତାନି ଲକୁଣି ଏଚେଲା ଜିକେଏ ପିସାହିଲଅସି, ମାରୁ ଦାମୁଁ ସାଢ଼େସ୍ରିତା ପଡ଼ଝି ଆହାହିଲଅତେରି ? ଏନିକିହିଁ ଏଲିୟ ମାହାପୁରୁ ନକିତା ଇସ୍ତାୟେଲ ଲକୁ କପାତଲେ କାତା ଜଲ୍ଲାମାଚେସି, ୩ “ପ୍ରୁ ଏଞ୍ଜାରି ମାହାପୁରୁ ଅଣ୍ଡ଼ିପୁତି ବଲୁ ଝେହ୍ନାରାଇଁ ଏନିକିହିଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡ଼ିକ୍ହାନା ନାସଝି କିହାମାନେରି, ଝାରଇ ନାନୁ ରଅତେଏଁ ଗେଲ୍ପି ଆହାମାଇଁ; ଏଞ୍ଜାରି ନା ଜୀଝୁ ଜିକେଏ ଅହାଲି ଅଣ୍ଡ଼ିମାଞ୍ଜାନେରି ।” ୪ ଏଲିୟଇଁ ମାହାପୁରୁ ଝେଣ୍ଡେ ଏନାଆଁ ଏଲେଇଚେସି, “ନାଡ଼ିକିନି ବାଲ୍ ପେନୁ, ପୂଡ଼ଲା ନକିତା ମେଣ୍ଡା କୁଡ଼ା ହିଲଅରି ଇଲେତି ସାତା ମାଣା ଲକୁଣି ମାଞ୍ଜେତାକି ଇଟାମାନମି ।”

୫ ଏଲେକିହିଁ ଏ ନାଏଁ ଜିକେଏ କାର୍ମାମେସାନା ଆଟାମାଚେସି, ଏଞ୍ଜାରି ବିତ୍ରାଟି ଏଚର ଜାଣାଡ଼େଁ ମାନେରି । ୬ ସାମା ତାନି କାର୍ମାମେହ୍ନି ତାଣାଟି ଆଡ଼ିହିଁ, ଏଡ଼ି କାମାଲଡ଼ା ତାକି ଆହାଲି ଆଡ଼େଏ; ଇଞ୍ଜା ତାନି କାର୍ମାମେହ୍ନାୟି ସାତା ତଲେ କାର୍ମାମେହ୍ନାୟି ଆଏ ।

୭ ଆଡ଼ିହିଁ ଏନାଆଁ ଆଡ଼େ ? ଇସ୍ତାୟେଲତି ଲକୁ ଏନାଆଁ ପାରିମାଚେରି, ଏଦାଆଁ ବେଟାଆଆତେରି; ଝାରଇ ମାହାପୁରୁ ଆଟାମାନି ଏଚରଜାଣା ଲକୁ ଏଦାଆଁ ବେଟାଆତେରି, ଏଟ୍ଟକାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ୍ ହାଆତେରି । ୮ ସାଢ଼େସ୍ରିତା ରାସ୍କି ଆହାମାନେ, “ମାହାପୁରୁ ନୀଞ୍ଜୁପାତେକା ଏଞ୍ଜାରାକି ଆଟ୍ଟଞ୍ଜା ଜୀଝୁ ହାହାମାନେସି, ଅଡ଼େ ଇଲେତି କାଣ୍ଟକା ହାହାମାନେସି, ଏନିକିହିଁ ଏଞ୍ଜାରି ମେସାଲି ଆଡ଼ି ହିଲଅରି, ଅଡ଼େ ଇଲେତି କାର୍ମା ହାହାମାନେସି ଏଞ୍ଜାରି ଝେଞ୍ଜାଲି ଆଡ଼ିହିଲଅରି ।” ୯ ଏଞ୍ଜାରି କାତା ଦାଝୁଦ ରାଟାମାନେସି,

“ଏଞ୍ଜାରି ପାରୁତି ରାଦା ତିନା ଉନାଟି ପାଦାତା ରିପାରି, ଏଞ୍ଜାରି ତରଗାନା ତଣ୍ଡ ବେଟାଆପେରି ।

୧୦ ଏଞ୍ଜାରି ଏନିକିହିଁ ମେସାଲି ଆଡ଼ଅରି, ଏଦାଆଁତାକି ଏଞ୍ଜାରି କାଣାୟାଁ ଆପେରି, କାଲେଏ ଦୁକୁ କସ୍ତ ବେଟାଆହାନା ଏଞ୍ଜାରି ଟେଡେଲି ତୁଡ଼ୁଞ୍ଜା ଆପେ ।”

୧୧ ନାନୁ ଏଲେ ଇଞ୍ଜିମାଇଁ, ଏଞ୍ଜାରି ନାସଝି ଆହାଲି ପୁଟି କିହା ମାନେରି କି ? ଆଏ ଏଚେଲା ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଇଁ କାରୁବି କିହାଲିତାକି ଜୀହୁଦିଆଆତାରି ନକିତା ଗେଲ୍ପିଆନି ଅଦିକାରା ମେଡ଼ାଆତେ । ୧୨ ଜୀହୁଦି ଲକୁତି ପାପୁ ଦାରୁତିତି ବାରେ ଲକୁତାକି ହାରେକା ବାଡ଼କୁ ଲେହେଁ ଆହାମାନେ, ଜୀହୁଦି ଲକୁ ରିତାକି ଜୀହୁଦିଆଆଡ଼ି ଲକୁତାକି ବର

☆ ୧୧:୧ ୧୧:୧ ପିଲିପି ୩:୫

ହାରେଏ ଗାତି ଲାବା କିହାମାନେରି, ଇଞ୍ଜା ବାରେ ଜୀହୁଦି କୃତା ଗେଲ୍ପି ଆଡିହ୍ମା ଏମ୍ପାଟି ଏଚେକା ଗାତି ବର ବେଟାଆଅରି !

**ଜୀହୁଦିଆଆତାରି ଗେଲ୍ପି ଆନାୟି**

୩୩ ଜୀହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଲ୍, ନାନୁ ଜୀହୁଦିଆଆତି ଲକୁତାକି ପାଣ୍ଡୁଝି ଆହାମାନାକି ନା ସେବା କାମାତି ପାଣ୍ଡା ତାକି ନାନୁ ବତପଣ ଆହ୍ମିମାଲ୍ । ୧୪ ଏନିକିହ୍ମ ଆଡେ ଜାହାରା କୃତାତି ଲକୁଣି ରାହ୍ମା କିଞ୍ଜିକିହାନା ଏଞ୍ଜାରି ତାଣାଟି ଏଚର ଜାଣାଲ୍ ଗେଲ୍ପାଲି ଆଡିଲ୍ । ୧୫ ଏନାଆଁତାକି ଇଚିହ୍ମ ଏଞ୍ଜାରି ପିସ୍ପିଆତାକି ଦାରତି ତରେ ଆଡେ । ଆଡିହ୍ମ, ମାହାପୁରୁ ବାରେ ଜୀହୁଦି କୃତାତି ଆବିସାରେ, ଏଦାଆତି ପାଡେୟି ଏନାଆଁ ଆନେ ? ଏଡି ହାଡି ମାଣ୍ଠି ଜୀହୁ ବେଟାଆଡି ଲେହେ ।

୧୬ ରଚାଣି ରୁଟି ମାହାପୁରୁ ଦରୁତଲେ ହେରପି ଆହାମାଟିହ୍ମ, ବାରେ ରୁଟି ଜିକେଏ ହେରପି ଆହାମାନେ ଇଞ୍ଜି ଇନାୟି; ର ମାର୍ନୁତି ହାରୁ ହେରପି ଆହାମାଟିହ୍ମ, ଏଦାଣି କମା କାନ୍ଦି ଜିକେଏ ହେରପି ଆହାମାନୁ ଇଞ୍ଜି ଅଣ୍ପିନାୟି । ୧୭ ସାମା ଏଚେକା କମାୟା ରାଡପି ଆଡୁ ଅଡେ ମାରୁ ଜାଡାତି ଜୀତ ମାର୍ନୁତି କମାୟା ଆଡିଜିକେଏ ଏ ବିଡା ଦୁସ୍ପିଆଡେରି, ଅଡେ ଏଞ୍ଜାରିତଲେ ଜୀତ ମାର୍ନୁତି ତାକିତି ରାସାତା ଆଣ୍ଡିତେରି । ୧୮ ଆଡିହ୍ମ ଏ କମାୟା କପାତଲେ ବତପଣ ଆଆଦୁ; ସାମା ମାରୁ ବତପଣ କିଦେରି, ମାରୁ ମାର୍ନୁତି ତାକିତି ଆସା ହିଲଅତେରି, ସାମା ତାକି ମିଙ୍ଗେ ଆସାମାଞ୍ଜାନେ, ଇଦାଆଁ ମାରୁ ପୁଞ୍ଜା ଡୟାଦୁ ।

୧୯ ଆଡିହ୍ମ ମାରୁ ଏଲେଇଞ୍ଜାଲି ଆଡିଦେରି, “ନାଙ୍ଗେ ଟାୟୁ ହାହାନା ଦୁରସାଲି ତାକି ଏ କମାଣି ରାଡପି ଆହାମାରୁ ।” ୨୦ ଏଡି ସାତା, ଏଞ୍ଜାରି ନାମାଆଲିଏ ରାଡପି ଆଡେରି, ମାରୁ ଝାରଇ ନାମାଲିଏ ଏ ଟାୟୁ ଅଦିକାରା କିହାମାଞ୍ଜେରି, ସାମା ବତପଣ ଆଆନା ଆଜାଦୁ; ୨୧ ମାର୍ନୁତା ଗାଲ୍ହାମାନି କମାୟା ଲେହେ ଜୀହୁଦି ଲକୁଣି ମାହାପୁରୁ ତଣ୍ଡ ହାଆନା ପିସାହିଲଅସି ଇଚିସାରେ, ଏଞ୍ଜାସି ମିଙ୍ଗେ ଜିକେଏ ପିସ୍ପିଅସି । ୨୨ ଇମ୍ପାଆଁ ସିନିକିନି କାତା, ମାହାପୁରୁ ଏନିକିହ୍ମ କାର୍ମା ମେହ୍ନାସି ଇଞ୍ଜା କାରବି ଆନାସି; ଆମ୍ପାଆରି ପାପୁତା ତରଗା ମାନେରି, ଏଞ୍ଜାରାଲ୍ ଏଞ୍ଜାସି କାରବି ଆନେସି; ସାମା ଏଚରଦିନା ପାତେକା ତାନି କାର୍ମାମେହ୍ନି ତାଣା ଡୟିଦେରି, ଏଚରଦିନା ମିଙ୍ଗେତାକି କାର୍ମା ମେସ୍ତାନାସି, ତାନି କାର୍ମାମେହ୍ନାଣି ଜାକ୍ହସାରେ; ମାରୁ ଜିକେଏ ରାଡପି ଆଦେରି । ୨୩ ଜୀହୁଦି ଲକୁ ଏଞ୍ଜାରି ନାମୁତି ପିହ୍ଅରି, ଆଡିହ୍ମ ଏଞ୍ଜାରି ତଲିମାତି

ଟାୟୁତା ଝେଣ୍ଡେ ତାରି ଆନେରି । ମାହାପୁରୁ ଇଦାଆଁ କିହାଲି ଆଡିମାନେସି । ୨୪ ଜୀହୁଦିଆଆତି ଲକୁ ଜାଡାତି ଜୀତ ମାର୍ନୁତି ଗମାୟା ଲେହେ । ଏଞ୍ଜି ରାଡପି ଆହାମା ଏମ୍ପାତାଲ ଆଆଡି ଜିକେଏ ବାଡାତା ପାଡିକିହାମାନି ଜୀତ ମାର୍ନୁ ତଲେ ଦୁସ୍ପି ଆହାମାନୁ । ଜୀହୁଦି କୃତାତି ଲକୁ ବାଡାତା ପାଡିକିହାମାନି ଜୀତ ମାର୍ନୁ ଲେହେ । ଇ ମାର୍ନୁତି ରାଡପି ଆହାମାନି ଗମାଣି ଝେଣ୍ଡେ ମାର୍ନୁ ତଲେ ଦୁରସାଲି ମାହାପୁରୁ ଆଡିନେସି ।

**ବାରେ ଜାଣାକି ମାହାପୁରୁତି କାର୍ମାମେହ୍ନାୟି**

୨୫ ଏ ତାୟି ତାଙ୍ଗିସ୍ତାତେରି, ମାରୁ ଏନିକି ମିଙ୍ଗେତାକି ମାରୁଏ ବୁଦିଗାଟାତମି ଇଞ୍ଜି ଅଣ୍ପଅତେରି, ଇଦାଆଁତାକି ମାରୁ ଇ ଡଗୁମାନି କାତାତି ପୁନାଆନା ମାଣ୍ଡେରି ଇଞ୍ଜି ନା ମନ ହିଲେଏ, ଇଚିହ୍ମ ଜୀହୁଦିଆଆତି ଲକୁ ବାରେ ହଡୁଆ ପାତେକା ଇସ୍ତାୟେଲତି ଏଚେକା ଲକୁ ନାମାଆନା ଡୟିନେରି; ୨୬ ଇଲେଆହ୍ମ ବାରେ ଇସ୍ତାୟେଲ ଲକୁ ଗେଲ୍ପି ଆନେରି, ଏନିକି ରାସ୍ତାକି ଆହାମାନେ,

“ଗେଲ୍ପି କିନାସି ସିୟନଟି ଝାନେସି, ଜାକୁବ କୃତାତା ମାନି ବାରେ ଲାଗେଏତାଣି ହେକ କିନେସି । ୨୭ ଏଚିବେଲା ନାନୁ ଏଞ୍ଜାରି ପାପୁ ବାରେ ହେକ କିଲ୍, ଏଚିବେଲା ଏଞ୍ଜାରିତଲେ ଇ ରାଜିମାନା କିନୁମି ।”

୨୮ ନେହ୍ କାରୁତି ଆହ୍ଆ ଜୀହୁଦି ଲକୁ ମିଙ୍ଗେତାକି ମାହାପୁରୁକି ସାତୁୟା ଆହାମାନେରି, ସାମା ମାହାପୁରୁ ଆଚାମାନି ଆକୁ ଆବାୟା ତାକି ଏଞ୍ଜାରି ମାହାପୁରୁକି ଜୀହୁ ନନାରି ଆହାମାନେରି । ୨୯ ଇଚିହ୍ମ ମାହାପୁରୁ ଆଚାମାନାୟି ଅଡେ ତାନି କାର୍ମାତି ଦାନା ଏଚେଲାଞ୍ଜା ଉଜେଏ ଆଏ । ୩୦ ଜୀହୁଦିଆଆତି ଲକୁତେରି ତଲି ମାରୁ ମାହାପୁରୁଇ ମାନି କିହାହିଲାଆତେରି; ସାମା ନୀର୍ବି ଜୀହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହ୍ନାଣି ବେଟାଆଡେରି, ୩୧ ଏଲେଆହ୍ମ ଏ ଏଞ୍ଜାରି ଜିକେଏ ନୀର୍ବି ମାନି କିହାହିଲଅରି, ଏନିକିହ୍ମ ମିଙ୍ଗେତାକି ତଞ୍ଜାଆହାମାନି କାର୍ମାମେହ୍ନାଣି ତଲେ ଏଞ୍ଜାରି ଜିକେଏ ନୀର୍ବି କାର୍ମାମେହ୍ନାଣି ବେଟାଆନେରି । ୩୨ ଏନିଇଚିହ୍ମ ମାହାପୁରୁ ବାରେ ଜାଣାଲ୍ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେତୁ ହେରପା ମାନେସି ।

**ମାହାପୁରୁକି ଗାଞ୍ଜୁରମି**

୩୩ ଅହତା ! ମାହାପୁରୁତି ବୁଦି ଇଞ୍ଜା ପୁନି ବାଡୁୟୁ ଏଚେକା କାଜାୟି ! ତାନି ଅଣ୍ପୁତି ଆମ୍ପାଆସି ତେଲ୍ହି କିୟାନେସି ? ଇଞ୍ଜା ତାନି ଜିରୁତି ଆମ୍ପାଆସି

ପୁଞ୍ଜାଳି ଆଡ଼ିମାନେସି ? ୩୪ ସାସ୍ତେରିତା ରାସ୍ତକି ଆହାମାନେ;

“ଆମ୍ବାଆସି ମାହାପୁରୁତି ଅଶ୍ପୁତା ମାନାଣି ତେଲୁହିନେସି ?

ଆମ୍ବାଆସି ଏଞ୍ଜାଣାକ୍ ଝେସାଲି ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏତେଲା ଏନାଆଁ ହାହାମାନେସି,

ଏଦାଆଁତାକି ଏଞ୍ଜାଣାକି ଏଞ୍ଜାସି ଝେଣେ ହାନାୟି ମାନେ ?”

୩୬ \*ବାରେ ଗାଡ଼ି ଆଡାୟି ତାନିତାଣାଟି, ତାନି କେୟୁତଲେ, ଅଡ଼େ ତାଜେତାକି ଆହାମାନେ; କାଲ୍ୟାକାଲ୍ୟା ତାକି ଏଞ୍ଜାଣାକି ଗାଞ୍ଜୁରମି ଆଡ଼େ ! ଆମେନ୍ ।

### ୧୨

#### କ୍ରୀସ୍ତ ତାଣା ପୁଞ୍ଜନି ଜୀଞ୍ଜୁ

୧ ଇଦାଆଁତାକି ତାୟି ତାଜିସ୍ତାତେରି, ମାଜେତାକି ମାହାପୁରୁତି ହାରେକା କାର୍ମାମେହନାଣି ତାକି ମିଜେ ନାନୁ ବାଡ଼ିମାଲିମାଞ୍ଜାକ୍, ମୀରୁ ମୀ ଆଜାତି ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ ଅପିନି ଲେହେତି ପୂଜା ହୀଦୁ, ଇଦିଏ ମାହାପୁରୁତି ସାତା ସେବା । ୨ ମୀରୁ ଇ ଜୁଗୁତି ମାଣ୍ଡକିତା ମାନାଆଦୁ, ସାମା ଏନିକିହିଁ ମାହାପୁରୁତି ଅଶ୍ପୁ ଏନାୟି, ଇତିହିଁ ନେହାୟି, ଅପିନାୟି ଇଞ୍ଜା ଟିକ୍‌ଶାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଳି ଆଡ଼ିଦେରି, ଇଦାଆଁତାକି ମୀ ହିୟାତି ପୁଞ୍ଜନି କିହାନା ବାଦଲି କିଦୁ ।

୩ ମାହାପୁରୁ ନାଜେ କାର୍ମାମେହନାଣି ହାହାମାଞ୍ଜାନାକି ବାରେଜାଣା ତେରି ମିଜେ ନାନୁ ଝେସିମାଞ୍ଜାକ୍, ଆମ୍ବାଆତେରି ଜିକେଏ ମୀ ତାକି ମୀରୁ ଏନିକିହିଁ ଅଶ୍ପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜାଁ ଅଶ୍ପାଆଦୁ; ସାମା ମାହାପୁରୁ ଆମ୍ବାଆରାକି ଏତେକା ନାମୁ ହାହାମାନେସି, ଏଲେକିହିଁଏ ବାରେଜାଣା ପୁଞ୍ଜାକତିନି ଲେହେଁ ମୀ ତାକି ମୀରୁ ଅଶ୍ପା କତାଦୁ । ୪ \*ଇତିହିଁଏ ଏନିକିହିଁ ମୀ ଆଜାତା ହାରେକା ଆଜା ଅଡ଼େଲିକା ମାନୁ, ସାମା ବାରେ ଆଜା ଉଡ଼େଲିକାତି କାମା ରଲେଏତାୟି ଆଏ । ୫ ଏଲେଆହିଁଏ, ମାର ହାରେକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି, ମାର ରଣ୍ଡିଏ ଆଜା ଇଞ୍ଜା ଆଜାତି ଆଜା ଉଡ଼େଲିକା ଲେହେଁ ମାର ରଅସି ରଅଣା ତଲେ ଆଣ୍ଡାମାନାୟି । ୬ \*ଏଦାଆଁତାକି ମାଜେ ମାହାପୁରୁ ହାହାମାଞ୍ଜାନି କାର୍ମାତଲେ ହାରେକା ଦାନା ବେଟା ଆହାମାନାୟି, ମାର ମାହାପୁରୁତି ବଲୁ ଝେକହାଲି ତାକି ବାଡ଼ୁଲୁ ବେଟା ଆହାମାନାୟି, ମାର ଆଟ୍‌ଞ୍ଜା ନାମୁତଲେ

ଏ କାମା କିନାୟିମାନେ; ୭ ଏଦାଆଁ ସେବା କାମା କିହାଲି ବାଡ଼ୁଲୁ ବେଟାଆହାମାନାୟି, ଆତିହିଁ ମାର ସେବା କାମା କିନାୟିମାନେ; ଜାପୁହାଲି ବାଡ଼ୁଲୁ ବେଟାଆହାମାନାୟି, ଆତିହିଁ ଜାପୁନାୟି ମାନେ; ୮ ବାସ୍ତୁତି କାତା ଝେସାଲି ବାଡ଼ୁଲୁ ବେଟାଆହାମାତିହିଁ, ବାସ୍ତୁତି କାତା ଝେସପାସି; ଦାନା କିହାଲି ବାଡ଼ୁଲୁ ବେଟାଆହାମାନି ମାଣସି ରାହାଁତଲେ ଦାନା ହୀପେସି । ଏବକା ଲକୁତି କାମାତି ସିନିକିହାଲି ଅଦିକାରା ବେଟାଆହାମାତିହିଁ ଞ୍ଜାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହନାସି, ରାହାଁ ମନତଲେ ସାୟେମି କିପାସି ।

୯ ଜୀଞ୍ଜୁନନାୟି କୁଟୁ ହିଲ୍ୟାଆଗାଟାୟି ଆଡ଼େ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହୁଦୁ; ୧୦ କ୍ରୀସ୍ତ ନାମୁତି ତାୟି ତାଜି ଲେହେଁ ରଅତେରି ରଅଣାକ୍ ଜୀଞ୍ଜୁ ନଦୁ; ଇଞ୍ଜା ରଅତେରି ରଅଣାକ୍ ମାନି କିହାଲି ରାହାଁ ଆଦୁ; ୧୧ ରାହାଁତା ଉଣା ଆଆଦୁ; ସୁଦୁଜୀଞ୍ଜୁତା ପାରସାଡ଼ା ଆହାଁ ଡ଼ୟାଦୁ; ହିୟାଁ ଜୀଞ୍ଜୁ ହାହାନା ପ୍ରବୁକ୍ ସେବା କିଦୁ । ୧୨ ବାସ୍ତୁ ଇଗାନା ରାହାଁ କିଦୁ; ଦୁକୁ କସ୍ତ ବେଲାତା ସାସା ଆହୁଦୁ; ଜମାଆନା ପ୍ରାତାନା କିଦୁ; ୧୩ ମାହାପୁରୁ ଲକୁକି ଲଡ଼ାମାନାଣି ସାୟେମି କିଦୁ; ଇଜ ଞ୍ଜାନି ଗତାୟାଣି ସେବା କିଦୁ ।

୧୪ \*ଆମ୍ବାଆରି ମିଜେ ସାସ୍ତି ହିୟାନେରି, ଏଞ୍ଜାରି ନେହେଁତାକି ମାହାପୁରୁ ତାଣା ପ୍ରାତାନା କିଦୁ; ଏଞ୍ଜାରାକି ବର ହୀଦୁ; ବାକା ଇଟାଆଦୁ । ୧୫ ଆମିନି ଗାଟାରି ରାହାଁ କିନେରି ଏଞ୍ଜାରିତଲେ ରାହାଁ କିଦୁ; ଆମ୍ବାଆରି ଡ଼ୀନେରି ଏଞ୍ଜାରିତଲେ ଡ଼ୀଦୁ । ୧୬ ବାରେଜାଣା ରଣ୍ଡିଏ ଅଶ୍ପୁ ଅଶ୍ପାଦୁ, ଞ୍ଜାରୁଇ କାଜାରି ତଲେ ତଣେ ଦହଆନା ଇଟାରି ତଲେ ଜିକେଏ ଆଣ୍ଡି ଆହାନା ମାଞ୍ଜୁ । ମୀରୁ ମୀ ବୁଦିତଲେ ବୁଦିଗାଟାତମି ଇଞ୍ଜା କତାଆଦୁ । ୧୭ ଆମ୍ବାଆସି ମିଜେ ଲାଗେଏ କିୟାତିହିଁ, ଏଞ୍ଜାଣାକ୍ ଲାଗେଏ କିଆଦୁ; ବାରେ ଲକୁ ନକିତା ଏନାୟି ନେହାୟି, ଏଦାଆଁ କିଦୁ । ୧୮ ଆଡ଼ିତିହିଁ ବାରେଜାଣା ତଲେ ହିଡ଼ତି ତଲେ ନୀତାବାଡ଼କାଲି ତାକି ଏନି କିନାୟିମାନେ ଏଲେକିଦୁ । ୧୯ଏ ଜୀଞ୍ଜୁତି ତଣେସିଜା, ମୀରୁ ଆମ୍ବାଆରି କପାତି ବାଦୁଲି ଆଆଦୁ । ମାହାପୁରୁତି କପାତି ଲକୁ ଆହାଲି ପିସାଡ଼ୁହୁଦୁ । ଏନାଆଁତାକି ଇତିହିଁ ସାସ୍ତେରିତା ରାସ୍ତକି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡ଼େୟି ହୀକ୍ ।” ୨୦ ଅଡ଼େ ଜିକେଏ, “ମୀ ସାଡ଼ୁ ହାକି ଆହାମାତିସାରେ, ଏଞ୍ଜାଣାକି ତିଞ୍ଜାଲି ହୀଦୁ; ଏଞ୍ଜାସି ଏସ୍ତକି ଆହାମାତିସାରେ ଗସାଲି ହୀଦୁ;

☆ ୧୧:୩୬ ୧୧:୩୭ ୧କର ୮:୬ ☆ ୧୨:୪ ୧୨:୪ ୧କର ୧୨:୧୨ ☆ ୧୨:୬ ୧୨:୬ ୧କର ୧୨:୪-୧୧ ☆ ୧୨:୧୪ ୧୨:୧୪ ମାଡ଼ି ୫:୪୪; ଲୁକ ୬:୨୮

ଇଲେ କିତିସାରେ ଏଞ୍ଜାଣିଲାକ ଡ଼ାଞ୍ଜିମାନି ହିରୁତି ରୀକ୍ଷାୟା ଏକ୍‌ହି ମାଞ୍ଜେରି ।” ୨୧ ଲାଗେଏତି କାମା ତଲେ ଜୀଣା ଆଆନା, ନେହଁ କାମା ତଲେ ଲାଗେଏତି କାମାତି ଜୀଣା ଆଦୁ ।

### ୧୩

#### ସାଲୁଝି କିନାରାଇଁ ମାନି କିନାୟି

୧ ବାରେଜାଣା ସାଲୁଝି କିନାରାଇଁ ମାନି କିନାୟିମାନେ, ଏନାଆଁତାକି ଇତିହଁ ମାହାପୁରୁତି ହେଲ ଆଆତିହଁ ଆମ୍ବାଆସି ଜିକେଏ ସାଲୁଝି କିନି ପାଣା ବେଟାଆଅସି, ପାଣାତା ମାନି, ସାଲୁଝି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆଟ୍‌ଝି ଆହାମାନେରି । ୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଝି କିନାରି କପାତଲେ ନିଜିନେସି, ଏଞ୍ଜାସି ମାହାପୁରୁ ମୋରାତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଞ୍ଜାରି ତାମ୍ବୁତାମ୍‌ଜେ ତଣ୍ଡ ବେଟାଆହାଲି ତାକି କିନେରି । ୩ ଇତିହଁ ସାଲୁଝି କିନାରି ନେହଁ କାମାତାକି ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି । ସାଲୁଝି କିନାରାଇଁ ଆଜାଆନା ତୟାଲି ମନ ମାନେକି ? ଆତିହଁ ନେହଁ କାମା କିଦୁ, ଆତିହଁ ଏଞ୍ଜାରି ତାଣାଟି ନେହଁ ବେଟାଆଦେରି, ୪ ମୀ ନେହଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି । ସାମା ମୀରୁ ଲାଗେଏତି କାମା କିଦେରି, ଆତିହଁ ସାଲୁଝି କିନାଣାଇଁ ଆଜାଦୁ, ଏନାଆଁତାକି ଇତିହଁ ଏଞ୍ଜାସି ଉଜେଏ କାଣ୍ଡା ଆହୁଅସି, ଏନିଇତିହଁ ଏଞ୍ଜାସି ମାହାପୁରୁତି ସେବା କିନାସି, ଇତିହଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ତଣ୍ଡ ହୀନାସି । ୫ ଏନିଇତିହଁ, ଖାରଇ କାରବିତି ଆଜିତାକି ଆଏ, ସାମା ମା ହିୟାତା ମାନି ଅଣ୍‌ପୁ ପୁଞ୍ଜାହାଁ ସାଲୁଝି କିନାରି କାତା ମାନି କିନାୟିମାନେ ।

୬ \*ଇଦାଆଁତାକି ମୀରୁ ସିସୁ ଜିକେଏ ହାହିମାଞ୍ଜେରି, ଏନାଆଁତାକି ଇତିହଁ ମାହାପୁରୁତି ସେବା କିନେରି ଲେହେଁ ଆହାନା ସାଲୁଝି କିନି କାମା ଜିକେଏ କିନେରି । ୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହୀଦୁ; ଆମ୍ବାଆରାକି ସିସୁ ହୀନାୟି ମାନେ ଏଞ୍ଜାଣାକି ସିସୁ ହୀଦୁ; ଆମ୍ବାଆରାକି ଆସ୍‌ଲି ହୀନାୟି ମାନେ ଏଞ୍ଜାଣାକି ଆସ୍‌ଲି ହୀଦୁ; ଆମ୍ବାଆରାଇଁ ଆଜିନାୟି ମାନେ ଏଞ୍ଜାଣାଇଁ ଆଜାଦୁ; ଆମ୍ବାଆରାଇଁ ମାନି କିନାୟିମାନେ ଏଞ୍ଜାଣାଇଁ ମାନି କିଦୁ ।

#### ରଅସି ରଅଣାଇଁ ଜୀଞ୍ଜୁନନାୟି

୮ ରଅତେରି ରଅଣାଇଁ ଜୀଞ୍ଜୁ ନଞ୍ଜିଆନି ପିସ୍‌ପେ ଅଡ଼େ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା

ଆଆଦୁ; ଏନାଆଁତାକି ଇତିହଁ ଆମ୍ବାଆସି ଏଟକାତାଣାଇଁ ଜୀଞ୍ଜୁ ନନେସି, ଏଞ୍ଜାସି ମସାତି ମୋରା ମାନଞ୍ଜି ଆହିମାନେସି । ୯ “ଦାରି କିଆଦୁ, ଲକୁଣି ପାୟାଆଦୁ, ସରୁ କିଆଦୁ, ଏଟକା ଲକୁଣି ଦିଶ୍‌ସୁତି ଜୁପକା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡ଼ିତି ଲକୁଣି ମୀ ଜୀଞ୍ଜୁତି ଜୀଞ୍ଜୁ ନହାଁ କତିନି ଲେହେଁ ଜୀଞ୍ଜୁନଦୁ ।” ୧୦ ଜୀଞ୍ଜୁନନାୟି ପାଡ଼ିତି ଲକୁଣି ଲାଗେଏ କିଏ; ଏନିଇତିହଁ ଜୀଞ୍ଜୁନନାୟି ମସାତି ମୋରା ପୁରା କିନେ ।

୧୧ ଇତିହଁ ଇଦାଟି ତେଷଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଇ ବାରେ କିଦୁ; ଇତିହଁ ମାର ନାମିତି ଦିନାଟିଏ ଗେଲ୍‌ପି ଆନାୟି ତଲିତି କିହାଁ ହାରେକା ତାଗେ ଖାତେୟିଏ । ୧୨ ଆଦେରି ହାଜିମାନେ, ଲାଇ ଖେୟିମାନେ । ଏଦାଆଁତାକି ଖାଦୁ ମାର ଆଦେରିତି କାମା ବାରେ ପିସାନା ଉଜେଡ଼ିତା ଜୁକୁ କିହାଲି ଟିକାଣାତି ସାଦୁ ତୁରନ । ୧୩ କାଡ଼ୁ ଗସାହାଁ ମନକିତି ରାହାଁ, କାଡ଼ୁ ଗସାହାଁ ହଟିନାୟି, ମାନି ହିଲାଆଗାଟାୟି, ଲାଗେଏତି ମାଣ୍‌କି, ତାହାରା, ଗଡ଼ହା କିନିତାଣା କାମାତା ଆଣ୍ଡାଆନା ଖାଦୁ, ଉଜେଡ଼ିତି କାମାତା ମାନି ଲକୁ ଲେହେଁ ନେହଁ ମାଣ୍‌କି ତଲେ ମାନ । ୧୪ ପ୍ରୁ ଜୀସୁ କ୍ରୀସ୍‌ଟାଇଁ ମୀରୁ ହିମ୍‌ପିଲେହେଁ ପରଦୁ, ପାପୁ ଇଞ୍ଜା ଆଜାତି ଲାଗେଏତି ଅଣ୍‌ପୁ ତଲେ ରାହାଁ କିହାଲିତାକି ହିୟାତା ଅଣ୍‌ପାଆଦୁ ।

### ୧୪

#### ଏଟକା ଲକୁଣି ଦହ ଦହଆଦୁ

୧ \*ନାମୁତା ଆଟ୍‌ଝା ହିଲାଆଗାଟାରାଇଁ ଆବାଦୁ, ସାମା ତାନି କାତାତି ଅଣ୍‌ପୁ ତାକି ତାନିତଲେ ବାଦ୍‌ହାରା କିଆଦୁ । ୨ ବାରେ ତିଞ୍ଜାଲି ତାକି ରଅଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଞ୍ଜାସି ଖାରଇ ଜାୟୁ କୁଟା ତିନାପେସି । ୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଣାଇଁ ହାଣି କିଆପେସି; ଇଞ୍ଜା ତିନାଆଗାଟାସି ତିନାଣାଇଁ ନୀହାୟି କିଆପେସି, ଏନିଇତିହଁ ମାହାପୁରୁ ଏଞ୍ଜାଣାଇଁ ଆବା ମାନେସି । ୪ ନୀନୁ ଆମ୍ବାଆତି ଅର ରଅଣି ହଲେଏଣାଇଁ ନୀହାୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଅସି; ଏଞ୍ଜାଣାଇଁ ତୀରିକିହାଁ ଇଟାଲି ପ୍ରୁ କେୟୁତା ବାଡ଼ୟୁ ମାନେ ।

୫ ରଅସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡ଼େ ରଅସି ବାରେ ଦିନାତି ରଲେଏତାଇଁ ଇଞ୍ଜି ଅଣ୍‌ପିନେସି, ବାରେଜାଣା ତାନି ମନତା ତୀରି କିହାନା ମାନଞ୍ଜି ଆପେରି । ୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜି ଅଣ୍‌ପିମାନେସି, ମାହାପୁରୁତି ଗାଞ୍ଜୁରିମି



ତାକି ଏଲେଇଞ୍ଜି ଅଣ୍ଠପାପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁଇଁ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁଇଁ ଜହରା କିନେସି ।<sup>୭</sup> ଆମ୍ବାଆସି ତାଙ୍ଗେତାକି ନୀତଅସି, କି ଆମ୍ବାଆସି ତାଙ୍ଗେତାକି ହାଅସି ।<sup>୮</sup> ମାର ନୀତାମାନାୟି ଇଚିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ଼ିସାରେ ପ୍ରବୁ ତାକି ହାନାୟି । ଏଦାଆଁତାକି ନୀତିନାୟି କି ହାନାୟି ମାର ପ୍ରବୁତି ଲକୁ ।<sup>୯</sup> ଏଦାଆଁତାକି ଇଚିହଁ କ୍ରୀସୁ ହାହାନା ଖେଣ୍ଡେ ନିଙ୍ଗାମାନି ତାଣାଟି ନୀତାମାନାରି ଇଞ୍ଜା ହାଡ଼ାରି ବାରେଜାଣାଟି ପ୍ରବୁ ଆହାମାନେସି ।<sup>୧୦</sup> \*ନାନୁ ଏଦାଆଁତାକି ମୀ ତାୟିଇଁ ବେରଣି କିହିମାଞ୍ଜି ? ଏଦାଆଁତାକି ମୀ ତାୟିଇଁ ହାଣି କିହିମାଞ୍ଜି ? ମାର ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି ।<sup>୧୧</sup> ଏଦାଆଁତାକି ଇଚିହଁ ସାସ୍ତେରିତା ରାସ୍ତକି ଆହାମାନେ;

“ପ୍ରବୁ ଖେସିମାନେସି, ଇଚିହଁ ନାନୁ ଜୀଞ୍ଜୁଗାଟି ମାହାପୁରୁ,

ବାରେଜାଣା ନା ନକିତା ମେଣ୍ଡା କୁତିନେରି,  
ବାରେଜାଣା ନାଙ୍ଗେ ମାହାପୁରୁ ଇଞ୍ଜା  
ଜଲିନେରି ।”

<sup>୧୨</sup> ମାର ବାରେଜାଣା ମାହାପୁରୁ ନକିତା ମାର କିତି କାମାତି ଲେକା ହାନାୟି ।

**ତାୟିଇଁ ପାପୁ କିଞ୍ଜି କିଆଦୁ**

<sup>୧୩</sup> ଏଦାଆଁତାକି ରଅତେରି ରଅଣାଇଁ ବିତାରା କିଆଦୁ; ଇଲେକିହଁ ଏଦାଆଁ ଜିକେଏ କିଆଦୁ, ଏନିକିଁ ମୀ ତାୟି ପୁଟି କିହାନା ପାପୁତି ପାନ୍ଦାତା ରିଅସି ।<sup>୧୪</sup> ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ ଖେସିମାଞ୍ଜାଇଁ, ଏନି କାଡ଼ି ତାନୁଏ ଲାଗେଏତାୟି ଆଏ । ସାମା ଆମ୍ବାଆସି ଏନି କାଡ଼ିତି ଲାଗେଏତାୟି ଇଞ୍ଜା ଅଣ୍ଠପିନେସି, ଏଞ୍ଜାଣାକି ଏଡ଼ି ଲାଗେଏତାୟି ଆନେ ।<sup>୧୫</sup> ମାରୁ ଏନି କାଡ଼ି ତିନି ତାଣାଟି ର ତାୟି ଅଣ୍ଠପୁତା କସୁ ହାହିମାଞ୍ଜେରି, ଆତିହଁ ଏଞ୍ଜାଣାଇଁ ମାରୁ ଜୀଞ୍ଜୁନଞ୍ଜୁତା ତାକି ହିଲଅତେରି, ଆମିନି ତାୟି ତାକି କ୍ରୀସୁ ହାଡ଼େସି, ଏ କାଡ଼ି ତାକି ଏଞ୍ଜାଣାଇଁ ଲାଗେଏ କିଆଦୁ ।<sup>୧୬</sup> ମାରୁ ଏଦାଆଁ ନେହାୟି ଇଞ୍ଜା ଅଣ୍ଠପିମାଞ୍ଜେରି, ଏଦାଆଁତାକି ମାରୁ ଲାଗେଏତାତେରି ଆଆଦୁ; <sup>୧୭</sup> ମାହାପୁରୁତି ରାକି ତିନାୟି ଉନାୟି ଆଏ । ସାମା ଏଡ଼ି ଦାମ୍ବୁ, ହିଡ଼ଡ଼ି ଇଞ୍ଜା ସୁଦୁଜୀଞ୍ଜୁ ହାତି ରାହାଁଗାଟାୟି ।<sup>୧୮</sup> ଆମ୍ବାଆସି ଇଲେକିହଁ କ୍ରୀସୁତି ସେବା କିନେସି; ଏଞ୍ଜାସି ମାହାପୁରୁ ନକିତା ନେହାସି ଇଞ୍ଜା ମାଣ୍ଡସିୟା ନକିତି ତାୟିପାରିତା ଜୀଣା ଆଡ଼ାସି ତଞ୍ଜାଆନେସି ।<sup>୧୯</sup> ଏଦାଆଁତାକି ଖାଦୁ, ଏନା ଏନାୟି ହିଡ଼ଡ଼ି ଗାଟାୟି, ଅଡ଼େ ଏନା ଏଦାଆଁତଲେ ରଅସି ରଅଣାକି

ବାସ୍ତୁ ହୀନେସି, ଏ ବାରେତି ମାରୁ ଅଣ୍ଠପିନ <sup>୨୦</sup> ଏ ଉଜେଏତି କାଡ଼ି ତାକି ମାହାପୁରୁତି କାମାଇଁ ନାସଞ୍ଜି କିଆଦୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏନି କାଡ଼ି ତିନି ତାଣାଟି ମାରୁ ଏଟକା ଲକୁଣି କସୁ ହାହିମାଞ୍ଜେରି, ଆତିହଁ ଏ କାଡ଼ି ତିନାଆଦୁ ।<sup>୨୧</sup> ମାରୁ ଉଙ୍ଗା ତିନାୟି, ଅଙ୍ଗୁରି ରାସା ଗହ୍ନି ତାଣାଟି ମୀ ତାୟିକି କସୁ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେଁ ।<sup>୨୨</sup> ମୀ ଏମିନି ନାମୁମାନେ, ଏଦାଆଁମାରୁ ମୀ ହିୟାତା ମାହାପୁରୁଇଁ ନକିତା ଇଟାଦୁ, ଆମ୍ବାଆସି ଏଦାଆଁ ନେହାୟି ଇଞ୍ଜା ଅଣ୍ଠପିନେସି, ଏଞ୍ଜାସି ଏମ୍ବାଆଁ ତାଙ୍ଗେ ଦହଗାଟାସି କିଅସି, ଆତିହଁ ଏଞ୍ଜାସି ନେହାସି ।<sup>୨୩</sup> ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନେସି, ଇଚିହଁ ଏଞ୍ଜାସି ନାମୁତଲେ ତିଞ୍ଜା ହିଲଅସି; ଅଡ଼େ ଏନାୟି ନାମୁତଲେ ଆଏ, ଏଡ଼ି ପାପୁ ।

**୧୫**

**ଏଟକା ଲକୁଣି ରାହାଁ କିଦୁ**

<sup>୧</sup> ମାର ନାମୁତା ଆଟଞ୍ଜା ଗାଟାତାୟି, ବାଡ଼ୟୁ ହିଲାଆଗାଟି ଲକୁଣି ମାର ସାସା ହାନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଣ୍ଠପାଆପେସି ।<sup>୨</sup> ସାମା ଏଟକା ଲକୁତି ନେହେଁତାକି ଇଞ୍ଜା ଏଞ୍ଜାରି ନାମୁତି ଆଟଞ୍ଜା କିହାଲିତାକି ଏଞ୍ଜାରାଇଁ ରାହାଁତଲେ ଇଚିନାୟି ମା କାମା ।<sup>୩</sup> କ୍ରୀସୁ ଜିକେଏ ତାନି ସୁକୁ ତାକି ଏଦାଆଁ କିହି ହିଲାଆତେସି; ସାମା ସାସ୍ତେରିତା ରାସ୍ତକି ଆହାମାନି ଲେହେଁ, “ମିଙ୍ଗେ ନିନ୍ଦା କିୟାତାରା ନିନ୍ଦା ନା ମୁହେଁ ଖାଡ଼େ ।”<sup>୪</sup> ସାସ୍ତେରିତି ଜାପୁନାଇ ବାରେ ମା ନେହେଁତାକି ଲଡ଼ା ଆନୁ । ବାସ୍ତୁ ତଲେ ତାରିଆହାଁ ତୟାଲି ତାକି ସାସ୍ତେରି ମାଙ୍ଗେ ସାସା ଇଞ୍ଜା ରାହାଁ ହାହିମାଞ୍ଜାନେ ।<sup>୫</sup> ଆଟଞ୍ଜା ଅଡ଼େ ଦୁକୁ ତୁକହାନି ମାହାପୁରୁ ମିଙ୍ଗେ କ୍ରୀସୁ ଜୀସୁତି ମାଣକି ତଲେ ବାରେତେରି ମିଙ୍ଗେ ରଣ୍ଡିଏ ମନ ଆହାଲି ହିୟାପେସି,<sup>୬</sup> ବାରେଜାଣା ଆଣ୍ଡୁଞ୍ଜି ଆହାନା ରଣ୍ଡିଏ ହିୟା ରଣ୍ଡିଏ ଗୁତି ତଲେ ପ୍ରବୁ ଜୀସୁ କ୍ରୀସୁ ଆବା ମାହାପୁରୁତି ଜହରା କିତେରି ।

**ଜୀହୁଦି ଇଞ୍ଜା ଜୀହୁଦିଆଆତି ଲକୁତାକି ନେହଁ କାରୁ**

<sup>୭</sup> ମାହାପୁରୁତି ଗାଞ୍ଜୁରମି ତାକି କ୍ରୀସୁ ଏନିକିହଁ ମିଙ୍ଗେ ଆବା ମାଞ୍ଜାନେସି, ମାରୁ ଜିକେଏ ଏଲେକିହଁ ରଅତେରି ରଅଣାଇଁ ଆବାଦୁ ।<sup>୮</sup> ଇଚିହଁ ନାନୁ ଏଲେ ଇଞ୍ଜିମାଇଁ, କ୍ରୀସୁ ମାହାପୁରୁତି ସାତା ତାକି ତଲୁ ଦାପି ଆଡ଼ି ଲକୁତି ସେବା କିନାସି କିଞ୍ଜିଆହା ମାଚେସି, ଏନିକିଁ ଏଞ୍ଜାସି ଆକୁ ଆବାୟାକି ଆଞ୍ଜାନା ହାହାମାନାଣି ତାରି

\* ୧୪:୧୦ ୧୪:୧୦ ୨କର ୫:୧୦

କିନେସି, <sup>୯</sup> ଅଡ଼େ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକୁ ଜିକେଏ ଏଞ୍ଜାଣି ଗାଞ୍ଜୁରମି କିନେରି; ଇ କାତା ସାଢ଼େସ୍ତରତା ରାସ୍ତକି ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା ନୀ ଜହରା କିଇ,

ବାରେଦିନା ନୀ ପାରୁ ପାଡ଼ିଇ ।”

<sup>୧୦</sup> ଅଡ଼େ ଜିକେଏ ଏଲେଇଞ୍ଜି ମାନେସି,

“ଜୀହୁଦିଆଆତି ଲକୁ ମାହାପୁରୁତି ଲକୁତଲେ ରାହାଁ କିଦୁ !”

<sup>୧୧</sup> ଅଡ଼େ ଜିକେଏ,

“ଜୀହୁଦିଆଆତି ଲକୁ ବାରେ ପ୍ରବୁଇଁ ଜହରା କିଦୁ, ଅଡ଼େ ବାରେ ଲକୁ ଏଞ୍ଜାଣି ପାରୁ ପାଡ଼ାପେରି !”

<sup>୧୨</sup> ଅଡ଼େ ଖେଣ୍ଡେ ଜିସାୟ ଖେସାମାନେସି,

“ଜିସି କୁଡ଼ାଟି ରଅସି ତଞ୍ଜାଆନେସି, ଏଞ୍ଜାସି ଜୀହୁଦିଆଆତି ଲକୁଣି ସାଲଞ୍ଜି କିନେସି

ଇଞ୍ଜା ଜୀହୁଦିଆଆତାରି ଏଞ୍ଜାଣି ତାଣା ବାର୍ସୁ ଇଚିନେରି ।”

<sup>୧୩</sup> ବାରେ ବାର୍ସୁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡ଼ଡ଼ି ହିୟାପେସି । ଏନିକିଁ ସୁଦୁଜୀଞ୍ଜୁତି ବାଡ଼ୁୟୁ ତଲେ ମୀ ବାର୍ସୁ ପାତାଆନେ ।

**ଜୀହୁଦିଆଆତି ଲକୁତାଣା ପାଞ୍ଜୁଲତି ସେବା**

<sup>୧୪</sup> ତାୟି ତାଜିସ୍ତାତେରି, ମୀରୁ ବାରେ ନେହଁ ଗୁଣୁ, ଏନିକିହଁ ବାରେ ବୁଦିତଲେ ଇଞ୍ଜା ରଅତେରି ରଅଣାଇଁ ଜାପୁହାଲି ତାକି ଆଡ଼ିଦେରି ନା ନାମୁ ମାନେ । <sup>୧୫</sup> ଆଡ଼ିଜିକେଏ ମାହାପୁରୁ ହାହାମାଞ୍ଜାନି କାର୍ମାତି ବାଡ଼ୁୟୁଟି ନାନୁ ମିଙ୍ଗେ ଅଣପି କିହାଲି ହାରେକା ସାସାତଲେ ମୀ ତାଣା ଇ ଆକୁ ରାଡ଼ିମାଞ୍ଜାଇଁ । <sup>୧୬</sup> ଏନାଆଁତାକି ଇଚିହଁ କ୍ରୀସ୍ତ ଜୀସୁତି ହଲେଏଣା ଲେହେଁ ଜୀହୁଦିଆଆତି ଲକୁତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି । ମାହାପୁରୁତି ନେହଁ କାବୁ ଖେକହାଲି ତାକି ନାନୁ ର ପୂଜେରାତି କାମା କିହିମାଇଁ । ଜୀହୁଦିଆଆତି ଲକୁ ସୁଦୁଜୀଞ୍ଜୁ ତଲେ ହେରପିଆତି ଲେହେଁ ମାହାପୁରୁ ତାଣା ଆବିନାରି ଆପେରି, ଇଦି ନା ଅଣପୁ । <sup>୧୭</sup> କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ ତାକି ଇ ସେବା କାମା କିହାମାନାକି ନାନୁ ବଡ଼ପଣ ଆହିମାଇଁ । <sup>୧୮</sup> ଇଚିହଁ ଜୀହୁଦିଆଆତି ମାହାପୁରୁ ତାଣା ତାଚାଲି କ୍ରୀସ୍ତ ନା ତାଣାଟି ବଲୁତା ଅଡ଼େ କାମାତା ଇଚିହଁ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀଞ୍ଜୁତି ବାଡ଼ୁୟୁଟି ଏନା ଏନାଆଁ କିହାହିଲଅସି, ଇଲେତି ଏନି କାମା କିହାଲି ସାସା କିହିହିଲଅଁ । <sup>୧୯</sup> ସିନା ଅଡ଼େ କାବାଆନି କାମାତି

ବାଡ଼ୁୟୁଟି ଅଡ଼େ ମାହାପୁରୁ ସୁଦୁଜୀଞ୍ଜୁତି ବାଡ଼ୁୟୁଟି ନା ତାଣାଟି କିହାମାନେସି । ଏନିକିଁ ନାନୁ ଜିରୁସାଲମ ଟଟ ସାରିଞ୍ଜାକି ଇଞ୍ଜା ଇଲୁରିକମ ପାତେକା କ୍ରୀସ୍ତତି ନେହଁ କାବୁ ଖେକହାମାଇଁ ।

<sup>୨୦</sup> ଆମ୍ବିୟା ଲକୁ କ୍ରୀସ୍ତତି କାତା ଖେଞ୍ଜାହିଲଅରି, ଏମ୍ବାଆଁ ଏଞ୍ଜାଣି ବଲୁ ଖେକହାଲି ନା ଅଣପୁ,

ଏନାଆଁତାକି ଇଚିହଁ ଏଡ଼କାତି ଲକୁ କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣପି ହିଲଅଁ ।

<sup>୨୧</sup> ସାଢ଼େସ୍ତରତା ଏନିକିହଁ ରାସ୍ତକି ଆହାମାନେ;

“ଆମିନି ଗାଟାରି ଏଞ୍ଜାଣି ବଲୁ ବେଟାଆହା ହିଲଅରି, ଏଞ୍ଜାରି ମେହନେରି; ଆମ୍ବାଆରି ଖେଞ୍ଜାହିଲଅରି, ଏଞ୍ଜାରି ତେଲୁହିନେରି ।”

**ରମ୍ପତା ହାଜାଲି ପାଞ୍ଜୁଲତି ଅଣପୁ**

<sup>୨୨</sup> ହାରେକା ଦେବା ମୀ ତାଣା ଖାହାଲି ତାକି ନା ଅଣପୁ ଉଜେଏତାୟି ଆଡେ । <sup>୨୩</sup> ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାରେକା ବାର୍ସାତି ଅଣପୁ ନୀଏଁ ପୁରା ଆନେ । <sup>୨୪</sup> ନାନୁ ସ୍ତେନୁ ଦେସା ହାନିବେଲାତା ମୀ ତାଣା ଖାଇଁ; ଇଚିହଁ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏତରଦିନା ଡ଼ୟିତି ତାୟୁ ଏ ଟାୟୁତା ହାଜାଲି ଜିରୁତା ଇଚିଞ୍ଜାୟାଦେରି ଇଞ୍ଜା ଆସା କିହିମାଇଁ । <sup>୨୫</sup> ନୀଏଁ ମାହାପୁରୁ ଲକୁତି ସେବା କିହାଲି ନାନୁ ଜିରୁସାଲମତା ହାଜିମାଇଁ । <sup>୨୬</sup> ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲାଆ ଗାଟାରି ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି ତାରୁୟାଁ କୁଡ଼ିକିହାଲି ତାରି କିହାମାନେରି । <sup>୨୭</sup> ହାଅ ଏଞ୍ଜାରି ଏଦାଆଁ ନେହେଁ ଅଣପା ମାନେରି ସାତା, ଆତିହଁ ଏଞ୍ଜାରି ଏଞ୍ଜାରିତାଣା ରୀଣା ଜିକେଏ ଆହାମାନେରି; ଜୀହୁଦିଆଆତାରି ଏଞ୍ଜାରି ଦାମ୍ପୁତି ଜୀଞ୍ଜୁତା ଆଣ୍ଡାମାନେରି ଇଚିହଁ, ଏଞ୍ଜାରି ଦାରତିତି କାମାତା ଜିକେଏ ସେବା କିହାଲି ରୀଣା ଆହାମାନେରି । <sup>୨୮</sup> ଜିରୁସାଲମତା ଏତାରୁୟାଁ ଲକୁକି ହାହାନା ନା କାମା ରାପୁହି ତାୟୁ, ନାନୁ ସ୍ତେନୁ ଦେସାତା ହାନାଟି ଏ ଜିରୁଟିଏ ମିଙ୍ଗେ ବେଟି ଖାଇଁ । <sup>୨୯</sup> ନାନୁ ପୁଞ୍ଜାମାଇଁ, କ୍ରୀସ୍ତ ତାଣାଟି ହାରେପୁରେ ବର ବେଟାଆହାନା ନାନୁ ମୀ ତାଣା ଖାଇଁ ।

<sup>୩୦</sup> ଜୀଞ୍ଜୁତି ତାୟି ତାଜି, ନାନୁ ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ସୁଦୁଜୀଞ୍ଜୁ ହାହାମାଞ୍ଜାନି ଜୀଞ୍ଜୁ ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଇଁ, ନାଙ୍ଗେ ତାକି ମାହାପୁରୁ ତାଣା ରଣିଏ ଅଣପୁ ତଲେ ପ୍ରାତାନା କିଦୁ । <sup>୩୧</sup> ନାନୁ ଜୀହୁଦା ଦେସାତି ନାମାଆତି ଲକୁ ତାଣାଟି ଏନିକିହଁ ଗେଲପି ଆଇଁ ଇଞ୍ଜା ଜିରୁସାଲମତା ନା ଏମିନି ସେବା କାମା, ଏଡ଼ିଏମ୍ବାଆଁ ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାତାନା

☆ ୧୫:୨୨ ୧୫:୨୨ ରମି ୧:୧୩ ☆ ୧୫:୨୫ ୧୫:୨୫ ୧କର ୧୭:୧-୪ ☆ ୧୫:୨୭ ୧୫:୨୭ ୧କର ୯:୧୧

କିହେମାଞ୍ଜୁ । ୩୭ ମାହାପୁରୁ ଅଣ୍ଟାପୁ ତଲେ, ନାନୁ ମୀ ତାଣା ହାରେକା ରାହାତଲେ ଖାଇ ଇଞ୍ଜା ମୀ ତଲେ ଏଚରଦିନା ପାତେକା ତୟାନା ନା ହିୟାତା ରାହା ବେଟାଆଇଁ । ୩୮ ବାରେ ହିତଡ଼ି ହିୟାନି ମାହାପୁରୁ ମୀ ତଲେ ମାଣ୍ଡେସି । ଆଫେନ୍ ।

ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଖେହ୍ନୁ ।

୩୯ ସୁନୁ ହିୟା ତଲେ ନଣ୍ଡୁଞ୍ଜି ଆହାନା ଜହରା ଖେହ୍ନୁ । କ୍ରୀସ୍ତତି ବାରେ କୁଲମିକା ମିଙ୍ଗେ ଜହରା କିହିମାଞ୍ଜାନୁ ।

### ୧୭

#### ପାଞ୍ଜୁଲତି ଜହରା

୧ କେକେୟା କୁଲମିତା ସେବା କାମା କିହିମାନି ମା ତାଜି ପୟିବିଇଁ ମୀ ତାଣା ପାଣ୍ଡିମାଞ୍ଜାଇଁ, ୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ । ତାନି ଲତାମାନି ଲେହେଁ ସାଝେମି କିଦୁ । ଏଦି ନାଙ୍ଗେତାକି ଅଡ଼େ ହାରେକା ଲକୁତି ସାଝେମି ତଡ଼ୁ ।

୩ \*କ୍ରୀସ୍ତ ଜୀସ୍ତୁତି ସେବା କାମାତା ନା ତଲେ କାମା କିହିମାନି ପ୍ରିୟିଲା ଇଞ୍ଜା ଆକ୍ଞିଲାଇଁ ନା ଜହରା ଖେହ୍ନୁ । ୪ ଏ ଲକୁ ନା ତାକି ତାନି ଜୀସ୍ତୁତା କସ୍ତୁ ଆହାମାନେ । ଖିରଇ ନାନୁ ଆଏ, ବାରେ ଜୀହୁଦିଆଆତି କୁଲମି ତାନି ତାଣା ଜହରା । ୫ ଏ ଲକୁତି ଇଜ ରୁଣ୍ଡା ଅହିମାନି କୁଲମିତି ଲକୁଣି ଜିକେଏ ନା ଜହରା ଖେସିମାଇଁ । ନା ଜୀସ୍ତୁତି ତଡ଼ୁ ଏପାୟିନେତଇଁ ନା ଜହରା ଖେହ୍ନୁ । ଆସିୟା ଦେସାତି ଏଞ୍ଜାସି ରଅସି ମୂଲୁଏ କ୍ରୀସ୍ତଇଁ ନାମିତାସି । ୬ ମୀ ନେହେଁତାକି ଜମାଆନା କାମା କିହିମାନି ମରିୟମଇଁ ନା ଜହରା । ୭ ଆନ୍ତନିକ ଇଞ୍ଜା ଜୁନିୟାଇଁ ନା ଜହରା । ଇ ରିଆରି ଜୀହୁଦିୟା ନା ତଲେ କାୟିଦି ଇଲୁତା ମାଚେରି । ନା ନକେଏ କ୍ରୀସ୍ତଇଁ ନାମା ମାଚେରି ଇଞ୍ଜା ପାଣ୍ଡୁଞ୍ଜିଆଡ଼ି ସୀସୁ ତାଣାଟି ଏଞ୍ଜାରି ପୁଣ୍ଡି ଆଡାରି ।

୮ ପ୍ରବୁ ତାଣା ନା ଜୀସ୍ତୁତି ତଡ଼ୁ ଆମ୍ବିୟାତଇଁ ଜହରା । ୯ କ୍ରୀସ୍ତତି ସେବା କାମାତା ନାଙ୍ଗେ ସାଝେମି କିହିମାଞ୍ଜାନି ଉର୍ବାନ ଇଞ୍ଜା ଜୀସ୍ତୁତି ତଡ଼ୁ ସ୍ତାକିୟଇଁ ଜିକେଏ ନା ଜହରା । ୧୦ କ୍ରୀସ୍ତତି ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତବୁଲ କୁଟମିତି ବାରେ ଜାଣାଇଁ ନା ଜହରା ଖେହ୍ନୁ । ୧୧ ନା କୁଡାତି ହେରଦିୟନ ଇଞ୍ଜା ନାକିଏ କୁଟମିତି କ୍ରୀସ୍ତତି ତାୟିୟାଣି ଜିକେଏ ନା ଜହରା ।

୧୨ ପ୍ରବୁତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାଇଁ ଇଞ୍ଜା ପ୍ରବୁ ତାକି ହାରେକା କାମା କିହିମାନି ଜୀସ୍ତୁତି ପସିଏଇଁ ନା ଜହରା । ୧୩ \*ପ୍ରବୁ ଆଚାମାନି ରୁପସ ଇଞ୍ଜା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା । ୧୪ ଅସୁକ୍ରିତ, ପ୍ଲେଗନ, ହର୍ମିସ, ପାତ୍ରବା, ହର୍ମିସ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସ୍ତଇଁ ନାମିମାନି ତାୟି ତାଜିଇଁ ଜହରା ଖେହ୍ନୁ । ୧୫ ପିଲଲଗ ଇଞ୍ଜା ଜୁଲିୟା, ନିରୁସ ଇଞ୍ଜା ତାନି ତାଜି ଅଡ଼େ ଅଲୁମା

#### ପାଞ୍ଜୁଲତି ରାନି ବେଲାତି ବଲୁ

୧୭ ତାୟି ତାଜିସ୍ତାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରାଇଁ ପୁଞ୍ଜା ତୟାଦୁ, ଏଞ୍ଜାରି ତାଣାଟି ଏଟକା ଆୟାଲି ନାନୁ ବାତିମାଲିମାଞ୍ଜାଇଁ । ୧୮ ଇତିହୁଁ ଇଲେତି ଲକୁ ମା ପ୍ରବୁ କ୍ରୀସ୍ତତି ହଲିୟାଙ୍ଗା ଆଏ, ସାମା ତାନି ବାଣ୍ଡିତି ହଲିୟାଙ୍ଗା ଆହାମାନେରି, ଅଡ଼େ ସୁଞ୍ଜାଲା ହାତାତଲେ ଲକୁ ମନତି ନାଡ଼ି କିନେରି ।

୧୯ ନେହୁଁ ବଲୁ ତାକି ମୀ ତୀରପୁ କାମା ବାରେ ଲକୁ ଖେଞ୍ଜାମାନେରି, ଇଦାଆଁତାକି ନାନୁ ହାରେକା ରାହା । ନାନୁ ଅଣ୍ଟିମାଇଁ, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜା ଉଜେଏତି କାତାତା ଆଣ୍ଡାଆଦୁ । ୨୦ ଆତିହୁଁ ହିତଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କର୍ତ୍ତା ତଇ କିନେସି । ମା ପ୍ରବୁ ଜୀସ୍ତୁତି କାର୍ମାମେହ୍ନାୟି ମୀ ତଲେ ମାଣ୍ଡେ ।

୨୧ \*ନା ତଲେ କାମା କିହିମାନି ତିମତି ଇଞ୍ଜା ମା ଜୀହୁଦି ତାୟିୟା ଲୁକିୟ, ଜାସନ ଇଞ୍ଜା ସସିପାତ୍ର ମିଙ୍ଗେ ଜହରା କିହିମାଞ୍ଜାନେରି ।

୨୨ ଇ ଆକୁ ରାଚାମାନି ତଡ଼ିୟ, ପ୍ରବୁତି ଦରୁତଲେ ମିଙ୍ଗେ ଜହରା କିହିମାଞ୍ଜାଇଁ ।

୨୩ \*ନାଙ୍ଗେ ଅଡ଼େ କୁଲମିତି ସେବା କିନି ଗାୟସ ମିଙ୍ଗେ ଜହରା କିହିମାଞ୍ଜାନେସି, ଅଡ଼େ ଇ ଗାଡାତି ଗୁମୁସ୍ତା ଏରାସ୍ତ ଇଞ୍ଜା ତାୟି କ୍ଞାଡ଼ି ଜିକେଏ ମିଙ୍ଗେ ଜହରା କିହିମାଞ୍ଜାନେରି ।

୨୪ ପ୍ରବୁ ଜୀସ୍ତୁତି କାର୍ମାମେହ୍ନାୟି ମୀ ବାରେ ଜାଣାକି ଆଢେ ।

#### ପ୍ରାତାନା ଇଞ୍ଜା ଜହରା ତଲେ ଆକୁ ରାପ୍ନାୟି

୨୫ ଖାଦୁ, ମାର ମାହାପୁରୁତି ଗାଞ୍ଜୁରିମି କିନ । ନାନୁ ଖେକହାମାନି ଜୀସ୍ତୁ କ୍ରୀସ୍ତତି ନେହୁଁ ବଲୁ ଇଞ୍ଜା ତଲି କାଲାଟିଏ ତରୁମାନି ସାତା ଲେହେଁ ମୀ ନାନୁ ତୀରିକିହାଁ ଇଟାଲି ମାହାପୁରୁ ଆଡ଼ିନେସି । ୨୬ ଏ ତରୁମାନି ସାତା ମାହାପୁରୁ ଅଣ୍ଟାପୁତି ବଲୁ ଖେହ୍ନାରି ସାସ୍ତେରିତା ରାସ୍ତକି ଆହାମାନେ ଅଡ଼େ ଏଦି ନୀର୍ଏ କାଲାକାଲାତି ପ୍ରବୁ ମାହାପୁରୁ ତାଣାଟି ବାରେ କୁଡା ବିତ୍ରା ଖେପ୍ତିକି ଆହିମାନେ । ଇଦାଆଁ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆଡ଼ିନେରି ।

☆ ୧୭:୩ ୧୭:୩ କାମା ୧୮:୨ ☆ ୧୭:୧୩ ୧୭:୧୩ ମାର୍କ ୧୫:୨୧ ☆ ୧୭:୨୧ ୧୭:୨୧ କାମା ୧୭:୧ ☆ ୧୭:୨୩ ୧୭:୨୩ କାମା ୧୯:୨୯; ୧କର ୧:୧୪; ୨ତିମ ୪:୨୦

୨୭ ବାରେ କାତା ପୁନି ମାହାପୁରୁ ପ୍ରବୁ ଜୀସୁ  
ତାଣା କାଳାକାଳା ତାକି ଗାଝୁରମି ବେଟାଆଢ଼େସି ।  
ଆମେନ୍ ।

# କରକ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପ୍ରଥମ ପତ୍ର କରକ୍ତି କୁଲମିତାକି ପାଖୁଲ ରାଚାମାନି ର ଲମ୍ବର ଆକୁ ମୂଲୁ ହାଡ଼ା

କରକ୍ତି କୁଲମିତି ର ଲମ୍ବର ଆକୁ ପାଖୁଲିଆହାମାନି ପାଖୁଲ ତାଣାଟି ଜୀସୁ କ୍ରୀସ୍ତତି ଜାର୍ନାତି ୫୫ ବାର୍ଷା ଜେଟ ରାସ୍ତି ଆହାମାଟେ ୧:୧ । ପାଖୁଲ ତାଣାଟି ରାସ୍ତି ଆହାମାନି ଜଡେକା ଆକା ବିତ୍ରାଟି ଇଦି ଆହିମାନେ ର ଲମ୍ବର ଆକୁ । ଏଞ୍ଜାସି ଏପିସିୟତା ମାଟିବେଲ୍ଲାତା ଇ ଆକୁ ରାଚା ମାଣ୍ଡିତେସି ୧୭:୫-୯ । ମାକିଦନିୟାଟି କରକ୍ତିତା ହାଜାଲି ମନ କିନି ନକେଏ ଇ ଆକୁ ରାଚାମାଟେସି ।

ପାଖୁଲ ଇ ଆକୁତା କୁଲମି ଗଟି ଗଟି ଆନାୟି ଲାଗେଏତି କାମାଟି ଜୁପକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣାଟି ଝେଞ୍ଜାନା ଝେଣ୍ଡେ ଝେସାଲି ମନ ହାହିମାନେସି । କରକ୍ତି ଗାଡ଼ା ଲାଗେଏ ପଲେଏ ପାପୁ କାମାୟାଁ କିହିମାନାୟି ଝେଙ୍ଗାମାଟେ । ଇଞ୍ଜା ଗାଡ଼ାତା ମାଟି କୁଲମି ହାରେକା କାଙ୍ଗାଲ୍ଲା ଆହିମାଟେରି । ଏଦାଆଁ ଅଣପାନା ଏଞ୍ଜାରାକି ତିନା ଉନାଣି, ବାହା ଆନାଣି ଅଡେ କିନାଣି, ହାକି ଅଡେ ଝେଣ୍ଡେ ନିଙ୍ଗିନାଣି, ସାତା ଜୀଝୁନନାୟି ଏନାୟି ଇ ବାରେ କାତା ଆକୁତା ରାଚାନା ତସାମାନେସି ୧୩ ।

### ପତିତା ମାନାୟି

- ୧. ଜହରା କିହାନା ପୁଣ୍ଡିକିନାୟି । ୧:୧-୯
- ୨. କୁଲମିକା ଗଟି ଆନି କାତା ଜାପ୍ନାୟି । ୧:୧୦-୪:୨୧
- ୩. ଲାଗେଏତି ପାପୁ କାମା ଅଡେ ଦାଞ୍ଜାକିନି କାତା । ୫:୧-୬:୨୦
- ୪. ବାହା, ପେଣ୍ଡକା ବମାୟାଁତି ବଗୁ, ଜାଟୁ ଆହାନା ପ୍ରାଡାନା, ସୁଦୁଜୀଝୁତି ଦାନା, ଇଞ୍ଜା ଝେଣ୍ଡେ ନିଙ୍ଗିନି କାତା । ୭:୧-୧୫:୫୮
- ୫. ଲେମ୍ବିନି କାତା, ଜାହାରା ଅଣ୍ଡପୁ ଇଞ୍ଜା ରାପ୍ନାୟି । ୧୬

୧ ନାନୁ ପାଖୁଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣାଟି ଆଚାନା ପାଣ୍ଡୁଞ୍ଜି ଆହାମାନାଟେଏଁ, ଅଡେ ମା ତାୟି ସସିନା ତଲେ, ୨ \*କରକ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାଚିମାନେରି; ଆମିନି ବାରେଜାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାଡାନା କିହିମାନେରି, ଏଞ୍ଜାରିତଲେ

କ୍ରୀସ୍ତ ଜୀସୁ ତାଣା ସୁଦୁ ଆହାନା ହାଟୁକି ଆହାମାନି ମାହାପୁରୁ ଲକୁତେରି ମୀରୁ ।

୩ ମିଙ୍ଗେତାକି ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡେ ହିଡ଼ି ଆପେ ।

### କ୍ରୀସ୍ତ ତାଣାଟି ବର

୪ କ୍ରୀସ୍ତ ଜୀସୁ ତାଣାଟି ମିଙ୍ଗେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଙ୍ଗେତାକି ମାହାପୁରୁଇଁ ଜହରା କିହିମାଇଁ, ୫ ଏନାଆଁତାକି ଇଚିହୁଁ ଏଞ୍ଜାଣି ତାଣା ବାରେ କାତାତା, ହାରେକା କିହାଁ ବାରେଲେହେତି ଜାପ୍ନି ତାଣା ଅଡେ ବାରେଲେହେତି ବୁଦିତା ମୀରୁ ଗାଡ଼ି ବାଡ଼କା ମାଞ୍ଜେରି; ୬ ଇଲେଆହୁଁ କ୍ରୀସ୍ତତି ସାକି ମୀ ତାଣା ତୀରି ଆହାମାନେ । ୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତତି ତଞ୍ଜା ଆହାଲିତାକି କାପୁ କାଚାନା ଏନି କାର୍ମାଟି ଦାନାତା ଉଣା ଆହାହିଲଅଡେରି; ୮ ମା ପ୍ରବୁ ଜୀସୁ କ୍ରୀସ୍ତତି ଦିନାତା ଏନିକଁ ମୀରୁ ଦହ ହିଲ୍ଲାଆଗାଟାତେରି ଆଦେରି, ଇଦାଆଁତାକି ଏଞ୍ଜାସି ମିଙ୍ଗେ ରାନ୍ତି ଦିନା ପାତେକା ତୀରିକିହା ଇଟାନେସି । ୯ ମାହାପୁରୁ ନାମୁଗାଟାସି, ଆମ୍ବାଆରି ତାଣାଟି ମୀରୁ ତାନି ମୀରଏସି ଜୀସୁ କ୍ରୀସ୍ତ, ମା ପ୍ରବୁ ତାଣା ଆଣ୍ଡିନାଣାକି ହାଟୁକି ଆହାମାଞ୍ଜେରି ।

### ନାମିତି କୁଲମି ବିତ୍ରା ଗଟି ଆନାୟି

୧୦ ଏ ତାୟିୟାଁ ଅଡେ ତାଙ୍ଗିସ୍ତାତେରି, ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ନାନୁ ମିଙ୍ଗେ ବାଡ଼ିମାଲିମାଞ୍ଜାଇଁ, ଏନିକଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡେ ମୀ ବିତ୍ରା ଗଟି ଆଅଡେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣପୁ ତଲେ କାଲ୍ଲୁଞ୍ଜି ଆଦୁ । ୧୧ ଇଚିହୁଁ, ଏ ନା ତାୟିୟାଁ ଅଡେ ତାଙ୍ଗିସ୍ତାତେରି, କ୍ଲୟିତି କୁଟମିଟି ମୀ କାତା ନା ତାଣା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ । ୧୨ \*ନାନୁ ଝେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଖୁଲ ଝାକି ତାଡେଏଁ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାଡେଏଁ, ନାନୁ କେପା ଝାକି ତାଡେଏଁ ଅଡେ ଏଚରଜାଣା ନାନୁ କ୍ରୀସ୍ତ ଝାକି ତାଡେଏଁ ଇଞ୍ଜା ମାନେରି । ୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଖୁଲ କି ପାସି ମୁଣ୍ଡାତା ହାହାମାନେସି ? ଆଆତଁ ମୀରୁ କି ପାଖୁଲ ଦରୁତଲେ ବାପ୍ତିସ୍ତ\* ଅହାମାଞ୍ଜେରି ?

୧୪ \*ଇଦାଆଁତାକି କ୍ରିସ୍ତ ଅଡେ ଗାୟ ପିସପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ତା ହାହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା

\* ୧:୨ ୧:୨ କାମା ୧୮:୧    \* ୧:୧୨ ୧:୧୨ କାମା ୧୮:୨୪    \* ୧:୧୩ ୧:୧୩ ମୁଞ୍ଜିନାୟି    \* ୧:୧୪ ୧:୧୪ କାମା ୧୮:୮; କାମା ୧୯:୨୯; ରନି ୧୭:୨୩    † ୧:୧୪ ୧:୧୪ ମୁଞ୍ଜିନାୟି    ‡ ୧:୧୫ ୧:୧୫ ମୁଞ୍ଜିନାୟି    \* ୧:୧୬ ୧:୧୬ ଏକର ୧୭:୧୫

କିହିମାଇଁ, ୧୫ ଏଚେତା ମୀରୁ ନୀ ଦରୁତଲେ ବାପ୍ତିସ୍ମା<sup>†</sup> ଅହାମାଇଁ ଇଞ୍ଜି ଆମ୍ବାଆରି ଏଲେଇଞ୍ଜିଅରି । ୧୬ \*ଅଡେ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ମା<sup>†</sup> ହୀହାମାଇଁ; ଇଞ୍ଜାରି ପିସ୍ପେ ନାନୁ ଅଡେ ଆମ୍ବାଆରାଇଁ ବାପ୍ତିସ୍ମା\* ହୀହାମାଇଁ ଇଞ୍ଜି ନା ଅଣ୍ପପୁତା ହିଲେଏ । ୧୭ ଇଚିହିଁ କ୍ରୀସ୍ତ ନାଙ୍ଗେ ବାପ୍ତିସ୍ମା<sup>†</sup> ହୀହାଲିତାକି ପାଣ୍ଡାମାଞ୍ଜାଅସି, ସାମା ନେହିଁ କାରୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁତି ରାହାଁ କିନି ତାଣା ଆଏ, ଏଚେତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ ।

**କ୍ରୀସ୍ତ ମାହାପୁରୁତି ବାଡ଼ୁୟୁ ଅଡେ ବୁଦି**

୧୮ ଇଚିହିଁ ନାସା ଆହିମାନି ଲକୁତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼ୁୟୁ । ୧୯ ଇଦାଆଁତାକି ରାସ୍କି ଆହାମାନେ, “ନାନୁ ବୁଦିଗାଟାରି ବୁଦି ନାସଞ୍ଜି କିଇଁ,

ଅଡେ ବୁଦିଗାଟାରି ବୁଦି ଅପଅଁ ।”

୨୦ ବୁଦିଗାଟାରି ଆମ୍ବିୟା ? ମେରା ଜାପ୍ନାନାରି ଆମ୍ବିୟା ? ଇ ଜୁଗୁତି କାତା କାଟଞ୍ଜିକିହାଁ ଝେହ୍ନାନାରି ଆମ୍ବିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜି ଝେସାହିଲଅସି ?

୨୧ ଇଚିହିଁ ମାହାପୁରୁତି ବୁଦି ତଞ୍ଜାଆହାମାତି ଜିକେଏ ଦାର୍ତତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମ୍ବୁ ଝେକହାମାନି କାତା ଉଜେଏତାୟି, ଆଡିଜିକେଏ ନାମ୍ବୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣ୍ପପିତେସି ।

୨୨ ଇଚିହିଁ ଜୀହୁଦିକ୍ଷା ସିନା ପାରିନେରି, ସାମା ଗ୍ରିକ୍ ଲକୁ ବୁଦିତି ପାରିନେରି । ୨୩ ସାମା ମାମ୍ବୁ ପାସି ମୁଣ୍ଡାତା ହାଡି କ୍ରୀସ୍ତତି କାତା ଝେକହ ମାନମି, ଏଞ୍ଜାସି ଜୀହୁଦି ଲକୁତାକି ସାତୁ ଲେହେତାସି ଅଡେ ଜୀହୁଦିଆଆଡି ଲକୁତାକି ବୁଦି ହିଲଆଲେହେଁ ।

୨୪ ସାମା ଜୀହୁଦି ଆପାରି କି ଜୀହୁଦିଆଆଡାରି ଆପାରି, ଆମ୍ବାଆରି ହାଟକି ଆଡାରି, ଏଞ୍ଜାରାକି କ୍ରୀସ୍ତ ମାହାପୁରୁତି ବାଡ଼ୁୟୁ ଅଡେ ମାହାପୁରୁତି ବୁଦି ଲେହେଁ । ୨୫ ଇଚିହିଁ ମାହାପୁରୁତି ବୁଦି ହିଲଆଗାଟାୟି ମାଣ୍ଡସିୟାତି ବୁଦି କିହାଁ ହାରେକା ବୁଦି, ଅଡେ ମାହାପୁରୁତି ଆଡାଆ ଗାଟାୟି ମାଣ୍ଡସିୟାତି ବାଡ଼ୁୟୁ କିହାଁ ହାରେକା ବାଡ଼ୁୟୁ ଗାଟାୟି ।

୨୬ ଏ ତାୟିୟାଁ ଅଡେ ତାଜିସ୍ତା ମିଙ୍ଗେ ହାଟାମାନି କାତା ଅଣ୍ପପାଦୁ, ଦାର୍ତତି ଲକୁତି ଅଣ୍ପପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼ୁୟୁ ଗାଟାରି, କି କାଜା କୁଡା ଗାଟାରି ହାଟକି ଆହାହିଲଅରି; ୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାର୍ତତି ବୁଦି

ହିଲଆଗାଟାଣି ଆଡିତେସି, ଅଡେ ବାଡ଼ୁୟୁ ଗାଟାଣି ଲାଜା କିହାଲିତାକି ମାହାପୁରୁ ଦାର୍ତତି ବାଡ଼ୁୟୁ ହିଲଆଗାଟାରାଇଁ ଆଡିତେସି । ୨୮ ଅଡେ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାର୍ତତି ହୀଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲଆଗାଟାଣି ଆଡିତେସି । ୨୯ ଅଡେ ଏନାୟି ଦାର୍ତତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାର୍ତତି ଉଣା ଅଡେ ଅପାଆଗାଟାଣି ହାଅ ଉଜେଏତାଣି ଆଡିତେସି । ୩୦ ସାମା ଏଞ୍ଜାଣି ତାକି ମୀରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଙ୍ଗେତାକି ବୁଦି, ଇଚିହିଁ ଦାମ୍ବୁଗାଟାସି, ସୁଦୁଗାଟାସି ଅଡେ ଗେଲ୍ପିନି ଲେହେଁ ଆହାମାନେସି । ୩୧ ଇଦାଆଁତାକି, ଦାମ୍ବୁପତିତା ରାସ୍କି ଆହାମାନେ, “ଆମ୍ବାଆସି ବଡପଣ ଆନେସି, ଏଞ୍ଜାସି ମାହାପୁରୁ ତାଣା ବଡପଣ ଆପାସି ।”

**୨**

**ପାସି ମୁଣ୍ଡାତା କ୍ରୀସ୍ତ ହାଡି କାରୁ**

୧ ଏଦାଆଁତାକି ଏ ତାୟିୟାଁ ଅଡେ ତାଜିସ୍ତାତେରି, ଏଚେତା ନାନୁ ମୀ ତାଣା ହାଜାମାଚେଏଁ, ଏଚିବେଲା ମାହାପୁରୁତି ତ୍ତୁଗାମାନି ସାତା କାତାତି ଗାଡି ବୁଦି ଗାଟାରିଲେହେଁ ମୀ ତାଣା ଝେକହାମାଚେଏଁ ଏଲେକି ଆଏ । ୨ ଇଚିହିଁ ଜୀସୁ କ୍ରୀସ୍ତ, ଇଚିହିଁ ପାସି ମୁଣ୍ଡାତା ହାଡି ଜୀସୁ କ୍ରୀସ୍ତ ପିସ୍ପେ ମୀ ତାଣା ଅଡେ ଏନାଆଁ ଜିକେଏ ପୁଞ୍ଜାଲି ଅଣ୍ପପାଆଚେଏଁ । ୩ \*ଅଡେ, ନାନୁ ବାଡ଼ୁୟୁ ହିଲଆନା, ଆଜି ଅଡେ ତୀରୁଗି ତୀରୁଗିହିଁ ମୀ ତାଣା ମାଚେଏଁ; ୪ ଇଦାଆଁତାକି ନା ଜାପ୍ନାୟି ଅଡେ ଝେକନାୟି ମାଣ୍ଡସି ବୁଦିତି ନେହିଁ ହାଡାଲେହେଁ ଆଆନା ମାହାପୁରୁତି ସୁଦୁଜୀଞ୍ଜୁତି ବାଡ଼ୁୟୁ ତସ୍ପି ଆହାମାନେ । ୫ ମୀ ନାମ୍ବୁ ଏନିକିଁ ମାଣ୍ଡସିୟାତି ବୁଦିତା ତୀରି ଆଆନା ମାହାପୁରୁତି ବାଡ଼ୁୟୁତା ତୀରି ଆନେ ।

**ମାହାପୁରୁତି ବୁଦି**

୬ ଆଡିଜିକେଏ ମାମ୍ବୁ ସୁଦୁଜୀଞ୍ଜୁତା ପାତାଆନି ବୁଦିଗାଟି ଲକୁତାଣା ବୁଦିତିକାତା ଝେହ୍ନମି, ସାମା ଏଦି ଇ ଜୁଗୁତି ବୁଦି ଆଏ, ଅଡେ ଇ ଜୁଗୁତି ଗାଡେକା ତାକି ନାସା ଆନି ସାଲଞ୍ଜି କିନାରି ବାଡ଼ୁୟୁତି ହାଟଞ୍ଜି କିନାରି ବୁଦି ଆଏ । ୭ ସାମା ନାନୁ ତ୍ତୁଗାମାନି ଲେହେଁତି ମାହାପୁରୁତି ବୁଦିତିକାତା ଝେସିମାଇଁ; ଏ ତ୍ତୁଗାମାନି ମାହାପୁରୁ ବୁଦି ମା ଗାଞ୍ଜୁରମି ତାକି ଦାର୍ତତି ଗାଡି ଆଆ ନକେଏ ଆଚାନା ଇଟକି ଆହାମାଚେ । ୮ ଇ ଜୁଗୁତି ସାଲଞ୍ଜି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇଚିହିଁ ଏଞ୍ଜାରି

‡ ୧:୧୬ ୧:୧୭ମୁଞ୍ଜିନାୟି \* ୧:୧୭ ୧:୧୭ମୁଞ୍ଜିନାୟି † ୧:୧୭ ୧:୧୭ମୁଞ୍ଜିନାୟି ✱ ୨:୩ ୨:୩ କାମା ୧୮:୯

ଏଦାଆଁ ପୁଞ୍ଜାମାଚିହଁମା ଗାଞ୍ଜୁରମିଗାଟି ପ୍ରବୁଞ୍ଚ କୁସତା ପାୟାଆତେରିମା । ୯ ସାମା ଏନିକିହଁ ଦାମ୍ବୁପତିତା ରାସ୍ତକି ଆହାମାନେ,

“କାନୁ ଏମିନାଣି ମେସା ହିଲେଏ, କିୟଁ ଏମିନାଣି ଖେଞ୍ଜା ହିଲେଏ, ଅଡେ ମାଣ୍ଡସିୟାଁ ହିୟାଁତା ଏମିନାଣି ଅଣ୍ଡପା ହିଲଅରି, ଏ ବାରେତି ମାହାପୁରୁ ତାଙ୍ଗେ ଜୀଞ୍ଜୁ ନନାରାକି କିହାମାନେସି ।”

୧୦ ସାମା ମାହାପୁରୁ ମାଙ୍ଗେତାକି ସୁଦୁଜୀଞ୍ଜୁ ତଲେ ବାରେ ତସାମାଞ୍ଜାନେସି; ଏନିକିହଁ ଏ ସୁଦୁଜୀଞ୍ଜୁ ବାରେ କାତା, ହାଅ, ମାହାପୁରୁତି ତୁଗୁମାନି କାତା ଜିକେଏ ପାରିନେସି । ୧୧ ମାଣ୍ଡସିତି କାତା ବାରେ ମାଣ୍ଡସି ତାଣା ମାନି ଜୀଞ୍ଜୁ ପିସ୍ପେ ଅଡେ ଆମ୍ବାଆସି ପୁନେସି ? ଏଲେକିହଁଏ ମାହାପୁରୁ କାତା ବାରେ ମାହାପୁରୁ ଜୀଞ୍ଜୁ ପିସ୍ପେ ଆମ୍ବାଆସି ପୁନଅସି । ୧୨ ଏନିକିହଁ ମାହାପୁରୁ ତାଣାଟି ମାଙ୍ଗେ କାର୍ମାମେହ୍ନି ତାଣାଟି ହାପକି ଆହାମାନି କାତା ବାରେ ମାର ପୁଞ୍ଜାଲି ଆଡିନାୟି, ଏଦାଆଁତାକି ମାର ଦାରତିତି ଜୀଞ୍ଜୁ ପୁଞ୍ଜାଆନା ମାହାପୁରୁତି ଜୀଞ୍ଜୁ ବେଟା ଆହାମାନାୟି ।

୧୩ ଏ ବାରେ କାତା ଜିକେଏ ମାର ମାଣ୍ଡସିତି ବୁଦିଟି ଜାପାମାନି ବଲୁ ତଲେ ଖେସିହିଲିଆୟି, ସାମା ସୁଦୁଜୀଞ୍ଜୁତି କାତା ବାରେ ସୁଦୁଜୀଞ୍ଜୁତି କାତାତଲେ ତେଲ୍ଲହି କିହାନା ସୁଦୁଜୀଞ୍ଜୁ ତଲେ ଜାପାମାନି ବଲୁ ତଲେ ଖେସିମାନାୟି । ୧୪ ସାମା ଦାରତିତି ମାଣ୍ଡସି ମାହାପୁରୁତି ସୁଦୁଜୀଞ୍ଜୁତି କାତା ବାରେ ଅପଅସି, ଏଦାଆଁତାକି ଇଚିହଁଏ ବାରେ ତାନି ନକିତା ଉଜେଏତାୟି, ଅଡେ ଏଞ୍ଜାସି ଏ ବାରେତି ତେଲ୍ଲହାଲି ଆଡଅସି, ଇଚିହଁଏ ବାରେ ସୁଦୁଜୀଞ୍ଜୁ ତଲେ ନୀହାୟି କିଞ୍ଜିଆନେ । ୧୫ ସାମା ଆମ୍ବାଆରାକି ସୁଦୁଜୀଞ୍ଜୁ ମାନେ, ଏଞ୍ଜାସି ବାରେ କାତା ନେହଁକି ଅଣ୍ଡପିନେସି, ଆଡିଜିକେଏ ଆମ୍ବାଆସି ଏଞ୍ଜାଣାଞ୍ଚ ଅଣ୍ଡପଅସି । ୧୬ ଏଦାଆଁତାକି ଇଚିହଁଏ, “ଆମ୍ବାଆସି ମାହାପୁରୁତି ଅଣ୍ଡପୁ ପୁଞ୍ଜାମାନେସି, ଇଞ୍ଜା ଏଞ୍ଜାସି ଏଞ୍ଜାଣାଞ୍ଚ ଜାପହାଲି ଆଡିନେସି ?” ସାମା ମାମ୍ବୁ କ୍ରୀସ୍ତତି ମନ ବେଟା ଆହାମାନମି ।

### ୩

#### କୁଲମିତା ଗଡହା

୧ ଏ ନା ତାୟିୟାଁ ଅଡେ ତାଙ୍ଗିସ୍ତାତେରି ନାନୁ ସୁଦୁଜୀଞ୍ଜୁ ବେଟାଆହାମାନି ଲକୁଣି ଖେହ୍ନିଲେହେ ମିଙ୍ଗେ ଖେସାଲି ଆଡାଆତେଏଁ, ସାମା ଆଙ୍ଗା ତଲେ ମାନି ଲକୁ ଅଡେ କ୍ରୀସ୍ତ ତାଣା ନାମୁତି କକାରି ପଦାଁଣି ଖେହ୍ନିଲେହେ ମିଙ୍ଗେ ଖେସ୍ତାତେଏଁ ।

୨ \*ନାନୁ ମିଙ୍ଗେ ପାଲୁ ଉଡହାନା ଆଟୁଞ୍ଜା ରାନ୍ଦା ହିୟାଆତେଏଁ, ଏଦାଆଁତାକି ଇଚିହଁଏ ଏଲେତି ରାନ୍ଦା ତିଞ୍ଜାଲି ଆଡିହିଲିଆତେରି, ଅଡେ ନୀଏଁ ଜିକେଏ ଆଡଅତେରି, ୩ ନୀଏଁ ପାତେକା ମୀରୁ ଦାରତିତି ନାମାଆତି ଲକୁ ମାଣ୍ଡକି ତଲେ ମାଞ୍ଜେରି, ଏଦାଆଁତାକି ଇଚିହଁଏ ମୀ ବିତ୍ରା ତାହାରା ଅଡେ ଗଡହା କିନାୟିମାନେ, ଏଦାଆଁତାକି ମୀରୁ ଦାରତିତି ନାମାଆତି ଲକୁତେରି ଆଏକି ଇଞ୍ଜା ମାଣ୍ଡସି ନୀତିନି ଲେହେଁ ନୀତି ହିଲଅତେରି ? ୪ \*ଏଡେତା ରଅସି ଏଲେଇନେସି, “ନାନୁ ପାଞ୍ଜୁଲ ତାଣା ତାତେଏଁ” ଅଡେ ରଅସି ଏଲେଇନେସି “ନାନୁ ଆପଲ ତାଣା ତାତେଏଁ” ଏଚେଟିଏ ମୀରୁ ଦାରତିତି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଞ୍ଜୁଲ ଆମ୍ବାଆସି ? ଏଞ୍ଜାରି ଖାରଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରବୁ ଏନିକିହଁ ହାହାମାନେସି ଏଲେକିହଁ ମୀରୁ ନାମାମାଞ୍ଜେରି । ୬ \*ନାନୁ ଉହାମାଞ୍ଚ, ଆପଲ ଏୟୁ ହାହାମାନେସି, ସାମା ମାହାପୁରୁ ପାଡି କିହାମାନେସି । ୭ ଇଚିହଁଏ ଆମ୍ବାଆସି ଉହିନେସି ଇଞ୍ଜା ଆମ୍ବାଆସି ଏୟୁ ହାନେସି ଏଞ୍ଜାସି ଏନାସି ଆଏ, ସାମା ଆମ୍ବାଆସି ପାଡି କିନି ମାହାପୁରୁ ଏଞ୍ଜାସି କାଜାସି । ୮ ଆମ୍ବାଆସି ଉହିନେସି ଅଡେ ଆମ୍ବାଆସି ଏୟୁ ହାନେସି ଏଞ୍ଜାରି ରିଆରି ରଲେଏତାରି, ସାମା ବାରେଜାଣା ତାମି କସ୍ତି ଲେକାତଲେ କୂଲି ବେଟାଆନେରି । ୯ ଇଚିହଁଏ ମାମ୍ବୁ ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ତାସା ବୁମି ଅଡେ ମାହାପୁରୁତି ଇଲୁ ।

୧୦ ନାଙ୍ଗେ ହାପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହ୍ନି ଲକୁ ଲେହେଁ ପୁନାଦି କିହାମାଞ୍ଚ, ଅର ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକିହଁ ଦସି ମାନେରି ଏଦାଆଁତାକି ଜାଗ୍ରାତା ଆପେରି । ୧୧ ଇଚିହଁଏ ଆମିନି ପୁନାଦି କିଞ୍ଜିଆହାମାନେ, ଏଦାଣି ପିସ୍ପେ ଏଡକାଡି ପୁନାଦି ଆମ୍ବାଆସି କିହାଲି ଆଡଅସି, ଏ ପୁନାଦି ଜୀସୁ କ୍ରୀସ୍ତ । ୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଖେଣ୍ଡି, ଗାଡି ଦାରାଗାଟି ଖାଲକା, ମାରକା, ଜାଡା, ଅଡେ ଡିକା ତଲେ କିନେସି, ୧୩ ଆଡିହଁଏ ଆମ୍ବାଆରି କାମା ଏନିଲେହେଁତାୟି ଏଡି ତଞ୍ଜାଆନେ, ଇଚିହଁଏ ଏ ନେରୁ ଏଡି ତହ୍ନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜା ବାରେଜାଣାଟି କାମା ଏନିଲେହେଁତାୟି ଏ ହିରୁ ତାୟିପାରି କିନେ । ୧୪ ଆମ୍ବାଆସି ଏନିକିହଁ ଇଲୁ ଦସା ମାନେସି ଏଞ୍ଜାଣି କାମା ଏଲେକିହଁ ଡୟିତିହଁଏ ଏଞ୍ଜାସି ଏ ଦାନା ବେଟା ଆନେସି । ୧୫ ଇଞ୍ଜା

\* ୩:୨ ୩:୨ ଏକ୍ସ ୫:୧୨,୧୩ \* ୩:୪ ୩:୪ ଏକର ୧:୧୨ \* ୩:୬ ୩:୬ କାମା ୧୮:୪-୧୧; କାମା ୧୮:୨୪-୨୮

ଆତ୍ମାଆରି କାମା ଖେଦାହାନେ, ଏଝାଣିଝାୟି ନାସଝି ଆନେ, ଆଡ଼ିଜିକେଏ ଏଝାସି ଗେଲ୍ପି ଆନେସି, ସାମା ଏଡ଼ି ହିରୁ ବିତ୍ତାଟି ହଟା ହାଟି ସମାନା ଆନେ ।

୧୭ \*ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି ଇଲୁତେରି, ଅଡ଼େ ମାହାପୁରୁତି ସୁଦୁଜୀଝୁ ମୀ ହିୟାତା ବାସା କିନେ । ୧୭ ଆତ୍ମାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଝାଣାଇଁ ନାସା କିନେସି, ଇତିହଁ ମାହାପୁରୁତି ଇଲୁ ଅଡ଼ହାୟି ଇଞ୍ଜା ମୀରୁଏ ଏଝାଣି ଇଲୁ ।

୧୮ ଆତ୍ମାଆସି ତାନୁଏ ତାଜେ ନାଡ଼ିକିହା କତାଆପେସି, ଆମିନି ଲକୁ ଇ ଦାରତିତା ବୁଦି ଗାଟାତେଏଁ ଇଞ୍ଜା ଅଣ୍ପିନେସି, ଆତିହଁ ଏଝାସି ଏନିକଁ ବୁଦିଗାଟାସି ଆନେସି ଏଦାଆଁତାକି ଦାରତିତି ଲକୁତାଣା ବୁଦି ହିଲୁଆଗାଟି ଲକୁ ଲେହେଁ ଆପେସି । ୧୯ ଇତିହଁ ଇ ଦାରତିତି ବୁଦି ମାହାପୁରୁ ନକିତା ବୁଦି ହିଲୁଆଗାଟାୟି, ଏଦାଆଁତାକି ରାସ୍‌କି ଆହାମାନେ, “ମାହାପୁରୁ ବୁଦି ଗାଟାରାଇଁ ତାମି ସୁତ୍ରମି ତଲେ ପାନ୍ଦାତା ଆହନେସି;” ୨୦ ଅଡ଼େ ରାସ୍‌କି ଆହାମାନେ “ବୁଦିଗାଟାରି ଅଣ୍ପୁ ବାରେ ଉଜେଏତାୟି ଇଞ୍ଜା ପ୍ରୁ ପୁଞ୍ଜାମାନେସି ।” ୨୧ ମାଣ୍ପି ତାଣା ଆତ୍ମାଆସି ବତପଣ ଆଆପେସି, ଇତିହଁ ବାରେ ମୀଦିଏ । ୨୨ ପାଝୁଲ, ଇଞ୍ଜୁ କି ଆପଲ, ଇଞ୍ଜୁ କେପା\*, ଇଞ୍ଜୁ ଅଡ଼େ ଦାରତି ଇଞ୍ଜୁ କି ଜୀଝୁ ଇଞ୍ଜୁ, କି ହାନାୟି ଆପେ, ନୀଏଁ ତାୟି ଆପେ, କି ତାୟିତାୟି ଆପେ, ଏ ବାରେଏ ମୀଦି । ୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ଼େ କ୍ରୀସ୍ତ ମାହାପୁରୁ ତାଣାତାସି ।

### ୪

#### ଜୀସୁ ତାଣାଟି ପାଣ୍ଡୁଝି ଆହାମାନାରି

୧ ଲକୁ ମାଜେ କ୍ରୀସ୍ତତି ସେବା କିନାରି, ଅଡ଼େ ମାହାପୁରୁତି ତ୍ରୁମାନି ଇଲୁତି ଗୁମ୍ପୁସ୍ତା ଇଞ୍ଜା ଅଣ୍ପାପେରି । ୨ ଇଲେଆହଁ ଗୁମ୍ପୁସ୍ତା ବେଟାଆହାମାନି ମାଣ୍ପି ଜାହାରା ପ୍ରୁ ତାଣା ମାନି ଗାଟାସି ତଞ୍ଜା ଆପାସି । ୩ ସାମା ମୀ ତାଣାଟି ଆପେ କି ଆମିନି ନୀହାୟି କିନି ତାଣା ନୀହାୟି କିଝି ଆନାୟି ନା ତାକି ଏଡ଼ି କାଜା କାତା ଆଏ, ଇଲେକଁ ନାନୁ ଜାହାରାଇଁ ନୀହାୟି କିହା କତଅଁ । ୪ ଇତିହଁ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ପାଆଁ ଦହ ହିଲୁଆ ଗାଟାତେଏଁ ଇଞ୍ଜା ତଞ୍ଜା ଆହାହିଲଅଁ, ସାମା ଆତ୍ମାଆସି ନା ନୀହାୟି କିୟାନେସି, ଏଝାସି ପ୍ରୁ । ୫ ଏଦାଆଁତାକି, ତାରିକିତି ଦିନା ଝାଆ ନକେଏ ଇତିହଁ ପ୍ରୁ ଝାଆ ନକେଏ ମୀରୁ ଆତ୍ମାଆରାଇଁ ନୀହାୟି କିଆଦୁ, ଏଝାସି ଆନ୍ଦେରିତା ତ୍ରୁମାନି ବାରେ ଉଜେଡ଼ିତା ତହନେସି, ଅଡ଼େ ହିୟାତି ଅଣ୍ପୁ ବାରେ ଏଝାସି

ଖେହନେସି, ଏତିବେଲା ବାରେଜାଣା ମାହାପୁରୁ ତାଣାଟି ଗାଝୁରମି ବେଟାଆଡ଼େରି ।

୬ ଏ ତାୟିୟାଁ ଅଡ଼େ ତାଜିସ୍ତାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଜେ ଅଡ଼େ ଆପଲଇଁ ତସାଁ ଖେସିମାଞ୍ଜାଇଁ, “ଇତିହଁ ଏନାୟି ରାସ୍‌କି ଆହାମାନେ ଏ କାତାଟି ଗାଣ୍ଡାଦୁ,” ଇଦାଆଁ ମୀରୁ ମା ତାଣାଟି ଜାପାଦୁ, ଅଡ଼େ ଏନିକଁ ମୀ ବିତ୍ତାଟି ଆତ୍ମାଆସି ରଅଣି ଝାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ । ୭ ମିଜେ ଆତ୍ମାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା ହିଲଅତେରି, ଇଲେକଁ ମୀଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆତିହଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲଡ଼ାମାନାଣି ବେଟାଆଡ଼େରିଏ କି ? ଇଚେକାଟିଏ ମୀରୁ ବାଡ଼କା ହାଚେରିଏ କି ? ମା ପିସ୍‌ପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଟିହଁ ନେହଁ ଆଡ଼େମା, ଏନିକଁ ମାମ୍ପୁ ଜିକେଏ ମୀ ତଲେ ସାଲୁଝି କିହାଲି ଆଡ଼ିତମିମା । ୯ ଏନାଆଁତାକି ଇତିହଁ ନା ଅଣ୍ପୁତା ମାର ପାଣ୍ଡୁଝି ଆହାମାନାତାୟି, ମାର ମାହାପୁରୁତି ତଣ୍ଡୁତା ହେରପି ଆହାମାନି ତାୟୁତି ଲକୁ ସମାନା ତସାମାଞ୍ଜାନେସି, ଇତିହଁ ମାମ୍ପୁ ଦାରତିତା, ମାହାପୁରୁତି ଦୁତୁୟାଁ ଇଞ୍ଜା ମାଣ୍ପିୟାଁ ନକିତା ଲାଜାକିଝି ଆନାତମି ଲେହେଁ ଆହାମାନମି । ୧୦ ମାମ୍ପୁ କ୍ରୀସ୍ତ ତାକି ବୁଦି ହିଲୁଆ ଗାଟାତମି, ସାମା ମୀରୁ କ୍ରୀସ୍ତତି ତାକି ବୁଦି ଗାଟାତେରି; ମାମ୍ପୁ ବାଡ଼ୁୟୁ ହିଲୁଆ ଗାଟାତମି, ସାମା ମୀରୁ ବାଡ଼ୁୟୁ ଗାଟାତେରି; ମୀରୁ ଗାଝୁରମି ବେଟା ଆନାତେରି, ସାମା ମାମ୍ପୁ ବେଟା ଆଆଗାଟାତମି । ୧୧ ନୀଏଁ ପାତେକା ମାମ୍ପୁ ହାକି, ଅଡ଼େ ଏସ୍‌କି ଗାଟାତମି, ଗେଞ୍ଜିତି ହିମ୍ପୁରି ହୁଟାମାନମି, ଅଡ଼େ ମାଡ଼ା ବେଟାଆହି ମାନମି, ଇଞ୍ଜା ବାସାଟାୟୁ ହିଲୁଆନା ରେଜିମାନମି । ୧୨ \*ମା କେୟୁଟି ଝାହୁତି କାମା କିହିମାନମି, ଆତ୍ମାଆସି ବାକା ଇଟାସାରେ, ମାମ୍ପୁ ଏଝାରାଇଁ ବର ହାହିମାନମି, ସାସି ହିୟାତିହଁ ଜିକେଏ ଅରୁହିମାନମି । ୧୩ ମାଜେ ଲାଜା କିୟାତିହଁ ଜିକେଏ ମାମ୍ପୁ ଆଣ୍ଡୁଝିଆନି କାତା ଖେସିମାନମି; ନୀଏଁ ପାତେକା ମାମ୍ପୁ ଦାରତିତି ତୁକଁ ଜାଣୁ ଅଡ଼େ କିଟସି ରୁଡ଼ିତି ଲେହେଁ ଆହାମାନମି ।

୧୪ ନାନୁ ମିଜେ ଲାଜା ହାହାଲି ଇ ବାରେ କାତା ରାଡ଼ିମାଞ୍ଜଅଁ, ସାମା ନା ଜୀଝୁତି ମୀରକା ଇଞ୍ଜା ଅଣ୍ପାପାନା ମିଜେ ସେଡ଼ନା ହାହାଲିତାକି ଇ ବାରେ କାତା ରାଡ଼ିମାଞ୍ଜାଇଁ । ୧୫ ଇତିହଁ କ୍ରୀସ୍ତତି କାତା

\* ୩:୧୭ ୩:୧୭ ୧କର ୭:୧୯; ୨କର ୭:୧୭ \* ୩:୨୨ ୩:୨୨ ପିତର \* ୪:୧୨ ୪:୧୨ କାମା ୧୮:୩





ନାହାଁୟି କିୟାଲି କୁଲମିତି ପୁନାଆ ଗାଟାରାଲ୍ଲ ନାହାଁୟି କିୟାଲି ହାଟିଦେରି କି ? \* ନାନୁ ମିଙ୍ଗେ ଲାଜା ହାହାଲିତାକି ଇଦାଆଁ ଝେସିମାଞ୍ଜାଲ୍ଲ । କ୍ରୀସ୍ତଲ୍ଲ ନାମାମାନି ତାୟିୟା ବିତ୍ରା ଆହିମାନି ଗଡ଼ହାତି ତୁକହାଲି, ଇଲେତି ର ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି ? ୬ ସାମା ନାମୁଗାଟି ତାୟି ଅର ତାୟି କପାଟି ନାହାଁୟି ଇଲୁତା ଦାଞ୍ଜା କିନେସି, ଏଡ଼ି ଜିକେଏ ନାମାଆଗାଟାରି ତାଣା !

୭ ସାମା ମୀ ମୀ ବିତ୍ରାତି କାତାତାକି କର୍ତ୍ତା ଦାଞ୍ଜା କିହିମାଞ୍ଜେରି, ଏମ୍ବାଆଁ ସାତେଏ ଦହ ଗାଟାତେରି, ଏଦାଆଁତାକି ଲାଗେଏତାଣି ଅରୁହି ହିଲଅତେରି ? ଏଦାଆଁତାକି ନାସାଞ୍ଜି ଆନାଣି ଅପିହିଲଅତେରି ? ୮ ସାମା ମୀରୁ ମୀରୁଏ ଲାଗେଏ ଅଡେ ନାସା କିହିମାଞ୍ଜେରି, ଅଡେ ଏଦାଆଁ ତାୟିୟାଣି କିହିମାଞ୍ଜେରି । ୯ ଅଡେ ଦାମ୍ବୁ ହିଲଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଜି ଆଆଦୁ, ଦାରିକାମା, କି ପେଣକା ବମାୟା ପୂଜା କିନାରି, ଲାଗେଏତି କାମାକିନାରି, ଆବା ଆବାୟା ଦହ କିଞ୍ଜିଆନାରି, ୧୦ ସରୁ କିନାରି, ଦନ ଜୁପକା, କାଡ଼ୁ ବୁଡୁ, ଲକୁଣି ନିନ୍ଦା କିନାରି, ଏଟକାତାରି ଦିଶସୁ ମୀଞ୍ଜିନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି । ୧୧ ଅଡେ, ମୀ ବିତ୍ରା ଆମ୍ବା ଆମ୍ବାଆରି ଇଲେକ୍ ମୀରେରି; ସାମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ମାହାପୁରୁତି ସୁଦୁଜୀଞ୍ଜୁ ତଲେ ମୀରୁ ନରୁଞ୍ଜି ଆହାମାଞ୍ଜେରି, ଇଞ୍ଜା ସୁଦୁଗାଟାତେରି ଆହାମା ତାରିଗାଟାତେରି ଇଞ୍ଜାଁ ଝେଙ୍ଗା ମାଞ୍ଜେରି ।

**ମାହାପୁରୁତି ଗାଞ୍ଜୁରମି ତାକି ଆଙ୍ଗାତି ଲେମ୍ବିନାୟି**

୧୨ \*ଆମ୍ବାଆସି ଏଲେଇନେସି “ନାଙ୍ଗେ ବାରେ କାମା କିହାଲି ଅଦିକାରା ହୀପକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଙ୍ଗେତାକି ନେହାୟି ଆଏ, ନାଙ୍ଗେ ବାରେ କାମା କିହାଲି ହେଲ ମାନେ ସାମା ନାଙ୍ଗେ ଲକହାଲି ଆମ୍ବାଆରାକି ଏତେଲା ପାରୁ ହାଅଁ । ୧୩ ଏତରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି ରାନ୍ଦା ତାକି ।” ସାମା ମାହାପୁରୁ ଇ ରିଶ୍ଟାଆଁତି ଜିକେଏ ମ୍ବେକ୍ନେସି । ଆଙ୍ଗା ଦାରି କାମାତାକି ଆଏ, ସାମା ପ୍ରବୁତି ସେବାତାକି, ଅଡେ ପ୍ରବୁ ଆଙ୍ଗା ତାକି । ୧୪ ମାହାପୁରୁ ପ୍ରବୁ ଜୀସୁଲ୍ଲ ହାକିଟି ନିକହେସି, ଇଞ୍ଜା ତାନି ବାଡ଼ୁଲୁ ତଲେ ମାଙ୍ଗେ ଜିକେଏ ନିକହାନେସି ।

୧୫ ମୀ ଆଙ୍ଗା କ୍ରୀସ୍ତତି ଆଙ୍ଗା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆଡିହଁ ନାନୁ କ୍ରୀସ୍ତତି ର ଆଙ୍ଗା ଅହାମା ଦାରେଣି ଆଙ୍ଗା କିଇଁ ? ଏଡ଼ି ଏତେଲା

ଜିକେଏ ଆଆପେ । ୧୬ ଅଡେ ଆମ୍ବାଆସି ଦାରେଣି ତଲେ ଆଣ୍ଡିନେସି ଏଞ୍ଜାସି ଏଦାନିତଲେ ରଣ୍ଡିଏ ଆଙ୍ଗା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ବୁପତିତା ରାସକି ଆହାମାନେ “ଏ ତକ୍ତି ତକ୍ରା ରଣ୍ଡିଏ ଆଙ୍ଗା ଆନୁ ।” ୧୭ ସାମା ଆମ୍ବାଆସି ପ୍ରବୁ ତଲେ ଆଣ୍ଡିନେସି, ଏଞ୍ଜାସି ଏଞ୍ଜାଣିତଲେ ରଣ୍ଡିଏ ଜୀଞ୍ଜୁ ଆନେସି ।

୧୮ ଦାରିକାମାଟି ହେକ ଆଦୁ, ମାଣ୍ଡିସି ଏନ୍ତି ପାପୁ କିନେସି, ଏଡ଼ି ଆଙ୍ଗାତି ଲାଗେଏ କିନେସି, ସାମା ଆମ୍ବାଆସି ଦାରିକାମା କିନେସି, ଏଞ୍ଜାସି ତାନି ଆଙ୍ଗା କପାଟି ପାପୁ କିହିମାନେସି । ୧୯ \*ମୀ ଆଙ୍ଗା ମାହାପୁରୁ ତାଣାଟି ବେଟାଆହାମାନି ମୀ ହିୟାଁ ବିତ୍ରା ସୁଦୁଜୀଞ୍ଜୁ ବାସାଆନି ଦେଞ୍ଜୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡେ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକୁତେରି । ୨୦ ଇଡିହଁ ମୀରୁ ଗାଡ଼ି ଦାରାତଲେ କଡ଼ଞ୍ଜି ଆହାମାଞ୍ଜେରି; ଏଦାଆଁତାକି ମୀ ଆଙ୍ଗା ତଲେ ମାହାପୁରୁତି ଗାଞ୍ଜୁରମି କିଦୁ ।



**ବୀହା ଆନ୍ତି ମେରା**

୧ ମୀରୁ ମୀ ଆକୁତା ଆମିନି କାତା ରାଟା ମାଞ୍ଜେରି, ଏ ବାରେତାକି ନାନୁ ଝେସ୍ତାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;” ୨ ସାମା ଦାରି କାମାଟି ଆଜିତାକି ବାରେ ଆବାୟାକି ଜାହାରା ତକ୍ତି ମାଣ୍ଡେ, ଅଡେ ଇୟାସିକାକି ଜାହାରା ତକ୍ରା ମାଣ୍ଡେସି । ୩ ତକ୍ରା, ତକ୍ତିନାକି ଏନାୟି ଲଡ଼ା ଏଦାଆଁ ହୀପାସି, ଇଞ୍ଜା ଏଲେକିହଁ ଏ ତକ୍ତି ତକ୍ରାକି ତାନି ଲଡ଼ାମାନାଣି ହୀପେ, ଅଡେ ତାମଙ୍ଗେ ଏନାୟି ଲଡ଼ାମାନାଣି ପୁରା କିନାୟିମାନେ । ୪ ତକ୍ତି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ରାକି ମାନେ । ଏଲେକିହଁ ଏ ତକ୍ରାକି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ । ୫ ତାମ୍ବୁତାମି ତାଣାଟି ଏଟକା ଆହାମା ତୟାଆପୁ; ସାମା ପ୍ରାତାନା କିହାଲି ଏତରଦିନା ପାତେକା ରିଆତେରି ରଣ୍ଡିଏ ମନ ଆହାମା ଏଟକା ତୟାଲି ଆଡ଼ିଦେରି; ଅଡେ ମୀ ଆଙ୍ଗାତି ଜୁପକାତାକି ତୟାଲି ଆଡ଼ାଆକି ସୟତାନ ଏନିକ୍ ମିଙ୍ଗେ ତାୟିପାରି କିୟେଏ, ଏଦାଆଁତାକି ଝେଣ୍ଡେ ଆଣ୍ଡିଆଦୁ ।

୬ ସାମା ନାନୁ ହୁକୁମି ହୀନି ଲେହେଁ ଝେହ୍ତାନାହାଁ ଜାପୁନି ଲେହେଁ ଝେସିମାଲ୍ଲ । ୭ ଆଡିହଁ ଜିକେଏ ଏନିକ୍ ବାରେ ଲକୁ ନାଲେହେଁକ୍ ଆନେରି, ଇଦି ନା ଅଣ୍ଡପୁ । ସାମା ଆମ୍ବାଆରି ଇଲେତି ଦାନା, ଅଡେ ଆମ୍ବାଆରି ଏଲେତି ଦାନା ମାହାପୁରୁ ତାଣାଟି ବେଟାଆହାମାନେରି ।

\* ୭:୧୨ ୭:୧୨ ୧କର ୧୦:୨୩ ☆ ୭:୧୯ ୭:୧୯ ୧କର ୩:୧୭; ୨କର ୭:୧୭

୮ ସାମା ନାନୁ ବୀହା ଆଆତି ଲକୁଇଁ ଇଞ୍ଜା ରାଣ୍ଡେଣିସିକାଣି ଝେସିମାଇଁ, ଏଞ୍ଜି ନାଟଲହେକଁ ତ୍ତୟିତହଁ ଏଞ୍ଜିସିକାକି ନେହେଁ । ୯ ସାମା ଏଞ୍ଜି ଆଙ୍ଗାତି ଲକହାଲି ଆଡ଼ିହିଲାଇ ଇତିହଁ ଏଞ୍ଜି ବୀହା ଆପୁ; ଇତିହଁ ଆଙ୍ଗା ଲାଗେଏତି କାମାତା ଝେନିକିହଁ, ବୀହା ଆନାୟି ନେହେଁ ।

୧୦ \*ସାମା ବୀହା ଆଡ଼ି ଲକୁଇଁ ନାନୁ ହୁକୁମି ହାହିମାଇଁ, ନାନୁ ଆଏ ସାମା ପ୍ରବୁ ହୁକୁମି ହାହିମାନେସି, ତକ୍ତି ତାନି ତକ୍ତା ତାଣାଟି ଏଟକା ଆଆପେ । ୧୧ ସାମା ଏଡ଼ି ରଣ୍ଡିଏ ଏଟକା ଆନେ, ଆତିହଁ ଏଡ଼ି ବୀହା ଆଆପେ, ଇଞ୍ଜା ତାନି ତକ୍ତାତଲେ ଅଡ଼େ ଆଣ୍ଡାପେ; ଅଡ଼େ ତକ୍ତା ତାନି ତକ୍ତିନି ହେଲ ହାଆପେସି ।

୧୨ ଏଟକା ତାରାଇଁ ନାନୁ ଝେସିମାଇଁ, ମା ବିତ୍ତା ଆମ୍ବାଆରି ତକ୍ତି କ୍ରୀସ୍ତଇଁ ନାମାହିଲଆତି ଜିକେଏ ତକ୍ତାତଲେ ତ୍ତୟାଲି ମନ କିତିସାରେ, ଆତିହଁ ଏ ତାୟି ଏ ତାଜିନି ହେଲ ହାଆପେସି । ୧୩ ଏଲେକିହଁ ଆମିନି ତକ୍ତି ମାହାପୁରୁଇଁ ନାମାଆତି ତକ୍ତାକି ବୀହା ଆହାମାନେ, ଇଞ୍ଜା ଏଡ଼ି ଏଞ୍ଜାଣିତଲେ ତ୍ତୟାଲି ମନ କିନେ, ଏଡ଼ି ତାନି ତକ୍ତାଇଁ ପିହାପେ । ୧୪ ଇତିହଁ ନାମାଆତି ତକ୍ତା ନାମିତି ତକ୍ତି ତାକି ମାହାପୁରୁ ତାଣାଟି ସୁଦୁ ଆହାମାନେସି, ଅଡ଼େ ନାମାଆତି ତକ୍ତି ନାମିତି ତକ୍ତା ତାକି ମାହାପୁରୁ ତାଣାଟି ସୁଦୁ ଆହାମାନେ; ଆଆତିହଁ ମୀ ମୀରକା ମାସକା ଲାଗେଏ ଆଡ଼େରିମା, ସାମା ନୀଏଁ ଏଞ୍ଜାରି ସୁଦୁଗାଟାରି । ୧୫ ସାମା ନାମାଆ ଗାଟାସି କି ନାମାଆ ଗାଟାୟି ଏଟକା ଆହାଲି ମନ କିତିହଁ ତାମି ମନଲେହେ ଏଟକା ଆପାରି; ଇଲେତି ତାଣା ତାୟି କି ତାଜି ଦସପି ଆହାହିଲାଇ; ମାହାପୁରୁ ମିଜେ ହିଡ଼ଡ଼ି ତଲେ ମାଞ୍ଜାଲି ଆଟାମାଞ୍ଜାନେସି । ୧୬ ନାନୁ ନାମିତି ତକ୍ତି ଆହାନା ନୀ ତକ୍ତାକି ଗେଲପିନାତି ଆଡ଼ି, ଇଦାଆଁ ପୁଞ୍ଜାହିଲଅତିକି ? ଇଞ୍ଜା ନାନୁ ନାମିତି ତକ୍ତା ଆହାନା ନୀ ତକ୍ତିନାକି ଗେଲପିନାତି ଆଡ଼ି, ଇଦାଆଁ ପୁଞ୍ଜାହିଲଅତିକି ?

**ମାହାପୁରୁ ଆଟାମାନି ମାଣ୍ଡକି ଲେହେଁ ନାତିନାୟି**

୧୭ ଇତିହଁ ପ୍ରବୁ ଆମ୍ବାଆରାକି ଏନିକଁ ଦାନା ହାହାମାନେସି, ମାହାପୁରୁ ଆମ୍ବାଆରାଇଁ ଏନିକଁ ହାଟାମାନେସି, ଏଞ୍ଜାସି ଏଲେକଁ ତାକାପେସି, ନାନୁ ବାରେ କୁଲମିତି ଏଲେକିହଁ ଏ ହୁକୁମି ହାହିମାଇଁ । ୧୮ ଆମ୍ବାଆସି ତଲୁ ଦାପିଆହଁ ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଡ଼ି ସିନାତି ତଲୁଆପେସି; ଆମ୍ବାଆସି ତଲୁ ଦାପି ଆଆନା ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଆପେସି । ୧୯ ତଲୁ ଦାପି ଆନାୟି କି

ଆଆଗାଟାୟି କାଜା କାତା ଆଏ, ସାମା ମାହାପୁରୁ ହୁକୁମି ମାନୁଞ୍ଜି ଆନାୟି କାଜା କାତା । ୨୦ ବାରେ ଜାଣାଇଁ ଏନିକଁ ମାହାପୁରୁ ହାଟାମାନେସି ଏଲେକଁ ମାଣ୍ଡେସି । ୨୧ ମୀରୁ ହଲିୟାଙ୍ଗା ଆହାମାଟାଟି ହାଟକି ଆହାମାଞ୍ଜେରି ? ଅଣ୍ଡପାଆଦୁ; ସାମା ଗେଲପିଆୟାଲି ଆଡ଼ିଦେରି ଆତିହଁ ଗେଲପି ଆୟାଲି ପାରୁ ପାରାଦୁ । ୨୨ ଆମ୍ବାଆସି ହଲେଏସି ଆହଁ ପ୍ରବୁ ତାଣା ହାଟକି ଆହାମାନେସି, ଏଞ୍ଜାସି ପ୍ରବୁତି ଗେଲପି ଆଡ଼ାସି; ଏଲେକିହଁ ଏ ଆମ୍ବାଆସି ଗେଲପିଆହଁ ହାଟକି ଆହାମାନେସି ଏଞ୍ଜାସି କ୍ରୀସ୍ତତି ହଲେଏସି । ୨୩ ମୀରୁ ହାରେକା ଦାରାତଲେ କଡ଼ଞ୍ଜି ଆହାମାଞ୍ଜେରି; ମାଣ୍ଡସିୟାତି ହଲିୟାଙ୍ଗାତେରି ଆଆଦୁ । ୨୪ ତାୟିୟାଁ ଅଡ଼େ ତାଜିମ୍ବାତେରି, ମାହାପୁରୁ ମିଜେ ହାଟାଟାଟି ମୀରୁ ଏନିକଁ ମାଟେରି ଏଲେଆହଁ ଏ ମାହାପୁରୁ ତଲେ ତ୍ତୟିନାୟି ମାନେ ।

**ବୀହା ଆଆତି ଲକୁ ଇଞ୍ଜା ରାଣ୍ଡେଣିସିକା କାତା**

୨୫ ଡାଆସିକା କାତା, ନାନୁ ପ୍ରବୁ ତାଣାଟି ଏନି ହୁକୁମି ବେଟା ଆହାହିଲଅଁ; ସାମା ପ୍ରବୁତି କାର୍ମାଟି ନାମୁଗାଟାସି ଆହାନା ନା ଅଣ୍ଡପୁତା ଝେସିମାଞ୍ଜାଇଁ ।

୨୬ ନାନୁ ଅଣ୍ଡପିମାଇଁ, ମାଣ୍ଡସି ଏନିକଁ ମାନେସି, ନୀଏଁତି କସ୍ତ ବାଦା ତାକି ଏଲେକିହଁ ଏ ମାନାୟି ନେହେଁ । ୨୭ ନାନୁ ତକ୍ତି ତଲେ ଦସପି ଆହାମାଞ୍ଜି ? ଆତିହଁ ପିସପି ଆହାଲି ଅଣ୍ଡପାଆନି, ଇଞ୍ଜା ନାନୁ ତକ୍ତି ତାଣାଟି ପିସପି ଆହାମାଞ୍ଜି ? ଆତିହଁ ତକ୍ତିନି ଇଟାଲି ଅଣ୍ଡପାଆନି । ୨୮ ସାମା ନାନୁ ବୀହା ଆହାମାଞ୍ଜି, ଆଡ଼ିଜିକେଏ ପାପୁ କିହାହିଲଅତି; ଅଡ଼େ ଡାଆପଦା ବୀହା ଆହାମାନେ, ଆଡ଼ିଜିକେଏ ଏଡ଼ି ପାପୁ କିହାହିଲେଏ, ଆଡ଼ିଜିକେଏ ଇଲେତି ଲକୁ ଆଙ୍ଗାତା ହାରେକା କସ୍ତ ବେଟାଆନୁ, ଅଡ଼େ ମୀରୁ ଏମ୍ବାଟି ଏନିକଁ ଗେଲପି ଆଡ଼େରି ଇଦି ନା ଅଣ୍ଡପୁ ।

୨୯ ସାମା ଏ ତାୟିୟାଁ ଅଡ଼େ ତାଜିମ୍ବାତେରି ନା ଅଣ୍ଡପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆମ୍ବାଆରାକି ତକ୍ତି ମାନେ, ଏଞ୍ଜାସି ତକ୍ତି ହିଲଆଲେହେଁ ମାଣ୍ଡେସି । ୩୦ ଅଡ଼େ ଆମ୍ବାଆରି ଡାହି ମାନେରି, ଏଞ୍ଜାରି ଡାହି ହିଲଆ ଲକୁ ଲେହେଁ ଆଡ଼େରି; ଅଡ଼େ ଆମ୍ବାଆରି ରାହଁ କିହିମାନେରି, ଏଞ୍ଜାରି ରାହଁ କିହି ହିଲଆ ଲକୁ ଲେହେଁ ଆଡ଼େରି; ଇଞ୍ଜା ଆମ୍ବାଆରି କଡ଼ିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ ଆଡ଼େରି; ୩୧ ଅଡ଼େ ଆମ୍ବାଆରି ଦାରଡ଼ିତି ଦିଶସ୍ତୁ ଲେମ୍ବିମାନେରି ଏଞ୍ଜାରି ଲେମ୍ବାଆଗାଟି ଲକୁ ଲେହେଁ ଆଡ଼େରି; ଏନାଆଁତାକି ଇତିହଁ ଇ ଦାରଡ଼ିତି ଝାଣା ତିରିମୁହି ମାନେ ।

୩୨ ସାମା ମୀରୁ ଏନିକଁ ଅଣ୍ଡପଅତେରି ଏଡ଼ି ନା ଅଣ୍ଡପୁ, ଆମ୍ବାଆସି ବୀହା ଆଆତାସି ଏଞ୍ଜାସି

\* ୭:୧୦ ୭:୧୦ ମାତି ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮

ଏନିକ୍ ପ୍ରଭୁଙ୍କ ରାହାଁ କିଞ୍ଚିକିହାଲି ଖାରଇ ପ୍ରଭୁତି କାମା ଅଣ୍ଠିନେସି; ୩୩ ସାମା ଆମ୍ବାଆସି ବାହା ଆହାମାନେସି ଏଞ୍ଜାସି ଏନିକ୍ ତାନି ତକ୍ତିନି ରାହାଁ ଗାଟାସି ଆନେସି, ଏଦାଆଁତାକି ଦାର୍ତ୍ତିତି କାତା ଅଣ୍ଠିନେସି ଇଞ୍ଜା ତାନି ମନ ବାଗା ଆନେ । ୩୪ ବାହା ଆଆତି ଇୟାସିକା ଅଡ଼େ ଡାଆସିକା ଆଙ୍ଗା ଇଞ୍ଜା ଜୀଞ୍ଜୁତା ସୁରୁ ଆହାଲି ପ୍ରଭୁତି କାତା ଆସାନା ଅଣ୍ଠିନୁ; ସାମା ଆମ୍ବାଆସି ବାହା ଆହାମାନେ ଏଦି ଏନିକ୍ ଜାହାରା ତକ୍ତାଙ୍କ ରାହାଁ କିୟାଲି ଆଡ଼ିନେ, ଏଦାଆଁତାକି ଦାର୍ତ୍ତିତି କାତା ଅଣ୍ଠିନେ ।

୩୫ ଇ କାତା ନାନୁ ମୀ ନେହେଁତାକି ଝେସିମାଞ୍ଜାଙ୍କ, ମିଙ୍ଗେ କସ୍ତୁ ହାନି ମେରା ତଲେ ଦସ୍ପି ଆହାଲି ଝେସିମାଞ୍ଜାଅଁ, ସାମା ମୀରୁ ଏନିକ୍ ମାନି କିହାଁ ରଣ୍ଡିଏ ମନତଲେ ପ୍ରଭୁ ତାଣା ଡ଼ୟିଦେରି, ଏଦାଆଁତାକି ଝେସିମାଞ୍ଜାଙ୍କ ।

୩୬ ସାମା, ଆମ୍ବାଆସି ତାଙ୍ଗେତାକି ରାସ୍ପଆଡ଼ି ମାଙ୍ଗାନି ଡାଆବେଲା ରାଡେୟିଏ ଇଞ୍ଜା ଅଣ୍ଠିନେସି, ଅଡ଼େ ଏଞ୍ଜାସି ମୁର୍ସାନା ମାଞ୍ଜାଲି ଆଡାଆସାରେ ଅଡ଼େ ତାଙ୍ଗେ ଲଡାଆନେ ଆତିହ୍ ତାନି ମନତା ଏନାୟି ମାନେ ଏଲେଆହ୍ ବାହା ଆନାୟି ମାନେ, ଏମାଆଁ ପାପୁ ହିଲେଏ, ଏଦାଆଁତାକି ଏଞ୍ଜି ବାହା ଆପୁ । ୩୭ ସାମା ଆମ୍ବାଆସି ହିୟାତା ତାରି ମାନେସି, ଅଡ଼େ ବାହା ଆହାଲି ମନ କିଅସି ଇଞ୍ଜା ଆମ୍ବାଆସି ତାନି ମନତି ଲକ୍ତାଲି ଆଡ଼ିନେସି ଅଡ଼େ ଏଞ୍ଜାସି ତାନି ମନତା ଏନାଆଁ କିହାଲି ଅଣ୍ଠିପାନେସି ଆତିହ୍ ଏଞ୍ଜାସି ତାଙ୍ଗେ ରାସାମାନି ଡାଆ ପଦାଙ୍କ ବାହା ଆଆତ ନେହେଁ । ୩୮ ଏଦାଆଁତାକି ଆମ୍ବାଆସି ତାଙ୍ଗେ ରାସାମାନି ଡାଆ ମାଙ୍ଗାନି ବାହା କିନେସି ଏଞ୍ଜାସି ନେହ୍ କିନେସି, ଅଡ଼େ ଆମ୍ବାଆସି ବାହା ଆଅସି ଏଞ୍ଜାସି ଏଦାଆଁ କିହାଁ ହାରେକା ନେହ୍ କିନେସି ।

୩୯ ବାହା ଆଡ଼ି ତକ୍ତି ତାନି ତକ୍ତା ଜୀଞ୍ଜୁ ମାନି ପାତେକା ଦସ୍ପି ଆହା ଡ଼ୟିନେ; ସାମା ତକ୍ତା ହାଡ଼ିସାରେ ଏ ତକ୍ତି କ୍ରୀସ୍ତ ତାଣା ନାମାମାନି ଆମ୍ବାଆରାଙ୍କ ମନ ଏଞ୍ଜାଶାକି ବାହା ଆୟାଲି ଆଡ଼ିନେ । ୪୦ ସାମା ନା ଅଣ୍ଠପୁତା, ଏଦି ଏନିକ୍ ମାନେ ଏଲେକିହ୍ ଏ ଡ଼ୟିତିହ୍ ହାରେକା ରାହାଁତଲେ ଡ଼ୟିନେ, ଇଦି ମାହାପୁରୁ ଜୀଞ୍ଜୁତି ହେଲ ଇଞ୍ଜା ନାନୁ ଅଣ୍ଠିମାଙ୍କ ।

**୮**

**ପେଶକା ବମାୟାକି ଡାକାମାନି ରାନ୍ଦାତି କାତା**

୧ ପେଶକା ବମାୟାକି ଡାକାମାନି ବଗୁତି କାତା ନାନୁ ଝେହ୍ନାୟି ଇଦି, “ବାରେତାକି ବୁଦି ମାନେ” ଇଞ୍ଜା ମୀରୁ ଝେସିମାଞ୍ଜେରି, ଏଦାଆଁ ମାନୁ ପୁଞ୍ଜାମାନମି । ବୁଦି ତାହାରା କିଞ୍ଚିକିୟାନେ, ସାମା ଜୀଞ୍ଜୁନାୟି କାଲୁଞ୍ଚି କିୟାନେ । ୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଙ୍କ ଇଞ୍ଜା

ଅଣ୍ଠିନେସି, ଆତିହ୍ ଏଞ୍ଜାଶାକି ଏନିକ୍ ପୁନାୟିମାନେ, ଏଞ୍ଜାସି ନୀଏଁ ପାତେକା ଏଲେକ୍ ପୁଞ୍ଜାହିଲଅସି । ୩ ସାମା ଆମ୍ବାଆସି ମାହାପୁରୁଙ୍କ ଜୀଞ୍ଜୁ ନନେସି, ଏଞ୍ଜାଶାଙ୍କ ମାହାପୁରୁ ପୁଞ୍ଜାମାନେସି ।

୪ ଏଦାଆଁତାକି ପେଶକା ବମାୟାକି ଡାକାମାନି ବଗୁତି ତିନି କାତା ମାର ପୁଞ୍ଜାମାନାୟି, ଦାର୍ତ୍ତିତା ପେଶକା ଇଞ୍ଜାହ୍ ଏନାଲ ହିଲାତ, ଅଡ଼େ ରଣ୍ଡିଏ ମାହାପୁରୁ ପିସ୍ପେ ଅଡ଼େ ରଅସି ହିଲଅସି ।

୫ ଇତିହ୍ ଲାକପୁରୁ ଆପେ କି ଦାର୍ତ୍ତିତା ଆପେ, ଆମ୍ବାଆରାଙ୍କ ମାହାପୁରୁ ଇନେରି, ପେଶକା ମାତିହ୍ ଜିକେଏ ସାତେଏ ହାରେକା “ପେଶକା” ଅଡ଼େ ହାରେକା “ପ୍ରଭୁୟା” ମାନୁ, ୬ ଆଡ଼ିଜିକେଏ ମାଙ୍ଗେତାକି ରଣ୍ଡିଏ ମାହାପୁରୁ ଇତିହ୍ ଏ ଆଡା ତାଣାଟି ବାରେ ଗାଡ଼ି ଆହାମାନେ, ଇଞ୍ଜା ମାର ଏଞ୍ଜାଶି ତାକି ନୀତାମାନାୟି; ଇଞ୍ଜା ରଣ୍ଡିଏ ପ୍ରଭୁ ଇତିହ୍ ଜୀସୁ କ୍ରୀସ୍ତ, ଏଞ୍ଜାଶି ତାଣାଟି ବାରେ ଗାଡ଼ି ଆହାମାନେ, ଅଡ଼େ ମାର ଏଞ୍ଜାଶି ତାଣାଟି ନୀତାମାନାୟି ।

୭ ଆଡ଼ିଜିକେଏ ବାରେତାକି ଇ ବୁଦି ହିଲେଏ; ସାମା ଏଚେକା ଲକୁ ନୀଏଁ ପାତେକା ପେଶକା ମାନୁ ଇଞ୍ଜା ଅଣ୍ଠପାନା ପେଶକା ବମାୟାକି ଡାକାମାନି ବଗୁ ତିନେରି, ଇଞ୍ଜା ଏଞ୍ଜାରି ଅଣ୍ଠପୁତି ବାଡ଼ୁୟି ଉଶା ମାନାକି ଦହଗାଟାରି ଆନେରି । ୮ ସାମା ତାନି ରାନ୍ଦା ମାଙ୍ଗେ ମାହାପୁରୁ ନକିତା ନେହ୍ କି ଲାଗେଏ କିୟେଏ; ତିନାଆତିହ୍ ମା ଏନାୟି ନସ୍ତ ଆଏ ଅଡ଼େ ତିତି ସାରେ ମାଙ୍ଗେ ଏନି ଲାବା ଆଏ ।

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୁୟି ହିଲାଆ ଗାଟାରାକି କସ୍ତ ବାଦା ହାନାୟି ଆନେ । ୧୦ ବୁଦି ଗାଟାତେରି ମୀରୁ, ମିଙ୍ଗେ ଆମ୍ବାଆସି ପେନୁତି ଦେଞ୍ଜୁଡ଼ି ବକ୍ତିତା କୁଗାମାନାଣି ମେସ୍ତାତିହ୍, ଏଞ୍ଜାସି ନାମୁତା ଉଶା ମାତିହ୍, ତାନି ଅଣ୍ଠପୁତି ବାଡ଼ୁୟି ଉଶା ମାନାକି ପେଶକା ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ? ୧୧ ଇଞ୍ଜା ଆମିନି ବାଡ଼ୁୟି ହିଲାଆ ନାମିତି ତାୟି କି ତାଜି ତାକି କ୍ରୀସ୍ତ ହାଡେସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହିମାନେସି । ୧୨ ଇଲେକିହ୍ ମୀ ତାଣା ମାନି ନାମିତି ତାୟିୟାଁ କପାଟି ପାପୁ କିହାଁ ଇଞ୍ଜା ଏଞ୍ଜାରି ବାଡ଼ୁୟି ହିଲାଆ ଅଣ୍ଠପୁତି କସ୍ତ ହୀହାନା ମୀ କ୍ରୀସ୍ତ କପାଟି ପାପୁ କିହିମାଞ୍ଜେରି । ୧୩ ଇଦାଆଁତାକି ତିନି କାଡ଼ି ନା ତାୟିକି କସ୍ତ ହନେ, ଆତିହ୍ ନା ତାୟି ଏନିକ୍ ନା ତାଣାଟି କସ୍ତ ଆଅସି, ଏଦାଆଁତାକି ନାନୁ ଏଚେଲା ଉଙ୍ଗା ତିନଅଁ ।

**୯**

**ପାଣ୍ଡୁଞ୍ଚି ଆଡାରି ଅଦିକାରା ଅଡ଼େ ଦାୟିପତି**

୧ ନାନୁ ନା ମନତଲେ ମାଞ୍ଜାଲି ଆଡ଼ଅଁ ? ନାନୁ ର ପାଣ୍ଡୁଞ୍ଜି ଆଡ଼ାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସୁଇଁ ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ? ୨ ନାନୁ ଏଟକାତାରି ତାଣା ପାଣ୍ଡୁଞ୍ଜି ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁଞ୍ଜି ଆହାମାନାତେଏଁ, ଇଚିହିଁ ପ୍ରବୁ ତାଣା ମୀରୁ ନା ପାଣ୍ଡୁଞ୍ଜିଆହାମାନି ପାଣାତା ଝେଟାମାନି ବୁରୁ ମୁଦ୍ରା ଲେହେଁ ଆହାମାଞ୍ଜେରି ।

୩ ନାଙ୍ଗେ ନୀହାଁୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି । ୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ? ୫ ଅର ପାଣ୍ଡୁଞ୍ଜିଆହାମାନାରି ପ୍ରବୁତି ତାୟିୟାଁ ଅଡ଼େ କେପା\* ଲେହେଁ କ୍ରୀସ୍ତାନା ତାଙ୍ଗିନି ବୀହା ଆହାଁ ଏ ଇୟାନି ତଲେ ରେଜାଲି ମାଙ୍ଗେ ଅଦିକାରା ହିଲେଏ କି ? ୬ ଅଡ଼େ ଜୀଞ୍ଜୁତା ନୀତାଲିତାକି କାମାତି ପିସାଲି ନାଙ୍ଗେ ଅଡ଼େ ବର୍ନବାତି ଅଦିକାରା ହିଲେଏ କି ? ୭ ର ଜୁଜୁ କିନାସି ଜୁଜୁତା ମାନି ବେଲା ତାନୁଏ ତାଙ୍ଗେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଙ୍ଗୁରି ବାଡ଼ା କିହାଁ ଏମ୍ବାତି ପାଡ଼େୟି ତିନଅସି କି ? ଇଞ୍ଜା ର ଗଡ଼ ତ୍ରାନି ମାନ୍ଦାତି ପାଲୁ ଗହଅସି କି ?

୮ ନାନୁ ମାଣ୍ଡସି ଆହାଁ ଇ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାଡ଼େସ୍ତରି ଜିକେଏ ଇ ବାରେ କାତା ଝେସିମାଞ୍ଜେଏ କି ? ୯ ଇଚିହିଁ ମସାତି ମେରାତା ଇଲେଇଞ୍ଜି ରାସ୍ତକି ଆହାମାନେ, “ନପିମାନି କଡ଼ିତି ଗୁଡ଼ିତା କତ୍ରା ଦହଆଦୁ,” ମାହାପୁରୁ ଝାରଇ ଏ କଡ଼ିତି ଅଣ୍ଡପିମାନେସି କି ? ୧୦ ଏଞ୍ଜାସି ଇଦାଆଁ ମାଙ୍ଗେତାକି ଝେସା ମାଞ୍ଜଅସି ? ହାଅ, ମାଙ୍ଗେତାକି ଇଦି ରାସ୍ତକି ଆହାମାନେ, ଏଦାଆଁତାକି ଇଚିହିଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପିନାସି ଗାଡ଼ି ବାଗା ବେଟାଆହାଲି କତ୍ରା ଦହନେସି । ୧୧ ମାମ୍ବୁ ମିଙ୍ଗେତାକି ନେହଁ ଜୀଞ୍ଜୁତି ବିଚା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାରତିତି ତାସା ଦାଡ଼ିହିଁ ଏଦି ଏନି କାଜା କାତା ଆଏକି ? ୧୨ ଏଟକା ଲକୁ ମୀ ତାଣାଟି ବାଗା ବେଟାଆହାଲି ଅଦିକାରା ମାଡ଼ିହିଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମ୍ବୁଏ ଅଦିକାରା ଲେମ୍ବା ହିଲଅମି । ସାମା ଏନିକିଁ ମାମ୍ବୁ କ୍ରୀସ୍ତତି ନେହଁ କାରୁ ଝେଙ୍ଗି କିନି କାମାତା ଏନି ବାଦା ଝାଆପେ ଇଞ୍ଜି ବାରେ ଅରୁହିମାନମି ୧୩ ଆମ୍ବାଆରି ଦେଞ୍ଜୁଡ଼ିତା ପୂଜା କିନାରି ଏଞ୍ଜାରି ଦେଞ୍ଜୁଡ଼ିତି ରାନ୍ଦା ବେଟାଆନେରି, ଇଞ୍ଜା ଆମ୍ବାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇଚିତି ବଗୁଡ଼ି ବାଗା ବେଟାଆନେରି, ଇଞ୍ଜି ମୀରୁ ପୁଞ୍ଜାହିଲଅତେରି

କି ? ୧୪ ଏଲେକିହିଁଏ ଆମ୍ବାଆରି ନେହଁ କାରୁଡ଼ି ଝେକ୍‌ହି ମାନେରି, ଏଞ୍ଜାରି ନେହଁ କାରୁ ଝେକ୍‌ନି ତାଣାଟିଏ ନୀତିନେରି, ଇ କାତା ପ୍ରବୁ ହୁକୁମି ହୀହାମାନେସି ।

୧୫ ସାମା ନାନୁ ଇ ବାରେ ଏନାଆଁଞ୍ଜା ଲେମ୍ବାହିଲଅଁ, ଅଡ଼େ ନାଙ୍ଗେତାକି ଏଲେ କିଞ୍ଜିଆଡ଼େ, ଏଦାଆଁତାକି ରାଡ଼ିମାଞ୍ଜଅଁ; ଇଚିହିଁ ଆମ୍ବାଆରି ନା ନେହଁ ବଡ଼ପଣତି ଉଜେଏ କିନି କିହାଁ ନାନୁ ହାହାହାନାୟି ନେହେଁ । ୧୬ ଇଚିହିଁ ନାନୁ ନେହଁ କାରୁ ଝେକ୍‌ଇଁ, ଏମ୍ବାଆଁ ନା ବଡ଼ପଣ ଆନାୟି ହିଲେଏ, ଏନାଆଁତାକି ଇଚିହିଁ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହଁ କାରୁ ଝେକ୍‌ଆତେଏଁ ଇଚିହିଁ ନାନୁ ଏତେକା ତଣ୍ଡ ବେଟାଆନାତେଏଁ । ୧୭ ଇଚିହିଁ ନାନୁ ଜାହାରା ମନତଲେ ଇ କାମା କିଇଁ, ଆତିହିଁ ନାଙ୍ଗେତାକି ଦାନା ମାନେ; ସାମା ନାନୁ ନା ମନତଲେ କାମା କିଆତିହିଁ ଜିକେଏ ମାହାପୁରୁ ନାଙ୍ଗେ ସେବାକିନି କାମାତି ବଜୁ ହେରପା ମାଞ୍ଜାନେସି । ୧୮ ଆତିହିଁ ନା ଦାନା ଏନାୟି ? ଏଦି ଇଦି ନାନୁ ନା ନେହଁ କାରୁତା ମାନି ଅଦିକାରା ଲେମ୍ବାଆନା ନେହଁ କାରୁ ଝେସି ଝେସି ଏ ନେହଁ କାରୁଡ଼ି ଉଜେଏ ଝେକ୍‌ଇଁ ।

୧୯ ନାନୁ ଆମ୍ବାଆରି ହଲେଏଣା ଆଆତି ଜିକେଏ, ଏନିକିଁ ନାନୁ ହାରେକା ଗାଡ଼ି ଲକୁଣି ବେଟାଆହାଲି ଆଡ଼ିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହଲେଏସି କିତେଏଁ । ୨୦ ଏନିକିଁ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଣା ଆହାଲି ଆଡ଼ିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକିଁ ମସାତି ମେରାତା ଦସ୍‌ପି ଆହାମାନାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ନାନୁ ମେରାତା ଦସ୍‌ପି ଆଆତି ଜିକେଏ ମେରାତା ଦସ୍‌ପି ଆଡ଼ି ଲକୁଲେହେଁ ଆଡ଼େଏଁ । ୨୧ ଏନିକିଁ ନାନୁ ମସାତି ମେରା ପୁନାଆତି ଏଟକା କୃତାତି ଲକୁଣି ବେଟାଆହାଲି ଆଡ଼ିଇଁ, ଇଦାଆଁତାକି ନାନୁ ମାହାପୁରୁତି ମେରାତା ହିଲାଆ ଲକୁ ଆଆନା କ୍ରୀସ୍ତତି ମେରା ମାନଞ୍ଜି ଆଡ଼ିଜିକେଏ ମସାତି ମେରାତା ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆଡ଼େଏଁ । ୨୨ ଏନିକିଁ ନାନୁ ବାଡ଼ୟୁ ହିଲାଆଗାଟାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ବାଡ଼ୟୁ ହିଲାଆ ଗାଟାରି ନକିତା ବାଡ଼ୟୁ ହିଲାଆଲେହେଁ ଆଡ଼େଏଁ; ଏନିକିଁ ନାନୁ ଜିକେଏ ନାନୁ ଏଚର ଜାଣାଇଁ ଗେଲପାଲି ଆଡ଼ିଇଁ, ଇଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଞ୍ଜାରିଲେହେଁ ଆଡ଼େଏଁ ।

୨୩ ନାନୁ ଏନିକିଁ ନେହଁ କାରୁଡ଼ି ବରତା

\* ୯:୫ ୯:୫ ପିତର    ✨ ୯:୯ ୧ତିମ ୫:୧୮    ✨ ୯:୧୪ ୯:୧୪ ମାଡ଼ି ୧୦:୧୦; ଲୁକ ୧୦:୭

ଆଣ୍ଡାଲି ଆଡ଼ିଇଁ, ଏଦାଆଁତାକି ନାନୁ ନେହଁ କାରୁତାକି ବାରେ କିଇଁ ।<sup>୨୪</sup> ଆମ୍ବାଆରି କାହିନି ତାଣା ହଣନେରି ଏଞ୍ଜାରି ବାରେଜାଣା ହଣନେରି ସାତା, ସାମା ରଅସିଏ ଜୀଣା ଆହାଁ ଦାନା ବେଟା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ମୀରୁ ଏନିକଁ ଦାନା ବେଟାଆଦେରି ଏଦାଆଁତାକି ଏଲେକଁ ହଣଦୁ ।<sup>୨୫</sup> ଆମ୍ବାଆସି ବାଦହାରା ତଲେ କାହିନି ତାଣା ଆଣ୍ଡିନେସି ଏଞ୍ଜାସି ବାରେ ନେହଁ କଁ ଜାପିନେସି; ଏଞ୍ଜାରି ଗାଡ଼େକେଏ ନାସଞ୍ଜି ଆନି ଟପେରି ବେଟାଆହାଲି କାହିମାନେରି; ସାମା ମାର ଏଚେଲାଞ୍ଜା ନାସା ଆଆଗାଟି ଟପେରି ବେଟାଆହାଲି ଏଲେ କିନ ।<sup>୨୬</sup> ଏଦାଆଁତାକି ନାନୁ ହଟିମାଇଁ, ସାମା ଗୁରି ହିଲାଆ ତାଣା ଆଏ, ନାନୁ ମୁଟିତଲେ କୁଡ଼କି ଆନି ଜୁଜୁ କିହିମାଇଁ, ସାମା ଖାରଇ ଗାଲିତି ଖେନି ଲକୁଲେହେଁ ଆଏ ।<sup>୨୭</sup> ଏଟକା ଲକୁତାଣା ନେହଁ କାରୁ ଖେସିହଁ ନାନୁ ଏନିକଁ ଅପାଆ ଗାଟାତେଏଁ ଆଥଁ ଏଦାଆଁତାକି ନା ଆଜ୍ଞାତି କସ୍ତ ବାଦା ହାହାନା ଲକ୍‌ହିମାଇଁ ।

### ୧୦

#### ପେଣ୍ଡକା ବମାୟାଁ ସେବାଟି ଜାଗ୍ରାତା କିନାୟି

<sup>୧</sup> ଇତିହଁ ଏ ତାୟିୟାଁ ଅଡ଼େ ତାଜିସ୍ମାତେରି ମା ଆକୁ ଆବାୟାଁ ବାରେ ଦୂୟା ତୁଇକା ମାଚେରି ।<sup>୨</sup> ଅଡ଼େ ବାରେଜାଣା ସାମଦୁରି ବିତ୍ରାଟି ହାଚେରି, ଇଞ୍ଜାଁ ବାରେଜାଣା ଦୂୟା ଅଡ଼େ ସାମଦୁରିତା ମସା ତାଣାଟି ବାପ୍ତିସ୍ମା\* ଅଡ଼େରି ।<sup>୩</sup> ଅଡ଼େ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି ।<sup>୪</sup> ଅଡ଼େ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି, ଇତିହଁ ଏଞ୍ଜାରିତଲେ ହାଜିମାଟି ମାହାପୁରୁ ହାତି ଜୀଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି କ୍ରୀସ୍ତ, <sup>୫</sup> ଆଡ଼ିଜିକେଏ ଏଞ୍ଜାରି ବିତ୍ରାଟି ହାଚେରିକା ଲକୁତାଣା ମାହାପୁରୁତି ରାହାଁ ହିଲାଆତେ, ଇଞ୍ଜାଁ ଏଞ୍ଜାରି ଲକୁ ହିଲାଆ ଟାୟୁତା ହାହାହାଚେରି, ଇ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜାଁ ନା ମନ ହିଲେଏ ।

<sup>୬</sup> ଏଞ୍ଜାରି ଏନିକଁ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକଁ ମାର ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା ମାଜେତାକି ପୁଣ୍ଡିକିନାୟି ଆହାମାନେ ।<sup>୭</sup> ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପେଣ୍ଡକା ପୂଜା କିନାରି ଆଡ଼େରି, ଏଲେକଁ ମୀରୁ ପେଣ୍ଡକା ପୂଜା କିନାତେରି ଆଆଦୁ; ଏନିକଁ ରାସ୍ତକି ଆହାମାନେ, “ଲକୁ ତିଞ୍ଜା ଉଣ୍ଡାଲି କୁଗିତେରି, ଅଡ଼େ ଏଦିହଁ ରାହାଁ କିହାଲି ନିଜିତେରି ।”<sup>୮</sup> ଏନିକଁ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେରୁ କଡ଼େ ତାନି ମାଣା ଲକୁ ହାଡ଼େରି, ଏଲେକଁ

ମାର ଦାରିକାମା କିଆପ ।<sup>୯</sup> ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପ୍ରବୁଇଁ ତାୟିପାରି କିହାଁ ରାଚୁ ତଲେ ହାଡ଼େରି, ଏଲେକଁ ମାର ପ୍ରବୁଇଁ ତାୟିପାରି କିଆପ ।<sup>୧୦</sup> ଏନିକଁ ଏଞ୍ଜାରି ବିତ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୂତୁ କେୟୁଟି ହାଡ଼େରି, ଏଲେକଁ ମୀରୁ ବାଟା କିଆଦୁ ।

<sup>୧୧</sup> ଇ ବାରେ ପୁଣ୍ଡିକିନିଲେହେଁ ଏଞ୍ଜାରିଆକି ଆଡ଼େ, ଅଡ଼େ ଆମ୍ବାଆରି ବେଲାତା ଜୁଗୁରାନ୍ତି ଦିନା ଏଜିମାଞ୍ଜାନେ, ଏଲେକିହଁ ମାର ମା ସେଡନା ତାକି ଏ ବାରେ ରାସ୍ତକି ଆହାମାନେ ।<sup>୧୨</sup> ଏଦାଆଁତାକି ଆମ୍ବାଆସି ନାନୁ ତୀରି ଗାଟାତେଏଁ ଇଞ୍ଜିହଁ ଅସ୍ତି ମାନାସି, ଏଞ୍ଜାସି ଏନିକଁ ତରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି ।<sup>୧୩</sup> ମାଣ୍ଡିତାକି ଏନିଲେହେଁତି ତାୟିପାରି କିନାୟି କସ୍ତଗାଟାୟି ଆଏ, ଏଦାଆଁ ପିସପେ ମିଜେତାକି ଏଟକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡ଼ାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକଁ ଅରହାଲି ଆଡ଼ଦେରି, ଏଦାଆଁତାକି ତାୟିପାରି କିଞ୍ଜିଏ ଏଞ୍ଜାସି ଗେଲ୍‌ପିନି ଜିରୁ ଜିକେଏ କେପିନେସି ।

<sup>୧୪</sup> ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ମାତେରି ପେଣ୍ଡକା ବମାୟାଁ ପୂଜା କିନି ତାଣାଟି ଏଟକା ଆଦୁ ।<sup>୧୫</sup> ନାନୁ ବୁଦିଗାଟି ଲକୁଣି ଖେହ୍‌ନିଲେହେଁ ଖେସିମାଞ୍ଜାଇଁ, ନାନୁ ଏଦାଆଁ ଖେସିମାଇଁ ଏଦାଆଁ ମୀରୁ ମୀରୁଏ ଅସ୍ତିପାଦୁ ।<sup>୧୬</sup> \*ଆମିନି ପ୍ରବୁତି ବଜି ସଲା ତାକି ଜହରା କିନାୟି, ଏଦି କ୍ରୀସ୍ତୁତି ନେତେରିତା ଆଣ୍ଡିହିଲେଏ ? ଆମିନି ରୁଟି ମାର ତିକ୍‌ହି ମାନାୟି ଏଦି କି କ୍ରୀସ୍ତୁତି ଆଜ୍ଞାତା ଆଣ୍ଡିହିଲେଏ ?<sup>୧୭</sup> ଇତିହଁ ରୁଟି ରଣ୍ଡିଏ ଆଡ଼ାକି ମାର ହାଚେରିକା ଆଡ଼ିଜିକେଏ ରଣ୍ଡିଏ ଆଜ୍ଞା ଲେହେଁ, ଏଦାଆଁତାକି ମାର ବାରେଜାଣା ରଣ୍ଡିଏ ରୁଟିତି ବାଟା ।

<sup>୧୮</sup> ଆଜ୍ଞାତି ଜାର୍ନା ତଲେ ଆମ୍ବାଆରି ଇସ୍ତାୟେଲ ଲକୁ, ଏଞ୍ଜାରିଇଁ ସିନିକିଦୁ ଆମ୍ବାଆରି ପୂଜା କିତି ଉଜ୍ଞା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହିଲଅରି ?<sup>୧୯</sup> ଆଡ଼ିହଁ ପେଣ୍ଡକା ବମାୟାଁ ବଗୁ ଇଞ୍ଜିହଁ ଏନାୟି ମାନେ, ଅଡ଼େ ପେଣ୍ଡକା ବମାୟାଁ ଇଞ୍ଜାଁ ଏନାଇ ମାନୁ, ଏଦାଆଁ କି ନାନୁ ଖେସିମାଞ୍ଜାଇଁ ?<sup>୨୦</sup> ଆଏ, ସାମା ନାନୁ ଖେସିମାଞ୍ଜାଇଁ, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁଡୁୟାଁକି କିନେରି, ଅଡ଼େ ମୀରୁ ବୁଡୁୟାଁ ତଲେ ଆଣ୍ଡାଦୁ, ଇଦି ନା ମନ ଅସ୍ତିପୁଟି ଆଏ ।<sup>୨୧</sup> ମୀରୁ ପ୍ରବୁ ବଜିତା ରାସା ଗହ୍‌ନିତାଣା ଅଡ଼େ ବୁଡୁୟାଁ ଗହ୍‌ନିତାଣା ଗସାଲି ଆଡ଼ଅତେରି; ମୀରୁ ପ୍ରବୁତି ବଜି ଅଡ଼େ ବୁଡୁ ବଜିତା

\* ୧୦:୨ ୧୦:୨ମୁଞ୍ଜିନାୟି    ✱ ୧୦:୧୬ ୧୦:୧୭ ମାଡି ୨୨:୨୨-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦

ଆଶ୍ରାମି ଆଡ଼ଅଡ଼େରି । ୨୨ ମାର ଏନାଆଁ ପ୍ରବୁଠ୍ କାରବି କିନାୟି ? ମାର କି ଏଞ୍ଜାଣି କିହାଁ ଗାଡ଼ି ବାଡ଼ୁରୁ ଗାଟାତାୟି ?

୨୩ ବାରେ କିହାଲି ମାର ଆଡ଼ିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଟାୟି ଆଏ । ୨୪ ଆମ୍ବାଆସି ଜାହାରାତାକି ଅଣ୍ଠାଆପେସି, ସାମା ବାରେଜାଣା ତାକି ନେହାଁଣି ଅଣ୍ଠାଆପେସି । ୨୫ ମନତି ନେହୁଁ କୁଁ ଇଟାଲି ହାଟା ବାଜାରାତା ପାରପି ଆହିମାନି ଉଜ୍ଜା, ଆମ୍ବାଆରାଠ୍ ଖେନାଆନା ଅଡ଼େ ଇଟାଣି ଅଣ୍ଠାଆନା ତିଞ୍ଜୁ । ୨୬ ଦାମ୍ବୁପତିତା ରାସ୍ତକି ଆହାମାନେ; “ଇତିହୁଁ ଦାବ୍ତି ଅଡ଼େ ଏମ୍ବାଆଁ ମାନାୟି ବାରେ ମାହାପୁରୁଞ୍ଜାୟି ।”

୨୭ ନାମାଆତାରି ମିଙ୍ଗେ ତିଞ୍ଜାଲି ହାଟାତିହୁଁ, ଇଞ୍ଜା ମାରୁ ହାଜାଲି ମନ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହାପକିଆନେ, ମୀ ଅଣ୍ଠା ତାକି ଇଟାଣି ଖେନାଆନା ତିଞ୍ଜୁ । ୨୮ ସାମା ଆମ୍ବାଆସି ମିଙ୍ଗେ ଏଲେଇଞ୍ଜାନେସି, ଇଦି ପେଣକା ବମାୟାକି ତାକି କିଞ୍ଜିଆହାମାନେ, ଆତିହୁଁ ଏଞ୍ଜାଣି ତାକି ଇଞ୍ଜା ମୀ ଅଣ୍ଠା ତାକି ତିନାଆଦୁ; ୨୯ ମୀ ଅଣ୍ଠା ତାକି ଇଞ୍ଜା ଖେସିମାଞ୍ଜାଅଁ, ସାମା ଏଞ୍ଜାଣି ଅଣ୍ଠା ତାକି । ଏନାଆଁତାକି ନା ମନତଲେ ମାନାୟି ଏଟକା ଲକୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ ?

୩୦ “ନାନୁ ମାହାପୁରୁଠ୍ ଜହରା କିହାନା ଆମିନି ରାନ୍ଦା ତିଞ୍ଜିମାଠ୍, ଏ ରାନ୍ଦା ତାକି ନାଙ୍ଗେ ଏନାଆଁତାକି ରଅସି ଲାଜାକିହୁଁ ଜଲାନେସି ?”

୩୧ ଏଦାଆଁତାକି ମାରୁ ତିଞ୍ଜୁ ଉଣ୍ଡୁ କି ଏନାଆଁ କିଦୁ, ଏଦାଆଁ ମାହାପୁରୁତି ଗାଞ୍ଜୁରମି ତାକି କିଦୁ । ୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜା ମାହାପୁରୁତି କୁଲମିତି ଲକୁ ଆପାରି, ଆମ୍ବାଆରାକି କସ୍ତ ହାନାତେରି ଆଆଦୁ । ୩୩ ଏନିକଁ ନାନୁ ଜିକେଏ ଜାହାରାତାକି ଅଣ୍ଠାଆନା ହାରେକା ଲକୁତି ଗେଲପି ଆୟାଲିତାକି ଏଞ୍ଜାରି ନେହାଁଣି ଅଣ୍ଠାଆମାଠ୍, ଅଡ଼େ ବାରେ କାତାତା ବାରେ ଜାଣାଠ୍ ରାହାଁ କିୟାଲି ଅଣ୍ଠାଆମାଠ୍ ।

**୧୧**

୧ ନାନୁ ଏନିକଁ କ୍ରୀସ୍ତ କିତିଲେହେଁ କାମା କିହିମାଠ୍, ମାରୁ ଜିକେଏ ନାନୁ କିହିମାନି ଲେହେଁ କିଦୁ ।

**ପ୍ରାତାନା କିନାଟି ତାୟୁଁ ପୁଠ୍ କିନାୟି**

୨ ନାନୁ ମିଙ୍ଗେ ଗାଞ୍ଜୁରମି କିହିମାଞ୍ଜାଠ୍ ଏନାଆଁତାକି ଇତିହୁଁ ମାରୁ ନାଙ୍ଗେ ବାରେବେଲା ଅଣ୍ଠାଆମାଞ୍ଜାଦେରି ଅଡ଼େ ନାନୁ ଆମିନି ମେରା ହାହାମାଞ୍ଜାଠ୍, ଏଦାଆଁ ବାରେ ମାନୁଞ୍ଜି ଆହିମାଞ୍ଜେରି

। ୩ ସାମା କ୍ରୀସ୍ତ ବାରେ ଆବାୟାଁ ତାୟୁଁ ଲେହେଁ ଅଡ଼େ ଆବା ଇୟାନି ତାୟୁଁ ଲେହେଁ ଇଞ୍ଜା ମାହାପୁରୁ କ୍ରୀସ୍ତତି ତାୟୁଁ ଲେହେଁ, ଇଦାଆଁ ମାରୁ ପୁଞ୍ଜୁ ଇଞ୍ଜା ନା ଅଣ୍ଠାପୁ । ୪ ଆମିନି ଆବା ତାନି ତାୟୁଁ ପୁଠ୍ କିହାନା ପ୍ରାତାନା କିନେସି, ତାୟୁଁ ଆନି କାତା ଖେହ୍ନେସି, ଏଞ୍ଜାସି ତାନି ତାୟୁଁ ତୁଁ ହାଣି ପାଣପି କିନେସି । ୫ ସାମା ଆମିନି ଆୟାଟି ତାନି ତାୟୁଁ ପୁଠ୍ ଗାଆନା ପ୍ରାତାନା କିନେ ଅଡ଼େ ମାହାପୁରୁ ଅଣ୍ଠାପୁତି ବଲୁ ଖେକ୍ନେ ଏଦି ତାନି ତାୟୁଁ ତୁଁ ଲାଜା ପାଣପି କିନେ ଇତିହୁଁ ତାନି ତାୟୁଁ ହିଣ୍ଡି ଆଡ଼ି ଇୟା ସମାନା । ୬ ଇତିହୁଁ ତାୟୁଁ ପୁଠ୍ ଗାଆଗାଟି ଆୟାଟି ତାନି ତାୟୁଁ ବାଣାୟାଁ ରାଡ଼ହା କତାପେ; ଇତିହୁଁ ଇୟାନାକି ତାୟୁଁ ରାଡ଼ନାୟି କି ହିଣ୍ଡିନାୟି ଲାଜାତି କାତା ଆତିହୁଁ ଏଦି ତାୟୁଁ ପୁଠ୍ ଗାପେ । ୭ ଆବା ମାହାପୁରୁତି ଖାଣା ଇଞ୍ଜା ଗାଞ୍ଜୁରମି ଲେହେଁ ଆତାକି ତାନି ତାୟୁଁ ତୁଁ ପୁଠ୍ କିନାୟି ଲଡ଼ା ହିଲେଏ, ସାମା ଇୟା ଆବାତି ଗାଞ୍ଜୁରମି ଲେହେଁ । ୮ ଇତିହୁଁ ଆବା ଇୟାନି ତାଣାଟି ଗାଡ଼ି ଆହାହିଲଅସି ସାମା ଇୟା ଆବା ତାଣାଟି ଗାଡ଼ି ଆହାମାନେ । ୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ । ୧୦ ଏଦାଆଁତାକି ଦୁରୁୟାଁ ତାକି ତକ୍ତି ତାନି ତକ୍ତାତି ଅଦିକାରାତି ସିନାଲେହେଁ ତାୟୁଁ ତୁଁ ପୁଠ୍ କିହା କତାପେ । ୧୧ ଆଡ଼ିଜିକେଏ ପ୍ରବୁ ତାଣା ଆବା ତାଣାଟି ଆୟାଟି କାଜାୟି ଆଏ, ସାମା ଇୟା ତାଣାଟି ଆବା କାଜାସି ଆଏ, ୧୨ ଇତିହୁଁ ଆୟାଟି ଏନିକଁ ଆବା ତାଣାଟି ଗାଡ଼ି ଆହାମାନେ । ଏଲେକିହୁଁ ଏ ଆବା ଜିକେଏ ଇୟା ତାଣାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ତାଣାଟି ଗାଡ଼ି ଆହାମାନେ ।

୧୩ ମାରୁ ମାରୁଏ ବିଚାରା କିହାଁ କତାଦୁ, ତାୟୁଁ ପୁଠ୍ ଗାଆନା ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି ? ୧୪ ମାଣକି ମାଙ୍ଗେ ଖେସିମାଞ୍ଜାନେ ଆବା ଲାମ୍ବା ତାୟୁଁ ବୁଣାଁ ପିହ୍ନାୟି ତାଙ୍ଗେତାକି ଲାଜାତି କାତା । ୧୫ ସାମା ଆୟାଟି ଲାମ୍ବା ତାୟୁଁ ବାଣାୟାଁ ପିସ୍ତି ସାରେ ତାଙ୍ଗେତାକି ଗାଞ୍ଜୁରମି ସମାନା, ଇତିହୁଁ ତାୟୁଁ ପୁଠ୍ କି ଆୟାଲି ଇୟାନାକି ଲାମ୍ବା ତାୟୁଁ ବାଣାୟାଁ ହାପକି ଆହାମାନେ । ୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣ୍ଠାପିତିହୁଁ ଏଞ୍ଜାସି ପୁନାପେସି, ମାଙ୍ଗେ ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ ।

**ପ୍ରବୁତି ବକ୍ତି**

୧୭ ସାମା ମୀ ଆଶୁଞ୍ଜି ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ,

☆ ୧୧:୧ ୧୧:୧ ୧କର ୪:୧୭; ପିଲିପି ୩:୧୭

ଏଦାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡାଆନା ଇ ହୁକୁମି ହାହାମାଞ୍ଜାଲ୍ । ୧୮ ଏଦାଆଁତାକି ଇଚିହଁ ନାନୁ ତଲିଏ ଖେଞ୍ଜିମାଲ୍, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏଚେକା ସାତା ଇଞ୍ଜା ନାନୁ ନାମିମାଲ୍ । ୧୯ ଏନିକଁ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜାଣା ଆଡାରି ଏ ତଞ୍ଜାଆନେରି, ଏଦାଣିତାକି ମୀ ବିତ୍ରା ଗତି ଗତି ଆନାୟି ପିଟଞ୍ଜି ଆଏ । ୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୁତି ବଜି ଆଏ,” ୨୧ ଏଦାଆଁତାକି ଇଚିହଁ ବଜି ତିନାଟି, ରଅସି ଅଡେ ରଅଣାଲ୍ କାଆନା ତାମି ରାନ୍ଦା ତିନେରି, ଏଦାଆଁତାକି ରଅସି ହାକିଟି ମାନାଟି ଅଡେ ରଅସି ହଡାହାଁ ତୁୟିମାନେସି । ୨୨ ଏଦାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲକା ହିଲାର ? ମୀରୁ ଏଦାଆଁ ମାହାପୁରୁ କୁଲମିତି ମାନଞ୍ଜି ଆହି ହିଲଅତେରି, ଅଡେ ଆମ୍ବାଆରାକି ହିଲାର ଏଞ୍ଜାରାଲ୍ ଲାଜା କିହିମାଞ୍ଜେରି, ନାନୁ ମିଙ୍ଗେ ଏଦାଆଁ ଖେସ୍ତାଲ୍ ? ମିଙ୍ଗେ ଏନିକଁ ଗାଞ୍ଜୁରମି କିୟାଲ୍ ? ଇଦାଆଁତାକି ମିଙ୍ଗେ ଗାଞ୍ଜୁରମି କିହିମାଞ୍ଜାଅଁ ।

୨୩ ଇଚିହଁ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଙ୍ଗେ ଜାପୁହି ମାଞ୍ଜାଲ୍, ଏଦି ଇଦି ପ୍ରବୁ ଜାସୁ ସାତୁୟାଁ କେୟୁତା ହେରପିଆଡି ଲାଆଁୟାଁ ରୁଟି ଅହାନା, ମାହାପୁରୁଲ୍ ଜହରା କିହାନା, ଏଦାଆଁ ତିକ୍‌ହାନା ଏଲେଇଚେସି, ୨୪ ଇଦି ମିଙ୍ଗେତାକି ନା ଆଙ୍ଗା; ନାଙ୍ଗେ ଅଣପାଲିତାକି ଇଦାଆଁ କିଦୁ । ୨୫ ଏଲେକିହଁ ଏ ତିଟି ତାୟୁ ଗହନି ସଲା ଅହାନା ଏଲେଇଚେସି, ଇ ସଲା ନା ନେତେରିତା ତାରିକିତି ପୁଝନି ରାଜିମାନା; ମୀରୁ ଇ ସଲାଟି ଏଚର ଦେବା ଗହଦେରି ଏଚର ଦେବା ନାଙ୍ଗେ ଅଣପାଲିତାକି କିଦୁ । ୨୬ ଇଚିହଁ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡେ ଇ ସଲାଟି ଗହଦେରି, ଏଚର ଦେବା ମୀରୁ ପ୍ରବୁତି ଖାନି ଦିନା ପାତେକା ତାନି ହାକିତି କାରୁ ଖେକ୍‌ଦେରି ।

୨୭ ଇଚିହଁ ଆମ୍ବାଆସି ଜଟେଗ ଆଆନା ପ୍ରବୁ ବଜିତି ରୁଟି ତିନେସି ଅଡେ ଇ ସଲାଟି ଗହନେସି, ଏଞ୍ଜାସି ପ୍ରବୁତି ଆଙ୍ଗା ଅଡେ ନେତେରିତି ଦାୟି ଆନେସି । ୨୮ ଏଦାଆଁତାକି ମାଣସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଣ୍ଡେସି ଅଡେ ଇ ଗହନି ସଲାଟି ଗସପେସି । ୨୯ ଇଚିହଁ ଆମ୍ବାଆସି ପ୍ରବୁତି ଆଙ୍ଗାଟି ଏନାୟି ଇଞ୍ଜା ଅଣପାଆନା ତିନେସି ଅଡେ ଗହନେସି ଏଞ୍ଜାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡେ ଗହନେସି । ୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡ଼ୁୟୁ ହିଲଆଗାଟାଚେରି ଇଞ୍ଜା ହାରେକା ଲକୁ ନଟେରି ଗାଟାରି ଅଡେ ହାରେକା

ଜାଣା ହାହା ହାଜାମାନେରି । ୩୧ ସାମା ମାରୁ ତଲିଏ ଜାହା ଜାହାରାଲ୍ ତାୟିପାରି କିଚିହଁ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା । ୩୨ ଅଡେ ଦାରୁତି ତଲେ ଏନିକଁ ମାରୁ ତଣ୍ଡ ପୁଝଆୟି, ଏଦାଆଁତାକି ପ୍ରବୁତି ତାଣା ବିଚାରା କିଞ୍ଜି ଆହାଁ ସାସି ବେଟାଆହି ମାନାୟି । ୩୩ ଏଦାଆଁତାକି ନା ତାୟିୟା, ମୀରୁ ପ୍ରବୁତି ବଜି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଲ୍ କାଦୁ । ୩୪ ମୀରୁ ରୁଣ୍ଡା ଆନାୟି ଏନିକଁ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଞ୍ଜାସି ତାମି ଇଜ ତିନାପେସି, ଅଡେ ଆଗାଡା ଖେସ୍ତାନି କାତା ନାନୁ ଖାଡ଼ିସାରେ ତେଲ୍‌ହି କିୟାଲ୍ ।

## ୧୨

### ସୁଦୁଜୀଞ୍ଜୁତି ଦାନା

୧ ତାୟିୟା ଅଡେ ତାଙ୍ଗିସ୍ତାତେରି ସୁଦୁଜୀଞ୍ଜୁ ଦାନାତି କାତା ମୀରୁ ନେହଁକଁ ପୁଞ୍ଜୁ ଇଞ୍ଜା ନାନୁ ଅଣପିମାଲ୍ । ୨ ମୀରୁ ପୁଞ୍ଜାମାଞ୍ଜେରି, ଏଚିବେଲା ମୀରୁ ଜୀହୁଦିଆଆତାତେରି ମାଚେରି, ଏଚେତା ଏନିକଁ ସାଲଞ୍ଜି ଆହିମାଚେରି, ଏଲେକିହଁ ଏ ନାଡ଼ିକିଞ୍ଜି ଆହାନା ଜୀଞ୍ଜୁ ହିଲଆଗାଟି ପେଣକା ବମାୟାଁତି ଜେତ ହାଜିମାଚେରି । ୩ ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଲ୍, ମାହାପୁରୁତି ସୁଦୁଜୀଞ୍ଜୁ ତଲେ ସାଲଞ୍ଜି ଆହାନା ଆମ୍ବାଆସି ଜିକେଏ ଜୀସୁଲ୍ ବାକା ଇଗାଲି ଆଡ଼ଅସି, ଅଡେ ଆମ୍ବାଆସି ସୁଦୁଜୀଞ୍ଜୁ ପୁଝଆତାସି ଜୀସୁଲ୍ ପ୍ରବୁ ଇଞ୍ଜା ଖେସାଲି ଆଡ଼ଅସି ।

୪ \*ସୁଦୁଜୀଞ୍ଜୁ ହାନି ଦାନା ଏଟକା ଏଟକାତାୟି ସାମା ଏ ରଣ୍ଡିଏ ସୁଦୁଜୀଞ୍ଜୁ । ୫ ସେବା ଏଟକା ଏଟକାତାୟି ସାମା ପ୍ରବୁ ରଅସିଏ । ୬ କାମା କିନି ବାଡ଼ୁୟୁ ଏଟକା ଏଟକାତାୟି ସାମା ମାହାପୁରୁ ରଅସିଏ, ଏଞ୍ଜାସି ବାରେ ତାଣା ବାରେ କାମା କିନେସି । ୭ ସାମା ବାରେ ଜାଣାତାତି ସୁଦୁଜୀଞ୍ଜୁତି ଗୁଣୁ ତହନି ଦାନା ବାରେ ଲକୁତି ନେହେତାକି ହୀପକିଆନେ । ୮ ରଅଣାକି ସୁଦୁଜୀଞ୍ଜୁ ତଲେ ବୁଦିତି କାରୁ ଖେସାଲି ହୀନେ, ଅଡେ ରଅଣାକି ଏ ସୁଦୁଜୀଞ୍ଜୁ ତଲେ ବୁଦିତିକାତା ଜାପୁହାଲି ହୀନେ, ୯ ଅଡେ ରଅଣାକି ଏ ସୁଦୁଜୀଞ୍ଜୁ ତଲେ ନାମାଲି, ଅଡେ ରଅଣାକି ଏ ରଣ୍ଡିଏ ଜୀଞ୍ଜୁତି ଦାନା ତଲେ ରଗଟି ନେହଁ କିୟାଲି ବାଡ଼ୁୟୁ ହୀନେ, ୧୦ ରଅଣାକି କାବାଆନି ବାଡ଼ୁୟୁତି କାମାୟାଁ କିୟାଲି, ଅଡେ ରଅଣାକି ମାହାପୁରୁ ଅଣପୁତି କାତା ଖେକ୍‌ହାଲି, ଅଡେ ରଅଣାକି ଏଟକା ଏଟକାତି ଜୀଞ୍ଜୁୟାଁଲ୍ ପୁଞ୍ଜାଲି ଆଡ଼ିନି ବାଡ଼ୁୟୁ, ଅଡେ ରଅଣାକି ପୁନାଆତି ପୁଝନି ହାଡ଼ା ଜଲାଲି, ଅଡେ ଏଟକାତାରାକି ପୁନାଆତି ହାଡ଼ାତି ଅର୍ତ ପୁଣ୍ଡିକିନି ବାଡ଼ୁୟୁତି ଦାନା ହୀପକିଆନେ । ୧୧ ସାମା ଏ ରଣ୍ଡିଏ ଜୀଞ୍ଜୁ ତାନି ମନ କିତିଲେହେଁ ବାରେଜାଣାତି ଏଟକା

☆ ୧୨:୪ ୧୨:୪ ରମି ୧୨:୭-୮



ଏବଂକାନ୍ତି ଦାନା ହୀହାନା ଇ ବାରେ କାମା କିହିମାନେ ।

**ରଣ୍ଡିଏ ଆଜ୍ଞାତି ଆଜ୍ଞା ଉଡେଲି**

୧୭ \*ଇତିହିଏ ଏନିକିଏ ଆଜ୍ଞା ରଣ୍ଡିଏ, ଅଡେ ଆଜ୍ଞାତି ଏବଂକା ଏବଂକା ବାଗାୟା ମାନୁ, ସାମା ଆଜ୍ଞାତି ବାଗାୟା ହାରେକା ଆଡିଜିକେଏ ରଣ୍ଡିଏ ଆଜ୍ଞା ଆନେ, ଏଲେକିହିଏ କ୍ରୀସ୍ତ ।

୧୩ ଇତିହିଏ ମାର ଜୀହୁଦି କି ଜୀହୁଦିଆଆଡି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣ୍ଡିଏ ଜୀହୁତଲେ ରଣ୍ଡିଏ ଆଜ୍ଞା ଆହାଲି ବାପ୍ତିସ୍ତ\* ଆହାମାନାୟି; ଅଡେ ବାରେତାୟି ରଣ୍ଡିଏ ଜୀହୁତଲେ ଗସି ମାନାୟି ।

୧୪ ଏଦାଆଁତାକି ଆଜ୍ଞା ରଣ୍ଡିଏ ବାଗା ଆଏ, ସାମା ଆଜ୍ଞାତି ଏବଂକା ଏବଂକା ବାଗାୟା ଆଣ୍ଡାନା ର ଆଜ୍ଞା ଆହାମାନେ । ୧୫ କଡା ଏଲେଇନେ ନାନୁ କେୟୁଡେଏ ଆଏ, ଏଡି ଆଜ୍ଞାତି ବାଗା ଆଏ, ଏଦାଆଁତାକି ଏଡି ଆଜ୍ଞାତି ବାଗା ଆଏ ଏଲେକିଏ ଆଏ । ୧୬ ଅଡେ କିୟିଏ ଏଲେଇନେ ନାନୁ କାନୁ ଆଏ, ଏଡି ଆଜ୍ଞାତି ବାଗା ଆଏ, ଏଦାଆଁତାକି ଏଡି ଆଜ୍ଞାତି ବାଗା ଆଏ ଏଲେକିଏ ଆଏ । ୧୭ ବାରେ ଆଜ୍ଞା କାଶକା ଆନୁ, ଆଡିହିଏ ଏନିକିଏ ଖେନାୟି ? ବାରେ ଆଜ୍ଞା କୀକା ଆନୁ ଆଡିହିଏ ଆସ୍ତିଟି ମୂଞ୍ଜିନାୟି ? ୧୮ ସାମା ମାହାପୁରୁ ଆଜ୍ଞା ଉଡେଲିଇଁ ରଣ୍ଡିଏ ରଣ୍ଡିଆଁ କିହିଏ ତାନି ମନତଲେ ଆଜ୍ଞାତା ଆଡହାମାନେସି । ୧୯ ଅଡେ ଏ ବାରେ ଆଜ୍ଞାତି ରଣ୍ଡିଏ ବାଗା ଆଡିହିଏ ମା ଆଡିହିଏ ଆଜ୍ଞା ଆସ୍ତିୟା ? ୨୦ ସାମା ସାତେଏ ଆଜ୍ଞାତି ବାଗାୟା ହାରେକା, ସାମା ଆଜ୍ଞା ରଣ୍ଡିଏ ।

୨୧ ନୀ ତାଣା ନାଜେ ଲଡା ହିଲେଏ ଇଞ୍ଜିଏ କାନୁ କେୟୁଡି ଏଲେଇଞ୍ଜାଲି ଆଡେଏ, ଇଞ୍ଜା ନୀ ତାଣା ନା ଲଡା ହିଲେଏ ଇଞ୍ଜିଏ ତାୟିଏ କଡାତି ଏଲେଇଞ୍ଜାଲି ଆଡେଏ । ୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା ଉଡେଲି ବାଡ଼ୟୁ ହିଲଆଗାଟାଇ ଇଞ୍ଜିଏ ପୁଡିହିଏ ଜିକେଏ ଏଡି ବାରେ ଲଡାତା ମାନୁ; ୨୩ ଅଡେ ଆଜ୍ଞାତି ଆମିନି ଆଜ୍ଞା ଉଡେଲି ଲଡାହିଲଆ ଗାଟାଇ ଇଞ୍ଜିଏ ଅଶ୍ପିନାୟି, ଏ ବାରେଆଜ୍ଞାତିଆଜ୍ଞା ଉଡେଲିକାଇଁ ମାର ହାରେକା ଜାଡ଼ନୁ କିନାୟି; ଅଡେ ମା ଲଡାହିଲଆ ଆଜ୍ଞା ଉଡେଲି ହାରେକା ନେହିଏ ତଞ୍ଜିକିୟାନୁ, ୨୪ ସାମା ମା ଅଜିତି ଆଜ୍ଞା ଉଡେଲି ନେହିଏ କିଏ ତଞ୍ଜା ଆନାୟି ଲଡା ଆଏ, ୨୫ ସାମା ଏନିକିଏ ଆଜ୍ଞାତି ବିଡା ଗଡ଼ହା ଆଏ, ଇଞ୍ଜା ଆଜ୍ଞାତି ବାଗାୟା ସମାନା ତଲେ ବାରେଜାଣାତି ନେହାଣି ଅଶ୍ପିନୁ । ଏଦାଆଁତାକି ଲଡାହିଲଆ ଆଜ୍ଞାତି ହାରେକା ଅଜି କିହାନା ମାହାପୁରୁ ଜାରୁ କିହାମାନେସି । ୨୬ ଏଦାଆଁତାକି ର ଆଜ୍ଞା କସ୍ତ ବେଟାଆଡିସାରେ

ବାରେ ଆଜ୍ଞା ତାନିତଲେ ଦୁକୁ କିନୁ, ସାମା ର ଆଜ୍ଞା ଗାଞ୍ଜୁରମି ବେଟାଆଡିସାରେ ବାରେ ଆଜ୍ଞା ତାନିତଲେ ରାହାଁ କିନୁ ।

୨୭ ଏଲେକିହିଏ ମୀରୁ କ୍ରୀସ୍ତତି ଆଜ୍ଞାତି ବାଗାୟାଡେରି, ଅଡେ ର ର ଲକୁ ର ର ଆଜ୍ଞାତି ବାଗାୟା ଲେହେଁ । ୨୮ \*ଅଡେ ମାହାପୁରୁ କୁଲମିତା ତଲିଏ ପାଣ୍ଡୁଞ୍ଜି ଆଡାରାଇଁ, ଇଞ୍ଜା ତାୟୁ ମାହାପୁରୁ ଅଶ୍ପୁଡି ବଲୁ ଖେହନାରାଇଁ, ତାୟୁ ଜାପନାରାଇଁ, ଏଲେକିହିଏ ହାରେକା ଲକୁଣି ନିପହାମାନେସି; ଅଡେ କାବାଆନି କାମା କିନାରାଇଁ, ତାୟୁ ରଗଟି ନେହିଏ କିନାରାଇଁ, ଇଞ୍ଜା ଲକୁଇଁ ସାଡେମି କିନାୟି, ସାଲଞ୍ଜି କିନାରି ବାଡ଼ୟୁ ଅଡେ ଏବଂକାତି ପୁନାଆଡି ହାଡା ଜଲିନି ଦାନା ହୀହାମାନେସି । ୨୯ ବାରେଜାଣା କି ପାଣ୍ଡୁଞ୍ଜି ଆହାମାନାରି ? ବାରେଜାଣା କି ମାହାପୁରୁ ଅଶ୍ପୁଡି ବଲୁ ଖେହନାରି ? ବାରେଜାଣା କି ଜାପନାରି ? ବାରେଜାଣା କି କାବାଆନି କାମାକିନାରି ? ୩୦ ବାରେଜାଣା କି ନେହିଏ କିନି ବାଡ଼ୟୁଡି ଦାନା ବେଟା ଆହାମାନାରି ? ବାରେ ଜାଣାକି ଏବଂକା ହାଡାତଲେ ଜଲିନେରି ? ବାରେଜାଣା କି ଏବଂକା ହାଡାତି ଅର୍ତ ଖେହନେରି ? ୩୧ ସାମା ବାରେଡେରି ନେହିଏ ଦାନା ବେଟାଆହାଲି ଅଶ୍ପାଦୁ, ସାମା ଏ ବାରେକିହାଁ ଅଡେ ହାରେକା ଆଗାଡା ମାନି ର ନେହିଏ ଜିରୁ ତସିମାଞ୍ଜାଇଁ ।

**୧୩**

**ଜୀହୁନନାୟି**

୧ ଇତିହିଏ ନାନୁ ମାଶ୍ପିୟାଁ ଅଡେ ଦୁଡୁୟାଁ ହାଡାତଲେ ଜଲିଇଁ, ସାମା ନା ଜୀହୁନନାୟି ହିଲେଏ, ଆଡିହିଏ ନାନୁ ଚିଣି ଚିଣି ଆନି ଜିଶ୍ଵା ଅଡେ ଗାପୁଡି ଖେନି ହାଡାଲେହେଁ ତାତେଏ । ୨\*ଇତିହିଏ ନାନୁ ମାହାପୁରୁ ଅଶ୍ପୁଡି ବଲୁ ଖେହନି ବାଡ଼ୟୁ ମାନେ, ଅଡେ ବାରେ ଡଗୁମାନାଣି ଇଞ୍ଜା ବୁଦିତିକାତା ପୁନାତେଏ, ଅଡେ ହରୁଇଁ ଏବଂକା ଗୁଡି କିହାଲି ନାଜେ ହାରେକା ନାମୁ ମାତି ଜିକେଏ, ସାମା ନା ତାଣା ଜୀହୁନନାୟି ହିଲେଏ, ଆଡିହିଏ ନାନୁ ଏନାତେଏ ଆଏ । ୩ ଇତିହିଏ ନାନୁ ହିଲଆଗାଟି ଲକୁତାକି ତିଞ୍ଜାଲି ବାରେ ଦନ ହାଇଁ, ଅଡେ ନାନୁ ନା ଆଜ୍ଞାତି ଖେହାଲି ତାକି ହେରପିଇଁ, ସାମା ନା ତାଣା ଜୀହୁନନାୟି ହିଲେଏ ଇତିହିଏ ନାଡି ଏନି ଲାବା ଆଏ ।

୪ ଜୀହୁନନାୟି ଅରହିନାୟି, ଜୀହୁନନାୟି ନେହାଣି ଅଶ୍ପିନାୟି, ତାହାରା କିଆଗାଟାୟି, ବଡପଣ ଆଆଗାଟାୟି, ଆଜ୍ଞାରା କିଆଗାଟାୟି । ୫ ଲାଗେଏ କିହିଏ ଲେମ୍ବେଏ, ଜାହାରା ତାକି ଅଶ୍ପେଏ, ବିରିବିରା ଆଏ, ଲାଗେଏ କିହାଲି

\* ୧୨:୧୨ ୧୨:୧୨ ରମି ୧୨:୪,୫ \* ୧୨:୧୩ ୧୨:୧୩ମୁଞ୍ଜିନାୟି \* ୧୨:୨୮ ୧୨:୨୮ ଏପିସି ୪:୧୧ \* ୧୩:୨ ୧୩:୨ ମାତି ୧୭:୨୦; ୨୧:୨୧; ମାର୍କ ୧୧:୨୩

ଅଣପୁତା ଇଚେଏ । ୬ ଲାଗେଏତି କାମାତାକି ରାହାଁ ଆଆଗାଟାୟି, ସାମା ସାତାତା ରାହାଁ କିନାୟି; ୭ ଜୀଝୁ ନନିତାଣା ବାରେ ଅରୁହିନାୟି, ବାରେ ତାଣା ନାମିନାୟି, ବାରେ ତାଣା ବାର୍ସୁ ହୀନାୟି, ବାରେ କାତାତା ସାସା ଆହୁନାୟି ।

୮ ଜୀଝୁନନାୟି ଏଚେଲା ରାଏ; ସାମା ମାହାପୁରୁ ଅଣପୁତି ବଲୁ ଝେକହା ମାନାୟି, ଦିନା ଝାଡ଼ିସାରେ ମିତି ଜିକେଏ ଆନେ; ଏଟକା ଏଟକା ଜଲିନି ହାଡ଼ା ମାଟି ଜିକେଏ ଏଡ଼ି ର ଦିନା ସାପି ଆନେ; ବୁଦିତିକାତା ମାଟି ଜିକେଏ ଏଡ଼ି ମେଣ୍ଟାହାନେ । ୯ ଇତିହୁଁ ମାର ରଗାଣିଏ ପୁନାୟି ଅଡ଼େ ମାହାପୁରୁ ଅଣପୁତି ବଲୁ ଇଚେକେଏ ଝେକହାଲି ଆଡ଼ିନାୟି । ୧୦ ସାମା ପୁରା ଆନାୟି ଝାଡ଼ିହୁଁ ଉଜେଏତାୟି ମେଣ୍ଟାହାନେ ।

୧୧ ନାନୁ ଉଣା ମାଟିବେଲା ଉଣା କକାରି ଲେହେଁ ଜଲି ମାଚେଏ, ଉଣା କକାରି ଲେହେଁ ଅଣପିମାଚେଏ, ଉଣା କକାରି ଲେହେଁ ପୁଞ୍ଜିମାଚେଏ; ନାନୁ ପାତାଆଡ଼ି ମାଣ୍ଠି ଆୟାଲିଏ ନାନୁ ଉଣା କକାରି କାତା ପିସାଡ଼ୁସେଏ । ୧୨ ଇତିହୁଁ ନୀଏଁ ମାର ଡ଼ଗୁମାନି କାତା ଲେହେଁତି ଦାପେଣିତା ମେସିମାନାୟି, ସାମା ଏଚିବେଲା ମୁମୁ ମୁମୁତୁ ମେସପି ଆନାୟି; ନୀଏଁ ନାନୁ ଏନିକୁଁ ପୁଞ୍ଜାମାଈ, ସାମା ଏଚିବେଲା ନାଈ ଏନିକୁଁ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକୁଁ ତାୟୁ ପୁଈ ।

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଝୁନନାୟି, ଈ ତାନିଗଟା କାଚ୍ଲେଏତାଇ, ସାମା ଈ ବିତାଟି ଜୀଝୁନନାୟି ବାରେକିହାଁ କାଜାୟି ।

### ୧୪

#### ମାହାପୁରୁ ଜୀଝୁତି କାତା ପୁନାୟି

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେତି କିହାଁ ଏନିକୁଁ ମାହାପୁରୁ ଅଣପୁତି ବଲୁ ଝେକହାଲି ଆଡ଼ିଦେରି, ଈଦାଆଁତାକି ହାରେକା ଅଣପାଦୁ । ୨ ଇତିହୁଁ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଞ୍ଜାସି ମାଣ୍ଠିୟାଈ ଜଲଅସି, ସାମା ମାହାପୁରୁଈ ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଞ୍ଜାସି ସୁଦୁଜୀଝୁ ବାଡ଼ୁଟି ଡ଼ଗୁମାନାଣି ଝେକହେସି । ୩ ସାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେକହେସି, ଏଞ୍ଜାସି ଲକୁଈ ସାୟେମି କିହାନା, ସାସା ଅଡ଼େ ବାର୍ସୁତି କାତା ଝେକହେସି । ୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଞ୍ଜାସି ଜାହାରା ନାମୁତା ପାଡ଼ିକିହାଁ କତିନେସି, ସାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେକହେସି ଏଞ୍ଜାସି କୁଲମିଈ ନାମୁତା ପାଡ଼ିକିନେସି ।

୫ ମୀରୁ ବାରେତେରି ଏଟକା ହାଡ଼ାତଲେ ଜଲ୍ଲୀଦୁ ଈଞ୍ଜୁଁ ନା ଅଣପୁ, ସାମା ମୀରୁ ମାହାପୁରୁ ଅଣପୁତି ବଲୁ ଝେକହୁଁ ଈଦି ହାରେକା ନା ଅଣପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଞ୍ଜାସି କୁଲମିତି ପାଡ଼ିକିହାଲି ଏ କାତାତି ଅର୍ଡ଼ ଝେକହଅସି ଈଚିହୁଁ ଏଦାଣିକିହାଁ ଆମ୍ବାଆସି ମାହାପୁରୁ ଅଣପୁତି ବଲୁ ଝେକହେସି ଏଞ୍ଜାସି କାଜାସି । ୬ ଏଦାଆଁତାକି ତାୟିୟାତେରି ନାନୁ ମୀ ତାଣା ଝାହାନା ମାହାପୁରୁତି ଝେକହେ ବଲୁ, ବୁଦିତିକାତା, ମାହାପୁରୁ ଅଣପୁତି କାତା ଝେକହଣା କି ଜାପୁନି କାତା ଝେକହଆନା, ଏଟକା ଏଟକାତି ହାଡ଼ାତଲେ ଜଲିଈ, ଆତିହୁଁ ଏମ୍ବାଆଁ ନାନୁ ମୀ ଏଡ଼ି ଲାବା କିଚେଏ ।

୭ ପୀରୁଡ଼ି ଅଡ଼େ ସେରଈ ଲେହେଁତି ଜୀଝୁ ହିଲାଆଗାଟି ବାଜାୟା ଉକିତିହୁଁ ଜିକେଏ ଏମ୍ବାଆଁ ତାନି ତିସା ହଏ ଈଚିହୁଁ ପୀରୁଡ଼ି ଏନିକୁଁ ଡ଼ାହିମାନେ ସେରଈ ଏନିକୁଁ ଡ଼ାହିମାନେ ଏଦାନି ତିସା ଏନିକୁଁ ପୁନେରି ? ୮ ଈଞ୍ଜା ତୀଡ଼ି ଉକିନାସି ନେହୁଁକୁଁ ଉକଅସି ଆତିହୁଁ ଆମ୍ବାଆସି ଜୁଜୁ ତାକି ତିୟାରା ଆନେସି । ୯ ଏଲେକିହୁଁ ଏ ମୀରୁ ଜିକେଏ ଏଟକା ହାଡ଼ାତଲେ ନେହୁଁ ତୀରିତଲେ ଜଲଅତେରି, ମୀରୁ ଏନାଆଁ ଜଲିତେରି ଏନିକୁଁ ପୁନେରି, ଈଚିହୁଁ ମୀରୁ ଜଲିନାୟି ଗାଲିତି ଜଲିନିଲେହେଁ ଆନେ । ୧୦ ଦାଡ଼ିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ଡ଼ ହିଲାଆଗାଟାଇ ଆଏ । ୧୧ ସାମା ନାନୁ ଏ ଜଲିନି ହାଡ଼ା ତେଲହଅ ଆତିହୁଁ ଆମ୍ବାଆସି ଜଲିନେସି ନାନୁ ଏଞ୍ଜାଣାକି ପୁନାଆତାଚେଏଁ ଲେହେଁ ଆଈ, ଅଡ଼େ ଏଞ୍ଜାସି ନା ତାଣାଟି ପୁନାଆତାସି ଲେହେଁ ଆନେସି । ୧୨ ଏଲେକିହୁଁ ଏ ମୀରୁ ଜିକେଏ ଜୀଝୁତି ଦାନା ବେଟାଆହାଲି ଅଣପି ମାନାକି କୁଲମିତି ପାଡ଼ିକିହାଲି ଗାଡ଼ି ବେଟାଆହାଲି ଅଣପାଦୁ ।

୧୩ ଆମ୍ବାଆସି ଏଟକାତି ହାଡ଼ାତଲେ ଜଲିନେସି, ଏଞ୍ଜାସି ଏନିକୁଁ ଏମ୍ବାତି ଅର୍ଡ଼ ଝେସାଲି ଆଡ଼ିନେସି, ଏଦାଆଁତାକି ପ୍ରାତାନା କିପେସି । ୧୪ ଈଚିହୁଁ ନାନୁ ଏଟକା ହାଡ଼ାତଲେ ପ୍ରାତାନା କିଈ, ଈଚିହୁଁ ନା ଜୀଝୁ ପ୍ରାତାନା କିନେ, ସାମା ନା ଅଣପୁ ଏମ୍ବାତି ଏଡ଼ି ଲାବା ହିଲେଏ । ୧୫ ଆତିହୁଁ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାତାନା କିଈ; ଈଞ୍ଜା ବୁଦିତଲେ ଜିକେଏ ପ୍ରାତାନା କିଈ; ସୁଦୁଜୀଝୁ ତଲେ ଜହରା ପାରୁ ପାଡ଼ିଈ, ଅଡ଼େ ବୁଦିତଲେ ଜିକେଏ ଜହରା ପାରୁ ପାଡ଼ିଈ । ୧୬ ନାନୁ ଝାରଈ ସୁଦୁଜୀଝୁ ତଲେ ମାହାପୁରୁଈ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକୁଁ ନୀ ପ୍ରାତାନାତା ତାୟୁ ଆନେନ୍ ଈନେସି । ୧୭ ଈଚିହୁଁ ନାନୁ ନେହୁଁକୁଁ ମାହାପୁରୁଈ ଜହରା କିହିମାଞ୍ଜି ସାତା, ସାମା ଏଟକାତାସି ପାତାଆଅସି ।

୧୮ ନାନୁ ମୀ ବାରେକିହାଁ ହାରେକା ଗାଡ଼ି ଏଟକାତି ହାଡ଼ାତଲେ ଜଲିଇଁ ଇଞ୍ଜିଁ ନାନୁ ମାହାପୁରୁଇଁ ଜହରା କିହିମାଇଁ; ୧୯ ଆଡ଼ିଜିକେଏ ନାନୁ ଏନିକଁ ଏଟକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ ମାଣା ଏଟକାତି କାତାୟାଁ ଜଲିନି କିହାଁ ବୁଦିତଲେ ପାସାଗଟା କାତା ଝେହ୍ନାୟି ନେହେଁ ।

୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆପୁ, ସାମା ଲାଗେଏ ପଲେଏ କାତାତାକି ଉଣା କକାରି ଲେହେଁ ଆପୁ, ସାମା ବୁଦିତା ଅଡ଼େ ଅଣପୁତା ପାଡ଼ାଆଡ଼ି ଲକୁଲେହେଁ ଆପୁ । ୨୧ ମସା ମୋରାତା ରାସ୍‌କି ଆହାମାନେ,

“ପୁରୁ ଏଲେ ଇଞ୍ଜିମାନେସି, ଏଟକା ଦେସାତି ଜଲିମାନି ହାଡ଼ାତଲେ, ଏଟକା ଲକୁତି ଗୁଡ଼ି ତଲେ ନାନୁ ଇ ଲକୁଣି ଜଲିଇଁ,

ଆଡ଼ିଜିକେଏ ଏଞ୍ଜାରି ନା କାତା ଝେନଅରି ।”

୨୨ ଏଦାଆଁତାକି ଏଟକା ହାଡ଼ାତଲେ ଜଲିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାମାଆ ଗାଟାରାକି ସିନା ସମାନା; ଅଡ଼େ ଅରଞ୍ଜାକି ମାହାପୁରୁ ଅଣପୁତି ବଲୁ ଝେକ୍‌ନାୟି ନାମାଆ ଗାଟାରାକି ସିନାଲେହେଁ ଆଏ, ସାମା ନାମିନାରାକି ସିନା ସମାନା ।

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆଡ଼ିହଁ, ଇଞ୍ଜାଁ ବାରେଜାଣା ଏଟକା ଏଟକା ହାଡ଼ାତଲେ ଜଲିନେରି, ଅଡ଼େ ପୁନାଆତାରି କି ନାମାଆତାରି ଏମ୍‌ଆଁ ଝାନ୍‌ନେରି, ଆଡ଼ିହଁ ମିଙ୍ଗେ ବାୟା ଆଡ଼ାରି ଇଞ୍ଜିଁ ଇନଅରି କି ? ୨୪ ସାମା ବାରେଜାଣା ମାହାପୁରୁ ଅଣପୁତି ବଲୁ ଝେକ୍‌ନେରି, ରଅସି ପୁନାଆତାସି କି ନାମାଆତାସି ଝାନ୍‌ନେସି, ଆଡ଼ିହଁ ଏଞ୍ଜାସି ନାନୁ ପାପୁ ଗାଟାତେଏଁ ଇଞ୍ଜିଁ ପୁଞ୍ଜା କଡ଼ିନେସି ଅଡ଼େ ଏଞ୍ଜାସି ବାରେ ଲକୁଡ଼ାଣା ଦହଗାଟାସି ଇଞ୍ଜିଁ ବିଚାରା ଆନ୍‌ନେସି । ୨୫ ଅଡ଼େ ତାନି ହିୟାଁତା ତୁଗୁମାନି ପାପୁତି ଅଣପୁ ବାରେ ତଞ୍ଜାଆନ୍‌ନେ; ଇଞ୍ଜାଁ ଏଞ୍ଜାସି ମୁନୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜାଁ “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜିଁ ଇନେସି ।”

**କୁଲମିତି ମୋରା**

୨୬ ଏଦାଆଁତାକି ଏ ତାୟିୟାଁ ଅଡ଼େ ତାଙ୍ଗିସ୍‌ତାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି ଆମ୍‌ଆଆରି ର ପାରୁ, ଆମ୍‌ଆଆରି ର କାତା ଜାପୁନାୟି, ଆମ୍‌ଆଆରି ମାହାପୁରୁ ତସାମାନି ବଲୁ ଝେକ୍‌ନାୟି, ଆମ୍‌ଆଆରି ଏଟକା ଏଟକାତି ହାଡ଼ା ଜଲିନାୟି, ଆମ୍‌ଆଆରି ହାଡ଼ାତି ଅର୍ତ୍ତ ପୁଣ୍ଡିକିନାୟି, ଇଲେକଁ ବାରେତାକି ଏନାୟି ଆଆତଁ ଏନାୟି ମାନେ, ଇ ବାରେ କୁଲମିତି ପାଡ଼କିହାଲି କିଞ୍ଜିଆଡ଼େ । ୨୭ ଆମ୍‌ଆଆରି ଏଟକା ହାଡ଼ାତଲେ ଜଲିନେରି ଇଡ଼ିହଁ ରିଆରି ଆଆତଁ ତାନିଜାଣା ପାଲି

କିହଁ ଜଲ୍‌ପାପେରି ଅଡ଼େ ରଅସି ତାନି ଅର୍ତ୍ତ ଝେସ୍‌ପାସି । ୨୮ ସାମା ଆମ୍‌ଆଆସି ଅର୍ତ୍ତ ତେଲ୍‌ହି କିନାସି ହିଲଅସି ଇଡ଼ିହଁ ଏଞ୍ଜାସି କୁଲମିତା ପାଲେଏ ମାଣ୍‌ମେସି, ଇଞ୍ଜାଁ ତାନୁ ତାନି ହିୟାଁତା ମାହାପୁରୁଇଁ ଝେସ୍‌ପାସି । ୨୯ ଅଡ଼େ ରିଆରି କି ତାନି ଜାଣା ମାହାପୁରୁ ଅଣପୁତି ବଲୁ ଝେସ୍‌ପେରି, ଅଡ଼େ ଏଟକାତାରି ଝେସିମାନାଣି ନେହଁକଁ ଝେଣ୍‌ମ୍‌ମାରି । ୩୦ ସାମା ଏମ୍‌ଆଁ କୁଗାମାନାରି ବିଡ଼ା ଆମ୍‌ଆଆରାକି ମାହାପୁରୁତି ଏନି ବଲୁ ଝାଡ଼ିସାରେ ନଟେଏ ଝେସିମାନାସି ପାଲେଏ ମାଣ୍‌ମେସି । ୩୧ ଇଡ଼ିହଁ ଏନିକଁ ବାରେଜାଣା ଜାପିନେରି, ଇଞ୍ଜାଁ ବାରେଜାଣା ସେଡନା ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣପୁତି ବଲୁ ଝେସାଲି ଆଡ଼ିଦେରି । ୩୨ ସାମା ମାହାପୁରୁତି ବଲୁ ଝେହ୍‌ନି ବାଡ଼ିୟୁ ଝେହ୍‌ନାଣି ତାଣାଟି ଲପ୍‌କି ଆନାୟି ମାନେ । ୩୩ ଏନାଆଁତାକି ଇଡ଼ିହଁ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିଡ଼ିତି ମାହାପୁରୁ । ଏନିକଁ ମାହାପୁରୁ ସୁଦୁ ଲକୁତି କୁଲମିତା ଆନେ ।

୩୪ ଏଲେକଁ ଇୟାସିକା କୁଲମିତା ପାଲେଏ ମାଣ୍‌ମ୍‌ଇଡ଼ିହଁ କାତା ଜଲ୍‌ଲି ଏଞ୍ଜି ହେଲ ବେଟା ଆହାହିଲାଡ଼, ମସା ମୋରାତା ରାସ୍‌କି ଆହାମାନି ଲେହେଁ ଏଞ୍ଜି ମାନି ତଲେ ମାନାପୁ । ୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍‌ପିଡ଼ିହଁ, ତାନି ଇଜ ତାନି ତକ୍‌ୟାଁଣି ଝେଣ୍‌ମ୍‌ଇଡ଼ିହଁ କୁଲମିତା କାତା ଜଲିନାୟି ଇୟାନାକି ଲାଜାତି କାତା ।

୩୬ ମାହାପୁରୁତି ବଲୁ ମୀ ତାଣାଟି ହଡ଼ାମାନେ କି ? ଇଞ୍ଜାଁ ଝାନ୍‌ଇ ମିଙ୍ଗେତାକି ଝାହାମାନେ କି ? ୩୭ ଆମ୍‌ଆଆସି ନାନୁ ମାହାପୁରୁ ଅଣପୁତି ବଲୁ ଝେହ୍‌ନାତେଏଁ, ଇଞ୍ଜାଁ ନେହଁ ଜାଞ୍ଜୁତି ଦାନା ବେଟାଆହାମାଇଁ ଇଞ୍ଜିଁ ଅଣ୍‌ପିନେସି, ଆଡ଼ିହଁ ନାନୁ ମିଙ୍ଗ ଏନା ଏନାଆଁ ରାଡ଼ିମାଞ୍ଜାଇଁ, ଏଡ଼ି ବାରେ ମାହାପୁରୁତି ହୁକୁମି ଏଦାଆଁ ଏଞ୍ଜାସି ପୁନାପେସି । ୩୮ ସାମା ଆମ୍‌ଆଆସି ତେଲ୍‌ହିଅସି ଆଡ଼ିହଁ ଏଞ୍ଜାସି ଏନାଆଁ ତେଲ୍‌ହାଆନା ମାନାପେସି ।

୩୯ ଏଦାଆଁତାକି ତାୟିୟାଁ, ମାହାପୁରୁ ଅଣପୁତି ବଲୁ ଝେକ୍‌ହାଲି ଅଣ୍‌ପେମାଞ୍ଜୁ; ଇଞ୍ଜାଁ ଏଟକାତି ହାଡ଼ା ଜଲ୍‌ଲି କାହିକିଆପୁ । ୪୦ ସାମା ବାରେ କାମା ନେହଁ ତଲେ ସୁସ୍ତି ତଲେ କିନାୟିମାନେ ।

**୧୫**

**କ୍ରୀସ୍ତ ହାକିଟି ନିଜିନାୟି**

୧ ନା ତାୟିୟାଁ ଅଡ଼େ ତାଙ୍ଗିସ୍‌ତାତେରି, ନାନୁ ମୀ ତାଣା ଆମିନି ନେହଁ କାରୁ ଝେକ୍‌ହାମାତେଏଁ, ଆମିନି କାରୁ ମୀରୁ ତୀରିତଲେ ଆସାମାତେରି ଆମିନି ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ ଏନିକଁ ମୀ ତାଣା ଝେକ୍‌ହାମାତେଏଁ, ଏଦାଆଁ ମିଙ୍ଗେ ଅଣ୍‌ପି କିହିମାଞ୍ଜାଇଁ । ୨ ମିଙ୍ଗେ ଝେକ୍‌ହା

ମାଞ୍ଜାନି ନେହଁ କାରୁ ମୀରୁ ଜାଣେ ଆସା ମାତିହଁ, ଇ ନେହଁ ବଲୁ ତାକି ମୀରୁ ଗେଲପି ଆହାମାଞ୍ଜେରି, ଆଆତଁ ମୀରୁ ଉଜେଏ ନାମୁ ଗାଟାତେରି ଆହାମାଚେରି ।

୩ ଇତିହଁ ନାନୁ ଆମିନି ଜାପୁନାଣି ବେଟା ଆହାମାଚେଏଁ, ଏ ବିତ୍ରାଟି ଇ କାଜା କାତା ମିଙ୍ଗେ ହାହାମାଞ୍ଜାଚେଏଁ, ଇତିହଁ କ୍ରୀସୁ ଦାମ୍ବୁ ପତିତା ରାସ୍ତକି ଆହାମାନି ଲେହେଁ ମା ପାପୁ ତାକି ହାଡେସି । ୪ \*ମୁସ୍ପି ଆଡେସି, ଇଞ୍ଜା ଦାମ୍ବୁ ପତିତା ରାସ୍ତକି ଆହାମାନି ଲେହେଁ; ତାନିଦିନା ତାୟୁ ହାକିଟି ଖେଣ୍ଡେ ନିଙ୍ଗିତେସି । ୫ \*ଏଝାସି କେପା\* ଅଡେ ବାରଜାଣା ସୀୟୁୟାଣି ତଞ୍ଜାଆଡେସି । ୬ ତାୟୁ ରଣ୍ଡିଏ ଦେବା ପାସା ଖାଞ୍ଜାଟିଏ ଆଗାଡା ତାନି ଜେଟ ହାନି ତାୟିୟାଁଇଁ ତଞ୍ଜାଆଡେସି; ଏଝାରି ବିତ୍ରାଟି ହାରେକା ଲକୁ ନୀଞ୍ଜୁପାତେକା ନୀତାମାନେରି, ସାମା ଏଚେକା ଲକୁ ହାହାମାନେରି । ୭ ଏଚେଟିଏ ଏଝାସି ଜାକୁବଇଁ ଇଞ୍ଜା ତାୟୁ ବାରେ ପାଶୁଝି ଆଡାରାଇଁ ତଞ୍ଜାଆଡେସି ।

୮ \*ବାରେତି ତାୟୁ ଲେଞ୍ଜୁ ପୁରାଆଆନା ଜାର୍ନାଆତି ଲେହେଁ ତାଚେଏଁ ନାଙ୍ଗେ ଜିକେଏ ତଞ୍ଜା ଆୟାଚେସି । ୯ \*ଇତିହଁ ମାହାପୁରୁତି କୁଲମିତି ଲକୁଇଁ ସାସ୍ତି ହାହିମାଚାକି ପାଶୁଝି ଆହାମାନାରି ତାଣା ବାରେକିହାଁ ନାନୁ ଉଶାଚେଏଁ, ଇଞ୍ଜା ପାଶୁଝିଆହାମାନି ଦରୁ ବେଟାଆହାଲି ପାଡା ଆଆଗାଟାଚେଏଁ । ୧୦ ସାମା ନାନୁ ଏନି ଆହାମାଇଁ, ଏଡି ମାହାପୁରୁ କାର୍ମାମେହ୍ନି ତାଣାଟି ଆହାମାନେ, ଇଞ୍ଜା ନା ତାକି ତାନି କାର୍ମାମେହ୍ନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଇଁ, ଆଡିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହ୍ନାୟି ଏଦାଆଁ କିହାମାନେ । ୧୧ ଏଦାଆଁତାକି ନାନୁ ଆପେ କି ଏଝାରି ଆପେରି ଏଲେକିହଁ ମାମୁ ଝେସିମାନମି ଅଡେ ମୀରୁ ଜିକେଏ ଏଲେକିହଁ ନାମାମାଞ୍ଜେରି ।

**ମାର ହାକିଟି ନିଙ୍ଗିନାୟି**

୧୨ କ୍ରୀସୁ ହାକିଟି ନିଙ୍ଗିମାନେସି ଇଞ୍ଜାଁ ଇ କାରୁ ଝେସ୍ପି ଆହିମାନେ, ଆଡିହଁ ହାଡାରି ଝେଣ୍ଡେ ନିଙ୍ଗିନାୟି ହିଲେଏ ଇଞ୍ଜାଁ ଏନିକଁ ମୀ ବିତ୍ରାଟି ଏଚରଜାଣା ଏଲେ ଇଞ୍ଜିମାନେରି ? ୧୩ ହାଡାରି ଝେଣ୍ଡେ ନିଙ୍ଗିନାୟି ହିଲେଏ, ଇତିହଁ କ୍ରୀସୁ ଜିକେଏ ଝେଣ୍ଡେ ନିଙ୍ଗା ହିଲଅସି । ୧୪ ଇଞ୍ଜାଁ କ୍ରୀସୁ ହାକିଟି ଝେଣ୍ଡେ ନିଙ୍ଗା ହିଲଅସି, ମାମୁ ଝେକ୍‌ହିମାନାୟି ବାରେ ଉଜେଏତାୟି, ଅଡେ ମୀ ନାମୁ ଜିକେଏ ଉଜେଏତାୟି । ୧୫ ଅଡେ ମାମୁ ମାହାପୁରୁତି ମିଟି ଝେହ୍ନିଲେହେଁ ତଞ୍ଜାଆଡେ, ଏନାଆଁତାକି ଇତିହଁ

ମାମୁ ମାହାପୁରୁ କପାଟି ଇ କାତା ସାକି ହୀତମିମା କି କ୍ରୀସୁଇଁ ନିକ୍‌ହାମାନେସି, ସାମା ହାଡାରି ନିଙ୍ଗିଅରି, ଆଡିହଁ ଏଝାସି କ୍ରୀସୁଇଁ ଜିକେଏ ନିକ୍‌ହା ହିଲଅସି । ୧୬ ଏଲେଆହଁ ହାଡାରି ନିଙ୍ଗିହିଲଅରି, ଆଡିହଁ କ୍ରୀସୁ ଜିକେଏ ନିଙ୍ଗା ହିଲଅସି । ୧୭ ଇଞ୍ଜାଁ କ୍ରୀସୁ ନିଙ୍ଗା ହିଲଅସି ଇତିହଁ ମୀ ନାମୁ ଜିକେଏ ଉଜେଏତାୟି ଆନେ, ଇଞ୍ଜାଁ ମୀରୁ ନୀଏଁ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି । ୧୮ ଆଡିହଁ ଆମ୍ବାଆରି କ୍ରୀସୁ ତାଣା ନାମାମାଞ୍ଜାନା ହାହାମାନେରି, ଏଝାରି ଜିକେଏ ନାସା ଆହାମାନେରି । ୧୯ ମାର ଝାରଇଁ ଇ ଜୀଝୁତାକି କ୍ରୀସୁଇଁ ଆସା କିହିମାନାୟି, ଆଡିହଁ ମାର ବାରେ ମାଣ୍‌ସିୟାଁ କିହାଁ କାର୍ମା ହିଲାଆଗାଟାତାୟି ।

୨୦ ସାମା ସାତାତଲେ କ୍ରୀସୁ ହାଡି ଲକୁତି ମୁଲୁତି ପାଡେୟି ଲେହେଁ ହାଡାରି ବିତ୍ରାଟି ଝେଣ୍ଡେ ନିଙ୍ଗିମାନେସି । ୨୧ ଇତିହଁ ମାଣ୍‌ସି ତାଣାଟି ହାନାୟି ଝାହାମାନାକି ଅଡେ ମାଣ୍‌ସି ତାଣାଟିଏ ହାଡାରି ବିତ୍ରାଟି ଝେଣ୍ଡେ ନିଙ୍ଗିନାୟି ଜିକେଏ ଝାହାମାନେ । ୨୨ ଇତିହଁ ଆଦମ ତାଣାଟି ବାରେ ମାଣ୍‌ସିକି ହାକି ଝାଡେ, ଏଲେକିହଁ ଏ କ୍ରୀସୁ ତାଣାଟି ବାରେଜାଣା ଜୀଝୁ ବେଟାଆନେରି । ୨୩ ସାମା ବାରେଜାଣା ତାନି ପାଲି ଏଡିସାରେ ତଲିତି ପାଡେୟି କ୍ରୀସୁ, ତାୟୁ କ୍ରୀସୁଟି ଝାନିଦିନାଟି କାଟାମାନାରି ଝେଣ୍ଡେ ନିଙ୍ଗିନେରି । ୨୪ ଏଚେଟିଏ କୁଗୁ ରାନି ଦିନା ଝାଡେ, ଏଡିବେଲାତା କ୍ରୀସୁ ବାରେ କାଜାପାଣା, ବାରେ ଅଦିକାରା, ବାଡୁୟୁ ମେକ୍‌ହି ତାୟୁ ଆବା ମାହାପୁରୁକି ସାଲୁଝି କିନି ପାଣା ହେର୍ପିନେସି । ୨୫ ମାହାପୁରୁ ବାରେ ସାଡୁୟାଁଇଁ ହାଡ଼ି କିହାଁ କ୍ରୀସୁଟି କଡାୟାଁ ଡଇ ଇଟାଆ ପାତେକା ଏଝାସି ସାଲୁଝି କିନାୟିମାନେ । ୨୬ ତାୟୁଟି ସାଡୁ ସମାନା ହାକିଟି ଜିକେଏ ମେକ୍‌ନାୟି ମାନେ; ୨୭ ଏନାଆଁତାକି ଇତିହଁ ଦାମ୍ବୁପତିତା ରାସ୍ତକି ଆହାମାନେ, “ମାହାପୁରୁ ବାରେତି ତାନି କଡାଁ ଡଇ ଲକ୍‌ନେସି,” ଇଞ୍ଜାଁ ଏଚେତା ଏଝାସି ଏଲେଇନେସି, “ବାରେ ଲକ୍‌ହାମାନେସି,” ଏଡି ସାତା କ୍ରୀସୁ ବାରେ ତାନୁ ଲକ୍‌ହେସି, ଏ ବାରେ ତାଣା ତାନୁ ଆଣ୍ଡା ହାଲଅସି । ୨୮ ଅଡେ ବାରେତି କ୍ରୀସୁ କଡାୟାଁ ଡଇ ଲକ୍‌ହି ଜେଟ, ଆମ୍ବାଆସି ବାରେତି ତାନି ତାଣା ଲକ୍‌ହେସି, ମୀରୁଏସି ଜିକେଏ ତାନି ଆବା ମାହାପୁରୁ ଡଇ ଡୁୟିନେସି; ଅଡେ ମାହାପୁରୁ ବାରେତି ଲାକ ସାଲୁଝି କିନେସି ।

୨୯ ହାଡାରି ନିଙ୍ଗିଆସାରେ, ଆମ୍ବାଆରି ହାଡାରି ତାକି ବାପ୍ପିସ୍ତାଁ ଅନେରି, ଏଝାରି ଏନାଆଁ କିନେରି ? ଆଡିହଁ ହାଡାରି ନିଙ୍ଗିଆସାରେ, ଏଝାରି ତାକି

✧ ୧୫:୪ ୧୫:୪ ମାତି ୧୨:୪୦; କାମା ୨:୨୪-୩୨ ✧ ୧୫:୫ ୧୫:୫ ଲୁକ ୨୪:୩୪; ମାତି ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୭; ଇହ ୨୦:୧୯ \* ୧୫:୬ ୧୫:୬ ପିତର ✧ ୧୫:୮ ୧୫:୮ କାମା ୯:୩-୭ ✧ ୧୫:୯ ୧୫:୯ କାମା ୮:୩ † ୧୫:୨୯ ୧୫:୨୯ ମୁଞ୍ଜିନାୟି

ଏନାଆଁତାକି ବାପୁସ୍ତୁ ଆନେରି । ୩୦ ଅଡ଼େ ମାର ଜିକେଏ ଏନାଆଁତାକି ବାରେରେଲା ଡଣ୍ଡ ତଲେ ନାସା ଆନି ତାଣା ହାନାୟି ? ୩୧ ତାୟିୟା ଅଡ଼େ ତାଙ୍ଗିସ୍ତାତେରି, ମା ପ୍ରବୁ କ୍ରୀସ୍ତୁ ତାଣା ମିଙ୍ଗେତାକି ନାନୁ ଆମିନି ବଡ଼ପଣ ଆହିମାଲ୍, ଏମ୍ବାତି ମାନି କିହାଁ ଏଲେ ଇଞ୍ଜିମାଲ୍, ନାନୁ ବାରେଦିନା ହାନିଲେହେଁତି କସ୍ତ ବେଟାଆହିମାଲ୍ । ୩୨ ଇଚିହ୍ମି ମାଣ୍ଡସିଲ୍ ଅଣ୍ଡପିନି ଲେହେଁ ଏପିସିୟ ଗାଡ଼ାତା ନାନୁ ଖାର୍‌ଇ “ଜାଡ଼ା ଜନ୍ତୟା” ତଲେ ଦୁଦୁ କିହାମାଲ୍, ଆତିହ୍ମି ଏମ୍ବାଆଁ ନାଙ୍ଗେ “ଏନି ଲାବା ?” ସାମା ହାଡ଼ାରି ନିଙ୍ଗଅରି, “ଆତିହ୍ମି ଖାଦୁ ମାର ତିନ ଉନ ଇଚିହ୍ମି ଝିଏ ମାର ହାନାୟି ।”

୩୩ ମାରୁ ନାଡ଼ି ଆଆଦୁ, “ଇଚିହ୍ମି ପଲ୍‌ଆ ଗାଟାରି ତଡ଼ୁ ନେହ୍ମି ଲକ୍ଷୁତି ଗୁଣ୍ଡୁ ନସ୍ତ କିନେ ।” ୩୪ ମାରୁ ନେହ୍ମି କି ଜାଗ୍ରାତା ଆଦୁ, ପାପୁ କିଆଦୁ, ଇଚିହ୍ମି ଆମ୍ବା ଆମ୍ବାଆରାକି ମାହାପୁରୁଇ ପୁନି ବୁଦି ହିଲେଏ; ନାନୁ ମା ଲାଜା ତାକି ଇ କାତା ଝେସିମାଞ୍ଜାଲ୍ ।

**ହାକିତି ଝେଣ୍ଡେ ନିଙ୍ଗିନି ଆଙ୍ଗା**

୩୫ ସାମା ଆମ୍ବାଆରି ଏଲେଇନେରି, “ହାଡ଼ାରି ଏନିକି ନିଙ୍ଗିନେରି ? ଏନିଲେହେଁତି ଆଙ୍ଗା ତଲେ ଏଝାରି ଝାନେରି ?” ୩୬ ବୁଦି ହିଲାଆ ଗାଟାତେରି, ମାରୁ ଏନାଆଁ ମାଟିମାଞ୍ଜେରି ଏଡ଼ି ହାଆସାରେ ଝେଣ୍ଡେ ଜୀଝୁଆହାଁ ଗଜା ଆଏ । ୩୭ ଅଡ଼େ ଏମିନି ଆଙ୍ଗା ଆନେ ଏଦାଆଁ ମାରୁ ମାଟିହିଲଅତେରି, ସାମା ଗହ୍‌ୟା ଆପୁ କି ଏନି ଆନା ଆପେ, ଏଡ଼ି ପାଡ଼େୟି ଲେହେଁ । ୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଝାରାକି ଆଙ୍ଗା ହାନେସି, ଅଡ଼େ ବାରେ ପାଡ଼େୟି ତାକି ତାନି ଆଙ୍ଗା ହାନେସି ।

୩୯ ବାରେ ଆଙ୍ଗା ରଣ୍ଡିଏ ରଲେଏତି ଆଙ୍ଗା ଆଏ, ସାମା ମାଣ୍ଡସିୟାକି ରଲେତି ଆଙ୍ଗା, ଜନ୍ତୟାକି ରଲେତି ଆଙ୍ଗା, ଅଡ଼େ ପଟାୟାକି ଅର ରଲେତି ଆଙ୍ଗା, ଅଡ଼େ ମାଣ୍ଡକା ତାକି ଅର ରଲେତି ଆଙ୍ଗା ।

୪୦ ଲାକପୁରୁତି ଆଙ୍ଗା ମାନେ, ଅଡ଼େ ଦାର୍‌ତିକି ଆଙ୍ଗା ଜିକେଏ ମାନେ, ଲାକପୁରୁତି ଆଙ୍ଗା ରଲେତି ଅଜୁ, ଅଡ଼େ ଦାର୍‌ତିକି ଆଙ୍ଗାତି ଅଜୁ ଅର ରଲେତାୟି । ୪୧ ଝେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି ।

୪୨ ହାଡ଼ାରି ନିଙ୍ଗିନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍‌କି ଆନେ, ସାମା ନାସା ଆଆଗାଟାୟି ଲେହେଁ ନିଙ୍ଗିନେ; ୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍‌କି ଆନେ ଏଡ଼ି ଗାଝୁରମି ତଲେ ନିଙ୍ଗିନେ; ବାଡ଼ୁୟି ହିଲାଆଗାଟାୟି ଲେହେଁ ମାଟ୍‌କି ଆନେ, ବାଡ଼ୁୟି ଗାଟାୟି ଆହାଁ ନିଙ୍ଗିନେ ।

୪୪ ଇଚିହ୍ମି ଆଙ୍ଗା ତଲେ ମୁସ୍‌ପିଆନେ ଜୀଝୁତି ଆଙ୍ଗା ତଲେ ନିଙ୍ଗିନେ; ସାମା ଇଚିହ୍ମି ଆଙ୍ଗା ମାନେ ଇଚିହ୍ମି ଜୀଝୁତି ଆଙ୍ଗା ଜିକେଏ ମାନେ ।

୪୫ ଦାମ୍‌ପତିତା ରାସ୍‌କି ଆହାମାନେ, ତଲିତି ମାଣ୍ଡସି ଆଦମ ଜୀଝୁତି ମାଣ୍ଡସି କିହ୍ମି ଗାଡ଼ି ଆଡ଼େସି; ସାମା ତାୟୁତି ଆଦମ ପୁଣ୍ଡା ହାନି ଜୀଝୁ ଆଡ଼େସି । ୪୬ ସାମା ଜୀଝୁ ଗାଟାସି ନକେଏ ଆଏ, ଆଙ୍ଗା ତଲେତାସି ନକେଏ, ଅଡ଼େ ତାୟୁ ଜୀଝୁ ଗାଟାସି ଆଡ଼େସି ।

୪୭ ନକେଏତି ମାଣ୍ଡସି ଆଦମ ଦାର୍‌ତିକି ମାନି ଇଚିହ୍ମି ତଲେ ଗାଡ଼ି ଆହାମାନେସି, ଅଡ଼େ ତାୟୁତି ମାଣ୍ଡସି ଲାକପୁରୁତି ଝାହାମାନେସି । ୪୮ ଆମ୍ବାଆରି ଇଚିହ୍ମି ତଲେ ଗାଡ଼ି ଆହାମାନେରି, ଏଝାରି ଇଚିହ୍ମି ଗାଡ଼ି ଆଡ଼ି ଏ ମାଣ୍ଡସିଲେହେଁ, ଇଞ୍ଜା ଆମ୍ବାଆରି ଲାକପୁରୁତାରି ଏଝାରି ଲାକପୁରୁତି ଝାହାମାନି ଏ ମାଣ୍ଡସି ଲେହେଁତାରି । ୪୯ ଅଡ଼େ ମାର ଇଚିହ୍ମି ଗାଡ଼ି ଆହାମାନି ଏ ମାଣ୍ଡସିତି ଝାଣା ଆସାମାନାୟି, ଏଲେକିହ୍ମିଏ ଏ ଲାକପୁରୁତି ମାଣ୍ଡସିତି ଝାଣା ଜିକେଏ ଆହ୍‌ନାୟି ।

୫୦ ତାୟିୟା ଅଡ଼େ ତାଙ୍ଗିସ୍ତାତେରି ନାନୁ ଝେସିମାଞ୍ଜାଲ୍, ନେତେରି ଅଡ଼େ ଉଙ୍ଗା ମାହାପୁରୁତି ରାଜିତି ଅଦିକାରା କିହାଲି ଆଡ଼େଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡ଼େଏ ।

୫୧ ନେହ୍ମି ନାନୁ ମିଙ୍ଗେ ର ଡ଼ଗୁମାନି କାତା ଝେସିମାଞ୍ଜାଲ୍, ମାର ବାରେ ଜାଣାତାୟି ହାଆୟି, ସାମା ମାର ବାଦ୍‌ଲଝି ଆନାୟି, ୫୨ ଦେବୁଣିଏ, କାନୁ ମିଟି କିନିଲେହେଁ, ତାୟୁତି ତୀତ୍ରି ମହୁରି କାଜା ହାଡ଼ା ଝେଟିସାରେ ମାର ବାରେତାୟି ଅର ଝାଣା ଆନାୟି; ଇଚିହ୍ମି କମ୍‌ ତାନେ ଅଡ଼େ ହାଡ଼ାରି ନାସା ଆଆନା ନିଙ୍ଗିନେରି, ଅଡ଼େ ମାର ବାଦ୍‌ଲଝି ଆନାୟି । ୫୩ ଇଚିହ୍ମି ଇ ମେଣ୍ଡିନି ଆଙ୍ଗାତି ମେଣ୍ଡିଆଗାଟି ହିମ୍‌ପୁରି ପରନାୟି ମାନେ, ଅଡ଼େ ଇ ହାନି ଆଙ୍ଗାତି ହାଆଗାଟି ହିମ୍‌ପୁରି ପରନାୟି ମାନେ ।

୫୪ ସାମା ଇ ମେଣ୍ଡିନି ଆଙ୍ଗାତି ମେଣ୍ଡିଆଗାଟି ହିମ୍‌ପୁରି ଅଡ଼େ ହାନି ଆଙ୍ଗାତି ହାଆଗାଟି ହିମ୍‌ପୁରି ହୁଚିତି ଜେଟ, ଇ ରାଟାମାନି ବଲୁ ସାତା ଆନେ; “ହାକି ନାସା ଆହାମାନେ; ଜୀଣା ଆନାୟି ଆହାମାନେ ।”

୫୫ “ଏ ହାକି ନୀ ଜୀଣା ଆନାୟି ଆମ୍‌ୟା ? ଏ ହାକି ନୀ ନାସାକିନି ବାଡ଼ୁୟି ଆମ୍‌ୟା ?” ୫୬ ହାକିତି ସାଡ଼ୁ ପାପୁ, ଅଡ଼େ ପାପୁତି ବାଡ଼ୁୟି ମସାତି ମେରା; ୫୭ ସାମା ଏମିନି ମାହାପୁରୁ ମା ପ୍ରବୁ ଜୀସ୍ତୁ କ୍ରୀସ୍ତୁତି ତାକି ମାଙ୍ଗେ ଜୀଣି କିୟାନେସି ଏଝାଣାକି ଜହରା ଆପେ ।

୫୮ ଏଦାଆଁତାକି ଏ ନା ଜୀଝୁତି ତାୟିୟା ଅଡ଼େ ତାଙ୍ଗିସ୍ତାତେରି, ପ୍ରବୁତି ସେବାତା ମା କସ୍ତତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରବୁତି କାମାତା ତୀରିଆହାଁ ବାଡ଼ୁୟି ତଲେ ସେବାତା ହାଡ଼େ ହାଡ଼େକା ଜାଡ଼ୁ ଆଦୁ ।

☆ ୧୫:୫୧ ୧୫:୫୧ ୧ତେସ ୪:୧୫-୧୭

### ୧୭

#### ମାହାପୁରୁତି ଲକୁଡାକି ଦାନା

୧ \*ମାହାପୁରୁ ଲକୁ ତାକି ତାବୁୟା କୁଡ଼ିକିନି କାତା ନାନୁ ଏନିକି ଗାଲାତିୟା କ୍ରୀସ୍ତାନା କୁଲମିତା ଝେସାମାଚେର୍ସ, ମୀରୁ ଜିକେଏ ଏଲେକି କିଦୁ ।  
 ୨ ମୀରୁ ବେଟାଆହିମାନି ଲେହେଁ ବାରେ ଝାରାଡ଼ି ମୂଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ତା ଏଚେକା ତାବୁୟା କୁଡ଼ିକିହାଁ ଇଟାଦୁ, ଆଡ଼ିହୁଁ ନାନୁ ଝାଡ଼ିସାରେ ମିଙ୍ଗେ ଅଡ଼େ ତାବୁୟା ରାସାଲି ଲଡ଼ା ଆଏ । ୩ ଅଡ଼େ ନାନୁ ଝାଡ଼ିଜେଟ, ମୀରୁ ଆମ୍ବାଆରାଇଁ ଜଗେ ଇଞ୍ଜି ଆଚାମାଞ୍ଜେରି ନାନୁ ଏଝାରାକି ଆକୁ ରାଚାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ; ୪ ସାମା ନାଙ୍ଗେ ଜିକେଏ ହାଜାଲି ଲଡ଼ାଆନେ ଇଡ଼ିହୁଁ ଏଝାରି ନା ତଲେ ଝାପେରି ।

#### କାମାତାକି ପାଞ୍ଜୁଲତି ଅଣ୍ଟପୁ

୫ \*ସାମା ନାନୁ ମାକିଦନିୟା ହାଟି ତାୟୁ ମୀ ତାଣା ଝାଲ୍, ଏନାଆଁତାକି ଇଡ଼ିହୁଁ ନାଙ୍ଗେ ମାକିଦନିୟାଟି ହାନାୟି ମାନେ । ୬ ଆଆତ ନାନୁ ଝାଡ଼ିସାରେ ଏଚରଦିନା ମୀ ତାଣା ଡ଼ୟିଇଁ, ଇଡ଼ିହୁଁ ପେନିବେଲା ହାଲୁଝେ ମାଞ୍ଜାଲି ଅଣ୍ଟପିମାଲ୍, ଏଚେତା ନାନୁ ଆମିନି ଟାୟୁତା ହାଲ୍, ଏମ୍ବାଆଁ ହାନାଟି ମୀରୁ ନାଙ୍ଗେ ଇଡ଼ିଝାୟାଦେରି । ୭ ଇଡ଼ିହୁଁ ନାଏଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ଟପି ହିଲଆଁ, ଇଡ଼ିହୁଁ ପ୍ରବୁ ନାଙ୍ଗେ ହେଲ ହିୟାଡ଼ିହୁଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଲ୍ ।

୮ \*ସାମା ନାନୁ ପେଡ଼ିକସ୍ତ ଦିନା ପାତେକା ଏପିସିୟ ଗାଡ଼ାତା ଡ଼ୟିଇଁ; ୯ ଇଡ଼ିହୁଁ ପ୍ରବୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତ ଜିକେଏ ନାଙ୍ଗେ ଅପାଆଗାଟାରି ହାରେକା ମାନେରି ।

୧୦ \*ଡ଼ିମତି ମୀ ତାଣା ଝାଡ଼ିସାରେ ଏଝାସି ଏନିକି ଆଜାଆନା ମୀ ତାଣା ଡ଼ୟିନେସି, ଏଦାଆଁତାକି ମୀରୁ ଅଣ୍ଟପାଦୁ, ଇଡ଼ିହୁଁ ନାନୁ ଏନିକି ଏଝାସି ଜିକେଏ ଏଲେକିହୁଁ ଏ ପ୍ରବୁତି କାମାକିନାସି । ୧୧ ଏଦାଆଁତାକି ଆମ୍ବାଆତେରି ଏଝାଣାଇଁ ହୀଣି କିଆଦୁ, ସାମା ଏଝାସି ଏନିକି ନା ତାଣା ଝାହାଲି ଆଡ଼ିମାନେସି, ଏଦାଆଁତାକି ଏଝାଣାଇଁ ହିଡ଼ି ଜୀଞ୍ଜୁତଲେ ଜିରୁ ତସା ପାଣ୍ଡାଦୁ; ଏନାଆଁତାକି ଇଡ଼ିହୁଁ ଏଝାସି ତାୟିୟା ତଲେ ଝାନେସି ଇଞ୍ଜି ନାନୁ କାଡ଼ିମାଲ୍ ।

୧୨ ସାମା ତାୟି ଆପଲ ତାକି ଝେସିମାଞ୍ଜାଇଁ, ନାନୁ ଏଚକାଡ଼ି ତାୟିୟା ତଲେ ମୀ ତାଣା ହାଜାଲି ଏଚେକା ବାଡ଼ିମାଲିଚେର୍ସ, ସାମା ନାଏଁ ଝାହାଲି

ମନ କିଆତେସି, ସାମା ପାରୁ ସିନିକିହାନା ଏଝାସି ଝାନେସି ।

#### ଆକୁତି ରାଡ଼ି କାତା

୧୩ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ ମାଞ୍ଜୁ, ଅଡ଼େ ସାସା ଗାଟାତେରି ଆହାନା ବାଡ଼ୟୁ ଆହୁଦୁ । ୧୪ ମୀ ବାରେ କାମା ଜୀଞ୍ଜୁ ନନାଣି ତଲେ ଆପେ ।

୧୫ \*ଏ ତାୟିୟା ଅଡ଼େ ତାଜିସ୍ତାତେରି ସ୍ତ୍ରୀପାନ ଇଲୁ କୁଟମି ଆକାୟାତି ମୂଲୁଏ ନାମିତାରି; ଅଡ଼େ ମାହାପୁରୁ ଲକୁଣି ସେବା କିନି କାମାତାକି ହେରପା କଡ଼ାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ମୀରୁ ଏଲେତି ଲକୁଡ଼ି ଅଡ଼େ ତାମିତଲେ ଆଣ୍ଡାନା ଝାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଙ୍ଗେ ବାଡ଼ିମାଲିମାଞ୍ଜାଇଁ ।

୧୭ ସ୍ତ୍ରୀପାନ, ପର୍ତ୍ତନାତ, ଅଡ଼େ ଆକାୟିକ ଝାଡ଼ାକି ନାନୁ ହାରେକା ରାହାଁ ଆହିମାଲ୍, ଇଡ଼ିହୁଁ ମୀରୁ ହିଲାଆତାକି ନାଙ୍ଗେ ଏନାୟି ଲଡ଼ା ମାଚେ, ଏଝାରି ଏଦାଆଁ ହାହାମାଞ୍ଜାନେରି । ୧୮ ଇଡ଼ିହୁଁ ଏଝାରି ମୀ ଜୀଞ୍ଜୁତି ଅଡ଼େ ନା ଜୀଞ୍ଜୁତି ରାହାଁ କିହାଁ ମାଞ୍ଜାନେରି; ଏଲେତି ଲକୁଇଁ ଜଗେ ଇଞ୍ଜି ପୁଞ୍ଜାନା ମାନି କିଦୁ ।

୧୯ \*ଆସିୟା ଦେସାତା ମାନି କୁଲମିକା ମିଙ୍ଗେ ଜହରା କିହିମାଞ୍ଜାନେରି, ଆକ୍ଝିଲା ଅଡ଼େ ପ୍ରିସ୍ଝିଲା ତାମି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାରେକା ଜହରା କିହିମାଞ୍ଜାନେରି । ୨୦ ଇମ୍ବାଆଁ ମାନି ବାରେ ତାୟିୟା ଅଡ଼େ ତାଜିସ୍ତା ମିଙ୍ଗେ ଜହରା କିହିମାଞ୍ଜାନେରି । ମୀରୁ ରଅତେରି ରଅଣାଇଁ ତାୟି ତାୟିୟା ଲେହେଁ କ୍ରୀସ୍ତିତି ଜୀଞ୍ଜୁନହୁଁ ସୁଦୁ ତଲେ ନଶୁଝି ଆହାନା ଜହରା କିଞ୍ଜିଆଦୁ ।

୨୧ ନାନୁ ପାଞ୍ଜୁଲତେର୍ସ ନା କେୟୁଟି ରାଚାହାଁ ରାହାଁ ତଲେ ଜହରା କିହିମାଞ୍ଜାଇଁ ।

୨୨ ଆମ୍ବାଆସି ମାହାପୁରୁଇଁ ଜୀଞ୍ଜୁ ନଅସି ଏଝାସି ବାକା ବେଟାଆପେସି ! ମାରାନାତା ମା ପ୍ରବୁ ତବେ ଝାମୁ !

୨୩ ପ୍ରବୁ ଜୀସୁତି କାର୍ମାମେହନାୟି ମିଙ୍ଗେତାକି ଆୟାପେ; ୨୪ କ୍ରୀସ୍ତ ଜୀସୁ ତାଣାଟି ନା ଜୀଞ୍ଜୁନନାୟି ମୀ ବାରେଜାଣା ତାକି ଆୟାପେ । ଆମେନ୍ ।

\* ୧୭:୧ ୧୭:୧ ରମି ୧୫:୨୫,୨୬    \* ୧୭:୫ ୧୭:୫ କାମା ୧୯:୨୧    \* ୧୭:୮ ୧୭:୮ କାମା ୧୯:୮-୧୦    \* ୧୭:୧୦ ୧୭:୧୦ ଏକର ୪:୧୭    \* ୧୭:୧୫ ୧୭:୧୫ ଏକର ୧:୧୭    \* ୧୭:୧୯ ୧୭:୧୯ କାମା ୧୮:୨

# କରକ୍ତି ମଣ୍ଡଳୀ ନିମନ୍ତେ ପାଠକଙ୍କ ଲିଖିତ ଦ୍ରୀତିୟ ପତ୍ର କରକ୍ତି କୁଲମିତାକି ପାଞ୍ଚୁଲ ରାତାମାନି ରୀ ଲମ୍ବର ଆକୁ ମୂକୁ ହାଡ଼ା

କରକ୍ତି କୁଲମିତ ରୀ ଲମ୍ବର ଆକୁ ପାଣ୍ଡୁଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସୁ ଜାର୍ନାତି ୫୫-୫୬ ବାର୍ଷୀ ତାମ୍ବୁ ରାସ୍ତକି ଆହାମାରେ ୧:୧ । ମା ତାଣ୍ଡା ମାନି କରକ୍ତି କୁଲମିତ ରାତାମାନି ଆକୁ ବିତ୍ରାଟି ଇଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ । ମେରାପୁନାରି ନାମିମାନେରି ଇଦାଆଁ ନକେଏ ପାଞ୍ଚୁଲ କରକ୍ତି କୁଲମିତ ଦାକା ହାହାନା ରାତାମାରେସି ୨:୩-୪ ପଦୁତା ଏଞ୍ଜାସି ଝେସିମାନେସି ।

ପାଞ୍ଚୁଲ ମାକିଦନିୟାତା ମାନି ବେଲାତା କରକ୍ତିତି ରୀ ଲମ୍ବର ଆକୁ ରାତାମାନେସି ୨:୧୩ । କରକ୍ତିତା ମାନି କୁଲମିତ କାତା ତିତସ ତାଣ୍ଡାଟି ନେହିଁ କାବୁ ବେଟାଆହାନା ରାହାଁ ଆହିମାନେସି । ଇ ଆକୁତା ପୁଃନି ମେରା ଅଣ୍ଡପୁଟି ଦାନା ହାନି କାତା ଜାପିନାୟି । ଇ ଆକୁତା ଜିରୁସାଲମତା ମାନି କ୍ରୀସୁଇଁ ନାମାମାନି ଲକୁଇଁ ସାୟେମି କିହାଲି ଟାକାୟାଁ କୃଡ଼ିକିହାଲି ଝେସିମାନେସି ୮-୯ । ଅଡେ ଜିକେଏ କୁଲମି ପାଞ୍ଚାଟି କଚେକା ମିତି ପାଣ୍ଡୁଆହାମାନାରି ଜାହାରାଇଁ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଇଁ ନିନ୍ଦା କାତା ଝେସିମାନେରି । ଏଞ୍ଜାରି ପାଞ୍ଚୁଲତି ଅଦିକାରାତି ଆନାମାନା ଆହିମାନେରି । ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନିଞ୍ଜାକି ଏଞ୍ଜାସି ରୁ କ୍ରୀସୁତି ଅଦିକାରା ତଲେ ପାଣ୍ଡୁଆହାସି ଇଞ୍ଜାଁ ଜାଣ୍ଡେତଲେ ଝେସିମାନେସି ।

## ପତିତା ମାନାୟି

- ୧. ପାଞ୍ଚୁଲ ଜହରା କିହାନା ଆକୁ ରାଡ଼ିନାୟି । ୧:୧-୭
- ୨. ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଇଞ୍ଜାଁ ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଝେଣ୍ଡେ ଝେହ୍ନାୟି । ୧:୮-୭:୧୬
- ୩. ଜିରୁସାଲମତି ନାମୁଗାଟି ତାୟିୟାକି ଦାନା କୃଡ଼ିକିହାଲି ଝେହ୍ନାୟି । ୮:୧-୯:୧୫
- ୪. ପାଞ୍ଚୁଲ ତାନି ପାଣ୍ଡୁଆହାମାନି ପାଣ୍ଡାଟି ଜାଣ୍ଡେ ଝେହ୍ନାୟି । ୧୦:୧-୧୩:୧୦
- ୫. ଆକୁତି ରାପ୍ତନି କାତା । ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣ୍ଡପୁ ତଲେ କ୍ରୀସୁ ଜୀସୁ ତାଣ୍ଡାଟି ପାଣ୍ଡୁଆହାମାନାତେଏଁ ଇଞ୍ଜାଁ ମା ତାୟି

ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଡ଼ିମାନମି ।

୨ ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହ୍ନାୟି ଇଞ୍ଜାଁ ହିଡ଼ଡ଼ି ମିଙ୍ଗେତାକି ଆୟାପେ ।

## ପାଞ୍ଚୁଲ ମାହାପୁରୁଇଁ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆବା ଅଡେ ଦୁକୁ ତୁକ୍ନି ମାହାପୁରୁ । ୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକ୍ନି ତାଣ୍ଡା ମାର ଦୁକୁ ତୁକ୍ନି ଆହିମାନାୟି, ଏ ଦୁକୁ ତୁକ୍ନାଣି ତଲେ ଏନିକିହିଁ ବାରେ ଲେହେଁତି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍ନାଲି ଆଡ଼ିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଙ୍ଗେ ଦୁକୁ ତୁକ୍ନାଣି ହାହାମାଞ୍ଜାନେସି ୫ ଇତିହିଁ କ୍ରୀସୁତି ତାକି ମାର ଏନିକିହିଁ ହାରେକା ଦୁକୁ କସ୍ତ ହାରେକା ବେଟାଆନାୟି, ଏଲେକିହିଁ ଏ କ୍ରୀସୁ ତାଣ୍ଡାଟି ମାହାପୁରୁତି ଦୁକୁ ତୁକ୍ନାୟି ହାରେକା । ୬ ସାମା ମାମ୍ବୁ ଦୁକୁ କସ୍ତ ବେଟାଆଡ଼ିସାରେ ଏଦି ମୀ ତାକି ଦୁକୁ ତୁକ୍ନାୟି, ଅଡେ ଗେଲ୍ପି ଆହାଲିତାକି; ଇଞ୍ଜାଁ ମାମ୍ବୁ ଦୁକୁ ତୁକ୍ନି ଆଡ଼ିହିଁ, ଏଦି ମୀ ଦୁକୁ ତୁକ୍ନାଲି ତାକି; ମାମ୍ବୁ ଏନିଲେହେଁତି ଦୁକୁ କସ୍ତ ବେଟାଆନମି ମୀରୁ ଏନିକିହିଁ ସାସା ଅଡେ କସ୍ତତଲେ ଦୁକୁ ବେଟାଆହି ମାଞ୍ଜେରି ମାମ୍ବୁ ଜିକେଏ ଏଲେକିହିଁ ଏ ଦୁକୁ ତୁକ୍ନି କାମା କିହିମାନମି । ୭ ଅଡେ ମୀ ତାଣ୍ଡା ମା ବାର୍ସୁ ହାରେକା ମାନେ । ମୀରୁ ମା ଦୁକୁ କସ୍ତ ପାଣ୍ଡିନିତାଣା ଏନିକିହିଁ ଆଣ୍ଡାମାଞ୍ଜେରି, ଏଲେକିହିଁ ଏ ମାମ୍ବୁ ଦୁକୁ ତୁକ୍ନି ତାଣ୍ଡା ଆଣ୍ଡିଦେରି, ଇଞ୍ଜାଁ ମାମ୍ବୁ ପୁଞ୍ଜାମାନମି ।

୮ \*ଇତିହିଁ ଏ ତାୟିୟାଁ ଅଡେ ତାଙ୍ଗିସ୍ତାତେରି, ଆସିୟା ରାଜିତା ମାଙ୍ଗେତାକି ଆହାମାନି ସାସ୍ତି ମୀରୁ ପୁନାଆନା ମାଞ୍ଜୁ ଇଞ୍ଜିହିଁ ମାମ୍ବୁ ଅଣ୍ଡପି ହିଲଅମି; ମାମ୍ବୁ ମା ବାଡ଼ୟୁଟି ବେଟାଆହାମାନି ସାସ୍ତି ସହଞ୍ଜି ଆହାଲି ଆଡାଆରେଟୁ ଆହାମାଚମି, ଇଞ୍ଜାଁ ମାମ୍ବୁ ନୀତାମାଞ୍ଜାଲି ଜିକେଏ ଆସା ପିସାମାଚମି; ୯ ହାଅ, ମାଙ୍ଗେ ପାୟାଲି ହୁକୁମି ହାପକି ଆହାମାନେ ଇଞ୍ଜାଁ ଅଣ୍ଡପିମାଚମି, ଏନିକିହିଁ ମାମ୍ବୁ ମା ମୁହେଁ ବାର୍ସୁ କିହାକତାଆନା ଏମିନି ମାହାପୁରୁ ହାକିଟି ନିକ୍ନେସି ଏଞ୍ଜାଣି ତାଣ୍ଡା ବାର୍ସୁ କିନମି; ୧୦ ଏଞ୍ଜାସି ଆଜିହପେତି ହାକିଟି ମାଙ୍ଗେ ଗେଲ୍ପାତେସି ଅଡେ ଗେଲ୍ପାନେସି, ଅଡେ ତାୟୁ ଜିକେଏ ଗେଲ୍ପାନେସି ଇଞ୍ଜାଁ ତାନିତାଣା ମା ଆସା ମାନେ; ୧୧ ମୀରୁ ଜିକେଏ ମା ତାକି ପ୍ରାତାନା କିହାଁ ମାଙ୍ଗେ ସାୟେମି କିହାମାଞ୍ଜାଦେରି, ଏନିକିହିଁ ମାଙ୍ଗେ ଏମିନି କାର୍ମାତି ଦାନା ହାପକି ଆହାମାଞ୍ଜାନେ, ଏଦାଆଁତାକି

☆ ୧:୮ ୧:୮ ୧କର ୧୫:୩୨

ହାରେକା ଲକ୍ଷ୍ମୀ ଗୁଡ଼ିକ ମା ତାକି ହାରେକା ଜହରା କିଞ୍ଚିଆହିମାନେ ।

**ପାଞ୍ଚୁଲ ତାନି ଅଣ୍ଟା ବାଦଲି କିନାୟି**

୧୭ ବାରେକିହାଁ ଦାର୍ତ୍ତିତା ମା ତାକି ମାମ୍ବୁ ମାଣ୍ଡସିତି ବୁଦ୍ଧିତଲେ ତାକାଆନା ମାହାପୁରୁତି କାର୍ମାଟି ତାନି ସୁଦୁ ଅଡ଼େ ନାମୁତଲେ ତାକିମାତମି ଇଞ୍ଜି ମା ଅଣ୍ଟା ସାକି ହାହିମାଞ୍ଜାନେ, ଇଦି ମା ବତପଣତି କାତା । ୧୭ ଖାରଇ ମୀରୁ ଏନାଆଁ ପଡ଼ୁଞ୍ଚି ଆହାନା ତେଲୁହିଦେରି, ଏ ବାରେ ପିସ୍‌ପେ ମାମ୍ବୁ ମିଙ୍ଗେ ଅଡ଼େ ଏନାଆଁ ରାତିମାଞ୍ଜାଅମି, ୧୪ ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ଦିନାତା ମାମ୍ବୁ ମା ତାକି ବତପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବତପଣ ତସାଲି ଆଡ଼ିଦେରି, ମୀରୁ ନୀଏଁ ଇତେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାମ୍ବୁ ପାତେକା ପୁଞ୍ଜେରି ଇଞ୍ଜି ନା ଆସା ।

୧୫ ଇ କାତା ନେହଁକି ପୁଞ୍ଜାମାନାକି ମୂଲୁଏ ମା ତାଣା ଖାହାଲି ତାକି ନାଙ୍ଗେ ଅଣ୍ଟା ମାତେ, ଆତିହଁ ମୀରୁ ରୀ ଦେବା ରାହାଁ ବେଟାଆତେରିମା ୧୭ \*ମୀ ତାଣାଟି ମାକିଦନିୟାତା ହାଜାନା ଅଡ଼େ ଖେଣ୍ଡେ ମାକିଦନିୟାଟି ମୀ ତାଣା ଖାହାନା ମୀ ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁତି ତଲିଏ ମୀ ତାଣା ହାଜାଲି ମନ କିହାମାତେଏଁ । ୧୭ ଆତିହଁ ଇଲେତି ଅଣ୍ଟା ଅଣ୍ଡପିନାୟି ନାନୁ ଏନାଆଁ ଆନାମାନା ଆହାନା କିହାମାତେଏଁ ? ଇଞ୍ଜା ନାନୁ ଏନାଆଁ ତାରିକିହା ତୁୟିଇଁ, ଏଦି ଏନାଆଁ ଏଦାଆଁ ଦାର୍ତ୍ତିତ ଅଣ୍ଟା ତଲେ କିହିମାଇଁ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣିଏ ଦେବା ହପୁଇଁ କି ? ୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଙ୍ଗେତାକି “ହାଅ କି ଆଏ” ଇନି ରୀ କାତା ଆଏ । ୧୯ \*ଇତିହଁ କ୍ରୀସ୍ତ ଜୀସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇତିହଁ ସିଲା, ତିମତି ଅଡ଼େ ନାନୁ ମୀ ତାଣା ଖେକ୍‌ହା ମାତମି, ଏଞ୍ଚାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇତିହଁ ଏଞ୍ଚାଣି ତାଣା ହାଅ ଆହାମାନେ । ୨୦ ଏନାଆଁତାକି ଇତିହଁ ମାହାପୁରୁତି ବାରେ ଆଞ୍ଜାମାନାୟି ଏଞ୍ଚାଣି ତାଣା “ହାଅ” ମାନେ; ଇଦାଆଁତାକି ଜୀସୁ କ୍ରୀସ୍ତ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆମେନ୍, ଏଲେଆହଁ ଆପେ” ଇନାୟି । ୨୧ ତାନୁଏ ମାଙ୍ଗେ ଅଡ଼େ ମିଙ୍ଗେ କ୍ରୀସ୍ତ ତାଣା ତାରି କିହାମାଞ୍ଜାନେସି, ଇଞ୍ଜା ମାଙ୍ଗେ ବର ହାହାମାଞ୍ଜାନେସି, ଏଞ୍ଚାସି ମାହାପୁରୁ; ୨୨ ଏଞ୍ଚାସି ତାନି ବୁଟୁ ମୁଦ୍ରା ମାଙ୍ଗେ ଖେଟା ମାଞ୍ଜାନେସି, ଇଞ୍ଜା ଏଞ୍ଚାସି ମା ହିୟା ବିଦ୍ରା ସୁଦୁଜୀଞ୍ଚୁ ସିନାଲେହେଁ ହାହାମାଞ୍ଜାନେସି ।

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀଞ୍ଚୁତି ମାନ୍ତି କିହିମାଇଁ, ନାନୁ ମିଙ୍ଗେ କାର୍ମା ଆହାନା କରକ୍ତିତା ଖେଣ୍ଡେ ହାଜାହିଲଅଁ । ୨୪ ମୀ ନାମୁତି ମୁହେଁ ମା ଅଦିକାରା ମାନେ, ଏଲେକି ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତାରିଆହାନା ମାଞ୍ଚୁ ।

**୨**

୧ ନାନୁ ମୀ ତାଣା ହାନାୟି ମିଙ୍ଗେତାକି ଅଡ଼େ ଖେଣ୍ଡେ କସ୍ତ ଆୟେଏ, ଇଦାଆଁ ମନତା ତାରି କିତେଏଁ । ୨ ନାନୁ ମିଙ୍ଗେ ଦୁକୁ ହିୟାଇଁ, ଆତିହଁ ନାନୁ ଆମ୍ବାଆରାଇଁ ଦୁକୁ ହାଇଁ, ଏଞ୍ଚାଣି ପିସ୍‌ପେ ନାଙ୍ଗେ ଆମ୍ବାଆସି ରାହାଁ ହିୟାନେସି ? ୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣ୍ଡନାୟି ମାନେ, ଏଞ୍ଚାରିତାଣା ନାନୁ ଖାହାନା ଏନିକି ଦୁକୁ ବେଟାଆଅଁ, ଏଦାଆଁତାକି ନାନୁ ଇ କାତା ରାତାମାତେଏଁ, ଏନାଆଁତାକି ଇତିହଁ ନା ରାହାଁତା ମୀ ରାହାଁ ଆନେ, ଏଦି ମୀ ବାରେତାକି ନା ଅଣ୍ଟା । ୪ ଇତିହଁ ହାରେକା କସ୍ତ ଅଡ଼େ ହିୟାଁ କାତାତାକି ହାରେକା ଦୁକୁ ତଲେ କାଣ୍ଡୁ ଚୁକ୍‌ହିହଁ ମିଙ୍ଗେ ରାତାମାଞ୍ଜାତେଏଁ; ଏନିକି ମୀରୁ ଦୁକୁ ଆଦେରି, ଏଲେକି ଆଏ, ସାମା ମିଙ୍ଗେତାକି ନା ଜୀଞ୍ଚୁନନାୟି ହାରେକା ମାନେ, ଇ କାତା ମୀରୁ ଏନିକି ପୁଞ୍ଜେରି ।

**ମାଣ୍ଡସିତି ଦହ ମେକ୍‌ନାୟି**

୫ ସାମା ଆମ୍ବାଆସି ଦୁକୁ ହାହାମାନେସି, ଏଞ୍ଚାସି ନାଙ୍ଗେ ଦୁକୁ ହାହାମାଞ୍ଜାଅସି, ସାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାରେକା ଗାଡ଼ିକିହଁ ଖେହଁ । ୬ ମୀ ବିଦ୍ରାଟି ହାରେକା ଲକ୍ଷ୍ମୀ ତାଣାଟି ଏଞ୍ଚାସି ଏନି ତଣ୍ଡ ବେଟା ଆହାମାନେସି ଏଞ୍ଚାଣାକି ଏତେକେଏ ସାରି । ୭ ଏଦାଣିତାକି ଏଲେତି ଲକ୍ଷ୍ମୀ ଏଡ଼େତା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଞ୍ଚାଣାଇଁ ପାପୁ ମେକ୍‌ହାନା ବାର୍ସୁ ହୀଦୁ । ୮ ଇତିହଁ ଏଞ୍ଚାଣାଇଁ ଜୀଞ୍ଚୁ ନନାଣି ତହ୍‌ଦୁ ଇଞ୍ଜି ବାଡ଼ିମାଲିମାଞ୍ଜାଇଁ । ୯ ଇତିହଁ ମୀରୁ ବାରେ କାତାତି ମାନଞ୍ଚି ଆହିମାଞ୍ଜେରି, ଇଞ୍ଜି ମିଙ୍ଗେତାକି ଏମ୍ବାତି ପାରମାଣା ଏନିକି ନାନୁ ବେଟାଆଇଁ, ଇ ବାରେତାକି ରାତାମାତେଏଁ । ୧୦ ଇଞ୍ଜା ମୀରୁ ଆମ୍ବାଆରି ଦହ ପିହ୍‌ଦେରି, ନାନୁ ଜିକେଏ ଏଞ୍ଚାଣି ଦହ ପିହ୍‌ଇଁ; ଇତିହଁ ନାନୁ ଏନାଆଁ ଦହ ପିସାମାଇଁ, ଇଞ୍ଜା ଏମିନି ଦହ ପିସାମାଇଁ, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଇଁ । ୧୧ ଏନିକି ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇତିହଁ ମାର ବାରେ ତାନି ଅଣ୍ଟାପୁତି ପୁଞ୍ଜାମାନାୟି ।

\* ୧:୧୨ ୧:୧୭ କାମା ୧୯:୨୧    \* ୧:୧୯ ୧:୧୯ କାମା ୧୮:୫    \* ୨:୧୨ ୨:୧୨ କାମା ୨୦:୧



**ତ୍ରୟାତା ପାଞ୍ଚୁଲ ମନତା କସ୍ତ ପାଶ୍ଚନାୟି**

୧୬ \*ଅତେ କ୍ରୀସ୍ତତି ନେହ୍ କାରୁ ଝେକହାଲି ତାକି ନାନୁ ତ୍ରୟାତା ଖାଡ଼ି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ, ୧୭ ନାନୁ ନା ତାୟି ତିତସଇ ଏମ୍ବାଆଁ ମେହ୍‌ଆଲିଏ ନା ଜୀଞ୍ଜୁ ହିତୁଡ଼ି ଆଆତାକି ଏଞ୍ଜାରି ତାଶାଟି ହେଲ ବେଟାଆହାନା ମାକିଦନିୟାତା ହାଚେଏ ।

**କ୍ରୀସ୍ତ ତାଶାଟି ଜୀଶା ଆନାୟି**

୧୪ ସାମା ମାହାପୁରୁଇଁ ଜହରା ଆପେ, ଏଞ୍ଜାସି ବାରେବେଲା ମାଜେ ଅହାନା କ୍ରୀସ୍ତ ତାଶା ଜୀଶାଆଡ଼ି ଲେହେ ହାଜାମାନେସି, ଇଞ୍ଜା ବାରେ ଟାୟୁତା ତାନି ବୁଦି ଲେହେଡ଼ି ଗାନ୍ଦା ମା ତାଶାଟି ଝେକହିମାନେସି । ୧୫ ଇତିହ୍ ଗେଲପି ଆହିମାନି ଲକୁତାଶା ଇଞ୍ଜା ନାସା ଆହିମାନି ଲକୁତାଶା ମାର ମାହାପୁରୁ ନକିତା କ୍ରୀସ୍ତତି ହାରେକା ନେହ୍ ଗାନ୍ଦା ଲେହେ ଆହାମାନାୟି । ୧୬ ରକଞ୍ଜାକି ଲକୁତାକି ହାକି ହାନାୟି ଅତେ ରକଞ୍ଜାକି ଲକୁତାକି ଜୀଞ୍ଜୁହାନି ଲେହେଡ଼ି ନେହ୍ ଗାନ୍ଦା ଲେହେ । ସାମା ଇ ବାରେ କାମା କିହାଲି ଆମ୍ବାଆସି ଆଡ଼ିନେସି ? ୧୭ ହାରେକା ଲକୁ ବାଡ଼କାଲି ତାକି ମାହାପୁରୁତି କାରୁ ଝେକହି ମାନେରି, ମାମ୍ବୁ ଏଞ୍ଜାରିଲେହେ କିହିହିଲଅମି, ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଶା ମାଞ୍ଜାନା କାତା ଜଲିମାନମି ।

**୩**

**ପୁଃନି ମେରାତି ହଲିୟା**

୧ ମାର କି ଜାହାରାଇଁ ବତପଣ କିହାଲି ମାଟୁହା ମାନାୟି ? ଆମ୍ବା ଆମ୍ବାଆରି ଲେହେ ଏନାଆଁ ମୀ ତାଶା ଆଆତି ମୀ ତାଶାଟି ମା ତସପି ଆନାୟି ଲତାମାନେ ? ୨ ମୀରୁତ ମା ହିୟାତା ରାସ୍‌କି ଆହାମାନାତେରି ଇଞ୍ଜା ବାରେଜାଶା ପୁଞ୍ଜାମାନାୟି ଅତେ ପଡ଼ଞ୍ଜି ଆହାମାନି ମା ଆକୁ ଲେହେ; ୩ ଅତେ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍ତତି ଆକୁ ଲେହେ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍‌କି ଆହାହିଲେଏ, ସାମା ଜୀଞ୍ଜୁତି ମାହାପୁରୁତି ସୁଦୁଜୀଞ୍ଜୁ ତଲେ ରାସ୍‌କି ଆହାମାନେ, ଖାଲି ପାଟାତା ଆଏ, ସାମା ଉୟୁଗାଟି ହିୟା ପାଟାତା ।

୪ କ୍ରୀସ୍ତ ତାଶାଟି, ମାହାପୁରୁ ନକିତା ବାସ୍‌କି ଇଗାନା ମାଡ଼ି ଇଲେତି ଆଟ୍‌ଞ୍ଜା ନାମୁ ମାନେ । ୫ ମାର ମା ତାଶାଟି ଏନାଆଁ କିହାଲି ଆଡ଼ାଆୟି, ଏଲେକ୍ ଆଏ, ସାମା ମାହାପୁରୁ ତାଶାଟି ଆଡ଼ିନି ବାଡ଼ୟୁ ମାନେ; ୬ ଏଞ୍ଜାସି ମାଜେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହ୍ ଜୀଞ୍ଜୁତି ଇତିହ୍ ପୁଃନି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜାନେସି; ଇତିହ୍

ରାସ୍‌କି ଆହାମାନି ରାଜିମାନା ହାଞ୍ଜିକିନେ ସାମା ନେହ୍ ଜୀଞ୍ଜୁ ନୀଡ଼ିକିନାୟି ।

୭ ଅତେ ତୀସ୍‌ତି ଖାଲି ପାଟାତା ରାସ୍‌କି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାଞ୍ଜୁରମି ତଞ୍ଜାଆହାମାତେ, ଇତିହ୍ ଇସ୍ତାୟେଲ ଲକୁ ମସା ମୁମ୍ବୁତି ନାସା ଆନି ଉଜେଡ଼ି ତାକି ଏଞ୍ଜାଶି ମୁମ୍ବୁ ମେସାଲି ଆଡ଼ାଆତେରି, ୮ ଆଡ଼ିହ୍ ନେହ୍ ଜୀଞ୍ଜୁତି ସେବା କାମା ଏଚେକା ଗାଡ଼ି ଗାଞ୍ଜୁରମି ଆଏକି ? ୯ ତଣ୍ଡ ଆଞ୍ଜିକିନି ସେବା କାମା ଗାଞ୍ଜୁରମି ଗାଟାୟି, ଆଡ଼ି ଦାମ୍ବୁତି ସେବା କାମା ଏଦାଆଁ କିହାଁ ଆଗାଡ଼ା ଗାଞ୍ଜୁରମି ଗାଟାୟି ଆନେ । ୧୦ ଇତିହ୍ ଆମିନି ଗାଟାୟି ଗାଞ୍ଜୁରମି ଗାଟାୟି ମାତେ, ଏଦି ଏଦାନି କିହାଁ ଆଗାଡ଼ା ଗାଞ୍ଜୁରମି ଆନି କିହାଁ ଗାଞ୍ଜୁରମି ହିଲାଆଗାଟାୟି ଆଡେ । ୧୧ ଗାଡ଼େକା ତାକି ନାସା ଆନାୟି ଗାଞ୍ଜୁରମି ବେଟାଆହ୍, କାଲାକାଲା ତାକି ମାନାୟି ଏଚେକା ଆଗାଡ଼ା ଗାଞ୍ଜୁରମି ତଞ୍ଜାଆନେ ।

୧୨ ଇତିହ୍ ମାଜେ ଏଲେତି ବାସ୍‌କି ମାନାକି ହାରେକା ସାସା ଆହାମାନମି । ୧୩ ଅତେ ଇସ୍ତାୟେଲ ଲକୁ ଏନିକ୍ ଗାଡ଼େକା ତାକି ନାସାଆନି ଗାଞ୍ଜୁରମିତି ସିନିକିଅରି, ଏଦାଆଁତାକି ମସା ଏନିକ୍ ତାନି ମୁମ୍ବୁତି ହିମ୍ବୁରି ପୁକ୍‌ହା କତିମାତେସି, ମାମ୍ବୁ ଏଲେକ୍ କିହିହିଲଅମି । ୧୪ ସାମା ଏଞ୍ଜାରି ବୁଦିତି କାଶ୍‌କା ପଡ଼ଞ୍ଜି ଆହାମାନୁ, ଇତିହ୍ ନୀଞ୍ଜୁପାତେକା ପୁଃଞ୍ଜ ରାଜିମାନା ପତି ପଡ଼ଞ୍ଜି ଆନାଟି ଏ ହିମ୍ବୁରି ପିଡ଼ଗିନାୟି ନୀଏଁ ପାତେକା ତ୍ରୟାମାନେ, ଇଞ୍ଜା କ୍ରୀସ୍ତ ତାଶାଟି ଏ ହିମ୍ବୁରି ଗୁଟା ଆହାମାନେ, ଏଦି ତଞ୍ଜା ଆହିହିଲେଏ । ୧୫ ସାମା ନୀଏଁ ପାତେକା ମସାତି ମେରା ପଡ଼ଞ୍ଜି ଆନାଟି ଏଞ୍ଜାରି ହିୟାଁ ହିମ୍ବୁରି ପୁପ୍‌କି ଆହାଁ ତୟିନେ । ୧୬ “ସାମା ଆମ୍ବାଆସି ଆପେସି ପ୍ରବୁ ଖାକି ଝେଶ୍ଟାଞ୍ଜାଡ଼ିହ୍ ଏଞ୍ଜାଶି ପୁପ୍‌କି ଆହାମାନି ହିମ୍ବୁରି ଗୁଟାଆନେ ।” ୧୭ “ପ୍ରବୁ” ଏ ଜୀଞ୍ଜୁ, ଇଞ୍ଜା ଏମ୍ବିୟା “ପ୍ରବୁତି ଜୀଞ୍ଜୁ” ମାନେ ଏମ୍ବାଆଁ ବାରେ ମେଲା ଆନାୟି ମାନେ । ୧୮ ସାମା ମାର ବାରେତାୟି ମୁମ୍ବୁ ପୁକ୍‌ଆନା ଦାପେଶିତା ମେହ୍‌ନି ଲେହେ ପ୍ରବୁତି ଗାଞ୍ଜୁରମି ମେସି ମେସିହ୍ ଗାଞ୍ଜୁରମିତି ହାରେକା ଗାଞ୍ଜୁରମି ଆହାନା ତାନି ଏ ଞ୍ଜାଶା ତଲେ ବାଦ୍‌ଲି ଆହିମାନାୟି; ଇଞ୍ଜା ପ୍ରବୁ ଆମ୍ବାଆସିକି ଜୀଞ୍ଜୁ ଏଞ୍ଜାଶି ତାଶାଟି ଇ ବାରେ ଆହିମାନେ ।

**୪**

**ଇରଥା ଡ଼କା ବିତ୍ରା ନେହ୍ ଜୀଞ୍ଜୁତି ଦନ**

୧ ମାର ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଶା ବେଟାଆହାମାନାକି ସାସା ହିଲାଆ ଲକୁଲେହେ ଆହାହିଲାଆୟି, ୨ ସାମା ମାମ୍ବୁ ଲାଜା ଗାଟି ତଞ୍ଜା ଆଆଗାଟି ଲାଗେଏଡ଼ି କାମା ପିସାମାନମି; ଇଞ୍ଜା ମାମ୍ବୁ ନୁଡ଼ି କିଅମି ଅତେ

ମାହାପୁରୁ କାତାତି ମିତି କାଲହାନା ଝେସିହିଲଅମି, ମାହାପୁରୁ କାନୁତା ନେହଁ କାରୁତି ସାତା କିହଁ ଝେକହାନା ବାରେଜାଣାତି ନେହଁ ଅଣପୁ ତାକି ନେହଁତମି ତଞ୍ଜା ଆହିମାନମି । ୩ ଏଦାଆଁତାକି ଇତିହଁ ମାରୁ ଝେକହାନାନି ନେହଁ କାରୁ ତରୁା ମାତିହଁ, ଏଦି ଝାରଇ ଜାଜ୍ଞା ମାନାରାକି ତରୁାମାନେ । ୪ ମାହାପୁରୁ ଝାଣା ଲେହେଁତି କ୍ରୀସ୍ତ ତାନି ଗାଝୁରମିଗାଟି ନେହଁ କାରୁତି ଉଜେଡି ଏନିକଁ ଇଲେତି ଲକୁକି ତଞ୍ଜା ଆଏ, ଏଦାଆଁତାକି ନାମାଆଗାଟାରି ବୁଦି ଦାରତିତି ପଲୁଆ ପେନୁ କାଣାୟାଁ କିହାମାନେ । ୫ ମାମ୍ନୁ ମାଜେତାକି ଝେସାକତିହିଲଅମି, ସାମା କ୍ରୀସ୍ତଇଁ ପ୍ରବୁ ଇଞ୍ଜି ଅଡେ ଜୀସୁ କ୍ରୀସ୍ତ ତାକି ଜାହାରାଇଁ ମୀ ହଲିୟାଜାତମି ଇଞ୍ଜି ଝେକହି ମାନମି, ୬ ଏଦାଆଁତାକି ଇତିହଁ ଆମିନି ମାହାପୁରୁ ଏଲେଇଞ୍ଜାମାରେସି, “ଆମେରିତି ଉଜେଡି ତଞ୍ଜା ଆପେ,” ଏଝାସି କ୍ରୀସ୍ତତି ମୁମ୍ବୁତୁ ତଞ୍ଜା ଆହିମାନି ମାହାପୁରୁତି ଗାଝୁରମିଗାଟି ବୁଦିତି ଉଜେଡି ତସାଲି ତାକି ମା ହିୟାଁତି ଉଜେଡି କିହାମାନେସି ।

୭ ସାମା ମାରୁ ଝାରଇ ଇରଥା ତକାତା ଇ ଲାକପୁରୁତି ଦନ ବେଟାଆହାମାନାୟି । ଇମ୍ବାଆଁ ପୁଣ୍ଡି ଆହିମାନେ ଇଲେତି ଲାକପୁରୁତି ବାଡ଼ମୁ ମାଦି ଆଏ ସାମା ମାହାପୁରୁଝାୟି । ୮ ମାମ୍ନୁ ବାରେଲେହେଁତି ଦୁକୁ କସ୍ତ ବେଟାଆହାମାନମି, ସାମା ମାମ୍ନୁ ସୁଣ୍ଡି ଆହି ହିଲଅମି । ଏତେ ଏତେଲା ଆତାଜାକା ଆଡି ଜିକେଏ ନୀରାସା ଆହାହିଲଅମି । ୯ ମାମ୍ନୁ ସାସ୍ତି ବେଟା ଆହିମାନମି ସାମା ମାହାପୁରୁ ମାଜେ ଏତେଲା ପିସାମାଞ୍ଜଅସି । ଏତେ ଏତେକା ମାଡା ବେଟାଆହି ମାନମି ସାମା ନାସା ଆହାହିଲଅମି । ୧୦ ଜୀସୁତି ଜୀଝୁ ଏନିକଁ ମା ତାଣା ତଞ୍ଜାଆନେ, ଏଦାଆଁତାକି ମାରୁ ବାରେ ବେଲା ମା ଆଜ୍ଞାତା ଜୀସୁତି ହାକି ତେକା ମାନାୟି । ୧୧ ଇତିହଁ ଜୀସୁତି ଜୀଝୁ ଏନିକଁ ମା ହାନି ଆଜ୍ଞାତା ତଞ୍ଜାଆନେ, ଏଦାଆଁତାକି ମାରୁ ନୀତାମାତି ଜିକେଏ ବାରେବେଲା ଜୀସୁତି କସ୍ତମି ହାକିତା ହେରପି ଆହିମାନାୟି । ୧୨ ଇଲାଆହଁ ମା ତାଣା ହାକି, ଅଡେ ମୀ ତାଣା ଜୀଝୁ କାମା କିହିମାନେ ।

୧୩ ରାସ୍ତକି ଆହାମାନେ, “ନାନୁ ନାନିତାକି ଜଲିତେର୍ସ ।” ମାରୁ ଏ ନାମୁତି ଜୀଝୁ ବେଟାଆହାମାନାୟି, ଇଞ୍ଜା ମାରୁ ନାମାମାନାୟି ଏଦାଆଁତାକି ଝେକହି ଜିକେଏ ମାନାୟି । ୧୪ ମାମ୍ନୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିଟି ଝେଣ୍ଡେ ନିକହାମାନେସି । ଏ ମାହାପୁରୁ, ଜୀସୁତଲେ ମାଜେ ଜିକେଏ ନିକହାନେସି ଅଡେ ମୀ ତଲେ ମାଜେ ତାନି ତାଗେ ଅୟାନେସି । ୧୫ ମୀ ନେହେଁତାକି ଇ ବାରେ ଆହିମାନେ । ମାହାପୁରୁତି କାର୍ମାମେହନାୟି ଅଡେ ହାରେ ଗାଡି ପାତାଆହାନା

ଲକୁଣି ତୀଗିତେ, ଅଡେ ହାରେକା ଲକୁ ରାହଁ ଅଣପୁ ତଲେ ମାହାପୁରୁଇଁ ଗାଝୁରମି କିନେରି ।

**ନାମୁତି ଜୀଝୁ**

୧୬ ଏଦାଆଁତାକି ମାମ୍ନୁ ଝାହା ହିଲଅମି, ସାମା ମା ଦାରତିତି ଆଜ୍ଞା ମେଣ୍ଡିତି ଜିକେଏ ମା ହିୟାଁ ବିତ୍ରାତି ଜୀଝୁ ପୁଞ୍ଜାୟି ଆହିମାନେ । ୧୭ ଇତିହଁ ଇ ଗାଡେକାତି କସ୍ତ ହାରେକା ଗାଡି ମାଜେ ତାକି କାଲାକାଲା ରାଆଗାଟି ଗାଝୁରମି ତାନେ; ୧୮ ମାରୁ ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଟାଣି ଗୁରି କିହିମାନାୟି; ଇତିହଁ ତଞ୍ଜା ଆହିମାନାୟି ଗାଡେକା ତାକି, ସାମା ତଞ୍ଜା ଆଆଗାଟାୟି କାଲାକାଲାତାୟି ।



୧୯ ମାରୁ ପୁଞ୍ଜାମାନାୟି, ଆମିନି ଦାରତିତି ତୁମ୍ବୁ ଲେହେଁତି ଇଲୁତା ନୀର୍ସ ମାରୁ ବାସା କିହାମାନାୟି, ଏଦି ନସ୍ତ ଆଡିସାରେ ମାହାପୁରୁ ମାଜେ ଲାକପୁରୁ ର କାଲାକାଲାତି ଇଲୁ ମେଡି କିୟାନେସି । ଏଦି ମାଣସି କେୟୁଟି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡିକିତାସି । ୨୦ ଇ ଦାରତିତି ଇଲୁତା ମାଞ୍ଜାନା ମାରୁ ଲାକପୁରୁ ଇଲୁତି ହିମ୍ବୁରି ହୁଚାଲି ମନ କିହାନା ତ୍ରୀହି ମାନାୟି । ୨୧ ସାମା ଲାକପୁରୁତି ବାସା ଗାୟୁତା ହରିସାରେ ମାରୁ ଆଜ୍ଞା ହିଲାଆଗାଟାତାୟି ଆଆନା ନାରୁଡା ତଞ୍ଜା ଆଆୟି । ୨୨ ଇତିହଁ ମାରୁ ଇ ଦାରତିତି ତୁମ୍ବୁତା ବାସା ଆହାନା ବକୁଗାଟି ହିୟାଁ ତଲେ ତ୍ରୀହି ମାନାୟି; ଇତିହଁ ମାରୁ ଦାରତିତି ଆଜ୍ଞା ପିସାଲି ଅଣପିମାନାୟି ଏଦି ଆଏ, ସାମା ଜୀଝୁ ଏନିକଁ ଦାରତିତି ନାସାକିନେ, ଇଦାଆଁତାକି ଇ ହାନି ଆଜ୍ଞାତି ମୁହେଁ ଲାକପୁରୁତି ହିମ୍ବୁରି ହୁଚାଲି ମାରୁ ମନ କିହିମାନାୟି । ୨୩ ମାହାପୁରୁ ମାଜେ ଇ ବାଦଲଝି ଆନାଣି ତାକି ତିୟାରା କିହାଁ ମାଞ୍ଜାନେସି । ଅଡେ ଇଦାଣି ତୀରପୁକିନାଣି ଲେହେଁ ତାନି ସୁଦୁଜୀଝୁ ଏଝାସି ମାଜେ ହାହାମାଞ୍ଜାନେସି ।

୨୪ ଏଦାଆଁତାକି ମାମ୍ନୁ ବାରେବେଲା ସାସା ଆସାମାନମି । ମାମ୍ନୁ ପୁଞ୍ଜାମାନମି, ଏତରଦିନା ପାତେକା ଇ ଆଜ୍ଞାତା ବାସା କିହାମାନମି, ଏତରଦିନା ପାତେକା ପ୍ରବୁତି ଇଲୁତି ହେକ ମାଞ୍ଜାନା ନୀତା ବାଡ଼କିମାନମି, ୨୫ ଏଦାଆଁତାକି ଇତିହଁ ମାରୁ ତଞ୍ଜାଆହିମାନି ଦିଶ୍ପୁ ଲାକ ଆଏ ସାମା ନାମୁ ଲାକ ନୀତା ବାଡ଼କି ମାନାୟି । ୨୬ ଏଦାଆଁକି ଇତିହଁ ମାମ୍ନୁ ସାସା ଗାଟାତମି, ଇଞ୍ଜା ଇ ଆଜ୍ଞା ପିସାନା ପ୍ରବୁ ତଲେ ବାସା କିହାଲି ମାମ୍ନୁ ହାରେକା ରାହଁ । ୨୭ ଏଦାଆଁତାକି ଇମ୍ବାଆଁ ଜାହାରା ଇଲୁତା ମାତିହଁ କି ହେକ ରାଜି ମାତିହଁ ଜିକେଏ, ମାହାପୁରୁଇଁ ରାହଁ କିନାୟି ଏ ମା ରଣ୍ଡିଏ ଅଣପୁ । ୨୮ ଇତିହଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଜ୍ଞା ତଲେ କିତି କାମାତି ଲେକାତଲେ

ପାଠେୟି ବେଟାଆହାଲି ତାକି କ୍ରୀସ୍ତତି ନୀହାୟି କିନି ଟାୟୁ ନକିତା ବାରେତାୟି ମାଜେ ନିକା ହାଜାଲି ଆନେ ।

କ୍ରୀସ୍ତ ତାଣାଟି ମାହାପୁରୁତି ତଣେସିଙ୍ଗା ଆନାୟି  
୧୧ ପୁରୁଇଁ ଆଜିନାଣି ପୁଞ୍ଜାମାନାକି ମାମ୍ନୁ ମାଣ୍ଡସିୟାଁଇଁ ମାତଞ୍ଜିକିହି ମାନମି, ସାମା ମାମ୍ନୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣ୍ପୁତା ଜିକେଏ ତଞ୍ଜା ଆହାମାନମି, ଇ କାତା ନାମ୍ନୁ ଆସା କିହିମାଲ୍ । ୧୨ ମାମ୍ନୁ ମୀ ତାଣା ଅଡେ ବତପଣ ତସାଲି କିହିଲିଅମି, ସାମା ଲକୁତି ନେହଁ ଅଣ୍ପୁ ତାକି ବତପଣ ତହୁଆନା ଖାରଇ ଏଞ୍ଜାରି ଆଙ୍ଗାତି ରାହାଁତାକି ବତପଣ ତହୁନାରାଇଁ ମୀରୁ ଖେଣ୍ଡେ ଖେସାଲି ଆଡିଦେରି, ଏଦାଆଁତାକି ମୀରୁ ମା ତାକି ବତପଣ ତସାଲି ଆଡିଦେରି ଇଞ୍ଜା ଖେସିମାଞ୍ଜାନମି । ୧୩ ମାମ୍ନୁ କି ବୁଦି ହିଲାଆ ଗାଟାତମି ? ଏଦି ମାହାପୁରୁ ତାକି ଆହାମାନେ ମାମ୍ନୁ କି ବୁଦିଗାଟାତମି ଆହାମାନମି ? ମା ନେହେଁ ମାଟିସାରେ, ମୀ ତାକି ଏଲେଆହଁ ମାନମି । ୧୪ ଇତିହଁ କ୍ରୀସ୍ତତି ଜାଞ୍ଜୁ ନନି ତାଣାଟି ସାଲଞ୍ଜି ଆହିମାନାୟି, ଏଦାଆଁତାକି ମାରୁ ଇ କାତା ଅଣ୍ପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି । ୧୫ ଏଞ୍ଜାସି ବାରେଜାଣା ତାକି ହାହାମାନାକି ଆମିନି ଗାଟାରି ନୀତାମାନେରି, ଏଞ୍ଜାରି ଅଡେ ଜାହାରାତାକି ନୀତାଆନା ଏଞ୍ଜାଣି ତାକି ନୀତିନେରି, ଏଦାଆଁତାକି ଇତିହଁ ଏଞ୍ଜାରି ତାକି ଏଞ୍ଜାସି ହାହାନା ଖେଣ୍ଡେ ନୀତାମାନେସି ।

୧୬ ଇଦାଆଁତାକି ମାମ୍ନୁ ଆମ୍ବାଆରାଇଁ ମାଣ୍ଡସି ଅଣ୍ପୁ ତଲେ ବିଚାରା କିହିଲିଅମି । ଦିନା ମାଟେ ଏଟିବେଲା ମାମ୍ନୁ କ୍ରୀସ୍ତଇଁ ଜିକେଏ ମାଣ୍ଡସି ଅଣ୍ପୁ ତଲେ ଅଣ୍ପିମାଟମି, ସାମା ନୀର୍ଏ ମାମ୍ନୁ ଅଡେ ଏଲେ କିହିଲିଅମି । ୧୭ ଇଦାଆଁତାକି ଆମ୍ବାଆସି କ୍ରୀସ୍ତ ତାଣା ମାଟିସାରେ ଆତିହଁ ଏଞ୍ଜାସି ପୁଞ୍ଜାସି ଆନେସି । ପାଣ୍ଡାଆୟି ବାରେ ମେଣ୍ଡଙ୍ଗାମାନେ, ମେହଦୁ ପୁଞ୍ଜାୟି ଆହା ଆନେ । ୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଞ୍ଜାସି କ୍ରୀସ୍ତ ତାଣାଟି ମାଜେ ତାନିତଲେ ଅଡେ ଆଟହା ମାଞ୍ଜାନେସି ଇଞ୍ଜା ତାନିତଲେ ସେବାକିନି ପାଣା ଆଟହାଲି ଏଞ୍ଜାସି ମାଜେ ଦାୟିପତି ହାହାମାଞ୍ଜାନେସି । ୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସ୍ତ ତାଣା ଦାରୁତିତି ତାନିତଲେ ଆଟହାମାଟେସି; ଏଞ୍ଜାସି ଦାରୁତିତି ଲକୁତି ଦହୁ ଆହୁଆନା ଏ ଆଣ୍ଡିନି ବଲୁତି ମା ତାଣା ହେରପା ମାଞ୍ଜାନେସି ।

୨୦ ଏଦାଆଁତାକି ମାହାପୁରୁ ମା ଖାକିଟି ହାଟିମାଞ୍ଜାନାକି ମାରୁ କ୍ରୀସ୍ତତି ଖାକିଟି ରାଜାତି କାରୁ ଖେହନାତାୟି ଆହାମାନାୟି; କ୍ରୀସ୍ତ ତଲେ ମାରୁ

ବାତିମାଲି ମାଞ୍ଜାନମି, ମାହାପୁରୁ ତଲେ ଅଡେ ଆଣ୍ଡାଦୁ । ୨୧ ଇତିହଁ କ୍ରୀସ୍ତକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଜେ ମା ତାକି ପାପୁ ଗାଟାଣିଲେହେଁ କିଡେସି, ମାରୁ ଏନିକଁ ତାନିତଲେ ଆଣ୍ଡାନା ମାହାପୁରୁତି ଦାମ୍ବୁତା ଆଣ୍ଡାଲି ଆଡିନାୟି ।



୧ ମାହାପୁରୁ ତଲେ ଆଣ୍ଡୁଞ୍ଜି ଆହାନା କାମା କିହିମାନାକି ମାମ୍ନୁ ମିଜେ ବାତିମାଲି ମାଞ୍ଜାନମି, ମୀ ଜୀଞ୍ଜୁତା ମାହାପୁରୁତି କାର୍ମାମେହନାଣି ଉଜେଏ କିଆଦୁ । ୨ ମାହାପୁରୁ ଏଲେଇଞ୍ଜି ମାନେସି, “ମିଜେତାକି କାର୍ମା ମେସ୍ତାନି ଦିନା ଖାହାଲିଏ ନାମ୍ନୁ ମୀ ଗହାରା ଖେଟେଏ, ଗେଲ୍ପିନି ଦିନା ନାମ୍ନୁ ମୀ ସାୟେମି ଆୟାଡେଏ” ମେହଦୁ ! ଇଦି ଆହିମାନେ ମାହାପୁରୁତି କାର୍ମାମେହନାଣି ବେଟାଆନି ବେଲା । ନୀଞ୍ଜୁ ଆହିମାନେ ଗେଲ୍ପିଆନି ଦିନା ।

୩ ଏନିକଁ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ନୁ ଆମ୍ବାଆରି କାମାତା ବାଦା ହାଆପ ଇଞ୍ଜା ଅଣ୍ପିମାନମି । ୪ ଏଦାଆଁତାକି ମାମ୍ନୁ ବାରେବେଲା ମାହାପୁରୁତି ସେବା କିନାରା ଲେହେଁ ତସାକଡିମାନମି, ସାମା ଆଟଞ୍ଜା ତଲେ ବାରେଲେହେଁତି ବାଦାତା, ହିଲାଆ ବେଲାତା କସ୍ତୁ ଅରୁହିମାନମି, ୫ ମାମ୍ନୁ ମାତା ବେଟାଆହାନା, କାୟିଦିତା, ଲକୁ ନକିତା ନିନ୍ଦା ବେଟାଆହାନା, ଇଞ୍ଜା ଖାହୁ କାମାତା, ଇଦା କିଆନା, ରାନ୍ଦା ତିନାଆନା ମାଟମି, ୬ ସୁଦୁଟି, ବୁଦିଟି, ଅରୁହିନି ତାଣାଟି, କାର୍ମାମେହନି ତାଣାଟି, ସୁଦୁଜାଞ୍ଜୁତା, କୁଟୁ ହିଲାଆନା ଜୀଞ୍ଜୁନନାୟି, ୭ ଅଡେ ସାତା ନେହଁ ବଲୁତା, ମାହାପୁରୁତି ବାଡ଼ୟୁ ତଲେ, ଟିଞ୍ଜି ଟେବ୍ରି କେୟୁଟି ଦାମ୍ବୁତି ସାକୁ ତଲେ, ୮ ଗାଞ୍ଜୁରମି ଅଡେ ଅପାଆ ତାଣା, ମାମ୍ନୁ ମାଟି ବେଟାଆହି ମାନମି ଇଞ୍ଜା ଲାଜା ବେଟାଆହି ମାନମି; ଇଞ୍ଜା ନାଡିକିଞ୍ଜି ଆହିମାନମି, ଆଡିଜିକେଏ ସାତା ଗାଟାତମି । ୯ ପୁଣ୍ଡି ଆଆତି ଲକୁ ଲେହେଁ, ଆଡି ଜିକେଏ ନେହଁ ପୁଣ୍ଡିଆଡି ଲକୁ, ହାଟାରି ଲେହେଁ ଆଡି ଜିକେଏ ମେହଦୁ ମାମ୍ନୁ ନୀତାମାନମି, ମାମ୍ନୁ ତଣ୍ଡୁ ବେଟାଆହାମାନମି ସାମା ହାହା ହିଲିଅମି, ୧୦ ମାମ୍ନୁ ଦୁକୁ ତଲେ ମାଟିହଁ ଜିକେଏ ବାରେବେଲା ରାହାଁ ତଲେ ମାନମି, ମାମ୍ନୁ କାକୁଲି ଗାଟାତମି ଲେହେଁ, ସାମା ହାରେକା ଲକୁତାକି ବାଡକା ମାନମି, ମାଜେ ଏନାୟି ହିଲାଆଲେହେଁ ସାମା ମାମ୍ନୁ ସାତାତଲେ ବାରେତି ଅଦିକାରା ଗାଟାତମି; ଇ ବାରେତାଣା ମାମ୍ନୁ ମାହାପୁରୁତି ସେବା କିନାତମି ଲେହେଁ ଜାହାରାଇଁ ଜଗେ ଗାଟାତମି ଇଞ୍ଜା ତସାକଡି ମାନମି ।

☆ ୬:୫ ୬:୫ କାମା ୧୭:୨୩

୧୧ କରନ୍ତିତା ମାନି ଜୀବୁତି ତାୟିୟା ଅଡେ ତାଜିସ୍ତାତେରି, କୁଟୁ ହିଲାଆଲେହେଁ ମିଜେ ବାରେ ଖେସା ମାଞ୍ଜାନମି । ମୀ ତାଣା ମା ହିୟା ଦେତାମାନମି । ୧୨ ମିଜେତାକି ମା ଜୀବୁନନାୟି ଉଣା ଆହା ହିଲେଏ ସାମା ମା ତାକି ମୀ ଜୀବୁନନାୟି ଉଣା ଆହାମାନେ । ୧୩ ମିଜେ ନା ମୀରକା ମାସକା ଇଞ୍ଜି ଅଣ୍ଟାପାନା ଇ ବାରେ ଖେସିମାଞ୍ଜାଇଁ, ମାମ୍ ଜୀବୁନହଁ ମାଞ୍ଜାନାକି ମୀ ହିୟା ଦେପି ଆପେ ।

**ଲାଗେଏ ତାଣାଟି ଜାଗ୍ରାତା କିନାୟି**

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡି ଲେହେଁ କାମା କିଆଦୁ, ଦାମ୍ କାମାତା ଲାଗେଏତି କାମା ଏନିକଁ ଆଣ୍ଟିନେ ? ଅଡେ ଆନ୍ଦେରି ତଲେ ଉଜେଡି ଏନିକଁ ଆଣ୍ଟିନେ ? ୧୫ କ୍ରୀସ୍ତ ଇଞ୍ଜା ବିଲିୟାର ଏନିକଁ ଜାଟୁ ଆନେରି ? ନାମିତାରି ଇଞ୍ଜା ନାମାଆତାରି ଆମିନି କାତାତା ରଣ୍ଟିଏ ଆନେରି ? ୧୬ \*ମାହାପୁରୁତି ଇଲୁତା, ଏନିକଁ ପେଣକାତି ପୂଜା ଆନେ ? ସାମା ମୀରୁ ନୀତାମାନି ମାହାପୁରୁତି ଇଲୁତାୟି, ଇତିହଁ ମାହାପୁରୁ ତାନୁଏ ଏଲେଇଞ୍ଜା ମାନେସି,

“ନା ଲକୁତଲେ ନାନୁ ବାସା କିଇଁ,  
ଅଡେ ଏଞ୍ଜାରିତଲେ ମାଇଁ,  
ନାନୁ ଏଞ୍ଜାରି ମାହାପୁରୁ ଆଇଁ,  
ଅଡେ ଏଞ୍ଜାରି ନା ଲକୁ ଆନେରି ।”

୧୭ ଏଦାଆଁତାକି ପ୍ରବୁ ଏଲେଇଞ୍ଜା ମାନେସି,  
“ମୀରୁ ଏଞ୍ଜାରି ତାଣାଟି ହଡା ଖାଦୁ,  
ଏଞ୍ଜାରି ତାଣାଟି ଏଟକା ଆଦୁ,  
ଏନି ଲାଗେଏତି ଦିଶ୍ଟୁ ତୀଗାଆଦୁ,  
ଆଡିହଁ ନାନୁ ମିଜେ ଆବାଇଁ,

୧୮ ନାନୁ ମୀ ଆବା ଆଇଁ,  
ଅଡେ ମୀରୁ ନା ମୀରକା ମାସକାତେରି  
ଆଦେରି,  
ବାରେକିହାଁ ବାଡୁମୁଗାଟି ପ୍ରବୁ ଇଦାଆଁ  
ଖେସିମାଞ୍ଜାନେସି ।”



୧ ଇତିହଁ, ଏ ତାୟିୟା ଅଡେ ତାଜିସ୍ତାତେରି, ଇ ବାରେ ଆଞ୍ଜାମାଟାଣି ମେଡା ଆହାମାନାକି ଖାଦୁ, ମୀର ମା ଆଙ୍ଗା ଅଡେ ଜୀବୁତି ଲାଗେଏ ତାଣାଟି ଆଟହା କତିନ, ଇଞ୍ଜା ମାହାପୁରୁଇଁ ଆଜାନା ସୁଦୁ ମାଣକିତା ନେହଁ ଆନ ।

**ପାଞ୍ଜୁଲତି ରାହାଁ**

୨ ମୀ ହିୟାତା ମାଜେ ଟାୟୁ ହିୟାଦୁ, ମାମ୍ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାସା କିହାହିଲଅମି କି ଆମ୍ବାଆରାଇଁ ବୁଡ଼ି କିହାହିଲଅମି । ୩ ନାନୁ ମିଜେ ଦହ ଦସାଲି ଇଦାଆଁ ଖେସିମାଞ୍ଜାଅଁ; ଇତିହଁ ନାନୁ ତଲିଏ

ଖେସାମାଞ୍ଜାଇଁ, ମୀରୁ ମା ହିୟାତା ଏଚେକା ଟାୟୁ ବେଟାଆହାମାନାକି ମୀର ହାଡିହଁ ରଣ୍ଟିଏ ତାଣା ହାନ, ନୀଡିତିହଁ ରଣ୍ଟିଏ ତାଣା ନୀଡିନ । ୪ ମୀ ତାଣା ନାଜେ ହାଡେକା ନାମ୍ ମାନେ, ମିଜେତାକି ନାଜେ ହାଡେକା ବଡପଣ ହଡି ମାଞ୍ଜାନେ; ନାନୁ ଦୁକୁ ତୁକହା ମାଇଁ, ମା ବାରେ କସ୍ତା ନାନୁ ସାସା ଆହାମାଇଁ, ଅଡେ ନା ହିୟାତା ରାହାଁ ହଡିମାଞ୍ଜାନେ ।

୫ \*ମାକିଦନିୟାତା ଏଜାଲିଏ ଜିକେଏ ପାଙ୍ଗାତା ଗଡହା ବିଡା ଆଜି, ଇଲେତି କସ୍ତ ବେଟାଆହାଲିଏ ମା ଆଙ୍ଗା ଜିକେଏ ଜମାଲି ପୁଞ୍ଜାଆଡେ । ୬ ସାମା ହେଲା ଗାଟାରାଇଁ ସାସା ହାନି ତିତସଇଁ ମାହାପୁରୁ ପାଣ୍ଟାନା ମାଜେ ସାସା ହିୟାତେସି । ୭ ଖାଡ଼ଇ ତାନି ଖାଡାକି ରାହାଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି । ଏମ୍ବାଟି ମାଜେ ସାସା ହିୟାତେସି, ଏଚେକା ନାଜେ ମେସାଲି ମୀରୁ ଅଣ୍ଟିମାଞ୍ଜେରି, ଏଚେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁ ଇଟାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାଡେକା ରାହାଁ ଆହିମାଇଁ ।

୮ ନାନୁ ନା ତଲିତି ଆକୁତା ମିଜେ ଦୁକୁ ହାହାମାଞ୍ଜାତିହଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡେକା ତାକି ମିଜେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡିଜିକେଏ ୯ ନୀଏଁ ରାହାଁ ଆହିମାଇଁ, ମୀରୁ ନୀଏଁ ଦୁକୁ ଆଡେରି ଏଦାଆଁତାକି ଆଏ, ସାମା ମୀ ଦୁକୁ ମିଜେ ମନ ଖେଟପି କିତାକି ରାହାଁ ଆହାମାଇଁ; ଇତିହଁ ମା ତାଣାଟି ମୀଦି ଏନାୟିଖା ବୁଡ଼ି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି । ୧୦ ମାହାପୁରୁ ତାଣାଟି ଖାନ୍ ଦୁକୁ ଗେଲପାଲିତାକି ମନ ଖେଟପି କିଞ୍ଜିକିନେ, ଏଦାଆଁତାକି ଅଣ୍ଟିନାୟି ଲଡା ହିଲେଏ; ସାମା ଇ ଦାରତିତି ଦୁକୁ ହାଞ୍ଜିକିନେ । ୧୧ ମେହଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡେରି, ଏଡି ମୀ ତାଣା ଏଚେକା ରାହାଁଗାଟାୟି, ହାଅ, ମୀ ଦହ ହିଲାଆଗାଟାଣି ତସାମାନେ, ହାଅ ଏଚେକା ଅଣ୍ଟୁ, ଏଚେକା ଆଜି, ଏଚେକା ମନ, ଏଚେକା ସେବା, ଲାଗେଏତାଣି ଡଣ୍ଟୁ ହାହାଲି ଏଚେକା ଅଣ୍ଟୁ, ଏ ବାରେ ତାଣାଟି ମୀରୁ ଅଟହାତେରି ଇଞ୍ଜା ତଞ୍ଜା ଆହିମାଞ୍ଜେରି ।

୧୨ ଇଦାଆଁତାକି ନାନୁ ମୀ ତାଣା ଏ ଆକୁ ରାଡିତେଏଁ, ଆଡିହଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅଟହା ମାନେସି, ଏଞ୍ଜାଣାକି ରାଡିତେଏଁ, ଏଡି ଆଏ, ସାମା ମାଜେ ତାକି ମୀ ରାହାଁ ଏନିକଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜା ତଞ୍ଜାଆନେ, ଏଦାଆଁତାକି ରାଡିତେଏଁ । ଇତିହଁ, ମାମ୍ ସାସା

☆ ୭:୧୨ ୭:୧୭ ୧କର ୩:୧୭; ୭:୧୯ ☆ ୭:୫ ୭:୫ ୨କର ୨:୧୩

ବେଟାଆହାମାନମି । ୧୩ ଅଡ଼େ ମା ବାସ୍ତୁତା ମାମୁ ତିତସ ରାହାଁତାକି ହାରେକା ରାହାଁ ଆଡ଼ମି, ଇଚିହଁ ଏଞ୍ଜାଣି ଜୀଝୁ ମୀ ବାରେ ଜାଣା ତାଣାଟି ରାହାଁ କିହାମାଞ୍ଜେରି । ୧୪ ଆତିହଁ ଏନି କାତା ତିତସ ତାଣା ମୀ ତାକି ନାନୁ ବତପଣ କିହାମାଞ୍ଜ, ଆତଁ ଲାଜା ଆହାହିଲଅଁ, ସାମା ଏନିକଁ ମାର ବାରେ କାତାତା ମିଙ୍ଗେ ସାତା ଝେସାମାଞ୍ଜାତମି, ଏଲେକିହଁ ତିତସ ନକିତା ମା ବତପଣ ଆନାୟି ଜିକେଏ ସାତା ଇଞ୍ଜଁ ପୁଣ୍ଡିଆହାମାନେ । ୧୫ ଇଞ୍ଜା ମୀରୁ ଏନିକଁ ଆଜି ଅଡ଼େ ତୀରଗିହଁ ଏଞ୍ଜାଣାଞ୍ଜ ଆବାହାଁ ଏଞ୍ଜାଣି ତାଣା ବାରେଜାଣା ତେରି ମାନୁଝି ଆଡ଼େରି, ଏ ବାରେ ଅଣପାନା ମିଙ୍ଗେତାକି ତାନି ହିୟାତା ଜୀଝୁନନାୟି ହାରେକା ପାତା ଆଡ଼େ । ୧୬ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆତାଞ୍ଜ ଏଦାଆଁତାକି ନାଙ୍ଗେ ହାରେକା ରାହାଁ ହଡ଼ିମାଞ୍ଜାନେ ।



**କ୍ରୀସ୍ତାନା ଲକୁ ଦାନା ହାନାୟି**

୧ ଏ ମା ତାୟିୟାଁ ଅଡ଼େ ତାଞ୍ଜିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହୀହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମୁ ମିଙ୍ଗେ ଝେସିମାଞ୍ଜାନମି; ୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଜି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇଚିହଁ ଜିକେଏ; ଜାହାରା ଅଣପୁ ତଲେ ତାନି ଦାନା ହାନି ତାଣା ଏଞ୍ଜାରି ରାହାଁ ହାରେକା ମାତେ । ୩ ଏଦାଆଁତାକି ଇଚିହଁ ନାନୁ ସାକି ହୀହିମାଞ୍ଜ, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁରୁ କିହାଁ ଜିକେଏ ହାରେକା ଗାଡ଼ି ଦାନା ହୀହାମାନେରି । ୪ ଜୀହୁଦାତା ମାନି ମାହାପୁରୁ ଲକୁତି ସେବା କାମାତା ଆଣୁଝିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣପୁ ତଲେ ବାଡ଼ିମାଲିହଁ ମାଙ୍ଗେ ହେଲ ରୀସ୍ତାତେରି; ୫ ଏଞ୍ଜାରି ଝାରୁଇ ମା ଆସା କିହାମାନିଲେହେଁ କିହାହିଲାଆତେରି, ସାମା ମାହାପୁରୁ ମନତଲେ ସାଲଞ୍ଜି ଆହାନା ତଲିଏ ଜାହା ଜାହାରାଞ୍ଜ ପୁରୁ ତାଣା ଇଞ୍ଜା ମା ତାଣା ହେରପାତେରି । ୬ ତିତସ ମୀ ତାଣା ଏ କାର୍ମାମେହନି କାମା ଏନିକଁ ମାଟୁହା ମାତେସି, ଏଲେକିହଁଏ ଏଦାଆଁ ରାପୁହାଲି ଏଞ୍ଜାଣାଞ୍ଜ ସାସା ହୀତମି । ୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇଚିହଁ ନାନୁ, କହୁଗାଟାରି, ବୁଦି ଇଞ୍ଜା ବାରେଲେହେଁତି ରାହାଁ, ମିଙ୍ଗେତାକି ମା ଜୀଝୁନନାୟି, ଏଲେକିହଁ ବାରେ କାତା ଏନିକଁ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହଁଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ ।

୮ ନାନୁ ହୁକୁମି ହାନି ଲେହେଁ ଝେସିମାଞ୍ଜଅଁ, ସାମା ଅର ଲକୁତି ରାହାଁ ଆହାଲି ତସାନା ମୀ ଜୀଝୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଞ୍ଜ । ୯ ଇଚିହଁ ମା ପୁରୁ ଜୀସୁ କ୍ରୀସ୍ତତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକଁ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଦେରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିଜିକେଏ ମୀ ତାକି ହିଲାଆଗାଟାସି ଆଡ଼େସି ।

୧୦ ଏଦାଆଁତାକି ନା ଅଣପୁ ଇଦି, ଏ ବାରେ ମିଙ୍ଗେତାକି ନେହେଁ, ଏନିକିହଁ ତାଣୁଟିଏ ମୀରୁ ମୁଲୁଏ କାମା ମାଟୁହେରି, ଏଦି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣପାମାତେରି । ୧୧ ନୀଏ ଏ କାମା ଜିକେଏ ରାପୁଦୁ, ମୀରୁ ଏ କାମା କିହାଲି ଏନିକଁ ଅଣପାମାତେରି, ଏଲେକିହଁ ରାହାଁତି ଅଣପୁ ତଲେ ଏ କାମା ରାନେ । ୧୨ ଇଚିହଁ ହୀହାଲିତାକି ରାହାଁ ମାଚିହଁ ମାଣସି ତାନି ଆଡ଼ିନିଲେହେଁ ଏଦାଆଁ ହୀନେସି, ମାହାପୁରୁ ନକିତା ନେହାୟି ଆନେ ।

୧୩ ଇଚିହଁ ଏଟକାତାରି ଏନିକଁ ସୁକୁ ବେଟାଆନେରି, ଇଞ୍ଜା ମୀରୁ କସ୍ତ ବେଟାଆଦୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜଅଁ; ୧୪ ସାମା ସମାନା ଆହାଲିତାକି ନୀଏ ମୀ ବାଡ଼କୁ ତଲେ ଏଞ୍ଜାରି ଲଡ଼ା ମାନାଣି କିଞ୍ଜି ଆହିମାନେ, ଏନିକିହଁ ଏଞ୍ଜାରି ବାଡ଼କୁ ତଲେ ମୀ ହିଲାଆଗାଟାଣି ପୁରା କିଞ୍ଜିଆନେ, ଇଞ୍ଜା ଇଲେଆହଁ ସମାନା ତଞ୍ଜାଆନେ, ୧୫ ଦାର୍ମପତିତା ଏନିକିହଁ ରାସ୍ତକି ଆହାମାନେ, “ଆମ୍ବାଆସି ହାରେକା କୃତି କିତେସି, ଏଞ୍ଜାଣିଞ୍ଜାୟି ହାରାଆତେ, ଇଞ୍ଜା ଆମ୍ବାଆସି ଉଣା କୃତି କିତେସି, ଏଞ୍ଜାଣାକି ଉଣା ଆଆତେ ।”

**ତିତସ ଅଡ଼େ ତାନି ଆଟୁହିତାରି**

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଙ୍ଗେତାକି ତିତସ ହିୟାତା ରାହାଁ କିହାଲି ସମାନା ଅଣପିନି ମନ ହୀତେସି । ୧୭ ଇଚିହଁ ଏଞ୍ଜାସି ଝାରୁଇ ମା ବାଡ଼ିମାଲିତାଣି ଅପିତେସି, ଏଦି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଝାହାଲି ଏଞ୍ଜାସି ମନ କିହିମାନେସି । ୧୮ ଏଞ୍ଜାଣିତଲେ ମାମୁ ଅର ତାୟିଞ୍ଜ ପାଣ୍ଡିମାଞ୍ଜାନମି; ଏଞ୍ଜାସି ନେହଁ କାରୁ ଝେକନି କାମାତାକି ତାନି ଗାଝୁରମି ବାରେ କ୍ରୀସ୍ତାନା କୁଲମିତା ଝେଙ୍ଗାମାନେ, ୧୯ ଝାରୁଇ ଏଦି ଆଏ, ସାମା ଏଞ୍ଜାସି ଜିକେଏ ମା ସେବା ତଲେ ଆହିମାନି ଇ କାର୍ମାମେହନି କାମା ତଲେ ପୁରୁତି ଗାଝୁରମି ଇଞ୍ଜା ରାହାଁ ଅଣପୁ ତାକି ମା ତଲେ ତାକିନାସି ଆହାଲିତାକି କୁଲମିକା ତଲେ ଆଟୁଝି ଆହାମାନେସି ।

୨୦ ମା ତଲେ କିହିମାନି ଇ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହଁ ମାଙ୍ଗେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା

ଆହିମାନମି; ୨୧ ଇତିହାସ ଖାରଜ ପ୍ରଭୁ କାନୁତାକି ଆଏ, ସାମା ଲକ୍ଷ୍ମ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଶ୍ୱପିମାନମି ।

୨୨ ଅଡେ, ମାମ୍ବୁ ମା ଅର ତାୟିଇଁ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାତଲେ କାମାକିନାସି ଇଞ୍ଜାଁ ନେହାଁକି ପୁଞ୍ଜାମାନମି, ଇଞ୍ଜାଁ ମୀ ତାଣା ଆଟ୍ଟା ନାମ୍ବୁ କିହାଁ ମାନାକି ଏଞ୍ଜାସି ନାଏଁ ହାରେକା ରାହାଁ ଆହାମାନେସି । ୨୩ ତିତସ କାତା ଆମ୍ବାଆସି ଖେଞ୍ଜାତିହାଁ, ଏଞ୍ଜାସି ନା ଆଟ୍ଟାତାସି ଇଞ୍ଜାଁ ମୀ ତାକି ନା ତଲେ କାମାକିନାସି; ଇଞ୍ଜାଁ ମା ତାୟିୟାଁ କାତା ଖେଞ୍ଜାତିହାଁ, ଏଞ୍ଜାରି କୁଲମିକା ତାଣାଟି ପାଣ୍ଡୁଞ୍ଜି ଆହାମାନାରି, ଅଡେ କ୍ରୀସ୍ତତି ଗାଞ୍ଜୁରମି ଖେଞ୍ଜି କିହି ମାନାରି । ୨୪ ଇତିହାସ ମୀ ଜୀଞ୍ଜୁନନାୟି ଇଞ୍ଜାଁ ମୀ କାତାତା ମା ବଡପଣତି ପାରମାଣା କୁଲମିକା ନକିତା ଏଞ୍ଜାରିକି ତହୁଦୁ ।



**ହାକିଗାଟି କ୍ରୀସ୍ତାନା ଲକ୍ଷ୍ମଣି ସାୟେମି**

୧ ଜୀହୁଦାତା ମାନି ମାହାପୁରୁ ଲକ୍ଷ୍ମଣ ସାୟେମି କିନି କାତା ଅଡେ ମିଙ୍ଗେ ରାତାଲି ଲଡା ଆଏ; ୨ ନାନ୍ତୁ ପୁଞ୍ଜାମାଇଁ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜାଁ ମାକିଦନିୟାତି ଲକ୍ଷ୍ମ ତାଣା ମୀ ତାକି ନାନ୍ତୁ ବଡପଣ ଆହିମାଇଁ । ନାନ୍ତୁ ଖେସାମାରେଏଁ, “ଆକାୟାତି ତାୟିୟାଁ ସାୟେମି କିହାଲି ହାଟି ବାସାଟିଏ ତିୟାରା ଆହାମାନେରି ।” ମୀରୁ ଏଲେକିଁ ସାୟେମି କିନାୟି ଏଞ୍ଜାରି ବିତାଟି ହାରେକା ଲକ୍ଷ୍ମଣି ଜାଗ୍ରାତା କିହାମାନେ । ୩ ଆଡିଜିକେଏ ନାନ୍ତୁ ତାୟିୟାଁ ପାଣ୍ଡିମାଞ୍ଜାଇଁ, ମୀ ତାକି ବଡପଣ ତହୁନାୟି ଏନିକିଁ ଉଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଦୁ, ୪ ଏଡେତା ଆପେ ନା ତଲେ ଆମିନି ଲକ୍ଷ୍ମ ପାଟେ ମାକିଦନିୟାଟି ଖାହାଁ ମୀ ଦାନା କୁଡି କିହା ହିଲାଆ ଗାଟାଣି ମେସିହାଁ ମୀରୁ ପାଣ୍ଡି ଲାଜା ପିସାନା ମାମ୍ବୁ ଇ ଆଟ୍ଟା ନାମ୍ବୁତି କାତାତାକି ଲାଜା ବେଟାଆନମି ୫ ମୀରୁ ତଲିଏ ଆଞ୍ଜାମାତି ଦାନା ଏନିକିଁ ଗୁରୁମ୍ବୁ ଆହାଁ ହାନାୟି ଆଆନା ଜାହାରା ଅଶ୍ୱପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୁଡିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାନ୍ତୁ ଏ ତାୟିୟାଁଣି ବାଡିମାଲାଇଁ ଅଶ୍ୱପାମାରେଏଁ ।

୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଜାସି ଇଚାଣି ତାସା ବେଟା ଆନେସି; ଅଡେ ଆମ୍ବାଆସି ଗାଡି ବିଚା ମାଟିନେସି, ଏଞ୍ଜାସି ଗାଡି ତାସା ବେଟାଆନେସି । ୭ ବାରେଜାଣା ଜାହାରା ହିୟାଁ ଏନିକିଁ ଅଶ୍ୱପା ମାନେ, ଏଲେକିଁ

କିପେରି, ମୁସ୍ତି କି ବାଲାମାତମି ତଲେ ଆଏ; ଏଦାଆଁତାକି ଇତିହାସ ମାହାପୁରୁ ଜାହାରା ଅଶ୍ୱପୁ ତଲେ ଦାନାହାନି ଲକ୍ଷ୍ମଣି ଜୀଞ୍ଜୁ ନନେସି । ୮ ଅଡେ, ବାରେ ଦିଶ୍ୱସୁ ବାରେବେଲା ହାରେପୁରେ ବେଟାଆହାଁ ମୀରୁ ଏନିକିଁ ବାରେ ନେହାଁ କାମାତାକି ହାରେକା ଇଞ୍ଜାଁ ହାରେକା ଦାନା କିହାଲି ଆଡିଦେରି, ଏଦାଆଁତାକି ମାହାପୁରୁ ମିଙ୍ଗେ ବାରେଲେହେଁତି କାର୍ମା ହାରେପୁରେ ହାହାଲି ଆଡାନେସି । ୯ ଦାର୍ମପତିତା ରାସ୍ତକି ଆହାମାନେ, “ଏଞ୍ଜାସି କେୟୁ ଦେଚାନା ଦାନା ହାହାମାନେସି,

ଏଞ୍ଜାସି ହିଲାଆ ଗାଟାରିକି ହାରେପୁରେ ହାହାମାନେସି; ଏଞ୍ଜାଣି ଦାର୍ମ ଏଚେଲାଞ୍ଜା ରାଏ ।”

୧୦ ମାହାପୁରୁ ମାଟିନାଣାକି ବିଚା ଅଡେ ତିଞ୍ଜାଲି ରାହା ହାନେସି, ଏଞ୍ଜାସି ମାଟାଲିତାକି ମିଙ୍ଗେ ବିଚା ହିୟାନେସି ଇଞ୍ଜାଁ ଏଦାଆଁ ପାଡିକିନେସି, ଅଡେ ମୀ ଦାର୍ମୁତି ପାଡେୟି ଗାଡି କିନେସି । ୧୧ ଏଲେକିଁ ମୀରୁ ବାରେ ଦିଶ୍ୱସୁତା ବାଡକାନା ଜାହାରା ଅଶ୍ୱପୁ ତଲେ ଦାନା କିହାଲି ଆଡିଦେରି, ଇଞ୍ଜାଁ ଏଦି ମା ତାଣାଟି ମାହାପୁରୁଇଁ ଜହରା କିନାୟି ଆନେ । ୧୨ ଇତିହାସ ଇ ଦାନା ହାନି ସେବା କାମା ମାହାପୁରୁ ଲକ୍ଷ୍ମଣି ଲଡାମାନାଣି ପୁରା କିହିମାନେ, ଏଦି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକ୍ଷ୍ମ ରାହାତଲେ ଜହରା କିହିମାନେରି । ୧୩ ଇତିହାସ ଇ ସେବା କାମାତି ପାରମାଣା ତାକି ଲକ୍ଷ୍ମ ମିଙ୍ଗେ ଆବିମାଞ୍ଜାନି କ୍ରୀସ୍ତତି ନେହାଁ କାବୁତି ନାମ୍ବୁ, ଇଞ୍ଜାଁ ମାହାପୁରୁତି ଲକ୍ଷ୍ମ ଅଡେ ବାରେତାକି ମୀ ଆଣ୍ଡିନାୟି ତୀରୁପୁ ତାକି ମାହାପୁରୁତି ଗାଞ୍ଜୁରମି କିହିମାନେରି । ୧୪ ମିଙ୍ଗେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଞ୍ଜାରି ଜିକେଏ ହାରେକା ରାହାତଲେ ପ୍ରାତାନାତା ମିଙ୍ଗେ ଅଶ୍ୱପିମାଞ୍ଜାନେରି । ୧୫ ମାହାପୁରୁତି ହାରେପୁରେ ଦାନା ତାକି ତାଙ୍ଗେ ଜହରା ଆପେ ।

**୧୦**

**ପାଞ୍ଜୁଲ ତାନି ସେବା କାମାତାକି ଖେଣ୍ଡେଖେହନାୟି**

୧ ନାନ୍ତୁ ପାଞ୍ଜୁଲତେଏଁ ମୀ ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୁୟୁ ତହୁନାତେଏଁ, ନାନ୍ତୁଏ କ୍ରୀସ୍ତତି ସୁଦୁଗାଟି ଅଶ୍ୱପୁ ତଲେ ମିଙ୍ଗେ ବାଡିମାଲିହାଁ ରାସିମାଞ୍ଜାଇଁ, ୨ ହାଅ ନାନ୍ତୁ ପ୍ରାତାନା କିହିମାଇଁ, ମାର ମାଣ୍ଡିତି ଅଶ୍ୱପୁ ତଲେ ତାକିମାନାୟି ଇଞ୍ଜାଁ ଅଶ୍ୱପିମାନାରି କପାଟି ବାଡ଼ୁୟୁ ତସାଲି ଅଶ୍ୱପାମାଇଁ, ଇଞ୍ଜାଁ ନାନ୍ତୁ ଖାଡିସାରେ ଏଲେତି ବାଡ଼ୁୟୁ ତସାଲି ଆଏ; ୩ ମାର ଇ ଦାର୍ମତିତା ଆଙ୍ଗା ତଲେ ନୀତାମାନାୟି ସାତା, ସାମା ମାର ଦାର୍ମତିତି ଅଶ୍ୱପୁ ତଲେ ଜୁଜୁ କିହି ହିଲାଆୟି, ୪ ଇତିହାସ ମା ଜୁଜୁତି ସାଜୁ

ଆଜ୍ଞାତି ଜୁଡି ତଲେ ଆଏ, ସାମା କାଜା କଟା  
 ଇଲୁ ମ୍ଲେକ୍‌ହାଲି ମାହାପୁରୁ ନକିତା ଏ ବାରେ  
 ବାଡ଼ୁଲୁ ଆନେ; \* ମାମ୍‌ମୁତି ଅଣ୍‌ପୁ କାତା ବାରେ  
 ଅଡେ ମାହାପୁରୁତି ବୁଦି କପାଟି ନିଜିନି ବଡପଣ  
 ତହୁନି କାଜା କାତାତି ବାରେ ମ୍ଲେକ୍‌ନମି; ଅଡେ  
 ବାରେଲେହେଡି ଅଣ୍‌ପିନାଣି ଆସାନା କ୍ରାସ୍‌ତି ମାନି  
 ଆୟାଲି ଦସ୍‌ପି କିହିମାନମି । ୬ ଏତିବେଲା ମୀରୁ  
 ବାରେ ଖାକିଟି ମାନୁଖି ଆଦେରି, ଏତିବେଲା ମାମ୍‌  
 ମାନୁଖି ଆଆଗାଟାଣି ବାରେ ତଣ୍‌ ହାନମି ।

୭ ମୀରୁ ସାରିସୁଟୁ ପାଜାତା ତଞ୍ଜା ଆହିମାନାଣି  
 ମେସିମାଞ୍ଜେରି । ଆମ୍‌ଆସି ଜାହାରାଇଁ କ୍ରାସ୍‌ତି  
 ଲକ୍‌ତେଏଁ ଇଞ୍ଜି ନାମିନେସି, ଆତିହୁଁ ଏଞ୍ଜାସି  
 ଏନିକ୍‌ କ୍ରାସ୍‌ତି ଲକ୍‌, ମାମ୍‌ଜିକେଏ ଏଲେକ୍‌  
 କ୍ରାସ୍‌ତି ଲକ୍‌, ଇଦାଆଁ ତାନୁଏ ଅଣ୍‌ପାପେସି ।  
 ୮ ଇତିହୁଁ ମା ଅଦିକାରା ତାକି ନାନୁ ଅଲ୍‌ପ  
 ଗାତି ବଡପଣ ତସ୍‌ ଜିକେଏ ଲାଜା ଆଅଁ; ମିଜେ  
 ନାସ୍‌ଜି କିହାଲି ପ୍ରୁ ମାଜେ ଅଦିକାରା ହୀଆନା  
 ମିଜେ ତିୟାରା କିହାଲି ହୀହାମାଞ୍ଜାନେସି ।  
 ୯ ନା ରାଡିତି ଆକୁୟା ତଲେ ନାନୁ ମିଜେ  
 ଆଜିକିହି ମାଞ୍ଜାନେସି ଇଞ୍ଜି ଅଣ୍‌ପାଆଦୁ ।  
 ୧୦ “ଏଚରଜାଣା ଏଲେଇନେରି, ପାଞ୍ଜୁଲ ତାନି  
 ଆକୁ ରାଡିନାଟି ଅଦିକାରା ଅଡେ କାଜା ବାଡ଼ୁଲୁ  
 ଗାଟାଇ, ସାମା ମା ତଲେ ଆଜ୍ଞାତା ମାନାଟି ଏଞ୍ଜାସି  
 ବାଡ଼ୁଲୁ ହିଲାଆଗାଟାସି ଅଡେ ତାନି କାତା ବାରେ  
 ଉଜେଏତାୟି ।” ୧୧ ମାମ୍‌ହେକ ମାଞ୍ଜାନା ଆକୁତା  
 ରାଡିନି କାତା ଏନିଲେହେଡାୟି, ମୀ ତଲେ ମାଞ୍ଜାନା  
 କିନି କାମା ଜିକେଏ ଏଲେତାୟିଏ ଇଞ୍ଜି ଲକ୍‌  
 ଅଣ୍‌ପାପେରି ।

୧୨ ଇତିହୁଁ ଆମ୍‌ଆସି ଜାହାରାଇଁ ବଡପଣ  
 ତସା କଡିନେରି, ଏଞ୍ଜାରି ତଲେ ମାଜେ ଲେକା  
 କିହାଲି ଜିକେଏ ମା ସାସା ହିଲେଏ; ସାମା ଏଞ୍ଜାରି  
 ତାମ୍‌ତାନି ତାଣାଟି ଜାହାରାଇଁ ଲେକା କିହାନା  
 ବୁଦି ହିଲାଆଗାଟାରି ତଞ୍ଜା ଆନେରି । ୧୩ ସାମା  
 ମାମ୍‌ହାନ୍‌ ଗାଣ୍‌ତା ହାଜାନା ବଡପଣ ତହୁଅମି;  
 ମୀରୁ ଜିକେଏ ମାହାପୁରୁ ମାଜେ ହେର୍‌ପା ମାଞ୍ଜାନି  
 କାମାତି ହାନ୍‌ ବିତ୍ରା ତାତେରି, ଏ ଲେକା ତଲେ  
 ବଡପଣ କିଦେରି । ୧୪ ଇତିହୁଁ ମୀରୁ ମା ହାନ୍‌  
 ବିତ୍ରା ହିଲାଆତି ଲେହେଁ ମାମ୍‌ହାନ୍‌ ଗାଣ୍‌ତା  
 ମାନମି, ଏଦି ଆଏ; ଏନିଇତିହୁଁ କ୍ରାସ୍‌ତି ନେହୁଁ  
 କାରୁ ଝେକ୍‌ହିହୁଁ ମାମ୍‌ମୁ ମୀ ତାଣା ଜିକେଏ  
 ତଲିଏ ଖାହାମାଟମି; ୧୫ ମାହାପୁରୁ କିହାମାନି ମା  
 କାମାତି ପାଜାତା ଏଟ୍‌କା ଲକ୍‌କୃତି କାମାତା ବଡପଣ  
 କିହିଲିଅମି, ସାମା ମାମ୍‌ଆସା କିହିମାନମି ମୀରୁ  
 ନାମୁତା ପାତା ଆନାଣିତଲେ ମୀ ତାଣାଟି ମା କାମା  
 ଅଡେ ହାରେକା ପାତା ଆନେ । ୧୬ ମାମ୍‌ଅର ରଅଣି  
 ହାନ୍‌ ବିତ୍ରା ଏଞ୍ଜାସି ତଲିଏ କିହାମାନି କାମାତାକି  
 ବଡପଣ ତହୁଆନା, ମାମ୍‌ମୁ ତାଣାଟି ଅର ଦେସାତା  
 ହାଜାନା ନେହୁଁ କାରୁ ଝେକ୍‌ହାଲି ଆଡିନମି ଇଞ୍ଜି

ଆସା କିହିମାନମି ।

୧୭ ସାମା ଦାମ୍‌ପତିତା ରାସ୍‌କି ଆହାମାନେ,  
 “ବଡପଣ ତହୁନାସି ପ୍ରୁ କିତି କାମାତାକି ବଡପଣ  
 ତସ୍‌ପେସି ।” ୧୮ ଜାହାରାଇଁ ନେହୁଁତେଏଁ ଇଞ୍ଜି  
 ଅଣ୍‌ପିନାସି ଏଞ୍ଜାସି ତାୟିପାରିତା ଜାଣା ଆଡାସି  
 ଆଏ, ସାମା ପ୍ରୁ ଆମ୍‌ଆରାଇଁ ସାତା ନେହୁଁସି  
 ଇଞ୍ଜି ଇନେସି ଏଞ୍ଜାସି ତାୟିପାରିତା ଜାଣା ଆଡାସି  
 ।

## ୧୧

### ପାଞ୍ଜୁଲ ଅଡେ ମିତି ଜାପ୍‌ନାରି

୧ ନାନୁ ବୁଦି ହିଲାଆ ଗାଟାତେଏଁ ଲେହେଁ  
 ଇଚେକା ଝେସାଲି ନାଜେ ହେଲ ହିୟାତିହୁଁ  
 ନେହେଁ ଇଞ୍ଜି ଅଣ୍‌ପିମାଇଁ, ମୀରୁ ନାଜେ ହେଲ  
 ହିୟାଦେରି । ୨ ମାହାପୁରୁ ତାକି ହାରେକା ରାହୁଁତା  
 ନାନୁ ମିଜେତାକି ହାରେକା ରାହୁଁ, ଇତିହୁଁ  
 ନାନୁ ମିଜେ ସୁଦୁ ତାଆ ମାଜାଲେହେଁ ର ତକ୍ରା  
 ତାଣା ଇତିହୁଁ କ୍ରାସ୍‌ଇଁ ବୀହା ଆୟାଲି କାତା  
 ହୀହାମାଇଁ । ୩ ସାମା ରାବୁ ତାନି ସୁଡମି ତଲେ  
 ହବାଇଁ ନାଡି କିତେ, ଏଲେକିହୁଁ ଏଡେତା ଆପେ  
 ମୀ ମନ କ୍ରାସ୍‌ ତାଣା ମାନି ତୀରପୁତାୟି ଇଞ୍ଜା  
 ସୁଦୁତା ମାନାୟି ନାସା ଆନେ, ଇଦାଆଁ ନାଜେ  
 ଆଜି ହଡିମାଞ୍ଜାନେ । ୪ ଇତିହୁଁ ଆମିନି ଜୀସୁଇଁ  
 ମାମ୍‌ଝେକ୍‌ଆତମି, ଇଲେକିହୁଁ ଏଟ୍‌କା ଜୀସୁଇଁ  
 ଆମ୍‌ଆସି ଆପେ ଖାହୁଁ ଝେକ୍‌ନେସି, କି ଆମିନି  
 ସୁଦୁଜୀସୁ ମୀରୁ ବେଟାଆଆତେରି, ଇଲେକ୍‌  
 ଏଟ୍‌କାତି ର ସୁଦୁଜୀସୁ ବେଟାଆଦେରି, କି ଆମିନି  
 ନେହୁଁ ବଲୁ ମୀରୁ ଆବାଆତେରି, ଇଲେକ୍‌  
 ଏଟ୍‌କାତି ର ନେହୁଁ ବଲୁ ବେଟାଆଦେରି,  
 ଏଲେଆଡିହୁଁ ମୀରୁ ଗାତି ଅରହିନାତେରି ।

୫ ଇତିହୁଁ ଏ କାଜାପାଣା ଗାଟି “ପାଣ୍ଡୁଖି ଆଡାରି”  
 ତାଣାଟି ନାନୁ ଏନିକିହୁଁ ଜିକେଏ ଉଣା ତାତେଏଁ  
 ଆଏ ଇଞ୍ଜି ଅଣ୍‌ପିମାଇଁ । ୬ ସାମା ନାନୁ କାତା  
 ଜଲାଲି ପୁନାଆତି ଜିକେଏ ବୁଦିତା ଉଣାତେଏଁ  
 ଆଏ; ସାତାତଲେ ମାମ୍‌ବାରେଲେହେଡି ବାରେ  
 କାତାତା ମିଜେତାକି ଇଦାଆଁ ଝେସାତମି ।

୭ ମୀରୁ ଏନିକ୍‌ କାଜାତେରି ଆଦେରି,  
 ଏଦାଆଁତାକି ନାନୁ ଜାହାରାଇଁ ଉଣା କିହାକତାନା  
 ମୀ ତାଣା ଉଜେଏନେଏ ମାହାପୁରୁତି ନେହୁଁ  
 କାରୁ ଝେକ୍‌ହାତେଏଁ; ଏଲେକିୟାଲିଏ ନାନୁ ଏନି  
 ପାପୁ କିତେଏଁ । ୮ ମୀ ତାଣା କାମା କିହୁଁ ମିଜେ  
 ସେବା କିୟାଲି ଏଟ୍‌କା କୁଲମିଟି ବର୍ତ୍ତନ ବେଟାଆହୁଁ  
 ଏଞ୍ଜାରି ତାଣାଟି ମାଞ୍ଜା ଅହିମାତେଏଁ । ୯ ମୀ ତାଣା  
 ମାଟିବେଲା ନାଜେ ଏନାଆଁ ହିଲାଆତି ଜିକେଏ  
 ଆମ୍‌ଆରାକି ବାଦା ହୀହାହିଲଅଁ; ମାକିଦନିୟାଟି  
 ଖାଡି ତାୟିୟା ନାଜେ ଲଡା ଆନାଣି ବାରେ  
 ହିୟାତେରି, ମିଜେ ବଜୁ ହୀଆରେଟୁ ନାନୁ ଜାଗ୍ରାତା

ଆହାମାଚେଏଁ, ଅଡ଼େ ଜାଗ୍ରତା ଆହଁ ତୁୟିଲ୍ । ୧୦ ନା ତାଣା ମାନି କ୍ରୀସ୍ତତି ସାତାଲ୍ ସାକି ଇଟାନା ଖେସିମାଲ୍, ଆକାୟା ଗାଡ଼ାୟିତି ନା ଇ ବଡ଼ପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ? ୧୧ ନାନୁ ମିଙ୍ଗେ ଜୀଝୁନହୁଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଙ୍ଗେ ଜୀଝୁ ନହୁଁ ମାଞ୍ଜାଲ୍ !

୧୨ ସାମା ବଡ଼ପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଝିଆଡ଼ାରି” ପାରୁ ପାରିମାନେରି ନାନୁ ଏନିକ୍ ଏଞ୍ଜରାକି ପାରୁ ହାଅଁ, ଇଦାଆଁତାକି ନାନୁ ଏନାଆଁ କିହିମାଲ୍, ଏଦାଆଁ କିହେମାଲ୍ । ୧୩ ଇତିହୁଁ ଏଲେତି ଲକୁ ନାଡ଼ିକିନି ପାଣ୍ଡୁଝି ଆଡ଼ାରି, ଇଞ୍ଜା ଖାଣା ବାଦଲଝିକିହାଁ କାମାକିନାରି, ଏଞ୍ଜରି କ୍ରୀସ୍ତତି ପାଣ୍ଡୁଝି ଆଡ଼ାରି ଖାଣା ଆହନେରି । ୧୪ ଇତିହୁଁ ଏଡ଼ି କାବାଆନି କାତା ଆଏ, ଇତିହୁଁ ସୟତାନ ତାନୁଏ ଉଜେଡ଼ିତି ଦୁଡୁଡ଼ି ଖାଣା ଆହନେ ! ୧୫ ଏଚେଟିଏ ତାନି ହଲିୟାଙ୍ଗା ଜିକେଏ ଦାମ୍ବୁଗାଟାରି ଖାଣା ଆହନେରି, ଆଡ଼ିହୁଁ ଏଡ଼ି କାଜା କାତା ଆଏ; ରାନି ଦିନାତା ଏଞ୍ଜାରି ତାନି କିତି କାମା ତଲେ ତଣ୍ଡ ବେଟାଆନେରି ।

**ପାଣ୍ଡୁଝିଆଡ଼ି ପାଣା ତାକି ପାଝୁଲ କସ୍ତ ବେଟାଆନାୟି**

୧୬ ନାନୁ ଅଡ଼େ ଖେସିମାଞ୍ଜାଲ୍, ଆମ୍ବାଆସି ନାଙ୍ଗେ ବୁଦି ହିଲାଆଗାଟାସି ଇଞ୍ଜୁଁ ଅଣ୍ପାଆପେସି; ସାମା ମୀରୁ ଏଲେକ୍ ଅଣ୍ପାପଦେରି, ଆଡ଼ିଜିକେଏ ବୁଦିହିଲାଆଗାଟାସି ଲେହେଁ ନାଙ୍ଗେ ଆବାଦୁ, ଏନିଇତିହୁଁ ନାନୁ ଜିକେଏ ଅଲ୍ପ ବଡ଼ପଣ ତସାଲି ଆଡ଼ିଲ୍ । ୧୭ ନୀଏଁ ନାନୁ ଏନାଆଁ ଖେସିମାଲ୍ ପ୍ରବୁତି ଅଣ୍ପୁ ତଲେ ଖେସିମାଞ୍ଜାଅଁ, ସାମା ବୁଦି ହିଲାଆ ଗାଟାଚେଏଁ ଲେହେଁ ହାରେକା ସାସାତଲେ ବଡ଼ପଣ ତସାନା ଖେସିମାଞ୍ଜାଲ୍ । ୧୮ ହାରେକା ଲକୁ ଦାବ୍ତିତି ଲେହେଁ ବଡ଼ପଣ ଆହିମାନାକି ନାନୁ ଜିକେଏ ବଡ଼ପଣ ତହୁଲ୍ । ୧୯ ଇତିହୁଁ ମୀରୁ ହାରେକା ବୁଦି ଗାଟାଚେରି ଇଞ୍ଜିହୁଁ, ରାହାଁ ତଲେ ବୁଦି ହିଲାଆଗାଟାରାଲ୍ ଅରୁହି ମାଞ୍ଜେରି । ୨୦ ଆମ୍ବାଆସି ମିଙ୍ଗେ ହଲିୟାଙ୍ଗା କିହାନା ଇଟାନେସି, ମୀ ଦନ ମାଞ୍ଜା ଅୟାନେସି; ମିଙ୍ଗେ ପାନ୍ଦାତା ମେଡ଼ହାଁ ଆସ୍ତାନେସି, ତାହାରା ଆୟାନେସି କି ମୀ ଗେଏଲାତା ସାପ୍ତା ଖେଟାନେସି ଏ ବାରେ ଅରୁହି ମାଞ୍ଜେରି । ୨୧ ନାନୁ ଲାଜାତଲେ ଖେସିମାଞ୍ଜାଲ୍, ମୀର ବାଡ଼ୁୟି ହିଲାଆ ଗାଟାତାୟି ଆହାମାନାୟି । ଆଡ଼ି ଜିକେଏ ଏନି କାତାତା ଆମ୍ବାଆସି ସାସା ଗାଟାସି, (ନାନୁ ବୁଦି ହିଲାଆନା ଖେସିମାଲ୍) ନାନୁ ଜିକେଏ ସାସା ଗାଟାଚେଏଁ । ୨୨ ଏଞ୍ଜାରି କି ଏବୁ ଲକୁ ? ଇତିହୁଁ ନାନୁ ଜିକେଏ ଏବୁ ଲକୁଚେଏଁ । ଏଞ୍ଜାରି ଇସ୍ତାୟେଲ ଲକୁ ?

ଇତିହୁଁ ନାନୁ ଜିକେଏ ଇସ୍ତାୟେଲ ଲକୁଚେଏଁ । ଏଞ୍ଜାରି ଅବ୍ରାହାମତି କୁଡ଼ାତାରି ? ଇତିହୁଁ ନାନୁ ଜିକେଏ ଅବ୍ରାହାମ କୁଡ଼ାତାଚେଏଁ । ୨୩ ଏଞ୍ଜାରି କି କ୍ରୀସ୍ତତି ସେବା କିନାରି ? ଇତିହୁଁ; (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଲ୍), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାଚେଏଁ, ନାନୁ ଏଞ୍ଜାରି କିହାଁ ଗାଡ଼ି ଖାନ୍ତୁ କାମା କିହାମାଲ୍, ହାରେକା କାୟିଦି ଇଲୁତା ମାଚେଏଁ, ହାରେକା ଇରନି ମାଡ଼ା ବେଟାଆହା ମାଚେଏଁ, ଅଲେ ଅଲେ ହାକିତା ହେରୁଝା ମାଚେଏଁ । ୨୪ ନାନୁ ଜୀହୁଦି ଲକୁ ତାଣାଟି ପାସା ଦେବା ତାରିସି ନ ଗଟା ବେତି ବାଡ଼ୁଗା ମାଡ଼ା ବେଟାଆହାମାଲ୍; ୨୫ ରମ୍ପତି ଲକୁ ତାଣାଟି ତାନି ପାଲି ସାଟ୍ଟି ତ୍ତରିତଲେ ନାଙ୍ଗେ ଇରୁହାଚେରି, ର ପାଲି ନାଙ୍ଗେ ଖାଲକାତଲେ ଇରୁହାଚେରି, ତାନି ପାଲି ଜାଜା ତାଡ଼ି ତାଣାଟି ଗେଲହା ମାଲ୍, ର ଲାଆଁ ର ମାଦେନା ସାମ୍ବୁରିତି ଏୟୁତା ମୁଞ୍ଜା ମାଚେଏଁ, ୨୬ ଏନାନୁ ହାରେକା ଦେବା ଜିରୁ ତାକିନାଟି, କାତା ଆଜ୍ଜିନିତାଣା, ସରକା ତାଣାଟି, ନା କୁଡ଼ାତି ଜୀହୁଦି ଲକୁ ତାଣାଟି, ଏଟକା କୁଡ଼ାତି ଲକୁ ତାଣାଟି, କାଜା ନାସ୍କାତି ଆଜିଟି, ଲକୁ ହିଲାଆ ଜାଡ଼ାଟି, କାଜା ସାମ୍ବୁରି ଆଜିଟି, ଅଡ଼େ ନାଡ଼ିକିନି ତଣେସିଙ୍ଗା ଆଜିଟି । ୨୭ ନାନୁ ହାରେକା କାମା କିହାନା କସ୍ତ ବେଟାଆହାମାଲ୍, ଏଚର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସ୍କିଟି ମାଚେଏଁ, ଏଚର ପାଲି ଉପାସା ତଲେ, ପେନି ଇଞ୍ଜା ନାଗ୍ଡାଟି ମାଚେଏଁ । ୨୮ ଏଲେତି ବାରେ ବାଡ଼ା ପିସ୍ପେ ନାଙ୍ଗେ ଅଡ଼େ ର କାଜା ବନ୍ତୁମାନେ, ଇତିହୁଁ ବାରେଦିନା କୁଲମିକା ତାକି ନାନୁ ଅଣ୍ପାମାଲ୍ । ୨୯ ଆମ୍ବାଆସି ବାଡ଼ୁୟି ହିଲାଆଗାଟାସି ଆଡ଼ିସାରେ ନାନୁ ଜିକେଏ ବାଡ଼ୁୟି ହିଲାଆ ଗାଟାଚେଏଁ ଆଏକି ? ଆମ୍ବାଆସି ପାପୁ କିତିହୁଁ ନାନୁ ହିୟାତା ଦୁକୁ ଆଅଁ କି ?

୩୦ ନା ବଡ଼ପଣ ତସାଲି ଲଡ଼ା ଆଡ଼ିହୁଁ, ନାନୁ ନା ଆଡ଼ାଆଗାଟାଣି ତାକି ବଡ଼ପଣ ତହୁଲ୍ । ୩୧ ନାନୁ ମିତି ଜଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଞ୍ଜାସି କାଲାକାଲା ତାକି ଜହରା । ୩୨ ଏଦମେସକତା ହାରେତା ରାଜାତି ସାଲଝି କିନାସି ନାଙ୍ଗେ ଆସାଲିଏ ଗାଡ଼ାତି ତାନି କାପୁ କାଠନି କସ୍କାଣି ପାଣ୍ଡାନା କାପି କିହିମାଚେସି । ୩୩ ଇଞ୍ଜା ର ତାଲିତା କିଡ଼କିତି କାଡ଼ି ଲାକଟି ନାଙ୍ଗେ ରେପ୍ତହାଲିଏ ନାନୁ ଏଞ୍ଜାଣି କେୟୁଟି ଗେଲ୍ପିଆଚେଏଁ ।

**୧୨**

**ପାଝୁଲ ତଞ୍ଜାଆନାଣି ମେହନାୟି**

୧ ବଡ଼ପଣ କିନାୟି ନେହାୟି ଆଆଡ଼ି ଜିକେଏ ନାଙ୍ଗେ ବଡ଼ପଣ କିନାୟିମାନେ, ନାନୁ ପ୍ରବୁତି

☆ ୧୧:୨୩ ୧୧:୨୩ କାମା ୧୭:୨୩ ☆ ୧୧:୨୭ ୧୧:୨୭ କାମା ୯:୨୩; କାମା ୧୪:୫ ☆ ୧୧:୩୨ ୧୧:୩୨ କାମା ୯:୨୩-୨୫



ମେହନାଣି ଅଡ଼େ ତଞ୍ଜାଆନାଣି ମିଙ୍ଗେ ଖେସ୍ତାଇଁ ।  
 ୨ ନାନୁ ର କ୍ରୀସ୍ତାନା ଲକ୍ଷ୍ମୀ ପୁଞ୍ଜାମାଲ୍, ଏଝାସି ସଦ ବାସୀ ନକେଏ ଲାକପୁରୁତି ତାନି ପୁରୁ ପାତେକା ଅଢ଼ିଆଡ଼େସି ଏଝାସି ଆଙ୍ଗା ତଲେ ମାଚେସି କି ଆଙ୍ଗା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୩ ହାଅ ନାନୁ ଏଲେତି ର ଲକ୍ଷ୍ମୀ ପୁଞ୍ଜାମାଲ୍, ଏଝାସି ପାରାଦିସତା ଅଢ଼ିଆଡ଼େସି ଏଝାସି ଆଙ୍ଗା ତଲେ ମାନେସି କି ଆଙ୍ଗା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୪ ଏଝାସି ଲାକପୁରୁ ଅଢ଼ିଆଡ଼େସି, ଅଡ଼େ ଇଲେତି ହାଡ଼ା ଖେଚେସି, ଏଦାଆଁ ମାଣସି ଜଲ୍ଲାଲି ଆଡ଼ାଆଗାଟାୟି ଅଡ଼େ ଗୁଡ଼ିତା ଅହାଲି ଆଡ଼ାଆଗାଟାୟି । ୫ ଇଲେତି ର ଲକ୍ଷ୍ମୀତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡ଼ୁୟୁ ହିଲାଆଗାଟାଣି ପିସପେ ଅଡ଼େ ଏନାଆଁତାକିଞ୍ଜା ବତପଣ କିଅଁ । ୬ ବତପଣ ତସାଲି ଅଣପତିହଁ ଜିକେଏ, ନାନୁ ବୁଦି ହିଲାଆ ଗାଟାଚେଏଁ ଆଅଁ, ଇଚିହଁ ନାନୁ ସାତା କାତା ଖେହ୍ଲ, ସାମା ଲକ୍ଷ୍ମୀ ନାଚେ ଏନିକଁ ମେସ୍ତାନେରି ଇଞ୍ଜା ନା ତାଣାଟି ଏନିକଁ କାତା ଖେନେରି, ନାଚେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକଁ ନା କାତାତା ହାରେକା ଅଣପସି ଇଞ୍ଜା, ଇଦାଆଁତାକି ନାନୁ ସାପି ଆହାମାଲ୍ ।

୭ ନାନୁ ଏନିକଁ ଗାଡ଼ି ବତପଣ କିଅଁ, ଇଦାଆଁତାକି ନା ଆଙ୍ଗାତା ର ସାସ୍ତି ହାପକି ଆୟାତେ, ନାଚେ ସାସ୍ତି ହାହାଲି ସୟତାନତି ଦୁଡ଼ୁଇଁ ପାଣ୍ଡୁଆଡ଼େ, ଏନିକଁ ନାନୁ ଗାଡ଼ି ବତପଣ ଆଅଁ । ୮ ଏ କସ୍ତ ନା ତାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାଡ଼ିମାଲିହଁ ରାସ୍ତେଏଁ । ୯ ଅଡ଼େ ଏଝାସି ନାଚେ ଏଲେଇଞ୍ଜାନେସି, “ନା କାର୍ମାମେହନାୟି ନିଙ୍ଗେତାକି ହାରେପୁରେ,” ଇଚିହଁ ନୀ ବାଡ଼ୁୟୁ ହିଲାଆତାଣା ନା ବାଡ଼ୁୟୁ ହାରେ ଗାଡ଼ିଆହଁ ତଞ୍ଜାଆନେ, ଇଚିହଁ ଏନିକଁ କ୍ରୀସ୍ତତି ବାଡ଼ୁୟୁ ନା ତାଣା ଡ଼ୟିନେ, ଏଦାଆଁତାକି ନା ବାଡ଼ୁୟୁ ହିଲାଆ ବେଲାତା ହାରେକା ରାହାଁ ତଲେ ବତପଣ ତହ୍ଲ । ୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୁୟୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଖାନି ବେଲା, କସ୍ତତା ନାନୁ ରାହାଁଆଇଁ, ଇଚିହଁ ଏଚିବେଲା ବାଡ଼ୁୟୁ ହିଲାଆ ଗାଟାଚେଏଁ ଏଚିବେଲା ବାଡ଼ୁୟୁ ଗାଟାଚେଏଁ ।

**କରିକ୍ତ ତାରାକି ପାଞ୍ଜୁଲ ଅଣପିନାୟି**

୧୧ ନାନୁ ବୁଦି ହିଲାଆ ଗାଟାଚେଏଁ ଲେହେଁ ଆହାମାଲ୍, ମୀରୁ ନାଚେ ଏଲେକିଞ୍ଜି କିୟାତେରି, ମୀରୁ ନାଚେ ନେହାଁସି ଇଞ୍ଜାନାୟି ମାଚେ; ନାନୁ ଏନାଚେଏଁ ଆଏ, ଆଡ଼ି ଜିକେଏ ଏ “କାଜା ପାଣ୍ଡୁ ଆହାମାନାରି” କିହାଁ ଉଣାଚେଏଁ ଆଏ

। ୧୨ ଆମ୍ବାଆସି ହାରେକା ସିନାୟାଁ, କାବାଆନି କାମା, ଅଡ଼େ ବାଡ଼ୁୟୁତି କାମା ପାଣ୍ଡୁ ଆହାମାନାରି ସିନାୟାଁଲେହେଁ, ଏ ବାରେ ସାତେଏ ମୀ ତାଣା ସାସାତଲେ କିଞ୍ଜିଆହାମାନେ । ୧୩ ଇଚିହଁ ନାନୁ ମୀ ବନ୍ତୁ ଲେହେଁ ଆହାହିଲଅଁ, ଇ ରଣିଏ କାତା ପିସପେ ଅର କୁଲମିତି ଲକ୍ଷ୍ମୀ କିହାଁ ମିଙ୍ଗେ ଅଡ଼େ ଏନିକଁ ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆବୁ ।

୧୪ ମେହ୍ନୁ ମୀ ତାଣା ଖାହାଲି ନୀଏଁ ତଲେ ତାନି ପାଲି ତିୟାରା ଆହିମାଲ୍, ଅଡ଼େ ନାନୁ ମିଙ୍ଗେ ଏନି ବନ୍ତୁ ହିୟଅଁ, ଇଚିହଁ ନାନୁ ମୀ ଦନ ପାରାଆନା ମିଙ୍ଗେ ପାରିମାଞ୍ଜାଇଁ, ମୀରକା ମାସ୍ତାକା ତାମି ଇୟା ଆବାକି କୁଡ଼ିକିଉ ସାମା ଇୟା ଆବା ଦେଁ ତାମି ମୀରକା ମାସ୍ତାକା କୁଡ଼ିକିନାୟି ମାନେ । ୧୫ ନାନୁ ମୀ ଜୀଞ୍ଜୁତାକି ହାରେକା ରାହାଁତଲେ ହାଇଁ, ହାଅ ନା ଜୀଞ୍ଜୁ ଜିକେଏ ହାଇଁ, ନାନୁ ମିଙ୍ଗେ ହାରେକା ଜୀଞ୍ଜୁନହଁ ମାଞ୍ଜାତିହଁ ଏନାଆଁ ମୀରୁ ନାଚେ ଉଣା ଜୀଞ୍ଜୁନହଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଙ୍ଗେ ବନ୍ତୁ କିୟାଆଚେଏଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଙ୍ଗେ ମିତି ତଲେ ଆସ୍ତାଚେଏଁ । ୧୭ ନାନୁ ମୀ ତାଣା ଆମ୍ବାଆରାଇଁ ପାଣ୍ଡୁମାଞ୍ଜାଇଁ, ଏଞ୍ଜାରି ବିତ୍ରାଟି ରଅଣି ତଲେ ମୀ ତାଣାଟି ଏନି ଲାବା ବେଟାଆଡ଼େଏଁ କି ? ୧୮ ନାନୁ ତିତସଇଁ ହାଜାଲି ବାଡ଼ିମାଲ୍ ମାଚେଏଁ, ଇଞ୍ଜା ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଣ୍ଡାଚେଏଁ । ତିତସ ମୀ ତାଣାଟି ଏନାଆଁ ଲାବା କିଚେସି ? ମାମ୍ବୁ କି ରଣିଏ ଜୀଞ୍ଜୁତଲେ ତାକିହିଲଅମି ? ମାମ୍ବୁ ଏନାଆଁ ରଣିଏ ପାଞ୍ଜୁଲିତା ତାକିହିଲଅମି ?

୧୯ ନୀଏଁ ପାତେକା ମୀରୁ ଅଣପିମାଞ୍ଜେରି, ମାମ୍ବୁ ମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁ କାତା ଜଲିମାନମି, ଇଞ୍ଜା ଏ ଜୀଞ୍ଜୁତି ତାୟିୟାଁ ବାରେ କାତା ମୀ ନେହେଁତାକି ଖେସିମାନମି । ୨୦ ଇଚିହଁ ଏଡ଼େତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକଁ ମେସାଲି ମନ କିହିମାଲ୍ ଏଲେକିହଁ ମିଙ୍ଗେ ମେସ୍ତାଆସାରେ, ଅଡ଼େ ମୀରୁ ନାଚେ ଏନିକଁ ମେସାଲି ମନ କିହାଁ ହିଲଅଚେରି ଏଲେକଁ ମେସ୍ତାଦେରି, ଏଦାଆଁତାକି ନାନୁ ଆଜିମାଲ୍; ଇଚିହଁ ମା ବିତ୍ରା ବାଡ଼ିବାଦା, ତାହାରା, କପା ଅଡ଼େ ଗତି ଗତି ଆନାୟି, ରଅସି ରଆଣାଇଁ ନିନ୍ଦା କିନାୟି, ସାକ୍ତି କାତା ଜଲିନାୟି, ବତପଣ ତସ୍ପି ଆହାଁ ଗଡ଼ହା ଆନେ; ୨୧ ଇଞ୍ଜା ନାନୁ ଅଡ଼େ ଖେଶ୍ତେ ଖାଡ଼ିସାରେ ନା ମାହାପୁରୁ ମୀ ତାକି ନାଚେ ଅଡ଼େ ଲାଜା କିଞ୍ଜିକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡ଼େ ଦାରି କାମାତାକି ଜୁପକା ଆନାଣି

ତାକି ନୀର୍ଦ୍ଦେଶ ପାତେକା ମନ ଖେଟୁହା ହିଲଅରି ଏଞ୍ଜାରି  
ତାକି ନାନୁ ଦୁକୁଆହୁଁ ତୀହାଲିଆନେ ।

### ୧୩

ଜାଗ୍ରାତା କିହାଁ ଜହରା ତଲେ ଆକୁତି ରାପ୍ନାୟି

୧ ନୀର୍ଦ୍ଦେଶ ତଲେ ତାନି ପାଲି ନାନୁ ମୀ ତାଣା  
ଝାହିମାଲ୍, ଦାମ୍ବୁପତିତା ରାସ୍ତି ଆହାମାନେ,  
“ଆମିନି ଦହୁତି କାତା ନୀହାୟି କିନାୟି ରିଆରି  
କି ତାନି ଜାଣା ସାକିୟାଁ ତଲେ ତୀରି କିଞ୍ଜିଆନେ”  
୨ ଆମ୍ବାଆରି ନକେଏ ପାପୁ କିହାମାତେରି  
ଏଞ୍ଜାରାଲ୍ ଇଞ୍ଜା ବାରେତି ଏନିକ୍ ତଲି ରୀ  
ପାଲି ଖେସାମାଞ୍ଜାତେଏ, ନୀର୍ଦ୍ଦେଶ ହେକ ମାଞ୍ଜାନା  
ଏଲେକିହୁଏ ନକେଏ ଖେସିମାଞ୍ଜାଲ୍, ନାନୁ  
ଅଡେ ଝାଡିହୁଁ ଏଞ୍ଜାରାଲ୍ ତଣ୍ଡ ହୀଆନା ପିହୁଅଁ  
। ୩ ଏନିକ୍ କ୍ରୀସ୍ତ ନା ତାଣା ଜଲିମାଞ୍ଜାନେସି  
ମୀରୁ ଏଞ୍ଜାଣି ପାରମାଣା ପାରିମାଞ୍ଜେରି; ଏଞ୍ଜାସି  
ମିଙ୍ଗେତାକି ବାଡ଼ୁଲୁ ହିଲଆଗାଟାସି ଆଏ, ସାମା  
ମୀ ତାଣା ବାଡ଼ୁଲୁ ଗାଟାସି ଆନେସି, ୪ ଏଞ୍ଜାସି  
ବାଡ଼ୁଲୁ ହିଲଆତାକି ପାସି ମୁଣ୍ଡାତା ଏପକି  
ଆଡେସି, ଆଡିଜିକେଏ ମାହାପୁରୁ ବାଡ଼ୁଲୁଟି  
ଏଞ୍ଜାସି ନୀତାମାନେସି । ମାମ୍ବୁ ଜିକେଏ ଏଲେକ୍  
ତାନି ତାଣା ବାଡ଼ୁଲୁ ହିଲଆ ଗାଟାତମି, ସାମା  
ମାହାପୁରୁଟି ବାଡ଼ୁଲୁ ତାକି ମାମ୍ବୁ ମୀ ତାଣା  
ଏଞ୍ଜାଣିତଲେ ନୀତାମାନମି ।

୫ ମୀରୁ ନାମୁତଲେ ମାଞ୍ଜେରିକି ଆଏ, ଏ  
କାତାତା ଜାହା ଜାହାରାଲ୍ ତାୟିପାରି କିହାକତାଦୁ  
ଇଞ୍ଜା ଅଣ୍ଡପାଦୁ, କି ଜୀସୁ କ୍ରୀସ୍ତ ମୀ ତାଣା  
ମାନେସି, ଇଦାଆଁ କି ମୀରୁ ଜାହା ଜାହାରା କାତାତା  
ପୁଞ୍ଜାହିଲଅତେରି ? ଏଲେଆହୁଁ ଆଡିହୁଁ ମୀରୁ  
ତାୟିପାରି କିନି ତାଣା ଜୀଣା ଆହା ହିଲଅତେରି  
। ୬ ସାମା ନାନୁ ବାସୁଁ ଇଟାମାଲ୍, ମାର ତାୟିପାରି  
କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ  
ପୁଞ୍ଜେରି । ୭ ମୀରୁ ଏନିକ୍ ଏନି ଲାଗେଏତି କାମା  
କିଅତେରି, ଇଦାଆଁତାକି ମାହାପୁରୁ ତାଣା ମାମ୍ବୁ  
ପ୍ରାତାନା କିହିମାନମି; ମାମ୍ବୁ ଏନିକ୍ ତାୟିପାରି  
କିଞ୍ଜି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି,  
ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ  
ତାୟିପାରି କିଞ୍ଜି ଆହାଁ ଜୀଣା ଆଆଡିଲେହେଁ ତଞ୍ଜା  
ଆଆଡ଼ ଜିକେଏ ଏନିକ୍ ମୀରୁ ନେହୁଁ କାମା  
କିଦେରି, ଇଦାଆଁତାକି ପ୍ରାତାନା କିହିମାନମି ।  
୮ ଇଡିହୁଁ ମାମ୍ବୁ ସାତା କପାଟି ଏନାଆଁ କିହାଲି  
ଆଡିହିଲଅମି, ସାମା ସାତା ଝାକିଟି ଦେହେଁ  
ବାରେ କିହାଲି ଆଡିନମି । ୯ ଏଡିବେଲା ମାମ୍ବୁ  
ବାଡ଼ୁଲୁ ହିଲଆ ଗାଟାତମି ଆନମି ସାମା ମୀରୁ  
ବାଡ଼ୁଲୁ ଗାଟାତେରି ଆଦେରି, ଏଡେତା ମାଙ୍ଗେ  
ରାହାଁ ହଡାନେ; ମୀରୁ ଏନିକ୍ ବାରେ ଝାକିଟି  
ନେହାଁତେରି ଆଦେରି ଏଦାଆଁତାକି ଜିକେଏ

ପ୍ରାତାନା କିହିମାନମି । ୧୦ ଏଦାଆଁତାକି ମୀ ତାଣାଟି  
ହେକ ମାଞ୍ଜାନା ନାନୁ ଇ ବାରେ ରାଡିମାଞ୍ଜାଲ୍,  
ଏନିକ୍ ମୀ ତାଣା ଝାହାନା ପ୍ରବୁ ନାଙ୍ଗେ ମେକ୍‌ହାଲି  
ହୀଆନା, ପାଡିକିହାଲି ହୀହାମାଞ୍ଜାନେସି, ଏ  
ଅଦିକାରା ଲେହେଁ ମୀ କପାଟି ନିଙ୍ଗାନା ବାଡ଼ୁଲୁ  
ତସାଲି ମିଙ୍ଗେ ଲଡା ଆଏ ।

୧୧ ତାୟିୟାଁ ଅଡେ ତାଙ୍ଗିସ୍ତାତେରି, ରାହାଁ କିଦୁ,  
ନେହାଁତେରି ଆଦୁ, ରଅତେରି ରଅଣାଲ୍ ବାସୁଁ  
ହୀଞ୍ଜିଆଦୁ, ରଣ୍ଡିଏ ମନ ଆଦୁ, ହିଡ଼ି ତଲେ ବାସା  
ଆଦୁ, ଅଡେ ହିଡ଼ି ଇଞ୍ଜା ଜୀଞ୍ଜୁ ନନି ମାହାପୁରୁ ମୀ  
ତଲେ ଡିନେସି ।

୧୨ କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀଞ୍ଜୁ  
ନଞ୍ଜୁ ତଲେ ଜୀଞ୍ଜୁ ନଞ୍ଜିଆହାନା ମୀରୁ ମୀରୁଏ  
ରଅତେରି ରଅଣାଲ୍ ନଣ୍ଡାନା ଜହରା କିଞ୍ଜିଆଦୁ  
। ୧୩ ଇମ୍ବାଆଁ ମାନି ମାହାପୁରୁ ଲକୁ ମିଙ୍ଗେ  
ଜହରା ଖେସିମାଞ୍ଜାନେରି । ୧୪ ପ୍ରବୁ ଜୀସୁ କ୍ରୀସ୍ତତି  
କାର୍ମାମେହନାୟି ମାହାପୁରୁଟି ଜୀଞ୍ଜୁନନାୟି ଅଡେ  
ସୁଦୁଜୀଞ୍ଜୁ ତଲେ ଆଣ୍ଡିନାୟି ମୀ ବାରେତାକି  
ଆୟାପେ ।

# ଗାଳାତିୟ ମଣ୍ଡଳୀ ନିମନ୍ତେ ପାଉଲକ ଲିଖିତ ପତ୍ର ଗାଳାତିୟ କୁଲମିତାକି ପାଞ୍ଚଲ ରାଚାମାନି ଆବୁ ମୁକୁ ହାଡ଼ା

ଗାଳାତିୟ ଆବୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ରାସ୍ତାକି ଆହାମାନେ ୧:୧ । ଇ ଆବୁ ଜୀସୁ କ୍ରୀସ୍ତ ଜର୍ନାତି ତାୟୁ ୪୮ ଟିଏ ୫୭ ବର୍ଷା ବିତ୍ରା ଗାଳାତିୟ କୁଲମିତି ନାମିତି ତାୟିୟାକି ରାସ୍ତାକି ଆହାମାଚେ । ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଟାୟୁତା ବାସା କିହା ମାଣ୍ଡିନେରି । ପାଞ୍ଚଲ ଇ ଆବୁ ରାଚିତି ବେଲା ଆମ୍ବିୟା ମାଚେସି ଇଦାଆଁ ବୁଦିଗାଚାରି ଜିକେଏ ପୁଞ୍ଜାହିଲଅରି । ସାମା ଏପିସିୟ ଆଆତ କରନ୍ତି ଇ ରା ଟାୟୁତା ମାଞ୍ଜା ତୁୟିନେସି ଇଞ୍ଜି ଇନେରି ।

ପାଞ୍ଚଲ ଗାଳାତିୟ କୁଲମିତି ଜୀହୁଦି ଅଡେ ଜୀହୁଦିଆଆତି କ୍ରୀସ୍ତାନା ଲକୁଣି ଟାୟୁ ପୁଣ୍ଡି କିହାନା ଆବୁ ରାଚିମାନେସି । ଏଞ୍ଜାସି ମିତି ଜାପୁନାରି ତାଣ୍ଡାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନୁଞ୍ଜି ଆହାଲି ଅଡେ ବାରେକିହାଁ ତଲୁ ଦାପିଆନି ଫେରା ଝେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାଚେରି ଏମିନିଗାଚାରି ଜୀହୁଦି ଦାମୁତି ଆବିତାରି । ଏଞ୍ଜାରି ଜିକେଏ ପାଞ୍ଚଲତି ପାଣ୍ଡୁଆହାମାନି ଅଦିକାରାତି ଝେଞ୍ଜିମାଚେରି । ପାଞ୍ଚଲ ଏଚେକା ପୁସ୍ପଦିକା ତଲେ ତାନି ପାଣ୍ଡୁଆହାମାନି କାତା ଝେସାନା ଏଞ୍ଜାରାଇଁ ମୁଦା କିହାମାଚେସି ୧:୧୧; ୨:୧୪ ଅଡେ ଜୀସୁ କ୍ରୀସ୍ତାଇଁ ନାମିସାରେ ଗେଲ୍ପି ଆନାୟି ଇ କାତା ଝେସାନା ନେହୁଁ କାବୁତି ଗେଲ୍ପି ମାନେସି ୨:୧୬ । ମାଣ୍ଡିସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ ।

**ପତିତା ମାନାୟି**

- ୧. ପାଞ୍ଚଲତି ଜହରା । ୧:୧-୫
- ୨. ପାଞ୍ଚଲତି ତଲିତି ଜୀସୁ ଅଡେ ଜାପୁନି ଅଦିକାରା କାମା କିନାୟି । ୧:୬-୨:୨୧
- ୩. ଫେରାତି କାମା ଅଡେ ମାହାପୁରୁ କାର୍ମାଟି ଗେଲ୍ପି ଆନାୟି । ୩:୧-୪:୩୧
- ୪. ନେହୁଁ କ୍ରୀସ୍ତାନା ଆହାନା ନୀଡାଲି ଝେହ୍ନାୟି । ୫:୧-୬:୧୦
- ୫. ପାଞ୍ଚଲ ଜହରା କିହାନା ଆବୁତି ରାପୁନାୟି । ୬:୧୧-୧୮

ପାଞ୍ଚଲତି ଜହରା

୧ ନାନୁ, ପାଣ୍ଡୁଆତି ସୀସୁ ପାଞ୍ଚଲତେଏଁ, ପାଣ୍ଡୁ ଆହାଲିତାକି ନାନୁ ମାଣ୍ଡିସି ତାଣ୍ଡାଟି ଆଏ, ସାମା ଜୀସୁ କ୍ରୀସ୍ତ ତାଣ୍ଡାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣ୍ଡାଟି ନିକ୍ହାମାନେସି ଏଞ୍ଜାଣି ତାଣ୍ଡାଟି ବେଟାଆହାମାଇଁ, ୨ ନା ତଲେ ମାନି ନାମୁତି ବାରେ ତାୟି ତାଜିପ୍ଲା ଗାଳାତିୟା କୁଲମିତି ଜହରା କିହିମାଞ୍ଜାନେରି ।

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହନାଣି ଅଡେ ହିଡ଼ଡ଼ି ଜୀସୁ ମିଚେ ହୀୟାପେସି ।

୪ ନୀଏଁତି ଇ ପାପୁତି ଦାରତିତା ମାଚେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଇଁ ହେରପାକତିତେସି; ୫ କାଲ୍ମାକାଲ୍ମାତାକି ମାହାପୁରୁଇଁ ଗାଞ୍ଜୁରମି ଆପେ । ଆମେନ ।

**ରଣ୍ଡିଏ ନେହୁଁ କାବୁ**

୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଚେ ହାଡ଼ା ମାଞ୍ଜାତେସି, ଏଞ୍ଜାଣାଇଁ ମୀରୁ ଗାଡ଼େକେଏ ପିସାନା ଏଟକାତି ନେହୁଁ କାବୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଇଁ । ୭ ସାତାତଲେ, “ଏଟକାତି ନେହୁଁ କାବୁ” ଆଏ, ସାମା ଏଚରଜାଣା ମିଚେ ତାରି ମାଞ୍ଜାଲି ହୀଆନା, କ୍ରୀସ୍ତିତି ନେହୁଁ କାବୁତି କିଲିବିଲି କିହାଲି ଅଣ୍ପିମାନେରି । ୮ ସାମା ଆମିନି ନେହୁଁ କାବୁ ମାମ୍ବୁମୀ ତାଣ୍ଡା ଝେକ୍ହା ମାଚମି, ଇଞ୍ଜା ମାମ୍ବୁକି ଲାକପୁରୁତି ଦୁତୁୟା ଜିକେଏ ଏଦାଣି ପିସ୍ପେ ଏଟକାତି ନେହୁଁ କାବୁ ଝେକ୍ହେନେସି, ଆତିହୁଁ ଏଞ୍ଜାସି ବାକା ବେଟାଆପେସି । ୯ ଏନିକ୍ ମାମ୍ବୁତଲିଏ ଝେସାମାନମି, ନୀଏଁ ଜିକେଏ ନାନୁ ଏଲେକିହୁଁଏ ଅଡେ ଝେଣ୍ଡେ ଝେସିମାଞ୍ଜାଇଁ, ଆମିନି ନେହୁଁ କାବୁଇଁ ମୀରୁ ଆସାମାଚେରି, ଏଦାଣି ପିସ୍ପେ ଆମିନି ଲକୁ ଏଟକାତି ନେହୁଁ କାବୁ ମୀ ତାଣ୍ଡା ଝେକ୍ହାନେସି ଏଞ୍ଜାସି ବାକା ବେଟାଆପେସି ।

୧୦ ନୀଏଁ ନାନୁ ମାଣ୍ଡିସିୟା ନକିତା କି ମାହାପୁରୁ ନକିତା ନେହୁଁ ତଞ୍ଜାଆୟାଲି ଅଣ୍ପିମାଇଁ, ଏଡ଼ି ଏଚେଲା ଜିକେଏ ଆଏ । ଇତିହୁଁ ମାଣ୍ଡିସିୟାଇଁ ରାହାଁ କିହାଲି ଅଣ୍ପିମାଇଁ, ନାନୁ ନୀଏଁ ପାଚେକା ମାଣ୍ଡିସିୟାଇଁ ରାହାଁ କିଞ୍ଜିକିହାଲି ଅଣ୍ପି ମାଚିହୁଁ ମା ନାନୁ କ୍ରୀସ୍ତିତି ହଲେଏଶାତେଏଁ ଆଆତେଏଁମା ।

**ପାଞ୍ଚଲ ଏନିକ୍ ଆଡ଼ଞ୍ଜି ଆନାୟି**

୧୧ ତାୟି ତାଜିପ୍ଲାତେରି ଆମିନି ନେହୁଁ କାବୁ ନା ତାଣ୍ଡାଟି ଝେସ୍ପି ଆହାମାନେ, ଏଦାଣି ମିଚେ ନାନୁ ଝେସିମାଞ୍ଜାଇଁ ଏଡ଼ି ମାଣ୍ଡିସିୟା ତାଣ୍ଡାଟି ଆଏ; ୧୨ ନାନୁ ଏଦାଆଁ ମାଣ୍ଡିସି ତାଣ୍ଡାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣ୍ଡାଟି ବେଟାଆହାମାଇଁ ।

୧୩ \*ନାନୁ ତଲି ଜୀହୁଦି ଦାମ୍ବୁତା ମାଚିବେଲା ଏନି ମାଣ୍ଡକିତା ମାଚେର୍ସ ମୀରୁ ଖେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାଚେର୍ସ, ଅଡେ ଏଦାଆଁ ମେକ୍‌ହାଲି ଅଣ୍ଡିମାଚେର୍ସ । ୧୪ \*ଅଡେ ମା ଆକୁ ଆରାୟା ପାଣାପାଟୁ ମେରା ତାକି ରାହାଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମ୍ବୁତି ହାରେକା ମାନି କିହିମାଚେର୍ସ ।

୧୫ \*ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାଚେସି, ୧୬ ଅଡେ ଜୀହୁଦିଆଆତି ଲକୁତାଣା ନେହଁ କାରୁ ଖେକ୍‌ହାଲି ତାକି ଏଚିବେଲା ନାଞ୍ଜେ ଏଞ୍ଜାସି ତାନି ମୀର୍‌ଏଣାଞ୍ଜ ତସ୍ତାଚେସି, ଏ କାତା ପୁଞ୍ଜାଲିତାକି ନାନୁ ଏଚ୍‌କା ମାଣ୍ଡସି ତାଣା ହାଜା ହିଲାଆଚେର୍ସ । ୧୭ ଇଲେକିହଁ ନା ନକେଏ ଆମିନି ଗାଟାରି ପାଣ୍ଡୁଞ୍ଜିଆଡ଼ି ସୀସୁ ଆହାମାଚେରି, ଏଞ୍ଜାରାଞ୍ଜ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆଚେର୍ସ । ସାମା ନାନୁ ଦେରୁଣିଏ ଆରବ ଦେସାତା ହାଜାମାଚେର୍ସ; ଅଡେ ତାୟୁ ଦମେସକତା ଖେଣ୍ଡା ଖାଚେର୍ସ । ୧୮ \* ତାନି ବାର୍ଯା ହାଚି ତାୟୁ ନାନୁ ପିତରଞ୍ଜ ଆଣ୍ଡାଲି ତାକି ଜିରୁସାଲମତା ହାଚେର୍ସ, ଇଞ୍ଜା ଏଞ୍ଜାଣିତଲେ ପନ୍ଦର ଦିନା ଏମ୍ବାଆଁ ମାଚେର୍ସ । ୧୯ ସାମା ପ୍ରବୁତି ତାୟି ଜାକୁବ ପିସପେ ପାଣ୍ଡୁଞ୍ଜି ଆହାମାନାରି ବିତ୍ରା ଆମ୍ବାଆରାଞ୍ଜ ମେହ୍‌ଆଚେର୍ସ ।

୨୦ ନାନୁ ମିଞ୍ଜେ ଏନାଆଁ ରାଚିମାଞ୍ଜାଞ୍ଜ, ମାହାପୁରୁ ନକିତା ସାତା ଖେସିମାଞ୍ଜାଞ୍ଜ, ମିଚି ଖେସିମାଞ୍ଜାଞ୍ଜ ।

୨୧ ତାୟୁ ନାନୁ ସିରିୟା ଅଡେ କିଲିକିୟାତି ହାରେକା ଟାମ୍ବାଣା ହାଚେର୍ସ । ୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଞ୍ଜେ ନେହଁ କଁ ପୁଞ୍ଜାମାଞ୍ଜାଆଚେରି । ୨୩ ଏଞ୍ଜାରି ଏଚ୍‌କା ଲକୁ ତାଣାଟି ଖେଞ୍ଜାମାଚେରି, “ଆମିନି ମାଣ୍ଡସି ତଲି ମାଞ୍ଜେ ସାସ୍ତି ହାହି ମାଞ୍ଜାଚେସି, ଇଞ୍ଜା ମା ନାମୁତି ମେକ୍‌ହାଲି ଅଣ୍ଡିମାଚେସି, ଏଞ୍ଜାସି ନୀର୍‌ଏ ନାମୁତି କାତା ଖେକ୍‌ହି ମାନେସି ।” ୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଞ୍ଜ ଗାଞ୍ଜୁରମି କିହିମାଚେରି ।

୨

ପାଞ୍ଜୁଲ ଅଡେ ପାଣ୍ଡୁଞ୍ଜି ଆଡ଼ି ସୀସୁୟାଁ

୧ \*ସଦ ବାର୍ଯା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡେ ଖେଣ୍ଡେ ହାଚେର୍ସ, ଇଞ୍ଜା ତିତସଞ୍ଜ ଜିକେଏ ନା ତଲେ ଅହାମାଚେର୍ସ । ୨ ନାନୁ ଏମ୍ବାଆଁ ହାନାୟିମାନେ ଇଞ୍ଜାଁ ମାହାପୁରୁ ତାଣାଟି ହୁକୁମି ବେଟାଆହାନା ହାଚେର୍ସ; ଅଡେ ନାନୁ

ଏଚ୍‌କା କୁଡାତି ଲକୁତାଣା ଆମିନି ନେହଁ କାରୁ ଖେକ୍‌ହିମାଞ୍ଜ, ଏଦାଆଁ ଏଞ୍ଜାରାଞ୍ଜ ଖେସ୍‌ସେର୍ସ, ସାମା ନା ତଲିତି ଅଡେ ନୀର୍‌ଏତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଗେ ନାନୁ ଏଞ୍ଜାରାଞ୍ଜ ଏଚ୍‌କା କିହାନା ଖେସ୍‌ସେର୍ସ । ୩ ସାମା ନା ତଡୁ ତିତସ ଗ୍ରିକ୍ ଲକୁ ମାଚି ଜିକେଏ ଏଞ୍ଜାଣାଞ୍ଜ ତଲୁ ଦାପି କିହାଲି ବାଲାମାତମି କିଞ୍ଜିଆହା ହିଲାଆଚେ, ୪ ଆତିହଁ ଜିକେଏ ଏଚରଜାଣା ଲକୁ ଏଞ୍ଜାଣାଞ୍ଜ ତଲୁ ଦାପି କିହାଲି ଅଣ୍ଡିମାଚେରି । ଏଞ୍ଜାରି ନାମିତି ତାୟିୟାଁ ଇଞ୍ଜାଁ ତସା କତାନା ମେଣେଏ ପାରୁ ପାରିନି ଲେହେଁ ଜାରୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାର ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣ୍ଡପୁ ମାଚେ, ମାଞ୍ଜେ ଏଞ୍ଜାରି ଅଡେ ଖେଣ୍ଡେ ମେରାତି ହଲିୟାଞ୍ଜା କିହାଲି ଅଣ୍ଡିମାଚେରି । ୫ ସାମା ନେହଁ କାରୁତି ସାତା ଏନିକଁ ମୀ ତାଣା ତୀରିଆହାନା ତୁୟିନେ, ଏଦାଆଁତାକି ମାମ୍ବୁ ଗାଡେକା ତାକି ଜିକେଏ ଏଞ୍ଜାରାକି ପାରୁ ହୀହାହିଲାଆତମି ।

୬ ଆମ୍ବାଆରି ମାନିଗାଟାରି ଇଞ୍ଜାଁ ଖେଞ୍ଜା ମାଚେରି, ଏଞ୍ଜାରି ଏନିଲେହେଁତି ଲକୁ ମାଚେରି, ଏମ୍ବାଆଁ ନାଡି ଏନାୟି ହିଲେଏ; ମାହାପୁରୁ ଆମ୍ବାଆରି ପାରଡା ବାଚି କିଅସି, ଏ ମାନିଗାଟାରି ନାଞ୍ଜେ ଏନି ପୁଞ୍ଜି ବଲୁ ଖେସାମାଞ୍ଜଅରି । ୭ ଏଚ୍‌କା ଖାକି ଏଞ୍ଜାରି ପୁଞ୍ଜାଲି ଆଡିତେରି, ପିତରଞ୍ଜ ଏନିକଁ ଜୀହୁଦି ଲକୁତାଣା ନେହଁ କାରୁ ଖେକ୍‌ନି କାମା ହେରପିଚେସି ଏଲେକିହଁ ଏ ନାଞ୍ଜେ ଜିକେଏ ଜୀହୁଦିଆଆତି ଲକୁତାଣା ନେହଁ କାରୁ ଖେକ୍‌ନି ବନ୍ତୁ ହେରପା ମାଞ୍ଜାନେସି । ୮ ଏଦାଆଁତାକି ଇଚିହଁ ଜୀହୁଦି ଲକୁତାଣା ପାଣ୍ଡୁଞ୍ଜି ଆହାମାନାରି କାମା କିହାଲି ଏନିକିହଁ ପିତରକି ମାହାପୁରୁ ବାଡୁୟୁ ହୀହାମାନେସି, ଏଲେକିହଁ ଏ ଜୀହୁଦିଆଆତି ଲକୁତାଣା ଏ କାମା କିହାଲି ନାଞ୍ଜେ ମାହାପୁରୁ ବାଡୁୟୁ ହୀହାମାଞ୍ଜାନେସି । ୯ ଅଡେ ଏଚିବେଲାତା ଏଞ୍ଜାରି ମାହାପୁରୁ ନାଞ୍ଜେ ହୀହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜାଁ ଖେଞ୍ଜାମାନେରି, ଜାକୁବ, ପିତର, ଅଡେ ଜହନ ନାଞ୍ଜେ ଇଞ୍ଜାଁ ବର୍ନବାଞ୍ଜ କାମାତା ଆଣ୍ଡାତମି ଇଞ୍ଜାଁ ଚିଃନି କେୟୁ ଆସାନା ଆବାଚେରି, ଏନିକିହଁ ନାନୁ ଅଡେ ବର୍ନବା ଜୀହୁଦିଆଆତି ଲକୁତାଣା କାମା କିନମି ଅଡେ ଏଞ୍ଜାରି ଜୀହୁଦି ଲକୁତାଣା କାମା କିନେରି । ୧୦ ଏଞ୍ଜାରି ଖାରଞ୍ଜ ଇଚେକା ବାଡିମାଲା ମାଞ୍ଜାଚେରି ମାମ୍ବୁ ଏଞ୍ଜାରି ଜାରୁତା ମାନି ହିଲାଆଗାଟାରାଞ୍ଜ ଅଣ୍ଡିମିନି; ଏ କାତାତା ନାନୁ

\* ୧:୧୩ ୧:୧୩ କାମା ୮:୩; ୨୨:୪,୫; ୨୬:୯-୧୧ \* ୧:୧୪ ୧:୧୪ କାମା ୨୨:୩ \* ୧:୧୫ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮ \* ୧:୧୮ ୧:୧୮ କାମା ୯:୨୬-୩୦ \* ୨:୧ ୨:୧ କାମା ୧୧:୩୦; ୧୫:୨

ରାହାଁ ଆହାମାଚେଏ ।

**ପାସ୍କୁଲ ପିତରଇଁ ଲାଗିନାୟି**

୧୧ ସାମା କେପା\* ଏଚିବେଲା ଆକ୍ରିୟକିୟାତା ଖାହାମାଚେସି, ନାନୁ ଏଝାଣାଇଁ ବାରେ ଲକୁ ନକିତା ଲାଗିଚେଏ, ଇଚିହଁ ଏଝାସି ଦହ କିହିମାଚେସି । ୧୨ ଜାକୁବ ତାଣାଟି ଏଚରଜାଣା ଖାଆ ନକେଏ ପିତର ଜାହୁଦିଆଆତି ତାୟି ତାଜିସ୍ତା ତଲେ ତିଞ୍ଜିମାଚେସି, ସାମା ଏଝାରି ଖାହାଲିଏ, ଏଝାସି ଏ ତାୟି ତାଜିସ୍ତାଇଁ ଆଜାନା ଜାହୁଦିଆଆତି ତାୟି ତାଜିସ୍ତାଇଁ ପିସାନା ଏଟକା ଆଡେସି । ୧୩ ଇଞ୍ଜା ଏଚରଜାଣା ଜାହୁଦି ତାୟିୟା ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହଁ ପୁନାଆତାରି ଲେହେଁ ନାଡ଼ିକିଞ୍ଜି ଆଡେରି, ଏଲେଆହଁ ବର୍ନବା ଜିକେଏ ଏଝାରି କାତା ଆସ୍ତେସି । ୧୪ ଏଚିବେଲା ନାନୁ ମେସ୍ତେଏ, ଏଝାରି ନେହଁ କାରୁତି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକୁ ନକିତା କେପାଇଁ† ଏଲେଇଚେଏ, “ନାନୁ ଜାହୁଦି ଆହାନା ଜାହୁଦି ଲକୁ ଲେହେଁ ଲେମ୍ବାଆନାହାଁ ଜାହୁଦିଆଆତି ଲକୁଲେହେଁ ନାଡ଼ିମାଞ୍ଜି, ଆତିହଁ ନାନୁ ଏନିକିହଁ ଜାହୁଦିଆଆତି ଲକୁଣି ଜାହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

**ନାମୁତଲେ ଗେଲପି ଆନାୟି**

୧୫ ସାତେଏ ମାମ୍ବୁ ଜାର୍ନାଟିଏ ଜାହୁଦି ଲକୁତମି, “ଜାହୁଦିଆଆତି ଲକୁ ଲେହେଁ ପାପୁ ଗାଟାତମି ଆଏ ।” ୧୬ \*ଆଡ଼ିଜିକେଏ ମେରାତି କାମା ତଲେ ମାଣ୍ଡସି ତାରିଗାଟାସି ଆଆନା, ଜାସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜୁୀସୁ କ୍ରୀସ୍ତ ତାଣା ନାମା ମାନମି, ଏନିକିଁ ମେରାତି କାମା ତଲେ ତାରିଗାଟାତମି ଆଆନା କ୍ରୀସ୍ତ ତାଣା ନାମାନା ତାରିଗାଟାତମି ଆନମି; ଇଚିହଁ ମସାତି ମେରାତି କାମା ତଲେ ଆମିନି ମାଣ୍ଡସି ତାରିଗାଟାସି ଆଅସି । ୧୭ ସାମା କ୍ରୀସ୍ତ ତାଣାଟି ତାରି ଗାଟାତାୟି ଆୟାଲି ଅଣ୍ଡପାନା ମାମ୍ବୁ ଜିକେଏ ପାପୁ ଗାଟାତମି ଇଞ୍ଜିହଁ ତଞ୍ଜା ଆଡମି, କ୍ରୀସ୍ତ ପାପୁତି ସେବା କିନାସି କି ? ଏଦି ଏଚେଲାଝା ଆଆପେ । ୧୮ ଇଚିହଁ ନାନୁ ଏନି ମେରାତି ମ୍ବେକହାମାଇଁ ଏ ବାରେଡି ଅଡେ ଝେଣ୍ଡେ ଗାଡ଼ି କିଇଁ, ଆତିହଁ ନାନୁଏ ଜାହାରାଇଁ ଦହ ଗାଟାଚେଏଁ ଇଞ୍ଜିଁ ତସାକତିମାଇଁ । ୧୯ ମାହାପୁରୁ ତାକି ନୀତାଲି ନାନୁ ମେରାତି ମେରାତାକି ପାସି ମୁଣ୍ଡାତା ହାହାମାଇଁ, ୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଇଁ; ନାନୁ ଅଡେ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡେ ନାନୁ ନୀଏଁ ଏମିନି ଆଜା ତଲେ ନୀତାମାଇଁ, ଏଦି ନାମୁତଲେ, ଇଚିହଁ ମାହାପୁରୁତି ଏମିନି ମୀରଏସି ନାଜେ ଜାହୁନହାଁନା ନା ତାକି ତାନି ଜାହୁ

ହାହାମାନେସି, ଏଝାଣି ତାଣା ନାମାନା ନୀତାମାଇଁ । ୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇଚିହଁ ମେରା ତଲେ ମାଣ୍ଡସି ମାହାପୁରୁ ନକିତା ତାରିଗାଟାସି ଆନେସି, ଆତିହଁ କ୍ରୀସ୍ତ ହାତାୟି ଉଜେଏତାୟି ।

**୩**

**ମେରା ଆଆତଁ ନାମୁ**

୧ ଏ ବୁଦି ହିଲାଆଗାଟି ଗାଳାତିୟତି ଲକୁତେରି ! ଆମ୍ବାଆସି ମିଜେ ମାଡ଼ି କିହାମାଞ୍ଜାନେସି ? ମୀ କାଣକା ନକିତା ଜାସୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହଁକିଁ ତଞ୍ଜାଆହିମାଞ୍ଜାତେ । ୨ ନାନୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ଡପିମାଇଁ; ମୀରୁ ମସା ମେରା ତଲେ କାମା କିତାକି କି ନେହଁ କାରୁ ଝେଞ୍ଜାନା ନାମିତାକି ସୁଦୁଜାହୁ ବେଟାଆହାମାଚେରି ? ୩ ମୀରୁ ଏନିଲେହେଡି ବୁଦି ହିଲାଆଗାଟାତେରି ? ମାହାପୁରୁତି ଜାହୁତଲେ ମାଟହାନା; ଆଜାତି ବାଡ଼ୟୁ ତଲେ ରାପୁହାଲି ଅଣ୍ଡପିମାଞ୍ଜେରି ? ୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଦି ଏନାଆଁ ଉଜେଏତାୟି ? ୫ ଇଚିହଁ ଆମ୍ବାଆସି ମିଜେ ଜାହୁ ହାହାମାଞ୍ଜାନେସି, ଅଡେ ମୀ ତାଣା କାବାଆନି କାମା କିନେସି, ଏଝାସି ମେରାତାକି କିନେସି କି ନାମୁତାକି ଝେଞ୍ଜାହାଁ କିନେସି ?

୬ \*ଅବ୍ରାହାମ କାତା ଅଣ୍ଡପାଦୁ, ସାସ୍ତେରିତା ରାସ୍ତକି ଆହାମାନେ, “ଏଝାସି ମାହାପୁରୁ ତାଣା ନାମିତେସି, ଇଞ୍ଜା ନାମାଲିଏ ତାରିଗାଟାସି ଆଡେସି ।” ୭ \*ଇଦାଆଁତାକି ଆମ୍ବାଆରି ନାମିନେରି ଏଝାରିଦେଁ ଅବ୍ରାହାମତି ମୀରକା ମାସ୍ତକା, ଇଦାଆଁ ମୀରୁ ପୁନାୟିମାନେ । ୮ ଅଡେ ମାହାପୁରୁ ଜାହୁଦିଆଆତାରାଇଁ ନାମୁଟି ତାରିଗାଟାରି କିନେସି, ଏଦାଆଁ ଦାର୍ମୁ ପତିତା ନକେଏ ମେସାନା ଅବ୍ରାହାମ ତାଣା ନେହଁ କାରୁ ଝେସାନା ଏଲେଇଚେସି; “ନୀ ତାଣାଟି ଦାରୁଡିତି ବାରେ କୁକୁଡି ଲକୁ ବର ବେଟାଆନେରି ।” ୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଡେସି, ଏଲେକିହଁଏ ଆମ୍ବାଆରି ନାମିନାରି ବାରେଜାଣା ଏଝାଣିଲେହେଁ ବର ବେଟାଆନେରି ।

୧୦ ଇଚିହଁ ଏଚେକା ଲକୁ ମସାତି ମେରା ଆସାନା କାମା କିନେରି, ଏଝାରି ବାକା ବେଟାଆନେରି, ଦାର୍ମୁପତିତା ରାସ୍ତକି ଆହାମାନେ, “ଆମ୍ବାଆସି ମେରା ପତିତା ରାସ୍ତକି ଆହାମାନି ବାରେ କାତାତି ମାନୁଞ୍ଜି ଆଅସି ଏଝାସି ମାହାପୁରୁ ତାଣାଟି ବାକା ବେଟା ଆନେସି ।” ୧୧ ମେରା ମାନୁଞ୍ଜି ଆହାନା ଆମ୍ବାଆସି ମାହାପୁରୁ ନକିତା ତାରିଗାଟାସି ଆଅସି, ନେହଁକିଁ ପୁଞ୍ଜାମାନାୟି, ରାସ୍ତକି ଆହାମାନେ, “ଇଚିହଁ ତାରିଗାଟାସି ନାମୁଟି ନୀଡିନେସି ।”

\* ୨:୧୧ ୨:୧୧ ପିତର † ୨:୧୪ ୨:୧୪ ପିତର ✨ ୨:୧୭ ୨:୧୭ ରମି ୩:୨୦; ରମି ୩:୨୨ ✨ ୩:୭ ୩:୭ ରମି ୪:୩ ✨ ୩:୭ ୩:୭ ରମି ୪:୧୭

୧୨ ଅଡ଼େ ନାମୁ ମୋରାତି ମୁଲୁ କାତା ଆଏ; ମୋରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନୁଝି ଆନେସି, ଏମ୍ବାତି ଏଞ୍ଜାସି ନୀତିନେସି ।”

୧୩ କ୍ରୀସ୍ତ ମା ତାକି ବାକା ବେଟାଆହାନା ମୋରାତି ମାଙ୍ଗେ ଖାନ୍ତି ବାକାଟି ପିସ୍ପି କିହାମାଞ୍ଜାନେସି; ଇତିହିଁ ରାସ୍ତକି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି ।”

୧୪ ମାହାପୁରୁ ଅବ୍ରାହାମଇଁ ଆମିନି ବର ହାହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକିଁ ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମାର ଜିକେଏ ମାହାପୁରୁ ଝେସାମାନି ଲେହେଁ ନାମୁତଲେ ସୁଦୁଜୀଝୁ ବେଟାଆହାଲି ଆଡିନାୟି ।

**ମୋରା ଅଡ଼େ ଆଞ୍ଜନାୟି**

୧୫ ଏ ତାୟି ତାଙ୍ଗିସ୍ତା, ନାମୁ ମାଣ୍ଡସିୟାଁ ଲେହେଁ ଝେସିମାଞ୍ଜାଇଁ; ରାଜିମାନା ମାଣ୍ଡସି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତାରି କିନେରି, ଏଚେତା ଏଦାନି ଆମ୍ବାଆସି ଏଟକା କିହାଲି ଆଡ଼ଅସି କି ଏମ୍ବାଆଁ ଏନାଆଁ କାଲହାଲି ଆଡ଼ଅସି ।

୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି କୁଡ଼ା ତାକି ହୀପକି ଆହାମାଚେ; ଏଞ୍ଜାସି ଏଲେଇଞ୍ଜା ହିଲଅସି, “କୁଡ଼ା ତାରାକି” ଏନିକିଁ ହାରେକା ଲକୁତାକି ସାସ୍ତେରିତା ଝେସିଲେହେଁ ଆଏ, ଇତିହିଁ ଏନିକିଁ ରଅଣି କାତା ଝେସେସି, ନୀ “କୁଡ଼ା ତାକି” ଏଞ୍ଜାସି କ୍ରୀସ୍ତ ଜୀସୁ । ୧୭ ନା ଅଣପୁ ଇଦି, ମାହାପୁରୁ ଅବ୍ରାହାମ ତଲେ ର ରାଜିମାନା କିହାମାଚେସି, ଅଡ଼େ ଏଦାଆଁ ତାରିକିହାଁ ଇଟାଲି ଆଞ୍ଜାମାଚେସି, ଆମିନି ମୋରା ସାରି ଖାଞ୍ଜା କଡ଼େଦସ ବାସା ତାୟି ହୀପକିଆଚେ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆଙ୍ଗାଲି ଆଡ଼େଏ । ୧୮ \*ମାହାପୁରୁତି ଆଞ୍ଜାମାନି ବର. ମୋରା ମାନିକିନି ତାଣା ବାସୁଁ କିନେ, ଆତିହିଁ ଏଦି ଅଡ଼େ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହୀହାମାନେସି ।

୧୯ ଆତିହିଁ ମୋରା ଏନାଆଁତାକି ହୀପକିଆଡ଼େ ? ମାଣ୍ଡସିତି ଲାଗେଏତି କାମା ତସାଲି ତାକି ହୀପକିଆଡ଼େ, ଇଞ୍ଜା ଅବ୍ରାହାମକି ଏମିନି କୁଡ଼ାତି ମେସାନା ମାହାପୁରୁ ଆଞ୍ଜାମାଚେସି, ଏଞ୍ଜାସି ଖାନ୍ତି ପାତେକା ମୋରା ଲଡ଼ା ମାଚେ, ର ମାଣ୍ଡସିତି ମାଦି ତଲେ ଲାକପୁରୁତି ଦୂଡୁୟାଁ ସାୟେମିତି ମୋରା ହୀପକି ଆହାମାଚେ । ୨୦ ସାମା ନୀଏଁ ମାଦିତି ମାଣ୍ଡସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ ।

**ମୋରାତି କାତା**

୨୧ ଇତିହିଁ ମୋରା ମାହାପୁରୁ ଆଞ୍ଜାମାନାଣି କପାଟି କାତା ଝେକ୍ତନେ ? ଏଦି ଏଚେଲାଞ୍ଜା ଆଆପେ; ଇତିହିଁ ଲକୁତାକି ଜୀଝୁ ହୀହାଲି ଆଡିନି ଇଲେତି ମୋରା ହୀପକି ଆହାମାଚିହିଁ ମା, ଆତିହିଁ ମୋରା ସାଚେଏ ତାରି ଗାଟାୟି ଆଡ଼େମା । ୨୨ ସାମା ଦାମୁଁ ସାସ୍ତେରିତା ରାସ୍ତକି ଆହାମାନେ, “ବାରେ ମାଣ୍ଡସି କୁଡ଼ା ପାପୁତି ବାଡ଼ୟିତା ମାନେରି, ଏଦାଆଁତାକି ଏନିକିଁ ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକୁ ବେଟାଆନେରି ।”

୨୩ ସାମା ଏ ନାମୁ ଖାନ୍ତି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମୋଡ଼ା ଆହାଲି, ମାର ମସା ମୋରାତା ଦସ୍ପି ଆହିମାଚାୟି । ୨୪ ଇଲେତି ନାମୁ ତାକି ମାର ଦାମୁଁ ଗାଟାତାୟି ଆହାଲିତାକି କ୍ରୀସ୍ତ ଖାନ୍ତି ଦିନା ପାତେକା ମୋରା ମାଙ୍ଗେ ଜାପହାନାୟି ଲେହେଁ ମାଚେ । ୨୫ ସାମା ନୀଏଁ ଏ ନାମୁ ଖାହାଲିଏ, ମାର ଅଡ଼େ ମୋରାତି ବାଡ଼ୟିତା ହିଲାଆୟି ।

୨୬ ଇତିହିଁ ମୀରୁ ବାରେଜାଣା ଜୀସୁ କ୍ରୀସ୍ତଇଁ ନାମିନି ତାଣାଟି ମାହାପୁରୁତି ମୀରକା ମାସ୍କା ଆହାମାଞ୍ଜେରି । ୨୭ ଇଞ୍ଜା ମୀରୁ ଏଚେକା ଲକୁ କ୍ରୀସ୍ତ ଦରୁତି ବାପ୍ତିସ୍ତ\* ବେଟାଆହାମାଞ୍ଜେରି, ନୀଏଁ ମୀରୁ ବାରେଚେରି କ୍ରୀସ୍ତଇଁ ହିମ୍ବିଲେହେଁ ପର୍ହାମାଞ୍ଜେରି । ୨୮ ଜୀହୁଦି ଆପେସି କି ଜୀହୁଦିଆଆତି ଲକୁ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ରା ଏନି ପାରଡ଼ା ହିଲେଏ, ମୀରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି । ୨୯ \*ଅଡ଼େ ମୀରୁ କ୍ରୀସ୍ତତି ଲକୁ, ଆତିହିଁ ମୀରୁ ଅବ୍ରାହାମତି କୁଡ଼ାଚେରି, ଆଞ୍ଜାମାନି ଲେହେଁ ଅଦିକାରା ଗାଟାଚେରି ଆହାମାଞ୍ଜେରି ।

**୪**

୧ ନାମୁ ଝେସିମାଞ୍ଜାଇଁ, ମୀରଏସି ଆବାତି ବାରେ ଦନତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡିଜିକେଏ, ପାତାଆନି ପାତେକା ହଲେଏସି ଲେହେଁ ଆନେସି । ୨ ସାମା ଆବାତି ତାରି କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା ଡ଼ୟିନେସି । ୩ ଏଲେକିହିଁ ଏ ମାର ଜିକେଏ ଏଚିବେଲା ଦାମୁଁତା ପାତାଆହା ହିଲାଆତାୟି, ଏଚିବେଲା ଦାରୁତି ବାରେ ସାଲୁଝି କିନି ବାଡ଼ୟିତା ହଲିୟା ମାଚାୟି । ୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରଏଣାଇଁ ପାଣ୍ଡାଚେସି; ଏଞ୍ଜାସି ଇୟାନି ବାଣ୍ଡିତି ଜାନା ଆହାନା ଜୀହୁଦିୟାଁ ମୋରା ତଲେ ନୀତିଚେସି, ୫ \*ଏନିକିହିଁ ଏଞ୍ଜାସି ମୋରାତା ମାନି ଲକୁଣି ମୁଲୁ

\* ୩:୧୮ ୩:୧୮ ରିନି ୪:୧୪ \* ୩:୨୨ ୩:୨୨ମୁଞ୍ଜନାୟି \* ୩:୨୯ ୩:୨୯ ରିନି ୪:୧୩ \* ୪:୫ ୪:୫ ରିନି ୮:୧୫-୧୭

ହୀହାନା ପିସ୍ତା କିନେସି, ଅଡ଼େ ମାର ମାହାପୁରୁତି ମୀରକା ମାସ୍କାତି ଅଦିକାରା ବେଟାଆନାୟି ।

୨୭ ଇଞ୍ଜା ମୀରୁ ମୀରକା ମାସ୍କାତେରି, ଅଡ଼େ ମାହାପୁରୁ ମୀ ହିୟାତା ତୟାଲି ତାକି ତାନି ମୀରୁଏଣାତି ସୁଦୁଜୀଝୁ ପାଣ୍ଡାତେସି, ଏ ଜୀଝୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜି” ହାଟିମାନେ । ୨୮ ଏଦାଆଁତାକି ମୀରୁ ଅଡ଼େ ହଲିୟାଜା ଆଏ, ସାମା ମୀରକା ମାସ୍କାତେରି, ମୀରୁ ତାନି ମୀରକା ମାସ୍କାତେରି ଆହାମାନାକି ମାହାପୁରୁ ତାନି ମୀରକା ମାସ୍କାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି ।

**ଗାଳାତିୟ ଲକ୍ଷ୍ମତାକି ପାଞ୍ଚଲ ଅଣ୍ଡିମାନାୟି**

୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଜା ମାରେରି । ୯ ସାମା ମୀରୁ ନୀର୍ବ ମାହାପୁରୁଇଁ ପୁରେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହୁଁ ମୀରୁ ଏନିକି ଏ ବାଡ଼ୟୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆଡାଆଗାଟି ଦାରୁତି ଝାକି ଝେଣ୍ଡେ ହାଜାଲି ଅଣ୍ଡିମାଞ୍ଜେରି, ମୀରୁ ଏନାଆଁତାକି ଝେଣ୍ଡେ ଏ ବାରେତି ହଲିୟାଜା ଆୟାଲି ଅଣ୍ଡିମାଞ୍ଜେରି । ୧୦ ଦୁକ୍ଷୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ ପାରୁଁ ଅଡ଼େ ବାର୍ଯା ମାନୁଝି ଆହିମାଞ୍ଜେରି । ୧୧ ମିଙ୍ଗେତାକି ନାନୁ କିହାମାନି କାମା ଏରେତା ଉଜେଏ ଆନେ, ମୀ ତାକି ନାଞ୍ଜେ ହାରେକା ଆଜି ହଟିମାଞ୍ଜାନେ ।

୧୨ ଏ ତାୟି ତାଜିସ୍ତାତେରି, ନାନୁ ମିଙ୍ଗ ବାତିମାଲିମାଞ୍ଜାଇଁ, ମୀରୁ ନାଞ୍ଜେହେଁ ଆଦୁ, ଇତିହୁଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଞ୍ଜେତାକି ଏନାଆଁ ଲାଗେଏ ପଢେଏ କିହାମାଞ୍ଜାଅତେରି । ୧୩ ନାନୁ ତଲିଏ ମୀ ତାଣା ନେହୁଁ କାରୁଁ ଝେକହାମାରେଏଁ ମୀରୁ ପୁଞ୍ଜାମାଞ୍ଜେରି ଏରେତା ନା ଆଜାତି ବାଦା ମାଞ୍ଜାନା ଝେକହାମାରେଏଁ; ୧୪ ଅଡ଼େ ନା ଆଜାତି ବାଦା ମିଙ୍ଗେତାକି କସୁଗାଟାୟି ଆହିମାତିହୁଁ ଜିକେଏ ମୀରୁ ନାଞ୍ଜେ ହାଣି ତଲେ ଅପଅମି ଇଞ୍ଜା ମାଞ୍ଜାଅତେରି, ସାମା ମୀରୁ ମାହାପୁରୁତି ର ଦୁଡୁ ଲେହେଁ ଇତିହୁଁ କ୍ରୀସୁ ଜୀସୁଇଁ ଆବିନି ଲେହେଁ ନାଞ୍ଜେ ଆବାତେରି । ୧୫ ମୀରୁ ଏରେକା ରାହାଁ ମାରେରି, ମୀ ଏ ରାହାଁ ଆମ୍ବିୟା ହାରେ ? ଇତିହୁଁ ନାନୁ ମୀ କାତା ଆବୁଝା ତଲେ ଝେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଞ୍ଜେ ହିୟାତେରିମା । ୧୬ ସାମା ନୀର୍ବ ନାନୁ ମିଙ୍ଗେ ସାତା ଝେସାଲିଏ, ମୀ ସାତୁ ଆହାମାଇଁ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା ରାହାଁ ଗାଟାରି ଇଞ୍ଜି ତଞ୍ଜାଆହାଲି ଅଣ୍ଡିମାନେରି, ସାମା ତାନି ସାତା ଅଣ୍ଡୁ ତଲେ ଆଏ, ଏଞ୍ଜାରି ରଣ୍ଡିଏ

ଅଣ୍ଡୁ ଏନିକିଁ ମୀରୁ ନା ତାଣାଟି ଏଟକା ଆହାନା ଏଞ୍ଜାରି ଝାକି ରାହାଁ ଆଦେରି । ୧୮ ଇତିହୁଁ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହୁଁ କାମାତାକି ଅଣ୍ଡିମାନାୟି ନେହେଁ । ୧୯ ଏ ନା ଜୀଝୁତି ମୀରକା ମାସ୍କାତେରି, ଏରେ ପାତେକା କ୍ରୀସୁ ଲେହେଁ ଆଅତେରି, ଏରେ ପାତେକା ନାନୁ ମୀ ତାକି ଜାନିଁ କିନାଟି ଲୁଞ୍ଜିନି ବୀସା ଲେହେଁତି କସୁ ବେଟାଆହିମାଇଁ । ୨୦ ନାନୁ ଏନିକିଁ ନୀର୍ବ ମୀ ତାଣା ଝାହାନା ଅର ରଲେତି ହାଡା ଝେସାଲି ଆଡ଼ିତେଏମା, ଇଦି ନା ଅଣ୍ଡୁ ମାତେ; ଏନାଆଁତାକି ଇତିହୁଁ ନାନୁ ମୀ ତାକି ହାରେଏ ଅଣ୍ଡିମାଞ୍ଜାଇଁ ।

**ହାଗାର ଅଡ଼େ ସାରାନି ପୁଣ୍ଡିକିନାୟି**

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଞ୍ଜେ ଝେସାଦୁ, ମେରାତା ଏନାଆଁ ରାସ୍କି ଆହାମାନେ, ଏଦାଆଁ ମୀରୁ ଝେଞ୍ଜା ହିଲଅତେରି ? ୨୨ ଇତିହୁଁ ରାସ୍କି ଆହାମାନେ, ଅବ୍ରାହାମତି ରୀ ମୀରକା ମାରେରି ରଅସି ହଲେଣି ତାଣାଟି ଅଡ଼େ ରଅସି ତାନି ତକ୍ତୁନି ତାଣାଟି ଜାର୍ନା ଆହାମାରେସି, ୨୩ ହଲେଣି ମୀରୁଏସି ଆଜାତି ଗୁଣ୍ଡୁତଲେ ଜାର୍ନା ଆଡେସି, ସାମା ଆମିନିଗାଟାସି ତାନି ତକ୍ତୁନି ମୀରୁଏସି ମାହାପୁରୁ ଆଞ୍ଜାମାଟି ବାଡ଼ୟୁଟି ଜାର୍ନା ଆଡେସି । ୨୪ ଇଦାଆଁ ର ପୁଣ୍ଡିକିନି କାତାଲେହେଁ ଝେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଇ; ଆମିନି ଗାଟାନି ମୀରକା ହଲିୟାଜା ଆୟାଲି ଜାର୍ନା ଆଡେରି, ଏ ହାଗାର ସିନୟ ହରୁଟି ଝାହାମାନି ରାଜିମାନା ଲେହେଁ । ୨୫ ହାଗାର ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀର୍ବତି ଜିରୁସାଲମ ଗାଡା ଲେହେଁ । ହାଗାର ଲେହେଁ ଜିରୁସାଲମ ଅଡ଼େ ଏଦାନି ସାଲୁଝି କିନାରି ନୀର୍ବ ହଲିୟାଜା ଆହାମାନେରି । ୨୬ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି ୨୭ ଏନାଆଁତାକି ଇତିହୁଁ ସାସ୍ତେରିତା ରାସ୍କି ଆହାମାନେ,

“ଆକେ ବାଞ୍ଜେଣି, ଏରେଲା ପଦି ପଦା ଜାର୍ନା କିଆଗାଟି ଇୟା, ରାହାଁ କିମ୍ପୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏରେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାତଲେ ରାହାଁ କିମ୍ପୁ;

ଇତିହୁଁ ତକ୍ତା ତଲେ ବାସା କିହିମାନି ଇୟାନି କିହାଁ ର ପିସ୍ତା ଇୟାନି କକାରି ପଦାୟାଁ ହାରେକା ଜାଣି ଆନେରି ଆନୁ ।”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁତି ମୀରକା ମାସ୍କାତେରି । ୨୯ ସାମା ଆମ୍ବାଆସି ଆଜାତି ଗୁଣ୍ଡୁ ତଲେ ଜାର୍ନା ଆଡେସି, ଏଞ୍ଜାସି ଏନିକିଁ ଏତିବେଲାତା ମାହାପୁରୁତି ସୁଦୁଜୀଝୁଟି ଆଞ୍ଜାମାନି

ତାଣାଟି ଆମ୍ବାଆସି ଜାନୀ ଆହାମାନେସି, ଏଞ୍ଜାଣାକ୍ ସାସ୍ତି ହାହାମାରେସି ଏଲେକିହିଁ ଏ ନୀର୍ବ୍ୟ ଜିକେଏ ଆହମାନେ । ୩୦ ଦାମ୍ବୁ ପତି ଏନାଆଁ ଝେସିମାନେ ? ହଲେଣି ଇୟା ଅଡେ ଏଦାଣି ମୀରୁଏଣାକ୍ ପିହ୍ମୁ; ଇଚିହିଁ ହଲେଣି ମୀରୁଏସି ତାନି ବାହା ତକ୍ଜିନି ମୀରୁଏଣା ତଲେ ଅଦିକାରା ଗାଗାସି ଆୟାଲି ଆଡ଼ଅସି ।” ୩୧ ଏଦାଆଁତାକି ଏ ନା ତାୟି ତାଜିସ୍ତାତେରି, ମାର ହଲେଣି ମୀରୁକା ମାସ୍ତକା ଆଏ, ସାମା ବାହା ତକ୍ଜିନି ମୀରୁକା ମାସ୍ତକାତାୟି ।

**୫**

**କ୍ରୀସ୍ତ ତାଣା ମେଲା ଆନାୟି**

୧ ମାର ମେଲା ଆହାମାନାୟି, କ୍ରୀସ୍ତ ମାଜେ ମେଲା କିହାମାଜାନେସି । ଇଦାଆଁତାକି ମୀରୁ ମେଲା ଆଡ଼ିତାଣା ତାରିଆହାଁ ମାଞ୍ଜୁ । ଅଡେ ଝେଣ୍ଡେ ହଲିୟାଜା କୁଝେଡ଼ିତା ମୀରୁ ଜାହାରାକ୍ ହେର୍ପାକତାଆଦୁ ।

୨ ନାନୁ ପାଞ୍ଜୁଲ ମିଜେ ଝେସିମାଜାକ୍, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମାଦି ଏନି ଲାବା ହିଲେଏ । ୩ ନାନୁ ତଲୁ ଦାପି ଆହିମାନି ବାରେ ଜାଣାକ୍ ଝେଣ୍ଡେ ଝେସିମାକ୍, ଇଚିହିଁ ଏଞ୍ଜାସି ବାରେ ମସାତି ମେରା ମାନୁଝି ଆନାୟି ମାନେ । ୪ ମୀରୁ ଏଚେକା ଲକୁ ମେରାଟି ମାହାପୁରୁ କାନୁତା ତାରିଗାଟାତେରି ଆୟାଲି ଅଣ୍ଡିମାଜେରି, ମୀରୁ କ୍ରୀସ୍ତ ତାଣାଟି ଏଚକା ଆହାମାଜେରି, ଇଞ୍ଜା ମାହାପୁରୁ କାର୍ମାମେହନି ତାଣାଟି ଗୁଚା ଆହାମାଜେରି । ୫ ଇଚିହିଁ ମାର ମାହାପୁରୁଟି ଜୀଞ୍ଜୁତଲେ ନାମୁ ତାକି ଦାମ୍ବୁଗାଟି ଲକୁ ଆନି ଆସାକ୍ କାଡ଼ିମାନାୟି । ୬ ଇଦାଆଁତାକି ଜୀସ୍ତ କ୍ରୀସ୍ତ ତାଣା ଆଣ୍ଡାନା ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ନାମୁତା ଅଜିକିହିଁ ମାଜାନା ଜୀଞ୍ଜୁ ନନାଣି ତଲେ କାମା କିନାୟି ।

୭ ମୀରୁତ ନେହିଁ କି ନକିତା ହାଜିମାତେରି; ଆମ୍ବାଆସି, ମିଜେ ସାତାତି ମାନୁଝି ଆଆଦୁ ଇଞ୍ଜି ଆଜାତେସି ? ୮ ମିଜେ ହାଟାମାଜାନି ମାହାପୁରୁ ତାଣାଟି ଇଦି ଆହା ହିଲେଏ । ୯ କାତାତା ମାନେ, ଇଚାୟି ପୁଲା ଡକାଡି ଗୁଣ୍ଡା ବାରେ ପୁଲା କିନେ । ୧୦ ମୀରୁ ଏଚକାଟି ଅଣ୍ଡୁ ଅଣ୍ଡପଅତେରି, ଇଦାଆଁ ନାନୁ ମିଜେ ତାକି ପ୍ରୁ ତାଣା ହାରେକା ନାମିମାକ୍; ସାମା ମିଜେ ଆମ୍ବାଆସି ନାଡ଼ି କିହାମାଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡୁ ହାନେସି ।

୧୧ ନା ତାୟି ତାଜିସ୍ତାତେରି, ନାନୁ ନୀର୍ବ୍ୟ ପାତେକା ତଲୁ ଦାଃନି ମେରା ଝେକ୍‌ହିମାକ୍, ଆଡ଼ିହିଁ ଏନାଆଁତାକି ନୀର୍ବ୍ୟ ପାତେକା ସାସ୍ତି ବେଟାଆହିମାକ୍

? ନାନୁ ସାତେଏ ଏଲେକିହିଁ ଝେକ୍‌ହିହିଁ, କୁସତା ହାଡ଼ି କ୍ରୀସ୍ତ କାତା ଝେକ୍‌ନି ତାଣାଟି ନାଜେ ଏନି ବାଦା ଆଆତେମା । ୧୨ ନାନୁ ଅଣ୍ଡିମାକ୍, ତଲୁ ଦାନାଣି ଏମିନିଗାଟାରି ମିଜେ ଏଲେକିହିଁ କିଲିବିଲି କିହିମାଜାନେରି ଏଞ୍ଜାରି ପେଜୁୟା ଲେହେଁ ଆଡ଼ିହିଁ ନେହିଁ ଆଡେମା ।

୧୩ ଏ ତାୟି ତାଜିସ୍ତା, ମୀରୁ ମେଲା ଆହାଲିତାକି ହାଟକି ଆହାମାଜେରି; ସାମା ଜାଗ୍ରାତା, ଆଜାତି ଜୁପକା କାମା କିହାଲି ମୀ ଆଜାତି ପାରୁ ବେଟାଆଡ଼ିସାରେ ଏ ମେଲାଟି ଲେମ୍ବାଆଦୁ, ସାମା ରଅତେରି ରଅଣାକ୍ ଜୀଞ୍ଜୁ ନଞ୍ଜିଆହାନା ସେବା କିଦୁ । ୧୪ ଇଚିହିଁ ବାରେ ମେରା ଇ ରଣ୍ଡିଏ ହୁକୁମିତା ତାରି ଆନେ, “ନାନୁ ନୀ ଆଡ଼ିତାଣାକ୍ ନୀ ଜୀଞ୍ଜୁଟି ଜୀଞ୍ଜୁନି ଲେହେଁ ଜୀଞ୍ଜୁନଦୁ ।” ୧୫ ମୀରୁ ରଅତେରି ରଅଣାକ୍ ବାଦା ହାହାନା ନସ୍ତ କିଝି ଆହିମାଜେରି, ଆଡ଼ିହିଁ ଜାଗ୍ରାତା ଆଦୁ, ଏନିକିହିଁ ମୀରୁ ରଅତେରି ରଅଣି ତାଣାଟି ନାସା ଆଅତେରି ।

**ସୁଦୁଜୀଞ୍ଜୁ ଅଡେ ମାଣ୍ଡିତି ଗୁଣ୍ଡୁ**

୧୬ ନା ଅଣ୍ଡପୁ ଇଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ, ଆଡ଼ିହିଁ ମୀରୁ ଆଜାତି ଜୁପକା ତଲେ କାମା କିଅତେରି । ୧୭ ମାଣ୍ଡିତି ମାଣ୍ଡିକି ସୁଦୁଜୀଞ୍ଜୁ ଅପେଏ । ଏଲେକିହିଁ ଏ ସୁଦୁଜୀଞ୍ଜୁ ମାଣ୍ଡିତି ମାଣ୍ଡିକିତି ଅପେଏ । ଏଝି ରିଣ୍ଡି ସାତୁ ଲେହେଁ । ଇଚିହିଁ ମୀରୁ ଏନାଆଁ କିୟାଲି ଅଣ୍ଡପଦେରି ଏଦାଆଁ କିୟାଲି ଆଡ଼ଅତେରି । ୧୮ ସୁଦୁଜୀଞ୍ଜୁ ମିଜେ ସାଲୁଝି କିୟାନେ, ଆଡ଼ିହିଁ ମୀରୁ ଅଡେ ମସାତି ମେରା ଡ଼ଇ ହିଲଅତେରି ।

୧୯ ଆଜାତି ଅଣ୍ଡପୁ ତଲେ କିନି କାମା ବାରେ ନେହିଁ କି ପୁଞ୍ଜାମାଜେରି, ଏଝି ଦାରିକାମା, ଲାଗେଏ ପଲେଏ କାମା । ୨୦ ଅଡେ ଅପାଆଗାଟି କାମା, ପେଣ୍ଡକା ପୂଜା, ଲକୁଣି ପାୟିନାୟି, ଗୁଣି ଗାରଡ଼ି, ସାତୁ ଆନାୟି, ଗଡ଼ହା କିନାୟି, ଆଜାରା ଆନାୟି, କାରୁବି ଆନାୟି, ଜାହାରାତାକି ଅଣ୍ଡପନାୟି, ଗତି ଆହିଁ ବାଗା ଆନାୟି, ନାଡ଼ିକିହିଁ ବାଗା କିନାୟି, ତାହାରା ଆନାୟି, ୨୧ କାଡ଼ ଗୁହନାରି ତଲେ ଆଣ୍ଡାନା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଜେ ଏନିକିହିଁ ଝେସାମାଜାତେଏଁ, ଏଲେକିହିଁ ନକେଏ ଜାଗ୍ରାତା କିହିଁ ଝେସିମାଜାକ୍, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାଜିତା ଅଦିକାରା ହିଲେଏ ।

୨୨ ସାମା ସୁଦୁଜୀଞ୍ଜୁଟି ପାଡେୟି, ଜୀଞ୍ଜୁନନାୟି, ରାହାଁ ଆନାୟି, ହିଡ଼ି ଜୀଞ୍ଜୁତଲେ ମାନାୟି, ଅରୁହିନାୟି, ଲକୁକ୍ ସାୟେମି କିନାୟି, ସାତା ଗୁଣ୍ଡୁ ମାନିଗାଟି ଲକୁ, ନାମୁତଲେ ମାନାୟି, ୨୩ ଅଡେ ଜାହାରାକ୍ ଲକ୍‌ନାୟି, ଇ ବାରେ ନକିତା ମସାତି

☆ ୫:୯ ୫:୯ ୧କର ୫:୭ ☆ ୫:୧୭ ୫:୧୭ ରମି ୭:୧୫-୨୩



ଏହି ମେରା ହିଲେଏ । ୨୪ ଆମ୍ବାଆରି ଜୀସୁ କ୍ରୀସ୍ତ ତାଣା ମାନେରି, ଏଞ୍ଜାରି ତାମି ଆଜ୍ଞାତି ଅଣ୍ଡୁ ଅଡେ ଜୁପକା ବାରେ ମାଣ୍ଡି ମାଣ୍ଡିତି ପାସି ମୁଣ୍ଡାତା ଏକହାନା ହାଞ୍ଜି କିହାମାନେରି । ୨୫ ମାର୍ ସୁଦୁଜୀଝୁ ତଲେ ଜୀଝୁ ବେଟାଆହାମାନାୟି, ଆତିହ୍ ଝୁଦୁଜୀଝୁ ତଲେ ନୀତିନ । ୨୬ ମାର୍ ବତପଣ ଆହାନା ରଅତଞ୍ଜି ରଅଣାୟି ବିତିବିତା କିଆପ ଅଡେ ମାର୍ ରଅତାୟି ରଅଣାୟି ତାହାରା ଆଆପ ।



**ରଅସି ରଅଣି ବଜୁ ଡେକିନାୟି**

୧ ଏ ତାୟି ତାଜିସ୍ତା, ଆମ୍ବାଆସି ଏହି ଦହ୍ କିହାମାନାଣି ପୁତିହ୍, ସୁଦୁଜୀଝୁ ବେଟାଆହାମାଞ୍ଜେରି ମାର୍, ମାର୍ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡେତା ମାର୍ ଜିକେଏ ପାନ୍ଦାତା ହେଉଡିଦେରି, ଏଦାଆଁତାକି ମାର୍ ଜାଗ୍ରାତା ଆହାନା ମାଞ୍ଜୁ । ୨ ରଅତେରି ରଅଣି ବଜୁ ଡେକାଲି ସାୟେମି କିଞ୍ଜିଆଦୁ; ଏଲେକିତିହ୍ ମାର୍ କ୍ରୀସ୍ତ ମେରା ମାନଞ୍ଜି ଆଦେରି । ୩ ଆମ୍ବାଆସି ଲାଗେଏ ଆହାନା ଜାହାରାୟି ନାନୁ କାଜାତେଏଁ ଇଞ୍ଜି ଅଣ୍ଡପା କଡିନେସି ଏଞ୍ଜାସି ତାନୁଏ ତାଜେ ନାଡି କିହାକଡିମାନେସି । ୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହ୍ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି । ୫ ଏହିଇତିହ୍ ବାରେଜାଣା ଜାହାରା ବଜୁ ଜାହାରାଏ ଡେକିନାୟି ମାନେ ।

୬ ସାମା ଆମ୍ବାଆସି ମାହାପୁରୁତି ବଜୁ ଜାପିନେସି, ଏଞ୍ଜାସି ତାଜେ ଜାପୁନାଣାକି ତାନି ତାଣା ମାନି ବାରେକିହାଁ ନେହ୍ ବାଗା ହାପେସି ।

୭ ମାର୍ ମିଜେ ନାଡିକିହା କତାଆଦୁ; ଆମ୍ବାଆସି ମାହାପୁରୁୟି ନାଡି କିହାଲି ଆଡଅସି, ଇତିହ୍ ମାଣ୍ଡି ଏଦାଆଁ ମାଟିନେସି ଏଦାଆଁ ଦାଃଆନେସି । ୮ ଆମ୍ବାଆସି ଆଜ୍ଞାତି ଅଣ୍ଡୁ ତାକି ମାଟିନେସି, ଏଞ୍ଜାସି ଆଜ୍ଞାତି ହାଞ୍ଜିକିନି ପାଡେୟି ଦାଃଆନେସି; ସାମା ଆମ୍ବାଆସି ଜୀଝୁତାକି ମାଟିନେସି ଜୀଝୁଟି ଗାଡିଆଡି କାଲାକାଲାତି ଜୀଝୁହାନି ପାଡେୟି ଦାଃଆନେସି । ୯ ମାର୍ ନେହ୍ କାମା କିହାଲି ଖାହାଆପ; ଇତିହ୍ ଖାହୁ ଆଆନା କାମା କିତିହ୍ ସମାନା ବେଲାତା ତାସା ଦାଃନାୟି । ୧୦ ଏହିଇତିହ୍ ମାର୍ ପାରୁ ସିନିକିହାନା ବାରେତାକି ଇତିହ୍ ବାରେକିହାଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଟାରାୟି ନେହ୍ କିନାୟିମାନେ ।

ଜାଗ୍ରାତା କିହାଁ ଜହରା ତଲେ ଆକୁତି ରାପୁନାୟି

୧୧ ମେହ୍ଦୁ, ନାନୁ ଏହିକି କାଜା କାଜା ଅଜ୍ଞାରି ତଲେ ନା କେୟୁତଲେ ମୀ ତାଣା ରାଟାମାଞ୍ଜାୟି । ୧୨ ଆମ୍ବାଆରି ଆଜ୍ଞାତି କାମା ତଲେ ଝେଙ୍ଗାଲି ମନ୍ କିନେରି, ଏଞ୍ଜାରି ମିଜେ ତଲୁ ଦାଃଆନାୟିମାନେ ଇଞ୍ଜି ବାଲାମାତମି କିୟାନେରି, କ୍ରୀସ୍ତ ପାସିମୁଣ୍ଡା ତାକି ଏହିକି ନିନ୍ଦା ବେଟାଆଅରି ଖାରୁଇ ଏଦାଣିତାକି ଏଲେକିନେରି । ୧୩ ଇତିହ୍ ଆମ୍ବାଆରି ତଲୁ ଦାଃନି ମେରା ତଲେ ମାନେରି, ଏଞ୍ଜାରି ତାମ୍ ଜୁକେଏ ମସାତି ମେରା ମାନଞ୍ଜି ଆଅରି, ଇଞ୍ଜା ଏଞ୍ଜାରି ଏହିକି ମୀ ଆଜ୍ଞା ତାକି ବତପଣ କିହାଲି ଆଡିନେରି, ଏଦାଆଁତାକି ଏଞ୍ଜାରି ମିଜେ ତଲୁ ଦାପି କିଞ୍ଜିକିହାଲି ଅଣ୍ଡପିନେରି । ୧୪ ସାମା ନାନୁ ଖାରୁଇ ମା ଜୀସୁ କ୍ରୀସ୍ତ କ୍ରୀସ୍ତ କ୍ରୀସ୍ତ ତାକି ବତପଣ ଆହିମାୟି; ଇତିହ୍ ଏଞ୍ଜାଣି କ୍ରୀସ୍ତ ତାକି ଦାର୍ତି ନାଜେତାକି ହାହାମାନେ ଇଞ୍ଜା ନାନୁ ଦାର୍ତି ତାକି ହାହାମାୟି । ୧୫ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ପୁଃନି ଗାଡି ଆନାୟି ଏହି ବାରେ କିହାଁ ମୁଲୁତାୟି । ୧୬ ଏଡେକା ଲକୁ ଇ ମେରା ତଲେ ତାକିନେରି, ଏଞ୍ଜାରି ଲାକ ଅଡେ ମାହାପୁରୁତି ଇସାୟେଲ ଲକୁ ଲାକ ହିଡଡି ଅଡେ କାର୍ମା ଆପେ ।

୧୭ ନୀଞ୍ଜୁଟିଏ ଆମ୍ବାଆସି ନାଜେ କସ୍ତ ହିୟାଆପେସି, ଇତିହ୍ କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା ଆଜ୍ଞାତା ମାନୁ ।

୧୮ ଏ ତାୟି ତାଜିସ୍ତା, ମା ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାୟି ମୀ ଜୀଝୁତା ଡୟାପେ । ଆମେନ୍ ।

# ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

ଏପିସିୟ କୁଲମିତି ଆକୁ ପାଞ୍ଚୁଲ ରାଚାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷୀ ତାୟୁ କଲସିୟ କୁଲମିତାକି ରାଚିତି ବେଲା ରାସକି ଆହାମାଚେ । ରାଚିନାସି ତାନୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଟାରି ଏପିସିୟ ଆକୁ ପାଞ୍ଚୁଲ ରାଚାମାନେସି ଇଞ୍ଜିଁ ଇନେରି । ଅଡ଼େ ବାରେ କୁଲମିକା ତାକି ଆକୁ ହାସାଲି ରାସକି ଆହାଡ଼ୟିନେ । ପାଞ୍ଚୁଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଚିନି ବେଲାତା ଏଞ୍ଜାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ । ପାଞ୍ଚୁଲ ତୁକିକଇଁ ଏପିସିୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାଚେସି ୬:୨୧-୨୨ ।

ଏପିସିୟ ଏସିୟା ରାଜିତି ର କାଜା ଗାଡ଼ା ମାଚେ । ଏପିସିୟ ଗାଡ଼ାତି ଗ୍ରିକ୍ ପେନୁ ଆଚେନି ଅଡ଼େ ଏଦାନି ଦେଖୁଡ଼ି ଝେଞ୍ଜାତାୟି ମାଚେ, କାମା ୯:୨୩-୩୧ । ଏପିସିୟ କୁଲମି ନକେଏ ବାଡ଼ୟୁ ଗାଟାୟି ମାଚେ ତାୟୁ ରିହାଲି ମାଚୁହେ ଝେ ବଲୁ ୨:୧-୭ ।

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକିଁ ତାନି ଲକୁଣି ଆଚିଚେସି, ଅଡ଼େ ଏନିକିଁ ଜୀସୁ ତାଣାଟି ପାପୁଟି ଗେଲପିଚେସି ଏଦାଆଁ ଝେସିମାନେସି । ପାଞ୍ଚୁଲ କୁଲମିତି ଆଜ୍ଞା ତଲେ ତୁକହାନା କ୍ରୀସ୍ତ ଏଦାନି ତାୟୁଁ ଅଡ଼େ କନତି ମୂଲୁ ଝାଲି, କୁଲମି ର ତକ୍ତି ଲେହେ କ୍ରୀସ୍ତଏ ତକ୍ରା । ଆକୁତି ତାୟୁ ବାଗାତା ପାଞ୍ଚୁଲ ପଡ଼ଝି ଆନାରାଇଁ କ୍ରୀସ୍ତ ତାଣା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେ ନୀତାଲି ବାତିମାଲି ମାନେସି ।

### ପତିତା ମାନାୟି

- ୧. ପାଞ୍ଚୁଲ ଜହରା କିହାନା ପୁଣ୍ଡି କିହା କତିନାୟି । ୧:୧-୨
- ୨. କ୍ରୀସ୍ତ ତଲେ କୁଲମିତି ତୁକନାୟି । ୧:୩-୩:୨୧
- ୩. କ୍ରୀସ୍ତ ତାଣା ଏନିକିଁ ନୀତିନାୟି । ୪:୧-୬:୨୦
- ୪. ଜହରା କିହାନା ଆକୁତି ରାପୁନାୟି । ୬:୨୧-୨୪

୧ \*ପାଞ୍ଚୁଲ, ମାହାପୁରୁତି ଅଣ୍ଡପୁ ତଲେ କ୍ରୀସ୍ତ ଜୀସୁତି ପାଣ୍ଡୁଝି ଆହାମାନାଚେସି, ଏପିସିୟତା ମାନି

ମାହାପୁରୁ ଲକୁ ଇଞ୍ଜାଁ କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଚିମାଇଁ ।

୨ ମା. ଆବା ମାହାପୁରୁ ଇଞ୍ଜାଁ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ଡ଼ି ଜୀସୁ ମିଜେତାକି ଆୟାପେ ।

### ସୁଦୁଜୀଞ୍ଜୁତି ବର ପାଣ୍ଡନାୟି

୩ ମା. ପ୍ରବୁ ଜୀସୁ କ୍ରୀସ୍ତୁତି ମାହାପୁରୁ ଅଡ଼େ ଆବାଇଁ ଜହରା ଆପେ । ଏଞ୍ଜାସି କ୍ରୀସ୍ତ ତାଣା ମାଜେ ବାରେ ଜୀଞ୍ଜୁତି ବର ତଲେ ଲାକପୁରୁ ବର ହାହାମାଜ୍ଞାନେସି । ୪ ମାର ଏନିକିଁ ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଟାୟି ଆନାୟି ଏଦାଆଁତାକି ଏଞ୍ଜାସି ଦାରତି ଗାଡ଼ି ଆଆ ନକେଏ ତାନି ତାଣା ମାଜେ ଆଚାମାଜ୍ଞାଚେସି । ୫ ଅଡ଼େ ଏଞ୍ଜାସି ମାଜେ କ୍ରୀସ୍ତ ଜୀସୁ ତାଣାଟି ତାଜେତାକି ମୀରକା ମାସକା କିୟାଲି ତାନୁଏ ତଲିଏ ତାରି କିଚେସି; ଇଦି ଏଞ୍ଜାଣି ରାହାଁ ଅଡ଼େ ଅଣ୍ଡପୁ । ୬ ମାହାପୁରୁତି କାର୍ମାମେହନାଣି ତାକି ଇଞ୍ଜାଁ ତାନି ମୀରଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି । ୭ \*କ୍ରୀସ୍ତ ହାଡ଼ି ତାଣାଟି ମାର ଗେଲପି ଆହାମାନାୟି, ଇଚିହଁ ମା ବାରେ ପାପୁ ମେଣ୍ଡାମାନେ, ମାହାପୁରୁତି କାର୍ମା ଏଚେକା କାଜାୟି ।

୮ ଏଞ୍ଜାସି ଏ କାର୍ମାମେହନାଣି ବାରେ ବୁଦି ଅଡ଼େ ଅଣ୍ଡପୁ ମାଜେ ହାରେକା ହାହାମାଜ୍ଞାନେସି । ୯ ନକେଏ ଅଣ୍ଡପାମାନି ତାନି କାର୍ମାତଲେ ଏଞ୍ଜାସି ମାଜେ ତାନି ଅଣ୍ଡପୁ ତଲେ ତୁଗୁମାନି ଅଣ୍ଡପୁତି ତସାମାଜ୍ଞାନେସି । ୧୦ ଏନିକିଁ କାଲାତି ତାନି ଅଣ୍ଡପୁ ତଲେ ଲାକପୁରୁ କି ଦାରତିତା ମାନାଣି ବାରେ ଏଞ୍ଜାସି ତାଜେତାକି କ୍ରୀସ୍ତ ତାଣା ରଣ୍ଡେଏ କିନେସି ।

୧୧ ମାର ଜିକେଏ ଏଞ୍ଜାଣି ତାଣା ଅଦିକାରା ଲେହେଁ ଆହାମାନାୟି, ଇଚିହଁ ଏନିନି ମାହାପୁରୁ ତାନି ମନତି ଅଣ୍ଡପୁ ତଲେ ବାରେ କାତା ତାରି କିନେସି, ଇଞ୍ଜାଁ ଏଞ୍ଜାସି ତଲିଟିଏ ମନତା ତାରି କିହାମାଟିଲେହେଁ ମାର ନକେଏ ଆଡ଼ଝି ଆଡାୟି ୧୨ ମାର ଏନିକିଁ କ୍ରୀସ୍ତ ତାଣା ନକେଏ ବାର୍ସୁ କିହା ମାଚାୟି, ମାର ବାରେତାୟି ମାହାପୁରୁ ଗାଞ୍ଜୁରମିତି ଜହରା କିନାତାୟି ଆନ ।

୧୩ ଏଞ୍ଜାଣି ତାଣାଟି ମୀରୁ ଜିକେଏ ସାତା ବଲୁ ଇଚିହଁ ମିଜେ ଗେଲପାନି ନେହଁ କାବୁ ଝେଞ୍ଜାନା ନାମାହାଁ ଆଜ୍ଞାମାନି ସୁଦୁଜୀଞ୍ଜୁ ତଲେ ବୁଟୁ ମୁଦ୍ରା ଆହାମାଜ୍ଞେରି; ୧୪ ମାହାପୁରୁ ତାନି ଲକୁତାକି ଏଦାଆଁ ହାହାଲି ଆଜ୍ଞାମାନେସି ଏ ବାରେ ମାରୁ ବେଟାଆନାୟି ସୁଦୁଜୀଞ୍ଜୁ ତାନି ବାୟିଦା ଲେହେଁ । ମାହାପୁରୁ ତାନି ଲକୁତାକି ଗେଲପି ଆନାଣି

☆ ୧:୧ ୧:୧ କାମା ୧୮:୧୯-୨୧; ୧୯:୧ ☆ ୧:୭ ୧:୭ କଲସି ୧:୧୪

ହାନେସି ଇ ବାରେତାକି ମାହାପୁରୁତି ଗାଞ୍ଜୁରମି କିନ ।

**ପାଞ୍ଜୁଲତି ପ୍ରାତାନା**

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକ୍ଷୁତାକି ଜୀଞ୍ଜୁନନାୟି ମାନେ, ୧୬ ଏ କାତା ଝେଞ୍ଜାନା ମିଙ୍ଗେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ । ୧୭ ମା ପ୍ରବୁ ଜୀସୁ କ୍ରୀସ୍ତତି ମାହାପୁରୁ, ଗାଞ୍ଜୁରମିଗାଟି ଆବା, ଏଞ୍ଜାସି ମିଙ୍ଗେ ସୁଦୁଜୀଞ୍ଜୁତି ହିୟାନେସି ଏ ଜୀଞ୍ଜୁ ମିଙ୍ଗେ ବୁଦି ହିୟାନେ, ଅଡ଼େ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆଡିହିଁ ମୀରୁ ଏଞ୍ଜାଣାଇଁ ପୁଞ୍ଜେରି । ୧୮ ଏମ୍ବାଟିଏ ମୀ ହିୟାତି କାଣକା ଦେପି ଆଡିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକ୍ଷୁତାଣା ତାନି ଅଦିକାରାତି ଗାଞ୍ଜୁରମିଗାଟି ଦନ ଏନାୟି, ୧୯ ତାନି ଲକ୍ଷୁତାକି ତାନି ଆଞ୍ଜାମାନାୟି ହାରେକା କାଜା ବର ଅଡ଼େ ନାମିମାନାତାୟି ମାର, ତାନି ବାଡ଼ୁୟୁତି କାମା କିନାତାୟି, ଇଞ୍ଜା ମାଙ୍ଗେତାକି ତାନି ବାଡ଼ୁୟୁ ଏଚେକା କାଜାୟି ଇ ବାରେ ପୁଞ୍ଜାଲି ଆଡିଦେରି; ୨୦ ଏ ବାଡ଼ୁୟୁ କ୍ରୀସ୍ତ ତାଣା ତସାନା ଏଞ୍ଜାଣାଇଁ ହାଡାରି ତାଣାଟି ନିକହାନା ଲାକପୁରୁ ତାନି ଚିଝନି ଚଟତା କୁଗି କିହାମାନେସି । ୨୧ କ୍ରୀସ୍ତ ଲାକପୁରୁ ବାରେ ସାଲୁଞ୍ଜି କିନାସି, କାଜାପାଣା, ବାଡ଼ୁୟୁ, ମୁସ୍ତାଦାରିୟାଁ ଲାକ ସାଲୁଞ୍ଜି କିନାସି, ଇ ଜୁଗୁତା ଅଡ଼େ ଏ ଜୁଗୁତା ଏଚେକା ଦରକା ଝେଙ୍ଗା ମାନୁ, ଏ ବାରେତି ମୁହେଁ ଏଞ୍ଜାଣି ପାଣା କାଜାୟି । ୨୨ \*ମାହାପୁରୁ ବାରେ କ୍ରୀସ୍ତତି କତାୟାଁ ତଇ ଇଚିତେସି, ଇଞ୍ଜା ଏଞ୍ଜାଣାଇଁ ବାରେତି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି । ୨୩ ଏ କୁଲମିକା କ୍ରୀସ୍ତତି ଆଙ୍ଗା ଲେହେଁ, ଇଚିହିଁ ଆମ୍ବାଆସି ବାରେ କାମାତି ବାରେ ତାଣା ପୂରା କିନେସି ।

**୨**

**ହାକିଟି ଜୀଞ୍ଜୁ ପାଣ୍ଡନାୟି**

୧ ମୀ ଦହ ଅଡ଼େ ପାପୁ ତାକି ତଲି ଜୀଞ୍ଜୁତା ହାହାମାଚେରି, ୨ ଇଚିହିଁ ଏମିନି ଜୀଞ୍ଜୁ ନୀଏଁ ଜିକେଏ କାତା ମାନୁଞ୍ଜି ଆଆଗାଟି ମୀରକା ତାଣା ଅଦିକାରା କିହାମାନେ, ଏ ଦାରତିତି ମନତଲେ ମୀରୁ ଜିକେଏ ତଲି କାଲା ଏ ଜିରୁତା ତାକିହିଁ ଦହ କିହାନା ପାପୁତାକି ହାହାମାଚେରି । ୩ ଏ କାତା ମାନୁଞ୍ଜି ଆଆଗାଟି ମୀରକା ତଲେ ମାର ବାରେ ଏ ବେଲତା ମା ଆଙ୍ଗାଟି ମାଣକି ତଲେ ନୀତାନା ଆଙ୍ଗା ଅଡ଼େ ମନତି କାମା କିହିମାତାୟି, ଇଞ୍ଜା ଏଚକାତାରି ଲେହେଁ ମାର ଜିକେଏ ମାହାପୁରୁ କପାତି ଲକ୍ଷୁ ମାଚାୟି ।

୪ ସାମା ମାହାପୁରୁ ହାରେକା କାର୍ମା ମେହନାସି; ଏଞ୍ଜାସି ମାଙ୍ଗେ ହାରେକା ଜୀଞ୍ଜୁ ନଞ୍ଜୁତା ଜୀଞ୍ଜୁ ନୟାତେସି, ୫ ଏଚେତା ମାର ପାପୁ ତାକି ହାହା ମାଚାୟି, ଇଞ୍ଜା ମାଙ୍ଗେ କ୍ରୀସ୍ତ ଜୀସୁ ତଲେ ନିକହାତେସି, ଅଡ଼େ ମାହାପୁରୁତି କାର୍ମାଟି ମୀରୁ ଗେଲପି ଆହାମାଞ୍ଜେରି । ୬ ଇଞ୍ଜା ତାନି ତଲେ ମାଙ୍ଗେ ହାକିଟି ନିକହାନା କ୍ରୀସ୍ତ ଜୀସୁ ତାଣା ଲାକପୁରୁ କୁଗି କିହାମାଞ୍ଜାନେସି । ୭ କ୍ରୀସ୍ତ ଜୀସୁ ତାଣା ମାଙ୍ଗେତାକି ଜୀଞ୍ଜୁନହାନା ଝାହିମାନି ଜୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିତେସି । ୮ ଏନାଆଁତାକି ଇଚିହିଁ ମୀରୁ ନାମିତାକି ମାହାପୁରୁତି କାର୍ମାଟି ଗେଲପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା, ୯ ଏଦି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବଡପଣ କିଆପେସି । ୧୦ ଇଚିହିଁ ମୀରୁ ତାନି ତାଣାଟି ଗାଡ଼ି ଆହାମାନାୟି; ଆମିନି ନେହଁ କାମା କିଇଁ ଇଞ୍ଜାଁ ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନୁଞ୍ଜି ଆହାଲି କ୍ରୀସ୍ତ ଜୀସୁ ତାଣାଟି ଗାଡ଼ି ଆହାମାନେ ।

**କ୍ରୀସ୍ତ ତାଣା ରଣ୍ଡିଏ ଆନାୟି**

୧୧ ମୀରୁ ଏଚିବେଲା ତଲି ଆଙ୍ଗା ତଲେ ଜୀହୁଦିଆଆନା ମାଚେରି ଅଡ଼େ ଆଙ୍ଗାଟି ଅଣପୁତା କେୟୁତଲେ ତଲୁ ଦାପି ଆଡି ଲକ୍ଷୁ ତାଣାଟି ତଲୁ ଦାପି ଆଆତାରି ଇଞ୍ଜାଁ ଝେଙ୍ଗିମାଚେରି । ୧୨ ଏଚିବେଲା ମୀରୁ କ୍ରୀସ୍ତ ତାଣାଟି ହେକ ମାଚେରି, ମୀରୁ ଏଚକା ଦେସାତାଚେରି ମାଚେରି, ଅଡ଼େ ମାହାପୁରୁତି ଆଡିତି ଇସାୟେଲ କୃତାତା ଆଣ୍ଡାହିଲାଆଚେରି, ମାହାପୁରୁ ତାନି ଲକ୍ଷୁତାକି କିହାମାନି ରାଜିମାନାତା ମୀ ଏନି ବାଗା ହିଲାଆଚେ, ମାହାପୁରୁ ଅଡ଼େ ବାସୁଁ ହିଲାଆ ଲକ୍ଷୁ ଲେହେଁ ଦାରତିତା ବାସା କିହାମାଚେରି । ୧୩ ନକେଏ ମୀରୁ ହେକ ମାଚେରି, ସାମା ନୀଏଁ ମୀରୁ କ୍ରୀସ୍ତ ଜୀସୁ ତାଣାଟି ତାନି ନେତେରି ତଲେ ତାଗେ ଆହାମାଞ୍ଜେରି । ୧୪ ଏନାଆଁତାକି ଇଚିହିଁ ଏଞ୍ଜାସି ମା ହିଡ଼ଡି, ଏଞ୍ଜାସି ସାତୁ ଲେହେଁ ପାଡ଼ି କାତିନି କାତିତି ଡିକହାନା ବାରେତି କାଲହା ମାନେସି, ୧୫ \*ଜୀହୁଦି ଲକ୍ଷୁତି ପାଣାପାଟୁ ହୁକୁମିତି ମେରାତି ତାନି ଆଙ୍ଗାଟି ହେକ କିହାମାନେସି, ଏନିକଁ ଏଞ୍ଜାସି ହିଡ଼ଡି ହାହାନା ଜୀହୁଦି ଅଡ଼େ ଜୀହୁଦିଆଆତି କୃତାତାରାଇଁ ତାନି ତାଣା ର ପୁଝନି ଲକ୍ଷୁଲେହେଁ ଗାଡ଼ି କିନେସି । ୧୬ \*ଅଡ଼େ କୁସତା ହାହାନା ଜୀହୁଦି ଅଡ଼େ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣ୍ଡିଏ ଆଙ୍ଗା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି । ୧୭ ଅଡ଼େ ହେକ ମାଟି ଜୀହୁଦିଆଆତି ଲକ୍ଷୁଣି

\* ୧:୨୨ ୧:୨୨ କଲସି ୧:୧୮ \* ୨:୧୫ ୨:୧୫ କଲସି ୨:୧୪ \* ୨:୧୭ ୨:୧୭ କଲସି ୧:୨୦

ଅଡ଼େ ତାନି ତାଗେ ମାନି ଜୀହୁଦି ଲକୁ ଇ ରିଆରି ତାଣା ଏଝାସି ଝାହାନା ହିଡ଼ଡ଼ିତି ନେହଁ କାରୁ ଝେକହେସି; ୧୮ ଏଦାଆଁତାକି ଇତିହଁ କ୍ରୀସ୍ତତି ତାକି ବାରେ ଜୀହୁଦିୟାଁ ଅଡ଼େ ଜୀହୁଦିଆଆତି ଲକୁ ରଣ୍ଡିଏ ସୁଦୁଜୀହୁଟି ଲାକପୁରୁ ଆବା ତାଣା ହାଜାଲି ଜିରୁ ବେଗାଆହାମାନାୟି ।

୧୯ ଏଦାଆଁତାକି ମୀରୁ ଏଟ୍‌କା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକୁତଲେ ଆଣ୍ଟାନା ଏଝାରି ଦେସାତି ଲକୁ, ଅଡ଼େ ମାହାପୁରୁ ଇଲୁ କୁଟମିତେରି । ୨୦ ମୀରୁ ପାଣ୍ଡୁଝି ଆହାମାନାରି ଅଡ଼େ ମାହାପୁରୁ ଅଣ୍ଟପୁତି ବଲୁ ଝେହ୍ନାରି ଇଟାମାନି ପୁନାଦି ମୁହେଁ ଇଟ୍‌କି ଆହାମାଝେରି, କ୍ରୀସ୍ତ ଜୀସୁ ତାନୁଏ, ଏ କନତି ମୁଲୁ ଝାଲି । ୨୧ ଏଝାଣି ତାଣା ବାରେ ଇଲୁତି ବାରେ କାତିୟାଁ ଦୂର୍ସାନା ପ୍ରୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ । ୨୨ ଏଝାଣି ତାଣା ମୀରୁ ଜିକେଏ ମା ତଲେ ଆଣ୍ଟାନା ସୁଦୁଜୀହୁଟି ମାହାପୁରୁ ବାସାଆନ୍ତି ଇଲୁ ଲେହେଁ ଦସ୍‌ପି ଆହାମାଝେରି ।

### ୩

#### ଏଟ୍‌କା ଲକୁତାଣା ପାଝୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକୁତାକି କ୍ରୀସ୍ତ ଜୀସୁ ତାକି ଦସ୍‌ପି ଆହାମାନି ପାଝୁଲତେଏ । ୨ ମିଙ୍ଗେତାକି ନାଙ୍ଗେ ହାହାମାଞ୍ଜାନି ମାହାପୁରୁତି କାର୍ମାଟି ସେବାକିନି କାମାତି କାତା ମୀରୁ ଝେଞ୍ଜାମାଝେରି, ୩ ଅଡ଼େ ଡଗୁମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକଁ ନାନୁ ତଲି ଏ ବାରେ କାତା ଇଟାଣି ରାଟାମାଈ; ୪ ମୀରୁ ଏଦାଆଁ ପଡ଼ଝି ଆହାମା କ୍ରୀସ୍ତତି ଡଗୁମାନି କାତା ନାନୁ ଏଦାଆଁ ତେଲହାମାଈ ଏଦାଆଁ ମୀରୁ ତେଲହାଲି ଆଡ଼ିଦେରି, ୫ ତଲି କାଲାତା ମାଣ୍ଡିୟାଁ ତାଣା ତଞ୍ଜା ଆହାହିଲିଆତେ, ଏ ଡଗୁମାନାୟି ନୀଏଁ ସୁଦୁଜୀହୁଟି ତାନି ସୁଦୁତି ପାଣ୍ଡୁଝି ଆହାମାନାରି ଅଡ଼େ ମାହାପୁରୁ ଅଣ୍ଟପୁତି ବଲୁ ଝେହ୍ନାରି ତାଣା ଏନିକଁ ତଞ୍ଜା ଆହାମାନେ, ୬ ଏ ଡଗୁମାନି କାତା ଇଦି ନେହଁ କାରୁ ତାଣାଟି ଜୀହୁଦିୟାଁ ମାହାପୁରୁତି ବର ବେଗାଆନ୍ତି ଲେହେଁ, ଏଟ୍‌କା କୃତାତାରି ଜିକେଏ ବାରେଜାଣା ଆଣ୍ଟାନା ର ଆଙ୍ଗା ଲେହେଁ ଆହାମା କ୍ରୀସ୍ତ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଗାଆନେରି ।

୭ ମାହାପୁରୁତି କାମା କିନି ବାଡ଼ୁ ତଲେ ନାଙ୍ଗେ ଏମିନି କାର୍ମାଟି ଦାନା ହାହାମାଞ୍ଜାନେସି ଏଦାଆଁତାକି ଏ ନେହଁ କାରୁତି ଝେକ୍‌ନାତେଏଁ ଆହାମାଈ । ୮ ମାହାପୁରୁ ଲକୁ ବିତ୍ରାଟି ନାନୁ ବାରେଡ଼ି କିହାଁ

ଡଃଣାତେଏଁ ମାତି ଜିକେଏ ଏଟ୍‌କା କୃତାତି ଲକୁତାଣା ଏଜିକିହାଲି ଆଡ଼ାଆଗାଟି କ୍ରୀସ୍ତତି କାର୍ମାଟି ନେହଁ କାରୁ ଝେକ୍‌ହାଲି ମାହାପୁରୁ ପାରୁ ହାହାମାଞ୍ଜାନେସି, ୯ ଅଡ଼େ ବାରେ ଗାଡ଼ିକିତି ମାହାପୁରୁ ତାଣା ତଲି କାଲାଟିଏ ଡଗୁମାନି କାତାତାକି ଏଝାଣି ଅଣ୍ଟପୁ ଏଦାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡ଼ା ଆହାମାଞ୍ଜାନେ, ୧୦ ଏନିକିହଁ ନୀଏଁ କ୍ରୀସ୍ତାନା କୁଲମିତି କାମାଟି ଲାକପୁରୁତି ସାଲଝି କିନାରି ବାଡ଼ୁ ଗାଟି ମାହାପୁରୁତି ବୁଦି ନେହଁ କଁ ପୁଞ୍ଜାଲି ଆଡ଼ିନେରି, ୧୧ ମାହାପୁରୁ ତାନି କାଲାକାଲାତି ଅଣ୍ଟପୁ ଲେହେଁ ମା ପ୍ରୁ କ୍ରୀସ୍ତ ଜୀସୁ ତାଣାଟି ବାରେ କିହାମାନେସି । ୧୨ ଏ ପ୍ରୁ ତାଣା ନାମାମାନାକି ମାର ଏଝାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଗାଆହାମାନାୟି । ୧୩ ଏଦାଆଁତାକି ନାନୁ ମିଙ୍ଗେ ବାଡ଼ିମାଲିମାଞ୍ଜାଈ, ମିଙ୍ଗେତାକି ନାନୁ ବେଗାଆହିମାନି ଦୁକୁ କସ୍ତ ତାକି ସାସା ପିହ୍‌ଆଦୁ, ସାତେଏ ଏଦି ମୀ ଗାଝୁରମି ତାକି ଆହାମାନେ ।

#### କ୍ରୀସ୍ତତି ଜୀହୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡ଼େ ଦାରଡ଼ିତି ବାରେ କୁଟମି, ତାନି କୃତାତି ଦରୁ ବେଗାଆହାମାନେ, ୧୫ ଏ ମାହାପୁରୁ ଆବା ନକିତା ମେଣ୍ଟାକୁତାନା ପ୍ରାତାନା କିହିମାଈ । ୧୬ ଏନିକଁ ଏଝାସି ତାନି ଗାଝୁରମିଗାଟି ଦନ ତାନି ସୁଦୁଜୀହୁ ତଲେ ମିଙ୍ଗେ ମୀ ଅଣ୍ଟପୁତା ତୀରି ମାଣ୍ଡି ଆହାଲି ବାଡ଼ୁ ହିୟାନେସି, ୧୭ ମୀ ନାମୁତଲେ କ୍ରୀସ୍ତ ମୀ ହିୟାତା ବାସା କିନେସି, ଏନିକଁ ମୀ ଜୀହୁ ନଝୁତା ପୁନାଦି ଅଡ଼େ ଆଟ୍‌ଝା ତଲେ ତୀରିଆହାମା ଏଜିକିହାଲି ଆଡ଼ାଆଗାଟି କ୍ରୀସ୍ତତି ଜୀହୁ ନଝୁ, ୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକୁତଲେ ଏମ୍ବାତି ଅସାରା ଅଡ଼େ ଲାମ୍ବା ପାଡ଼ଣି ଅଡ଼େ ଗାଡ଼ୁତି ପୁଞ୍ଜାଲି ବାଡ଼ୁ ବେଗାଆଦି । ୧୯ ହାଅ ମୀରୁ ଏନିକଁ କ୍ରୀସ୍ତତି ଜୀହୁ ନନାଣି ପୁଞ୍ଜେରି ଆଡ଼ିହଁ ଜିକେଏ ଏଦାଆଁ ନେହଁ କଁ ପୁଞ୍ଜାଲି ଆଏ, ଅଡ଼େ ଏଲେକିହଁ ମାହାପୁରୁତି ଗୁଣ୍ଡୁତଲେ ପାତାଆଦୁ ।

୨୦ ଆମିନି ମାହାପୁରୁ ମା ହିୟାତା କାମା କିହିମାନି ତାନି ବାଡ଼ୁ ତଲେ ମାର ରାହନାଣି ଅଡ଼େ ଅଣ୍ଡିନାଣି କିହାଁ ହାରେକା ଆଗାଡ଼ା ହିୟାଲି ଆଡ଼ାନେସି, ୨୧ କୁଲମିତି ଅଡ଼େ କ୍ରୀସ୍ତ ଜୀସୁ ତାଣାଟି ଏ ମାହାପୁରୁତି ଗାଝୁରମି କାଲାକାଲାତାକି ମାଣ୍ଡିମ୍ବେ । ଆମେନି ।

### ୪

#### ରଣ୍ଡିଏ ଆଙ୍ଗା

☆ ୩:୪ ୩:୪ କଲସି ୧:୨୭,୨୭

୧ ପ୍ରଭୃତି ସେବାତାକି ନାନୁ କାୟିଦିତା ମାଙ୍କୁ, ମିଙ୍ଗେ ବାତିମାଲିମାଞ୍ଜାଙ୍କୁ, ଏନିକି ନୀତାବାତକାଲି ତାକି ମାହାପୁରୁ ମିଙ୍ଗେ ହାଟାମାଞ୍ଜାନେସି, ଏଲେତି ମାଣ୍ଡକି ତଲେ ମାଞ୍ଜୁ । ୨ ଇତିହିଁ ବାରେଲେହେତି ଉଣା ଗାଟାତେରି, ସୁଦୁ ସୁଖାଲା, ହାରେକା ଅରହିନାତେରି ଅଡ଼େ ଜୀଞ୍ଜନହୀନା ରଅତେରି ରଅଣାଙ୍କୁ ଅରହିନାତେରି ଆଦୁ; ୩ ମୀରୁ ବାରେଜାଣା ତେରି ହିଡ଼ଡ଼ିତି ଡ଼ରତଲେ ଦସ୍ପି ଆହାନା ସୁଦୁଜୀଞ୍ଜ ବାଡ଼ୁଡ଼ି ରଣ୍ଡିଏ ଲେହେଁ ଆହାଲିତାକି ଜାଡ଼ୁ ଆଦୁ । ୪ ଆଙ୍ଗା ରଣ୍ଡିଏ, ସୁଦୁଜୀଞ୍ଜ ଜିକେଏ ରଣ୍ଡିଏ, ଏନିକି ମୀରୁ ମୀ ହାଟାମାନି ରଣ୍ଡିଏ ବାସୁଁ ତଲେ ହାଟକି ଆହାମାଞ୍ଜେରି; ୫ ପ୍ରଭୁ ରଅସିଏ, ନାମୁ ରଣ୍ଡିଏ ଅଡ଼େ ବାପ୍ତିସ୍ମ\* ଜିକେଏ ରଣ୍ଡିଏ, ୬ ବାରେ ମାଣ୍ଡସିୟାତି ରଣ୍ଡିଏ ମାହାପୁରୁ ଅଡ଼େ ତାଞ୍ଜି; ଏଞ୍ଜସି ବାରେତି ମୁହେଁ, ବାରେତି ବିତ୍ରା ଇଞ୍ଜା ବାରେତି ହିୟାତା ମାନେସି ।

୭ ସାମା କ୍ରୀସ୍ତତି ଦାନା ଏରେକା ବେଟାଆନାୟି ମାନେ ଏରେକା ମାଙ୍ଗେ ବାରେଜାଣା ତାକି ମାହାପୁରୁତି କାର୍ମାମେହନାୟି ହାପକି ଆହାମାଞ୍ଜାନେ । ୮ ଦାମ୍ ସାସ୍ତେରିତା ରାସ୍କି ଆହାମାନେ,

“ଏଞ୍ଜସି ଲାକ ହାଜାନା, ହାରେକା ଦସ୍ପି ଆହାମାନାରାଙ୍କୁ ତାନିତଲେ ଅଡ଼େସି; ଅଡ଼େ ମାଣ୍ଡସିୟାକି ଏଟକା ଏଟକାତି ବର ହାଡ଼େସି ।”

୯ “ଏଞ୍ଜସି ଲାକ ହାଡ଼େସି” ଇତିସାରେ ଏନାୟି ? ଏଲେଇତିସାରେ ମୁଲୁଏ ଏଞ୍ଜସି ଦାରତିତି ଡ଼ଇ ପାତେକା ରେଟା ଖାହାମାଡ଼େସି । ୧୦ ଆମ୍ବାଆସି ଡ଼ଇପୁରୁ ଖାହାମାଡ଼େସି, ବାରେ ଦାରତିଙ୍କୁ ତାନୁ ମାଞ୍ଜାନା ବାରେ ପୁରା କିହାଲିତାକି ଏଞ୍ଜସି ଅଡ଼େ ଖେଣ୍ଡେ ଲାକପୁରୁ ହାଡ଼େସି, ୧୧ ଏଞ୍ଜସି ଲକ୍ଷୁତାକି ହାରେକା ଦାନା ହାଡ଼େସି; ଆମ୍ବାଆରାଙ୍କୁ ପାଣ୍ଡୁଞ୍ଜି ଆଡ଼ାରି ଆହାଲି, ଆମ୍ବାଆରାଙ୍କୁ ମାହାପୁରୁ ଅଣ୍ଡପୁତି ବଲୁ ଖେକନାରି ଆହାଲି, ଆମ୍ବାଆରାଙ୍କୁ ନେହଁ କାରୁ ଖେକନାରି ଆହାଲି, ଅଡ଼େ ଏଚର ଜାଣାଙ୍କୁ କୁଲମି ଜାଡ଼ୁ କିନାରି ଅଡ଼େ ଜାପୁନାରି ଆହାଲି ଦାନା ହାହାମାନେସି, ୧୨ ଏନିକି ମାହାପୁରୁ ଲକ୍ଷୁତି ସେବା କାମାତାକି ତୀରି ଆହାଲି ଆଡ଼ିନେ ଇଞ୍ଜା କ୍ରୀସ୍ତତି ଆଙ୍ଗା ପାତାଆହାଲି ଆଡ଼ିନେ ୧୩ ଏନିକି ମୀରୁ ବାରେଜାଣା ନାମୁତା ଅଡ଼େ ମାହାପୁରୁତି ମୀରୁଏଣା କାତାତି ବୁଦିତା ରଣ୍ଡିଏ ଆହାଲି ଆଡ଼ିନାୟି, ଇତିହିଁ କ୍ରୀସ୍ତ ଲେହେଁ ଆହାନା ପାତାଆଡ଼ି ଲକ୍ଷୁ ଲେହେଁ ଆନାୟି, ୧୪ ଗାଲି ଖାନ୍ତାଟି ଅଡ଼େ ଏୟୁ ଉଣ୍ଡାତା ଦାକ୍ଷିମାନି କକାରି ପଦାୟାଁ ଲେହେଁ ମୀରୁ ଇତାଲା ଆତାଲା ଆଆପ । ଏଟକା ଲକ୍ଷୁଣି ଜିରୁ ବାଣି କିହିମାନି ନାଡ଼ିକିନି

ଅଣ୍ଡପୁତି ଜାପୁନି ତାଣା ମୀରୁ ତରଗାଆପ । ୧୫ ସାମା ସାତାତି ଆସାନା ତାୟିଁ ଲେହେଁତି କ୍ରୀସ୍ତ ଏଞ୍ଜାଣି ତାକି ବାରେ ଜୀଞ୍ଜ ନଞ୍ଜୁତା ପାତାଆନ । ୧୬ ଏଞ୍ଜାଣି ତାଣାଟି ବାରେ ଆଙ୍ଗା ବାରେ ହାନ୍ଦୁଲିକା ସାୟେମି ତଲେ ଅଡ଼େ ବାରେ ଆଙ୍ଗାଟି କାମା କିନି ବାଡ଼ୁଡ଼ି ତଲେ ଦୁରଞ୍ଜି ଆହାନା ଜୀଞ୍ଜ ନଞ୍ଜୁତା ତାମି ନେହେଁତାକି ଜାହାରାଙ୍କୁ ପାତି କିହିମାନୁ ।

**କ୍ରୀସ୍ତ ତାଣା ପୁଠନି ଜୀଞ୍ଜ**

୧୭ ପ୍ରଭୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଖେସିମାଞ୍ଜାଙ୍କୁ, ନାମାଆତାରି ଏନିକି ତାମି ମନତା ଉଜେଏତି ଅଣ୍ଡପୁ ତଲେ ନୀତିନେରି ମୀରୁ ଏଲେକି ନୀତାଆଦୁ, ୧୮ ଏଞ୍ଜାରି ତାମି ତାଣା ମାନି ମୁର୍କୁ ତାକି ଜାହା ଜାହାରା ମନ ଆଟଞ୍ଜା ମାନାକି ଏଞ୍ଜାରି ମାହାପୁରୁ ହାହାମାନି ଜୀଞ୍ଜୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟକା ଆହାମାନେରି; ୧୯ ଏଞ୍ଜାରି ଆଟଞ୍ଜା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଙ୍କୁ ହେଟପା କତାମାନେରି । ୨୦ ସାମା ମୀରୁ କ୍ରୀସ୍ତଙ୍କୁ ଏଲେକିହିଁ ଜାପାହିଲଅତେରି । ୨୧ ମୀରୁ ତାନି କାତା ସାତାତଲେ ଖେଞ୍ଜାମାଞ୍ଜେରି, ଅଡ଼େ ଜୀସ୍ତ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି, ୨୨ ଇତିହିଁ, ମୀରୁ ମୀ ନକେଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାଟେ । ୨୩ ମୀ ମନତା ପୁଠନି ଗୁଣ୍ଡୁ ଆହାନା । ୨୪ ଏମିନି ପୁଠନି ଗୁଣ୍ଡୁ ମାହାପୁରୁତି ଖାଣା ତଲେ ଦାମ୍ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି । ୨୫ ଇଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଖେସ୍ପି ଆଦୁ, ଇତିହିଁ ମୀରୁ ରଣ୍ଡିଏ ଆଙ୍ଗାତାୟି । ୨୬ କାର୍ବି ଆଦୁ, ସାମା ପାପୁ କିଆଦୁ; ଖେଡ଼ା ହାଲାଆ ନକେଏ କାର୍ବି ପିହ୍ଦୁ; ୨୭ ଅଡ଼େ ସୟତାନକି ଟାୟୁ ହାଆଦୁ । ୨୮ ସରୁ ଅଡ଼େ ସରୁ କିଆପେସି, ଇତିହିଁ ହିଲାଆ ଗାଟାରାକି ହାହାଲିତାକି ଏନିକିହିଁ ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି କେୟୁତଲେ ନେହଁ କାମା କିହାନା କସ୍ତ କିପେସି । ୨୯ ମୀ ଗୁଡିଟି ଏନି ଲାଗେଏତି କାତା ହଆପେ, ମୀ ଲଡ଼ାମାନି ଲେହେଁ ନେହଁ କାତା ହପେ ଏନିକି ଏଡ଼ି ଖେନାରାକି ନେହାୟି ଆନେ । ୩୦ ମାହାପୁରୁତି ସୁଦୁଜୀଞ୍ଜ ତଲେ ମିଙ୍ଗେ ଗେଲ୍ପିନି ଦିନାତାକି ବୁଟୁ ମୁଦ୍ରା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହାଆଦୁ । ୩୧ ବାରେଲେହେଁତି କୁଟୁ ଅଣ୍ଡପୁ, କାର୍ବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁତି ଅପାଆଗାଟାୟି ମୀ ତାଣାଟି ହେକ ଆପେ ।

☆ ୪:୨ ୪:୨ କଲସି ୩:୧୨,୧୩    \* ୪:୫ ୪:୫ମୁଞ୍ଜିନାୟି    ☆ ୪:୧୭ ୪:୧୭ କଲସି ୨:୧୯    ☆ ୪:୨୨ ୪:୨୨ କଲସି ୩:୯    ☆ ୪:୨୪ ୪:୨୪ କଲସି ୩:୧୦    ☆ ୪:୩୨ ୪:୩୨ କଲସି ୩:୧୩

୩୨ ✨ ଅଡ଼େ, ରଥତେରି ରଥଣାଈଁ କାର୍ମା ଅଣ୍ପାଦୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସ୍ତ ତାଣା ମିଙ୍ଗେ ଏନିକିହିଁ ଦହ ପିସ୍ତାନେସି, ଏଲେକିହିଁ ରଥତେରି ରଥଣି ଦହ ପିହ୍ଦୁ ।

**୫**

**ଉଜେଡ଼ିତା ନୀତିନାୟି**

୧ ମୀରୁ ମାହାପୁରୁତି ଜୀଝୁତି ମୀରକା ମାସ୍‌କାତେରି ଆହାମାନାକି, ମାହାପୁରୁ ଲେହେଁ ଆଦୁ; ୨ କ୍ରୀସ୍ତ ଏନିକିହିଁ ମିଙ୍ଗେ ଜୀଝୁ ନୟାତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଦାଗାଟି ନେହିଁ ପୂଜାଲେହେଁ ଜାହାରାଇଁ ହେରୁପାକତିତେସି, ମୀ ଜୀଝୁତା ଜିକେଏ ଏଲେକିହିଁ ଜୀଝୁ ନଝିଆହାନା ନୀତୀଦୁ ।

୩ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଈ ବାରେ ମୀ ତାଣା ଚାନ୍ଦୁ ବେଟା ଆଆପେ; ଏଡ଼ି ମାହାପୁରୁ ଲକ୍ଷୁତାଣା ନେହାୟି ଆଏ; ୪ ଅଡ଼େ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକ୍ଷୁଣି ଲାଜା କିହାଁ କାକନାୟି ମୀ ବିତ୍ରା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଈଁ ଜହରା କିଦୁ । ୫ ଇତିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣକା ବମାୟାତି ପୂଜା କିନାସି, ଏଲେତି ଲକ୍ଷୁକି କ୍ରୀସ୍ତ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ ।

୬ ଆମ୍ବାଆସି ମିଙ୍ଗେ ଉଜେଏତି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇତିହିଁ ଈ ବାରେ ଲାଗେଏତି କାମାତାକି କାତା ମାନଝି ଆଆଗାଟି ମୀରକା ମୁହେଁ ମାହାପୁରୁତି କାରବି ଝାନ୍ନେ । ୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ; ୮ ଏନାଆଁତାକି ଇତିହିଁ ମୀରୁ ତଲି ଆନ୍ଦେରି ଲେହେଁ ମାଚେରି, ସାମା ନୀଏଁ ପ୍ରବୁତି ଲକ୍ଷୁ ଆଡାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତି ମୀରକା ଲେହେଁ ତାକାଦୁ, ୯ ଇତିହିଁ ବାରେଲେହେଁତି ନେହାୟି, ଦାମ୍ବୁଗାଟାୟି ଅଡ଼େ ସାତା ଉଜେଡ଼ିତି ପାଡ଼େୟି ଲେହେଁ, ୧୦ ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ; ୧୧ ଲକ୍ଷୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି ଦହ ତହ୍ଦୁ । ୧୨ ଏନାଆଁତାକି ଇତିହିଁ ଏଞ୍ଜାରି ଏନାଆଁ ତୁଗ୍ଗାନା କିନେରି, ଏ ବାରେ କାତା ଝେହ୍ନାୟି ଜିକେଏ ଲାଜାତି କାତା, ୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍ପିଆନ୍ନେ, ଏନାୟି ବାରେ

ତଞ୍ଜାଆନ୍ନେ ଏଡ଼ି ବାରେ ଉଜେଡ଼ି । ୧୪ ଏଦାଆଁତାକି ରାସ୍‌କି ଆହାମାନେ,

“ଇଦା କିହାମାନାତେରି, ନିଙ୍ଗାଦୁ, ହାଡ଼ାରି ତାଣାଟି ନିଙ୍ଗାଦୁ, ଅଡ଼େ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି ।”

୧୫ ଇତିହିଁ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲାଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆଦୁ । ୧୬ ✨ ପାଗାତି ନେହିଁ କିହିଁ ଲେମ୍ବାଦୁ, ଏନାଆଁତାକି ଇତିହିଁ କାଲା ଲାଗେଏତାୟି । ୧୭ ଏଦାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୁତି ଅଣ୍ପୁ ଏନାୟି ଏଦାଆଁ ତେଲହାଦୁ ।

୧୮ ଅଡ଼େ କାଡ଼ ଗୁସାନା ହଡ଼ାଆଦୁ, ଏନାଆଁତାକି ଇତିହିଁ ଏଞ୍ଜି ମିଙ୍ଗେ ନାସା କିୟାନୁ; ସାମା ପାଚୁ, ସୁଦୁଜୀଝୁଟି ଜହରା କିହିଁ ରଥତେରି ରଥଣାଈଁ ବାମ୍ବୁ ହୀଦୁ, ୧୯ ✨ ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜୀଝୁ ତଲେ ଜହରା ପାଚୁ ପାଚାଦୁ । ୨୦ ବାରେବେଲା ବାରେ କାତାତାକି ପ୍ରବୁ ଜୀସ୍ତ କ୍ରୀସ୍ତତି ଦରୁତଲେ ଆବା ମାହାପୁରୁଈଁ ଜହରା କିଦୁ ।

**ତକ୍ତି ଅଡ଼େ ତକ୍ତା**

୨୧ ଅଡ଼େ କ୍ରୀସ୍ତଈଁ ଆଜାନା ରଥତେରି ରଥଣାଈଁ ମାନି କିଦୁ ।

୨୨ ✨ ଏ ଆୟାସିକା ମୀରୁ ଏନିକିହିଁ କ୍ରୀସ୍ତଈଁ ମାନି କିହିମାନି ଲେହେଁ ମୀରୁ ମୀ ତକ୍ତାୟାଣି ମାନି କିଦୁ, ୨୩ ଇତିହିଁ କ୍ରୀସ୍ତ ଏନିକିହିଁ କୁଲମିତି ତାୟାଁ ଲେହେଁ, ତକ୍ତା ଜିକେଏ ଏଲେକିହିଁ ତକ୍ତିନି ତାୟାଁ ଲେହେଁତାସି, ଇଞ୍ଜା କ୍ରୀସ୍ତ ତାନି ଆଙ୍ଗା ଲେହେଁତି କୁଲମିତି ଗେଲ୍‌ପିନେସି । ୨୪ ହାଅ, କୁଲମି ଏନିକିହିଁ କ୍ରୀସ୍ତଈଁ ମାନି କିନେ, ଏଲେକିହିଁ ତକ୍ତିସିକା ଜିକେଏ ବାରେ କାତାତା ତାମି ତକ୍ତାୟାଣି ମାନି କିପୁ ।

୨୫ ✨ ଏ ତକ୍ତାୟାଁତେରି, କ୍ରୀସ୍ତ ଏନିକିହିଁ କୁଲମିତି ଜୀଝୁ ନଡ଼େସି, ମୀରୁ ଜିକେଏ ଏଲେକିହିଁ ମୀ ତକ୍ତିସିକାଣି ଜୀଝୁନଦୁ; ଇତିହିଁ ଏଞ୍ଜାସି ଏଦାନାକି ତାନି ଜୀଝୁ ହୀତେସି, ୨୬ ଏଞ୍ଜାସି କୁଲମିତି ବଲ୍ଲୁ ଅଡ଼େ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେରପିତେସି, ୨୭ ଏନିକିହିଁ କୁଲମି ଗାହାଁଗାରି, ଅଡ଼େ ଦହ ହିଲାଆଗାଟାୟି ଆହାନା ସୁଦୁ ଗାଟାୟି ଆନ୍ନେ, ଅଡ଼େ ଏଲେକିହିଁ ଏ ଗାଝୁରମି ତଲେ ମାହାପୁରୁ ତାନି ତାଣା ଅନେସି । ୨୮ ଏଲେକିହିଁ ତକ୍ତାୟାଁ ଜିକେଏ ତାମି ତକ୍ତିସିକାଣି ଜାହାରା ଆଙ୍ଗା ଲେହେଁ ଜୀଝୁନନାୟି ମାନେ, ଆମ୍ବାଆସି ଜାହାରା ତକ୍ତିନି ଜୀଝୁ ନନେସି, ଏଞ୍ଜାସି

✨ ୫:୧୨ ୫:୧୨ କଲସି ୪:୫ ✨ ୫:୧୯ ୫:୧୯ କଲସି ୩:୧୭,୧୭ ✨ ୫:୨୨ ୫:୨୨ କଲସି ୩:୧୮; ୧ପିତ ୩:୧ ✨ ୫:୨୫ ୫:୨୫ କଲସି ୩:୧୯; ୧ପିତ ୩:୭

ଜାହାରାଙ୍କ ଜୀବୁ ନନେସି; ୨୯ ଆମ୍ବାଆସି ଜିକେଏ ଜାହାରା ଆଙ୍ଗାତି ନାନୁ ଅପଅଁ ଇଞ୍ଜିଁ ଇନଅସି, ସାମା ତାନି ଆଙ୍ଗା ତାକି ତିନେସି ଉନେସି ଅଡ଼େ ଜାଡ଼ୁ ଇଚିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହିଁ କିନେସି, ୩୦ ଏନାଆଁତାକି ଇଚିହିଁ ମାର ତାନି ଆଙ୍ଗାତି ଆଙ୍ଗା ଉଡ଼େଲି ତାୟି । ୩୧ ଦାମ୍ବୁପତିତା ରାସ୍ତକି ଆହାମାନେ, “ଇଦାଣି ତାକି ଆଦାଟି ତାଲି ତାଞ୍ଜିଇଁ ପିସାନା ଜାହାରା ତକ୍ତି ତାଣା ଆଣ୍ଟିନେସି, ଅଡ଼େ ଏ ରିଆରି ରଣ୍ଟିଏ ଆଙ୍ଗା ଆନେରି ।” ୩୨ ଇ ଦାମ୍ବୁ ସାସ୍ତେରିତା ରାସ୍ତକି ଆହାମାନି ତାଣା ହାରେକା ଡ଼ଗୁମାନି କାତା ମାନେ, ସାମା ନାନୁ କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜାଲ୍ । ୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ତିଇଁ ଜାହାରା ଜୀବୁ ଲେହେଁ ଜୀବୁନଦୁ, ଇଞ୍ଜା ତକ୍ତି ଜିକେଏ ଜାହାରା ତକ୍ତିଇଁ ମାନି କିନାୟିମାନେ ।



**ତାଲି ତାଞ୍ଜି ଅଡ଼େ କକାରି ପଦାଁ**

୧ \*କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନୁଞ୍ଜି ଆଦୁ; ଇଚିହିଁ ଏଦି ମିଙ୍ଗେ ତାକି ନେହାୟି । ୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି, ୩ ଏନିକିହିଁ ମିଙ୍ଗେ ନେହିଁ ଆନେ, ଇଞ୍ଜା ମୀରୁ ଦାରତିତା ହାରେକା ଦିନା ନୀତିଦେରି ।”

୪ \*ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଞ୍ଜାରାଙ୍କ ପ୍ରବୁତି କାତା ଜାପ୍ତୁ ଅଡ଼େ ସେଡନା ତଲେ ପହିକିଦୁ ।

**ହଲିୟା ଅଡ଼େ ସାଞ୍ଜୁକାରି**

୫ \*ଏ ହଲିୟାଙ୍ଗାତେରି, ମୀରୁ ଏନିକିଁ କ୍ରୀସ୍ତଇଁ ମାନୁଞ୍ଜି ଆହିମାଞ୍ଜେରି, ଏଲେକିହିଁ ଆଜି ଅଡ଼େ ତୀରଗିହିଁ ତୀରି ହିୟାଁ ତଲେ ମୀ ଦାରତିତି ସାଞ୍ଜୁକାରିୟାଁ କାତା ଆହଦୁ; ୬ ମାଣ୍ଡିଇଁ ରାହାଁ କିନିଲେହେଁ ତାମି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟାଁ ତଲେ ମାହାପୁରୁତି ଅଣପୁ ତୀରିକିଦୁ । ୭ ଝାରଇ ମାଣ୍ଡିୟାଁତି ସେବା କିହିମାନମି ଇଞ୍ଜିଁ ଅଣପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ, ୮ ଇଦାଆଁ ପୁଞ୍ଜାନା, ଏଞ୍ଜାସି କଡ଼ିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକୁକି ଏଞ୍ଜାରି ନେହିଁ କାମାତାକି ଏଞ୍ଜାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ \*ଏ ସାଞ୍ଜୁକାରିୟାତେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଞ୍ଜାରାଙ୍କ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା ବାରେଜାଣା ତେରି ଲାକପୁରୁତି ପ୍ରବୁତି

ହଲିୟାଙ୍ଗାତେରି; ଏଞ୍ଜାସି ବାରେଜାଣାତି ପାରଡ଼ା ବାଟି କିଆନା ବିଚାରା କିନେସି ।

**ମାହାପୁରୁତି ଜୁଜୁକିନି ଜୁତି**

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଟାଆହାନା ଏଞ୍ଜାଣି ବାଡ଼ୟୁଟି ବାଡ଼ୟୁ ଗାଟାତେରି ଆଦୁ । ୧୧ ମୀରୁ ଏନିକିଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହାହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ । ୧୨ ଇଚିହିଁ ମା ଜୁଜୁ ଦାରତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲୁଞ୍ଜି କିନାରି କପାଟି ଇ ଆନ୍ଦେରିତି ପାଣାଗାଟାରି କପାଟି ଅଡ଼େ ହାଗୁ ପାକାତି ପଲ୍ଲଆ ଜୀବୁୟାଁ କପାଟି ଜୁଜୁ କିହିମାନାୟି । ୧୩ ଏଦାଆଁତାକି ନୀର୍ବ ମାହାପୁରୁ ହାହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହିଁ ଲାଗେଏତି ବେଲାତା ମୀରୁ ସାତୁ ନକିତା ନିତାଲି ଆଡ଼ିଦେରି ଇଞ୍ଜା ରାନି ପାତେକା ଜୁଜୁକିହିଁ ତୀରିଆହାଁ ଡ଼ୟାଲି ଆଡ଼ିଦେରି ।

୧୪ ଇଚିହିଁ, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍ବୁତି ବକ ପାଟା ଲେହେଁ ତୁରଦୁ, ୧୫ ହିଡ଼ି ହାନି ନେହିଁ କାରୁତାକି ଅଜିକିଞ୍ଜି ଆହାମାନି ସେପୁୟାଁ କତାଣା ତୁରହାନା ତାଟା ଆହାମାଞ୍ଜୁ; ୧୬ ବାରେବେଲା ନାମୁତି ଆଡୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡ଼ାଞ୍ଜିମାନି ଆପକାତି ହିରୁ ବାରେ ତୁପହାଲି ଆଡ଼ିଦେରି । ୧୭ ଅଡ଼େ, ଗେଲପିନି ଟପେରି ତାୟୁଁତା ତୁରଦୁ ଅଡ଼େ ସୁଦୁଜୀବୁତି ହିୟାତି ମାହାପୁରୁତି ବଲୁତି କାଣ୍ଡା ଆହଦୁ; ୧୮ ବାରେଲେହେଁତି ପ୍ରାତାନା ଅଡ଼େ ବାଟିମାଲିନି ତାଣା ବାରେବେଲା ସୁଦୁଜୀବୁ ସାୟେମି ତଲେ ପ୍ରାତାନା କିଦୁ, ଇଞ୍ଜା ବାରେ ମାହାପୁରୁ ଲକୁତାକି କାପୁ କାଟାନା ପ୍ରାତାନା କିହେମାଞ୍ଜୁ । ୧୯ ଅଡ଼େ, ନାଙ୍ଗେତାକି ଜିକେଏ ପ୍ରାତାନା କିଦୁ, ଏନିକିଁ ନେହିଁ କାରୁତାକି ଦୂତୁ ସମାନା ନାନୁ, ନାଙ୍ଗେ ଏ ଡ଼ଗୁମାନାଣି ପୁଣ୍ଡି କିହାଲି ସାସାତଲେ ବଲୁ ଝେସାଲି ମାହାପୁରୁ ନା ଗୁଡିତା ନେହିଁ କାରୁ ହିୟାନେସି । ୨୦ ଅଡ଼େ ନାନୁ ଏନିକିଁ ଏମ୍ବାତି ସାତା କାତା ସାସାତଲେ ଝେସାଲି ଆଡ଼ିଇଁ ।

**ଜହରା ଝେସାହାଁ ଆକୃତି ରାପ୍ତନାୟି**

୨୧ \*\*ନା କାତା, ଇଚିହିଁ ନାନୁ ଏନିକିଁ ମାଲ୍, ଇଦାଆଁ ମୀରୁ ଜିକେଏ ଏନିକିଁ ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀବୁତି ତାୟି ଅଡ଼େ କ୍ରୀସ୍ତତି କାମାତା ନାମୁତି ହଲେଏସି ତୁକିକ, ନା ବାରେ କାତା ଏଞ୍ଜାସି ଝେସାନେସି; ୨୨ ଏ

☆ ୬:୧ ୬:୧ କଲସି ୩:୨୦ ☆ ୬:୪ ୬:୪ କଲସି ୩:୨୧ ☆ ୬:୫ ୬:୫ କଲସି ୩:୨୨-୨୫ ☆ ୬:୯ ୬:୯ କଲସି ୪:୧; କଲସି ୩:୨୫ ☆ ୬:୨୧ ୬:୨୧ କାମା ୨୦:୪; ୨ତିମ ୪:୧୨ ☆ ୬:୨୧ ୬:୨୧ କଲସି ୪:୭,୮

ବାରେ କାତା ଖେସାଲି ନାନୁ ଏଞ୍ଜାଣାଲ୍ ମୀ ତାଣା  
 ପାଣ୍ଡାତେଏଁ, ଏନିକି ମୀରୁ ମା. ବାରେ କାତା  
 ପୁଞ୍ଜାଲି ଆଡ଼ଦେରି ଅଡ଼େ ମୀ ହିୟା ଏଞ୍ଜାଣି ତାଣାଟି  
 ରାହାଁ ଆନେ ।

<sup>୨୩</sup> ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତୁଇଁ  
 ନାମିତି ତାୟି ତାଙ୍ଗିସ୍ତାକି ହିଡ଼ଡ଼ି, ଜୀଞ୍ଜନନାୟି ଅଡ଼େ  
 ନାମୁ ହିୟାପେସି । <sup>୨୪</sup> ଏତେକା ଲକୁ ମା. ପ୍ରବୁ  
 ଜୀସୁ କ୍ରୀସ୍ତୁଇଁ କାଟଲଏ ଜୀଞ୍ଜୁ ନଚେରି, ମାହାପୁରୁତି  
 କାର୍ମାମେହନାୟି ଏ ବାରେତାକି ଆପେ ।



# ପିଲିପୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ପିଲିପି କୁଲମିତାକି ପାଞ୍ଚୁଲ ରାଚାମାନି ଆକୁ ମୂଳୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାଞ୍ଚୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଚିମାନେସି । ପାଞ୍ଚୁଲ ରମ୍ଭତି କାୟିଦିତା ମାତାଟି ଇ ଆକୁ ରାଚା ଡ଼ୟିନେସି୧:୧୩ । ପିଲିପି ଗାଡ଼ା ବିତ୍ତା ଆହାମାନି କୁଲମିତାକି ଇ ଆକୁ ରାୟକି ଆହାମାଚେ । ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ । ଇଦି ମାକିଦନିୟାତା ଆଡ଼ି ମୂଳୁ କୁଲମି ମାଚେ । ପାଞ୍ଚୁଲ ଅଡ଼େ ସିଲ୍ଲା ଆଣ୍ଡ଼ିଆହାମାନା ଇ କୁଲମି ମାଟୁହା ମାଚେରି । ଅଡ଼େ ଏମ୍ବାଆଁ ମାଚାଟି ର ଲାଆଁୟାଁ ତାକି କାୟିଦିତା ଇଚକି ଆହାମାଚେରି କାମା ୧୭ ।

ପାଞ୍ଚୁଲ ଇ ଆକୁ ରାଚାଲି ହାଚେକା କାତା ଡ଼ୟିନେ । ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନା କୁଡ଼ି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଚିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପୁଦିତାଲ୍ ହେରୁପି ମାନେସି, ନାମିତି ତାୟିୟାଁ ଏନିକ୍ ଏଞ୍ଜାରାଲ୍ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

### ପତିତା ମାନାୟି

- ୧. ପିଲିପି କୁଲମିତି ପାଞ୍ଚୁଲତି ଜହରା । ୧:୧-୨
- ୨. ପାଞ୍ଚୁଲତି ମାଣକି ଅଡ଼େ ଏଞ୍ଜାଣି ଅଣ୍ପୁ । ୧:୩-୨:୩୦
- ୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍ନାୟି । ୩:୧-୪:୯
- ୪. ପାଞ୍ଚୁଲ ଦାନା ତାକି ପିଲିପି କୁଲମିତା ଜହରା ଖେହ୍ନାୟି । ୪:୧୦-୨୩

### ପାଞ୍ଚୁଲତି ଜହରା ଅଡ଼େ ପ୍ରାତାନା

୧ \*ପାଞ୍ଚୁଲ ଅଡ଼େ ତିମତି, କ୍ରୀସ୍ତ ଜୀସୁତି ରା ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ଡ଼ୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜା କୁଲମିତି ସେବା କିନାରାକି ଇ ଆକୁ ରାୟକି ଆହାମାନେ ।

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ନାମେହ୍ନାୟି ଇଞ୍ଜା ହିଡ଼ିତି ଜୀସୁ ମିଙ୍ଗେତାକି ଆୟାପେ ।

### ପାଞ୍ଚୁଲତି ପ୍ରାତାନା

୩ ନାନୁ ମିଙ୍ଗେ ଏଚର ଦେବା ଅଣ୍ପି ମାଞ୍ଜାଲ୍, ଏଚର ଦେବା ନା ମାହାପୁରୁଲ୍ ଜହରା କିହିମାଲ୍ । ୪ ନାନୁ ବାରେଦିନା ମିଙ୍ଗେତାକି ପ୍ରାତାନା କିନାଟି ନାନୁ ହାଚେକା ରାହାଁତଲେ ପ୍ରାତାନା କିହିମାଲ୍, ୫ ଏନାଆଁତାକି ଇଚିହ୍ ମୀ ମୂଳୁ ଦିନାଟିଏ ନୀଏଁ ପାତେକା ନେହ୍ କାରୁ ଖେକ୍‌ହାଲି ମୀରୁ ନାଙ୍ଗେ ସାୟେମି କିହିମାଞ୍ଜାଦେରି, ୬ ଏଦାଆଁତାକି ନାନୁ ଇ କାତାତି ସାତା ଇଞ୍ଜା ଅଣ୍ପିମାଲ୍, ଆମିନି ପ୍ରବୁ ମୀ ତାଣା ଇ ନେହ୍ କାମା ମାଟୁହାମାନେସି, କ୍ରୀସ୍ତ ଜୀସୁତି ଖେଣ୍ଡାଞ୍ଜାନ୍ ଦିନା ରାନ୍ ପାତେକା ଏଞ୍ଜାସି ଏଦାଆଁ କିନେସି । ୭ ଅଡ଼େ ମୀ ବାରେତାକି ନା ଇଲେତି ଅଣ୍ପିନାୟି ମାନେ, ମୀରୁ ବାରେ ଏନିକ୍ ନା ତଲେ ନେହ୍ କାରୁ ଖେକ୍‌ନି କାୟିଦିତା ଆଣ୍ଡ଼ିମାଞ୍ଜାଦେରି, ଅଡ଼େ ଏମ୍ବାତି ସାତା ପାରମାଣା ତସାଲି ନା ତଲେ ଆଣ୍ଡ଼ିମାଞ୍ଜାଦେରି, ଏଦାଆଁତାକି ନାନୁ ନା ହିୟାଁତା ମିଙ୍ଗେ ଆବାମାଞ୍ଜାଲ୍ । ୮ ମୀ ବାରେଜାଣା ତାକି ହାଚେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଲ୍ ଇଞ୍ଜା ଏଚିବେଲ୍ଲାତା ନାନୁ ଖେହ୍ଲ୍, ଏଦି ସାତା, ଏଦାଆଁତାକି ମାହାପୁରୁ ନା ସାକି ।

୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହ୍ ବୁଦି ପୁନାୟି, ଅଡ଼େ ବାରେ ନେହ୍ ଅଣ୍ପୁ ହାଚେ ହାଚେକା ପାତା ଆପେ, ୧୦ ଏନିକିହ୍ ମୀରୁ ଏନାୟି ନେହାୟି ଏଦାଆଁ ଆଚାଲି ଆଡ଼ିଦେରି, ଆଡ଼ିହ୍ ମୀରୁ କ୍ରୀସ୍ତ ଖାନ୍ ଦିନାତା ସୁଦୁ ଗାଚାତେରି ଆଦେରି, ଅଡ଼େ ନିନ୍ଦା ଗାଚାତେରି ଆଅଡେରି, ୧୧ ମାହାପୁରୁତି ଗାଞ୍ଜୁରିମି ଇଞ୍ଜା ନେହ୍ ଖେହ୍ନାଣି ତାକି ମୀ ଜୀସୁ ଜୀସୁ କ୍ରୀସ୍ତ ହୀହାମାନି ବାରେ ନେହ୍ ଗୁଣ୍ଡୁ ବେଟାଆଡ଼େନ ।

### କ୍ରୀସ୍ତ ତାଣା ନୀତିନାୟି

୧୨ ତାୟି ତାଜିସ୍ଲାତେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହ୍ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଡି କିହାଲି ଅଣ୍ପିମାଲ୍; ୧୩ ଇଚିହ୍ ନାନୁ କାୟିଦିତା ମାଚାୟି କ୍ରୀସ୍ତ ତାକି, ଏଦି ରାଜା ଇଲୁତା କାଃଆନି ବାରେ କସକା ଇଞ୍ଜା ଏଚକାତି ବାରେଜାଣା ନକିତା ତଞ୍ଜାଆଡ଼େ; ୧୪ ଅଡ଼େ ଜିକେଏ ହାଚେକା ତାୟି ତାଜିସ୍ଲା ନାନୁ କାୟିଦିତା ମାନାକି, ମାହାପୁରୁ ତାଣା ବାର୍ସୁ ଇଚାନା ଆଜାଆନା

\* ୧:୧ ୧:୧ କାମା ୧୭:୧୨    \* ୧:୧୩ ୧:୧୩ କାମା ୨୮:୩୦

ମାହାପୁରୁତି କାରୁ ଝେକ୍‌ହାଲି ହାରେକା ସାସା ଗାଟାରି ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡେ ଗଡ଼ହା ତାକି କ୍ରୀସ୍ତୁତି କାତା ଝେକ୍‌ହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି; ୧୬ ନାଙ୍ଗେ ନେହଁ କାରୁତି ସାକି ଆହାଲିତାକି ମାହାପୁରୁ ଆତାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି ତାକି ଏଦାଆଁ କିନେରି, ୧୭ ଏଟକାତାରି ମାନି ତଲେ କ୍ରୀସ୍ତୁତି ବଲୁ ଝେହ୍‌ଆନା ଜାହାରା ଲାବା ତାକି କିହିମାନେରି । ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତୁ ହାହାଲି ଏଝାରି ଏଦାଆଁ କିହିମାନେରି ।

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତୁ ସାତେଏ ଝେଙ୍ଗିମାନେସି, ଏଦାଆଁତାକି ନାନୁ ରାହାଁ କିହିମାଇଁ, ଅଡେ ଜିକେଏ ରାହାଁ କିହିମାଇଁ ।

୧୯ ଇଚିହଁ ନାନୁ ପୁଞ୍ଜାମାଇଁ, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତୁତି ସୁଦୁଜୀଝୁତି ସାୟେମି ତଲେ ନା ଗେଲ୍‌ପିନାୟି ଆନେ, ୨୦ ଏଦାଆଁତାକି ନା ରଣିଏ ଆସା ଅଡେ ବାର୍ସୁ ମାନେ, ନାନୁ ଏନି କାତାତା ଜିକେଏ ଲାଜା ଆଥାଁ, ସାମା କାଲେଏ ଏନିକଁ ଆହିମାଚେଏଁ, ନାଏଁ ଜିକେଏ ଏଲେକଁ ହାରେକା ବାଡ଼ୁତୁ ତଲେ ହାଡ଼ିହଁ କି ଜୀଝୁ ମାଟିହଁ, କ୍ରୀସ୍ତୁଇଁ ନା ଆଙ୍ଗା ତଲେ ଗାଝୁରମି କିଇଁ । ୨୧ ଇଚିହଁ ନା ନୀତାମାନାୟି ଝାରୁଇ କ୍ରୀସ୍ତୁ, ଏଦାଆଁତାକି ନାନୁ ହାନାୟି ନାଙ୍ଗେତାକି ଲାବା । ୨୨ ସାମା ନାନୁ ଆଙ୍ଗା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଇଁ, ଆଡ଼ିହଁ ନୀତାମାନାଣି କି ହାନାଣି ବାଟି କିଇଁ ନାନୁ ପୁଞ୍ଜାଲି ଆଡ଼ିହିଲଥାଁ । ୨୩ ନାନୁ ରୀ ଝାକି ରେସକି ଆହିମାଇଁ; ଇ ଜୀଝୁତି ପିସାନା କ୍ରୀସ୍ତୁ ତଲେ ମାଞ୍ଜାଲି ଅଣ୍ପିମାଇଁ, ଏଡ଼ି ହାରେକା ନେହାୟି; ୨୪ ସାମା ନାନୁ ଆଙ୍ଗା ତଲେ ମାନାୟି ମିଙ୍ଗେତାକି ହାରେକା ଲଡ଼ାମାନେ । ୨୫ ନାନୁ ନେହଁ କଁ ପୁଞ୍ଜାମାଇଁ, ନାନୁ ଡ଼ୟିଇଁ, ହାଅ ମୀ ନାମୁ ଅଡେ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଇଁ, ୨୬ ଏନିକଁ ମୀ ବିତ୍ରା ନା ଝେଣ୍ଡା ଝାତାକି ନା ତାଣାଟି କ୍ରୀସ୍ତୁ ଜୀସୁ ତାଣା ମୀ ବଡପଣ ଗାଡିଆନେ ।

୨୭ ନା ଅଣ୍ପୁ ଇଦି, କ୍ରୀସ୍ତୁତି ନେହଁ କାରୁତି ଜଗେତି ଲକୁ ଲେହେଁ ନୀତାଦୁ, ଏନିକଁ ନାନୁ ମୀ ତାଣା ଝାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣିଏ ଜୀଝୁ ରଣିଏ ଅଣ୍ପୁ ତଲେ ତୀରିଆହାନା ନେହଁ କାରୁତି ନାମୁ ତାକି ଜୁଜୁ କିହିମାଞ୍ଜେରି, ୨୮ ଇଞ୍ଜା ମିଙ୍ଗେ କସ୍ତୁ ନିୟା ହାହିମାଞ୍ଜାନି ସାଡୁୟାଇଁ ଏଚେଲାଝା ଆଜାଆଦୁ; ଏଡ଼ି ଏଝାରି

ନାସା ଆନାୟି, ସାମା ମିଙ୍ଗେତାକି ଗେଲ୍‌ପିନାୟି ମାହାପୁରୁ ହାହାମାନି ର ସିନା; ୨୯ ଇଚିହଁ କ୍ରୀସ୍ତୁ ତାଣା ଝାରୁଇ ନାମାଲି ତାକି ମୀରୁ ପାରୁ ମେଡା ଆହାମାଞ୍ଜେରି, ଏଡ଼ି ଆଏ, ସାମା ଏଝାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡା ଆହାମାଞ୍ଜାନେ; ୩୦ ଅଡେ ନାନୁ ଏନିକଁ ଜୁଜୁ କିହିମାତାଣି ମେସାମାଞ୍ଜାତେରି, ଇଞ୍ଜା ନାଏଁ ଜିକେଏ କିହିମାନେସି ଇଞ୍ଜା ଝେଞ୍ଜିମାଞ୍ଜେରି, ଏଲେକିହଁ ମୀରୁ ଜିକେଏ ଜୁଜୁ କିଦୁ ।

୨

କ୍ରୀସ୍ତୁତି ମାଣ୍ଡି ଅଡେ କାଜାପାଣା

୧ କ୍ରୀସ୍ତୁ ତଲେ ମାନାକି ମୀରୁ ଜୀଝୁତା ବାର୍ସୁ ବେଟାଆହାମାଞ୍ଜେରି, ଅଡେ ତାନି ଜୀଝୁନନାୟି ମିଙ୍ଗେ ସାସା ହାହିମାଞ୍ଜାନେ । ମୀରୁ ସୁଦୁଜୀଝୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡେ ରଅତେରି ରଅଣାକି ମୀ ଜୀଝୁନନାୟି ଅଡେ କାର୍ମାମେହ୍‌ନାୟି ମାନେ, ୨ ନାନୁ ମିଙ୍ଗେ ବାଟିମାଲିମାଞ୍ଜାଇଁ ମୀରୁ ରଣିଏ ଅଣ୍ପୁ ତଲେ, ରଣିଏ ଜୀଝୁ ନନାଣି ତଲେ, ରଣିଏ ହିୟାଁ, ରଣିଏ ଅଣ୍ପୁ ଆହାନା ନାଙ୍ଗେ ରାହାଁ କିୟାଦୁ, ୩ ମୀରୁ ମିଙ୍ଗେତାକି ନେହାଁଣି ଜୁପକା ଇଞ୍ଜା ହାରେକା ବଡପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକୁଇଁ ନା କିହାଁ କାଜାସି ଇଞ୍ଜା ଅଣ୍ପାପାଦୁ; ୪ ମୀରୁ ବାରେତେରି ଝାରୁଇ ମିଙ୍ଗେତାକି ନେହଁ ଆନାଣି ଅଣ୍ପାଆନା ଏଟକା ଲକୁତି ନେହାଁଣି ଜିକେଏ ଅଣ୍ପାପାଦୁ । ୫ କ୍ରୀସ୍ତୁ ଜୀସୁତି ଏନିଲେହେଁତି ଅଣ୍ପୁ ମାତେ ମୀ ଅଣ୍ପୁ ଜିକେଏ ଏଲେତାୟିଏ ଆପେ;

୬ ଏଝାସି ମାହାପୁରୁ ଆଡ଼ିହଁ ଜିକେଏ,

ମାହାପୁରୁ ତଲେ ସମାନା ଆହଁ ମାଞ୍ଜାଲି ଅଣ୍ପାଆନା ତାନି ଏ ଅଦିକାରା ପିସେସି,

୭ ସାମା ଏଝାସି ମାଣ୍ଡି ଝାଣା ଆହାନା ହଲେଏସି ଲେହେଁ ଆଡେସି ।

ମାଣ୍ଡିଲେହେଁ ଆହାନା ମାଣ୍ଡି ଝାଣା ତଲେ ତଞ୍ଜାଆଡେସି;

୮ ଏଝାସି ମାଣ୍ଡିଲେହେଁ ତଞ୍ଜାଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା

ହୁକୁମି ମାନଝି ଆଡେସି ଇଞ୍ଜା ତାନୁଏ ତାଙ୍ଗେ ଡ଼ଣା କିହା କଡିତେସି ।

୯ ଏଦାଆଁତାକି ମାହାପୁରୁ ଏଝାଣାଇଁ ବାରେକିହାଁ କାଜାସି କିହାମାନେସି, ଇଞ୍ଜା ବାରେ ଦରୁକା କିହାଁ କାଜା ଦରୁ ଏଝାଣାକି ହାହାମାନେସି,

୧୦ ଏନିକଁ ଲାକପୁରୁ ଅଡେ ଦାରୁତିତା ଅଡେ ଦାରୁତିତି ଡ଼ଇ ମାନାଇ;

✦ ୧:୩୦ ୧:୩୦ କାମା ୧୭:୧୯-୪୦

ଏ ବାରେ ଜୀସୁ ଦରୁତା ମେଣ୍ଟାକୁତାନା ଜହରା କିନ୍ତୁ,  
 ୧୧ ଅଡ଼େ ଆବା ମାହାପୁରୁତି ଗାଝୁରମି ତାକି ବାରେଜାଣା ତାମି ଗୁତି ତଲେ ଜୀସୁ କ୍ରୀସୁ ପ୍ରବୁ ଇଞ୍ଜି ଜଲିନେରି ।

**ଦାର୍ତ୍ତିତା ଉଜେଡ଼ି ଲେହେଁ ଡ଼ାଞ୍ଜାଦୁ**

୧୨ ନା ଜୀସୁତି ତଣେସିଙ୍ଗା, ମୀରୁ ବାରେବେଲା ନାଙ୍ଗେ ମାନଞ୍ଜି ଆହିମାଞ୍ଜାଦେରି, ଇଚିହଁ ନା ନକିତା କିନିଲେହେଁ ଆଏ, ସାମା ନୀର୍ସି ନା ହିଲିଆ ବେଲାତା ହାରେକା ଆଜିତଲେ ତୀରଗିହଁ ମୀରୁ ଗେଲ୍ପି ଆହାଲି ତାଲି କାମା କିଦୁ ୧୩ ଇଚିହଁ ମିଙ୍ଗେ ତାନି କାମା କିହାଲିତାକି ଇଚା ଅଡ଼େ ବାଡ଼ୁଲୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି ।

୧୪ ମୁରୁ ମୁରୁ ଅଡ଼େ ବାଦିବାଦା ଆଆନା ମୀ ବାରେ କାମା କିଦୁ, ୧୫ ଏଲେକିତିହଁ ମୀରୁ ଦହ ହିଲିଆଗାଟାତେରି ଅଡ଼େ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ରା ମାହାପୁରୁତି ଦହ ହିଲିଆଗାଟି ମୀରକା ମାସକାତେରି ଆଦେରି; ଏଞ୍ଜାରିତାଣା ମୀରୁ ଜୀସୁତି ବଲୁ ଆସାନା ଦାର୍ତ୍ତିତି ଉଜେଡ଼ି ଲେହେଁ ମୀରୁ ତଞ୍ଜା ଆହିମାଞ୍ଜେରି; ୧୬ ଏମ୍ବାଟି ନାନୁ ଉଜେଏ ହଟି ହିଲିଆଁକି ଉଜେଏ କାମା କିହିହିଲିଆଁ, ଏ ବାରେତାକି କ୍ରୀସୁତି ଦିନାତା ବଡ଼ପଣ କିହାଲି ଆଡ଼ିଲ୍ ।

୧୭ ନା ନେତେରି ମୀ ନାନୁ ତାକି ସେବାତା ଗସାଲି ପୂଜା ହାନି ନେତେରିଲେହେଁ ଡ଼ାଞ୍ଜାଲି ଆହିମାନେ, ଆଡ଼ିହଁ ନାନୁ ରାହାଁ ଆହିମାଲ୍, ଅଡ଼େ ମୀ ତଲେ ଆଣ୍ଟାନା ରାହାଁ କିହିମାଲ୍, ୧୮ ଅଡ଼େ ଏଲେକିହଁ ମୀରୁ ରାହାଁ କିଦୁ ଇଞ୍ଜା ନା ତଲେ ରାହାଁ କିଦୁ ।

**ତିମତି ଅଡ଼େ ଏପାପୁଦିତ**

୧୯ ସାମା ନାନୁ ତିମତିଲ୍ ତବେ ପାଣ୍ଟାଲ୍ ଇଞ୍ଜି ପ୍ରବୁ ଜୀସୁ ତାଣା ଆସା କିହିମାଲ୍, ଏନିକଁ ମୀ କାତା ଝେଞ୍ଜାନା ନାନୁ ଜିକେଏ ରାହାଁ ଆଲ୍ । ୨୦ ଏଞ୍ଜାସି ରଅସିଏ ନା ଲେହେଁତି ଅଣ୍ପୁ ଗାଟାସି ଇଞ୍ଜା ଏଞ୍ଜାସି ସାତେଏ ମିଙ୍ଗେତାକି ଅଣ୍ପି ମାଞ୍ଜାନେସି । ୨୧ ଇଚିହଁ ବାରେଜାଣା ଜୀସୁ କ୍ରୀସୁତି ସେବା କିହାଲି ଅଣ୍ପାଆନା, ଝାବ୍ଲ ତାମି ନେହାଁଣି ପାରାଲି ଅଣ୍ପିନେରି । ୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରୁଏସି ଆବାତି ସେବା କିନିଲେହେଁ, ଏଞ୍ଜାସି ନେହଁ କାବୁ ଝେକ୍ନି କାମାତା ନା ତଲେ ସେବା କିହାମାଚେସି । ୨୩ ଇଚିହଁ ନାଙ୍ଗେତାକି ଏନାୟି ଆନେ, ଏଦାଆଁ ପୁଟିସାରେ ଏଞ୍ଜାଣାଲ୍ ମୀ ତାଣା ପାଣ୍ଟାଲ୍ ଇଞ୍ଜି

ଆସା କିହିମାଲ୍; ୨୪ ପ୍ରବୁ ତାଣା ବାସୁ କିହିମାଲ୍ ନାନୁ ଜିକେଏ ମୀ ତାଣା ତବେ ଝାଲ୍ ।

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଝାକିଟି ଜୁଜୁ କିନାସି, ଇଞ୍ଜା ନା ଲଡ଼ାମାନାଣି ସାୟେମି କିହାଲି ମୀ ତାଣାଟି ପାଣ୍ଟାଆହାମାନି ସେବାକିନି ଏପାପୁଦିତାଲ୍ ମୀ ତାଣା ପାଣ୍ଟାଲି ଅଣ୍ପିମାଲ୍; ୨୬ ଇଚିହଁ ଏଞ୍ଜାସି ବାରେତେରି ମିଙ୍ଗେ ମେସାଲି ହାରେକା ଅଣ୍ପିମାନେସି, ଅଡ଼େ ଏଞ୍ଜାସି ଆଡ଼ିହିଲଅସି ଇଞ୍ଜି ଝେଚାକି ହାରେକା କିଲିବିଲି ଆହିମାନେସି; ୨୭ ହାଅ, ଏଞ୍ଜାସି ହାନିଲେହେଁ ଆହାମାଚେସି, ସାମା ମାହାପୁରୁ ଏଞ୍ଜାଣାଲ୍ କାର୍ମା ମେସ୍ତେସି, ଏଞ୍ଜାଣାଲ୍ଦେହେଁ ଆଏ ସାମା ଏନିକଁ ନାଙ୍ଗେ ଦୁକୁ ଲାକ ଦୁକୁ ଝାଏ ଏଦାଆଁତାକି ନାଙ୍ଗେ ଜିକେଏ କାର୍ମା ଆୟାତେସି । ୨୮ ଏଦାଆଁତାକି ମୀରୁ ଏଞ୍ଜାଣାଲ୍ ଝେଣ୍ଟେ ମେସାନା ରାହାଁ ଆଦେରି ଇଞ୍ଜା ନା ଦୁକୁ ଏନିକଁ ଉଣା ଆନେ, ଏଦାଆଁତାକି ନାନୁ ଏଞ୍ଜାଣାଲ୍ ପାଣ୍ଟାଲି ହାରେକା ଜାଡ଼ୁ ଆଡେଏ । ୨୯ ଏଦାଆଁତାକି ମୀରୁ ଏଞ୍ଜାଣାଲ୍ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜା ଇଲେତି ଗୁଣ୍ଟାଟି ଲକୁଣି ମାନି କିଦୁ; ୩୦ ଏଦାଆଁତାକି ଇଚିହଁ ମୀରୁ ନାଙ୍ଗେ ଏମିନି ସାୟେମି କିହାଲି ଆଡ଼ାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସୁତି କାମାତା ତାନି ଜୀସୁତି ବାଦା ହୀହାନା ହାନିଲେହେଁ ଆହାମାଚେସି ।

**୩**

**ସାତା ତୀରିଗାଟାୟି**

୧ ନା ତାୟି ଅଡ଼େ ତାଙ୍ଗିସ୍ତାତେରି, ବାରେତି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଚାଲି ନାଙ୍ଗେତାକି ଝାହୁ ହଟିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ । ୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା; ୩ ଏଦାଆଁତାକି ଇଚିହଁ ମୀରୁ ସାତେଏ ତଲୁ ଦାପି ଆହାମାନାତାୟି, ଇଚିହଁ ମୀରୁ ସୁଦୁଜୀସୁତି ସାୟେମି ବେଟାଆହାନା ମାହାପୁରୁଲ୍ ସେବା କିହିମାନାୟି, ଇଞ୍ଜା ଆଙ୍ଗାତି ଲଡ଼ା ଆନି ମେରା ବାସୁ କିଆନା କ୍ରୀସୁ ଜୀସୁ ତାଣା ବଡ଼ପଣ ଆନ । ୪ ନାନୁ ଆଙ୍ଗାତି ପାଣାପାଟୁତା ଜିକେଏ ବାସୁ ଇଚାଲି ଆଡ଼ିତେଏମା; ଅଡ଼େ ଆମ୍ବାଆସି ଆଙ୍ଗାତି ମେରାତା ବାସୁ ଇଚାଲି ଆଡ଼ିତେଏମା ଇଞ୍ଜି ଅଣ୍ପିନେସି, ଆଡ଼ିହଁ ନାନୁ ଏଞ୍ଜାଣି ଆଗାଡ଼ା ଆଡ଼ିଲ୍; ୫ ନାନୁ ଜାର୍ନା ଆହାଁ ଆଟାଦିନା ଆହାଲିଏ ତଲୁ ଦାପି ଆଡ଼ାତେଏ, ଇଞ୍ଜା ଇସ୍ରାୟେଲ ଲକୁତି ବିନ୍ୟାମିନ୍ କୃତାତା ଜାର୍ନା ଆଡ଼ାତେଏ, ମା ଆକୁ ଆବାୟା ର ଏବ୍ରିୟ ଲକୁ ମାଚେରି, ମେରା

☆ ୩:୫ ୩:୫ ରମି ୧୧:୧; କାମା ୨୩:୭; ୨୭:୫ ☆ ୩:୬ ୩:୬ କାମା ୮:୩; ୨୨:୪; ୨୭:୯-୧୧

ମାନୁଷି ଆନି ତାଣ୍ଡାଟି ନାନୁ ର ପାରୁସି ଲକ୍ଷ୍ମଣେଏ,  
 ୬ ହାରେକା ରାହାତଲେ ନାନୁ କ୍ରୀସ୍ତାନା କୁଲମିତି  
 ସାସ୍ତି ହାନାତେଏ, ଇଞ୍ଜା ମସାତି ମେରାତି ଦାମ୍ଭୁତା  
 ନାନୁ ଦହ ହିଲାଆଗାଟେଏ ତଞ୍ଜା ଆହିମାତେଏ  
 । ୭ ସାମା ଏନାୟି ନାଲୋତାକି ଲାଡ଼ା ମାଟେ, ଏ  
 ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜ  
 ଅଣ୍ପାମାଲ୍ । ୮ ନାନୁ ନା ପ୍ରବୁ ଜୀସୁ କ୍ରୀସ୍ତତି  
 ବୁଦି ହାରେକା ଦାରାଗାଟାୟି ଇଞ୍ଜ ପୁଞ୍ଜାନା  
 ଏଟକାତାଣି ଉଜେଏତାୟି ଇଞ୍ଜ ପିସାଡୁସେଏ;  
 ଏଞ୍ଜାଣି କସମି ବାରେ ହିଲାଆଗାଟାଣି ଅରୁହେତେଏ  
 ଅଡେ ଏ ବାରେ ତୁକ୍ ଗମ୍ ଲେହେ ଆଡେଏ,  
 ଏନିକ୍ ନାନୁ କ୍ରୀସ୍ତଲ୍ ମେଡାଆଲ୍, ଇଞ୍ଜା ତାନି  
 ଲକ୍ଷ୍ମଣ ତଞ୍ଜା ଆଲ୍ । ୯ ଅଡେ ମସାତି  
 ମେରା ମାନୁଷି ଆହାଁ ତାରିଗାଟାଣି ମେଡା ଆଆନା,  
 ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣ୍ଡାଟି  
 ମାହାପୁରୁ ହାହାମାଞ୍ଜାନି ନାମୁତି ତାରିଗାଟାଣି  
 ମେଡାଆଲ୍, ୧୦ ଏନିକ୍ ନାନୁ ଏଞ୍ଜାଣାଲ୍ ତାନି  
 ଝେଣ୍ଡେ ନିଜ୍ଜିତି ବାଡ଼ୟୁ ଇଞ୍ଜା ଏଞ୍ଜାଣି ହାକିତା  
 ଏଞ୍ଜାଣିଲେହେ ଦୁକୁ କସ୍ତତା ଆଣ୍ଡିନାଣି ପୁଞ୍ଜାଲି  
 ଆଡ଼ିଲ୍, ୧୧ ଏଦାଣିତାକି ହାଡାରି ତାଣ୍ଡାଟି ନାଲୋ  
 ନିକ୍ହାନେସି ଇଞ୍ଜ ଆସା କିହିମାଲ୍ ।

**ଗୁରି ଇଟାମାନି ଟାୟୁତା ହଣ୍ଡନାୟି**

୧୨ ନାନୁ ନାଏ ଏ ବାରେ ବେଟାଆହାମାଲ୍ ଇଞ୍ଜା  
 ନେହାତେଏ ଆହାମାଲ୍, ଏଡି ଆଏ, ସାମା କ୍ରୀସ୍ତ  
 ଜୀସୁ ତାଣ୍ଡାଟି ଆଡ଼ି ଆହାମାନାକି ଏଦାଆଁ ଆସାଲି  
 ହଟିମାଲ୍ । ୧୩ ନା ତାୟି ଅଡେ ତାଜିସ୍ତା ନାନୁ  
 ନାଏ ପାତେକା ଆସାମାଲ୍ ଇଞ୍ଜ ଅଣ୍ପି ହିଲଅଁ,  
 ସାମା ନାନୁ ର କାମା କିହିମାଲ୍, ଇଚିହ୍ ତାୟୁ  
 ମାନି ବାରେ କାତା ହେକ କିହାନା ନକିତା ମାନାଣି  
 ମେସାନା ହଟିମାଲ୍, ୧୪ କ୍ରୀସ୍ତ ଜୀସୁ ସାୟେମି ତଲେ  
 ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ  
 ନାଲୋ ହାଟାମାଞ୍ଜାନେସି ଏ ଦାନା ବେଟାଆହାଲି  
 ତାକି ଗୁରି କିହାମାନି ଟାୟୁ ଝାକି ଜୀସୁ ତୁସାନା  
 ହଟିମାଲ୍ ।

୧୫ ଏଦାଆଁତାକି ଝାଦୁ, ମାର ଏତେକା ଲକ୍ଷ୍ମ  
 ଟିକାଣା ଗାଟାତାୟି, ଇଲେତି ମନତଲେ ଅଣ୍ପିନ,  
 ସାମା ଏ ବାରେ କାତାତାକି ମୀ ଏଟକାତି ଅଣ୍ପୁ  
 ମାଟିହ୍, ଆତିହ୍ ଇଦାଆଁ ଜିକେଏ ମାହାପୁରୁ  
 ମୀ ନକିତା ପୁଣ୍ଡି କିୟାନେସି; ୧୬ ନୀଞ୍ଜୁପାତେକା  
 ମାର ଏମିନି ମେରା ମାନୁଷି ଆହାନା ଝାହାମାନାୟି,  
 ଏଲେକିହ୍ ଏ ନକିତା ହାଜାଅନ ।

୧୭ ହାୟି ତାଜିସ୍ତା ମାରୁ ବାରେ ଆଣ୍ଡି ଆହାନା  
 ନା ଲେହେକି ତାକାଦୁ, ଇଞ୍ଜା ମା ତାଣା ଏମିନି  
 ତାରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି  
 ଏଲେକିହ୍ ତାକିନେରି ଏଞ୍ଜାରେଲ୍ ସିନିକଦୁ ।  
 ୧୮ ଇଚିହ୍ ହାରେକା ଇଲେକ୍ ମାନେରି,

ଆମାଆରି ମାଣକିତି କାତା ଅଲେ ଅଲେ ମିଲୋ  
 ଝେସାମାଞ୍ଜାଲ୍, ଇଞ୍ଜା ନାଏ ଜିକେଏ ମିଲୋ ଡାହି  
 ଡାହି ଝେସିମାଞ୍ଜାଲ୍, ଏଞ୍ଜାରି ବାରେ କ୍ରୀସ୍ତତି ପାସି  
 ମୁଣ୍ଡାତି ସାଡୁ ଆହାମାନେରି; ୧୯ ଏଞ୍ଜାରି ବାରେ  
 ନକିତା ନାସା ଆନାରି, ଆଜାତି ଅଣ୍ପୁ ଏଞ୍ଜାରି  
 ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି  
 ଏଞ୍ଜାରି ବଡପଣ କିନେରି, ଇଞ୍ଜା ଦାରତି ତାଣି  
 ବାରେ ଅଣ୍ପେ ମାନେରି । ୨୦ ମାର ବାରେ  
 ଲାକପୁରୁତି ଲକ୍ଷ୍ମଣାୟି, ଇଞ୍ଜା ଏମାଟି ଜିକେଏ  
 ମାଲୋ ଗେଲ୍ପାନି ପ୍ରବୁ ଜୀସୁ କ୍ରୀସ୍ତତି ଝେଣ୍ଡେ  
 ଝାନାଣି କାଡ଼ିମାନମି; ୨୧ ଏଞ୍ଜାସି ତାନି ଏମିନି  
 କାମା କିନି ବାଡ଼ୟୁତି ବାରେତି ତାନି ତାଣା ଇଟାଲି  
 ଆଡ଼ିମାନେସି, ଏମାଟି ମା ବାଡ଼ୟୁ ହିଲାଆଗାଟି  
 ଆଜାତି ତାରି ମୁସ୍ତହାନା ତାନି ଗାଞ୍ଜୁରିମିଗାଟି ଆଜା  
 ଲେହେ କିୟାନେସି ।

**୪**

**ହୁକୁମି ହାନାୟି**

୧ ଏଦାଆଁତାକି ଏ ନା ଜୀସୁତି ତାୟି ତାଜିସ୍ତା  
 । ମିଲୋତାକି ନାଲୋ ଏତେକା ରାହାତି ଟପେରି  
 ଲେହେ । ନାନୁ ଜାପୁହାତି ଲେହେ ପ୍ରବୁ ତାଣା  
 ତାରିଆହାଁ ନୀତାବାଡକାଦୁ ।

୨ ପ୍ରବୁ ତାଣା ରଣ୍ଡିଏ ଅଣ୍ପୁ ତଲେ  
 ମାଞ୍ଜାଲି ଇୟଦିୟା ଅଡେ ସୁବୁକ୍ତି ରିଣ୍ଡାସିକାଣି  
 ବାଡ଼ିମାଲିମାଲ୍ । ୩ ନା କାମାତା ଆଣ୍ଡାନା  
 ମାନି ତଲେ କାମା କିନାତି, ନିଲୋ ଜିକେଏ  
 ବାଡ଼ିମାଲିମାଞ୍ଜାଲ୍ ଇ ରୀ ତାଜିସ୍ତାଣି ସାୟେମି  
 କିମ୍, ଏନାଆଁତାକି ଇଚିହ୍ କ୍ଲେମେନ୍ସ୍ ଅଡେ  
 ନା ତଲେ କାମାକିନାରି ତଲେ ନେହ୍ କାଡୁ  
 ଝେକହାଲି ନା ତଲେ କାମା କିହାମାନୁ; ଇଞ୍ଜା ନା  
 ତଲେ କାମା କିହାମାନାରି ଦରକା ଜୀସୁତି ପତିତା  
 ରାସ୍ତି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡେ  
 ଝେଣ୍ଡେ ଝେସିମାଞ୍ଜାଲ୍ ରାହାଁ କିଦୁ ।

୫ ବାରେ ଲକ୍ଷ୍ମ ନକିତା ମୀ ସୁଦୁ ସୁଞ୍ଜାଲା  
 ଅଣ୍ପୁ ତଞ୍ଜା ଆପେ । ପ୍ରବୁ ଝାନାୟି ତାଗେ  
 ଝାଡେୟିଏ । ୬ ଏନାଆଁତାକି ଜିକେଏ ଅଣ୍ପାଆଦୁ,  
 ସାମା ବାରେତାକି ପ୍ରାତାନା ଇଞ୍ଜା ଜହରା ତଲେ  
 ମୀ ଲଡାମାନାଣି ମାହାପୁରୁ ନକିତା ଝେହ୍ଦୁ ।  
 ୭ ଏତେଟିଏ ତେଲହାଲି ଆଡାଆଗାଟି ମାହାପୁରୁତି  
 ହିଡଡି ମୀ ହିୟାଁ ଅଡେ ଅଣ୍ପୁତା କ୍ରୀସ୍ତ ଜୀସୁ  
 ସାୟେମି ତଲେ ଗେଲ୍ପାନା ଇଟାନେସି ।

୮ ଏ ତାୟି ତାଜିସ୍ତା, ଏନାୟି ନେହାୟି, ଏନାୟି  
 ସାତା, ଏନାୟି ଲଡା ମାନାୟି, ଏନାୟି ଟିକାଣାତାୟି,  
 ଏନା ଏନାୟି ଅତିତାୟି, ଏନାୟି ଜୀଞ୍ଜୁନନାୟି,  
 ଏନାୟି ମନ କିତି ରାନ୍ଦା, ଏନାୟି ଜୀସୁତା ନେହାୟି,  
 ଏନାୟି ସାତା ଗୁଣ୍ଡ ମାନେ ଏ ବାରେ କାତା

☆ ୩:୧୭ ୩:୧୭ ୧କର ୪:୧୬; ୧୧:୧

ଅଣପେମାଣ୍ଡୁ । ୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏମାଆଁ ହିଡ଼ଡ଼ି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

**ଦାନା ତାକି ଜହରା**

୧୦ ବାରେତି ଡାୟୁ ନା ତାକି ମୀ ଅଣପୁ ତଞ୍ଜା ଆହାମାନେ, ଏଦାଆଁତାକି ପ୍ରୁ ତାଣା ରାହାଁ କିହିମାଈ; ସାତେଏ ନା ତାକି ମୀ ଅଣପୁ ମାଚେ, ସାମା ପାରୁ ମେଡା ଆହି ହିଲାଆତେରି । ୧୧ ନାଞେ ଏନାୟି ଉଣା ମାନାକି ଝେସିମାଞ୍ଜଅଁ, ଏନାଆଁତାକି ଇଚିହଁ ନାନୁ ଏନିଆହଁ ମାଚିହଁ ଜିକେଏ ରାହାଁତଲେ ମାଞ୍ଜାଲି ଜାପାମାଈ । ୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜା ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଈ, ବାରେବେଲା ବାରେଝାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେମ୍ବାଲି ଇଞ୍ଜା ହିଲାଆ ବେଲାତା ନୀତାଲି ଜିକେଏ ଜାପାମାଈ । ୧୩ ନାଞେ ବାଡ଼ୟୁ ହିୟାନି କ୍ରୀସୁ ତାଣାଟି ବାରେ କିହାଲି ଆଡ଼ିଈ ।

୧୪ ଆଡ଼ିଜିକେଏ ମୀରୁ ନା କସୁତା ଆଣ୍ଡାମାନାକି ନେହଁ କାମା କିହାମାଞ୍ଜେରି । ୧୫ ପିଲିପିୟୁ ଲକୁଡେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହଁ କାରୁ ଝେକହାଲି ମାଟୁହି ବେଲାତା ଏଡେତା ନାନୁ ମାକିଦନିୟାଟି ହାଚାଟି ଏଚିବେଲା ମୀ ପିସପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହାନାଣି ଅନାଣି ଲେକା ଇଟାହିଲାଆତେରି । ୧୬ ଇଚିହଁ ନାନୁ ତେସଲନିକିତା ମାଚିବେଲାତା ଜିକେଏ ମୀରୁ ନା ଲଡ଼ା ମାଚାଣି ମେସାନା ହାରେକା ଦେବା ଦାନା ପାଣ୍ଡାତେରି । ୧୭ ନାନୁ ମୀ ତାଣାଟି ଦାନା ଅହାଲି ଅଣପି ହିଲଅଁ, ସାମା ଏମିନି ପାଡ଼େୟିଟି ମୀ ଲେକା ହାରେ ହାରେକା ପାତାଆହିମାନେ, ଏଦାଆଁତି ନାନୁ ମେସାଲି ଅଣପିମାଈ । ୧୮ ନାନୁ ବାରେ ବେଟାଆହାମାଈ, ଇଞ୍ଜା ନାଞେ ହାରେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପୁଦିତ ତାଣାଟି ବେଟାଆହାମାଈ, ଏ ବାରେ ନାଞେତାକି ସାରି; ଏ ବାରେ ମାହାପୁରୁ ନକିତା ହେର୍ପାନା ହୁଡ଼ିମାନି ଗାନ୍ଦାଗାଟି ଦୁପଣି ଲେହେଁତାୟି । ୧୯ ଅଡ଼େ ନା ମାହାପୁରୁ କ୍ରୀସୁ ଜୀସୁ ତାଣା ତାନି ଗାଞ୍ଜୁରମି ଦନଟି ମୀ ଲଡ଼ାମାନାଣି ହିୟାନେସି । ୨୦ ମା ଆବା ମାହାପୁରୁକି କାଲାକାଲାତାକି ଗାଞ୍ଜୁରମି ଆପେ । ଆମେନ୍ ।

୨୧ କ୍ରୀସୁ ଜୀସୁ ଦରୁତଲେ ବାରେ ମାହାପୁରୁ ଲକୁଈ ଜହରା ଝେହ୍ଦୁ, ନା ତଲେ ଇ ଟାୟୁତା ମାନି ତାୟି ତାଜିସ୍ତା ମିଞେ ଜହରା ପାଣ୍ଡିମାଞ୍ଜାନେରି । ୨୨ ବାରେ ମାହାପୁରୁ ଲକୁ ଇଚିହଁ ବାରେକିହାଁ କାୟିସର ଇଲୁତା ମାନାରି ଏଞ୍ଜାରି ମିଞେ ଜହରା ପାଣ୍ଡିମାଞ୍ଜାନେରି ।

୨୩ ପ୍ରୁ ଜୀସୁ କ୍ରୀସୁତି କାର୍ମାମେହନାୟି ମୀ ବାରେ ଜୀଞ୍ଜୁତା ମାଣ୍ଡେ ।

**ଜହରା କିହାନା ଆକୁତି ରାପ୍ନାୟି**

## କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

କଲସିୟ ଆକୁ ଆହିମାନେ ପାଞ୍ଚୁଲ ତାଣାଟି ରାଚିତି ଆକୁ ୧:୧ । ପାଞ୍ଚୁଲ ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ଷା ତାୟୁ ଏଝାସି ରମ୍ ଗାଡ଼ାତି କାୟିଦିତା ମାଚାଟି ଇ ଆକୁ ରାଚାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି । ଇତିହ୍ୟ ପାଞ୍ଚୁଲ କାୟିଦିତା ମାଚାଟି ଇ ଆକୁ ରାଚାମାନେସି । ଏଝାସି କଲସିୟ ଗାଡ଼ାତା ମାନି କୁଲମିତାକି ଇ ଆକୁ ରାଚାମାନେସି । ପାଞ୍ଚୁଲ ଇ କୁଲମିତି ମାଟ୍‌ହା ହିଲାଆତେସି ୨:୧ ସାମା ଝେସିମାନେ, ହାରେକା ଏମ୍‌ାତି ଦାୟିପତି ମାନି କାତା ଏଝାସି ଝେସିମାନେସି । ଏପାପସ୍ ଇ କୁଲମି କିହାମାନେସି ଇତିହ୍ୟ ଏଝାସି କଲସିୟତାସି ମାନେସି ।

ପାଞ୍ଚୁଲ କଲସିୟ କୁଲମିତି ଏରେକା ମିତି ଜାପ୍‌ନାରି କାତାତାକି ଅଣ୍‌ପିମାନେସି । ଏଝାସି ଇ କାତାତାକି ହାରେକା ଗାଡ଼ିକିହ୍ୟ ରାଚାମାନେସି । ଇମ୍‌ାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଟାରି ଜୀହୁଦିଆଆଡ଼ି କ୍ରୀସ୍ତାନା ଲକୁଇଁ ପ୍ଲୁଠଇ ମେରାତି ଜୀହୁଦି ପାଣାପାରୁ, ଇତିହ୍ୟ ତଲୁ ଦାପିଆନି ମେରା ମାନଝି ଆହାଲି ବାଲାମାତମି କିହାଲି ଅଣ୍‌ପିମାନେରି । ପାଞ୍ଚୁଲ ବାରେକିହ୍ୟ ଲଡ଼ାହିଲଆ କ୍ରୀସ୍ତାନା ଲକୁତି କାତା ରାଚିମାନେସି, ରଅସି ଆମ୍‌ାଆସି ଜିକେଏ ଆପେସି କ୍ରୀସ୍ତତି ପିସ୍‌ପେ ମାହାପୁରୁ ତାଣା ନେହ୍ୟସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣସି ବାଦିବାଦା ତଲେ ଜାପ୍‌ନି କାତା ଉଜେଏତାୟି ୨:୮ ।

### ପତିତା ମାନାୟି

- ୧. ଜହରା କିହାନା ଆକୁତି ମାଟ୍‌ନାୟି । ୧:୧-୨
- ୨. କ୍ରୀସ୍ତତି କାଜାପାଣା ଅଡ଼େ ମିତି ଜାପ୍‌ନାରି ଝେଣ୍ଡେ ଜଲିନାୟି । ୧:୩-୩:୪
- ୩. ନେହ୍ୟ କ୍ରୀସ୍ତାନା ଲକୁ ଆହାନା ନୀତାଲି ଝେହ୍‌ନାୟି । ୩:୫-୪:୬
- ୪. ଆକୁତି ଏଟ୍‌କା କୁଲମିତା ପଡ଼ଝି ଆହାଲି ଇଞ୍ଜା ଜହରା ତଲେ ଆକୁତି ରାପ୍‌ନାୟି । ୪:୭-୧୮

୧ ପାଞ୍ଚୁଲ, ମାହାପୁରୁତି ଅଣ୍‌ପୁ ତଲେ କ୍ରୀସ୍ତ ଜୀସ୍ତତି ପାଣ୍ଡୁଝିଆହାମାନି ସୀସୁ ଅଡ଼େ ମା ତାୟି ତିମତି ।

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଲିସ୍‌କାକି ଆକୁ ରାଚିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍‌ନାୟି ଅଡ଼େ ହିଡ଼ି ଜୀସ୍ତ ମିଜେତାକି ଆୟାପେ ।

### ଜହରା ପ୍ରାତାନା

୩ ମାମ୍‌ୁମିଜେ ତାକି ପ୍ରାତାନା କିହାନା ମା ପ୍ରୁ ଜୀସ୍ତ କ୍ରୀସ୍ତତି ଆବା ମାହାପୁରୁଇଁ କାଲେଏ ଜହରା କିହିମାନମି; ୪ ଏନାଆଁତାକି ଇତିହ୍ୟ ମାମ୍‌ୁକ୍ରୀସ୍ତ ଜୀସ୍ତ ତାଣା ମୀ ନାମ୍‌ୁ ଅଡ଼େ ମାହାପୁରୁ ଲକୁଣି ଜୀସ୍ତନହ୍ୟା ମାନାଣି ଝେଞ୍ଜାମାନମି । ୫ ଏତିରେଲା ନେହ୍ୟ କାତୁତି ସାତା ବଲୁ ମୀ ତାଣା ମୂଲୁଏ ଝାଡ଼େ, ମୀରୁ ଏଦାନି ତାଣାଟି ହୀପ୍‌କିଆଡ଼ି ବାର୍ସୁତି କାତା ଝେରେରି । ମୀରୁ ଏନାଆଁ ବାର୍ସୁ କିଦେରି, ଏନାୟି ମୀ ତାକି ଲାକପୁରୁ ଇଟ୍‌କି ଆହାମାନେ, ଏମ୍‌ାଆଁ ମୀ ନାମ୍‌ୁ ଅଡ଼େ ଜୀସ୍ତନନାୟି ତୟାମାନେ । ୬ ଏ ନେହ୍ୟ କାତୁ ମୀ ତାଣା ଝାହାମାନେ, ଇଞ୍ଜା, ଏଦି ଏନିକ୍ୟ ବାରେ ଦାଚ୍‌ତିତା ପାଡ଼େୟି କାମ୍‌ାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ମା ମେଡ଼ାଆତେରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ । ୭ \*ମା ତଲେ କାମା କିନି ଜୀସ୍ତତି ତାୟି ଏପାପା ତାଣାଟି ମାହାପୁରୁତି କାର୍ମାମେହ୍‌ନି କାତା ଜାପାମାଞ୍ଜେରି; ଏଝାସି ମିଜେ ତାକି କ୍ରୀସ୍ତତି ର ମାନି ତଲେ ସେବା କାମାକିନାସି; ୮ ଏଝାସି ସୁଦୁଜୀସ୍ତ ତଲେ ମିଜେ ହୀହାମାଞ୍ଜାନି ଜୀସ୍ତ ନଝିଆନି କାତା ମାଜେ ଝେସାମାଞ୍ଜାନେସି ।

୯ ଇଦାଆଁତାକି ମୀ କାତା ଝେଟି ଦିନାଟିଏ ମାମ୍‌ୁ କାଲେଏ ମୀ ତାକି ପ୍ରାତାନା କିହିମାନମି । ମୀରୁ ବାରେ ସୁଦୁଜୀସ୍ତତି ବୁଦି ଅଡ଼େ ତେଲ୍‌ହିନି ବାଡ଼ୟୁ ତଲେ ମାହାପୁରୁତି ବାରେ ଅଣ୍‌ପୁ ଏନିକିହ୍ୟ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି । ୧୦ ବାରେ ଜୀସ୍ତତି ବୁଦିତା ପ୍ରୁଇଁ ବାରେ ତାଣା ରାହ୍ୟା କିୟାଲି ତାନି ଜଟେତି ମାଣ୍‌କି ତଲେ ତାକାଦୁ, ଇତିହ୍ୟ ମାହାପୁରୁତି ବୁଦିତା ପାତାଆହାନା ନେହ୍ୟ କାମାତି ପାଡ଼େୟି ଆୟାଦୁ । ୧୧ ଇଞ୍ଜା ବାରେ କାମାତା ସାସାତଲେ ଅଚ୍‌ହାଲି ତାକି ତାନି ଗାଝୁରମି ଇଞ୍ଜା କାଜାପାଣା ତଲେ ବାରେ ବାଡ଼ୟୁଟି ବାଡ଼ୟୁ ଗାଟାତେରି ଆଦୁ, ୧୨ ଇଞ୍ଜା ଆମିନି ଆବା ମାହାପୁରୁ ଲକୁଣି ଉଜେଡ଼ି ରାଜିତା ଆଣ୍ଡାଲି ତାକି ଜଟେ କିହାନା ଅଦିକାରା ହୀହାମାଞ୍ଜାନେସି, ଏଦାଆଁତାକି ଏଝାଣାଇଁ ରାହ୍ୟାତଲେ ଜହରା କିଦୁ । ୧୩ ଏଝାସି ମାଜେ ଆହେରିତି ବାଡ଼ୟୁଟି ପିସ୍‌ପି କିୟାତେସି ଅଡ଼େ ତାନି ଜୀସ୍ତତି ମୀରୁଏଣାତି ରାଜିତା ମାଜେ

\* ୧:୭ ୧:୭ କଲସି ୪:୧୨; ପିଲିମ ୧:୨୩    \* ୧:୧୪ ୧:୧୪ ଏପିସି ୧:୭

ତାତାତେସି । ୧୪ \*ଏ ମୀରୁଏଣି ତାଣାଟି ମାର  
ଗେଲ୍ପି ଆହାମାନାୟି ଇତିହିଁ ମା ପାପୁ ବାରେ  
ମ୍ବେପ୍ପକି ଆହାମାନେ ।

**କ୍ରୀସ୍ତ ଅଡ଼େ ତାନି କାମା**

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନ୍ତି  
ଝାଣା ଗାଟାସି, ଏଝାସି ନକେଏ ଜାର୍ନାଆତି  
ମୀରୁଏସି, ଇଞ୍ଜା ବାରେ ଗାଡ଼ି ଆଡ଼ି କିହାଁ କାଜାସି,  
୧୬ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଗାୟି  
ଲାକପୁରୁ ଅଡ଼େ ଦାରତିତା ବାରେ ଏଝାଣି ତାଣାଟି  
ଗାଡ଼ି ଆହାମାନେ, ସିଂଗାସାଣି କି କାଜାପାଣା କି  
ଅଦିକାରା କି ସାଲୁଝି କିନାୟି ବାରେ ଏଝାଣି ତାଣାଟି  
ଇଞ୍ଜା ଏଝାଣି ତାକି ଗାଡ଼ି ଆହାମାନେ; ୧୭ ବାରେ  
ଗାଡ଼ି ଆଡ଼ି ନକେଏ କ୍ରୀସ୍ତ ମାଚେସି, ଇଞ୍ଜା ଏଝାଣି  
ତାଣା ଆଣ୍ଟାମାନାକି ବାରେ ଗାଡ଼ିଆଡ଼ାଇ ତାମ୍ବୁ ମାନି  
ଟାୟୁତା ମାନୁ । ୧୮ \*କ୍ରୀସ୍ତ କୁଲମି ଲେହେଁତି  
ଆଙ୍ଗାତି ତାୟୁଁ ଲେହେଁତାସି, ଏ ଆଙ୍ଗାତି ଜୀଝୁ  
ବାଡ଼ୁୟୁ । ବାରେ ତାଣା ନକିତା ଆହାଲି ତାକି  
ଏଝାସି ହାଡ଼ାରି ତାଣାଟି ନକେଏ ନିଙ୍ଗାମାନେସି  
। ୧୯ ଏନାଆଁତାକି ଇତିହିଁ ମାହାପୁରୁତି ଅଣ୍ପୁ  
ଲେହେଁ ମୀରୁଏସି ତାନୁଏ ମାହାପୁରୁତି ବାରେ  
ମାଣ୍ଟକି ଆସା କତାମାନେସି, ୨୦ \*ଅଡ଼େ ତାନି  
ମୀରୁଏଣା କୁସତି ନେତେରି\* ତଲେ ଏଝାସି ହିଡ଼ଡ଼ି  
ତୀରି କିହାନା ଏଝାଣି ତାଣାଟି ତାନିତଲେ ବାରେ  
ଲକୁଣି କାଲ୍ନେସି, ହାଅ ଏଝାଣି ତାଣାଟି ଦାରତିତା  
ଅଡ଼େ ଲାକପୁରୁ ମାନାଣି ବାରେ କାଲୁଝି କିନେସି ।

୨୧ ଅଡ଼େ ନକେଏ ର ବେଲାତା ମନତା  
ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି  
ଏଟକା ଅଡ଼େ ହେକ ମାଚେରି ଇଞ୍ଜା ମନତା ତାନି  
ସାତୁ ମାଚେରି, ୨୨ ସାମା ନୀର୍ଏ ମାହାପୁରୁ ମିଙ୍ଗେ  
ଜିକେଏ ତାନି ନକିତା ସୁଦୁ ଗାଟାଚେରି, ନିନ୍ଦା  
ଅଡ଼େ ଦହ ହିଲାଆଗାଟାଚେରି କିହାଲି ତାନି  
ମୀରୁଏଣା ଆଙ୍ଗାତି ହାକି ତଲେ ମିଙ୍ଗା ତାନିତଲେ  
କାଲ୍ହା ମାଞ୍ଜାନେସି; ୨୩ ମୀରୁ ର ତୀରପୁ ଆଟ୍ଝା  
ପୁନାଦି ଲାକ ଡ଼ୟାଦୁ ଅଡ଼େ ନେହିଁ କାବୁ ଝେନି  
ବେଲାତା ଏମିନି ବାସୁଁ ଇଟାମାଚେରି ଏମ୍ପାଟି  
ଇତାଲା ଆତାଲା ଆଆଦୁ, ଆତିହିଁ ସାଚେଏ  
ଏମ୍ପାଟି ପାଡ଼େୟି ବେଟାଆଦେରି; ଏ ନେହିଁ କାବୁ  
ମୀରୁତ ଝେଞ୍ଜାମାଞ୍ଜେରି; ଏଦି ହାଗୁପାକା ଡ଼ଇ  
ମାନି ବାରେ ଗାଡ଼ି ଆଡ଼ିତାଣା ଏ ନେହିଁ କାବୁ  
ଝେଙ୍ଗାମାନେ ଅଡ଼େ ନାନୁ ପାଝୁଲ ଏମ୍ପାଟି ନାମୁତି  
ହଲେଏଣାଚେଏଁ ।

**କୁଲମିତା ପାଝୁଲତି କାମା**

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତ  
ବେଟାଆହିଁ ମାଲ୍, ଏମ୍ପାଆଁ ନାନୁ ନୀର୍ଏ ରାହାଁ  
କିହିମାଲ୍, ଇଞ୍ଜା କ୍ରୀସ୍ତତି ଦୁକୁ କସ୍ତ ଏନାୟି

ଡ଼ୟାମାନେ ଏଦାଆଁ ନାନୁ କୁଲମିତାକି ଆଙ୍ଗା ତଲେ  
ଦୁକୁ କସ୍ତ ଅରହାନା ରାପୁହାଲି ସାୟେମି କିହିମାଲ୍  
। ୨୫ ମାହାପୁରୁ ନାଙ୍ଗେ ସେବାକିନି କାମା ହେରପା  
ମାଞ୍ଜାନେସି, ଏଲେଆହିଁ ଏ ଏ କୁଲମିତି ନାନୁ  
ର ସେବା କିନାଚେଏଁ ଆହାମାଲ୍, ଏନିକିଁ ନାନୁ  
ମାହାପୁରୁତି ବଲୁ ତୀରିତଲେ ଝେକ୍ଲ୍, ୨୬ ଏ  
ନେହିଁ କାବୁ ର ଡ଼ଗୁମାନି କାତା ତଲି କାଲା ଅଡ଼େ  
ଆକୁ ଆବାୟାଁ ତାଣାଟି ଡ଼ଗୁମାଚେ, ସାମା ନୀର୍ଏ  
ତାନି ଲକୁତାଣା ତସାମାନେସି । ୨୭ ଜୀହୁଦିଆଆତି  
ଲକୁତାଣା ଏ ଡ଼ଗୁମାନି ଗାଝୁରମିଗାଟି ଦନ  
ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି  
ଅଣ୍ପିତେସି; ଏ ଡ଼ଗୁମାନାୟି ଇଦି, ମୀ ତାଣା କ୍ରୀସ୍ତ  
ଏଝାସି ଗାଝୁରମି ଅଡ଼େ ବାସୁଁ ଲେହେଁତାସି; ୨୮ ମାମ୍ବୁ  
ଏ କ୍ରୀସ୍ତଲ୍ ଝେକ୍ଲି ମାନମି, ଇଞ୍ଜା ବାରେଜାଣାତି  
ସେଦନା ଇଞ୍ଜା ବାରେ ବୁଦିତଲେ ଜାପୁହିଁ ମାନମି,  
ମାମ୍ବୁ ଏନିକିଁ ମାହାପୁରୁ ନକିତା ତୀରପୁତି ଲକୁ  
ଲେହେଁ ତାଗାଲି ଆଡ଼ିନମି; ୨୯ ଏଦାଆଁ କିହାଲିତାକି  
ନା ତାଣା କାମା କିହିମାନି କ୍ରୀସ୍ତ ହୀହିମାଞ୍ଜାନି କାଜା  
ବାଡ଼ୁୟୁତି ଲେମ୍ପାନା ନାନୁ ଜୀଝୁ ତୁସାନା କାମା  
କିହିମାଲ୍ ।

**୨**

୧ ମୀ ତାକି ଲାଝୁଦିକିୟାତି ଲକୁ ଅଡ଼େ ନାଙ୍ଗେ  
ସାଚେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ  
ଏଚେକା ଜୀଝୁ ତୁସାନା କାମା କିହାମାଲ୍, ଇ ବାରେ  
ମୀରୁ ପୁଞ୍ଜୁ ଇଞ୍ଜାଁ ନାନୁ ଅଣ୍ପିମାଲ୍; ୨ ନା ଅଣ୍ପୁ  
ଇଦି, ଏନିକିଁ ଏଝାରି ହିୟାଁ ରାହାଁ ଆନେ, ଇଞ୍ଜା  
ଏଝାରି ସାତା ବୁଦିତି ବାରେ ଦନ ବେଟାଆହାଲି  
ତାକି, ଇତିହିଁ ମାହାପୁରୁତି ଡ଼ଗୁମାନାୟି କ୍ରୀସ୍ତ,  
ଏଝାଣାଲ୍ ପୁଞ୍ଜାଲିତାକି ରଅସି ରଅଣି ତଲେ ଜୀଝୁ  
ନଝି ଆନେରି । ୩ ଜୀସୁ କ୍ରୀସ୍ତ କୁଟିକାଡ଼ି ଏନାୟି  
ମାହାପୁରୁତି ବୁଦି ଅଡ଼େ ପୁନାଣି ଡ଼ଗୁମାନି ବାରେ  
ଦନ ଦେନେସି ।

୪ ମିଙ୍ଗେ ଆମ୍ପାଆସି ନାଡ଼ିକିନି ଲେହେଁତି ମିତି  
କାତା ଝେସାନା ନାଡ଼ି କିୟାଆପେସି, ଏଦାଆଁତାକି  
ନାନୁ ଇଦାଆଁ ଝେସିମାଞ୍ଜାଲ୍ । ୫ ଇତିହିଁ ନାନୁ  
ଆଙ୍ଗା ତଲେ ହିଲାଆତି ଜିକେଏ ନା ଜୀଝୁତଲେ  
ମୀ ତାଣା ମାଞ୍ଜାମାଲ୍, ଇଞ୍ଜା ମୀ ନେହିଁ କିଁ  
ଜାବୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ  
ନାମାମାନାଣି ମେସାନା ରାହାଁ ଆହିମାଲ୍ ।

**କ୍ରୀସ୍ତ ତାଣା ଜୀଝୁ**

୬ ଇତିହିଁ ମୀରୁ କ୍ରୀସ୍ତ ଜୀସୁଲ୍ ପୁବୁ ଇଞ୍ଜାଁ  
ଏନିକିଁ ନାମାମାଞ୍ଜେରି, ଏଲେକିହିଁ ଏ ଏଝାଣି  
ତାଣା ମାଞ୍ଜାନା ନୀତାଦୁ; ୭ ଏଝାଣି ତାଣା  
ଜାଣ୍ଡେ ଡ଼ୟାଦୁ, ମୀ ଜୀଝୁତି ତୀରିକିଦୁ ଇଞ୍ଜାଁ

\* ୧:୧୮ ୧:୧୮ ଏପିସି ୧:୨୨,୨୩ \* ୧:୨୦ ୧:୨୦ ଏପିସି ୨:୧୭

\* ୧:୨୦ ୧:୨୦ ନେତେରି ଇତିହିଁ ମୀରୁଏଣା ହାକି

ମୀରୁ ଜାପାନୀ ନାମୁତା ଏଞ୍ଜାଣି ତାଣା ବାଡ଼ୁରୁ ବେଟାଆଦୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିଦୁ, ଏଡେତା ଆମ୍ବାଆସି କ୍ରୀସ୍ତତି ଜାପନାୟି ଲାଗେଏତି ମାଣସିତି ପାଣାପାଟୁ ଅଡେ ଦାରତିତି ମୁଲୁ ଜାପନି ପାଞ୍ଜି ସିନି କିନାୟି ଅଡେ ଉଜେଏତି ନାଡ଼ିକିନି ତାଣାଟି ମିଜେ କାୟିଦି କିହା ଅୟାନେ; ୯ ଇତିହୁଁ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣସି ଖାଣା ଆହାନା ବାସା ଆଡେନ । ୧୦ ଏଞ୍ଜାସି ବାରେ ସାଲୁଝି କିନାରି ଇଞ୍ଜା ଅଦିକାରା ବେଟାଆଡାରି ତାୟୁଁ ଚୁଲହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୁରୁ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଝୁଏ ମୀ ତଲୁ ଦାପି ଆଡି ଲେହେଁତାୟି । ଏ ତଲୁ ଦାପି ଆଡାୟି ମାଣସି କିତାୟି ଆଏ, ଏଡି କ୍ରୀସ୍ତ ତାଣାଟି ଆହାମାନେ । ଏଡି ମାଣସିଇଁ ପାପୁ ଆଙ୍ଗାଟି ଗେଲୁପି କିନେ । ୧୨ \*ମୀରୁ ଏତିବେଲା ବାପୁସ୍ତ\* ବେଟାଆଡେତି ଏତିବେଲା ମୀରୁ କ୍ରୀସ୍ତ ତଲେ ମୁସ୍ପିଆଡେତି, ଇଞ୍ଜା ଆମିନି ମାହାପୁରୁ କ୍ରୀସ୍ତଇଁ ହାଡାରି ତାଣାଟି ନିକହେସି, ଏଞ୍ଜାଣି କାମା କିନି ବାଡ଼ୁରୁତି ନାମାଲିଏ ଏ ବେଲାତା ଏଞ୍ଜାସି ମିଜେ କ୍ରୀସ୍ତ ତଲେ ନିକହାଡେସି । ୧୩ \*ମୀରୁ ଆଙ୍ଗାତା ପାପୁ ଗାଟାଡେତି ଜୀହୁଦି ଆଆମାଟାଟି ହାହାମାରେତି, ମିଜେ ଜିକେଏ ମାହାପୁରୁ ତାନିତଲେ ମିଜେ ଜୀଝୁ କିହାଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମ୍ଲେକହା ମାଞ୍ଜାନେସି; ୧୪ \*ଏଞ୍ଜାସି ମେରାତା ମା କପାଟି ଆମିନି ଦହ ଦହନି ଆକୁ ମାରେ, ଏଦାଆଁ ଏଞ୍ଜାସି ମ୍ଲେକହାନା ପାସି ମୁଣ୍ଡାତା କୁଟିୟା ଝେଚାନା ମା ତାଣାଟି ହେକ କିହାମାନେସି; ୧୫ ଅଡେ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁରୁ ଇଞ୍ଜା ସାଲୁଝି କିନାଆଁ ତାଣାଟି ଜାହାରାଇଁ ପିସ୍ପି କିହାକତାମାନେସି ଇଞ୍ଜା ଏଞ୍ଜାଆଁତି ଦସ୍ପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଟାଆଡ଼ି କିହାମାନେସି ।

୧୬ \*ଏଦାଆଁତାକି ମୀ ତିନାୟି, ଉନାୟି, ପାରୁତାକି କୁଟି ଲେଞ୍ଜୁ ପାରୁଁ କି ଜମିନି ଦିନାତି ଆମ୍ବାଆସି ମିଜେ ବିଚାରା କିୟାଆପେସି । ୧୭ ଏ ବାରେ ଖାହିମାନି ଦିନାତା ଆହାଲି ହାଜିମାନି ସାୟୁଁ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ । ୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁଡୁୟାଁ ସେବାତା ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡେ ଦାରତିତି ଅଣ୍ଡୁ ତଲେ ଉଜେଏ ବତପଣ ଆହାନା ଆମ୍ବାଆସି ତାୟୁଁ ଲେହେଁତି କ୍ରୀସ୍ତ, ଏଞ୍ଜାଣାଇଁ ଆହାଆନା ମାହାପୁରୁ ବରତି ଏଟକା କିୟାଆପେସି । ୧୯ \*ଏଞ୍ଜାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡେ ଇଣାୟାଁଟି ନେହୁଁ

ଆହାନା ରଣ୍ଡି ରଣ୍ଡାଣି ତଲେ କାଲୁଝି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ ।

**କ୍ରୀସ୍ତ ତଲେ ହାନାୟି ଅଡେ ନୀତିନାୟି**

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡେ ଇ ଦାରତିତା ସାଲୁଝି କିହିମାନି ବାଡ଼ୁରୁଟି ଗେଲୁପି ଆହାମାଞ୍ଜେରି । ଆତିହୁଁ ମୀରୁ ଏନାଆଁତାକି ଦାରତିତି ଲକୁ ଅଣ୍ଡୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି, ୨୧ ଆତିହୁଁ “ମାଣସି ଜାପୁହିମାନି ମେରା ଆହୁଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାରତିତି ଲକୁ ଲେହେଁ ଇଲେତି ପାଣାପାଟୁ ଏନାଆଁତାକି ମାନୁଝି ଆହିମାଞ୍ଜେରି ?” ୨୨ ଏ ବାରେ ଆସ୍ତି ଗାଡେକା ତାଇ । ଇଝି ଲେମ୍ବିସାରେ ଉଜେଏତାଇ ଆନୁ । ୨୩ ଏଲେତି ଜାପନାୟି ଜାହାରା ଅଣ୍ଡୁଟି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜା ଆଙ୍ଗାଟି ହାଡେକା କସ୍ତ ହାହାନା ବୁଦିତି ଦରୁ ବେଟାଆହାମାଇଁ ସାମା ଏଡି ଉଜେଏତାୟି ଏଦାଆଁ ତଲେ ଆଙ୍ଗାଟି ଅଣ୍ଡୁ ରାହାଁ ଆଡେନ ।

**୩**

୧ ମୀରୁ କ୍ରୀସ୍ତ ତଲେ ହାକିଟି ନିଜା ମାଞ୍ଜେରି, ଆତିହୁଁ ମାହାପୁରୁଟି ଟିଝନି ଟଟତା କୁଗାମାନି କ୍ରୀସ୍ତତି ଆମିନି ବାସାଟାୟୁ, ଏ ଲାକପୁରୁ ମାନାଣି ପାରାଦୁ । ୨ ଦାରତିତା ମାନି ବାରେ କାତାତି ଅଣ୍ଡୁପାଆନା, ଲାକପୁରୁ ମାନାଣି ବାରେ ଅଣ୍ଡପାଦୁ । ୩ ଏନାଆଁତାକି ଇତିହୁଁ ମୀରୁ ହାହାମାଞ୍ଜେରି, ଅଡେ ମୀ ଜୀଝୁ ମାହାପୁରୁ ତାଣା କ୍ରୀସ୍ତ ତଲେ ଡୁଗାମାନେ । ୪ ମା ଜୀଝୁ ଲେହେଁତାସି କ୍ରୀସ୍ତ, ଏତିବେଲା ଏଞ୍ଜାସି ତଞ୍ଜାଆନେସି, ଏତିବେଲା ମୀରୁ ଜିକେଏ ଗାଝୁରମିଟି ଏଞ୍ଜାଣିତଲେ ଆଣ୍ଡାନା ତଞ୍ଜା ଆଡେରି ।

**ପୁଝଇ ଜୀଝୁ ଅଡେ ପୁଝନି ଜୀଝୁ**

\* ଏଦାଆଁତାକି ମୀ ଦାରତିତି ଲାଗେଏ ପଲେଏ ତାଣାଟି ଇତିହୁଁ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣ୍ଡକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଝି କିହାଁ କତାଦୁ; ୬ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଞ୍ଜାରାକି ମାହାପୁରୁଟି କପା ଖାଡେନ; ୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହୁଁ ନୀତିମାରେରି ।

୮ ସାମା ନୀଏଁ ମୀରୁ ଜିକେଏ ଇ ବାରେ କାତା ଇତିହୁଁ, କପା, କାରୁବି, ଇରସା ଇଞ୍ଜା ମୀ ଗୁଡିଟି ନିନ୍ଦା କାତା ଅଡେ ଅପାଆଗାଟି ହାଡା ଜଲୁଆଦୁ । ୯ \*ମୀ ବିତ୍ରା ମିଟି କାତା ଝେସ୍ପି ଆଆଦୁ; ଏନାଆଁତାକି ଇତିହୁଁ ମୀରୁ ବାରେ ପୁଝଇ ଗୁଣୁ

\* ୨:୧୨ ୨:୧୨ ରନି ୬:୪ \* ୨:୧୨ ୨:୧୨ ମୁଞ୍ଜନାୟି \* ୨:୧୩ ୨:୧୩ ଏପିସି ୨:୧-୫ \* ୨:୧୪ ୨:୧୪ ଏପିସି ୨:୧୫ \* ୨:୧୬ ୨:୧୬ ରନି ୧୪:୧-୬ \* ୨:୧୯ ୨:୧୯ ଏପିସି ୪:୧୭ \* ୩:୯ ୩:୯ ଏପିସି ୪:୨୨ \* ୩:୧୦ ୩:୧୦ ଏପିସି ୪:୨୪



ମାଣ୍ଡକି ପିସାମାଞ୍ଜେରି, ୧୦ \*ଅଡ଼େ ଏଲେତି ବାରେ କାମା ପିସାନା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଙ୍ଗେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି । ୧୧ ଏଚେଟିଏ ଜାହୁଦି ଲକୁ ଅଡ଼େ ଜାହୁଦିଆଆତି ଲକୁ, ତଲୁ ଦାପିଆଡ଼ାରି କି ଦାପି ଆଆଡ଼ାରି, ଏଟକା ରାଜିତାରି, ସ୍ଵାଡ଼ିୟାତାରି, ହଲେଏସି, ହଲେଏସି ଆଆଡ଼ାସି, ଇ ବାରେତି ବିତ୍ରା ଏନି ପାରଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଝାସି ବାରେ ତାଣା ବାସା କିନେସି ।

୧୨ \*ମୀରୁ ମାହାପୁରୁତି ଲକୁତେରି; ଏଝାସି ମିଙ୍ଗେ ଜୀଝୁନହାଁନା ତାଙ୍ଗେତାକି ଆଡ଼ାମାଞ୍ଜାନେସି । ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଖାଲା ମାଣ୍ଡକି ଅଡ଼େ ଅରୁହିନାଣି ପରଦୁ । ୧୩ \*ମୀ ବିତ୍ରା କସ୍ତ ଅରୁହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅତେରି ରଅଣି ଦହ ମ୍ନେକ୍ତୁ; ପ୍ରବୁ ଏନିକ୍ ମୀ ଦହ ମ୍ନେକ୍ତା ମାଞ୍ଜାନେସି, ମୀରୁ ଜିକେଏ ଏଲେକିହି ଏ କିଦୁ । ୧୪ ଅଡ଼େ ଇ ବାରେ ଗୁଣୁତଲେ ଜୀଝୁନନାୟି ମୀ ବିତ୍ରା ମାଣ୍ଡମ୍ନେ, ଇତିହି ଜୀଝୁନନାୟି ବାରେ ଗୁଣୁତି ରୁଣ୍ଡି କିନେ । ୧୫ କ୍ରୀସ୍ତ ହିୟାତି ହିଡ଼ଡ଼ି ମୀ ହିୟାତି ସାଲ୍ଡି କିପେ । ଇତିହି ଇ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଏ ରଣ୍ଡିଏ ଆଙ୍ଗା ଆହାଲି ହାଡ଼ାମାଞ୍ଜାନେସି ଅଡ଼େ ବାରେଚେଲା ମୀରୁ ମାହାପୁରୁଇଁ ଜହରା କିଦୁ ୧୬ \*କ୍ରୀସ୍ତ ବିଲୁ ହାରେକା ମୀ ହିୟାତା ତୟାପେ; ବୁଦିତଲେ ମୀରୁ ରଅତେରି ରଅଣାଈଁ ହାରେପୁରେ ଜାପୁହାନା ସେଦନା ହାପୁକିଆଦୁ, ଇଞ୍ଜା ମୀ ସୁଦୁଜୀଝୁ ତଲେ ମାହାପୁରୁଇଁ ଜହରା କିହି ହିୟାଁ ତଲେ ପାରୁ ପାଡ଼ାଦୁ । ୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇତିହି ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଝାଣି ଦରୁତଲେ ଆବା ମାହାପୁରୁଇଁ ଜହରା କିଦୁ ।

**ପୁଃନି ଜୀଝୁତା ଆଣ୍ଡିନାୟି**

୧୮ \*ଏ ଡକ୍ରିସିକାତେରି, ମୀରୁ ମୀ ଡକ୍ରିୟାଁଣି ମାନି କିଦୁ, ଏନାଆଁତାକି ଇତିହି ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ \*ଏ ଡକ୍ରିୟାଁତେରି, ମୀରୁ ମୀ ଡକ୍ରିସିକାଣି ଜୀଝୁନଦୁ, ଏଝାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହାଆଦୁ ।

୨୦ \*ଆଡେ କକାରି ପଦାୟାଁତେରି, ବାରେ କାତାତା ତାଲି ତାଞ୍ଜିତି କାତା ମାନ୍ଡି ଆଦୁ,

ଏନାଆଁତାକି ଇତିହି ଇଦି ମାହାପୁରୁ ନକିତା ରାହାଁତି ଲେମ୍ବିନାୟି ।

୨୧ \*ଏ ତାଲି ତାଞ୍ଜିତେରି, ମୀ କକାରି ପଦାଁଣି କାର୍ବି କିଆଦୁ, ଏନିକ୍ ଏଝାରି ନୀରାସା ଆଅରି ।

୨୨ \*ଏ ହଲିୟାଙ୍ଗାତେରି, ମାଣ୍ଡସିଇଁ ରାହାଁ କିନିଲେହେଁ ଦାରଡ଼ିତି ସାଝୁକାରିୟାଁ ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାଁତି ସୁଦୁ ମାଣ୍ଡକି ତଲେ ବାରେ କାମାତା ଏଝାରାଈଁ ମାନ୍ଡି ଆଦୁ । ୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡସିୟାଁ ତାକି କିନିଲେହେଁ କିଆଦୁ; ୨୪ ପ୍ରବୁ ତାନି ଲକୁତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜା ପୁଞ୍ଜାମାଞ୍ଜୁ, ଏନାଆଁତାକି ଇତିହି କ୍ରୀସ୍ତଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି । ୨୫ \*ଇତିହି ଆମ୍ବାଆସି ଲାଗେଏ କାମା କିନେସି ଏଝାସି ଲାଗେଏ କାମାତି ପାଡ଼େୟି ବେଟାଆନେସି, ଇତିହି ମାହାପୁରୁ ଲକୁତି ପାରଡ଼ା ବାଟି କିଆନା ନୀହାଁୟି କିନେସି ।

**୪**

୧ \*ଏ ସାଝୁକାରିୟାଁତେରି ଲାକପୁରୁ ମୀ ସାଝୁକାରି ମାନେସି ଇଞ୍ଜା ପୁଞ୍ଜାନା ମୀ ହଲିୟାଙ୍ଗାଈଁ ଜୀଝୁନହାଁନା ନେହିକ୍ ଲେମ୍ବାଦୁ ।

**ଜାପୁନାୟି**

୨ କାରେଏ ପ୍ରାତାନାତା ରଣ୍ଡିଏ ଅଣ୍ଡପୁ ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା କିହି ଏମ୍ବାଆଁ ଜାଗ୍ରାତା ମାଞ୍ଜୁ; ୩ ମାଙ୍ଗେତାକି ଜିକେଏ ପ୍ରାତାନା କିଦୁ, ଏନିକ୍ ନେହିକ୍ କାରୁତି କାତା ଝେକ୍‌ହାଲି ମାହାପୁରୁ ମାଙ୍ଗେତାକି ଦାରା ଦେତାନେସି । କ୍ରୀସ୍ତି ଆମିନି ତରୁମାନି କାତାତାକି ନାନୁ ନୀର୍ଏ କାୟିଦି ଇଲୁତା ମାଇଁ । ୪ ନାନୁ ଝେକ୍‌ନାଟି ନେହିକ୍ ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିଇଁ ଇଞ୍ଜା ନାଙ୍ଗେତାକି ପ୍ରାତାନା କିଦୁ ।

୫ \*ପାଗାତି ନେହିକ୍ ଲେମ୍ବାନା ନାମାଆତି ଲକୁ ତାଣା ବୁଦିତି ମାଣ୍ଡକି ତଲେ ଲେମ୍ବାଦୁ ।

୬ ମୀ ବିଲୁ କାରେଏ ନେହାୟି, ଅଡ଼େ, ଅଣ୍ଡପିନାୟି, ଅଡ଼େ ହାରୁ ଲେହେଁ ମୀରୁ ଏନିକ୍ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

**ରାନି ଜହରା**

୭ \*ପ୍ରବୁତି କାମାତା ନା ତଲେ ନାମୁଟି ସେବା କାମା କିନି ଜୀଝୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସାନେସି; ୮ ଏଦାଆଁତାକି ନାନୁ

\* ୩:୧୨ ୩:୧୨ ଏପିସି ୪:୨ \* ୩:୧୩ ୩:୧୩ ଏପିସି ୪:୩୨ \* ୩:୧୬ ୩:୧୬ ଏପିସି ୫:୧୯,୨୦ \* ୩:୧୮ ୩:୧୮ ଏପିସି ୫:୨୨; ୧ପିତ ୩:୧ \* ୩:୧୯ ୩:୧୯ ଏପିସି ୫:୨୫; ୧ପିତ ୩:୭ \* ୩:୨୦ ୩:୨୦ ଏପିସି ୬:୧ \* ୩:୨୧ ୩:୨୧ ଏପିସି ୬:୪ \* ୩:୨୨ ୩:୨୨ ଏପିସି ୬:୫-୮ \* ୩:୨୫ ୩:୨୫ ଏପିସି ୬:୯ \* ୪:୧ ୪:୧ ଏପିସି ୬:୯ \* ୪:୫ ୪:୫ ଏପିସି ୫:୧୭ \* ୪:୭ ୪:୭ କାମା ୨୦:୪; ୭ପିତ ୪:୧୨ \* ୪:୭ ୪:୭ ଏପିସି ୬:୨୧,୨୨

ଏଞ୍ଜେଲ୍ ମୀ ତାଣା ପାଣ୍ଡାତେଏଁ, ଏନିକ୍ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେଡି ହିୟା ଏଞ୍ଜେଲି ତାଣାଟି ରାହାଁ ବେଟାଆନ୍ତେ । <sup>୯୮</sup> ଏଞ୍ଜେଲିତଲେ ନାନୁ ନାମୁତା ଜୀଞ୍ଜୁତି ତାୟି ଅନିସିମଇଁ ପାଣ୍ଡାତେଏଁ, ଏଞ୍ଜେଲି ମୀ ବିତ୍ରାଟି ରଅସି, ଏଞ୍ଜେରି ଇମ୍ପାଆଁ ଆହିମାନି ବାରେ କାତା ମିଙ୍ଗେ ଖେସ୍ତାନେରି ।

<sup>୧୦</sup> ନା ତଲେ କାୟିଦିତା ମାନି ଆରିସ୍ତାର୍କ ଅଡେ ବର୍ନବା କୁଟମିତି ତାୟି ମାର୍କ ଏଞ୍ଜେରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଖାଡ଼ିସାରେ, ଏଞ୍ଜେଲାଇଁ ଆବାଦୁ, ଏଞ୍ଜେରି ମିଙ୍ଗେ ଜହରା ଖେସି ମାଞ୍ଜାନେରି, <sup>୧୧</sup> ଅଡେ ଜୁସ୍ତ ଦରୁଟି ଖେଞ୍ଜିତି ଜୀସୁ ମିଙ୍ଗେ ଜହରା ଖେସିମାଞ୍ଜାନେସି, କ୍ରୀସ୍ତ ଦାମୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜେରି ନାଙ୍ଗେ ହାରେକା ସାୟେମି କିହାମାଞ୍ଜାନେରି ।

<sup>୧୨</sup> ଏପାପା ମୀ ବିତ୍ରାଟି ରଅସି, ଏଞ୍ଜେଲି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜେଲି କ୍ରୀସ୍ତ ଜୀସୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକ୍ ମୀରୁ ନାମୁତା ନେହାତେରି ଆହାନା ମାହାପୁରୁତି ବୁଦି ଅଡେ ଅଣ୍ପୁତି ତୀରେ ପୁଞ୍ଜାନା ଖୀତାଆନା ମାଞ୍ଜେରି । <sup>୧୩</sup> ଇତିହଁ ଏଞ୍ଜେଲି ମିଙ୍ଗେତାକି ଇଞ୍ଜା, ଲାଞ୍ଜୁଦିକିୟା ଅଡେ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହଁ କାମା କିହାମାନେସି, ଏଞ୍ଜେଲି ତାକି ନାନୁ ଇ ସାକି ହାହିମାଞ୍ଜାଇଁ । <sup>୧୪</sup> ମା ଜୀଞ୍ଜୁତି ତାଙ୍କାଦର ଲୁକ ଅଡେ ଦିମା, ମିଙ୍ଗେ ଜହରା ଖେସିମାଞ୍ଜାନେରି ।

<sup>୧୫</sup> ଲାଞ୍ଜୁଦିକିୟାତା ମାନି ତାୟି ତାଙ୍ଗିସ୍ତା, ତାଙ୍ଗି ନୁମ୍ପା ଅଡେ ତାନି ଇଲୁତା ମାନି କୁଲମିତି ମା ଜହରା ଖେହ୍ଦୁ । <sup>୧୬</sup> ଅଡେ ମୀ ତାଣା ଇ ଆକୁ ପଡ଼ି ଆଡ଼ି ତାୟି ଲାଞ୍ଜୁଦିକିୟା କୁଲମିତା ଜିକେଏ ଏନିକ୍ ପଡ଼ି ଆନେରି, ଇଞ୍ଜା ଲାଞ୍ଜୁଦିକିୟାଟି ଆମିନି ଆକୁ ଖାନେ ଏଦାଆଁ ମୀରୁ ଜିକେଏ ପଡ଼ି ଆଦେରି ଏଦାଆଁତାକି ଜାଗ୍ରାତା ଆଦୁ । <sup>୧୭</sup> ଆକ୍ ପପଇଁ ଖେହ୍ଦୁ, “ନୀନୁ ଆମିନି ପ୍ରବୁତି ସେବା କିନି ପାଣା ବେଟାଆହାମାଞ୍ଜି ଏଦାଆଁ ରାପୁହାଲି ଜାଗ୍ରାତା ମାନାମୁ ।”

<sup>୧୮</sup> ନାନୁ ପାଞ୍ଜୁଲ, ନା କେୟୁତଲେ ଇ ଜହରା ରାଡ଼ିମାଇଁ, ନା କାୟିଦିତା ମାନାଣି ଅଣ୍ପାଦୁ ! ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆୟାପେ ।

✧ ୪:୯ ୪:୯ ପିଲିମ ୧:୧୦-୧୨ ✧ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨, ୨୫; ୧୩:୧୩; ୧୫:୩୭-୩୯ ✧ ୪:୧୨ ୪:୧୨ କଲସି ୧:୭; ପିଲିମ ୧:୨୩ ✧ ୪:୧୪ ୪:୧୪ ୨ତିମ ୪:୧୧; ପିଲିମ ୧:୨୪; ୨ତିମ ୪:୧୦; ପିଲିମ ୧:୨୪ ✧ ୪:୧୭ ୪:୧୭ ପିଲିମ ୧:୨

# କୁଲମିକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ମୂଳୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତକି ଆହାମାନେ ୧:୧ । ତେସଲନିକି ମୂଳୁ ଆକୁ ରାଡ଼ିତି ଏଚରଦିନା ତାୟୁ ଇଚିହଁ କ୍ରୀସ୍ତ ଜାନୀଆଡ଼ି ୫୧ ବାର୍ଷା ତାୟୁ ଇ ଆକୁ ରାସ୍ତକି ଆହାମାନେ । ଏଚିବେଲାତା ପାଞ୍ଚଲ କରନ୍ତି କୁଲମିତା ମାଚେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନା କାତାଚି ନେହଁ କଁ ପୁନାଆନା ତାମି ଅଣପୁତା କିଲିବିଲି ଆହିମାଚେରି । ଏଞ୍ଜାରି ତାମ୍ବୁ କିଞ୍ଚିତି କାମା ପିସାନା ନିସ୍ତା ଆଡ଼େରି ଇଞ୍ଜା ଅଚ୍ଚ କ୍ରୀସ୍ତାନା ଲକୁ ଏଞ୍ଜାରାଇଁ ସାୟେମି କିହିମାଚେରି ।

ଏଚରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଡ଼ିମାନେସି, ଇଚିହଁ କ୍ରୀସ୍ତ ଖାଆ ନଚେଏ ହାରେକା ଲାଗେଏ ପଚ୍ଚେଏ ଆହିମାଚେ, ଇଞ୍ଜା ଏଞ୍ଜାରାଇଁ ବାଡ଼ିମାଲିହଁ ରାଡ଼ିମାନେସି । ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅଚ୍ଚାଦୁ, ନା ଆଚ୍ଚିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାଡ଼ିମାଲିହଁ ରାଡ଼ିମାନେସି ।

**ପତିତା ମାନାୟି**

- ୧. ପାଞ୍ଚଲ ତାଙ୍ଗେ ଅଡ଼େ ତାନି ଆଚ୍ଚିତାରାଇଁ ପୁଣ୍ଡିକିନାୟି । ୧:୧-୨
- ୨. ତେସଲନିକି କୁଲମିତାକି ଜହରା ଅଡ଼େ ପ୍ରାଡ଼ାନା । ୧:୩-୧୨
- ୩. ରାନି ଦିନାତି କାତା । ୨:୧-୧୭
- ୪. ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାୟି । ୩:୧-୧୫
- ୫. କୁଲମିତି ଜହରା କିହାନା ଆକୁତି ରାପ୍ନାୟି । ୩:୧୬-୧୮

୧ \*ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକିତି କୁଲମିକି ଆକୁ ରାଡ଼ିମାନମି ।

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଅଡ଼େ ହିଡ଼ିତ ଜୀସୁ ମିଙ୍ଗେତାକି ଆୟାପେ ।

☆ ୧:୧ ୧:୧ କାମା ୧୭:୧ ☆ ୨:୧ ୨:୧ ୧ତେସ ୪:୧୫-୧୭

ଜୀସୁ ଖେଣ୍ଡେ ଖାନାୟି ଅଡ଼େ ନୀହାୟି କିନାୟି  
୩ ଏ ମା ତାୟିୟା ଅଡ଼େ ତାଙ୍ଗିସ୍ତାଚେରି ମୀ ତାକି ମାମ୍ବୁ ରାରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମ୍ବୁ ଅଡ଼େ ରଅଚେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ । ୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ପାଟି ମୀରୁ ଅଚ୍ଚାହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ବୁ ମାହାପୁରୁ କୁଲମିକାଣା ମିଙ୍ଗେ ତାକି ବଡ଼ପଣ ଆହିମାନମି ।

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ପାଆଁ ଜଗେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହଁ ନୀହାୟିତି ପାରମାଣା । ୬ ଏଚିବେଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହଁ କାତା; ୭ ଇଚିହଁ ପ୍ରବୁ ଜୀସୁ ଏଚିବେଲା ଜାହାରା ବାଡ଼ୟୁ ଗାଟି ଦୂତୁୟା ତଲେ ତୀଞ୍ଜି ମାନି ହିଚୁ ଗୁଦ୍‌ଞ୍ଜା ତଲେ ଲାକପୁରୁଟି ତଞ୍ଜାଆନେସି । ୮ ଆମ୍ପାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହଁ କାବୁ ମାନଞ୍ଜି ଆଅରି, ଏଞ୍ଜାରାଇଁ ଏଞ୍ଜାସି ଏଚିବେଲା ତଣ୍ଡ ହୀନେସି । ୯ ଇଚିହଁ, ଆମିନି ଦିନା ଏଞ୍ଜାସି ଜାହାରା ଦାମ୍ବୁଗାଟାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନି ସିନାଲେହେଁ ଆହାଲି ଖାନେସି । ଇଚିହଁ ମୀରୁ ମାମ୍ବୁ ହାହାମାଞ୍ଜାନି ସାକିତି ନାମାମାଞ୍ଜେରି । ୧୦ ଏ ଦିନା ଏଞ୍ଜାରି ତଣ୍ଡ ବେଟାଆନେରି, ଇଚିହଁ ପ୍ରବୁତି ତାଗେଟି ଇଞ୍ଜା ତାନି ବାଡ଼ୟୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନେରି ।

୧୧ ଏଦାଆଁତାକି ମା ମାହାପୁରୁ ଏନିକଁ ମିଙ୍ଗେ ହାଟାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମ୍ବୁ ଜିକେଏ ବାରେବେଲା ମିଙ୍ଗେତାକି ପ୍ରାଡ଼ାନା କିହିମାନମି; ଏନିକଁ ନାମୁତି ବାରେ କାମା ନେହଁ କଁ କିହାଲି ଆଡ଼ିଦେରି । ୧୨ ଏଲେଆଡ଼ିହଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍ନାଣି ଲେହେଁ ପ୍ରବୁ ଜୀସୁତି ଦରୁ ମୀ ତାଣା ଗାଞ୍ଜୁରମି ଆନେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆଦେରି ।

## ୨

**ଲାଗେଏତି ମାଣସି**

୧ \*ତାୟିୟା ଅଡ଼େ ତାଙ୍ଗିସ୍ତାଚେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମାରୁ ତାନିତଲେ କୁଡ଼ା ଆନାଣି ତାକି ମିଙ୍ଗେ ବାଡ଼ିମାଲି ମାଞ୍ଜାନମି ।

୨ ପ୍ରଭୃତି ଦିନା ଏଗାଝାତେୟ ଇଞ୍ଜିହିଁ ମୀ ଏନି ଜୀଝୁ କି ବଲୁ କି ମା ତାଣାଟି ରାସ୍ତା ଆହାମାନେ ଇଞ୍ଜି ଅଣ୍ଡାମାନା ଆମିନି ଆକୁ ତଲେ ଗାଡ଼େକେଏ ଗୁଚା ଆଆଦୁ କି କିଲିବିଲି ଆଆଦୁ । ୩ ଆମ୍ବାଆସି ଏନିକିହିଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇଚିହିଁ ମୂଲୁଏ ଦାମ୍ବୁ ବିତ୍ରା ଗଡ଼ହା ଆନେ, ଅଡ଼େ ନାସାକିନି ଦାମ୍ବୁ ହିଲାଆ ମାଣ୍ଡସି ତଞ୍ଜା ଆନାୟି ମାନେ, ଆଆତଁ ପ୍ରଭୃତି ଦିନା ଖାଏ । ୪ ଇଝାସି ଏ ଦାମ୍ବୁ ହିଲାଆଗାଟି ମାଣ୍ଡସି ପୂଜା ବେଟାଆହିମାନି ପେଣ୍ଡକା କି ମାହାପୁରୁ କପାଟି ନିଙ୍ଗିନେସି ଅଡ଼େ ବାରେଡି କିହାଁ ଜାହାରାଲ୍ ହାରେକା ଗାଝୁରମି କିହାକତିନେସି, ଇଲେକିହିଁ ମାହାପୁରୁଟି ଇଲୁତା ଜିକେଏ କୁଗାନା ଏଝାସି ନାନ୍ଦୁ ମାହାପୁରୁତେଏଁ ଇନେସି ।

\* ମୀରୁ ଏଦାଆଁ ଅଣ୍ଡସି ହିଲଅତେରି କି ? ନାନ୍ଦୁ ମୀ ତଲେ ମାଟିବେଲା ମିଙ୍ଗେ ଇ ବାରେ କାତା ଝେସାମାଞ୍ଜାତେଏଁ । ୨ ତୀରିକିହା ମାନି ଦିନା ଏଝାସି ତଞ୍ଜାଆନେସି, ଆଡ଼ିଜିକେଏ ତାନ୍ଦୁ ଝାନାଣି ଏନାୟି ଆଙ୍ଗିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି । ୩ ଏ ପାପୁତା ଡ଼ଗୁମାନି ବାଡ଼ୁଲୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଙ୍ଗା ମାନାସି ଗୁଚା ଆଆପାତେକା ଖାଏ ।

୮ ଏଟିବେଲା ଲାଗେଏଡି ଜୀଝୁଗାଟି ମାଣ୍ଡସି ତଞ୍ଜାଆନେସି, ଏଝାଣାଲ୍ ପ୍ରଭୁ ଜୀସୁ ଗୁଡିଟି ହନି ଡ଼କଅଡ଼ି ତଲେ ପାୟିନେସି ଇଞ୍ଜା ତାନ୍ଦୁ ଝେଣ୍ଡେ ଝାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି । ୯ ସୟତାନତି ବାଡ଼ୁଲୁ ହୀପକି ଆହାମାନି ଲେହେଁ ବାରେଲେହେଁଟି ମିଚିତି ବାଡ଼ୁଲୁ, ସିନା ଇଞ୍ଜା କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁଟି ଦାମ୍ବୁ ନାଡ଼ି କିନାଆଁ ତଲେ ଲାଗେଏଡି ମାଣ୍ଡସି ଝାନେସି, ୧୦ ଇଞ୍ଜା ନାସା ଆନାରାଲ୍ ବାରେଲେହେଁଟି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇଚିହିଁ ଗେଲ୍ପିଆୟାଲି ସାତାତି ଜୀଝୁ ନଆନା ଅପାଆଗାଟାରି ନାସା ଆନେରି । ୧୧ ଇଦାଆଁତାକି ଏଝାରିଏନିକଁ ମିଚିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁଲୁ ପାଣ୍ଡାମାଞ୍ଜାନେସି । ୧୨ ଏନିକିହିଁ ଆମ୍ବାଆରି ସାତାତି ନାମାଆନା ଦାମ୍ବୁ ହିଲାଆଗାଟି ତାଣା ରାହାଁ ଆହାମାନେରି, ଏଝାରି ବାରେଜାଣା ଡ଼ଣ୍ଡ ବେଟାଆନେରି ।

**ଗେଲ୍ପିଆୟାଲି ହାଟ୍ଟକି ଆହାମାଞ୍ଜେରି**

୧୩ ମା ପ୍ରଭୃତି ଜୀଝୁଟି ତାୟିୟାଁ ଅଡ଼େ ତାଙ୍ଗିସ୍ତାତେରି, ମିଙ୍ଗେତାକି ବାରେଦିନା ମାହାପୁରୁଲ୍ ଜହରା କିନାୟି ମା କାମା, ଏନାଆଁତାକି ଇଚିହିଁ ମାହାପୁରୁ ଜୀଝୁଟି ସୁଦୁ ଇଞ୍ଜା ସାତାତି ନାମୁତଲେ ଗେଲ୍ପି ଆହାଲି ମିଙ୍ଗେ

ମୂଲୁଟି ପାଡ଼େୟିଲେଁ ବାଟି କିହାମାଞ୍ଜାନେସି । ୧୪ ଏଦାଆଁତାକି ଜିକେଏ ଏଝାସି, ମାମ୍ବୁ ଚୁଝକହାମାନି ନେହିଁ କାରୁତଲେ ମା ପ୍ରଭୁ ଜୀସୁ କ୍ରୀସ୍ତତି ଗାଝୁରମି ବେଟାଆହାଲି ମିଙ୍ଗେ ହାଟାମାଞ୍ଜାନେସି । ୧୫ ଏଲେଆହିଁଏ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ତୀରିଆହାଁ ମାଞ୍ଜୁ, ଅଡ଼େ ମାମ୍ବୁ ଝେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ ।

୧୬ ମା ପ୍ରଭୁ ଜୀସୁ କ୍ରୀସ୍ତ ତାନ୍ଦୁଏ ଅଡ଼େ ମା ଆବା ମାହାପୁରୁ ଅଡ଼େ ମାଙ୍ଗେ ଜୀଝୁନହାଁନା ତାନି କାମାଟି କାଲାକାଲାତି ସାସା ଅଡ଼େ ନେହିଁ ବାସୁଁ ହୀହାମାଞ୍ଜାନେସି । ୧୭ ଏଝାସି ତାନ୍ଦୁଏ ମୀ ହିୟାଁ ସୁସ୍ତି ହୀହାଁ ମିଙ୍ଗେ ବାରେଲେହେଁଟି ନେହିଁ କାମା ଇଞ୍ଜା ବଲୁତା ତୀରିକିୟାପେସି ।

**୩**

**ମା ତାକି ପ୍ରାତାନା କିଦୁ**

୧ ବାରେଡି ତାୟି, ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ମାଙ୍ଗେ ତାକି ପ୍ରାତାନା କିଦୁ, ଏନିକଁ ପ୍ରଭୃତି ନେହିଁ ବଲୁ ମୀ ତାଣା ଆଡ଼ି ଲେହେଁ ବାରେଝାକି ଝେଙ୍ଗା ହାଜାନା ଗାଝୁରମି ପାଣ୍ଡନେ, ୨ ଅଡ଼େ ଏନିକଁ ମାମ୍ବୁରୁଦି ହିଲାଆ ଗାଟାରି ଅଡ଼େ ଦହଗାଟାରି ତାଣାଟି ଗେଲ୍ପି ଆନମି, ଏନାଆଁତାକି ଇଚିହିଁ ବାରେ ତାଣା ନେହିଁ ବଲୁ ନାମା ହିଲଅରି ।

୩ ସାମା ପ୍ରଭୁ ଟିକାଣାତାସି, ଏଝାସି ମିଙ୍ଗେ ତୀରି କିହାନା ଲାଗେଏ ପଲେଏ ତାଣାଟି ଗେଲ୍ପିପାନେସି । ୪ ମାମ୍ବୁ ମିଙ୍ଗେ ଏନିକଁ ହୁକୁମି ହୀହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରଭୁ ତାଣା ମା ଆଟ୍ଟା ନାମୁ ମାନେ ।

\* ଅଡ଼େ ପ୍ରଭୁ ମୀ ହିୟାଁତି ମାହାପୁରୁଟି ଜୀଝୁ ନନାଣି ଇଞ୍ଜା କ୍ରୀସ୍ତତି ସାସା ବେଟାଆହାଲି ସାୟେମି କିୟାପେସି ।

**ବାରେଜାଣା କାମା କିନାୟିମାନେ**

୨ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି, ମାମ୍ବୁ ପ୍ରଭୁ ଜୀସୁ କ୍ରୀସ୍ତତି ଦରୁତଲେ ମାମ୍ବୁ ମିଙ୍ଗେ ଇ ହୁକୁମି ହୀହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀଡିନେସି, ଏଝାଣି ତାଣାଟି ଜାହା ଜାହାରାଲ୍ ଏଟ୍ଟକା କିଦୁ । ୩ ଇଚିହିଁ ମାମ୍ବୁ ଏନିକଁ କିହି ମାଟମି ଏଲେକଁ ମୀରୁଝା କିନାୟିମାନେ, ଏଦାଆଁ ମୀରୁ ମୀରୁଏ ନେହିଁ କଁ ପୁଞ୍ଜାମାଞ୍ଜେରି, ଏନିକଁ ମାମ୍ବୁ ମୀ ତାଣା ନିସ୍ତା ତଲେ ନୀଡି ହିଲାଆତମି । ୮ ମାମ୍ବୁ ଉଜେଏ ଆମ୍ବାଆରି ରାନ୍ଦା ତିଞ୍ଜି ହିଲାଆତମି, ସାମା ମିଙ୍ଗେ ବଲୁ ଆଆପେଝା ଇଞ୍ଜି ଲାଆଁମାଦେନା ଝାହୁରାତା ଅଡ଼େ କସ୍ତତଲେ କାମା କିହି ମାଟମି; ୯ ମୀ ତାଣାଟି ଏନାଆଁ



# ତୀମଥୁକ ନିକଟକୁ ପାଉଲକ ପ୍ରଥମ ପତ୍ର ତିମତି ତାଣା ପାଞ୍ଚଲ ରାତାମାନି ର ଲମ୍ବର ଆକୁ ମୂଲୁ ହାଡ଼ା

ମୂଲୁ ପତି ତିମତି ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚଲ ତାଣାଟି ତାନି ସୀସୁ ତିମତିକି ରାସ୍ତିକି ଆହାମାନେ । ଜୀସୁ କ୍ରୀସ୍ତ ଜୀର୍ଣ୍ଣାଆଡ଼ି ୨୧-୨୪ ବାସୀ ତାମ୍ଭୁ ର ଲମ୍ବର ତିମତି ରାସ୍ତିକି ଆହାମାଣମ୍ଭିନେ । ଇଦି ପାଞ୍ଚଲତି ଜୀସୁ ରାନ୍ତି ବେଲାତା ରାସ୍ତିକି ଆହାମାଣମ୍ଭିନେ । ପାଞ୍ଚଲ ତିମତି ତଲେ ହାରେକା ଜାଟୁ ମାରେସି, ଏଞ୍ଜାସି ହାରେକା ଦେବା ତିମତିକି ମୀରୁଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତିମ ୧:୨, ୧:୧୮ ।

ଇଦି ପାଞ୍ଚଲ ରାତାମାନି ସାରିଗଟା ଆକୁ ବିଦ୍ରାଡ଼ି କୁଲମିତି ପିସାନା ର ମାଣସିକି ଖେସିମାନେ । ଅଡ଼େ ତାନିଗଟା ଆକୁ ତିମତି ରୀ ଲମ୍ବର ଆକୁ, ତିତସ, ଅଡ଼େ ପିଲିମନ । ର ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକୁଡ଼ି ଜଗେତି କାତା ୩:୧-୧୩ଅଡ଼େ ମିତି ଜାପୁନାରି କାତାତା ଜାଗ୍ରାତା କିନି କାତା ରାସ୍ତିକି ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଚଲ ତିମତିକି ଏନିକିହିଁ କୁଲମିତି ନେହିଁ ସାଲୁଞ୍ଜି କିନାସି ଆହାଲି ଜାପୁହି ମାରେସି ଏ କାତା ରାସ୍ତିକି ଆହାମାନେ ।

ତିମତି ର ଲମ୍ବର ଆକୁତା ହାରେକା ପାଣା ପାଟୁୟା ମାନୁ, ଏଞ୍ଜି କୁଲମିତି ସାଲୁଞ୍ଜି କିନାରାଇଁ ନୀଞ୍ଜୁ ଓଏତି କୁଲମିକାଣି ନେହିଁ କିଁ ଜାଡ଼ୁ କିହାଲି ସାରେମି କିନୁ ।

**ପତିତା ମାନାୟି**

- ୧. ପାଞ୍ଚଲ ତିମତିକି ଜହରା କିହାଁ ମାଟୁନାୟି । ୧:୧-୨
- ୨. ପାଞ୍ଚଲ ତିମତିକି ମିତି ଜାପୁନାରି କାତାତା ଜାଗ୍ରାତା କିନାୟି । ୧:୩-୧୧
- ୩. ପାଞ୍ଚଲ କ୍ରୀସ୍ତ ତାକି ଏଚେକା ନେହିଁ ତସାମାନେସି ଏଦାଆଁ ଖେସାନା ଆକୁତି ରାଡ଼ିନାୟି । ୧:୧୨-୧୯
- ୪. ପାଞ୍ଚଲ ତିମତିକି ପ୍ରାତାନାତି ପାଣାପାଟୁ ଅଡ଼େ ସାଲୁଞ୍ଜି କିନାରି କାତା ଜାପୁହାମାନେସି । ୨-୩
- ୫. ପାଞ୍ଚଲ ତିମତିକି ଏଚେକା ତାମ୍ଭୁତି କାତା ଖେସାନା ଆକୁ ରାଡ଼ିନାଣି ରାପୁନାୟି । ୪-୬

୧ ନାନୁ ପାଞ୍ଚଲ, ମା ଗେଲପାନି ମାହାପୁରୁ ଅଡ଼େ

ବାସୁଁ ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁଞ୍ଜି ଆହାମାନାତେଏଁ ।

୨ \*ନାନୁତା ନା ଦାମୁତି ଜୀସୁତି ମୀରୁଏଶାତି ତିମତି; ଆବା ମାହାପୁରୁ ମା ପ୍ରୁ ଜୀସୁ କ୍ରୀସ୍ତ ତାଣାଟି ଜୀସୁନନାୟି କାର୍ମାମେହନାୟି ଅଡ଼େ ହିଡ଼ି ନିଜେତାକି ଆୟାପେ ।

**ମିତି ଜାପୁନାରି ତାଣାଟି ଜାଗ୍ରାତା**

୩ ନାନୁ ମାକିଦନିୟାତା ହାଜିମାଟାଟି ମିଜେ ଖେସାମାଞ୍ଜାତି ଲେହେଁ, ନାନୁ ଏପିସିୟ ଗାଡ଼ାତା ଡ଼ୟାମୁ ଏମ୍ପାଆଁ ଏଚରଜାଣା ଲାଗେଏତି କାତା ଜାପୁହିମାନେରି ଏମ୍ପାଟି ଏଞ୍ଜାରାଇଁ କାହିଁ କିମ୍ପୁ, ୪ କହୁୟାଁ ଇଞ୍ଜା ରାଆଗାଟି ଆକୁ ଆବାୟାଁ ଦରକାଣି ଆହୁଆପେରି ଇଞ୍ଜି ଏଞ୍ଜାରାଇଁ ଖେହ୍ମୁ, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଡ଼ିବାଡ଼ା କିଞ୍ଜିକିନେ । ୫ ସୁପୁ ହିୟାଁ, ନେହିଁ ଅଣ୍ପୁ ଅଡ଼େ କୁଟୁ ହିଲାଆ ନାମୁଟି ହଡ଼ିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାଇଁ । ୬ ଏଚରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଚକା ଜିରୁ ହାଜିମାନେରି; ୭ ଏଞ୍ଜାରି ମେରା ଜାପୁନାତମି ଇଞ୍ଜି ଅଣ୍ପିନେରି, ସାମା ଏଞ୍ଜାରି ଏନାଆଁ ଖେହ୍ନେରି, ଅଡ଼େ ଏନାଆଁ ଜାଣେନାଜା ଜାପୁନେରି, ଏଦାଆଁ ତାମ୍ଭୁ ତେଲୁହଅରି ।

୮ ମାମ୍ପୁ ପୁଞ୍ଜାମାନମି; ମେରାତି ନେହିଁ କିଁ ଲେମ୍ପିସାରେ, ଏଦି ନେହେଁ । ୯ ସାମା ମେରା ଦାମୁଗାଟି ଲକୁତାକି କିଞ୍ଜିଆଆନା, ଜାହାରା ମନ, ଅଡ଼େ ମାନଞ୍ଜି ଆଆଗାଟାରି, ଦାମୁଁ ହିଲାଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମୁଁତି ନାମାଆଗାଟାରି, ତାଲି ତାଞ୍ଜିକି ପାୟିନାରି, ଲକୁଣି ପାୟିନାରି, ୧୦ ଦାରି କିନାରି, ଆବା ଆବାୟାଁ ଦହ କିଞ୍ଜିଆନାରି, ଲକୁଣି ପାରନାରି, ମିତି ସାକି ହାନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ପାଆରି ନେହିଁ ଜାପୁନାଣି, ତାକି ନିଜିନେରି, ଏଦାଆଁତାକି ମେରା ମାନଞ୍ଜି ଆଆଗାଟାରାକି ହାପୁକି ଆହାମାନେ, ୧୧ ଇଦି ନା ତାଣା ହେରପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହିଁ କାବୁଡ଼ି ଜାପୁନି ଲେହେଁ ଆନେ ।

**ମାହାପୁରୁତି କାର୍ମା ତାକି ଜହରା**

୧୨ ନାଜେ କାମାତା ବାଡ଼ୁୟୁ ହାହାମାଞ୍ଜାନି ମା ପ୍ରୁ କ୍ରୀସ୍ତ ଜୀସୁକି ଜହରା କିହିମାଇଁ, ଏନାଆଁତାକି ଇତିହିଁ ନାଜେ ଏଞ୍ଜାସି ମାନିଗାଟାଟି ଇଞ୍ଜି ଅଣ୍ପାମା ସେବା କାମା ହେରପା ମାଞ୍ଜାନେସି । ୧୩ \*ଆଡ଼ିଜିକେଏ ତଲି ନାନୁ ଜୀସୁକି ନିନ୍ଦା କିନାତେଏଁ, ତଣ୍ଡ ହାନାତେଏଁ, ଅଡ଼େ ଲାଗେଏ

କିନାତେଏଁ ମାତେଏଁ; ସାମା ନାନୁ ନାମା ହିଲାଆତାକି ବୁଦି ହିଲାଆଲେହେଁ ଏଦାଆଁ କିହିମାତେଏଁ ଇଞ୍ଜି କାର୍ମା ବେଟାଆତେଏଁ; ୧୪ ଅଡ଼େ ମା ପ୍ରବୁତି କାର୍ମା କ୍ରୀସୁ ଜୀସୁ ତାଣାଟି ନାମୁ ଅଡ଼େ ଜୀସୁ ନନ୍ତି ତାଣାଟି ନାଲେତାକି ହାରେକା ଆୟାତେ । ୧୫ ପାପୁ ଗାଟାରାଇଁ ଗେଲ୍‌ପାଲିତାକି କ୍ରୀସୁ ଜୀସୁ ଦାରତିତା ଖାଡ଼େସି, ଇ ବଲୁ ସାତା ଅଡ଼େ ବାରେଖାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାତେଏଁ ୧୬ ଆଡ଼ିଜିକେଏ ଆମିନି ଗାଟାରି ଖାହିମାନି ଦିନାତା କାଲ୍‌କାଲ୍‌କାତି ଜୀସୁ ବେଟାଆହାଲି ଜୀସୁ କ୍ରୀସୁ ତାଣା ନାମିନେରି, ଏଞ୍ଜାରି ନକିତା ତସ୍‌ପି ଆହାଲି ନାନୁ ର କାଜା ପାପୁ ଗାଟାତେଏଁ, ନା ତାଣା ଏଞ୍ଜାସି ଏନିକି ତାନି କାଲେଏତି ଅର୍‌ହିନାଣି ତହ୍‌ନେସି ଏଦାଆଁତାକି ନାନୁ କାର୍ମା ବେଟା ଆତେଏଁ । ୧୭ ଏଚେଲାଖା ନାସା ଆଆଗାଟାୟି ଇଞ୍ଜା ତଞ୍ଜାଆଆଗାଟି ରଣିଏ ମାହାପୁରୁ ଆମ୍ବାଆସି କାଲ୍‌କାଲ୍‌କାତି ରାଜା ଏଞ୍ଜାଣାକି ମାନି ଅଡ଼େ ଗାଞ୍ଜୁରମି କାଲ୍‌କାଲ୍‌କା ତାକି ଆପେ । ଆମେନ ।

୧୮ ତିମତି, ନା ମୀରଏଣାତି, ନିଲେତାକି ତଲି ଖେସିମାଞ୍ଜାତି ଲେହେଁ ନାନୁ ନିଲେ ଇ ହୁକୁମି ହାହିମାଞ୍ଜାଲ୍, ଏନିକି ନାନୁ ଇ ବାରେ କାତାତଲେ ନେହଁ କୁକୁ କିହାଲି ଆଡ଼ିଦି । ୧୯ ଦାର୍ମୁ ଅଡ଼େ ନାମୁ ନେହଁ ଅଣ୍‌ପୁ ଆହ୍‌ମୁ; ଏଦାଆଁ ପିସା ମାନାକି ଏଚରଜାଣାତି ନାମୁ ଲେହେଁତି ଜାଜା ତାହା ହାଜାମାନେ, ୨୦ ଏଞ୍ଜାରି ବିତ୍ରାଟି ହୁମନାୟ, ଅଡ଼େ ଆଲେକ୍‌ଜାଣ୍ଡାର ମାନେରି, ଏଦାଆଁତାକି ନାନୁ ଏଞ୍ଜାରାଇଁ ସୟତାନ କେୟୁତା ହେରପିତେଏଁ, ଏନିକି ଇ ରିଆରି ପାଣା ବେଟାଆହାନା ମାହାପୁରୁଇଁ ନିନ୍ଦା କିଅରି ।

୨

କୁଲମିତା ପାଣାପାଟୁ

୧ ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଟାରି, ୨ ଏଦାଆଁତାକି ବାରେ ଲକୁତାକି ରାଜାୟା ସାଲ୍‌ଖି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିପୁ, ମାର୍ ଏନିକି ମାହାପୁରୁ ଆଜିତଲେ କିଲିବିଲି ଆଆନା ତୟିନାୟି ଅଡ଼େ ଏଟକା ଲକୁ ତାଣା ନେହଁ ମାଣକି ମାଞ୍ଜାନା ସୁକୁ ଅଡ଼େ ହିଡ଼ି ତଲେ ନୀତାଲି ଆଡ଼ିନାୟି । ୩ ଇଲେତି ପ୍ରାତାନା ମା ଗେଲ୍‌ପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ । ୪ ବାରେଜାଣା ଏନିକି ଗେଲ୍‌ପିଆନାଣି ଅଡ଼େ ସାତାତି ବୁଦି ବେଟାଆନେରି ଇଞ୍ଜି ଏଞ୍ଜାସି ଅଣ୍‌ପି ମାନେସି । ୫ ଇତିହଁ ରଣିଏ ମାହାପୁରୁ ମାନେସି, ଅଡ଼େ

ମାହାପୁରୁ ଇଞ୍ଜା ମାଣସିୟାଁ, ମାଦିତି ମାଣସି ରଅସିଏ ମାନେସି, ଏଞ୍ଜାସି ଜୀସୁ କ୍ରୀସୁ, ର ମାଣସି । ୬ ଏଞ୍ଜାସି ମାଣସିଇଁ ଗେଲ୍‌ପାଲିତାକି ତାନୁଏ ହେରପି ଆଡ଼େସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣସିୟାଁଇଁ ଗେଲ୍‌ପାଲି ଅଣ୍‌ପି ମାନେସି ଇଦାଆଁ ସାକି ହାହାମାନେସି । ୭ ଏଦାଆଁତାକି ନାନୁ ର ନେହଁ କାବୁ ଖେକ୍‌ନାତେଏଁ, ପାଣ୍ଡୁଞ୍ଜି ଆହାମାନାତେଏଁ, ଇଞ୍ଜା ନାମୁ ଅଡ଼େ ସାତାତା ଏଟକା କୃତାତି ଲକୁ ତାଣା ଜାପ୍‌ନାତେଏଁ ଆୟାଲି ମାହାପୁରୁ ନାଲେ ଆଟାମାଞ୍ଜାତେସି, ନାନୁ ସାତା ଖେସିମାଞ୍ଜାଲ୍ ନାନୁ ମିତି ଖେସିମାଞ୍ଜାଅଁ ।

୮ ଏଦାଆଁତାକି ନା ଅଣ୍‌ପୁ ବାରେଜାଣା ଆବାୟାଁ କୃତା ଆନାଟି, ସୁଦୁ ଅଣ୍‌ପୁ ତଲେ କେସ୍‌ଲା ପେରହାନା, କପା ଇଞ୍ଜା ତାହାରା ଆଆନା, ପ୍ରାତାନା କିପାରି । ୯ ଏଲେକିହଁ ଏ ଇୟାସିକା ଜିକେଏ ତାୟି ଅଜି କିହାନା, ଅଡ଼େ ବାଂଗାରା ସାଜୁ ତୁରଆନା, କି ଦାରାଗାଟି ହିମ୍ବୁରିକା ତଲେ ତାମ୍ବୁ ତାମ୍‌ଜେ ଅଜି କିହାକତାଆନା, ମାନି ଅଡ଼େ ନେହଁ ବୁଦିତଲେ ଉଣା ଦାରାତି ହିମ୍ବୁରିକା ହୁଚାନା, ୧୦ ଦାର୍ମୁଗାଟି ଇୟାସିକା ରାହାଁ ଅଣ୍‌ପୁଟି ନେହଁ କାମାତି ଅଜୁତା ତାମ୍‌ତାମ୍‌ଜେ ଅଜି କିହା କତାପୁ । ୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍‌ପୁ ତଲେ ଜାପାପୁ । ୧୨ ନାନୁ ଇୟାସିକାଣି ଜାପ୍‌ହାଲି କି ଆବାୟାଁ ମୁହେ ସାଲ୍‌ଖି କିହାଲି ହେଲ ହାହି ହିଲଅଁ, ସାମା ଏଞ୍ଜି ପାଲେଏ ମାନାପୁ । ୧୩ ଏନିକିତହଁ ମାହାପୁରୁ ନକେଏ ଆଦମଇଁ ଗାଡ଼ିକିତେସି ଅଡ଼େ ତାୟି ହବାଇଁ ୧୪ ଅଡ଼େ ଆଦମ ନାଡ଼ିକିଞ୍ଜି ଆହା ହିଲାଆତେସି, ସାମା ଇୟା ନାଡ଼ିକିଞ୍ଜି ଆହାନା ମାହାପୁରୁଟି ମେରାଟି ଦହ ଗାଟାୟି ଆଡ଼େ; ୧୫ ସାମା ଇୟାସିକା ତାମ୍‌ଜେ ଉଣା କିହାଁ କତାନା ନାମୁତଲେ ଜୀସୁ ନଞ୍ଜିଆହାନା, ସୁଦୁଜୀସୁ ତଲେ ମାଞ୍ଜାନା କକାରି ପଦାଁ ଜାନି କିହାନା ଗେଲ୍‌ପି ଆନୁ ।

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାଡ଼ୁ କିନି ପାଣା ବେଟାଆହାଲି ଅଣ୍‌ପିମାଟିସାରେ, ଏଞ୍ଜାସି ନେହଁ କାମା କିଇଁ ଇଞ୍ଜି ଅଣ୍‌ପିନେସି । ୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣିଏ ତକ୍‌ନି ତକ୍‌ଜା, ଟିକାଣାତାସି, ନେହଁ ଅଣ୍‌ପୁ ଗାଟାସି, ପୁନାଆତି ଗତାୟାଣି ସେବା କିନାସି, ଅଡ଼େ ନେହଁ କି ଜାପ୍‌ନାସି ଆନାୟି ମାନେ । ୩ ଅଡ଼େ କାଡ଼ ଗୁହନାସି କି ଗଡ଼ହା କିନାସି ଆଆନା, ସୁଦୁ ସୁଞ୍ଜାଲା, କପା ଇଟାଆଗାଟାସି, ଅଡ଼େ ଦନ୍

☆ ୨:୭ ୨:୭ ୨ତିମ ୧:୧୧ ☆ ୨:୯ ୨:୯ ୧ପିତ ୩:୩

ଜୁଦ୍ଦକା ଗାଟାସି ଆଆନ୍ତି ମାନେ, ୪ ଏଝାସି ତାନି  
 ଇଲୁ କୁଟମିତି ନେହଁ କଁ ସାଲୁଝି କିନାସି, ଅଡ଼େ  
 କକାରି ପଦାଁଣି ତୀରପୁତଲେ ଜାଡ଼ନୁ କିନାୟିମାନେ  
 । ୫ ଆମ୍ବାଆସି ତାନି ଇଲୁ କୁଟମିତି ନେହଁ କଁ  
 ଜାଡ଼ନୁ କିହାଲି ଆଡ଼ଅସି, ଏଝାସି ଏନିକଁ  
 ମାହାପୁରୁ କୁଲମିତି ଜାଡ଼ନୁ କିନେସି ? ୬ ଏଝାସି  
 ପୁଝନି ନାନିତାସି ଆଆନ୍ତି ମାନେ, ଇତିହଁ ଏଡ଼େତା  
 ପାଟେ ନାନୁ କାଜାତେଏଁ ଇଞ୍ଜଁ ବଡ଼ପଣ ଆହାନା,  
 ସୟତାନ ଡ଼ଣ୍ଡ ପାଣ୍ଡନିଲେହେଁ ଡ଼ଣ୍ଡ ବେଟା ଆନେସି  
 । ୭ ଅଡ଼େ ଏଝାସି ନାମାଆଗାଟାରି ତାଣାଟି ଜିକେଏ  
 ମାନି ବେଟାଆହାନ୍ତି ମାନେ, ଆଆତଁ ଲାଜା  
 ବେଟାଆହାନା ସୟତାନ ପାନ୍ଦାତା ହେରନେସି ।

**କୁଲମିତି ସାଢ଼େମି କିନାରି**

୮ ଏଲେକିହଁଏ କୁଲମିତି ସେବା କିନାରି  
 ନେହଁ ଅଣ୍ଡପୁ ତଲେ ନାମୁତା ଡ଼ଗୁମାନାଣି  
 ଆସାନା ତୀରିତଲେ ମାଞ୍ଜାନା ନାଡ଼ି କିନାସି  
 ଆଆପେସି, ୯ କାଡ଼ ଗୁସିହଁ ଡ଼ୟିନାସି, ଉଜେଏତି  
 ଦନତି ଜୁଦ୍ଦକା ଆଆନ୍ତି ମାନେ ୧୦ ଏଝାରି  
 ସେବା ପାଣା ପୁଝଆ ନକେଏ ଏଝାରି ତାୟିପାରି  
 କିଝିଆପାରି, ଅଡ଼େ ଏଝାରିତାଣା ଏନି ଦହ  
 ତଞ୍ଜା ଆଆତିହଁ, କୁଲମିତି ସାଢ଼େମି କିନାରି  
 ଆପେରି । ୧୧ ଏଲେକିହଁଏ ଏଝାରି ଡ଼କ୍ରିସିକା  
 ଜିକେଏ ନେହଁ ଗୁଣ୍ଡ ଗାଟାଜ\* ଆହାନା ସାକ୍ତି  
 ହିଲାଆଗାଟାଜ ଆହାନା ତୀରପୁ, ପାଲେଏ ମାଞ୍ଜାନା  
 ବାରେ କାମା ଟିକାଣା ତଲେ କିପୁ । ୧୨ ସେବା  
 କିନାରି ରଣ୍ଡିଏ ଡ଼କ୍ରିତା ଡ଼କ୍ରିଆଡ଼େରି, ଅଡ଼େ ଏଝାସି  
 ତାନି କକାରି ପଦାୟିଣି ଅଡ଼େ ତାନି ଇଲୁ କୁଟମିତି  
 ନେହଁ କଁ ସାଲୁଝି କିପେରି । ୧୩ ଇତିହଁ ଆମିନି  
 ଗାଟାରି ନେହଁ କଁ ସେବା କାମା କିହାମାନେରି,  
 ଏଝାରି କୁଲମିତା ମାନିଗାଟାରି ଇଞ୍ଜଁ ଝେଜିନେରି  
 ଅଡ଼େ କ୍ରୀସ୍ତ ଜୀସୁ ତାଣା ନାମୁତା ହାରେକା ସାସା  
 ବେଟାଆନେରି ।

**ଡ଼ଗୁମାନି କାଜା କାତା**

୧୪ ଇ ଆକୁ ରାଡ଼ିନି ବେଲାତା, ନାନୁ ନୀ ତାଣା  
 ତବେ ଝାହାଲି ଆସା କିହିମାଲ୍, ୧୫ ସାମା ନା  
 ଝାନାୟି ଝେଡ଼ା ଆତିହଁ, ମାହାପୁରୁ ଇଲୁ କୁଟମିତା  
 ଇତିହଁ ସାତାତି ମୁଣ୍ଡା ଅଡ଼େ ପୁନାଦି ଲେହେଁ  
 ଜୀଝୁତି ମାହାପୁରୁ କୁଲମିତା, ଏନି ମାଣ୍ଡକିତା  
 ମାନାୟି ମାନେ, ଏଦାଆଁ ନାନୁ ଏନିକଁ ପୁଞ୍ଜାଲି  
 ଆଡ଼ିଦି, ଇଦାଆଁତାକି ଇ ବାରେ କାତା ନାନୁ  
 ରାଡ଼ିମାଞ୍ଜାଲ୍ । ୧୬ ମାହାପୁରୁତି ଦାମୁତି ବାରେ  
 କାତା ହାରେକା କାଜାୟି, ଇଦାଆଁ ବାରେ ଲକୁ  
 ଝେକ୍ନେରି । ଏଦି ଇଦି,  
 କ୍ରୀସ୍ତ ମାଣ୍ଡସି ଝାଣା ଆହାନା ତଞ୍ଜାଆଡ଼େସି,  
 ସୁଦୁଜୀଝୁତା ଦାମୁଗାଟାସି ଇଞ୍ଜଁ ଝେଜିତେସି,

ଦୁଦୁୟା ତଲେ ତଞ୍ଜାଆଡ଼େସି,  
 ଏଟକା ଲକୁତାଣା ଝେଜିତେସି,  
 ଦାରୁତିତା ନାମୁଗାଟାସି ଆଡ଼େସି,  
 ଇଞ୍ଜା ମାହାପୁରୁ ଗାଝୁରମି ତଲେ ଲାକପୁରୁ  
 ଅଝିଆଡ଼େସି ।



**ମିତି ଜାପୁନାରି**

୧ ସୁଦୁଜୀଝୁ ତୀରିତଲେ ଝେସିମାଞ୍ଜାନେ, ଜୁଗୁ  
 ରାନି ବେଲାତା ଏଡେକା ଲକୁ ଲାଗେଏତି ନାଡ଼ିକିନି  
 ଜାପୁନି ତାଣାଟି କୁଲମିତି ନାମୁଟି ହେକ ଆନେରି,  
 ୨ ଏଝାରି ଏଚରଜାଣା ନାଡ଼ିକିନାରି, ଏଝାରି ଅଣ୍ଡପୁ  
 ହାତାୟି, ୩ ଏଝାରି ବୀହା କିନାୟି ଅଡ଼େ ଏନି ଏନି  
 କାଦି ତିନାୟି ଇଞ୍ଜଁ ନେହେଁ ଆଏ ଇଞ୍ଜିମାନେରି  
 । ସାମା ଆମିନି କ୍ରୀସ୍ତଲ୍ ନାମିତି ଲକୁ ସାତାତି  
 ପୁଞ୍ଜାମାନେରି, ଏଝାରି ମାହାପୁରୁ ଗାଡ଼ିକିତି ବାରେ  
 କାଦି ତାକି ଏଝାଣାଲ୍ ଜହରା କିହାନା ଏଦି ନେହାୟି  
 ଇଞ୍ଜଁ ତିଞ୍ଜାଲି ଆଡ଼ିନେରି । ୪ ଇତିହଁ ମାହାପୁରୁ  
 ଗାଡ଼ିକିତି ଆସି ବାରେ ନେହାୟି, ଇଞ୍ଜା ମାହାପୁରୁଲ୍  
 ଜହରା କିତିସାରେ ଏନାୟି ଜିକେଏ ତିନାଆଗାଟାୟି  
 ଆଏ । ୫ ଏନାଆଁତାକି ଇତିହଁ ମାହାପୁରୁତି ବଲୁ  
 ଅଡ଼େ ପ୍ରାତାନା ତଲେ ଏଦାଆଁ ସୁଦୁ କିଝିଆନେ ।

**ଜୀସୁ କ୍ରୀସ୍ତୁତି ନେହଁ ସେବା କିନାସି**

୬ ଇ ବାରେ କାତା ମୀରୁ ତାୟି ତାଜିଲ୍  
 ଜାପୁହିସାରେ କ୍ରୀସ୍ତ ଜୀସୁତି ର ନେହଁ ସେବା  
 କିନାତି ଆଡ଼େରି, ଇଞ୍ଜା ମୀରୁ ଆମିନି ନାମୁ  
 ଅଡ଼େ ନେହଁ କାତା ଆସାମାଞ୍ଜେରି, ଏଲେତି  
 ବଲୁ ତଲେ ପାତା ଆଡ଼େରି; ୭ ସାମା ଉଜେଏ  
 ଝେହନି କାତାୟି ଝେନାଆନି, ମାହାପୁରୁଲ୍ ଆଜାନା  
 ନୀତାମାଞ୍ଜାଲି ଜାପାମୁ, ୮ ଇତିହଁ ଆକ୍ଷାତି  
 ପାତି କିନାୟି ଗାଡ଼େକା ତାକି ଲାବା ଆନେ,  
 ସାମା ମାହାପୁରୁଲ୍ ଆଜିନାୟି ଇ କାଲାତା ଅଡ଼େ  
 ଝାହିମାନି କାଲାତି ଜୀଝୁତାକି ମାହାପୁରୁ ଆଞ୍ଜାମାନି  
 ଲାବାଗାଟାୟି ଆନେ । ୯ ଇ କାତା ନାମିନାୟି  
 ଅଡ଼େ ବାରେ ଲକୁ ଅପିନାୟି । ୧୦ ଇଦାଆଁ ତାକି  
 ମାର ମନ ହାହାନା ଝାହୁ ତଲେ ଜୀଝୁ ତୁସାନା  
 କାମା କିହିମାନାୟି, ଏନାଆଁତାକି ଇତିହଁ ଆମିନି  
 ଜୀଝୁଗାଟି ମାହାପୁରୁ ବାରେ ମାଣ୍ଡସିଲ୍ ଇତିହଁ  
 ନାମିନାରାଲ୍ ଗେଲ୍ପିନାସି, ତାନି ତାଣା ମା ବାସୁ  
 ମାନେ । ୧୧ ନାନୁ ଇ ବାରେ କାତା ହୁକୁମି ହାହାନା  
 ଜାପୁମୁ । ୧୨ ନୀ ଦାଂଗଣା ବେଲାତି ଆମ୍ବାଆସି ହାଣି  
 କିୟାଆପେସି, ସାମା ନୀ କାତାତା, ନୀ ଲେମ୍ବିନି  
 ତାଣା, ନୀ ଜୀଝୁ ନନି ତାଣା, ନୀ ନାମୁତା, ଇଞ୍ଜା  
 ନୀ ସୁଦୁତା, ନାମିନାରାକି ନାନୁ ନେହଁ ତହ୍ନାତି  
 ଆମୁ । ୧୩ ନାନୁ ନୀ ତାଣା ଝାଆ ପାତେକା ନାନୁ

\* ୩:୧୧ ୩:୧୧ ଇୟାସିକା ସେବା କିନାଲ † ୩:୧୨ ୩:୧୨ ରଣ୍ଡିଏ ବାହା ଡ଼କ୍ରି



ଦୀର୍ଘ ପତିତ ପତ୍ନୀ ଆହୁନା, ମାହାପୁରୁ କାତା  
 ଝେକ୍ମୁ, ଇଞ୍ଜା ଜାପୁନି ତାଣା ମନ ହୀହାନା ମାନାମୁ  
 । ୧୪ ମାହାପୁରୁ ବଲୁ ଝେକ୍ମୁ ମାଞ୍ଜାନି କୁଲମିତି  
 କାଜାରି ନୀ ତାୟ୍ ତୁା କେସ୍ମା ଇଚାନା ନିଞ୍ଜେ  
 କାର୍ମାତି ଦାନା ହୀହାମାଞ୍ଜାନେରି, ଏଦାଆଁ ହେଲା  
 କିଆନି । ୧୫ ନୀପାତା ଆହିମାନାୟ୍ ଏନିକ୍ ବାରେ  
 ଲକୁ ନକିତା ତଞ୍ଜାଆରେ, ଏଦାଆଁତାକି ଇ ବାରେ  
 କାତାତା ମନ ହୀହାନା ଏ ବାରେ କିହେମାନାମୁ ।  
 ୧୬ ନିଞ୍ଜା ତାକି ଅଡେ ନୀ ଜାପୁନାଣି ତାକି ଜାଗ୍ରାତା  
 ଆମୁ, ଇ ବାରେ କାମା କିହ୍ ମାନାମୁ, ଇଚିହ୍  
 ଏଦାଆଁ କିତିସାରେ ନୀନୁ ନୀ ଗେଲ୍ପିନାଣି ଅଡେ  
 ନୀ କାତା ଝେଞ୍ଜି ମାନାରାଇଁ ଜିକେଏ ଗେଲ୍ପିଦି ।

**୫**

**ନାମିନି ଲକୁତି ଦାୟପତି**

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାଇଁ  
 ଆବା ଇଞ୍ଜି ଅଣ୍ପାନା ଲେମ୍ବାମୁ; ଅଡେ ଦାଂଗଣା  
 କକାରାଇଁ ତାୟିଲେହେଁ ମେହ୍ମୁ, ୨ ବୁଡ଼ହ  
 ଇୟାସିକାଣି ତାଲି ଇଞ୍ଜିହ୍ ଅଡେ ତାଆସିକାଣି  
 ସୁଦୁ ମନତଲେ ତାଙ୍ଗିସ୍ମା ଇଞ୍ଜିହ୍ ଅଣ୍ପାନା  
 ଏଲେକ୍ ସିନିକିମୁ ।

୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି  
 ମାନି କିମୁ । ୪ ସାମା ଆମିନି ରାଣ୍ଡେଣି ଇୟା  
 କି ମୀରୁକା ମାସ୍କାକି ତାଙ୍ଗା ମୀରୁକା ମାସ୍କା  
 ମାଚିହ୍, ଏଞ୍ଜି ନକେଏ ତାମି ଇଲୁ କୁଟମି ତାରାଇଁ  
 ମାନି କିହାଲି ଲକ୍ନାୟି ମାନେ, ତାଲି ତାଞ୍ଜିଇଁ  
 ନେହ୍ କିହାଲି ଜାପାପୁ; ଏନିଇଚିହ୍ ଇଦି  
 ମାହାପୁରୁ ନକିତା ନେହାୟି । ୫ ଆମିନି ରାଣ୍ଡେଣି  
 ଇୟା ରଣ୍ଡିଏ ମାନେ ଅଡେ ଆମ୍ବାଆରି ଜାଡ଼ନୁ  
 ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସ୍ ଇଚାନା  
 ଲାଆଁ ମାଦେନା ବାତିମାଲିହ୍ କାରେଏ ପ୍ରାତାନା  
 କିପୁ; ୬ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା  
 ତୁୟିନି ରାଣ୍ଡେଣିସିକା ଏଞ୍ଜି ଜୀଞ୍ଜୁତଲେ ମାଚିହ୍  
 ଜିକେଏ ହାତି ଲେହେଁତାଇ । ୭ ଏଞ୍ଜି ଏନିକ୍ ଦହ  
 ହିଲାଆଗାଟାଇ ଆନୁ, ଇଦାଆଁତାକି ଇ ବାରେ କାତା  
 ଜିକେଏ ଜାପମୁ । ୮ ସାମା ଆମ୍ବାଆସି ତାନି ପାଡ଼ିତି  
 ଲକୁ ଅଡେ ତାମି ଇଲୁ କୁଟମିତି ଲକୁଣି କେରଅସି,  
 ଏଞ୍ଜାସି ନାମୁତି କାତାଇ ଆବାହିଲଅସି, ଇଞ୍ଜା ଏଞ୍ଜାସି  
 ନାମାଆଗାଟାଣି କିହାଁ ହାରେକା ଲାଗେଏ ଆନେସି ।

୯ ଆମିନି ରାଣ୍ଡେଣି ତାନିକଡ଼ି ବାର୍ଷାଟିଏ ଉଣା  
 ଆଏ, ଅଡେ ରଣ୍ଡିଏ ତକାଇଁ ବୀହା ଆହାମାନେ,  
 ଏଞ୍ଜାସିକା ଦରୁ ରାଟାମୁ, ୧୦ ଅଡେ ନେହ୍  
 କାମାତାକି ଝେଙ୍ଗାମାନେ, ଅଡେ ଏଦି ମୀରୁକା  
 ମାସ୍କାଣି ପହିପାତି କିହାନା, ପାଡ଼ିତି ଗତାୟିଣି  
 ସେବା କିହିମାନେ, ମାହାପୁରୁ ଲକୁତି କତାୟି  
 ନରହା ମାନେ, ଦୁକୁ ଗାଟାରାଇଁ ଦୁକୁ ତୁକ୍‌ହିମାନେ,

ଅଡେ ବାରେ ନେହ୍ କାମା କିହାଲି ରାହାଁ  
 ଆହିମାନେ, ଆତିହ୍ ଏଦାନି ଦରୁ ରାଣ୍ଡେଣିସିକା  
 ଆକୁତା ରାସ୍‌କି ଆପେ ।

୧୧ ସାମା ତାଆ ରାଣ୍ଡେଣିସିକା ଦରୁ ରାଟାଆନି,  
 ଇଚିହ୍ ଏଞ୍ଜି ଆଙ୍ଗାତି ରାହାଁତା ଜୁପକା ଆହାନା  
 କ୍ରୀସ୍ ତାଣାଟି ଏଟକା ଆହାନା ବୀହା ଆୟାଲି  
 ମନ କିନୁ; ୧୨ ଏଞ୍ଜି ତାମି ତଲିତି ଆଞ୍ଜାମାଟାଣି  
 ମାନି କିହାହିଲାଆକି, ତଣ୍ଡ ଗାଟାଇ ଆନୁ, ୧୩ ଅଡେ  
 ଜିକେଏ ଏଞ୍ଜି ଇଲୁତାକି ଇଲୁ ରେଜିହ୍ ନିସ୍ତା  
 ଆହାଲି ଜାପନୁ, ଅଡେ ଖାରଇ ନିସ୍ତା ଆଏ, ସାମା  
 ଲାଗେଏ ପଲେଏତି ପୁସ୍‌ପନିକା, ଅଡେ ସାକ୍ତି  
 ଜଲାଲି ଜାପାନା ଉଜେ ଉଜେଏତି ଲଡ଼ାହିଲାଆ  
 କାତାୟି ବାସ୍ ଆନୁ । ୧୪ ଇଦାଆଁତାକି ନା ଅଣ୍ପାପୁ  
 ତାଆ ରାଣ୍ଡେଣିସିକା ବୀହା ଆପୁ, କକାରି ପଦାଁ  
 ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି  
 ସାତୁୟାକି ଏନି ପାରୁ ହୀଆପୁ; ୧୫ ଇଚିହ୍ ନୀଏ  
 ଜିକେଏ ଆମ୍ବା ଆମ୍ବାଆୟି କ୍ରୀସ୍ ତାଣାଟି ହେକ  
 ଆହାନା ସୟତାନତି ଜେଟ ହାଜାମାନୁ । ୧୬ ଅଡେ  
 ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା  
 ମାଚିହ୍, ଆତିହ୍ ଏଞ୍ଜି ଏଞ୍ଜାସିକା ଜାଡ଼ନୁ ଅପୁ,  
 ଅଡେ କୁଲମିତାକି ବଲୁ କିଆପୁ, ଏନିକ୍ କୁଲମି  
 ଏନାଆଁ ହିଲାଆଗାଟି ରାଣ୍ଡେଣିସିକାଣି ଜାଡ଼ନୁ ଅନେ  
 ।

୧୭ ଆମିନି ପ୍ରାତିନାଙ୍ଗା କୁଲମିତି ନେହ୍ କ  
 ଜାଡ଼ନୁ କିନେରି, ବାରେକିହାଁ ଆମିନି ଗାଟାରି ବଲୁ  
 ଝେକ୍‌ହାଲି, ଅଡେ ଜାପହାଲି ଖାହୁ ତଲେ କାମା  
 କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଗେ  
 । ୧୮ ଦୀର୍ଘ ପତିତା ରାସ୍‌କି ଆହାମାନେ, “ନପ୍‌ନି  
 କଡ଼ି ମୂତିତା କତ୍ରା ଦହ୍‌ଆନି” ଅଡେ “କାମାକିନାସି  
 ତାନି କାମାତି ପାଡ଼େୟି ବେଟାଆନାୟି ମାନେ ।”  
 ୧୯ ରିଆରି କି ତାନି ଜାଣା ସାକିୟା ହିଲାଆନା  
 ଆମିନି ପ୍ରାତିନା କପାଟି ଏନି କାତା ଝେସ୍ତାତିହ୍  
 ଆହ୍‌ଆନି । ୨୦ ଆମିନି ଗାଟାରି ଦହ୍ କିନେରି,  
 ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନିକ୍  
 ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୧ ନାନୁ ମାହାପୁରୁ, ନକିତା ଅଡେ କ୍ରୀସ୍  
 ଜୀସ୍ ନକିତା ଅଡେ ମାହାପୁରୁ ଆଡ଼ିତି ଦୁତୁୟା  
 ନକିତା ଜାଣ୍ଡେ ହୁକୁମି ହୀହିମାଞ୍ଜାଇଁ ନୀନୁ  
 ତଲିତିଲେହେଁ ଆଆନା ଇ ବାରେ ମାନଞ୍ଜି ଆମୁ,  
 ଅଡେ ଆମ୍ବାଆରାଇଁ ପାଡ଼ଡ଼ା କିଆନା ଇ ବାରେ  
 କାମା କିମୁ । ୨୨ ଦାଗା ଆହାନା କେୟୁ ଇଟାହାଁ  
 ମାହାପୁରୁତି ସେବା କାମାତାକି ଆମ୍ବାଆରାଇଁ  
 ଜିକେଏ ଆଟ୍‌ଆନି । ଏଟକା ଲକୁତି ପାପୁତା  
 ଜାହାରାଇଁ ଆଟ୍‌ଆନି । ନୀନୁ ଜାହାରାଇଁ ସୁଦୁ  
 କିହାକତାମୁ ।

୨୩ ନୀ ବାଣ୍ଡି ଆଗ୍ ହିଲାଆକି ଅଡେ ନୀ

☆ ୫:୧୮ ୫:୧୮ ମାତି ୧୦:୧୦; ଲୁକ ୧୦:୭

ଆଜ୍ଞାତା ଅଲେ ଅଲେ ରତ୍ନ ଆହିମାନାକି ଖାରୁଇ ଏୟୁ ଗହୁଆନି ଅଙ୍ଗୁରି ରାସା ଇଚରା ଲାକା ଗହୁମୁ ।

୨୪ ଏଚରଜାଣାତି ପାପୁ ନୀହାୟି କିଆ ନକେଏ, ତଞ୍ଜାଆନେ, ଅଡ଼େ ଏଚରଜାଣାତି ପାପୁ ତାୟୁ ତଞ୍ଜାଆନେ । ୨୫ ଏଲେକିହିଁ ଏସାତା କାମା ତଲିଏ ତଞ୍ଜାଆନେ, ଅଡ଼େ ଏନା ଏନାୟି ତଞ୍ଜା ଆଏ, ଏଦି ତ୍ତୁନା ତୟାଲି ଆଡ଼େଏ ।



୧ ଏମିନି ଲକୁ ହଲିୟାଜା ଦୁଝେଡ଼ିତା ହେରଝାମାନେରି, ଏଞ୍ଜାରି ତାମି ସାଞ୍ଜୁକାରିୟାଲ୍ଲ ନେହଁ କଁ ମାନି ବେଟାଆନାରି ଇଞ୍ଜି ଅଣପାପେରି, ଏନିକଁ ମାହାପୁରୁ ଦରୁ ଅଡ଼େ ଜାପୁନି ତାଣାଟି ନିନ୍ଦା ଆଏ । ୨ ଅଡ଼େ ଆମିନି ଗାଟାରି ସାଞ୍ଜୁକାରିୟା କ୍ରୀସ୍ତାନା ଆହାମାନେରି, ଏଞ୍ଜାରି ଏଞ୍ଜାରାଲ୍ଲ ମା ତାୟି ଇଞ୍ଜି ଅଣପାନା ହୀଣି କିଆପେରି, ସାମା ହାରେକା ଜାତୁନୁ ତଲେ ଏଞ୍ଜାରି ସେବା କିପାରି, ଇଚିହିଁ ଆମିନି ଗାଟାରି କାମା ତଲେ ଲାବା ବେଟାଆନେରି, ଏଞ୍ଜାରି ନାମିନାରି ଅଡ଼େ ମା ଜୀଞ୍ଜୁ ନନାରି, ଇ ବାରେ କାତା ଜାପୁହାନା ଝେହୁମୁ ।

ମିତି ଜାପୁନାୟି ଅଡ଼େ ସାତା ଦନ

୩ ଆମ୍ବାଆସି ଅର ରଢେଲି କାତା ଜାପୁହାନା ମା ପ୍ରବୁ ଜୀସୁ କ୍ରୀସ୍ତୁତି ନେହଁ ବଲୁ ଅଡ଼େ ମାହାପୁରୁ ଆଜିନି କାତାତି ଜାପୁନାଣି ଆହୁଅସି, ୪ ଆଡିହିଁ ଏଞ୍ଜାସି ଲାଗେଏତି ବଡପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅଡ଼େ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଥଣାଲ୍ଲ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ, ୫ ଇଞ୍ଜା ବୁଦି ହିଲାଆ ଗାଟାରି ଅଡ଼େ ସାତାତି ପିସା ମାନାରି ବିତ୍ତା କାଚ୍ଲେଏ ବାଦିବାଦା ହନେ, ଇଚିହିଁ ମାହାପୁରୁଲ୍ଲ ଆଜିନାୟି ଏଦି ଲାବା ବେଟାଆନି ଜିରୁ ଇଞ୍ଜି ଏଞ୍ଜାରି ଅଣପିନେରି ।

୬ ମାହାପୁରୁଲ୍ଲ ଆଜାନା, ନୀତିନାୟି ନେହେଁ ଆଡିସାରେ ସାତେଏ ଏଦି ଲାବାଗାଟାୟି; ୭ ଏନାଆଁତାକି ଇଚିହିଁ ମାର ଦାରତିତା ଏନାଆଁ ତାତା ହିଲାଆୟି, ଅଡ଼େ ଇ ଦାରତିଟି ଏନାଆଁ ଅହାଲି ଆଡାଆୟି; ୮ ଇଦାଆଁତାକି ବାଣ୍ଡିତି କାଦି ଆଜ୍ଞା ତାକି ହିମ୍ବୁରିକା ମାଡିହିଁ ଇଚେକେଏ ସାରି । ୯ ସାମା ଆମ୍ବାଆରି ଗାଡି ବାଡକାଲି ଅଣପିନେରି, ଏଞ୍ଜାରି ତାୟିପାରି କିନି ତାଣା ଅଡ଼େ ପାନ୍ଦାତା ହେରଝାନା, ଅଡ଼େ ବୁଦି ହିଲାଆଗାଟି ନାସାକିନି ଅଣପୁତି ପାନ୍ଦାତା ହେରନେରି, ଇ ବାରେ ମାଣସିଲ୍ଲ ବୁଡ଼ଝି ଆନିଞ୍ଜାକି ଅଡ଼େ ନାସା ଆନିଞ୍ଜାକି ଅନେ । ୧୦ ଏନାଆଁତାକି ଇଚିହିଁ ଦନତି ଜୁପକା

ବାରେ ଲାଗେଏତି ମୁଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ଦୁକୁ ତଲେ ତାମି ହିୟାତା ଦୁକୁ କିହାମାନେରି ।

ପାଞ୍ଜୁଲତି ରାପୁନି କାତା

୧୧ ସାମା ଏ ଡିମତି ନୀନୁ ର ମାହାପୁରୁ ଲକୁଡି, ନୀନୁ ଇ ବାରେ ତାଣାଟି ହେକ ଆହାନା ଦାମୁ ଗାଟାଟି, ମାହାପୁରୁଲ୍ଲ ଆଜିନାୟି, ନାମିନାୟି, ଜୀଞ୍ଜୁନନାୟି, ସାସା, ଅରୁହିନାୟି, ଇ ବାରେ ନେହଁ ଗୁଣୁତା ତାକାମୁ । ୧୨ ନାମୁତି ନେହଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିମୁ, କାଲ୍ଲକାଲ୍ଲତି ଜୀଞ୍ଜୁ ଆସାନା ଇଟାମୁ; ଏଦାଆଁତାକି ନୀନୁ ହାଟକି ଆହାମାଞ୍ଜି ଅଡ଼େ ହାରେକା ସାକିୟା ନକିତା ନେହଁ ସାକି ହାହାମାଞ୍ଜି । ୧୩ ବାରେଡି ଜୀଞ୍ଜୁହାନି ମାହାପୁରୁ ନକିତା, ଅଡ଼େ ପନ୍ତିୟ ପିଲାତ ନକିତା ନେହଁ ସାକି ହାନି କ୍ରୀସ୍ତୁ ଜୀସୁ ନକିତା ନୀନୁ ନିଜେ ହୁକୁମି ହାହିମାଞ୍ଜାଲ୍ଲ, ୧୪ ନୀନୁ ମା ପ୍ରବୁ ଜୀସୁ କ୍ରୀସ୍ତୁତି ଖାନି ଦିନା ପାତେକା ଦାମୁତି ମେରା ମାନଝି ଆହାନା ଏଦି ପାପୁ ଅଡ଼େ ନିନ୍ଦା ହିଲାଆଗାଟାଟି ଆହାଁ ତୟାମୁ । ୧୫ ଏଞ୍ଜାସି ହାରେକା ନେହାସି, ରଥସିଏ ବାରେକିହାଁ କାଜା ସାଲୁଝି କିନାସି, ଏଞ୍ଜାସିଏ ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ, ୧୬ ଏଞ୍ଜାସିଏ ରଥସି ହାଆଗାଟାସି ଅଡ଼େ ମେସାଲି ଆଡାଆଗାଟି ଉଜେଡିତା ମାନେସି, ଏଚେଲାଝା ଏଞ୍ଜାଣାଲ୍ଲ ଆମ୍ବାଆସି ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତୀରିକିତି ଦିନାତା ଏଦାଆଁ ତହୁନେସି; କାଲ୍ଲକାଲ୍ଲତାକି ତାନି ସାମୁମି ଅଡ଼େ କାଜାପାଣା ତଞ୍ଜା ଆପେ । ଆନେନ । ୧୭ ଆମିନି ଗାଟାରି ଇ ଜୁଗୁତା ବାଡକିତାରି, ଏଞ୍ଜାରି ଏନିକଁ ଆଜ୍ଞାରା ଆଅରି ଅଡ଼େ କାଚ୍ଲେଏ ତୟାଆ ଦନ ଲାକ ବାସୁ ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସୁ ଇଚିନେରି, ୧୮ ଅଡ଼େ ଏଟକା ଲକୁଡି ସାୟେମି କିହାନା ନେହଁ କାମା ତଲେ ବାଡକୁ ଗାଟାରି ଆନେରି ଅଡ଼େ କେୟୁ ଦେତାନା ଅଡ଼େ ରାହାଟି ଦାନା ହାହାଲି ଅଣପିନେରି, ଏଦାଆଁତାକି ଏଞ୍ଜାରାଲ୍ଲ ହୁକୁମି ହୀମୁ; ୧୯ ଇଲେ କିତିସାରେ ଏଞ୍ଜାରି ତାମି ଖାହିମାନି ଜୀଞ୍ଜୁତାକି ନେହଁ ପୁନାଦି କିହାମାନେରି, ଏନିକଁ ଏଞ୍ଜାରି ସାତା ଜୀଞ୍ଜୁ ବେଟାଆନେରି । ୨୦ ଏ ଡିମତି, ନିଜେ ଏନା ଏନାୟି ହୀପକି ଆହାମାଞ୍ଜାନେ, ଏଦାଆଁ ଜାତୁନୁ କିହାଁ ଇଟାମୁ; ଉଜେଏତି କାତାୟାଁ ଅଡ଼େ ସାତା କାତାତି ବୁଦିତାଣି ବାସୁ ଆନାରି ତାଣାଟି ହେକ ଆମୁ; ୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା

☆ ୬:୧୩ ୬:୧୩ କହ ୧୮:୩୭

ମାନୁଷ୍ୟ ଆତ୍ମା ନାମୁତ ଜିରୁ ବାଣୀ ଆହ୍ୱାନାନେରି ।  
କାର୍ମାମେହନାୟି ନୀ ତଲେ ମାଣ୍ଡେ ।

# ତୀମଥୁକ ନିକଟକୁ ପାଉଲଙ୍କ ଦ୍ୱୀତୀୟ ପତ୍ର ତିମତି ତାଣା ପାଖୁଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଖୁଲ ତାଣାଟି ତାନି ସୀସୁ ତିମତି ତାଣା ରାଚାମାନି ଆକୁ । ତିମତି ରୀ ଲମ୍ବର ଆକୁ ପାଖୁଲତି ବାରେଡି କିହାଁ ତାୟୁ ରାଚିତି ଆକୁ । ଇଦି ପାଖୁଲତି ଜୀଝୁ ରାନ୍ତି ବେଲାତା ରାୟକି ଆହାମାଣମ୍ବିନେ । ଏତିବେଲାତା ଏଝାସି ରମ୍ ଗାଡ଼ାତି କାୟିଦି ଇଲୁତା ମାରେସି ୧:୧୭ ପାଖୁଲ ତିମତି ତଲେ ହାରେକା ଜାଟୁ ମାରେ, ଅଡ଼େ ବାରେବେଲା ଏଝାଣାଇଁ ମାର୍‌ଏଣା ଲେହେଁ ରାଚିମାନେସି ପିଲିପି ୨:୨୨; ୧ତମ ୧:୨; ୧:୧୮ ।

ଇଦି ପାଖୁଲ ରାଚାମାନି ସାରିଗଟା ଆକୁ ବିଦ୍ରାତି କୁଲମିତି ପିସାନା ର ମାଣସିକ ରାଚିମାନେସି । ଅଡ଼େ ଏଟକାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଚିତି ବେଲାତା ରମ୍ ଗାଡ଼ାତା ସାଲୁଝି କିନାରି ହାରେକା ସାସ୍ତି ହାହିମାରେରି । ଇଲେତି ସାସ୍ତି ଆହିମାଚାକି ପାଖୁଲ କାୟିଦିତା ତୟାମାରେସି । ମୂଲୁତି ଆକୁ ଲେହେଁ ପାଖୁଲ ତିମତିଇଁ ମିତି ଜାପୁନାରି ତାଣାଟି ଜାଗ୍ରାତା ଆହାଲି ଝେସିମାନେସି । ୧ତମ ୧:୧୭-୧୮ ପାଖୁଲ ତିମତିଇଁ ଏଲେଇଝି ମାନେସି ତାୟୁ ହାରେକା କସ୍ତୁତି ଦିନା ମାନେ ୩:୧ ।

**ପତିତା ମାନାୟି**

- ୧. ପାଖୁଲ ତିମତିଇଁ ଜହରା କିହାନା ମାଟୁନାୟି ଅଡ଼େ ଏଝାଣାଇଁ ସାସ୍ତି ହାନାୟି । ୧:୧-୧୮
- ୨. ପାଖୁଲ ତିମତିଇଁ କସ୍ତୁ ଅରହାଲି ସାସ୍ତି ହାହିମାନେସି । ୨:୧-୧୩
- ୩. ତିମତିଇଁ ଏଚେକା କାତା ଝେହନାୟି । ୨:୧୪-୨୭
- ୪. ରାନ୍ତି ଦିନାତା ଗଟଝି ଆନାଆଁ ଅଡ଼େ ସାତା ଜିରୁ ବାଚି କିହାଲି ଜାଗ୍ରାତା କିନାୟି । ୩:୧-୪:୮
- ୫. ପାଖୁଲ ତିମତିଇଁ ଏଚେକା ଅଶ୍‌ପୁତି କାତା ଝେସାନା ଆକୁତି ରାପୁନାୟି । ୪:୯-୨୨

୧ ନାନୁ ପାଖୁଲ, ଜୀସୁ ଜୀସୁ ତାଣା ମାନି ଜୀଝୁତି ଆଞ୍ଜାମାନି ଲେହେଁ, ମାହାପୁରୁ ଅଶ୍‌ପୁ ତଲେ ଜୀସୁ ଜୀସୁତି ର ପାଣୁଝି ଆହାମାନାତେର୍ସି ।

୨ \*ତିମତି, ନା, ଜୀଝୁତି ମାର୍‌ଏଣାଟି ଆବା ମାହାପୁରୁ ଜୀସୁ ଜୀସୁ ତାଣାଟି କାର୍‌ମାମେହନାୟି ଅଡ଼େ ହିଡ଼ି ଜୀଝୁ ନିଲେତାକି ଆୟାପେ ।

ମାହାପୁରୁଇଁ ଜହରା ଅଡ଼େ ବାର୍‌ସୁ ହାନାୟି

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁଦୁ ଅଶ୍‌ପୁ ତଲେ ମାହାପୁରୁଇଁ ସେବା କିହିମାଇଁ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଚାହାଁ ମାହାପୁରୁଇଁ ଜହରା କିହିମାଇଁ; ୪ ଏନିକ୍ ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଶ୍‌ପାମା ନିଲେ ମେସାଲି ତାକି ହାରେକା ମନ କିହିମାଇଁ; ୫ ଇତିହ ଆମିନି କୁଟୁ ହିଲାଆଗାଟି ନାମ୍, ମୀ ବାୟି ଲୟି ଅଡ଼େ ମୀ ଇୟା ଇଝୁନିକି ତାଣା ମାରେ, ଅଡ଼େ ନୀ ତାଣା ଜିକେଏ ମାନେ ଇଝିହ ନା ହାରେକା ନାମ୍, ନୀ କୁଟୁ ହିଲାଆ ନାମୁତି କାତା ନାନୁ କାଟୁ ବେଟାଆହାମାଇଁ । ୬ ନାନୁ ନୀ ଲାକ କେୟୁ ଇଟାଟି ବେଲାତା ନୀନୁ ମାହାପୁରୁ ତାଣାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ୁ କିହାଁ ଇଟାଲି ନାନୁ ନିଲେ ଅଶ୍‌ପି କିହିମାଞ୍ଜାଇଁ । ୭ ଇତିହ ମାହାପୁରୁ ମାଲେ ଆଜିନି ଜୀଝୁ ହୀହାମାଞ୍ଜଅସି, ସାମା ବାଡ଼ୁୟୁ, ଜୀଝୁ ନନାଣି, ଅଡ଼େ ନେହ ଅଶ୍‌ପି କିନି ଜୀଝୁ ହୀହାମାଞ୍ଜାନେସି ।

୮ ଏଦାଆଁତାକି ମାର ପ୍ରବୁ କାତାତା ସାକି ହାହାଲି ଅଡ଼େ ନାନୁ ପ୍ରବୁତି ତାକି କାୟିଦି ଇଲୁତା ଦସ୍‌ପି ଆହାମାଇଁ ନା ତାକି ଲାଜା ଆଆନି, ସାମା ମାହାପୁରୁ ହୀହାମାଞ୍ଜାନି ବାଡ଼ୁୟୁ ତଲେ ନେହ କାଟୁ ଝେକହାଲି ବେଟାଆହାମାନି କସ୍ତୁତି ସହଝି ଆମ୍ । ୯ ଏଝାସି ମାଲେ ଗେଲ୍‌ପା ମାଞ୍ଜାନେସି, ଅଡ଼େ ନା ନେହ ଲକୁତେରି ଇଝିହ ହାଟାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜଅସି, ସାମା ତାନି ଅଶ୍‌ପୁ ତଲେ ତାନୁ କାର୍‌ମା ମେସ୍‌ପାନି ଲେହେଁ କିହାଁ ମାଞ୍ଜାନେସି; ଏ କାର୍‌ମା ତଲି କାଲା ନକେଏ ଜୀସୁ ଜୀସୁ ତାଣାଟି ମାଲେ ହାଝି ଆହାମାରେ, ୧୦ ସାମା ନୀର୍ସ ମା ଗେଲ୍‌ପାନି ଜୀସୁ ଜୀସୁ ଦାରତିତା ଝାହାମାନାକି ମାଲେ ତସାମାଞ୍ଜାନେସି; ଏଝାସି ହାକିତି ମ୍ଲେକହା ମାନେସି; ଅଡ଼େ ତାନି ନେହ କାଟୁତଲେ ଜୀଝୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି ।

୧୧ \*ଇ ନେହ କାଟୁ ଝେକହାନା ତେଲ୍‌ହିକିହାଲି ମାହାପୁରୁ ନାଲେ ର ପାଣୁଝିଆଡ଼ି ସୀସୁ ଇଞ୍ଜା ଜାପୁନାସି ଲେହେଁ ହେର୍‌ପା ମାଞ୍ଜାନେସି । ୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଇଁ; ଆଡ଼ିଜିକେଏ ନାନୁ ଆଜା ହିଲଆଁ, ଇତିହ ନାନୁ ଆମ୍‌ଆରି ତାଣା ନାମାମାଇଁ, ଏଝାଣାଇଁ ପୁଞ୍ଜାମାଇଁ, ଅଡ଼େ ନାନୁ ତାନି କେୟୁତା

\* ୧:୨ ୧:୨ କାମା ୧୭:୧    \* ୧:୫ ୧:୫ କାମା ୧୭:୧    \* ୧:୧୧ ୧:୧୧ ୧ତମ ୨:୭

ଏନାଆଁ ହେଉପାମାଇଁ, ବିଚାରା ଦିନା ଖାନ୍ତି ପାତେକା ଏଦାଆଁ ଏଞ୍ଜାସି ଜାତନ୍ତୁ ତଲେ ଇଟାଲି ଆଡ଼ିମାନେସି, ଇଦାଆଁ ନାନୁ ତୀରପୁତଲେ ନାମିମାଇଁ । ୧୩ ନା ତାଣାଟି ଆମିନି ନେହଁ ବଲୁ ଖେଞ୍ଜାମାଞ୍ଜି, କ୍ରୀସ୍ତ ଜୀସୁ ତାଣାଟି ନାମୁ ଇଞ୍ଜା ଜୀସୁ ନନାଣି ଏଦାଆଁ ନେହଁକଁ ଆସା ମାନାମୁ । ୧୪ ଆମିନି ନେହଁ କାତାତି ଦାୟିପତି ମିଙ୍ଗେ ହୀପକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀସୁତି ବାଡ଼ୁୟୁ ତଲେ ଏ ବାରେଡି ଜାତନ୍ତୁ କିହା ଇଟାମୁ ।

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା ତଲେ ଆସିୟାତି ବାରେ ଲକୁ ନାଙ୍ଗେ ପିସା ମାଞ୍ଜାନେରି । ୧୬ ଅନିସିପର କୁଟମିତି ପ୍ରବୁ କାର୍ମା ମେସପେସି, ଏନାଆଁତାକି ଇଚିହଁ ଏଞ୍ଜାରି ଅଲେ ଅଲେ ଖାହାନା ନା ଦୁକୁ ତୁକହାତେରି, ଇଚିହଁ ନାନୁ କାୟିଦି ଇଲୁତା ମାଚିହଁ ଜିକେଏ ଲାଜା ଆହାହିଲଅରି, ୧୭ ରମ୍ ଗାଡ଼ାତା ଏଜାଲିଏ ଏଞ୍ଜାସି ନାଙ୍ଗେ ପାରାମା ନା ତାଣା ଖାଡ଼େସି, ୧୮ ରାନ୍ତି ଦିନାତା ଏନିକଁ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକଁ ମାହାପୁରୁ ଏଞ୍ଜାଣାକି କାର୍ମା ଆପେସି, ଅଡ଼େ ଏଞ୍ଜାସି ଏପିସିୟ ଗାଡ଼ାତା ନାଙ୍ଗେ ଏନିକଁ ସେବା କିହାମାଞ୍ଜାନେସି, ଏଦାଆଁ ନାନୁ ନେହଁକଁ ପୁଞ୍ଜାମାଞ୍ଜି ।

୨

କ୍ରୀସ୍ତ ଜୀସୁତି ନେହଁ ଜୁଜୁ କିନାସି

୧ ଏଦାଆଁତାକି ଏ ନା ଜୀସୁତି ମୀରଏଣାତି, କ୍ରୀସ୍ତ ଜୀସୁତଲେ ଆଣ୍ଡିତାକି ତାନି କାର୍ମାମେହନି ତାଣାଟି ଆମିନି ବାଡ଼ୁୟୁ ମେଡ଼ା ଆନେ ଏମ୍ବାଆଁ ମୀରୁ ବାଡ଼ୁୟୁ ଗାଟାତେରି ଆଦୁ, ୨ ଅଡ଼େ ହାରେକା ସାକିୟା ନକିତା ଆମିନି ବାରେ କାତା ନା ତାଣାଟି ନାନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟକା ଲକୁଣି ଜିକେଏ ଜାପୁହାଲି ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଇ ବାରେ ହେଉପାମୁ ।

୩ ନାନୁ କ୍ରୀସ୍ତ ଜୀସୁତି ର ନେହଁ ଜୁଜୁ କିନାତି ଲେହେଁ ଏଞ୍ଜାଣି ତାକି କସ୍ତ ଅରୁହାମୁ । ୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରୁତିତି ଏଟକା କାମାତା ହେଉପି ଆଅସି, ଏନିକଁ ଏଞ୍ଜାସି ତାନି ମୁହେଁତି କାଜାଣାଇଁ ରାହାଁ କିନେସି । ୫ ଅଡ଼େ ଆମ୍ବାଆସି କାହୁ ତାକି ବାଦ୍‌ହାରା ଆନେସି, ଏଞ୍ଜାସି ମେରା ତଲେ କାହାଆସାରେ ଜୀଣା ଆଅସି । ୬ ଆମିନି ତାସା କାମାକିନାସି ଖାହୁ ତଲେ କିନାସି, ଏଞ୍ଜାସି କାମାତି ମୁଲୁତି ବାଗା ବେଟାଆନାୟି ମାନେ । ୭ ନାନୁ ଏନାଆଁ ଖେସିମାଞ୍ଜାଇଁ, ଏଦାଆଁ ଅଣ୍ଡପାମୁ; ଇଚିହଁ ପ୍ରବୁ ନିଙ୍ଗେ ବାରେ ପୁଞ୍ଜାଲି ବୁଦି ହିୟାନେସି ।

୮ ନା ତାଣାଟି ଖେସପିଆହାମାନି ନେହଁ କାହୁ ଲେହେଁ ହାଡ଼ାରି ତାଣାଟି ନିଙ୍ଗିତାଣି ଅଡ଼େ ଦାସୁଦ କୃତାତା ଜାର୍ନା ଆହାମାନି ଜୀସୁ କ୍ରୀସ୍ତଇଁ ଅଣ୍ଡପାମୁ । ୯ ଇ ନେହଁ କାହୁତାକି ନାନୁ ଦହଗାଟି ଲକୁ ଲେହେଁ କାୟିଦି ଇଲୁତା ଦସପିଆନ୍ତି ପାତେକା କସ୍ତ ବେଟା ଆହିମାଇଁ; ସାମା ମାହାପୁରୁତି ବଲୁ ଦସପି ଆହା ହିଲେଏ । ୧୦ ଇଦାଆଁତାକି ମାହାପୁରୁ ଆଟାମାନି ଲକୁ ଜିକେଏ ଏନିକଁ କାଲାକାଲାତି ଗାଧୁରମି ତଲେ କ୍ରୀସ୍ତ ଜୀସୁ ହୀହାମାନି ଗେଲୁପି ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜାରି ତାକି ଇ ବାରେ ସାସାତଲେ କସ୍ତ ଅରୁହିମାଇଁ । ୧୧ ଇ କାତା ସାତା

“ମୀର କ୍ରୀସ୍ତ ତଲେ ହାହାମାନାୟି,  
 ଅଡ଼େ ଏଞ୍ଜାଣିତଲେ ଜିକେଏ ନୀତିନାୟି;  
 ୧୨ ଅଡ଼େ ମୀର ସାସାଆସାଁ କସ୍ତ ଅରୁହିନାୟି,  
 ଆତିହଁ ଏଞ୍ଜାଣିତଲେ ଜିକେଏ ସାଲୁଞ୍ଜି କିନାୟି;  
 ମୀର ଏଞ୍ଜାଣାଇଁ ପୁଞ୍ଜାହିଲଅମି ଇନାୟି,  
 ଆତିହଁ ଏଞ୍ଜାସି ଜିକେଏ ମାଙ୍ଗେ ପୁଞ୍ଜାହିଲଅଁ ଇଞ୍ଜାନେସି;  
 ୧୩ ଏଡ଼େତା ମୀର ନାମାଆ ଗାଟାତାୟି ଆନାୟି,  
 ଆତିଜିକେଏ ଏଞ୍ଜାସି ବାରେବେଲା ଟିକାଣାତାସି,  
 ଇଚିହଁ ଏଞ୍ଜାସି ଜାହାରାଇଁ ଆଏ ଇଞ୍ଜାଲି ଆଡ଼ଅସି ।”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଟାରାଇଁ ଇ ବାରେ କାତା ମାହାପୁରୁ ଅଣ୍ଡପି କିମୁ, ସାସ୍ତେରିତି କାତା ଉଜେଏ ବାଦିବାଦା ଆନ୍ତି ତାଣାଟି ଜାଗ୍ରାତା କିମୁ, ଇଲେତି ବାଦିବାଦା ଆମ୍ବାଆରାଇଁ ନେହଁ କିଏ, ସାମା ଆମ୍ବାଆରି ଏମ୍ବାଆଁ ମନ ହୀନେରି ଏଞ୍ଜାରି ନାସା ଆନେରି । ୧୫ ସାତା ବଲୁ ଟିକାଣା ତଲେ ଲେମ୍ବାନା, ଆମିନି କାମାକିନାସି କାମାତା ଏନିକଁ ଲାଜା ଆଅସି, ଏଞ୍ଜାଣିଲେହେଁ ମାହାପୁରୁ ନକିତା ଜାହାରାଇଁ ତାୟିପାରିତା ଜୀଣା ଆହାମାନି ଲେହେଁ ତସାଲି ଜାତନ୍ତୁ କିମୁ । ୧୬ ସାମା ଲାଗେଏତି ଉଜେଏତି କାତାୟି ବାସଁ ଆନ୍ତି ତାଣାଟି ହେକ ଡ଼ୟାଦୁ; ଇଚିହଁ ଆମ୍ବାଆରି ଏଲେତି କାମା କିନେରି, ଏଞ୍ଜାରି ଲାଗେଏତି କାମାତା ହାରେକା ପାତା ଆନେରି, ୧୭ ଅଡ଼େ ଏଞ୍ଜାରି କାତା ସୀରନି ଗାହାଁ ଲେହେଁତାୟି; ଏଞ୍ଜାରି ବିତ୍ରାଟି ହୁମନାୟି, ଅଡ଼େ ପିଲିତ, ଇ ରିଆରି ମାନେରି । ୧୮ ଏଞ୍ଜାରି ହାହାନା ଖେଣ୍ଡେ ନିଙ୍ଗିତାୟିଏ ଇଞ୍ଜାଁ ସାତାତି ପିସାମାନେରି, ଅଡ଼େ ଏତରଜାଣାତି ତାମି ନାମୁତି ତୀରି ମୁପୁହି ମାନେରି । ୧୯ ଆତିଜିକେଏ, ମାହାପୁରୁ କେପିତି ପୁନାଦି ଆଟ୍‌ଞ୍ଜା ଆହାନା ଡ଼ୟାମାନେ, ଅଡ଼େ ଏ ଞ୍ଜାଲିତା ଇ ବୁଟୁ ମୁଦ୍ରା ଆହାମାନେ, “ପ୍ରବୁ ତାନି ଲକୁଣି ପୁଞ୍ଜାମାନେସି” ଅଡ଼େ, “ଆମ୍ବାଆସି

ପ୍ରଭୃତି ଦରୁ ଆହୁନାସି, ଏଞ୍ଜାସି ଲାଗେଏ ତାଣାଟି ହେକ ମାଣ୍ଡ଼େସି ।”

୨୦ ର କାଜା ଇଜ ଖାରଇ ବାଂଗାରା ଖେଣ୍ଡିତି ତୁକା ମାଣ୍ଡି ମାନୁ, ଏଚେକା ଆଏ, ଅଡେ ମାରୁକା ଇଞ୍ଜା ଇରୁଆତି ତୁକା ମାଣ୍ଡି ଜିକେଏ ମାନୁ; କଚେକା ତୁକା ମାଣ୍ଡି କାଜା କାଜା କାମାତାକି ମାନୁ, ଅଡେ କଚେକା ଉଜେଏ ଦିନା ଲେମ୍ବାଲି ତାକି ମାନୁ । ୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାଇଁ ଅଟହା କଡିନେସି, ଏଞ୍ଜାସି ହେରୁପି ଆହାନା, ସାଞ୍ଜୁକାରି କାମାତା ପାଡ଼ାଆନେସି, ଏଞ୍ଜାସି ବାରେ ନେହୁଁ କାମାତାକି ଆଡ଼ା ଇଟାମାନି ମାନିଗାଟି ତୁକା ମାଣ୍ଡି ଲେହେଁ ଆନେସି । ୨୨ ସାମା ନୀନୁ ଦାଂଗଣା ବେଲା ଲାଗେଏତି ଜୁପକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟା ତଲେ ପ୍ରବୁ ତାଣା ପ୍ରାଡାନା କିନେରି, ଏଞ୍ଜାରିତଲେ ଦାମ୍ବୁ, ନାମ୍ବୁ, ଜୀଞ୍ଜୁ ନନାଣି, ଅଡେ ହିଡ଼ଡ଼ି ଜୀଞ୍ଜୁ ଜେଟ ହାଲାମ୍ବୁ । ୨୩ ବୁଦି ହିଲାଆ ମୁକୁଁ ଗାଟାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବୁ । ୨୪ ମାହାପୁରୁତି ହଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାଟି ହିଡ଼ଡ଼ି ହାଡ଼ା ଜାପୁନାସି, ଅଡେ ଅରୁହିନାସି ଇଞ୍ଜା ମା କପାଟି ନିଜିନି ଲକୁଣି ହିଡ଼ଡ଼ି ହାଡ଼ାତଲେ ଜାପୁନାସି ଆନାୟି ମାନେ, ୨୫ ଅଡେ ଗଡ଼ହା ଗାଟାରାଇଁ ସୁଦୁ ସୁଞ୍ଜାଲା ତଲେ ଲେମ୍ବିନାସି ଆନାୟି ମାନେ, ଆଡିହୁଁ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଇଁ ମନ ଖେଟ୍ଟିନି ଅଣ୍ଡୁ ହାନେସି, ୨୬ ଅଡେ, ଆମିନି ସୟତାନ ଏଞ୍ଜାରାଇଁ ତାନି ଅଣ୍ଡୁ ତଲେ କିହାଲି ଦସପାମାନେ, ଏମ୍ବାଟି ଏଞ୍ଜାରି ସେଡନା ଆହାନା ଏ ପାନ୍ଦାଟି ଗେଲୁପି ଆନେରି ।

**୩**

**ରାନ୍ତି ଦିନାତି କାତା**

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ତି ଦିନାତା ନାସା ଆନ୍ତି ଦିନା ଖାନେ; ୨ ଇତିହୁଁ ଲକୁ ତାମ୍ବୁ ଜାହାରାଇଁ ଅଣ୍ଡା କଡିନେରି, ଦନ ଜୁପକା, ଜୀଞ୍ଜୁତା ବଡପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି, ୩ ରାହାଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁ ଆନାୟି ହିଲାଆ ଗାଟାରି, ଲାଗେଏ କାତା ଖେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁ ତସାନା ଆଜି କିନାରି, ନେହୁଁ କାତାତି ଅପାଆଗାଟାରି ଆନେରି; ୪ ଅଡେ ଏଞ୍ଜାରି ହୀରୁ ଦାଃଆନାରି, ତାୟୁ ଏସକି ଅଣ୍ଡାଆ ଗାଟାରି, ବଡପଣ ଗାଟାରି ଆନେରି, ଅଡେ ମାହାପୁରୁ ଜୀଞ୍ଜୁ ନନାରି ଆଆନା ଦାରୁଡିତି ରାହାଁତି ଜୀଞ୍ଜୁ ନନାରି ଆନେରି; ୫ ଏଞ୍ଜାରି ମାହାପୁରୁତି ଆଜିନି

ମେରା ଆହୁନେରି ସାମା ଏମ୍ବାଟି ବାଡ଼ୁୟୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମ୍ବୁ । ୬ ଇତିହୁଁ ଇଞ୍ଜାରି ତାଣା ଇଲେତି ଲକୁ ମାନେରି, ଏମିନିଗାଟାରି ଇଲକା ତାକି ଇଲକା ହଡିହୁଁ ପାପୁତି ବଜୁତା ଅଡେ ତାନି ମନତି ଜୁପକା ଗାଟି ଅଣ୍ଡୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାନି ତାଣା ଇତିନେରି; ୭ ଇୟାସିକା କାଲେଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡ଼ାତ । ୮ ଏନିକୁଁ ଜନିସି ଅଡେ ଜାମ୍ବୁ ସ ମସା କପାଟି ନିଜାମାଚେରି, ଏଲେକିହୁଁ ଏଞ୍ଜାରି ଜିକେଏ ସାତାତି ଆଜିନେରି, ଏଞ୍ଜାରି ତାୟୁଁ ଲାଗେଏ ଆହାମାନେ ଅଡେ ଏଞ୍ଜାରି ଦାମ୍ବୁତି ନାମ୍ବୁ ଉଜେଏ ଆହାମାନେ । ୯ ସାମା ଏଞ୍ଜାରି ଅଡେ ହାରେକା ଆଗାଡ଼ା ହାଲଅରି; ଇତିହୁଁ ଏ ରିଆରି ଏଞ୍ଜାରି ବୁଦି ହିଲାଆଗାଟାରି ଇଞ୍ଜୁଁ ର ଦିନା ବାରେଜାଣା ପୁନେରି, ଜନିସି ଅଡେ ଜାମ୍ବୁ ସ ଜୀଞ୍ଜୁତା ଏନାୟି ଗଟଞ୍ଜି ଆହାମାଚେ, ଏଞ୍ଜାରି ଜୀଞ୍ଜୁତା ଏଡିଏ ଆନେ ।

**ରାନ୍ତିବେଲାତି କାତା**

୧୦ ସାମା ନୀନୁ ନା ଜାପୁନାଣି, ମାଣ୍ଡକି, ନା ଅଣ୍ଡୁ, ନା ନାମ୍ବୁ, କସୁ ଅରୁହିନାଣି, ଜୀଞ୍ଜୁ ନନାଣି, ଅରୁହିନାୟି, ୧୧ ସାସି ବେଟା ଆଡ଼ାଣି, ଦୁକୁ କସୁ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆଡ଼ିୟକିୟା, ଇକନିୟ, ଅଡେ ଲୁସ୍ତାତା, ନା ତାକି ଏଲେକିହୁଁ ଏ ନିନ୍ଦା କସୁ ଆହାମାଚେ; ଏଦାଆଁ ନୀନୁ ଅରୁହା ମାଚେଏଁ, ଅଡେ ପ୍ରବୁ ନାଜେ ଏ ବାରେଟି ଗେଲୁପା ମାଞ୍ଜାତେସି । ୧୨ ସାତେଏ ଆମିନି ଗାଟାରି କ୍ରୀସୁ ଜୀସୁ ତାଣାଟି ଦାମ୍ବୁ ଜୀଞ୍ଜୁ ନାତାଲି ଅଣ୍ଡପିନେରି, ଏଞ୍ଜାରି ନିନ୍ଦା ବେଟାଆନେରି । ୧୩ ସାମା ଲାଗେଏତି କାମାକିନାରି ଅଡେ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି । ୧୪ ସାମା ନୀନୁ ଏନା ଏନାଆଁ ଜାପାମାଞ୍ଜି, ଅଡେ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତୀରିତଲେ ମାନାମ୍ବୁ, ଇତିହୁଁ ନୀନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ ବାରେ ଜାପାମାଞ୍ଜି; ୧୫ ଅଡେ ଆମିନି ଦାମ୍ବୁ ସାସ୍ତେରି କ୍ରୀସୁ ଜୀସୁ ତାଣା ନାମ୍ବୁଟି ନିଜେ ଗେଲୁପିକିନି ବୁଦି ହିୟାଲି ଆଡ଼ାନେ, ଏଦାଆଁ ନୀନୁ ଉଣା ଖେଡ଼ାଟିଏ ପୁଞ୍ଜାମାଞ୍ଜି । ୧୬ ବାରେ ଦାମ୍ବୁ ସାସ୍ତେରିତା ରାସକି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅଡେ ଜାପୁନାୟି, ଲାଗିନାୟି, ତୀରିକିନାୟି, ଅଡେ ଦାମ୍ବୁତା ନୀତାଲି ସାୟେମି କିନାୟି, ୧୭ ଏନିକୁଁ ମାହାପୁରୁତି ଲକୁ ତୀରପୁ ଆହାନା ବାରେ ନେହୁଁ କାମାତା ଜଗେ ଗାଟାରି ଆନେରି ।

\* ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦

### ୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରୀସ୍ତ ହାତୀରାଜ୍ଞି ଇଞ୍ଜା ନୀତାମାନାରାଜ୍ଞି ନୀହାୟି କିହାଲି ହାଜିମାନେସି, ତାନି ଖେଣ୍ଡେ ଖାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇ, ୨ ମାହାପୁରୁ ବଲୁ ଖେକମ୍ବୁ, ନେହଁ ବେଲାତା କି ଲାଗେଏତି ବେଲାତା ବଲୁ ଖେକହାଲି ତିୟାରା ଆହା ମାନାମ୍, ନାନୁ ବାରେ କସ୍ତ ଅରହାନା ଜାପୁହିହଁ ଲାଗାମ୍, ଅଡ଼େ ଦାକା ହାହାନା ସାସା ବାସୁଁ ହାମ୍ । ୩ ଇତିହଁ ଦିନା ଖାନେ, ଏତିବେଲା ଲକୁ ନେହଁ ଜାପୁନାଣି ଖେଞ୍ଜାଲି ଅପଅରି, ସାମା ତାନି କାକା ତାକି ସୁଦୁ ସୁଖାଲା ହାଡ଼ା ଖେଞ୍ଜାଲି ମନ ହାନେରି ଇଞ୍ଜା କାତା ଜୁପକାତାକି ଲାଗେଏତାଣି ଜାପୁନାରାଜ୍ଞି କୁଡ଼ି କିନେରି । ୪ ଅଡ଼େ ସାତା କାତାତି ଖେଞ୍ଜାଲି କୁହାନା ଅଣ୍ଡପାନା ଖେହ୍ନି ପୁସ୍ତପନିକାଣି ମନ ହାନେରି । ୫ ସାମା ନାନୁ ବାରେ ତାଣା ସେତୁନା ଆମ୍, କସ୍ତ ଅରହାମ୍, ମାହାପୁରୁତି ନେହଁ କାରୁ ଖେକମ୍ବୁ କାମା ପୁରା କିମ୍ବୁ ଅଡ଼େ ନୀ ସେବା କାମା ରାପୁମ୍ ।

୬ ଇତିହଁ ନୀସଁ ଜିକେଏ ନା ଜୀଞ୍ଜୁ ଗସାଲି ତାକି ଖାକୁହିମାନି ଲେହେଁ ହେରପି ଆହିମାନେ, ନା ହାନି ଦିନା ଏଗାଞ୍ଜାଡ଼େୟିଏ । ୭ ନାନୁ ନେହଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିହିମାଇ, ନାଞ୍ଜୋତାକି କେପାମାନି ପାଡ଼େରି ରାଞ୍ଜେତାକି ହଟାମାଇ, ନାନୁ ନାମୁତି ଜାଣ୍ଡେ ଆସାମାଇ; ୮ ନାଞ୍ଜୋତାକି ଦାମୁତି ଟଡ଼େରି ଇଟକି ଆହାମାନେ, ଏଦାଆଁ ଏ କାଜା ନୀହାୟି ଦିନାତା ନୀହାୟି କିନି ପ୍ରବୁ ନାଞ୍ଜୋ ହିୟାନେସି, ଖାରଇ ନାଞ୍ଜୋ ଆଏ, ତାନି ଖେଣ୍ଡା ଖାନାଣି ନେହଁ ମନତଲେ କାତାମାନି ବାରେଜାଣା ତାକି ଜୀଞ୍ଜୁନହାଁନା ହାନେସି ।

#### ତାନି କାତା ଖେହ୍ନାୟି

୯ ତବେ ନା ତାଣା ଖାହାଲି ଜାଗ୍ରାତା ଆମ୍; ୧୦ ଇତିହଁ ଦିମା ନାଞ୍ଜୋ ପିସାହାଁ ନୀସଁତି ଦାରତିତି ଜୀଞ୍ଜୁନହାଁନା ତେସଲନିକିତା ହାଜାମାନେସି, କେସକେନସ୍ ଗାଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି । ୧୧ ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଇଁ ନୀ ତଲେ ତାତିହଁ ଖାମ୍, ଇତିହଁ ନା ସେବା କାମାତା ସାୟେମି କିୟାନେସି । ୧୨ ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ । ୧୩ ତୁୟାତା କାର୍ପ ତାଣା ଆମିନି ଉସମି ସକା ପିସା ଖାହାମାଇ, ନାନୁ ଖାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ ତାତିହଁ ଖାମ୍ ।

୧୪ ଶ୍ରୀତାତା ବେବାରାଗାଟି ଆଲେକଜାଣ୍ଡାର ନାଞ୍ଜୋ ହାରେକା କସ୍ତ ହାହାମାଞ୍ଜାନେସି; ପ୍ରବୁ ଏଞ୍ଜାଣାଇଁ ତାନୁ କିତି କାମା ଲେହେଁ ପାଡ଼େୟି ହାନେସି; ୧୫ ନାନୁ ଜିକେଏ ଏଞ୍ଜାଣି ତାଣାଟି ଜାଗ୍ରାତା ଆହା ମାନାମ୍, ଇତିହଁ ଏଞ୍ଜାସି ମାର ଖେକନି କାତା କପାଟି ନିଜାମା କାହିଁ କିହିମାଞ୍ଜାତେସି ।

୧୬ ତଲି ମୂଲୁ ନାଞ୍ଜୋ ନୀହାୟି କିୟାତାଟି ଆମ୍ବାଆରି ନା ଖାକିଟି ଆଆଡେରି, ସାମା ବାରେଜାଣା ନାଞ୍ଜୋ ପିସାଡେରି, ଏଦାଆଁ ମାହାପୁରୁ ଏଞ୍ଜାରି କପାଟି ଦହ କିଆପେସି । ୧୭ ସାମା ପ୍ରବୁ ନା ତଲେ ମାଞ୍ଜାନା ନାଞ୍ଜୋ ବାଡ଼ୟୁ କିୟାତେସି, ଅଡ଼େ ନାନୁ ସିହଁକ୍ଷାଣି ଗୁଡ଼ିଟି ଗେଲପିଆଡେଏଁ, ଏନିକଁ ନା ତାଣାଟି ନେହଁ କାରୁ ବାରେ ତାଣା ଖେଞ୍ଜିନେ ଅଡ଼େ ଜୀଞ୍ଜୁଦିଆଆତି ଲକୁ ବାରେଜାଣା ଏଦାଆଁ ଖେଞ୍ଜାଲି ଆଡ଼ିନେରି; ୧୮ ପ୍ରବୁ ନାଞ୍ଜୋ ବାରେ ଲାଗେଏ କାମାଟି ଗେଲପାନେସି, ଅଡ଼େ ନାଞ୍ଜୋ ଗେଲପାନା ତାନି ଲାକପୁରୁ ରାଜିତା ଅୟାନେସି; ଏଞ୍ଜାଣି ଗାଞ୍ଜୁରମି କାଲାକାଲା ତାକି ଆପେ ! ଆମେନ୍ ।

#### ରାନିବେଲାତି ଜହରା

୧୯ ଶ୍ରୀପ୍ରିୟା ଅଡ଼େ ଆକ୍ଷିଲା ଇଞ୍ଜା ଅନିସିପର ଇଲୁ କୁଟମିକି ନା ଜହରା ଖେହ୍ନୁ । ୨୦ ଏଏରାସ୍ତ କରନ୍ତି ଗାଡ଼ାତା ତୁୟା ମାନେସି, ସାମା ତୁପିମ ଆଡ଼ିହିଲାଆକି ନାନୁ ଏଞ୍ଜାଣାଇଁ ମିଲିତତା ପିସା ଖାଡେଏଁ । ୨୧ ନାନୁ ପେନିବେଲା ଖାଆ ନକେଏ ଖାଡ଼ିହଁ ନେହଁ ଆଡେମା । ଇୟୁବୁଲ, ପୁଦେନସ୍, ଲିନ, କ୍ଲାଞ୍ଜୁଦିୟା, ଅଡ଼େ ବାରେ କ୍ରୀସ୍ତାନା ତାୟିୟାଁ ନିଜୋ ଜହରା ଖେସିମାଞ୍ଜାନେରି । ୨୨ ପ୍ରବୁ ନୀ ଜୀଞ୍ଜୁତା ମାଣ୍ଡେସି, ମାହାପୁରୁତି କାମାମେହ୍ନାୟି ମୀ ବାରେତାକି ଆୟାପେ ।

☆ ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪ ☆ ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ ☆ ୪:୧୨ ୪:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮ ☆ ୪:୧୩ ୪:୧୩ କାମା ୨୦:୬ ☆ ୪:୧୪ ୪:୧୪ ୧ତିମ ୧:୨୦; ରମି ୨:୬ ☆ ୪:୧୯ ୪:୧୯ କାମା ୧୮:୨; ୨ତିମ ୧:୧୬,୧୭ ☆ ୪:୨୦ ୪:୨୦ କାମା ୧୯:୨୨; ରମି ୧୭:୨୩; କାମା ୨୦:୪; ୨୧:୨୯

# ତୀତସଙ୍କ ନିକଟକୁ ପାଉଲଙ୍କ ପତ୍ର ତିତସ ତାଣ୍ଡା ପାଞ୍ଚୁଲ ରାଡ଼ାମାନି ଆକୁ ମୂଲୁ ହାଡ଼ା

ପାଞ୍ଚୁଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସପେ ର ମାଣସିତି ଖେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଲୁ ଆକୁ, ତିମତି ରୀ ଲମ୍ବର ଆକୁ ଅଡେ ପିଲିମନ । ଇ ଆକୁ କ୍ରୀସ୍ତ ଜାର୍ନାଆଡି ୨୩ ଟିଏ ୨୫ ବିତ୍ରା ରାସ୍କି ଆହାମାନେ ।

ତିତସ ଏଟକା କୃତାତାସି ଆହାମାନା କ୍ରୀସ୍ତାନା ଆହାମାତି ର ଦାଂଗଣେଏସି ମାଚେସି, ଏଞ୍ଜାସି ମାହାପୁରୁ କାତା ଖେହ୍ନି ପାଞ୍ଚୁଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲୁଞ୍ଜି କିହାଲି ପାଞ୍ଚୁଲ ଏଞ୍ଜାଣାଲ୍ ଏମ୍ବାଆଁ ପିସାନା ଇ ଆକୁ ପାଣ୍ଡାନା ତାନିଗଟା ନେହ୍ନିକ୍ ଅଣ୍ଟପାଲି ରାଡ଼ିମାନେସି । ର କାତା ଇଦି କ୍ରିତିତା ମାନାରି ବିତ୍ରାଟି ହାରେକା ଲକୁ ଲାଗେଏ ପଲେଏ ଅଣ୍ଟପୁ ଗାଟାରି ମାଟାକି ଏନିଲେହେତି ଅଣ୍ଟପୁ ଗାଟାରାଲ୍ କୁଲମିତି କାଜାରି କିହାନା ଇଡିନାୟି ମାନେ । ଅର କାତା ଇଦି ବୁଡ଼ହାୟାଲ୍, ବୁଡ଼ହସିକାଣି, ତାଆସିକାଣି, ଦାଂଗଣାୟାଣି, ହଲିୟାଜାଣି ଏନିକ୍ ଗତି ଗତି କିହାନା ଜାପୁହାଲି ଆନେ । ତାୟୁତି କାତା ଇଦି କ୍ରୀସ୍ତାନା ଆହାମାନାରି ଏନିକ୍ ନୀଡିନାୟି ମାନେ । ଏଞ୍ଜାରି ଜୀଞ୍ଜୁ ନନାରି ଅଡେ ସୁଦୁଗାଟାରି ଆଡପେରି, ଲାଗେଏତି କାତାୟା ପିସପେରି, ଗଡ଼ହା କିଞ୍ଜି କିହାନା କୁଲମିତି ଗତି ଗତି କିଆପେରି ।

### ପତିତା ମାନାୟି

- ୧. କୁଲମିତା ଦାର୍ମୁଗାଟାରାଲ୍ ଆଡାଲି ଖେହ୍ନାୟି । ୧:୧-୧୭
- ୨. ଦାର୍ମୁ ଜୀଞ୍ଜୁତଲେ ନୀଡାଲି ଅଡେ ଜାପୁହାଲି ଖେହ୍ନାୟି । ୨:୧-୩:୧୧
- ୩. ତାୟୁତି କାତା ଅଡେ ଜହରା ତଲେ ଆକୁତି ରାପୁନାୟି । ୩:୧୨-୧୫

୧ ପାଞ୍ଚୁଲ, ମାହାପୁରୁତି ହଲେଏଣାତେଏଁ ଇଞ୍ଜା ଜୀସୁ କ୍ରୀସ୍ତ ତାଣ୍ଡାଟି ପାଣ୍ଡୁଞ୍ଜି ଆହାମାନାତେଏଁ ।

ମାହାପୁରୁ ଆଡାମାନି ଲକୁତି ନାମୁ ପାଡିକିହାଲି ଅଡେ କାଲାକାଲାତି ଜୀଞ୍ଜୁ ମେଡାଆନି ଆସାତି ଦାର୍ମୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଞ୍ଜି ଆହାମାଲ୍ । ୨ କାଲାକାଲାତି ଜୀଞ୍ଜୁତି ଆସା ହାହାଲିତାକି, ଏନିନି ମାହାପୁରୁ ଆଞ୍ଜାମାଚେସି, ଏଞ୍ଜାସି ଏଚେଲା ମିତି ଜଲ୍ଲାଆଗାଟାସି । ୩ ଏ କାଲାକାଲାତି ଜୀଞ୍ଜୁ ସାତା ମାହାପୁରୁ, ହାଡ଼େକା

କାଲା ନକେଏ ଆଞ୍ଜାନା ସମାନା ବେଲାତା ତାନି ବଲୁ ଖେକ୍ନି ତାଣ୍ଡାଟି ତସାମାନେସି; ଏ ବଲୁ ଖେକ୍ନି ବଜୁ ମା ଗେଲ୍ପାନି ମାହାପୁରୁ ହୁକୁମି ତଲେ ନା ତାଣ୍ଡା ହେଡ଼ପି ଆହାମାଞ୍ଜାନେ ।

୪ \*ନା ସମାନା ନାମିତାସି ଅଡେ ନାମୁତା ନା ଜୀଞ୍ଜୁତି ମୀରୁଏସି ତିତସ ତାଣ୍ଡା ଇ ଆକୁ ରାଡ଼ିମାଲ୍ ।

ଆଡା ମାହାପୁରୁ ଅଡେ ମାଲେ ଗେଲ୍ପାନି କ୍ରୀସ୍ତ ଜୀସୁ ମିଲେ କାର୍ମା ଅଡେ ହିଡ଼ଡ଼ି ହିୟାପେସି ।

### କ୍ରିତିତା ତିତସ କାମା କିନାୟି

୫ ନାମୁ ଖେସ୍ତାତିଲେହେଁ ରାଆତି କାମାତି ରାପୁହାଲି ତାକି, ଅଡେ ବାରେ ଗାଡ଼ାତା ପ୍ରାତିନାଜାଣି କାମା ହେଡ଼ପାଲି ତାକି ନାମୁ କ୍ରିତିତା ନିଲେ ପିସା ଖାୟାତେଏଁ; ୬ \*ଆମ୍ବାଆସି ଦହ ହିଲାଆଗାଟାସି, ରଣ୍ଡିଏ ତକ୍ତିନି\* ତକ୍ରା, ଆମ୍ବାଆରି ମୀରୁକା ମାସ୍କା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନୁଞ୍ଜି ଆଆଗାଟି କାମା କିଅରି ଏଞ୍ଜାରାଲ୍ ଆଡାହାଁ ପ୍ରାତିନା କିମୁ । ୭ ଇଡିହ୍ କାଜାସି, ମାହାପୁରୁତି ଗୁମୁସ୍ତା ଆହାଁ ଦହ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାରୁବି ଆନାସି କି କାଡ଼ ଗୁହ୍ନାସି କି ଗଡ଼ହା କିନାସି କି ଦନ ଜୁପ୍କା ଗାଟାସି ଆଆନା, ୮ ଏଞ୍ଜାସି ଗତାୟାଣି ଆକ୍ରା କିନାସି, ଏନାୟି ନେହାୟି ଏଦାଆଁ ଜୀଞ୍ଜୁ ନନାସି, ଜାହାରାଲ୍ ଲକ୍ନାସି, ଦାର୍ମୁଗାଟାସି, ସୁଦୁଗାଟାସି, ଇଞ୍ଜା ମେରା ମାନୁଞ୍ଜି ଆନାସି ଆପେସି । ୯ ଅଡେ ଏନିକ୍ ଏଞ୍ଜାସି ଲକୁତାକି ନେହାଁଣି ଜାପୁହାନା ରାହାଁ ହାହାଲି ଇଞ୍ଜା ମାହାପୁରୁ କାତା କପାଟି ଖେହ୍ନାରାଲ୍ ଲାଗାଲି ଆଡିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣ୍ଡେ ଆସାଁ ମାଞ୍ଜୁ ।

୧୦ ଇଡିହ୍ ହାଡ଼େକା ନାମାଆଗାଟି ଲକୁ, ଉଜେଏତି କାତାତଲେ ନାଡ଼ିକିନାରି ମାନେରି, ହାଡ଼େକା ଜୀହୁଦି କ୍ରୀସ୍ତାନା ଲକୁ ବିତ୍ରାଟି ମାନେରି । ୧୧ ଲାଗେଏତି କାତାଟି ଏଞ୍ଜାରି ଗୁତି ମୁଦା କିନାୟିମାନେ, ଏନାଆଁତାକି ଇଡିହ୍ ଏଞ୍ଜାରି ଦନ ଜୁପ୍କାତାକି ଲାଗେଏତି କାତା ଜାପୁହିହ୍ ର ର ଇଲୁ କୁଟମିତି ମାହାପୁରୁ ଜିରୁ ବାଣି କିନେରି । ୧୨ ଏଞ୍ଜାରି ବିତ୍ରାଟି ରଅସି ଏଞ୍ଜାରି ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି ଖେହ୍ନାରି, ଜନ୍ତ ସମାନା ଅଡେ ନିସ୍ତା ଇଞ୍ଜା ଟିଣ୍ଡିକାସୁୟାଁ । ୧୩ ଇ କାତା ସାତା । ଏଦାଆଁତାକି ଏଞ୍ଜାରାଲ୍ ଗାଡି ଦାକା ହାହାଁ ଲାଗାମୁ, ଏନିକ୍ ଏଞ୍ଜାରି ନାମୁତା ପାତା ଆନେରି । ୧୪ ସାତାତି ପିସାମାନି ଲକୁତି ମେରା, ଜୀହୁଦି ଲକୁତି କହୁୟାଁ, ମନ ହାଅରି ଏଦାଆଁତାକି ଏଞ୍ଜାରାଲ୍ ଜାପୁମୁ । ୧୫ ଅଡ଼ିହି

\* ୧:୪ ୧:୪ ୨କର ୮:୨୩; ଗାଲା ୨:୩; ୨ତିମ ୪:୧୦ \* ୧:୬ ୧:୬ ୧ତିମ ୩:୨-୭ \* ୧:୬ ୧:୬ ରଣ୍ଡିଏ ବାହା ତକ୍ତି



ଆଡ଼ି ଲକ୍ଷ୍ମୀତାକି ବାରେଏ ଅତିନେ, ସାମା ପଲ୍ଲଆ ଗାଟାରାକି, ମାହାପୁରୁଇଁ ନାମାଆ ଗାଟାରାକି ଏନାୟି ଜିକେଏ ଅତେଏ, ଇତିହୁଁ ଏଞ୍ଜାରି ମନ ଅଡେ ଅଣ୍ଡୁ ବାରେ ପଲ୍ଲଆଗାଟାୟି । ୧୭ ଏଞ୍ଜାରି ମାହାପୁରୁଇଁ ପୁଞ୍ଜାମାନମି ଇଞ୍ଜୁଁ ଜଲିନେରି, ସାମା ଏଞ୍ଜାରି କାମା ତଲେ ମାହାପୁରୁଇଁ ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡେ କାତା ଆହୁଆଗାଟାରି ବାରେ ନେହୁଁ କାମାତା ପାଡ଼ାଆଅରି ।

୨

ନେହୁଁ ଦାମ୍ଭୁ ଜାପ୍ନାୟି

୧ ମା ଦାମ୍ଭୁତି କାତାୟାଁ ନେହୁଁକଁ ଜାପ୍ନୁ । ୨ ବୁଡ଼ହା ଆବାୟାଁଇଁ ତଣେ ଆୟାଲି, ନେହୁଁ ଅଣ୍ଡୁ ନେହୁଁ ବୁଦି, ଅଡେ ନାମ୍, ଜୀଞ୍ଜୁନନାୟି, ଇଞ୍ଜା ଅରୁହିନି ତାଣା ବାଡ଼ୁୟା ଆୟାଲି; ୩ ଅଡେ ବୁଡ଼ହୁଁ ଇୟାସିକାଣି ଜିକେଏ ଏଲେକିହୁଁଏ ସାକ୍ତି ଗାଟାଇ ଇଞ୍ଜା କାଡ଼ୁ ଗହନାଇ ଆଆନା ସୁଦୁଜୀଞ୍ଜୁ ତଲେ ନୀତାନା ନେହୁଁ କାତା ଜାପ୍ନାଲି ବାଡ଼ିମାଲିହୁଁ ଝେହୁଁ; ୪ ଏଦାଆଁତାକି ତାଆ ଆୟାସିକା ତାମି ତକ୍ରାୟାଁଣି, ମୀରକା ମାସକାଣି ଜୀଞ୍ଜୁ ନହାଁ, ୫ ଜାହାରାଇଁ ସାପି ଆୟାଲି, ଅବହା କତାନା, ଇଲୁତି ନେହୁଁକଁ ଲେମ୍ବାଲି, ନେହୁଁ ଗୁଣ୍ଡୁ, ଇଞ୍ଜା ଜାହାରା ତକ୍ରାୟାଁ କାତା ମାନଞ୍ଜି ଆୟାଲି, ଜାପ୍ନୁ, ଏନିକଁ ମାହାପୁରୁତି ବଲ୍ଲୁ ନିନ୍ଦାଆଏ ।

୬ ଏଲେକିହୁଁଏ ଦାଂଗଣାୟାଁଣି ବାରେ କାତାତା ନେହୁଁ ବୁଦି ଆହାଲି ରାହାଁ କିଞ୍ଜି କିମ୍; ୭ ନୀ ବାରେ ମାଣ୍ଡକିତା ସାତା କାମାତି ନେହୁଁ ଗୁଣ୍ଡୁ ତହୁଁ, ଜାପ୍ନି ତାଣା ଆବଞ୍ଜା ଅଡେ ମାନିଗାଟି ମାଣ୍ଡସି ଆହାନା ନେହୁଁ ହାଡ଼ା ତଲେ ଝେହୁଁ । ୮ ଏନିକଁ ମିଙ୍ଗେ ଲାଗେଏ କିହାଲି ଅଣ୍ଡପିମାନି ଲକ୍ଷ୍ମୀ ମିଙ୍ଗେ ଝେଣ୍ଡେ ଝେସାଲି ଆଡ଼ାଆନା ଲାଜା ବେଟାଆନେରି ।

୯ ହଲିୟାଙ୍ଗା ତାମି ସାଞ୍ଜୁକାରି କାତା ମାନଞ୍ଜି ଆହା ଡ଼ୟାପେରି, ଅଡେ ବାରେ କାମାତା ସାଞ୍ଜୁକାରିଇଁ ରାହାଁ କିନାରି ଆପେରି, ଏଞ୍ଜାରି ଝେଣ୍ଡେ ଜଲ୍ଲାଆପେରି, ୧୦ ଏନାଆଁ ସରୁ କିଆନା ନେହୁଁ ନାମୁତଲେ ଟିକାଣା କାମା ତସପାରି, ଆତିହୁଁ ମାଙ୍ଗେ ଗେଲ୍ପାନି ମାହାପୁରୁତି ଦାମ୍ଭୁ ଜାପ୍ନାୟି ନେହାୟି ଇଞ୍ଜୁଁ ଝେଙ୍ଗି କିନେରି ।

୧୧ ଇତିହୁଁ ବାରେ ମାଣ୍ଡସି କୁଡ଼ାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି, ୧୨ ଅଡେ ମାର ଏନିକଁ ଲାଗେଏତି ଦାମ୍ଭୁ, ଦାରତିତି ଜୁପକା ପିସାନା ଇ ନୀଏତି ଜୁଗୁତା ନେହୁଁ ବୁଦି, ଦାମ୍ଭୁ ଅଡେ ମାହାପୁରୁତି ଆଜିତଲେ

ନୀତିନ, ୧୩ ଅଡେ ଏ ରାହାଁତି ବାସୁଁ ମା କାଜା ମାହାପୁରୁ ଗେଲ୍ପାନି କ୍ରୀସୁ ଜୀସୁତି ଗାଞ୍ଜୁରମି ତଞ୍ଜାଆନାଣି କାଡ଼ିହୁଁ ଡ଼ୟିନ, ଇଦାଆଁତାକି ମାଙ୍ଗେ ଜାପ୍ନୁହି ମାଞ୍ଜାନେ । ୧୪ ଏ କ୍ରୀସୁ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପି କିୟାଲି ଅଡେ ତାଙ୍ଗେତାକି ସାତା କାମାତାକି ରାହାଁତି ତାନି ଲକ୍ଷ୍ମୀ ଲେହେଁ ଅବହାଲି ତାନୁଏ ମା ତାକି ହେରପି ଆଡେସି ।

୧୫ ଇ ବାରେ କାତା ଜଲିହୁଁ ବାରେ ଅଦିକାରା ତଲେ ସାସା ହୀମ୍, ଅଡେ ଦାକା ହୀମ୍ । ଏନିକଁ ଆମ୍ବାଆରି ନିଙ୍ଗେ ହୀଣି କିୟାଆପେରି ।

୩

କ୍ରୀସ୍ତାନା ଲକ୍ଷ୍ମୀ କାମା ଇଞ୍ଜା ଗୁଣ୍ଡୁ

୧ ଦେସାତି ସାଲଞ୍ଜି କିନାରି ଅଦିକାରା ବେଟାଆହା ମାନାର ଡ଼ଇ ମାଞ୍ଜାନା, ଏଞ୍ଜାରାଇଁ ମାନି କିହାନା, ଅଡେ ବାରେ ନେହୁଁ କାମା କିହାଲି ଜାଗ୍ରାତା ଆଦୁ, ୨ ଆମ୍ବାଆରାଇଁ ନିନ୍ଦା କିଆନା, ଆମ୍ବାଆରି କପାଟି କାମା କିଆନା, ବାରେ ଲକ୍ଷ୍ମୀ ନକିତା ଡ଼ଣା ଆହାଲି, ସୁଦୁ ସୁଞ୍ଜାଲା ତସାଲି ବାରେ ଲକ୍ଷ୍ମୀ ନକିତା ଅଣ୍ଡପି କିମ୍ । ୩ ଇତିହୁଁ ମାର ଜିକେଏ ନକେଏ ବୁଦିହିଲାଆ ଗାଟାତାୟି, କାତା ଆହୁଆ ଗାଟାତାୟି, ଲାଗେଏତି ଜିରୁଟି ହାଜିମାଟାୟି, ଏନି ଏନି ଜୁପକା ଅଡେ ସୁକୁ ଦୁକୁତି ହଲିୟା ମାଟାୟି, ତାହାରା ଅଡେ ତାହାରା ତଲେ ମାଟାୟି ଇଞ୍ଜା ଅପଞ୍ଜି ଆଆଗାଟି ଲକ୍ଷ୍ମୀ ଆହା ଅପଞ୍ଜି ଆହି ହିଲାଆତାୟି । ୪ ସାମା ଏତିବେଲା ମାଙ୍ଗେ ଗେଲ୍ପାନି ମାହାପୁରୁତି କାର୍ମା ଅଡେ ମାଣ୍ଡସି ଜାଡ଼ି ତାକି ତାନି ଜୀଞ୍ଜୁନନାୟି ତଞ୍ଜାଆଡେ, ୫ ଏତିବେଲା ଏଞ୍ଜାସି ମା କିତି ଦାମ୍ଭୁ କାମାତାକି ଆଏ, ସାମା ତାନି କାର୍ମାତଲେ ପୁଠନି ଜାନୀତି ଏୟୁତଲେ ନରୁହାନା, ତାନି ସୁଦୁଜୀଞ୍ଜୁ ତଲେ ପୁଠନି ଗାଡ଼ିକିହାଁ ଗେଲ୍ପାମାଞ୍ଜାନେସି, ୬ ଏ ନେହୁଁ ଜୀଞ୍ଜୁତି ମାଙ୍ଗେ ଗେଲ୍ପାନି ଜୀସୁ କ୍ରୀସୁ ତାଣାଟି ହାରେପୁରେ ମା ଲାକ ହୀୟାତେସି, ୭ ଏନିକଁ ମାର ତାନି କାର୍ମାମେହନାଣି ତଲେ ଦାମ୍ଭୁ ଗାଟାତାୟି ଆହାନା ବାସୁଁ ତଲେ କାଲାକାଲାତି ଜୀଞ୍ଜୁତି ଅଦିକାରା ଆନାୟି । ୮ ଇ କାତା ସାତା ଆନେ । ଅଡେ ଏନିକଁ ମାହାପୁରୁଇଁ ନାମିନାରି ବାରେ ନେହୁଁ କାମାତି ଅଣ୍ଡପିହୁଁ କିନେରି, ଏଦାଆଁତାକି ଇ ବାରେ ଜାଣ୍ଡେତଲେ ଜାପ୍ନୁ ଇଞ୍ଜୁଁ ନା ଅଣ୍ଡୁ, ଇ ବାରେ ଲକ୍ଷ୍ମୀତାକି ନେହାୟି ଇଞ୍ଜା ଅଜିତାୟି । ୯ ସାମା ଲେନିପନିଏ ବାଡ଼ିବାଡ଼ା କାତା ଜଲିନି ତାଣାଟି, ଆକୁ ଆବାୟାଁ ଦରକା ତାକି, ଗଡ଼ହା ଅଡେ ମୋରାତାକି ଗଡ଼ହାଟି ହେକ ମାନାମ୍, ଇତିହୁଁ ଏ ବାରେ ଲାବା ହିଲାଆ ଉଜେଏତାଇ । ୧୦ ଜିରୁ ବାଣି କିନି ଲକ୍ଷ୍ମୀ, ର ଦେବା ରୀ ଦେବା ଦାକା ହୀହାଁ

✦ ୨:୧୪ ୨:୧୪ ୧ପିତ ୨:୯

ଜାଗ୍ରାତା କିମ୍ବୁ, ଅତ୍ତେ ତାମ୍ଭୁ ଏଞ୍ଜାଣି ତାଣାଟି ହେକ  
 ଆଦୁ; ୧୧ ଇଲେତି ଲକ୍ଷୁ ତାମି ଜିରୁ ବାଣାଆହା  
 ମାନେରି, ଇଞ୍ଜା ପାପୁ କିହା ଜାହାରାତି ଦହ କିନେରି,  
 ଇଦାଆଁ ମୀରୁ ପୁଞ୍ଜାମାଞ୍ଜେରି ।

**ରାନ୍ତି ବେଲତା ଜାପ୍ନାୟି**

୧୨ ✱ଏତିବେଲା ନାନୁ ମୀ ତାଣା ଆତମା କି  
 ତୁକିକଇଁ ପାଣ୍ଡାଇଁ, ଏତିବେଲା ନିକପଲିତା ନା  
 ତାଣା ଖାହାଲି ଜାତ୍ନୁ ଆମ୍ଭୁ, ଇତିହୁଁ ପେନିଞ୍ଜେଡ଼ା  
 ରାଞ୍ଜେ ଏମ୍ବାଆଁ ମାଞ୍ଜାଲି ଅଣପାମାଇଁ । ୧୩ ଅକିଲା  
 ଜିନା, ଅତ୍ତେ ଆପଲକି ଏନାୟି ଲଡ଼ାମାନେ ଏଦାଆଁ  
 ହାହାନା ଜିରୁ ତହ୍ମୁ, ଏନିକ୍ତୁଁ ଏଞ୍ଜାରି ଜିରୁତା  
 ଏଞ୍ଜାରାକି ଏନାୟି ଲଡ଼ା ଆଆପେ । ୧୪ ମା ଲକ୍ଷୁ  
 ଜିକେଏ ଲଡ଼ାମାନି ତୀରପୁ କାମାତା ଲେମ୍ବୁଞ୍ଜି  
 ଆହାଲି ଜାପ୍ନାୟି ମାନେ, ଏନିକ୍ତୁଁ ଏଞ୍ଜାରି  
 ପାଡ଼େୟି ହିଲାଆ ଗାଟାରିଲେହେଁ ଆଅରି ।

୧୫ ନା ତଲେ ମାନି ବାରେଜାଣା ନିଙ୍ଗ ଜହରା  
 କିହିମାଞ୍ଜାନେରି । ନାମୁତା ଆମ୍ବାଆରି ମାଙ୍ଗେ  
 ଜୀଞ୍ଜୁ ନହିମାଞ୍ଜାନେରି ଏଞ୍ଜାରାଇଁ ଜହରା କିମ୍ବୁ,  
 ଅତ୍ତେ ମାହାପୁରୁତି କାର୍ମାମେହ୍ନାୟି ମୀ ବାରେତାକି  
 ଆପେ ।

# ପିଲିମନଙ୍କ ନିକଟକୁ ପାତଳକ ପତ୍ର ପିଲିମନ ତାଣା ପାଖୁଲ ରାଚାମାନି ଆକୁ ମୂଲୁ ହାଡ଼ା

ପିଲିମନ ଆକୁ ପାଖୁଲ ତାଣାଟି ରାସ୍ତକି ଆହାମାନେ ୧:୧ । ପାଖୁଲ ରମ୍ ଗାଡ଼ାତି କାୟିଦି ଇଲୁତା ମାଚାଟି ଇ ଆକୁ ରାଚାମାନେସି । ଏଝାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୬୧ ବାର୍ଷା ତାୟୁ ଇ ଆକୁ ରାଚା ଡ଼ୟିନେସି । ଏଚିବେଲାତା କଲସିୟ କୁଲମିତାକି ରାଚା ଡ଼ୟିନେସି । ଏଝାସି ଇ ଆକୁ ପିଲିମନ ଇନି ର ମାଣସିକି ରାଚିମାନେସି । ପିଲିମନ କୁଲମିତି କାଜାସି ଅଡ଼େ ହଲିୟାଙ୍ଗାତି ସାଝୁକାରି ମାଚେସି । ଏଝାରି ବିତ୍ରାଟି ଅନିସିମ ଇନି ର ହଲେଏସି ମାଚେସି ଏଝାସି ପିଲିମନ ତାଣାଟି ହଟାତୁସା ମାଚେସି ଏଝାସି ପାଖୁଲ ତାଣାଟି କ୍ରୀସ୍ତାନା ଆହାମାଚେସି । ରମିୟ ଲକୁତି ମେରା ତଲେ ଅନିସିମଇଁ ହାନ୍ତି ତଣ୍ଡ ହାନାୟି ମାଚେ ।

ଅନିସିମଇଁ କାର୍ମାମେସାନା ଏଝାଣାଇଁ ହଲେଏସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଷ୍ଟେଣ୍ଡେ ଆବାମୁ ଇଞ୍ଜି ପିଲିମନଇଁ ବାଡ଼ିମାଲିହଁ ଇ ଆକୁ ରାଚିମାନେସି ୧:୧୩-୧୪ ।

### ପତିତା ମାନାୟି

- ୧. ପିଲିମନଇଁ ଜହରା ଷ୍ଟେହ୍ନାୟି । ୧:୧-୩
- ୨. ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି । ୧:୪-୨୧
- ୩. ଆକୁତି ରାପ୍ତନି କାତା । ୧:୨୨-୨୫

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍ପି ଆହାମାନାତେଏଁ, ତାୟି ତିମତି, ମା ତଲେ କାମା କିହିମାନି ଜୀସୁତି ପିଲିମନ, ୨ \*ଅଡ଼େ ତାଜି ଅପ୍ପିୟା ଇଞ୍ଜା ମା ତଲେ ଜୁଜୁକିନି ଆକ୍ ପପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଚାମାଇଁ; ୩ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ମିଙ୍ଗେତାକି ଆୟାପେ ।

### ପିଲିମନ ଜୀସୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାଡାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ, ୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକୁତାକି ମୀ ଜୀସୁନନାୟି ଅଡ଼େ ନାମ୍ପତି କାତା ଷ୍ଟେଞ୍ଜାନା ୬ ଏଲେକିହଁ ଏ ମୀ ନାମ୍ପତଲେ ଆଣ୍ଡୁ ଆନାୟି, ମାଙ୍ଗେ ହାପ୍ପକିଆଡ଼ି ବାରେ ନେହଁ କାତାତି

ପୁନାଣି ତଲେ କ୍ରୀସ୍ତ ତାଣା କାମା ଆନେ । ୭ ଏନାଆଁତାକି ଇଚିହଁ, ଏ ନା ତାୟି, ମାହାପୁରୁ ଲକୁତି ହିୟା ମୀ ତାଣା ସୁସ୍ତି ମେଡ଼ା ଆହାମାନାକି ନାନୁ ମୀ ଜୀସୁ ନନି ତାଣା ରାହାଁ ଅଡ଼େ ସାସା ବେଟା ଆହିମାଇଁ ।

### ଅନିସିମ ତାକି ବାଡ଼ିମାଲିନାୟି

୮ ଆଡ଼ିହଁ ଏନାୟି ନେହାୟି, ଏ କାବୁତାକି ନିଙ୍ଗେ ହୁକୁମି ହାହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଙ୍ଗେ ହାରେ ପୁରେ ସାସା ମାନେ, ୯ ଆଡ଼ିଜିକେଏ ନାନୁ ବୁଡ଼ହା ପାଖୁଲ ଜୀସୁ ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନୀଏଁ ନାନୁ ଦସ୍ପି ଆହାମାଇଁ, ୧୦ \*ନାନୁ ଇଲେକ୍ ଦସ୍ପି ଆହାମାନାଟି ନା ମୀରଏସି ଅନିସିମ ତାକି ନିଙ୍ଗେ ବାଡ଼ିମାଲିମାଞ୍ଜାଇଁ; ୧୧ ଏଝାସି ନଡ଼େଏ ନିଙ୍ଗେ ଅଡ଼େ ନାଙ୍ଗେତାକି ଲଡ଼ା ହାଆଗାଟାସି ମାଚେସି, ସାମା ନୀଏଁ ନିଙ୍ଗେତାକି ଅଡ଼େ ନାଙ୍ଗେତାକି ଜିକେଏ ଲଡ଼ା ଗାଟାସି ଆହାମାନେସି ।

୧୨ ନାନୁ ଏଝାଣାଇଁ ନୀ ତାଣା ଷ୍ଟେଣ୍ଡେ ପାଣ୍ଡିମାଞ୍ଜାଇଁ, ଏଝାସି ନା ହିୟାଁ ମାନେ । ୧୩ ନେହଁ କାବୁତାକି ନାନୁ କାୟିଦିତା ମାଞ୍ଜାନା ଏଝାଣାଇଁ ନୀ କିନି ଜାଡ଼ୁ ନାଙ୍ଗେ କିହାଲି ତାକି ତାଗେ ଇଟାଲି ଅଣ୍ପିମାଚେଏଁ, ୧୪ ସାମା ନୀନୁ ରାଜି ଆଆପାତେକା ନାନୁ ଏନାଆଁ କିହାଲି ଅଣ୍ପାଆତେଏଁ, ଏନିକ୍ ନୀ ନେହଁ କାମା ନୀ ମନତଲେ କିନିଲେହେଁ ଆଆନା ନେହଁ ଅଣ୍ପୁ ତଲେ ଆନେ ।

୧୫ ଆଡ଼ିହଁ ଇଦି ଆହାଲି ଆଡ଼ିନେ, ଏନିକ୍ ନୀନୁ ଏଝାଣାଇଁ ହଲେଏଣା ଲେହେଁ ମେହ୍ନାଆନା ସାମା ହଲେଏଣା କିହାଁ କାଜାସି ଲେହେଁ, ଇଚିହଁ ଜୀସୁତି ତାୟିଲେହେଁ କାଲେଏତାକି ବେଟାଆଡ଼ି, ଏଦାଆଁତାକି ଏଝାସି ଏଚରଦିନା ତାକି ଏଟକା ଆହାମାଚେସି; ୧୬ ସାମା ଏଝାସି ଝାଞ୍ଜ ହଲେଏସି ଆଏ, ନୀଏଁ ଏଝାସି ଜୀସୁତି ତାୟି, ଇଚିହଁ ଆଙ୍ଗା ତଲେ ଅଡ଼େ ମାହାପୁରୁ ତାଣା ନିଙ୍ଗେତାକି ଏଚେକା ଜୀସୁ ନନାସି ଆଅସି ।

୧୭ ଏଦାଆଁତାକି, ନୀନୁ ନାଙ୍ଗେ ନା ତଡ଼ତୁସି ଇଞ୍ଜି ଅଣ୍ପି ମାଞ୍ଜାସାରେ, ଆଡ଼ିହଁ ନାଙ୍ଗେ ଆବାତି ଲେହେଁ ଏଝାଣାଇଁ ଆବାମୁ । ୧୮ ଇଚିହଁ ନିଙ୍ଗେତାକି ଏନି ଲାଗେଏ କିହାମାଞ୍ଜାତ୍ କି ନୀ ତାଣା ରାଣା ଆହା ମାଞ୍ଜାତିହଁ, ଏଦାଆଁ ନା ଦରୁତା ରାଚାମୁ । ୧୯ ନାନୁ ପାଖୁଲତେଏଁ, ନା କେୟୁତଲେ ଇଦାଆଁ ରାଚିମାଇଁ, ନାନୁ ଏଦାଆଁ ଷ୍ଟେହ୍ନାାଇଁ । ନୀନୁଏ ନା ତାଣା ରାଣା ମାଞ୍ଜି, ଇ କାତା ଅଡ଼େ ନାନୁ ଷ୍ଟେସାଲି ଅଣ୍ପି ହିଲଅଁ । ୨୦ ହାଅ, ତାୟି, ପ୍ରବୁ ତାଣା ଆଣ୍ଡିତ୍ ନୀ ତାଣାଟି ନା ଲାବା ଆୟାନେ, କ୍ରୀସ୍ତତି ତାଣା ନା ଜୀସୁତା ବାର୍ସୁ ହିୟାମୁ ।

\* ୧:୨ ୧:୨ କଲସି ୪:୧୭    \* ୧:୧୦ ୧:୧୦ କଲସି ୪:୯

୨୧ ନାନୁ ନା ଖେସ୍ତାତିଲେହେଁ କିଦି ଇଞ୍ଜି ନାମୁ  
ମାନାକି ନାନୁ ଇ ଆକୁ ରାଢ଼ିମାଇଁ; ସାତେଏ ନାନୁ  
ପୁଞ୍ଜାମାଇଁ, ନାନୁ ଏଚେକା ଖେସ୍ତମାଞ୍ଜାଇଁ, ନାନୁ  
ଏଦାଣିକିହାଁ ଆଗାଡ଼ା ଜିକେଏ କିଦି । ୨୨ ଇଦାଆଁ  
ତଲେ ନା ଡ଼ୟିନି ଇଲୁ ଜିକେଏ କିହାନା ଇଟାମୁ,  
ଇଚିହଁ ମୀ ପ୍ରାଡ଼ାନା ତଲେ ମୀରୁ ନାଞ୍ଜେ ଖେଶ୍ତେ  
ବେଟା ଆୟାଦେରି, ଇଦାଆଁ ନାନୁ ଆସା କିହିମାଇଁ ।

### ରାନ୍ତିବେଲାତି ଜହରା

୨୩ ☆କ୍ରୀସ୍ତ ଜୀସୁ ତାକି ନା ତଲେ କାୟିଦି ଇଲୁତା  
ମାନି ଏପାପ୍ରା ୨୪ ☆ଇଞ୍ଜି ନା ତଲେ କାମା କିହିମାନି  
ମାର୍କ, ଆରିସ୍ତାର୍କ, ଦିମା ଅଡ଼େ ଲୁକ ନିଞ୍ଜେ ଜହରା  
କିହିମାଞ୍ଜାନେରି । ୨୫ ମା ପ୍ରୁ ଜୀସୁ କ୍ରୀସ୍ତତି  
କାର୍ମାମେହ୍ନାୟି ନେହଁ ଜୀସୁ ମୀ ତଲେ ମାଣ୍ଡେ  
।

☆ ୧:୨୩ ୧:୨୩ କଲସି ୧:୭; ୪:୧୨ ☆ ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯; ୨୭:୨;  
କଲସି ୪:୧୦; କଲସି ୪:୧୪; ୨ତିମ ୪:୧୦; କଲସି ୪:୧୪; ୨ତିମ ୪:୧୧

# ହିବ୍ରୁମାନଙ୍କୁ ଲିଖିତ ପତ୍ର ଏବଂ ଲକ୍ଷ୍ମଣଙ୍କ ରାତି ଥାକୁ ମୂଳ ହାତୀ

ଏହି ପତ୍ର ର ରାହାଁ ହାନି ପତି । ପୁଃଈ ଫେରାତି ହାରେକା ମାହାପୁରୁ ଅଣ୍ଟପୁତି ବଲୁୟା ପୁଃଈଆଲ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି । ଇ ପତି ର ନେହଁ କାତାତି ଖେହ୍ନି ପତି । ଇମ୍ପାଆଁ ତାନିକଡ଼ିଟିଏ ହାରେକା ପୁଃଈ ଫେରାତି କାତାୟା ରାସ୍ତକି ଆହାମାନୁ । ଜୀସୁ କ୍ରୀସ୍ତ ଏନିକଁ ମାହାପୁରୁ ଅଣ୍ଟପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି ।

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାସ୍ତୁ ହାନି ପତି । ଏହି ପତି ଖେସିମାନେ, ଜୀସୁ ଏନିକଁ ମେରାତି ପୁରା କିତେସି, ଏନିକଁ ପୂଜେରାଜା ଅଡ଼େ ଖେଶ୍ଟେ ପୂଜା ହାହାଲି ଲଡ଼ା ହିଲେଏ । ଜୀସୁ କ୍ରୀସ୍ତ ବାରେ କାଲେଏତାକି ରଣ୍ଡିଏ ଦେବା ପାପୁତି ପୂଜା ହାତେସି । ନୀଏତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏହି ପତି ସାସା ଅଡ଼େ ବାସ୍ତୁ ତସିମାନେ । କ୍ରୀସ୍ତ ମାଲେ ମାହାପୁରୁ ତାଣା ବାସ୍ତୁ କିଞ୍ଚିକିହାଲି ଆଡ଼ାମାଞ୍ଜାନେସି । ଅଡ଼େ ଏଞ୍ଜାଣି ତାଣା ବାସ୍ତୁ ଇଟାନା ତାକିନ ୧୨:୨ ।

ଏହି ପତି ଆମ୍ପାଆସି ରାତାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଟାରି ଏଲେ ଇଞ୍ଜିମାନେରି ପାଣ୍ଡୁଆହାମାନି ପାଞ୍ଜୁଲ, ଲୁକ, ଆଆତଁ ବର୍ନବା ଆହାଡ଼ୟିନେରି । ଇଦାନି ରାତିତି କାଲମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟା ରାସ୍ତକି ଆହାମାନେ । ଇତିହଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟା ନାସା ଆଡ଼େ ସାମା ଇ ଆକୁତି ରାତିନାସି ଇଦି ନାସା ଆଆତିଲେହେଁ ରାତିମାନେସି । ଏହି ପତି ରମ୍ ଗାଡ଼ାତା ରାସ୍ତକି ଆହାମାତେ ୧୩:୨୪ ଅଡ଼େ ହାରେକା କୁଲମିକାଣା ବାଟିକିଞ୍ଚି ଆହାମାତେ ।

### ପତିତା ମାନାୟି

- ୧. ଜୀସୁ କ୍ରୀସ୍ତ ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଅଡ଼େ ଦୂତୁୟା କିହାଁ ଜିକେଏ କାଜାସି । ୧:୧-୪:୧୩
- ୨. ଜିରୁସାଲମତା ସେବା କିହିମାନି ପୂଜେରାଜା କିହାଁ ଜିକେଏ ଜୀସୁ କାଜାସି । ୪:୧୪-୭:୨୮
- ୩. ମାହାପୁରୁ ମସାକି ମେରା ହାହାନା ତାନି ଲକ୍ଷ୍ମଣଲେ କିହାମାତି ରାଜିମାନା କିହାଁ ଜୀସୁତି ସେବା କାମା କାଜାୟି । ୮:୧-୧୦:୩୧

- ୪. ଜୀସୁଇଁ ବାରେ ତାଣା କାଜାସି କିହାନା ଖେସାମାନେସି । ୧୦:୩୨-୧୩:୧୭
- ୫. ସାସା ଅଡ଼େ ବାସ୍ତୁତି କାତା ଖେସାନା ଜହରା ତଲେ ଆକୁତି ରାପ୍ନାୟି । ୧୩:୧୮-୨୫

ମୀରଏଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲାତା ଏଟକା ଏଟକା ଚାୟୁତା ଅଡ଼େ ଏଟକା ଏଟକାଟି ମାହାପୁରୁ ଅଣ୍ଟପୁତି ବଲୁ ଖେହ୍ନାରି ତାଣାଟି ମା ଆକୁ ଆବାୟାଣି କାତା ଖେସାମାତେସି, ୨ ସାମା ଇ ରାନି ବେଲାତା ମୀରଏଣା ତାଣାଟି ମାଲେ କାତା ଖେସାମାଞ୍ଜାନେସି । ଏଞ୍ଜାଣାଇଁ ଏଞ୍ଜାସି ବାରେତି ମୁହେଁ କାଜାସି କିହାଁ ଆତାମାନେସି, ଏଞ୍ଜାଣି ତାଣାଟି ହାଗୁପାକା ଦାରୁତି ବାରେ ଗାଡ଼ିକିତେସି; ୩ ଏ ମୀରଏସି ତାନି ଡ଼ାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି ଖାଣା ମାନେ, ଏଞ୍ଜାସି ତାନି ବାଡ଼ୁୟା ଗାଟି ବଲୁ ତଲେ ବାରେ ଦାରୁତିତି ସାଲୁଞ୍ଚି କିନେସି, ଇଞ୍ଜା ମା ପାପୁ ବାରେ ମେକ୍ସି ତାୟା ଲାକପୁରୁତି ବାଡ଼ୁୟା ଗାଟି ମାହାପୁରୁତି ଚିଃନି ଚଟତା କୁଗାମାନେସି ।

ମାହାପୁରୁ ମୀରଏସି ବାରେକିହାଁ କାଜାସି

୪ ମୀରଏସି ଏନିକଁ ଲାକପୁରୁତି ଦୂତୁୟା କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହଁଏ ଏଞ୍ଜାସି ଏଞ୍ଜାସିକା କିହାଁ ହାରେକା କାଜାସି ଆହାମାନେସି । ୫ ଇତିହଁ ମାହାପୁରୁ ଦୂତୁୟା ବିତ୍ରାଟି ଆମ୍ପାଆରାଇଁ ଏତେଲା ଏଲେଇଞ୍ଜା ହିଲଅସି,

“ନୀନୁ ନା ମୀରଏଣାଟି,

ନୀଞ୍ଜୁଟିଏ ନାନୁ ନୀ ତାଞ୍ଜିତେଏଁ”

ଅଡ଼େ ଜିକେଏ ମାହାପୁରୁ ଏଲେଇତେସି,

“ନାନୁ ମୀ ଆବାତେଏଁ ଆହାମାଇଁ,

ଅଡ଼େ ନୀନୁ ନା ମୀରଏଣାଟି ଆଡ଼ି ।”

୬ ଅଡ଼େ ମାହାପୁରୁ ତାନି ପାଣ୍ଡା ମୀରଏଣାଇଁ ଅଡ଼େ ଖେଶ୍ଟେ ଦାରୁତିତା ପାଣ୍ଡାତେସି, ଏ ବେଲାତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୂତୁୟା ଏଞ୍ଜାଣାଇଁ ଜହରା କିପେରି ।”

୭ ର ଖାକିଟି ମାହାପୁରୁ ଦୂତୁୟା କାତା ଏଲେଇଞ୍ଜା ମାନେସି,

“ମାହାପୁରୁ ତାନି ଦୂତୁୟାଈଁ ଗାଲି ଲେହେଁତି ଜୀଞ୍ଜୁ ହୀନେସି,

ଅଡ଼େ ତାନି ସେବା କିନାରାଇଁ ହିରୁ ଗୁଦ୍‌ଞ୍ଜା ଲେହେଁ କିନେସି ।”

୮ ଅରଞ୍ଜାକି ମାହାପୁରୁ ତାନି ମୀରଏଣା ତାକି ଏଲେଇଞ୍ଜା ମାନେସି,

“ଏ ମାହାପୁରୁ ନୀ ସିଂଗାସାଣି କାଲାକାଲା ତାକି ଡ଼ୟିନେ,

ଅଡ଼େ ନୀନୁ ସାଲୁଞ୍ଚି କିନାୟି ନୀହାୟି ତଲେ ଆନେ ।

୯ ନୀନୁ ଦାମ୍ ଗାଟାଣାଇଁ ଜୀଞ୍ଜୁ ନହଁ ମାଞ୍ଜି

ଅଡ଼େ ଦାମ୍ବୁ ହିଲାଆଗାଟାରାଇଁ ଅପାହିଲଅତି,  
 ଏଦାଆଁତାକି ମାହାପୁରୁ ନୀ ମାହାପୁରୁ ନିଙ୍ଗେ  
 ଆଟାନେସି,  
 ମୀ ତଣେସିଙ୍ଗା କିହାଁ ନିଙ୍ଗେ ହାରେକା ରାହାଁତି  
 ନିହୁଁ ଖାକ୍‌ହାନା ନିଙ୍ଗେ ଆଟାନେସି ।”

୧୦ ଏଞ୍ଜାସି ଅଡ଼େ ଝେସିମାନେସି,  
 “ଏ ପ୍ରବୁ, ନୀନୁ ମୁଲୁଏ ଦାରତିତି ପୁନାଦି ଗାଡ଼ିକିତି,  
 ଅଡ଼େ ହାଗୁପାକା ବାରେ ନୀ କେୟୁତଲେ  
 କେପିତି ।”

୧୧ “ଏ ବାରେ ର ଦିନା ମେଣ୍ଟାହାନେ, ସାମା ନୀନୁ  
 କାଲେଏ ଡ଼ୟିଦି;  
 ଅଡ଼େ ଏ ବାରେ ପୁଃଇ ହିମ୍ବରିକା ଲେହେଁ  
 ଗେଞ୍ଜା ହାନୁ

୧୨ ଅଡ଼େ, ନୀନୁ ହିମ୍ବରି ଲେହେଁ, ହାଅ, ହିମ୍ବରି  
 ଲେହେଁ ମୁଦାକିଦି  
 ଅଡ଼େ ଏଞ୍ଜି ବାରେ ହିମ୍ବରିକା ଲେହେଁ ବାଦ୍‌ଲି  
 ଆନୁ;

ସାମା ନୀନୁ ବାରେବେଲା ଏଞ୍ଜାତିଏ,  
 ଅଡ଼େ ନୀ ଜୀଞ୍ଜୁ ଏତେଲାଞ୍ଜା ରାଏ ।”

୧୩ ମାହାପୁରୁ ତାନି ଦୁଡୁୟାଁଇଁ ଏତେଲାଞ୍ଜା  
 ଏଲେଇଞ୍ଜା ହିଲଅସି,  
 “ନୀନୁ ନୀ ସାଡୁୟାଁଣି ନୀ କଡାୟାଁ ଡ଼ଇ ଇଟାଆ  
 ପାତେକା  
 ନୀନୁ ନୀ ଟିଃନି ଟଟତା କୁଗାମାନାମୁ ।”

୧୪ ଆତିହୁଁ ଲାକପୁରୁତି ଦୁଡୁୟାଁ ଆମ୍ବାଆରି ?  
 ଏଞ୍ଜାରି ଆହିମାନେରି ମାହାପୁରୁତି ସେବା କିନାରି  
 ମାଣ୍ଡିୟାଁଇଁ ସାୟେମି କିହାନା ଗେଲ୍‌ପାଲିତାକି  
 ମାହାପୁରୁ ତାଣାଟି ପାଣ୍ଡୁଆଡ଼ି ଜୀଞ୍ଜୁୟାଁ ।

୨

ଗେଲ୍‌ପିନାୟି

୧ ଏଦାଆଁତାକି, ମାରୁ ଝେଞ୍ଜାମାନି କାତାଡ଼ି  
 ହାରେକା ଝେଞ୍ଜାଲି ମନ ହୀନାୟି ମାନେ, ଆଆଡ଼ି  
 ମାରୁ ଏଡେତା ଜିରୁ ବାଣ୍ଡି ଆଆୟି । ୨ ଇତିହୁଁ  
 ନକେଏ ଲାକପୁରୁତି ଦୁଡୁୟାଁ ତାଣାଟି ଏଲେଇଞ୍ଜା  
 ମାନେସି, ଏଦି ସାତା ଇଞ୍ଜୁଁ ତୀରିଆହାଁ ମାନେ,  
 ଅଡ଼େ ଆମ୍ବାଆରି କାତା ଆହୁଆନା ମାନୁଞ୍ଜି  
 ଆହାହିଲଅରି, ଏଞ୍ଜାରି ତାମ୍ବୁ ବେଟାଆନି ତଣ୍ଡ  
 ବେଟାଆହାମାନେରି । ୩ ଆତିହୁଁ ଇଲେଡ଼ି  
 ଗେଲ୍‌ପିନାୟିଇଁ ହେଲା କିତିହୁଁ ମାରୁ ଏନିକୁଁ  
 ଗେଲ୍‌ହିନାୟି ? ଏଦି ନକେଏ ପ୍ରବୁ ତାଣାଟି  
 ଝେସପି ଆହାଁ ଝେଞ୍ଜାମାନି ଲକୁ ତାଣାଟି ମା  
 ତାଣା ଝେସପିଆହାମାନାୟି ସାତା ଆହାମାନେ;  
 ୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ  
 ହାରେକା ସିନାୟାଁ ଅଡ଼େ କାବାଆନି କାମାୟାଁ ଇଞ୍ଜା,  
 ବାଡ଼ୟୁଗାଟି କାମାୟାଁ ଅଡ଼େ ସୁଦୁଜୀଞ୍ଜୁତି ଏଟକା  
 ଏଟକାତି ଦାନା ହାହାନା ସାକି ହାହାମାନେସି ।

ଜୀସୁ ମାଣ୍ଡି ଖାଣା ଆଡେସି

୫ ମାହାପୁରୁ ଆମିନି ପୁଃନି ଦାରତିତି ଗାଡ଼ି  
 କିନେସି, ଅଡ଼େ ଆମିନି ଦାରତିତି କାତା ମାମ୍ବୁ  
 ଝେସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି  
 ଲାକପୁରୁତି ଦୁଡୁୟାଁ କେୟୁତା ହେରପା ହିଲଅସି ।  
 ୬ ସାମା ରଅସି ର ଟାୟୁତା ସାକି ହାହାମାନେସି;  
 “ଏ ମାହାପୁରୁ, ମାଣ୍ଡି ଆମ୍ବାଆସି, ନୀନୁ ଏଞ୍ଜାଣାଇଁ  
 ଅଣ୍ଡପିମାଞ୍ଜି ?  
 ମାଣ୍ଡି ମୀରଏସି ଆମ୍ବାଆସି ନୀନୁ ଏଞ୍ଜାଣି  
 ଜାଡ଼ନୁ ଅହିମାଞ୍ଜି ?  
 ୭ ନୀନୁ ଏଞ୍ଜାଣାଇଁ ଲାକପୁରୁତି ଦୁଡୁୟାଁ କିହାଁ ରତାଣି  
 ଉଣା କିହାମାଞ୍ଜି;  
 ନୀନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି  
 ଟପେରି ତୁରଞ୍ଜି କିହାମାଞ୍ଜି,  
 ୮ ନୀନୁ ବାରେ ଏଞ୍ଜାଣି କଡାୟାଁ ଡ଼ଇ  
 ଇଟାମାଞ୍ଜି ।”

ସାତେଏ ମାହାପୁରୁ “ବାରେଡ଼ି” ଇତିହୁଁ ଏନାଆଁଞ୍ଜା  
 ପିହୁଆନା ବାରେଡ଼ି ତାନି କଡାଁ ଡ଼ଇ ଇଟାମାନେସି;  
 ଆଡ଼ିଜିକେଏ ମାରୁ ନୀର୍ଏ ପାତେକା ବାରେ ତାନି  
 ଡ଼ଇ ଆହାମାନାଣି ମେସି ହିଲାଆୟି ସାତା ।  
 ୯ ମାରୁ ମେସିମାନାୟି ଲାକପୁରୁତି ଦୁଡୁୟାଁ କିହାଁ  
 “ଇଟାନି ଉଣା” କିଞ୍ଜିଆହା ମାରେସି, ଏଞ୍ଜାଣାଇଁ  
 ଇତିହୁଁ ଜୀସୁଇଁ ହାକିତି ଦୁକୁ ବେଟା ଆହାମାନାକି  
 ଗାଞ୍ଜୁରମି ଅଡ଼େ ମାନିତି ଟପେରି ତୁରହା ମାନାଣି  
 ମେସିମାନାୟି, ଏନିକୁଁ ମାହାପୁରୁତି କାର୍ମାଟି  
 ବାରେ ମାଣ୍ଡିୟାଁ ତାକି ଏଞ୍ଜାସି ହାକିତି ଖାଣ୍ଡା  
 ମାନେସି । ୧୦ ଇତିହୁଁ ଆମ୍ବାଆରି ତାକି ଇଞ୍ଜା  
 ଆମିନି ଗାଟାଣା ତାଣାଟି ବାରେ ଗାଡ଼ି ଆହାମାନେ,  
 ହାରେକା ମୀରକାଣି ଜୀସୁତି ଗାଞ୍ଜୁରମି ପାଣ୍ଡି  
 କିହାଲି, ଜୀସୁ ଦୁକୁ କସ୍ତ ବେଟାଆହାନା ଏଞ୍ଜାରାଇଁ  
 ଗେଲ୍‌ପିନି ଜିରୁତା ଅନେସି ।

୧୧ ଆମ୍ବାଆସି ପାପୁଟି ସୁଦୁ କିନେସି ଅଡ଼େ  
 ଆମ୍ବାଆରି ସୁଦୁ ଆନେରି, ଏଞ୍ଜାରି ବାରେ ରଣ୍ଡିଏ  
 ତାଞ୍ଜିତି ମୀରକା; ଏଦାଆଁତାକି ଏଞ୍ଜାରାଇଁ ଜୀସୁ  
 ତାୟି ତାଞ୍ଜି ଇଞ୍ଜାଲି ଲାଜା ଆଅସି, ୧୨ ଏଞ୍ଜାସି  
 ମାହାପୁରୁଇଁ ଏଲେଇଞ୍ଜି ମାନେସି,  
 “ନୀନୁ ନା ତାୟି ତାଞ୍ଜିସ୍ତା ନକିତା ନୀ ବାରେ କାମା  
 ଝେକ୍‌ଇଁ,  
 ବାରେ କୁଲମି ନକିତା ନୀ ଜହରା ପାରୁ  
 ପାଡ଼ିଇ ।”

୧୩ ଅଡ଼େ ଝେଣ୍ଡେ ଏଲେଇଞ୍ଜି ମାନେସି, “ନୀନୁ  
 ଏଞ୍ଜାଣି ତାଣା ନା ନୀମୁ ତୀରିକିଇଁ ।” ଅଡ଼େ ସିନିକିଦୁ  
 “ମାହାପୁରୁ ନାଙ୍ଗେ ହାହାମାଞ୍ଜାନି ମୀରକା ମାସ୍କା  
 ନା ତଲେ ମାନେରି ।”

୧୪ ଏଦାଆଁତାକି ଇତିହୁଁ ମୀରକା ଉଞ୍ଜା ଅଡ଼େ  
 ନେତେରିତି ଆଙ୍ଗାତା ଆଣ୍ଡାମାନାକି କ୍ରୀସ୍ତ ଜିକେଏ  
 ଏଲେକିହୁଁଏ ମାଣ୍ଡି ଖାଣା ଆଡେସି, ଏନିକୁଁ  
 ତାନି ହାକିତି ସୟତାନଇଁ ନାସା କିନେସି; ଇତିହୁଁ  
 ହାକି ସୟତାନତି ଅଦିକାରାତା ମାଟେ । ୧୫ ଇଞ୍ଜା

ହାକିତି ଆଜିତଲେ ଆମ୍ବାଆରି କାଲେଏତାକି ହଲିୟାକା ଆହାନା ଦସ୍ପି ଆହାମାରେରି, ଏଝାସି ଏଝାରାଇଁ ଗେଲ୍ପିନେସି । ୧୭ ଇତିହିଁ ଏଝାସି ସାତେଏ ଲାକପୁରୁତି ଦୁତୁୟାଣି ସାୟେମି କିଆନା ଅବାହାମତି ମୀରକାଣି ସାୟେମି କିହିମାନେସି । ୧୮ ଏଦାଆଁତାକି ଏଝାସି ବାରେ ଝାକିଟି ତାନି ତାୟିୟା ଲେହେଁ ଆନାୟି ମାରେ, ଏନିକିଁ ଏଝାସି ବାରେ ଲକୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାମାମେହ୍ନି ଅଡ଼େ ନାମୁତି କାଜା ପୂଜେରା ଆନେସି । ୧୯ ଇତିହିଁ ଏଝାସି ତାନୁ ତାୟିପାରି କିଝି ଆହାଁ ଦୁକୁ ବେଟାଆହା ମାନାକି ତାୟିପାରି କିଝି ଆହିମାନି ଲକୁଣି ସାୟେମି ଆହାଲି ଆଡ଼ିମାନେସି ।

**୩**

**ଜୀସୁ ମସା କିହାଁ କାଜାସି**

୧ ଏଦାଆଁତାକି ଏ ନା ସୁଦୁଗାଟି ତାୟିୟା ଅଡ଼େ ତାଜିସ୍ତା ମୀରୁ ଆମିନି ମାହାପୁରୁତି ହାଟ୍‌କି ଆହାମାନି ତାଣା ଆଣ୍ଡାମାନାତେରି ମା ନାମୁତଲେ ପାଣ୍ଡୁଆହାମାନି କାଜା ପୂଜେରା ଜୀସୁତି କାତା ଅଣ୍ଡପାଦୁ; ୨ ମସା ଏନିକିଁ ମାହାପୁରୁ ଇଲୁତା ମାନିତଲେ କାମା କିହାମାରେସି, ଜୀସୁ ଜିକେଏ ଏଲେକିହିଁ ତାଙ୍ଗେ ଆଚାମାନି ମାହାପୁରୁ ନକିତା ମାନି ଗାଟାସି ଆଡ଼େସି । ୩ ଇଲୁ କିହାଁ ଇଲୁ କେପିତାସି ଏନିକିଁ ମାନି ବେଟା ଆନେସି, ଏଲେକିହିଁଏ ମସା କିହାଁ ଜୀସୁ ହାରେକା ଗାଧୁରମିତି ଜଡ଼େ ଆହାମାନେସି । ୪ ଇତିହିଁ ବାରେ ଇଲୁକା ଆମ୍ବାଆରି ଆଆତ୍ ଆମ୍ବାଆରି ତାଣାଟି କେପୁଝି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି । ୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାରେସି, ଇଞ୍ଜା ଏମିନି କାତା ମାହାପୁରୁ ତାୟି ଝେସାଲି ମନ କିହାମାରେସି ଏକାତେଏ ଇତି । ୬ ସାମା ଜୀସୁ କ୍ରୀସୁ ତାନି ଆବା ଇଲୁତି ମୁହେଁ ମୀରଏଣା ଲେହେଁ ମାନି ଗାଟାସି; ଇଞ୍ଜା ମୀର ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜିଁ ମା ବାସୁତି ତାୟି ପାତେକା ଜାଣ୍ଡେ ଆସା ଡ଼ୟିନ, ଆତିହିଁ ମୀର ଜିକେଏ ଏଝାଣି ଇଲୁ ଲେହେଁ ଆନାୟି ।

**ମାହାପୁରୁ ଲକୁତାକି ଜମିନାୟି**

୭ ଏଦାଆଁତାକି ସୁଦୁଜୀଝୁ ଝେସିମାନିଲେହେଁ, “ନୀଞ୍ଜୁ ମୀରୁ ଏଝାଣି ହାଡ଼ା ଝେଞ୍ଜେରି, ୮ ଆତିହିଁ ମୀ ଆକୁ ଆବାୟାଁ ଲେହେଁ ମୀ ହିୟାତି ଆଟ୍‌ଝା କିଆଦୁ, ଲକୁ ହିଲାଆ ବାଟାତା ଏ ଦିନା ଏଝାରି ମାହାପୁରୁକ୍ ତାୟିପାରି କିହାନା ଏଝାଣି କପାଟି ନିଙ୍ଗାମାରେରି,

୯ ଏ ବାଟାତା ମୀ ଆକୁ ଆବାୟାଁ ନାଙ୍ଗେ ତାୟିପାରି କିହାଁ ନାଙ୍ଗେ ମେସ୍ତାତେରି, ଅଡ଼େ ରୀ କଡ଼ି ବାସାଁ ପାତେକା ମା କାମା ସିନିକିତେରି ।

୧୦ ଇଦାଆଁତାକି ନାନୁ ଇ କୃଡ଼ାତି ଲକୁକ୍ କାର୍‌ବି ଆହାନା ଏଲେଇତେଏଁ, ଏଝାରି ବାରେବେଲା ହିୟାତା ମାନି ହିଲାଆ ଗାଟାରି, ଏଝାରି ନା ଜିରୁ ପୁଞ୍ଜାହିଲଅରି ।”

୧୧ ଇଦାଆଁତାକି ନାନୁ ନା କପାଟି ପାରମାଣା କିତେଏଁ, ନାନୁ ଆମିନି ଦେସାତା ଏଝାରାଇଁ ଜମାଲି ହୀତେଏଁମା ଏ ଦେସାତା ଏଝାରି ଏଚେଲାଝା ହଡ଼ାଲି ଆଡ଼ଅରି ।”

୧୨ ଏ ତାୟି ତାଜିସ୍ତା, ଜାଗାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକିଁ ମୀରୁ ଜୀଝୁଗାଟି ମାହାପୁରୁ ତାଣାଟି ହେକ ଆଅତେରି । ୧୩ ସାମା ଏଚେତା ପାପୁ ତଲେ ନାଡ଼ିକିଝି ଆହାନା ମୀ ବିତ୍ରାଟି ଆମ୍ବାଆରି ହିୟାଁ ଆଟ୍‌ଝା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ; ୧୪ ଇତିହିଁ ନକେଏ ମା ଆମିନି ନାମୁ ମାତେ, ଏଦାଆଁ ତାୟି ପାତେକା ଜାଣ୍ଡେ ଆସା ଡ଼ୟିନାୟି ଆତିହିଁ କ୍ରୀସୁ ତାଣା ଆଣ୍ଡାମା ଡ଼ୟିନାୟି ।

୧୫ ଦାର୍ମୁ ସାସ୍ତେରିତା ରାସ୍‌କି ଆହାମାନେ, “ନୀଞ୍ଜୁ ମାହାପୁରୁତି ହାଡ଼ା ଝେଟିସାରେ, ଏନିକିଁ କାର୍‌ବି କିଝିକିନି ଟାୟିତା ଆହାମାରେ, ଏଲେକିହିଁ ମୀ ଆକୁ ଆବାୟାଁ ଲେହେଁ ହିୟାତି ଆଟ୍‌ଝା କିଆଦୁ !”

୧୬ ଆତିହିଁ ଆମ୍ବାଆରି ମାହାପୁରୁତି ହାଡ଼ା ଝେଞ୍ଜାନା ଏଝାଣାଇଁ କାକ୍ତି କିହାମାରେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଝାହାମାରେରି, ଏଝାରି ବାରେ ଆଏକି ? ୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାସାଁ ପାତେକା ଏଝାସି କାର୍‌ବି ଆହାମାରେସି, ଆମ୍ବାଆରି ପାପୁ କିହାମାରେରି, ଆମ୍ବାଆରି ମଡ଼ା ଲକୁ ଡ଼ୟାଆ ବାଟାତା ରିହାମାରେ, ଏଝାରି ଆଏକି ? ୧୮ ମାହାପୁରୁ ଏଚିବେଲା ପାରମାଣା କିହାନା ଏଲେଇଞ୍ଜାମାରେସି, ଏଝାରି ଏଚେଲାଝା ମାହାପୁରୁତି ଜମିନି ତାଣା ହଡ଼ଅରି, ଏଚିବେଲା ଏଝାସି ଆମ୍ବାଆରି କାତା ଏଲେଇଞ୍ଜାମାରେସି ? ଆମ୍ବାଆରି କାତା ମାନୁଝି ଆହା ହିଲାଆତେରି, ଏଝାରି ତାକି ଏ କାତା ଏଲେଇଞ୍ଜାମାରେସି । ୧୯ ଇଲେକିହିଁ ନାନୁ ମେସିମାକ୍, ଏଝାରି ନାମାଆତାକି ଏ ଆଞ୍ଜାମାନି କିଶାନ ଦେସାତା ହଡ଼ାଲି ଆଡ଼ାଆତେରି ।

**୪**

୧ ଏଦାଆଁତାକି ଖାଦୁ ମାର ଜାଗ୍ରାତା ଆନ, ଏଡେତା ତାନି ଜମିନି ତାଣା ହଡାଲି ଆଞ୍ଜାମାଟି ଜିକେଏ ମା ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଟକା ଆନିଲେହେଁ ତଞ୍ଜା ଆହିମାନେରି ।  
 ୨ ଇଚିହଁ ଏଞ୍ଜାରି ନକିତା ଏନିକଁ, ମା ନକିତା ଜିକେଏ ଏଲେକିହଁ ଏ ନେହଁ କାରୁ ଖେପକି ଆହାମାଚେ, ସାମା ଖେନାରି ନାମୁଟି ଖେଞ୍ଜାମାନି କାତା ଆହୁଆଲିଏ, ଏଡି ଏଞ୍ଜାରି ତାକି ଲାବା ଆଆତେ । ୩ ଅଡେ ମା ବିତ୍ରାଟି ଆମ୍ବାଆରି ନାମିନେରି, ଖାରଇ ଏଞ୍ଜାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡିନେରି, ଏନିକଁ ଏଞ୍ଜାସି ଖେସାମାନେସି,  
 “ଏଦାଆଁତାକି ନାନୁ ନା କପା ତାକି ପାରମାଣା କିତେସି,

ଏଞ୍ଜାରି ମା ଜମିନି ଖାରାତା ହଡଅରି ।”  
 ଦାରୁତି ଗାଡ଼ିକିତି ବେଲାଟିଏ ବାରେ କାମା ରାହାମାଚେ । ୪ ଇଚିହଁ ଜମିନି ଦିନାତି କାତାତି ଏଞ୍ଜାସି ର ଟାୟୁତା ଇଲେକିହଁ ଖେସାମାନେସି; “ମାହାପୁରୁ ସାତା ଦିନାତା ତାନି ବାରେ କାମା ରାପୁହାନା ଜମିତେସି;” ୫ ଅଡେ ଇ ବାରେ କାତା ମାହାପୁରୁ ଖେଶ୍ଵେ ଏଲେଇଞ୍ଜା ମାନେସି, “ଏଞ୍ଜାରି ମା ଜମିନି ତାଣା ହଡାଲି ଆଡଅରି ।” ୬ ଆମିନି ଗାଟାରି ମୂଲୁଏ ନେହଁ କାରୁ ଖେଞ୍ଜାମାଚେରି, ଏଞ୍ଜାରି ମାହାପୁରୁ କାତା ମାନୁଞ୍ଜି ଆଆତାକି ଏ ଜମିନି\* ତାଣା ହାଜାଲି ଆଡାଆତେରି, ନୀଏ ଏ ଜମିନାଣି† ଏଟକାତାରି ବେଟାଆହାମାନେରି । ୭ ଅଡେ ର ଦିନା, ଇଚିହଁ “ନୀଞ୍ଜୁ ଦିନା” ଆଚାନା, ଇଚେକା କାଲା ତାୟୁ ଦାଞ୍ଜୁଦତି ସାସ୍ତେରିତା ଏଲେଇଞ୍ଜି ମାନେସି, ଏନିକଁ ନକେଏ ଖେସପି ଆହାମାନେ,  
 “ନୀଞ୍ଜୁ ମୀରୁ ଏଞ୍ଜାଣି ହାଡା ଖେଞ୍ଜେରି,  
 ଜାହାରା ହିୟାଁ ଆଟ୍ଞା କିଆଦୁ ।”

୮ ଇଚିହଁ ଜିହସ୍ତୟ ଏଞ୍ଜାରାକି ଜମାଲି ହାତିହଁମା, ଆତିହଁ ମାହାପୁରୁ ଅର ଜମିନି ଦିନାତି କାତା ଜଲାଆତେସିମା । ୯ ଏଲେକିହଁ ଇ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକୁତାକି ଜମିନି ଦିନା ତାରି କିଞ୍ଜିଆହାମାନେ । ୧୦ ଇଦାଆଁତାକି ମାହାପୁରୁ ତାନି କାମାଟି ଏନିକଁ ଜମିତେସି, ଆମ୍ବାଆସି ମାହାପୁରୁଟି ଜମିନି ଦେସାତା ହଡା ମାନେସି, ଏଲେକିହଁ ଏ ଏଞ୍ଜାସି ଜିକେଏ ତାନି କାମାଟି ଜମିନାଣି ମେଡା ଆହାମାନେସି । ୧୧ ଇଦାଆଁତାକି ମା ବିତ୍ରାଟି ଆମ୍ବାଆସି ଏନିକଁ ନାମାଆତାକି ଏ ଲକୁତି ଲେହେଁ ଏ ଜମିନି ତାଣା ହଡାନା ତୟଅସି, ଇଦାଆଁତାକି ଆଡିନି ପାତେକା ଜାଡନୁ ଆନ ।

୧୨ ଇଚିହଁ ମାହାପୁରୁଟି ବଲୁ ଜୀଞ୍ଜୁଗାଟାୟି ଅଡେ କାମା କିନାୟି ଇଞ୍ଜା ରିକଞ୍ଜାକି ଦାରାଗାଟି

ଞ୍ଜାହୁନି କାଣ୍ଡା କିହାଁ ହାରେକା ଖାସ୍ତାୟି, ଅଡେ ହିୟାଁ ଅଡେ ଜୀଞ୍ଜୁ ଇଞ୍ଜା ହାୟୁଲି ଅଡେ ତୁମକାତି ନିଜେଡି ପାତେକା ହଡାଲି ଆଡିନେ । ଏ ବଲୁ ମାଣସିତି ତୁଗାମାନି ଅଣପୁତି ବାରେ ନୀହାଁୟି କିନାୟି । ୧୩ ମାହାପୁରୁ ନକିତା ଏନାୟିଞ୍ଜା ତଞ୍ଜା ଆଆଗାଟାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଲେଁ ଲେକା ହୀନାୟି ମାନେ, ଏଞ୍ଜାଣି ନକିତା ବାରେ ଦେପି ଆଡାୟି ଅଡେ ପୁକଆତାୟି ।

**ଜୀସୁ କାଜା ପୂଜେରା**

୧୪ ଏଦାଆଁତାକି ଲାକପୁରୁଟି ହାଜାମାନେସି, ଆମ୍ବାଆସି ମାହାପୁରୁ ମୀରୁଏସି ଜୀସୁ ଏଞ୍ଜାସି ମା କାଜା ପୂଜେରା ଆହାମାନାକି, ଖାଦୁ ମାର ମା ନାମୁତି ଜାଶ୍ଵେତଲେ ଆହୁନ । ୧୫ ଆମ୍ବାଆସି ମା ଦହ ପୁଞ୍ଜାଲି ଆଡିନେସି, ଏଲେଡି କାଜା ପୂଜେରା ଏଞ୍ଜାସି ଆଏ । ସାମା ମା କାଜା ପୂଜେରା, ମା ଲେହେଁ ବାରେଞ୍ଜାକି ତାୟିପାରି ଆହାମାଚେସି, ଆତଁଜିକେଏ ଏଞ୍ଜାସି ପାପୁ କିହାହିଲାଆତେସି ୧୬ ଏଦାଆଁତାକି ଖାଦୁ, କାମା ମେଡା ଆହାଲିତାକି ଅଡେ, ଏ ବେଲାତେଏ ସାୟେମି କିନାଣି କାର୍ମାମେହୁନାଣି ବେଟାଆହାଲି ତାକି ମାର ସାସାତଲେ କାର୍ମାମେହୁନି ସିଂଗାସାଣି ନକିତା ହାନ ।

**୫**

୧ ଇଚିହଁ ବାରେ କାଜା ପୂଜେରାଜା ଜାହାରା ଲକୁ ତାଣାଟି ଆଟ୍ଞି ଆନେରି, ଏଞ୍ଜାସି ଏଞ୍ଜାରି ଖାକିଟି ପାପୁ ମ୍ଲେକହାଲି ପୂଜା ଅଡେ ଦାନା ହେରପାନା ମାହାପୁରୁଟି ସେବା କିନେସି । ୨ ଏଞ୍ଜାସି ବୁଦି ହିଲାଆ ଗାଟାରି ଅଡେ ନାଡ଼ିକିଞ୍ଜି ଆହିମାନି ଲକୁଣି ଅରହିନାଣି ତସାଲି ଆଡିନାସି, ଇଚିହଁ ଏଞ୍ଜାସି ତାନୁଏ ଜିକେଏ ବାଡ଼ୟୁ ହିଲାଆଗାଟାସି; ୩ ଅଡେ ଖାରଇ ଏଟକା ଲକୁତି ପାପୁ ତାକି ଏଞ୍ଜାସି ପୂଜା କିହାଲି ଆନେ ଏଡି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ । ୪ ଅଡେ ଆମ୍ବାଆରି ଇ କାଜା ପୂଜେରା ପାଣାଟି ତାମ୍ବୁ ଅହାକତାଲି ଆଡଅରି, ସାମା ହାରଣ ଏନିକଁ ଆଟ୍ଞି ଆହାମାଚେସି, ଏଲେକିହଁ ଏ ମାହାପୁରୁ ତାଣାଟି ଏଞ୍ଜାସି ଆଟ୍ଞି ଆନାୟି ମାନେ ।

୫ ଏଲେକିହଁ ଏ ଜୀସୁ ଜିକେଏ କାଜା ପୂଜେରା ପାଣାଟି ଗାଞ୍ଜୁରମି ତାନୁଏ ପାରା ହିଲାଆତେସି, ସାମା ମାହାପୁରୁ ଏଞ୍ଜାଣାକି ଏ ଗାଞ୍ଜୁରମି ପାଣା ହୀହାମାଚେସି, ଇଚିହଁ ଏଞ୍ଜାସି ଏଞ୍ଜାଣାକି ଏଲେଇଞ୍ଜାମାଚେସି,  
 “ନୀନୁ ନା ମୀରୁଏଣାତି;  
 ନୀଞ୍ଜୁ ନାନୁ ନୀ ତାଞ୍ଜି ଆହାମାକି ।”

\* ୪:୭ ୪:୭ ଆଞ୍ଜାମାନି ଦେସା କିଶାନ † ୪:୭ ୪:୭ ଆଞ୍ଜାମାନି ଦେସା କିଶାନ



୭ ଏଲେକିହ ଏ ଅଡ଼େ ର ତାଣା ଜିକେଏ ଏଲେଇଞ୍ଜି ମାନେସି,  
“ନାନୁ ମଲ୍ଲକିସେଦକ ଲେହେଁ କାଲେଏତି ପୂଜେରା ଆଦି ।”

୭ \*ଆମ୍ବାଆସି ଏଞ୍ଜାଣାଲ୍ ହାକିଟି ନୀଟ୍‌ହାଲି ଆଡ଼ିମାନେସି, ଏଞ୍ଜାସି ତାନି ଆଙ୍ଗା ତଲେ ନୀତା ମାଚାଟି, ମାହାପୁରୁ ନକିତା ହାରେକା ଡାହି ଡାହି ଅଡ଼େ କାଣ୍ଡୁ ତୁଲେ ପ୍ରାତାନା ଅଡ଼େ ବାଡ଼ିମାଲିହ ହେର୍ପା ମାଚେସି, ଇଞ୍ଜା ତାନୁଏ ଜାହାରାଲ୍ ଉଣା କିହାକତିନାସି ଅଡ଼େ ତୀରିତାସି ମାଚାକି ମାହାପୁରୁ ଏଞ୍ଜାଣି ରାସ୍ତାଣି ଖେଚେସି, ୮ ଏଞ୍ଜାସି ମାହାପୁରୁ ମୀରୁଏସି ଆଡ଼ିଜିକେଏ ଦୁକୁଡ଼ି ଅର୍ହାନା ମାନୁଞ୍ଜି ଆହାଲି ଜାପିତେସି । ୯ ଇଲେଆହ ତୀରିଆହାନା ତାନି ହୁକୁମି ମାନୁଞ୍ଜି ଆନାରାକି କାଲେଏ ଗେଲପିନାସି ଆନେସି; ୧୦ ଏଦାଆଁତାକି ଏଞ୍ଜାସି ମାହାପୁରୁ ତାଣାଟି ମଲ୍ଲକିସେଦକତି ମେରାଲେହେଁ କାଜା ପୂଜେରା ଇଞ୍ଜି ଅଦିକାରା ବେଟା ଆଡ଼େସି ।

**ନାମୁ ଉଣାଆନି କାତା**

୧୧ ଜାସୁ କ୍ରୀସ୍ତତି କାତା ମାଙ୍ଗେ ହାରେକା ଖେହ୍ନାୟି ମାନେ, ସାମା ମିଙ୍ଗେ ତେଲ୍‌ହି କିୟାଲି ହାରେକା କସ୍ତ, ଇତିହ ମୀ ଜୀଞ୍ଜୁତା ଖେନାୟି ହାରେ ଉଣା ବାଡ଼ୁୟି ମାନେ । ୧୨ ଇତିହ ଇଚର ଦିନା ବିତ୍ତା ମୀରୁ ଜାପ୍‌ନାତେରି ଆନାୟି ମାଚେ, ଆଡ଼ିଜିକେଏ ମାହାପୁରୁତି ବଲ୍ଲୁ ଏବକା ଲକୁ ଜାପ୍‌ହାଲି ତାକି ମିଙ୍ଗେ ଲଡ଼ା ଆହିମାଞ୍ଜାନେ; ଖାଜିତି ରାନ୍ଦା ଲଡ଼ା କିଆନା ପାଲୁ ମିଙ୍ଗେତାକି ଲଡ଼ା ଆହିମାଞ୍ଜାନେ । ୧୩ ଆମ୍ବାଆସି ପାଲୁ ଗହ୍ନାସି ଏଞ୍ଜାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇତିହ ଏଞ୍ଜାସି ଉଣା କକାସି । ୧୪ ସାମା ପାତାଆଡ଼ି ଲକୁ, ଇତିହ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଚାଲି ଆଡ଼ିନେରି, ଏଞ୍ଜାରାକି ଖାଜିତି ରାନ୍ଦା ଲଡ଼ାମାନେ ।



୧ ଏଦାଆଁତାକି ଖାଦୁ ମାର କ୍ରୀସ୍ତତି ମୂଲୁଏ ଜାପିତି କାତା ପିସାନା, ତୀରିତଲେ ପାତାଆହାନା, ହାହାମାନି କାମାଟି ମନୁ ଖେହ୍ନାହାନା, ମାହାପୁରୁ ତାଣା ନାମିନ, ୨ ବାପ୍ତିସ୍ତତି\* କାତା ଜାପ୍‌ନାୟି, ତାୟି ତୁ କେୟୁ ଇଟିନାଣି, ହାଡ଼ାରି ଖେଣ୍ଡେ ନିଙ୍ଗିନାୟି, କାଲେଏତି ତଣ୍ଡୁତି ପୁନାଦି ଖେଣ୍ଡେ କିନାୟିମାନେ । ୩ ନୀଏଁ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାର ଇଦାଆଁ କିନ ।

୪ ଆମିନି ଗାଟାରି ନାମୁତି ଉଣା କିହାମାନେରି, ଏଞ୍ଜାରି ଅଣ୍ପାଦା ଖେଣ୍ଡା ଖାହାଲି ଆଡ଼ିନେରିକି ?

ଏଞ୍ଜାରି ମାହାପୁରୁ ଉଜେଡ଼ିତା ବାସା କିହିମାଚେରି, ଲାକପୁରୁତି ଦାନାତି ଖାଣ୍ଡାନା, ସୁଦୁଜୀଞ୍ଜୁତା ଆଣ୍ଡାମାଚେରି, ୫ ମାହାପୁରୁତି ନେହ୍ ବଲ୍ଲୁ ଇଞ୍ଜା ଖାହିମାନି ଦୁଗୁଡ଼ି ବାଡ଼ୁୟି ଡାକନାଣି ଏଞ୍ଜାରି ଖାଣ୍ଡା ମାନେରି, ୬ ଏଞ୍ଜାରି ସାତାତି ପିସାନା ଲାଗେଏ ଆନେରି, ଆଡ଼ିହ ମନୁଡ଼ି ବାଦ୍‌ଲି କିଞ୍ଜିକିହାଲି ଅଡ଼େ ଖେଣ୍ଡେ ଏଞ୍ଜାରାଲ୍ ପୁଞ୍ଜି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜାରି ତାନି ନାସା ଆହାଲିତାକି ମାହାପୁରୁ ମୀରୁଏଣାଲ୍ ପାସି ମୁଣ୍ଡାତା ଏକ୍‌ହାନା ଲକୁ ନକିତା ଏଞ୍ଜାଣାଲ୍ ଲାଜା କିହିମାନେରି ।

୭ ଇତିହ ଆମିନି ବୁମି ପିୟୁ ରିନି ଏୟୁ ଗହ୍ନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନା କାମି କିନେ, ଏ ବୁମିତି ମାହାପୁରୁ ବର ହାନେସି । ୮ ସାମା ଏମ୍ବାଆଁ ହାପକା ଅଡ଼େ ଜାଡ଼ା ନେୟିନେ, ଆଡ଼ିହ ଏଡ଼ି ଏନି ଲାଡ଼ା ଆଏ, ଏଡ଼ି ମାହାପୁରୁତି ବାକା ବେଟାଆନେ, ଅଡ଼େ ତାୟୁ ହିରୁତା ଡ଼ାଞ୍ଜାହାନେ ।

୯ ସାମା ଏ ଜୀଞ୍ଜୁତି ତାୟିୟା, ମାମୁ ଇଲେକି କାତା ଖେସ୍ତି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲପିଆହାଲି ମାହାପୁରୁତି ବର ବେଟାଆହାମାଞ୍ଜେରି । ୧୦ ଇତିହ ମାହାପୁରୁ ମୀ କାମା, ଅଡ଼େ ମାହାପୁରୁ ଲକୁଣି ସେବା କିହିମାନାଣି ଅଡ଼େ ନୀଏଁ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜୀଞ୍ଜୁନହ୍ ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ ହିଲାଆଗାଟାସି ଏଞ୍ଜାସି ଆଏ । ୧୧ ସାମା ମାଡ଼ି ରଣ୍ଡିଏ ଅଣ୍ପୁ, ମୀରୁ ତାୟୁ ପାତେକା ମାଙ୍ଗେତାକି ମୀ ଜୀଞ୍ଜୁନନାୟି କାଲେଏ ଡ଼ୟାପେ ଆଡ଼ିହ ମୀ ବାରେ ଆସା ପୁରା ଆନେ । ୧୨ ଏନିକ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେଁ ଆଦୁ ।

**ମାହାପୁରୁତି ଆଞ୍ଜିନାୟି ସାତା ଆନେ**

୧୩ ଇତିହ ମାହାପୁରୁ ଏତିବେଲା ଅବ୍ରାହାମଲ୍ ଆଞ୍ଜାମାଚେସି, ଏତିବେଲା ଏଞ୍ଜାସି ତାନି ଆଞ୍ଜାମାନାଣି ମାନୁଞ୍ଜି ଆହାଲି ପାରମାଣା କିହାମାଚେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାଚେସି, ୧୪ ଏଞ୍ଜାସି ଏଲେଇଚେସି, “ନାନୁ ନିଙ୍ଗେ ସାତେଏ ବର ହିୟାଲ୍ ଅଡ଼େ ନୀ କୁଡ଼ାତି ହାରେକା ପାତିକିଲ୍ ।” ୧୫ ଅଡ଼େ ଇଲାଆହ୍ ହାରେକା ଅର୍ହାନା ଅବ୍ରାହାମ ଆଞ୍ଜାମାନାଣି କାଟାମାଚାକି ଏଦାଆଁ ମେଡ଼ା ଆହାମାଚେସି । ୧୬ ମାଣସିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡ଼େ କାତା ତୀରି

\* ୫:୭ ୫:୭ ମାତି ୨୭:୩୨-୪୨; ମାର୍କ ୧୪:୩୨-୪୨; ଲୁକ ୨୨:୩୯-୪୨

\* ୭:୨ ୭:୨ ମୁଞ୍ଜିନାୟି

କିହାଲି ଏଞ୍ଜାରି ବାରେ ଗଡ଼ହା ପାର୍ମାଣା ତଲେ ତାରି ଆନେ । ୧୭ ମାହାପୁରୁ ଆମ୍ବାଆରାକ୍ ଛ ବାରେ ହୀକ୍ ଇଞ୍ଜା ଆଞ୍ଜାମାଚେସି, ଏ ଆଞ୍ଜାମାନାଣି ମାନୁଞ୍ଜିଆହାଲି ତାନି ଆଞ୍ଜାମାନାଣି ତାକି ପାର୍ମାଣା କିହାମାଚେସି । ୧୮ ଏନିକ୍ ଆମିନି ରା ବାଦଲି ଆଆଗାଟି କାତାତି ମାହାପୁରୁ ମିତି ଖେସାଲି ଆଡ଼ଅସି, ଏଦାଣି ତଲେ ନକିତି ବାସୁତି ଆସାଲି ତାକି ବାସା ଟାୟୁତା ମାର ହଟି ମାନାୟି, ଇଞ୍ଜା ମାର ବାଡ଼ୟୁତି ରାହାଁ ବେଟାଆନାୟି । ୧୯ ଏୟୁ ଜାକା ଦହନି ଲହ୍ ମୁଣ୍ଡାଲେହେଁ, ଏ ବାସୁ ମା ଜାଞ୍ଜୁତି ଗେଲ୍ପି କିନାୟି ଅଡ଼େ ଆଞ୍ଜିନାୟି, ଏଦି ମାହାପୁରୁ ଇଲୁତି ଏଟକା କିନି ହିମ୍ପୁରି ଲେଟାମାନି ଟାୟୁତା ହଡ଼ାନା ଆଟ୍ଠା ଅଡ଼େ ତାରି ଆହାମାନେ, ୨୦ ଅଡ଼େ, ଜୀସୁ ଏ ଟାୟୁତା ମଲ୍‌କିସେଦକ ଲେହେଁ କାଲ୍‌କାଲ୍‌କାତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହଡ଼ାମାନେସି ।



**ମଲ୍‌କିସେଦକତି ପୂଜେରା ପାଣା**

୧ ଇ ମଲ୍‌କିସେଦକ ସାଲେମ ଦେସାତି ରାଜା ଅଡ଼େ ବାରେକିହାଁ କାଜା ମାହାପୁରୁତି ପୂଜେରା ମାଚେସି । ଅବ୍ରାହାମ ଅଡ଼େ ତାନି ତଡ଼ତୁରି, ସାରି ଜାଣା ରାଜାୟାଁ ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାଟି ବେଲାତା ମଲ୍‌କିସେଦକ ଅବ୍ରାହାମକ୍ ବେଟାଆହାନା ବର ହୀତେସି; ୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜୀଣାଆହାମାଟି ଆସ୍ତିତି ଦସ ବାଗାତି ର ବାଗା ହୀହାମାଚେସି । ମଲ୍‌କିସେଦକ, ଇଚିହ୍ “ଦାମ୍‌ପୁତି ରାଜା” ଅଡ଼େ ସାଲେମତି ରାଜା, ଇଚିହ୍ “ହିଡ଼ଡ଼ିତି ରାଜା ।” ୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟାଁ ଦରକା କି ଏଞ୍ଜାଣି ଜାର୍ନା ଦିନା କି ଜାଞ୍ଜୁତି ରାତି ଦିନା ଆମ୍ବିୟାଞ୍ଜା ରାସ୍‌କି ଆହାହିଲେଏ; ଏଞ୍ଜାସି ମାହାପୁରୁ ମୀରଏସି ଲେହେଁ କାଲ୍‌କା କାଲ୍‌କାକି ପୂଜେରା ଆହାମାଚେସି ।

୪ ଅଶ୍‌ପାରି କିଦୁ, ମଲ୍‌କିସେଦକ ଏଚେକା କାଜାସି ମାଚେସି, ଆକୁ ଅବ୍ରାହାମ ଜୁଜୁତା ଜୀଣାଆହାନା ତାଚାମାଟି ଆସ୍ତିତି ହାରେକା ନେହ୍ ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି ହୀହାମାଚେସି । ୫ ଲେବି କୃତାତି ମୀରକା ବିତ୍ରାଟି ଆମିନି ଗାଟାରି ପୂଜେରା ପାଣା ବେଟାଆନେରି, ଏଞ୍ଜାରି ମସାତି ମେରାଲେହେଁ ଇସ୍ରାୟେଲ ଲକୁ ତାଣାଟି ଇଚିହ୍ ତାମି ତାୟିୟାଁ ତାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଜ୍ଞାଟି ଜାର୍ନା ଆଡ଼ିଜିକେଏ ତାମି ଲକୁ ତାଣାଟି ଦସ ବାଗାଟି ର ବାଗା ଅନେରି; ୬ ମଲ୍‌କିସେଦକ ଲେବି କୃତାତାସି ଆଏ, ଆଆତି ଜିକେଏ ଏଞ୍ଜାସି ଅବ୍ରାହାମ ତାଣାଟି ଦସ ବାଗାଟି ର ବାଗା ଅଡ଼େସି, ଇଞ୍ଜା

ମାହାପୁରୁ ଆଞ୍ଜାମାନାଣି ବେଟାଆନାକି ବର ହୀତେସି । ୭ ବର ହୀନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି । ୮ ଇଲେକିହ୍ ହାନି ମାଣସିୟାଁ ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏଚିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାଚେସି ଏଞ୍ଜାଣି କାତା ସାକି ହୀପକି ଆହିମାନେ, ଏଞ୍ଜାସି ହାହା ହିଲଅସି । ୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାଟି ର ବାଗା ଅହିମାନି ଲେବି ତାନୁ ଜିକେଏ ଅବ୍ରାହାମ ତାଣାଟି ଦସ ବାଗାଟି ର ବାଗା ହୀହାମାନେସି । ୧୦ ଏନାଆଁତାକି ଇଚିହ୍ ଅବ୍ରାହାମକ୍ ମଲ୍‌କିସେଦକ ଆଣ୍ଡିତାଟି ଲେବି ଏଚିବେଲାତା ଜାର୍ନା ଆହା ହିଲାଆତେସି ସାମା ଲେବି ଏଞ୍ଜାଣି ଆଜ୍ଞା ବିତ୍ରା ମାଚେସି ।

୧୧ ଇ ଲେବିୟ ଲକୁତି ପୂଜେରା ପାଣା ତଲେ ଇସ୍ରାୟେଲ କୃତାତି ଲକୁ ତାକି ମସାତି ମେରା ହୀପକି ଆହାମାଚେ । ଅଡ଼େ ଲେବି ଲକୁତି କାମା ନେହ୍ କିହାଲି ଆଡ଼ିତିହ୍‌ମା, ହାରଣାତି ଅଦିକାରାଗାଟି ଇ ଲେବି ପୂଜେରାଜ୍ଞା ପିସାନା ମଲ୍‌କିସେଦକ ଅଦିକାରା ଲେହେଁ ଅରୁ କୃତାତି ପୂଜେରା ଲଡ଼ା ହିଲାଆତେ । ୧୨ ଇଚିହ୍ ପୂଜେରା ପାଣା ବାଦଲି ଆନେ, ଆତିହ୍ ମସା ମେରା ଜିକେଏ ବାଦଲି ଆନାୟି ମାନେ । ୧୩ ଇଚିହ୍ ଆମ୍ବାଆରି ତାକି ଇ ବାରେ ଖେସପି ଆହାମାନେ, ଏଞ୍ଜାସି ଅରୁ କୃତାତି ଲକୁ ମାଚେସି, ଆମିନି କୃତାତାରି ଆମ୍ବାଆସି ଏଚେଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି । ୧୪ ଇଚିହ୍ ଇଦି ସାତା ମା ପ୍ରୁ ଜୀହୁଦା କୃତାଟି ଜାର୍ନା ଆହାମାନେସି ଇଞ୍ଜା ମସା ଇ କୃତାତି ପୂଜେରା ପାଣା ତାକି ଏନାଆଁ ଖେସାହିଲଅସି ।

**ମଲ୍‌କିସେଦକ ଲେହେଁ ଅଡ଼େ ର ପୂଜେରା**

୧୫ ଅଡ଼େ ଇଦି ଇମ୍ବାଟି ଜିକେଏ ନେହ୍ କ ପୁନାୟି, ମଲ୍‌କିସେଦକ ଲେହେଁ ଅଡ଼େ ର ପୂଜେରା ହଡ଼ାମାନେସି । ୧୬ ଏଞ୍ଜାସି ଆଜ୍ଞା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀଞ୍ଜୁତି ବାଡ଼ୟୁତି ପୂଜେରା ପାଣା ମେଡ଼ା ଆହାମାନେସି । ୧୭ ଇଚିହ୍ ଦାମ୍‌ପୁତିତା ଏଞ୍ଜାଣି ତାକି ଇଲେକ୍ ଦାମ୍‌ ସାସ୍ପେରିତା ସାକି ହୀପକି ଆହାମାନେ; “ନୀନୁ ମଲ୍‌କିସେଦକ ଲେହେଁ କାଲ୍‌କାଲ୍‌କାତି ପୂଜେରା ଆଡ଼ି ।” ୧୮ ଇମ୍ବାଆଁ ତଲିତି ହୁକୁମି ବାଡ଼ୟୁ ହିଲାଆଗାଟାୟି, ଉଜେଏତାୟି ଲାକା ଏଦି ମେଣ୍‌ଜା ହାଜାମାନେ । ୧୯ ଏନାଆଁତାକି ଇଚିହ୍ ମସାତି ମେରା ଏନାଆଁଞ୍ଜା ତାରି କିହାଲି ଆଡ଼ାଆତେ । ଅରୁଞ୍ଜାକି ବାରେକିହାଁ ହାରେକା ନେହ୍ ବାସୁ ହଡ଼ାମାନେ, ଏ ବାସୁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି ।

୨୦ ମା. ତାକି ମାହାପୁରୁତି ପାରମାଣା ହାରେକା ମାନେ । ହାରଣ କୃତାତି ପୂଜେରା ପାଣାତା ଆର୍ତ୍ତ ଆତାତି ଇଲେତି ଏନି ପାରମାଣା ହୀପକି ଆହାହିଲାଆତେ । ୨୧ ସାମା କ୍ରୀସ୍ତ ପୂଜେରା ଆନି ବେଲାତା ମାହାପୁରୁ ପାରମାଣା କିହାନା ଏଞ୍ଜାଣାଇ ଏଲେଇଞ୍ଜାମାଚେସି,

“ପ୍ରବୁ ର ପାରମାଣା କିହାମାନେସି,  
ଏଞ୍ଜାସି ତାନି ଅଣ୍ଟପୁତି ବାଦଲି କିଅସି,  
ନୀନୁ କାଲାକାଲାତି ପୂଜେରା ଆଦି ।”

୨୨ ପ୍ରବୁ ଇଲେକି ପାରମାଣା କିହାମାନାକି ଜୀସୁ ଅଡେ ର ହାରେକା ନେହି ରାଜିମାନା କିନାସି ଆହାମାନେସି ।

୨୩ ପୁଞ୍ଜ ତାଣା ଜିକେଏ ଏଟକା ପୂଜେରାଞ୍ଜା ହାନାରି ଆହାମାନାକି ଏଞ୍ଜାରି ହାଡି ତାୟୁ ଏଟକାତାରି ପୂଜେରା ପାଣା ବେଟାଆନେରି ଏଦାଆତାକି ଏଞ୍ଜାରି ହାରେକା । ୨୪ ସାମା ଜୀସୁ କାଲାକାଲା ନୀତାମାନାକି, ଏତେଲାଞ୍ଜା ବାଦଲି ଆଆ ପୂଜେରା ପାଣା ବେଟାଆହାମାନେସି । ୨୫ ଏଦାଆତାକି ଏଞ୍ଜାଣି ତାଣାଟି ଆମିନି ଗାଟାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ ନୀଏ ଅଡେ କାଲେଏ ଗେଲପାଲି ଆଡିମାନେସି, ଏନାଆତାକି ଇତିହି ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଲେଏ ନୀତାମାନେସି ।

୨୬ ଏନାଆତାକି ଇତିହି ଇଲେତି କାଜା ପୂଜେରା ମା. ତାକି ନେହାସି, ଆମ୍ବାଆସି ସୁଦୁଗାଟାସି, ଦହ ହିଲାଆଗାଟାସି, ଲାଗେଏତି ସିନା ହିଲାଆଗାଟାସି ପାପୁ ଗାଟାରି ତାଣାଟି ଏଟକା ଆହାମାନାସି, ଲାକପୁରୁ ଅଞ୍ଜିଆଡେସି । ୨୭ ଏ କାଜା ପୂଜେରା ଲେହେ ବାରେଦିନା ନଟକେଏ ତାନି ପାପୁ ତାକି ଅଡେ ତାୟୁ ଲକୁତାକି ବାରେଦିନା ପୂଜା ହୀହାଲି ଲଡା ହିଲେଏ, ଇତିହି ତାଜେ ପୂଜା ହୀତାକି ଏଞ୍ଜାସି ରଣିଏ ପାଲି ଇଦାଆ କିହାମାନେସି । ୨୮ ଏନାଆତାକି ଇତିହି ମସାତି ମେରା ବାଡ଼ୟୁ ହିଲାଆଗାଟି ମାଣସିଇଁ କାଜା ପୂଜେରା ପାଣାତା ଆଡିନେ, ସାମା ଆମିନି ପାରମାଣାଟି ବଲୁ ମସାତି ମେରା ଜେଟ ଆହାମାଚେ, ଏଡି କାଲାକାଲା ତାକି ତୀରିଗାଟି ମୀରଏଣାଇ ଆଡିମାନେ ।

୮

ଜୀସୁ ମା କାଜା ପୂଜେରା

୧ ମାମ୍ବୁ ଏନାଆଁ ଝେସିମାଞ୍ଜାନମି ଏମ୍ବାତି କାଜା କାତା ଇଦି, ମାଜେତାକି ଇଲେତି ର କାଜା ପୂଜେରା ମାନେସି, ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଚିଝିନି ଟଟତା କୁଗାମାନେସି । ୨ ଏଞ୍ଜାସି ବାରେଡି କିହାଁ ସୁଦୁ ଟାୟୁତା ଇଞ୍ଜା ଆମିନି ସାତା ତୁମ୍ବୁ ଇଲୁ ମାଣସି

କେୟୁଟି କେପି ଆଆନା ପ୍ରବୁ ତାଣାଟି ତୀରି ଆହାମାନେ ଏମ୍ବାତି ସେବା କାମା କିନେସି ।

୩ ଇତିହି ବାରେ କାଜା ପୂଜେରାଞ୍ଜା ଦାନା ଅଡେ ଜଡ଼ିତି ଡାକାହାଁ ପୂଜା କିହାଲି ଆର୍ତ୍ତ ଆହାମାନେରି, ଇଦାଆତାକି ଇ କାଜା ପୂଜେରାକି ଜିକେଏ ପୂଜା ହେର୍ପାଲି ତାକି ଲଡାମାନେ । ୪ ଜୀସୁ କ୍ରୀସ୍ତ ଦାରତିତା ମାତିହିମା, ପୂଜେରା ଜିକେଏ ଆୟାଲି ଆତାଆତେସିମା, ଏନାଆତାକି ଇତିହି ଜୀହୁଦି ଲକୁତି ମେରା ଲେହେ ଦାନା ହେର୍ପିନେରି ଇଲେତି ପୂଜେରାଞ୍ଜା ଏମ୍ବାଆଁ ମାନେରି; ୫ ପୂଜେରାଞ୍ଜା ଆମ୍ବାଆରି ସେବା କିନେରି, ଏଡି ଲାକପୁରୁତି କାତା ପୁଣ୍ଡିକିନିଲେହେ ସାୟୁ ସମାନା, ମସା ଏତିବେଲା ପୂଜା କିହାଲିତାକି ର ତୁମ୍ବୁ କେପିନି ବେଲାତା ଏଞ୍ଜାଣାଇ ମାହାପୁରୁ ଏଲେଇଞ୍ଜାମାଚେସି, “ଜାଗ୍ରାତା, ହରୁତା ନିଜେ ଆମିନି ହୁକୁମି ତସପି ଆହାମାଞ୍ଜାତେ, ଏଲେକିହି ଏ ବାରେ କେପାମ୍ବୁ ।” ୬ ସାମା ନୀଏ ଜୀସୁକି ଆମିନି ପୂଜେରା କାମା ହୀପକି ଆହାମାନେ, ଏଡି ଏଟକାଟି ପୂଜେରାଞ୍ଜା କାମା କିହାଁ କାଜାୟି । ଏଲେକିହି ଏ ମାହାପୁରୁ ଅଡେ ମାଣସିୟାଁ ମାଦି ଏଞ୍ଜାସି ଆମିନି ରାଜିମାନା କିହାମାନେସି ଏଡି କାଜାୟି, ଇତିହି ଇ ମେରାତା ହାରେକା କାଜା କାତା ହୀହାଲି ଆଞ୍ଜାମାନାୟି ମାନେ ।

୭ ଇତିହି ତଲିତି ରାଜିମାନା ଏଡି ଦହ ହିଲାଆତିହିମା, ତାୟୁ ଅଡେ ଅର ରାଜିମାନା ଲଡା ଆଆତେମା । ୮ ସାମା ମାହାପୁରୁ ତାନି ଲକୁଇଁ ଦହ ଦସାନା ଏଞ୍ଜାରାଇଁ ଏଲେଇଞ୍ଜା ମାନେସି, “ପ୍ରବୁ ଏଲେଇଞ୍ଜା ମାନେସି, ମେହ୍ଦୁ ର ଦିନା ଞ୍ଜାହିମାନେ,  
ଏତିବେଲା ନାନୁ ଇସାୟେଲ କୁଡା ଅଡେ ଜୀହୁଦା କୁଡା ତଲେ ର ପୁଞ୍ଜି ରାଜିମାନା ତୀରି କିଇ;

୯ ଆମିନି କାଲାତା ନାନୁ ଏଞ୍ଜାରି ଆକୁୟାଣି କେସ୍ତା ଆସାନା ମିସର ଦେସାଟି ହପ୍ତହା ତାଟାମାଚେଏ,  
ଏ ବେଲାତା ଏଞ୍ଜାରିତଲେ ନାନୁ ଆମିନି ରାଜିମାନା କିହାମାଚେଏ, ଇ ରାଜିମାନା ଏଲେକିହି ଆଏ;

ଈଞ୍ଜା ଏଞ୍ଜାରି ନା ରାଜିମାନାତା ତୀରି ଆହିଁ ମାନାଆତେରି,  
ଈଞ୍ଜା ନାନୁ ଏଞ୍ଜାରାଇଁ ମନ ହୀଆତେଏ, ପ୍ରବୁ ଈ କାତା ଏଲେ ଈଞ୍ଜାମାନେସି ।

୧୦ ପ୍ରବୁ ଏଲେଇଞ୍ଜା ମାନେସି,  
ତାୟୁ ନାନୁ ଇସାୟେଲ କୁଡା ତଲେ ଈ ରାଜିମାନା କିଇ, ଏଡି ଈଦି,  
ନାନୁ ଏଞ୍ଜାରି ମନତା ନା ମେରା ହୀଇଁ,  
ଏଞ୍ଜାରି ହିୟାତା ଏ ବାରେ ରାଡିଇଁ,  
ଅଡେ ଏଞ୍ଜାରି ମାହାପୁରୁ ନାନୁ ଆଇଁ,

ଅଡ଼େ ଏଞ୍ଜରୀ ନା ଲକ୍ଷୁ ଆନେରି ।  
 ୧୧ ମାହାପୁରୁଇଁ ପୁଞ୍ଜୁ ଇଞ୍ଜୁ ଏଞ୍ଜରୀ ବିତ୍ରାଟି  
 ରଅସିଞ୍ଜା ତାମି କୃତାତି ଗାଡ଼ାତାରାଇଁ  
 ଝେହୁଅସି,  
 ଇଞ୍ଜା ତାମି ତାୟିୟାଁଇଁ କି ପାଡ଼ିତାରାଇଁ  
 ଜାପୁଅରି,  
 ଏନାଆଁତାକି ଇଚିହୁଁ ଉଣାଟିଏ କାଜାରି  
 ପାତେକା ଏଞ୍ଜରୀ ବାରେଜାଣା ନାଜେ  
 ପୁଞ୍ଜାମାନେରି ।  
 ୧୨ ନାନୁ କାର୍ମାମେସାନା ଏଞ୍ଜରୀ ବାରେ ପାପୁ  
 ମ୍ଲେକ୍‌ଇଁ,  
 ଅଡ଼େ ଏଞ୍ଜରୀ ଲାଗେଏ କିନାଣି ଏତେଲାଞ୍ଜା  
 ଅଣପଅଁ ।”  
 ୧୩ ମାହାପୁରୁ ର ପୁଞ୍ଜନି ରାଜିମାନା କିତାକି ତଲିତି  
 ରାଜିମାନାଇଁ ପୁଞ୍ଜଇ ରାଜିମାନା କିହାମାନେସି;  
 ଇଞ୍ଜା ଅଡ଼େ ଆମିନି ପୁଞ୍ଜଆୟି ଲଡ଼ା ହାଆଗାଟାୟି  
 ଆହାମାନେ, ଏଦି ଗାଡ଼େକେଏ ମେଣ୍‌ଜିନେ ।



**ଦାରୁତି ଅଡ଼େ ଲାକପୁରୁତି ପ୍ରାତାନା**

୧ ସାତେଏ ଏତଲିତି ରାଜିମାନା ଜିକେଏ ପ୍ରାତାନା  
 କିନି ମେରା ଅଡ଼େ ର ଦାରୁତିତି ସୁଦୁ ଟାୟୁ କିଞ୍ଜି  
 ଆହାମାତେ । ୨ ଏଦି ର ତୁମ୍‌ ତଲେ କେପିତି  
 ଇଲୁ ଆହାମାତେ, ଏମ୍‌ପାତି ତଲିତି ବାକ୍ରା ଇଞ୍ଜୁ  
 ଇନେରି ଏମ୍‌ପାଆଁ ର ଦାଞ୍ଜି ସତ୍ତା, ର ପିଣ୍ଡା ଅଡ଼େ  
 ମାହାପୁରୁକି ହେରପାମାନି ରୁଟି ମାତେ, ଏଦାନି ସୁଦୁ  
 ଟାୟୁ ଇନେରି । ୩ ଏମ୍‌ପାଆଁ ଲେଟାମାଟି ଟାଟିନି ରା  
 ହିମ୍‌ପିରକା ଡାୟୁଞ୍ଜାକି ଆମିନି ତୁମ୍‌ ମାତେ, ଏଦାଆଁ  
 ହାରେକା ସୁଦୁ ବାକ୍ରା ଇଞ୍ଜୁ ଇନେରି; ୪ ଏମ୍‌ପାଆଁ  
 ବାଂଗାରା ତଲେ ଝାରି କିହାମାଟି ଦୁପଣି ହୁଡିନି  
 ର ପିଣ୍ଡା ଅଡ଼େ ବାଂଗାରା ତଲେ ଝାରି କିହାମାଟି  
 ରାଜିମାନା ପେଡ଼ା ମାତେ । ଏ ରାଜିମାନା ପେଡ଼ାତା  
 ମାନା ଇଟକି ଆହାମାଟି ର ବାଂଗାରା ମୁତା ଅଡ଼େ  
 ହାରଣଞ୍ଜାୟି ଆକୁ ଗାଲ୍‌ହାମାଟି ବାଡ଼ଗା ଇଞ୍ଜା  
 ରାଜିମାନା ରାସ୍‌କି ଆହାମାଟି ରିଣ୍ଡି ଝାଲି ପାଟାୟାଁ  
 ମାରୁ, ୫ ରାଜିମାନା ପେଡ଼ା ଲାକ ମାହାପୁରୁ ନକିତା  
 ନିଟାମାନି ଲେହେଁ ଗାଞ୍ଜୁରମିଗାଟି ଜଡ଼େକା କିରୁବ  
 ଦୁଡ଼ୟାଁତି ବମା ମାରୁ, ଏଞ୍ଜି ପାପୁ ମେଣ୍‌ଜି କିନି  
 ଟାୟୁତି ପୁକ୍‌ହାମାରୁ; ଏଞ୍ଜି ପାପୁ ମ୍ଲେକ୍‌ନି ଟାୟୁ ଲାକ  
 ମାରାୟାଁ ପୁକ୍‌ହାମାରୁ, ଏ ବାରେତି କାତା ନୀର୍ବ  
 ନେହୁଁ କୁଁ ଝେସାଲି ଲଡ଼ା ହିଲେଏ ।  
 ୬ ଏମ୍‌ପାଆଁ ଇଲେତି ମେରା ମାନେ; ପୂଜେରାଜା  
 ଦିନାତାକି ଦିନା ତୁମ୍‌ତି ତଲିତି ବାକ୍ରା ବିତ୍ରା ତାମି  
 ସେବା କାମା କିନେରି, ୭ ସାମା ଡାୟୁତି ବିତ୍ରା  
 ବାକ୍ରାତା ଝାରିକ କାଜା ପୂଜେରା ବାସା ତାକି  
 ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକ୍ଷୁତି  
 ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି

ଏଞ୍ଜସି ନେତେରି ଅହାନା ହାରେକା ସୁଦୁ ଟାୟୁତା  
 ହଡ଼ନେସି । ୮ ଇଦାଆଁତାକି ସୁଦୁଜୀଞ୍ଜୁ ମାଜେ  
 ଜାପୁହି ମାଞ୍ଜାନେ, ନକିତି ସୁଦୁ ତୁମ୍‌ ମାନି ପାତେକା  
 ହାରେକା ସୁଦୁ ଟାୟୁତା ହଡ଼ାଲି ଜିରୁ ତଞ୍ଜାଆହାଁ  
 ହିଲେଏ । ୯ ଇ ତଲିତି ବାକ୍ରା ନୀର୍ବ କାଲା ତାକି  
 ପୁଣ୍ଡି କିଞ୍ଜିକିନି ସିନା, ଅଡ଼େ ଏଲେକିହୁଁ ଏ ଦାନା  
 ଅଡ଼େ ପୂଜା ଇ ବାରେ ହାପୁକିଆନେ, ସାମା ଇ  
 ବାରେ ସେବା କିନାରାଇଁ ନେହୁଁ ଅଣପୁତି ଦାନା  
 ହାହାଲି ଆଡେଏ; ୧୦ ଇଚିହୁଁ ଏ ବାରେ ଝାରିକ  
 ତିନାଣି ଉନାଣି ଅଡ଼େ ଅଟ୍‌ହାଲି ତାକି ଆଜା ତାକି  
 କିନି କାମାୟାଁ ସାମା ମାହାପୁରୁତି ପୁଞ୍ଜନି ମେରା ଆନି  
 ପାତେକା ଇଦି ବାରେ ଲଡ଼ାଗାଟାୟି ଆହାମାତେ ।  
 ୧୧ ସାମା କ୍ରୀସ୍ତ ନୀର୍ବ ନେହୁଁ କାମାଟି କାଜା  
 ପୂଜେରା ସମାନା ଆହାନା ଝାହାମାନେସି, ଇଞ୍ଜା  
 ଏମିନି ତୁମ୍‌ ଇଲୁତା ଏଞ୍ଜସି ତାନି ସେବା କାମା  
 କିହାମାନେସି, ଇ ଇଲୁ ଦାରୁତିତା ମାନି ତୁମ୍‌  
 ଇଲୁ କିହାଁ ହାରେକା କାଜାୟି ଅଡ଼େ ନେହାୟି,  
 ଏଦି ମାଣ୍‌ସି କେୟୁତଲେ କେପାଆତି ତୁମ୍‌ ଇଲୁ,  
 ଏଦି ତଞ୍ଜାଆହାମାନି ଦାରୁତି ବିତ୍ରା ହିଲାଆତେ ।  
 ୧୨ କ୍ରୀସ୍ତ ଗରି କି ବାଟା କଡ଼ିତି ନେତେରି ତଲେ  
 ଆଏ, ସାମା ଜାହାରା ନେତେରି ତଲେ ରଣ୍ଡିଏ  
 ଦେବା ସୁଦୁ ଟାୟୁତା ହଡ଼ାନା କାଲାକାଲାତାକି  
 ଗେଲ୍‌ପି ଆନାଣି କିହାମାନେସି । ୧୩ ଆମ୍‌ପାଆରି  
 ପାଣାପାଟୁ ମାନୁଞ୍ଜି ଆଆନା ପାପୁ କିନେରି, ଏଞ୍ଜରୀ  
 ପଲ୍‌ଆ ଗାଟାରି ଲାକ ଗରି ଅଡ଼େ ବାଟା କଡ଼ିତି  
 ନେତେରି ଡାଞ୍ଜାନା ହୁଡିତି ଦାର୍‌ମ୍‌ତଲେ ଏଞ୍ଜରୀ  
 ଆଜାଟି ବାରେ ପାପୁ ସୁଦୁ କିହିମାତେରି, ୧୪ ଇଦି  
 ସାତା ଆହାମାନେ, ଇଚିହୁଁ କ୍ରୀସ୍ତୁତି ନେତେରି  
 ସାତା ଆଏ, କି କାଲେଏତି ଜୀଞ୍ଜୁତି ସାୟେମି  
 ତଲେ ଏଞ୍ଜସି ଜାହାରାଇଁ ମାହାପୁରୁ ନକିତା ର  
 ଦହ ହିଲାଆ ପୂଜାଲେହେଁ ହେରପିତେସି, ତାନି  
 ନେତେରି ଏତେକା ଗାଡ଼ି ନୀତାମାନି ମାହାପୁରୁଇଁ  
 ସେବା କିହାଲି, ହାଞ୍ଜି କିନି କାମାଟି ମା ଜୀଞ୍ଜୁତି  
 ଅଣପୁତି ସୁଦୁ କିନେ !  
 ୧୫ ଇଦାଆଁତାକି କ୍ରୀସ୍ତଏ ପୁଞ୍ଜନି ରାଜିମାନାଟି  
 ମାଦିତାସି ଆହାମାନେସି, ଏନିକ୍‌ ମୂଲୁତି  
 ରାଜିମାନାଟି ପାପୁ ମ୍ଲେକ୍‌ହାଲି ତାକି ହାହାମାନାକି  
 ମାହାପୁରୁ ହାଟାମାନି ଲକ୍ଷୁ କାଲାକାଲାତି ଅଦିକାରା  
 ଆହାଲି ଆଞ୍ଜାମାନି ଗେଲ୍‌ପି ଆନାଣି ବେଟାଆନେରି  
 ।  
 ୧୬ ଇଚିହୁଁ ରାଜିମାନା କିଞ୍ଜି ଆହାମାଟି  
 ରାଜିମାନା ଆହାମାନି ମାଣ୍‌ସିତି ହାନ୍ତି ପାରମାଣା  
 ଲଡ଼ାମାନେ । ୧୭ ଇଞ୍ଜା ହାଡ଼ିସାରେ ରାଜିମାନା  
 କିହାମାନାୟି ବାଡ଼ୟୁ ଆନେ, ଇଚିହୁଁ ରାଜିମାନା  
 କିହାମାନାସି ନୀତାମାନି ପାତେକା ଏଦି ଏତେଲା  
 ଜିକେଏ କାମାତା ଝାଏ । ୧୮ ଏଦାଆଁତାକି ତଲିତି  
 ରାଜିମାନା ଜିକେଏ ନେତେରି ହିଲାଆନା ତୀରି  
 ଆହାହିଲାଆତେ । ୧୯ ତଲିଏ ମସା ମେରାତି ହୁକୁମି

ଲକ୍ଷ୍ମୀତାଣା ଖେଳୁହେସି, ତାମ୍ଭୁ ଏଝାସି କଡ଼ି ଅଡ଼େ ଗରିତି ନେତେରି ଏମ୍ଭୁତଲେ ଆଟ୍‌ହାନା ଏସବ ଜାଡ଼ାତି ଆକା ଅଡ଼େ ନେତେରି ଖାଣାଗାଟି ମେଣ୍ଡା ବାଣାୟା ତଲେ ମେରା ପତି ଅଡ଼େ ବାରେ ଲକ୍ଷ୍ମୀ ଲାକ ଡ଼ାଞ୍ଜିତେସି । ୨୦ ଏଝାସି ଏଲେଇତେସି, “ଏମିନି ରାଜିମାନା ମାନୁଝି ଆହାଲି ମାହାପୁରୁ ମିଙ୍ଗେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।” ୨୧ ଅଡ଼େ ଜିକେଏ ଏଲେକିହିଁ ଏଝାସି ତୁମ୍ଭୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶ୍‌ସୁ ଲାକ ଜିକେଏ ନେତେରି ଡ଼ାଞ୍ଜିତେସି । ୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟ୍‌ହି କିଝିଆନେ, ଅଡ଼େ ନେତେରି ଖାକ୍‌ହାନା ପାପୁ ମେଣ୍ଡାଜେଏ ।

**କ୍ରୀସ୍ତତି ହାକିଟି ପାପୁ ମେଣ୍ଡାଜିନେ**

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶ୍‌ସୁ ପୁଣ୍ଡିକିନିଲେହେଁ ପୂଜା ତଲେ ଅଟ୍‌ଝି ଆନାୟି ମାଟେ; ସାମା ଲାକପୁରୁ କେପିତି ବାରେ ଦିଶ୍‌ସୁ ଇ କାଜା ପୂଜା ତଲେ ଅଟ୍‌ନାୟି ମାନେ । ୨୪ ଏନାୟି ମାଣ୍ଡିୟା କେମୁଟି କେପାଆତାୟି ଇଲେତି ସୁଦୁ ଟାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଝାସି ଲାକପୁରୁ ହାଜାମାନେସି, ଏମ୍ବାଆଁ ଏଝାସି ମା. ଖାକିଟି ନୀର୍ବ୍ୟ ମାହାପୁରୁ ନକିତା ମାନେସି । ୨୫ ଜୀହୁଦିୟାଁ କାଜା ପୂଜେରାଜା ଏନିକିଁ ବାର୍ଯା ତାକି ବାର୍ଯା ଏଟ୍‌କା ଲକ୍ଷ୍ମୀ ତାକି ପୂଜା ହାନି ନେତେରି ଅହାନା ସୁଦୁ ଟାୟୁତା ହଡ଼ନେରି, ଏଲେକିହିଁ ଏ କ୍ରୀସ୍ତ ଅଲେ ଅଲେ ତାଜେ ପୂଜା କିହାଲି ଏଦି ଏମ୍ବାଆଁ ହାଜାହିଲଅସି । ୨୬ ଆତିହିଁ ଦାର୍ତ୍ତି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଜେ ହାହାଲି ଆଡ଼େମା; ସାମା ନୀର୍ବ୍ୟ ଏଝାସି ଜୁଗୁ ରାନି ବେଲାତା ତାନୁଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି । ୨୭ ବାରେ ଲକ୍ଷ୍ମୀତାକି ଏନିକିଁ ରଣିଏ ଦେବା ହାନାୟି, ଅଡ଼େ ଏଦାନି ତାମ୍ଭୁ ନୀହାୟି ମାନେ । ୨୮ ଏଲେକିହିଁ ଏ କ୍ରୀସ୍ତ ଜିକେଏ ହାରେକା ଲକ୍ଷ୍ମୀ ପାପୁ ଡେକାଅହାଲି ରଣିଏ ଦେବା ପୂଜା ଆହାଲି ହେରପାକତିତେସି, ଅଡ଼େ ଖେଣ୍ଡେ ପାପୁତି ତାକି ଆଏ, ସାମା ଆମିନି ଗାଟାରି ଏଝାଣାଇ କାଟାମାନେରି, ଏଝାରାଇ ଗେଲ୍‌ପାଲିତାକି ତଞ୍ଜାଆନେସି ।

**୧୦**

୧ ଇତିହିଁ ମସାତି ମେରା ଖାହିମାନି ଦିନାତି ନେହିଁ ସାୟିଲେହେଁ ଆହାନା ଏ ବାରେତି ଖାଣା ଆଆତାକି ପୂଜେରାଜା ବାର୍ଯା ତାକି ବାର୍ଯା ଏ ରଣିଏ ରଲେତି ପୂଜା କିହିମାନାକି ପ୍ରାତାନା କିନାରାଇଁ ଏଚେଲାଝା ତୀରି କିହାଲି ଆଡ଼ଅରି । ୨ ଏଲେକିହିଁ ମାହାପୁରୁତି ସେବା କିନାରି ସାତେଏ ପାପୁତି ନରଝି ଆତିହିଁମା, ଆତିହିଁ

ଏଝାରି ଅଡ଼େ ଜାହାରା ପାପୁ ଗାଟାମି ଇଞ୍ଜିଁ ଅଣ୍‌ପାଆତେରିମା, ଅଡ଼େ ବାରେ ପୂଜା କିନାୟି ତୁଞ୍ଜିତେମା । ୩ ସାମା ଏଲେକିଁ ଆଆନା ବାର୍ଯା ତାକି ବାର୍ଯା ପୂଜା କିହିମାନାକି ମାଣ୍ଡିୟାଁ ତାନି ପାପୁତି ଅଣ୍‌ପି କିଝିଆହିମାନେ । ୪ ଇତିହିଁ ବାଟା କଡ଼ିତି ନେତେରି ଆପେ କି ଗରିତି ନେତେରି ଆପେ ଏଦି ଏଚେଲାଝା ମା ପାପୁ ମେଣ୍ଡାହାଲି ଆଡ଼େଏ ।

୫ କ୍ରୀସ୍ତ ଦାର୍ତ୍ତିତା ଖାହାନା ଏଲେଇଞ୍ଜାମାଟେସି, “ନୀନୁ ପୂଜା ଅଡ଼େ ଦାନା ହାନାଣି ରାହାଁ ଆଆତି, ସାମା ନୀନୁ ନାଜେତାକି ର ଆଜା କେପିତି; ୬ ପାପୁତି ମେଣ୍ଡାହାଲି ନୀନୁ ହିରୁତା ହୁଡ଼ିନି ପୂଜା ଅଡ଼େ ଜନ୍ତୁ ଡ଼ାକିନାଣି ରାହାଁ ଆଆତି । ୭ ଏଚିବେଲା ନୀନୁ ଏଲେଇଚେଏଁ, ମାହାପୁରୁ, ନୀନୁ ଇମ୍ବାଆଁ ମାଇଁ, ନୀ ଅଣ୍‌ପୁତି କାମା କିହାଲି, ଏନିକିହିଁ ସାସ୍ତେରିତା ନା କାତା ରାସ୍‌କି ଆହାମାନେ ।”

୮ ଏଝାସି ତଲିଏ ଖେସ୍ତେସି, “ନୀନୁ ମାଣ୍ଡିୟତି ପାପୁ ମେଣ୍ଡାହାଲି ପୂଜା କିନାଣି, ଦାନା ଇଞ୍ଜା ଜନ୍ତୁତି ହିରୁତା ହୁଡ଼ିନାଣି ଅପିହିଲଅତି; ଏ ବାରେ ନିଙ୍ଗେ ରାହାଁ କିୟାଲି ଆଡ଼େଏ ।” ଇ ବାରେ ପୂଜା ମେରାଲେହେଁ କିଝି ଆହାମାତି ଜିକେଏ, ୯ ଅଡ଼େ ଜିକେଏ ଏଝାସି ଏଲେଇଚେସି, “ମାହାପୁରୁ ମେହ୍‌ମ୍, ନୀନୁ ନୀ ମନଲେହେଁ କାମା କିହାଲି ଖାହାମାଇଁ” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରୀସ୍ତତି ପୂଜା ଅପିତେସି । ୧୦ ଜୀସ୍ତ କ୍ରୀସ୍ତ ରଣିଏ ଦେବା କାଲାକାଲାତାକି ତାନି ଆଜାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏ ପୂଜାତି, ମାର ବାରେ ଜାଣାତାୟି ପାପୁତି ଗେଲ୍‌ପି ଆହାନା ସୁଦୁ ଗାଟାତାୟି ଆହାମାନାୟି ।

୧୧ ଅଡ଼େ ଜିକେଏ ବାରେ ଜୀହୁଦି ପୂଜେରାଜା ବାରେଦିନା ସେବା କାମା କିହାଲି ଅଲେ ଅଲେ ରଲେଏତି ପୂଜା ହାହାଲି ନିନେରି; ଇ ବାରେ ଏଚେଲା ପାପୁ ମେଣ୍ଡାହାଲି ଆଡ଼େଏ । ୧୨ ସାମା କ୍ରୀସ୍ତ ପାପୁ ତାକି ରଣିଏ ଦେବା ତାଜେ ପୂଜା ଅହାଲି ହେରପାକତିତି ତାମ୍ଭୁ କାଲେଏତାକି ମାହାପୁରୁ ଚିଝିନି ଚଟତା କୁରିତେସି; ୧୩ ମାହାପୁରୁ ତାନି ସାତୁୟାଁଇଁ ଏଝାଣି କତାୟାଁ ଡ଼ଇ ଇଟାଆ ପାତେକା ଏଝାସି ଏମ୍ବାଆଁ କାଟିମାନେସି । ୧୪ ଇତିହିଁ ଖାବଇ ରଣିଏ ପୂଜା ହାତି ତାଣାଟି ଏଝାସି ପାପୁତି ସୁଦୁ ଆହାମାନି ଲକ୍ଷ୍ମୀ କାଲେଏ ତାକି ତୀରି କିହାମାନେସି ।

୧୫ ସୁଦୁଜୀଝୁ ଜିକେଏ ମାଜେ ସାକି ହାହାନା ଖେସିମାଞ୍ଜାନେ ।

୧୬ ଇତିହିଁ ପୁରୁ ଇ କାତା ଏଲେଇଞ୍ଜା ମାନେସି, “ଏ ଖାନି ଦିନା ନୀନୁ ଏଝାରିତଲେ ଆମିନି ପୁଝି ରାଜିମାନା କିଇଁ,

ଏଦି ଇଦି, ନାନୁ ଏଞ୍ଜାରି ହିୟାତା ମସାତି ମେରା ହାଇ,

ଇଞ୍ଜା ଏଞ୍ଜାରି ମନତା ଏ ବାରେ ରାଡ଼ିଇ ।”

୧୭ ଅଡ଼େ ଏଞ୍ଜାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡ଼େ ଲାଗେଏତି କାମାୟା ଏଚେଲାଞ୍ଜା ଖେଣ୍ଡେ ଅଣ୍ପଅଁ ।” ୧୮ ଇଦାଆଁତାକି ବାରେ ପାପୁ ଦହ ମେଣ୍ଡାସାରେ ଅଡ଼େ ଏଚେଲାଞ୍ଜା ପୂଜା ହାହାଲି ଲଡ଼ା ଆଏ ।

**ମାହାପୁରୁ ତାଗେ ହାନାୟି**

୧୯ ଏଦାଆଁତାକି ଏ ତାୟିୟା ଅଡ଼େ ତାଜିସ୍ତା, ଜାସୁତି ହାହାମାନାକି ମାର ସୁଦୁ ଚାୟୁତା ହଡ଼ାଲି କାଜା ଅଦିକାରା ବେଟା ଆହାମାନାୟି, ୨୦ ଏଞ୍ଜାସି ଲେଚାମାନି ତାନି ଆଙ୍ଗା ଲେହେଁତି ଟାଟିନି ହିମ୍ବରି ତଲେ ମାଙ୍ଗେତାକି ର ପୁଃନି ଇଞ୍ଜା ନୀତିନି ଜିରୁ ଦେଚାମାନେସି । ୨୧ ମାହାପୁରୁ ଇଲୁ ନୀଏଁ ମା କାଜା ପୂଜେରା ତାଣା ମାନେ, ୨୨ ଏଦାଆଁତାକି ଖାଦୁ, ମାର ସୁଦୁ ହିୟା ଅଡ଼େ ଆବୁଞ୍ଜା ନାମୁଟି ମାହାପୁରୁ ନକିତା ହାନ; ଇଚିହଁ ମାର ନୀଏଁ ପାପୁ ଅଣ୍ପପୁଟି ଅବୁଞ୍ଜି ଆହାମାନାୟି ଅଡ଼େ ମା ଆଙ୍ଗା କ୍ରୀସୁତି ନେତେରି ତଲେ ନରଞ୍ଜି ଆହାମାନେ । ୨୩ ମାର ଖେକହାମାନି ଆସା ବାସୁତି ବାଡ଼ୟୁ ତଲେ ଆହନ, ଏଦାଆଁତାକି ଇଚିହଁ ମାହାପୁରୁ ଆଞ୍ଜାମାନେସି, ଏଞ୍ଜାସି ଟିକାଣାତାସି; ୨୪ ଅଡ଼େ ଜାଞ୍ଜୁ ନଞ୍ଜି ଆହାଲି ଇଞ୍ଜା ନେହଁ କାମା କିଞ୍ଜି କିହାଲିତାକି ରଅତାୟି ରଅଣାଇଁ ସାୟେମି କିହାଲି ମନ ହାନ, ୨୫ ଅଡ଼େ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକଁ କିଆପ; ସାମା ରଅତାୟି ରଅଣାଇଁ ବାସୁଁ ହାଞ୍ଜିଆନ, ଏଦାଆଁତାକି ଇଚିହଁ ପ୍ରୁ ଖାନ୍ତି ଦିନା ତାଗେ ଖାହିମାନେ ଇଞ୍ଜା ମେସିମାନାୟି ।

୨୬ ମା ନକିତା ସାତା ତଞ୍ଜା ଆଡ଼ି ଜେଚ ମାର ପୁଞ୍ଜି ପୁଞ୍ଜିହଁ ପାପୁ କିହିମାନାୟି, ଆତିହଁ ଏନି ପୂଜା ପାପୁଟି ଗେଲପାଲି ଆଡ଼େଏ, ୨୭ ଆତିହଁ ମାର ଖାହିମାନି କାଜା ନାହାୟି ନକିତା ମାହାପୁରୁଇଁ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ଡ଼ୟିନି ପିସ୍ପେ ମାଡ଼ି ଅଡ଼େ ଏଚକା ଏନି ତଣ୍ଡ ହିଲେଏ । ୨୮ ଆମ୍ବାଆସି ମସା ମେରାତି ମାନୁଞ୍ଜି ଆଆସାରେ, ଏଞ୍ଜାସି କାର୍ମା ମେସପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜା ପୁଞ୍ଜାନା, ଏଞ୍ଜାଣାଇଁ କାର୍ମା ମେହଆନା ହାନି ତଣ୍ଡ ହାଞ୍ଜିଆନେ । ୨୯ ଇଞ୍ଜା ଅଣ୍ପପାଦୁ ଆମ୍ବାଆସି ମାହାପୁରୁ ମାରଏଣାଇଁ କଡ଼ା ଡ଼ଇ ଖିସାମାନେସି, ପୁଃନି ରାଜିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାଚେସି, ଏଞ୍ଜାଣାଇଁ ଉଣା ଇଞ୍ଜା ଅଣ୍ପପାମାନେସି ଅଡ଼େ କାର୍ମା ହାନି ଜାଞ୍ଜୁତି ଅପାହିଲଅସି, ଏଞ୍ଜାସି ଏଚେକା

ହାଚେଏ ତଣ୍ଡ ବେଟାଆଅସି ! ୩୦ ଇଚିହଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡ଼େୟି ହାଈ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଞ୍ଜାଣାଇଁ ନାନୁ ପୁଞ୍ଜାମାଇଁ, ଅଡ଼େ ଜିକେଏ “ପ୍ରୁ ତାନି ଲକୁଇଁ ନାହାୟି କିନେସି ।” ୩୧ ନୀତାମାନି ମାହାପୁରୁ କେୟୁତା ହେରଞ୍ଜିନାୟି ଏଦି ହାଚେକା ଆଜିହପେତାୟି ।

୩୨ ସାମା ଉଜେଡ଼ି ମେସି ତାୟୁ ଏଚିବେଲାତା ମୀରୁ ହାଚେକା ଦୁକୁ କସୁ ବେଟାଆହାନା ହାଚୁଞ୍ଜି ଆହାହିଲଅଚେରି, ମୀରୁ ଏ ତଲି କାଲାତି ଅଣ୍ପପାଦୁ; ସାମା ମୀରୁ ଏଚେଲାଞ୍ଜା ହାଚୁଞ୍ଜି ଆହା ହାଲଅଚେରି । ୩୩ ରକଞ୍ଜାକି ଅପାଆ ଗାଟାଚେରି ଅଡ଼େ କସୁତା ଲାଜା କିଞ୍ଜିଆହିମାଚେରି, ଅରଞ୍ଜାକି ଏଲେକିହଁ ଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାଚେରି । ୩୪ ଇଚିହଁ ମୀରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଟା ଆହାମାଚେରି, ଅଡ଼େ ମିଙ୍ଗେ ମୀ ହାଚେକା ନେହଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହାତଲେ ମୀ ଦନ ମାଣ୍ଡା ଅନାଣି ମୀରୁ ଅରହିମାଚେରି । ୩୫ ଇଦାଆଁତାକି ମୀରୁ, ମୀ ସାସା ପିହଆଦୁ ଇଚିହଁ ଏମ୍ବାଟି ହାଚେକା ଦାନା ମାନେ । ୩୬ ମାହାପୁରୁଟି ଅଣ୍ପପୁ ପୁରା କିହାନା ଏଞ୍ଜାସି ଆଞ୍ଜାମାନାଣି ବେଟାଆହାଲି ଆଡ଼ିଦେରି, ଏଦାଆଁତାକି ମୀରୁ ସାସା ଆସାନା ଡ଼ୟାଦୁ । ୩୭ ଇଚିହଁ ଦାମ୍ପପତିତା ରାସକି ଆହାମାନେ,

“ଇଚିହଁ ହାଚେକା ଉଣା ବେଲା ମାନେ,  
ଆମ୍ବାଆସି ଖାନାୟି ମାନେ, ଏଞ୍ଜାସି ଖାନେସି;  
ଅଡ଼େ ଏଞ୍ଜାସି ଖେଡ଼ା କିଅସି ।

୩୮ ନା ଦାମ୍ପତି ମାଣ୍ଡସି ନାମୁତଲେ ନୀତିନାସି,  
ସାମା ଆମ୍ବାଆସି ନା ତାଣାଟି ଗୁଚା ଆନେସି,  
ଆତିହଁ ଏଞ୍ଜାଣି ତାଣା ନା ଜାଞ୍ଜୁ ରାହା ଆଏ  
।”

୩୯ ସାମା ଆମ୍ବାଆରି ନାସା ଆହାଲି ଖେଣ୍ଡେ ଗୁଚା ଆନେରି, ମାମ୍ବୁ ଏଞ୍ଜାରି ଗତିତି ଲକୁ ଆଏ, ସାମା ଆମ୍ବାଆରି ଜାଞ୍ଜୁଟି ଗେଲପି ଆହାଲି ନାମିନେରି, ମାମ୍ବୁ ଏଞ୍ଜାରି ଗତିତି ଲକୁତମି ।

**୧୧**

**ନାମୁ**

୧ ନାମୁ ଇଚିହଁ ଆସା କିହିମାନାଣି ବାରେ ସାଚେଏ ବେଟାଆନାୟି, ଇଞ୍ଜା ତଞ୍ଜାଆଆଗାଟାୟି ସାଚେଏ ମାନେ ଇଞ୍ଜା ପୁନାୟିଏ ନାମୁ । ୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା ଖେଜିଚେରି ।

୩ ☆ମାର ନାମୁଟି ପୁନାୟି, ବାରେ ଦାରୁତି ମାହାପୁରୁଟି ବଲୁ ତଲେ ଗାଡ଼ି ଆଡ଼େ, ଅଡ଼େ

☆ ୧୧:୩ ୧୧:୩ ଜହ ୧:୩

ଏନାୟିଖା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି  
ଗାଡ଼ି ଆହା ହିଲେଏ ।

୪ ନାମୁଟି ହେବଲ ମାହାପୁରୁ ନକିତା କୟିନ କିହାଁ  
ନେହଁ ପୂଜା ହେରପିତେସି ଇଞ୍ଜା ଏଦାଣି ତଲେ  
ଏଞ୍ଜାସି ଦାମୁଗାଟାସି ଆଡେସି; ମାହାପୁରୁ ତାନୁଏ  
ତାନି ଦାନାତାକି ସାକି ହାଡେସି, ଅଡେ ଏଞ୍ଜାସି ହାଡ଼ି  
ଜିକେଏ ନାଞ୍ଜୁପାତେକା ନାମୁଟି କାତା ଆହିମାନେସି ।

୫ ନାମୁଟି ହନକ ହାଆନା ମାହାପୁରୁ ତାଣା  
ଅଞ୍ଜିଆଡେସି ଇଞ୍ଜା ମେଶଜିଡେସି; ଅଡେ ଏଞ୍ଜାସି  
ତଞ୍ଜା ଆଆଡେସି, ଇତିହଁ ମାହାପୁରୁ ଏଞ୍ଜାଣାଲ୍  
ଅହାନା ମେଶଜିକିଡେସି, ଏଞ୍ଜାସି ମାହାପୁରୁଟି ରାହାଁ  
ଗାଟାସି, ମେଶଜିନି ନକେଏ ଏଞ୍ଜାସି ଏ କାତା  
ଞ୍ଜେଞ୍ଜାମାଡେସି; ୬ ଅଡେ ନାମୁ ହିଲଆନା ଆମ୍ବାଆସି  
ମାହାପୁରୁଲ୍ ରାହାଁ କିହାଲି ଆଡ଼ଅସି, ଇତିହଁ  
ମାହାପୁରୁ ସାତେଏ ମାନେସି ଇଞ୍ଜା, ଅଡେ ଏଞ୍ଜାସି  
ତାଙ୍ଗେ ପାରିନାରାଲ୍ ତାନି କିତି କାମାତି ପାଡେୟି  
ହାନେସି, ଇଦାଆଁ ଏଞ୍ଜାଣି ତାଣା ଖାନ୍ତି ଲକ୍ଷୁ  
ନାମିନାୟିମାନେ ।

୭ ନାମୁଟି ନହ ଏ ବେଲା ପାତେକା ତଞ୍ଜା  
ଆଆଗାଟି କାତାତାକି ହୁକୁମି ବେଟାଆହାନା  
ଆଜିତଲେ ତାନି କୁଟମି ଗେଲପାଲିତାକି ର  
ଜାଜା କେପିତେସି, ଇଞ୍ଜା ଏ ନାମୁତଲେ ଏଞ୍ଜାସି  
ଦାରତିତି ଦହ କିହାନା ନାମୁତଲେ ମାହାପୁରୁ  
ନକିତା ଦାମୁଗାଟାସି ଆଡେସି ।

୮ ନାମୁଟି ଅରାହାମ ମାହାପୁରୁ ତାଣାଟି ହାଟକି  
ଆହାଲିଏ, ଆମିନି ଦେସା ଏଞ୍ଜାସି ବେଟାଆହାଲି  
ହାଜିମାଡେସି, କାତା ମାନଞ୍ଜି ଆହାନା ଏମ୍ବାଆଁ  
ହାଜାଲି ହଡେସି, ଏଞ୍ଜାସି ଏମ୍ବିୟା ହାଜିମାନେସି,  
ଏଦାଆଁ ଏଞ୍ଜାସି ପୁନାଆନା ଜିକେଏ ହଡାହାଡେସି  
। ୯ ନାମୁଟି ଏଞ୍ଜାସି ଏଟକା ଦେସାତାରିଲେହେଁ

ଆଞ୍ଜାମାନି ଦେସାତା ବାସା କିଡେସି, ଏଞ୍ଜାସି ତୁମୁତା  
ବାସା କିଡେସି ଅଡେ ଏଞ୍ଜାଣିଲେହେଁ ମାହାପୁରୁ  
ଆଞ୍ଜାଲିଏ ଇସାହାକ ଅଡେ ଜାକୁବ ଜିକେଏ ତୁମୁ  
ଇଲୁତା ବାସା କିଡେସି । ୧୦ ଇତିହଁ ଆମିନି  
ଗାଡ଼ା କାଲେଏ ତାକି ପୁନାଦି ଲେହେଁ ଅଡେ  
ମାହାପୁରୁ ତାନୁଏ କେପାମାନେସି, ଅରାହାମ ଏ  
ଗାଡ଼ା ବେଟାଆହାଲି କାଟାମାଡେସି ।

୧୧ ନାମୁତଲେ ସାରା ବାଞ୍ଜେଣି ଆହାଁ ତାନୁଏ  
ଜିକେଏ ଆଞ୍ଜାମାନାଣାଲ୍ ଦୁତି ବୁଡହ ଆହାମାତି  
ଜିକେଏ ପୁରାମାସା ଆହାଲି ବାଡ଼ହୁ ବେଟାଆଡେ;  
୧୨ ଅରାହାମ ଦୁତି ବୁଡହା ଆହାମାତି ଜିକେଏ  
ଏଞ୍ଜାଣି ତାଣାଟି ହାଗୁତି ହୁକାୟାଁ ଅଡେ ସାମ୍ବୁରିତି  
ବାଞ୍ଜାଲି ଲେହେଁ ଏଜିକିହାଲି ଆଡ଼ାଆଗାଟି ର  
ହାରେକା କୁଡ଼ା ଜାନାଁ ଆଡେସି ।

୧୩ ଏ ବାରେଜାଣା ମାହାପୁରୁଲ୍ ନାମାହାଁ  
ହାଡେସି; ଏଞ୍ଜାରି ମାହାପୁରୁ ଆଞ୍ଜାମାଟାଣି ପ୍ଲାଞ୍ଜାଆତି  
ଜିକେଏ ହେକଟି ଏ ବାରେ ମେସାନା ରାହାଁ ଆଡେସି

ଇଞ୍ଜା ଦାରତିତା ମାମୁ ବୀଦେସା ଅଡେ ବାସା  
କିହାମାନମି ଇଞ୍ଜା ଜଲିଡେସି । ୧୪ ଇତିହଁ  
ଆମିନି ଗାଟାରି ଇଲେତି କାତା ଜଲିନେରି,  
ଏଞ୍ଜାରି ତାନି ଅଡେ ର ଦେସା ପାରିମାନେରି  
ଇଞ୍ଜା ଞ୍ଜେସିମାନେରି । ୧୫ ଏଞ୍ଜାରି ଆମିନି  
ଦେସା ପିସା ଖାହାମାଡେସି, ଏ ଦେସାତି ଅଡେ  
ଅଣ୍ପି ହିଲଆଡେସି । ଏଞ୍ଜାରି ଅଣ୍ପିତିହଁ ମା ଏ  
ଦେସାତା ଞ୍ଜେଣ୍ଡେ ହାଜାଲି ଆଡ଼ିଡେସିମା । ୧୬ ସାମା  
ଏଞ୍ଜାରି ର ହାରେକା ନେହାଁଣି ଇତିହଁ ଲାକପୁରୁ  
ଦେସାତି ଅଣ୍ପିମାଡେସି; ଏଦାଆଁତାକି ମାହାପୁରୁଲ୍  
ଏଞ୍ଜାରି ମା ମାହାପୁରୁ ଇଞ୍ଜା ଞ୍ଜେଜି କିହାଲି ଲାଜା  
ଆହା ହିଲଆଡେସି, ଇତିହଁ ଏଞ୍ଜାସି ଏଞ୍ଜାରି ତାକି  
ର ଗାଡ଼ା ତାରି କିହାମାନେସି ।

୧୭ ନାମୁତଲେ ଅରାହାମ ତାୟିପାରି କିଞ୍ଜିଆହାଁ  
ଇସାହାକଲ୍ ପୂଜା କିହାଲି ହେରପିତେସି, ଆମିନି  
ମାଣ୍ଡି ଆଞ୍ଜାମାଟାଣି ମେଡ଼ା ଆହାମାଡେସି,  
ଆମ୍ବାଆରାଲ୍ ଏଲେଇଞ୍ଜାମାଡେସି, ୧୮ “ଇସାହାକ  
ତାଣାଟି ନା କୁଡ଼ା ଞ୍ଜେଜିନେରି, ଏ ମାଣ୍ଡି  
ତାନି ରଣ୍ଡିଏ ମାରଏଣାଲ୍ ଡାକିନି ପୂଜା ହାହାଲି  
ହାଜିମାଡେସି ।” ୧୯ ଇସାହାକଲ୍ ମାହାପୁରୁ  
ହାଡ଼ାରି ତାଣାଟି ଜିକେଏ ନିକହାଲି ଆଡ଼ିମାନେସି  
ଇଞ୍ଜା ଅଣ୍ପାମାଡେସି, ଇଞ୍ଜା ଅରାହାମ ସାତେଏ  
ଇସାହାକଲ୍ ହାକିଟି ଞ୍ଜେଣ୍ଡେ ବେଟାଆଡେସି ।

୨୦ ନାମୁତଲେ ଇସାହାକ ଖାହିନି ଦିନାତା  
ନେହଁ ଆପେ ଇଞ୍ଜା ଅଣ୍ପାମା ଜାକୁବ ଅଡେ  
ଏସାଞ୍ଜୁଲ୍ ବର ହାଡେସି ।

୨୧ ନାମୁତଲେ ଜାକୁବ ହାନ୍ତି ବେଲାତା ଜସେପତି  
ରୀ ମାରକାଣି ବର ହାଡେସି, ଇଞ୍ଜା ତାନି କୁଡ଼ା  
ବାଡ଼ଗାତା ଗେଣ୍ଡାନା ମାହାପୁରୁଲ୍ ଜହରା କିଡେସି  
।

୨୨ ଜସେପ ହାନ୍ତି ବେଲାତା ନାମୁତଲେ  
ଇସାୟେଲ ଲକ୍ଷୁ ମିସର ଦେସାଟି ହଡ଼ାହାନି କାତା  
ଞ୍ଜେସ୍ତେସି । ଇଞ୍ଜା ତାନି ପେଡକା ତୁମକା ତାକି  
ହୁକୁମି ହାଡେସି ।

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି  
ଜାନାଁଆଡ଼ି ଦିନାଟିଏ ଏଞ୍ଜାଣାଲ୍ ର ଅକିତି କକାସି  
ଇଞ୍ଜା ମେସାନା ରାଜା ହୁକୁମି ଆଜାଆନା ତାନି  
ଲେଞ୍ଜୁ ପାତେକା ଏଞ୍ଜାଣାଲ୍ ଡ଼କୁହାନା ଇଟାମାରୁ ।

୨୪ ମସା ନାମୁତଲେ ପାଡ଼ାଆଡ଼ି ତାୟୁ ପାର ରାଜା  
ମାକ୍ମାତି ମାରଏସି ଇଞ୍ଜା ଞ୍ଜେଜାଲି କୁଡେସି ।

୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି  
କିହାଁ ମାହାପୁରୁ ଲକ୍ଷୁତଲେ ଦୁକୁ କସ୍ତ ଅରହିନାୟି  
ନେହାୟି ଇଞ୍ଜା ଅପିଡେସି । ୨୬ ମିସର ବାରେ  
ଦେସାତି ଦନ କିହାଁ କ୍ରୀସ୍ତତି ନିୟା ବେଟାଆନାୟି  
ବାରେକିହାଁ କାଜା ଦନ ଇଞ୍ଜା ଅଣ୍ପିଡେସି,  
ଇତିହଁ ଏଞ୍ଜାସି ଖାନ୍ତି ଦିନାଣା ବେଟାଆନ୍ତି ଦନତି  
ସିନିକିଡେସି ।

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାଚେସି, ଇଞ୍ଜା ଆମ୍ବାଆସି ମେହ୍‌ଆଗାଟି ମାହାପୁରୁଇଁ ମେସ୍ତ୍ରଲେହେଁ ଅର୍ହାନା ଡୟିତେସି । ୨୮ ନାମୁତଲେ ଏଞ୍ଜାସି ପିସ୍‌ପିଆନ୍ତି ପାର୍ବୁତି ଅଡେ ନେତେରି ଡାଞ୍ଜିନି ମେରା ମାନୁଞ୍ଜି ଆଡେସି, ଏନିକ୍ ପାଣ୍ଡା ମୀରକାଣି ପାୟିନାସି ଇସ୍ରାୟେଲ ମୀରକାଣି ଡାଗେଏ ।

୨୯ ଇସ୍ରାୟେଲ ଲକୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମ୍‌ଦୁରି ଗାଣ୍ଡତେରି, ସାମା ମିସର ଦେସାତାରି ଏଲେକ୍ ଗାଣ୍ଡାଲି ଅଣ୍‌ପାନା ସାମ୍‌ଦୁରିତା ମୁଞ୍ଜାନା ହାଡେରି ।

୩୦ ଇସ୍ରାୟେଲ ଲକୁ ନାମୁତଲେ ସାତା ଦିନା ପାତେକା ଜିରିହ ଗାଡାତି କଟା ସାରିସୁରୁ ରେତିଡାୟୁ ବିଡହାହାଚେ । ୩୧ ନାମୁତଲେ ରାହାବ୍ ଦାରେଣି ଦେସା ସିନିକିହାଲି ମେଶେଏ ଖାହାମାଚାରାଇଁ ଟାୟୁ ହାତାକି ମାହାପୁରୁଇଁ ମାନୁଞ୍ଜି ଆଆଗାଗାରି ତଲେ ନାସା ଆଆନା ହିଡଡି ବେଟାଆଡେ ।

୩୨ ଅଡେ ଆଗାଡା ଏନାଆଁ ଖେସ୍ରାଇଁ, ଗିଦିୟନ, ବାରକ୍, ସାମ୍‌ସନ୍, ଜିପ୍ରହ, ଦାସୁଦ, ସାମୁୟେଲ ଅଡେ ମାହାପୁରୁ ଅଣ୍‌ପୁତି ବକୁ ଖେହ୍‌ନାରି କାତା ମିଙ୍ଗେ ଖେସାଲି ବେଲା ହାଲେଏ । ୩୩ ନାମୁତଲେ ଏଞ୍ଜାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡେରି, ଦାମ୍‌କାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିହ୍ କ୍ଷାଞ୍ଜିୟା ଗୁତି ମୁଦା କିତେରି । ୩୪ ଏଞ୍ଜାରି ଆଜିହପେତି ଡାଞ୍ଜିନି ହିରୁ ଡୁପହେରି, ଚୁଣ୍ଡି ତାଣାଟି ପିସ୍‌ପିଆଡେରି, ଏଞ୍ଜାରି ବାଡୁୟୁ ହିଲାଆ ବେଲାତା ବାଡୁୟୁ ବେଟାଆଡେରି, ଜୁଜୁତା ଜୀଣା ଆଡେରି, ଅଡେ ମାହାପୁରୁଇଁ ନାମାଆତାରି ଜୁଜୁକିନି କସ୍‌କାଣି ଜୀଣାଆହାନା ପେର୍‌ହାଡୁସ୍ତେରି । ୩୫ ନାମୁତି ଆୟାସିକା ତାମି ଲକୁ ବିଡାଟି ହାଡାରାଇଁ ନିପ୍‌କି ଆହାନା ଖେଶ୍ଟେ ବେଟାଆଡୁ; ଏଚରଜାଣା ଖେଶ୍ଟେ ନିଙ୍ଗନାଣି ମେଡା ଆହାଲିତାକି ଗେଲ୍‌ପି ଆହାଲି ମନ୍ କିଆନା ଆଜିହପେତି କସ୍ ବେଟାଆଡେରି । ୩୬ ଏଚର ଜାଣାଇଁ ନିନ୍ଦା କିହାନା କାକ୍‌ହେରି, ଏଚର ଜାଣାଇଁ ସାଟୁଣି ଡରି ତଲେ ଖେଡେରି, ଏଚର ଜାଣାଇଁ ହିକ୍‌ଶିୟା ତଲେ ଦସାନା କାୟିଦି ଇଲୁ ତାଣାଟି ତାୟିପାରି କିଞ୍ଜି ଆଡେରି । ୩୭ ଆମ୍ବାଆରି ଖାଲକାତଲେ ପାୟୁଞ୍ଜି ଆଡେରି, ଆମ୍ବାଆରି କର୍ତ୍ତ ତଲେ ରୀ ଗାଣ୍ଡୁ । କିହ୍ ରାଡପିଆଡେରି, ଇଞ୍ଜା କାଣ୍ଡାତଲେ ପାୟୁଞ୍ଜି ଆଡେରି, ଆମ୍ବା ଆମ୍ବାଆରି ମେଶ୍ଟା ଅଡେ ଗରି ତଲକା, ହୁଚାନା ରାହାକୁଚା ବେଟାଆଆନା କସ୍, ଲାଗି ବେଟାଆହ୍ ଇତାଲା ଆତାଲା ରେଡେରି । ୩୮ ଏଞ୍ଜାରି ଦେସାଟି ଲକୁ ହିଲାଆ ତାଣା, ହରକାଣା, ପାସୁୟାଣା ଅଡେ ଗାଣ୍ଡାଣା ବାସା କିତେରି; ଦାର୍‌ଡିତି ଏଞ୍ଜାରାକି ନୀତାଲି ଜଗେ ହିଲାଆଡେ ।

୩୯ ଏଞ୍ଜାରି ନାମୁତଲେ ଇ ବାରେ ନେହ୍ ଖେଙ୍ଗାମାଟି ଜିକେଏ ଆଞ୍ଜାମାଚାଣି ବେଟାଆଆଡେରି, ୪୦ ଇତିହ୍ ମାହାପୁରୁ ମାଙ୍ଗେତାକି ହାରେକା ନେହ୍‌ଣି କିହ୍ ଇଟାମାନେସି, ଏନିକ୍ ଏଞ୍ଜାରି ମା ତଲେ ଏନିକ୍ ତାରି ଆନେରି ଇଞ୍ଜା ମାହାପୁରୁତି ଅଣ୍‌ପୁ ମାଡେ ।

## ୧୨

### ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁରୁ ମାନାକି, ଖାଦୁ ମାର ବାରେତି ବକୁ ଅଡେ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେ ତାରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତାରିଆହାମାନି ଟାୟୁତା ହଣ୍ଡନ । ୨ ମା ନାମୁ ତାକି ନକିନାସି ଅଡେ ନାମୁତା ବାସୁକିନି ଜୀସୁଇଁ ମାର ସିନିକିନ । ଏଞ୍ଜାସି ନକିତା ମାନି ରାହ୍ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନ୍ତି ପାତେକା ଅର୍‌ହିତେସି ଇଞ୍ଜା ଏଞ୍ଜାସି ନୀଏଁ ମାହାପୁରୁ ସିଂଗାସାଣି ଚିଞ୍ଚି ଚଟତା କୁଗାମାନେସି ।

୩ ମାରୁ ଏନିକ୍ ମୀ ମନ୍‌ତା ଖାହୁ ଖାହୁଅଡେରି; ଇଦାଆଁତାକି ପାପୁ ଗାଗାରି ତାଣାଟି ତାନି କପାଟି ଏଚେକା କସ୍ ଅର୍‌ହିତେସି, ଏଞ୍ଜାଣି କାତା ମାରୁ ଅଣ୍‌ପାଦୁ । ୪ ମାରୁ ପାପୁ କପାଟି ଜୁଜୁ କିହାନା ନୀଏଁ ପାତେକା ମୀ ନେତେରି ହାନି ପାତେକା ଆଙ୍ଗା ହିଲଅଡେରି । ୫ ମାହାପୁରୁ ମିଙ୍ଗେ ମୀରକାତେରି ଲେହେଁ ଖେସାମାଞ୍ଜାନି, ସାସାହାନି କାତା ବାଣାଆଡେରି କି ?

“ଏ. ନା. ମୀରଏଶାତି, ପ୍ରବୁ ସାଲୁଞ୍ଜି କିୟାନାଣି ଉଜେଏତାୟି ଇଞ୍ଜା ଇନାଆନ୍ତି, ଆଆଡ଼ ଏଞ୍ଜାଣି ତାଣାଟି ଦାକା ବେଟାଆଡିସାରେ ସାସା ପିହ୍‌ଆନ୍ତି;

୬ ଏନାଆଁତାକି ଇତିହ୍ ପ୍ରବୁ ଆମ୍ବାଆରାଇଁ ଜୀସୁ ନଡେସି, ଏଞ୍ଜାଣାଇଁ ଜାଗାତା କିହ୍ ଜାପ୍‌ନେସି ଅଡେ ଆମିନି ମୀରଏଶାଇଁ ଆବିନେସି, ଏଞ୍ଜାଣାଇଁ ସାସି ହୀନେସି ।”

୭ ନେହ୍‌ତେରି ଆହାଲି କସ୍ ଅର୍‌ହି ମାଞ୍ଜେରି, ମାହାପୁରୁ ମିଙ୍ଗେ ମୀରକା ଲେହେଁ ଲେମ୍‌ମିମାଞ୍ଜାନେସି, ଇତିହ୍ ଆବା ଆମ୍ବାଆରାଇଁ ତଣ୍ଡ ହୀଅସି ଇଲେତି ମୀରଏସି ଆମ୍ବାଆସି ମାନେସି ? ୮ ସାମା ଆମିନି ତଣ୍ଡତା ବାରେ ଆଣ୍ଡିନେରି, ଇଞ୍ଜା ମାରୁ ଏମ୍ବାଆଁ ଆଣ୍ଡାଆତାତେରି, ଆତିହ୍ ମାରୁ ମୀରକା ଆଆନା ଦାରେଣି ମୀରକା ଆବେରି । ୯ ଅଡେ ଜିକେଏ, ମା ଦାର୍‌ଡିତି ତାଞ୍ଜିୟା ମାଙ୍ଗେ ସାସି ହୀୟାତି ଜିକେଏ ଏଞ୍ଜାରାଇଁ ମାରୁ ମାନି କିତାୟି, ଆତିହ୍ ମା ଲାକପୁରୁତି ଆବାଇଁ ଏଚେ ହାରେକା ମାନୁଞ୍ଜି ଆହାନା ଜୀସୁ ବେଟା ଆଆୟି ? ୧୦ ମା ଦାର୍‌ଡିତି



ତାଙ୍କିୟାଁ ତାମି ଅଣ୍ଟପୁତା ନେହୁଁ ଆନିଲେହେଁ ମାଙ୍ଗେ ଗାଡ଼େକା ଦିନାତାକି ସାସ୍ତି ହିୟାତେରି; ସାମା ମାର ଏନିକିଁ ମାହାପୁରୁତି ସୁଦୁତା ଆଣ୍ଟାଲି ଆଡ଼ିନାୟି, ଇଦାଆଁତାକି ମାହାପୁରୁ ମା ନେହୁଁ ତାକି ମାଙ୍ଗେ ଡ଼ଣ୍ଡ ହିୟାନେସି । ୧୧ ମାର ସାସ୍ତି ବେଗାଆନାୟି ରାହାଁଗାଟାୟି ଆଆନା ଦୁକୁ ଗାଟାୟି ଆନେ, ଆଡ଼ିଜିକେଏ ଆମିନି ଗାଟାରି ଏମାଟି ଜାପାମାନେରି, ତାୟୁ ଏଝାରାକି ହିଡ଼ଡ଼ି ପାଡ଼େୟି ଲେହେଁ ଦାମୁତି ପାଡ଼େୟି ବେଗାଆନେରି ।

**ଝେହନାୟି ଇଞ୍ଜା ଜାଗ୍ରାତା କିନାୟି**

୧୨ ଇଦାଆଁତାକି ମାରୁ ବାଡ଼ୁୟୁ ହିଲାଆ କେସ୍ତା ପେର୍ଦୁ ଅଡ଼େ ବାଡ଼ୁୟୁ ହିଲାଆ ମେଣ୍ଟାୟାଁ ବାଡ଼ୁୟୁ କିଦୁ । ୧୩ ସଲକେ ଜିରୁତା ତାକାଦୁ; ଆଡ଼ିହୁଁ, ମା ସଗା ଆଡ଼ି କଡା ଆଡାଆଗାଟାୟି ଆଆନା ନେହୁଁ ଆନେ ।

୧୪ ବାରେଜାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣପାଦୁ, ଅଡ଼େ ସୁଦୁଗାଟାସି ଆଆନା ଆମାଆସି ପ୍ରବୁଇଁ ମେସାଲି ଆଡ଼ଅସି, ଏମାଆଁ ତାରେତଲେ ସିନିକିଦୁ । ୧୫ ଏଡ଼େତା ଆମାଆସି ମାହାପୁରୁତି କାର୍ମାମେହନି ତାଣାଟି ନସ୍ତୁ ଆନେସି ଇଞ୍ଜା ଏନି କାମ୍ବେଲି ତାକି ନେୟାଁନା ପାତା ଆହାଁ ମିଙ୍ଗେ ନସ୍ତୁ କିୟାନେ ଅଡ଼େ ଏମାଟି ହାଡ଼େକା ପଲୁଆ ଗାଟାରି ଆନେରି; ୧୬ ଏସାଝୁ ଲେହେଁ ଆମାଆସି ଦାରିଗାଟାସି କି ଦାମୁଁ ହିଲାଆଗାଟାଣି ଲେହେଁ ଆଆପେସି; ଏଝାସି ର ଅଲିତି ରାନ୍ଦା ତାକି ତାନି କାଜା ମାରଏଣି ପାଣା ପାରୁତା ମାଟେସି । ୧୭ ମାରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆବା ତାଣାଟି ବର ବେଗାଆହାଲି ଅଣ୍ଟପିତିହୁଁ ଜିକେଏ ବେଗାଆହାଲି ଆଡାଆତେସି, ଅଡ଼େ ମନ ଝେଟହାଲି ତାକି କାଣ୍ଡୁ ବକହିହୁଁ ପାରାଲି ଅଣ୍ଟପିତେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଗାଆଆତେସି ।

୧୮ ଇସ୍ତାୟେଲତି ଲକୁ ଲେହେଁ ମାରୁ ସିୟନ ହରୁତା ଡ଼ାଞ୍ଜିମାଟି ହିରୁ, କିଟିକିଟି ଆନେରି, ରୁଝାଗାଲି, ୧୯ ତାଡ଼ି ଡ଼କିନି ହାଡ଼ା ଇଞ୍ଜା କାତା ଝେହନି ହାଡ଼ା ତାଗେ ଝାଆତେ, ଝେନାରି ଏ ହାଡ଼ା ଝେଞ୍ଜାନା ଏନିକିଁ ଏଝାରାକି ଅଡ଼େ ଏନି କାତା ଝେସପି ଆଏ, ଇଦାଆଁ ବାଡ଼ିମାଲ୍ଲା ମାରେରି; ୨୦ “ଇଡ଼ିହୁଁ ଏନି ଜନ୍ତୁ ଜିକେଏ ଏ ହରୁତି ତାଗିନେ, ଆଡ଼ିହୁଁ ଏଦାନି ଝାଲକାତଲେ ଇରହାନା ପାୟିଝିଆନେ ।” ଇ ଆମିନି ହୁକୁମି ହାପକି ଆହାମାରେ, ଏଦାଆଁ ଏଝାରି ଅରହାଲି ଆଡାଆତେରି; ୨୧ ଏଡ଼ି ଆଜିହପେ ତଞ୍ଜା ଆହମାଟାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରଗିମାଲ୍ ।”

୨୨ ସାମା ମାରୁ ସିୟନ ହରୁ ଅଡ଼େ ନୀତାମାନି ମାହାପୁରୁତି ଗାଡ଼ା, ଇଡ଼ିହୁଁ ଲାକପୁରୁତି ଜିରୁସାଲମତା, ହାଡ଼େକା ଦୁଡୁୟାଁ ଝାହାମାଟେରି

ଏମାଆଁ ଝାହାମାଞ୍ଜେରି । ୨୩ ଅଡ଼େ ଏ ପାଣ୍ଡା ମାରକାତି କୁଲମି ଆମାଆରି ଦରୁ ଲାକପୁରୁ ରାସକି ଆହାମାନେ ଅଡ଼େ ବାରେତି ନୀହାୟି କିନି ମାହାପୁରୁ ନକିତା ତୀରିକିଝି ଆହାମାନି ଦାମୁତି ଜାଝୁୟାଁ । ୨୪ ପୁଝନି ରାଜିମାନା ମାଦିତି ଜୀସୁ, ଇଞ୍ଜା ଆମିନି ଡ଼ାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାରେକା ନେହୁଁ, ଏ ନେତେରି ତାଗେ ଝାହାମାଞ୍ଜେରି ।

୨୫ ହେଣ୍ଡୁ ଆମାଆସି କାତା ଝେସିମାଞ୍ଜାନେସି ଏଦାଆଁ ଝେନଅମି ଇନାଆଦୁ, ଇଡ଼ିହୁଁ ଆମାଆସି ଦାରତିତା ହୁକୁମି ହାତେସି, ଏଝାଣାଲ୍ ତାକି ଗେଲ୍ପି ଆଆତେରି, ଆଡ଼ିହୁଁ ଆମାଆସି ଲାକପୁରୁତି ହୁକୁମି ହାହିମାଞ୍ଜାନେସି, ଏଝାଣି ତାଣାଟି ଏଟକା ହାଟିସାରେ ମାର ଗେଲ୍ପିଆଆୟି, ଇଦି ଏଚେକା ସାତା ଆଏ ? ୨୬ ଏଡ଼ିବେଲା ଏଝାଣି ହାଡ଼ା ଦାରତିଲ୍ ଝୀଟହେ, ସାମା ନୀଏ ଏଝାସି ପାରମାଣା କିହାଁ ଝେସାମାଞ୍ଜାନେସି, “ନାନୁ ଅଡ଼େ ଝେଣ୍ଡେ ଝୀରୁଇ ଦାରତିଲ୍ ଝୀଟଲ୍, ଏଡ଼ି ଆଏ ସାମା ହାଗୁ ପାକାଲ୍ ଜିକେଏ ଝୀଟଲ୍ ।” ୨୭ ଅଡ଼େ ଝେଣ୍ଡେ ଇଞ୍ଜା ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟଝା ଗାଟାୟି ତୟାଲି ତାକି ଝୀଡ଼ିନାୟି, ଇଡ଼ିହୁଁ ଗାଡ଼ି ଆହାମାନାୟି ବାରେ ତିରି ମୀଣ୍ଟନେ ।

୨୮ ଇଦାଆଁତାକି ଝାଦୁ ଝୀତାଆଗାଟି ରାଜିତି ବେଗାଆହାନା ମାର ଏ କାର୍ମାଟି ପିହୁଆପ ଇଞ୍ଜା ରାହାଁତଲେ ଆଜି ଅଡ଼େ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନ । ୨୯ ଏନାଆଁତାକି ଇଡ଼ିହୁଁ ମା ମାହାପୁରୁ ନାସାକିନି ହିରୁ ଲେହେଁତାସି ।

**୧୩**

**ମାହାପୁରୁଇଁ ରାହାଁ କିନାୟି**

୧ କ୍ରୀସ୍ତାନା ତାୟିୟାଁ ଅଡ଼େ ତାଜିସ୍ତା ରଅତେରି ରଅଣାଲ୍ ଜୀଝୁ ନଝୁ । ୨ ପୁନାଆତି ଗତାୟାଣି ସେବା କିହାଲି ବାଣା ଆଆଦୁ, ଇଡ଼ିହୁଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୁଡୁୟାଁଣି ସେବା କିହାମାନେରି । ୩ କାୟିଦିତା ମାନାରାଲ୍ ମାରୁ ଏଝାରିତଲେ କାୟିଦିତା ମାନି ଲେହେଁ ଅଣ୍ଟପାଦୁ ଇଞ୍ଜା ଆଜା ତଲେ ମାନାକି ଦୁକୁ କସ୍ତ ବେଗାଆହମାନାରି ତଲେ ସମାନା ଦୁକୁ କସ୍ତ ବେଗାଆହାଲି ଅଣ୍ଟପାଦୁ ।

୪ ବାହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡ଼େ ତକ୍ତା ମାନି ତଲେ ତୟାପୁ, ଏନାଆଁତାକି ଇଡ଼ିହୁଁ ମାହାପୁରୁ ଲାଗେଏତି କାମା ଅଡ଼େ ଦାରିକାମା କିନାରାଲ୍ ନୀହାୟି କିନେସି ।

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନେ, ଏମାଆଁ ରାହାଁତଲେ ମାଞ୍ଜୁ ଇଡ଼ିହୁଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏଚେଲାଝା ପିସ୍ତା, ନାନୁ ନିଙ୍ଗେ ଏଚେଲାଝା

ବାଣୀଆୟର୍ଥୀ ।” ୭ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡ଼ିନାୟି,  
“ପ୍ରବୁ ନା ସାୟେମି ଆନାସି,  
ନାନୁ ଇଚାଣି ଆଜଅଁ,

ମାଣସି ନାଜେ ଏନାଆଁ କିହାଲି ଆଡାନେସି ?”

୭ ଆମିନି ଗାଟାରି ମିଜେ ମାହାପୁରୁତି ବଲୁ ଝେସାମାଞ୍ଜାତେରି, ମାରୁ ଏଲେତି କାଜାରାଇ ମାନି କିଦୁ; ଏଞ୍ଜାରି ଏନିକ୍ ନୀତାମାତେରି ଇଞ୍ଜା ହାତେରି, ଏଦାଆଁ ଅଣପାନା ଏଞ୍ଜାରି ନାମିତି ଲେହେଁ ମାରୁ ଜିକେଏ ନାମାଦୁ । ୮ ଜୀସୁ କ୍ରୀସ୍ତ ରେଃଏନି, ନୀଞ୍ଜୁ ଅଡେ କାଲେଏ ତାକି ସମାନା ତୁୟିନେସି । ୯ ଏଟକା ଅଡେ ଅର ରଲେତି ଜାପୁନି ତାଣା କିଲିବିଲି ଆଆଦୁ, ଇଚିହଁ ତିନି ରାନ୍ଦାତା ଆଏ, ସାମା ମାହାପୁରୁ କାର୍ମାଟି ହିୟାଁ ତୀରି ଆନାୟି ନେହେଁ; ଆମିନି ଗାଟାରି ତିନି ରାନ୍ଦାତି ମୋରା ମାନୁଞ୍ଜି ଆନେରି, ଏଞ୍ଜାରାକି ଏନି ଲାବା ଆଏ ।

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି ଦିଶ୍ଟୁଇଁ ତୁମୁ ଇଲୁତା ସେବାକିନି ପୂଜେରାଜା ତିଞ୍ଜାଲି ଅଦିକାରା ହିଲେଏ । ୧୧ ଇଚିହଁ ଜୀହୁଦିୟାଁତି କାଜା ପୂଜେରା ପାପୁ ତାକି ହେରପାନାଜି ଜଡୁତି ନେତେରି ସୁଦୁ ଟାୟୁତା ଅନେସି; ସାମା ଏ ଜଡୁତି ଆଜା ବାରେ ସାମଣ୍ଡା ପାଜାତା ତାଚାହାଁ ହୁଡ଼ିଆନେ । ୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକ୍ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଜାତା ହାଡେସି । ୧୩ ଇଦାଆଁତାକି ଝାଦୁ, ମାରୁ ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଜାତା ଏଞ୍ଜାଣି ତାଣା ହାନ । ୧୪ ଏନାଆଁତାକି ଇଚିହଁ ଇମାଆଁ ବାରେ ଦିନାତାକି ମାଜେ ତୁୟିନି ଗାଡ଼ା ହିଲେଏ, ସାମା ମାରୁ ତାୟୁ ଝାହିମାନି ଗାଡ଼ାତି ବେଟାଆହାଲି ପାରିମାନାୟି । ୧୫ ଇଦାଆଁତାକି ଝାଦୁ, ମାରୁ ଜୀସୁ ତାଣାଟି ମାହାପୁରୁଇଁ ଜହରାତି ପୂଜା କିନ, ଇଚିହଁ ତାନି ଦରୁ ଜଲିମାନି ଗୁଡିତି ବାରେଦିନା ହେରପିନ । ୧୬ ଏଟକା ତାରାଇଁ ସାୟେମି କିହାଲି ବାଣୀ ଆଆଦୁ, ଇଚିହଁ ଇଲେତି ପୂଜା କାମାତା ମାହାପୁରୁ ରାହା ଆନେସି ।

୧୭ ମୀ କାଜାରାଇଁ ମାନୁଞ୍ଜି ଆହାନା ଏଞ୍ଜାରାଇଁ ମାନି କିଦୁ, ଇଚିହଁ ଆମିନି ଗାଟାରି ମାହାପୁରୁକି ଲେକା ହୀନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜୀଞ୍ଜୁତି କାଡ଼ିମାନେରି, ଏନିକ୍ ଏଞ୍ଜାରି ଏଦାଆଁ ଦୁକୁ ତଲେ କିଆନା ରାହାଁତଲେ କିହାଲି ଆଡିନେରି; ଦୁକୁ ତଲେ କିତିସାରେ ମିଜେ ଏନି ଲାବା ହିଲେଏ ।

୧୮ ମାଜେତାକି ପ୍ରାଡାନା କିଦୁ, ଇଚିହଁ ମା ନାମୁ ମାନେ, ମା ଅଣପୁ ନେହାୟି ଆପେ, ଅଡେ ବାରେ କାମାତା ନେହଁ ମାଣକି ଆହାଲି ମାମୁ ଅଣପିମାନମି । ୧୯ ଅଡେ ନାନୁ ମୀ ତାଣା ଏନିକ୍

ତବେ ଝାୟାଲି ଆଡିଇଁ, ଏଦାଆଁତାକି ମାହାପୁରୁ ତାଣା ପ୍ରାଡାନା କିହାଲି ନାନୁ ମିଜେ ହାରେକା ବାଡିମାଲିମାଞ୍ଜାଇଁ ।

**ରାନ୍ତି ପ୍ରାଡାନା**

୨୦ ଆମିନି ହିଡଡି ହିୟାନି ମାହାପୁରୁ କାଲକାଲା ତୁୟିନି ରାଜିମାନାତି ନେତେରି ତାକି, କାଜା ମୋଣ୍ଡା ଗଡୁ ଇଚିହଁ ମା ପ୍ରବୁ ଜୀସୁଇଁ ହାଡାରି ତାଣାଟି ନୀଟହା ମାନେସି; ୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାଁତା ଜୀସୁ କ୍ରୀସ୍ତ ତାଣାଟି ରାପୁହାନା ତାନି ମନଲେହେଁ କିହାଲି ମିଜେ ବାରେ ନେହଁ କାମା କିୟାପେସି । ଏଞ୍ଜାଣାକି କାଲକାଲାତି ଗାଞ୍ଜୁରମି ଆପେ ! ଆମେନ ।

**ଆକୁତି ରାନ୍ତି କାତା**

୨୨ ଏ ତାୟି ତାଜିସ୍ତା, ନାନୁ ମିଜେ ବାଡିମାଲିମାଞ୍ଜାଇଁ, ଇ ଜାଗ୍ରାତା କିଞ୍ଜିକିନି କାତା ସାସା ଇଚାନା ମନ ହୀଦୁ, ଇଞ୍ଜା ନାନୁ ରାହାଁ କିହାଲି ଇ ଡଣା ଆକୁ ମିଜେ ରାଡ଼ାମାଇଁ । ୨୩ ମା ତାୟି ତିମତି କାୟିଦିତି ତବେ ପିସପି ଆହାମାନେସି ଇଞ୍ଜୁ ପୁଞ୍ଜେରି, ଏଞ୍ଜାସି ତବେ ଝାଡିସାରେ ଏଞ୍ଜାଣିତଲେ ନାନୁ ମୀ ତାଣା ବେଡିଞ୍ଜାହାଲି ଝାଇଁ ।

୨୪ ମୀ ବାରେ କାଜାରାଇଁ ଅଡେ ମାହାପୁରୁ ଲକୁଇଁ ଜହରା ଝେହୁଦୁ । ଏମିନି ତାୟିୟାଁ ଇଚାଲି ଦେସାଟି ଝାହାମାନେରି, ଏଞ୍ଜାରି ମିଜେ ଜହରା ଝେସିମାଞ୍ଜାନେରି ।

୨୫ ମାହାପୁରୁତି କାର୍ମାମେହନାୟି ବାରେତେରି ମିଜେତାକି ଆୟାପେ ।

# ଯାକୁବଙ୍କ ପତ୍ନୀ ଜାକୁବ ରାଚାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତି ଜାକୁବ ଇନାସି ରାଚାମାଚେସି । ଏଞ୍ଜାସି ଜୀସୁ କ୍ରୀସ୍ତୁ ତାୟି ଆହାମାଣସିନେସି, ଏମ୍ବାଆସିକି କୁଲମିତି ସାଲଞ୍ଜି କିନାସି ଅଡେ ଜିରୁସାଲମତା ବେରଣି କିନାସି ମାଚେସି କାମା ୧୫:୧୩ । ପାଞ୍ଜୁଲ ଗାଲା ୨:୯ ଜାକୁବଙ୍କୁ କୁଲମିତି “ତୃଡ଼ିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସ୍ତୁ ଜାର୍ନାଆଡ଼ି ୫୦ ବାର୍ସା ତାୟି ଇ ଜାକୁବ ପତି ରାସ୍ତକି ଆହାମାଚେ ଇଞ୍ଜି ବୁଦିଗାଟାରି ଏଲେ ଇଞ୍ଜିମାନେରି । ଜାକୁବ ଜିରୁସାଲମତି କୁଲମି ସାଲଞ୍ଜି କିନାସି ମାଚିବେଲାତା ଇ ପତିଙ୍କୁ ରାଚାମାଚେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଚାମାନେସି ୧:୧ । ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇଚିସାରେ ଜୀହୁଦି କ୍ରୀସ୍ତାନା ଲକୁ । ଏନାଆଁତାକି ଇଚିହ୍ନି ଇ ପତି ପଡ଼଼ିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସ୍ତକି ଆହାମାନେ । ଜାକୁବ ନାମୁ ଅଡେ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆନେ ୨:୧୭ । ଏଞ୍ଜାସି ବାଡ଼କୁ ଗାଟି ଲକୁତି ପାରଡ଼ା ବାଚି କିନାଣି ୨:୧-୪ ଅଡେ ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲଲି ଝେସାମାନେସି ୩:୧-୧୨

### ପତିତା ମାନାୟି

- ୧. ଜାକୁବ ତାନି ପତି ପଡ଼଼ି ଆନାରାଇଁ ଜହରା କିନାୟି । ୧:୧
- ୨. କ୍ରୀସ୍ତାନା ଲକୁଣି କସ୍ତୁ ବେଲାତା ସୂସି ତଲେ ମାଞ୍ଜାଲି ଝେହ୍ନାୟି । ୧:୨-୨୭
- ୩. କାମା ତଲେ ନାମୁତି ତହ୍ନାୟି ମାନେ । ୨:୧-୨୨
- ୪. ଜଲିନି ବଲୁୟାତି ବାଡ଼ୟି । ୩:୧-୧୨
- ୫. ମାହାପୁରୁତି ବୁଦି ଦାର୍ଡିତି ବୁଦି କିହ୍ନା ହାରେକା ପାରଡ଼ା ମାନେ । ୩:୧୩-୪:୧୦
- ୬. ବଡ଼ପଣ ଆନି କାତା । ୪:୧୧-୫:୬
- ୭. ଜାକୁବ ରାଚି ବେଲାତା ନେହେଁତାକି ଜାପିନି କାତା ରାଚିନାୟି । ୫:୭-୨୦

୧ \*ନାନୁ ଜାକୁବ, ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତୁତି ହଲେଏସି, ଦାର୍ଡିତା ଇତାଲା ଆତାଲା ଆହାମାନି ମାହାପୁରୁ ଲକୁଙ୍କୁ ଜହରା ।

### ନାମୁତି ତାୟିପାରି କିନାୟି

☆ ୧:୧ ମାତି ୧୩:୫୫; ମାର୍କ ୬:୩; କାମା ୧୫:୧୩; ଗାଲା ୧:୧୯

୨ ଏ ନା ତାୟିୟା ଅଡେ ତାଜିମ୍ବା, ମୀରୁ ଏଚିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏଚିବେଲା ଏଡ଼ି ହାରେକା ରାହାତି କାତା ଇଞ୍ଜି ଅଣ୍ଡାପାଦୁ; ୩ ତାୟିପାରି କିନାଣି ଜୀଣା ଆନି ନାମୁ ଏଡ଼ି ଅରହାଲି ହୀୟାନେ, ଇଦାଆଁ ପୁଞ୍ଜାମାଞ୍ଜେରି । ୪ ଅଡେ, ମୀରୁ ଏନିକ୍ ଏନି ଗୁଣ୍ଡୁତା ଉଣା ଆଆନା ନେହ୍ନି ତୀରି ଅଡେ ସୁଦୁ ଗାଟାଚେରି ଆଦୁ, ଏଦାଆଁତାକି ଅରହିନାୟି ହାରେପୁରେ କାମା କିନେ ।

୫ ସାମା ମୀ ବିତ୍ତା ଆମ୍ବାଆରାକି ବୁଦି ଉଣା ମାଚିସାରି, ଆମିନି ମାହାପୁରୁ ଦହ୍ ଆହ୍ ଆନା ବାରେତାକି ହାରେପୁରେ କେୟୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହାପକିଆନେ । ୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇଚିହ୍ନି ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମୁଦ୍ରିତି ତୀରି ଆଆଗାଟି ଏୟୁ ଉଣ୍ଡା ଲେହେଁତାସି । ୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆକ୍ ଇଞ୍ଜି ଆସା କିଆପେସି; ୮ ଏଞ୍ଜାସି ରୀ ମନ ଗାଟାସି, ଇଞ୍ଜା ତାନି ବାରେ କାମାତା ତୀରି ଆଆଗାଟାସି ।

### ବାଡ଼କୁ ଗାଟାସି ଅଡେ ବାଡ଼କୁ ହିଲାଆଗାଟାସି

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏନାଆଁତାକି ଇଚିହ୍ନି ବାଡ଼କୁ ଗାଟାସି ଜାଡ଼ାତି ପୁୟୁବଣ୍ଡା ଲେହେଁ ତୁଲା ହାନେସି । ୧୧ ଏନିକ୍ ଝେଡ଼ା ଲାକ୍ ହତାସାରେ ଜାଡ଼ା ଏନିକ୍ ଝାୟାହାନେ ଅଡେ ଏଦାନି ପୂଞ୍ଜା ତୁଲିନୁ ଇଞ୍ଜା ତାନି ଅଦୁତି ଝାଣା ମେଣ୍ଡାହାନେ, ଏଲେକିହ୍ନିଏ ବାଡ଼କୁ ଗାଟାସି ଜିକେଏ ତାନି ବାରେ କାମାତା ଝାଡ଼ିନେସି ।

### ତାୟିପାରି ଅଡେ ଜୁପ୍‌କା ତହ୍‌ନାୟି

୧୨ ଆମିନି ଗାଟାସି ତାୟିପାରି କିନାଣି ଅରହିନେସି ଏଞ୍ଜାଣାକି ନେହେଁ, ଇଚିହ୍ନି ମାହାପୁରୁ ତାନୁ ଜୀହୁ ନନି ଲକୁଣି ଆମିନି ଜୀହୁଗାଟି ଟପେରି ହୀହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେଟ ଏ ଲକୁ ଏ ଆଞ୍ଜାମାନି ଟପେରି ବେଟା ଆନେସି । ୧୩ ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହ୍ନି ଇନାଆପେସି, ଇଚିହ୍ନି ମାହାପୁରୁ ଲାଗେଏତି ପାହାଟି ତାୟିପାରି କିଞ୍ଜି ଆଅସି, ଅଡେ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି । ୧୪ ସାମା ମାଣ୍ଡି ତାନି ଲାଗେଏତି କାମା ତଲେ ଜୁପ୍‌କା ଅଡେ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି;

୧୫ ଅଡ଼େ ତାୟୁ ଲାଗେଏତି କାମା ପୁରାମାସା ଆହାନା ପାପୁତି ଜାନ କିନେ, ଇଞ୍ଜା ପାପୁ ଗାଡ଼ି ପାତାଆହାନା ହାକିତି ଜାନ କିନେ ।

ଗେଲପା କତିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମୁତି କାମା ।

୨

୧୬ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା ମୀରୁ ନାଡ଼ି ଆଆଦୁ । ୧୭ ବାରେ ନେହୁଁ ଦାନା ଅଡ଼େ ବାରେ ତୀରିତି ବର ଲାକଟି; ଇତିହୁଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଦଲି ଆନାୟି କି ଇଚାୟିଖା ସାୟୁଁ କିହାନା ଆନ୍ଦେରି ଆନାୟି ହିଲେଏ । ୧୮ ମାର ଏନିକୁଁ ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣ୍ଡପୁ ତଲେ ସାତା ବଲୁ ତଲେ ମାଙ୍ଗେ ଗାଡ଼ି କିୟାତେସି ।

ପାର୍ତ୍ତା ବାଟି କିନାୟି

୧ ଏ ନା ତାୟିୟା ଅଡ଼େ ତାଜିସ୍ତା, ମା ଗାଝୁରମିଗାଟି ପ୍ରୁ ଜୀସୁ କ୍ରୀସୁ ତାଣା ନାମା ମାନାତେରି ମାଣ୍ଡିୟାତି ମୁମ୍ବୁ ମେସାନା ଲେମ୍ବାଆଦୁ । ୨ ଇତିହୁଁ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହୁଁ ଅଜିତି ହିମ୍ବୁରି ହୁଚାନା କୁଟମି କୁଡ଼ା ଆହାମାନି ତାଣା ଖାନେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହୁଁତି ହିମ୍ବୁରି ହୁଚାନା ଖାନେସି, ୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁଚିତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହୁଁ ଚାୟୁତା କୁଗାମୁ,” ଅଡ଼େ ହିଲାଆଗାଟାଣାଲ୍ ଏଲେଇଞ୍ଜେରି “ଏମ୍ବାଆଁ ନିଚାମାନାମୁ, ଆଆତୁଁ ନା କତାୟାଁ ତୁଇକା କୁଗାମୁ,” ୪ ଆଆତୁଁ ମୀରୁ ମୀ ବିତ୍ରା କାଜା ଲକୁ ଉଣା ଲକୁ ପାର୍ତ୍ତା ବାଟି କିଞ୍ଜି ଆହାଁ ଏଟକା ଏଟକା କିହାଁ ଲାଗେଏତି ନୀହାଁୟି କିହିମାଞ୍ଜେରି ।

ଝେନାୟି ଅଡ଼େ କାମା କିନାୟି

୧୯ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗ୍ରାତା ଆଦୁ, ଇଞ୍ଜା ଝେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ, ୨୦ ଇତିହୁଁ ମାଣ୍ଡିତି କପା ମାହାପୁରୁତି ନକିତା ଦାମୁଁ କିହାଲି ଆଡେଏ । ୨୧ ଏଦାଆଁତାକି, ମୀରୁ ବାରେ ପଲୁଆ ଗାଟାଣି ଅଡ଼େ ବାରେ ଲାଗେଏତି ପିସାତୁହୁଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଝୁତି ଗେଲପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣ୍ଡପୁ ତଲେ ଆହୁଦୁ ।

୫ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା, ଝେଞ୍ଜୁ ମାହାପୁରୁ ଇ ଦାର୍ତତିତା ବାଡକୁ ହିଲାଆଗାଟାଣାଲ୍ ତାନି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଝୁନହୁଁ ମାନାଣାଲ୍ ଆମିନି ରାଜି ହୀହାଲି ଆଞ୍ଜାମାନେସି, ଏମ୍ବାତି ଅଦିକାରା କିହାଲି ଆଡ଼ା ହିଲଅସି ? ୬ ସାମା ମୀରୁ କାକୁଲି ଗାଟାଣାଲ୍ ଅପିହିଲଅତେରି । ବାଡକୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଙ୍ଗେ ନୀହାଁୟି ପାଙ୍ଗାତା ରେଜା ଅୟଅରି କି ? ୭ ଆମିନି କାଜା ଦରୁତଲେ ଝେଙ୍ଗା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି ।

୨୨ ସାମା ମୀରୁ ଏଞ୍ଜାଣି ବଲୁ ଝେନାତେରି ଆହାଁ ଜାହାରାଲ୍ ନାଡ଼ି କିହାକତାଆନା, ବଲୁତି କାମା କିନାତେରି ଆଦୁ । ୨୩ ଇତିହୁଁ ଆମିନିଗାଟାସି ବଲୁତି କାମା କିନି ଲକୁ ଆଆନା ଖାରଇ ଝେନି ଲକୁ ଆନେସି, ଆତିହୁଁ ଏଞ୍ଜାସି ଦାପେଣିତା ତାନୁଏ ତାନି ମୁମ୍ବୁ ସୁନିକିହା କତିମାନି ମାଣ୍ଡି ଲେହେଁତାସି, ୨୪ ଏଡେତା ଏଞ୍ଜାସି ତାଙ୍ଗେ ସିନିକିତି କେଚ ହାଜାନା, ଏଞ୍ଜାସି ଏମ୍ବାଟି ହଟା ହାଟି ତାୟୁ ଏନିଲେହେଁତି ମାଣ୍ଡି ଦେବୁଣିଏ ବାଣାଆନେସି । ୨୫ ସାମା ଆମ୍ବାଆସି ତୀରପୁ ଇତିହୁଁ ଗେଲପାଲି ଆଡ଼ିନି ନେହୁଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକୁ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାଁସି ।

୬ ମୀରୁ ମୀ ପାଡ଼ିତି ଲକୁଣି ମୀ ଜୀଝୁତି ଜୀଝୁ ନନି ଲେହେଁ ଜୀଝୁନଦୁ, ସାସ୍ତେରିତା ରାସ୍ତି ଆହାମାନି ମାହାପୁରୁ ରାଜିତି ମେରା ସାତେଏ ମାନୁଞ୍ଜି ଆଦେରି, ଆତିହୁଁ ମୀରୁ ନେହୁଁ କିହିମାଞ୍ଜେରି, ୯ ସାମା ଲକୁ ମୁମ୍ବୁ ମେସାନା ଲେମ୍ବାମାଞ୍ଜେରି, ଆତିହୁଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜୁଁ ତଞ୍ଜା ଆହିମାଞ୍ଜେରି । ୧୦ ଆମ୍ବାଆସି ବାରେ ମସାତି ମେରା ମାନୁଞ୍ଜି ଆହାଁ ରଣ୍ଡିଏ ମେରାତି ଉରିନେସି, ଇତିହୁଁ ଏଞ୍ଜାସି ବାରେ ମେରାତି ଦହ ତଲେ ତଣ୍ଡ ବେଟା ଆନେସି । ୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁଁ ଝେସା ମାଟାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜୁଁ ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟାଦେରି ଇତିହୁଁ ମେରାତି ଉରିନାତେରି ଆଦେରି । ୧୨ ଗେଲପିଆଡ଼ି ମସାତି ମେରାଟି ମୀରୁ ନୀହାଁୟି କିଞ୍ଜିଆଦେରି, ଇଦାଆଁ

୨୬ ଇତିହୁଁ ଆମ୍ବାଆସି ଜାହାରାଲ୍ ତୀରି ଗାଟାତେଏଁ ଇଞ୍ଜୁଁ ଅଣ୍ଡପା କତିନେସି, ଇଞ୍ଜା ତାନି ଝେନ୍ଦରିତି ଲକ୍ଷ୍ମୀନା ତାନୁ ତାନି ହିୟାତି ନାଡ଼ି କିନେସି, ଇତିହୁଁ ତାନି ଦାମୁକାମା କିନାୟି ଉଜେଏତାୟି । ୨୭ ତାଲି ତାଞ୍ଜି ହିଲାଆ କକାରି ପଦାଣି ଅଡ଼େ ରାଣ୍ଡେଣି ଇୟାସିକାଣି ତାନି ଦୁକୁ କାକୁଲି ବେଲାତା ସାୟେମି କିନାୟି ଅଡ଼େ ଦାର୍ତତିତା ମାନି ବାରେ ଲାଗେଏତି କାମାଟି

ପୁଞ୍ଜାନା ଏଲେତି କାତା ଜଲ୍ଲାଦୁ ଇଞ୍ଜା କାମା କିଦୁ ।  
୧୩ ଇଚିହ୍ନ ଆମ୍ବାଆସି କାର୍ମା ମେହ୍‌ଅସି ମାହାପୁରୁ  
ଏଞ୍ଜାଣାଇଁ କାର୍ମା ମେହ୍‌ଆନା ନାହାଁୟି କିନେସି,  
ସାମା କାର୍ମାମେହ୍‌ନାୟି ନାହାଁୟିତା ଜୀଣା ଆନେସି  
।

**ନାମୁ ଅଡ଼େ କାମା**

୧୪ ଏ ନା ତାୟିୟା ଅଡ଼େ ତାଜିସ୍ତା, ଆମ୍ବାଆସି  
ନାଜେ ନାମୁ ମାନେ ଇଞ୍ଜା ଇନେସି, ସାମା ଏଞ୍ଜାଣି  
କାମା ହିଲେଏ, ଆତ୍ ଏଡି ଏନି ଲାବା ? ଇଲେତି  
ନାମୁ ଆମ୍ବାଆରାଇଁ ଗେଲ୍‌ପାଲି ଆଡିନେ କି ?  
୧୫ ଏଚିବେଲା ର ତାୟି କି ତାଜିନାକି ହୁଚାଲି ହିମ୍ବୁରି  
କି ତିଞ୍ଜାଲି ରାନ୍ଦା ହିଲାଆତିହ୍ନ, ୧୬ ଇଞ୍ଜା ମୀ  
ବିତ୍ରାଟି ଆମ୍ବାଆତେରି ତାନି ଆଜ୍ଞାତି ଲଡ଼ାମାନାଣି  
ହାଆନା, “ମାହାପୁରୁ ନିଜେ ବର ହିୟାପେସି, ବାଣ୍ଡି  
ପାଞ୍ଜାହାଁ ହିଡ଼ଡ଼ିଟି ନେହ୍ନ କି ହାଲାମୁ” ଇଞ୍ଜା  
ଇଚିହ୍ନ ଏଡି ଏନି ଲାବା ? ୧୭ ଏଲେକିହ୍ନ ଏ,  
କାମା ହିଲାଆସାରେ ନାମୁ ହାଡାୟି ।

୧୮ ସାମା ଆମ୍ବାଆସି ଏଲେଇନେସି, “ରଅଣି  
ନାମୁ ମାନେ ଅଡ଼େ ରଅଣି କାମା ମାନେ;” କାମା  
ହିଲାଆନା ନୀ ନାମୁ ତସ୍ତାମୁ ଅଡ଼େ ନାମୁ କାମା  
ତଲେ ନା ନାମୁତି ତସ୍ତାଇଁ । ୧୯ ମାହାପୁରୁ  
ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଡି  
ନେହ୍ନ କାତା, ବୁଡୁୟା ଜିକେଏ ନାମାହାଁ ଆଜିତାକି  
ତାର୍‌ଗିମାନୁ । ୨୦ ସାମା ଏ ବୁଦି ହିଲାଆଗାଟାତେରି,  
କାମା ହିଲାଆନା ନାମୁ ଉଜେଏତାୟି, ଇଦାଆଁ  
ପୁଞ୍ଜି ହିଲଅତେରି ? ୨୧ ମା ଆକୁ ଅବ୍ରାହାମ,  
ପୂଜାପିଣ୍ଡା ଲାକ ତାନି ମୀରୁଏଣା ଇସାହାକଇଁ ପୂଜା  
କିହିମାଟାଟି କାମା ତଲେ ଦାମ୍‌ଗାଟାସି ଇଞ୍ଜା  
ଝେଙ୍ଗା ହିଲାଆତେସି ? ୨୨ ମୀରୁ ମେସିମାଞ୍ଜେରି,  
ଅବ୍ରାହାମତି ନାମୁ ତାନି କାମାତା ତଞ୍ଜାଆଡେ, ଅଡ଼େ  
କାମା ତଲେ ନାମୁ ପୁରାଆଡେ; ୨୩ ଏଚେଟିଏ  
ସାବ୍‌ସ୍ତେରିଟି ଇ ବଲୁ ସାତା ଆଡେ, ଅବ୍ରାହାମ  
ମାହାପୁରୁ ତାଣା ନାମିତେସି, ଅଡ଼େ ତାଜେତାକି  
ଏଡି ଦାମ୍‌ଗାଟାସି ଇଞ୍ଜା ଝେଙ୍ଗିତେସି, ଇଞ୍ଜା  
ଏଞ୍ଜାସି ମାହାପୁରୁତି ତଞ୍ଜେଏସି ଇଞ୍ଜା ଝେଙ୍ଗିତେସି  
। ୨୪ ଇଚିହ୍ନ ମାଣସି ଖାରଇ ନାମୁଟି ଆଏ, ସାମା  
ତାନି କାମାଟି ଦାମ୍‌ଗାଟାସି ଆନେସି ଇଞ୍ଜା ମୀରୁ  
ପୁଞ୍ଜିମାଞ୍ଜେରି ।

୨୫ ଏଲେକିହ୍ନ ଏ ଦାରେଣି ରାହାବ୍  
ଦାମ୍‌ଗାଟାୟି ଇଞ୍ଜା ଝେଙ୍ଗାମାରେ, ଏଡି ପାରୁ  
ପାରାଲି ମେଣେଏ ଖାହାମାଟାରାଇଁ ତାନି ଇଜ  
ଅହାନା ଇଟିତେ ଇଞ୍ଜା ଏଟକା ଜିରୁଟି ପାଣ୍ଡାଲି  
ସାୟେମି କିହାମାରେ ।

୨୬ ଇଚିହ୍ନ ଜୀଞ୍ଜୁ ହିଲାଆସାରେ ଆଜ୍ଞା ହାଡି  
ମାଡ଼ହା, ଏଲେକିହ୍ନ ଏ କାମା ହିଲାଆସାରେ ନାମୁ  
ଜିକେଏ ହାଡାୟି ।

**୩**

**ଝେନ୍ଦରିତି ଲକ୍‌ନାୟି**

୧ ଏ ନା ତାୟିୟା ଅଡ଼େ ତାଜିସ୍ତା, ମୀରୁ ହାରେକା  
ଜାପୁନାତେରି ଆଆଦୁ; ଜାପୁନାତାୟି ମାରୁ,  
ମାରୁ ଅର ଲକୁ କିହାଁ ହାରେକା ତଣ୍ଡ ପାଣ୍ଡନାୟି  
ଇଦାଆଁ ପୁଞ୍ଜାମାଞ୍ଜୁ । ୨ ଇଚିହ୍ନ ମାରୁ ଏନି  
ଏନି କାମାତା ପୁଟି କିହିମାନାୟି, ସାମା ଆମ୍ବାଆସି  
ମାହାପୁରୁ ବଲୁତା ପିଟିଆସି, ଆତିହ୍ନ ଏଞ୍ଜାସି  
ନେହ୍ନ ମାଣସି, ଅଡ଼େ ଏଞ୍ଜାସି ତାନି ବାରେ  
ଆଜ୍ଞାତି ତାନୁଏ ଲକ୍‌ହାଲି ଆଡିମାନେସି । ୩ ମାରୁ  
ଗଡ଼ାୟାଣି ଲକ୍‌ହାଲି ତାକି ତାମି ଗୁତିତା ବାକେରି  
କାଚିକିହିମାନାୟି, ଅଡ଼େ ଏଦାନିତଲେ ମାରୁ ତାମି  
ବାରେ ଆଜ୍ଞାତି ଝେନ୍ଦ୍‌ହି ମାନାୟି । ୪ ଏୟୁ ଜାଜାତି  
କାତା ଜିକେଏ ଅଣ୍‌ପାଦୁ, ଏଡି ଏଚେକା କାଜାୟି  
ଅଡ଼େ କାଜା ଗାଲି ତଲେ ତାକିତ୍ ଜିକେଏ,  
ଜାଜାତି ତାୟୁଞ୍ଜାକି ମାନି ର ଉଣା ମାରା ତଲେ  
ତାକିନେ, ଏ ମାରା ଆହ୍‌ନାସି ଆମ୍ବିୟାଞ୍ଜାକି ମନ  
କିନେସି ଏନିକା ହାନେ । ୫ ଏଲେକିହ୍ନ ଏ ଝେନ୍ଦରି  
ଜିକେଏ ଆଜ୍ଞାତି ର ଉଣା ବାଗା ଆତିହ୍ନ ଜିକେଏ,  
ଏଡି କାଜା ବଡ଼ପଣତି କାତା ଜଲ୍ଲାଲି ଆଡିନେ  
। ମେହ୍‌ଦୁ ର ଉଣା ହିରୁ ପୁୟା ତଲେ ଏଚେ  
କାଜା ଜାଡ଼ା ଝେହାହାନେ । ୬ ଝେନ୍ଦରି ଜିକେଏ  
ହିରୁ ଲେହେତାୟି; ଏଡି ମା ଆଜ୍ଞା ବିତ୍ରା ବାରେ  
ଲାଗେଏ ପଲେଏ ତାଣାଟି ସାଲ୍‌ଡି ଆହିମାନେ, ଏଡି  
ବାରେ ଆଜ୍ଞାତି ଲାଗେଏ କିନେ, ଅଡ଼େ ତାନୁ ନକଟି  
ହଡ଼ିମାନି ହିରୁତଲେ ତାଞ୍ଜାନା ଗାଡ଼ି ଆହାମାନି  
ଦାର୍‌ତିତି ହୁଡିନେ । ୭ ଇଞ୍ଜା ବାରେ ଲେହେତି ଜନ୍ତ  
ଜିଝେଡ଼ି, ପଟା କାଟି, ବାଣ୍ଡିତଲେ ତାକିନାଇଁ, ଅଡ଼େ  
ଏୟୁତି ଜନ୍ତ, ମାଣସି ଏ ବାରେ ଜନ୍ତୟାଣି ଲକ୍‌ହାଲି  
ଆଡିମାନେସି । ୮ ସାମା ଝେନ୍ଦରିତି ଆମ୍ବାଆସି  
ଲକ୍‌ହାନା ସାପି କିହାଲି ଆଡ଼ଅସି, ଏଡି ପଲୁଆ  
ଗାଟାୟି ଇଞ୍ଜା ଲଜ୍ଞାଆ ଗାଟାୟି, ଅଡ଼େ ଏଡିଏମ୍ବାଆଁ  
ହାନ୍‌ମାନି ବୀସା ମାନେ । ୯ ଝେନ୍ଦରି ତଲେ ପ୍ରବୁ  
ଆବାଇଁ ଜହରା କିହିମାନାୟି, ଇଞ୍ଜା ଏ ଝେନ୍ଦରି  
ତଲେ ମାହାପୁରୁ ଲେହେଁ ଗାଡ଼ି ଆଡି ମାଣସିଇଁ  
ବାକା ଇଟି ମାନାୟି; ୧୦ ଏ ରଣ୍ଡିଏ ଗୁଡିଟି ଜହରା  
କିନାୟି ଅଡ଼େ ବାକା ହାନି କାତା ହଡ଼ିମାନେ ଏ  
ନା ତାୟିୟା ଅଡ଼େ ତାଜିସ୍ତା ଏଲେଆନାୟି ନେହେଁ  
ଆଏ । ୧୧ ର ଜାର୍‌ଶାଟି ଡାକନି ଅଡ଼େ କାମ୍ବେଲି  
ଏୟୁ ହନୁ କି ? ୧୨ ଏ ନା ତାୟିୟା ଅଡ଼େ ତାଜିସ୍ତା,  
ତୟା ମାରୁନୁତା ଜୀତ ପାଡ଼େୟି ଅଡ଼େ ଅଜ୍ଞାରି  
ମାଡ଼ାତା ତୟା ପାଡ଼େୟି ଆୟାଲି ଆଡିନେ କି ?  
ଏଲେକିହ୍ନ ଏ ହାରୁ ଜାର୍‌ଶା ଡାକନି ଏୟୁହାହାଲି  
ଆଡ଼େଏ ।

**ମାହାପୁରୁ ତାଣାଟି ଖାନି ବୁଦି**

୧୩ ମୀ ବିତ୍ରା ବୁଦିଗାଟାସି ଅଡ଼େ ତେଲ୍‌ହିନାସି  
ଆମ୍ବାଆସି ମାନେସି ? ଏଞ୍ଜାସି ବୁଦିଗାଟାସି ଲେହେଁ

ଓଣା ଆହାନା ଇଞ୍ଜା ସୁଦୁଗାଗସି ଆହାନା ତାନି ନେହଁ ମାଣ୍ଡକି ତଲେ କାମା ତସ୍ପଦେସି । ୧୪ ସାମା ମୀ ହିୟାତା ଗାତି ତାହାରା, କପା ଅଡ଼େ ଖାରଇ ଜାହାରାତାକି ଅଣ୍ପିନାୟି ମାନେ, ଆତିହଁ ସାତାତି କପାଟି ବଡ଼ପଣ ଆଆଦୁ ଅଡ଼େ ମିଟି ଜଲ୍ଲାଆଦୁ । ୧୫ ଇଲେତି ବୁଦି ମାହାପୁରୁ ତାଣାଟି ଖାଏ, ଏଦି ଇ ଦାରତିତାୟି, ମାଣ୍ଡସିତି ଅଣ୍ପୁ ଗାଟାୟି ଅଡ଼େ ଲାଗେଏ ପଟେଲଏତି ବୁଦୁୟା ଖାୟି । ୧୬ ଇତିହଁ ଆମିନି ତାଣା ତାହାରା ଅଡ଼େ ଜାହାରାତାକି ଅଣ୍ପିନାୟି ମାନେ, ଏ ଟାୟୁତା ବାରେଲେହେତି ଲାଗେଏତି କାମା ମାନେ । ୧୭ ସାମା ଲାକଟି ଖାନ୍ତି ବୁଦି, ତଲିଏ ସୁଦୁଗାଟାୟି, ତାୟୁ ହିଡ଼ଡ଼ି ଜାହୁଗାଟାୟି ଅଡ଼େ ସୁଦୁ ସୁଖାଲା, ମାନୁଞ୍ଜି ଆନାୟି, କାର୍ମାମେହନାୟି ଅଡ଼େ ନେହଁ ପାଡ଼େୟିକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡ଼େ କୁରୁ ହିଲ୍ଲାଆଗାଟାୟି । ୧୮ ଅଡ଼େ ହିଡ଼ଡ଼ି ହାନି ଲକୁ ତାଣାଟି ହିଡ଼ଡ଼ିଟି ବିତା ମାଟୁଞ୍ଜିଆନେ, ଦାମ୍ବୁଗାଟି ପାଡ଼େୟି ଦାପି ଆନେ ।

**୪**

**ଦାରତି ତଲେ ତଣେ ଦହନାୟି**

୧ ମୀ ତାଣା ମାତାଗଡ଼ି ଅଡ଼େ ଗଡ଼ହା ଆମ୍ବିଟି ଖାହିମାନେ ? ଏଞ୍ଜି ମୀ ତାଣା ମାନି ସୁକୁତି ଅଣ୍ପୁଟି ଖାହିମାନୁ ଏଞ୍ଜି ବାରେବେଲା ବାରେ ବେଲା ଗଡ଼ହା କିଞ୍ଜିକିହିମାନୁ । ୨ ମୀରୁ ଏନାଆଁ ବେଟାଆହାଲି ଅଣ୍ପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଣ୍ପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡ଼େ ମାତାଗଡ଼ି କିହିମାଞ୍ଜେରି, ଏନାଆଁତାକି ଇତିହଁ ମୀରୁ ମାହାପୁରୁଇ ରାସି ହିଲଅତେରି; ୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅତେରି, ଏନାଆଁତାକି ଇତିହଁ ମୀରୁ ମୀ ଆଜାତି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି । ୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅତେରି ? ଦାରତିତି ତଣେ ଆନାସି ଏଞ୍ଜାସି ମାହାପୁରୁତି ସାଡୁ, ଇତିହଁ ଆମ୍ବାଆସି ଇ ଦାରତିତି ତଣେ ଆହାଲି ଅଣ୍ପିନେସି; ଏଞ୍ଜାସି ତାଙ୍ଗେ ମାହାପୁରୁତି ସାଡୁ । ୫ ମୀରୁ ଏନାଆଁ ଦାମ୍ବୁ ପତିତା ରାସ୍‌କି ଆହାମାନି ବଲୁ ଉଜେଏ ଇଞ୍ଜୁ ଅଣ୍ପିମାଞ୍ଜେରି କି, “ମାହାପୁରୁ ଆମିନି ଜାହୁତି ମା ତାଣା ବାସା ଆହାଲି ହାହାମାଞ୍ଜାନେସି, ଏଞ୍ଜାସି ମାଙ୍ଗେ ବାରେ ଖାକିଟି ସାଲୁଞ୍ଜି କିହାଲି ଅଣ୍ପିମାନେସି ।” ୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାପ୍ତେରିତା ରାସ୍‌କି ଆହାମାନେ, “ମାହାପୁରୁ ଆଜାରା ଆନାରି କପାଟି ନିଙ୍ଗିନେସି, ସାମା ଜାହାରାଇଁ ଓଣା କିହା କତାମାନାରାଇଁ କାର୍ମା

ମେହନେସି, ମାହାପୁରୁତି କାର୍ମା ହାରେକା ବାଡ଼ୁୟୁ ଗାଟାୟି ।”

୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କଡାଦୁ; ଅଡ଼େ ସୟତାନଇଁ ଆବାଆଦୁ, ଆତିହଁ ଏଦି ମୀ ତାଣାଟି ହେକ ହାନେ । ୮ ମାହାପୁରୁ ତାଗେ ଖାଦୁ ଆତିହଁ ଏଞ୍ଜାସି ମୀ ତାଗେ ଖାନ୍ନେସି, ଏ ପାପୁ ଗାଟାତେରି, ମୀ କେସ୍‌ଣାଣି ନେହଁ କି ନରଦୁ, ଅଡ଼େ ରୀ ଅଣ୍ପୁ ଗାଟାତେରି, ମୀ ହିୟାତି ଅଟୁହା କଡାଦୁ । ୯ ହିୟା କାଡ଼ି କିହାଁ ଦୁକୁ ତଲେ ଡୀଦୁ; ମୀ କାକ୍‌ନାୟି ଡୀକିତା ଅଡ଼େ ମୀ ରାହାଁ ଦୁକୁତା ତାରି ମୁଁପେ । ୧୦ ପ୍ରୁ ନକିତା ମୀରୁ ମିଙ୍ଗେ ଓଣା କିହାକଡାଦୁ, ଏତେଟିଏ ଏଞ୍ଜାସି ମିଙ୍ଗେ କାଜା ଲକୁ କିୟାନେସି ।

**ଏଟକା ଲକୁଣି ନାହାଁୟି କିଆଦୁ**

୧୧ ଏ ତାୟି ତାଙ୍ଗିସ୍‌ଣା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନାହାଁୟି କିନେସି, ଏଞ୍ଜାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାତି ନାହାଁୟି କିହିମାନେସି । ସାମା ମୀରୁ ମସା ମେରାତି ନାହାଁୟି କିଦେରି, ଇତିହଁ ମୀରୁ ମସା ମେରାତି ମାନୁଞ୍ଜି ଆନାତେରି ଆଆନା ଏମ୍ବାତି ନାହାଁୟି କିନାତେରି । ୧୨ ମାହାପୁରୁ ରଅସିଏ ମେରା ହାନାସି ଅଡ଼େ ନାହାଁୟି କିନାସି, ଏଞ୍ଜାସି ଗେଲପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଟୁହିତାଣାଇଁ ନାହାଁୟି କିହିମାଞ୍ଜି ?

**ବଡ଼ପଣ କିଆଦୁ**

୧୩ ନୀର୍ବ ମେହଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଓଏ ମାମ୍ବୁଏ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାର୍ସା ପାତେକା ଡୟାନା ବେବାରା କିହାଁ ଗାଡ଼ି ଲାବା କିନମି;” ୧୪ ସାମା ଓଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜାହୁ ଏନିକି ଗାଡ଼େକା ତଞ୍ଜାଆହାନା ଗାଡ଼େକା ମେଣ୍ଡାଜାହାନି ଉକଅଡ଼ି, ମୀରୁ ଏଲେତାତେରି । ୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରୁତି ଅଣ୍ପୁ ଆଡ଼ିସାରେ ମାର ଜାହୁତଲେ ନୀତା ମାଞ୍ଜାନା ଇଦାଆଁ କିନ ଆଆଡ଼ି ଏଦାଆଁ କିନ ।” ୧୬ ସାମା ମୀରୁ ନୀର୍ବ ମୀ ବଡ଼ପଣ ତସାକତିମାଞ୍ଜେରି; ଇଲେତି ବଡ଼ପଣ ଲାଗେଏତାୟି ।

୧୭ ହିୟାତା ଇଟାଦୁ ଏନାଆଁତାକି ଇତିହଁ, ଆମ୍ବାଆସି ନେହଁ କାମା କିହାଲି ପୁଞ୍ଜାନା କିଅସି ଏଞ୍ଜାସି ପାପୁ କିନେସି ।

**୫**

**ବାଡ଼କୁ ଗାଟାରାଇଁ ଜାଗ୍ରାତା କିନାୟି**

୧ ଏ ବାଡ଼କୁ ଗାଟାତେରି ନା କାତା ଖେଞ୍ଜୁ କସ୍‌ତି ଦିନା ଖାହିମାନେ ଏଦାଆଁତାକି ଦୁକୁଆହଁ ଡୀଦୁ

ଇଞ୍ଜା କାନିକାର୍ମା ଆଦୁ । ୨ \*ମୀ ବାରେ ଦନ ସୀରହା ହାଚେୟିଏ, ଅଡ଼େ ମୀ ହିମ୍ବରିକାଇଁ ଲୀମ୍ବୁ ତିଚେୟିଏ, ୩ ଅଡ଼େ ମୀ ବାଂଗାରା ଇଞ୍ଜା ଖେଣ୍ଡି କିରୁକୁ ଆଚେୟିଏ; ଏଚେଟିଏଏ କିରୁକୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଙ୍ଗା ଜିକେଏ ନାସା କିୟାନେ, ଇ ରାନି ବେଲାତା ମିଙ୍ଗେତାକି ଦନ କୁଡ଼ି କିହାମାଞ୍ଜେରି । ୪ ହେଶୁ ! ମୀ ଗୁଡ଼ିୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅଚେରି, ଏଡ଼ି ଗାତି କାଲୁଝି ଆହିମାନେ, ଅଡ଼େ ତାସାତି ଦାଃଆନାରି ତୀନାୟି ବାରେ ବାଡ଼ୁୟୁଟି ପ୍ରବୁତି କିୟଁ ତୁା ଏଗା ହାଚେୟିଏ । ୫ ମୀରୁ ଦାରୁଡ଼ିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଙ୍ଗା କିହାମାଞ୍ଜେରି । ୬ ମୀରୁ ଦହ ହିଲାଆଗାଗାରାଇଁ ଦହ କିହାନା ପାୟିମାଞ୍ଜେରି; ଏଝାସି ମିଙ୍ଗେ ଖେଣ୍ଡେ ଏନାଆଁ କିୟଅସି ।

**ସାସାତଲେ ପ୍ରାତାନା କିନାୟି**

୭ ଏଦାଆଁତାକି ଏ ତାୟି ତାଙ୍ଗିସ୍ତା, ପ୍ରବୁତି ଝାନି ଦିନା ପାଚେକା ସାସାତଲେ କାରାନା ମାଞ୍ଜୁ, ର ତାସା କିନାସି ଏନିକଁ ତାନି ବୁମିତି ପାଡ଼େୟି ବେଟାଆହାଲି ତାକି ମୁଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାଚେକା ସାସାତଲେ କାପୁ କାରାନା ତୁୟିନେସି । ୮ ମୀରୁ ଜିକେଏ ଏଲେକଁ ସାସାତଲେ ମାଞ୍ଜାନା ମୀ ହିୟାଁତି ସୂସି କିଦୁ, ଇଚିହଁ ପ୍ରବୁତି ଝାନି ଦିନା ତାଗେ ଝାଡ଼େୟିଏ ।

୯ ଏ ତାୟି ତାଙ୍ଗିସ୍ତା, ମୀରୁ ଏନିକଁ ନୀହାଁୟି କିଝି ଆଅଚେରି, ଏଦାଆଁତାକି ରଅଚେରି ରଅଣା କପାଟି ଏନି କାତା ଜଲ୍ଲାଆଦୁ, ସିନିକିଦୁ, ନୀହାଁୟି କିନାସି ଦୁଝେରିତା ନିଚାମାନେସି । ୧୦ ଏ ତାୟି ତାଙ୍ଗିସ୍ତା, ଆମିନି ମାହାପୁରୁ ଅଣପୁତି ବଲୁ ଝେହ୍ନାରି ପ୍ରବୁ ଦରୁଟି କାତା ଝେସାମାଚେରି, ଏଝାରାଇଁ ମୀରୁ ଅଣପାଦୁ, ଦୁକୁ କସ୍ତ ବେଟାଆନାଟି ସାସା ଅଡ଼େ ଅରହାଲି ଜିରୁ ତସାମାଞ୍ଜାନେରି । ୧୧ ମେହ୍ଦୁ ଆମ୍ବାଆରି କସ୍ତ ଅରହା ମାଚେରି, ମାମ୍ବୁ ଏଝାରାଇଁ ନେହାଁରି ଇଞ୍ଜାଁ ଇନମି, ମୀରୁ ଆୟୁବତି ଅରହିନାଣି ଝେଞ୍ଜାମାଞ୍ଜେରି, ଅଡ଼େ ପ୍ରବୁ ତାୟୁତି କାମା ମେସାନା ପୁଞ୍ଜାମାଞ୍ଜେରି, ଏଝାସି କାର୍ମା ମେହ୍ନାସି ଅଡ଼େ ଜୀଝୁ ନନାସି ।

୧୨ \*ଏ ନା ତାୟି ତାଙ୍ଗିସ୍ତାଚେରି, ମୀରୁ ପାରମାଣା କିଝୁଏ କିଆଦୁ, ଲାକପୁରୁତି ଦରୁତଲେ ପାରମାଣା କି ଦାରୁଡ଼ିତି ଦରୁତି ପାରମାଣା କି ଏଟକାତି ଏନି ଦରୁ ଆସାନା ପାରମାଣା କିଆଦୁ, ସାମା ମୀଦି ହାଅ ଇନି କାତା ହାଅ ଆପେ ଇଞ୍ଜାଁ ଆଏ ଇନି କାତା ଆଏ ଆପେ, ଏନିକଁ ମୀରୁ ନୀହାଁୟି ଦିନାତା ତଣ୍ଡ ଗାଟାଚେରି ଆଅଚେରି ।

୧୩ ମୀ ବିତ୍ରାଟି ଆମ୍ବାଆସି ଦୁକୁ କିହିମାନେସି ? ଆତିହଁ ଏଝାସି ପ୍ରାତାନା କିପାସି, ଆମ୍ବାଆସି ରାହାଁଟି ମାନେସି ? ଇଚିହଁ ଏଝାସି ଜହରା ପାରୁ ପାଚାପେସି । ୧୪ \*ଆମ୍ବାଆସି ମୀ ବିତ୍ରାଟି ଆତାଆ ଗାଟାସି ମାତିହଁ ଏଝାସି କୁଲମିତି ପ୍ରାତିନାଙ୍ଗାଣି ହାଟାପେସି; ଇଞ୍ଜାଁ ଏଝାରି ପ୍ରବୁତି ଦରୁତଲେ ନିୟୁଁ ଝାକହାନା ଏଝାଣି ତାକି ପ୍ରାତାନା କିପାରି । ୧୫ ଏ ନାମୁଗାଟି ପ୍ରାତାନା ରଗ ଗାଟାଣାଇଁ ନେହଁ କିନେ, ଇଞ୍ଜାଁ ପ୍ରବୁ ଏଝାଣାଇଁ ନିକନେସି, ଇଞ୍ଜାଁ ଏଝାସି ପାପୁ କିହାମାଟିହଁ, ଆତିହଁ ଏଝାଣି ପାପୁ ମେଣ୍ଡି କିଝିଆନେ । ୧୬ ଏଦାଆଁତାକି ମୀରୁ ରଅଚେରି ରଅଣା ନକିତା ମୀ ପାପୁ ଝେକଦୁ, ଅଡ଼େ ନେହଁ ଆହାଲିତାକି ରଅଚେରି ରଅଣି ତାକି ପ୍ରାତାନା କିଦୁ, ଆତିହଁ ମୀରୁ ନେହଁ ଆଡେରି, ଏଦାଆଁତାକି ଇଚିହଁ ଦାମ୍ବୁ ଗାଟାଣି ପ୍ରାତାନା ହାଡ଼େକା କାଜା କାମା କିହାଲି ଆଡିନେ । ୧୭ ଏଲିୟୁ ଜିକେଏ ମା ଲେହେଁତି ଦୁକୁ ସୁକୁ ଗାଟି ମାଣ୍ଡିସି; ଏଝାସି ପିୟୁ ଆଆପେ ଇଞ୍ଜାଁ ରଣ୍ଡିଏ ମନତଲେ ପ୍ରାତାନା କିଚେସି, ଅଡ଼େ ତାନି ବାର୍ସା ସ ଲେଞ୍ଜୁ ପାଚେକା ଏ ବୁମିତା ପିୟୁ ଆଆପେ । ୧୮ ଇଞ୍ଜାଁ ଏଝାସି ଅଡ଼େ ଝେଣ୍ଡେ ପ୍ରାତାନା କିହାଲିଏ ହାଗୁଟି ପିୟୁ ରୀଚେ, ଅଡ଼େ ବୁମିତା ଆର୍ନା କାମ୍ବିଚେ ।

୧୯ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ମୀ ବିତ୍ରାଟି ଆମ୍ବାଆସି ସାତା ଜିରୁତି ବାଣା ଆତିହଁ ଅଡ଼େ ଆମ୍ବାଆସି ଏଝାଣାଇଁ ଝେଣ୍ଡେ ଝେଟହା ତାନେସି, ୨୦ \*ଆତିହଁ ଆମ୍ବାଆସି ପାପୁ ଗାଟାଣାଇଁ ତାନି ପଲୁଆ ଜିରୁଟି ଝେଟହା ତାନେସି, ଏଝାସି ଏଝାଣି ଜୀଝୁତି ହାକିଟି ଗେଲପିନେସି, ଇଞ୍ଜାଁ ହାଡ଼େକା ପାପୁତି ମ୍ବେପକି କିନେସି, ଇଦାଆଁ ମୀରୁ ପୁଞ୍ଜୁ ।

☆ ୫:୨ ୫:୨ ମାତି ୨:୧୯ ☆ ୫:୧୨ ୫:୧୨ ମାତି ୫:୩୪-୩୭ ☆ ୫:୧୪ ୫:୧୪ ମାର୍କ ୨:୧୩ ☆ ୫:୨୦ ୫:୨୦ ପିତ ୪:୮

# ପିତରଙ୍କ ପ୍ରଥମ ପତ୍ର ପିତର ରାଚାମାନି ର ଲମ୍ବର ଆକୁ ମୂଲ୍ୟ ହାତା

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଚାମାରେସି । ପିତର ଏଞ୍ଜାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଚିମାରେସି ଏ କାତା ଝେସାନା ତାନି ଆକୁ ରାଚାଲି ମାଟ୍‌ହେସି । ଏଞ୍ଜାସି ଆମ୍ବାଆରାକି ପୁଣି ମେସୁପି ଆଆତି ଲକୁ ଇଞ୍ଜି ଇଚେସି ଏ ବାରେ କ୍ରୀସ୍ତୁଇ ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ । ଏଞ୍ଜାସି ତାନି ଆକୁତି ପତ୍ରଞ୍ଜି ଆନାରାଇଁ ଏଲେକିହିଁ ଝେସୁସି ଏନାଆଁତାକି ଇଚିହିଁ ଏଞ୍ଜାରି ହାରେକା ଦେବା ଇତାଲା ଆତାଲା ଦେସାଣା ହର୍ପି ଆହାମାଚେରି । ଇଚିହିଁ ଇ ଆକୁ ଏଚର ବାଗା ପାଞ୍ଜୁଲ ଏପିସିୟ କୁଲମିକି ରାଚାମାନି ଆକୁ ଲେହେଁତାୟି, ହାରେକା ଲକୁ ନାମିମାନେରି ଏପିସିୟତି ତାୟୁ ର ଲମ୍ବର ପିତର ପତି ଜୀସୁ କ୍ରୀସ୍ତ ଜାର୍ନାଆଡ଼ି ୬୫ ବାର୍ସା ତାୟୁ ରାସ୍‌କି ଆହାମାଚେ । ପିତର ଇ ଆକୁତି ରମ୍‌ଟି ରାଚିତେସି, ଆମିନିଗାଗାଣି ଏଞ୍ଜାସି ବାବିଲନ ଇଚେସି ୫:୧୩ ।

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହନାୟି ଇଞ୍ଜି ପିତର ଝେସାନା ଇ ଆକୁତି ରାଚିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟ ୩:୧୮-୪:୬ ହାରେକା ରଲେଏତି କାତା ରାସ୍‌କି ଆହାମାନେ । ଇ ବାରେ ତାନିଗଟା ଆକୁତା ଲକୁ କୁଟମିତା ଆଣ୍ଡି ଆହାନା ତୟିନାୟି ଅଡ଼େ କାଜା ଲକୁତି ମାନୁଞ୍ଜି ଆହାନା ତୟିଲି ଜାପୁଞ୍ଜି ଆହାମାନେ । ଏଚିବେଲାତା ସାସ୍ତି ଖାନ୍ଦେ ତାରିଆହାନା ମାଞ୍ଜାଲି ଏଞ୍ଜାସି କ୍ରୀସ୍ତୁଇ ନାମିତି ଲକୁଣି ସାସା ହାହିମାନେସି ଏନାଆଁତାକି ଇଚିହିଁ ଜୁଗୁ ରାନି ଦିନା ତାଗେ ଖାଡ଼େୟିଏ ୪:୧ ।

**ପତିତା ମାନାୟି**

- ୧. ପିତର ତାଙ୍ଗେ ଝେକ୍‌ହା କତିନାୟି ଅଡ଼େ ତାନି ଆକୁତି ପତ୍ରଞ୍ଜି ଆନାରାଇଁ ଝେହ୍‌ନାୟି । ୧:୧-୨
- ୨. ଗେଲ୍‌ପି ଆନାୟି ବାରେ ଲକୁତାଣା ଏଜାମାନାକି ଅଡ଼େ ତାନି ଜୀସୁ ଏନାୟି ଇଞ୍ଜି ପୁଞ୍ଜାମାନାକି ଏଞ୍ଜାସି ମାହାପୁରୁଇଁ ଜହରା କିନାୟି । ୧:୩-୨:୧୦
- ୩. କ୍ରୀସ୍ତୁଇଁ ନାମିତି ଲକୁ ଏନିକିହିଁ ଇ ଦାରତିତା ନାତିନାୟି ଅଡ଼େ ଏନିକିହିଁ କି ତକ୍ରା ଅଡ଼େ ତକ୍ରା ଇଞ୍ଜା ସାଞ୍ଜୁକାରି ଅଡ଼େ

- ହଲେଏସି ନେହିଁ କିହିଁ ତୟିନେରି ଏ କାତା ଏଞ୍ଜାସି ଜାପୁନାୟି । ୨:୧୧-୪:୧୧
- ୪. ପିତର ଏଞ୍ଜାରାକି ସାସ୍ତି ଖାଡ଼ିସାରେ ତାରିଆହାନା ତୟିଲି ସାସା ହାନାୟି । ୪:୧୨-୫:୧୧
- ୫. ପିତର ତାନି ଆକୁ ରାପୁନାୟି । ୫:୧୨-୧୪

୧ ନାନୁ, ପିତର, କ୍ରୀସ୍ତ ଜୀସୁ ତାଣାଟି ପାଣ୍ଡୁଆହାମାନି ସୀସୁ, ପନ୍ତ, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟାଁ ରକ୍ତିତା ଇତାଲା ଆତାଲା ବାସାଆହାମାନି ମାହାପୁରୁ ଆଚାମାନି ଲକୁତାକି ଆକୁ ରାଚିମାଲ୍, ୨ ଆଚା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାଚେରି ଅଡ଼େ ଜୀସୁ କ୍ରୀସ୍ତୁତି ନେତେରି ତାଞ୍ଜିଞ୍ଜି କିହାକତାଲି ଆଡ଼ି ଆହାମାନେରି । ମିଙ୍ଗେତାକି ମାହାପୁରୁତି କାର୍ମାମେହନାୟି ଇଞ୍ଜା ହିଡ଼ି ଆପେ ।

**ଜୀସୁତି ବାର୍ସୁ**

୩ ମା ପ୍ରବୁ ଜୀସୁ କ୍ରୀସ୍ତୁତି ଆଚା ଅଡ଼େ ମାହାପୁରୁଇଁ ଜହରା; ଇଚିହିଁ ଏଞ୍ଜାସି ତାନି କାର୍ମାଟି ଜୀସୁ କ୍ରୀସ୍ତୁଇଁ ହାକିଟି ନିକ୍‌ହାନା ମାଙ୍ଗେ ପୁଞ୍ଜି ଜୀସୁ ହୀହାମାଞ୍ଜାନେସି, ଏଦି ମାଙ୍ଗେତାକି ନୀତିନି ବାର୍ସୁ ହୀହାମାଞ୍ଜାନେ, ୪ ଏଦାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଚାମାନାୟି, ଏଞ୍ଜାସି ଲାକପୁରୁ ମିଙ୍ଗେତାକି ଏଦାଆଁ ଜାଡ଼ନୁ ତଲେ ଇଟାମାନେସି, ଏମ୍ବାଆଁ ଏଦି ନସ୍ତ ଆଏ କି ଖାଡ଼େଏ । ୫ ଆମିନି ଗେଲ୍‌ପିନାୟି ରାନି ଦିନାତା ତଞ୍ଜାଆହାଲି କିଞ୍ଜିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୟୁତା ନାମୁତଲେ ଜାଗ୍ରାତା କିଞ୍ଜି ଆହାମାଞ୍ଜେରି ।

୬ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀଏଁ ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆନାୟି ମିଙ୍ଗେତାକି ଲଡ଼ାଆନେ, ୭ ଏନିକିହିଁ ଗାଡ଼େକା ନସ୍ତ ଆନି ବାଂଗାରା ହିଡ଼ୁତା ହୁଡିନି କିହାଁ ହାରେକା ଦାରା ମୀ ତାୟିପାରି କିଞ୍ଜିଆଡ଼ି ନାମୁ, ଏଦି ଜୀସୁ କ୍ରୀସ୍ତୁ ତଞ୍ଜାଆନି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି । ୮ ନୀଏଁ ମୀରୁ ଏଞ୍ଜାଣାଇଁ ମେସା ହିଲାଆତି ଜିକେଏ ଜୀସୁନହିଁ ମାଞ୍ଜେରି, ଇଞ୍ଜା ନୀଏଁ ମେହୁଆତି ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେଟୁ ଗାଞ୍ଜୁରମିତି ରାହାଁତା ୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀସୁତି ଗେଲ୍‌ପିନାଣି ବେଟାଆହାମାଞ୍ଜେରି ।

୧୦ ଇ ଗେଲ୍‌ପିନି କାତା ମାହାପୁରୁ ଅଣପୁତି ବଲୁ ଝେହ୍‌ନାରି ମନ ହୀହାନା ପାରିହିଁ ସିନିକିତେରି,



ଆତ୍ମାଆରି ଏମିନି କାର୍ମାମେହନାୟି ମିଙ୍ଗେ ଆନାୟି ମାତେ, ଏ ତାୟୁତି କାତା ଖେସାହାଁ ତସାମାତେରି, ୧୧ କ୍ରୀସ୍ତତି ଦୁକୁ ବେଟାଆନାଣି ଇଞ୍ଜା ଅଡ଼େ ତାୟୁତି ଗାଞ୍ଜୁରମି ବେଟାଆନାଣି ନକେଏ ପାରମାଣା ହାନାସି ଇଞ୍ଜା ଏଞ୍ଜାରିତାଣା ମାନି କ୍ରୀସ୍ତତି ଜୀଞ୍ଜୁ ଏ ବାରେ ଏଟିବେଲା ଖାନ୍ତେ ଅଡ଼େ ଏନିକ୍ ଖାନ୍ତେ ଏଞ୍ଜାରି ପୁଞ୍ଜାଲି ନକେଏ ଅଣ୍ପାମାତେରି । ୧୨ ଏଞ୍ଜାରି ଏ ବାରେ କାତା ତାମି ତାକି ସେବା କିଆନା ମୀ ଲାବା ତାକି ସେବା କିହମାତେରି, ଇଦି ଏଞ୍ଜାରିତାଣା ତଞ୍ଜା ଆହାମାତେ, ଇଞ୍ଜା ଏ ବାରେ କାତା ଲାକପୁରୁଟି ପାଣ୍ଡୁଞ୍ଜିଆହାମାନି ସୁଦୁଜୀଞ୍ଜୁତି ବାଡ଼ୁତଲେ ମୀ ନକିତା ନେହ୍ କାରୁ ଖେହନାରି ତାଣାଟି ନୀଏ ମିଙ୍ଗେ ଖେସପି ଆହିମାଞ୍ଜାନେ; ଏ ବାରେ କାତା ଦୁତୁୟା ଜିକେଏ ପୁଞ୍ଜାଲି ଅଣ୍ପି ମାନେରି ।

**ସୁଦୁଜୀଞ୍ଜୁ ତଲେ ମାଞ୍ଜାଲି ହାଟ୍‌କି ଆନାୟି**

୧୩ ନେହ୍ କାମା କିହାଲି ତିୟାରା ଆଦୁ । କାପୁ କାଚାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆମିନି ବର ମିଙ୍ଗେ ହୀପକି ଆୟାନେ, ଏଦାଆଁତାକି ତୀରେତଲେ ବାର୍ସୁ ଇଟାଦୁ । ୧୪ ମାହାପୁରୁଇଁ ମାନି କିଦୁ, ମୀରୁ ତଲି ପୁଞ୍ଜାହିଲାଆତି ବେଲାତା ଆମିନି ଲାଗେଏ ପଲେଏତି ଜୁପକା ତଲେ ମାତେରି ନୀଏ ଏଲେଆଆଦୁ । ୧୫ ସାମା ମିଙ୍ଗେ ହାଟ୍‌ମାଞ୍ଜାନି ମାହାପୁରୁ ଏନିକ୍ ସୁଦୁଗାଟାସି ମୀରୁ ଜିକେଏ ଏଲେକ୍ ମୀ ବାରେ ମାଣ୍ଡକିତା ସୁଦୁ ଗାଟାତେରି ଆଦୁ । ୧୬ ଦାର୍ମପତିତା ରାସ୍‌କି ଆହାମାନେ, “ମୀରୁ ସୁଦୁ ଗାଟାତେରି ଆଦୁ, ଏଦାଆଁତାକି ଇତିହ୍ ନାନୁ ସୁଦୁ ଗାଟାତେସ୍ ।”

୧୭ ଅଡ଼େ ଆତ୍ମାଆରି ମୁମ୍‌ମେହ୍‌ଆନା ବାରେ ଲକ୍ଷୁତି ଏଞ୍ଜାରି କାମା କିହାମାନିଲେହେଁ ନୀହାୟି କିନେସି, ଏଞ୍ଜାଣି ତାଣା ପ୍ରାତାନା କିନାଟି ଆବା ଇଞ୍ଜା ହାଟ୍‌ତିହ୍, ମୀରୁ ଇ ଦାର୍ତତିତା ବାସାଆହାମାନି ପାତେକା ମାନି ତଲେ ଏଞ୍ଜାଣାଇଁ ଆଜାନା ମାଞ୍ଜୁ; ୧୮ ଇତିହ୍ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟା ତାଣାଟି ବେଟାଆହାମାନି ଉଜେଏତି ମାଣ୍ଡକି ତଲେ ନୀଡିନି ତାଣାଟି ମୀରୁ ଖେଣ୍ଡି କି ବାଂଗାରା ଲେହେଁତି ନାସା ଆନି ଆସ୍ତି ତଲେ ପିସ୍‌ପି ଆହାହିଲଅତେରି, ୧୯ ସାମା ଏନି ସିନା ଅଡ଼େ ଦହ୍ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତତି ଗାଡି ଦାରାଗାଟି ନେତେରି ତଲେ ପିସ୍‌ପି ଆହାମାଞ୍ଜେରି । ୨୦ ଦାର୍ତତି ଗାଡିଆଡି ନକେଏ ମାହାପୁରୁ ଏଞ୍ଜାଣାଇଁ ଆଡିତେସି ଇଞ୍ଜା ଇ ରାନି ଜୁଗୁତା ଏଞ୍ଜାସି ମିଙ୍ଗେତାକି ତଞ୍ଜା ଆହାମାଞ୍ଜାନେସି; ୨୧ ଆମିନି ମାହାପୁରୁ ଏଞ୍ଜାଣାଇଁ ହାକିଟି ନିକହାନା ଗାଞ୍ଜୁରମି ହୀହାମାନେସି, ଏଞ୍ଜାଣି ତାଣାଟି ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ

ବାରେ ନାନୁ ଅଡ଼େ ବାର୍ସୁ ମାହାପୁରୁ ତାଣା ଆଟ୍‌ଞ୍ଜା ଆହାମାନେ ।

୨୨ ନୀଏଁ ମୀରୁ ସାତାତି ମାନଞ୍ଜି ଆହାନା କୁଟୁ ହିଲାଆ ତାୟିଇଁ ଜୀଞ୍ଜୁ ନହାଲି ତାକି ମୀ ହିୟାତି ଅଟହା କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ ରଅତେରି ରଅଣାଇଁ ଜୀଞ୍ଜୁନଦୁ । ୨୩ ଇତିହ୍ ମୀରୁ ନାସା ଆନି ପାଡ଼େୟିଟି ଆଏ, ସାମା ଏତେଲା ନାସା ଆଆଗାଟି ପାଡ଼େୟିଟି, ଇତିହ୍ ମାହାପୁରୁତି ଜୀଞ୍ଜୁ ଅଡ଼େ ବାରେବେଲା ଡିୟିନି ବଲୁ ତଲେ ଖେଣ୍ଡେ ଜାର୍ନା ଆହାମାଞ୍ଜେରି ।

୨୪ ଦାର୍ମ ସାପ୍‌ସ୍ପେରିତା ରାସ୍‌କି ଆହାମାନେ,

“ଇତିହ୍ ଦାର୍ତତିତ ବାରେ ଲକ୍ଷୁ ଗାକ୍ ଜାଡ଼ା ଲେହେଁତାରି, ଏଞ୍ଜାରି ଅଦୁ ବାରେ ଜାଡ଼ାତି ପୂଞ୍ଜା ଲେହେଁତାୟି ।

ଗାକ୍ ଜାଡ଼ା ଖାୟାହାନେ ଇଞ୍ଜା ପୂଞ୍ଜା ବାରେ ତୁଲାହାନୁ ।

୨୫ ସାମା ମାହାପୁରୁତି ବଲୁ କାଲକାଲତାକି ଡିୟିନେ ।” ଇଦି ଏ ନେହ୍ କାରୁତି ବଲୁ, ଆମିନି ଗାଟାୟି ମୀ ତାଣା ଖେପକି ଆହାମାତେ ।

**୨**

**ଜୀଞ୍ଜୁତି ଖାଲି ଅଡ଼େ ସୁଦୁଗାଟି କୁଡ଼ା**

୧ ଇତିହ୍ ପ୍ରୁ କାର୍ମା ମେହନାସି ଇଞ୍ଜା ମୀରୁ ନୀଏଁ ପୁଞ୍ଜିମାନାକି, ଇଞ୍ଜା ବାରେ ଲାଗେଏ ପଲେଏତାଣି, ନାଡି କିନାଣି, କୁଟୁ, ଲକ୍ଷୁଣି ତାହାରା ଇଞ୍ଜା ଲକ୍ଷୁଣି ନିନ୍ଦା କାତା ଜଲିନାଣି ପିହ୍‌ଦୁ, ୨ ପୁଞ୍ଜି ଜାର୍ନାଆଡି କ୍ଷୁଗି କକାରି ପଦାଁଲେହେଁ ଏଦାଆଁ ଆଣ୍ଡାଆଡି ପାଲୁ ଗସାଲି ଅଣ୍ପିଦେରି, ଆତିହ୍ ମୀରୁ ପାତାଆହାନା ଗେଲ୍‌ପି ଆଦେରି । ୩ ଦାର୍ମପତିତା ରାସ୍‌କି ଆହାମାନେ, “ମାହାପୁରୁ ଏତେକା କାର୍ମା ମେହନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି ।”

୪ ଜୀଞ୍ଜୁଗାଟି ଖାଲି ଲେହେଁତି ପ୍ରୁ, ଏଞ୍ଜାଣାଇଁ ମାଣ୍ଡସିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆଟ୍‌ଞ୍ଜିଆହାନା ଗାଡି ଦାରାଗାଟାସି ଆଡେସି । ୫ ତାନି ତାଣା ଖାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି ମାହାପୁରୁ ନକିତା ନେହ୍ ଜୀଞ୍ଜୁତି ପୂଜା ହୀହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜୀଞ୍ଜୁତି ଖାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ । ୬ ଇତିହ୍ ଦାର୍ମ ପତିତା ରାସ୍‌କି ଆହାମାନେ;

“ନାନୁ ସିୟନତା ର ଆଟ୍‌ଞ୍ଜି ଆହାମାନି ଅଡ଼େ ଦାରାଗାଟି କନତି ମୂଲୁ ଖାଲି କିହାମାଇଁ ଇଞ୍ଜା ଆତ୍ମାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଏତେଲାଖା ଲାଜା ବେଟାଆଅସି ।”

୭ ମୀରୁ ପ୍ରଭୁଙ୍କ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି, “ଇଲୁ କେପିନାରି ଆମିନି ଖାଲିତି ଅପାଆଡେରି, ଏଦି ଏଞ୍ଜାରାକି ଇଲୁ କନତି ମୁଲୁ ଖାଲି ଆଡେ ।”

୮ ଅଡେ ଦାମ୍ବୁପତିତା ରାସ୍‌କି ଆହାମାନେ, “ଏ ଖାଲିତା ହାରେକା ଲକୁ ପୁଟି କିନେରି, ଏ ପାକା ଖାଲି ଏଞ୍ଜାରାକି ଡକ୍‌କ ତରଗି କିନାୟି ଆନେ;”

ମାହାପୁରୁ ବଲୁ ଆହୁଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜା ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଡ଼ି ଆହାମାଞ୍ଜେରି ।

୯ ସାମା ଆମ୍ବାଆସି ମିଙ୍ଗେ ଆନେରିଟି ତାନି କାବାଆନି ଉଜେଡିତା ହାଟାମାଞ୍ଜାନେସି, ମୀରୁ ଏନିକି ଏଞ୍ଜାଣି ଗୁଣୁ ପାଟିଦେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୁଡାଡେରି, ରାଜାତି ସେବାକିନି ପୂଜେରାଙ୍ଗା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୁଡାଡେରି, ଇଞ୍ଜା ମାହାପୁରୁଟି ଲକୁଡେରି ଆହାମାଞ୍ଜେରି । ୧୦ “ତଲି ମୀରୁ ମାହାପୁରୁଟି ଲକୁ ଆହା ହିଲାଆଡେରି, ସାମା ନାଏ ମୀରୁ ମାହାପୁରୁଟି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁଟି କାର୍ମା ବେଟାଆହା ହିଲାଆଡେରି, ସାମା ନାଏ ତାନି କାର୍ମାଆନାଣି ବେଟାଆହାମାଞ୍ଜେରି ।”

**ମାହାପୁରୁଟି ହଲିୟାଙ୍ଗା**

୧୧ ଏ ଜୀଝୁତି ତାୟି ତାଙ୍ଗିସ୍ତା, ନାନୁ ମିଙ୍ଗେ ଇ ଦାରୁତିତା ଏଟକା ଦେସାତାଡେରି ଇଞ୍ଜା ହେକ ଦେସାଟି ଖାହାମାନାଡେରି ଇଞ୍ଜା ଅଣପାନା ବାଡିମାଲିମାଞ୍ଜାଇ, ମୀରୁ ମୀ ଆଙ୍ଗାତି ଜୁପକାଟି ହେକ ଆଦୁ, ଏଞ୍ଜି ମୀ ଜୀଝୁ କପାଟି ଜୁଜୁ କିହେମାନୁ । ୧୨ ମୀରୁ ଜୀହୁଦିଆଆତି ଲକୁତାଣା ମୀ ମାଣ୍ଡକି ଦହ ହିଲାଆଗାଟାୟି ଆପେ, ଏନିକି ଏଞ୍ଜାରି ନାଏ ମିଙ୍ଗେ ପାପୁ ଦହ ଗାଟାଡେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସ୍ତ ଖାନ୍ତି ଦିନାତା ମୀ ନେହୁ କାମା ମେସାନା ମାହାପୁରୁଙ୍କ ଜହରା କିନେରି ।

୧୩ ପ୍ରଭୁଟି ତାକି ବାଡିମାଲିମାଞ୍ଜାଇ, ମୀ ମୁହେଁ ସାଲୁଞ୍ଜି କିନାରାଇଁ ମାନୁଞ୍ଜି ଆଦୁ । ୧୪ ବାରେଡି କିହାଁ କାଜା ରାଜା ଆପେସି, ଲାଗେଏ ପଲେଏତାରାଇଁ ତଣ୍ଡୁ ହାହାଲି ଅଡେ ନେହୁ କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡୁଞ୍ଜିଆହାମାନି ସାଲୁଞ୍ଜି କିନାସି ଆପେସି, ଏଞ୍ଜାରାଇଁ ମାନି କିଦୁ । ୧୫ ଇତିହୁଁ ମୀରୁ ନେହୁଁ କାମା କିହାଁ ରୁଦି ହିଲାଆ ଉଜେଏତି କାତା ଖେହନାରାଇଁ ସାପି କିଦୁ, ଏଦି ମାହାପୁରୁଟି ଅଣପୁ । ୧୬ ମୀରୁ ମେଲା ମାନାଡେରି ଆଡିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ବାଆଦୁ, ସାମା

ମାହାପୁରୁଟି ହଲିୟା ଆହାମା ନେହୁଁ କାମା କିଦୁ । ୧୭ ବାରେ ଲକୁଙ୍କ ଆବାଦୁ, କ୍ରୀସ୍ତାନା ତାୟି ତାଙ୍ଗିଙ୍କ ଜୀଝୁନଦୁ, ମାହାପୁରୁଙ୍କ ଆଜାଦୁ, ରାଜାଇଁ ମାନି କିଦୁ ।

**କ୍ରୀସ୍ତ କସ୍ତଟି ଜାପିନାୟି**

୧୮ ହଲିୟାଙ୍ଗାଡେରି ମୀରୁ ଆଜିତଲେ ମୀ ସାଝୁକାରିୟାଙ୍କ ମାନୁଞ୍ଜି ଆଦୁ, ଖାରକ୍ ନେହାଁରାଇଁ ଅଡେ କାର୍ମା ମେହନାରାଇଁ ଆଏ, ସାମା ଲାଗେଏତି ସାଝୁକାରିୟାଙ୍କ ଜିକେଏ ଏଲେକିଁ ମାନୁଞ୍ଜିଆଦୁ । ୧୯ ଇତିହୁଁ ଆମ୍ବାଆସି ମାହାପୁରୁଙ୍କ ନାମିତାକି ଲାଗେଏତାଣି ତାକି ଦୁକୁ କସ୍ତ ବେଟାଆହାମା ଅରୁହିନେସି, ଆତିହୁଁ ଏଦି ରାହାଁତି କାତା । ୨୦ ମୀରୁ ମୀ ଦହ ତାକି ତଣ୍ଡୁ ବେଟାଆଡେରି, ଏମ୍ବାଆଁ ଏନି ଲାବା ? ସାମା ନେହୁଁ କାମାତାକି କସ୍ତ ଅରୁହିତିହୁଁ, ମାହାପୁରୁ ମିଙ୍ଗେ ବର ହିୟାନେସି । ୨୧ ମାହାପୁରୁ ତାଣା ବାରେଡାକି ହାଟକିଆହା ମାଞ୍ଜେରି, ଇତିହୁଁ ମୀରୁ ଏନିକିଁ କ୍ରୀସ୍ତ ପାଝୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକୁ କସ୍ତ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି; ୨୨ ଏଞ୍ଜାସି ଏନି ପାପୁ ଦହ କିହାହିଲାଆଡେସି କି ଏଞ୍ଜାଣି ଗୁଡିଟି ମିଟି କାତା ଏତେଲାଞ୍ଜା ହଟାହିଲାଆଡେ । ୨୩ ଏଞ୍ଜାସି ନିନ୍ଦା ବେଟାଆହି ମାଟାଟି ଖେଣ୍ଡେ ନିନ୍ଦା କିଆଡେସି; ଦୁକୁ କସ୍ତ ବେଟାଆହି ମାଟାଟି ଖେଣ୍ଡେ କସ୍ତ ହିୟାଇଁ ଇଞ୍ଜା ଆଜି ତସାନା ଖେହୁଆଡେସି, ସାମା ସାତା ନାହାଁୟି କିନି ମାହାପୁରୁ ତାଣା ତାନି ବାରେଡି ହେରୁପିଡେସି । ୨୪ ମାର ଏନିକିଁ ପାପୁ ତାକି ହାହାନା, ଦାମ୍ବୁତାକି ଜୀଝୁତଲେ ନୀଡିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଙ୍ଗା ତଲେ ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁଟି ମୀରୁ ନେହୁଁ ଆହାମାଞ୍ଜେରି । ୨୫ ଇତିହୁଁ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାଡେରି, ସାମା ନାଏ ମୀରୁ ଜୀଝୁତି ଗଡୁ କୁଲମିତି କାଜାଣା ଜେତ ଜେତ ତାକାଲି ମୀରୁ ଖେଣ୍ଡା ଖାହାମାଞ୍ଜେରି ।

**୩**

**ତକ୍ତି ତକ୍ତାତି କାତା**

୧ \*ଏଲେକିହୁଁ ଏ ଏ ତକ୍ତିସିକାଡେରି, ମୀରୁ ମୀ ତକ୍ତାୟାଙ୍କ ମାନୁଞ୍ଜିଆଦୁ, ଏନିକିହୁଁ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହୁଁ ମାଣ୍ଡକି ମେସାନା, ମୀରୁ ଖେହୁଆନା ଜିକେଏ ମାହାପୁରୁ ତାଣା ନାମାଲି ଆଡିନେରି । ୨ ଏନିକିଁ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁଡି ମାନୁଞ୍ଜି ଆଆତି ଜିକେଏ ମୀ ମାହାପୁରୁଟି ଆଜି ଅଡେ ମାଣ୍ଡକି ମେସାନା କାତା

☆ ୩:୧ ୩:୧ ଏପିସି ୫:୨୨; କଲସି ୩:୧୮ ☆ ୩:୩ ୩:୩ ୧ତିମ ୨:୯

ଝେନାଆନା ଜାହାରା ତକ୍ରିନି ସୁଦୁଗାଟି ମାଣ୍ଡକି ମେସାନା ନାମିନେରି । ୩ \*ତାୟ୍ ବାଣାୟ୍ ହାରେକା ଅକିକହ୍ କିଶହା କଡାନା, ବାଂଗାରା ତୁରହାନା, ଅକ୍ତିତି ହିମ୍ବରକା ହୁଟିନାୟ୍, ଝାରଇ ଇ ବାରେ ତଲେ ମୀ ଆଙ୍ଗାତି ଅକି କିହାକଡାଆଦୁ, ୪ ମୀ ହିୟାତା ଏମିନି ହିଡ଼ଡ଼ି ଜୀଝୁତି ଗୁଣୁ ମାହାପୁରୁ ନକିତା ହାରେକା ଦାରାଗାଟାୟ୍, ଏଦିଏ ମୀ ନାସା ଆଆଗାଟି ଅକ୍ତି ଆପେ ୫ ଏନାଆଁତାକି ଇଚିହ୍ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସ୍ତୁ ଇଟାନା ତାମି ତକ୍ରିୟାୟ୍ ମାନିକିହାଁ ଜାହାରାଇ ଅକିକିହା କଡିମାତୁ । ୬ ଏଲେକିହ୍ ଏ ସାରା ଜିକେଏ ଅବ୍ରାହାମଇଁ ମାନିଝି ଆହାଁ ଏଝାଣାଇଁ ନା ପ୍ରବୁ ଇଞ୍ଜିମାଟେ; ମୀରୁ ଜିକେଏ ନୀର୍ବ ଏନାଆଁ ଆଜାଆନା ନେହ୍ କାମା କିତିହ୍ ଏଦାଣି ମାସ୍କାତେରି ଆଦେରି ।

୭ \*ତକ୍ରିୟାତେରି, ଏଲେକିହ୍ ଏ ମୀ ତକ୍ରିସିକାଣି ମୀ କିହାଁ ବାଡ଼ୁୟାତା ଉଣାଗାଟାଇ ଇଞ୍ଜି ପୁଞ୍ଜାନା ଏଝାସିକାଇଁ ମାନି କିଦୁ, ଇଞ୍ଜା ଏଝାସିକା ତଲେ ଆଣ୍ଡାନା ବୁଦିତଲେ ଡୟାଦୁ, ଏଝି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଝୁତି କାର୍ମାତି ଦାନା ବେଟାଆନୁ, ଏନିକ୍ ମୀ ପ୍ରାଡାନା କିନିତାଣା ବାଦା ଝାଏ ।

**ନେହ୍ କାମାତାକି କସ୍ତ ପାଣ୍ଡନାୟ୍**

୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେଡି ସୁକୁ ଦୁକୁତା ଆଣ୍ଡୁଝି ଆନାୟ୍, ତାୟ୍ ତାଙ୍ଗିଇଁ ଜୀଝୁନନାୟ୍, ନେହ୍ ହିୟାଁ ଅଡ଼େ ଜାହାରାଇଁ ଉଣା କିହାକଡାଦୁ । ୯ ଲକୁ ମିଙ୍ଗେ ଲାଗେଏ କିୟାତିହ୍ ଜିକେଏ ଏଝାରାଇଁ ଝେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହ୍ ଝେଣ୍ଡେ ନିନ୍ଦା କିଆଦୁ, ସାମା ଏଝାରାଇଁ ବର ହୀଦୁ, ଏନାଆଁତାକି ଇଚିହ୍ ଏଲେକିହାଲି ମାହାପୁରୁ ମିଙ୍ଗେ ଆଟାନା ହାଟାମାଞ୍ଜାନେସି । ୧୦ ଦାର୍ମ୍ ସାସ୍ତେରିତା ରାସ୍କି ଆହାମାନି ଲେହେଁ

“ଆମ୍ବାଆସି ଜୀଝୁତା ସୁକୁ ତଲେ ଡୟାଲି ଇଞ୍ଜା ରାହାଁତି ଦିନାୟାଁ ମେସାଲି ଅଣ୍ଡପିନେସି, ଏଝାସି ଲାଗେଏ ପଲେଏ କାତାୟାଁ ତାନି ଝେନ୍ଦରିଟି ଜଲ୍ଲାଆପେସି, ଅଡ଼େ ମିଟି କାତାୟାଁ ତାନି ଗୁଡିଟି ଏଚେଲାଝା ହୁଆପୁ ।

୧୧ ଏଝାସି ଲାଗେଏ ପଲେଏ ତାଣାଟି ହେକ ଆହାନା ନେହ୍ କାମା କିପେସି, ଇଞ୍ଜା ତାନି ବାରେ ହିୟାଁ ତଲେ ହିଡ଼ଡ଼ି ଜୀଝୁ ପାରାନା ଏ ଜିରୁଟି ତାକାପେସି ।

୧୨ ଏନାଆଁତାକି ଇଚିହ୍ ଦାର୍ମ୍ ଗାଟାରାକି ପ୍ରବୁତି କାନୁ ମାନେ,

ଇଞ୍ଜା ଏଝାରି ପ୍ରାଡାନାତି କାର୍କା ଅତାହାଁ ଝେନେସି,  
ସାମା ପାପୁ ଗାଟାରି କପାଟି ପ୍ରବୁ ନିଙ୍ଗିନେସି ।”

୧୩ ମୀରୁ ନେହ୍ କାମାତାକି ରାହାଁ ଗାଟାତେରି ଆଦେରି, ଆତିହ୍ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ? ୧୪ \*ସାମା ନେହ୍ କାମା କିହାନା କସ୍ତ ବେଟାଆଡି ଜିକେଏ, ଏଦି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହ୍ ଆଜିତାକି ଆତାଜାକା ଆଆଦୁ; ୧୫ ସାମା କ୍ରୀସ୍ତଇଁ ପ୍ରବୁ ଇଞ୍ଜି ମୀ ହିୟାତା ସୁଦୁ ତଲେ ମାନି କିଦୁ, ଆମ୍ବାଆସି ଏଚେଲାଝା ମୀ ତାଣା ମାନି ବାସ୍ତୁତି କାତା ପୁଞ୍ଜାଲି ଝେଞ୍ଜାତିହ୍, ଏଝାଣାଇଁ ଝେଣ୍ଡେ ଝେସାଲି ମୀ ଅଣ୍ଡପୁ ତଲେ ତିୟାରା ଆହାମାଞ୍ଜୁ, ୧୬ ସାମା ଝେହ୍ନାଟି ସୁଦୁ ଅଡ଼େ ମାନିଗାଟି ଅଣ୍ଡପୁ ତଲେ ଆଜାଆନା ନେହ୍ ବୁଦିଟି ଝେହ୍ଦୁ, ମୀରୁ କ୍ରୀସ୍ତ ତାଣା ଆଣ୍ଡାନା ନେହ୍ ମାଣ୍ଡକି ମାନାକି ମିଙ୍ଗେ ନିନ୍ଦା କିହାନା ଦହ୍ ଦହ୍ନାରି ଏମ୍ବେଏ ଲାଜା ପାଣ୍ଡପେରି ଇଞ୍ଜି ମୀରୁ ତୀରିତି ଅଣ୍ଡପୁ ତଲେ ମାଞ୍ଜୁ । ୧୭ ଏନାଆଁତାକି ଇଚିହ୍ ଲାଗେଏ ପଲେଏ କାମାତାକି ଦୁକୁ ବେଟାଆନି କିହାଁ ମାହାପୁରୁ ଇଚା ଆତିହ୍, ନେହ୍ କାମାତାକି ଦୁକୁ ବେଟାଆନାୟ୍ ନେହେଁ । ୧୮ କ୍ରୀସ୍ତ ମିଙ୍ଗେ ମାହାପୁରୁ ତାଣା ତାଚାଲି ତାକି ଏଝାସି ଦାର୍ମ୍ଗାଟାସି ଆହାନା ଦାର୍ମ୍ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଝାସି ଆଙ୍ଗା ତଲେ ହାଡେସି ସାତା, ସାମା ଜୀଝୁତଲେ ନୀତିତେସି, ୧୯ ଏମ୍ବାଟିଏ ଏଝାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟାଁ ତାଣା ହାଜାନା ମାହାପୁରୁ ବଲ୍ଲୁ ଝେକ୍ହେସି; ୨୦ ତଲି କାଲାତା ନହ୍ ଜାଜା କେପିତି ବେଲା, ମାହାପୁରୁ ସାସ୍ତାତଲେ କାଟିମାରେସି, ଆଡିଜିକେଏ ଏଝାଣାଇଁ ମାନିଝି ଆଆତେରି, ଏ ଜାଜାତା ହାରେକା ଲକୁ ଆଏ, ଆଟା ଜାଣା ହଡାନା ଏୟୁଟି ଗେଲ୍ପି ଆଡେରି; ୨୧ ଏ ଏୟୁ ଇ କାଲାତି ବାପ୍ରିସ୍ତ\* ଇଚିହ୍ ଏଦି ମା ଆଙ୍ଗାତି ମାଟି ନରନାୟ୍ ଆଏ, ସାମା ମାହାପୁରୁ ତାଣା ନେହ୍ ଅଣ୍ଡପୁ ବେଟାଆହାଲି ପ୍ରାଡାନା କିନାୟ୍, ଇଞ୍ଜା ଜୀସ୍ତ କ୍ରୀସ୍ତ ହାକିଟି ନିଙ୍ଗିତାକି ଗେଲ୍ପି ଆନାୟ୍ । ୨୨ ଏ ଜୀସ୍ତ କ୍ରୀସ୍ତ ଲାକପୁରୁ ହାଜାନା ମାହାପୁରୁଟି ଚିଝନି ଟଟତା କୁଗାମାନେସି, ଏମ୍ବାଆଁ ଦୂତୁୟାଁ, ପାଣା ବେଟାଆଆତାରି ଅଡ଼େ ବାଡ଼ୁୟାଁ ଗାଟାରି, ଏଝାଣାଇଁ ମାନିଝି ଆହାନା ତାନି ଡଇ ମାନେରି ।



**ମାହାପୁରୁ ତାକି ନୀତିନାୟ୍**

\* ୩:୭ ୩:୭ ଏପିସି ୫:୨୫; କଲସି ୩:୧୯    \* ୩:୧୪ ୩:୧୪ ମାତି ୫:୧୦    \* ୩:୨୧ ୩:୨୧ ମୁଞ୍ଜିନାୟ୍

୧ କ୍ରୀସ୍ତ ଆଜ୍ଞା ତଳେ ଦୁକ୍ତ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହିଁଏ ଏଞ୍ଜାଣି ଲେହେଁତି ଅଣ୍ଠୁ ତଳେ ଜାହାରାକ୍ ତିୟାରା କିହାକତାଦୁ, ଏନାଆଁତାକି ଇତିହିଁ ଆମ୍ବାଆସି କ୍ରୀସ୍ତ ତାକି ଆଜ୍ଞାତା ଦୁକ୍ତ କସ୍ତ ବେଟା ଆହାମାନେସି, ଏଞ୍ଜାସି ପାପୁଟି ହେକ ଆହାମାନେସି, ୨ ଏନିକିଁ ମୀରୁ ଦାର୍ତତିତା ନୀତାମାନି ପାତେକା ପାପୁଗାଟି ମାଣ୍ଡିତି ଲାଗେଏ ଜୁପକାତି ଅଣ୍ଠୁ ତଳେ ନୀତାଆନା ମାହାପୁରୁତି ଅଣ୍ଠୁ ଲେହେ ନୀତାଦୁ । ୩ ହାରେକା ଦିନା ମୀରୁ ନାମାଆଗାଟାରି ଇଚା ତଳେ କାମା କିହାଁ ମୀରୁ ଏଚେ କାଳା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡ଼ ରୁଡୁ ଅନାୟି, କାଡ଼ ଗ୍ରାସାନା ରାହାଁ କିନାୟି, କାଡ଼ ଗ୍ରାସାନା ହଡ଼ିନାୟି, ଇଞ୍ଜା ଅପାଆଗାଟି ପେଣ୍ଡକା ବମାୟାଣି ପୂଜା କିହିମାଚେରି, ୪ ମୀରୁ ନୀର୍ଏ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅଚେରି, ଏଦାଆଁତାକି ଏଞ୍ଜାରି ଆତାଜାକା ଆହାନା ମିଜେ ହାରେକା ନିନ୍ଦା କିୟାନେରି । ୫ ସାମା ଆମିନି ମାହାପୁରୁ ନୀତାମାନାରାକ୍ ଅଡ଼େ ହାଡ଼ାରାକ୍ ନୀହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାମି ବାରେ କିତି କାମାତି ଲେକା ହୀନାୟି ମାନେ । ୬ ଏଦାଆଁତାକି ହାଡ଼ାରି ତାଣା ଜିକେଏ ମାହାପୁରୁତି ନେହିଁ କାରୁ ଝେସପିଆଡ଼େ, ଏନିକିଁ ଏଞ୍ଜାରି ମାଣ୍ଡିୟାଁ ଲେହେଁ ଆଜ୍ଞା ତଳେ ନୀହାୟି କିଞ୍ଜି ଆତିହିଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି ।

**ମାହାପୁରୁତି ଦାନା ଅଡ଼େ ନେହିଁ ଗୁମ୍ବସ୍ତା**

୭ ଏ ବାରେତି ରାନ୍ତି ଦିନା ତାଗେ ଝାଡ଼େୟିଏ, ଏଦାଆଁତାକି ମୀରୁ ନେହିଁ ବୁଦି ଗାଟାଚେରି ଆଦୁ, ଇଞ୍ଜା ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ । ୮ ବାରେତି କିହାଁ ମୀରୁ ରଅଚେରି ରଅଣାକ୍ ହାରେକା ଜୀଞ୍ଜୁନଦୁ, ଏନାଆଁତାକି ଇତିହିଁ ଏଲେତି ଜୀଞ୍ଜୁନନାୟି ହାରେକା ପାପୁତି ପ୍ଟିକ୍ନେ । ୯ ଗୁରୁମ୍ବରୁ ଆଆନା ରଅଚେରି ରଅଣାକ୍ ଗତାୟାଁ ଲେହେଁକି ସେବା କିଦୁ । ୧୦ ବାରେଜାଣା ଚେରି ଏନିକିଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହିଁଏ ମୀରୁ ମାହାପୁରୁ ମେରାତି ନେହିଁ ଗୁମ୍ବସ୍ତାୟାଁ ଲେହେଁ ଆହାନା ଏ ବାରେ ଦାନା ତଳେ ରଅଚେରି ରଅଣାକ୍ ସେବା କିଞ୍ଜିଆଦୁ । ୧୧ ଆମ୍ବାଆସି ଝେକ୍ନେସି ମାହାପୁରୁତି ନେହିଁ କାରୁ ଝେକ୍ନାସି ଲେହେଁ ଝେକ୍ନେସି; ଇଞ୍ଜା ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡ଼ୁରୁ ବେଟାଆହାମାନି ଲେହେଁ ସେବା କିପାସି । ଏନିକିଁ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଞ୍ଜୁରମି

ବେଟା ଆନେସି; ଇଞ୍ଜା କାଳାକାଳାତି ଗାଞ୍ଜୁରମି ଅଡ଼େ କାଜାପାଣା ଏଞ୍ଜାଣିଞ୍ଜାୟି । ଆମେନ୍ ।

**କ୍ରୀସ୍ତାନା ଲକ୍ଷ୍ମି ଦୁକ୍ତ କସ୍ତ**

୧୨ ଏ ନା ଜୀଞ୍ଜୁତି ତଣେସିଜାତେରି, ନୀର୍ଏ ମିଜେ ହିରୁତା ତାୟିପାରି କିନି ଲେହେଁ ହାରେକା ଦୁକ୍ତ କସ୍ତ ଝାହାମାନେ, ଏଦି ମାଜେ ଝାନ୍ନାୟି ହିଲାଆଚେ ଇଞ୍ଜା ଅଣ୍ଠପାଆଦୁ । ୧୩ ସାମା କ୍ରୀସ୍ତ ଦୁକ୍ତ କସ୍ତତା ମୀରୁ ଏଚେକା ଆଣ୍ଡାମାଞ୍ଜେରି ଏଚେକେଏ ରାହାଁ ଆଦୁ, ଏନିକିଁ ଏଞ୍ଜାଣି ଗାଞ୍ଜୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି । ୧୪ ସାମା ମୀରୁ କ୍ରୀସ୍ତ ଦରୁ ତାକି ନିନ୍ଦା ବେଟାଆଦେରି ଆତିହିଁ ମୀରୁ ନେହାଁଚେରି, ଇତିହିଁ ଗାଞ୍ଜୁରମିଗାଟି ଜୀଞ୍ଜୁ, ଇତିହିଁ ମାହାପୁରୁତି ଜୀଞ୍ଜୁ ମୀ ତାଣା ଡ଼ୟାମାନେ । ୧୫ ଏଦାଆଁତାକି ମୀ ବିତ୍ରାଟି ଲକ୍ଷ୍ମି ପାୟିନାରି, ସରୁ କିନାରି, ଦହ କାମା କିହାନା, ଲକ୍ଷ୍ମି ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି । ୧୬ ସାମା ଆମ୍ବାଆସି କ୍ରୀସ୍ତାନା ଲକ୍ଷ୍ମି ଆହାମାନାକି ସାସ୍ତି ବେଟା ଆନେସି, ଆତିହିଁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁକ୍ ଜହରା କିପେସି । ୧୭ ଇତିହିଁ ମାହାପୁରୁ ଇଲୁଟିଏ ନୀହାୟି କିଞ୍ଜି ଆହାଁ ବିଚାରା କିନି ଦିନା ଝାନ୍ନେ; ଇତିହିଁ ମାହାପୁରୁ ନକେଏ ମାଜେ ନୀହାୟି କିୟାତିହିଁ, ଆତିହିଁ ତାମି ନେହିଁ କାରୁ ମାନଞ୍ଜି ଆହାହିଲଅରି ଏଞ୍ଜାରି ତାୟୁତି ତଣ୍ଡ ଏଚେକା ଆଜିହପେତାୟି ଆଏ ! ୧୮ ସାସ୍ତିରିତା ରାସ୍ତି ଆହାମାନେ,

“ଦାର୍ମୁଗାଟାସି କସ୍ତତଲେ ଗେଲ୍ପି ଆନେସି, ଆତିହିଁ ଦାର୍ମୁ ହିଲାଆ ଗାଟାରି ଅଡ଼େ ପାପୁଗାଟି ଲକ୍ଷ୍ମି ଏନିକିଁ ମ୍ବୁତହ୍ନେରି ?”

୧୯ ଇତିହିଁ ଆମ୍ବାଆରି ମାହାପୁରୁତି ଅଣ୍ଠୁ ଲେହେଁ ଦୁକ୍ତ କସ୍ତ ବେଟାଆନେରି, ଏଞ୍ଜାରି ନେହିଁ କାମା କିହାନା ଏଞ୍ଜାଣି ତାଣା ହାରେପୁରେ ବାର୍ଣ୍ଣ କିପାରି, ଆତିହିଁ ଏଞ୍ଜାରାକ୍ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି ।



**ମାହାପୁରୁତି ମେଣ୍ଡାୟାଁ**

୨ ଇତିହିଁ ନାନୁ ମୀ ତଲେତି ର କୁଲମିତି ପ୍ରାତିନାଚେଏଁ, ଅଡ଼େ କ୍ରୀସ୍ତ ଦୁକ୍ତ ବେଟାଆହାମାନି ତାଣାତି ସାକି ଇଞ୍ଜା ଝାହମାନି ଗାଞ୍ଜୁରମିତା ଆଣ୍ଡିନାଚେଏଁ ନାନୁ, ମୀ ତାଣା ମାନି ପ୍ରାତିନାଜାଣି ବାତିମାଲିମାକ୍, ୨ \*ମୀ ତାଣା ମାନି ମେଣ୍ଡାୟାଁଣି ଜାଡ଼ୁ କିଦୁ ମାହାପୁରୁ ମିଜେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା

☆ ୫:୨ ୫:୨ ଜହ ୨୧:୧୫-୧୭

ରାହାଁ ଅଣ୍ଠପୁ ତଲେ ମାହାପୁରୁ ଅଣ୍ଠପୁତି ଲେହେଁ ଜାତୁନୁ କିଦୁ, ୱାରଇ ତାବୁୟା ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍ଠପୁ ତଲେ କାମା କିଦୁ । ୩ ଅଡେ ଆମ୍ବାଆରି ଦାୟିପତି ମୀ କେୟୁତା ହାପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲୁଞ୍ଜି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ । ୪ ଏରେଟିଏ “କାଜା ଗଡ଼” ତଞ୍ଜାଆନି ଦିନାତା ମୀରୁ ଗାଞ୍ଜୁରମିତି ଏଚେଲା ୱାଡ଼ାଆଗାଟି ଟପେରି ବେଟାଆଡ଼େରି । ତାନି ଉଜେଡ଼ି ଏଚେଲା ୱାଡ଼େଏ ।

୫ ଏ ଦାଂଗ୍‌ଶାୟାତେରି, ଏଲେକିହିଁଏ ମୀରୁ ଜିକେଏ ମୀ ପ୍ରାତିନାଙ୍ଗାଣି ମାନୁଞ୍ଜି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍ଠପୁତି ହିମ୍ପରି ଲେହେଁ ପରଦୁ, ଦାମ୍ପୁ ସାସ୍ତେରିତା ରାସ୍‌କି ଆହାମାନେ, “ଇତିହିଁ ମାହାପୁରୁ ତାହାରା ଗାଟାରି କପାଟି ନିଙ୍ଗାନା ସୁଦୁ ଗାଟାରାଇଁ କାର୍ମା ମେହ୍‌ନେସି ।” ୬ \*ମାହାପୁରୁତି ବାଡ଼ୟୁଗାଟି କେୟୁ ତୁଇ ମୀରୁ ମିଙ୍ଗେ ଉଣା କିହାକତାଦୁ, ଏନିକିହିଁଏ ଏଞ୍ଜାସି ତାୟୁ ସମାନା ଦିନାତା ମିଙ୍ଗେ କାଜାତେରି କିୟାନେସି; ୭ ମୀ ଅଣ୍ଠପୁତି ବଜୁ ବାରେ ମାହାପୁରୁ ତାଣା ହେରପାଦୁ ଇତିହିଁଏ ଏଞ୍ଜାସି ମିଙ୍ଗେତାକି ଅଣ୍ଠପିନେସି ।

୮ ସେଡ଼ନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି ଇତିହିଁଏ ଆମ୍ବାଆରାଇଁ ଗୁହ୍‌ଇଁ ଇଞ୍ଜିଁ ମୀ ସାତୁ ସୟତାନ ତୁକିମାନି ସିହ୍‌କ୍ୱାଠନି ଲେହେଁ ପାରିହିଁ ରେଜିମାନେସି । ୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେରଦୁ, ଏନାଆଁତାକି ଇତିହିଁଏ ଇ ଦାରତିତା ମାନି ମୀ ନାମିତି ତାୟିୟାକି ଇଲେତି ଦୁକୁ କସ୍ତୁ ଆହିମାନେ । ୧୦ କ୍ରୀସ୍ତ ତଲେ ଆଣ୍ଡାନା ତାନି କାଲାକାଲାତି ଗାଞ୍ଜୁରମିତା ଆଣ୍ଡାଲି କାର୍ମାମେହ୍‌ନି ମାହାପୁରୁ ମିଙ୍ଗେ ହାଟାମାଞ୍ଜାନେସି, ମୀ ଗାଡ଼େକାତି ଦୁକୁ କସ୍ତୁ ବେଟାଆଡ଼ି ତାୟୁ ଏଞ୍ଜାସି ତାନୁଏ ମିଙ୍ଗେ ତୀରି ଆଟ୍‌ଞ୍ଜା, ବାଡ଼ୟୁ, ଅଡେ ଏଚେଲା ଗୁଟା ଆଆଗାଟି ବାସ୍‌ମୁ ମିଙ୍ଗେ ହିୟାନେସି । ୧୧ ବାରେ ବାଡ଼ୟୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆମେନ୍ ।

**ରାନିବେଲାତି ଜହରା**

୧୨ \*ସିଲାଇଁ ନାମୁତି ତାୟିଲେହେଁ ନାନୁ ଜାଞ୍ଜୁନହ୍‌ନା ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ । ମାହାପୁରୁତି ସାତା କାର୍ମାତି ସାକି ହାହାନା ମିଙ୍ଗେ ରାହାଁ କିୟାନାୟି ନା କାମା । ଏ କାର୍ମା ମେହ୍‌ନିତାଣା ଆଟ୍‌ଞ୍ଜାତଲେ ମାଞ୍ଜୁ ।

୧୩ \*ମାହାପୁରୁ ତାକି ଆଟ୍‌ଞ୍ଜି ଆହାମାନି ବାବିଲନତା ମାନି କୁଲମି ଅଡେ ନା ଦାମ୍ପୁତି ମୀରୁଏସି ମାର୍କ ଜିକେଏ ମିଙ୍ଗେ ଜହରା

କିହିମାଞ୍ଜାନେରି । ୧୪ କ୍ରୀସ୍ତାନା ଲକୁ ଲେହେଁ ଜାଞ୍ଜୁନହ୍‌ନା ଜହରା କିଦୁ । କ୍ରୀସ୍ତ ତାଣା ମାନି ଲକୁକି ହିଡ଼ଡ଼ି ଆଡ଼େ ।

☆ ୫:୨ ୫:୨ ମାତି ୨୩:୧୨; ଲୁକ ୧୪:୧୧; ୧୮:୧୪ ☆ ୫:୧୨ ୫:୧୨ କାମା ୧୫:୨୨,୪୦ ☆ ୫:୧୩ ୫:୧୩ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪

# ପିତର ଲିଖିତ ଦ୍ଵୀତିୟ ପତ୍ର ପିତର ରାଚାମାନି ରୀ ଲମ୍ବର ଆକୁ ମୂଲ୍ୟ ହାତୀ

ପିତର ରୀ ଲମ୍ବର ଆକୁତି ପାଣ୍ଡୁଆଡ଼ି ପିତର ରାଚାମାନେସି, ସାମା ହାରେକା ବୁଦିଗାଟାରି ନୀଏଁ ଝିଏ ଇଦି ସାତା ଇଞ୍ଜି ନାମିହିଲଅରି । ଇଦାଆଁ ପିତର ତାଣାଟି ଆମ୍ବାଆସି ଆପେ ରାଚାମାନିନେସି । ରାଚାମାନସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାର୍ତତିତା ନୀତାମାଚାଣି ଅଡେ ମୁମ୍ବୁଦାଦଲି ଆହାମାଚାଣି ତାନୁଏ ମେସାମାନେସି ୧:୧୭-୧୮ । ଇ ଆକୁତି ପିତର ରାଚାମାନିସାରେ ଏଞ୍ଜାସି ରମ୍ଭତା ମାଞ୍ଜାନା ତାନୁ ହାତି ନକେଏ ଜୀସୁ କ୍ରୀସ୍ତ ଜାର୍ନାଆଡ଼ି ୨୫-୨୯ ବାସୀ ତାୟୁ ରାଚାମାନେସି । ପିତର ରୀ ଲମ୍ବର ଆକୁତି ତାୟୁ ପିତର ରାଚିତି କାଲମି ଝେସାନା ଏଲେଇରେସି ଇଦି ରୀ ପାଲିତି ଆକୁ ୩:୧ । ଏଞ୍ଜାସି ଇ ଆକୁତା ବାରେ କ୍ରୀସ୍ତାନା ଲକୁତି ଦରୁ ଝେକହେସି ।

କ୍ରୀସ୍ତଇଁ ନାମିତି ଲକୁ ନେହଁକଁ ନୀତାବାଡକାଲି ସାସା ହାହାଲି ଅଡେ ମିଚିତାଣି ଜାପ୍ନାରି ତାଣାଟି ଜାଗ୍ରାତା କିହାଲି ଇ ଆକୁ ପିତର ରାଚାମାନେସି ୨ ପାର୍ବୁ । ପିତର ଏଞ୍ଜାରାଇଁ ଜୀସୁ ତବେ ଝାହାହିଲଅସି ଇଞ୍ଜିମାନି ଲକୁ କାତା ଆହୁଆଦୁ ଇଞ୍ଜି ସାସା ହାତେସି । ଏଞ୍ଜାସି ତସାନା ଝେସେସି ମାହାପୁରୁ ନିସ୍ତା ଆହୁଁ କାମାକିନାସି ଆଏ ସାମା ଏଞ୍ଜାସି ବାରେଜାଣାଟି ଗେଲପି ଆହାଲି ଅଣ୍ଡପିମାନେସି ୨ପିତ ୩:୮-୯ । ଏଦାଆଁତାକି ନେହଁ ମାଣ୍ଡକିତି ଜୀସୁତଲେ ନୀତିନାୟି ମାନେ ୩:୧୪ ।

### ପତିତା ମାନାୟି

- ୧. ପିତର ତାଙ୍ଗେ ଝେକହା କତିନାୟି ଅଡେ ତାନି ଆକୁତି ପଡ଼଼ି ଆନାରାଇଁ ଝେହ୍ନାୟି । ୧:୧-୨
- ୨. ଏଞ୍ଜାସି ଏଞ୍ଜାରାଇଁ ନେହଁକଁ ନୀତାବାଡକାଲି ଅଣ୍ଡପି କିହିମାନେସି ଏନାଆଁତାକି ଇଚିହଁ ମାହାପୁରୁ ମାଙ୍ଗେ ବାଡ଼ୁୟୁ ହାହାମାଞ୍ଜାନେସି । ୧:୩-୨୧
- ୩. ଏଞ୍ଜାସି ମିଚି ଜାପ୍ନାରି ତାଣାଟି ଜାଗ୍ରାତା ଆହାଲି ଝେସାମାନେସି ଅଡେ ଜୁଗୁ ରାନି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜି ଝେସାମାନେସି । ୨:୧-୨୨
- ୪. କ୍ରୀସ୍ତଇଁ ନାମିତି ଲକୁଣି ଜୀସୁ ଝେଣ୍ଡେ ଝାନି ଦିନା ପାତେକା ନେହଁ ଜୀସୁତଲେ ତିୟାରା ଆହା ମାଞ୍ଜାଲି ସାସା ହାହାନା, ପିତର ତାନି ଆକୁ ରାପ୍ନାୟି । ୩:୧-୧୭

୧ ସିମନ ପିତର, ର ହଲେଏସି ଅଡେ ପାଣ୍ଡୁ ଆହାମାନାସି, ମା ମାହାପୁରୁ ଅଡେ ଗେଲପାନି ଜୀସୁ କ୍ରୀସ୍ତ ଦାମ୍ଭୁତାକି ଆମିନି ଗାଟାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୁ ରାଚିମାଇଁ । ୨ ମାହାପୁରୁ ଅଡେ ମା ପ୍ରବୁ ଜୀସୁତି ବୁଦିତଲେ ମିଙ୍ଗେତାକି କାର୍ମାମେହ୍ନାୟି ଅଡେ ହିଡ଼ି ଜୀସୁ ହାରେକା ଗାତି ଆୟାପେ ।

### ମାହାପୁରୁ ହାଚିନାୟି ଅଡେ ଆଚିନାୟି

୩ ଆମ୍ବାଆସି ତାନି ଗାଞ୍ଜୁରମି ଅଡେ ନେହଁ ଗୁଣ୍ଡୁତଲେ ମାଙ୍ଗେ ହାଚାମାଞ୍ଜାନେସି, ମାହାପୁରୁ ତାନି ବୁଦିତଲେ ଲାକପୁରୁତି ବାଡ଼ୁୟୁତି ମାଙ୍ଗେ ଜୀସୁ ଅଡେ ଦାମ୍ଭୁତି ଜିରୁ ତାକି ବାରେ ଲଡ଼ାମାନାଣି ହାହାମାଞ୍ଜାନେସି । ୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡେ ହାରେକା ଲଡ଼ାଗାଟି ଆଞ୍ଜାମାନି ଦାନା ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣ୍ଡପୁତା ଆହିମାନି ଆମିନି ନାସା ଆନି ଦାର୍ତତିତା ମାଞ୍ଜେରି, ଏମ୍ବାଟି ଗେଲପି ଆହାନା ଲାକପୁରୁତି ଗୁଣ୍ଡୁତଲେ ଆଣ୍ଡାଦୁ । ୫ ଇଦାଆଁତାକି ମୀରୁ ହାରେକା ଜାଡ଼ୁତି ନାମୁତଲେ ନେହଁ ଗୁଣ୍ଡୁ, ଅଡେ ସାତା ଗୁଣ୍ଡୁତଲେ ବୁଦି, ୬ ବୁଦିତଲେ ଆଙ୍ଗାଟି ଲକ୍ନାୟି, ଆଙ୍ଗାଟି ଲକ୍ନାଣି ତଲେ ସାସା, ସାସାତଲେ ଦାମ୍ଭୁତି କାମା କିନାୟି, ୭ ଦାମ୍ଭୁତି କାମାକିନାଣି ତଲେ ତାୟିୟାଁଇଁ ଜୀସୁନନାୟି, ତାୟିୟାଁଇଁ ଜୀସୁ ନନାଣି ତଲେ ବାରେ ଲକୁଇଁ ଜୀସୁ ନନାଣି ଆବୁଦୁ । ୮ ଇ ନେହଁ ଗୁଣ୍ଡୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ବୁଦି ମିଙ୍ଗେ ପାର୍ସାତା ଅଡେ ବାରେ ମେଡ଼ି କିହାମାଞ୍ଜାନେ । ୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡେ ତାନି ନକେଏ କିତି ବାରେ ପାପୁଟି ନରୁଝି ଆଡ଼ାଣି ଏଞ୍ଜାସି ବାଣ୍ଡି ଆହାମାନେସି ।

୧୦ ଇଦାଆଁତାକି, ଏ ତାୟି ତାଙ୍ଗିସ୍ତା, ମାହାପୁରୁ ମିଙ୍ଗେ ଆଚାନା ହାଚାମାଞ୍ଜାନାଣି ଅଡେ ମନତି ଅଣ୍ଡପୁ ତୀରି କିହାଲି ହାରେକା ଜାଡ଼ୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏତେଲା ଜିକେଏ ମୀ ନାମୁତା ଡ଼ଣା ଆଅତେରି । ୧୧ ଇଞ୍ଜା ଇଲେକିହଁଏ ମା ପ୍ରବୁ ଅଡେ ଗେଲପାନି ଜୀସୁ କ୍ରୀସ୍ତ କାଲକାଲାତି ରାଜିତା ରାହାଁତଲେ ହାଜାଲି ମିଙ୍ଗେ ହୀପକି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡେ ମୀରୁ ବେଟାଆହାମାନି ସାତାତା ନେହଁକଁ ତୀରି ଆହାମାଞ୍ଜେରି, ଆଡ଼ିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣ୍ଡପି କିଝିକିହାଲି ଜାଗ୍ରାତା ତୁୟିଇଁ । ୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ

ସେତେନା କିହାଲି ନାନୁ କିନାୟି ମାନେ ଇଞ୍ଜି  
 ଅଣ୍ଠିମାଈ । ୧୪ ମା ପ୍ରବୁ ଜୀସୁ କ୍ରୀସୁ ନାଈ  
 ଏନିକି ଖେସାମାଞ୍ଜାନେସି, ଏଲେକିହିଁ ନାଈ  
 ଦାପେ ଇ ନା ଆଞ୍ଜା ଲେହେତି ତୁମୁ ପିସାଲି ଆନେ,  
 ୧୫ ଅଡେ ନା ହାତି ତାୟୁ ଜିକେଏ ମୀରୁ ଏନିକି  
 ଇ ବାରେ କାତା କାଲେଏ ଅଣ୍ଠପୁତା ଇଟିଦେରି,  
 ଇଦାଆତାକି ନାନୁ ଅଣ୍ଠିମାଈ ।

**କ୍ରୀସ୍ତତି ଗାଞ୍ଜୁରମି ମେସ୍ତାରି ସାକି**

୧୬ ଇତିହିଁ ମାମୁ ଏଟିବେଲା ମା ପ୍ରବୁ ଜୀସୁ  
 କ୍ରୀସ୍ତତି ବାଡ଼ୟୁ ଅଡେ ଖାହିମାନି କାତା ମିଞ୍ଜେ  
 ପୁଣ୍ଡି କିୟାତମି, ଏଟିବେଲା ଏନି ସୁତ୍ରମି ତଲେ  
 କେପିତି ପୁସପନିକା ଆସା ହିଲାଆତମି, ସାମା  
 ତାନି ଗାଞ୍ଜୁରମିତି କାଣ୍ଡା ତଲେ ମେସ୍ତା ସାକିୟା  
 ଆହାମାଟମି । ୧୭ ଏଟିବେଲା କାଜା ଗାଞ୍ଜୁରମିତି  
 ଏଞ୍ଜାଣାକି ଇ ହାଡ଼ା ଖାଡେ, ଏଟିବେଲା ମାମୁ ଏମ୍ପାଆ  
 ମାଟମି, “ଇଞ୍ଜାସି ନା ଜୀଞ୍ଜୁତି ମୀରଏସି ଇଞ୍ଜାଣି  
 ତାଣେଏ ନା ହାରେକା ରାହା ମାନେ !” ଏଟିବେଲା  
 ଏଞ୍ଜାସି ଆବା ମାହାପୁରୁ ତାଣାଟି ସାମୁ ମି ଅଡେ  
 ଗାଞ୍ଜୁରମି ବେଟାଆଡେସି; ୧୮ ମାମୁ ତାନିତଲେ ଏ  
 ସୁଦୁ ହୁରୁ ଲାକ ମାଟିବେଲାତା ମାମୁସୁ ହାଗୁ ଲାକଟି  
 ଖେଜିତି ଇ ହାଡ଼ା ଖେଞ୍ଜାମାନମି ।

୧୯ ଏମ୍ପାଆ ମାହାପୁରୁ ଅଣ୍ଠପୁତି ବଲୁ ଖେକନାରି  
 ଖେକହାମାଟି ମାହାପୁରୁ ଅଣ୍ଠପୁତି ବଲୁ ମାଞ୍ଜେତାକି  
 ହାରେକା ଆଡ଼ା ଆଡେ; ମୀରୁ ଏଦାଆଁ ଆନ୍ଦେରିତା  
 ତାଞ୍ଜାମାନି ଦୀଞ୍ଜି ଲେହେଁ ଅଣ୍ଠପାନା ଲାଆଁ ଖେୟାଆ  
 ପାତେକା ମୀ ହିୟାତା ଖେୟାଜାରା ହୁକା ହୁଆ  
 ପାତେକା ଏଦାଣି ମନ ହାତିହିଁ ନେହେଁ ଆନେ  
 । ୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ  
 ଦାମୁ ପତିତା ରାସ୍ତି ଆହାମାନି ମାହାପୁରୁ ବଲୁତି  
 ଜାହାରା ବୁଦିତଲେ ତେଲହାଲି ଆଡ଼ାଆୟି ।  
 ୨୧ ଇତିହିଁ ଆମିନି ମାହାପୁରୁ ଅଣ୍ଠପୁତି ବଲୁ  
 ଖେହନାରି ଖାଉଇ ତାମୁ ମାଣସି ଅଣ୍ଠପୁତି ଆମ୍ପାଆସି  
 ଜିକେଏ ଖେକହା ହିଲଅରି, ସାମା ମାହାପୁରୁ ପାଣ୍ଡିତି  
 ମାଣସିୟା ସୁଦୁଜୀଞ୍ଜୁତି ସାଲୁଞ୍ଜି ଆହାମାନି ଏଞ୍ଜାରି  
 ଅଣ୍ଠପୁତି ବଲୁ ଖେସାମାଟେରି ।

**୨**

**ମିତି ଜାପୁନାରି**

୧ ସାମା ଲକୁ ତାଣାଟି ମିତି ମାହାପୁରୁ  
 ବଲୁ ଖେହନାରି ହଡେରି; ଏଲେକିହିଁ ଏ  
 ମୀ ବିତ୍ରାଟି ମିତି ଜାପୁନାରି ହଡେରି; ଏଞ୍ଜାରି  
 ନାସା ଆନିଲେହେତି ନାଡ଼ିକିନି ଅଣ୍ଠପୁ, ତଗୁାନା  
 ଖେକହାନା ଏଞ୍ଜାରାଇଁ କତାମାନି ପ୍ରବୁଈ ଜିକେଏ  
 ପୁଞ୍ଜାହିଲଅମି ଇନେରି, ଅଡେ ଜାହାରାଇଁ  
 ଦେବୁଣିଏ ନାସା କିୟାନେରି । ୨ ଅଡେ ହାରେକା  
 ଲକୁ ଏଞ୍ଜାରି ଲାଗେଏ କାମାଟି ଜେଟ ହାନେରି,

ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ  
 । ୩ ଏଞ୍ଜାରି ଦନ ଜୁପକାତାକି ମିତି ଜାପୁହାନା ମୀ  
 ତାଣାଟି ତାବୁୟା ଲାବା ବେଟାଆହାଲି ଅଣ୍ଠପିନେରି,  
 ଏଞ୍ଜାରି ତଣ୍ଡ ତଲି କାଲାଟିଏ ଆହିମାନେ ଅଡେ  
 ହାରେକା ଦିନାଟିଏ ମାହାପୁରୁ ଏଞ୍ଜାରାଇଁ ବିଚାରା  
 କିହାମାନେସି, ଏଞ୍ଜାରି ନାସା ଆନାୟି ଖାଡେୟିଏ ।

୪ ଇତିହିଁ ମାହାପୁରୁ ପାପୁ କିତି ଦୁତୁୟାଈ  
 ପିହୁଆନା ହିରୁ ଗାଡ଼ୟୁତା ମେଡ଼ହା ମାନେସି,  
 ଏମ୍ପାଆଁ ଏଞ୍ଜାସିକା ନାହାୟି ଆନି ଦିନା ପାତେକା  
 ଆନ୍ଦେରି ଗାଡ଼ୟୁତା ଇଟାମାନେସି । ୫ ମାହାପୁରୁ  
 ପୁଞ୍ଜଇ ଦାରତିତି ଜିକେଏ ପିସାହିଲଅସି, ସାମା  
 ଦାମୁ କାତା ଖେହନି ନହ ଇଞ୍ଜା ତାନିତଲେ  
 ସାତା ଜାଣାଇଁ ଗେଲପାନା ପାପୁତି ଦାରତିତି  
 ଏୟୁତଲେ ବୀଡ଼ଞ୍ଜି କିଡେସି; ୬ ଏଞ୍ଜାସି ସଦମ  
 ଅଡେ ଗମରା ଗାଡ଼ାତି ଦାରମୁ ମ୍ପୁହାନା  
 ନାସା କିହାଲି ତଣ୍ଡତି ହୁକୁମି ହାଡେସି ଅଡେ  
 ଏଞ୍ଜାରାଇଁ ତାୟୁ କାଲାଟି ଦାମୁ ହିଲାଆଗାଟାରି  
 ପୁଣ୍ଡିକିନିଲେହେଁ କିଡେସି । ୭ ଅଡେ ପାପୁ  
 ଦହଗାଟି ଲକୁତି ଲାଗେଏ ପଲେଏ କାମାଟି  
 ହେକ ଆହାମାନି ଦାମୁଗାଟି ଲଟଇଁ ମାହାପୁରୁ  
 ଗେଲପିଡେସି, ୮ ଏ ଦାମୁଗାଟାସି ଏଞ୍ଜାରିତଲେ  
 ବାସା କିହାଁ ଏଞ୍ଜାରି ଲାଗେଏତି କାମା ମେସା  
 ଅଡେ ଖେଞ୍ଜାନା ଦିନମି ତାକି ଦିନମି ଦାମୁଗାଟାସି  
 ଆହାନା ହାରେକା ଦୁକୁ ବେଟାଆହିମାଟେସି  
 । ୯ ଇଲେକିହିଁଏ ପ୍ରବୁ ଦାମୁଗାଟାରାଇଁ  
 ତାୟିପାରି କିନି ତାଣାଟି ଗେଲପାଲି ଇତିହିଁ  
 ଦାମୁ ହିଲାଆଗାଟାରାଇଁ, ଆମ୍ପାଆରି ଆଞ୍ଜାତି  
 ଲାଗେଏତି କାମାତା ସାଲୁଞ୍ଜି ଆହାନା ପ୍ରବୁଈ ମାନି  
 କିଅରି, ଏଞ୍ଜାରାଇଁ ବିଚାରା ଦିନାଟି ତଣ୍ଡ ତାକି  
 ଇଟାଲି ପୁଞ୍ଜାମାନେସି । ୧୦ ଇତିହିଁ ଆମ୍ପାଆରି  
 ମାହାପୁରୁତି ଅଦିକାରାତି ହାଣି କିହାନା ଜାହାରା  
 ଆଞ୍ଜାଟି ଜୁପକାତା ତୟିମାନେରି, ଏଞ୍ଜାରି ଏ କାଜା  
 ନାହାୟି ଦିନା ପାତେକା ଏନିକି ତଣ୍ଡ ହାହାନା  
 ଇଟାଲି ଆନେ । ଏ ମିତି ଜାପୁନାରି ଆଜାଆ  
 ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରାଇଁ  
 ମାନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି  
 । ୧୧ ଆଡ଼ିଜିକେଏ ହାରେକା ବାଡ଼ୟୁ ଅଡେ  
 କାଜାପାଣା ବେଟାଆହାମାନି ଦୁତୁୟା ପ୍ରବୁ ନକିତା  
 ଏଞ୍ଜାରି କପାଟି ନିଞ୍ଜାନା ନିନ୍ଦାକିହିଁ ବିଚାରା  
 କିଅରି । ୧୨ ସାମା ଇଞ୍ଜାରି ବୁଦି ହିଲାଆ ଜନ୍ତ  
 ଲେହେଁତାରି, ଏଞ୍ଜାରିଲେହେଁ ଇ ମିତି ଜାପୁନାରି  
 ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡ଼ଅରି ଏଦାଆଁ  
 ଏଞ୍ଜାରି ନିନ୍ଦା କିନେରି, ସାମା ଏଞ୍ଜାସି ଜାଡ଼ାତି ଜନ୍ତ  
 ଲେହେଁ ନାସା ଆନେରି, ୧୩ ଏଞ୍ଜାରି ଲାଗେଏତି  
 କାମା କିହାମାଟିସାରେ ଲାଗେଏ କମାଟି ପାଡ଼େୟି  
 ବେଟାଆନେରି । ଏନାୟି ଏଞ୍ଜାରି ଆଞ୍ଜା ତାକି

☆ ୧:୧୭ ୧:୧୭ ମାତି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

ନେହେଁ ହେନେ, ଏଦାଆଁ ଏଝାରି ମାଦେନା କିହାନା ରାହାଁ ବେଟାଆନେରି । ଏଝାରି ଜାହାରା ନାଡ଼ି କିଝିଆନ୍ତି କାମାତା ରାହାଁ କିହଁ ମୀ ତଲେ ତିଞ୍ଜାଲି କୁଡ଼ା ଆନେରି ।<sup>୧୪</sup> ଏଝାରି କାଣକା ଦାରି କାମାତା ନେଞ୍ଜା ଡ଼ୟିନେ, ପାପୁ ପିସାଲି ମନ କିଅରି, ଏଝାରି ତିକିତାକାଗାଟି ହାରେକା ଲକୁଇଁ ଜୁପକା ତହନେରି, ଏଝାରି ହିୟାଁ ଦନତି ଜୁପକାତା ଡ଼ୟିନେ, ଏଝାରି ବାରେ ବାକା ବେଟାଆନାରି ।<sup>୧୫</sup> ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଝୁ ନନ୍ ବିୟରା ମୀରୁଏସି ବିଲିୟମତି ଜେଚ ଜେଚ ହାଚେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେରି ।<sup>୧୬</sup> ସାମା ଏଝାସି ତାନି କିତି ଦହତାକି ଲାଗି ବେଟାଆଡ଼େସି, ଇଞ୍ଜା ର ଜଲଲି ଆଆଗାଟି ଗାଡ଼ଦେ ମାଣସି ହାଡ଼ାତଲେ ଜଲହାଁ ମାହାପୁରୁ ଅଣ୍ପୁତି ବଲୁ ଝେହନି ତାଣାଟିଏ ସାପି କିତେ ।

<sup>୧୭</sup> ଇ ମିତି ଜାପୁନାରି ଏୟୁ ଝାୟିତି ଜାରୁଣା ଲେହେଁତାରି ଅଡ଼େ କାଜା ଗାଲିତା ଡ଼ୟିନି ହାଗୁ ଲେହେଁତାରି, ମାହାପୁରୁ ଏଝାରାକି ହାରେଏ ଆନେରିଗାଟି ଟାୟୁ ଇଟାମାନେସି ।<sup>୧୮</sup> ଇତିହଁ ଏଝାରି ଉଜେଏତି ବଡ଼ପଣତି ଡ଼ାହାରା କାତାୟାଁ ଝେହନେରି ଇଞ୍ଜା ନାଡ଼ିକିନି ମାଣକିଗାଟି ଲକୁ ତାଣାଟି ଗେଲପି ଆହାମାନି ଲକୁଣି, ତାନି ଆଙ୍ଗାତି ଜୁପକାଟି କାମା କିହାନା ପାନ୍ଦାତା ମେଡ଼ନେରି;<sup>୧୯</sup> ଏଝାରି ଏଝାରାକି ମେଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜା ଆଞ୍ଜନେରି, ସାମା ଏଝାରି ତାମ୍ବୁ ନାସା କିଝିକିନି କାମାତି ହଲିୟାଙ୍ଗା ଆନେରି; ଏନାଆଁତାକି ଇତିହଁ ଆମ୍ବାଆସି ଆମ୍ବାଆରି ତାଣା ହାରିଝି ଆନେସି ଏଝାସି ଏମ୍ବାତି ହଲେଏସି ଆନେସି ।<sup>୨୦</sup> ଇତିହଁ ଏଝାରି ପ୍ରୁ ଅଡ଼େ ଗେଲପିନି ଜୀସୁ କ୍ରୀସ୍ତତି ବୁଦିତଲେ ଦାରତିତି ଲାଗେଏତି ତାଣାଟି ଗେଲପି ଆହାନା ଝେଣ୍ଡେ ଏମ୍ବାତି ପାନ୍ଦାତା ଦସ୍ପି ଆହାନା ହାରିଝି ଆନେରି, ଆତିହଁ ଏଝାରାକି ତଲିତି ତଣ୍ଡୁ କିହାଁ ତାୟୁତି ତଣ୍ଡୁ ହାରେକା କସ୍ତାଗାୟି ଆନେ ।<sup>୨୧</sup> ଇତିହଁ ଦାମ୍ବୁତି ଜିରୁ ପୁଞ୍ଜାନା ଏଝାରାକି ହେରପି ଆହାମାନି ସୁବୁ ହୁକୁମି ପିହନି କିହାଁ ଏଦାଆଁ ଏଚେଲାଝା ପୁଞ୍ଜାହିଲାଆତିହଁ ନେହଁ ଆଡ଼େମା ।<sup>୨୨</sup> “ନେହୁଡ଼ି ତାନୁ କାକ୍ଝାନା ଝେଣ୍ଡେ ତିଞ୍ଜାଲି ଇଞ୍ଜା ନରଝି ଆହାମାନି ପାଜି ଅଡ଼େ ଝେଣ୍ଡେ ଲାଦିତା ତେରମ୍ବାଲି ହାନେ” ଏଝାରାକି ଏ ଝେକ୍‌ହାମାନି ସାତା କାତା ଏଝାରାକି ଆହାମାନେ ।

**୩**

**ପ୍ରୁ ଝେଣ୍ଡେ ଝାନ୍ତି ଦିନା**

<sup>୧</sup> ଏ ଜୀଝୁତି ତାୟି ତାଜିସ୍ତା, ନାନୁ ନୀଏଁ ମୀ ତାଣା ଇ ରୀ ଲମ୍ବର ଆକୁ ରାଡ଼ିମାଇଁ, ଇଦାଆଁତାକି

ଇ ରୀ ଆକୁତା ନାନୁ ମିଙ୍ଗେ ଏ ବାରେ ଅଣପି କିହାନା ମୀ ସୁବୁ ମନତି ପାଡ଼ିକିହାଲି ଅଣପିମାଇଁ ।<sup>୨</sup> ମୀରୁ ଏନିକଁ ସୁବୁଗାଟି ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ତଲି କାଲ୍ଲାତା ଝେସାମାନି ବାରେ ବଲୁ ଇଞ୍ଜା ପାଣ୍ଡୁଝି ଆହାମାନାରି ତାଣାଟି ଝେସ୍‌ପିଆହାମାନି ପ୍ରୁ ଇଞ୍ଜା ଗେଲପାମାଣା ହୁକୁମି ଅଣ୍ପୁତା ଇଟାଦୁ ।<sup>୩</sup> ତଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ତି ବେଲାତା ଏଚରଜାଣା ତାନି ଲାଗେଏ ପଲେଏ କାମା ତଲେ ତାକିନେରି; ଏଝାରି ମିଙ୍ଗେ ଲାଜା କିୟାନେରି ।<sup>୪</sup> ଏ ଲାଜା କିୟାନାରି ଝାହାନା ଏଝାରି ମିଙ୍ଗେ ଲାଜାକିହଁ ଏଲେଇଞ୍ଜାନେରି “ଜୀସୁ ଝେଣ୍ଡେ ଝାକଁ ଇଞ୍ଜା ଝେସାମାଞ୍ଜାତେସି ଆତିହଁ ଏଝାସି ଏଚେଲା ଝାନେସି ? ଇତିହଁ ମା ଆକୁ ଆଦାୟାଁ ହାଡ଼ି ଦିନାଟିଏ ନୀଏଁ ପାତେକା ବାରେ ଦାରତିତି ଗାଡ଼ି ଆଡ଼ି ଦିନାଟିଏ ଏନିକଁ ମାତେ, ଏଲେକିହଁ ଏ ନୀଏଁ ଜିକେଏ ଡ଼ୟାମାନେ !”<sup>୫</sup> ଏଝାରି ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲ୍ଲାତା ମାହାପୁରୁ ହୁକୁମି ହାତେସି ଅଡ଼େ ହାଗୁପାକା ଅଡ଼େ ଦାରତି ଗାଡ଼ି ଆଡେ ଅଡ଼େ ଦାରତି ଏୟୁ ତାଣାଟି ଏୟୁ ଗୁରତାନା ଗାଡ଼ି ଆଡେ ।<sup>୬</sup> ଅଡ଼େ, ଏଝାଣି ତାଣାଟି ଏ ତଲି କାଲ୍ଲାତି ଦାରତି ଏୟୁତଲେ ନାସା ଆଡେ; <sup>୭</sup> ସାମା ନୀଏଁତି ହାଗୁପାକା ଅଡ଼େ ଦାରତି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନୀହାଁୟି ଅଡ଼େ ନାସାତି ଦିନା ପାତେକା କୁଡ଼ି ଆହାନା ହିଚୁତା ହୁଡ଼ାଲି ଇଚକି ଆହାମାନେ ।

୮ ସାମା ଏ ଜୀଝୁତି ତାୟି ତାଜିସ୍ତା, ମାହାପୁରୁ ନକିତା ର ଦିନା ର ମାଣା ବାସୀ ସମାନା ଅଡ଼େ ର ମାଣା ବାସୀ ର ଦିନା ସମାନା; ଇ କାତାତି ଏଚେଲା ବାଣା ଆଆଦୁ ।<sup>୯</sup> ହାରେକା ଲକୁ ପ୍ରୁ ଝେଣ୍ଡେ ଝାନ୍ତି ଦିନା ମାନେୟିଏ ଇଞ୍ଜା ଅଣ୍ପିନେରି, ସାମା ପ୍ରୁ ତାନୁ ଏଲେଇଞ୍ଜା ମାନାଣି ଏଚେଲାଝା ଝେଡ଼ା କିଅସି; ଏନିକଁ ଆମ୍ବାଆରି ନାସା ଆଅରି, ସାମା ବାରେଜାଣା ମନ ଝେଚ୍‌ହା କଡ଼ିନେରି; ଇଦାଆଁ ଅଣ୍ପାପାନା ଏଝାସି ମୀ ତାକି କାର୍ମା ମେସି ମାଞ୍ଜାନେସି ।

<sup>୧୦</sup> \*ମାହାପୁରୁ ଝାନ୍ତି ଦିନା ର ସରୁ ଝାନ୍ତି ଲେହେଁ ଝାନେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାଙ୍ଗାହାନେ, ଅଡ଼େ ଦାରତିତା ମାନି ବାରେ ଦିଶ୍‌ସୁ ଗାଡ଼ି ଝେସାନା ରୁୟାହାନୁ, ଇଞ୍ଜା ଦାରତି ଅଡ଼େ ଏମ୍ବାଆଁ ମାନି ଆସ୍ତି ବାରେ ହିଚୁତା ଡ଼ାଞ୍ଜାହାନେ ।<sup>୧୧</sup> ଇ ବାରେ ଇଲେଆହଁ ମେଣ୍ଡାଙ୍ଗାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ ମେଣ୍ଡାଙ୍ଗାହାନେ ଅଡ଼େ ଦାରତିତି ବାରେ ଦିଶ୍‌ସୁ ହାରେକା ଝେସାନା ରୁୟାହାନେ, <sup>୧୨</sup> ପ୍ରୁ ଝାନ୍ତି ଦିନା କାପୁ କାଚାଡ଼ୟିନି

☆ ୩:୩ ୩:୩ ଜୀହୁଦା ୧:୨୮ ☆ ୩:୧୦ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଝେ ବଲୁ ୧୭:୧୫



ଲକ୍ଷ୍ମୀ, ଏହି ଏହିକି ତବେ ଖାନେ, ଇଦାଆଁତାକି  
ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାଇ ମାନି  
ଝେଡ଼ା ଲେଖୁ ହୁକାୟା ଝେସାହାନାକି ଝିରୁଲାଇହାନୁ  
। ୧୩ ଧର ମାହାପୁରୁ ଆଞ୍ଜାମାନି ଲେହେଁ ର ପୁଃନି  
ହାଗୁପାକା ଅଡ଼େ ପୁଃନି ଦାରିତିକ୍ କାଟାମାନାୟି,  
ଆମିନି ଗାଟାୟି ଦାମ୍ଭିତଲେ ବାସାଆନି ଗାୟୁ ଆନେ  
।

୧୪ ଇଦାଆଁତାକି ଏ ଜୀଞ୍ଜୁତି ତାୟି ତାଜିସ୍ତା,  
ମୀରୁ ଇ ବାରେ କାଟିମାନିକି ମାହାପୁରୁ ନକିତା  
ଏହିକି ପାପୁ ହିଲାଆଗାଟାତେରି ଅଡ଼େ ଦହ  
ହିଲାଆଗାଟାତେରି ଆହାଁ ହିଡ଼ି ତଲେ ମାନାତେରି  
ଆହୁଁ ତଞ୍ଜା ଆଦେରି, ଏଦାଆଁତାକି ଜାଡ଼ୁ  
ତଲେ ମାଞ୍ଜୁ; ୧୫ ଅଡ଼େ, ମା ପ୍ରବୁତି ହାରେକା  
ଅରୁହିନାୟି ଗେଲ୍ପାନାୟି ଇଞ୍ଜୁ ଅଣ୍ପାଦୁ,  
ମା ଜୀଞ୍ଜୁତି ତାୟି ପାଞ୍ଜୁଲ ଜିକେଏ ମାହାପୁରୁ  
ହାହାମାନି ବୁଦିତଲେ ମିଞ୍ଜେତାକି ଏଲେକି ରାଟା  
ମାଞ୍ଜାନେସି । ୧୬ ଏଞ୍ଜାସି ତାନି ରାଟାମାନି ବାରେ  
ଆକୁତା ଇ ବାରେ କାତା ରାଟାନା ଏଲେକି  
ଝେସାମାନେସି; ଏ ବାରେ ଆକୁତା ଏଚେକା କାତା  
ମାନେ, ଏମିନିଗାଟାଣି ତେଲ୍ହାଲି ଆଡ଼ାଆୟି, ଇଞ୍ଜା  
ପୁନାଆଗାଟି ଇତାଲା ଆତାଲା ଅଣ୍ପାପାଟି ଲକ୍ଷ୍ମୀ,  
ତାମ୍ଭୁ ନୁସା ଆୟାଲି ଏଟ୍‌କାତି ସାସ୍ତେରିତା ଏହିକି  
ରାୟକି ଆହାମାନେ, ଏ ବାରେ ତାଣା ଜିକେଏ  
ଏଲେକି ଉଜେଏତି କାତା ଝେହ୍ନେରି ।

୧୭ ସାମା ଜୀଞ୍ଜୁତି ତାୟି ତାଜିସ୍ତାତେରି,  
ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି,  
ଏଦାଆଁତାକି ଜାଗ୍ରାତା, ଏହିକି କିଲିବିଲି କିନି  
ଲକ୍ଷ୍ମୀ ତାଣାଟି ନାଡ଼ି କିଞ୍ଜି ଆଆନା ମୀରୁ ଆଟ୍‌ଞ୍ଜା  
ନାମୁତା ଉଣା ଆଅତେରି । ୧୮ ସାମା ମା ପ୍ରବୁ  
ଅଡ଼େ ଗେଲ୍ପାନି ଜୀସୁ କ୍ରୀସ୍ତୁଟି କାର୍ମା ଅଡ଼େ  
ବୁଦିତା ପାଡ଼ାଆଦୁ । ଏଞ୍ଜାଣାକି ନୀର୍ବ ଅଡ଼େ  
କାଲାକାଲାତାକି ଗାଞ୍ଜୁରମି ଆପେ । ଆମେନ୍ ।

# ଯୋହନଙ୍କ ପ୍ରଥମ ପତ୍ର ଜହନ ରାଚାମାନି ର ଲମ୍ବର ଆକୁ ମୂଲ୍ୟ ହାତୀ

ଜହନ ରାଚିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଚିଏ ୧୦୦ ବାର୍ଷା ତାମ୍ଭୁ ପାଣ୍ଡୁଆହାମାନି ଜହନ ରାଚାମାନେସି । ଜହନ ଜାହାରାଇଁ ଇ ଆକୁତି ରାଚାମାଇଁ ଇଞ୍ଜିଁ ଖେସି ହିଲଅସି, ସାମା ଜହନ ତଲିତି ଆକୁତା ଏଝାସି ଜୀସୁ କ୍ରୀସ୍ତୁତି ନୀତାମାଚାଣି ଅଡେ ହାହାନା ଖେଣ୍ଡେ ନିଜିତାଣି କାନୁ ତଲେ ମେସାମାନମି ଇଞ୍ଜିଁ ସାକ୍ତି ହାହିମାନେସି ୧:୧-୩ । ଜହନତି ର ଲମ୍ବର ପତି ଅଡେ ଜହନ ରାଚିତି ନେହଁ କାବୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏଚିରେଲୀତା ଏଝାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଝାସି ଜହନ ରାଚିତି ନେହଁ କାବୁ ଅଡେ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାଚାମାଚେସି ଇଞ୍ଜିଁ ନାମିମାନେରି ।

ବୁଦିଗାଟାତମି ଇଞ୍ଜାକତିମାନି ର ଗଚିତି ଲକୁ ତାଣ୍ଡାଟି କୁଲମି କସ୍ତ ବେଗାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଚିମାଚେସି । ଏଝାରି ନାମୁ ଜୀସୁ ସାତେଏ ମାହାପୁରୁ ମାଚେସି ସାମା ଦାରତିତା ମାଚିବେଲୀତା ଏଝାସି ଉଞ୍ଜା ଅଡେ ନେତେରିତି ମାଣ୍ଡି ହିଲଆତେସି । ଜହନ ଜୀସୁ କ୍ରୀସ୍ତୁଇଁ କାନୁ ତଲେ ମେସାମାନି ସାକ୍ତି ଅଡେ ତାନି କେନ୍ଦୁ ଏଝାଣାଇଁ ତୀଗାମାନାକି ଏଝାସି ଇଦାଆଁ ରାଚାମାନେସି, ୧:୧-୩ । ଜହନ ଇ ଆକୁତି ରାଚିନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧ଜହ ୧:୪ ଅଡେ ନାମୁ ଗାଟାରାଇଁ ପାପୁ ପିସାଲି ତାକି ୧ଜହ ୨:୧ ଅଡେ ମିଚି ଜାପ୍ନାରି ତାଣ୍ଡାଟି ନାମୁ ଗାଟାରାଇଁ ଗେଲ୍ପାଲି ୧ଜହ ୨:୨୬ ନାମୁ ଗାଟାରାଇଁ ଗେଲ୍ପି ଆହାମାଞ୍ଜେରି ଇଞ୍ଜାଲି ୫:୧୩ ।

### ପତିତା ମାନାୟି

- ୧. ଆକୁତି ପୁଣ୍ଡିକିନାୟି ଅଡେ ରାଚିମାନି କାତା ଖେହ୍ନାୟି । ୧:୧-୪
- ୨. ମାହାପୁରୁ ଏନିକିଁ ଉଜେଡ଼ି ଅଡେ ଜୀସୁ ଲେହେଁ ନୀତାଲି ଖେସାମାନେସି । ୧:୫-୩:୧୦
- ୩. ରଅସି ରଅଣାଇଁ ଜୀସୁ ନନାଣି ଖେଣ୍ଡେ ଅଣ୍ଡି କିନାୟି । ୩:୧୧-୫:୧୨
- ୪. ଆକୁତି ରାପ୍ନାୟି । ୫:୧୩-୨୧

ଜୀସୁତି ବଲୁ

୧ \*ମୂଲ୍ୟ ଆମ୍ବାଆସି ମାଚେସି, ମାମ୍ଭୁ ଏଝାଣି ବଲୁ ଖେଞ୍ଜାମାନମି, ଆମ୍ବାଆରାଇଁ ମା କାନୁ ତଲେ ମେସାମାନମି, ଆମ୍ବାଆରାଇଁ ନେହିକିଁ ସିନିକିହା ମାନମି ଅଡେ ମା କେନ୍ଦୁତଲେ ତୀଗାମାନମି, ଏ ଜୀସୁଲେହେଁତି ବଲୁତି କାତା ଖେସିମାଞ୍ଜାନମି । ୨ \*ଏ ଜୀସୁ ତଞ୍ଜାଆଡେ, ଇଞ୍ଜା ମାମ୍ଭୁ ମେସୁମି ଅଡେ ସାକ୍ତି ହାହିମାଞ୍ଜାନମି; ଆମିନି କାଲାକାଲାତି ସୁବୁଜୀସୁ ଆବା ତଲେ ମାଚେ, ଅଡେ ମା ତାଣ୍ଡା ତଞ୍ଜାଆଡେସି ଏଝାଣି କାତା ମିଙ୍ଗେ ଖେସିମାଞ୍ଜାନମି । ୩ ମାମ୍ଭୁ ଏନାଆଁ ମେସାମାନମି ଅଡେ ଖେଞ୍ଜାମାନମି, ଏଦାଆଁ ମିଙ୍ଗେ ଜିକେଏ ଖେସିମାଞ୍ଜାନମି, ଏନିକିଁ ମୀରୁ ଜିକେଏ ମା ତଲେ ଆଣ୍ଡାଲି ଆଡାଦେରି; ଅଡେ ମା ଆଣ୍ଡାମାନାୟି ଆବା ଅଡେ ତାନି ମୀରୁଏଣା ଜୀସୁ କ୍ରୀସ୍ତୁ ତଲେ ମାନେ । ୪ ମା ରାହାଁ ଏନିକିଁ ହାରେ ପୁରେ ଆନେ ଇଦାଣିତାକି ଇ ବାରେ ମାମ୍ଭୁ ରାଚିମାଞ୍ଜାନମି ।

### ମାହାପୁରୁ ଉଜେଡ଼ି

୫ ମାମ୍ଭୁ ଏଝାଣି ତାଣ୍ଡାଟି ଆମିନି କାବୁ ଖେଞ୍ଜାମାନମି, ଅଡେ ଖେସିମାଞ୍ଜାନମି, ଏ କାବୁ ଇଦି, ମାହାପୁରୁ ଉଜେଡ଼ି, ତାନି ତାଣ୍ଡା ଆନେରି ହିଲ୍ଡୁଏ ହିଲେଏ । ୬ ମାମ୍ଭୁ ଆନେରିତା ମାଞ୍ଜାନା ମାହାପୁରୁ ତଲେ ଆଣ୍ଡୁଆହା ମାନାୟି ଇଞ୍ଜିଁ ଖେସିହଁ, ମାର ମିଚି ଖେହ୍ନାତାୟି, ଅଡେ ମାର ସାତା ତଲେ ତାକିହିଲଆୟି । ୭ ସାମା ଏଝାସି ଏନିକିଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହଁଏ ଉଜେଡ଼ିତା ତାକିନାୟି, ଆତିହଁ ମାର ରଅସି ରଅଣି ତଲେ ଆଣ୍ଡୁଆନାୟି ମାନେ, ଅଡେ ତାନି ମୀରୁଏଣା ଜୀସୁ ନେତେରି ମା ବାରେ ପାପୁତି ନରହାନେ ।

୮ ମା ତାଣ୍ଡା ପାପୁ ହିଲେଏ ଇଞ୍ଜିଁ ଖେହ୍ନାୟି, ଆତିହଁ ମାର ମାଙ୍ଗେଏ ନାଡ଼ି କିହାକତିମାନାୟି, ଅଡେ ମା ତାଣ୍ଡା ସାତା ହିଲେଏ । ୯ ସାମା ମାମ୍ଭୁ ପାପୁ କିହାମାନମି ଇଞ୍ଜିଁ ମାହାପୁରୁ ନକିତା ଖେହ୍ନାୟି, ଆତିହଁ ଏଝାସି ମା ପାପୁ ବାରେ ମ୍ବେକ୍‌ହାଲି ଅଡେ ବାରେ ଲାଗେଏ ପଲେଏ ତାଣ୍ଡାଟି ଅଡ଼ହାଲି ନାମୁ ଅଡେ ତାରିଗାଟାସି । ୧୦ ମାର ପାପୁ କିହା ହିଲଆୟି ଇଞ୍ଜିଁ ଇନାୟି, ଆତିହଁ ମାର ମାହାପୁରୁଇଁ ମିଚି ଗାଟାସି କିହିମାନାୟି, ଅଡେ ତାନି ବଲୁ ମା ତାଣ୍ଡା ହିଲେଏ ।

### ୨

### କ୍ରୀସ୍ତୁ ଗେଲ୍ପାମାସି

୧ ଏ ନା ମୀରୁକା ମାସ୍‌କାତେରି ମୀରୁ ଏନିକିଁ ପାପୁ କିଅତେରି, ଇଦାଆଁତାକି ଇ ବାରେ ମୀ ତାଣ୍ଡା ରାଚିମାଞ୍ଜାଇଁ । ସାମା ଆମ୍ବାଆସି ପାପୁ କିନେସି, ଆତିହଁ ମା ଖାକି ଆହାନା ଆବା ତାଣ୍ଡା

ବାତିମାଲିନାସି ରଥସି ମାନେସି, ଏଞ୍ଜାସି ଦାମ୍ବୁଗାଟି ଜୀସୁ କ୍ରୀସୁ । ୨ କ୍ରୀସୁ ମା ପାପୁ ତାକି, ଖାରଇ ମା ପାପୁ ତାକି ଆଏ, ସାମା ଦାର୍ତତି ବାରେ ଲକୁତି ପାପୁ ତାକି ଡାକିତି ପୂଜାଲେହେ ଆଡେସି ।

୩ ମାର ମାହାପୁରୁତି ହୁକୁମି ମାନଞ୍ଜି ଆନାୟି, ଆତିହୁ ଏମ୍ବାଟି ପୁଞ୍ଜାଲି ଆଡିନାୟି, ଏଞ୍ଜାଣାଇ ସାତାତଲେ ପୁଞ୍ଜାମାନାୟି । ୪ ତାନି ହୁକୁମି ମାନଞ୍ଜି ଆଆନା ଆମ୍ବାଆସି ନାନୁ ଏଞ୍ଜାଣାଇ ପୁଞ୍ଜାମାଇଁ ଇଞ୍ଜୁଁ ଜଲିନେସି, ଏଞ୍ଜାସି ମିଟି ଗାଟାସି ଏଞ୍ଜାଣି ତାଣା ସାତା ହିଲେଏ । ୫ ସାମା ଆମ୍ବାଆସି ତାନି ହୁକୁମି ମାନଞ୍ଜି ଆନେସି, ଏଞ୍ଜାଣି ତାଣା ମାହାପୁରୁତି ସାତା ଜୀଞ୍ଜୁନନାୟି ପୁରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର ମାହାପୁରୁ ତାଣା ମାନାୟି । ୬ ଆମ୍ବାଆସି ନାନୁ ମାହାପୁରୁ ତଲେ ଡୟିଇଁ ଇଞ୍ଜୁଁ ଇନେସି, ଏଞ୍ଜାସି ଜୀସୁ କ୍ରୀସୁ ନୀତା ମାଟିଲେହେ ନୀତିନାୟି ମାନେ ।

**ପୁଞ୍ଜି ହୁକୁମି**

୭ \*ଏ ନା ଜୀଞ୍ଜୁତି ତଣେସିଙ୍ଗାତେରି ନାନୁ ମୀ ତାଣା ଏନି ପୁଞ୍ଜି ହୁକୁମି ରାଟିମାଞ୍ଜାଅ, ସାମା ତଲିଟିଏ ଆମିନି ପୁଞ୍ଜଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଟିମାଞ୍ଜାଇଁ; ମୀରୁ ଆମିନି ବଲୁ ଖେଞ୍ଜାମାଞ୍ଜେରି, ଏଦିଏ ପୁଞ୍ଜଇ ହୁକୁମି । ୮ ଅଡେ ନାନୁ ନୀର୍ବି ମିଙ୍ଗେ ପୁଞ୍ଜି ହୁକୁମି ଲେହେ ରାଟିମାଞ୍ଜାଇଁ, ଇତିହୁଁ ଏଦି କ୍ରୀସୁ ତାଣା ଅଡେ ମୀ ତାଣା ଜିକେଏ ସାତା ଇଞ୍ଜୁଁ ତଞ୍ଜାଆନେ, ଇତିହୁଁ ଆନ୍ଦେରି ଗୁଟା ଆହିମାନେ ଅଡେ ସାତା ଉଜେଡି ତଞ୍ଜାଆଡେୟିଏ ।

୯ ଆମ୍ବାଆସି ତାନି ତାୟି ତାଜିଇଁ ଅପାଆନା ନାନୁ ଉଜେଡିତା ମାଇଁ ଇଞ୍ଜୁଁ ଇନେସି ଏଞ୍ଜାସି ନୀର୍ବି ପାତେକା ଆନ୍ଦେରିତା ମାଞ୍ଜାମାନେସି । ୧୦ ଆମ୍ବାଆସି ତାନି ତାୟି ତାଜିଇଁ ଜୀଞ୍ଜୁ ନନେସି ଏଞ୍ଜାସି ଉଜେଡିତା ମାଞ୍ଜାମାନେସି, ଇଞ୍ଜା ଏଞ୍ଜାଣି ତାଣା ପୁଟି କିନାୟି ଏନାୟି ହିଲେଏ । ୧୧ ସାମା ଆମ୍ବାଆସି ତାନି ତାୟି ଅପିହିଲଅସି ଏଞ୍ଜାସି ଆନ୍ଦେରିତା ମାନେସି, ଅଡେ ଆନ୍ଦେରିତା ତାକି ତାକିହୁଁ ଆମ୍ବୁୟାଞ୍ଜାକି ହାଜିମାନେସି, ଏଦାଆଁ ପୁନଅସି, ଇତିହୁଁ ଆନ୍ଦେରି ତାନି କାଣକାଣି କାଣା କିହାମାନେ ।

୧୨ ଜୀଞ୍ଜୁତି କକାରି ପଦାତେରି ନାନୁ ମିଙ୍ଗେ ରାଟିମାଞ୍ଜାଇଁ, ଏନାଆଁତାକି ଇତିହୁଁ କ୍ରୀସୁ ଦରୁତଲେ ମୀ ପାପୁ ବାରେ ମେଣ୍ଡାଙ୍ଗାମାନେ । ୧୩ ତାଞ୍ଜୁଁତେରି ନାନୁ ମିଙ୍ଗେ ରାଟିମାଞ୍ଜାଇଁ, ଏନାଆଁତାକି ଇତିହୁଁ ଆମ୍ବାଆସି ମୁଲୁଟିଏ ମାନେସି, ଏଞ୍ଜାଣାଇଁ ମୀରୁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟାତେରି ନାନୁ ମିଙ୍ଗେ ରାଟିମାଞ୍ଜାଇଁ, ଇତିହୁଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାତେରି ନାନୁ ମିଙ୍ଗେ ରାଟିମାଞ୍ଜାଇଁ ଏନାଆଁତାକି ଇତିହୁଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାତେରି ନାନୁ ମିଙ୍ଗେ ରାଟିମାଞ୍ଜାଇଁ ଏନାଆଁତାକି ଇତିହୁଁ ଆମ୍ବାଆସି ମୁଲୁଟିଏ ମାନେସି ଏ କ୍ରୀସୁଇଁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟାତେରି ନାନୁ ମିଙ୍ଗେ ରାଟିମାଞ୍ଜାଇଁ ଏନାଆଁତାକି ଇତିହୁଁ ମୀରୁ ବାଡ଼ୟୁ ଗାଟାତେରି, ଅଡେ ମାହାପୁରୁତି ବଲୁ ମୀ ତାଣା ମାନେ ଅଡେ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

**ଦାର୍ତତି ଜୀଞ୍ଜୁ ନଆଦୁ**

୧୫ ଦାର୍ତତି ଅଡେ ଏମ୍ବାଆଁ ମାନାଣି ବାରେତି ଜୀଞ୍ଜୁ ନଆଦୁ, ଆମ୍ବାଆସି ଦାର୍ତତି ଜୀଞ୍ଜୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀଞ୍ଜୁନନାୟି ହିଲେଏ । ୧୬ ଇତିହୁଁ ଆଙ୍ଗାଟି ଜୁପକା, କାନୁତି ଜୁପକା, ଅଡେ ଦନତି ବଡପଣ, ଦାର୍ତତିତା ମାନାୟି ଇ ବାରେ ମାହାପୁରୁ ଆବା ତାଣାଟି ଖାହାହିଲେଏ ସାମା ଦାର୍ତତି ଗାଡ଼ି ଆହାମାନେ । ୧୭ ଦାର୍ତତି ଅଡେ ଏମ୍ବାଆଁ ମାନି ଜୁପକା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଚାତି ମାନଞ୍ଜି ଆନେସି ଏଞ୍ଜାସି କାଲେଏ ତାକି ତୀରି ଆନେସି ।

**କ୍ରୀସୁତି ସାତୁ**

୧୮ ଜୀଞ୍ଜୁତି କକାରି ପଦାତେରି ରାନି କାଲା ଏଗାଞ୍ଜାଡେୟିଏ, ନାଡ଼ିକିନି କ୍ରୀସୁ ଖାନେସି ଇଞ୍ଜୁଁ ମୀରୁ ଏନିକିଁ ଖେଞ୍ଜାମାଟେରି, ଏଲେକିହୁଁ ଏ ନୀର୍ବି ଜିକେଏ ହାରେକା ନାଡ଼ିକିନି କ୍ରୀସୁୟାଁ ନିଜିତେରିଏ; ଇଦାଆଁତାକି ମାର ପୁଞ୍ଜାମାନାୟି ଜୁଗୁ ରାନି କାଲା ଏଦାତେୟିଏ । ୧୯ ଏଞ୍ଜାରି ମା ବିତାଟି ହଡେରି, ସାମା ମା ଗଟିତି ଲକୁ ହିଲାଆତେରି; ଏଞ୍ଜାରି ମା ଗଟିତି ଲକୁ ଆଡିହୁଁ ମା, ଏଞ୍ଜାରି ମା ତଲେ ଡୟିତେରିମା; ସାମା ବାରେ ମା ଗଟିତି ଲକୁ ଆଏ, ଇଦି ଏନିକିଁ ତଞ୍ଜାଆନେ, ଇଦାଆଁତାକି ଏଞ୍ଜାରି ହଡାହାତେରି ।

୨୦ ସାମା ମୀରୁ ଏ ସୁଦୁ ଗାଟାଣା ତାଣାଟି ବର ବେଟାଆହାମାନାକି ମୀରୁ ବାରେତେରି ବୁଦି ବେଟାଆହାମାଞ୍ଜେରି । ୨୧ ମୀରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଟିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡେ ସାତାଟି ଏଚେଲାଞ୍ଜା ମିଟି ହଏ ଇଞ୍ଜୁଁ ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଟିମାଞ୍ଜାଇଁ ।

୨୨ ଜୀସୁଇଁ କ୍ରୀସୁ ଆଏ ଇଞ୍ଜୁଁ ଆମ୍ବାଆସି ଖେହନେସି, ଏଞ୍ଜାଣି ତାଣାଟିଏ ମିଟି ଖେହନାସି ଆମ୍ବାଆସି ? ଅଡେ ଆମ୍ବାଆସି ଆବା ଅଡେ ମୀରୁଏଣାଇଁ ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସୁ । ୨୩ ଆମ୍ବାଆସି ମୀରୁଏଣାଇଁ ଅପଅସି ଏଞ୍ଜାସି ଆବାଇଁ ବେଟାଆହାହିଲଅସି,

☆ ୨:୨ ୨:୭ ଜହ ୧୩:୩୪

ଆତ୍ମାଆସି ମୀରୁଏଣାକ୍ ଆବିନେସି, ଏଞ୍ଜାସି ଆବାକ୍ ଜିକେଏ ବେଟାଆହାମାନେସି ।

୨୪ ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ତାଣା ଡୟାପେ, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ତାଣା ଡୟିଡିହିଁ, ଆଡିହିଁ ମୀରୁ ଜିକେଏ କାଲେଏ ଆବା ଅଡେ ମୀରୁଏଣା ଜୀସୁ ତାଣା ଡୟିଦେରି । ୨୫ ଅଡେ କ୍ରୀସ୍ତ ମାଞ୍ଜେ ଏନାଆଁ ଆଞ୍ଜାମାଞ୍ଜାନେସି ଏଦି କାଲକାଲାତି ଜୀଝୁ ।

୨୬ ଆତ୍ମାଆରି ମିଞ୍ଜେ ନାଡ଼ି କିୟାଲି ଅଣ୍ପାପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଡ଼ିମାଞ୍ଜାଇଁ । ୨୭ ସାମା ମୀରୁ ଏଞ୍ଜାଣି ତାଣାଟି ଆମିନି ସୁଦୁଜୀଝୁତି ବର ବେଟାଆହାମାଞ୍ଜେରି, ଏଦି ମୀ ତାଣା ଡୟାମାନେ, ଇଞ୍ଜା ଆତ୍ମାଆସି ମିଞ୍ଜେ ଜାପ୍‌ହାନେସି, ଏଦି ମିଞ୍ଜେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବର ବେଟାଆହାମାଞ୍ଜେରି ଏଦି ମିଞ୍ଜେ ଆମିନି କାତା ଜାପ୍‌ହାନେ, ଏଦି ସାତା, ମିଟି ଆଏ; ଇଦାଆଁତାକି ଏ ଜାପ୍‌ନାଣି ତଲେ ଏଞ୍ଜାଣି ତାଣା ଡୟାଦୁ ।

୨୮ ନା ଜୀଝୁତି ମୀରକା ମାସ୍‌କାତେରି, କ୍ରୀସ୍ତ ତଲେ ଆଣ୍ଡାନା ଡୟାଦୁ, ଏନିକ୍ ଏଞ୍ଜାସି ଏଟିବେଲା ତଞ୍ଜାଆନେସି, ଏଟିବେଲା ତାନୁ ଖାନ୍‌ଟି ତାନି ନକିତା ମାର ଲାଜା ଆଆନା ସାସା ମେଡ଼ାଆନାୟି । ୨୯ କ୍ରୀସ୍ତ ଦାର୍ମୁଗାଟାସି, ଇଦାଆଁ ପୁନାୟିମାନେ, ଆଡିହିଁ ଆତ୍ମାଆସି ଦାର୍ମୁକାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

**୩**

**ମାହାପୁରୁତି ମୀରକା ମାସ୍‌କା**

୧ \*ମେହ୍‌ଦୁ ଆବା ମାଞ୍ଜେ ଏନିକ୍ ଜୀଝୁ ନନାଣି ହାହାମାଞ୍ଜାନେସି, ମାର ମାହାପୁରୁତି ମୀରକା ମାସ୍‌କା ଇଞ୍ଜା ଖେଞ୍ଜାନାୟି, ଅଡେ ମାର ଏଲେକିହିଁଏ ଆହାମାନାୟି । ଇଦାଆଁତାକି ଦାର୍ତ୍ତି ମାଞ୍ଜେ ପୁଞ୍ଜିମାଞ୍ଜେଏ, ଇଡିହିଁ ଏଦି ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆଡେ । ୨ ଏ ନା ଜୀଝୁତି ତଡ଼େସିଙ୍ଗା, ନୀଏଁ ମାର ମାହାପୁରୁତି ମୀରକା ମାସ୍‌କାତାୟି, ଅଡେ ତାୟୁ ଏନି ଆନାୟି, ଏଦି ନୀଏଁ ପାଡେକା ତଞ୍ଜା ଆହା ହିଲେଏ, ମାର ପୁଞ୍ଜାମାନାୟି, କ୍ରୀସ୍ତ ଏଟିବେଲା ତଞ୍ଜାଆନେସି, ଏଟିବେଲା ମାର ଜିକେଏ ଏଲେକିହିଁଏ ଆନାୟି, ଇଡିହିଁ ଏଞ୍ଜାସି ଏନିଲେହେକି ମାର ଏଲେକିହିଁଏ ଏଞ୍ଜାଣାଇଁ ମେହ୍‌ନାୟି । ୩ ଅଡେ ଆତ୍ମାଆସି ଜିକେଏ କ୍ରୀସ୍ତ ଜୀସୁ ତାଣା ଇ ବାର୍ସୁ

ଇଟାମାନାସି, ଏଞ୍ଜାସି ଏନିକ୍ ସୁଦୁଗାଟାସି, ଏଞ୍ଜାସି ଏଲେକିହିଁଏ ତାଞ୍ଜେ ଅଟ୍‌ହା କଡିନେସି ।

୪ ଆତ୍ମାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିଇଡିହିଁ ହୁକୁମି ଉରିନାୟିଏ ପାପୁ । ୫ \*ମାର ପୁଞ୍ଜାମାନାୟି, କ୍ରୀସ୍ତ ପାପୁ ଡେକା ଅହାଲି ଖାଡେସି, ଇଞ୍ଜା ଏଞ୍ଜାଣି ତାଣା ପାପୁ ହିଲେଏ । ୬ ଆତ୍ମାଆସି କ୍ରୀସ୍ତ ତାଣା ଡୟିନେସି, ଏଞ୍ଜାସି ପାପୁ କିଅସି; ସାମା ଆତ୍ମାଆସି ପାପୁ କିନେସି, ଏଞ୍ଜାସି କ୍ରୀସ୍ତାଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି ।

୭ ନା ଜୀଝୁତି କକାରି ପଦାଁତେରି ଆତ୍ମାଆରି ମିଞ୍ଜେ ନାଡ଼ି କିୟାଆପେରି; ଆତ୍ମାଆସି ଦାର୍ମୁକାମା କିନେସି, କ୍ରୀସ୍ତ ଏନିକ୍ ଦାର୍ମୁଗାଟାସି, ଏଞ୍ଜାସି ଜିକେଏ ଏଲେକ୍ ଦାର୍ମୁଗାଟାସି ଆନେସି; ୮ ଆତ୍ମାଆସି ପାପୁ କିନେସି, ଏଞ୍ଜାସି ସୟତାନଟି ଜାର୍ନା ଆଡାସି, ଇଡିହିଁ ସୟତାନ ତଲିଟିଏ ପାପୁ କିହିଁ ଖାହିମାନେ, ସୟତାନଟି କାମା ନାସା କିୟାଲି ମାହାପୁରୁ ମୀରୁଏସି ଖାଡେସି ।

୯ ଆତ୍ମାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡେ ଖେଣ୍ଡେ କିଅସି, ଇଡିହିଁ ମାହାପୁରୁତି ଗୁଣ୍ଡୁ ଏଞ୍ଜାଣି ତାଣା ମାନେ, ଅଡେ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲିଆଡଅସି । ୧୦ ଆତ୍ମାଆରି ମାହାପୁରୁତି ମୀରକା ମାସ୍‌କା ଅଡେ ଆତ୍ମାଆରି ସୟତାନଟି ମୀରକା ମାସ୍‌କା, ଏଦି ତଞ୍ଜାଆନେ; ଆତ୍ମାଆସି ଦାର୍ମୁକାମା କିଅସି, ଇଞ୍ଜା ତାୟି ତାଞ୍ଜିକ୍ ଜୀଝୁ ନଅସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

**ରଅସି ରଅଣାଇଁ ଜୀଝୁନନାୟି**

୧୧ \*ଇଡିହିଁ ରଅସି ରଅଣାଇଁ ଜୀଝୁନନାୟି ମାନେ ଇ ହାଡ଼ା ମୂଲୁଟିଏ ଖେଞ୍ଜା ମାଞ୍ଜେରି; ୧୨ ପାପୁତି ମୀରୁଏସି କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜାସି ତାନି ତାୟି ହେବଲଇଁ ପାୟିଡେସି; କୟିନ ଏଞ୍ଜାଣାଇଁ ଏନାଆଁତାକି ପାୟିଡେସି ? ଇଡିହିଁ ତାନି କାମା ପାପୁ ଗାଟାୟି, ଅଡେ ହେବଲତି କାମା ଦାର୍ମୁଗାଟାୟି ମାଟେ ।

୧୩ ନା ତାୟି ତାଞ୍ଜିସ୍ତାତେରି ଦାର୍ତ୍ତିତି ଲକୁ ମିଞ୍ଜେ ଅପାଆଡ଼ି ଜିକେଏ ମୀରୁ କାବା ଆଆଦୁ । ୧୪ \*ମାର ପୁଞ୍ଜାମାନାୟି, ମାର ହାକିତି ଜୀଣାଆହାନା ଜୀଝୁ ବେଟାଆହାମାନାୟି, ଇଡିହିଁ ମାର ତାୟି ତାଞ୍ଜିସ୍ତାଣି ଜୀଝୁନହିଁ ମାନାୟି, ଆତ୍ମାଆସି ଜୀଝୁ ନଅସି, ଏଞ୍ଜାସି ହାହାଲି ମାନେସି । ୧୫ ଆତ୍ମାଆସି ଜାହାରା କ୍ରୀସ୍ତାନା ତାୟି ତାଞ୍ଜିକ୍ ଅପଅସି, ଏଞ୍ଜାସି ଲକୁଣି ପାୟିନାସି; ଅଡେ ଲକୁଣି ପାୟିନାରି ତାଣା କାଲକାଲାତି ଜୀଝୁ ଡୟେଏ,

\* ୩:୧ ୩:୧ ଜହ ୧:୧୨    \* ୩:୫ ୩:୫ ଜହ ୧:୨୯    \* ୩:୧୧ ୩:୧୧ ଜହ ୧୩:୩୪    \* ୩:୧୪ ୩:୧୪ ଜହ ୫:୨୪

ଇଦାଆଁ ମୀରୁ ପୁଞ୍ଜାମାଞ୍ଜେରି । ୧୭ ଜୀସୁ କ୍ରୀସ୍ତ ମା ତାକି ଜୀସୁ ହୀତାକି ମାର ଜୀସୁନନାୟି ଏନାୟି ଇଞ୍ଜି ପୁଞ୍ଜାମାନାୟି; ଅଡ଼େ ତାୟି ତାଜି ତାକି ମା ଜୀସୁ ଜିକେଏ ହୀନାୟି ମାନେ । ୧୮ ସାମା ଆମ୍ବାଆସି ଦାର୍ତତା ଦନ ଗାଟାସି ଆହାନା ତାନି ତାୟିତି ଲତାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ମା ମେହ୍‌ଅସି ଇତିସାରେ, ତାନି ହିୟାତା ମାହାପୁରୁତି ଜୀସୁନନାୟି ମାନେ ଇଞ୍ଜି ଏନିକ୍ ଏଲେଇନାୟି ? ୧୯ ନା ମୀରକା ମାସକା ଖାପୁ, ମାର ଜଲ୍ଲା ଜକଡ଼ି ତଲେ ଜୀସୁ ନଆନା କାମା ଅଡ଼େ ସାତା ତଲେ ଜୀସୁ ନନାଣି ତହ୍‌ନାୟି ମାନେ ।

୧୯ ଏଲେ କିତିସାରେ ମାର ସାତାତି ମୀରକା ମାସକାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନି କାତା ମା ହିୟାଁ ମାଞ୍ଜେ ଦହ୍ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି; ୨୦ ଏମିନି କାମାତା ମା ହିୟାଁ ମାଞ୍ଜେ ଦହ୍ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇତିହ୍ ମାହାପୁରୁ ମା ହିୟାଁଟିଏ କାଜାସି, ଏଞ୍ଜାସି ବାରେ ପୁନେସି । ୨୧ ନା ଜୀସୁତି ତଣେସିଙ୍ଗା ମା ହିୟାଁ ମାଞ୍ଜେ ଦହ୍ ଦସ୍ତାଆତିହ୍, ଆତିହ୍ ମାର ମାହାପୁରୁ ନକିତା ସାସାତଲେ ନିତାଲି ଆଡ଼ିନାୟି । ୨୨ ଅଡ଼େ ମାର ଏନାଆଁ ରାହ୍‌ନାୟି, ଏ ବାରେ ଏଞ୍ଜାଣି ତାଣାଟି ବେଟାଆହି ମାନାୟି, ଇତିହ୍ ମାର ତାନି ହୁକୁମି ମାନୁଞ୍ଜି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି । ୨୩ ତାନି ହୁକୁମି ହୀହାମାନିଲେହେଁ, ମାର ତାନି ମୀରଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହୀତି ହୁକୁମି ତଲେ ରଅତାୟି ରଅଣାଇଁ ଜୀସୁନନାୟି । ୨୪ ଆମ୍ବାଆସି ମାହାପୁରୁତି ହୁକୁମି ମାନୁଞ୍ଜି ଆନେସି, ଏଞ୍ଜାସି ମାହାପୁରୁ ତଲେ ଡ଼ୟିନେସି, ଅଡ଼େ ମାହାପୁରୁ ଏଞ୍ଜାଣି ତାଣା ଡ଼ୟିନେସି; ଇଞ୍ଜା ମାହାପୁରୁ ମା ତାଣା ଡ଼ୟିନେସି, ଇଦାଆଁ ମାର ତାନି ହୀହାମାଞ୍ଜାନି ଜୀସୁତଲେ ପୁଞ୍ଜାମାନାୟି ।

### ୪

#### ସାତା ମାହାପୁରୁତି ଜୀସୁ ଅଡ଼େ ମିତି ଜୀସୁ

୧ ନା ଜୀସୁତି ତାୟି ତାଜିସ୍ତା, ବାରେ ଜୀସୁୟାଁଇଁ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀସୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହ୍ କି ତାୟିପାରି କିନ୍ତୁ, ଏନାଆଁତାକି ଇତିହ୍ ଦାର୍ତତା ହାରେକା ମିତି ମାହାପୁରୁ ବଲ୍ଲୁ ଖେହ୍‌ନାରି ହଟାମାନେରି । ୨ ଇଲେ କିତିହ୍ ମୀରୁ ମାହାପୁରୁତି ଜୀସୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣ୍ଡସି ଆଙ୍ଗା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀସୁ ଜଲିନେ, ଏଡ଼ି ମାହାପୁରୁ

ତାଣାଟି ଖାହାମାନେ । ୩ ଅଡ଼େ ଆମିନି ଜୀସୁ ଜୀସୁଇଁ ନାନୁ ପୁଞ୍ଜାହିଲଅଁ ଇଞ୍ଜି ଜଲିନେ, ଏଡ଼ି ମାହାପୁରୁ ତାଣାଟି ଖାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ତତି ଜୀସୁ, ଆମିନି ଜୀସୁତି ଖାନ୍ତି କାତା ମୀରୁ ଖେଞ୍ଜାମାଞ୍ଜେରି, ଇଞ୍ଜା ଏଡ଼ି ନୀଏଁ ଜିକେଏ ଦାର୍ତତା ଖାଡ଼େୟିଏ ।

୪ ଜୀସୁତି କକାରି ପଦାଁତେରି, ମୀରୁ ମାହାପୁରୁ ତାଣାଟି ଜାର୍ନା ଆଡାତେରି, ଅଡ଼େ ମୀରୁ ନାଡ଼ିକିନି ବଲ୍ଲୁ ଖେହ୍‌ନାରାଇଁ ଜୀଣା ଆହାମାଞ୍ଜେରି, ଇତିହ୍ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାର୍ତତା ଆମ୍ବାଆସି ମାନେସି ଏଞ୍ଜାଣି କିହାଁ କାଜାସି । ୫ ନାଡ଼ିକିନାରି ଦାର୍ତତି ଖାହାମାନେରି, ଇଦାଆଁତାକି ଏଞ୍ଜାରି ଦାର୍ତତି କାତା ଖେହ୍‌ନେରି, ଅଡ଼େ ଦାର୍ତତିବାରି ଏଞ୍ଜାରି କାତା ଖେନେରି । ୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଇଁ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀସୁ ଅଡ଼େ ନାଡ଼ିକିନି ଜୀସୁ ପୁଞ୍ଜାଲି ଆଡ଼ିନାୟି ।

#### ଜୀସୁ ନଞ୍ଜିଆନାୟି

୭ ନା ଜୀସୁତି ତଣେସିଙ୍ଗା, ରଅତେରି ରଅଣାଇଁ ଜୀସୁନଦୁ, ଇତିହ୍ ଜୀସୁନନାୟି ମାହାପୁରୁ ତାଣାଟି ଖାନ୍ତି, ଆମ୍ବାଆସି ଜୀସୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁଇଁ ପୁଞ୍ଜାମାନେସି । ୮ ଆମ୍ବାଆସି ଜୀସୁ ନଅସି, ଏଞ୍ଜାସି ମାହାପୁରୁଇଁ ପୁନଅସି, ଏନାଆଁତାକି ଇତିହ୍ ମାହାପୁରୁ ଜୀସୁ ନନାସି । ୯ ଇଦାଆଁ ମାହାପୁରୁତି ଜୀସୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଣ୍ଡିଏ ମୀରଏଣାଇଁ ଦାର୍ତତା ପାଣ୍ଡାତେସି, ଏନିକ୍ ମାର ଏଞ୍ଜାଣି ତାଣାଟି କାଲାକାଲାତି ଜୀସୁ ବେଟାଆନାୟି । ୧୦ ମାର, ମାହାପୁରୁଇଁ ଜୀସୁ ନତାୟି, ଏଡ଼ି ଆଏ, ସାମା ଏଞ୍ଜାସି ମାଞ୍ଜେ ଜୀସୁ ନୟାଁତେସି, ଇଞ୍ଜା ତାନି ମୀରଏଣାଇଁ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଡ଼ି ଏମ୍ବାଟିଏ ଜୀସୁନନାୟି ତଞ୍ଜା ଆହି ମାନେ ।

୧୧ ନା ଜୀସୁତି ତଣେସିଙ୍ଗା, ମାହାପୁରୁ ମାଞ୍ଜେ ଏନିକ୍ ଜୀସୁ ନହାଁ ମାଞ୍ଜାନେସି, ମାର ଜିକେଏ ରଅତାୟି ରଅଣାଇଁ ଜୀସୁ ନଞ୍ଜିଆନାୟି ମାନେ । ୧୨ ଆମ୍ବାଆସି ଏଚେଲାଞ୍ଜା ମାହାପୁରୁଇଁ ମେସାହିଲଅସି; ସାମା ମାର ରଅତାୟି ରଅଣାଇଁ ଜୀସୁନଞ୍ଜିଆନ, ଆତିହ୍ ମାହାପୁରୁ ମା ତାଣା ମାନେସି, ଅଡ଼େ ତାନି ଜୀସୁନନାୟି ମା ତାଣା ମାନେ ।

☆ ୩:୨୩ ୩:୨୩ ଜହ ୧୩:୩୪; ୧୫:୧୨,୧୭

୧୩ ମାର ମାହାପୁରୁ ତାଣା ମାନାୟି ଅଡ଼େ ଏଞ୍ଜାସି ମା ତାଣା ମାନେସି, ଇଦାଆଁ ମାର ପୁଞ୍ଜାମାନାୟି, ଇଚିହୁଁ ଏଞ୍ଜାସି ମାଙ୍ଗେ ତାନି ଜୀଞ୍ଜୁ ହାହାମାଞ୍ଜାନେସି । ୧୪ ମାହାପୁରୁ ଆବା ତାନି ମାରଏଣାଈଁ ଦାରତିତି ଲକୁଣି ଗେଲ୍ପିନାସି ଆହାଲିତାକି ପାଣ୍ଡାତେସି, ଇଦାଆଁ ମାର ମେସାମାନାୟି ଅଡ଼େ ସାକି ହାହି ମାନାୟି । ୧୫ ଆମ୍ବାଆସି ଜୀଞ୍ଜୁଲ ମାହାପୁରୁତି ମାରଏସି ଇଞ୍ଜୁଁ ଖେକ୍ନେସି, ମାହାପୁରୁ ଏଞ୍ଜାଣି ତାଣା ମାନେସି, ଅଡ଼େ ଏଞ୍ଜାସି ମାହାପୁରୁ ତାଣା ମାନେସି । ୧୬ ଅଡ଼େ ମାଙ୍ଗେତାକି ମାହାପୁରୁତି ଆମିନି ଜୀଞ୍ଜୁନନାୟି ମାନେ, ଏଦାଆଁ ମାର ପୁଞ୍ଜାମାନାୟି ଅଡ଼େ ନାମାମାନାୟି । ମାହାପୁରୁ ଜୀଞ୍ଜୁ ନନାସି; ଆମ୍ବାଆସି ଜୀଞ୍ଜୁ ନହୁଁମାନେସି ଏଞ୍ଜାସି ମାହାପୁରୁ ତାଣା ମାନେସି ଅଡ଼େ ମାହାପୁରୁ ଏଞ୍ଜାଣି ତାଣା ଡ଼ୟିନେସି । ୧୭ ଦାମୁତି ଜୀଞ୍ଜୁତା ନୀତାମାନାକି ମାହାପୁରୁତି ଜୀଞ୍ଜୁନନାୟି ମା ତାଣା ତୀରି ଆହାମାନେ, ମାର ନାହାୟି ଦିନାତା ସାସା ବେଟାଆନାୟି, ଇଚିହୁଁ କ୍ରୀସ୍ତ ଏନିକ୍ ମାନେସି, ମାର ଜିକେଏ ଇ ଦାରତିତା ଏଲେକିହୁଁଏ ମାନାୟି । ୧୮ ଜୀଞ୍ଜୁ ନନି ତାଣା ଆଜି ଡ଼ୟେଏ, ସାମା ସାତା ଜୀଞ୍ଜୁନନାୟି ଆଜିତି ହେକ କିନେ, ଇଚିହୁଁ ଆଜି ତଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀଞ୍ଜୁ ନନି ତାଣା ତୀରିତାସି ଆଏ ।

୧୯ ମାହାପୁରୁ ତଲିଏ ମାଙ୍ଗେ ଜୀଞ୍ଜୁ ନହାତାକି ମାର ଜୀଞ୍ଜୁ ନହୁଁମାନାୟି । ୨୦ ଆମ୍ବାଆସି ନାନୁ ମାହାପୁରୁଲ୍ ଜୀଞ୍ଜୁ ନହୁଁମାଲ୍ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଙ୍ଗିଲ୍ ଅପୁଅସି, ଆତିହୁଁ ଏଞ୍ଜାସି ମିତି ଖେହନାସି, ଇଚିହୁଁ ଆମିନି ତାୟିଲ୍ ମେସାମାନେସି, ଏଞ୍ଜାଣାଈଁ ଜୀଞ୍ଜୁ ନଅସି, ଇଚିହୁଁ ଆମିନି ମାହାପୁରୁଲ୍ ମେସାହିଲଅସି, ଏଞ୍ଜାଣାଈଁ ଜୀଞ୍ଜୁ ନହାଲି ଆଡ଼ଅସି । ୨୧ ଆମ୍ବାଆସି ମାହାପୁରୁଲ୍ ଜୀଞ୍ଜୁ ନନେସି, ଏଞ୍ଜାସି ତାନି ତାୟିଲ୍ ଜିକେଏ ଜୀଞ୍ଜୁ ନପେସି, ଇ ହୁକୁମି ମାମ୍ବୁକ୍ରୀସ୍ତ ତାଣାଟି ବେଟା ଆହାମାନି ।

### ୫

#### ଦାରତିତା ଜୀଣା ଆନାୟି

୧ ଆମ୍ବାଆସି ଜୀଞ୍ଜୁଲ୍ କ୍ରୀସ୍ତ ଇଞ୍ଜୁଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଈଁ ଜୀଞ୍ଜୁ ନନେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀଞ୍ଜୁ ନନେସି । ୨ ମାର ଏଚିବେଲା ମାହାପୁରୁଲ୍ ଜୀଞ୍ଜୁନନାୟି ଅଡ଼େ ତାନି ହୁକୁମି ମାନୁଞ୍ଜି ଆନାୟି, ଏଚିବେଲା ଏଦାଆଁ ତଲେ ମାର

ମାହାପୁରୁତି ମାରକା ମାସକାଈଁ ଜୀଞ୍ଜୁ ନହୁଁମାନାୟି ଇଞ୍ଜୁଁ ପୁଞ୍ଜାଲି ଆଡ଼ିନାୟି । ୩ \*ମାହାପୁରୁଲ୍ ଜୀଞ୍ଜୁନନାୟି ମା ତାଣା ମାନେ, ଇଚିହୁଁ ମାର ଏଞ୍ଜାଣି ହୁକୁମି ମାନୁଞ୍ଜି ଆନ, ଏଞ୍ଜାଣି ହୁକୁମି ମାନୁଞ୍ଜି ଆନାୟି ହାରେକା କସ୍ତ ଆଏ ୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ଦାରତିତି ଜୀଣାଆନେସି, ଅଡ଼େ ଏନାଆଁ ଦାରତିତି ଜୀଣା ଆହାମାନେସି, ଏଦି ମା ନାମୁ । ୫ ଜୀଞ୍ଜୁ ମାହାପୁରୁ ମାରଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସ୍ପେ ଆମ୍ବାଆସି ଦାରତିତି ଜୀଣା ଆନେସି ?

#### ଜୀସୁ କ୍ରୀସ୍ତ ତାକି ସାକି

୬ ଜୀସୁ କ୍ରୀସ୍ତ ଏୟୁ ଅଡ଼େ ନେତେରିଚି ଖାହାମାତେସି, ଖାରଇ ଏୟୁତଲେ ଆଏ, ସାମା ଏୟୁ ଅଡ଼େ ନେତେରି ଇ ରୀ କୃତା ତଲେ ଖାହାମାତେସି; ଅଡ଼େ ସୁଦୁଜୀଞ୍ଜୁ ଜିକେଏ ଏମ୍ବାତି ସାକି ହାହିମାନେ, ଇଚିହୁଁ ଜୀଞ୍ଜୁଏ ସାତା । ୭ ଇ ତାନି ଜାଣା ସାକି ମାନୁ । ୮ ସୁଦୁଜୀଞ୍ଜୁ, ଏୟୁ ଅଡ଼େ ନେତେରି ଏଞ୍ଜି ରଣ୍ଡିଏ ସାକି ହାହିମାନୁ । ୯ ମାର ଲକୁ ହାତି ସାକି ନାମିନାୟି, ଆତିହୁଁ ମାହାପୁରୁ ହାତି ସାକି ଏଦାଣିକିହାଁ ହାରେକା କାଜାୟି, ଅଡ଼େ ମାହାପୁରୁତି ସାକି ଇଦି, ଏଞ୍ଜାସି ତାନି ମାରଏଣା ଖାକିଟି ସାକି ହାହାମାନେସି । ୧୦ ଆମ୍ବାଆସି ମାହାପୁରୁ ମାରଏଣା ତାଣା ନାମିନେସି, ଏଞ୍ଜାସି ତାନି ହିୟାତା ଇ ସାକି ବେଟାଆହାମାନେସି; ଅଡ଼େ ଆମ୍ବାଆସି ମାହାପୁରୁତି ସାକି ନାମଅସି, ଏଞ୍ଜାସି ମାହାପୁରୁଲ୍ ମିତି ଗାଟାସି କିହାମାନେସି, ଇଚିହୁଁ ମାହାପୁରୁ ତାନି ମାରଏଣା ଖାକିଟି ଆମିନି ସାକି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି । ୧୧ \*ଏ ସାକି ଇଦି, ମାହାପୁରୁ ମାଙ୍ଗେ ରାଆଗାଟି ଜୀଞ୍ଜୁ ହାହାମାଞ୍ଜାନେସି, ଅଡ଼େ, ଏ ଜୀଞ୍ଜୁ ତାନି ମାରଏଣା ତାଣା ମାନେ । ୧୨ ଆମ୍ବାଆସି ମାହାପୁରୁ ମାରଏଣାଈଁ ବେଟାଆହାମାନେସି, ଏଞ୍ଜାସି ଜୀଞ୍ଜୁ ବେଟାଆହାମାନେସି; ଆମ୍ବାଆସି ମାହାପୁରୁ ମାରଏଣାଈଁ ବେଟାଆହାହିଲଅସି, ଏଞ୍ଜାସି ଜୀଞ୍ଜୁ ଜିକେଏ ବେଟାଆହାହିଲଅସି ।

#### ରାଆଗାଟି ଜୀଞ୍ଜୁ

୧୩ ମାରୁ ମାହାପୁରୁ ମାରଏଣା ଦରୁ ନାମାମାଞ୍ଜେରି, ମାରୁ ଏନିକ୍ ପୁଞ୍ଜାମାଞ୍ଜେରି, ରାଆଗାଟି ଜୀଞ୍ଜୁ ବେଟା ଆହାମାଞ୍ଜେରି, ଇଦାଆଁତାକି ନାନୁ ମିଙ୍ଗେ ଇ ବାରେ ରାତାମାଞ୍ଜାଈଁ । ୧୪ ଇଞ୍ଜା ମାର ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହୁଁ ଏଞ୍ଜାସି ମା ପ୍ରାତାନା ଖେଞ୍ଜାନେସି, ଇଞ୍ଜୁଁ ମାହାପୁରୁ ତାଣା ମା ବାର୍ସୁ ମାନେ । ୧୫ ଅଡ଼େ ମାର ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି ଖେଞ୍ଜାନେସି

\* ୫:୩ ୫:୩ କହ ୧୪:୧୫ \* ୫:୧୧ ୫:୧୧ କହ ୩:୩୭

ଇଞ୍ଜିମାର ପୁଞ୍ଜାମାନାୟି, ଆତିହୁ ଏଞ୍ଜାଣି ତାଣା  
ମାର ଏନାଆଁ ପ୍ରାତାନା କିହିମାନାୟି, ଏ ବାରେ  
ବେଗାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି  
।

୧୭ ମୀ ନାମିତି ତାୟି କି ତାଜିଇଁ ପାପୁ  
କିହିମାନାଣି ମେହଦେରି ଇତିସାରେ, ଅଡ଼େ ଏ ପାପୁ  
ହାଞ୍ଜି କିନାୟି ଆଏ, ଏ ତାୟି ତାଜି ତାକି ମାହାପୁରୁ  
ତାଣା ପ୍ରାତାନା କିପୁ, ଅଡ଼େ ମାହାପୁରୁ ଏନିକ  
ହାନିହଗେତି ପାପୁ କିହାହିଲାଆ ଲକୁଣି ଜୀଞ୍ଜୁ  
ହାନେସି, ଏଲେକିହି ଏ ଏଞ୍ଜାରାକି ଜିକେଏ ଜୀଞ୍ଜୁ  
ହାନେସି, ହାନିହଗେତି ପାପୁ ମାନେ ଇଞ୍ଜି ଏଞ୍ଜାରି  
ତାକି ପ୍ରାତାନା କିହାଲି ଖେସିହିଲଅଁ । ୧୭ ବାରେ  
ଲଗେଏତି କାମା ପାପୁ, ସାମା ବାରେ ପାପୁ ହାଞ୍ଜି  
କିଏ ।

୧୮ ଆମ୍ବାଆସି ମାହାପୁରୁ ତାଣାଟି ଜାର୍ନା  
ଆହାମାନାସି, ଏଞ୍ଜାସି ପାପୁ କିଅସି, ଏନାଆଁତାକି  
ଇତିହୁ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହା  
ଜାହାରାଇଁ ଗେଲ୍‌ପା କଡିନେସି, ଅଡ଼େ ପାପୁତି ଜୀଞ୍ଜୁ  
ଏଞ୍ଜାଣାଇଁ ତୀଗେଏ, ଇଦାଆଁ ମାର ପୁଞ୍ଜାମାନାୟି ।

୧୯ ମାର ମାହାପୁରୁ ତାଣାଟି ଜାର୍ନା ଆହାମାନାତାୟି  
ଇଞ୍ଜା ବାରେ ଦାର୍ଡିଇଁ ସୟତାନ ଲକ୍‌ହାମାନେ,  
ଇଦାଆଁ ମାର ପୁଞ୍ଜାମାନାୟି ।

୨୦ ମାର ପୁଞ୍ଜାମାନାୟି, ମାହାପୁରୁ ମୀରଏସି  
ଞ୍ଜାହାମାନେସି, ଇଞ୍ଜା ଏଞ୍ଜାସି ମାଜେ ସାତାତାଣାଇଁ  
ପୁଞ୍ଜାଲି ବୁଦି ହୀହାମାଞ୍ଜାନେସି; ଅଡ଼େ ମାର ଏ  
ସାତାଗାଗାଣି ତାଣା, ଇତିହୁ ତାନି ମୀରଏସି ଜୀଞ୍ଜୁ  
କ୍ରୀସ୍ତ ତାଣା ନୀତାମାନାୟି, ଏଞ୍ଜାସି ସାତା ମାହାପୁରୁ  
ଅଡ଼େ ରାଆଗାଟି ଜୀଞ୍ଜୁ ଗାଟାସି ।

୨୧ ନା ଜୀଞ୍ଜୁତି ମୀରକା ମାସ୍‌କାତେରି ପେଶ୍‌କା  
ବମାୟାଁ ତାଣାଟି ମୀରୁ ହେକ ଆହାନା ମାଞ୍ଜୁ ।

# ଯୋହନଙ୍କ ଦ୍ରାଫ୍ଟ ପତ୍ର ଜହନ ରାଫାମାନି ରୀ ଲମ୍ବର ଆକୁ ମୂଲୁ ହାଡ଼ା

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାମ୍ଭୁ ପାଣ୍ଡୁଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ । ଜହନ ଜାହାରାଇଁ ଆକୁ ରାଫିତାସି ଇଞ୍ଜିଁ ଖେହ୍‌ଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଖେସିମାନେସି । ଜହନ ରୀ ଲମ୍ବର ଆକୁତି ଜହନ ରାଫିତି ନେହ୍ କାରୁତଲେ ସମାନା ମାନେ । ଇ ପତିତା ଜୀସୁ ଏନିକ୍ ରଅସି ରଅଣାଇଁ ଜୀସୁ ନନ୍ତି କାତା ଖେସାମାଚେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହ୍ ଏ ଜୀସୁତି ହୁକୁମି ମାନୁଞ୍ଜି ଆନାୟି ଆହିମାନେ ଏଞ୍ଜାଣାଇଁ ଜୀସୁନନାୟି ଜହ ୧:୫-୭; ଜହ ୧୫:୯-୧୦ ।

ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଫିତି ନେହ୍ କାରୁ ଅଡେ ଜହନ ମୂଲୁ ଆକୁ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୁ ରାଫାମାଚେସି ଇଞ୍ଜିଁ ଲକୁ ନାମିମାନେରି । ଜହନ ଇ ଆକୁତା ଆଚାମାନି ଇୟା ଅଡେ ତାନି ମୀରକା ମାସ୍‌କା ଇଞ୍ଜିଁ କୁଲମିତି ରାଫିମାନେସି । ଜହନ ଇ ଆକୁ ରାଫିନି କାତା ଆହିମାନେ ନାମୁତା ମାନି ଲକୁଣି ସାସା ହାନାୟି ଅଡେ ମିତି କାତା ଖେହ୍‌ନାରି ତାଣ୍ଡାଟି ଜାଗ୍ରାତା କିହାଲି ରାଫାମାନେସି ।

### ପତିତା ମାନାୟି

- ୧. ଜହନ ଆକୁ ପଡ଼ୁଞ୍ଜି ଆନାରାଇଁ ଜହରା କିନାୟି । ୧:୧-୩
- ୨. କୁଲମିତି ସାସା ହାହାନା ମାହାପୁରୁତି କାଜା ହୁକୁମିତି ଅଣ୍ଡି କିନାୟି । ୧:୪-୭
- ୩. ମିତି ଜାପ୍‌ନାରି ତାଣ୍ଡାଟି ଜାଗ୍ରାତା କିନାୟି । ୧:୭-୧୧
- ୪. କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପ୍‌ନାୟି । ୧:୧୨-୧୩

୧ ନାନୁ, କୁଲମିତି ପ୍ରାଚିନାତେଏଁ, ମାହାପୁରୁ ଆଚାମାନି ଇୟା ଅଡେ ତାନି ମୀରକା ମାସ୍‌କାକି ଇ ଆକୁ ରାଫିମାଇଁ, ନାନୁ ଏଞ୍ଜାରାଇଁ ସାତା ଜୀସୁ ନହ୍‌ମାଇଁ, ଅଡେ ଖାରଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହ୍ ମାଞ୍ଜାନେରି । ୨ ଆମିନି ସାତା ମା ହିୟାତା ତୁୟାମାନେ ଅଡେ କାଲିକାଲିତାକି ମା ତାଣ୍ଡା ତୁୟିନେ ।

☆ ୧:୫ ୧:୫ ଜହ ୧୩:୩୪; ୧୫:୧୨, ୧୭

୩ ଆବା ମାହାପୁରୁ ଅଡେ ତାନି ମୀରକା ଜୀସୁ କ୍ରୀସ୍ତ ତାଣ୍ଡାଟି କାର୍ନାମେହ୍‌ନାୟି, ହିଡ଼ି ଜୀସୁ ହାହାନା, ସାତା ଅଡେ ଜୀସୁ ନଞ୍ଜିଆହାନା ତୁୟିଦେରି ।

### ସାତା ଅଡେ ଜୀସୁନନାୟି

୪ ନୀ ମୀରକା ମାସ୍‌କା ବିତ୍ରାଟି ଏଚରଜାଣା ଆବା ତାଣ୍ଡାଟି ମାଞ୍ଜେ ହାହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଇଁ । ୫ ଏ ଜୀସୁତି ଇୟା ନାନୁ ନାଏଁ ନିଞ୍ଜେ ର ପୁଞ୍ଜି ହୁକୁମି ରାଫିମାଞ୍ଜାଇଁ ଏଡି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାଫାନା ବାଡ଼ିମାଲିମାଞ୍ଜାଇଁ, ମାର ରଅତାୟି ରଅଣାଇଁ ଜୀସୁନନାୟି ମାନେ । ୬ ମାର ତାନି ହୁକୁମି ମାନୁଞ୍ଜି ଆହାନା ମାଞ୍ଜେ ମାନାୟି, ଇଦିଏ ଜୀସୁ ନନ୍ତି କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହ୍ ଏ ମାଞ୍ଜୁ ଇଦି ଏ ହୁକୁମି ।

୭ ନାନୁ ଖେସିମାଇଁ, ଇଚିହ୍ ଆମିନି ଗାଟାରି ଜୀସୁ କ୍ରୀସ୍ତ ମାଣ୍ଡି ଖାଣା ତଲେ ଖାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକିନାରି ଦାର୍ଡିତା ହଡ଼ା ଖାହାମାନେରି, ଇଲେତି ଲକୁ ନାଡ଼ିକିନାରି ଅଡେ ନାଡ଼ିକିନି କ୍ରୀସ୍ତ । ୮ ସାମା ମୀ ତାକି ମାମୁ କିହାମାନି କାମାତି ପାଡେୟି ବାରେ ଜାକ୍‌ଆନା ଏନିକ୍ ଏମ୍ବାଟି ହାରେ ପୁରେ ବର ବେଟାଆଦେରି ଏଡାଆଁତାକି ଜାଗ୍ରାତା ଆଦୁ ।

୯ ଆମ୍ବାଆସି କ୍ରୀସ୍ତ ଜାପ୍‌ହା ମାନାଣି କିହାଁ ଆଗାଡ଼ା ଗାଣ୍ଡେସି, ଏଞ୍ଜାସି ମାହାପୁରୁଇଁ ବେଟାଆହାହିଲଅସି; ଆମ୍ବାଆସି କ୍ରୀସ୍ତ ଜାପ୍‌ହା ମାନାଣି ତଲେ ତୁୟିନେସି, ଏଞ୍ଜାସି ଆବା ଅଡେ ମୀରକା ଇ ରିଆରାଇଁ ଜିକେଏ ବେଟାଆହାମାନେସି । ୧୦ ଆମ୍ବାଆସି ଇଲେକ୍ ଜାପ୍‌ନାଣି ଆସାନା ମୀ ତାଣ୍ଡା ଖାଅସି, ଏଞ୍ଜାଣାଇଁ ମୀ ଇଜ ହାଟାଆଦୁ, ଇଞ୍ଜା ନେହ୍ ମାଞ୍ଜି କି ଜିକେଏ ଇନାଆଦୁ; ୧୧ ଏନାଆଁତାକି ଇଚିହ୍ ଆମ୍ବାଆସି ଏଞ୍ଜାଣାଇଁ ନେହ୍ ମାଞ୍ଜି କି ଇନେସି, ଏଞ୍ଜାସି ତାନି ଲାଗେଏତି କାମାତା ଆଣ୍ଡିନାସି ଆନେସି ।

### ଆକୁତି ରାଫି କାତା

୧୨ ନାନୁ ମିଞ୍ଜେ ହାରେକା କାତା ରାଫିନାୟି ମାନେ, ସାମା ଆକୁତା ଇଞ୍ଜା ସୀରା ତଲେ ରାଫାଲି ଅଣ୍ଡି ହିଲଅଁ; ମୀ ତାଣ୍ଡା ଖାହାନା ମୁମୁ ମେସପି ଆହାନା ଗୁଡି ତଲେ ଜଲକି ଆୟାଲି ଆସା କିହିମାଇଁ, ଏନିକ୍ ମା ରାହାଁ ହାରେକା ଆନେ ।

୧୩ ମାହାପୁରୁ ଆଚାମାନି ନୀ ତାଜିନି ମୀରକା ମାସ୍‌କା ମିଞ୍ଜେ ଜହରା କିହିମାଞ୍ଜାନେରି । ଆନେନ ।



# ଯୋହନଙ୍କ ତୃତୀୟ ପତ୍ର ଜହନ ରାତ୍ନାମାନି ତୀନି ଲମ୍ବର ଆକୁ ମୂଲ୍ୟ ହାତୀ

ଜହନତି ତୀନି ଲମ୍ବର ଆକୁ ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାୟୁ ପାଣ୍ଡୁଆହାମାନି ଜହନ ତାଣାଟି ରାୟକି ଆହାମାନେ । ଜହନ ଜାହାରାଙ୍କ ଆକୁ ରାତିତାସି ଇଞ୍ଜିଁ ଝେହୁଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଝେସିମାନେସି ୧:୧; ୨ଜହ ୧:୧ । ଇମ୍ବାଆଁ ପୁଞ୍ଜାଲି ଆହିମାନେ ଏଞ୍ଜାସି ଏପିସିୟ ଗାଡ଼ାତା ମାଟିବେଲାତା ଜହନ ରାତିତି ନେହଁ କାବୁତଲେ ତୀନିଗଟା ଆକୁ ଜିକେଏ ରାତ୍ନାମାନେସି ଇ ନାମ୍ବୁ, ଇତିହଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତୀନି ଲମ୍ବର ଜହନ । ଜହନ ଗାୟସ ଦରୁ ଇନି ର ନାମ୍ବୁଗାଟି ତାୟିକି ଇ ଆକୁ ରାତ୍ନାମାନେସି ।

ଏଞ୍ଜାସି ଗାୟସଇଁ ର ତଣେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାଁଇଁ ଜୀସୁ ନହାଲି ହୁକୁମି ହାହିମାନେସି ।

### ପତିତା ମାନାୟି

- ୧. ଜହନ ଜାହାରାଙ୍କ ଝେସାକତିନାୟି । ୧:୧
- ୨. ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜୀସୁ ନହାଲି ଝେହୁନାୟି । ୧:୨-୮
- ୩. ତାୟଗ୍ରେପିସ୍ ଅଡ଼େ ତିନିତ୍ରିଅସ୍ କାତା ଝେହୁନାୟି । ୧:୯-୧୨
- ୪. ଆକୁତି ରାପ୍ନନାୟି । ୧:୧୩-୧୪

୧ \*ନାନୁ, କୁଲମିତି ପ୍ରାଚିନା ଜହନତେଏଁ, ନାନୁ ସାତା ତଲେ ଜୀସୁ ନହଁମାନି ନା ଜୀସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାତିମାଇଁ ।

୨ ଏ ନା ଜୀସୁତି ତଣେ ନାନୁ ଜୀସୁତା ଏନିକଁ ନେହଁ ଆହଁ ମାଞ୍ଜି ଏଲେକିହଁ ନାନୁ ବାରେ ଝାକିଟି ନୀ ନେହେଁ ଆପେ ଅଡ଼େ ନୀ ଆଙ୍ଗା ଜିକେଏ ନେହଁ ମାଣ୍ଡେ ଇଞ୍ଜିଁ ନାନୁ ପ୍ରାତ୍ନା କିହିମାଇଁ । ୩ ନାନୁ ବାରେଦିନା ସାତା ତଲେ ତୃୟିମାଞ୍ଜି, ଏଲେକିହଁଏ ଏଚରଜାଣା ନାମିତି ତାୟିୟାଁ ଝାହାନା, ନାନୁ ତୀରିତଲେ ସାତାତା ନୀତାମାନାଣି ସାକି ହିୟାଲିଏ ନାନୁ ହାରେକା ରାହାଁ ଆଡ଼େଏଁ । ୪ ନା ମୀରକା ମାୟକା ସାତା ଅଡ଼େ ସାତା ତଲେ ନୀତାମାନାଣି ଝେଞ୍ଜାନା, ଏଚେକା ରାହାଁ ଆହିମାଇଁ, ଏଦାଣିକିହାଁ ଆଗାଡ଼ା ନାଙ୍ଗେ ଅଡ଼େ ଏନି ରାହାଁ ହିଲେଏ ।

ଗାୟସ କିତି କାମାତାକି ଜହରା

\* ୧:୧ କାମା ୧୯:୨୯; ରମି ୧୭:୨୩; ୧କର ୧:୧୪

୫ ଏ ନା ଜୀସୁତି ତଣେ ନାନୁ କ୍ରୀସ୍ତାନା ତାୟିୟାଁ ତାକି ଅଡ଼େ ଏଚକା ଦେସାତି କ୍ରୀସ୍ତାନା ତାୟିୟାଁ ତାକି ନାନୁ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି । ୬ ଏଞ୍ଜାରି ଇମ୍ବାଆଁ ମା କୁଲମିତା ନୀ ଜୀସୁ ନତି କାତା ଝେସିମାନେରି; ନାନୁ ଏଞ୍ଜାରାଇଁ ମାହାପୁରୁତି ରାହାଁ ଆନିଲେହେଁ ତାମି ଜିରୁ ତାକି ଲତ୍ନାମାନାଣି ହାହାନା ସାୟେମି କିମୁ । ୭ ଏନାଆଁତାକି ଇତିହଁ ଏଞ୍ଜାରି ନାମାଆଗାଟାରି ତାଣାଟି ଏନାଆଁ ରାହୁଆନା କ୍ରୀସ୍ତତି ସେବା କାମାତାକି ହତାମାନେରି । ୮ ଏଦାଆଁତାକି ମାର ଏନିକଁ ଏଞ୍ଜାରାଇଁ ସାୟେମି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା ।

### ଦିୟତ୍ରପା ଅଡ଼େ ଦିମିତ୍ରିୟ

୯ ନାନୁ କୁଲମିତାକି ର ଇତାଣି ଆକୁ ରାତିତେଏଁ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡପାନା, ନା କାତା ଝେଞ୍ଜାହିଲଅସି । ୧୦ ନାନୁ ଝାଡ଼ିସାରେ ଏଞ୍ଜାସି କିହାମାନି ବାରେ ଲାଗେଏତି କାମା ଝେହୁଇଁ, ଏଞ୍ଜାସି ଏନିକଁ ମା କପାଟି ଲାଗେଏତି କାତା ଝେସାନା ମାଙ୍ଗେ ନିନ୍ଦାକିହଁ ମିତି କାତା ଝେସିମାନେସି, ଝାରଇଁ ଏଚେକେଏ ଆଏ, ସାମା କ୍ରୀସ୍ତାନା ତାୟିୟାଁ ଝାଡ଼ିହଁ ଅପିହିଲଅସି କି ଆମ୍ବାଆରାଇଁ ଅପାଲି ହାହି ହିଲଅସି, ଅଡ଼େ ଆମ୍ବାଆରି ଆବିନାରି ଏଞ୍ଜାରାଇଁ କୁଲମିତି ହପ୍ହାଲି ଅଣ୍ଡପିମାନେସି ।

୧୧ ଏ ନା ଜୀସୁତି ତଣେତି, ନାନୁ ଲାଗେଏ ପଲେଏତାଣି ଆହୁଆନା, ସାମା ନେହଁ କାମାତି ଆହମ୍ବୁ, ଆମ୍ବାଆସି ନେହଁ କାମା କିନେସି ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଲାଗେଏ ପଲେଏ କାମା କିନେସି ଏଞ୍ଜାସି ମାହାପୁରୁଇଁ ପୁଞ୍ଜାହିଲଅସି ।

୧୨ ବାରେଜାଣା ଦିମିତ୍ରିୟଇଁ ନେହାଁସି ଇନେରି, ଏଞ୍ଜାସି କିହାମାନି ସାତା ନେହଁ କାମା ଜିକେଏ ଏଦାଆଁ ତସିମାନେ, ମାମ୍ବୁଜିକେଏ ଏଦାଆଁ ସାକି ହାହିମାନମି, ଇଞ୍ଜା ମାମ୍ବୁଝେହୁନି କାତା ସାତା ଇଞ୍ଜିଁ ନାନୁ ପୁଞ୍ଜାମାଞ୍ଜି ।

### ଜହରା ତଲେ ଆକୁ ରାପ୍ନନାୟି

୧୩ ନାନୁ ନିଙ୍ଗେ ହାରେକା କାତା ଝେସ୍ତାନାୟିମାନେ ସାମା ଏଦାଆଁ ଆକୁତା ସୀରା କାଡ଼ିତଲେ ରାଚାଲି ଅଣ୍ଡପି ହିଲଅଁ । ୧୪ ମାର ମୁମ୍ବୁମେସ୍ପି ଆହାନା ଜଲ୍ଲକି ଆୟାଲି ଆଡ଼ିନାୟି ଇଞ୍ଜିଁ ଆସା କିହିମାଇଁ ।

୧୫ ମିଙ୍ଗେତାକି ହିଡ଼ଡ଼ି ଆୟାପେ, ତଣେସିଙ୍ଗା ମିଙ୍ଗେତାକି ଜହରା ପାଣ୍ଡିମାଞ୍ଜାନେରି, ବାରେଜାଣାଟି ଦରୁ ଆସାନା ଜହରା ଝେହୁମୁ ।

# ଯିହ୍ୱଦାକ ପତ୍ର ଜୀହ୍ୱଦା ରାଚାମାନି ଆକୁ ମୂକୁ ହାଡ଼ା

ରାଚାମାନି ଜୀହ୍ୱଦା ଦରୁତଲେ ଇ ପତିଇଁ ଜୀହ୍ୱଦା ଆକୁ ଇନେରି । ଜୀହ୍ୱଦା ଜାହାରାଇଁ ଜାକୁବ ତାୟି ଇଞ୍ଜିଁ ଝେସାମାନେସି, ଜାକୁବ ଜୀହ୍ୱଦା ତାୟି ମାରେସି, ଏଦାଆଁତାକି ଜୀହ୍ୱଦା ଜିକେଏ ଜୀହ୍ୱଦା ତାୟି ଆନେସି ୧ । ଇ ଆକୁ ଆମିନି କୁଲମିତାକି ରାସ୍ତାକି ଆହାମାରେ ଇଞ୍ଜିଁ ମାର ନେହଁକିଁ ପୁଞ୍ଜାହିଲିଆୟି ଅଡେ ଇମ୍ପାଆଁ ହାରେକା ପୁଞ୍ଜାକି ମେରାତି କାତା ମାନୁ, ଜୀହ୍ୱଦା ଆକୁତି ଜୀହ୍ୱଦା ଲକୁ ପଡ଼଼ି ଆନାରି ମାରେରି । ଆତିହଁ ଜିକେଏ, ଏଞ୍ଜାସି ମାହାପୁରୁ ଆବା “ହାଚାମାନି ଲକୁ, ଜୀହ୍ୱନହାଁମାନି ଲକୁ, ଅଡେ ଜୀହ୍ୱ କ୍ରୀସ୍ତାକି ତାରି କିହାମାନି ଲକୁତି” କାତା ଝେସାମାନେସି ୧ । ଇ ଆକୁ ଜୀହ୍ୱ କ୍ରୀସ୍ତା ଜୀହ୍ୱଆତି ୨୦ ବାର୍ଯା ତାୟି ରାସ୍ତାକି ଆହାମାରେ ।

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଚାମାନେସି ଜୀହ୍ୱଦା ୪ । ଏଞ୍ଜାସି ପୁଞ୍ଜାକି ମେରାତା ଗଟ଼ି ଆତି କାତା ଆଚ୍ଛାମାନେସି ଅଡେ ତାନି ରୁକୁବାଡ଼ିତି ଆଚ୍ଛା କିହାମାନେସି । ଇ ଆକୁତା ପିତରତି ରୀ ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜୀହ୍ୱଦା ୪; ୨ପିତ ୨:୧ ଅଡେ ଜିକେଏ ଦୂତୁୟାଁ, ସଦମ ଅଡେ ଗମରାତି କାତା ରାଚାମାନେସି ।

### ପତିତା ମାନାୟି

- ୧. ଜୀହ୍ୱଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
- ୨. ଏଞ୍ଜାସି ମିତି ଜାପୁନାରି କାତା ଝେହ୍ନାୟି । ୩-୪
- ୩. ପୁଞ୍ଜାକି ମେରାତି କାତା ଅଡେ ଲକୁତି କାତା ଝେହ୍ନାୟି । ୫-୧୨
- ୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜିଁ ଝେହ୍ନାୟି । ୧୭-୨୩
- ୫. ମାହାପୁରୁଇଁ ଜହରା କିହାମାନି ଆକୁ ରାପୁନାୟି । ୨୪-୨୫

୧ ନାନୁ ଜୀହ୍ୱଦାତେଏଁ, କ୍ରୀସ୍ତା ଜୀହ୍ୱଦା ହିଲେଏସି ଅଡେ ଜାକୁବତି ତାୟି, ଆବା ମାହାପୁରୁ ଆଚା ମାନାତେରି ଅଡେ ତାନି ଜୀହ୍ୱ ନନାତେରି ଇଞ୍ଜାଁ ଜୀହ୍ୱ କ୍ରୀସ୍ତା ତାକି ଆଚ୍ଛା ଆହାମାନାତେରି ମିଲେତାକି ଇ ଆକୁ ରାଚିମାଞ୍ଜାଇଁ ।

☆ ୧:୯ ୧:୯ ଝେ ବକୁ ୧୨:୭

୨ ମିଲେତାକି ମାହାପୁରୁତି କାର୍ମାମେହ୍ନାୟି ଅଡେ ହିଡ଼ି ଜୀହ୍ୱ ଇଞ୍ଜାଁ ଜୀହ୍ୱନନାୟି ହାରେପୁରେ ଆୟାପେ ।

### ମିତି ଜାପୁନାରି

୩ ଏ ନା ଜୀହ୍ୱଦା ତଣେସିକା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଶ୍ୱାମାନାୟି, ଏ କାତା ମିଲେ ତାକି ରାଚାଲି ଅଣ୍ଡିମାରେଏଁ । ସାମା ମାହାପୁରୁ ତାନି ଲକୁଣି କାଲାକାଲାତାକି ହାହାମାନି ନାମୁ ଖାକିଟି ଦୁକୁ କିହାଲି ମିଲେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜିଁ ଅଣ୍ଡିମାରେଏଁ । ୪ ଏନାଆଁତାକି ଇତିହଁ ଏଚରଜାଣା ମାହାପୁରୁଇଁ ମାନୁଡ଼ି ଆଆଗାଟାରି ମେଣେଏ ମୀ ବିତ୍ତା ଖାହାମାନେରି, ଏଞ୍ଜାରି ମାହାପୁରୁ କାର୍ମାମେହ୍ନି କାତା ତିରିମ୍ପୁହାନା ତାମୁ ତାମୁ ଅଣ୍ଡିମାରେ ଲେହେଁ ଲାଗେଏ ପଲେଏତି କାମା କିହାମାନେରି, ଅଡେ ଜୀହ୍ୱ କ୍ରୀସ୍ତା ରଅସିଏ କାଜାସି ଅଡେ ପ୍ରୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡି କାତା ତଲି କାଲାଟିଏ ଦାମ୍ପୁପତିତା ରାସ୍ତାକି ଆହାମାନେ ।

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସ୍ପି କିତେସି, ସାମା ଏଞ୍ଜାରି ବିତ୍ତାଟି ନାମାଆଗାଟାରାଇଁ ନାସା କିତେସି, ଇତିହଁ ବାରେ କାତା ପୁଞ୍ଜାମାଟି ଜିକେଏ ମିଲେ ଅଡେ ଝେଣ୍ଡେ ଅଣ୍ଡି କିଞ୍ଜି କିୟାଲି ଅଣ୍ଡିମାରେ । ୬ ଅଡେ ଏମିନି ଦୂତୁୟାଁ ମାହାପୁରୁ ହାହାମାନି ପାଣା ପିସାନା ତାନି ବାସାଆନି ଚାୟି ପିସ୍ତୁ ମାହାପୁରୁ ଏ ଦୂତୁୟାଁଇଁ ନାହାଁୟି କିନି ଦିନା ପାତେକା ଆନ୍ଦେରି ଚାୟିତା କାଲାକାଲା ତାକି ହିକ୍ୱାୟାଁ ତଲେ ଦସା ଇଟାମାନେସି । ୭ ଏଲେକିହଁଏ ସଦମ ଅଡେ ଗମରା ଅଡେ ତାନି ସାରିସୁଟୁ ମାଟି ଗାଡ଼ାୟାଁତାରି, ଦାରିକାମା ଅଡେ ତାନି ବିତ୍ତା ଲାଗେଏ ଅଡେ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲାକାଲା ତାକି ତୀଞ୍ଜିମାନି ହିଚୁତା ସାସି ବେଟାଆଡେରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜିଁ ମାରୁ ଅଣ୍ଡିମାରେ ।

୮ ଏଲେକିହଁଏ ହାପାନା ହେଣ୍ଡାରି ଜିକେଏ, ଅପାଆଗାଟି କାମା ତଲେ ତାନି ଆଜାତି ଲାଗେଏ କିହାମାନେରି, ଅଡେ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୂତୁୟାଁଇଁ ନିନ୍ଦା କିହାମାନେରି । ୯ \*ସାମା ବାରେକିହାଁ କାଜା ଦୂତୁ ମିକାୟେଲ ମସାଟି ମାଡ଼ହା ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାମାନି ଏଦାନି ବିଚାରା କିହାଲି ସାସା କିଆନା, ଖାଚରଇ ଏଚେକା ଏଲେଇଚେ, “ପ୍ରୁ ମିଲେ ଦାକା ହିୟାପେସି ।” ୧୦ ସାମା ଇ ଲକୁ ତାମୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜାଁ ବୁଦି ହିଲାଆଗାଟି ଜନ୍ତ ଲେହେଁ

ତାମ୍ଭାସୁ ତାମି ଆଜ୍ଞାତ ଅଣପୁ ତଲେ ପୁଞ୍ଜାମାନି ତାଣାଟି ନାସା ଆନେରି ।<sup>୧୧</sup> ଆୟତା, ଏଞ୍ଜାରି ତଣ୍ଡ ବେଟାଆନାରି, ଇତିହ୍ ଏଞ୍ଜାରି କୟିନ ଜିରୁତା ହାଜାମାନେରି, ତାବୁୟା ଜୁପକାତାକି ଏଞ୍ଜାରି ବିଲିୟମ ଦହ୍ କିତିଲେହେଁ ଦହ୍ କିହାମାନେରି, ଏଞ୍ଜାରି କରହ୍ ଲେହେଁ ହଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆନେରି ।<sup>୧୨</sup> ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହାଁତି ବଜିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଞ୍ଜାରି ଖାରଇ ଜାହାରା ତାକି ଅଣ୍ପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁୟା ଲେହେଁତାରି, ଏଞ୍ଜାରି ତାକି ମେଗାନା ପେନିବେଲା ପାଡ଼େୟି ଆୟାଆଗାଟି ଖାୟିତି ମାରୁନୁ ଲେହେଁତାରି ।<sup>୧୩</sup> ଏଞ୍ଜାରି ସାମଦୁରି ଖାତିସାରି ହନି ମାଡ଼ିଗାଟି ପମ୍ପଲି ଲେହେଁ ଏଞ୍ଜାରି ଲାଜାଗାଟି କାମାୟା ତଞ୍ଜାଆନେ, ଏଞ୍ଜାରି ତାମି ଚାୟୁ ପିସାନା ଇତାଲା ଆତାଲା ରେନି ହୁକାୟା ଲେହେଁତାରି, ଏଞ୍ଜାରିକି ମାହାପୁରୁ କାଲେଏତାକି ଆନ୍ଦେରିଗାଟି ଚାୟୁ ତିୟାରା କିହାଁ ଇଟାମାନେସି ।

<sup>୧୪</sup> ଆଦମ ଚିଏ ସାଡ଼ା ଲମ୍ବର ମାଣ୍ଡସି ହନକ, ଜିକେଏ ତାୟୁ ଆନି କାତା ଏଞ୍ଜାରି ତାକି ଖେକହା ମାରେସି, “ମେହ୍ମୁ ପ୍ରବୁ ତାନି ମାଣା ମାଣା ସୁଦୁଗାଟି ଦୁଦୁୟା ତଲେ ଖାନ୍ଦେସି ।”<sup>୧୫</sup> ମେହ୍ମୁ ପ୍ରବୁ ନାହାଁୟି କିୟାଲି ଖାନ୍ଦେସି, ଏଞ୍ଜାସି ଦାମ୍ବୁ ହିଲାଆଗାଟାରାଇଁ ତାମି ପଲ୍ଲଆ କାମାତାକି ଅଡ଼େ ଏଞ୍ଜାରି ମାହାପୁରୁଇଁ ମାନୁଞ୍ଜି ଆଆନା ଏଞ୍ଜାଣି କପାଟି ଖେସ୍ତୁ ଅପାଆଗାଟି କାତାତାକି ଏଞ୍ଜାରିଇଁ ଦହ୍ଗାଟାରି କିହାନା ତଣ୍ଡ ହାନେସି ।

<sup>୧୬</sup> ଇ ଲକୁ ବାରେବେଲା ତାମ୍ଭାସୁ ଏତେକା ବେଟାଆଡ଼ି ଜିକେଏ ରାହାଁ ଆଅରି । ଏଞ୍ଜାରି ଖାରଇ ତାମି ଲାଗେଏ ପଲେଏତି ଅଣ୍ପୁ ତଲେ ସାଲୁଞ୍ଜି ଆନେରି; ଏଞ୍ଜାରି ବଡ଼ପଣ ତସାନା କାଜା କାତା ଖେହ୍ନେରି, ଅଡ଼େ ଲାବା ବେଟାଆହାଲି ଜୁପକା ତସାନା ଲକୁ ନକିତା ଅଜିତି କାତା ଖେହ୍ନେରି ।

**ଜାଗ୍ରତା ଅଡ଼େ ଜାପୁନି କାତା**

<sup>୧୭</sup> ସାମା ଏ ନା ଜୀଞ୍ଜୁତି ତଣ୍ଡେସିଙ୍ଗା ମା ପ୍ରବୁ ଜୀସୁ କ୍ରୀସ୍ତତି ପାଣ୍ଡୁଞ୍ଜି ଆହାମାନାରି ତଲିଚିଏ ଏମିନି ବାରେ କାତା ଖେସାମାନାଣି ବାରେ ଅଣ୍ପାଦୁ ।<sup>୧୮</sup> ଏଞ୍ଜାରି ଏନିକ୍ ମିଙ୍ଗେ ଖେସାମାଞ୍ଜାତେରି ରାନ୍ତି ବେଲା ମାହାପୁରୁଇଁ ମାନୁଞ୍ଜି ଆହାନା ତାମି ଅଣ୍ପୁ ତଲେ ମାଞ୍ଜାନା ନିନ୍ଦା କାତା ଖେହ୍ନାରି ହନେରି ଇଞ୍ଜା ଲାଜା କିହାନା ଏଲେଇଞ୍ଜାନେରି ।<sup>୧୯</sup> ଏଞ୍ଜାରି ଗଡ଼ହା କିଞ୍ଜି କିହାଁ ଜାରୁ ତିକ୍ନେରି, ଅଡ଼େ ଆଜ୍ଞାତି ଅଣ୍ପୁଟି ସାଲୁଞ୍ଜି ଆହାନା, ମାହାପୁରୁତି ନେହ୍ମ୍ ଜୀଞ୍ଜୁ ବେଟାଆଆତାରି ।<sup>୨୦</sup> ସାମା ଏ ତଣ୍ଡେସିଙ୍ଗା ମୀରୁ ମୀ ତୀରିଗାଟି ନାମୁଗାଟି ଦାମ୍ବୁତି ଇଲୁ ପାଡ଼ିକିହାଁ କତାଦୁ, ଅଡ଼େ ସୁଦୁଜୀଞ୍ଜୁ ତଲେ

ପ୍ରାତାନା କିଦୁ ।<sup>୨୧</sup> ମା ପ୍ରବୁ ଜୀସୁ କ୍ରୀସ୍ତତି କାର୍ମାଟି କାଲାକାଲାତି ଜୀଞ୍ଜୁ ହିୟାନେସି, ମୀରୁ ଏଦାଆଁ ବେଟାଆହାଲି କାତାନା ମାହାପୁରୁ ଜୀଞ୍ଜୁନହ୍ମ୍ ମାଞ୍ଜାନି ତାଣା ମାଞ୍ଜେମାଞ୍ଜୁ ।

<sup>୨୨</sup> ଆନାମାନା ଆନି ଲକୁଣି କାର୍ମାମେସାନା ନାମୁତା ପାଡ଼ିକିଦୁ ।<sup>୨୩</sup> ଏଟକା ତାରାଇଁ ହିରୁଟି ଡେଞ୍ଜିତି ଲେହେଁ ଗେଲ୍ପାଦୁ, ଆଜ୍ଞାତି ପାପୁ କାମାତା ମାହାମାନି ହିମ୍ବିକା ଅପାଆଦୁ, ଏତର ଲକୁଣି କାର୍ମା ମେସ୍ତମି ଜିକେଏ ଏଞ୍ଜାରିଇଁ ଆଜିନାୟି ମାନେ ।

**ଜହରାତି ପାବୁ**

<sup>୨୪</sup> ଆମ୍ବାଆସି ମିଙ୍ଗେ ପୁଟିକିନି ତାଣାଟି ଗେଲ୍ପାଲି ଆଡାନେସି, ଅଡ଼େ ତାନି ଗାଞ୍ଜୁରମିତି ହାରେକା ରାହାଁତଲେ ନକିତା ତାତାଲି, ମାଙ୍ଗେ ଦହ୍ ହିଲାଆଗାଟି ଲକୁ ଲେହେଁ କିହାଲି ଆଡାନେସି ।<sup>୨୫</sup> ଏ ମା ପ୍ରବୁ ଜୀସୁ କ୍ରୀସ୍ତ ତାକି ମା ଗେଲ୍ପାଲି ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା, ବାଡ଼ୁୟୁ ଅଡ଼େ ସାଲୁଞ୍ଜି କିନାୟି କାଲେଏତାୟି, ନାଏଁ, ଅଡ଼େ ଜୁଗୁ ଜୁଗୁତାକି ଏଞ୍ଜାଣିଖାୟି । ଆମେନ୍ ।

# ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲ୍ଲୁ ମୂଲୁ ହାଡ଼ା

ଝେକ୍‌ହି ବଲ୍ଲୁ ପୁଃନି ମେରାତି ରାଡ଼ି ପତି । ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆଡ଼ି ୯୫ ବାସୀ ତାୟୁ ରାସୁକି ଆହାମାଚେ ୧:୧ । ଏଝାସି ଜହନତି ନେହଁ କାବୁତଲେ ତାନିଗଟା ଆକୁ ପତିୟାଁ ରାଚାମାଚେସି ଏଝି ୧ଜହ, ୨ଜହ ଅଡ଼େ ୩ଜହ । ଜହନ ଆମିନି ଗାଟାଣାଇଁ ଜୀସୁ ହାରେକା ଜୀସୁ ନହଁମାଚେସି । ଜହନ ଏୟୁ ମାଦିମାନି ବୁମିତି ପାଡ଼ମସ୍ ଟାୟୁତା ମାନି ବେଲ୍ଲାତା ଇ ଝେକ୍‌ହି ବଲ୍ଲୁ ରାଚାମାଚେସି, ଇତିହଁ ଜୀସୁ କ୍ରୀସୁତି ନେହଁ କାବୁତାକି ଏଝାଣାଇଁ ଏମ୍ବାଆଁ ଅଝିଆହାମାଚେ ଜହ ୧୩:୨୩ ।

ଜୀସୁ ଝେଣ୍ଡା ଝାନ୍ତି ଦିନା ତାଗେ ଝାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲ୍ଲୁ ରାଚିତେସି ୧:୩; ୨୨:୭ । ଏଝାସି ବାରେ ନାମିତି ଲକୁ ଅଡ଼େ ବାରେକିହାଁ ସାଡ଼ାଗଟା କୁଲମିତାକି ରାଚିମାନେସି ୨-୩ । ଜହନ ତାନି ରାଚିନି ତାଣା ମାହାପୁରୁ ଅଣ୍ଟପୁତି ବଲ୍ଲୁ୧:୩ ଅଡ଼େ ତାନି ମେସାମାନି ହାରେକା ସିନାୟାତି କାତା ରାଚିମାନେସି । ଇ ପତିତି ଏଚେକା ତାଣା ପୁଃଝ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି । ସାଡ଼ାଗଟା ତୀଡ଼ି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଇଁ ମାହାପୁରୁ ମିସରତି ଲକୁଣି ତଣ୍ଡ ହାହାଲିତାକି କସୁୟାଁ ପାଣ୍ଡାନେସି ହାନାୟି ୭-୯ ।

ଝେକ୍‌ହି ବଲ୍ଲୁ ରାନ୍ତି ବେଲ୍ଲାତି କାତା ଝେସିମାନେ, ଜୀସୁ ତାୟୁ ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା ବାସୁଁ ଇଚିନେରି ଏଝାରି ବାରେବେଲ୍ଲା ଏଝାଣିତଲେ ଡ଼ୟିନେରି । ଇ ପତି ନିଜେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହଁ ଜୀସୁ ତବେ ଝେଣ୍ଡା ଝାହିମାନେସି ।

### ପତିତା ମାନାୟି

- ୧. ଜହନ ତାଜେ ପୁଣ୍ଡିକିନାୟି ଅଡ଼େ ତାୟୁତି କାତା ମେହନାୟି । ୧:୧-୨୦
- ୨. ସାଡ଼ାଗଟା କୁଲମିକାକି ଜୀସୁ କ୍ରୀସୁ ତାଣାଟି ଜହନତି କାବୁ । ୨:୧-୩:୨୨
- ୩. ସାଡ଼ାଗଟା ବୁଟୁ ମୁଦ୍ରା ଅଡ଼େ ସାଡ଼ାଗଟା ତୀଡ଼ି । ୪:୧-୧୧:୧୯
- ୪. ମୀରକା ଅଡ଼େ ସାଡ଼ାଗଟା ତାର୍କାଗାଟି ରାଚୁ ତଲେ ଜୁଜୁ । ୧୨:୧-୧୪:୨୦

- ୫. ସାଡ଼ାଗଟା କପାଗାଟି ଗିନାୟାଁ । ୧୫:୧-୧୬:୧୮
- ୬. ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି । ୧୭:୧-୨୦:୧୫
- ୭. ପୁଃନି ଲାକପୁରୁ ଅଡ଼େ ପୁଃନି ଦାର୍ଡି । ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲ୍ଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକଁ ତାନି ହଲ୍ଲିୟାଙ୍ଗାଣି ଝେହନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେରପିତେସି, ଅଡ଼େ ଏଝାସି ତାନି ଦୂଡୁଇଁ ପାଣ୍ଡାନା ତାନି ହଲ୍ଲିୟା ଜହନଇଁ ଏଦାଆଁ ଝେସେସି । ୨ ଏ ଜହନ ମାହାପୁରୁତି ବଲ୍ଲୁ ଅଡ଼େ ଜୀସୁ କ୍ରୀସୁତି ସାକି କାତା ଇଚିହଁ ଏଝାସି ଏନାଆଁ ମେସେସି ଏ ବାରେ କାତାତି ସାକି ହାହିମାନେସି । ୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲ୍ଲୁ ଝେଞ୍ଜାନା, ଇ ପତିତା ରାସୁକି ଆହାମାନାଣି ବାରେ ମାନଝି ଆନାରି ନେହାରି, ଏନାଆଁତାକି ଇଚିହଁ ଇ ବାରେ ଗଟଝି ଆନ୍ତି କାଲମି ତାଗେ ଝାଡ଼େୟିଏ ।

### ସାଡ଼ାଗଟା କୁଲମିକି ଜହରା କିନାୟି

୪ \*ନାନୁ ଜହନତେଏଁ, ଆସିୟାତା ମାନି ସାଡ଼ାଗଟା କୁଲମିକାଣି ଜହରା ଝେସାନା ରାଚିମାଞ୍ଜାଇଁ, ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜୀସୁ ମିଜେ ଆୟାପେ, ନୀଏଁ ଆମ୍ବାଆସି ମାନେସି ତଲି ମାଚାସି ଅଡ଼େ ଜିକେଏ ତାୟୁ ଦିନା ଝାନ୍ନେସି, ଅଡ଼େ ତାନି ରାଜିତି ସିଂଗାସାଣି ନକିତା ନିତାମାନି ସାଡ଼ାଗଟା ଜୀସୁୟାଁ ତାଣାଟି, ୫ ଜୀସୁ କ୍ରୀସୁ ନାମୁତି ସାଡ଼ା ସାକି ହାନାସି, ହାଡ଼ାରି ବିଡ଼ାଟି ତଲିଏ ନିଜିତାସି, ଜାର୍ନା ଆଡ଼ାସି, ଅଡ଼େ ଦାର୍ଡିତି ରାଜାୟାଣି ସାଲଝି କିନାସି । ଏଝାସି ମାଜେ ଜୀସୁ ନହାଁମାଞ୍ଜାନେସି, ଅଡ଼େ ତାନି ନେତେରିଟି ମାଜେ ପାପୁଟି ଗେଲ୍‌ପାତେସି । ୬ \*ଅଡ଼େ ମାଜେ ର ରାଜାତି କୁଲ୍ଲେହେଁ କିହାନା ଆବା ମାହାପୁରୁ ନକିତା ପୂଜେରା ଲେହେଁ ଆଡ଼ାମାଞ୍ଜାନେସି, ତାନି ଗାଝୁରମି କାଜାପାଣା କାଲାକାଲା ତାକି ଆପେ । ଆମ୍ବେନ୍ ।

୭ \*ମେହଦୁ ଏଝାସି ଦୂନ୍ଦା ତଲେ ଝାହିମାନେସି, ଏଚେଟିଏ ବାରେ କାଣିକା ଏଝାଣାଇଁ ମେହନ୍, ଅଡ଼େ ଏଝାଣାଇଁ ଗୁକହା ମାଚାରି ଜିକେଏ ମେହନେରି, ଦାର୍ଡିତାରି ବାରେ କୂଡ଼ା ଏଝାସି ଝାହିମାନାକି ଡ଼ାନେରି ଏଦି ସାଡ଼ା ଆନେ । ଆମ୍ବେନ୍ ।

୮ ବାରେ ବାଡ଼ୁୟୁ ଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟ୍‌ନାତେଏଁ ଅଡ଼େ ରାପ୍‌ନାତେଏଁ, ଆମ୍ବାଆସି ନୀଏଁ ମାନେସି ତଲିଏ ମାଚେସି ଅଡ଼େ ତାୟୁ ଦିନା ଝାନ୍ନାସି ନାନୁ ଏଝାତେଏଁ ।

☆ ୧:୪ ୧:୪ ଝେ ବଲ୍ଲୁ ୪:୫ ☆ ୧:୬ ୧:୬ ଝେ ବଲ୍ଲୁ ୫:୧୦ ☆ ୧:୭ ୧:୭ ମାଡ଼ି ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪,୩୭; ମାଡ଼ି ୨୪:୩୦

କ୍ରୀସ୍ତାଇଁ ମେହ୍‌ନାୟି

୨

୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତି ସୀସୁ ଆହ୍ନାଁ ତାନି ରାଜି ଲକ୍ଷ୍ମତାକି ଖାହିମାନି କସ୍ତ ଅରହାଲି ନାନୁ ମୀ ତଲେତି ର ମାଣ୍‌ସିତେଏଁ । ଜୀସୁ ତସାମାନି ସାତା ଇଞ୍ଜା ମାହାପୁରୁତି ବଲ୍ଲୁ ଝେସିମାଚାକି ନାଙ୍ଗେ ପାଡ଼ମସ୍ ସାମ୍‌ଦୁରି ମାଦି ମାନି ଚାୟୁତା ପାଶ୍ଚାମାଞ୍ଜାତେରି । ୧୦ ପ୍ରବୁତି ଦିନାତା ସୁଦୁଜୀଝୁ ନା ଲାକ ରେଚାଝାଡ଼େ, ଅଡ଼େ ନାନୁ ତାୟୁ ଖାକିଟି ତୀତ୍ରି ମହୁରି ଲେହେତି କାଜା ଗିୟାତଲେ ଏଲେ ଇଞ୍ଜିମାଟି ର ହାଡ଼ା ଝେତେଏଁ । ୧୧ ନାନୁ ମେସିମାନାଣି ରାଚାମୁ ଅଡ଼େ ଇ ପତିତି ଇ ସାତାଗାଚା କ୍ରୀସ୍ତାନା କୁଲମି ଇଚିହ୍ ଏପିସି, ସ୍ପର୍ନା, ପର୍ଗମ, ତୁୟାତିରା, ସାଦ, ପିଲାଦେଲ୍‌ପିୟା ଅଡ଼େ ଲାଝୁଦିକିୟାତି କୁଲମିତା ପାଶ୍ଚାମୁ ।

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଣ୍ଡେ ସିନିକିତେଏଁ, ଇଞ୍ଜା ସାତାଗଚା ବାଂଗାରା ଦୀଝିୟା, ୧୩ ଇଞ୍ଜା ଏ ଦୀଝିୟା ମାଦିଏ ମାଣ୍‌ସି ମୀରଏଣା ଲେହେଁ ର ମାଣ୍‌ସି; ଏଝାଣି ପାଞ୍ଚଆନାୟା ପାତେକା ହିମ୍ବୁରି ପୁକ୍‌ହା ମାଚେ ଅଡ଼େ ବକତା ବାଂଗାରା ପାଟାତି ତ୍ତୁରି ରୁପାମାଚେ; ୧୪ ଏଝାଣି ତାୟୁଁ ବାଣାୟାଁ ଅପହି ଲୁଲୁ ଅଡ଼େ ପେଣ୍ଡି ମାରୁ ଲେହେଁ ଦବ୍‌ଲା, ଅଡ଼େ ଏଝାଣି କାଣ୍‌କା ହିରୁ ଲେହେଁ ତୀଞ୍ଜି ମାରୁ । ୧୫ ତାନି ପାଞ୍ଚଆନାୟା ହଲୁତା ହୁତିତି ପିତାତା ମୁସିମାନି ଲେହେଁ ମିଣ୍‌ସି ମାରୁ, ଅଡ଼େ ତାନି ଗିୟା ଲଦ ଲଦ ଇଞ୍ଜିଁ ରିହିମାନି ଏୟୁତି ହାଡ଼ା ଲେହେଁତାୟି । ୧୬ ତାନି ଚିଞ୍ଚି କେୟୁତା ସାତାଗଚା ହୁକାୟାଁ ମାରୁ, ତାନି ଗୁତିଚି ରିକଝାକି ଦାରାଗାଟି କାଣ୍ଡା ହଡ଼େ, ତାନି ମୁମ୍‌ମୁଦେନା ବେଲା ତୀଞ୍ଜିମାନି କାରା ଲେହେଁ ଉଜେଡ଼ି ଗାଟାୟି । ୧୭ \*ନାନୁ ଏଝାଣାଇଁ ମେସପନିଏ ହାଡ଼ିଲେହେଁ ତାନି କଡାୟାଁ ତ୍ତୁଇ ରାତେଏଁ, ଏମ୍ବାଟିଏ ଏଝାସି ନା ଲାକ ତାନି ଚିଞ୍ଚି କେୟୁ ଇଚାନା ଇଲେ ଇଞ୍ଜାତେସି, ଆଜାଆନି ନାନୁ ମାଟ୍‌ନାତେଏଁ ଅଡ଼େ ରାପ୍‌ନାତେଏଁ । ୧୮ ଆଜାଆଦୁ ନାନୁ ନୀତା ମାନାତେଏଁ ହାଡାତେଏଁ, ନାନୁ କାଲା କାଲେଏତାକି ନୀତାମାଇଁ, ହାନାୟି ଅଡ଼େ ହାଡାରି ରାଜିତି କୁଚିକାଡ଼ି ନା କେୟୁତା ମାନେ । ୧୯ ଇଚିହ୍ ନାନୁ ଏନାଆଁ ମେସାମାଞ୍ଜି, ଅଡ଼େ ଏନାୟି ନୀଏଁ ଆହିମାନେ ଇଞ୍ଜା ଇଦାଣି ଜେଚ ଏନାୟି ଆଚେ ଇ ବାରେ ରାଚା ଇଚାମୁ । ୨୦ ନା ଚିଞ୍ଚି କେୟୁତା ମେସାମାନି ସାତାଗଚା ହୁକାୟାଁ ଅଡ଼େ ସାତାଗଚା ବାଂଗାରା ଦୀଝି ସଡାୟାଁତି ତ୍ତୁଗୁମାନି କାତା ଇଦି, ସାତାଗଚା ହୁକାୟାଁ ସାତାଗଚା କୁଲମିତି ଦୁତୁୟାଁ, ଅଡ଼େ ସାତାଗଚା ବାଂଗାରା ଦୀଝି ସଡାୟାଁ ସାତାଗଚା କୁଲମିକା ।

ଏପିସି କୁଲମିତାକି କାରୁ

୧ “ଏପିସି କୁଲମିତି ଦୁତୁ ତାଣା ରାଚାମୁ, ଆମ୍ବାଆସି ଚିଞ୍ଚି କେୟୁତା ସାତାଗଚା ହୁକାୟାଁ ଆସାମାନେସି ଅଡ଼େ ସାତାଗଚା ବାଂଗାରା ଦୀଝି ସଡାୟାଁ ମାଦି ରେଜିମାନେସି, ୨ ଏଝାସି ଏଲେଇଞ୍ଜି ମାନେସି, ନାନୁ କିହାମାନି କାମା ନାନୁ ପୁଞ୍ଜାମାଇଁ, ନାନୁ ଏନିକିଁ ଖାହୁତଲେ କାମା କିହିମାଞ୍ଜି, ଅଡ଼େ ଏଚେକା ଅରହିମାଞ୍ଜି ଏଦାଆଁ ପୁଞ୍ଜାମାଇଁ, ନାନୁ ଲାଗେଏ ପଲେଏ କାମା କିନାରାଇଁ ଅପିହିଲଅତି, ଅଡ଼େ ପାଶ୍ଚି ଆଆନା ମାମ୍‌ପାଶ୍ଚି ଆହାମାନମି ଇଞ୍ଜିଁ ଝେସା କଡିନେରି, ନାନୁ ତାୟିପାରି କିହାଁ ଏଝାରି ମିଚି କାତା ଝେହନାରି ଇଞ୍ଜିଁ ପୁଞ୍ଜିମାଞ୍ଜି । ୩ ନା ଦରୁ ତାକି ଦୁକୁ କସ୍ତ ଅରହିମାଞ୍ଜି ଇଞ୍ଜା ଖାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଇଁ । ୪ ଅତିହ୍ ଜିକେଏ ନୀ କପାଟି ନା ଇ କାତା ମାନେ, ତଲି ଜୀଝୁନହ୍ ମାଞ୍ଜାତିଲେହେଁ ନୀଏଁ ଜୀଝୁନହ୍ ମାଞ୍ଜଅତି । ୫ ଅଡ଼େ ନାନୁ ଏନିକିଁ ତ୍ତୁଇ ତରଗା ମାଞ୍ଜି ଏଦାଆଁ ଅଶ୍‌ପାନା ନୀ ପାପୁ ପିସାହାଁ ମନ ଝେଟ୍‌ମୁ ଅଡ଼େ ତଲିତିଲେହେଁ ସାତା କାମା କିମ୍, ଆଆତ୍ ଏଚେତା ନାନୁ ହିୟାଁ ଝେଟ୍‌ଅତି, ନାନୁ ନୀ ତାଣା ତବେ ଖାହାନା ନୀ ଦୀଝିଁ ନୀ ତାଣାଟି ଏଟକା ଗୁଚିକିୟାଇଁ । ୬ ଅତିଜିକେଏ ନୀ ତାଣା ର ନେହ୍ ଗୁଣ୍ଡ ମାନେ ନାନୁ ଏନିକିଁ ନିକଲାୟତାରି ବାରେ କାମା ଅପିହିଲଅ ଏଲେକ୍ ନାନୁଝା ଅପିହିଲଅତି ।”

୭ \*କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀକାଁ ମାନୁ ଏଦାଆଁ ଝେଣ୍ଡାସି । ଆମ୍ବାଆସି ଜୀଣା ଆଚେସି, ଏଝାଣାଇଁ ନାନୁ ମାହାପୁରୁ ରାଜିତା ମାନି ଜୀଝୁଗାଟି ମାରୁନୁତି ପାଡ଼େୟି ତିଞ୍ଜାଲି ହାଇଁ ।”

ସ୍ପର୍ନା କୁଲମିତାକି କାରୁ

୮ \*ସ୍ପର୍ନା କୁଲମିତି ଦୁତୁ ତାଣା ରାଚାମୁ, ଆମ୍ବାଆସି ତଲିତାସି ଅଡ଼େ ତାୟୁତାସି, ଆମ୍ବାଆସି ହାହାମାଚେସି ଅଡ଼େ ଝେଣ୍ଡେ ନୀତିତେସି, ଏଝାସି ଏଲେଇଞ୍ଜି ମାନେସି । ୯ ନାନୁ ନୀ ବାରେ କସ୍ତ ଅଡ଼େ ହାକି କାକୁଲି ପୁଞ୍ଜାମାଇଁ, ସାମା ନାନୁ ବାଡ଼କୁ ଗାଟାତି ଅଡ଼େ ଆମ୍ବାଆରି ଜୀହୁଦି ଲକୁ ଆଆନା ମାମ୍‌ଜୀହୁଦି ଲକୁତମି ଇଞ୍ଜିଁ ଇନେରି, ଏଝାରି ସୟତାନ ଗଚିତାରି ଏଝାରି ନିନ୍ଦା ଜିକେଏ ନାନୁ ପୁଞ୍ଜାମାଇଁ । ୧୦ ମୀରୁ ଏମିନି ଦୁକୁ ବେଟାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ; ମେହ୍‌ଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିତ୍ରାଟି ଆମ୍ବା ଆମ୍ବାଆରାଇଁ କାୟିଦିତା ଇଚିନେ, ଅଡ଼େ ମୀରୁ ଦସ ଦିନା କସ୍ତ ବେଟାଆଦେରି । ମୀରୁ ହାନି

\* ୧:୧୭ ୧:୧୭ ଝେ ବଲ୍ଲୁ ୨:୮; ୨୨:୧୩ \* ୨:୭ ୨:୭ ଝେ ବଲ୍ଲୁ ୨୨:୨ \* ୨:୮ ୨:୮ ଝେ ବଲ୍ଲୁ ୧:୧୭; ୨୨:୧୩

ପାତେକା ନାମୁତଲେ ମାଞ୍ଜୁ, ଆତିହୁଁ ନାନୁ ମିଙ୍ଗେ ଜୀଝୁତି ଚପେରି ହିୟାକ୍ ।”

୧୧ \* “କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କୀର୍କା ମାଟିସାରେ ଝେଣ୍‌ମାସି, ଆମ୍ବାଆସି ଜୀଣା ଆନେସି ଏଝାଣାକ୍ ଅର ଦେବାତି ହାକି ତଲେ ନସୁ କିହାଲି ଆଡେଏ ।”

**ପର୍ଗମ କୁଲମିତାକି କାବୁ**

୧୨ “ପର୍ଗମ କୁଲମିତି ଦୂତୁ ତାଣା ରାଚାମ୍, ଆମିନି ଗାଟାଣି ତାଣା ରିକଝାକି ଦାରା ଗାଟି କାଣ୍ଡା ମାନେ ଏଝାସି ଏଲେଇଞ୍ଜି ମାନେସି । ୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନାନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାକ୍, ଆତିହୁଁ ଜିକେଏ ନାନୁ ନା ଦରୁତି ଆଟ୍‌ଝା ତଲେ ଆସାମାଞ୍ଜି, ଅଡେ ନା ସାକି ଆଡ୍‌ପା ଏତିବେଲା ମୀ ତାଣା ସୟତାନତି ବାସା ଟାୟୁତା ପାୟୁଝି ଆହାମାଚେସି, ମୀରୁ ନା ତାଣା ନାମାମାନାକି ଏତିବେଲାତା ଜିକେଏ ନାଙ୍ଗେ ପୁଞ୍ଜାହିଲଅଁ ଇଞ୍ଜାଆତି । ୧୪ ଆଡ୍‌ଜିକେଏ ନୀ କପାଟି ର କାତା ମାନେ, ଇତିହୁଁ ଆମିନି ବିଲିୟମ ପେଣକା ବମାୟାକି ଡାକାମାନି ବଗୁ ତିନି ତାଣାଟି ପାପୁ ଅଡେ ଦାରିକାମା କିଝିକିନି ପାନ୍ଦା ମେଡହାଲି ଇସାୟେଲ ମୀରକା ବାଲାକକ୍ ଜାପୁହା ମାଚେସି, ଏଲେତି କାମା କିନି ଲକୁ ମୀ ବିଡ୍ରାଟି ଏଚରଜାଣା ତାକିନାରି ମାନେରି । ୧୫ ଏଲେକିହୁଁ ଏ ନିକଲାୟ ଜାପୁନାଣି ଆସାମାନି ଲକୁ ମୀ ବିଡ୍ରା ମାନେରି । ୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟ୍‌ଦୁ ଆଆତ୍ ନାନୁ ମୀ ତାଣା ତବେ ଝାହାନା ନା ଗୁଡିଟି ହନି କାଣ୍ଡାତଲେ ଏଝାରି କପାଟି ଜୁଜୁ କିକ୍ ।”

୧୭ \* “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମାସି । ଆମ୍ବାଆସି ଜୀଣା ଆନେସି ଏଝାଣାକି ଡଗୁମାନି ମାନା ତିଞ୍ଜାଲି ହାକ୍ ଅଡେ ଏଝାରି ବିଡ୍ରାଟି ବାରେଜାଣାତି ପୁଝନି ଦରୁ ରାସକି ଆହାମାନି ର ଦବଲା ଝାଲି ହାକ୍, ଏ ପୁଝନି ଦରୁ ଏନାୟି ଝାଲି ଆନାଣି ପିସପେ ଆମ୍ବାଆସି ପୁନଅସି ।”

**ତୁୟାତିରା କୁଲମିତାକି କାବୁ**

୧୮ “ତୁୟାତିରା କୁଲମିତି ଦୂତୁ ତାଣା ଇଲେଇଞ୍ଜି ରାଚାମ୍, ମାହାପୁରୁ ଆମିନି ମୀରଏଣା କାଣ୍‌କା ଡଞ୍ଜିମାନି ହିରୁ ଲେହେଁ ଇଞ୍ଜା ପାଝଆନା କତାୟା ମିସିମାନି ପିତାଡା ଲେହେଁ ଏଝାସି ଏଦାଆଁ ଏଲେଇଞ୍ଜି ମାନେସି । ୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅରୁହିନାଣି ପୁଞ୍ଜାମାକ୍, ଅଡେ ନୀ ତଲିତି କାମା କିହାଁ ନୀଏଁ ହାରେକା ଗାଡି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାକ୍ । ୨୦ ଆଡ୍‌ଜିକେଏ ନୀ କପାଟି ର ଇତି

କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାକ୍ ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନାତେଏଁ ଇଞ୍ଜି ଝେସାକତାନା, ନା ସେବା କିନାରାକ୍ ଦାରିକାମା ଅଡେ ପେଣକା ବମାୟାକି ଡାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଝି କିହାମାନେ, ମୀରୁ ଏଦାଣି ଅରୁହି ମାଞ୍ଜେରି । ୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେଟ୍‌ହାଲି ହାତି ଜିକେଏ, ତାନି ଦାରିକାମା ପିସାଲି ମନ କିଆଡେ । ୨୨ ଇଦାଆଁତାକି ନାନୁ ଏଦାନି ମାଡ଼ ହୁଞ୍ଜିକିକ୍, ଅଡେ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାମି ପାପୁ କାମାଟି ହିୟାଁ ଝେଟ୍‌ଆତ୍ ନାନୁ ଏଝାରାକ୍ ଆଜିହପେତି ସାସ୍ତି ହାକ୍ । ୨୩ ଅଡେ ନାନୁ ତାନି ମୀରକା ମାସକାକ୍ ହାକି ତଲେ ନାସାକିକ୍, ଏଚେଟିଏ ନାନୁ ବାରେ ଲକୁତି ହିୟାଁ ଅଡେ ମନତି ଅଣ୍‌ପୁତି ପୁନାତେଏଁ, ଅଡେ ବାରେଜାଣାକି ତାମି କାମାଟି ପାଡେୟି ହୀନାତେଏଁ ଇଞ୍ଜି ବାରେ କୁଲମିକା ପୁଞ୍ଜାନୁ ।”

୨୪ “ସାମା ମୀରୁ ତୁୟାତିରାତି ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅଡେରି, ଇଞ୍ଜା ଏଟକାତାରି ଏନାଆଁ ସୟତାନତି ଡଗୁମାନି କାତା ଇଞ୍ଜି ଇନେରି, ଏଦାଆଁ ମୀରୁ ଜାପାହିଲଅଡେରି, ନାନୁ ଏଝାରି ଲାକ ଏନି ପୁଝନି ବଜୁ ହାଆଁ । ୨୫ ଇତିହୁଁ ମୀ ତାଣା ଏନାୟି ମାନେ ଏଦାଆଁ ନା ଝାନି ଦିନା ପାତେକା ତାରିତଲେ ଆସାମାଞ୍ଜୁ ।”

୨୬ ଆମ୍ବାଆସି ଜୀଣା ଆନେସି, ଅଡେ ତାୟୁ ପାତେକା ନା କାମା କିନେସି, ନାନୁ ଏନିକିହୁଁ ନା ଆବା ତାଣାଟି ଅଦିକାରା ବେଟାଆହାମାକ୍, ଏଲେକିହୁଁ ଏ ଏଝାଣାକି ଏ ଦେସାତି ଅଦିକାରା ହାକ୍ । ୨୭ ଏଝାସି ବାରେ କୁଡାତି ଲକୁଣି ଲହ ବାଡଗା ତଲେ ସାଲୁଝି କିନେସି ଅଡେ ଇରଆ ଡକାୟା ଲେହେଁ କୁଚୁକୁଟା କିନେସି । ୨୮ ଅଡେ ନାନୁ ଏଝାରାକି ଝେୟାଜାରା ହୁକା ଜିକେଏ ହାକ୍ ।

୨୯ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣ୍‌ମାସି ।”

**୩**

**ସାଦ କୁଲମିକି କାବୁ**

୧ “ସାଦ କୁଲମିତି ଦୂତୁ ତାଣା ରାଚାମ୍, ଆମ୍ବାଆସି ମାହାପୁରୁତି ସାଡାଗଟା ଜୀଝୁୟାଁ ଅଡେ ସାଡାଗଟା ହୁକାୟାଁ ଆସାମାନେସି ଏଝାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାକ୍ ମୀରୁ ଦରୁ ତାକି ଜୀଝୁ ଗାଟାଡେରି, ସାମା ସାଡା ତଲେ ହାଡାଡେରି । ୨ ଜାଗ୍ରାତା ଆଦୁ ଅଡେ ମୀ ତାଣା ଏନାୟି ମାନେ ଏ ବାରେ ଡଗୁନି ନକେଏ ଏଝାଆଁ ବାଡୟୁ କିଦୁ, ଇତିହୁଁ ନାନୁ ମୀ ବାରେ

କାମା ନା ମାହାପୁରୁ ନକିତା ଦହୁ ହିଲାଆଗାଗାୟି ତଞ୍ଜା ଆହା ହିଲେଏ । ୩ \*ଏଦାଆଁତାକି ମୀରୁ ଏନିକି ଜାପାମାଞ୍ଜେରି ଅଡେ ଝେଞ୍ଜାମାଞ୍ଜି ଏଦାଣି ଅଣପାନା ମାନଝି ଆଦୁ ଇଞ୍ଜା ପାପୁଟି ହିୟାଁ ଝେଟ୍‌ଦୁ; ମୀରୁ ଜାଗ୍ରାତା ଆଆତିହୁଁ ନାନୁ ସରୁଲେହେଁ ମୀ ତାଣା ଖାଲ୍, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡଅତେରି । ୪ ସାମା ସାଦିତା ମୀ ବିତ୍ତା ଏଚରଜାଣା ମାନେରି, ଏଞ୍ଜାରି ତାମି ହିମ୍ବୁରିକା ମାହୁଁ କିହାଁ ହିଲଅରି, ଏଞ୍ଜାରି ଅପ୍‌ନି ହିମ୍ବୁରିକା ହୁଚାନା ନା ତଲେ ତାକିନେରି, ଏଦାଆଁତାକି ଇତିହୁଁ ଏଞ୍ଜାରି ପାଡ଼ା ଆଡାରି । ୫ \*ଆମ୍ବାଆରି ଜୀଣା ଆନେରି ଏଞ୍ଜାରି ଏଲେତି ଅପ୍‌ନି ହିମ୍ବୁରିକା ହୁଚିନେରି, ଅଡେ ନାନୁ ଏଞ୍ଜାରି ଦରୁ ଜାଝୁଗାଟି ପତିଟି ଏଚେଲାଝା ମେକ୍‌ଅଁ, ଇଞ୍ଜା ନାନୁ ନା ଆବା ଅଡେ ତାନି ଦୁଡୁୟା ନକିତା ନା ତଲେତାରି ଇଞ୍ଜିହୁଁ ଏଞ୍ଜାରି ଦରୁ ଝେକ୍‌ଇଁ ।”

୬ “କୁଲମିକାଣି ସୁଦୁଜୀଝୁ ଏଦାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

**ପିଲାଦେଲ୍‌ପିୟା କୁଲମିତାକି କାବୁ**

୭ “ପିଲାଦେଲ୍‌ପିୟା କୁଲମିତି ଦୂତୁ ତାଣା ରାଚାମ୍ବୁ, ଆମ୍ବାଆସି ସୁଦୁଗାଗାସି ଅଡେ ସାତାତାସି ଆମିନିଗାଗାଣି କେୟୁତା ଦାଝୁଦତି କୁଟିକାଡ଼ି ମାନେ, ଏଞ୍ଜାସି ଦାଚା ଦେତିସାରେ ଆମ୍ବାଆସି ସୁଶ୍ୱାଲି ଆଡଅସି, ଅଡେ ଦାଚା ସୁଶ୍ୱାସାରେ ଆମ୍ବାଆସି ଦେଚାଲି ଆଡଅସି, ୮ ଏଞ୍ଜାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଲ୍, ସିନିକିଦୁ ନାନୁ ମୀ ନକିତା ର ଦାଚା ଦେଚାମାଲ୍, ଏଦାଆଁ ଆମ୍ବାଆସି ସୁଶ୍ୱାଲି ଆଡଅସି, ଇତିହୁଁ ମୀ ବାଡ଼ୟୁ ଉଣା ମାଟି ଜିକେଏ ନା ଜାପ୍‌ନାଣି ମୀରୁ ମାନଝି ଆହାମାଞ୍ଜେରି, ଇଞ୍ଜା ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଜି ଇଞ୍ଜାହିଲଅତେରି । ୯ ମେହ୍‌ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜି ଇଞ୍ଜିମାନେରି ଇଲେତି ସୟତାନ ଗତିଟି ଲକୁଣି ନାନୁ ମୀ କତାଣା ଜହରା କିଝି କିୟାଲ୍, ଇଞ୍ଜା ନାନୁ ମିଙ୍ଗେ ଜୀଝୁନହୁଁ ମାଞ୍ଜାଲ୍ ଇଞ୍ଜି ଏଞ୍ଜାରି ପୁଞ୍ଜାଲି ଆଡିନେରି । ୧୦ ନା ହୁକୁମି ଲେହେଁ ସାସା ଆସାନା ମାଞ୍ଜେରି, ଇଦାଆଁତାକି ଦାରତିତି ଲକୁଣି ତାୟିପାରି କିହାଲି ବାରେ ଦାରତିତା ଆମିନି ତାୟିପାରି କିନି ଦିନା ଝାନ୍, ଏମ୍ବାଟି ନାନୁ ଜିକେଏ ମିଙ୍ଗେ ଗେଲ୍‌ପାଲ୍ । ୧୧ ନାନୁ ତବେ ଝାହିମାଲ୍ ମୀ ଜୀଣାଆଡ଼ି ଟପେରି ଏନିକି ଆମ୍ବାଆସି ମୀଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଂଚା ତଲେ ଆସାଁ ଡୟାଦୁ । ୧୨ \*ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଲ୍ ନା ମାହାପୁରୁ ଇଲୁତି ମୁଶ୍ୱାଲେହେଁ କିଇଁ, ଏଞ୍ଜାସି ଏମ୍ବାଟି

ପାଞ୍ଜାତା ହାଲଅସି, ନାନୁ ନା ମାହାପୁରୁତି ଦରୁ ଅଡେ ଲାକପୁରୁଟି ଝାହାମାନି ପୁଞ୍ଜି ଜିରୁସାଲମ ମା ମାହାପୁରୁତି ଗାଡ଼ାତି ଦରୁ ଇଞ୍ଜା ନା ପୁଞ୍ଜି ଦରୁ ତାନି ଲାକ ରାଟିଇଁ ।”

୧୩ “କୁଲମିକାଣି ସୁଦୁଜୀଝୁ ଏଦାଆଁ ଝେସିମାନେସି, ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

**ଲାଝୁଦିକିୟା କୁଲମିକି କାବୁ**

୧୪ “ଲାଝୁଦିକିୟା କୁଲମିତି ଦୂତୁ ତାଣା ରାଚାମ୍ବୁ, ଆମ୍ବାଆସି ସାତା ଇଞ୍ଜା ନାମ୍ବାଗାଗାସି ଅଡେ ସାତା ସାକି ହୀନେସି, ଅଡେ ଆମ୍ବାଆସି ମାହାପୁରୁ ଗାଡ଼ିକିତାଣି ମ୍ବୁଲୁଏ ଗାଡ଼ିକିତାସି ଏଞ୍ଜାସି ଏଲେଇଞ୍ଜି ମାନେସି । ୧୫ ନାନୁ ମୀ କାମା ପୁଞ୍ଜାମାଲ୍, ମୀରୁ ହିଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ି କି ଉସମି ଆହାମାଟି ନେହୁଁ ଆଡେମା । ୧୬ ସାମା ମୀରୁ ହିଡ଼ି କି ଉସମି ଆଆନା କାଝିନି ଆହାମାନାକି ନାନୁ ମିଙ୍ଗେ ନା ଗୁତିଟି ହୁପାଲି ହାଜିମାଲ୍ । ୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାତେଏଁ ନାଙ୍ଗେ ହାଚେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ ।’ ସାମା ନାନୁ କାର୍ମା କାକୁଲି ଗାଟାତି ଅଡେ ସାୟେମି ହିଲାଆଗାଗାଟି, ହାକି ଗାଟାତି, କାଣା ଅଡେ ନାଗୁଡ଼ା ଗାଟାତି, ଇଦାଆଁ ପୁଞ୍ଜାହିଲଅତି; ୧୮ ଇଦାଆଁତାକି ନାନୁ ନିଙ୍ଗେ ଇ କାତା ଝେସିମାଞ୍ଜାଲ୍ ନାନୁ ବାଡ଼କୁ ଗାଟାତି ଆହାଲିତାକି ହିଚୁତା ହୁଡ଼ିତି ବାଂଗାରା ଅଡେ ନୀ ନାଗୁଡ଼ାତି ଲାଜା ଏନିକିହୁଁ ତଞ୍ଜା ଆଏ ଇଦାଆଁତାକି ହୁଚାଲି ଦବ୍‌ଲା ହିମ୍ବୁରି ଇଞ୍ଜା କାଶକା ମେସାଲି ତାକି କାଶକାଣା ରୁବାକତିନାଣି ନା ତାଣାଟି କତାମ୍ବୁ । ୧୯ \*ନାନୁ ଏଚେକା ଲକୁଣି ଜୀଝୁ ନଲ୍ ଏଞ୍ଜାରାଲ୍ ଦାକା ଅଡେ ତଣ୍ଡ ହୀଇଁ ଏଦାଣିତାକି ରାହାଁ ଆହାଁ ମନ ଝେଟ୍‌ହା କତାମ୍ବୁ । ୨୦ ମେହ୍‌ମ୍ବୁ ନାନୁ ଦୁଝେରି ତାକିତା ନିଚାନା ଦାଚା ଝେଟିମାଲ୍ ଆମ୍ବାଆସି ନା ଗିୟାଁ ଝେଞ୍ଜାନା ଦାଚା ଦେନେସି ଆଡ଼ି ନାନୁ ବିତ୍ତା ହଡାନା ତାନି ତାଣା ହାଲ୍ ଅଡେ ନାନୁ ଏଞ୍ଜାଣିତଲେ ରାନ୍ଦା ତିଇଁ ଅଡେ ଏଞ୍ଜାସି ନା ତଲେ ରାନ୍ଦା ତିନେସି । ୨୧ ନାନୁ ଏନିକିହୁଁ ଜୀଣାଆହାନା ନା ଆବା ତଲେ ସିଂଗାସାଣିତା କୁଗାମାଲ୍ ଏଲେକିହୁଁ ଏ ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଲ୍ ନା ତଲେ ନା ସିଂଗାସାଣିତା କୁଗାଲି ହୀଇଁ ।”

୨୨ “ସୁଦୁଜୀଝୁ କୁଲମିକାଣି ଏଦାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”



**ଲାକପୁରୁ ପ୍ରାଡାନା**

\* ୩:୩ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୨:୧୫ ୩:୧୨ ଝେ ବଲ୍ଲୁ ୨୧:୨ \* ୩:୧୯ ୩:୧୯ ଏକ୍ରି ୧୨:୬ \* ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ \* ୩:୧୨

୧ ଏଚେଟିଏ ନାନୁ ମେସ୍‌ସେଏ, ମେହ୍‌ଦୁ ଲାକପୁରୁଟି ର ଦାରା ଦେପିଆହାମାନେ; ଅଡ଼େ ତାଡ଼ି ମହ୍‌ରି ହାଡ଼ାଲେହେଁ ନା ତଲେ ନକେଏ ଜଲିମାଚାଣି ଝେଞ୍ଜା ମାଚେଏ, ଏଦି ଏଲେଇଞ୍ଜାଚେ “ଇମ୍‌ଆଁ ନିଙ୍ଗା ଖାମ୍, ଏନାୟି ଇଦାଆଁ ତାୟୁ ଗଟ଼ି ଆଚେ ଏ ବାରେ ନିଙ୍ଗେ ନାନୁ ତସ୍‌ଆଇଁ ।” ୨ ଏ ଦେବୁଣିଏ ସୁଦୁଜୀଝୁ ନାଙ୍ଗେ ଲକ୍‌ହାଚେ, ମେହ୍‌ଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି । ୩ କୁଗାମାନାଣି ଖାଣା ହୀରା ଅଡ଼େ ମାଣିକ୍ୟ ଇନି ଦାରାଗାଟି ଖାଲି ଲେହେଁ, ଅଡ଼େ ସିଂଗାସାଣିତି ମରକତ ଇନି ଦାରା ଗାଟି ଖାଲିକା ଲେହେଁ ସାରିସୁଟୁ ର ଦାରଣକି ଗୁରଚାମାଚେ । ୪ ଅଡ଼େ ସିଂଗାସାଣି ସାରିସୁଟୁ କଡ଼େ ସାରିଗଟା ସିଂଗାସାଣି ମାନୁ, ଅଡ଼େ ସିଂଗାସାଣିୟାଁ ଲାକ କଡ଼େ ସାରି ଜାଣା ପ୍ରାଚିନାଙ୍ଗା କୁଗାମାନେରି, ଏଝାରି ଦବ୍‌ଲା ହିମ୍‌ବିକା ହୁରାମାନେରି ଇଞ୍ଜା ଏଝାରି ତାୟୁଁ ତୁ ବାଂଗାରା ଟପେରି । ୫ \*ସିଂଗାସାଣିଟି ବିଲିବାଲା ମୁହ୍‌ନାୟି ଅଡ଼େ ହାଗୁ ଗୁଣ୍‌ନି ହାଡ଼ା ହଡ଼େ, ଅଡ଼େ ସିଂଗାସାଣି ନକିତା ହିରୁଗାଟି ସାଡ଼ାଗଟା ଦୀଝିୟାଁ ତୀଞ୍ଜିମାରୁ, ଇ ସାଡ଼ାଗଟା ହିରୁ ବନ୍ଦାୟାଁ ମାହାପୁରୁଟି ସୁଦୁଜୀଝୁୟାଁ ୬ ସିଂଗାସାଣି ନକିତା ଦାପେଣିଲେହେଁ ର ନେହ୍‌ ସାମ୍‌ଦୁରି ତଞ୍ଜାଆହିମାଚେ, ସିଂଗାସାଣି ସାରିସୁଟୁଟି ମାଦିଏ ସାରିଗଟା ଜନ୍ତୁ ଜିଝେଡ଼ିକା, ଏଝାସିକା ନକିତା ଅଡ଼େ ତାୟୁତା କାଣକା ମାରୁ । ୭ ନକିତ ଜନ୍ତୁ ସିହ୍‌ କାଞ୍ଜାନି ଲେହେଁ, ଅଡ଼େ ରୀ ଲମ୍‌ବର ଜନ୍ତୁ ବାଚା କଡ଼ି ଲେହେଁ, ତାନି ଲମ୍‌ବର ଜନ୍ତୁଟି ମୁମ୍‌ ମାଣ୍‌ସିତି ମୁମ୍‌ ଲେହେଁ, ଅଡ଼େ ସାରି ଲମ୍‌ବର ଜନ୍ତୁ ଲାକ ଉମ୍‌ମାନି ଲେଡ଼ ଲେହେଁ ତଞ୍ଜାଆହିମାଚେ । ୮ ବାରେ ଜନ୍ତୁୟାଁକି ସ ଗଟା ମାରାୟାଁ ଏ ମାରାୟାଁ ବିଡ଼ା ଅଡ଼େ ପାଙ୍ଗାତା କାଣକା ମାନୁ ଏଝି ଲାଆଁ ମାଦେନା ଜମାଆନା ଏଲେଇଞ୍ଜା ମାନୁ ।

“ସୁଦୁ, ସୁଦୁ, ସୁଦୁ, ବାରେ ବାଡ଼ୁଗାଟି ମାହାପୁରୁ, ଆମ୍‌ଆସି ତଲିଏ ମାଚେସି ନୀଏଁ ମାନେସି ଅଡ଼େ କାଚେଲଏ ମାନେସି, ଏ ପ୍ରବୁ ।”

୯ ଜନ୍ତୁୟାଁ ଏଚିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଝୁଗାଟି ମାଣ୍‌ସିଇଁ ଗାଝୁରମି ସାମ୍‌ମି ଅଡ଼େ ଜହରା କିନେରି । ୧୦ ଏଚିବେଲା କଡ଼େ ସାରି ଜାଣା ପ୍ରାଚିନାଙ୍ଗା ସିଂଗାସାଣିତା କୁଗାମାନି ମାଣ୍‌ସିଇଁ ମେଣ୍‌ଜାକୁତାନା କାଲେଏ ନୀତାମାନି ମାଣ୍‌ସିଇଁ ଜହରା କିତେରି, ଇଞ୍ଜା ସିଂଗାସାଣି ନକିତା ତାମି ଟପେରିକା ଇଗାନା ଏଲେଇଚେରି ।

୧୧ ମା ପ୍ରବୁ ଅଡ଼େ ମାହାପୁରୁ । ନାନୁ ଗାଝୁରମି ସାମ୍‌ମି ଅଡ଼େ ବାଡ଼ୁରୁ ବେଟାଆହାଲି ଜଗେ ଗାଟାଟି ।

ଏନାଆଁତାକି ଇଚିହ୍‌ ନାନୁ ବାରେ ଗାଡ଼ିକିହା ମାଞ୍ଜି  
 |  
 ଅଡ଼େ ନୀ ଅଣ୍‌ପୁ ତଲେ ବାରେ ଗାଡ଼ି  
 ଆହାମାନୁ, ଅଡ଼େ ଜୀଝୁତଲେ ନୀତାମାନୁ  
 |



ରୁପିନି ପତି ଅଡ଼େ ମେଣ୍‌ଜା ତାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଝନି କେୟୁତା ର ପୁଞ୍ଜଇ ପତି ମେସ୍‌ସେଏ, ଏଦି ରିକଞ୍ଜାକି ରାସ୍‌କି ଆହାମାଚେ ଇଞ୍ଜା ସାଡ଼ାଗଟା ସାଲି ଝେପି ଆହାମାଚେ । ୨ ଅଡ଼େ ନାନୁ ବାଡ଼ୁଗାଟି ର ଲାକପୁରୁଟି ଦୂଡୁଇଁ ମେସ୍‌ସେଏ, ଏଝାସି କାଜା ଗିୟାଁତଲେ ଏଲେଇଚେସି, ଆମ୍‌ଆସି ଇ ସାଲି ହୁକ୍‌ହାନା ପତିତି ଦେଚାଲି ପାଡ଼ାଆନେସି । ୩ ସାମା ପତିତି ଦେଚାଲି, ଏମ୍‌ଆଁ ଏନାୟି ରାସ୍‌କି ଆହାମାନେ, ସିନିକିହାଲି ଲାକପୁରୁ, ଦାର୍‌ତିତା ଅଡ଼େ ତାଡ଼େପୁରୁତା ଆମ୍‌ଆସି ସାସା କିଆଚେସି । ୪ ଏ ପତିତି ଦେଚାଲି କି ଏଦାଆଁ ସିନିକିହାଲି ଆମ୍‌ଆସି ସାସା କିଆଲିଏ ନାନୁ ହାଚେକା ତୀତେଏଁ । ୫ ଏମ୍‌ଆଟିଏ ପ୍ରାଚିନାଙ୍ଗା ବିଡ଼ାଟି ରଅସି ନାଙ୍ଗେ ସାସା ହାହାନା ଏଲେଇଞ୍ଜାଚେସି, “ତୀଆନି, ସିନିକିମୁ ଜୀହୁଦା ଗଟିତି ଦାଝୁଦ କୁଡ଼ାତି ସିହ୍‌ ଜୀଣା ଆହାମାନେସି; ଏଝାସି ଇ ପତିତି ସାଡ଼ାଗଟା ସାଲି ଦେଚାଲି ଅଡ଼େ ଏ ରୁପିତି ପତି ଏକ୍‌ହାଲି ପାଡ଼ା ଆହାମାନେସି ।”

୬ ଏଚେଟିଏ ନାନୁ ସିନିକିତେଏଁ ସିଂଗାସାଣି, ଅଡ଼େ ପ୍ରାଚିନାଙ୍ଗା ମାଦିଏ ସାରିଗଟା ଜନ୍ତୁ ତଲେ ର ମେଣ୍‌ଜା ତାଲୁ ନିଚାମାନାଣି ମେସ୍‌ସେଏ, ଏ ମେଣ୍‌ଜା ତାଲୁ ପାୟୁଝି ଆଡ଼ି ଲେହେଁ ତଞ୍ଜାଆହିମାଚେ, ଏଦାନାକି ସାଡ଼ାଗଟା କମ୍‌କା ଅଡ଼େ ସାଡ଼ାଗଟା କାଣକା ମାରୁ, ଏ କାଣକା ଦାର୍‌ତିତି ବାରେଝାକି ପାଣ୍‌ଝି ଆହାମାଟି ମାହାପୁରୁଟି ସାଡ଼ାଗଟା ସୁଦୁଜୀଝୁୟାଁ । ୭ ମେଣ୍‌ଜା ତାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଝାଣି ଚିଝନି କେୟୁଟି ଏ ରୁପିତି ପତି ଅଡ଼େସି । ୮ ଏ ପତି ଅହାଲିଏ ସାରିଗଟା ଜନ୍ତୁ ଅଡ଼େ କଡ଼େ ସାରି ଜାଣା ପ୍ରାଚିନାଙ୍ଗା ଏ ମେଣ୍‌ଜା ତାଲୁ ନକିତା ମୁନୁ କୁତାହାଁ ଜହରା କିତେରି, ଏ ବାରେଜାଣା ତାକି ର ର ସେରଙ୍ଗି ଅଡ଼େ ମାହାପୁରୁ ଲକୁ ପ୍ରାତାନାତି ଦୁପା ଦୁପ୍‌ଣି ନେଞ୍ଜାମାନି ର ବାଂଗାରା ଗିନା ମାଚେ । ୯ ଏଝାରି ର ପୁଞ୍ଜନି ପାରୁ ପାଡ଼ିମାଚେରି;

“ନାନୁ ଏ ରୁପିତି ପତି ଅହାଲି ଅଡ଼େ ଏମ୍‌ଆଟି ସାଲି ଦେଚାଲି ପାଡ଼ା ଆନାତି,  
 ନାନୁ ପାୟୁଝିଆହାମାଟି, ନୀ ନେତେରିଟି ବାରେ ଗଟି, ବାରେ ହାଡ଼ା, ଦେସା,  
 ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡ଼ାମାଞ୍ଜି,

☆ ୪:୫ ୪:୫ ଝେ ବଲ୍ଲ ୮:୫; ୧୧:୧୯; ୧୭:୧୮; ଝେ ବଲ୍ଲ ୧:୪ ☆ ୫:୧୦ ୫:୧୦ ଝେ ବଲ୍ଲ ୧:୭



୧୦ \*ନାନୁ ଏଞ୍ଜରାଇଁ ରାଜାୟା କୃତ୍ତା ଅଡେ ମାହାପୁରୁ ସେବା କିୟାଲି ପୂଜେରାଙ୍ଗା କିହାମାଞ୍ଜି ।

ଏଞ୍ଜାରି ଦାର୍ତ୍ତିତ ସାଲୁଞ୍ଜି କିନେରି ।”

୧୧ ଏମ୍ବାଟିଏ ନାନୁ ସିନିକିଡେଏଁ, ସିଂଗାସାଣି, ଜନ୍ତୟାଁ ଅଡେ ପ୍ରାତିନାଙ୍ଗା ସାରିସୁରୁ ହାରେକା ଦୁତୁୟାଁତି ହାଡ଼ା ଝେଚେଏଁ, ଏଞ୍ଜି ମାଣା ମାଣା ଅଡେ ଲାକେ ଲାକେ ଜାଣା ନିଗାମାରୁ । ୧୨ ଏଞ୍ଜି କାଜା ଗିୟାଁତଲେ ପାଡ଼ିମାରୁ;

“ପାୟୁଞ୍ଜି ଆହାମାନି ମେଣ୍ଡା ଡାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍ବୁ\_ମି, ଗାଞ୍ଜୁରମି, ଜହରା ବେଟାଆହାଲି ପାଡ଼ାଆନେସି ।”

୧୩ ଅଡେ ନାନୁ ଲାକପୁରୁ, ଦାର୍ତ୍ତି, ତାଡ଼େପୁରୁ ଅଡେ ସାମ୍ବୁଦ୍ଧିତା ମାନି ବାରେ ଜୀଞ୍ଜୁ ଗାଟାଇ ଇଞ୍ଜାଁ ଦାର୍ତ୍ତିତା ମାନି ବାରେ ଜୀଞ୍ଜୁ ଗାଟାଇ ପାରୁ ପାଡ଼ିମାନାଣି ଝେଚେଏଁ । ଏଞ୍ଜି ପାଡ଼ିମାରୁ;

“ସିଂଗାସାଣିତା କୁଗାମାନି ମାଣ୍ଡସିଇଁ ଇଞ୍ଜାଁ ତାନି ମେଣ୍ଡା ଡାଲୁଇଁ ଜହରା କିଦୁ; ତାନି ସାମ୍ବୁ\_ମି, ଗାଞ୍ଜୁରମି ଅଡେ ବାଡ଼ୁୟୁ କାଲାକାଲାତାୟି ।”

୧୪ ଏଚେଟିଏ ସାରିଗଟା ଜନ୍ତ ପାଲି ଆସାନା ଏଲେଇରୁ, “ଆମେନ” ଅଡେ ପ୍ରାତିନାଙ୍ଗା ମୁନୁ କୁତାହାଁ ଜହରା କିଡେରି ।



**ସାତା ଗଟା ସାଲିୟାଁ**

୧ ଅଡେ ନାନୁ ମେଣ୍ଡା ଡାଲୁଇଁ ସାତାଗଟା ସାଲିୟାଁ ବିତ୍ରାଟି ର ଲମ୍ବର ସାଲି ଦେତାଣି ମେସ୍ତେଏଁ, ଅଡେ ସାରିଗଟା ଜନ୍ତ ବିତ୍ରାଟି ର ଜନ୍ତ ହାଗୁ ଗୁଣ୍ଡି ହାଡ଼ାତଲେ ହାଡ଼ିମାରାଣି ଝେଚେଏଁ “ଞ୍ଜାମୁ !” ୨ ଏମ୍ବାଟିଏ ନାନୁ ସିନିକିଡେଏଁ ଅଡେ ର ଦବଲା ଗଡ଼ା ଇଞ୍ଜାଁ ତାନି ଲାକ ହଟାମାରାଣି କେୟୁତା ର ଆମ୍ବୁ ଆସାମାଚେସି, ଅଡେ ଏଞ୍ଜାଣାକି ର ଟପେରି ହାପକିଆଡେ, ଅଡେ ଏଞ୍ଜାସି ଜୀଣା ଆହାଁ ଜୀଣା ଆୟାଲି ହଟାହାଚେସି ।

୩ ମେଣ୍ଡା ଡାଲୁ ଏଚିବେଲା ରୀ ଲମ୍ବର ସାଲି ଦେତେସି, ଏଚିବେଲା ଅଡେ ରୀ ଲମ୍ବର ଜନ୍ତ ଏଲେଇଚାଣି ଝେଚେଏଁ “ଞ୍ଜାମୁ.” ୪ ଏମ୍ବାଟିଏ ଅଡେ ର ଗଡ଼ା ହଟା ଞ୍ଜାଡେ, ଏଦି ନେତେରି ଞ୍ଜାଣାଗାଟାୟି; ଲକୁ ଏନିକିଁ ତାମ୍ବୁ ତାମ୍ବୁ ପାୟୁଞ୍ଜି ଆନେରି, ଏଦାଆଁତାକି ଦାର୍ତ୍ତିତି ହିଡ଼ଡ଼ି ହେକ କିହାଲି ତାନି ଲାକ ହଟାମାନାଣାକି ବାଡ଼ୁୟୁ ହାପକିଆଡେ ଅଡେ ଏଞ୍ଜାଣାକି କାଜା କାଣ୍ଡା ହାପକିଆଡେ ।

୫ ମେଣ୍ଡା ଡାଲୁ ଏଚିବେଲା ତାନି ଲମ୍ବର ସାଲି ଦେତେସି, ଏଚିବେଲା ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେଚେଏଁ, “ଞ୍ଜାହାଁ ସିନିକିମୁ”

ଏମ୍ବାଟିଏ ନାନୁ ସିନିକିଡେଏଁ, ମେହ୍‌ଦୁ ର କାଡ଼ିନି ଗଡ଼ା; ଅଡେ ଏମ୍ବାଆଁ ହଟାମାନାଣି କେୟୁତା ର କେଜି ତୁକ୍‌ନାୟି ମାଚେ । ୬ ଅଡେ ନାନୁ, ସାରିଗଟା ଜନ୍ତ ବିତ୍ରାଟି ହଡ଼ି ଲେହେଁଡି ର ହାଡ଼ା ଝେଚେଏଁ; “ର ଟାକା ତାକି ର କେଜି ଗହଁ ଅଡେ ତାନି କେଜି କାଞ୍ଜିଆ ଜନାୟା ମେଡ଼ା ଆନୁ ସାମା ମୀରୁ ଜୀତ ମାର୍‌ନୁତି ନିୟୁଁ ଅଡେ ଅଞ୍ଜୁରି ରାସା ନସ୍ତ କିଆଦୁ ।”

୭ ମେଣ୍ଡା ଡାଲୁ ଏଚିବେଲା ସାରି ଲମ୍ବର ସାଲି ଦେତେସି, ଇଞ୍ଜାଁ ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାରାଣି ଝେଚେଏଁ, “ଞ୍ଜାମୁ !” ୮ ଏମ୍ବାଟିଏ ନାନୁ ସିନିକିଡେଏଁ ଦାର୍‌ମ୍ବୁ ଞ୍ଜାଣାଗାଟି ଗଡ଼ା, ତାନି ଲାକ ହଟାମାରାଣି ଦରୁ ହାକି, ଏଞ୍ଜାଣି ଜେଟ ଜେଟ ଦାର୍ତ୍ତି ହାଜିମାଚେ, ଏଞ୍ଜାଣାକି ଦାର୍ତ୍ତିତି ସାରି ବାଗା ବିତ୍ରା ର ବାଗା ମୁହେଁ କାଣ୍ଡା, ହାକି, ରଗ ଅଡେ ଜାଡ଼ାତି ଜନ୍ତ ଜିଞ୍ଜେଡ଼ିକା ତଲେ ପାୟାଲି ବାଡ଼ୁୟୁ ହାପକିଆଡେ ।

୯ ମେଣ୍ଡା ଡାଲୁ ଏଚିବେଲା ପାସା ଲମ୍ବର ସାଲି ଦେତେସି, ଏଚିବେଲା ଆମିନି ଲକୁ ମାହାପୁରୁତି ବଲ୍ଲୁ ତାକି ଅଡେ ଏଞ୍ଜାଣାକି ହାପକି ଆହାମାନି ସାକି ତାକି ହାହାମାଚେରି, ଏଞ୍ଜାରି ଜୀଞ୍ଜୁୟାଁ ନାନୁ ପୂଜାପିଣ୍ଡା ଡ଼ଇ ମେସ୍ତେଏଁ । ୧୦ ଏଞ୍ଜାରି କାଜା ଗିୟାଁତଲେ ହାଡ଼ିହଁ ଏଲେ ଇଞ୍ଜିମାଚେରି, “ସୁତୁ ଅଡେ ସାତା ପ୍ରୁ, ନାନୁ ଏଚରଦିନା ପାତେକା ଦାର୍ତ୍ତିତି ଲକୁଇଁ ନୀହାଁୟି କିଆନା ମାଙ୍ଗେ ପାୟାଲି ତାକି ଏଞ୍ଜାଣାକି ତଣ୍ଡୁ ହାଆନା ପିହ୍‌ଦି ?”

୧୧ ଏଚେଟିଏ ଏ ବାରେଜାଣା ତାକି ଦବଲା ହିମ୍ବରିକା ହାପକିଆଡେ, ଇଞ୍ଜାଁ ଏଞ୍ଜାରି ତଲେତି ତାୟିୟାଁ ସେବା କିନାରି ଏଚରଜାଣା ପାୟୁଞ୍ଜି ଆନି କାତା ପାୟୁଞ୍ଜି ଆଆପାତେକା ଏଞ୍ଜାଣାକି ଅଡେ ଏଚରଦିନା ଜମାଲି ଝେସ୍‌ପିଆଡେ ।

୧୨ \*ମେଣ୍ଡା ଡାଲୁ ସ ଲମ୍ବର ସାଲି ଦେଚିମାରାଟି ନାନୁ ମେସ୍ତେଏଁ; ଦେବୁଣିଏ ଆଜିହ୍‌ପେତି ବୁମି ଞ୍ଜାଡ଼ିଡେ । ଝେଡ଼ା କାଡ଼ିନି ଞ୍ଜାଣା ହିମ୍ବରି ଲେହେଁ ଆଡେ, ଅଡେ ଲେଞ୍ଜୁ ନେତେରି ଞ୍ଜାଣା ଆଡେ । ୧୩ କାଜା ଗାଲି ଏନିକିଁ ମାର୍‌ନୁଇଁ ଞ୍ଜାଟ୍‌ହସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟାଁ ଦାର୍ତ୍ତିତା ତରଗା ହାରୁ ।

୧୪ ହାଗୁପାକା ତଲୁ ପତି ରୁପ୍‌ଞ୍ଜି ଆଡ଼ି ଲେହେଁ ରୁପ୍‌ଞ୍ଜିଆହାଁ ମେଣ୍ଡାହାଚେ । ଅଡେ ହରକା ଇଞ୍ଜାଁ ସାମ୍ବୁରି ବିତ୍ରାମାନି ଇଚି ଇଚି ଦେସାୟାଁ ତାମି ଟାୟୁଟି ଗୁଚା ଆହାହାରୁ । ୧୫ ଅଡେ ଦାର୍ତ୍ତିତି ରାଜାୟାଁ, ସାଲୁଞ୍ଜି କିନାରି, ଜୁଜୁକିନି କାଜାରି, ଦନ ଗାଟାରି, ବାଡ଼ୁୟୁ ଗାଟାରି, ହଲିୟାଙ୍ଗା ଅଡେ ହଲିୟାଙ୍ଗା ଆଆତାରି ଏଞ୍ଜାରି ବାରେଜାଣା ପାଞ୍ଜୁତା ଇଞ୍ଜାଁ ହରକାତି କାଜା ଞ୍ଜାଲକା ପାର୍‌ଡ଼ା

\* ୬:୧୨ ୬:୧୨ ଝେ ବଲ୍ଲ ୧୧:୧୩; ୧୭:୧୮; ମାଡ଼ି ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫ \* ୬:୧୬ ୬:୧୬ ଲୁକ ୨୩:୩୦

ଡଢ ହାଜାନା ଡଢୁତେରି । ୧୭ ଅଡଢେ ଏଝାରି ହରକା ଇଞ୍ଜା ଝାଲକାଣି ହାଟିହି ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡଢେ ମେଣ୍ଡା ତାଲୁ କପାଟି ! ମାଙ୍ଗେ ଡଢୁହାମୁ । ୧୭ ଇଟିହି ଏଝାରାକି ଆଜିହପେତି କପାଟି ଦିନା ଏଦାତେୟିଏ, ଇଞ୍ଜା ଏମ୍ବାଆଁଆମ୍ବାଆସି ନିଚାଲି ଆଡଢିନେସି ?”



**ଇସ୍ରାୟେଲତି ୧୪୪,୦୦୦ ଲକୁ**

୧ ଏଚେଟିଏ ନାନୁ ଦାରତିତି ସାରି କନତା ସାରିଗଟା ଦୂଡୁୟାଁଇଁ ନିଚାମାନାଣି ମେସ୍ତେଏଁ, ଅଡଢେ ଦାରତିତି ସାରିଝାକିତି ଗାଲି ଆଙ୍ଗାମାନେରି, ଏଚେଟିଏ ଦାରତି ସାମଦୁରି ଅଡଢେ ଆମିନି ମାରନ୍ନୁ ମୁହେଁ ଗାଲି ଝାଆପେଝା ଇଞ୍ଜା ଗାଲିତି ଆଙ୍ଗାମାନେରି । ୨ ଅଡଢେ ନାନୁ ର ଦୂଡୁଇଁ ଝେଡ଼ା ହପୁଝାକିଟି ହଟାଝାଡ଼ାଣି ମେସ୍ତେଏଁ, ଏଦାନି କେୟୁତା ଜାଝୁତି ମାହାପୁରୁତି ବୁଟୁ ମୁଦ୍ରା ମାଚେ, ଏ ଦୂଡୁ ଦାରତି ଅଡଢେ ସାମଦୁରି ନସ୍ତ କିହାଲିତାକି ସାରିଗଟା ଦୂଡୁକି ଅଦିକାରା ହାହାମାଚେ, ଏଦି କାଜା ଗିୟାତଲେ ହାଟାନା ଏଲେଇଚେ, ୩ “ମାମୁ ମାହାପୁରୁତି ସେବା କିନାରି ମୁଞ୍ଜୁତା ବୁଟୁ ମୁଦ୍ରା ନାବଗାଆ ପାତେକା ମାରୁ ଦାରତି, ସାମଦୁରି, କି ମାରକାଣି ନସ୍ତ କିଆଦୁ ।” ୪ ଏଚେଟିଏ ମୁଞ୍ଜୁତା ବୁଟୁ ମୁଦ୍ରା ନାବଗାନା କଡ଼ିତାରି ୧୪୪,୦୦୦ ଲକୁ ମାଚେରି ଇଞ୍ଜା ନାନୁ ଝେଚେଏଁ ଏଝାରି ଇସ୍ରାୟେଲତି ବାର କୁଡ଼ାଟି ଲକୁ ମାଚେରି । ୫ ଜାହୁଦା କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି, ରୁବେନ୍ କୁଡ଼ାଟି ବାର ମାଣା, ଗାଦ୍ କୁଡ଼ାଟି ବାର ମାଣା, ୬ ଆସେର୍ କୁଡ଼ାଟି ବାର ମାଣା, ନପ୍ତାଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା, ୭ ସିମିୟନ କୁଡ଼ାଟି ବାର ମାଣା, ଲେବି କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା, ୮ ସୁରୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି ।

**ଗାଡ଼ି ମାନ୍ଦା ଲକୁ**

୯ ଏଚେଟିଏ ନାନୁ ସିନିକିତେଏଁ ମେହଦୁ ବାରେ ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାନ୍ଦା ଲକୁ ଅଜିତି ଦବଲା ହିମ୍ବୁରିକା ହୁଟାମାନା କାଜୁରି ମାଚାୟା କେୟୁତା ଆସାନା ସିଂଗାସାଣି ଅଡଢେ ମେଣ୍ଡା ତାଲୁ ନକିତା ନିଚାମାନେରି । ୧୦ ଏଝାରି କାଜା ଗିୟାତଲେ ଏଲେଇଚେରି, “ଝାରଇ ସିଂଗାସାଣିତା କୁଗାମାନି ମାହାପୁରୁ ଅଡଢେ ମେଣ୍ଡା ତାଲୁ ମାଙ୍ଗେ ଗେଲ୍ପାମାସି ।” ୧୧ ସିଂଗାସାଣି, ପ୍ରାଟିନାଙ୍ଗା ଅଡଢେ

ବାରେ ସାରିଗଟା ଜଡ଼ ସାରିସୁଟୁ ଲାକପୁରୁତି ଦୂଡୁୟାଁ ନିଚାମାନେରି, ଅଡଢେ ସିଂଗାସାଣି ନକିତା ମୁନୁ କୁଡାନା ମାହାପୁରୁଇଁ ଜହରା କିହାନା, ୧୨ ଏଲେଇଚେରି, “ଆମେନ୍ ନେହାୟି, ଗାଝୁରମି, ବୁଦି, ଜହରା, ସାମୁମି, ଅଦିକାରା ଅଡଢେ ବାଡ଼ୁୟୁ, କାଲକାଲା ତାକି ମା ମାହାପୁରୁଝାୟି ! ଆମେନ୍ ।”

୧୩ ଅଡଢେ ପ୍ରାଟିନାଙ୍ଗା ବିଡ଼ାଟି ରଅସି ନାଙ୍ଗେ ଝେଞ୍ଜାତେସି, “ଦବଲା ହିମ୍ବୁରିକା ହୁଟାମାନି ଇ ଲକୁ ଆମ୍ବାଆରି ? ଅଡଢେ ଏଝାରି ଏମ୍ବିଟି ଝାହାମାନେରି ?” ୧୪ ନାନୁ ଏଝାଣାଇଁ ଏଲେଇଚେଏଁ, “ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଝାସି ଏଲେଇଞ୍ଜାତେସି, “ଇଝାରି ଆଜିହପେତି ସାସ୍ତି ଅରହାନା ହଟା ଝାହାମାନେରି, ଇଞ୍ଜା ମେଣ୍ଡା ତାଲୁତି ନେତେରି ତଲେ ଏଝାରି ତାମି ହିମ୍ବୁରିକା ରାଟାନା ଦବଲା କିହାମାନେରି । ୧୫ ଏଦାଆଁତାକି ଏଝାରି ମାହାପୁରୁ ଇଲୁତି ସିଂଗାସାଣି ନକିତା ନିଚାନା ଲାଆଁ ମାଦେନା ଏଝାଣି ଜହରା କିନେରି, ଇଞ୍ଜା ସିଂଗାସାଣିତା କୁଗାମାନାସି ଏଝାରାକି ବାସାଟାୟୁ ହାନେସି । ୧୬ ଏଝାରାକି ଏଚେଲାଝା ହାକି କି ଏସ୍କି ଆସ; ଇଞ୍ଜା କାରା କି ଏନି ଝେହନାୟି ତାଗାଲି ଆଡଢେଏ । ୧୭ ଇଟିହି ସିଂଗାସାଣି ମାଦିତି ମେଣ୍ଡା ତାଲୁ ଏଝାରି ମେଣ୍ଡା ଗଡୁ ଆନେସି । ଅଡଢେ ଜାଝୁହାନି ଏୟୁ ହଟିମାନି ତାଣା ଏଝାରାଇଁ ତାକିକିହା ଅନେସି, ଅଡଢେ ମାହାପୁରୁ ଏଝାରି କାନୁତି ବାରେ କାଣ୍ଡୁ ଚୁଜଜାଡୁହନେସି ।”



**ସାଡ଼ା ଲମ୍ବର ସାଲି**

୧ ମେଣ୍ଡା ତାଲୁ ଏଚିବେଲା ସାଡ଼ା ଲମ୍ବର ସାଲି ଦେତି ଦେବୁଣିଏ ଲାକପୁରୁ ଆଦା ଗଟା ପାତେକା ସାପିଆଡଢେ । ୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୂଡୁୟାଁଇଁ ମେସ୍ତେଏଁ, ଏଝାରାକି ସାଡ଼ାଗଟା ତୀଡ଼ି ମହୁରି ହାପକି ଆଡୁ ।

୩ ଏମ୍ବାଟିଏ ଅଡଢେ ର ଦୂଡୁ ଝାହାଁ ପିଣ୍ଡା ନକିତା ନିଚେ, ଏଦାନି କେୟୁତା ବାଂଗାରା ଦୁପ୍ପଣି ସାଡ଼ଝା ମାଚେ, ଅଡଢେ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକୁତି ପ୍ରାଡାନା ତଲେ ହେରପାଲି ତାକି ହାରେକା ଦୁପ୍ପଣି ହାପକିଆଡଢେ । ୪ ଏମ୍ବାଟିଏ ଲାକପୁରୁ ଦୂଡୁ କେୟୁତି ଦୁପ୍ପଣି ବୟିଁ ମାହାପୁରୁ ଲକୁତି ପ୍ରାଡାନା ତଲେ ଆଣ୍ଡାନା ମାହାପୁରୁ ନକିତା ଏଗାଡଢେ । ୫ ତାୟୁ ଏ ଦୂଡୁ ଦୁପ୍ପଣି ସାଡ଼ଝାତା ପୂଜା ପିଣ୍ଡାଟି ହିଚୁତଲେ ନେଞ୍ଜିକିହାନା ଦାରତି ଲାକ ଡ଼ାଞ୍ଜିତେ, ଏମ୍ବାଟି ହାଗୁ ଗୁଣ୍ଡିତେ ବିଜା ରିନି ହାଡ଼ା ଝେଜିତେ ଇଞ୍ଜା ବୁମି ଝୀଡ଼ିତେ ।

**ତୀଡ଼ି ଉକିନାୟି**

☆ ୭:୧୪ ୭:୧୪ ମାଡ଼ି ୨୪:୨୧; ମାର୍କ ୧୩:୧୯

୭ ଏତିବେଳା ସାତା ଜାଣା ତୀତ୍ରି ଆସାମାନି ଦୂତୁୟା ସାତା ଜାଣା ତୀତ୍ରି ଉକାଲି ତିୟାରା ଆଡେରି ।

୭ ର ଲମ୍ବର ଦୂତୁ ତାନି ତୀତ୍ରି ଉକିତେ ଏଚେଟିଏ ନେତେରି ତଲେ ଆଜିୟା ଅଡେ ହିରୁ ଆଶୁଝି ଆହାଁ ଦାରତି ଲାକ ରିତୁ, ଇଞ୍ଜା ବାରେ ମାରନ୍ନୁ ମାଡା, ହିଇଲି ଜାଡା ତଲେ ଦାରତି ତାନି ବାଗାଟି ର ବାଗା ବାରେ ଝେହା ହାଚେ ।

୮ ଏଚେଟିଏ ରୀ ଲମ୍ବର ଦୂତୁ ତାନି ତୀତ୍ରି ଉକିନି ଦେବୁଣିଏ ଡଞ୍ଜିମାନି ର କାଜା ହରୁ ଲେହେଁତାୟି ସାମ୍ବୁରି ଲାକ ରୀତେ ଇଞ୍ଜା ସାମ୍ବୁରିତି ଏୟୁ ତାନି ବାଗାଟି ର ବାଗା ନେତେରି ଆହାହାରୁ । ୯ ସାମ୍ବୁରିତା ମାନି ତାନି ବାଗାଟି ର ବାଗା ଜୀଝୁ ଗାଟାଇ ହାହାହାରୁ, ଅଡେ ସାମ୍ବୁରିତା ମାନି ଜାଜାୟା ତାନି ବାଗାଟି ର ବାଗା ଜାଜାୟା ବିଡହାହାରୁ ।

୧୦ ତାନି ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ଦେବୁଣିଏ ହିରୁ ବନ୍ଦାଲେହେଁ ଡଞ୍ଜିମାନି ର କାଜା ହୁକା ହାଗୁଟି ତାନି ବାଗା କାତା ଅଡେ ଉସାଣା ରୀତେ । ୧୧ ଏ ହୁକାତି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆତୁ, ଇଞ୍ଜା ହାରେକା ଲକୁ ଏୟୁ ଗସାନା ହାଡେରି, ଇତିହଁ ଏଝି କାମ୍ବେଲି କିଝି ଆହାମାରୁ ।

୧୨ ସାରି ଲମ୍ବର ଦୂତୁ ତୀତ୍ରି ଉକିତେସି ଇଞ୍ଜା ଝେଡା, ଲେଞ୍ଜୁ, ହୁକାୟାତି ବାରେ ତାନି ବାଗାଟି ର ବାଗା ନସ୍ତୁ ଆତୁ, ଇଞ୍ଜା ତାନି ବାଗାଟି ର ବାଗା ଉଜେଡି ଉଣା ଆଡେ, ଇଞ୍ଜା ଲାଆୟା ମାଦେନା ତାନି ବାଗାଟି ର ବାଗା ଉଜେଡି ଉଣା ଆଡେ ।

୧୩ ତାୟୁ ନାନୁ ମେସ୍ତେସ୍, ହାଗୁଟି ମାଦି ଉମ୍ବିମାନି ର ଲେଡୁ କାଜା ହାଡାତଲେ ଏଲେଇଞ୍ଜିମାତାଣି ଝେଚେସ୍, ଆହା ! ଦାରତିତା ବାସା ଆହାମାନି ଲକୁ ଆଜିହପେତି ତଣ୍ଡ ବେଟାଆନାରି, ଇତିହଁ ଅଡେ ତାନି ଜାଣା ଦୂତୁୟା ତୀତ୍ରି ଉକାଲି ହାଜିମାନେରି ।



୧ ଏଚେଟିଏ ପାସା ଲମ୍ବର ଦୂତୁ ତୀତ୍ରି ଉକିତେସି ନାନୁ ର ହୁକା ହାଗୁଟି ଦାରତିତା ରିତାଣି ମେସ୍ତେସ୍, ଏଝାଣାକି ତାଡେପୁରୁତି କୁଚିକାଡି ହୀପକି ଆହାମାଚେ । ୨ ଏଝାସି ଏ ତାଡେପୁରୁ ଗାଡ଼ୟୁ ଦେଚାଲିଏ ଏମ୍ବାଟି କାଜା ହଲୁତା ହନିଲେହେଁ ବୟଁ ହଚାଝାଡେ, ଇଞ୍ଜା ଏ ହିରୁ ଗାଡ଼ୟୁତି ବୟଁ ତାକି ଝେଡା ଇଞ୍ଜା ହାଗୁ ଆନ୍ଦେରି ଆଡେ । ୩ ଏ ବୟଁଟି ଗପ୍‌ଏରିକା ହଚାନା ଦାରତିତା ଝାଡୁ, ଏଝାସିକାକି ଦାରତିତି କାଚାକୁପିତା ମାନି ବାସାତି ବାଡ଼ୟୁ ହୀପକିଆଡେ । ୪ ଏଝି ଦାରତିତି ମାରୁକା ଗଚା ଜାଡାତ ନସ୍ତୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁରୁ ମୁଦ୍ରା ହିଲାଆଡେ ଏଝାରାଇଁ କସ୍ତ ହାହାଲି ଏଲେଇଶ୍‌ମି ଆଡେ ।

୫ ଏଝାରାଇଁ ପାୟାଆନା ପାସା ଲେଞ୍ଜୁ ତାକି କସ୍ତ ହାହାଲି ଗପ୍‌ଏରିକାକି ଅଦିକାରା ହୀପକିଆଡେ, କାଚାକୁପି କାଚିତେ ଇଚିସାରେ ଏନିକଁ ବୀସା ଆନେ ଏ କସ୍ତ ଏଲେତାୟି । ୬ ଏତିବେଳା ଲକୁ ହାହାଲି ଅଣ୍ଡିନେରି ସାମା ହାଅରି, ଏଝାରି ହାହାଲି ଅଣ୍ଡିନେରି, ସାମା ହାକି ଏଝାରି ତାଣାଟି ହଚାଡୁହନେ ।

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡାୟା ଲେହେଁ ତଞ୍ଜାଆହିମାରୁ, ଏଝାସିକା ତାକାଣା ବାଂଗାରା ଟପେରି ଲେହେଁ ପିଡ଼ଗି ଆହାମାଚେ, ଏଝାସିକା ମୁମ୍ବୁ ମାଣ୍ଡି ମୁମ୍ବୁ ଲେହେଁ ମାଚେ । ୮ ଇୟାସିକା ତାୟଁ ବାଣାୟା ଲେହେଁ ଏଝାସିକା ବାଣାୟା, ସିହଁ କ୍ଳାଠନିତି ପାଲକା ଲେହେଁତି ତାମି ପାଲକା ମାରୁ । ୯ ତାମି ବକତା ଲହ ପାଟା ଲେହେଁତି ପାଟା, ତାମି ମାରାୟା ଝୀତିମାନି ହାଡା ଜୁଜୁ ତାକି ଗଡାୟା ରାତାୟାଣି ରେଜା ଅହିମାନି ଲେହେଁତି ହାଡା । ୧୦ କାଚାକୁପିତି ଲେଂଗୁଣି ଇଞ୍ଜା ବୀସା ସୂଜା ଲେହେଁ ଏଝାସିକାକି ଲେଂଗୁଣି ଅଡେ ବୀସା ସୂଜା ମାଚେ, ପାସା ଲେଞ୍ଜୁ ତାକି ମାଣ୍ଡିୟାୟା ସାସ୍ତି ହିୟାଲି ଏଝାସିକା ଲେଂଗୁଣିକାଣା ବାଡ଼ୟୁ ବେଟାଆହାମାରୁ । ୧୧ ଏଝାସିକା ମୁହେଁ ର ରାଜା ସାଲଝି କିହିମାନେସି, ଏଝାସି ତାଡେପୁରୁ ଗାଡ଼ୟୁତି ଦୂତୁ, ଏଦାନି ଦରୁ ଏକ୍ତି ହାଡାତଲେ ଆବାଦନ୍ ଅଡେ ଗ୍ରିକ୍ ହାଡାତଲେ ଅପ୍‌ଲିୟନ୍ ଇଚିସାରେ “ନାସା କିନାଇ ।”

୧୨ ତଲିତି ଆଜିହପେତି ତଣ୍ଡ ଉଣା ଆଡେ ଅଡେ ଜଡେକା ଆଜିହପେତି ତଣ୍ଡୟା ଝାହିମାରୁ ।

୧୩ ସ ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମ୍‌କା ବିଡାଟି ର ହାଡା ଝେଚେସ୍ । ୧୪ ଏଡି ତୀତ୍ରି ଆସାମାନି ସ ଲମ୍ବର ଦୂତୁଇଁ ଏଲେଇଚେ, “ପରାଡ କାଜା କାତାତା ଦସ୍‌ପି ଆହାମାନି ସାରି ଜାଣା ଦୂତୁୟାୟା ପିସ୍‌ପି କିମୁ ।” ୧୫ ଏମ୍ବାଟିଏ ମାଣ୍ଡିୟାୟା ତାନି ବାଗାଟି ର ବାଗା ଲକୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୂତୁୟାୟା ଏ ଦିନା, ଲେଞ୍ଜୁ, ଅଡେ ବାସା କିଝି ଆହାମାଚେ ଏଝାରାଇଁ ପିସ୍‌ପି କିଝିଆଡେ । ୧୬ ଗଡାୟା ଲାକ କୁଗାନା ଜୁଜୁ କିନାରି ରୀ କଟି ମାଚେରି ନାନୁ ଝେଚେସ୍ । ୧୭ ଅଡେ ନାନୁ ଗଡା ଇଞ୍ଜା ଏମ୍ବାଆଁ ହଚାମାନାରାଇଁ ମେସ୍ତେସ୍, ଏଝାରି ବକ ପାଟା ହିରୁ ଅଡେ ନୀଲି, ହୀଙ୍ଗେରି ଝାଣା; ଗଡାୟାତି ତାକା ସିହଁକ୍ଳାଠନି ତାକା ଲେହେଁ, ଇଞ୍ଜା ଏଝାସିକା ଗୁଡିତି ହିରୁ, ବୟଁ, ଅଡେ ଗାନ୍ଦାଗୁଣ୍ଡା ହଚିମାଚେ । ୧୮ ଏଝାସିକା ଗୁଡିତି ହିରୁ, ବୟଁ, ଅଡେ ଗାନ୍ଦାଗୁଣ୍ଡା ଲେହେଁ ଇ ତାନିଗଟା ତଣ୍ଡୟା ହତୁ, ଇ ତଣ୍ଡୟାଟି ମାଣ୍ଡିୟାୟା ତାନି ବାଗାଟି ର ବାଗା ପାୟାଝି ଆଡେରି । ୧୯ ଏନାଆଁତାକି ଇଚିହଁ ଗଡାୟାତି ବାଡ଼ୟୁ ତାମି

ଗୁଡ଼ି ଅଡ଼େ ଲେଂଗୁଣିତା ମାରେ, ଇତିହାସିକା ଲେଂଗୁଣିକା ତାୟ୍‌ଗୁଗାଟି ରାତୁ ଲେହେଁ ମାଚାକି ତାମି ଲେଂଗୁଣିକା ତଲେ ଲକ୍‌ଗୁଣି ନସ୍ତୁ କିହିମାତୁ ।

୨୦ ଆମିନି ଲକ୍‌ଗୁ ଇ କସ୍ତତଲେ ପାୟ୍‌ଖି ଆହା ହିଲାଆଡେରି, ଏଝାରି ତାମି କେୟ୍‌ତଲେ କିତି କାମାତାକି ମନ ଝେଟ୍‌ପି କିଆଡେରି, ଇତିହାସିକା ବୁତୁୟ୍‌ଣି ପୂଜା, ଅଡ଼େ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି, ପିତାଡ଼ା, ଝାଲ୍‌କା ଅଡ଼େ ମାର୍‌କା ତଲେ କେପିତି ପେଣ୍‌କା ବମାୟ୍‌ଣି ପୂଜା କିହାଲି ପିହାଆଡେରି । ୨୧ ଅଡ଼େ ଏଝାରି ଲକ୍‌ଗୁଣି ପାୟ୍‌ନାୟ୍‌, ଗୁଣି ଗାର୍‌ଡ଼ି, ଦାରିକାମା, ଅଡ଼େ ସରୁ କାମା କିନିତାଣାଟି ମନ ଝେଟ୍‌ଆଡେରି ।

୧୦

ଲାକପୁରୁତି ଦୁତୁ ଅଡ଼େ ରୁପିତି ଉଣା ପତି

୧ ଏଚେଟିଏ ନାନୁ ର ବାଡ଼ୟ୍‌ଗାଟି ଦୁତୁଲ୍ଲ ଲାକପୁରୁତି ରେଚା ଝାହିମାଚାଣି ମେସ୍‌ସେୟ୍‌, ଏଦାନି ସାରିସୁଟୁ ଦୁହା ଇଞ୍ଜା ତାନି ତାୟ୍‌ଗୁ ଲାକ ଦାର୍‌ଶକି ଅଡ଼େ ତାନି ମୁମ୍‌ ଝେଡ଼ା ଲେହେଁ ଅଡ଼େ ତାନି କତାୟ୍‌ ହିରୁ ମୁଣ୍ଡାଲେହେଁ ତଞ୍ଜାଆହିମାତୁ; ୨ ତାନି କେୟ୍‌ତା ଦେପି ଆହାମାନି ର ଉଣା ତଲୁ ପତି, ଏଦି ତାନି ଚିଃନି କତା ସାମଦୁରିତା ଅଡ଼େ ଟେବ୍‌ କତା ଦାର୍‌ତିତା ଇଚାମାଚେ; ୩ ସିହ୍‌କ୍‌ୱାଠନି ଗାଜ୍‌ନିଲେହେଁ କାଜା ହାଡ଼ାତଲେ ହାଡ଼ିତେ, ଏଦି ହାଟାଲିଏ ଏଲେକିହାସିଏ ସାଡ଼ାଗଟା ହାଗୁ ଗୁଣ୍ଡନାଜ ତାମି ହାଡ଼ା ଝେଞ୍ଜି କିତୁ । ୪ ଏ ସାଡ଼ାଗଟା ହାଗୁ ଗୁଣ୍ଡନାଜ ଝେସାଲିଏ ନାନୁ ରାଡ଼ିଲ୍ ଇଞ୍ଜା ଡିୟାଚା ଆଡେସିଏ, ଏଚେଟିଏ ନା ତାକି ହାଗୁଟି ଇ ହାଡ଼ା ଝେଚେସିଏ, “ଏ ସାଡ଼ାଗଟା ହାଗୁ ଗୁଣ୍ଡନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଡ଼ାଆନା ତକ୍‌ହା ଇଚାମୁ ।”

୫ ଏଚେଟିଏ ଆମିନି ଦୁତୁଲ୍ଲ ସାମଦୁରି ଅଡ଼େ ଦାର୍‌ତି ଲାକ ନିଚାମାଚାଣି ନାନୁ ମେସାମାଚେସିଏ, ଏଝାସି ତାନି ଚିଃନି କେୟ୍‌ ଲାକପୁରୁ ଝାକି ଦାସାନା ୬ ଆମ୍ବାଆସି ଲାକପୁରୁ, ଦାର୍‌ତି, ସାମଦୁରି, ଅଡ଼େ ଏମ୍ବାଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ ତାକି ନୀତାମାନାଣି ଦରୁଟି ପାର୍‌ମାଣା କିହାନା ଏଲେଇଚେସି, “ଅଡ଼େ ଝେଡ଼ା ଆଏଦେଁ” ୭ ଏଚିବେଲାତା ସାଡ଼ା ଲମ୍ବର ଦୁତୁ ତାଡ଼ି ଉକିନେ, ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନାଟି ଅଡ଼େ ତାନି ସେବା କିନାରାଲ୍ ନେହା କାବୁ ଝେସାମାଚେସି, ଏଚିବେଲା ମାହାପୁରୁ ତାନି ତରୁମାନି ଅଣ୍‌ପୁ ପୁରା କିନେସି ।

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାଚେସିଏ, ଅଡ଼େ ଝେଣ୍ଡେ ନା ତାକି ଏଲେଇଞ୍ଜି ଝେଞ୍ଜିତେ, “ହାଲାମୁ, ସାମଦୁରି ଅଡ଼େ ଦାର୍‌ତି

ଲାକ ନିଚାମାନି ଦୁତୁ କେୟ୍‌ତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମୁ ।” ୯ ଏଚେଟିଏ ନାନୁ ଏ ଦୁତୁ ତାଗେ ହାଜାହାଁ ଏ ଉଣା ତଲୁ ପତିତି ରାସ୍‌ସେୟ୍‌, ଏଝାସି ନାଲେ ଏଲେଇଞ୍ଜାତେସି, “ଇଦାଆଁ ଅହାଁ ତିନାମୁ; ଇଦି ନୀ ବାଣ୍ଡିତି କାମେଲି କିୟାନେ ସାମା ନୀ ଗୁଡ଼ି ତାକି କିରୟ୍‌ ଲେହେଁ ଆନେ ।” ୧୦ ଏଚେଟିଏ ନାନୁ ଦୁତୁ କେୟ୍‌ତି ଏ ଉଣା ତଲୁ ପତି ଅହାଁ ତିଚେସିଏ, ଏଦି ନା ଗୁଡ଼ି ତାକି କିରୟ୍‌ ଲେହେଁ ଆଡେ, ସାମା ଏଦାଆଁ ତିଚି ତାୟ୍‌ ନା ବାଣ୍ଡି କାମେଲି ଆହାହାଚେ ।

୧୧ ଏଚେଟିଏ ନାଲେ ଏଲେଇଞ୍ଜି ଝେସ୍ତାତେସି ହାରେକା ଗଟି, କୂଡ଼ା, ହାଡ଼ା ଗାଟାରି ଅଡ଼େ ରାଜାୟ୍‌ କପାଟି ତାୟ୍‌ ଏନାୟ୍‌ ଗଟ୍‌ଝି ଆନେ ଏଦାଆଁ ନାନୁ ଅଡ଼େ ଝେଣ୍ଡେ ଝେହ୍‌ନାୟ୍‌ ମାନେ ।

୧୧

ରିଆରି ସାକି ହାନାରି

୧ ଏଚେଟିଏ ନାଲେ ଲାଡ଼ିନି ଲେହେଁତି ର ବାଡ଼ଗା ହାପକିଆଡେ, ରଅସି ନାଲେ ଏଲେଇଞ୍ଜାତେସି, “ହାଲାମୁ, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଡ଼ାମୁ ଅଡ଼େ ଆମ୍ବାଆରି ଏମ୍ବାଆଁ ପ୍ରାଡ଼ାନା କିନେରି ଏଝାରାଲ୍ ଏଜିକିମୁ । ୨ ଏସାମା ଦେଝୁଡ଼ି ପାଞ୍ଜାଡ଼ି ଆଂଗେଣିତି ପିହ୍‌ମୁ ଏଦାଆଁ ଲାଡ଼ାଆନି, ଇତିହାସିଏ ଦି ଜୀହୁଦିଆଆତାରାକି ହାପକି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାତେକା ମାହାପୁରୁ ସୁଦୁ ଗାଡ଼ାଡ଼ି କତାତଲେ ଝିସାନା ଦୁଡ଼ି କିନେରି । ୩ ଅଡ଼େ ନାନୁ ନା ରୀ ସାକିୟାଲ୍ ପାଣ୍ଡିଲ୍ ଏଝାରି ବାସ୍ତାୟ୍‌ ପରହାନା ୧,୨୭୦ ଦିନା ପାତେକା ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନେରି ।”

୪ ଏଝାରି ଦାର୍‌ତିତି ପ୍ରବୁତି ନକିତା ନିଚାମାନି ରୀ ଜୀତ ମାର୍‌କା ଅଡ଼େ ରୀ ଦୀଝି ସଡ଼ାୟ୍‌ ଲେହେଁତାରି । ୫ ଆମ୍ବାଆସି ଏଝାରାଲ୍ ନସ୍ତୁ କିହାଲି ଅଣ୍‌ପିନେସି, ଆତିହାସିଏ ଏଝାରି ଗୁଡ଼ିଟି ହିରୁ ହଚାହାଁ ଏଝାରି ସାଡ଼ୁୟାଲ୍ ନାସାକିନେ, ଆମ୍ବାଆସି ଏଝାରାଲ୍ ନସ୍ତୁ କିହାଲି ଅଣ୍‌ପିତିହାସିଏ, ଏଝାସି ନାସା ଆନେସି । ୬ ଏଝାରି ମାହାପୁରୁ ବଲ୍ଲୁ ଝେକ୍‌ନାଟି ଏନିକି ପିୟ୍‌ ଆଏ ଏଦାଆଁତାକି ହାଗୁଡ଼ି ସୁଣ୍ଡାଲି ଅଦିକାରା ହାପକି ଆହାମାନେ, ଏଚର ଦେବା ଏଝାରି ମନ ଆନେ ଏଚର ଦେବା ଏଝାରି ଏୟ୍‌ଣି ନେତେରି ମୁପହାଲି ଅଡ଼େ ଦାର୍‌ତିତି ଏନି ଇଚି ଏଲେତି ମରଡ଼ି ତଲେ ତଣ୍ଡ ହାହାଲି ଏଝାରାକି ଅଦିକାରା ମାନେ ।

୭ ଏଝାରି ସାକି ହାହାଲି ରାଡ଼ି ତାୟ୍‌ ତାଡ଼େପୁରୁ ଗାଡ଼ୟ୍‌ଟି ର ଜନ୍ତ ହଚାଝାହାନା, ଏଝାରିତଲେ ଜୁଜୁ କିନେ । ୮ ଏମ୍ବାଡ଼ି ଏମିନି କାଜା ଗାଡ଼ା ସୁଦୁଜୀଝୁ ତଲେ ସଦମ ଅଡ଼େ ମିସର ଇଞ୍ଜା ଇନେରି, ଏମିନିତାଣା ତାମି ପ୍ରବୁ ଜିକେଏ ପାସିତା

✧ ୧୧:୨ ୧୧:୨ ଲୁକ ୨୧:୨୪ ✧ ୧୧:୭ ୧୧:୭ ଝେକ୍‌ ବଲ୍ଲୁ ୧୩:୫-୭; ୧୭:୮

ହାହାମାରେସି, ଏ କାଜା ଗାଡ଼ାତି ଆଂଗେଣିତା ଏଞ୍ଜାରି ମାଡ଼ହାୟାଁ ଡ଼ୟିନୁ । ୯ ଅଡ଼େ ବାରେ ଦେସା ଗତି, ହାଡ଼ା, ଇଞ୍ଜା କୁଲୁତି ଲକୁ ତାନିଦିନା ଆଦା ପାତେକା ଏଞ୍ଜାରି ମାଡ଼ହାୟାଁଇ ମେହ୍‌ନେରି ଅଡ଼େ ଏ ମାଡ଼ହାୟାଁଇ ମୁସାଲି ହେଲ ହାଅରି । ୧୦ ଏଚେଟିଏ ଦାରତିତା ବାସା ଆହାମାନାରି ଏଞ୍ଜାରି ହାଡ଼ି କାରୁ ଝେଞ୍ଜାନା ତିଞ୍ଜି ଉଣ୍ଡିହଁ ରାହାଁ କିନେରି, ଅଡ଼େ ରଅସି ରଅଣାକି ରାହାଁତଲେ ବେଟୁ ହାପକି ଆନେରି, ଇଚିହଁ ଇ ରୀ ମାହାପୁରୁ ଅଣ୍ଡପୁତି ବଲ୍ଲୁ ଝେହ୍‌ନାରି ଦାରତିତି ଲକୁଣି କସ୍ତ ହାହିମାରେରି । ୧୧ ତାନିଦିନା ଆଦା ଡାୟୁ ମାହାପୁରୁ ତାଣାଟି ଜୀଞ୍ଜୁତି ଗାଲି ଝାହାଁ ଏଞ୍ଜାରି ଆଜ୍ଞାତା ହଚେ, ଏଚେଟିଏ ଏଞ୍ଜାରି କଡ଼ାଣି ବାଡ଼ୟୁ କିହାନା ନିତେରି, ଅଡ଼େ ଆମ୍ବାଆରି ଇ କାମାତି ମେସ୍ତେରି ଏଞ୍ଜାରି ଆଜାହାଚେରି । ୧୨ ଏଚେଟିଏ ଏଞ୍ଜାରି ଲାକପୁରୁଟି ର କାଜା ହାଡ଼ାତଲେ ଏ ରିଆରାକି ଏଲେ ଇଞ୍ଜିମାଗାଣି ଝେଚେରି, “ଇମ୍ବାଆଁ ଝାଡୁ” ଏଚେଟିଏ ଏଞ୍ଜାରି ତାମି ସାଡୁୟାଁ ଏଞ୍ଜାରିଇ ମେସ୍‌ପନିଏ ଦୁହା ତଲେ ଲାକପୁରୁ ହାଚେରି । ୧୩ ☆ଏ ଦେବୁଣିଏ ବୁମି ହାଚେରକା ଝାଡ଼ିତେ ଅଡ଼େ ଗାଡ଼ାତି ଦସ ବାଗାଟି ର ବାଗା ନାସା ଆଡେ, ଅଡ଼େ ୭,୦୦୦ ଲକୁ ହାଚେରି, ଇଞ୍ଜା ଏଚେକା ଲକୁ ନୀତାମାରେରି ଆଜିତାକି ଲାକପୁରୁଟି ମାହାପୁରୁଇ ଗାଞ୍ଜୁରମି କିତେରି ।

୧୪ ରୀ ଲମ୍ବର ଆଜିହପେତି ତଣ୍ଡ ରାଡେ, ସାମା ତାନି ଲମ୍ବର ଆଜିହପେତି ତଣ୍ଡ ତବେ ଝାହିମାନେ ।

**ସାତା ଲମ୍ବର ତୀତ୍ରି ମହ୍‌ରି**

୧୫ ଡାୟୁ ସାତା ଲମ୍ବର ଦୁତୁ ତୀତ୍ରି ଉକିତେସି ଇଞ୍ଜା ଲାକପୁରୁ କାଜା ହାଡ଼ାତଲେ ଇ ହାଡ଼ା ଝେଙ୍ଗିତେ, “ମା ପୁରୁ ଅଡ଼େ ଏଞ୍ଜାଣି ମସିହା ଦାରତିତି ସାଲୁଞ୍ଜି କିନି ଅଦିକାରା ନୀଏଁ ତାନି କେୟୁତା ଅହାମାନେସି, ଏଞ୍ଜାସି କାଲେଏ ତାକି ରାଜି କିନେସି ।” ୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡ଼େ ସାରି ଜାଣା ପ୍ରାତିନାଜା ମୁନୁ କୁତାହାଁ ମାହାପୁରୁଇ ଜହରା କିହାଁ, ୧୭ ଏଲେଇଚେରି,

“ପୁରୁ, ବାରେକିହାଁ ବାଡ଼ୟୁଗାଟି ମାହାପୁରୁ, ନୀନୁ ନୀଏଁ ଅଡ଼େ ତଲିତାତି,  
ମାମ୍ବୁ ନିଞ୍ଜେ ଜହରା କିହିମାଞ୍ଜାନମି;  
ଏନାଆଁତାକି ଇଚିହଁ ନୀନୁ ନୀ କାଜା ବାଡ଼ୟୁ ତଲେ ସାଲୁଞ୍ଜି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି ।

୧୮ ଜୀହୁଦିଆଆତାରି କାର୍‌ବି ଆହାମାଚେରି,  
ସାମା ନୀଏଁ ନୀ କପ୍ପା ଆନି ଦିନା ଝାଡେ,  
ଇଞ୍ଜା ହାଡ଼ାରି ନୀଏଁ ନୀହାଁୟି କିଞ୍ଜିଆନେରି,

ଇଞ୍ଜା ନୀ ହଲିୟାଜା ମାହାପୁରୁ ଅଣ୍ଡପୁତି ବଲ୍ଲୁ ଝେହ୍‌ନାରି,  
ମାହାପୁରୁ ଲକୁ, ଅଡ଼େ ନୀ ଦରୁତି ଆଜିନି କାଜାରି ଇଚାରି ବାରେ ଲକୁ ଦାନା ବେଟାଆନେରି,  
ଅଡ଼େ ଆମ୍ବାଆରି ଦାରତିତି ନାସା କିନେରି ଏଞ୍ଜାରି ଜିକେଏ ନାସା ଆନେରି ।”

୧୯ ☆ଏଚେଟିଏ ଲାକପୁରୁ ମାନି ମାହାପୁରୁଟି ଇଲୁତି ଦାରା ଦେପିଆଡେ, ଅଡ଼େ ତାନି ଇଲୁତା ମାନି ରାଜିମାନାତି ପେଡ଼ା ତଞ୍ଜାଆଡେ, ଅଡ଼େ ବିଲିବାଲା ମୁହ୍‌ନାୟି, ହାଚେରକା ଗିୟାଁ, ହାଗୁ ଗୁଣିନି ହାଡ଼ା, ଇଞ୍ଜା ବୁମି ଝାଡ଼ିତେ ଅଡ଼େ ହାଚେରକା ଆଜିୟାଁ ରିଡୁ ।

**୧୨**

**ଆୟାଟି ଅଡ଼େ ରାଚୁ**

୧ ଡାୟୁ କାବାଆନି ଲେହେଁତି ସିନା ହାଗୁତା ତଞ୍ଜାଆଡେ, ର ଆୟାଟି ଲେଞ୍ଜୁ ଲାକ ନିଚାମାଚେ ଅଡ଼େ ଝେଡ଼ାତି ଉଜେଡ଼ି ପରହାମାଚେ । ଏଦାଣି ତାୟୁଁ ଡୁ ବାରଗଟା ହୁକାୟାଁଗାଟି ଟପେରି ମାଚେ । ୨ ଏଡ଼ି ପୁରା ମାସା ଆହାନା ଜାନି କିନି ବେଲାତା ଲୁଞ୍ଜିନି ବୀସା ତାକି କସ୍ତ ବେଟାଆହିମାଚେ ।

୩ ଏଚିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡେ, ଏମ୍ବାଆଁ ପାରୁ ଝାଣାଗାଟି କାଜା ରାଚୁ ଏ ରାଚୁକି ସାଡ଼ାଗଟା ତାର୍‌କା, ଇଞ୍ଜା ଦସଗଟା କମ୍‌କା, ଅଡ଼େ ତାର୍‌କା ଲାକ ସାଡ଼ାଗଟା ଟପେରିକା ମାଚୁ । ୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟାଁଣି ଦାରତି ଲାକ ମେଡ଼ହେ, ଇଞ୍ଜା ଏ ରାଚୁ, ଜାନି କିନି ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିତେ । ୫ ଆମ୍ବାଆସି ବାରେ କୁଡ଼ାତି ଲକୁଣି ଲହ ବାଡ଼ଗା ତଲେ ସାଲୁଞ୍ଜି କିନେସି ଇଲେତି ର କକାଣି ତାଲୁଇଁ ଏ ଇୟା ଜାନି କିତେ, ଅଡ଼େ କକାଣି ତାଲୁଇଁ ମାହାପୁରୁ ଇଞ୍ଜା ତାନି ସିଂଗାସାଣି ନକିତା ପେରହା ଅଞ୍ଜିଆଡେ । ୬ ଅଡ଼େ ଏ ଇୟା ଲକୁ ହିଲାଆ ବାଟାତା ହଚେ, ଏମ୍ବାଆଁ ୧,୨୨୦ ଦିନା ପାତେକା ପହିକିଞ୍ଜି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଚାୟୁ କେପି ଆହାମାଚେ ।

୭ ☆ଏମ୍ବାଟିଏ ଲାକପୁରୁ ଜୁଜୁ ଆଡେ, ମିକାୟେଲ ଅଡ଼େ ତାନି ଦୁତୁୟାଁ ଏ ରାଚୁ ତଲେ ଜୁଜୁ କିଡୁ, ଏଚେଟିଏ ଏ ରାଚୁ ଅଡ଼େ ତାନି ଦୁତୁୟାଁ ଜିକେଏ ଜୁଜୁ କିଡୁ । ୮ ସାମା ରାଚୁ ଇଞ୍ଜା ତାନି ଦୁତୁୟାଁ ଜୀଣା ଆହାଲି ଆଡ଼ାଆଡୁ, ଇଞ୍ଜା ଲାକପୁରୁ ଏଞ୍ଜି ଚାୟୁ ବେଟାଆଆଡୁ । ୯ ☆ଏଚିବେଲା ଦାରତିତି ନାଡ଼ିକିନି ପଲ୍‌ଆ ପେନୁ ଇଞ୍ଜା ସୟତାନ ଦରୁଟି ଝେଙ୍ଗିତି

☆ ୧୧:୧୩ ୧୧:୧୩ ଝେ ବଲ୍ଲୁ ୭:୧୨; ୧୭:୧୮ ☆ ୧୧:୧୯ ୧୧:୧୯ ଝେ ବଲ୍ଲୁ ୮:୫; ୧୭:୧୮; ଝେ ବଲ୍ଲୁ ୧୭:୨୧ ☆ ୧୨:୭ ୧୨:୭ ଜୀହୁଦା ୧:୯ ☆ ୧୨:୯ ୧୨:୯ ଲୁକ ୧୦:୧୮

କାଜା ରାତୁ ଏ ପୁଞ୍ଜର ନାଗା, ଏଦି ତାନି ଦୁତୁୟା ତଲେ ଦାର୍ତତିତା ମେଡ଼ପି ଆଡେ ।

୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡ଼ା ଝେଚେଏ, ନୀଏ ମାହାପୁରୁ ତାଣାଟି ଗେଲ୍ପିନାୟି ଏଗାଞ୍ଜାଡେ, ତାନି ରାଜି ଅଡେ ବାଡ଼ୁୟୁ ଇଞ୍ଜା କ୍ରୀସ୍ତତି ଅଦିକାରା ଝାହାମାନେ, ଇତିହ୍ୟ ଆମିନି ସାତୁ ମା ତାୟି ତାଜିସ୍ତା କପାଟି ନିଜ୍ଜାନା ଲାଆଁ ମାଦେନା ମାହାପୁରୁ ନକିତା ଦାଞ୍ଜା କିହିମାଚେ, ଏଦି ଲାକପୁରୁଟି ଦାର୍ତତିତା ମେଡ଼ପି ଆହାମାନେ । ୧୧ ଏଞ୍ଜାରି ମେଣ୍ଡା ତାଲୁତି ନେତେରି ତଲେ ଅଡେ ଝେକହାମାନି ସାତା କାତାତଲେ ଜୀଣା ଆହାମାନେରି ଇଞ୍ଜା ଏଞ୍ଜାରି ହାହାଲିତାକି ଜିକେଏ ତାନି ଜୀଞ୍ଜୁଇଁ ଜୀଞ୍ଜୁ ନହାଁ ହିଲାଆତେରି । ୧୨ ଏଦାଆଁତାକି ଏ ଲାକପୁରୁ ଅଡେ ଏମ୍ବାଆଁ ବାସା ଆହାମାନାତେରି ରାହାଁ ଆଦୁ, ସାମା ଦାର୍ତତି ଅଡେ ସାମ୍ବୁରି ମୀରୁ ତଣ୍ଡ ବେଟା ଆନାତେରି ଏନାଆଁତାକି ଇତିହ୍ୟ ତାନି ବେଲା ହାରେକା ଡଣା ମାନେ ଇଞ୍ଜା ପୁଞ୍ଜାନା ପଲ୍ଲୁଆ ପେନୁ ସୟତାନ ହାରେକା କପାତଲେ ମୀ ତାଣା ରେଟା ଝାହାମାନେ ।

୧୩ ରାତୁ ଜାହାରାଇଁ ଦାର୍ତତିତା ମେଡ଼ପି ଆହାମାନାଣି ମେସାନା ଏ କକାଣି ତାଲୁଇଁ ଜାନି କିତି ଇୟାନି ଜେଚ ଜେଚ ପେରହା ଅଡେ । ୧୪ ଏଚେଟିଏ ଏ ଇୟା ରାତୁ ଗୁଡିଟି ଏନିକ୍ୟ ଗେଲ୍ପିଆହାଁ ତାନି ବାସା ସ ଲେଞ୍ଜୁ ପାତେକା ପହିକିଞ୍ଜି ଆନେ, ଏଦାଆଁତାକି ଲକୁ ହିଲାଆ ବାଟାତି ତାନି ଟାୟୁତା ଡମ୍ବାହାଜାଲି ଲେଡ଼ଡୁ ରୀ ମାରାୟାଁ ହୀପକି ଆତୁ । ୧୫ ଏଚେଟିଏ ଏ ଇୟାନି ଅଞ୍ଜି କିୟାଲି ରାତୁ ତାନି ଗୁଡିଟି ର କାଜା କାତା ଏୟୁ ହପହେ । ୧୬ ସାମା ଏ ଇୟାନି ସାୟେମି କିହାଲି ଦାର୍ତତି ତାନି ଗୁଡିଟି ଦେଚାନା ରାତୁ ଗୁଡିଟି ହଡ଼ି କାତା ଏୟୁଣି ଗୁସ୍ତେ । ୧୭ ଏଚେଟିଏ ରାତୁ ଏ ଇୟାନି ହାରେକା କପା ଆହାଁ ତାନି କୁଡାତାରି ଏଚେକା ଲକୁ ମାହାପୁରୁଟି ହୁକୁମି ମାନଞ୍ଜି ଆହାଁ ଜୀସ୍ତତି କାତା ଝେସିମାନେରି, ଏଞ୍ଜାରିତଲେ ଜୁଜୁ କିହାଲି ହାଚେ । ୧୮ ଇଞ୍ଜା ରାତୁ ସାମ୍ବୁରି ଗାଟୁତି ବାଞ୍ଜାଲିତା ନିଡେ ।

### ୧୩

#### ରୀ ଜନ୍ତୁୟା

୧ ☆ଏଚେଟିଏ ନାନୁ ସାମ୍ବୁରି ମାଦିଟି ହଚାଞ୍ଜାହିମାନି ର ଜନ୍ତୁ ମେସ୍ତେଏ, ଏଦାନାକି ଦସଗଟା କମ୍‌କା ଅଡେ ସାତାଗଟା ତାର୍‌କା, ତାନି କମକାଣା ଦସଗଟା ଚପେରିକା ଇଞ୍ଜା ତାର୍‌କା ଲାକ ମାହାପୁରୁ ନିନ୍ଦାକିନି ର ର ଦରକା ମାତୁ । ୨ ଏ ଜନ୍ତୁ ତାରିରେଇଁଣା କ୍ଳାଞ୍ଜି ଲେହେଁ ତଞ୍ଜାଆହିମାଚେ, ତାନି କତାୟା ଅଞ୍ଜାଡ଼ି କତାୟା ଲେହେଁ ଇଞ୍ଜା ଗୁଡି

ସିହୁକ୍ଳାଞ୍ଜି ଗୁଡି ଲେହେଁ ଏ କାଜା ରାତୁ ଜନ୍ତୁକି ତାନି ବାଡ଼ୁୟୁ, ସିଂଗାସାଣି, ଅଡେ ବାରେ ଅଦିକାରା ହୀଡେ । ୩ ଏ ଜନ୍ତୁଟି ତାୟାଁ ତୁଆ ଆମିନି ହାନ୍ତିଲେହେଁଟି ଗାହାଁ ତଞ୍ଜାଆହିମାଚେ, ସାମା ଏ ଗାହାଁ ନେହ୍ୟ ଆଡେ, ଅଡେ ଦାର୍ତତିତା ମାନାରି ବାରେ କାବା ଆହାଁ ତାନି ଜେଚ ହାଚେରି । ୪ ଅଡେ କାଜା ରାତୁ ଜନ୍ତୁକି ତାନି ଅଦିକାରା ହୀତାକି ଏଞ୍ଜାରି ରାତୁଇଁ ଜହରା କିଡେରି, ଏଞ୍ଜାରି ଏ ଜନ୍ତୁଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ତୁ ଲେହେଁ ଆନେସି ଅଡେ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି ।”

୫ ଏଦାନାକି ଆଜାରା ଅଡେ ମାହାପୁରୁ ନିନ୍ଦାତି କାତା ଝେସାଲି ଗୁଡି ହୀଞ୍ଜିଆଡେ, ଅଡେ ରୀ କଡ଼ି ରୀ ଲେଞ୍ଜୁ ପାତେକା ସାଲୁଞ୍ଜି କିୟାଲି ଅଦିକାରା ହୀପକିଆଡେ । ୬ ଏମ୍ବାଟିଏ ଏଦି ତାନି ଗୁଡି ଏକହାନା ମାହାପୁରୁ ନିନ୍ଦା କାତା ଜଲ୍ଲାନା, ମାହାପୁରୁ ଦରୁ, ମାହାପୁରୁ ବାସାଆନ୍ତି ଟାୟୁ, ଅଡେ ଲାକପୁରୁ ବାସା ଆହାମାନାରାଇଁ, ବାରେତି ନିନ୍ଦା କିଡେ । ୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା ହୀଞ୍ଜିଆହାମାଚେ, ଅଡେ ବାରେ ଗଟି, କୁଡା, ହାଡ଼ା, ଦେସା, ଲାକ ଅଦିକାରା ହୀଞ୍ଜିଆହାମାଚେ । ୮ ଆମ୍ବାଆରି ଦରୁ ଦାର୍ତତି ଗାଡ଼ି ଆଆ ନକେଏ ପୂଜା ମେଣ୍ଡା ତାଲୁତି ଜୀଞ୍ଜୁଗାଟି ପତିତା ରାସ୍‌କି ଆହାହିଲେଏ, ଦାର୍ତତିତା ବାସା କିହାମାନି ଏ ବାରେ ଲକୁ ଏ ଜନ୍ତୁଇଁ ଜହରା କିନେରି ।

୯ “ଆମ୍ବାଆରାକି କୀର୍‌କା ମାନୁ ଏଞ୍ଜାସି ଝେଣ୍ଡାମ୍ବାସି ! ୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହ୍ୟ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହ୍ୟ ଏଞ୍ଜାସି ଏଲେଆହ୍ୟ ଏ କାଣ୍ଡାତଲେ ପାୟୁଞ୍ଜି ଆନେସି, ଏଚିବେଲାତା ମାହାପୁରୁ ଲକୁତାକି ନାମୁ ଅଡେ ଅରହିନାୟି ଲଡ଼ାମାନେ ।”

୧୧ ଏଚେଟିଏ ନାନୁ ର ଜନ୍ତୁଇଁ ବୁମି ବିତ୍ରାଟି ହଚାଞ୍ଜାଡ଼ାଣି ମେସ୍ତେଏ, ମେଣ୍ଡା ତାଲୁ ଲେହେଁ ଜଡେକା କମ୍‌କା, ଅଡେ ଏଦି ରାତୁ ଲେହେଁ କାତା ଆହିମାଚେ । ୧୨ ଏ ଜନ୍ତୁ ନକେଏତି ଜନ୍ତୁ ନକିତା ତାନି ବାଡ଼ୁୟୁ ତସାନା ଏମିନି ନକେଏତି ଜନ୍ତୁକି ହାନ୍ତିଲେହେଁଟି ଗାହାଁ ମାଡ଼ାମାଚେ, ଏଦାନି ଜହରା କିହାଲି ଦାର୍ତତି ଅଡେ ଏମ୍ବାଆଁ ବାସା ଆହାମାନାରାଇଁ ବାଲାମାତମି କିନେ । ୧୩ ଏ ଜନ୍ତୁ କାବାଆନ୍ତି କାମାୟାଁ କିନେ, ଏଦି ବାରେ ଲକୁ ନକିତା ହାଗୁଡି ଦାର୍ତତିତା ହିତୁ ରିଞ୍ଜିକିନେ । ୧୪ ଇଞ୍ଜା ଏ ତଲିତି ଜନ୍ତୁ ନକିତା ଆମିନି କାବାଆନ୍ତି କାମା କିହାଲି ଅଦିକାରା ବେଟାଆହାମାଚେ, ଏମ୍ବାଟି ଦାର୍ତତିତା ବାସାଆହାମାନି ଲକୁଣି ନାଡ଼ିକିହାଁ, ଆମିନି ଜନ୍ତୁ କାଣ୍ଡାତଲେ ଗାହାଁ ଆହାମାଟି ଜିକେଏ

☆ ୧୩:୧ ୧୩:୧ ଝେଙ୍କହି ବଲ୍ଲୁ ୧୭:୩,୭-୧୨

ନୀତିତେ, ଏଦାନି ର ବମା କିହାଲି ଏଝାରାଇଁ ଏଲେଇନେ । ୧୫ ଏ ଜନ୍ତୁତି ବମା ଏନିକ୍‌ ଜଲ୍ଲାଲି ଆଡ଼ିନେ ଅଡ଼େ ଏଚେକା ଲକୁ ଜନ୍ତୁତି ବମାତି ଜହରା କିଅରି, ଏଝାରି ଏନିକ୍‌ ପାୟୁଝି ଆନେରି, ଏଦାଆଁତାକି ତାୟୁତି ଜନ୍ତୁକି ତଲିତି ଜନ୍ତୁତି ବମାକି ଜାଝୁ ହାହାଲି ଅଦିକାରା ହାପକିଆଡ଼େ । ୧୬ ଅଡ଼େ ଏ ଜନ୍ତୁ ଉଣା, କାଜାରି, ବାଡ଼କୁ ଗାଟାରାଇଁ, ହାକି ଗାଟାରାଇଁ, ହଲିୟାଙ୍ଗା, ହଲିୟାଙ୍ଗା ଆଆତାରାଇଁ, ବାରେଜାଣାତି ତାମି ଚିଝନି କେୟୁତା ଆଆତ ମୁଞ୍ଜୁତା ର ସିନା ଇଟା କଡାଲି ବାଲାମାତମି କିନେ । ୧୭ ଅଡ଼େ ଏ ସିନା ଇଚିହିଁ ଜନ୍ତୁତି ଦରୁ ଆଆତ ତାନି ଦରୁତି ଲମ୍ବର ଇଟା କଡାଆତି ଲକୁଣି ଏନାଆଁ କଡାଲି କି ପାରତାଲି ହାଏ ।

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଝାସି ଏ ଜନ୍ତୁତି ଲମ୍ବର ଏଜିକିପାସି, ଏନାଆଁତାକି ଇଚିହିଁ ଏଦି ର ମାଣ୍ଡସିତି ଲମ୍ବର ଅଡ଼େ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ ।

## ୧୪

### ମେଣ୍ଡା ତାଲୁ ଅଡ଼େ ତାନି ଲକୁ

୧ \*ଏଚେଟିଏ ନାନୁ ସିନିକିହାଁ ମେସ୍‌ସେଏଁ, ଅଡ଼େ ମେଣ୍ଡା ତାଲୁ ସିୟନ ହରୁତା ନିଟାମାନେ, ଅଡ଼େ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାସ୍‌କି ଆହାମାଚେ ଇଲେତି ଲକୁ ସାଡାକଡ଼ି ସାରି ମାଣା ଲକୁ ତାନିତଲେ ନିଟାମାଚାଣି ମେସ୍‌ସେଏଁ । ୨ ଅଡ଼େ ଲାକପୁରୁତି ଲଦ ଲଦ ଆହି ରିନି ଏୟୁ ଇଞ୍ଜା ହାଗୁ ଗୁଣ୍‌ନିଲେହେତି ର କାଜା ହାଡ଼ା ଝେଚେଏଁ, ଆମିନି ହାଡ଼ା ନାନୁ ଝେଚେଏଁ ଏଦି ସେରଞ୍ଜି ଡ଼ିଡ଼ିହମାନାରି ହାଡ଼ାଲେହେଁ ଝେଜିମାଚେ । ୩ ସିଂଗାସାଣି ସାରିଗଟା ଜନ୍ତୁ ଅଡ଼େ ପ୍ରାଚିନାଙ୍ଗା ନକିତା ର ପୁଝନି ପାଚୁ ପାଡ଼ିମାଚେରି, ଅଡ଼େ ଦାରତିଟି କଡ଼ି ଆହାମାନି ସାଡାକଡ଼ି ସାରି ମାଣା ଲକୁ ପିସ୍‌ପେ ଆମ୍ବାଆରି ଏ ପାଚୁ ପାଚାଲି ଆଡ଼ାଆଚେରି । ବାରେ ମାଣ୍ଡସି କୁଡ଼ା ବିଡ଼ାଟି ଝାଞ୍ଜ ଝାଞ୍ଜାରିଦେଁ ଗେଲ୍‌ପି ଆହାମାଚେରି । ୪ ଏଝାରି ଇୟାସିକା ତଲେ କାଲ୍‌ହାନା ତାମ୍ବୁ ଜାହାରାଇଁ ଦହ କିହାଁ କଡ଼ା ହିଲାଆଚେରି, ଇଚିହିଁ ଏଝାରି ଅଞ୍‌ହାରି, ମେଣ୍ଡା ତାଲୁ ଆମ୍ବିୟାଝାକି ହାନେ ଏଝାରି ତାନି ଜେଟ ହାନେରି, ଏଝାରି ମାହାପୁରୁତି ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣ୍ଡସିୟା ବିଡ଼ାଟି ଗେଲ୍‌ପି ଆହାନା ମେଣ୍ଡା ତାଲୁ ନକିତା ହେରପିଆହାମାନେରି । ୫ ଏଝାରି ଗୁଡ଼ିତା ଏନି ମିତି ଜଲିନାୟି ହିଲେଏ, ଏଝାରି ଦହ ହିଲାଆ ଗାଟାରି ।

### ତାନି ଜାଣା ଦୂତୁ

\* ୧୪:୧ ୧୪:୧ ଝେ ବଲ୍ଲୁ ୭:୩ \* ୧୪:୮ ୧୪:୮ ଝେ ବଲ୍ଲୁ ୧୮:୨

୨ ଏଚେଟିଏ ନାନୁ ହାଗୁତି ମାଦି ଉମ୍ବିମାନି ର ଦୂତୁଇଁ ମେସ୍‌ସେଏଁ, ଏଦି ଦାରତିତା ବାସାଆହାମାନି ବାରେ ଗଟି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକ୍‌ହାଲି କାଲାକାଲା ତାକି ଡ଼ୟିନି ନେହଁ କାରୁ ଝେକ୍‌ହି ମାନେସି । ୩ ଏଦି କାଜା ଗିୟାତଲେ ଏଲେଇଚେ “ମାହାପୁରୁଇଁ ଆଜାଦୁ ଅଡ଼େ ଏଝାଣାଇଁ ଗାଝୁରମି ହାପୁ, ଇଚିହିଁ ମାଣ୍ଡସିତି ନାହାଁୟି କିନି ଦିନା ଏଗାଝାଚେ, ଅଡ଼େ ଆମ୍ବାଆସି ହାଗୁ, ଦାରତି, ସାମ୍‌ଦୁରି ଇଞ୍ଜା ଜାରଣା ଏୟୁତି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ ।”

୮ \*ତାନି ତାୟୁ ଅଡ଼େ ର ଦୂତୁ ଇଚିହିଁ ରୀ ଲମ୍ବର ଦୂତୁ ଝାହାନା ଏଲେଇଚେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ୁ ଉଞ୍‌ହାନା ହଡ଼ିକିହାମାଚେ, ଏଦି ରିହା ହାଜାମାନେ ।”

୯ ଏଦାଣି ତାୟୁ ଅଡ଼େ ର ଦୂତୁ ଇଚିହିଁ ତାନି ଲମ୍ବର ଦୂତୁ ଝାହାନା କାଜା ଗିୟାତଲେ ଏଲେଇଚେ, “ଆମ୍ବାଆସି ଏ ଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଟା କଡ଼ିନେସି, ୧୦ ଏଝାସି ମାହାପୁରୁତି କପାଗାଟି ସଲାତା ଝାକ୍‌ହାମାନି ହାରେକା କାରବିତି କାଡ଼ୁ ଗହନେସି, ଆମ୍ବାଆରି ଇ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୂତୁୟାଁ ନକିତା ହିଚୁ ଅଡ଼େ ଗାନ୍ଧାଗାଟି ଗୁଣ୍ଡା ତଲେ କସ୍‌ସ ବେଟା ଆନେସି । ୧୧ ଇଲେତି ଲକୁଣି କସ୍‌ସ ହାନି ହିଚୁ ବୟଁ କାଲାକାଲା ତାକି ହଚେମାନେ, ଆମିନି ଗାଟାରି ଜନ୍ତୁ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଝାରି ଲାଆଁ ମାଦେନା ଜମାଲି ବେଟାଆଅରି ।”

୧୨ ଇମ୍ବାଆଁ ମାହାପୁରୁ ଲକୁ ଇଚିହିଁ ମାହାପୁରୁତି ହୁକୁମି ମାନଝିଆନେରି, ଇଞ୍ଜା ଜାସୁଇଁ ନାମିନେରି, ଏଝାରାକି ଅଞ୍‌ହିନାୟି ଲଡ଼ାମାନେ ।

୧୩ ଇଞ୍ଜା ଲାକପୁରୁତି ଇ ହାଡ଼ା ଝେଚେଏଁ, ଇ କାତା ରାଟାମୁ, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଝାରି ନେହେଁ ।” ଅଡ଼େ ନାନୁ ଝେଚେଏଁ ସୁଦୁଜାଝୁ ଝେସିମାଞ୍ଜାନେ, “ଏଝାରି ତାମି କାମାତି ଝାହୁଟି ଜମିନେରି, ଇଚିହିଁ ଏଝାରି କାମାତି ପାଡ଼େୟି ଏଝାରିତଲେ ଡ଼ୟିନେ ।”

### ତାସା ଦାନାୟି

୧୪ ଅଡ଼େ ନାନୁ ମେସ୍‌ସେଏଁ, ଇଚାୟି ଦବ୍‌ଲା ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣ୍ଡସି ମୀରଏସି ଲେହେଁତାସି; ତାନି ତାୟୁଁ ତୁ ବାଂଗାରା ଚପେରି, ଇଞ୍ଜା କେୟୁତା ର ଝାହୁନି କଡ଼ାତଝେଲି । ୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୂତୁ ଝାହାନା ହାଗୁତା କୁଗାମାନାଣାଇଁ କାଜା ଗିୟାତଲେ

ଏଲେଇରେ, “ନୀ କଚାତଝେଲି ଆସାନା ତାସା ଦାମ୍ନୁ । ଦାର୍‌ତିତି ତାସା ଦାଃନି କାଚୁ ଏଗାଝାତେୟିଏ ।”  
୧୭ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣ୍‌ସି ତାନି କଚାତଝେଲି ଅଗିତେସି ଇଞ୍ଜା ଦାର୍‌ତିତି ତାସା ବାରେ କୁଡ଼ିକିଝିଆଡେ ।

୧୭ ଏଦାଆଁ ତାୟ୍ ଲାକପୁରୁତି ମାହାପୁରୁ ଇଲୁତି ଅଡେ ର ଦୁତୁ ହଚାଝାତେସି, ଏ ଦୁତୁକି କେୟ୍‌ତା ଜିକେଏ ଝାହୁନି କଚାତଝେଲି ମାଚେ ।

୧୮ ଅଡେ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୁତୁ କଚାତଝେଲି ଆସାମାନି ଅର ଦୁତୁଇଁ କାଜା ଗିୟାତଲେ ଏଲେଇରେ, “କଚାତଝେଲି ଅଗାନା ଦାର୍‌ତିତି ଅଜୁରି ବାଡାଟି ଅଜୁରିକା ବାରେ ଡଡ଼ହା ତୁହମ୍; ଏଝି ବାରେ କାମ୍‌ମାନୁ ।”

୧୯ ଏମ୍‌ଗାଟିଏ ଦୁତୁ ଦାର୍‌ତିତା ତାନି କଚାତଝେଲି ଅଗାନା ଅଜୁରି ମାଡାୟାଟି ଅଜୁରି ଡଡ଼ହେ ଇଞ୍ଜା ଏଝି ମାହାପୁରୁ କାର୍‌ବିତି ଅଜୁରି ପାଡ଼ିକିନି ଦନିତା ମେଡ଼ହେ ।  
୨୦ ଶଗାଡାତି ପାଜାମା ମାନି ଏ ଦନିତା ଅଜୁରି ପାଡ଼ିକିଝିଆଡେ ଇଞ୍ଜା ଏମ୍‌ଗାଟି ଗଡାୟା ବାକେରି ପାଡେକା ନିଜ୍‌ମାନା ତାନି ଝାଞ୍ଜା କିଲମିଟର ହେକ ପାଡେକା ଇଞ୍ଜା ରୀ ମିଟର ଲାକ ପାଡେକା ନେତେରି ଝାଞ୍ଜାତେ ।

**୧୫**

**ସାଡାଗଟା ରଗ କିନି ସାଡାଗଟା ଦୁତୁୟାଁ**

୧ ଏମ୍‌ଗାଟିଏ ନାନୁ ହାଗୁତା ଅଡେ ର କାବାଆନି ଲେହେଁତି ସିନା ମେସ୍‌ସେଏଁ, ସାଡାଗଟା ଦୁତୁୟାଁ ସାଡାଗଟା ରଗୟାଁ ତାନି କେୟ୍‌ତା ଆସାନା ତଞ୍ଜାଆତୁ, ଏ ରଗୟାଁ ମାହାପୁରୁତି କପା ତହୁନାୟି ରାନାୟି ମାଚେ ।

୨ ଅଡେ ନାନୁ ମେସ୍‌ସେଏଁ, ହିରୁ କାଲ୍‌ହିତି ଦାପେଣି ଲେହେଁତି ସାମ୍‌ଦୁରି, ଆମ୍‌ମାଆରି ଜନ୍ତୁ, ଏଦାନି ବମା ଇଞ୍ଜା ଏଦାନି ଦରୁତି ଲମ୍‌ରଟି ଜାଣା ଆଡାରି, ଏଝାରି ମାହାପୁରୁ ହାହାମାନି ସେରଜି ଆସାନା ଗାଜୁ ଲେହେଁତି ସାମ୍‌ଦୁରି ଗିରୁତା ନିତାମାଚେରି ।

୩ ଏଝାରି ମାହାପୁରୁ ହାତି ରାମଗଟା ଝେତିହଁ ମାହାପୁରୁତି ସେବାକିନି ମସାତି ପାରୁ ଇଞ୍ଜା ମେଣ୍ଡା ଡାଲୁତି ପାରୁ ପାଡ଼ିହଁ ଏଲେ ଇଞ୍ଜା ମାନେରି, “ବାରେତି କିହାଁ ବାଡ଼ୁୟାଁ ଗାଟି ପ୍ରବୁ ମାହାପୁରୁତି,

ନୀ କାମା ଏଚେକା କାଜାୟି ଅଡେ କାବା ଆନାୟି,  
ବାରେ ଲକୁତି ରାଜାତି,  
ନୀ କାମାତି ଜିରୁ ବାରେ ନାହାଁୟି ଗାଟାୟି ଇଞ୍ଜା ସାତାତାୟି ।

୪ ପ୍ରବୁ ! ନିଜେ ଆମ୍‌ମାଆସି ଆଜାଆ ଗାଟାସି ମାନେସି ?  
ଆମ୍‌ମାଆସି ନୀ ଗାଝୁରମି ଝେକ୍‌ଆଗାଟାସି ମାନେସି ?

☆ ୧୪:୨୦ ୧୪:୨୦ ଝେ ବଲ୍ଲୁ ୧୯:୧୫

ଇତିହଁ ନୀନୁ ରଅତିଏ ସୁଦୁ ଗାଟାତି;  
ବାରେ କୁଡାତି ଲକୁ ଝାହାନା ନୀ ପୂଜା କିନେରି,  
ଏନାଆଁତାକି ଇତିହଁ ନୀ ଦାମ୍‌ଗାଟି  
ନାହାଁୟିତି କାମାୟାଁ ବାରେଜାଣା  
ମେସାମାନେରି ।”

୫ ଏମ୍‌ଗାଟିଏ ନାନୁ ମେସ୍‌ସେଏଁ, ଲାକପୁରୁତି ସାକି ହାନି ତୁମ୍ ଦେଝୁଡ଼ିତି ଦାରା ଦେପିଆଡେ  
୬ ସାଡାଗଟା କସୁୟାଁ ଆସାମାନି ସାଡାଗଟା ଦୁତୁୟାଁ ଲାକପୁରୁତି ଦେଝୁଡ଼ିତି ହଚାଝାତୁ; ଏଝି ଅପହି ମିହୁନି ହିମ୍‌ରକା ହୁଚାମାରୁ ଇଞ୍ଜା ଏଝାସିକା ବକ ସାରିସୁରୁ ବାଂଗାରା ପାଟା ଦସାମାରୁ ।  
୭ ସାରିଗଟା ଜନ୍ତୁୟାଁ ବିଡାଟି ର ଜନ୍ତୁ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାଡାଗଟା ବାଂଗାରା ଗିନାୟାଁ ଏ ସାଡାଗଟା ଦୁତୁୟାଁକି ହାତେ ।  
୮ ମାହାପୁରୁତି ଗାଝୁରମି ଅଡେ ତାନି ବାଡ଼ୁୟାଁ ହଚିମାନି ବୟ୍ ଦେଝୁଡ଼ିତା ନେଞ୍ଜାହାଚେ; ସାଡାଗଟା ଦୁତୁୟାଁ ତାଚାମାନି ସାଡାଗଟା ରଗୟାଁ ରାଆ ପାଡେକା ଏ ଦେଝୁଡ଼ି ବିଡା ଆମ୍‌ମାଆସି ହଡାଲି ଆଡାଆଡେସି ।

**୧୬**

**ମାହାପୁରୁ କପାତି ସାଡାଗଟା ଗିନାୟାଁ**

୧ ଏଚେଟିଏ ନାନୁ ଝେଚେଏଁ, ଦେଝୁଡ଼ିତି ରଅସି କାଜା ଗିୟାତଲେ ଏ ସାଡାଗଟା ଦୁତୁୟାଁକି ଝେସିମାଚେସି, “ହାଜୁ, ସାଡାଗଟା ଗିନାୟାଁଣା ନେଞ୍ଜାମାନି ମାହାପୁରୁତି କପାତି ଦାର୍‌ତି ଲାକ ଝାକ୍‌ଦୁ !”

୨ ଏଚେଟିଏ ମୁଲୁତି ଦୁତୁ ହାଜାନା ତାନି ଗିନାତା ଏନାୟି ମାଚେ, ଦାର୍‌ତି ଲାକ ଝାକ୍‌ହେ; ଦେବୁଣିଏ ଆମ୍‌ମାଆରି ତାଣା ଜନ୍ତୁତି ସିନା ମାଚେ, ଇଞ୍ଜା ତାନି ବମାତି ପୂଜା କିହାମାଚେରି, ଏଝାରି ଆଜାମାତା ହାରେକା କସୁଗାଟି ବାସା ପଟକା ହତୁ ।  
୩ ଏଚେଟିଏ ରୀ ଲମ୍‌ର ଦୁତୁ ତାନି ଗିନାତାଣି ସାମ୍‌ଦୁରି ଲାକ ଝାକ୍‌ହେ; ଇଞ୍ଜା ସାମ୍‌ଦୁରିତି ଏୟ୍ ହାଡ଼ି ଲକୁତି ନେତେରିଲେହେଁ ଆତୁ, ଇଞ୍ଜା ସାମ୍‌ଦୁରିତା ମାତି ବାରେ ଜନ୍ତୁୟାଁ ହାହାହାତୁ ।

୪ ତାନି ଲମ୍‌ର ଦୁତୁ ତାନି ଗିନାତା ଏନାୟି ମାଚେ, କାଡା ଇଞ୍ଜା ଡସା ଏୟ୍ ଲାକ ଝାକ୍‌ହେ; ଇଞ୍ଜା ଏ ଏୟ୍ ବାରେ ନେତେରି ମିଶହା ହାତୁ ।  
୫ ଏଚିବେଲାତା ନାନୁ ଝେଚେଏଁ, ଏୟ୍ ଲାକ ଅଦିକାରା ବେଗାଆହାମାନି ଦୁତୁ ଏଲେଇଞ୍ଜାମାଚେ, “ନୀନୁ ସୁଦୁ ଗାଟାତି, ନୀଏଁ ମାନାତି ଅଡେ ତଲିଏ ମାଟାତି; ନୀନୁ ତାର୍‌ପୁତଲେ ନାହାଁୟି କିହାମାଞ୍ଜି ।  
୬ ଏଝାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ ଅଣ୍‌ପୁତି ବଲ୍ଲୁ ଝେହୁନାର ଆମିନି ନେତେରି ବକହାମାଚେରି, ଏଦାଆଁ ମୀରୁ ଏଝାରାଇଁ



ଢ଼ଟ୍‌ହାମାଞ୍ଜି । ଏଝାରି ଏଦାଆଁ ବେଟାଆନାଣି ବେଟାଆହାମାନେରି ।” ୭ ଏଚେଟିଏ ପୂଜା ପିଣ୍ଡାଟି ର ହାଡ଼ା ଝେଚେଏଁ, ବାରେତି କିହାଁ ବାଡ଼ୁୟୁଗାଟି ମାହାପୁରୁ ପ୍ରବୁ ! ନୀ ନୀହାଁୟି ବାରେ ସାତା ଅଡ଼େ ଚିକାଣାତାୟି ।

୮ ସାରି ଲମ୍ବର ଦୁତୁ ତାନି ଗିନାତା ମାଚାଣି ଝେଡ଼ା ଲାକ ଝାକ୍‌ହେ, ଏଦାଆଁତାକି ଝେଡ଼ା ହାରେକା ଡ଼ାଞ୍ଜାନା ଲକୁଣି ହୁଡ଼ିତେ । ୯ ଏଚିବେଲା ଲକୁ କଣରା ହାଟି କାରାତା ଝେହାହାରେରି, ଅଡ଼େ ଇ ସାସ୍ତି ଲାକ ଅଦିକାରା ମାନି ମାହାପୁରୁ ଦରୁତି ନିନ୍ଦାକିତେରି । ସାମା ହିୟାଁ ବାଦଲି କିହାଁ ଏଝାଣି ଗାଝୁରମି କିଆତେରି ।

୧୦ ପାସା ଲମ୍ବର ଦୁତୁ ତାନି ଗିନାତା ମାଚାଣି ଜନ୍ତୁତି ସିଂଗାସାଣି ଲାକ ଝାକ୍‌ହେ । ଜନ୍ତୁତି ରାଜିତା ଆନ୍ଦେରି ଆହାହାରେ, ଇଞ୍ଜାଁ ଲକୁ କସ୍ତତଲେ ତାନି ଝେନ୍ଦରିକା କାଚା କଡ଼ିତେରି । ୧୧ ଅଡ଼େ ଏଝାରି ଆଙ୍ଗାତି ରାଶାରାକା ତାକି ଇଞ୍ଜାଁ ପକାୟାଁ ବୀସା ତାକି ଲାକପୁରୁତି ମାହାପୁରୁଇଁ ବାକା ଇଚିତେରି । ସାମା ତାନି ଲାଗେଏତି କାମାଟି ମନ ଝେଟ୍‌ଆତେରି ।

୧୨ ସ ଲମ୍ବର ଦୁତୁ ତାନି ଗିନାତା ମାଚାଣି ପରାଡ଼ କାଜା କାତା ଲାକ ଝାକ୍‌ହେ, ଏ କାତାତି ଏୟୁ ଝାୟାହାରୁ, ଝେଡ଼ା ହପୁ ଝାକିଟି ଝାହିମାନି ରାଜାୟାଁକି ଜିରୁ ପାରଲିଆଡେ । ୧୩ ଏଚେଟିଏ ନାନୁ ମେସ୍ତେଏଁ, ପାନାୟାଁଲେହେଁ ତଞ୍ଜାଆହିମାନି ତାନିଗଟା ଲାଗେଏତି ଜୀଝୁୟାଁ । ଏଝି ରାଚୁ ଗୁଡ଼ିଟି, ଜନ୍ତୁତି ଗୁଡ଼ିଟି, ମିଟି ବଲ୍ଲୁ ଝେହନାରି ଗୁଡ଼ିଟି ହଟାଝାହିମାରୁ । ୧୪ ଏ ଲାଗେଏତି ଜୀଝୁଗାଟି ବୁତୁୟାଁ କାବାଆନି କାମା କିହାଲି ଆଡ଼ିନୁ, ଏଝି ବାଡ଼ୁୟୁ ଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାର୍ତତି ରାଜାୟାଁଣି କୁଡ଼ିକିହାଲି ହାଟାହାରୁ ।

୧୫\*“ଝେଞ୍ଜୁ ! ନାନୁ ସରୁଲେହେଁ ଝାକ୍‌, ଆମ୍ବାଆସି ଜାଗ୍ରାତା ଆହାଁ ସରୁ ତାଶାଟି ଜାହାରା ହିମ୍ବରିକା ଡ଼କୁହାଲି ଆଡ଼ିମାନେସି, ଏଝାସି ନେହେଁ । ଏଝାସି ନାଗୁଡ଼ା ଆହାଁ ରେଅସି, ଅଡ଼େ ଏଝାସି ଲାଜା ବେଟାଆଅସି ।”

୧୬ ପଲ୍‌ଆ ଜୀଝୁୟାଁ ଏ ବେଲାତା ଦାର୍ତତି ରାଜାୟାଁଣି ଆମିନି ଟାୟୁତା କୁଡ଼ିକିତୁ ଏବ୍ରି ହାଡ଼ାତଲେ ଏଦାନି ଦରୁ ଆମାଁଗାତେନ ।

୧୭ ସାତା ଲମ୍ବର ଦୁତୁ ତାନି ଗିନାତା ମାଚାଣି ଗାଲି ଲାକ ଝାକ୍‌ହେ, ଏଚେଟିଏ ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା ଝେଜିତେ, “ଇଦାଆଁ କିଝିଆଡେ !” ୧୮ \*ଦେବୁଣିଏ ବିଲିବାଲା ଆହୁଁ ମୁସ୍ତେ ଇଞ୍ଜାଁ ହାଗୁ ଗୁଣ୍ଡି ହାଡ଼ା ଆଡେ, ଇଞ୍ଜାଁ ହାରେକା

ବୁମି ଝୀଡ଼ିତେ, ଇଚିହୁଁ ଦାର୍ତତିତା ମାଣ୍‌ସିୟାଁ ଗାଡ଼ିଆଡ଼ି ଦିନାଟିଏ ଏଚେଲାଝା ଇଲେତି ବୁମି ଝୀଡ଼ାହିଲାଆଡେ, ଇଦି ବାରେକିହାଁ ଆଜିହୁଡ଼େତି ବୁମି ଝୀଡ଼ିନାୟି ମାଚେ । ୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆଡେ ଅଡ଼େ ଦାର୍ତତି ବାରେ ଗାଡ଼ାୟାଁ ବିଡ଼ହାହାରୁ, ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣା ଆହା ହିଲାଆଡେସି, ଏଝାସି ତାନି ଗହୁନି ସଲାଟି ତାନି ହାରେକା କପାଗାଟି କାଡ଼ୁ ଏଝାଣାଇଁ ଡ଼ଟ୍‌ହେସି । ୨୦ \*ସାମ୍‌ଦୁରି ମାଦି ମାନି ଦେସାୟାଁ ମେଣ୍‌ଜାହାରୁ ଇଞ୍ଜାଁ ହରକା ବାରେ ଡ଼ଗୁା ହାରୁ । ୨୧ \*ରୀ କଡ଼ି ଦସ କେଜି ବଜୁଗାଟି ଆଜିୟାଁ ହାଗୁ ଲାକଟି ମାଣ୍‌ସିୟାଁ ଲାକ ରିତୁ, ଲକୁ ଇ ମରଡ଼ି ତାକି ମାହାପୁରୁଇଁ ନିନ୍ଦାକିତେରି ।

### ୧୭

#### ଝେଜିତି ଦାରେଣି

୧ ଏମ୍ବାଟିଏ ସାଡ଼ାଗଟା ଗିନାୟାଁ ଆସାମାନି ଦୁତୁ ବିତ୍ତାଟି ରଣ୍ଡି ନା ତାଗେ ଝାହାନା ଏଲେଇଞ୍ଜାତେ, “ଇମ୍ବାଆଁ ଝାମୁ ହାରେକା କାତା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏନି ସାସ୍ତି ବେଟାଆନ୍ଦେ ଏଦାଆଁ ତସ୍ତାଇଁ । ୨ ଦାର୍ତତି ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଜାଁ ଦାର୍ତତିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଗସାହାଁ ହଟାମାନେରି ।”

୩ \*ଏଚିବେଲାତା ସୁଦୁଜୀଝୁ ନା ତାଶା ଝାଡେ ଇଞ୍ଜାଁ ଏ ଦୁତୁ ନାଙ୍ଗେ ବାଃଲି ବୁମିତା ଅୟାତେ । ଏମ୍ବାଆଁ ନାନୁ ମେସ୍ତେଏଁ, ର ପାରୁ ଝାଣାଗାଟି ଜନ୍ତୁ ଲାକ ର ଇୟା କୁଗାମାଚେ । ଏ ଜନ୍ତୁତି ଆଙ୍ଗାତା ମାହାପୁରୁ ନିନ୍ଦାକିନି ଦରକା ରାସ୍‌କି ଆହାମାରୁ, ଅଡ଼େ ଏଦାନାକି ସାଡ଼ାଗଟା ତାକାଁ ଇଞ୍ଜାଁ ଦସଗଟା କମ୍‌କା ମାରୁ । ୪ ଏ ଇୟା ହେୟାଁ ଲେହେଁତି ଝାଣା ଅଡ଼େ ପାରୁ ଝାଣାଗାଟି ହିମ୍ବରି ହୁଟାମାଚେ, ଇଞ୍ଜାଁ ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁକ୍ତା ତଲେ ସାଜୁ ଆହାମାଚେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଶ୍‌ସୁ ଇଞ୍ଜାଁ ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାଚେ । ୫ ଏଦାନି ମୁଞ୍ଜୁତା ଡ଼ଗୁାମାନି ର ଦରୁ ରାସ୍‌କି ଆହାମାଚେ, “କାଜା ଗାଡ଼ା ବାବିଲନ ଦାର୍ତତି ବାରେ ଦାରି ଇଞ୍ଜାଁ ଅପାଆଗାଟି କାମାତି ତାଲି ।” ୬ ନାନୁ ଅଡ଼େ ମେସ୍ତେଏଁ, ଏ ଆୟାଟି ମାହାପୁରୁ ଲକୁ ଇଞ୍ଜାଁ ଜୀସୁ ତାଶା ମାନି ତଲେ ମାଞ୍ଜା ସାକି ହୀହାନା ହାହାମାନି ଲକୁତି ନେତେରି ଗସାନା ହଟାମାଚେ ।

\* ୧୭:୧୫ ୧୭:୧୫ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୩:୩ ୧୭:୧୮ ୧୭:୧୮ ଝେ ବଲ୍ଲୁ ୮:୫; ୧୧:୧୩,୧୯ \* ୧୭:୨୦ ୧୭:୨୦ ଝେ ବଲ୍ଲୁ ୬:୧୪ \* ୧୭:୨୧ ୧୭:୨୧ ଝେ ବଲ୍ଲୁ ୧୧:୧୯ \* ୧୭:୩ ୧୭:୩ ଝେ ବଲ୍ଲୁ ୧୩:୧

ନାନୁ ଏଦାନି ମେସାନା ହାରେକା କାବା ଆଡେଏଁ ।  
 ୭ ଅଡେ ଦୂତୁ ନାଜେ ଏଲେଇଞ୍ଜାତେ, “ଏନାଆଁତାକି  
 କାବା ଆହିମାଞ୍ଜି ? ନାନୁ ଏ ଆୟାତି ଅଡେ  
 ସାତା ଗଟା ତାର୍‌କା ଇଞ୍ଜା ଦସଗଟା କମ୍‌କା ଗାଟି  
 ଏଦାଣି ଡେକାମାନି ଜନ୍ତୁତି ଡଗୁମାନି କାତା ନାନୁ  
 ନିଜେ ଝେସିମାଞ୍ଜାଇଁ, ଝେନାମୁ । ୮ ✱ଜନ୍ତୁ ର  
 ଦିନା ନୀତାମାତେ; ନୀଏଁ ଅଡେ ନୀତାହିଲେଏ,  
 ସାମା ତବେ ତାଡେପୁରୁତି ନିଜା ଝାନ୍ନେ ଇଞ୍ଜା  
 ଅର ଦେବା ନାସା ଆନେ । ଦାରତି ଗାଡ଼ି ଆଡ଼ି  
 ନକେଏ ଆମ୍ବାଆରି ଦରୁ ଜୀଝୁତି ପତିତା ରାସ୍‌କି  
 ଆହାହିଲେଏ, ଦାରତିତା ବାସାଆହାମାନି ବାରେ  
 ଲକୁ ଜନ୍ତୁଇଁ ମେସାଁ କାବାଆନେରି । ଏଦି ର ଦିନା  
 ନୀତାମାତେ, ନୀଏଁ ଅଡେ ହିଲେଏ, ସାମା ଅଡେ ର  
 ଦେବା ତଞ୍ଜାଆନେ ।”

୯ “ଇ ବାରେ କାତା ଡେଲହାଲି ତାକି ବୁଦି  
 ଲଡ଼ାମାନେ । ଜନ୍ତୁତି ସାତାଗଟା ତାର୍‌କା ସାତେଏ  
 ସାତାଗଟା ହରକା, ଆମିନି ଲାକ ଆୟାତି  
 କୁଗାମାନେ । ଏଝି ଜିକେଏ ସାତା ଜାଣା ରାଜାୟା  
 ଲେହେଁ । ୧୦ ଏଝାରି ବିତ୍ରାଟି ପାସାଜାଣା ମେଣ୍‌ଜା  
 ହାଜାମାନେରି, ନୀଏଁ ରଅସି ମାନେସି, ଅଡେ ରଅସି  
 ନୀଏଁ ପାତେକା ଝାହାହିଲଅସି, ଏଝାସି ଝାଡ଼ିସାରେ  
 ଗାଡେକା ତାକିଏ ସାଲୁଝି କିନେସି । ୧୧ ଅଡେ  
 ଆମିନି ଜନ୍ତୁ ର ଦିନା ନୀତାମାତେ, ଏଦି ଆଟା ଲମ୍‌ର  
 ରାଜା, ଏ ବାରେ ରାଜାୟା ବିତ୍ରାଟି ରଅସି ଇଞ୍ଜା  
 ଏଝାସି ଜିକେଏ ତବେ ନାସା ଆନେସି ।”

୧୨ “ମୀରୁ ମେସାମାନି ଦସଗଟା କମ୍‌କା, ଦସ  
 ଜାଣା ରାଜାୟା ଲେହେଁ, ଏଝାରି ନୀଏଁ ପାତେକା  
 ସାଲୁଝି କିହାହିଲଅସି । ସାମା ଜନ୍ତୁ ତଲେ ସାଲୁଝି  
 କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ  
 ହାପ୍‌କିଆନେ । ୧୩ ଏଝାରି ରଣ୍ଡିଏ ଅଣ୍‌ପୁ ତଲେ  
 ମାଞ୍ଜାନା ତାମି ବାଡ଼ୁୟୁ ଅଡେ ଅଦିକାରା ଏ ଜନ୍ତୁକି  
 ହାନେରି । ୧୪ ଏଝାରି ମେଣ୍‌ସା ତାଲୁ ତଲେ  
 ଜୁଜୁ କିନେରି, ଅଡେ ମେଣ୍‌ସା ତାଲୁ ଏଝାରାଇଁ  
 ଜୀଣା ଆନେ, ଇଚିହଁ ଏଝାସି ପ୍ରବୁ କିହାଁ  
 ପ୍ରବୁ ଅଡେ ରାଜା କିହାଁ ରାଜା, ଅଡେ ଆମିନି  
 ଗାଟାରି ଏଝାଣିତଲେ ମାନେରି ଏ ହାଟାମାନାରି,  
 ଆଟାମାନାରି ଅଡେ ନାମୁଗାଟାରି ଜିକେଏ ଜୀଣା  
 ଆନେରି ।”

୧୫ ଦୂତୁ ନାଜେ ଅଡେ ଏଲେଇଞ୍ଜାତେ, “ନୀନୁ  
 ଆମିନି ଏୟୁଣି ମେସି, ଆମିନି ଲାକ ଏ ଦାରେଣି  
 କୁଗାମାନେ, ଏଦି ଆହିମାନେ ଏଟକା ଏଟକାତି  
 ଦେସା, କୂଡ଼ା, ଗଟି ଇଞ୍ଜା ହାଡ଼ାଗାଟି କୁଲମି ।  
 ୧୬ ନୀନୁ ମେସାମାନି ଦସଗଟା କମ୍‌କା ଇଞ୍ଜା ଏ  
 ଜନ୍ତୁ, ଦାରେଣିନି ଅପାଉ; ଏଝି ଏଦାନି ତାଣାଟି  
 ବାରେ ପିସ୍‌ପିକିହା ଅହାନା ନାଗୁଡ଼ା କିହାନା ପିହୁ  
 । ଏଝି ଏଦାନି ଉଜ୍‌ଜା ତିଞ୍ଜାନା ହିରୁତା ହୁଡାନା  
 ନାସା କିନୁ । ୧୭ ଏନାଆଁତାକି ଇଚିହଁ, ମାହାପୁରୁ

ତାନୁ ଅଣ୍‌ପାମାନାଣି କିହାଲିତାକି ଏଝାଆଁତାକି ଇ  
 ଅଣ୍‌ପୁ ହାହାମାନେସି । ଏଝି ରଣ୍ଡିଏ ମନ୍ ଆହାନା  
 କାମା କିନୁ ଇଞ୍ଜା ମାହାପୁରୁତି ବଲ୍ଲୁ ସାତାତଲେ  
 ଆଆପାତେକା ରାଡ଼ିତି ସାଲୁଝି କିନି ବଲ୍ଲୁ ଏ ଜନ୍ତୁ  
 କେୟୁତା ପିସାହାନେସି ।”

୧୮ “ଇଞ୍ଜା ଆମିନି ଆୟାତି ମେସି, ଏଦି  
 ଆହିମାନେ, ଦାରତିତି ରାଜାୟାଣି ସାଲୁଝି କିହିମାନି  
 ଏ କାଜା ଗାଡ଼ା ।”

### ୧୮

#### ବାବିଲନ ନାସା ଆନାୟି

୧ ଏଚେଟିଏ ନାନୁ ଅଡେ ର ଦୂତୁଇଁ ଲାକପୁରୁତି  
 ରେଟା ଝାହିମାଟାଣି ମେସ୍‌ସେଏଁ; ଏଝି କାଜା  
 ଅଦିକାରା ଗାଟାୟି, ତାନି ଗାଝୁରମି ତାକି ଦାରତି  
 ବାରେ ଉଜେଡ଼ି ଆହାହାତେ । ୨ ✱ଏଦି କାଜା  
 ହାଡ଼ାତଲେ କାଲୁଝି ଆହଁ ଏଲେଇଚେ, “କାଜା  
 ଗାଡ଼ା ବାବିଲନ ମେଣ୍‌ଜିତେ ! ଏଦି ବାରେ  
 ମେଣ୍‌ଜିତେ ! ଏଦି ବୁଡୁୟା ବାସାଟାୟୁ ଅଡେ  
 ପଲୁଆ ଜୀଝୁୟା ଅଡେ ପଲୁଆ କାମାୟା, ଇଞ୍ଜା  
 ଅପାଆଗାଟି ପଟାୟାତି ବାସାଟାୟୁ ଆହାମାନେ  
 । ୩ ଇଚିହଁ ବାରେ ଜାଡ଼ିତାରି ତାନି ଦାରି  
 କାମାଲେହେଁତ କାଡ଼ୁ ଗସାମାନେରି, ଦାରତିତି  
 ରାଜାୟା ତାନିତଲେ ଦାରିକାମା କିହାମାନେରି,  
 ଅଡେ ଦାରତିତି ଦେବାରା ଗାଟାରି ତାନି ଜୁପକାଟି  
 ବାଡ଼ୁକୁ ଗାଟାରି ଆହାମାନେରି ।”

୪ ଏଚେଟିଏ ନାନୁ ଲାକପୁରୁତି ଅଡେ ର ହାଡ଼ା  
 ଏଲେ ଇଞ୍ଜିମାନାଣି ଝେଚେଏଁ,

“ଏ ମା ଲକୁତେରି ! ଏଦାଆଁତାକି ଏଦାନି ତାଣାଟି  
 ହଡ଼ା ଝାଡୁ !

ମୀରୁ ଏନିକଁ ଏଦାନି ପାପୁତା ଆଣ୍ଡୁଅଡେରି;  
 ଇଞ୍ଜା ତାନି ଡଣ୍ଡୁତି ବାଗା ବେଟାଆଅଡେରି;

୫ ଏନାଆଁତାକି ଇଚିହଁ ଏଦାନି ପାପୁ ବାରେ  
 ଲାକପୁରୁ ପାତେକା ଏଜାମାନେ,  
 ଅଡେ ଏଦି କିହାମାନି ଲାଗେଏତି କାମା  
 ମାହାପୁରୁ ମନତା ଅଣ୍‌ପାମାନେସି ।

୬ ଏଦି ମିଜେ ଏନି କିହାମାଞ୍ଜାନେ ଏଲେକଁ ମୀରୁ  
 ଏଦାନାକି କିଦୁ;

ତାନି କିହାମାନାଣି କିହାଁ ରୀ ଗୁଣୁ ଝେଟ୍‌ଦୁ,  
 ଏଦି ଆମିନି ସଲ୍‌ତା କାଡ଼ୁ ଆଟ୍‌ହାମାନେ,

ଏମ୍ବାଆଁ ରୀ ଗୁଣୁ କାଡ଼ୁ ତାନି ସଲ୍‌ତା ଆଟ୍‌ଦୁ ।

୭ ଏଦି ଏଚେକା ତାନି ଗାଝୁରମି କିହାମାନେ ଅଡେ  
 ବଡ଼ପଣ ତଲେ ମାଞ୍ଜାମାନେ,

ଏଲେକଁ ଏଦାନାକି ଦୁକୁ କସ୍‌ ହୀଦୁ;

ଏନାଆଁତାକି ଇଚିହଁ ଏଦି ଜାହାରାଇଁ ମନତା  
 ଝେସା କଡ଼ିମାନେ,

‘ନାନୁ ରାଣି ଆହାଁ କୁଗାମାଇଁ,  
 ନାନୁ ରାଣ୍ଡେଣିତେଏଁ ଆଏ,

✱ ୧୭:୮ ୧୭:୮ ଝେ ବଲ୍ଲୁ ୧୧:୭ ✱ ୧୮:୭ ୧୮:୭ ଝେ ବଲ୍ଲୁ ୧୪:୮

ନାଙ୍ଗେ ଏଚେଲାଝା ଦୁକୁ କିହାଲି ଆଏ ।  
 ଲଦାଣିତାକି ର ଦିନା ବିତ୍ରା ତଣ୍ଡ ପାଣ୍ଡନେ,  
 ଇଚିହଁ ହାକି, ଡାକି, ଅଡ଼େ କାରଖୁ ଆନେ,  
 ଅଡ଼େ ଏଡ଼ି ହିଚୁଡା ଝେହାହାନେ,  
 ଇଚିହଁ ଏଦାନି ନୀହାଁୟି କିନାସି ପ୍ରବୁ  
 ମାହାପୁରୁ ବାରେ ବାଡ଼ୁୟୁ ଗାଟାସି ।”

୯ ଦାରତିତି ବାରେ ରାଜାୟାଁ ତାନିତଲେ  
 ଦାରିକାମା କିହାନା ରାହାଁଟି ନୀତାମାନେରି, ଏଝାରି  
 ଏଦାନି ହୁଡ଼ିମାନି ହିଚୁ ବୟଁ ମେହନେରି, ଇଞ୍ଜା  
 ଏଦାନି ତାକି ଦୁକୁ ଆହାଁ ଡାନେରି; ୧୦ ଏଝାରି ଏଦାନି  
 କାକୁଲିଟି ଆଜିତାକି ହେକ ନିଚାନା ଏଲେଇନେରି,  
 “ଆୟଡା, ଆୟଡା, କାଜା ଗାଡା, ବାଡ଼ୁୟୁ ଗାଟି  
 ଗାଡା ବାବିଲନ ନୀନୁ ବାକା ପଣନାତି, ଇଚିହଁ  
 ରଣ୍ଡିଏ ଗଂଟା ବିତ୍ରା ନୀ ତଣ୍ଡ ଝାଡ଼େ !”

୧୧ ଅଡ଼େ ଦାରତିତି ବେବାରା ଗାଟାରି ଏଦାନି  
 ତାକି ଦୁକୁ ଆହାଁ ଡାନେରି, ଏନାଆଁତାକି ଇଚିହଁ  
 ଆମ୍ବାଆରି ଏଝାରି ପାରନି ଦିଶ୍‌ସୁ କଡ଼ଅରି,  
 ୧୨ ଇଚିହଁ ବାଂଗାରା, ଝେଣ୍ଡି, ଦାରା ଗାଟି ମଣି  
 ଅଡ଼େ ମୁଲ୍‌ଲାୟାଁ, ସିଲ୍‌କୁ ହିମ୍ବରକା, ହେୟାଁ ଝାଣାଗାଟି  
 ହିମ୍ବରକା, ପାରୁ ହିମ୍ବରକା, ଏଟକା ଏଟକାତି ଅଜିତି  
 ହିମ୍ବରକା, ଚନ୍ଦନ ଇଞ୍ଜା ଏଦାନି ଲେହେଁତି ଗାନ୍ଦା  
 ଗାଟି ମାରକା, ହାତି ପାଲକା, ଦାରା ଗାଟି ଝେସକା,  
 ପିତାଡା, ଲହ, ଅଜିତି ଡସୁପା ଝାଲକାତଲେ  
 କେପିତି ବାରେ ଆସି । ୧୩ ଡାକନି ସାଲି, ଗାନ୍ଦାଗାଟି  
 ଆସି, ଦୁପଣି, ଗାନ୍ଦାଗାଟି ରୁବିନି ନିୟୁଁ, ଗାନ୍ଦାଗାଟି  
 ଦୁପଣି, କାଡ଼ୁନିୟୁଁ, ଗୁଣ୍ଡା, ଗହଁ, କଡ଼ିୟାଁ, ମେଣ୍ଡାୟାଁ,  
 ଗଡାୟାଁ, ରାତାୟାଁ, କଡ଼ାମାନି ହଲିୟାଙ୍ଗା, ଅଡ଼େ  
 ମାଣସିୟାଁତି ଜୀଝୁ । ୧୪ “ନୀ ଜୀଝୁତି ଜୁପକା  
 ଗାଟି ଅଣ୍ଡପୁତି ପାଡ଼େୟିକା ନୀ ତାଣାଟି ମେଣ୍ଡାଙ୍ଗା  
 ହାରୁ, ଅଡ଼େ ବାରେ ଡାକନାୟି, ରାହାଁତି ବାରେ  
 ନୀ ତାଣାଟି ଏଟକା କିଝି ଆହାଁ ନାସା ଆହାମାନେ,  
 ଅଡ଼େ ଏଚେଲାଝା ଏ ବାରେ ମେଡ଼ା ଆୟେଏ !”

୧୫ ଇ ବାରେ ଦିଶ୍‌ସୁତି ବେବାରା କିନାରି ଏ କାଜା  
 ଗାଡା ତଲେ ବାଡ଼ୁକୁ ଗାଟାରି ଆହାମାଚେରି, ଏଝାରି  
 ଏଦାନି କସୁତି ଆଜିତାକି ହେକ ନିଚାନା ଦୁକୁ ତଲେ  
 ଡାହଁ ଏଲେଇନେରି । ୧୬ “ଆୟଡା ! କାଜା  
 ଗାଡାତି ! ନିଙ୍ଗେତାକି ଏଚେକା ଆଜିହପେତି କସୁ  
 ଝାଡ଼େ, ନୀନୁ ଅଜିତି ହିମ୍ବରକା, ହେୟାଁ ଝାଣାଗାଟି  
 ହିମ୍ବରକା, ପାରୁ ହିମ୍ବରକା ହୁଚାମାଟି, ଅଡ଼େ  
 ବାଂଗାରା, ଦାରାଗାଟି ମଣି ଇଞ୍ଜା ମୁଲ୍‌ଲାୟାଁ ତଲେ  
 ମିଶ୍‌ସି ମାଟି ସାଜୁୟାଁ ତୁରହାମାଟି ! ୧୭ ଇଚିହଁ  
 ରଣ୍ଡିଏ ଗଂଟା ବିତ୍ରା ଏ ବାରେ ଦନ ମେଣ୍ଡାଙ୍ଗାହାଚେ  
 ।

ଏୟୁ ଜାଜାୟାଁ ସାଲ୍‌ଝି କିନାରି ଏମ୍ବାଆଁ  
 କୁଗାମାନାରି ତଂଗାୟାଁ ସାଲ୍‌ଝି କିନାରି ଇଞ୍ଜା  
 ସାମ୍‌ଦୁରିତା ଇତାଲା ଆତାଲା ରେଜିହଁ ବେବାରା  
 କିନାରି ହେକ ନିଚାନା, ୧୮ ଏ ଗାଡାତି ହୁଡ଼ିମାନି ହିଚୁ  
 ବୟଁ ମେସାନା କାଜା ଗିୟାଁତଲେ ଏଲେଇନେରି,

ଇ କାଜା ଗାଡା ଲେହେଁ ଆମିନି ଗାଡାମାନେ ।  
 ୧୯ ଏଝାରି ତାନି ତାକା ଲାକ ଦୁଡ଼ି ଡାଞ୍ଜା କଡାନା  
 ଦୁକୁ ତଲେ ଡାହି ଡାହଁ ଏଲେଇଚେରି, ଆୟଡା  
 ଏ କାଜା ଗାଡାତି, ନିଙ୍ଗେ ଏଚେକା ଆଜିହପେତି  
 ତଣ୍ଡ ଆଡ଼େ, ନୀ ବାଡ଼ୁକୁ ତଲେ ସାମ୍‌ଦୁରିତି ଜାଜାଣା  
 ରେଜିହଁ ବାଡ଼କା ମାଚେରି, ନୀଏ ରଣ୍ଡିଏ ଗଂଟା  
 ବିତ୍ରା ଏ ବାରେ ମେଣ୍ଡାଙ୍ଗାହାଚେ !”

୨୦ ଲାକପୁରୁ, ମାହାପୁରୁ ଲକୁ, ପାଣ୍ଡ଼ି  
 ଆହାମାନାଚେରି, ମାହାପୁରୁ ଅଣ୍ଡପୁତି ବଲ୍ଲୁ  
 ଝେହନାଚେରି ! ମୀରୁ ଏଦାନି ନାସା ଆନାଣି  
 ତାକି ରାହାଁ ଆଦୁ, ଏନାଆଁତାକି ଇଚିହଁ ମାହାପୁରୁ  
 ମିଙ୍ଗେ କିହା ମାଞ୍ଜାନାଣି ତାକି ବାଦୁଲି ଅହାମାନେସି  
 ।

୨୧ ଏଚେଟିଏ ତାୟୁ ର କାଜା ଦୁଡୁ, ର ଜେତାଝାଲି  
 ଲେହେଁତି ର ଝାଲି ସାମ୍‌ଦୁରି ଲାକ ମେଡ଼ହାନା  
 ଏଲେଇଚେ, “ଇଲେକଁ କାଜା ଗାଡା ବାବିଲନ  
 ମେଡ଼ପି ଆନେ, ଅଡ଼େ ଏଡ଼ି ଏଚେଲାଝା ତଞ୍ଜା ଆଏ  
 । ୨୨ ସେରଙ୍ଗିୟାଁ ଅଡ଼େ ପାଟିନାରି ହାଡା, ପୀରୁଡ଼ି  
 ଉକିନାରି, ତୀଡ଼ି ଉକିନାରି ହାଡା ଏଚେଲାଝା  
 ଏଦାନି ତାଣା ଝେଙ୍ଗେଏ, ନେହଁ ନେହଁ ସାଜୁ  
 ଇଞ୍ଜା ଏଟକାତି ଆସି କେପିନାରି ନୀ ତାଣା ତଞ୍ଜା  
 ଆଅରି, ଅଡ଼େ ଜେତାଝାଲକା ତଲେ ନୁୟଁ ନାୟି  
 ଏଚେଲାଝା ହାଡା ଝେଙ୍ଗେଏ । ୨୩ ଦୀଝିୟାଁତି  
 ଉଜେଡ଼ି ନୀ ତାଣା ଏଚେଲାଝା ଡାଞ୍ଜେଏ, ବୀହା  
 ଆନି ମାସକା ଅଡ଼େ ବୀହା ଆନି କକାରି ହାଡା ନୀ  
 ତାଣା ଏଚେଲାଝା ଝେଙ୍ଗେଏ, ଏନାଆଁତାକି ଇଚିହଁ  
 ନୀ ତାଣା ବେବାରା କିନାରି ଦାରତିତା କାଜାରି  
 ମାଚେରି, ଅଡ଼େ ନୀ ମାୟାମନ୍ତରତା ବାରେ କୁଡାତି  
 ଲକୁ ମୁଞ୍ଜା ହାଜାମାଚେରି !”

୨୪ ଗାଡାତା ମାହାପୁରୁ ଅଣ୍ଡପୁତି ବଲ୍ଲୁ ଝେହନାରି,  
 ମାହାପୁରୁ ଲକୁ, ଇଞ୍ଜା ଦାରତିତା ପାୟିଝିଆହାମାନି  
 ଲକୁତି ନେଚେରି ଏଦାନି ତାଣା ତଞ୍ଜାଆହାମାଚେ ।

## ୧୯

୧ ଏଚେଟିଏ ଲାକପୁରୁ ର କାଜା ମାନ୍ଦା ଲକୁତି  
 ହାଡାଲେହେଁତି ର କାଜା ହାଡା ଏଲେଇଞ୍ଜିମାତାଣି  
 ଝେଚେଏ, “ହାଲେଲୁୟା ! ଗେଲ୍‌ପିନି, ଗାଝୁରମି  
 ଅଡ଼େ କାଜାପାଣା ମା ମାହାପୁରୁଝାୟି । ୨ ଇଚିହଁ  
 ଏଝାଣି ନୀହାଁୟି ସାତା ଅଡ଼େ ନେହାୟି, ଆମିନି  
 କାଜା ଦାରେଣି ତାନି ଦାରିକାମା ତଲେ ଦାରତିତି  
 ଲକୁଣି ପଲ୍‌ଆ କିହାମାଚେ, ମାହାପୁରୁ ଏଦାନି ତଣ୍ଡ  
 ହୀହାନା ତାନି ହଲିୟାଙ୍ଗାଣି ପାୟିତି ନେଚେରିତି  
 ବାଦୁଲି ଅଡ଼େସି ।” ୩ ଅଡ଼େ ଏଝାରି ରୀ ପାଲି  
 ଏଲେଇଚେରି “ହାଲେଲୁୟା ! ଏ ଗାଡା  
 ଝେହମାନି ବୟଁ କାଲାକାଲାତାକି ହଚେମାନେ  
 ।” ୪ ଏଚେଟିଏ କଡ଼େ ସାରି ଜାଣା ପ୍ରାଟିନାଙ୍ଗା  
 ଅଡ଼େ ସାରିଗଟା ଜଡ଼ୟାଁ ମୁନୁ କୁଡାନା ସିଂଗାସାଣିତା  
 କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ,  
 “ଆମେନ୍ ହାଲେଲୁୟା !”

ମେଣ୍ଡା ତାଲୁତି ବୀହା ବଜି

୫ ଏତିବେଲା ସିଂଗାସାଣିଟି ର ହାଡ଼ା ହଚାନା ଝେଙ୍କାତେ, “ଏ ମାହାପୁରୁତି ହଲିୟାଙ୍ଗାତେରି, ଏଝାଣାଙ୍କ ଆଜିନି କାଜାରି ଇଚାରି ବାରେଜାଣା ତେରି ମୀରୁ ମାହାପୁରୁଙ୍କ ଜହରା କିଦୁ ।” ୬ ଅଡ଼େ ନାନୁ କାଜା ମାୟା ଲକୁ ଲେହେତି ହାଡ଼ା, ଲଦ ଲଦ ରିହିମାନି ଏୟୁ ଲେହେତି ହାଡ଼ା, ଅଡ଼େ ହାଗୁ ଗୁଣ୍ଡିମାନି କାଜା ହାଡ଼ାଲେହେ ଏଲେଇଞ୍ଜି ଝେସିମାନାଣି ଝେଚେଏ, “ହାଲେଲୁୟା ! ଇଚିହି ପ୍ରୁ ମା ବାଡ଼ୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି । ୭ ଝାଦୁ ମାର ରାହା ଆନ, ଇଞ୍ଜା ଏଝାଣି ଗାଝୁରମି ତାକି ଏଝାଣାଙ୍କ ଜହରା କିନ, ଏନାଆଁତାକି ଇଚିହି ମେଣ୍ଡା ତାଲୁତି ବୀହା ଆନି ଦିନା ଏଦାତେୟିଏ, ଇଞ୍ଜା ଏଝାସି ବୀହା ଆନି ମାଙ୍ଗା ତିୟାରା ଆହାମାନେ । ୮ ଏଦାନାକି ମୁହୁନି ଅଡ଼େ ଅପ୍ପି ହିମ୍ପରି ହୁଚାଲି ହୀପକି ଆଡୁ;” ଏ ଦବ୍‌ଲା ହିମ୍ପରି ଇଚିହି ମାହାପୁରୁ ଲକୁତି ଦାମ୍ କାମାୟା ।

୯ ଏତିବେଲା ଦୂତୁ ନାଙ୍ଗେ ଏଲେଇଞ୍ଜାତେ, “ରାଟାମ୍, ଆମିନି ଗାଟାରି ମେଣ୍ଡା ତାଲୁତି ବୀହା ବଜିତା ହାଟୁକି ଆହାମାନେରି, ଏଝାରାକି ନେହେ ।” ଅଡ଼େ ଏଦି ନାଙ୍ଗେ ଏଲେଇଞ୍ଜାତେ, “ଇ ବାରେ ମାହାପୁରୁତି ସାତା ବଲ୍ଲୁ ।” ୧୦ ଏଚେଟିଏ ନାନୁ ଏଦାନି ଜହରା କିହାଲି ତାନି କଡ଼ାୟା ତୁଇ ରାତେଏ, ଏଚେଟିଏ ଏଦି ନାଙ୍ଗେ ଏଲେଇଞ୍ଜାତେ, ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡ଼େ ମୀ ସାକି ଇଞ୍ଜା ମୀ ତାୟାୟା ତଲେ ର ହଲେଏଶା ଲେହେ; ନାନୁ ମାହାପୁରୁଙ୍କ ଜହରା କିମ୍, ଜୀସୁତି ସାକି ଏଦି ସାତା, ମାହାପୁରୁ ବଲ୍ଲୁ ଝେହନାରି ଜୀଝୁ ।

ଦବ୍‌ଲା ଗଡ଼ା ମୁହେଁ କୁଗାମାନସି

୧୧ ଏଚେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍ତେଏ, ଏମ୍ପାଆଁ ର ଦବ୍‌ଲା ଝାଣାଗାଟି ଗଡ଼ା ମାଚେ, ଏମ୍ପାଆଁ ହଚାମାନାଣି ଦରୁ ନାମାତାୟି ଅଡ଼େ ସାତାତାୟି; ଏଝାସି ନେହେଁକି ନୀହାୟି କିନେସି, ଅଡ଼େ ଜୁଜୁ କିନେସି । ୧୨ ଏଝାଣି କାଣ୍‌କା ହିଚୁ ଗୁଦ୍‌ଝା ଲେହେତାଇ, ତାନି ତାୟାୟା ହାରେକା ଚପେରିକା, ଅଡ଼େ ଏଝାଣି ର ଦରୁ ରାସ୍‌କି ଆହାମାନେ, ଏ ଦରୁ ଏଝାଣି ପିସ୍‌ପେ ଆମ୍ପାଆରି ପୁନଅରି । ୧୩ ଏଝାସି ନେତେରିତା ଉଡ଼ହା ମାନି ର ହିମ୍ପରି ହୁଚାମାନେସି, ଇଞ୍ଜା ଏଝାଣି ଦରୁ “ମାହାପୁରୁତି ବଲ୍ଲୁ ।” ୧୪ ଲାକପୁରୁତି ଜୁଜୁ କିନାରି ଅପ୍ପି ଦବ୍‌ଲା ହିମ୍ପରିକା ହୁଚାନା ଦବ୍‌ଲା ଝାଣା ଗଡ଼ାୟା ଲାକ କୁଗାମାନା ତାନି ଜେଚ ହାଚେ । ୧୫ ଏଝାଣି ଗୁତିଟି ଝାସି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକୁଇଁ ଚୁଣ୍‌ନେସି; ଏଝାସି

ଏଝାରାଇଁ ଲହ ବାଡ଼ଗା ତଲେ ସାଲଞ୍ଜି କିନେସି, ଅଡ଼େ ଏଝାସି ତାନୁଏ ବାରେ ବାଡ଼ୁଗାଟି ମାହାପୁରୁ କାଜା କପା ଲେହେତି ଅଙ୍ଗୁରି ପାଡ଼େୟିକା ପାଟିନି ଗାଡ଼ୁୟିତା ମାନି ପାଡ଼େୟିକା ଝିହନେସି । ୧୬ ଏଝାଣି ହିମ୍ପରିତା ଅଡ଼େ ଏଝାଣି କୁଦ୍‌ଗୁତା ଇ ଦରୁ ରାସ୍‌କି ଆହାମାନେ, “ରାଜା କିହାଁ ରାଜା ଅଡ଼େ ପ୍ରୁ କିହାଁ ପ୍ରୁ ।”

୧୭ ଏଚେଟିଏ ନାନୁ ର ଦୂତୁଙ୍କ ଝେଡ଼ା ଲାକ ନିଚାମାନାଣି ମେସ୍ତେଏ; ଏଦି ହାଗୁତି ମାଦି ଉମ୍ପିମାନି ବାରେ ପଟାୟାଣି କାଜା ହାଡ଼ାତଲେ ହାଟାନା ଏଲେଇଚେ, “ଝାଦୁ ମାହାପୁରୁତି କାଜା ବଜିତା କୁଡ଼ା ଆଦୁ ! ୧୮ ଏନିକିଁ ମୀରୁ ରାଜାୟା, ଜୁଜୁ ତାକି କାଜାରି, ବାଡ଼ୁଗା ଗାଟାରି, ଗଡ଼ାୟା ଅଡ଼େ ଗଡ଼ା ଲାକ କୁଗାମାନାରି, କଡ଼ାମାନି ହଲିୟାଙ୍ଗା, ହଲିୟାଙ୍ଗା ଆଆତାରି, କାଜାରି ଅଡ଼େ ଇଚାରି ବାରେତି ଉଙ୍ଗା ତିଞ୍ଜେରି !”

୧୯ ତାୟୁ ନାନୁ ଜନ୍ତୁତି ଅଡ଼େ ଦାରତିତି ରାଜାୟାଣି ଅଡ଼େ ଏଝାରି ଜୁଜୁ କିନାରାଇଁ, ଏଝାରି ଗଡ଼ାୟା ଲାକ କୁଗାମାନାରି ଇଞ୍ଜା ଏଝାରି ଜୁଜୁ କିନାରି କପାଟି ଜୁଜୁ କିହାଲି କୁଡ଼ା ଆହାମାନାଣି ମେସ୍ତେଏ । ୨୦ ଏ ଜୁଜୁତା ଜନ୍ତୁ ଅଡ଼େ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି କ୍ରୀସ୍‌ଇଁ ଆସାନା ଦସ୍‌ପିଆଡେ । ଆମିନି ଲକୁତାଣା ଏ ଜନ୍ତୁତି ସିନା ମାଚେ ଇଞ୍ଜା ଆମ୍ପାଆରି ଏଦାନି ବମାତି ପୂଜା କିହିମାଚେରି, ଜନ୍ତୁ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହାମାଚେ । ଜନ୍ତୁ ଇଞ୍ଜା ନାଡ଼ିକିନି କ୍ରୀସ୍‌ଇଁ ତାଞ୍ଜିମାନି ହିଚୁତା ଜୀଝୁତଲେ ମେଡ଼ପିଆଡେ । ୨୧ ଅଡ଼େ ଏଚେକା ତୟିତି ଲକୁ ଗଡ଼ା ଲାକ କୁଗାମାନାଣି ଗୁତିଟି ହିମ୍ପାନି କାଣ୍ଡାତଲେ ପାୟଞ୍ଜିଆଡେରି; ଏଚେଟିଏ ବାରେ ପଟାୟା ଏଝାରି ଉଙ୍ଗା ତିଞ୍ଜାନା ବାଣ୍ଡି ପାଞ୍ଜିତୁ ।

୨୦

ର ମାଣା ବାର୍ସାତି ରାଜି କିନାୟି

୧ ଏଚେଟିଏ ନାନୁ ର ଦୂତୁଙ୍କ ଲାକପୁରୁତି ରେଟା ଝାହିମାଟାଣି ମେସ୍ତେଏ, ଏଦାନି କେୟୁତା ତାଡ଼େପୁରୁ ଗାଡ଼ୁୟିତି କୁତିକାଡ଼ି ଅଡ଼େ ର କାଜା ହିକ୍‌ଣି ମାଚୁ । ୨ ଏଦି କାଜା ରାଚୁତି, ଏ ପ୍ଲାଞ୍ଜ ନାଗା, ଇଚିହି ଦିୟାବଲ ଅଡ଼େ ସୟତାନତି ଆସାନା ର ମାଣା ବାର୍ସା ପାଡେକା ଦସ୍‌ପା ଇଚିତେ । ୩ ଅଡ଼େ ଏଦାନି ତାଡ଼େପୁରୁ ଗାଡ଼ୁୟିତା ମେଡ଼ହାନା ଗାଡ଼ୁୟିତି ଦୁଝେରି ସୁଣ୍ଡାନା ଏଦାନି ଲାକ ହାକିତି ସୀଲି ଝେଡେ, ଇଞ୍ଜା ଏନିକିଁ ଏଦି ର ମାଣା ବାର୍ସା ରାଆ ପାଡେକା ଦେସାତି ଲକୁଣି ନାଡ଼ି କିହାଲି ଆଡେଏ; ଅଡ଼େ ତାୟୁ ଗାଡ଼େକା ତାକି ପିସ୍‌ପି କିୟାଲି ଆଡେନ ।

☆ ୧୯:୯ ୧୯:୯ ମାଡି ୨୨:୨,୩ ☆ ୧୯:୧୫ ୧୯:୧୫ ଝେ ବଲ୍ଲୁ ୧୪:୨୦

୪ ଏତେଟିଏ ନାନୁ ଏତରଗଟା ସିଂଗାସାଣିୟା ମେସ୍ତେସ୍, ଏ ବାରେ ଲାକ ଏତରଜାଣା କୁଗିତେର, ଏଞ୍ଜାରାକି ନୀହାୟି କିହାଲି ଅଦିକାରା ହାପକିଆତେ, ଅଡ଼େ ଜୀସୁତି କାତା ଇଞ୍ଜା ମାହାପୁରୁତି ବଲ୍ଲୁ ତାକି ଆମ୍ବାଆରି ତାର୍କା ଦାପି ଆହାମାତୁ, ଇଞ୍ଜା ଆମ୍ବାଆରି ଏ ଜନ୍ତୁ ଅଡ଼େ ତାନି ବମାତି ଜହରା କିହା ହିଲାଆତେରି ଅଡ଼େ ତାନି ସିନାତି ମୁଞ୍ଜୁତା କି କେୟୁତା ବେଗାଆହା ହିଲାଆତେରି, ଏଞ୍ଜାରି ଜୀଝୁୟା ମେସ୍ତେସ୍; ଏଞ୍ଜାରି ଝେଣ୍ଡେ ନୀତାନା କ୍ରୀସ୍ତ ତଲେ ର ମାଣା ବାର୍ସା ପାତେକା ସାଲୁଝି କିତେରି । ୫ ଅଡ଼େ ଏତେକା ହାତି ଲକୁ ଏ ର ମାଣା ବାର୍ସା ରାଆ ପାତେକା ନୀତାଆତେରି, ଇଦିଏ ତଲିତି ହାକିଟି ନିଜିନାୟି । ୬ ଆମ୍ବାଆରି ମୁଲୁ ଝେଣ୍ଡେ ନିଜିନି ତାଣା ଆଣ୍ଡିନେରି ଏଞ୍ଜାରି ନେହେ, ଅଡ଼େ ଏଞ୍ଜାରି ସୁଦୁଗାଟାରି; ଅଡ଼େ ଏଞ୍ଜାରି ମୁହେଁ ତାୟୁତି ହାକିତି ଏନି ଅଦିକାରା ହିଲେଏ, ସାମା ଏଞ୍ଜାରି ମାହାପୁରୁ ଅଡ଼େ କ୍ରୀସ୍ତତି ପୂଜେରାଜା ଆହାନା ଏଞ୍ଜାଣିତଲେ ର ମାଣା ବାର୍ସା ପାତେକା ସାଲୁଝି କିନେରି ।

**ସୟତାନତି ହାରୁଝି ଆନାୟି**

୭ ଏ ର ମାଣା ବାର୍ସା ରାଡ଼ିସାରେ ସୟତାନ ଦସ୍ପି ଆହାମାତି ଇଲୁଟି ପିସ୍ପି ଆନେ । ୮ ଏତେଟିଏ ସୟତାନ ଦାରୁତି ସାରିସୁଟୁ ମାନି ଦେସାତାରାକ୍ ଇଚିହ୍ ସାମ୍ବୁରିତି ବାଝଲି ସମାନା ହାରେକା ଗର୍ ଅଡ଼େ ମେଗର୍ ଏଞ୍ଜାରାକ୍ ନାଡ଼ିକିହାନା ଜୁଜୁ ତାକି କୁଡ଼ିକିହାଲି ହଟାହାନେ । ୯ ଏଞ୍ଜାରି ଦାରୁତି ସାରିସୁଟୁ ହାଜାନା ମାହାପୁରୁ ଲକୁ ବାସାଆନି ତାଣା ଅଡ଼େ ମାହାପୁରୁ ଜୀଝୁ ନହାମାନି କାଜା ଗାଡ଼ାତା ମୁଚିତେରି, ଏଚିବେଲା ଲାକପୁରୁଟି ହିଚୁ ରିହାନା ଏଞ୍ଜାରାକ୍ ନାସା କିତେ । ୧୦ ଆମିନି ସୟତାନ ଏଞ୍ଜାରାକ୍ ନାଡ଼ି କିହାମାତେ, ଏଦାନି ହିଚୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଏମ୍ବାଆଁ ଏ ଜନ୍ତୁ ଇଞ୍ଜା ମାହାପୁରୁ ବଲ୍ଲୁ ମିଚି ଝେହ୍ନାସି ଜିକେଏ ମାନେସି; ଅଡ଼େ ଏଞ୍ଜାରି ଏମ୍ବାଆଁ ଲାଆଁ ମାଦେନା କାଲ୍ଲକାଲ୍ଲା ତାକି ତଣ୍ଡ ବେଟାଆନେରି ।

**ରାନ୍ତି କାଲ୍ଲାତି ନୀହାୟି**

୧୧ ଏତେଟିଏ ନାନୁ ର କାଜା ଦବ୍ଲା ସିଂଗାସାଣି ଇଞ୍ଜା ଏମ୍ବାଆଁ ରଅସି କୁଗାମାନାଣି ମେସ୍ତେସ୍; ଏଞ୍ଜାଣି ନକିଟି ଦାରୁତି ଅଡ଼େ ହାଗୁପାକା ହଟାଡୁସ୍, ଏଞ୍ଜାସିକାକି ଅଡ଼େ ଟାୟୁ ମେଡ଼ା ଆଆତେ । ୧୨ ଅଡ଼େ ନାନୁ ଇଚାରି କାଜାରି ବାରେ ହାଡ଼ାରାକ୍ ସିଂଗାସାଣି ନକିତା ନିଚାମାନାଣି ମେସ୍ତେସ୍, ଅଡ଼େ ପତିୟା ବାରେ ଦେପିଆଡ଼ୁ; ତାୟୁ ଜୀଝୁପତି ଇଞ୍ଜା ଅଡ଼େ ର ପତି ଦେପିଆଡ଼େ; ଏ ପତିଣାଁ ରାସ୍କି

ଆହାମାନି ଲେହେଁ ହାଡ଼ାରି ତାମି କିତି କାମା ଲେହେଁ ନୀହାୟି କିଝି ଆଡ଼େରି । ୧୩ ସାମ୍ବୁରି ତାନିତାଣାଟି ହାଡ଼ାରାକ୍ ହେରପିତେ, ଇଞ୍ଜା ହାକି ଅଡ଼େ ତାଡ଼େପୁରୁ ତାନି ତାଣା ହାଡ଼ାରାକ୍ ହେରପିତୁ; ଇଞ୍ଜା ଏଞ୍ଜାରି ବାରେ ତାମି କିତି କାମା ଲେହେଁ ନୀହାୟି କିଝି ଆଡ଼େରି । ୧୪ ଏତେଟିଏ ହାକି ଅଡ଼େ ତାଡ଼େପୁରୁଟି\* ହିଚୁତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଇ ତାୟୁତି ହାକି ଇଚିହ୍ ହିଚୁ ଗାଡ଼ୟୁ । ୧୫ ଆମ୍ବାଆରି ଦରୁ ଜୀଝୁତି ପତିତା ରାସ୍କି ଆହା ହିଲାଆତେ ଏଞ୍ଜାରାକ୍ ଡ଼ାଞ୍ଜିମାନି ହିଚୁ ଗାଡ଼ୟୁତା ମେଡ଼ପିଆଡ଼େ ।

**୨୧**

**ପୁଝନି ହାଗୁପାକା ଅଡ଼େ ପୁଝନି ଦାରୁତି**

୧ ଏମ୍ବାଟିଏ ନାନୁ ର ପୁଝନି ହାଗୁପାକା ଅଡ଼େ ପୁଝନି ଦାରୁତି ମେସ୍ତେସ୍, ଇଚିହ୍ ତଲିତି ହାଗୁପାକା ଅଡ଼େ ତଲିତି ଦାରୁତି ମେଣ୍ଡାଜା ହାଜାମାତେ, ଇଞ୍ଜା ସାମ୍ବୁରି ଅଡ଼େ ହିଲାଆତେ । ୨ ଅଡ଼େ ନାନୁ ସୁଦୁ ଗାଡ଼ା ଇଚିହ୍ ପୁଝନି ଜିରୁସାଲମତା ତାନି ବୀହା ଆନି ତକ୍ରାକ୍ ବେଗାଆୟାଲି ତିୟାରା ଆହାମାନି ଡ଼ାଆ ମାକ୍ଲେହେଁ ଲାକପୁରୁଟି ମାହାପୁରୁ ତାଣାଟି ରେଟାଞ୍ଜାହି ମାଚାଣି ମେସ୍ତେସ୍ । ୩ ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଚାଣି ଝେଚେସ୍, “ମେହ୍ଦୁ ମାଣସିୟା ତାଣା ମାହାପୁରୁଟି ବାସାଗାୟୁ ମାନେ, ଏଞ୍ଜାସି ଏଞ୍ଜାରିତଲେ ବାସା ଆନେସି, ଇଞ୍ଜା ଏଞ୍ଜାରି ଏଞ୍ଜାଣି ଲକୁ ଆନେରି, ୪ ଅଡ଼େ ମାହାପୁରୁ ତାନୁଏ ଏଞ୍ଜାରିତଲେ ଡ଼ୟିନେସି, ଇଞ୍ଜା ଏଞ୍ଜାରି କାନୁତି ବାରେ କାଣ୍ଡୁ ଚୁକ୍ତାତୁହ୍ନେସି; ଏମ୍ବାଆଁ ହାକି ଅଡ଼େ ଝାଏ; ଦୁକୁ, ଡ଼ାକି, ଇଞ୍ଜା ବୀସା ଅଡ଼େ ଡ଼ୟେଏ; ଇଚିହ୍ ପୁଝଆୟି ବାରେ ମେଣ୍ଡାଜା ହାଜାମାନେ ।”

୫ ଏତେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍ନୁ ନାନୁ ବାରେ ପୁଝନି କିହିମାକ୍ !” ଅଡ଼େ ଏଞ୍ଜାସି ଏଲେଇଞ୍ଜାଚେସି, “ରାଡ଼ାମ୍, ଏନାଆଁତାକି ଇଚିହ୍ ଇ ବାରେ କାତା ସାତାତାୟି ଅଡ଼େ ନାମୁଗାଟାୟି ।” ୬ ଏଞ୍ଜାସି ନାକ୍ଲେ ଅଡ଼େ ଏଲେଇଞ୍ଜାଚେସି, “ବାରେ ରାଡ଼େୟିଏ, ନାନୁ ଆଲ୍ପା ଅଡ଼େ ଅମେଗା, ମାଟ୍ନାତେସ୍ ଅଡ଼େ ରାପ୍ନାତେସ୍, ଆମ୍ବାଆସି ଏସ୍କି ଗାଟାସି ଏଞ୍ଜାଣାକି ଜୀଝୁହୀନି ଜାରଣାଟି ତାୟୁୟା ହୀଆନା ଏୟୁ ଗସାଲି ହୀକ୍ । ୭ ଆମ୍ବାଆସି ଜୀଣା ଆନେସି, ଏଞ୍ଜାସି ଇ ବାରେତି ଅଦିକାରା ଆନେସି; ନାନୁ ଏଞ୍ଜାଣି ମାହାପୁରୁ ଆକ୍, ଇଞ୍ଜା ଏଞ୍ଜାସି ନା ମୀରଏସି ଆନେସି । ୮ ସାମା ଆମ୍ବାଆରି ଆଜିନାରି, ନାନୁ

\* ୨୦:୧୪ ୨୦:୧୪ ହାଡ଼ାରି ମାନି ଦେସାତି ☆ ୨୧:୧ ୨୧:୧ ୨ପିତ ୩:୧୩ ☆ ୨୧:୨ ୨୧:୨ ଝେ ବଲ୍ଲୁ ୩:୧୨

ହିଲାଆ ଗାଗାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାରଡ଼ି କିନାରି, ପେଣକା ବମାୟା ପୂଜା କିନାରି, ଏଞ୍ଜାରି ଅଡେ ବାରେ ମିତି କାତା ଝେହନାରି, ହିତୁ ଅଡେ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୟୁତା ଟାୟୁ ବେଗାଆନେରି, ଏଦି ତାୟୁତି ହାକି ।”

**ପୁଃନି ଜିରୁସାଲମ**

୯ ଏରେଟିଏ ସାଡ଼ାଗଟା ଦୁତୁୟା ତାୟୁତି ସାଡ଼ାଗଟା ଡ଼ଣ୍ଡାୟାଙ୍କ ଆସାମାନି ସାଡ଼ାଗଟା ଗିନାୟାଣା ସାଡ଼ାଗଟା ଦୁତୁୟା ବିତ୍ରାଟି ର ଦୁତୁ ନା ତାଣା ଖାହାନା ଏଲେଇଞ୍ଜାତେ, “ଇମ୍ପାଆଁ ଖାମ୍ପୁ, ବାହା ଆହିମାନି ଡ଼ାଆମାଜ୍ଜା ଇତିହିଁ ମେଣ୍ଡା ଡ଼ାଲୁଡି ଡ଼କ୍ତିନି ନିଙ୍ଗ ତସ୍ତାୟା ।” ୧୦ ଏରେଟିଏ ଏ ଦୁତୁ ନାଙ୍ଗେ ସୁଦୁଜାଞ୍ଜୁ ବାଡ଼ୟୁତି ର କାଜାୟି ଅଡେ ପାତାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାତେ, ଏଦି ଲାକପୁରୁତି ଇତିହିଁ ମାହାପୁରୁ ତାଣାଟି ରେଟା ଖାହିମାଟେ, ୧୧ ଅଡେ ଏଦି ମାହାପୁରୁତି ଗାଞ୍ଜୁରମି ତଲେ ମୁସିମାଟେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡେ ଝେଡ଼ାତି ଅପ୍ପନି ଦାପେଣିଲେହେଁ । ୧୨ ଏଦାନି ସାରିସୁଟୁ ର କାଜାୟି ଅଡେ ପାତାଆଡ଼ି କଟା ମାନେ, ଏମ୍ପାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୁତୁୟା ଇଞ୍ଜା ଦୁଝେରିକା ଲାକ ଇସାୟେଲ ମୀରକାତି ବାର କୁଡ଼ାତି ଦରକା ରାସ୍ତକି ଆହାମାନେ । ୧୩ ଝେଡ଼ା ହପୁଞ୍ଜାକି ତାନିଗଟା ଦୁଝେରିକା, ଟିଃନିଞ୍ଜାକି ତାନିଗଟା ଦୁଝେରିକା, ଟେବୁଞ୍ଜାକି ତାନିଗଟା ଦୁଝେରିକା, ଅଡେ ଝେଡ଼ା କୁଡ଼ନି ଞ୍ଜାକି ତାନିଗଟା ଦୁଝେରିକା । ୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଟକି ଆହାମାନୁ, ଏ ଖାଲକା ଲାକ ମେଣ୍ଡା ଡ଼ାଲୁ ତାଣାଟି ବାରଜାଣା ପାଣ୍ଡୁଞ୍ଜି ଆହାମାନାରି ବାରଗଟା ଦରକା ରାସ୍ତକି ଆହାମାନୁ ୧୫ ନା ତଲେ କାତା ଆହିମାଟି ଦୁତୁତି କେୟୁତା ଗାଡ଼ାତି, ଇଞ୍ଜା ଏମ୍ପାତି ଦୁଝେରିକା ଅଡେ ସାରିସୁଟୁଟି କଟା ଲାଡ଼ାଲି ର ବାଂଗାରା ବାଡ଼ଗା ମାଟେ । ୧୬ ଏ ଗାଡ଼ା ସାରି କନ, ତାନି ଲାମ୍ପା ଅଡେ ଅସାରା ରଣ୍ଡିଏ ସମାନା; ଏଞ୍ଜାସି ଏ ଗାଡ଼ାତି ଏ ବାଡ଼ଗା ତଲେ ଲାଡ଼ାଲିଏ ବାର ମାଣା ବାଡ଼ଗା ଆଡେ; ଏମ୍ପାତି ଲାମ୍ପା ଅସାରା ଅଡେ ପାଡ଼ଣି ଜିକେଏ ସମାନା ଆଡେ । ୧୭ ଅଡେ ତାୟୁ ଏଦି ଗାଡ଼ାତି ସାରିସୁଟୁ କଟା ଲାଡ଼ାଲିଏ ଏଦି ମାଣସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡେ, ଦୁତୁ ଏ ଲେକାତଲେ ଲାଡ଼ି ମାଟେ । ୧୮ ଏ ସାରିସୁଟୁଟି କଟା ଝେଡ଼ାତି ଅପ୍ପନି ଦାପେଣି ଲେହେଁତି ମଣି ତଲେ କେପି ଆହାମାନେ, ଅଡେ ଗାଡ଼ା ଅପ୍ପନି ଦାପେଣି ଲେହେଁତି ସୁଦୁ ବାଂଗାରା ତଲେ କେପି ଆହାମାନେ । ୧୯ ଗାଡ଼ାତି ସାରିସୁଟୁ କଟାତି ପୁନାଦି ଏଟକା ଏଟକାତି ହାରେ ଦାରାଗାଟି ମଣି ଖାଲକାତଲେ

ଅଡ଼ିକିଞ୍ଜି ଆହାମାନେ, ତଲିତି ପୁନାଦି ଜାସପର, ରୀ ଲମ୍ପର ପୁନାଦି ନିଲକାଡ଼ମଣି, ତାନି ଲମ୍ପର ପୁନାଦି ବଦୁଜ୍ୟମଣି, ସାରି ଲମ୍ପର ପୁନାଦି ମରକତମଣି, ୨୦ ପାସା ଲମ୍ପର ପୁନାଦି ପଲକମଣି, ସ ଲମ୍ପର ପୁନାଦି ମାଣିକ୍ୟ ମଣି, ସାତା ଲମ୍ପର ପୁନାଦି ପୁସପରାଗମଣି, ଆଟା ଲମ୍ପର ପୁନାଦି ପିରଜମଣି, ନ ଲମ୍ପର ପୁନାଦି ଗମେସଦକ ମଣି, ଦସ ଲମ୍ପର ପୁନାଦି ଇସୁନିୟମଣି, ଏଗାର ଲମ୍ପର ପୁନାଦି ଦାରଣକି ଖାଣାଗାଟି ମଣି, ବାର ଲମ୍ପର ପୁନାଦି ନେହିଁ ଗାନ୍ଦାଗାଟି ମଣି ମାଟେ । ୨୧ ବାର ଗଟା ଦୁଝେରିକାଣା ବାରଗଟା ମୁଲ୍ଲାୟା, ର ଦୁଝେରିତି ର ମୁଲ୍ଲା ତଲେ କେପି ଆହାମାନୁ; ଅଡେ ଗାଡ଼ାତି ଆଂଗେଣିକା ନେହିଁ ଦାପେଣି ଲେହେଁତି ସୁଦୁ ବାଂଗାରା ତଲେ ଆହାମାନୁ ।

୨୨ ନାନୁ ଏ ଗାଡ଼ାତା ଏଦି ଦେଝୁଡ଼ି ଜିକେଏ ମେହଆଡେଏଁ, ଇତିହିଁ ପ୍ରୁ ବାରେ ବାଡ଼ୟୁ ଗାଟି ମାହାପୁରୁ ଅଡେ ମେଣ୍ଡା ଡ଼ାଲୁଏ ଏମ୍ପାତି ଦେଝୁଡ଼ି ସମାନା । ୨୩ ଉଜେଡ଼ି ତାକି ଏମ୍ପାଆଁ ଝେଡ଼ା କି ଲେଞ୍ଜୁତି ଲଡ଼ା ଆଏ, ଇତିହିଁ ମାହାପୁରୁତି ଗାଞ୍ଜୁରମିଏ ଏମ୍ପାଆଁ ଉଜେଡ଼ି କିନେ, ଅଡେ ମେଣ୍ଡା ଡ଼ାଲୁ ଏମ୍ପାତି ଦୀଞ୍ଜି ସମାନା । ୨୪ ଏମ୍ପାତି ଉଜେଡ଼ି ତଲେ ବାରେ ଦାରତିତି ଲକୁ ତାକିନେରି, ଅଡେ ଦାରତିତି ରାଜାୟା ତାନି ହାରେକା ଦନ ଏ ଗାଡ଼ା ବିତ୍ରା ତାନେରି । ୨୫ ଏମ୍ପାତି ଦୁଝେରିକା ମାଦେନା ବେଲା ଦେପି ଆହାଁ ଡ଼ୟିନୁ; ଏଞ୍ଜି ଏରେଲା ଜିକେଏ ସୁଣ୍ଡକି ଆଡ଼, ଇତିହିଁ ଏ ଟାୟୁତା ଲାଆୟା ଇନାୟି ହିଲେଏ । ୨୬ ବାରେ କୁଡ଼ାତି ଲକୁ ତାନି ଗାଞ୍ଜୁରମି ଅଡେ ହାରେକା ଦନ ଏ ଗାଡ଼ାତା ତାନେରି । ୨୭ ଏଦି ପଲ୍ଲଆ ଗାଗାରି କି ଅପାଆଗାଟି କାମାକିନାରି, ମିତି ଜଲିନାରି ଆମ୍ପାଆରି ଏମ୍ପାଆଁ ହଡ଼ାଲି ଆଡ଼ଅରି; ସାମା ଆମ୍ପାଆରି ଦରୁ ମେଣ୍ଡା ଡ଼ାଲୁଡି ଜୀଞ୍ଜୁତି ପତିତା ରାସ୍ତକି ଆହାମାନେ, ଏଞ୍ଜାରି ହଡ଼ାଲି ଆଡ଼ିନେରି ।

**୨୨**

୧ ତାୟୁ ଦୁତୁ ନାଙ୍ଗେ ଜୀଞ୍ଜୁହାନି ଏୟୁତି ର କାତା ତସ୍ତାତେସି, ଏଦି ଅପ୍ପନି ଦାପେଣିଲେହେଁ ଉଜେଡ଼ି, ଅଡେ ମାହାପୁରୁ ଇଞ୍ଜା ମେଣ୍ଡା ଡ଼ାଲୁଡି ସିଂଗାସାଣିଟି ହରାନା ଗାଡ଼ାତି ଜିରୁ ମାଦିଟି ହାଜିମାନେ । ୨ ଏ କାତାତି ରିକଞ୍ଜାକି ବାର ଦେବା ପାଡ଼େୟି ଆୟିନି ଜୀଞ୍ଜୁତି ମାରୁନୁ ମାନେ, ଏମ୍ପାଆଁ ଲେଞ୍ଜୁ ତାକି ଲେଞ୍ଜୁ ପାଡ଼େୟି ଆୟିନେ, ଇଞ୍ଜା ଏ ମାରୁନୁତି ଆକା ବାରେ କୁଡ଼ାତାରାୟି ରଗଟି ନେହିଁ କିନାଇ ।

୩ ଏମ୍ପାଆଁ ଏଦି ବାକା ଡ଼ୟେଏ, ମାହାପୁରୁ ଅଡେ ମେଣ୍ଡା ଡ଼ାଲୁଡି ସିଂଗାସାଣି ଗାଡ଼ା ମାଦିଏ ଡ଼ୟିନେ, ଇଞ୍ଜା ଏଞ୍ଜାଣି ହଲିୟାଜ୍ଜା ଏଞ୍ଜାଣି ସେବା କିନେରି । ୪ ଏଞ୍ଜାରି ତାନି ମୁମ୍ପୁମେହନେରି, ଇଞ୍ଜା ତାନି ଦରୁ ଏଞ୍ଜାରି ମୁଞ୍ଜୁତା ରାଡ଼ିନେସି । ୫ ଏମ୍ପାଆଁ

ଲୀଆଁୟାଁ ଆଏ, ଏଞ୍ଜାରାକି ଦୀଞ୍ଜି କି ଝେଡ଼ାତି  
ଉଜେଡ଼ି ଲଡ଼ା ଆଏ, ଇଚିହିଁ ପ୍ରବୁ ମାହାପୁରୁ  
ଏଞ୍ଜାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା  
ଏଞ୍ଜାରି କାଲାକାଲା ତାକି ରାଜି କିନେରି ।

**ଜୀସୁ ଝେଶ୍ଟା ଖାନାୟି**

୬ ଏତେଟିଏ ଦୂତୁ ନାଜେ ଏଲେଇଚେସି, “ଇ  
ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ  
ଗଟଞ୍ଜି ଆନେ, ଏ ବାରେ ତାନି ସେବା କିନାରାଇଁ  
ତସାଲି ତାକି, ପ୍ରବୁ, ମାହାପୁରୁ ଅଣ୍ଟପୁତି ବଲ୍ଲୁ  
ଝେହନାରି ଜୀଞ୍ଜୁୟାଁତି ମାହାପୁରୁ, ତାନି ଦୂତୁଇଁ  
ପାଣ୍ଡାମାଞ୍ଜାନେସି ।”

୭ “ମେହ୍‌ମୁ ନାନୁ ତବେ ଖାହିମାଇଁ; ଆମ୍ବାଆସି ଇ  
ପତିତି ବଲ୍ଲୁତି ମାନଞ୍ଜି ଆନେସି ଏଞ୍ଜାସି ନେହେଁ ।”

୮ ନାନୁ ଜହନତେଏଁ, ଇ ବାରେ ଝେଟି ଅଡ଼େ  
ମେସି ତାୟୁ ଆମିନି ଦୂତୁ ନାଜେ ଏ ବାରେ  
ତସାତେ, ନାନୁ ଏଦାନି ଜହରା କିହାଲି ତାନି  
ପାଃଆନା କତାଣା ରୀତେଏଁ । ୯ ସାମା ଏଦି ନାଜେ  
ଏଲେଇଞ୍ଜାତେ, “ଜାଗ୍ରାତା ଏଲେକିଆନି, ନାନୁ  
ଜିକେଏ ନୀ ତଲେ ମାହାପୁରୁ ଅଣ୍ଟପୁତି ବଲ୍ଲୁ ଝେହନି  
ନୀ ତାୟିୟାଁ ତଲେ, ଅଡ଼େ ଇ ପତିତା ରାସ୍‌କି  
ଆହାମାନି ବଲ୍ଲୁତି ବାରେ ମାନଞ୍ଜି ଆନାରି ତଲେ ର  
ହଲେଏଣା ଲେହେଁ; ମାହାପୁରୁଇଁ ଜହରା କିମୁ ।”

୧୦ ଅଡ଼େ ଏଦି ନାଜେ ଏଲେଇଞ୍ଜାତେ, “ନାନୁ ଇ  
ପତିତି ତାୟୁ ଗଟଞ୍ଜି ଆନି ବଲ୍ଲୁତି ସୀଲି କିଆନି,  
ଏନାଆଁତାକି ଇଚିହିଁ କାଲ୍‌ମି ଏଦାତେୟିଏ ।

୧୧ ଆମ୍ବାଆସି ଦାମ୍‌ନୁ ହିଲାଆଗାଟାସି, ଏଞ୍ଜାସି ଅଡ଼େ  
ଦାମ୍‌ନୁ ହିଲାଆ କାମା କିପାସି, ଆମ୍ବାଆସି ଲାଗେଏ  
କାମା କିନେସି, ଏଞ୍ଜାସି ଅଡ଼େ ଲାଗେଏ କାମା  
କିପାସି, ଆମ୍ବାଆସି ଦାମ୍‌ନୁଗାଟାସି, ଏଞ୍ଜାସି ଅଡ଼େ  
ଦାମ୍‌ନୁଗାଟାସି ଆପେସି, ଆମ୍ବାଆସି ସୁଦୁଗାଟାସି,  
ଏଞ୍ଜାସି ଅଡ଼େ ସୁଦୁ ଆପେସି ।”

୧୨ “ମେହ୍‌ମୁ, ନାନୁ ତବେ ଖାହିମାଇଁ,  
ବାରେଜାଣା ତାକି ତାନି କାମାତି ଲେକାତଲେ  
ପାଡ଼େୟି ହୀହାଲି ନା ଦାନା ନା ତାଣା ମାନେ  
। ୧୩ \*ନାନୁ ଆଲ୍‌ପା ଅଡ଼େ ଅମେଗାତେଏଁ,

ନକିତାତେଏଁ ଇଞ୍ଜା ତାୟୁତାତେଏଁ, ମୂଲୁତାତେଏଁ  
ଅଡ଼େ ରାପ୍‌ନାତେଏଁ ।”

୧୪ ଜୀଞ୍ଜୁତି ମାର୍‌ନୁତି ଅଦିକାରା ଆୟାଲି ଅଡ଼େ  
ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍ବାଆରି ତାନି  
ହିମ୍‌ବିକା ରାଟାମାନେରି ଏଞ୍ଜାରି ନେହେଁ । ୧୫ ସାମା  
ରେଜିମାନି ନେସକା ଲେହେଁତାରି, ଗୁଣି ଗାଡ଼ି  
କିନାରି, ଦାରିକାମା କିନାରି, ଲକୁଣି ପାୟିନାରି,  
ପେଣ୍‌କା ବମାୟାଣି ପୂଜା କିନାରି, ମିଟିକାତାତି  
ଜୀଞ୍ଜୁ ନନାରି, ମିଟି କାମାତି କିହାଲି ରାହାଁ ଆନାରି  
ବାରେ ପାଙ୍ଗାତା ଡ଼ୟିନେରି ।

୧୬ “ନାନୁ ଜୀସୁତେଏଁ, ମାହାପୁରୁ କୁଲମିକା ତାକି  
ମିଜେ ଇ କାତା ଝେସାଲି ନା ଦୂତୁଇଁ ପାଣ୍ଡାମାଞ୍ଜାଇଁ,  
ନାନୁଏ ଦାଞ୍ଜୁଦତି ମୂଲୁ ଅଡ଼େ କୁଡ଼ାତାତେଏଁ; ଏ  
ଉଜେଡ଼ିତି ଝେୟାଜାରା ହୁକାତେଏଁ ।”

୧୭ ସୁଦୁଜୀଞ୍ଜୁ ଅଡ଼େ ବୀହା ଆନି ତାଆ ମାଙ୍ଗା  
ଏଲେଇନେ, “ଞ୍ଜାମୁ !”

ଆମ୍ବାଆସି ଝେନେସି ଏଞ୍ଜାସି ଏଲେଇଶ୍‌ମାସି,  
“ଞ୍ଜାମୁ !”

ଏସ୍‌କି ଗାଟାସି, ଖାପାସି, ଆମ୍ବାଆସି ମନ  
କିନେସି; ଏଞ୍ଜାସି ଜୀଞ୍ଜୁହୀନି ଏୟୁ ଉଜେଏ ଗସ୍‌ପେସି  
।

**ରାନି କାତା**

୧୮ ଆମ୍ବାଆରି ଇ ପତିତା ମାନି ତାୟୁ ଗଟଞ୍ଜି  
ଆନି କାତାତି ଝେନେରି, ନାନୁ ଏଞ୍ଜାରାଇଁ ଜାଗ୍ରାତା  
କିହିଁ ଝେସିମାଇଁ, ଆମ୍ବାଆସି ଇ ପତିତା ଏନାଆଁ  
ଆଟ୍‌ନେସି, ଆତିହିଁ ମାହାପୁରୁ ଇ ପତିତା ରାସ୍‌କି  
ଆହାମାନି ତଣ୍‌ୟାଁ ଏଞ୍ଜାଣାକି ହୀନେସି; ୧୯ ଅଡ଼େ  
ଆମ୍ବାଆସି ଇ ପତିତି ବଲ୍ଲୁତି ମେକ୍‌ନେସି, ଆତିହିଁ  
ମାହାପୁରୁ ଇ ପତିତା ରାସ୍‌କି ଆହାମାନି ଜୀଞ୍ଜୁତି  
ମାର୍‌ନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମେକ୍‌ନେସି  
।

୨୦ ଆମ୍ବାଆସି ଇ ବାରେତାକି ସାକି ହୀହିମାନେସି,  
ଏଞ୍ଜାସି ଏଲେଇଞ୍ଜି ମାନେସି, ସାତା, “ନାନୁ ତବେ  
ଖାହିମାଇଁ ।” ଆମେନ୍ । ପ୍ରବୁ ଜୀସୁ ଞ୍ଜାମୁ !

୨୧ ପ୍ରବୁ ଜୀସୁତି କାର୍‌ମାମେହ୍‌ନାୟି ବାରେତାୟି  
ମାଜେ ଆୟାପେ । ଆମେନ୍ ।